



●大般涅槃經玄義卷上

●隋天台沙門灌頂撰

夫正道幽寂無始無終。妙理虛玄非新非故。無始而言其始者。謂之無明生死。無終而語其終者。即是種智涅槃。無明生死本自有之名之爲故。種智涅槃修因方克目之爲新。此經乃於非始之始。分別佛性三因之殊。還就無終之終。辨於涅槃三德極果之別。若佛性之因非因。涅槃之果非果。是則因如不異果。如果如不異因。如若因如不異果。非止涅槃之如非新。佛性之如亦復非新。若果如不異因。非止佛性之如非故。涅槃之如亦復非故。是則佛性涅槃因果之如。皆是非新非故。非新非故之理即是法身。非新而新之果即是摩訶般若。既有非新而新種智之圓極。則非故之故無明生死患累究斯亡目之解脫。此則三德之義宛然。不縱不橫妙等伊字。但衆生利鈍不同。是以大聖赴緣之教亦有頓漸之別。頓則譬於忍辱之草牛食即得醍醐。漸則五味階級次第圓滿。或有不定根緣爲赴此。機所說教門非頓非漸。喻之置毒於乳也。皆是能仁妙窮權實巧赴根緣。化他利物無乖爽。今此大經爲欲開通往昔教門。顯發如來方便密義故。於娑羅雙樹大師子吼。師子吼者名決定說。決定說者說一切衆生悉有佛性如來畢竟不入涅槃。不入涅槃

即是入於無上大乘大般涅槃。此經若具依梵本。應云摩訶般涅槃經那修多羅。摩訶言大般涅槃那此翻滅度。釋此三字具依兩義一別二通。第一別釋者大即法身。故此經云。所言大者其性廣博猶若虛空。其性即法性法性即法身也。滅者即是解脫。解脫二種。煩惱生死永滅。免斯因果患累即解脫義也。所言度者即是摩訶般若。故大論云。信爲能入智爲能度。當知別以三字標今經之目。即是三德之異名也。第二通釋。大者謂大法身大般若大解脫也。滅者即是三德皆寂滅也。度者即是三德皆究竟圓滿也。故通以三字標名表三德。皆大寂滅究竟也。別通之義雖殊。然並是用非果之果無上祕密之極果。以標一教之首也。修多羅即是聖教之總名。有翻無翻事在別釋。若具依梵本。應言摩訶般涅槃那今翻爲大滅度。大若虛空不因小相。又其性廣博多所容受。又名不可思議諸佛之法界。是爲三義釋大也。滅者滅二十五有及虛偽物。又得二十五三昧種種示現。又生滅滅已。寂滅爲樂。是爲三義釋滅也。度者度於不度。又度於度。又度此彼之彼岸。亦度非彼岸之彼岸。譬如神龜水陸俱度。是爲三義釋度也。總攬三法三目三點名大般涅槃。金剛寶藏滿足無缺。不縱不橫不並不別微妙秘密以當其體。常住不變恒安清涼不老不死以當其宗。置毒佛性遍五味中味味殺人。震大毒鼓雖無心欲聞聞之皆死。八大自在我以當其用。常住二字無上醍醐與諸典別決定之吼

以當其教。名含體攝常宗奉用極教之相也。玄義開爲五重

一釋名 二釋體 三釋宗 四釋用 五釋教

釋名又五。謂翻通無假絕。翻者四說。謂無有亦有亦無非有非無。初言無者。天竺五處不同。東南中三方奢切小殊。西北兩處大異。如言摩訶。摩訶泥曰泥洹。此則三方。如言洹。隸聲那。般涅槃那。此則二方。類如此間楚夏耳。有人以泥曰目雙卷。泥洹目六卷。涅槃目大本。是義皆不然。雙卷明八十無常。六卷明金剛不毀。豈可以方言簡義。毘婆沙云涅槃那今經無那字。蓋譯人存略耳。肇論以摩訶涅槃爲彼土正音。古今承用。其各說者凡有五家。一廣州大亮云。一名含衆名。譯家所以不翻。正在此也。名下之義。可作異釋。如言大者。莫先爲義。一切諸法莫先於此。又大常也。又大是神通之極號。常樂之都名。故不可翻也。二云名字是色聲之法。不可一名累書衆名。一義疊說衆義。所以不可翻也。三云。名是義上之名。義是名下之義。名既是一。義豈可多。但一名而多訓。例如此間息字。或訓子息。或訓長息。或訓止住之息。或訓暫時消息。或訓報示消息。若據一失諸。故不可翻。四云。一名多義如先陀婆一名四寶。關涉處多不可翻也。五云。祇先陀婆一語隨時各用。智臣善解契會王心。涅槃亦爾。初出言涅槃。涅槃即生也。將逝言涅槃。涅槃即滅也。但此無密語翻彼密義。故言無翻也。二云有翻者。梁武云。



佛具四等隨其類音通告衆生。若不可翻此土便應隔化。四等亦是不遍。引釋論般若重智慧輕薄。既得以輕代重。何得不以真丹單別翻天竺兼含。既可得翻且舉十家。一竺道生。時人呼爲涅槃聖。翻爲滅。引文云。聞佛唱滅悲哀請住。魔王所以勸令速滅云云。二莊嚴大斌。翻爲寂滅。引文云。生滅滅已寂滅爲樂。前家止滅於生。後家滅生復滅於滅。故言寂滅云云。三白馬愛。翻爲祕藏。引文云。皆悉安住祕密藏中云云。四長干影。翻爲安樂。引文云。如人病差名爲安樂。安樂名涅槃。五定林柔。翻爲無果解脫。既無創疣即無累也。六太昌宗。翻爲解脫。引四相品云。涅槃名解脫。迦葉品云。慈悲即真解脫。解脫即大涅槃。七梁武。翻爲不生。引文云。斷煩惱者。不名涅槃。不生煩惱乃名涅槃。八肇論云。無爲亦云滅度。九會稽基。偏用無爲一義爲翻也。十開善光宅。同用滅度。引文云。大覺世尊將欲涅槃。引六卷云。大牟尼尊今當滅度。彼此兩存正是翻也。例大本稱娑羅雙樹。六卷云堅固林。又引法華長行云。中夜當入涅槃。後偈云。佛此夜滅度。又引華嚴云。古來今佛無般涅槃。除化衆生方便滅度。又引遺教。佛臨涅槃略說教誡。又云。時將欲過我欲滅度。是爲十家明有翻也。三明亦可翻亦不可翻者。教師云。秦言譯者定之以方冊。梵音不可變者即而書之。匠者之公謹受者之重慎。今經翻摩訶爲大。般涅槃三字存梵音。是則一字可翻三字不可翻。梵漢雙題正應在此。四云

大名不可思議。故非可翻非不可翻。今明。漢人多不曉梵即有衆說。莫知孰是。世既咸用開善未能異之。今雖同其翻不用其義。同翻者摩訶此翻爲大。般涅槃此翻爲滅。弊邪此翻爲度。是爲大滅度也。有翻無翻四家竟。次出開善四解。一云。滅據法度據人。生死之法滅已還無。生死之人轉而作佛。二云。滅名目無。滅有還無。故度名目有。從此至彼故。實法道邊人法俱滅。相續道中人法俱度。三云。滅是有餘度是無餘。有餘涅槃既未究竟止可是滅。無餘永免方得是度。四云。滅是自有今無之義。而加之以度者是永免之名。欲明凡夫之死亦得是滅而非永免不得稱度。觀師難初解云。若生死之法滅無。生死之人附何而度。若生死假人轉得成佛。生死之法何不轉爲涅槃。今研初解是何等義。若依聲聞法者。三果生死未併滅假人不永度。若第四果凡法因雖滅凡法果未滅。假人猶未度。若灰身滅智假法俱寂。寂則不論度。又不得作佛。若菩薩法者。凡法都不滅假人又不度。是誰法滅何等人度。如此往推非三藏義也。若依聲聞菩薩共法者。三乘之人同以無言說道斷煩惱入第一義。即體生死法是涅槃法不論滅與不滅。即生死人是涅槃人。不論度與不度。既無法可滅何用以滅目之。既無人可度用度目誰。如此推之則非通教義也。若獨善薩法非但滅生死之僞法。亦滅涅槃之真法。非但度生死之凡人。亦度出世之聖人。彼師言不涉真法語不論聖人。以此往推非別教

義也。若就佛法者。滅之與度。不經不橫無二無別。彼師分滅異度離法論人。如此往推非圓教義也。既非小。非共。非菩薩。非佛。並非先聖之法言。則不敢道也云云。今研第二解。若以滅目無以度目有者。若受此有無。猶是苦諦。執此有無猶是集諦。修此有無猶是道諦。盡此有無猶是滅諦。滅諦之真尚不可以有無名之。云何以有無名大涅槃。如此往推非三藏真義。若以滅目無以度目有。若雙目生死生死本自不然。今則無滅。生死既無滅以滅目誰。生死本自不然那得是有。非有則無度法亦無度者。度復目誰。既不可以滅度目於生死。云何以滅度目於涅槃。疆以梵書累彼虛空。以此推之非是聲聞菩薩共法。若以滅目無以度目有者。此以名召法以法應名。名物尚存爲見所縛。云何以見義釋大涅槃。若以滅目無門以度目有門者。爲目小門。爲目大門。小門能通攝所通僞。貪住化城久已被棄。云何以拙能通釋大涅槃。若以滅目無以度目有。明真俗二諦者。此是偏邪二邊。云何以二邊釋中道大涅槃。如此往推則非菩薩法也。若以滅目無以度目有。有不關無不關有。滅非是度。度異於滅。縱橫狼藉。劫掠群牛不解。鑽搖。衆猶難得。況酥醍醐。如此往。推則非佛法。既非小乘。非共乘。非菩薩乘。非佛乘。是何等義邪云云。今研第三解。若有餘涅槃既未究竟止可是滅。無餘永免方得稱度者。亦應滅度。四住非是究竟滅度。塵沙方得稱度。又滅度塵沙亦非究竟。滅度無

明。方得稱度。又滅度無明亦非究竟滅度。究竟滅度方得稱度。以後望前非究竟。第二第三亦非究竟。何得以初番滅度釋大涅槃。云今研第四解。凡夫已有還無得是滅。亦應凡夫從此至彼便應是度。若凡夫非度凡夫亦復非滅。若聖人已還無亦得是滅。聖人從此至彼復應是度。若凡聖俱度俱滅若爲論異。若同凡聖則近陝非高廣。若異凡聖亦非高廣。非高故則非無上。非廣故則有邊涯。云何以此釋大涅槃。若具研四解。應作四四十六番。今但十番而已。餘皆可明。明哲自解。何俟多言。時人以開善爲長故遺研之。餘人置而不言耳。翻名已如前說。釋其大義者。大有三義。一理大。二智大。三用大。釋論謂大多勝。大取包廣。多取含攝。勝取秀出。今言法身法界遍一切處。是廣大義。報身智境照發相應不可窮盡。是含攝義。應身自在無能邊絕。是勝出義。於一大字三法具足不縱不橫。不可思議。名祕密藏。祕密藏者即大涅槃。釋般涅槃爲滅。滅有三義。謂性滅則滅方便滅性滅者理性至寂非生非起。生起不能喧動故名性滅。圓滅者。照無不遍發無不足。明窮境極故名圓滅。方便滅者。權巧妙能。逗必會取必克故名方便滅。如是三滅即三解脫。無縛無脫。是性淨解脫。因果畢竟。是圓淨解脫。巧順。機宜無染無累。是方便淨解脫。於一滅字三脫具足不縱不橫不可思議。故名三點。三點者即大涅槃。釋般那爲度。度有三義。謂實相究竟度。智究竟度。事究竟度。實相度者

諸佛之師也。非此非彼亦非中流。非能非所無始無終故名實相度。佛師度故諸佛亦度。論云。智度大道佛弄來。智度大海佛窮底。即其義也。智度者如如智稱如如境。函大蓋大照發相應故名智度。論云。智度相義佛無礙。即其義也。事度者自度度他。彼我利益無不究竟。慈悲誓願一切周悉故名事度。如此三度即三般若。實相般若若是一切種智與諸佛同體。觀照般若若一切智與諸佛同意。文字般若若即道種智與諸佛同事。於一度字三智具足不縱不橫不可思議。故名面上三目。三目者即大涅槃。今作三番九義。淺深別異各不同者。雖復多含攝勝未是今經正意。文云。法身亦非。那可單作三身釋大。文云。解脫亦非。那可單作三脫釋滅。文云。般若亦非。那可單作三智釋度。故知單釋非今經意。意者文云。三法具足名大般涅槃。三法即三智三智即三點。三法即九法九法即三法。三法即九法是不縱。九法即三法是不橫。不並不別亦復如是。不三而三不一而一所以名祕密藏攝一切法悉入其中。是諸佛體。是諸佛師都名總號乃爲具足稱大涅槃。意在此耳。一智三智三智一智。所以名一面三目。涅槃亦耳。一脫三脫三脫一脫。所以名爲伊字三點。涅槃亦爾體意及事。不得相離不得相混。不可言言不可思思故名大涅槃。二釋通名者。涅槃之名遍布諸處。安樂一意亘十法界皆稱安樂。梵行品云。寒地獄中若遇熱風以之爲樂。熱地獄中若遇寒風以之爲樂。如是安

樂亦名涅槃。彌猴得酒則能起舞騰枝躍樹。秋水卒至河伯欣然魚鼈噉飲沫戲沼。如是安樂亦名涅槃。餓鬼飢渴得水食飽滿則得安樂。如是安樂亦名涅槃。修羅怖畏得歸依處則得安樂。如是安樂亦名涅槃。如貧得藏如病得差。則得安樂。如是安樂亦名涅槃。檀提婆羅門。飽食撫腹。我今此身即是涅槃。此計欲界果報法爲涅槃。阿羅羅仙得無想定。此計色界法爲涅槃。壽頭藍弗得非想定。此計無色界法爲涅槃。文云。斷欲界結則得安樂。乃至斷無色界結則得安樂。如是安樂亦名涅槃。此多用善因爲涅槃也。若三十三天常樂我淨用善果爲涅槃也。若修二乘者。多貪欲人得不淨觀則得安樂。如是安樂亦名涅槃。乃至數息慈心念佛因緣亦如是。此計二乘方便法爲涅槃也。若斷三界煩惱。八萬六萬。四萬二萬。一萬住處。則得安樂。如是安樂亦名涅槃。此計二乘果法爲涅槃也。釋論云。菩薩從初發心。常觀涅槃行道。初心菩薩亦名涅槃。此文云。十住菩薩雖見不了了亦名涅槃。諸佛法王聖主住處。乃得名爲大般涅槃也。涅槃之名隨情逐事浩蕩若此。蓋是通名也。達摩鬱多羅翻此法勝。解云。煩惱滅名有餘涅槃。引經云。滅諸煩惱名爲涅槃。離於生死名無餘涅槃。引經云。離諸有者。乃名涅槃。此就所滅。釋二種涅槃也。二乘所得二涅槃。若於如來皆是有餘。唯佛乃是無餘。引勝鬘云。二乘是有餘如來是無餘。昔滅是盡今滅非盡。經云。不應生滅盡想。涅槃非滅。

非滅故常也。若依舊多之解。乃是通涅槃。今昔相對一塗之說。若擘肌分理。義則不然。何者。二乘有餘無餘。所滅則異。真諦則同。若於如來皆是。有餘。唯佛是無餘者。若爾。二乘既有餘涅槃。子縛斷破無明。入菩薩位見佛性。生死身謝。即應同佛。入無餘涅槃。何事被訶言非。不斷煩惱。不到彼岸。破除草庵。若此等皆無分者。云何對佛是有餘涅槃。又若二乘有餘無餘對佛而得。是有餘涅槃者。自地獄已上。至菩薩已還。例應如此。若諸涅槃皆不可得然。二乘安是。故知舊多羅之說不可依也。問。安樂之名。通十法界。佛性四德名復云何。答。經云。一切諸法中。悉有安樂性。一切衆生悉有佛性。豈非佛性通耶。文云。二十五有。有我不耶。答。言有我。寢言刀刀。又楊樹黃葉等。豈非四德通耶。然名乃該通。義不得混。應作三番四句料揀。初四句。謂通別亦通亦別。非通非別。通者如向說。別者各有所以。六道以安身適性爲安樂。猶起煩惱惡因。招生死苦果。安樂義不成。要斷煩惱使苦樂不復隨身。憂喜不復隨心。得有餘無餘灰身滅智。隔別生死入于涅槃者。則與六道別也。菩薩從初心爲一切衆生觀涅槃行道。望二乘是別望佛猶通。即是亦通亦別也。諸佛究竟大般涅槃。非六道之通。非二乘之別。即非通非別之安樂也。又安樂之名。或是病非藥。或是藥非病。或亦藥亦病。或非病非藥。是病者長者沒已。劫掠群牛穀乳自食。藥酪醍醐一切皆失。如來去後。鈔竊正法常樂之名。如蟲食

木偶得成字不識是非。廣起顛倒沈淪生死。隨其流處有種種名。或辛或酸。故知三界四倒但是病而非藥。爲治此病說四非常倒瀉斯病。病去盡盡名入涅槃。文云。三種病中無三種藥。三種藥中無三種病。此小涅槃但藥而非病。雖復病去而藥不亡。還執此藥而復成病。文云。其後不久王復得病。當知四非常亦藥亦病也。治此病故還用常樂我淨而倒瀉之。故斥無常病說於新伊。是勝三修不同凡夫之倒病。不同二乘之偏藥。故名非藥非病。又新伊但是藥而非病。正法正性非藥非病之安樂也。又小而非大而非小。亦小亦大非小非大。小者二乘也。雖斷煩惱猶有習氣。我身我衣我去我來。謂佛與己等。唯有常淨無有我樂。三寶差別則是習氣。所以爲小也。云何名大。諸佛如來豎出九界橫收一切。無邊底故常。大丈夫故常。能化度一切故常。不可思議故常。具八自在故我。斷苦樂故樂。大寂故樂。一切知故樂。身常故樂。有大淨故。樂淨身淨心淨。是故名爲大涅槃。菩薩望下爲亦大。望上爲亦小。凡夫六道不斷通惑故非小。無四德故非大。例前應就理爲非小非大。互顯令易解耳。前一番從地獄已上料揀。次一番從外道已上料揀。次一番從二乘已上料揀。問如此料揀。六道二乘既非安樂。何故強說爲涅槃耶。答。通有四悉檀因緣。故則作通說。云何更別問耶。所以作通說者爲悅衆生故。引導生善故。破壞諸惡故。顯昔第一義故。通說無咎。又佛常依三諦說法。依俗

故說六道安樂。依真故說二乘安樂。依中故說佛菩薩安樂。又不離俗而有真中。尙得即俗即真即中。何意不得六道說通安樂是涅槃耶。龍樹云。因緣所生法。即空即假即中。是其義也。三釋無名者。先出舊解。一云。真如實際等是真諦名。佛果涅槃常樂我淨等是俗諦名。而言涅槃無名者。無生死患累之名而有美妙之名也。引互無爲證。涅槃無生死之名。生死無涅槃之名耳。二云。真諦涅槃俱無名無相。名相所不及。言語道斷。心行處滅。引肇論江河就注而不流。日月歷天而不周。豈有名於其間哉。三云。真諦無名。佛果涅槃雖復冥冥。猶是續待二假。故涅槃不得無名也。初家。真俗俱有名。第二家。真俗俱無名。第三家。真無名俗有名。應更有第四家。執真有名俗無名未見執者。若定執此隨四例見。若以四爲方便。正是三藏四門。何者。若引互無。有美妙之名者。斷莫是三藏有門。能通是有所通是非有。何得用小乘能通釋大涅槃所通。指荒塗爲寶所。認魚目是明珠。大無所以。若言真諦涅槃皆無名者。祇是三藏空門。若言真諦無名。佛果涅槃猶是續待二假者。祇是三藏亦有亦無門。復應有計非有非無門者。未見其人也。然三藏涅槃。既非數法。尙不是一何得有四。四者能通之門耳。不可以能通爲所通。縱令跨節是通教四門者。亦不可以通教能通爲通教所通。何得以共能通。釋別所通。又跨節爲別教能通者。亦不得以別能通爲別所通。那得以別能通釋圓所通。將此

望之節節無意竊然大遠。故不用此無名釋大涅槃云云。問古來傳譯什師命世。升堂入室一肇而已。肇作涅槃無名論其詞虛豁洋洋滿耳。世人既味卷不釋手意復云何。答高僧盛德日月在懷。既不親承其門難見。鑽仰遺文管窺而已。觀其旨趣不出四句。其論云。有餘無餘涅槃者。良是出處之異號。應物之假名。若無聖人知無者誰。若無聖人誰與道遊。即其有句也。寂寥虛豁不可以形名得。微妙無相不可以有心知。豈有名於其間哉。即其無句也。果有其所以不有。故不可得而有。有其所以不無。故不可得而無耳。恍忽窈冥其中有精。本之有境則五陰永滅。推之無鄉則幽靈不竭。即其亦有亦無句也。然則有無絕於內。稱謂淪於外。視聽之所不暨。四空之所昏昧。而欲以有無題榜標其方域者。不亦邈哉。即其非有非無句也。然其作論談大意不在小。不可謂是三藏四句也。文云。超度有流言不涉界外之流。大患永滅不滅涅槃之患。故不可謂是別圓四句也。辨差中云。三車出於火宅。俱出生死。無爲一也。此以三三於無。非無有三。如來結習都盡。聲聞結盡習不盡盡者去尺無尺。去寸無寸。修短在於尺寸。不在無也。智度有淺深德行有厚薄。雖俱至彼岸而升降不同。彼岸豈異。異自我耳。以此推之歸宗指極。在於三人同以無言說道斷煩惱入涅槃。文義屏然何可隱諱。故知是通教四句也。夫通教詮理非有非數。而以有無四句爲通道之門。若執門求所通。其失一也。

又通教體法之觀非如來本懷隨自意語。乃是俯提枝末隨他意語。故嬰兒行云。不知苦樂晝夜親疏等相。不能造作大小諸事名曰嬰兒。不知苦樂是浪憂喜。不知晝夜是齊明暗。不知親疏是等情愛。不作大小是亡巨細。三人同學體觀。喻之以嬰兒。俱證無爲喻之以入水。論其智德喻之以三獸。論其斷德喻之以灰斷。宗在他經要非此典。那忽將彼釋。此其失二也。又法華教起已破化城。一切諸菩薩疑網悉已除。千二百羅漢悉亦當作佛。佛開通教。方便之門示其實相。云何迫欣三獸更建草庵。其失三也。又譬喻之徒不在法華席者。於哀歎品中更爲分別。汝先所修悉是顛倒。我先所說亦非實語。斥故顯新指劣明勝。云何遠經波動水浪提提瓦礫持作月形。其失四也。然綱維既闕綱目安寄。執佛法之遺棄謂是真實。徒施於十演終非三德明矣。今言涅槃無名。涅槃者指三德涅槃也。無名者無六道安樂之名也。又無三藏有門見有得道。獲有餘無餘涅槃之名。亦無見空得道。亦無亦空亦有得道。亦無非空非有得道。獲有餘無餘涅槃之名也。又無三乘共行十地有門得道。獲有餘無餘涅槃之名也。亦無空門。亦空亦有門。非空非有門得道。獲有餘無餘涅槃之名也。又無別教有門得道。獲有餘無餘涅槃之名也。亦無空門。亦空亦有門。非空非有門得道。獲有餘無餘涅槃之名也。無如是等諸方便之名從所離故。故言無名。從所得故。故言涅槃。此即圓教有門之意也。又非離諸名

外。別一涅槃。即諸名無名。便是涅槃。故言涅槃無名。此圓教空門意也。又從所離故。故言無名。從能離故。故言涅槃。能所合稱。故言涅槃無名。此圓教亦空亦有門意也。若有能所則大有名。何謂無名。今無能所稱爲涅槃無名。此是圓教非有非無門意也。門雖有四。涅槃非四也。云云。無名之意。超度爾許諸涅槃名。然後乃顯圓當四門大般涅槃。諸師都未肯分別一兩節目。即道無名。無何等名。名曰無名。疑誤後生今所不用也。故梵行品云。無緣慈者。不緣衆生亦不緣法緣。於如來故名無緣。今亦例此無六道之名無四聖之名。而有祕藏涅槃之名故言。涅槃無名也。四釋假名者。德王初云。涅槃非名非相。云何而言可得見聞。不可見故無相。不可聞故無名。佛以佛眼佛耳尚不見聞。況復下地及與凡夫而能見聞。大悲方便動樹訓風舉扇喻月。能令機緣而得見聞。其見聞者實無見聞而言見聞。迦葉品云。涅槃一名有無量名。亦名無生無出。乃至亦名甘露亦名吉祥。凡列二十五種示其無量。悉爲衆生而假施設。文云。如抵羅婆夷名爲食油。實不食油無有因緣。強爲立名名爲食油。如經廣說。涅槃亦爾。無有因緣強爲立名名爲涅槃。智度云。名假施設。受假施設。法假施設。實非色心而言色心。是法假施設。於色心上更設五陰十二入十八界等是受假施設。於陰入界上。更立張王李趙等是名假施設。亦如攬色香味觸是法假施設。於四微上。更作根莖枝葉等是受假施設。

根莖之上更立楓栴栴柏等名是名假施設。是大涅槃亦復如是。強指此實法名為佛師。是佛祕藏是法假施設。於佛師上更復分別法身般若解脫三點是受假施設。於三點上更立名字大般涅槃是名假施設。或復呼為洲渚窟宅。或復呼為乳。摩妙味。或復呼為醍醐上藥。或復呼為一闍提。或復呼為一破戒明鏡。譬說虛空不可得無障礙如是豈非名假施設。當知從地獄已上。至佛已還皆言安樂者悉假名也。大論云。衆生無上者佛是。法無上者涅槃是。所以說此假名者。欲令衆生知名非名。名不在內亦不在外。亦不在中間亦不常有。大品云。菩薩菩薩但有字。佛佛但有字。是字不住。亦不住。是字無所有故。涅槃亦爾。涅槃不在法身。文云。法身亦非。又涅槃不在般若。文云。般若亦非。又涅槃不在解脫。文云。解脫亦非。三德中各求皆不可得。三法合求亦不可得。故智度云。若人見般若若則為被縛。若不見般若。是亦為被縛。若人見般若。是為得解脫。若不見般若。是亦得解脫。法身解脫亦如是。譬如幻化物不可見而見。見而不可見。是事為希有。此經名為微妙不可思議。但假名字名此三身為祕密藏涅槃。但假名字名此三般若為摩醯三目涅槃。但假名字名三解脫名三點涅槃。但假名字具足三法名大涅槃。但假名字引導衆生。譬如空拳。為喜小兒。為引小兒。為止啼兒。為教點兒。其事辦已。散指舒拳拳無拳矣。涅槃亦爾。以新伊悅之。以新伊引進之。以

新伊破之。以新伊悟之。是為假名四種利益。得利益已。寧復執名而起諍乎。假立有名既爾。假立無名。假立亦有亦無名。假立非有非無名亦如是云云。應說將跨來因緣云云。又如治噎法云云。五釋絕名者。有人以無釋絕。亡有而存無。無則不絕。非今所用。有人以難釋絕。言涅槃之中無有諸有。此尚非小乘義。亦所不用。有人以滅釋絕。言滅諸煩惱。悉無所有猶如火滅。存於涅槃者。經稱是邪解邪難。此豈可用耶。有人引經云。如大香象頓絕繩鎖自恣而去。將此釋絕者。此乃三修比丘。偏歎菩薩所絕一邊。義未具足。同上無名之意。非今絕名也。若言語相逐對無說有。乃至對有無說非有非無等。待對不息言則不絕。若以心分別。介爾動念心起想即癡。心亦不絕。心既不絕言那得絕。若知心是攀緣三界。攀緣三界生滅是無常苦空無我。息此攀緣心無所得。心絕故其言亦絕。此乃修習言語道斷心行處滅。非真絕也。若人見諦苦忍明發世諦死時名生不生。身子云。吾聞解脫之中。無有言說。亦是解脫之中無有分別。此則真證言語道斷心行處滅。蓋三藏絕意。指此一絕凡絕幾許人法況復餘耶。然入冥時絕出觀不絕。何者。真俗異故。一絕一不絕待對宛然。云何名絕。若能道遠乎哉。即事而真。聖遠乎哉。體之即神。見色與盲等。聞聲與聾等。其說法者無說無示。其分別者無所分別。無絕無不絕而名為絕。此亦方便道中。言語道斷心行處滅。若空慧相應入第一義。豁然清淨

無能絕無所絕。無絕者無絕法。此通教絕名意也。此雖冥冥未冥中。雖斷通未斷別。淨名云。結習未盡。華則著身。下文云。無明未吐。迴轉日月。如瘡病者。對界內說界外。想通惑對別惑是則不絕。若能以大涅槃心修行五行具十功德。是時一向專求大涅槃行。無復界內之心。無復界內之說。如是方便。亦名言語道斷心行處滅。而末是冥中。若發中道所得功德不與聲聞辟支佛共。昔所不得而今得之。昔所不絕而今絕之。蓋是別教絕名意也。然證絕之時乃同圓極。而修時梯階江河迴曲。何者。發心不能遍法界。故法界外更有法故不名絕法。拙行不能行一行是如來行。如來行外更有行故不名絕行。非無上方便。方便上更有方便非絕方便。若圓發心觀大涅槃諸心法界。法界外更無復法界。獨一法界故稱絕法界。又如經復有一行是如來行。如來行外更無復行故名獨絕行。又如經正直捨方便但說無上道。尼俱耶洲直入西海猶如直繩。是絕方便。絕方便絕者。如經斷絕一切疑網心。故名為解脫。三藏四門即是法界。即如來行即上方便。何者。生死即是涅槃。況聲聞法生決定心寧起疑網。通教四門亦即法界。共乘疑網斷故。別教四門即是法界。菩薩乘疑網斷故。是名斷絕一切疑網之心。名獨絕解脫。唯說一法界不說餘法界。唯思一法界不思餘法界。是為方便道中。言語道斷心行處滅。是圓方便亦有四門。若謂一切法絕是法界唯一法界。此約有門絕名也。若謂

法界尚無法界事有其餘。此約空門絕名也。若謂法界微妙一法即三法三法即一法。此就亦有亦無門絕名也。若謂法界不可思議。此就非有非無門絕名也。此皆方便道。若謂開示悟入如以金。鐵扶其眼膜。二指三指。了了分明。是名究竟絕言。言滿法界而無一言。心滿法界而無一念。是為圓教絕名意也。然諸經絕名其旨非一。華嚴云。如執虛空風如畫虛空中。說之已自難何況以示人。淨名云。諸法不相待一念不住故。又諸菩薩言於言。文殊言無言。淨名杜口絕言。善吉云。我無所說不覺不得。龍樹云。若法為待成。是法還成待。今則無因待。亦無所成法。今經云。譬如虛空不因小空名為大也。涅槃亦爾。不因小相名為大涅槃。云何小相。從二乘所證乃至生死安樂皆是小相。不因此小而名大也。又云。譬如法不可稱量不可思議。乃名為大。涅槃亦爾。不可稱量不可思議。故名為大。當知絕名涅槃其義顯矣。斯文甚多。逗緣亦異。不可一概。今以四句料揀。謂不絕絕。非絕非不絕。絕絕。云何不絕。如前六道安樂等。云何為絕。如三藏通共等。云何非絕非不絕。如別四門等。云何絕絕。圓四門是也。云何絕絕。絕能絕所。故言絕絕。從別教四門已下名為所絕。從圓教四門名為能絕。以能絕絕所絕。能絕亦絕。如前火木然於草已亦復自然。當知絕名與無名為異。義在此也。故言絕絕。次總結釋名一章開為五重。都是圓教四門意也。若大涅槃名真善妙有。本自有之非適今也。

此是有門義。故作翻名同名釋之。若大涅槃空迦毘羅城空此是空門義。故作無名釋之。若大涅槃亦色非色。此是亦空亦有門義。故作假名釋之。若大涅槃名為中道遮二邊故。此即非空非有門義。故作絕名釋之。夫大涅槃者。尚非是一。云何為四。四者門也。門以標理。有種種名。如天帝釋有千種名。解脫亦爾。多諸名字。名字功德品云。涅槃是名其餘稱數是則為字。若爾涅槃是總。而當機立之為名。三點等及餘一切皆屬於字。若法身當機是總已復為名。涅槃及一切物已復屬字。若爾更互無定。雖復無定今既定以涅槃為名。若定不定若總若別皆無待對。悉是不可思議。悉是大絕。故名絕大涅槃也。

第二釋涅槃體。先出舊解。莊嚴云。佛果涅槃出二諦外非真俗攝。凡夫以惑因感果是浮虛世諦。假體即空故是真諦。佛果非惑因所感故非世諦。不可復空故非真諦。引仁王經云。超度世諦第一義諦。住第十一薩雲若地也。開善云。佛果涅槃還為二諦所攝。體是續待二假故是世諦。即此二假可空故是真諦。佛果靈智亦復冥真也。冶城秀云。佛果涅槃非世諦。是真諦微妙寂絕。故云世諦死時名生不生。龍光云。佛果涅槃具相續相待二假即世諦。乃即真之義而不冥真。若冥真同頑境。即無靈智故非真諦也。有人難此四解。若佛果出此二諦外即應非有為非無為。汝義中那云佛果一向是無為。若為二諦所攝佛果應是亦有為亦無為。若佛果是真諦。真諦不可說於衆生無用。若佛果是俗諦佛果一向是有為。此皆成論師說。自相矛盾都不愜人情。亦不稱肇論。論云。不可形名得不可有心知。言之失其真。知之反其愚。有之乖其性。無之傷其軀。肇意推之墮在四見。佛法邊外尚非小涅槃門況小涅槃體。尚非小涅槃門體焉得是共別涅槃門體。尚不是共別門體何得是大涅槃體耶。經云。是諸人等。春陽之月。乘船遊戲。失琉璃寶。即共入水。競捉瓦石歡喜持出。謂琉璃珠。都非真實。是珠澄淨清淨故在水中。猶如仰觀虛空月形超然獨遠。非衆人所執。亦非衆智所觸。古來復約三聚論涅槃體言。佛地一向有心聚。一向無無作聚。色聚亦有亦無。無色有妙色。引經因滅是色獲得常色。六卷云。妙色湛然常安隱云云。又一解。色是頑。不可研進。故佛地無色無無作。唯有靈智獨存。經道色者能應為無窮之色。又妙果顯現義說為非色。引文。願諸衆生滅一切色。入於無色大般涅槃。又分別兩界有色一界無色。又四空無色者無色耳。三界並有色。界外變易則無色。六地已還身在分段故有色。七地已上身在界外則無色。又七地是兩國中間猶有光影色。八地已上則無色。又言金心猶有色。故經言。意生身者雖無一期壽命但有念念生滅名為變易故言意生身。身者猶有色也。唯佛地無復色耳。無作者金剛已前皆有無作。唯金心無心無無作也。有人難此義。若涅槃定有色。應有長短質像。須依食住處。若定無色心無

所依。豈可有心而無色。若色頑須離心是取相。何意不離。如是等釋皆是妄語。猶如盲跛見佛亦盲跛。王語諸臣我庫藏中無如是刀。不須多難也。

大般涅槃經玄義卷上

大般涅槃經玄義卷下

\*隋天台沙門灌頂撰

古來復約三性。明涅槃體言佛地。一向是善性。一向非惡性。無記性亦有亦無云云。光宅云。常住佛果。有兩種無記。一知解無記。二果報無記。如棋書射御。闡提亦有故非是善。佛地亦有故非是惡。卽是無記性也。果報者。如生死苦無常報。既非是惡。只是無記。涅槃地常樂我淨亦非是善。直是無記。開善莊嚴並言。佛無無記。唯一善性。知解無記。有多釋。莊嚴云。是善性。開善云通三性。在闡提是惡。在佛是善。在餘人是無記。言果報者。生死中多有異具故。果報可是無記。佛果報何以是無記。佛果唯一習果。無復報法豈得類此。是無記。以習善既滿。併成習果也。夫三性者。若有若無。只是世俗尙不是真。何得用此釋涅槃體。此皆數論之極說。安處佛體。如野人暴背獻至尊耳。今明涅槃體者。上來釋名論無。無一切方便。論絕絕能絕所。名下妙理寧可思議。德王云。大般涅槃非色非聲。云何而言可得見聞。古來諸師云。何以色爲涅槃體。又

經云。夫涅槃者。不從因生。體非是果。古來諸師云。何以佛果釋涅槃體。又涅槃之體。無定無果。古來諸師云。何謂涅槃體。定是一法。當知其體非色非聲。非因非果。非一非異。非諸聲聞緣覺所知。亦非十住能了。了見。不能默已。強作五種言之。一約性淨涅槃。二約法身德。三約一諦。四約不生不生。五約正性。初論性淨。總指一部。次論法身。指哀歎。次論一諦。指聖行。次論不生。指德王。次論正性。指師子吼迦葉等。不可備引。斑駁略周耳。性淨者。淨有三種。一方便淨。二圓淨。三性淨。方便淨者。嘔和善巧。權能逗物。住首楞嚴。建于大義。或一閻浮提。或一四天下。或一大千界。或十方土。隨諸衆生。應可調伏。種種示現。無生而生。王宮七步。無滅而滅。倚臥雙林。是以晨朝放光。大聲遍告。正覺世尊。將欲涅槃。若有所疑。今速可問。爲最後問。所以三界慧踊。八部悲號。獻供填空。流血洒地。高幢翳諸日月。廣蓋遍覆大千。如經廣說。乃至下者。作九法界身。非生現生。非滅現滅。不前不後。一時等現。然於寂滅。無所損減。於諸生死。無染無累。故名方便淨涅槃也。圓淨者。因圓果滿。畢竟成就。原其初基。以大涅槃心。行如來行。持戒不殺。擁護正法。廣宣流布。利益衆生。迴向大乘。感得金剛堅固之體。法身常身。圓滿具足。獲大涅槃。修道得故。安住於此。祕密藏中。復能頌宣廣說。一切悉有佛性。施與一切。常命色力安無礙辯。雖破煩惱。亦無所破。雖圓智慧。亦無能圓。雖施衆生。不得衆生。及以施相。

是名圓淨涅槃也。性淨者非修非得。非作業非與業。本自有之。非適今也。沖湛寂靜。不生不滅。雖在波濁波濁不能昏動。猶如仰觀虛空月形。五翳不能翳。雖復隨流苦酢其味真正。停留在山。雖沒膚中。膿血之所不染。故名性淨涅槃也。此三涅槃。不可相離。即三而一。不可相混。即一而三。雖復一三。即非一三。雖非一三。而復一三。會之彌分。派之彌合。橫之彌高。豎之彌闊。微妙莫測。不可思議。今欲分別令易解故。總唱涅槃。卽是其名。專據性淨。以當其體。指於圓淨。卽是其宗。方便善巧。以爲其用。作此分別。卽是其教。雖復分別。都是一法。所謂大乘。大般涅槃。若得此意。無俟多言。其未解者。更重復說耳。二約法身德者。德有三種。一法身德。二般若德。三解脫德。法身者。卽是金剛。堅固之體。非色卽色。非色非非色。而名爲眞善妙色。眞故非色。善故卽色。妙故非色非非色。又眞卽是空。善卽是假。妙卽是中。例一切法。亦復如是。以是義故。名爲佛法名佛法界。攝一切法。名法身藏。名法身德也。般若德者。卽是無上調御。一切種智。名大涅槃。明淨之鏡。此鏡一照一切照。照中故是鏡。照眞故是淨。照俗故是明。明故則像亮假顯。淨故瑕盡眞顯。鏡故體圓中顯。三智一心中得故。言明淨鏡。攝一切法。故稱調御。是佛智藏。名般若德也。解脫德者。卽是如來自在解脫。其性廣博無縛無脫。是廣博義。體縛卽脫。是遠離義。調伏衆生。是無創疖義。如是解脫。攝一切法。亦名解脫藏。亦名解脫德。如是



惱薪。勝三修是智慧火。非常非無常。是涅槃。四衆安住祕藏中。卽是甘嗜。又云。如來體之。是故爲常體者履也。履而行之。法常故佛亦常。亦是法非常非無常故。佛亦非常非無常也。問初爲純陀。直說一常。次明常住二字。次斥諸比丘。云勝三修。何意增減。答皆是今昔相對。昔說四非常。總是一無常。今論四德總是一常。舉總常破總無常耳。昔說生死無常。而復流動。今以常破生死。以住破流動。故舉二字。以破二耳。諸比丘置事緣理。但修三想。今舉勝理破劣理。但用三修。云云。二者。以大涅槃心修從淺至深。次第行學。如聖行中。專行五行。初謂戒定慧。居家如牢獄。梵行若虛空。從頭至足。其中唯有髮毛爪齒大小腸胃。觀察八苦五盛陰等。次解苦無苦。而有真諦。次分別校計。苦集滅道。無量無邊。次非苦非集非道非滅。而有實諦。廣說如經。修是行已。得二十五三昧。住大涅槃。況出諸佛功德。不復可說。當知從淺至深。成因克果。顯非因非果。始終莫不以常爲宗。德王品中亦如是。初觀四大如饕五陰如害。六塵如賊。愛如怨詐。煩惱如河。八。正如筏。運手動足截流而去。得到彼岸。戒定如動足。智慧如運手。涅槃是彼岸。師子吼中。亦如是。初從少欲知足。乃至住大涅槃。又善修戒。不見戒因戒果戒一戒二等。是名善修。定慧等。亦復如是。原始要終。皆宗常住。以常爲宗明矣。三者如聖行中云。復有一行是如來行。所謂大乘大般涅槃。大乘卽是修。



因。涅槃即是得果。大乘爲因。何所不運。大涅槃果何所不克。一切無闕人。一道出生死。莫復過此。大略可知不復委說。但此文。處處論行。或修十想。或知根知欲。種種不同。不出三種。初破無常而修常。即是以圓接小接通意也。次以大涅槃心修無常。次修於常。即是從漸入頓次第別意也。後即無常而修於常。即圓頓人也。雖三不同。悉以常爲因。歸宗常果。住大涅槃。等無有異。故文云。因雖無常。而果是常。即第二番意也。餘例可知云云。問明體一章。即識五意。明宗亦爾否。答例然宗有三義。一宗本。二宗要。三宗助。宗本者。諸行皆以大涅槃心爲本。本立道生。如無綱目不立。無皮毛靡附。涅槃心爲本故。其宗得立也。宗要者。行之宗要。要在於常。行會於常。能顯非常非無常。如七曜之環北辰。似萬川之注東海。行以常爲要。亦復如是。宗助者。助名氣力也。常宗得成。賴於資助。或人助。或教助。或行助。或道助。由助得力。故言宗助。總此三宗。是釋名。專論宗本。即體意。專明宗要。即宗意。專明宗助。即用意。分別此三。異餘法門。即教意。第四釋涅槃用者。爲三。一本用。二當用。三自在起用。本用者。先出舊解。靈味小亮云。生死之中。本有真神之神。如弊帛裏黃金。像墮在深泥。天眼者。提取淨洗開裹。黃金像宛然。真神佛體萬德咸具。而爲煩惱所覆。若能斷惑佛體自現。力士額珠貧女寶藏井中七寶。闍室瓶盆等喻。亦復如是。此皆本有。有此功用也。新安述小山瑤解云。衆生心神不

斷。正因佛性附此。衆生而未具萬德。必當有成佛之理。取必成之理。爲本有用也。開善莊嚴云。正因佛性一法無二理。但約本有始有兩時。若本有神助。有當果之理。若能修行。金心謝種。覺起名爲始有。始有之理。本已有之。引如來性。貧女額珠闍室等。證本有。引師子迦葉明乳中無酪。但酪從乳生。故言有酪。酪非本有。必假醲暖。種植胡麻。答言有油。油須搗壓乃可得耳。又引佛性。三世衆生未來當有清淨莊嚴之身。此證當有。雙取二文。意與諸師不異。又引木石之流。無有成佛之理。則非本有之用。衆生必應作佛。今猶是因。因是本有。果是始有。本有有始有之理。即是功用義也。有人難初義。若言衆生身中。已有佛果。此則因中有果。過食中已有糞。童女已有兒。若已具佛果。何故住煩惱中。坐不肯出耶。何故不放光動地。故文云。若言有者。何故默然正破此執耳。次難第二有得佛之理。此理若常。爲相續常。爲礙然常。若相續常。何謂本有佛果之理。若礙然常。則因中有果。過同於前。難第三家。若言本有具始有。亦應本有常住。復有無常。本有只得是常。不得無常者。本有只本有那得有始有。又若本有有始有。亦應無常有於常。無常不得有於常。本有那得有始有。又本有有始有。則因有生因。若了因了本有是常。生因生始有是無常。不得相有者。今本有那得有始有耶。鵝蚌相扼。更互是非。由來久矣。今當宣明此義。若定執本有當有。非三藏通教之宗。乃是別圓四門意。

本有是有門。當有是無門。雙取是亦有亦無門。雙遣是非有非無門。別家偏據不融門理。兩失。爲圓家所破。何者。若執本有之用。譬之樹木。工匠授則任曲者。梁用直者。術用長者。稍用短者。箭用本有之用。亦復如是。佛即破之。草木生時。無梁箭用。工匠所裁。因緣獲用。若裁曲爲直。曲無梁用。展直爲曲。直無箭用。割長爲壽。長無稍用。折短爲薪。短無箭用。何得苦執本有之用。經云。三世有法。無有是處。何得苦執本有當有。當本不立。勝用安在耶。若專難破復失適緣。何者。理非本非當。非亦本當。非非本當。有四利益。或言本有即是常用。或言當有即是無常用。或亦當亦本即常無常雙用。或非當非本。即雙非不用之用。本有常用。攝一切法。何得無三門用。三門亦攝一切法。何得無本有常用文云。大般涅槃是諸佛法界。即其義也。是爲圓教赴緣。論此四用。大獲利益。不同舊義云云。二當有用者。先出舊解。解有三。一云。理出萬惑之外。須除惑都盡。乃可見之。譬十重紙裏柱。雖除九重。終不見柱。併盡乃見。二引漸備經。明一切智慧皆漸漸滿。不可一期併悟也。三云。真諦可漸知。佛果可頓得。何者。即俗而真。更非遠物。所以真可分知。佛果超在惑外。不即生死。故不可漸知。有人難初義。若理不可漸見。惑豈可漸除。既不見理由何除惑。若言理可漸見。夫理若是分。可作分知。理既圓通。若爲漸解。若初見稱。後見與後無異。不名漸見。若初不稱。後不名頓見云云。若言見真者。須漸。得佛須頓。

是義不然。釋論云。若如法觀佛般若與涅槃。是三則一相。華嚴云。虛妄多分別生死涅槃。異。迷惑聖賢法。不識無上道。真與涅槃既其不異。云何真漸果頓耶。今明。諸解更相馳逐。水動珠昏。然理非遠近。見理之智。寧得漸頓。智若漸頓。寧得稱理。如方入圓。殊不相應。如理而解。解如於理。不見相而見。無所得即是得耳。有因緣故。亦得漸頓。此中應有四句。漸漸漸頓。頓漸漸頓。漸漸漸非漸頓。況復頓漸。漸頓尚非頓漸。況復頓頓。法華玄廣說。頓漸者無差別中差別耳。頓漸者差別中無差別耳。三種修三種見。明宗中意是也。漸頓修漸頓見者。是不定觀意也。漸更不同。又開四句。漸修漸見。漸修頓見。漸修頓漸見。漸修非頓漸見。見此一句。意餘三句亦可解。四四十六句不同。當知顯體之用甚多。那只作一兩種解耶。文云。王家力士一人當千。種種技藝能勝千。故一人當千。又云。譬如大地草木為衆生用。我法亦爾。當知用同草木。比大力士。故知用不一也。舊論照境之用不同。問。俗有三世流動。萬境去來。佛智若為照之。若逐境去來。則生滅無常。若不逐境去來。則不與境相稱。由此一問。七解不同。治城寓云。佛智乃無大期死滅。猶有念念流動逐境去來。此人臨終舌爛口中浪語之過現驗也。二藥師解。佛智體是常住。用是無常逐境去來。此解亦違經。經云。若正見者。當說如來定是無為。那忽體是無為。用是有為。三光宅云。若無常之智。照常住境而不逐境是常。今常住之智。照無

常之境。豈應逐境無常。此亦不可。四作九世。照境義明。此境雖在未來。復有當現在。當過去。今遂來現在。及過去。我皆照見。所以不生滅也。此亦不可。向在未來時。猶是當現在。未正現在。今遂來在現在。即作正現在。照當知已息。豈不生滅耶。五作逆照義云。如來道迎正覺時。初一念。併逆照萬境。從初流來。至後成佛。併皆照竟。後萬境自有去來。我都不更新照。如天子初登極時。併付制法。後人犯者。隨輕重治。不更復制也。此亦不可。佛智照境。何嘗暫息。忽言初照後都不照。縱令如此。終不與境相稱。六開善云。佛在因日。導發初心。已能橫照數境。豈照數時。次入初地。一念橫照百法。豈照百時。二地千法。乃至佛地。一念橫照萬法。豈照萬時。如懸鏡高臺。此亦不可。鏡照先無。而後有。未免無常之難。七靈珠更借虛空為喻。萬物在空空。不生滅。物自去來。此亦不然。佛智靈知。豈同頑空。今明三藏教中。二諦不相即。故二智各照。所以諸解喧喧若此。若通教中。二諦相即。二智二而不二。尚無此諍。況復三諦即一諦。一諦即三諦。三智即一智。一智即三智。一照即一切照。一切照即一照。非一非一切。不可思議。寧復有此微淺問答耶。又開善解。佛智照真與真冥。無復智境之異。智體與真境都復不殊。約位分別。凡夫不冥不會。因中聖人會而不冥。佛果亦冥亦會。第二解云。佛智是靈知。真諦是無知。一體既殊。豈可併有知同無知。但會之既極。諸之為冥。豈得有冥異會。慧印三

昧經云。冥不冥寂不寂。肇論亦有用冥體寂之語。今難。佛之真智。既其冥真與真不異。佛之俗智。亦應冥俗與俗不異。佛雖知幻而非幻人。若爾。佛雖知俗不可冥俗。佛雖冥真不可同真。不應作如此冥真冥俗義。冥真不出二乘。冥俗不出凡夫境界。云何得是佛智。用耶云云。三自在起用。用遍法界。廣不可委。文云。譬如大地一切草木為衆生用。我法亦爾。當知勝用無量無邊。且約三種。一不可思議用。二二鳥雙遊用。三善惡邪正雙攝用。不可思議用者。舊釋有七。一云。令他見須彌入芥子。其實不入。唯應度者乃能見之。此解不可。若不入者。何謂神通。二解實入。但佛神力廣大。令小開小令大。此亦不可。若爾。乃以大容小。何謂以小容大。三解不知入與不入。既是不不可思議。那可定判入與不入。此亦不可。佛果上地。皆是不可思議。盡應不可解。餘者盡言可解。至此一義。獨言不知耶。四若有則相妨。小大皆空。故相容。此亦不可。若其皆可何所論入。亦無大小也。五大中有小性。小中有大性。以芥子之大性。容須彌之小性。此亦不可。若執定性。過同外道。又似毘曇。又還是大容於小。何謂以小容大。六地論解。大無大相。不無無相之大。小無小相。不無無相之小。以無相之小。容無相之大。無相之大。還入無相之小。此亦不可。大小本是相。既言無相。那有大小。若有大小。應是有相。若定無相。還同空也。七興皇云。諸法本無大小。因緣假名。相待假說。大為小。假說小為大。說大為小。小是

大小。說小爲大。大是大小。故得相容。此亦不可。大不自大。待小爲大。小不自小。待大爲小。此墮他性義。自性大小尚不能相容。他性大小那得相容。今明小不自小亦不由大故小。大不自大亦不由小故大。因緣故小大。亦不離大離小。不在內外兩中間。亦不當自有。不可思議。大亦如是。通達此理。故即事而真。唯應度者見不思議。須彌之高廣入於不思議芥子之微小。是名以不思議之大入於不思議之小。住首楞嚴能建大義。如經廣說云云。一往明。不思議用在於道後。其理實通。乃至善惡邪正等。例如是。所謂四趣是邪人天爲正。又三界是那二乘爲正。又二乘偏邪菩薩爲正云云。邪正兩用亦遍法界。四趣是惡人天是善。又三界悉是惡。二乘是善。又二乘是惡。菩薩爲善。此用亦遍法界。三界皆悉無常。二乘是三無爲常。又二乘是無常。菩薩是常。常無常用亦遍法界。其門略義廣也。常無常用者俱亡二邊。如鳥喻品中說。即是一時雙用也。前後倒瀉即是異時偏用。宜一時即並用。宜前後即單用。不必一種。用自在故。善惡雙用。如迦葉品中說。善。星至惡尚能攝受。令得出家。況復善者寧當不攝。或雙用或前後云云。三邪正善惡俱攝者。陳如品中說。邪即外道。正即陳如弘廣。邪即諸魔。正即阿難。平等皆攝。巧施妙用。遊諸世間作大利益。若見此意。即是自在之用。善巧四隨稱。機利益。住首楞嚴種種示現不動法性。其見聞者無不蒙益。此義可知不俟多說云云。問此一章

五意云何。答例前可解。若總論三用。即釋名意。若專本用。即是體意。若專當用。即是宗意。若專自在用。即是用意。若分別三用。即是教意。第五釋教相者。爲二。一增數。二經來緣起。增數者。謂一乳二字三修四教五味也。所言乳者。此名則通。外道言教亦稱爲乳。文云。是時舊醫純用乳藥。二乘言教亦稱爲乳。阿含云。舍利弗。是所生母。目連是乳母。一人說法生養四衆。後文亦云。聲聞緣覺佛性如乳。菩薩教行亦稱爲乳。故云。手出香色乳。施令得飽。滿。佛教亦稱爲乳。故曰連騰請云。譬如犢子其生未久。若不得乳。必死無疑。又云。醫占王病定須服乳。乳名既通。若爲分別。舊醫偷教竊取乳名。不解其義。而爲相續。悅意轉動。薄皮所誑。起四顛倒。毒亂心中。多所傷害。即邪教也。二乘乳者。佛以方便。合三種藥。謂鹹苦酢。二乘之人用此方便。爲於四衆治彼邪乳。如以楔出楔。此以四非常教名爲乳也。菩薩乳者。以大慈大悲。隨諸衆生。應以何法而得度脫。隨而說之。或說方便法。或說真實法。或治邪常。或治無常。稱彼機緣。令得飽滿。是名菩薩教乳也。佛教乳者。究竟真實如經。其續調善不馳不住。不處高原。亦不下濕。不食酒糟。麥麩滑草。不與特牛同共一群。故其乳多德最爲第一。正顯涅槃之教是最上乳也。又外道教如鹽乳。享之成瘡。從其教者墮落三塗。二乘教如羊鹿乳。享之成酪。從其教者升出生死。菩薩教如下品牛乳。享之成酥。從其

教者。革凡成聖。亦革聖成無上道。佛教如上品牛乳。從佛教者。即得安住祕密藏中。當知涅槃教乳最上最妙。問何故於一乳中多種分別。答此經意爾。如本有一偈。四出證義。明無差別差別等。例作此說之無答。又德王中不問聞不生等。皆作四句。今亦例爾。邪乳名乳。乳。二乘名乳。不乳。菩薩名不乳。佛是非乳。非不乳。意高例盡。子何須惑。二字者。世亦二字。出世亦二字。上上出世亦二字。今文亦二字。二字既通。復須分別。世二字者。如瑞應云。太子乘羊車。詣師學書。師教二字。謂梵法婁。此二字應詮世間禮樂醫方技藝治政之法。故是世間二字也。又云。梵字應如金光明中說出欲論。明修梵法。歎梵。執故。是出欲論也。法婁字應是無量勝論。明十善法。歎釋天報。善能攻惡。故言勝論。總而言之。世間二字也。謝靈運云。梵法婁是人名。其攝諸廣字爲略。如此間倉雅之類。從人立名。故言梵法婁。雖復廣略。還是世間之二字。出世二字者。嬰兒行云。婆和二字。所謂有爲無爲爲二字也。若出世與出世上共爲二字者。即是半滿爲二字也。衆經同以鹿苑說爲半字。摩訶衍所說爲滿字。小大相對共爲二字。又諸師釋此滿字不同。地人云。涅槃六行俱明是滿字。法華是大乘非滿字。由是無常。此都非義。不須論難云云。與皇嘲諸師作五滿。半邊滿。豎滿。積足滿。共滿。具足滿。今不委論云云。今明半滿二字更爲五意。一直是半。二對半滿。三帶半滿。四廣半滿。五開半滿。如鹿苑無常。此直

半無滿。若方等之流，說無常逗小。又彈小褒大，此正對半明滿。若大品通三人共學，是帶半明滿。若法華正直捨方便，是廢半明滿。亦有開權顯實，即開半明滿。若此經斥劣辨勝，即廢半明滿。一切衆生悉有佛性，須跋陀羅得羅漢果，即開半明滿。而復對破生死流動，明於常住二字，常破生死，住破流動。此亦是廢半明滿。一切諸法中悉有安樂性，又是開半明滿。故知二字雖通不可一概。今之常住二字，於諸字中最尊最勝，其義可知。又結爲四句：二乘無常是半非滿，一乘是滿非半。若斥小帶小等是亦半亦滿。若世間非半又非滿，大意可知云云。三三修者，有邪三修劣三修勝三修。邪三修謂世間顛倒，隨邪師教見相似相續，謂爲常。適意可悅，謂爲樂。轉動運爲謂是我，愚惑所覆如執聖電，如蛾如蠶追求無厭。如渴飲鹹，唐無毫益，亦是厭下苦難障。攀上勝妙，出故名邪三修。劣三修者，依半教破於邪執，無常鹹味破其執，無樂苦味破其執，無我酢味破其執，三界皆無常，諸有悉非樂。一切空無我無我所，能破欲染色無色染，無明掉慢疑，如諸述中象迹爲最。於諸想中無常爲最。如經廣說是名劣三修。勝三修者，依佛勝教，破於劣修。謂常樂我法身常恒無有變易，遊諸覺華，歡娛受樂，具八自在，無能退絕。如是修者，入祕密藏，名勝三修。又邪修是世伊，劣修是故伊，勝修是新伊。大涅槃理即非新非故伊。今經即是新伊勝修最尊最上之教也。四四教者，此該佛一化。

名相理趣，別有疏本云云。三藏教者，謂戒定慧藏。爲彼嬰兒，梯蹬出苦，畏憚長遠，止息化城。即小乘法也。菩薩以大涅槃心修，即成聖行。如經淨觀白骨八苦等觀，即其文義也。通教者，三乘共學，近遠俱通。若能前進，亦可得去。即摩訶衍法也。菩薩以大涅槃心修，即成聖行。如經解苦無苦而有真諦，乃至解道無道而有真諦，即其文義也。別教者，別在菩薩不與二乘人共。所行事理，非彼境界，即獨菩薩法也。若以大涅槃心修，即成聖行。如經苦有無量相，分別校計，有無量種。非諸聲聞緣覺所知。乃至道亦如是。即其文義也。圓教者，即事而理，一教一切教。一切教一教，非一非一切，不可思議。隨佛自意，是佛境界。非諸二乘下地所知。如經非苦非諦有實，乃至非道非諦有實，是名一實諦，即其文義也。菩薩大涅槃心修，即是圓心。圓心爲本行於衆行。從淺至深，屈極而止。如放金剛到際則住。當知聖行之一意，即是漸頓之教。亦名漸圓教。此乃文中一種耳。復有一行是如來行，所謂大乘大般涅槃者。即發軔仍頓，仍圓一切諸法，悉入其中。衆流悉鹹，無非性海。漸圓與頓圓更無別異。歷次第門，故言漸耳。今經乃具二文。從勝受名，即是圓頓之教。於諸教中最爲尊上也。若類通異名者，即是四藏。三藏是聲聞藏，通是雜藏。別是菩薩藏，圓是佛藏。上能攝下，佛藏第一也。若例四句，三藏是聞聞，通是聞不聞，別是不聞聞。圓是不聞不聞。乃至生等例可解。五五味者，即五種牛味正譬說。

教次第。不應以淺深意取。若謂初淺後深，是義不然。文云：譬占王病，定須服乳。又云：得乳，糜更無所須。無所須者，即眞解脫。眞解脫者，即大涅槃。此豈淺耶？文云：如水乳難臥，至一月終不成酪。若以一滴，頗求樹汁，投之於中，即便成酪。衆生佛性亦復如是。若本有者，何故待緣？如此酪，譬不可淺也。文云：譬如甜酥，八味具足。是大涅槃亦復如是。當知此酥，其況深矣。文云：阿羅漢辟支佛，猶如醍醐。如此醍醐，不可言深。若初味定淺，後味定深，防文害義。若作次第意釋者，則無過咎。牛者譬佛。大覺朗然，圓明成就。如血變爲乳，具足在牛。從牛出乳，譬佛初說也。即寂滅道場，從法界體流出，法界法教諸菩薩。如日初出，先照高山。故言從牛出乳也。次從乳出酪者，爲小機不堪。如蠶如蠅，隱其無量神德，示丈六身。覆如來藏，但說三藏，以貧所樂法，隨宜方便。令章凡成聖。故華嚴大後，次說三藏之小。如從乳後，即有於酪也。次從酪出生酥者，譬三藏之後，以大詞小，挫其取證，敗種壞根，無生無用。先與後奪，如亭酪作生酥也。次從生酥出熟酥者，譬方等之後，委業領財，使諸聲聞轉教教菩薩也。次從熟酥出醍醐者，譬般若已後，付財定性，與記作佛。故文云：八千聲聞於法華中，得記作佛。見如來性，如秋收冬藏，更無所作。無所作者，即究竟也。夫衆生不見佛性，智手指撥，或作大說，或作小說，或詞責說，或教化說，或定天性說。衆生若見佛性，則靜乎。雙樹指撥畢矣。息教二河，法流竭矣。

如牛出乳極至醍醐。諸佛有教極於見性。今經是最後之說喻彼醍醐。一切諸藥悉入其中。歎於橫廣。在四味之上歎其豎高。故此經處處歎教不可思議。只是歎於上妙之乳常住二字最後新伊極圓之教醍醐妙味耳。種種名目只是一法。一法者只是佛師諸菩薩母。佛菩薩辯所不能宣。凡夫千舌豈能檢揚。二乘百官安能舞手者哉。五味義具在法華玄中說。又從增一至五。總諸說者即釋名意。若專五所以是體意。若專五所以設諸名相是宗意。若專對破是用意。若分別其相是教意。準前可知。不復委釋云云。二經來緣起又二。一經緣起。二疏緣起。經緣起者有雙卷六卷大本。雙卷明八十入滅不辨常住。蓋小緣所感三藏教也。六卷與大本皆明常住。俱是大緣所感。同座異聞。例如大小品耳。又云小本是法顯於天竺鈔。初分翻為六卷。大本上帙是道猛齋來。斯乃廣略二文耳。世猶惑焉。若是異聞那忽問詞答旨兩本皆同。若是鈔者只應存略那忽前後。大本則如來說像狗六卷迦葉問像狗。大本偈說三歸。六卷長行說三歸。解云問詞答旨所同處少不同處多。昔鈔梵文尚無前後。秦人翻譯遂意奚互。於二義無妨也。昔道猛亡身天竺唯齋五品還謂壽命。金剛身。名字功德。如來性。大眾問等品。到西涼州值沮渠蒙遜割據。後自號玄始。其號三年請曇無羅識。共翻譯五品得二十卷。遂恨文義不圓。再遣使外國。更得八品。謂病行。聖行。梵行。嬰兒行。德王。師子吼。迦

葉。陳如等品。又翻二十卷合成四十軸。傳於北方。玄始五年乃得究訖。是時姚萇復號弘始。弘始非玄始。玄始五年即晉恭帝元熙元年。次入宋武帝。得四年。次入宋文帝。文帝尙斯典。勅道場寺慧觀。烏衣寺慧嚴。此二高僧明名蓋淨衆。康樂縣令謝靈運。抗世逸群一人而已。更共治定開壽命。足序純陀哀歎。開如來性。足四相四依邪正四諦四倒文字鳥喻月喻菩薩凡十二品。足前合二十五品。聖三十六卷。則一萬餘偈。識云經義已足。其文未盡。餘有三品。謂付囑燒身分舍利。二萬言未來奈地耳。小亮云。是羅什足品。由來關中不聞涅槃。恐其言爲謬。經錄稱謝靈運足品相承信用。初三人欲刪略百句解脫。俱夢黑神威猛責數刪切。汝以凡庸改聖人言義。其過大矣。若不止者以金剛杵碎之如塵。因不敢刪略。但去寶存華。如啼泣面目腫。改爲戀慕增悲慟。如鳴唳我口改爲如愛子法。故其文瑣瑣皆此例焉。經者通名也。如法華疏說。序品第一者亦如彼云云。二疏緣起者。余以童年給侍攝靜。攝靜授大涅槃。誦將欲半。走雖不敏願聞旨趣。於是負笈天台。心欣藍染。登山甫爾仍逢出谷。不惟非薄奉從帝庭。師既香。塗二宮。光曜七衆。道俗參請門堂交絡。雖欲渴甘露如俟河清。詎可得乎。嘗面請斯典。降旨垂許。有期無日。逮金陵土崩師徒雨散。後會。匡嶺。復屬虔劉。爰西向江陵。仍遭霧露。勅徵師江浦。頂疾滯豫章。始舉颶南湖。已聞東還台嶽。秋至佛隴冬逢人滅。歎伊余

之法障奚可勝言。昔五百群盲七迴追佛。祇洹一狗聽兩鍾鳴唯沈無見無得。入山出谷浮墜浙江。希聞斯典竟不獲聞。日既隱於重崖。盲龜眠於海底。馮光想木詎可得乎。余乃掃墓植樹。更伏灰場口誦石碣思愆畢。世事不由已。迫不得止戴函負封西考闕庭。私去公還經塗八載。日嚴評論迫入咸陽值桃林水奔而夜亡其伴。又被謾爲巫收往幽薊。乘水濟北馬陷身存臨危履薄生行死地。悼慄兢兢寧可盡言。昔襄糧千里擔簦於東南。負罪三讒驅馳於西北。若聽若思。一塗俱爽。情不能已尋諸舊疏。將疏勘經不與文會。快快終日恒若病諸效。群盲之觸象。學獨夢之談刀。以大業十年十月十日廬于天台之南。管窺智義意輒爲解釋。運丁隋末寇盜縱橫。海關山喧無處紙筆。匿影沃洲。陰林席箭推度聖文。衣彈糧盡虧其次第。於是懷挾鄙志託命遂安。草本略通放筆仍病。縣令鄧氏呼請淨名。曳疾應之。事不兼舉寄疏他舍。他舍被燒廓然蕩盡。冥持此本得免灰燼。重寄桐城。海寇衝突玉石俱罄。蕭亮提挾復獲安存。所謂焦不能燒賊不能得。再蒙靈異重厲微誠。更往遂安披尋補削。復值軍火食息無寧。乃卜安洲。安洲者微瀾四繞絕人獸之蹤。峯連偉括兼二山之美。左臨水鏡澄徹鑒心。右帶。蓮池紅葩悅目。修竹冷風勝白牙團扇。菱。荷翠草加戴氏重席。雲霞鍊糅於松桂。五彩羞其繪圖。猿響和韻於蟬蛙。八音隨其絃管。雅有高致豐趣冥倫。仍舊粟拾薪勤

兼曉夜。暨染筆已來凡歷五載。何年不遭軍火。何月不見干戈。榮食水齋床雪被。孤居獨處夢抽思。乙詞既野質意不會文。其玄義一卷釋文十二卷用紙七百張。有崖易迨空海難遍。官寮偏知敢稱圓識。特是不負本懷。遽茲石火。卷舒常住之卷。酬報平身手。讀款解脫之法。仰謝於心口。龜耘毒草微養藥王。螳螂螢燭非能抗曜也。

大般涅槃經玄義卷下

No. 1766 (A No. 375, 1765)

### 涅槃玄義發源機要序

夫涅槃無方。佛性無體。而菩薩見之謂之假二乘見之謂之空。凡夫日用而不知。故如來之道鮮矣。古者能仁大覺懸群機之未悟也。於是仰觀妙理。俯立嘉號。圓常之經於是乎作也。其體言見心。得鬼忘歸。不知紀極。泊乎去聖踰遠。人根漸鈍。故四依大士撰之以疏。童蒙之類又不能曉其旨。故人師申之以記。俾因記以了疏。因疏以知經。因經以識理。理斯達矣。孰爲經乎孰爲疏乎孰爲記乎。混而爲一則如來之道不遠而復。若乃考其功。則記爲啓發之先也。故秉筆立言者。實難其人。嘗試論之。夫欲開前疑。決後滯者。必在乎識也。學也。才也。匪識胡以宗圓理。斷是非。匪學胡以曉群言通理論。匪才則言之不文行之不遠。三者備矣。始可與言筆削已矣。斯玄

疏者。蓋章安法師用智者義趣演龍猛宗旨以申經意也。遂古作者莫之與京。固不佞識昧學寡才短。故非立言之人也。竊念斯文墜地傳受道息。於是辯理解紛而筆記之。乃有玄記兩卷疏記二十卷。文淺義迂實無所取。意者族夫後世者。有達如荆溪者。忿我之紕謬。秉洪筆敷麗藻而發揮之。俾斯經斯疏光大於時。導無窮之機入秘密藏者。豈不功由於我耶。夫經名者。題勝大理。經文者。剖析衆義。衆義由大理所出也。譬如觀發源必知其流多也。揭衆流必知其源一也。故玄之五義疏之五門。大底申明於此旨。使大理衆義總別相涉無越三德爾。夫三德者。實諸佛之所證也。衆生之所具也。生佛不二同歸于心。若然者。則首題之總品卷之別。在我方寸。豈他物哉。嘗撰疏記以指歸爲名者。蓋令於別而識總也。今玄記以發源爲號者。蓋令於總而識別也。此乃贊述疏主之微旨耳。豈古自我作哉。抑又此之玄義皆用經語以成文章。具引則文煩。略之又義闕。緣是龜徵經文。聊輔大義機要之名。又在此也。吾宗達人且不以狂簡罪我。或有可觀無隱乎爾。時聖宋三葉天子在宥之十七載。大中祥符紀號之七年歲次甲寅正月既望。錢塘沙門釋智圓字無外。於大慈山崇法寺方丈。絕筆序云

### 涅槃玄義發源機要卷第一

宋錢塘沙門釋智圓述

此玄義即章安舊文既辭旨盡善。故荆溪不更修治。或曰。下文有此中遺一章之語。即知亦經再治。今謂不爾。遺章之語蓋後人籤注書者謬寫。此乃鄙語常談。豈是荆溪再治之例。若再治者。應書云。四明不生不下注闕字。如梁氏刪止觀書三大章皆注闕字。今以七義驗之。知不再治。一者疏文再治則於總題削大般二字。今此備有知非再治。二者題下無再治之人號。故三者。或謂闕遺借使闕逸治者之號。則不合顯書疏主之名。例下疏中。只合云頂法師撰。今既顯書名諱知非再治。四者文中全無私謂之語。知非再治。五者準淨名部。荆溪亦但刪略疏文。而不再治玄義。以此例彼知非再治。六者疏文舊本再治二俱在世。而此玄義唯有一本。知非再治。七者準下疏文釋義有闕。則荆溪私加補助。今既再治。何故不生一章闕遺無釋。然義非難見。但恐後學穿鑿。故此評之。初題目二。初標法。題玄義者。五章釋題妙盡經旨。故稱玄義。二顯作者。沙門者。此翻勤息。謂勤勞息斷煩惱故。瑞應經云。息心達本源故號爲沙門。若乃息見思之妄心。達真諦之本源。藏通沙門也。息塵沙之妄心。達俗諦之本源。別教沙門也。息無明之妄心。達中道之本源。圓融沙門也。又次第息三惑達三本者。是別沙門。一心

中息三惑者。是圓沙門。今疏主即圓人也。然沙門之名。於諸教中復通因果。今約疏主述說。乃住前因中沙門也。灌頂即名諱。華嚴第十法雲地名灌頂位菩薩也。經云諸佛智水灌其頂故名。爲受職故名灌頂。字法雲小字非凡。蓋言十地之聖非三賢之凡也。俗姓吳氏常州義興人。祖避地東甌因而不返。今爲臨海章安人也。父天早亡。母親鞠養。生甫三月孩而欲名。思審物類未知所目。母夜稱佛法僧名。師乃口効音句清辯。時其驚異。因告攝靜寺惠慈。法師聞而笑曰。此子非凡。即以非凡爲字。及年七歲還爲拯公弟子。才業日新玄儒並。弱冠之歲進具律儀。泊拯師厭世沐浴天台。即陳至德元年。時俗壽二十七也。智者辯才雲行雨施。能領能記唯師一人。故方集奔隨爲法上將。後於隋大業十年十月。廬于天台之南。撰此疏文。越五年於安洲絕筆。即唐武德元年也。常於章安攝靜寺講說此經。值海賊抄掠道俗奔委師。揭鐘就講顏無懼懼。賊徒摩旛詣寺忽見兵旗曜日。持弓執戟人皆丈餘。雄悍奮發。群賊驚散其威通有如是者。事蹟見唐續高僧傳習禪科。若乃撰疏之休徵爲法之難苦。則下文詳悉。以唐貞觀六年八月七日終國清寺。春秋七十二。將終之際身現微疾。室有異香。命弟子曰。彌勒經說佛。入城日香煙若雲。汝多燒香吾將去矣。有同學智勝。智者親度。於貞觀元年卒。臨終云。吾生兜率矣。見先師智者寶座行列。皆悉有人。唯一座獨空云。却後六年灌頂

法師陞此說法焚香。驗意即慈氏降靈。計歲論期審時言不謬。是故灌頂之名法雲之字。豈有過實之畏哉。撰者鳩集文義解釋之也。本文二。初總序玄旨二。初標題大般涅槃經序者。以此序是開題序王。故別標之。如法華玄別行經序。亦標云序王。或除削此題者。非也。二夫正下正序二。初總敷三德宗歸二。初嘆所詮宗極三。初雙嘆事理二。初正嘆事理融即二。初嘆即事之理。二嘆即理之事。理即三千三諦之理。生佛一貫因果無殊。事即十界迷悟之事。始終兩異新故有別。然而即事而理。波即水也。即理而事。水即波也。故此事理是今經之所詮。斯教之極致故。於文首舉而嘆之。初文者。正道即妙理綺互其文。正以簡邪道約能通。謂涅槃佛性之理。無二邊邪而遍通一切。故名正道。妙則不縱不橫。理乃無所不統。無始終之喧動。故稱幽寂。無新故之滯礙。故稱虛玄。又幽寂即妙理寂絕。虛玄即正道虛通。而言正道幽寂者。蓋言正道即妙理故。妙理虛玄者。蓋言妙理即正道故。雖有二名而無兩體。然則約理乃無始終新故之異。約事則始終新故宛然。今談於理實不離事。即始終而無始終。即新故而無新故。其猶指波即水也。二無始下嘆即理之事。即無始終而有始終。即無新故而有新故。其猶指水即波也。波水融一理事誰分。無明生死等者。無明對種智爲始終。生死對涅槃爲始終。翻無明爲種智。即生死證涅槃。故本自有之者。無始本迷故。修因方克者由

緣了因得智斷果故。二此經下結爲今經所詮。非始之始等者。問向以無明生死爲始。今何故。以佛性三因爲始耶。答無明生死證。即三因。二若佛下復疎釋成三。初按定。是則下釋上二句義。如即理事也。因理即果理故佛性非因。果如下果理即因理故涅槃非果。二若因下復釋上文。既顯因果理同。則非但極果所證之理。非新非故。下凡所具之理亦非新非故也。文中反覆釋成。故云因如不異果如。果如不異因如。大抵只顯因果理一耳。問據前所釋。乃以涅槃爲新佛性爲故。此中合云非止涅槃之如非故。何以却云非新耶。答若因果對明誠如所責。今雖分句釋義。但顯因果理同並非新故耳。故下結云。是則佛性涅槃因果之如。皆是新非新故也。三是則下結成。三非新下結歸三。德。以理事對一性二修。共成三德。一性是理以配法身。雖理本具三。今對修成一。二修是事雖智斷俱冥於理。今對性但二。此即合性爲一合修爲二。若約開說則修性各三。理具三法身。智即三般若。斷即三解脫。開雖成九。九只是三。三九互融展轉無礙。下明體宗用三。各各互具即此意也。即理成解故曰非新而新。即理成惑故曰非故而故。既惑解即理故種智不發。無明不斷而斷。即一而三故。非點水之縱。即三而一故。非烈火之橫。不縱不橫如新伊字。凡論修性進否非一。顯性錄備明之。二辨能詮與由二。初通舉一化利鈍不同者。一切衆生無不本具三德平等無殊。但由熏習淺深故。成利



鈍差別。利根者於華嚴座席即悟圓常。故法華云。始見我身聞我所說。悉皆信受入如來慧。其鈍根者如譬如啞生如乳。故須三味次第調熟。來至今經方歸祕藏。故法華云。除先修習學小乘者。如是之人我今亦令得聞是經入於佛慧。其有不定根性。則於三味得悟妙理。對前名鈍對後名利。由此根機不等故。有五時之教差別故云。是以大聖赴緣等也。頓即華嚴。漸即三味。鹿苑漸始。方等漸中。般若漸終。法華涅槃會前頓漸歸非頓非漸。頓則下徹下經文證成其義。忍草等者。第二十五云。雪山有草。名曰忍辱。牛若食者。即得醍醐。雪山譬佛。忍草譬教。牛譬機緣。食譬修行。得譬入位。頓機扣佛說圓頓教。開教修行解發入住。此證利根。於華嚴會悟三德理。彼雖兼別且約圓說漸則下第十三云。從牛出乳。譬從佛出十二部經。即華嚴也。從乳出酪。譬從十二部出九部。即阿含也。從酪出生酥。譬從九部出方等。從生酥出熟酥。譬從方等出般若。從熟酥出醍醐。譬從般若出大涅槃。法華與涅槃開顯義同。故經省之。此證鈍根。既於華嚴全生如乳。故須歷三味漸次調熟。至于今經方悟三德。故云次第圓滿。因前四味次第。得至今經三德圓滿。故云次第圓滿。喻之下二十七云。置毒乳中乳即殺人。酪及二酥置毒亦爾。宿習了因名為置毒。藉今聞教毒發不同。若昔於二酥下圓乘種。故今再聞無明即滅。名為殺人。此證不定根性味得入也。皆是下總結也。釋迦。此云能

仁。妙窮權實者。五時增減不出四教。教教所詮豈離十界。藏通詮六。別圓詮十。由即不即故分四殊。今能仁究竟顯理。十界唯心九權一實。權實理等故云妙窮。巧赴下亦由衆生理具權實。故感如來施權實教。權實雖異理常平等。故不二門云。由衆生理具非權非實爲權實機。佛亦果具非權非實爲權實應。罄盡也。喪失也。二今此下別彰。此經開通往昔等者。開諸權門顯今實義。故法華云。開方便門示真實相也。密義者。佛若不說偏小不知。故名密義。又已前顯施方便。而密意在圓。今談此意故云顯發如來方便密義也。畢竟不入涅槃者。偏小之機。謂佛灰滅圓頓之機。知佛常住。二此經下別序五章玄義。初序二。初廣序釋名二。初翻名釋義二。初約三德釋二。初通舉梵文。二隨文翻譯二。初釋別名三。初翻對開章。二依章正釋。二種煩惱生死者。界內見思煩惱感分段生死。界外無明煩惱感變易生死。免斯因果者。因謂煩惱。果謂生死。通釋下包廣曰大。三德圓融包括百界故。俱受大名圓融故。俱無二邊之喧動故。皆稱寂滅圓融故。俱超二死之暴流故。悉名究竟。三別通下結意。顯題無上至極果者。即約究竟所顯涅槃。以立題也。二指通名聖教之總名者。大小偏圓總名經故。事在別釋者。如法華玄義中約有翻無翻各有五義也。無翻五者。以彼語多含此方單淺。不可以單翻復。應留本音。既不可翻而含五義。一法本。二微發。亦云顯示。三涌泉。四繩墨。五結實。有翻五者。

一翻爲經。二翻爲契。三翻法本。四翻緣。五翻善語教。昔佛法初度梵漢未明。故有無翻之說。乃是河西群學所傳。晚人承用耳。有翻之家雖具五義。以經爲正。以此方先聖之語悉名經故以佛語爲經。此義翻也。是以三藏中但有經藏。十二部中但有經部。而無緣藏緣部等名。二若具下約三諦釋。然三德三諦同體異名故。前約三德。次約三諦。文分爲二。初重翻別名。二再釋三字。初約真俗中俱名大也。初明真諦。遍滿相著故。大故云大若虛空。次明俗諦。體具三千故。大故云大若虛後名中諦。遮照不二故。大故云又名不思議等。不因小相者。虛空絕待非對小名大也。二約真俗中俱名滅也。初約真諦自行名滅。滅凡夫生死故云滅。二十五有滅二乘涅槃故云及虛偽物。次約俗諦化他明滅。則隨類現形滅彼三惑故。云得二十五三昧也。二十五三昧如聖行品說。後明中諦。滅真滅俗故。云生滅滅已。生即是俗。滅即是真。二邊俱滅故云滅已。是則中諦名寂滅樂。三約真俗中俱名度者。度以過越爲義。三諦無著悉是過越。咸得度名。不著於俗故云度於不度。不著於真故云又度於度。又度此彼下約中諦明度也。不著雙照故云度。此彼之彼岸不著雙遮故。云亦度非彼非此等。此即生死俗彼即涅槃真。神龜者。中華古今注云靈龜者。玄文五色神龜之精也。上隆法天下平法地。能見存亡明於吉凶。水陸俱度者。譬中道度於二邊也。水喻生死。陸喻涅槃。二總攬結歸三法等



者。哀嘆品云。何等名為秘密之藏。猶如伊字三點若並則不成伊。縱亦不成。如摩醯首羅面上三目。乃得成伊。我亦如是。解脫之法亦非涅槃。如來之身亦非涅槃。摩訶般若亦非涅槃。三法各異亦非涅槃。故知即一而三。即三而一。方是涅槃也。二金剛下略序餘四。然釋名總論三法體宗用。別論三法。總既含別。別不離總。故體即是大。宗即是度。用即是滅。數相分別總別之三法耳。是故五章不出三法。金剛寶藏等者。二十一經云。譬如寶藏多諸珍異種種具足。佛道甚深奧藏。亦復如是。多諸奇異具足無缺。名大涅槃。二邊不壞故曰金剛。含攝三千故名寶藏。無二死遷變故曰恒安。無三惑熱惱故曰清涼。不老不死即常住不變也。置毒佛性者。毒喻佛性。五味喻五道。二十七經云。譬如有人置毒乳中乃至醍醐皆悉有毒。名字雖變毒性不失。若服醍醐亦能殺人。衆生佛性亦爾。雖處五道受別異身。而是佛性常一無變。應以見性破惑名爲殺人。即是今經大力用也。前引置毒喻五時教。此引置毒喻五道機同引一文而用意各別。毒鼓如第九經。譬如有人以新毒塗鼓於衆人中擊。雖無心欲聞。聞之皆死。唯除不橫死者是經亦爾。於諸行衆中有聞聲者。所有三毒悉皆滅盡。雖無心思念是經力故。能滅煩惱犯重造逆。聞已亦作菩提因緣。漸漸煩惱除不橫死一聞提聲。八自在我者。一一多示一身以爲多身。身數大小如微塵。充滿十方。如來身實非塵。以自在故現微塵身。二

大小示一塵身滿大千界。三輕重以滿大千之身。輕舉飛空實無輕重。四色心如來一心安住不動。所可示化無量形類。五根六根互用。六得得一切法亦無得想。七說演一偈經無量劫義亦不盡。八見如來遍滿一切處。如虛空不可得見。具如第二十一經。常住二字者。壽命品云。常當繫心修此二字。佛是常住。若有修此二字。當知是人隨我所行至我至處。四諦品云。或聞常住二字音聲。若一經耳。即生天上。無上醍醐者。即經云。從熱酥出醍醐如從摩訶般若若出大涅槃也。二名含下結極教之相也者。聖人被下之言曰教。分別同異曰相。謂分別今經三德圓融。異偏小縱橫也。又望前諸部明圓雖同兼等則異。今雖重施同知佛性故與兼等其義永殊。天竺五處不同者。五國咸名天竺。而言音各異。天竺或言身毒。或言賢豆。皆訛也。正言印度。印度月名。月有千名。斯一稱也。良以彼土賢聖相繼。開悟群生照臨如月。因以名也。奢切小殊者。謂言音大同。但奢緩親切小異。如中國云摩訶。東南稱摩醯也。此間楚夏者。此則言音大異。如中國云般涅槃。西北稱涅槃。淮南曰楚。中原曰夏。楚即蠻夷也。中原語正類彼中天。淮楚語訛。類彼西北。春秋後語曰。楚之先季連苗裔曰鬻熊。其子事周文王早卒。子熊任。任生熊繹。成王舉文武之勤。而封於楚蠻也。孔安國曰。大國曰夏。雙卷者。自有一經。一在王舍城鵝山中說。名佛般泥洹經上下兩卷。即西晉帛法祖譯。一在毘舍離國大林中重

闍講堂說。名大般涅槃經。亦上下兩卷。即東晉釋法顯譯。而此二本皆是小乘。六卷名大般泥洹經。亦法顯所譯。大本即無識所翻六卷。乃是大本前分耳。是義下斥古非也。肇論下彼涅槃。無名論云。泥洹泥曰涅槃。此三名前後異出。蓋是楚夏不同耳。涅槃者正也。故今云。爲彼土正音。如言大者下以此方大含多義以例涅槃。不偏翻一切至於此者此即涅槃。大品云。一切法中涅槃爲第一。又大下名字功德品云。所言大者。名之爲常神通者。瓔珞經云。神名天心。通名慧性。天心慧性究竟開發。名之爲大。故曰極號。常樂下總包四德故名爲大。故曰都名。故不可翻也者。以涅槃多含故存梵語。是色聲之法者。手書故屬色。口說故屬聲。不可下累書是色疊說是聲。意云。既書梵名不可更書華名也。又一梵名具含多義不可累說。由是不翻。義豈可多者。此師不許一名含多義也。但一下正示已義還引此方息字爲例。問多訓與多義。豈不同耶。答不同。如訓子息時。但有子息一義。故子息名下更無多義。此皆人師情見如此。蓋匪通方。或訓長息者。以生長訓息也。暫時消息者。此以調養爲消息。報示消息者。此以音信爲消息。一名四實者。先陀婆一名。而有鹽器水馬之四實。智臣善解者。菩薩品云。如是四物。共同一名。有智之臣善知此名。若王洗時索先陀婆即便奉水。若王食時索先陀婆即便奉鹽。欲飲奉器。欲行奉馬。經喻如來密語。唯大乘智臣應當善知。四等者。謂慈悲喜捨

也亦曰四無量。無量從境四等從心。境雖無量我心常等。以輕代重者。以智慧翻般若也。真丹者。或云。震旦旂丹指那指難。皆梵音除切也。若準華嚴翻爲漢地。又婆沙論中有二音。一云指那。此云文物國。即讚美此方是衣冠文物之地也。二云指難。此云邊鄙。即貶挫此方非中國也。西域記。翻摩訶支那爲大漢國。或謂日出東隅其色如丹。故云震旦。真丹者。此皆訛也。竺道生者。竺姓也。道生名也。本姓魏鉅鹿人。幼而穎悟聰哲若神。後值沙門竺法汰遂改俗受業因姓竺也。言涅槃聖者。初生遊長安。從羅什請法關中。僧衆咸謂神悟。後還建康住青園寺。寺即晉恭思皇后褚氏種青之處。因以爲名。以六卷泥洹先至京都。生剖析經理洞入幽微。乃說闡提皆得成佛。遂撰十四科。其第十衆生有佛性義云。經言闡提無者。欲擊勵惡行之人。非實無也。以其見惡明無無惡。必有抑揚當時誘物之妙。豈可守文哉。于時大本未傳。孤明先發獨見忤衆。於是舊學以爲邪說憤懣甚遠顯大衆憤而遣之。生於大衆中正容誓曰。若我所說反於經義者。請於現身即表痼疾。若與實相不相違背者。願捨壽之時踞師子座。言竟拂衣而遊。初投吳虎丘山。旬日之中。學徒數百。其年夏雷震青園佛殿。龍升于天光影西壁。因改寺名龍光。時人嘆曰。龍既去已生必行矣。俄而投迹廬山銷影巖岫之中。僧衆咸共敬服。後涅槃大本至于南京。果稱闡提悉有佛性。與前所說合若符契。既獲斯經尋

即講說。以宋元嘉十一年冬十一月庚子。於廬山精舍升于法座。神色開明德音俊發。論議數番窮理盡妙。觀聽之衆莫不悟悅。法席將畢。忽見塵尾紛然而墜。端坐正容隱几而卒。顏色不異似若入定。於是京邑諸僧內漸自疾。追而信伏其人鑒之至微瑤如此。嘗著涅槃記。事跡委如梁傳第九。其於涅槃獨見若此故。時人美之爲聖。引下文引唱滅速滅。即是譯人翻涅槃爲滅也。前家下今師判也。前謂生公後指莊嚴唱滅速滅但約生身故云止滅。於生復滅滅者亦滅涅槃也。二邊俱滅故林引第五文瘡疣即二死也。梁武引二十三文。因中用智名斷。果上惑盡名不生。叙師下叙公釋論序也。秦言者。秦有亡秦符秦姚秦乞伏秦。今云秦者。姚秦。亦曰德秦。以符秦爲前秦也。叙乃什公門人。即姚秦時也。方冊者。卽此土經籍也。禮記中庸篇曰。文武之政布在方冊。鄭玄注云。方版策簡也。或曰。一扎曰簡。連編諸簡曰冊。故左傳序曰。大事書之於冊。小事簡牘而已。梵音不可變者。謂不可翻也。唐三藏明不可翻。凡有五例。一祕密。如陀羅尼。二多含。如薄伽梵。三此方無。如閻浮樹。四順古。如阿耨菩提。五生善。如般若。今涅槃不翻。應在生善多含之例。卽時書之者卽就也。匠者。謂師謂什公也。受者。謂耆謂筆受之人也。謹敬也。四云下約所詮之理不可思議故。雙非華梵。又理難思故不可翻。而摩訶亦可翻大故。非不可翻。滅據下法卽五陰。人卽假

名。生死下滅生死妄法證涅槃真法。轉凡夫因人爲極聖果人。以轉釋度義也。滅名目無者。目謂題目以滅名題目其無。以度名題目其有也。實法卽第一義諦。假人五陰俱不可得故。云俱滅相續卽世諦。從因至果革凡成聖故去。俱度三云下苦依身在名有餘。身智俱滅名無餘。而非永免者。謂死已還生故但名滅。佛於三界更不受生。方得名度。觀師下難開善。初解也。生死之人附何而度者。且人之與法豈得相離。由五陰實法有衆生假人如攬指成拳。故無異體。其法既已先滅。其人附何而度。此難彼釋滅義也。若生下人既可轉例知。法亦可轉以人法無異體故。何得云生死法滅耶。此難彼釋度義也。今研下今師以四教望之。次第破彼四解。三果生死未併滅者。初果雖滅四趣生死。而有欲界人天七生。二果尚有一生。三果雖無欲界生死尚有餘解脫難。子縛已斷名因滅。苦依身在名果未滅。若灰下約無餘難假法俱寂者。謂假人實法也。寂則不論度者。人既寂滅約誰論度。又下下小教所談二乘取證無餘無作佛義。凡法都不滅等者。以三藏菩薩不斷惑故。不論滅。與不滅度與不度者。以本自不生今則無滅。若法若人俱如幻化故。非但下滅僞法。在十住滅真法。在十行滅僞法故度。凡人滅涅槃故度。聖人言不涉真法者。彼釋滅但云生死之法。滅語不下釋度。但云生死之人轉。故云不涉真不論聖也。滅之與度不礙不

橫者。滅卽三解脫度卽三般若。而體同名異。三一相卽不縱不橫。既非下卽三藏。共卽通教。善薩別教。佛卽圓教。先聖法言唯茲四教。彼既並非故不敢道。受此有無猶是苦等者。領受二見故逼迫爲苦。執此起惑故成集。修行對治故是道。斷常俱離故是滅。此斥開善有無之義。全同斷常。言猶是滅諦者。謂縱滅斷常未出三藏小乘。意未涉大故云猶是滅諦之真。下開善所說尙非小乘滅義。云何釋今圓頓涅槃。若以至目有者。據義。若雙下按定雙目生死者。謂以滅度俱約生死以說也。生死本自下正離。則無度法等者。實法既無假人亦無故。云亦無度者。既不可下以生死本空如幻化故。云何下生死尙不可。何況涅槃耶。疣贅者上音尤。下之訥切。說文曰。疣贅也。小曰疣。大曰贅。釋名云。疣者。丘也。出於皮上如地有丘。今以滅度之義。如彼疣贅通真之理喻之虛空。若以下約別教破。且以初地中道爲涅槃。文中先邪次小。約二邊次第縱破也。縱非邪執乃是小義。縱非小義乃是教道。二邊定非中道。涅槃以名召法等者。以滅度名召有無法。以有無法應滅度名。名物尙存者。物卽法也。能通拙者。且據三藏二乘爲破析色故。拙所通僞者。所證偏眞非是眞實故。貧住化城者。乏大乘財食。猶如貧子止住草庵。患佛道長遠。譬之疲商權息化城。法華開顯破草庵之滯情。蕩化城之執教。故云久已被棄。云何下安用法華已棄之義。用釋今經圓常之名。偏邪二邊者。望當教但中理

故。二邊悉是偏邪。有不關無等者。有無不融。故非圓義。縱橫狼籍者。各體故縱並得故橫。劫掠下掠力尙反。奪取也。經喻外道竊佛常樂之名。喻以劫牛。今斥開善但得滅度之名。如掠劫群牛。不知其義。如不解鑽搖。三藏階乘尙猶難得。況通別二酥圓醍醐耶。又滅度無明亦非究竟者。以破無明通分眞故。滅度究竟者。破惑究竟唯妙覺故。方得字上或有滅度二字者。文誤以後下後謂妙覺前謂分眞。第二第三者。文亦誤。應云第三第二也。第三約塵沙無明。第二約四住塵沙。初番卽有餘無餘尙不可。以第四番中分破釋涅槃。況用第三。第二尙不可以第三第二。況用初番小乘義。以釋圓頓極果涅槃耶。亦應凡夫從此至彼。便應是度者。準前開善立義。乃云度者。永免之名。不云從此至彼今此例難也。既得以已有還無釋滅。例應以凡夫死此生彼釋度也。文中初難凡夫展轉復並。意云。既許是滅卽應是度。若不是度亦應非滅。何得云滅通凡夫度唯聖人耶。若聖下次難聖人既許滅義。同凡例應度義亦同故云聖人從此至彼等。若同下結難也。若同小乘凡聖。則近同小果。非至圓極之高。狹唯六道非包十界之廣。若異下借使異小凡聖。但是通別。是故亦非高廣。云何下結斥應作四。四十六番者。難第三第四解。亦應例前二解。作四教難之。故有十六。今文存略。前二解各約四教則成八。後二解各含一。故但十番。然後二解文雖但一義。各含四。第三約有餘無餘及以三

惑。則已該四教。第四既約近狹非高廣。以斥之則高廣在圓。近狹收三義各含四。其旨煥若。明哲下示存略意。哲智也。時人下示研難意。遠音偉遠也。已如前說者。如前依開善翻名也。釋其下依翻釋義。於中分二。初且寄歷別爲釋義故。次正約圓融爲顯理故。非前歷別無以顯後圓融。非後圓融無以會前歷別。故知圓融更無別法。但是達前三九互攝耳。復於二文。皆徵下哀嘆品中祕藏之說。以顯其義。於次第中引法說文用結三身故云祕密藏者。名大涅槃。伊字三點。首羅三目。只是譬說。還譬三德故無別途。今就義便點是文字宜結解脫。目能照了宜結般若。至圓融釋乃取合譬之文以結其義。故云法身亦非等。故哀嘆所談祕藏法譬合三義無別趣。既用法譬以證歷別。合文以證圓融。乃知二文義歸一揆。不可見下斥云未是今經正意。便棄歷別別覓圓融。若得此意至下釋經用別用圓處處多爾。秀出者。秀亦出也。又榮也。智境照發相應者。以智照境由境發智。境大智大故曰相應。境卽法身智卽報身。應身自在者。應遍法界如鏡現像。形對像現故曰無能遏絕。非生非起者。前生卽因後起卽果。照無下以遍以足釋其圓義。照無不遍者。圓滅周遍照三諦故。發無不足者。性滅具足發三智故。雖境智雙舉。正顯報智圓滅耳。照遍故明窮發足故境極。逗必會者。以四教法逗極實機。隨自隨他示生示滅。稱機無乖故曰必會。取必克者。義同上句克勝也。諸佛之師也者。諸

佛即智師即是境。境能發智故稱佛師。非四即之此岸。非究竟之彼岸。非分真之中流。非能契智非所契理。無始因無終果。實相絕待故並非之。故云故名實相度佛師度故。諸佛亦度者。境既絕待智亦絕待也。以境智不二故。此雖明智正在示境論云下釋論證般若偈也。境發智故名佛善來。智照境故名佛窮底。如如智等者。全境如為智如故曰如如智。全智如為境如故曰如如境。佛無礙者。即大義。自度度他者。自既出二死。亦令他出二死也。度他故彼利益。自度故我利益。一切周悉者。等彼十界故名周悉。淺深別異者。於三番中各有深淺也。法身則深二身則淺。性淨涅槃一切種智則深。二淨二智則淺。身智脫不同故別異。未是今經正意者。意本圓融說有次第。今據所說故非經意。意者下正約圓融三法。即三智等者三法。謂三法身也。以理智用皆可軌故。同受法名。三智即三般若。三點即三解脫。法身即一切種智性淨涅槃。報身即一切智圓淨涅槃。應身即道種智方便淨涅槃。三法下兩番融即。初明九三相即。次明三一相即。良由九只是三三只是三是一故也。三法即九法者。以身智脫各開三故。九法即三法者。以合三身為法身。合三智為般若。合三脫為解脫故。不三而三下明三一互融。不得相離者。即三而一故。不得相混者。即一而三故。涅槃之名遍布諸處者。涅槃是安樂法。諸處即十法界。此乃約事以辨故。有十界淺深之殊。獼猴者。毛詩草蟲經曰。獼猴也。楚

人謂之沐猴。騰枝躍樹者。後漢王延壽王孫賦曰。緣百仞之高木。攀窈窕之長枝。河伯者。水神也。名天吳。山海經云。天吳八首十八尾。亦曰水伯。援神契曰。河者水之伯。上應天漢。喻喙上音驗。下牛凶切。說文云。衆口上見也。淮南子曰。天且雨也。魚已噓噓。修羅怖畏得歸依處者。謂與天主鬪戰奔北。故怖入藕絲中即歸依處也。欲界報法等者。即人中飽足為樂。是報法也。斷欲界結等者。即第二十一文多用善因者。謂斷結之言。皆在人中懸發上二界定。故云善因。若三下嬰兒行品文也。八萬等者。初果八萬劫成菩提。六四二及十千。如次對二三四果及支佛。以由界內經生多少故。成菩提除促有差。經有三文。第十云。成菩提。十九云至大涅槃。二十云。得阿耨菩提心。委釋如疏記釋論下諸文明菩薩法界。多明三教菩薩。或但取別教。今此乃以圓教分真名菩薩界。故知從初發心即指初住故。引此經十住見不了了。證成其義。唯取極果為佛界。問三教菩薩及圓住前。何不明之。答欲顯極果住大涅槃。是經正意故。且以真因為菩薩界。餘可準知。各有涅槃義也。隨情逐事者。十界事別各謂涅槃。此翻法勝者。亦法尚是阿羅漢。佛滅度後八百年中。於婆沙中取三百偈以為一部。名雜阿毘曇。又撰增一集文中解二涅槃。皆先立義。次引證。悉是今經第二十一文也。滅煩惱即子縛斷。離諸有即果縛斷。皆是有餘者。二乘雖斷果縛無明全在。是故望佛仍有餘。故引勝鬘證成其

義。昔滅下昔教小乘以灰斷為涅槃故云是盡。今經大乘以常住為涅槃。故云非盡。若依下約別義正斥。今昔相對者。昔小今大俱有涅槃。正是通途之義。非別顯今經圓極涅槃也。若。譬下蓋約別義以彈刺之也。故云義則不然。肌謂肌肉。理謂淺理。張平子西京賦曰。街談巷議彈射臧否。剖析毫釐。璧肌分理注云。言此人彈刺善惡雖毫釐肌理之間。亦能分擊。何者下牒彼立義所滅則異者。彼以滅煩惱為有餘滅生死為無餘。若爾下今師正難也。法尚既於小乘以斷見師子縛為有餘。斷生死果縛為無餘。若例大乘。亦應以破根本無明為有餘。破變易生死為無餘。此則大小兩教各有二種涅槃高下頓異。小既未破無明。豈得以小所得二種為大乘有餘耶。汝今既以小乘二涅槃為大。有餘則應小乘已破無明入菩薩位也。故云若爾至同佛入無餘涅槃也。何事下既若二乘已破無明入菩薩位。何故復被彈刺言非大乘耶。故云被詞言非也不斷下出詞小之文。不斷根本無明故。不到三德彼岸故。門外草菴非長者宅內故。云何下結責也。此約別義則大乘二種涅槃。唯佛及證。不應對佛云小是有餘也。又若下約通義例斥。通則九界皆應對佛稱為有餘。何但二乘。皆不得然者。然是也。謂皆不是大乘有餘也。豈非佛性通耶者。安樂性即佛性也。前明涅槃約事通於十界。如云寒獄以熱為樂等。今明佛性約理通於十界。且取通義故得例答。涅槃玄義發源機要卷第一

# 涅槃玄義發源機要卷第二

宋錢塘沙門釋智圓述

文云下卽如來性品文。二十五有者。卽細開六道也。謂四洲四趣。無想天那含天。六欲天。梵天。四禪天。四空天。二十五有生死不亡故。並名有我。謂真我亦佛性也不耶。卽迦葉問辭。答言卽。佛答云。一切衆生悉有佛性。卽是我義也。寤言下文選曰。寤言莫予應。注云。謂臥而語也。依經應作孺牛世切。眠言也。如來性品云。譬如二人共爲親友。一是王子。一是貧賤。見王子有一好刀心生貪著。王子後持是刀逃至他國。貧人於後寄宿他家。卽於眠中寢言刀刀。傍人聞之。收至王所。乃至云。菩薩亦爾。出現於世說真我相。說已捨去譬如王子持刀逃國。凡夫說言一切有我。如彼貧人止宿他舍寢言刀刀。又楊下嬰兒行。止小兒啼故。以楊樹黃葉爲金等者。取木人木馬皆爲止啼。此喻說三十。二天妄常樂我淨也。下疏云。葉喻妄常金喻妄淨。人喻妄我馬喻妄樂。六道以安身適悅等者。如寒地獄中以熱間爲適悅也。餘道可知。望佛猶通者。以未能究竟隔別變易生死故。非通非別者。此成四句故屬雙非。若東而明之。只是通別九界是通。佛界是別故。上句明菩薩而云望佛猶通也。穀古候切。取牛乳也。隨其流處等者。如來性品云。譬如雪山有一味藥名曰樂味。輪王爲此藥故。處處造作木甯以接是藥。其味

眞正。王既沒已其後是藥。或酢或鹹或甜或苦或辛或淡。如是一味隨其流處。有種種異。是藥其味停留在山。猶如滿月。乃至云。祕藏亦爾。以煩惱故出種種味。所謂五道四姓。委釋如疏記。倒瀉斯病者。倒卽吐也。文云下引陳如品也。三種病貪瞋癡也。三種藥不淨慈心因緣也。事理不融故。藥病互無。王復得病者。卽哀嘆品中客醫喻也。王得病卽小機執無常爲病也。亦藥亦病者。治邪常故名藥。障眞常故名病。是勝三修者。謂常樂我淨。舊伊縱橫喻無常苦無我劣三修也。又新下前對二邊故。中道教行理三悉受雙非之名。今以教行對理則圓伊教行能治二邊。故得名藥。圓理亡泯故屬雙非。故云正法正性等。唯有常淨等者。此約半與半奪故。與二奪一。若全奪者。四德俱無。如下疏記。則是習氣者。謂三寶差別。卽無明心也。無明卽習氣。淨名云。結習未盡華則著身。此無爲緣習非界內習也。豎出九界者。此約自行破九顯佛界名豎出。然但破事九不破性九。橫收一切者。橫遍彼彼九界也。無邊底故常者。橫收故無邊豎出故無底。由達無邊底故名大丈夫。自既丈夫復調丈夫。故云能化度一切自他融攝。故不思議斷苦下亦四句釋樂。初二約斷。後二約智。初二中前一明斷用故。云斷苦樂。故樂卽是斷生死苦及涅槃樂故。得中道之大樂。後句明斷體故云大寂。故樂卽是中道永寂二邊。故名大寂。後二約智中初句明智用故。云一切知故樂。卽中道雙照二邊名一切知。

後句明智體故云身常故樂。卽了了常知也。業淨者總標也。身淨下卽三業俱淨也。以身兼口但云身淨。卽色心不二咸空假中。故並名淨。是故下總結。然此文中明常樂各有四句明我唯一句。明淨有三句。各隨語便更無他說。例前應就理等者。例前正法正性非藥非病之文也。互顯等者前已約理明非。今但約事明非。以前例後以後例前。故云互顯。從地獄已上料簡者。卽通別中云。六道以安身適性爲安樂也。從外道已上者。卽藥病中云長者。沒已劫掠群牛也。二乘已上者。卽大小中云小者二乘也。四悉檀者。名出智論。悉是華言。檀乃梵語。悉之言遍檀言爲施。以歡喜生善破惡入理四法。遍施有情故曰悉檀。又應法師云。悉曇此云成就。論中云。悉檀者。亦悉曇也。準此二字。俱是梵音。故他宗學者或謂天台不善華梵。且古來亦云二字俱是梵語。豈獨唐代方知。故淨名玄義云。悉檀是外國之語。諸法師解釋不同。或言無翻。外國多含。例如修多羅名含五義。此土不的翻也。有翻者。或翻爲宗乘。墨印實成就究竟。如是異翻非一難可定判。南岳云。此例如大涅槃。是胡漢兼舉也。南嶽親證不應錯用。故天台智者依之釋義。又如龍樹之名。古者譯家皆云二字並是華言。謂龍生法身樹生生身。至于唐代乃云龍是華言樹是梵語。梵云那伽樹。那云龍猛。應知龍猛既有父母那伽之緣。復與樹那音濫。故致異釋以例悉檀。以悉訓遍借是梵語。亦應無爽。如翻究竟亦是遍義。

顯昔第一義者。昔人天教及小乘教。各指當教涅槃爲第一義也。引互無爲證者。卽第三十五卷云。牛處無馬。馬處無牛。名互無也。眞諦涅槃者。亦同初家。以涅槃爲俗諦也。彼爲涅槃因修而證。故屬俗諦。引肇論以證俗諦無名無相也。肇有四論。一物不遷論。二不異空論。三般若無知論。四涅槃無名論。今引物不遷文也。江河至不流者。前波後波雖復相續。而不相到。其性各住雖注不流。日月至不周者。日月歷天晝夜無停。亦由各住故不能周。豈有下結顯涅槃無名無相也。謂江河等物及以涅槃俱俗諦故。猶是續待二假者。以冥冥故。無明已盡故。非因成而有緣。眞相續之假。迷悟相待之假。具二假故。卽是俗諦故有名也。執眞有名者。謂俗本無名。依眞立名。如劫初聖人。仰法眞理。俯立俗號。眞理能通因名道路。眞理不動因名山嶽。所通非有者。以四門所通同一偏眞故。但存隣虛名有門。析破隣虛名空門。兩亦雙非準義可見。指三下引喻結斥。三塗者。山名秦行轅轅。淵是也。左傳曰。三塗四嶽九州之險也。或作荒塗者。後人妄改。彼以小能釋大所。其猶指三塗之險阻爲實所之坦夷。魚目喻小明珠喻大。其旨可知。問古下嘆美立問而有三嘆。一問一嘆師承道勝。二肇作下嘆述作辭高。三世人下嘆古今共許。意復下是一問。雖具三美所詮義意。比望今家執優執劣。故云意復云何。命世者。文選李陵書曰。皆信命世之才。抱將相之具。注云。命名也。言其名流播於

時代也。孟子云。五百年必有王者興。其間必有名世者矣。注云。名世次聖之才。物來能名正。一世者。生於聖人之間也。升堂入室者。以於道淺者爲升堂。於道深者爲入室。論語云。子曰。由也升堂矣。未入於室也。一肇而已者。什公門下有十哲八俊四聖。肇皆預焉。生肇融數爲四聖。更加影嚴。總觀爲八俊。兼常標名十哲。僧傳曰。通情則生融上首。精難則觀肇第一。劉遺民覽肇所撰之論。嘆曰。不意方袍復有平叔。洋洋下謂其文辭洋溢盈人之耳也。論語云。師學之始。關雎之亂。洋洋乎盈耳哉。卷不釋手者。釋放也。答中初謙已總指日月在懷。喻其明達也。既不下自斥。既不親承肇師其法門深旨。我亦難見。鑽仰下雖不親承遺文。既在尋其旨趣。亦應可知。鑽仰者。顏淵嘆仲尼云。鑽之彌覺其堅。仰之彌覺其高。管窺者。莊子曰。以管窺天。以錐指地。二其論下以四句判論文也。彼論凡有九折十演共十九篇。今之所斥。皆於上秦主表及第一開宗第二聚體。中撮其妙言要辭。不出四句。故參難引之不咸次比。今先指會其文。次消釋其義。初有句中初是開宗中文。若無下表中文。次無句中初二句卽開宗中文。具云余嘗試言之。夫涅槃之爲道也。寂寥虛曠等。豈有下一句。是表中文。具云既曰涅槃。復何容有名於其間哉。兩亦句中唯恍惚窈冥。其中有精句。是表中文。餘開宗中語雙非句。並開宗中文。而欲下具云斯乃希夷之境太玄之鄉。而欲以有無題勝標其方域。而語其神道

者。不亦過哉。次釋義者。出處至假名者。有餘住世名出。無餘入滅名處。斯皆應機示有生滅。既無實體。故並假名。若無下此本秦主之語。斥諸家通第一義諦。皆廓然空寂。無有聖人。故肇舉之。若眞諦廓然無聖人者。誰知眞諦耶。既有知者。豈有聖人。故彼文云。實如明詔也。若無下卽肇公伸明秦主之意。聖人忘懷動靜合道。故曰與遊。卽其有句者。既存能知能遊之人。豈非有句卽無句也者。既無形名復非有心所知。豈非無句故不可得而有者。此卽亦無。不可得而無者。此卽亦有。恍有也。惚無也。窈幽也。冥暗也。謂有無不定幽暗難測。故曰窈冥。雖曰難測而有靈明知覺其妙甚存。故曰有精也。窈冥卽亦無有精。卽亦有五陰永滅故亦無。幽靈不竭故亦有。有無絕於內者。沖而不改故。不可爲有故有絕至功常存故無絕。稱謂下涅槃之體。既內絕有無故外沒稱謂。視聽下釋上二句也。由外絕稱謂故。兩界視聽之所不及。由內絕有無故。無色四空之所不了。題勝謂名字也。方域謂理體。不亦過哉者。若執有無去道甚遠。然其下以四教定論意。文云等者。開宗云。滅度者。言乎大患永滅超度四流。不涉界外者。但度界內欲有見無明之四流耳。不滅涅槃患者。但以陰身爲大患。故辨差下既彼論是大又非別圓。今尋辨差之文。知屬通教辨差卽第九章也。無爲一也者。彼云。以俱出生死故同稱無爲。此以下彼云三乘諸道。皆因無爲而有差別。此三三於無爲非無爲有三也。

如來下彼云放光云涅槃有差別耶。答曰無差別。但如來結習都盡。聲聞結習未盡耳。請以近喻以況遠旨。如人斬木去尺無尺去寸無寸修短。在於尺寸不在無也。今師引之語或改轉。有本云聲聞結盡習不盡者。結下多盡字也。在於尺寸不在無也者。尺寸喻三乘淺深。無喻涅槃理一。雖俱下彼岸涅槃也。升降三乘也。以無言說道者。即大品共般若也。係切。然者。尚書曰。方鳩僇工。孔安國云。鳩聚僇現也。夫通下斥聲四失也。次第在文俯提枝末者。譬云。仰攀玄根俯提弱喪。初句是上求下句是下化。理為道本故云玄根。嬰兒失故鄉名為弱喪。方便善微名為嬰兒。本有真如名曰故鄉。今判彼意故云乃是等也。是涅槃喜等者。通入丁達幻化即空。故憂喜等一切亡泯。齊明暗者。智明惑暗也。不作大小者。下疏釋云。是別教嬰兒謂不造五逆名不作大。不起二乘心名不作小。今為通教嬰兒者。不以文害意也。以達即空故亡巨細。喻之以嬰兒者。準下品意。但是和光利物。能令衆生得見。菩薩同其始學名嬰兒行。是則示同人天。三教并圓住前悉名嬰兒也。今判聲論。但是通教嬰兒也。喻之以三獸度河。以三乘俱證涅槃。而智有深淺。文載大品及今經第二十一卷。則聲聞如兔。緣覺如馬。菩薩如象。灰斷喻。文載智論。聲聞斷正使如燒木成炭。緣覺覺習如燒炭成灰。菩薩俱盡如炭灰俱無。宗在他經者。通教體法非今圓頓也。一切下下三教菩薩藏通羅漢。咸破偏疑同成圓佛。

佛開下既開通即圓。云何更立通義。譬之徒者。於法華中機生未脫斥為雙瑱。於今得悟悉是聰明。五聲。雙也。斥故顯新者。故即劣三修新即勝三修。波動下用哀嘆春池失珠喻也。瓦礫喻小理月形即珠喻圓理。委釋如疏記。譬以昔教三乘所證之理。而解今經圓融涅槃。何異捉礫為珠也。網維即網上大綱故。網維整則綱目正。綱維闕則綱目墮。涅槃大義喻以網維。九折十演其猶綱目。涅槃義壞折演何為。故云安寄。執佛下昔教方便。佛於法華涅槃已斥為權。故云遺棄。十演者。彼有十九篇而名九折十演。折者。問難也。演者。答釋也。謂一開宗。二敷體。三位體。四徵出。五超境。六搜玄。七妙存。八難差。九辨差。十責異。十一會異。十二詰漸。十三明漸。十四譏動。十五動寂。十六窮源。十七通古。十八考得。十九玄得。於中一三五七九十一十三十五十七十九是演。餘九是折終非三德者。十演之談但明昔教涅槃。終非圓常三德也。今言下今師正明涅槃無名之義。請尋文覈旨。比望肇師雖塗漢之相遠。山毫之相絕。未得為喻。優劣歷然。其猶指掌非獨情也。初舉三德釋涅槃。次離九界釋無名。六道并三教三乘合成。九界。從所離等者。所離即九界能離即佛界。乃是無九界涅槃之名。故曰無名而有佛界三德之名也。故知涅槃無名四字上二顯。能離下二明所離以約能所相待故屬有門。即諸名無名者。即九界名是佛界無名故云便是涅槃。此約絕待故屬空門。涅槃非四

者。三一互融。豈存四相。須知四門還是三觀。即空故名即無名。即假故不離九界名。即中雙照是兩亦。雙遮是俱非。當曉十界一心三觀。融攝涅槃無名之旨。不離方寸皎在目前。豈假九折十演迂曲而談哉。故名無緣者。不緣二邊也。今亦下無六道名即不緣衆生。無四聖名即不緣法。有祕藏名即緣於如來。況復下地等者。佛眼佛耳。尚不見聞。況餘四眼四耳而能見聞耶。問佛眼佛耳豈不見聞耶。答見無見相聞無聞相。故云不見聞也。大悲方便者。隨四悉機施設假名也。動樹舉扇喻名相。月喻實理。文云下即第二十一文也。垢羅婆夷疏云。是鵲雀一音二名。智度下論四十六文也。更設五陰等者。開心故成。五陰。開色故成。十二入。心色俱開故成。十八界。故此三科不出色心楓樹。或復下所列諸名散在經文。欲有見無明四流所不能漂。名洲階爾雅曰。水中可居曰洲。小洲曰階。能遮煩惱惡風雨故名窟宅。圓法遍攝故圓修者。如服乳糜更無所須最第一故喻之醍醐。能扶起闍提圓信心故喻之以杖。故三十四經云。是經能為一闍提杖。猶如羸人因之得起。照了破戒猶如明鏡。故經云。是經即是毀戒衆生之明鏡也。如世間鏡見諸色像故。云為破戒明鏡。有本於為字下加一字者。非不可下釋喻虛空義也。即空中故如空不可得。遍一切故如空無障礙。大論下衆生假名五陰實法。皆因中之稱。既通極果例知涅槃果稱。亦通因中。故知十界悉言安樂。名不在內等者。不在內即



非空。不在外即非有。中間即兩亦常自即雙非。是字不住即四性不可得名性空。亦不住者。此空亦空名相空。涅槃亦爾者。佛菩薩是能住之人。涅槃是所住之法。人既二空法豈不爾。人法不二體性無殊。合求亦不可得者。謂具足三德亦非涅槃也。此明三德若具若各皆無定相故。各各求及合求皆不可得。方名涅槃。故智下引大論讚般若偈。證見與不見各求合求俱縛俱脫。顯向涅槃不在之言。是不見脫也。若人等者。於法起見名見被縛。迷於法相名不見縛。稱法起見名見得脫。見無見相名不見脫。法身解脫各例般若以爲四句。故云亦如是。譬如下幻體本虛故不可見。而有色像故而見。不可見而見。喻見脫。見而不可見。喻不見脫。但假名字引導衆生者。假立祕藏三德之名。欲令衆生悟。名下理達名非名。即是大悲勸樹舉扇也。譬如空拳下次第配四悉可知。以新伊悅之者。大機發悅即歡喜益。引進即引生大善。破之即破昔小惡。悟之則悟小即大。無則不絕者。於無起計何曾得絕。尚非小乘義者。以通教二乘即有達空證涅槃故。大香象等即哀嘆品文。禪鎮者。革絡馬頭曰禪。釋名曰。羈檢也。所以檢持制之也。介爾動念者。介微弱也。周易繫辭曰。憂悔吝者。存乎介心。既不絕等者。心爲語本故也。楊子法言曰。言者。心之聲。書者。心之畫。此乃修習言語道斷等者。即小乘內凡方便道也。苦忍明發者。即見道十六心中初苦法忍苦法智也。略舉見道意該修道。以此

二道皆真證故。世諦死時者。即見思破處名世諦死。指此下學劣況勝三藏之劣已能絕六道入法。況餘三教大乘之勝乎。然入下將明通義先斥三藏。真俗異故者。以三藏事理相隔故。入觀真真故絕。出觀入俗故不絕。不同通人事理相即。出觀入觀咸皆契絕。若能下正明通義。初二句。即肇論中語以肇論所詮。但在通故。遠乎哉者。言不遠也。初句明法即俗而真。故道不遠。次句明人即凡而聖。故聖非遙。無絕無不絕者。皆如幻化故無二相方便道即性地也。空慧相應者。見地已上悉名相應。淨名下即天女詞身子文也。無明未吐者。下哀嘆品二乘白佛云。我於往昔情色所醉輪轉生死。如彼醉人臥不淨中。如來今當施我法藥。令我還吐煩惱惡酒。而我未得醒悟。云何放捨迴轉日月者。又云。如彼醉人見上日月實非迴轉。生迴轉想衆生亦爾。爲諸煩惱無明所覆。生顛倒心我計無我。乃至樂計爲苦。如彼醉人於非轉處而生轉想。如瘡病者者。又云。如瘡病人值遇良醫所苦得除。我亦如是。邪命熱病雖遇如來病未除愈。未得無上安隱常樂。對界下結示經意。界內通惑雖除。界外別惑全在。故云結習未盡無明未吐等也。以大涅槃心修行者。以但中解修次第五行。具歷別十德也。然五行約修十德約證。亦互通修證。今此且約地前教道以說。則二俱在修。則是一向專求初地真證。大般涅槃而修地前諸行也。無復界內之心等者。界內心即析體智。界內說即藏通教。如是

方便者。即別教三十心也。而未是冥中者。以初地分證爲冥中。昔所不得等者。昔於凡位不得證中智。今聞中智不絕無明。今絕無明而修時梯階等者。以果望因斥爲次第階級。如登梯階。離邊求中如河迴曲。第十經云。一切江河必有迴曲。發心不能遍法界者。信本有性至果乃發。故次第滅九顯出佛界。不能達九即佛名爲不遍。非無上方便者。別三十心非圓融相似方便故也。方便上更有方便者。別教方便上更有圓教內凡方便也。若圓下通明圓絕。文中明理行教皆絕。初明理絕言諸心法界者。諸心即九界心。達九界妄心即三諦真理。故云法界更無復法界者。如觀地獄心。即三諦理具足三千攝無不遍。離此心外更無餘法。觀九界起心遍攝咸爾。故云獨一法界也。又如下明行。又如下明教。尼俱耶洲喻教也。指事即理如直入海。第十經云。於此大千有洲名拘耶尼。其洲有河端直不曲。名娑婆耶。猶如直繩入西海。絕方下正釋。方便初絕偏顯圓有本絕。方便下多一絕字者誤。如經下依經總立三藏下約教別示。一切疑網即三教偏疑。寧起疑網者。寧願辭也。以疑是解津不起疑心。豈得生解。故迦葉品云。若人於此生疑心者。能破煩惱如須彌山。故知執小爲決定者。無由入圓。方便道中者。即觀行相似也。是圓下結成四門。亦有亦無門者。一卽三是亦有。三卽一是亦無。不可思議卽非三非一故。屬雙非門。若謂下真道開示悟入。卽四十真因位也。金錚喻涅槃教。



眼膜喻無明。三指喻三諦。是名究竟絕者。對前方便真因分顯。通名究竟。非指妙覺也。而無一言者。言由心變即言是心。心空故言空故。滿法界無一可得。心滿例爾。心無定相隨緣而起。隨染緣則起九界心。隨淨緣則起佛界心。染淨雖別只是一心。心性亡泯故無一念。然諸下引諸經證成。又諸菩薩言於言等者。三十二菩薩各說不二法門。即是言於詮理之教。故曰言於言。淨名杜口直顯絕理。文殊讚淨名云。寂然無說真入不二。即是以言詮於無言之理。非絕非不絕。如別四門者。非藏通之絕。非六道之不絕。前火木者。進火杖也。草喻所絕木喻能絕。次總結下顯前五重皆依經立義。非是徒然。故微經顯門以收五義。在文可見。同名即通名也。四者門也者。涅槃是所入理。四說是能入門。如天下天帝喻理。千名喻門。涅槃是名等者。亦由人以定體爲名彰德立字也。不可復空者。意謂涅槃是妙有故也。具相續相待二假者。如前說。乃即真之義者。以即真故非全同世諦。而不冥真者。以不冥真故非全同真諦。故與前三師立議並殊。有人難下次第破前四師。初破莊嚴。二若爲下破開善。三若佛下破治城。四若佛下破龍光。此皆成論等者。爲諸師皆依成論立義。謂佛果是無爲也。及至釋義翻在有爲等故。使人情不伏遭前四破。矛盾者。矛盾者。盾傍牌也。莊子曰。楚有鬻矛盾者。兩皆譽之。買者曰。以子之矛擊子之盾如何。鬻者不答。凡說義相違。皆喻矛盾悖伏也。肇論下涅槃之理。非色像故不可以形名。得非緣慮故不可以有心知。本無言而強與言說故。失其真實。本無知而強起慮知故。反成愚執。謂有則乖非有之體。謂無則傷非無之軀。此由涅槃不思議非有無故也。肇意推之下正出肇意也。唯在四見者。謂以四句言之。以四句思之。謂有謂無但是邪見故。云不可以名得等也。然肇師立義。但離邪執及小四門。而正是通意廣如前說。經云下引哀嘆品喻以斥諸師。以四見釋大涅槃。如捉瓦礫謂琉璃珠也。春陽譬塵欲耽溺之境。乘船譬乘諸業。遊戲譬著可愛果。失寶譬無解。因於放逸慧解潛昏。故言失耳。即共入水者。信教如入水。謂佛果是二諦等。如競捉瓦石皆謂得意故歡喜。以此示他如持出。謂是涅槃深理。如謂琉璃珠。俱背圓常故。都非真實體。非四執故云澄淨清淨。爲教所詮人自不曉故。云故在水中周遍一切。如仰觀虛空圓備無缺。如彼月形非衆人所執者。結斥諸師解義。如執礫爲寶。此喻本斥小乘三修。今借之以斥異解。衆旨所觸者。競執尾牙不見全象。亦譬諸師色聚亦有亦無者。亦有真常妙色。亦無無常龜色。經道色者下此師釋妨。恐他難云。佛果若但有心。何故經云獲得常色等。故以真應二義釋之。一則應同方類故有色。二者真果顯現有可見義。故喻以色故云義說爲色。爲下多非字。或爲字下。缺色其實三字。應云義說爲色其實非色。兩界有色者。欲色二界也。無龜色耳者。舍利弗毘曇云。無色有色。此經云無

色界色非諸聲聞所知。故此師定謂三界並有色也。六地已還者。通六地也。即前三果猶有生故。故云身在分段。七地下殘忍已盡故生界外。兩國中間者。以分段變易爲兩國。亦是同居方便爲兩國。金心者。即等覺是金剛心也。意生身者。楞伽大慧問佛。何名意生。佛言。譬如意去速疾無礙。此即從譬。彼經兩義而釋通名。初云如十萬由旬外。憶先所見念念相續。疾至於彼。次云如幻三昧力憶本願故。生諸聖中。二義並是憶生故也。而有三種意生。如疏記。皆有無作者。皆有第三聚也。何意不離者。既離妄色亦應離妄心。若許有真心何妨有異色。如是下今師斥前。若立若破皆是妄語。無如是乃者。略如前記。廣在下經。今以貧賤譬。喻諸師異解也。

無記性亦有亦無者。謂無記有四種。一異熟二威儀路。三工巧處。四通果。異熟者。謂三界五道果報五陰。即異時熟故。變異熟故。異類熟故。具此三義故。名異熟。二威儀有二。一威儀事。謂行住坐臥四塵爲性。二威儀心。即意識強盛。能引發威儀眼等五識。自性羸劣雖緣威儀。不能引起威儀。第七末那唯執賴耶爲內。我既不緣色等。四塵所以不發威儀。第八賴耶雖緣色等。諸塵亦性是羸劣不能引發。威儀言路者。謂威儀行路也。工巧者。一工巧事。謂彩畫彫鏤。五塵爲體。二工巧心。即是意識眼等非威儀準前。四通果者。謂證果有於通用。亦名變化無記。一變化事。謂改易形質無而欲有。小乘以五塵爲性。大乘以五陰爲性。

二變化心。即是意識。今云。亦有即佛果有工巧及異熟。亦無即佛果無威儀路及通果。如下光宅簡出。二種其義自顯。故注云云。一知解者即工巧。二果報者。即異熟。然此去取皆是人師情計。不當正理。弗可致詰。總如下破。如基下釋佛地有知解無記也。某者。博物志曰。舜造園基丹朱善之。書者。帝王世紀曰。黃帝垂衣裳蒼頡造文字。然後書契始作。射者禮記曰。男子生。桑弧蓬矢六射。天地四方。鄭玄注曰。天地四方。男子所有事也。御者。家語曰。善御馬者。正衡勒齊轡策。均馬力和馬心。故曰。無聲而馬應轡。策不舉而極千里。夫無衡勒而用策。馬必傷車必敗。故曰。御四馬者執六轡。果報者下釋佛地有果報無記也。開善下即開善寺智藏。莊嚴寺僧旻。并光宅寺法雲。即梁朝三大法師也。今此二師立義不許佛地有無記。初且總示。故云並言至善性。知解下釋出佛果無知解無記也。有多釋者。合云有二釋。不應云多是善性者。謂基書等知解非是無記以通佛果有之。故云是善性。餘人下除闡提及佛果凡夫至菩薩。悉曰餘人。此謂基書等在餘人。得云知解無記。在佛地悉名為善。非無記也。言果下釋出佛果無果報無記也。多有異具者。具應作熟文誤。無復報法者。謂佛無生死中異熟執故。此明佛但有習因習果也。夫三下總斥。尚不是真者。三性尚非小教偏真也。以偏真涅槃無三性故。何得下尚非偏真。何以用此釋。於中道極果大涅槃耶。如野人曝背等者。列子曰。野

人之所安。野人之所美。謂天下無過者。宋國有田夫常衣縵。縵符分切縵僅以過冬。既春東作自曝於日。不知天下之有廣夏陳室綿繡狐貉。願謂其妻曰。負日之墮人莫之知。以獻吾君。將有重賞。里之富室而告之曰。昔人有美哉哉甘泉莖芹萍子者。對鄉豪稱之。鄉豪取而嘗之。其於口慘於腹。衆哂而怒之。其人大慚。子其類也。今以諸師喻野人。三性喻曝背。涅槃喻至尊。今師斥之。喻里之富室也。五種言之者。五名雖異其體無殊。性淨即法身。乃至即正因。正因即不生。不生乃至即性淨。餘義皆爾。舉一即五。舉五即一。總指一部者。以二十五品通名涅槃。故方便淨者下初正釋相三。初方便淨文中先釋方便義。次然於下釋涅槃義。初釋方便即現十界身也。又二初明能現由住首楞嚴。故能現像。溫和此云道種智。建於大義者。建立也。或一下二明所現。先明處所從來之廣。始一闊淨終乎十方。隨諸下次明現身。初廣明現佛界身示生示滅。示生中云七步者。四相品明東行七步。是對小機。十方各行七步是對大機。示滅中示倚臥者。即如來答迦葉三十四問畢。乃倚臥如彼小兒及常患者。如現病品初說。是以下明序中發起倚臥示滅之相也。辨踊者。辨拊心也。踊躍也。翳隱也。障也。乃至下示九界身也。下者即劣機所感。但見地獄乃至菩薩等身。且約見身以爲下劣。若論聞法則一一界身各說四教。若然者勝身說劣劣身說勝。論其悟解勝劣自分。今約現身。且以見佛身

爲勝。見九界爲劣。不前等者。總結十界生滅隨機利見不相妨礙。故云一時等現。然於下釋涅槃義。雖十界喧動而不損寂滅。由契寂滅故於生無染於死無異。涅槃之義其在此也。故名下總結。二圓淨文中亦二。初釋圓淨義。次雖破下釋涅槃義。初又二。先總後別。總釋中言因圓果滿者。分異因圓妙覺果滿也。原其下別釋。先明因。次明果。三文各有自行化他。初文至正法因中自行也。始乎名字達性成修。故曰初基。五行互融名如來行。持戒下別舉戒聖行也。不殺事戒無非中道。斯則理事自他不二。名護正法。廣宣下化他也。弘通正法故曰廣宣。令彼聞悟故曰利益。迴事向理迴因向果。故曰迴向大乘。此之自他始從名字。終至等覺。悉名因中。感得下果上自行也。感即能感之因。得即所得之果。謂妙覺極果也。金剛下正示所得不可破壞。故喻金剛。理可軌則故曰法身。理無遷改故曰常身。此之三名悉是法身異稱耳。雖三身不二。且從勝說。修道得故者。舉因顯果。由修常因得此常果。復能下化他也。一切悉有佛性者。介爾有心三千具足。不簡闡提及以定性。故云悉有。又依正唯心不簡草木。故云悉有。施與下此由純陀獻最後供故。佛印之得五常果。當以常字貫下力等五法並常故。初云常連持曰命。常命則以無始無終。而無斷絕。以非色爲色。吾今此身即是法身。作用爲力。遍一切處用無窮盡。不動名安。雖具力用安固不動。被機有辨。無緣慈悲普施法藥。雖破下釋涅槃

繫義也。初約自行明寂滅。雖施下大約化他明寂滅。亦無所破者。以煩惱即智慧故。亦無能圓者。以智慧即煩惱故。不得衆生等者。佛如生如一。如無二。故是名下總結。三性淨文中亦二。初釋性淨。沖湛下釋涅槃。初文云非修等者。謂三千三諦始凡本具。非修因非修果非作業非與業者。字誤。作應作正。與應作期非意業故。云非正業。非身口故云非期業。第三十四經云。正業者。即意業也。期業者。謂身口。疏釋云。意是業體故也。以身口自然符會。有若期契。故云期業。本自下既非因果。及以三業。故知本來具足。非今修成果證始有也。適始也。沖湛下釋寂滅義。不生不滅者。由性本寂滅故。名此性以爲涅槃。雖在下舉春池喻以釋之。如前記。五賢者。烟雲塵霧修羅手。以喻五住煩惱不汚性淨之理。猶如五賢不隱月形。此言月形。即池內珠故。非五賢能隱。隨流等如前記。雖沒下如來性品云。譬如王家有大力士。肩間有金剛珠。與餘力士角力觸珠尋沒膚中。都不自知是珠所在。其處有瘡。命醫欲治。醫善方藥知瘡因珠入。其珠入皮即便停住。廣如經文。今以珠喻性淨之理。本來寂滅故云膿血不染。此三下明互融。不得相離者。體性互融故。唯一法不可相混者。體用既分自成三種會之彌分者。即一而三。故派之彌合者。即三而一。故橫即豎故彌高。豎即橫故彌闊。更復重說者。更約法身以明義也。

涅槃玄義發源機要卷第二

### 涅槃玄義發源機要卷第三

宋錢塘沙門釋智圓述

德有三種者。然此釋體。正約法身以三德互融故。須備舉而於此三各自具三。謂三身三智三脫。開之成九。合之成三。三九雖殊同歸一體。一尚無一豈有九三。雖無九三九三宛爾。佛果既爾生因亦然。乃識體宗用三展轉相成。只我一念。若知此旨。前後易明。法身者下釋三德相。一一德中各自具三。在文可見。釋法身中云。非色即報身。即色即應身。雙非謂法身。由三身互融故。名真善妙色。又真下約三觀。釋因修三觀果證三身。例一切法者。亦應云真善妙心真善妙陰界入等。乃至根塵細開凡聖備歷。皆可加於真善妙三字。以明諸法同歸三諦焉。又例一切法者。即是以真善妙三字攝一切三法也。法身藏等者。包含三故名藏。皆具常等。名德下二結云藏德者亦爾。二般若言一切種智者。大論云。一相寂滅相種種行類相貌。皆知名一切種智。一相寂滅即中道雙遮也。種種皆知即中道雙照也。當知三智圓融名一切種智。故下結云。三智一心中得。照中即一切種智。照真即一切智。照俗即道種智。三解脫自在解脫等者。自在即方便解脫。解脫即實慧解脫。其性廣博即實相解脫。無縛下次第釋出三脫義也。體縛即脫者。體達也。即是實慧達結業之縛。即解脫也。此即釋上解脫二字。調伏衆生

自在無礙。即方便解脫。此即釋上自在二字。令彼衆生離二死苦。名無瘡疣。所引三文皆下經中明百句解脫中語。攝一切法攝一切人者。十界實法假人俱在一念。即三德故。悉皆入中者。我究竟入諸子分入。餘義亦顯者。謂餘四章也。世人解諦等者。下疏云。舊或以境爲四諦。或以智爲四諦。謂凡夫無智但有於境。所以經云。有苦無諦。或云。苦集滅道皆是對境說智智即是諦。境能發智令智無所有。智能照境了境本無。境智相成故言四諦。下疏中關約教釋。諦義應謂言教詮辨分明是審諦義。經云。心喜說真諦。說即教也。各得一途故云非無此義。今用理釋諦者。此即用真與義也。故下疏云。真皇云諦者。只是佛性涅槃非境非智非漏非無漏。非因非果非世出世。故名聖諦。此乃約理釋也。然今約一理隨機而有四種四諦之別。則真皇所釋未爲盡善理。當即境正者。以境是事元依理故境正。即智教俱正者。以依境發智依智說教故。以理下理爲境智教之本。舉本攝末故以理釋諦義方允合。能生所生者。習因招苦果也。所生還生能生者。於苦果上還起集因。因又招果故云苦集迴轉。道名能壞者。戒定慧能治苦集也。滅是所壞者。苦集盡處名滅諦也。更互生滅者。能壞生則所壞滅聖人是也。所壞生則能壞滅凡夫是也。逼迫下如次對四諦。如經者。如四諦品及聖行品明四諦慧中說下三文。末皆云如經。悉指一品。有無量相者。以約十界明四諦故。解苦無苦者。陰

入皆如無苦可捨。煩惱即菩提無集可斷。邊邪皆中正無道可修。生死即涅槃無滅可證。故云。乃至解滅無滅。皆即一心三諦故。云而有於實。苦因即集。苦盡即滅。苦對即道。一中有無量等者。一即是一實四諦。無量即三諦四諦。取道諦所治以當其用者。苦集滅處用義乃彰。調御下即迦葉問。云何諸調御心喜說真諦。故佛以四諦一品答之。只是一無差別者。前約理釋諦妙在此也。此中遺一章者。此非正文。乃是古本闕落。不生不生一義後人校勘。於卷上或注於界外寫者。不曉輒入。文中亦始疏中。如是下有白書重點二字。亦是文中合重書。如是二字而疏本闕落。勘者鑑之。今於如是字下重點寫者。不曉亦書在文中。鸚鵡學語斯言驗矣。然此不生不生之義。若欲例說者。如德王中明四句。謂生生不生不生不生不生也。生生是無明生死。生生不生是斷德解脫。不生是智德般若。不生不生是理體法身。而此四句即一而四即四而一。今易解故總唱四句。即名不生不生即體。不生生即宗。生不生即用。如此演說。即教非但經體義明餘義亦顯。性有五種者。正因約理餘四約事。以約理故。雖非因果體遍因果。所生智慧因緣之境。已是於因智慧望果。復是於因。故曰因果因果性者。菩提智德已是於果。復得涅槃斷德之果。故云果果。今且下約五陰正示。以五陰之境常現前故。所以止觀初唯觀陰煩惱等九。待發方觀。今從要的故約陰境以示五性。五陰下

所以者。所以猶義理也。五陰是事佛性是理。事由理變。此事即理故云所以也。五陰是因復生智慧之因。故曰因。問五陰是果何名因耶。答凡夫妄果望佛仍因。智慧增成者。分證究竟悉曰增成智慧。所滅者。所滅即無明。無明滅處即涅槃。餘一切法者。即界入等。果果性為名者。以經名大涅槃故。正性為體者。正性是妙理故。因性果性為宗者。以因果為宗故。問既以因果為宗。何故不攝涅槃斷果耶。答其實兼之。但經題正約果果而立其義。既便故。宜當名。若準前義。亦應云總攝五性為名也。因性為用者。十二因緣是所破故。以所顯能用義明矣。二即不二等者。二謂因果不二即理體。事理融一故並相即不二。不可為二者。以名事分別。則不二之體不可為因果之宗。故云不可。為二下句例說。既立下正約名事分別。以立五章修行喉襟者。如身之喉。如衣之衿。蓋言要也。莫過因果者。以因收萬善果攝萬德。故略有三種者。謂三修五行一行也。次第標釋故不先列。問淨名玄云。涅槃非無五行之因。而果正因傍以果為宗。又上句云。莫過因果。何故但引三種明因之文。以釋宗義耶。答雖引因文因必克果。則與上句義同符。經簡示則與淨名玄義義同。下名三修云。能得常果成涅槃。五行中云。修是行已得二十五三昧住大涅槃。德王中到彼岸師子吼中住大涅槃。一行中大乘大涅槃。此等皆是所克之果。故知明因意在於果。則是今經明宗之意。以此經中正譚果人

所證故也。斥諸比丘者。以圓斥小也。顯於非常非無常者。即因果所顯之體也。劣三修者。即所破無常也。是煩惱薪者。以二乘人無明全在故。勝三修即當住因果也。涅槃食者。即所證理分理極理悉名。為食。四眾即四十真因也。即是甘嗜者。智能證理故喻甘嗜。履而行之者。履踐其性體而修因至果。法常等者。法即所履之境。佛即能履之智。何意增減者。增至二三減至二。置事緣理者。諸比丘棄置小乘事行。而對佛稱嘆昔教苦無常無我三修之理觀也。故經云。譬如諸述之中象跡第一。此無常想亦復如是。舉勝理破劣理者。苦等劣理也。常樂我勝理也。問何故但言三修。答空濫果證。今明修義故且不言。既增減由機。亦應至四。二者下約次第五行明修因也。初謂戒定慧者。以五行中聖行居初故云初也。聖行不出三種故標戒定慧。居家下次第釋出。初文即戒聖行。即經云。在家不樂猶如牢獄。出家閑曠猶若虛空。文云。梵行者非指四等之梵行。蓋指出家為梵行耳。以離在家染穢故。此明戒聖行也。從頭下明定聖行。此即特勝禪也。引文雖略而有修有證。從頭至足修也。唯有下證也。證此特勝。發開身倉備見己身三十六物。觀察下明慧聖行。而有四種慧行。初觀八苦等是生滅。次無生。次無量。次無作。在文可見。如經者。指第十一卷。得二十五三昧者。即慧行果由慧行成。謂無畏地得二十五三昧隨機利生也。分證三德名住涅槃況出等者。舉分果況出極果。從淺至深

者。因淺見深。顯非下以因果事顯雙非理。德王下五行約修十德明證故。彼品云。菩薩修大般涅槃證十功德也。然五行通證十德通修。捨傍取正。以分二別。疏記委論。四大如篋者。大如毒蛇。身如篋。四大成身如蛇在篋。五陰如害者。即經云。五勝陀羅拔刀隨之也。經文甚廣。截流者。流喻煩惱生死。從因名煩惱河。從果名生死河。經中凡有六河。謂煩惱生死善。求惡業佛性涅槃。初從下第二十五經有十番。初少欲。二知足。三寂靜。四精進。五正念。六正定。七正慧。八解脫。九讚嘆解脫。十以涅槃化衆生。今舉初二及第十。中間並略。故云乃至。又善下文在第二十九。彼云。若見戒相戒因戒果戒上戒下戒聚戒一戒。二此戒彼戒滅戒等戒修修者。戒波羅蜜若有如是見者。名不修戒。釋曰。見有戒體防止戒相。修時名因戒時名果。聖上凡下多戒名聚。總一別二。自此他彼。息過名滅餘善名等。修上七門名為戒修。修人名者戒能到果。名波羅蜜。見如是相名不修戒。今文直顯修相故。云不見等也。定慧等亦爾者。謂定定相定因定果等。例戒釋之。原始要終者。始因也。終果也。何所不運何所不克者。大因大果無所不攝。故因運萬善果克萬德。因果融通即事而理。一切下圓因圓果遍融一切。名無礙人。生佛無差名為一道。如是修證能出二死。或修十想至知欲者。並在第三十四卷也。經云。菩薩若四衆能修十想。當知是人能得涅槃。一者無常想。乃至十者無愛想。知根

知欲者。經云。菩薩於三十七品。知根知因知攝知增知主知導知勝知實知畢竟者。則得名為清淨梵行。又云。三十七品根本是欲因。名明觸等。故今云知根知欲也。接小接通者。小即三藏以圓常法。接引兩教三乘也。此約通途接引。故云接小。若明三接則不通六度菩薩及兩教二乘。委明如疏記。從漸入頓者。以地前為漸登地為頓。故文云下引迦葉品證別意。本立道生者。涅槃本立則諸行道生。涅槃也者。其唯行之本歟。如無下如無。綱維則。綱目不正也。網皮喻涅槃。毛目喻諸行。靡無也。要在於常者。雖破偏次第圓融三行不同。而常果無別。故向文云。雖三不同悉以常為宗。行會於常者。行即因常即果。能顯下果上所顯理也。即前宗本義。故知宗本約理宗要約智宗助約行。以此尋文義無不曉。七曜謂日月五星也。北辰者。荊州星占曰。北辰一名天關。一名北極。北極者。紫宮天座也。論語為政以德。譬如北辰居其所。而衆星拱之。似萬下尚書曰。江漢朝宗于海。七曜萬川喻行。北辰東海喻智。或人下人理教行並能資助。令分真極果常智開發也。謂依人開教。依教修行。以行契理。由斯四法得入分真乃至極果。故云由助得力。或道助者。道即理也。亦是用偏人偏教等為助。如止觀對治助開中說。如弊下即如來藏經喻也。彼經云。譬如持金像行詣於他國。裏以穢弊物棄之在曠野。天眼見之者。即以告衆人去穢現真像。一切大歡喜。我天眼亦爾。觀彼衆生類惡業

煩惱纏生死備衆苦。又見彼衆生無明塵垢中如來性不動無能毀壞者。力士下今經喻也。類珠如前引。經寶藏者。如來性品云。一切衆生悉有佛性。從本已來常為無量煩惱所覆。是故衆生不能得見。如貧女舍多有真金之藏。家人大小無有知者。井中下經云。如閻室中井及種種寶。人亦知有閻故不見。有善方便然大明燈照之得見。是人終不念念。是水及寶本無今有。涅槃亦爾。本自有之。非適今也。大智如來以善方便然智慧燈。令諸菩薩得見涅槃正因佛性。附此衆生者。由心神不斷故。但約下謂其理元一。約時有異故云兩時異。或作若字者誤。本有下神時雖無當果之事。而有當果之理。時或作助者誤。金心即等覺。種覺即妙覺。明乳下乳喻衆生。酪喻佛性。醍醐喻修行。醍醐作撈。謂取酪必撈也。應法師云。應作醉古孝切。起酒麵也。經文多作醪音勞。三蒼說文皆云有洋酒也。醪非字體。胡麻喻衆生。油喻佛性。擣壓喻修行。雙取二文者。取如來性文證本有。取師子吼及迦葉文證當有。又引下即迦葉品云。為非佛性說為佛性。非佛性者。謂牆壁瓦石。此師但得簡去木石之文。豈識依正互融之理。當知木石剎塵悉由心變當體即心。我心成佛即剎塵俱成。安有木石別居心外。則非本有之用者。謂衆生則有本有之用。木石則無也。事曉因中有依正互融之理。果上有依正互融之事耶。因中有果過者。斥彼所解過同外道。若相續常者。由因相續得至果故。亦應至

無常者。此亦他人不了二鳥雙遊之旨。故有斯難。若達雙遊則常與無常二皆理具。了因了本有等者。了因是智照本有性。如燈照物。生因是福從因至果。如泥成瓶。鵲蚌下今師雙斥二家也。專執者。不許專破專破者。不許專執。更互是非其猶鵲蚌。而併爲今師漁父所擒也。春秋後語第十云。趙將伐燕。蘇代爲燕說趙王曰。臣從外來過小水。見蚌方出暴。而鵲啄其肉。蚌夾其喙。鵲曰。今日不雨明日不雨。必見蚌脯。蚌亦謂鵲曰。今日不出明日不出。必見死鵲。兩者不相捨。漁父得而併擒之。今趙且伐燕。燕趙相支以弊其衆。臣恐強秦之爲漁父也。故願大王熟計之。趙王乃止。今當下雙斥二家。初約理非三世以斥專執。次約適緣四說以斥專破。初文中非三藏通教之宗也。佛性之名不在二教故。工匠授則任用者。度也。左傳曰。山有木工則度之。有本任下闕用字。稍用者。山卓切。埤蒼云。稍長丈八尺。或作製。俗字也。佛即破之者。此段皆師子吼中破定性文也。展直爲曲者。展音臣字誤也。展應作製。下陳如品疏云。向時曲者。任機製机直爲床。向時直者爲床。令製床曲爲机。若專下約適緣四說。以斥專破也。是諸佛法界者。法界遍攝四門互融。舊義下云云者。今四句互融不同。舊師各執。又約理非四句不同。專執而隨機說四不同專難故。此二家悉爲令破。須除惑都盡等者。惑許漸除理須頓見。不可一期等者。由智漸滿故理漸見。三云下此師明佛果在二諦外。故真可漸

如果須頓得。既不下除惑由見理故。理既下以理體圓通如太虛空不可分知故。若初下反覆詰難也。初既稱後即是頓見。則不須後見。初不稱後者。謂初淺後深也。既有淺深故非頓見。然第二師但執漸見。恐彼被難轉計於頓。故此遮之。如法觀佛等者。佛即佛果涅槃即真諦。此計涅槃在真不同。前師謂涅槃是俗也。佛與涅槃既是一相。不應真漸見佛頓得引華嚴者。彼謂即俗而真故可分知。果在惑外不即生死故不可漸得。既不即生死。豈非虛妄分別生死涅槃異耶。以佛果無所證但證涅槃故。真與下佛果所證。涅槃即是真諦故也。依此知是執佛果不出二諦家難也。若以今家會通並是通義。約當教則不出二諦。約被接見中故出二諦。今明下將明正義。先斥古師諸解相攻。故云馳逐由是譁計。水動妙理珠昏。然理下文有二。初明理非漸頓。次有因緣下明漸頓。隨機約理則不同。執家約機則不同。難家寧得稱理者。以如理而解方名智。故智不稱理全是邪執。如下方如方驚入於圓柄。言不相應也。不見下不見約理無得約智。俱非漸頓能所一如故。不見不得而見而得。明宗中意者。即前文云。初破無常而修常。即是以圓接小接通。次以大涅槃心修無常。次修於常。即次第別意後即無常而修於常。即圓頓人。雖三不同悉以常爲宗。同歸常果即前二一是頓漸。後一是頓頓。所接藏通及別次第。既已會歸則顯前教。是頓家之漸頓。乃無差漸則有差。故向云無差別中

差別。以解行俱頓故名頓頓。是不定觀者。兼前二句及後漸漸。即三種止觀也。漸更下謂約漸漸句。更自開四也。前文但明三句者。此既細開漸漸。故前闕之。此中細開仍闕三句。前後互顯四句咸足。漸修漸見者。藏通當教修行見真也。漸修頓見別教地前。漸修登地頓見也。漸修頓漸見者。別接通也。接歸地前還是漸見。接歸登地則是頓見。漸修非頓漸見者。圓接通別也。異前三教故非頓漸。餘三亦可解者。謂漸頓頓漸頓頓皆各開四。準漸配釋思之可知。今且明頓頓中四義以示後學。頓頓修漸見者。修圓頓發藏通三乘境也。頓頓修頓見者。圓修圓發也。頓頓修頓漸見者。修圓頓發別教菩薩境也。頓頓修非頓漸見者。約理故雙非亦是發煩惱等境也。照境之用者。即當有用上有照境之能。舌爛口中。讀如疏記。當說如來定是無爲者。體用俱無爲也。那忽下責彼違經。光宅云。下無常智謂凡夫智。常住境謂佛境。意云。凡智觀佛既不逐佛境爲常。今佛智觀凡豈逐凡境爲無常耶。此亦不可者。如大論云。若如法觀佛般若與涅槃。是三則一相。豈非凡智逐佛境爲常耶。若然者反例佛智逐俗境爲無常也。作九世者。過現未各更開三也。欲明佛智無遷。且約未來三世以說。復有當現在等者。當即未來也。今遂來等者。謂至未來時則未來成現在。望今成過去故云及過去。例如今日望明日爲未來。至明日時今日乃爲過去。若於今日併知明日之事。則是遍知三世。以今

日是現在明日是未來。明日望今日是過去故。既於一念遍照故非逐境生滅。此亦下今斥照。當知已息者。今照正現在故。向者當現在智已息也。豈不生滅者。即照當智已滅。照現智方生。正是無常也。文中照當智。或作知者字誤。逆照者。反觀過去名逆照。則知向九世家約未來三世。是順照也。從初流來者。流來爲迷真起妄之始。天子登極者。易緯曰。天子者。繼天治物改政一統各得其宜。父天母地以養人至尊之號也。終不與境相稱者。境體常照智體亦然。若後不照何能契境。佛在因日等者。指地前爲在因時。導發初心者。謂引導開發初心衆生也。其心便能橫堅照了。但力用微劣未能周廣。故云數境數時。數去聲。三四五並名數。若據下云百千萬展轉而增。則數當其十境。謂十方故橫。時謂三世故豎。懸鏡高堂者。梁武帝講學碑云。詳其懸鏡高堂。嚮待酌。或改堂爲臺者非。萬物在空者。萬物喻境。空喻佛智。況復下諦智三一既乃相即。豈所照俗境能照俗智是無常耶。因中聖人謂初地已上也。亦冥亦會者。冥約體一會約契合故。冥之與會共義兩殊。第二下此師立義。復破開善冥一之義。二體既殊者。佛智有知真諦無知。有無兩異。故曰體殊。豈可下責開善。但會下示已義會極爲冥。不以體一爲冥也。慧印下引證會極爲冥。寂亦冥也。肇論下即般若無知論中文也。故彼論云。用即寂寂即用。用寂體一也。佛雖知幻等者。如下經中長者難佛云。瞿曇知幻應是幻人。

佛反問云。汝知旃陀羅。應即是旃陀羅耶。若其非者。如來之幻。豈是幻人。若爾下依經顯義。須知中智雙照當體雙運。故知俗不冥俗真不同。真三當有。起用下前列章云。自在起用。今云當有者。謂今第三即是第二。當有果成起自在用。相由明義故云當有起用。望前列章。乃是互現。疏中此例甚衆。或改此文。當有爲自在者非。且約三種下。即三輪施化也。不思議謂芥納須彌。即身輪現通。二鳥雙遊謂雙照。常與無常即心輪。案機善惡邪正雙攝。謂聲教等被即口輪說法也。不思議用者。四相品明。身密中經云。善男子。是大涅槃能建大義。汝等今當至心諦聽。廣爲人說。莫生驚疑。若有菩薩摩訶薩住大涅槃。須彌山王如是高廣。悉能取令入於芥子。其諸衆生依須彌者。亦不迫近無往來相如本無異。唯應度者。見是菩薩以須彌山納芥子中。復還安止本所住處。此名不思議用。而古來解釋七家不同。一云下次第出七家義也。何謂神通者。但是衆生自見。何顯菩薩神通。況經云如是高廣悉能取令入芥子中。而此師云其實不入。顯背佛言。三解下此成論師義。下釋四相品疏文。重破此論師意云。此是聖人權巧於凡不解。故云既是不思議等。餘者下經所談。無非聖人境界。既皆釋義驗悉解知。那於權巧獨云不解耶。小大皆空者。長沙所解義與此同。彼頌云。須彌本不有。芥子本來空。將空納不有。何處不相容。若其下破也。況大小相入正論事用。不應以皆空約理釋之。大

中有小性者。須彌有芥子性故能小。小中有大性者。芥子有須彌性故能大。此亦下破此解凡有三失。一同外道。二同小乘。由執定性故。縱非外道還同小乘有門之義。故云又似毘曇三不成妙用。故云還是大容於小等。地論師義大約與第四師義同。與皇謂法性本空絕大小相。故云本無大小。世諦虛假相待而說有大小名。其體無異。但是一有爲法耳。小是大小者。芥子是須彌之。大相也。大是小大者。須彌是芥子之大相也。既是一有爲法中有此二相。何妨相入。故云故得相容。大不自大等者。須彌自無大相。待他芥子之小爲大相也。小不自小等者。芥子自無小相。待他須彌之大爲小相也。故陳外道他性之執。自性下舉前第五師。況斥與皇也。前解云大中有小性小中有大性。即是自性大小其義甚巧。尙已被破。況今作他解其義迂拙耶。今明下明今義二。初依理起用。二用遍法界由分證妙理故。有大用而自在應機。普周十界故。有二文。初又二。初理絕四計。以芥子之小須彌之大。二並是事而此事即理。並絕四性。豈同古師。文中先明小。次以大例。明小中初句明不自生。亦不下明不他生。大不下此二句屬推大。然是相對而來以此段正推小。故下云大亦如是。方是明大也。因緣故小大者。明不共生。應以上句亦不字貫下。亦不下明不無因生。不在下引經以證理絕四計也。內自外他兩中間共常有無因。由此妙理本絕四執。故不可以九界心思言議也。大亦下明



大例小可見。故云亦如是。通達下明依理起用。通達此理者。通達向明經四之理也。即事而異者。達大小事即實相理。唯應度者。即能感之人見不思議等。即能應之事。感應道交以所見也。大小俱言不思議者。以須彌之大芥子之小。俱由心變無非心性。而此心性本具依正心性既一相入何疑。但由在迷則無外用。此理顯已轉變無方。內則果住楞嚴。外則建斯大義。如經廣說者。指四相品。一往下明用通法界。在於道後者。唯於佛界現變也。其理實通者。謂變於十界。乃至現地獄身等。乃至下以例善惡等用。亦通十界菩薩。為正下云云者。此則九界邪正悉為佛界非邪非正。所攝下明善惡其義例爾。三界下例二鳥雙遊用。亦通十界。是三無為常者。謂虛空擇滅非擇滅。通舉乃三。其實但證擇滅無為也。如疏記。以真空比生死故真空名常。又二下菩薩破空出假。空既可破。故二乘無常菩薩是常。常無常雙用者。句首合有二字。即前例章云二。二鳥雙遊用也。俱亡二邊者。中智之體非常非無常故俱亡。即亡而照雙用二邊。而用有二異一並用。如鳥喻品以鴛鴦雙遊並息。以喻涅槃二用。同時前後下二單用如已前二用無常破邪常。今經用真常破無常。喻以倒瀉病無不盡。宜一下結示二意。用時雖單佛意必並。故知單用不失雙遊。用自在故者。單並適宜也。善惡下以例攝善。攝惡亦是雙遊。不妨亦有單並之別。故云或雙用或前後也。邪即外道等者。彼品之初。如來始

告陳如。談五陰常住結正觀行故。捨無常色獲得常色等。能如是知是名沙門。名婆羅門。以斥外道虛假詐稱都無實行。外道聞之心生瞋恚。遂索論議。凡十外道。其第十人即弘廣也。以是權人故在正攝。故經云。是婆羅門乃往過去於普光明佛所發菩提心。久已通達了知法相。為衆生故現處外道。邪即諸魔等者。即經云。世尊知已。即告陳如。阿難比丘今為所在。答言。阿難比丘在婆羅林外。去此太會十二由旬。而為六萬四千億魔之所燒亂。平等皆攝者。非但攝陳如。阿難亦攝。外道諸魔同歸祕藏也。若見此意等者。謂見不思議雙遊變攝之三意也。具此三者。名自在用善巧。四隨者。釋經名隨大論名悉謂隨樂欲隨便宜隨對治隨第一義也。住首楞嚴者。謂分住及究竟住。悉能起十界用。故云種種示現。雖終日示現而不離楞嚴。故云不動法性。其見下見形聞聲俱蒙四益。若專本用即是體者。以本用在理故是體。當用在果故是宗。自在化他故是用。手出香色乳等者。此謂觀音經文也。今約觀解。應以兩手表二智。出乳表說教。令他飽滿法味也。舊醫儒教者。外道儉佛教也。用佛常樂之名。故云竊取乳名。不解下不解四德真義也。而為下由不解四德則起四倒。妄計念念相續為常。妄計人天悅意為樂。妄計轉動自在為我。妄計薄皮所覆臭身為淨。由此四事所蔽而起四倒。毒亂下四倒毒乳悶亂真心。而傷法身害慧命也。鹹苦酢喻三修也。以攝出攝者。又作楔同。先結切。

說文楔機也。諸子林切。以正乳之楔。出邪乳之楔。或說方便法者。以小乘無常治邪常也。或說真實法者。以圓常治無常也。此即別教十行隨機利他。如經者。即哀嘆品文也。喻喻佛也。得中道理柔和善順名調善。不馳空不住有。不處涅槃高原不居生死下濕。不染真諦三昧。如不食酒。不著俗諦三昧。如不食糟。泥洹智易得如滑草。分別智難生如麥麩。特牛無乳譬無慈悲。明佛有不共慈悲。革凡成聖者。此約別教革地前凡成聖地聖。亦革下革十地聖成妙覺無上道。佛教下圓信圓修初後不二。故云即得安住等。四出證義者。即本無今有偈。人師名為四出偈。亦名四柱偈。則涅槃如室四出如柱。一出菩薩品。二出梵行品。三出二十五卷。四出二十六卷。大意是同而為緣則異。一菩薩釋差無差。二釋得無得。三釋有不定有無不定無。四為破定性說無定性。故云明無差別差別等也。例此說之。無咎者。例彼四出說乳多種。邪乳名乳乳者。以生死喻乳。涅槃喻非乳。凡夫因果俱生故名乳。乳子何須惑者。結責問者。子謂男子之美稱也。詣師學書者。此方古者子生六歲而教數與方名。十歲入小學學六甲書計之事。則文學之謂也。出欲論者。明梵天出離欲界也。釋天即初利也。倉雅之類者。然倉雅多種。倉有蒼頡篇。埤倉三倉。雅有廣雅博雅小雅。倉即人名。帝王世紀曰。黃帝垂衣裳蒼頡造文字。雅非人名。爾雅也。博於聞識可近而取正。故曰爾雅。謝氏正引蒼頡以證梵法真。



是人名雅則相帶而來還。是世間二字者。例如此方著雅二書。俱說文字詰訓之義。名為二字。是則梵是一人。佉婁是一人也。婆和者是。小兒習語之聲。以喻方便小教也。所謂有為無為者。苦集有為道滅無為。此名生滅二諦為二字也。半滿為二字者。前有為無為合為半字。對大為滿。六行俱明者。勝劣各三修也。是大乘非滿者。意謂涅槃勝劣俱談。則是大小滿足故稱滿也。法華廢小故。是大非滿。由是無常者。由應作猶。謂談常住謂在涅槃也。此都下法華開權顯實。超出諸教已今當說。最為第一。却謂非滿。世間相常住知法常無性。顯談常住却謂無常。非準反經。顯亂已甚不可與言。故云不須論難。與皇五滿略如疏記。彈小褒大者。彈三藏褒三教也。帶半者。帶二乘也。廢半明滿者。若以四教明之。則後三教俱得滿名。若法華涅槃。則前三悉是半字。唯圓名滿。開半明滿者。廢約相待開約絕待。故知半滿二字其名則通其義則異。須跋此云善賢。陳如品云。婆羅林外有一梵志。名須跋陀。年百二十得非想定起涅槃想。佛令阿難召來為說第一義諦。得羅漢果。彼聞圓常而證小果者。由小半即大滿故。明於常住二字者。如哀嘆品。又結下約五時結為四句也。初句是鹿苑。次。法華涅槃三句二味。四句即鹿苑已前。天教也。邪三下初約邪慧釋。大約邪釋。如執聖電速滅喻妄常非久住飛蛾。起火喻妄樂唯是苦。蠶繭自縛喻妄我非自在。追求下明由起邪執。故追求五塵。

亦是下約邪釋。此即六行觀也。外道於初禪覺觀支中。厭離覺觀以初禪為苦。龜障二法。動亂定心故苦。從二法生喜樂故龜。二法繫上定故障。二禪異此名勝妙出。修上三禪四空皆爾。此厭三欣三亦得名邪三修也。能破欲染下明三修有破惑之功。染即是貪。遊諸覺華者。七覺如華故云覺華。又邪修下哀嘆品文。但有新舊兩伊。今以義加世伊及非新非故伊。例前一乳多種分別。智論明四依菩薩依義立名。名為法施。此其例也。然經以舊伊喻外。今既義立世伊。故以舊伊之名。以名二乘也。別有疏本者。開淨名前玄以為三部。謂四悉四卷。四教四卷。三觀兩卷。今指四教也。謂戒定慧藏者。即是律藏證戒。經藏證定。論藏證慧。藏有三別故云三藏。此是合字解義。四念處中謂聲聞緣覺菩薩。故言三經律論。故言藏者。即分字解義也。為彼嬰兒等者。三乘悉名嬰兒。歷修三學如登梯墜。畏憚長遠者。不能行五百由旬也。止息化城者。偏約二乘以說。若菩薩因中不入至果方入菩薩下此指圓頓菩薩。修小三學以為助道。亦是漸次止觀行人也。下明通別亦爾。淨土是小戒。白骨是小定。八苦是小慧。近遠俱通者。鈍根近通偏真。利根遠通中道。即受接人也。若能下借彼法華開小之文。以成通人受接之義。所行事理者。事則塵劫修行入空出假。理則初心知中登地開發故。非兩教三乘所知。兩教菩薩所證真理。既同一乘故。悉在二乘所攝。故上云不與二乘共。顯前菩

薩與二乘共。是彼境界也。非諸二乘下地所知者。圓融三諦之教。非兩教二乘非別教下地所知也。下地即地前也。證道同圓則有知分。從淺至深者。三教互有淺深。圓教唯深菩薩備修四教。故云從淺至深。即是漸頓之教等者。歷三教偏漸至圓頓故。故名漸頓漸圓也。此乃文中一種者。即次第五行從漸至圓於三種止觀中。即次第止觀也。復有下一行即不次第五行也。於三種止觀中即圓頓止觀也。發軔者。文選曰。發軔清洛汭。注云。軔車也。言發車洛陽也。今以發軔喻初修也。更無別異者。圓法無別從漸入故名漸圓。非謂圓有漸頓之異。通是難藏者。以當教三乘及被接者。其人不一故稱難也。正譬說教次第者。以從牛初出於乳。譬佛出世先說華嚴。乃至最後變成醍醐。譬佛最後說法華涅槃也。如第十三卷中說。不應以淺深意取者。不應謂乳等定淺。則以華嚴等為劣。醍醐定深則以涅槃為勝。須知約次第相生故有五味。而諸味中悉有圓融故無勝劣。鹿苑顯無秘密亦有此亦不約開未開。別以分勝劣也。若謂下廣引諸文用破定執。所喻淺深之見。四味若淺不應喻深。醍醐若深不應喻淺。譬占王病等者。譬喻佛。王喻眾生。病喻執無常。乳喻今經。以常藥破無常病也。甜酥八味者。乳酪時淡醍醐時濃。酥居中間故具衆味。一生味。二熟味。三酥味。四漿味。五乳味。六甜味。七淡味。八膩味。以喻涅槃具常樂我淨。恒安無垢清涼不老不死之八德也。況其深矣者。況

比也。不可言深者。既喻二乘其法乃淺。如血變爲乳者。無明即明如血變乳。從法界體至界法者。即依圓頓理。說圓頓教也。

涅槃玄義發源機要卷第三。

### 涅槃玄義發源機要卷第四

宋錢塘沙門釋智圓述

如日下日喻法界體。照喻法界法。高山喻菩薩。如響下喻小機在華嚴座不得大益。豈故不能聞大。應故不能說大。隱其下初約隱身。次約隱法。初文者。神德含那身丈六釋迦像。覆如下明隱法。如來藏者圓頓法也。令改革凡夫成小聖人。無生無用者。敗種無生壞根無用。先與後奪者。與小即鹿苑。奪小即方等。委業領財者。用法華窮子喻也。此喻委以大乘家業。以化菩薩。如諸部般若多是空生身子。滿願對揚也。付財定性者。會父子定天性也。如經云。此實我子我實其父。以喻法華開權二乘。皆當作佛也。文云下即第九卷。指法華持品中八千人也。故知法華涅槃開會事等。悉號醍醐。但彼廢此施義有小異。然由法華本懷已暢故。至今教遂般涅槃。夫衆下通示化意也。衆生本具與佛無殊。日用不知。乃淪生死故。佛出世以二智手指攝迷徒點示本性。方將直顯復慮謗法。機既不等遂有五時。兼別但小對三帶二。一期調熟乃獲開權。法華今經所以興也。或作下叙五時

華嚴唯別圓故大。鹿苑但三藏故小。方等詞責偏小。褒嘆圓大。意令恥小慕大。般若委以大法。令教菩薩漸使通泰。法華開權名定天性。衆生下明法華既見佛性故。於今經涅槃。故知二經見性義一。靜平雙樹者。即經云右脇而臥。表一期化極。內智指攝其功已畢。息教二河者。即經云寂然無聲也。故云息教也。二河者。拔提河大在城南。照連河小在城北。相去百里。佛居其間。於四雙八隻樹下涅槃也。諸佛下證明迦葉出於淨土。但說法華即入涅槃。今佛世尊既出穢土。故須扶律以拾殘機。二經雖殊見性無別。又若約扶律爲涅槃者。則唯識土。若約談常爲涅槃者。則淨穢皆說。只是下能發究竟智。故名佛師。能生分真智。故名菩薩母。佛菩薩下舉佛菩薩之勝。以況凡小之劣。千舌百盲者。舉千百言多耳安能舞手者。毛詩序云。嗟嘆之不足。故詠歌之。詠歌之不足。故手之舞之。之蹈之。專五所以是體意者。五番所詮之理名爲所以。謂從上品乳滿字。勝修圓教醍醐所詮。俱是今經正體。設諸名相者。應云行相即依理起行故是宗。意對破者。即五番中皆有以圓破偏意也。皆言若專者專獨也。謂五番具含衆義。今若獨取其一故。成體等不同。雙卷等者。如上卷記。大本者。雖南北二本不同。同名大本。對六卷名小本也。同座異聞者。宜廣聞大本。宜略聞六卷。例大小品者。般若有大品小品。故以爲例。準諸經目錄。秦弘始五年四月二十三日。譯大品竟。二十七卷成者是也。竺法護於

晉太康元年譯。上帙爲光讚。羅什又重譯爲十卷。名小品。是知小品亦是抄其前分。若然者。則大說爲是。以六卷但盡菩薩品故。斯乃廣略者。六卷則略抄前段。大本則廣有後文。世猶惑焉者。或云異聞或謂廣略難可準定。故人尙疑如來說。像狗等者。示其前後不同也。如來說則在後。迦葉問則在前。像謂盜賊。以喻見魔。狗喻愛魔。如四依品。說三歸在如來性品。秦人彌譯者六卷。東晉所翻大本。北涼所翻俱非秦代。而言秦人者。但姚秦翻譯最盛。故義學之家相承而用。據互者。據胡計切。換也。或作係奚者。俱誤。昔道猛等者。按譯經圖紀及僧傳並云曇無讖。以玄始元年歲次壬子至姑臧。齋涅槃前分十卷。止於俗舍。遜開識名厚通請譯。遂以玄始三年歲次甲寅起首。至玄始十年辛酉譯經律。總二十三部。合一百四十八卷。慧嵩筆受。又南山涅槃弘傳序云。北涼沮渠氏玄始三年。有天竺三藏曇無讖者。涼言法豐。齋此梵本前分十卷。來達姑臧。僞主蒙遜珍賞隆重。於涼城內閑豫宮中。前後三翻成四十卷。終宋武帝永初二年。據此諸文乃是識公齋至。不云道猛將還沮渠蒙遜者。胡人其先爲匈奴左沮渠。遂以官爲氏。蒙遜博覽群史。頗曉天文。殺段業自稱涼州牧。又破僞檀于窮泉。乘勝入姑臧。僞號西河王。隋右即隴西也。右或作后後並誤。自號玄始者。改元玄始也。是時下南經緣起也。經從北涼入于江南。後因治定。既與舊本品卷開合不同。遂號南本。姚萇殺符堅。改長

安爲常安都之。改元白雀。後改建元。其卒。子興立。改元皇初。後改弘始。今云姚萇復號弘始者誤。應云姚興弘始。非玄始者。別其兩國年號也。玄始五年即晉恭元熙元年者。恭帝者。即東晉第十一帝。都建康。在位一年遜位于劉裕。是爲宋武帝。故云次入宋武裕也。恭帝元熙元年即是宋武永初元年。以當年改號故。宋武姓劉諱裕字德興。得四年者宋武在位三年而崩。長子義符立。是爲少帝。即位昏亂。太后廢帝爲榮陽王。在位二年。武帝第三子諱義隆即位。是爲文帝。以少帝於武帝三年當年即位。在位二年。至文帝元嘉元年。凡四年矣。故云得四年。此即大本始至南朝之年也。故開皇錄云。宋文帝世元嘉年初達于建康也。即北涼玄始九年也。此二高明者。謂德高智明乃美稱也。事跡如梁傳第七。康樂縣令者。南史第十八云。謝靈運少好學博覽群書。文章之美與顏延之。爲江左第一。縱橫俊發過於延之。深密則不如也。襲封康樂公。今云。縣令恐誤。抗世逸群等者。抗舉也。逸群猶出群也。南史云。以國公例除員外散騎侍郎。不就。爲琅瑯王大同馬行參軍。車服鮮麗衣物多改舊形制。世共宗之。咸稱謝康樂也。開皇三寶錄云。陳郡處士謝靈運治定者。蓋靈運自稱處士也。靈運陳郡陽夏人。嘗爲永嘉太守。郡有各山水。公素愛好肆意遨遊。稱疾去職。於始寧縣修營故墅。傍山帶江盡幽居之美。因著山居賦。尋山登嶺常著木屐。上則去其前齒。下則去其後齒。會稽太

守孟顓事佛精懇。公謂之曰。得道應須慧業。丈人生天應在靈運前。成佛必在靈運後。顓深恨之。今撫州城東南四里有翻經臺。唐顏魯公碑云。宋康樂侯謝公。元嘉年初。於此翻譯涅槃經。因以爲號。問謝公但修定舊本。安稱翻譯。答翻經之所有譯語者。筆受者。綴文者。證義者。潤色者。而通稱譯人。謝公治定乃是證義潤色之職也。故稱靈運翻經焉。開壽命下開壽命爲四品。復改壽命爲長壽。開如來性爲十品。凡十二品者。新開品目則有十二。并舊壽命如來性共有十四。皆準六卷中品名開之。故三寶錄云。靈運等以識涅槃品數疎簡。初學之者難以措懷。乃依舊翻泥洹正本加之。文有過質頗亦改治。足前等者并舊大眾問等品也。北本但十三品成四十卷。南本二十五品成三十六卷。故北遠師名北本爲少品多卷經。名南本爲多品少卷經。有三品等者。至唐麟德中後分方來。尙關分舍利。其後分中立品與識說不同者。和會如疏記第二十卷。由來關中者。關中秦地羅什居關中不見大本。故知足品非羅什也。錄稱者。即梁寶唱錄及隋開皇三寶錄第十三云。豫州沙門范慧嚴。清河沙門崔慧觀。陳郡處士謝靈運等加品改治。故今依之。知小亮非也。初三人下此明事蹟。與梁僧傳及開皇錄不同者。恐是傳說有異。而彼二文咸云三十六卷。始有數本流行未廣。嚴後一夜忽夢一人形狀極偉。厲聲謂嚴曰。涅槃經。何以率爾輕加斟酌。嚴既覺已懷抱惕然。且乃集僧

欲收前本。時有識者咸共止之。此蓋欲誠勵後人耳。若必乖理。何容即時方始感夢。嚴以爲然。頃之。又夢神人曰。君以弘經精到之力。於後必當得見佛也。如法華疏說者。即玄義第八明有翻無翻。各具五義也。亦如彼者。如文句也。以玄義文句。皆是解經通得稱疏。釋序品義既指法華文句。故下疏文直釋通序五事而已。更不消釋序品名義。又下疏文初且離文通示五章。所以疏初不題序品二字。若法華疏發初即解序品。故云序謂序序等。所以疏初乃標序品二字。或例法華文句。於此疏初加序品二字者非也。且淨名疏初亦不標其品目。用意各別。豈須一準。又疏文已經治定。標題從省。故削大般二字。但題云涅槃疏。此乃荆溪新意。或加大般二字者。亦非必也。正名宜尼所誠。後之學者宜善思擇。二疏下疏緣起二。初通示。二由二。初製疏遠由二。初受經攝靜緣起者。因由日緣。與致日起。余我也。童年釋歲也。攝靜寺名。在章安。即慧拯法師也。傳云。及年七歲還爲拯公弟子。具載上卷。予嘗讀高僧傳。見古來盛德鮮有不講誦斯經者。信矣。法王願命慈父遺囑爲臣爲子理合遵奉。邇世講誦聞其無人。法漸陵夷於斯驗矣。庶幾同見同行勉力流通。載紐類綱重樹顯表。忠臣孝子於是乎在。二走雖下求旨天台二。初別示緣差二。初八障喪聽二。初師存喪聽二。初正明八障。凡稱走或僕或蒙皆讓也。東京賦曰。走雖不敏庶斯達矣。注云。走謂走使之。公子自謙敏達也。顯聞

旨趣者既誦其文願知其義。負笈天台者。切韻曰。笈負書箱也。史記云。後漢蘇章字士成。北海人。負笈追師不遠千里。天台指智者所居之山也。陶隱居真誥曰。高萬八千丈。周回八百里。山有八重四面如一。當斗牛之分。上應台星。故曰天台。輿地志曰。天台山一名桐栢。衆嶽之極秀者也。心忻藍染者。劉子云。青出於藍而青於藍。染使然也。此以染義喻從師求解不取勝義。登山甫爾者。甫始也。言未久也。仍逢出谷者。又值智者奉陳後主詔出山也。疏主傳曰。陳至德元年。隨師出京。住光宅寺。不惟下自謙也。言不思已德荒蕪而輒侍奉。隨從智者於皇帝朝廷也。易緯曰。帝者天號也。德象天地不私公位。稱之曰帝。香塗三宮者。或作六宮。並由斯文。古無章記。講貫者寡。故令傳寫魚魯成訛。今謂三宮定非二六通用。有云。三宮爲正。乃地名也。引唐僧傳疏主傳云。三宮廬阜九向衡峰。無不掛迹。依迎訪問遺逸。此不應爾。今叙大師正宮京輦。地乃金陵。非三宮也。今按三宮即東嶽泰山。故茅君內傳曰。岱宗山之洞周回三千餘里。名三宮空洞之天。言二宮者。文選曰。婉嬋二宮徘徊殿閣。注云。婉嬋徘徊皆願慕貌。二宮謂帝及太子宮也。故大師別傳云。陳主幸寺捨身大施。又云。皇太子已下並託舟航咸宗戒範。故云二宮也。續高僧傳中皆指帝宮及儲宮爲二宮。既稟戒法故云香塗。即經云。常用戒香塗塗體也。或謂大師爲陳隋二帝戒師。即是二宮。此亦不然。此中正叙陳主欽

崇。下云金陵土崩方歸隋國。豈於陳世預說隋朝。無乃不可。或作六宮。即特指天子其義亦通。言六宮者。周禮天子后立六宮三夫人九嬪二十七世婦。八十一御妻。鄭玄注曰。六宮者。前一宮後五宮也。五者后一宮。三夫人一宮。九嬪一宮。二十七世婦一宮。八十一御妻一宮。凡一百二十人。后正位宮闈。體同天子。七衆者。一比丘。二比丘尼。三式叉摩那。四沙彌。五沙彌尼。六優婆塞。七優婆夷也。比丘等六翻名釋義。具在疏文。式叉摩那者。此云學法女。不別得戒也。先以立志六法練心爲受緣也。四分云。十八童女應二歲學戒。又云。小年曾緣年十歲者與六法。十誦中六法者。練心也。試看大戒受緣二年者。練身也。可知有胎無胎。此式叉尼具學三法。一學根本謂四重是。二學六法。謂一染心相觸。二盜人四錢三斷畜生命。四小妄語。五非時食。六飲酒也。三學行法。謂一切大尼戒行並須學之。言光輝七衆者。此謂戒香既塗於二宮。道光彌耀於七衆也。道俗參請者。道謂出家五衆。俗謂在家二衆。交絡者。謂參玄請法之人往來不絕也。雖欽下甘露喻涅槃旨趣也。瑞應圖云。露色濃甘者爲之甘露。王者施德惠則甘露降其草木。甘露仁澤也。一名天酒。如俟下謂待智者講說此經。如待黃河之情。言其難者也。王子年。拾遺記曰。丹。立千年一燒黃河千年一清。皆至聖之君以爲大瑞。又黃河清而聖人生。左傳子驥曰。周詩有之曰。俟河之清人壽幾何。杜預注曰。言人壽促而河

清遲。記豈也。有期無日者。雖許講宣。以我多障竟無日得聞也。逮及也。金陵地名也。吳晉宋齊梁陳謂之江南。六朝悉都其地。建康實錄云。本楚金陵邑。秦改爲秣陵。吳改爲建業。晉愍帝諱業改爲建康。元帝即位稱建康宮。土崩者。隋開皇八年文帝命晉王楊廣。清河公楊素。督兵五十萬以伐陳。旌旗千里金鼓震天。俄而平江東屠陳主。陳國傾壞喻以土崩。文選陳琳檄書曰。必土崩瓦解解不俟血刃。師徒兩散者。陳國既破法集遂停。師徒相捨如雨分散。絕交論云。駱驛縱橫烟飛雨散。大師遺囑云。朝同雲集暮如雨散。或作兩字者誤。後會匡嶺者。匡嶺即廬山也。廬山記曰。匡俗出於周威王時。生而神靈隱淪潛景。廬于此山。俗稱廬君。故山取號焉。大師別傳曰。金陵旣敗旋錫荆湘。路次涪城。忽夢老僧曰。陶侃瑞像敬屈守護。遠公冥請也。於是住憩廬山。俄而潯陽反叛寺宇焚燒。獨有茲山全無侵撓。復屬虔劉者。左傳曰。虔劉我邊垂。杜注云。虔劉皆殺也。即是偵潯陽反叛也。江陵荆州也。仍遭霧露者。仍值兵亂也。抱朴子曰。白霧四面圍城不出百日大兵必至。又三國名臣譙曰。雖遇塵霧。注云。塵霧謂恥辱也。勅徵下江浦即江都今揚州也。亦曰洛浦。文選曰。洛水洛浦。注云。揚州則梁之洛陽也。勅徵者。即煬帝潛龍之時。鎮守江淮。兩請智者。初請出江都求受戒法。即開皇十一年也。事畢仍歸江陵建玉泉寺。後又請出江都撰淨名疏。此言再出江都時。疏主滯疾於洪州也。

若初出江都則獲隨從故。疏主傳云。開皇十年晉王作鎮揚越。陪從智者止于邦溝。漢制天子曰勅。太子曰令。諸王曰教。煬帝鎮揚越時猶是諸王。後既登極故云勅。故別傳云。奉勅撰淨名疏也。頂滯疾豫章者。頂疏主稱名也。始稱余大稱走。今稱名文體之變也。豫章郡名。今洪州也。大師既再出江都。而疏主滯疾洪州。不獲隨從。既遠聖師安聞斯典。始舉飄南湖等者。南湖即宮亭湖。亦曰拱亭。謂於豫章病愈始舉掉帆。速往江都以就智者。而值隋文東巡狩。晉王入朝。於是大師東旋台岳。是故無暇講演。且給侍東歸。此乃大師最後入天台。即開皇十六年春也。東旋者旋或作還同。似泉切。文選曰。祇召旋北京。作此旋字也。秋至佛蘭者。神龜天台山記曰。從修禪寺南行二百步有盤石。平正猶如削成。古老相傳佛嘗於此放光。故名佛蘭。春離江都秋時方至者。以隨處利人行程故。冬逢入滅者。即其年十一月二十四日未時。於天台西門石城寺彌勒像前。加跏而終也。嘆伊余之法障者。伊維也。語辭耳。余我也。法障者。欲聞此經法義竟不獲聞。由前八事爲障也。一逢師出谷障。二參請交絡障。三金陵土崩障。四復屬虛劉障。五仍遭霧露障。六滯疾豫章障。七東旋台嶺障。八冬逢入滅障。由具八事障我聞法。故曰法障。若不出谷則合得聞。雖在帝庭。若參請事簡則合得聞。雖其人交絡。若金陵久安亦當得聞。乃至若不入滅雖有前障。終當講演令我得聞。故入滅之

障最爲深重故下嘆云。日既隱於重崖。盲龜眠於海底也。奚可勝言者。奚何也。勝平聲。謂法障之多非言所載也。二昔五下引事感傷。初引事類已。賢愚經第六云。毘舍離國有五百盲人。乞食自治。時聞人言。如來出世。盲人聞已還共議曰。我曹若當遇佛必見救濟。即便問人佛在何國。答云。佛在舍衛。遂各乞金錢一枚。僱人引往。時有一人收取金錢。將諸盲人至摩竭提國。棄諸澤中。盲不知處。互相捉手。經行他田傷破苗穀。長者行田見彼踐苗。甚多瞋怒。盲者求哀具宜上事。長者使人將詣舍衛適達彼國。又聞佛往摩竭提國。及到彼國。復聞世尊已還舍衛。如是追逐凡往七反。佛知根熟乃於舍衛待之。盲到佛所。蒙光目開。佛爲說法成阿羅漢。祇洹等者。譬喻經第三云。昔有一人作兩業。有一婦適詣小婦。小婦語言。我年少婿年老。我不樂住。可住大婦處作居。其婿拔去白髮。適至大婦處。大婦語言。我老頭已白。婿頭黑。宜去。於是拔黑作白。如是不止。頭遂禿盡。二婦惡之。便各捨去。坐愁致死。過去世時作寺中狗。水東一寺水西一寺。開機椎鳴狗便往得食。後日二寺同時鳴。狗浮水欲度。適欲至西。復恐東寺食好。向東復恐西寺食好。如是猶豫溺死水中。文云祇洹者。通取寺名。非直指祇洹寺也。唯驅唯沈無見無得者。結前二事。盲雖七追唯至於他國。竟不見佛。云唯驅無見。狗聽兩鍾唯死於沈溺。竟不得食。故云唯沈無得。次入山下以己類事已之多障。如盲如狗。入

山出谷總前八障。入山攝七八。出谷攝前六。浮墜泝江者。釋上句也。浮墜字誤。應作乘陵。謂入山乘陵。出谷泝江空歷艱苦。不聞斯典。文選北征賦曰。乘陵岡以登降。注云。陵岡皆山丘也。左傳曰。吳將泝江入郢。爾雅曰。逆流而上曰泝。順流而下曰泝。游。字林云。順流曰沿。逆流曰泝。泝蘇故切。日既下舉喻。嘆師滅也。日喻師解圓明。隱崖喻師入寂滅。崖山也。淮南子曰。日入崦嵫。注云。亦曰落窠山。盲龜喻已無智眼海底喻迷深。雜合第十六云。告諸比丘。如大海中有一盲龜。無量劫。百年一遇出頭。復有浮木止有一孔。漂流海濱隨風東西。盲龜百年一出得遇此孔。龜至海東。浮木或至海西。遠遶亦爾。雖復差違或復相得。凡夫漂流五趣之海。還復人身甚難於此。今借彼文以喻聖師難值也。憑光想木者。人在半夜欲憑日光鑒物。龜居海底空想浮木安身。其不可得也。故云。詎可得乎。二余乃下沒後思。愆師既已滅。斯經旨趣莫得而聞。省已宿愆。於是躬事塔廟。口誦斯經。以期未來值師聞法也。掃墓願值師誦偈期聞法。西土塔婆即此方墳墓也。掃灑墳塔種植林樹。以墳必樹故。含文。嘉曰。天子墳高三仞。樹以松。諸侯半之。樹以柏。大夫入尺樹以槐。庶人無墳樹以楊柳。更服灰場者更平聲。謂常更換淨服。於塔所誦經也。故法華云。著新淨衣內外俱淨也。或作伏字者非。如來聞維之地號曰灰場。今大師土葬而言灰場者。用其故實耳。亦猶法華疏序云。曉還台嶺仍值鶴

林。鶴林之言例同灰場也。石偈即此經也。以聖行品中雪山大士既獲半偈。乃於草木石壁書之。以示來者。故名此經爲石偈也。疏主童年誦經已半。知此誦其全部。非只一偈也。思覺畢世者。則是思往世之覺成今法障。遂乃身掃口誦隱居求志。期盡此身故云畢世。二事不下五難喪思。五初僧使迫已雖欲隱居畢世。而爲衆舉差。因與智琛同充僧使。屢入帝京。故云事不由己。蓋爲僧事所逼迫也。故云迫不得止。事備國清百錄。戴函負封者。所持牋表詔勅皆用函也。百錄云。金書一函與天台衆。西考闕庭者。考應作朝字誤也。闕謂雙闕以石爲之。其上隱起奇獸異禽之狀。在端門外夾道置之。亦曰象闕。魏闕。周禮太宰以正月懸理象之法於象魏。使萬人觀理象焉。左傳哀公三年火。季桓子命書藏象魏曰。舊章不可忘也。崔豹古今注曰。闕者。觀也。古者每門樹兩觀於其前。所以表宮門也。其上可居。登之則可遠觀。故謂之觀。人臣將朝至此則思其所闕。故謂之闕。天子所居曰闕庭。隋都長安也。私去公還者。充僧使而去。奉勅命而還。或度僧造寺。或修營香火事備百錄。故百錄云。今遣大都督段智興。送師還寺。故曰公還經塗下往還充使。經由道塗凡八年也。二日嚴下誦論遺道。雖免僧使仍因誦論。重入帝京日嚴寺名也。唐高僧傳曰。煬帝時爲晉王。於京師曲池。施營第林。造日嚴寺。咸陽即長安。今永興軍也。誦論之事而不傳不書。乃傳搜訪之闕耳。三值水夜奔桃林。

水奔者。尚書放牛桃林之野。是也。左傳晉侯使詹嘉處瑕以守桃林之塞。杜注云。桃林在弘農華陰縣。此言行至桃林山。水夜至避之奔走。故失伴侶。四又被下被議收往及至京都。又遭議侯。謂爲巫蠱惑亂於人。而煬帝信讒故收往河北。幽薊二州名在河北。薊音計。五乘水馬陷冬月度河。故乘履其水以濟北岸。馬雖陷水而死。其身猶獲生存。臨危履薄者。詩云。戰戰兢兢如臨深淵。如履薄冰。疏主意云。昔聞詩語喻以戒慎。而今身當履踐。故下句云。生行死地也。寧可言盡者。危難若此。那可具言。二書裏下總結俱喪者。裏糧至東南者。即指前負笈天台已下文也。入山出谷揚越往來。何啻千里。文選云。裏糧萬里。簞長柄竹笠也。史記虞卿躡屣擔簞。說趙孝成王。一見賜金百鎰。再說拜爲上卿。負罪至西北者。即指又被議已下文也。三議者。晉獻公三子皆爲驪姬所譏。故曰三議。疏主自比也。三子謂太子申生重耳夷吾也。左傳第五曰。初晉獻公欲以驪姬爲夫人。卜之不吉。筮之吉。公曰。從筮。卜人曰。筮短龜長。不如從長。弗聽。立之。生奚齊。其娣生卓子。及將立奚齊。既與中大夫成謀。姬謂太子曰。君夢齊姜。必速祭之。太子祭于曲沃。歸胙于公。公曰。姬實諸宮六日。公至。毒而獻之。公祭之地。地墳。與犬犬斃。與小臣。小臣亦斃。姬泣曰。賊由太子。太子奔新城。公殺其傅。社原款。或謂太子。子辭君必辯焉。太子曰。君非姬氏。居不安食不飽。我辭姬必有罪。君老矣。吾又不

樂。曰子其行乎。太子曰。君實不察其罪。被此名也。以出人誰納我。十二月戊申縊于新城。姬遂譖二公子曰。皆知之。重耳奔蒲。夷吾奔屈。言東南西北者。以帝京居中。則揚越在於東南。幽薊居乎西北也。若聽若思等者。前希聞斯典。故擔簞東南有入障故喪其聞。後欲思覺畢世。由驕馳西北有五難故喪其思。故云二塗俱喪。二情不下製疏近由。後時雖獲生還台嶽。以昔兩緣聽思俱喪。於是慕法不已。更尋他疏以勘經旨。義既達經。因自撰疏。舊疏即河西光宅等諸師疏義各存也。不與文會者。乖經失旨也。快快於亮切。悵悵也。病諸者諸之也。見其義非如已有病。此即製疏之近由。二數詳下正明述作時處二。初謙光述懷。經第三十云。譬如王告大臣。汝牽一象以示盲者。時彼衆盲各以手觸。其觸牙者即云。象如茱萸根。其觸耳者言象如箕等。經自合云。王喻如來。臣喻方等大涅槃經。象喻佛性。盲喻一切無明衆生。獨夢談刀如經第十八。略如上記。刀喻佛性。夢寐謬談非親得刀。此皆疏主謙也。謂心思經旨如盲觸象。豈識全經。口說經文如夢談刀。故非實有。二以大下著述時處二。初明時處二。初示染筆時處。大業即隋煬年號。十年即甲戌歲也。應于天台之南者。小爾雅云。廬寄也。謂寄止也。亦別舍也。黃帝爲廬。以避寒暑。春秋去之。冬夏居之。故云寄止也。神臺天台雜記云。赤城爲南門。石城爲西門。今云天台之南。謂赤城也。二管窺下明還師述作。管窺者義意者。莊子

云。以管窺天也。謂智者法門如天之高遠。已解推尋如以管窺。義意者。五時四教之義。三觀六即之意。依此義意。輒爲此經解釋旨趣也。爲去聲。尙書序曰。承詔爲五十九篇作傳。大業明製撰之時。天台之南嶺筆削之處。管窺智者。示所學之宗。二運丁下叙難緣二。初避難四移兩蒙靈異。丁當也。大業十二年有大鳥似鵬飛入殿內。至于御幄至明而去。九月幸江都。以代王侑留守西都。越王侗留守東都。既至江都。唯以酒色爲務。五月星隕吳郡爲石。徵求螢火數斛。夜出遊山光遍巖谷。火守羽林星如斗出。王良閣道聲如隕。枉矢出北斗米一斛。計錢八九萬。用錫環錢細如線。十月李密起兵於梁楚之郊。竇建德處明月等。所在稱號。盜賊公行劫掠州縣。又諸道賊師孟海公。徐圓朗。朱粲。劉武用。薛舉。蕭銑。李子通。沈法興等各率衆寇掠。多者數十萬。少者二三萬。天下無處無賊。故曰寇盜縱橫于時。天台悉爲沈法興所有。雜記云。大業十四年沈法興擅置海州。即改臨海縣爲海州也。匿影沃洲者。匿藏也。沃洲山名在剡。即支遁所棲之山也。赤城既喧復更匿。藏形影。避盜於沃洲山也。陰林席箭者。山宿野棲故無屋宇。但蔭茂林以爲帳布。箭竹以爲席。亦猶古人班荆而坐也。箭竹偏產會稽。爾雅曰東南之美者。有會稽之竹箭焉。衣殢等者。殢音丹。盡也。既避盜深山而衣殢又盡。故於撰述致乖次第。於是下明爲撰述緣關。更求他處挾藏也。鄙志識也。託命遂安者。寄

託形命於遂安也。遂安縣名今屬睦州。縣令鄧氏者。即遂安令也。曳疾應之者。赴請爲講也。應去聲。事不兼舉者。既務講宣。且停筆削。因將草本寄於他舍。冥持此本者。謂冥聖護持。故得燒舍疏在。故云得免灰。麝香羊。風所飛颺也。重寄欄。城者。講經既畢。復寄欄城意欲補削草木也。欄音冊。編木成援也。未詳何處。今仙居縣有欄岸保。恐是其地。玉石俱罄者。玉石喻貴賤賢愚。海賊劫掠貴賤並盡。故云俱罄。尙書曰。火炎崑岡玉石俱焚。蕭亮即當時將帥也。復獲安存者。身安疏存。焦不能燒者。即前云冥持此本得免灰颺。賤不能得者。賊劫欄城玉石俱盡。而此疏獨存也。再蒙靈異者。初火不燒次賊不得。故云再也。勵勉也。誠心也。或作厲非也。食息者。息寢臥也。無寧不安也。二乃卜下幽境稱懷勤加補削二。初叙幽境。稱懷卜者。禮記曰。龜曰卜。書曰。筮。古者移居必卜。故離騷經有卜居也。左傳曰。非宅是。名唯隣是卜。今疏主以移居爲卜居。安洲在樂安縣。今仙居縣也。故僧傳云。樂安南嶺地曰安洲。然安洲之名始於疏主。台州圖經曰。管竹山在縣東南五里。高二十丈。周回二里。其下舊有潭。唐武德年中。邑人請天台國清寺灌頂尊者。講于光明寺時。此潭之魚取者甚衆。尊者率道俗於潭側講金光明經。誘漁者令止其採捕。一夕忽暴風雨至。且視之。乃爲洲矣。故號爲安洲。以此洲渚在樂安故。微瀾者。瀾力且切。又力安切。爾雅曰。河水清且瀾瀾。大波爲瀾。小波爲。時。

絕人獸之蹤者。山深溪隔故。人獸不到。牽連偉括者。謂偉美山及括蒼山也。陶弘景玉匱云。括蒼山西南百餘里。有偉美山狀如宮闕。多靈異。可偉美也。皇朝新修圖經曰。亦名天姥山。又云。大括蒼嶺在縣西一百八里。疊二山之美者。謂安洲景象兼有偉括之好。水鏡者。溪水澄淨有若明鏡也。蓮池者。謂池有荷花也。爾雅曰。荷芙蕖。郭璞注曰。別名芙蓉。江東呼荷。紅葩普巴切。華也。白牙圓扇者。善見律云。優波離昇座執象牙裝扇。先集律藏。婆薹者。草茂盛貌。加亦勝也。戴氏重席者。東觀漢記。戴憑字次仲。拜侍中正且朝賀。帝會群臣。諸生能說經史者。更相詰難義。有不通者輒奪其席。以益通者。憑遂坐五十餘席。今疏主承修竹之風。藉翠草而坐。勝於牙扇重席也。以彼由造作此任天真。其實勝之固非誇飾。下云羞繪圖陋絃管亦爾。雲護赤白松桂青黑雕鏤雜糅。而有五彩之文。則使畫圖有羞色繪畫也。猿吟鹿叫蟬噪蛙鳴相和成韻。似其八音之樂。翻令絲竹成陋聲故。左太冲招隱詩云。非必絲與竹。山水有清音。麝居筠切。鹿屬。八音者。五經通義曰。金石絲竹匏土革木也。金爲鍾。石爲磬。絲爲絃。竹爲管。匏爲笙。土爲埙。皮爲鼓。木爲祝。故雅有八音者。竹風草席畫圖音樂。皆得之於自然。故云高致也。豐趣冥倫者。冥幽也。倫人也。謂此高致豐饒歸趣於我幽人也。倫亦可作淪。淪沒也。謂隱沒於山澤也。二仍舊下明資緣勤苦。蒔種也。種粟充食拾薪備爨。



二、暨染下感傷謙己二。初感傷多難。暨至也。從此絕筆逆至染筆。凡歷五載。即唐高祖武德元年戊寅歲撰疏絕筆也。煬帝即位改元大業在位十三年。十二年幸江東宮。十三年唐公起義師於太原。破宋老生於霍邑。所在克敵。遂入長安。煬帝爲太上皇。奉煬帝孫文德太子之子侑。篡位即恭帝也。改元義寧。至二年遜位於唐公。改云武德。既云凡歷五載。知是武德元年絕筆也。於此五載凡經六移。初寄天台之南。二移沃洲。三移遂安。四移柵城。五重移遂安。六移安洲。并前八障及中五難共成十九難緣。於後六中更取火賊二事。則有二十一也。五難謂僧使遺追值水被讎馬陷也。前八中五是製疏之遠由。尋舊疏是近由。後六是正製疏。問前八爲障何名遠由。答由不聞法故自撰疏。若其聞者則疏是師說。安得自製。前八爲障竟不聞法。後六雖艱終成斯疏。嗚呼正法難聞正道難行。其若是乎。干戈者。孔安國曰。干盾也。戈戟也。論語曰。而謀動干戈於邦內。菜食水齋言其儉也。冰床雪被喻其寒也。其有圓頂方袍暖衣飽食。既達遺教。又偶清時。而口不談出世之言。心不則至真之道。自樹迷暗反輕學宗。吾知斯人紹三塗種。疏主聖者。得無悲乎。夢抽思乙者。乙應作一。昭明文選序云。耿介之意既復。壹鬱之懷靡慰。注曰。壹鬱愛思也。今謂軍火所怖干戈所駭。而夢驚若抽愛思壹鬱。辭既下謙已述懷。野質者。論語曰。質勝文則野。此言辭鄙意。豈會文者謂所立義意淺近。

豈能契會斯經圓頓之文也。此言義暗辭鄙義暗皆謙也。有崖易殆者。爾雅曰。重崖岸注曰。兩崖累者曰岸。殆危也。有身速滅如土岸易崩空海難遏者。圓空廣大若滄海難遏。故不可以易殆之身窮。難遏之義也。官竊下如官觸象如竊談刀。或可偏知於少義。敢言圓解於大理也。特是下正明述作之意。既是偏知何故撰疏。故釋云。特是不負本懷也。言本懷者。始爲此經遂親智者。即前文云。走雖不敏願聞旨趣。於是負笈天台。心忻藍染也。遽玆石火者。淮南子曰。人生天地之間。如鑿石見火。電光過隙。疏主自謂。無常忽遽如彼石火。不能久研經義。故且率爾成疏也。卷舒下自慶也。初句明卷舒尋經。次句明讀疏撰疏。仰謝於心口者。由心思故口讚也。鹿耘毒草。或作鹿芸。並亥亥之誤。應作鹿耘。上彼苗切。下音衰。左傳曰。譬如農夫是穰是穰。杜注云。穰耘也。裴蘊苗也。然毒草藥王之語。出在今經。故如來性品云。譬如雪山多生諸藥。亦有毒草。諸衆生身亦復如是。雖有四大毒蛇之種。其中亦有妙藥。大工所謂佛性。或執說字便求麋鹿耘草之緣者。何異聞三豕渡河。便謂豬行水上乎。故僧傳道不議沙汰云。僧之清尚必不露於人前。僧或凶頑而偏遊於世上。必恐正施蘊裴。草和蘭茝而安。方事淘澄。金逐沙泥而瀉。彼用蘊裴之語義與今同。又蘊裴穰三體並通。爾雅云。穰穰也。經典釋文作蘊耘也。字林云。耕不間也。說文云。穰耕鋤也。今疏主斥諸師非義。如蘊裴毒草。顯佛性

正理如微蘊藥王。故前文云。將疏勸經不與文會。快快終日恒若病諸也。蝗蠹螢燭者。蝗蠹性怒。遇物必舉蠹而拒之。莊子曰。蝗蠹怒臂以當車。豈免碎於轍間。文選曰。欲以蝗蠹之斧。禦隆車之騶。注云。前有兩足舉之。如執斧之象。崔豹古今注曰。螢火一名暉夜。一名景天。一名燭燭。一名燐。一名丹良。一名丹鳥。一名夜光。一名宵燭。非能抗曜也者。曜即日也。廣雅云。日名曜燿。謂蝗蠹不能拒抗於車轍。螢燭不能爭輝於曜燿。此疏主自謙識見微劣。不能抗曜於諸師也。吾祖聖師爲法之志艱苦之迹。盡在於此文矣。傳斯宗者。得不思齊。詩云。伐柯伐柯其則不遠。可不懋乎。或卷末有半紙批文者。蓋後人謬錄涅槃玄義發源機要卷第四

No. 1167 [ed. Nos 375, 1765, 1769]

### 科南本涅槃經序

元崇聖院傳天台宗  
教校經沙門師正述

吾佛大聖人。最後雙林會上。爲末世比丘普及大地衆生明心見性。而說是經也。備明戒檢。廣開常宗。摩訶止觀。依之爲扶律顯常。喻之以贖命重寶。故經云。此經若在佛法則在。此經若滅佛法則滅。佛法命脈存亡繫焉。始於沮渠蒙遜。請曇無讖及猛法師。兩度翻譯。共十三品成四十軸。行之北方。至宋文帝勅



嚴觀二師。同謝康樂更共治定。開爲二十五品。縮爲三十六軸。行之江南。其間說聽領悟甚衆。著述申明亦多。如僧傳所載也。去聖逾遙。神根轉鈍。吾祖章安尊者。約龍樹宗旨。用天台義門。製疏科經。深符佛意。荆溪刪補。法道重明。自四明慈雲講唱孤山作記之後。寥寥絕聞。其故何哉。蓋由經文浩博。疏義淵微。加之科未入經。卒難尋討。師正刻志斯典。有年于茲。宋之壬申。寓古源法師永清輪下。爲座首。遂做法華光明體例。以疏科句分標經上。凡疏不隱者。起盡難定。而與諸友往復徵折。方丈主決。必歸於是。每夜集於猗峯軒下。經科疏記輪環讀之。預斯集者。大慈懷總。報慈大成。大雲居簡。壽星文勝。龍華清正。園華懷坦。天竺法杭。始於是秋之八月。終於明年之季春。無極東堂可度。重加釐訂。白雲古山僧錄道安。錢梓流通。願與後人。受持讀誦。如說而行。上不孤於佛祖。下不負於己靈。壽祝一人。功靈九有云。時至元歲在壬午。聖制日序

## 大般涅槃經疏卷第一

隋章安頂法師撰

唐天台沙門湛然再治

序品上

上代直唱消文釋意。分章段起小山。瑤關內還等。因茲成則。此經文句盈縮非一。有二三

四五七八。梁武但制中前中後。開善唯序正。光宅足流通。靈味問有緣起。答有餘勢。河西五門。婆藪七分。興皇八門。雖蘭菊各美。而經遮論開。牧女添水。進也。派深析重。開也。今分爲五。又爲七。一列章。二示處。三釋名。四生起。五通別。六引證。七異解。初列章者。三召請涅槃衆。二開演涅槃施。三示現涅槃行。四問答涅槃義。五折攝涅槃用云云。二示文處者。初從如是訖流血灑地。是請。從純陀訖大衆問。是施。從現病訖德王。是行。從師子吼訖訖品。是義。從迦葉訖經。是用。三釋名者。道不孤運待時處伴。今涅槃時到。而面門啓照。隨類發聲。感悟感動會此拘尸。緣牽曰召。招致曰請。衆有權實。實者可召。權者宜請。五十二衆十方奔集。咸爲顯發大般涅槃。故名召請涅槃衆也。佛於無量阿僧祇劫。修習難得大涅槃藏。本無祕吝。但不盡能受。所以初用毒塗後以水洗。前同末異。伺機時待。因純陀獻供。施常色力。因此丘請住。斥僞談真。殷勤勸問迦葉承旨。隨問施與。使無遺滯。法雨充溢。滿拘尸城。故名開演涅槃施也。然祕藏淵凝。非行不到。善巧方便。示現令前。所之右脇。而以默無所說。示現病行。迦葉推請。乃加趺羅。釋說三指一。善薩奉行五行十德。是故名爲示涅槃行。然涅槃以義浩然。無盡欲舉一敬諸。若指鹹淡海。故專問佛性。聯屬六重。佛一一酬名涅槃義。然佛性之體。非善非惡。善惡雙用。彌滿無涯。且囊括梗概。以略該廣。用善則離云被攝。用惡則善星堪收。二子既然餘皆可例。

又體非邪正。邪正雙用。用正則始攝陳如五人。用邪則終收邪徒十外。初後既爾。中亦例然。名涅槃用四生起者。由衆有施。由施行立。由行見義。證義有用。亦是用由於義。義由於行。行由於施。施由衆集。逆順相由。故成大第。無始而始。故有召請。不終而終。故有大用。惡盡邪亡。善窮正息。折攝既休。畢竟寂滅。入於涅槃。五通別者。初中後說。莫不對衆。若無衆者。唐說授誰。故通是衆。別說衆集。最在於初。宣名召請。通論一言。一事皆施衆生。別對問緣因求而與。其文既廣。其事亦明。是故名爲開演涅槃施。通論訓物。莫非規矩。悉通是行。別論五行十德。文多事顯。故名涅槃行也。此經始終。悉明佛性。佛性則通無處不辨。別以一番問答。純論佛性。文明事顯。名涅槃義。通論一部。導利群萌。如大地藥草。爲衆生用。我法亦爾。是故名通。別論攝惡攝邪。文多意顯。故別明用。六引證者。先引多文。次引一處。初多文者。如聲光普告。令疾至佛所。爲最後問豈非召耶。又師子吼云。召請十方諸大菩薩。集娑羅林。大師子吼。純陀品云。我今施汝常命色力。德王品云。汝今欲盡大涅槃海。值我多有能相慧施。聖行品云。菩薩應當於大涅槃專心修習五種之行。又云。修大涅槃得十功德。師子吼中。則以六句問於佛性。以何義故名爲佛性。如來具答。佛性只是大涅槃義。迦葉品云。慈心游世間。世間不出善惡邪正。翻十仙之邪攝一子之惡。即涅槃用。次引一處文者。師子吼云。佛性者。亦名首楞嚴三昧。

亦名般若波羅蜜。亦名金剛三昧。亦名師子吼三昧。亦名佛性。然佛性非一。云何有五。以五名之令解非五。召請之衆悉是如來同行知識。若從德本乃皆住楞嚴。若從示現即五十二衆。故以首楞嚴名證召請衆。私謂五十二衆者。比丘等三衆。菩薩衆爲一。從二恒至千億恒。增數衆有二十一。同數衆有八。無數衆一。中間衆有四。六天爲六。梵衆一。修羅一。魔天一。大自在天一。四方四。合五十二。無上調御一切種智。周照機理纖芥無差。開常顯性發掘覺藏以施時會。若從佛智應名般若。若從設教名涅槃。當知般若之名。何以證涅槃。是五一行真正調直不可傾動。復能碎散煩惱結惑。若從修習名之爲行。若從譬喻喻於金剛。當知金剛三昧可以證涅槃之行。義者名之所以。故涅槃名下有佛性。所以。佛性卽是涅槃之義。此義自在決定無畏。若從能譬喻師子吼。若從所譬卽佛性義。當知師子吼名可證涅槃之義。體用相卽。一切諸法中悉有安樂性無非佛性。卽體而用。游化世間。攝惡攝邪皆歸正善。當知佛性之名可證涅槃之用。今依經分章文義有據非徒穿鑿。七出異解者。梁武中前中後約時分經。若以平日中後可然。黃昏夜半復齊何文。居士請僧經云。說此歷一周。爲是何年中前中後。今隨法分章則無此難。開善爲序正。序卽召請。正卽四章。光宅足流通。只是用章少分。靈味取問有緣起。答有餘勢。既處處有問答。應處處有餘勢。若河西以初兩卷爲引接

今昔有緣門。此得實失權。今言召請具包權實。以第三卷至大衆問爲略廣門。此但約文言多少。今開爲演涅槃。則兼於廣略。以五行爲涅槃行門。十功德爲菩薩功德門。行與功德俱是因中。今合爲行章則不煩文。以師子吼盡經。爲不可思議中道佛性門混和難解。今分義用文則易明。地師以第一卷爲神通反示分此得權失實。今言召請卽無所偏。彼以第二卷爲種性破疑除執分。第三卷至大衆問爲正法實義分。今爲一涅槃。則兼其二分。彼以五行十功德爲方便修成分。彼以師子吼爲不放逸入證分。前之修成已是入證。證又入證可非煩重。今爲義章。彼以迦葉爲慈悲住持分。陳如爲顯相分。持惡向善顯邪還正合爲用章。與皇初爲引接今昔有緣門。此用朗意。二破疑除執門。此用地人意。三略廣門。四行門。五位門。六行中道門。皆用朗意。方便用門。邪正不二門。與河西開合之殊名味不異。第二別釋者。召請章是經家所置。舊呼爲通序別序。三世道同故言通序。教門機別故言別序。又今佛一期小大別圓悉安如是故名爲通。經經由藉悉皆有異故名爲別。又諸經初皆安如是。同是勸信之詞。於通序中。或五或六由主處離合。如是者。所傳之理。我聞者。能傳之人。一時者。能傳傳所傳。會機會理之時。佛者。承承之主。住者。所聞之地。衆者。親承之伴。展轉相證勸信非虛。欲使將來順而不惑。又小大諸經初皆勸信。信大信小大小應異。若不異者則無小大共別

圓殊。如其有異如何分別。今略說之。若言能傳所傳。二事相似爲如。能傳所傳無非曰是。此信三藏意也。若言解與真合爲如。身灰智寂爲是。此信通教意也。若言稱機爲如。事逆理順爲是。此信別教意也。若言魔界卽佛界爲如。一色一香無非中道爲是。此信圓教意也。如是既爾。我聞等類之可解。故龍樹云。其信者。言是事如是。不信者。言是事不如是。若信初三。是信方便諸權如是。若信後一是信圓融一實如是。此通別序諸師皆用。世所常聞不俟多說。具如法華疏中。今此唯存約教一義。他皆準彼。今明通序五句。亦可序於五章。如是序請。我聞序施。一時序行。住處序義。同聞序用。如是序涅槃衆者。夫不異曰如。無非曰是。若不得如是。異則定異非則定非。達斯意者。異則不異非則不非。始從列衆結已還。詭類殊形果報紛雜幢摩梵世。蓋覆大千巨細相傾精微映奪。若以牛羊眼看則無非舛互豈得如是。得如是者。知法身大士。作首楞嚴。種種示現。悟異不異。是故稱如。知非不非所以言是。當知如是爲召請衆作序明矣。我聞序涅槃衆者。我昔不聞而今得聞。見八斛纒纏周遍大衆。聞二施果報等無差別。新伊四德祕密佛性種種法味不聞而聞。故知我聞序涅槃。一時序涅槃行者。一時之行非次第行。一時之證非前後證。文云。復有一行是如來行非次第行。於一念中卽能具足。現五趣身卽一時證。當知一時序涅槃行。住處序涅槃義者。處是歸身止息之所表

佛性是宗極究竟之地。驅邪引惡向彼拘尸。非枯非榮中間寂滅。若他若自到極而止。當知住處序涅槃義。同開序涅槃用者。山林河海之神。牛羊禽獸之類為同聞眾。即知等教三子併作三田。善惡俱收邪正悉度。故同開眾是序涅槃用。已將五序別屬當竟。更說一序各序五章。夫眾不出八佛。八佛與現佛不異名如。無非佛者故名為是。二施無差故言如。同入祕藏故言是。如來之行故言如。一行遍攝故言是。同一佛性故言如。義體不二故言是。邪惡不二故言如。更無過者故言是。當知如是通序五章。我聞亦然昔聞四眾非八佛。今聞八佛即四眾。我昔聞初後優劣五果遷移。我今聞二施無差等皆常樂。我昔聞江河迴曲不徑到海。今聞拘耶尼洲猶如直繩。我昔聞肉眼尚不見空況能見性。今聞學大乘者雖有肉眼名為佛眼。佛眼見性了了分明。我昔聞善惡淫滑邪正異轍。今聞低彌神龜同皆在水。是為我聞通序五章。一時者。一時奉聲光召請。一時集娑羅林。一時顯如來密藏。一時聞涅槃常施。一時聞頂戴奉行。一時安祕藏中入涅槃義。一時已聞常住二字。啟悟父母七世宗親。及諸眾生冤親善惡。是為一時通序五章。住處者。聲光召請同向佛住處也。佛以佛所住處施與時眾。從佛住處起涅槃行。見佛住處乃是見義。以佛住處引攝邪惡。是為住處通序五章。同皆見聞常住聲光。為如非餘方便之聞。故是同聞最後問答。常命色力安無礙辯。同聞拘耶直繩之

行。同聞西海祕藏之義。同聞邪惡有佛性用。是為同聞眾通序五章。復次五序。序於三點。如是總序三點。不縱不橫不並不別乃稱如是。我聞序般若。一時序解脫。住處序法身。同開序三點不虛。復次五序。序四德者。如是總序四德。我聞序樂。一時序淨。住處序常。同開序我云云。例以五序。序經要義。皆悉準此。不復廣說餘例思之。我聞者。我我我。無我無我。我非我非無我。聞聞聞。不聞不聞聞。不聞不聞。三種我聞。是昔所聞方便之義。非我非無我。我不聞不聞。圓論我聞者。今經正意。一時者。一是數方。世間義耳。空為一者。即二乘義。真俗合一菩薩義也。一切一切。非一非一切。而一而一切。後一者。今經正意。一時佛者。三身四義。後義在今準前可知。住處者。具存應言拘尸那竭。此無翻。或翻為角城。有三角。華嚴云。角城南者。即其城也。或云菰草城。或言茅城。此城草覆因以名之。或云仙人城。昔仙人壽長崇其人。以人名。名於住處。亦以名。名國故言拘尸國。力士生地者。人中力士力敵千人。凡三十萬共為群黨。無所臣屬。以法自持。亦不暴亂。即士人也。故言生地。阿夷羅跋提。此翻金沙。在城南闍二十丈。或言闍四十丈。娑羅雙樹者。此翻堅固。一方二株四方八株。悉高五丈。四枯四榮。下根相連上枝相合。相合似連理。榮枯似交讓。其葉豐蔚。華如車輪。果大如餅。其甘如蜜。色香味具。因茲八樹通名一林。以為堅固。只此一城有種種見。若見土石者人所住處世間之義。

若見是無常苦空與廢者二乘住處。若見是發菩提心處。是值先世佛處願處修定等處者。是菩薩住處。若見是四德圓滿究竟具足慈懷示人。茅城表常。力士表我。吉河表淨。樹間表樂。又一一事。表四德者。城不可壞表常。豐有表樂。御敵表我。無難表淨。力士無屬表常。心安表樂。力壯表我。色悅表淨。河者恒流表常。金沙表淨。清涼表樂。吉福表我。樹者下文云。東雙表常。南雙表樂。西雙表我。北雙表淨。又雙茂表常。陰涼表我。華以表淨。果以表樂。若能總別識四德者。即諸佛住處。若謂同聞是生死人凡夫所見。謂是聖人二乘所見。謂登地去菩薩所見。謂是九佛中之八佛即諸佛所見。若得此意。下去句句作此消之。就同聞眾又二。初眾集次威儀。初文者。私謂準一家意。須以五十二眾。以為同聞。是故同聞五十二。今比丘當初故云同聞。同聞為五。謂與數類眾數。今文少眾義合有之。與者共也。釋論以七一釋共。謂一處一時一戒一心一見一道一解脫。諸比丘與佛同此七一。故言佛與。若三藏明義。丈六佛與諸比丘。同是拘尸處。同在涅槃時。同律儀戒。同禪定心。同無漏見。同涅槃道。同有餘脫。七皆同佛。是故言共。若通教明義。五同二別。何者體法智慧即色見空非色滅空。此見不同摩訶衍道不同隘路道不同也。當知二別。若別教明義。尊特身佛時處等七。前兩比丘之所不見。如為盲人設燭。何益無目者乎。戒心見道解脫於前兩比丘。如為聾人奏樂。何益無耳者乎。

此佛不與前兩比丘共。此中比丘尚不與前佛共況比丘耶。若圓明義。佛之七一。皆佛境界。唯與圓菩薩共住。首楞嚴。示比丘像者。共尚不與前三佛共。況比丘耶。今言共者。皆是大權及開顯竟故也。大者歎德也。釋論云。摩訶者。翻大多勝。天王大人之所恭敬故言大。通四韋陀三藏故言多。勝九十五種故言勝。此依三藏釋也。賢聖之所恭敬故言大。通達析體法門故言多。勝析法心慧兩種解脫故言勝。此依通教釋也。學無學人之所恭敬故言大。通達大小法門故言多。出過聲聞辟支佛上故言勝。此依別教釋也。七種方便之所恭敬故言大。通達權實法門故言多。於畢定衆而作上首故言勝。此依圓教釋也。大權開顯如前。比丘者氣類也。以三義故。名爲比丘。不仰不下。不方不雜。次第行乞清淨活命。故名乞士。戒禁七支。禪心發怖無常。煩惱惱脂是名破惑。修此三法。天魔煩惱盡。其出境。復恐度人是故恐怖。此三藏義。體達諸法非仰非下。非方非雜。以資慧命知惡非惡。亦無知者是名破惑。不得怖喜無怖喜者是名怖魔。此釋通比丘義。從淺至深。歷次第三。講求中道法喜是名乞食。次第破五住是名破惡。以煩惱怖故業怖。業怖故陰怖。陰怖故天魔怖。是爲怖魔。此釋別比丘義。一切諸法中。悉有安樂性。名真乳糜。以此自資。安樂性中。純是佛法。無惡可破。名爲破惡。魔如佛如。名爲怖魔。此釋圓比丘義。準諸經皆有衆字。四人已上和合名衆。釋論有破戒癡羊有羞真

實四僧。後之二僧。應百一羯磨。前二不堪。煖等是有羞。四果是真實。即三藏衆。乾慧性地是有羞。八人已上。是真實。即通教衆。三十二心有羞。十地是真實。此別教衆。十信是有羞。四十一地是真實。圓教衆。餘二比丘。教教有之。惡無差別。故不別說。有羞真實。復有四義。一發起。二影響。三當機。四結緣。合而明之。故言衆云云。八十億百千者。數也。或但人或數人法空。或數法門。或數實相云云。次前後圍繞者。威儀也。或以三業恭敬機動。或以四門入空機動。或以四門入假機動。或以四門入中機動。從二月十五日下午。第二別序。正是召請文爲三。初明能召。次明所召。三結召。能召又爲三。一聲召。二光召。三動召。聲召有六。一聲時表法。二聲時臨機。三聲之本末。四聲之橫豎。五聲有感應。六聲中歎告。初二月。下聲時表法者。二月是仲春之時。仲中也。即表中道。十五日。是月滿之時。滿表圓常。故以仲時滿月之日。表於中道圓明之法。次臨機時。下聲。時臨機道機時熟。不待不過臨赴之時。下文云。香山諸仙拘尸力士。純陀須跋善根。成熟。故唱涅槃。令其得入秘密之藏。法華云。應以滅度而得度者。示現滅度而度脫之。即此義也。三以佛下。聲本末者。神力爲本。大聲爲末。從本垂迹。皆悉令悟。非本非末。又空慧爲本。種種智爲本。實相爲本云云。四其聲下。聲之橫豎。遍滿是橫。有頂是豎。他解。有頂但是梵世。即尼吒天。無色無身。不應聞聲。故非有頂。有人。引仁王云。無色定力。能變化作香華雲

等。以供養佛。何以不能變化作身。此亦端難。今作三番橫豎。一橫被六道。豎徹三界。二橫被四生。豎徹三乘。三橫被十界。豎徹等覺。故知不唯尼吒爲有頂也。若以三有之頂。即非想是。又三有頂。即無學是。復有一頂。即妙覺是。兩頂被召。一頂被請。此意既寬。豈比梵世。五隨其下。聲之感應。隨類則感不一。普告則應無二。以無二之聲。應不一之感。蓋不可思議。六今日下。聲之歎告。又爲二。先歎後告。歎令崇仰。告令悲戀。初歎又二。初雙歎兩德。次雙結兩德。初先歎內德。次歎外德。初文者。內德無量。但歎三號者。欲明三事。初歎如來。允同諸佛。生其尊仰。是爲世父。應供者。是上福田。能生善業。是爲世主。正遍知者。能破疑滯。生其智解。是爲世師。故下文云。我等從今無主。無親。無所宗仰云云。次外德者。外德無量。但舉四等者。欲明本父君師。本時誓願。皆具四等。今當利益。拔苦與樂。斯爲要也。憐是大慈。憫是大悲。覆護是大喜。等視是大捨。次爲作下結歎爲二。初爲作歸依結三號。次爲世間舍結四等。次從大覺下告也。告之言報。初報令斷疑。次報令興問。大覺遍知。能斷前疑。四等慈悲。必聽後問。後問則教道演暢。獲涅槃施。斷疑則棄僞獲真。新伊方顯。大聲普告。爲設教之序。此義明矣。前具歎三號。今但報大覺。大覺正是遍知。明師即主。即父。故不煩文。復次如來是初號。大覺是後號。歎初告後。互舉一邊。其意則遍。若依前分別應節。節明四義。得意自顯。故不復云。次爾時下。光召

文爲四。一光時。次所出處。三光所照。四光利。益初文者。夫昏明交際。旭日之時。表智明生。惑闇消滅。涅槃力也。爲此緣宜故晨朝放。次明光處者。面門口也。口非六色而六色在口。表佛性非六不離六法。又青黃赤白是定色。表隨自意。玻璃瑪瑙是不定色。隨物而變。表隨他意。又大涅槃海大身衆生所居之處。種種龜魚種種珍寶其明雜色。正應表此。又濟六道淨六根。故放六色。三光遍照此下明所照。三千乃至十方。卽是橫照。若例聲中應有豎照。而不照者。高廣互現。四其中下光益。他人至此判爲新衆。既有其中之言。何須云新。又云三業等可知。今文爲二。初禪三障。六趣衆生是報障。罪垢是業障。煩惱障如文。次是諸下。三業熾盛。生善在文易見。障除善生速得見佛。指於光召序涅槃行意在此也。三爾時大地下。地動召中有陸動水動。水地相依。是故俱動。表無明愛見二互相依將翻。有緣癡愛故地動以表之。復言震者。起涌動是其形。震吼覺是其聲。廣則六動十八動也。云云。然聲光動等。或前或後或復一時。咸見不同。豈可定執。從時諸衆生下。次明所召。文爲二。初總明所召。謂時諸衆生是也。二時有下別明所召。謂隨類別出。總召爲四。初抑苦。二興請。三釋請。四釋苦。初文者。聞師父滅何得不苦。苦沒沒海。自他無益。故言裁抑。次當共下興請。若抑苦而住亦復無益。故須興請。故言當往佛所。一劫滅劫者。若請大劫則妨後佛。只是請於小劫。從人壽八萬四千漸短至十

歲。是一小劫。三互相執手下。是釋請文爲三。初發起請。次正釋請。三結請。言執手者。只是更互悲悼起發之端。次復作是言。正釋請意。夫如來者。乘如故來世。則有佛。如來若去。世則無佛。故言世間虛空欲請如來父也。佛是應供。供福不窮。若無應供。善業則竭。故言衆生福盡。欲請應供主也。遍知之智。遮惡示善。遍知若去。無人示道。故言不善增長。欲請正遍知師也。請意既爾。宜急詣佛。不可停留。三結請者。速往速往。四又作是言下。釋苦。夫慈悲覆世。苦者拔之。貧者樂之。今慈悲雙去。俱嬰貧苦。雙唱虛空。無救無護。無所宗仰。此釋無主苦。貧窮孤露。一旦遠離。無上世尊。釋無親苦。設有疑惑。當復問誰。釋無師苦。如是展轉釋成。慈苦之意。次從時有無量去。是別召。請文爲二。初召此土。次召他土。此土爲三。先召閻浮衆。次召中間衆。三召上界衆。閻浮有三。謂聲聞菩薩雜衆。釋論明菩薩行中道故居。季孟間。具足應如法華疏文。有事有表云云。他人先分二意。一增數列。二減數列。於初分道俗衆等。今意如前。初聲聞又二。一僧二尼。僧又二。初佛邊衆。次外來衆。問佛邊何用召。答雖不召來。駭令後問。又從多故亦得言召。佛邊衆爲三。一所召。二奉召。三順召。初云時有無量者。上已定數。言無量者。上列端首。此通徒屬。故言無量。大弟子者。如弟子。尊讓兩極。而目一事云云。尊者者。諸梵行人。互相敬重。稱爲尊者。如阿含中。諸比丘從今稱長者爲大德。少者稱長老。美其德業

故言長老云云。迦旃延。此翻扇繩。薄拘羅。此云善容。優波羅陀。此翻大喜。或云重喜。其形端正。父母字之爲大喜。在家爲輪王。捨身爲魔王。魔王知將來事。現十八變化。汝能出家。當得如是。父母聽之。得三明六通。故字爲重喜。次遇佛光者。是奉召。應言遇佛光地動。略舉一兼二。三其身戰掉去。是順召。上文遇光。獨三障生三善。今略障存善如文。問羅漢憂悲都盡。何頓至此。答此是殘習非正使也。又示楷模。令物攀慕。又別惑未除。非通惑也。憂悲者。是佛法界攝一切法。下文有憂無憂。悉是如來境界。約四教分別。不復委言。次爾時復有八十百千去。召外來衆爲二。所召奉召。所召有四。數類數結。初數可解。次比丘者。類也。釋如前。皆阿羅漢去。先歎自行德。羅漢是無學之位。心自在。是俱解脫人。即歎不生德。所作已辦。是歎無學智。應供德。離惱調根。根亦是賊。遣教云。此五根賊。此歎殺賊德。次如大龍王去。歎化他德。既云有大威德。無容自威。知是利物爲他所仰。夫象是陸中力大。譬慧。龍是水中大。譬定。或只呼象爲龍象。如帝釋婆羅門象步虛而行。胸息之間。超忽萬里。化其身爲三十二牙。牙有七池。池七蓮華。華七玉女。女奏樂音。適悅三十三天。若取龍象爲喻者。彌順化他。旃檀臂以戒益物。師子譬以慧益物。能以二法匠成於他。還爲淨衆之所圍繞。四如是無量功德下結也。既言無量。知結自他。佛眞子者。迹爲小乘。眞子本是大乘眞子。以大乘眞子結上自他功德云云。次

奉召中三。初光。次聲。後動。初光召。二各於  
晨朝去。是奉光召。朝是明初。用楊枝者即表  
行。初可表機動顯勝行。初遇佛光明。次更相  
謂言下。順光召。望前亦無獨三障之文而有  
三業善文。更相謂言是口業善。舉身毛豎是  
身業善。生大苦惱是意業善。波羅奢是樹名。  
葉青華有三色。日未照則黑日照則赤。赤脈  
皆現。日沒則黃表未奉召。三善不生如黑。奉  
召悲哀如赤。無佛如黃云云。爲欲利益去。簡  
順召之意。利益衆生簡非自行。成就大乘簡  
非小道。第一空行簡非淺近。此與佛之眞子  
文會。次從顯發如來去。是奉聲召亦二。初大  
聲普告令最後問今奉此召。顯發如來方便  
密教。開常問極最後教興。次爲不斷絕下。順  
聲召。若順佛聲教則不斷說法。三爲諸衆生  
去。奉地動召亦二。初上山海震動翻邪見性。  
今奉此召。次調伏因緣疾至佛所即順動召。  
能召所召互相領悟。智能知智此之謂矣云云。  
二列尼衆爲兩。初列衆。次發迹列衆爲二。謂  
所奉。所召有四。名數位數。等列中列上首三  
人。拘陀羅未見翻。尼姨女。通是二方女人之  
稱。別論者在俗爲女。受五戒等者爲姨。出家  
者爲尼。但律中亦呼阿姨阿姊以法爲親作此  
稱之位可知。數中先數自行如上。次如大龍  
去。數化他德亦如上。次亦於晨朝時去。是奉  
順三召如上說。次比丘尼衆中去。發迹爲二。  
初明初比丘尼迹也。皆是菩薩本也。先指通  
位。次別指高位。菩薩語通未知高下。所以更  
釋本高迹廣。初云人中龍者。若只於世人中

如龍此不多奇。乃是賢聖人中之龍。次位階  
十地者。釋其本高。現受女身者。明其迹廣。迹  
何故廣。四無量心故。本何故高。得自在定故。  
尙能作佛。何以不能爲九界像云云。他分此  
文爲兩雙。初本迹一雙。後因果一雙。因果難  
見云云。次列菩薩衆亦爲二云云。所召六。謂數  
類位名數結。初一恒河沙者數也。諸經多以  
恒河爲量者。有四義故。一人多識之。二入者  
得福。三於八河中。四是佛生處大聖同鄉  
故多用之。此乃四悉檀意。次菩薩摩訶薩者  
類也。此翻道心大道心。釋論解菩薩十義一  
盡教化一切衆生。二盡供養一切諸佛。三盡  
淨一切佛土。四盡持一切佛法。五盡令一切  
佛種不斷。六盡分別一切佛土。七盡知一切  
佛弟子衆。八盡分別一切衆生心。九盡知斷  
一切衆生煩惱。十盡知一切衆生根。如是十  
門爲首。復有無量阿僧祇門。是故名爲菩薩。  
大品佛自明摩訶薩義。亦有十門。一當於無  
量生死中大莊嚴。二當捨一切所有。三當等  
心於一切衆生。四當以三乘度脫一切。五當  
度一切。度一切已忘其度功。六當解一切諸  
法不生法相。七純以薩婆若心行於六度。八  
當學智慧了達一切法。九當了達諸法一相。  
十當了無量相。是十門爲首名摩訶薩。龍樹  
釋此十義。一大莊嚴者。不計日月歲數百千  
萬億劫。於生死中利益度脫一切衆生。二捨  
一切所有者。一切貴賤若內若外無所遺惜。  
三一切衆生等心者。憎愛厚薄冤親悉均。四  
三乘度脫者。隨其堪任皆使同到涅槃。五忘

其功者。不得彼我亦不見能度所度。六知不  
生者。一切法皆不生。七行六度者。以清淨  
無雜心。行六度迴向薩婆若。八了達一切法  
者。世間所作之事皆悉了達。九一相門者。謂  
畢竟空也。涅槃相離憶想分別。十無量門者。  
一二三四諸增數法門。此十門爲首。復有無  
量法門。是名摩訶薩義。此中應明四種菩薩。  
如別記文中多數圓菩薩德  
大般涅槃經疏卷第一上

## 大般涅槃經疏卷第二

隋章安頂法師撰

唐天台沙門湛然再治

### 序品下

三人中之龍去明位。人中龍者出方便位。位  
階十地者住眞實位。安住不動者本際常寂。  
方便現身者遍下地法界化益。四其名曰下。  
列名。一恒沙衆但列二人。海德者如大集中  
海慧菩薩。亦如下文大涅槃海八不思議。從  
此立名名爲海德云云。無盡意者大集中此菩  
薩自說其名。舉八十種法門明無盡意云云。五  
其心皆悉下歎德。文爲三先單歎上求。次約  
四弘兼下化。三結上求下化。初文敬重者此  
約理論。如下文云諸佛所師所謂法也。大品  
云。佛初成道觀誰可敬無過般若。我當敬重。  
即其義也。安住者此約證論。下文云一切衆  
生及以諸佛悉皆安住祕藏中。即其義也。

深解者此約智論。下文云。能生菩薩深廣智慧。如函大蓋大井深。經長。即其義也。愛樂者約事行論。如下文云。雪山八字不以爲難。日割三兩未曾稱苦。即其義也。守護者此約教論。如下文中仙豫行誅覺德破陣。即其義也。諸菩薩上求心大至此如海。略舉五義以示其相。次從善能隨順去。歎下化德。初總歎四弘。次別歎。菩薩已階十地安住不動不證涅槃。入生死。憶本誓願隨順世間以大悲隨順起兩弘誓。以大慈隨順起兩弘誓。即總歎意也。次作是誓言去別歎未度者度別歎。初誓已於過去持戒。戒是罪垢對治。以對治故垢縛得脫故。言解未解者。別歎第二誓。紹三寶種者是法門無量。別歎第三誓。若言刻檀鑄寶書修多羅剃頭染衣。此但事中相從三寶不絕。若發菩提心名佛寶。體解大道名法寶。事理和融名僧寶。此即理性三寶不絕。小般若云。經卷所在即有佛及尊重弟子。下文云。若知常住當知此家即爲有佛。以此而推三寶不絕。即是無量法門。於未來世去。是無上佛道誓願成。別歎第四誓。三以大莊嚴去。是總結四弘。亦是雙結上求下化故言大莊嚴。若作別結第四誓者。未來作佛相好嚴身。十力無畏以莊嚴心。名大莊嚴。大品多用六度三十七品以爲莊嚴。小般若中以無莊嚴而爲莊嚴。下文以六度福德十地智慧爲二莊嚴。六成就下結又二。先總次別。初總結上求下化福德智慧。次等觀衆生如一子下。即是別結下化四弘也。次亦於晨朝去。是奉光

召。次舉身毛豎去。是順光召。存身意略口善及三障等。顯發去奉順聲召。爲諸衆生去奉順地動召。釋如上云云。三二恒河沙下列難衆爲三。初二一衆增數。次八衆同數。三一衆無數。初二恒河文爲三云云。初所召中亦有數類名歎結。初二恒數也。非世所知故以恒量之。優婆塞下次類也。舍利弗毘曇云。離欲男女。正法華云。清信士女。大哀經云。勸士勸女。或云。善宿男女。雖有種種通名在家二衆。若別說者形雖在俗元未婚娶常隨如來。爲二衆者此是離欲二衆。若曾婚娶今持五戒永斷俗法則於佛法有功名曰勸士。若俗法不虧而持五戒加復八齋名善宿男女。復次直三歸者名無分優婆塞。若一若二名少分。若三若四名多分。若具持五名滿分。經言具足即是滿分。又具持五戒近求人天即無分。兼畏生死。若志求涅槃是少分。若爲衆生是多分。若知戒是法界攝一切法專爲佛道是滿分。威儀具足者有威儀恒與禮俱。恒與戒俱。恒與無常俱。恒與慈悲俱。恒與實相俱。恒在首楞嚴定能種種示現。遍十界像。舉足下足皆具佛法。經舍酒肆無非正道。住佛威儀乃名具足。當知五戒與威儀有本有迹。能於本不動普現衆迹。是名具足戒威儀。問優婆塞義若此聲聞菩薩佛復云何。答義理必然未見名教。惑者不信今試言之。四善根是無分。聲聞初果是少分。二三果是多分。無學是滿分。又此四分若於大乘俱是無分。若斷塵沙是少分。若斷無明一兩品是多分。若盡無

明是滿分。故法華云。我等今日真是聲聞。以佛道聲令一切聞即多分聲聞。若乾慧性地是無分菩薩。若八人至六地斷惑與羅漢齊是少分。七地修方便道是多分。八地道觀雙流是滿分。又三十心是無分。初地二地是少分。三地至九地是多分。十地是滿分。又十信是無分。十住是少分。行向是多分。十地是滿分。又通教十地別三十心是無分。別十地圓十住是少分。圓十行十回向是多分。圓十地是滿分。一切衆生皆有佛性而無見用即無分佛。初住初地能百界作佛即少分佛。二住二地已上是多分佛。妙覺是滿分佛。以是義故。一一法門皆有權實本迹。即此義也。問蜚蜚螻蛄義復云何。答夫一善法即有四分。例一惡法亦應如是。未見名教置而不論。且就權者言之。小菩薩所作是無分。蜚螻初地初住所作是少分。乃至十地十住等所作是多分。如來所作是滿分。是故得有權實之衆。實召權請故稱召請。其名曰下。三列名但列二人。無垢稱王者。或是維摩羅詰彈斥八千詞詰五百。即其人也。善德者或是父舍。設施會者。即其人也。即二恒之上首。深樂觀察下。四歎德。先歎後結。歎有上求下化。從十三對治去。是歎上求。舊云。以苦爲藥治於樂病常無常等亦復如是。今明此乃初教非今經意。舊又云。此諸對治是六行觀。引下文云。無常者即是生死。常者即大涅槃。無我者聲聞緣覺。我者如來法身。苦者一切外道。樂者謂大涅槃。不淨者有爲諸法。淨者。佛菩薩所有正法。



而復料簡此六行觀前來未說。至第二卷方乃說之。於鳥喻中始明雙游。不應以此款優婆塞德。此是經家取後大意向前而歎。與皇並云。諸比丘初來之時悉未是羅漢。經家將後悟無學向前歎之。比丘不然俗衆豈爾。當知佛同行入達斯觀所以歎耳。又料揀一者藥病相主可是對治六行雙游豈是對治解云。藥病相主病去藥存。是偏對治。六行雙游互爲藥病。病去藥亡。是圓對治。若爾者佛同行入久通六觀歎則非疑餘實行者復云何耶。權引於實亦得有之。如下文云。稟前教者以無常藥對治常病。常病雖去復執無常。聞常住藥破無常病。即是今教之所用。下文三修以勝破劣。即此義也。二者元不稟前教以大涅槃次第而修。先修無常治常。次修常治無常。破二十五有得二十五三昧住大涅槃。是爲大涅槃海。漸漸轉深。是即備有兩種對治。云何推一。是前教。一是後教說耶。三者復有一行是如來行。具足常無常亦常亦無常非常非無常。圓修六觀雙治常無常。更互藥病病去藥亡病治俱捨。所以稱此爲對治門。若論一行一切行如聖行明。若論雙游如鳥喻說。諸優婆塞具此德行。前二猶淺後一則深。文云。深樂觀察諸對治門。即歎第三意也。五十二衆根性不同不出三種。權者同實引向涅槃。得入涅槃尚無一種。況復三耶則是真對治門義。亦是顯發如來方便密教意。文中正歎權引於實若無實行權何所引。若無權者實無所執。既歎於權亦旁歎實。云何判

在前後教耶。若歷句分別。應言味俗爲苦沈眞爲樂。沈眞爲苦分別爲樂。常我淨等亦復如是。又沈空爲苦大涅槃爲樂。沈空爲樂大涅槃爲苦。乃至增上非增上亦復如是。問恒與常何異。答不從因緣爲常。始終不異爲恒。此等皆是二邊之病互爲藥病。名之爲門通入中道。非藥非病亡邊亡中。樂聞者即前敬重大乘意也。如海納流如空容色。能爲他說者。知智在說巧智解深亦兼下化。齊此是以理爲大乘意也。渴仰大乘者。即上安住充足。餘渴仰者。意兼下化。善能攝取者。即上深解。愛樂如上約事。守護如上約教。善能隨順即歎下化。總別歎四弘誓願。具如上說。以大莊嚴者結歎文也。如上說。悉能下五結如文。次亦於晨朝下奉光召。但明奉召之時即是見聞覺三召。爲欲聞是順聲召。何者上文顯發密教。此云聞毘如何融會。上出家衆直言顯發。此在家衆因事表理。藉財通法。聞此言燒然。辦香木者因然以顯不然。寄滅以明不滅。顯非滅非不滅。辦供獻食。因食以明不食。顯非食非不食。則方便得開密教。顯是奉聲召。香木有種種莊嚴者。因滅明不滅非滅非不滅。有種種妙法食。有三德六味。寶蓋寶座悉皆嚴好。此表慈悲弘濟。理中亦具種種法門。從諸優婆塞各作是念去是順動召。上云。爲諸衆生調伏因緣。此中明權攝衆生。令其調伏意同也。從是優婆塞等皆已安住去。是順光召。應須三障。今但生三業之善。並如文。次從各各齎持去。是獻供。亦成順召之

文。次三恒河衆文爲三云云。所召爲四。謂數類名歎。初三恒是數。次優婆塞下是類。如上釋。三壽德下列三人名。以壽爲德即常等也。有人言。德壽是勝賢。勝賢是王夫人類。不應在此。舍法是三十二卵之母。從悉能堪任去。是歎德。歎文爲兩。一路歎上求下化。二廣歎上求下化。初堪任護持即略歎上求。護者護正法之教。如上守護大乘。持者持於正法事理。如上敬重大乘乃至愛樂大乘。爲度百千者弘誓緣由。現爲女身者弘誓所作。故指此爲略歎之文。次從詞責家法去。廣歎上求下化。還是廣於護持之意。於廣歎中三。先上求。次下化。三雙結上求下化。初上求文爲二。初論事觀。次結成功德。事觀爲二。初標事境。次出五門。初詞責家法者即觀境也。若只以箕帚婦禮爲家法者太局。若三界輪迴爲家法者太奢。今以五陰爲家法果報。卷局籠攝繫閉凡愚之所保養。聖賢之所鄙棄。故言詞責。次自觀己身下。初是苦觀。四大相害諸蟲復。四大互殘身爲苦數。是身臭穢者是不淨觀。即五種不淨也。貪欲縛者薄皮覆之謂之爲淨。纏著無已故名欲縛。死狗者究竟不淨。九孔當流者自相不淨。如城去是空觀。瓦木土石假緣虛立。三毒惡鬼止住其中。外誑內諂是故名空。是身不堅者是無我觀。是身無常者是無常觀。龜細兩觀如文。次從寧以牛迹去。結其功德。結其事觀合爲七。一舉譬結其事觀。觀知此身過患彌廣。次舉三三昧結其事觀。道理深微。因緣者事觀。即是內外推求



檢不可得故空。空無陰相亦無空相。以無相故所以無作。釋論云。二乘緣真觀三三昧。菩薩緣實相觀三三昧云云。三舉大乘結其事觀。與修多羅合。四舉能說結其上求不失下化事觀。即是教他之法。五護持下學護持結其事觀。即是理觀不動本地。六毀譽下學其詞毀之事迹也。即菩薩之本結其事觀。是願力所為。七結其事觀即是正觀。能壞生死。在文可見云云。此意咸是優婆塞章對治之門。男性剛直但論對治。女性愛染故備五門。五門同緣緣於實相。即事而理是妙對治。於菩薩章中是深樂大乘。守護大乘與上同也。雖現女身實是菩薩。是上安住大乘。次從善能隨順去歎下化德。如上釋云云。三以大莊嚴去。雙結上求下化也。釋如上云云。亦於晨朝者奉召也。各相謂言去是順召。宜應者宜順三召。獻供敬儀云云。次四恒河衆爲二云云。所召有數類歎名。初四恒數也。次毘舍離城等類也。毘舍離翻爲好道。賢師翻廣嚴。什師翻廣博。皆是國巷華整從此得名。離車亦黎昌亦彌離楚夏不同。此云邊地主。或云傳集國政。觀師云。其國義讓。五百長者遞爲國主故言傳集國政。罷政即出外爲邊地主云云。諸王眷屬者是諸離車皆更互爲王。即有皇枝外戚等還屬王類。三爲求正法下歎德爲二。初歎後結歎爲二。初爲求法故一句明上求。次三雙是下化。一戒施。二折攝。三聽說如文。文似下化而兼上求。次從皆悉成就去結如文。列名如文。二如是等各相謂言去。是順召。若無奉召

何得有順。舉順即知有奉順召。但明順動召。餘可知。次獻供敬儀如文。七多羅樹者。王性剛高不居物下佛力接之高七樹也。或云只是隨宜耳。次五恒大臣長者。文爲二。所召順召。所召有數類歎名。數類如文。歎中有上求下化如文。列名云云。從所設供具去是順召。設具中因食開常是順聲召。詣雙樹間是順動召。心懷憂惱是順光召云云。次列舍離既言六倍勝。前應是六恒。但王數可數。但除阿闍一人。餘者不須恒量。故數不言耳。文爲三。所召奉召順召。初所中有類有名。類中簡闍王者。此王在後列名如文。嚴四兵去即是順召。是諸王等是歎德。具有上求下化歎德。而下次第者顯其無定。次亦於晨朝是奉召。三持甘膳等是順召。次七恒夫人衆。上列當世夫人。此列寡嫠等。文爲二。所召順召。所召有數類名歎也。類中簡世王。又出本是三三昧迹爲女儀。悉是權類。列名如文。悉皆安住歎德也。上求下化悉如文。各相謂言者順召如文。次八恒天女衆文爲三云云。所召有數類名歎。初如文。次天女類也。此中多是三光。已上四種已下天女之類。三列名如文。四作如是言下歎德爲三。先歎報得天眼所見。次是諸下歎上求。三善能下歎下化。初如文。次歎上求中。欲聞大乘是深解大乘。威儀具足是安住大乘。餘如文。三善能隨順下。是下化。釋如前。亦於晨朝者是奉召。各取天木香者是順召。如文云云。次九恒龍衆亦爲三云云。所召有數類名。奉召如文。設諸供具下是順召。如文。

次十恒鬼神王衆。文爲二。所召有數類名。此應是同名。後列者是正四王仁等速詣是順召。供具如文云云。次二十恒鳥王增數至千億恒沙鬼神至白濕王。但略列數語類出名而已。其中或有歎德皆可解。是爲增數。前二十一衆意從復有十萬億恒河沙天子風神雨神。是三衆同數。復有二十恒沙象王至二十恒沙仙人凡五衆同數。同數文竟。闍浮提中一切靈王者是無數衆。第二列中間衆。闍浮提是一邊。無量世界是一邊。其中間又爲二。一結前列後。二悲近召遠。結前者結前三十四衆。簡出二衆者有事有顯。事者迦葉入滅定。定所持故不來。阿難爲魔所翳故不來。有所顯者迦葉爲顯不捨細戒故。迦葉最長子方持佛法。佛若臨滅應教細戒。告阿難言。我滅度後諸微細戒能持者善。不能者捨。迦葉後問何等是微細戒。阿難言不知。即阿難云。汝面受佛旨。今言不知。可捨不可捨。又爲外道所譏。師所制戒滅後皆捨。復不可捨。迦葉若來寧得執正此事。阿難爲顯最後佛稱歎付囑顯神呪力。阿難若來則不願問亦不稱歎。亦復不使文殊持呪解羈。二衆不來其意顯此。問佛令捨細戒迦葉不許。師弟相拒何也。答不然佛爲利根隨有利益。迦葉爲鈍根還令如故。故非違拒。次列後爲三。初人天。次山神。三河海神。初文者。即是諸四天下下之人天也。經言中間。中間何所不收。文雖不云三天下及百億四天下義推應有。何者他方遠國尙復能來。東弗西瞿何緣不至。十方

尙來。百億四天何意不來。若推中間之言衆最應多。唯可意知不可文載云云。次及諸山神下。他云山神山形此未必爾。樹神示半身不作樹形。山神不必爲山形也。直是神道附山而已。先列衆山。次談其相。後明詣佛。海神亦爾。如文照連者相傳云。只談提是照連。今言不爾。談提大照連小。或言廣四丈或八丈在城北。談提在城南相去百里。佛居其間。涅槃爲散華所及。照連未見翻。次其林變白下是悲近召遠。已集者悲未集者召。又爲二。先悲近次召遠。初悲近者。凡現三相。婆羅如前釋。此林榮茂忽然變白。猶如白鶴。林中有鶴。常林變時與鶴無別。此有所表。榮若定榮不應忽變。枯若定枯不應如鶴。枯既如鶴則枯非枯。榮既忽變則榮非榮。非榮非枯中間涅槃者。表不生不滅而現生滅。雙林一變隨類各解。上達其本。下悲其迹。中根在悲達之間。現病品云。下愚凡見言必涅槃。唯諸菩薩文殊師利等。能知如來常住不變。即此義也。次虛空堂閣綺飾分明者。表佛身相。天上天下最爲第一。今身緣已謝。無上智慧不復居御下士所悲。又堂本地架而今處空則空中有堂而彫文刻鏤綺飾分明。不動不墮妙麗莊嚴表空中藏。具足無減中士所尙。又華堂嚴整光悅利益是其有也。高處虛空無人受用。是其無也。若有無事訖當收此空有。歸非空有。此上土所達。下悲上達中士悲達季孟之間。三堂下多有流泉浴池者。表佛身口。赴下流出無量言教。猶如浴池。浴池有二。一能滌

垢穢。二除熱悶。表於佛教。能令客塵外盡無明內除。有妙蓮華者。表蓮佛教。即是修因。因蓮世界故引兩處爲喻。化緣將訖如堂高。舉言教流潤如清泉在池。論其本體非去非留。語其利益故言去留。文云。咸觀如來涅槃之相者。一往是下士所見。若具足論應有上達下悲。具如前說。此之三相前後雖異而意同。前以大聲勸問。問則秘密教顯如今堂下清泉流出利益多人。前面門放光五色遍照除三障生三善。令立行升進如今高堂。迥出下去陵空綺飾分明種種莊嚴。校前動地動水表於翻倒見性。今變林況鶴使不滯榮枯歸中會。極物之難悟。再更抵掌悲近召遠。相雖復異而意同。但再令開曉。從四天王下即是召遠。若從前開文即第三召上界衆。凡有五章。初欲界天。先明四王。即是類也。各相謂言者奉召。良由聞見聲光即以天眼觀他。獻供而自營辦。來至佛所即順召也。釋天但有所召順召云云。乃至第六天其間三天略不出之。上至有頂此應是色頂。加列大梵王如文。料揀三頂云云。前論佛力應徹三種頂。此中論供具只明色頂云云。次列修羅王舍脂父正報劣天依報相亞。言光勝者此是大菩薩光故可言勝。次魔衆魔名殺者。波旬名爲惡中之惡。住六天頂爲欲界主。文爲三。一類數二開恩赦下。三辦供上獻。上獻爲兩。一奉呪。二奉供佛受呪不受供。問魔既弊惡事得好呪。答此呪是先佛之法偶爾得之。譬如有人在國遇寶還奉國王。他解。呪是鬼神名聞。名不

得爲害。如盜者伺財財主知名。覺喚其名盜則不行。次云呪是鬼神王名。若喚主名主勸其黨亦不爲害。三云呪如霹靂鬼神畏威不敢爲害。四云呪是密語如軍中號相應即放不應則治。鬼神亦爾。順況則謹不順頭破。五云呪是佛勅無敢違者。有人彈云。呪是明呪大明呪無等等呪。若是鬼名等。五云何令人得悟道果。今解不爾。若一向解不能契道。應作法門解之。諸煩惱是鬼名。無明是鬼王。善能破惡猶如霹靂。卽事而真是爲密語。第一義諦爲佛所勅。依此法門必能得道。又是通別四悉檀意。前四別後一通。此解無妨。次大自在天即魔醯首羅。居色界頂主大千界。十地菩薩述現其中。若法華中列世界主梵天王者此意云何。若言娑婆世界主者。正是首羅。若言尸棄大梵等者。更舉二禪等收三四禪梵王耳。又云。若言爲世界主者。其實只領小千而已。經家美之故言世界主。私謂此是大千之中得爲大千之主降此不得。文爲二。一與同類是所召。二獻供是順召如文。次爾時東方下召他土衆。或云聲光不至彼。彼佛自遣命至此土。若依前文光遍照此三千世界。乃至十方亦復如是。豈非光召。又彼佛遣文三召意足。香飯奉佛此光召也。往彼禮敬此動召也。請決所疑聲召意也。文爲二。初明一方。次例三方。東方爲三寶。初彼佛說此佛。此衆見彼衆。次此間大衆以不思議不見而見。見彼無邊身。無邊身以不思議不來而來。三復以彼供奉此佛。此佛不受彼佛之供。如

此三相還是經初三種之瑞。彼佛說此。此衆見彼。即是聲瑞。此衆見彼。彼衆來此。即動地瑞。彼供獻此。此佛不受。即是光瑞。初雙中初彼佛說此。文爲四。一明遠近。二彼佛說此。三發來。四現瑞如文。次此衆見彼衆亦爲四。一驚怖。二安慰。三見彼衆。四唱苦哉。然大衆見佛應生歡喜何以唱苦。聞彼佛說此佛應當入於涅槃。還是前聲瑞。覺地動戰慄還是前地動瑞。見如鏡之光還是前光瑞。聞見是已。彼佛爲此作涅槃相是故唱苦。問此衆皆是佛同行人何因驚怖。答今論實者意不在權。又十地位有上下品。上品所作下品不知。佛力所作佛借神力昆蟲能知。不借神力則不能知。此無邊身承佛神力而現此瑞。首羅驚怖復何所疑。次第二雙。初從大衆見無邊身一一毛孔。明此菩薩示不思議不見而見。明一毛道即是見小。容七萬八千城莊嚴巨麗即是見大。然其身量同等虛空。空非大小安可說。盡而復不妨從彼而來。巨細相容毛孔不闕城亦不小。復聞歡娛受樂之聲。復聞唱言苦哉之聲。復聞純說大乘之聲。即是非苦非樂不相障礙。菩薩所以現此事者。表於今佛入般涅槃亦不可思議。次從爾時無邊身菩薩與無量菩薩。是彼菩薩以不可思議不來而來。次第三雙中初供佛。次不受如文。次例餘三方悉如文。問身既無邊此土他土俱在毛端。那忽從彼以來於此。是即彼邊而來此邊。此間大衆見從彼來。即是此邊見於彼邊。舊云。少分無邊故有來去。此不應爾。既言

量同虛空。虛空豈有少分多分。既言少分則不同空。今明菩薩不思議色即邊無邊。無邊即邊。非邊非無邊。邊即無邊量同虛空。無邊即邊自彼之此此見彼來。雖邊無邊非邊非無邊。而能邊無邊故稱不可思議。若有定者非不思議。例如丈六梵不見頂非見非不見。能見能不見。譬如帶鏡身邊身在鏡裏。裏而非裏。非裏而裏。又如日不下池水不上升而影現水。頑闇之色尙復難思。況不思議寧以情取。從婆羅雙樹去。大段第三結召諸中二。初結衆集。次結瑞相。瑞本集衆。衆既已集瑞亦隨竟。故須兩結。初結衆集又爲二。先明其處不可思議。次明其人不可思議。初文者三十二由旬能容五十二衆長旛大蓋人無妨闕供具無傷。又鉢鉢微塵容無邊身已不思議。況受四方十方微塵無邊身菩薩。復有幾許眷屬。供具人無障礙具無損傷。此是處不思議。次人爲四。初從十方下結他方衆集在鉢鉢及闍浮者。結此土衆集在雙樹。此是人不可思議。二簡應集不集不應集而集。應集即迦葉等三衆。不應集毒蟲惡人惡鬼等三衆。此明集不集俱不可思議。三明衆集利益。謂集不集衆等起慈心。集不集處等皆嚴淨。羅那婆神者是集衆。三千大千衆生是不集衆。又揀除慈不慈。不慈者一闍提是不生慈心。慈不慈者皆不思議。從爾時三千世界以佛力故下重明處。三千是衆集處。十方世界是不集處。等皆嚴淨如極樂土。故言十方亦復如是。以衆集故致此利益。不集處不集衆不發心

尙不思議。況復如來示生滅事可思議。此是結衆集竟。次從如來面門下結瑞相竟。從前至此總有九瑞。共成三意。但作一收。所以然者。聲光及風皆從口出。若收光入口風聲例然。收聲則息教。疑者問誰此表師去。收光則息照三障闍於道三業善不。生此表主去。收風則息神變顛倒無由得轉此表親去。大衆見一解三見收聲入口知必失師。是故嗚呼而哭唱言不受人天供養此哭失。由悲無法食見收光入口知必失主。是故哭言聖慧日光從今永滅。三障雖除三善雖發。見收風入口知必失親。是故哭言法船沈沒誰破無明此岸度到涅槃彼岸。三種之哭哭主親師。嗚呼是意慟。號哭是口哀。戰動是身苦。三業悲戀乃至於此。

大般涅槃經疏卷第二終

### 大般涅槃經疏卷第三

隋章安頂法師撰

唐天台沙門湛然再治

#### 純陀品上

釋品爲三。一辨疏密。二辨德行。三釋名。初意者依天竺文猶屬壽命品。開破今昔常無常義。於義則密於文則疏。謝氏從人從事題純陀品。於文則密於義則疏。今明涅槃施章。於梵漢兩文俱無所失。隨前人則施常命。隨後事則施常修云云。次德行者。純陀是二恒之

數。何故別立一品。略明十異。一時衆先供而後請純陀先請而後供。二時衆三請佛皆默然。純陀一請如來即受。三因受大會。四因食開常。五自請住。六騰衆請。七金口款。八大衆歎。九當徒問答。十往昔曾願衆無其一事不立品。問純陀十異迥超衆表何不前供而後獻耶。答後供者讓德也。舊明五讓謂賤讓貴凡讓聖龜讓妙少讓多近讓遠。今依文宜爲十讓。初以俗讓。道謂僧尼衆。次以凡讓聖。謂學無學。三以淺讓深。謂諸菩薩。四以賤讓貴。即國王大臣。五以顯讓冥。謂天龍鬼神。六以少龜讓多妙。謂人天等。七以財讓法。即是魔衆。八以同類讓異類。即師子鳥龜等。九以近讓遠。謂十方菩薩。十以城旁讓隱隱。忍辱仙衆。五讓收文不盡十意相周。問何故昔默今默而有受不受異。答佛意難如。今通別兩解。今昔二默俱是四悉。世人所默有受不受。佛隨世界故有二默受不受異。或宜默受宜默不受。二俱生善。欲生彼善故有二默。破惡得道亦復如是。聖無唐捐非凡所測。別釋者時衆無奇緣弱不感。令追責往緣是名世界默然不受。初若發言不受則後供息心。衆供都集普皆等受。是名爲人默然不受。默不受者貶其不能因食以明不食開常顯常無勝治力。是名對治默然不受。若是食身可默受食法身常諸無食無受。是名第一義默然不受。默然不受是佛境界。義不可盡略言四耳。三釋名者。純陀名也。六卷云。姓華名子純子之與陀二文互出。舊云。本名純陀後大衆稱德

號爲妙義。今則不然。純陀是彼音。妙義是此語。先立嘉名。爲最後作瑞。所以大衆稱美。不應名德兩分。例如善吉空生即其儔也。然妙義淵博不可言盡。略示其十。謂義妙解妙檀妙位妙德妙威妙通妙說妙田妙益妙。義妙者三點四德不縱不橫不並不別。佛及衆生皆悉安住秘密藏中。文云。諸佛境界不可思議。一切法中有安樂性。解妙者解大涅槃微妙智慧照窮理性動合機宜發心畢竟等無差別。文云。言純陀者。名解妙義雖受人身心如佛心。檀妙者。八斛四斗充足一切錢鋒大衆。文云。令汝具足檀波羅蜜。位妙者。雖在居家蓋諸無學工巧之賤。釋梵歸仰如盛滿月映蔽星辰。是優婆塞等法王子。文云。如幼出家墮大僧數。德妙者如前十異十讓。爲佛爲衆之所稱歎。文云。南無純陀南無純陀而爲我等之所瞻仰。威妙者東方佛使作大神通人天枯燥齋持香飯獻而不受。九方亦爾況復人天。純陀一請即爲哀納故知物妙非妙食龜不龜非龜非妙。文云。普爲大會哀受純陀最後供養。神通妙者始辦供具地六種動。正獻食時說十三偈如經即神通妙。說妙者巧與五難善覆有爲如經。田妙者最後入滅是良福田。文云。汝爲衆生作良福田。益妙者因受其供普受大會則財益。一切因食開常即法益。一切如經。純陀大士具此十妙及餘無量一切諸妙故名純陀品。若依經名應言十大若依人名故言十妙。妙之與大左右之異。從此訖衆問是涅槃施。分文爲三。此品施常住五果擬

對此土難類衆。哀歎品施勝三修擬對此土聲聞衆。長壽品去。隨問而施擬對此土諸菩薩衆云。問有他方衆何文擬之。答從現病品去更明五行十德。師子吼問性及迦葉陳如。擬對他方諸菩薩衆。然佛平等說普雨一切豈容分隔一往分文以示起盡於無分別中作差別說。問若爾始終只是一涅槃施則無餘章。答前明通意得作此說云云。此品爲四。初因獻食以明不食。不食是常破於無常開非常非無常。二因其請住以不住破住開非住非不住。三因於論義有爲無爲且共置之開非有爲非無爲。四因催供明爲滅須食爲不滅不食開非滅非不滅。四段在文可尋。生起者衆被召來意在開密故因食明常。常則應住故因常請住。住非圓極。是故遮住以無住破住。住與無住互成得失。故有爲無爲且共置之。若置非求是是亦無是故即非是。是故文言方便涅槃即是而非故催其施今正是時。第二第三亦復如是。是非俱非寂滅爲樂事窮理盡故低頭飲淚而辦供也。通別者雖分四段不可一向。何者圓滿妙說義不可盡隨其類音各各得解不可各解局於圓法。今三意望之一別舉常破無常。文云我今施汝常命色力安無閑辯別明於我。以有我故所以論於我住我觀。若無我者誰住誰觀。文云汝今當觀別明於淨有爲不淨無爲即淨。文云善覆如來有爲之相。別明於樂樂即涅槃一切諸佛皆是處。文云生已不住寂滅爲樂。若一向從別則成對治失於圓旨此義

可知云云。二明通者今所明常不言常異於我常卽是我亦卽淨樂我卽是常亦卽淨樂淨樂亦爾。文云是常法卽卽是諸佛之法界也。若但是常常卽缺減不具四德寧當得是法界印耶。三明非通非別畢竟清淨。何者若但是常破於無常是待對法經論所害。釋論云無常者是對治法非第一義。常治無常亦復如是。中論云若法爲待成是法還成待。今言常者非常無常故非通別。若是通者通卽對別別既被非通寧。得是。當知常者非通非別。文云二施果報等無差別無通無別。乃名爲等我亦如是我我無我。文云汝今當觀諸佛境界佛境界者無我無我淨亦如是。非淨非不淨。文云有爲無爲且共置之捨有捨無卽非淨非不淨樂亦如是。非樂非不樂名寂滅樂。文云不應思惟長壽短壽無長無短卽非樂非不樂如是三意不可定。三不縱不橫不並不別卽通而別卽非通別不一二三而一二三須識圓妙乃解於常。又此四文成前起後。言成前者。上大聲普告令最後問爲欲顯發方便密教。今果爲開雙非之教上面門放光却障生善威欲成就第一空行。今果勸觀諸佛境界。上地動翻倒咸歸佛所。今果示有爲無爲且共置之欲求正法應如是學。如是學已寂滅爲樂同於如來所至到處故涅槃施成前召請等義。言起後者。教觀諸佛境界卽般若德。欲求正法應如是學且共置之卽解脫德。寂滅之樂佛所到處卽法身德。如此分文卽顯佛語上中下善不徒開章。初獻供文爲四。一

請二受三難四答。請又二。初經家叙德。二發言陳請。叙德爲二。一叙德。二敬儀。先叙其讓德。次叙所爲德。叙讓德中兼具十意。優婆塞如前釋。此卽三讓。謂俗讓道凡讓學淺讓深。拘尸城如前釋。此是以近讓遠。城旁讓隱。遜工巧之子有二義將作大匠子則貴執斧子則賤未知是何且指以賤讓貴。以龜讓妙。同類十五人者。一本云五十。雙卷云五百十五。據端首五十。據親近五百據徒屬。或當如此。此一句是同類讓異類。以顯讓冥。以少讓多。今叙意者。此人正爲請。佛受供卽是以財讓法。依文證義義自滿足。次爲令世間得善果者。叙所爲德善果多塗。謂可意果無漏果隨分果究竟果。可意果者賢聖所詞。文云我今於此處不求人天身。無漏果者二乘灰滅。經家所歎。必非自調自淨之果。隨分果者。三賢十聖住果報分而非極。下文云我今所獻食願得無上報。故非分果爲令衆生得佛菩提究竟之果。次捨身威儀下。叙敬儀威儀不同。謂俗威儀。道威儀。法門威儀。佛威儀。如波斯匿王見諸佛時捨五威儀。冠劍鬘履車餘雖無五亦有脫巾解帶徒行等。皆俗威儀。道威儀者。謂偏袒單結天冠天衣法式規矩等。法門威儀者。謂生忍法忍等諸法門也。佛威儀者。謂相好力無畏不共等法。或可捨俗服服道服。或捨事服入法門服。或卽俗服是力無畏偏袒右肩者。有俗袒道袒權袒實袒。俗袒者如書中肉袒謝罪。道袒者弟子事師供役便易故袒右覆左。權袒者權化易行故袒權

覆實。此釋他經非今教意。今言袒實覆權覆無常之權袒雙非之實。正當機利物便易得宜故言偏袒右肩。右膝著地者。日旣右轉隨順世間。以右著地卽世界也。日是陽精表智導行此卽爲人。文殊經云。右是正道左是邪道。用正去邪此是對治。膝表於行地表於理以行契理故以膝著地卽第一義。此意通用可解他經。若依今經膝卽常行地卽常理。以行到理故膝著地此是第一義也。不釋合掌私云事釋可知。如世歛手則表敬也。若所表者二表權實二理諸教諸味各有此二。今經合已理無外也。悲感者悲則悲他感則感佛。他行不同悲亦不一諸供不受則福德不生是故悲也。供既不受不得因供開常是故悲也。常既不開雙非不顯是故悲也。佛若受供最後檀成。我與同類衆願悉滿故以悲助他以感祈佛。不釋禮足。私云以我之頂歸佛足下。故諸教之果咸歸圓因。次白佛去陳請。謂標請正請。結請標爲二。初標三寶舟航。次標自他求度。初世尊及比丘僧卽二寶也。佛及比丘智斷具足卽是法寶。哀者慈悲法門指此一字。又是法寶。如三寶卽無供之衆爲有供衆而作福田。若無無供無所供供。若無受供無由供是故須請。受我等者卽是同類群衆。言最後者由初致後。如來出世初益衆生。今入涅槃後益衆生。佛無再受之期。我無再供之日。故言最後。爲度無量者標他。如此自他欲憑舟航請求度脫。世尊去正請有三。法醫合法說爲二。一所失故請二所求故

請所失爲兩。初明所失。次釋所失。初所失者。失於三寶。無主是失佛。無親是失法。無教是失僧。無護去釋所失。若無主忠無所護。若無親孝無所歸。若無師學無所趣。既不爲主護。又無主可護則無榮無祿是故言貧。既無親可歸。又親去不歸則無生無蔭是故言窮。無師可趣。又師不示趣則無訓無成是故言困。釋所失意顯。次從欲從如來下是所求故請。又二。初明所求。次釋所求。初文者。求佛一體卽滿三益。佛是良田卽是從上求祿故言求將來食。佛能長養法身慧命。卽是從親求生。佛能訓導令得正轍卽是從師求成。若從如來卽兼諸義。次唯願去卽釋所求。次從世尊譬如利利去是譬請。開爲兩。一貧窮譬。譬上所失無主無親等請無主故貧無親故窮。二役力譬。譬上所求將來食請貧窮。譬中舉四姓者舊云是四族姓是義不然。現見四族一方俱貴不相忝謝。今文四姓高下不同於義不便。今明是四種姓利利翻田主愛民治國王者之類。婆羅門翻淨行博學明文之類。毘舍未見翻應是平民耕農販賣之類。首陀未見翻應是底下客糞擔尸之類。舊以四姓譬四生。又譬六道是義不然。若四生六道譬太近收義不盡。今譬九法界根性東九以爲四種。方便菩薩根性既有化他統物之能譬於利利。聲聞緣覺同是無漏清淨涅槃譬婆羅門。天人兩界善道受報譬於毘舍。地獄等四同是惡趣譬於首陀。所以然者。一切衆生同一佛性其味真正一體三寶等無差別。而爲煩惱之所覆蔽輪迴六道受種種身。界隔差別其味混雜或酸或甜或苦。無主無親亡家亡國一體三寶隱而不顯。外則遠離三寶喪失善法。故言貧窮。善惡隔絕故言遠至。非已本源故言他國。下性品云一切衆生雖有佛性皆不能見而爲三毒所覆。故墮地獄畜生餓鬼生剎利等種種家中。卽其義也。若觀開譬以利利等譬四種人根性則便。若觀合譬云貧四姓者卽我身是可譬一人有四根性其義則便。而文又云拯及無量苦惱衆生者。復似就於多人作譬既有二文不可一向。若得此意一人既然多人亦爾。故於一人兩用無妨。然此經宗明常辨性尋初法說通失三性。三性不顯義說爲無。正性不顯故言無親。緣性不顯故言無主。了性不顯故言無救。通舉三失以爲請端。法說所求中云但從如來求將來食者。專從主求祿是求緣因緣能資了了能顯正此略舉一而爲請也。就譬失中別請三性。意言衆生本有正因之性一體三寶等無差別。而爲惑覆受種種身四姓等異。此舉異以請不異。別請如來顯於正性。以貧窮故遠至他國者。無主曰貧無親曰窮無師曰困。此舉貧請富別請如來顯緣因性。役力農作乃至草蕘。此明始從人天乃至菩薩偏除煩惱唯是少分。無上善根不能開發。唯希天雨天雨一灑卽能發生。別請如來顯了因性。然三佛性非通非別。隨順根緣通別兩請。餘文如經。下如來受中亦有兩意。我今爲汝除斷貧窮。是許其作主顯緣因性。無上法雨許爲作師顯於了性。雨汝身田令生法芽許爲作親顯於正性。此是別許三因佛性。從何以故純陀施食有二果報無差。云何無差若許作主卽是親師。若許親師卽是許主。是三如一等無差別。若顯緣因卽顯了正。了正若顯卽顯緣因。是三性顯等無差別。此是通許三因性也。惑者云此未明佛性云何此解。答經明佛性是其正宗初。若不開後何所歸。良以初請一體之佛作主親師。一體之親施其常命色力。一體之主施其常安。一體之師施其常辯。令其身內一體三寶三佛性顯自他內外等無差別。上根利智已同純陀。爲未解者至哀歎中開秘密藏安置諸子悉入其中。長壽金剛次第相攝。乃至迦葉師子吼等廣顯佛性。若初開宗不明佛性者。爲開何義何義爲宗。恐帖文流散故懸示此義。次從役力農作去譬上所求。此譬略從人天二乘方便菩薩所有善法。悉是緣因少分故舉此爲求。役力者正明厭離惡趣貧窮向人天善故言役力農作。得好調牛文有兩意。若以牛譬於身。身是善果猶屬人天。若以調牛譬身口七。此譬於戒。良田譬定。平正譬慧。耘除草蕘譬斷煩惱。此亦兩意。若除四住譬二乘善。若除塵沙譬三菩薩。唯希法雨去正求了因。唯希如來是求主求親。法雨是求師三求。若允如貧得主如窮得親如蒙得師。則佛性顯所求之要正在於此。佛隨其求應請而施。施常命色力是許爲親顯其正性。施其常安是許爲主顯其緣性。

別。而爲煩惱之所覆蔽輪迴六道受種種身。界隔差別其味混雜或酸或甜或苦。無主無親亡家亡國一體三寶隱而不顯。外則遠離三寶喪失善法。故言貧窮。善惡隔絕故言遠至。非已本源故言他國。下性品云一切衆生雖有佛性皆不能見而爲三毒所覆。故墮地獄畜生餓鬼生剎利等種種家中。卽其義也。若觀開譬以利利等譬四種人根性則便。若觀合譬云貧四姓者卽我身是可譬一人有四根性其義則便。而文又云拯及無量苦惱衆生者。復似就於多人作譬既有二文不可一向。若得此意一人既然多人亦爾。故於一人兩用無妨。然此經宗明常辨性尋初法說通失三性。三性不顯義說爲無。正性不顯故言無親。緣性不顯故言無主。了性不顯故言無救。通舉三失以爲請端。法說所求中云但從如來求將來食者。專從主求祿是求緣因緣能資了了能顯正此略舉一而爲請也。就譬失中別請三性。意言衆生本有正因之性一體三寶等無差別。而爲惑覆受種種身四姓等異。此舉異以請不異。別請如來顯於正性。以貧窮故遠至他國者。無主曰貧無親曰窮無師曰困。此舉貧請富別請如來顯緣因性。役力農作乃至草蕘。此明始從人天乃至菩薩偏除煩惱唯是少分。無上善根不能開發。唯希天雨天雨一灑卽能發生。別請如來顯了因性。然三佛性非通非別。隨順根緣通別兩請。餘文如經。下如來受中亦有兩意。我今爲汝除斷貧窮。是許其作主顯緣因

性。無上法雨許爲作師顯於了性。雨汝身田令生法芽許爲作親顯於正性。此是別許三因佛性。從何以故純陀施食有二果報無差。云何無差若許作主卽是親師。若許親師卽是許主。是三如一等無差別。若顯緣因卽顯了正。了正若顯卽顯緣因。是三性顯等無差別。此是通許三因性也。惑者云此未明佛性云何此解。答經明佛性是其正宗初。若不開後何所歸。良以初請一體之佛作主親師。一體之親施其常命色力。一體之主施其常安。一體之師施其常辯。令其身內一體三寶三佛性顯自他內外等無差別。上根利智已同純陀。爲未解者至哀歎中開秘密藏安置諸子悉入其中。長壽金剛次第相攝。乃至迦葉師子吼等廣顯佛性。若初開宗不明佛性者。爲開何義何義爲宗。恐帖文流散故懸示此義。次從役力農作去譬上所求。此譬略從人天二乘方便菩薩所有善法。悉是緣因少分故舉此爲求。役力者正明厭離惡趣貧窮向人天善故言役力農作。得好調牛文有兩意。若以牛譬於身。身是善果猶屬人天。若以調牛譬身口七。此譬於戒。良田譬定。平正譬慧。耘除草蕘譬斷煩惱。此亦兩意。若除四住譬二乘善。若除塵沙譬三菩薩。唯希法雨去正求了因。唯希如來是求主求親。法雨是求師三求。若允如貧得主如窮得親如蒙得師。則佛性顯所求之要正在於此。佛隨其求應請而施。施常命色力是許爲親顯其正性。施其常安是許爲主顯其緣性。

施其常辯是許爲師顯其了性。前後無違。方知文旨。三從言調牛下。合譬先合役力後合貧窮。文不次者貧之與役不定前後。只貧故役只役故貧。始從人天至三菩薩悉皆是貧。雖少不同皆貧。如來無上財寶。不次第合意。或在此合役力譬。又兩。先歷法合後一體合初。歷法合中不合人天者特是文略。身口七支用戒防護合上調牛。定能資慧合上良田。慧忘差別合上平正。除四住惑合上除蓋。除塵沙惑合除沙塵。次世尊我今身有下。就一體合。體有於戒以合調牛定合良田。慧合除蓋。雖少善緣不能顯正。唯希如來去正是合求了因言教。從貧四姓者去合上貧窮。上壓四姓今就一體已如前釋。從拯及下合上壓別四姓意也。三從我今所供去雙結。又三。初結上法譬中所求之請。法說中云受我微供然後涅槃。似獨請佛。今結譬云冀得充足如來大衆者。結其不獨在佛善能充足五十二衆。又是顯其能以一食普施大衆衆多而供足供少而周多不思議供供難思衆云云。次我今無主無親去雙結上法譬中所失之請。三如羅睺羅者。雙結法譬中求失之請。佛是金輪即羅睺羅主。又是親師我及一切亦復如是。事三如一同羅睺羅。從爾時世尊去第二受供文爲三。一許受施。二正受三釋施。許受又二。一叙許。二佛唱許。初經家舉三號。佛然其所請故以三號而對許之。舉世尊許爲主。舉種智許爲師。舉調御許爲親。既許爲主即斷其貧。既許爲親即祛其窮。既許爲師即除其

困。三失還得三求遂克。世尊者一切之所瞻仰。如世孝子之事親。如婆羅門之事火。如諸天之奉帝釋。事親即親義。事火即師義。奉釋即主義云云。又世尊者。如學無學等衆星之瞻佛月。如四種菩薩海水繞佛須彌寶山。檀林師子等喻喻戒定慧。世所崇仰故言世尊。一切種智者或以相好色身遍對一切一切各解故名一切種智。何者世有衆生事八十神一神一好隨其所親見其所事。如來一身遍令其解故名一切種智。又不以色身爲佛。以一切種智爲佛。一切種智依此色身見相莊嚴。當知智慧具足故名一切種智。調御者稱適機緣應生應滅應受不受皆爲調御。一切衆生。他經以調御丈夫爲兩號。今經合爲一號。文云自既丈夫復調丈夫。善哉善哉者印其法譬兩請。次我今爲汝除斷貧窮去。是佛唱許。斷貧是許主。法雨是許師。生法芽是許親。從汝今於我去是正受。汝今於我欲求常命色力者。述其請父。安者述其請主。無閼辯者述其請師。我當施汝者。即是許三云云。舊明涅槃正體是常治於無常故序五時云般若雖明尊特之佛爲成無生。楞嚴雖云七百僧祇及法華無量壽。法華無量壽猶是無常。至涅槃教始明常樂。遠斥鹿苑近破法華。同歸涅槃圓常窮源盡性之說。如此說者偏摘諸經對緣一句作無常義。偏取涅槃破病之常以爲正體二塗俱失。何者般若佛母涅槃佛師。楞嚴三佛涅槃三點法華一乘涅槃佛性。一乘即佛性一切衆生悉一

乘故。云何一乘還破一乘。法身云何破於法佛。佛師云何破於佛母。故知惑其方便迷於部教。互相是非失其正旨今所不用。地人雖無五時之執以當現常破無常義勢相似已同舊壞。與皇解云常無常者藥病相治無常治常。若識無常是治常方便病去藥盡。若不識者執藥爲病。病即斷見故云王今病重。常治無常亦是方便病去藥盡。若不識者即成常見。識兩方便能斷斷常則非斷常。故智者見法生即滅斷見。見法滅即滅常見。若不識者還是二見。今明此釋與舊不同。若得意者無所問然。逐語生想俱同前病。何者彈常無常。是互論方便指非常非無常而爲正體。如避空求空去空遠。何者佛言二施果報等無差別。若其昔說五果無常今說是常可是差別。若常無常俱是非常非無常者方是等無差別。亦是顯發方便密教。若得此意般若楞嚴莫非秘密。然此常義斯教之喉衿。衆經之心首。群聖之窟宅。諸佛之法界不可思議。如來智慧說不可盡。若巖然常若當現常若破病常豈會圓理。今試言之。夫佛出世本爲大事因緣。大事因緣即是常住常法包容故名爲大。常立諸法故名爲事。常機常感故曰因緣。常無差別差別說常。下文云諸佛所師所謂法也。以法常故諸佛亦常。三世諸佛悉師此常。常無師弟師弟俱常。如是分別名世界常。我今爲汝除斷貧窮無上法雨雨汝身田令生法芽。汝今於我欲求壽命色力安樂無閼辯才。我當施汝常命色力安無閼辯。又云



我今哀憫汝及一切是故今日欲入涅槃。若諸天人於此最後供養我者悉皆當得不動果報。如此等文皆明常法發生常善是名爲人常也。若欲遠離四顛倒者應知是常樂我淨。我是佛義常是法身樂是涅槃淨是正法。以此四種破四顛倒。又云先所修習四法相貌悉是顛倒。欲得真實修諸想者如彼智人巧修我想常樂淨想。譬如明醫先以鹹苦治其本病。本病雖去復患鹹苦後以淨乳治於鹹苦。佛亦如是。先以無常治其常病。常病既去更病無常。今以真常破昔無常。故云我爲醫王欲伏外道。是故唱言無我無人。爲此因緣而說有我。常破無常亦復如是。又東方雙者即是於常爲破無常。又二鳥雙游譬於如來無二二用。如是等文皆明常法對破無常。釋論亦云常與無常是對治法非第一義。是名對治常也。第一義者則非常無常。今經亦云二施果報等無差別。若常破無常無常異常。是則差別非第一義。第一義者非常無常故無差別。若二鳥雙游明其二用。二鳥俱息明其雙寂。卽用而寂寂滅爲樂是大涅槃。如是等文皆第一義常也。當知是常四悉無常亦間隔因緣大事。常亦寂絕畢竟妙理。常亦出生建立諸法常亦對治破於倒惑自在若此。云何偏據是於對治藥病互論埋沒圓能害諸經論。又大涅槃本自有之非適今也。又二十五有悉皆有我。我卽佛性佛性卽常。佛性雄猛難可毀壞。此多文義卽是現常。又云夫有心者皆當作佛未來當得常樂我淨。如

是等文卽是當常。又三世有法無有是處既無三世何得復有現常當常。淨名云但以世俗文字說有三世。非謂善提有去來今。若固執當現各據三世不解我意寧會偈旨。又此常者顯發如來方便密教。昔覆於常今開辯常無別。今常異昔無常開昔無常卽是今常。次我今爲汝斷貧窮者若除四趣貧窮。卽開諸惡無常而顯於常。下文云觀四重禁除謗法心盡五逆罪滅一闍提。卽其義也。若斷人天貧窮卽開諸善無常而顯於常。文云我今於此處不求天人身設使得之者心亦不甘樂。又云因滅是色獲常色等卽其義也。若斷二乘貧窮卽開無漏無常而顯於常。文云爲諸聲聞開發慧眼云云。若斷方便善薩貧窮。卽開六度通別無常而顯於常。文云令諸菩薩了見佛性。又云自此之前我等皆名邪見人也。總而言之開諸有餘悉是無餘。開諸不了悉是了義。是名顯發如來方便密教悉皆安置三點四德祕密藏中。又此常者卽是佛性佛性卽常。既開於常卽開佛性。既爲此等作親開正作主開緣作師開了。除斷貧窮開境界性。悉皆當得不動果報卽開果性。若例此義何人何法何教何行何位何用而不是常。何法不是非常非無常。豈復更有善惡三乘差別等性。畢竟悉是大般涅槃言語道斷心行處滅不可思議。堅深橫廣無邊無底。能建大義充滿法界不可窮盡。何得判是雖然破病當現常耶。如此常義猶若虛空。略對四家示其梗概。次正受中五果之名文中不釋。私云

五既並果具攝因果一切萬德。先消名次對法。五法並常故初云常。連持曰命。常命則以無始無終而無斷絕。以非色爲色。吾今此身卽是法身。作用爲力遍一切處用無窮盡。不動名安雖具力用安固不動被機有辯。無緣慈悲普施法藥。次對法者此卽三密。命卽意密。色力及安卽身密。無闍卽口密。亦名四德。意是常德。身是樂我。口卽淨德。若得此意遍一切法無非此五。佛具此五故以施人。以五常故施亦無盡。言無盡者卽五果也。大般涅槃經疏卷第三

### 大般涅槃經疏卷第四

隋章安頂法師撰

唐天台沙門湛然再治

純陀品中

二何以故去卽釋施也。釋初釋後中間可知。此意非但後教開常開初亦爾。既舉諸教例知行位證人亦復如是。是常法印印於一切無不是常。初後供養卽是行常。初後法施卽是教常。初後二施必有其人卽是人常。初後果報卽是證常。證必有位卽是位常。等無差別卽是法常。云復次等無差別者。若依答文有種種義。或初後皆受皆食皆不食故等。或初後皆得五果故等。或初後皆見佛性皆斷煩惱皆能說法故等。若依楞嚴初後皆如皆空故等。若依釋論初後皆是諸法實相故等。



若此中意即是初後皆常故等。常者即是非常非無常之常故等。若得非常非無常意歷一切法教行位人等無差別。問一切衆生常爲現爲當。答已如上說三世皆常。問若現常者衆生即佛耶。答如胎中子豈不同父姓。若同父姓寧責者少。凡有六即。一切衆生即是理常。聞大涅槃解知佛性即名字常。知性能修即觀行常。如夜見杙即相似常。金鐔扶眼三指分明即分眞常。無上大覺即究竟常。如此諸常疑何等常。阿耨菩提翻名釋義如常可見。受最後供一期事畢法理具足。汝聞見此依而行施檀必具足。三純陀設難文爲二。初總非。不然後別作難。治城作四難。開善作五難。名目不同云云。今明五難。一有智斷無智斷。二有聖號無聖號。三具四身三身。四具度眼不具度眼。五得五果不得五果。云云。初一難具論自他。後四難唯論於自。此難本明受者福他。初既備舉後不煩文是故略之。然此五難交角難解。何者至理寂滅無大無小。若垂迹化物緣有利鈍應有勝劣。小緣所見初後俱劣。大緣所見初後俱勝。若始坐樹下受牧女乳糜食。此食已十力充滿此小緣劣見。若始坐華臺奢麗菩薩坐華葉。十方諸佛放眉間光入華臺頂。諸佛眷屬放眉間光入華葉頂。華臺菩薩三昧受職成於報佛。華葉菩薩成於應佛。此大緣見勝。當知牧女與諸佛不同乳糜與光明永異。此即大小二佛最初受施。若見佛自行乞食到純陀舍食檀耳羹。中夜入滅與向雙林以火焚身此小緣

劣見。若見純陀悲感但獻八斛四斗不思。議供充飽一切。見十方佛遺大弟子鉢盛香飯奉佛涅槃大緣見勝。當知乞食與送食不同香飯與檀耳永異。大小二佛最後受施其相若此。例推智斷乃至五果亦應各異。純陀交角將大緣之後並小緣之初構差別之難。佛約大緣所見初後無差以答。則涇渭皎然初後不二。今更引經而分別之。勝天王中。初坐樹下有四種相。或見坐祥草。或見坐天衣。或見坐七寶。或見坐虛空。像法決疑經。佛入涅槃亦四種相。或見拘尸土石樹林。或見是七寶莊嚴。或見是三世諸佛菩薩所游居處。或見是真如實相純佛境界。前後既現四相不同。例推智斷乃至五果亦應各異。今更對教主而略說之。若三藏佛初受乳糜未有智斷不能化他令得智斷。凡法未離不得聖號苦行體羸外須雜食。無漏未發內有煩惱果縛尙在是後邊身必歸磨滅是無常身。雖行事檀未得理度檀不具足。乃至般若亦復如是。父母之身但是肉眼未有通明故無四眼。既受食已自得五益能五益他。觀純陀言專引三藏佛初成爲難。若通教佛菩薩道時已斷正使無漏現前自得智斷。亦令他得已捨凡法入聖人位。誓願扶習現坐道場不受食身。無復四住但有習氣。名無常身後邊之身。非是正使無常之身後邊之身已具亡三橫波羅蜜乃至般若。已得四眼未得佛眼。示消揣食福利於他令得五果。純陀所難都未涉此。若別圓佛初受施時如佛所答我成佛來無量阿

僧祇劫久具智斷令他智斷。乃至久已不食不消無五事果示現初成初受後成後受。豈可以劣見之初難勝見之後。初後二果等無差別其義明矣。四佛答爲兩。初正答五難。次普受大會。初答第三四身三身之難者。身有離合故有四三。當是此教之首故超而答之。但純陀先舉三藏佛初以作難。三藏之佛六年苦行精氣殆絕乳糜資益身力充滿則是食身。如是食身從業緣現故是煩惱身。三十四心斷子縛盡唯果縛在是後邊身。終必入滅是無常身。故舉爲難。佛今以三破四正言後邊與無常同故合爲一無常身也。汝舉四身乃小緣所見大緣所觀則無此四。何者光明者即是智慧。智慧者即是常住。常住之身則非食身。又光明者即是智慧。智慧之光破煩惱關非煩惱身。若始斷煩惱猶有果縛是後邊身。今非始斷故非後邊。四大果縛可是無常。常住智慧猶如金剛故非無常。大緣所觀唯三無四。何況如來已於無量阿僧祇劫無此四身。大小雙非四三俱遣。即是非食非不食非常非無常。非煩惱非不煩惱。非法非非法。非邊非非邊。非金剛非不金剛。能赴兩緣作四作三。而於如來非四非三玄而復玄。是故二施果報無差明矣。次從善男子未見佛性去。答第一有智斷無智斷難純陀引三藏佛爲菩薩時納妃生子棄國捐王。樹下坐草起洗受食。是時未斷一毫煩惱不能化物據此爲難。佛以大緣所見爲答。破於藏通二緣成佛。何者二緣所見非但三藏未受食時不

見佛性。受已作佛亦不見性。通佛亦爾。當知未見性者。雙破二教。若華臺菩薩受佛職。時入金剛定。登佛職位。得三菩提。明見佛性。常身法身。金剛之身。即名為智無四種身。即是於斷亦能令他具足智斷。又入金剛三昧。即金剛身。破無常身。即一番智斷。得三菩提。即是法身。破煩惱身。又一番智斷。究竟見性。即是常身。破於食身。又一番智斷。亦能令他具足智斷。是故二施果報無差。智斷無殊。得名時異。三從菩薩爾時破壞四魔去。答第二有尊號無尊號難。純陀據三藏菩薩在家之日。有輪王相。是人中天。從出家來。至受食時。猶未得道。尚劣生天。何得尊號。亦非生天之天。乃至不得作生淨天之天。既無此號。故言猶是衆生。佛今不以三藏為答。乃以大緣所親華臺。華臺菩薩已破四魔。故釋論云。得菩薩道。破煩惱魔。得法性身。破陰死魔。得不動三昧。破天子魔。今經亦爾。入金剛定。是金剛身。破天子魔。即是生天。得三菩提。即是法身。破煩惱陰。得見佛性。即是常身。破於死魔。如此功德。豈非生天淨天中之天。今入涅槃。亦破無常等四倒之魔。無四倒故。破煩惱魔。無煩惱陰。死即無天魔。初成後滅。既俱破。四魔俱非衆生。俱得尊號。是天中天等無差別。四從菩薩爾時雖不廣說去。答第四六度五眼難。純陀據三藏中。棄國捨位。不見說法。但有捨財不見理檀。故言猶未具足。檀波羅蜜。乃至般若。但見障內。故言唯有肉眼。無有佛眼。乃至慧眼。佛今乃以華臺大緣所見。雖不說法。先已通

達財法事。理檀波羅蜜。乃至般若。皆已具足。過於人天二乘菩薩之所見也。亦分得佛眼。今佛答法檀一事。餘度五眼。準此可知。故略不答。先廣通達。今為衆生廣顯通達。是故二施等無差別。五從善男子。如來之身。去答第五有五果無五果難。純陀以三藏中。施食五德。命色力安語。施主還得五種果報。今開佛說。我實不食。施主亦應無五事果。佛今以本地初成答之。我無量劫。不受不食。畢竟清淨。小緣初見。口受乳糜。大緣初見。頂受光明。而於法身。非食非不食。小緣後見。受於檀羹。大緣後見。普受大會。而於如來。無乞無受。是故初後二施果報。等無差別。次普受者。從我今去。是受衆供。次請住文。為四。一因請。二騰請。三遮請。四重請。先生起四意。衆咸獻供。請住。供既不允。請住未申。佛因純陀。許受衆供。衆因純陀。更請佛住。純陀順旨。仍騰衆心。佛受衆供。普開於常。常法非住。不應請住。常法深奧。衆未能達。衆意殷動。是故重請。與皇解云。大衆同聞聲。告不久當滅。聞答難云。法身常身。又初聞滅。謂如燈盡。開常謂恒在世。夫如來者。本無去住。何曾如彼。見住見去。只去是住。只住是去。不起寂滅。現身餘會。去相宛然而恒。在住相不去而常去。若爾如來去。住於衆何益云云。今明佛無去住。緣宜不同。略有四種。或有見去而自慶。乃言無量衆生。隨佛前後。我今有幸。見佛始終。自慰為得。此是世界因緣見去。或悲泣懊惱。拍頭號哭。三業難慕。此是為人因緣見去。或有見去破

無量惡。如來向去。我云何著。是為對治因緣見去。或有見去入秘密藏。至佛至處。了了見性。與法王子等。是為第一義因緣見去。或可一人具四。或但三。但二。或可四人各一種。種種不同。而於如來。都無去住。且舉純陀。或時悲感。或時歡喜。或云如來。不般涅槃。而我不能不懷憂惱。或時自云。我今已與文殊師利法王子等。若衆無緣。純陀豈然。故知純陀。不爾。悉為緣耳。於去一句。四緣不同。餘住亦去。亦住非去。非住。三句。準知。初因請文。為二。初長行。二偈頌。初為二。謂喜歎。初不納供。是故悲塞。今聞普納。咸皆歡喜。喜由純陀。是故稱歎。欲遂本心。所以進請。就歎為兩。一略二廣。略舉四歎。謂名利德願。名者。嘉名。先立妙義。後與將後驗。前名不虛。稱故同聲歎云。希有純陀。言大義者。橫闊無涯。言妙義者。堅深無底。又常非常。是深義。一常一切。當是大義。非常非常。是妙義。已如前說。次汝今下利者。吉祥福地。率土同集。十方響會。旛懸梵世。蓋覆三千。如來默然。一無所納。純陀後請。前供普收。如此聲響。絕倫蓋世。故衆歎言。汝今現世得大名利。德者。即德之一字。十讓居後。五果當先。一人而已。八斛微小。用滿檀度。此其德也。願者。願等三字。滿足。貫上四俱足。故前佛立誓。今佛願圓。故言願滿。從甚奇。純陀去。廣歎從後。向前。以歎四德。初更舉六難。廣歎第四願滿。諸天命盡。五衰相現。其餘天子。為呪願云。願生善處。願得善利。處是人道。利是持戒。下文云。十方土多。爪上土少。捨人天身

得三惡多。捨人天身得人天少。捨天得天諸天不喜。捨天得人諸天所願。猶如兩人在兩須彌。一彼豎立孔一因風放。縱得入鍼孔此事甚難。若在人中能持戒者復難於此。海底官龜千年一出慎浮木孔入孔中居此事甚難。若在人中值世有佛難復過此。仰鍼於地梵宮投芥墮在鍼鋒此事甚難。值佛生信復難於是。生信聞法復難於是。辦最後供復難於是。此六於他爲難純陀則易。故大衆歎言甚奇純陀復得難得無上之利。如優曇華者華表輪王。能最後供得五事果必作法王大衆已爲授記。廣歎願滿竟。次從南無去是廣歎德南無或言救我。或言歸命。或言屈膝。謂屈雙膝。其有十讓五果檀度之德故今歎之。又南無者具有三義。口稱是口業。屈膝即身業。歸命即意業。三從猶如秋月去。廣歎其利秋是陰時月是陰精。至時即盛映蓋衆星孤明獨秀麗天皎地一切瞻仰純陀亦爾既有妙利。與勝妙時會建立妙義。在大衆前衆莫能先。對佛開常蒙普受供。一切大衆三業歸崇。四從南無純陀心如佛心下。廣歎其名。上云名舛妙義名與法合。心如佛心名與佛合。真是佛子名與僧合。與三寶合即顯其身一體三寶。亦是五果三點四德五佛。性等一切法界具如向說歎其得主心如佛心。歎其得師名解妙義歎其得親如羅喉羅云云。次偈頌中二。初一偈頌上歎。次三偈頌。初文云汝者汝即純陀頌上名也。生人道者六難之一頌願滿也。超第六天而等梵王請佛開常即頌

德也。我及一切衆頌譽也。上同聲讚。此云我及一切也。如有端首推下論義似如文殊爲請首也。次請中二。先二行爲衆爲一切云云。次一行要請。要之以命者。佛不在世不蒙甘露法身慧命將不全也。次騰請爲二。初長行經家所叙。次偈是純陀請詞。初長行中云卒喪者路耳。具足應言喪主親師云云。前奉聲光大衆奔雙流血灑地故今言卒喪。蒙施常命色力安辯。該統法界許主師親故言忽然還活。時衆大喜於前純陀慶悅於後復是一讚。次偈中十八行半爲兩。初十一行半騰衆歎。次七行騰衆請。初文中略騰三歎。初騰歎願中先騰六難。後猶如下作營結。初云獲已利。騰歎善利難人身善處難。獨除等是善利所離。金寶衆者騰佛世難。不懼者所離也。優曇華者騰生信難。授鍼鋒者騰最後供難佛不染世法去騰聞法難。我今所奉食去騰歎德也。因供發願願無上果不願諸有。如伊蘭出栴檀去。因於微少充足大衆。又因食顯不食非食非不食。道香德風開發一切悉非常非無常。我今得現報去。騰歎利如文。從一切諸世間去。正騰衆請爲三。初兩偈騰悲苦意。次三偈騰請住益意。後兩偈結二意。文云世間無調御者。無主親師生大苦惱。次文如來在僧中去總明三寶益。如須彌山別明師益。山若映水水同山色。師若說法如法奉行故是師益。佛智能善斷半行是智度益。雲起清涼是善權益。此兩明親益。如來善能除去是主益。煩惱之賊寇亂行人佛日照除發亂反正故是

主益。三結者若失三益增慙悲慟結上苦惱意也。若得三益信心增長結上請住意也。從佛告純陀如是如是去第三遮請有長行偈頌。長行爲二。初述歎難。次以難遮請。初文者。夫六難展轉相依三種無佛時亦有。三種佛出乃有。今述佛出時三難。餘者可知云云。次以難遮請爲三。初以難遮請。二以佛境界遮請。三以二用遮請。以諸難遮請者。汝騰衆四歎自快六難。六難之與四歎由我涅槃施汝常命種種功德普及一切。我若久住無最後供。誓若不滿衆不稱譽。名亦虛設自失已利。又障他人那忽自欣後供而請久住。久住無後供後供無久住。汝自矛盾故遮言不應意正有此。次汝今下。舉佛境遮者。佛之境界唯佛能知非下地圖度。言語道斷心行處滅。至存彌亡至亡彌存。非存非亡即住不住。不住即住非住非不住。如此境界言之者。訥取之者失。絕其情慮故遮云不應。問純陀住十住地那忽遮之同凡不知。答知有六種云云。亦是爲下而抑於高高尚不應下自息望。三悉皆下。舉二用遮請者。但佛境玄妙及佛勝用汝所不知。謂常無常二鳥雙游去住適宜稱機隱顯。或時用住或用不住。只不住即住亦是非住非不住。昔用無常施得五果一切諸行悉皆無常。若定無常何得今教施常五果遍一切法。悉開無常。當知非常非無常能常能無常。又昔用無常論五門觀謂他境界今教用常論五門觀即自境界。豈定自他能作如此之自他耶。當知皆是佛之勝用若用於常故無勞請。

若用無常復不須請。故舉二用遮言不應。十  
一行半偈爲兩。初十行半明無常用。後一行  
明常用。初又二。前九行通明諸行無常。後一  
行半正用無常。初又五。初三行半無常觀。次  
一行苦觀。次一行空觀。次二行無我觀。次一  
行半不淨觀。問諸天化生豈是不淨。答雖無  
臭穢賢聖所訶亦是不淨。次諸欲下。明正是  
無常用。如瑞應云。出四城門起於厭患故不  
貪著。離欲思惟六年苦行。證真實法。三十四  
心發無漏慧。今日當涅槃即最後無餘。次我  
度有彼岸一行。即常用。度者度此彼之彼岸。  
亦度非此非彼之彼岸。於諸此彼而得自在。  
故我非但過一切苦亦過諸樂及無苦樂。乃名  
大樂。我淨例然云云。他判前九行半是佛同於  
常無常行亦是真不真義。後兩行即是諸行  
同於如來無常不真義。此常無常顯非  
常非無常真實法也。今言若爾常無常是二  
方便。因兩方便得顯真實。即如纓絡二觀方  
便得入中道第一義諦。此乃淺深三諦之意  
菩薩境界。云何得與佛境界同。此文分明云  
當觀諸佛境界。佛境界者三諦一諦一諦三  
諦。非一非三而三而一。一空一切空三諦皆  
空。一假一切假三諦皆假。一中一切中三諦  
皆中。只中是俗真只俗真是中無二無別如  
此乃名諸佛境界。所以用佛境界而遮諸者。  
若一空一切空云何請住。乃至一中一切中  
云何請住。遮請之意正在於此。云何以菩薩  
境界釋佛境界耶。若但隨文難見此意。今更  
就偈文以顯此意。前九行半明一空一切空。

離欲一偈明一假一切假。我度一偈明一中  
一切中。偈中廣出還釋長行佛境界意。且點  
其意在後更釋云云。四重請者。或云非重請佛  
不重答故。或言兩向望前爲重請望後爲論  
端。於中爲三。初領旨。次謙謝。三正請。領旨  
從以難遮請生六難由佛誠如聖言。謙謝從  
佛境界生諸佛境界清無涯底。豈是蚊蚋能  
知邊表。分知非究竟知知是謙也。謝者從於  
用生。蒙佛受供成最後檀。慳結漏斷等於文  
殊蒙佛受供成彼岸智均大菩薩。故舉龍象  
喻於智斷。又舉幼年自況。以初具戒況於先  
達。拔淵泉之下處雲霄之上者。蓋佛菩薩之  
恩。是故須謝無常用。三正請常住之用能  
生物善大衆苦至如來未然是故重請。有法  
譬合。初法如文。次譬中言變吐者有二解。一  
云譬大衆戀慕渴願如來住終無變吐。故  
文云我今欲令如來久住。故知爲衆生作譬。  
二云爲佛作譬物思物機亦如饑渴願佛住世  
亦無變吐。故合譬云唯願世尊亦復如是。故  
知爲佛作譬。夫聖言巧密不可偏取云云。第三  
旁論者。何名旁論。先釋名次帖文釋名又三。  
一釋名二出意三料簡。初釋名言。旁論者前  
獻供爲正爲無爲是旁。又時衆是旁人時衆  
未解爲旁故論。又兩人實慧爲正方便爲旁。  
與斯問答是其權巧故名旁論。又如來境界  
爲正二用爲旁。今之所論論於二用故言旁  
論。斯乃四悉意。思之出意者何故旁論。佛因  
獻供施常以破無常。又明二施等無差別利  
者玄解非常無常。惑者便生勝負之見。鄙無

常而崇於常。如來又因請住以不住破住。又  
明諸佛境界不可思議。利者即解非住非不  
住。惑者又謂不住勝住。迴惑自迷不能得解。  
是故文殊以無常不住訶其請住。純陀以常  
住難其無常不住抗拒紛紜彰其非理故云有  
爲無爲且共置之。懸指如來後常廣說。舉是  
顯非昭然可解。爲是義故須旁論。復次上  
純陀自云文殊師利法王子等。時衆懷疑文  
殊古佛行遠解深能問能答。純陀初心位淺  
解微。上雖能問未見其答。云何稱等是故旁  
論文殊深而隨負純陀淺而獲勝。淺勝非勝  
深負非負。非負非勝方顯其等。約斯事理顯  
旁論意。大略可見不俟多釋。料簡者。問文殊  
明空三昧而爲正法應是無爲。純陀對有論  
無無待有成還應是有。那忽言文殊執有純  
陀執無。解云文殊扶昔教之空望大是有。純  
陀扶於今教對有論無。有去無無還得是無。  
又復純陀始具足檀則行淺不應云勝。文殊  
古佛則深故不應負。解云適物所宜更互推  
祇非定勝負不負而負於深無損。不勝而勝  
於淺無增。文殊且共置之則勝負雙捨。又文  
殊執昔。就昔爲是望今爲非。純陀執今。就今  
爲是望昔爲非。若作四句。各執二用顯體爲  
俱是。各執二用傷體無俱非。各辨體用各有  
一是一非。即用而體即俱非是非非。文爲二。  
一旁論。二復宗旁論又三。一文殊訶勸。次純  
陀訶勸。三文殊稱美。初文殊訶勸又二。先訶  
次勸。先訶中牒其請辭汝今不應發如是言  
即訶也。次汝今當觀應如是學即勸也。次純

陀訶勸又二。先雙訶說觀。次雙勸說觀。就雙訶又二。初訶說觀之非。次雙結觀說之過。初訶說觀之非又二。先訶說次訶觀。初訶說又三。一不應摧勝號同劣號。二不應舉劣法同勝法。三結其失辱。初文者夫如來者通是諸佛之極號。今古不異故曰如來。豈可以極尊同於諸行。夫諸行者生死賤名卑鄙底下群有勞累。若以如來同諸行者。摧常住爲遷滅。屈涅槃作生死豈可然乎。次譬如水泡去。舉三見一聞不應以劣法同於勝法。勝法者即四德也。劣法者即四倒也。水泡譬無常。車輪譬苦。我聞諸天壽命極長。極長天者即是非想。非想無色不可見故。故言我聞。舉長對短短即墮胎落孕。此舉不淨問無色云何是不淨耶。答雖非惡色賢聖所訶亦是不淨。如聚落主失勢力者譬無我也。當知不應。舉四倒法同四德法。三世尊亦爾去。彰其失辱若摧勝同劣則失天中之尊號。亦失四德之勝法。若舉劣同勝則辱諸佛世尊之勝名。亦辱常等之勝法。從是故文殊下。是訶其觀亦爲三。一不應觀勝名同劣名。文云勿觀如來同於諸行。二不應觀劣法同勝法。文云爲知而說不知而說。若知如來非是諸行強說同者。令下法同法。若不知如來非是諸行而言同者。即關惑上法混和下法。三彰其失辱若使如來同諸行者則不得稱爲天中天。則失尊勝名及尊勝法。若使諸行同如來者。則辱尊勝之名亦辱尊勝之法云云。次從譬如人王去。兩譬雙結觀說之過。初譬結觀過。次譬結

說過。初文又二。先譬次合。初譬中云王者譬衆生力士譬佛。力士爲王施功。佛爲衆生施化。王見力士多技藝者厚賜封祿。衆生得佛恩深四事供養。力士以技德伏物不以威加如來但以智慧神通非那羅延力。佛具功德汝今云何憶想分別觀於如來同諸行耶。此豈非結觀之過明矣。次短壽譬結其說過亦二。先譬次合。初譬中云父母譬衆生。子譬於佛。相師譬文殊。衆生感佛譬如父母佛隨機應譬如生子。佛賞長壽文殊說短。豈非訶說之過此文明矣。次從譬如貧女者。是雙勸說勸舊云貧女譬生解。丈夫譬護法。開善云貧女譬生解。丈夫譬捨迷。治城云貧女譬護解。丈夫譬慚愧。招提云貧女譬說佛無爲。丈夫譬覆佛有爲。今以女譬慈。生子譬說。丈夫譬剛遠行譬觀。譬文自現。又承躡上來非徒臆說然對聖訓凡寓上誠下非訶勸文殊。又勸博地無益極聖不勞勸。不上不下發心已去未足已還正須訶勸。譬文自明矣云云。初勸說譬有開有合此開六慈。謂理乃至究竟。貧女至加復困苦。以譬理慈。貧譬無智。病譬無斷。無有居家譬無常住五果。無救護者譬無主無親女雖貧病有生子義。理無智斷而有解說之義。下文云慈是一切諸善根本云云。饑渴所逼游行乞食者即名字慈。無智爲饑無定爲渴。癡散所逼欲求靜慧則素絲易染。薄知名數微達方隅名字慈也。止他客舍觀行慈也。觀五陰如逆旅暮合朝散觀六入如空聚貪者求物。觀六塵如惡賊愚不知避焚灼憫

之豈非觀行慈也。齊此慈來通名解說。解說未彰如女雖能生而子未顯。可譬懷胎寄生一子相似慈也。向觀陰舍生清淨解。如寄生子此慈說已彰譬子生出。通前慈說悉有障難。至相似時慈悉倚伏更五羂弱故於此位說諸障難實通前也。舍主驅者。此譬報障障於慧解。義言驅去慈解同體故言抱兒。向涅槃城故至他國。名字慈後。分真慈前兩權之間故言中路。遇惡風雨即內業障。蚊虻隨食即外業障。經由恒河即煩惱障。抱兒而度者。於三障中不捨正說。說陰界入非常非無常說諸惡業非縛非脫。說諸煩惱非明非闇。以相似慈及相似解。障不能障故言而度水漂疾者三障力強激奪慈說。慈說體妙不屈三障。故言而不放捨。於是母子遂共俱沒者。慈與解觀俱從相似轉入分真故言俱沒。如是女人慈念功德生於梵天。天者通是分真究竟兩慈觀。下合譬其義自顯云云。從文殊若有善男子去。合譬先通合四慈。後通合兩慈。通塗明者。從前理慈已來。不應偏薄偏解偏說。初文爲三。一者正護不得偏說。二者引過不得偏說。三者乖理不得偏說。偏說非正護正護不偏說。偏說無慧眼慧眼不偏說。偏說乖正理正理豈偏說。此中三文廣有所破云云。從若正見去。合後兩慈合前許圓說不許偏說。合後開偏說不云圓說。若通論前後皆有偏圓而互現者前未見機理宜但許圓止偏。是故文云自責愚癡後見機理尙許偏說何況圓耶。是故文云正見者也。又正見者即是圓見。

若見有無不名無爲，具有無者方乃名圓。就文爲四。先開偏說。次釋見機。三牒譬合初沒。四牒譬合後證。初開偏如文。次釋見機者。能爲衆生是見世界機。生善法故見爲人機。亦是見第一義機。生憐憫心即對治機。三四如文。次從如人遠行是勸觀有譬合譬又二初正勸次重勸。初文者六卷名爲丈夫譬。此開六種觀義。謂理觀乃至究竟觀。遠行譬理觀。去後位遙名遠。理寂而照名行。中道譬名字觀。始末兩問通稱中耳。疲極者煩惱勞累生死拘逼。謙卑請益皆是疲極。寄止他舍譬觀行觀。三界幻居猶如寄止。五欲非己爲他。權託陰入如舍。無明所壓如臥沈昏不醒如寐。忽然火起火是無常來無徑路故言卒起。卒起無常即報障也。上具三障此略舉一。即時驚寤譬相似觀。昔來未得而今得之爲驚。似解隣眞爲寤。言定死者解惑相排惑雖盛不久摩滅如入海見平故言定死。雖知定死即猶未死。未能入聖但在白法故言慚愧。衣纏身者衣以譬觀。身以譬境。若作偏觀照境不周是爲可恥。圓觀圓境無所可恥故言纏身。便命終者。他以被問難屈爲死。然被難死死者無量應生梵天。既不生者當知非也。今言死者似觀轉謝。生忉利天者分眞觀起此譬兩成就三十二臣即分眞義。若就一主即究竟義。而言梵王及輪王者更譬究竟觀。不生等顯其所離。善男子下重勸勿觀。從文殊如來眞實去。合譬但合上即便命終分眞觀去。若能如是去。合上生忉利天。他以此文三十二

相合者乃是合主不是合臣。若爾八十反應合八十種好。輪王無敵應合十八不共法耶。今云八十種好亦不與他共故皆合究竟。大般涅槃經疏卷第四

### 大般涅槃經疏卷第五

隋章安頂法師撰

唐天台沙門湛然再治

純陀品下

從文殊讚言去。是第三文殊稱美。文爲四。初頌成其說。二歎言行相應。三歎玄會佛旨。四受勸又勸頌成前兩勸兼頌兩詞初如文。次善男子汝今下。言行相應言長壽因緣者。正見正知正護正說。即是常住因緣也。此頌前合譬中似解之意故言因緣。能知如來是常住法者。此頌前合譬中分眞之解善覆如來。此頌後合譬似解也。常受安樂者。是頌後合譬中分眞解也。若領眞似二解即是兼領六位之意。然文殊止一言詞勸。純陀作爾許詞勸。文殊竟不抵牾翻更讚美。良由純陀所說會教會機。聖人但說已法不說他法。驗知純陀是分眞位。是故文殊還以分眞美其言行。即是發純陀五戒之迹顯分眞之本。私云當知十讓從迹而說復以小初難大後者亦恐時會及未來世。唯執小初以難大後。妨於大後用破小初。言時會者乃是新衆。何以故一代教門彈斥淘汰已會善善。豈執如來定入涅槃同於初小正爲未來鈍根小習而執於小。故法華云除佛滅後。若不爾者豈有如前幢幡妙供人天雜類菩薩聲聞皆默不受而於城中工巧微供彰言納受。因茲普領時會之供復能難佛爲佛所歎。又與文殊旁論往復。故知純陀非聊爾人。三從如來次後去歎玄會佛旨指哀歎等爲廣說。四從我之與汝去受勸。又汝勸我覆於有爲。我亦勸汝覆於無爲。雖終日說有不能盡其用。終日說無不能罄其極。言所不泊絕而置之。又言置之指廣置略即世界置。涅槃正體非體非用非爲無爲。既非正體可共置之即第一義置。汝勸我覆有我勸汝覆無。更互是非莫知其正即對治置。有爲無爲乃是旁論。今此正以獻供爲宗。置旁復宗故言且置即爲人置。次從汝可隨時去。是復宗論文爲四。初復宗勸供有勸有詞。二如來印讚成前起後。三明悅可有問有答。四明讚發讚純陀之說發文殊之迹。初又二。先勸次詞。就勸供爲三。一勸時二勸速。三勸奉佛。勸時者如初行時初到時病時物新熟時。今最後供是初去時。二勸速者古佛道法過中不食今速赴此時。三勸奉佛者正爲最後供佛涅槃。次純陀下詞。亦爲三。一不知時。二不知速。三不知佛。初令時者。汝令時施佛可時施一切大衆不皆涅槃。此則非時非時索施理涉於貪。次不知速者。佛六年苦行尙一麻一米今須與問何須速也。三不知佛者汝謂如來實須食耶。文殊同他見謂須雜食。純陀申已解食即不食故詞文殊墮三不

知。次爾時佛告去。如來印讀成前起後印其詞即是成前讀其智即是起後。三從文殊語純陀去。是明悅可。文爲五。一偏慶悅可。二破偏悅可。三並悅可。四解悅可。五寂絕悅可。時衆謂純陀行淺故佛印其所悅以破時情。初文殊因此偏而慶之。汝說無爲憂佛悅可。次純陀即以圓破偏。非但悅可於我亦悅一切。三文殊作兩番開並先定之。若定悅可一切衆生我說有爲亦應悅可若不悅我圓。悅則破一切之義是則不成還是偏悅成佛愛憎即作伏並。四純陀覺其伏並還解兩關。一無偏染悅可。二有普淨悅可。無偏爲三。一彈無偏悅可。二釋無偏之意。三舉譬顯如文。次從等視一切去。明有普淨悅可。即是如來境界非我爾所知云云。五從國王去明寂絕悅可。不應作偏普籌量。上文殊明有爲無爲且共置之即是絕言不可說悅。此中意明有悅無悅。是佛境界不可籌量即是絕思悅可。初譬分智不及究竟。王家駕馴譬究竟智。群下驢乘譬分真智。後譬分斷不及究竟。龜龍在水喻有無明菩薩行故見不了了。金翅騰空譬無明盡佛不行故見則了了。開善云。前是下不知上。後是上能知下。治城云。兩譬皆是下不知上。初不知上智。後不知上境。靈味云。初不知法身。後不知應身云云。四文殊去讀發。讚純陀之說故言如是如是。其既高推佛境不可度量。是故讚美。發者拂我執一塗之義。因汝試我試則非實故言有爲非有爲。汝推未詳故言無爲非無爲。前文殊云。且共置之則言語

道斷。今純陀云。是佛境界非我所知則心行處滅。數微則言盡研極則思窮故說觀皆寂。從爾時面門去第四僅供文爲四。一僅供。二請住。三領解四。辦供。前來諸瑞各有所表。故知此光正爲僅供。文殊前勸純陀時施新固彈詞。今佛躬僅不敢前却僅文爲兩。謂光僅聲僅。光僅爲兩。一催二默。初催又三。一放光。二解光。三騰光。初放光中照文殊者。上佛印純陀所說會教合機。今光照文殊亦扶上化下二人論難皆由佛力。次即知是事者解也。數人云見色知心文殊觀光遂解佛意。三騰光催供如文。次悲默者僅供故悲未諸故默。大聲催亦二。初三催次悲哭。次復白大衆去。請住文爲兩。初告衆共請。次重請。初告衆文爲兩。初告衆請。次佛有酬告請如文。次佛酬中二。先止亂。次說五門觀。觀中二。先作觀。次結。初六譬空三譬無常三譬不淨兩譬無我後總結。何故說五門耶。汝請住世本爲開道若能五觀與住不殊。若不能觀住世何益。遺教云。能持戒時與佛在不異即此義也。次重請亦二。有請有酬請如文。重酬爲兩。初酬次釋。初文者。汝請久住爲哀憫我以入滅爲哀憫云云。釋中二長行偈頌長行如文偈與下二偈意同後當說之。偈中二。先偈次長行。止三爾時純陀領解。又二。初領解次速成。領解者雖知不滅不能不悲不能不請。雖知如來滅而不滅不能不慶不能不悅。速成又兩。一述不能不喜。二止其不能不悲。初喜者。汝既能知如來方便亦應合知如來真實。故舉

二鳥以譬權實不得相離。春陽之時譬適會機宜。無煩熱池譬涅槃自在無畏。諸佛同以二法逗緣無閑自在能如此解。善哉善哉。次汝今不應思量長壽短壽去。凡舉四義止其不能不悲。一舉如來境界不可思惟若長若短皆如幻化。幻長幻短非短非長何所可悲。二舉如來方便若長若短如來於中無所染著何所可悲。三舉如來涅槃成汝檀因克不動果因果具足何所可悲。四我爲良田成汝因果汝克因果自是良田。復能令他因果圓滿自利利人何所可悲。尋文可見。四爾時純陀下是辦供。先自謙。次辦供。初文中云。涅槃非涅槃者亦是共行二鳥義也。即如來境界故下地絕思。次辦供中云。尋與文殊者。有二解。一云文殊解最後供故携友共辦。二六卷云。燒香散華盡心供養佛及文殊不云同去。哀歎品上。茶毒居懷曰哀。悲號發言爲歎。略從事標言哀歎品。廣而言之內喪道法曰哀。外失慈覆曰歎。文云。失慈及法味如懷失其母。世界也。又已生善說故哀。未生善翳故歎。文云。養育諸子付旃陀羅老少病苦而行險道生善也。又現惡未盡故哀。將惡方起故歎。文云。猶如困病人食所不應食對治也。又應獲祕而不獲故哀。應不失祕而失故歎。文云。獨以祕法偏教文殊遺棄我等第一義也。然四緣感佛佛則興世四機若息。佛則唱滅故約四悉釋哀歎品。此文梵本猶屬壽命品。謝氏分爲兩者略有十異。前品從人後品從事。前品對俗



今品對道。前品有供今品無供。前品雙請此品單請。前品因人此品率自。前品略明佛性常住。此品具說三點四德。前品論今教此品具今昔。前品二人論今品對佛論。前品動執生疑。此品破執除疑。前品開法抑割。此品見地動哀歎。然此十義備有通別今舉一邊別彰其異。與皇釋此品有七。謂三請三酬結合生起云。佛入涅槃衆生孤露故哀請住世。佛酬云。汝本爲獻供聞法今已納供生汝福德已說新伊生汝智慧而不肯學知住何益。次祈請者。如來昔教無常五十許年始得成就。今說新伊常樂我淨應久住教詔若入涅槃不如還修舊法。舉象迹秋耕憚教不受。佛即酬云。非全不教終令汝等得解新伊故云安置諸子秘密藏中。我亦住中名入涅槃。前已哀祈既許住。只應譏諷以命要請如來。若具常樂我淨即免四倒。便得自在久住於世。必入涅槃便不免倒常樂之言便爲徒設。若不住者我等毒身寧容久住亦當同佛入於涅槃。佛即酬云。我之去住豈汝所知汝言去是定去住是定住。我之去住如二鳥雙遊去而恒住此何勞請住。住而恒去亦何須請汝不解此事得同我入於涅槃。既三請不允情無所錯即便生疑若無常非昔不應說常樂若是不早說如來則有差機之失。佛即會云。昔說無常破汝常病。汝今又以無常爲病爲汝說常。汝病有前後故教有與廢。汝自橫謂施教早晚迂迴。如來屈曲隨逐豈佛差機。早晚自汝反答如來如此生起於義易見。而復三請在前三酬居

後。其間子段處處相關斯乃彼師玄談七意。若欲消釋殊背相生。今明此品是對比丘施於新伊勝三修法。就文爲四。一大衆請。二如來答三比丘疑執。四佛破除疑。就請又二。一請緣。二正請。緣者緣於地動知必涅槃。是故悲請。問誰動地爲緣。答法不在因亦不在緣。不在因緣不離因緣。既從因緣事有作者。雖無作者亦佛神通而動於地令其悲戀安置有緣於解脫中。亦佛智力說法歡喜安置有緣於般若中。亦佛體力非悲非喜安置有緣於法身中。亦是純陀文殊智力令衆開解入般若中。亦二人通力去時地動令衆悲戀入解脫中。亦是二人第一義力令衆非悲非喜入法身中。亦是大衆威對治力聞法歡喜感爲人力動地。非哀感第一義非悲非喜致地動緣。其義無量。淨名云。或有忍畏或歡喜或生厭離或斷疑。斯則神力不共法就地動。又四謂時處相由時者佛以四事止華氏之悲。純陀腦臆小醒低頭飲淚大衆聞法悲惱暫息。二人既去。法音已停。更欲增其悲戀之善。於其去後未久之頃。當是時也。震地動之即是時也。處者大地是橫處。梵世是豎處。或言初禪是梵世。或通四禪皆是梵世。雖不連地而有寶宮。亦皆震搖即其事也。問上釋聲光徹至非想以爲有頂。今此地動焉止梵宮。答上云。有頂有頂文寬得作遠解。此云梵世齊文而已。若依下文動時能令衆生心動名大地動無色四心亦應被動即其例也。相者有三。一小大動相。二六種動相。三十八動相。是三

種相。皆以形聲爲本形有動涌起。聲有震覺吼。若單形聲是爲小動形聲共動是名大動。形聲各三。是爲六種。一中更三謂動遍動等遍動三十六。若更分別閻浮提一四天下小千中千大千十方傳傳相望作小大動大大動等。有人云。此經六種。華嚴十八動。此豈應爾。特是形中略言一動聲中略言一震。又云大動。又云能令衆生心動。當知義兼十八不同人情。由者例此亦應有小由大由大大由。若輪王生沒地得主失主悲喜故。動是名小動。若辟支羅漢生沒地。得應供失應供悲喜故動是名大動。若佛生滅地神山神及諸天龍等得應供失應供悲喜而動即大大動。今經正明如來八相。唯少升天降魔文略不存。就八相中是如來入滅地大震動。此則別語經由。若通論者如前所解純陀大衆皆是動緣。舊云料簡地動之詞是經家所序。或言佛說。觀師云。不然當時聞語豈是經家文無標告。焉知是佛應是地震而有此詞。次從時諸天龍下是正請又爲三。初長行及十一行半偈是哀請。次二行是祈請。三長行五偈是譏請。初長行叙語以毛豎哀泣而爲其相。次十一行半偈爲三。初兩行一句略請。次七行一句廣請。三二行結請。初標調御師人仙續母即是略舉三事爲哀請之端可見。次猶如困病人下作喪師譬云云。如國無君主下作喪主譬云云。長者子下作喪親譬云云。如來入涅槃下兩行結哀請上文。初明懷失母今結還明我等及衆生悉無有救護。謹字結無主



教字結無師。次譬如日初出兩行曷日山兩譬是祈請教於一佛而具三益日有三義。一高圓明譬主益。生長萬物譬親益。照了除闇譬師益。而譬文論照了合文明除暗正言師義是本兼有二能。山亦三義。高出水上譬主益。深入水底譬親益。水色同山譬師益。師德如山安處衆海能宣妙慧照下昏迷言略意兼矣。舊解日還自照爭論不同。開善莊嚴云。佛有智能自照光宅云。佛果無有自反照智。觀師難光宅云。佛無反照智亦應不自知作佛不作佛。彼教云。佛雖無智知作不作。若欲知時借諸佛智佛道同故。今更問之佛道既同諸佛無智何所可借。又並但能知他無智自知者唯應覺他不名自覺。此是光宅四失標隔真諦牛養淨土指端種覺無記如來。次問開善莊嚴汝用反照智照一切種智者。復用何智照反照智是則無窮。觀師自云。佛無別反照智只自有智智能反照。如此說者即害兩家云云。今明佛有一智三智三智一智非三非一而三而一道種智外破諸闇。二一切智能反自照。三一切種智非內非外非自非他。若即一而三可難光宅。即三而一可難開善。三一難思可難觀師云云。此二偈亦名祈請如來在世所益。若此祈佛留光照益我等故名祈請。從長行去即第三機請。先述舊解護請凡作五譬。初作有始無終譬。二作怖畏譬。三違本擔譬。四不平等譬。五無慈悲譬。初譬有三開合結國王佛也。諸子四衆也。他云技藝者始從處施終至法華所說諸經巨有所妨。

今則不爾。以二乘法合之則可見。端正正見也。愛念禪定也。技藝神通也。勝陀無明也。亦習氣也。初教三學似如有始。不盡餘惑故言無終。二怖畏譬者亦三。舊云諸論者譬通達諸經今謂不爾。譬破四魔而今不住乃畏死魔。三違警譬者。略無結請有人佛也。作務本警誓盡度生官事警起應。囹圄譬入生死人問者舊云十方佛。或云實智問權。又云假設此問。今以機爲旁人機謝告終。終如出獄故言安樂。夏曰夏臺。殷曰羑里。周曰囹圄。白虎通曰囹令也。國舉也。令其思愆畢罪云云。四不平等譬亦三。方藥十二部法也。祕方即密教教文殊諸菩薩也。不教外學二乘也。五無慈悲譬亦三。可尋舊釋護請但護請於師。失主親二義今更會之。初一警護法親。次兩警護法主。後兩警護法師。初警護法親者。夫云親者慈念爲本初生教訓似若親慈。付旃陀羅頓乖骨肉法親亦爾。從佛口生即是養育得佛法分即是端正技藝者學人思惟無學習氣。若大乘意凡有無明斯皆毒害棄我而去是付旃陀云云。次兩警護法主者。夫云主者以威伏敵以恩養民。前警威武未暢。後警恩惠不充。通達諸論如當敵怖畏。今畏此論者如爲敵欺。法王亦爾。除衆生畏衆生未免故佛有畏。初學作務警民有生業。收閉囹圄警民無聊生。棄廢警無恩。閉獄警無恩。法王亦爾。初令學無學等修道品作務。而復猶在思習無明獄中。百姓有罪在予一人。衆生苦惱云何如來欲受安樂。次兩警護法師者。夫師有

訓導之德。前警護師內惜良方。後警護師外祕坦道。觀諸譬文皆有深意而此譬最明。攀類文殊而恥行險路豈非護師意耶。第二酬請。初酬哀請。有長行偈頌。長行初止外悲勸修內觀。凡夫八風得失憂喜道與俗反升沈頌異。何者失不可愁憂追喜不可愁惱。得下文云。若常愁苦愁遂增長唐勞無益。若能勸進二惡勸生二善。惡是憂喜之本善故則無憂喜。唯當清淨故勸精進止其苦惱。苦惱止故則無攀緣。寂然無爲謂之正念。正念者何即無念也。若無念者親主師護。護臣子弟。誰去誰住誰度不度。誰是愁者。所愁者何。寂然無眠。由是人天還得正路止不啼哭。又以譬顯之。佛是生善之緣。得善如愛子。失善如喪子。今聞近慧不憂失善。故言殯送已訖云云。次偈頌爲二。初一偈是止悲。次一偈是勸觀。而互有二義不可一向。初言開意者。開精進意尙已無憂況開定慧。又言開者。開意實相。生死涅槃二邊俱寂。偈云是故當默然。又開者明解二用皆方便故。故云諸佛法爾云云。次偈者。樂不放逸勸正念慧守心勸定也。遠離勸進也。自慰者結前勿悲。受樂者守斯念慧。汝應正念修心勿如凡夫悲號何益。然諸比丘悉是上果豈同下凡。特是對聖詞凡此正酬其哀請也。復次比丘下。酬其所請教請。汝稱佛如日如山。鎮照等益法身常在不出不沒。隨機二用作隱乍顯。日雖照世有目者觀。山雖峙海流入者見。汝同無目不流復何益矣。若言有益今勸汝問。設不能問我今爲汝開

其問端。若能問者爲說甘露然後涅槃。既不能問請住何益此乃貶其不及止其祈請。兼顯菩薩之德正酬其歎請祈請也。舊解十五雙。純就初教中作藥病義。謂空是藥不空是病乃至二不二亦是。有純約今教。謂空是生死。不空是涅槃乃至二不二亦是。若能問者則甘露門開於汝有益。既不能問請住何益。與皇云。下文具有此意。下文正約始終意也。空即昔教不空今教乃至二不二亦是。今明此義寬廣兼開衆問。故文云。如是等種種法中我當隨順爲汝斷之諸釋無咎。今更約三種空不空非空非不空乃至二不二非二非不二亦是。又約四種空不空亦空亦不空非空非不空乃至二不二亦是。昔教今教悉得同此二種四種廣分別之云云。即是昔教今教三門四門。從諸比丘佛世難值下是酬謝諸與皇云。此爲八階是彼師之盛釋。一款五難。二款離八難。三舉佛昔因成佛今果四奪其果非。五奪其因非。六顯眞法性勸今修習。七勸捨昔依今。八正示新伊。先教次示。先奪後與。得成次第以此八階酬五謝也。初五難於餘人是難於汝爲易。八難難離而能得離是故歎之。既歎離難得離漢果。即是於始方令汝入祕密之藏。即是於終云何而言有始無終。復言空過於小爲是於大爲非故言空過。舉於往因成今果者。正酬其說明如來久劫捨頭目髓腦求大涅槃只爲利益豈當怖畏。所以非其果者。汝果虛僞非正法寶無戒定慧不能莊嚴正法寶城。他取寶城證涅槃是圓總包含故。故不可翻。與皇云。涅槃非總非別名含總別。取此酬其不違本誓所以非其因者。發菩薩心乃名出家汝不發心則非出家。袈裟但是染衣而已。汝不染正法故非大乘衣。汝雖剃頭不爲正法除諸結使所以示勸眞實法性昔之小乘是虛僞。今日大乘是眞實。昔以無爲爲法性。今以妙有爲法性。法性未曾是有是無。爲他緣故說有說無。知昔無爲是法性者如迦葉云。身是法性身云何存身若存者即非法性。當知昔以無爲爲法性。佛即破之滅非法性。夫法性者非是滅法取此酬其不平等議汝取滅度非我不等。所以捨昔依今此正釋疑。疑云令我捨昔依今者昔何不說。佛即解云。譬如大地我法亦爾。治衆生病。初說無常爲治汝病。今說於常亦治汝病。初後並爲治病故也。所以說新伊者。既勸捨昔依今故須新伊祕密安置汝等令住其中。非是棄汝不示坦途不是無慈前後共答五謝請也。今明不然。得五難離八難同是一意。何以分爲二只就斥中酬五謝請文義具足。何煩八階共來答之是故不用。今分文爲三。一款與二斥奪。三勸獎。夫欲奪之必先與之。其謝請既切今斥奪亦深。既斥其僞。復須示眞。與奪抑揚自成次第。於此三中即是三雙。初歎與爲一雙。謂能得離離是故須歎。次斥奪爲一雙。謂不得不離不得眞實不離虛僞是故須斥。三勸獎爲一雙。謂應離應得昔教應離新伊應得是故須勸。初從佛出世難下。是歎與得離又三。先釋次

譬三結。初文五難此與上文互有互無。上爲俗人不歎出家割愛難。不歎阿羅漢難。此中爲出家人不歎最後檀難。不歎聞法難餘皆相應。離八難者得人身離三塗值佛離佛前後壽單越長壽夭及邊地難得出家離根不具難得離漢離世智難。次舉金沙曇華譬之。大離於下結之云云。從汝等遇我下。是斥奪不得不離。今點此意酬五謝者。汝等遇我。我初令汝得五難離八難。是我善始今復使汝不應空過是我令終云何。謂我有始無終。又取意釋其上文云。生育諸子形貌端正。是佛之始。付旃陀羅是佛無終。若取佛意不應以親認佛。何者其不識佛非是王子不識寶城形不端正無明自覆。即旃陀羅何須遣付。此即無始無終迴過與諸比丘從我於住昔下。第三即是酬其違本誓。夫難行苦行非止一塗我甘之如飴。無上方便其門不小未嘗吝惜。汝等放逸不受不行於此大乘不肯作務非我無惠。夫身命者誰所不重我輕生忽死經無量劫。指山指地骸骨倍多。指海指江隨腦非喻。況復妻子國城捐棄無數。如是恩德但爲汝等放逸無慚繫在囹圄。不得解脫非我無恩。此以不慚不受之過還諸比丘。從汝等比丘云何莊嚴下。酬第二怖畏護我正法寶城功德具足。戒爲牆壁。嚴峻絕險衆魔群盜所不能闖。定爲其斬。深廣波瀾無涯無底。五塵六賊沒溺沈淪慧爲埤埤。鑒微識遠博達今古。明了具足。我城如是。何所不威何所可畏。汝等比丘無城無嚴有怖有畏。故迴怖畏還諸

等比丘無城無嚴有怖有畏。故迴怖畏還諸

比丘。從汝今過是下。酬其第四不平等護。此正法城表裏。皆寶琳琅充溢。瓊琦煥爛。非但無窮復無遮闕。商人遇之執持偽贗取者。鄙吝非城不等。此以偏過迴還比丘。從汝諸比丘下。酬其第五無大慈悲不示坦道。護汝下。心知足是不厭小徑。不貪大乘是不欣坦道。披服袈裟是不厭糞埽。不染淨法是不欣纏絡。多處乞食是不厭貧里。不求法食是不欣上味。剃除鬚髮是不厭小智。不為正法是不欣大明。汝既不厭悲無所拔。汝既不欣慈無所與。盤桓隘路。背坦道。此以無欣無厭之過。還諸比丘。已懸酬五護。竟今更帖文。從汝等過我下。是第二不得不離一雙。文為二。先略明不得不離。次廣明不得不離。汝等遇我是略明不得不離。不應空過是略明不離。我者即是真佛。此佛亦我亦常亦淨即是法身金剛之身。非後邊身非雜食身。如此真佛汝所不識。但識應化。化非真佛非說法人。淨名云。汝不見佛不聞法不入眾數與六師等。不識真佛是斥其不得不應空過此奪其不離。云何不離雖離八難不得無難。雖得四果不得真果。果既非真難亦不離故言空過。即是奪其不得。次從我於往昔下。廣斥不得文為二。一斥不得真三寶。二廣示真三寶。斥文為三。一廣釋真佛。二廣釋真法。三廣釋真僧。廣示此三彰其不得。初釋真佛又兩。先舉道前方便故言我於往昔。次舉道後方便故言今得無上方便。將後例前皆是無上。無上方便者道前是圓因。下文云。復有一行是如來行。道後

是圓用。下文云。二鳥雙游舉前舉後。無上方便釋成真佛常樂我淨。汝所不識而汝識者。灰斷入滅無道後圓用。雖有道前非無上圓因。此是斥其不見真佛。從汝等云何莊嚴下。廣釋不見真法。夫真法者。即真善妙色出生妙善。甘露圓滿具足無缺。亦名醍醐。一切諸藥悉入其中。一切三學種種功德縱橫高廣。充溢彌滿。猶如寶城。瞻暫堙圯。乃名真法。汝以空觀除惑。惑盡則觀亡。以身智為有餘涅槃。若入無餘灰身滅智同空永寂。淨名云。貧所樂法。攝論為下劣乘。法華云。鄙事此經稱偽。此是斥其不得真法。從汝諸比丘勿以下心下。廣斥不得真僧。又二。先總斥下心不慕上法。次別約因果功德斥之。本以因果功德名僧。汝之因果皆非真僧。雖服袈裟非破五住惡。非佈內外魔。雖行乞食經歷多處。非應供乞士。雖剃除鬚髮非殺賊不生。則非真僧。上舉真佛法斥偽佛法。而不出於偽佛法相。今斥偽僧亦不出真僧之相。前後互現亦是舉真即知偽舉偽即知真。從汝諸比丘今當真實下。示真三寶。文為二。先標今當真實是也。真對昔偽實對昔虛。二正示者。今我現在是也。我即佛寶。大眾和合即僧寶。如來法性即法寶。法寶之中具於三點。如來即般若法性。即法身不倒即解脫。此三稱藏。一切法佛僧例然。三從是故汝等下。是應離應得一雙。又二。初勸離偽。次勸修真。初文者。夫偽體者。正由無明無明未除不得免偽。故勸捨無明。諸比丘譬如大地下。是勸修真。文為四。一

譬說秘密藏。二法說秘密藏。三釋秘密藏。四結秘密藏。譬為三。一大地譬。二諸山藥草譬。三為衆生用譬。大地非但普載而已。亦不生而生生於藥草。亦無用而用為衆生用藥草。所生不離能生。亦即所生為衆生用。衆生雖復取用。亦業招大地福威藥草。三種宛轉不得相離。種別不一。即具三可以譬祕。三即是一可以譬密。具一切物可以譬藏。故舉此譬祕密之藏。次從我法亦爾下。即以法合譬以明祕藏。於中有順合。超合。欲表祕藏自在不定不可思議。初我法亦爾者。此順合。法身如大地。大地如法身故言亦爾。舉三法身合大地三義。出生妙善甘露法味。此舉三般若合諸山藥草三義。為衆生用舉三解脫合用中三義。我今當令一切衆生入祕密藏。即超合用。諸子四部入祕密藏。即超合藥草。我亦自入超合大地。病苦愈者藥地之功息矣。安住湛然衆生得益般若功亡法身之用息矣。同歸至寂祕密藏中。一切衆生是初發心擬初住位。四衆是中心擬四十位。佛是後心擬妙覺位。同入祕藏咸見佛性。問衆生入者與佛同耶。答六位分別云云。

大般涅槃經疏卷第五

# 大般涅槃經疏卷第六

隋章安頂法師撰

唐天台沙門湛然再治

哀歎品下

復次臨上文來。大地譬佛寶。諸山藥草譬法寶。爲衆生用譬僧寶。次合文者我法亦爾是佛。出生甘露是法。而爲衆生是僧。三從何等名爲下。是釋秘密藏。先出他解。次帖文。地人云阿梨耶識在妄惑。內稱秘密藏。成論人云。當來果佛在衆生外。一切衆生當得佛果此理屬人。是亦內即時未有。是亦外外故非內內故非外名秘密藏。涅槃本有。論云。衆生身內有佛亦非密身外有。非身內非身外有。非非內非非外有。並非密也。衆生即是故名爲密。前兩種解爲此論破云云。若昔教說者。隱故名祕覆故名藏。謂無常覆常相覆無相。不了覆了。令常等隱名祕密藏。如形殘人如外道論等。種種譬喻下文廣說是名昔教祕密之藏。今經開敞如月處空清淨顯露不如昔教。但以正法微妙不可思議絕名離相衆生不解名爲祕密。法界包含攝一切法用不可盡名之爲藏。故下文云。不縱不橫不並不別是祕密義。三法具足無有缺減是其藏義。文義炳然那忽餘解。舉涅槃論破諸人師。舉涅槃經破方便教。大風卷霧清淨然云云。今釋祕密藏。文爲三。一譬三點。二譬三目。三合以三德。此之三文一往而言是從事入理。三點是

文字此約言教。三目是天眼此約修行。三德是佛師此約約理。又是佛印印於教行。凡有言說與此相應即祕密教。修習相應是祕密行。證得相應是祕密理。故約三釋稱理教行初三點中言云何如世伊字外國有舊新兩伊。舊伊橫豎斷絕相離借此況彼橫如列火豎如點水各不相續不橫不列火不豎不同點水應如此土草下字相細畫相連是新伊相。舊伊可譬昔教三德。法身本有般若修成。入無餘已方是解脫無復身智如豎點水縱而相離。又約身約智分得有餘解脫橫一時有三法各異如橫列火各不相關。新伊字者譬今教三德。法身即照亦自在。名一爲三。三無別體故是不橫。非前後故是非縱。一即三如大點。三即一如細畫。而三而一而一而三不可一三說不可一三思故名不可思議。不可思議者即非三非一名祕密藏。如世伊字。此句是茲經之根本。爲顯斯義廣立問答致二十五品洋洋無盡。若失此意全迷根本將何指歸云云。次約三目釋者。摩醯首羅居色界頂。統領大千。一面三目三目一面。不可單言一三縱橫若並若別。能嚴天顏作世界主徹照三千若不縱橫嚴主照世一切皆成。三德亦爾。縱橫並別祕藏不成。不縱不橫祕密藏則成云云。次約三德釋祕密藏者。果地衆德但言三者蓋舉略衆諸。法身之身非色非無色。非色故不可形相見。非無色故不可心想知。雖非色而色充滿十方巨細相容不廣不狹。雖非非色亦可尋求。能發衆生深廣智慧。

故曰如來色無盡等即法身德。般若者非知非字。非知故不可動慮分別。非字故不可言說書紳。亦非不知非不字。非不知故不同灰滅。非不字故不同偏空。雖非知無所不照。三諦遍朗極佛境界凡聖並明。雖非字而半滿具足。世間出世間出世間上上諸字悉了法界。流注若懸河海涌不可窮盡。淨名云。能以一音演說法衆生隨類各得解。皆謂世尊同其語斯則神力不共法即般若德。解脫者非喧非寂非縛非脫。非縛故五住不能繫。非脫故十智不能虛。非脫而脫。二邊之所不拘。如百句解脫中說。非縛而縛。爲訥鈍邪癡闍提外道所縛。故有病行嬰兒行。住首楞嚴示現善惡。隨所調伏衆生之處雖鄙必施。如醫療病如華在水無染無著名解脫德。佛身業不可思議法身則攝。佛口業不可思議般若則攝。佛意業不可思議解脫則攝。故知三德攝一切德。又大品名爲色淨般若淨受想行識淨般若淨。法華云。如來莊嚴。又云六根清淨。總諸經異說悉爲三德所收。包含總別盡括事理。以略收廣不逾三德。若偏縱橫。並別一異皆非祕藏。文云。法身亦非。般若亦非。解脫亦非。不縱不橫不並不別。三一相即。一中無量無量中一。非一非無量者是名祕藏。從我今安住下。第四結祕密藏安住三法此結三德。入大涅槃結祕密藏。如世伊字是結三點。文略不結天目。然佛常安住三法而言我今者。蓋隨緣宜故云。爲衆生故名入涅槃即此意也。第三從爾時諸比丘去。是疑執章文

爲三。一執二請三疑。佛上斥奪。奪是所證未  
能即捨是故有執。佛說新伊一聞不解欲學  
須請。今昔兩教皆是佛說。何故一僞一真故  
有斯疑執。文爲兩。一叙悲苦。二正陳執。初文  
者其聞佛說安住三法。名入涅槃了不思惟  
安住之義而生去此住彼之解是名悲苦云云。  
次從世尊快說去。是陳執。他云述上聞法上  
未曾說但執昔教。就執爲二。初執後教。執又  
三。一約教執理。二約行執理。三正執理。快說  
者執昔之教壯之言快。此教快能證理故也。  
次譬如象述者。執昔之行。行是進趣中勝故  
以大迹爲譬。行有智斷想是智之初門舉初  
爲言。從精勤去。是執斷斷思則知亦斷邪見。  
是故語後不言前耳。及無常想者惑去智亡。  
從世尊若離無常去。正執理此理中適非離  
非不離。若離無常應不入涅槃。若不離無常  
猶具諸惑。以非離非不離故能斷諸惑。冥理  
會真豈復過此斥言是僞云云。他解離者則昔  
教爲非。若不離者則昔教爲是。觀文難見。次  
從世尊譬如農夫去。是歎也。歎上三執。秋時  
耕者。法有二能。一草不生。二水地肥。肥即歎  
教草死歎斷。又肥即歎行。農法歎理。秋耕歎  
教。象迹歎行。無常歎理云云。次世尊譬如帝  
王去。是請。上聞新伊欲欣修學。如來若去從  
誰稟承因是則請。上譏請中多作親譬佛斥  
非真。今不敢作親譬但作主師。譬正是統訓  
義寬故也。合有五譬。初一請主譬。後四請師  
譬。觀合譬文是請學新伊。何者羅漢已破四  
住無知。無明是所未除既舉別惑知請新伊。

初思教者通爲聲聞未除兩惑者作請。呪師譬  
亦通爲聲聞未除無明者作請。香象譬偏爲  
學人未除思惑者請。瘡病譬偏爲無學人未  
除一邊者作請。醉人譬通爲一切凡聖作請。  
前二譬如文。第三香象譬中。先譬次合。合中  
云。五十七煩惱者。解者有三。五蓋也。十  
纏也。七七漏也。數人言。欲界四鈍。貪瞋癡慢  
通迷五行。五行者見諦四思惟一。五行上各  
有四四五十。上兩界各除一。則五行下各  
三。三五十五兩界成三十。就欲界二十成五  
十。通心七使即七漏爲根本。論人云。見諦十  
使迷四諦爲四十。思惟四使又迷四諦四四  
成十六。合見諦爲五十六并無明是爲五十  
七。與皇云。五門觀一。一有三倒。謂想見心三  
五十五。約三界成四十五。又四諦各三倒。三  
四十二足前成五十七云云。醉譬中行三業惡  
得報合中服藥吐惡云云。三從世尊譬如芭蕉  
樹去。是疑教昔教若非佛不應說昔教。若是  
佛不應非。今教若是何不早說。今教若非云  
何稱實。是故致疑。就文爲三。初明無我。次引  
證。三明用。芭蕉約行陰。蕉滓約色陰。七葉約  
三陰。次引佛說一切法無我所。三如鳥迹  
空中下。明無我用者。昔教能除見思故也。所  
以明無我者。佛昔教明無我我修無我。若  
有我者無有是處。云何今日說言有我。故舉  
無我爲疑教端。第四從爾時世尊讚諸比丘  
去。是破執除疑。文爲二。先讚次破。初文者  
上有三意。何故獨讚無我。無我是執疑等本  
故也。何故讚之。世間問答法爾故也。又初以

無我破邪其能服用。又將欲奪而先與之。又  
執劣破勝即四悉意也。次佛破爲三。初破其  
偏理。下文云。是三種修無有實義。二破其偏  
行。下文云。先所修習悉是顛倒。三破其偏教。  
下文云。先所斷乳此非實語。此三意各二。謂  
騰執酬破初破偏理。先騰次酬。初騰爲三。一  
接讀騰執。二作譬。三世尊下結歎。醉有二過。  
一倒亂。二乖善。三結歎文二。初結醉過與不  
修者。二歎無過與善修者。次佛破者即以酬  
爲破。於中爲二。初破不倒亂是倒亂迴醉與  
之。次破善修非善修。迴不善修而與之。初破  
倒亂爲四。一誠聽騰起。二明其倒亂。三出不  
倒亂。四結過歸之。誠聽中言騰起者。重騰彼  
計。但知文字不知其義者。文是語言義是理  
趣。醉亦聞語不曉語意。亦自有語而無實錄。  
汝亦如是聞他流轉他不流轉。自言善修實  
非善修。次倒亂中提日月來者。正破倒亂譬  
也。衆生者。他云。正寄比丘況指衆生今謂不  
爾。既迴醉與之。當知比丘即是衆生我計無  
我者。破其倒亂亦是破其執。於無常無我爲  
是。汝以無常無我爲是。此是亦非實非無我  
橫計無我。如彼醉人於非轉處而生轉想云云。  
三我者去出不倒亂者。即常樂我淨汝之所  
非則不非。乃非其所以佛者覺義以自在故  
名我。常者法身不從緣生故常。樂者即是涅槃。  
涅槃無受名爲大樂。淨即是法。法即無染。  
汝所非者而今則是。是義不知良由於醉云云。  
四汝等比丘下結歸者。即迴醉還之。比丘謂  
常是倒無常不倒。佛迴無常是倒常是不倒。

如日月不轉醉見迴轉。日月豈醉醉者過耳。常樂我淨實非無常。橫計無常是倒者過。次從汝等若言去。破善修非善修文爲四。初雙標兩修。次雙明八倒。三雙迴過還之。四專舉勝修初中云。汝等若言者。是標其善修無有實義。斥善非善如醉僞言而無其實。次標勝修。夫相對者義有廣略。或作十門八倒六行等不同。今但略對三次從苦者計樂去。是雙明八倒。汝行八倒云何自樹稱爲善修。文云。是人不知正修諸法。三從汝諸比丘去。是雙迴八倒而反歸之文爲二。初迴常樂四倒歸之。後迴無常四倒歸之就初又二。初正迴倒。次三番料簡。初如文。次三番者。謂世出世有不有倒不倒等。初世出世者。夫至理如空非世出世惑之者成倒名爲世間。解之者成德名出世間。無明覆汝唯倒非德。彼若救云。若是倒者云何名爲常樂我淨。次世間法下。有不有放於世間料簡字義。義如下說但有其名是故非德而無其義。三何以故下。有倒無倒是則但有四倒三倒顯其無義。舊云。三心無倒誠心是倒。又云。誠心無倒餘三三倒。想有想倒。受有心倒行有見倒。又通別二釋三倒通在四心之中。差別對者誠心心倒想受想倒行心見倒。又凡有心緣境即心倒。通是想像即想倒。通能分別即見倒。又初心妄計即心倒。心緣成想是想倒。想成永執是見倒。又見倒在凡夫。心倒想倒是學人。無學則無倒。今謂何故却以倒還比丘。是等比丘妄謂心盡心實不盡無漏心空想遍見故。故成三

倒一倒具四。成十二倒故結過還之。問世間亦有常樂我淨。出世亦爾者亦應言。世間亦有無常無我出世亦然耶。答例二乘無常無我即是世間諸佛無常無我無上方便。即出世間。問有名無義云云。世間出世間倒德非倒德勝修劣修並應四句分別。又世間唯倒無德。出世唯德無倒。即倒不倒是世倒之德起方便用是出世之德。例餘一切諸義悉然舊云。無常無我是劣修。常樂我淨是勝修。又云。單修者劣。雙修者勝。又非偏圓修乃是勝修。今問屬當諸修與誰分別云云。單勝修者是次第人雙勝修者是不定人。非偏非圓者是頓人云云。四從何等爲義去。是專明勝修。文爲二。一對劣明勝。二勸勝修。若通論其劣備有諸過。但偏破甚者生死有縛著故無我。聲聞更進趣故非常。外道以苦捨苦故是苦。有爲多染是不淨云云。偏舉勝破劣如經。今通意者初文云。我者即如來只標三寶攝一切法。常即法身。此標三點攝一切法。樂即涅槃。此標四德攝一切法。淨即無爲。此標法界攝一切法。然此諸義不縱不橫不一不異不可思議故得是義故得是勝次若欲下。勸修如文。次從時諸比丘去。是破其偏行亦名酬請。文爲二。初應請。後酬請破行。初應爲三。一領旨歎佛。二因歎正請。三要命結請如文。從爾時佛告去。是酬請又二。初詞不應。次正酬。初詞者如來去住非汝境界。汝既不能知佛往來。事得隨去故言不應。次酬請爲二。初以人酬。次以法酬。汝前請住正欲學法。今留人法於學

頓足更何所請。人酬中爲三。一標付囑人。次歎人同如來。三釋歎初二如文。第三釋中意者如王委任大臣。巡者行也。佛欲巡行餘方故委任迦葉。從汝等當知去。以法酬請又二。初酬請。次破偏行。初酬中有法譬。合譬中從春時去爲偏行作譬。舊云。聞思修慧。觀文不會。今隨河西朗師。分文爲兩。先明起惑失理。後修學求理。初一句是起惑。春時者年初。物生譬起惑之始。又因惑生解故言春時。有諸人等二句失珠之處。舊云。大池是無常教。朗師云。是生死海。浴字或作沼多作洛。乘船游戲三句失珠之緣。舊云。聞慧解淺故云游戲。河西云。愚慢心如乘船五欲樂如游戲。失瑠璃寶喻失佛性。舊或言。失理或失解。沒深水中一往沒失非永失也。舊云。圓理蘊在無常教下故言沒深水中。又佛性理爲愚慢生死所沒不能得現。次是時諸人下。習解求理爲二。先依昔教偏修即是僞修。二明今教圓修。即是勝修。初云競捉者。即是偏修無常苦觀而習學之。瓦石自傷害譬苦。草木虛浮譬無我。砂礫水底分分離散譬無常。各自謂無非得理。次歡喜持出下。譬今教圓修。舊亦三慧今意不爾。猶是偏修之未明理未極。故言乃知非真。一往爲四。一悟昔非真。二由佛性力令衆生悟。三明信解。四明慧見即是得理初文即今教起已方悟昔非。舊兩釋歡喜向前特出向後。莊嚴云。歡喜持向前出非真向後。今皆爲一句。次是時寶珠下。由佛性力始明真修。此聞今教說於佛性由佛性力令衆

生悟。在水中者佛性非遠。只在生死五陰身中水澄清者由佛性力令衆生悟。三於是大衆下。明一往信解喻之如見而未得取。如月形者中道圓理究竟無缺。四是時下慧見也。安徐者處在生死如在涅槃故言安徐。次汝等比丘不應下合譬。又四。先合偏修。次合圓修。三復應當知下重合偏修。四欲得真實下重合圓修。此中經文是留心處故存舊解請勿嫌煩。今釋此章。諸比丘雖聞新伊未除舊執。謂佛無常所以請住。雖信法常未信佛常。口雖請新意猶從舊。佛謂其舊執云。汝等不應作如是語。佛酬其請新故言所有正法悉付迦葉。如來緣謝故去迦葉機與故付。內同佛德外委大臣秉正法教乃指圓伊而作依止酬其所謂。此中爲學新伊者故。故言法付迦葉。下文爲不學新伊者故。故言迦葉無常不堪付囑各各爲緣。今初以法酬請中爲二。一法說破。二譬說破。法說者汝欲學新伊。應改迷生信猶存舊執真法不染故云。汝先修習無常苦者非是真實。次譬中又二譬合。初如春時去先開。放逸失寶譬。次開求不得譬。亦名有方便譬無方便譬。春時者年物俱新適悅時也。譬五塵六欲是耽溺之境。諸人者總譬放逸之徒在大池浴者大池譬生死河。浴譬悲憫愛憎等也。乘船譬乘諸業。游戲譬著可愛果失琉璃寶者譬無解。因於放蕩慧解潛昏故言失耳。故此章破行失爲便非先解。後失著樂顯解義言失耳。沒深水中者生死陰覆也。從是時諸人去爲無方便求解不

得作譬。諸人者通是迷徒別擬三修。悉共入水者信於初教義如入水求覓是寶者作劣三修。競捉瓦石者證三爲真。自謂得者言得滅度。歡喜持出一句譬上稱歡象迹。第一善修無我內執在懷故言歡喜。向佛稱歡故言持出。譬上封執生疑之意。乃知非真者爲有方便求解得者作譬。譬聞今教破昔理行非實方知苦無常等僞同瓦礫故言乃知非真。都從上來合作六意。共消求得之文。夫寶珠者珠是本有非適今也。而衆生著樂沈沒水底拙觀推求竟不能得即理寶珠。以聞今教知前不實知字知義。始自今經即名字寶珠。是時寶珠猶在水中以珠力故水皆澄清者觀行寶珠。依教觀理。理爲所詮故言猶在水中能詮如所詮。所詮如能詮故言以珠力故水則澄清。於是大衆乃見寶珠故。在水下猶如仰觀虛空月形者相似寶珠。仰觀於月彷彿類珠似解隣真故言乃見。相似位明矣。虛空譬相似常。月圓譬相似樂。月光譬相似淨。非上非下以上比下。自在無閼譬相似我云云。是時一人譬分證寶珠。以一名人。人得其門故言一人。方便力者道前圓修。安徐者安於生死作涅槃解。微妙正觀徐詳審諦不昏。教水不動心波與理相應。即分得寶珠。此約六位顯有方便勝修之人求得寶珠約行義便。汝等比丘者合得失兩譬又二。而復兩番合者。初番合三修得失。後番合四修得失應用此意。遍歷諸法皆有劣勝兩種修也。故文云。在在處處常修我想常樂淨想。豈獨今經非止一

境觸處成觀思之。第三從爾時諸比丘去。是破疑教章。文爲兩。初勝後破。初勝具昔教行用理如佛先說教也。而修學者行也。離我慢等用也。入涅槃者理也行理等已破竟。語勢相成正意在教。昔教若是今不應非。今教若是。何不早說云云。就破爲兩。先歎問。次答。答又二。先譬後合。譬爲四。一譬四倒病。二譬三修藥。三譬三修病。四譬四德藥。就初爲六。初倒病者王是也。內閼常淨外舉我威貪引取樂是爲病者。次秉倒師者外道著常淨爲頑著我樂爲羈邪病師也。三信受邪倒。謂厚賜俸祿信邪術也。四純用乳藥者倒藥也。色白是常味甘是樂膩潤爲我稱藥是淨。即邪藥也。五亦復不知自是邪也。六是王下亦不自知病王不別者是病者不知是倒病也。已略對竟。重更釋文。王者王領爲義。如受化者亦有徒屬。譬之爲王。無明爲閼。著樂爲鈍。世智爲少智。醫譬外道。其實不能治病。而亦欲爲衆生疆請。春秋傳云。心不則德義爲頑口不談忠信爲羈。外道亦爾。內無真解。外無巧說。俸祿者受化衆生供養外道。純用乳藥者。總明藥少病多俱不知藥病。不知病起根源者。衆生三毒八倒由於取相取相緣於無明其所不知不知病也。雖知乳藥是不知藥。佛假說我橫計即離。乍言青白黃黑云云。風冷熱病者逗藥失所。風喻瞋冷喻癡熱喻愛。是王不別者何但不知藥亦不知病。次復有明醫者。譬三修藥。文爲三。初說明醫。二治病緣。三正治病。初文明醫曉八術。一治身。三



治眼。二治胎。四治小兒。五治創。六治毒。七治邪。八知星。內合佛知八正道能治八倒病云云。今通論醫有十種。一者治病但增無損或時致死空見外道也。恣行惡法善法既亡慧命亦死。二者治病不增不損常見外道也。投巖赴火不生禪定不能斷結。三者唯損無增即世醫所治差已還發斷結外道也。四治病差已不發所治不遍即二乘也。五者雖能兼通而無巧術六度菩薩也。六者治無痛惱而不能治必死之人通菩薩也。七者治難愈病而不能一時治一切病別菩薩也。八者能一時治不能令復本圓十信也。九者能一時治亦令復本而不能令過本圓中心也。十者能一時治復令過本圓後心也。今之明醫即第十醫。通達常無常等二鳥雙游即是八術。次從是時舊醫去。是治病緣爲二。初同後異同爲三。一同生業。二同學業。三同化緣。初同生業者。明如來託生王宮納妃生子而衆生不知否受反生貢高如文。次同學業者。乘羊車。學書後園講武脫冠遺馬詣阿羅羅六年苦行等。四十八年者。中阿含云。就外道學必先給使四十八年。然後與法宗師云。自佛出世凡五十許年法華已來至涅槃時始明久本。前三時教唯明此身成佛無別本身。然師弟之敬必自終身則猶是外道弟子故言四十八年。從法華已來別有本身。所餘二年始非其弟子此解太漫。又開善云。四十即四禪。八年即八定。六卷云。四十八年。治城云。八禪中各有六行厭下苦龜障攀上勝妙出合四十八。

依天台止觀中四見爲根本。一見三假一假四句一見十二句四見合四十八句。即是邪法四十八年。三共入見王者是化緣同然外道實無觀機之智邪化先出故言是同。次是時客醫爲王說去。即是後異又爲二。初少異後頓異。初文云。醫方者如爲提謂說五戒文。三歸技藝者即是神通。如瑞應中明。治國療病者三歸翻邪入正。譬如治國。五戒治五惡醫之療病。又歸戒者皆能翻邪治惡。時王聞已即是歸正驅令出國即是捨邪從是。時客醫去即是頓異。又二。先觀機頓異。次設教頓異。初觀機中有問有答。實非顯灼二往復也。初求願者唯觀一初教之機也。次王即答者根緣冥對右臂身分者右手動便覺初教中無常苦。便餘身分者臂後機教並皆隨順此。即已有大機意也。又解右臂。譬我見。餘分譬諸惑。作此解者於初教便彼客醫言。我不敢多者此重觀機但唯須初教一機多傷損者我是生惑妨害事多。若聞正教猶故計我。當斷善根之首。橫死者以解斷惑。此是壽終以惡障解此名橫死。時王答言下衆生受化。復傳未聞即上中下皆得悟也。次爾時客醫去。即正施教此中學五味者。即五門觀。辛譬不淨。苦譬無我。鹹譬無常。甜譬空。酢譬苦云云。三其後不久下正治。衆生復起無常之病。前破邪常說無常教。衆生不解定執一切皆是無常還復成病。譬如癡人謂鹿爲馬。智人語言。此鹿非馬。雖知鹿無馬而執無爲馬。何處復有無是馬耶。故無馬是病。起無常倒。復有多種。

一謂佛果無常此病易見。二謂生死無常此病難見。何者生死即是異常。佛性既謂無常事不是病。文云。王復得病者衆生病也。文爲二。一正起病。二根緣扣佛初如文。次即命是醫下根緣扣佛如遣使命醫。古本云。我今病重困苦欲死四醫占王病下。說今異常四德之藥。文爲四。一往爲說。二衆生不受。三如來重說。四衆生方受。初文又四。一正說。二開權。三顯實。四病藥相治。初即如來正爲說。常次我於先時下開權。古本云。所斷乳藥是大妄語。今經治定止言昔非實語明昔權宜說非究竟。三今若服下。顯實即顯今時常樂之教。四王今患熱下病藥相治無常譬火。能燒世間故言患熱。今圓常之藥猶如乳味能治熱病。次時王語醫下。衆生不受即前諸比丘疑執不受常住之言文中。有四。雙驚雙譏。貶如來褒外道。狂耶是一驚。熱病是一驚。故云雙驚。狂謂失心之病。今驚如來爲是失本無常之解。熱病者是驚如來爲更起於邪常惑耶。汝先言毒。今云何服。即是雙譏。汝先言毒。今云何服。即是以昔譏今。今既令服先那言毒即是以今譏昔。迴互此語即兩譏也。欲欺我耶者還成上意。三先醫所讚下。是貶咎如來。如來誤我驅逐舊醫。四如汝所言下。褒外道如文。三是時客醫下如來重說即是此中破執釋疑。文中有四。一止其所說。二正爲釋疑。三重問。四重答。此初即一往止其所說。次如蟲食木下正爲解釋。又二。先醫後合。此中通體是譬。今更爲譬。作譬明外道橫計之。

我。偶與正我名同而非解理如蟲食木。次大王當知下合譬可尋。三時王問言下重問。四客醫答言下重答。又二。先唱兩章門。次釋兩章門。初唱章門者。初即毒藥邪常章門。二即甘露真常章門。次云何是乳下釋兩章門。又二。先廣釋甘露。後略解毒藥。所以爾者。既廣識甘露反此即毒不勞繁文。就初釋甘露章門。舊解七事初事者。本明於乳而言牛者欲明乳從牛出譬教是佛說。此言牛者爲犢子時不食酒糟等後成大牛其乳則善。譬爲菩薩時已不起斷常果時多得。諸法師云。酒糟能令荒醉以譬五欲之愛。滑草滑利則譬利使。麥麩麤澁以譬鈍使。與皇云。酒是真味糟糠則無譬橫說求真無復真味。又云。酒清浮在上。糟沈濁在下。譬斷常高下。滑草譬貪欲。麥麩譬瞋恚。次其續調善下第二事明復有善好眷屬放牧之處。第三事所行境界不高不下。二解一云。慢心爲高。愛心爲下。又云。二乘爲高。凡夫在下。飲以清水下。第四事明唯有般若清水無戲論馳動不與特牛下。第五事外營特牛是無乳之牛內合。諸惡知識斷常之人不受中道圓常之教。即是特牛飲食調適下。第六事舊云。禪定之水譬之如飲。智慧資糧喻之如食。明定慧二事並得所宜。又云。正以此慧方便自資不令失所故言調適行住得所第七事。舊云。精進勤策名爲行取捨調停故言住。又云。常在中道平正故言行住得所。次除是乳已下釋毒藥章門

今明是義不然。何者既舉甘露破於毒乳應辨常義破於無常。何用利鈍兩使釋滑草麥麩。復將於己以蔑人。解高原下濕此與聲聞斷。見思何異。共二乘無我我所何殊。同於無常如何破病今所不用。今釋七事牛譬教主。即喻法身常身舍那尊特異於無常丈六。乳譬常教。此乳亦名醍醐。下文云。牛食忍草即出醍醐。是其義也。酒糟者酒清譬無爲定。精濁譬有爲定。佛不耽染真諦三昧如不食酒。不味者俗諦三昧如不食糟。滑草麥麩者泥洹智易得如滑。分別智難生如麩。佛智非一切智非道種智。其續調善者得中道理柔和善順。不處高原下。濕者不以涅槃爲證不以生死可住。飲以清水者非五欲淤泥非無明闇濁離此二邊。即佛性清水不馳空真不墮俗假。不與特牛同群者特牛無乳。譬無慈悲明佛有不共慈悲。飲食調適者入空爲機出假爲飽。中道不入不出。即不饑不飽。行住得所者住祕藏是住得所。二鳥雙游是行得所。如此釋者。符經合義。常破無常文理俱會豈與他同。四從爾時大王下衆生受化又四。一受教傳化。二餘人不受。三重爲說。四方信受。初文前自信受後更傳化。即上根人自得解已傳化中下皆令得悟。次國人聞之下中下不受。三王言下重復傳化。四爾時大王下上中下根俱時領悟次汝等比丘下。合譬。上本有兩藥兩病。今此合中但合兩藥不合兩病。所以然者。本疑經教有說不說。若昔非者即不須說。今若是者何不早說。今用

此意除疑爲邪常故不得早說。今常復破邪常病故只得說於昔空無常今直合。兩藥令於教門可解故不復言病文中。初合無常之藥。後合真常之藥。上譬中先明始同後明未異。今亦偏合此先合始同。今言如來爲大醫王。正合前時有明醫曉八種術。出現於世者今合從遠方來。次降伏一切下合未異。初合漸異即合共入見王說種種醫方及餘技藝治國療病等。次欲伏外道下合頓異。即此教意無我無常合前和合諸藥。謂辛苦鹹五味。次比丘當知下。合此教意前結外道之非。後結今教爲是。爲調衆生爲知時故須說此無。三如是無我一句二解。一云此語向後。二云此猶屬前有因緣故。合前真常之教。合後又三。第一正說。二簡外道之非。三說如來之是大般涅槃經疏卷第六

### 大般涅槃經疏卷第七

隋章安頂法師撰

唐天台沙門湛然再治

長壽品

前之三品嚴觀所安。此品存本但改命爲長。移壽在下西方語倒不移亦善。譯人左右應無別意。恐依上文。當知如來即是長壽。或依偈初。云何得長壽長只是常。何不用常爲名。正言由常樂我淨。獲此長壽從所得立名故也。今釋長壽爲四。一同諸佛法身智慧壽

命皆悉同等故言長壽。二由物欣長惡短引令樹善故。三對破偏修無常之拙明圓勝修之常。四長短相形是對治門。會非長短之長故言長壽。此是涅槃樂中第三對菩薩衆隨問而施。凡十四品諸問答中長壽爲首。從初命品餘各隨便。其文有勸問正問。初勸比丘。次勸大衆。初勸有三佛法至三故。又表佛殷勤故。又初勸除疑。二勸受寄。三勸益物。其上疑既盡。初勸則默既不堪寄付。次勸則辭既無化力。後勸則推。初文者何故偏勸問戒律。河西云。佛法有兩一經二律。上已問經。今勸問律。是義不然。經深律淺。既能問經豈不能問律而待勸耶。觀師云。律是聲聞之本。又是今經之宗。不殺爲因得長壽果故。偏勸問。是亦不然。今案經云。於諸戒律是則律儀定道俱名爲戒。諸語不一豈獨律儀。又將下驗上非偏勸問律。空者慧也。寂者定也。當知勸諸比丘問戒定慧。有人作二諦消是亦不然。二諦文晦三諦文明。何者戒定慧三是入真之梯階即勸問真。本性空寂即是問中。明了通達即是雙照。二諦即勸問俗。又言。莫謂如來唯修空寂者。如來既不專修真俗即是勸問。非真非俗第一義諦。第二再勸爲二。初勸次辭勸問。戒律初者一云略耳。具說如上。又取下文意佛欲寄付故以戒律而爲勸端。次辭者既於戒律不能問者即辭不堪。有法譬合。法說又三。正辭釋結。正辭。辭無智慧不能問於三號如文。次釋辭釋於三號。皆不思議如來境界深微之法允同諸佛故號如來。我不

能問則是辭上本性空寂。所有諸定不可思議窮於甚深微妙禪定能爲一切而作福田故名應供。我不能問則辭上明了通達。所演教誨不可思議者。窮於一切言說邊底示導衆生。是道非道號正遍知。我不能問則辭上戒律。又釋辭不能問於三諦。諸佛境界是不能問中。所有諸定是不能問真。所演教誨是不能問俗。三結辭中云無智慧者無三智也。次譬辭爲四。一聲聞不堪寄。二如來不應寄。三聲聞強受寄。四如來失所寄。初明不堪。言老人者。閻浮果報將盡之年譬諸聲聞。十二緣觀支支十二從過至現故百二十。過現滅故老死滅無明滅乃至老死滅故將入涅槃。身嬰長病者正使雖盡習氣尙存。又無明別惑未侵一毫故言長病。寢臥床席者沈空滯寂失遊戲神通。不能起居者不能入有如不能起。不紹三寶如不能居。氣力虛劣者無常住命如無氣。無十力雄猛如無力。少眞實故名虛。非勝修故名劣。餘命無幾將入灰斷。次有一富人者下譬如來不應付囑。智斷圓滿故言富人。緣事欲行者。適化多務故言緣事。乘如起應故言欲行。以百金者百句解脫。漢書稱一萬爲一金。既有百金即是百萬。一句解脫既有一萬解脫。以爲眷屬。百句解脫即有百萬解脫而爲眷屬。或經十年二十年者。有三解。一云十劫二十劫。二云人中爲十天二十。三云正法爲十像法二十。是義不然若爾後時如何得歸會耶。今明通惑爲十。別惑二十。逗緣除物通別兩惑名付家事。受寄者除

通別惑即感我歸。還時歸我者舊二解。一云。只指釋迦餘方應盡。此土感與後還猶見我昔法寶。二云。彌勒下生猶見釋迦眞實之法。法身不異故言歸我。今解。通別惑盡即是還時即是歸我此義稍便。三是老病人下。聲聞妄受無繼嗣者。舊二解。一云。無善心實男慈悲心女。二云。無受化眷屬紹續其後。今言。無常住信心之子。病篤命終者灰身入滅。四財主行還下。如來失所寄法寶喪失。癡人者二解。一云。受寄者即是癡人不能籌量妄受人寄。二云。能寄者名癡人。假設此言。若遂寄聲聞則是癡人。若不寄者則非癡人。次世尊下合譬。但合妄受喪失不合前二。合後二中先合第三。次我今下合第四。從佛告下。第三勸益物爲三。一勸二推三贊。初如文。次推功爲二。先譬後合。譬又四。一譬歎菩薩。二十五者。即二十五三昧。盛壯端正者。是諸三昧王多有財寶者。一切三昧悉入其中。父母者三諦一諦爲母。一諦三諦爲父。法喜爲妻。善心爲子。道品爲眷屬。十方諸佛即是宗親。次時有人下。譬正應付囑。例上釋。三是時壯夫下。譬兼持受寄。四其人遇病者譬不失正法。世尊下是合譬。先舉不應。次合應寄。三爾時佛贊下即贊也。無漏心羅漢心者忘我推功也。二緣者緣聲聞不能善薩則能。或善能問答。或法寶久住利益衆生悉出上文。從爾時佛告一切大衆下第二通勸大衆。問佛既善等。若得問人善皆利益。又對於偏勸故普勸也。先偏後普明偏普不定顯非偏非普。問比丘

寡德殷勤三勸。菩薩不爾何俟二三勸耶。答佛如師子殺象及鬼。皆盡其力終無厚薄故皆三勸。若爾菩薩亦應無疑而有辭讓。答比丘皆無菩薩皆有。以有問故。故知有疑。是故菩薩則可付囑以慈心故。故能益他。又例作無而意異菩薩久解。是故無疑。自謙是退義稱佛菩薩乃是推功。問何故約命言不可量約辯言不可盡。若戒若歸而勸問耶。答多有所關略舉四意。一如來是大富施主隨其所求而給與之。若問命即開長壽金剛身身密等義。若問辯即開般若四相口密等義。若問歸戒即開善業。首楞嚴能建大義百句解脫意密等義乃至開邪正四倒四諦如來性文字月鳥等義。涅槃施得顯也。二如來施主方便無量。若問命即開天行。若問辯即開梵行。若問歸戒即開聖行嬰兒行。歸戒所防即開病行。五行若立十德自顯涅槃行明。三如來施主正法寶城莊嚴無量如來能問無可問處。如來能答無能問人。百金妙寶初求付託得能問人。問命即常莊嚴。問辯即樂莊嚴。問戒即淨莊嚴。問歸即我莊嚴能問答具。二莊嚴雙樹涅槃其義得顯。四如來施主慈悲無量憫念邪僻哀憐不善。若能問歸即用常攝攝耶。若能問戒即用常攝攝。涅槃之用得顯。為此義故舉此三種以爲問端。問問端通後亦通前不。答問命即是常修。問辯即是樂修。問歸戒即是我修。又問命即常法身德。問辯即樂般若德。問歸戒即淨我解脫德。又問命即常命常色常力。問辯即常語。問歸戒即常安。

又文云。能如是問則大利益一切衆生即通前通後問端該廣籠括。若此云云。第二正問爲四。一欲問。二許問。三謙問。四正問。欲問又二。初經家叙起。次自咨發叙中爲四。一叙本位。二叙述宗。三叙願對。四叙威儀。初本位者。有通有別。菩薩通位童子別位論云。十二而能問者即有四意。一正法非色。不可以人幼而棄於法。重法重人故也。二生比丘善於菩薩道信念堅固。三折伏高心。四明佛力大。若依十住即第九住。若類文殊童子即十地頂聖位難知。且用十地釋童子也。次述宗中言婆羅門者。述託高宗姓。大迦葉者。寄生貴族如此間甲族。三以佛神力者感對也。爲決定衆而作上首威儀威加作對揚主。令五十二衆同飲甘露。非斯大器孰能爲之四即從座起叙其威儀。次而白佛言下自咨發者。佛雖通勸寧許問不。是故有咨。次佛告下佛許如文。三從爾時迦葉去是謙問。文爲三。初大一小爲一雙。次高廣爲一雙。三借助爲一雙。初文者。如來哀憫即大慈悲大中之大。我以蚊蚋小智小中之小。以小問大。寧得相稱。次雙者。佛德巍巍明佛威高。師子難伏明其衆廣。如來之身猶真金剛。佛色大故智慧亦大。智海圍繞則大衆智大。佛及大衆高廣若斯。我以蚊蚋何能當此。第三雙者若論巨細不言自絕。今假佛威神借助智力大衆善根添我機辯。乃能發問。四從即於佛前是正問。舊說三種不同。一分偈。二問數。三因起。初分偈不同者。河西云。前十九偈是問後四偈請答。

又一師云。前二十一行是問。後二行自謙。又一師云。從前至後無非是問。又一師云。從容兩存後亦非問。乃是迦葉巧致問之餘勢爲諸品生起。又亦得是問甚深行等是問五行十德。安樂性是問師子吼迦葉等云云。二問數不同者。梁武三十二問。河西三十四問。靈味亮。治城素莊嚴受。並用之。中寺安三十五問。開善三十六問。光宅三十七問。三因起不同者。開善云。一一問皆從純陀哀歎中生。太昌宗云。悉是臨時致問皆不從前文生。靈根令正云。或有從前生。或不從前生。豈可一例。從前生者云何得長壽。問從純陀品生。當知如來即是長壽。生金剛身問從法身常身金剛身生。願佛開微密從哀歎品祕密藏生。云何得廣大從迦葉爲衆作依止生。有屬當者可從上生。無屬當者不從上生。與皇云。此問不應近自純陀。乃通論釋迦一化教門始自王宮終乎雙樹。何者文云。生死大海中云何作船師。即是問始即初成道時事。後問云何捨生死如蛇脫故皮。此即問終是最後涅槃時事。中間施化法門非一欲顯發如來方便密教應來應去種種示現。此意宏壯包羅廣大。大明覺道囊括古今。今觀此二十三偈前十九偈雖即是問問中有請。唯願大仙說是也。後四偈雖是請請中有問安樂性諸行等是也。又開合不同。如初一偈合成兩問開成四問。云何知天魔一偈合成一問開成兩問。若直數云何則有三十二問。若數合偈亦只有三十二問。若數開偈則有三十四問。若

數請偈中三問足合偈則有三十五問。若數請中三偈足諸云何亦有三十五問。若數請中三偈足開偈者則有三十七問。各有去取致盈縮不同意在於此。此是事數增減在人。不勞生爭。今依河西數開偈不數。請偈但為三十四問。答盡大眾問品。言因起遠近者若謂諸問因上文生聲聞未曾聞常聞可生疑。菩薩久聞何故致疑。又聲聞聞說疑執已破。菩薩利根那忽未解。救云。為緣故疑。若爾則問不因上。又云。菩薩知佛應說此法承佛神力預為咨問者佛力無所不至。何乃近在兩品耶。又言。問於一化始終者與經抗行全不相應。經問長壽之因。佛答往昔至心聽法持不殺戒是長壽因。今乃取一化從王宮來佛在何處聽法從誰受戒。雙樹之終復聽誰經為受何戒。若無此事一化不成彼為極談。今謂不與文會故非極談。今試出其意。云何得長壽。此問常果元本之因。佛答云。若業能為菩提因者。至心聽受聞已轉說我修是業得三菩提。今復為人廣說是義。如此之因蓋非近世。如法華中點塵數劫猶不能知。今正問此久遠之因。本若無常果不應常。本若是常常不可修。而未能知長壽常果所因云何。若問此義任運自顯非常非無常之常因獲得非常非無常之常果。因果常義既顯果上萬德悉是雙非之因獲得雙非之果。義雖無邊一往結攝是問過去本初因果行位智願功德智慧道品六度等諸法門。若問云何於此經究竟到彼岸。即是問一化始終現在還緣所

施諸數。何者若其無初即無於後。今既問後任運問初。既問初後中間可知。當知一化始終凡對無量機緣所施言教不可窮盡。雖不可盡一往結攝是問現世隨他隨自隨自他無量法門。若問云何得廣大為衆作依止即問來世所施方便。引導衆生國師道士儒林之宗。住首楞嚴種種示現無量無邊雖不可盡。一往結攝是問來世權實曲巧方便誘接荷負度脫等諸法門。略舉三句示斯問意不出三世。故云云。如是甚深諸佛境界自利利他無量法門豈出三世。若尋古始元元不窮。若尋現世廣廣無極。若尋來際永永無盡。如是乃是囊括古今。大明覺道可謂諸佛之境界。豈只近因兩品。亦非遠由一化。今叙問意宏遠若此。猶懼不會諸佛境界之明文。況諸師所言事稱佛旨。與皇嘲人云。不知鬼角有無而空爭長短。不知諸問進而不爭於問數少多何益。今用河西於問中分二十三偈為兩。前十九偈正作三十四問。後四偈請答。初一行問佛因果佛修因得果不可言是現未強可指於過去。次一行云何於此經問今教。今教當機而說不可言是過未強可言是現在。云何得廣大下十七行雖義通三世上已屬兩世竟強可名為未來。何故言強大般涅槃非三世攝非謂菩提有去來今。皆以世間文字強說之耳。後四偈請答前三意。初一偈顯為諸菩薩說微妙諸行等。前問長壽果果必有因。因即是行。故知此偈請答過去法門。次一行請答現在前問云何開秘密此中請答安樂

性。安樂性由來未開。故知是請答現在。後兩偈請答未來。上問廣大依止此請答未來法門甚自分明。已列問數結請文竟。次示答文處云何得長壽。凡四問此品下文及金剛身品答。云何於此經究竟到彼岸名字功德品答。願佛開微密四相品答。云何得廣大為衆作依止。實非羅漢等四依品答。云何知天魔凡兩問邪正品答。云何諸調御心喜說真諦四諦品答。演說四顛倒四倒品答。云何作善業能見難見性並如來性品答。云何解滿字文字品答。云何共聖行鳥喻品答。云何如日月太白與歲星月喻品答<sup>十五</sup>云何未發心下有十二問。皆菩薩品答。云何未發心夢見羅刹信令發心答。云何於大眾而得無所畏三偈答。云何處濁世四華喻答。云何處煩惱醫師等十四偈答。生死大海中云何作船師風王四偈答。云何捨生死如蛇脫故皮金師兩偈答<sup>龍能脫骨</sup>云何觀三寶菴羅樹樹答。三乘若無性文殊騰疑本無偈答。云何諸菩薩而得不壞衆譽護法因緣答。云何為生官而作眼目導如人口爽不知六味答。云何示多頭常為衆生而作父母答。云何說法者增長如月初如人有子始生六月答。云何復示現究竟於涅槃放光奉供答。云何勇進者知人天魔道若有比丘能以如來誓願而發願者於世最勝不能觀了常者是旃陀羅答。云何知法性而受於法樂說二十一行偈答。云何諸菩薩遠離一切病三病人答。云何為衆生

演說於祕密廣釋諸有餘偈以無餘偈答。云何說畢竟及與不畢竟用云何名為無餘義耶。云何復名一切義乎。唯除助道常樂我淨善法。其餘一切皆名有餘答。云何而得近最勝無上道。亦取前諸菩薩遠離一切病答。上三種病人得滅罪後近無上道兼答此問。若有病人若遇不遇悉得差者。此去佛最近。若遇即差不遇不差此則次近若遇不遇皆不差者此去佛遠。又云。取大衆發心如來授記以答此問。今引十證明答問竟。一者偈中與問次第而來。長行相對次第而答。故知答問盡二者偈中設問竟即自謙云。甚深微妙安樂性等非我所知。請於如來為諸菩薩自演說之。若從此意知答問盡。三者答若未盡不應謝恩。答問既竟時衆得益起禮燒香散華供養。故知答問盡四者上來召衆雲集懇勸問答。若未竟寧得倚臥涅槃既右脇息言知答問盡。五者付囑文殊寢而無說。大衆重請既受請已加趺融懽方談五行。故知答問盡。六者對告德王寶主有異知答問盡。七者師子更問問人既別知答問盡。八者文云。如來初開涅槃經時說有三種人。三種人乃是答問之末。實非創說之初。今云。初開乃是後說之初非初說之初。既有初說後說不同知答問盡。九者前問多答卷少後問少不應答卷多知答問盡。十者河西面對梵文口決疊識指授殷勤親說十九偈。是問後四偈非問斯人不信就可信耶。爾時佛讚下。第三佛答又二。初讚問。次答問。讚問又二。初讚。次讚讚。

又二。先總讚。次別讚。酬其上別總二請。若三十四問是歷法別。請後則總請。先酬總請故初云善哉善哉。所以須此讚者。世間問答酬往稱美佛不違世法。是故先讚人但見年幼不期智深。見問淵玄方知非淺。又若見佛讚皆發奇特心是故須讚。他方來衆見小小菩薩能問大大事皆生敬伏是故須讚。又此一一問皆與理合。是故須讚皆有所擬云云。次別讚者即是別讚三世之問初讚其問過去。法門有三義。一舉果讚因。言汝未得者非全不得。乃是因中分證非是果地究竟故言未得。二舉甚深密藏讚其所問。汝問長壽佛以一切種智為命。此之智命果地所證。故言我已得之已得非始得已圓滿。唯佛與佛乃能究盡。故云甚深密藏而汝能問。是故讚其所問之法。三讚其被加其上請云。承佛神力。今加而讚之故言等無有異。坐道場者讚其問現。其上問云。云何於此經究竟到彼岸佛即舉三義讚之。一舉初以成後讚其巧問該現化之始終故言我坐道場初成正覺。二讚其一人以均大衆故云有諸菩薩亦曾問我是甚深義。三讚其現得大衆加助其上請云。及因大衆善根之力。今明功德句義無異。是為讚問現在法門。從如是問者則能利益無量衆生是讚問未來。上問言云何得廣大為衆作依止。此言利益可解云云。舊解坐道場亦曾問者或言。是華嚴中間翻經不盡其文未來。或言。是偏方不定教文亦不來。或言。是祕密教非顯露攝。義皆不然。今明道場乃是元初圓

滿始坐非方便道場。第二卷云。我已久於無量劫來久已成佛。亦如法華成佛已來甚大久遠昔諸菩薩曾問此義。如今不異正對過去之問。非一化之始。不應據寂滅道場及偏方祕密。爾時迦葉下。第二自謙佛向讚其。上等於來下齊菩薩。其謙亦兩一謙所問橫豎不及。二誓聞法頂戴增加。初文者不能飛過大海橫不及也。不能周遍虛空豎不及也。次文云頂戴守護高深。增加守護廣大何以知然。文中次釋云。願令我得深廣智慧。從佛告迦葉下。第二正答問大分爲兩。初次答三十四問。次大衆供養。初答者初盡此品文是答長壽之問又兩。初答長壽因後答長壽果。更釋因果之名。一云。若有因果則隨常義若無因果則墮斷義。若言開因果之祕故說因果。此語小勝。若為顯涅槃兼言因果。此語最勝。涅槃無因果方便說因果。從容抑按顯於正法故言因果。今明若因自是因果自是果則隨自性。由因故果。由果故因則隨他性。因果因緣故。因果因緣故則隨共性。非因果因緣故因果隨無因性。皆隨斷常。但以四悉名為因果。顯非因果故云因果。前文非不明果。後文非不明因。從多從正分此二門。初答因為三。初誠聽。次正答。三論義。初誠聽者。將說長壽甘露妙藥若覆器不聞則思修俱失故須誠衆。釋論云。專視聽法如渴飲一心入於語義中云云。從如來所得長壽之業去。是正答。文為五雙。一指果人因人以標業。二指果法因法以勸業。三明自行化他以證業。四開

譬合譬以況業。五示果報華報以結業。初果人者如來。因人者菩薩。若無此業不名菩薩。佛無此業不名如來。此業成因因名菩薩。此業成果果名如來。業若定因不得作果。業若定果不得作因。當知此業非因非果能因能果。雖能因果因果因得。言語道斷心行處滅。如來境界不可思議。精進菩薩亦不能知。豈是凡情開心圖度不能已已輒述所聞。次果法者菩提也。因法者三慧也。聽是聞慧。受是思慧。轉為人說即是修慧。若菩提無此業不得成果。三慧無此業不得成因。至高無頂。至廣無涯。多所成就。其相云何。若業能破業是為破業。從無住業立一切業是為立業。非破非立而破而立是為正業。如是正業不可言三。不可言一。言一則失用。言三則傷體。即體而用即體而體。即體而用故言此業能為菩提之因得菩提果。道前體用廣為人說。道後體用即體而體。非因非果非自非他。故上文云以珠力故水即澄清。豈非即體而用。下文云大慈大悲名為佛性。豈非即體而體。三從善男子我以修習去。是舉自行化他證成於業。我以修習故得菩提。即證道前體用。今復為人廣說此法即證道後體用。然我果久成道前之業非復今時。故知却明過去法門答初之問。四開譬中。先譬次合譬。如王子者似譬道前。王譬菩薩。子譬群生。犯罪譬起惡因。繫獄譬受惡果。憐憫譬天性相關。愛念譬拔惡因。躬至繫所譬拔惡果。夫王子者利利種也。罪為獄囚衆生亦爾。同佛之性罪業所

拘流浪生死。亦有佛性亦無佛性如王子是因是王子。為此義故慈悲與拔。菩薩亦爾下合譬凡舉三法合譬。初一子地合同體大悲況即體而用。次四無量心拔苦因與善因。拔苦果與樂果。大喜慶悅大捨平等。況用不離體即體而體。三四弘誓願遍約四諦。苦諦則通不但四趣。集諦亦通不但十惡。道諦不但戒善。滅諦不但灰斷。弘誓之境囊括則周故用三法合譬況業。五舉二報結者。聖人以慧為命。智慧自在故壽命長。即譬果報。天上受樂則譬華報云云。三從爾時迦葉白佛去。是論義。凡四番問答。初番先問次答。問有三意。一述不解。二謂不應。三正作難。不解者領長壽業。非因非果非自非他故言深隱。次不應者一子之地同體大慈體無愛悲。云何子想。若同子想即是起愛。起愛云何同體。同體云何起愛。故云不應。三作難者破戒作逆應須治罰。治罰乖慈云何等視。等則無罰云何言治。治偏乖慈慈之與。治二俱乖體。展轉有妨。難從此生云云。次佛以一言答其三意云。我於衆生同一子想。如羅睺羅者同體之慈。是慈清淨微妙第一非染愛慈。是慈深隱非但難解亦復難說。即體而用不妨等視如羅睺羅。既即體而用慈亦復然。一言答三其意在此。然迦葉問菩薩修慈此問道前。佛以道後果慈答之云。我於衆生亦一子想。舉後答前前後不異。次從迦葉復白去是第二問答先問次答。初問中學昔事難今義。力士無慈碎碎戒童子。童子命斷即昔事也。若承佛力即如來遺害

傷慈縱毒傾乖一子即難今義。次佛答中明三世之慈為三。初明童子是昔事若答此事擬過去。慈童子金剛二皆是化幻人。幻杵以害幻命事有實耶。設權懲惡正是大悲拔其苦因。假設濟危正是大慈與其樂果至慈至巧非一子義何者是耶。他解見機猶害五百淨行尙實有害事。若將此釋都無所損。次從迦葉去。明現世慈本地指三業行慈又三。初如來之意於諸衆生一子想。雖謗法闡提邪見毀戒悉如一子。況復餘人。心常平等即意慈也。次從譬如國王去。明口行慈又二。一先舉國憲大明佛法。後結治罪。初國之嚴刑以酷為本。二佛之法網以慈為宗舉非顯是佛法有三。若擯永出衆外。若四羯磨不出衆外唯不得為羯磨之主。十四知事人今通名羯磨。而實有輕重。初言驅遣羯磨即是律中驅出羯磨。馬師滿宿二比丘於聚落汚他家行惡行。佛令與驅出羯磨出此聚落。訶責者即律中苦切羯磨。般茶盧伽比丘喜鬪事闕構兩頭與人鬪競至城中訴。乃以詞牒結著衣帶數如是。佛令作苦切羯磨苦惱切勒置者即依止羯磨是。施越比丘為人輕薄數犯可悔罪數惱僧。佛令與作依止羯磨。令依剛正有德之人住持教示不令數犯。舉罪者即律中下意羯磨。鬱多羅比丘為質多居士耆羅寺主恒得好食。居士後時遇優波斯那於舍供養不與寺主。相知鬱多羅生厭語居士言。飲食雖美但無胡麻歡喜丸耳。此居士少年貧時曾為此業故以刺之。居士因即說



譬如鷄與鳥共生一子。或作鷄鳴或作鳥聲。汝或善語或作惡語。而此比丘父母異國故以護之。佛知令與作下意羯磨。僧中遣一人將是比丘往居士所下意懺悔。不可見卽是三擯八法之中以明三擯。一不見擯。二不懺擯。三惡邪不除擯。此中無不懺之名是滅擯。一事教門不同。不可見卽是不見擯。車匿比丘數數犯罪諸比丘勸懺悔。答言。我不見罪。佛令與不見擯。不懺者還是車匿數犯人勸。答云。我雖見罪不能懺悔。佛令作不懺擯。滅卽滅擯未捨惡見卽惡邪不除擯。事起利陀言欲不障道三諫不從與作惡邪不除擯。三從善男子如來所以去。是結無對治罪之意。使其無復惡因則無惡果。卽是大慈施無惡畏。三從善男子汝今下。卽是身行慈也。舊云。照人爲一。天爲二。五道爲五。又云。常光爲一。非常光爲二。面門三。眉間四。通身爲五云云。從善男子未可見法去。明來世行慈而言比丘糾治者。比丘謹法文爲四。一標來世。二明持毀。三譬。四結。初二可見。第三譬中言暴惡者。譬破戒人。會遇重病者。譬所犯彰露。隣王與兵者。譬持戒糾治。病王無力者。毀禁惡止。恐怖修善者。明其得益。譬中有三。三種何異。初爲各住各學行非法者故以隣王爲喻。後次爲同住各學行非法者故以宅樹爲喻。又解斷四住惡解惡相治如除隣王。斷塵沙惡除體上垢如除毒樹。斷無明惡同體之惑如除白髮云云。四若善下結。卽判真僞。不治毀禁

壞亂佛法佛法中幾無慈詐親是彼人怨。能糾治者是護法聲聞真我弟子。爲彼除惡卽是彼親。從迦葉白佛去。第三番問答。先問。次答。問又爲二。初非佛旨。次舉事難。初文者領前能訶責者是我弟子不羈遣者佛法中怨。此則一是一非。愛憎去取則無等視一子之心。升沈頓異故仰非也。次舉事者。若一塗一割等無憎愛。亦應一持一犯咸不賞黜。既賞持黜犯亦應治割賞塗。塗割旣等持犯應均。若持毀禁此言則失。若不治刀割彼言則虛。進退結難。次佛答爲三開譬合譬況顯。開譬爲四。一生諸子。二付嚴師。三囑苦教。四得福無罪。初王大臣者譬佛菩薩。生育諸子譬生信者。生信不同故言諸子。形貌端正譬戒能防色聰明點慧譬定慧防心。二三四者有人云。一二二是出家二衆。三四是在家二衆。此義不然。舊云。若二是小大。若三是三根。四是四部。此亦不然。一是一乘。二是小大。大是一乘。三是三根。上根是一乘。四是四部。四部中有一乘。若爾一子諸子皆處處著亦處處有。是則太亂。今以信心爲子。生信不同略爲四種。謂藏通別圓。各有三學通皆得論。端正點慧準下合文。以壞法者爲子。此不相乖三種。偏則破壞法性卽是可悲爲子。就正信者可慈爲子。次付嚴師者。舊云四依爲師。依下合文。以國王四部爲師。此是秉法之人。而秉法者以法爲師。下文云。諸佛所師所謂法也。下有嚴與不嚴。不嚴有三。殷卽圓法。三而作法有嚴與不嚴。不嚴有三。殷卽圓法。三而作下囑教。君可教詔者。教偏入圓。威儀禮節者。

警圓戒。技藝警圓定。書數警圓慧。學圓速成。不須苦切。若不速成。要當苦治。杖譬於智。藉杖故子死。如由智故偏破。偏破故如三子死。圓立故如一子成。言破偏者。非但治毀。三藏通別持毀。悉皆苦治。何以故。於藏是持於圓是犯。通別亦爾。故言雖喪三子。我終不恨。圓子信常是故不死。未階究竟。故言苦治。舊以四部爲四子。杖殺何部。何部不死。合義不成。不會經文。今所不用。次合譬中。如來合王臣。視壞法者。合諸子。國王四部合師。三品法合禮節等。應當苦治。合杖死。不也者。合唯福無罪云云。三從善男子去。是況顯王之與師。是子則念非子不念。成就其子不成。就他偏念。偏治尙無有罪。況佛平等慈念。平等成就。平等治之。而當有罪。故云如來善修平等心。故王之與師。偏念偏教。尙得福無量。況復如來等念等教。寧不獲福。故舉三世功德。善修是現世長壽。是來世宿命。是過世云云。

大般涅槃經疏卷第八

隋章安頂法師撰

唐天台沙門湛然再治

長壽品下

迦葉復白去。是第四番問答。先問次答。初問又三。初非佛旨。次譬釋非。三合譬結過。初非佛旨者。領上修平等心得三世福。謂此旨爲

非。次何以故下，舉譬爲三。一如知法人但有其言。二遷至家中都無其行。三是知法人結言行相違云云。三合譬結過亦爲三。修習等心合上知法。今者世尊去合上無行。如來將無去合上相違。若言慈心應得長壽。而今短壽必有怨心。此結意行相違。不殺命長而今短壽。凡殺幾生此結身行相違。口行相違已如上說。與皇述他釋云。迦葉恒執迹爲難。佛恒用本爲答。此則問答永不相關不問本迹。何以爲答。而云執此生疑難耶。只約丈六一身。疑者不達恒言無常。達者了此即是於常。常若異此則非常也。此釋未明常義甚多。佛以何常而爲答。問無常亦多。迦葉爲執何無常耶云云。次佛答爲兩。初顯其龜言。次明常壽第一。今明龜言者。汝以果討因。乃謂如來怨心殺害。汝何不以因討果。明如來命長。必無惡因而謂有者即是龜言。次於諸常中最爲第一者。於何等常而言第一。自有世間相續不斷名常。復有三。無爲常斷煩惱。得者名數緣常。事緣差者名非數緣常。無此二者名虛空常。此之四種皆悉不及如來之常。如來常者即是妙有故言第一。此三藏義。又真諦之常對生死虛僞。謂此真常既無生死。亦無此真亦無照應。如來常者本自有之無所待對。其常實照故云第一。此約通義。又言常者出常無常。即是非常非無常。直常而已。此約別義。又如來常者即邊而中。具足三點不礙不壞。是故此常最爲第一。約圓教義。從白佛去第二佛答長壽果文爲二。初明佛實常。次明

三寶常。就初有二。先略問答。次論義。初問如文云云。次佛答舉四譬。初譬諸壽入常壽。常壽第一。次常壽出諸壽。常壽第一。三譬常壽非常非無常故。常壽第一。四常壽能出入故。常壽第一。亦是生死壽命之河入涅槃河。涅槃河出生死河。非生死非涅槃。而生死而涅槃云云。初文者舊解八河譬四生。各有因果。又四生爲四。人天地及虛空爲八。今謂人中天土地及虛空。各有生陰中陰壽命。是爲八河。若爲論其出入。凡是一切生陰中陰所有壽命。若長若短。皆當作佛果地壽命。如八河流必歸於海。一切諸命悉入常命。是爲入義。次言出者。大涅槃常命爲本。能出人天地及虛空長短之壽。如阿耨池流出四河。大品云。由般若故出生利婆羅門等。淨名云。從無住本立一切法。是爲出義。三非出入者若定出入。何能出入故非出入舉虛空歎。四能出入舉醍醐歎云云。次就論義文爲三。一躡宗作請。二問世性。三問法性。初躡宗中問如文。次答爲四。一非。二況。三結。四勸可解。就世性問爲二。初唱世出世兩章門。次難難又二。初難兩教無異。次難兩理無異。次佛答中皆作異答。初答教者先佛說常教。外道盜常教盜不盜異。云何不異。次理異者佛理微妙。是故不現。外道理僞是故不現。微妙與僞云何不異。答此爲四。一先佛被盜。次後佛認歸。三結正。四勸修。初先佛章有開有合。初開譬中。言長者者先佛也。群牛說教也。色種種逗機異也。同共一群詮理等也。付放牧人弘

經者也。令逐水草隨機化益也。唯爲醍醐期常住也。不求乳酪不期人天。乘無常攀以自食。弘經人自益也。長者命終。先佛去世也。賊掠群牛。佛教被盜也。無有婦女。無慈心也。攀以自食。有得之利也。相謂言去。欽慕深理也。我等無器非根性也。設使得乳無安置處。設能持戒非常住基。唯有皮囊天人感報。設能持戒成諸有業。不知鑽搖無定慧方便。漿譬人天善。初酪譬似道。後醍醐譬真道。加以水譬起我人知見等也。一切皆失起見。墮惡人天善失。凡夫亦爾去合又二。先略次廣。凡夫善者盜佛餘法。餘是像末之世。盜竊得起。正法時不得起也。入涅槃後合長者命終。雖復得是合不知鑽搖。爲解脫者合加之。以水。有少梵行合擊已自食。實不知因少梵行生梵天者合無婦女。雖修行生天實不知因於佛法。從是故如來出世之後去。二明今佛認歸。又三。法譬合。初法如文。次譬中云輪王今佛也。群賊退散者驅逐外道遍六大城。牛無損命認常樂等。具足還歸付放牧者。付弘經人。即得醍醐者自他俱契法性常住。三從法輪王去。合今佛出世。凡夫不能合驅外道。令諸菩薩去合放牧人。三如來是常不變去結正。是非可解。四從迦葉當知下勸修。又二。初勸修。次簡修。初又二。先勸迦葉。次通勸云云。次簡修者簡昔顯今。若修二字作滅相者昔教灰斷法性也。若修二字常住者是今教法性。三問答法性中。問爲四。初標問作請。次舉昔難今。三以今難昔。四結也。初可見。次

文者然昔教身智兩捨。今問法性即是捨身。不言捨智者數師言。智有二種。有漏智滅即是涅槃。無漏智滅是非數緣。不取為涅槃。既有是非故不言捨智。論師云。兩智滅皆是涅槃。而有二義。若言道能致滅此邊則非。若言果盡此邊即是。涅槃既有是非故不言捨智。觀師云。不應爾。特是略耳。若無所有者難也。故以法性難身。三身若存者下。以今難昔。身若存者是身難法性。法性無身即是。有無相害更互相難。四身有法性下。結其不解。佛答為兩。先非次譬。初非者。我不曾言滅身滅智名為法性。此乃昔說。今則不爾。是故非之。次譬又二。先譬次合。譬又二。先正譬。次譬斥非。初云無想天者。數師云。無想初念猶有心起從生愛結無想樂成。即便滅心則有。非色非心。補處論師云。心不可滅而言無想者。爾時心細如蟄蟲米魚似無細心。而言無色想者不復緣於色。次不應下譬非此中具論五陰。云何住即色陰。受樂即受陰。想行即兩陰。見聞即識陰。一解云。但是四陰。後言若為行於想心不別言行陰。次善男子下合譬又二。初合正譬。次合斥非。初合無想天成就色陰而無有色想。如來法性成就寂滅而無有滅。不應作滅不滅問也。次汝今不應下合彈訶云。從復次善男子下。第二通明三寶一體。是常歸依文為二。初明三寶常。次論義。初又三。一勸修常。二明得失。三正辨歸依。先勸作常想。後明無無常想。次若於三法下明得失。舉失為誡。舉得為勸。若昔四時都

不得言三法異想而不得戒。何以故。以作別體歸依故也。開善云。前已得道得戒。若不得者今教起時何不更受。既不更受當知已得。若見今時一體教起。猶執昔別不依今圓。即是不信故言無戒。若能於是者更重勸也。三譬如因樹去是正辨歸依。又三。開譬合。譬舉非顯是。迦葉下是論義。有兩。初番問答。次番領讚皆可見云云。與皇云。樹譬常住。影譬如來。而為衆生作歸依處。迦葉難問中有樹無影。譬如來滅後則不為他作歸依處。佛答問中有影肉眼不見。如來常為作依。遮福不見而言非依。

### 金剛身品

金剛能譬。身是所譬。金剛四義。一紫磨金精世界基本。二其體堅牢無能侵毀。三其用勁利所擬無前。四其色不定煥爛難視。金精譬法身至極攝一切法。體堅牢固譬常住不動。離百絕四。勁利譬寂而常照大覺大明。不定譬無閑自在遍一切處。然法身具足無量功德。此中正明離百絕四堅牢常住。答上金剛之問。若從能譬言金剛品。若從所譬應言法身品。此則法譬雙題故言金剛身品。復次上雖三十四問通用一意只長壽故。金剛之身即堅固力而不可壞。法身常身非雜食身。圓通無隔。若解長壽即解金剛之身。乃至諸問皆悉通達。若不解長壽亦不解金剛之身乃至諸句。為不解者更分別說。若以通當名非無別義。若以別當名非無通義。通不當名則通非通。別不當名則別非別。非通非別而通而

別。今從別意明金剛身答第二問。有人解。長壽是法。此法附人。金剛是人。此人有壽。堅固力是用。此是人法體用之異。以判通別。今明等欲分別何不附文。上文云。施汝常命色力安無閼辯。初已略說今則廣說。言長壽者即是常命。金剛身者即是常色。堅固者即是常力。名字功德即是常安。言四相者常無閼辯。後廣答問亦不離此常住五果。五果故別。常住故通。若別若通。若束若散。皆非總非別。非束非散。自在無閼。直明通別一意統攬理義。推之自明故不多說。又他明長命短命可壞不可壞常無常等。各自兩邊不相關涉。非長非短非壞不壞非常無常在兩邊外。此則縱橫並別。乃是一塗非經正意。今則不然。即長而短故枯林入滅。即短而長故榮林入滅。束方變者為破無常而說於常。即非短非長雙樹中間。非榮非枯中道法性。第一義諦。一中一切中。榮即是真。一真一切真。枯即是俗。一俗一切俗。三諦即一諦。一諦即三諦。差別無差別。無差別差別。非差別非不差別。而差別而不差別。諸佛境界具足如此不可思議。不可破壞故名金剛身品。就文為二。初明法身果。次明法身因。上問中含兩。今答為兩章。初明身果又兩。一明法身。二論義。略舉五身明法身義。舊解。法身常身是當體得名。不可壞身非雜食身。從離過得名。金剛身從譬得名。又言四身更互相成常身故不壞。不壞故常身。非雜食故成法身。法身故不雜食。故金剛譬之。今明四句皆當體離過皆法皆譬。亦

得相成。何者金剛有四能成顯法身。法身有四德成於臂意。金剛立世喻法身體。堅喻常身。勁利喻不壞身。不定喻非雜食身。正用此意標品。豈可作餘釋耶。從迦葉白佛去。第二論義。文爲三。謂問答領解。初問中二。先問次釋。初問者舉所見難所不見。既應入滅是無常身。病苦所侵是破壞身。碎爲舍利是塵土身。受純陀供是雜食身。既不見四身亦不見能譬金剛之身。次何以故去。是釋初無常身。餘例可解。次從佛告去。答又爲三。初非其所問。次正答。三結勸。初如文。次正答中。具百非者。然此百非若單數則一百六十句。若複數則一百句。既言百非。理應複數。然百非之中。或有雙非兩捨。或一存一亡。雖不常住。非念念滅。卽雙非之意。非身是身卽一存一亡。然古舊相承不解百非。唯釋非身是身一句。今出七家。一云。非身者非是食身。是身者是法身。又云。非身者非生身是身是法身。又云。非身非金剛前身。是身是金剛後身。此三家悉用俗爲非以眞爲是。又非身者法身冥如。是身者應現十方。又云。非身者眞諦。是身者是身非身。是身者是好身。此一家漫漫不知。何者爲非何者爲是。雖復漫漫終有是非。與皇云。法身不爲是之與非。是所不能是。非所不能非。絕百非非百是。無是無非能是能非。故言是身非身。觀師云。是身非身因緣相成。法身非身不妨是身。終日是身而復非身。終日非身而復是身。文。一云。是空離空雖不常

身金剛之身。五分清淨名法身。得三無爲名曰常身。八十億魔不能壞名金剛身。故名是身。此乃三藏佛身離百非也。又百福所成三十二相清淨之身。悉是有有。有有果報實聖所訶。釋論云。毒器不任貯食。食則殺人。有心行行不任得道。故知迦葉正難於此。我今唯見離食無常塵土之身。當知百福爲非。福性空故爲是。故曰凡有相者。悉是虛妄。若見諸相非相即見如來。此以空法爲法身。空無生空爲常身。空不得空。便是金剛身。是爲通教佛身離百非。又空中無法無非亦復無身。豈可以空爲是。若不是者即爲非也。二乘得空何故不是。佛身如空不可窮盡。無相無闕普能顯現乃可稱是。二乘不能現者但是偏空。非時取證名雜食身。此空可破即無常身。此空須棄是塵土身。故空爲非身。諸佛得空能現身者是中道空。中道即是法身常身金剛之身。是名別教佛身離百非也。又非百惡入百福。非百福入百空。非百空入百中。次第淺深縱橫並別皆爲非也。次第取證即雜食身。前後勝劣是無常身。差別隔闕是塵土身。故別非也。佛身圓妙無復若干。一中無量無量中一。非一非無量。不一不異。具足無缺名大涅槃。惡即中道無二無別。一切諸法悉安樂性。百惡尚中。況百福空而不即中。即中之法法身常身金剛之身。乃可稱是。是名圓佛離百非也。離前三非名佛身者。他經中意第四即非名佛身者。今經正意。古來諸師全不料簡。雖唱百非不知何非。徒言法身未知

是何。此釋大意可見。此既諸佛境界玄妙難測。鑽仰彌難。更又一解。初人天身一句。即具九十九句功德。後涅槃句。亦具九十九句功德。中間亦然。何者一句既是法身故備諸功德。依經又三番。前三句爲一番。明非人天身似如非俗入真。入真之意即俗即真雙非兩捨。如放金剛到金剛際乃止。次八十句爲一番。明非身是身。似如非真出俗出俗之意即空即中。一出一切出。隨應度者皆得見聞。後十七句爲一番。明無有知者。無不知者。似如雙非二邊。即邊入中一色一香無非中道。雖此分別亦不一向。若一向者不成微妙。微妙者即入即出即中。又即出即入即中。又即中即出即入。不一二三而一二三。三如來下結勸。又二。初結。如是乃名微妙法身具足功德。餘四身亦如是結。非聲聞緣覺所知結成常身。二乘無常不能知常非長養結成非雜食身。真身不同坏器結成不壞身。結金剛身如文。又結不壞身云。示病苦爲調衆生者即是示破壞身。若例此文亦應示非法身。應示雜食身。亦應示無常身。朝生暮殞等。亦應示雜食身。應示師食肉等。亦應示非金剛身。芭蕉泡沫等。明五句法身即入非身意也。示五非法之身即出是身意也。即入即出即入即入。即是微妙功德之意。非入非出是不可宣說意也。依入五身身具百句。即五百句依出五身。身具百句即五百句是爲一千。又即入即出即入即入。又是二千。非即非非即非即出非即入。又是二千。總爲五千句。文云。如是無

量微妙功德。豈止五千。約此經文聊作五千。次從汝今日去勸也。勸自行化他如文。三從白佛去是領解。領上兩勸云。從唯然世尊去。是第二答法身因。因有得果之能。能名爲力。即是答得大堅固力之問也。迦葉前疑無常速朽。聞佛百非非於難食塵土等身。然後方顯常身不壞悟解歡喜。而猶未知法身所因。云何更勝疑難問。金剛身是騰前所因。云何是起後。佛答爲三。一正答。二領解。三勸修初有略廣。略爲二。初明護法。次引證。初文者護法不壞今得常住。不壞之身取相似因而爲答問。次我於往昔是略引證。從善男子護持正法去廣答。又二。初廣明護法。次廣引證。初又二。一在家。二出家。在家護法取其元心所爲。棄事存理匡弘大教。故言護持正法。不拘小節故言不修威儀。護法有四句。出家在家人共不能護者無名行比丘。無勢力俗人是也。在家出家獨不能護者還是兩種各各不能。出在家獨能護者佛及仙豫是也。出家在家人共能護者今文是也。昔是爲今非。今非爲昔是。今昔俱非。今昔俱是。昔時平而法弘應持戒勿持仗。今時險而法翳應持仗勿持戒。今昔俱險應俱持仗。今昔俱平應俱持戒。取捨得宜不可一向。次從迦葉白佛去。是出家之人護法有問有答。問中棄理存事爲難。答中棄事存理爲答。如文。二善男子過去久遠去。是廣引證文爲四。一護法本緣。次從爾時有一去。明護法行。三從尋即命終去。是護法果報。四從爾時王者去。是結。會前一。如

文。第三中云阿闍者道行云無怒。放光云妙樂無怒妙樂二名相成。淨名云無動。王前生是第一。比丘後生是第二。又約四依王是初依第一。比丘是第二依。為聲聞者非小乘也。乃是大乘聲聞。舉此二人定以何人為證。舊取王能護為證。或雙取為證。第四如文。次迦葉白佛如來常身猶如畫石是領解。我以常解解佛常身。耿耿不沒喻如畫石。三以是因緣下勸修。又二。初通舉因果以勸四眾。次別勸在家開執刀仗。文即為二。先勸次簡。又四。一問二答三領四述。就問為二。初問師之有無。二問戒之持犯。問者問其與持刀仗者。相隨猶有師德為無師德。就佛答又兩。初正答。後結歎。正答中二。初答戒之有無。次答師之有無。初文二。初正答。是無戒人與護法相隨。而護法者非無戒人。如文。次既自持戒。云何化他。更問此事。佛答與護法者俱如文。從迦葉夫護法者去。二答有師無師之問。先略後廣。略中三意。一持經二持律。三摧伏破戒。具此三德故可為師。正見是內解經律。遇弘緣摧伏惡人是外用。迦葉若有比丘下。是廣答。還廣前三而不次第。初廣摧伏為三。先出壞眾師弟。次通舉三眾。三明淨眾能壞前二眾。從善持律去。廣明持律能壞前二。律中明六種五法。一學人。二無學人。三神解。四畜弟子。五訓誨。六事用。此中正是神解五法得離依止壞為師位。四事與律問答小異。一事則異。律謂為誦本又。此中名隨時教化。神解五法者。一是調伏眾生。二知輕。三知重。四是律

應證。五非律不證。云何調伏。調眾生時不得選擇時節處所。又不得一向漫調云云。知重可見。知輕者即十三。前九無諫。後四有諫。兩諫不從未結具方便罪。三諫不從方結正罪。非律不證者。知他犯律不應證之。如有人云佛入凡夫中作五欲。便自忘是聖人。後遇善知識語云。汝是聖人那作此事。只覺自是聖人。又佛入地獄代眾受苦。實受割剝之痛。如此等言皆不證。聖人豈然。又云。彌勒應為五百。我是一人。斯言皆不可證。善解一字者。即律一字。應約律字解五名也。如止觀云。善持契經去。廣明經亦復如是。例律應有五事。一隨時教化。二知有餘。三知無餘。四非經不證。五是經應證。二佛法無量是結歎。迦葉下第三領解。佛讚下第四述成云。學人五法者。謂信戒定慧多聞。從五停心至那舍也。無學人五法。謂五分法身。齊第四果。神解五法如前。畜弟子五法者。一謂十夏。十夏是長宿。堪著弟子。二持戒纖毫不犯。今時不犯。初篇即名不犯。後可悔故。三多聞大小內外精通者。若不能具會須一藏無者不可。四能除弟子憂悔。若退戒還俗。應說苦切之事。五能除弟子惡邪。弟子既無衣食勢力。即欲越濟應為除其惡邪。餘兩五法不論云云。

#### 名字功德品

夫世間名字有同有異。同者俱是體上之稱。異者名召於體。字歎其德。佛法亦爾。隨順世間強分同異。以大般涅槃為名。其餘稱歎不可思議。諸佛境界正法門等悉皆是字。而此

名字通有功德。今先分別名之功德。文中舉七善七譬。釋此經名。謂語善義善文善。純備具足是獨一善。清淨是行善。梵行是慈善。金剛寶藏是備具善。治城取上中下足為十善。開善合為八善。今依七譬釋七善文。又餘經及下文皆言七善不勞足之。初譬明大是廣義。所謂八河入海。又是深義。所謂一方深奧祕密。又大是極義。所謂希望永斷。又是第一義。所謂象迹為最。又大是勝義。所謂秋耕為勝。又大是寂義。所謂善治亂心。又大是具足義。所謂八味具足。皆一一叙之。名大般涅槃。此即名功德。次稱歎字功德。功德有三。一是諸佛之師。文云無量無邊諸佛世尊之所修習。二是菩薩之門。文云菩薩修是大般涅槃。得正法門能為良醫。三杜眾生四惡之趣。文云眾生聞此經名隨四趣者無有是處。然涅槃功德無量無邊不可思議。略舉三條釋字功德。六卷名受持品此從能持人得名。此文從所持法作名。互舉一邊。此品答上云何於此經究竟到彼岸之問。文中明諸佛修習已到彼岸。菩薩得聞則是中流眾生命發足此岸。然涅槃之河非彼此中而彼此中。一問三答答過所問。就文為四。一勸持。二問。三答。四領解。初為二。一勸持。二受持。受持功德不墮四趣者。舊云聞經修行登於性地是不墮。二云為作遠緣起惡則墮但藉此緣後能反本。又云聞經理解與聞慧相應理數不墮。與皇云聞經名者下文自云。名無名故聞不聞故。如此聞名無生正解。尚無人天事

墮四趣。當知所得功德超度有流。是佛境界二乘不知。今皆不然。聞經得解自是生解功德。何關歎於聞經功德。此不相應但持五戒五戒小善尚不墮惡況復修行。夫大涅槃是深廣極勝第一寂靜具足之名。信此爲受不忘爲持。如此聞名自不墮惡不俟深解。二白佛去是問爲二。一問名功德。二問持功德。向聞勸持及以聞名既猶未了。是故更問三佛答其二。問卽爲兩章。答名爲三。初判名。次明七善。三明七譬。初文可見。次七善者。舊釋序正流通爲初中後善。招提云萬德是初善。萬善是中善。萬果爲後善。果與善殊此不可用。經約行施是初善。持戒爲中善。得報爲後善云云。三七譬者。他解六譬釋大。後一譬釋般涅槃。今觀文初譬釋大。後六譬釋般涅槃。然通釋名不分別也。問此中以常釋大應以大釋常便爲不異。答一往名異其意則同。以非常非無常故常。非小非大故大。故互相釋降伏諸結者。卽煩惱魔魔性者天魔。放捨身命者卽陰死兩魔。餘五譬可見。最後譬中云八味者以譬四德。開常出恒。不爲緣生故常。不爲緣滅故恒。開樂出安。外無能壞爲安。內無所受爲樂。無垢與清涼同皆是淨。不老不死同皆是我。問云何是酥之八味。有人用八功德水爲答此不爾。水乳體別本不相關云云。更輕屬觸不臭是香。飲時無苦調適是功能。云何併之而作味釋。有人以六味爲答此亦不然。苦辛鹹酢酥中永無。對義不便數又不

足。今謂乳酪時淡其味不足。醍醐時濃味已純一。酥居季孟之間兼備衆味可得爲譬。酥有生熟去酪近卽酪漿二味。乳是其本卽五味也。就甜淡膩卽爲八味。二善男子下答奉持問。上答名則廣。今答持何略。既廣達名字。受持功德亦復不少故不多說。白佛下領解也。初領名後領持

大般涅槃經疏卷第八

### 大般涅槃經疏卷第九

隋章安頂法師撰

唐天台沙門湛然再治

#### 四相品上

四者數也。相者如經以四種相開示分別。大般涅槃顯然可見從此立名。前諸問答皆含三德義略不彰。此品答其願佛開微密廣爲衆生說之問。明四相解般若明三密解法身明百句解解脫。今解般若從此當名故言四相問願佛開微密。又云演說於祕密。開演云何。舊釋云昔說法身般若無解脫。今開涅槃具足三德。此但解開未明於說。開善云四相答開密。現病答說密。此示兩文未判其異。興皇云。堅論是開橫論是說。昔以無常覆常今以常覆無常。更互相覆今昔兩覆。迦葉請開佛明今昔兩說是涅槃二用方便。同顯非常非無常。復次昔三點無常。今開是常。昔教直言自正正他是爲四相。今開爲般若。昔直言此身納妃生子。今開是法身。昔說有爲

解脫。卽是智上意地能緣。今開爲解脫此三皆常。並是涅槃方便。此卽堅明開微密相若橫釋者昔欲說常而不得說爲於邪常。今始說常二用具足。下文云昔說有餘江河迴曲。今說無餘河不迴曲。今昔相成共顯一道。此卽橫說微密相也。是義不然。常無常亦常亦無常非常。非無常。此之四句皆覆正理。故釋論云般若波羅蜜四邊不可取邪見火燒故。又是四句皆方便門譬王密語智臣能解。又此四句對治四執。又此四句皆是正理故云一切諸法中悉有安樂性。若爾悉皆相覆那獨言常與無常更互相覆不言餘二。論其方便那獨言常與無常獨是二用兩非方便耶。論其開密那獨言開非常非無常不開三句。偏僻自壞其間並決可自思之。今明四句悉互相覆通是祕密。四句互治通是方便。四句卽理皆得開祕皆名涅槃。如是悟解名開祕密。如是敷演名說祕密。更以四句重分別之。自有開非說。說非開。亦開亦說。非開非說。就自行爲開教他爲說。自他雙明則亦開亦說。不自不他則不開不說。今之四句該括凡聖不獨在佛。又一句各論開說。自行顯理名開。自說己證名說。說中二者分別法相名開。如分涅槃以爲四相。名開祕密通塗廣演名說。興皇只是此之一句自行化他。二者令他同己所得名開。己法授他名說。不自不他亦爲二者至無至處名開。常無所宜名說。如是分別開祕說祕。差別之相亦無差別。舊云此品明三密不明三德。亦云此品明三德不



明三密。又云只明三密即開三德。開口密是般若。閉身密是法身。閉意密是解脫。三德不同而爲三章。今家用此三章消文。然呼爲三密亦互相有。而從多判以爲三密。約四相廣開般若。一則破偏二則顯圓。何者昔說般若無相離相。今明般若即相無相。只般若是四相。只四相是般若即相無相。不求無相顯圓者開於涅槃以爲四相。涅槃寂滅尙無涅槃而四相無缺。雖開四相四相一相即大涅槃。從涅槃開四即俗諦。四相即一相是真諦。一相即四故非一。四相即一故非四。非一非四名大涅槃。不並不別不縱不橫方顯圓意。約十界身開法身者。亦破偏顯圓。昔說法身無我。今用無我而我我即無我。例如般若云。約百句開解脫者。亦破偏顯圓。昔離百非絕四句名爲解脫。今解脫即百句。百句即解脫。解脫即非。非即解脫。例如前說云。就口密爲二。先正明口密。次兼明身意二密。初正明口密中文爲二。初明四相。次料簡涅槃。初又二。一明一相四相。次明四相一相初爲三。初標次列三解釋。文自爲四。然自正與善解是自行。正他與答問是化他。就自行中有化他意。從多則自行攝化他亦爾。就口密中通有身意而多屬口身意亦爾。標大涅槃一也。開示分別四也。就自正爲二。初明佛自正。次譬比丘自正。初云若佛如來者即是正人。見者正智。諸因緣者正緣。於境而有所說即是正教。明正人中舉二號者。佛是正覺如來與佛其義不異。此之二號自正。義便故言若佛如

來。又復見者是用。佛眼照因緣境。實相非因故非自。亦不在緣故非他。不共不無因了達實相名之爲見。以見正故所說亦正。次譬比丘者。佛境難解。舉淺況深而令易了。又爲三。一見火。二誓。三結。見火聚者。火從緣生。推此火聚。火爲自生。爲從薪生。爲薪火生。爲離薪火生。若火滅時爲至東方南西北方耶。生無所從滅無所至。火聚因緣四不可取。邪見所燒觀身亦然。不有不無不亦有無。不非有無悉不可得。是名正見。次便作是言下因見立誓。我寧抱是熾然火聚終不邪見。若有若無乃至非有非無。亦不邪說十二部經。佛僧三寶。抱火燒身誓不邪見。利刀割舌誓不邪說。若聞他說亦不信受。明自正見不爲邪動。於此說者復生憐憫。明其自誓不爲邪行之所滅沒。比丘正見及以正說。尙復如此況復諸佛。三應如是。下如觀火聚破身見定執結成自正。舊有問云汝開涅槃以爲四相。自正正他而爲兩相。亦應開一實以爲三寶。自覺覺他應爲二寶。實不開二自正正他豈爲兩相。觀師答云。教門不同何得盡例爲緣異說。今若例之自覺覺他同就佛智。但是一實自正正他。約自他相他相非自不得爲一。自覺覺他智唯佛智不得爲兩云云。就正他文爲四。初以歡喜正他。二以無我正他。三以常樂正他。四以第一義正他。初文者知而故問。令汝歡喜豈非世界。以無我無常調伏實聖。令生善根豈非爲人。出世常樂破世無常豈非對治。若欲遠行實付善子即第一義。尋文會

義理甚分明。夫乳養嬰兒止可含酥。若更強食食俱不可。正他亦爾從微之著漸而正之。女人能生譬慈是善本。嬰兒譬初信。始生乳養譬聞法自資。含酥譬歡歡喜。歡歡喜美益更成病。故云多含兒酥將無夭壽。酥尙莫多況強喫食。喜逸妨道況生善與對治故。須籌量含酥譬世界故文云如來實說令我歡喜。又女人心疑含酥太多不得聽法。佛爲解釋令得專心是正他相。又嬰兒稍大節乳與食此譬勸進生諸功德即爲人也。文云亦說無常苦空無我。又兒長大能自行來硬食尙消況復更乳。譬功德稍著堪可切磋彈斥對治故。文云出世三昧破世三昧。又兒長大委業示寶。此譬生善破惡已周歸宗會極入第一義故。文云應以寶藏付於善子。推此經文須作四悉就歡喜正他文爲五。一女人默念。二如來故問。三女人歎佛。四請法多少。五結其歡喜。舊四釋。一云正說法時此女人來。二云不爾佛於爾時已年八十呼女爲姊。豈有老姊乳養嬰兒。蓋引昔事。三云佛化爲女例如化童。四云都無此女假設寓言。從世尊如是去是生善正他。舊用此語以合上譬。又云女人稱佛以爲世尊。或云是佛自稱世尊。今將此文成前起後。若消不消即是成前。說無常等即是起後。文爲三。初成前歡喜。次亦說下正是生善。三若佛下料簡不堪對治云云。復告女人去。是對治正他文爲二。先隱不堪大明對治。以出世三昧對破世三昧。然醯酢苦是凡夫報味。無常苦無我是賢聖道味。凡聖

合稱爲世間三昧。甜辛淡亦是凡夫報味。常樂我是出世道味。合稱出世三昧。此別有云云。復告女人去。是第一義正他文爲二。初以三悉即是惡子不付寶藏。後第一義名爲善子即付寶藏。不付寶藏故不以眞諦爲第一義。又取聲聞爲生善者既非獨大乘此乃小大通共以爲四悉。當知是家則爲有佛者。佛是常義又是覺義。覺即解義。此人解常故其家有佛。三者能隨問答文爲二。一正釋能問答。二唱斷肉。初文佛舉無方之問。須作無方之答。但約一施爲端餘事例爾。若不施名施應不持戒名尸乃至不智名般若云云。答有五句。例爲兩釋。一初不知彼不食魚肉。以魚肉施彼既不受。於我無損而成大施。二云先知不食欲顯彼德。故以施之於我無損於彼著名。又見作福隨喜不障亦是大施。又見苦者方便解之。不損一毫而名大施。迦葉白佛下。二立斷肉制有六番問答。初番唱斷肉有師十義釋應斷肉。一云皆有佛性盡應作佛。二云諸佛菩薩變化無方。三云眷屬輪迴。四云同四大五陰。五云精血不淨。六云怨已不能而欲啖他。七云本自無怨橫加酷害。八垂菩薩化道。九食少罪多。既不斷肉望十方有分。十怨對無窮。若殺一生五百生債故不應食。如食子肉者。父子同體天然之慈垂淚而咽無耽味心。一云有其昔事。昔國王在路饑。食子肉以度險道。二云子捨身肉供養父母。三云學警如食子肉。四云非但食肉如子肉想。凡受施時及果菜等皆他命分如子肉想云云。第

二云斷大慈種有三解。一云佛是大慈。二云初地是大慈。三云性地是大慈。大慈必藉小慈爲種。若食肉者則無小慈故言斷種。又云只衆生是大慈種定應作佛。華嚴名諸衆生以爲佛子。食之即是斷佛種也。第三云三種淨肉即是不見聞疑有二解。一云不見爲我殺不聞疑亦爾。二云若不見不聞但令是殺不問爲我不爲我。若是不疑須云爲我。第四番明十種不淨肉者。下梵行云。人蛇象馬猪狗雞狐獅子獼猴。獼猴似人。蛇似龍象。馬是濟國之寶。猪狗狐是鄙惡之畜。獅子是獸王。人是己類。九種清淨者。即是見聞疑。各有前後方便及以根本云云。第五番明美食若隨他語言是美食。若隨自意不言是美。第六番云。五種牛味乃至金銀器器悉不應受。佛答爲八。一訶不應同尼犍裸形自餓饑饉若過若不及也。此中應自斟酌。如寶物者。起重貪心尙不應蓄。如五味者。非正身分故聽受之。豈如尼犍一向制之。二明須識如來開三遮十之意。那得同彼外道見乎。以爲衆生不可頓斷。先斷三種相三種外故。次斷十種次斷十種之外。斷貪想故一切悉斷。三頓制諸弟子悉斷一切肉者。對昔唱今而菩薩戒中久制輕垢之罪。爲度衆生雖現食肉而實不食。四明食肉怨嫌長遠化道不行與衆生隔絕云云。五明執小乘食肉謗大頓斷起惡爭論。六明食肉多起惡事。七除饑年汚器。八結制悉如文。云何善解因緣義即第四相。若通論者預是經論皆是假名因緣之教。若別論者三藏

事相是因緣教。今文偏指戒律者。如欲制戒先須緣起。次明戒體。後廣出相故名爲因緣。餘兩藏少不如此多故不別指。就文爲二番問答。初假設四問。一問何不頓說。二問墮三問律。四問木叉。先是總。後三是別。如來何故不爲弟子頓說五篇七聚令其修行待其有犯方始制耶。波斯匿者此翻和悅。王多仁慈若不醉時恒懷愛念。若得酒時應死判生云云。佛在其國欲制盜戒問王。國法盜幾入重。王答五錢。佛依國法有事制立多問於王。今標國主意在於此。深妙義者何不頓說篇聚戒律。戒是大乘常樂我淨故言深妙。第二問墮而不問戒與毘尼誦者義得相兼。木叉名解脫毘尼名滅。只滅兼解脫。問木叉兼得毘尼律有二義。一詮量輕重。二者遮制。今取遮制邊兼得戒義。戒是遮止律攝。誦者書之在文爲律。闍諷在口爲誦。一體而有兩名。佛答四問更重答木叉。舊用此爲五問云云。就答中不次第。初答木叉又次答墮三重答木叉。四答律。五答總問。初答木叉者知足淨命是其義也。次答墮者墮通輕重。若犯五篇則墮四趣墮義則通。又復墮者偏在犯重云云。又墮者長養此偏在輕。輕墮二塗重在地獄。波羅提下三重答木叉。律者下四答律。初一句直順入三藏入戒威儀即毘尼藏。深經即修多羅藏。善義即毘曇藏。十誦唯九十。彌沙塞九十二。一尼不病不得往說法。二週僧物向己。今言九十一者復是教門廣略。五或復有人破一切戒去。是答總問。何不頓說所以不得頓制

五篇者恐人屏破。若頓制五者恐人不敢持。所以漸漸從輕至重。具足者具一切惡。盡一切相者一切善也。無有因緣者無復佛法因緣。亦是撥無因緣。爾時有善男子去。第二番假設問如來何不預說文爲二。先問何不預說。次問將欲陷墜在文可尋。佛答爲二。先答陷墜之謾。後答不先之意。於中有譬有合。初譬中作輪王譬。又有三意。初說十善譬頓教。次行惡者漸斷譬漸教。三行聖王之法。即捨位出家譬會漸歸頓。合文亦爾。於中二。先正合。次舉輪王譬明開合意。初雖有所說合頓意也。要因比丘合漸意。乃見如來法身合會頓意。次舉輪王譬三寶不可思議者。顯如來頓漸開合。若先說不說皆非衆生所能圖度故不可思議。從復次自正去。是第二明四相一相。前分別顯示大般涅槃故明一相四相。今明是一一相即大涅槃等無有異故明四相一相。若定一四豈得一四。故知非一非四得說一四。他以異體一體三寶爲例。今明不爾異體三寶是小乘非此流例。一四四一皆大乘意。一體三寶三寶一體可得類之。亦如上文總稱涅槃別稱三德云云。就文爲二。初正明四一。後反質釋疑。初正明者證名自正。常破無常是正他。因問廣衍爲答問。分別三點爲因緣名異體同更非別法故是一相。上文以法身爲別涅槃是總。今以涅槃爲別祕藏爲總。是故不同。然顯名法身隱名爲祕。或時爲總。或時爲別。解脫與般若既等無有異例亦應然。次反質中有疑有實有答有通可尋。問四相

一相是四悉不。答義理應通觀其文相亦可例作大般涅槃即第一義。爲聲聞說常是對治。因問廣說即爲人。三點而成即世界云云。佛告迦葉去。第二料簡若涅槃即四相等無有異。何故料簡涅槃不料簡四相。四相名異於昔涅槃名與前同。昔滅因緣無依無正名爲涅槃。故滅煩惱已無別涅槃。今涅槃滅煩惱已有常住法。昔涅槃滅諸有。今涅槃有妙有。昔涅槃無有依報。今涅槃有所師法。昔涅槃無正報。今涅槃有如來。若不料簡無以取異。文爲四。一佛料簡。二迦葉論義。三領解。四述成。初佛料簡爲二。先假作五難。一明滅惑。二明滅有。三明滅依。四明滅正。五通滅有。皆引昔教悉據佛意可尋。次若有人作如是難去。是佛作答爲三。初詞次答三結異。初詞有通別。通詞是邪以偏難圓故言邪難。次迦葉下別詞迦葉不應者不應名同混令無常故言不應憶想。次答爲三。初答滅惑滅依兩問。文云滅煩惱者。者謂主者既無煩惱主者依報則無所屬故不名物。若依昔義指此無物以爲涅槃。若依今義只是所離。何以故下即明所得畢竟是淨寂靜是樂無上是我常如文。今之涅槃所離所得與昔爲異。次從滅盡諸相去。是答滅有滅正兩問。相即是兼於正報。若依昔義滅有滅果即是涅槃。若依今義只是所離。無遺餘去明所得無有遺餘是樂。鮮白是淨。常住是常。不退是我云云。三從言星流者答第五通問。星流即煩惱。滅有餘涅槃。散已尋滅不在五趣無餘涅槃。若依昔

義即名涅槃。若依今義只是所離。皆是常住無有變易。即是所得與昔不同。三復次迦葉去。結定其異。昔涅槃中無正報人。今涅槃中有於諸佛。昔涅槃中無有依報。今涅槃中有法爲師。昔涅槃中無有諸有。今涅槃中有妙有所謂恭敬。昔涅槃滅煩惱已無復有法。今涅槃中有常住法。以法常故諸佛亦常。此仍略語若具言之。以法樂我淨故佛亦復然云云。次迦葉復白去。論義兩番問答初番中先問次答。初問中文有二。似作三難似約煩惱業有。初云煩惱火滅如來亦滅者。由煩惱故是故有人。煩惱既滅何得有人而言如來常在不變。次意言遊鐵赤滅莫知所至。良以業運業滅則不能有至。云何而言常樂我淨。下文云鐵熱赤色滅已則無復有。良以惑業故得有煩惱業滅那得妙有。次佛答言鐵是凡夫如來不爾。今明凡夫二義。外道世智斷惑還更得生即是凡夫無常。二乘斷通惑已復生別惑。亦是凡夫無常。如來不爾。不同二邊是故名常云云。迦葉復言去是第二問答。此問還躡前兩意先問次答。初問中意者。凡夫滅惑還更得生故是無常。如來既滅亦應還生猶是無常。次佛答中二。初彈非次轉譬。初彈不應。何者佛非兩凡。久盡通別。豈生煩惱故言不應。次轉譬答。凡夫體熱如鐵難融。佛智猛盛如火然木滅已有灰。滅煩惱已則有涅槃。壞衣斬首破餅物謝於前名生於後。煩惱滅已獲得涅槃不同汝問。三迦葉下領解如文。四述成者。後宮是統化之境譬闍浮提。

後園是賞翫之所。譬常樂我淨云云。迦葉復問我已度去。是第二廣開身密六道殊形爲遮。皆聖所作餘人不能。今皆開顯法身之密。前開般若爲四相合四相爲涅槃。涅槃即是法身解脫。此以一周開口密已今更開法身出種種身。合種種身只是涅槃般若解脫。他謂一物覆一物開一物顯一物隱。故各開各顯永不相關理豈然乎。只覆於開只開於覆。成論人謂此是權巧於凡不解。今明若此不解餘何可解。地人云是法界用。今明豈離體而有用。他明互細相容是聖人之術事。今明何有一術而非因緣。因緣即空即假即中。唯應度者乃能見之寧非因緣。因緣妙慧能以一塵容於無量無量容一塵。延促過現引擲此彼自在無閼。莊周達體化爲蝴蝶。又識已夢往至天涯昏恍尙然況復至德者哉。就文爲二。初開身密次論義。初開密爲兩。一問二答。問爲四。一領旨二正難三結問四請答。初如文。次難者耶輸此言名聞。羅喉此言宮生云云。三四如文。答爲三。初總非次誠聽三正答。初如文。次是大涅槃下誠聽。若有菩薩去是正答。正答又二。初通舉菩薩住大涅槃有八復次後別舉釋迦。初文又二。初七復次正釋。後一總結。初中舊解菩薩住大涅槃爲三。一云是佛應爲菩薩示作因人爲能住果故言住大涅槃。二云不爾若是佛者還是佛在涅槃何謂菩薩住涅槃。住者有二種。一信住二真住。既是因人但是信住。有人難此兩解若其是佛應爲菩薩。此還是佛住於涅槃非關善

薩。若是信住何能作於如是大事。夫涅槃體迥出因果雖非因果而能因果。若將因人來望涅槃云涅槃是因因人住故。若將果人來望涅槃云涅槃是果果人住故。例如正性非因非果而果而因云云。今明圓善薩從初發心常觀涅槃行道。故上文云一切衆生皆悉安住祕密藏中。圓教菩薩何以不能住大涅槃。所以明菩薩者舉因以顯果。因尙若此何況於果此義自成。何故言佛應作菩薩復何故云菩薩不能作諸變現。下文云菩薩住大涅槃修種種行何意不能住大涅槃種種神變。故不用彼解此。七復次並從少至多初直舉一須彌。八芥乃至十方入塵。展轉相望彌顯不可思議之妙。次總結可知善男子我已久住去。次別舉釋迦文爲三。一略明化道之法。二廣辨方便之處。三總結。初如文。次於此三千去廣辨方便之處。又爲三。初總明三千施化。二別明闊淨施化。三總結諸方便。就別約闊淨又爲四。一此生應現。二明餘生。三重明此生。四重辨餘生云云。初此生中言摩耶者。賢劫經翻極妙。瑞應翻曰妙。又翻大智母。十方各行七步者。河西云象王初生即行七步。如來示同象王行故治城云示過六道故行七步。大善權經云。各行七步應七覺分覺未覺故。南方言作上福田者。河西云梵本以南方爲右是便手。明佛法以淨戒爲便故爲上福田。開善云南是陽方能生萬物故言福田。西方示七步者。河西云西方是後故曰生盡爲最後身。開善云西是秋方謂言死地。北方

者河西云梵本言勝故云已度生死。東方是諸方之首生長爲義。從我於閻浮提示現出家是第二辨餘生。若依一方示現出家即生成佛。今言四果故是餘生。又蓋由衆生感見不同。若作今生者亦有此事。二乘之人咸言如來是阿羅漢。釋論云聲聞法中阿羅漢地名爲佛地云云。爲欲度脫去即是第三重辨。此生成佛之事。輪頭檀亦云闍頭檀。此云白淨。亦云淨飯云云。瞿曇者。善見婆沙翻爲滅惡。阿含云純淑。我又示現去。第四重辨。餘生云云。迦葉復言去。第二論義有兩問答。此中論義牒前燈滅譬滅已永不復生。何得無方楞嚴示現。將前意難後義答文爲三。初詞其問。二舉譬答。三反責迦葉奉答因以爲難。佛答。文四。一詞問。二定宗。三會譬。四料簡。初二如文。三會燈滅云是羅漢涅槃永滅不生。如來涅槃滅而不滅無生而生云云。若更下四料簡中云那含不受生者。一云不受欲界生。大乘那含不受二邊生也。

四相品下

從此卷初是第三開意密明解脫德。文爲二。初明開密次明解脫。他解開意密。與皇云開身密未盡。今明通開三業之密。文云如來之言開發顯露豈非開口密。如來心無慳吝豈非開意密。如來法身具足無缺豈非開身密。經有通文不須偏說。何者佛示凡像說半字法隨他所宜。方便三業覆真三業愚者不了名之爲藏。今開方便即是真實。智者了達無所祕藏是約三業開密。又約四句開密。謂他

開佛密佛開他密。佛開佛密。他開他密。他開佛密者。品初迦葉云。佛法不爾。咸令衆生悉得知見。知即開意密。見即開身口兩密云云。佛開他密者。示諸衆生諸覺寶藏顯發顯珠置祕藏中。是開他密。佛開佛密者。我從得道常說般若法身解脫。我今此身及諸色像即是法身。若子長大有堪任力。如來則無慳吝之心。是佛開佛密義也。他開他密者。如德王云。我解一句半句。以解一句至半句。故見少佛性。如佛所說我亦當得入大涅槃云云。又十二句開密。謂四句中各開三業。則十二句開密云云。又無開無覆無顯無密。何者佛性之理未曾是開其誰爲覆。既無開覆寧有顯密。一句句得則無衆多。特以衆生聞不能解名之爲密。智者了達則無復顯密。無顯密故名之爲開。無開而開如前分別。問釋論云。般若若是顯示法華是祕密。舊解此云。般若大道無住之說而爲顯示。法華斥小以爲祕密。祕密不了顯示則了。此義不然。法性非顯非密。爲緣顯密經經悉爾。豈可以龍樹別意通害諸經。此文亦以無常斥常豈是不了。故前開密此說解脫者。兩義相關。何者若定開定覆爲開覆所局不名解脫。非開非覆能開能覆開覆自在方是解脫。故此兩文並屬解脫德攝。就開文爲兩。前明開密次論義。開文爲三。一問二答三領解。問爲三。初非密藏而言無。次是密語而言有。三結也。初文云。藏者理也。理無開覆云何言密故是無也。次何以故去。是語故有語者教也。教本爲緣。緣有開覆。故有密

語。例有身意等密。就是密語有法譬。合等云云。初法如文。次譬中幻主機關應是兩事。幻有二義。一鄙術淺近不令人見。二畏他效術不令人見機關亦爾。二事既同共爲一譬云云。合結如文。第二佛答爲兩。初歎問答其無有祕藏。次九譬答其唯有密語。然諸譬之中或順或反。秋月是順譬。積金是反譬。在文可見云云。就九譬分爲三。初七譬斥密三業開顯三業。次長者教子一譬釋開密因緣。三龍王一譬明無開密因緣。初文者秋是陰時月是陰精。陰精在陰時其明轉熾。月譬佛能應秋譬機能感。感應相應唯開無密。第四譬云雖負出世法者。河西云。佛本誓度一切衆生衆生未盡佛入涅槃故言負之。與皇云。佛得果時是爲衆生豈有行因而爲衆生得果。不爲但衆生未盡故名爲負。斯意俱不異。河西今爲兩釋。初心是小富得果是大富。能度衆生生不肯度。如人不從債主求物。主當與誰。義言爲負實無所負。下文龍王譬乃兼顯之。又佛初發心誓令衆生厭棄諸有。是名不負世法。誓令修習出世之法荷負此事。如地持物始終不捨。故言雖負出世之法。此乃荷負之負非負貨負。次長者教子譬爲兩。初爲密作譬。後爲開作譬。初爲二。先開次合。初開爲四。一欲教大。二緣不堪且爲說小。三不說大。四結無覆藏。初二如文。三不說大中云。毘伽羅論者。此云字本論。河西云。世間文字之根本。典籍音聲之論。宜通四辯詞責世法贊出世法。言詞清雅義理深邃。雖是外論而無邪

法。將非善權大士之所爲乎。其文問答等可尋。四結如文。從佛言善哉下合初譬也。初述贊正合欲說大教也。次以諸聲聞下合且爲說小也。三而不爲下合不爲說大。四善男子如彼下合無祕藏。次從如彼長者教半字已下爲開密作譬。次所謂下合如文。舊引此文證無常是小常是大。與皇難此義云。大品亦明無常應是小乘。解云。無常通大小並云半滿亦應爾。今明無常是三藏常無常是通。常是別。即常無常而非常非無常是圓。應用四意分別衆經。豈可一向而生爭論。三復次下龍王雲雷去爲無密因緣者作譬。不下種是無密緣。不萌芽是無開緣如文。三迦葉復言即領解文。次如佛所說去是論義。又二。先論義。次領解。初論義有兩番問答。初問有三。先領今常。次引昔無常。三問云何。佛答爲二。初明昔權。後明今實。初昔權中云。波斯匿者。耆掘經云和悅。阿含經云。祖母養。次我今下明實舌墮落者。以常爲無常致招此過。彭城寺嵩法師云。佛智流動臨無常時舌爛口中此尚不易。迦葉復言去是第二番問答。此問近從如來常存無有變易生。偈在但三問長行有四問。佛答初問有三意。無積聚者舉積明無積聚。積聚有二者是明無積之積。僧亦如是者是明積之無積。聲聞是有爲者聲聞作意故是有爲。非時取證故名積聚。菩薩無作中行故曰無爲。不以空爲證名無積聚云云。次亦得名爲者答第二問。述難尋者答第三問。我說是人者答第四問。今明佛答四問廣顯

常住。無積是淨知足是樂難尋是我無至處是常。復此無積是無集。知足是無苦。難尋是有道。無至是有滅。有滅故無苦有道故無集。道之與滅皆常樂我淨常存之義明矣。次迦葉復言者是領解也。從佛告迦葉所言大者去。有人用此文述成迦葉今從此去。第二正明解脫文為三。初略明解脫。次廣明解脫。三總結解脫。略又二。初略說解脫。次論義。略說為三。一舉廣大二舉無創疣三解脫處。包攝無外不可求其涯底故言廣博。淫慾癡盡思果都除故無創疣。境智相應故名為處。是為略說三點不得相離。亦是體用成就亦是自他具足。三意雖略義理粗周。就廣大文有法有譬。所言大者其性廣博此是隨名訓釋不可謂是待小之大。何者上文以常釋大。此以廣釋大。下以不思議釋大。當知此大乃是絕待不思議大。譬有豎橫兩意人雖多德要在壽命。壽命無量即是豎譬合於內行。行雖多塗貴在正法。故言為人中勝。如我所說下。一人具八多有功能即橫明衆德。將譬望法具以橫豎釋大。次從所言涅槃下明無創疣。有人引此翻涅槃為無累。無累即是無疣。與皇解云涅槃外國總名解脫。此間別稱理應。以此總翻彼總以此別翻彼別。何得用解脫別名翻彼總名而翻涅槃為解脫。今不翻總而但翻別為無疣者正言總能兼別別有無疣之義。故以別釋總如此翻名那可涅槃。就文有法譬合。法說自無創疣。譬說治他創疣只是互現。三從解脫處文為二。一自解脫。二調伏

他。初文中言處者第一義諦而為處所。不會此處不得解脫。自安此處復調伏他。普賢觀云常波羅密所攝成處。此又云以是真實甚深義處。當知以第一義諦為處明矣。次隨有調伏下化他處者。非但顯圓亦是斥小。昔法身般若雖化衆生而無解脫。無餘解脫無餘二德一入永謝。尙自不能一處調他況復處處。今之解脫隨十法界六道四聖。但是衆生須調伏者。普於其處而調伏之。雖在地獄身心不苦。雖在畜生而無怖畏。雖在餓鬼恒無饑渴。雖在人天無人天事。雖在二乘以佛道聲大悲救他。於一切處都無創疣染著之累。以是義故名解脫處。非直觸處無染。又有般若照明法身自在。只解脫處三點具足。斥昔顯今其義明矣。二迦葉白下是論義。上明三義此但論兩。初一番問答論無創疣義如文。後三番問答論解脫處。初番如文。次番問答為二。初問雙標。次答中二。初雙釋。次雙結。舊解常任佛果有色而引此文。又一師云佛果無色。而言色者妙慧顯然故名為色。二能應為色。又有說云三聚之中二聚非色一聚是色。取色聚顯然喻佛果解脫。與皇云若定有色定無色者不應安或。或者無緣作色無色。然法身非色非無色。而或色者是無色色。或無色者是色無色。以是義故二乘不解非其境界。聲聞無色者小乘患色猶如桎梏為說無色。菩薩能體色無色故言妙色湛然。今皆不然解脫之體何曾色及與非色。下文云不可說色及以非色。不可說空及與不空。為

兩緣故言色非色非色亦色色亦非色非色不可思議。第三問答正顯此義。乃是諸佛境界非聲聞緣覺所知即其義也。二爾時迦葉自佛唯願哀憫下是廣明解脫。有問有答。問或為二。涅槃行是問因。解脫之義是問果。觀師云不須分別因之與果。直是問此解脫行德行德是行。今謂不然乃是請廣上三義。行者衡音謂是施行演暢令其開廣請廣上廣博意。言解脫者請廣上無創疣意。義者請廣上解脫處。上三義既略今是廣請。云何餘解。次答中相傳有百句。招提云就頭首數止有八十四五。若大小合數有九十七八。極細為言有一百餘。但一百是數之圓名故言百句。例如大品百波羅蜜唯有九十云云。古來未見釋此百句。唯真諦三藏一卷義記略不可解。天台大師曾於靈石一夏釋此百句解脫。一句之中皆作百句。凡萬法門先學自飽。而不錄之今無以傳。惜哉惜哉後代無聞。上舉三義略釋解脫。後百句廣明於一一句備於橫豎。無有創疣到解脫處調伏衆生句句悉爾。何者三點相即具足無缺。三義具足正可懸照豈可屑言。欲廣明之為力不足。鑽仰不已輒分其文。初從名為遠離去至譬如日月不偏衆生。廣上無創疣義。三從名為無動法至不生一念之善。廣上解脫處義。七從譬如穀聚去至譬如幻物。廣上其性廣博義。六行又從無有身體去至能救一切怖畏者。更廣上無創疣義。八行。又從即是歸處去至洗浴還家。更廣上解脫處義。二又從無作樂去至斷一切貪一

切相更廣上無創疣<sup>三</sup>此中既是廣說之文重釋無答。觀師偏解一兩句云解脫不爾雖無此岸而有彼岸者彼此相對若雙非者如非彼此此彼既去然後以非彼非此結之。例如絕待非小非大結之爲大。非彼非此結爲彼岸。又相待釋如惡墜善升。將非顯是此岸是生死彼岸名涅槃。欲脫下劣尊於高勝故言雖無此岸而有彼岸。又解脫者斷四毒蛇取四蛇使以爲四蛇。謂貪瞋癡慢。正言此四通於見思能傷法身損慧命。問斷惑是因解脫是果。云何解脫斷四毒蛇。開善引經云無明力大佛菩提智之所能斷。果有等覺妙覺等覺即斷。莊嚴引經云上士者斷無上不斷。觀師云果地非斷非不斷緣宜開斷如開善緣宜不斷。如莊嚴今若取四教義。三藏果斷因不斷。通教因時斷正果起斷習。別教因斷多分果斷一分。圓教從因至果皆稱佛智皆非斷非不斷。不斷而斷斷即不斷。斷一切有去。是去理外生死出生無漏善法。即是就理內涅槃。斷塞諸道者斷有所得諸道。若我無我四句皆除。不除我見者不除理內之我。今明斷一切有即是破假。出生無漏即是入空。斷塞諸道即是雙非二邊。不除我見即是入中。名爲解脫。此義比諸師明哲自見之三從三跳三歸去是總結解脫。又二。一總結二論義。總結者三跳免怖結上無創疣。三歸結上解脫處。即一而三是橫廣。即三而一是豎深。結上其性廣博。他解畏獵師故三跳。怖魔外故三歸。初跳喻歸僧。離獵者猶近第二跳喻

歸法。第三跳喻歸佛。方得安隱故下文怖歸入舍利弗影戰怖未安。又逐三寶次第。初跳喻歸佛。次跳喻歸法。第三跳喻歸僧。具歸三寶乃得無畏。有人云前是別體三歸。後方是一體三歸。今云不爾只於此中即是一體三歸。時衆未了迦葉更問而重顯之。迦葉白佛若涅槃佛性下舉三事論義。一問三歸。二問無作樂。三問不生不滅。百句既廣略舉三問。私云於解脫後設此三問。信此三問攝萬法門。初問三歸者。既言解脫如來涅槃唯是一法只應一體一歸而已。云何言三即是舉三難。一佛答爲四。一以體妙故應三。二名義科簡故應三。三引證故應三。四自在故應三。初體妙故應三。若解脫涅槃定是一體不得三者則非妙非寶不可歸依。即三而一即一而三乃是妙寶是可歸依。文云。怖畏生死故求三歸。以三歸故知涅槃一即其義也。次名義科簡者。解脫如來及以涅槃同皆是常。所以名同其義則異。從同故一從異故三。名一義異尙得爲三。名義俱異何得不三。三引證應三者。昔別體僧上尙具三寶況一體佛上而不具三。四自在不定故應三者。昔爲破邪說一爲三三不乖一。今爲破別說三爲一一不乖三。如此三一乃是諸佛境界非下所知。迦葉復言去問無作樂。問爲二。初領旨次云何下作難。意云若畢竟樂名涅槃者。即無所有誰受安樂。佛答爲三。謂譬合結。以患故吐吐故無復所有乃名爲樂。佛無受樂亦復如是。迦葉復言去問不生滅有七問答。前四如

文第五問云何如來作二種說者。此問從何生上來或以虛空喻佛身或不用。或以雲雷喻佛身或不用。或言一三或言三一。執此爲難云作二種說。佛以兩譬答。害佛害母身雖不壞逆罪已成。皆不可定說。若言身壞身實不壞。若言無罪其實得罪。如來知時或時定說或不定說。以四悉檀皆不虛也。三迦葉白佛去是領解。四佛贊去是述成也。

大般涅槃經疏卷第九

### 大般涅槃經疏卷第十

隋章安頂法師撰

唐天台沙門湛然再治

#### 四依品

四者數也。依者憑也。一切世間憑之得益故言四依。憑有二種。一憑自法取益。二憑他取益。若唯憑法不兼憑人不名爲依。若憑人者兼得於法。文云四人出世護持建立利益義彊故立四依。答上云何得廣大爲衆作依止問。廣大法也。得者人也。直論廣大亦可依止未必有人。若得法者人必有法。上問得法人今答得法人。故知從人立四依名。又昔人難真僞依法簡人。今法混小大依人簡法。今依正人取正法故依於四人立四依品。又昔依法簡人則其人無法法亦不遍如捨此就彼以求虛空。今明人即乘法不捨此就彼故從四人立四依品。是用四悉檀意以釋品也。問如



來是正人何不作如來像。四果非正人那作四果像。答佛雖正人其出佛後故不得作如來之像。四果非正人謂四果是真福田化道易行宜作此像。問餘像難者楞嚴何故種種示現。答通論悉作別存四果。自有如來爲如來如來爲四依。四依爲如來四依爲四依。四依爲四果四果爲四果。四果不能爲四依。雖有諸義今取一塗。即是四依爲四果像。問如來爲四依可得四依爲一依不。答上開一相爲四相合四相爲一相。開則百解脫合則但是如來涅槃。今從涅槃開出四依。合則還是佛爲四依。問何故初令依法後令依人。答佛初出世邪人甚多使依正法簡邪人。後無邪人唯有小法令依正人簡小法亦是初。人利故。依法今人鈍故依人。究竟而論人法雙依文云依法者是法性。法性卽如來舊明四依位行不同。地論人三十心前是弟子位。三十心是師位。初地已上是第二依師位。成論人十住六心已前是弟子位。七住已上是初依師位。又云十二心已前是弟子位。十三心是初依師位。彼見華嚴十三心爲主爲導爲尊爲勝。又十七心已前弟子位。十八心已上是初依師位。又十九心已前是弟子位。二十心道種。終心是初依師位。中論師十信皆非師位。十住初心去至六住是初依師位。從七住至七地是第二依位。八地九地是第三依位。第十地是第四依位。差別爲論初有煩惱無涅槃後有涅槃無煩惱。無差別論初後俱有煩惱俱有涅槃。然地人是別義。中論是

圓義。成論三十心不斷別惑而於中立依別圓俱不成。今約地前未斷別惑是初依。地上斷別惑作三依者是別義。約十信是初依三十心十地斷別惑作三依者是圓義。就圓義更作通別。通者四十心共作四依。別者十信是初依。初住至六住是第二依。七住至九住是第三依。十住是第四依。餘皆例爾他明初依有師弟位。今則不爾四依通是師位能爲世間作依止故。通是弟子位弘宣佛法故。別論初依唯弟子後依唯師。中間亦師亦弟子云云

分此品爲八

一標名相 二辨利益 三明出時  
四論植因 五判罪福 六勸供養  
七簡真偽 八會今昔

初文爲三。一標章數二列數數三示相數。標章者。大涅槃中有四種人。此四皆得涅槃法故名涅槃中人。若俱得法云何初依具煩惱性。今明得法多種初依相似得法。後三分真得法真似合論皆在涅槃。此中通數四人自行化他之德。於有佛法處不令他緣擾亂故言能護。於無佛法處能令興顯故言建立有無兩處皆能住持故言憶念。此三句自行德也。有佛法處能令增上故言能多利益。無佛法處能使見聞故言憐憫。有無兩處皆作依止。今按此句歎益他德。二從何等爲四者列數數也。具煩惱性名第一者。依別教判卽三十心。依圓教判卽十信位。此之兩位皆斷通惑。則不得言具煩惱事皆伏別惑其事不

起其性猶存故言具煩惱性。次二果名第二者。依別教判初地至六地。若依圓教一塗。別判初住至六住。準通共乘見地至薄地俱未離欲。若準大乘七地亦有未離肉身云云。三果爲第三依者。依別教判是八九地。若依圓教一塗。別判在八住位。準小乘判不還欲界。準大乘判七地之位不還三界云云。第四果可解。若細就圓教判者云云。從云何名爲去是示相歎爲二。先示四人相。後總歎德。初文自爲四。初人相爲三。一伏道相。二修行相。三位相初伏道者。煩惱未除故名爲具事。已被伏但惑體在故名爲性故是伏道。次修行相者。伏惑行行不出自他。自行不出戒慧二學。化他不出生善破惡。總而言之不出權實二智。善知方便權智也。祕密之法實智也。尋文可見。八大人覺者出遺教經。少欲知足遠離精進正念正定正慧不戲論。少欲是道多欲非道。乃至不戲論是道戲論非道云云。三位相爲三。初以凡簡聖。次以聖簡凡。後以因簡果而定其位。初是凡非聖者菩薩非佛。非第八人者用共地釋之。八人是斷道。初依是伏道故非第八。又從後向前八人地。是第八故言非第八人。第二依相亦三。一體相二行相三位相。初證相中若得正法者是斷道證。別惑既除佛性乃顯。與法相應修得故。故云得法。次行相中受持正法者。卽從真起行例如小乘修道之行。亦不出於自行化他。然證道行行心純是法無有非法故言不淨之物。佛聽畜者無有是處云云。三是名下位相小難。舊云未得

色無色定。又四忍爲論但得伏順未得無生寂滅。今明若準前人亦應可照以前簡後是第二人。以後簡前未得第二第三住處。準小乘中佛爲第一身子第二阿難第三。此中以後向前簡之。故佛是第一。第四依是第二第三依是第三。此人未得如是第二第三住處名爲菩薩。故是因位已得受記。定當得果。此人斷無明見佛性。緣熟即能八相成道。故言已得受記。古來三釋皆不可解。河西云。後人從初人受名。第四從第三。第三從第二。第二從第一。即名第一人。所以未得第二第三住處。觀師云。合凡聖兩人共作一依。但是初依未得第二第三住處。依增一集初二。二果爲第二依人。初果未得第二第二果未得第三。彰此二果並有未得。同是功用。故爲一依。此解易見。不同諸師。今明若依圓教初依之人。已斷通惑長別三界。豈有第二依未得色無色界住處。若依別教地前初依亦斷通惑。早過三界。不應以色無色爲第二三。亦不應以初果爲一住處斯陀含爲第二住處。第三人相亦三一證相二行相三位相。初證相乃多略示三業清淨。不誹謗正法去是口淨。及爲客塵去是意淨。不藏舍利去是身淨。骨肉所覆法身隱沒名如來藏。今法身顯舍利不藏即是身淨。不論說我者重明口淨。受身無蟲重明身淨。臨終不怖即是意淨。次阿那含者爲何謂去明行相名爲不還。如上說者指第四卷後。不還欲界。乃至不還三界。即是往行。能入欲界不爲二十五有過患所污。即是

反行。往反利物即是周旋。三名爲菩薩去。卽判位相。第四依相亦三。一證相。二位相。三行相。雖不如前次第三義是同。初文云。斷諸煩惱者。殺通別兩賊。明其因亡。捨於重擔者。不受分段變易兩生明其果喪。遠得已利得佛所得。得作已辦者至第十地。學行窮滿是名應供。住第十地卽是判位出其處所。三得自在智下卽行相。得自在智卽自行相。隨入所樂卽化他行相。欲成佛卽成結自在之智。是名四人去。二總數四人自行化他功德。迦葉白佛去。第二明依利益外遣魔邪內淨結業至功妙用利益世間。就文爲二。初教聲聞降。二不教菩薩降。初番有問答。問爲三。初唱不依二釋不依三結。唱不依如文。釋中瞿師羅翻爲美音。佛答爲兩。一然問觀察。二正降魔。佛是外緣內須信智。智照邪非信受正法。於佛尚須信智況復除耶。正降魔爲二。初譬犬合。譬爲三。初譬魔來。次譬魔降。三譬魔退。偷狗譬魔。舍譬佛法。夜入譬正法衰羸弟子起無明爲夜。六卷云賊狗。次其家婢使下正臂降魔。三乘之中聲聞最劣臂之婢使。斷命者五繫繫之魔僞。不行義如斷命。三偷狗聞下魔退。汝等下合譬合上三譬可尋。五繫二釋。一五尸繫二繫五處。五尸表五種不淨觀伏愛魔。五繫表五門觀伏見魔。見魔是偷。愛魔是狗。迦葉白佛去是第二不教菩薩降魔。此章有問有答。問爲兩。初明依法自足。二明何用依人。佛答爲三。初然問。次正答。三贊歎。然問如文。次正答爲三。一法。二譬三結

成。法說又二。初唱兩章門。次雙釋小大。聲聞雖天而肉。不能徹理爲魔所羈。所以須教。菩薩雖肉而佛。遍無不照魔界卽佛。所以不教云云。二譬爲三。初譬佛教聲聞。次譬佛不教菩薩。三譬菩薩教聲聞。初譬有開有合。開譬有三。謂教方便教起念教破敵。初方便中云勇健譬佛性。怯弱譬聲聞。聲聞之人常依附佛。四念處如弓。五善根如箭。神通如稍。五繫如繩索。次又復告言去是教三勝念。不怖是教戒。視他是教定。勇健是教慧。或時有人去是破敵。又爲三。謂魔來魔降魔退。魔無智慧故言無膽。變爲相好詐作健相。邪定爲弓。邪慧爲刀。世技爲器仗。陣中大呼者說五諦六陰十九界十三入等。汝於是等正降如是輩下是魔退。善男子去合譬。但合後兩不合初一。精進堅固合上教三勝念。善男子下是第二不教菩薩。降魔文爲三。初不教降。次釋不降。三譬顯。初聞深經者聞魔界卽佛界。爲此義故不教降也。內乘大乘外憑佛力衆魔群盜如螢見日則失威光。此乃釋其不降之意。臂顯可尋。復次善男子下三譬菩薩教聲聞。有譬有合。譬爲四。一魔化聲聞。二聲聞受化。三四依降魔。四聲聞還本。復能發心魔用通力轉變猶如大龍。無慈善心此譬惡魔攝化聲聞如欲害人。眼視譬神通。氣喘譬邪。說次是故下聲聞受化。見形者觀其變。聞聲者聞其辯。觸身者感其術。喪命者失善根。三有善呪者下四依降魔也。善呪者卽是大乘涅槃中道之法力。四如是等下聲聞還本乃至發心。

聲聞緣覺下合譬備合四譬。先合聲聞受化。次合魔化聲聞。三學大乘者下合四依降魔。四聲聞去合還本進發。復次去即是第三結成爲三。初結爲聲聞。次結不教菩薩。三雙結兩意。三是大涅槃去贊歎文。還贊美菩薩人法。初贊現在人法。次贊未來人法。爾時佛告去。是第三明四依出時。是時爲用非時無益。若佛在世正法猶興。飽德豐道何勞助弘。若佛滅後正法衰羸。無醫無藥應須治救。方假四依文爲三。初佛通說時。二迦葉別問。三迦葉料簡。通說時者。佛涅槃後時通正像末。是通說時。次從迦葉白佛下。是別問時。有問有答。問爲兩。一滅後久近不如法時。二滅後久近如法救時。次從佛告去佛答二。問後四十年者正法八十年分爲前後。即是後四十年。經說不同。一云正像各千年。一云各五百年。一云正法五百。像法一千。或云正法一百。或云八十。蓋由緣有濃淡致說有餘促。若前四十年去佛猶近如法人多。後四十年去佛小遠猶有見佛者。如釋論優波鞠多見年百二十。尼問佛相好比丘威儀。當知後四十年猶有見佛人也。恐是後非法起時多誹謗故。一解云正法五百除四百二十年。取八十年分爲前後。前四十年廣行流布。後四十年隱沒於地。一云不然。佛滅後百一十六年王作大會。異部起計。優波鞠多不能融會。爾時佛法稍有澆薄。豈唯四百六十方沒於地。當知迦葉阿難持法四十年與佛在不異。後四十年去聖日遠已就澆薄。而後文迦葉

問佛去後四十年沒地何時還出。佛答正法欲滅餘八十年前四十年還出過此復沒。正當此言。正道四百二十年後之興沒。又一解佛三十成道。若年十歲人悟道者。至佛滅時其年六十見佛始終能融會大小。於佛滅後四十年秉教如佛在不殊。過此已後不見佛始者。不能整理生斷常計故言隱沒於地。而正道百三十歲者。年者根熟不能匡正。故不言之。問十歲者見佛始迦葉阿難佛得道日生。此不見始。何能持法如佛在耶。答此二人者迦葉是長子。阿難得佛覺三昧。不比餘人云云。次從善男子去。答如法人能拔濟者。文爲兩。先正答。後歎勸正。答又二。初褒貶小大。二正明救濟。初褒貶開譬合譬開譬爲四。一譬大。二譬小。三結貶。四結褒。即此褒中云梗糧譬常。甘蔗譬樂。石蜜譬我。醍醐譬淨。粟稗譬無常等也。合譬如文。二善男子下正明四依救濟。先譬後合。譬有三。一叙小乘化。二大乘化。三小受大化。初文者小乘之人各有眷屬有所王領故言如王。小化者小行偏曲。譬如深山入無爲坑故言惡處。雖有甘蔗憐惜不啖。懼其有盡者小化也。專行小行妨於大道。雖有大教以求有心受持讀誦。譬之慳惜。有所得故譬懼其有盡。二有異國王是四依救濟。以大法統王故稱爲王。車載者事解車載經論與之。又云。以神通化之令大乘弘宣。譬如車載又云。方便智曉令其得解。與皇云。以身弘道譬如車載。今明大行訓之故言車載。三其王得已即受大化。次是四種人下合

譬。但合後兩意。以五種過合上貪惜積聚。爲利是爲地獄有爲名譽是鬼。有以解法增長我心是修羅。有爲依止故是畜生。有爲貿易故是世智辯聰外道業也。次又善男子下歎勸。初歎經。後勸人。王至深山能令深山平坦。譬經至曲見能令曲見正直。地即金剛。譬開小乘理即大乘理。人即金剛開小乘人即大菩薩。迦葉白佛去。第三科簡。時有問有答。問意云。佛滅後四十年隱沒於地。爲當永沒復更興耶。次佛答中云餘八十年者。一云但正法餘八十年在時。前四十年興後四十年已即滅。一解云。正法一千五百年未滅。八十前四十興。後四十滅也。迦葉復白佛下是第四植種深淺以顯四依。夫深經妙義不易可聞。況復當徒開演分擊玄毫指南宣揚卷舒宇宙。非輕慢者所能爲之。就文爲兩。一問二答。初問爲三。初舉惡時。次索好人。三請答惡時有四句。正戒正教雙滅惡人惡法。俱與此四句應是五濁亂時。何者。正法滅是見濁。正戒毀是命濁。非法增是煩惱濁。無如法衆生是衆生濁。時是劫濁。索好人有六句。信曰受。不忘曰持。臨文曰讀。背文曰誦。傳文曰寫。傳義曰說。即五種法師。又是三業。受持是意。讀誦說是口。供養書寫是身。於五濁亂時能三業如法者請答此事。今答爲三。初歎問。次正答。三勸初如文。次正答中舉九河者。舊解云。值一佛發一願下一沙雖值多佛不發願不下沙。雖發心不見佛亦不下沙。雖見一佛多發心只下一沙。雖一發心見多佛亦只下一沙。

以如此數令滿一恒是爲一恒。照連與恒河異者。照連在拘尸城北向小跋提。恒河入東海。四河中大故異照連。若就行者照連但聞而不謗。一恒加有信樂。二恒加讀誦。三恒說淺義。四恒加一分。五恒加八分。六恒加十二分。七恒加十四分。八恒具足一十六分。四恒從惑取解則難。五恒從解取解則易。六恒去更深細爲難。如仕至太尉則易。至丞相則難。此猶難解。十六分者譬如世間一十六兩以爲一斤。仙慧師云。照連是弟子位。八恒是師位。兩兩配四依云云。開善治城云。九恒皆初依位。照連至二恒是初心習種性。三恒至五恒是中心性種性。六恒至八恒是後心道種性。亦極難解。若全稱佛法以爲一斤。則初依人。窮佛法盡至三四依復何所爲若稱初依以爲一斤。此乃自是初依之法。何關佛法。今明照連至三恒爲初依一分。八分爲二依。十二十四爲三依。十六爲四依。文云。具足解盡其味云云。三從若有始發心去是勸也。上說九恒值佛窮至深恐時情抑絕更接引勸之。但令發心。未來必能護持建立。善男子有惡比丘去是第五明信謗罪。前照連已上唯信而已。今照連已有信謗罪。勸福以遮罪。就文爲二。初明罪福因果。次勸福結依。初文明爲四。初謗相。佛是一切衆生師父。入涅槃時人天悲苦。乃至毒藥懷仁無不戀仰。惡人獨言滅快。是一惡也。少欲知足受持禁戒威儀具足。名之爲僧。其皆放捨二惡也。大乘之法寶聖之師。其獨拒逆不信三寶即謗

相也。從善男子汝今應當去。次明信相。自行生於二世之善。化他滅於二世之惡互舉一邊即信相也。從若有不信去三明謗人之報。現身去是現報。命終後去是生報。生生常處去是後報。從若復有人去四明信人之報。本所受形去是轉報障。譬如霧露去是轉業障。如人出家去是轉煩惱障。立誓多種。若作大戒誓。譬十地真解。若作十戒誓。譬地前似解。如純陀中意此中作無戒誓。始自凡夫發心即階十住。雖未斷惑因中說果。即是轉煩惱障。上惡人約三報橫論。今善人約三障豎論。綺文互說耳。二從或有衆生去是勸福結依。此文甚寬不問弟子非弟子。因善因惡但能發心聞一偈者。則近菩提因。貪希利養是因三毒發心。況九恒植善四依功德耶。即是能信始終鑑戒謗者因果。善男子汝應供養去是第六勸供養文爲二。初勸供養。次論義。初又二。初勸供養。次問答。初文者夫四依大益九恒因厚。難可遭遇故勸供養。次問含二意。云何識田云何供養。佛答亦二。初正答。次引偈。初文者建立正法是福田相。河西云。發心持戒受持大乘爲人解說及護法等是福田相。今文但明護法。即衆事當捨身命。是供養相。以重誓輕。次偈者初引事師偈。次引事主偈。二迦葉白下是論義。先問次答。問有領旨陳疑請答領旨如文。次陳疑爲三。初三定。次三難。後三結。從然出家人去是三難。若從昔法皆不應禮。若從今義皆應供養二旨相違是故作難。從如佛言曰去是二結如文。

或言三結取持戒比丘亦名有犯。是結出家不禮在家。二從佛告去答爲二。先略答。次廣答。略文少而意廣。何者。我爲菩薩說如此偈。不爲聲聞。三三之疑皆遣故也。廣答文多而但專明持禮。於破不言有罪。是爲意陝。然答此一條餘二例遣。廣答文爲三。一舉時。二設譬。三結。時中又四。一舉時濁。二明救濁。三和濁。四明無罪。初文云。如我上說者近指前文。前文是迦葉問詞。被佛印竟即成佛說。正法滅是見濁。毀正戒是命濁。增長非法是煩惱濁。一切賢聖隱是衆生濁。受畜不淨是劫濁。次從是四人中去是救濁。即能救濁者。此人出世撥亂反正使人之濁不濁。三見諸比丘者。是惡濁之徒。不料治者且和濁光未得機便。四善男子去結無罪。如此破戒。若年少若在家應須禮敬供養。次善男子去設譬又二。先譬次合。初譬文爲三。一爲時作譬。二爲同作譬。三爲糾作譬。此中既釋持毀。又開大小乘。故須此事以消其文。乘法主如國王。緣盡謝世如崩亡。儲君譬傳化弟子。照連一恒植善淺薄故言穉小。此譬正法毀滅之時。旃陀羅者破法身慧命之種。多饒財寶者惡業增長。多有眷屬者破戒徒黨。篡居王位者破戒統治。此譬破戒增長非法盛時。國人居士婆羅門者譬三種持戒之人。上品遠離故投他國。中品不遠不同故言不欲眼視。下品不能自移故言如樹。又樹譬上品。如童子不遠而能匡正。此譬一切聖人隱不現時。守遵諸道去明其作威作福。守遵諸道譬惡比丘

置立制網塞持戒路。七日擊鼓警立制網開放逸門。灌頂師者。外國登位使七世素貴。盛四海水灌於王頂。是曰國師。如此間授璽稱尊號時。警惡衆中求羯磨師和僧三唱是事如是持。分半國者烏迦準此僧正。健和吒準此僧都。互相羯磨乘提門徒皆無來者。警持戒人恥入惡衆不共同事。復作是言去再作威福非法轉盛。若不肯作羯磨師者。常舉破戒者爲主。甘露不死藥者名聞利養安身之具。是因此等皆警非法盛時。二爾時有一婆羅門子去是和同警文爲四。一童子受慕。二王大歡喜。三諸人瞋怪。四同事日久。婆羅門者淨行也。童子者因位也。弱冠二十盛時。二智英勇淨行戒也。長髮慈也。善呪巧慧我昔爲之同事也。次王大歡喜。喜惡化無遷。諸人瞋者是不見機持戒者嫌也。三從爾時童子下爲糾作警文爲二。先治惡次立善。治惡文爲四。一相研定。二求取大法。三弘宣大乘。四正作擯初研定者。我捨家法息大乘持戒。來作王師者作破戒衆主。教王微密者元令入大。此意不彰故云微密。次童子答言下是求大法。不死藥者佛性常住之理隱在破戒之下。言不知者惡障妙理則是不知。言持去者不惜破戒之衆任汝開化。三是時童子去攝來大化也。請諸大臣者警其來學者也。諸臣自王者迷徒得悟傳化者也。王語師言者生信求解。四爾時童子更與餘藥者。依律苦切對治訶責。王既服已受治屈折。藥發悶亂者推尋事理生重憂悔。方乃自知佛海死尸。

前大臣自王者上根悟也。王求藥者中根悟也。問絕者下根悟也。次從爾時童子立本儲君去。是立善人中又爲四。一立善。二驅惡。三無犯。四旁熟。初文云立本儲君者。大乘本體還得統立也。師子御座不應升者第一義空與破戒者不相應也。治國理民者破戒亂常擾善機民。次爾時童子復以解藥去更說實相懺悔之方。驅出國者廢小乘中分別決定若持若犯之領域也。三四如文。次從善男子我涅槃後去合臂也。但合二不合時。此初合和同。以方便力合上我捨家法也。與破戒等同其事業者合上來作王師。釋論明四種僧。破戒僧名同。難僧應是畜不淨僧。有差僧應是假名僧。從爾時菩薩下二合糾治破戒也。八不淨者。謂畜金銀奴婢牛羊倉庫販賣耕種手自作食不受而啖汚道汚威儀損妨處多故名不淨。從爾時菩薩雖復恭敬去是第三結成。又二。初結有罪無罪。二結但爲菩薩不爲聲聞。初中云雖恭敬去明持體毀無罪。雖受不淨是亦無罪。何以故去釋無罪意。從以是因緣去明持受毀供養亦無罪如文。次明若乖此說則有罪。若乖此心則有罪。次從善男子我於經中者結爲菩薩。又二。先引偈次判云。迦葉白佛去第七科簡爲三。先問答。次約法簡。三領解。初中有問有答。問爲兩意。一問緩二問失只應是一問。佛有兩答。故爲二。問佛言去答也。先答失不失。後答緩不緩。初答不失中先法次臂。初法者律中解云。若破戒者體解俱失。數師云。戒體常在但是污戒。

下文云。失與不失悉是戲論不解佛意。今經明四依示同破戒故無所失。次善男子如毘塘下臂也。又二。先臂次合。臂中又二意。無治則漏。治則不漏。犯已懺悔則不失。不懺則失。大合二臂可解。當知菩薩不同毘塘。次於乘緩者答第一問。舊云聲聞急戒緩乘。菩薩急乘緩戒。有人云。乘如網戒如目。提綱則目正。得中道本戒則自圓。今明不爾經偏舉菩薩急乘緩戒。若具論者聲聞菩薩各有四句如別記。次約法簡又三。初約福田簡。次約智簡。三天眠。簡初福田中三。法警合云云。問下梵行使平等施與此相違。答各有其意。此中明四依故簡其僞。梵行明慈心平等故不分別。又此中誠福田。梵行誠施主云云。二復次善男子如迦羅下用智簡。先臂次合。六卷云迦羅治牢皆不見翻。但知是甘露二果臂於持犯。女人臂凡愚執事。小兒臂無智施主。問何處得果者推其根本。笑而捨去臂知僞棄之。善男子大衆下合臂。受八不淨合迦羅迦。不受不淨合鎮頭迦。持毀共住合二果同林。有優婆塞據教問次引祇洹爲證。次不許同住等合智者問。從若有受者自毀誤人合上笑而捨去。三從臂如城去約天眼簡於中二。先臂後合。雪山臂涅槃常住妙理。藥臂依涅槃立清淨行。賣藥人臂姦狡執事。雜藥臂毀者不別。不別者買臂無智施主。迦葉去合假名合雜藥。眞僧合妙藥。肉眼合不別者。天眼乃能別天眼非但別僞因不應禮施。復能見果不應禮施。三迦葉白佛是領解。初稱歎次頂

受云云。從如佛所說去是第八會通。昔依四法今依四人。文有問答。問又二。先舉昔依次請會。初昔依者然阿含中出次第。依法不依人。依了義不依不了義。依義不依語。依智不依識。與今迦葉所列次第有異。梁武云。此文爲定諸法師云。今經出昔依以阿含爲定。或言出經者誤。或言於昔雖了望今未了故了義在後。今且釋阿含次第者。昔人無常故不可依。以法常故。故法可依。法有小小大法了義是故須依。語若生著故不須依。了語下義義體無著。是故須依。識著智解是故依智。從如是四法非四種人正請會通。次佛言下答又爲二。先別會後總會。所以別會者。正言今依人與昔依法二言相反。故偏須別會文爲四。初會人法依法即是依人。二明昔不依人者不依無法之人。三明今依人者還是有法之人。四舉下況上。初依法即依人者人法不異。與皇言。昔以法簡人結還依智。今以人簡法結還依人。昔人既破昔法亦除。今人既存今法須取。但今人法不二。昔人即聲聞緣覺豈依此人。昔法即方便半字。若不悟者亦須破法。若了悟者不除此法。次若復有下明昔不依無法之人。三如上所說下明今依有法之人。又爲四。一唱應依。二釋應依。三歎德。四釋歎四。若有人能下舉下況上。明外凡能知佛常不爲利養所轉。尚復可依。況於四人而不依耶。次從依法者即是法性去總會四依。又三。初就今教會二舉今昔相對會。三結會。初文又二。先會次結。初還依問次第會之文。

自爲四。初依法爲三雙。一雙標二釋釋。三雙結。初依法者即妙有之法。不依聲聞之人。即雙標也。法性者即如來。聲聞者即有爲。是雙釋也。雙結可尋。次文二。初會依義者。覺了即般若。不羸劣即法身。滿足即解脫。昔教解脫具則無身智。智在則解脫不滿。又不得是三寶。次不依語下又二。先明無理之語。後明亂正之語。初文者如佛所說。貪求無厭去有二解。一云此是佛說外道經中之言。二解是佛自說經生凡夫之過。不得依此爲行。次又復唱言下是亂正之語。三釋依智不依識。若知法身是常即是眞智。若言無常即是識著。四釋了義爲三。一標宗。二歷法。三辨宗。初約一大乘兩緣來望爲了不了。次又聲聞下是歷法有五雙相對。大小常無常大小所說食不食滅不滅可尋。三聲聞乘下辨宗。初辨小後辨大。各有標釋結。次如是下總結。復次依義下第二今昔相對會通釋前兩依文句相涉。人謂但三文爲三。初兩依共釋。次釋第三。三釋第四。初共釋爲三。一釋依義兼明依法。次釋不依人。三釋不依語。此初第一偏明依義。次此後即不明依語。但語勢相仍。仍明不依人。又明依義即是依法。是故無別依法之文。但有不依人。此即第一偏明依義法者名。常下釋法也。後具結二種。若有說言不可見下釋不依人。若復有人下釋不依語。依智者下二別釋第三依。依智不依識。所言識作識受無和合僧者但有識著。因受識著之果皆是生死。則無常住一體之僧。三依了義者別釋。

第四依。明了不了。若言有四緣得者八不淨。即是了義。一無檀越。二時饑。三建立。四淨施解者不同。一云具此四緣方乃得者。二云隨一皆得。三云前三一一皆得者之。但須淨施淨施一事既不可無。是則皆須二緣得者。若說有時非時皆聽者。爲不了義三分即是三藏。我爲肉眼下第三結會也。或時肉天兩眼相對。則是障內外。或法慧相對。此論照眞俗異。今以肉慧相對者。此論凡聖之殊。大般涅槃經疏卷第十

### 大般涅槃經疏卷第十一

隋章安頂法師撰

唐天台沙門湛然再治

#### 邪正品

邪者魔也。正者聖也。邪魔多種。謂邪惡邪俗邪偏邪漸。邪惡者闍提謗法四重五逆十惡四趣等果是也。文云。聽畜八種不淨即謗佛。執九部經謂無方等即謗法。若欲行淫應脫法服。即犯四重。此等名爲邪惡。邪俗者通謂二十五有。因緣煩惱業陰天魔等是。文云。依因父母愛欲和合生育是身。愛即煩惱是身即陰。以有漏形作無漏身即是天魔。往昔苦行即是業等即其義也。邪偏者謂聲聞緣覺。無常苦空邪曲涅槃等是。文云。如來無常變異宜說無我即其義也。邪漸者謂分別歷別棄捨二邊別求中道。亦三昧魔苦提心魔等。

是。文云。如來於諸外道邪論無所知。於世間湯藥無所知。無所知故故名如來。於刀割香塗不生情愛。唯能處中故名如來。即是其義。正者名聖。聖正多種。謂執正善正真正方。對於四邪以論四正。四邪既出於文翻邪即正不俟更論。此四邪四正即四悉意。邪惡尤重衆邪之根即世界也。邪俗之邪爲清升者。立此名字即爲人也。邪偏偏破生死入涅槃即對治也。邪漸所到之處即是常住。從歷別門立此邪名即第一義。正亦如是執正是魔是欲界主執正。欲界即世界也。善正是世間之善。爲成衆善即爲人也。真正是出世之法。對破世間方乃名正。是次大衆能到實相實相即第一義。通達邪正其相如是。今經所指兩法兩人。謂魔經魔律。持魔經律是爲四魔。此意則寬該前諸邪正亦四種佛經佛律。持佛經律是爲四正。則冠前四正從此立名故言邪正品。此品答前迦葉問。云何知天魔爲衆作留難。如來波旬說云何分別知。然四依有廣大之德。邪正有分別之能。雖二義相成。而四依答廣大邪正答分別。兩品備有形聲兩僞。而前品多明形亂。後品多明聲亂云云。文爲五。一略明邪正。二廣明邪正。三論義。四領解。五述成。初略中有問有答。問則牒上四依。答則出邪三寶。魔即邪佛所說即邪法。受持者即邪僧。如百論迦毘羅自謂爲佛所說。弟子等爲此惑亂須上四依。迦葉白佛去。二廣說邪正。有問有答。問中雙問邪正三寶云何分別如文。上問云何知天魔爲衆作

留難。是問形亂。如來波旬說云何分別知。此問聲亂。今問魔及所說即上兩問。而言隨魔行者即是徒黨還隨魔作形聲兩亂。廣答文爲二。先答形亂。次答聲亂。初云七百年者正法。千年。由度女人減五百年。六百七百人像法時。摩耶經云六百年馬鳴出。七百年龍樹出。是時魔盛。即有四依。魔有有漏通。能變爲四部四果及佛色像。猶如獵師外被袈裟內懷殺害。魔亦如是。外爲聖像內挾邪謀。夫無漏在心不在於色。云何言作無漏之形。聖人有無漏威儀亦是無漏五陰故魔學之。從是波旬當作是說下。二是明聲亂文爲五。一亂佛身。二亂結戒。三亂佛德。四亂經律。五亂罪福。初亂佛身者。又四。一亂生。二亂行。三亂入廟。四亂納妃。初文者若言實生是魔說。言不生生是佛說。次就行中亦應例爾。今不爾者。明不行是魔說。行是佛說。何者。魔邪常欲隱佛之德顯佛之過。名亂佛行。入廟納妃皆如文。從佛在舍衛去。是亂結戒如文。六十四能者。佛有三十二相。外道夸毘謂倍勝佛。故云有六十四能。又佛有三十二相并業。外道攀對求等故立六十四能。三從若有說言去。是亂佛德。此中明佛不知好惡不別冤親。刀割香塗悉不欣惡。如即人云刺眼不胸。此以癡意亂德。四從若有說言如來爲我者。是亂經律。初通就經律作亂。後就常無常作亂如文。五從復有人言去。是亂罪福。文爲三番。初明正。次明邪。三更明正。初比丘自知非聖。答云非聖是則無犯。次從復有說言無波羅夷

去是邪。三從若復說言於諸戒中去。更明正。若過一法者。說戒時最初問清淨不。三唱不答。即犯妄語云云。一切衆生雖有佛性要因持戒者。佛性是正因。持戒是因緣云云。迦葉白佛去。是第三論義。文有三番。一論佛性。二論過人。三論夢覺。初番先問云云。次答中。如來或說我。或說無我。是名中道者。中論云諸法實相中。無我非無我。我無我皆是假名。言我是假。言無我是實。非我非無我即是中道。次第二番問答先問次答。答中先明犯。次明不犯。後重明犯如文云云。第三番問答中。一。先問次答。夢淫無罪寤已應悔。若寤已贊歎得罪大品中意亦爾云云。摩訶楞伽此云赤色。與下文被服赤色相違云何通。解云。下文說未制戒時。此中說制戒後。又一解。赤亦多種。大赤則遮如乾陀。輕赤此則不遮云云。迦葉白佛去。第四是領解。第五述成

四諦品

此品。答上云何諸調御心喜說真諦。舊云佛昔隨情但說有量四諦。止在界內聖心不暢。今緣常住說無量四諦。出三界外故佛心喜。亦名有爲無爲四諦。亦名有作無作四諦。今問。有量出分段不出變易。無量亦不出變易。不出既同俱是有量。量與無量是對小大兩緣何足爲喜。又有量是有爲者。那言三是有爲。一是無爲。若爾有爲義不成。若無量是無爲者。那得猶有變易生死。解言。不爲分段身命所爲故言無爲。不無三相。若爾實非無爲。無爲不成。無作亦壞。勝覺雖有此之名教別



爲一緣。不得用彼無量四諦釋此經文義不相會。舊又明五時四諦初時約事如苦是逼迫相云云。第二時至第四時約理。如五受陰洞達空無所有。是苦義義即是理。解言。入觀之時亡名絕相無此四事。藉四方便故言四諦。如見諦入真無八忍八智但緣一滅。言忍智者。從方便爲名。爲此義故四時不明佛性。佛心不喜。第五時以智爲諦。文云無苦而有其實故說佛性。佛心則喜。今問若還是前有量無量已如前難。若非有量無量復是何諦則無別名。既無別名則無別理。復何用此以釋今經。今明此品與聖行品有同有異。聖行具明四種四諦。今文但明一實四諦。其相云何。佛性實相遍一切處。能於四事明了實相乃可稱諦。若不了者倒而非諦。經有明文何須致惑。謂知如來甚深境界常住不變。微密法身。名之爲諦。此乃且舉佛果爲端。實通一切畜生地獄陰界諸入。悉了常住法身不。變名苦聖諦。於不淨中而生真智。不壞正法名集聖諦。於斷滅中識如來藏名滅聖諦。明識三寶及正解脫名道聖諦。諦非四數約四了諦故名四諦。如來出世元爲說此。覆相今開塗乳獲洗故言心喜說真諦。從此立名故言四諦品。文爲二。初明四諦。二領解。初四諦卽爲四章。章章各六。但有次第不次第之殊。苦諦六者。一明惑。二明惑果。三明解。四明解果。五結解。六結惑。一卽是四四卽是一。名不思議。此文明矣。初明惑又兩。先直明苦。後不解故苦。下明苦有三種。一是苦非諦非實。二是

苦是諦非實。三非苦非諦是實云云。當知是人必墮下是明惑果。若有能知下是明解。若一經耳下是明解果。若如是知下結解。若不知下結惑。次集章亦六。次第如前此初明惑。以是不知下明惑果。若有深智下明解。以是因緣下明解果。又瞋昔迷舉非顯是。若能知下結解。若人不能下結惑。次滅諦章亦六。次第小異。初明惑。言多修空者。一是二乘沈空二是外道撥無。卽是多修空。次修苦滅者是明解。亦應言逆聲聞而偏語外道。有二義。一前來以訶聲聞。二聲聞乖理卽是外道。若有修習下明惑果。若有不作下明解果。若能如是下結解。若有不能下結惑。道諦章亦六。還如前次第。但後結小異。初卽明惑先出所惑。次正明惑。以是因緣下明惑果。若能發心下明解。乘此一念下明解果。若有人言三寶無常下結惑。若修是法下結解。實結道滅。言四諦者。道滅是四諦之後當於第四。迦葉白佛去二是領解

#### 四倒品

倒者惑也。上云醉人眩亂日月迴轉。況顯惑義但倒數不定。或一二三四八乃至衆多。一者只是無明虛妄羅籠自繞。二者是見想取著而致毀傷。三者癡心心倒狂狎想倒分別見倒。四者常樂我淨僞無實。八者無常樂我淨非倒非諦。從解惑因緣而說倒諦。先佛出世破倒之教遺法在世。時去聖遠執字亡旨。不知方便藥變成毒。卽起常樂我淨四倒。佛

初出世投無常藥而倒瀉之病去藥存執之爲是。迷佛方便起無常等。佛觀是病應用常等以治其病。若後末世常等爲病。傳付後佛乃能治之。通亘前後皆名四倒。若治常等則如昔教。治無常等如哀歎品。此品但明迷惑之病。若其解病卽能解藥。離倒無諦。緣宜別說。故明四倒。文明八倒以四題品。經家從略就合爲四。今從合題者欲對四諦使相成故。近論三品相成。魔說佛說總論邪正。四諦別明正解。四倒別明邪惑。若但解諦倒者如偏識人。入單知机人非具足知。不名正善具成就。不能作善業。雙解邪正倒諦俱通。卽是正善具成就。能作善業業者卽如來性。次第相成合爲四倒。其義則便故言四倒品。文爲二。先明四倒。後領解。初就四倒。卽爲四章。初章爲三。一出苦境。二出苦體。三結於佛果非苦爲苦此卽是感應招苦報。遂言是解卽是苦中生於樂想。無常變異者謂佛行苦。捨身入滅謂佛壞苦。彼言如來是常謂爲倒。無常謂爲諦。我若說言下。正是倒心樂生苦想云云。無常常想卽第二倒。境中雙舉二想。體中偏釋一想。上已雙舉不欲煩文亦出倒境。後明倒體并結可見。所言不修者。卽是不修般若空慧。後二倒可尋。第二領解又二。先領解。後述迷。別論取撥無因果名邪見。迦葉久無通取一切倒心爲邪。迦葉猶有云云

#### 如來性品

此題不標佛而言如來者。允同三世。三世諸佛皆初號如來。又舉初以標後。又如名不異

破諸異計。又如來即佛即如來。故言如來性品。四悉檀云云。又如來是極果之勝號。性至理之本名。非但極果名曰如來。衆生本性亦名如來。又如來擬果。性擬於因。雖因果雙列。意在於因。故言如來性品。又果之本性性隱難辨。舉顯以目隱。故言如來性品。又性理含藏備種種性善惡三乘。舉勝劣故言如來性品。又如來名通。夫有心者悉未來如來。四依開士猶如如來。十方諸佛同稱如來。就一佛之上有化應報法皆稱如來。今文中。正辨如來藏之如來。二十五有悉皆有我。以我同故故名如。以如示人故言來。常不可壞名之爲性。從此立名如來性品。當知此如來藏即佛性也。諸師解藏義不同。論師言佛果在當。即時未有故名爲藏。又言佛性衆生心神。心神自能避苦求樂。即是心神。開善云。六法是佛性。義皆不然。此品以如來自性。不以心神。不以六法。又如來藏隱。心神六法皆顯。又如來藏常。心神六法遷變無常。與如來性全不相關。今皆不用。地人云。惑覆於理名之爲藏。是義不然。私謂非無一邊但不與此品題合。彼以惑與理異。故惑能覆理。今依經一切諸法中悉有安樂性。那得無性之惑覆於無惑之性。不會經旨故不用也。私謂非但惑性相即。一切何所不收。涅槃何法不在。一切衆生即涅槃相。一切國土即涅槃相云云。又論人云。當果爲性此即在外。六法爲性此即在內。地人云。惑覆衆耶此亦是內。與皇云。非內非外偏據正性。地人偏據本有。論人偏據

緣了。復據當果性果果性。悉爲經詞。如盲觸象不會玄旨。今明四句平等清淨無爭故名爲如。以四悉檀巧示衆生故名爲來。常不變易故名爲性。豈獨一法爲藏性耶。又人執云。如來藏者不得不有。是義不然。佛性非有非無。非亦有亦無。非非有非無。那得獨言是有。雖非此四有因緣時於一門中作四悉說。故言如來藏者不得不有。以有接斷。以有破常。以有令悟。悟佛性時佛性非有三門亦爾。云何執有而害三門。如人問橋多爭何益。今明佛性其意若此。若得此意。亦在本性中間極果。亦隱亦顯亦外亦內。如經舍內金藏大小不知。善能掘出宗仰是人。即其義也。問藏性理三云何同異。答只是一義。若欲分別理惑合論名之爲藏。全不論惑稱之爲理。不可改變稱之爲性云云。有師。生起五譬。初問二十五有有我耶。佛舉貧女藏答。明其有我但隱而不顯。若爾何不早說。佛舉毒塗譬之。由常病未歇不得洗乳。前後兩病就衆生論。隱顯塗洗就佛教論。若爾衆生等有何故六道區分升沈頌異。佛舉因闕失珠。致有悲喜不等。若爾何故闕耶。佛舉甜藥真正停留在山。寡德所招流乎鹹酢。若爾真味不變誰能毀傷。若巨毀傷則無殺罪。佛舉利鏹能穿石砂不損金剛。如佛不可害與心逆罪。性不可毀毀陰得罪。然一答可解何故聯關。只爲佛性難明。須萬斧劈樹。生起五譬是彼之巧思。故今存之云云。然此一品答上兩問。初答云何作善業。次答能見難見性。此兩相成只由善

業能見於性。性由善業。業始性終從終題品。論人解。善業義者假名行人能御善惡。御善則陶練心神得成正覺。中論人問。生死中有假人此人是佛性不。彼答不得是佛性。即並亦不得是我。既其無我誰御善業。又汝明假者是不自在。我是自在二事相害。地人明。法界之體有善惡用。體用具足在妄惑內。如土覆金無能沮壞。妄惑若爾此用無用何能作業。今明此義如經金藏不可見者。是時不能作於善業。掘出藏已何須善業。耘除草穢。小乘運作非是善業。異人方便示子金藏。於舍掘之。正是能作善業之義。若約六位。初位不能。後位不須。中間四句是作業位。若約四句。隱不能顯不須。亦隱亦顯正能作業。就答善業又二。一明佛性爲善業作緣。二明佛性正起善業。初爲善業作緣又二。一明業緣。二論義。初業緣中復有問答。問近從四倒品生。一切世間雖說有我。不名佛性。出世真我名爲佛性。是故與問。二十五有若定有我。有則非有。若定無我誰作善業。故言二十五有有我。不耶。佛以兩譬答之。初譬則明本有不可見。次譬不即得說以釋疑。初譬中有法譬合。法說爲兩。一本有二不可見。然佛性非本非當爲緣說之。次譬文爲四。一譬本有。二譬不可見。三譬緣感。四譬顯說。初文意者寤乏緣了。故言貧。有能生力故言女。樓託五陰故言舍。有正佛性故言金。此性包含故言藏。此性廣博故言多。次家人大小不知者。舊解四果聖人爲大。三界凡夫爲小。此皆不知。中論人云。

但菩薩爲大。但聲聞爲小。亦皆不知。今明人天爲小。析空二乘爲大。析空二乘爲小。體空二乘爲大。但聲聞聞爲小。但空菩薩爲大。但空菩薩爲小。出假菩薩爲大。皆亦不知。三時有異人去譬緣感。於中問答。先以小道逗之。故言除草穢。緣不肯受故言不能。若示子金緣爲化力。欲先於人。我亦欲見。即是後已。四是人即去顯說三合。譬有二。先合次帖。合可見。第二譬爲二。先譬次合。初譬爲四。一明起有我病。二說無我藥。三邪我病息。四真我教興。意同哀歎。彼譬顯此譬隱。舊解女人良醫凡四師說。一云女譬法身。醫譬應身。二云女譬實智。醫譬權智。三云女譬前佛。醫譬後佛。四云女譬佛智。醫譬緣緣。上文貧女譬衆生身。此女既不言貧用譬佛智勝應。生有一子譬於衆生稟教生解。以解微故故言嬰孩。著邪常故故言得病。次是女愁惱下。譬說無我之藥又三。一佛智觀機。二得機設化。三斷邪我。初文者權智起悲故言愁惱。竟無我機故言求醫。次良醫既至即得機施化。設三種藥譬無常三修。三因告女人下。斷邪我教。此中乳譬真我。真我非時故言莫與。苦味塗乳者譬以無我覆於真我。如苦與甜其性相違。前合三藥中何故復有乳。此亦是無我苦味與常相違。三其兒渴之下。譬邪我病息。先明病息。次明藥消。真我緣起故言渴乏。我無我相違故言毒氣。無我治邪。邪消藥息故言藥消。四母乃洗乳。譬真我教興。又四。一爲說。二違情。三重說。四受行可見。次如來亦爾者

合譬也。但合二藥。不合二病。本意疑於我無我異。是故合藥。治病是旁是故不合。哀歎亦爾。問隱名如來藏我是佛性者。一切衆生有我性耶。答一切衆生皆悉有性。未即是佛。是故有我未是我德。何者人別法通。法通故有性有我。人別故非佛非德。問法是人法昔既無別人。法是誰法。解云。法屬法性云云。迦葉白佛下。第二論義問答。初問者前明二十五有有我。今難此義初總唱無。次何以故下。別作十二難。合爲四意。初四難約果。次兩難約因。三四難又約果。四兩難難處。初爲兩雙。謂始生終沒差別勝負可見。次因難又兩十惡等是約惡因。酒後是約惡緣可見。三重約果四難者。一據苦果。二據苦緣。三據忘失。四據憶念。四責處兩難。初難別在何處。次難遍在身耶。或可但作六雙爲十二難。或可十難難現用。二難難處所云云。二佛告下答也。還酬十二難。初舉兩譬答現用。後利鑠譬答覓處。所言現用者。其難真我若常應無生滅。次差別勝負難。佛答意實有真我爲瞋癡所覆。不能得見故有終沒升沈。前譬得而失。後譬失而得。但此妙解凡夫未得那忽言失。此是理數之言。應得不得故言得而復失。得無別得還得於失。失無別失還失於得。得無所得失亦無失云云。於初二譬中。初譬三意謂譬合結。譬爲四。一本有性理。二遇緣起惑。三根緣扣召。四聖應破惑。初文中。言王家者佛所統處。力士者譬衆生有能降魔制外之用。故言力士。肩問者中道也。金剛珠者。或言理或言

解或言理。解圓淨不可破壞如金剛珠。次與餘力士者。即遇緣起惑失本有理。又二。一起惑二失理。初文餘力士者。天魔外道諸惡知識云云。角力相撲者。斷常乖於正觀。正觀破於斷常。故言相撲。以頭觸之者。乃以身見觸中道解。次其額上珠下。明失正理。沒在斷常邪見身中。三其處有創即是機緣感苦。二見傷正解爲創。舊云感生死苦果爲創。即命良醫機召於佛。時有明醫即聖智達知失理招苦。即便停住者明失非失。四是時良醫下說法破惑又二。初譬偏說。次譬圓說。初偏說者無我捨邪如就覓珠。力士驚答譬稟教作於無我之觀。從迷得解故言驚答。將非幻化即無我觀。爲何所在即無常觀。憂愁啼哭即是苦觀。此爲說偏教。次是時良醫下。譬說圓教又爲四。一爲說。二不受。三重說。四即受。譬說佛性一往不受也。初文中。言皮裏者隱斷常中。影現外者。舊云。當果在當。與皇云。佛智默照。今明。性理虛通遍一切處。是影現於外。次是時力士下。是衆生不受。舊云。皮裏譬現在。筋裏譬未來。若在現在。何不破惑而出。若在未來不應可見。與皇云。惑輕曰皮。惑重曰筋。三時醫執鏡去。是如來重說。鑒譬圓經。照信心面。文明理顯信諦明了。四力士見已。即是信受。次善男子下。合譬但合三。不合第一。初合第二遇緣起惑。譬中有二。今唯合一起惑。合相撲。次故墮地獄下。合第三招苦感失。此中併得通答前十難。三如彼力士。合第四聖應說法。初合偏說。前有佛說衆生作無我

觀今但合後意又二。先令作觀後明不知。中有魔譬正合也。譬如非聖下。是雖觀無我亦不能解。何者若解真我方識無我。既不解我所以無我不成。先魔譬後合也。次如來如是下。合爲說圓。前譬有四但合後二。此初合第三如來重說。是諸衆生下。合第四信受。先合後舉譬帖。正合中先明有惑時不信。後明除惑時信受。第三結歎不思議。次復次善男子下。雪山甘藥譬。舊云。助答上問。觀師云。譬失而復得。開譬合譬。開爲四。一失。二得。三重失。四重得。初明失中二。初理性。次辨失。初文者雪山譬衆生身。一味藥譬中道不二。故云一味。此理能除倒惑故名藥。名曰樂味。其味極甜者。教理相稱即是教樂理甜也。次在深叢下者。明煩惱覆所以失理。煩惱深遂倒惑交加致使不見。次有人聞香下。是第二明德又二。先少分得。後具足得。初分得中云聞香者。一云依經信知故言聞香。二云十住菩薩見未明了故言聞香。過去世中下。第二明具足得。即是前佛已證此理。造作木筒者。即是說教。譬十地了因以因承果故言接藥。在在處處者。過去生生修十地因。從地流出集木筒中者。因果相應了因克正故言流出。三王既沒已下。重明失。即是前佛去世衆生縱逸構諸煩惱致使失之。六味譬六道。本味真正從起惑後流入六道。或醉或醺是藥真味停留在山。譬衆生身正性不異。隨六道流是故有異。凡夫薄福加功不得者。譬有著心苦行禪慧求覓真理而不可得。亦譬種種掘鑿

欲覓性理了不相關。四復有聖王下。重得。即是今佛復證此理。善男子下。第二合譬但合兩失不合兩得。此初合有理而失。前云在深叢下。今合爲煩惱叢林所覆。前次譬云人無見者。今合云無明衆生不見。以煩惱下。合第三重明失。即是或醉或醺。正酬前勝負差別之間。佛性雄猛下。第二答前十二中後二責覓處所之間也。前有別總之責。今正答總問。雖約五陰論有此性。而身可毀性不可毀。身是性之住處。身家之性即是佛性。性家之身無非佛性。又二初二正說。次論義。初正說爲三。初牒不可壞。次廣辨。三總結。迦葉白佛下。二論義有問有答。問者。前云佛性雄猛不壞應無殺生之罪。次佛答爲二。先法次譬。初法爲四。一云。五陰可殺故成惡業。所言住五陰中者。他用六法以爲佛性。非解此文。六法只是五陰。何容五陰住五陰中。衆生還住衆生之中。若用心神爲佛性者。心是四陰是則心神還住心神。他解。當果爲佛性者。當果繼屬衆生。故言住五陰中。當果若有復非當果。當果若無何所繼屬。地人以梨耶爲佛性爲惑所覆。釋此乃便復當前難。若有佛性即生之日便應有知。今用下文釋之。佛性不即六法不離六法。不即故不如諸師所解。不離故言住五陰中。實理言之佛性豈應有住不住特是爲緣。作此異說若定執此妨前後文。畢竟清淨寧有內外當之與現住不住耶。私謂此說終窮。又五陰中者。約五陰論得有此性不約草木。私云。作此說者仍挾方便。次以業因緣

下釋疑。疑云。或謂唯應殺墮地獄。那復得有二十五有。故今釋云。業緣不同致諸趣異。三非聖之人下。簡諸外道。自謂得聖計我不同。四出世我相下。明正我相。二復次善男子下。譬也。又二。先譬。次合。初譬爲二。先爲五陰可毀作譬。後爲佛性不可毀作譬。初譬中云。善知伏藏者譬能殺人。利鏃譬殺具。多殺於磐石砂。鹵等。次唯至金剛下。爲佛性不可毀作譬可見。次合中唯合不壞。從善男子方等經者下。是第二章。正明佛性能起善業文爲二。初明作善業。次論義。初文者有人云。佛性能起。起於正道所作善業。今觀前譬。佛性但爲善業之緣。今文明以佛性教作善惡業故喻喻之。從迦葉復白佛去。二論義。初雙問甘露如文。次佛答爲三。一明愚智二人。次明一體三寶。三明中道圓觀。妙解次第相生由智不惑。教誡一體三寶妙觀得成能作善業。愚者反此善業不成。初約愚智中三。先佛更微問。次迦葉答。三佛爲釋。釋中初有七行半偈。又二。前四行半雙辨愚智。次三行偏明智者。初文兩譬兩合。前一行同服甘露有夭有壽。次半偈同服毒藥有死有生。古來三解。一云。同稟大乘有得有失。後譬同稟小乘有得有失。二云。約師弟。師說大乘無得之教。弟子解者爲壽迷者爲夭。小乘師說有得之教。弟子作大解爲生。守小教爲死。三者只是一大乘經。於其得者作甘露名。於彼失者作毒藥名。又只作一甘露名。說其稟行者有得有失。只作一毒藥名。說諸有稟者有死有死。反覆相成。

今明於其失者俱名甘露及以毒藥。保愛染著名為甘露。傷毀破壞故名毒藥。於其得者俱名甘露亦名毒藥。入理生善故名甘露。顯體破惡故名毒藥。具此二義名善業教。諸文之下各有合譬。尋之可見。譬如癩人服藥。病差解藥還醒。譬學無常苦空斷惑。知是大方便即入摩訶衍。從聲聞及緣覺下。偏明智者皆約人辨。初約二乘。次約菩薩。後約衆生。似約三諦而作善業。菩薩即中增進善業。二乘即空而中以作善業。衆生即假而中便作善業。故舉三人意或在此。從迦葉汝今當去。第二辨一體三寶。然昔初教舉非顯是破邪歸正。明別體三寶此義易知。前長壽中明護法。舉法歸依諸佛已成一體三寶不許歸別。歸別體者歸戒不具。今文勸歸己身當成一體三寶。顯於自體成善業。故又免魔縛各有所據。就文為三。一勸。二論義。三領解。初文中云善分別者。勸令分別己身之中一體三寶。先勸次釋。初如文。次若能諦觀者釋勸也。得入祕藏者。即生理善甘露之義。是人已出世者。即是破惡毒藥之義。二俱有得即此明文。又知我者是佛寶。我所者是法僧。二寶雖無異體義說為三。又佛覺法不覺僧和合。於一佛性說此三義。二爾時迦葉下。論義有二番問答。初併不受。後併歸依。佛皆不許。初問有十偈為四。前一行半唱不知。次兩行問昔別體。三四行半問今一體。四兩行結問請答。就初總云不知。次無上者別不知歸佛。無畏者不知歸僧。云何作無我者不知歸法。次云何

歸佛者。兩偈問昔別體為三。此半偈問佛寶得安慰者如前四相中說。次一行問法。三半行問僧。轉得無上利者。如前波闍波提供僧得佛法功德。僧是傳法之人故言轉得無上利。三云何真實說下四行半問今一體中又四。初一行半法說。未來若不成去。己身中隱三寶未來當成可得歸依。若其不成為可依不。不如次第依於別體。無預知者無預約自照。次第約從他。次云何未懷妊一行三句是譬說。懷子譬解。懷子必十月。十月譬十地。若有解者十地若滿可得成佛。若無解者徒自萬月亦不成佛。三衆生業亦然一句合譬。四如佛之所說下。一行難佛不定說。或令歸現或令歸當。致令愚者輪迴墮苦。四假名下。二行結問請答。初一行明我不知結請。次一行明佛知故請答。二迦葉汝當知下。佛答還酬四問。從後為次。初一行許斷疑酬其請答如文。次一偈酬問一體。前舉懷妊據了因作問。佛以中道正因為答。明諸菩薩與佛不異。那得云無十地包胎不可歸依。於諸菩薩者。舊有三釋。一是及字即是汝及諸菩薩等。於第七佛偈文近不安及字。二改於為及。三不須改明諸菩薩皆同是佛。賢劫則第四。若七佛數即第七佛。佛是覺義能覺佛性與佛義同云云。三兩行酬其別體之問。翻邪入正故須歸依。邪者天神為佛寶。殺法呪羊云。是婆殺殺汝而得生天即是法寶。能殺之人即是僧寶。翻此三邪。歸於三正。問昔以正三翻於邪三。何不以正我翻於邪我。若以無我翻邪我者。

何不以無三寶翻邪三寶。答對治之法略有二種。一用有門為對治者立正破邪。二用空門為對治者。故用無我破於邪我。各有便宜。三寶是境歸馮有在宜用有門。邪我是內患宜以無慮之云云。四如是下半偈酬前唱不知。今言能知得無所畏不應不知。迦葉白佛下。第二問答。初問中意者併欲歸依。三種三寶皆是佛說何所取捨。初一行欲依昔別體別既翻邪即是正路。次兩行欲依自隱時一體。後一行欲依他顯時一體。既出生死已成正覺。故言諸有所無有。又解諸有有現成佛。無有無二十五有。二爾時佛告下。佛答佛欲更為分別不得妄依。文為三。初昔之別體有依不依。二顯時一體有依不依。三隱時一體正是所勸一向須依。初依不依者為二。先明今不須依。次明昔則須依。初又二。初別體既是昔時為緣。今不須依昔依時翻邪昔日須依。次所以者何去。更釋不依之意。於佛性中有法僧二寶者。非但已成之佛。佛性之中具有法僧。只當成佛亦具二性即佛法。法佛不二即是僧寶。身既具三何須依於別體三寶。次須依又二。初為欲化度下。明昔則須依。次若欲隨順下。更釋須依之意。與皇明四假。理緣就緣對緣因緣。昔即是對邪明正是故須依。若依龍樹四悉即對治意云云。次從菩薩應作下。明顯時一體又二。有依不依。不依文為二。初明不依。文云。我今此身歸依佛者。即是自歸己身佛寶豈敬他佛。次何以故下。更釋不依之意。然我與他佛既無異。何須歸他。次若

欲尊重去。明有依義。爲相尊重。是故須依。又二。先正明後解釋。初正明者。法身是本地。舍利是應身。欲令衆生敬我。意者爲欲亦化衆生。生善。三。從亦令衆生去。明今之所勸。隱時一體。一向須依。文有三。法譬合。初法中爲五。一分別一體有三。此初文則自身有佛寶也。一切衆生皆依下。即是自身有於法寶。又有歸依非真下。即自身僧寶。問身有法僧可爾。何爲有佛答身中佛性。佛性即是法身佛寶。能說此法即是法寶。能受持者即是僧寶。他尙歸依我身三寶。我今豈可不歸耶。問會三乘歸一乘。名一乘者。亦應會三寶歸一寶。名爲一寶。若會三乘歸一乘。無三乘異。會三寶歸一寶。亦無三寶之異。論師數師不敢爲例。觀師例之。會三寶歸一寶。上義說佛法僧異。亦如會三乘爲一乘。義說三乘異。故法華云。真是聲聞真阿羅漢云云。從若有分別下。次爲他作一體三寶。舉體是佛。佛是覺義。舉體是法。法是不覺。舉體是僧。覺與不覺而不相違。從於生盲下。三結別體。爲生盲凡夫作此分別。復當爲諸下四結一體。爲二乘得聖之人說我身有一體三寶。如是菩薩下五雙結兩義。爲惡衆生而作佛事。則結自身說於一體。爲諸智者而作佛事。亦結自身說於一體。次譬說爲三。一大將。二太子。三大臣。所以舉三譬者。大將譬了因。太子譬正因。大臣譬緣因。亦譬三寶。太子譬法寶。大將譬佛寶。大臣譬僧寶。大將建意三。一臨陣制敵。二我最第一。三諸兵依我。諸兵依我譬緣。制勝譬

了。第一譬正。太子亦爾。紹繼霸業譬正。調伏王子譬了。餘王子依譬緣。如王如先王成前譬。王子大臣者。王子即屬大臣譬也。三菩薩亦爾。合譬中二。先正合。後結勸。初合者所言三事與一體者別說於三。即是一體。一體之上義說於三。如涅槃中具有三點實非別異。次如來下。結勸又二。先勸捨昔別體之三。次勸取今一體之三。初捨中又二。先出昔三寶。後乃勸捨昔別體中。舉頭譬佛寶。頭最爲上。支節手足譬法僧。爲化衆生示此梯障。次是故汝今下勸捨。次汝於大乘下結勸。取自身中一體。如大將大臣於自身中建決定意。不取別體及他已成。迦葉白佛下。第三領解文爲四。一領解。二佛勸持。三稱歎。四佛述成。初文又三。一發述。二自領解。三誓化他可尋。善男子下。第二佛勸持還只勸前自解化他。自解即是高升祕藏。化他即是下度愚迷云云。迦葉復言下。第三稱歎。稱歎佛性即是隱時一體。相好等即是顯時一體。爾時佛讚下。第四述成從。我今當更爲汝下。是第三明中道圓觀。文爲三。初許說。次正說。三歎歎。初中云。入如來藏者。入藏由觀。非觀不入。次若我住下是正說。文爲二。初略後廣略又爲三。一標中道。二明乖中之惑。三辨破惑之觀。初標中道即明非有非無。若我住者明非有。我住在身中即是常法。不離於苦常即是我。身即是苦此即是有。此有非道。若無我者明非無。若定是無則無修因趣果。亦無父母世間善法。此無非道。既作有無兩責。不得有無。即非

有無名中道說。次若言諸法下。是明乖中之惑又二。初明惑。次結惑。初明惑。中有六句。三雙相對。三句計常。三句計斷。於生死中自作此計。障理不明故名爲惑。若開善云。生死一向是苦無樂。光宅云。生死之中有定實樂。莊嚴云。生死之中有虛妄樂。妄樂乃爲行苦所偏。故非實樂。然三師所說皆爲此詞。開善云。生死是苦即是此中斷見。光宅云。一向是樂。即是此中常見。莊嚴云。妄樂又爲行苦所逼。即是此中亦常亦斷。亦應有第四句計不知是誰。次從修一切法常下。結惑又三。謂法譬合。初法中言修一切法常下結。墮斷見者解有二意。一云。本自執常他將斷難。常義不立。便執於斷。本自執斷。他將常難。斷義不立。更執於常。二云。兩見相因。見修斷過即自修常。見修常過即自修斷。如步屈蟲下譬。六卷云折腰蟲。周易云。尺蠖之屈以求伸也。時俗云。桑枝變作。未必全爾。桑根爲蟬。腐草爲螢。其例亦然。此蟲腰折。修常斷者合譬。明斷因常生。常因斷生。故有此譬。以是義故下。第三明破惑之觀又二。初正明。次結解。初亦有三雙六句。對前無我只應言我。而經中言常者有二解。一云誤。二云。常是通名。我等是別。佛果萬德通得名常。言餘法者中道之外皆名餘法。常樂我淨即指如來祕藏佛法僧正解脫等。當知中道只是真法二邊爲餘。當知如是下是結解又二。先法。後譬。初法中云。愚人無疑者有二解。疑爲解津。愚既無解。所以不疑。二云。中道分明顯然易解。愚尙不疑。

何況智者。依文似如後解爲勝。如羸病人下。譬說還餘前二解。若依惡意即愚人分別而生諸見如服酥輕便。若依後解酥是好藥。健人服者本來自好。羸人服者亦得輕便。譬中道法。愚人亦解。六卷云。服已迷悶。即是不解迷惑意也。有無之法下。第二廣明中道又二。初約諸法有無顯中道。二約諸法不二顯中道。初文者夫有無者不可定取。說有爲無。說無爲有。有是無有無是有無於無上說有。有不定有。於有上說無。無不定無。不有不無即是中道。次不二者。無二異不二。無不二異二。二不二不可得。乃是非二非不二。是名中道。初文有無中。有法有譬。初法說極略。唯此一句。直標有無其性不定。若他明三無爲定無。不可爲有。三聚定有。不可爲無。此非不定不名中道。譬如四大下。次舉譬。先譬。次合。初譬中。欲明有無不定。如佛赴緣。若執有者破有說無。若執無者破無說有。四大亦爾。如善醫師別知諸病。若水病者以火藥治。若火病者以水藥治。地風亦爾。不善醫師不別病相妄授於藥。次善男子下合譬。初總合。次別合。初可見。次若言不別合又二。先舉有無爲合。後舉常無常例合。初又二。先別破有無後總結爲誠。初文三句。初句云智。不應染者有二解。一云。智聞佛說佛性是有不應染著。愚便責其現用處所。或六根中或遍身中。二若聞佛性是有應知佛意不定專在於有有即表無。無即妄語者。是第二句。破無。亦二意。一云。道理不無定無乖理故是妄語。二云。佛

性雖有未有現用故言是無。汝有智人不應云妄。若言有者是第三句。爲執有情多。故更重破不應默然者。若有佛性應能現瑞。何以默然。二云。若定有有者。就汝推檢。何以默然。次亦復不應下結。不許爭論。言有言無。乃至四句並是戲論。若說於苦下。第二舉苦無常等例合復有五。一約苦。二約無常。三約我無我。四約空寂。五約幻化。皆解惑對辨可見。文云。雖有去來而常住無變者。此是即去來不去來。即動而寂。從若言無明下。是第二約不二不異。明中道亦有法譬。法說爲三。一約因緣明不二。二約觀行明不二。三總結明不二。因緣是境。觀是智照。總結是境智。初十二因緣明不二又三。先舉無明。次舉行識。三舉善惡。善解。無明是惑明即是解。又云。無明行是過去。識等是現在。三世分別。此不會經。經詞云。明與無明行識等異是愚人法。智者了達其性無二。若言應修下。第二約觀行明不二又三。一苦。二無常。三無我。我與無我下。第三總結不二又三。一結歎。二結勸。三結會。結歎又二。先結佛所歎後結說已。結勸又二。初勸持不二法。二勸持不二。經如我下三結會。懸指般若。舊云。引深奧品中燈炷喻。或云。大品度不盡。外國本經應有此文。或言。大品雖不的當。而不二之義無差。又云。諸有二者名有所得。無有二者名無所得。又二是眼識。識內了別。眼外見色。此則是二。眼識無二。乃是智者了達諸法亦爾。從如因乳生酪下。第二譬成因緣不二之義。如五味相生無自他性。即

是因緣。因緣即是中道。其意顯然。文爲三。初列五味。二廣破自他。三結因緣義。初列五味者。五味相生成前不二。次如是酪性下。廣破自他。先立章門後解釋。初章門中酪從乳生爲章門。次例四味就初又兩。初從乳生酪即是章門。從自生他生。並是非門。次若從他生下。第二釋二章門先釋非門。次釋是章門。初非門中。先釋不從他生。次釋不從自生。初破他生可見。破自生中云。不應相似相續自生是一往。將誰相似相續。而今見續乳後有酪等味。故知不從自生。自生即應五味一時。既前後相續豈得一時。雖不一時下。釋是章門。破自他之後。因緣假記云酪從乳生。而不自不他。而言先有者亦是因緣。甘味多故不能自變者。乳味即甜酪味即酢。下論義難此。是牛食啖下。第三結是因緣。先譬。次合。初譬中食水草譬稟經教。血變成乳譬變惡爲善。若食甘草譬稟大教。若食苦草譬稟小教。雪山譬此經。肥膩譬佛性。牛若食者譬衆生。醍醐譬佛果。能依此經。修行得無上佛果。無有青黃赤白等色。譬依教而修無聲聞天人之果。純得醍醐涅槃果也。此中六位文義宛然云云。是諸衆生下。第二合譬中先合。次論義。初合中。先合二。後合不二。不二中。云無明轉變爲明者。他經復云。明起斷無明。舊三解。一云。只斷是變。變是斷。文兩義一。二云。變語就體。斷語就用。一心體上有善惡兩義。只己心上變善爲惡。變惡爲善心即不變。次就用者。須斷無明。只得於明。不斷不得即莊嚴師



解開善嫌莊嚴淺近。就修習緣了兩緣釋之。從迦葉下第二論義。從前乳中先有酪性生。文爲二。先難。次答。難中又二。先定。次難。難中二。先難定有。次難定無。初難定有爲三。一正難乳中有酪者。即是已有云何言生。夫生義者。先無而有。乃名爲生。次法若本無下釋難。若言乳中下三並難。若乳是酪因。草亦乳因云云。又倒並若草爲乳因。亦應乳爲草果。草爲乳因草中得有乳者乳爲草果。乳中亦應有草。乳酪因果亦例此。並文中但舉一耳。若言乳中下。二難定無者只應難有。不應難無。恐佛轉計度入無中。是故遮而難無也。善男子下。二佛答文爲三。初研譬。二重爲合譬。三結譬意。初又三。一非定執。二以理解。三結非定執。初非執中。先作三章門。後次第釋破。一定有門。二定無門。三他生。釋三門者。初釋不得定有。云乳中有酪。何者。乳白酪黃。乳甘酪酸。色味既異。何得定有。次釋乳中不得定無酪者。文云。置毒乳中酪即殺人。先得置毒於乳後時乳變成酪。飲此酪者毒猶殺人。何得言乳定無酪。是牛食啖下。第二以理解釋又二。先明乳從草生還是因緣假說。後明酪從乳生亦是因緣假說。兩文各二。初二者先云。從緣而有。後結是因緣。衆生福力者有三義。一牀牛之福欲飲子時血變爲乳。二犢子之福令母有乳。三犢人之福。人若無福子尚不足。況得充人。是乳滅已下。二明酪從乳生又二。初明緣生。後結因緣。醞是以物攪之。燖是火氣。經本或作酢字。而今西邊著

麥者非。以物攪字亦非酒名。酒名應西邊。作孝蓋書者謬。是故不得定言下第三結非定執。善男子明與無明下。第二重爲合。譬此中開轉斷義如前釋云云。以是因緣下。第三結譬意。善男子衆生薄福下。第三歎教勸持又二。先歎佛性理。次歎教。歎理爲二。先舉忍草。後牒兩譬。於中先牒兩譬。次諸衆生下總合兩譬。次從譬如虛空下。是歎教又二。先歎經後勸信。初文有譬有合。虛空譬法身。雷震譬說法。起雲譬慈悲。象牙譬衆生。華譬佛性。有三解。一云別有象牙草聞雷生華。二云是象牙生華。經云。四象優鉢羅等。聞天雷時牙上有華。三云。此象牙非別生華。直是牙上有文彩如華。衆生佛性下合譬。有三番合之可尋。若有善男子下。是第二結令勸信。從迦葉白佛下。品中第二答能見難見性。文有四問答。初兩番辨深行證見。後兩番明淺行聞見。聞見酬其能見。證見酬其難見。於證見中總有二番。初番可見。次番中有問有答。答中總舉十譬。初以百盲通譬一切衆生。百是一數之圓。例如世姓甚多而言百姓。求解見性譬如治目。造詣良醫者。根緣感佛。是時良醫。譬佛垂應。金銀四解。一云譬此經一指。三指譬昔三乘教。亦云。金銀譬佛方便慧一指。三指譬根緣悟道。除膜譬斷無明煩惱。二云。三指譬三慧。三云。初教一指。般若至法華二指。涅槃三指。四云。譬三忍信順無生。解三忍爲二。一云。十信信忍。三十心順忍。十地無生忍。又初地至三地是信忍。四地至六地是順忍。七地至十

地是無生忍。今明不然。經合佛性豈可餘釋。一指示之答云不見者。譬入真諦則不見性。二指不見者。譬空假二諦亦不見性。三指示之答言少見。此譬一諦三諦即空假中名爲佛性。初住初地則能分見故言少耳。善男子下合譬又二。前正合。此況聲聞。初文者。若尋合文金銀譬涅槃教。三指譬佛性。即是三德三諦等也。文云。無我惑亂者即是不了。昔教惑於無我故不見性。今教真我乃見佛性。次九譬可尋也。迦葉白佛下。是第二有兩番。明淺行聞見。初番問可尋。佛答有四。一譬。二合。三勸。四褒貶。初譬中云。非想非非想天者。三有四空之頂。無身而有識。無想而有想。此事難知。佛性亦爾。非二乘所了。二合等三文可見。迦葉白佛非聖凡夫下。第二番問答。初問中云。非聖凡夫者即外道也。其自稱聖如來誓之故言非聖。若理內凡夫即聖凡夫。內道外道俱云有我。有我之性兩事云何。佛舉貧富二人譬。有三。初譬次合。三結成。譬爲三。初菩薩施化。二聲聞施化。三如來施化。初菩薩化又爲四。一說教。二稟受。三捨應。四起惑。共爲親友者。能化所化化道交通義言親友。王子富於法財。真我顯現故言富衆生。取我在身具足諸見故言貧人。互相往反者。感應相關。是時貧人下。是第二衆生稟。受見王子刀者非是證見。聞菩薩說真我佛性。好刀譬中道佛性真我。心中貪著者。愛樂此法。王子後時下。第三菩薩捨應。持真我去故言持刀。機感事密是故言逃。更化餘處故言他國。

貧人於後是第四凡夫起惑。菩薩捨離衆生流轉。受五陰身故言寄宿。眠是闇時譬無明昏。自號有我故喻瞋言。古本曰瞋言。寐者與語瞋字。旁人聞下。第二聲聞施化。應具論四果。文略闕第三王。初王是初果。私謂餘子之言。可兼二三。舊即旁人譬機。機將是人。是初果。故言收之。與皇云。旁人是五方便似解。王是初果真解。似伏真斷破彼我見。言至王所。衆生對初果。義言君臣屠割者。譬分析五衆求我。得會稟此法。故言素爲親厚。能化所化既非異轍。故言一處眼見譬聞慧。手觸譬思慧。取譬修慧。並不得思修。故言不敢手觸。況當故取。羊角者邪曲計我。欣笑譬悲慘。未欲破此邪計。故言隨意。去尋立餘子即二果施化。次第四王即四果。却後下。是第三如來施化。但是前迷菩薩今還成佛。數時者數耳。唯明無我不言真我者。望下文合中。應有說我教也。優鉢羅華者。婆羅門計神白色。羊角者。刹利神色黃。火聚者。毘舍神赤。黑蛇者。首陀神黑。善男子合譬。還合三譬。譬云。有一好刀。合云。說我真相。譬云。持是淨刀逃至他國。合云。說已捨去。聲聞緣覺下。合前第二四果施化。爲斷如是下。合第三。如來施化又二。先明無我之教。正是合前善男子下。第二更明真我之教。前譬中無但有其義。善男子若有凡夫下。第三結成答意。在文可見云云。

大般涅槃經疏卷第十一

大般涅槃經疏卷第十二

隋章安頂法師撰

唐天台沙門湛然再治

文字品

此品意有四。一次第者。上性品明字下之理。此品明理上之字。答上問云何解滿字及與半字義。前問名字功德。正論此經。專解出世上上滿字。今品通論衆教。若半若滿。世間出世間上上文字。開密者。他解。無常爲半常爲滿。與皇彈云。如檀梨兩片。是半邊之滿。他又解。昔說無常不名爲滿。今教具說常與無常。是故名滿。又彈。若以常足無常者。一片梨足半片檀。應爲一果者。此是足滿。與皇解涅槃佛性之體。非常非無常。常無常具足。故名爲滿。今明。彼家彈舊。或爲半邊。或爲足滿。自說非常非無常。常無常爲滿者。此亦是檀梨。栗栗四片合爲一果。今依此品。開一切字悉是滿字。文云。如來出世能滅半字。是故汝今應離半字。隨逐滿字。於一切法無閑無著。本對半明滿。既無有半。亦復無滿。當知字非字以無字爲滿字。文云。半字是諸經書記論文章根本。又半字是煩惱言說根本。又云。滿字是善法根本。一切善法言論根本。異論呪術一切文字。悉是佛說非外道說。當知佛所說者。悉是內道正法。此以正法而爲滿字。又云。若解文字能令衆生口業清淨。佛性不爾。不假文字。然後清淨佛性自淨。當知諸字悉

是佛性。佛性非字非非字。而能字能非字故稱滿字。雖有三義勿作三解。卽字無字。無字卽字。亦卽非字非非字。具足無缺。不縱不橫。爾乃名滿。譬如金銀種種等寶。同入爐冶。俱成一器。而種種不失。亦名種種亦名於一。一卽種種。種種卽一。亦復非一非種種。而一而種種。開一二字悉是佛性。法性法界亦復如是。包一切字。不得一字一切字。而具一字一切字。豈隔半邊。而非滿字。是則名爲開祕說滿。從此立名。名文字品。文中爲三。一略標字本。二廣明字義。三領解述成。初文先總標異論呪術皆是佛說。有二解。一云。根本皆在佛法之中。三寶四諦涅槃四德。悉是佛法名教。長者去後。劫掠群牛。外道偷之。安其己典。二云。是佛方便之說。如清淨法行經云。迦葉爲老子。儒童爲願闍。光淨爲孔子。若如前解佛則認歸。若如後解方便施與。若開一切文字。皆佛正法。則非認非與云云。迦葉白下。第二廣明字義。有二番問答。初問如文。佛言下。如來重答爲三。初明文理之本。持諸記論下。二別明字本。凡夫人下。三明學半得悟滿法。迦葉復白下。第二番問諸答。問如文。善男子十四音下。如來答爲三。一通明諸字。二別釋半滿。三結得失。亦是明無字之義。初又四。一以音隨字卽是明音。二以字隨音卽是明字。三音字所因。四音字利益。初文音隨字者。十四音也。是十四音去。是也。古來六解。大爲二塗。前四解禪。後二解複。一宗師云。書缺二字師不能通。故無兩音止有十二。二招提足悉

雲二字。三梁武足涅槃二字。引經云。所言字者名曰涅槃。四開善云。於十二字中止取十字。除後庵痾。謂是餘聲故。經釋炮音便云。於十四音是究竟義。更取下魯留盧樓四音足爲十四。播著中心。謂阿阿伊伊憂憂魯留盧樓咽黔等。五莊嚴複解。前十二爲六音。後五五相隨。又取後三三相對中四字耶囉和除。足前五成六。足上成十二。取羅沙婆訶羅。爲一遲音。魯留盧樓爲一速音。是爲十四。六冶城云。前兩兩相隨有六。次五五相隨有五。後三三相隨有三。合成十四音。觀師云。古來六解次第彈之。初云。書缺二字者。外道師不解。反啓問太子。太子自知。今說涅槃。豈不安二字猶言書缺。彈招提者。悉曇通是外國十四音之總名。豈得將總足別。彈梁武者。涅槃亦云。樂利涅槃樂那。此則六字。亦云。般涅槃那。此則四字。何故止取兩字足之。彈開善者。除庵痾兩字。足魯留盧樓四字。若魯留盧樓是音者。何不在音次第而在字後安之。彈莊嚴者。經文現云十四音。何時云以字足音。音字兩異。何得相混。莊嚴不成治城亦壞。又河西以前十二即是。十二音取後四字合爲二音。古經本云梨樓梨樓。即是四字爲二音。足前爲十四。又梵本言字不言音。今十二字。或十六字。隨世所用。又一解云。初十二是音。後迦法下是字。又一解云。初十二字有三事。一字二語三音。因此字以爲言論端首。然後方及餘字。故言字本。初半字者。世法名半字。佛性名滿字。又以九部爲半字。大乘爲滿字。又云。

梵本無半滿之言。但以事未成爲半。成就爲滿。與皇有半邊相足。無牽申等滿云云。河西云。十二字喻之如飯。後二十五字喻之如羹。後九字攝持諸句。如守門人亦如瓔珞。後九字亦字亦音。魯留下之二字童蒙所不習學。吸氣舌根。是第三明諸字所因。皆有差別。故迦法等是舌本聲。多他等是舌上聲。吒侏等是舌頭聲。波頗等是唇間聲。遮車等是齒間聲。故言皆因舌齒差別。如是字義下。第四明字之利益。前舉字義。後明佛性云不如是。又半字下。第二別釋半滿爲三。先法。次譬。三合。何等名下。第三更明無字之義亦是得失。後番領解述成如文。

鳥喻品

河西云。文字。鳥。月。三品。同明真應。文字半滿只是鳥喻常。無常。常無常只是月喻隱顯。因字識理達常無常能隱能顯。今更次之。如來常依二諦三諦說法。故知文字是佛教。即文字達三諦。具足一教一切教。欲顯圓滿修多羅。故題文字品。次鳥喻者。依教立行即雙流行二行。並觀一行一切行。下文云。復有一行是如來行。次文字之後明二鳥共行。故成次第。亦是依教生智。智望於教教即成境。由境發智由智立行。教轉成境智轉成行。故爲次第。此品答云。何共舉行娑羅迦隣提。此還舉鳥以況於行以爲答問。能喻是娑羅迦隣提。所喻是雙流共行。舊解不同。或言娑羅是雙。迦隣是鳥。然娑羅翻爲堅固。何得言雙。或言娑羅是一隻。隣提是一隻。此乃兩類不得

是雙。或言娑羅一隻迦隣提一隻。引下文云。鳥有二種。一名鴛鴦。二名隣提。此乃兩類爲兩雙。或言娑羅翻爲鴛鴦。問中間娑羅。答中答鴛鴦類異義同。乃以鴛鴦替於娑羅。或言隣提無翻。或翻爲天鶴。引六卷云。雁鵠含利。然漢不善梵音只增爭競。意在況喻取其雌雄共俱飛息不離。以況一中無量。無量中一。非一非無量。而一而無量。呼爲雙流乃名共行。問爲凡與共行。聖與聖共行。凡與聖共行。他解云。觀生死無常不識涅槃常。觀涅槃常不識生死無常。二解不明。如但識金不識銀。但識銀不識金。若精識二物乃是雙觀苦樂。我無我亦如是。聖如是行凡亦如是。故言共行。此不應爾。與譬相違。譬明二鳥俱游。如汝所釋。一鳥窮下之生死。一鳥窮高之涅槃。升沈頓乖雙游不顯。假令二鳥但雙游下不雙游高。游高不游下雙游不成。又一家引半滿約一法。雙游約二法。若取生死無常佛果是常。共爲滿者兩物各異。梨奈體別安得是滿。夫雙游者。觀生死中有常無常。觀佛果中亦常無常。取生死涅槃兩常爲一雙滿。取生死涅槃兩無常爲一雙半。即是兩法共起。乃曰雙游。今明義皆不爾。兩常俱起乃是二雄俱飛。兩無常起乃是二雌並飛。與譬相背雙游不成。今言雙游者。生死具常無常。涅槃亦爾。在下在高雙飛雙息。即事而理即理而事。二諦即中中即二諦。非二中而二中。是則雙游義成雌雄亦成。事理雙游其義既成。名字觀行乃至究竟雙游皆成。橫堅具足無有缺

言娑羅是一隻。隣提是一隻。此乃兩類不得

滅。此中備有凡凡共行。凡聖共行。非凡非聖共行。約人法分別俱成。以是義故。故言鳥喻品。文爲二。先總。次別。總又二。初略。後論義。略中先譬後合。初譬中學二鳥譬常無常而合文。以苦無我合者但是略耳。私謂又顯義同是故互出論應六。次論義中先問後答。答中先法後譬。初法中言異法是苦是樂者。舊云。生死異涅槃。涅槃異生死。故言苦樂。觀師言。前多斥倒約證以論常與無常。今品一時明常無常。只生死中有異法而說苦。有異法而說樂。乃至我無我亦如是。後譬五穀各異成前異意。下別譬中云華葉無常而果。是常者非常住常。言華葉不定故無常。果已定故是常。借此以顯無常成常。從如是諸種去。別說共行又爲三。一就生死明無常。二就涅槃明無我。三雙就生死涅槃以明苦樂。然前兩是橫。後一是豎。理應備論。但文互現。初文又二。初正明二行。次結章。初正明中學五譬。初譬又二。先譬。次合。譬又三。一譬。二論義。三領解。初萌芽譬生死中無常。熟時譬生死中常。次論義二。先問。次答。答中明生死常與如來常異。三迦葉下。領解又二。先領解。次述成等皆可見云云。善男子雖修一切下。二合譬未聞是經皆言無常。聞是經已皆云是常。豈非生死中具常無常。契經諸定者。修多羅翻名爲契經。又是定藏。故言諸定。後四譬皆有合。次譬云金朴者。玉未理者名璞。金未理者亦名朴。此有木邊玉邊之異。金未理者亦名礦。礦者異金名也云云。招提呼爲朴音。觀

師呼爲礦音。然朴字兩喚云云。是故我言下。第二結章。正應明常無常。而復結言無我。欲明例爾迦葉白佛下。第二就涅槃以明無我。我二行無憂悲。即有我有憂悲。即無我文爲二。先問。後答。問爲二。正問。結問。一往謂是無端之問。然佛說涅槃亦有無常。無常是有爲。有爲即憂悲。今問憂悲。是問涅槃有無常不。佛答爲四。一釋問。二歎理。三重釋問。四重歎理。初文二。先譬。後合。譬中三。先正作譬。次更爲譬作譬。三還以譬合譬。初云無想天者是譬。次更舉樹神譬顯無想譬。即是爲譬作譬。佛法亦爾下。以譬合譬。二復次善男子無想天下。歎理甚深。先譬。次合。如來實無憂悲。但於無中說有。衆生有苦未得脫難見佛有苦。既其有苦即有憂悲。佛斷苦因受第一樂。復無憂悲。有憂即無我。無憂即有我。若應物云如來有愛。實理即無。今問既示有悲亦應有苦。如來心地不念衆生應是無苦。問如來實無憂喜。汝何以云如來實喜。今亦反問佛無憂喜。何以定云如來無憂。我說如來實非憂喜。義說憂悲。此是不定之言。三譬如空中下重釋問。兩譬先舉舍住譬。次舉幻師譬。皆先譬次合。初譬中有二。前爲法作譬。心亦如是下。即爲譬作譬。後復舉無想天壽亦爲譬作譬。如來憂悲下正是合譬。如幻師下次譬二譬合。如來有愛及以無愛下重歎理又四。一法。二譬。三合。四結。此即法說。譬如下人下。第二譬說。若依毘曇有三種度義。一人度。二根度。三地度。下果不知上果。上果能

知下。即是人度。鈍根不知中上。中上能知下。即是根度。初禪不知上禪。上禪能知下禪。即地度。成論不爾。互有知義。明彌猴尙見佛心。豈有鈍根不能知利。今亦有少分故知亦得言知。不能具足知故亦言不知。三合譬。四結。可尋。復次善男子下。第三雙就生死涅槃以明苦樂。即是豎論。文中有二。先釋。後論義。就初釋中三。謂譬合結。此即譬說。二鳥喻法身。子譬衆生。盛夏水長譬起倒。選擇高原者。病無常即須常藥。常爲高原。病常即無常爲藥。以無常爲高原。即是非常非無常。常無常具足能離諸倒。爲長養者譬令其解常無常理。然後隨本安隱而游。譬如來度訖然後游諸覺華。如來出世下。第二合譬。是名異法下。第三結成。迦葉白佛下。第二論義。三番問答具簡六行。初番又二。先問。次答。問可見。此中又兼常無常我無我等。佛言下第二如來答又四。先舉二偈爲答。次長行解釋。初中又二。初偈明生死涅槃二果。次偈明生死涅槃二因。初偈上半明涅槃果。下半明生死果。次偈亦爾。可見。次長行從若放逸者下具釋上兩偈如文。三如人在地下。明下不知上以明於苦。亦先譬後合。初譬中明不見鳥迹者。欲明空中鳥飛無行地迹亦有毛羽氣息。當其飛處亦有此迹。但非地下人之所見。合如文。四精勤勇進下。明上能知下。以明於樂又二。初舉兩偈正是解釋。此初偈明人後偈明法。次少長行通釋二偈。迦葉白佛下。第二番先問次答。問中二。先非佛說。次則難。難意既無愛

無喜。云何復言升智慧臺。佛答以凡夫有憂故云如來無憂。正是對治之義。又正念衆生故言有憂。如淨名說。衆生病故菩薩亦病。第三番亦先問後答。皆可尋。

月喻品

前烏喻俱游。橫論一時。今月喻隱顯。豎論前後。先橫次豎。自成次第。又俱游是自行隱顯。是適宜自行化他。復成次第。河西云。三品皆是一真應意此乃一塗。問答既三意寧一耶。自有兩問一答。一問兩答。一問一答。河西云。只是一句餘之二句推文可解。今云。其問既異答亦不同。前問共行以烏喻答之。今對三光以立三問。以月喻答之。然其問中非獨問月備問三光。月取虧盈日用長短星以吉凶。雖有少殊同況隱顯。在先答月故以標品。私謂月攝日星故月題品。又名異義同故月義便。梁武勸學士撰天地義有三。一宜夜。二周髀三靈憲。宜夜久廢不傳。諸學士推理不得。周髀者是周公問股齊論天地義云。天如圓繖。邊下中高爲蓋天義。日月橫行。同於佛法。靈憲即是渾天義也。張衡作渾天圖云。日如雞子黃。天如雞子白。日從東出漸漸西沒。復從土下入地東出繞天地轉。故言日出扶桑日入濛汜日月豎行。長阿含及樓炭云。日月天子果報與四王同壽五百歲。舊云。二百五十。日形縱廣五十由旬。月形四十九由旬。星小者不減三由旬方百二十里。日城爲兩寶所成。二分火精二分金精。月爲二寶所成。二分琉璃精二分白銀精。星唯一寶所成。謂水

精繞須彌山照四天下。樓炭第五云。劫初未有三光。衆生福力感亂風。吹火精黃金二寶作日。日子天子所居城郭七重。東西二千里。南北高下亦然。周圍八千。又亂風吹二寶琉璃白銀作月天子所居。其城七重。東西一千九百六十里。南北高下亦然。周圍七千八百四十里。又亂風吹水精作星天子所居。皆大風持。猶如浮雲右轉而行。大者周圍七百二十里。中者四百八十里。小者一百二十里。月以三事故缺減。一者角行。二侍臣形服如琉璃色在於月前。三以日有六十光照之故減。有三事故增。一月正行故增。二十五日處正殿侍臣不當前故增。三日所放六十光照月皆不受是故增滿。此品正答。云何如日月太白與歲星。既具答三光而以月喻。當名者如向分別。一者月在中從中題品。又月有虧盈隱顯易見。有月譬文多從易從多以用題品。古來云。品後明日出時衆露悉除十行六字屬菩薩品出經者誤。招提云。非誤只是歎經力用之文。與皇不定。或屬前品。或屬後品。觀師云。屬前。今分爲二。先答問。二結歎。經初約三光分爲三段。用答三問。就月爲六。一出沒。二虧盈。三大小。四善惡。五長短。六樂厭。初明出沒中。先譬後合如文。從善男子如此滿月下次明虧盈。亦先譬後合。長阿含云。從十六日去黑衣侍臣初一日一兩上侍至三十日諸臣併上。故稍稍虧。從月一日諸臣漸下至十五日諸臣都下。故稍稍滿。二云。日子天子放六十種光奪月故虧。若月天子處正殿後

光對日天。是故盈滿。三云。從月初一出白銀面。至十五日銀面全現琉璃全隱。從十六日出琉璃面。至三十日琉璃全現白銀全隱。因須彌山者爲五風所吹。自然運轉。一持風。二住風。三動風。四轉風。五行風。世云。六月一食者。書云。正由運行相遇六月一周陰陽相御故有此食。經云。修羅所爲。三復次譬如滿月者明大小。先譬次合。初譬中云。鑊口者關西謂釜爲鑊。關東謂鑊爲釜。四復次如羅睺去。是明善惡。亦明制戒文爲三。一制止。二輕重。三如來救戒。皆有譬合。五復次如人見月去。是明長短。亦有譬合。譬中諸天須臾見食者。此據四天王同見此月。忉利身光不須日月。六復次譬如明月下是明樂厭。先譬次合。文云。衆生若有貪恚愚癡則不得稱爲樂見者。爲是衆生不樂見月。爲是其月不樂見耶。解言兩意。一云。直由三毒衆生不樂見月。二云。月名不樂見。如作盜人自名其月爲不樂見。復次譬如日出去。是第二舉日。亦先譬次合。三時異者。佛法無秋故言三時。二云。佛法有秋。經言秋耕爲上。又云。過夏名秋。秋雨連雲。金光明云。三三本攝足滿四時。律明三時爲簡賊住。今言三時非簡賊住。爲春秋同不分爲二。合譬有兩。初以如來壽命合。次以經教合。可尋。譬如衆星者。第三舉星喻文爲三。一舉衆星。二舉陰暗。三舉慧星。皆先譬後合。前二可見。第三譬中言黑月者。優婆塞戒經云。十六日至三十日名爲黑月。六卷云。支斗星。梁武翻爲惡相星。或作歲音。或作戌音。

形如掃帚。世人或呼爲刁。或呼爲麻。謂其作除故布新之怪。卽如辟支佛出無佛世。復次善男子譬如日出下第二結歎。前喻文爲三。一歎。二勸信。三結歎。又二。先歎滅惡。次歎義深。以是義下勸信。又二。先勸信。次勸學。結歎如文。今用此三文結三光喻歎教理行。結日喻歎常住教。結月喻歎常住理。結星喻歎常住行。

### 菩薩品

此品次第者。上有十三或十五問。是問佛事。佛答已竟。從此品去有十九問。問菩薩事。佛皆答之。諸師或言。此品答十二至十七問。今明答十二問。諸問不可備題。從初爲名故言菩薩。釋菩薩義略有四重。一三藏菩薩。從見釋迦佛三事供養名初發心。三阿僧祇百劫修相名爲中心。坐菩提樹名爲後心。二通菩薩。從初虛信諸法幻化未盡理水名乾慧地。理水盡神伏斷見思名爲中心。游戲神通淨佛國土。餘有殘習微烟薄障是名後心。三別菩薩。從十信三十心是初心。十地是中心。等覺是後心。此三菩薩攝法不盡。退不攝一切衆生。進不攝佛根性人。四圓菩薩。初謂理性菩薩。名字觀行相似分真究竟。菩薩始自理性通諸衆生終于妙覺。皆名菩薩。所以迦葉問云。云何未發心而名爲菩薩者。故知不問前三菩薩。正問於圓。就圓菩薩不問五位。正問理性。故從所問得名正。是理性菩薩標品。就如來答中正答理性。是未發心稱爲菩薩。而此理性爲因。涅槃教光爲緣從誘而信轉

成名字。名字卽是發心菩薩。理性卽是未發心者。問答之義炳然在文。安作餘解豈會經宗。從此題名故言菩薩品。然河西明此品答四問。同爲一意。謂未發心者因經發心得見佛性。見佛性故處衆無畏。乃至見佛性故。如醫療病不爲病汚。今明經之圓意。所不通。何但答於四問而已。乃至見性能爲船師能脫故皮。如天意樹等佛性之力無所不能。舉體皆通而少於眉目。今就答十二問爲兩。先自行。次利他。初自行又二。先答生善。次答滅惡。初答生善中。先應答歎經旁答上問。次正合問。初歎經旁答文兩。一旁答。二料簡。與皇云。以涅槃經力令未發心者發心。又倡令發心如夢羅刹。卽是其義。若爾乃是內因外緣令得發心。發心方乃名爲菩薩。非未發心得菩薩名。又救云。先已聞經中忘斯意。今蒙聲光冥入其體方能發心。發心之前已是菩薩。今不用此解。何者中忘之前已曾發心。若未曾發何名中忘。若已曾發已是發心何謂未發名爲菩薩。涅槃光者二解。一云。佛放身光入彼毛孔。佛卽涅槃名涅槃光。二云。以涅槃教證理分明喻之若光。闍提無善光不入心。四重五逆善根微少故言毛孔。光譬於教。毛孔譬信。契經者情多羅藏故舉三藏以彰劣。顯涅槃以爲勝。又今經當機勝餘契經。二料簡中。先問次答。問中先領歎旨。次仰非。後作難。初領旨者。先領生善之歎卽此品之前。次領滅惡之歎卽前品之末。次仰非如文。後作難有三。一作持犯等難。二作實善罰惡不

等難。三作難易難。初何以故去。卽持犯等難。若光入毛孔皆能發心持戒毀戒修善作惡有何等異云。次如來何故說四依義是不等難。四依出世正欲賞罰。若因光發心何用賞罰。三如佛言下卽難易難。上說照達三恒猶未解義。此卽是難。今云。經耳能除煩惱此卽是易。既不解義焉能除惑。以此難難易。今明迦葉以別難圓就別明義。則持犯升沈賞罰自異。云何得等。就圓爲論皆卽佛性。何故不等。就別爲言積善方解。就圓爲語卽理爲解。故佛答云。大事大德卽是圓意。二佛言去答。又爲兩。一正答。二釋答。初正答中。二初明去取。次正答。初中二。初簡闍提。次明其餘皆能發心。然發心者非是隨宜。乃是大福大事。二釋答者。大福大事乃是祕藏。如來佛性此卽不簡闍提。闍提事非祕藏佛性。欲明名字等菩薩故簡闍提通取其餘。欲明理性菩薩故言祕藏如來性也。若無一家圓別之義如何消經云。從迦葉白佛下。第二正答問又兩。一問。二答。初問正是應上作請。此有遠近。遠則騰初偈十二問。近騰品初之說。從佛告下答又二。初正答後簡闍提。初正答又二。初因經致夢。次歎經。初因經致夢者。卽是答四位菩薩除前置後。但答中四。何者其問菩提因正答其問略舉四耳。得聞涅槃是名字菩薩。夢見羅刹痛已發心。卽觀行菩薩。不墮三惡人天續發。卽相似菩薩。是大菩薩。卽是分真明文在此云云。次歎經可解。二從善男子去。舉十譬簡闍提文爲四。初一譬雙簡。次一譬別

簡三四臂重雙簡。四四臂重別簡。初臂除闍  
提取善根故言雙簡。虛空臂法身。雲臂報身。  
雷雨臂應身說法。大地下田陂池臂四位菩  
薩枯木石山高原堆阜。喻於闍提不受佛教。  
次一臂唯簡闍提。是故云別。三四臂中初臂  
可見。第二臂中言藥樹王和乳酪六物者。舊  
云依經作六行觀。若未臂長行散說。九臂偈  
頌。塗創臂聞慧。熏臂思慧。塗目臂修慧。見臂  
讀。嗅臂誦。根臂法說。葉臂譬說。取身臂理  
味。取皮臂文言云云。開善但九臂不取最後金  
剛臂。前第六金剛臂中云白羊角。釋論云山  
羊角云云。迦葉白佛下。是品中第二但前答未  
發心是生善之義。次答三問是滅惡之義。生  
善滅惡是菩提要路得佛近因。迦葉爲後世  
開眼故有斯問。就滅惡三問卽滅三障。初答  
云何於大眾而得無所畏。是滅業障。次答云  
何處濁世不汚如蓮華。是滅報障。三答云何  
處煩惱煩惱不能染。是滅煩惱障。今舉三偈  
以答初問。前一偈明懺悔滅業障。後一偈明  
護法滅業障。卽是改惡修功補過。通論懺悔  
凡有十意。謂逆順各十如別記。懺護是其二  
也。懺中二。初偈舉非。次偈顯是。初約惡以明  
懺悔。先舉偈問。次釋偈爲答可見。二迦葉復  
言下。是約善以明懺悔。亦先舉偈問。次釋偈  
爲答。凡三番釋偈。初番見所作卽現在。生死  
際卽過去。至無至處卽未來。通懺三世業障。  
次番舉非。不見所作謂一闍提。後從若有菩  
薩所作善業卽是舉是。二作惡不卽受下第  
三偈是護法滅業。護法力大能滅業障。復感

長壽不壞眷屬等。亦先舉偈次釋。釋此偈有  
四意。初舉非。次明是。三重舉非。四歎經。初  
舉非中。河西云。天竺熱停乳少時自然成酪。  
文明惡卽不受報。不如乳卽成酪。而文不更  
安不字者不須加之以上不字而冠於下。次  
臂如王使下。明是正以護法滅業障。先臂後  
合。王臂佛。使臂四依。善談論臂內智慧。巧於  
方便臂外能說法。實智居懷巧說外化如是  
之人能護法利他。奉命卽傳佛旨。他國是入  
生死。寧喪身命不匿教者。身輕法重死身弘  
法合臂可見。三善男子有一闍提下。重舉非  
更出前偈。四是故當知下歎經。先歎滅惡。如  
蓮華下歎生善。皆可見。復次善男子如優鉢  
羅下是品第三答上云何處濁世不汚如蓮華  
滅報障之問。文爲兩。初舉華喻正答。次舉風  
喻助答此釋報障。云何說華生淤泥耶。蓋由  
煩惱能成於報。如華生泥相緣由故。明於煩  
惱正意在報可尋。復次臂如良醫下。品第四  
答上云何處煩惱煩惱不能染。是答滅煩惱  
障問。凡十四臂。初十二臂臂所說教。次兩臂  
臂能說人。初臂教中。初一臂臂普小教。先臂  
次合。初臂臂普教。八種臂八正。文云無常不  
淨等五門因緣慈悲不淨觀爲八種。阿薩闍  
無的翻。義言無可治。次良醫臂今教可解。第  
三如文。次第四臂雙明生善滅惡爲三。一正  
舉臂。二更問答料簡。三重舉臂。初臂次合。舊  
解吐懺現在下懺過去通生善滅惡爲塗身。  
別持滅惡爲灌鼻。求理爲熏。受持文言爲洗。  
持偈頌爲丸。持長行爲散。與皇分此八句。初

四句臂昔無常。吐臂苦。下臂無常。塗身臂無  
我。不淨臂灌鼻。後四句臂今教。常德臂熏。淨  
德臂洗。樂德臂丸。我德臂散。貪惡不服臂將  
還家。舊解云衆生顛倒憚教不受故言不肯  
服。將還家者示三塗苦報是罪樓處所。與皇  
云。一說不受再更爲說。今明慈悲是聖人之  
家慈心爲說故言將還。女人產者。舊云女人  
臂生善。闍提此言兒衣。兒臂常解。衣臂煩惱。  
煩惱難除臂衣不出。與皇云。女臂菩薩。產臂  
正觀。衣臂常無常兩教。夫兒衣裹兒。兒若出  
者衣亦須去。若不出者反爲大患。常無常教  
本生中觀。觀解若成此教須去。教若不去反  
復成病。下雙合二臂可見。次料簡中先問次  
佛答亦可見。三如彼嬰兒。卽重舉臂還明前  
意正觀漸增。如嬰兒長大。先藉教生解。故言  
是臂最良。藥病不同故言善解。一切衆生未  
開經時常處無明。故言我本處胎。與母藥者  
母臂經教。藥臂常與無常相治。病去解生故  
言安隱。惑心既解還歎於教。故言奇哉。十月  
者二解。一云十使所覆。二云十地行滿。推乾  
去濕者。舊云。慢爲乾愛爲濕。與皇云。二乘如  
乾。凡夫如濕。除不淨者舊云除無明。與皇云。  
除斷常諸倒客受中道故言長養其身。犯四  
重下合臂可尋。復次臂如良醫下第五臂。解  
者不同。一云臂臂佛。子臂菩薩。藥臂經教。二  
云臂通臂此教。子臂持戒滅罪。蛇臂誦法。蛇  
似於龍。誦法闍提。龍臂五逆。螻臂四重。良藥  
臂理。塗臂臂教。觸毒臂破誦法之心。又云履  
是下物臂不善心。不善被調能破惡毒。臂如



有人以毒塗鼓。下第六臂。人臂佛。毒藥臂今教。塗鼓臂著教。又云人臂此經。雖無心欲聞。遇時聞者必能斷惑。臂如闇夜是第七臂。昔教如夜今教如明。猶如天雨是第八臂。八十者三解。一云應言八千。如持品中八千得記是也。出經者誤爲八十。二云外國本有八十人受記。此文不來故無。三云此非人數乃是。指於諸老聲聞年已朽邁於法華中方得信解。後之兩解不可承用。若定以八十爲數。數陝不該諸得記人。若定是年何必併同有過。有少故不可用。秋收冬藏是第九臂。雖非正臂教。要因於教得收藏故。聞他人子是第十臂。臂此經。使臂弘者。又言是滅罪生福章句。他人子者往是佛子起逆起重即成他子。非人所持臂被外誘。卿若遲晚我當自去者。臂弘經人不稱化緣佛當自化。又遲晚者即是差機。若能詣理即是自往。臂人是第十一臂。臂如良醫是第十二臂。王臂犯罪衆生。必死病者臂必入惡道。王不信者臂不受此教。不見腹內者不見未來。下藥臂懺悔昔罪。王不肯服臂諸衆生不肯懺悔。以呪力故令隱。藏生創者臂經之力令於夢中見墮地獄云云。復次善男子下。有兩臂。是第二說教之人文爲兩。先臂昔教主。後臂今教主。上十二臂亦爾。前一臂臂昔教。後十一臂臂今教。初中昔教云八術。今云過八。又下文合臂皆以佛菩薩合之。以是得知臂今昔教主。從臂如大船去。品中第五答上生死大海中云何作船師之間。前答除障但自解轉。今答船師能解他

縛。前是因時藉經獲自行力。今是果時藉經有化他力。前是法身善逝力。今是應身應來力。文舉四臂。前二臂是正答。後兩臂歎經助答。就初明船未明船師。後臂具明船師及所度人。船臂涅槃。師即化主。所度之人即受化者。風及風王兩臂並歎經教如文。復次如蛇脫故皮。即答第六應去之間。問云何捨生死如蛇脫故皮。此中還舉蛇喻爲答。文有兩臂。前蛇喻是正答。次金師臂助答。蛇臂臂一方應去。金師臂處處應來處處應去云云。復次如庵羅樹下。是品中第七答云何觀三寶猶如天意樹。今還舉人問樹爲答。天樹隨天欲見華果長短。悉隨天意臂佛適緣。宜見生王宮。宜見滅雙樹云云。人樹三時榮枯不同。取其臂便亦應無在。文爲五。一明佛身有三異。二明如來密語。三明興衰。四勸立丈夫志。五論起沒。前三是三寶。佛身是佛寶。密語是法寶。興衰是僧寶。然三寶有兩。一體多約果人。別體並約因果。佛是果人。僧是因人。此中既云僧有興衰即是別體。初佛身臂又三。初臂次合。三領解可尋。次善男子如來密語下。明法寶文有四。法臂合結莊嚴云。密是涅槃總名不可別翻。如四非常。從大乘出於一無常。即備四義各有其意。苦爲破樂。乃至空爲破有。智者應解如此密語。大乘亦爾。雖說一常各有其意云云。今奇一事論密語者。佛但說一具四種意。如說有句即具於無亦有亦無非有非無。但作有解不名智臣。此與四教義合。佛說生滅即不生滅。即亦生滅亦不生滅。即非生滅

非不生滅。但作三藏生滅之解即非智臣。此義又與四門義合。有門乃至非有非無門云云。六卷臂與此異。三者劍四涅槃云云。三合臂中。先合無常。後合於常。初文具以四無常合四種語。以是義故是正解脫去。是舉常教爲合亦四。而不與前相對。初明不動。次明無相。三明常不變。四佛性。雖有四種只一涅槃。亦如四句只先陀婆。四是諸比丘下總結可尋。三復次如波羅奢樹下。雙明二寶衰相爲三。初明經無威德即法衰。次比丘起過即僧衰。三深誠弘經即是雙明二寶。初文先臂後合。夫藥樹值雨盡堪愈病。若值亢旱樹死無力。正法亦爾。得好弟子弘宣此法能破顛倒。值惡比丘法即衰滅。二復次如來正法去。是比丘起過即是僧衰。由末世惡人懈怠造過令僧衰訛。三放牧下。是深誠弘經令好護持。由人起過致毀法僧。先臂次合。臂者舊云。本一斗乳初加二分者。加二斗水成三斗。又加六斗成九斗。又加二斗成二十七斗。又加二分成八斛一斗。又有解言此不應爾。初本一斗加二分成三。又加二成五。又加二成七。又加二成九。合臂有七句前四度加水臂於添譯。後正臂於弘法之人。牧女臂弘經者。女性諂曲臂弘經人不能亡懷爲法。而多諂求利故以牧女臂之。初加二分者。一鈔略此經。二分爲多分。第二加二分者。一除深妙語。二安世言詞。第三加二分者。一鈔前著後二鈔後著前。第四加二分者。前後著中著前後有人解。第四加二分云一所遮則開。二所開則遮。是

時當有諸惡下。合第三加二分也。是諸惡人雖復讀誦下。合第四加三分。第五譬受學者求法。爲子納婦供賓客者。舊云子譬常解。婦譬常境。餘知見譬賓客。又子譬中觀實智。婦譬師資相繼。世人爲後不絕納婦。譬欲使其化不絕師授於資。急須此乳者。譬求法人速請知解。賓客譬以方便巧用。至市欲買譬至講堂求法。賣乳者。是第六弘經之人多求利養。七是人語言者。即聽法人善別深淺。值我客急者。譬聽人云爲無聽處而來於此。取以還家者。譬聽已作觀都無所以。猶勝千倍者。雖無深旨猶是大乘。比於小典則勝數倍。二善男子下。備合上七意也。天台大師釋云。牧女譬佛。真乳譬於涅槃之法。佛欲說此法法不可說。說必依諦。所謂二諦故言加二分水。餘牧女譬作論通經菩薩。爲經難解更作優波提舍申二歸教。即是第二加水。近城女人譬弘論之師。爲論難解更作義疏以申此論。即是第三加二分水。城中女人譬受學者爲疏難解更作記申釋。即第四加二分水。經文以惡世比丘鈔略作多分合初加水。不以如來爲緣說法。緣樂鈔略爲依二諦而分別之。佛以所被緣合。智者以能被緣合。亦不違經。合第二加水云隱深密語此似作論申經。復次善男子去。第四勸立丈夫志爲二。先勸次領解。初又二。先毀營女身。次定判男子。初訶毀如文。何以故下定判也。經判出兩句。若廣明應有四句云。復次如蚊子澤下。第五明大法起沒又二。先沒相。次雙辨起沒。初文先譬次

合。惡世惡人多弘宣人少。如蚊子澤不能數早。次過夏名秋去。雙辨起沒。沒如沒地盛如秋雨云云。從爾時文殊下。是品中第八答上三乘若無性問。文爲兩初釋偈疑兼遣上問。二迦葉論義正答上問。初文爲五。一文殊勝純陀疑。二如來許說。三文殊出疑。四如來爲釋。五文殊領解。然此是答問那忽騰疑。疑何不決復使他騰。河西解云。文殊是游方大士影響釋迦即衆中上座。恒爲啓發之主。所以爲其騰疑。二云聖無彼我唯益是存。況復二人爲友爲勝何妨。純陀於何處生疑。前設五難。佛答中。未見性是無常。見性是常。如來受飯食已入金剛三昧。是食消已則見佛性得三菩提。如此之常即本無今有已有還無。便是無常。當知如來不得是常。何故復言兼答迦葉三乘若無性云何得有三乘差別之間。今舉此偈明差別無差別。所以得爲兼答問也。迦葉所問懸與理同。若三乘人同一乘性何得三異。若三乘人全未有於一乘之性云何說有。若舉偈答差無差疑一切皆遣即兼答意也。然純陀與佛論未見性是無常見性是常。時凡三根解悟。上根於哀歎品中已悟。中根於迦葉問中悟。下根既未解悟。今文殊更爲隱疑。此一偈凡四出。一出此中。二出梵行。三出二十五。四出二十六。大意是同而爲緣則異。此中釋差無差別義。梵行中釋得無所得義。二十五釋有不定有。無不定無。非有非無中道之義。二十六爲釋破定性明無性義。此之四出亦爲下品三根。成論師云金剛

心未是常後心是常。無常則本有而今無。常則本無而今有。此釋正是純陀所疑非關偈意。又解。本有者本有煩惱此昔日之本。今無者今無般若即昔日之今。皆是金剛心前本有今無耳。三世有法無有是處者。據金剛心已後常住。佛果非三世攝故言無有是處。復云上半不異前。而言三乘人同入無餘涅槃。故言三世有法無有是處。復一解。本有煩惱今無煩惱非三世攝。本無涅槃今有涅槃亦非世攝。諸師雖作衆解都不遺純陀疑。只爲汝本既無常今亦無常。本未得常今始得常。本無今有三世所攝。疑難宛然何關偈意。地人云。常法非是始得本來體用具足。但爲妄惑所覆後時方顯。若爾先隱後顯亦應顯已還隱。既顯已不隱亦應隱而不顯云云。三藏師云。生死無始而有終。涅槃有始而無終。今時始得故言有始。一得永已故言無終。作此釋者還同地人。小乘亦得作如此說。惑滅道存本無今有悉是無常。作此說者準舊不免純陀之難。與皇云。迦葉難意。三乘各得涅槃云何同一佛性。同一佛性亦應同一佛乘。佛答三乘只一佛性。昔於一爲三。今只三爲一豈可三乘。前來無性而今方有但隨緣異辨。前來未悟則本有而今無。今時始悟則本無而今有。例如過去燈王多寶此是本有今無。未來彌勒即是本無今有。亦是現在過去現在未來斯乃上半意也。至論佛性何關有無及以今本即下半意。又彈他解云。有三可三便成差別。有一可一便成無差。若差則失無差。若無

差則失差。開一爲三則失一。合三爲一則失三。今明不爾。昔三猶是今一。今一猶是昔三。開三不失一。合一不失三。即是差即無差無差即差。若得此意。本有今無三世有法無有是處。亦應例言。本無今有三世有法斯有是處。無常常境智非境智因果非因果。例皆如是。又云。本有只是有今無只是無。又本不有今不無只是非有非無。又云。上半是有下半是無。無有是處。是非有非無。例本無今有亦復如是云云。然與皇以同一佛性爲本有。始悟爲今無釋上半。佛性非今非本釋下半。指此爲差別無差別義。斯乃分文兩派義不相關。今則不爾。只約一句。差即無差無差即差。一諦即三諦故言本有。三諦即一諦故言今無。即三一而非三一。故言三世有法無有是處。如是展轉不得相離。乃是差即無差無差即差。非差非無差。是則違迦葉之難。紛無遺餘。亦是無常即常。常即無常。即非常非無常。釋純陀之疑。雲消水治。智悟亦然。悟一即三名本有。悟三即一名今無。悟三一非三一。名無有是處。此則何難不遣何疑不除。如是則本有者。一有一切有即是世界。今無者。一無一切無即是對治。合此有無一切亦有亦無。即爲人。三世有法無有是處。即第一義。今此一悉即具四悉。乃遣難釋疑。私謂若二人疑難皆遣皆釋。是則物機咸融。悉會。本有即有句有門。今無即無句無門。聲聞緣覺亦有差別。亦無差別。即亦有亦無句。亦有亦無門。三世有法。無有是處。即非有非無句。非有非無門。

一四相即乃遣難釋疑。觀師三釋。一云上三句出所非除性有性無。後一句結無有是處。二云。本有即不有此有可令無。本無即不無此無可令有。此有不有故非有。此無不無故非無。非有非無故言三世不攝。三云上半無差別而差別。下半差別而無差別。釋此爲二。一者當體。二者爲緣。當體即法身本地故無差別。約緣故有三乘之異。差別不同。又釋本有今無即是無今之本。此本非今即是非今之本。本無今有即是無本之今。此今非本即是非本之今。故非世攝。此解大意可見不復具之。迦葉白下。第二正答上問。又爲四。一論無差別。二論有差別。三雙頌二義。四重論有差別。初有問答。問如文。答有兩臂。前臂聞經信見。後臂分明證見。初臂中二。先臂次合。臂中爲三。初臂衆生同有佛性。次臂致疑。三臂解悟。長者有二解。一云。譬佛。二云。譬衆生。諸牛譬六道不同。種種色者。譬於六道差別萬品。一人守護譬有信心。又云。譬弘經菩薩。令教化之。爲祠祀者。譬弘經者能報佛恩。盡舉一器。觀諸衆生同中道性。白色者。譬理性淨。次尋便驚怪下。譬一往生疑。迦葉之問。衆生既殊佛性豈一。三是人思惟下。譬解悟。衆生業報今乳色一。知是衆生正因之性。即一中道。次合譬中還合上三。初合同一佛性。次而諸衆生下合致疑。是諸衆生久後下合解悟。次如金卞下。譬於證見。先譬後合可見。迦葉白下。第二明有差別兩番問答。初問三乘同一佛性者。應同如來常住涅槃。不應灰斷令

三別異。文云不同。如來涅槃而般涅槃。有文云不同。如來涅槃不般涅槃。此二並得同般者。同證常住。不般者。常住不變。何曾證入。次佛答意。爲憐愍者說有三乘。實同如來一般涅槃。世若無佛者。假設之言。而實不爾。是故實無二乘涅槃。佛不出世。即有二乘得二涅槃。佛若出世。並同如來得一涅槃。第二番問答。如文。迦葉言下。第三雙頌兩義。迦葉言云。何性差別。即第四重論差別有三。初二問答。佛仍無差別中作差別答。第三迦葉復言下。問意者。既言聲聞佛性勝者。那忽凡夫前得記作佛。佛答意者。不以佛性故前作佛。有速願者。即速與記。從迦葉復白下。是品中第九答上云。何諸菩薩而得不壞衆。迦葉更牒問爲請。次佛答中。還以護法爲答。迦葉白佛何緣下。是品中第十答上云。何爲生盲而作眼目導。先騰騰口乾焦。即生盲義。佛答中。先答口爽。次答生盲。初云。口爽者。不知三寶常住之味。名爲口爽。口爽即是生盲。若計定有檢覓。即無從復次善男子。下答生盲。盲故即是不識。不識手足者。不識身內之佛性也。復次如來常爲下。是品中第十一答上云。何示多頭之問。佛答如來示種種身。即是多頭。說種種法。即是多舌云云。復次如人生子下。是品中第十二答上云。何說法者增長。如月初之間。前舉月問佛。今約生子。悉有增長。答之。十六月者。二解。一云。十箇六月。即是五歲。二解。始經十六月。即是過周四月。在文可見。大般涅槃經疏卷第十二

# 大般涅槃經疏卷第十三

隋章安頂法師撰

唐天台沙門湛然再治

一切大眾所問品

六卷稱隨喜品。古本稱憂悲歎頌品。六卷取迦葉見純陀修成菩薩道我亦隨喜。古本取佛受純陀供即入涅槃憂悲歎頌。今取何義以題品目。有二解。文中實無大眾相問之言。及以大眾問佛之事。但有化佛受大眾供即為大眾所問之境。一云如來今日受我供已當入涅槃。我等當復更供養誰。乃是大眾更相慰問。觀師云。迦葉發問元為大眾。佛是所問。能問所問意在茲品。從此得名故言大眾所問品。今明文中不載問詞據答顯問。上明常住不變。今示涅槃之相。相與說反衆問斯義。佛以偈答畢竟常住不入涅槃。從答顯問故言大眾問品。文為兩。一次第答問。二歡喜領解。初中河西云。此品答七問為四章。初章答示現涅槃問。兼答示入天魔道問。次說偈已下答知法性問。三釋有餘偈正答說秘密問。兼答遠離病問及近無上道問。四云何復名無餘義耶。答畢竟問就初為二。一大眾奉供。二如來受供。奉供又二。一緣起二獻供緣起為五。一放光二欲獻三人天通四重放光五奉供。而以此為答示現涅槃問者。河西解云。示現涅槃有三種。一言說示現。二神通示現。三即事示現。即事者。香木酥油受最後食

是也。神通者放光現瑞是也。言說者。告純陀言汝欲令我久住世者宜當速奉最後供養。即答問意。爾時天天下是第二獻供。又二。初大眾供。次純陀供。初大眾供。又二。一大眾供。二比丘持衣鉢。次純陀供為四。一辦供二變土三悲請四稱歎。爾時世尊下。第二如來受供。又四。一受大眾供。二受純陀供。三大眾與念巨細相容。四大眾悲歎。所以兼答示入天魔道者。河西云。世界嚴淨毛孔孔化佛。純陀少供普充大眾。凡此殊勝希有大事。能令時會了了親見。故是兼答示入天魔道問。爾時世尊下。是第二章。答知法性問。受於法樂。又二。初正答問。二領瑞結成。初正答問。又二。先答知法性問。次答受法樂。初又二。先偈文中正明知法性。後長行褒貶得失。初有二十一偈為三。初四行止悲滅。次十三行正辨法性。三四行結勸修習。初四行如文。次十三行為二。前十二行二二相對。以為六雙顯法性之理。後一偈總結止悲。然正是十二偈。而後文云十三偈者。兼取總偈。初一雙中初行中云鳥與鷗者。此二鳥得共處。若鳥鷗與鷗不得共處。鷗即鷗鷗只是鷗鷗此鳥與鷗鳥不可共處。次雙可見。第三雙中云七葉至臭婆師極香。迦留毒樹。鎮頭甘果。餘三雙可見。後勸修中云三寶同真諦者。開善云。佛果真真真。既常絕果亦常絕。莊嚴云。佛果出真真所不攝。是常妙絕與真同故故同真諦。二師猶作偏真釋之。言果出真外復與真同。既同事出既出豈同。今明佛僧是人諦即中道。中

道之法即法是人即人是法。故言三寶同真諦偈。後長行褒貶得失者。莊嚴用此文答示入天魔道問。旃陀羅即是魔道。阿羅漢是人天道。有師不用此。釋羅漢非人旃陀羅非魔。此但是結前得失之意。知三寶常堪受供養。如阿羅漢名之為得。若不知常為害法身。如旃陀羅名之為失。次爾時人天衆去。明受法樂。因事答問。又二。先受法樂。次伸供養。爾時佛告下。第二領瑞結成。為二。前命迦葉領。次命純陀領。前迦葉文中。云復見大眾說十三偈者。一云佛與大眾各說十三偈。此文是佛說。大眾偈不來。二云又見大眾屬上句。說十三偈屬佛。不是大眾說十三偈。於命迦葉領中。文為四。一命二偈三推功在佛四推菩薩能知。次命純陀亦四。一命二偈三佛重結四迦葉隨喜。世尊一切契經下第三章。答上云何為衆生演說於秘密問。兼答遠離一切病得近無上道三問。但有餘之偈。是如來隱覆隨緣之說。非平道顯理究竟之義。今演隱覆令祕顯露即是酬其上問。而文中明五逆四重謗法三種病人罪滅病愈。即是兼答遠離一切病由病差罪滅得近無上道。兼答兩問意在於此。文為二。初略問答。次廣出七偈。初中初略標有餘無餘之問。次略答有餘是不了是密無餘是了是顯云云。次純陀白下。是廣出七偈。問答即為七章。七章或是純陀舉。或是文殊舉。或佛自出云云。初一章是純陀請問。文為六。一簡闡提二取三罪人三釋取意四釋簡意五結偈六緣起。初簡闡提中有四

番問答。初舉偈請釋。云何一切布施皆可讚歎。布施持戒可讚。布施破戒云何可讚。次佛答中除一闡提。第二三番問答可見。第四番問何名闡提。次佛答中有三番。初通說四部弟子謗法造重究竟無改。雖非即是而亦趣向一闡提道。第二番指四重五逆。第三指說言無佛法衆撥無因果。除三番外施皆可歎。爾時純陀復白下。是次問答取三罪人即四重等。於中三。初一問答略出三相。次廣明四重謗法五逆可滅。後別明誹謗因緣。初略如文。次廣中先問次答中意爲三。初明滅惡法。次釋滅惡法。三正明惡滅。初滅惡法者。河西云。有六妙藥。一發菩提心。二慚愧悔過。三守護法。四恭敬護法者。五達罪相。六受持解說大乘經典。此亦六緣大同小異。一被法服。二慚愧改悔。三生護法心。四供養護法者。五自受持讀誦。六爲他說。河西云。發心達罪亦可會此。次何以故下釋。中即釋其意有譬合結三。若有毀謗下正明惡滅。應具如前而今文略。直言還歸正法舉是舉非。犯五逆者明五逆可滅。亦舉是舉非。此中三罪皆悉可滅。即是兼答遠離一切病問。既得滅罪即得近於無上之道。又善男子。犯重罪者下。第三釋取三罪人意。有法譬合。譬爲四。一未生解。二已生解。三明護法。四得果報。初譬造罪破戒時。女譬淺行善德有生解義。如女懷妊蘊解未發。值國荒亂譬破戒成。持犯路絕故言遠至他土。次在一天廟譬生解。天廟譬此經依經生解。邦豈熱鬧持戒功德所得果報。三

路經恒河譬護法。斷常邪業譬恒河。邪辯切諂譬河水暴急。事失報命不捨其解故言不獨濟也。四命終之後是得果報生天。三犯四重下合譬可尋。四純陀復言下。釋簡闡提。先問次答。答中三。法譬合。法中意云。施此人不得福也。譬如有下譬。既破戒竟種則不生。施一闡提如種破核。然闡提改悔則非闡提。下文云闡提作佛亦名謗佛言不作佛亦名謗佛。若言闡提悔而作佛是不謗佛。合如文。五善男子下結偈意。前一切施可稱歎者是有餘說。今明差別則無餘說。六純陀復言下是說偈緣起。復次善男子如我昔日下第二章。佛自舉偈爲三。一佛舉偈。二文殊舉偈反質佛偈。三如來解釋。初文可見。次文殊反質中云方等阿含者。阿含翻法歸衆法所歸。阿含通小大。小直云阿含大加方等。三佛言下是佛爲釋。爾時文殊下第三章文殊重難。於中先難。次佛告下佛答。初問中意言九十五種皆趣惡道。聲聞爲正即是善道華嚴云。九十六種皆是邪道。二文云何通解言。華嚴指實行二乘故不名正。古百論疏云。順化聲聞皆是外道。次佛答如文。爾時世尊下第四章。復是佛舉偈爲三。初佛舉偈。次文殊疑。三佛印讚。爾時文殊下第五章。復是文殊舉偈。又二。先文殊說偈。次如來印成。貪愛無明者。舊解云貪心是內向。喻之如母。無明是外境喻父。然只是貪愛豈無明。因貪起邪見是故墮落。此義不然。貪愛無明俱有內外無明是受身之本如父。貪是枝末煩惱如母。又父是疏

緣如無明。母是親緣如貪愛。如來復爲下第六章。如來自舉偈爲三。一如來舉偈。二文殊難。三如來釋。第七章文殊自舉偈。又二先舉偈。次如來達釋。爾時迦葉白佛下第四章答云何說畢竟及與不畢竟問。一番問答。答中具勝上意無餘即是究竟義。云何復名一切義乎即不究竟。佛還酬兩問。唯除助道是無餘義。酬其畢竟問。其餘諸法通餘無餘。酬其復名一切義乎不畢竟義。唯除助道常樂善法者。河西云。助道是因。常樂是果。修萬行因得萬德果。此則無餘爲利根人。作真實說無法不盡故云一切。亦皆無餘。其餘諸法悉是有餘。就有餘中亦有無餘。如爲聲聞說四諦爲緣覺說十二緣。稱器取之故言無餘。與皇云。助道語通不的是因。今以常爲果善法爲因。此果此因並是助道爲緣斥倒。非因非果乃是正道名無餘義。迦葉菩薩心大下。即是大段第二大衆歡喜領解。初開章爲二。一次第答問。二歡喜領解。今答問既竟。次大衆歡喜文爲二。一正領解。二現病結成。初又兩一迦葉領解。二大衆領解。迦葉領又二。初領解讚歎。次迦葉更問功德。爾時諸天世人下。是來止悲酬請。三大衆供養發心。初文四偈爲三。初一行標請。次兩行釋請舉出家二人在家一人未至不應入滅。後一行結請如來止悲酬請兩行半爲二。初兩行酬請。次半行止悲。但初酬中二人云阿難多聞士自然能解了是常及無常。六卷云。觀如來兩足自知常

無常。如來涅槃時一足黑點一足光淨。光淨表法身常住。黑點表迹應無常。爾時大眾下。第三大衆供養發心又三。一供養。二發心。三進位可見。爾時世尊下第二如來結成又三。一授記。二付囑。三現病。舊云。從付囑下便爲現病品。今則不然。現病爲結成前在此無妨也。背痛者出大智論。昔鹿王爲後來跋兔忍死待之。今佛爲須跋故背痛也。

現病品

莊嚴名第二周。梁武稱中後。開善答離一切病。與皇兩存。前雖答竟何妨更說。後雖更說何妨答前。觀師兩望。望前是結成前答。望後是生起五行。雖復兩望望前是旁望後爲正。今皆不然。從此品去是第三涅槃行。其文有二。先明修五行。次明證十德。初文爲五。一病行。二聖行。三梵行。四天行。五嬰兒行。今說初行。從此標名故言現病品。然品題現病而文明無病此義云何。由前品末授記付囑竟即云我今背痛舉體皆痛。如彼小兒及常患者。從此義故題現病品。由現此病致有三推三請明如來無病。就文爲四。一明推請。二現無病相。三大衆供養。四廣明無病。初有三推三請。一請說法。二請息惡慢。三雙請二事。三推者一推自行二推化他三推證果。兩三相間皆先推次請。合成三段開成六章。初約自行推者。佛萬行悉滿衆苦屏除事當有病。次化他推者。佛自行竟化他功滿。能斷衆生三毒之病事當有病。三證果推者。佛地圓足種智現前湛然常住事當有病。就推自行文

爲兩。初明無病因後明有無病因。偏言四分者通見思故。五見及疑別在見諦。通別病因佛必定無。有一因緣下推有無病因。憐憫是內心給施是外捨。內救外濟除衆苦惱即是無病之因先推竟。次世尊世人有病下。是請說法文爲四。一請教弟子。二請大乘。三請教不退即是生善。四請治惡人。即是滅惡在文可見。此亦是四悉意也。諸菩薩等下。是推化他文爲二。先明化他除三障。次明化他及以發願。初文三。先標三障。次釋。後結。初標可見。次釋中又三。初釋煩惱障。四句料簡利而不深。亦深亦利。若數數起妨修道者名煩惱障。深而不利。不深不利。不數數起。雖是煩惱而不名障。通論四句皆是煩惱。此別分別故爾。七慢如文。成論有大慢爲八但此文略。河西有九慢。謂小中上。等中等。單慢。開爲兩小中上者。自恃我解勝他小慢。恒自慢於小者。等中等者。我與他齊起勝彼心。慢慢者。謂其智解勝一切人更無及者。大慢者。等中上上中等。不如慢者。多不如中言我小劣而實懸殊。我慢者。觀五陰爲我著我所由。邪慢者。實無功勳自以爲有。次釋業障者。決定四趣業能障初果。決定欲界業障第三果。決定色無色業障第四果。此中重惡之病乃是報障。何以釋業重二解。一云重惡之病實是報障。而釋業者果中說因。二云五無間業如惡重病借此爲譬。三釋報障云。謗法闍提何關報障。亦二解。一云生在謗法一闍提家豈非報障。二云惡人具二。一是惡業。二是惡報。故雀

欲蛇蟻皆先業果。復次世尊下。二即是請除惡慢文爲二。初請除惡人之惡見。佛現病生必死想起斯惡念。後請息外道之慢。復次世尊下三是推佛證果。身力具足豈當有病又二。先明身力。次明智力。初身力中廣舉諸力格量。優鉢羅等象者。此象色青。芬陀利色赤。二云象行時足下有華。如優鉢羅因以名之。大勢云行蓮華上白象即其證也。又云雷震時芽上生優鉢羅華。故以爲名。餘者例之。鉢建提此翻堅固。那羅延此翻金剛。如來今者下。三是雙請說法息惡。先長行略請。後偈廣請。偈有七行。初三行正請。次三行釋請。後一行結請。初正請又二。前一行請起說法。次兩行請除惡慢。初文中迦葉是佛弟子何以同彼外道稱佛爲瞿曇。解云凡稱瞿曇亦有所簡。如人眼喚及以喜喚皆云張王。況復但言瞿曇聖德豈同外道慢心喚耶。次釋請又二。初一行釋息惡。次兩行釋說法。後結請可知。爾時世尊大悲下。是第二佛示無病相文爲三。一光明利益。二蓮華利益。三化佛利益。而此三意有事有理。事者病色萎悴健色光悅。今放光晃耀即無病相。蓮華是瑞非是病相。化佛者如來所作。若是病人不能所爲。有所爲者則非病相。表理者光從身出表法身。華能含果表解脫。佛是覺慧表般若。三德具足寧當有病。三章各二。初光明。次利益。初光中。云大悲熏心者。佛德無量何獨大悲。上文請云。三世如來大悲爲本。如是慈悲今何所在。今酬此請故言大悲熏心。前亦放光不言

過百千日。正爲現病非病所能現光破疑。大悲熏身。惠施衆生下明利益。二爾時世尊心無疑慮下。是蓮華利益亦爲二。初辨蓮華。次是諸光明下利益。華益之處遍於三塗。彌見其華以表解脫明矣。八寒地獄。前四從聲。後四從色。罪人初入見是華池起愛即往從見得名。或言只是地獄色如四華。聖字應作劈裂讀之。三如是一一華下。化佛利益亦爲二。如前云。爾時一切天龍下。是第三大衆供養勸請勸請意者。向謂以病惡即涅槃。今見光相知未入滅。是故請法先供後請。初文中云建陀者。河西云一肩鬼。使人肩痛。優摩陀能令人醉鬼。阿婆摩羅令人狂鬼。二說偈下。是勸請十五行并少長行分爲二。初十四行正請。次一行并長行經家敘事。初文三。初兩行標請。次十行釋請。後兩行結請。初如文。次十行爲五。初本誓故請。次隨惡故請。三下愚不知故請。四施甘露法故請。五療病故請。次結請如文。二是諸大衆下。是經家敘事爲二。初請已默止。次請聲所至至淨居者。色頂有形有耳識故。無色不爾故不至彼。序品中云有頂云云。例世間天生天淨天。應言生淨居無漏淨居第一義淨居云云。爾時佛告下。品中第四廣說無病又二。一明如來無病。二舉病行對辨。初文爲三。一明無病。二舉往證今。三云現病是方便密語。此初歎迦葉。迦葉是諸首是故歎之。善哉是總歎。四句是別歎。歎得歎離離外惡緣及內惡因。得內善因及外善緣。二善男子我於往昔下。明我久無此病。過去

無量者是舉昔證今。三如言如來下。現病是方便密語。凡舉十二事密語。初十一事是舉類。後一事合無病。迦葉世有三人下。是第二舉有病對無病。如此之人可得有病。佛不如此豈得有病。又爲二。先明三病人。次明五病人。此中三病人異前三人。前三人不差今三人不差差差差。初是三種罪人。次是二乘小道。三是聞經菩薩。初法譬合。後一皆有譬合。合第三人云。爲諛諂利養誑他故。受持是典與前碩異。寧當不受不持不用破戒讀誦。此乃與誓之意。初列三病人。不差者即開出三不差。差者未開。差者即開出怖畏利養等六事。約五法師合三十種中者。後更開五種病人。都合三十八種云云。二迦葉有五種人下。還成上第二病人。既言遇緣可差不過緣死。即是四果緣覺此等帶病修行故言有病行處。菩薩在因亦應例此。如此之人可言有病。佛斷惑盡即無復病。初果斷三結者。我見。疑。戒取。人天七反者尚略。廣則十四二十八。此文八萬劫成菩提。下文八萬劫發菩提心須會釋之。三果斷五下結。即欲界煩惱。更以貪瞋。足我見疑戒取。爲五下分云云。羅漢或出有佛世。或出無佛世。故非獨一之行。辟支決定出無佛世。故名獨一之行。

#### 聖行品上

次第釋名枝本說不說。次第者河西明。前略廣門說涅槃果。五行修涅槃因。十德聚功獎勸行因。舊云。五行辨因十德明果。開善云。五行明有行。十德明空行。義皆不然。河西以望

果行因文乃承顯義不相干。何者前明圓極之果。五行是梯陞之因。方圓非類於義不允。若舊以五行是因。不應言佛之所行故名聖行。若十德是果。復不應言菩薩修行大涅槃經得十事功德。又且五行非圓因。十德非極果。不成次第。開善五行是有。是亦不然。聖行是開空法道。梵行修十一空住平等地。天行是第一義理。嬰兒行不來不去。病行是如來密語。豈可偏據有行義耶。言十功德是空義者是亦不然。十是數法。昔所不得不聞不知今得聞知。以聞一句半句見少佛性何獨偏據空行耶。今明次第者。上因食論不食廣明大般涅槃施竟。今因病何不病。病有三種。一不可治。二應須治。三不用治。不可不用皆不須方一須用治治。又爲兩。一者次第。二不次第。服此方法名爲修行。修故有證證十功德。功德是不病。不病故體顯。體顯故見性。見性故遍法界。用攝惡攝邪。攝惡邪竟付囑於身分布舍利。若取斯善善成次第。次釋名者。文云聖者諸佛菩薩之所行故。故名聖行。此含兩意。菩薩所行即次第行。諸佛所行即非次第。乃是復有一行是如來行通稱聖行。其義未顯今當別釋。何者聖名爲正菩薩所行前淺後深。真不知俗俗不知中。偏而非正但通稱聖行未爲別意。若復有一行是如來行。一行一切行。一智一切智。故知圓行名正名聖。故上文云是大乘經名爲佛乘。如是佛乘最勝最上圓根性人行於佛乘修如來行。法華云。佛子行道已來世成正覺。即此義也。經文



有兩通釋別釋。人多從通不識別意。今從別釋名故名聖行。梵行者梵者淨也。涉有同塵塵不能染。就功能立名。天行者就諦理立名。嬰兒行者就譬喻立名。病行者就所治立名。如來行者就圓人立名。通稱行者。不住名行。自證不著令他不住故稱爲行。文列五行一行。而聖行在初。從初立名故稱聖行。品。技本者有人言。病是根本從病開四。是義不然。彼見病行其文在前而言是本。此是讀文何關推義。何者病同他惡乃是枝末。云何以末而爲本耶。文云菩薩住於大般涅槃。專心修習五種之行則涅槃爲本。言涅槃者即是天行。緣於涅槃自修名聖行。緣於涅槃化他名梵行。涅槃理顯乘理自進名天行。乘理化物同善名嬰兒行。同惡名病行。豈不以天行爲本而棄本從末。有師言。五行通是病行。引文云是五種人有病行處唯佛無病。是義不然。五人有病修於聖行以治自病何能病行。唯佛無病能作病行。若五行次第從淺至深則病行居後。若論一行即是五行則一病行備於五行。迦葉推佛因無病即是聖行。推果無病即是天行。大悲熏心即是梵行。如彼小兒即嬰兒行。及常患者即是病行。一即具五名爲圓行是如來行。餘之四行亦復如是。若判通別亦以天行爲通。餘行則別。雖作此釋不可一向云云。有師言。五行爲因一行爲果。是義不然。俱稱爲行云何偏判。有師言。五行別一行總。二五五一束散之異。其理乃爾。其行不然。諸佛境界非是二乘菩薩所知。上能束

散於下。下不能卷舒於上云云。此品列五行名。說三不說二。何者天行是衆行衆聖之本其意可見故遙指難華。私謂以難華中自始之末偏圓菩薩事理行願因果義足不可卒備不如指經以今因指往尋觀彼廣文不逾一理。初住已上天之行故故名天行。行即天故名天行。爲天修行故名天行。因天行進故名天行。遠指於天故名天行。有通有別思之可知。病行前已現說道後自彰故不說二但說於三。私云既不說二還成現品未有。若爾應云結前起後。病無病相結前說常酬迦葉請。說行因果起後不然。則云說四不說一也。就文爲三。初雙標五一。次雙釋五一。後單結五行。標中先標次第行爲四。一標人謂菩薩二標所緣法謂大涅槃。三列名即次第五行四結勸。謂治之即差不治不差。是故勸也。標不次第行爲三。一標行名。謂復有一行。二標不次第人。謂如來也。以如來因行即因人也。三標不次第法。謂大乘大涅槃經。大乘即圓因。涅槃即圓果。即因而果具足無缺。是爲一行一切行。不結勸者。是人必差是故不勸。問五一兩行俱緣涅槃是義云何。答同緣涅槃立行有異。一緣涅槃次第立行從淺至深。一緣涅槃即以涅槃爲行。於一行無非涅槃而有偏圓。他不見此而作因果束散之說。謬濫多矣

大般涅槃經疏卷第十三

### 大般涅槃經疏卷第十四

隋章安頂法師撰

唐天台沙門湛然再治

從迦葉云何菩薩下。第二雙釋文爲三。謂聖梵嬰。初聖行爲二。初雙釋次不次行。次歎經。初釋五一中。初釋聖行爲三。一雙釋戒行。二雙釋定行。三雙釋慧行。初釋戒爲三。初雙釋戒行。次雙釋戒果。三雙釋行名。初釋行中二。先釋次第。次釋不次第。初釋次第戒行爲二。一建心。二立行。建心爲二。一遇人緣。二遇法緣。初人緣者。若從聲聞是遇瞻病者。若遇如來是遇良醫。聞大涅槃是遇良藥。聞已生信建心欣服。求無上道是聖若。有大正法是法身正行是解脫。諸佛是佛寶。無上道是法寶。大衆是僧寶。此中非無法緣從多爲名。名遇人緣即建心也。次法緣者。復有方等。即是從經卷中聞於三德及三寶等。愛樂貪求即是起欣。捨離所愛即是起厭。得法爲緣則能建心是爲可治。既遇因緣欣厭分明動魔愁慮。從是時菩薩即至僧坊去。是第二立行文爲二。一受戒。二持戒。受文爲二。一處師。二受如文。從既出家已是第二持戒文爲二。謂法譬。譬中有二。先譬次合。初譬爲五。謂四重。僧殘。偷蘭。波逸提。吉羅。合文爲六。第三篇三十九十開作兩合云云。或可捨墮經宿懺提對首懺爲此開二。羅刹有二解。一云譬外惡知識。二云譬內顛倒心。具如止觀第四持戒

遠感常住法身。今不近不遠。以不動地爲果者。舊有三釋。一云十地中第八是不動地。二云初地真解成就名不動地。三云約地經明尸羅配二地。此言不動者卽是二地。今明不爾。前雙明次第。不次第行如上分別。今合論其果必取證道。證道同處。言同處者卽是初地。若單就次第。第三學明果則人理名住。住卽不動十住是戒果。住生功德名爲行。行以自在爲義。十行是定果。地能生載無所畏地卽是慧果。此次第意。若就圓明戒果者初住是也。文意不單宜須合辨。正是初地證道處。同以明戒果於雙義便。至解釋中其義自顯。釋文爲四標譬釋結。初標如文。次譬中云不動等者。常故不動。樂故不墮。我故不退。淨故不散。云云。問釋論云。八風不動隨藍風至碎如魔草。此復云何。今取尋常隨藍不動論取劫盡。三菩薩下釋中三番。初番約三諦。若言色聲香味者。俗諦中善果。若言地獄等者是俗諦中惡果。聲聞辟支佛者是眞諦中人。異見邪風者是眞諦中法。生死善惡涅槃人法。皆不能動。不墮不退不散。卽顯中道戒果之地。常樂我淨。次番約三障以顯三身。三毒是煩惱障。四重謗法是業障。退戒還家是報障。報障去法身顯。業障去應身顯。煩惱障去報身顯。若至初地三身現前三障皆除。第三番約四德。煩惱魔不動卽淨德。不爲陰魔所墮卽樂德。不爲天魔所退卽我德。不爲死魔所散卽常德。初地具足常樂我淨爲戒果者於兩義便。四善男子下是結戒聖行。善男子云何名聖行。

一七六七 大饗屋榮齋藏書第十四

者。謂除却皮肉正是修相。次唯觀白骨下證相亦二。初正是證相。次復作是念下證中之解無有味著。即得斷除一切色欲。更增其證下去更四重。云復作是念者。只是更緣證起觀。初云除三欲者。復是證相。此似九想之證而不見修文。是修背捨而證九想亦有其義。次觀青骨時見此大地去。復似勝處觀青骨時是修相。見此大地去是證相。從菩薩作是觀時復是修背捨相。眉間即出青黃等光復是證相。見已即問去緣證作於內觀外觀。若彼罵辱至誰受罵者即結內觀。若聞其罵去即是外觀。從我若不忍去是結觀慧。所以善識遮障長養定心。不起惡法之因。則無地獄之果。從菩薩爾時去。是第二明定果。此中明俱解脫人。所修定慧雙修故言作是觀已得四念處。念處能斷結入位。位即堪忍地。文有標有釋。舊云。第五地禪波羅蜜備是堪忍地。今明不爾。若各就別圓別論定果已如前釋。若圓別合論還是初地。忍貪欲至饑渴是法忍。忍蚊虻至楚撻是生忍。身心苦惱是總結。迦葉白佛下。第二明圓定行。他云是料簡破戒應在戒行後。而在此說者解為三。一云出經者誤。二云欲會兩地令無異體。前名不動此云堪忍。只是一地。三云直爾持戒未能見機不得行殺。定能見機可為毀戒事。此義不然。此中正是明圓定意。問此文云未入不動地時得破戒不。云何乃言是圓定耶。答若非圓戒何得即毀而持。既持毀自在例定亦然。即散而靜不起圓定而行於殺仍是圓定。戒既

可解即戒而定不復煩文。是故指此名圓定行。問前明圓戒竟乃明戒果。今明定果竟方明圓定何也。答前後不定彌顯圓定。文為三番問答。初番略。次番廣。第三文殊述事。事乖理順不應得惡果報。問佛答如文。復次又有聖行者。是第三明慧聖行。文為二。一明慧行。二明慧果。就慧行文二。一釋慧行。二釋慧行名。初釋慧行又兩。一釋次第慧。二釋圓慧。次第慧為三。一釋四諦慧。二釋二諦慧。三釋一實慧。他云此是開合之義。畢竟空中說為一諦。次開一為二。又開二為四。亦得開四為一十六乃至無量。若合無量為十六。合十六為四。二一合一入空。今明雖東散開合而名義不同。對緣悉異大有所關。今一往對三藏緣說四諦慧。對通緣說二諦慧。對別緣說一實諦慧。於對緣義顯。次第義亦成云云。舊或以境為四諦。或以智為四諦。或苦集滅道皆是境。對境說智智即是諦。境能發智令智無所有。智能照境了境本無。境智相成故言四諦。興皇云。言聖諦者只是佛性涅槃。非境非智非漏非無漏非因非果非世出世故名聖諦。若依諸師各執一見解文不當四諦義多那一向解。今文列出三種四諦。若言苦者逼迫相去。即有作四諦。若言解苦無苦而有真諦去。則是無生四聖諦。若從苦有無量相去。則是無量四聖諦。此三種四諦悉是菩薩觀境。菩薩住於大乘大般涅槃者。即是無作四諦慧。能所合論備有四種。就初為三。一略二廣三結。略又六。初標列。二釋名。三釋用。四釋體。

五釋制立。六更廣體。初如文。次釋名者。以逼迫釋苦。身是苦本衆苦所集故是逼迫。集能生長只是因能生果。滅者寂滅相生死盡也。道名大乘因運向果。若謂四諦是三藏義者云何言道是大乘相。若一往將對三藏者。三藏善薩道最勝故亦名大乘。三釋用者。苦者現相是明其用。苦是果報果報顯現。集是因相因相微隱故言轉相。數人云。見著知微從微至著即是轉相。世人苦者皆據現事不須相續故言現相。集是業力用必相續兩心轉變故言轉相。滅是除相者。除於所除即除苦集。道是能除。復次苦有三相下四釋體。集是二十五有者。數人云。習續不斷名之為集。論人云。招集為集。此集能習續二十五有。能招二十五有果。復次有漏下。五明制立。約有漏無漏兩因果立此四諦。復次八相下。六更明四諦相。即是廣體。言十力等為道者。莊嚴云。果地非道。道乃是因而言十力者因中分修十力無畏。開善云。道通因果。果地以善提為道。涅槃為滅。更無異體義說為二。從善男子去。是第二廣明四諦。即為四章。苦諦又三。一略八苦。二廣八苦。三會通。初略者八苦自為八章。初生者初託識枝但有身根未具六根。即初託胎。至終者盡於一期故言至終。增長者六包增長。出胎者生時也。種類者出胎之後牙齒髮毛等老增長。滅壞者有一解。一云老時年疾增長健相滅壞。一云從生至長是增長。從長至老是滅壞。病苦應具四大。但言三者地大轉動不如風火。是故略之。雜病客病

即攝地大。死者福命有三句。云但失財物身命猶在是福盡。財物在而失命是命盡。俱盡可解。初句不是死義云云。河西云。命者本應千年止得百年。福盡故命亦隨亡。故言福盡非命盡。命盡非福盡者。福業本長猶應未盡。但爲命盡不復得住。故言命盡非福盡。俱盡可解。私謂有二義故互盡不同。一由過去。二因互別。二由費財殺害致福命現在互損不同。放逸破戒而命根斷者。反此名不放逸。持戒捨命者直名壞命。又解云。此非捨命直是造罪。便名死屍。無復善根慧命也。謗法闍提名爲放逸。破四重禁名爲破戒。五六七八如文。夫八苦者前七有別體。後一總七無復別體。今依經文以五陰盛是其別體。善惡陰盛即是苦體。方便陰盛則非苦體云云。次迦葉生之根本下。第二廣明八苦文自爲八。初生苦爲三。一明生爲苦本。二明生死相關。三明生多過患。初明生苦爲七苦之本。又簡出一苦六苦生亦是本。世間衆生下。第二生死相關。有法有譬。法說中。二。先明凡夫貪著。次明菩薩厭離。譬中。二。先譬次合。初譬中。二。先作厭離譬。次作貪著譬。初文爲四。一生可欣。二死可惡。三生死相關。四明菩薩俱捨。初住復有六。實無人間答。但是生境與菩薩觀智相研。假爲賓主耳。女譬生果誑惑凡夫令生染愛喻之如女。菩薩之智觀生初起故言入舍。端正美麗爲物欣好。總緒者生果之處有多榮華。主人譬菩薩檢責。女人答者譬生果對智。次復於門外下。第二明死可惡往復有六。死

在生後故言門外。死果誑人故譬於女。醜陋者死境壞果。使萬事鄙惡死生相違故言醜裂。血氣已盡故言艾白。主人持刀有二解。治城云。精勤重厭譬之持刀。招提以智慧爲刀。死若不去修智斷之。三主人問言下。生死相關。生在死前爲姊。死在生後爲妹。終不相離故言共俱。還入問天去。菩薩檢生知與死俱。主人即言下。第四明菩薩俱捨。文爲三。一俱捨。二俱去。舊云。金心已還故言還其所止。三菩薩喜慶是時二女下。第二爲貪著作譬。往復有四。初明俱趣凡夫。凡夫之善故言貧家。貧人下。第二凡夫貪愛。功德天言下。第三生境檢讓凡心。貧人答言下。第四凡心。應境既其欣生所以受死。迦葉菩薩下合譬。先合菩薩厭。後合凡夫貪。復次迦葉如婆羅門下。第三明生之過患。凡五譬。初譬淺善。又四婆羅門淨行。譬菩薩初欲修般若畢竟淨道。幻童解行淺弱。所偏者。三。餘苦偏。糞中果者。苦無常中有生天果。有智人下。二深行訶責童子。聞已下三淺行懷愧。云非貪天樂爲欲於中修道捨之。智者語言下。四菩薩勤捨。善男子下合。但合後兩不合前。二復次下是第二譬。有人譬佛四衢譬四生初受身。器譬經教。盛滿飯食譬佛說五戒十善招人天果。言而賣者。以此化生遠來譬從惡道中來。饑虛羸乏譬重苦。問言者。實有此事不。食主答言譬佛答。唯有一毒。不免無常即死滅也。更復重審。若無常者如來何故令人修之。故言何以賣之。佛還答言深智令捨。愚淺凡夫一往接之。

三四兩譬可見。譬如險岸下。是第五譬。生死果上有草覆。譬生死中有假名我及相續常。多有甘露譬虛妄樂。深坑譬三塗。脚踏譬命根斷。第二觀老第三觀病二文可解。然生定在死前。病不必在老後。今文先老後病者。少時病者猶有望差。老時若病催死則病如將崩更折故在老後明病。文釋病苦而云身心安隱者。解有二。一云只安隱是病如大庾小庾。父子分別十年後得相見白日相慶。過夜即死此安隱是病。第四觀死苦又二。先正觀死。次夫死者下傷痛。初文者何等是死苦。若氣未絕由生非死。若氣絕已不復覺苦。若受地獄即是後身非關死苦。此事難知。例如責滅。爲當未滅時是滅滅已時是滅進退難定。似本有今無本無今有云云。今只取將絕未絕名爲死苦。至論菩薩未全免死。而言唯除菩薩住於涅槃者。三解初名佛爲菩薩。二云金心菩薩一轉成佛。三云初地菩薩離未免生死。志求涅槃不爲生死所亂。今明初解是應菩薩此不會經。次金心一轉此正是死何故被除。後解菩薩雖不爲所亂而不免死何故被除。被除者。是圓教菩薩煩惱即菩提。生死即涅槃。不可復滅。生死非生死亦非涅槃。生死尚不能生死。生死何能生死。非生死如此菩薩即是被除。不爲生死所害。文云。如金剛雨能破一切。此雨復能破金剛不。若不能破利義不成。若其被破堅義不成云云。死傷一切如金剛雨。唯有菩薩不爲所傷復喻金剛。當知金剛碎散不能傷譬時金剛。則菩薩不爲死所

死。摩羅毒蛇者。河西云。黑蛇毒觸人衣即死。餘人觸此衣亦死。阿竭多星者。此星八月出。若有人得此星呪者能消其毒。次夫死者下。有十句傷痛最爲可悲。若離即成二十句。於險難處病其苦最重。無有資糧者謂之善法。去處懸遠者其路無窮。而無伴侶者孤魂獨逝無隨去者。於十二時常無休息。晝夜常行無前無後故無邊際。如萬似坑故言深邃。以內昏故而外不照故無有燈明。死爲窮道衆路地塞故言入無門戶。又云死亦不從六根而入故無門戶。必有來處故言而有處所。當時恍惚故言雖無痛處。而良醫拱手故言不可療治。賢聖所不能制。故言往無遮止。到不得脫初死儼然。非是刑害。故言無所破壞。而親友悲泣故言見者愁毒。更非虎狼禽獸所啖。故言非是惡色。無有不畏死者。故言令人怖畏。此即陰身之後。故言數在身邊。而不測其好惡。故言不自覺知。若依此義命絕中陰是爲死苦。第五觀愛別離苦。從離緣生即是壞苦。若論壞苦因中說果。即指樂受爲體。今亦如是。即指恩愛是別離苦。文中明捨所愛身者。若命斷時爲死苦者已屬前世。今取離所愛身及所愛親屬并依報等。是愛別苦。釋論云。離他人易。離親屬難。離親屬易。離父母難。離父母易。離己身難。離己身易。離己心難。頂生者是濕生。實論人在天邊猶如乞兒在於王側。云何而言二王相似。然頂生是應故得類天。若實報者是則不及。天王壽長故胸疏。人王壽短故胸數。金輪至重餘不能升。

王以德力應重則輕。髦尾者古人讀此爲鬣尾不然。短者單作毛。長者影下作類。如呼多技人爲髦士取其德長。劉孝標稱任防爲海內髦傑。即是此字。昔魏王珠照十二車。況頂生珠寧不照一由旬。此言大如車轂。又經云。衣帶中者在其德力不在大小。寶女者能生千子乃名寶女。法顯傳云。王妃生肉如瓜。有千軀。一軀一子者是。釋論云。勸嬾是寶女不孕。二文既異如何會通。此各爲時所重云。第六觀冤憎會苦。既從合會緣生。生即是苦前境偏心。心領境偏憂惱故名冤憎會苦。第七觀求不得苦。還約前愛離冤會。於愛求會而離。於冤近離而會。二求不遂即是求不得苦。第八總結。上七苦即是五盛陰苦。已如前釋。定有別體云云。爾時迦葉下。第三會通苦諦者。昔阿含等經皆言三受中有樂受。今言五陰皆苦都無樂義。今昔義乖。開善分此中四番問答爲四章。觀師分爲二。後三番子章只是作難。今先問次答。就初問爲三。一總非。二作五難。三結。初領旨仰非。何以故下作難。初第一與第四問同據樂緣。第二問別據樂體。第三與第五問同據樂因。初據樂緣者。佛昔於阿含告釋摩男云。色若定苦不應求色。色若定樂不應厭色。但今單難無樂不應求色。若求紅黃當知有樂。今日何緣全言無樂。今具舉六根對於六塵以爲樂緣。如佛說偈下。是第五重據樂因與第三同。舉樂因而復異者。前舉善爲樂因只言世間之善。今具舉聲聞菩薩出世之善名爲樂因。就五偈爲四。

初兩偈明聲聞之善爲樂因。次一偈明菩薩之善爲樂因。三一偈重結小乘。四一偈重結大乘。明菩薩畢竟不得同佛畢竟。乃是分畢竟。世尊如諸經下三結非。諸經即指告教如佛今說故指此教無樂唯苦。佛告迦葉下。第二如來答大分爲二。初歎其所問。次善男子一切衆生下正答。答又二。初總答。後別答。總答中二。初答。後論義。初文者昔隨他意以下苦爲樂。今隨意故一切皆苦。前迦葉作五難相次而來。世尊一答五難玄解。今昔兩說不復相違。實非是樂謬情所計橫生樂想。迦葉白佛下。第二論義。還難佛解下苦之義。又爲兩。初正難後領解。就初爲三。一謬領難。二顛倒難。三據事難。謬難者佛意以輕爲下苦。難意以重爲下苦。故成謬領難。迦葉列八苦皆爲三品。下受三塗中人上天。若下苦有樂者三塗之中應有樂相。若復有人下。次倒難。若下苦生樂想者。亦應下樂生於苦想。何者下樂且就世間歌姬舞女爲上樂。中庸之歎爲下樂。於此下樂應生苦想。就其謬領作此謬。並世尊若下苦中下。三據事難。如人受千罰。初受一鞭應生樂耶。佛告下答又二。初且然問後正答然其第三一罰之意。明實於下苦而生樂想。若得免多罰於一罰甘受亦以爲樂。從以是義放下正答。但答其第三據事難時。前謬領倒難自然懸去。我實不云下是重苦。下是輕苦。汝何謬領故不答。並亦不然。其下樂而生苦想故不須答。正答第三。應受千罰初得一下即開放脫事非下苦生樂想。

耶。如人應刑聞百鞭放亦是於下苦中而生樂想云云。次番領解。先領後述。或謂此文是一難。謂言此人於一罰而生樂想。但於脫多生樂想耳。此是得意領解不名為難。佛連言實不虛者隨情之說。昔云有樂此是隨情。今言無者道理如然。迦葉有三受三苦下。第二別答五難。但有三文。第一答前第二樂體之間。第二答前第三第五樂因兩問。第三答第一第四樂緣之間。此初答前第二樂體問者。又三。第一出兩教。第二點三受。第三結虛實。此初先出兩教。一三受教。二三苦教可見。善男子苦受下。是第二點三受者。但昔教亦點三受。謂苦點苦受。壞苦點樂受。行苦點捨受。此乃小乘之教其義未極。止是單點即成論人所用。今此極教則復點此初苦受具三苦。苦苦者心緣苦境苦境偏心。心境合舉故是苦苦。樂不長有暫時而住。樂緣既謝即是壞苦。無常所侵即是行苦。餘二受各二苦。或云各一苦。故文云二。今解不然前既復點。今云何單用壞苦點樂受。用行苦點捨受。故知一受具二苦。樂受亦具壞行兩苦。捨受亦具壞行二苦。樂舉體可壞即壞苦。而復有無常所切復具行苦。捨受亦二捨必離壞故是壞苦。而復未免無常是行苦。但此二苦不須境偏故無苦苦。善男子以是因緣下。第三結虛實。又二。一結昔說妄樂非實。為凡夫言樂。苦薩不爾皆苦。文云。生死之中實有樂受。文復云。生死之中實無有樂者皆是隨情之所妄計。梁三藏師計生死有樂無樂。並皆爭論如前云。

云。善男子生死之中下。二結今說實苦可尋。迦葉白佛下。第二答前第三第五據因之難。又二此初迦葉重問以求答。或謂別是新難今則不然。還是牒前偈中世出世善之間。更飾其詞非別問也。佛答意者。我說善能感樂遠得菩提之樂。不言生死中樂。初言善提根本即是佛果生因。又言長養善提即是佛果了因。舊云一向不得有於生因。今謂有因緣亦得說之。善男子譬如世間下。第三答第一第四據樂緣問。又二。先正答。次舉解惑結正答又兩。先明為樂緣。後明為苦緣。緣既不定故無樂也。後出諸珍寶等並皆是苦。且舉一事如多寶初謂是樂。為之失命復是極苦。善男子下。第二舉解惑結又三。初結菩薩解苦。次結二乘不解故隨情為說。三重舉菩薩結也。

惱不明於業本是煩惱煩惱潤業。於煩惱中偏說貪愛。愛是繫地之惑潤業故生。華嚴云。無業無煩惱苦諦無所住。無明無所行平等行世間。又十二緣不生不滅是為平等。乃名集諦。若十二因緣生滅是集非諦。此中有七番。一明集因。於果已起即是五陰成辦於愛。還愛此有是愛陰身。次愛有二種下。是明二種愛。已身是我。所須是所。三二種愛欲得已得。四即三界愛。五三種謂業因緣愛。以報因故感此苦果。如鵲雀多欲皆先業果。次言煩惱因緣愛者。以習因故生愛可解。次苦因緣愛。為脫重苦於輕苦生愛。如畏死苦而苦治令差。然針炙實苦因此得差即便生愛。六復有四愛即是四事。七復有五種愛即是五陰。善男子愛有二種下。第三明是非。若不善愛則是集。若善愛則非集。其中復三番料簡。初將聖對凡簡。次舉菩薩對二乘簡。三諦非諦簡。故云凡夫愛名為集不名為諦。菩薩愛者名為實諦不名為集。菩薩愛者名為實諦不名為集者。取其解智故名為諦。凡夫不爾。故但名集。若例此義俗亦非諦。若望解了則得名諦。若復隨情則稱於俗。迦葉白佛下。第二會通。昔說業惑為集。今云何獨說愛為苦因。先問次答。問中先引四經。次正結難。初引經中言六觸者。即是六識取塵而有觸對。此亦是集緣此識心得來世果。如四識住處為五盛陰。今以何義下正結難。次佛答中又二。先歎其問。次正答初如文。次正答中意云。昔教今教兩不相違。是故今日說愛是陰界本。就今

### 大般涅槃經疏卷第十五

隋章安頂法師撰

唐天台沙門湛然再治

聖行品中

起卷廣明集諦。文為三。初明集諦。次會通。三料簡。初又三。一標名。二釋體。三明是非。初標名二。先牒章門。次釋云。集因能得陰果。故言是陰因緣。所謂集者下。二釋體。昔教以業煩惱為集。煩惱之中具足十使。今但言煩

惱不明於業本是煩惱煩惱潤業。於煩惱中偏說貪愛。愛是繫地之惑潤業故生。華嚴云。無業無煩惱苦諦無所住。無明無所行平等行世間。又十二緣不生不滅是為平等。乃名集諦。若十二因緣生滅是集非諦。此中有七番。一明集因。於果已起即是五陰成辦於愛。還愛此有是愛陰身。次愛有二種下。是明二種愛。已身是我。所須是所。三二種愛欲得已得。四即三界愛。五三種謂業因緣愛。以報因故感此苦果。如鵲雀多欲皆先業果。次言煩惱因緣愛者。以習因故生愛可解。次苦因緣愛。為脫重苦於輕苦生愛。如畏死苦而苦治令差。然針炙實苦因此得差即便生愛。六復有四愛即是四事。七復有五種愛即是五陰。善男子愛有二種下。第三明是非。若不善愛則是集。若善愛則非集。其中復三番料簡。初將聖對凡簡。次舉菩薩對二乘簡。三諦非諦簡。故云凡夫愛名為集不名為諦。菩薩愛者名為實諦不名為集。菩薩愛者名為實諦不名為集者。取其解智故名為諦。凡夫不爾。故但名集。若例此義俗亦非諦。若望解了則得名諦。若復隨情則稱於俗。迦葉白佛下。第二會通。昔說業惑為集。今云何獨說愛為苦因。先問次答。問中先引四經。次正結難。初引經中言六觸者。即是六識取塵而有觸對。此亦是集緣此識心得來世果。如四識住處為五盛陰。今以何義下正結難。次佛答中又二。先歎其問。次正答初如文。次正答中意云。昔教今教兩不相違。是故今日說愛是陰界本。就今

教又二。初明愛是根本。二明愛之過患根本。又二。謂法說次譬說。凡三譬。謂大王膩衣濕地。皆如文。善男子。菩薩下。第二明愛過患。又二。先標列九章門。後一一廣釋。釋中自爲九章。一一章中仍當分合譬。前一爲二乘作譬。後八爲凡夫作譬。初文者。三乘未斷習如還財未盡。下八爲凡夫尋文可見。次善男子。以是義故下。第三料簡。苦集世間因果已竟。於四諦中間。結前有作苦集。起後無生四諦。忘前是忘生死。忘後是忘涅槃。約此生滅。文中料簡。即令第二三。四三番皆顯。所以者何。若見有苦則有苦生。若有苦生則有苦滅。既解苦無苦苦則不生。苦既不生苦則不滅。大品云。即色是空非色滅空。色性自空中無生亦復無滅淨名云。五受陰洞達空無所起是苦義。若能如是解苦無苦而有真諦。夫集從苦生。既解苦無苦寧復有集。解集無集即是真諦。苦集滅故名爲滅諦。既無苦集寧得滅諦。滅本不然今則無滅。是爲解滅無滅而有真諦。道治苦集既無所治亦無能治。故道不二解道無道而有真諦。又寄此中間簡無生者明二邊無生。世間因果既其不生。出世因果亦復不生則無四諦。只解世間苦集無苦集。只解出世道滅無道滅即是無生四諦。其意無量且略言之。若欲簡出第三番者。解苦無苦而有實者。是就實中又有二意。次第實不次第實。次第實者即是無量四諦。不次第實是無作四諦。還就簡四諦爲四章。初簡苦諦自有兩本。若舊本則言凡夫之人合聲聞緣覺皆

言有苦諦。若新定本於集諦中。則開凡夫二乘有異。凡夫但有苦無諦。二乘則有苦有諦。此於二乘而與誓之。舊云苦是境諦是智。凡夫無智但有於境所以唯苦無諦。二乘之人有少分智故有苦有諦。無真實者不能觀苦解苦無苦故非真實。集諦例爾。道滅二諦不論凡夫者。唯二乘與菩薩道滅二諦有真偽之異。以二乘人不能觀滅諦非諦故非真。菩薩能知故是真實。從善男子下。第三廣明滅諦。雖復滅道寄彼生滅中間。而料簡之以生滅滅道猶未釋故。故更釋之。無生等三後自廣釋。次釋滅諦文爲三。先唱兩章門。次釋。三結唱。見滅見滅諦兩門。若見滅即是斷章門。見滅諦是離章門。二乘灰身滅智但有斷離兩事。菩薩具智德等事云云。二所謂斷一切煩惱下是解釋。初八字釋見滅門。是斷惑之無以之爲斷。若煩惱下是釋見滅諦章門爲二。初用次體。初用中凡五句。初四句是四德。或謂五德。今且作四德是就用爲言。常於色聲下二就畢竟寂滅是約體論。三善男子菩薩下結如文。善男子云何下第四廣明道諦。文爲二。初明道諦。次會通。初爲三。一章門二解釋三結。釋中先贊次合。初贊中言因燈者即譬八道。然燈照物。物即常無常等雖異終是一道理隨緣異說。次合贊中云陀羅驪者。河西云是真寶諦。求那是莊嚴瓔珞功德等。舊云主諦依諦。非陀羅即非真非求。那即非俗。迦葉白佛下。第二會通佛昔種種異說今但言八道是故會通。文爲二。先問次答。

問中二。先問次難。初問爲三。一唱不相應。二釋不相應。三結不相應。初如文。次何以故下釋者。十四經多是阿含等教信心乃至布施說道不同。次世尊若八聖道下難。又三。一以今難昔。二以昔難今。三結過。初文者若昔是則今非。二若今是者昔何不說云云。三結如文。佛答爲二。第一款問。善男子去正答。又二。謂法譬。法說中意者。以機別故說異。會齊故理同。譬如良醫下譬說也。凡舉六譬。一良醫。二飲水。三金師。四然火。五一識。六一色。皆先譬次合。初良醫譬可見。河西解。水名尼婆羅者。煮阿梨水名鉢鉢羅。煮樹葉爲湯以樹爲名。次飲水中波尼屬實水名。譬特者東天竺水名經本或言臂特。今未定相承爲臂特。臂利藍中天竺水名。婆利聲論水名。波耶藥和水名。三金師譬合。文云。或說五種。所謂信行等。見到道者。即信法兩行。是見諦道中人。信解與見到亦名見得。此二是思惟道中人。四人在兩道各分利鈍。信行在見諦時鈍。入思惟還成信解鈍。法行可知。一往如此。數習則利。不習則鈍。翻覆不定。數人云。十五心是見諦道。十六心去是思惟道。論家不爾。十六皆是見諦道。論家分利鈍在五停心中。入見道無利鈍。譬如平水乘船有遲有疾。得風順流無復利鈍。餘三文可見。善男子是四諦下第三總結。迦葉白佛下。第三明無量四諦。文爲三。初明無量無量。二結爲四無量。三結爲二無量。他謂此文會通四諦。開善謂是攝法盡不盡。今謂。正是無量無量。善章。



初文問答。問中先舉昔事。昔學大地草木喻於無量無量。手中少許喻有作無生。當知先說者少不說者多。如此之多四諦攝盡。四攝不盡若盡不應言多。不盡應有第五諦。佛答亦攝盡。亦攝不盡。同名四諦。名攝則盡分別相貌。彼竟不說攝則不盡。名同義異故有盡有不盡。今佛答之以名往收則皆攝盡。迦葉復白去。第二結無量無量爲四無量。文有問答。答中二。先示根辨智。次正釋諦相。初文者具論諸智。應有三品。下是凡夫不足可論故不說之。但舉中上者。就四人中判於中上。若就法者應指四種四諦以判中上。有作無生如前說。無量今當辨。夫無量者。非是超然出四諦外。還是四諦種別不同。故文云分別校計有無量種。若委論者應從地獄乃至於佛凡聖五陰種別不同。於一一陰復更分別無量界入。豈是聲聞緣覺所知。是無量苦諦。又從地獄乃至於佛行業不同。一一行業分別校計有無量種。亦非聲聞緣覺所知。是爲無量集諦。又從地獄乃至於佛。應以何身應說何法令其修學。一一身法分別校計無量法門以爲眷屬。亦非聲聞緣覺所知。是爲無量道諦。又從地獄乃至於佛。得解脫時因緣不同。一一解脫復有無量解脫。分別校計有無量種。亦非聲聞緣覺所知。是爲無量滅諦。如此四境既異有作無生。亦非二乘中智所及。名稱同異爲四諦相。如大地一名爲無量其相浩然。今當略說。就正釋中四諦爲四。初苦諦中經文但約陰入界三。及重明陰略示

苦相初陰者。文云。知諸陰苦是名中智。分別諸陰有無量相是名上智。云何分別六道。陰者是蓋覆義。蓋人天善及無漏善。蓋人天善則沈沒三塗。蓋無漏善則輪迴諸有。二乘陰者蓋覆等德。蓋四等則不能化度衆生。蓋四德則不能至於寶所。菩薩陰則蓋覆生死涅槃蓋生死則大悲拔苦。蓋涅槃則大慈與樂。佛陰則蓋覆法界事理。蓋事則以應身遍應一切機根。蓋理則以法身遍一切處。又六道陰苦。二乘陰樂。菩薩陰雙是。佛陰雙非。如此分別豈是二乘所知。次知入爲門名爲中智。分別諸入。有無量相是名上智。云何分別六道六入。名爲入門亦名會入。眼根色塵會入有爲。乃至意根法塵會入有爲。二乘入者。入無常無我會入無爲。菩薩入者。眼根入施會入檀波羅蜜。乃至意亦如是。眼根入戒忍進禪慧之門會入諸波羅蜜。乃至意亦如是。諸佛入者。佛眼是入善門。普門入一切法界慈悲喜捨。法界咸應會入薩婆若海。乃至意亦如是。諸經中明六根。爲寂靜門平等門。此義甚多云云。又六道之入。是入苦門。二乘之入。是入不苦門。菩薩之入。入亦樂亦苦門。諸佛之入。入非苦非樂門。三又知界分性者是名中智。分別諸界有無量相是名上智。云何分別六道。眼界性分唯見於色不能聞聲。色界性分但對於眼不對於耳。乃至意界性分但能知法不能見聞。法界性分但對於意不對於眼。二乘界者。眼界性分。但是無常苦空無我不得常樂乃至意界性分亦復如是。菩薩界

者。菩薩眼界性分。但見色空不能即空即假即中。乃至意界性分。但能即空不能即假即中亦復如是。佛諸界者。眼是法界法性性分。即能見色聞聲嗅香別味覺觸知法。即空即假即中不可思議具足一切無量佛法乃至意亦如是。又六道以苦爲界。二乘不苦爲界。菩薩亦樂亦苦爲界。佛以非樂非苦爲界。又知色壞相是名中智下。重廣約陰。文云。分別諸色無量壞相是名上智。六道之色壞善壞定。二乘之色壞因壞果。菩薩之色壞有壞無。佛色者壞上諸壞。壞爲法界。非壞非不壞悉是法界。又六道色壞樂。二乘色壞苦。菩薩色壞雙是。佛色壞雙非云云。又知受是覺相是名中智。分別是有無量相是名上智。六道之受。受違受順受不違順於遠起瞋覺。於順起貪覺。於不違順起癡覺。二乘之受。於三覺中。一皆起五分法身。須陀洹人初覺無漏云云。菩薩受者。受佛法受衆生。受佛法時覺於十力四無所畏諸波羅蜜。受衆生時覺於慈悲喜捨四無量心。諸佛受者自覺覺他。即覺不覺非覺非不覺悉是法界。又知想取相名爲中智。分別是有無量相是名上智。六道之取。但取人我衆生壽命色香味觸。二乘之取。取於無常苦空無我。取於涅槃。菩薩之取。不取二邊但取中道。如來取者。取即不取即非取非不取悉是法界。又知行作相是名中智。分別是有無量作相是名上智。六道之行。能作二十五有。二乘之行。能作涅槃。菩薩之行。作諸波羅蜜。諸佛之行即作不作即非作非不

作等法界。又知識是分別是中智。分別  
是識無量知相是名上智。六道分別。取此取  
彼欲苦食毒。二乘分別。厭生死沈涅槃。菩薩  
分別離邊會中。諸佛分別非邊非中。經文約  
苦諦竟。二知愛因緣能生諸陰是名中智。知  
一切愛是名上智。六道之愛是後陰因緣。二  
乘之愛五分因緣。菩薩之愛是無等等色。乃  
至無等等識因緣。諸佛之愛是色解脫乃至  
識解脫因緣。三知滅煩惱是名中智。知滅煩  
惱不可稱計。滅亦如是。不可稱計是名上智。  
凡夫六道亦得有滅差已還生。二乘之滅灰  
斷不起。菩薩自滅復令他滅諸佛之滅。滅一  
切滅即是法界。道離煩惱是名中智分別。能  
離之道無量無邊是名上智。六道之道離善  
之惡離惡之善。二乘之道離漏之無漏。菩薩  
之道離邊之中。諸佛之道無離無至。何以故。  
一切諸法即是佛道故。動見修道品。不動見  
修道品。亦動亦不動見修道品。非動見非不  
動見修道品云云。是為分別無量四聖諦竟。從  
知世諦者是名中智去。是第三結四無量為  
二無量又二。先明二諦。次明二諦慧。初文即  
是二諦。文中直知世諦是中智。分別世諦無  
量無邊是上智。直知三法印即是中智。知第  
一義無量無邊不可稱計是上智。世間人但  
言第一義諦真諦涅槃。只得是一。不得有二。  
況復無邊。今文明第一義諦不可稱計。豈唯  
一種。此中言無常涅槃等真諦者。與數論不  
同。數云。四諦十六諦並皆見真得聖悉是第  
一義諦家唯無我一種通於真俗餘皆世諦。

而皆相從言是真者。以無常盡於常等倒。苦  
集隨真相從名真依。淨名云。不生不滅是無  
常義。盡是實相皆第一義。又是三法印。爾時  
文殊下。第二明二諦慧者。先出舊解六種二  
諦。一有空。二虛實。三世流布亦言隨事。四相  
續。五相待。六因生。空有指大品。虛實流布  
指阿毘曇。相續相待因生指成論。又解意同  
名異。一凡聖。二虛實。三空有。四假實。五事  
理。六親疏。舊釋名云。俗是浮虛真名真實。世  
是代謝第一義是無過。俗待不俗。不俗名真。  
真待不真。不真名俗。虛實相待真俗名生。他  
問真是真。實可稱為諦。俗是浮虛何以稱諦。  
彼解云。審實浮虛。若爾諸義兩釋。俗以浮虛  
釋諦。真以審實釋諦。與皇云。諦未曾二約緣  
故。二俗於凡為實。真於聖為實。俱用實以釋  
諦。不用浮虛。今問真於聖為實聖。有照真實  
智可得稱為諦。凡於俗為實。凡無照俗智安  
得稱為諦。若凡無照俗智而於俗為實得稱  
俗諦者。凡無照真智於真亦為實亦應稱真  
諦。凡於真無智不稱真諦者。凡於俗無智安  
得稱俗諦。又聖於真為實而稱為諦者。聖何  
以於俗不實不得稱為諦。是則聖人無權智。  
今言諦者還是審實。淨名云。四諦是菩提不  
虛誑故即是審實。有隨情審實隨智審實。隨  
情智審實故。隨凡隨聖約真約俗。俱得稱諦。  
喻如一色。凡夫謂有。賢聖為無。亦如一日醉  
醒不同有轉不轉。一諦二諦其義亦爾。舊解  
二諦一體不異龍光云。既稱二諦當一體。  
二諦有二體亦俱通緣。假法為世體。無相理

為真體。雖有二體而實相即俗。雖名相即無  
名相。真無名相不妨名相。又言。二諦一體空  
為理本故。以真為體俗是其用。或言從俗取  
真。俗為其體真是其用。開善云。二諦共以中  
道為體。義皆不然。若二諦二體則世無第一。  
第一無世但是不相即不得有相即。若其一  
體但是一諦則無二諦。若其二諦以中為體。  
取相障真無知障俗。誰復障中。二諦之智不  
能見中。焉得為體。若二諦二體二體各異不  
論相即。若二諦一體只是一諦與誰相即。仁  
王般若云。二諦不相即猶如牛二角。大品即  
色是空。淨名五受陰洞達空無所起是苦義。  
及此經中皆云二諦相即云云。舊云。合四諦為  
二諦。或言苦集世間是世諦。道滅出世是真  
諦。或言。三諦是世諦。唯滅是真諦。或言。四  
諦皆是世諦明因果故。無相因果乃是真諦。  
或言。只四諦是世諦。即世諦是真諦。文云。解  
苦無苦而有真諦。餘三亦爾。今明非但四諦  
開合不同。只就二諦開合非一在後當說。就  
文兩番。問答初問為三。一直審。次世尊下。雙  
定定相有不。三如其有者下雙難。難中意者。  
若言有者。即是一諦真俗相即故。真中有俗。  
俗中有真。二諦不異故言是一。如其無者。即  
是虛妄實而言之。定有定無。定一定異。皆是  
虛妄。皆出經者互現其文。若定有無便成斷  
常虛妄之說。善男子下。如來直答二諦相即  
不斷不常定非虛妄。世尊下第二番問答。初  
問意者。還成一諦故云則無二諦。如長在短  
中則失長。真在俗中則失真只成一諦。佛答

有二。初略明大意理實中道唯有一體。善巧方便爲緣說二。若隨言說下第二廣說。凡有八種。一世出世。二名無名。三實不實。四定不定。五法不法。六燒不燒。七苦不苦。八和合。他亦作六種二諦。若言空有虛實等語。皆言有虛有實兩理。雖然故非經意。今文云。隨順衆生說有二諦。如隨醉人說則有轉日。當用此意以釋經文。一師云。七種一統隨緣說異。一師言。七種各異。今明智者大師有七二諦。名雖不同其義可會。一生滅。二無生。三禪俗複真。四禪俗禪中。五複俗禪中。六複俗複中。七圓二諦。若依法華玄文。名相稍別義意必同。讀者應知。就一種中復各三種。謂隨情隨智隨情智。今欲以彼七種二諦來釋此文。佛旨難知。且出一師之見八種不同。卽爲八文。初約世出世兩人。判二諦者通冠下七。一二諦各有此意。世情多想束爲世諦。聖智多知束爲真諦。此卽隨情智判二諦。次善男子五陰和合者。約名無名判。攬陰名生卽世諦。卽陰離陰如性知之性卽真諦。此約有作四諦立之。三復次善男子或有法有名有實者。他云。世諦有名名名於體。物應於名。真諦但有名而無實。今文反此。世但虛名而無真實。不生不滅與法相稱卽是真諦。不能卽色而空故有名無實能卽色是空。故有實有名。此依無生四諦立之。四善男子衆生壽命如旋火輪。此禪俗複真以論二諦。假名幻化熱焰火輪但有其名而無其實。稱世流布卽是世諦。真與中合共爲真諦。若禪以真爲第一

義者。不得言苦集滅道是第一義。俱指四諦卽真中合此明無量四聖諦中若真若中同爲第一義諦。前文云。第一義無量無邊不可稱說。五善男子世法五種去。此約禪俗禪中以明二諦。上以熱焰火輪五譬。以譬人我而爲世諦。今以五法而爲世諦。五法如焰輪。焰輪譬法。法譬互舉同是禪俗。心無顛倒如實知之卽禪指中道以爲如實。此明有作無生等苦集爲俗。指下一實諦爲真。六善男子若燒若割去。此約複俗禪中以明二諦。若燒若死此明體法始終。若割若壞此明折法始終。卽以兩始爲有兩終皆無。此之有無合之爲俗卽是複俗。禪指中道非有非無故無燒割卽第一義。明上有作無生之真俗同名爲俗。指下一實諦而以爲真。七善男子八苦有無去。此約複俗複中以明二諦。複俗如何。言複中者非禪指理。卽事而理法界圓備名爲複中。此合上來有作無生真之與俗皆名爲俗。指下一實不可思議而爲真諦。文雖不顯義推自成。然此一番猶是複俗。複中二諦。八復次善男子下。先譬次合明圓二諦真俗相卽皆不可思議。譬如父母和合生子。一人多能以譬圓俗。十二緣和合三道卽是三德卽第一義以顯圓真。是名不可思議二諦。一切二諦悉入此中。方便隨俗說諸二諦無量無邊止論七種何足驚怪。能如是知名慧聖行。古來皆迷此二諦文。今用天台大師七種二諦義來釋八番義。則相應真順聖慧。文殊師利下第三明一實諦慧聖行。若前文中學四舉二

共顯一實。何不從四至三而超至二。非無三諦。但此中文東四爲二。其義則便。東四爲三。義少不便。故不言三。解者不同此間以常住佛果是一依一實諦。引勝鬘云。一苦滅諦卽是眞實地人云。除妄顯黎耶卽是實諦。中假師云。除斷常顯中道爲一實諦。與皇悉不用佛果所依能依。焉是一實。妄惑與黎耶爲一爲異。若一既除。妄惑亦除黎耶。若異待妄說實豈是一實。對邊說中中還是邊亦非一實。然一切法本無所有畢竟清淨。實無所有何曾有實及以不實。諦與不諦爲緣方便假說。言教依文正以一道清淨爲一實諦。是正眞法。故華嚴云。法性遠離是故今明。若非彼是此非一實諦。若隨緣異說得意無咎。文顯一實甚自分明。就文爲二。一標宗。二論義。初標有問有答。答中有八。善男子初二共成初義則有七不同。一約境。二約心。三約言說。私謂亦可約言行。四據人。五約教。六約因體。七約果體。文殊自佛下第二論義還論七章。初約境論義。有問有答。問中先領問。一往似問如來虛空佛性三種有何差別。尋下答意。正是問此三種與一實。諦有何差別。佛答有三。一倡兩章門。二釋三結。初倡章門又二。初倡昔四諦。次倡今一實。與皇名初爲實滅章門。次爲滅實章門。取教爲實滅。取理爲滅實。亦以四諦教中之實卽是實諦。若虛空佛性皆是理實。卽爲諦實。故名爲諦。今此初倡昔四諦章者。各有三句。若是苦境。諦是苦教。亦是苦智實是苦諦之理不二爲實。又云。除苦一句。

餘二亦得判實。又但取實除兩句只用實爲歸。次如來非苦下。第二但一實章門三種皆是實。非苦者非境。非諦者非教。是實者是理。後三諦亦爾。如來虛空佛性亦爾。顯時名如來。隱名佛性。虛空取隱顯不二。所言苦者下。第二釋兩章門。只約四諦卽爲四別。一一諦中皆先釋實諦。實諦卽是昔四諦中之實。次釋諦實皆如文。復次言實者卽是如來下。第三結章門又二。先結三法與真實相卽更無異體。次從有苦有苦因下。更結是非又兩。初結三法異於四諦。故是諦實。次結三法異於有爲有漏是故是實。所言有苦卽苦諦。苦因卽集諦。苦盡卽滅諦。苦對卽道諦。問非虛非實稱爲實者。非虛非實亦應稱諦。答如所問。問二義若齊何故二乘稱諦。如來稱實。答與奢之殊二乘審知是苦。又解苦無苦與其諦名。未窮理實故奢其實。文殊白佛言如佛下。釋第二據心章門。先問次答。初問意云。諦攝倒不。如其攝者云何得言不倒爲實。若不攝者復違前言攝法皆盡。進退兩望悉皆有過。然下文具明是苦集攝。此中但明是苦諦者。偏據果報酬因之義。第三問答釋約言說章門。其中二事可見。私請準佛答文既約斷惑知是約行。文殊言如佛所說下。第四就人爲問云。二乘所說爲實不實。佛不定判實與不實。約斷惑邊是實。而非常住義當不實。文殊魔說下。五就教爲難。魔所說者聖諦攝不。佛答意云。四諦之中苦集諦攝。問外道二十五六等諦爲屬何諦。又外道所說四諦之中爲

壞幾諦。今明但壞苦集不壞道滅。何者。彼云冥初生覺。後生五大五微等。生覺是因壞佛集諦。大微是果壞佛苦諦。二十五六爲佛苦集二諦所攝。文殊師利言如佛下。第六釋約因體章門。文殊牒佛一道清淨是實諦者。外道亦云一道清淨。應是實諦。佛答意明外道但有苦集無道滅。於非滅中而生滅想者。卽橫計非想以爲涅槃。非道道想者。計難狗戒而以爲道。非果果想者。計於萬物微塵世性之果。非因因想者。計微塵世性是萬物因。問前云不壞滅道。今計非想難狗等戒。豈非壞耶。答此起橫計橫壞道滅。前則不爾。彼明二十五諦直言冥初生覺等。六諦之中但言主諦依諦。何處云計非想之與狗戒。故知不壞道滅二諦。又問外道有苦諦者。前何故云凡夫有苦無諦。答直言有苦境以爲苦諦非謂苦智。文殊言如佛所說下。釋第七據果體章門。先問次答。問爲三。一唱外道有四德。二釋。三結。此初唱有如文。何以故下釋。凡有二十四復次。計有常樂我淨卽爲四別。初八復次計有常。二五復次計有樂。三三復次計有淨。四八復次計有我。此初八復次計常文。在初者通以因果故知有常。二列殺生因必得惡果故常。三據能專念故常。四舉憶想據所念。五舉修習。六舉算數。七據讀誦。八據形相。皆如文。次計樂有五復次。一據因果。二據有求。三據樂因。四據樂緣。五據三品。三三復次計有淨。一據淨因。二據淨緣。三據淨器。四八復次計有我。一據造作。二據相貌。三據別味。四據

作業。五據求乳。六據名字。七據有遮。八據伴類。世尊諸外道等下。第三總結外道應有實諦。佛言下二如來。答文爲三。初略。次廣。三結。初文二。初非後釋。初如文。次何以故下釋非。

大般涅槃經疏卷第十五

# 大般涅槃經疏卷第十六

隋章安頂法師撰

唐天台沙門湛然再治

聖行品下

起卷是如來次廣答所問。破前四執文爲三。一廣破計常。二略破樂淨。三廣破計我常。我是執之端首故廣破之。初破常文爲三。一明外道理非。二明其言謬。三正答所問。初又三。一明非二舉過。三結非。初文者。何故名非橫計有常。常非緣生緣生無常。然諸外道有計自然應不從緣。若自然者。法塵對意而起此計。豈非緣生。是故外道悉是無常。善男子。佛性無生。下。二舉過即舉是對非舊云。當果佛性故不生滅。若是緣生即是生滅。此不應然。今是舉正以對邪計。三結非者。正是一道理清淨之理。佛性之性不生不滅。豈得唯作當果釋耶。以是義故。故須結非。善男子。是諸外道下。第二明外道言謬又爲三。一論其言謬。二破其所執。三舉是顯非。初言謬者。以不見佛性三寶真理故有所說謬而非真。若見此理言即真實。諸凡夫人下。第二破執。前文殊舉邪計中。第八復次執於大地形相衣服及車乘等皆計有常今破此執。一切有爲不。第三顯非。善男子。有爲之法下。第三正答所問又爲三。一雙辨色心兩章門。二偏明心無常。三偏明色無常。舊云。總有三聚。引梵行云。色法非色法。非色非非色法。以非色非非色爲無

作聚。又引聖行云。白四羯磨然後得者。得於無作。是義不然。非色非無色乃是中道。雙忘兩捨豈是無作。無作有爲此過非小。白四羯磨然後乃得。此受得戒不足證於中道無作。何者。作與無作皆有漏善。闍提信作不信無作。若依小乘無作有漏。若依今意無作無漏。如向引戒聖行受戒無作爲證。何等無作耶。彼教云。若不許有無作義者。不文那云言無作是爭論耶。答數人云。無作是色。論人云。無作無色。各執不同致成爭論。我今設云。有無作者終不計於色與無色。況各計耶。又我設云。有無作者終不定執小有大無則無爭論。又華文只云色之與心何以強說作與無作。若數人心是心王數隨王起。又識是心王數是相等。色有十一。謂五根五塵并無教色。論人明五根五塵四大爲十四色。然此但明四大五色。下文明十一色。所以然者。互現一邊不專一處。善男子。心名無常下。第二偏明心是無常。又爲四。一無常。二破常執。三重明無常。四重破常執。初明無常爲四復次。一攀緣異。二六識異。三六塵異。四相應異。善男子。心若常者下。第二破執常四復次。一明識不應獨緣。第二六識不應異。第三所因不應異。第四謂名不應異。復次善男子下。第三重明無常五復次。一明三聖心異。二三凡夫心異。三三受心異。四三毒心異。五三外道心異。初如文。次三凡心中云。在家遠離者。身在家而心離遠。善男子。心若常者下。第四重破常正是破於前八復次文還有八。雖不相對或破

前或生後不破。私謂前七破前。後一生後。又出沒不同。沒四謂不破因果殺生算數形相。而廣生後已作今作。非冤非親。及我物他物。最後第八復次總結無常。私謂是則但有第一破第三專念。第二破第四憶想。第三破第七讀誦。廣有四五六。第七破第五修習。第八生後亦是廣文。名有出沒者。皆是隨宜非凡所測。我今於此非色法中下。第三偏明色是無常。又二。先結前生後。次是色無常下。正辨無常自有十句。一初生異。二時異。三味異。四力異。五形狀異。六果報異。七名字異。八壞合異。九次第生異。十次第滅異。皆舉外對辨中間或略前後皆對。若無常即是苦下。第二總破前五復次計樂。三復次計淨。又二。先正破後指上已答。若無常即是苦破其計樂。若苦即是不淨破其計淨。因迦葉上問已答者有三解。一開善云。前四諦慧聖行初說苦諦明五陰皆苦。迦葉以設諸難明有樂緣樂因理應有樂不應皆苦。佛答於下。苦中橫生樂想是已答竟。二治城云。前性品中。佛有真我之性。迦葉即十二難責覓現用。佛舉力士額珠等譬答竟。三諸師多用長壽品末迦葉問世間亦說梵天是常與佛說何殊。佛答外道。皆是竊得此言如偷牛之喻。故言已答。河西記中云。即是第七卷中已答。觀師云。是四倒品中具說淨樂等倒。此中不復委悉。但略破樂淨故指上也。復次善男子下。第三明無我以答前八復次計我。文爲二。初總明無我。二正破彼執。初總唱色無色二章。次釋二章。前破

常中亦先標次釋。釋之則廣。此中釋章門即略。前亦就色心破常。今破我亦就色心。色非我下。釋初章門中。先明色非我。色何故非我。可壞可破故也。非色之法下。釋非色章。非色是心。心則無定從境生故。樂緣觸心心即便樂。苦及不苦不樂亦爾。既其從緣故無常無我。若諸外道下。二正破所執上有八復次。今有九復次。亦不正相對。今是隨機不同不破第一造作第四作業贖。第一專念第二憶想第七三法。是則第三破第七第四破第八。第五破第六。第六破第五。第八破第二。第九破第三。不次第者但隨舉而破應無別意。善男子是諸外道下。三結過詞責。凡舉兩譬。初小兒後生盲。初小兒譬行非。生盲譬教非。如嬰孩唐戲終日不營家業。外道亦爾。無益苦身不成淨行故。文云。無慧方便。次如生盲人徒聞四譬不識真乳。外道亦爾。聞信章陀事知常樂。故文云。而問他言云云。文殊白佛下。第二明圓慧行。舊云。破迷四諦二諦一諦之著。又云。破前分別心。明畢竟盡淨無所住著。是義不然。前標章。說次第五行。戒定兩行尚無破著何獨慧耶。慧行被破戒定自破。三行破者即破聖行。聖行破五行亦破。五行若破即無所修。無修即無證。無證則破十功德。此義不然。當知此文明圓慧行。文為四。一發起。二正說。三領解。四結章。初發起中。不稱四二但稱一實。何以知之。昔初教中折法四諦。摩訶衍中相即二諦。先已曾說非為希有。又非無上。今臨涅槃方復更轉一實真諦是為希有

名為無上。故次第後發起圓慧。正說為二。一明不般示圓慧。二約不更示圓慧。不般又為三。一直示。二約不轉橫歷事示。三約如來虛空豎示。就直示又二。初止其云何。二示其真理。云何有二意。一寄文殊嗟於未達故言云何。二難文殊為是未達。為發起故故言云何。次示真理如文。二從善男子若計有我。明不轉橫歷諸事以示圓慧。明不轉者凡歷七事。謂非果非因非轉非生非出非作非造。皆即事而理悉是常住。三從善男子轉法輪佛境界去。是豎結圓慧無非常住。或云。如來約果理。佛性約因理。虛空通因果云云。從善男子語有二種下。是第二明不更為二。先明異故不更。次明同故不更。初異故不更者。既其兩異何得言更。異有八。一語異。二衆異。三根異。四德異。五利益異。六請主異。七所說異。八聲遍異。初轉法輪為五比丘。一陳如。二十力迦葉。三跋提。四頗鞞。五摩男拘利。今總言之。復次凡有所說下。二明同故不更。又三法譬結。初法中明同故無更。譬如下譬釋無更。凡三譬。初譬生善滅惡。二偏滅惡。三偏生善。此等義同是故無更。是故汝今下。是第三結無更。爾時文殊下。第三領解發述。爾時世尊下。第四結初。先對迦葉。中間對文殊。今慧行竟還對迦葉善始令終。迦葉白佛下。是第二釋行名。問何故戒慧之後俱釋行名。定行無耶。答初後既釋中間略無今文為四。前佛復宗通結竟。今初迦葉問。次則如來別結。三迦葉更問。四如來開結。次第五行。此之五行本

為五人有病行處說此法門。二乘之人得有修義。即聲聞緣覺如是聞已則能奉行故名聖行。又有別根性拙度菩薩。約次第修亦名聖行。若是諸佛世尊之所行者名為聖行。此結圓行。如來行之故作不治。遇與不遇悉皆得差。正結此人及此法門。古來不見此結束意。是故不作別圓兩釋。若二乘人及別根性有病行處。聞佛說者修之則差。不修不差此結次第。善男子是菩薩下。二明慧行果文為五。一倡地名。二釋地義。三明地體。四明地用。五結下地況上地。初文者。舊明慧果得二地謂無畏地。從初至六地。從七地至法雲。名自在王地。所以得二地果者。慧行斷煩惱通達疾利。今謂不然。且戒定兩行不斷惑。通達鈍者云何。舊解。不動堪忍。皆是初地一體異名。若其同是戒定之果。何不二地通至法雲。今明只是一地自在往生。乃是無畏用不應更開。善男子若有菩薩去。是第二釋地義。此文與十地經合。彼解初地離五怖畏。今文亦然。在名小異意義則同。不畏貪婬下。無不活畏。無死畏。不畏惡道下。無惡道畏。惡有二種下。無惡名畏。亦復不畏沙門下。無大衆威德畏。無死畏即常無不活惡道畏即樂無惡名畏即淨。無大衆畏即我。具四德無五怖。是故此地名無畏地。亦復不畏受二十五有去。第三明地體文為三。初出體所入位。次善男子住無畏下。出體所證三是名下結。初如文。次所證者。此地得二十五三昧。名諸三昧王。一切三昧悉入其中。即是中道第一義三昧。總攝諸三

味所謂俗諦三昧、真諦三昧、皆來攝屬故得稱王。一諦三諦即是其體。舊言二十五三昧斷三界惑故。六地菩薩名無畏地與羅漢齊。今不用之。若二乘斷二十五有得稱王者可言其齊。既不是王何得云齊。文云聖行者諸佛所行。非諸聲聞緣覺境界。何得云齊。又六地菩薩斷三界惑。是通菩薩非此文意。諸師認用全不相關。釋二十五三昧。具如法華玄文第四卷中。彼釋二十五名具四悉意。雖二十五無非是王。為辨異故立名不同。即世界意。於二十五中。如日光月光等。即為人意。如不退心樂等。即對治意。如常樂等。即第一義意。一一三昧通皆四意。一明諸有過患。所謂三惑。二本法功德。即修三諦三昧。三結行成。即三昧成入於初地。四慈悲破有謂得入初地。即能現於一法界身。遍入諸有令他破有。古人釋此全無片意。云善男子菩薩入如是等諸三昧王下。第四明地用又二。初明力用自在。次明生用自在。初力用中三雙。一依正為一雙。須彌是依。衆生心是正。二自他為一雙。內他入已化已為他三少多為一雙可見。次生用者。初總生諸處即十界處。次別生處即是十界。壞須彌包世界。散合十方而不染。游處地獄而不苦。即地之用。善男子菩薩成就去。是第五結下況高如文。問是諸菩薩功德悉等。云何復有高下不同。舊云。等中等悉同無別。等中不等故復淺深。與皇釋云。橫論一地具諸功德。豎論則有高下。橫豎亦復何定。亦如一物推倒即橫。捧起即豎。云爾時衆

中下是第二章數經。經詮聖行依教奉行。革凡成聖故可稱數。文為四。一無垢數。二如來述數。三迦葉自誓。四如來述誓。數教為二。先經家叙。次正數教。初經家叙內德外儀。初內中有大威德者。總論無畏地之體用。威是外用德是內證。備內外德故言具大威德。大神通者。即數外用。如自在地有吹山覆海之用。得大總持者。得二十五三昧王持諸三昧。得無所畏者。備如佛說。上諸功德皆悉具足。即從座起是叙外儀。世尊下。是正數教又二。先領佛旨結下況高。百千功德。次數上說次第。不次第別圓之教。何故謂佛菩薩不如大乘。大乘是佛母。母能生子則教可尊崇。文云。方等力故能生諸佛。若就道不自弘。佛能說教則佛勝於教。佛能弘教此就化他。教能生佛此就自行。藏王所歎舉自行邊。時佛讚言。下。二如來述數為三。謂述釋結。述如文。釋中法說開譬合譬。開善謂譬五時教。佛合牛。出十二部經指初教。修多羅指般若。言修多羅是法本。般若是行本故。方等指淨名思益。稱歎菩薩故。般若是法華。法華明平等大慧。大慧只是般若涅槃可解。又云。般若始在十二年。終則降於涅槃。乃在法華之後。引釋論畢竟品為證。若爾修多羅是淨名。方等即法華般若即般若。招提云。前三明教。後二明理。前三教者。十二部即小乘藏。修多羅即雜藏。方等即菩薩藏。佛教不出此三教。後二理者。般若是因涅槃是果。行般若因得涅槃果。與皇云。佛說法即是十二部經。學此十二部

了修多羅。知諸法本即達方等。達方等故生於般若。般若生故能了涅槃。觀師云。此並從多之少從廣至略。初數十二部。十二部通於小大。此則是總。更別數修多羅。修多羅又通。更別數方等。方等未為希有。復別數般若。於般若中更別數涅槃。一句佛性。如從牛出乳。乃至醍醐。則涅槃為最。義皆不然。何者十二部經通於大小。豈獨是小乘。又十二部謂是初者。小非初說故不可用。復何故以修多羅為般若。餘經豈無長行耶。復何故以般若為法華名不相應。義云何會。假使以般若隣於涅槃。般若則是第四時教。復達爾五時次第。招提三教兩理者。此文是述其數教何故喻理。縱如招提所說乃歎他經非歎今教。與皇所說乃生解次第復非歎教。藏王云。諸佛雖有無量功德。故不如是大般涅槃。從教生解非文所歎。若觀師所說。從廣至略而為最勝。文云。醍醐最上一切諸藥悉入其中。廣豈過此。既其是廣可不被歎。諸師皆欲包括收攝。不覺咫尺漏失正宗。邯鄲學步兩無所獲云云。今但依經即如藏王。聞佛說於次第之別。不次第圓大第之教。能生漸行菩薩功德。不次第教。能生一切諸佛功德。歡喜踊躍雙歎兩教。佛助其喜還述歎之。若次第相生窮玄極妙更加稱美。牛者即涅槃教主。乳者戒聖行。酪者定聖行。生酥者四諦慧聖行。熟酥者二諦慧聖行。醍醐者一實諸聖聖行。如五味次第宗於醍醐。五行轉深極於一實故。言最勝最上。此即述其數次第教。若單說實慧一



慧一切慧慧爲法界攝一切慧不由次第佛即醍醐最上最妙一切諸藥悉入其中如來即是人醍醐也一實諦者是法醍醐醍醐之人說醍醐法醍醐之法或醍醐人入之與法一而無二中間諸法無不醍醐次第一實一而無二歎五行之一實即是歎一實之五行作此釋者次第歎教二義皆成若望一期教次第者從佛出十二部者即指華嚴華嚴最初是十二部修多羅者即三藏中之一藏物不堪大即爲說小方等之教折小彈偏歎大褒圓般若之教三人同聞專歸一實引小歸大接偏成圓及住方便未證小果許其通學摩訶衍道大般涅槃尊極之教已住小果斥廢三修說勝常樂若爾何以不說法華法華破小果滅化城引入寶所與涅槃同又迦葉如來二萬燈明皆說法華以爲極唱不說涅槃今此釋迦惡世垂迹宜以異名顯於常樂兩教同極不言法華意在於此又前番小熟者以法華熟之後番未熟更以般若泆汰今涅槃熟之釋論云般若至法華後即此義也又歎此教與一期教亦不相乖戒是聖行之首又戒廣攝如文所說與華嚴中初照義同定聖行正與修多羅中定藏義合四諦慧行以大涅槃三修斥小無漏之非與方等彈訶義合二諦慧行其俗相即正與摩訶衍即色即空義合一實諦慧行即涅槃教可知一期一經次第皆成義不相違以是義故下第三結歎迦葉白佛下第三迦葉自贊文爲三一領旨二憫他三自贊自贊爲四一誓以正報皮骨以

爲紙筆傳持五行二誓以依報財力充足飽滿令得宜行三誓以智力折伏攝受四誓於同好傾盡三業而宗事之爾時佛讚下第四佛述其誓又爲三一讚二記三證此初讚也汝今下是記記文有三一記超越行二記成道果三記轉法輪三乃往下引證一引昔次證今初舉昔中有三一陳菩薩昔行二者諸天謀議三者福試陳解初昔行如文我修如是下諸天謀議二輪者福慧也大仙我當與汝俱往下是第三福試先譬燒打磨三試次合三試者一說半偈試有智無智若知文義未盡即是有智若不知者即是無智二示可畏身試有畏無畏若心堅固不生怖畏若其浮弱即生怖畏三從索身試其能捨不捨云云半偈者但說無常一邊不說常邊故言半偈有爲三相何故但明生滅而不言住一解四句偈是故略之問若略何不略餘字答此復有義住法不顯生滅遷謝但明始終中間宜略問三相遷法那得有住住即是常常即不遷又與無常異答言是無常之住並三相自是無常而有無常之住亦應有無住之常云云文云所說空義此偈明無常那得是空舊解無常未是空但是空方便後云得空一解不然只無常即是空之異名小品云無常即動相動相即空相淨名云不生不滅是無常義今亦無常是不生不滅義文云寂滅爲樂者涅槃之體非生非滅今此既云寂滅爲樂亦得生滅生已寂滅生爲樂不答任道者是例不任則不例生起相滅除相正取除生

除滅是寂滅樂生是起相涅槃無生是故不例超越十二劫者出曜佛藏等經皆云超九劫或云根緣不同佛爲增減說之次善男子汝今亦爾下證今云云

大般涅槃經疏卷第十六

### 大般涅槃經疏卷第十七

隋章安頂法師撰

唐天台沙門湛然再治

#### 梵行品

諸師謂梵行四心爲體聖行三品爲體引經云說四無量是梵天道名轉梵輪說四諦是第一義天道名轉法輪又師言慧定戒爲梵行體七善悉知知即慧也四心是十二門禪即定也後明持戒得失即是戒也若然與聖行何異異者梵是化他聖是自行聖以慧爲正戒定相成梵以戒爲正慧定相成聖是聖人所行梵是淨道道通凡聖聖先戒後慧梵先慧後戒是爲梵聖異也又師言因果是梵行體梵者言淨是涅槃因能得涅槃故以因果爲梵行體義皆不然若四心爲體斯乃梵天道非大涅槃若三品爲體雖異聖行不出二乘非大涅槃因果爲體者尚存因果云何名淨非大涅槃若非大涅槃是誰梵行名義無取故皆不用今言梵者名淨淨義有三謂淨淨不淨淨非淨淨非不淨淨云何淨淨所謂七善四無量心三品六念如是等法悉是

出世涅槃淨道。今以梵行遍淨諸淨。文云。誰是一切諸善根本。當言慈是。是名淨淨。云何不淨淨。我說是慈有無量門。所謂神通。調象。調狂。治眼。治創。慈游世間。悲入湯鏝。慈善根力無所不現。使諸不淨悉皆得淨。是名不淨淨。云何非淨淨非不淨淨。所謂大乘大般涅槃。非因非果非自非他非染非淨畢竟清淨。即是如來常樂我淨。文云。慈若有無是有是無是聲聞慈。慈若有無非有非無。如是之慈是如來慈。如來慈者乃是非淨淨非不淨淨。若此三慈縱橫並別。非妙非淨即一而三即三而一。不可思議。乃得名為清淨梵行。從三得名名梵行。文為二。初明梵行。次歎經。初梵行為三。先七善。次四心三持戒。初七善中二。初徵次釋。釋中三標釋結。標則標章。唱數列名。此七善者。前三通自他。次兩專自行。後兩是化他。若旁正言之。正是化他旁是自行。釋中二。初明別七善。次明圓七善。別七善中即為七章。初釋知法者。法通自他。以知法故能自行化他。此章亦有標釋結。初標如文。次釋中二。先列。次釋。釋中十二部經為十二段。初云修多羅者。舊云。無翻五義訓釋。或云契經是用此代彼。或云契經是正翻。開善云。但通無別。莊嚴云。有別即是偏頗長行。引成論云。祇夜頌修多羅。祇夜者。具足應云路伽祇夜。祇夜翻為句亦云頌。開善云等句。莊嚴云等頌。光宅云重頌。是頌長行之偈。受記者。梵云和伽羅那。論云解義經。此翻受記。即授六道三乘等記。伽陀經。一云不等句。二云不等

頌。三云直偈。即孤起偈。所言除修多羅者。除別相被頌長行。又言及諸戒律者。又除戒律中有此偈。知前有長行。無長行者即是孤起。優陀那。論云。無頌之長行。經云。無問自說因緣。此偈出法句。尼陀那論云。本末次第即因緣經。阿波陀那論云。即譬喻經。伊帝目多伽。論云。一竹伊帝目多伽。開善翻如是語。莊嚴翻為本事。言我所說名界經者。各有界別。欲明各有封印。名如是語。開陀伽論云。本生。然本生本事不異。即合第九為本生。第八為如是語。開異者第八名本事。第九名本生。毘佛略者。論云。廣。今經方廣。亦云轉佛略。直廣是小乘中名。方廣是大乘中名。阿浮達磨即未曾有。優婆提舍。即論義。亦云大教。亦云解義。大乘中沒解義名。光宅。以前和伽羅那解義。謂解受記義云。菩薩若能下。是第三總結。次釋知義者。即知十二部經所詮之理。今明此解極略應言解十二部經空平等義。又於一句解無量義。又解畢竟清淨義。若解三義義勢則周。第三知時。如是時中任布施善即是化他餘句多是自行。四釋知足下。兩善是自我。五自知者。諸親善不善。如曾子曰。吾日三省吾身。六云何知衆下。兩善皆屬化他。知衆者應備知十法界衆。文中略舉人及二乘。於一一衆施三業化。但略舉身口。又化他多用身口。少用意是故略之。七知尊卑者。應備知十界尊卑。文亦簡略。不信是聞提。即地獄界。此則極卑。不往僧坊。無事中福德。即餓鬼界。不禮拜是僞慢。即畜生界。不聽法不受法

調。詔曲很戾即修羅界。不至心聽散善不專即人界。不思議者雖至心聽不能思議是天法界。不能修行。但有聞思。無有修慧。是二乘方便道淺劣皆卑。但求小乘無大志願。雖復發真此亦為卑。若求大乘此乃為尊。次第相望乃至圓別。是佛菩薩界。如是節節迭為尊卑。善男子去。即第二明圓七善舉兩譬者。如意珠譬圓生善。甘露譬圓滅惡。一善一切善無善不備。一滅一切滅無惡不除。故舉兩譬。先譬。次合譬可見。次如是下合譬云。於人天中最尊最勝。若直以世人天解者未為允當。於賢聖人天中尊勝乃應合文。善男子是名下。第三總結。能具七善即梵行中之一品。第二明四無量心者亦名四等。無量從境。四等從心。何者前境非一故名無量。在境雖多我心一相故名為等。通而為言。境亦名等。心亦無量云云。文為二。初明四心。後明心果。初辨四心。又二。先明次第四。後明圓四。次第又三。一略標。二論義。三領解。初標如文。次迦葉下論義。先問次答。問開五難。一難四心應三。二難四心應一。三難四心應三。四難四心應二。五難四心應一。合而言之亦成三難。第一與第三難四令三。第二與第五難四令一。第一四一難難四令二。且依經文而分五難。第一以兩心無異同能治瞋應同是一。喜能與樂捨能除癡。是故但三不應有四。慈有三緣下。第二皆同有三難令唯一。先唱三緣。次釋三心。三緣深淺但為一義。然約境雖異緣心無別。如緣貧窮即衆生緣。知此貧人應須衣食

即是法緣。若知衆生須知如來受第一樂。則無所須即是無緣。能緣既不應有四故只是一緣五陰名衆生緣者。五陰從何而生。緣所須物而施與之。是名法緣。若緣如來不須此物。即是無緣。欲明緣境心遍。乃至上緣於佛況復餘境。慈之所緣下。第三舉三緣難。衆生境淺法空則深。無緣兩無是故極深。既有三緣寧得有四只應有三。成論人云。緣生是生空。緣法是法空。緣如來是平等空。此失文意。文云。緣衆生者。緣於父母妻子願與其樂。何時云空。人有二種下第四難。人有二種。見行利根。愛行鈍根。利人好願爲教鈍者。十遍不解是故生瞋。爲此義故須修慈悲以捨瞋心。鈍見利者恒生嫉妬。所以令其修於喜捨。即除嫉妬。若爾只見有二不應有四。夫無量者下。第二以名字離合作難。既言無量豈得唯四。既其但四不應無量。若無量者唯應是一。次如來答爲二。先破定四之執。次答無四之難。初有三。一明教門廣略不定。二明反常不定。三明治惑不定。既其不定何必須四。初約十二因緣不定爲答。或十一乃至二。因緣隨機利益不可爲定。除生一法者。河西云。薩遮尼提。聰明饒腹。頭戴火冠來至佛所。其心高逸不聽佛法。密迹杆擬怖方聽法。其父是梵志母是尼提。俱共出家。以從非法父母生故。唯此爲恥。餘無所憚。佛將護之。故除生一法唯說十一。爲迦葉說。以辟支根利復無忌諱。具說十二。善男子如來方便下。第二反常不定。或謂口密不定。佛實具足常樂我淨。

亦說無常不淨。生死實是無常不淨。亦說常樂我淨。善男子或有衆生下。第三治惑不定。謂身密不定。作轉輪王施財是捨。與五欲樂是喜。作僕使趨走是慈。詞諫是悲。善男子是無量下。第二答無四之問。又二。前總後別。總又二。初舉二事。次總非前問。舉二事者。前舉體異。次明用異。初體異者。得報不同。慈得遍淨。悲得空處。喜得識處。捨得不用處。處異故治惑不同。如是無量伴類下。第二明用異者。貪取人物。慈與人物。瞋與人苦。悲拔人苦。嫉忌人樂。喜與人樂。癡長憎愛。捨亡愛憎。以是義故下。二總結前非。非一者非第二第五。非二者非第四。非三者非第一。第三如汝所說下。第二別答五問。即爲五章。此初答第一治惑難唯三無四。今明。雖同治瞋。瞋有輕重。是故成四。有六復次如文。是故迦葉是無量下。答第二同緣難。治惑不同伴類有四。何得令同。有三緣但共爲一。復以器下。答第三淺深難。雖令有三。今明隨用有四。豈逐行爲三。或言器是境。以行分別下。答第四據人利鈍難。欲明雖有兩人而有四行不得爲二。以無量故下。答第五名字難爲二。初列四章門。次廣解釋。欲明無量有四句。何妨得有四種無量。迦葉白佛下。第三領解如文。世尊頗有菩薩下。第二明不次第即圓四心又二。初料簡小慈。次顯大慈。此之大小小亦不小。不可以凡夫爲小二乘爲大。二乘爲小菩薩爲大。何以故凡夫二乘俱不住於大涅槃故。今以次第慈爲小。不次第慈爲大此兩俱住大涅槃故。

有人。以似爲小眞爲大。此亦不然。次第似眞俱小。不次第似眞俱大。故簡小有兩問答。初問有菩薩住大涅槃有慈悲心。非是大慈心。不此正問次第梵行。次佛答爲三。一明有二釋。有三結。有初倡如文。次釋有中二。先出境。次明觀。初境有九品。寬觀中人各有三品。或謂中人唯一但七。中人於我無冤無親不須開三。一往如此。然此中人不無愚智貴賤之殊。故可分三。便成九境。即有九慈。次是菩薩下正明修觀。若全未修。但欲與其三親三樂三冤三苦。三種中人不與苦樂。若初修慈。於三親中與三品樂。於三中人與三品樂。於三冤人上寬與下樂。中寬與中樂。下寬與上樂。第二修時。上寬與中樂。中下兩寬與其上樂。第三修時。三寬併與上樂。未是觀中三種之樂。第四修時。即以中人下樂併與三冤。第五修時。以中人中樂併與三冤。第六修時。以中人以上樂併與三冤。第七修時。以三親下樂併與三冤。第八修時。以三親中樂併與三冤。第九修時。以三親上樂併與三冤。是名上寬與增上樂。爾時得名慈心成就。又直取三品樂與九種境。初入觀時三親與三樂。第二時中親與上樂。下親與中樂。第三時下親與上樂。第四時下中人與下樂。第五時下中人與中樂。第六時下中人與上樂。第七時上寬與下樂。第八時上寬與中樂。第九時上寬與上樂。是名慈心成就。今文中但略有四番入觀。初番三親等與上樂。此總三親以爲一番。別開三冤以爲三番。若明修觀實有九品修習不

同。而今文中但明三品。善男子是名得慈下。第三結有。世尊何緣下。是第二番亦先問。次答。答爲三。一倡難成。二釋。三結。初文但大何以故下釋先法。次譬凡舉四譬如文。惑障慈弱不得名大。達慈慈成方名大慈。以是義下第三結。善男子菩薩住初地下。是第二顯大明圓四心方是大慈。文爲二。一明大慈。二明虛實。初大慈又三。一正明大慈。二明兼用。三明善本。初正明大慈又三。謂倡釋結。初倡如文。次釋中意者。上來於上冤與上樂。未於闡提與其上樂。今此圓慈緣於闡提。但見實相不見其過。故不生瞋方是大慈。三結如文。善男子爲諸衆生下。是第二明慈兼用者。若慈但與樂悲唯拔苦則非兼用。今明慈亦拔苦悲亦與樂。捨中亦二如文。唯四無量心下。第三明善本爲三。初爲六度本。次爲發心本。三自相本。迦葉白佛下。第二明虛實開善謂爲實觀亦先問。次答。問爲三。一難。二難。三難。初難者又二。先法。次譬。初法者明雖欲拔苦實未拔苦。皆是虛言。雖欲與樂。實不得樂。此是假說。次舉譬顯。亦如比丘作假想觀。觀羹爲羹而實非羹。雖言與樂實不得樂。世尊若非虛妄下。第二難。縱有實益何以不見得安樂者。若實與樂今佛菩薩無量無邊。何以不見與衆生樂。若當眞實下。第三難。佛若答言是虛無實如來亦由往昔行慈得爲梵主。最勝最上何得無益。是故遮云。不得無益故名遮難。次佛言善男子下。答前三難。初答遮難。次答難。三答難。初答遮

難爲二。先歎其過。次正答。答中四偈爲三。初一行明大慈。次一行大悲。三兩行格量。實能與樂功福無量。善男子夫修慈者下。二答難。又二。初倡實實。故舉聲聞假想之非。顯菩薩是實。云何知耶。第二廣明是實。又五。一實能轉境。二實能治惑。三實能善本。四實能遍諸法。五實不可思議。初爲三。一倡。二釋。三結。初如文。釋中意者。解此有二。一實能轉境。二但能令見。若轉金爲土則可實轉。若令衆生爲非衆生但能令見。一師云。經云能成。云何二解。菩薩非但能轉金成土亦轉衆生成非衆生。非衆生者即是草木。轉非衆生成於衆生。若言衆生本來虛妄無所有者。當知衆生有非衆生。若言諸法有安樂性。即非衆生亦是衆生。情與無情有性無性準此可知。私問。若衆生與非衆生實更互轉。情作無情無情作情是義難信。若不實轉聖力徒施。總而言之只是諸佛菩薩。自既依正。不二而二。而不一。能令衆生亦復如是。此則永轉。若暫轉者。不無斯義。亦令轉者不自覺知。況復慈即如來如來即慈。慈即佛性佛性即諸法。敬請後德思之思之。復次善男子下。第二明實能治惑。又三。謂倡釋結。舊云。四等但是功德。猶樂相伏非究竟斷。此中四等即是般若。即是能斷。復次善男子四無量下。第三明實爲善本。又二。先明能爲大乘善本。次明能爲三乘善本。初又二。初明通爲一切善本。次明能爲布施之本。初文可見。善男子菩薩下。二偏明爲布施之本。又五。一正施本。二無相爲

得。三有相爲失。四明一心即四心。五廣發誓願。初明施本舉八事。爲下八事作本。如是施時下。第二明無相爲得。又三。初總。次別。三結。初如文。次別中云。不見因果者。施時是因。得報是果。得果是常。不得是斷。菩薩皆不作如此施。三雖復下結如文。善男子菩薩若見下。第三明有相爲失爲三。法譬合。法如文。譬中人譬淺行菩薩。箭譬慳起。眷屬請醫譬知識勸施。言且待者。譬不肯時施。我當觀者。取相分別。毒箭誰射。譬分別福田若持若犯。何箭竹柳。譬分別施物何物可捨何物不可。所有毒者。譬執施之人竟不知施。而命終者。既不得施爲慳所蔽斷善根命。合譬如文。復次善男子下。第四一心即四。顯圓慈相。明行施時具有四等。施時生慈及以起悲施時心喜施已是捨。菩薩於慈心中下。第五廣發誓願。凡有八重。初明施食乃至燈明。初三如文。第四施衣云離身一尺六寸者。一依理云。裂諸見衣除十六知見。二依事云。面各四寸即一尺六。第五施華香中云無戒者。是無戒之戒非是不受及受不得之無。華嚴云。如虛空戒無所依戒。大集云。無所住戒見住戒非故。言無作戒者非是非色非心之無作。乃是此戒。不作生死涅槃之戒。餘如文。善男子一切聲聞下第二爲三乘本。又三。初明三乘。次一切法。三總結。以此章用慈攝一切法無法不遍。圓慈之義轉更明顯。然善本者。即是利他。利他之中慈悲最勝。初文即是三乘。菩薩摩訶下。第二別列一切法。不淨與出入息即是

二甘露門。七方便者數師云。一不淨。二別相。三總相。四煩。五頂。六忍。七世第一。論師云。一色苦。二色集。三色滅。四色道。五色過。六色味。七色出。三觀處者。謂苦無常無我。此小乘名。若大乘者。觀十二因緣苦業煩惱。以為三觀。又瓔珞云。明三觀者。二諦觀。平等觀。中道第一義觀云云。無爭有三解。一云。慈心成。故無爭。二云。空解明故無爭。三云。隨心覺照。與物不爭。本際智者二解。一空解為本際故。阿若憍陳如。名了本際。二以邊際智。緣延促自在為本際智。以是義下。第三總結。善男子。能為善者下。是第四實通即是諸善。亦是通於一切善法。明圓慈轉顯。又二。先明即大乘諸善。一十五句。次明即小乘諸善。有十六句。初十五句。句中皆結是如來慈。慈若無常下。是第二遍小乘善法十六句。亦句句後皆結是聲聞慈。善男子慈若有無下。第五明實不可思議。又四。一歎大慈體。二歎行慈人。三歎詮慈教。即大涅槃。四歎說慈主。初歎慈體。舊有三解。一云。衆生慈緣有。法緣緣無。無緣緣非有非無。二云。初地至三地。空心多故是無。四地至七地。有心多故是有。八地至十地。有無並觀故云非有非無。三云。同據佛果妙有故是有。無生死界故是無。冥冥故非有非無。今言不然。緣五陰法如何是無。若是無者。即應入真。既不入真。何得是無。有若是無。無緣何異。又初地至三地。豈向空。又非有無豈皆佛地。今文歎於行慈之人。但行慈者皆有雙非。不必唯佛此乃正明梵行中意。若緣淨

淨是無。若緣不淨淨是有。若緣非淨非不淨。是非有非無。不並不別。又緣於三諦。緣真故無緣。俗故有緣。中故非有非無。中論云。因緣所生法。即空即假即中道義。問四句是戲論。何以釋經。答定性四句即是戲論。假名四句非是戲論。菩薩住於下。第二歎行慈人。是大涅槃下。第三歎詮慈之教。諸佛如來下。第四歎說慈之主。迦葉白佛下。第三追答第二縱難前難云。慈悲若實應有利益。故更難問請答。還復進退兩難。一就實修慈為難。若佛實修應與衆生。何以衆生不得慈益。若慈不能與衆生益。慈即無用。答又三。初明實有益。二引事證。三結歎不思議。初又三。前倡有益。次善男子下釋益。三以是義故下結益。初如文。次釋益。若定業不轉則不得益。若不定業則得益也。雖是定業若修善者還成不定。如定壽八十此不可轉。若中間非橫慈即益之。云何定業。如初興殺起重毒害。殺時決定殺後暢快。並起悲心。此業即定則不能與樂。若不定者慈能與樂。問業自不定自應得樂。何須慈與。答業雖不定或轉成定。若得慈益轉重為輕。見虎豹等自然生怖者。喻行慈者人見生喜。善男子我說是慈有無量門下。第二引事為證。凡舉八事慈運神通以救衆生。初事中文云。謂呼是血者有三解。此是十二年。前未制壞色故純著赤。二云。五部不同。十誦一衣三種雜點。五分四分三隨著一。謂青泥木蘭。木蘭赤色。三云三色。衣中一衣即用三色點之。如大豆許。但諸弟子併著點衣但其

點雖小遙望猶赤。次五事可見。第七事初云。憍薩羅舍衛者。或有言是一國異名。或云。憍薩羅是附庸國。其國有賊牧波斯遣兵。善男子下第三結歎。夫無量者。不可思議。乃是通歎菩薩所行。不可思議歎次第慈。諸佛所行即歎圓慈。是大乘典即是歎教。皆不思議俱會一圓。言語道斷心行處滅。不可說不可量。梵行品之二。起卷。是第二明四心果。又為二。初明三心極愛地果。次明捨心空平等地果。舊二解。一云。三心未成但共一果。一心已成獨得一果。二云。三心同是有行故共一果。一心空行獨得一果。義皆不然。三心未成何以得果。又四心同緣衆生。同緣於法。同是有行。同緣無緣同是無行。有無既同三一應等。今亦一往別圓兩判。別者即理而事。慈悲喜三與愛相扶故制一果。捨心扶空故獨一果。若圓判者。上明一慈即悲喜捨。圓慈即通一切諸法。無法不收果豈隔別。特是文略亦是互現云云。一子地文為二。初明地果。後論義。初先倡章門。次解釋初文。舊云。是性地。二云。八地已上。三云。是初地。今明不然。先明聖行即是自行已云初地。此明梵行即是化他。先之自行已入初地化他何容但是性地。何容超至八地已上斯皆若過若不及。正是初地證化他果。云何此地去。是解釋。先標兩章。謂極愛一子。然極愛故一子。一子故極愛。不應有異。而今分別。極愛就心。一子就境。子非我內故言外境。次釋中凡舉五臂。初臂釋極愛。四臂釋一子。結

判分明。初如文。譬如父母下。第二譬菩薩見諸凡夫起惡。因是生悲。如人小時下。第三別譬發心學人起於取著。土塊等譬五陰。下文合云。身口意業。左譬實智。右譬權智。又左譬定觀。右譬智拔。捉頭救其身非。挑出救其口過。譬如父母下。第四別譬衆生感於苦果。故言同生地獄。譬如父母下。第五通譬救因果。迦葉白佛去。第二論義。兩番問答。初番論義。次番領解。初中先問次答。初問爲二。一直申不解。次若諸菩薩下。正是論義。或云五難。或云三難。一難殺婆羅門。二難罵提婆達多。三舉須菩提爲況。初殺婆羅門。又三。一何故殺。二應護念。三何不墮獄。若使等視者。是第二屬調達。三舉須菩提小乘況大。小乘尙乃護生若此。況佛果滿猶有殺罵。若慈何故令人增長煩惱。汝今不應下。第二佛答。答前三問。但不次第。初答況難。次答殺難。三答罵難。問何故不次。答只是逐近何必須次。是例甚多。然況難最劇。何者說師無慈不及弟子。是故前遣仍訶責之言其不應。先總訶。次舉七事。別別訶之。初言蚊虻者。鳥口尖者曰嘴。蚊口似此。以類名之。中五可見云云。最後文中更有多事。於中云寧與毒蛇等。總寄迦葉誠制惡業。善男子如汝所言下。第二答殺難。還酬三意。今初答何故殺。殺而實非殺。廣舉六度。文爲三。先牒問。次正答。三結。實不殺汝向所問下。酬其護念問亦三。先牒問。次我時已得下。是正釋上迦葉問。未得不動地時得破戒不。佛答言得。此中答云。殺時已得一子之地。二

文云何。一解云。上問家。問未得。佛答云。得地及破戒。二解云。上言未得未得於真。此中言得即得於真。舊解云。是見機殺故云無罪。河西云。一大悲心恐其墮獄。二爲護法。其既謗法。是故殺之令免謗罪。三爲滅邪見。四生其信心。作此觀之亦似實殺。與皇云。是示現殺。如前童子盜聽。如後屬於調達。今問若是化殺豈有地獄三念。甘露十劫之事。若皆是化。如來所作爲利益誰。若俱非化。童子死已後生何處。故知二解不可偏用。若得意者理在其間。三以是義下結。善男子若人掘地下。三酬其不墮問又三。一更反問。二迦葉答如文。佛讀下第三正答。又三。一歎述。二簡內外諸殺。三會通所問。此初歎述。明惡心殺草尙得罪者。若無惡心殺人無罪。婆羅門法下。次簡內外。初簡外殺如文。佛及菩薩下簡內。善男子若有能殺下。第三會通。言殺無罪者。下文云。施一闍提得千倍報。施一餓狗得百倍報。而此中云殺闍提言無罪者。互明與奪。若據闍提現在無善。害之無罪。過去五戒感報人身。勝於畜生故報千倍。汝上所言下。第三答其屬難亦爲三。牒問。正釋。結會。初如文。次釋中引昔七事爲證。又爲二。初總略述意。次如我一時下。別舉七事。我於爾時下。三結會所問。迦葉白佛下。第二領解。又二。先領大述成。四味者即四諦味。出是出苦味。離是離集味。滅道如文。迦葉白佛下。第二明捨心。果文爲二。初明空平等。二辨知見。所以然者。即寂而照。即空而有。即實而權。上三心果。即

事而理。而後結云諸佛境界。即事而理。與今互顯。初又三。一明平等果。二辨空義。三明利益。初文先問後答。答中二。初略明空門果。後廣明空門果。歎須菩提者。於聲聞中解空第一。舉小況大以明地體。舊有二解。一云七地。引經云。七地能入寂滅。二云八地。空有並觀。故是平等。今云。初地與一子地。理同能異。故立別名。何得淺深。例聖行中戒定之果。同在初地。善男子下。第二廣明空門果。又三。法譬合。初法說具明人法二空。不見父母等即是生空。不見陰界即是法空。而復言衆生壽命者。更牒前生空。次譬如虛空下。舉事空爲譬。一切諸法下合。迦葉白佛下。第二廣辨空門義。又二。先問。後答。答又三。一列十一空章。二一解釋。三結。初文者。若大品明十八空。或論七空。今處中說故但十一。然大品廣空而略性。此經廣性而略空。總其二經互顯其美。菩薩云何下。解釋十一空。舊有二說。治城云。前六空是互無空性空。下五空是任理空。任理是真諦空。互無是世諦空。莊嚴用之。開善皆是理空。而廣斥治城。仍分爲四。初六是假名空。次二是實法空。次一是平等空。次二是佛果空。以修行有漸故。觀師云。此十一空皆是破病。引釋論云。如藥有十一破十一病。空十一有名十一空。亦得皆明理。亦得言前八是破病後三是顯真。今明羅列十一。界分不同即世界。緣宜十一說之生善是爲人。治十一病是對治。聞一空即能見理是第一義。通方融治豈應定執。私謂經論不同不逾

四悉該括漸頓融通顯密登逾於斯。此十一空即爲十一段。初文明內空云無外法外空無內法。治城呼爲互無空。開善明外空時例解內法亦空。內空時亦例解外法亦空。知有爲是空時例知無爲亦空。知無爲時有爲亦空。有人評此二解。謂治城於文爲得於理爲失。開善於理爲得於文不便。有師言。待內明外既無內即無外。此還扶開善解。文解內空無有常樂三寶等。後文又云。如來法僧不在二空解言。前云無者。無理外橫計。後言不無者。即理內正法。若釋內外空作互無釋。極不相應。若作相待意則易見。既待內外得離內外以爲二空。既無內外即無內外合爲一空。有爲空者。如內外空無爲空者。而言佛等四法。非有爲非無爲。即中道正法。無始空者。一云。破外道冥初。故言無始。二云。遠討其根無初來處非今始空始破。明無無有始。性空。一云。破性說性空。二云。本性皆空。如貧窮人一切皆空。舊云。從眼生滅去。就法空明第一義。從何等去。就人空明第一義。開善云。何得用於淺近生法兩空釋大涅槃。又諸經無不前明生空。何故此中前明法空。觀師云。眼生時無所從來即不生義。滅時無所去即不滅義。還是中論兩不之義。若眼是有不應本無今有。已有還無。推其實性無眼無主。推一切法亦應如是。

大般涅槃經疏卷第十七

### 大般涅槃經疏卷第十八

隋章安頂法師撰

唐天台沙門湛然再治

梵行品二之餘

問第一義空何得有業有報。答此寄有以明無。寄無以明有。不有不無即第一義。空空者爲三。謂歎釋結歎者。此是凡小所迷沒處。是有是無。正釋也。一云。是有是無是二章門。後言是是還牒上兩是。又言非是者兩是皆空。二云。上明有無兩境皆空。下明權實二智皆空。是是即權智。非是即實智。今更作三句責。爲空境名空空。爲空來空智名空空。爲空來空能空之法名空空耶。若直空境空智此猶是偏。未得名圓。若將空來空空乃是圓。正中道之空。大品云。一切諸法悉皆是空。是空亦空。有兩師不同。一云。一切法空者空猶未妙。今更將空來空此空。二云。不爾。前一切法已是妙空。今空亦空只能空之法亦空。河西同後解。故云。或謂萬法雖空而智體不空。遣破惑情故曰空空是有亦空。是無亦空。下句即云。前計既空智不獨有真悟之心理無並照。雖無並照遺義可知。有漏空無漏空人多重。無漏空將有漏空輕。有漏空無漏空。二空體一豈應輕重。萬法既寂智體又空。蓋謂妙空非二乘所及。有人言。大空即般若空者。色大故般若大。釋論解大空有事理。事者。東方空乃至十方空。理者。即涅槃第一義空。大品指

涅槃。涅槃般若更互相顯。今約三諦釋十一空。內空者真諦空。外空者俗諦空。內外空者即二俱空。有爲空者生死俗空。無爲空者涅槃真空。無始空者三諦相即不見元祖名無始空。性空者三諦體性。本來自空故名性空。第一義空者。真即是中中即是真。名第一義空。空空者。一空一切空。大空者。三諦俱空。後歎文。亦約三諦爲歎。三諦相即諸凡小聖所迷沒處。是有是無者。雙照二諦故言兩是。一一諦悉備真中故言空空。是是非是者。單照一諦即具空假。空故是是。假故非是。即備中道故言空空。若雙若隻若三若一。皆不可思議具足無缺。故非凡小所議。善男子菩薩下。第三結歎。我今於下。第三明利益。又二。一明悟空。二住是地已下。說功能即是前離後得之意。善男子菩薩住是地中去。第二廣辨知見。知見廣遠良由空寂。亦是即寂而照。文爲四。一明知見。二無所得。三會通。四結歎。即寂而照故明知見。即照而寂故無所得。得無所得其性不二。是故會通。此法奇特是故稱歎。初文爲二。一知十三法。二得八種知見。三得四無闇智。初文云。行即是心。緣即是境。性即是內相即是外。親者爲因。疏者爲緣。復次知而不見下。第二明八知見。一知非處。二知是處。三知共行。四知因果。五知轉障。六知佛性。七知二諦。八知二智。知外道邪法。是知非處。知善惡報是知處。知常無常四德等是知共行。求大乘是知因。到彼岸是知果。身戒心慧是知轉障。佛性爲三。



一據凡夫。二據十住。三就諸佛。不知不見是知真。亦知亦見是知俗。惠施等是知權。不見所施等是知實。迦葉白佛下。第三明四無闇智。又二。前問。次答。答爲三。一章門。二釋。三料簡。初如文。次釋爲五。一就世諦釋。二就出世諦釋。三就無著釋。四就譬釋。五就往因釋。初世諦釋者。法者。知法及法名字。義者。知法下義及名下義。詞者。音聲清雅分別了亮。樂說者。能宛轉變換無窮無盡。隨字論者。定其文字善識字體。正音論者。正其音詞分明切齒。闡陀者。法句論亦言合聲。如合聲明。河西云。卽是此間詠歌聲也。又言。唯是外法未必全爾。乃是偈聲通於內外。復次下。次就出世釋者。知三乘義悉皆歸一。三就無著釋爲二。初釋。次論義他云。是遣執釋。今依難意爲無著釋。迦葉下論義。先問。次答。初迦葉難意云。知卽是著。佛答。以無著故知。四就譬釋中。初舉六譬釋法無闇解。還指六譬釋義無闇解。言地持者。持衆生非衆生。勝鬘云。大地持四重擔。謂山海草木衆生。彼廣此略。山取壓地地取安山互相持故。眼能持光。有二解。優樓迦計。眼光與意合時能見借此爲譬。二云。非借外義。眼有清淨四大之色。因外光能見。善男子苦薩下。五就往因釋。善男子聲聞緣覺下。第三料簡。又二。初料簡。後論義。初爲三。一明二乘無闇。二別釋。三總結。初如文。次別釋中。先釋緣覺。次聲聞。迦葉下二論義。先問。次答。答爲三。一正答。二開昔權。三顯今實如文。迦葉白下。第二明無所得知見。又三。

一明無所得。二引偈證。三無得而得。初又三。一問。二答。三領解。問又三。初領指前文。前文。已遠故言梵行。次善薩知見下正難。三云何如來下結難。佛答又二。初歎其問。次正答。又二。先正答。次結正簡邪。初正答中凡十復次。得無得相對。得者非謂得中之得。乃是無得之得。此無非是折滅之無。是體達無。十對者。所謂得無得。倒無倒。智慧無明。涅槃諸有。大乘小乘。方等三藏。真空生死。常無常。真空五見。菩提二乘。次善男子汝之所問下結如文。大品明諸有二。是有所得。諸無二者。名無所得。云云。迦葉白佛下。三領解又二。有領解有得益。次引偈證者。如來上云。於此正在雙樹。云何更指雙樹。解言。直是語法未必別處指此雙樹。二云。見聞不同寧有定所。假使異處指此何妨。此偈是第二出釋得無得。文爲二。一舉偈請問。二釋偈爲答。答爲三。一別釋。二總釋。三結釋。別又三。一略標。二重問。三正釋釋中二。先誠許。次正答。答中凡有八番。前六番正釋。後二明不果得說。一一並前釋上半。後釋下半。又須望下總釋之意。舊釋此偈。本有煩惱卽是昔本。今無涅槃卽是昔今。不得云是今日之今。何者今有涅槃故。若天魔梵說言如來有煩惱者。無有是處。此乃今日佛果不爲三世所攝。如此釋文。一往得去不遣他難。只爲昔日有無。無常後乃是常。還是本無今有。焉能遺疑。與皇云。本無今有皆是隨緣。本有煩惱非有說有。今無涅槃非無說無。若天魔梵能解此者。說言

如來有煩惱者。無有是處。遺難釋文二證俱了。今謂乃是總答中意。若別釋文猶自未去。此之偈意爲化衆生。衆生唯作善惡之見。謂昔有惡今則有善。二乘作真俗不一之見。善薩作三諦各別之見。文殊作三諦相卽之解。亦是四門四悉等解。豈可只作如上諸人一種解耶。私謂如來自作八重解釋。佛意乃將此八爲式。當知其義遍一切法。若如諸師各一種見。佛何不唯一種釋耶。欲許諸師一一皆是。若欲非之假使諸釋寧得佛意。略如章安四悉故悉是。離悉故俱非。故知四出則四是。各計亦四非。四非故一切俱非。四是故八番皆是。故更總釋以總冠別方稱佛旨。四悉四門具如前釋。如來普爲下第二總釋。總成前意故知言有不有。言無不無。皆爲利益。悉皆無定。隨國土人其相不同。是故輕重犯不犯異。善男子一切世諦下。第三總結釋。皆以生死爲世。涅槃爲第一義。有時說世謂第一義。或說諸法空寂卽是生死謂說第一義。或說妙有常住卽是第一義。人謂是生死。如來說空欲明不空。說有欲明不有。衆緣皆作有無之見。善男子是故汝上不應難言下。第三明無得而得。又三。先標。次問。三答。初標如文。次問中二。先問。次難。初問者。若有得應是無常。自有法譬合。夫道者非色下。次難若常則應無得。三佛答爲二。先答初問。次答後難。初文先況明道有二種。常道雖得而非無常。道與菩提悉皆名常下。第二正答。今云。道定圓常本來有之。爲惑所覆斷惑復本。義言

其得得而是常。次善男子道者雖無色像下。答後難爲三。法譬合。初法說。次如衆生心下。譬說。然實是常。能修者得不修不得。善男子見有二種下。第三會通又爲二。一會通二論義。初會通者。會前所說知見等法。皆有似真。似是相親了了即真。真又爲二。一菩薩了了。二如來了了。此下盡卷是會通兩章如文。

梵行品之三

起卷。是第二論義有問答。問爲二。一問同世間。二問異世不知。答爲二。先正答。次結。初答爲三。初明異世間。二明同世間。三非世非出世。異故即世間不知。不知十二部經。或同者世間橫計微塵等生。計世界有邊爲終。無邊爲無終。皆墮斷常。舊云。無始無終有兩解。一云。無始無明。全無始終。二云。無始無明。有始有終。無有一始。在此無始之初者。故知有始而復終。於佛果此之兩解。同於此中橫計斷常。十一空中明無始空。爲破此始亦破此終。於如是事下。第三明非世出世。若菩薩知謗言不知。即是謗人。言無善提。即是謗法。次結如文。爾時迦葉下。第四說偈結歎。他云。初半行歎大悲。次一行半歎大悲。後兩偈結歎。今謂初半行如前。次半行歎大悲。次世醫者一行半歎大喜。喜之所離故言不發。喜之所得故言甘露。衆生既服下半行是歎大捨。次一行結歎如文。說是偈下。是第三明戒爲梵行。開善云。前明深梵行。此明淺梵行。是義不然。以戒爲本故能化他。就文爲三。一持戒。二護法。三六念。以持戒故能護法。以護法故

能修念。次第相成法爾故也。持戒爲二。初略明持戒。次廣明得失。初文有問答。問爲二。初領旨。後正難。難中爲兩。先難同世。若世間不知見覺。菩薩亦應不知見覺。次難異世。佛答有二。先開兩章。次釋兩章。汝言有何異下。釋兩章門。先明不異即釋同章。有同有異不一向同如文。菩薩聞是下第二釋異章門。又二。先明聞經故得三法。次明三法相資。初文具明三法。皆戒爲本。以修慧下。第二明三法相資。文略故但言二。初明慧資戒。二明戒資慧。迦葉復言下。第二廣辨得失。有問有答。答又二。先舉不淨持戒不能相資。次明淨戒正答。問。初文又二。初明不淨。次無相資。有四不淨。一爲有如難陀云云。二性不定。或時能持或不能持。三非畢竟不能從始至終永長持。四不爲衆生無廣大意。自局在己不兼利他。菩薩摩訶薩下。第二明於淨戒正答其問亦二。先明淨戒。次明相資。初淨中。四淨對前四不淨戒。非戒即對前無始終。戒非戒非是五戒律儀等。乃以無戒無持爲戒。此是畢竟淨戒。於戒淨中下。第二明相資之力。又二。初三法相資。次五法佐助。相資中大第傳傳釋前句。於中二。初因戒故釋不悔。又有法譬合。譬有三譬。次以淨戒放下。次釋歡喜。又二。先明三相。次明悅樂。初文爲三。初明持喜。二明毀憂。三雙明二義。前二各有法譬合。於第三雙明持犯中二。先譬。次合。初中牛譬經教。女譬稟者。酪餅譬破戒。漿餅譬持戒。至城欲賣譬俱求當果以因實果云云。脚踏譬命終。二餅俱

破譬身壞。憂喜譬持毀。漿餅者已擘得酥止餘漿汁。所直不多不得亦開。譬持戒人已修得道只餘殘命。命存亦善不存亦閑。若也酪餅全未擘酥失酪酥亡。譬破戒人未得修道。此命若終其道亦失。是故憂畏。次持戒下合如文。次心歡喜故則便思惟下。釋悅樂又二。初正釋。後論義。論義中。先問後答。答中有四重解釋。後展轉深入成大涅槃。皆由於戒。然五受根中則樂淺喜深。禪定之中則喜淺樂深。各有所據。今同禪支。次明五法佐助中。言得五涅槃者。即脫五陰。涅槃非五。脫五陰縛名五涅槃。善男子若我弟子下。第二明護法。護法即是護戒。護戒既牢即是持戒。持戒不牢由無護法心。又二。先訶毀法。次勸護法。初訶毀又三。一正訶破戒。二訶求有作業。三訶是處非處。然極狠人無過破戒。一無所用。文云。寧當不受不持不用毀戒而受讀之。問上文爲僕趨令讀誦。今文寧可不受不持兩言相反者何耶。答此各有意。前明汲引百方令入。今誠人師令無瑕犯。初訶毀中不出三業。初是訶身。次是訶心。三是訶口。初文者。若人受持戒。所有弟子。亦學是師自既不正號令不嚴。次當正身心下。第二訶求有。若求三有名爲輕躁。不求果報名爲沈審。望有修因是則名爲。爲有造業。三莫非時說下。第三訶離是處非處。善能弘宣須離此等諸非法處。莫不請者。然與不請之友相乖。釋云。事須適時。今正須請莫滅法說。不持戒說不護法說。是滅法說。熾然世法說者。即是求有造業而說。

他解。多以世典詩書添足。令他不信名熾世法。今不爾。於所說中增長苦集是熾世法。善男子若欲受持下。第二勸讚護法。他云。先列十智。次勸淨心。今初言自他欲受持者。信故名受。不忘為持。即是自行。口所說者謂化他也。涅槃宗體。行教用果。前說佛性為宗。後說見性為果。兩塗並使三業清淨。復次善男子下。第三明六念。大品中。明十念八念。小乘亦有六念。即是晨朝唱者。一念何年月日。二念戒臘年月。三念施食法。四念三衣長應說淨。五念不別衆食。六念有病應治。皆各有意。今此六念。為梵行者。居於林野有懷恐怖。令修六念。前三念他後三念自。戒施是自因。生天是自果。戒是止善。施是行善。天有近果遠果云云。就文為二。先唱數列章。云何下。解釋六念。即為六章。念佛章為二。先念佛果。後念佛因。念因是念往因。念果是念現果。由何因得今果。念果為四。謂兩章兩釋。初立十號衆德兩章門。次釋十號衆德兩章。釋十號是釋名下義。釋衆德是釋體下義。先列十號章門。成論與阿含。皆合無上士與調御丈夫為一號。至世尊十數方滿。今經與釋論。開無上士與調御為兩。至佛則十名已足。總結上德十號。具足為世所尊就別釋中不稱世尊。但言婆伽婆。此是佛之總名。將代世尊。常不變易下。二列衆德章門。三以知法下。釋衆德章。前文皆略直釋最後大法師一事。還以前七善為釋。知我能持戒能說大乘。復知中道名大法師。知小乘通達皆非法師。云何名如來下。第四

釋十號。梵云多陀阿伽度。舊但以乘如實道來成正覺一義。以釋如來。釋論四義釋如來。謂如來如去如解如說。依三世佛學十二部經。修十一空而得成佛。故名如來。去離生死永免諸惡。即是如去。如如而解。如如而說。亦是說我所解。解我所說。此中三復次。前後二復次。是如說義。中一是如來義。如去在善逝中。如解在世間解中。云何為應。梵云阿羅訶有三義。謂殺賊不生應供。此中但云應不言供。有五復次。為兩。前四以殺賊為釋。後一以應供為解。前殺賊兼不生。以破陰魔。故即是不生。云何正遍知下。是第三號。又二。初正釋。次云何不遍下。反釋。初文者。梵云三藐三佛陀。有五復次。前四是佛能知四法皆悉遍故。言因苦行定得苦果者外道苦行。後一斥小。云何明行足。是第四號。梵云毘修遮羅那。有四復次。前一就脚足釋。後三就滿足釋。皆先舉世尊。次用佛合。明者名呪。般若是大明呪。因呪得解。即解脫也。古者菩提。果名涅槃。因於菩提得涅槃故。三明者。菩薩明是因。佛明是果。無明明三解。一云。無明是惑明是解用明解斷無明故。云無明明。二云。畢竟空境不當明與無明。而能生明及以無明故。言無明明。又一解。前分菩薩佛者作異解。後舉無明明作不異解。佛與菩薩俱是無明明。無明明即明云云。云何善逝第五號。梵名阿耨多羅。亦言修伽陀。亦言修伽度。有三復次。最後復次有法譬合。初中云善名高者辨於高勝。逝名不高者。雖出生死而不捨。就佛心為言。善知識者

即是道品。云何世間解第六號。梵云路伽憊。世間有三。謂五陰衆生國土。此中六復次。卽六世間。一五陰。二五欲。三國土。四衆生。五諸佛。為世間六照世。名世間。云何無上士第七號。梵云富樓沙。有五復次。開斷惑不斷惑義。云云。體大涅槃。無新無故者。過去諸佛已成名故。衆生是當成名新。無新無故卽無已當。此任理之體達也。若為緣云有新故已當也。云何調御下。第八號。梵云曇波羅提。先明丈夫。次明調御。丈夫又二。先明能調開二章門。能調卽如來。所謂卽衆生。後釋兩章。如來實非下。釋能調實非丈夫。方便示為能調丈夫。一切男男女女。釋所謂。丈夫具足四法乃名丈夫。若無四法行同畜生。大論亦云。人頭鹿鹿頭人云云。如御馬者。以此四種法釋能調。利鈍不同。如快馬見鞭鈍馬痛手。利人說生。鈍說老死。如大論野干云云。云何天人師第九號。梵云舍多提婆魔舍喃。有十二復次。初兩復次釋師。次五復次釋天。並用勝義釋天。次四復次釋人。言驕慢者。非惡驕慢。欲立丈夫弘護三寶。復能破慢。次一復次總釋天人師如文。云何名佛釋第十號。前釋名後歎德。梵云佛陀耶。亦云佛陀四耶。此翻覺者。亦言教寤。前緣覺者。亦同此義故覺應是正。如支佛翻為獨覺。不言獨教。地人云自覺覺他。復言他覺此太煩矣。婆伽婆下釋第十一。或謂是世尊彼此之異。何者前列章云世尊釋章釋婆伽婆。故知是也。此恐不爾。世尊梵云路伽那他。此稱世尊。龍樹釋婆伽婆為四。一能

破煩惱。二有功德。三巧分別。四好名聲。今具四義。初一復次釋破煩惱。次一復次釋有功德。三一復次釋巧分別。四一復次釋好名聲。初是釋破煩惱可見。次又能成就下。釋有功德成就善法正是功德。三又能善解下。釋巧分別。四有大名聞下。釋有聲名。餘三復次屬釋功德。當知婆伽婆有無量功德。功德據內世尊者爲世所尊。此即據外。今將婆伽婆代世尊。非即名世尊。文有二義。前七釋四義。後一復次勸修。善男子何故下。是二念佛因。欲明得果謂久修因文爲二。前徵起次正釋。釋中二。先明六度四等爲因。後明五十四心爲因。於中云無爲心者。非謂常住。謂無所爲作。無心無無心雙捨此二。非但無心亦無無心無無記心。光宅云。常住佛果有二無記。一知解無記。二果報無記。即達今經。修因之時尙無無記。云何佛果猶有無記。無報心者不求果報。不住心者無住著。無常心者無所定執。無多少心者不厚此薄彼。界知心者分別諸法各有界分。生界知心者即生滅界。住界知心者知常住不滅界。自在界心者於常無常皆悉不生通達自在。生界者知俗。住界是知真。自在是知中。云何念法下。第二念。舊云。二先念別體法。唯此正法下。念一體法。今不爾。文云。最上最妙能令衆生得現在果。若準藏通。能得現果而非上妙。別是上妙。而非現果。動經無量阿僧祇劫。唯圓上妙。能得現果。當知是圓一體之法。云何念僧下。即第三念。舊亦爲二。先明別體事和僧。不可覩見下。次明一

體理和僧。今明不爾。文云。受正直法。三教非直。唯有圓僧是正直法。云何念戒。是第四念。雖無形色而可護持者。或謂以爲無作之戒。自有三釋。一云。僧祇部謂無無作色故自無無作。無作亦無色。但有其心。故言而可護持。二薩婆多。謂無作是色。即數人所用故自有無作。而復有色色非質闇而有。無教假色故須護持。三曇無德部。成論所用無作是非色非心。如此等說並是爭論。乃是小乘自論有無大乘之中都不明此。故上文云有漏之法。凡有二種謂色非色。非色法者。心心數法。色法者。地水火風。何時云有無作色耶。云何念施下。第五念。謂修善因。言雜華者。觀佛三昧海經云。我於雜華已爲普賢賢首等說。此土無雜華經唯有華嚴。或謂別有雜華不來此土。一云。觀佛三昧云。雜華者是華嚴。云何念天下。即第六念。或謂當果第一義天。今謂不爾。通念諸天直是念天不云當果。當果天與前佛果無異正是通念。此世天境隨義別立故名爲天。善男子下。即大段第二歎經文爲二。初盡此卷歎經生善。後兩卷歎能滅惡。初生善文爲三。一正歎經。二歎弘經人。三歎興衰。此三次第者。良由五行能顯於道。復有亡身弘道之人。人弘故興不弘故衰。初正歎經又二。初如來歎。次迦葉頌。初佛歎中云十二部經所不及者。二解。一云小乘十二部。二云大十二部。亦不及涅槃大乘方等當機故勝。又涅槃之中有十二部。十二部中未必有涅槃是故勝也。今明圓經勝於歷別十二。迦葉白

佛下。是第二頌解。從世尊以何義故下。第二歎弘經人。文爲三。一問二答三頌。問如文。次佛答歎菩薩。有十三不可思議。一能發心。二受生死苦。三受地獄苦。四旋還赴救。五終不退轉。六度生死海。七能稱量生死。八能說常住。九生死不惱。十在胎不亂。十一於法不憚。十二遠離十惡。十三忘於功用。不思議者。舊云人所不測。是義不然。如人間事咸所不測。豈可以此亂於聖賢。今明三諦相即不可以一二三思。心行處滅。亦不可作三一二說言語道斷。雖列十三實非是數名不可思議。初不思議中云。無有人教自能發心者。緣真發心則墮聲聞。理須人教緣俗發心則墮分別。須境教之皆不得稱不可思議。若緣中道三諦相即則非真俗。不從人境故言無人教者。明了佛性故言自發。不雜名精。入流名進。地獄是學生死果。諸結是學生死因。累劫爲此因果所燒。今了生死即是涅槃。又了諸結即是菩提。非復二邊故名爲一。動寂不壞故名決定。燒身碎首無非正道。內不捨道外不求救。此約三諦發心明不思議。與止觀中發心意同。次第二不可思議。文云。所見生死無量過患。非諸聲聞緣覺所及。不生厭離者二乘但知分段少分。而不知於變易過患。菩薩過之故言不及。即俗真中故言不厭。即中真俗故言不離。約照三諦智明不思議。此與止觀安心意同。第三不思議。文云。受地獄苦如三禪樂者其文甚略。亦應更言受三界苦如涅槃樂。此約三諦上障。明不思議。此與止觀通塞

意同。亦似大怒。第四不可思議。文云。如長者救子。宅譬中道故言旋還。燒譬於俗故言火起。出譬於真故言出舍。此約三諦行明不思議。此與止觀真正悲心意同。第五不可思議。文云。見諸衆生厭生死過退爲二乘。菩薩不爾。知生死常不見其過。知涅槃近不退取小。此約三諦證。明不可思議。此與止觀這品意同。第六不可思議。文云。聖人神通譬體法智。修羅長大譬次第智。人無兩種而能得度譬圓教智。非通非次卽圓智度。此約三諦位。明不可思議。此與止觀次位意同。第七不可思議。文云。藕絲懸山一念稱量生死者。卽是稱量一中無量。無量中一。非一非無量。是約三諦法。明不可思議。此與止觀妙境界意同。第八不可思議。文云。無常樂我。說常樂我者。隨病說藥。逗會得所。此約三諦教。明不可思議。此與止觀中對治意同。第九不可思議。文云。不溺不燒者。雖在生死不爲所害。第十不可思議。文云。在胎不亂者。前是死不能滅。此是胎不能生。此約三諦報。明不可思議。此與止觀中安忍意同。第十一不可思議。文云。菩提與心皆不可說。說之無悟。此約三諦說。明不可思議。此與止觀中通塞意同。第十二不可思議。文云。從身離身等云云。此約三諦業。明不可思議。此與止觀中破法遍意同。第十三不可思議。文云。終不說言我破煩惱。此約三諦無能無所。明不可思議。此與止觀中離愛意同。此經明初心菩薩未入位時不可思議。意與止觀圓教菩薩十觀相應。故用釋此文。

云。慧不能破火不能燒。他云如是實法元用實慧。是一心故故不能破。相續之法卽是兩心。前滅後起故能破惑。復伐於慧。若斷惑已無所攻伐。故於實法而不能斷。然此中歎菩薩弘經何須假實。但是推求慧不可得故言慧不能破。倒如求貪癡不可得故。故無貪癡。又生來生滅滅不能滅。滅來滅生不能生。又生若是常生不應滅。滅若是滅滅不應滅。諸法例爾。此中直歎一切諸法皆無所有。智慧亦然不存其相。三迦葉下領如文。世尊無上佛法下。第三歎興衰。又四問答。一釋尊佛法。二迦葉佛法。三一切佛法。四重結釋迦佛法。初問答。問如文。答中二。先明修五行則興多犯戒則滅。次迦葉復白下。明迦葉佛法。亦有問答。初問又二。先領旨次問。初文者賢劫經云。迦葉佛法住世二十年。今言七日。答七日之時與佛在無異。七日之後佛法訖替不如在時。二十年者明住久近。迦葉如來下。第二問又二。先難定有不。次雙難。佛答爲二。先況明有滅不滅。次正答所問。初況答中又二。先許。次正況答。初中云文殊乃解者。指本有今無傷。欲明滅是不滅不滅而滅。次況答中文相可見。次善男子汝向所問下。第二正答所問。於中又四。一明先佛有經。二明不須演說。三今佛對辨。四法實不滅。此初明先佛有經。次善男子迦葉佛時下。二明不須演說。今世衆生下。三今佛對辨。寧說蚊虻下。四明法實不滅。善男子若佛初出下。第三通明一切佛法有六雙對辨。初解義不解義。二有權

越無權越。三爲利不爲利。四起爭不起爭。五說過不說過。六種種說不種種說。善男子我法滅時下。第四重結釋迦佛法。又三。一明將滅起爭。二明拘攔彌國佛法遂滅。三大衆悲歎。初文如迦葉品明。洛沙者。河西云。從波羅奢樹出。出時純蟲外國以染毛。爾時拘攔彌下。第二明佛法遂滅因。六百起爭相害致滅。爾時拘尸下。第三大衆悲歎。又三。初大衆悲歎。次迦葉慰撫。三大衆悲止發心。言聞滅則悲聞不滅卽悲止。達非滅非不滅卽發心故。知非滅非不滅而滅而非滅大作利益。

大般涅槃經疏卷第十八

## 大般涅槃經疏卷第十九

隋章安頂法師撰

唐天台沙門湛然再治

### 梵行品之四

起卷。是第二歎經滅惡之能。惡卽闍提四重五逆皆能滅之。舊解闍提王是實逆。經力能滅非無此義。而密迹經云。闍提王是方便示現滅逆之方。例知調達破僧定非實破。亦如善星示爲闍提實非闍提。那提犯重亦非實犯。此經威力能除重惡。今實犯者決定歸依。卽顯梵行令不淨淨。梁武不見謂此段文非經次第名爲客品。若得不淨淨意正是梵行不名客品。就文爲二。前明起惡。次明滅惡。初起惡文爲三。一惡因。卽喜行殺戮具口四惡。其心

熾盛具十惡因。二惡緣。純以惡人而爲眷屬。貪著現世去是。三正明造惡因。害父已去是。第二明滅惡又三。一滅惡因。二滅惡緣。三正滅惡。初滅惡因又四。一深生悔熱。二深信因果。三母以藥塗。四深自鄙悼。時有大臣下是。第二滅惡緣又二。先明惡人爲緣。後明善人爲緣。問爲惡可以惡人爲緣。今論滅惡何用惡人。答惡人勸惡不從惡教亦滅罪緣。若爾善人勸善不從善勸而作惡者。善人亦是作惡緣耶。一往亦例如大涅槃亦名甘露亦名毒藥。二往不例原佛本心不爲衆生作煩惱緣。汝不受勸自是惡緣。惡勸不受於汝成善。亦由於汝當知一切皆由自心。惡人緣約六臣爲六章。各爲四別。一臣來朝白。二王報答。三奏王明滅罪處。四倡歸依。舊或云世王是實此即不可或言是應。或法界用。然此皆是聖人權謀。世王開逆方便顯經威力能滅諸惡。刪闕耶者。淨名云。夜輕重音耳。此是刪詩定禮之字。借音脂者。丁尼切。阿耨多是名。翅舍是。敝壞衣。欽婆羅是古貝衣。穿有二音。一靜二淨多用淨音。字有二體。一阜邊二穴下多用穴下。爾時大醫下。第二明善人緣又二。二兄二父。初爲四。一著婆問。二王答。三勸往佛所。四羞恥未從。初文者。著婆此翻固活。童子生時一手把藥囊。一手把針筒。昔爲醫善能治他。從德立號翻爲固活。菴羅女之子。第二王以偈答。偈有十七行半并少長行。分爲三。初十一行半偈沉明安眠者。次六行沉明不安眠者。第三少長行正明王不得安眠。初文又四。

初四行明佛得安眠。次五行半明菩薩得安眠。三一偈結佛。四一偈結菩薩。初就佛中二。初兩偈明離生死得涅槃。次兩偈明離惡過得常住。但佛實無眠以無煩惱住安樂性義說安眠。心無有取著下五行半。明菩薩得安眠。三四如文。衆生無明冥下。第二辨不得安眠又二。初三行法說。次三行譬說。太子未紹位者。即是先帝已崩嗣主未立。四方未寧不得安眠。非謂東宮不得安眠。著婆我今下。第三少長行正自明不得眠又二。初標次釋。初標又二。初標病重。次言無醫。何以故下。釋此兩事又二。先釋病重。次釋無醫。著婆答言下。第三著婆慰喻勸往佛所。文爲二。初勸前兩意。次勸往佛所。初勸王意者。又二。初明王罪輕。次示王醫藥。初文又四。一王有五德故輕。二他無五德故重。三結無五德是一闡提。四結王有五德。非一闡提。初有五德中但四略。無近善友一事者。以下望上。上理應有。然著婆正當善友之事。故讓不言。言四德者。一王有慚愧。二王能懺悔。三王能發露。發露與懺悔大勢相似。不無小異。懺是懺謝。悔是悔愆。言發露者。向人說過。四明王有信心。然四事已定。而未信著婆之言。若定信者即是善友。爲未定故但言其四。若有衆生下。第二明他無五德故罪重。造罪即無發露懺悔藏不悔無懺悔德。魯扈抵突無懺悔德。不見因果無信心德。不能諸啓無知識德。云何罪人下。第三就無五德結一闡提。大王今者下。第四就王有五德結非一闡提。如王所言下。第二示王

醫藥。文爲二。初示良醫。次示妙藥。初示良醫中。言字悉達多者。此翻成利。善知衆生諸根下。第二示妙藥。藥即勝法妙藥。良醫灼然在近。云何言無藥。文爲二。一明知根次從去此十二由句。是明說法。又二。初總次別。初文是總說法。次若有若無是別說法。別說又二。初約二法。次約三法。初二法者。無有即二諦。有爲無爲。是煩惱涅槃。有漏無漏。即四諦煩惱果亦是若集。善法果亦是道滅。若色法非色法下。次說三種法。色非色非色非色。數人云。色是十一種色。非色即是心心數法。非色非非色即是十四不相應行。論人云。色是十四種色。非色只是心法。非色非非色即是無作。觀師云。色是色法。非色是心非非非色即是兩捨第一義諦中道之法。此之兩捨只是俗諦豈成中道。今明不爾。前明二諦。次明三諦。色即俗諦。非色即真諦。非色非非色即是中道第一義諦。自作自受可解。自作他受下文云。無有我作他人受果。兩文相害各各有據。今且明自作他受。他云。如因諸人發心令王罪除。又諸菩薩所作功德悉施衆生衆生得樂亦是受。今明不爾。自作自受。自從假入空。自作他受。從空出假。無作無受即是中道。諸文例然。下文云。若於佛所聞無作無受罪即除滅。故是中道。王今且聽下。第二勸往佛所。又三。一廣引昔十三事勸。二明佛心平等勸。三格量福德勸。次第者。昔爲惡者。衆皆見佛得除。佛心平等。不厚昔薄今。初列十三事又二。先正列事。次大王若能下總結證意。次

大王諸佛世尊下。第二明佛心平等不隔也。三大王假使下。第三格量福勝。爾時大王答下。是第四部恥未肯信從。爾時空中下。第二父王爲緣文爲四。一空出聲。二王反問。三父王說實。四世王悲毀。初文爲三。一佛法將滅故勸。大王汝今下。二明罪重必招地獄故勸。大王我定知下。三雙結兩事勸令急往。二王反問。三父王實答。四世王悲毀皆如文。問父王已死何由出聲。答爲二。一云父王得道雖殺不死是故能勸。二云非是本父乃是諸聖託爲父言。

### 梵行品之五

起卷。是第三正明滅罪。又二。前爲住世後爲滅罪。前文又二。一爲住世。二論義論義中二。先問次答。答爲二。一正答。二密語。初答意者同在雙林之衆咸知不滅。唯世王謂滅。故須云爲善男子如我下。第二明如來密語。又三。一偈密語。二解釋。三結歎。唱密語如文。解有六番。初明此語多含。即是通爲一切。二云不爲無爲。無爲三解。一云八地已上是無爲衆生。二云登地已上眞證乃是無爲。三云此文自說無爲者非衆生也。當知佛果方乃稱爲無爲衆生。又說理內衆生皆是無爲。然非但衆師不同。經亦不定。文云爲者爲一切。又云爲五逆。五逆與一切不同。又云爲未發心者下。文又云汝於毘婆尸佛已曾發心。發心與未發心不同。又云闍王者不見佛性具煩惱人。又云闍王者名不生。不生者名涅槃。涅槃者事不見性。他云夫密語者所解不

同。今謂如來密語豈可定。作深淺遠近。如來密語下。第三結歎不可思議。爾時世尊下。第二正爲滅罪。文爲二。先身次心。故云先治王身然後及心。以其前言無有良醫。治身心者是故放光治身說法治心。初治身文爲二。先放光次論光。初放光如文。次王覺創愈下。是第二問答。論光有五文於中又二。初四番論光後一番解月愛。初四番中各有問答前三如文。最後番亦先問次答。答中七子中一子遇病者三解。一云通臂六道衆生。以有罪者臂於一子。二云六住菩薩。并外凡爲七。外凡是病者。三云四果支佛菩薩爲六。合取外凡爲七。一子遇病。即譬外凡起惡者是。今明不爾。文云七子之中一子遇病。何曾的云是外凡病。又一切衆生皆是吾子如前諸解。或進或退收義不盡。今取圓家七方便根性爲七子。子之中起逆過者心則偏重云云六住二解。一云即眞解六地。二云似解六心。後番解月愛。先指如來所入三昧。次問次釋出。於中皆先舉月爲喻。凡六番如文。王語菩薩。第二滅其心罪。又二。先明滅罪緣。次正滅罪。初文爲四。一自未發。二受勸而往。三如來稱歎。四至佛所初明未發。有二番問答。一王不能發。者婆勸往。第二番論一闍提。先問次答。答中先譬次答。初譬中爲四。一闍提斷善。二根緣感佛。三善不可生。四而爲說法。就初文又二。先明起五鈍。後明起五利。初又二。初起惡。次失善。初又二。初總起惡。後別明五鈍。初總中兩句。初是病瞋闍提有重惡。次句云夜夢者。譬

無明心。升一柱殿譬闍提斷現未善盡。唯有過去少善所感報身。譬如大殿唯有一柱將頹不久。次服酥油脂下。別起五鈍。夫愛使黏膩譬若酥油。貪欲浸潤譬之於脂。在口爲眼。在身爲途。意通身口。以灰食灰譬起瞋使。瞋體碎裂躁急譬之如灰。發瞋運身如臥灰。縱毒在口如食灰。意通身口。攀上枯樹譬於起慢。自舉陵人如上樹。何不攀上茂華之樹。若賢聖自高可譬茂華。以惡自高故言枯樹。或與獼猴下。譬起疑疑使不定如獼猴騰擲從枝至枝捨一取一。譬疑心求理計有計無或我無我。又獼猴似人而實非人譬疑。謂得理實不得理。沈水沒泥下。譬於無明輕者如沈水。重者如沒泥。墮墜樓殿下。第二明失善。又二。先失三品。次失三乘。初文者墜樓譬失慧。樓是高觀譬於智慧。升出照達而今墜者是失慧品。高山譬失戒品。樹木譬失定品。大象馬牛羊譬失三乘。案此之意應有四乘相承但云失三乘耳。四乘皆有墜落之言但是文略。身著青黃下。第二起利使。又二。初起利使。二難起惡緣。初身著衣。譬起我見。如人計我四種不同。婆羅門計黃。刹利計赤。毘舍計青。首陀計黑。喜笑歌舞譬起見取。於無樂中而生樂心。於無勝中而生勝想。譬之喜笑。烏鷺狐狸譬起邪見。此之四類皆悉食肉故譬邪見。吞啖善根齒髮墮落譬邊見。即斷常兩邊今偏言斷見。裸形枕狗譬戒取。即持狗戒狗爲信首故言枕狗。私謂全計五陰故云臥糞穢中。復與亡者下。第二難起惡緣值惡知



誠亡即死人譬斷善盡。私謂四儀動運無生善處。故云行住坐起。善機欲生邪念尋起故云攜手。以邪自資故云食啖。蛇譬多瞋。私謂心所行處常與瞋俱。故云滿路而從中過。被髮女人譬多愛人。樹葉爲衣譬無慚愧人。乘壞驢車譬惡法自運。正南者三解。一云南是離地北是坎地。去坎就離譬失善起惡。二云就諸方爲語。北是上方譬斷善人從上墜下。三云。天子南面殺活自在。此人邪見判無因果。此心自在身病轉增。譬諸惡向重。以病增故下。第二明根緣感佛。病增譬斷善心重。諸家親屬者。三解。一云過去戒善感此人身。唯此善在譬之親屬。二云闍提斷過現善盡。而當善方生。皆應作佛名未生善以爲親屬。三云不然自有善感佛。自有惡感佛。闍提無善但以惡感惡爲親屬。即是遣使請醫形體缺短者。若以善爲使。此善爲惡所療。故云缺短。將若惡爲使此惡道理。自是極陋善根微弱故言缺。信不具故言短。私云信等不具故云根不具足。頭蒙塵土者。五住所覆。著敝壞衣者。被無慚愧。載故壞車者。藉先世善感此人身殘缺善根。私云冥機冥叩故云語醫速疾。上車者。立望感應。爾時良醫下。第三觀善不可生。又二。初觀察。二許應。初又二。一一往觀機。二重觀察。初觀機。不得善根佛未欲捨故重更觀。二復作是念下即是重觀。又二先觀現世。二觀過去。現在爲三。一觀日譬上根。次觀星譬中根。三觀時譬下根。時言夜者最下闍提。星劣於日中品闍提。雖復三品俱

斷善根。初觀日中。四日譬四倒。六日六蔽。八日八邪。十二日撥無十二因緣亦十二我見。十四日撥無十四諦。十四諦出華嚴。十四相差別示。成事生起盡無生。說入道如來智等。二觀星之中。凡占六星譬受六師教。三觀時中凡占五時。或云斷於五乘善根。復作是念下。第二觀過去善根。觀二世善。皆無善根。從思惟是已下第二許應。又二。一許應。二正應。初許應又二。初正許應。二更觀察。初文云與使俱者。一往許應。感應道交。故言與俱在路。復念下第二更觀察。又二。初觀現在。次觀未來。初現在中云。二小兒者即是斷常有無等。見持火滅者。火無光用譬失慧品。斫樹木譬定盡。曳皮革譬失戒品。闍提雖受既不遵承猶如枯皮。遺落物者出世善盡。唯有憐愛妻子之善。聖人所棄。空器者雖有身器無道可受。沙門獨行。譬出世法獨一無侶。復見虎狼是啖肉獸。譬現在惡食善都盡復於前路下。第二觀未來又二。一觀未來因。次觀未來果。前路者。次此身後亦未生善。復聞南方下。觀未來果即三塗報。鳥獸聲。譬聞受苦之聲。爾時即入下。第二正應。又二。先正應。次更觀察。初譬即入宅捨本地入生死故言入病人舍。見彼病人下。第二更觀察。又二。先觀現在。後觀過去。現在爲四。一三毒。二五根。三十使。四三業。初三毒者寒凝結譬癡。熱躁變譬貪。略無瞋。次骨節疼痛譬五根。骨節是身根目亦是眼根耳聲是耳根咽喉是舌根。略無鼻根。三其色正黑下。是十使。黑色譬無明

使。頭不自勝譬慢使。欲將慢自舉而不得高體枯無汗。譬瞋使。無有潤澤便利不通。譬斷常二見。身卒肥大譬我見。四語聲不調下譬三業。語聲是口業。舉體斑駁即身業。其腹脹滿即意業。醫見是已。第二更觀過去又二。先檢根緣既云昨來豈非過去。次根緣對凡五句。初一失出世善。後四失世間善。一失信三寶之善。二失惠施之善。三失少食無廉讓之善。四失弊惡之善。五失慈孝之善。既云三寶知是出世。餘是世間四善如文。本性弊惡今和善者。但有憐妻愛子和純之善。弊惡是剛烈失護法之善。醫聞是已下。第四爲說法又三。第一說法。第二息化。第三絕應。說法爲二。初一往爲說。二窮源重說。初文者喚之譬一往爲說。知七香五臭。七香譬七漏。五臭譬五欲。觸身下。第二譬窮源之說。轉復相近如觸身唯見三毒。語瞻病者下。第二息化。遮務者更餘方化。明當更來者。現在無善化緣已息。且遙指將來。恣意勿禁非佛教所制。明日使到。第三絕應。使到譬復更感佛。善既不生故言我事未訖。大王世尊下。第二合譬文爲三。一正合。二簡闍提。三住三塗救拔。此初正合略合大意。若望前譬唯合後兩不合前二。初合第四而爲說法。次合第三觀善不可生。闍提輩下。第二料簡闍提。而此中言現在生或後世生。若即事爲言三世皆無。若方將遠望有生善義。又二。初因時教化。次果時濟拔。譬如淨人下。第三住三塗救也。王語耆婆下。第二受勸而往如文。爾時佛告下。第三

如來稱歎又爲四。一王歎疑。二佛爲決定。三持一切問。四佛答。初言疑者。疑於佛智能除不能除。疑已罪可除不可除。次我今下。佛作決定。以能除智。除可除罪。三爾時下。持一切問。佛說一切無定。云何爲王而作定說。四佛言下答。王自謂可除不可除。我爲其除除其不定爲定。爾時大王下。第四到佛所又四。一王來至。二佛慰問總喚猶惑別喚欣喜。三迦葉騰述。四王獻供如文。爾時彼告下。第二正是滅罪爲二。前略說法。次廣說法。初略文又二。初略說次領解。略說又三。初許誠次正說三結。正說中先標二十事。次釋釋中爲十雙。初明無漏真法。次明無有漏似解。此真似爲一雙。次初通明有生死惡因。後明墮三塗惡果爲一雙。三初明無道前智慧方便。次明無道前修定之力。爲一雙。四初明四倒生死唯苦無常。後明不脫八難。倒難爲一雙。五冤讎爲一雙。六初不免三塗苦果。後不免苦因子果。兩縛爲一雙。七無始無終爲一雙。八空有爲一雙。九因果爲一雙。十癡逸爲一雙。今約三諦釋二十觀。一無漏無善根者。此無真諦中真似之法生死未調。深坑怖畏者。此俗諦中因果有畏。兩句佛性者此無中道道前慧定方便。四倒是煩惱道。八難是苦道。冤家諸有是業道。云云。凡夫之人下。第三結得失。作二十種觀者。爲得不觀爲失如文。阿闍世言下。第二領解。世尊自我招殃下。第二廣說又三。一世王起執。次佛廣破。三王奉教行。初起執有四。一執重罪。二執父王。三執無辜。四

執定墮堅執。此四妨於入道故須破之。佛告下第二佛破又三。初別破次總破三結勘。初別破即破上四執但不次第。初破第四定墮又三。初正破者殺無定相。如普賢觀云。一切諸罪業。皆從妄想生。端坐念實相。衆罪如霜露。慧日能消除。若達妄想則罪業釋然無業。慧日能消除。次世王領。三如來述成。大王如汝所言下。第二破第二父王之執。雖雙牒父王無辜。而先破父王。先明因緣假有故無父。次明念念生滅故無父。初中以於諸法推求檢覓父不可得。若就世諦天性尊重父子炳然。若就真空諸法平等無有差別。既無父子之殊。寧有能殺所殺之色。色有十種者即五根五塵。乃至應有四大文略。亦是相攝五塵成四大。四大成五根。四大成五根即是四大攝十色。五塵成四大即十色攝四大。故不廣說。雖可見縛下。第二明念念生滅故無罪。大王一切衆生下。第三破其第一定重之執。混高下之心泯分別之見。大王頻婆下。第四破其第三無辜之執又二。先引昔事。次牒執破之。大王衆生狂惑下。第二總破又三。初舉四狂等祛其定執實有。次如王宮中下。破其無慈不三。譬如淫繫下。破其滯邊失理。初四狂中二。先法次譬。法中貪狂狂盛倒亂尤甚。藥狂迷悶衝突水火。呪狂被誑縱橫非法。業狂業持令其失心。王無三狂但有貪狂。貪狂所作貪之過耳。次譬中二。先醉次幻。初醉又二。先譬次合。初舉醉人譬。若本時相瞋。寄酒後罵者不名爲醉。若從此義作罪得罪。若其醉後

全無所知都無避就。如此作罪是則無罪。王今下。合王亦如是猶如醉人。次大王譬如幻師下。次舉幻化等九譬。破其實有。皆先譬次合。初譬正舉幻化以破實有。如王宮中下。第二破其無慈不等。重死者何人重死而輕生。今不言故重於死。莫問人獸皆以死苦爲重。故言保命重死人獸無異。若就結戒者。人犯重獸犯輕。此就往業善惡別論不可相類。若就施食此就施心同緣實相故等此復別論。大王譬如淫繫下。第三破其滯邊失理。又二。先舉淫繫爲譬。次將殺來合譬。凡三番。合如文。三番破竟結勘其觀云云。大王色是無常下。第三結勘觀行又二。先勸作無常等觀。次若殺無常下。勸作常樂等觀。爾時阿闍世下。第三奉行又二。前明觀行。次辨發心。初觀行爲三。一正作觀。二諸佛。三自慶。初文中明作無常又作常。何者若不作常不解無常。觀常無常達非常非無常。二作是觀已即是諸佛。三世尊我昔曾聞下歡喜自慶又三。初明蒙佛覆摩。次須彌山王下。明仰同佛解。三我見世間下。正是自慶。無根信者。本時五根未立今遂得信故曰無根。世尊我若不遇下。第二辨其發心又三。一偏明王發心。二夫人眷屬發心。三辭退。王發心又三。一王發心。二如來印。三王重發心。二爾時摩伽陀國下。通明王及眷屬發心又三。一發心。二供養讚歎。三如來述成。正發心又三。一國人。二王夫人。三王慶喜。國人發心令王罪輕者。以是滅罪之疏緣故。何以故。由衆生病故菩薩病。衆生病愈菩薩

亦愈。若依此文從毘婆尸佛所發心不墮。若依世王經。已於七十二億佛所發菩提心。說是語已下。第二供養讚歎又二。初少長行身業供養。次偈口業供養。偈有十五行半爲二。初九行半稱歎。次六行發願。就九行半又三。前七行半歎口密。次一行歎意密。三一行歎身密。初口密又三。初三行歎實語。次一行半歎軟語。三三行歎義語。實語對施語軟語對龜語義語對綺語。應有和合語對兩舌語無者文略。又實語兼和合語。一如來爲一切下一行歎意業大慈之德。世尊大慈悲。下一行歎身爲物示現。我今得見佛下。第二六偈發願懺悔即五悔意。初一行明迴向。次一行明勸請。次一行隨喜。次一行明懺悔。後兩行發願。初行願悉發始心。次行終見佛性。爾時世尊下。第三述成又三。一述其現世。二汝昔已於下述其過去。三從今已往述其未來。亦是勸修。世王經中明佛爲說。文殊爲說。王之重罪如須彌山。一切皆滅。所不滅者如芥子許。猶入寶陀地獄。雖復在中而無苦痛。又爲授記成佛名惟首陀維沙耶。此言淨其所願。三辭退如文。天行縣指雜華。

嬰兒行品

此是第三明嬰兒行。有師言。借譬得名。權智爲體化物爲用。今明涅槃非大小亦得論大小。小即嬰兒行。大即如來行。權智爲體可施實業。此不得在如來之行。文爲三。初明嬰兒。次釋嬰兒意。三結嬰兒果。上聖梵兩行皆爾。此不應無。就初爲二。一明圓行嬰兒。二明偏

行嬰兒他解。不起不語是本地嬰兒。此義不然。汝云嬰兒是化他行本地化誰。今明本地非大非小。能起大小兩化作大小嬰兒。就圓嬰兒爲二。一譬二合。譬爲四。一不能起。二不能住。三不能來。四不能語。不起譬常。不起邊中諸法之相。不住者譬淨。不著生死涅槃。不來譬我。不從淺至深動搖彼此。不語譬樂。寂滅涅槃不可言說。此圓嬰兒從初發心常觀涅槃四德行道。故言不能起住來去語言。呼此嬰兒爲如來行。佛作此行引上根者。能化所化皆行四德。悉如來行故名如來嬰兒行。上聖梵兩行皆先釋次第行後釋圓行。今品先明圓行後明次第。當是前後赴緣自在。從如來亦爾去是合。向四譬合前三爲三如文。次合不語中爲四。一究竟故不能語已至大涅槃故。一明說即無說故不能語。三秘密之言衆生不解故不能語。四明隨類不同。隨他言音於我非語。非語故不能語。是究竟樂。說即無說是常。秘密不解是淨。隨類是我。不能語中還具四德。餘三譬亦應如是。從又嬰兒者能說大字去。是第二明偏行嬰兒文爲五。一大字嬰兒。二無知嬰兒。三不作嬰兒。四黃葉嬰兒。五欣厭嬰兒。初大字中。二有譬有合。初譬中言大字者婆和是也。正取和字而爲大字。即是六度菩薩嬰兒。此菩薩三僧祇劫百劫種種相志求作佛。此佛是有爲半字無常之佛。故知是和字嬰兒。合文自釋文甚分明。二從又嬰兒者不知苦樂下。是無知嬰兒有譬有合。譬中舉六字。無苦樂是不取捨。無晝

夜是無憎愛。尋譬文似自行。合文中合菩薩化他當是互現。前後皆以如來合譬。中間兩種以菩薩合譬。亦是互出。佛與菩薩皆能具行諸嬰兒行。下文云迦葉及九十三萬人悉皆得此五行。無知是通教菩薩嬰兒。達幻化相苦樂平等冤親不二合文分明。三從又嬰兒者不能造作去。是不作嬰兒有譬有合。初譬中云不作大逆不作小乘。此是別教菩薩嬰兒。次合文云無五逆二乘等心。即是非生死非涅槃。行於中道菩薩之行。四從又嬰兒者啼哭之時下。是黃葉嬰兒。有譬有合。初譬中云楊樹譬妄常。黃葉譬妄淨。木牛馬譬妄樂。木男女譬妄我。次合文中合於天上常樂我淨。此中義推應有人中四倒常樂我淨。文略不出。五又嬰兒者下。欣厭嬰兒直法說無譬。文爲二。初略標二釋。厭生死時說於二乘即是標。然實無有者是釋。又二。初略釋二廣釋。初略者。知生死過是識苦集。見涅槃樂是識道滅。次廣者。有斷不斷此約集諦。正使有斷習氣不斷有真不真此約苦諦。生死中無涅槃則不真。離生死有涅槃此則有真。有修不修此約道諦。四倒惑等是不修。四念處等是修。有得不得此約滅諦。利使鈍使名不得。見道修道名爲得。然此中先明道次明滅者。若鈍根小乘望果修因滅前道後。中乘利根道前滅後此亦無在。問此中偏明五種嬰兒。上何不明五梵行五聖行。答彼之兩行依文則無義推則有。所言義者以大涅槃心修於三品。即別菩薩聖行諸佛說已。聲聞緣覺則能

大般涅槃經疏卷第十九

大般涅槃經疏卷第二十

隋章安頂法師撰

唐天台沙門湛然再治

德王品

奉行。則是二乘奉行二乘既能奉行。例知六度通別人天等亦能隨分隨說奉行故則有也。梵行中九品增修即是別菩薩梵行。慈爲一切善法根本。自然攝得聲聞六度通教人天等四無量心一切梵行。何以知然。此嬰兒行同他小善。小善不一故具列五偏嬰兒行。聖行正是自行但明次第不次第故不列餘行。梵行是淨行化他但列佛菩薩次第不次第梵行六度。通教雖有化他一是具惑。二是半惑非淨梵行故不列。二乘及以人天皆無化他故不列之。有無之意大旨如此。從善男子如彼嬰兒下。第二釋嬰兒譬意。文爲三。一牒譬二合三釋。初牒。金譬安淨。木牛馬譬安樂。非道譬安常。木男女譬安我。二如來亦爾但合木男女一意餘三可解。三若佛如來下釋既知是妄何以誑彼衆生。若不妄引墮邪因果無由得出。今以妄引破彼邪因。則因縛衆生想破。破彼邪果則果縛衆生想破。是名破衆生相。衆生相破由此妄引。人天嬰兒其意既爾顯餘可解。若於衆生中下。第三明嬰兒行果。若於衆生作衆生想者。但是嬰兒非嬰兒行。以於衆生不作衆生想故。能破衆生相即嬰兒行成以行成故止不啼哭。以果成故得大涅槃。得果之文分明若此。古來不見如何如何。前聖行梵行立果近在初地。今嬰兒行立果遠到涅槃。近遠互現勿起偏執。又初地亦具常樂我淨亦呼爲大涅槃云云。善男子下。是大段第三單結次第五行。文爲三一總結。二迦葉頌。三佛述如文。

瑤亮云。五行是略。十功德廣。一二功德廣聖行。乃至九十功德廣病行。太昌宗云。從初至六廣前三行主對相應。後四廣後兩全不相應。光宅云。五行十德體一義異同是因善。起自外凡終於窮學。感後集果謂之爲行。酬前習因謂之功德。是則行因德果。開善云。五行據淺十德據深。五行始於開經終於初地。十德始於初地終金剛心。故品初則歎不與聲聞辟支佛共。聞者驚怪。第六功德以金心爲體。河西云。五行是涅槃因其趣深遠恐憚不修。故舉十德莊嚴獎勵令學。今皆不然。前兩家以廣略主對義不相應如其所說。光宅云。習因習果乃菩薩之位不關佛乘。開善云。行淺德深。文云第九功德初發五事悉得成就。此不應深。聖行以大涅槃心修。嬰兒行云得大涅槃此那忽淺。河西云。是獎勵之語。獎勵則通何處不勸研其遺文。不與經會。皆不用之。今依經文菩薩當修五種之行行即是修。文云菩薩修行大涅槃經得十事功德豈非是證。前三聖行各說行果亦是於證其文則少。後十功德非不明修而證文多。其事顯故判

行爲修以德爲證。就文爲三。一佛明十功德。二高貴領解。三總結。初又二。一總唱十數。二別釋。初倡數爲三。有對告倡數稱歎。初對告者光明遍照論外化廣。高貴德王辨內行深。又光明是般若。高貴是法身。德王是解脫。解脫攝法故如王。般若理周故遍照。法性尊極故高貴。三德具足以目一人。從德名人從人題品。次倡數者直倡十數不別列名。下別釋中一一出名。三稱數者河西云。梵本云希有奇特。鈍根小智聞則驚怪。翻者略希奇但存九句。獨佛境界不與小共。言語道斷心行處滅故不可思議。深無底故驚。廣無邊故怪。不真故非內。不假故非外。分別智所不知故非難。泥洹智所不泊故非易。無色故非相。無心故非非相。無去來今故非世法。無邊無中故無相貌。絕四離百故世間所無。何等爲十下。第二是歷別解釋。先徵起次正釋。卽爲十章。舊分此不同。治城爲兩周。初功德不聞而聞從淺至深。至第六功德金剛三昧爲一周。第七功德又始發心至第十功德修三十七品見佛性爲一周。開善作三周。初周如前。第七第八爲二周。謂從善友生卽是外緣第九第十爲一周。由信心得卽是因由。今謂若望法華明三周義。初法次譬後因緣。皆重說前義故言三周。今之功德名義永異豈同三周。今但爲十。初文爲三。先明五事。次論義。三結。初文又三。先標五章。次列三別解。舊明五事爲三慧。初一聞慧。次一思慧。後三是修慧。有云。初兩是聞思二慧。中間二是聞思功用。後一

是修慧與皇以初一是本後四相成。由開得益益故斷疑除疑。故直直故知祕。今明不然。三慧似道此文明證修大涅槃得十功德真證炳然。尚不得以別真道釋。何用小共似道釋之去文逾遠。與皇以五法相由是亦不然。夫入證在懷非復前後說非行時。何況證時猶在次第。文明證得而作修解。文明不共而作共解。文明不開而作從他開解。文明不思議作思議解。文明祕密作顯露解。文明圓備作偏缺解。文明驚怪作尋常解。文明無差作差別解。文明中道作邊窮解。若依文者無十過失。不知何故抗拒佛經云云。私語後學請觀初德五法之文。不聞而開猶參因相。聞已利益等四。全是果上之名。初既多立果名。餘九縱似修因。亦是正中之行。章安置多少之言意亦如是。乃至細尋九句之文。皆悉順於若修若證。故知凡諸釋經若尋文取義。若依義判文。不然則罔象消文必招衆失。三解五法文自爲五。初釋不開爲三。標釋結。標不開聞者。乃是圓證妙悟發解稱開非他邊領。若從他聞即是開聞何得是不開聞。次所謂甚深下此即是釋。釋此圓聞。一聞一切聞不可具說。略舉三種。初不開聞第一義諦。二不開聞俗諦。三不開聞真諦。此之三諦三法一心。非前非後不淺不深。故言不與聲聞辟支佛共。二乘之人永不證中。故不與共亦不證俗復不與共。其雖證真不知真之祕密。亦不與共如此不共是故驚怪。乃至非是世法上所稱美正歎於此。今初就不開聞第一義中爲一。初通

列。次通釋。初列中。一佛性。二一體三寶。三四德。四涅槃常住。五如來涅槃。次通釋一。事中。無非中道甚深。凡二十句餘亦如是。次從復有不開聞一切外道經書下。是第二不開聞俗諦又二。初列俗諦法。二明祕密。初俗法者。然根本有三外道。各有經書此但列迦毘羅優婁佉。不明勒沙婆者略。又迦毘羅計一。卽陰是我。優婁計二。異陰是我。勒沙婆計亦一亦二。亦卽陰亦異陰。與二人略同故不說。復有十二部經去。是第三不開聞真諦法亦二。一開真諦法。二開祕密。皆言因此經而得聞之。卽是圓證之義。思佛略中。明三寶一體佛性常住涅槃。小乘所無是故除之。三結如文。次釋聞已利益者爲三。標釋結。標證得之益。非是思慧之益。文云得近三菩提。思慧猶未發真豈近義耶。次釋爲二。一略二廣。略中又二。先提緣由故言難受。次顯真證是一心三智舉三譬。譬之真智照理。如鏡內淨。假智照事。如炬了外物。中智圓照。如日遍朗。而三番說者令人易解。證時一心俱得三智。二若有菩薩去。是廣明利益又二。初叙緣由。次歷四法。明益如文。不從他聞是真證之益。而能自知近三菩提故知非思慧明矣。三結如文。三釋斷疑心者爲三。標釋結。標如文。前利益是內證斷疑。是外論去離亦稱智斷。明生暗滅離前後互明同顯圓證功德故。舊云是聞思功能。若小乘聞思何曾聞思佛性之義。若大乘聞思未見佛性今作離斷之義於證義便釋文爲二。初略釋離二廣釋離。略有

三番。初離名義兩疑。次離八倒之疑。三離權實之疑。初名義可見。次疑八倒云。疑佛涅槃是無常倒。次明常倒理須具八而文略。將三單對一雙是五種云云。涅槃四倒總別之殊。三疑有三下。離權實上疑。疑三乘是疑權。了衆生佛性是實理。須具列佛性今但互現。復次下二是廣離又三。一離衆多疑。以無常爲首者。卽離實法上疑。次復次色是我去。卽是離假名上疑。三四重五逆下。是離依正兩報上疑。五逆四重就正報論重惡。有佛性無佛性就正報論極善。世界有邊無邊是依報。初如文。次假名中。云生死之法有始有終者。有始有終是邪外所計。內亦有之。一云生死都無終始十二因緣輪轉無際。二云無明一念卽是其始。金剛後心卽是其終。三云無始而有終。經云無始無明卽是無始。佛果卽是有終。若定作三執卽是爭論。真證之時卽便得離。聽是經下三結如文。四釋慧心正直無曲亦三。標釋結。初標。前明內證三智外離諸疑未知何智。今標正直之智非是一邊。所以雙舉正直邪曲兩章。次釋出既識二邊正直自顯菩薩修聖行時已能除。行是修曲見既除所見則正。當知十德是證明矣。釋聲聞曲見如文。三修行如是下結可解。五釋祕密義亦三。標釋結。初能知者標也。前無二邊邪曲而有正直中道之慧。此慧能知深密之義。次釋中爲三。一果深密。二因深密。三不思議深密。初所謂下。卽是如來大般涅槃卽果深密。次一切下是約因。三復次下。

約不思議。實無有我而於未來不失業果下二句。此寄無而言有。次諸業下四句。寄有而言無。寄有無而言非有非無。寄非有非無而言有無不可思議。不可思議復不可思議。玄而復玄。約不思議而論深密。爾時光明下。第二論義爲四。一德王論。二疏光論。三無畏論。四德王重論。初爲兩。先問次歎。問爲兩。初領旨仰非。二正難。上雖說五事。今正難初事。凡作三雙。初一雙作奪門。次作縱門。三作況門。初奪門爲兩。先法次譬。法說爲三。初通約有無奪。次正就不聞聞奪。三結。初有無奪又二。初奪次遮。初文奪分使成兩次。無不應下。遮生滅不得作一。次如其下。就不聞聞奪。三世尊若不下正結。先結定成兩。次云何下結定不應。一譬如下。是第二雙說先譬次合。譬中奪凡累三譬。至是住相何因有去。去既未至所以須去。生已生故故不更生。若其不生即不生。不生不得不得例爾。皆定奪爲兩。次聞已下。合譬不得爲一譬中無不一譬。但是開合互現耳。從世尊若不聞聞下。第二一雙。是縱難難有三。初縱衆生有三縱一徵。次縱佛果有一縱一徵。三更結兩縱如文。從世尊凡是色者下。第三一雙。是況難前就色聲況。次就三世況。初文者障內色可見。障外不可見。龜可見。細不可見。質柱一邊見。餘邊不見。世間之色尚有可見不可見。況涅槃微妙云何可見。聲亦類爾。次三世者。三世有爲尙不可見。涅槃無爲何可見。爾時世尊下第二歎答。舊云。稱歎此非是答。今明亦是答。其以定

相難佛明幻等豈可得定衆疑皆息是爲歎答。琉璃光來非青見青。非黃見黃。豈非不聞而聞。即是瑞答。後琉璃光答問即兼答。德王無疑爲衆與問。凡此三答三答三根釋然。河西亦言歎是總答下別答。時大衆中下。第二琉璃光論義爲二。一從遠來。二至已論義。初又二。先現來相。次正明來。初現相中先放光。次問答。初放光者。乃是奇異。仍釋前問名爲瑞答以示來相。放光是光體。大衆遇光是光用。師子王定即自在定。迹既自在乃顯光體不可思議云云。爾時文殊下。二問答又二。先明其本。次明其迹。初本又二。先無言辯本。次寄言辯本。初四菩薩相問皆默者。一顯諸法無言。二顯此疑應從文殊得解故餘人不答。文殊問佛默然。衆見佛默答咸謂文殊玄解。所以迦葉復問文殊文殊又默。衆謂迦葉已解。如是傳傳乃至五百。爾時世尊下。第二寄言明本。先問次答。凡有七番。前六皆破定相。次一明因緣。私謂此因緣答是破是立。因滅無明即是破也。如前皆默熾然菩提即是立也。如後世俗又前是自行破立故衆皆默。後是爲他破立故答。光緣故知光之本者莫逾菩提之燈。是故此光非色現色從真起應。自彼而來放光召機故非現而現。問菩薩放光豈是常住。一云藉彼佛力故有常光。二云彼菩薩是佛自有此光。佛言文殊下。第二辨光迹。亦有問答。佛言莫入即止其本。應以世諦宜明其迹。述文爲三。初此述彼土。次彼述此土。三明菩薩欲來。爾時疏光下。第二彼菩薩正

來。非彼佛不能答示佛道同。欲生此土善滅此土惡令見性得道。是故遣來。問若諸佛道同彼土遣來此應遣往。答亦應遣往但略不說。又隨化主所舉此佛舉彼菩薩故菩薩來彼亦應舉。此但略不舉。問迦葉好世不說此經。今佛惡世對治無常故說常經。滿月如來亦出好世何以說之。問難皆與德王同耶。答常治無常其土應無。若逗常機任理而說是故云同。並云昔所不聞而今得聞可非對治。又迦葉如來亦有常機何故不說。今解不爾。彼土雖無對治之說亦二悉說迦葉亦爾。爾時世尊問下。第二至已論義爲二。初旁論去來。二正問上義。初文者。然問答前後隨緣不定。此中佛先問次菩薩問。此中旁論與純陀異。上文對佛而文殊旁難。即是人旁而法不旁。此中正應問不聞聞而問去來。即是法旁而人不旁。佛問意者。汝見諸法有去來故來無去來故來。疏光答十番。初兩就前境明無來。後八番約迷悟。悟無去來。迷有去來。疏光明理不去來而迹有去來。迷悟亦爾。兼答高貴不聞而聞。世尊且置下。正論義爲四。一請許二問答三重研四結難。請許如文。次疏光下問若具足問應如德王三雙六隻。此中直問聞所不聞。凡有三異。一德王問廣疏光問略。二德王問證疏光問修。三德王問不聞聞。疏光問聞所不聞。云何會通。解云疏光在本土亦作三雙之問。衆已聞廣是故但略。德王通問五行之證。證是內悟不由外聞故言不聞聞。疏光問證中之修即是天行。天行任運

念念增明故言聞所不聞。詞異理同云云。佛答爲二。初緣起。二正答。初緣起中。二有讚許誠聽許有六句。似如六度而不次第。汝欲盡海我能善說此約精進許。拔毒箭此約戒度許。慧炬照明此約般若許。其問不聞聞。佛許汝於佛性未得明了。我有慧炬能爲照明。當知廣說不聞聞即廣佛性。上文云云何不聞聞得聞常樂我淨復是其義。若疏光問與德王同疏光得了因高貴亦然。下文云我因是事即得悟解一句。半句得見佛性入大涅槃。若不聞聞是佛性者三句。云何不聞聞是了因。不聞聞是緣因。不聞聞是正因。聞聞是境界。又是因性。聞不聞是因因性云云。例來不來生不生至不至等亦復如是。作船師此約忍度許。生赤子心此約禪度許。惠施此約檀度許。次諦聽去。是誠聽又二。初誠未聞。次誠聞已。誠未聞有三。諦聽令不覆器。善思令不漏器。念之令不污器。不覆故能受。不漏故不失。不污故堪飲。誠聞已亦三。初三事誠覆。次二事誠漏。次五事誠污。初標覆次釋覆。當生敬信標法。至心聽受標已。恭敬尊重標師。莫求其過釋覆法。莫起三毒釋覆已。不觀種姓釋覆師。若無三事卽器不覆。從既聞法已下二是誠漏。莫生驕慢去是勿漏生死。亦莫生念去勿漏涅槃。無此二邊卽是不漏。從於佛法僧去。誠勿污一勿污一體。二勿污四德。三勿污大乘。四勿污無住。五勿污法相。若作別體污卽不能尊師。若起四倒污卽不能尊法。若起小乘住著生貪污卽不能尊自。無此五失

卽是不污。凡行十法結是至心云云。問疏光放光卽常住安被斯誠。答惟堪叩物寄聖誠。凡善男子有不聞聞下。第二正答卽爲二。初約不聞聞四句。次廣開不生兩番四句。南方舊解。初四句是法說。後兩四句是譬說。地論人。初四句是教相。次二是證相。觀師云。諸四句無異爲逗三根三番說之。舊解。初番四句諸師不同。一師約二諦云。不聞聞卽眞爲俗故眞得有聞。不聞不聞此但眞諦絕無見聞。聞不聞卽俗爲眞無所聞也。聞聞但是俗中有於見聞。一師約眞應不聞聞者法身起應。不聞不聞法身巖然。聞不聞者攝應還眞。聞聞應迹聞見。一師約生死涅槃。涅槃眞寂不聞不聞有便應。不聞而聞生死紛糾。若能修道則聞不聞。若不修道常是聞聞。一師云。聞聞四句非是正意。後重研不生四句方是正意。宜就不生等解。不聞不聞是涅槃無始無終。不生是涅槃無始而始。生不生是涅槃無終而終。生死亦然。生是生死無始無終。不生是無始而始。生不生是無終而終云云。今謂義皆不然。何者此三番四句圓冠諸法應不該通。用圓釋經猶懼不會安得偏作若教行證法譬解耶。非但方不會圓兼復屠割傷體。又一師依於一諦以釋四句。雖言親密彌益疏遠。況作二諦疣累轉多。眞應生死涅槃等二亦復如是。況作生生等三句解者損失事深。況作互無只是小乘少分意耳。不關大道。今皆不用。又此十事皆是內證。德王難不聞聞。疏光難聞不聞。二詞雖異而同

問證。答正廣明四句。若欲釋之千塗萬轍同顯斯證猶懼不當。而諸師蓬飛野外萍流海表。偏據事相執一害諸。非但乖圓永不聞證。若以四句通釋諸義觸處皆通欲解初四句應扶佛語。佛雖答證意在通修。初入證道修道忽謝無所可有名爲不聞。眞明密開無所不照卽是於聞故名不聞聞。證得如是大般涅槃。大般涅槃無有聞相故名不聞不聞。證起惑滅名聞不聞。寂而常照隨扣則應名曰聞聞。今取佛解不生中四句。釋此既是佛解非徒穿鑿。初句明證智。次句明證理。第三句明證斷。第四句明證應。若事若理智斷自他於初證中具足無缺。如此之證不與小共不可思議聞則驚怪。盡涅槃海此一妙證釋二人疑。復此不聞聞是證聖行。聞不聞是證梵行。不聞不聞是證天行。聞聞是證嬰兒行病行。一證一切證圓證具足。故上文佛告迦葉不獨汝得如是五行。今此衆中五十三萬人悉皆同得如是五行卽其義也。復次不聞聞是證了因。聞不聞是證緣因。不聞不聞是證正因。聞聞是證境界。故佛答疏光云。汝於佛性猶未明了。我有慧炬能爲照明卽其義也。復次不聞聞是證圓淨。不聞不聞是證性淨。聞不聞聞聞是證方便淨。故佛答疏光云。汝今欲盡大涅槃海我能爲汝具足解釋卽其義也。若得此意於一證中自在廣說云云。第二廣明四句。從如不生去明兩種四句。云何名如是不異義。彼此四句不可異故。於彼四句更立名義互相顯釋類例可通。略舉兩種。顯



廣義端。遍冠一切內外諸法。那言此四是譬說耶。與皇例以此四句。通於本有今無雪山割肉等偈。不生生是本無今有。不生生是本有今無。生生即是三世有法。不生生即是無有是處。生不生是諸行無常。不生生是生滅法。生生即是生滅滅已。不生生是寂滅為樂。不生生是如來證涅槃。生不生是永斷於生死。生死即是生生。若能志心聽常得無量樂。即是不生不生。今明初約圓證根本其義既立。遍通一切內外之法。何但通諸大經亦通小律。生生是諸惡。生不生即是莫作。不生生是諸善奉行。不生生是自淨其意云云。非但通於大小經律。亦得通於菩薩之論。生生是因緣所生法。生不生是我說即是空。不生生是亦名為假名。不生生是亦名中道義云云。世尊云何不生生下。第二重研。何故重研。良由不聞聞等義猶難解。更研不生生等重助釋之。若了不聞聞等則不重研。不生生等今欲類例通之使遍。一切故重研也。又為二。一約內四句。二約外四句。內四句中句句皆。先問次答。安住世諦者有二義。若就生死外法。即是初念託胎來名安住世諦。若就涅槃內法。修習方便位名安住世諦。從修發證無明豁破。即是初出胎時。亦是涅槃無始而言於始。將此類通不聞聞等。即是圓證其義轉明。世諦死時亦有二義。若就生死外法。福命俱盡名世諦死。若就涅槃內法。即是無明盡時名世諦死。亦是生死無終而終。四住菩薩舊云。十住中第四生貴住於生自在。又

云。十地中第四地斷見諸盡。不生三塗能以神力示自在生。今觀二解。一似別義。一似通義。未會此文。尋此義意但令菩薩四住惑盡。非是結業牽生三界。而能示現名生自在。地經有六住義。第四住與此義相應。具如止觀第五。是引彼亦引證不生生等。第二約外法四句而言未生生者。未之與不各隨義便。琉璃光下。第四結難。於三四中但難不生生等。於不生生等四句中但難生生。欲因生生廣解諸句。就文為三。一難。二解。三頌。就難為六隻三雙。初就常無常難。次就自生生他難。三就本有本無難。皆難生生。為常故生。無常故生。為自生。為他生。為本有生。為本無生。初文常無常者。生若是常有漏之法應無此生。生若無常則有漏是常。生自無常無常則滅不能自固。豈生有漏。有漏既其不為生之所生故應是常。次世尊若自生自下。第二結自生生他難。生若自生生無自性者。言生既自是所生非復能生無能生性。故言生無自性。二云生本假緣未有自性何能自生。若無自性何能生他。能生他者等是生他。何故但能生於有漏之他。而不能生無漏之他。有漏無漏望自俱他。世尊若未生時第三難。若本有者未生之時已是於生。何故於今方名為生。於今乃是緣合之時。若本無生而可生者虛空是無。那不復云虛空生耶。佛言下第二解釋為三。先非六問。次釋六非。三答六問。合有六非一是為七章門。初非六問者。若定如汝問則皆不可說。初言不生生不可說。即

非初難生定是常。生生不可說。非第二難生定無常。生不生不可說。非其第三自生則失自性故是生不生。不生不生不可說。非其第四生他之難。前云若能生他何不生無漏。故言不生不生不可說。生亦不可說。非其第五本有之難。不生不可說。非其第六本無之難。後一結有因緣亦可得說。即是顯四悉檀因緣而可得說。云何不生生不可說下。第二釋上六非章門。釋第一云。自云是生。復云不生。不生即常兩事相乖故不可說。釋第二章。生若無常則生復生生為生所生舉體皆生。復為滅所滅舉體皆滅。生生故生即舉體皆生。生生故不生。即舉體皆滅故不可說。釋第三章門。生不自生本取生死。釋第四章門。涅槃亦有生義不可定言涅槃不生。前難云。等是生他何不生於無漏。無漏只是涅槃。涅槃亦有生義。如是修得故。故復是生。是生不為滅之所滅此生即常故不可說。釋第五章門。本無有生豈可言未生已是有。釋第六章門。不可定言有於不生。而復有於可得之事。所以復生。不同虛空一向無生。第七可說章門。十因緣者。除後兩支。前十為生而作因緣故可得說。此只消文。止觀中釋四句稍廣。私謂準彼釋意與今大經文理雅合。深會彼文無生之觀成契涅槃無生之文。莫入空定大眾鈍。故有二解。一云衆實是鈍不解空定故言莫入。二云若作空定之說衆解則遲。空義深隱取解為難。以遲難為鈍。然經文偈六句皆不可說。有因緣故亦可得說。佛六番釋不

可說竟。又指因緣亦可說竟。此義猶略。今更兩番說有因緣皆可說。具於一句作四句說。所謂不生。生。生。生。不生。不生。不生。不生。四句皆如此說。是爲因緣亦可說。亦應言有因緣故皆不可說。何以故。一句具四。何可偏作一二三說。爲此因緣則不可說。乃至四句悉具四句。那可偏作一二三說。爲是因緣皆不可說。又四句卽事而理。理皆不可說。又四句卽理而事。事皆可說。何以故。下文云。若知如來常不說法。是名多聞。今例此義。若知四句卽事而理。卽是說。地師名前三種四句約教行證。一往而言。非無此義。今欲分別此之六句。似如禪複通別惑解。初兩句明通別惑。次兩句明通別解。不生。生。是別惑。生。生。是通惑。復。不生。生。是通解。禪。不生。生。是別解。復。次生。結前禪生復生。同是惑。生。次不生。句。結前禪不生。同是解。故。如此禪複惑解。皆不可說。因緣可說。具如前辨。云。善男子。有爲之法。下。第三答。卽正答六問。答前六句爲兩。初答前兩問。次答後四問。答前又二。先別就四相。次合就四相。初別就四相。卽爲四。初言生是常者。當其分部守其自性。故得是常。言無常者。住來住生。生卽改變。復是無常。住亦如是。爲生所生。不得是常。異亦如是。而言法無常者。前生中云。住若無常。生亦無常。今舉法對異。還是前生住無常法。異亦有常無常義。具如生住。壞亦如是。文云。本無今有。壞亦無常者。本無今有。只是生義。已生來生。壞壞不得是常。本有今無。復是無常。善

男子以性故下。合明四相。各守性分。皆得是常。以二義故。不得是常。近論念念遷變。遠望涅槃卽復非常。爲涅槃所斷。是故非常。善男子。有漏之法。下。二答後四難。又爲二。一正答第五兼答第六。二正答第四兼答第三。此初答第五問者。上問若本有者。云何於今乃名爲生。今答云。本有生理。非是已有。今方是生。卽兼答第六等。是無生。何故不說虛空爲生。今答亦云。有可生之理。方得有生。虛空無可生之理。何得說空以之爲生。無漏之法。下。答第四難。有法譬合初文者。初難云。若能生他。應生無漏。今答無有生於無漏之理。故不能生。有漏之法。有性。故可得生。兼答第三。生無自性。難。若有自性。生能生之。既無自性。豈可得生。兼答兩意。自然懸去。次譬中舉火眼者。各有其性。火性能生。眼性能見。此中言有生性。故生能生者。卽是破性義。竟。然後說性。是則無爽。如前非性執。竟。後方云。有因緣時。則可得說。合如文。爾時疏光下。第三領解。又二。初經家叙相。次正陳解。陳解又二。自陳陳衆。初陳自云。聞不聞。陳衆云。不生。生。此卽陳其得解之門。只爲不至。至四句。有未解者。無畏更問。生不動。國。德王更論。不至。至等。世尊我今已解下。第三無畏論義。爲三。一請許。二論義。三請答。德王之問。請許如文。二無畏論義。有三問。答。領解問中。又二。初問此生彼。次問彼利根。此兩相成。轉側爲異。問經說淨穢。二土菩薩互有勝負。今云。何通。答若敵對相望。淨土則勝。若權實相望。若入實淨土勝。

若入權穢土勝。次佛答。正答初問。兼遣後問。偈有二十一。行爲兩。初十行是止善。後十一行明行善。然淨土之業。卽菩提心。今論別行。乃是總別不異。三領解如文。是光明遍照下。第三請答德王之問。上中已解。爲未悟者更請。先問次佛答。問如文。佛答爲二。先讚誠。次正答。答中先舉未至。不至。次牒聞不聞。初又二。初標至不至。章。次解釋。釋中意者。然德王初問有三種六種。佛說六喻。及光瑞答。不聞聞竟。次疏光論義。已答不生。生。竟。今更重牒不至。至爾。初聞不聞。四句上根已了。次不生。生。四句中根又悟。今爲下根。釋不至。至緣之所宜。故前後問出爾。就此四句。前兩句明涅槃有不至。修道除惑。則不至。爾不至。下兩句明生死有不至。若修道背厭。則不至。爾則至。還重反覆。成上諸句。然此中解釋。還須望前。前云。不生。生。卽大涅槃。此言不至。還是不生。更無別異。若爾何以不同。前明不至。不至。答爲緣禪複。不至者。卽是凡夫不能修習。所以不至。不至者。亦望前初出胎時。名不生。生。此中言。不至。至於生死。互舉一邊。至不至者。亦須望前。世諦死時。名不生。生。亦是互舉。至亦須望前。前云。生生不絕。此中還論生死。故與前同。次牒聞所不聞。又二。前列四章。次釋中。但釋一句。前已釋。竟不欲煩文。地人別分。教證淺深之異。然今文意。只是緣宜。宜作三說。但是悟有前後。非關法有淺深。何以故。語異義同。故爾時光明下。第四德王重論。爲二。初禪問果。次雙問因果。初

問爲二。一問二答。問爲三。一問涅槃始有卽是無常。二問因莊嚴故復是無常。三問涅槃若有亦是無常。於第三問中復有四章。不者直作七問。一問本無今有故無常。二問因莊嚴故無常。三問若是有故無常。四問可見故無常。五問不平等故無常。六問有須待故無常。七問有名字故無常。初問又三。謂領旨略問廣問。廣問有法譬合。第二第三第四如文。第五有兩重譬合。第六有譬有合。引昔第七如文。爾時世尊下。第二佛答三問。初答本無今有有法有譬有合。地人作真緣兩修釋。言真修是本有。緣修是始有。三論師用正因緣因釋。正因是本有。緣因是始有。從汝言因莊嚴故下。答第二有法有譬。譬中三重譬合如文。從汝言因緣故下。答第三涅槃是有。一往問答似不相應。問直云涅槃是有卽應無常。今舉五因者。明涅槃不同五因之有。後舉生了而復簡生。但同於了。只答此問卽兼餘四。前舉五因似四緣三因。生因卽報因但長有草木和合因。卽是習因善惡自然相似。住因卽依因。增長因卽增上緣。遠因卽緣緣但無次第緣。後二因者不同作因同於了因如文。以後二因簡前五因皆作因故。爾時光明下。第二雙問因果。問中二。先六度卽是因問。次問涅槃卽是因果。佛答又二。一雙答因果。二別答因果。初雙答如文。善男子云何是施下。二別答因果。又二。先因次果。初因中又二。初明順因。次明違因。初文又二。初正答次默經。初正答爲六辨度非度。前五是分涅槃。後

一正是判度。有相有得則非度義。無相無得乃名爲度。其中廣舉一檀爲首。餘五悉指難華。云何菩薩不聞十二數經。先結菩薩爲數。次結三乘爲數。初文中云十二部經其義深粹者。昔十二部但明於空。比生死爲深而非運。此經明生即不生。生即不生。生即不生。不生。故爲深遠。亦是卽有。卽空。卽空。卽非空。非空。是故深遠云云。

一切人悉令皆轉云云。佛答爲兩。先歎問。次答問。初歎問爲四。一歎現德。二歎往因。三歎所問超逾人天。四誠聽許說。如文。善男子一闍提下。正答爲三。一答第五不定問。第二答第三斷善問。卽兼答第一第二罪人問。第三重答第五不定問。兼答第四問。初答第五中三。先標。次答。三結。從如汝所言下。第二正答第三有三番。一約內外。二約漏無漏。三約常無常。佛性中道。非此二邊故不可斷。人天是善。三塗是惡。凡法爲外。聖法爲內。世間是漏。出世無漏。有爲無常。無爲是常。佛性悉非此之兩邊。故不可斷。若是斷者下。兼答第一第二罪人問。彼雖作罪終不斷性。明罪不定。以不定故得三菩提。本取斷已名一闍提。性非已得云何可斷。既非定有豈能遮斷。答第一問。若非定有違第二問。又斷已得方名闍提。今性非已得亦違第四問。犯四重下。第三重答第五問爲三。初汎明不定。二廣明不定。三結不定。初文又四。一明惡人不定。二明諸法不定。三明善人不定。四明如來不定。此卽惡人不定也。色與色相下第二明諸法不定。有法譬初法如文。次譬中凡三譬三合如文。而言亦有定相謂常樂我淨者。爲其前難不定云。如來入已亦應出聖成凡卽無常樂。今答不爾。無定之中亦有定相。謂如來常樂我淨。故言亦有定相。須陀洹下第三明善人不定。如來今於下第四明如來不定。方便道中如來不定。法身本地定不爲凡是名爲定。二端不可得燒者。兩解。一云觀身譬本地。在外譬迹

### 大般涅槃經疏卷第二十一

隋章安頂法師撰

唐天台沙門湛然再治

#### 德王品之二

起卷德王問。若犯重下第二明違因。於中爲三。謂問答領解。治城爲六問。開善爲五問。只是三意。初兩問四罪。次兩問一闍提。三二問不定。初問四罪者。若有佛性不應墮地獄。如其退落佛性不持。第二問。若有佛性。云何復言無常樂我淨。若無四德豈有佛性。第三問。闍提斷善應斷佛性。第四問。不斷佛性何名闍提。第五問。四罪與闍提等不定還生善根。涅槃不定還成凡夫。難文小廣。入涅槃已若還出者。聖還成凡。若爾佛無四德。若不爾者闍提亦無成佛之義。前難令涅槃無常。佛答非無常。此中作不定難。一切不定則一切無常。則涅槃亦是一切之限亦應無常。此難難

一切人悉令皆轉云云。佛答爲兩。先歎問。次答問。初歎問爲四。一歎現德。二歎往因。三歎所問超逾人天。四誠聽許說。如文。善男子一闍提下。正答爲三。一答第五不定問。第二答第三斷善問。卽兼答第一第二罪人問。第三重答第五不定問。兼答第四問。初答第五中三。先標。次答。三結。從如汝所言下。第二正答第三有三番。一約內外。二約漏無漏。三約常無常。佛性中道。非此二邊故不可斷。人天是善。三塗是惡。凡法爲外。聖法爲內。世間是漏。出世無漏。有爲無常。無爲是常。佛性悉非此之兩邊。故不可斷。若是斷者下。兼答第一第二罪人問。彼雖作罪終不斷性。明罪不定。以不定故得三菩提。本取斷已名一闍提。性非已得云何可斷。既非定有豈能遮斷。答第一問。若非定有違第二問。又斷已得方名闍提。今性非已得亦違第四問。犯四重下。第三重答第五問爲三。初汎明不定。二廣明不定。三結不定。初文又四。一明惡人不定。二明諸法不定。三明善人不定。四明如來不定。此卽惡人不定也。色與色相下第二明諸法不定。有法譬初法如文。次譬中凡三譬三合如文。而言亦有定相謂常樂我淨者。爲其前難不定云。如來入已亦應出聖成凡卽無常樂。今答不爾。無定之中亦有定相。謂如來常樂我淨。故言亦有定相。須陀洹下第三明善人不定。如來今於下第四明如來不定。方便道中如來不定。法身本地定不爲凡是名爲定。二端不可得燒者。兩解。一云觀身譬本地。在外譬迹

應。此二不滅。二云觀身譬佛智觀機。在外譬神通應物。物機無窮故神通不盡。是故不燒。觀音者非應言觀音。此衣在裏名為觀衣。善男子當知如來下。第二廣明不定。舊解諸句作一存一亡。非鬼至亡法身。非非鬼至存應身。今謂法應兩分還是定義。豈是不定。與皇云非鬼法身不定。法身則亡非亡。非非鬼應身不定。應身則存非存。存非存能鬼能非鬼。亡非亡能非鬼能鬼。今謂皆未免定。何者鬼定能非鬼。非鬼定能鬼。雖言不定亦名為定。今明鬼即非鬼。亦即非鬼非非鬼。非鬼即鬼。亦即非鬼非非鬼。非鬼非非鬼亦即鬼非鬼。是一即三。三即一。無一無三一三不定。斯則真不定義。餘句例然。今先唱章門。次解釋。凡二十章門。但解十六不釋四門。於第九短非短門中。云現三尺身者。河西云。其家無兒。產一子長三尺而死。父母悲苦失性。佛現兒像。父母見子還得本心。謂兒言。我言汝死汝何處來。答言從死處來。因緣暫會。身屬衆緣。四大假合。遍觀衆緣。何者是身種種說法。惑心即斷。便現三尺佛身光明色相。長者得阿那含。非漏非無漏是第十六章而最在後釋。何故爾。佛欲廣釋此章。故留在後。又私謂諸門之中。若漏無漏凡夫聞之多易解故。又二初明非有漏。其文極廣。後明非無漏其文甚少。廣略相望亦應可見。初非有漏文為二。先明三漏。後明七漏。問何不取三界煩惱為三漏。而取色無色為有漏。通取無明為無明漏。答佛說無定。或轉三漏以為四流。然作三漏

者欲重故獨為。一色無色小輕故合為一。無明是根本通共為一。但數家稱為漏落生死。論家稱為漏失道理。今經意者只是煩惱則名為漏。復次一切凡夫下。第二明七漏。一見。二思惟。三根四惡。五親近。六受。七念。前兩是漏體。後五是漏緣。見是利使。思是鈍使。根是內五根。惡是外惡法。近是惡人。受是受取。色欲等法。念是晝夜念念不斷。今文無思漏。又惡漏作離漏名。能離是道。所離是惡。初解見漏中應具十使。但舉疑見者。欲明貪瞋癡慢四使通於見思五見及疑。但在見諦思惟門中。則為慢攝。文又二。先廣明疑心。後別明見使。疑乃非見。但疑見相關故言疑見。生六種心者具列諸見。莊嚴云。只是五見開邊為斷常故言六開善云。決定有我決定無我。未是六數。但總唱決定。從我見我下即是六數。一我見我。二我見無我。三無我見我。四我作我。五我受。六我知。所言六者。一於假我計有真我。故言我見我。二於假我上計無此我。故言我見無我。三於陰身上計有真我。故言無我見我。我作下三種。即十六知見中三。河西以決定有無為二。我見我者。本計有我。入定之時見妙光明。猶如日月。即以所見證定有我。故言我見我。我見無我者。計現有我過未無我。即斷見外道。無我見我。謂諸有情悉無有我。離五陰外別見有我。如麻麥等。我作我受者。謂始終常有。即是常見。謂我能作因。我能受果。及以能知。從凡夫不能善攝下。三釋根漏又三。一明凡夫因根起漏。二明菩薩不爾。

三結如來無漏。凡夫如文。菩薩下二明離復因根不起諸漏。行苦者二解。一云。即三苦中之行苦。此若最通二云。行是無常苦但是報。不得為一。言二十五里者譬二十五有。鉢譬色心。油譬於戒。不棄一滴譬不犯一戒。王譬佛。臣譬行人。拔刀在後譬於無常。如來拔出下。第三結如來無漏也。復有離漏下。第四釋惡漏當體名惡。從治道名離。又二。先明能離之道。後明所離之惡。初又二。先明菩薩修行。後引昔證今。初文有五種法師。而言一經於耳七劫不墮者。前名字功德品云。若聞常住二字生生不墮者。聞有多種。若深能思惟如說行者即生生不墮。若不能深思惟行者只得少益。八魔者。舊云。無常等四各有其因。是為八魔。又一解。煩惱等四及無常等四為八。善男子我念過去下。第二引昔證今。於中有偈。舊解。上半明果下半辨因。證涅槃是果。至心聽是因。果中有得離二事。證涅槃是得。永斷是離。因亦有二。至心是修行。無量樂是得果。言得樂果者。非常樂果。乃是行因得因中之樂果。有人許之。比太近局全無所以。若只有此事何能實身。復云何聞此而得成佛。觀師云。偈意無量不可得盡。所該甚廣義味無竭。且出十義。一三寶。二四諦。三三德。四四德。五生不生等四句。六末有今無偈。七雪山偈。八四悉檀意。九中論偈。十四種佛性。所言偈含三寶者。只如來證涅槃。此一句即是佛法三寶。能證之人是如來。即是佛寶。所證之法是涅槃。即名法寶。永斷一句只是助語。若

能至心即是僧寶。能至心聽即是兼行之衆。豈非僧寶。但此一句亦得兩望。至心亦得是法寶。至期何處即是聽法。今且屬僧。得無量樂亦是助句。明三寶者只是兩句。且置兩句。言四諦者。不取諦義但取行證。證此法者佛證涅槃。即是證滅。何故知爾。涅槃翻滅豈非滅諦。永斷於生死。即是除集集是煩惱及以結業。今生死亦是煩惱及以結業。若能至心聽。即是道諦。由至心聽故即證道。常得無量樂即是苦諦。何以故苦果既遣便獲樂報。三德者。即是應離首羅三目。亦是伊字三點。如來證涅槃。即法身德。永斷於生死。即解脫德。至心聽。即般若德。更須一一釋之。四依品中明三德者。一法身。二解脫。三般若。四相品中不爾。一者涅槃。二者解脫。三者般若。即取涅槃代法身。今此中既云涅槃者豈非法身。永斷生死是解脫者。有生死即有累不脫。今既斷除。即是無累。非解脫。至心聽即是般若者。由聽法故能生智慧。智慧既生寧非般若。不至心者容可不生。今既至心聽即能生智。復得法樂自娛。非復世間之樂。言四德者。即常樂我淨。如來證涅槃即常德。問爲將如來爲常。涅槃爲常。今明人法皆常。故前文云。以法常故。人亦是常。永斷即淨德。生死是可惡不淨充盈。既除不淨便得淨法。豈非淨德。至心聽即我德。由我能聽無我誰聽。常得無量樂自是樂德。亦云復是重明常德。生不生等四句者。前已委悉解竟。今不復釋云。應本有今無偈者。如來證涅槃。即本無今有。未證

涅槃。即是本無。今既證竟。即是今有。永斷生死。即是本有今無。如來未斷生死之時。由有煩惱。即本有義。既證法身無復煩惱。豈非今無。下之兩句不可分張。只此三世是無有是處。故直合是三世有法無有是處。何者是三世法耶。只證此法涅槃常果。即是三世無有是處。雪山偈者。文小交加須善分別。上半不應此中文義。但取下半。而復不全應。今四句但應今兩句。生滅滅已。即是永斷於生死。寂滅爲樂。即是常得無量樂。此兩偈相望互有所無。此偈望彼。即無諸行無常是生滅法。彼偈望此。即無如來證涅槃。若能至心聽。亦應四悉。如來證涅槃。即第一義。有時說涅槃爲第一義。永斷於生死即對治。論中云。以三觀治三漏。今正斷生死豈非對治。若能至心聽。即是世界。世界之中。或言有我或言無我。皆當至心領受此我無我。常得無量樂即各各爲人。論中云。一法分爲兩種說之。爲計我者即說無我。計無我者即說有我。著苦說樂執樂說苦。今此爲除計無常苦者故。明常樂等法。中論偈者。因緣所生法。即如來證涅槃。涅槃只是因緣之法。若非因緣即成性義。我說即是空是永斷生死。既斷生死故得是空。亦名爲假名者。即是至心聽。若有假我方聽受。亦是中道義。即是常得無量樂。中道即是非有非無。亦是非常非無常。結之爲常。無苦無樂結爲大樂。今此常樂。即是中道之常樂也。四種佛性者。除正因性。但取果果因因四緣佛性。如來證涅槃即是果果性。故下文云。

果果者。謂大涅槃。永斷生死即因因性。下文云。因因者。十二因緣所生之法。亦斷十二因緣煩惱盡者生觀智解。豈非因因。至心聽者。即了因性。三十七品六度四等。並是了因。常得無量樂是菩提果。以常樂故豈非果性。觀師云。聊爾思惟即便得此十科大義。是故當知。其理無量非可述盡。前梵行中言痛。此中云不痛。舊解云。只是淺深云云。大明所離之惡。謂惡象惡馬諸惡獸等能害人者。能生惡念動身口惡。惡城惡舍無情之物。何能爲惡。如在邊城持弓執箭警柝過道。豈不生人殺害心耶。惡舍亦爾。此是惡緣。惡知識者。甘談詐媚巧言令色。牽人作惡是故須離。次釋第五親近漏如文。復次一切凡夫下。第六釋受漏。文云。覺覺即受也。聖行品云。受爲覺相。因三受後起三煩惱。故名受漏。其中復釋沙門等名。皆有多義不可定執。此中六難與上純陀有異。上以檀爲難。哀歎品以羅漢果爲難。此中以怖心爲難。何故三處辨難。而五同一異。純陀品對俗故云最後檀難。哀歎對道故羅漢難。此中通對著有凡夫故怖心難。

#### 德王品之三

起卷釋第七念漏。又二。先明漏相。次明菩薩無漏能斷念漏。行心邪念爲漏。理應具三受中生念漏。今偏據苦中生念漏起貪瞋等過菩薩下。第二明菩薩無漏又三。法譬結初少許法說。正明菩薩思惟能斷念漏。凡夫愚人不能思惟令其漏滅。從譬如有王下。第二譬說。爲二。先譬次合。初譬者。說之不同。或七八

九、望下合文應是八譬。一四蛇。二五旃陀羅。三詐親。四聚落。五六賊。六大河。七草筏。八到岸。束八爲三。初六譬道緣。次一譬修道後一譬得果。初言王者三解。一云佛說衆生身中四大。二云無明能構衆生四大之身。三云此經說衆生四大。各相違害譬之如蛇。譬一身。養食譬摩洗。準法者。依所作惡品有輕重。戮之都市者。斷善根絕慧命。其事顯然故云都市。切令者。教惡莫作誠善奉行。逃走者。若得真解彰顯而去。今初伏惑故言逃走。次王時復遣下。五旃陀羅用譬五陰。刀譬無常苦。迴顧者。欣涅槃爲逃走。厭生死爲迴顧。三是時五人下詐親譬。藏刀者。以虛妄我覆於無我。妄樂覆苦。密遣一人一人譬愛。五陰行心。有此貪愛能惑衆生。故言詐親。四其人不信下聚落譬。譬於五根。五根即是識所棲託。如人居聚落。既器者。舊云。是重口墨譬五根重。香字書爲洪音。既不見人即人空。求物不得即法空。坐地者安心空境。五聞空中聲下六賊譬。譬於六塵能劫善財。空聲譬於聞佛教中說有六塵。夜來者。無明闇心蔽此六塵。六路值一河下。譬遇惑流。但諸衆生恒在煩惱。那忽云值。然都未修道則不知惑過。今始研心知其爲闇。故名爲值。斷常衝擊譬之漂急。乏戒定慧故無船筏。七即取種種下。筏譬修道。運手動足譬道用。筏不可依。慮善微弱不能勝濟。身倚者。心依此善截流而去。草木譬衆善法。兩手譬權實二智。兩足譬戒定二善。八即達彼岸下。譬得涅槃果。在此在流多

有所畏。既度到果必無所怖。次合八譬。初合四蛇。即是四大。大有內外。內身四大正合四蛇。四大共造眼根合見毒。共造身根合觸毒。共造鼻根合氣毒。共造舌根合齧毒。次合五旃陀羅。如文。三合詐親。親只是愛。愛能誑誘害衆生。但前三心不能生愛。唯行心中能生親愛。然此五陰盡能爲惡。但起愛取要在行心。故云一怨。文云。怨詐親者有始有終。愛心不爾。無始無終。復有二義。一者如十二緣。猶如車輪。無有始終。愛心亦爾。無有始終。然十二緣。復有始終。即無明爲始。老死爲終。言無始終義者。求愛來處永不可得。即無始終義去處無從復是無終。次合第四空聚落者。即內六入。外世間衆人所住處。無人故空。六根即是我之棲託。求不可得故空。如人望舍。謂內有人比至進覓都不見有。菩薩亦爾。觀於六根皆空無我。但此六入即爲六根。并外六塵內外十二。六根亦名六情。亦云六識。根以能生爲義。情從生識得名。然六根無情。識即有情。從能受名故云六情。識取和會。根塵和會故能生識。次合第五六賊。即是六塵。賊從外來劫人資財。六塵之賊劫人善法。但此六塵生三種法。四事能生細煩惱者名爲四微。所生者龜故名四大。言四事者。色香味觸。四大各四。亦不具四。五事生者名爲五欲。言五事者。足一聲塵。六事生者即名六塵。塵是滓累之名。次合第六一河。河是煩惱。但此關二河六河。不暇併述。有生死河涅槃河善法河佛性河云。但此經中三河不同。師子中明生

死河。迦葉中明涅槃河。此中明煩惱河。既至河上取草爲筏下。合第七譬戒定智慧以爲三品。到於彼岸下。合第八到彼岸。譬常樂涅槃。云何如來非無漏下。第二釋非無漏。半句文云。如來常行有漏者。數人云。有漏無漏逐境爲判。若緣漏境名爲有漏。緣無漏境即名無漏。此中明如來有漏。似數人解。何故爾。文云。如來常行有漏。有漏即是二十五有。故知是從二十五有境爲名。論人從心何時逐境。我體清淨無煩惱時。雖緣漏境心不成漏。此之兩解爲闢爭本。此中具明如來非有漏非無漏。非有漏者。乃明如來無復諸漏。非無漏者。明佛猶有漏。此漏無漏。欲明佛是非有漏非無漏漏無漏雙非。何曾云是有漏無漏。善男子以是因緣下。第三結不定。爾時德王下。第三領解云。如佛上說下。第二德王更請答上果問者。前問既遠故重牒之。就上第二雙問因緣中。先雙答因果。次別答因果。別答中如來既廣答因果。今德王更廣果問。文爲二。先廣果問。爾時佛讚下。第二如來答。又二。一歎問。二正答。初但歎問。即有二意。一歎其有憶持不忘。既經長時。猶憶前問。能請佛答故。是得念總持之力。二者此涅槃中多有所含。汝今併欲而總持之。是故復云得念總持。如世人言下。第二正答又二。一者舉大小相對。是就相待義答。二者就絕待義答其大涅槃問。初明相待即有十對。絕待義者。如下文中。譬如虛空。不因小空名爲大空。涅槃亦爾。不因小相名爲大相。就相待中先舉十對。以

爲十譬。次合中爲兩。先總合。次別舉譬帖。合總合又兩。先列大小兩章門。次云何涅槃。下釋兩章先釋小。次釋大。初釋小又二。先舉五事。少分有滅苦之義。名爲涅槃。非大涅槃。若凡夫人下。第二舉斷伏之滅。名爲涅槃。先出凡聖兩章門。次釋中二。先釋次釋成。初從或因世俗下釋上凡夫。或因聖道下釋上聲聞世俗即是外道。得禪伏惑之人。聖道即是小乘。斷惑之人。何以故下。二釋成上兩。還生煩惱即釋凡夫。有習氣者即釋小乘。次文中具出習氣之義。通論十使皆有習氣。如舍利難陀畢陵伽等云云。今偏就我見明習。無我無樂唯有常淨。無我樂者。此是與其常淨。奪則皆無常樂我淨。常樂我淨下。此三句合十二字。釋上大涅槃章門。善男子譬如下。第二舉譬帖合。上有十譬。今但別合七。餘三則兼合。王城地三事共一合。此三事相兼。王即有城。城即有地。義勢相隨。入天又共合。於別合中。先合海。次合河。三合山。摩訶那伽鉢建提者。

大論云。大龍大象天中力士。梁武翻爲極壯。隨小王下。第四併合三譬。大王大城等也。四種兵下。第五合前第七衆生大衆生譬。若有人能下。六併合前人大人天大天兩譬。普示衆生一實下。七合前有道大道。大名不可思議下。第二釋大涅槃。即絕待釋又二。先總次別。初總釋又二。初明不可說次可說。次別釋中但約三德不言常者一義。一云。前開宗廣明常竟。故略不言。二云。名字品云。所言大者名之爲常。此更明大不復言常。就三德中亦

各有二。初大我中二者。先不可思議釋大。次多因緣釋大。即可說不可說也。今文中云。有大我故名大涅槃。又云。涅槃無我。舊有二解。一云。無我者絕名冥真故。涅槃無我俗諦寄名故。涅槃有我。二云。無我者涅槃中無我者無生死妄我。有我者有常樂之我。觀師難此二解。若絕名冥真無我者。亦應絕名冥真名爲無常。彼解云。不得無常涅槃是常故。以冥真四絕名爲無我。更並冥真四絕故無常云云。難次家云。既言無生死中我。亦應無生死中常。彼即反難。生死中何處有常。即應反問。生死中何得有知。彼若解云。生死無真我。而有假我者。又並無礙然常有相續常。若爾非但無生死之我。亦無生死之常。並之無窮。八自在者。一一多。二小大。三輕重。四色心。五根六得。七說。八見。如文。復次譬如寶藏下。第二釋多因緣故名大我。次大樂又二。一明不可說大樂。次世間下。明多因緣大樂。初文釋四樂於中。初樂之中有三。復次明無苦無樂之樂。二大寂靜下。即是明無喧無靜。名大寂靜名之爲樂。三切下。釋非知非無知。乃名大知名之爲樂。四釋身不壞者。即是非生死非涅槃之身。是故不壞名爲大樂。次世間名字下。第二釋有因緣。還對無緣以之爲釋。故分有因無因二文釋之。先明有因緣。大辨無因緣。涅槃即同無有因緣。還是前絕待之意。初有因緣中。云迦迦者鳥聲。究究者雞聲。但恒者雉聲。次無因緣中。云曼陀等者。河西云。曼陀婆者。梵本一音二物。一者高座敵

堂二者藥湯。而出經者言殿堂飲漿。薩婆車多云。似馬芹一音二名。抵羅婆夷是燕雀亦一音二名。次有法不可稱量下。第三就不可量釋淨。初釋中文多因緣。但是文略。次以純淨故名爲大。後釋淨義。凡舉四淨義如文。善男子是名下。大章第三總結也。

#### 德王品之四上

起卷明第二功德。他釋十德各各論體。謂初功德以五事爲體。此功德以五通爲體。今云不爾。此文云。以得大涅槃威神力故。當知十功德皆以涅槃爲其體。隨事分別種種不同。體應根本。義從枝末而言十德。五通者。皆約無分別中而論分別。若十若五。舊云。初功德深第二功德淺。此不應爾。上以四句開拓人謂爲深。此中直說人謂爲淺。若欲開此爲四句者。不得得。不得得。不得得。得。得。得。得。亦爾。何淺之有云云。舊云。大乘異小。唯佛乃具漏盡。菩薩乃是因入。故但五通不說漏盡。此乃一往以因讓果。若具足論唯佛世尊有真天眼。不以二相見諸佛國。他心宿命究竟在佛。菩薩既其分得五通。何以不云分得無漏。今此文中雖列五章六通意足。舊用不得而得是總標五通。今云不爾。不得得者得大涅槃。大涅槃者中道佛性非漏非無漏之無漏。故文中非外道即非漏。非二乘即非無漏。而言得大涅槃。即非漏非無漏之無漏釋云。所謂神通者。不如小乘十八變化之神通。神名天心。通名慧性。天然之慧即是中道。無二邊漏名大涅槃。指此而爲無漏通也。私謂驗



此十德皆證。初文既有知於略藏。豈有不能分證六通。故知德文皆悉互通為辨。不別而別。故十相不同。別而不別。同一涅槃。是故對地亦應無失。況復十地義通圓別。別而不別。圓義也。不別而別。別義也。若依此意。以此十德中之法門。一一皆挾十地。帶圓法門。作通別釋。彌益其美。此則與經部會。與五時會。與諸教會。與逗機會。就文為四。初標。次列章門。三解釋。四結。二列六。名既異小乘。當知六通不與彼共。文中解釋。一一簡出。列名雖異。今指此文亦名六通。不得而得。即漏盡通。不聞而聞。即天耳通。不見而見。即天眼通。不至而至。即如意通。不知而知。即他心宿命二通。三解釋文。即為五。然列章與解釋小不次第。緣宜不同是故耳。就初不得得章為三。一標。二簡顯。三結標者。即標神通。神是大涅槃天然之理。此理融通自在無閼。故稱神通。其名雖同。其理永別。故簡除凡小。顯出中道。圓具自在。故知漏盡方名神通。從通有二種去。是簡顯。即為二。標釋。釋中。二。一簡非。二顯是。初簡非中。即簡出外道。二乘如文。顯是為兩。一明一心中神通圓滿具足如文。二顯身心自在具足。就其體圓自在。明其用妙。就自在。天又二。先簡出不自在。次明自在。第三結文可解。復次所現身相下。二釋不至至章門。即是身通文為三。一明遠到。二簡異二乘。三明自在如文。復次善男子下。三釋不聞而聞。即是天耳通文為二。初釋次論義。釋文為四。一修。二得。三簡。四無著。前二如文。第三文中。云

復轉修習得異耳根者。明其修得皆異小外。轉修即是。大涅槃心。無閼自在之修。又雖聞音聲無音聲想。是名轉修。得異耳根者。不與小共。第四無著中。云主相依相者。不同外道。陀羅求那。不作果相等者。不以禪定為因。神通為果。簡異於小。餘文可見。爾時光明下。第二論義。有二番問答。初問為兩。一領旨仰非。何以故。下作兩難。一難善聲。二難惡聲。皆作定難。佛答為二。初歎問。次正答。答又二。初總答。次別答。就初總復二。初皆不定。次復明定。還是不定中之定。初有二重。皆先法。次舉譬後結。次如汝言下。別答為兩。初答善聲。次答惡聲。欲明原由。惡心不關惡聲。世尊聲若無定下。第二番問答。先問次答。如文。善男子下。四釋不見而見。是天眼通文為六。一修。二得。三簡。四不著。五明異知。六結。此有數番。明知非是後知。乃借知明見。後結文。乃借天眼文助結。以不共故。善男子云何下。五釋不知而知。即是他心宿命兩通。文為四。一知他心。二知宿命。三重明他心。四以是義故下結。初他心又二。先知他心。次知佛性云云。

大般涅槃經疏卷第二十一

大般涅槃經疏卷第二十一

隋章安頂法師撰

唐天台沙門湛然再治

德王品

復次下。二明知宿命又二。初正明宿命。次念過去。簡異準前可知。略不具說也。復次云何下。三重釋他心又二。先橫知六道。次豎知十六心。此文明十六。扶順數義論云。見道無量心。此心疾利名無間心。成論云。聲聞欲知第三心。乃見十六心。緣覺欲知第三心。乃見第七心。唯菩薩能備知。小乘根鈍欲知第三心來去。併欲知後諸心。比欲知已至第十六心。中乘人小利。欲知第三心去得知第七心。菩薩不爾。併知逐之。無有一心而不知者。此乃是三乘共義。而有三人不同而同。此十六心非今經意。前知六道是知有邊。次十六心是知無邊。以非有非無中道之體。能知有無。復次下明第三功德。舊言。此中明慈成上梵行品云。於中先標次釋。釋中。二。先釋次結。初釋中意者。然此中功德。應具明四心。而偏明慈者。一云。特是文略義應具有。二云。慈尚是一切善法根本。何意不得。即是三心。捨偏得圓。舉一知三。略不說之。釋文為二。先唱捨得。二章門次釋。釋中先徵起。次釋。釋中凡有五番。初約二諦。次約凡聖。三約聞提對如來。即是善惡。四約卑鄙對菩薩。即是勝劣。五無著。次結如文。次明第四功德文為二。初明功德。

次論義。初爲四。初標。次列章門。三解釋。四結。治城云。前兩是地前。後八配八地。前言根深即性地。亦是生空。決定心入初依。亦是法空。後八初不觀福田。即初地糧滿。第十斷除二邊。即八地。是義不然。今並是真證功德。云何根深下。第三解釋。文中第五第六合爲一釋。釋初章文爲三。標釋結。初事中具足五義。一根本。二根深。三根廣。四根長。五根勝。不放逸即是根本。若通塗行善皆不放逸。若別論者。以初檢心爲不放逸。具此兩意以爲根本。次阿耨三菩提根者。即是根深。深窮實相到際即真。是菩提根故言深也。一切諸佛諸善根本皆不放逸即是根廣。以能增長即是根長。諸善中勝即是根勝。凡舉十三譬。譬其勝相。云何不致逸下。凡舉十根重釋根長。具此十義深固難拔。私謂。長勝既以多義解釋。驗三亦然。餘四皆十皆十三。云何於身下。釋第二章門。文爲三。標釋結。標如文。釋爲二。一定身。二定心。初定身中。觀身是有是生死器。觀身是無是涅槃器。今觀身非有非無。正顯中道。即三菩提器名身決定。次心亦如是。若陝小者。即自爲心。變易二義。若論修因生滅無常名爲變易。若論受果變易生死名爲變易。聲聞辟支從人標心。此屬無爲邊。魔心即魔天。自樂心通諸天。樂生死心通三界。此三心是有邊非決定。求慈悲於無。求悲悲於有。是爲決定。云何不觀福田下。釋第三章。文爲三。標釋結。上四依品匡持佛法。須簡持犯。此中自修宜用平等。又前誠出家令遵戒行。

今誠在家修亡相檀。異念處者。異於二邊正觀中道。持戒外道者。非但持戒又得上定。下文云。施斷結外道勝持戒比丘。持戒比丘止伏欲界惡。比之言勝施。雖四種俱得淨報者。以無施無報乃爲淨報。云何淨佛土下。釋第四章。文亦三。標釋結。標如文。釋中但淨土業菩提爲本。此中十善者。非直十善。與菩提心和合而行。例如上答無畏之間。然十善者。明相似因得相似果。離妄語得華果者。明妄無實如華無果。今不妄語有實果報。受報之時感好華果。云何滅除下。合釋第五第六兩章。義勢相關合爲一釋。解者不同。一云。此中開章明三種有餘。初兩事釋第五滅除有餘。後一事釋第六斷除業緣。二云。煩惱餘報釋滅除有餘。餘業釋上斷除業緣。餘有一事但是贖出。就文爲三。先倡三章門。二次第釋。三結。二釋三章中。初釋煩惱。若以習報分門。則習因爲煩惱。報因爲業。今分習報之異故。言煩惱餘報。然感報由業。煩惱但能滋潤此業。若大論中。只任煩惱亦能得報。云何餘業下。第二釋上除業緣。總明凡夫與二乘業。言須陀洹人受七有業者。然須陀洹人雖斷見盡。猶有思惟。潤生人天。七人七天往還。合數只是七有。往還離數即十四有。斯陀含人受二有業者。斯陀含人。但人天中各有一生。此則兩生離數。若合數者只是一有。問何故。初果合數二果離耶。解云。只是互現。阿那含人受色有業者。阿那含人。斷欲思盡。餘色惑在。故云受色有業。然那含有五種。但出一上流者。上

流有二。一者至阿迦尼吒。二至無色。所以經云。樂論義者生五淨居。樂禪定者生無色界。然生尼吒即遍歷四禪。若於初禪不得滅者復生二禪。二禪不滅生第三禪。三禪不滅復生第四禪。方滅於中復三。超半超遍沒。若生無色名無色般云云。若生無色即不更生。亦生即滅。不同色界四禪受生。故略不云。受無色業。只云受色業。中不生故。亦云有行無行。生同於色故亦不云。云何餘有下。第三釋上除餘有。無業無結而轉二果者。莊嚴云。羅漢轉爲六地菩薩。支佛轉爲七地菩薩。故言而轉二果。今明此乃通教之義。非釋今經。開善云。無此事。轉者。本是鈍根羅漢轉爲利根。支佛亦爾。數習故轉爲二果。今明還是二乘全非今經。河西云。上句二果得道得向。轉羅漢向得羅漢果。支佛亦然。文中自云得及果者。豈可不作此釋。今明還是二乘之義。非今經意。又一解云。煩惱因盡果報亦亡。而今不滅者。只是輪轉餘勢。然業既除。唯此二果於菩薩爲累。是故言轉。轉即是捨還是他義。不關今經。與皇云。轉二果者。二乘果身有寒熱饑渴。此果得除故言轉二果。亦小乘義。今明此果不生任盡則止。何用因經轉之。答三界果雖盡界外果方生。言轉果者轉界外果。今明此是別教義。亦非圓意。云何修清淨身下。釋第七章。亦三。標釋結。初標。次釋。中師子吼品。明或一業一相。或一業二相三相。此中明百福成一相。文爲二。先明相業。次明好業。外道所事各指一相。佛集衆相備在一身。十二日

者。即于丑等十二日。河西云。一年有十二吉日。堪祠祀求福。然修相好亦四悉意。一者法王之體。應以相好而自嚴身。諸佛皆爾。是為世界。令人見者生信起善。是為人一身具衆好對破外道。是為對治。色淨故般若淨。般若淨故色淨。是第一義。文舉四臂。或當主此云。云何了知諸緣下。第八章。此中亦三。標釋結。初如文。釋中。他云。知因緣和合即是世諦。是義不然。不見色相是行支滅。不見色緣是無明滅。不見色體是識名色六入觸受滅。不見色生是愛取有生等滅。不見色滅是老死滅。不見一相是不見十二因緣空。不見見者是不見因緣假。真俗雙云。二諦俱泯。亦不見中。如是通達了知因緣。為若此云何只是世諦耶。一切法亦如是。云何菩薩下。釋第九章。文為三。標釋結。標如文。次釋文為二。初明離怨。次簡出怨。初離怨又二。初自離怨。次為他離怨。初文者。遠離煩惱是自離怨。次五住者。是為他離怨。次何等為怨下。是簡出怨敵。河西。釋八魔者。誘方等。等四惡是四魔。即生死魔。無常無我等四。即涅槃魔云云。云何遠離是第十章。亦有標釋結。標如文。釋文中。以二十五有愛煩惱為二邊。即是因果二法。私謂。破二十五有中三種惑故。故離二邊。河西。以業與煩惱為二邊。私謂。若云三惑有三種業。方會今意。直以界內惑業。以為二邊。全非今意。既得此意。例一切法。有無常斷垢淨縛脫等。皆是二邊。爾時光明下。第二論義。有問答。問意者。若菩薩具修十事。如來何故

不修淨土。佛答為四。一我因具十事。衆聖亦然。二若使世界下。詞其所問。三西方下。示其無勝淨土。四為化衆生下。為化衆生出穢土。悉如文。復次下。第五功德文為三。標釋結。標如文。釋中二。先釋次論義。初釋者。舊解五事有三說。治城云。通外凡及三十心。既言不生邊地諸根完具。即是其體。二云。此德不淺。何者。登地已上皆因事表裏。言諸根完具者。非耳眼等。乃是出世信首根。諸邊地者。非世間邊陲。無佛法處。乃是離斷離常。諸天護念者。以佛為天。四衆恭敬者。為物福田。三開善云。此乃登地菩薩。猶生欲界故言完具等。若論無漏得變易報。而此菩薩。猶有有漏故今受生。雖有此五心不存著。正以不著為體。今評之。開善。全是三藏菩薩義。初家通地前是別教初心。不關經意。中間登地是證道意。就文為二。先明功德。後論義。初功德者。有標釋結。標如文。釋者。此五前四是報果。後一是習果。次論義中。先問。次佛答又二。先贊問。次正答。答中有二。初是勝劣章。次善男子下。是顯勝劣相。初學五章定是樂勝是我常淨可見。異是中道不共。無漏是證中道。利益安樂等是化他。次文云。離渴愛。是釋定釋樂。生死斷不相續。是釋常。得作菩薩是釋淨。斷一切貪善法。是釋勝。釋我。無分無果。是釋異。釋不共。兼得釋無漏利益衆生。佛說五事因大涅槃。得入師解通內外三十心。當知地前不名為得。佛自說是無漏。開善云。是有漏。既公抗佛語。豈不疑誤後生。故知人解全不可信。將來學

者但自依經。善男子下第六功德。舊解金剛三昧。若論十地是最後終心。若論三忍即是上忍。退非菩薩名等覺。進非妙覺是金心菩薩。一釋云。具空有二解。二云。但取照有之解。不取空解。空解未足。莊嚴云。金心斷惑盡。引此文由乾陀山七日並照一切燒盡。故知等覺斷惑盡。開善解。金心但伏無明。至妙覺佛時。斷此一念輕惑。即得成佛。勝鬘云。佛菩提智能斷。此文說伏為盡。金心有解。乃滿空解未足。引二十二迴經及夫人經證。廣論其義。觀師云。不可定判其位。應例如般若通貫諸地。又十地太高。第五功德復是何地。不應懸殊。但使與三昧相應。亦不簡高下。舊又解。十地得百三昧已方得首楞嚴。方入金剛三昧者。進非佛果。退非下地。唯在窮學。此亦不然。此一三昧亦有通別。別據窮學通。且諸地。亦通似道。何異金剛般若通初後地。般若既通。三昧寧別。何者。舉體堅如金剛。舉體定如三昧。舉體利如般若。故經云。金剛三昧有三種名。下文亦云。佛性五名。若言終心有斷無斷。乃是二家相扼。為緣利益故作斷不斷說。而其實理非斷不斷云云。今謂。莊嚴家引由乾陀山譬偏。何者。夫七日現時。非但能燒由乾陀山一切洞然。而今不以洞然為論。但燒草存山者。非譬十地終心斷惑。取七月初出先照由乾陀故其草然。明此三昧是初地功德最初斷惑。故以燒草為譬。標釋結。初如文。次釋中為三。一略明三昧。二廣明三昧。三釋其名略。中又二。前明自德。次辨化他。自德又二。初明

能斷次舉非。悉能破散是能斷。見一切法是舉非。住是三昧雖施衆生下。第二明化他也。譬如金剛下。第二廣明又二。初廣自行。後廣化他。廣自行又三。初能斷。次能見。三能明。能斷。初能斷中凡舉八譬。初一譬能斷。後七譬稱歎。善男子若有菩薩安住下。第二廣明能見。初一譬能見。次三譬稱歎。善男子如由乾陀山下。第三重明能斷。亦有三譬。初一譬能斷。次二譬亡功。若有菩薩安住下。第二廣明化他爲四。一變身如佛。二還本處。三斷他惑。四三密示現。示現又四。一口密。二身密。三重明口密。前則一音異適。今明一法異適。四菩薩下意密。何故名爲下。第三釋名。譬有三。初不定譬無相。次不平價譬無苦。後離苦毒譬無畏。結如文。

#### 德王品之五

起卷明第七功德開善。用此下兩功德。爲第二周。由近善友初聞正法。於位則淺。下第八功德九事爲體。辨心慧解脫。明義深極。今謂不爾。悉是初證不聞聞時。所獲功德。佛作第七第八番說。明其洞識涅槃近因之法。堪爲衆生作善知識。那忽棄其內德化他之功。而作外求師範。自行之解。縱令自求善知識者。亦是寄事而表於理。例如淨名念佛之時。師子嚮等皆來說法。說已而去。如此知識聞法思修。何得是淺。就文爲三。初標章。次釋。三結標。如文。次釋又二。初明四事。次論義。初又二。一標章。二解釋。標章又三。一明是。二舉非。三正列名。明是如文。次舉苦行非中兩

解。一云。外道無益苦行。二云。只佛法中直修苦行不能得道。要須慧品爲正。餘行相資。三列名如文。譬如有人下。第二解釋又二。先總釋後別釋。初總中舉三譬。初兩譬菩薩。後一譬凡夫。初菩薩譬中。初譬自行亦具四事。菩薩居因聖法未滿。亦須善友聽法修行云云。次一譬。譬菩薩化他。化他亦須四事。諸佛起發如教行行云云。後譬譬凡夫。凡夫罪重故言如癩云云。如是三譬。一一有合。初譬中。熱譬愛。冷譬癡。勞譬慢。下譬瞋。癡譬疑。衆邪通譬五利云云。問菩薩利鈍俱盡。寧有此病。答寄通指別耳。菩薩別惑至佛方盡。寧得無病。私云。通別之惑名同體一二三異。譬如畜弟子下。第二別釋四事又二。先略後廣。初略釋知識又四。一善知識。二聽法。三思惟。四修行。初又四。先稱歎。有譬有合如文。善知識者下。第二出其人。人有五別。一菩薩。二佛。三緣覺。四聲聞五人。中信者何故名爲下。第三辨其位。初明五位。一教離惡行善。二如說如行。三修菩提。四行戒施。五不自爲爲他。或以配前五人。未必須爾。如空中下。第四得善知識益。夫初月雖不可見。不得言無。初近知識。謂未有益而實已潤。若能聽下。是第二釋聽法人又二。先聽三經。後得三解。三經者。謂十二部方等大乘此經。尋此文意。似如一化初中後教云云。次專心聽法下。明三解。謂八聖道。十一空。大涅槃。有人以三解對前三教。今明未必全爾。於一一教中具生三解。文以修習故得大涅槃。若有能修八聖道者。即是佛性

得大涅槃。徒聞涅槃不修習者。豈有能得三菩提耶。譬如病人下。釋第三思惟。下文以五塵四相無常爲十相。今以五塵三相男女爲十。只是教門不同。云何名如法下。釋第四如文。善男子第一眞實下。第二廣釋四法。亦爲四。此是初明善知識人略而文廣。先法說。次舉七譬。初法說中有三種語。悉是如來善達根機。應以契語爲說善法。應須詞責爲說苦切。應須兩說即便雙用。七譬之中。或前喻或後喻云云。云何聽法下。第二廣釋聽法又二。先釋後引證。釋中有法有譬。譬中有四譬。是故我於下。第二引證又二。先引諸經。後引兩事。初汎引諸經。二從以聽法故須陀洹下。引二事證。先明初果事。即是須達得病。聞身子四說十慰喻。便得病愈。四種即是此中四法。十慰喻者。舊云。八正道盡無生智。然初果無兩智。彼救云。見諦盡爲盡智。見諦不生即無生智。此言無據。河西云。八正智正解脫。此出阿含不得作餘解。無目謂凡夫。一目謂法眼。二目謂法慧。又無目謂散心凡夫。又一目謂天眼。二目謂天慧云云。如我昔下。二引身子事。佛遣阿難爲其說法。阿難是初果。上果不伏聽下果法。令人舉床。往佛所聽法便愈。云何思惟下。第三廣釋思惟爲五。一離五欲。二離四倒。三離四苦。四知住因。五解常。初文者心思於法。寧復有心緣於五欲。若未聞法橫計我常。既已思惟我常倒遣。此中明滅滅只是死。云何如法下。第四廣釋修行又三。一明止行二善。二明空無常解。三明七種知見。知見

又三、先標章門。次釋三料簡。初標章門。次略列中。舉實不實兩章。實即有七知見。不實中無云何名為知下。第二釋也。第一知涅槃又二。先略出三涅槃後解釋。一佛涅槃。二凡夫三聲聞。後二皆少分滅耳。初明佛涅槃者。然佛具萬德。略言八耳。盡謂一切煩惱盡。善性謂如來所作一切皆善。實是不虛。真是不偽。餘四如文。外道涅槃八事者。若散心外道不涉此文。今取得非想定能脫下地惑。故名解脫。即有善性。但非究竟實常樂我淨。是故言無聲聞。六事者互有與奪。不及佛故奪其常我。只有六事。勝外道故與其樂淨。此據有餘涅槃。故云無漏八聖道。有身智在故云安樂。斷於子縛故言清淨。若有衆生下。二釋上章門。不釋前一唯釋後二。以佛涅槃此經盛談。無俟更廣。後二須解。此初釋凡夫涅槃。云何六相下。釋二乘文中。明不真不實。以得無漏八聖道故。故言淨樂。未來當得大涅槃故。所以無常後仍結異。次釋第二知佛性章門下迦葉品中。明五種性異。一者佛佛性有七事。二常。二我。三樂。四淨。五真。六實。七善。二者後身佛性有六。一常。二淨。三真。四實。五善。六少見。三者九住佛性亦六。五不異前。第六可見。今此所明皆非佛佛性。以義異故。開善云。此二皆是九地佛性。若迦葉品則是約位分別。初地至五地有六性。六地至七地有五性。八九二地有六性。十地亦六性。後身佛性有七。即分判之。今此文不約位明六七。通據十地。因位不可分別以配諸地。然須直知通

辨十地。當見與可證並未具得。降佛已還通作此說。四者八住下至六住有五事。與常名不異。五者五住至初住有五事。善與不善異耳。次釋第三知如來相。具有一體別體。先明常樂之體。次言示道可見即別體。次釋第四知法章亦具二義。一云。常樂我淨一體法。後無常等即別體。次釋第五知僧章。常樂即一體僧。是弟子相即別體僧。次釋第六知實相。實相之體。則非因非果非有非無。若據用者遍通諸果。皆有異義。次釋第七知虛空。此前未說。而有行結之言。又三。一明真空。二辨事空。三明涅槃空。空乃無異。約法為三。又唯二空。涅槃自屬第一故也。初明真空故言慧眼見此見無見。善男子空名無法下。第二明事斷之空。舉此為譬。善男子衆生之性下。三明涅槃空。文云。光明故名虛空者。二解。一云。虛空不可見。但有通光明之用。若但空者無光明色。色若因空故得見色。若有障者即不見色。因空無障即見光色。二云。虛空非識心所見。識心見光導生行心。方得見空。涅槃雖樂下。第三料簡。簡前四種。即為四文。初簡涅槃。是別德故唯寂滅樂。次簡佛是人人總於法。故有二樂。證於涅槃有寂滅樂。有智照境有覺知樂。三簡實相既通故有三樂。四簡佛性中道當來可見。故有菩提之樂。此據正因爲言。爾時光明下。第二論義。問爲二。一正問。二結難。初正問爲三。一問斷煩惱處是涅槃。二問斷煩惱處非涅槃。三重問斷煩惱處是涅槃。初文又二。初頌旨仰非。次正難。難又

二。初據答魔。二據菩薩亦斷此惑。此難從前云。直是諸佛斷煩惱處故名涅槃。準理只應難斷煩惱而言處非涅槃者。恐佛轉宗逆遮佛意。以處作難。初據答魔者。若斷煩惱爲涅槃者。初成道時已斷煩惱。便是涅槃。何故待有多聞弟子。方乃涅槃。及云却後三月是涅槃者。當知初斷煩惱未是涅槃。答魔之詞出長阿含。二引菩薩爲難者。若必斷煩惱是涅槃者。菩薩亦斷煩惱是涅槃。若斷煩惱非涅槃下。第二難此遮佛意。非是正難。故文不多若斷惑非涅槃者。何故昔告婆羅門云。我今此身即是涅槃。身若是者斷非涅槃。斷若是者身處即非。如來又時下。第三重難斷處是涅槃。又三。一還據答魔。云三月者。月令不同。亦得言却後二月三月四月。四月是周時。三月是殷時。二月是夏時。此云三月用殷時。二云不爾。如今年十一月。月中魔催佛去。佛答却後三月我應涅槃。二據在道場時。三據語力士等爲難。爾時者二解。一云。爾於道場時。爾時既是涅槃。何須今日後夜涅槃。二云。爾者爾於二月十五日朝。已是涅槃。何故方云後夜涅槃。佛答爲二。先直答結其過。直是誠諦之言。已是不虛。況乃出廣長舌。寧當妄語。又復如來。善識機緣適時逗益。或說斷爲涅槃。或說斷非涅槃。皆是佛教無非實者。後正答三難。但不次第。前答初難。第二答後難。第三答中間難。答初爲二。先答魔。答魔不識涅槃謂默爲滅。佛隨其情豈是涅槃之體。善男子下。二答菩薩之難。明佛菩薩同而有異者。

佛有涅槃。菩薩即無。是僧寶故。故云三寶各有別相。但言常住清淨二事無異。後兩釋亦爾。善男子爾時我下。第二答第三重難斷處。問先明滅惡故唱涅槃。後明生善故唱涅槃。初滅惡中。先法說。次廣舉五賢。次善男子如來懸見下。是生善之時故唱涅槃。善男子有名涅槃下。第三答中間難斷處非涅槃。明有是有非。若不見佛性。唯斷煩惱得名涅槃。非大涅槃。若見佛性斷煩惱者。是大涅槃。是非既爾。何得一向。又爲二。初分別是非。二廣解大涅槃。凡十一。復次由來人引此中初文云。般涅槃言不。般那言織。將此爲翻。文中了無般那之語。又是織識二字。經本不同。餘之十文。文相可見。三結如文云。釋第八功德有三。標釋結。初如文。次釋中有九事。文爲二。先明功德。後論義。初爲二。先列九事章門。後次第釋列章門如文。釋初除斷五事。即是五陰。而菩薩實未全除五陰。而復不爲陰之所蓋。初釋陰中。一先總釋。次別釋。初總言陰蓋及重擔等。雖見陰下。第二別釋色陰。五根五塵以爲十色。皆是因緣故言無性。受有百八有二釋。一云受陰之中無百八語。但行陰中有諸煩惱九十八使。及以十纏足爲百八。二依釋論。只受陰中自有百八。通約六根。一根有三。即成十八。就一根中復有善不善。即成三十六。復約三世合成百八。云何遠離下。釋第二章門。謂離五見。又云。因是五見生六十二兩解。一云。合我邊二種爲六十二。我見有五十。六。邊見有六。我見五十六者。欲界五陰。各有

即離四見。爲二十。色界亦爾。爲四十。無色但有四心。各四見爲十六。足前爲五十六。邊見有六者。三界各有斷常爲六。二云。但結邊見爲六十二。不論身見。約三世辯。現在有我無我四見。約五陰爲二十。未來邊無邊爲二十。過去如去不如去爲二十。即有六十。俱不離斷常。以斷常足爲六十二。中論觀涅槃品。明佛滅度後依佛起於斷常二見。約過去未來。不明現在計。如來如去不如去。約五陰爲二十。常無常爲二十。未來邊無邊爲二十。斷常足之爲六十二。云何成就下。釋第三章成就六念。與梵行品同。但小不次第。云何修習下。釋第四章即修習五定。前是四禪後是般若。知定即初禪。以有覺觀故。寂定即二禪。無覺觀故。亦名聖默然故名爲寂。受快樂即三禪。樂受極故。無樂定即四禪。已斷苦樂是捨受故。首楞嚴者。自有通別。通則亘於十地乃至地前。別則於十地中。更修百八三昧方得此定。云何守護下。釋第五章門。謂護菩提之心。隨所修善皆菩提行。有法譬合。云何親近下。釋第六章即四無量心。云何信順下。釋第七章門。即是一乘一乘爲實。法華云。唯此一事實餘。二則非真。云何心善下。釋第八章門。心慧異者二解。一治城云。緣俗諦心無復貪。是心解脫。緣真諦心無復無知。是慧解脫。二云。斷貪恚等故心解脫。斷除無明故慧解脫。引論云。煩惱趣心無明趣慧。云何慧善解脫下。釋第九章門。如上釋。所言因慧解脫昔所不聞等三句者二解。一云。聞即天耳見即天

眼。至即身通。二云。九地爲聞。見佛性十地爲眼。見佛性具足明了。今因慧解脫至第九地。是不聞而聞。因九地至十地。即不見而見。因十地至佛地。爲不至而至。爾時光明下。第二論義。論前第八章心解脫。先問。次答。初問有三。先就本無難。次就本有難。三就不定難。皆令縛解。初文者又二。先領旨。仰非。次正問。問中意者。若心本有煩惱此亦不可。本無煩惱此亦不可。定有煩惱此亦不可。定無亦不可。就初立本無難中。有九世尊。爲三意。初一雙明心無縛無脫。次有五偏明無縛。後三偏明無脫。此即初文正難無縛無脫。若心本性下。第二五中偏明無縛又二。前四明無所縛。後一明無能縛。舉安樂譬。本空中無因倚住云云。若心無貪下。第三三者偏明無解爲三。初明無解。二明無得解者。三明無得解道。世尊貪亦是下。第二據本有作縱問。又二意。一明若本有者應善心中。有貪。二譬如鐵火下。明應前境中有貪。初中又二。先法說。次舉二譬。初法說中意者。若言心本有貪是亦不可。本有則不從因緣。既借他色而生貪者。當知非有。又心本有貪不可令無。應不得脫。心應常貪。次以境對心亦如是難。世尊心亦不定下。第三據不定爲難。又三。初明心不定。次明貪不定。三明貪及境亦俱不定。爾時世尊下。第二佛答。有云。即次第答前三問。卽爲三別。初答本無之問。有諸外道下。答第二本有之問。善男子諸佛終不定下。答前第三不定之問。又謂不然。次第安處似相主對。亦觀

文意全不相關。但隨義爲三。先據正義。第二破執。第三廣辨因緣。中道此即第一明心體非有非無。非心非不心。非貪非不貪。事雙非兩捨。寧非中道正義。次有諸外道下。第二破於定執。又二先破計有。次破執無。汝若謂心定有貪定無。貪則同尼乾。初文又二。先廣出所計。一切凡夫無明所盲下。二結過訶之。有諸凡夫下。第二破其執無亦二。先出所執。如是等輩下。正是訶責結過。有法說譬說。善男子諸佛菩薩下。第三廣說中道因緣之義。無所定執。又二。一明因果諸法非有非無。因緣故有。第二明心之有貪亦非有非無。因緣故有。初文爲三。一明離於四句。若言因中先定有果下。第二定執爲非。諸佛菩薩下。第三正顯中道之法。善男子諸佛菩薩終不定說下。第二章。正明心之有貪非有非無。因緣故有。又二。第一明心性本淨不定非有非無。第二明心性本淨無有和合。初文有三。一標。二釋。三結。釋中又三。先唱章門。從緣生貪從緣解脫二章門。因緣有二下。第二釋兩章門。有因緣故下。第三四句料簡也。三以是義故下。因緣結。善男子是心不與下。第二明心性本淨故無和合又二。先明無和合。次明因緣和合故有縛脫。此即初文。明畢竟清淨故無和合。諸佛菩薩下。第二明因緣和合得有縛脫。又二。先明縛脫之境。次明縛脫之人。就境中又二。先標。次釋。標出境章。除貪欲是解境。有貪欲是縛境。次譬如雪山下。釋二章門。又二。初釋縛境。先譬。次合。初譬中。山譬八正

道懸險難行苦行。人譬魔。羶猴譬外道。俱不能行。悉不修聖道。羶猴能行。即是得上界定。外外道。人不能行。即魔住欲界。二俱能行。即五塵六欲俱能行之。羶師者。羶譬魔邪。羶膠臂愛欲之境。置案上臂五欲置果報上以誑衆生。手觸臂眼耳等觸色聲等。黏手者。於行心中以起繫著。五處皆著者。五根起染。杖貫之者。魔邪化行。負還歸者。將入三塗。合譬如文。譬國王下。第二釋得解境。即四念處。云何繫屬下。第二明縛脫之人爲二。先明縛人。次明脫人。縛人爲四。一起到故縛。二取相故縛。三我見故縛。四非法故縛。如文。最後文中云。憐惜他家者。此家與我最爲親厚。不許他往。稱譽者。唯應稱我不許稱他。若有不受下。第二明得解之人。文略但一後結如文。

大般涅槃經疏卷第二十二

### 大般涅槃經疏卷第二十三

隋章安頂法師撰

唐天台沙門湛然再治

德王品之六

起卷第九功德。開善云。第一至第六。始不開闕至金心。第七第八。始於善友至慧解脫。第九第十。始於信心至三十七品。此卷即是第三周。又有師言不爾。而此十德兩兩。莊嚴前五行。淺乍深。今皆不然。前五行是修。今十德是證。證中功德淺深非一。若爾何以前深

後淺。答亦有此義。如初功德。已言不與聲聞辟支佛共。最後而言三十七品。聞道品名。謂其初淺。論其義理超絕。二乘云云。於中先標。次釋。三結。初標如文。次釋中爲二。初明五事。次論義。初又三。一列。二釋。三歎。初文二。先徵。次列名者。信由內發得見聖性。直起中懷。不爲緣由。戒是信成。友全具菩提。聞於不說。如此五事多就理明。豈可言淺。在文可見。云何爲信下。第二解釋。即爲五章。初信又三。前出信體。次釋信德。三結。初信體者。信何等法。凡舉五種。一信三寶。二信因果。三信二諦。四信一乘。五信三諦。一師云。信第一義是信真。信善方便是信俗。一師云。前已二諦竟。何容重說。依華嚴經云。若歎菩薩作二智名。若歎佛者作二身名。只是一體隱顯爲異。有言。第一義諦善方便者。即是二身亦是二智。今明此文自稱第一義諦。何容改諦爲智。復改爲身。今作三諦自異二諦。不成重說。而文約一乘顯其信意。爲衆生故分別說三。知無異趣是故說一。準此一條例通四法。三寶亦爾。爲衆生故分別二體。知歸至極故說一體。因果亦爾。爲衆生故說因致果。到於彼岸無施無受。二諦三諦亦復如是。次如是信者下。釋信德。釋有四意。相次而來。此信堅固無能壞者。何故不壞。得聖人性以爲根本。即是見性之信深固難拔。以根深故即能增長。近大涅槃成就戒等。初一切諸法從於聖性。近大涅槃即是豎高。戒聞智慧等即是橫廣。雖有橫豎深廣之異。而亦不見橫豎之相。彌著彌亡。如



此明信那忽云淺。三結如文。云何直心。釋第二事又三。標釋結。初標如文。次釋中文爲兩。初以不諂爲直。後以懺悔爲直。初明不諂中二。先釋。次論義。初中二。初正釋。次釋疑。初文者。以解因緣故不諂。次雖見惡。下釋疑。左右解之。初見惡不說。後見善則歎。疑者云。見惡應說而不說者。乃是不直何名直心。即釋云。惡生煩惱。即復疑云。既見惡不說。見善亦應不說。乃是直心。次明不爾。即釋云。該佛性故令得菩提。次論義中有問答。初問有六。而爲三雙。初兩從現病生。彼明三種五種病人。次兩從初功德生。後兩從此文生。就初兩中。初一又爲三。先非佛言。次領初開經時說。若言遇不遇下。第三正難。既能自發菩提之心。何須歎於佛性令得菩提。是取第三病人爲難。初中第二又兩。先領旨仰非。次正難。明闡提人亦應發心。何故爾。其既有性應自發心。何俟須歎。此是取第二病人爲難。如佛所說下。是第二兩難。從初功德生。第二十卷中明五難。初兩難據四種罪人。中兩難據闡提後一難據不定。佛答中。明佛性非內非外非常非無常所以不斷。今還因此生問。先領旨仰非。次正難。正言不斷佛性。云何言斷善根。只此佛性即是善根。既其斷善即斷佛性。云何復言佛性非內非外。如佛往昔下。後難。若佛性不斷。何故不遮令不墮地獄。既不斷佛性但斷善根。由有佛性應能遮惡。答未了故更論義。若因佛性下。第三復有兩難。近從此生若歎佛性令發心者。何須復說十二部經。直

歎佛性其義自足。有法有譬合。諸佛如來下。即是後難。從第八功德佛答。貪心非有非無非因非果。或即因中有果。或因中無果。今還取此爲難。若爾乳應無酪樹無五丈。若乳有酪樹有五丈者。當知因中有果。不得況言或無。爾時世尊下。佛答爲二。初讚。次答。初又二。初讚問。次舉五句歎其功用。初六種二人歎其能開發大眾能令得解。非但能除見世者疑。亦使未來無有滯悶。實爲希有。是故歎之。初兩人。一者本不造惡。二者作已能悔。即是前二健兒。第二知恩報恩。他與我恩我復須報。第三聽受新法。二者直溫故不忘。書云。溫故而知新可以爲師矣。第四造創新好。二者治舊故壞。第五樂說樂聽。若無說者聽何所聽。若無聽者說爲誰說。第六能難能答。正意在此二人。前之五雙乃爲弄引。善問是汝身。善答即我是。若無汝請問。何得我善解。無我巧答。何得汝能問。自有人身左能右能。口辯通敏能主能客。自有人事一無二。昔莊嚴門下。有淨藏法師。唯能並難答無所以。有善解釋不便論義者。即彭城正公云云。今推前六雙成後五句。能問能答能聽能說。成後轉于法輪句。造新修故。成枯十二因緣大樹。取有是無。無明是故。不生生是新。世諦死時是故。以新破新名造新。以故破故名修故。作思念思成度海句。世惡爲他舟航念恩。自運舟航故成度海句。不作惡悔惡成摧魔幢句。魔以惡爲幢今能倒之。復自能建故前後相成。歎生善。即初一句歎滅惡。即後四句既言因此

善問即能轉於無上法輪。事非生善。後四句復爲二。初兩句歎能滅惡。次兩句歎摧惡。於初二句又二。上句即歎枯十二因緣大樹者。十二因緣枝條森聳。喻之大樹。今枯此樹使華葉不生。能度無邊生死大海者。即此生死海中勇浪可畏。今得度此永免驚懼。無復可畏。能與魔王共戰者。此明其始。摧波旬所立勝幢者。此明其終。舉終攝始。外國亦戰得勝樹幢魔不勝者。即倒此魔。今魔戰敗即摧其幢。次就答中。次第答三雙六問。初答前舉三病二問次答。舉初功德兩問。後答此中兩問。但答前兩問不次第答。直解三種病人竟。即是答第一兩問了。依理只應解於初後二種病人。而今復解中間者。不用此爲答。只爲中間舉來。今還次第爲釋。彼不舉來今亦不解。一闡名信下。二答第三難。前言若不斷佛性亦應不斷善根。只善根即是佛性。佛性即是善根。今答佛性中道不同善根。何者。一闡名信。提名不具。佛性非信。亦復非具。云何可斷佛性非善非惡。闡提但能斷善。云何斷性。其中諸句例爾。古來云。闡提具含衆惡。不知的翻。唯河西翻爲極欲。言極惡欲之邊。此乃於總惡之內。取一事爲翻。例如涅槃名含衆德。亦無的翻。而翻爲滅度者。亦是總中。取此一事爲翻。又善法者。名生已得。依數人義善有二種。一生得善。二方便善。世間慈孝名生得善。闡提亦無故言已斷。如汝所言下答第四難。前難云何不遮墮。今據問作答。明闡提佛性非有非無。即事求而頗得故非有。而有是

理故非無。又善巧方便則非無。無巧方便則非有。故舉空像喻此有無。先譬次合。初譬中。所言王者譬衆生。空像譬衆生身。音聲譬佛性。大臣譬佛菩薩能善說之。斷絃譬就此身盡命終。皮木拆裂譬五根四大求之願得。即無方便故非有也。合譬者。佛性無有住處即非有。以善方便故可得見。即是非無。如汝所說若乳無酪下。第三答第五第六兩難。明應有定性。答意非定有性因緣故有。若乳定有酪即應自生。不假頗求樹汁。既其假緣。當知因中無果。然前作六難。今但舉一詞者何也。答與奪適時皆爲利益。正言此難。是計性義與外道同。寄正訶邪云是癡人實不訶德王。此答即兼答第五歎善自足。何須說十二部經。今明既無定性因緣而有。是故須說十二爲緣。次以懺悔明直心者。若有失不悔則非直心。犯愆發露乃名直心。文爲三。初設有過下正懺悔。次於師同學下即是發露。三慚愧自責下。即斷相續心。結如文。云何修戒下。第三釋戒文爲二。一離惡戒即牛狗等。並取其相而爲護持。外道得通者。見牛狗等死後生天。便學彼行望得生天。餘皆例爾。次得善戒如文。云何菩薩親近下。第四釋善友爲四。一辨明是。二辨非。三證非。四證是。初明是爲二。一菩薩是。二如來是。利多見佛得生天者。二解。數義必須上定乃得生天。今見佛力發昔修定故得生天。二云。但令伏下界惡。隨有散善皆得生天。雖有舍利下第二明非。既未識機不能稱緣。是故云非。如來稱緣知病識

藥。是故名是。我昔住於下。第三證非。觀白骨者即背捨禪。數息即根本禪。舊云。金師子善取火色。故應教數息。今明不爾。金師之子善解調權。宜扶其習故教數息。私云。準莊嚴論云。善解禪觀善知息相。澹衣之人善取淨相。故教骨觀。今明不爾。澹衣之人善取淨相。使衆生下。第四證是如文。云何具足多聞下。釋第五章文爲五。前一就文言後四就義理。十二文多而義奢。佛略文少而義要。義要故是多聞。又除十二。唯此涅槃者。不言涅槃之理出十二外。正言十二文言浩博。除廣就略其理存焉。即是多聞何必在言。故復除全體但取四偈。又除四偈但取常住。復除常住取寂默。故知損之又損遂至無爲。但貴其理以爲多聞。不取博言而爲多聞。次善男子若有下。第三稱歎又二。一法說歎。二譬說歎。法說爲二。一唱三意門。二解釋。解釋爲兩。一釋三事。二不存著如文。譬爲三。初爲難施作譬。亦有合。次爲難忍難作作譬。亦有合。三爲無著作譬。有法譬合。爾時光明下。第二論義兩番問答。初問又二。先兩定。次兩難。先兩定者。一定自空。二定空空。若性自是空此結。初定爲一難。若性自不空此結。後定爲一難。善男子下答爲二。先答初定者性本自空。何以故下。明一切法不可得故。既不可得豈不是空。次答後定。亦須修空然後見空。而其本性理本是空。但不能見要修於空方乃見空。既答兩定二難自遣。答初定中爲三。一略標。次何以故下廣釋。三相似相續下。舉得失致結於中

又三。初舉凡夫失。次菩薩得。三更訶凡夫失。善男子一切諸法下。答第二定。意明雖復本空復須修習然後乃見。有無常性故滅能滅之。有空性故修空得空。當知本空具有法譬合譬有二。初如一切法下舉內法爲譬。如鹽下舉外法爲譬。菩薩修空下合也。光明下第二番論義。還從鹽譬生問爲二。一問觀空是倒。何者本來不空而修空見空。是於不空見空。寧非顛倒。例如實常而見無常。無常見常。皆是顛倒。亦有譬合。還轉鹽譬來此爲譬。二問空既是無爲何所見。若有可見即非是空。若無可見不應言見。佛答兩問爲二章。答初爲三。一總標。二廣釋。三重結。初總標中有法譬合。佛答意云。見不空法能令其空。而非顛倒。但就理論無非空者。而於衆生乃是不空。只滅其謂情故云能令不空作空。是故非倒。善男子貪是有性下。第二廣釋又二。先廣釋非空作空。後廣釋非是顛倒。初文云非空者於緣是有。又二。一明貪欲於其是有。次明色性於其是有。若不是有云何貪著。今言非空使空者。此法皆空。以是義故下。第二廣釋非倒又二。初標非倒。一切凡夫下。正是廣釋又二。一不生貪相故非倒。次見佛性故非倒。問入初地時已能見空。此文云住九地者見法有性。其義云何。解云。約二忍明義。初地至十地是無生忍。唯佛地是寂滅忍。今約二忍。九地望佛寂滅則見法有性。雖比於佛非究竟空。亦分有空。故華嚴云。七地菩薩能入寂滅。寂滅即空。赴緣異說不應迷執。諸佛菩薩下

第三重結。佛亦有時說有說無。當知爲緣故。今皆說以爲空也。善男子汝言見空下。第二答後難又二。先牒問。善男子下第二正答正答又二。初正答。次引昔證。初文者以無見爲見。例如般若無知無所不知。是故我下。廣引昔證如文。大明第十功德。亦先標。次釋。釋中舊用三十七品爲體。與皇云。涅槃佛性爲體。舊以菩薩行因。道品是因。故以前文爲體。與皇云。前諸功德未以涅槃爲體。最後義深故取後文爲體。問此中何不用六度而用道品。一解云。但是略耳。一解云。釋論云。六度是遠因道品是近因。今明不爾。道品攝度捨覺攝。餘皆可見。婆沙文中。以十一法攝於道品。十一與六名體相當。但餘二念通於諸度。就文爲二。初明功德。次論義。初又二。先明道品入涅槃。次簡得失。信者爲得。不信者爲失。初功德云。不聞聞者。常住祕藏即是中道。不聞聞者。外道經書見伽羅論即俗諦。不聞聞。十部經即真諦。三諦一心中不聞而聞。今第十功德亦如是。三十七品即真諦。入大涅槃即中道。爲諸衆生分別演說即俗諦。此亦一心三諦始終不異。若能信者入大涅槃。意謂此解方近於理云云。與皇以最後功德涅槃爲體。第九已上皆不如此。此解大失。已如前難。論義爲二。一問。二答。答爲二。先舉惡人爲誡。次舉善人爲勸。惡人爲三。先法說。次舉五賢。三退合五賢。先別合。後總合。初賢梅檀質凡木者。二車並載。一炭一檀。值冬炭。售檀者遂乃燒香爲炭。雖得易售而無所直。持戒者貧

寒饑渴。見破戒者富饒飲啖。即毀於戒甘嗜飲食。所利無幾所失者大。次譬中云金易鎔石者。昔人乘馬腰著金帶。見乘驢者著繩條帶。即便問之。市中何物貴。彼即答云。繩條甚貴。其即易之。人爲色聲而棄正法。其猶如是。餘三譬如文。別合如文。善男子當爾之時。下二舉善人。次光明下領解者。是品中第二領解段如文。三是名下總結。

#### 師子吼品之一上

諸師咸言。此品譬能問者得名。非爲不爾。一向然。此俱譬能問能答。雙題品目。何者。菩薩與佛皆二莊嚴。下文中有師子王及師子子。若師子子足滿三年則能哮吼。又若能師子吼。讚於大悲。能吼無量師子吼。徵文據義二種雙明。講者因何只作一解。惑者云。題中只稱師子吼菩薩品。云何強作兩種釋之。答依題則失文。依文不失題。廣能兼略。師子擬王。菩薩擬子。吼通兩處。二義炳然更何所惑。又師子自邊安匝言師。居左位事理皆匝。則自行圓滿。又師字訓師。師也。師有他化之能。故知師者擬佛明矣。子者訓資。弟子之禮受稟於師。若從師者日新月益。故知子字者擬菩薩明矣。吼通兩處者。吼是口密通有六位。云云。今明究竟與分吼通兩處。身口意密皆有六位。口密通六。此是世界。身約子者此從爲人。身約吼者此從對治。身約師者從第一義。故題具多意。地人呼此品是入證分。開善云。答安樂性問。河西與皇。同爲佛性門。今悉不用。若是入證。入證則無說。若說入證非菩薩

說。若答安樂性問。安樂性問爲是誰問。而今以此品答之。若明佛性佛性誰說。而以此品用目說人。諸說乖舛故皆不用。今明此品是第四問答涅槃義。是師子子問。是師子王答。若從其文應言問答佛性義。前章皆稱涅槃。相從稱爲涅槃義。涅槃只是佛性。佛性只是涅槃。涅槃名總佛性名別。總攝於別。就品又爲二。初明佛性後歎經。初文又四。一明佛性。二明中道。三明縛解。四明修道。佛性是基本。由佛性故中當通達。不識故縛識之則解。欲得解縛應須修習。初文有問有答。問爲四。一勸問。二求問。三許問。四正問。勸問中。先舉諸法門。後正勸。初舉諸法中有六門。一舉三寶。次舉四諦。三舉實諦。四舉四德。五舉五佛性。六舉因果等。有乘無乘是舉了因性。何者。萬善一乘皆屬了因。有性無性是舉果性。果性。有衆生無衆生是舉正因性。有有無有有真無真舉境界性。何者。夫二諦是智所緣境。境又生智故是境界性。有因無因者舉舉因果。一解云。先兩句明習因因果。又三句明報因因果。有作無作是煩惱因。業非煩惱。是善惡業報。是煩惱業果。二解云。上兩句明出世因果。下三句明世間因果。復次舉法門勸者。總論是舉二諦法門。有佛即世諦。無佛即真諦。乃至有報是世諦。無報是真諦。文但二諦。若準悉汝所問事只二諦。二門四門等一切諸法。豈止二諦。且通三諦乃至四門。通三諦者。有佛俗無佛真。非有佛非無佛中道。乃至報亦如是。通二門者。有佛是有門。無佛是

空門。乃至有報無報亦如是。若準恣汝所問。應有四門。兩門如上。亦有佛亦無佛是兩亦門。非有佛非無佛是雙。非門乃至亦有報亦無報。非有報非無報亦如是。問佛勸問諸法門。何不依佛所勸而別問佛性。答諸法門雖別通入佛性。若問佛性總能攝別。何者。依有乘無乘五句之勸。即是問五種佛性。又依三寶是問云何為佛性果。依苦集二諦即問境界佛性。依道滅即問緣了。依實無實即問正性。依因果即問因性。因因性。果果性。依作無作即是問因性。依業無業即問緣性。復次依乘無乘。是問云何為佛性體。依報依三寶四諦等。即是問何義故名佛性。依四德即是問何故名佛性。依有因無因即問菩薩何眼不了了見。依有果無果即問佛以何眼能了見。依有作無作等二句。即問衆生何故不見。依報無報即問正性。佛有十八條勸菩薩。依此勸門起六種問。同異若此。而人不見。私謂。勸別問別實稱佛言。但未為得意。總勸別問收法不遍。未為得意。總勸總問亦稱佛意。但恐時衆不曉總中之別。故佛別勸而設總問。深得佛旨時會易曉。故佛別勸而師子吼。總問良由此也。此從今恣汝問下。即是正勸。正勸中有正勸教勸。佛殷勸令衆得益。爾時會中下。即是第二求問。先經家叙次正發言。敘字亦為檢字。皆是恭敬之貌。次正發言。爾時佛告下。即是第三許問。先勸供養。次正許。初勸中三。先正勸。次釋。三結。初勸供中備勸三業。尊重是意。讚歎是口。迎送是身。所以者

何下。二釋勸文。有法譬合。法中。先明過去德。次明現在德。善男子如師子下。譬說又二。先為佛作譬。次為菩薩作譬。佛譬中。先譬法身。次譬應迹。法身又為三。先總。次別。後結。初一句總譬。自知身力下五句別譬。諸德身即六度。力即十力。牙齒即智慧斷截煩惱。四足即四如意。地即尸羅巖穴即禪定境尾即大悲大慈。俯救如尾下垂聲即八音說法。三若有能具下總結。晨朝出穴下。二明應身方便。又三。一正應。晨朝是暗終明始。譬惡滅善生之機而能應之。次出穴。即是從法身起。頻伸為滅惡。欠呿為生善。四望即四無闕。發聲即說法。有十一事。三一切禽獸下。即是衆生得道。水性譬凡夫愛染。陸行譬二乘高原。飛譬降衆魔。香象譬制外道。如彼野干下。第二為菩薩作譬。野干者。先舉非。次明是。三年譬三行。然下文於五行中略說此三。又梵行是化他。化他中。同其斷惑是病行。同其生善是嬰兒行。梵行兼之故不具說。如來正覺下合譬。初合佛譬。次合菩薩譬。初文二。先合妙本為衆生。次合應迹。合初小不次第。備合十一事。合前欲壞實非師子詐作師子。合云。為諸衆生而師子吼。前文云。欲試身力。合云。示衆十力云云。從聖行下第二合應。但不合晨朝。師子吼者下。第三合前衆生得益。前有四句。今合直言決定說。所以降魔制外。兼釋師子吼義。大聲聞緣覺下。合菩薩譬。亦前合舉非。次合明是如文。開發合譬。明佛菩薩二義宛然。豈可單釋品耶。諸善男子下。第三結勸供養。

爾時世尊下。二正是許問。師子吼白佛下。第四正問。凡發六問。但為兩意。前三問問法。後三問問人。初三問者。舊解。初一間果性。次問因性。後雙問因果性。觀師云。此與文不相應。直依文者。初問佛性體。次問佛性義。後問佛性名。河西意亦爾。今將後人來問前法。初問理佛性體。次問分佛性義。後問究竟佛性名。若一切衆生下。問見不見人。初問。問不見性人。後兩問。問見性人。於中又二。初問何法有了不了。次問何眼有了不了。法據性體眼約性用。佛答為兩。初歎問。次正答。歎問又兩。初歎。次論義。初歎又二。初歎二莊嚴。次歎解六義。汝自解六為他故。問歎六義中。歎初後各二中兩則略。師子吼下。第二論義兩番問答。初問如文。答中為四。前三就勝劣義解。智莊嚴勝於福德。後一就平等解。有云。初番以空解為智慧。有解為福德。十地為智。五度為福。直言般若即是有中智慧。故屬福德。若識波羅蜜即是空。解屬智慧。次番又取九住已還為福德。十住及佛屬智慧。後以果地為智慧。因中為福德。此就法體相望如此勝劣。若此土則福勝慧。若淨土慧勝福。令樹出衣食。但企尚智慧故言慧勝耳。篇論具足者善也。今明三番應約三教而分別之。十地發真破無明故是智慧者。此別教意。十住菩薩與佛同為智慧者通教意。因中為福果上為智者。六度因中都不斷惑故是福德。佛斷惑故是智慧。而文云常住者。此非全是六度菩薩。若消此文。應云利根人於三藏中宜聞常住。聞

即得解。如初轉法輪時八萬天子得無生忍。最下既然例餘亦爾。乃是密教意。但差別不定不可執一。汝今具足下。就平等答。故云。汝之與我各具二莊嚴故能問能答。寧非平等無差別義。今謂此釋似約圓教。師子吼言下。第二番問答。問爲三。正難釋難結過。初正難者。我若二嚴則不應問佛。若二嚴則不應答。以問答非二嚴故。所以者何下釋難。明諸法無有一種二種。一種二種下結過。是凡夫相。佛答還訓其三。一訓初難。只由具二莊嚴一能問二能答。二若言下訓其釋難。只由解一二無一二故。能問一二能答一二。衆生不解一二無一二。今示其一二。令知無一二。非是一二於一二。乃是無一二之一二。亦是言於無言。非是言於言。善男子若言下。訓其結過。翻其前難云。前云。是凡夫相。今云。是十住相。先唱生死涅槃兩章門。次釋一名涅槃。是常常即無二。次釋二名生死。愛無明過現故爲二。二則非一。此之一二非凡夫相。解爲兩。一云。正須此語。其云一二。是凡夫相。佛言一二非凡夫相。二解云。凡夫不知一亦不知二。雖在生死不識生死。若知一二者非凡夫相。今解不爾。一者是常。此大涅槃常故非凡夫相。二者生死。無明與愛此即二乘涅槃。未除無明沈空之愛。即是生死之二。此二非凡夫。菩薩能知此二。此不二無一二過則非凡夫。福慧平等是圓教義。今師子吼難此圓義。圓教雙亡無一無二。那忽能問一二能答一二。佛還以圓教雙照答之。良以雙亡一二則能

雙照一二。雙照一二即能雙答一二。還以雙照答其釋難。良以一二故能無一二。若無一二何能無一二。又以雙照答其結過。汝言一二。是凡夫相。我言一二非凡夫相。雙照一二豈非凡夫相。不作圓教問答此義難解。善男子下。第二正答五問兼答一問。答初問又二。先牒問誠聽如文。次佛性者下。正答。初問又二。一明佛性體。二簡不見者。初明體又三。一標名。二釋相。三結體。標者佛性名。第一義空。第一義空名爲智慧。智慧是有。即空而有。即有而空。空則三諦皆空。一空一切空。乃是第一義空。名智慧者三諦皆照。一照一切照。乃是智慧。當知空有非空非有。即三而一。即一而三。即非三非一。即空故盡一切相。即智故照一切境。即非空非智故云一切中。是故名爲第一義空。第一義空名爲智慧。名爲佛性。如此標名。貴在得意。不可言盡。次所言空者下。釋相者爲二。先釋空。次釋智。初釋空則三諦皆空。文云。空者不見空與不空。不見空者。不見空邊不見不空。是不見中無邊無中。是第一義空。次釋智。智則三諦皆照。文云。智者見空及與不空。見空是見邊。見不空是見中。見邊見中。是第一義智慧。若此空智。非前非後不淺不深。即空即智即智即空。亦即非空非智而空而智。是爲佛性之相。文又釋不空者即是四德。空者即是二邊。無有四德。對非顯是解釋分明。三結體者。佛性名中道。中道之法常恒無變。如文。從無明覆故下。第二簡不見者又二。先簡二邊異故不見。次簡起中

道見故不見。初文者無明所覆。此簡生死有邊異故不見第一義空。次簡二乘偏證空邊異故不見第一義空。如文。次從善男子去。是簡起中道見故不見。有人解云。兩種不見一種見。而皆言不見者。以隨情故。是義不然。前唱中道見凡有三種。全未見而言見中道者。此乃名同而於名起見。後結以是義故不見佛性。當知三種並不見性。將後驗前。前是唱中道見。凡夫惑心雖作中道想。而因苦果苦是定苦行。是故不見第一義空。二乘自行勝於凡夫。化他邊劣於菩薩。雖作中道之想名定苦樂行。二乘偏空故不見第一義空。菩薩慈悲甘苦如樂。是定樂行即是偏假故。不見第一義空。如此三種。雖同名中道與上名相達。相達故無圓遍之義。是故不見。如汝所言下。正答第二問。舊云。此答因性。觀師云。此具明五性豈獨因耶。就文爲兩。初答第二問。後論義。初答問爲二。先牒問。次正答。初具提其問。其問何義。義者名之所以。有何所以稱爲佛性。佛答爲三。初總舉圓義。二別舉遍義。三結歎。初總答意者。善得圓旨是。所以。佛是圓人性是圓法。人法合稱故言佛性。又一切諸佛是圓人。菩提是圓果。兼得涅槃之果果也。既言果與果。即知此果從因。因生此果。果從因生。中道者非因非果。非果非果。皆顯現者悉由佛性爲種子。故知此中道即是佛性。佛性既爲種子。種子能生兩因兩果。此兩因果。又是種子能顯中道。即是更互以爲種子。不作此釋無奈此文何。通達難爾。別說

即是佛性以爲種子。問佛性既爲四性種子。何獨是於菩提種子。答特是略出。又是旁正。如十二因緣非無旁義。正發觀智生於菩提。種子義彰。餘之三性其義則旁。譬如胡瓜正能發熱是熱病緣。

大般涅槃經疏卷第二十三

## 大般涅槃經疏卷第二十四

隋章安頂法師撰

唐天台沙門湛然再治

師子吼品之一下

復次善男子下。二別舉遍義應遍一切。別舉四種遍有中道。一顛倒上下。二生死。三斷常。四因果。他解此四是中論八不。不上不下是不來不出。不因不果是不一不異。餘兩可知。一師云。法門無量何必如此。今明初以上下屬當凡夫顛倒。橫計上下不見中道。諸佛體之不上不下。得見中道。次生死約六度遍行。既不斷於無明愛惑。惑心求佛。是二中間則有生老病死。不見中道。諸佛體之不生不死。得見中道。三斷常約二乘厭生死。是背常入涅槃。是向斷不見中道。諸佛體之非常非斷。於二乘法得見中道。四者。十二因緣觀智是因。得菩提是果。修因克果次第淺深。此約別教地前不見中道。諸佛體之知非因果。於菩薩法能見中道。上文云。一切諸法中悉有安樂性。普賢觀云。毘盧遮那遍一切處。譬如著

婆執草成藥。佛亦如是。遍一切法無非中道。中道即是佛性。汝問何義其義如是。略屬當竟。今更帖文。初云道有三種者。先唱三章門。次下者下解釋。下者外道邪見。謬謂梵天以爲涅槃實非涅槃。還是生死故名爲下。所言上者即是凡夫。未免八倒無常計常。常是上法當得上果。故名爲上。所言中者第一義空。智慧無常見無常。如理而見不同外道。故不名下。不同凡夫故不名上。而是兩邊之上故言是上。又言與佛不異故言是上。復次生死本際下。第二明不生不死中道之義。文爲二初明中道。次舉解惑初爲三一唱中道。二明能破生死三結是。佛性無明有愛下。但中間只是行識名色六入等。何以云有生老死耶。解云。後文云現在世識名未來生。現在六入等名未來老死。中間即是生死義。言中道者。兩因夾一果。一果居中。如此論中方是妙中。破生死義。云何只以因緣因果不生不滅。名爲中道。今作易解。無明與愛即現過見。煩惱道也。點煩惱道即是般若。中間是苦道即是法身。法身即中道。若是中道則無生死。無生死故名破生死。以是義故下。第三結爲佛性。既是中道實非佛性。以諸衆生下。第二舉解惑。有法譬合。法中初明惑者。不見則是無常。後明解者。能見則非無常。正用此語兼答第三難。難云。以何義故名常樂我淨。以見佛性故常樂我淨。譬如下爲惑解者作譬。與上貧女譬同。合如文。復次衆生起見下。是第三不斷不常明中道又三。一唱章門。二釋三結。初

章門中。明凡夫菩薩二乘。前後舉非中間明是。次佛性雖當下即釋也。又三。先釋凡夫。爲無明所覆故起斷常。次又未能度下釋二乘。只爲兔馬不盡河底。二乘智偏沈空取證。不見佛性無常無斷。是觀十二因緣下。第三釋菩薩章。十二因緣即是觀境。菩薩觀境生智。合取境智皆名中道。善男子佛性者下。第四約因果明中道爲三。一明有因有果。二明非因非果。三明亦是因果亦非因果。只應明非因果何得云因果。若不明因果何所辨非。初文有法譬。法說中論兩因兩果。兩因者謂因因因。兩果者謂果果果。尋此文意。不得以因家之因爲因因。而得以果家之果爲果果。得以因家之果爲因因。得以果家之果爲果果。何故爾。尊因是境重因是觀。尊果是菩提重果是涅槃。境但是因。不從因至於因。但因非因因。觀智從因至於因故。得是因因。菩提但是果。不從果至於果。但果非果果。涅槃從果至於果故。得是果果。譬說中意是則不然。譬中以無明爲因因。無明當體是因。而復爲行作因故是因因。識當體是果。復爲行作果故是果果。以譬例法。境是因因。菩提應是果果。而不例者。境體非因。不從因至於因。但是因非因。因觀智體非果。不從果至於果。若然譬與法乖答取少分譬。私謂。亦非全取無明行識。以爲境智菩提涅槃之譬。但是先舉無明行等。亦有因果因因果果之名。故下文具舉四句。佛性涅槃爲初二句。十二因緣爲第三句。言少分者。名同義異故云少分。若欲將

境智爲二因菩提涅槃爲二果。是則境體是因。復爲智作因故名因。智體是因。復爲二果作因。例二果亦爾。準因作之亦應可見。以是義故下。第二明非因非果。卽中道正性。此中十不墮中論中有不因不果。從是因非果下。第三明亦是因果亦非因果。開善作五性。是因非果卽境界性。是果非因卽果性。是因卽了因。是果卽菩提果。非因非果卽正性。而彼家用衆生爲正性。與非因非果義不相應。莊嚴作四性。是因卽了因。是果卽涅槃。是因卽正因。是果卽菩提。非因非果非復是性。但非前義。觀師亦作五性。是因非果卽境界性。是果非因卽果性。是因是果卽了因。及菩提性。言了因者。以望境界爲果。望菩提是因。若爾菩提性亦應兩望。望了因是果。望果果是因。非因非果卽正性。與皇但名正法正性。不許稱爲正因。今經中有正因之名。何以不許。然此五性乃是開合之異。正性不二緣性則二。二是因果。開因出因。開果出果。果合四爲二。所謂因果合二爲一。合緣爲正。正無復數。以是義故下。第三結歎甚深又爲三。一略歎二廣歎。三總結。初略歎者。簡凡小不見唯佛能見。以何義故下。二廣釋甚深有六。一明因緣甚深。二明凡夫不見故甚深。三唯佛能見。四重明甚深難見。五重明能見。六雙明見與不見。初中云不常不斷者。諸句例作中道以明甚深。雖念念滅卽是不常。而無所失卽是不斷。不斷不常卽中道甚深。雖無作者卽不有。而有作業卽不無。卽不可思議中道

甚深。一切衆生下。二明凡夫不見。十住下。三唯佛能見菩薩少見。如來具見。然十住既少見於終。亦應少見其始。今互顯沒者。正言十地一轉卽便作佛去終處近。故言能見其終。始則杳然故言不見。舊云。十住破元品無明。當果不起故云知終。生死久遠其始難知。與皇云。自性無所有爲易。因緣所起不有而有則難。今言十住有治道。能分斷則分見其終。而不能分見其始。譬如健人破賊而不知賊起根元。私謂亦可云初住所斷斷其始故。故云見始。並始斷故亦云見始。故知賢位非但不見中道。亦不見於無明。故從初斷始邊名爲見始。等覺菩薩餘一品在。在者名終。由未斷終故不見終。斷之終故亦名見終。故知等覺非但不見最後真如。亦不見於終品無明。故唯佛斷唯佛方見。諸佛見始見終者究竟知無始終。究竟鑑其始終。文中從惑起邊。是故反此。始謂元品。終謂終末。最能著故。見謂知見。有智能治故名爲見。初住智淺。但見終末。故云見終末。有治於元品之智故云不見。一切衆生下。四重明不見。是故我下五。重明能見觀。十二緣智下。六雙明見不見又二。先唱四章門。次釋四章。三種不見唯上上能見。可將此義類前定樂行等三皆不見。於義明矣。問十住少見者。爲唯第十住少見。九住至初住亦少見耶。舊解爲二。一云。唯第十住分見。九住至初住皆不分見。二云。初住至十住皆少分見。而須兩望。初至九住望。二乘爲少見。望十住爲不見。有人難前解云。二乘不見各得

菩提。九住既不見。得何等菩提。進不同佛退非二乘。應當別得一箇菩提云。今明。若指住是地。而言十住皆分見者。此是別義。若住非地。十地則見十住不見。此亦別義。若言十住卽十地地住皆少見者。此卽圓義。若言十住非十地十住亦少見者。此亦圓義。若言十住非十地。而言九住不見十住少見者。此是別接通義。人不識此。於文於義往往不通云云。以是義故下。第三總結甚深。卽五佛性。十二因緣名爲佛性者結因性。第一義空結因因性。中道者結正因性。卽名爲佛結果性。涅槃結果果性。文義具足此結甚妙。爾時師子下。第二論義。此義起上結衆生行業甚深甚深。若衆生與佛平等不二。何用修道。初似是一問佛爲兩答。則成二問。下佛答中。一答佛與佛性平等。二答修道。故知兩問。地人云衆生是佛具足在妄。便不用修道。正當此難。若成論人云。佛果在當。則不當此難。而不得言卽是佛。此應作無差別差別答。無差別故卽是佛。差別故未具足。如父生子姓無差別。用未具足故須莊嚴。莊嚴故後則具足。然但明佛性。何關具足不具足。具足既藉緣而具佛性。亦應藉緣而具。若言佛性在當。此據果性果性。若言佛性在現。此取因性因性。若言佛性非常非現。此取正因性。若各以爲是如盲觸象。若見此意無當現之爭。佛答爲三。一非問二正答。三引證。非問如文。正答爲兩。一答無差別亦有差別。二答何用修道。初答爲三。一正答。二引偈。三舉乳酪而譬。此意



者。據體不殊約緣成異。初文有法有譬。法說中云未具足者。但有其理。事用未足故言不具。非謂悉無名為不具。譬如下二譬為二。先譬次合。初譬。又二。先舉惡譬。次引善惡例。初文者。必定當墮。如害母者悔。身雖未墮。必去不疑。衆生亦爾。有佛性理未來必得。次佛復引云行十善者。名見天人。行十惡者名見地獄。亦是當報。一切衆生下二合譬。一切衆生未有相好。以當得故。一解云。當得相好之果。一解云。當得果佛性。佛性云何是當。若是當者為三世攝。即是無常。則不應言當果佛性。二引偈答者。略釋偈意。已如前文。此偈四出。初答常無常。二答得無得。下二十六答破定性。今答有無不定以明中道。若但以有無別解俱不合偈旨。常無常等亦應如是。此中準經應作差無差。亦差亦無差。非差非無差。不一不異。不思議釋。乃會偈旨。餘常無常等亦復如是。今長行釋本。有云。三世皆本有如文準此而言。生死與涅槃。各應本有。各應今無。若生死本有者。具足無量煩惱。生死本無者。本無涅槃。涅槃本有者。涅槃本有非適今。涅槃本無者。久已成佛無諸煩惱。生死雖復本有今無本無今有。悉東為有。以涅槃望生死。生死有所得故。涅槃雖復本有今無本無今有。悉東為無。以生死望涅槃無所得故。又即本有是今無。不離有而論無。即本無是今有。不離無而論有。此前三句。即是差別三世所攝。本有之有非有。今無之無不無。不有不無。三世有法無有是處。此一句是無差別不

為三世所攝。更約本末重明四句。自有兩本兩末。一本一末。末而不本。本而不末。非本非末。上文云。寄生一子舍主驅逐。舍主是境。豈非生死為本。一子正觀。豈非涅槃為末。文云。大般涅槃本自有之。又如來藏依持建立。豈非涅槃為本。迷理起惑。豈非生死為末。若各有其本則各有其末。為是義故兩本兩末。又生死無終。將涅槃之始為生死之終。涅槃無始。將生死之終為涅槃之始。二河相望互作終始。是為一本一末。又生死若本若末皆東名為末。以其虛妄無根本故。故末而不本。涅槃若本若末皆名為本。以其真實無偽故。本而不末。末本非本。本末非末。非本非末。三世不攝。分別本末四句既成。例具不具得無得常無常。皆悉不定不可思議。亦復如是。四句不定不可思議。即是三諦不並不別。如前說。譬如有人下。第三舉乳酪譬以證當有。此謂約有心論有佛性。不即心為佛性。何異衆生有佛性之理。後得佛時。不取衆生為佛心。佛心亦爾。只云有心為佛性。心不即為佛性。畢竟有二種下。第二應須修道。正答前何用修道之間。衆生等有一乘正性。應須修於六度莊嚴。若不修不得正性。他云。一乘是萬善。今此文。則以一乘為中道正性。此一道清淨能運衆生作佛。故名一乘。豈同萬善。文中為二。先唱章門。次解釋。初章門有兩雙四隻。次釋中。先釋以六度為莊嚴。一乘為究竟。次釋世間出世間。初六度與一乘更無別體。但隨義異釋。其間有譬有合。初譬云。初利辭越果

報。雖勝人不得見佛性。既為無明所覆不能得見。故須修道。復次佛性下。釋後兩雙又二。先偏釋出世畢竟。後雙釋世出世兩畢竟。初又三。一出體。二釋名。三舉類。初如文。次釋名中云。首楞嚴翻為堅固。和闍黎翻修治心。而此三昧有通有別。別在終心通通諸地。如一三昧下。三舉類。覺名定覺。即七覺中定覺。分。正名正定。即八正中正定。又云。覺名定覺。即八大人中定覺。楞嚴亦爾。有五種名云云。善男子。一切衆生下。第二雙釋世出世兩畢竟。下中即世間畢竟。上定即出世畢竟。於中二。先具釋三定。後重釋上定。初釋三定中。先釋上定。即是佛性。或云了因。或云正因。中定即色界定。下定即心數定。數人云。十數並起呼為大地通五品。謂善惡無記不共穢汚等。成論云。法起十數義說為十。或云。欲界十居止是十數。三塗人六天。一切衆生悉有下。重釋出世。即首楞嚴釋論。名為健相三昧善男子。我於一時下。第三引證答。此明如來觀機可不。或說佛與佛性無差。或時說異或說修道或說不修。例如知外道機應須說我應說無我云云。文為二。先正引昔證。今。次更會通。初引昔證。今又二。先引昔次證。今。引昔又三。一明洗滌。二外道論義。三時衆得益。是佛性下二證。今。正言佛性非我而說為我。不應定執訓修道之間。如來有因緣下。二是會通。如來自。或以我為無我無我為我。又一解。在因佛性故言無我。在果佛性故言有我云云。爾時師子下。第三答上第四問為二。先申問。次正

答。初中問長有金剛力士語。正答爲兩。初正答。後結歎。初正答中凡舉七譬。大爲三意。初三譬譬有而不見。中間一譬譬平等皆有。第三三譬譬待緣故見。三意次第而來。雖復云有而復不見。未知定有故不見。定無故不見。次一譬譬其定有。既其定有何故不見。次答須待因緣然後乃見。初三譬。一。皆先譬次合。初是盲人譬。譬底下凡夫如盲故不見。色譬佛性。數人解色。有二十種。青黃赤白高下邪正方圓長短光影明闇烟雲塵霧。或如虛空爲空一顯色。如眼膚翳第二眼病譬。譬諸菩薩眼有少翳不得見色。譬諸菩薩有煩惱故不見佛性。不同前盲。合譬中先舉上地菩薩。後更舉四人。凡夫二乘十住如來。如來全見。菩薩少見。兩全不見。譬如初月下。第三譬亦譬衆生未斷惑者不見斷惑者見。如初日月則不可見漸漸可見。佛性亦爾。本有此理。衆生煩惱不能得見。惑稍稍盡稍稍得見。文云。大悲十力等一切衆生悉有性者。舊云。當有卽事未有。引下文云。破一闢提然後乃得地人解云。真神佛性如徹帛裏金。大慈大悲十力相好。此事具有爲惑所覆。若除煩惱卽得見之。除徹帛已卽得黃金。觀師云。此二解相害。若當有此經文云。大悲十力四無所畏衆生有之。既言悉有寧得言當。若言現有如金爲所覆者。夫佛性雄猛何不排惑。若執當現便是爭論。只具此理不可推當。修道乃得不可言現。彼三解偏據未會四旨。何者。佛性非一二三。而爲衆生作四門分別。或言第一義

空迦毘羅城空。或言不空者。卽是智慧寶藏。額珠。或言亦空亦有如水酒瓶。或言非有非無名爲中道。欲使因四悟於不四。捨執四以求通。論人指當此執則無。地人或覆此執卽有。觀師所說。此執亦有亦無門。今明。佛性如王見象。衆師所觀全同官屬云云。合最後譬中言三種破煩惱者。舊有二解。一云。二國煩惱見思二。或是界內穢土煩惱。習氣是兩國中間淨土煩惱。無明是界外煩惱。七地菩薩斷二國中煩惱。莊嚴所用。二解云。見諦爲一煩惱。思惟爲二煩惱。習氣是三煩惱。無明元品品數與習氣是同。故不別說。初地至三地斷見諦。四地至六地斷思惟。七八地者並斷習氣無明。此是開善解又一師難此二解。文云三種破煩惱竟不出破煩惱。意但出三種名與經乖較若論破意應如釋論三觀。治三種病亦如理路本業。從假入空名二諦觀。從空入假名平等觀。二觀爲方便。得入中道第一義諦觀。用是三觀能破煩惱。又世諦破性病。真諦破假病。此二諦但說伏爲斷。若非真非有卽是中道觀。雙除性假二病名斷煩惱。今明。是義不然。前二解乖經觀師破其違經。今難其義辭。若三種破煩惱已見佛性。破見思穢土煩惱。及破中間淨土煩惱。爲見性不見性。若見性者。二乘之人亦破見思。何故不見。若不見性與經相違。開善云。破見爲一。破思爲二。須陀洹人乃至四果。悉破見思。爲見性不。若見性者無有此義。若不見者與經相違。又二諦觀平等觀皆是方便。不入中道亦

不見性。復與經違。世諦破性。真諦破假。是伏非斷。又不見性此亦違經。唯非真俗斷煩惱者。乃得見性。雖唱三種破煩惱名。二種破者則不見性。唯一種破得見。經稱三種破於煩惱皆見佛性。若一種破見二破不見者。事得相應。今明。七地修方便。八地道觀雙流。破無明見佛性者。此以別接通。是一種破煩惱得見佛性。若入理般若名爲住。破四住惑出生功德名十行。破塵沙惑未見佛性。十迴向伏無明。登地破無明見佛性。此是別教次第破惑。又是一種。破煩惱見佛性。若圓觀法界煩惱卽菩提。初法心時便成正覺。入銅輪位。登初住時破無明見佛性。三種破惑其義炳然。而皆見性。與經文會。諸德寧知。又一空一切空三諦皆空。此觀破五住惑能見佛性。又一假一切假三諦皆假。此觀亦破五住惑能見佛性。又一中一切中三諦皆中。此觀亦破五住惑能見佛性。如此三種。數之與義正與經合。諸德亦未能知。前三種破惑是就別意。後三種觀是約圓意。善男子十二因緣下。二有一譬譬平等皆有。先譬後合。前譬就外。今譬就內。卽爲四。一唱等有二出因緣體。三明有具不具。四結等有。初明平等皆有。而言亦內亦外者。此唯在人非謂外物。心則爲內。色則爲外。具有色心故云內外。又云。在胎爲內。出胎爲外。私謂。文中自云內外貪求及爲內外事。然此文中。非謂以十二緣而爲觀境。但取十二以爲佛性。例如十二緣支別辨。爲令衆生識於三世輪迴之相。豈可無明之時唯有

無明。故知乃至老死常具十二。故下合云佛性亦爾。豈可在衆生時唯是衆生。況一切衆生。一一無不念念具足。十界百界依正因緣。故界中無非佛性。故內外之言意衆多義。何等十二下。二出因緣體具解十二支。過去具有因果。何以取二因而不取果。然過去之果自酬前因。是故不取。是則二因生今五果。取今三因生後二果。識支二解。一云。初受胎七日爲識。爾時有色色未顯現。識義已顯。故受識名。二云。但取託胎初念。雖即有色。乃未足。而名識者。識是報主。是故言識。亦至第二念即是色支。此解稍勝。入胎五分釋第四名色支。亦云五胞。二手二脚及頭。四根未具者。但有身意。未有眼耳鼻舌。言名色者。二解。一云。色陰是色四陰名。二云。只此色與衆生之名。故言名色。次具足四根。即第五支既具四根。六根都具。故言六入。從此已去有龜細相生。若細相生。即是胎內識心。未有所受。若龜相生。即是初出胎時。未能捉火觸毒。如一兩月小兒未別苦樂。下第六觸支。若細生相是胎內想心。未知苦樂。若龜相生。即一兩歲已能捉火觸毒而末有所知。手內有物未辨貴賤。染習一愛第七受支。五果之後若細相生。即胎內受心。言一愛者。於一樂緣而思想著。若龜相生。即三四歲但知食愛未知五欲。習近五欲。第八愛支。即三因之初。若細相生。即胎內行心之初。就行心爲三。初名愛中名取後名有。若龜相生。即八九歲稍知欲愛。內外貪求第九支。即十餘歲稍復長大。轉能

貪求行中稍增。爲內外事下。第十支起即十餘歲身成長大盡屬百年。現在世識下。第十一支。即未來二果之初。還同現在識支時節。即初託胎一念。現在名色下。第十二支。還同現在名色等時。即未來老死支。識名色六入等。並是未來二果。未來二果還是現在識名色六入等。但轉名名之。三具不具中。約色界言無三受者。二解。一云。於三受中不具苦受。故言無三。亦無苦受家想故言無三種觸。亦無苦受家行故言無三種愛。若色無色不具十二。云何文云亦得名爲具足十二。然歌羅邏死及色無色界生。雖復不具十二而苦輪未息。往還三界終具十二。二解。據第四禪至無色界。無復苦樂。亦無中容之捨。故言無三受。無色既無色不具十二。以定得故下。第四總結。皆具十二。既未息苦輪始終長望。故云皆具。佛性亦爾。第二合譬。六道四生皆有十二。譬諸衆生等有佛性。雪山有草下。第三三譬明待緣方見。即爲三初文譬合。合中二。先正合。次明理。明理又三。初唱九章門。門門有三句。合二十七句。第二解釋。釋中長出三事非章。所列合三十六句。後兩善男子是第三總結云云。第二舉黑鐵譬。第三舉種子譬。前二譬皆先譬後合。後譬無合文。是大涅槃下。第二結歎如文。爾時師子下。答第五問。先騰上兩問。後作兩答以答前問。答文爲二。初唱十章。後解釋其八。是八大人覺屬自行。後兩章是化他。八覺是小乘名教。云何是菩薩行。一解云。法門無定在大即大。二解云。只八大人

自行爲小。復有化他故得是大。今明。以大涅槃心修即異小乘。師子吼下。第二解釋十法有五番。初番有問答。答但以少欲知足共爲一解。以義相帶故。餘者各解。就初釋少欲知足復數番。初約善惡共解。後有少欲下。約小大共解。文爲四句。初句少欲是須陀洹。前云少欲知足爲善。今釋不少欲不知足爲善。法華云。得少便爲足。自保守小謂是爲足。今釋少欲是須陀洹。知足是中乘。皆是保非爲極少欲知足。即知四果最極。對菩薩不少欲不知足。菩薩上求佛果無窮故不知足。下化無窮復不知足。餘如文。第八解釋脫。即是無上涅槃者。二解。靈味。令正翻涅槃爲解脫。此明涅槃與解脫異。開善云。涅槃翻滅度。解脫翻無累。觀師云。涅槃與解脫同是斷德。因滅煩惱故得解脫。得解脫故得大涅槃。即是不異。又云。四瀑河者。即前三漏長有見瀑河。即通覽三界見爲見瀑河。復次出家之人下。第二番約出家人釋十法。但有八文。前合少欲知足。後但釋解脫。不明涅槃是故略耳。四樂者。大樂即出家人樂。應是戒樂。寂靜即禪定樂。永滅即智慧斷惑樂。畢竟即菩薩樂。四精進即四正勤。復次菩薩下。第三番據菩薩釋十法。但有九者。菩薩以涅槃心修故不說之。隨順天行爲正定者。此明天行以定爲體。今寄一並。若正定隨順天行。天行遂以定爲體。應身隨順衆生。衆生應以應身爲體。今明天行是理。以理爲本故言正定。復次夫少欲者下。第四番解十法。文亦可解。八解脫爲正定

者數人云。八解脫以定爲體論人。八解脫以慧爲體。私云。皆不爾云云。復次善男子下。第五番。但解九。五種樂者。河西云。一因樂。受樂。斷樂。遠離樂。菩薩樂。因樂者。因內外緣得樂。受樂者。從內外緣身得增長。心得安隱。名爲受樂。修習聖道斷除諸受。令道增長。名斷受樂。永離煩惱身心無患。名遠離樂。以常樂故名菩薩樂。五樂皆從淺至深。出菩薩地經。善男子如汝所言下。答第六問。先牒問後正答。答爲二。先答後勸。初答又爲兩。先明了與不了。次明眼見聞見。初了不了中有五番。最後釋一切覺者。一心三智照一諦三諦。名一切覺。十住亦得此覺。比佛猶昧故不了。地前十住全不見性。是故不論了與不了。次眼見聞見中有兩番。初以十住爲聞見。佛地爲眼見。次番以九地已還爲聞見。第十住爲眼見。此中應作四句。第十住亦聞見亦眼見。九地已下但有聞見。佛地但有眼見。文中自出此之三句。若衆生聞不信者。非聞見非眼見云云。若十住與十地異者。非唯初住不見。十住亦不見。卽是別位。若十住與十地同者。豈第十住見初住亦見。今文云住。又復云地。故知此中住地不異。卽是圓位。而簡九地是聞者。以其見不了了。抑之爲聞。第十住勝加之。以眼。蓋是圓位得作此釋。餘位不得云云。

大般涅槃經疏卷第二十四

## 大般涅槃經疏卷第二十五

隋章安頂法師撰

唐天台沙門湛然再治

### 師子吼品之二

起卷是第二勸修。初勸修後論義。上云十住聞見至佛眼見。若欲聞見眼見。應當受持十二部經。故有勸修。師子吼言下。第二論義。六番問答。初一番明見義。中間四番明能見之行。後一結成。初文者先問次答。初問文者。上云如來妙絕凡夫。云何見聞是故與問。次善男子下答中二。初明實不可知。次若欲觀察下。明亦有可知。上就究竟證爲眼見。分證爲聞見。今約凡夫修習中取聞見。得道力強眼見。色身則弱。上德王品說。見佛初生出家不達妙本。悉是曲見。今觀如來生行七步。知是方便則得見佛。各有所據不得一槩。於中三。先標章。次解釋三結。初標如文。就解釋文有六番。初身口二業。次形聲兩勝。三身通心通。四受身說法。五身口忍。六身形聲說。前五可見。第六文中。於聞見文末。云爲梵王說中道者。約顯露教。說四諦五人得初果。約密教。說中道無量菩薩。得無生忍乃至補處。又鈍根聞生滅四諦。中根聞無生四諦。則不開說中道。利根聞說無量無作四諦。卽說中道。明中道有五番。或雙捨論中道。或相成論中道。或雙照論中道。私云。兩捨是兩教。相成是別教。雙照是圓教。在文可尋。如來心相下第三

結成如文。爾時師子吼下。第二有四番問答。明能見之行。初番先問次答。問又二。先舉僧寶問。次舉佛說難。初文者卽四依人問。心是內本行是外迹。言初二種者。以初二證後二故不可知。如佛所說下。第二正舉佛難。直置僧寶尙已難知。況乃如來。但見色身聞說法。云何依此二事知是如來。佛答又二。先答僧次答佛。初答僧爲三。一結問。以難知下。次以四緣故知。具足四事下。三結成可知。戒有二種下。第二答佛問。復有六番。初番持戒究竟不究竟。復有二種下。第二番爲利不爲利。後四番悉如文可尋。師子吼言下。是次番問答。前云持菩薩戒得見佛性。爲作要求。爲不要求。要求者是市易法。若不要求行而無顧。未知云何故有此問。佛答有兩。初發起十四句。法性自爾而相隣接。任運法爾非作要求。若心不悔持戒不淺。次持戒下。心任運成得見佛性。住大涅槃云云。第三番問答。問中又三。先領旨。次作難。三結。初如文。次難中。初難戒是衆行之本。有果而無因。應是真是常。涅槃居在諸行之末。有因而無果。應是無常。後偏結一邊可見云云。佛答先歎。次答。歎中爲三。一歎因深。二歎持力。三誠聽。初如文。次文中善得時長釋迦日短者。以緣宜故也。例如日月燈明。六十小劫此間食頃云云。一佛答。初答持戒無因之問。有法譬合。法中爲二。一唱有因。二遮無盡。初有因者。以聽法善友等爲作戒因。從信心因於聽法下。二遮恐無窮之難。故指二法互爲因果。次譬如下凡舉三

臂初爲遮無窮作臂諸師多言。尼乾淨行不以瓶著地。三木爲拒以支一瓶。瓶由拒立拒藉瓶成。二梁武云。尼乾口啖牛糞身裸穢穢。有何淨行而可稱耶。拒者。今之渴鳥取水者是。亦名轆轤井上施之更互上下。即是互爲因果之義。而言尼乾者。指其家有此拒。次舉十二因緣臂。若克定三世臂。此不便取輪迴不窮。更互義成。三舉小乘中八相爲臂。大生直名爲生。小生言生生。成論人破毘曇大小生義。解此文云。一期之壽是大生。念念生滅是小生。由一期有念念。由念念有一期。解文不了。而復不許用毘曇義。此不應然。破立適時借臂何爽。私謂。古人以一期與念念更互相生。何以不得不然不及刹那。八相只一刹那。是生是生。故一刹那中。大相是因小相是因。小相是果大相是果。是則更互爲因更互爲果。如一信心。即此信心是聽法心。即聽法心是於信心。雖同一念而更互相因。既互相因即互成果。信心聽法下合臂。答前初難。明戒有因。從是果非因下答後難。明涅槃是果而無因答。後又三。初唱兩章門。一是果。二非因。次何故名果下。釋是果章門。是出世果故言上果。是習果故故是沙門。婆羅門果是佛果故。故言斷生死是絕待果故故言無煩惱。煩惱名過過者。體是死因。一過復得苦果。故言過過。又無明能迷理。復能障智故是過過從涅槃無因下。二釋非因章門。無生滅者無世間因。無所作者無報因。非有爲者無生因。常不變等三句。是無相待因。三善男子

下。結無因義。次第四番問答。問爲三。初領旨仰非。次舉六無爲難。三結。次畢竟無但是語勢。非是正意。正取有時無故爲難。言有因者。有習因了因。言無因者。無生因報因。故舉有時無以之爲難。如池沼之雨旱。如日月之龍散。因之有無。似同於此。少無者。以少故無非是全無。不受無者。只是不受爲無。非無彼法不受惡亦如是。不對亦爾。後之三無。俱是互無之意。三結如文。佛答爲二。先明無因。次明有因。初答無因爲三。先非五就一。次六喻併非。三結無因。初非五就一者。汝以畢竟無以爲正難。尚不全是。有少分是。是故就之。況以五喻寧得會耶。次併非六喻。六世法。不可對於出世之法。而復重非畢竟無者。以其墮斷無我無我所。故與涅槃乖。涅槃有我故重說之。三善男子下。結意如文。是因非果下。二答涅槃是因而非於果。文爲二。初標章次釋。標者。明涅槃是因以佛性爲因。即是了因。復簡出非因即非生因。標其非果非沙門小果。前云沙門果者。指佛果爲沙門婆羅門果。因有二種下。釋文爲三。一明有生了二因。二舉三臂臂之。三三番舉法門合之。合中悉用親爲生因疏爲了因。此雖明不可思議之法。略須分別。前一番事理相對。六度是事爲生因。佛性是理爲了因。次定散相對。後橫豎相對云云。而初文中云菩提者。此欲明因取果。又舉果成因。問涅槃無因而義說生因了因。亦應義說生了二果。答了因所成即是了果。生因所出即是生果。何不得並別有二果。生果即

是無常。了果即是於常。世人謂屈。此並此乃不思議法門。何所不得。且用首楞嚴通之譬。如術人於衆前死。得財物已而復還生。今經二鳥雙游即是其義。近是下。文云佛身二種。一常二無常云云。師子吼下。第三有一番問答。結成本宗。此問從前眼見聞見如來佛性生。夫佛性之性絕色非色。云何可見。佛答此爲二者。皆悉再答悉開兩意。故有可見不可見。如文。佛性非內非外下。是品中第二大段。前作佛性說。此作中道說。文爲三。一略標中道。二廣破邊執。三結歎佛性。初標中道有三句。初句云非內非外者。舊解云。不定在衆生身內。故言非內。復不離衆生。即此識神而得成佛。故言非外。觀師解云。非在衆生身內故言非內。亦不在衆生身外故言非外。今皆不然。舊說取捨如步屈蟲。次說如鳥除二翅。何者。衆生五陰是因緣生法。即是空不在俗諦故非外。此法即假不在真諦故非內。此法即中故不俱在二諦。此法遍一切處故不獨在中道諦。此法不可思議。不縱不橫不並不別。豈作單能說之。上文云。一切覺者名爲佛性。諸師單說。非一切覺則非佛性。不名中道。三點具足名一切覺。是名佛性乃是中道。只以即空非外不在俗諦。只依此意任運破諸師所說。標第二句。云雖非內外而不失壞。此還成上意。舊云。非外故不失。非內故不壞。若定在外應東西散失。若定在內應同於死身有臭壞。故言非失非壞。觀師云。其本無成所以不壞。其本無得所以非失。今明。二師解初句未

成。釋後句無託。此句釋成上非內非外。而復即中故言不壞。而復雙照故言不失。標第三句。云故名衆生悉有者。觀師云。雖非內外亦不有無。而假名爲有。今相釋上不失不壞。即遍一切處故名悉有。師子吼言下。第二廣破邊執文爲二。先破因中有果執成上非內。次破因中無果執成上非外。此執若除不失不壞。佛性中道悉皆可解。就破因中有果更爲四。一據佛教。二據世情。三據緣因。四據正因。初據教者。近據前文。故名一切衆生悉有佛性。遠據前品貧女寶藏力士額珠。此皆內有寶言非內。世情者。世人求酪取乳求油取麻若無油酪人何故取。舉緣因者。內若無正何須外緣。如穀無芽不須水土。舉正因者。由外有緣使正得生。此皆據於因中有果。顯衆生中悉有佛性。性應在內。就初據教有六番問答。初引品初及如來性品爲問。佛答明乳即是空故不定說有。但言酪從乳生。乳即是假故從因緣有。如文。第二番問答。問一切法各有時節。乳中有酪待時而生。如穀有芽春來方出。佛答爲三。初作即空奪破。故言乳時無酪。二作縱答。如其有者何故不得二種名字。如文。三從因有二種下。更示乳即是假。是故言有。第三番問答。若乳無酪何不從角而生。此舉非因作難。佛一往縱答角亦生酪。第四番問答。即取此爲難。求酪之人何不取角。佛答乳是正因是故取之。角是緣因是故不取。第五番舉非果爲難。佛先縱答。乳亦生樹如文。次則奪答。若一因生者可得如難。須兩

因乃生乳。非樹之正因。因緣各異何得生樹。尋文可見。第六番問答。直問衆生佛性復有幾因。佛答亦具二因。正謂衆生。緣謂六度。莊嚴家據此文。明假名是正因佛性。觀師不用云緣因。不但唯有六度。復有境界及道品等。皆是緣因。正因何得但是假名。亦有五陰及心神等。今明莊嚴覽陰成衆生此據外。觀師取五陰此即據內。豈可然耶。上文云。佛性非內非外不失不壞。今謂衆生是正因時。衆生假名。爲定在內爲定在外。內外求不可得。還是非內非外。雖非內外而有六度。生其陰軀則不失不壞。一切衆生悉有於陰。還是向義不應餘解。雖作此消文可更思之。師子吼言我今定知下。二據世情執有爲難。佛答爲二。初正破執。次示正義。初文二。初作三番次更重破。初三番者。初番問取乳不取水據乳有酪爲問。佛答爲二。先非問。次並難。初如文。次難中云汝言求酪取乳不取水者。並云如人求面而取於刀。不舉鏡者欲作橫豎並之。又鏡亦得爲刀。仙人孫博。屈刀爲鏡伸鏡爲刀云云。第二番即執刀有面爲問。佛答。若定有面何故顛倒豎長橫短。若有已面何故狹長。實不狹長而見狹長。若因已面見他面者。何故不見驢馬面。第三番仍併通。佛並眼光到刀中則見已面像。不見驢馬面像。又眼光到刀中。同刀豎而長。同刀之橫闊。是故見之。佛答爲三。一奪破光實不到。二縱破假到則多過。三結奪。初奪如文。光若到下。縱破有四過。一若光到火火應燒眼。眼既不燒知光不

到火。二若光到這那忽生疑。三光若到者不應見水精中物。水精闔眼不見外物。淵中魚石水應闔眼。眼何得到。四光若不到能見者。何故不見壁外。若見壁外應見外物。是故下第三結奪。善男子下二重破。上未委悉故更重破。文亦爲三。一縱二奪三結詞。初縱爲三。二應責酪駒。二應壞子孫。三應含五丈。其既舉世情爲執。佛亦用世情破之。若乳有酪。賣乳之人應責酪直。縱若有酪亦應五味一時。若無醍醐那獨有酪。賣蹄馬者應責駒直。駒復有駒駒駒無已。如其不然知馬無駒。世人爲子勝妻。妻若有子不得名女。女則無子有子非女。若女有子復有孫。孫孫無窮。一腹所生併是兄弟。世豈然乎。如其不然知女無子。子中有樹應具五丈。已是亭亭雲外交柯接葉布覆八方。如其不然知子無樹。乳色味異下二是奪破。色異者乳白酪黃。味異者乳甜酪酢。果異者乳治熱酪治冷。既無此等云何有酪。譬如服酥下。第三結詞。明當服酥今已患臭。亦當明當釀酒今已飽飲得酪食。用何有是事。譬如有人下。第二示正義文爲四。一舉譬示正義。二引偈證。三下約衆生四高推佛境。初舉三譬又二。先譬次合。初譬中示於無性假緣而有。譬如文。一切諸法下合譬。以是義故下。第二引偈證成。但取初二句證無性足。若定有性不應本無而今有。亦不應本有而今無。本有應常有。本無應常無。既其不定。云何而言乳有酪性。下二句相仍而來。此偈是第四出。以證今義。若諸衆生下。第三約衆

生。身空以示正義。自有法譬合。重譬如文。衆生佛性諸佛境界下。第四高推。在佛如文。觀上經文。縱奪破竟明佛性即空。次舉三譬明佛性是假。次引偈證佛性即空即假。次明衆生身空。譬於佛性遍一切處。引諸佛境界明佛性即中。觀文甚會。亦與上文佛性名爲第一義空。空名智慧等。義甚相應。私謂。章安依經具知佛性遍一切處。而未肯彰言。以爲時人尙未信。有安示其遍。佛性既具空等三義。即三諦。是則一切諸法無非三諦。無非佛性。若不爾者。如何得云衆生身中有於虛空。衆生既有餘處豈無。餘處若無。不名虛空。思之思之。師子吼下。第三據緣能發因中之果。若都無者何用緣耶。又有五番問答。初番問意。若乳無酪性何用緣因。虛空無性不俟二因。答如文。第二番轉緣因作了因名。問中有三譬。次引乳譬合如文。佛答爲四。一明性即是了因。二明了應自了。三應能兩了。四舉正因爲決。初言性即是了者了本了。其令出若己有性。性自是了何須他了。乳已有酪性性自是了。何須酪湊而了出之。次若是了因下。正言酪湊爲了。應能自了。若不自了何能爲乳而作了因。初若自了者。應能自了而出於酪。不須了乳令乳出酪。若言了因有二下。第三應能兩了。只酪湊自能了出於酪。復能了乳出酪。若有二者下。第四舉正爲決。欲明酪湊能兩了者。乳亦應能作於兩正。自作酪正復爲酪湊作正。第三番問意。前雖四難正執。第三自了了他故。言我共八人者。如數他爲七已

足爲八。此是自數他數。他亦如是自了了他。佛答爲二。先破執二示正義。初破又二。初破若爾則非了因。次何以故下釋。夫智能自數己色。復數他色。色不能自數數他。了因如色何能自了復能了他。別有一法自了了他故言了因即非了因。一切衆生下。第二示正義。欲明非本定有藉緣能有。第四番更復轉難還引佛言。明有乳有酪故知是有。佛答爲二。先汎舉三答。轉答即隨問答。默答即置答。疑答即不定答。後正用轉答如文。師子吼下。第五番不許當有之說。故設此難問爲二。先仰非次正問爲三。法譬合。佛答爲二。先譬次合。譬爲四。一明過去有。二明未來有。三重明過去有。四重明未來有。未來有即是當有。答問即足。而復更明過去者。當由異部不同衆計非一。薩婆多計三世皆有。曾有當有正有。曇無德計過去未來是無。唯現在有爲有。已上破有竟。今若用之。但是假名隨俗之用。且法王所爲。豈可以人情測。前云種橘芽甜熟酢。後之酢味本在前甜。證過去有。今時此橘初酢後甜者。或是國土物異。或是取爛熟時爲後。此時味酢。衆生佛性下合譬。正明當有即衆生當得。師子吼下。第四據正因執有。凡四問答。初番又四。一法二譬三合四結。初法中言正因佛性者。即中道正性。尼拘陀下舉譬又四。一正舉譬。二旁舉譬。三合譬。四猶如下。以譬帖姓爲難。難意。若尼拘陀子無樹性者。云何得名尼拘陀子。應名佉陀羅子。乳無酪性亦不名乳。應別生餘事。佛性亦復下。合

佛答爲二。初舉八事不可見。尼拘陀子若有樹性何故不見。次若言細障下。更破二事又二。先總非。次何以故下正破。破中又二。先破細大破障。初破細者。夫樹相甚龜何得不見。若本細者後不應大。後若大者初亦應大。次破障者。若尼拘陀子障尼拘陀樹不可見者。障常應障常不可見。第二番問答。問中還舉兩因。了因了無正云何無耶。良以了細成大所以可見。佛答有五重。一明本有本無皆不須了。若尼拘陀下。二舉非果爲難。難於本無。尼拘陀子本無尼拘陀樹龜相者。亦無佉陀羅之龜相。何故不生佉陀羅樹。若細下三難龜應可見。四舉燒相爲並。若樹樹本有性後生樹者。亦應本有燒相後時可燒。子性被燒不應生樹。五更取意破其先生後滅。文舉一切法生滅一時。且就尼拘陀子生滅一時者。云何先生而後方滅。既生滅一時。遂得先生後滅。亦應先滅後生。第三番問答。舉非因爲問等是無性何不出油。次佛云。亦得出油。壓子汁出汁即是油。第四更問。亦應得稱爲胡麻油。佛答隨緣各異受名不同。不得名麻油。得名尼拘陀油。衆生佛性亦爾。衆生中有佛性。草木中無佛性。而有草木等性。師子吼言下。第二破因中無果執既非外義。唯一番問答問爲三。一領旨。二正難。三結歎。領旨仰非者。領無果之旨不復致疑。因中既其不待有果。衆生之中亦無佛性。此義可信。衆生即執定無爲實。既其定無不復得言一切有性。故云是義不然。不然者豈非執無。何以故下。



第二正難又二。先難次答。初文凡作七番。一據業行。二據斷善。三據發心。四據退轉不退轉。五據修萬行六度。六據退萬行。七據僧寶。初就行業爲難者。人天無性但有業緣。五戒得人十善得天。天得作人。人得作天。菩薩亦爾。但以業緣而得成佛。非謂佛性。次就斷善作難者。若衆生有性善。不可斷墮於地獄。以佛性力應止地獄。夫佛性是常。常何可斷。既斷於善。即知無常。若無常者則無佛性。三據初發心難者。若本有性應本發心。心既始發知本無性。又佛性無發則非性。四據退不退爲難者。若本有性不應退。只應阿毘跋致。唯應不退不應有退。既其有退。知無佛性。五據萬行難者。若本有性何須萬行。修萬行者知無佛性。六據退萬行爲難者。佛性是常何得有退。既見三惡而有退者。知無佛性。七據三寶爲難者。如佛所說三寶是常。僧既是常只應常住。何得進修令後成佛。進修則無常無常故無性。何故云一切衆生悉有。次佛言下正答七難。但不次第。第一答第一業行問。第二答第三發心問。第三答第六退轉萬行問。第四答第二斷善問。第五答第五萬行問。第六答第七僧寶問。第七答第四退不退問。此答第一問。止有八字具答。問意舉人天由業不關佛性。亦應由業致佛不關佛性。佛答人天不須佛性。只由於業致有往反。不關佛性。佛性常故作佛亦常。知有佛性。汝言下第二超答第三發心。先牒問次正答。汝言何故有退下。第三超答第六退轉萬行。明實無退

只是遲得謂之爲退。而不答萬行。爲下答可酬之。此善提心實非佛性下。第四追答第二斷善問。明善提心非佛性。闡提不發善提心。而佛性不斷。善男子汝言下。第五答第五萬行之問。爲二。一正答二更取意難。前無此言。一解云。前應有此問。翻者脫落。二解云。本無此問。直是取意。善男子汝言僧寶下。第六答第七問有四。復次初有二種和合。次十二部經和合。三十二因緣和合。四諸佛和合。皆明僧常。乃是一體之僧。非今事僧。善男子汝言衆生若有佛性下。第七追答第四退不退問。文爲二。先牒問。次正答其難。云若有佛性。豈合跋致阿跋致異。答文爲四。一明退轉行。二明不退願。三雙明退不退兩人。四重明不退行。佛答意者。不關佛性有退不退。只由志願強弱不同致退不退。雖退非失遲得名。退。初論退行又爲四。一明十三法。二明六法。三明五法。四明二法。初十三法如文。次六法中有營世務者。出家學道經營俗法。巨有所妨。言俗法者。真修之外皆名爲俗。春秋中。臧文仲有三不仁。使妾編蒲席賣爲外邦所彈。曰汝國之大夫失德。與百姓爭利。俗人尙誠貪。況驅馳馳販。必應休道。設使彈詞何足以言。又句句應論觀慧。文煩不書得意自在。夫觀解者。非但執來運斤名爲俗務。坐馳五塵六欲即是世務。又專念空無相願亦是世務。又念蒼生塗炭慈悲慰拔亦是世務。若能無念念於無念。非念非無念。一心中覺方非世務。私謂。如大師釋經。句句之中依文消竟。即

句句觀解於文非要。但爲法行者隨語起觀。故處處明。二云何下第二明不退之願。願作心師有二解。一云。只是前後兩心。前心起惡後心隨流者。此非心師。前心起惡後心能止。是則心師。二解。以假人制心不隨心作。所作假人人是心師。今明太近。上文云。諸佛所師所謂法也。心緣於法。法爲心師。深淺自在。善男子不可以下。第三雙明退不退。兩人正酬其問。有譬有合如文。師子吼下。第四重明不退之行。先問次答。通論六度皆是不退之行。今趣舉三十二相業。約求佛心。便上文明百福成一相。今文或一業成一相。或多業得多相。此就相似因果爲語。一業一相多業多相。示因果不差。佛實有四牙。而文但二牙者。二牙大二牙白。兩白爲一。兩大爲一。故言二牙。又一解。若論牙則有四。若論邊則有二。今明二邊牙故言二牙。善男子一切衆生下。第三結歎佛性。此文具五種佛性。衆生即正因。諸佛境界即果性果果性。業果即了因佛性。即境界性。又一解。衆生是正因。諸佛境界是境界性。業是了因性。果是果性。果果性後佛性是總結章耳。又一解。一切衆生明凡夫。諸佛明聖人。業即是因性因因性。果即是果性果果性。佛性即正因性。下總結四法即指此爲四。皆稱不可思議者。不可以定相取。即一性是五性。五性即一性。非一五性而一五性。不縱橫不並別。如是乃名不可思議。若得此意。望上兩番破義。無性即有性。有性即無性。非有性非無性。而有性而無性。即是非內非外。雖非

內外而不失壞。名諸衆生悉有佛性。若失此意。全非祕藏之宗。文理抗行焉釋涅槃。文云四法者。衆生諸佛境界。果是爲四法。文云衆生煩惱覆障故常者。只名此爲常。以其煩惱起故是常。又一解云。只衆生中有佛性之理。是故名常。今謂此解淺近常義亦不成。衆生煩惱障覆即是常者。衆生是生死。生死即涅槃。煩惱即菩提。既言即是事不是常。問果果了因萬善如何是常。一解云。能了佛性故云是常。今謂此不然皆不可思議。不可思議故常。明文在茲何勞餘解。不可思議故常。此是圓義。無常覆障破無常已得受樂故。此是別義云云。

大般涅槃經疏卷第二十五

大般涅槃經疏卷第二十六

隋章安頂法師撰

唐天台沙門湛然再治

師子吼品之三

起卷第三明縛解。衆生雖有佛性。爲惑所覆不能得見。須修萬行解生惑盡。佛性理彰故明縛解。文有五番問答。初問答中初問爲二。先領旨唱無。次是五陰下。生滅爲難。若正性不生不滅故無縛解。緣性念念不住。又無縛解。此惑體性即起即滅。云何此惑能縛衆生。既其無縛即亦無解。有法有譬有合。答爲二。初誠許大正答又二。初明縛後明解。就初縛

爲三。一死陰二中陰三生陰。就初死陰中三。有法譬合。初法如文。次譬中云。日既西沒。雖殘光東照終不歸東。人命將盡。雖有餘氣終不更生。此陰滅已彼陰續生。此乃即死即生。衆生下合又二。先正合。次如燈生闇滅重更引譬。次如蠟印印泥下。第二明中陰又二。先譬後合。蠟譬死陰。泥譬中陰。印滅文成者。譬死陰若滅中陰即起。文非泥出者。此身非是中陰所出。又非無因亦不餘來。藉於死陰而得現也。不可求其處所。但因緣故有。問亦有不受中陰者不。答通論皆受。如大理獄責定行刑。中陰亦爾。嚴定善惡惡墜善升。若有別從猛利善惡。如五逆者徑墜。十善者徑升。積善離手遂到彼方。則不論中陰。現在陰滅下。第二合譬。初正合次二眼三食。初又二。初正合次舉譬帖合。二料簡二眼三食者。自無搏食既是改報。寧得有飯而搏。既有想陰則有思食。有身故則有觸食。以有意故則有識食。俱舍中廣明中陰等。古人有四食章等。於此非要。父母交會下。第三明生陰。通論六道並有生陰。且就人道。初明起三煩惱。次明具四顛倒。所以爲縛。不得離言念念滅故無縛。三煩惱者。一愛二瞋三謂己有。此是我見亦即是癡。是人若得下。第二明解又四。初明近聽思行。皆如文。師子吼言空中無刺下。第二番先問後答。初問又二。初作逆喻舉空中無刺。後舉陰無繫者。云何繫縛。上德王云。心本無貪。云何貪欲能繫於心。即是此義。答爲二。謂法譬。初法者就理爲論。謂續故不斷。壞

故不常。不斷不常非縛非解。若未達斯理即有縛解。舉屋舉拳。約掌合時論縛。掌離時論開。本不合時論不縛不開。繫縛等三即此意也。縛即論假。脫即論真。不縛不脫即論中道。乃是三諦相即之相。師子吼言如眼下。第三番先問次答。此問隔前答文作難。前云名色縛衆生衆生縛名色。名色只是衆生。云何自縛。如刀不自割。故後復難。若其衆生只是名色者。還是名色縛於名色。云何名色能縛衆生。答如文。師子吼言若有名色是繫縛下。第四番問答。問如文。答中有法譬合。初法說中。羅漢子爛故無縛。報在故有縛。而言未見佛性者。大乘望之子果俱縛。小乘不爾。次譬合如文。師子吼言燈之與油下。第五番亦先問次答。初問意者。佛前言燈喻衆生油喻煩惱。今難此語有兩解。一云。燈覺衆法。明油器等共成一燈。明名燈明器名燈器。二云。明與油異。正取明爲燈。燈是火性油是濕性。正取後意爲難。燈之與油二性各異。衆生煩惱本來不異。云何爲喻。佛答爲二。初舉八喻。後合燈喻。八喻爲二。初列章次解釋。從小向大爲順喻。從大向小爲逆喻。現者取現事爲現喻。前逆順亦是現事。除逆順邊取餘現事。非者都非其類。先者先喻後合。後者先法後譬。滯此是帝音。滴此是的音。先後可解。此中應作養音上。看下爲養。下看上爲樣音。遍喻者盡其始末。師子吼言衆生五陰下。大段第四明修道。既其有縛云何得脫。故論修道而脫其縛。文有四問答。初明道可修。二正明修道。三修

道之用。四勤修。此四次第者。諸法雖畢。竟空而道可修。是故正修。修能斷惑。是故有勤。初番有三問答。初問五陰衆生人法皆空。何故有修。佛答。諸心念念相續不斷。雖念念滅。煩惱連接。所以有修。是故第二更問。心念念滅。何有修道。佛答。雖念念滅。得論修。如燈雖念念滅。而能破闇。汝言念念滅下。更復取意解。汝言無增長者不爾。後學六譬皆明有增長。如文。第三番問。更顯前六譬爲難。雖念念滅。而能破闇等。修道亦爾。初雖未圓。久能破惑。師子吼承此更難。如初果人善法五陰。亦應相似。相續生淨國土。那忽至於惡國。生殺羊家。佛答。雖生惡國。不失名者。名謂無漏。無漏恒在。陰則不爾。善陰惡陰由業所得。非無漏法之取招也。故佛答不相似。雖生惡國。不作惡者。由無漏力持故。答中先法兼出六譬。香山譬初身。師子譬見諦無漏。雪山譬惡五陰。飛鳥走獸譬諸惡法。又香山譬善陰。雪山譬惡陰。雪山鳥獸並不放住。譬在善惡兩國之中。皆不生惡法。此關習報兩因之義。習因種類相似。常生終不爲惡。報因牽於異類之果。故生惡國。有人譬須陀洹身。寶產巨富譬見諦無漏斷惑之功。唯有一子者。四果中之初果也。又見思兩道中。唯是見道故言一子。先已終亡者。見諦無漏而不現前。出觀則無。其子等者。思惟無漏因見諦生。故言其子有子。復在他土者。思惟無漏望於見諦名爲他土。奄便終亡者。須陀洹人七生終沒。孫聞是已還收產業者。思惟道中還承接前見諦之功。雖

知財貨非其所有者。見諦無漏非思惟中無漏。無遮護者。見思雖別同一無漏。師子吼言。如佛說偈下。第二正明修道。又二。初明修道。次明修道因緣。初又二。先釋次論義。初舉偈問者。上兩句修道。下兩句得果。能修三品不退得果。三品是因近大涅槃是果。初牒偈問。次一請答。答中三番解釋。初番真偽對辨。次番偏爲破惡。後番偏爲生善。就真偽爲二。先偽次真。初偽爲三品。下一向不能持戒。下中畏於惡道之苦。是故持戒。下上爲度衆生苦惱。是故持戒。此三並偽。今取此人尙不可得。次真者。知諸法空。而能持戒。爲諸衆生而求佛果。果不可得。衆生尙無。況有佛果。名真持戒。次能破十六惡律儀者。此就滅惡更釋三品。魁僧者。舊云。是販魚肉典軍之人。又云。是行杖者。無身三昧者。空定滅色故言無身。無邊心者。即識處定。淨聚者。即不用處。世邊者。非想。此定能知八萬劫以此爲邊。又非想在三界表故言世邊。世斷者。八萬劫外既不能知。便謂爲斷。世性者。即是冥初。是世之本性。世丈夫者。以此定力能見劫初中丈夫。即韋紐天。非想非非想者。即是存亡觀爲定體。修習戒者。爲身寂靜下。第三就生善釋三品。諸有者。即是三有二十五有。諸界者。即是三界及十八界等。諸諦者。即二十五諦及以六諦。師子吼言。不生不滅下。第二論義。因前修道故見佛性。得菩提涅槃。今難涅槃。及以佛性。凡七番問答。初三番難涅槃。次四番難佛性。初云。若不生滅。爲涅槃者。只凡夫人亦不生

滅。應是涅槃。凡人一期從生至老不更生故。故名不生。而復未滅。亦是不滅。此不生滅。是涅槃不。又云。若以三相中生相爲難。只此一念生已生。故故是不生。復未滅。故故是不滅。是涅槃不。答中先印述之後解。既非涅槃爲始終故。亦須更通上之兩解。成始終義。初生爲始。命盡爲終。一念三相生相亦爾。初起爲始。念滅爲終。世尊下第二難。明生死法亦無始終。十二因緣輪轉不住。何有始終。佛答者。生死之法。有因有果。十二因緣輪轉不住。過去二因。現在五果。故非涅槃。第三番難。明涅槃之中。亦有因果。戒定慧等。能得涅槃。豈非因果。佛答。涅槃有因而非果。又復是果而非所得。又佛性爲涅槃因。復不能生涅槃之果。云云。第二有四番問答論佛性義。初番就共有不共有爲難。先標兩章門。後釋如文。佛答。又二。先法。次譬。初法中言不二。不二。故非共。不二。故非各。雖爾終是一切衆生同共有之。地人云。一切衆生同。梨耶識法界體性。若爾一人得時。應多人得。成論師云。衆生各有佛性。但成佛時。權智齊等。同一法身。力無畏等。亦復如是。若爾佛性可數。即是無常。正當此難。然佛性平等。非一非二。非共非各。亦如今之持戒修行之人。不可一不可異。人人各修。豈得是一。我解彼解。彼解我解。是故不異。又如五種佛性。並不異。衆生等有豈可異。五種不同。豈可一。云云。問衆生於五佛性中。爲具幾許。答盡有盡無。衆生無觀智之了。則不能發境。發境之智。既無。亦無觀境。因既無因。事別

得果及以果果。既無因果云何非因果。盡有者必當得故。從緣現故。故言盡有。今時雖無必當有之。次譬如文。第二番難忍辱草譬。若一者一人修已。餘人亦得佛答。佛性是一隨多人修。各各得之不相妨。第三番問。如多人在路於後為妨。佛性亦爾。前人修時亦妨後者。佛答者如路橋。並是少分。聖道之路則不如是橋等亦然。第四難。天人六道其相非一。云何共有一佛性耶。佛答。置毒乳中。隨其五味毒能遍殺。佛性亦爾。偏一切處云。十六大國下。第二明修因緣。又二。初明道緣。二明道因。初道緣。又三。一處緣。二時緣。三人緣。非處非時非善知識皆不能得。故云待處待時待伴。就處又二。先城處。二樹處。城處又二。先問。次答。問意。言十六大國有六大城。如來何故在此小城。答為二。先詞次。正釋。初詞問者。佛所居處不應言小。舉三譬況。如來世尊是人中之尊。居止之處其處則尊。君子居之何陋之有。我念往昔下。第二正釋。又

二。一報地恩。二驅邪黨。初報恩。又三。一報發心。二報四無量。三報弘誓如文。次驅邪黨。又二。初遍六大城。後明至此降伏。既了邪窮正盡。即寂滅涅槃。六城為六。初即至王城。然外道清亂誘引衆生。令墮三惡。故須來此而驅遣之。又國主有請。佛不違言。故往王城。外道自知其術淺薄。仍奔舍衛。佛因化三迦葉及通慧二人。時彼城中有一長者下。是第二往舍衛逐外道。就文為三。一明往之緣起。二共試神力。正論往彼。然諸外道在王舍城不敢

抗拒。行至舍衛仍求面論。珊檀那者是王舍城人。此翻護彌。祇陀此翻勝氏。須達多者是舍衛人。此翻善溫。問佛名聞十方。須達亦是六大居士。何以聘婚夜宿始聞佛名。答初非不聞。孟浪飄瞥。今道機時熟。聞則毛衣遍豎。

師子吼品之四

起卷是第二至城共試神力。文為三。一試緣。二正試。三衆益。初又四。一求試。二王不許。三重求。四王許。所以求者。前於王城已被斥逐。今復更來舍衛城中。聲名失利不可容忍。訴王求試。就初為二。褒美於王巧言令色。二貶挫於佛動容劇謗。年既幼稚。佛既三十成道。于時只可年三十餘。苦行止六年而已。故言學淺。真實不生王種中者。彼言佛是幻化必非王種。劫奪他人父母者。佛教令人離俗出家。即是劫奪父母之兒。亦是斷他父母子胤。不許妻娶。亦是劫奪他家父母云云。王言大德下。二是王不許。六師答言云何無妨。是第三重求。王言善哉下。是第四王許。王雖私許。又須咨佛。佛言善哉下。是第二正試。又二。初命王多造。二正現神變。如賢愚經云云。三時衆得益。此中不明交論往復。直爾示於希有奇異。外道觀變自知不逮。仍奔至於婆枳多城。問何不交論。答三輪之中。宜神通輪當是時也。時衆及以外道徒屬得益。其外道師猶未信伏。爾時六師內心下。是第三佛復向彼城。問佛有大悲不惱衆生。云何處處追逐六師不得停足。答欲摧異見救無量人。令出邪濟除生死縛得大涅槃。此非哀憫更以何等

為慈悲耶。於是六師復相集下。是第四向毘舍離。如來復往為菴羅女及離車等。種種說法。此即耆婆之母瓶沙夫人。既有麗色。誠諸比丘觀身念處。次為離車。說不放逸破其憍慢。國法每選智能為主。餘者參議。是故翻之為邊地王。亦云傳參國事。是時六師下。第五復至波羅奈城。六師聞已下。第六復至瞻婆城。爾時六師周遍六城下。二明至拘尸皆被追逐不知何去。正言拘尸陝小且自保而住不意佛來。就此文為三。一邪教。二正教。三邪正論義。初是外道至拘尸城。廣談佛過。令人起邪。文云。母既是幻子不得非。此有何意見。言之。人之生法自有常儀。何因乃從右腋而生。豈非幻母而生幻子。二佛至說正撥邪。歸正則邪正各行。爾時六師復作下。第三邪正合論。凡七番問答。前六番正論。後一番降伏。此即初番。先立邪義。以見者為我。即十六知見中。一佛破有三。初令六根俱用。其上舉向為譬。今還難之。人在向中見色聞聲俱取六塵。汝以我在眼中只能見色不能遍取諸塵者。當知汝非。次令老少不殊。如在向中。乃至一百年見外分明。我在眼中百年見物亦應分明。若老我在眼不及少者。何得用向而為譬耶。第三令內外俱見。人在向中內外俱見。我在眼中何不見內。六師復言若無我者下。第二番進問此非正難。為前難甚故更問我。佛言有色下。答又三。一示因緣。二破邪我。三結正我。此即初示藉諸因緣而得見色會非我。但橫見言有。六師若言下。第二破其邪我

又三。初標唱不然。次何以故下別出諸過。我以自在爲義。只應唯作婆羅門種。何故復受六道不同。色既無我。受想行識悉無有我。以無我下三結過。六師如來下。第三結示正我又二。初略示。次對辨。初文意者。前既破色受等無我。其即更問如來爲是色等已不今懸取其意答云。如來我者無復色縛。亦無受想行識之縛具於四德。汝所言我不免四縛。次更結。亦與外對辨。外道言我從因緣故。是故無常。如來我者。非因緣得故常樂我淨。六師言瞿曇下。第三番外道改宗。或云部別。以偏一切處爲我。不取色爲我。佛言下如來破之有。二意。初直就遍破。後更就一異檢。初文又兩。復次初復次責遍。我既遍者。不應初不見應常見也。次責我遍者。應遍五道何故畏三惡道。爲人天身持於戒善。次就一異者又二。初先唱兩章門。次一一釋。就一責如文。就多責者。一。一身中各有一我。我是自在。云何利鈍愚智不等。瞿曇衆生我下。第四番外道重救。我則是一。又亦恒遍。衆生修業自有差別業果不同。佛破云。我既遍而且常。豈得善惡迭謝。便應罪福俱有。故言行惡應有善。行善應有惡。若不俱有即是不遍。又我是自在應善惡自行云云。瞿曇譬如一室下。是第五番外道復救以然燈譬。雖同一明而燈體各異。我終是遍但善惡用異。如一室中然百千燈云云。佛破又二。先唱不然。次三種破。一從緣破。二就明出異處破。三就明開共住破。初破云。汝燈譬於法明譬我者。明由於燈。多油炷者燈

則明盛。若爾我由於業滅我死。業既陝小我則不遍。第二責處者。明從燈出。若爾者我從業出。則業有我非我有業。第三明初燈時與闇共住。若爾汝之常我。皆應在於無常我中。無常之我亦應在於常我之中。瞿曇若無我者下。第六番外更請問。佛答又二。一破邪我。我既是常云何能作。常何有作。設令有作何不作善而或作惡。既善惡不定則無常也。次明正我。即是如來常住無闇。第七一番外道歸伏如來結章如文。善男子以是因緣下。第二明樹處又二。先結前生後。次正明處。初如文。東方雙者下。第二正明樹處爲三。一表理。二護法。三法味利益。初表理即四德。何意以東譬常無常等。一解云。趣取一事無的所在。亦可以東譬樂無樂。二河西云。二株枯乾表應化身滅。二株敷榮表法身常存。然菩提樹。亦一飢生一飢枯。至佛法滅二株皆枯。若爾何必定破常無常等。然佛隨緣化應有所以河西云。東方雙表常無常者。外道所事大自在天在東方住。教行於西。今佛法常破其無常。故言東方雙者表常無常。南方表我者。南是右方右手作便。譬我用自在。西方表樂者。西方行佛教即得樂。表佛法樂。北是淨方又是出家之處。故表佛法中淨。又云。自在天面向東。則右手在南。皆是爲破外道四倒。表佛法四德。故作此配。此中衆生爲雙樹故下。第二護法。先舉事後明理。事者佛在樹下入於涅槃。四天王常護此樹。不令外人侵毀其枝葉。昔召伯治理有善政。常聽訟於小

棠之下。及其既沒百姓思其仁愛其樹而作勿剪勿伐之詩。況復如來娑羅樹耶。從華果常茂下。第三明法味利益。先譬。次合釋。華果者。華敷嚴飾見者生愛。譬法身湛然常住無變。故用華表我果表樂者。其味甘甜色香具足。見聞嗅觸嘗食遍樂。法身亦爾。一切衆生皆同此樂。師子吼言如來何故下。第二時緣又二。初二月時。次十五日時。前二月時有問答。答爲二。初舉喻明事。次合譬明理。初文者。若依夏時即是二月。若依周時即是四月。衆生悅時皆保常故。破著悟道。又云。六時中者二解。河西云。外國二月爲一時。年有六時。是則春夏冬三時各有前後。金光明云。若二二說足滿六時。三三而說一歲四時。今此正取二二足滿六時。招提云。舉春冬兩時各有孟仲季故言六時。文中舉孟冬對陽春云云。言二月者下。第二合譬明理。二法身者即是真應。河西云。常身無常身俱爲照世。果喻四果。一云。是小乘四果。大能兼小故也。二云。是四德。師子吼言下。第二明日時。亦先問。次答。問者長阿含說。八日出家八日入涅槃。此云。十五日蓋由感見不同。亦是如來身密自在。次佛答爲二。初就本。次就迹。初本者。欲明妙本圓極故。以十五日爲譬。如十五日下午即是就迹。師子吼言何等比丘下。是第三明人緣於中又二。先出人。次論義。初明人中有問答。言莊嚴者。此人具德具行多知多見。巧示巧說故能莊嚴雙樹。亦是德行具足堪可依憑。故得是緣。佛答爲二。初明因中六人。六人者。

或是略說或是物宜。或是對上六師故舉六耳。問何不取菩薩莊嚴雙樹。答菩薩游化無定不常隨佛。此六人者常隨侍佛。得是人緣。又此比丘即是菩薩云云。文云。身子聞涅槃不憂。聞常住不喜者。阿含中云。身子聞佛欲涅槃不忍見佛。去世乃前人滅。云何言聞涅槃不憂。佛答中述其德果。知正是菩薩之義。不可作小乘意釋。若有比丘能說下。第二明果人。即如來是前出人竟。次惟願下是論義。有三番問答。初雖非正難亦得稱問。佛言下答爲二。先明本。次辨述。本爲兩。一略無住。二廣無住又二。先法。次譬。初法中二。先釋住。此釋無住於中。云名虛空者。妙體非有故言虛空。金剛三昧即是如來者。舊解云。十地窮學乃未是佛。相續道中轉金剛心即名爲佛。今依此文云是如來。此名通於因果。例如首楞嚴通因果。檀波羅蜜等者。非謂六行能成於果。上文云。六波羅蜜滿足之身。道品亦然。譬如虛空下。二就譬說無住又二。先譬。次合。初譬。如文。次合中反以差別簡空。空即無住。於中云。六住菩薩煩惱因緣墮三惡道者。或言六心或言六地。私云。恐是六地。善男子如來今於此下。第二明迹。方便道中還歸寂定。衆生不見謂佛入涅槃。師子吼下。第二番問答。如來何故不常利生而入寂耶。佛廣答其意。不共法藏者不與二乘人共。其中或爲滅惡或爲生善。即四悉意須入寂定。師子吼言下。第三番問答。問云何名涅槃爲無相耶。佛答爲三。初直明十無相。次明有相之失。三明

無相之得。師子吼言何等比丘下。第三明修道之用文爲三。初明三法。次辨二法相資。三明力用初文前略問答。後廣問答。略問答如文。然三法不同。若聖行以戒定慧爲三法。今文以定慧捨爲三法。定慧爲正捨是調停。而言時時者非專一品。應時時調均令得自在。師子吼言云何名下。第二廣問答。問中二。初通問云何爲定慧捨相耶。次別問三法爲二。初廣約定問。次以慧捨例。初問定爲三初據本有。次就一境。三就一行。初本有。中言皆有。謂一切衆生皆有三昧。數師明。十大地中有三摩提是定數。此定本有何須修習。河西云。取造事心專。不必十大地中定數。次心在一境者。若但行一境爲定者。更復緣餘便非是定。若不餘緣云何得名一切智人。三就一行爲問者。若一行是三昧行。餘行時即非三昧。若不行餘行非一切智。次慧捨二事例亦如是。問佛答中。先答別問。次答通問。先答別問中二。先答定。次答慧捨。先答定中前問定有三。今先答第二問。以第三問例。次追答第一本有之問。今初第二。云如是餘緣亦是一境。謂心專一緣此是定境。以定緣之無境不定。非謂猶是問境之一。蓋是定心緣境非是散心。以定一於一切。名一切智。若是散心緣境爲境所牽。若定心緣境設改緣易觀。非境牽心故得是定。行亦如是者。即兼答第三一行之問。若以散心而行諸行。行牽於心若以定心行於諸行。令諸行一。又言衆生下。追答第一本有之問。善三昧者不取大地。通三性

定乃取善修之定。次以往如是下。答慧捨又二。先答其慧相。不見三昧慧異答其捨相。復次若取色相下。第二答前通問文爲四。一略標三法體。二釋三法名。三更廣三法體。四明功用。初略標體爲三。先標定體。言取色相者。非定執色相之心。乃是禪定門戶入住出相。不能觀色常無常者。正作靜攝不作照知故不能觀。次若能觀色下。出於慧體。常無常俱照故非偏慧。三三昧慧等下明捨體。二事合調故云平等。又三。先法。次譬。三合法如文。次譬者。偏定是遲偏慧是疾。二法均平故以駕馴爲喻。三菩薩亦爾下合。合中云。十住菩薩智慧多三昧少者。河西云。十住進求勝地。方建大乘嚴土化人。智用偏起故不見性。二乘自調自淨志求證得。定多智少亦不見性。於二平等則能見性。今明入空多則是遲相。入假多是疾相。空假雙亡是平等相。能見性者是別教意。即空即假即中乃不遲不疾。是善駕馴即圓教意。乃能見性。奢摩他下第二釋名。先釋定名。一本云陀。亦云舍皆梵音輕重翻名不同。一翻爲止止息惡緣。或名爲定。此名多訓故留本音不可偏判。毘婆舍那此翻爲觀亦云見。愛畢差翻爲捨相。亦平等不爭等。奢摩他有一種下。第三更廣三法體皆增數辨之。初廣定中增至十法。能大利益者。百論云達分三昧。因果俱樂者。河西云。謂佛所得定。入出自在始終常樂。念覺觀者。善惡覺觀俱是過患。觀生滅者。人多於生滅起斷常觀。十一切處者。但列地水風不明火者。有人

言。經本誤失火字。河西云。行人觀身內四大。非觀外四大。身內三大顯。骨肉等是地。洩唾等是水。氣息是風。此三顯現。火大劣有少煖。所以但三。而言不用處者。明自下地至不用處。招提云。火大不恒假薪而有無薪不發。三大恒有所以用之。不用處者。明此觀成窮不用處。故數爲一。慧有二種者下。廣出慧體般。若正是慧。毘婆正是觀亦名見。闍那正是智。釋般若云。名一切衆生者。顯般若是慧。能知一切衆生數故。又釋毘婆是總相。亦言是三昧。所以三昧慧能總知也。常陰解云。慧是不癡故在凡夫見名小。勝故在聖人智是決斷最勝。在諸佛別相總相破相。亦據優劣。與皇云。凡夫分別是別相。二乘聖人總。前諸法無常是總相。諸佛菩薩皆破此。故是破相。今明不然。斯乃論一心三智。破相是照空。別相是照假。總相是照中。三智一心中得論。不思議慧。不云捨者異體非故。四功用如文。

### 大般涅槃經疏卷第二十六

### 大般涅槃經疏卷第二十七

隋章安頂法師撰

唐天台沙門湛然再治

師子吼品之五

起卷是第二明定慧相資。亦是相即亦應言捨。但是略耳。又捨無別法。定慧均平即名爲捨。文中先問後答。問意云。慧能斷惑何須用定。舉偏別之難。以祈圓融之說。初師子吼引

佛經爲難。果知不破外人。亦非破問者。只是破佛爲緣之經。佛經不出四教。觀此義意。正用圓破別。別既被破餘例可知。次佛答中初文爲兩。初總破。次別破。初總中總明。是義不然。何所不該。若邪執若小教。若共教若漸次。皆墮不然之中。但是治內之流滯。非破外之開邪。次別破爲二。先以法料簡。後示圓融無方定慧。於初文中爲七。一約無異。二約無有三約無所。四約無缺。五約無動。六約無能。七約無作。初約無異破者文爲二。一論體同。次舉譬。譬體同也。何者惑者咸謂煩惱與智慧其猶水火怨賊。須修智慧故破煩惱。自別教已還莫不如此。故師子吼挾此設難。祈於異聞。佛以圓破別。何者智慧何者煩惱。蓋是法界之解惑。解惑同體無二無別。若惑時舉體是惑惑外無智。若解時舉體是解解外無惑。經言煩惱即菩提。菩提即煩惱。又經言。出法性外更無有法。出外有法即非法界。若然有煩惱時則無智慧。何所論破。若有智慧無復煩惱。復何所破。而言智慧能破煩惱。故舉明時無闇闇時無明。喻此圓法。斯理斯文彪炳灼然。不應餘解。從誰有智慧下。第二約無有以破文爲二。先責人法。次結無破。初文者。自三藏已上別教已還。不能法界圓融虛已忘物。二乘猶存我我我鉢。菩薩則嚴土化人。彼我雙存智斷俱證。此則有誰不得無誰。佛以圓法責之。只此智慧是煩惱。誰以煩惱斷於煩惱。只此煩惱是智慧。誰以智慧斷於智慧。尚無煩惱斷於煩惱。何得智慧斷於智慧。

是故結云。如其無者則無所破。從善男子若言智慧下。第三約無所以破文爲二。先雙明不到。次雙結無破。何者智慧是法界。縱令出法界外有煩惱。用法界內智慧破外煩惱。爲不到彼所能破。爲到彼所能破。若不到彼所能破。凡人不到亦應能破。若到彼所即能破者。爲初念能破後念能破。若初念不能後亦不能。是故結云。到與不到若能破者是義不然。法界之外更無復法。是故無所。從復次毘婆下。第四約無缺以破文爲二。先約法正破。次舉譬。初法意者。智慧是法界。圓滿具足無有缺減。智慧即是戒定等而無有異。那忽法界外而猶有伴。共破法界外之煩惱。既無伴破獨亦不能。故舉盲譬。若獨若伴俱不見色。若獨若伴俱不見色。從善男子。如地堅性下。第五約無動以破。文爲二。先舉類破次結破。如四大性不可動轉。更無一物改動四大令失本性。煩惱亦爾。與智同性。智性自斷煩惱之性亦自是斷。云何以斷能斷於斷。次結文云。毘婆舍那決定不能破諸煩惱。從善男子如鹽性鹹下。第六約無能以破文爲四。前奪次縱。三更奪。四復縱。初舉鹽蜜轉他同已即奪。智慧不能如鹽蜜。不滅之法。智慧不能強令其滅此奪。智慧無斷惑之功。次若言下引鹽能鹹者。縱於智慧能滅他者。智慧自念念滅。豈令他滅。如溺人自沈何得浮他。三善男子有二種下更奪。正以性滅奪之。智是性滅不能令煩惱滅。四若言智慧能滅下。復重縱之。舉火燼斧伐求其滅處不可得也。前一



縱奪。明無常苦空及緣修等智慧。自是無常何能斷惑。歷然可見。後一縱奪。責不見能斷所斷方所。此破法界外別有於惑。為智所斷何以不見處所。如火燼如斧痕。既無燼痕則無惑可破。既其無惑。智慧破誰。用圓破別文義明矣。從善男子一切下。第七約無作以破。亦呼此為總結於前。此中明一切諸法性自空者。誰令生滅。無造作者。那得智慧破於煩惱。若修習定下。第二示圓融無方定慧。皆是法界。非但慧能斷惑定亦斷惑。文為四。一明定慧相具亦具一切法。二明定慧相即即寂能斷即斷能寂。三明定慧名相。四明自在適時。開此四科即四悉意。定慧具足三菩提即第一義。即寂能斷即對治。定慧名相即是世界。適時利益即是為人。就初定慧相具文為三。一即定具慧謂正智見也。二定具世間生滅無常等法。引證是也。三具三菩提是也。定為法界包含既爾。慧捨亦然。次菩薩具足二法下。明定慧相即若言相資此義則疏。又為二。初即定而慧。次即慧而定。初文中凡舉八譬。即定而慧妙能斷惑。次復調攝五根去。明即慧而定在危而安處損能益。云云。初譬如刈菅草者。字音義。詩云白華菅兮。又云無葉菅。爾雅云白華野苻。郭璞云茅類也。甘鍋者。鐵金之器土釜也。字當作鐵。並音戈。而言甘者謂口飲也。次文又二。先正明。次善男子下明功能。並如文。定相下第三明名相者。無名而名。緣一實相而言三相。約三相立三名。名相皆是法界具一切法。定無定相故名空。慧

達清淨法故無願求。捨無能所故有無相。若有菩薩下。第四自在適時巧用。文為二。先唱時非時。後更問答。答中明三法時非時。即是自行四悉。受樂等生慢宜修定者。此巧用為人。精進等起悔心宜修慧者。此巧修對治。二法平等宜修捨者。此巧修第一義。起煩惱宜讀誦六念者。此巧修世界。經云。修習三相以是因緣成無相涅槃。既言因緣即是巧修悉檀。以為因緣成大涅槃。又宜修於定即是有門。宜修於慧即是空門。宜修於捨即非空非有門。宜修十二部六念等即亦空亦有門。從四門因緣成大涅槃。復應巧作化他四悉。不能煩文修者須具云云。善男子若有菩薩修習下。第三修道力用文為二。初明感樂得涅槃。後明離苦轉障。初文又二。初明得涅槃。次論義。論義有兩番問答。初問躡修三法能得涅槃故問其相。文為二。初牒無十相名大涅槃。但因答竟。此旨已領未解其餘。更以十法為問。開善取此諸結火滅名為滅度。以翻涅槃。莊嚴取離諸覺觀名為涅槃。以彈開善云。子縛盡名滅度。果縛盡名涅槃。云何取子縛之文。翻涅槃之果。開善救云。具在外國子果縛盡俱名解脫。有餘無餘二滅俱名滅度。而出經者巧互其詞。以子縛盡有此音為滅度。果縛盡存彼音為解脫。然此中十答。皆答涅槃之圓德。兩師各執一句而起於爭。此是因於解義而起煩惱。又同觸象云云。師子吼下。師子吼重問。已聞十義未知修者。為修幾法得涅槃耶。次佛言下佛答答意者。向之十法但是

涅槃果。果之異耳。若欲修行復具十法。於中三。標釋結。師子吼言如佛先告下。第二明離苦轉障又二。先明所轉之業障。次明能轉之治道。初有二番問答。初番明業不定故障可轉。次明業不定故障可修。初問答為二。先問善業。次問惡業。初問善業為五。一明無窮。二明必定。三重無窮。四重必定。五舉況結問。初又三。一語端。二領旨。三結問。初告純陀者此欲設問之由。漸如佛下領旨。施畜生百倍闍提千倍者。畜生前因惡今報卑。闍提取前因善。今報勝故有百千之殊。上文殺畜生得下罪。殺闍提無罪。此復云何。答畜無斷善謗法之愆。闍提有此之失。純陀大士下結問。次世尊經中復說下。問必定又二。先領次正問。純陀心重而因勝。此業決定何得成佛。三世尊經中說下重明無窮。四世尊經中說下重明必定。五又阿尼樓跋下舉況結問。次世尊若善果下。第二舉四人惡業無窮云何能得菩提。佛言下答又為二。一讚問。二答。答又二。初緣起。次正答。初歎業力深是答問緣起。然佛十力亦無優降特是。宜爾。又業輕重定不定等難知。餘人不解故稱為大。有諸衆生下。正答又四。一開權。二顯實。三釋權。四釋實。初開權者。為不信人唱言決定。一切作業下。第二顯實。業法不同有輕有重有定有不定。安得一向決定。或有人下釋權。只緣邪者不信為其定說。或重業下釋實又二。先出愚智二人。從一切衆生下。二雙出二轉。智轉重為輕定為不定。愚轉輕為重不定為定。若如

是下。第二番問答。明業不定可得修道。問意有兩。一以惡業不定。何用梵行求於涅槃。二以善業不定。亦何用梵行求於涅槃。佛答此問。其文甚廣。所破疑惑處多。故不可不委。若不曉此一切行不成。是故此文。文相稍長。文爲四。一正明業不定故修道。二明業定有多過。三雙明業定不定。四結不定故修道。初又二。先明不定。次善惡相奪。初又二。先若定者不勞修道。二以不定可得修道。若能遠離下。明善惡相奪。以惡不定故可得爲善。善不定故可得爲惡。若一切業定得果下。二明定則多過。又二。初明定則無修道。次明定故則有多過。就初又二。前略次廣。略中二。初明若定則不須修道。次明若不修道則無解脫。若一切業下。二明廣說亦二。先廣明定則不須修。次若人遠離下。廣明若不修則無解脫。期善男子一切業定下。是第二明業定多有過。又二。初明業定過。次明人時定過。前文又二。初正明有過則應一作善惡業。永受善惡永無息期。次業果若爾下。結無修道。人作人受下。第二明人時定過。又二。初正明過。次結不須修道。前又二。初明人定之過。業若定者。人天六道貴賤好醜。永應常爾。不可改動。小時作業下。二明時定之過。小時作業還小時受。此老亦爾。次業若無失下。結無修道。善男子業有二種下。第三廣明業有定不定。又二。初唱定不定兩章。次解釋。然業有四句。一報定時不定。二時定報不定。三俱定。四俱不定。今合爲兩章。報定時不定時報俱定。同入定章

門。時定報不定時報俱不定。同入不定章門。所以然者。正意皆據報定爲正。定業有二下。第二釋章門。又二。初釋定章門甚多。次釋不定章門極少。止十二字。初釋定門更爲兩章。一報定時定。二報定時不定。緣合則受下。即釋。先釋報定時不定。時不定者。於現生後三時應受。而不受者。此永不受。必時不定。報定者。善惡報具唯待緣合。緣合即受。無有毫差。若定心作下。第二釋俱定。又三。一釋報定。二釋時定。三雙結。初文又三。一明定業。二還復不定。三釋疑證。轉此初正明定。復有四事莊嚴。一信心。二歡喜。三發願。四供養。此據善業四事飾之。惡亦例爾。一信惡。二歡喜。三發願。四供養。惡業。以此嚴於惡智者。善根下。第二明此業復遇緣迴轉。還復不定。又三。一智人轉重爲輕。二愚人轉輕爲重。三結是不定。菩薩無地獄業下。第三釋疑證。轉。惡物情疑見諸聖人而生地獄。豈非業定。故今釋之。實無彼業。但是願力而生其中。爲度衆生故。結云。非現生後受。是果報。所言證轉者。前文雖言愚智轉業未見其證。今明聖人入惡化物。若業不轉則在彼無益。既其有益。當可知轉。其中又二。初略次廣。我念往昔與提婆下。第二釋時定。又二。先釋現報。次雙結生後。現報又二。前明爲調達所弊。是現事。次爲迦羅富所弊。小般若云。歌利。賢愚經云。迦利。釋論云。迦梨。同是一人。梵音不同。忍辱名戒者。次第六度相攝。皆不言忍是戒。今云忍名爲戒者。何也。此是戒忍更互相成。忍若內明戒亦外

淨。於忍只是忍於殺盜淫妄。戒只防此。是故忍有成戒之力。故言忍名爲戒。今明忍爲法界具一切法。不能具說。且舉一端。故言忍名爲戒。說文云。刺者割鼻。別者斷足。善業生報後報下。第二雙結兩報。菩薩得菩提下。第三雙結報時兩定。又二。初雙結。次偏結時。初文者。闡提犯五逆。惡業雖不可現報。復不得受後報。應生報此時報定。文云。得菩提時一切諸業悉得現報者。此時菩薩斷一切惑。無生後報。唯一生在即得佛果。故云得現報。又解。若以一生之言。同於分段則不名現報。以增一品智斷名爲一生。故雖一生仍名現報。一云。只法身佛有此現報。二云。是迹身佛有此現報。即指應身。若業定得現世報下。第二偏結時。定正爲時定。故只得現報不得生後。又修三十二相業不得現報者。以此業難成。必爲佛因。故都無現報。若業不得三種下。十二字。即釋不定章門。對前可知。故不廣說。若言諸業定得下。第四結成不定。故有修道。又二。初結定則爲失。次一切衆生下。結不定爲得。有二種人下。第二明能轉障治道。又三。初轉障人。次轉障行。三明轉相。初人又二。先法說。次舉十二譬。初後二譬有合。中十無合。中十譬中第九譬云。無副軸者二說。一云。乘車遠行須儲軸爲副。擬備折傷。如天子御車有副牛代倦。二解云。此字誤。應是輻軸。若欲乘車須此輻軸。師子吼言下。第二明轉障之行。有問有答。初問中二。先領旨。次正問。問意。何等輕業重受。何等重業輕受。佛答又三。先出

愚智二人輕重不定。次舉六復次。次以十四善男子譬說及多難喻。初文又二。初出人。次法說廣明其相。云身戒心慧者。合束爲言只是戒慧二事。若然修此戒慧能令重業爲輕。無此二事令輕爲重。離而爲語。故云修身修戒修心修慧。身是七支。戒防意地。修心靜攝。修慧者是般若。七種淨戒者。卽七支戒。不修心謂不修三種相。卽是入住出三相。又不能觀生住滅三相無生無住無滅。不修慧者謂不修梵行。梵行中具三法以慧爲正。次六復次者。第一可見第二文中身數者。五陰五根四大等數。下戒者卽雞狗牛雉等戒。又言爲天五欲而持戒者。卽是下戒。邊戒者。河西云。外道五戒非佛法內。內方名中故名曰邊。或言窮惡欲邊。持樂戒者卽是窮於樂邊。持苦戒者卽窮於苦邊。餘四如文。十四善男子中。第二云。火天者。火是火口。若供養之無燒魚肉煙氣至天。天得此氣故是火口。又外道事火以火爲師。又用此火供養於師。以尊師故呼火爲天口。最後難喻中。云兜羅菴者。楊華身者八尺。相者五包也。因者飯食等也。果者過去五戒感身爲果。聚者色陰聚也。身一者總彼假實合成一身。身二者四大和合所得。此身自身。他者彼身。又此身者業力所得。他身者卽遺體。身滅者念念不住。身等者有人觀身與虛空等。又言六道各有身故言等。身修卽所修之法。修者能修之人還是入法。後戒慧例應可解。師子吼言是人下。第三明業轉之相二番問答。初問云何轉輕爲重。後問

云何轉重爲輕。答如文

師子吼品之六

起卷第四勸修文爲二。一舉法勸。二舉人勸。初舉法中先問次答。問爲三。一問佛性力故應同得涅槃。那有六道差別。二問既有佛性應自得菩提何用修道。三問既有佛性卽能吸得菩提。初問先領旨。次作問如文。世尊下第二問又四。一領經。二作譬。三合。四結難如文。若一闕提下。第三問又爲三。法譬合如文。次佛答爲二。初正答。次總結。初爲四。一答同得涅槃難。二答吸取菩提難。三答不須修道難。四重答吸取難。答初有譬合結。譬中先總大意。河邊七人咸備手足。手足雖同而有度與不度。次別列七人。初七人者。前二是外凡。次一是內凡。後四是聖人。外凡窮惡闡提。次將立而退故爲二人。內凡有五方便。同爲一者雖復優劣俱未發異。聖人爲四者。聲聞不侵習。支佛侵習。菩薩侵習復化衆生。佛習氣盡。若不作此解無以取異。上說衆生皆有佛性。衆生何故不同得涅槃。欲令分明更作一河七人不同。此經前後凡說六河。謂生死涅槃河。煩惱佛性河。善法惡法河。兩兩相對。生死論得出不得出。涅槃論得入不得入。煩惱論能斷不能斷。佛性論能見不能見。惡法論能離不能離。善法論至極不至極。此中正明恒河譬生死。迦葉品以大涅槃爲河。河中七人離合不同。此文明七人。後品明七衆生。此中合四果爲一。第四離三乘爲三人。後品離四果爲四人。合支佛菩薩佛爲第七人。至下

當更分別。言洗浴者。譬出家受戒自身清淨。怖畏寇賊者。譬煩惱采華者。二解。一云。七淨華卽是求因。二云。游諸覺華卽是求果。出家應是出河。而言入河者。欲明生死涅槃非迢然別。須於生死中而求涅槃。第一人者下。別列七人。沒卽闡提。過去乏善宿因既劣。現在無信故不習淨。第二人是將立而退身力大者。過去善深今生不修。名不習淨能斷善根。第三人卽是得住以譬內凡。沒已出者昔日經沒。第四人卽是四果以譬四方。四方者下文以四方譬四諦。非今用譬。文云。不知出處故觀方。以昔不知出處故不觀。今知出處故言觀方。又不知大乘出處故取小果。第五人卽支佛。亦云。觀方過於四果。以利根故不取四果。但爲自證故言而去。同畏生死故言怖。第六人卽菩薩。去不住者不住生死。淺處住者心安生死。從其心邊故言淺處。第七人卽是佛。善男子生死大河下。第二合譬。先合總譬。畏煩惱賊合前怖畏。發意欲度合前入河。出家剃髮合前洗浴。身披法服合前采華。既出家已下。第二合別譬七人。初合常沒。卽一闡提。此中略合。有六因緣下廣合五部僧者。二解。一云。五衆向五衆邊更互說過。二云。是五部律。佛滅度後一百餘年育王設會。上座他鞞羅立義。摩訶僧祇大衆不同。分爲二部。後上座部更生二部。謂雪山薩婆多。雪山絕後薩婆多更習僧祇生於三部。謂彌沙塞。曇無德。迦葉道。就婆多僧祇爲五部。如來預見互相是非。大集經亦預指五部。如宗輪論廣

明分部以爲二十。非今文要故不引。第二人下合將立而退。卽外凡人亦能斷善而不同恒沒。第三人者下。此合內凡得住之人。小大兩位俱在中者。豈非通教三人共位。若作別義大乘教異不應同位。文云。信如來是一切智常恒無變。一切衆生悉有佛性。一云。此是三乘。初業不愚於法如勝鬘說。此文多有所關。若信如來常不變易衆生有佛性。則似別義。以大涅槃心修方便行入方便位。下文須跋得果卽是其義。第四人者合四爲一。但斷正不侵習。第五人是支佛。但侵少許習。第六人是菩薩。能侵多習復化衆生。第七人是佛。習究竟盡。爲此義故。分四人之異。此是通義。既具兩文未可專是。今作一種推之。只是通義。俱指分段生死爲河。以大涅槃心發意求度。而有七種差別不同。同有佛性義。同成涅槃義。亦成答問宜作此說。是恒河邊下第三結譬。酬其應同涅槃之間。手足俱備答其佛性是同。習淨不習淨得度不得度。答其不同得涅槃之間。文爲二。初明不修不得非如來答。法譬如文。次明修者必得。舉三譬譬之又二。先譬。次合如文。汝言衆生下。第二超答第三問又二。初牒問褒貶。若能修者必得不疑是故褒歎。若不肯修自恃有性。欲令吸取者故貶之爲非。次譬如有人下。正答中二。初答修者必得故舉汲井喻之。井譬五陰身。渴乏譬厭苦求樂。心井深譬身性理遠雖不見而必有。汲取譬因修見性。佛性亦爾下合如文。次胡麻下譬不修則不得。合如文。如汝所說

世有病入下。第三追答第二問又二。初訶其引經謬。解六住不同。一云。是十住中之第六住。二云。是十地中第六地。此地般若現前有自差之義。佛訶云。我言過病自差者。爲六住菩薩說不爲凡人。示其僻引。次譬如虛空下。正答。凡舉三譬。有人云。此舉世間眼所見空以之爲喻。有取真諦空爲喻。有云。卽是理內非內非外之空。中論云。虛空非有非無非內非外。此譬佛性。次文中云。財物者。財在他方雖不現用往取卽得。譬佛性雖未能見修之卽會。後文中云。造業者。造譬初心。業譬修習。果譬見性。其中有六句。一非內。二非外。三非有四非無。五非本無。今有六非無因出。非此作此受下。二明修者必得。有五句次第釋之。一云。非此陰作業此陰受果。若此作此受則是一陰一卽是常。又不由此陰而有後陰此則爲斷。第二句非字冠下。卽非此作彼受者。非此陰作業彼陰受果。河西云。人作天受者。則有因而無。果有果而無因。有果無因是常見。有因無果是斷見。亦應有彼作此受。無者可解。彼作彼受同第一句。第四無作無受都無因果是則不可。時節和合是第五句。衆生佛性下合譬。初合造業六句。但合五不合非無因出。初合第五句。非內非外合第一雙。非有非無合第二雙。非此非彼下。合第二修者必得感果之相。前有五句今備合。初非彼非此卽合兩句。非彼是合非彼作彼受。非此卽合非此作此受。非餘處來卽合非此作彼受。非無因緣合上無作無受。亦非一切衆生下。

合前時節和合而有。善男子下。第四重答第三問。前問答有法說譬說。今直答譬。初非其問次答初非者。夫磁石不能吸鐵。次何以故下。釋不吸意又二。先釋次譬。初文者。石無心識事能吸取。如薤露無心而隨日東西。芭蕉無耳聞雷出華。皆異法出生能隨能聽。琥珀吸芥亦復如是。安得以此例佛性耶。今釋異法出生異法滅壞者。異法有故異法出生。諸法皆爲因緣所起。因緣於諸法名之爲異。有異因緣便有諸法。故言異法有故異法出生。亦如水土爲芽緣。芽與水土何時有心傾解生法。云我與汝生汝可受生。但有此異緣芽則得生。亦如水因緣故火便盡滅。水火亦無更相傾解我起汝滅。次舉薤露東西向日。豈應有心而作此事。故更爲譬。作譬凡舉五譬。次磁石吸下又一。初還以譬合譬。次衆生佛性下。更以法合所譬之法。卽是佛性文爲三。一明因不吸果。二明佛性無有住處。三廣辨佛性。初文又三。初三合磁石之譬。次舉十二因緣顯無吸之義。無明爲因諸行爲果。乃至生因死果。無明豈能吸諸行耶。亦如佛性不能吸菩提。三有佛下正顯不吸。次善男子若言佛性下。第二明佛性無住處。有法譬合。法可見。如十二因緣下譬又二。先正舉譬。次舉如來帖譬。如來是舉顯佛性是舉隱。次佛性下合譬如文。譬如四大下。第三廣明佛性爲四。一明非當非現而說當有。第二明非卽非離。第三簡邪正。第四廣出體性初非當非現約衆生當得故名當有。有譬有合。然四大無

的一業能感地大。復有一業能感火大。餘二亦爾。但聽業緣總能感得。佛性亦爾。時至即現故以四大爲譬。譬云有輕有重者。風火輕地水重。又言赤白黃黑者此配其色。火赤風白地黃水黑。若配五行火赤金白地黃水黑木青。又小乘中明風無色。大乘明風有色。五行中金在西方主白又主秋。秋氣白秋風蕭颯故言風白未詳。合如文。譬如有王下。二明佛性非即非離。有譬有合。初文中言榮茂根者。爾雅作蘆葦。郭注爲蘆葦。蘆葦爲正。榮象示衆盲者。他作一存一亡釋之。頭足等皆非象亡也。不離頭足等是象存也。佛性非六法亡也。六法之外無別佛性還用六法存也。如此釋者不得出於即離兩句。況得絕於四句離百非耶。此文雙彈即離。非頭足爲象此彈即也。離是無象此彈離也。頭足之中既無有象不可即也。頭足之外既無別象不可離也。非即非離非內非外而得言象。衆生佛性亦復如是。非即六法非離六法。非內非外故名中道。名爲佛性。若取六法爲佛性者。乃是衆盲之佛性。若離六法爲佛性者。如指虛空爲佛性。如諸婆羅門所謗爲仙豫所害。取不即不離中道爲佛性者。如大王臣智所見佛性。若得不即不離意。廣歷諸法悉是佛性。四無量六度等悉如文。於合文中又二。先總合。次是諸衆生下別合。於中又三。先正合。次更舉本旨帖合。三結。初正合中六。一一皆三。先合六法。次舉譬帖。三結。悉如文。有諸外道下。第三簡邪正爲二。初簡邪我非外道所計。

或言常遍或言如芥子。並是邪執。大明正我又二。初明假我。次明真我。初明假我文爲二。初法次譬。譬中有六。初後有合中四無合。開善假名有用有名無體。莊嚴名用體俱有。此兩皆不可。若名用體皆有者何謂爲假。開善雖無體既有名用亦復非假。觀師引中論無我無無我。無我破常無無我破斷。亦破即離。爲破此等故言我與無我。雖說此二皆是假名。故文中舉六譬。譬於假我。如來常住下。第二明真我。此之真我對破妄我畢竟清淨。即無我無無我。衆生亦應得此真我。大慈大悲下。第四廣出佛性又三。初明佛性有八復次。次如我上說下還結是當。三我若說色下結非五陰。前四如文。第五云第四力者。一云。是十力中第四根力。知物根緣化道之要。二云。別有名教。一信力。二忍力。三定力。四善權力。善權力者。化道便故。故言第四力。第六云。十二因緣即佛性者。於他兩解並皆不便。一云。十二因緣是觀智。何得有境界性。二云。是果性此亦不可。今明十二因緣是佛性別有所出云云。餘一如文。善男子若諸衆生下。第二總結酬前問又三。初結問不須修道。次若諸衆生下結勸。三佛性不可思議下結勸爲二。初佛歎。次師子吼歎。師子吼言云何不退下。第二以見佛性人勸修。有問有答。問如文。佛答有三。一自試其心。二爲物受苦。三用六度化他。初一是自行。後二是化他。初自試者猶是淺行。深者不俟言。粟床者人讀爲和音非也。復云黎音。復云床音。尋檢無此字。善男子

菩薩爲破下。二明爲物受苦。復次菩薩下。三明六度化他如文。復次菩薩下。品中大段第二歎教爲三。一歎弘經人即菩薩也。二歎所弘法。即涅槃教也。三歎說教主即是如來。教不自弘。弘之在人。教不自宣。宣之由佛。故相因而歎。亦是稱歎三寶初。文二。前總略歎。次廣釋。初略歎中二。初通歎菩薩。次別歎補處。諸大士謙勞勤苦。利益衆生是故歎之。補處方紹尊位是故別歎。初有九復次。通歎如文。次受後邊身下。別歎有七復次。第二文中云三事勝者。欲天之中此天命定。人中爵卑越命定。將梵足之爲七。此天處中。文中云。或怖或怯。舊云。蓋音是教音。中寺安法師問王儉。儉是僧達之子博學有名。古人作教字穴下豎心。邊安告今人省穴單作耳。善男子下二歎經爲二。先歎。次料簡。初文法譬合。法可見。次譬中云深難得底者。人解云。堅論唯常樂我淨。不得有無常苦等。橫論具常無常等。故言深難得底。此亦不然。經但云深那作單解。今謂常無常非常非無常。不一不二不可思議。是故云深耳云云。合如文。師子吼言下二料簡。有問有答。問從前深難得底不生不滅。不三種生獨一種耶。佛答初總明不受卵濕二生。次別明不受化生云云。爾時師子吼下。三偈歎說經主。四十行偈。初兩行請求說。中三十七行歎。三一行結云云。

# 大般涅槃經疏卷第二十八

隋章安頂法師撰

唐天台沙門湛然再治

## 迦葉品之一

此是善始發問。今欲令終是故更請。前隨義題品。今從人立名。故云迦葉。迦葉如前說開善用此答安樂性問。地師為慈光善巧住持分。河西與皇同為佛性門。今明第五涅槃用此經初後通論佛性。此品與前有何同異。異略為五。一義用異。前品明中道佛性義。為菩提種子。今品明佛性勝用。能攝極惡闡提偏邪外道。二因果異。前品明因性在因不在果。果性在果不在因。此品明一切惡陰皆是佛性。此即因性。從惡五陰生善五陰。此亦果性。又云。佛性有三世有非三世。聖人果性通三世不通三世。由來解果性。通三世是應身佛性。不通三世是法身佛性。此不然。只說果性通於因果。何須分應法兩身。若善五陰佛性通因果。因中佛性即三世攝。果佛性即非三世。三開合異。前品生死河合四果離三乘。此品涅槃河離四果合三乘。四通別異。前品通明五種佛性。天人六道皆有佛性。此品專明正因佛性。闡提由正因故還生善根。前品別據萬善了因佛性。今品通據善惡皆是佛性。故云善根人有闡提人無。闡提人有善根人無。五者前品對告一人。今品再對迦葉。諸異乃多。起品初明用異。從初意立章故言涅槃用。就文為二。初明攝惡。後明攝邪。就攝惡中。二。先明佛性用。二。歎經。初明用又二。先明斷善。後明生善。以虛妄力故斷善。以佛性力故生善。舊解云。作惡生善兩人更遞然不相關。又一師云。只是一人。前顛倒故起惡。後遇知識故生善。今明不然。或是一人或是多人。如河中七種即是多人。若一人始沒乃至成佛即是一人。舊云。生善有接識義。衆生從界外無明識窟中。始起一品無明而來未起四住。有佛接去即得成佛。此義大妨。設有此經亦是一時改惡為緣。若無此經全不堪依。若言必須起五住竟方能改惡作善。亦無一經定作此說。設有此經亦以一時為緣而已。若爾任惡極而任運被接。何須修道。與八萬劫得道何異。若言從識窟中來者。即是從無明中來。云何言始起一品無明。若未起惑應在別處。若從窟中來始起一品而被接者。自後起品乃至四住何不被接。若無明窟中既被接。四住窟中何不接之。故是難信。若爾併不須修。上數破此義。若佛性力任得菩提不須修者。正破於此。舊言。善星無發迹處是實惡人。是義不然。雖未見經義推是權。何者。佛兩弟兩子各行善惡。阿難為善調達作惡悉皆是權。今羅云為善善星作惡。例知是權。斷善文為三。一明斷善人。二明斷善相。三明斷善見。斷善人者即善星是。斷善相者不定根性是。聞不定教執成定解。斷善見者。分別推求諸法道理。初就人中。二。先問。次答。問為二。先緣起。次正問。緣起中。二。先明佛有能化之

德。次明善星有可化之緣。就佛又二。初內有慈悲。二外有方便。初文者憐即大慈憫即大悲。次不調能調下。有七句即外方便。善星比丘下。第二明有可化之機又二。初明是子即羅云庶兄此緣則重。次出家之後是有信戒。受持十二部經是慧。壞欲界結獲得四禪是定。具足三德豈非因深。次云何如來下正問。先作兩難。後作兩結。初難何故記是惡人。後難何故不先為說法。初又二。初難何故記是闡提即惡因。次難何故地獄劫住是惡果。如來何故下。是第二難與佛緣重何不先為說法。如來世尊下結兩難。云何得名有大慈憫下結初難。佛有慈悲云何名為斷下劫住。既為斷下當知佛無慈悲。次有大方便下結後難。佛既不先為其說法。云何名為有大方便。若有方便應為說法。佛答中不答緣起但答兩難兩結。先答後。後答前。前答後中凡七譬。前六譬明緣有淺深故說有次第。後一譬明佛心平等說無偏。前六譬中例有三。一舉譬問。二。述事奉答。三。合譬作解。何以有此三之次第。解云。如佛初為提謂文鱗龍說人天五戒。次赴鹿苑為二乘人轉四諦法。後明方等教諸菩薩。自是一塗約小為初。若初成佛道以舍那教。初照山王。次照平地。此復一塗約大為初。今此文意包括始終。以山王為初。文鱗為中。雙林為後。然第三子雖復極惡以體同故。是故須教。下田雖瘠以家業故是故不廢。下器雖破防急用故。下病雖必死以親屬故。下馬雖老以代倦故。下人雖卑以等

施故。前六譬中雖差別答義兼無差。意猶未顯。第七譬中文轉分明。舉師子王不重象輕。免俱盡壯勢。譬佛不厚善薄惡等運大悲。若巨細而觀象不足免有餘。若量而觀象須疾免須徐。獸王不爾等一無殊。就緣而觀菩薩教深細聲聞教淺近。闍提教世間佛不二。三大悲平等我於一時住王城下。二追答記彼之問。問有二句。初答闍提。次答記意。初答闍提自謂有信慧定。盡非其問不許有之。明無信又三。一不信佛是無所畏人。我於一時在迦尸下。二明不信佛是無妄語人。我於一時與善星下。三不信佛是無嫉妬人。初文者。汝言出家表其有信。今以三事顯其無信。第二佛行時足離地四寸。千輻印文常現。述中人皆欲見。其常滅之既不能滅。取死蚯蚓置佛迹中。令無量人起踐害想云云。第三文者。夫人鬼報別而宛然相見。訓往問答豈實惡人所為也。驗知是權云云。善星雖復讀誦下。二明其無慧。但得文字不解其義是則非慧。親近惡友下。第三明無定又二。初明雖得後失故言無定。次退禪下總結起邪所以記之。善男子汝若不信下。第二答其前問記意又二。先明記意。次明不可治。初文者。以其必入故我記之。顯必入相故往見之。見佛起惡即入地獄必入明矣。往善星所者。或謂舉往事。或難思力不動而往云云。善男子善星雖入佛法下。二答不可治人。由彼放逸故不可治憫之而已。有法譬合。合中二番各二。皆先正合。次以譬帖合。我後昔來下二答其兩結。初答

先結無慈悲心又二。先正答次。料簡。初正答中有法譬合。二更問答料簡。於中二。先問。次答。答中二。先正答。次善男子下引昔顯實。於中引目連記事非全不著。但見前兩不見後接。但見頭白不見體驗云云。如來不爾。是故無二。善星比丘常為無量下。答後方便之結。明我令其恒在左右不令遠去。恐其為惡云何是無方便。第五解力即是欲力。知衆生欲解也。世尊一闍提輩下。第二斷善之相。文為三。初正明斷善。二明根性不定故斷善。三明說教不定故斷善。初有五番問答。初番先問。次佛答。中以斷善根故所以無善。依數人解。闍提起惡邪無斷斷此善根。如無漏無闍道斷煩惱。若爾當知畢竟不復生善。云何能得還生善根。是義不然。闍提身中有重惡障善不並興。名此被障善不得生。後惡稍滅善復得生。故言還生善根。問闍提為有善可斷無善可斷。答具有兩義。其作善後遇惡友斷滅此善。故言有善可斷。無善可斷者。向時作惡全未有善。而惡業將滅善業應生。而復起障善不得起。名無善可斷。文云。衆生悉有信等五根闍提永斷者。相承釋云。理內衆生有信等五根。理外顛倒虛妄故無信等五根。此義不然。只此理外亦有信等闍提既是理外。起惡斷此五根。但作惡衆生既有佛性應生五根。而即事未有義說應有。故云。一切衆生悉有。文云。殺闍提無罪殺蚊蠅有罪者。闍提有重惡在身殺之無罪。蚊蠅無重惡殺之有罪。文云。施畜生得百倍報。施一

闍提得千倍報者。闍提過去五戒戒人。施之福重。畜生先世惡業感此畜身。施之福輕。世尊一闍提者下。第二番問答。問中定宗答可見。世尊一切衆生下。第三番問答。問中明闍提不斷未來云何斷善。佛答斷有二種。一現滅。二障未來。若現起惡善法不生故是現滅。既現作惡復遮未來。善不得起。故斷未來。亦具斷三世。過去作惡而復不悔即無復善。未來復有還生善義。但自微弱不能救之。世尊一闍提輩下。第四番問答。明不斷佛性。佛性是善此善不斷名不斷性。又佛性是常實不可斷。所言如世間衆生我性佛性者。三解。一云。借外道我以之為譬。都無邪我故三世不攝。真我是常三世不攝。二云。不爾只是世間衆生我性即是佛性。是佛性故三世不攝。三云。即是真我語勢牽令佛性是常。後文云。佛性未來。前云。非三世攝。兩語相違。今須會通。前云。三世所不攝者。就佛性體。後言。未來約衆生修。一切衆生未來當得清淨之身。故言未來。迦葉言佛性下。第五番問答。初問佛性。次問闍提初問者。佛性既其三世不攝。云何言未來。如來若言下。次問闍提。若言闍提全無善法。何以得有憐愛等心。若有此心即是善。佛言下答先答。初問又二。先答問。次論義。初答中二。先歎問。次正答。性非三世約未來得故言未來。故下舉例說因為果說果為因。佛性亦爾云未來者因中說果。言食及觸者。食可見觸名不同。或以識為觸。或根為觸。今具二義。故論云。觸不定故。故無別法。若意



誠在緣名觸。此觸在識。若言眼識眼觸。此觸在想。今言見色名觸。此謂識心以之爲觸。色是前塵能生識觸。故謂色爲觸。亦因中說果。世尊下第二論義。先問。次答。問。因前生果性。既非三世。云何言衆生有。佛答。性非內外。猶如虛空。而諸衆生定有此性。文云。悉皆有之。如汝所言。下答。次問。初牒問非之。何以故。下正答。有法譬合。法說。雖有孝慈等善。文云。皆是邪業。雖有見聞皆是無記。既無正善。皆名邪惡。取業求業者。對翻於善。善中先生善欲。次生善思。今以取業對善欲。求業對善思。雖皆言善。猶是無記。次舉譬云。如阿梨勒味。唯是苦。色香非苦。然前難聞提豈得無善。其有憐愛。卽名爲善。故佛答云。悉是邪惡。莊嚴云。無出世善有憐愛善。光宅云。設有憐愛並無記性。不名善性。如棋書等是工巧無記。開善云。斷善作惡。設有憐愛並屬惡邪。何得有善。觀師同。開善云。重惡居身。如種苦瓠根。業悉苦。合如文。善男子。如來具足下。第二明根性不定。或惡或善。又二。初正明不定。後更問答論義。初又二。初明不定。次斷善根。初明不定。又三。一知不定。根二出不定。相三結不定。初如文。次文者。數習則利。轉下爲中上。不習則鈍。轉上爲中下。三結如文云。以無定故。下二明不定。故斷善根。又三。初明不定。斷善。次明若定。則不爾。三是故下證不定。迦葉白。佛下第二論義云。問。可見。佛答爲二。初就善星答。後就餘人答。非但知善星根性。亦知餘人根性。初又三。初明其居王位。卽能破滅。善星

若不下。二明出家不出家。俱能斷善。出家增其敬長。讀誦修定等善。具如上說。若我不聽。下三結知根力。次佛觀衆生下。約餘人爲答。又二。初明不定。次辨升沈。初又二。有斷善生善。初斷善。又三。一正斷善。次何以故。下出斷善之行。三以是因緣。下結其斷善。次如來復知下二明生善。有法譬合。法可見。譬中。泉譬佛性。村譬陰身。熱渴譬苦逼。欲往譬求樂心。邊智者。譬佛菩薩。合譬中二。先合。次結知根力。爾時世尊。取地少土。下。二明升沈不同。沈多升寡。又三。初舉事問。次領旨奉答。三合。又三。初就果合。次就因合。三結知根力。迦葉白。佛如來具足下。第三明說教不定。佛照根不同。說教則異。衆生不達根教之殊。執成爭論。能斷善根。爲二。先問。次答。初問爲三。一明知根。二明執爭。三結問。何故作不定。說致令起爭。初明知根亦應知。過去特是略爾。如是衆生下。次明執爭。因茲廣出爭論之相。開善云。二十爭論。治城云。二十一爭論云。三如其如來下結難云。次答中。佛具答三問。此卷內答前兩問。後卷初答第三問。答初爲二。初正明說教不定。次廣明不定法。初文爲四。一明理深難解。二出愚智兩人。三明須不定說。四結知根力。卽四悉意。初言理深者。非六凡識所知。唯聖智能解。故是理深。此第一義意。次愚智中。又二。先出智。次出愚。初智人聞有知無聞。無知有。聞有無。知非有無。一二等亦如是。次愚人聞有執有以拒無。聞無是無。而非有。聞亦有無。以封雙存。聞俱棄而著兩捨。

面聞尙然。末世轉尤斯由不解。對治悉意。三如來所有下。須說不定。此總據不定。有法譬合。初法者。爲度衆生。須說不定。本令得益。不令其執不定爲爭。次譬中。如醫用藥。元爲差病。終不顧其服藥成病。合譬中。爲國土封疆不同。豈可一類。一類則無益。國土者。如多寒國。用毛褥著皮。韓時節者。饑饉時。乞唯得肉食。爲他語者。如九住言。不見十住言。少見爲人者。隨人根性。此卽爲人意也。四結知根力。卽世界意云。有一經文。無結應是遺漏。於一名下。二廣出不定法。又三。初正明不定法。次引證。三結非二乘所知。初文又二。初名義不定。後廣略不定。初名義中。二。初列章門。次解釋。初列中。列三章門。如經。若欲對明。應有六句。對一名說。無量名。應云。對無量名說一名。對一義說。無量名。應云。對無量義說一名。對無量義說。無量名。應云。對無量名說無量義。今文略舉一邊。云。何一名下釋出。先釋三章門。後重釋第二門。釋初章。舉涅槃一名。具含衆名。大亮云。涅槃八味之都名。衆德之總稱。意在於此。而諸師種種翻涅槃者。亦只因此而生爭論。次釋一義說。無量名。舉帝釋釋者。與前何異。前寄法後寄人。下重釋。中復寄五陰者。此寄果法。亦是一義而復多名。種種分別。令易解。故河西翻婆蹉婆爲好嚴飾。昔好衣布。施今報得麗服。富闍陀羅翻爲調伏諸根明。天帝外以麗服嚴容。內以善法調意。摩佉婆翻爲無勝。無過超諸天故。因陀羅翻爲光明。光明最勝。千眼者。一時知千義。斷千事。

金剛者身相堅固。三釋無量義說無量名者。就如來萬德具足釋之。即是無量義。一義一名即是無量名。八智有三解。一云。常等無常等八。二云。四諦各有法比爲八。數人就欲界論法。色無色爲比。論家就現在論法。過未爲比。三云。優婆塞戒經有八智。七如梵行中七善法。足一知根。四復有一義下。重釋第二章門。前約帝釋止就善義有無量名。名不通惡。爲顯斯意重約五陰。此是有漏。復名顛倒。陰是苦諦境爲念處所觀。觀色不淨受苦想行無我識無常。復名四念處。但除色陰餘四陰即是四識住處。陰通內外故名四念。能通名道因。於實法。有假名時故云時。體即無相名第一義。三修即身戒心煩惱者。正在行陰。解脫者即有爲解脫。亦名十二因緣者。即以五陰爲因緣體。亦名三乘者。能成三乘之身。餘皆可解不復釋云云。善男子如來世尊下。第二明廣略不定爲三。初列四章門。次云何下釋出。三結。釋中云。世諦爲第一義者。阿之言無若之言智。謂其得無生智此即約世諦說第一義諦。餘可意推。三。是故隨人下結又二。先結不定。次我若當於下。結知根力又二。初明佛知有智人下。明非淺識所知。次何以故下。明爲人不定。不爲五人說五種法者。不用對治但用爲人。只教慳人戒忍禪慧自能行施。破戒之人令禪慧等。自能持戒。是故我先下。第二引證。廣略說法下。第三結非二乘所知。善男子如汝所言下。第二答第二執爭之問。又二。先略答。次廣答。初略中言第五解力。亦

云欲力。是知衆生欲解之法。文又云是二力者。由第四力名根力。第五名解力。以成二力。善男子若言如來下。第二廣答中。明佛赴緣異說衆生不解致成爭論。凡二十一條。一是涅槃不涅槃。須解異部。菩薩婆多。據事明畢竟涅槃。曇無德及僧祇。據理云不畢竟涅槃。古來評云。婆多非而短。無德是而長。皆失佛意。文云若言如來畢竟涅槃不畢竟涅槃。同是爭論不得我意。云何評之妄判長短。河西云。畢竟是斷不畢竟是常。言斷常者豈是斷常。乃是非斷非常能斷能常。言斷不違常言常不違斷。斷常不相異斷常俱圓滿。觀師云。佛赴緣說何得是非則失佛意。如醫治病授藥不同。弟子不解妄執失旨。此初爭論又二。初章門。次解釋。釋中又二。初釋執定涅槃。次釋執不定涅槃。前文又二。先釋次結。初文者佛爲五事說涅槃。一爲諸仙。二爲力士。三爲純陀。四爲須跋。五爲世王。先爲諸仙者。然仙生香山而言展轉者。從於諸天轉至山上仙人住處皆得羅漢。有權有實。破其保常故說無常。拘尸那下第二爲力士。有一工巧下第三爲純陀。王舍城下第四爲須跋。羅閱祇下第五爲世王。失通墮而不死者以餘勢故。頻婆娑羅王亦云瓶沙。國曰摩伽陀。亦云摩竭提。羅閱祇此翻王舍城。後總結可解。菩薩二種下。第二釋執定不涅槃又二。先釋。次結。初文者。爲假名菩薩言不涅槃。真實菩薩即不言涅槃及非涅槃。此菩薩能知如來非常。非無常。豈偏作常無常解。善男子有諸衆生下。

第二爭論明有我無我者。須善異部意。數人宗薩婆多純明無我。破諸外道謂之邪我。無假名我一向明無。雖明無我終了無我無常。而得入道不同外道。論人同曇無德明有假我。破諸外道即陰離陰。有相續假我因成假我。復言實法念念還滅。無復假名相續假我因成假我。復言實法念念滅故無我。假名相續不斷故有我。又云。真諦無我世諦有我。此即一向明有我義。而此二家不得佛意故成爭論。招提解云。此之二文明我無我者以破兩病。言有我者破邪見無我不言假我。言無我者破即離我。常見之人直說無我不言假。真諦難云。若我無我破我無我者。有此理不理中。若不得有我無我者。亦應不得用我無我破病。更並生死之中既用我無我破病。涅槃中亦應用常無常破病。若涅槃唯有常不得有無常者。生死中唯得是無我不得有我。若中論云。諸佛或說我或說於無我。諸法實相中無我無非我。應將此意例諸爭論。就文爲二。先明有我。次明無我。初又二。前明相續假我以破邪見無我。次又我一時下。明因成我又二。初正明因成。次明因成所成。初文者云。我者即性。舊有二解。一云。是佛性之性。引前文云。二十五有有我不耶云云。二。還以假名性爲我性。性即是體體即因成。三假之中唯因成是體體待是用。內謂四陰外謂四大。十二緣者色心之總名。衆生者假名性也。此等成身即因成假。若爲其作佛性義者。衆生具爲五陰所成。佛性正約衆生。身內五陰

實法性也。心界者五陰中心王也。功德業行下。大明因成所成業行即因。自在天即果。修因得果。言自在者。不止但標欲自在天。總語諸天升舉自在。世者餘四趣也。復於異時。下第二明無我又二。先佛說。後起執初爲三。一假問。二假答。三觀無我得益。問爲三。一問名云何名我。二問體誰是我。三問何緣故我。我時即爲下二假答。答爲三。初總大意答。次別答。三結無益。大意爲二。先舉章門。次釋出。如汝所問下二別答三問。大意已足。何須別答。

然總論無我。次答別假名假體假因緣。初答假名中而言期者。河西云。如人期契應期而來即是合義。不應期者是不合義。五陰和合即成假名。故是期義。次舉業以答體問。次舉愛以答緣問。業正能成果。故是體義。愛是煩惱。潤生於業。復是緣義。譬如二手下三結無又四。一明假名故有即先譬。次合二手能出聲。其聲譬體相拍譬愛。比丘一切下。第二明即離皆無。諸外道下第三簡也。文云。終不離陰者。外道起於即離之計。此中云。離陰無是處者。云何解此爲兩。一云。元本皆計即陰是我。無計離陰於草木計我。佛破即陰無我。即更計離陰有我。今此中存破。故云若離陰有我無有是處。二云。佛法小乘亦有計即陰我義。所以破之。亦不得計離陰有我。一切衆生下。第四結無我。爾時多有下。第三觀無我得益。當時說此會機得益。後執成爭云云。善男子我於經中下。第三有中陰無中陰爭論。婆沙云。有多提色婆說。地受生定有中陰。毘婆闍婆

云。定無中陰。薩婆多亦言定有。論家亦云有。舉業利鈍如積矛離手。惡業強者直入地獄。善業強者徑生人天。並無中陰。文中前說定有有三復次。後說定無有四復次。若說有中陰即有六有。又六有者只是六道。佛爲帝釋別開修羅。修羅只是鬼道則但五而不六。善男子復說有退下。第四爭論。數人明無漏有退。如初果見諦一向無退。入思惟中二果用等智斷惑即有退義。羅漢無漏理應不退。前兩果退牽羅漢退。畢沙井喻。上下有輒中間有沙。中沙既類上去到下。論家云。無漏不退。但禪定退修得欲界電光之定。此定難捉有時退失名之爲退。無漏無退文中。先明退次執無退。初退又三。法譬合。法又三。先通明比丘退。二別明羅漢。三通舉六人。初通明中二。先通明。次明退緣有五因緣。次復有二種下。是別明羅漢又二。初直云羅漢有退。次別舉瞿提即是死想羅漢。我復或說下。三通舉六人。一退。二不退。三慧。四俱。五時。六不時。時鈍好退不時利不退。次善男子下舉譬。三煩惱亦爾下是合譬。因緣者即外惡緣。而羅漢下二正明不退。內無惡因外不能亂所以無退。善男子我經中下。第五爭論明佛身有爲無爲薩婆多說有爲。僧祇說無爲。成論兩說。絕言故無。爲寄言故有爲。應身有爲真身無爲。文中先明有爲。次明無爲。善男子我經中說十二因緣下第六爭論。先明執。次解釋。初文者。薩婆多執因緣是有爲。僧祇說是無爲。言有爲者。謂三世因果輪轉無窮事非有爲。

言無爲者。十二因緣理是無爲。雖因果無常而其理無爲。初執文中二。先執有。爲大執無爲。次解釋中。先唱章門。次釋。初句云。不從緣生。謂未來十二支者。然未來但有生死兩支云何言十二耶。即事未有輪轉必然。雖不從緣十二義足。豈非無爲。用此一句證是無爲。餘三句便來。釋第二句云。從緣生非十二者。即是羅漢已壞三因復無生死。即是已破十二緣竟。而此身五陰從十二緣得云云。釋後兩句可見云云。我經中說一切衆生下。第七爭論心常無常。薩婆多云。心無相續即是無常。僧祇云。心有相續即是常義。成論用薩婆提義。心有相續即是常也。文爲二。先執心常。次執無常。初執常云。四大散壞是身破滅。作善業者心即上行即生好處。還將此心至於好處。豈非常義。作惡亦爾。我經中說下。第八爭論五欲障道不障道。薩婆多云。障道。僧祇云不障。成論有障不障。皆有其義。我經中說遠離下。第九爭論世第一在欲界通三界。若薩婆多云。色界四根本禪能發世第一法。曇無德人云。色欲兩界通發五方便。無有論明無色界發五方便者。唯瞿子部云三界併發。在凡夫時已作等智斷惑至無色界。而後時更修無漏斷惑至無色界。仍前所斷即發方便故云三界併發。文中爲三。即各執一界。我經中說四種施下。第十爭論施通三業不通三業。成論云。唯在意地。以捨財相應思爲正體。亦以身口暢之。毘婆闍婆多云。施定三業但意地善故身口亦善。文爲二。先執在意。次

通五陰。明四句施主信因果等並是意地後明色力等是身辨是口命是意。我於一時下第十一爭論有三無爲無三無爲。然諸部中不見計無三無爲者。何有此文。此亦有意。若成論人云。三無爲既同是無爲寧有異體。此即是計無三無爲。數人計三無爲別有異體。既言三種豈無異體。此即計有三無爲義。我又一時爲跋波下。第十二爭論有造色無造色。毘曇定有。因四大故有形顯等色。成論則無。文即爲二。初明有者又爲二。初明能造之四大。譬如因鏡下。第二出青黃等是所造色。輕重澁滑是所造之觸。次明無造。文極略不廣者。以就事爲言多因四大則有造義。故不廣明無。往昔一時下。第十三爭論有無作色無無作色。薩婆多定云無作有色。成論曇無德定云無作非色。僧祇總云無作不可言有色無色。文中先執有色。非異色因果者。異色是心。言無作不爲心作因又不作心果。故知是色。河西云。不生餘色。文亦二。先明有。次明無。我於經中下。第十四爭論明有心數無心數。薩婆多別有異體。心數一時俱起。僧祇說無心數。佛陀提婆無異體起。亦相次前起爲心。後起爲數。成論同之。就文爲二。前明無心數。次明有心數。就明無中二。先舉聖人十二因緣。次正明凡夫十二因緣。於中又二。先明後即前。次明前生後。既其相即是一也。故無心數。初文可細尋之。從受因緣下。二明前生後須細尋。釋此中言受。或謂以未來生支爲受。非今世支。我於經中作如是說下。二執

有心數。亦具約五陰十二緣明其相可見。雖復相生而不相即。故是別有心數不同。我或時說下。第十五爭論明五有六有。餘部多說五道。唯犢子部說有六道。釋論亦言有六。然修羅一道婆娑二釋。一云天攝。二云鬼攝。言一有者通是一有爲。私謂通是二十五有中一有。所言通者如下三趣。亦只通爲一有。不同人天各離爲多有。即人四天十七。二即因果善惡。三即三界。四即四生。五即五道。六即六道。七即七識處。河西云。色無色足五道爲七。八即八福。河西云。色無色足六道爲八福。此不應然。三塗云何是福。九即九衆生。居二十五有等。河西云。九即八福及欲界。我往一時下。第十六爭論五戒八戒具受不具受。薩婆多具受乃得。成論不具亦得。如優婆塞戒經云。直受三歸未受一戒。即名無分優婆塞。如是二分多分滿分。又人師解云。併受五但持二名一二分云云。文爲二。先明五戒不具。次明八戒具。但是互出。我於經中下。第十七明犯重失不失。四卷毘曇有犯重捨即是失。故毘曇云。調御戒律儀有五時捨。一邪見增。二法滅盡。三命根斷。四犯重禁。五罷道時。若難心毘曇更增損之。但是薩婆除法滅盡及犯重禁並言不捨。二根生時不入僧數。又非尼攝。餘部多言不失。文爲二。初執定失。次執不失。到道即真無漏。示道即相似無漏。受道即持戒。污道即犯戒。我於經下。第十八明一乘三乘。諸部之中無此計。何者一三皆是大乘所說非其境界。所以無此。文云。一乘一道

一因等。並云。不解我意者。法華明解一乘一道。即知三乘同還一理。即是此乘何得言非。解云。前文亦云。能得常住二子不墮惡道。此那更云。執常不解佛意。何異執一乘一道不解佛意耶。又若言三乘同歸一乘得成佛者。大論何故問云。聲聞人成佛不成佛。論主答云。此事非論義者所知。若爾豈可得言同歸一理爲定是耶。文中二。初明皆得佛道即是一乘。後明不得即是三乘。言羅漢二種現在未來者。現在正斷未來不生。我經中下。第十九明佛性離衆生即衆生。諸部亦無。並是近代所計即離。當果與真神即是離衆生有。心及衆生即衆生有。並不得佛意。文中二。先舉六事及三文明離。後說衆生即是佛性。以是因緣下。第二十犯四重人有佛性無佛性。開善云。二十者此還屬第十九佛性即離之義。若治城云二十一。此是第二十何故屬前。前云即衆生離衆生。此中云作五逆犯重佛性有無。云何是同故爲異。我於處處下。第二十一有十方佛無十方佛。薩婆多明無。僧祇明有。成實一世界則無。多世界則有。大般涅槃經疏卷第二十八

# 大般涅槃經疏卷第二十九

隋章安頂法師撰

唐天台沙門湛然再治

## 迦葉品之二

起卷訓其第三結問。如來善知根性。何故作不定說使其爭論。文爲二。初歎理深。次簡疑執。初歎又二。初明不定之說。是佛境界故是理深。非佛故作不定相違之說。令其爭論。由其不達所以執爭。若人於是下。次誠勸又二。先勸生疑。次誠勿執。聞不定說而生疑者必牽於解。是故有勸。若聞不定執之爲是必成惑本。是故有誠。初文者。夫疑是解津復是惑本。若十使中疑者是見疑。此疑非解津不能破惑。如須彌山者。一云。煩惱高廣如須彌之隆閣。疑能破之。又云。煩惱磐固如須彌之安時疑能拔之。故以爲喻。迦葉白佛下。二簡疑執爲二。前兩番問執。後四番問疑。前兩番各有問答如文。後問意者。未見涅槃那忽疑之爲有爲無。佛答。生死名苦涅槃非苦。其必因苦以疑。非苦定有非苦能斷苦耶。第二番舉現事問疑。若見苦疑非苦者。人見初果應疑墮苦。佛答中四。初責斯乃定義不合疑之。我唯定說此果不墮未嘗說墮。亦如言佛定一切智。何得於定生不定疑。次何以故下。出疑心相以顯不疑。中有三譬。並云。先見後疑。三一切衆生先見二物下。結定疑執。四何以故下。釋出疑由。次第三番問有。二。先問涅槃。次

問濁水。如此事理並未曾見而亦生疑。何必先見後生疑耶。佛答。亦先想度涅槃生死。生死是所治涅槃是能治。故使比度能治爲有爲無。汝意若謂下。答後濁水又二。先牒問非之。次何以故下。正答。將餘先見有淺有深。以疑此中深之與淺。次第四番問答如文。迦葉白佛下。大段第三明斷善之見又三。一更出其人。二明起見。三能斷善根。前已出善星。今更出者。將明起見。故更舉人。離是四事下。第二出其起見文爲四。一有六復次明無施業。二六復次明無父母。三三復次明無因果。四九復次明無聖人。夫福從緣生。施受緣合自能生福。如種良田。天雨地水。因緣具足則能生芽。豈容施貧還得貧報。貧是劣果。施得勝報。不應種穀而變爲稗。田瘠收少置而不論私謂。若施貧得貧應下種於地。冬收水土。若起見斷善。斷善起見者。多在闊浮。三洲柔弱。諸天著樂。地獄苦重。皆無剛決。故少此心。初六復次中。先一復次以子果相似。以明無因。第二復次能施所受。財物皆無。第三復次施與前人。前人得物作善作惡。作惡既其不資。施主善亦不資。若有施主施其利刀令殺前人。此惡事不資於施主。第四復次施既施物。物既無記。焉得善果。第五復次作不可見。推施由意。意不可見。施豈可見。但見於善惡之果。第六復次無作無受。若爲過去亡者修福。何處有人而受此福。無父無母下。第二六復次明無父母如文。第三三復次明無因果。第二文中云。行善死生三惡行惡者死生天人

解云。皆由臨終一念善惡。而墮而升。餘未償者終不敗亡。以現生後三世分別理則可思。餘悉可見。第四九復次悉如文。作是觀時下。第三能斷善根又爲二。初明斷善。次料簡利鈍。悉如文。問。聞提昔有智慧習因。應有習果。何以斷善。答。但有世智無出世智。以世智慧斷出世善。亦能斷於清升善根。世間此例其實不少。昔徐僕射理人甚善。爲上虞令。犯事不問答問。如天柱。極解深義。不曉世語。此上智人。關於世事。而是聞提雖有世智。何必能知出世之法云云。迦葉白佛下。是大段中第二明生善。文爲三。初雙明中道生善。二單明中道。三單明生善。初有五番問答。亦可爲三。初一番明生善時節。次一番明不斷佛性。三三番因性生善。初番問如文。佛答中二。先明時節。次明生善。初文者。利人初入鈍者。後出道。理應有中根之人。在中生善。在獄受苦。無暇能生。是故不說。善有三種下。更對生善而論斷善。但斷現善不斷過未。由有此善。令善得生。又三。先唱三世。次釋。三結。釋中二。過去之善。善已隱伏。不可得斷。因雖滅盡。果未熟者。未來未起。復不可斷。三。是故不名下。雙結又二。初明過未世不可斷。次明現善可斷。初文者。過未二世皆不可斷。過去即結過去不斷。又言果字。即結未來不斷。次斷三世下。正明斷三世因者。正斷現在善因。現善因滅。即無當善。當善不起。義說爲斷。既無現未。過去亦息。義說爲斷。即是具斷三世之善。習因既盡。亦不能牽三世習果。第二番問答明佛性不斷。

問爲二。初問佛性是三世不。次問佛性是可斷不。初先領旨。次定宗。後結難。於定宗中有四問。卽是通別三世結難。但難別三世義。初難云。若過去者。佛性若常卽非過去。云何乃言過去斷耶。若未來者。卽有兩難。一難令非未來。二難令在未來。佛性既常。常非未來。若非未來者。未來皆當得三菩提。豈非未來。現在亦兩難。初難令非現在。以其常故。二難令是現在。何者。性既可見。豈非現在。如來亦說下。第二問可斷不可斷。又二。先舉六事。次方正問。初之六事爲開緣起六義二解。一云。是了因。二謂正因。望下法性卽是九地佛性。故其數相應。若斷善根下。第二正問中三問。初問闍提若有佛性不應斷善。此從六事中第四佛性是生善。若無佛性下。第二問若斷佛性云何說言一切悉有。此從六中第六可見生。既一切可見云何斷耶。若言佛性下。第三問懸取答意難。若謂往時等有後自被斷者。則亦有亦斷。云何言常。此從六中第一常生。佛答爲二。初唱四章門。次解釋。釋中先解三門。仍重釋分別。後方釋闍提前三答卽爲三。文就重釋分別答正用遺問。所以重釋前答後問。後答前問。初答後問有四。一從如來十力下舉佛性七事。次舉後身六事。若七若六皆是答之緣由。如汝先問下三正牒問。其間有三。今牒初問亦有如來下正答。初明雖有而無。後明雖無而有。卽通答前三。如來佛性非過去下。第二追答前三世問。前問佛性是常。則非三世佛今答之。先分別如來九八五

住等佛性不同。然斷善人悉皆有此七種六種等性。未來當得故不得言非三世。法當卽非三世所攝。而未來得復云未來。文爲五一。如來及後身佛性。二九住佛性。三八住至六住佛性。四五住至初住佛性。五結其所問。初又四。一如來性則非三世。二後身性則有三世。現在少見未來全見。三重明如來因是三世果有是非。若善五陰猶是三世。若菩提果則非三世。四重明後身皆是三世可見。九住下。第二九住六事。但言可見與前爲異。八住下。第三明八住至六住。但有五事不與常名。五住下。第四明五住至初住。但有五事言善不善異前後身六事。言少見者。其位既高。能得少見。隨分見性故言少見。九地至初地。其位既下。未能見性。當應得見故言可見。五地至初地言善不善者。善有修不修義。修得是善不修不善。並云。亦應真不真。解云。真實是佛性體不有而已有。卽真實只爲此真。所以有於善不善異。舊解。六地般若現前有時失念。失念不善不失是善。問後身與九地同有六事。六事之中同有常之一事。八地至初地同有五事。何故無常一事。人解云。後身位高九地位下。故長有常。仍未遺難。故更並五地至初地。位下同有無常一事。後身望佛亦應無常。有人答云。佛隨自意語不可疆分別。難亦未去。問後身有常淨何意無我樂。答菩薩常具二慧。化物故言常境智俱明故言淨。真是對僞實是待虛。無惡名善。分見故少。無八自在是故無我。有報身在是故無樂。今謂

此解非圓後當別釋。是五種六種下。五結訓前問。若有說言下釋置答。先正釋。後明問答。置答有二。置而不答。是置答。反質答之。亦是置答。私云。以置爲答名爲置答。迦葉白佛下。是第三明因於佛性而生善者。爲三番問答。初明因果性。次正明因性生善。三釋疑。初番問意言。如來果性非三世攝。可是佛性因中因果是三世者。何名佛性。佛答爲二。先正答。次結性爲惑隱。初爲三。一分別因果二性有。是三世有非三世。次出因果性體。三引證。初又二。初明因果章門。次則解釋。初章門中所言五陰有因果者。五陰之中惑業爲因。善陰是果。因中二乘卽是三世。若大菩提則非三世。前文云。如來未得菩提時因性卽是過去。未來果性不爾。有是過未有非過未。今至此中方始解釋。次釋因者。一切無明煩惱結業惡五陰者。因佛性也。從於無明煩惱等生善五陰者。卽是果性。惡法五陰一向因性善五陰者。卽通因果。因卽三世果非三世。前文云。果性亦三世亦非三世。有人解云。應身果性是三世。法身果性非三世。善男子。一切無明下。第二出因果體爲二。初出因體。次出果體。初文者欲明中道性卽諸法。若約煩惱卽名爲因。從無明行下。第二出果體又二。初明善因果性通因。卽是四果十地之果卽是三世。次明因果唯在於果卽非三世。是故我於經中下。第三引證又二。初證因有法譬合。是故我說下。二證果亦有法譬合。就果中備有因中之果及菩提果。現在煩惱下。第二結性爲

惑隱，還明中道而被惑覆，又爲三。法譬合。迦葉白佛五種六種下。第二番正明因性生善。先問。次答。問中先牒前七六五佛性。次正問中意既在未來。云何言有而能生善。佛答爲三。一雙譬。二雙合。三雙結。初又二。先舉過去業故現受樂報。次舉未來業未生故終不生果。有現在煩惱下。二雙合又二。初一句合前過去業現在樂果。即合現在。以煩惱故能令斷善。必由過去。今言現在煩惱者。本是過去今來現在。次若無煩惱下。合第二譬未來業未生終不生果。即合未來佛性。因緣故能生善根。是故斷善根人下。三雙結如文。迦葉言未來云何下。第三番釋疑。疑云。未來未有云何生善。佛答又二。先譬。次合。初文先舉燈日譬。若鏗然固執燈日未出不能破闇。若因緣假名燈日未生亦能破闇。次佛性亦爾下。合衆生皆有未來之善能生佛性。迦葉白佛若言五陰下。第二單明中道爲成生善衆生若無中道之理何能生善。由有佛性依持建立。文爲三。一明非內非外中道。二非有非無中道。三約諸法廣明中道。亦得言前兩正明中道體。後一廣明中道用。初文兩番問答。初番如文。次番先迦葉自申非是我意專爲利物。佛答有六復次。一就解惑明中。二約內外道明中。三就果內外明中。四就內外因緣明中。五就內外行明中。六就身內外明中。六中爲二。初一略明大意故約解惑。後五廣此非內非外。初略明又三。一標是中道。二釋三結。此初標。善男子我爲衆生下。第二釋總明爲

物。非內者非內六根。非外者非外六塵。但後五別爲破兩執。是故如來下第三結。私謂此之一經大分五章皆稱涅槃。涅槃只是佛性。即三而一。即正因性。即一而三。即三德性。今明衆生有佛性者備此二義。章安至此稱爲中道。豈有無真俗之中名佛性耶。是故佛性中道。佛性咸遍。故上下文。多處論遍所以至此云非內非外。言雙非者。不唯雙非復應雙是。故下諸文云亦內亦外。若無雙是云何言遍。故文斥云。凡夫衆生或言佛性在五陰中。如器中果及如虛空。世言佛性唯有情者。如器中果耳。尙未能計猶如虛空。安能曉了非內非外。況經文自釋。根塵合故乃名中道。根塵合者豈非一體。豈非相即。豈非性遍。豈同器果。今問牆壁爲是根耶。爲是塵耶。爲二合耶。爲雙非耶。若雙非者亦非五陰。何但牆壁。哀哉世人。苦哉講者。請細將六門以括一部。願以一部統收一期。釋迦以望十方三世理無二。是事弗毫差。所失不輕。故勸勤耳。復次下。第二廣明中道有五復次。皆明非內非外。於中二。初一復次先出二執。次四復次正結中道。善男子衆生佛性非有非無下。第二文二。一明宗。二廣破執。初明宗又三。先明非有非無。次明亦有亦無。三結非有非無。初又三。先倡兩非。次釋兩非。三結兩非。次亦有亦無文爲三。雙倡。雙釋。雙結。倡釋如文。有無下結。是故佛說下三結兩非如文。善男子若有人問下。二廣破乖中之執。多寄譬文。文爲三。初種子譬破次乳酪譬破。三舉鹽鹹譬破。

初種子中三。譬合結。私謂合文爲二。先示。次釋。初示中言衆生別有佛性。是義不然。次釋云。衆生即性性即衆生。既非內外。又亦內外。內外不二。亦可云。色即佛性佛性即色。故前第二復次以相好爲外。力無畏等爲內。若色等無相好亦無。下三復次準此可知。次乳酪譬中二。先正作乳譬。次更爲乳作生識譬。初正定中。先問。次答。答中爲三。初定。二結假說亦有亦無。三釋。善男子二破偏執。亦應雙破有無。今但破有。文爲三。初作因果同時互出難。次明因中有果例並難。三明果中有因例並難。初明乳酪既其同時亦應酥醍醐等一時而出。以同時故是故更責。若不時出誰作次第。善男子若有下。第二因中有果難又二。先作例並。次難不例。初例並者。乳是酪因而能出酪。水草乳因亦應生乳云云。次何以故下不例。善男子若言乳中下。第三果中有因例並難。言例並者。乳爲酪因酪爲乳果。乳爲酪因因中有果者。酪爲乳果果應有因。其中又二。先正難。次結難。於中二。先結本無。次結非有非無。善男子是故如來下。第三結性理又二。先結離偏。後結中道。次善男子四事和合下。二學生識譬爲譬。作譬又二。先正舉生識譬。次乳中酪性下。還以乳酪合譬又二。初正合。次破執。破執又二。先牒執。次正破。破中二。先兩章門。次釋章門。初一異因果。是初章門。次非一因生一切果。非一切果從一因生。是第二章門。如是四事下。二釋兩



章門。先釋後章。然眼識者但生眼證。即不能生耳鼻等識。豈是一因生一切果。乳能生酪亦復如是。必待衆緣。衆緣生者即是無。後釋前章門。初釋非一因生一切果。非一切果從一因生章門。如文。次是故我於下。追釋前異因異果章門。因生故計有。因滅故計無。有滅不滅即異因異果。善男子如鹽下。第三舉鹽鹹破又二。初正舉譬。次更破執。破執爲二。先牒執。次破執。初牒中凡牒二執。一牒鹽中有鹹執。二牒種子中有四大執。次鹽性亦爾下。正破二執又二。先破不鹹中有鹹。次破四大。初破又二。先非。次何以故下正破又二。先責難。次例餘物。正責難意者。若鹽置不鹹而鹹者。當知即無本性。本來無鹹而今鹹者。豈非本無。次並之。將一升鹽置多水中失本鹹性。而水中又無鹹性。既兩處皆無。何有鹹性。次例一切皆爾。若言外四大下。二破四大。即破其後執亦二。先破。後例云云。如我所說十二部下。第三約諸法廣明中道亦云明用爲三。一依理起教用。二明修因趣果用。三習解除惑用。初教用中又二。先標。次釋。釋中又二。初通明三語。次別明自意語。初又兩。一就昔教明三語。次就今教明三語。初昔教中具解三語爲三文。初隨自者。如諸比丘各說身因佛亦自說。即隨自意語。如長者稱幻佛隨其說幻。即隨他意語。隨自他意可知云云。善男子如我下。二就今教明三語。文亦自三。如文。善男子如來或時下。次別明隨自意爲三。初廣略隨自意。次明七種隨自意。三明有無隨自意。

初文者就一法即略。就無量法即廣。次七種又二。先列次釋。釋中自爲七文。初因中說果者。行善見天人行惡見地獄是也。次果中說因者。見貧知慳見富知施是也。餘五如文。三如來復有下。明有無隨自意爲三。一正明有無。二明衆生不解。三作四句分別就有無又二。初就如來佛性有無。二明聞提佛性有無。初明如來又二。初明有無。次類例釋。初又二。初明無所有。次明有所無。初文者。十力無畏等並是無有而有。次明有所無者。不善無記一切煩惱等並是昔有今無。次如有無善不善下。舉二十二雙法雙類前二事。有漏無漏者。有漏類有所無。無漏類無所有。世間類有所無。非世間類無所有。下去皆爾。次一闡提佛性下。是明闡提佛性有無。皆悉反上如來有無。如來有善闡提即無。如來無惡闡提即有云云。我雖說下。次明衆生不解如來是語又二。初正出不解。次引昔證。初文有二。初不解。次舉深淺淺深行菩薩尚自不了。況復淺人。次我往一時下引證。佛說世諦聲聞不解者。二解。一云。世諦種別事關業行。因果深隱故難解。二云。應身爲世諦故二乘不了。問佛於何處說世諦五百不解。一云。華嚴中說五百聲聞。二云。外國經多度此者少云云。天台大師解此別有所關云云。或有佛性下。第三四句分別此爲二。先正約四句。次勸分別舊解者。闡提人有。有於惡邪境界性。善根人有。有萬善了因亦名緣因。二人俱有併有正性。或衆生性。俱無者。無果果性。河西云。闡提有有

惡五陰不善性。善根人有有善五陰善性。二人俱有者。俱有無記五陰性。俱無者。俱無妙絕涅槃果性。此與舊語異意同。與皇釋此從一句至七句。一句只是中道。一句是如來闡提佛性。若有若無。三句是三種子。佛自語闡提有性。他語闡提無性。自他語亦有亦無。四句是此中四句。七句是七衆生。前二人是惡後五人是善。復作三種釋。一總就諸義二就理內外。三單就理內通。就諸義者。理非善惡而有善惡二用。善根人有有善用。闡提人有有惡用。俱有者各有一邊。俱無者各無一邊。次就理內外者。佛性本非得無得。約緣故有得無得。理外闡提是有得。理內是無得。善根人有無得之性。闡提有有得之性。俱有俱無如上說。次單約理內闡提即是善星善根人即是維云。此是順逆二化。闡提有逆化不善之性。善根人有順化善法之性。俱有俱無如上說。謂此爲能解難解之說。今明欲依此文作四句者。闡提人有但有於沒。善根人有但有於出。二人俱有俱在恒河。二人俱無俱不到岸。欲思作者亦應無量。略出如此云云。又約三諦者。闡提人有者世諦惡因。善根人有者出世善因。二人俱有俱有世諦果報之身。二人俱無俱無中道因果。次我諸下勸分別如文。如恒河中下。第二修因趣果。用亦是約譬明中道有譬合結。譬說二。先總次別。舉七衆生不同而佛性是一。如是微妙下合譬。具合前品以河譬生死。今以河譬涅槃。初合總如文。次常沒者下合別譬。合初常沒闡提爲

四。初合背善。次作是念下合其向惡。三如惡法住下合住惡。四是人具足下合是斷善人。我雖復說下。合第二暫出還沒人亦四。初起行背理。即是爲有修善。次何故名沒下。是第二釋出沒義。是人雖信下。第三明行不具足。出還沒下。第四別出其人就行不具足又二。初正出五事。次結。初五事者。一信不具。二戒不足。三聞。四施。五慧信。可見第二戒中言威儀戒者。內無實德外揚廉儉欲人恭敬。從戒戒者。內外相稱不爲人事。但求實利而持戒者。謂從戒戒也。求戒者。求三有也。捨戒者。捨三有也。第三聞中云信六部不信六部者。河西云。修多羅。祇夜。毘伽羅。優陀那。伊帝目多伽。優波提舍。此六顯現易解故信。餘六深隱難解故不信。復有人言。但於十二中信六不信六。餘者可見。是人下第二結。第二之人下。第三合得住之人。準理應言第三。那云是第二人耶。解云。此第二人習行應得作第三人。故言第二。師子品通五方便三。十心皆是得住。今此中但據初得位且據小乘。即前二方便念處煩法。若作七方便即前四方便。從頂法忍法已上至初果便屬觀方人。若據大乘則通三十心爲觀方人。登地已上屬到彼岸。文爲四。一本起。二出其人。三明得住。四辨行法。前三在此卷末。今第一明本起。因前第二爲今第三。或改爲第三者非。我佛法中下第二出其人。應出似解之人。而今身子目連並是真解者。舊有二義。一云此第三人位通上至羅漢。所以通舉其人。二者取

其昔。初是似解人修得入真。今仍本似位所以列之。云何爲住下。第三明得住。問涅槃河中四人同得涅槃。羅漢支佛菩薩佛。生死河中唯佛一人。是第七人餘三未度。有人解云。涅槃河中三乘同得涅槃。所以皆是第七人生死河中四果未免生死河。故不得度也。羅漢後雖無生而猶有此生在。故是不度。所以得涅槃未必免生死。度生死已必得涅槃云云。今評此解解語似去其理未明。今更問。涅槃河中四人同得涅槃者。四人同見佛性不。彼若答云同見性者。此殊不見理。若答不同見者。亦不同得涅槃。那忽前文同爲第七。既同第七有見性不見性者。故知涅槃有異生死不同。今觀經意。生死河者亘於變易。唯佛得度餘悉河中。涅槃河者專在分段。通於四人即小乘七人。故釋論云。阿羅漢地名爲佛地。又迦葉共佛同解脫床。即是其義。通別互舉適悅時宜。不可定執。

### 大般涅槃經疏卷第二十九

## 大般涅槃經疏卷第三十

隋章安頂法師撰

唐天台沙門湛然再治

### 迦葉品之三

起卷是第四辨行法又五。一修行。二通別。三名體。四人數。五結住。初文又四。一不淨觀。二念處觀。三因緣觀。四煩法觀。然得住人但具

二方便。何用四耶。不淨因緣是念煩前方便。開則列四合只是念煩。初又二。先明緣起中。云智不具足有五事者。即前信戒施聞慧。大正明四法。而以不淨當名。若依雜心三度門。此中贖有著我多者說十八界依。地持五度門。則足因緣。次如法行已下是念處觀。觀有總別。總深別淺云云。得是觀下第三因緣觀。如是觀已下第四煩法觀。通論前二方便亦皆得住。別論正據煩法。空解成時決定不退名爲住人。次迦葉白下。明通別料簡煩法。先問次答。初問又二。初問人通舉煩觸爲問。次引佛說爲證。佛答爲二。初非其問。汝之所據非我所說。次如是煩法下。正答又二。初明地別。次明人別。初地別者色有欲無。次人別者我弟子有外道則無。文云煩法以色有欲無。仍作三義釋之。一多用色定發煩法觀。從多爲言。二據中間三界皆能發於煩法。而色界居中言色界有。三據勝處爲語。色發煩爲易欲界爲難。色界雖有下。第二明人別。簡除外道唯佛弟子。外六行觀者。攀上勝妙出厭下苦龜重。佛弟子十六行者。即十六諦。亦是苦法忍苦法智。苦比忍苦比智等。此中既未斷惑。只是十六諦觀。私謂。緣此諦觀而修厭厭是佛弟子亦修厭厭。若外道修唯約地也。迦葉白佛下。第三定名體。先問次答。問中二。先問名次問體。如文。佛答中先答後問。後答前問。初答體爲二。初正答。次料簡中。先問次答。初引佛明馬師無信。即是無煩。次佛答。我亦不取信心爲煩。信是煩因。煩者從觀四諦智生。言

十六者。即四諦下之十六也。如汝所問。何因緣下。次答名又二。前正答。次重論。初又二。初牒煩略答。明從譬得名。次譬如下。第二廣答又二。先譬次合如文。次重問答。初問中二。先領旨。次若是有爲下正問。所言報得色五陰者。若依數師實用煩法得色界報。但不爲受身爲無漏業即是滅報。論師解。煩焦生死不復受報。但是色定得報故從之受名。佛答中二。先然其問。如是煩法下正答有三。法譬合。意同數解以想心爲愛。愛故受生。厭故觀行。爲無漏相。得煩法人下。第四明人數。言七十三者三解。一莊嚴云。欲界十善相應心名電光定。時得時失故名電光。此人具煩惱性。而不開品數。若論方法。定有九品。惑亦九品。以九定斷九惑。足電光人合成十人。色界四禪無色三空。一一地中皆有九品惑九品定。七九六十三。足前十人合七十三。二開善云。無別電光異方法。亦無方法異電光。只電光定以對九惑而成九定。初一品定只是實法。未賴於假猶與惑抗行未能伏惑。第二品定與初品定。作相續假共爲力用。方乃能伏初一品惑。第三品定伏第二品惑。乃至第九品定即伏第八品惑。餘有欲界一品惑在牽於初禪。一品定起而共伏之。并四禪三空一皆有一惑九定。乃至不用處第九品定伏第八品惑。猶餘第九品惑在。更將非想定來伏不用處第九品惑。八九七十二。復取非想定足之合爲七十三。引贊頭藍弗得非想定即其義也。此中云欲界初禪乃至無所有處。前

文得非想定斷不用處惑。皆是良證。三數人解者亦二不同。事障未來性障根本。一云。分爲九品解。一品解對一品惑。復有十善相應心。即具煩惱性足前成十。具煩惱人與初品定共斷一品惑。後去一品解對斷一品惑。四禪三空一一九定九惑。亦成七十三人。第二解云。性障根本者。未來禪九品定斷欲界九品惑。取欲界具煩惱性一人。足九品合成十人。如是八人皆有未來。二禪未來定斷初禪九品惑。三禪未來九品定斷第二禪九品惑。乃至非想定未來定斷不用處九品惑。亦得七十三人。問前云煩是色界法。何得通三界作七十三人。答初學之人須依四禪。據後利時則通三界。又昔在凡夫外道。曾得七十三定。今入佛法中作煩法觀。如是等人下。第五結得住人。不復斷善根不犯四重。是人二種下。合第四觀方之人又二。前列觀方人體。次更問答論初果義。初又二。此先牒前。次正合。初文者。牒前第二暫出還沒人。若遇惡友即恒爲此人。若遇善友則進爲住人。復成觀方。是故先還論於前人。次觀四方者下。第二出觀方人體。或謂從苦忍去至於初果方是此中人。文意不然。凡有五人。一頂法。二忍法。三世第一法。四苦忍至十五心。五初果至第十六心。以此五人皆觀四諦並名觀方。然前煩法亦觀四方。且從得住立名。沒觀方義頂法已上方受其名明。此五位即爲五章。文悉可見。但前二文皆云性是五陰。實論頂法唯是行陰。而言五者。以其未免陰之所蓋。是故通以五

陰爲言。而能觀四諦世第一法。言五根者。以最深勝近生真解顯是根義。別本亦云陰。次得苦忍即是真解。緣一諦者得於平等真空一諦。師子吼中則以四方用譬四果。今譬四諦者各有所據。而婆沙云。東方是苦乃至北方爲道。次迦葉白佛下。第二論義即初果義。三番問答。初番中先問有四。一問斷惑。二問觀方。三問名義。四問譬喻。見思共有九十八使。見諦有八十八。思惟有十。八十八先盡。但有十使故言輕也。有經言須陀洹夢八十八頭蛇死。即表此意。如四十里水者。如池喻經云。佛答四問爲四。先答斷惑之問爲二。初正答。次明所爲。初又二。先倡兩章門。次釋。初又二。一重章門。二攝一切煩惱章門。譬如下。次釋兩章門。先釋攝章有譬有合。此三煩惱能攝一切。如王行多從世人但言王來王去。三是惑本遍攝諸惑。何因緣下。次釋初重章門。凡有五句。一常所起故。二微難識故。三難斷除故。四爲惑困故。五是三對治諸怨敵故。初言常所起者。恒存有我即是我見。皆信邪神即戒取。猶豫未了即疑心。次難識者。我見似正見。戒取似正戒。疑心似正解。三四可見。五是三對治。怨者我見垂見慧。戒取垂正戒。疑心垂正定。有諸衆生下。第二明所爲即是爲引物故略言此三。若言斷無量煩惱者衆生或當生於退意故不說多。次答觀方又二。先牒問。次善男子下正答。答中言五根者。即信首五根。言詞內外煩惱者。以三毒爲內。疑及諸見爲外。次答第三名義又二。初正答。次

重顯初正答中二。先牒問次正答。中正答二。先釋修無漏名。次二種下釋逆流名。流有二種。一生死流。須陀洹人即逆此流。衆生順之。二者道流。須陀洹人順入此流。小般若云。名爲入流而無所入。次論義重顯。初問通義。若逆流者後三果人亦皆逆流。盡名須陀洹不。佛答又二。初正答次明根別。初正答中二。先明下名通上。次明上名通下。下名通上又二。初明修無漏名通。次明逆流名通。所以下名通上者。以初得故名須陀洹。後得者名斯陀含云。須陀洹者亦名菩薩下。是第二上名通下又爲二。初明菩薩名通下。次明佛名通下。佛只是覺能見理故。今須陀洹覺知諸法斷惑見理。豈不名佛。是須陀洹下。第二明根別又二。先倡兩根。次別釋。別中釋二。先釋鈍根。極鈍七反生死滅無出。鈍中又有六五四三二也。次釋利根。即生至第四果。次答第四譬喻又二。先牒問。次釋於中二。標釋。釋中堅持者。如魔說五諦長者不信。是爲堅持迦葉白佛下。第二番先問次答。先問中有兩定兩結難。初兩定如文。若先得道下結兩難先結初難。若初得道則名須陀洹者。得苦忍真解亦應名須陀洹。不應名向云云。次結次難。舉外道昔斷煩惱得上定伏下結。後迴心時齊所伏而斷即成那含。既是初果應名須陀洹。佛答有二。此答初難。本以初果名須陀洹。苦忍之時未得初果。由是向故是故非也。如汝所問下。答後問又二。初牒問。後正答可見。迦葉言得阿那含下。第三番先問次答。問云那含

亦具八智十六行。佛答又二。初明行異。次明境異。此先明行異。所言十六行即觀十六諦。言有漏者即似解。有共不共者三解。一毘曇師云。前十五心共觀。十六不共。一時併觀苦。觀苦時只得觀苦。不通餘諦。乃至道。亦爾故言共。若得十六心一時獨觀十六諦者。故言不共。第二愛師言。有漏十六與凡夫共。無漏十六不與凡共。此解不然。經本云。有漏有共有不共。何以無漏釋之。第三河西云。以七方便中前三方便亦觀十六。是則名共。後四方便則是不共。若初果次第行則備作七方便。捨共得不共。若超越人但作後四方便仍觀三果。故言不爾。無漏十六行亦有二種。一得者。論家解云。初果前未有果故言捨向得果。那含前已有二果。超越者。雖不取證皆從中過故云不爾。若依數義。超越之人懸得那含。亦不從前二果而過。則從方便道入十六心。十五心是那含向。十六心證那含果。亦是捨向得果。解此不便。彼亦釋云。若初果定爾那含不定。若超越者亦爾。次第者不爾。既其不定故言不爾。八智亦二者。即四諦各有比現故爲八非十智之八。若依數師。則向中但有七智。果唯一智。此亦不便。須陀洹人緣於四諦下。第二明境別。所言初果緣四諦那含緣一諦者。初果入道之初。方便之時具游十六行觀。故備緣四諦。那含在思惟道。釋法覺支隨得一諦。爲緣故言一諦。遍觀已行者合第五譬。即是斯陀含果。若攝諸實聖者即攝得那含向。復攝得斯陀含向并自地

果。攝此三事何故攝阿那含向。那含本取觀已即住。汝在向時猶行非住。所以攝得。已上向屬下果攝故。若得那含便名行已復住。例如羅漢內屬那含果攝。若依此例。斯陀含向應屬初果攝。而不然者。以初果但明正位不說進行。又見思道異故不相攝。今斯陀含果位則有一果兩向。文云爲斷四惑三毒及慢者。乃應具言十使。以思惟道中五見及疑皆攝入慢。所以不述。文有二。先正合。次舉譬帖。行已復住下。合第六譬阿那含人又四第一章門。第二解釋。第三箇中滅。第四釋復住。此初章門中又四。一列二人。二列五人。三列六人。四列七人。此初先列二人。即經生不經生。經生者即上行人。問依莊嚴即有十一那含。於九人中即更明信解與見得人。足成十一。開善師但云有九。又彈莊嚴云。此簡利鈍。非是二人。今只問此文於九。何故但出其七。不言身證及轉世人。答有三義。一者不言轉世與身證者。以轉世人竟不出觀故不說。身證人乃入滅盡定。大乘不說此定故無二人。二者只是廣略不同。三者身證與轉世目足論所明。我大乘所無。行般涅槃復有二種下。第二釋章門。上雖有四今但釋兩。先釋二人。次釋五人。六七兩章門並略不釋。此初釋二人。於二人中第一現滅人。雖在章門前章已釋。又現在身得那含已。亦更進修即得羅漢。竟不滅此身。於現身上即得兩果。極是利根。易解故不釋。但釋上行之人。又二。初明生數。次辨行別。此即初文。言行般即上流。食著色

無色人也。或受二身者初禪死生二禪。四身者遍四禪受生。二身為利四身為鈍。利鈍亦不正關生數。今約多少明之。利根那含初禪死生二禪。即得羅漢果。鈍人本從初禪生二禪不得羅漢。復更生三禪不得。已復生四禪。爾時始名得羅漢果。今約四禪故作此說。復有二種下。第二明行別。并言二種即是四句約進定兩行有無。從欲色界衆生有二業下。釋第二五人章門即爲五。此先釋中陰滅人何者是耶。即已離欲未及色界。於中即得阿羅漢果。又三。初明用業。二釋中陰名。三明入滅。此初明用業中言二業者。業即散業。受生即上界定業。又捨欲界身下。第二釋中陰名。在兩生中間。故私謂。是於色界中陰而入涅槃。既不受正生故言利根。是中涅槃下。第三明入滅之心。言四種心者二解。一云前兩是那含果空有二心。後兩即羅漢果空有二心。一非學非無學者。即那含緣世諦心。二者學即那含緣真諦心。三無學即羅漢緣真諦心。四非學非無學即羅漢緣世諦心。以那含得滅即是羅漢果就兩故明之。二解云。此四句同就那含果上明之。一非學非無學即被導心。二學即緣真諦心。三無學即修舊心。四非學無學即失念心。有師云。此解不可。其見文云阿那含四心。應言那含自有此四心。前解當理。初二心是那含。後兩心是羅漢。問既其二果共四心者。何得云那含四心。解云。今云那含四心者。此是帶本爲語。此中是釋中滅人。只滅已是羅漢。又言。一是二非還應兩解。若

前解者。則言羅漢兩心是涅槃。那含兩心非涅槃。羅漢得無餘極果所以是涅槃。那含未得無餘。非極果故非涅槃。若後解則世諦兩心是真諦兩心非。更須釋之。次釋第二受身涅槃又二。初正釋。次論義。此初正釋即生滅之人生初禪滅。次論義。先問次答。可見。大釋第三行滅。常修行者即是鈍根。言三昧者。慧心靜故作三昧名。次釋第四不行滅。不待自動然後得滅故是利也。次釋第五上流人又二。初單就色界。次遍就上二界。此即初文。所言得第四禪已退生初禪者。解云。實無聖人得上界定。生上界已退生下者。有此言者。以會懸修得上定已而退故生下。非身在上界而退。又言以道流故上生者。即是方便非實煩惱受生。是四禪下中。第二遍上二界。從此分流生於兩界。樂論義者即生尼吒。樂三昧者生不用處。問自有人。從於初禪即生尼吒。即得入滅。復有人。生不用處方得入滅。有人。未至阿尼吒即滅。未至不用處即滅。此屬何人。答云。此屬見得信解兩人。不名上流。凡四義相對。初據樂定樂慧。二明修五差。不修五差。三明樂寂靜樂論義。四修熏禪不修熏禪。此之四義還成兩意。第三成第一樂智慧樂三昧。第四還成。前有五差無差之異。前三如文。於第四中所言熏者二解。一數師云。兩無漏心挾熏一有漏心。二者論師云。以慈悲心而熏此定。所以不釋後兩章門者。前六人本加現滅人。上章門已解現滅人竟。故今不釋。前七人本加上行人。至無色處滅。上已兼

釋第五人竟。故不須解。迦葉白下。第三論義料簡中滅。先問次答。問中有二。初問中滅既是利根。何不現滅即得羅漢。二問何故欲界有中色界則無。佛答爲二。此答初問。以三義故故不現滅。一羸劣。二乏衆緣。三喜作世俗忽務等事。餘皆可見。初。如文。二乏衆緣事出婆沙。彼云。天須菩提。非今解空須菩提。如汝所問下。答第二問又二。初明緣別。次明根別。初緣別中又二。初明欲界多在緣。二明性勇健。故色界中爲無外諸苦所以不得。欲界既有外諸煩惱。以厭此故即修道品。名修爲勇若依數解。上界全無初入道者。論師亦有同前云無。或云上界亦有初入。故普曜經云。八萬諸天得法眼淨。是則上界亦證初果。而有此文者。以信法行人初在方便。可得出觀上生。故言得果。非元發始從凡至聖。次明根性勇健。次有三種下。明根不同如文。喻以鰭魚下。第四釋行已復住。到彼岸者合第七人。又有四人。一羅漢。二支佛。三菩薩。四佛。前三皆分到。佛究竟到。如恒河中下。第三結譬又三。初正結譬。次明得失。三辨同異還成前意。初正結中又三。一通結七人。二更問答論義。三偏結到彼岸人。初文又兩。初結七人。即見佛性人。次結七法。法即佛性。此初明七人悉皆不離佛性之水。有譬有合。是七衆生下。第二明七法即佛性。一善。二不善。三方便。四解脫。五次第。六因。七果。前後可見。中間三者即婆沙三道。方便是似解。解脫是解脫道。次第是無閑道。故論文念處品云。如次無閑必生解

脫。然此七法爲佛性者。卽有二意。一次第合上七人。二總合。次第合者。若善法卽合第二人。凡夫衆生有少善根。不善者卽合第一常人。極重闇提無善可論。故言不善。方便道者。卽是第三得住人。具四念處煩法二方便也。若解脫道卽合第四觀方之人。從頂法去至十六心是真解脫人。故名解脫道。次第道者卽合第五觀已行。從見諦道次入思惟得斯陀含。故云次第因者卽是行已復住。未得羅漢始是那含故云因也。果者卽是第七到彼岸人。羅漢中乘菩薩佛四人。二總合七人者。於前善惡兩人故是河中常沒及出已沒。若因者卽從得住至阿那含並皆是因。果者卽羅漢等四人盡皆是果。前方便道者盡是因位。迦葉菩薩言下。第二論義爲二番問答。初問有二。前問涅槃無因那得名果。次問云何涅槃復名沙門果。佛答爲二。先答初問。次答後問。此先答初問又二。先明七果。涅槃是遠離果。次明二因。涅槃有了因。汎論亦得義說不生名爲生因。其實了了。文云三解脫門能爲煩惱作不生因者。令煩惱不生而善法得生。卽是義說三解脫了因而爲生因。而復能爲涅槃作了因。此卽正義。如汝所問下。答其後問具於三義。一斷之。二樂靜。三上人。迦葉言下。第二番問答。初問者更論前意。佛答云翻那卽道。沙門名乏。斷餘之。餘道名八正道。卽兩非意。阿羅漢人下。第三偏結到彼岸四人又二。前結羅漢支佛。次結菩薩佛。初文者。問支佛是果屬到彼岸。其向屬何所攝。

答前既云那含向。屬第五觀已卽行。本取住爲第六。向中猶行那不屬第五行人。亦是本果爲第七人。向猶是因。所以屬第六行已復住。問本用得果爲第七人。菩薩未得果。云何是第七人。答經中解云。何故爲菩薩以行六波羅蜜。波羅蜜者翻度彼岸。又十地是十波羅蜜。云何非度彼岸人。今謂此答未遺難別有意也。云云。是七衆生不修身下。第二明得失又三。初更結中道不定。次正明得失。三總結大宗。初文又四。此第一明沒人。言七人皆不能修身戒心慧者。四種果人正是能修。云何不能。解云。初皆不修。後時佛菩薩修故得到彼岸。聞提不能修。卽不到彼岸。佛性亦有亦無。得此亦有亦無。卽是兩破云云。今謂不應作此解。七人初皆未修。未修之時非是第七人。修已方名第七人。經文現云七人皆不能修。云何言初非第七人。今明此是以別破通。故七人皆不能修身戒心慧。此中以通涅槃爲河。明文在此不須致惑。是七人中下。第二明出人。若有說言下。第三明偏執不可。是七種人下。第四正明中道不定。或一人具七則始終爲語。初雖作惡後漸修行。成第二三及以第七。或七人各一則當分爲言。若人心口下。第二正明得失又二。初單明失。次雙明得失。初又二。先就三法明失。次結於失。初爲三初就聞提。次就聖道。三就佛性。定皆不可。是故我於契經下。第二結失義又四。初倡二人能謗。若信心下。第二倡信慧互無。不信之人下。第三結皆是謗。是故我說下。第四結互無。

若有說言下。第二雙明得失又二。先就聞提成佛不成佛。次就衆生有佛性無佛性。各有三句。初三者前兩是謗。後一不謗。何故爾各據一邊取有取無。故兩句成謗。若以從容中道之解。故一句不謗。有人云。聞提不捨惡心卽得成佛。是謗義。復言聞提只卽此身不得成佛。於異身中乃得成佛。復是謗義。有人云。聞提改惡修善。善心相續不斷。卽非謗義。佛性義亦爾。有人云。衆生有佛性。身中已有相好常樂具足。斷惑卽得者。亦是謗義。若言衆生全無佛性亦名爲謗。今時有說。當果佛性則墮此中。後之三句。初二謗後一不謗如文。夫佛性者不名下。第三總結大宗又四。一明佛性之理。未得菩提下。二明約法因中說果。三引證明如來或因中說果。果中說因。是名如來下。四結隨自意語。迦葉菩薩言下。第三明異同又三。初明佛性同虛空。次明異虛空。三破外道執虛空佛性。言同異者。肇云。爲好同者說同。雖同而異。爲好異者說異。雖異而同。前明佛性有同虛空不同虛空。此乃法王正典有同不同破外道。虛空者此乃破世性眼所見之虛空。初明同義。先問次答。答中有三。先明佛性同虛空非三世攝。次明同虛空非內非外。三明同虛空無罣礙。初文廣明三世相待。是無故不得有三世。三世既無。虛空卽不爲三世所攝。文云虛空無故非三世攝。其相如何。空只是無無卽是常。佛性是有而復是常。故三世所不攝。虛空是無而常。亦非世攝。問若爾卽應佛性是有不爲世攝。何

因云常非三世耶。解云。佛性不全有故不云有。又虛空無故非內外下。第二佛性同空非內非外。如世間中下。第三佛性同虛空無量。不復細開。

大般涅槃經疏卷第三十

大般涅槃經疏卷第三十一

隋章安頂法師撰

唐天台沙門湛然再治

迦葉品之四

迦葉白下。第二明異虛空義。又兩番問答。此初番問者。正言佛性涅槃虛空等並非三世。虛空非三世而名為無。涅槃非三世而名為常。同無三世何不同有。佛答為三。一章門。二解釋。三結酬。先唱章門如文。云何名下次釋三門皆有所以。涅槃等三為利益故相待而說。空無利益故無相待。但得是無。不名為常。私謂言利益者。只為將護末代權機者。不宜聞於生死是涅槃。二乘是如來。瓦礫是佛性。忽有機緣不可不說。但依下答其言有歸。法華已說豈可固違。故經云世間相常住。世間之言豈過五陰國土等耶。況陰界入色大小兩乘不唯正報。一切世間下第三結酬。以虛空無待故所以名無。涅槃有待故名為常。問涅槃對非涅槃。虛空亦對非虛空。何故非待。解云。欲互顯故。涅槃本絕而名為待。虛空本待而名為絕。涅槃相待故得是有明是妙有。

虛空絕待故得是無明是妙無。此即不例。後番迦葉因佛上答即設並云。如來向云涅槃有對是故名有。虛空無對即是無者。四大無對亦應是無。四大無對而是有者。虛空無對亦應是有。此文不易。故一切世間無非四大對。猶名四大有者。一切世間凡所有物皆是四大即皆是有。無非四大對於四大。雖復作並佛竟不答。但應虛空以對涅槃。問何故不答亦有深意。迦葉本云。四大無對是故名有。虛空亦應無對是有。今明四大雖無外計非四大來對於四大。而四大中自有相對。如地水等各目相對。而虛空中更無有物自相對者。所以是無。此並虛出故佛不答。佛答有三。初牒問非之。何以故下二釋。明涅槃有十五句所以有。虛空無十五句故所以無。若有離於下。第三正答有五句。先明虛空若有應同四大有三世攝。如世人說下。第二明虛空若有應同心數。自有三句。虛空若同下。第三明若有待者是三世攝。若三世攝下。第四明應是四陰但同四陰。除色一事餘名四陰。四陰非見虛空亦然。陰三世攝空亦然耶。是故離四陰下。第五結非有。此意正明法。若是有可論相待。空既無何所待。復次諸外道言下。第三破外道計空又二。初正破執。次結同異。就正破又二。先別破八執。次總舉五大例破。初別破八執。一破空是光明。二破空是住處。三破空是次第。四破空在三處。五破空是所作。六破空在無際處。七雙破兩執。八重破空是住處。初破空是光明者。數家亦謂二十

一色空屬明色。於中又二。先牒執。次破之。文云亦可說言虛空是常者。具足應云亦不可說是常。文中略故而不字。虛空雖無不可說常。終是無常。但此外道不解空義云空是色。乃是空中容於光色。何得乃言空是色耶。言亦可者應言不可。語略故爾。復有人言下。第二破空是住處。亦先牒次破三結。光宅云。既言真諦有重數。亦言虛空有處所。如東西二室一滿一空。當知有處。亦同此破。復有說言下。第三破空是次第。言次第者。如蕭管中及門向內。數人云。窓內見於外間之空。先於第一窓樞中見。復於第二第三中見。此是次第。亦先牒次破。若復說言下。第四破空在於三處。即有三計。亦二。先牒。次破彼計。一云空還在空處有中無空。二云空在有處無處無空。三云在有無處如濕爛物當爛。未爛即名有空。破執如文。如說虛空可作下。第五破空是作法。亦先牒執。次破之。今時數論等各計。穿地斫樹等悉皆得空。並是作空。世間人說下。第六破無際處。先牒執。次破彼執。於中二。初具不具下。先兩句定。次若具下難。只問無際處為空者。此空為具足容十方空為。不具足容十方空耶。若具十方虛空者。當知十方無有虛空。若不併著者亦是此有彼無。若有人說下。第七雙破兩執。一執空與有並。二執虛空在於物中。先牒兩執。二俱不然下。正破先總倡不然。次何以故下。雙破兩執又二。前破空與有並。次破器中。初文又二。先作三章門。次次第解釋。三章門者。一異業合如飛鳥



集樹。唯鳥來棲樹樹不來棲鳥。亦如物來合空空不來合物。二二業共合如兩羊相觸。空亦合物物亦合空。三已合共合如二雙指合者。物用與物已合。物只是體用是物家。動用此二事體用已合。空用與空已合。空即是空體用即是空。所容受用。此體用已合復更以物合空。如兩指先已合後更兩兩共合。若言異業下。次釋上三章。先釋第一文自有三。一無常難。二常難。三亦常無常難。今初先作無常難中。言一是物業即是物業。二虛空業即是空業。言空業合物空則無常。物既無常而空與其合。豈不無常。若物來合空物則不遍者。此既合彼應隨空亦遍。復應物隨空是常。百論中或心神等覺以覺等神破云云。然今在言小異而其還於此執。正言物既不遍云何合空。言則是無常者。空亦無常耶。若言虛空是常下。第二作常難又二。先牒執非之。次正難。難意並之令併無常。若言虛空亦常無常下。第三作常無常難。彼意或言。合物之空自是無常。不合物空恒自是常。云亦常無常者。今直難云無有是處。謂法相中無有一法半常半無常者。若共業合下。釋第二章門又二。此初牒執非之。何以故下正破。言若空與業合業亦應遍者。謂空體與用合用亦應遍。若空用遍則應遍與物合不得更有離物之空。不應說有合與不合。若言已合共合下。釋第三章門又二。此先牒章門非之。何以故下正破。其中有法譬合言先無後有者。謂空之與物先時不合後時方合。則是本無今有。應是

無常。然此唯破後合不破前合。所以然者。前空體與空業用。物體與物業用。不有則已有則俱時。豈可得言先時無合後時方合。而淺識者謂空是體有。若來時方有空用。物亦如是體移動時方有動用。只此前合亦是本無今有。破則應云無常。只此先無今有。破者即具破於前後二合。正破後雙合。旁破前單合。若言虛空在物下。破其後執明空在物中又三。初牒執非之。次正難後結句。此初牒執非之。何以故下正難又二。初作理責。次作並難。初又為三。此初正責。若言有器空在器中者。本無器時空在何處。若有住處下。第二難應有多空。未有器時已有一空。後有器時復有一空。寧非多空。如其多者下。第三結過。凡結三過。一不得言常。謂先是無器之空今是有器之空。寧得是常。二者不得言一。可解。三者不得言遍。有器時空非無器時空。空寧得遍。若使虛空離空有住下。第二並難。若謂無器時空離有器時空而有住處者。物亦離空而有住處。是故當知下。第三結句可見。若有說言指住下。第八重破空是住處。亦先牒次破。所言指住處者。若言即指一切住處為虛空住處。既有四方。方若異者空應四方隨空住處。有法若從因緣下。第二總結舉五大住例破可尋。虛空無故非是過去下。破外道執中次結同異。所言同者。涅槃虛空同無三世。所言異者。涅槃是常虛空是無。又三。初明空非三世。次舉見角亦非。是故我說下。三結同異。善男子我終不與下。明用中第三習解。除惡

之用亦言無爭之用。何以除惡。已得中道觀故能去之。若無此觀何由能斷。大分為二。先明如來習解已滿故不與世爭。二明諸菩薩等觀解除惑。前文又三。一觀解。二論義。三結成不爭之用。此即初文。世間智人體中道理雙說有無。佛亦如是不違彼說。復是由佛得中道故故與物和。所以不爭。豈非中道觀解之用。世間愚人所迷乖理不當法相。言有言無違於佛旨如與佛爭。況世間人。迦葉菩薩言下。第二論義有四番問答。此初番先問大答。答中有三。初唱十法。次列十法。三結不爭。倡結二文之中皆有沾字。須作點音。次第一番問答論世智所說有無。問可見。答中定於法體又二。先明有次明無。次第三番問中二。先正作相違之間。次結佛有顛倒。答中明不相違各有所據。衆生之色從煩惱生故色是無。佛色不然故得是有。次第四問答明色常無常相。問含二意。一問云何色陰從煩惱生而是無常。二問云何色不從煩惱生而得是常。答中具明二義。今問中略故但舉色從煩惱生是無常一邊。佛答有三。一明觀與不觀為常無常之本。二正明常無常果。三結所屬之人。初文又二。初總明觀與不觀。次單明觀者。亦可云先略後廣。廣中唯明一義。前文又四。此即一明生三漏是所觀境。智者應當下二出能觀人。如人將盲下三出不能觀者。有四種人下第四雙舉二人。前二如文。第三文中不觀之人。人譬三漏。盲譬衆生。棘譬惡道。欲明三漏衆生令墮三惡。縱出惡道

法身破壞。法身破壞故三身盡壞。四雙結兩人中有四句。前二即是觀不觀者。後二即是任業之人。若人能觀下。第二單出能觀人。又二。先單出人。次廣明其人。又二。初總後別。總中又二。此初正明觀漏。有六句。復作是念下。二明其自能勤修。亦有五句。是故我於下。第二別明觀漏。亦二。初正明觀漏。次明能自勤修。前文有三。此初先觀因有法譬合。有智之人下。次觀果報。觀果報已下。三觀於輕重。智者若知下。二明自能勤修。亦有法譬合。有人能知煩惱下。二正明常無常果。又二。先明不從煩惱生則得常果。次明從煩惱生得無常果。知煩惱煩惱因下。三結所屬人。又二。先結得常果者即是如來。次明得無常果者是凡夫。世間智者下。第三還結成不爭之用。迦葉白佛下。第二明菩薩除惑。即是諸菩薩等習此觀解離諸結漏。若無中道力用云何能令惑使俱盡。又四。一觀漏體。二觀漏因。三觀漏果。四結觀智。初觀漏體有三番問答。此初文先問三漏之體。佛答中三漏為三。初明欲漏。又三。一出體。二引證。三結名。初出體。內惡覺觀即內心。因於外緣即是外境。是故我昔下。第二引證。此偈出出耀經。佛將阿難共行。見一女人將兒汲水。見一男子遂生染心。瞻目不已。因繫兒頸內兒井中。乃說偈自責云。欲欲我知汝根本。意以思想生。我不思想汝。則汝不得生。說者或小不同。但明三漏兩處不同。前德王品以欲界一切煩惱除無明是欲漏。上二界煩惱除無明是有漏。總三界無明是無明漏。今

文所明以欲界中愛為欲漏。上二界愛為有漏。無明與我見合為無明漏。是故一切下。第三結名。次明有漏中亦三。初出漏體。次簡異欲漏。三結名。次明無明漏中又二。初出體。次明能生諸漏。此初一行餘出體。從無明即一切下。第二明能生諸漏。文有三。倡釋結。迦葉言如來下。第二番問答。先問何以異說。如是二法下。佛答有三。初倡兩章門。一互因果。二互增長。不善思惟下。第二釋章門。先釋互為因果。其能生長下釋增長。如子生牙下。第三譬結。迦葉白佛下。第三番問答。問意言佛前說第三漏云是無明。今復云何從無明生。佛言如我所說下。佛答又三。先倡有兩無明。若說無明下。第二釋兩無明。又二。先明無明漏是內無明。次解從生是外漏。內心不了。是無明而外復生煩惱。是外無明。若說無明漏下。第三結兩果。言無明漏名無始終者。謂得無始無終果。十二因緣無明最初。而能生於行識等果。如是因緣三世輪轉名無始終。若得中觀能焦因緣成有始終。翻彼生死歸涅槃終。從無明生陰入等者。謂從無明生於諸漏亦招陰果。迦葉白佛下。第二觀漏因有兩番問答。此即初問。智者當觀下。佛答有四。此初明外因。何緣轉下作中下。第二明內因。菩薩作是觀時下。第三明為觀得道。是故我於下。第四引證。迦葉言衆生一身下。次番問答。初問。次如一器中下。佛答。先譬大合。初譬中言如一器者譬一神明。有種種種子者譬成就諸惑。得雨各生者。謂得取相各自相生。若取好相

生貪。取惡相生瞋。次合譬云。愛因緣故生煩惱者。還復取相名之為愛。或復說愛未必明取相。迦葉言下。第三觀漏果亦兩問答。此初問答中又二。先明報果。次明習果。就報果中有三種苦及三無常者。一解。一云。三苦即苦若行苦壞苦。三無常者。一生滅二流動三大期。二云。此謂三界為三苦。三無常者即是三界皆無常也。迦葉言佛有無漏下。第二番簡無漏果報。問中有二。初略次廣。初略問又三。一倡有無漏果。二明智者斷果。三問斷無漏果不。諸得道人下。第二廣問亦三。此初倡有無漏之果。如其智者下。第二明云何言斷。如其斷者下。第三問云何言有。問意云。有有漏果復有無漏果。聖人若當斷無漏果者。云何能得聖人果報。然佛答有二意。一云當體為言。即無漏無有果報。今言有者是因中說果。佛答有三。初舉因果互說。次明無漏無果。三明無煩惱果。前文三句。初倡如來有兩種說。如世間人下。第二明世人之說。我亦如是下。第三出如來之說。言身從心至梵天邊者。是因中說果。謂色界為身初禪之定為心。定是意業所以名心。所以常謂色界為心。生身是為定心。心實非身。但能得身故名為身。即是因中說果。果中說因。可見一切聖人下。第二明無漏無果。果謂三界中但以漏業得報。故云無無漏果。下句復云無漏果者。此是因中說果。因此無漏能得佛果。因實非果。能得果故名因為果。有智之人下。第三明無煩惱果。又二。初明斷惑。次智者下明修道。聖道者下

#### 第四結觀智

##### 迦葉品之五

起卷是第三單明生善兩番問答。初爲三。一緣起。二正問。三結問。緣起中法譬合云。若從是義下二正問。用煩惱爲衆生衆生復是煩惱。煩惱爲衆生即是困苦而無善。衆生復是煩惱即是果苦不善。若爾俱不善云何而得生於善法。何得復有妙藥王耶。若言下三結問。佛答爲三。初歎問。次合前譬。三結能修之人即佛性力。初歎如文。雪山下次合前譬。然前妙藥譬於佛性。今云藥王即淨梵行。在言少異。若有衆生下三結如文迦葉白佛下第二問答。正出所生之行此更問前意。何等衆生有清淨梵行。佛答爲二。初總答所問。次別答。初總中先譬次合。佛答意者。衆生亦不盡具有此梵行。如世果子其已是果。但此果不必併生於子。鳥食火燒水爛則不能生。不被三事即能生子。衆生亦爾。不能修者是煩惱果。而於果上復生惑因。若修善者即但有惑果無有惑因。即此衆生身中有清淨梵行。衆生觀受下第二別答明修觀解。文爲五。一觀受。二觀想。三觀欲。四觀業。五觀十二因緣。此之五觀但成兩科。前四觀五陰。後一觀因緣。觀五陰中何故不觀識色兩陰。識初起時未別苦樂。論人云。識得實法想得假名。未能分別是故不觀。色陰淺故亦不觀。三陰猛盛所以觀之。於三陰中受想不開。行陰開二。謂欲業是。所以然者行陰過重是故開之。觀中一一例皆有四。一觀受體。二觀受因。

三觀受果。四明修道。初觀受體。夫受心者只是果報。言近因者以受是五果之末。從於此處復起三因生諸煩惱名觸因緣。言因緣者觸名不定無別自體。亦可說識爲觸。亦可說想爲觸。此是次第四緣。言無明觸即是煩惱前心。言明觸者即是無漏前心。言非明無明觸者即是有漏諸善前心。復當更觀下第二觀受因。前討受因無所從生。後明從和合生。次觀果報下即第三觀果。若人能作如是下第四修道。文云觸有三種。一無明觸者。若行心作惡即識想受三名無明觸。行心起善即前三心名爲明觸。行在無記非善非惡。即前三心名非明無明觸。又一解如次。文云明觸即入聖道。餘之二觸增長諸惡。復次善男子。下第二觀想例前爲四。此言想者非謂想陰。以行心中別有想倒。又思惟中名想倒心倒。見諦之中名爲見倒。今乃總論不得名見通名爲想。又云無色界爲一切想者。無色界中乃有不用處非謂一切。但前二是一切故以爲名觀想體中又二。先正觀體。次問答云。初問中云滅受想名解脫者。數人云。得解脫者不止滅。此二心滅一切心乃得解脫。今偏言二心者過患多故受心修禪想修無色。受心味禪想計無色以爲涅槃。論家不爾。緣世諦名想受。緣真諦名慧心。世諦想心可滅得脫。真諦慧心不可滅。與數大同。故迦葉難云。滅一切法名爲解脫。豈滅兩心得解脫耶。佛答須滅一切方得解脫。佛或時總說即攝一切。或特別說。今說受想二滅即得解脫。此則總論

已說一切。文中初云。因衆生說聞者解法者。即是因於衆生說善惡等法聞即得解。又云。因法說衆生衆生得解者。先說善法須近。惡法須捨。衆生聞此即能得解。此兩意正酬前問。次觀想因亦二。先正觀因。次兩番問答。三觀果四修道悉如文。復次智者觀欲下。第三觀欲即是煩惱門。亦例有四。此初觀欲。體正是內心。今但舉外塵者。能生心欲故名塵爲欲。此即因中說果。倒想因緣便生於受下。第二觀欲因。次觀下三觀果報。是故下四修道。復次智者下。第四觀業亦爲四。先觀體。文云。受想觸欲是煩惱者。數論二解。一云。受想觸欲心王起時數即隨起。此中云受想者。即是十通。心數中四數。受即痛數。既屬通心俱通善惡。心數起善即名爲善。心數起惡即名煩惱。今據起惡言之。論云無王數異。此中云受想四者。即是四心但無色陰。觸即是識。欲即行陰。若行起善即名爲善。若行起惡即名煩惱。此中正明作惡義也。又言能作生業不作受業者二釋。一云。由此煩惱因緣不絕故云生業。而不能分別五蓋果報諸受差別。故不作受。二云。由此煩惱潤業得生。故言能作生業。而不能招捨受二捨中容捨心。既是煩惱云何能潤生。於受樂受正是樂心。復不能潤。此並論潤業生義。與業共行則有二種者。欲出業體比論業時。猶有於惑故言與業共行。而業法不同故具爲生受二業。又云身口二業亦名爲業亦名果者。其能造作即名爲業。復暢口意即名爲果。意但是業無自暢義故

不名果。又云正業是意。以意正是業體故也。期業爲身口業者。以身口自然符會。有若期契故云期業也。第三觀果報又二。初正解四業。次兩番問答料簡。初如文。初番問如文。答中云無漏名果不名報者。或時云果報不異。此中判別。私謂無漏是習果。故但云果不得云報。次番問如文。答中云又言十不善法有上中下。重苦入地獄。輕苦入餓鬼。不重不輕在畜生。十善有四報在四洲。閻浮年命果報最劣下業之果。而言上上者。取其修道行善邊勝。四有智之人下修。復次智者觀業煩惱已下。第五是觀十二緣。文亦有四。謂煩惱業有苦。但今文準前受想等皆具四門。今文但云煩惱等。私云十二緣中體因果報三義具足。能觀之智即是修道。且依現文即是果報。以此文推煩惱得苦。業亦得苦。不應云煩惱不能招報。十地經分十二因緣爲三道。謂煩惱業苦。無明愛取是煩惱道。行有是業道。識等及老死是苦道。此中爲四長出於有。即指現在五果爲有。生死爲苦。苦之與有此亦無定。而上文明八苦。不取識名色但取老死。故作此說。然此四句若具其相。一從煩惱生煩惱。二從煩惱生業。三從煩惱生有。四從煩惱生苦。次更約業。一從業生業。二從業生惑。三從業生有。四從業生苦。後兩句亦爾。即應十六句。今文但九句。亦有經本說十二句者。但九句少十二句多。準理應有十一句。何者十二因緣次第相生。如因無明生行因行生識乃至因生生老死。老死不知更生何等。若

爾只十一句。但出經者安十二時。意欲彰於十二因緣。今此不足只是廣略不同。夫相生者有前生後後逆生前。復有跨節相生。且作初句煩惱生煩惱。無明是本。即是煩惱而生愛取。煩惱生業即是無明生行。煩惱生有者即是無明生識等。煩惱生苦即生老死。第二句從業生業者從行生有。從業生煩惱者行生無明。從業生有者行生識等。從業生苦者即是行生老死。第三句從有生有者識生六入等。從有生煩惱者即識生無明。從有生業者識生行。從有生苦者即識生老死。第四句從苦生苦是從生生老死。從苦生煩惱者從老死生無明。從苦生業者即老死生行有。從苦生有者即識等五果。文云內外愛則有愛。苦者經有二文。一云受苦。二云愛苦。愛義稍弱。義解皆通。言受者由此受故則受於苦。言愛苦者經中多言恩愛爲苦。就觀因緣。今亦準前四觀不同。體中爲四。一明因果相生。二觀五道皆苦。三觀三界皆苦。四觀八苦。初又二。初正辨相生。後結十二義。相生九句並相關如文。有智之人觀地下。第二觀五道苦。就五道中具有十二因緣。中煩惱等四。地獄即是苦。煩惱即是煩惱。業即是業。體即是有。例餘道亦然。智者深觀三界下。第三觀三界皆苦。然三界未必皆苦。唯三塗是苦。人天至第三禪皆樂。第四觀是捨。此且一邊。若依如來初成道時。手指上下三界皆苦。智者若能下。第四觀八苦。智者深觀下。第二觀苦因。文云。苦因即愛無明者。小乘中業煩惱爲苦因。大

乘中即愛有無明爲苦因。小乘業爲苦本無明爲旁。是故文云。愛爲集諸皆用煩惱爲苦本。文云。愛無明有內外者。有二義。且出愛內外者。見外色境生心想著名爲外愛。自心起染名爲內愛。見他人身是外愛。見自己身是內愛。無明者內心不了名內無明。不別外事即外無明。文云。愛因緣取取因緣愛者。此如十二因緣。順則愛緣取。逆則取緣愛。此二義者還是取愛互相因待。如無明緣行行緣無明。亦因亦果。三觀果報。四智者下修道如文。迦葉白佛云何下。品中第二歎經。分文爲三。一正就教歎。二就行歎。三就佛歎。初正難教。能生中道佛性。遂使闍提還生善根。是故教。依教而行此行希有。是故教行。佛是教主。是故歎佛。此即歎三寶也。初教中文有二番問答。初問意者云何梵行之緣。此非正問梵行之體。佛答一切法是此乃通答。一切諸法皆能生行。此文意在涅槃滿教含一切法。後義自現。第二番問答正是歎經。問意者經能生行云何通。言一切法。是佛答二。先歎。後答。答中意者只此涅槃是一切法。又二。先廣舉二十五譬。後善男子下結指涅槃歎此經也。第二十五中云割習氣者。輕品同斷。今斷最輕無明以習氣爲言。若三藏通教皆先斷正後斷習。正是界內正習。若依別教先斷界內正習。次斷界外正。次斷界外習。依圓教界內外正習一時同斷。今文云。斷習者。即是歎圓教同斷之意。非方便也。如我先說下。第二就行爲歎爲二。初明道品。次明十想。此有兩

義一爲行之要。二皆是大行。言行要者。菩薩應修六度四等爲行之要。何得以聲聞道品十想爲要。此明道品取真解之位已上。十想取方便之位。此是似解。正觀是入道宗。寧非要耶。又以大涅槃心修則非二乘法。言大行者欲攝衆善。無非大士之所行故。初明道品於中爲二。初正明道品體。次明道品因緣。初體又三。一明真解爲是。二明有漏則非。三還結真。莊嚴解道品云。三四五並是內凡。五是內凡能觀。八七是真聖作觀。開善云。不爾。三十七品通內外凡。三四二五並是內凡似解之觀。八七皆是真聖觀之。八正是見諦。七覺是思惟。觀師彈莊嚴云。大品明三十七品是出世法。云何三四五並是外凡。彈開善云。此文世第一法非淨梵行。三十七品是清淨梵行。云何外凡而能觀之。天台明道品多種。具在止觀道品文中。莊嚴據約位道品。開善據通修道品。皆是一塗云云。就初明是有四。第一明三十七品爲梵行之宗。若離如是下。第二明離道品則不得果。以是因緣下。第三結是。何以故下。第四釋是之意。迦葉白佛有漏之法下。第二明非有四番問答。此初番問中明有漏善非。問意云。有漏之善亦資生無漏。何故不說以爲梵行。答以其體是倒故。是故不得言是。倒者不明有漏之善有常無常等倒。但既有漏則有執心不能無得。故名爲倒。迦葉白佛世第一法下。第二問答。問意欲舉世法爲難故先定義宗。佛言有漏者佛答。開善云。五方便皆帶取相實是有漏。然又是相似

無漏。但未能斷漏。不攝無漏之異故言有漏。然其體實不執。故難文即云性非倒也。世尊雖是有漏下。第三問答正難問意云。雖復謂爲有漏而能生解體非顛倒。既其若是何故非梵行。佛答有二。此初言向無漏故不名倒者。明此觀發無漏故不名倒。而自體有執。次又言世第一法唯是一心者。正取隣於苦忍爲第一法。則唯一利那心。今佛答意。明我說梵行本令衆生發心相續。世法即唯一心是故不取。迦葉白佛衆生五識下。第四問答。問中舉五識爲問文云。衆生五識非是顛倒者諸解不同。有說識陰未有取相。或言識心有相但輕後三心。而今問家云。五識非倒者。謂但一往得境。未分別三假參差之相。故說非倒。而復云非一心者。如眼見色即心心相續若爾者不得不爲梵行。佛答云。然是有漏復是顛倒。故知識心已有取相。又云體非真實非著想故倒。下文釋云。生男女想乃至舍宅餅衣等想者。識心未得男女形心餅衣等解。此乃想心而有。此文者欲。明想時何故有執。正由前識心已著色聲故生今想著。舉果明因也。善男子三十七品下。第三結是也。善男子若有菩薩於三十七品下。第二明道品因緣即能知九義。九義即是道品之用。婆沙中明道品有九性。此則是性。若論其體各有所據。言九性者。一戒。二定。三慧。四念。五信。六精進。七喜。八捨。約道品中惟三是戒。即正語業命。八種是定。四如意爲四定。五定根。六定力。七定覺。八正定。九種是慧。四念

處爲四。慧根慧力爲六。擇法覺分爲七。正見正思惟爲九。四種是念。念根念力正念念覺分。兩種是信。信根信力。八種是精進。四正勤爲四。根力爲六。正精進及精進覺分爲八。所餘各一。此文有五。一列名。二明體。三釋義。四約法。五料簡。此第一列名。然此九義即爲三別。初四是道品之因。中三是道品之體。後二是道品之果。言前四因者。根是欲欲發心求於善提。因是明無明。善因是明。惡因是無明。攝是收攝不令散失。增是善思惟思惟作善。所以此四是因。主是念。導是定。勝是慧。既云念定慧寧非是體。實是解脫即少分。畢竟即涅槃果。此二豈非是果。迦葉白佛下第二明體。先問。次答。答又二。先讚問。次正答。答中云。因名明觸者。即善知識之緣。善男子善欲即是下。第三釋九義即爲九文。此先釋欲爲根本又。二先釋。次料簡。釋中二。先答。次警。次料簡中有兩番問答。世尊云。何明觸下第二釋。觸最有多句。以觸無定。然則隨有觸對之義皆得說也。文云。因正命故得淨根戒。前明正命已。是木叉。木叉云戒。此中又未明定共道共。何以知然。下文自云。因淨根戒得樂寂靜始是得定能善思惟。始是得慧既未明定慧。云何已有道定戒耶。而今得木叉竟。在道定前而說淨根戒者。有二釋。初云。前明正命是木叉戒正是堅持不犯。此復明淨根者。更明此戒漸細乃能攝護五根不令起過故謂淨根。二云。不言淨於五根。但菩薩自有信等諸根。戒有能生之義。即戒爲根。此戒

既淨能生定慧等法。故謂淨根戒。十住論。優婆塞戒經。並有淨根之說。受名攝取下第三釋攝受。前明觀受。受是生煩惱之始。攝取煩惱。今明受生道品。故還謂受為攝取。因善思惟下第四釋增。謂因思惟故心解增進故名。為增。其中先倡次釋。若觀能破下第五釋念。有法譬合也。既不定已下第六釋導。謂定能導生於智故有導名。是三十七品下第七釋勝。有法譬合。意言慧能正斷故名為勝。雖因修習下第八釋實。先舉定伏非實。次正明智斷是實。是三十七品下第九釋畢竟。其中二。先明四沙門果猶非畢竟。後正明得大涅槃乃為究竟。而文言除斷三十七品所行之事。謂得果之日因中有為諸慧悉捨。復次善愛念。心下。第四明約法又三。一約法。二約人。三就譬。此初就法明。其中九法為三意。前四是因。中三是體。後二是果。復次欲者即發心下第二就人。此中九法為二。前四就因。後五就果。然因中通內凡。果地通學與無學。復次欲名為識下第三就譬。此又三解。一開善云。此舉十二因緣是九法之境。道品緣此境也。二者今之所用此是就譬明此。九法次第如十二緣相生。此九法亦爾。次第相生。然此十二因緣有三事難解。一不具足。二識支重出。三不次第。所以不具者正為存略。而略行不略無明者。以無明是因緣根本。所以識支重出者。一正是識支。二謂觸為識。所以不次第者。正欲明因緣輪轉無窮不定次第。迦葉菩薩言根本因增下。第五料簡。先問次答。答有

五復次。初復次云根者初發可解。因者即是相似。是即初後兩心相續不斷。增者滅相似得相似者即滅前相似心。更復得後相似之心。而但簡三法。其中有道之說。見道即見諸道修道即思惟道。唯除羅漢果。無學即羅漢。迦葉菩薩言如佛所說下。第二就十想明行。先問次答。答中有三。初總標。次解釋。三總結。此初總標十想大列。然論其體實是慧也。以想名說之。初作觀時未能明了想像其事。後觀成時從方便立名亦名為想。若論其位則通淺深。以其初習亦名十想。大品中亦有十想。釋論云。初習名九想。成就名十想。名數大略與此是同。但有兩異。一者大品廣有不淨想斷想。二者大品無有多過罪想及無愛想。其中離惡想即離解脫想。盡想即滅想。但此十想為二。前六明觀行。後四明出離。就前六為二。初三是正觀。謂苦無常無我。後之三想相成而已。古來二解。一云。別相主對以死想成無常。不可樂想成苦。厭離食想成無我。言食厭成無我者。然世間人於食生貪者。只由計我欲美其色故。佛知無我即不貪求精好飲食。故知厭食成無我想。不可樂成苦想者。所以瑞應經云。三界皆苦何可樂者。死想成無常者此最易見。以死故無常。言通相成者。只由食厭不可樂死故無我。亦只由食厭不可樂死故苦。由食厭不可樂死故無常。後四想者多過罪想通厭世間。離解脫想與滅想為異者三解。一云。斷因盡為離。斷果盡為滅。二云。分知為離。全盡為滅。三云。伏惑為離。斷除為滅。

無愛想者。既離滅之後故心無愛著。文云稱此丘義可知。故下文稱可沙門之相。迦葉言云何名為下。第二解釋又三。初別解六想。次總歎六想三略標。四想。此初先別解六想。無常為初。先問次答。答中六想自為六文。初無常中二。先標。次釋。釋中二。先籠次細。言二苦因者二解。一云。因內生內苦。因外生外苦。二云。出在文中。饑渴為內寒熱為外。言行六處者即是六塵。次修苦想下。第二解苦想。云深觀此。身即無常器者。身中三苦八苦皆在身內故言苦器。文又云。無常故苦者。數人云。無常力切故苦。若無常所偏則不苦。論師云。不爾。苦必無常。無常未必有苦。如一切草木亦無常而不苦。有情之類有苦必無常。三聚為色。與無記並皆無常而不苦。唯心一事是苦。從智者復觀下。第三無我想可見。次明食厭想又三。初正明。次論義。三結成。文中云。四食攝正搏觸思識者。攝只是今時人飯食。可分段故。觸食即是依報。衣服臥具強軟諸觸。思食是業食。識食只是意食。次明不可樂想。如文。次明死想又二。初明大期之死。後明念念死又二。初問。次答。文云。一息一胸四百生滅。成論云。一念六十生滅。問云何兩文不相應耶。解有二意。一云。成論是小乘明無常。猶奢所以六十生滅。經是大乘明無常。稍切故所以四百。二云。論云。一念者此念短故但六十。經云息者息長故有四百。智者具足下。第二總歎六想。明從六想得於七想。文云。一常修想。非觀常境但當作此修故也。樂修想

作願樂之音。亦是恒樂欲修也。若人具足如上六想下。第三略標四想。文云。能訶三界即是過罪想。遠離三界即離想。滅除三界即滅想。不生愛著即無愛想。是名智者下第三總結。爾時迦葉下。次偈歎中第三就佛為歎。三十六行偈大分爲三。初兩行總標。次三十行正歎。三四行結歎。靈味師云。師子吼歎佛大慈。此品歎佛大悲。今謂不爾。文中自言佛具一味大慈心。復云所謂慈心救世間。寧直大悲。今謂應如靈味。師子吼明佛性。即是大慈與樂。此品明闡提生善。即是大悲拔苦。別說若是。雖明大悲非無大慈。雖說大慈非無大悲。

### 大般涅槃經疏卷第三十一

## 大般涅槃經疏卷第三十二

隋章安頂法師撰

唐天台沙門湛然再治

### 憍陳如品之一

憍陳如翻火器。姓也。阿若翻無知。名也。其義甚多。且出四意。在先得道是最初上座。左面右面前佛滅度。持法領法于今未來。耆年長德爲最後座首。佛欲善始令終故對其人。初轉法輪最先對之布衍甘露。後轉法輪復更對之以開祕藏。三本行理外最初翻邪。今因其人最後破外。四初對之令五人見諦。後對之令十仙見理。以是義故從人得名。若作付

法對陳如者。若領受言教應在阿難。若住持紹繼應在迦葉。弘闡大旨應在文殊。而諸大弟子。或已滅度。或復未來。耆年長德見佛始終。必藉上座堪任付囑。故對告之流通遺命。開善云。翻經未盡只有序正。正又爲三。初開宗略說。二辨宗廣說。此品是第三攝邪歸正說。光宅云。翻雖未盡三段且足。此品即是流通段也。又云此品答第三十七。今欲問諸陰而我無智慧。與皇云。若是答問得前少意失後諸文。若言流通得命阿難文。又失其餘。若評諸師各得一意。若引曇無讖言此經義足而文未盡。若引居士請僧經云三品未來。又引下文命阿難則有二事。一令化須跋。二應付囑。命化已竟未見付囑。當知未盡。言有流通者。一攝邪歸正流通。二付囑流通。雖無付囑之文。而有攝邪故言有流通分。今明此品。猶是涅槃用。其義則寬。現在有攝邪攝惡之用。將來有救惡救邪之用。欲爲正說流通兩塗。皆得欲作翻。盡不盡二義無妨。今明涅槃用。前品是攝惡用。此品是攝邪用。就文爲二。第一結正觀行。第二破諸邪說。修行之要莫過此兩。正觀是自行上求。破邪是利他下化。正觀是行善。破邪是止善。正觀是解生。破邪是惑滅。正觀是智德。破邪是斷德。即四悉意。初明正觀又二。第一正辨觀行。第二總結褒貶。此初雙明常無常觀。皆憑陰爲境。不論餘法者總有四義。一化道始終。二隨物所宜。三結一經首末。四諸法初後。一化道始終者。法華云。昔於波羅奈轉四諦法輪。分別說諸法五

衆之生滅五衆即五陰。生滅即無常。今入涅槃還滅五無常。得五皆常。二隨所宜者可見。三言結一經首末者。此經開宗。便言我今施汝常命色力。今最後經還結此意。辨五陰是常。欲明命色安辨即是五陰。四言結諸法始終者。凡觀行之體。無不先以五陰爲始種智爲終。故大品等經。多言色空受想等空乃至種智。五陰即其始。涅槃即其終。略其中間。他解色是閤法。心是緣法。佛無閤無緣故無色心。若有色者。應覆之以屋著之以衣。所言色者。辨智明淨譬之於色。今明此解達經。經云因滅是色獲得常色。亦應滅於閤色。獲無閤色。亦應滅於緣心。獲無緣心。何得猶存緣心。復呼緣心而爲色耶。若以色譬智慧。受想行識復譬何等。豈可以小乘牛迹乘於大海。又一師云。據實論之佛無色心。引經云。爾時過意界住在智業中。雖引此經還成自害。智業是何豈非佛心。又言凡夫名陰佛豈然乎。佛名五分何者陰名蓋覆。佛無蓋覆故非是陰。例如因名萬行果名萬德。此亦達經。經云。獲得常色受想行識亦復如是。豈非常陰常色心耶。上文云。我今施汝常命色力安無閤辨。即常住陰覆蓋法界。何所妨害而言非陰。夫法身者非常陰非無常陰。界入亦爾。而能常陰能無常陰。此中正對陳如說於前義。破無常色獲得常色。即常色陰云何達經言無色陰。若作圓說即無常色仍是常色。受等亦爾。即無常陰是於常陰。界入亦爾。雖別圓二種。同明常陰常界入等。二結成褒貶。其文可見。



因此破邪。爾時外道下。第二破邪又二。初緣起。次正破。就緣起中二。初謀議。次求佛角力。謀議有五番可見。爾時多有下次欲求角力。爾時衆中開提下第二正破。十仙即爲十章。此是其一。開提首那宗迦毘羅。執因有果因果同時。故百論云。迦毘羅弟子誦僧法經二十五諦。今此具出故知是也。此章爲二。一論義二歸伏論。義爲四。一定義宗。二受定。三正難。四通釋。初定宗者。我聞瞿曇涅槃常者。爲定爾不。次答如是如是。即是受定。然涅槃何曾定是常無常。亦常亦無常。非常非無常耶。欲以常破之故言如是如是。婆羅門言下第三正難又三。先非佛義。次正難。三取意結。初如文。次正難中有五難。不出兩意。初四難同令無常。後一難非但無常亦無樂淨我。初明修無常想得常涅槃。不應無常因得於常果。舊當此難。彼云涅槃是果。修於習因還生習果。涅槃之果既其是常。復以何等爲此常因。乃至我淨亦復如是。彼若答言我之涅槃自是常果。隨自然義云云。瞿曇又說解脫欲貪下。第二難明解脫欲貪得於涅槃。所脫欲貪既無常者。能脫涅槃亦是無常。此難最拙。瞿曇又說從因故生天下。第三直明從因生故故是無常。涅槃是果即從因生不得是常。瞿曇亦說色從緣生下。第四開作兩難。若涅槃即陰。陰既無常涅槃亦爾。若離五陰與五陰異。猶如虛空即不可得。云何衆生能得涅槃。瞿曇亦說從因生下。第五難明涅槃既是無常不得是常者。何但無常亦無樂淨我。若瞿

曇說亦常無常下。第三取意結。難意云。佛見難常既不可通。恐佛移宗向亦常亦無常。即成二語。若二語者即不名佛。佛言下第四通釋文爲二。初答正難。次答結難。初文又二。初答第一難。次答第三難。所以不答餘三難者。其難涅槃令是無常。故餘從例。不答第二所斷欲貪者。欲貪無常云何能令斷亦無常。不答第四者。涅槃是常何論即離。不答第五者。涅槃是常寧無樂淨。今先答初難。佛先問之令出彼義。其向抗拒不出其義。佛因餘難遂出其義。我性是常。大等諸法何妨無常。若爾即是能生之因是常。所生之果無常。佛便並通。如汝法中因常果無常者。何妨我法因是無常而果是常云云。此二十五諦與百論中有同有異。總爲三。一者名異體同。論云。從冥生覺從覺生我心。此中云。從性生大從大生慢。即是名異體同者。冥是八萬劫外冥然不知。此中言性是萬法性。冥伏在於八萬劫外不可得知。論云。覺者即是覺知八萬劫事。此中言大只是能大。覺知慢我易見。二者名體俱同。即是五大五塵五情五業。并心平等。三名體俱異者。論云。神我爲主即是一根。此云。染塵黑者亦是一根。此即大異染塵黑三云何爲一。解云。三不並起。貪等後前隨取其一。足二十四。問此圖提既其宗於迦毘羅義。何故不同。解云。當佛世時不見三師但見其徒。其徒改本故說不同有染等異。如莊嚴云。佛果無有續待因成三假。後招提跋是彼學士。即改云佛果無因成。不妨有續待。開善云。二歸同體。

後龍光是其學士。即改二諦各各有體云云。五業中云男女二根。論以大小便爲二根。各有所據。論就一體。經就二人云云。但此性諦。或謂即是神我。或謂是冥初。皆有其義。冥初據二十五諦之初。以是冥諦。又言是常乃是神我。未測何異。於中云從慢生十六法者。此未即生一十六法。無有染塵黑三。一時而起隨從其一生。此不定故先不說言。十六法者。即是五大。五知根。五業根。心平等根。列五根名。乃云觸者謂身爲觸。問平等根者論家所明意識以託五根起者爲五知根。心既遍緣故名平等。文言是二十五法皆性生者。其實性生二十四法。能所含數故二十五。準彼義者性即是常所生無常。佛以彼義而並通。云何妨我義因是無常而果是常。從汝等法中有二因不下。第二答彼第三難。亦先一一駁出彼義。文言了因所了即同了不者。謂了因所了之果。必與了同不。如燈是了因。了出餅盆之果。此之了因與餅盆等了果同不。彼云不同。何故爾。如燈名了因。因人息之火滅。豈令餅滅。涅槃亦爾。雖從了出涅槃果常。汝不得云從因生果即是無常。若答汝義既有二因。了因所了之果。不同能了之因。我亦如是。此之涅槃從了因有。了因無常涅槃果常。是故如來所說有二下。第二破其取意結難。明佛無二言隨根說法。有時說有時說無。意欲令解中道正法。寧是二語。後文更取眼色生識。釋所說意。佛之二語爲了一語者。謂眼色雖二而同生識。識是一故。故言一語。從婆



羅門言下。二歸伏又六。一請。二說。三述。四印。五歸。六許。初更請佛說。爾時世尊下。二佛即答。云苦諦者。亦二亦一。乃至道諦亦復如是。此有二解。一愛法師云。以實法苦樂爲二。而相續道中終以苦識研成此樂。故是一義。故言亦二亦一。道諦例爾。又有師解。佛說四真諦。首那因此四諦悟道。不應只是相續假義。所以有此文者。如大品差別品中。善吉問佛。爲以苦諦得度。爲以苦智乃至道智得度。佛答云。不以苦諦苦智乃至道智。我說四諦平等名爲得道。又云。四諦平等即是涅槃。是則苦諦是境。苦智是智。世諦道中有境智二。若見無生則不見有境智之別。皆是一相。故亦二亦一。婆羅門言下三述。言苦諦一切凡夫是二聖人是一者。若依愛師寧解此文。後用凡夫分別故見有境智之二。聖忘境智皆是一真故言聖一。四印。五歸。如文。

#### 陳如品之一

六許。佛告陳如聽其出家者。陳如是最後付囑。汝既上座須知僧事。得羅漢果者。若依開善此皆現迹。若依莊嚴實得羅漢。以佛神力說法之功。即令此人從凡入聖。極爲奇特。但前文明已得正見。此中復言出家之後方得羅漢。故知前明正見。難測淺深。亦可始得初果。亦可只是方便。是故今方得羅漢果。私謂迴邪入正即是正見。何論入位之淺深耶。婆私吒下第二人。此是優樓伽法學徒。文亦有二。初論義。後明歸伏。論義有四番。前二文各有問答可尋。然問佛涅槃常耶。佛亦答言如

是。至論涅槃何會定常。復問無煩惱爲涅槃耶。佛亦答如是。佛何會云。無煩惱爲涅槃耶。前文不云已斷煩惱爲涅槃。但以不生煩惱爲涅槃。今對此外道宜作此說。爲其是計斷見之人。但第三番所舉四無意以滅無爲難。若法滅無云何復有常樂。未生即是未來之無。滅無即是過去之無。佛答云同於互無。此亦對於外道故說。若論正理非全互無。所以然者。本以牛馬互無名爲互無。今明生死之中本有涅槃。是故正理非全互無。其中第四番彼仍復難。若是互無亦應無常。雖牛中無馬而言有馬。馬中無牛亦爾。牛馬終是本無今有。涅槃亦爾。涅槃中無生死。而有涅槃者。即是本無今有。亦是無常。佛今若之。雖同互無而復不同爲異無。中有三種無。一是互無。二是先無後有。三是有還無。當知涅槃同是異無。即無此三事。是故常樂。文中有三。此先法說。次舉。三病。三藥爲譬。三舉譬明果。次文中云。蜜能治冷。依譬者說。蜜性乃冷。是土宜異不必皆爾。又譬中云。三種病中無三種藥。三種藥中無三種病者。舊以此文證無同體。若使慧中得有無明藥乃有病。乖於此說。然莊嚴舊解。明無漏中實有有無之惑。此言無者但無取相等惑。若招提解。以真無漏實不得報。無勢說於無明以入解體。而勝鬘中說。無明住地緣無漏業爲因者。此說相似無漏及彼導無漏。不言真無漏。婆私吒言。如來爲我說常無常下。第二歸伏。其文云。色是無常解脫色常者。有二解。一者色既無常。我

解脫色則無復色。故所以常。二云。解脫即色。色即是常。故前文云。獲得解脫常住之色。後解爲勝。此中寄陳如懺悔文。言彌瞿曇姓者。舊爲彌音。謂彼呼汝爲彌。故言彌瞿曇姓。今依治城西房從法師說爲危音。但翻此在北。北人多云危。亦云彌我之音。大集經中亦用此字。彼經即是人旁作爾。文云。瞿曇姓者。若佛弟子稱佛爲瞿曇。如前現病品偈中。云瞿曇大聖德願起演說法者。此謂稱歎之詞。明佛雖復七世已來釋種王世。而其本族起自瞿曇大姓。世胄殊遠非始今日。若外道意稱瞿曇者。此不論德直以姓爲言。此是經略之謂。如世人言。不呼人位但呼姓者。遂爲輕略。又云。我亦不能久住毒身今欲入滅者。謂本有神通即得聖果。用邊際智故入涅槃。前文云。得阿羅漢施三衣者。準理得羅漢已具足衣鉢。今言無者。若善來羅漢即有三衣。既自得羅漢。是故須衣。又此人本是出家外道不俟剃髮。何以知之。前文闡提。云婆羅門。今婆私吒。但言梵志。梵志即是出家外道。所以更須施其應器。爾時衆中復有先尼。是第三外道。外道先尼非止一人。今此非是前卷先尼。如佛弟子中同名迦葉者衆。此章有四。一緣起。二破執。三論義。四歸伏。然佛說不定。自有先明正義使外道得解。自有先須默然待彼立義。然後破之以申正理。今宜先默然。故三問不答。然不答凡有三義。一者根緣所宜雖復不答是默然答。二者定問有無皆是邪意。故大論中有十四難佛皆不答。有邊無邊有

常無常如去不如去等。所以不答。三者佛欲對彼自立之義。出其綱宗然後乃破。如來上答恒被彼難竟未得破所以默然。有此三意。先尼言若一切衆生下。第二破執。其中有二。先立宗。次正破。此下是立宗。凡有三義。一者立我是遍二者立我是一。三者立我是作者。我即衆生士夫壽命。我既被破人及士夫衆生自去。作者知者既被破已。起者即是作者之類亦皆被破。今問外計。爲是即陰爲是離陰。今謂計我是作者者。作即行陰計行爲我。若計是知者見者。並是計即陰爲我。其計我是作者。所作之業雖復不同。而同是作者。佛言先尼下。第二明正破有二。初正破前三。次別破。餘三見者知者受者。就初文爲三。初破遍。次破一。後破作。初有四番。此初第一先定彼義。佛言若我周遍下。第二正破。明若我遍者應在五道。何須修善欲受天報離惡道耶。惡與生天我應常在。不須修善。先尼言。我有二種。一作身我。二常身我者。先尼本計常身之我。爲被破故轉成二我。佛言如汝說我下。第三佛更逐破。若常身我在作身中。作身無常。常身之我亦應無常。若常身我不在作身。則非遍義。先尼因此更舉舍譬。舍主譬常身。舍譬作身。舍既被燒主即出去。如作身無常。常身即去。佛言如汝說我下。第四便逐破之。明常身我既其遍。在常即無常在常此常。在無常中寧不無常。如是遍在色與非色。在非色既即非色。在色寧得不即是色。舍與主異。有燒不燒不得俱明。舍主可爾。常身作身此

則不然。何以得云作身無常我即出去。今當問汝。出何處去。常身既常常體恒遍。出無去處。汝意若謂一切衆生下。第二次破一義。凡有八番。此下初番。我既是一。父我子我。二我何異。次先尼救云。謂一人一我。非一切人同共一我。故有父子二我不同。此即破竟便轉義宗。佛言若言一人下。第二佛便逐破。若一人一我。我有衆多則不名常。先尼若言。一切衆生業報應同。汝言一人各一我者。我既是遍無處不有。如張人我亦來在於王人中。王人之我亦來在於張人我中。若爾者。我既互通即無愚智。亦無貴賤。亦如天得我既在佛得眼見。佛得之我亦在天得。佛得之我既因眼見。天得之我亦應因佛得眼見。天得佛得是人名也。先尼救云。我遍一切法。而諸法不相遍。故天得佛得二作不同。佛言法與非法下。第三佛復逐破。法與非法非業作耶。以定先尼。或釋先尼所計我是作者。業字應作我字。義則可然。不須改字。隨下文業字。既計我是作者。所言業作即是我作。次先尼答可見。佛言法非法下第四又破。既同是我作故。天得作時即佛得作。二作既同報應不異。下舉業平等果亦應同。次先尼舉燈明救。佛言汝說燈明下。第五逐破彼譬。明在灶邊復照於堂。譬有邊表之處。我亦應有眼識處所。我既遍於法與非法。法與非法亦應遍我。是則相與俱遍。先尼言。汝引燈喻下。復救於譬。善男子我所引喻者則是非喻下。第六又破彼譬。如是喻者則是非喻。故知燈明不得喻我。若喻我者。則於彼不吉

於佛爲吉。先尼言。汝先責我又救明佛亦不平。佛言如我不平下。第七明我之不平破。汝不平令汝得平。即是我平同諸聖人。得平等者始是大平。先尼救云。一切衆生平等有我。即是我平。汝亦說言下。第八佛更逐破平等之義。既言當受五道之身。我豈得等。汝意若謂我是作者下。第三破作者有六。善男子此初文者約受苦破。若我是作者。那自作苦。若苦非我作。一切諸法應非我作。衆生苦樂下。第二明憂喜。汝說我當下。第三明有十時。若我作者下。第四明有盛衰。衆生亦有盛衰。衆生既即我。我應盛衰。豈是常邪。我若作者下。第五明不應利鈍。那得此人於書利於棋鈍。彼人於棋利於書鈍。餘例皆爾。我若作者下。第六明汝自說無我而疑我有無。汝意若謂離眼有見下。第二破餘三義。故言別破。此中有三。初破見者。次破受者。三破知者。初破見者。自復有三。此初正破。若謂離眼有見者。此謂我是能見。衛世師執神使智知而神異。知此義同。僧伽所計。神即能知故言離眼有見。是義不然。若離眼有我。而能見者何須此眼。若離我見用眼能見者。如言華能燒村。但因華裏火擲在屋上。故云華燒者。神因眼見亦復如是。終是眼見神不能見。先尼言下。第二救云。如人執鎌則能刈草。譬我因眼則能見色。就正義中乃是假我。今眼能見必無實我。須因眼見。善男子鎌人各異下。第三重破。鎌人不同可得刈草。若離根外無別有我。故不爲例。汝意若謂身作我受下。第二破受

者。是我身作卽是我作下乃自顯。先尼言我  
有二種下。第三破知者是我於中有二此先  
明執。佛言善男子所言知者下正破。我因智  
知同華喻壞者。還是前義。華能裏火。火能燒  
屋名華燒者。神雖能知而復更用智爲知者。  
終是智自能知神不能知。前已破竟。故言同  
華喻壞。佛法正義亦有假我御智知義。但不  
同實我因智知能。先尼言若無我者下。第三  
論義。上佛句句破先尼義。邪義既除。今更與  
佛共論此義。爲定有我定無我耶。一者亦是  
難佛無有我義。二者復立我義難佛無有我義。  
佛義不立有我義顯。自有五番。此先尼第一  
問。若無我者誰能憶念。佛答。若以憶故知有  
我者。今以忘故知應無我。汝以有念證有我  
者。既有忘失證知無我。若暫時憶顯有我者。  
亦應暫忘顯無有我。我既自在云何念惡而  
不念善。又云念所不念正在定中。應當思惟  
憶念定境。何故更緣其餘事耶。又云。不念所  
念者。正作惡時復存善法。既其有我何得不  
定。先尼誰見誰聞下第二問。若無我者誰能  
見聞。佛答意者根塵和合故有見聞。實不由  
我而能見聞。自舉二譬。先尼言若無我者下。  
第三問意以名責之。云何名爲我見我聞。世  
人並云。我見我聞我苦樂憂喜等。佛答有二  
意。一者却反還之言我見聞。知有我者如他  
作罪。云不見聞亦應無我。次如四兵下。復舉  
假名合我見聞。先尼言如汝所說下。第四更  
問。若內外和合者誰出聲耶。佛卽答言。因無  
明者卽是因十二因緣和合成身。以有身故

覺動動風。風擊唇舌出聲說我。如大論云。風  
名阿優陀。觸臍而上去。至牙齒唇舌鼓動故  
出聲。風鈴熱鐵亦復如是。先尼言如瞿曇說  
下第五問。明若隨理者全無有我。如來何緣  
得有常樂。由有我故有常等法。若無我者何  
得此法。佛答意者。得常我者須滅身後爾乃  
得之。豈卽此身得常我耶。先尼言唯願大慈  
下。第四歸伏。復有四番。此初請佛說。佛廣爲  
說。因說慢義欲彈斥彼本慢之心。先尼言如  
是如是下。第二領旨如來因此重說又二。先  
誠。次說言非自非他非衆生者。明法與衆生  
同一平等。先尼言我已解已下。第三自獲得  
解。如來因更責出其相世尊所言色者下。第  
四出已所解又二。先自述。次佛命善來得慧  
眼淨。言法眼者卽是初果。言慧眼淨是第四  
果。但其與佛言論之時已得初果。後命善來  
得第四果。外道衆中復有姓迦葉下。第四外  
道文爲三。初緣起。次論義。後歸伏。此初三問  
皆默以爲緣起。是故不答。如來欲令彼出已  
義。梵志復言下。第二論義。自有五番。此初彼  
先立義。明身異命異。如人捨身未及後身受  
中陰時。爾時身命異先身命。非因所得。次善  
男子我說身命下。如來破明高法從緣。不但  
身命諸法悉然。陰死之時此命假緣續其中  
陰。梵志復言我見世間下。第二番出彼立義。  
彼明有法不從緣生。如來復責梵志。言我見  
大火下。第三彼因立事。言凡明絕焰是不從  
緣。如來復破明亦從緣。其中槩木之字。或以  
爲臻音。或以爲愁申反。今以臻音爲正。詩云。

樹之榛栗。傳云。榛栗棗蓋。說文云。榛以梓實  
如小栗。梵志言絕焰去時下。第四重申明不  
因薪炭。佛卽破之明因風而至。瞿曇若人捨  
身下。第五復出彼難。明兩身中間誰爲因緣。  
佛卽答言。終以煩惱而爲其緣言有因緣。身  
卽是命命卽是身。此據一期果報。業所得有  
因緣故。身異命異者。據色心連持謂之爲命。  
五陰名身。其義異也。梵志言唯願爲我下。第  
三歸伏又有三番。此初請說。次佛答又二。先  
答次牒。計之亦名印述世尊我已知已下。第  
二領解。次佛重徵。次世尊火卽煩惱下。第三  
委陳已解。經五日已得羅漢果者說其證果。  
除促機悟早晚。外道衆中復有富那下。第五  
外道。彼之所執卽是邊見。雖有其執恐有屈  
滯不敢述之。故且舉問。就文有二。初論義後  
歸伏。此初論義自有四番。此卽初番舉六十  
二見問。六十二見有二解。一云。身見邊見共六  
十二。何者身見五十六。邊見有六。約於五陰  
各有四執。卽色離色。亦卽亦離。不卽不離。餘  
四例然。則爲二十。欲界色界則爲四十。無色  
無色但說四陰。四四十六。故知身見有五十  
六。邊見六者。謂三界中各有斷常。以足身見  
成六十二。故大品云。譬如我見攝六十二見。  
二直就邊見。自六十二。現在世中卽色爲我  
則色滅我斷。離色爲我則色滅我常。亦卽亦  
離。亦斷亦常。不卽不離。則不斷不常。四陰亦  
然則我二十。去來例然。則成六十。雖有六十  
不出斷常。故以斷常而標其首。爲六十二。今  
文中云。常無常者則是過去。有邊無邊則據

未來。此言邊者。非謂開陝堅論分際。故是彼邊。如去不如去者。據佛滅後乃計如來。卽色涅槃畢竟永滅。此是如去。若身不滅是不如去。亦如去亦不如去等云云。足前成六十。復云。是身是命卽常見。身異命異卽斷見。合成六十二見。而此文云。如來滅後者。他人不見此。既不許約如來作二十計。卽自解云。我如色來。卽如色去。不如色去。故云如去不如去。佛卽答之。我不作此說。梵志言。今者見何罪過下。第二問。此有何過而不爲說。佛答明此是見取之過。故不作說。瞿曇若見如是罪過下。第三問。如來何所見。著何所說耶。佛答之。先遣見著之言。後明就見能說。瞿曇云。何下。第四重責見說。佛乃廣答又二。先正答。後更反責以出其相。當那言請說一喻下。第二歸伏。譬云。如大村外者。此譬佛果涅槃。有婆羅林者。有人譬金剛心。今譬衆生心。中有一樹者。譬佛性。足一百年者。是一數之圓名。譬中道佛性圓滿端正。文云。一樹先林而生。一樹既譬佛性。可云佛性在衆生前。無衆生而已。有衆生卽有佛性。今何以云先林而生。若言佛性衆生有先有後。若共若離皆悉不可。並須破之。性執破已。方得假說有前有後。此之前後則不相乖。既不相乖。乍可義說佛性在前。何以故。佛性本有。以本有故。故義云。先卽不失理。林主修治者。卽修持人。其樹陳朽皮膚悉脫者。譬煩惱諸惡一切都盡。唯眞實在卽是萬德。

大般涅槃經疏卷第三十一

### 大般涅槃經疏卷第三十三

隋章安頂法師撰

唐天台沙門湛然再治

陳如品之二

起卷是第六外道文爲二。初論義。後歸伏。論義有二番。初番問衆生何法。故起常無常等六十二見。佛答。不知色故起常無常。乃至不知識故起常無常等。夫言色者。先業爲因。今世父母衣食爲緣。虛僞假合。謂有定性。所以能起常無常等。乃至不知於識亦起諸見。次番更問。知何色知何識。故不起諸見。佛言。知色但是因緣和合。無主無我。卽無諸見。乃至知識亦復如是。梵志言。唯願爲我下。二是歸伏。文云。捨故等者。故名無明與愛。新名取有。解者爲二。一云。無明與愛是過去。所以名故。取有現在。所以名新。愛是現在。那忽言。故乃強解云。由行得愛。此解不然。二云。若據煩惱無明愛爲新。若據業者。取有爲故。此亦不可。取是煩惱。那忽爲新。無明愛新。那忽屬業。最爲不可。又一解云。不須云過現及煩惱業。但論無明與愛是起身本。取從無明愛起。卽是枝末。所以名新。無前諸失。上云。無明爲父。貪愛爲母。若尊敬此死入無間。又云。生死本際。凡有二種。無明與愛。此豈非故。今約三世現在。望過去無明。是故。未來望現在。愛卽是故。與觀師同。又不失三世。文云。我今已得正法淨眼。或法眼淨。此應無異。特是左右之異。十五

日後得羅漢者。悟有早晚。瞿子梵志下。第七外道文爲三。一緣起二論義三歸伏。亦以默然爲緣起者。不得例前表其儒雅。是故徐詳待三方答。瞿子言下。二是論義。此無自執。但忤正義。故因佛默。先問默意。次佛思默意。乃開問端。次瞿子言下。正論義。既無自執。但問正義。於中。一。先問法。次問人。初問法中。二。先問。次佛答。答中又二。先許。次正答。三種十種。於中。先雙釋。次雙結。於釋中。云。解脫欲者。此是無貪善根。次問能修善斷惑之人者。其欲修習。先訪其人。若有高例。我亦隨修。此中但問出家。二衆兼得。四衆斷一切有者。此明羅漢卽出家二衆。得阿那含者。卽問在家二衆。度疑彼岸者。少分稱得度。此中再明優婆塞者。有離欲者。有妻子者。文云。受五欲樂而心無疑網者。是佛皆答非。一二三乃至五百者何。如大品明大數五千分。然諸經中。多明五百弟子。此是數方之言。從世尊我於今者。樂說譬下。第三歸伏。於中五。先請述。次佛許。三述已。四請出家。佛令四月試。優婆塞經明必四月。言四月者。只是一時。根性不同。復不一種。聞不一種。卽求出家。五佛聽出家。出家後修行得益。言二法者。或言止觀。或定慧。奢摩舍摩輕重音異。報佛恩者。依法修行。是報佛恩。納衣梵志下。第八外道。此亦出外道常服此納衣。因衣名人。此間亦有麻襪。杯度之流。文爲二。初論義。後歸伏。論義又二。初執後破。初執者。開善分初文爲八復次。一據煩惱。二據五大。三據銀釧。四據自性。五據五塵。六

據五根七據小兒八據有無招提分此文爲二初難正義後立邪義就初復二一非業行後難煩惱觀師分爲四初一復次難因緣義次三復次立自性義三一復次重難正義四三復次重立自性。但分文在人就是執非。且依觀師諸師多云。納衣正問衆生之始三界流來。弘廣問終咨決如來涅槃。問始是問流來。問終是問反出。觀師據三文推之。一陳如若弘廣云。若人來問常無常有始佛常默然。若納衣問始佛何故答。二其初難衆生無量世中作善不善業。未來還得善不善報。此問行業因果。何關問始。三可中問於初流來者。佛答不去。何者界外初起一念流來。此之流來復何處來。向前推之永不可得。知答不去。由不作此問故如來解釋。納衣正問因緣愛闢生義。惡因緣死見地獄時。反更生愛而生其中。善因緣死則見天堂。而生愛者則生其中。解此數論不同。數人言。於生陰前起愛潤生。有身有惑同在一時。亦起愛心即便得身。此即身先煩惱在後。論人云。於死陰後起愛潤生。即煩惱在前身乃在後。初難因緣又兩。初領旨而非。次難煩惱文又爲四。一領旨。二雙難。三別難。四總結。此下據佛所說。煩惱與身故云領旨若因煩惱下。第二雙難又三。先兩定。次兩難。三兩結。初兩定可見。兩難者。初云。若煩惱在先全未有身。那得煩惱煩惱何處住。煩惱因誰生。若煩惱復因煩惱。煩惱知不是先故言不可。次難身在先者。則不從煩惱而得是身。身既不從煩惱。煩惱亦不因

身。此俱不可。若言一時下三別難。既言因果不應一時。先後一時下。四是總結三義。三皆不可。故知諸法不從因緣。復次聖賢堅是地性下。次立邪自性之義有三復次。彼明地性堅乃至空性無因。體性如此非因緣成。五大既爾一切亦然。即自性義。復次世間之法有定用處。證成前義。在額名聲等者。如此土嚴具。故初舉工匠探木爲難。直者任床。曲者任機。復舉五道爲難。乃言。自性生地獄等。又舉陸龜生即入水。海裏蚶蛤誰之刻畫。三舉貪欲。一復次更難因緣前非佛旨。後乃作難難有四意。一難貪不對塵。如人睡時亦不對塵而生欲貪。二難小兒初生無所分別亦復生貪。三難賢聖在於山林雖離五塵亦復生貪。四難自有對塵貪對塵不貪。並是自性。第四有三復次重立邪義。初明五根不具而多財。五根雖具而少祿。根若不具則過去作惡。今生何以多財。若根具者過去行善。今生何以貧窮。並是性爾不關因緣。第二復次可見。第三復次舉有無難。彼以虛空爲有。免角爲無。誰作虛空之有。誰使免角令無。二事既然一切亦爾。皆是自性。佛言下答。以答望問略有三異。一有無。二鄭重。三不次第。言有無者。前有四難爲八復次。今但七復次。何故爾。佛答七難竟其即領解。是故不答第八難也。鄭重者。重答第二難。何故爾。性是其宗故再破之。不次第者。第一答第二。第二答第三。第三答第四。第四答第一。第五重答第一。第六答第五。第七答第六。第八答第七。初答第二破

立自性義者。彼以五大不從緣生。例一切法亦不從緣。佛遂破之。汝立五大不從緣生。是故名常。例一切法不從緣生。亦應是常。汝言用處下。是第二答第三。破其證義。彼云。鑽劍無有因緣。佛破云。皆從因緣得名。亦從因緣得義。名聲名譽。此是從因得名。匠爲箭槩。此從因得義。若性是箭無假工匠。況本是鑽。今打爲劍改劍爲鑽。向是曲者任機。斲機直爲床。向時直者爲床。今斲床曲爲機。皆是因緣何性之有。汝言如龜陸生下。第三破彼第四復次。中有七事。爲破七事。此即初事。何不入火噉角。正反彼宗。若言諸法悉有自性下。第二事。其上復次中全無此語。但言誰有教者。而今有此破者。既云利是性爾。鈍亦如之。豈有教而長耶。若一切法有自性下。第三事。明婆羅門不應祠祀。世間語法有三下。第四事。明皆有造作之語。寧是自然。若言諸法悉有自性下。第五事。經則應定。若一切法有定性下。第六事。明既其無定則應從緣。汝說一切法下。第七事。明說喻故。故知無性。若使解則性解何勞爲說。若不解者性自不解。雖復說喻無所成益。善男子。汝言身爲在先下。第四追破彼第一復次。但前難本有四。一領旨。二雙難。三別難。四總結。今答不一一相對。但總答之。而此四意。但正難中本來有三。一者難身在先。二難煩惱在先。三煩惱與身一時別難中即無。結難中有之。今亦答三。初答身在先難。次答一時之難。後答煩惱在先難。初又二。先雙非。次正答三難。此下第一答身在先。然

佛之本義說煩惱爲身因。則彼應正難煩惱在先所以。又難身在先者。相對而來。非其本意。今欲答正先發遣旁。故先云我無此說。汝義亦然。何忽難此本。欲難我還成我義。善男子一切衆生下。第二答一時之難。就文爲三。初明一時。次明前後。第三更取意答。初言一時者。除彼所計之一時。若是其所解言一時者。此則不可。今言一時此是前後而一時。亦是一時而前後云。第二文中言其前後者。此是一時中之前後。無前後異一時。亦無一時異前後。今只於一時義中說有前後。即煩惱爲前身。屬於後。煩惱是因身即是果。豈非因前果後。若如中論所明緣成由果。此有別意云。私謂諸大乘經云無始者。不獨云身。不獨煩惱。若一在前一則有始。今經從於對治化機以說。故云要因煩惱故而有身。仍帶理說。故云雖無前後雖是不盡之詞。不盡是有餘之說。故知實理却是權道之有餘。實而言之。非但過去言無先後。只於現在煩惱爲身。而作因時亦無先後。何以故。因果無二色心體一。三道三德一念無乖。五陰五脫剎那理等。貴在衲衣執破。破已了性同空。空無前後內外誰施。三十六軸唯從涅槃。五十二衆咸成佛性。至此不了終歸結緣。此兩段只有二行。餘經文是釋疑之要也。從汝意若謂如人二眼下。第三更取意破。若言煩惱與身是一時者。不應前後。如牛二角左不因右右不因左。是事不爾。如炷與明是一時有。而要因炷有明。終不因明有炷。煩惱與身亦然。但炷是燈器

因燈有明。而云炷者但齊火燒者名炷。未燒之時不得名炷云。明佛此義正是一時因果。舊說多謂此明衆生之始是一時因果。今謂不然。此不明衆生之始。但明衆生用業得身必由煩惱。自有一種一者潤業。二者潤生。若潤業者身果爲奢。今之所明正取潤生。若依數解。正以生陰之初有染污識。爲潤生惑。即結一期果報。是爲煩惱與身一時而有。於義爲便。但今依後解。若靈味法師亦用生陰。云初起潤生愛。極似數義。其餘師並云。死陰之中起潤生愛。得言一時因果者。此前迦葉章中云。由愛無明二因緣故得住壽命。十地經云。有漏有取心生熱惱種子漸備。經云。有漏有取心生有漏種子。潤生之惑雖在前起。而正由識是有漏故潤生之愛。所以結之是爲取識。有漏已有卽是一時因果之義。故此義意微采靈味之說。彼前難云。若言一時義亦不可。今答一時而有此義。殊堪反於邪難故也。故云汝意若謂如人二眼下。正取彼意破之。明雖俱是同時實有。相因之義如炷之有明。一時而有而復相因。汝意若謂身不在先下。第三答煩惱在前難又二。此先牒彼難。何以故下正破。但此中文有兩家讀之。一云。若以身先無因緣故名爲無者。此是牒於難。汝不應說者卽是非之。汝不應作如此說。一切皆有因緣者。還明一切法實有因緣。然不須如此分句。直云。汝不應說一切法有因緣也。然彼是自然之義無有因緣。而言汝不應說一切法有因緣者。然此三師外道。云有二十五諦皆

悉相生。卽因緣義。而與佛因緣義異。佛法據過去爲因現在得果。彼家直據現在一世相生以爲因緣。又如勒又婆有依諸主諦。如五大造五根。五大是主諦。五根是依諦。並是因緣。如火大造眼令能見色。色是火家之求那。亦如空大造耳可聞聲。聲是耳家之求那云云。若言不見下。復取彼意破之。汝若言不見身因故不說者。今現見餅從泥出何故不說。見故不說乃是違心。若見不見下。此明誰論汝見與不見。但云現論諸法皆從因緣。善男子若言一切諸法悉有自性下。第五重破第二五大性難。先且破其地大。佛翻其義酥蠟等物是彼家地。但酥蠟不定或時爲水或時名地。是不定後更破之。白蠟等物舉爲五大云云。不言三四大。事非因緣耶。此中兩雙。前謂汝義說有五大。後說有香爲地有色爲火。如論文香相品中明。衛世師義。不言香爲水色爲地。寧非因緣耶。後雙者前謂汝義云從泥出餅從縷得衣。寧非因緣。後謂汝義濕是水大。假使由寒緣故凍。汝猶隨濕緣。是水不隨寒緣是地。又水凍時不名爲地。故名爲水。何故波動時不名爲風者。此是菱角並難。若例難者。應言水本流性凍時不流而尚名爲水者。風本動性。應有物不動尚不名風。而今此文若作菱角並意者。水本流性。凍時不流尚爲水者。風本動性。波既是動應名爲風。波雖是動不得名風。水既不流不得名水。又解此是例難。如水本流遇寒因緣凍而不流。而猶隨本爲水。風本性動。遇水因緣激而成

波應猶隨本是風。若波動遂逐因緣成水。不名爲風。凍時亦應逐因緣成地。地非是水。並意爲水。本是流濕之性。凍時無流。守本濕性猶名爲水者。風本動性風激成波。猶自名水不名風者。水凍成冰應名爲地。水凍成冰守本濕性猶名水者。何異波動時守本動性應名爲風。只爲波動名水凍時名凍。所以得並動是風大。水爲浪時雖藉風爲緣。猶隨因屬水。不隨動爲風。寧非因緣。汝言非因五塵下第六破彼第五。明五塵但爲外緣。復由覺觀內因善惡。覺觀即生貪瞋。汝言具足諸根下第七破彼第六。明業因不同致果報參差。如汝所言世間小兒下第八破第七。明見有啼笑則知有緣。又不破第八者二解。開善舊云第八是二種。無法無不從緣。則無勞破。二治城云。此破七竟。彼便領解是故不破。梵志言若一切法下。此是第二歸伏文爲二。初作兩問汎爾求解。次從唯願爲我去是正歸伏。佛知根利。直說二邊及與中間。彼即領悟。夫破義多方不唯一種。隨病用藥不定後前。若棄通從別須論次第。初起道樹多用因緣破性。次用無常苦空以破因緣。次用體破析。次用分別破析體空。次用中道破於二邊。次用圓常破於偏漸。如此等義。遍平經論。今大經舉圓常極說。而用因緣破彼納衣自性計者。蓋隨其病以此初藥而後用之。初後既然中間亦爾。於一切處以智方便。或隨欲隨宜隨治隨悟互用無失。而次第宛然。私謂四悉義兼秘密不定。雖秘不定次第宛然。若得此意應具作

所以使文義分明。因緣破性雖具經文。更須懸作無常析空乃至圓常等義。令法行成就。節目顯然皆與修多羅合。此義若成。破諸外道邪教邪執。破一切內道正教正義。破一切小乘聖賢教行位理。破一切大乘賢聖教行位理。包括佛法。尙盡。況復執性外道耶。於十仙文中一一須作具載。則文煩故於納衣章中略出此意。得斯問意將對前後。縱橫用之云云。復有婆羅門名弘廣下第九外道文爲二。初論義。後歸伏。彼無所執直問知心心念不。佛知其念故作異說。其本有四念。佛亦作四句答者。涅槃是常。有爲無常。曲即邪見。直即八正。此四義者與其名同而意則異。故重問之。佛方爲說即云。乞食是常。別請無常。曲是戶齋。直是帝幢。即是以所懷之事默以試佛。佛知其意乃跨節用所表之理而以答之。答過其表所以更請。然闢字應門裏作。說文云。兩闢下柱。今經中草下作。此乃草名。說文言雀麥也。後問八正能令滅盡。佛不答者。以此問意衆生修道皆滅盡者。應無復衆生。然至理中衆生無盡。是故不答。若有可盡即是有邊。私謂準文恐且約事。舊用此文謂弘廣問終。善哉善哉下。二此明歸伏。其中發迹植因已久賢劫近成云云。靈味以此一人例九外道皆並是權觀。師不許。並云。若見一人發迹例九非實。亦可九人是實反例一人非權。但諸人直云證果不明是迹。此人欲知城知道自作守門。既發大心非爲小事。隨文判之不須盡例。爾時世尊下。第十外道有人云。此章有三與

前小異不止化外。一爲付囑。二爲降魔。三化須跋爲付囑者。以說經竟須付囑阿難。爲降魔者。正法之障本由天魔。今以呪降令法無礙。爲化須跋者。前諸外道協邪難佛。佛降伏竟。須跋自恃不來。願命阿難喚來得道。今明不然。皆化外道。詞異意同。何者。佛大慈無量非但當時破執。亦使將來救邪。所以願命阿難付囑流通。阿難現爲魔羅。魔亦能羅。障未來故以神呪呪之。使二世無礙。須跋自恨表將來背化。遣阿難往召表流通傳法。故須跋來而得道。表於將來咸得歸正。作此消文化外義成。流通不失。就文爲四。初願命阿難。二更論義。三正命阿難。四兼化須跋。初文。一先問。次答。此下是問。欲爲付囑此經兼化須跋。所以願命阿難所在。陳如言下二答。文爲二。初明衆魔爲亂。次明阿難受亂。先衆魔亂中二。先衆說爲亂次。神通爲亂。初衆說中云。毘伽羅那即是論文。亦言和伽羅那。梵言不同。然此中魔說。盡明佛法正義。不說魔邪之法。若說魔義念阿難解之。然其常聞如來所說。幾聞異義即不信受。若爾云何爲亂。解云。或說十二因緣。或說四緣。復說四諦八諦等。以爲惑亂。文云。三觀者有多種。一云。苦無常無我。一云。觀陰入界。亦云。觀三毒。言七方便者。數人云。不淨觀總別四念處并便法頂忍世第一。成論人云。一者觀色苦。二者觀苦集。三觀苦滅。四觀苦道。五觀苦過。六觀苦出。七觀苦入。約一切法皆爾。從世尊阿難比丘見是事已下。二明阿難受亂。而阿難得初果親爲佛侍。



而今忽受衆魔所亂。此有二義。一者述中現受。表神呪功方能降魔。二者阿難既不在座。欲令如來顧問。文殊往復論其德業。堪爲付囑。河西解云。阿難所以爲魔所惱。凡有五義。一者陳如應是對揚化諸外道。所以阿難不來在座。二者謂魔得度。故示在彼。三者欲顯阿難內德八事。四者欲令阿難往召須臾。五者欲折阿難高心。爾時文殊白佛下。第二更論義釋疑。復爲二。初問。次答。問中復二初問。具出菩薩自能流通。從何因緣故下。此問阿難何爲獨蒙顧問。爾時世尊告文殊言。下二答。文爲三。初具述本緣。次現前稱歎。三正答二問。此初具述本緣。卽是如來昔於僧中。命覺侍者之本緣云云。文殊師利阿難下。第二現前稱歎。若阿難在衆豈得歎美。又二。前歎八事不可思議。次歎希有。又云。毘舍浮佛七佛之名。定應如此。脫有本有舍浮者非。從如汝所說下。第三正答二問。明菩薩雖能流通。各有重任調伏眷屬。故不付囑。阿難下果。親爲侍者。多聞最上。所以付之。長壽品初盛明聲聞不堪菩薩堪受。今付阿難不付菩薩。此有三義。一者前詞實行故言不堪。今明是權故言堪。二者對揚大法弘宣深理。其卽不堪。於教文言受持章段。其卽堪能。下文自云。若阿難所不知者。弘廣菩薩自爲宣說。深義正理。卽付菩薩。三者明聲聞者自有與奪。奪故不堪與故言堪。文云。是吾弟者。此是從弟但欲論近。不復言從直云。是吾之弟。所未聞者弘廣菩薩當能流布者。此有三解。一治城云。

十外數中述居第九。實是菩薩。是故佛言弘廣菩薩自能流布。二者招提云。佛法之中大士。何混而忽取同外道名。謂能弘經言弘廣者。非據一人。但能弘通教化利益卽是弘廣。故大智論。結集法藏中具明其事。迦葉對阿難則出修多羅阿毘曇。對優婆塞出於毘尼。卽是律藏。若文殊師利與彌勒等對阿難出大乘藏。是則文殊彌勒卽是弘廣菩薩。第三解。既非外道又非通說。別有菩薩名爲弘廣。如言普賢文殊等之流。從文殊師利阿難比丘今在他處下。第三正命阿難。舊明三義。而文中唯有降天魔。喚須跋應有付教之事。文少不來。今就文有五。一佛命文殊。二如來說呪。三文殊奉命。四魔王發心。五阿難致敬。第一佛命文殊。令其持呪以解阿難。文云大陀羅尼者。翻音不同。亦云總持。亦云能持。能持正法不失邪法不起。故謂爲持。亦翻辯才。是梵音兼義。正翻爲持。故其文云。聞是持名。其中令持呪人行於五事斷辛等。悉如文。爾時世尊卽便說之下。二如來說呪。呪之名義已如前解。但呪中云若竭神。經本不同。或作衣邊。或爲土邊。今以衣邊爲正。而有二音。一徐愛音云。此是卑音。今以爲婢離反。然土邊作亦有二音。又云婆風彌。其字山下風。此本是彌字。若作攜音者。字當作嵐。說文云。從風省從圭聲。又賴絲之字。或爲第音。今爲提音。說文云。厚層也。然新金光明經陀羅尼淨地品。佛爲十地菩薩說十篇呪。此之一呪卽是彼經第十篇擁護十地。此呪正護第十地菩薩。

若爾當知。阿難位行卽高。乃是十地菩薩。如來說呪而擁護之。彼經云。得此呪者不畏毒蛇師子虎狼等。圓教一生既許超登十地。肉身未免如是等畏。故呪護之。然阿難縱非此生始證本迹何殊。呪護之意思之可見。若不爾者。菩薩斷煩惱無復怖畏。今何得云得呪方乃免怖。故人多釋。或云其事實是難知。不可淺情所度。而有一義。法身之體而無所畏。就應身爲論。此當示畏。如來道登種覺尙有九惱。況乃菩薩。皆依前釋。爾時文殊受呪下。第三文殊奉命。魔王聞是下。第四衆魔發心。文殊與阿難俱下。第五明阿難致敬。但古來呪文不譯而有五義。一是三寶名。二四諦名。三空境名。四勝行名。五鬼神名。總此五義。故稱爲總。能持善不失。持惡不生。故名爲持。三寶名者。請觀音云。南無佛陀達摩僧伽。但三寶名種種不同。或當如此。所以摩竭大魚聞三寶名卽便合口。四諦名者。賢愚經中。聞四諦名鸚鵡生天。空理名者。眞境無名無所不名。故聞此空名。卽便悟道成聖斷惑。勝行名者。大品言。般若波羅蜜是大明呪。無上明呪。又請觀音明六字章句。卽六妙門。一數。二隨。三止。四觀。五還。六淨。鬼神名者。一者善神王名。二者惡神王名。佛告阿難。是安羅林外下。第四兼化須臾。文爲三。一緣起。二論義。三歸伏。初緣起又三。一告阿難。二阿難奉命。三相隨而來。初文須跋陀羅此有二翻。一云好賢。二云善賢。雖得五通未捨憍慢者。慢是散心之惑。既得上定應伏下惑。而言未捨憍。



慢者。數論兩解。若依數義。慢從他使背上而起。彼既得非想定。即緣彼地而起慢也。故言未捨憍慢。若依論解。慢是散心煩惱此實已伏。非想一地猶有慢在。且慢本自高。而彼得下定我心殊多。以有我心故得名為未捨憍慢。生一切智起涅槃想者。此是須跋長存之想。謂生一切智想及涅槃想。又云。其人愛心習猶未盡者。可有二義。一云。此是善愛。謂父慈子孝之愛。此乃有煩惱愛故生此心。但生判屬世中之善。而謂為習猶未盡者。未必便是習氣。但明數起。此善其事既數數習不已。是故便云習猶未盡。二者此論煩惱之習。若煩惱習有二解。舊云。要伏斷方始起之。即是用。二解。明凡夫所起之習。而言未盡者。以其得上地定伏於重惑。餘輕者在故云習猶未盡。時須跋陀到已問訊下。二是論義。文為二。初論業行。後論解脫。初業行者。即是世間解脫即出世間。具與佛論世出世二事。就前文為四。此下第一求聽佛言。今正是時。第二佛許。瞿曇有諸沙門下。第三彼正問佛。四如來答。前二如文。第三問佛中。不云是其已義。但言世間有諸沙門等皆作此說。何故不自出己義宗。此亦有意。前來問佛破諸外道所立之義。所以今時不自立宗。恐為佛破。直舉諸人所解問佛。明一切善惡果報皆由本業。無有現身起業及現因緣。有業之義殊近正說。但無現在因緣即便為邪。只因過去之業能感苦樂二報。若現在能修斷苦樂報既能修道。現在此身便得涅槃。故云。一切衆生

苦樂果報。皆悉不由現在之業因在過去。現在受果現在無因未來無果。若有沙門下第四佛答。文自為三。初難彼邪說。次責其邪師。後為明正義。此下先難彼邪說有四重假說。皆立一彼一我相對。文皆可見。從我言仁者下。第二責彼邪師。文中言彼若見答富蘭那。然須跋之師實是瞿曇藍弗。故下文云。汝師瞿曇藍弗利根聰明。而今言是富蘭那者。是假設之詞。蘭那是六師之宗。其人邪見撥無實不說業行。但云假使是火師富蘭那者。亦須併責。文云下苦因緣受中上苦不者。實論因果則下因得下果。亦有轉障障緣不定。故言下因得中上苦上因得下果。可有轉障。又云。能令樂業受苦果不者。謂行善是樂業。而轉於地獄獲報人中受果。即是樂業受樂果也。苦業受樂果者。即是為王除賊。此是苦業而得富貴。是苦業受樂果。令無苦無樂業作不受果者。此非無起之業為無苦無樂。今以下善為捨受之因。即是無苦樂業隨緣異故都不得報。故云不受果也。又文云。能令無報作定報不者。此非超然無報。正謂無定之報能令作定報不。仁者當知定有下。第三正義。仁者若以斷業因緣力故下。第二論解脫義。此有五番。此初番也。世尊我已先調伏心下。第二述已自陳。佛言汝今云何下。第三重責。世尊我先思惟下。第四文云。我先觀欲是無常無樂無淨者。然外道所觀多作六行。謂苦龜障止妙離。若佛法弟子作八行觀。謂無常苦空無我不淨如癭如創如毒如箭。今此須

跋亦作八觀。但例而為言。應觀欲界為無常無樂無我無淨。而今獨不言無我者。以外道為我修禪令我出離無我觀。然此須跋次第斷三界煩惱。得非想處謂為涅槃。是先謂心。佛言汝云何下。第五如來重破。汝雖言調心。而猶有計非想處而為涅槃。涅槃無想汝自計之。豈是調心。前斷三界思惟煩惱。是除龜想。而復計有涅槃。是存細想。其中云汝師瞿曇藍弗後退非想定作飛狸身。所以然者。此外道本欲界身得非想定。為衆鳥所鬧乃發誓願。願作飛狸殘害魚鳥。後時退定遂受此身。然其得定以為涅槃。生大邪見後墮無間是受惡身。世尊云何能斷諸有下。第三歸伏。文為三。一請說無想之法。二時衆得益。三須跋悟道。私謂。此悟道文少應如後分。此下請說無想之法。又二。先請。次答。答文自一。初略後廣。此初略說實想者。若從境為名。願言實相。若從智為名。即云實想。想是智名。相是境名。須跋言云何下。第二更請廣說。於中先請。次佛答。答中文云。隨所滅處名真實想者。此有二義。一者以真實智斷諸煩惱。故云隨所滅處。二以此空遺於俗有。故言隨所滅也。又言。名第一義諦第一義空者。涅槃果上亦有此名。如師子吼初說。今文中則正明真空為第一義。下智觀故得聲聞菩提。中智得緣覺菩提者。古來有解。謂三乘異觀。今此文中明三乘同觀第一義空。但智有下中成三乘別。例如三獸度河得水深淺。三乘同觀中道深智即得無上菩提。淺智但得辟支與聲聞

菩提。說是法時十千菩薩下。第二明時衆得  
益。文云。得一生實相二生法界者。謂十地補  
處大士以爲一生。九地則是二生。若具論者  
則如法華經損生義說。須跋陀羅下。第三明  
須跋悟道。應有正付囑。而文來未盡開善云。  
自斯已後幾可哀傷。然皆已蒙作得度因緣。  
故如來滅後得道不一。今經教滿足。唯宜自  
勵脫復不遇沒苦。如何居士請僧經云。涅槃  
後分更有燒身品起塔品囑累品。此文三品  
不來

大般涅槃經疏卷第三十三

No. 1768 [cf. No. 275]

涅槃經遊意

沙門吉藏撰

就此經有南北二本。廣略不同。北方舊本或  
有三十三或三十者。品唯有十三。南土文卷  
有三十六。有二十五品。其間文義浩博。豈可  
詳寫。故經云。一恒二恒始髮髻見之。三恒四  
恒乃能知一分之義。梁武帝云。涅槃者義  
高萬善。事絕百非。空空不能測其真際。玄玄  
不能究其妙門。自非德均平等心會無生。金  
盧玉室豈易入哉。余昔經注錄之疏零。言。今  
之憶者十不存一。因茲講以聊復疏之。就攝  
山大師唯講三論及摩訶般若。不開涅槃法  
華。諸學士請講涅槃經。大師云。諸人今解般  
若。那復令農講。復重請。乃爲道本有今無傷

而遂不講文。至興皇以來始大弘斯典。但開  
此經。初形勢非一。或明開路義。如國家語有  
梗礙偏隅未實。開顯祐出先須斫伐。然後方  
得行師。今亦爾。爲從來舊執擁塞正道故須  
破洗然後乃得講經。開路義別有科目。待餘  
暇矣。又或明舍那釋迦二佛教門差別不同。  
或辨因果人法十雙相對。並置而不論。今於  
此經初且爲六段。一大意。二宗旨。三釋名。四  
辨體。五明用。六料簡

第一說經大意者。此經之意復何窮。如河西  
五門波數七分與皇八章迦葉三十解問。如  
來次第解釋則三十解意。今直舉其樞要陳  
其綱領。可然正道不等本自清淨。豈有生死  
異於涅槃。特由衆生虛妄執文求實。聞名仍  
不見其真。或云涅槃是有。或意是無。或言二  
諦所攝。或意出二諦之外。或意出生死無常。  
或意涅槃常住。因此謬造種種異計。便成繁  
縛致有生死。前諸佛菩薩爲引此妄情假說  
涅槃。爲出處方便空假立名。名無得物。物無  
應名。名物既爾。萬法安立所以生死涅槃本  
無二相。但爲化此虛妄。如度虛空。實無衆生  
得滅度者。如此了悟名得涅槃。實無涅槃可  
得。但約此迷悟說凡說聖。假名生死強稱涅  
槃。今改凡成聖捨生死得涅槃。既悟此本來  
不二亦復不一。若於凡聖生死涅槃作一異  
解者則障正道。名爲嫌語。今破此一異等見  
名爲開道。約智開復有何道可開耶。從來云。  
如來之身非凡聖。是聖涅槃之法。是常非無  
常。今爲對此故明如來之身非凡非聖。凡聖

悉是如來善巧。涅槃非常無常。常無常皆涅  
槃方便。何者共耶。常病重故設無常之藥。衆  
生執有爲涅槃故設無。身心皆盡乃爲妙極。  
物情不了便謂佛身無涅槃斷滅。故經云。其  
復不久王復得病。須服乳藥。故今教爲對無  
常故設常住。則左右除病。迭代破執。執病若  
盡在藥皆除。涅槃之法竟何所有。雖無所有  
而無所不有。雖無所不有而無所有。有無既  
爾。常無常亦然。非常非無常。常無常具足也。  
大師於此明四雙八隻義。一凡聖二常無常  
三隱顯四牛滿

言凡聖者。涅槃實不開凡聖。但住大涅槃能  
建大義。或時爲凡。或時化聖。故佛初出世間  
同凡夫事。雖同凡而異解。凡初生則行諸方  
七步。云天上天下唯我爲尊。又云我生胎分  
盡。是最末後身既自得解脫。復度衆生此言  
已障是聖。但說此言已更爲嬰兒。乃至繫馬  
拘力等具同凡事。此則以凡覆聖。今日教起  
明久已聖人方便便現爲此事。則是以聖開  
凡。開覆之義具通今昔。昔開凡覆聖。今開聖  
覆凡。但者覆名今開稱。所以爾者。初爲緣未  
堪不得說是聖。但得說是凡。則凡覆聖。今始  
得說道我本是聖人。以聖開凡。故前覆今道  
開也。人聞此開覆便作二解。聞昔覆謂言別  
有聖爲凡所覆。聞今開則謂却除於凡別有  
聖出。今明不爾。昔本來是聖。爲緣未堪不得  
說爲聖。唯得說爲凡。隱聖道不得說名之爲  
覆。豈別有一聖可覆。今只道昔凡則是聖諸  
之爲開。豈別有凡可除聖可開耶。故經云。顯

凡聖既然。常無常亦爾。昔說無常隱常爲覆。今日顯說於常爲開。然昔說無常只說常爲無常。詔無常覆常。今日只說向無常者常名爲開也。又且昔日名覆今復名開。何者。昔說無常不爲無常。昔說無常爲開。今日常若無常無常何同顯。今日常。是則昔無常爲今常化方便故。昔無常今得是開也。此是片到明未是好開。至下文文明常無常。爲顯非常非無常。常無常無常常具足乃是開密也。如此凡聖常無常開無常。常無常無常常具足乃是開密也。如此凡聖常無常開覆並是大涅槃方便。如用若真明凡覆聖聖開凡。常無常開覆未足爲奇。亦非妙用。只爲畢竟無。如此凡聖常無常。而能在中爲凡爲聖。能常能無常開覆等事。乃是不可思議方便妙用耳。然此可有三道開覆。一以凡覆聖以聖開凡。二者凡聖是實覆涅槃凡聖方便。今明凡聖無並是涅槃妙用。名之爲開。三者凡聖覆非凡聖方便。今始得顯涅槃非聖非凡。凡聖具足名之爲開。凡聖既爾。常無常亦然也。但凡聖中復有凡始凡終聖始聖終凡終聖始聖始凡終。何者。昔託王宮而生爲凡始。道場樹下成道爲凡終。成佛爲聖始。雙林入滅爲聖終。只聖始則凡終。凡終則聖始也。開凡終爲聖始。聖始則凡終者。可得聖終爲凡始凡始則聖終不。解云。若通就實凡實聖則可例。何者。只起一有得斷常之心。無得正觀便斷則凡始爲

然此開覆則是如來藏義。何故名如來藏。爲當衆生藏如來名如來藏。爲當如來自藏名如來藏耶。然只此問則是解竟。然具此二義。一者衆生性顛倒隱覆如來性故名如來藏。二者衆生不堪聞如來之性。隱而不說亦名如來藏。今教顯一切衆生皆有佛性。佛性是我義。衆生依方等大教臨度斷除顛倒。則顯如來藏。藏顯則名法身。顯衆生有佛性。則顯衆生是佛性根本。衆生是佛故有佛性。

四次半滿義。他云。昔無常爲半。今常爲滿。此有種種計不同。或云。般若已上法華已來。是無常半教。唯涅槃常住。乃爲滿字。難云云。又彼明常無常云。斷明義。生死無常不通常。涅槃

常不通無常。乃至金剛心無常不通常。佛果常不通無常。如此一握無常。一握是常。無常一握既半。常是一握亦半。今一家有時對此牽生死無常至佛果常。牽佛果常至生死無常。令彼兩處互通。無常邊亦滿。常邊亦滿。一家云。半邊滿滿邊半。此非互語。半三斗三斗米。亦如山在南在山南。豈可爲一。今滿半半滿亦有異義。但此有爲意。一者滿半圓偏語。半滿積足語。滿半圓偏語者。明涅槃本來具足緣。未巧具圓圓旨。故說無常一邊名爲半字。故經問。云何解滿字及與半字義亦得道。云何解半字及與滿字義。但今得意明涅槃具足圓滿爲緣說半。故言滿半也。半滿是積足者。無常是半。常足爲滿。常亦爾。故定知半滿大師戲言耳。又滿半是圓偏語。如前半滿是對治語。何者。汝言常是滿者此半邊滿耳。有時明常無常名半邊滿。常無常雙用名滿邊半也。但一家釋半滿復有展轉明義。一無常爲半常爲半。無常爲半常爲滿。二常無常皆半。是常無常所病皆洗除盡名之爲滿。三者常無常用半。非常非無常體滿體用異故。此體用用體具足始爲滿。無常爲半。常爲滿。別二邊高下。若非常非無常常無常具足別二邊雙遊也。大師明無常復有四種。一病藥。二開覆。三半滿。四二邊。此四句無常云何不別。解云。病藥無常者。以無常治常。常病既去無常之藥亦除。如三修耶常雖去猶存無常故成尤疾。所以文云。王今病重故也。此一向須寫寫矣。開覆無常如前。以無常覆常。復是

道無常者常不除無常也。半滿無常。昔說無常爲半。今還明無常爲滿。又昔說無常不了故爲半。今明無常顯了。生死無常佛果常住字義具足爲滿也。二邊無常者。此二俱俱。豈得除無常明常。但二邊有前後。尤有高下。充竝充等義。

第二明經宗旨。古來明宗體異。以常住爲宗。文言爲體。今一家明只宗是體。豈異體別有宗。大師云。今解釋此。茲國所無。汝何處得此義耶。云裏關河。傳於攝頌。攝頌得大乘之正意者。若是諸師皆息。推片不熟者經論。妄引候文失於圓旨。如文佛性者名第一義空。便種種解釋。或云從境爲名。或云即於真諦。彼云。佛性是智。第一義空是境。但智即境故云佛性名第一義空。又云。佛性是俗諦。但俗即真故云佛性名第一義空也。今明此語未足。佛性者名第一義空。智者見空及以不空。此始成一句耳。是故發初與他異。他明此經以常爲宗。今初辨常者。乃倒寫之用未是正意。常是藥用。豈會開正宗。前藥治前病。後藥治後病。常是藥用。常爲宗者。無常是藥。亦應以無常爲宗。彼云。後藥治後病。後藥爲後經宗。前藥治前病。前藥爲前經宗。今明前藥爲前經宗。前經有無量種。豈得併以無常爲經前宗。既不可無常爲宗。後經寧得以常爲宗。今對彼故以無得爲宗。汝以常爲宗。文何所出。我今依經文自云。無得者名大涅槃。故無所得此經宗也。又亦汝言涅槃定常不得無常。斯則常故常名有所得。有所得者乃名生死。

何謂涅槃。彼云。我亦有得無得義。至忘爲無得。彌存爲有得。今責汝妄不可爲存。存不可爲妄。真絕不可待。俗待不可絕。還成有所得。何謂無得耶。又彼義真諦中不得有樂不得有一乘也。我樂一乘並是世諦。又於汝證言生死無常涅槃是常。大眾聞之何事怪。故云涅槃不可定常。不可定無常。非待非不待。不可思議。聞者怪也。只無所得故不可思議。無所得爲經宗也。他難云。汝以無得釋經宗爲是者。我亦以常釋經宗亦是。解云。常無常雖經說。而有病財無所得義則無過生。經云。雖不常住非念念滅。此已常無常兩除。次復明涅槃非常無常。常無常俱洗。如德王中說。何偏得以常爲宗耶。無得之義始終無行故以爲宗也。問有得名生死。無得名涅槃。則有得名無常。無得名爲常。得無得還是常無常。云何捨常無常而用得無得耶。解云。若定用無得爲是還成有得。不名無所得。一無所依乃名無得。無得通常無常。何者。彼云生死無常涅槃常。如此常無常並有所得。今明常明無常。因緣假名字說。無有無常可有。亦無有常之可得。一無所住故名無所得也。又他常無常智斷明義。生死無常涅槃常。前心無常後心常。故是有所得。今明諸法未曾常無常。或說常或說無常。諸法實相行常無常也。然無所得非但是此經宗。通是一切大乘之正意也。

第三釋名。此中復爲三。第一明異名。第二翻名。第三絕名。初明異名者。或云泥洹。或云泥

曰：肇師云：彼國楚夏不同耳。大亮云：涅槃者異俗之音。晉有楚夏。涅槃正中天竺之音也。或云：此三名目於三本。泥曰：此是中本。泥洹是六卷經。涅槃則此大本。今謂未必然也。大本亦得名大泥洹經也。

次翻名且明摩訶義。此是外國音。此雖有三義。正翻爲大。金光明云：摩訶提婆此云大天。又今既標大意。何須更樹。但大有多義。依此經凡有六義。一常故大。所言大者名之爲常。然無常二得名大而終不及常。大薪大火。大薪不及火。常無常亦爾也。二者廣故大。所以然者。經云：所言大者其性廣博。廣博故大也。三者高故大。經云：譬如大山。一切世人所不能上。故名大山。涅槃亦爾。聲聞緣覺及諸菩薩所不能上。是故名大。四深故大。經云：大名不可思議。一切世人所不能測。是故名大也。五者多故名大。經云：譬如大城。多諸珍寶故名大城。涅槃亦爾。多諸法寶故名爲大。六者勝故名大。譬如有人於人中勝故名大。涅槃亦爾。勝於一切故名爲大也。雖有六大名不出二種。一體大二用大。體大者則是法性也。涅槃者則諸佛之法性也。用大者八自在我故名用大也。又有二大。一待大二絕大。然此無二。只得則絕因緣則空故也。

大明涅槃義。前摩訶題既標大更無異釋。翻涅槃則衆解不同。或言無翻。言有翻。今略出無翻四師有翻。六。無翻四師者。第一大亮師明涅槃無翻。彼云：涅槃是如來神通之極號。常樂八味之都名。涅槃是異俗之名。名有楚

夏。前後互出乃有三名。涅槃正是中天竺之音名含衆義。此方無一名以譯之。存其胡本焉。此遠述河西乃至大濟。皆同此說也。第二摩訶師亦云無翻。彼師序云：稱包衆理名冠衆義。一名之中有無量名。處音無以譯其稱。晉言無以代其號者。故不可翻。第三寶亮師亦云不可翻。彼序云：涅槃是出世法總名。實衆法之通號。然此之語乃方土之音。聖既出彼國。此亦無名以正翻。但文訓況指義釋而已。

第四知秀師亦云不可翻。彼師序云：涅槃是圓極至住之總名也。然因述見。名名知本。名迹之與肇自天竺。我大梁亦應有稱。但弘道之近既發軔西域。於未測此方以伊譯翻。是以前賢後哲皆順舊本述而不作。故題之經道此四師並云：涅槃不可翻。彼明不可翻有文有義。義者涅槃是圓德。圓德立圓名故不可一名翻。二者有文者。三點成涅槃故不可一名翻也。今作五難難云：一作大非不等難。彼國有總名。此間無圓稱。如來但念彼土衆生不受此方。今殘彼有圓名解義。此無圓名則不解圓義。故悲不爾。涅槃來於此土便成無益也。第二就今昔相決難。今昔皆涅槃應皆可翻。然今不可翻。可是涅槃。昔可翻。昔應非涅槃。昔不具足涅槃。今具足。不可翻。昔不具足則可翻者。則難今具足可是涅槃。昔不具足應非涅槃。第三約摩訶難涅槃。涅槃是摩訶涅槃。涅槃既不可翻。摩訶是涅槃。摩訶涅槃亦不可翻。又摩訶含三義。翻摩訶者涅槃含三德。亦一解說翻涅槃也。若言摩訶非

圓名涅槃是圓名者。此摩訶非涅槃摩訶。涅槃非摩訶涅槃也。涅槃含三德。名既圓。摩訶含三義。摩訶亦是圓名。皆不可翻也。皆可翻也。第四難。涅槃不可翻。別涅槃一部並壞涅槃發初晨朝唱告般涅槃。一切大衆皆悉悲惱。純陀云：雖知如來方便涅槃。而我等不能不懷悲惱。既是衆德大衆及純陀何事悲苦。又現病品云：倚臥鵝樹間。下愚凡夫見尙言必涅槃。若是衆德下愚豈能得見。若見衆德乃是上智。何故名下愚。故不可。第五總別難。彼有圓偏名。彼有總別。此但偏名無圓名。此但有別無總。此彼皆有總別名。彼此皆有圓偏名也。

次出有翻六師。翻者無量。略明六師。第一道生法師翻爲滅。其義訓乃自多。方正名爲滅。經論皆爾也。第二肇師翻之以滅度。秦言無爲。亦言滅度。以虛無寂滅妙絕有爲名曰無爲。以其大患永滅超度四流故云滅度。他家不同。滅則語法。度則目人。法本有今無。人從此到彼。又云：實法人法皆滅。假名人法悉度也。又滅者凡聖皆滅度則簡異凡夫。凡夫滅已後生不得稱度。大聖一滅永不復生。故稱之曰度。第三太原宗師翻解脫。彼云：涅槃者累盡之通名萬善之號。涅槃是天竺之音。此正言解脫。如經說也。乃至開善等翻爲無累也。第四宣武寵師翻爲大寂定。經云：涅槃名大寂定也。第五仙師翻不生。梁武用對煩惱不名涅槃。煩惱不生乃名涅槃也。第六影師翻安樂。不安則名生死。安樂則是涅槃。北人

云。般涅槃那翻入息。入有三種。一實論謂息妄歸真。從因趣果。故名入。二者真應相對。息化歸真。名入。三但就應為言。謂捨有為入無為名入也。涅槃正翻為滅。若隨義翻不生解脫等。

問若正翻滅。何故下文云滅諸結火名滅度。離覺觀故名涅槃。外國滅名不同。諸結火滅名離覺觀。離覺觀名涅槃那也。言息究竟解脫永蘇息。息有三。一息因果患。二息諸事業。諸事業者。文云。雖得禪定智慧解脫不名畢竟。若能斷除三十七品所行之事。乃名畢竟涅槃也。前諸師定言不可翻。其如前難。今復定言可翻。亦彼研覈寂師大品序云。秦言謬者定之以字義。胡言失者正之以天竺。不可變者則而出。今既出以涅槃則是不可翻。云何言可翻耶。今更別難為兩意。來生靈等翻為滅為一難。來宗師等翻解脫無累為一難。若言涅槃翻為解脫。精神無累何事憂悲耶。又云。滅諸結火名為滅度。離覺觀故名為涅槃。既涅槃滅度兩出別。知不以滅度翻涅槃。然生靈等師親承什師。血共翻譯。豈常有謬而釋彈片耶。今明不破生靈。今古人彈其定翻者耳。若定言翻滅度則過之甚也。問汝今云何作此問者。且反彼。汝言涅槃為有名為無名而問翻無耶。而未知有名無名而更問翻無翻。如未知兔頭有角無角而問兔角若為長短耶。翻無翻亦爾。無名是本。翻無翻是末也。然此義有齊不齊。定其齊者。涅槃未曾名未曾無名未曾翻未曾無翻。則非名非

無名非翻非無翻。故經云。大涅槃者不可得聞。何以故。非有為故。非無為故。非音聲故。不可說故。故知非名。亦可得聞。以聞故。故知非無名。所以涅槃非名。所以涅槃非無名。強立名。非但強立名。亦強言無名。則非名非無名。施名施無名。亦非翻非無翻。強翻強無翻也。言不齊者。明涅槃非名無名強為涅槃立名。就強名中論翻不翻。何者。涅槃別總故翻而無翻。涅槃總別故無翻而翻。不翻而翻亦名為滅度。亦名無累解脫等。翻而不翻則三德圓滿無所不含。豈可以一義翻耶。故涅槃具總別義。故具有翻不翻也。

又就今昔論總別有四句義。自有總是別非。合曰三德涅槃也。自有別是而總非。如昔日涅槃。唯是斷無為涅槃也。總別俱是者。昔別是今總是。俱非者。昔總非今別非也。次明今□涅槃。目論總別是非四句義。何者為其相。一往就因緣為論。明總是別非。是是非也。言總則得別道。是則得非。若言總不得別。則別非總。別道是不得非。此是非非。今總是別總。總是別。即是即也。今別是總別。別非總。即非也。若論以意者。此言已是而人心有得。不能云。悟障孝之徒好依字。今復須示其文處。總是別非者。如哀歎品三德縱橫。皆非三德圓。其乃是也。別是總非者。如下文。佛名覺。涅槃名解脫。又涅槃名果。果取斷不取智也。次總別無定。一切皆總皆別。若當涅槃總三德別有時三德總涅槃別。一切皆是般若皆是解脫。有涅槃成祕藏。如四相品說。涅槃為別也。

大品云。攝一切善法入般若。是般若為總也。然今因涅槃總別。則議涅槃別總必具此二義。若偏取一義。則未識涅槃通意也。

第三明絕名。古來明真諦與涅槃絕不絕。凡有三說不同。一云二皆不絕。真諦有真如實際之名。涅槃有常樂我淨之稱。而言絕者。乃絕生死世俗患累之名。若見美妙之名。則不絕。第二明二種皆絕。真如本自寂絕。布微非名所及。涅槃亦爾。言語道斷。心行處滅也。第三師云。真諦絕涅槃不絕。是俗諦乃有則真義尚論。涅槃終是俗諦。是續待二假。莊嚴明涅槃二諦攝。開善明是俗諦攝。故不絕。今次難之。難第一家。真諦涅槃皆不絕。則。□經文。經云。涅槃非名強為之名。又云。非名非相非待非不待。云何言不絕耶。若言涅槃無生死之名為絕者。亦應生死無涅槃名。生死亦絕。若互無為互絕者。亦應互無。應互妙。不可互妙耶互絕耶。又肇師依涅槃論明涅槃無名。云何涅槃不絕。斯則乖闕河舊說。復違涅槃正文也。難第二解。明涅槃斷言語絕心行無名無相。所以是絕者。亦不然。若涅槃絕同真諦絕者。亦應涅槃同真諦。涅槃不可同。真諦真諦者。則涅槃不可同真諦。第三師云。真諦絕涅槃不絕者。亦不然。若真諦絕涅槃不絕者。真諦妙涅槃不妙。真諦空涅槃不空。二種皆空。則二皆絕也。彼云真諦妙無涅槃妙。有二種有無雖異而是妙。既皆妙。則應皆絕。一絕。絕一不絕。則一妙一不妙也。問今意云何耶。解云。若更有解還同足載耳。

只除前來諸解注意自現。何煩別說耶。而今爲障學者未能體道無。今因指識月。藉教知理而心無所存。又云。無離文字說解脫相。又經云。乃知解脫無言。未知言則解脫。二云。乃知涅槃無名。未知名則涅槃也。又此經下文云。如來涅槃非有爲非無爲。非名不名。非待不待。則是非絕非不絕。何得而絕不絕耶。又涅槃之體有是。不是。有非不非。是。不是。非是亦不是。非非不能非。是非亦不非。故非是非非。能是非非。非絕非不絕。能絕能不絕也。有人言。三論所釋但得真諦一支義。我真諦離四句。絕百非。今明不爾。經既云。非物非不物。則非真非不真。非俗非不俗。何關真諦。問涅槃既非名。非不名。是何物而能名。能無名耶。解云。涅槃非物非不物。相得。更問道何物耶。無物而物。而物所謂正道。故肇師云。涅槃者名爲道也。涅槃無名。強爲立名。名爲涅槃。但下文明名有二種。一因緣名。二無因緣名。因緣緣名如舍利弗也。無因緣者如坻羅婆夷。實不食油。強名食油。涅槃亦爾。無有因緣強名涅槃也。問強爲涅槃直名爲對生。死不對生死。解云。涅槃豈不對生死。故肇師云。出處異號。應物假名也。難云。若爾則是因緣名。何謂無因緣名。解云。涅槃未曾有。無名。未曾對不對。道因緣亦是強言因緣。一切強立名也。

次舉五類一況釋涅槃。五類者。一法界。二法性。三法身。四般若。五佛性。一況即是虛空。虛空具數不絕義及總別義。言法界者如華嚴云。佛子。法界者。界非故。則不絕。絕名無名。義而名法界。則絕不絕。義無名名義。法性者。正法性。遠離一切語言道。一切趣非趣。悉寂滅相。則不絕。絕義。名無名而名爲法性。則絕不絕。無名名義也。法身如金剛身。般若如般若。若偈。念相。離已除語言亦滅也。佛性者。如師子吼。明佛性第一。義空所言空者。不見空與之不空也。舉虛空況者。如六種品云。是故知虛空非有亦非無。非相非可相也。

次明人法義。問涅槃是人名是法稱。爲具足名爲不具名耶。他云。涅槃是法名。既稱云涅槃。涅槃是至極之名。窮原盡性之說。所以是具足也。今明涅槃。非有爲非無爲。則非具足。非不具足。非人非法。亦具足亦人名亦法。何者。三點員伊金剛寶瓶。滿足無缺。故是具足。而涅槃是果。果斷德故不具足。涅槃是法。不可解言。人者四德爲涅槃。我則是人也。又涅槃非但法。亦得是譬。云如實非有非無。王罪亦爾也。是謂王作逆佛又中論云。無生亦無滅。寂滅如涅槃也。舊云。佛方廣華嚴具足人法涅槃。但是法非人者。無明法長人短義。明釋迦出穢土爲破我人之病。故明法長人短。舍那出於淨土。界人法俱長。然釋迦人法具有四句。一法長人短。二人長法短。三俱短。四俱長。釋迦爲破我人病。故明無人我而有法。故云無造。無受者善惡之累。不忘也。又法通生死涅槃故。法長人短者。生死無人唯涅槃有人。生死無我唯涅槃有我。此則具破衆生斷常二見。生死無人故不常。而有法故不斷。

衆生若聞生死中有人。則起常見。破常見。故明生死一向無人。衆生若聞無法。則言無因果。罪福等則起斷見。爲破此見。故云有法。雖無有人。善惡之法不失。故明人短法長也。法短人長者。此少難見。且一往明三我人。同斷結惑。同入灰斷。未辨法有終極。今日涅槃及前人法。明人壽等同太虛。正法終竟滅盡。故法短也。俱長者。生死既有虛妄人。亦有虛妄人法皆長。又佛常法常。比丘僧常故長。如此長短爲顯不長不短也。

第四明涅槃體。前明經宗通明一經之宗。今明體。涅槃一法體也。既爲四。初就一法明體。次二法明體。三三法明體。四就四法明體。言一法明體者。人法言是有故下云。涅槃名爲善有。善云妙有也。有復爲二義。一者本有。二者始有。義雖本始不同。並是常本有此常始有此常也。今難此義。若涅槃有本有始。亦應有會。有今。若有會。有今。則成三世。三世無常。常法無會。無今者。常法無本如。既有本有始。則應有會。今便成三世無常。

次二法明體者。則是二諦義。莊嚴云。涅槃出二諦外。明惑因所感。果是浮虛之故。是世諦。假體則空。故是真諦。今佛果非惑因所感。故非世諦。非世諦。故不可則空。故非真諦。所以仁王經云。薩雲若覺超度世諦第一義也。開善解云。果涅槃具足二諦。涅槃是續待二假。故是世諦。非但則真亦復冥冥。故是一諦。第三治城師云。佛果非世諦。則是真諦。明真諦是諸法之本。但衆生顛倒起惑。構造生死。遂





云。涅槃名解脫。應以解脫當名。而今不以解脫者。當那忽以法身當解。二者文中自道縱亦不成別異。亦不成三法。會無縱橫之異。豈有體用之殊。若有體用有本末。若有本末則有劣及結。云次難復解。若言斥昔涅槃故言三德者。此名數殊不相主對。如破邪三寶則言正三寶。今破二涅槃明二德。又以法身般若斥無餘者。亦應以解脫常住斥彼有餘。何者昔日有餘何但解脫未足亦非常住。今若正言解脫不言常住者。亦應無餘正言法身不言般若。第三既具用兩釋具招二難也。今明真是教門不同故偏具為昔日不堪具說方便偏說一解脫。今大心發故說三德圓伊涅槃。與皇師云。無感不應故云法身。無境不照名為般若。無累不盡故云解脫。又明三德為開如來三密。故迦葉問願佛開微密廣為衆生說也。如此三密並四相品是也。亦是對凡夫三業。凡夫三業不密故。又為對生死三障明涅槃三德。對報障明法身。對業障明解脫。對煩惱障明般若。生死只三障故涅槃唯有三德也。

次約四法明亦體即是四德。此德亦無定。或一圓是妙有也。有時明二即妙有及我。有時明三德隣三修法也。四可解五德對彼五門。有時八德則八味也。一德有二行。二德有四行。三德有六行。四德有八行。五德有十行。八德有十六行也。行有三雙。生死涅槃明行解。生死在無常為行解。涅槃樂為行。此八行解乃得涅槃四德也。二明因果。因在我常果常樂我。三約本迹。迹在無常。本身常樂我也。八味者開善四德為八味。謂一常二恒三安四無垢五不老六不死七快樂八清涼。開善為恒。河西云常。常恒者名異義一。不從緣生為常。始終真實為恒。開樂為安。內無惱為樂。外不危曰安也。不老不死是我。我故不老我故不死也。清涼無垢並是淨義也。涅槃復有八相。如文云好體對五門應明五德。但不淨觀在初。聖人不為。但有四倒。四德對四倒故明四行四德也。又對四人明四因四德。四人者則闡提外道聲聞緣覺也。四因者謂信心般若虛空三昧大悲。破闡提不信明信。信故得淨德也。般若對外道。外道著我人一異。般若正慧破一異我心故明般若。故得其德。虛空三昧破聲聞厭苦無常。在可厭故得三昧。三昧故得樂德也。大悲對緣覺。緣覺著無常果永入滅。無大悲故。大悲破無常得常德也。為對四人明四因。故釋四德也。但此四德大經辨其名數不同。常不見別名數直明常二恒耳。但無常有二種。一生滅二流動。對生滅故言常。流動故言恒也。樂名數不同。經云有佛三樂。謂覺知樂及寂滅樂實相樂。三樂無愛樂。佛性一樂謂菩提樂也。復有四樂。一師樂。若不斷樂還成有斷在復斷樂故名大樂。二家樂。三一切智樂。若不知則若一切智故樂。四身不壞故樂。我有八自在義如經也。淨有四種。一有淨。離二十五有。二門樂淨。凡夫一樂不淨也。三身淨。身無常不淨。四心淨。心有。陋則不淨。無陋故淨也。

次第五明涅槃用。就此亦有二義。一者明照境用。二者明發智用。今第一明本有用但前已略明本有義。此義未顯今更廣明之也。然古來有三解。第一靈味高。高生死之中已有真神之法。但未顯現。如藏黃金。如來藏經云。如人弊帛裹黃金像墮泥中。無人知者。有得天眼者。提淨洗則金像宛然。真神亦爾。本來已有常住佛體。萬德宛然。但為煩惱所覆。若斷煩惱佛體則現也。次有障安瑤師云。衆生有成佛之道理。此理是常。故說此衆生為正。因佛性。此理附於衆生。故說為本有也。第三開善具有二義。一者本有。二者始有。更無二體。但將兩義成定之耳。欲明不有神明。定若神明則本來有當果之理。此本有義但約萬行圓滿金剛心謝種種覺起時名為始有。大經具有二文。如貧女寶藏力士額珠間室瓶瓮井中七寶。本自有此證本有之文。下師子吼及迦葉品中皆以乳酪為譬。明乳中無酪。但酪從乳生故言有酪。又云。佛性非三世攝。但衆生未聚莊嚴清淨之身故說佛性在於未來。此則證始有之文。故知佛性具有兩義。若定木石之流無成之理。此衆生必應作佛。則本有義。若於佛則今利是因中因中未有果。則始有義也。今並不同。且破第一義。若定本有真神則同僧法。又若因中已有。則同寶乳索酪價貨草馬索駒直也。又真神力大。何意住煩惱中而不能排煩惱出。而待修造斷惑乃得出耶。破第二義解。若得佛之理已自是常。則衆生身中已有常住之法。還成常見之

●我二無● ●同二斷● ●家口二寂滅● ●陋二漏●

執非真神之法。若此理無常則不成本有之義。次破第三三開善解具二義。汝言常住之法常有始有者。亦應常住之法有會。今若有會。今則墮三世成無常。反結云。又難若常住之法復有始有之義者。亦應無常之法。應無本有之義。若無常法但有始有無本有者。則常住法但是本有無始有也。又常住之法具二義者。何因所耳本有之義須耳因了出始有之義復爲何所感。若無別因則應無別有。既有二有則便兩因。若從生因則無常也。今明涅槃未曾本亦不曾始。爲破本故。道始亦爲洗。故云本到則顯。道非本始非本始。並是方便也。第二照境用又二。初照俗境大明真境。今先明俗境。明俗中有流動。法去來今佛智作。若爲照若逐境有去來則佛知無常。若不逐境境去來則不與境攝。弟子決解去來是。口推心。若約因緣去來境智亦因緣。去來既因緣何因緣去來與不去來。去則解來則動。因緣則智則無相。但覺者去來是相。無常。若知無常境智亦無常。是來有得。但覺且去來相則順倒。順倒之境本來所無。何智所知。故彭城法師爲此難。故明果乃無大期。生滅猶有念念流動逐境去來。此解不可。故經云。若言如來無常否。則墮落。此師現世舌爛口中也。彼師尋改悔作懸高堂。譬如鏡在高堂萬像現鏡中矣。像有去來。鏡無生滅。雖作此解猶在不免難。鏡是無情。知是靈識。又且鏡是無常。云何得覺常住之智。第一京師云。知體是常。用則無常。用無常故逐境去來也。此亦不可。豈得分如來體是無爲用是有爲。經云。正見者應說如來定。是爲故也。第二光宅師作例解。如今以無常之智照常住之法。智既

不同境常者。亦以常住之智照無常之境。豈應逐境無常耶。第四復有一解作九照境義。此智雖照未來。復有當現在當過去義。我皆照竟。所以不生不滅也。此解不可。明向在未來時是當現在。未正現在今遂成正現在則作正現在。照當知息不意耶。若息便爲生滅。不息何有比理。當知不息只有當知無現在知也。第五作逆照義。明如來道成正覺時一念併逆照竟。後境自去來知不新。知。如天子初登極時。併作制在中復人犯者墮種重治之不復更制。佛智照境亦爾也。此義亦不可。佛智照境何曾暫息。而言成道時照後時不照。縱如此終不與境相拔也。第六明橫照照義。明佛在因之月道初心已能橫照數照。次入初地則能一念之中橫照百法。堅照百時。乃至二地于時至佛地萬法萬時。又作虛空譬。物在空中物有生滅。空無去來。此亦不可。虛空無智。佛果靈智。豈得喻耶。今明如來智慧寂絕凝遠非常無常。能常無常非生滅。非生滅能無生滅。無照而照照無所照也。大明真義但古來有二解。第一開善明知照真即與冥一無復境智異。所以爾者。智體既妙湛然常寂與境不殊。但約德而辨自有三句。一凡夫不冥不會。二因中聖人會而不冥。三者佛果亦冥亦會也。第二解不同此說。明佛知是靈智之智。真諦是無智之境。兩體既殊。豈可研此有智之法同無知之境。但會之既極詔爲冥耳。豈得有冥異會耶。然經中亦有冥會之言。故慧印三昧經云。冥寂不冥寂。肇師

論中多云冥真體寂利成言境相定異。豈得言冥言會。今明境智未曾一亦復不異。故影師云。內外並冥緣智俱寂也。次明佛果涅槃發智。問佛果涅槃爲當漸知爲當頓知。古來解不同。舉真諦對明凡有三說。一云二種皆頓智不可漸見。何者理既在萬惑之外。雖除一兩分終不見理。要須除或盡理方可見也。十重紙裏物除九重終不見。除盡方見。第二解云。二種皆可漸知故漸備經明一切智慧皆漸漸滿足。豈可一朝併悟耶。第三解云。佛果頓知真諦可得漸知。所以爾者。真諦則俗之空更非遠物。所以得智慧即可分知。佛果智出生死之外。所以不可漸知。今謂此之解皆不可。初云皆頓知不可者。汝既都未見理。亦應都未斷惑。若少分斷惑則應少分見理。又且不見理則無智慧。無智慧以可除惑耶。次皆漸知不可者。不可者明理。若有分可得分知。理既通同無分。那可分知。又實初地見真以爲稱理爲不稱理。若已稱理與二地何異。若未稱理何謂見理。第三家具招二難。又且二語自相反。故不可。今明至理尚無頓漸。豈有頓漸之知。雖無頓漸亦頓亦漸。故經云。發心畢竟二不別。華嚴云。初心菩薩與三世佛等而復有漸漸知義。有十二地不同。初地百法二地。十法門故也。第六總問答料簡。此涅槃有三本。雙卷大千本及六卷。說者不同。有雙卷是小乘經。二是大乘。或云同座異聞故廣略差別也。有云。翻有廣略。多應爾。法顯得大本上帙翻爲六卷

故也  
涅槃經遊意終

道融先於江南會稽遊學。聞彼大德等。云其吉藏法師涅槃疏記等百濟僧並將歸鄉。所以此間無本留行。道融京感亭曰年過見百濟賢者持此吉藏法師涅槃玄意。行故鄉寫之二有疏而未得讀。乃寫其賢者在彼訓

### 涅槃宗要

No. 1769 (cf. No. 875)

元曉師撰

是經有其二門。一者略述大意。二者廣開分別。述大意者。原夫涅槃之爲道也無道而無非道。無住而無非住。是知其道至近至遠證斯道者彌寂彌隨。彌隨之故普震八聲通虛空而不息。彌寂之故遠離十相同真際而湛然。由至遠故隨教逝之綿歷千劫而不臻。由至近故忘言尋之不過一念而自會也。今是經者斯乃佛法之大海方等之祕藏。其爲教也難可測量。由良廣蕩無崖甚深無底。以無底故無所不窮。以無崖故無所不該。統衆典之部分歸萬流之一味。開佛意之至公和百家之異譚。遂使擾擾四生僉歸無二之實性。夢夢長睡並到大覺之極果。極果之大覺也。體實性而忘心實性之無二。混真忘而爲一。

既無二也。何得有一真忘混也。就爲其實。斯卽理智都忘名義斯絕。是謂涅槃之玄旨也。但以諸佛證而不位。無所不應無所不說。是謂涅槃之至教也。玄旨已而不肯寂。至教說而未嘗言。是謂理教之一味也。爾乃聽滿字者咸蒙毛孔之益。求半偈者不傾骨髓之摧。造逆罪者信是經而能滅燄。善種者依茲教而還生之矣。所言大般涅槃經者。若也具存西域之音。應謂摩訶般涅槃那。此土譯之言大滅度。欲明如來所證道體周無外。用遍有情廣苞遠濟。莫是爲先依莫先義。故名爲大體大用無二無別。既無彼岸可到。何有此岸可離。無所離故無所不離乃爲大滅。無所到故無所不到方是大度。以是義故名大滅度。所言經者。大聖格言實十方而一揆。歷千代而莫二法。而且當故名爲經。正說之前先序時事。以之故言序品。第一故導大般涅槃經序品第一。二者廣開之內有其四門。初說因緣。次明教宗。三出經體。四辨教迹。第一說經因緣門者。問佛臨涅槃而說是經。爲有因緣爲無因緣。若無因緣亦應無說。若有因緣有爲幾種。答佛說是經無因緣。所以然者。所說之旨絕於名言不開因緣故能說之人離諸分別不思因緣故。無因強說是經。如此下文言。如拉羅婆夷名爲食油。實不食油強爲立名字爲食油。是大涅槃亦復如是。無有因緣強立名字。又攝論云。若佛果是無分別智所顯離分別。衆生云何得作衆生利益事。如理無倒爲顯無功用作事。故重說偈言。譬摩尼

天鼓無思成自事。如是不分別種種佛事成。解云。若依是義無因緣而有所說。又復得言無因緣故亦無所說。如是經下文言。若知如來常不說法。是名菩薩具足多聞。二夜經云。從初得道夜乃至涅槃夜。是二夜中間不說一言字。以是證知無因緣說。或有說者。有大因緣佛說是經。所以然者。如愚癡人都無因緣有無所作。智者不爾。有深所以乃有所作。如智度論云。譬如須彌山王不以無因緣及小因緣而自動作。諸佛亦爾。不無因緣而有所說。依是文意有因有說。若依是意說此經因有總有別。別而論之因緣無量。所以然者。大人發言必不徒說。一偈一句各有因緣。一言之內亦有衆緣。此經梵本有二萬五千偈則有二萬五千因緣。隨其一偈皆有四句。則十萬句有爾許因緣。又一一句各有諸緣。由是言之有無量緣。別緣如是不可具陳。總因緣者如來宜以大因緣而說是經。所謂欲顯諸佛出世之大意故。如法花經言。諸佛如來唯以一事因緣故出現於世乃至廣說。又此經菩薩品云。若有人能供養恭敬無量諸佛。方乃得聞大涅槃經。所以者何。大德之人乃能得聞如是大事。何等爲大。所謂諸佛甚深祕藏如來之性。以是義故名爲大事。解云。今說是經之時正臨一化之終日究意顯示諸佛大意。所謂總括成道以來隨機所說一切言教。悉爲示一味之道。普令歸趣無二之性。十方世一切諸佛悉同是意無二無別。是謂諸佛出世大意。是名如來甚深祕藏。由有如是。一大

因緣。是故如來說是大經。如是總門一大因緣。即攝別門無量因緣。以其衆緣不出一意。問彼初師義無因無說。此後師意有因有說。如是二說何得何失。或有說者。二說悉得。皆依經典不相妨故。雖非不然。故說有無無而非定然故不相違。說經因緣應如是知。第二辨教宗者。此經宗旨說者不同。有師說言經文始終所詮衆義以爲經宗。對問而言。即有六六三十六義。所謂第一長壽因果乃至最後諸陰法門。或有說者。四種大義爲此經宗。何等爲四。一者大涅槃圓極妙果具足三事及與四德。二者一切衆生悉有佛性。煩惱覆故不能見。三者三寶佛性同體無二。四者闡提謗法執性二乘悉當作佛。如是四義以爲其宗。或有說者。出世因果以其爲宗。果即菩提涅槃。因即佛性聖行。如能陀章開菩提果。冥敷章中開涅槃果。如來性品顯佛性因。聖行品中說行德因。其餘諸品重顯因果。故知無上因果爲宗。或有說者。當常現常二果爲宗。所謂一切衆生悉有佛性。是顯當常如來所證大般涅槃。是明現常聖行等因即助顯於果非爲正宗。若據佛意欲使衆生各證當果。但當果未非恐難取信。是故自說所證將成物信。以是義故二果爲宗。但從現立題故名涅槃也。或有說者。圓極一果爲是經宗。所謂諸佛大般涅槃。所以從宗而立題名。環瑤經六種環瑤爲宗。大般若經三種般若爲宗。當知是涅槃經一大涅槃爲宗。或有說者。諸佛祕藏無二實性以爲經宗。如是實性離相

離性故於諸門無障無礙。離相故不垢不淨。非因非果不一不異。非有非無。以離性故亦染亦淨。爲因爲果亦一亦異。爲有爲無。爲染淨故或名衆生或名生死。亦名如來亦名法身。爲因果故或名佛性名如來藏或名菩提名大涅槃。乃至爲有無故名爲二諦。非有無故名爲中道。由非一故能當諸門。由非異故諸門一味。如是無二祕藏以爲是經宗旨。但其題目之中不能並偏存諸名。且隨時事立涅槃名。問六師所說何者爲實。答或有說者。諸說悉實。佛意無力無不當故。或有說者。後說爲實。能得如來無方意故。並容前說諸師義故。當知是二說亦不相違也。總說雖然。於中分別。且依二門以示其相。謂涅槃門及佛性門。涅槃之義六門分別。一名義門。二體相門。三通局門。四一滅門。五三事門。六四德門。名義門內翻名釋義。初翻名者諸說不同。或說無翻。或說有翻。有翻之說雖有諸宗。今出一義翻爲滅度。其文證者如法花經長行言。如來於今日中夜入當無餘涅槃。下偈頌曰。佛此夜滅度。如薪盡火滅。又此大經第一卷云。隨其類音普告衆生。今日如來將欲涅槃。六卷泥洹此處文言。悟懷寂滅大牟尼尊告諸衆生。今當滅度。以是等文當知滅度正翻涅槃也。無翻之說亦有諸宗。且出一義彼師說言。外國語容含多名訓。此土語偏不能相當。是故不可一名而翻。其文證者如德王品第七功德文言。涅槃者不壞者識。不識之義名爲涅槃。聲言覆。不覆之義乃名涅槃。聲言

去來。不去不來乃名涅槃。聲者言取。不取之義乃名涅槃。聲者不定。無不定義乃名涅槃。聲言新故。無新故義乃名涅槃。聲言障礙。無障礙義乃名涅槃。又下文言。善男子聲者言有。無有之義乃名涅槃。聲者名爲和合。無和合義乃名涅槃。聲者言苦。無苦之義乃名涅槃。此處略出是十種訓。上下諸文乃衆多。故知不可一語而翻。問若立後師義是難云何。通謂有難曰。經說有翻耶得無翻。如言隨其類音普告衆生。今日如來將欲涅槃。豈隨蜂蟻六道之音得翻涅槃之名。而獨不得此國語翻。又當此處經文既翻云之滅度。豈可得云不能翻耶。彼師通曰。涅槃之名多訓之內。且取一義翻爲滅度。即依此訓普告衆生。非謂其名只翻滅度。以是義故彼難善通。問若立初師義是文云何通。如德王品菩薩難言。若使滅度非涅槃者。何故如來自期三月當般涅槃。師子孔品云。諸結火滅故名滅度。離覺觀故故名涅槃。以是文證明知滅度非正翻於涅槃名也。彼師通曰。此等經文是翻譯家故漢互舉綺飾其文。若使令存外國語者。既言若使涅槃非涅槃者。又諸結火滅故名涅槃。離覺觀故故名涅槃。如其令存此土語者。既云若使滅度非滅度者。下文例爾。由是義故不相違也。問二師所說何是非。答或有說者。二說俱是。悉依經文而成立故。是義云何。涅槃之名即含二義。所謂密語及顯了語。依顯了語正翻滅度。如初師說若依密語即含多訓。如後師訓。由是道理二說悉得若

依是意通彼難者。就顯了義有正翻。故隨其類音普告衆生。就其密語含多義訓。是故後文亦得善通。說言。若使滅度者舉顯了語死滅度也。非涅槃者取密語內不識義也。難意正言。若使死滅之滅度義非不滅之涅槃義者。何故以是不識之名自期三月當般涅槃。以先樹下成道之時已得不識之涅槃故。要有煩惱乃識生死。故師子吼言。諸結火滅名滅度者亦是顯了語之滅度。離覺故名涅槃者取密語內無苦之義。入無餘時苦報滅已方離覺覺分別心故。由是道理諸善說通也。次釋義者。且依顯了之語以釋有翻之義。此土釋之言大滅度。所言大者。古人釋云。莫先爲義。謂釋勝之時莫是爲先。非約時前後言無先也。依下經文大有六義。一者廣之莫先故名爲大。如經言。大者其性廣博猶如虛空無所不至。涅槃如是故名爲大。二者長之莫先故名爲大。如經言。所言大者名之爲長。譬如有人壽命無量名大歲夫。三者深之莫先故名爲大。如經言。大者名爲不可思議。一切世間聲聞緣覺不能測量涅槃之義故名爲大。四者高之莫先故名爲大。如經言。譬如大山一切世人不能得上故名爲大。涅槃如是凡夫二乘及諸菩薩不能到故名爲大。五者多之莫先故名爲大。如經言。譬如大藏多諸珍寶。涅槃如是多有種種妙法珍寶故名爲大。六者勝之莫先故名爲大。如經言。如世間中勝上主人名爲大人。涅槃如是諸法中勝故名爲大。大義如是。所言滅者略有四義。事滅理

滅德滅擇滅。言事滅者。還無爲義。義當應化身。正智亦亡故名爲滅。如經言。佛此夜滅度。如薪盡火滅。如是事滅當體立名。言理滅者。寂滅爲義。謂從本來無動無起故名爲滅。如經言。一切諸法不生不滅。本來寂靜自性涅槃。如是理滅寄全音。言德滅者。永離爲義。謂諸功德離相離性不守自性互相一味故名爲滅。如下文言。受安樂者即解脫。真解脫者即是如來。如來即涅槃乃至廣說。如是德滅從義受名。言擇滅者。斷除爲義。佛智能斷一切煩惱故名爲滅。若依是義。涅槃非滅。而受名者略有三義。一者從處得名。謂佛窮到無住之原。是處能斷一切煩惱。斷煩惱處故名爲滅。如經言。涅槃亦爾。無有住處。宜是諸佛斷煩惱處故名涅槃。二者從因受名。謂智滅或能顯於理。理顯是果。智滅爲因。從因立名。名理爲滅。如此經言。煩惱爲薪智惠爲火。以是因緣成涅槃。今我諸弟子皆悉甘嗜。三者從果受名。謂智依理能滅煩惱理爲滅。因智是滅果。從果立名。名理爲滅。如佛性論云。道依涅槃能使煩惱未來不生。現在不滅。因中說果故名涅槃爲無生滅。滅義如是。所言度者略有二義。謂究竟義及到岸義。到岸義者顯顯斷義。煩惱滅者明非常義。煩惱離滅衆生得度。非常非斷故名滅度。究竟義者滅德究竟故名滅度。度義如是。問若斷煩惱非涅槃者。何故德王菩薩品云。不見佛性而斷煩惱是名涅槃。大涅槃以見佛性故得名爲常樂我淨。故斷煩惱亦得稱爲大般涅槃。若

斷煩惱稱涅槃者。何故彼品下文說言。斷煩惱者不名涅槃。不煩惱乃名涅槃。善男子。諸佛如來煩惱不起是名涅槃。解云。前所引文爲簡涅槃大涅槃異故舉二斷以顯斷處。非約能斷名爲涅槃。後所引文爲簡諸佛與菩薩異。菩薩斷處猶有餘惑。故不得受涅槃之名。諸佛斷處畢竟不生。所以得立涅槃之稱。是答德王菩薩難意。彼前難言。若言煩惱滅之處是涅槃者。諸菩薩等於無量劫已斷煩惱。何故不得稱爲涅槃。俱是斷處。何緣獨稱諸佛有之菩薩無耶。爲答是難。故依斷與不生簡別。通而言之。菩薩亦不生。諸佛亦是斷。別門而言。斷除之稱遺於已生之辭。遺於未起。遺已生者望前之義。義在不足。故說菩薩遮未起者望後之義。義在究竟。故說諸佛依是道理精別而言。斷煩惱者不名涅槃。不生煩惱乃名涅槃。以是義故不相違也。名義門竟。第二出體。於中有一。先出體性。後簡虛實。出體性者諸說不同。或有說者。無垢真如是涅槃體。始起功德非是涅槃。即能證智是菩提故。如經云。涅槃義者即是諸佛之法性也。又下文言。涅槃之體本自有之非適今也。大品經云。諸法性空即是涅槃。占密經云。煩惱生死畢竟無體。求不可得。本來不生。實更不滅。自性寂靜即是涅槃。如是等文不可具陳。故知真如正知。其是涅槃。斷滅煩惱所顯義門即說真如名爲數滅。數滅即是無垢真如。或有說者。果地萬德不問。本始總束爲一大涅槃體。如此經中總說三事即爲涅槃。又下

文說八自在已總結而言。如是我名大涅槃。法花論云。唯佛如來證大菩提究竟滿足一切智慧名大涅槃。攝大乘論云。三身所顯無上菩提。既說三身皆是菩提。當知皆為大涅槃體。如是二說皆有道理。所以然者。涅槃菩提有通別。別門而說。菩提是果在能證德道諦所攝。涅槃果之是所證法滅諦所攝。通門而言。果地道諦亦是涅槃。所證真如亦是菩提。例如生死有通有別。別而言之。內根始終名為生死。如經言。生者新諸根起。死者諸根滅盡。通而論之。諸雜染法皆是生死。如經言。空者一切生死廣說乃至無我一切生死。對此生死以說涅槃。故知涅槃亦有通別。問若始有功德亦是涅槃。是即涅槃亦有生因。若爾何故迦葉品云。三十七解脫門三十七品能為涅槃。作生因。作生因亦為涅槃。而作了因。善男子遠離煩惱即得了見於涅槃。是故涅槃唯有因無有生因。上下諸文之中皆說唯有了因。未曾言亦有生因。答始有功德雖是涅槃。涅槃之義存於寂滅。寂滅之德合於所了。是故說言唯有了因。如說菩提生因所生而亦有說了因所了。即是義准當知涅槃了因所顯而亦得言生因所起。由是道理故不相違也。體相如是。大簡虛實。問生死之法是虛妄。虛妄故空。是事可爾。涅槃之果真如為體。為虛為實為空不空。答或有說者。涅槃之體性是真決定不空。如此經云。真解脫者即是如來。如來者即是決定。又下文言。空者一切生死。不空者謂大涅槃乃至

廣說。勝鬘經說。三諦是有為是虛妄。一苦滅諦是實乃至廣說。如是等文不可具陳。故知涅槃是實不空。而餘處說皆悉空者。是遺妄心所取涅槃說真智所證涅槃。若使涅槃亦是空者。是即如來佛性皆空。十一空內入於何空。既非空攝當知不空。或有說者。生死涅槃皆是虛妄空無所得。佛法之義無有一法而不空者。如德王品云。般若波羅蜜亦空。乃至檀波羅蜜亦空。如來亦空。大般涅槃亦空。是故菩薩見一切法皆悉是空。花嚴經言。生死及涅槃是二悉虛妄。愚智亦如是。二皆無真實。如是等文不可具陳。當知悉空乃名平等。而餘處說生死虛妄涅槃不空等者。為護淺識。新發意者生驚怖故作方便說。如大品經化品言。若法有生滅相者皆是變化。若法無生無滅是非變化。所謂無誑相。涅槃是法非變化。須菩提言。如佛自說諸法平等。非聲聞作乃至非諸佛作。有佛無佛諸法性常空性空即是涅槃。云何言涅槃一法不如化。佛言。如是如是諸法平等乃至性空即是涅槃。若新發意菩薩聞一切皆畢竟空乃至涅槃亦皆如化心即驚怖。為是新發意菩薩故分別生滅者如化不生滅者不如化。須菩提言。世尊云何令新發意菩薩知是性空。佛告須菩提。諸法先有今無耶。依是文證當知餘處說不空者皆是方便語不盡道理也。是涅槃空及佛性空十一空內何所攝者。空空所攝故說是空。唯佛所窮。十八空中畢竟空故。如前所引涅槃經說。若使諸經所說涅槃皆空是

遺妄心所取相者。是即諸經所說生死法空是遺遍計所執生死。若此不爾彼亦不然。又若涅槃是實有者。即不能離實有之言。其能離實有言者即謂實有。宜是妄語。是故當知彼說實有唯說自心妄耶境界耳。問如是二說何得何失。答若如言取二說皆失。互相異諍失佛意故。若非定執二說俱得。法門無礙不相妨故。是義云何。若就德惠相對之門。即生死是空涅槃不空。以安心所取無境當知故說為空。能取安心不得自在故說無我。真智所證道理稱心故說不空。能證真智無礙自在故名大我。依如是門前師為得。彼所引文是了義說。若就相待無自相門。則生死涅槃等無自性。以不空待空我待無我乃至無待待於有待故。如起信論云。復次一切染法淨法皆是相待無有自相可說。依如是文後說為得。其所引文非不了說。又大涅槃離相離性非空不非空非我非無我。何故非空。離無性故。何非不空。離有性故。又離有相故說非我。離無相故說非無我。非無我故得說大我。而非我故亦說無我。又非空故得言實有。非不空故得說虛妄。如來祕藏其義如是。何蜜異譯於其間哉。體門竟。第三明通局門者。於中有二。先小後大。小乘之內二部異說。犢子部說通於凡聖。彼說涅槃有其三稱。謂學。無學。非學。非無學。凡夫等智斷結所得涅槃名非學。非無學。聖位所得無為無學涅槃。若依薩婆多部所說涅槃之名唯在無學。無學人斷結所得無為唯名滅等。不名滅



等不名涅槃。如智度論云。離空處欲乃至非想地八種欲彼名斷名滅名無欲名諸。不名斷智不名沙門果不名有餘涅槃。不名無餘涅槃。盡無生智非想九種結斷彼名斷名滅名無欲名諸名斷智名沙門果名有餘涅槃。不名無餘涅槃。阿羅漢陰界入不相續彼斷名滅名無欲名諸名斷智名沙門果名無餘涅槃。不名有餘涅槃。若依大乘即有四句。一極通門。凡夫二乘菩薩與佛音有涅槃。如此經言。諸凡夫人依世俗道行斷結行名入涅槃。又言得少飲食亦名得涅槃。乃至廣說。聖人涅槃不待言論。二簡凡聖門。聖有凡無。如地持經說。三乘聖人定有涅槃名爲正定。外凡定無名爲邪定。內凡不定名不定聚。三簡大小門。大有小無。法花論云。無二乘者謂無二乘所謂涅槃。今此經云。菩薩摩訶薩住大涅槃。諸佛亦爾故。四者簡因果門。因無果有。唯佛一人證得涅槃。是義具如德王說。通局門竟。第四明二滅門者。亦有二種。先明性淨及方便壞。後顯有餘無餘涅槃。初明性淨方便壞者。真如法性本來無染故曰性淨。亦名本來清淨。涅槃即如如理凡聖一味。是故亦名同相涅槃。方便壞者。智慧善巧壞二邊著。由是轉依真如顯現。從因立名名方便壞。由轉二著不住二邊故亦名無住處涅槃。如攝論云。諸煩惱惑滅名無住處涅槃。故即此涅槃不通凡住。故亦名不同相涅槃。如地論云。定者成同相涅槃。自性寂滅故。滅者成不同相方便壞涅槃。爾現智緣滅故。是二涅槃同一

真如。但依義門建立二種門耳。問性淨涅槃得涅槃名。爲在凡住亦名涅槃。爲聖所證乃名涅槃。若如後者方便所證即同方便壞涅槃義。若如前者自然所得諸凡夫人已入涅槃。又若凡夫已入涅槃即應聖人不入泥洹。如是錯亂云何簡別。答性淨涅槃得名有二。別門而說。如後問意在聖所證所證之有其二義。對分別性證本來淨。望依他性證轉依淨。由是道理同是所證二種別義不相雜亂。通相而論。如前問意亦在凡位。若依是義得言凡夫已入涅槃。又得說言聖人不入。依是義故淨名經言。一切衆生同涅槃相不復更滅。起信論言。一切衆生從本已來入於涅槃。菩提之法非可修相非可作相。楞伽經言。菩薩一闍提常不入涅槃。以能善知一切諸法本來涅槃故。當知諸佛法門非一。隨其所說而無障礙而不錯亂。所以然者。菩薩不入勝於凡夫已。以其善知本來涅槃故。凡夫已入不如。聖人不入未能知自入涅槃故。由是道理無雜亂也。雖無雜亂而非簡別。所以然者。菩薩不入還同凡已。凡已入不異菩薩不入。以明與無明愚者謂二。智者了達其性無二。故。雖復凡聖其性無二。而是凡聖不爲一性。以愚者謂二。智者了達故。當知凡聖生死涅槃不一不異非有非無非入非不入非出非不出。諸佛之意唯在於此。但隨淺識顯說彼說耳。次明有餘無餘滅者。若依薩婆多宗義者。涅槃體一。約身說二。如智度論說云。何有餘身界涅槃。答或有說者身有二種。一者有煩

惱身。二者生身。阿羅漢無煩惱身而有餘生身。依此生身得涅槃故名有餘身界涅槃。云何無餘身界涅槃。答阿羅漢已滅四太諸根盡而入涅槃。此文未分明故下即問曰。此文不應作是說。身諸根覺性滅名無餘身界涅槃。應作是說。阿羅漢斷一切結盡入於涅槃是名無餘身界涅槃。此不說者有何意耶。答彼尊者依世俗言信經故而作是說。難心論中亦同是說。問身智滅處何故非涅槃。答依此宗明數滅無爲體是善故名涅槃。身智現亡是無常滅有爲故非涅槃。現在斷因未來生後報法不起。是非數滅無記故非涅槃。以智從報亦同此說。若依成實論宗假名實法二心無處是有餘涅槃。心空及身未來不起是無餘泥洹。身智現滅亦非涅槃。故彼論云。二空心處滅定及無餘泥洹。問此論宗無餘泥洹爲是數滅爲非數滅。答彼論宗說斷集因故。苦果不起亦是數滅智。雖非報其無常邊行苦所攝故。其報起亦入滅諦。若依譬喻部說斷集因故苦報不起。雖是涅槃而非數。非非故是無記性。如婆娑云。或有說者。有餘身涅槃界是善是道果是諸攝。無餘身涅槃界是無記非道果非諸攝。若就大乘即有四門。一就化現。二約實義。三對大小。四依三身。化現門者同小乘二種涅槃。其義同前二宗所說。但彼謂實此似現耳。第二約實義者。就實言之。是二涅槃同以轉依真如爲體。但斷因所顯義門名爲有餘果。已所顯義門說名無餘。如攝論云。煩惱業滅故言

即無種子。此顯有餘涅槃。果報悉滅故言一切皆盡。此顯無餘涅槃。又喻伽論決擇分說。問若阿羅漢六處生起即是任相續不滅無有變異。更有何等異轉依。性而非六處相續而轉。若更無有異轉依者。何因緣故前後二種依止相以而今後時煩惱不轉聖道轉耶。答諸阿羅漢實有轉依。而此依轉依清淨真如所顯而彼真如與其六處異不異性俱不可說。問又下言。無餘依中所得轉依當言是常當言無常。答當言是常。清淨真如之所顯故。非緣生無生滅故。又問於無餘依般涅槃者於色等法當言得自在當言不得耶。當言能現在前。答當言不現在前當言得一分能現在前一分不現在前。謂諸如來於無餘般涅槃已能現在前。所餘不能令現在前乃至廣說。第三大小相對門者。二乘涅槃名為有餘。如來所證名曰無餘。如勝鬘說。涅槃亦二種。有餘及無餘。有為生死盡滅之處所得涅槃名曰有餘。無為生死盡滅之處所得涅槃名曰無餘。故第四依三身說二涅槃者。應化二身身智猶在名曰有餘。即離生死一切過患故名涅槃。如此經言。今我此身即是涅槃。故於法身中身智平等名為無餘。離一切相畢竟寂滅故名涅槃。如金鼓經言。依此二身一切諸佛說有餘涅槃。依法身者說無餘涅槃。何以故。一切餘究竟盡故。若依此義即取三身為涅槃體。又有一義。無垢真如正是涅槃。但望二身說此真如名為有餘。別餘故。若望法身說此真如名曰無餘。無別餘故。如攝論云。

如緣覺不觀衆生利益事住無餘涅槃。菩薩即不如。是住波若波羅蜜不捨衆生利益事。般涅槃亦有餘亦無餘。於法身是無餘於應身是有餘。故言離住無餘涅槃。以不應彼處故。又復即此轉依真如涅槃望於三身說無住處。所以然者。二身生滅不同真如。是故不住於彼涅槃。法身離相無異真如。故非能住於其涅槃。故對三身說為無住。如經說言。依此三身一切諸佛說無住處涅槃。何以故。為二身故不住涅槃。離於法身無有別佛。何故二身不住涅槃。二身假名不實。念念滅不住故。數出現以不定故。法身不爾。是故二身不住涅槃。法身不二。是故不住於般涅槃。二滅門竟。第五明三身門者四句分別。初出體相。次明建立。三明總別。四往復。出體相者。法身體者佛地所有一切功德。其體無二唯一法界。法界舉體以成萬德。萬德之相還同法界。法界之性不異萬德。隨舉一德無所不遍。如是一切白法圓滿。自體積集故名法身。其義具顯金剛身品。般若體者即此法身。性自明達無所不照故名般若。解脫體者即此法身。離諸繫縛無所障礙故名解脫。三德實殊不可說一。可相一味不說異。以之故名如來祕藏。是謂三法之體相也。次明建立三事所由一體萬德無非涅槃。所以偏說此三法者。以對生死三種患故。何者生死萬累不出三種。所謂苦果五陰身故建立法身。以除煩惱迷惑法故建立般若。離諸業障繫縛因故建立解脫。又復對彼小乘入涅槃時灰身滅智故

說法身常存大智不滅。對彼小乘身智存時未免苦報習氣繫縛故就身智立真解脫。建立之由略說如是。第三明總別者。一性而言涅槃是總況。於伊字三法是別喻對。以三點總別成總其義有四。一者要具三法方成涅槃。獨舉一一即不得成。如一一點不成伊字。如經言。解脫之法亦非涅槃。摩訶般若亦非涅槃。故二者三法等圓乃成涅槃。雖具三數若有勝劣不得成故。如三點並必有右左。如經說言。三點若並即不成伊故。三者三法一時乃成涅槃。雖無勝劣若有前後不得成故。如三點縱必有南北。如經言。縱亦不成故。四者三法同體乃成涅槃。如說虛空不動無礙。雖非前後而各別體不成總故。如彼三點雖非並縱各宜別處不成一字。如經言。三點若別亦不成伊故。如是三法具此四義乃成涅槃。如世伊字故。三是別涅槃是總。一性雖然再論未必然。所以足者盡理而言四種功德皆總皆別。皆別義者。涅槃是寂寂義。法身是積集義。般若若照達義。解脫是離縛義。故知四種無非別也。皆總義者。如經言。若無法身苦報不盡。何成涅槃。若無般若聞感不除。豈得涅槃。若無解脫不免業繫。故非涅槃。如是餘三共義同爾。何者。若無涅槃生死未滅。何為法身。若無般若煩惱所纏何名法身。若無解脫諸業所縛故非法身。法身般若解脫具三乃涅槃成。准前可解。故知總如說四種總別之義。一切功德皆亦如是。一即一切。一切即一。是故總別無所障礙不同。伊字是總

非別。其中三點是別非總。唯取小分以爲譬耳。第四往復決擇門。問如是如來實德法身當言有色當言無色。答或有說者法身無色。但有隨機化現色相。所以然者。色是質礙龜形之法。顛倒分之所變作。諸佛如來永離分別歸於理原。法界爲身。由是道理不須色。乃至凡夫至無色界離色分別故無色身。豈說如來還有色身。如金鼓經言。離法如如離無分別智。一切諸佛無有別法。何以故。一切諸佛智慧具足故。一切煩惱畢竟滅盡得佛淨地。以是法如如智攝一切佛法。又言。如是法如如智亦無分別。以願自在故衆生有感應化二身。如日月影和合出生。起信論云。諸佛如來唯是法身智相之身第一義諦無有世諦境界離於施作。但隨施衆生見聞得益。故說爲用。此用有二種。一凡夫二乘心所見者爲應身。二菩薩所見者名爲報身。乃至廣說。依此等文。當知實德永無色身。唯有隨根所現色耳。而此經說如來解脫是色等者。對惠眼根說色。非實色。如智惠非眼而說惠眼。雖名爲眼實非色根。如是法身非色而說妙色。雖名爲色實非色塵。由是道理當知無色。餘處說色皆作是通。或有說者。法身實德有無障礙色。雖無質礙之義說色。而以方所現說色。雖離分別所作龜色。而有萬行所感而得妙色。如說雖無分別識而得有於無分別識。如是雖無障礙之色而亦得有無障礙色。如此經言。捨無常色獲得常色。受想行識亦復如是。然色陰之色通有十入。

對眼之色唯是一入。故彼不能會通此文。又小泥洹中純陀歎佛言。妙色湛然體常安隱。不爲時節劫所還。大聖廣劫行慈悲獲得金剛不壞身。薩遮尼提子經言。瞿曇法身妙色常湛然體。如是法性身衆生等無差別。攝大乘云。爲顯異人功德故立自性身。依止自性身起福德智慧二行。二行所得之果謂淨土及法樂。能受用二果故名受用身。依此等文當知二行所感實報有自受用身及自受用淨土。而餘處說法身無色者。約自性身說爲無色。是三身門之法身義令三事門所說法身總取始有萬德爲體。是故說爲法身有色。問二師所報何失何得。答或有說者。定取一邊二說皆失。若非實報二義俱得。是義云何。佛地萬德略有二門。若就捨相歸一心門。一切德相同法界故說唯是第一義身無有色相差別境界。若依從性成萬德門。色心功德無所不備故說無量相好莊嚴。雖有二門而無異相。是故諸說皆無障礙。爲顯如是無礙法門。金剛身品廣說之言。如來之身非身是身無識是識離心亦不離心無處亦處無宅亦宅非像非相諸相莊嚴乃至說廣。當知如來祕藏法門說有說無皆有道理。三身門竟。第六四德分別略有四門。一顯相門。二立意門。三差別門。四和誨門。顯相門者。問說法身即備四德。四德之義有通有別。別而言之。常是法身之義。對彼完身是無常故。樂是涅槃之義。對彼生死是苦海故。我是佛義。以對衆生不自故。淨是法義。以對非法是染濁故。如哀歎

品云。我者即是佛義。常者是法身義。樂者是涅槃義。淨者是法身義。樂者是涅槃義。淨者是法義。且約一邊如是配當。就實通論無所不當。如前三事總別門說是即四德是法身義。又此四德是涅槃義。望餘諸皆亦如是。如德王品云。以見佛性而得涅槃。常樂我淨名大涅槃。總說雖然於中分別者。四德之相各有二義。常德二義者。如來通達無二之性不捨有爲生死。以不見生死異涅槃故。不取無爲涅槃。以不見涅槃異生死故。依是二義離斷常。乃法身常德義也。實性論云。依二種法如來法身有常波羅蜜。應知何等爲二。一者不滅一切諸有爲行。以離斷見邊故。二者不取無爲涅槃。離常見邊故。以是義故聖者勝靈經說言。世尊見諸行無常是斷見非正見。見涅槃常住是常見非正見故。樂德二義者。謂離一切意生身苦及滅一切煩惱習氣。離意生身苦顯寂靜樂。滅煩惱習氣顯覺智樂。如論說云。依二種法如來法身有樂波羅蜜。何等爲二。一者遠離一切苦。以滅一切意生身故。二者遠離一切煩惱習氣。證一切法故。我德二義是。謂離我見邊及無我見邊。非我非無我乃得大我故。如論說云。依二種法身有我波羅蜜。何等爲二。一者遠離諸外道邊。離虛妄我戲論故。二者遠離諸聲聞邊。以離無我戲論故。以是義故楞伽經云。離諸外道邊禁燒無我見。令我見熾燃如劫盡火燃。淨德二義者。通達分別性除滅依他性故。通達分別顯自性淨。滅依他性顯方便淨。如論言。

依二種法如來法身有淨波羅蜜。何等爲二。一者本來自性清淨以同相故。二者離垢清淨以勝相故。問何故常與我對二邊顯一。而於樂淨德遣一邊說二。答是顯略門及影論門。其作論者以巧便術也。第二明其立四意者。萬德既圓何獨立四。立四之由略有四義。除四障故。翻四患故。對四倒故。離四於故。除四障者。凡聖四人各有一障。一者闍提謗法障於淨德。貪生死爲淨法故。二者外道著我障於我德。不了真我執虛妄故。三者聲聞畏苦障於樂德。不知彼苦即是大樂故。四者緣覺捨心障於常德。捨於常利而取斷滅故。爲除如是四障障故。菩薩修習四種勝因。所謂信心般若三昧大悲。次第得證淨我樂常。如寶性論偈云。有四種障礙。謗法及著我怖畏世間苦捨離諸衆生。闍提及外道聲聞及緣覺。信等四種法清淨因應知。翻四患者。分段生死有四種患。謂無常苦無我不淨。爲翻如是四種患法故於涅槃建立四德。此義可見。不勞引文。然何故四門開空無我。此中廢空立不淨者。四諦道理是正觀境以理爲勝。所以開空今四患門是念處境爲對四倒故立不淨也。對四倒者。謂聲聞四無倒行雖對治凡夫有爲四倒。而翻法身無爲四德。以不了五陰即是法身故。爲對治此無爲四倒。是故建立法身四德。如寶性論云。如是四種顯倒對治。若依如來法身復是顯倒應知。偈言。於法身中倒故對治。此例說有四種法身功德乃至廣說。離四相者。變易生死有四種相。所謂緣相

乃至壞相。離此四相故建立四德。何者。以離相無明染故立於淨德。以離因相業所繫故立於我德。離於生相微細苦故立其樂德。離於壞相無常滅故立其常德。如論說言。住無漏界中聲聞辟支佛得大力自在。菩薩爲證如來功德法身有四種障。何等爲四。一者緣相。二者因相。三者生相。四者壞相。緣相者。謂無明住地與行作緣。如無明緣行。無明倒地緣亦如是故。因相者。謂無明住地緣行此以爲因。如行緣識。無漏業緣亦如是故。生相者。謂無明住地緣無漏業因生。三種意生身亦如是故。壞相者。謂三種意生身緣不可思議變易生死。如依生緣故有老死。此亦如是故。乃至廣說。問諸聲聞起四顛倒。爲在正觀時爲在出觀時。答正入觀時正證人空遠離一切名言分別。故於彼時不起四倒。觀後起此四倒。四倒之相有總有別。別起相者。彼計樹下成道之身實是惑業所感之報故。謂無常苦無我等不了是化即真。是即倒於法身四德。總起相者。總觀五陰苦無常等不達五陰即是法身。是即倒於法身四德。建立門竟。次第三明差別門者。四德差別乃有衆多。且依一路顯二四。謂於常我各說二種。樂淨之中各開四別。二種常者法常佛常。法常義者無生無滅是常身義。佛常義者不老不死是常壽義。如下文言。如來長壽於諸壽中最上最勝。所得常法於諸法中最爲第一。此言常法即是法法。言長壽者是報身壽。又言。以法常故諸佛亦常。法即法身。佛是報佛。又諸佛者

亦是化佛。依是義故攝大乘說。法身爲二身本。本覺常住。未來依於本相續恒在。如恒受樂如恒施食。二身常住應如是知。寶性論中依七種因成常命義。復以三譬顯常身義。七種因者。一因緣無邊故得常命。謂無量劫來捨身命財攝取正法。無窮無盡。既修無窮之因還得無盡之果。偈云。棄捨身命財攝取諸佛法故。二衆生無邊故得常住。謂初發心時結四弘誓。衆生若盡我願乃盡。衆生無盡我願亦無盡。爲究竟滿是本願故。窮未來際常住不盡。偈曰。爲利益衆生究竟滿本願故。三大悲圓滿故常者。若諸菩薩分有大悲尙能久住生死不入涅槃。何況如來純得清淨大悲圓滿豈能繫捨入滅盡耶。偈言。得清淨佛身起大悲心故。四神足圓滿故常者。世間有得神足力者尙能住壽四十小劫。豈況如來具四神足而不能住壽無量劫耶。偈言。修四如意足依彼力住世故。五妙智成就故常者。遠離生死涅槃分別體證無二不動不出。是故畢竟無有滅盡。偈言。以成就妙智離有涅槃心故。六三昧成就故常者。世間有人淨得禪定者尙能不爲水火刀箭所傷。何況如來常在深定而以外緣可得壞耶。偈言。常得心三昧故。七成就安樂故常者。既歸理原得大安樂安樂相應故得常住。偈言。成就安樂相應故。依此七因故得常壽。復以三喻顯常身者。一世法不染故常住者。如來法身常在世間四染不染染四相不能相。偈言。常在於世間不爲世法染故。二遠離死魔故常住者。如

世門甘露令人久長生。金剛三昧滅煩惱魔。故證常果遠離死魔。偈言。得淨甘露處故離一切魔故。三本來不生故常住者。法身之體本來湛然。以非本無今有故非先有後無。偈言。諸佛本不生本來寂靜故。故彼論偈總結而言。初七種譬喻如來色身常。後三種譬喻善逝法身常。若依別門。常命是菩提德。常身是涅槃德。就通相門。常身常命皆是涅槃。其義如前出體門說。四種樂者。一斷樂受。以離三種分別受。二寂靜樂。遠離故無苦無樂乃為大樂。諸行流轉行苦得大寂靜故為大樂。三覺知樂。以離無知所受。苦苦無所不知故為大樂。四壞不樂。遠離無常衰老壞苦得金剛身故為大樂。別而論之。前之二種是涅槃樂。後二種者是菩提樂。通相而言。即無別異。以菩提涅槃無二無別故。如下文云。有大樂故名大涅槃。大涅槃無樂。以四樂故名大涅槃乃至廣說。二種我者。法我人我。言法我者是體實義。如哀歎品云。是真是實是依是常不變易者是自在義。如德王品初偈中說。自在有八。一多少自在。如經言。能示一身以為多身。身數多少猶如微塵。充滿十方無量世界。如來之身實非微塵。以自在故現微塵身。二大小自在。如經言。示一塵身滿三千界。佛身無邊實不滿於大千世界。以自在故滿大千界故。三輕重自在。如經言。以滿大千世界之身輕舉飛空過恒沙等諸佛世界而無障礙。如來之身實無輕重。以自在故能為輕重故。四一異自在。如經言。如來一心安住不動。

所可示化無量形類各令有心。如來有時成造一事而亦衆生各各成辦。如來之身常住一立而令他立一切悉見故。五者對境自在。如經言。如來一根亦能見色聞聲乃至知以自在。如來六根亦不見色不聞聲乃至不知法。令根自在。六者得法自在。如經言。以自在故得一切。如來之心亦無得想。何以故。若是有者可知為得。實無所有云何名得。若使如來計有得想。是即諸佛不得涅槃。以無得故名得涅槃。以自在故得一切法。得諸法故名為大我。是意正顯諸法非然而非不然。而不然故永無所得。非不然故無所不得。如是無障礙故名大自在。七者演說自在。如經言。如來宣說一偈之義過無量劫義亦不盡。而不生念我說彼聽。一切法亦無有說。以自在故如來演說以名大我故。八者普現自在。經言。如來遍滿一切諸處猶如虛空。虛空之性不可得見。如來亦爾實不可見。以自在故令一切見。是明有所現者即當有所不現。如來都無所不現也。別門而言。真實我者是涅槃我。自在我者是菩提我。就實通論即無別異。是故經中總結之言。如是我名大涅槃。四種淨者。一名果淨亦是有淨。以離二十五有果故。二名業淨亦是因淨。以離凡夫諸業因故。三名身淨。佛身常住故。四名心淨。佛心無漏故。前二離德後二修德。離修雖異齊是涅槃。如經言。以純淨故名大涅槃。云何純淨。淨有四種乃至廣說。故總而言之。如是四德不出三事。三事即入於二種我。二種我者一大涅槃。一即一切一切即一。是名如來秘密藏也。

次第四明和相譯論。譯論之興乃有多端。而於當偏起異譯法身常住化身起滅。於此二身諸說不同。唯於報身二執別起。別起之譯不過二途。謂執常住及執無常。執常之內亦有二家。一家說云。報佛功德有生生無滅。生因所滅故不得無生。證理究竟故離相。離相故常住不變。第二家云。報佛功德雖生因得而離生相。雖是本無始有而非本無今有。既非今有亦非後無。由是道理遠離三際。離三際故凝然常住。然道後始成故非本有始。離三際故非有生。非有生故亦得無滅。無生滅故定是無為常住不變。若未能得如是正見。不應定說有為無為。如純陀章云。唯當瞋自。我今愚癡未有惠眼。如來正法不可思議。是故不應宣說如來定是有為定是無為。若正見者應說如來定是無為。長壽品云。常當繫心修心是二字佛常住。若有修習此二定者。當知是人隨我所行至我至處。而餘處說非常住者。皆就佛相非說報身。如德王品云。如來非常。何以故。身有分故。是故非常。云何非常。以有智故。常法無知。猶如虛空。如來有心。是故非常。云何非常。有言說乃至有姓。此故有父母。故有四儀。故有方所依。是七義說非常住。當知皆此就化相說。若人不知如是之意亦說報佛同是無常。即是邪見必墮地獄。如純陀言。外道邪見可說如來同於有為持惑。比丘不應如是。於如來所生有為想。若言如來是有為者。即是妄語。當知是人死入地

獄。如人自處於己舍宅乃至廣說。故不應說報佛無常。執常之家作如是說也。執無常者說言。報佛生因所生不得無滅。生者必滅一向記故。然依法身相續恒存。窮未來際永無終盡。不同生死念念磨滅。由是道理說為常住。無老死故名不變易。如四相品云。如來成就如是功德。云何當言如來無常。若言無常無有是處。是金剛身。云何無常。是故如來不名命終。如來性品云。若言解脫猶如幻化。凡夫當謂得解脫者即是磨滅。有智之人應當分別人中師子雖有去來常住不變。又聖行品云。復次善男子心性異故名無常。所謂聲聞心性異。緣覺心性異。諸佛心性異。依此等文當知報佛心是有。為是生滅法。而初分說定是無為。又言。修習常住二字隨我所行至我至處等文者為對聲聞無為四倒故。約真如法身而說為常住。以彼聲聞不達法空。不知如來法身遍一切處無為常住隨於物機現此色身。是故彼計如來色身感業所感必歸磨滅。五分法身雖非有漏而依色身亦是斷滅。為欲對治如是病故。故說法身無為常住。如請僧福田經中月德居士數佛如來涅槃。以復法滅不久如來告言。汝等居士應修如來常住二字。是常住法者是一切衆生二乘六道闡提五逆人之法性。見法性者當得吾身如今無二。如此經言。修此二字隨我所行至我至處。故知是文正顯法身。而說慈心不殺等因之所得者。是明了因之所顯證。有人不知是意趣。妄執報佛亦無生滅遂同虛

空知無為。又若德王品說。如來非常住七種因緣皆就化身說非常住。非說報佛。亦常者是即彼文亦以七因成非無常。皆就法身說非無常。不開報佛亦非無常。如彼文言。有生之法名曰無常。如來無生。是故為常。有限之法名曰無常。如來無生無姓故常。有常之法遍一切處。無常之法或言是處有彼處無。如來不爾。是故為常。無常之法有時是有無。時為無。如來不爾。是故為常。常住之法無名無色。虛空常故無名無色。如來亦爾。是故為常。常住之法無因無果。虛空常故無因無果。如來亦爾。是故為常。常住之法三世不攝。如來亦爾。是故為常。如是七因皆當法身。所以然者。彼說報佛生因所得即有因果非如虛空。若彼救言。隨順法身無生故常。報佛亦同無生故常。是故此因義通二身者。他亦爾。可言化身有知故非常。報佛有知亦非常住。是故此因義通二身。此若不通彼何得通。又彼強言雖是本無始有而非本無今有者。但有其言都無其實。所以然者。若如所言是即雖非先有後無而是先有終無。若許終無終無即滅。若不許言既非後無何為終無。既非今有何為始有。又若非後無故滅盡者。即應是本無故有生起也。如是進退永不可救。是故彼義智者不用。執無常者作如是說。問二師所說何得何失。答或有說者皆得皆失。所以然者。若決定執一邊皆有過失。如其無障礙說俱有道理。如楞伽經云。如來應正遍知為是常耶為無常耶。佛言非常非無常。二邊有過

故乃至廣說。今此言雖不常住非念念滅。如是等文破其偏執。定取一邊不當道理。無障礙說二義皆得者。報佛功德離相離性。以離相故離生滅相。究竟寂靜無作無為故說常住。以離性故離常住性。最極喧動無所不為故說無常。然離性無二無別。離相不異於離性。故常住不妨於生滅也。離性不異於離相。故生滅不礙於常住也。由是道理二說皆得。於中委悉亦有多門。具如楞伽經宗要中說。然執無常家義有未盡意。謂說法身定是常故。若定常住即非作法。非作法故不作二身。是故法身亦非無為。楞伽經言。若如來法身非作法者。言有修行無量功德。一切行者即為虛妄。攝大乘說。法身五。於中言第三有為無為無二為相。非惡業雜所生故。由得自在能顯有為相故。釋曰。一切有為法皆從惡業生。法身不從惡業生。故非有為。法身由得自在能顯數顯有為相。謂應化二身故。非無為是明法身雖非惡業所生有為而非礙然無動作物也。又報常家雖樂常住而其常義亦有不足意。謂始有功德不遍於前位故。若此功德有所不遍即於法界有所不證。若於法界無所不證即等法性無所不遍。如花嚴經言。如來正覺成菩提時住佛方便。得一切衆生等身。得一切法等身。得一切殺等身。得一切三世等身。得一切法界等身。得虛空界等身。乃至得寂靜涅槃界等身。佛子隨如來所得身當知音聲及無礙心復如是如來具足。如是三種清淨無量是明如來成道後所得色身

音聲及無礙心無所不等無所不遍。既言等於一切三世。豈不遍金剛以前。然此道理諸佛秘藏非思量者之所不能測。但依佛言起作信耳。涅槃之義略判如是。第二明佛性義。佛性之義六門分別。一出體門。二因果門。三見性門。四有無門。五三世門。六會通門。出體門內亦有二重。先序諸說。後判是非。昔來說雖有百家義類相攝不出六種。第一師云。當有佛果爲佛性體。如下師子吼中說言。一闡提等無有善法。佛亦言。以未來有故悉有佛性。又言。以現在世煩惱因緣能斷善根。未來佛性力因緣故遂生善根。故知當果即是正因。所以然者。無明初念不有而已有心即有當果之性。故修萬行以剋現果。現果即成當果爲本。故說當果而爲正因。此是白馬寺愛法師述生公義也。第二師云。現有衆生爲佛性體。何者衆生之用總御心法。衆生之義處處受生。如是御心之主必當能成大覺。故說衆生爲正因體。如師子吼中言。衆生佛性亦二種因者謂諸衆生也。莊嚴寺是法師義也。第三師云。衆生之心異乎木石。必有厭苦求樂之性。由有此性故修萬行終歸無上菩提樂果。故說心性爲正因體。如下文言。一切衆生悉皆有心。凡有心者必當得成阿耨菩提。夫人經言。若無如來藏下得厭苦樂求涅槃故。此是光宅雲法師義也。第四師云。心有神靈不失之性。如是心神已在身內。即異木石等非情物。由此能成大覺之果。故說心神爲正因體。如來性品云。我者即是如來藏義。

一切衆生悉有佛性即是我義。師子吼中言。非佛性者謂瓦石等無情之物。離如是等無情之物是名佛性故。此是梁武帝答天子義也。第五師言。阿賴耶識法爾種子爲佛性體。如此經言。佛性者一切諸阿耨菩提中道種子。瑜伽論云。性種子者六處殊勝有如是相從無始世展轉傳來法爾所得。此意新師等義。第六師云。阿摩羅識真如解性爲佛性體。如經言。佛性者名第一義空。第一義空名爲智惠。實性論云。及彼真如性者如六根衆經說。六根如是從無始來畢竟究竟諸法體故。諸說如是。次判是非者。此諸師說皆是非。所以然者。佛性非然非不然故。以非然故諸說悉非。非不然故諸義悉是。是義志云何。六師所說不出二途。初一指於當有之果。後五同據今有之因。此後五中亦爲二例。後一在於真諦。前四隨於俗諦。俗諦四說不出入法。前一舉人後三據法。據法三義不過起伏。後一種子前二上心。上心之內隨義異說耳。然佛性之體正是一心。一心之性遠離諸邊遠離諸邊故都無所當。無所當故無所不當。所以就心論。心非因非果非真非俗非人非法非起非伏。如其約緣論。心爲起爲伏作法作人爲俗爲真作因作果。是謂非然非不然義。所以諸說皆非皆是。總說雖然於中分別者。於一心法有二種義。一者不染而染。二者染而不染。染而不染一味寂靜。不染而染流轉六道。如下文言。一味藥隨其流處有種種味。而其真味停留在山。夫人經言。自性清淨心難可

了知。彼心爲煩惱所染。此亦難可了知。起信論中廣顯是義。此者真諦三藏之義。第六師說。真如佛性得於染而不染門也。前之五義皆在染門。何者。隨染之心不守一性。對緣望果必有可生。可生之性不由熏成。是故說名法爾種子。第五師義得此門也。又即是隨染之心乃至轉作生滅。識位而恒不失神解之性。由不失故終歸心原。第四師義亦當此門也。又若隨染生滅之心依內熏力起二種業。所謂厭苦求樂之能因。此爲本當至極果。第三師義當此門也。如是一心隨染轉時。隨所至處總御諸法處處受生說名受生。第二師義合於是門也。如是衆生本覺所轉必當得至大覺之果。而今來說名當果。第一師義合於是門也。由是義故六師所說雖皆未盡佛性實體隨門而說各得其義。故下文說。如彼盲人各各說象。雖不得實非不說象。說佛性者亦復如是。不即六法不離六法。當知此中六說亦爾。出體門竟。第二明因果門。佛性之體非因非果而亦不非因果性。所以舉體作因作果。果佛性者佛之體性故名佛性。如迦葉品云。如來十力四無畏等無量諸法是佛之性。又下文言。如來已得阿耨菩提所有佛性一切佛法常無變易。故無三世猶如虛空。如是等文明果佛性。因佛性者作佛之性故名佛性。如師子吼中言。是因非果名爲佛性。非因生故是因非果。又下文言。衆生佛性亦二種因。正因者謂諸衆生。緣因者謂六波羅蜜。如是等文說因佛性。總說雖然於中



分別者果有二種。所生所了。所了果謂涅槃。果即是法身。所生果者謂菩提果即是報佛。對此二果說二佛性。法佛性者在性淨門。報佛性者在隨染門。如師子吼中言。善男子。我所宣說涅槃因者。所謂佛性之性不生涅槃。是故無因。能破煩惱故名大果。不從道生故名無果。是故涅槃無因無果。是文正顯法佛之性唯約隱顯說為因果也。迦葉品云。夫佛性者。不名一法。不名萬法。未得阿耨菩提之時。一切善不善無記法盡名佛性。非佛性者。所謂一切牆壁瓦石無情之物。離如是等無情之物是名佛性。是文正明報佛之性以隨染動心雖通三性而亦不失神解之性故說此為報佛性。但為簡別法佛性門遍一切有情無情。是故於報佛性不取無情物也。別門雖然就實通論者。性淨本覺亦為二身之性。隨染解性亦作法身之因。何以知其然者。如實性論言。依二種佛性得出三種身。佛性論中顯是意言。佛性有二種。一者住自性性。二者引出佛性。為顯住自性性故說地中寶藏為譬。為顯引出佛性故說掩羅樹芽為譬。約此兩因故佛說三身果。一者因住自性佛性故說法身。法身有四種功德。是故說毀敗布裏真金譬。二者因引佛性故說應身。是故說貧女如壞輪王譬。三者因引出佛性故復出化身。故說羅漢中佛像為譬乃至廣說。此論意者。應得因中具三佛性。彼應得因如理為體故。如性淨門中真如佛性通為三身而作正因。既說性淨本覺雖非生滅而得與二身作

正因。當知隨染解性雖非常住而與法身作正因性。如不增不減經言。即此法身煩惱纏無始世來隨順世間波浪漂流去來生死名為衆生。離一切垢住於彼岸於一切法得自在力名為如來應正遍知乃至廣說。起信論中為顯是意故引喻言。如海水因風波動。水相風相不相捨離。如是衆生自性清淨心因無明風動心與無明不相捨離乃至廣說。是意欲明法身雖非動相而離靜性。隨無明風舉體動轉。動轉之心不失解性。後復無明還至歸本。歸本之時還成法身。是故當知隨染動心正為還靜法身之因。若依是門得說法身亦是作法。以修諸行始得成靜故。如楞伽經言。若如來法身非作法者。言有修行無量功德。一切行者皆是虛妄故。因果門竟。次第三明見性門者。謂至何位得見佛性。有人說言。佛性法界雖無二體而義不同見位亦異。是故初地證見真如法界而未見佛性之義。乃至十地猶是聞見。至妙覺位方得眼見。是說不了。達文義故。何者。處處皆說初地菩薩證見法身。法身佛性名異義一。而言雖證法身不見佛性者。不應道理達諸文。次當廣說如實義者。若於初地得證法界。即於此位已見佛性。若第十地未見佛性。亦於彼位未見法界。欲顯是義三重分別。一者究竟不究竟門。二者遍不遍門。三者證不證門。若就究竟不究竟門。唯於佛地得名眼見。此時究竟歸一心原證見佛性之全分體故。金剛以還未得眼見。宜是仰信但名聞見。以其未至一心

之原不證佛性全分體故。如說佛性法界亦爾。除一切境皆亦如是。若就第二遍不遍門。初地以上眼見佛性。遍造一切遍計所執遍見一切遍滿佛性故。地前凡夫二乘聖人有信不信齊未能見。以未能離一切分別不能證得遍滿法界故。若依第三證不證門。二乘聖人得見佛性。一切凡夫未能得見。所以然者。二空真如即是佛性。一乘聖人雖非遍見依人空門證得真如。故亦得說眼見佛性。如長壽品言。若於三法修異相者。清淨三歸即無依處。所有禁戒皆不具足。尚不能得聲聞緣覺菩提之果。何況能得無上菩提。是文欲明若二乘人入觀之時唯取三寶人法異相不證三寶同體人空。即不能具無漏聖戒。亦不能得盡無生智。是即反顯彼能證見三寶一體故亦能得二乘菩提。三寶一體即是佛性。准知亦說得見佛性。唯彼人雖實得見佛性而未能知謂是佛性。如說眼識見青不知青。雖未能知謂是青色而是眼識實見青色。二乘者見佛性當知亦爾。證不證門文義如是。遍不遍門之文義者。如師子吼中言。復次色者謂佛菩薩。非色者一切衆生。色者名為眼見。非色者名為聞見。法花論云。八生乃至一生得阿耨菩提者證初地得菩提故。以離三界分段生死隨分能見真如佛性名得菩提。實性論僧寶品云。有二種修行。謂如實修行及遍修行。如實修行者。謂見衆生自性清淨佛性境界故。偈言。無障淨智者如實見衆生自性清淨佛法身境界故。遍修行者。謂遍十

地一切境界故。見一切衆生有一切智故。又遍一切境界者。以遍一切境界依出世慧眼見一切衆生乃至畜生有如來藏。應知彼見一切衆生皆有真如佛性。初地菩薩摩訶薩以遍證一切真如法界故。偈言。無礙淨智眼見諸衆生性遍無量境界故。我今敬禮故。解言。此中如實修行即正體智。遍修行者是後得智。是知初地菩薩二智皆能證見真如佛性。但正體智宜證真如佛性實體名如實行。其後得智見諸衆生悉有佛性故名遍行。遍不遍門文義如是。究竟不究竟門文證者。師子吼中言。佛性亦二。言色者阿耨菩提。非色者凡夫乃至十住菩薩見不了。不了故名非色。色者名為眼見。非色者名為聞見。瑜伽論云。問一切安住到究竟地菩薩等如來智等有何差別。答如明眼人隔於輕翳觀衆色像。到究竟地菩薩妙智於一切境當知亦爾。如知盡事業圓布衆采。唯後妙色未淨修治。已淨修治菩薩如來二智亦爾。如明眼人微聞見色離聞見色。二智亦爾。如遠見色如近見色。猶如輕翳眼觀極淨眼觀。二智差別當知亦爾。依此文證當知佛性境界菩薩未究竟。於一切境皆未究盡。未究盡故通名聞見。得因滿故亦名眼見。所以未窮知者略有五義。一者本識相應最細妄想無明所識隔金剛眼。是故似隔輕翳也。二者萬行已備三智已得而唯未得大圓鏡智。如最妙色未淨修治。三者解脫二障故得淨未經極微無明住地。是故不異微聞見色。四者有惑障習而非親障法

空觀智故。如遠色。五者其知障氣雖是微薄近曉惠眼事同輕翳。依是五義未能窮照。故說如是五種譬喻。於中通難會相違文。具如二障義中廣說。第三重內文義如是。若知如是三重別義。諸文進退無所不通也。第四明有無者。有無差別略有二句。一就聖位二約凡位。聖位有無先作五階。謂前五地爲第一位。以十度行配十地門。未得波若相同凡位故。六七八地爲第二位。雖有出入無出入異。齊於俗諦有功用故。第九地爲第三位。以於真俗俱無功用故。第十地爲第四位。具足十度因行窮滿因故。如來地者爲第五位。就此五位說事有無。如迦葉品說。如來十力四無畏等無量諸法足佛是佛之性。卽如是佛性卽有七事。一常二樂三我四淨五真六實七善。後身菩薩佛性有六。一常二淨三真四實五善六可見。九地菩薩佛性有六。一常二善三真四實五淨六可見。八住菩薩下至六地佛性有五事。一真二實三淨四善五可見。五住菩薩下至初地佛性有五事。一真二實三淨四可見五善不善。解言。此五位中通有十事。一善不善二者可見三少見并佛地七。是十法在報佛因果非就法身真如佛性。以彼處文相不得爾故。然此十事有無總束以爲五倒。一真實淨三貫通五位。二者善之一事在上四位。三者可見一事在下三位。四者常之一事在上三位。五者我樂少見善不善四隨其所應局在一位。所以然者。我者卽是佛義。樂者是涅槃義。佛與涅槃究竟之名故說

此二唯在果地。實少見者。爲前所說五對所顯故。此一事唯在十地。善不善者相同凡夫未得純善故。此一事在一位。一位四事立意如是。所以常事在上三位者。任運現前是其常義。九地以上三位雖因果殊俱於真俗得無功用。故說常事在上三位。所以可見在下三位者。十地因滿佛地果員。因果雖殊同員滿故。九地以下齊未圓俱足應滿故說可見。所以善事在上四位者。六地已上已得般若善巧利物故得善事。所以淨與真實通於五位者。此中淨者是無漏義。初地以上得真無漏。故說淨德通於五位。離妄爲真義。在見分。不虛爲實義。當相分。無漏見相非妄非虛。故說此二亦通五位。然此十事有無之義但約一邊顯其階級。未必一向定爲然也。大約凡夫位說有無者。如迦葉品四句中說。或有佛性。一闡提有善根人無。或有佛性善根人有一闡提無。或有佛性二人俱有。或有佛性二人俱無。解云。如是四句顯報佛。非就法身真如佛。彼處文勢必應爾故。四句差別略有四義。顯二門故。別因果故。開四意故。遮二邊故。第一義者爲顯二門故說四句。何者。前之二句約依持門說五種性。其後二句就緣起門顯因果性。謂初句言闡提人有者。不定性人斷善根時猶有。作佛法爾種子故。善根人無者。決定二來有善根時無。如前說作佛種子故。第二句中善根人有者。菩薩種性無斷善根本來具有。作佛種子故。闡提人無者。無性衆生斷善根時永無。如前菩薩種性故。故知

此二句顯五種性也。第三句言二人俱有者。前二句內兩重二人皆有。緣起門中因性凡有心者當得菩提故。第四句言二人俱無者。即第三句所說二人齊無。緣起門中果性當時未得無上菩提故。故知此二句顯二果性。如此經意寬無所不包。通取二門以說四句。初義如是。第二義者宜就緣起一門而說。前立三句明因差別。最後一句顯果無二。何者。初句中言聞提人有善根人無者。是明一切斷善根人所有不善五陰亦作報佛之性。第二句言善根人有聞提人無者。是明一切有善根者所有善五陰亦為報佛。第三句二人俱有者。謂前二人所有四種無記五陰皆能得作報佛正因。以彼一切三性五陰皆為一心轉所作故。為顯三性皆為佛性故。作三句明因差別也。第四句言二人俱無者。謂前二人雖有三因而皆未得報佛果性。為顯極果純一善性故。立一句顯無二也。二義如是。第三意者為四種意故說四句。第一句者抑引意說。引斷善根者除絕望心故。抑善根人持善夢惡故。第二句者勸請意說。既除夢惡勸修眾善。舉手低頭皆成佛道故。既除絕望心。證離諸惡。惡為禍本能障佛道故。第三句者生普敬意。無一有情不含當果。含當果者必成大覺故。第四句者起廣度意。雖有當果而無觀覺。無觀覺者長沒苦海故。此四意內所詮義者。第一句中約邪見說。第二句中約信心說。第四句約當果指當有義說為俱有。據現無義亦說俱無。三義如是。第四義者。為離

二邊故說四句。謂前二句別顯離邊。後之二句總顯離邊。言別顯者謂初句言聞提人有遮定無邊非據定有。第二句言聞提人無。止定有邊不著定無。如下文言。若有說言斷善根者定有佛性定無佛性。是名置答。善男子。我亦不說置而不答乃說置答。如是置答復有二種。一者遮止二者莫著。以是義故得名置答。如就聞提遮止二邊。對善根人當知亦爾。言後二句總顯離邊者。第三句言二人俱有。是明佛性不同菟角依非無義說名為有。第四句言二人俱無。是顯佛性不同虛空約不有義說名為無。如下文言。眾生佛性非有非無。所以者何。佛性雖有非如虛空。虛空不可見。佛性可見故。佛性雖無不同菟角。菟角不可生。佛性可生故。是故佛性非有非無亦有亦無。云何名有。一切悉有是諸眾生不斷滅。猶如燈炎。乃至菩提故名有。云何無。一切眾生現在未有一切佛法。是故名無。有無合故是名中道。是故佛性非有非無乃至廣說。若依如是離邊之意。四句皆望當果佛性。若使四句齊望一果。總別二意有何異者。前二人說二句者。依遮詮義以遣二邊。後總二人立句者。依表詮門以示中道。中道之義通於二人。是故合說。二邊之執隨人各起。所以別說。然佛說四句意趣眾多。今且略爾四種義耳。有無門竟。第五明三世非三世略有二義。先就法身後約報佛。若就別門。法身佛性雖復因名應得果名。至得其體平等無生無滅。是故一向非三世攝。是義灼然不勞引證也。

次約報佛因果性者。依下文說即有三句。一者如來圓果菩薩滿因。此二相對以顯不同。如來圓智窮於理原。等一法界遍三世際。故非過去現在未來。後身菩薩未至理原。雖復已得滿因故已少見。未至極果故未具見。未具見。邊名為未來。未成圓果故。已少見邊名為現在。現得滿因故。猶未謝故非過去。如經言。如來佛性非過去非現在未來。後身菩薩佛性現在未來。少可見故得名現在。未具見故名為未來。問未具見義猶是現在有。何得說是名為未來。又若菩薩現得少見故名現在者。是即如來現得其見。應名現在。答如來現得遍三世畢竟不為時節所遷。故雖現得不在現世。菩薩少見未免生死猶墮時節故為現在。是通後難答。前問者。未具見義雖是現有具見種子猶伏未起。由現起故名未來。如瑜伽說。未與果當來種子相續名未來果。當知此中道理亦爾。第二句者宜就如來因果相對以明差別。立果望因因皆未極不離生滅故隨三世。就果談果即有二義者。生因所生者必滅剎那不住。故是三世。二者已至理原體一法界無所不遍。故非三世。然其生滅德無不體理。故一一念皆遍三世。遍三世德莫不從因。故其周遍不過剎那。爾退剎那而遍三世不從周遍而為一念。為一念故隨於三世。遍三世故非過現未。是謂佛德不可思議。但應仰信非思量流。如經言。如來未得阿耨菩提時佛性因故亦是過去現在未來。果即不爾。有是三世有非三世故。問者是

經文有是有非。即應二別不就一德。有是三  
世者化身色形是。有非三世者報佛內德是。  
亦如是二義灼然可見。何勞宜就實德而作難  
解之說。答如汝所見亦有道理。爲新學者應  
作是說。若非新學無定執者。爲是等人應如  
前說。爲顯是義故。彼下文言。迦葉菩薩白佛  
言。世尊云何名因亦是過去現在未來。果亦  
過去現在未來。非是過去現在未來。佛言五  
陰二種。一者因二者果。是因五陰是過現未。  
是果五陰亦是過去現在未來亦非過去現在  
未來。依是文證當知宜就一果五陰亦是三  
世亦非三世。第三句者宜就菩薩因果相對  
以辨三世者。菩薩佛性未免生死。望後爲因  
望前爲果。種子爲因現行爲果。如是因皆隨  
三世未至理原。無非三世。如經云。後身菩薩  
佛性因故亦是過去現在未來。果亦如是。九  
地菩薩佛性因故亦是過去現在未來。果亦如  
是。九地菩薩佛性因故亦是過去現在未來。  
果亦如是乃至廣說故。問第二句中明如來  
因乃取未成佛時因性。今第三句明菩薩果  
廣說當成時果性。何故此中不取當果。解云。  
不例立果望因。因是已修故得取。因在望果。  
果非已證。所以不取。是故宜就菩薩位內前  
後相望而說因果三世。三世門竟 第六會  
通。於中有二。初通文異。後會義同。通異文者。  
問如因果門所引文云。未得阿耨菩提之約一  
切善不善無記法盡名佛性。若依是文善提  
之心六度等行皆是佛性。何故師子吼中言。  
正因者名爲佛性。緣因者發菩提心。如是相

違云何會通。通者解云。以性攝行不攝故說  
一切盡名佛性。以行望性有性非行故分性  
行以說二因。又復性有二義。一是因義。二非  
作義。就因義故盡名佛性。約非作義行即非  
性。由是道理故不相違也。問如體相門所引  
文言。非佛性者所謂一切牆壁瓦石無情之  
物。又復迦葉品中說云。或云佛性住五陰中  
果。或言佛性性離陰而有。猶如虛空。是故如  
來說於中道。衆生佛性非內六入非外六入  
內外合故名爲中道。若依後文瓦石等物外  
六入所攝而爲佛性。如是相違云何會通。通  
者解云。若依有情無情異門。瓦石等物不名  
佛性。若就唯識所變現門。內外無二合爲佛  
性。此是唯約報佛性說。又復前說文說報佛  
性。後所引文說法佛性。若作是說亦不相違  
也。問見性門內所引論說初地菩薩無礙智  
眼見諸衆生悉有佛性。何故是經不能見。如  
德王品第九功德中言。住九地者見法有性不  
見佛性。住十住者見法無性方見佛性。又師  
子吼中言。十住菩薩唯能自知當得菩提。而  
未能知一切衆生悉有佛性。又言。十住菩薩  
唯見其終不見其始。諸佛世尊見始見終。以  
是義故諸佛了了得佛性。又言。十住菩薩唯  
見一乘不知如來是常住法。以是義故言。十  
住菩薩雖見佛性而不了了。又言。一切覺者  
名爲佛性。菩薩不得名一切覺。是故雖見而  
不明了。如是等文云何會通。通者解云。通相  
而言。爲顯究竟不究竟異故說十地見不明  
了。若依隨分證見門者。初地菩薩亦得眼見。

餘文進退隱顯門說。何者。爲顯十地是因滿  
位故說得見。九地以還因未圓滿故說不見。  
又復起信論說六種染中第五能見心不相應  
染是九地障。未出此障故說九地見法有性。  
入第十地已出彼障。是故說言見法無性。且  
時一邊顯位階降。又說十住唯見終者衆生之  
未終乎。六識有情之本始。於一心菩薩通達  
六識之相而未證見一心之原。故言見終而  
不見始。又言自知當得菩提未知衆生有佛  
性者。是約遠近以說難易。謂自當果在第二  
念近故易知。衆生當果即天後邊遠故難知。  
是望當果佛性說也。又言。十住雖見一乘不  
知如來是常住法者。是約因果顯其難易。言  
一乘者正因佛性。如來常者是果佛性。十住  
因滿故見因性。未得圓果不見果性。即依是  
義故後文說言。菩薩未得名一切覺。是故雖  
見而不明了也。餘文相違准此可通。次會義  
同者。於同類義有異文句。以義類而會諸文。  
佛性之義有無量門。以類相攝不出五種。一  
性淨門常住佛性。二隨染門無常佛性。是三  
種門皆說因性。三者現果諸佛所得。四者當  
果衆生所含。五者一心非因非果。依是五門以  
攝諸文。第一常住佛性門者。四相品云。唯斷  
取著不斷我見。我見者名爲佛。佛性者即眞  
解脫。如來性品云。我者即是如來藏。一切衆  
生悉有佛性即是我義。師子吼中言。佛性者  
名第一義空。第一義空名爲智慧。智者見空  
及與不空。愚者不見空與不空。又言。觀十二  
緣智凡有二種。下中智者不見佛性。即是二

乘。上智觀者不見了了。不了了見故住十住地。上上智者即了了見。了了見故得阿耨菩提。以是義故十二因緣名為佛性。佛性者名第一義空。第一義空名為中道。中道者名為佛性。佛性者名為涅槃。又言究竟。究竟者一切衆生所得一乘。一乘者名為佛性。一切衆生皆有一乘。無明覆故不能得見。如是等文舉諸異名同顯性淨真如佛性。三乘同歸故名一乘。十二之本故名因緣。離一切故名爲空性。有本覺名為智惠。衆生中實故名爲義。自體自照故名我見。諸名雖異所詮體一。所以說是衆多名者爲顯諸經唯一味故。謂名我見名如來藏者是會勝靈樞等旨。又名爲空名智惠者是會諸部般若教意。又名一乘者是會法花經等。又名眞解脫者是會維摩經等。爲顯是等諸經異文同旨故於一佛性立是諸名也。第二隨染門中報佛性者。師子吼中言。佛性者名大信心。何以信心故菩薩能具六波羅蜜。又言。佛性者名慈悲喜捨。佛性者名四無礙知。乃至佛性者名灌頂三昧。迦葉品云。後身菩薩佛性有六。乃至初地佛性有五。皆是過去現在未來。又言。未得菩提之時善不善等盡名佛性。如是等文同顯隨染門內報佛性也。第三明現果佛性者。師子吼中言。佛性者亦色非色非非色非非色亦相非相非相非非相。云何爲色。金剛身故。云何非色。十八不共非色法故。云何非色非非色無定相故。云何爲相。三十二故。云何非相。一切衆生相不現故。云何非相非非相。不決定

故。迦葉品云。如來佛性即有二種。一者有二無。有者所謂三十二相八十種好十力四無畏乃至無量三昧是名爲有。無者如來過去諸善不善無記乃至五陰十二因緣是名爲無。是名如來佛性有無。如是等文同明現果。第四說當果佛性者。師子吼中言。譬如有人我有乳酪。有人問言。汝有蘇耶。答我有酪實非蘇。以巧方便決定當得故言有蘇。衆生亦爾悉皆有心。凡有心者定當得成阿耨菩提。以是義故我常宣說一切衆生悉有佛性。迦葉品云。如汝先問。斷善根人有佛性者亦有如來佛性亦有後身佛性。是二佛性障未來故得名爲無。畢竟得故得名爲有。如是等文明當果佛性。第五明非因非果非常非無常性者。如德王品云。善有二種。有漏無漏。是佛性非有漏非無漏。是故不斷復有二種。一者常二者無常。佛性非常非無常。是故不斷。師子吼中言。佛性者有因有因有果有果。有因者即十二因緣。因因者即是智惠。有果者即是阿耨菩提。果果者即是無上大般涅槃。是等文同顯一心非因果性。所以然者。性淨本覺是無漏善。隨染衆善是有漏善。一心之體不常二門故非有漏非無漏。又佛果是常善。因是無常善。一心之體非因果非果故非常非無常。若心是因不能作果。如其是不能作果。良由一心非因果故得作因亦能爲果。亦作因因及爲果。故言佛性者有因有果。因有果有果。是故當知前說四門染淨二因當現二果其性無二唯是一心。一心之性唯

佛所體。故說是心名為佛性。但依諸門顯此性。非隨異門。而有別性即無有異。何得有一。由非一故能當諸門。由非異故諸門一味。佛性之義略判如是。上來所說涅槃佛性全爲第二廣經宗竟。第三明教體者。先叙異部後顯大乘。迦退論中以名句味以爲經體。故彼論說。十二部經名何等法。答曰。名身語身次第住故。若依離心有二師說。如界品。八萬法陰皆色陰攝。以佛語之性故。有說名性者行陰攝。若准婆沙第四十卷。以音聲爲教體者是佛陀提婆義。以名句味爲教體者是和須蜜義。俱舍論中又出是二。如界品云。有諸師執佛正教言音爲性。於彼入色陰攝。有諸師執文句爲性。於彼師入行陰攝。有人說言。俱舍論中有三師說。第三師義通取音聲名句爲體。如法界品下文說言。諸師異判如是。衆生有八萬煩惱行相。謂欲瞋癡慢等差別故。爲對治此行佛世尊正說八萬法陰。如八萬法陰相。五陰中色行二陰攝。以是文證得知評家取此第三也。雖有是說而實不然。所以然者。彼不能顯論文分齊。豈取異文作是妄說。彼論前文已出二師說攝陰竟。次說八萬法陰之量。一出三師義。此言諸師異判如是已下正成第三評家之說。說法陰量已竟。次欲更說五分法身十一切入等諸門攝義。是故條前成後之言八萬法陰相五陰中色行二陰攝。此言總條前二師義。是故當知彼說謬異。當知小乘諸部之內出教體性唯有二說更無第三也。若依成實。相續假聲以爲教

體。如彼論不相應行品云。有人言。名句字應是心不相應行。此事不然。□□□法入所攝。解云。此論師意假聲詮用更無□□□聲性色陰所攝。詮表之用意識所得唯□□□所攝也。大乘之中音聲名句及所詮義□□□雖無別體不相應行而有假立不相應行□□□句行□所攝。由是道理異彼二宗。是義具如瑜伽論說。又彼論攝決擇分言。云何爲體。謂契經體略有二種。一文二義。文是所依。義是能依。云何爲文。謂有六種。一者名身。二者句身。三者語身。四者字身。五者行相。□者機請乃至廣說。是論意者欲顯教體無別自□□緣含能生物解故說諸緣爲教體耳。於中餘□□□如楞伽經疏中說。第四明教述者。昔來□□□南土諸師多依武都山隱士劉劍義云。如□□□說無出頓漸。花嚴等經是其頓教。餘名漸□□□內有其五時。一佛初成道已爲提冒等說五戒十善人天教門。二佛成道已十二年中宣說三乘差別教門。未說空理。三佛成道已三十年中說空無相波若維摩思益等經。雖說三乘同觀於空未說一乘破三歸一。四佛成道已四十年後於八年中說法花經廣明一乘破三歸一。未說衆生皆有佛性。但彰如來壽過塵數未來所住復倍上數。不明佛常。是不了教。五佛臨涅槃說大涅槃。明諸衆生皆有佛性法身常住。是了義經。南土諸師多傳是義。北方師說般若等經皆了義。但其所宗各不同耳。如般若經等智慧爲宗。維摩經等

解脫爲宗。法花經者一乘爲宗。大涅槃經妙果爲宗。皆是大解起行德究竟大乘了義之說。即破前說五時教言。如大品經往生品中。諸比丘聞說般若讚歎檀度遂脫三衣以用布施。論中釋言。佛制三衣不著得罪何犯戒爲行施耶。以此在於十二年佛未制戒。是故不犯。是以文證非局在於十二年後。又彼論云。須菩提聞說法花舉手低頭皆成佛道。是故今問退不退義。以是文證般若之教未必局在於法花已前。破斷五時卽爲謬異。又復若言般若教中不破三乘淺化者。大品經中舍利弗問。若都不退定復不異。何故得有三乘差別不唯一乘。須菩提答無二無三若聞不怖能得菩提。此與法花無三言何別而分淺深耶。又若般若不說佛性淺者。涅槃經說佛性亦名般若波羅蜜亦名第一義空所。般若及空卽是佛性。何得說云不明佛性。又大品說眞如法性。論主釋云。法名涅槃不戲論法性名本分種。如黃石金性白石銀性。一切衆生有涅槃性。此與佛性有何差別而不說故是淺耶。又法花論云。所成壽命復倍上數者。此文示現如來常命。以巧方便顯多數量不可數知故。又言。我淨土不毀而衆生見燒盡者。報佛如來眞淨土第一義諦之所攝故。既顯常命及眞淨土。而言是不了說者不應道理。問南北二說何者爲得爲失。答若執一邊謂一向爾者。二說皆失。若就隨分無其義者。二說俱得。所以然者。佛說般若等諸教意廣大甚深淺通復不可定限於一邊故。又如

隨時天台智者問神人言。北立四宗會經意不。神人答言失多得少。又問成實論師立五教稱佛意不。神人答曰小勝四宗猶多過失。然天台智者禪惠俱通舉世所重。凡聖難測。是知佛意深遠無限。而欲以四宗科於經旨亦以五時限於佛意。是猶以螺酌海用管闢天者耳。教述淺深略判如是

涅槃經宗要

天治元年五月廿四日書之





## ●本願藥師經古迹上

青丘沙門太賢撰

藥師琉璃光如來本願功德經 此經略以三門分別。一者題名。二者教攝。三者本文。一題名者經有三名。一說藥師琉璃光如來本願功德經。二說十二神將饒益有情結願神呪。三說拔除一切業障。此中宋孝武世大明元年譯出之本取第三名拔除過罪生死得度。隋大業十一年東都洛水南上林園翻經館譯略取初名藥師如來本願經。今大唐貞觀年中玄奘三藏所譯之本具取初名題一部也。文義廣略後二相似。言藥師琉璃光如來所歸入也。本願功德者所感德也。能拔衆苦喻名藥師。無緣不徹稱琉璃光。所修妙行名爲本願。所證勝果名爲功德。即以如來因果爲宗。勸物歸依出苦爲趣。是以初名題宗爲稱。後二之名以趣爲號。經謂契經能詮名也。與義相應貫持法器令不散失故言契經。藥師如來之本願功德。本願功德之契經。故六合釋中依主釋也。二教攝者。南地師云。佛教有三。一頓二漸三偏方不定教。初二如常。今藥師經第三教攝。隨緣局說異頓漸故。此不應理。以頓漸外無別悟故。勿離大小有別教故。既對曼殊直說大乘因果德故所說頓教。又說淨土無覆相故。第三了義大乘教攝。三本文者經

如是我聞一時薄伽梵遊化諸國至廣嚴城住樂音樹下與大慈徧衆八千人俱菩薩摩訶薩三萬六千及國王大臣婆羅門居士天龍夜叉人非人等無量衆衆恭敬圍遶而爲說法 述曰。本文有三。一說經因起分。二對問廣說分。三聞名喜行分。此初也。如是我聞等如常應知。薄伽梵者含六義名。一自在義。永不繫屬諸煩惱故。二熾盛義。猛焰智火所燒練故。三端嚴義。衆妙相好所莊嚴故。四名稱義。功德圓滿無不知故。五吉祥義。親近供養必獲利故。六尊貴義。具諸功德利樂有情無懈忘故。如佛地論頌曰。自在熾盛與端嚴。名稱吉祥及尊貴。如是六種義差別。應知總名爲薄伽。言廣嚴者梵云毘舍離或云毘耶離表衆德滿至廣嚴城。示生物樂住樂音樹。微風歷動宮商雅音從而出故名樂音樹。衆有三種。一聲聞衆。二菩薩衆。三世間衆。如文可解。就中居士居家士也。夜叉可畏或威勢義。爾時曼殊室利法王子承佛威神從座而起偏袒一肩右膝著地向薄伽梵曲躬合掌白言世尊唯願演說如是相類諸佛名號及大本願殊勝功德令諸聞者業障消除爲欲利樂像法轉時諸有情故 述曰。自下對問廣說分。此有五義。一菩薩請問成就。二法王讚許成就。三大衆樂聞成就。四如來說法成就。五夜叉報恩成就。此初也。於此有三。一請因緣門。如經曼殊室利法王子承佛威神故。曼殊室利唐云妙吉祥。從法化生得佛法分稱法王子。二請威儀門。如經從座而起乃至合掌故。從座

而起者表從真際起。偏袒一肩者表作利樂事。右膝著地住世間故。向薄伽梵者趣出世故。曲躬者離慢故。合掌者專心故。三正開請門。如經白言世尊乃至諸有情故。略問三事。一問佛名號。二問因大願。三問果功德。令諸聞者已下舉說之利。言像法轉時者。大集經云有六種堅固。一法身得住堅固。二解脫得住堅固。三禪定得住堅固。四多聞得住堅固。五福德得住堅固。六闍譯得住堅固。此中初一佛在世時。後五滅後。如其次第各五百年。總言三時。一者正法。謂彼五中初二堅固。二者像法。即次二堅固。三者末法。即後一堅固。如次具有教行果三。有二無果。有教無二。今爲利樂千年之後像法有情發此問也。爾時世尊讚曼殊室利童子言善哉善哉曼殊室利汝以大悲勸請我說諸佛名號本願功德爲拔業障所纏有情利益安樂像法轉時諸有情故汝今諦聽極善思惟當爲汝說曼殊室利言唯然願說我等樂聞 述曰。此中有二。一法王讚許成就。如經爾時世尊乃至當爲汝說故。所聞可記初言善哉。應時宜故重言善哉。欲令審文故言諦聽。令解義故言善思惟。二大衆樂聞成就。如經曼殊室利言唯然願說我等樂聞故。佛告曼殊室利東方去此過十殑伽沙等佛土有世界名淨瑠璃佛號藥師琉璃光如來應正等覺明行圓滿善逝世間解無上丈夫調御士天人師佛薄伽梵 述曰。第四如來說法成就。此有二門。一正答所請門。二勸物利益門。

初亦有三。答三問故。此初也。廣釋十號如瑜伽等。

曼殊室利彼世尊藥師琉璃光如來本行菩薩道時發十二大願令諸有情所求皆得。述曰。答第二問中有三。略標廣說總結故。此初也。阿脩羅經云。琉璃光菩薩遇智勝佛初發總願。寶頂佛所始發別願。十方諸佛現前經云。青龍光佛所發十二誓願。

第一大願願我來世得阿耨多羅三藐三菩提時自身光明熾然照曜無量無數無邊世界以三十二大丈夫相八十隨好莊嚴其身令一切有情如我無異第二大願願我來世得菩提時身如琉璃內外明徹淨無瑕穢光明廣大功德巍巍身善安住焰網莊嚴過於日月幽冥眾生悉蒙開曉隨意所趣作諸事業第三大願願我來世得菩提時以無量無邊智慧方便令諸有情皆得無盡所受用物莫令眾生有所乏少第四大願願我來世得菩提時若諸有情行邪道者悉令安住菩提道中若行聲聞獨覺乘者皆以大乘而安立之第五大願願我來世得菩提時若有無量無邊有情於我法中修行梵行一切皆令得不缺戒具三聚戒設有毀犯聞我名已還得清淨不墮惡趣第六大願願我來世得菩提時若諸有情其身下劣諸根不具醜陋項愚盲聾瘡癰瘻背癭白癩癩狂種種病苦聞我名已一切皆得端政點慧諸根完具無諸疾苦第七大願願我來世得菩提時若諸有情衆病逼切無救無歸無醫無藥無親無家貧窮多苦我之名號一經其耳衆病悉除身心安樂家

屬資具悉皆豐足乃至證得無上菩提第八大願願我來世得菩提時若有女人爲女百惡之所逼惱極生厭離願捨女身聞我名已一切皆得轉女成男具丈夫相乃至證得無上菩提第九大願願我來世得菩提時令諸有情出魔羅網解脫一切外道纏縛若墮種種惡見稠林皆當引攝置於正見漸令修習諸菩薩行速證無上正等菩提第十大願願我來世得菩提時若諸有情王法所細縛縛繫閉牢獄或當刑戮及餘無量災難陵辱悲愁煎迫身心受苦若聞我名以我福德威神力故皆得解脫一切憂苦第十一大願願我來世得菩提時若諸有情飢渴所惱爲求食故造諸惡業得聞我名專念受持我當先以上妙飲食飽足其身後以法味畢竟安樂而建立之第十二大願願我來世得菩提時若諸有情貧無衣服蚊蛇寒熱晝夜逼惱若聞我名專念受持如其所好即得種種上妙衣服亦得一切寶莊嚴具華鬘塗香鼓樂衆伎隨心所翫皆令滿足。述曰。廣說門中有六對門。一饒益淨穢門。即初二願。淨土一切如我身故。乃至世界中間幽冥眾生皆逐意故。二世出世間門。即次三願。以人天乘無所乏故。乃至行邪道者隨其種姓安住三乘菩提道中。不定二乘皆以大乘而安立故。三存戒存身門。即次四願。不缺重戒具三聚故。六根之身皆得淨故。此中下劣不具標句也。雖具諸根不勝妙故。及有缺故。言醜陋者釋身下劣。言頑愚者釋意下劣。盲聾等下釋眼耳舌身根不具。癩狂釋意根不具。種種病苦攝

鼻等病。端正等四如次翻上。四除內外苦門。即次五願。一能除外緣逼切苦。無救者標無醫藥也。無歸者標無親等也。今得佛醫法藥聖財故除病等乃至豐足。二能轉內緣女身苦。如涅槃經。一切女人皆是衆惡之所住處。五內外解縛門。即次六願。攝置正見解惡見縛。證無上道出魔羅網故。以威神力出刑縛故。六志食與衣門。即次七願。以食法味而建立故。以妙衣等而令滿足故。

曼殊室利是爲彼世尊藥師琉璃光如來應正等覺行菩薩道時所發十二微妙上願。述曰。總結也。

復次曼殊室利彼世尊藥師琉璃光如來行菩薩道時所發大願及彼佛土功德莊嚴我若一劫若一劫餘說不能盡然彼佛土一向清淨無有女人亦無惡趣及苦音聲琉璃爲地金繩界道城闕宮閣軒窓羅網皆七寶成亦如西方極樂世界功德莊嚴等無差別於其國中有二菩薩摩訶薩一名日光遍照二名月光遍照是彼無量無數菩薩衆之上首悉能持彼世尊藥師琉璃光如來正法寶藏是故曼殊室利諸有信心善男子善女人等應當願生彼佛世界。述曰。答後問也。於中有二。初本處莊嚴功德成就。後外方聞名功德成就。此初也。言所發大願佛土莊嚴說不能盡者。顯如大願果亦無邊。身應準願。略說其土則有八種功德成就。一無所著穢成就。如經無有女人故。二離所怖惡成就。如經亦無惡趣及苦音聲故。三所依清淨成就。如經琉璃爲地故。四道路成文

成就。如經金繩界道故。五宮殿莊嚴成就。如經亦如西方故。六大聖無絕成就。如經有二菩薩即補處故。七利樂不斷成就。如經悉持彼佛正法藏故。八願生無礙成就。如經應當願生彼佛世界故。

爾時世尊復告曼殊室利童子言。曼殊室利有諸衆生不識善惡唯懷貪吝不知布施及施果報。愚癡無智關於信根多聚財寶勤加守護見乞者來其心不喜設不獲已而行施時如割身肉深生痛惜復有無量慳貪有情積集資財於其自身尚不受用何況能與父母妻子奴婢作使及來乞者彼諸有情從此命終生餓鬼界或傍生趣由昔人間曾得暫聞藥師琉璃光如來名故今在惡趣暫得憶念彼如來名即於念時從彼處沒還生人中得宿命念畏惡趣苦不樂欲樂好行惠施讚歎施者一切所有悉無貪惜漸次尚能以頭目手足血肉身分施來求者況餘財物。述曰。此即第二外方間名功德成就。於中有五。令諸聞者除施戒修十善業道往生樂處五種障故。今此初段顯除施性福業障。此有三門。一顯障自性門。如經不識善惡乃至來乞者故。不識惡者唯貪吝故。不識善者不知施故。不識善惡也。愚癡無智唯懷貪吝故。關於信根不知施等故。多聚不捨。二示障過患門。如經彼諸有情生鬼畜故。以慳貪故生餓鬼界。以愚癡故生傍生趣。三開佛勝利門。如經由昔人間乃至況餘財物故。復次曼殊室利若諸有情雖於如來受諸學處而破尸羅有雖不破尸羅而破軌則有於尸羅

軌則雖得不壞然毀正見有雖不毀正見而棄多聞於佛所說契經深義不能解了有雖多聞而增上慢由增上慢覆蔽心故自是非他嫌謗正法爲魔伴黨如是愚人自行邪見復令無量俱胝有情墮大險坑此諸有情應於地獄傍生鬼趣流轉無窮若得聞此藥師琉璃光如來名號便捨惡行修諸善法不墮惡趣設有不能捨諸惡行修善法墮惡趣者以彼如來本願威力令其現前暫聞名號從彼命終還生人趣得正見精進善調意樂便能捨家趣於非家如來法中受持學處無有毀犯正見多聞解甚深義離增上慢不謗正法不爲魔伴漸次修行諸菩薩行速得圓滿。述曰。此顯能除戒性福業障。此亦三門。如前應知。初門有三。一攝律儀戒障。如經破尸羅軌則故。言尸羅者別解脫戒。言軌則者於往來等正知而住。二攝善法戒障。如經毀正見棄多聞增上慢故。三攝有情戒障。如經復令無量俱胝有情墮大險坑故。次示障過患門者。如經於地獄等流轉無窮故。後開佛勝利門者。如經乃至三聚速圓滿故。

復次曼殊室利若諸有情慳貪嫉妬自讚毀他當墮三惡趣中無量千歲受諸劇苦受劇苦已從彼命終來生人間作牛馬駝驢恒被鞭撻飢渴逼惱又常負重隨路而行或得爲人生居下賤作人奴婢受他驅役恒不自在若昔人中曾聞世尊藥師琉璃光如來名號由此善因今復憶念至心歸依以佛神力衆苦解脫諸根聰利智慧多聞恒求勝法常遇善友永斷魔網破無

明殺渴煩惱河解脫一切生老病死憂悲苦惱。述曰。此顯能除修性福業障。亦有二門。一顯障自性門。如經慳貪嫉妬自讚毀他故。此中慳貪能障修慈。不與樂故。嫉妬障喜。不隨喜故。讚毀障悲。能惱害故。三通障捨性業污放。語便次第故不相違。二示障過患門者。如經墮三惡趣及受苦故。三開佛勝利門者。如經乃至永破四種魔故。如文可解。

復次曼殊室利若諸有情好喜乖離更相鬪訟惱亂自他以身語意造作增長種種惡業展轉常爲不饒益事互相謀害告召山林樹塚等神殺諸衆生取其血肉祭祀藥叉邏利婆等書怨人名作其形像以惡呪術而呪咀之厭媚蠱道呪起屍鬼令斷彼命及壞其身是諸有情若得聞此藥師琉璃光如來名號彼諸惡事悉不能害一切展轉皆起慈心利益安樂無損惱意及嫌恨心各各歡悅於自所受生於喜足不相侵凌互爲饒益。述曰。此顯能除十善業道障。亦有二門。初障自性者。如經好喜乖離乃至增長種種惡業故。好喜乖離意三業道悉能令離所欲故。更相鬪訟語四業道理不相應多招譴故。惱亂自他身三業道三業果遂即惱亂他。若不果遂惱亂自故。二障過患者。謂由自惡招他謀害。如經展轉常爲不饒益事乃至呪起屍鬼斷壞身命故。三勝利門者。現尙離害。況於當苦。文顯可知。

復次曼殊室利若有四衆苾芻苾芻尼師波素迦鄔波斯迦及餘淨信善男子善女人等有能受持八分齊戒經一年或復三月受持學處以

此善根願生西方極樂世界無量壽佛所聽聞正法而未定者若聞世尊藥師琉璃光如來名號臨命終時有八菩薩乘神通來示其道路即於彼界種種難色衆寶華中自然化生或有因此生於天上雖生天中而本善根亦未窮盡不復更生諸餘惡趣天上壽盡還生人間或爲輪王統攝四洲威德自在安立無量百千有情於十善道或生剎帝利婆羅門居士大家多饒財寶倉庫盈溢形相端嚴眷屬具足聰明智慧勇健威猛如大力士若是女人得聞世尊藥師如來名號至心受持於後不復更受女身

### 本願藥師經古述下

於天上等故。此復有四，生天輪王貴勝男身，如文可解。  
本願藥師經古述上終

#### 藥師琉璃光如來本願功德經

爾時曼殊室利童子白佛言世尊我當誓於像法轉時以種種方便令諸淨信善男子善女人等得聞世尊藥師琉璃光如來名號乃至睡中亦以佛名覺悟其耳世尊若於此經受持讀誦或復爲他演說開示若自書若教人書恭敬尊重以種種華香塗抹香燒香華鬘瓔珞幡蓋伎樂而爲供養以五色綵作囊盛之掃灑淨處敷設高座而用安處爾時四大天王與其眷屬及餘無量百千天衆皆詣其所供養守護世尊若此經寶流行之處有能受持以彼世尊藥師琉璃光如來本願功德及聞名號當知是處無復橫死亦復不爲諸惡鬼神奪其精氣設已奪者還得如故身心安樂。述曰：大段第二勸物利益門。此有五門。一誓願警覺門。如經我當誓於像法轉時方便令聞如來名號由於此經受持供養天衆守護無災橫故。

佛告曼殊室利如是如是如汝所說曼殊室利若有淨信善男子善女人等欲供養彼世尊藥師琉璃光如來者應先造立彼佛形像敷淨淨座而安處之散種種華燒種種香以種種幢幡莊嚴其處七日七夜受八分齋戒食清淨食澡

浴香潔著新淨衣應生無垢濁心無惡害心於一切有情起利益安樂慈悲喜捨平等之心鼓樂歌讚右邊佛像復應念彼如來本願功德讀誦此經思惟其義演說開示隨所樂願一切皆遂求長壽得長壽求富饒得富饒求官位得官位求男女得男女若復有人忽得惡夢見諸惡相或怪鳥來集或於住處百怪出現此人若以衆妙資具恭敬供養彼世尊藥師琉璃光如來者惡夢惡相諸不吉祥皆悉隱沒不能爲患或有水火刀毒惡獸惡象師子虎狼熊羆毒蛇惡蠍蜈蚣蚰蜒蚊虻等怖若能至心憶念彼佛恭敬供養一切怖畏皆得解脫若他國侵擾盜賊反亂憶念恭敬彼如來者亦皆解脫復次曼殊室利若有淨信善男子善女人等乃至盡形不事餘天唯當一心歸佛法僧受持禁戒若五戒十戒菩薩四百戒苾芻二百五十戒苾芻尼五百戒於所受中或有毀犯怖墮惡趣若能專念彼佛名號恭敬供養者必定不受三惡趣生或有女人臨當產時受於極苦若能至心稱名禮讚恭敬供養彼如來者衆苦皆除所生之子身分具足形色端正見者歡喜利根聰明安穩少病無有非人奪其精氣。述曰：此即第二如來述成門。於中有二。初明供養後說獲益。供養有三。一財物供養。如經造立形像乃至莊嚴其處故。二正行供養。如經七日受戒乃至平等之心故。三三業供養。如經鼓樂歌讚乃至演說開示故。獲益有三。一祈求稱遂門。如經隨所樂願乃至得男女故。二所厭消滅門。如經若復有人乃至亦皆解脫故。三毀戒離

苦門。於中有二。一現身毀戒。畏當苦故。如經復次曼殊乃至不受三惡趣生故。此中菩薩四百戒者。良由如來隨物宜開廣略說故開合不同。方等經說四重二十八輕。瑜伽論說四重四十五輕。梵網經說十重四十八輕。有不同故。然此一本宋譯云二十四戒。隋譯云一百四戒。諸梵本者有不同故。二前身毀戒。受女產苦故。如經或有女人乃至奪其精氣故。

爾時世尊告阿難言。如我稱揚彼佛世尊藥師琉璃光如來所有功德。此是諸佛甚深行處。難可解了。汝為信不阿難。白言。大德世尊。我於如來所說契經。不生疑惑。所以者何。一切如來身語意業。無不清淨。世尊。此日月輪。可令墮落。妙高山王。可使傾動。諸佛所言。無有異也。世尊。有諸衆生。信根不具。聞說諸佛甚深行處。作是思惟。云何但念藥師琉璃光如來。一佛名號。便獲爾所功德勝利。由此不信。返生誹謗。彼於長夜失大利樂。墮諸惡趣。流轉無窮。佛告阿難。是諸有情。若聞世尊藥師琉璃光如來名號。至心受持。不生疑惑。墮惡趣者。無有是處。阿難。此是諸佛甚深所行。難可信解。汝今能受當知。皆是如來威力。阿難。一切聲聞。獨覺。及未登地。諸菩薩等。皆悉不能如實信解。唯除一生所繫。善薩阿難。人身難得。於三寶中。信敬尊重。亦難可得。得聞世尊藥師琉璃光如來名號。復難。於是阿難。彼藥師琉璃光如來。無量菩薩。行無量巧方便。無量廣大願。我若一劫。若一劫餘。而廣說者。劫可速盡。彼佛行願。善巧方便。無有盡也。述

曰。此第三毀信損益門。此有四門。一佛語決定門。如經如我稱揚。乃至諸佛所言。無有異也。故。二毀謗衰損門。如經有諸衆生。乃至流轉無窮。故。三敬信獲益門。如經佛告阿難。乃至墮惡趣者。無有是處。故。四勸物信受門。如經阿難。乃至無有盡也。故。

爾時衆中有一菩薩摩訶薩。名曰救脫。即從座起。偏袒一肩。右膝著地。曲躬合掌。而白佛言。大德世尊。像法轉時。有諸衆生。為種種患之所困厄。長病羸瘦。不能飲食。喉唇乾燥。見諸方暗。死相現前。父母親屬。朋友知識。啼泣圍遶。然彼自身。臥在本處。見琰魔使。引其神識。至于琰魔法王之前。然諸有情。有俱生神。隨其所作。若罪若福。皆具書之。盡持授與琰魔法王。爾時彼王。推問其人。算計所作。隨其罪福。而處斷之。時彼病人。親屬知識。若能為彼。歸依世尊藥師琉璃光如來。請諸衆僧。轉讀此經。燃七層之燈。懸著五色續命神幡。或有是處。彼識得還。如在夢中。明了自見。或經七日。或二十一日。或三十五日。或四十九日。彼識還時。如從夢覺。皆自憶知。善不善業。所得果報。由自證見。業果報故。乃至命難。亦不造作諸惡之業。是故淨信善男子。善女人等。皆應受持藥師琉璃光如來名號。隨力所能。恭敬供養。述曰。此是第四開像資助門。此有二門。一資助所為門。二資助勝利門。初所為者。如經像法轉時。乃至而處斷之。故。言琰魔者。唐云靜息。曉悟罪人止衆惡故。即由此義。雖鬼界攝。亦名法王。謂由業力。病人意識現四相分。一琰魔使。二已神識。三琰

魔王。四俱生神。傳說本識與身故。名俱生神。能熏習言具書持。表於法王故。言授與。由業威力。似神相現。如淨土三昧經云。同生同名一神俱生。二資助勝利門者。如經時彼病人。乃至諸惡之業。故。此中資緣有五。歸佛請僧。轉法燃燈。及懸幡。故。燈者明也。幡者將也。救闡沈。故須幡燈也。七層五色者。無說所以。若以義推。伏七支罪。調五方故。或有是處。彼識得還者。為簡定業。故言或有。言或經七日。乃至四十九日者。擬中有命。七日住故。然其後三隔二七說。為顯據實不離身故。傳者皆言其神識未曾離身。

爾時阿難問救脫菩薩。曰。善男子。應云何恭敬供養彼世尊藥師琉璃光如來。續命幡燈。復云何造救脫菩薩。言。大德若有病人。欲脫病苦。當為其人。七日七夜。受持八分齋戒。應以飲食及餘資具。隨力所辦。供養。慈憐。晝夜六時。禮拜供養。彼世尊藥師琉璃光如來。讀誦此經。四十九遍。燃四十九燈。造彼如來形像。七軀。一一像前。各置七燈。一一燈量。大如車輪。乃至四十九日光。明不絕。造五色綵幡。長四十九。授手應放。雜類衆生。至四十九。可得過度。危厄之難。不為諸橫惡鬼所持。復次阿難。若刹帝利。灌頂王等。災難起時。所謂人衆。疾疫。難他國。侵逼。難自界。叛逆。難星宿。變怪。難日月。薄蝕。難非時。風雨。難過時。不雨。難彼刹帝利。灌頂王等。爾時應於一切有情。起慈悲心。教諸繫閉。依前所說。供養之法。供養彼世尊藥師琉璃光如來。由此善根。及彼如來。本願力。故令其國界。即得安穩。風雨順。

時穀稼成熟一切有情無病歡樂於其國中無有暴惡藥叉等神惱有情者一切惡相皆即隱沒而剎帝利灌頂王等壽命色力無病自在皆得增益阿難者帝后妃主儲君王子大臣輔相中宮綏女百官梨庶為病所苦及餘厄難亦應造立五色神幡燃燈續明放諸生命散雜色華燒衆名香病得除愈衆難解脫 述曰。自下第五問答釋難門。於中有二。一問答故。二釋難故。此初也。答中有二。初約病難答。如經救脫菩薩言乃至廣說故。此中所說就其邊際設不具足非無勝利。如前經言隨力所能而供養故。法社經云。貧者一燈亦得成故。各置七燈者。過師云。像前一座造七輪燈形如車輪。一一像座前各置一輪燈。一一輪上各安七盞燈。後約國難答。此復有二。國界難故。眷屬難故。如經復次阿難乃至衆難解脫故。非但病人亦濟王難。此中意也。國有七難。如文可解。灌頂王者。最大國主上位之時諸小國王及諸群臣各取四大海水灌其頂故。言國界安穩者。第二三難除故。風雨穀順者。第六七難除故。無病無神者。初難除故。惡相隱沒者。第四五難除故。王眷屬難如文可解。爾時阿難問救脫菩薩言善男子云何已盡之命而可增益救脫菩薩言大德汝豈不聞如來說有九橫死邪是故勸造續命幡燈修諸福德以修福故盡其壽命不經苦患阿難問言九橫云何救脫菩薩言有諸有情得病雖輕然無醫藥及看病者設復遇醫授以非藥實不應死而便橫死又信世間邪魔外道妖孽之師妄說禍

福便生恐動心不自正下問覓禍殺種種衆生解奏神明呼諸魍魎請乞福祐欲冀延年終不能得癡癡迷惑信邪倒見遂令橫死入於地獄無有出期是名初橫二者橫被王法之所誅戮三者敗壞嬉戲耽耽嗜酒放逸無度橫爲非人奪其精氣四者橫爲火焚五者橫爲水溺六者橫爲種種惡獸所噉七者橫墮山崖八者橫爲毒藥厭禱呪咀起屍鬼等之所中害九者飢渴所困不得飲食而便橫死是爲如來略說橫死有此九種其餘復有無量諸橫難可具說復次阿難彼瑛魔王主領世間名籍之記若諸有情不孝五逆破辱三寶壞君臣法毀於信戒瑛魔法王隨罪輕重考而罰之是故我今勸諸有情燃燈造幡放生修福令度苦厄不遭衆難 述曰。此即釋難門。於中有五。一難二決三微四解五結。決意者九種橫死皆不定業宿業相似等流果故。若有助福得延長故。言終不能得者。夫殺生短命食肉病多。而斷他命延已壽乎。得病雖輕損減壽業橫死入獄。此中意也。結意者。若不延命屬瑛魔故。文相可知。爾時衆中有十二藥叉大將俱在會坐所謂宮毘羅大將伐折羅大將迷企羅大將安底羅大將頹爾羅大將珊底羅大將因達羅大將波夷羅大將摩虎羅大將真達羅大將招杜羅大將毘羯羅大將此十二藥叉大將一一各有七千藥叉以爲眷屬同時舉聲白佛言世尊我等今者蒙佛威力得聞世尊藥師瑠璃光如來名號不復更有惡趣之怖我等相率皆同一心乃至盡形歸佛法僧當荷負一切有情爲作義利

饒益安樂隨於何等村城國邑空閑林中若有流布此經或復受持藥師瑠璃光如來名號恭敬供養者我等眷屬衛護是人皆使解脫一切苦難諸有願求悉令滿足或有疾厄求度脫者亦應讀誦此經以五色縷結我名字得如願已然後解結爾時世尊讚諸藥叉大將言善哉善哉大藥叉將汝等念報世尊藥師瑠璃光如來恩德者常應如是利益安樂一切有情 述曰。此下第五藥叉大將獲益報恩成就。此中有三。初經家列名。次藥叉誓願。後如來讚許。文相可知。

爾時阿難白佛言世尊當何名此法門我等云何奉持佛告阿難此法門名說藥師瑠璃光如來本願功德亦名說十二神將饒益有情結願神呪亦名拔除一切業障應如是持時薄伽梵說是語已諸菩薩摩訶薩及大聲聞國王大臣婆羅門居士天龍藥叉健達縛阿素洛揭路羅緊捺洛莫呼洛伽人非人等一切大眾聞佛所說皆大歡喜信受奉行 述曰。此下第三開名喜行分。言應如是持者答第二問。應如三名所詮之法而受持故。藥師瑠璃光如來本願功德經本願藥師經古述下終

彌勒經遊意

有十重

第一序王

第三辨經宗體

第五出世久遠

第七辨三會人多少

第八論與釋迦同時涅槃

第九明教大小

第一序王

第二釋名  
第四論因果  
第六論成道真應  
第十雜料簡

諸佛出世大事因緣故。居初發心不足之地。專覺無所得大乘修諸萬行故。或上兜率。爲諸天子。說般若波羅蜜。或五十六億七千萬歲時。下閻浮提。乃成種覺。故前佛後八相成道。紹位紹尊。皆是一生補處。故前記釋迦。大授彌勒。明此菩薩功等十地。德成高行。逾三忍之上忍。方當改。斯穢土。爲彼淨國。人壽卽八萬四千。由旬。田卽一種七寶。況乃名華軟草浮空滿地。寶藏神。殊盈瞿逸陷。三會說法。道攝天人。一切名字悟無生忍也。

第二釋名

此經若存胡音。應言佛陀般遮阿那羅彌勒。菩薩多羅修摩兜率陀提婆修多羅。漢言覺者說觀慈氏大心衆生上生知足天經也。今簡異名不同。一名毘留。亦名閻那迦。此云成。佛陀此云覺者知者見者等也。三藏云清淨覺也。修多羅亦云修妬路修吒羅修林

異名有四。三藏云。修多羅多含五異名。之。今上下生兩經。舉胡漢兩音與人法二種。因經明以爾者修行之人。皆是前生後生人得成佛故也。次簡阿逸多與彌勒。阿逸多此云無能勝。故淨土經云莫能勝也。彌勒者。亦彌帝禮。或名彌帝隸迦也。婆修密經亦言和修密經。云阿羅彌勒也。皆云觀慈氏。但相傳。或云阿逸多是名彌勒是性。或云阿逸多是性彌勒是名。兩釋未詳取捨也。皆人曩劫行慈。久習慈因。修慈以立爲名。舉德標人。故言慈氏。故釋論云。阿難問佛。何因緣故得彌勒字。佛答。過去久遠。於閻浮提中。有一佛出世。名曰弗沙佛。彼時有國王。名曇摩留枝。往佛所時。見一比丘。入慈心三昧。形身安靜。放大光明。王見則問佛。此比丘。入何三昧。光明乃爾。佛答王云。此比丘。入慈心三昧。王聞此語。信增欽仰。言。此慈心定。魏魏乃爾。我亦修習此慈心三昧。爾時。曇摩留枝王。今彌勒是。於世則發此慈心。自此以來。常字彌勒。久習性故。至成佛時。猶名慈氏。如然燈佛。生時。一切身邊如燈故。名然燈佛。初本乞油供養諸比丘因緣。名爲目然燈。亦名錠光佛。如聲類書云。有足名錠。無足目錠也。寶愚經十二卷云。彌勒生在波羅捺國劫波利村輔相之家。初生有三十二相。身紫磨黃金色。姿容挺特。輔相歡喜。召相師相之。相師善因爾立名。則問兒生時凡有何相。答言其母素性不能良善。懷兒以來。慈於苦見。相師喜言。是兒者必慈心。因此爲立名。號曰彌勒。

父母愛重。心無有量。其殊勝名相相稱。令國土宣傳聞名。波羅捺國王名梵摩達。聞之心懷懼。恐奪王位。意欲未長大時方便除之。其父母知之。遣人遂與其舅。舅名波婆利。領五百弟子。在異國學道。舅得彌勒已教學問。學未□歲時。則通經書。其舅後時聞有佛出世。則遣彌勒等十六人往至佛所。思念爲四句。一問幾相。二問年壽。三問弟子。四問經性。彌勒問已。如來歡喜答。佛更開化說法。其十五人。則得法眼淨。各從坐起。則索出家。佛言善來。便自隨。重以方便。爲其說法。十五人成阿羅漢。彌勒七歲發心而已。彌勒後時從佛還迦維羅國。大愛道比丘尼爲佛自手紡績。作一端金色縷之疊袈裟。繫心積想。以奉世尊。世尊不受之。還令供養衆僧。遂語則供養衆僧。衆僧之中行之。無有欲取者。彌勒前則取著之也。時佛過波羅捺國。身紫摩黃金色。又被金縷纖袈裟。表裏相稱。行乞食至大陷上。擊鉢住止。人民見之。視者無有足。雖皆敬重之。而無有人與食者。時有一穿珠師。將還家供養。其婦怒言失穿珠師之利。共。彌勒則將此師還衆僧。衆僧廣說法供養利重。佛爲其人。阿那律過去世一甌生生世世無貧。亦爲說施彌勒未來果報事也。

第三辨宗體

一往大判。上生經者。以大乘爲宗體。下生經者。以小乘爲宗體。故上生經內。具證六度四等菩薩行。亦具證中假。故大乘因果等爲

●大日本續藏經 ●大谷大學藏寫本 ●斯德二藏斯 ●〔由旬〕一 ●珠一珠 ●云二日 ●之也 ●皆此比 ●爲目二目爲 ●冠註曰善上假置字可誤 ●見二厄 ●句二問 ●經二種 ●還二還 ●像二像 ●陷二陷 ●冠註曰足上假置字可見 ●共二益 ●利二說 ●證二註



宗。如後第九段中簡也。下生經。但辨戒定慧三品三藏。故小乘爲宗。故三會說法證四果而已。亦但說假。不明中故也。同經中。具明常樂等四德。云何小乘爲宗耶。答。常樂等四德。辨小乘涅槃義。說四德等。亦是對壞其無常等。說常樂等。未必與破三修比丘說常樂等四德。或傍明大乘放下生經云。則此日出家得阿耨三菩提也。一家義宗。而法無非經。色表非色。香表非香等。而法例無非經。但就釋迦教。色聲等爲經體。不二而二明之。十五色中。三色爲經體得也。若言宗體異者。正法爲體。因果爲宗也。具如大經疏與大品疏等也。

#### 第四論因果

有三。第一明因行。第二論果德。第三辨始終。第一明因行。經與論釋不同。如摩德楞伽藏經云。於一。地中。經百千大劫。方成一地之行。不數軟根者也。若如大智論迦旃延子云。三阿僧祇劫。修習果行也。問曰。迦旃延子。申半教與辨菩薩積劫解行者。何謂半教。則是小乘大乘滿教也。答亦難知之。但有傍有正迦旃延雖正明小乘教。而傍明大乘滿教菩薩行。何傍也。如成實論云。正解三藏中實義。而不妨彼論大小。利業品云。檀等六波羅蜜得阿耨三菩提果也。阿僧祇者。十名百。十百名千。十千名萬。十萬名億。千萬億名那由他。千萬那由他名頻婆。名迦陀。過伽陀名一阿僧祇也。就釋迦菩薩發心行行者。第一阿僧祇中。解行而不自知我當作佛。第二阿

僧祇中。雖自知我當作佛。而不敢發言。心無所畏。具之而知也。經彌勒發心在前。釋迦發心在後故。佛藏經云。彌勒昔時值善明佛。出於佛所。最初發菩提心。故經云。彌勒發心在釋迦前四十劫也。又大方廣報恩經云。今釋迦前有一佛出世。名大釋迦牟尼。時於地獄中火車見受苦。方得發大心。從此過去大釋迦佛至闍那尸佛。爲初阿僧祇。是時釋迦菩薩。不離女身。從闍那尸佛。至燃燈佛。名爲第二阿僧祇。是時始得離女身。是時菩薩持華供養。上燃燈佛。敷鹿皮衣。布髮淹泥。是時燃燈佛。坐爲授記。汝於來世。過九十一劫。當得作佛。號釋迦牟尼。從燃燈佛至毘婆尸佛。名爲第三阿僧祇。修種智滿足作佛也。第二論果德。有近果與遠果者。如經云。劫後十二年二月十五日。還本生處。捨命生於第四天。名爲近果也。遠果有二種。一者五十六億七千萬歲時。下閻浮提成佛。則是應近果。二者若積劫修行。金剛心後成佛。名爲真果。是遠果也。問橫疎論之有可如此。堅密正果何不辨之。答正果非近與遠。非因非果。不辨之。若欲強明之。亦得也。第三辨始終時節。如賢劫等經云。有三世劫。劫有千佛。過去莊嚴劫千佛。現在賢劫千佛。未來星宿劫千佛。此三千佛。往昔同修行勝因故。次第致果。在乎三劫。又賢劫佛千獨爲一類。然賢劫千佛中。前四佛已過。今彌勒是第五佛。當出世興也。出世有前有後故。今具叙之。大論迦旃延子云。過三阿僧祇劫。是時

菩薩百劫修行三十二相業自在遲速。遲則百劫。疾則九十一劫也。五華散供養佛故。後九十一劫當作佛。但直明之。應百劫滿足作佛。精進苦行故。超踰九劫。餘九十一劫也。若不超者。應在彌勒後成佛故。經中往往云。彌勒發心行道在釋迦前。但不精進苦行故。成佛處後。故彌勒自念言。我千阿僧祇劫。生在兜率陀天。說法度諸天。不能暫捨身種種苦行也。釋迦精進苦行故。超之九劫。得成佛也。如大經中聞羅刹說偈。超十二劫。大論云。超九劫。不同者。諸師釋云。小劫超十二劫。大劫超九劫。三劫各超三劫。故九劫也。問。大經云。云何得師偈超十二劫。大論名爲九劫耶。若大經云。雪菩薩。聞羅刹爲說諸行無常。是生滅法。生滅滅已。寂滅爲樂故。超十二劫。大論云。廣解弗沙佛出世時節。不定說時節久遠。但彼佛有二弟子。一者名釋迦。二者名彌勒。弗沙佛觀釋迦菩薩心未純熟。所化弟子心已純熟。所以爾者。釋迦心自利爲傍化他爲正。又彌勒心已純熟。而所化弟子心未純熟。所以爾者。自行爲正。化他爲傍故也。是時弗沙佛。作如是思惟。一人之心易可化度。衆人心難調伏。故弗沙佛。欲使釋迦疾得成佛。則雪山於寶窟中。入大光明三昧。是時釋迦菩薩化外道仙人。上採名華。仍見弗沙佛化生寶窟中。身放光明。菩薩見佛。心大歡喜。便先翹一脚立。叉手向佛。一心觀佛。目不會陶。七日七夜。以偈讚佛。天上天下無如佛。十方世界亦無比。世界所有我盡見。一



●切有如佛者。七夜諦觀於佛。目未曾瞬。於是得超九大劫於寶劫中成佛也。有人言。今超者相好業中。超有種種。曰超。今謂不然。超非超者。並然後熟。波若業超。若得波若則萬事進也。但此九十一劫。佛出世不同。如釋論第九卷云。前九十劫中。有三佛出世。後十劫中。有千佛。九十劫中。初劫有毘婆尸佛。秦言種種見也。第三十二劫中有二佛。一名尸棄佛。秦言火。亦云頂髻。二神怒婆附佛。秦云一切勝也。第九十一劫。劫初有四佛。一名迦羅鳩盧陀佛。亦名拘樓孫佛。大論不見翻。毘舍三藏冠頂亦云帽佛。佛生時如珠有出也。二名迦那含牟尼佛。秦云金仙人。又云屈仙人。三名迦葉佛。四名釋迦牟尼佛。法四佛足前三佛。則是七佛。其前三佛在九十劫中佛也。初佛壽命八萬歲。第二佛壽命七萬歲。第三佛壽命六萬歲。餘有四佛。在第九十一劫。劫號為賢劫。初人壽命數千萬歲。漸減漸減。五百萬歲時。有轉輪聖王。即出行化。從爾後稍稍減也。賢劫經云。至四萬歲時。有第四拘那提佛。亦云拘樓孫佛。出世五濁。經六萬歲。至三萬歲時。有第五拘那含牟尼佛。出世五濁。經云四萬歲也。二萬歲時。有第六迦葉佛出世。壽命二萬歲。迦葉佛後。漸漸減人。命至千二百歲時。釋迦始上兜率天。於天數四千歲。則人間五十六億七千萬歲。人壽命百歲時。從兜率下。閻浮提作佛。正法五百歲。像法千年。過千五百歲。則釋迦法滅盡。別經云末法一萬年也。唯有辟支佛。行佛也。

人命稍稍。傳促至十歲時。三災競起。土地彫荒。諸惡人死盡。國界空疎。相見則相殺。時有仙人出世。名郭相。亦云郭智。勸戒云莫相殺。因緣漸漸促短。勸須修善行慈之相。惡人等改往修來。因緣經故。即復所生子。壽二十歲。如是子復生子。子孫壽四十歲。傳增至百歲。一萬三萬六萬歲時。有轉輪聖王。出世行化。王王相次。經第七時。人壽八萬四千歲時。彌勒佛出興世。于時安樂人民熾盛時下生也。大寶劫經云。慈氏佛光照四十里。梵志種父名梵摩。母字梵經。大彌勒經意云。父是因緣。有人主之德。故言修梵摩。此云善德。亦云善淨。母名梵摩拔提。此云德主。亦云淨主也。賢劫經云。子曰德力。多聞侍者曰海氏。智慧弟子慧光。神通弟子曰堅精進。佛在世時。人壽八萬四千歲。正法八萬歲。舍利共興一大寺弘法也。師子佛光照四十里。君子聖種。父名勇師子。母名江音。子名大力。多聞侍者名善樂。神足弟子名雨氏。智慧弟子名智積。佛在世時。人壽七萬歲。三會說法。正法億歲。舍利流八方上下也。從拘樓秦佛。至九十九佛。共出前半劫。後樓至如來。獨用半劫。樓至佛滅後。更六十二劫中。空過無有佛出世。過爾與後。第六十三劫中。有一佛。號為淨光稱王如來。出世壽命十小劫。化衆生。過此佛後。復三百劫。空無有佛出也。此雖有千佛。前後合言三千佛也。

問此何故寶劫中有千佛耶。答金力士經云。昔有轉輪王出世。有千子具足。諸王子各發菩提心。願求作佛。父聖王欲賦此千王子。雖前作佛。題取千王子名。對王子。以香汁洗之。令千王探取算。得第一者最初佛。如是至九百九王子。最後一王子。一名字第千佛。諸王子謾言。我成佛化已盡。汝復作佛何所處。度。小王子聞此語悲泣。復更思惟。世界無邊。衆生無盡。我今發願。願我作佛時。我在世界衆生壽命。具與諸王子等所度衆生數亦同之。於是地六種動。佛即與其授記。以是因緣故。最後一佛。獨當半劫也。以泣啼故。名為啼泣佛。啼泣標佛。樓至者此啼泣。亦云光明。佛生時有勝光明故。於是諸王子即發願。王子作佛時。我等金剛護樓至佛。但金剛護。此是五姓執金剛護。此是五姓中促金剛神護也。

問曰。寶劫中千佛。可是聖王世。千子具足。提所名率取。次第出世作佛。去來兩二世二千佛。何因各千佛出世耶。答諸法師云。不見經說因緣。此即有之。而類例得言。如現千佛因緣。如大品經云。此天主問。須菩提答。釋般若者。十方恒河沙佛國中。亦如天主問須菩提答。所以爾者。諸佛道同故也。地攝兩論成。毘二家義宗。成佛之體。更非異物。亦是衆生神識有續不斷。終成極果。若諸治淨穢。則衆龜斯盡。種種智國明湛然常住在之。曰則廣修萬衆行善滿。以成萬德也。故金剛心謝法身即起。轉無明以為明。故大經云。無明轉反

●切十(無) ●日二日 ●一切二而 ●珠二珠 ●法二後 ●漸漸二便便 ●佛十(事) ●傳二轉 ●字二志 ●經二德 ●因二國 ●侍二傳 ●海二慈 ●堅二生 ●(釋)一 ●音二意 ●合二善 ●來十(來) ●金十(剛) ●皮二德 ●天主問二問天主 ●國二國

爲明。若通論成佛。凡有識之者。皆是其體。故大經云。而衆生悉皆有心。凡有心者。悉得三菩提。別而論唯積劫修行。金剛心後。衆德圓備。乃名真成佛也。今大乘宗橫論之。假名說之。亦有此意。但一家義宗彼。若彼諸家。心誠成佛。云心打破洗盡淨假名。爲真成佛。而彌勒者。如十住斷經與諸佛下生經。意久已成佛。但迹中一日出家。則此日成佛也。若論法身之體。名言心識絕。但慈悲滿足。不違誓願。萬德莊嚴。所以爾者。爲化物故。形難界應。迹衆生故。種種應現。爲化物令出有無與生死故。雖形不同。今七佛形壽等不同。如長阿含等經云。第一毘婆尸佛。亦名維衛佛。佛是利利王種。利利此云分田。是性憍陳如。佛身長二千四百里。紫摩黃金色。諸金釵是。歲樹下金。夫人一時禮佛。頭上釵落地。都不見金釵下乎。橫之佛光影不現。故知佛色紫磨黃金色。復味閻浮提金。閻浮提阿闍那。此云歲樹也。南閻浮提此樹表名也。此樹高上四十千里也。毘婆尸佛。父名般頭摩多。母名槃摩底。子名欠擊。城名槃頭摩也多。圓光百二十由旬。壽命八萬歲也。第二尸棄佛。亦名式佛。亦是利利王種。姓憍陳如。身長一千六百八十里。身色亦紫。摩金色。通身光一百由旬。壽命七萬歲。尸棄佛。父名明相。母名光曜。子名無量也。第三毘舍婆佛。亦云轉怒附佛。亦是利利種。種性憍陳如。身長一千二百八十里。圓光四十由旬。通身光六十由旬。壽命六萬歲也。毘婆沙云。佛父

名善證。母名稱戒。子沙學。城名無障。第四拘樓孫佛。亦名迦羅鳩摩。獸獸。是婆羅門種。此云諦行。性迦葉。身長一千里。圓光三十二由旬。通身光五十由旬。壽命四萬歲也。毘婆沙第四十六云。多聞弟子名散奢婆孫。佛父名禮德。母名善枝。子名上勝。城名安和也。第五拘那牟尼佛。亦是婆羅門種。性迦葉。身長八百里。圓光一千二百里。通身光一千六百里。壽命三萬歲。有多聞弟子名蘇抵。佛父名女德。母善勝。子名道師。城名清淨也。第六迦葉佛。此云龜。亦是婆羅門種。姓迦葉。姓爲名也。身長十六丈。壽命二萬歲。亦云三萬年也。大經云。迦葉佛七日入滅。此意釋不同。一云七月入滅。二云七日說常樂我淨。非入滅。此意似應二萬歲也。佛父名梵德。母名財主。子名進運。城名婆羅捺也。多聞弟子名藥婆參也。第七釋迦牟尼佛。此是利利種。姓釋迦。身長一丈六尺。圓光七尺。佛壽八十歲。與釋迦壽命。經論出不同。中本起經云。佛壽八十。雙卷泥洹經云。七十九。行年八十。胎經第十二卷王世品云。釋迦壽命八十四也。阿含經云。佛壽八十五。釋論第三十四卷云。釋迦佛壽百歲。婆娑云。三阿僧祇劫。壽命與他化自在天壽一種。萬六千歲。但八十年。受餘年者。衆生機品堪八十故。入滅餘化衆生者。付諸聲聞菩薩等也。如此等時不同意。或時隨物所宜。見應壽無定。如來大期八十。於第七十九年說大經。若爾者。法華云。四十餘年者。此必是大經之所說。更退一年。是七十

八年上說法華。若爾以八十爲定者。十九出家。三十成道。正取上。仍說法者。佛初說法時。有人年十一許。已能至佛所謂法比至堪聞法。至佛滅去。復得年已六十一。佛滅度去已。復四十許年時。此人始百一歲。具聞說法。始終之說法。此人在世。由能說法行化。純風相在。盛行佛法也。此是諸師說意也。釋迦父名淨飯王。母摩耶。子名羅睺羅。城名迦毘羅跋提法。多聞弟子等如居士經說也。毘婆尸佛至釋迦。初生時爲行七步。舉手而言。三界皆苦。天上天下唯爲獨尊。又皆於四方。觀見老病死沙門。學道皆趣鹿野苑。轉四諦法輪。諸師說如此也。又七佛並是上金色也。觀佛三昧經第八卷云。彌勒身長千尺。若如成佛經云。身丈十六丈。圓光百由旬。壽命八萬四千歲。是婆羅門種。姓梵志。父名修梵摩。此云淨德。亦名善德。母梵摩跋提。此云德殊。子名德力。城名翅頭末。多聞弟子名海氏也。胎經第二卷云。釋迦從脇生。彌勒從頂生。我壽百歲。彌勒八萬四千歲。我國是土。汝國是金。我苦。汝上樂也。尋彌勒是賢劫第五佛。過去名莊嚴劫。有千佛。最初佛名華光佛。最後佛名毘舍婆如來也。現在賢劫有千佛。最初佛名拘樓孫佛。最後佛名樓至佛也。未來名星宿劫。有千佛。最初佛名曰光淨光稱王佛。最後佛名須彌相如來也。若依稱揚諸佛三千佛經云。過去千佛中。最初佛名人中尊佛。次師子步佛。最後佛名金剛王佛。賢劫千佛中。最初佛名拘那提。次伽那含牟尼。最後佛

●宗二家● ②歲二歲● ③(頭)一● ④欠擊二方舊● ⑤學金二金摩● ⑥(種)一● ⑦(通)一● ⑧諸二淨● ⑨釋二根●  
⑩滅餘二餘滅● ⑪說二者● ⑫志二子● ⑬日二日●

名樓至佛。未來千佛中。最初佛名王中王佛。最後佛名。曰轉輪尊上德佛也。

### 第五明出世時節久近

劫初人壽命數不同。或云千萬億歲。或云四萬歲。或云八萬四千歲也。漸漸轉促。正於百年乃至十歲。難心亦同也。故樓炭經云。人壽至十歲時。有三小劫。一者刀劍劫。二者穀貴劫。三者疾疫劫。刀劍者。人多貪屠。行十惡法。若行善衆共笑。推爲愚。爭共懷滅。相教作惡。無一善人。爾時人民。亦壽十歲。時女。生五月日。生兒。人多行非法。女嫁。所有飲食。藥味。一切衣服。皆悉滅盡。天下山林。豁谷崖岸。自然而生。所有七寶。皆沒地中。但棘刺于時。人民不教。父母不承。卑沙門無人。人民相見。但欲殺害。譬如獵師見鹿。便欲殺之。于時草木瓦石。皆化爲刀劍。展轉相殺。人既止壽十歲中。有。點之者。見此相殺。走入山林。豁谷深河。相中藏。言無有能殺我者。我亦不殺汝。人便在山林。食諸樹根果。相殺七日便止。又經云。七日方止。時人死者。皆墮泥利中也。相殺既止。智者乃出。相見共相約勸。不宜相殺害。於是天下人民。更善行。其後生子。皆壽二十歲。如是後生。孫壽四十歲。稍增至八十。乃至百千一萬二萬四萬六萬。既約相戒。並爲善行。其壽稍稍增長。如久天下人民。皆壽八萬四千歲。然後當有佛出世。名彌勒。天下興衰。其相如此。是爲刀兵劫也。飢饉劫者。人多作非法。惡疾邪見。慳貪嫉妬。守財不施。水旱不節。田種無收。米穀轉盡。食

粒驚貴。釋糲糠街巷落。以自餽。糲葉既盡。家整地下。食草木根。在先而死。捺則死人復共食。噉噉之轉。飢渴於屠殺之處。乃至塚間。拾諸骸骨。煮汁飲之。以此自消。餓飢死盡者。生餓鬼中。名爲飢餓劫也。疾病劫者。人皆正見。修行十善。終不生三劫中也。但人無福德。值惡時。惡人故。疾病衆多。又無他方計。少有賢業。雖行衆善。不能攘劫。遇病輒死。生平在世。侵燒擄打。既其心亂。臨死時。接其精神。直落三惡道中。受無量苦也。故經云。一日一夜。持不殺戒。終不生刀兵劫。疾病劫也。又云。若以呵梨勒果。施僧。終不生疾病劫也。中。若一食施僧。供僧。終不生飢饉劫。此閻浮提惡劫可起。餘方少此。問刀劫起。彼唯重嘆。此間疾病劫起。彼惟氣力羸劣。此有飢饉劫。彼但小小渴乏耳。此三劫者。出長阿含經三法度經。華嚴經及大論與雜心論等撰之也。經云。三劫者。時序改發。惡時爲小劫。非是四十里方名等小中大三劫也。

### 第六辨成道

先明七佛成道。坐樹不同。依長阿含經明之。第一毘婆尸佛。坐波羅樹下成道也。第二尸棄佛。坐分陀利樹下成道也。第三毘舍婆。坐博落叉樹下成道也。第四拘樓孫佛。坐尸拘瑠樹下成道也。第五拘那含牟尼佛。坐憂曇婆羅樹下成道也。第六迦葉佛。坐拘律陀樹下成道也。第七釋迦牟尼佛。坐貝多羅樹下成道也。又十住毘婆尸。明前六佛樹名是同。唯釋迦坐阿輪陀樹下成道也。第八彌勒。龍

華樹下坐成道。但成道真應二種成道。毘如第四重中說。今文明之。理成佛即是真成佛也。二應迹成也。言理成者。從覺夫修行。乃至登十地。未多常住。窮學後心。如來圓明。斯即本無今有。故言理真成也。言應迹成者。如彌勒大士。即出家日。坐龍華樹下。成等正覺。故言應迹成也。總談因果。不出二種。一實行修因得實行之果。即是凡夫依佈修行。無所得。乃至十地。此等並是實行之因。金剛心後。佛果起時。此是實行之果也。二迹中行因得應身之果。如釋迦六年苦行。此即迹中修因。三十成道。此是應身之果。今彌勒成道迹因應也。

### 第七明三會度多少不同

依觀佛三昧經明之。七佛佛三會度人不同。第一毘婆尸佛三會說法。初會說時度十六萬八千人。第二會時度十萬人。第三會時度八萬人也。第二尸棄佛。亦三會度人。初會時度十萬人。第二會時度八萬人。第三會時度七萬人也。第三毘舍婆佛二會說法度人。初會時度七萬人。第二會時度六萬人也。第四拘樓孫佛。一會說法。度四萬人。第五拘那含牟尼佛。亦一會說法。度三萬人也。第七釋迦牟尼佛。亦一會說法。度千二百五十人也。並是善來得戒人也。諸師云。此觀佛三昧經未知何時度千二百五十人。初度提謂婆梨人等。不見多人。爲五人說法。只見拘隣等五人。若合諸天明之。經自云八萬諸天悟道。故難解之。又非是一會度人也。但是一坐異聞悟

①從二從 ②樓二行 ③懷二懷 ④生二德 ⑤女嫁一 ⑥所有二有所 ⑦點一點 ⑧見二見 ⑨運二運 ⑩車二存 ⑪之二乏 ⑫貝二貝 ⑬梵二凡 ⑭佛一

道。名千二百五十人也。又云優樓毘羅迦葉等三兄弟爲一千。舍利弗目連二人眷屬爲二百五十人。又云。身子弟子等六百五十人。目連六百。合一千二百五十人也。釋迦一會說法者偏就於鹿野中爲說四諦法輪明之也。此七佛中。三會。或一會。或會不同也。第八彌勒佛三會說法度人。多少不同。如胎經。釋迦語彌勒偈言。汝生安樂國。亦不如我累苦。汝說法甚安。我說法甚難。初說九十六。二說九十四。三說九十二。我初說十二。二說三十六。汝所三說人。是吾先所化。九十六億人。受五戒者。九十四億。受持三戒者。九十二億人。一稱南無佛。汝父梵摩淨。將八萬四千。非我先所化。是汝初開度。報恩經與本經亦云。三種人是釋迦先化人得此經說也。又胎經第三卷法住品云。佛告彌勒。我今緣盡。無教化處。今所化衆生。分作三分。付阿難度。與難陀復羅度之。餘一分付彌勒度脫之也。

第八辨彌勒與釋迦同時涅槃不同滅度。尋佛是周莊王十年夏四月八日辛卯度恒星不現時即是佛生日。佛是惠王八年四月八日出家。于時年十九。至惠王十九年四月八日成道。于時年三十。至經五年二月十五日滅度。于時年八十。佛自出世。從周莊王至契。合得一千二百四十年。具如大經疏中辨之也。菩薩處胎經集法品云。如來即二月八日成八日轉法輪。二月八日降魔。二月八日而入涅槃也。諸經說小小不同。次明彌勒入涅槃時節故。如彌勒觀經云。優婆塞問佛言。世尊往昔於毘尼中及前後諸經。說阿逸多當得作佛。此人具凡夫身。未斷諸結。其人今者雖復出家。不修禪定。不斷煩惱。佛說此人成佛無疑。此人命終。生何國土。佛答言。此人從今去。十二年中命終必得往生兜率天上。仍爲諸天子廣說法也。優婆塞又問佛。今此大士。何時於閻浮提生於彼天。佛答。却後十二年二月十五日。於波羅捺國劫波利大婆羅門家本所生處。結跏趺坐。入滅盡定。而取滅度。時諸人等起衆寶塔。供養舍利。於兜率天上寶臺內摩尼殿上師子床坐。忽然化生。於蓮華上。結跏趺坐。身如閻浮檀金色。長十六由旬。有三十二相八十種好。晝夜六時。說法度諸天子。五十六億七千萬衆。爾乃下來生此作佛也。言不修禪定不斷煩惱者。舊論諸師云。此觀經同初教法輪。亦如釋迦。以凡夫身。六年苦行。方得作佛。爲例也。今經既隱現爲慈心位。故上生經中。具六度四等菩薩行。即不退轉。之行。具論中假者可言不修禪定不斷煩惱耶。但優婆塞執小乘意問耳。半教之宗。真凡夫身成佛。都不論前身證聖與成佛。故作如此問耳。今大乘具論本迹故。佛答直用上天兜率生依正報事。修趣不修不斷等事也。故大品經云。入法位人。得初授記。又十住斷結經云。彌勒久已成。爲慈悲本願故。現身成佛。大品經夢行品云。彌勒久行六度。無所得故。又如大品。第卷云。昔於華嚴城內。見燃燈佛。即得不離六波羅蜜行。若爾豈得言不修定斷煩惱耶。大經第三十四卷云。發

心畢竟二不別。如是二心先心難。自未得度先度他。是故我禮初發心。發心已爲天人師。勝出聲聞及緣覺。如是發心過三界。是故得名最上道也。華嚴經第四十七四十八卷云。彌勒菩薩語善財云。我於此閻浮提南界摩離國內拘提聚落婆羅門種性中生。爲欲滅彼憍慢心故。化度父母及親族故。於中受生。於此命終。生兜率天。化度彼故。於彼天上。壽命終盡時。下生此間。成等正覺。汝及文殊師利。謂得見我。汝往詣文殊處問菩薩行。修菩薩道。何以故。文殊師利。常爲諸佛之母。常爲諸菩薩之師也。若爾諸經分明如此說者。可言不修定。不煩惱耶。但諸論師等義宗。發心之位定下假名定前爲發心。即是真凡夫位。大故。作如此判耳。今明發心位。具中假明之故即齊也。又尋檢衆經。釋迦與彌勒滅度時節釋不同一者。地攝成毘諸家云。彌勒於人。入般涅槃。應是釋迦滅度。何以得知。說法華經時。亦有彌勒。若至雙林法席。不復見列彌勒名。說法華在前年之末。說涅槃是今歲之初。若彌勒在佛後生天者。便應在涅槃法席。而今無者。當知必是佛前入涅槃也。二大經云。彌勒菩薩者。通論諸菩薩。若爾彌勒預在弘廣菩薩限中。無有一菩薩名弘廣故也。三今謂則不然。如第一諸師說。第二云似有如此義。而釋論第一卷與第百卷。觀云佛滅度後阿難文殊彌勒三人結集大乘藏。故知佛滅後方入涅槃。若爾成略。故不引名。或是如第二釋也。

心畢竟二不別。如是二心先心難。自未得度先度他。是故我禮初發心。發心已爲天人師。勝出聲聞及緣覺。如是發心過三界。是故得名最上道也。華嚴經第四十七四十八卷云。彌勒菩薩語善財云。我於此閻浮提南界摩離國內拘提聚落婆羅門種性中生。爲欲滅彼憍慢心故。化度父母及親族故。於中受生。於此命終。生兜率天。化度彼故。於彼天上。壽命終盡時。下生此間。成等正覺。汝及文殊師利。謂得見我。汝往詣文殊處問菩薩行。修菩薩道。何以故。文殊師利。常爲諸佛之母。常爲諸菩薩之師也。若爾諸經分明如此說者。可言不修定。不煩惱耶。但諸論師等義宗。發心之位定下假名定前爲發心。即是真凡夫位。大故。作如此判耳。今明發心位。具中假明之故即齊也。又尋檢衆經。釋迦與彌勒滅度時節釋不同一者。地攝成毘諸家云。彌勒於人。入般涅槃。應是釋迦滅度。何以得知。說法華經時。亦有彌勒。若至雙林法席。不復見列彌勒名。說法華在前年之末。說涅槃是今歲之初。若彌勒在佛後生天者。便應在涅槃法席。而今無者。當知必是佛前入涅槃也。二大經云。彌勒菩薩者。通論諸菩薩。若爾彌勒預在弘廣菩薩限中。無有一菩薩名弘廣故也。三今謂則不然。如第一諸師說。第二云似有如此義。而釋論第一卷與第百卷。觀云佛滅度後阿難文殊彌勒三人結集大乘藏。故知佛滅後方入涅槃。若爾成略。故不引名。或是如第二釋也。

第九節教大小乘

舊諸師云。釋迦一化現形致教。不出二途。一是世教。二是出世教。明世教有三種。一者三歸。二者五戒。三者十善也。二者出世教。亦有三種。一頓教。爲利根大行人說。如華嚴大乘等經是也。二者偏方不定教。爲中根人。如夫人與金光明等經是。三者階漸次第教。此爲下根人說經。即是五時四時等經教是也。談此經。於二種中道出世教與三教中。師解若同。一云是偏方教。明未來因果成佛淨土因果之事。依正二果。事事精華。具如經文所說也。二云此是次第教。五時教中此是初教。補釋迦並論一生成佛事。亦是小乘。指授記事名本末經中說也。又此既從阿含中出。阿含中是三藏教。此經理因是小乘教。若如大彌勒經別說。未必是阿含中出也。又一云是大乘教。故中阿含復釋是大乘。即此經文中。有常樂等語。今謂不然。汝既言阿含經復是大乘等者。非正宗。傍明大乘也。故今謂上生經是正是大教。故經文多具明六度四等菩薩行善提心無上道也。亦具論中假故。大乘因果。第三假明宗中說下生經是小乘爲宗故。說文唯證四果而已也。問若爾經文何言證常樂等四德耶。答尋常等語品。漫如小乘滅度無爲中亦義記常樂。大乘妙有亦得明常樂假屬大乘。可例如般若教。已上一例。或可是對悟無常說常等事。何必是破三修比丘說常樂我淨也

第十明雜料簡

問此經既是大乘經。何故不安五事。答傳云。既從大成佛經出。故略爾不安五事。大經云。既有五事。所以小本無。如觀音經。不安五事。大本成佛經安五事。佛住優摩加陀國。遊彼沙山。此翻云孤陀山。過去諸佛常降魔處。夏安居中。與舍利弗等。經行山頂。與說經也。問此經宗。淨土因果爲宗。是名。物淨土。答此國土穢土中淨穢土。非是如無量壽淨土等。何以知之者。大論云。地居故非諸天。無欲故非欲界。賢愚經云。彌勒出世時五百歲行嫁有婦女等。即得是好淨土也。

經廣說入胎事殊絕不可思議。可彌勒佛出世時。田一種七獲。米長七寸。白如珂玉。甘甜如蜜。如劫初米四寸也。衣寸從樹生。自然而有。同如北鬱單越國也。又明珠柱長。小本云。十里當照八由旬是三千里也。又云明珠柱。一云明珠莊嚴柱故。言明珠也。二云柱是明珠作。如金作柱也。又賢愚經云。人壽八萬四千歲也。又經云。敷屍骨身者。大本云。迦葉入滅盡定。得待彌勒出時。三衣鉢具已。仍不入無爲涅槃。有人言。骨身舍利故。放光相出八十八反瑞故。皆言骨故。又云。入滅盡定。骨身不朽壞。猶如骨堅。故言骨身也。今謂應如。後解。阿含經云。佛聲聞弟子有四人。至今猶未入涅槃。傳佛法。滅盡時。方入無餘。一摩訶迦葉。二寶頭盧和上。三君頭拔嘆。四羅睺羅。是四比丘。若爾迦葉入滅盡定中。不入無餘涅槃。彌勒成佛已領大眾。往至迦葉所用三種法。發起迦葉。一香油流。二打機槌。三吹螺。迦葉從滅定起。破衆生心故。作十八反。如金翅鳥飛騰虛空須彌山。放金身光明。破伏彼衆生心也。

問曰。釋迦何故託生利性。彌勒何以託生婆羅門性。答釋迦所化衆生。剛強難化。故所以託生貴姓。化衆生也。彌勒所化衆生。柔軟易化。故所以託生婆羅門性。故菩薩處胎經云。汝說法者易。我說法者難也。釋論云。諸佛八相成道。一上天。二下入胎。三住胎。四出胎。五出家。六成道。七說法。八滅度。大彌勒經云。七乞食。八尋迦葉。九滅度也。瑞應經云。乘白藏入勝經處。胞胎身處天宮也。華嚴

問。迦葉何時得佛大衣。與八萬四千法藏待彌勒來狼跡時。起滅定。付囑彌勒佛。答。釋迦山是峴山之所山。如鍾山之有獨龍山也。問。迦葉何時得佛大衣。與八萬四千法藏待彌勒來狼跡時。起滅定。付囑彌勒佛。答。釋迦山是峴山之所山。如鍾山之有獨龍山也。

入涅槃時阿難迦葉復來佛所。爾時佛從棺起。廣爲說法。爾時付迦葉。迦葉得此二物。後時奉彌勒佛也。

問。既有彌勒成佛經耶。無釋迦成佛經耶。答。道理應有之。但未見之。但現釋迦。欲勸結因緣故偏明之。三世諸佛出世。必前往兜率。乃下生成佛。故應有之。彼諸佛各說之。與通論授記。如大釋迦牟尼佛。汝未來世。當得作佛。名如我名釋迦牟尼。燃燈因五華授記釋迦當得作佛。即是釋迦成佛經也。

問。彌勒但成佛述能壞佛耶。答。義理備有此義。始生日成。終成名壞。或如應作。魔壞佛法。亦有捨佛義。或如舉本長存廢滅亦身等亦捨佛義。而今言成佛者。此是據始標勝故言成佛也。

問。援記有通別不。答。有之。若記未來當作佛。如大經言。凡有心者皆當作佛。如是道理通記。又如生法師所明。一閻提成佛等通記也。別記。當其國土壽命等。此是述中別。如今經等。爲別記也。

問。佛身形是應長云何。答。經說不同。成佛經觀佛三昧經。身長八十肘。之二尺即是十六丈。又云一肘四尺。若爾則三十二丈。下生經云。身長千尺。即是百丈。一。倍過人。即五十丈也。有長廣三十丈。面長二丈四尺。身與面平掌。舊明分之一。句與身五分之一。如是身長八尺。面與掌並八寸。句廣六尺。釋迦身長丈六。面掌並一尺六寸。句廣三尺。此得相稱。然彌勒身百丈。面長四丈。釋諸法師云。恐相

傳經者誤自惡處所生。人形不同。如此。聞人鼻短。胡人則長。何必是誤也。觀佛三昧經云。諸佛出世。無不黃金色。又下生經云。彌勒應生。亦作黃金色也。又彌勒未來成佛歲數。如諸經說不同。一如雙卷泥洹經云。一億四千餘歲。乃當有彌勒世也。又二如賢劫定意經云。彌勒五億七十六萬歲下作佛。三如觀經與一切智光仙人經。同云五十六億萬歲與下作佛。四菩薩處胎與賢愚經云。及賢劫經。同云五十六億七千萬歲下作佛也。又彌勒云。釋迦滅後。如閻浮提日月數。凡五十六億七千萬歲。方出世也。

問。補處菩薩。何意必生第四天中。不生下天與上天耶。補處菩薩必生第四天者。大論與涅槃經具說之。大經第三十卷云。下天中其心開鈍。在上天者。其心放逸。唯第四天最勝。故必生彼天也。大論云。下天結使。厚。上天結使。利。唯兜率天不厚不利。智慧安隱。又下天壽命短促。命終時。佛來出世。機不合故。上天中壽命長遠。未時佛出世時過去。須機過度故。第四天時壽命處中。合機時故。必生兜率中天也。如長阿含經。華嚴經。樓炭經。俱舍論。立世毘曇等。意合難耳和耳。

問。六欲天諸事同人。問不。答。有同身不同者。四王身皆半由旬。衣長一由旬。具應二分。天壽五百歲。大而明之。以人間五十。天中一日一夜。亦以三十日一月。十二月一歲。彼五百歲即人間九萬歲也。若食淨搗含洗衣服。爲細滑食。男天嫁娶女身行陰陽。一一同人

問。以昔三業善根。今生爲天。自然化現。在女兒天。勝上生天。形之大小。如人間兩年兒。又傳云。男生坐父天。勝上。女生坐母。勝上。與既有女天男天。何容男天。勝上坐。若爾則無分別男女二天也。又男女兩異者。一頭上華等多與祥菩薩故。分男女也。又兒生未久。頭自知飢渴。七寶好器盛百味食。若福多者。飯色自赤。若福中者。飯色自青。若福下者。飯色自赤。飯食味甘露蘇醒。若食竟亦不汚食器。器中食飯不停。如蘇投水。父也。又諸天等。入池沐浴。諸香樹下。枝條垂曲。取者塗身。莊嚴具華鬘寶器藥菓寶樂器。各有樹出。遍往詣之。唯意所取。入諸園林。無。教天女。鼓樂強歌。讚歎相向。業生染著。視西忘東。其戲樂。忘其東西等方所。又念識知承先世業。得生天上。戲歎池浴。榮華果茂。其城七重。皆廣六千由旬。闌楯羅網宮殿壇壁行樹皆悉七重。毘沙門王。常有五大鬼神。一名那閼樓。二名檀陀羅。三名醯摩拔陀。四名提謂羅。五名修逸疏摩。當隨付衛。半月三齋。八日十四日十五日。四天王常以八日。勅諸使者。汝等案行世間。觀察人民。出敬沙門及婆羅門長老。受持齋戒布施不。使者。教具聞善聞惡。聞惡不悅。言善則喜。十四日。四王當遣太子。安行天下。十五日四王自行歷諸世界。得善惡事。然後諸善法殷致具啓。天帝釋聞作惡則愛言善則樂。謂彌勒勸受持齋戒人與我同行善法。具出長阿含與大智論樓炭經等也。餘三天大勢等同意也。切利

問。以昔三業善根。今生爲天。自然化現。在女兒天。勝上生天。形之大小。如人間兩年兒。又傳云。男生坐父天。勝上。女生坐母。勝上。與既有女天男天。何容男天。勝上坐。若爾則無分別男女二天也。又男女兩異者。一頭上華等多與祥菩薩故。分男女也。又兒生未久。頭自知飢渴。七寶好器盛百味食。若福多者。飯色自赤。若福中者。飯色自青。若福下者。飯色自赤。飯食味甘露蘇醒。若食竟亦不汚食器。器中食飯不停。如蘇投水。父也。又諸天等。入池沐浴。諸香樹下。枝條垂曲。取者塗身。莊嚴具華鬘寶器藥菓寶樂器。各有樹出。遍往詣之。唯意所取。入諸園林。無。教天女。鼓樂強歌。讚歎相向。業生染著。視西忘東。其戲樂。忘其東西等方所。又念識知承先世業。得生天上。戲歎池浴。榮華果茂。其城七重。皆廣六千由旬。闌楯羅網宮殿壇壁行樹皆悉七重。毘沙門王。常有五大鬼神。一名那閼樓。二名檀陀羅。三名醯摩拔陀。四名提謂羅。五名修逸疏摩。當隨付衛。半月三齋。八日十四日十五日。四天王常以八日。勅諸使者。汝等案行世間。觀察人民。出敬沙門及婆羅門長老。受持齋戒布施不。使者。教具聞善聞惡。聞惡不悅。言善則喜。十四日。四王當遣太子。安行天下。十五日四王自行歷諸世界。得善惡事。然後諸善法殷致具啓。天帝釋聞作惡則愛言善則樂。謂彌勒勸受持齋戒人與我同行善法。具出長阿含與大智論樓炭經等也。餘三天大勢等同意也。切利

●倍二信● ●二問● ●二初● ●厚十(調)● ●死二時● ●事十(問)● ●勝二膝● ●父二火● ●教二教● ●二註● ●案二安● ●教二序● ●四二問● ●愛二要●

天此云三十三天。此天居須彌山頂。有三十三天宮。王名釋提桓因。此云能作天。主。身長一由旬。衣長二由旬。廣二由旬。衣重六銖。壽六千歲。若欲臨命時。有五相現。一衣垢膩。二頭上華髮。三身體臭穢。四腋下汗流。五不樂本坐。事現時心大愁。如地獄苦也。飢食嫁娶猶四天王也。身體相近抱。以氣成陰陽。三法度經云。行欲如人間也。以身口意三業善根。生忉利天。自然化現。在天勝上。如三歲兒也。天即恣言是我男我女。自識前世施持得身。若欲得飲食。現滿金器。福有深淺。食有差別。降如四天王天也。城縱廣八萬由旬。樓炭經云。廣長各三百萬也。其七重九百九十門。門有六十表。青衣夜叉守之。三十三天。金城銀門。銀城金門。如是七寶互爲城門。樓閣臺觀。周匝圍繞。園林浴地。寶華開。雜樹行列。華果繁茂。香風四起。悅者天心異類。寄青鳥無數和呼也。又園中有觀池。縱百由旬。其水清澄。七重寶蓋。生四種華。青黃赤白。紅綠雜色。香氣普薰。聞一由旬。根如車載。汁白如乳。味甘如蜜。復有雜園。大歡喜園。中間有樹名盡度。園七由旬。高百由旬。枝葉四布五十由旬。其香風逆聞百由旬。內有忉利殿。南又有一樹名波利質多。一樹高四千里。枝葉分南二千里。風吹華香。逆風行聞二千里。當樹華時。諸共坐樹下。以歡樂。帝釋與三十二臣。故三十三天也。炎摩天事契之時。大論云。妙喜天宮。風輪所持在虛空中。在名時善。身長二由旬。衣長四由旬。

廣二由旬。衣重三銖。從樹而生出。明淨光曜。有種種色。身體光明。不須日月。三業善根生此。陀然燭明銖。布施持戒定等業。生此天。壽二千歲。飲食嫁娶成欲。如下天。法度經云。相抱成欲也。初生之時。形如人間四年兒。光明等。下天不及也。兜率天此云知足。天宮。風輪所持。在虛空中。名善喜。後邊身菩薩生在此天。身長四由旬。衣長八由旬。廣四由旬。衣重一銖半。壽天四千歲。食同下天。亦有嫁娶。執手成欲。其天初生時。如人間五歲兒。如彌勒生。異餘人天故。彌勒上生經云。兜率陀天。七寶堂內。摩尼殿上。師子床上。忽然化生。故大經云。名色命三種。異餘天生也。亦自知前世如下天事也。衣冠歌舞身光明。勝下天也。化樂天事。化樂天宮。亦有爲風輪所持。在虛空中。王名名善。自化五欲。以自娛樂。身長八由旬。衣長十六由旬。廣八由旬。衣重銖壽天八千歲。飲食等。多下天同。亦有嫁娶。相見成欲。三法度經云。以深染汚心。與天女共語成欲。其天初生。如人間八歲兒。光明殊勝兜率天也。他化自在天事。他化自在天宮。亦爲風輪所持。在虛空中。天王名自在。待集他所化以娛樂也。又名愛樂。於欲界中。獨得自在娛樂。身長十六由旬。衣長三十二由旬。衣重半銖。壽命天萬六千歲。飲食如下天。亦有婚姻。暫相親成欲。樓炭經云。謂念便成欲。三法度經云。其女各深染著相親成欲。若不染心不成欲。但樂與已。人間相抱時樂心也。彼天初生時。如人間七歲兒也。彼天見他

人所化種種事。至取樂。故云他化自在天也。第七魔波旬天者事。魔天宮。在欲色二天中間住也。廣者譬如石魔魔。破壞佛弟子。惡德也。宮縱廣六十由旬。城墻七重。廣殿猶如第六天也。又有十法。一飛去無退數。二飛來無限數。三去無礙。四來無礙。五天無身皮膚骨然筋脈血。六無身之有不淨大小便利。七身無瘦極。八無有女故不產。九天目不胸。十身謂意。好青色則青色。好黃色則黃色。好赤白等衆色。謂意與現之。此是彼天十法也。又有十事。一飛行無極。二往還無極。三無諸盜賊。四不相說自行善事。亦不說他人作惡。五無相侵損。六諸天互齒等通是一切刀刃也。七髮紺青色清淨甚長也。八諸天等青色髮者。身亦隨青色。九欲得白色亦隨白色。十欲得黑色。身即隨黑色也。此七天諸事不同者。依長阿含涅槃經。樓炭三法。華嚴等。並釋論中意。更有出入不同。今取一禮料簡之也。

問。釋迦出時與彌勒出時地水闊狹云何耶。答。闊狹有異。彌勒水減增。今時人小。水廣地狹。後時人多。水減地增也。人即福德人處處滿。受樂。無有相損之事也。水減者。彌勒出世時。四海四面各減三千由旬。十二萬里也。是時閻浮提水小而地濶。人物多也。釋迦處世。海廣而地狹。七千由旬。今彌勒時。地廣十千由旬。合三十萬里也。問。四域中南閼浮提地水減。餘三域一地水亦有減耶。答。釋迦不同。一言但閼浮提一地增減。是佛出家

●主二王● ●壽二季● ●欲二飲● ●現二理● ●地二龍● ●遊二童● ●國二國● ●南二布● ●在二王● ●陀二施●  
●廣二度● ●輪二轉● ●持二轉● ●中十(王)● ●已二己● ●廣二廣● ●廣二廣● ●退二退● ●夜二夜●  
●有十(持)● ●事十(國之)● ●色十(色)● ●減二成● ●減十(地)● ●減二歲● ●

教三處。非佛出家不增減也。二言四城處各增減也。則同此說。釋迦所化處。四城惡趣六欲天等間四禪四無色無相天阿那含二十五有也。又云。百億須彌山百億日月有也。又諸法何依造一色地。經云。須彌山王北。舊單曰地廣。此云。最上地。各廣長三十六萬里。地廣正四方。彼人面形逐地勢。證正四方如方鏡也。以福德。死自然食。無有君臣異。亦無有疾病患等也。山。惠有弗于遠地。此云。初月地。地廣長各三十六萬里。地形周匝圓如鏡。彼人面形。逐地勢。圓如十五日也。山西有彌耶尼地。此云。滿月。之云貨牛。彼用黃牛。九市易故言貨牛也。地廣長三十二萬里。地形如十五月。彼人面形。逐地形上平下圓也。山南閣浮提地。此云。穠樹。穠樹洲口高四千萬里。地廣長二十八萬里。地形北廣南狹。此人面一逐地形勢。上廣下狹也。彌勒出時。四海水減三千由旬。水足四處。地則廣。千三由旬。地如鏡廣與平。正同琉璃。地雖平如鏡。而或是空地。名華香樹充滿莊嚴。或復是名華香莊嚴。而未心有城色銀金人家。故明色比次。難飛相及。不相達也。雖復如此種莊嚴。與末心有人故。明福德之人充滿其中也。

問。誰謂出此經。答。是羅什法師傳案時弘始四年二月十五日出翻。沙門道習筆受。見二秦。銀中出也。

問。此經凡有幾種。答。略有五種。一大成佛經。一卷十五紙。有如是五事。小成佛經傳云。

從此出也。二有彌勒本願經一卷。是竺法護以晉大安二年七月十七日出。三彌勒觀經一卷。是為安陽侯以宋孝建中出。四彌勒問戒經一卷。五彌勒光身經一卷。復有彌勒口教經一卷。若爾合六經耶。

問。白銀彌勒出何經。答。一切智光仙人慈心經云。彌勒金色放白銀光明。黃金校飾。如白銀山。唯有此文。無有白銀色。問。兜率陀。二名兜術陀。三名闍師陀。四名那兜率陀。五名中阿含三十卷云兜率兜嘆。此五。同翻云知足。大論亦同也。

終彌勒經遊意

No. 1772 (4.403)

觀彌勒菩薩上兜率天經題序

大慈恩寺基撰

原夫性質杳冥超躋象而含總。覺體玄妙絕視聽而融貫。方智雲法殿月察神理而猶迷。假慧切於叢筠撥靈機而不測。至道圓而粹容顯。實際彰而真識淨。然後俯提十地疎海目於寶方。下控三乘挺仙儀於坵城。若鴻鐘之虛受應物扣以騰聲。譬皎魄以激輝。循器清而肆影。故有紹隆報佛即灌頂於甄臺。慕業化身先貽神於紺殿。撫根熱而趨座待生機而降降。斯乃三際受職之宏儀。一生補處之靈範者也。今此經者。灑群萌之一雨。濟衆獸之通津。運弱爽之大舟。引炎童之妙輪。雖

復探幽曉秘歸乎異線之華。然而拯溺符機寔在此筌之葉。所以金光夕燭旗有景於昏徒。芳籙前露表無虧於後賞。妙祥之儔波蘭委驚子之輩雲趨。雖則稟訓一時實乃津梁千祀。若夫天宮聖境資莫限之因。覺苑神幾叶無疆之德。匪心樞而攬觀。豈語極之揚光教府自陳題衡息。讚觀彌勒菩薩上生兜率天經者。六事齊修二因兼積。心勤妙境欣趣日觀。彌勒梵音此云慈氏。母志悲憫。類。子性恤及懷生。宿願今誠俱以標號。道圓上果跡履下因。祈覺運生假稱菩薩。上生即往昇兜率。言知足自在光潔神用名天。此由補處天宮端居利他。祈心住觀必獲瞻奉。經者攝也。貫也。常也。法也。生資教攝永絕焚龍。理藉文貫長離散滅。百靈常軌千葉良規。利物詮真目為經也。

初釋經文聊以五門分別。一佛成權實。二慈氏所因。三時分有殊。四往生難易。五問答料簡。

第一佛成權實者。權謂隨宜接物。實謂究理。注真。佛之身說皆有此二。只如法華經為引不定性云。唯此一事實。餘二即非真。顯一乘教為實。二乘教為權。即涅槃經半滿教也。勝寶經中明決定義云。若如來隨彼意欲而方便說。唯有一乘無有二乘。即唯說有一乘為權。說有四乘為實。謂大乘獨覺聲聞及無聞非法衆生以人天善根而成就之。教既如是。身亦復然。故金剛般若經云。若以色見我以音聲尋我。彼生屢邪斷不能常見我。彼如來

●百十(一攝) ●最二是 ●死二受 ●高二東 ●之二亦 ●九二五 ●[千三]一 ●見二二現現 ●銀二條 ●  
 ●大日本續藏經 ●寬文八年刊宗教大學藏本 ●總合時代刊承久二年加點大谷大學藏本 ●價二條 ●符二府 ●委二委 ●  
 ●料二料 ●



妙體即導師法身體不可見。彼識不能識。其論又云。應化非真佛。彼亦非說法者。說法不二取無說離言相。以法身為實。二身為權。法華經中執囊器而著垢衣喻權身也。現壽量而無邊際顯實身也。此以受用為實。化身為權。然此三身有二四句。有報非化謂自受用身。有化非報謂現八相身。有報亦化謂他受用身。多受法樂可言受用。隨機而現可言變化。有非報化謂佛法身。復有四句。有報非化謂自受用身。有化非報謂隨生類六趣化身。長者居士猿猴鹿馬種種之身。有報亦化謂他受用及八相身。前變化身亦此句攝。有非報化謂佛法身。雖此四句說身不同。權實二德總皆攝盡。略有二種。一者法身稱實。餘二並權。實者諸法體真。權者事相權迹。般若論云。應化非真佛等是。二者法身及自受用唯佛與佛乃能知之。是身之本俱離差別。功德智慧一一無邊。不可以色形量而取。都無分限起盡之相。具真實德。修證實成。非應物現名之為實。他受用身及八相化身隨生類所示現。身可令下類皆知。見是身之末。俱有差別。功德智慧非並無邊。可以色心形量而取。然有分限起盡之相。具相狀功德。因利他取起。應物而現。名之為權。故佛地論云。佛身有二。一實身二生身。然此實身各居自土。俱遍法界非力處求。法身本有諸佛共同。凡由妄覆有而不覺煩惱纏。裏得如來藏名。由近善友斷妄生死。出纏裏時具法身之稱。諸功德法所依止。故勝鬘經中在纏名如來藏。出纏

名法身。約位因果得名別。故但可說證不可說成。初地以上分亦證得。佛果圓證。自受用身新修所起有情分別事體異故。從凡夫位但有無始無漏種子。由近善友聽聞正法。種子漸增為報身本。亦名如來藏。楞伽經云。阿梨耶識名空如來藏。具足。熏習無漏法。故名不空如來藏。前法身藏。此報身藏。發心修行如幽贊說。在地前位唯修種子令漸增長。由此勢力令有漏善業生。生當感報相好圓滿生於八相。變化土中至初地上。便資有漏得十王位。生生常得三十二相八十隨好。然未無漏亦未圓明。唯有六七二識無漏。生他受用隨類土中。如梵網經說位大小。金剛道後有漏皆滅無漏五蘊一切圓明。捨無常色獲得常色。受想行識亦復如是。獲得無漏三十二相八十隨好。盡未來際相依相續。然諸菩薩受變易身。有從初地即受變易。如入滅定怖煩惱故。有終乃至七地滿心方受變易。如入滅定不怖惑故。其變易身一得不捨覺。其勢盡還入定。資乃至金剛轉位方盡。由此七地滿心之中直往菩薩便生第四靜慮廣果天中。避五淨居不生彼。故資此下地感現身業。乃至十地數數資助將至金剛。遂往色究竟上妙淨土中。華嚴經云。有妙淨土出過三界。第十地菩薩當生其中。生者起也。往也。住也。十地云。現報利益受佛位故。後報利益摩醯首羅智處生。故瑜伽第四解深密經對法論等皆作是言。超色究竟有妙淨土。十地菩薩方生其中。有十相現大寶華王出菩薩坐中

而成正覺。金剛心位身猶有量。猶是因位有漏皆是在。至解脫道身遂無邊。既名果位。無漏圓滿。此所修生無漏果身等法。身量智境兩如。事理相稱皆無分量。不可相求。故名為實。彼二權身各有差別。隨宜即現。方處可求。只如他受用身為初地菩薩現。由彼菩薩悟十百門。能見百佛。一佛即是一佛所王三千大千。此理即是百億化身。一佛化同故言一佛。雖見百佛總一受用。此受用佛坐百葉華。一葉即是百億化身一佛土也。此一佛土地前所見。為彼所現身稱彼土然有二類。一者一四天下所現之身。二者三千界中同一主佛。由彼地前有階降故。初地所見他受用身稱百葉華。不大不小。初地菩薩隨侍彼佛。大小相稱。然彼地前隨生何界身隨小大多等佛半。初地以往既證真如。現生無漏功德漸勝。相好轉明。故所感身稱佛大小。分段變易龜細有殊。功德力資身量必大。於十王位為此洲王。隨類化生。感受不受故。此身量亦復不定。正智證真如後智見彼佛。如十百門一宣說。若至二地得千法門。見受用身坐千葉華。一一葉中百億化身。其佛處坐大小相稱。菩薩隨侍身量亦爾。如化弟子侍佛大小。故梵網經云。我今盧舍那方坐蓮華座。一華百億國。一國一釋迦。各坐菩提樹一時成佛道。亦如阿彌陀佛。眼如四大海水。眉間毫相如五須彌山。法華亦云。衆生見劫盡大火所燒時。我此土安穩天人常充滿。常在靈鷲山及餘諸住處說是法華經。等皆他受用隨大

小菩薩所宜便現身量不定。現處亦爾。非唯淨土色相有殊。感處便或在西方或在此處。只如妙吉祥所見。乃是他受用身。舍利弗所見即為化身。故華嚴會舍利弗如自如。聖不見。文殊師利引出會已方始知見。後得所觀。即是權身。正智所證即是實身。若第十地菩薩將成佛時。必往色究竟上。大自在天妙淨土中。大寶華王坐中而取正覺。此大寶花王量等十阿僧祇百千三千大千世界。十地菩薩坐中大小相稱。況此所見他受用佛。彼佛身量無量無邊。此處定在色究竟上。如前所引經論等文。然此等土必無二乘女人黃門惡趣等生。設有皆是佛及菩薩之所作化。故無量壽經論言。女人及根缺二乘種不生。佛地論云。設有鸚鵡等莊嚴道場。皆佛菩薩為令他方菩薩來生喜心。所以化作。鼓音王經云。阿彌陀佛父名月上。母名殊勝妙顏。子名月明。奉事弟子名無垢稱。魔王名無勝。調達名寂。既無女人。母非實女。佛等所化。如命命等。故是報土亦不相違。有解是實女人者化。阿彌陀佛有報佛土。螺髻所見劫盡常在靈山說法。是報佛土。然華嚴云。摩耶夫人腹中三昧見腹含容。無邊世界諸大菩薩集會聽法。故知報佛有化父母。此亦未爽。觀世音授記經云。阿彌陀佛壽命無量百千萬億劫。常有終極。滅度之後觀世音菩薩明相出時。於七寶菩提樹下成正覺。號普光功德山王佛。國土勝阿彌陀佛國百千萬億。不可為比。國名衆寶普集莊嚴。此佛滅已大勢

至成佛。名善住功德寶王佛。不說先住何方後來補處。不同化佛。然於此處補處。無失化處。欲令欣樂心深。所以先有住處。其他受用即以花臺為道場坐。下位有父母。上位不見父。且如化身為地前菩薩二乘等現或淨或染。或小或大任物所宜。將成佛時先昇知足。以彼天處機宜相稱。厭苦心深生死樂具已知足故。不處餘天必在於此。只如釋迦彌勒處知足天。菩薩處胎經說。具足五十六億七千萬歲下生。根熟方下成道。三際成道皆有道樹金剛座道場降魔等事。其降魔不同。如理趣疏。金剛聖道二障已拂。解脫道中無漏道備。冥冥契德證覺利生已故名成佛。今此下生經明成佛事。非法身佛理但可證。非有上下生成等義。亦非自受用。彼無處天成佛之相。說法利生令生見義。他受用佛不處天宮。不住摩竭提。令地前見故。即是化身上生成佛。雖標化佛影彰餘身。自受用身圓成道果。真如妙理障盡圓證。自利果滿宿願須行。當此會中化生。權起他受用佛。應十地所宜變化佛身。隨地前所現。雖復此處彰化體。而影顯餘佛。見者自成機別。現者身亦說殊。非實佛身有其異體。如月出雲際。朗朗徹空。影現水中。水月圓明。任器器成。萬別月本一同。豈以影有千差。遂令月亦有異。真權兩體義理必然。真即理源。權隨物迹。故知上生成佛備彰化質。欲令隨類濟生欣修易。故鉢經說。彌勒語文殊師利言。如我後身作佛如恒河沙等。文殊師利不能知我舉足下足之事。驚。攝

摩羅經言。北方有國名曰常喜。佛名歡喜藏。摩尼寶積。文殊師利即彼佛也。文殊既是佛。不知彌勒者。故知化也。攝大乘等八相成道。既是化身。故知上生定非真佛。菩薩有三。一者一生所繫。二者最後之身。三者坐於道場。上生則一生所繫。下生局得二身。成佛由因。故三皆盡。唯化佛有餘不見文。以理而推。亦應通有。如第七地菩薩。唯此一身即受變易。名一生所繫。八地以上名最後身。無別分段生死相故。往大自在宮坐蓮華座。名坐道場。此名成自受用身。亦有三菩薩。他受用身理亦如是。觀音之身名最後身。其坐道場一生所繫。未見誠證。理必定有說。彌勒菩薩名一生者。住在人中名一生。一大生故。如七生等。據實井中有合有四生。若說天中唯有半生。井中有二生。大智度論說為三生。設在人中。除成佛身故有三也。然諸菩薩有五種生。一除災生。由願自在為大善巧善和闍諍。為大國王如法息苦。為大天神斷邪見行。為火為水為乘為舟為種種物。息除災患。二隨類生。願自在力於傍生等惡類中生彼所。行惡而自不行。彼不行善而自行之。如入酒肆能立其志。入諸婬舍示欲之過。為說正法除彼失。三大勢生。稟性生時壽量形色種姓富貴最為殊勝。能斷衆生輕慢等過。四增上生。受十王界自在化導。隨所應示。五最勝生。此生資糧已極。圓滿如釋迦等。生刹帝利大國王家。能現等覺作諸佛事。今者彌勒住都史多天

具後四生。或二三四。若下此洲第五生攝。此即第一佛成權實也。

第二慈性所因者。依正梵本應云梅咄利耶。此翻爲慈。古云彌帝疑或云彌勒者皆語訛也。依賢愚經第十六卷云。生波羅奈國劫波利村輔相之家。卽上生經云。劫波利村波婆利大婆羅門家初生。便有三十二相八十隨好。身紫金色容顏特。輔相歡喜召相師相之。相師既見轉讚其善。因欲立名方問生時之相。父答之言。其母素性不調。懷子以來慈矜苦厄。相師占曰。此卽兒志。因爲立號名梅咄利耶。若釋此名應云梅咄利曳尼。梅咄利尼是女聲。母性慈故因名慈氏。父母愛重聲譽遠聞。王梵摩達心憐生懼恐奪其國。伺其未長方欲降之。內人既知潛報父母。私送舅氏避難習業。舅名波羅利。領五百弟子。異方學道。舅甥師弟聰穎超群。數歲之間學通經典。舅後聞佛出世。遣慈氏等一十六人往至佛所而爲四問。一問幾相。二問年齒。三問弟子。四問種姓。慈氏問已如來具答。慈氏歡喜佛因更化餘十五人得法眼淨。俱從坐起並乞出家。佛言善來。衣嚴髮落。方便更說並成應果。唯有慈氏不預彼流。後從世尊遊迦維羅衛國。其大愛道手自縊。續金疊袈裟繫想奉持。世尊不受令供養僧。僧中大行無敢取者。到慈氏所尋爲取之。身披金疊從佛遊化。身紫金色衣貫金彩。表裏相稱巡行乞食。持鉢巷陌。觀者無厭。雖皆敬歡無與食者。有穿珠師將還供養。婦來囑罵言。失穿珠之利。

慈氏得珠持還問衆人。廣說過去供養所生福利佛因無滅。說過去事便說未來慈氏之事。慈氏後作佛。故猶名慈氏。慶喜問佛慈氏名因。佛言。過去此瞻部洲有大國王。名達磨流枝。此云法愛。爾時有佛號曰弗沙。有一比丘入慈三昧。身相安靜放光照耀。王問此僧何定致此。佛言入慈定。王倍生欣躍云。此慈定親親乃爾。我當習之生生不絕。往法愛王者今慈氏是。從彼發意常號慈氏。久習性成佛稱彌勒。又一切智光明仙人慈心經說。佛在摩伽提國寂滅道場彌加女村自在天寺精舍。一時佛與千二百五十比丘經行林中。彌勒菩薩金色相好放銀光明。黃金校飾如白銀山。來至佛所。結髮梵志五百人等遙見彌勒。五體投地白佛。請問彌勒光明乃與佛等。於何佛所初發道心。佛言。梵志乃往過去無量無邊阿僧祇劫時有世界名勝華敷。佛號彌勒。恒以慈四無量法教化一切。經名慈三昧光大悲海雲。聞者必超百億劫罪成佛無疑。時有大婆羅門名一切智光明。六十四能多智博達。聞佛被經卽生難詰不能屈伏。便發信心而發願言。願持彼經必得成佛號曰彌勒。卽捨家入山谷長髮梵行。滿八千歲乞食誦經。時有星現表王姪荒。慧星橫流洪水不止。不得乞食七日空住。時林中有五百白菟。有一女菟。母子見仙無食而作是言。仙人爲法不食多日。法山將崩。崩法海將竭。我今爲法應不惜命。便告諸菟。諸行無常衆生愛身未曾爲法喪捨身命。今者欲爲生類作大橋。

梁供養法師令法久住。卽說頌曰  
若有畜生類 得聞諸佛名  
永離三惡道 不生八難處  
若聞法奉行 生處常值佛  
信法無疑惑 歸依賢聖僧  
隨順諸戒行 如是疾得佛  
必至大涅槃 常受無上樂

說此偈已告諸菟言。我今以身欲供養法。汝等隨喜。我從多劫三毒所使爲鳥獸形虛受生死。今將爲法棄捨身命。時山樹神爲積香木。菟王母子遙仙七匝白言。大師我今爲法供養尊者。仙人告曰。汝是畜生。此心難辦。菟言。我今身供養者爲法久住饒益衆生。王語其子言。汝可隨意求覓水草繫心思惟正念三寶。子聞母告跪白母言。如尊爲法欲供養者。我亦願樂。卽投火中。母亦隨入。當爾菩薩捨身之時。大地振動天雨諸花持用供養。肉熟之後諸神白仙。菟王母子爲供養故投身赴火。今肉已熟。宜可食之。仙聞神言悲不能對。以所誦經書置樹葉而說偈言  
寧當殺身破眼目 不忍行殺食衆生  
諸佛所說慈悲經 彼經中說慈悲者  
寧破骨髓出頭腦 不忍噉肉食衆生  
如佛所說食肉者 此人行慈不滿足  
當受短命多病身  
仙發誓言。願我世世不起殺想。恒不噉肉。入慈三昧。乃至成佛制斷肉戒。語已投火而死。與菟母子俱時命終。地六種振動。天神之力樹有光明。金色晃曜照千國土。衆生見光

尋光來至。見仙與菟俱死火中。得所說偈并佛經。已持還上王。王。遺遍宣令。聞皆發大菩提心。佛告梵志。時菟王者今我身是。其菟兒者羅睺羅是。彌經仙人者今彌勒是。五百菟者大迦葉等五百人是。山樹神者舍利弗目犍連等二百五十人是。時千國王者今跋陀波羅等千菩薩是。彼國衆生得聞法者。實劫佛所得道者是。由是菩薩乃至成佛猶名彌勒。其所說經亦名慈三昧光大悲海雲。此說初時。實憑經說弗沙佛時。乃近代也。欲顯生生常習慈行相師立名。遠符往性。今古合稱故名彌勒。若依此。姓名爲慈者應云梅哩利曳那。梅哩利那是男聲。自性修慈故稱男也。婆羅門種姓有衆多。其此慈者父王本姓。父姓母姓俱有慈故名爲慈氏。又有云。慈氏本姓頗羅墮。字阿氏多。又王姓頗羅墮。字阿氏多。字理無差。姓成乖角。其彌勒者母及自性俱行慈愛。因以爲名。由是得號。是心行性亦種姓也。如釋迦是姓。牟尼是號。一切義成是名。僑答摩是皇。如此立姓之所生聖也。是名第二慈性所因。

第三時分有殊者。劫有多種。如別章說。觀藥王藥上菩薩經云。爾時釋迦佛告大衆言。我曾往昔於妙光如來末法之中出家學道。聞是五十三佛名心生歡喜。復教他人。他人聞已轉轉相教。乃至三千人。異口同音稱諸佛名。一心敬禮。即得超越無量億劫生死之罪。其初千人者花光佛爲首。下至毘舍佛。於過去莊嚴劫中得成爲佛。毘舍佛者即七佛中第三毘舍浮佛。此中千佛拘留孫佛爲首。下至樓至如來。於實劫中得成爲佛。後千佛者日光如來爲首。下至須彌相佛。於未來星宿劫中當得作佛。實劫經亦云。過去莊嚴劫有千佛出現世間。文皆同此。其三千佛復各自類同修勝業。俱時獲果。故別類出無垢稱經第六卷。云過去輪王名爲寶蓋。今寶焰如來。輪王千子今寶劫千佛。月蓋王子今釋迦是。五濁經云。今當賢劫第九住劫已有四佛。人壽四萬歲。迦諾迦村陀佛出世。人壽三萬歲。迦諾迦牟尼佛出世。人壽二萬歲。迦葉波佛出世。實劫經云。人壽一千二百歲。釋迦始生都史。人壽一百歲出世作佛。都史天壽四千歲人間當五十六億七千萬歲。正法五百年。像法一千年。不論末法。仍云過千五百年後。釋迦法盡獨覺行化。與諸經不同。人命轉促。正法之時人壽不減。像末法中人壽便減至三二十歲。有飢饉疫癘刀兵火起。人多死盡。國界空疎。仙人相滅。人懷其毒。子年倍父。漸長壽至八萬四千歲。從增六萬歲至增八萬。皆有轉輪聖王相次而出。八萬歲時王名優鉢。彌勒方出。然論釋云。劫減佛興。劫增轉輪王出。以此推。彌勒八萬四千劫初減方出。厥生死故人壽百歲。慈氏生天。人壽八萬四千方始下生成佛。當人間五十六億七千萬歲。以此而推。劫減時長。劫增時短。慈氏光照四十里。梵志經云。父名梵手母名梵經。子曰德力侍者曰海氏。智慧弟子曰慧光神足弟子曰賢精進。正法八萬歲收佛舍利共與一

大塔寺。實劫經云。從迦諾迦付陀佛至第九百九十九佛共出一大劫。第一千樓至佛獨出一劫後。更十二劫空過無佛。後有一佛名淨光補王。壽十小劫即是星宿劫中第一日光佛也。翻名有異體即一佛。過此以後三百劫中空過無佛。樓炭經中明。樓至佛獨出一劫。所由廣如彼說。金剛力士經云。昔有輪王千子具足。各發勝心共求作佛。父王試子何者先成佛。香水浴壽令千子取。得第一者即最初成。最後得者即最後成。其最後者爲餘者譏。我等成佛人已化盡。汝何所度。小子悲泣復思惟。世界無邊衆生無數。諸兄所度何能盡也。願我作佛度人壽命一等諸兄。爰然地動佛即咸記。由是因緣故後一佛獨出一劫。以啼泣故名啼泣佛。和上解云。胡盧支故盧支者此翻云父愛。父小子偏所愛念故爲名也。於是諸兄願作金剛。擁護小弟。依小乘說。菩薩百劫修相好業。釋迦買五花以供養定光。定光即燃燈也。遂爲授記。汝於來世當得作佛。又由釋迦彌勒同事弗沙世尊入火光定。滅光悅囉釋迦讚歎復超九劫故。先彌勒以得菩提。故經數說。彌勒自言。我寧千阿僧祇劫都史天說法度人。不能暫時捨身少分。以稽留故在後成佛。然釋迦佛百劫修相好中九十一劫中第一劫逢毘鉢尸佛。第三十劫逢尸棄佛轉濕婆佛。第九十一劫逢寶劫千佛。有云。住劫中初五劫無佛出世。第六劫有俱留孫佛。第七劫有俱那含牟尼佛。第八劫有迦葉佛。第九劫有釋迦。第十

劫有彌勒。有云。四佛並第九劫。四已出訖并前即爲七佛也。彌勒當賢劫第五佛也。即是第三時分有殊。

第四往生難易者。且如西方天親淨土論無著往生論俱。言報土女人及根。缺二乘種不生。又阿彌陀經云。非少善根因緣而得生彼。又言。其中皆是阿鞞跋致諸大菩薩。又觀經云。上品生得無生法忍。須臾之間遍十法界。奉事諸佛即得受記。上品中生經一七日得不退轉。經一小劫得無生忍。上品下生者經三七日其華始敷了了方聞說法音聲。經三小劫住極喜地。中品上生應時即得阿羅漢果。中品中生者經七日華開得須陀洹。運半劫已成阿羅漢。中品下生者過七日已花開。遇二大菩薩說法。運一小劫成阿羅漢。下品上生者經七七日花敷。經十小劫具得百法明門得入初地。下品中生者經六劫蓮花乃敷。聞二菩薩說法發無上道心。下品下生者經十二大劫蓮花乃開。聞說法已方發道心。百法明門說初地得。豈阿羅漢勝初地耶。又中品生得阿羅漢。下品始發心。即迂會者勝直往耶。又言得須陀洹等。豈由片時修故遂便得果處處皆說阿羅漢果。若練根者六十劫成。豈由小善遂超生死成利根阿羅漢。又云。作諸觀成得生西方豈學心已諸觀便成。若由小善便得果者。便同說假部。由福故得聖道。道不可修。道不可長。觀無相等資糧加行便徒施設。又無垢稱經云。若諸菩薩行于八法。行無垢梵方生淨土。一思於有情恒作

善事不希善報。二思代有情受苦所有善根悉迴施與。三思於有情其心平等心無罣礙。四思於有情摧伏憍慢敬愛如佛。五信解未聞經典無礙無謗。六於他利養無嫉妬心於己利養不生憍慢。七調伏自心常省己過不譏他犯。八恒無放逸當尋善法精進修行菩提分法。豈生淨土者皆具八法也。又對法第十二卷云。別時意趣者。如說若有願生極樂世界皆得往生。意在別時。故攝大乘云。譬如一錢而得千錢。意在別時。非唯由發願即得生。故又云。對治秘密者。一治輕佛。二治輕法。故說我於爾時曾名勝觀如來等。與彼法身等無差別。故法華經云。我成佛道以來無量無數劫等皆是。三對懈怠。故作如是言。若有願生極樂世界皆得往生。四對治小善生喜足。故於一善根或時稱讚。爲令歡喜勇猛修故。或時毀譽。五治貪行者稱讚淨土富樂莊嚴。六治慢行者稱讚諸佛或有增勝。七爲除悔惱障修善法說如是言。於佛菩薩雖行輕毀。然彼衆生亦生天趣。八爲除不定性於聲聞等下劣意樂說大聲聞當作佛。又說一乘更無第二。又佛毫相如五須彌。豈凡地前能見此相。身量大小可得。初地所見。凡若能見皆爲超越。又念彌陀彌勒功德無有差別。現圖現身相成勝劣。但以彌勒惡處行化慈悲深故阿彌陀佛淨土化物慈悲相淺。又淨土多樂欣生者多。厭心不深。念令福少。非奇特故。惡處多苦欣生者少。厭心深重故念福多。甚希奇。故雖知佛力念亦可生。惡教不

同屢生心惑。知足天宮同在此界。外道內道大乘小乘所共信許。既是化身決定得生。由此經文四衆行六事法。八部聞名歡喜。造諸惡業懺悔歸依修十事行。迴願生彼一切皆得。若薩婆胎經第二卷云。彌勒初會九十六億受我五戒者。次九十四億受持三歸者。後九十二億一稱佛名者。故知微善迴向皆是往生成佛。經中說由十一衆來生我所。一謂讀誦分別決定修多羅毘尼阿毘曇。爲他演說讚歎義味不生嫉妬。教於他人令得受持修諸功德。來至我所。乃至第十一或有恩愛別離朋黨譴惡極大苦惱。以方便力令得和解。修此功德來至我所。故知不由唯修勝業方始得生。諸教共同必無異說。或有釋言。生西方者決定不退。生兜率者或可有退。故不願生。理亦不然。此經亦言。諸有敬禮彌勒如來。聞名稱名暫觀豪光。下至聽聞彌勒所說一句法義歸依。生彼定不退於無上正覺。無量劫罪皆盡消滅。無量善法運運生長。故見彌勒得生彼所。雖有天主種種侍衛。或佛菩薩所化爲。或實天女彼聞能說不退之法。厭欲過患必無退轉。佛力所加心生決定。豈由欲界即皆退耶。位至不退處處皆不退。未至不退彼何必不退。且上聖上賢皆修此業。西域記說。西方即有無著天親師子覺等菩薩。高僧傳說。此方亦有彌天釋道安廬山慧遠慧持等。近親所見。大唐即有三藏和尚文備神泰法師等。皆修彼業兼有上生靈感。或有身在現相。或有將終現相。或有生後現相。

人所共知。具如別傳。西方勝處人所樂生。此土穢方誰能願住。但以經論明證實聖同修。背苦求樂。誠非上士故。無量壽經下卷云。閻浮提一日一夜受持齋戒。勝無量壽國百年修善。以彼佛國無有惡故。又維摩經云。閻浮提修道一日一夜。過諸佛土百千大劫。良以此世界中有十勝事。謂以布施攝貧窮等。服苦心深。有苦可拔。西方淨土便無是事。處穢方而修淨行。寔聖者之利他。居淨域而嚴淨因。非上士之弘濟。願於旨暗世界為作灯明。邪見衆中安立正道。但業行殘缺。願往西方。萬一不生。恐成自誤。故當已行應修此業。第五問答料簡者。依上生。下文優波離問云。此阿逸多。具凡夫身。未斷諸漏。雖復出家。不修禪定。不斷煩惱等。明知此等皆小乘經。大乘菩薩無是義故。今依上生。初列跋陀。波羅文殊師利諸菩薩等。後陳化佛說陀羅尼。佛以一音聲說百億陀羅尼門。復言。身圓光中有首楞嚴三昧。又云。今五百億天子不退於阿耨多羅三藐三菩提等。明知是等皆大乘經。小乘經中無是事故。由是古德或說。此經為小乘。從阿含離出說。慈氏佛猶是凡夫身故。或說。此經為大乘。說初列菩薩衆等。復非阿含中出。有云。依大智度論云。小乘經初唯列聲聞。大乘經初備兼菩薩。今上生經初經列聲聞菩薩。明知大乘經。下生雖略亦大乘云。大卷成佛經中。三會說法皆有得證聲聞獨覺發於無上正等覺心。故知並大乘。其優婆離身處小位。所解局跡。以己所知。輒為此

問。豈慈氏位次為彼所知。故定大乘。如金剛般若唯列聲聞。豈非大乘。此上生經並彌勒受決及一切智光經等皆言代安陽。雙譯。下生經中大卷有如是是我聞者。晉時竺法護所翻。小卷云。大智舍利弗無如是我聞者。是晉時羅什所譯。古人解云。小卷者阿含中出。大者別坐所說。又解。翻者有異其實一本。今大師云。大者有三分無結集本。其小卷無序分者是略。偈頌即二藏中菩薩藏攝非聲聞也。問彌勒釋迦誰初發意。今者成道前後乃然。答佛藏經云。彌勒發心先四十劫釋迦方發心。佛本行經第一卷云。昔有如來號曰善思。彌勒菩薩於彼佛所最初發心。在於我前四十餘劫。然後我發無上道心。有佛名示誨幢如來。我於彼國作轉輪王名曰罕弓。初發道心。此中皆說後時發心。彌勒發心因彌勒佛。釋迦發心因釋迦佛。故彼非初。但以捨身苦行修業不同。所以彌勒成道終後。問如賢劫經明超劫事。佛本行經第三卷發心供養品云。昔有佛出世號曰弗沙。彼佛在維寶窟。我見彼佛心生歡喜。合十指掌。翹於一足。七日七夜讚歎彼佛。佛言。是人過九十四劫當得作佛。見真理。佛言。是人過九十三劫當得作佛。毘婆尸佛言。是人過九十一劫當得作佛。佛地論亦說。釋迦超九劫。因事弗沙翹足而歎。說超九劫即百劫中修相好時。故經多言過去九十一劫有毘婆尸佛。不說百劫。其九十一劫初有毘婆尸。故多作此說。涅槃等言。雪山菩薩為半頭捨身超十二劫。金光明經薩

埵王子投身飼虎超十一劫。摩訶仙人布髮掩泥超於八劫。菩薩地言。菩薩修行有超水火及日月劫。無超阿僧祇。彼所言超何時超也。答雖無正文理准應爾。翹足超九百劫中。超餘說超者阿僧祇內。不爾何位更得說超。問諸天勝所經說。無邊一生菩薩何獨知足。答知欲樂之足易可厭成故。菩薩處中勸化易故。上界欣掉既重。惡趣感行極深。既無佛現。餘處不如知足。三際諸佛皆同住故。依智度論。往生品說。兜率天衆利根結薄。一生補處常住其中。自下三天結深心亂。自上二天結厚根鈍。所以不住。不言他方來者。恐生疑謗。句化生故。不住人中後生作佛。非應機宜。欣不深故。問十王果報應為第四禪主。何故一生所繫居知足也。五地菩薩定處何天。答據因剋果應為第四禪主。符下行化故捨而居知足。五地剋果位處知足之天。修行不定處一方。何必要居兜率。一生住此。五地化遊亦不爽也。但說菩薩應受十位。非諸菩薩皆定受之。捨位修行隨利生故。問何故釋迦劫滅百歲出世。彌勒劫增出世。答釋迦顯於惡劫教化行苦行等。並異彌勒。彌勒顯好時教化。所以不說超劫。又釋迦衆生遭苦發心。樂即退敗。彌勒衆生樂即發心。苦即退敗。如聞俱抵耳樂妙樂具故。所以不同見。惡時出厭心深故。樂時出者欣心勝故。問何故釋迦利帝利姓。彌勒菩薩婆羅門種。答釋迦出自惡時衆樂於富貴。彌勒出自好時衆生樂於淨行。由斯二佛生姓不同。問長阿含經云。毘婆

尸佛人壽八萬歲時出世。尸棄佛人壽七萬歲時出。毘舍浮佛人壽六萬歲時出。拘留孫佛人壽四萬歲時出。拘那含牟尼佛人壽三萬歲時出。迦葉佛人壽二萬歲時出。釋迦一百歲時出。彌勒佛人壽八萬歲時出世。豈前三佛同住劫耶。答五濁經明。賢劫前四佛同出第九住劫。或云。住劫中初五劫無佛。阿含經說佛出世時人壽長短。不說同劫。亦不相違。

如是我聞。贊曰。今此經中總有三分。初從如是下至合掌住立佛前。說經因起分。次爾時優婆塞離下至若他觀者名為邪觀。是發請廣說。爾後爾時尊者阿難下至禮佛而退。是聞名喜行分。神光炬燭驚集有緣。舌相舒耀總持方演。慈氏應時獨悟請記佛前。釋迦為益當來因斯記別。故名說經因起分也。婆離見佛記相。復念往昔佛言。所以發言申請。世尊為其廣說。故名發請廣說分。陳事既周時衆獲益。將冀流通後代。慶喜問其經名。聞法者積喜於胸懷。愛道者奉言以行學。故名聞名喜行分。初分之中復分為二。一說經通所因。如是我聞等諸經通有故。二說經別所緣。爾時世尊出廣長舌下。是此經別有故。或初名證信序。委證此經破疑生信故。後名發起序。顯發此經起之所由。今隨義增各標別稱。不爾信起豈不通耶。若依古師通序有六。今依佛地通序有五。一為令生信總顯已聞言如是我聞。二說者聽者共相會遇時分無別故名一時。三法必有主。欲顯主尊法必勝

益。故須稱佛四說必依處。在舍衛國祇樹給孤獨園。化身所居非報土也。五教所被機放光召集根宜聞。故阿難請其四事佛遣致其通。由世尊為斷衆疑。慶喜又陳別序。俱承佛教並利玄宗。觀教釋文何容一准。佛地論說如是之言依四義轉。一依譬喻如有說言。如是富貴如毘沙門。如是所傳所聞之法如佛所說。定無有異。定為利樂方便之因。或當所說如是。文句如我昔聞。二依教誨如有說言。汝當如是讀誦經典。此中如是遠則佛之教誨。近即傳法者之教誨也。或告時來。如是當聽我昔所聞。三依問答。謂有問言。汝當所說昔定聞耶。故此答言。如是我聞。四依許可如。有說言。我當為汝如是而思如是而為如是而說。謂結集時諸菩薩衆咸共請言。如汝所聞當如是說。傳法菩薩便許可言。如是當說。如我所聞或信可言是事如是。謂如是法我昔曾聞此事。如是齊此當說定無有異。由此四義故經初置如是我聞。真諦師云。微細律說。阿難昇坐集法藏時。身如諸佛具諸相好。下座之時還復本形。勸集藏傳亦作是說。衆生有三疑。一疑佛大悲從涅槃起更說妙法。二疑更有佛從他方來住此說法。三疑彼阿難轉身成佛為衆說法。故經初言如是我聞。非此三事。為令先信除此三疑。注法花云。如是者感應之端。如以順機受名。是以無非立稱。衆生以無非為感。如來以順機為應。傳經者以名教。出於感應故立言如是。注無量義經云。聖人說法但為顯如唯如為是故言

如是。瑞公云。以離五謗名為如是。第一句如是此經離執有增益謗。第二句如是此經離執無損減謗。第三句如是此經離執亦有亦無相違謗。第四句如是此經離執非有非無愚癡謗。第五句如是此經離執非有非非無戲論謗。光宅云。如是將傳所聞前題舉一部也。如是一部經義。我親從佛聞即為我聞。作呼籲耳。梁武帝云。如是如斯之義。是佛所說故言如是。長耳三藏云。如是有三。一就佛三世諸佛共說不異名如。以同說故稱是。由斯可信。以同說故。二就法。諸法實相古今不異故名如。如如而說故稱如是。既稱理言不增不減。決定可信故稱如是。三就信。以阿難言望佛本教。所傳不異故名如。求離過非故稱如是。又如是者信順之言。智度論云。如是我聞生信也。信受奉行生智也。信為能入智為能度。信為入法之初基。智為究竟之玄術。信則所言之法皆可順從。由順故說聽二徒師資。達立於此信中略為十釋。一信者依仁王等經。趣聖道之初因證諦理之鴻漸。故四心以信為首。將入聖位有信根信力。有信根故七覺因此而生。有信力故四魔不能屈伏。故由斯經首創令信生。二依大毘婆沙論。信者食法味之喜手。學佛法者如大龍象以信為手。以捨為身。以念為頸。以慧為頭。於兩肩擔集善法。象所飲。嗽以鼻為手。故學法者最初信生。三學者大商元規法實。故初生信獲彼聖財。顯揚論云。七聖財者。謂信戒聞捨

如是。瑞公云。以離五謗名為如是。第一句如是此經離執有增益謗。第二句如是此經離執無損減謗。第三句如是此經離執亦有亦無相違謗。第四句如是此經離執非有非無愚癡謗。第五句如是此經離執非有非非無戲論謗。光宅云。如是將傳所聞前題舉一部也。如是一部經義。我親從佛聞即為我聞。作呼籲耳。梁武帝云。如是如斯之義。是佛所說故言如是。長耳三藏云。如是有三。一就佛三世諸佛共說不異名如。以同說故稱是。由斯可信。以同說故。二就法。諸法實相古今不異故名如。如如而說故稱如是。既稱理言不增不減。決定可信故稱如是。三就信。以阿難言望佛本教。所傳不異故名如。求離過非故稱如是。又如是者信順之言。智度論云。如是我聞生信也。信受奉行生智也。信為能入智為能度。信為入法之初基。智為究竟之玄術。信則所言之法皆可順從。由順故說聽二徒師資。達立於此信中略為十釋。一信者依仁王等經。趣聖道之初因證諦理之鴻漸。故四心以信為首。將入聖位有信根信力。有信根故七覺因此而生。有信力故四魔不能屈伏。故由斯經首創令信生。二依大毘婆沙論。信者食法味之喜手。學佛法者如大龍象以信為手。以捨為身。以念為頸。以慧為頭。於兩肩擔集善法。象所飲。嗽以鼻為手。故學法者最初信生。三學者大商元規法實。故初生信獲彼聖財。顯揚論云。七聖財者。謂信戒聞捨



慧慚愧。信即一焉。四瑜伽論云。入一切法欲爲根本。起希望故作意所生數覺。故觸所集起時對境。故受所引攝領在心。故定爲增上心微寂。故慧爲最勝擇善惡。故解脫爲賢固息纏縛。故出離爲後邊覺道滿。故信既爲欲依。故最初今起。五成唯識論云。信如水精珠。能清濁水能治不信自性渾濁。故宜尼云。兵食信三信不可棄。春秋亦謂苟有明信。潤澤沼沚之毛。蘋蘩蕰藻之菜。可薦於鬼神。可羞於公王也。六俱舍論云。拔衆生出生死泥。正法佛手即正宗也。信爲衆生手序分也。兩手相接出淤泥故。七諸論云。信者能越惡道離賤貧困。故入聖已有不壞信。故初令起。以下三解准經爲釋。八浮大溟海假手以行舟。渡生死河資信以發慧。九見珍財資手以採拾。聞法寶藉信而方得。十遊曠野而有手持甲仗以捍群賊。出生死源而有信發慧解而斷煩惱。由斯經首如是我聞。爲令衆生起正信故。以上合有二十六釋。言我聞者。傳法菩薩自指己身。言如是法親從佛聞故名我聞。我謂諸蘊世俗假者。然我有三。一妄所執我。謂外道等所橫計我。二假施設我。謂大涅槃樂淨常我。除二乘倒強施設故。三世流布我。謂世共傳天授等名。今傳法者隨順世間自指稱我。不同前二。即是無我之大我也。問諸佛說法本除我執。何故不稱無我聞。乃言我聞。答以四義故。但稱我聞。一言說易故。若言無我。知此表誰。二順世間。三除無我怖。言無我者。爲誰修學。四有自他染淨因果事業

等故。所以稱我。問若爾者。何故不稱名字但稱我耶。答有三義。一亦不乖俗。西域方言汎皆稱我。宗雖顯真說不乖俗。理雖顯妙言不乖俗。欲顯真諦不離俗故。二我者主宰自在之義。阿難多聞聞持。其聞積集三慧齊修文義並持。於三藏教總持自在。若稱名字。雖順正理無於諸法得自在義。由斯稱我不害阿難。三我者親義。世間共言我見我聞。此將爲親證。若言阿難聞。或非親聞。從他傳受。今顯親聞世尊。可說非是傳聞。彼他疑網故。不稱字但言我聞。聞即耳根發識聽受所說。今廢耳別就我總稱故名我聞。雖依大乘根識心所境至和合方名爲聞。然根五義勝識等故。根名聞。若但聞聲可唯在耳。既緣名義便在耳中。故喻伽言。聞謂比量耳名聞者。親聞於聲與意爲門意方聞。故因聞所成總名爲聞。若緣名義稱之。爲聞既在於意。故合名聞廢別耳意總稱我聞。以耳爲門熏習在總。因聞所成總名爲聞。故名我聞。慶喜于時雖亦見覺知佛所說然三義。但言我聞欲證深理要。先聞故。此界以聲爲佛事故。希證菩提要聞重故。由斯經首不說見覺知唯說我聞。據實于時亦見佛說。諸餘佛土以光明等而爲佛事可言見等。龍軍等言。佛唯有三法。謂大定智。慧久離戲論會不說法。由佛慈悲本願緣力衆生識上文義相生。此文義相離親依自善根力起。而就強緣名爲佛說。由耳根力乃自意變。故名我聞。故無性云。聞者識上直非直說聚集顯現以爲體性。若爾云何菩薩能

說彼增上生故作是說。譬如天等增上力故令於夢中得論呪等。故佛亦言。始從成道終至涅槃。於其中間不說一字汝亦不聞。親光等言。佛離分別名無戲論。豈不說法名無戲論。謂宜聞者善根本願緣力如來識上文義相生。此文義相是佛利他善根所起。故名我聞。世親說言。謂餘相續識差別故令餘相續差別識生。彼此互爲增上緣。故由此經說。我所說法如手中葉。未所說法如林中葉。此中二解隨彼兩文綺互解釋。應知說此如是我聞意。避增減異分過失。謂如是法我從佛聞。非他展轉顯示。聞者有所堪能諸有所聞。皆離增減異分過失。非如愚夫無所堪能諸有所聞。或分別不能離增減異分。結集法時。傳佛教者依如來教初說此言。爲令衆生恭敬信受。言如是法我從佛聞。文義決定無所增減。是故聞者應正聞已如理思惟當勤修學。一時。讚曰。第二說教時分也。法王啓化。機器咸集。說聞事訖總名一時。此就剎那相續無斷說聽究竟假立名。論有二解。一道理時。說聽之徒雖唯現在五蘊。諸行剎那生滅。即此現法有關於前引後之義。即以前所假名過去。所引之義假名未來。並於現在法上假立。即說聽者五蘊諸法剎那生滅。前後相生事緒究竟假立三世總名一時。非一生滅名爲一時。二者說聽二徒識心之上變作三時相狀而起。實是現在。隨心分限變作短長事緒終訖總名一時。如夢所見。謂有多生覺位



唯心都無自體。聽者心變三世亦爾。唯意所緣不相應行。法處法界所攝。此中不定約刹那。亦不定約相續。亦不定約四時八時及十二時。亦不定約成道已謝覺年數時節名爲一時。但是聽者根。熟感佛爲說。說者慈悲應機爲演說。聽者訖總名一時。由能說者得陀羅尼說一字義一切皆了。或能聽者得淨耳意聞一字義一切皆解。或說者少時聽者多時。或說者多時聽者少時。故不定說一念多劫之時節也。由於一會聽者之機有利有鈍。如來神力或延短念爲長劫。或促多劫短念。亦不定。故但約說聽究竟名一時更無異義。問何不別說四時六時。答晝夜時分諸方不定。經擬諸方流通。所以不得別說。問何不別說成道意後若干時節。答雖隨化相亦可言之。然凡聖所見佛身報化所說淺深成道近遠各不同故。經擬凡聖同行。所以不得定說。問處中有淨穢。隨機定說處。時中凡聖殊。何容不定說。答說處穢淨。機可定知。說時短長凡聖不可准一。會機宜有利有鈍長時短時。如何准定。故處定說而時總言。

佛 贊曰。第三教主也。佛陀梵音。此略云佛。有慧之主。唐言覺者。自覺覺他覺行圓滿故稱爲佛。如次不同凡夫二乘菩薩三種故以爲名也。佛地論云。具一切智一切種智。能自開覺亦能開覺一切有情。如睡夢覺如蓮花開。故名爲佛。即古所言無明惛睡覺法相理中覺空智有智理智事智真智俗智如所有智盡所有智之差別也。准依梵本。標薄伽梵。即

第十號。以此一名總標來德。由此外道皆稱本師名薄伽梵。此以翻譯之主意存省略隨方生善故稱佛名。問此三身中何身所攝。答准所施化即是化身。文殊在中亦通報佛。應化非真佛亦非說法者。推功歸本即是法佛。由機不同一處見異亦非定准。彌勒八相之尊說者故成化佛。理通報法義亦無違。今顯主尊教。隨最勝初標勝主。令生喜故。

在舍衛國祇樹給孤獨園。贊曰。第四說法處也。梵云室羅筏悉底。言舍衛者音訛略也。此中印土境。僑薩羅國之都城名。爲別南薩羅故以都城爲國之稱。真諦法師云。昔有兄弟二人。一名舍婆。二名婆提。故彼所翻金剛般若云。在舍婆提城。兄弟二人於此習仙後而果遂。城因此號名舍婆提。今新解云。應云豐德城。一具財物。二好欲境。三饒多聞。四豐解脫。國豐四德故以名焉。祇樹者應云管多林。祇樹者說也。管多云勝。此即太子名。太子生時隣國怨至戰而得勝。遂以爲名。給孤獨者是蘇達多長者。此云善施。善施仁而且歡。積而能散。拯濟貧乏哀恤孤老。時人美其德號給孤獨。是鉢刺犀。刪特特王舊云婆斯匿。此名勝軍。彼王之大臣也。佛在摩揭陀未避舍衛。給孤獨長者爲兒取婦遂詣王舍城。時有長者將延請佛。敬修供具。善施問其所由長者具陳請佛。彼聞佛德深心歡喜。佛在鷲山相去數十餘里。遙放光照善施。尋光遙見世尊。悲感喜哽如子見父。尋光詣佛。路逢天祠。善施禮拜佛光遂滅。善施慚愧光明還

燭。尋明至佛。請佛詣國普化有緣。何獨此土。佛時許可。令舍利子先瞻度焉。佛言。出家之人當須寂靜。豐德人闌。城中小隘。唯城南五里餘有太子管多之園地。唯城邊泉林繁鬱。壁方十里。可設伽藍。善施請買。太子不許。因戲言曰。布金滿地厚數五寸時即賣之。善施許諾。太子辭以戲言。因陳不與。善施請爲斷理。時淨居天恐人遮之曲從。遂化爲斷事者。斷與善施。善施得之布金而取。時少五百步未滿十里。一庫金盡。使者來報。善施思惟。當取何金。太子疑其情悋。請悔地還金。善施具陳心非悔買。太子知其情。遂自發勝心。人之所貴莫過金寶。而彼當能傾庫買地以造僧園。我何所乏而無修建。請悔先地。長者不從。太子云。許地取金。未論林樹。地隨汝主林屬我身。共助成功。俱陳供養。佛後遊此告阿難曰。園地善施所買。樹林管多所施。二人同心共崇功德。自今已後應謂此地爲管多林給孤獨園。化身在此。彰報佛而有淨土劫盡火燒而我土由來安穩。結集不可具陳。二佛並顯淨穢之土隨標一土。義准有三。事中有二。理亦有二。三身所居各有異故。如理趣疏。

爾時世尊於初夜分舉身放光其光金色。繞祇陀苑周遍七匝。照須達舍亦作金色。贊曰。第五教所被機也。於中有二。初放光集衆。後顯光衆集。問何故此經放光集衆。餘經不爾。答彌勒上生因深果遠。若不警召有緣。有緣無由聞見。又無明昏夜覺照難生。不警詳

機無由自悟。故放光召集不類餘經。集衆中有三初放光。次雨花。後化佛說言。此即初也。於中有六。一明化主世尊。二明時在初夜分。三明處舉身。四明神變放光。五明相狀金色。六明化境遠祇陀園照須達舍。無垢稱經佛告阿難陀。以要言之。諸佛所有威儀進止受用施爲皆令所化有情調伏。是故一切皆名佛事。如涅槃經云。佛入涅槃二月十五日等佛皆自說。各有所表。故此經文皆有表示。化主可知。二放光時者。涅槃經云。法花白曰。般若日中。此經初夜。各有所表。釋迦牟尼出於五濁。是時有情煩惱已重。其未度者愚癡更多。所以初夜放。要初夜者。無始無明極昏闇故。今佛初夜放。大光明。表說深經。欲令於釋迦不得度衆生。令見彌勒得聖智光破重無明故。舉者通也。遍身放光明。涅槃從其面門。法華從白毫出。般若次第遍身皆放。今舉身以放光。顯佛慈悲普弘濟故。顯修行者並得度故。遍十方法界悲智皆照故。要放光者。導迷徒故。破處黑闇諸衆生故。照愚盲者智眼開故。作金色者。法華白光。涅槃四色。此爲金色。表可寶重故。濟未代衆生第一之珍寶。故祇陀園警出家衆。照須達舍者。警俗衆故。大施主故。欲顯開經驚集二衆。二衆聞經。於當來世彌勒佛所普得度故。言七匠者。表令出家者現在未來破七隨眠故。除身語七諸惡業故。持七支戒故。當超七生得七覺分故。法應如是。

有金色光猶如霞雲遍舍衛國處處皆雨金色

蓮華 贊曰。第二明雨華有三。一光形二光處三雨金色蓮花。光形如霞雲者。表佛法身周遍法界化身隨物猶如霞雲。陰四生故。說法雨故。慈悲如雲遍舍衛者。釋迦牟尼受須達請授彌勒記。此國衆生。徧有緣故。舍衛豐德表彌勒世出世財皆具足故。雨蓮花者。花有五德。一能掩惡。喻滅衆罪。二能生果。喻聞此經見彌勒佛獲證聖道。三香氣遠聞。學經見佛英聲遠振故。四能出水。喻開經等已出生死海故。五能開敷。喻今後佛數妙義故。其光明中有無量百千諸大化佛皆唱是言。贊曰。第三化佛說言也。有四。一化佛二皆唱三顯因四明果。此初二也。化佛者。喻彌勒上生勝非真故。諸佛神變難思議故。皆唱言者。喻百億釋迦同與彌勒等授記故。

今於此中有千菩薩最初成佛名拘樓孫最後成佛名曰樓至。贊曰。此後二也。今於此中有千菩薩者。顯未成佛居賢劫位。當彌勒等現居因故。最初成佛名拘樓孫最後成佛名曰樓至。於此有緣果當成佛故。今諸衆生各起希願得親近故。如千佛因緣經具陳其事。說是語已尊者阿若憍陳如從禪起與其眷屬二百五十人俱。贊曰。第二衆集也。於中有三。初四衆集。次二衆集。後八部集。初中有四。一慈獨衆。二慈獨尼衆。三近事男衆。四近事女衆。慈獨衆中有四。一耆舊尊宿衆。二少欲杜多衆。三神通外化衆。四智慧內德衆。此即初也。梵云阿若多解也。憍陳那婆羅門姓中之一性也。憍陳如說也。梵薩縛過刺他悉

陀唐言一切義成蓋云悉達多說略也太子踰城之後。栖山隱谷己身殉法。父王淨飯乃命家族三人。一阿濕婆此。二馬勝。三拔提。三摩男拘利。舅氏二人。一憍陳那。二十力迦葉。王云。我子捨家修學孤遊山野。故命汝曹隨知所止。內則叔伯舅氏。外則君而且臣。凡厥動靜宜知進止。五人銜命相望營衛。因即勤求欲期出要。每相謂曰。夫修道者苦證果耶。樂證果耶。二舅氏曰。要樂爲道。三家族曰。勤苦爲道。二三交諍未有以明。太子思惟其理。爲伏苦行外道。日食麻麥以資支身。二舅氏曰。太子所行非眞失正道矣。道由樂證。今乃勤苦非吾徒也。捨而遠遁自思果證。太子六年苦行未證菩提。欲驗苦行非眞。受乳糜而證果。三家族曰。功垂成矣。今其退乎。六年苦行已一旦損功。遂亦逃捨相從求覓舅氏二人。既相見已達坐論曰。昔見太子出王城就荒谷。去珍服被鹿皮。精勤苦心求無上法。今乃受牧牛女乳糜。敗道虧志無能爲也。二舅氏曰。君何見之晚乎。此猶獸人也。處深谷受尊位。不能靜志遁迹山林。棄輪王之大寶爲鄙賤之庸人。何可念哉。言增慘切。太子浴尼連河坐菩提樹成等正覺號天人師。思察應度唯憍頭藍子者證非想定堪受妙法。空天報曰。彼命終來經今七日。如來歎惜。斯何不過重更觀察。有阿藍迦藍證無所有處定。可授至理。諸天又報曰。終已五日。如來再歎其薄福。又更諦觀。誰應受教。唯施鹿林有五人者。堪先誘導。佛從覺樹趣鹿野園。威儀寂靜神光晃耀。毫

含玉彩身鑲金色。安祥前進導彼五人。五人遙見互相謂曰。一切義成彼來者是。歲月淹久都無果證。心期屢返故尋我徒。宜各默然勿起迎禮。如來漸近。威神所逼五人忘制各起禮迎侍從如來。如來漸誘示之妙理。爲其示相勸修作證。三轉法輪。佛問解耶。時憍陳那最初答解。地神唱告淨居諸天亦言。憍陳那先解如是。乃至聲遍大千。因以爲名名解。憍陳那今與其徒大德耆舊見光晃耀雨花。宜唱從禪定起。趣世尊所。舊經或云尊者了本際。或云解無智。皆得。阿若多義。不正得名。又不解憍陳那之姓故也。

尊者摩訶迦葉與其眷屬二百五十人俱。贊曰。第二少欲杜多衆也。摩訶大也。迦葉波飲光也。略故云迦葉。此婆羅門姓。飲光仙人種。昔有婆羅門獲證仙果。身皮金色。飲蔽日月之光。尊者是被之種。以姓標名。又迦葉身光飲日月光故以爲名。付法藏傳云。昔過去九十一劫毘婆尸佛入涅槃。後四部弟子起七寶塔。中有佛形像。佛面金色少處缺壞。有一貧女。遊行乞丐得一金珠。見像面壞欲補像面。迦葉爾時作鐵金師。女即持往請令修造。金師聞福歡喜。爲治用補像面。因共立願。願我二人常爲夫婦。身真金色。恒受勝樂常修梵行。從是以來九十一劫身真金色生天人中快樂無極。最後託生第七梵天。時摩竭國有婆羅門名尼俱律陀。過去修福。聰明多智。巨富無量。金銀七寶牛羊田宅奴婢車乘比瓶沙王十倍爲勝。瓶沙王有金犁千具。彼婆

羅門悉與王齊畏招罪咎。其家但作九百九十九具。其家有量。最下之者其價猶直百千兩金。有六十箇金粟。一箇有三百四十斛。其家雖富竟無見息。於其舍邊有一樹神。夫婦常往祈請祭祠求乞有子。多年無應。頃忽語曰。今更七日盡心奉事。若復無驗必相燒。剪。樹神愁怖告四天王。四天王告帝釋。帝釋觀閣浮提無堪彼子。即詣梵王所廣宣上事。梵王即以天眼遍觀見一梵天臨當命終。即往勸之勸其往生。梵天受教即來託生。滿足十月生一男兒。顏貌端正身真金色光明赫奕照四十里。相師占曰。此兒宿福必當出家。父母聞之甚懷愁惱。夫婦議曰。當設何方斷絕其意。覆自思惟。世所耽著唯有美色。當爲婿取端正好女用斷其情。至年十五欲爲婿妻。語父母言。我心清淨不須婦也。父母不聽。兒知難免便設權計語父母言。能爲我得紫金色女端正超世。我當取之。父母即召諸婆羅門遍行婿求。諸婆羅門鑄一金女端正奇特。與行村落高聲唱言。若有女人得見金神禮拜之者。後出嫁時必得好婿身真金色端正殊妙。女聞悉出。唯有一女軀體金色端正殊好。即是往日施金珠女也。以昔勝緣有此妙身。志樂清淨獨不肯出。諸女強將共見金神。此女既到金色光明映奪金神。婆羅門見即爲婿。得既到夫家夫婦相對。各皆清潔了無異意。共立要娶各住一房。父母知已嚴整一房令其同舍安置一床。迦葉語婦。我若眠息汝當經行。汝若眠以我當經行。後夫婦臥

垂手床前。毒蛇入室欲螫其手。迦葉見已以衣裹手舉著床上。婦便驚悟而責之異。我立誓要不相近。今復何緣觸舉我手。迦葉答言。有蛇來入恐傷汝手妨廢修道。是故舉之實無染意。即指蛇示。婦意乃悟。夫婦節操深厭世間。啓辭父母求欲出家。父母見已遂便聽許。於是夫婦俱共出家來至佛前。佛爲說法。即於此時得阿羅漢。三明六通具八解脫。婦於後時亦得阿羅漢。迦葉在世常與如來對座說法。佛滅度後所有法藏悉付迦葉。迦葉後時結集三藏竟至鷄足山。全身不散。後彌勒佛出世之時從山而出。在大衆中作十八變度人無量。然後滅身未來成佛號曰光明。如法華中佛爲授記。

尊者大目犍連與其眷屬二百五十人俱。贊曰。第三神通外化衆也。梵云摩訶沒特伽羅。此云大探菽氏。今說略云大目犍連。此婆羅門種。上古有仙居山寂處。常採菽豆而食。因以爲名大探菽氏。與舍利子小爲親友。舍利子以才明見貴。尊者以精鑒延譽。才智相比動止必俱。結要終始契同去就相與。厭俗苦求捨家。遂師珊闍耶焉。舍利子遇馬勝阿羅漢。聞法悟聖。還爲尊者重述聞。而悟法遂證初果。與其徒衆一百人俱。亦云二百五十人。俱到佛所。世尊遙見指而告曰。彼來者我弟子中神足第一。既至佛所請入法中。世尊告曰。善來苾芻。淨修梵行得離苦際。聞是語時鬚髮自落俗裳變緇。戒品清淨威儀調順。經七日結漏盡證阿羅漢果。得大神通。

●量二野● ●解二解● ●剪二煎● ●裝十(羅)● ●雞二雞●

後佛在無熱惱池。人天咸集。唯舍利子不待從會。佛命沒特伽羅往召來集。沒特伽羅承命而往。舍利子于時方補護法衣。沒特伽羅曰。佛在無熱惱池。命我召爾。舍利子曰。且止待我補竟。與子同行。沒特伽羅曰。若不速行。欲運神力舉爾石室至大會所。舍利子乃解帶置地曰。若舉此帶而得動者。我身或動。時沒特伽羅運大神通舉帶不動。地爲之震。因以神足還詣佛所。見舍利子已在會坐。沒特伽羅僞而難曰。今乃以知神通之力不如智慧之力矣。今標其輩云二百五十人俱。尊者舍利弗與其眷屬二百五十人俱。贊曰。第四智慧內德衆也。梵云設利弗。設利此云春鶯亦云鶯鳥。弗阻羅云子。今訛略故云舍利弗。母未懷子前言詞訥鈍。每共弟摩訶俱絺羅論議。常不如弟。懷子以去。辨捷難酬。拘論恒勝。以母多辨號曰春鶯。春鶯即今百舌鳥也。是彼所生故復稱子。亦云鶯子也。尊者大婆羅門種。其父高才博識深鑒精微。凡厥典籍莫不究習。其妻威夢具告夫曰。吾昨宵寐夢威異人身被鎧甲手執金剛。摧破諸山退立一山之下。不知何所表。夫曰。夢甚善。汝當生男。達學貫世權諸論師破其宗教。唯不如一人爲作弟子。果而有娠。母忽聰明高論劇談。言無屈滯。尊者年始八歲名擅四方。其性淳實其心慈悲。朽壤結縛成就智慧。與沒特伽羅子少而爲相友。深厭塵俗未有所歸。於是與沒特伽羅子於墮闍耶外道所正修習焉。乃相謂曰。斯非究竟之理未

能窮苦際也。各求明導。先嘗甘露必同其味。時大阿羅漢馬勝執持應器入城乞食。舍利子見其威儀閑雅即而問曰。汝師是誰。曰釋種子。太子厭世出家成於正覺。是我師也。舍利子曰。所說何法可得聞乎。曰我初受教未達深義。舍利子曰。願說所聞。馬勝乃隨宜演說。舍利弗聞已即證初果。遂與其徒一百人。亦云二百五十人。往詣佛所。世尊遙見指告衆曰。我弟子中智慧第一彼來者是。至已頂禮願從佛法。世尊告曰。善來苾芻。聞是語時戒品具足。過半月後復聞佛爲長爪梵志說法聞餘論而咸悟。遂證阿羅漢果。後阿難承佛告滅期。展轉相語各懷悲感。舍利子深增戀仰。不忍見佛入般涅槃。遂請世尊先入寂滅。世尊告曰。宜知是時。告謝門人亦至本生里。侍者沙彌遍告城邑。未生怨王及彼國人莫不風馳。皆悉雲會。舍利子廣爲說法。聞已而去於後夜分正意繫心入滅盡定。起已而寂滅焉。

摩訶婆闍婆提比丘尼與其眷屬千比丘尼俱。贊曰。第二苾芻尼衆也。梵云摩訶鉢刺闍鉢底。摩訶云大。鉢刺闍云生。鉢底云主。即大生主。舊云婆闍婆提。此云大愛道。皆訛謬也。佛母摩訶摩耶夫人此云大術。早爲還壽。生主是佛小母。故稱爲娘母。爲育養世尊因證正覺。佛之所化三乘聖人名曰大生。或大者衆義。一切衆生皆爲佛子。娘爲佛母。大生賀寶故言大生主。佛許出家事如律說。梵云苾芻此具五義。一曰怖魔。二云乞士。三云淨持。戒。四云淨命。五云破惡。尼者女聲。女有五德名苾芻尼。言比丘尼者音訛略也。與其眷屬一千人夜嚼神光俱來佛所。須達長者與三千優婆塞俱。贊曰。第三近事男衆也。梵云鄔婆塞迦。鄔婆近也。迦事也。索男聲也。於男聲中以呼之。即近事男。舊云伊蒲塞優婆塞。優婆塞云清信男。皆訛謬也。戒德俱圓。皆堪能親近承事慈獨大阿羅漢。故善施者尊稱爲長者。靈光既照亦來佛所。毘舍佉母與二千優婆夷俱。贊曰。第四近事女衆也。梵云毘舍佉。此云黑鹿。因兒得稱名毘舍佉母。鄔婆斯迦云近事女。斯女聲也。業行清淨皆能親近苾芻尼衆大阿羅漢尼故。鹿子因緣如經廣說。復有菩薩名跋陀婆羅與其眷屬十六菩薩俱。贊曰。自下二衆也。梵云菩提薩埵。此略云菩薩。菩提覺義。智所求果。薩埵有情義。悲所度生。依弘誓語故名菩薩。又求三菩提之有情者故名菩薩。或薩埵者勇健義。不憚處時求大菩提。有志有能故名菩薩。又菩提即般若。薩埵謂方便。如是一法能利能樂一切有情故名菩薩。摩訶大也。薩埵如前。今此菩薩位居十地。爲簡於小故言大薩埵。梵云跋陀婆羅。跋陀者賢義。婆羅者護義。此云賢護菩薩。具大賢德護念衆生弘護佛法故名賢護。與其徒十六菩薩俱。文殊師利法王子與其眷屬五百菩薩俱。贊曰。梵云曼殊室利。此云妙吉祥。文殊師利音訛也。耨掘摩羅經言。是北方常喜世界歡喜

藏摩尼寶積佛。諸有聞名敬禮歸命種種事業菩薩皆能爲吉祥。神用無比名妙吉祥。法王子者久應證覺跡履因位。紹繼灌頂佛之太子。由此獨標法王子稱。亦與其眷屬五百菩薩俱。此二因緣如經所說。前大智衆此大悲衆。前今聖衆此先聖衆。前十地衆此紹位衆故名二衆。法花論云。跋陀波羅等十六人威儀不定具種種行。故此別標。何故先列聲聞後彰菩薩。聲聞等類形像同佛。出家威儀常親近佛。令諸菩薩於聲聞衆生恭敬。故捨憍慢故。

天龍夜叉乾達婆等一切大衆觀佛光明皆來集會。贊曰。第三八部衆也。八部者。一天。二龍。三藥叉。舊云夜叉。四健達縛。舊云乾闥婆。五阿素洛。舊云阿修羅。六揭路茶。舊云迦樓羅。七緊捺路。舊云緊那羅。八莫呼路。舊云摩睺羅伽。藥叉者此云勇健或云暴惡。飛行空中食噉生類。亦攝地行諸羅刹婆。羅刹婆者此云可畏。健達縛者此云尋香行。諸作樂神中有此等輩。由此西方呼諸散樂名健達縛。不作生業尋食香氣作樂乞求。阿素洛者此云非天。阿之言非。素洛云天。提婆之異名也。多行詐詐無彼天行故云非天。揭路茶者妙翅鳥也。翅羽嚴麗難色莊校特異衆禽。禽中最大。舊云金翅鳥。一切飛禽皆此所攝。緊捺路者此云歌神。莫呼路伽此云大腹田父。蝦蟇蟒蛇等類皆此所攝。此中且舉彼類之首。其中一一各有無量形容異類。如是等輩一切大衆觀佛光明皆來集會。由佛智慧廣

爲引化。有靈之類皆悉奔波。希法雨以潤萌牙。冀智藥而除衆苦。如歸慈父若趨醫王。但由平等慈非恩沾動植故也。

爾時世尊出廣長舌相放千光明。贊曰。上明說經通所因。下明說經別所緣。於中有五。一出舌放光。二有多化佛。三化佛說法。四釋迦自陳。五彌勒領悟。此即初也。將說深經先出舌者。明授彌勒記濟度有緣不妄語也。三十二相中舌廣博相。凡時舌相但覆面輪至髮等際。若作神通或覆大千。或更無量。智度論說。佛與阿難從舍衛國向婆羅門城。時婆羅門城主信屬外道。聞佛欲來即立制限。若與佛食共佛語者。當罰金錢滿五百文。後佛來到入城。乞食人皆閉門。佛與阿難空鉢而出。見一老婢持破瓦器盛臬穢糞出門棄之。見佛相好空鉢而來心念欲施。佛知其意申鉢從乞所棄穢糞。老婢淨心持表施佛。佛受施已語阿難言。此婢因施十五劫中天上人間受福快樂不墮惡道。後得男身出家學道成辟支佛。當時佛邊有一婆羅門。聞佛此語即語佛言。汝是淨飯王之太子。何故爲食而作妄語。時佛出舌遍覆面輪上至髮際。而語之言。汝頗見有如此舌人而作妄語。婆羅門言。若舌覆鼻尚不妄語。何況覆面上至髮際。即生信心而白佛言。我今不解少施報多。佛即告言。汝頗曾見希有事不。婆羅門言。我曾行見尼拘陀樹。其蔭遍覆五百乘車。佛即問言。樹種大小。彼即答言。大如芥子三分之一。佛復語言。誰當信汝。婆羅門言。實爾世尊我眼

見之非虛妄也。佛即語言。我見此女淨心施佛得大果報。亦如此樹因少報多。時婆羅門心開意解。向佛懺悔。佛爲說法得須陀洹果。即時舉手大聲唱言。一切衆人甘露門開。如何不出。諸人聞已皆送五百金錢與王請佛供養。即破制限。王與群臣亦歸依佛。佛爲說法悉獲道果。故今出舌顯授當記衆生修行願至彼所定得往生。表不妄語故。般若論解。不妄語者云於授記曾不妄語。放千光者表小千界。各有化佛破諸衆生愚癡暗故。

一一光明各有千色。一一色中有無量佛。贊曰。第二有多化佛各有千色者。表中千界。各有千化佛。一一色中有無量化佛者。表大千界。當來同有百億彌勒一時生故。是諸化佛異口同音皆說清淨諸大菩薩甚深不可思議。贊曰。第三化佛說法於中有二。初總後別。此初也。身別故異口。語等故同音。清淨諸大菩薩者。謂第十地因已圓滿障亦微細名爲清淨。或八地已上一切煩惱皆不行故名爲清淨。或初地已上證性淨理能伏諸惑令總不行名爲清淨。此三解中初解圓得。次解任運相續而得。後解分證。一切無違。甚深者微妙義。不可思議超分別心言說道故。梵云陀羅尼此云總持。念慧二能總含衆德以爲體性。識達簡擇明記不妄。能以少略含多廣故名爲總持。法者教也。說彼法故也。所謂阿難陀目佉陀羅尼空慧陀羅尼無門陀羅尼大解脫無相陀羅尼。贊曰。此下別列也。此四別者。一喜有。二解空。三於因無礙

性。四於果大解脫。解脫即無相。或第三謂四無礙解。外化辨才。第四謂諸願慧內德解脫。或八地任運得初二。九地得第三。十地得第四。或四總持。一法。二義。三能得菩薩無生法忍。四諸明呪。如大配之。教法名有所詮義名空。無生法忍名無礙性。得此忍已於一切法無礙達故諸明名爲大解脫。無相能解脫障縛不可分別名無相故。如幽贊中略已顯示。

爾時世尊以一音聲說百億陀羅尼門。贊曰。第四釋迦自陳。欲明所記不虛故今化佛同說。如說法花。能寂自陳猶恐他惑。多寶塔涌爲證方明。今亦如是。非但我言。化佛同唱。欲令彌勒深悟解。故佛以法義二持廣宣教理。故以一音演其百億。以略含廣名總持也。說此陀羅尼已爾時會中有一菩薩名曰彌勒。聞佛所說應時即得百億陀羅尼門。贊曰。第五彌勒領悟也。於中有二。一明領悟二明請記。此初也。因行久圓果今示證。微假資習多有所成。釋迦一音纔宣。百億彌勒領悟萬倍解生。由此應時即得百萬億也。

即從座起整衣服叉手合掌住立佛前。贊曰。此明請記坐中證悟遂起整衣。申虔敬之儀。展請記之軌。從坐起者。表有所得從生死起。言衣服者。表四儀圓備七支無缺戒德滿故。叉手合掌者。表心與境冥理與神會空智有智照冥真俗智德圓也。住立佛前者。表結使俱已斷德圓備。或住而不動。表證三昧心不動搖定德成也。或示將有往生相故。所以

起立。此意總顯已出生死三學入成唯希爲記當生當覺。唯此軌儀唯有身業。事不虛設。故各有表。威儀進止皆法輪故。  
●觀彌勒上生兜率天經贊卷上

### 觀彌勒上生兜率天經贊卷下

大慈恩寺基撰

●爾時優婆塞亦從座起頭面作禮而白佛言。贊曰。上明說經因起分。下明發請廣說分。一生補處受記非輕。示相勸生疑因寔重。若不因請而說。補處之相未尊。若無請而自談。欣當生心不重。故放光集眾普召有緣。假請談經令興重業。於中有二。初辨外果後辨內果。辨外果中復分爲三。初波離啓請。次世尊廣答。後佛告優婆塞若有比丘及一切大眾下結勸生彼。請中有二。初明請軌後明陳請。此即初也。梵言優婆塞離此云近執。佛爲太子。彼爲佛大臣親近太子。執事之臣。古人云佛之家人。非也。今云優婆離訛也。亦從座起者。既見彌勒。位立。優婆離。垂斯啓請。是故稱。亦表聞彌勒之事當證菩提。從座起頭面作禮者。屈己首尊禮佛卑足。一心頂戴虔恭深故。憍慢久除爲顯成佛尊貴因故。無見頂相之妙業故也。

世尊往昔於毘尼中及諸經藏說阿逸多次當作佛。贊曰。下明陳請。於中有二。初舉昔生今問。後顯今徵後問。此初也。前言世尊呼

佛。又言世尊談佛。談佛往昔說彌勒故。世出世尊略言世尊。卽是第十薄伽梵號。梵云毘奈耶此云調伏。調和控御身語等業。制伏滅除諸煩惱故。卽是廣律本也。古云毘尼或云星泥皆訛也。近執明究律藏頗亦錯經。受記多在律中。因斯起問。阿逸多者此云無能勝。彌勒字也。名彌勒字阿逸多。往昔佛在香山說。次我後當成佛者名曰彌勒。時有菩薩名曰慈氏。從座而起白言。世尊願我未來作彼彌勒。佛言可爾。故今騰昔而生後問。此阿逸多具凡夫身未斷諸漏此人命終當生何處。贊曰。顯今徵後問也。文有其二。初舉今徵後生之處所。後舉今徵後生處淨穢。此初徵也。波離下器情局小乘。以己所知輕揣尊極。小宗說於菩薩三劫猶是凡夫樹下三十四心方成聖者。欲害害覺時亦未已故言凡夫。未斷諸漏。漏有三種。如法華贊生何處者。三界何界五趣何趣四生何生九有何有。觀因驗果未遣心疑。唯願法王指陳生域其人今者雖復出家不修禪定不斷煩惱佛記此人成佛無疑此人命終生何國土。贊曰。徵淨穢也。從繡落飾形貌出家。常現威儀不修禪定。受姨母之妙服。欲貪未遣。顯毫光而不識。尚有無知。佛記果圓理深難測。命終生處淨穢何方。但以菩薩不起滅定而現威儀。將繼法王。遂取金疊讓。推光位。等問豪光。波離不知乍謂。無定情龜觀相真疑有感。禪定有九。煩惱有十。如餘處說。然且成佛之先必在觀史一生補處大小共同。波離挾己下

心輒量上位。示有不知以發今請

佛告優波離諦聽善思念之如來應供正遍知今於此來說彌勒菩薩摩訶薩阿耨多羅三藐三菩提記 贊曰。下佛廣答有二。初勸聽許說。後依問具申。此初也。諸者審諦。聽音察理。貴在審情。恐聽不明。重令諦聽。極妙作意名善思念。如來者第一號也。涅槃經云。如過去佛所行妙行三十七品十一空等來至涅槃故云如來。應者第二號也。應已。求害煩惱賊故。應不復受分段生故。應受世間妙供養故。正遍知者第三號也。正知遍知名正遍知。非邪小知。正滿知故。具二種智知空有故。上來三號如次斷德恩德智德阿耨多羅三藐三言無。彌多羅云上。三言正。藐言等。又三云正。菩提云覺。即是無上正等正覺。諸法莫先名無上。理事遍知名正等。離妄真照名正覺。或智斷圓名無上覺。簡異生。邪智名正覺。簡小乘分智名等覺。簡菩薩缺智復名正覺。下一覺字貫通上文。彌勒當圓證此獨得全名。記者識也。佛自稱三德。今為汝等驗識分別慈氏菩薩當來成佛之事

此人從今十二年後命終必得往生兜率天上 贊曰。下依問具申有二。初答生處。後答淨穢。此即初也。從今十二年後者。示受記。已求超生死十二緣。故生兜率天而為補處

爾時兜率陀天上有五百億天子。一一天子皆修甚深檀婆羅蜜。為供養一生補處菩薩。故以天福力造作宮殿。贊曰。下答淨穢有二。初正答淨穢。後佛告優波離此名兜率陀天十

善報應下結此所因歎處勝妙。初中有三。初

五百億天子造外衆寶宮。次一大神造法堂內院。後五大神於此二宮種種嚴飾。夫諸天福力果出自然。況補處之宮豈更須他造。欲顯福異餘天果從他作。諸天敬重發願嚴因。又諸天資具凡業所生。知足宮園必由勝行。外陳他作內表修因。譬人王之內苑似天帝之喜園。不說自然之報唯陳他造之果。皆是菩薩未上生前。預知欲生發願先作。初中有三。一諸天植因發願。二時諸天子作是願已

下明天願果。三五百億龍王圍繞此垣下龍王守護。初復有三。初明植因。次我今持是等下正明發願。後如是諸天子等下明行願皆同。初中復二。初明所因。後明植因。此即初也。修願行之所因者。一為修檀度。初業之妙行故。二為供養菩薩故。菩薩盡此一生必定成佛福田既大。故應植因。因者檀度。緣者願助現傍資者。天之福力由現。天福傍資因緣二種力。故變成天宮因緣之果。冀在良田天之福資變成宮殿。五百億者。由信精進念定慧五根為勝因緣內證法苑樂外感五百億天為造宮殿。修餘萬行資此五根。故以百億為稱。或是菩薩化預莊嚴。准報土中所有嚴飾勝出世間善報所起故。此所說五根為因

各各脫身旃檀摩尼寶冠長跪合掌發是願言 贊曰。此明植因。旃檀者檀香也。色通赤白。摩尼者如意珠。即諸天所著。如赤白檀香色。如意神珠。乃天頂上所戴寶冠神珠。施者表當果生所求皆得故。種智圓明得如意故。脫

寶冠者。順尊敬故。受記為佛得最尊故。諸天並脫。故言各各。長跪者雙膝著地直身而住敬相周故。表修定慧恒無間故。合掌者虔恭貌。表心冥境證智合理故。上明修行身業因。下發願者語業因能起。二者意業因三輪備故

我今持是無價寶珠及以天冠為供養大心衆生故 贊曰。第二明發願。此起願因。慈氏廣以智慧運蒼生。而居彼岸情懷廣大。居因位而號衆生。摩訶薩埵云大有情。以義解之名大心衆生

此人來世不久當成阿耨多羅三藐三菩提我於彼佛莊嚴國界得受記者令我寶冠化成供具 贊曰。正明發願。此人者慈氏。當在人中未生天趣預與此願。故言此人於未來世當成正覺。我於彼土佛成正覺時。可為莊嚴殊勝國界得預彼會受記別者。令我寶冠化成供具。供具者四事什物供養之具。變寶冠而為供具者。顯轉凡而修成聖德。此但說冠略無寶珠。所願同故。或寶謂如意珠。冠謂天冠。合而論故。若不爾者。何故行因冠珠兩捨。及其發願獨有天冠。故應後釋不違正理

如是諸天子等各各長跪發弘誓願亦復如是 贊曰。第三行願皆同上。雖總說諸天已訖。結集之家恐生疑惑。說諸天願唯一發。今顯行該一切願亦普同三業修因相皆等故

時諸天子作是願已。是諸寶冠化作五百萬億寶宮。贊曰。上明植因發願。自下第二明天願果。於中有二。初明十重嚴飾。後時樂

●求一永● ●邪二耶● ●乃二及● ●願二頂● ●樂二勝● ●說一故●

二八七

觀彌勒上生兜率天經贊卷下

一七七



音中下重顯前殿。十重飾者。一宮二園三寶。四光五華六樹七色八金九天女十音樂。此初也。既有十地菩薩圍繞。亦有凡夫十善往生。復是菩薩十力增上之所顯現。宮有十重。故下經云。菩薩福力十善報應。宮謂法苑。初地真智得空寂。金初創得。故內修五根。所以感宮等皆言五百。

一一寶宮有七重垣。一一垣七寶所成。贊曰。此有二嚴。二地持戒生長善法。守護六根。威園圍繞。三地證得。聞思修慧。照了大乘教理行果。起智光明。故威園寶色。成此各七者。二地持戒七支備故。三地能照三乘教理行果七故。又具忍辱七種觀故。一安受苦忍。二諦察法忍。餘五並是耐怨害。忍謂親善。想准法想無常。想有苦。想攝受。想如幽贊上卷說。一一寶出五百億光明。一一光明中有五百億蓮華。贊曰。此有二嚴。四地修得菩提分法。慧焰增故。百行助成。威百億光。五地作四諦觀。出生死泥。智花敷故。內解五明。外感五百億華。

一一蓮華化作五百億七寶行樹。一一樹葉有五百億寶色。贊曰。此有二嚴。六地作十二因緣觀。厭生死苦樹。威七寶樹故。思慧風動。樹觀緣起故。七寶樹者。七十七智觀所引。故七地純作真無相觀。證法性色威妙色故。一一寶色有五百億閻浮檀金光。一一閻浮檀金光中出五百億諸天寶女。贊曰。此有二嚴。八地相土。皆得自在。故能現起閻浮金光。此於諸金最爲第一。近閻浮樹水下而有色。

藏諸光。故偏舉此。九地成熟四無礙解。化利衆生。出生善根。感寶女故。

一一寶女住立樹下。執百億寶無數璎珞。出妙音樂。贊曰。此第十嚴。女執諸寶及衆璎珞。此寶璎珞。出妙音樂。第十地中陀羅尼門三摩地門。無礙神通。感寶璎珞莊嚴故。雲雨說法。感樂音故。此上十嚴。皆由內具彼德。外招彼果。十善業道。十力智等。隨應釋相。時音樂中演說不退轉地法輪之行。贊曰。

重顯前殿有四。一廣第十樂音說法。二廣第六七寶行樹。三廣第四破暗光明。四廣第二垣牆高厚。此初廣樂音也。不退有五。一未信者信。信不退故。二未定者定。位不退故。三未得者得。證不退故。四未修者修。行不退故。五已斷者不生煩惱。斷不退故。此乃三乘通不退地法輪之行。法輪能詮行是所詮。正法輪者。唯所詮行。摧滅移轉行。周圓故。行即法輪。今言法輪之行。故知教名法輪。說彼五位所修行也。以彼聽衆具三乘故。法輪有五。一自性。二眷屬。三因。四境。五果。如章中說。今明行者。即攝初三或攝一切。

其樹生果如玻璃色。一切衆色入頗梨色中。贊曰。第二廣樹。頗梨色者。謂紅赤色。此爲根本。一切寶色爲此所含。皆入此色。顯所化衆生究竟位皆歸一乘。是諸光明右旋宛轉流出衆音。演說大慈大悲法。贊曰。第三廣破暗光明。右旋。宛轉表菩薩行一切不離智慧光明及慧所引拔苦與樂。大慈悲法。大慈以無瞋爲性。大慈以無瞋無

癡爲性。此各有三。一有情緣緣假有情。二法緣不見有情但唯有法。三無緣法相亦無唯有真理。或有情緣緣有情起。法緣緣十二分教起。無緣緣真如起。無所緣故。彌勒慈尊導萬物故演慈悲之法。

一一垣牆高六十二由旬厚十四由旬。贊曰。第四廣垣。垣謂圍牆。高六十二由旬者。顯生彼者逾破六十二見故。厚十四由旬者。御摧十四不可記事故。此四嚴中初二進行皆歸一乘。發心證果有差別故。次一破瞋癡濟有情類。後一永斷外道邪見。

五百億龍王圍繞此垣。贊曰。造宮之中下第三段龍王守護有三。一明守護。二雨寶樹。三次樹說法。此初也。法王教化天神警衛。恐致外侵。龍王守護。五百億者。顯內具五力四魔不能屈伏。外有龍王非人不能逼害。內持五戒諸惡不侵。外威龍圍橫災自滅。

一一龍王雨五百億七寶行樹莊嚴垣上。贊曰。明雨寶樹。因五力起七財故。威龍王雨樹嚴飾。七聖財者。謂信戒聞捨慧慚愧。

自然有風吹動此樹樹相振觸演說苦空無常無我諸波羅蜜。贊曰。明樹說法。風喻大悲。任運所擊。眞俗智樹棠觸談演如是等法。所謂一切有漏逼迫自性皆苦所執。法體都無名空。有爲起盡。還流生滅無總自體。一常實我。由此能令諸修行者。越到彼岸名波羅蜜。爾時此宮有一大神名牢度跋提。即從座起。遍禮十方佛。發弘誓願。贊曰。明外果中。次下第二明大神爲造法堂。慈氏內院也。以堂爲



主名造法堂。據實而言。具造內院。至下當悉。於中有三。一發願。第二既發願。下所願果遂。第三爾時十方無量諸天下諸天親勝發願往生。初中有二。一明儀軌。二明發願。此初也。普憑威力遍禮十方。欲解廣大發弘誓願。雖知凡聖同感內院方成菩薩。力增多由聖現。一大神者。表無漏智能起妙土。佛地經云。勝出世間善根所起如如意珠有神用。故亦是凡夫發菩提心加行智感。

若我福德應為彌勒菩薩造善法堂令我額上自然出珠。贊曰。正明發願。宣妙義舍名善法堂。表親尊重。珠從額出。內院宮宇如下自陳。法堂尊勝故標願首。

既發願已額上自然出百億寶珠琉璃玻璃一切衆色無不具足如紫紺摩尼表裏映徹。贊曰。下明願遂。於中有五。一明作宮。第二時諸

園中下作園。第三亦有七寶大師子座下作座。第四時宮四角有四寶柱下作柱。第五如是天宮有百萬億無量寶色下天宮天女寶色

皆同。作宮中有八。一明作宮。二欄楯。三天子女。四手生花。五光明。六樂器。七起舞。八說法。作宮殿中有二。初出珠後作宮。此初也。瑠璃碧色。頗梨紅色。一切衆色皆具足者。額上之珠。舉碧紅爲首。自餘衆色一切皆足。或此

二寶一切色類皆悉具足。紫謂紫色。紺者說文云。帛深青而陽赤色含紺也。青而含赤色今此紺者與彼稍異。如紫青色。如意神珠表裏映徹。

此摩尼殊迴。施空中化爲四十九重微妙寶

宮。贊曰。此作宮也。四十九重者。持戒堅牢宮遂重。密。

一一欄楯萬億梵摩尼寶所共合成諸欄楯間自然化生無量億萬七寶蓮華。一一蓮華上有無量億光其光明中具諸樂器如是天樂不鼓自鳴此聲出時諸女自然執衆樂器競起歌舞所詠歌音演說十善四弘誓願諸天聞者皆發無上道心。贊曰。自下第二作欄楯。第三化生天子天女。第四手生蓮花。第五有無量光明。第六光有樂器不須擊鼓而自然響。第七樂聲既動女起舞歌。第八歌舞不作生死之戲皆演十善行四弘之誓願。四弘願者。一未離苦願離。二未得樂願得。三未發菩提心願發菩提心。四未成佛願成佛。亦云知苦斷集證滅修道。諸天聞已發大乘心。此由聖行八聖道支八解脫樂。凡持八戒不殺不盜不邪淫不妄語不飲酒不香鬘塗身歌舞作倡不騰高廣大床。不非時食。如其次第之所感得。聖凡衆行助正智等之所集成。如慧爲先安布間飾。故能致此。不爾何緣有斯勝處。

遂中一大神作園。於中有二。初列七事殿。後結生彼得。初中有七。一八色渠八色渠者。青黃赤白紅紫碧綠。二寶珠合成。三八味水即前八色皆悉具足。八味者八功德水可愛味故。八德水者。一清二輕三冷四濡五香六美七飲時不損喉。八飲已不傷腹。四水。涌繞梁門外生華。八色之水從花而出。水色交映如寶花流。五花出天女二十四者。持七支戒防三世惡別三心受。故所感果有二十四。六手

出寶器甘露滿中。表得法味故滿甘露。七此諸天女左佩瓔珞右負樂器。從八色水而出。如瑞雲住空。口讚菩薩諸波羅蜜。持七支戒身三語四。反修七聖財兼行七覺分。除七睡眠之所招感。此等天女或非實女。並佛菩薩所共化成。莊嚴道場。或是女人宿持淨戒精進無犯之所感現。不可凡心之所測度。若有往生兜率天上自然得此天女侍御。贊曰。結生彼得。

亦有七寶大師子座高四由旬。閻浮檀金無量衆寶以爲莊嚴。贊曰。第三大段明願遂中大神作座。於中有十。此文有二。一座量高廣清淨法界內含四德。化身之座高四由旬。二金寶莊嚴。三業智行所嚴飾。言七寶者。三文不同。無量壽經云。金銀瑠璃頗梨珊瑚馬腦車渠。恒水經云。金銀瑠璃真珠車渠明月珠摩尼珠佛地論云。一金二銀三吠瑠璃四頗抵迦五牟婆路六揭婆。當車渠也。六揭婆。揭婆也。七赤真珠。雖有帝青大青石藏杆藏。非常所重故多不說。三文隨方愛樂差別。不可

釋其不同所以

座四角頭生四蓮華一一蓮華百寶所成一一寶出百億光明其光微妙化爲五百億衆寶難華莊嚴寶帳 贊曰。三生四花。慈悲喜捨內四無量外感花故四。百寶飾十善業道自作教他讚歎慶喜。少分多分全分少時多時盡喜行。故一一有十名爲百行。內修百行外百寶成。所以上下多說百數。五放光明。智破暗故六難花莊嚴。衆行助故

時十方面百千梵王各持一梵天妙寶以爲寶鈴懸寶帳上時小梵王持天衆寶以爲羅網彌覆帳上爾時百千無數天子天女眷屬各持寶華以布座上是諸蓮華自然皆出五百億寶女手執白拂侍立帳內 贊曰。七內修四辨外有大梵懸寶鈴天人敬重。八內修總持外有小梵爲網。九天子天女持花布座。十寶女執白拂侍立帳內。皆由凡除十惡修善戒。菩薩亦持十無盡戒之所招感

持宮四角有四寶柱一一寶柱有百千樓閣梵摩尼珠以爲交絡時諸閣間有百千天女色妙無比手執樂器其樂音中演說苦空無常無我諸波羅蜜 贊曰。第四大段願遂中大神造柱。於中有四。一於宮四角各有一柱。二寶柱各有寶珠樓閣梵摩尼者。謂淨摩尼或大梵王如意珠也。此柱皆以梵如意珠而爲交絡。三閣間天女手執樂器。四樂音演法內修四念住心住不動。外感四柱種種莊嚴

如是天宮有百億萬無量寶色一一諸女亦同寶色 贊曰。第五大段願遂中天宮天女寶

色皆同。欲顯內院種種莊嚴。欲令有情同入佛慧故

爾時十方無量諸天命終皆願生兜率天宮 贊曰。大神造堂中大段第三諸天觀勝發願往生。彌勒生已方皆發願。亦有未生而發願者

時兜率天有五大神 贊曰。自下第三大段明五大神於外內宮種種嚴飾。於中有二。初標後顯。此標也。由菩薩等內修五蘊妙用莫方。外感五神威力無比。五蘊者。一戒蘊。二定蘊。三慧蘊。緣有爲慧。四解脫蘊。勝解數也。五解脫知見。緣緣無爲慧

第一大神名曰寶幢身雨七寶散宮牆內一一寶珠化成無量樂器懸處空中不鼓自鳴有無量音適衆生意 贊曰。內持戒得尊高。如寶幢高顯故。戒七支雨七寶。由持戒故各稱人心。感得樂音適衆生意

第二大神名曰華德身雨衆華彌覆宮牆化成華蓋一一蓋華百千幢幡以爲導引 贊曰。內修定蘊外感大神名曰花德。定水澄清出妙花故。起四無量垂覆四生。故雨衆華化成花蓋。無量衆行助嚴禪定。感百千幡以爲導引

第三大神名曰香音身毛孔中雨出微妙海此岸梅檀香如雲作百寶色遶宮七匝 贊曰。內具慧蘊說法利物破無明臭。外感大神名曰香音。智慧可重如海此岸香。海此岸香六銖價直娑婆世界。遶宮七匝除七漏故。七漏者。謂見漏念漏愛漏思漏煩惱漏惡漏親近漏

第四大神名曰喜樂雨如意珠一一寶珠自然住在幢幡之上顯說無量歸佛歸法歸比丘僧及說五戒無量善法諸波羅蜜饒益勸助菩提音者 贊曰。內解脫蘊。外感大神名曰喜樂。離邪解憂苦得勝解喜樂。心既決定修行能成。故雨如意珠也。心常決定住於真如。外感神珠住在幢幡之上。既說三歸又說五戒及諸善法。饒益者利樂義。勸者讚勉義。助者資益濟苦義。音謂音聲。者謂行者。此意總顯神珠演說三歸五戒利樂勸勉發求大菩提聲之行者

第五大神名曰正音聲身諸毛孔流出衆水一一水上有五百億華一一華上有二十五玉女一一玉女身諸毛孔出一切音聲勝天魔后所有音樂 贊曰。內修解脫智見蘊。外感大神名曰正音聲。智順正理。如正音聲故。出衆水者。智水潤渡正覺牙故。五百億花嚴衆德故。二十五玉女者。利益出生二十五有諸善根故。此諸玉女出諸聲者。二十五有一切衆生皆歸念故。出世間聲美妙可愛故。勝天魔后所有音樂。或五大神凡持五戒之所感得。亦是五通之所招集。神通。他心宿命天眼天耳如次之所感現

佛告優婆塞此名兜率陀天十善報應勝妙福處 贊曰。答淨穢中。上來第一答處淨穢。下結所因歎處勝妙。於中有二。一結因二歎勝。此結因也。十不善業得果有四。一異熟。二等流。三增上。四土用。十善業道能得五果加離繫果。無漏得四除異熟果。有漏有四除離繫

果。二種相資故得五果。下明內身即異熟果。又云於一時間成熟五百億天子得不退地。即離繫果。長壽相等名等流果。此等外果有二。一增上二士用。如瑜伽論第五十九六十及對法論第八廣說十惡業道所有果相。翻彼即是十善道果。此中總說十善道果不別顯示。然諸善法十善攝盡。業道攝重十善通輕。故此據總攝一切盡。隨義應知。

若我住世一小劫中廣說一生補處菩薩報應及十善果者不能窮盡。今為汝等略而解說。贊曰。此歎勝也。一小劫者日月歲數劫也。三劫行因果應無量。況佛示現境界難思。凡善因果亦廣大。故一小劫說亦難盡。即是聖凡之因所招外內二果下上兩品所招集故。今為小器略而解說。廣則無邊。

佛告優波離。若有比丘及一切大眾不厭生死樂生天者。愛敬無上菩提心者。欲為彌勒作弟子者。當作是觀。贊曰。明外果中自下第三結勸生彼。於中有三。一示生彼人。二教生彼行。三結成正觀。此示生彼人也。略有三人。一者菩薩行法不厭生死受生。死苦行利樂故樂生天者。說脫所依修妙行故於一切生受尊貴。故處劣。自體行不圓故生天得見彌勒佛。故不同二乘厭生死苦。恐天放逸不樂生也。二者愛敬無上菩提心者。樂修勝行求大菩提。於彌勒所。開大法故。不樂大乘希小果者。隨受生處欣涅槃故。三者欲為彌勒作弟子者。願於惡界為作善利。苦有情所希行救濟不願淨土。作餘佛弟子彼無苦有情可行。

濟度無苦可厭。欣心不深故。又釋迦末法持戒犯戒有成無戒釋迦皆彌勒度之。自揣解行難生淨土。可為彌勒作弟子者。於上所說天宮處所應作是觀。其觀者何。

作是觀者應持五戒八齋具足戒身心精進不求斷結修十善法。一思惟兜率陀天上妙快樂。贊曰。二教生彼行也。此修五因。一持五戒。二持八戒。三持具足戒。即是出家五乘所受皆名具戒。四身心精進不求斷結。精謂精純無惡難故。進謂昇進不懈退故。不求斷結者。非作精進六行斷結。斷結便生上二界。故五修十善法。今此且論凡夫散心。五趣因行感內外院。增上果業未是互細分別。解釋生彼業因。廣勸生中方具教示。雖修此因要須一一思惟。彼天上妙快樂迴願生。故前行非觀觀為首。故思惟彼故名之為觀。

作是觀者名為正觀。若他觀者名為邪觀。贊曰。結成正觀。去佛時遙病重行闕。受佛付囑。欣當佛度末代津梁。真為正觀。業淺識微。智量疎拙。欣生報土。越分所望。不稱病行名為邪觀。

爾時優波離即從座起。整衣服頭面作禮。白佛言。世尊兜率陀天上乃有如是極妙樂事。贊曰。上明外果。下明內果。於中有三。初啓請。次廣答。後佛滅度後勸生於彼。啓請有三。一請儀二數勝三正請。此中具二。作禮以上請儀。白佛以下歎勝。

今此大士。何時於閻浮提沒生於彼天。贊曰。正請也。有二問。一問此沒二問生彼。

佛告優波離。却後十二年二月十五日於波羅奈國劫波利村波婆利大婆羅門家本所生處結加趺坐。如入滅定。贊曰。下廣答有四。第一答此沒。第二時兜率陀天七寶臺內下答生彼天。第三閻浮提歲數下乘言便故說下生時節。明住彼天之壽量也。第四佛告優波離。是名彌勒下總結。初中有七。此文有三。一命終年月。却後十二年者。表開授記得度生死十二緣起。二月者。涅槃。經第三十二云。二月名春陽。春陽之月萬物生長。種植根栽花菓敷榮。江河盈滿。百獸孕乳。是時衆生多生常想。為破此常說一切法悉是無常。唯說如來常住無變。於六時中。孟冬枯悴衆不愛樂。陽春和淑人所貪愛。為破衆生世間樂故。演說常樂我淨亦爾。言二月者。喻二種法身。謂自性身及智法身。冬不樂者。喻於智者不樂。如來無常入於涅槃。二月樂者。喻於智者樂。於如來常樂我淨。種植者。喻聞法歡喜發菩提心。種諸善根。河者。喻於十方諸大菩薩來詣我所。諸受如是。大涅槃契典。百獸孕乳者。喻我弟子生諸善根。花喻七覺。菓喻四果。以是義故。二月涅槃。師子孔言。初生出家成道轉妙法輪。皆以八日。何故涅槃獨十五日。善男子。如十五日。月無虧盈。諸佛亦爾。入大涅槃無有虧盈。故以十五日入涅槃。如十五日。月盛滿時有十一事。一破暗。二令見道非道。三令見邪正。四除舊蒸得清涼。五能破壞螢火。六息一切賊盜之想。七除衆生畏惡獸心。八能開敷優鉢羅花。九含蓮花。十發行人。

心。八能開敷優鉢羅花。九含蓮花。十發行人。

進路之心。十一令諸衆生樂受五欲多獲快樂。如來滿月亦復如是。一破無明暗。二演說正道邪道。三開示生死邪險涅槃平生。四令人遠離貪瞋癡熱。五破壞外道。六破壞煩惱結賊。七除滅畏五蓋心。八開敷衆生種善根心。九覆蓋衆生五欲之心。十發起衆生進修趣向大涅槃行。十一令諸衆生樂修解脫。故十五日入涅槃義理既同。故涅槃之時與佛無異。上明歲月。二者涅槃處。處即於本國本村。父名波婆利。本生之處。釋迦佛於迦維羅衛國生。於俱尸那國入滅。表此化緣畢餘方教化。處胎經第二說。我身今滅不復更生於閻浮提於十方三十二說諸佛利。中遍施佛事。此緣盡故彼不盡故。慈氏本生處入滅者。此緣未盡。表於此滅後於此生行利他故。三者入滅形相結跏趺坐如入滅定。釋迦北首右脇枕手而入滅者。四威儀中臥爲極故。表釋迦佛化緣盡故。欲臥必坐。顯彌勒佛利樂未終當得果時事方終故。二相不同。表極未極有差別故。如入滅定者。似入涅槃實未圓滅。方上生故。

身且在兜率行一佛化故。不動搖者。表佛法身本無生滅動作事故。身圓光中有首楞嚴三昧般若波羅蜜字義炳然。贊曰。第六圓光神異。梵云三摩地。此云等持。三昧者訛也。大乘之中妙定及慧字之與義二俱炳然。炳然者煥爛之異名也。此意即顯圓光之中有定與慧字義煥爛溢目顯然。顯其文而義顯。故義稱現。不爾如何光能現義顯。雖入滅禪定智慧由來明煥。時諸天人尋即爲起衆寶妙塔供養舍利。贊曰。第七天人供養。身雖入滅舍利猶在。時兜率陀天七寶臺內摩尼殿上師子床坐忽然化生。贊曰。自下第二答生彼天。於中有六。一生處。二生相。三身量莊嚴。四異聖神變。五相好光明。六說法利益。此即初也。七寶臺者。七財飾故即法堂也。師子座者。於彼臺中法王位極得無畏故。忽然化生者。四生中最勝故。自餘諸天於父膝上忽然化生。彌勒乃於師子座生。凡聖異故。欲顯菩薩離欲生故。於蓮花上結跏趺坐身如閻浮檀金色。贊曰。第二生相蓮華上者。於師子座上更有蓮花。一切佛座淨土等中皆坐蓮花。表出生死之淤泥秀二乘之濁水故。結跏趺坐者。如盤龍居。以左押右降伏而坐。以右押左吉祥而坐。既將說法顯作吉祥。身色如金表可寶重。長十六由旬三十二相八十種好皆悉具足。頂上肉髻紺瑠璃色釋迦毘楞伽摩尼百千萬億甄叔迦寶以嚴天冠。贊曰。第三身量莊嚴。

長十六由旬者。德高無比能越六道超十地故。相好之義如下當說。壽量隨天示同俗故量越天衆真德高故。肉髻上髮紺青瑠璃之色釋迦毘楞伽摩尼者。謂能種種現如意珠及甄叔迦寶以嚴天冠。甄叔迦寶狀如延珪似赤瑠璃。其天寶冠有百萬億色一色中有無量百千化佛諸化菩薩以爲侍者復有他方諸大菩薩作十八變隨意自在住天冠中。贊曰。第四異聖神變。意願心首。常共諸佛十方菩薩爲伴侶故。十八變者。一振動。二熾然。三流布。四示現。五轉變。六往來。七卷。八舒。九衆像入身。十同類往趣。十一隱。十二顯。十三所作自在。十四制他神通。十五能施辨才。十六能施憶念。十七能施安樂。十八放大光明。如瑜伽論三十七說。彌勒眉間有白毫相光流出衆光作百寶色三十二相一一相中五百億寶色一一好中亦有五百億寶色一一相好顯出八萬四千光明雲。贊曰。第五相好光明。眉間毫相第三十一相也。諸佛毫相皆眉間者。極端嚴故。面爲尊。上間表兩中顯佛恒時貴處中道。毫相若舒便長無量。卷如秋月。圓皎鮮光。白類雪珂。顯煥衆景。白爲色本。表作情依時有卷舒。顯隨緣現。流衆光者。顯演三乘相中最勝。所以偏說下聖無有。由此獨陳。三十二相者。依大般若第三百八十一。佛言。善現云何如來三十二相。善現世尊足下有平滿相。妙善安住猶如寶底。地雖高下隨足所蹈。皆悉坦然無不

①光二先② 光①② ③心二惡④ ⑤處二所⑥ ⑦說二該⑧ ⑨位二設⑩

等觸是爲第一。世尊足下千輻輪文輞。穀衆相無不圓滿。是爲第二。世尊手足皆悉柔軟如觀羅綿。勝過一切。是爲第三。世尊手足一指間猶如雁王威有輞網。金色交絡文同綺畫。是爲第四。世尊手足所有諸指圓滿纖長其可愛樂。是爲第五。世尊足跟廣長圓滿與跌相稱勝餘有情。是爲第六。世尊足趺修高宛滿柔軟妙好與跟相稱。是爲第七。世尊雙腩漸次纖圓。如翳泥耶仙鹿王腩。是爲第八。世尊雙臂修直臚圓。如象王鼻平立摩膝。是爲第九。世尊陰相勢峯藏。密其猶龍馬亦如象王。是爲第十。世尊毛孔各一毛生。柔潤紺青右旋宛轉。是爲第十一。世尊髮毛端皆上靡。右旋宛轉柔潤紺青。是爲第十二。世尊身皮細薄潤滑。塵垢水等皆所不住。是爲第十三。世尊身皮皆真金色光潔晃曜如妙金堂。衆寶莊嚴衆所樂見。是第十四。世尊兩足二手掌中頭及雙肩七處充滿。是第十五。世尊肩項圓滿殊妙。是爲第十六。世尊膊腋悉皆充實。是爲第十七。世尊容儀洪滿端直。是爲第十八。世尊身相修廣端嚴。是第十九。世尊體相縱廣量等周匝圓滿。如諾瞿陀。是第二十。世尊額臚并身上半威容廣大。如師子王。是第二十一。世尊常光面各一尋。是第二十二。世尊齒相四十齊平。淨密根深白逾珂雪。是第二十三。世尊四牙鮮白鋒利。是第二十四。世尊常得味中上味喉脈直。故能引身中諸支節脈。所有上味風熱痰病不能爲難。由彼不難脈離沈浮延縮壞損擁曲等過。能

正吞咽津液流通。故身心適當得上味。是二十五。世尊舌相薄淨廣長能覆面輪至耳髮際。是二十六。世尊梵音詞韻和雅隨衆多少無不等聞。其聲洪震猶如天鼓。發言婉約如頻迦音。是二十七。世尊眼睫猶若牛王。紺青齊整不相雜亂。是二十八。世尊眼睛紺青鮮白紅環間飾皎潔分明。是二十九。世尊面輪其猶滿月。眉相皎淨如天帝弓。是第三十。世尊眉間有白毫相。右旋柔軟如都羅綿。鮮白光淨逾珂雪等。是第三十一。世尊頂上烏瑟膩沙高顯周圍猶如天蓋。是第三十二。善現是名三十二大士相。善現云何如來應正等覺八十隨好。善現世尊指爪狹長薄潤光潔鮮淨如花赤銅。是爲第一。世尊手足指圓纖長臚直柔軟。會不現。是爲第二。世尊手足各等無差。於諸指間悉皆充實。是爲第三。世尊手足圓滿如意。軟淨光澤色如蓮花。是爲第四。世尊筋脈盤結堅固深隱不現。是爲第五。世尊兩踝俱隱不現。是爲第六。世尊行步直進庠序如龍象王。是爲第七。世尊行步威容齊肅如師子王。是爲第八。世尊行步安平庠序。不過不減猶如牛王。是爲第九。世尊行步進止儀雅猶如鵝王。是爲第十。世尊迴顧必皆右旋如龍象王。舉身隨轉。是第十一。世尊支節漸次臚圓妙善安布。是第十二。世尊骨節交結無隙猶如龍盤。是第十三。世尊膝輪妙善安布堅固圓滿。是第十四。世尊隱處其文妙好威勢具足圓滿清淨。是第十五。世尊身支潤滑柔軟光悅鮮淨塵垢不著。是第十六。世尊

身容敦肅無畏常不怯弱。是第十七。世尊身支堅固稠密善相屬著。是第十八。世尊身支安定敦重曾不掉動圓滿無壞。是第十九。世尊身相猶如仙王。周匝端嚴光淨離翳。是第二十。世尊身有周匝圓先。於行等時恒自照耀。是第二十一。世尊腹形方正無欠柔軟不現衆相莊嚴。是第二十二。世尊臍深右旋圓妙清淨光澤。是第二十三。世尊臍厚不露不凸周臣妙好。是第二十四。世尊皮膚遠離疥癬亦無壓點疣贅等過。是第二十五。世尊手掌充滿柔軟足下安平。是第二十六。世尊手文深長明直潤澤不斷。是第二十七。世尊唇色光潤丹暉如頻婆葉上下相稱。是第二十八。世尊面門不長不短不大不小如量端嚴。是第二十九。世尊舌相軟薄廣長如赤銅色。是第三十。世尊發聲威震深遠。如象王吼明朗清徹。是第三十一。世尊音韻美妙具足如深谷響。是第三十二。世尊鼻高修而且直。其孔不現。是第三十三。世尊諸齒方整鮮白。是第三十四。世尊諸牙圓白光潔漸次鋒利。是第三十五。世尊眼。精青白分明。是三十六。世尊眼相修廣譬如青蓮花葉。甚可愛樂。是第三十七。世尊眼睫上下齊整稠密不白。是第三十八。世尊雙眉長而不曲。緻而細軟。是第三十九。世尊雙眉綺靡順次紺瑠璃色。是第四十。世尊雙眉高顯光潤形如初月。是第四十一。世尊耳厚廣大修長輪埵成。就。是第四十二。世尊兩耳綺麗齊平離衆過失。是第四十三。世尊容儀能令見者無損無染皆生愛敬。是第四十四。世尊額廣圓滿不正形相殊妙。

①數一教②③會二計④⑤區二同⑥⑦區⑧精二情⑨⑩細十(柔)⑪⑫就二熟⑬⑭



四百四十億歲。彼天四千歲當此五千七百六十億歲。即與經文不同。今以理推。初以人間四百年為彼一日一夜。復若數以一百而為一。類數計即相當。一當百故人間四十歲為彼十日。人間四百歲為彼百日。人間一千四百四十歲為彼一年。人間一萬四千四百歲為彼十年。人間一億四萬四千歲為彼百年。人間十四億四萬歲為彼千年。彼四千年當人間五十七億六萬歲。西方有三億數。一十萬為億。二百萬為億。三千萬為億。以理推排。以千萬為一億。計之即相當矣。是故於經億字之上應加七字。其前六字應萬上安。只恐梵本誦有參差過。譯家自成謬。若不爾便少一億五萬歲。理定應爾。智者應知。然此歲數四文不同。賢劫定意經云。彌勒五億七千六萬歲當下作佛。其五億者即五十億。前以千萬為一億成五十億。此以萬萬為一億。故成五億。七十萬者即七億也。十萬為一億。故六萬數同。更不勞釋。唯此一經增減殊。與論算同。自餘皆別。雙卷泥洹經云。一億四千歲。全不相當。此經及一切智光明仙人慈心經云。五十六億萬歲。如前已正。菩薩處胎經及寶思經云。五十六億七千萬歲。其六字應云七。其七字應云六。其千萬者以百萬為一億以算之。六千萬者六十億也。義不相違。如是推尋。雖乖古疏尋文究理亦應無謬。菩薩在天壽量會無中天生在人間。大成佛經說。壽六萬歲天盡其年人間長者時宜現。故不同釋迦。大盡其年人間早滅衆生厭故化

緣畢故。處胎經說。彌勒人間壽八萬四千歲。若依彼說。不須和會。如下生經陳下生事。天利既畢人機復熟。故乃下生。

佛告優婆塞。離是名彌勒菩薩於閻浮提沒生兜率陀天因緣。贊曰。第四大段總結上說。因緣者相狀所由為利益故終說上生。皆有所由名因緣故。

佛滅度後我諸弟子若有精勤修諸功德威儀不缺掃塔塗地以衆名香妙華供養行衆三昧深入正受讀誦經典。贊曰。明內果中自下第三勸生於彼。於中有三。初勸生彼行。次衆發希願。後結成正觀。初文有五。一弟子修六事法往住。二八部聞名敬喜往住。三二衆犯戒悔淨往住。四歸依不退當得度脫。五四部弟子願往住者修十善行念名恭敬等滅罪多少。雖有五段分之為三。初三段明三品往生。次一段明作歸依總勸歸生證得善利。後一段示歸生者滅罪多少。初之三品明三品生中分三。初一段上品行生。次一段中品行生。後一段下品行生。初中有六。一示其六法。二教其迴願。三明正往生。四諸天讚勸。五生彼利益六總結成上。此初文也。六事法者。一精勤修福敬恩悲田中所作業等。二威儀不缺。堅守諸戒行自住軌則等。三拂塔塗地修飾道場正理制多等。四香花供養四事什物隨給濟等。五凡夫行三昧聞思等定。聖人入正受。隨所得福或凡三昧非六行定。六行定者必上生。故深住聞思亦名三昧。六讀誦經典演說修習十法行等。且舉偏勝易行。上首有

此六事。其中一一具攝衆業。若具修六或能修五上上品生。若修三四上中品生。若修一二上下品生。

如是等人應當至心雖不斷結如得六通。贊曰。第二教迴願。文勢有二。初歎業勝。雖諸凡夫不斷結使異於聖者。若修六事神用廣大必定往生。如得六通聖者無異。

應當繫念念佛形像稱彌勒名。贊曰。大明稱念。雖復修行。仍須正念心想形容口恒稱念。如是等輩若一念頃受八戒齋修諸淨業發弘誓願。贊曰。後明迴願。如上所說行六事輩極少但能於一念頃至心不犯。持八戒齋隨修淨業。發願資助迴向定生。言一念者非餘時犯。唯一念持戒。初唯發願一念持故。何況多時。

命終之後譬如壯士屈申臂頃即得往生兜率天於蓮華上結跏趺坐。贊曰。第三明往生有二。一生時節。譬如壯士屈申臂頃。顯業決定生便速疾。二生處。所蓮花之上結跏趺坐。定出生死除煩惱故。既生彼天住於梵行故。於花上結跏趺坐。

百千天子作天妓樂持天曼陀羅華摩訶曼陀羅華以散其上。贊曰。第四諸天讚勸有三。初散花也。摩訶曼陀羅花者此云大適意花。讚言善哉善哉善男子汝於閻浮提廣修福業來生此處。贊曰。次讚歎也。歎美深極。重善哉。由習大因今成勝果。

此處名兜率陀天。今此天主名曰彌勒汝當歸

依 贊曰。後勸歸也。處名知足。由是不耽生死。主號慈尊。故能垂矜苦厄。

應聲即禮。禮已諦觀眉間白毫相光。即得超越九十億劫生死之罪。贊曰。第五生彼利益中有二。初滅罪也。無間罪劫一增一減。餘處罪劫歲數爲之。末劫。凡夫行多庸鄙。能超惡境。祈彼淨方。夙運不殫。生爲上品。況乎靈景獨在毫光。心專諦觀。不超生死者也。

是時菩薩隨其宿緣。爲說妙法。令其堅固不退。轉於無上道心。贊曰。後獲得也。隨說宿緣。令憶前業。識因知果。自成不退。昔不退者。更爲堅固。隨其位次。成上發心。

如是等衆生。若淨諸業。行六事法。必定無疑。當得生於兜率天上。值遇彌勒。贊曰。第六總結成上。中有四。一得生上也。三業俱淨。六事齊修。後生彼天。此事何惑。隨修六法。少淨三業。心期不退。後定上生。

亦隨彌勒下閻浮提。第一聞法。贊曰。二隨下也。父子之道。尙感天然。虎嘯風生。此事何惑。六事滿三業圓。上品生彼者。隨初會而聞法。

於未來世。值遇賢劫一切諸佛。贊曰。三值賢劫佛也。善業純備。正見恒生。既具智福之資。獲逢賢劫之佛。

於星宿劫。亦得值遇諸佛。世尊於諸佛前。受菩提記。贊曰。四值星宿劫佛也。小乘中說。初劫逢七萬五千。第二劫逢七萬六千。第三劫逢七萬七千。依涅槃經第六卷行四依中。初依在地。前逢五恒沙佛。第二依在前六地。

逢六恒河沙佛。第三依在七八九地。逢七恒河沙佛。第四依在第十地。逢八恒河沙佛。初地菩薩。得值百億佛。二地千億。乃至十地無量無邊。故生彼者。因見彌勒。得逢星宿劫千佛。此何疑也。受菩提記者。此句通上。賢劫諸佛。亦爲受記。受記有六。如菩薩地說。

佛告優婆塞離佛。滅度後。比丘丘尼優婆塞。優婆塞天龍夜叉乾闥婆阿修羅迦樓羅緊那羅摩睺羅伽等。是諸大衆。若有得聞彌勒菩薩摩訶薩名者。聞已歡喜恭敬禮拜此人。命終如彈指頃。即得往生如前無異。贊曰。此第二段八部聞名敬喜往生。即是第二中品生也。於中有二。初明敬喜發願往生。後明不願生聞名亦利益。此即初也。四衆八部。先不犯戒。亦不造惡。罪輕微者。聞名心喜。語發恭敬。身禮拜者。由因勝劣。當果雖殊。天讚罪除。不退值佛。與前無異。具三業者。中上品生。唯具二業。中中品生。若唯一業。中下品生。

但得聞是彌勒名者。命終亦不墮黑闇處。邊地邪見諸惡律儀。贊曰。此明不願生聞名亦利益。有二。初無惡後有善。無惡有四。一不墮暗處。若處黑闇名暗處。即諸地獄及二界中間。若黑果處名暗處。即三惡趣。二界中間生無佛法處也。二不墮邊地。不墮之言。貫下三句。若處邊名邊。即諸邊境遠賢良處。若行邊名邊。即攝處處及蔑戾車達絮等處。前不墮三塗。此不墮八難。三不墮邪見。若別邪見。唯斷善根類。若不正名邪見惡見。皆是四不墮諸惡律儀。惡者不善。律者法。儀者式。即不

律儀。對法第八不律儀有十四或十五。謂屠羊養鷄養豬捕鳥捕魚獵鹿置兔劫盜魁膾害牛縛象立壇呪龍守獄譏構好爲損等。涅槃經中說有十六。牛羊猪鷄爲利故養。肥已轉賣。即以爲四。爲利故買已屠殺。復以爲四。并前爲八。捕魚捕鳥獵師劫盜魁膾兩舌獄卒呪龍復以爲八。合前十六。瑜伽第九說有十二。加對法一少對法三。雜心說十二。謂屠羊養猪養鷄捕鳥捕魚獵師作賊魁膾守獄呪龍屠大伺獵。總有十二。四文不同者。涅槃經師即攝獵鹿。兔兔縛象三種。對法據多分且說三種。涅槃意通捉雞之屬。對法樂損涅槃中無。對法寬故。涅槃初八開差別故。即對法四俱彼生。故對法譏構即是兩舌名異義同。故雜心小宗俱說重者名非律儀。餘者輕故。此惡律儀亦攝一切犯戒惡行。其墮邪見及惡律儀有佛無佛中方邊方皆具有之。若聞彌勒名皆定不墮。三業歸依深心歡喜。四等宿願威力加故。

恒生正見。恒生正見眷屬成就。不謗三寶。贊曰。此明有善有三。一恒生正見。翻前邪見。二眷屬成就。翻前不作諸惡律儀。諸惡律儀者。惡眷屬故。三不謗三寶。翻前不墮闇處。不生邊地。恒逢三寶生信向。故不但中品無四惡有三善。上下品生隨應亦有。欲明聞名者改八部之異形。受四生之勝體。偏於中品而獨明之。佛告優婆塞離若善男子善女人。犯諸禁戒。造來惡業。聞是菩薩大悲名字。五體投地。誠心懺悔。



是諸惡業速得清淨。贊曰：此第三段二衆犯戒悔淨往生。即是第三下品生也。於中有三。一悔歸罪滅修行往生。二見得不退三未來值佛。初中有三。一罪滅罪滅有二。一者先受戒禁而後犯之。二者先不受戒造衆惡業。聞名歸禮兩手二足及以頭首五體投地至誠懺悔罪速清淨。

未來世中諸衆生等聞是菩薩大悲名稱造立形像香花衣服繒蓋幢幡禮拜繫念。贊曰：二修行也。設不作罪懺悔願生。但修十行定得生彼。一聞名稱。二造形像。三香供。四花供。五衣服供。六繒蓋供。七幢供。八幡供。九身恒禮拜。十心口繫念。

此人欲命終時彌勒菩薩放眉間白毫大人相光與諸天子雨曼陀羅華來迎此人此人須臾即得往生。贊曰：三往生也。犯戒造惡。悔歸清淨聞名修行。命欲終時菩薩放白毫之妙光滅其罪障。雨綺花之麗色長其道種佛天來迎。表慈深故須臾往生。顯業勝故。此中有三。懺悔造像供養禮拜及繫念者下品上生。懺悔造像供養禮拜不恒繫念者下品中生。懺悔造像供養而已不恒禮拜不常念者下品下生。雖歸懺悔罪得銷除。不造形像供養禮拜等。或但形像或但供養或但禮拜或但繫念或一稱名亦下下品。說不生彼三會之中亦得度脫。

值過彌勒頭面禮敬未畢頭項便得聞法即於無上道得不退轉。贊曰：第二見得不退轉也。善根久熟見便禮敬。慈悲自起疾得聞法。

除不信心速得不退

於未來世得值恒河沙等諸佛如來。贊曰：第三未來值佛也。上來三類明九品生。並內衆中親得見佛速聞法也。若生外衆。雖第九品任運後時還成不退。佛號慈尊。善自長故。

佛告優波離汝今諦聽是彌勒菩薩當爲未來世一切衆生作大歸依處若有歸依彌勒菩薩成多陀阿伽度阿羅訶三藐三佛陀時如此行人見佛光明即得受記。贊曰：第四大段總但明有歸依不退當得度脫。有三。一明作歸依。我即滅度異報之佛未逢末法弟子皆囑慈尊令度。若不見者便失大利名作歸依。二歸依者得不退。三彌勒成佛見光受記。其得聖者慧眼智光。其凡夫者眼見金色。多陀阿伽度如來也。阿羅訶應也。三藐三佛陀正遍知也。

佛告優波離佛滅度後四部弟子天龍鬼神若有欲生兜率天者當作是觀繫念思惟。贊曰：第五大段明上九品願往生者修十善行念名恭敬等滅罪多少。於中有二。初明樂生業滿得生。後明不樂行亦未滿。樂生中有四。一令念。二勤行。三教願。四滅罪。此初也。

念兜率陀持佛禁戒一日至七日思念十善行十善道。贊曰：第二勤行也。且論持戒不論餘業。舉其極小一日至七日亦得往生。何況多年多生修行。以一切善十善攝盡故思念之行據重者名十善道。

以此功德迴向願生彌勒前者當作是觀。贊

曰：第三教願也。有行無願。而行心孤未必得生慈氏所故。有願無行而願必虛。前既無因果不生故。所以教願與行相扶。

作是觀者若見一天人坐一蓮華若一念頃稱彌勒名此人除却千二百劫生死之罪。贊曰：第四滅罪有三。一逢緣駐想。二聞名起敬。三禮拜投誠。此即初也。初緣有二。一有情二諸法。見一天人者。隨遇一有情緣即念彌勒。有苦念拔。無樂念與。惡者念除。善者念攝。勝者欣求。劣者念厭。善友念崇。惡友念拒。見一蓮花者。隨遇一法即念彌勒。好法思供養。惡法思不遇。染法欣斷。淨法欣修。此中且舉有情及一法即念彌勒。此意總顯作上生業。二品修者逢緣思念。一切時念不暫休廢。若一念頃念滅千二百劫生死之罪。慈氏宿願念者心事故致於此。阿彌陀佛八十劫滅。彌勒昔願力不同。慈悲深淺樂苦殊殊。欣心輕重有差別故。如前校量中說。

但聞彌勒名合掌恭敬此人除却五十劫生死之罪。贊曰：第二聞名起敬也。前明若逢緣一念頃念滅千二百劫。此但聞名合掌恭敬除五十劫。但發身業首不至地。歸心輕故。若有敬禮彌勒者除却百億劫生死之罪。贊曰：第三禮拜投誠也。以首至地晝夜相續除罪百億劫。身心等歸並皆重故。此爲最重見毫。第二一念頃。第三聞名合掌。第四輕重異故。問何故見身毫相不如遙念。答見佛身相滅罪定多。良以遙念行而難生。見歸崇而易起。行化之法先勸作難修後勸作易行。又人

聞苦重欣意殊深。天上樂多厭心誠淺。又遙念者一念頃時長故意念故。見光者暫時間時短故眼見。故遙念者滅罪多見毫光者滅罪小。問聞名歸念滅罪多。小經有明文。造形供養功德多少。答功德更多。作事相續念亦大故。此中且舉少念少禮一暫歸聞。若數數聽聞頻頻敬禮朝朝供養。功德更多。前三品修但明得生之福。未論滅罪之相。第二段中明作歸依不退利益。今第三段方明滅罪。即是總說作大歸依。令衆欣生歸崇滅罪。

設不生天未來世中龍華菩提樹下亦得值遇發無上道心。贊曰。此明不樂生業。力未滿者龍花三會亦發道心。其前樂生三品業滿龍花三會悉得道。此唯發心故成差別。菩薩處胎經第二卷說。汝生快樂國。不如我國苦。汝說法甚易。我說法甚難。初說九十六受我五戒者。次說九十四受持三歸者。後說九十二一稱南無佛。據實上品生修六事法。彼經唯言受我五戒。初會度者但舉行者修六中一。威儀不缺攝。上下品生唯一事故。受持三歸第二會度者中三品中中上品生。具三業故。一稱南無佛第三會度者下三品中下下品攝。唯口念故。彼經且舉三各一。龜俗所修非具顯。故不相違也。

說是語時無量大眾即從座起頂禮佛足禮彌勒足繞佛及彌勒菩薩百千匝。贊曰。勸生彼中自下第二大段衆發希願有二。初衆發希願。後佛記生願中有二。一明威儀。二明發願。此初也。從坐起者。表生於彼從生死起禮

二足者。捨煩惱故。繞佛菩薩百千匝者。顯百千生常不離故。

未得道者各發誓願我等天人八部今於佛前發誠實誓願於未來世值遇彌勒捨此身已皆得上生兜率陀天。贊曰。此發願也。未得道者但舉凡夫。聖隨願故不還無學等神通可往勸勸。末代故唯舉凡不談聖往。未來值遇三會得度。捨此身已方願生上。

世尊記曰汝等及未來世修福持戒皆當往生彌勒菩薩前爲彌勒菩薩之所攝受。贊曰。下佛記生。汝等及未來下品行者乃至一念稱彌勒名皆得生彼。況能修福持戒上品不生。三乘五乘皆度脫故。

佛告優婆塞作是觀者名爲正觀若他觀者名爲邪觀。贊曰。勸生彼中第三大段結成正觀爲度末代惡勸勸往。

爾時尊者阿難即從座起叉手長跪白佛言世尊善哉世尊快說彌勒所有功德亦記未來修福衆生所得果報我今隨喜。贊曰。一部之中第三大段聞名喜行分。於中有四。一問。二答。三時衆獲益。四喜退流通。初中有二。初讚說隨喜。後正問持名。此初也。歎凡及聖功德業果。故成前說皆通二感。

唯然世尊此法之要云何受持當何名此經。贊曰。此問持名。唯然者敬諾詞。此經要妙如何受持。行之儀軌復何名之。

佛告阿難汝持佛語慎勿忘失爲未來世開生天路示菩提相莫斷佛種。贊曰。第二隨答爲二。此答受持。我今滅度末代無依。故勸受

持勸令不妄。爲令未來近受天中之法樂捨四趣之淪喪。遠示菩提之妙相出三界而超驤。經在有。善植根法。滅便斷佛種。佛謂圓覺種名爲因慧。學故慧生。不學種斷。

此經名彌勒菩薩般涅槃亦名觀彌勒菩薩上生兜率陀天勸發菩提心如是受持。贊曰。此正答名。說彌勒菩薩涅槃之事故以爲名。示生彼相令有瞻觀。勸發道心流通萬代。依名釋義。如是受持。受謂領納之在心。持謂任持之不忘。

佛說是語時他方來會十萬菩薩得首楞嚴三昧。贊曰。第三時衆獲益有二。一聖益後凡益。此初也。

八萬億諸天發菩提心皆願隨從彌勒下生。贊曰。此凡益也。不但當時發心。亦願未來隨下。

佛說是語時四部弟子天龍八部聞佛所說皆大歡喜禮佛而退。贊曰。第四喜退流通。得未曾有由此歡喜事訖。依教故退流通。惡果惡因生於季俗之末。佛前佛後長於無暇之中。欣生淨土妙行不成。若冀天宮恐勝因無結淨土。雖無惡染聖教自有參差。天宮雖有欲樂。道理定無疑惑。厭塵境者觸事染而不染。耽欲樂者是事不染而染。戒業缺然福慧淺薄。佛既應物機而現機。凡亦契聖境而欣生。上聖上賢皆爲此業。下凡下位何得越之。故行同者皆應專習。率已穿鑿。望充生因。自餘狀跡具如別傳。

大宋高僧傳第四云。後躬遊五臺山。登大

行至西河。古佛宇中宿。夢身在半山巖下。有無量人唱苦聲。冥昧之間初不忍聞。徒步陟彼層峯。皆瑠璃色。盡見諸國土。仰望一城。城中有聲曰。住住咄。基公未令到此。斯須二天童自城出問曰。汝見山下罪苦衆生否。答曰。我聞聲而不見形。童子遂投與劍一鐔曰。割腹當見矣。基自割之腹開有光兩道。輝映山下見無數人受其極苦。時童子入城持紙二軸及筆投之。捧得而去。及旦驚異未已。過信夜寺中有光。久而不滅。尋視之數軸發光者。探之得彌勒上生經。乃憶前夢必慈氏令我造疏通暢厥理耳。遂投毫次筆鋒有舍利二七粒。而限如吳含桃許大。紅色可愛。次零然而下者。牧如黃梁粟粒云云。

依此贊得義 本經行講演  
欣以此法施 順次詣都率  
慈尊受教誡 顯法身無相  
觀彌勒菩薩上生兜率天經贊卷下終

### 彌勒上生經宗要

No. 1773 [C. 452]

釋元曉撰

將說此經。十門分別。初述大意。次辨宗致。三二藏是非。四三經同異。五生身處所。六出世時節。七二世有無。八三會增減。九發心久近。十證果前後。

第一述大意者。蓋聞彌勒菩薩之爲人也。遠

近莫量。深淺莫測。無始無終。非心非色。天地不能載其功。宇宙不能容其德。八聖未嘗窺其迹。七辨無足談其極。窮窮冥冥。非言非默者乎。然不周之山之高其跡可踐。朝夕之池之深其壘可涉。是知至人之玄。猶有可尋之跡。玄德之遠非無可。之行。今隨跡觀之近蹤。誠論始終之遠趣。言其始也。感慈定之光熾。發廣度之道心。浴八解之清流。息。覺之苑林。四等之情。等閏四生。三明之慧。明導三界。論其終也。度苦海於法雲。發等覺於長夢。却二障之重關。照四智之明鏡。乘六通之寶車。遊八極之曠野。千應萬化之術事。雷百億。今此經者。斯乃略歎至人垂天之妙迹。勸物修觀之真典也。彌勒菩薩者。此云慈氏覺士。賢劫千佛之內是其。如來。弗沙佛時。無習慈定。薰修其心。遂成常性。從此已來。每稱慈氏。乃至成佛。猶立是名也。兜率陀者。譯言知足。欲界六天之中是其第四。欲情重。上二淨逸心多。此第四天。欲輕逸少。非沈非浮。莫蕩於塵。故名知足。受用具。不待營作。隨念自然。故名爲天。菩薩從人昇天。故曰上生。行者靜慮思察名之爲觀。聞金口。演玉句。澍法雨之沃閭。成佛種之華菓。故言佛說。若人受持此經。觀察彼天。則能生妙樂之淨處。承慈氏之至人。登無退之聖階。謝有死之凡塵。舉是大意。以標題目。故言佛說觀彌勒菩薩上生兜率陀天經云云。

次第二明經宗致者。此經正以觀行因果而

爲其宗。令人生天。永無退轉。以爲意致。所言觀者。有其二種。一觀彼天依報莊嚴。二觀菩薩正報殊勝。專念觀察故名三昧。而非修慧。唯在聞思。此但名爲電光三昧。而無輕安。是欲界因也。所言行者。略有三種。一者聞大慈名。敬心悔前所作之罪。二者聞慈氏名。仰信此名所表之德。三者行於掃塔塗地。香華供養等諸事業。如下文說。此觀此行。合爲一根。所生之果。略有四種。一者牙莖離土之果。二者華葉蔭涼之果。三者妙華開敷之果。四者芳菓成就之果。第一牙莖離土果者。伏滅前來所作衆罪。是因初行所得果也。第二華葉蔭涼果者。不墮三途邊地耶見。因第二行所得果也。第三妙華開敷果者。謂得兜率依正妙報。因第三行之所得也。第四芳菓成就果者。於無上道得不退轉。依前二觀之所得也。所以然者。觀察菩薩依正報故。生彼天時。親承聖導。永不退於阿耨菩提。故依二觀得第四果。由聞慈氏之名。信其仁賢之德。遠離不聞賢聖名處。恒隨正見。成就眷屬。故依聞名得第二果。餘二因果。相當可知。知是觀行因果成就。無上菩提自然而至。是謂上生之果之所致也。

次第三明二藏是非者。諸說不同。或有說者。此上生經是小乘教。聲聞藏攝。所以然者。說阿逸多具凡夫身未斷諸漏。又說彼果爲十善報。以之故知非大乘教。或有說者。此經正是大乘之教。菩薩藏收。略以四文而證此義。

●須二頃●項●●以下乙本無●●大日本續藏經●□二度●●□二七●●實二實●●□□□二之域哉●●□□二第五  
●●無二先●●□□□□二天下三沈●●□二諸●●聞二開●●

一者智度論說。聲聞藏中。無菩薩衆。猶如川流。不容大海。菩薩藏中。有菩薩衆。及聲聞衆。猶如大海。容於衆流。今此經中。既有聲聞及菩薩衆。故知是大而非小也。金剛般若序中。雖無初菩薩衆。後流通分列菩薩衆。是故不應以彼作難。二者經下文說。大度大神禮十方佛發弘誓願。故知是大而非小也。以小乘教中無十方佛故。三者下文說言。晝夜六時。常說不退轉地法輪之行。逕一時中。成就五百億天子。令不退於阿耨菩提。此言實非小乘教所容。故知是大而非小也。四者聞說是經。他方來會十萬菩薩。得首楞嚴三昧。八萬億諸天發菩提心。准此得益菩薩行願。故知所聞是大乘教也。評曰。此教通被大小根性。如言愛敬無上菩提心者。欲爲彌勒作弟子者。乃至廣說。故但小不容大。大能含小。故隨所宗。菩薩藏攝。所以後師所說是也。問若如後說。初所引文云。何和會。解云。所言具凡夫身等者。是舉小乘所執釋作問。而答文言身圓光中有首楞嚴三昧波若波羅蜜字義炳然者。是表菩薩位登十地。以此三昧在彼地故。又言十善報應者。欲明菩薩十善之報。實遍十方。非直在此。但應物機。局示彼天。以之故言十善報應。由是道理。彌合大教。如下文言。若我住世。一小劫中。應說一生補處菩薩報應及十善果者。不能窮盡。故知非直十善果義說名報應。亦示以淨報應於物機。依如是義。故言報應。非直實報名十善果。由是不違大乘道理也。問此中菩薩依正莊嚴。爲是萬

行所感實報。爲是隨機所應化相。若如前者。非凡所見。是報非應。若如後者。不遍十方。是應非報。云何得言菩薩報應。解云。彼一一相。皆有分齊。不壞分齊。各遍十方。遍十方邊。非凡所見。其分齊邊。是凡所觀。然分齊即遍。遍即分齊。無障無礙。無二無別。如是功德。無非實報。隨分所見。無非應化。由是道理。故說報應。就實而言。因具萬行。果圓萬德。但今局說在天報應。故說其因直取十善也。次第四明三經同異者。上生下生及。或佛經。相望略有三種同異。一所爲同異。二所詮同異。三所攝同異。言所爲同異者。修觀行也。有其三品。上品之人。或修觀佛三昧。或因懺悔行法。即於現身。得見彌勒。隨心優劣。見形大小。此如觀佛三昧海經及大方等陀羅尼經說也。中品之人。或修觀佛三昧。或因作諸淨業。捨此身後。生兜率天。得見彌勒。至不退轉。是故上生經所說也。不品之人。修施戒等種種善業。依此發願。願見彌勒。捨此身後。隨業受生。乃至彌勒成道之時。要見世尊三會得度。是如下生成佛經說。是即上生所爲。爲中品人。餘二經者。爲下品人也。第二所詮有同異者。上生所詮。是天報應菩薩功德。餘二經者。詮於人報成佛等相。此後二經。互有廣略。其所詮理。大意同也。第三所攝有同異者。上生經者。菩薩藏攝。義如前說。餘二經者。聲聞藏收。所以然者。其成佛經。出長阿含。下生經文。深淺不異。又說成道。未明應現。依經得益。證小乘果。以之故知。非菩薩

藏。然縫衣之時。短針爲要。雖有長戟。而無所用。避雨之日。小蓋是用。普天雖覆。而無所救。是故不可以小爲輕。隨其根性大小皆珍者也。次第五明生身處所者。說處不同。華嚴經入法界品中。彌勒菩薩告善財童子言。我於此閻浮提南界摩離國內。拘提聚落。婆羅門家。種性中生。爲欲滅彼憍慢心故。化度父母及親屬。故於此命終。生兜率天。爲欲化度彼諸天故也。賢愚經第十二卷云。爾時波羅奈王名波羅度達。王有輔相。生一男兒。三十二相。衆好備滿。輔相增悅。即召相師。令占相之。因爲立字。相師問言。自從生來有何異事。輔相答言。其母素性。不能良善。懷妊已來。悲矜苦厄。慈潤黎元。相師喜曰。此是兒志。因爲立字。號曰彌勒。其兒殊稱。令士宜聞。國王聞之。懷懼言曰。今此小兒。名相顯美。儻有高德。必奪我位。寧其未長。當豫除滅。作是計已。即勅輔相。聞汝有子。容相有異。汝可將來。吾欲得見。其兒有舅。名婆梨梨。在波梨富羅國。爲彼國師。於時輔相憐哀其子。懼被其容。復作密計。密遣人乘。送與其舅。令彼長養。乃至廣說。今此經言。波羅奈國。劫波梨村。波婆梨大婆羅門家。本所生處。此三種說。云何相會。解云。後二經文。文異意同。所以然者。賢愚經意。寄父表生。故言輔相生一男兒。此非的出其生之處。上生經文。的明生處。彼土之法。婦懷妊已。還本家產。本家在於劫波梨村。知此二經文不相違也。華嚴經意。別顯異處。

大聖分身。隨機異見。處處異生。不足致怪。由是道理不相違背也。

次第六明出世時節者。欲顯彌勒世尊何劫何節幾時出世。言何劫者。在第十劫。如藏論云。二十住劫中。有五佛出世。故前五劫中無佛出世。第六劫中拘留孫佛出世。第七劫中拘那含牟尼佛出世。第八劫中迦葉佛出世。第九劫中釋迦牟尼佛出世。第十劫中彌勒佛出世。後十住劫中亦無佛出世。乃至廣說。言何節者。劫減時出。如論說云。爲劫上時諸佛出世。爲於劫下。偈曰。成佛於劫下。減八萬至百。云何不於劫上時出。此時衆生難教厭離。從百歲至十。厭離心重。最應易生。何故不出於此時中。五濁熾盛故。又云。人壽無量時。乃至八萬歲。輪王出世。不減八萬時。何以故。減八萬時。非此吉祥福樂品故。問依此論文。輪王與佛出世時異。云何輪王與佛同世。解云。輪王生時。未減八萬。未及始減。故得相值。如賢劫經言。稍增至六萬歲時。有轉輪王。輪王相次。經第七王時。人壽八萬四千歲。彌勒出興。大彌勒成佛經亦云。八萬四千阿含經及賢愚經中。止論八萬。俱舍論云。長極八萬。短至十歲。案云。言八萬者。舉其大數。不至九萬。故言極八。又佛出時。始減數十。大數未闕。所以猶言八萬四千。若依此經。六萬歲時。亦有輪王。如何論說不減八萬者。經說增時。論說減時。由是道理。不相違也。言幾時者。經論不同。賢劫經言。人壽二萬歲時。第六迦葉佛出世。人壽增減至千二百歲

時。釋迦始上兜率天。於天四千歲。人間得五十六億七千萬歲。人壽百年時。下閻浮提。難心論云。彌勒菩薩滅後生第四天。壽四千萬歲。一日一夜。當人間四百年。即準人間。合五十七億六百萬歲。然後下閻浮提。成等正覺。賢愚經云。五十六億七千萬歲。菩薩處胎經亦同此說。一切智光仙人經云。五十六億萬歲。今上生經亦同此說。定意經云。彌勒五億七十六萬歲。作佛案云。彼天四千歲。準人間歲數。得五萬七千六百之萬年。此是以萬爲首。而數至於五萬七千六百。此中若依千萬爲億。即爲五十七億六百萬之萬歲。當於難心之文。若依萬萬爲億之數。即爲五億七千六百之萬歲。近於定意經說。而言七十六萬歲者。算位誤取之耳。七千爲七十。六百爲六也。其餘三經。皆云五十餘億等者。並依千萬爲億之數。而隨翻譯之家。頗有增減之云耳。天人歲數。相配如是。而於其中。多有妨難。何者。俱舍論說。如是此壽長遠究竟極此八千歲。是時諸人安坐受樂無所馳求。壽八千歲。住阿僧祇年。乃至衆生未造十惡。從起十惡集道時節。壽命因此十歲減度一百一十。即減十歲。乃至廣說。今於彼天四千歲數。不滿人間阿僧祇年。況從百歲稍減至十。從十稍增至八萬。乃至減時。準此而言。不得相當。是一難也。又依彌勒百歲時上。至於八萬。減時下生。此於中劫。纔過其半。若論釋迦。人壽千二百歲時上。稍減至十。增至八萬。還減至百。方乃下生。此過一劫。倍長於前。而

於二處。齊言於天四千歲。人間得五十餘億等。如是相違。是二難也。若言釋迦還多死生。彌勒於彼還少死生。非但受彼四千一生。故不違於半劫一劫者。即違經說一生補處。亦違五十餘億等文。是三難也。如是相違。云何和會。此中真諦三藏解云。補處菩薩生於彼天。雖無中天。受多死生。所以然者。一由旬城所有芥子。百年去一。乃至盡時。是一兵刀劫量。是即人間四百年。爲彼一日一夜。一日一夜中。除四芥子。一月除百二十芥子。乃至四千年中。除五十七億六萬芥子。不過二三升。然釋迦菩薩下生之時。一由旬城芥子已盡。彌勒菩薩下生之時。彼城芥子除其半餘。故知於彼還多死生。而於剎浮。唯有一生。故說此爲一生補處。三藏法師作如是通。若依此義。通餘經論者。諸說五十餘億等文。直理當於彼天一生之數。不說上下之間。唯有爾許之年。由是道理。故不相違也。若準論文。於彼天中。還多死生。其有道理。如瑜伽論第四卷云。四大王衆天滿足壽量。是等活大那落迦一日一夜。則以此三十日爲一月。十二月爲一歲。彼壽五百歲。如是以三十三天壽量。成黑繩壽量。以時分天壽量。成衆合壽量。以知足天壽量。成號叫壽量。以樂化天壽量。成大號叫壽量。以他化自在天壽量。成燒熱壽量。應知亦爾。極燒熱大那落迦有情壽量半中劫。無間大那落迦壽一中劫。準此而言。彼知足天滿足壽量。是號叫大那落迦一日一夜。即以此三十日爲一月。十二月爲一歲。彼

壽四千歲。如是大號叫壽量。燒熱壽量。轉倍於前。極熱半劫。無間一劫。亦轉倍之。然今彌勒菩薩。在知足天。運半劫餘。釋迦菩薩。在於彼天。運一劫餘。且經號叫一壽量時。已運彼天無數死生。況運半劫及一劫乎。

次第七明二世有無者。慈氏出世。在於賢劫。賢劫千佛。諸經同說。過去未來二劫之中。千佛有無。經說不同。如觀藥王藥上經中。釋迦佛言。我昔於妙光佛末法中出家。聞是五十三佛名。以心喜故。後轉教人。乃至三千人同音讚歎。一心敬禮。即時超越無數億劫生死之罪。其初千人者。華光佛為首。下至毘舍。於莊嚴劫成佛。過去千佛是也。中千人者。拘留孫佛為首。下至樓至。於賢劫中次第成佛。後千人者。日光如來為首。下至須彌相佛。於星宿劫當得成佛。依此經文。三世有千佛也。大智度論第九卷云。前九十劫有三佛。後一劫有千佛。九十劫初劫有毘婆尸佛。第三十劫中有二佛。一名尸棄。二名轉怒婆附。第九十一劫初有四佛。一名迦羅鳩舍陀。二名迦那含牟尼佛。三名迦葉佛。四名釋迦牟尼。賢劫經言。從拘留秦佛。至九百九十九佛。共出前半劫。後有樓至佛。獨用半劫。樓至滅後。更六十二劫。空過無佛。過爾有一佛興。號曰淨光稱王。壽十小劫。過此佛後。復三百劫。亦空過無佛。依此經論。去來二劫應無千佛。云何和會。解云。有無二說。皆實不虛。所以然者。隨機見聞。有無不定。故說有無。皆不相妨。問。賢劫之量。以何為限。樓至如來獨用半劫。為

一相續。故是一壽為多。過去故為多壽。解云。金剛力士經言。昔有轉輪聖王。千子發心。願求作佛。王欲試其誰先得佛。於是取千壽。以香湯洗之。令千子取。得第一者。最初成佛。如是至九百九十九佛。最後一子。為第一千佛。諸兄譏言。我等成佛化人已盡。汝後作佛。何所度耶。於是小子聞此悲泣。後復思惟。世界無邊。衆生不盡。我今發願。願我後作佛時。壽命與諸兄等。所度衆生。其數亦同。於是地動。佛與其記。是因緣故。獨用半劫。以啼泣故名啼泣佛。於是諸兄即願作金剛神護樓至佛。賢劫經中亦同此說。依此經文。一壽之量。等諸兄等。言一壽者。數多為一。一本所垂一名出故。賢劫量者。相傳說言。六十四劫為一大劫。名賢劫等。所以然者。火水風劫一周轉訖。合六十四。以此為限也。

次第八三會增減者。然通論一化說法之會。有無數會。何得唯云而說三會。度爾許者。準度前佛所遺弟子。通論諸佛度先所遺。此亦未必唯在三會。或一二會。度先所遺。或有四五乃至十會。然今釋迦彌勒二佛。齊有三會度先弟子。但其所度有多小耳。如菩薩處胎經。佛語彌勒言。汝生快樂國。不如我累苦。汝說法甚易。我說法甚難。初說九十六億。二說九十四億。三說九十二億。我初說十二。二說二十四。三說三十六。汝所說三人。是吾先所化。九十六億人受持五戒者。九十四億人受持三歸者。九十二億人。一稱南無佛者。汝父梵摩淨將八萬四千。非我先所化。是汝所開

度。乃至廣說。案云。三會唯度小乘弟子。以皆證得阿羅漢果故。若論大乘根性之人。令得無生忍等果者。無非先佛之所化度。故無限於三四會等。於中委悉文處當說也。

次第九明發心久近者。佛本行經第一卷云。昔有如來。號曰善思。彌勒菩薩。於彼佛所。最初發心。彌勒菩薩。在於我前。四十餘劫。發菩提心。然後我發道心。昔有佛名示海幢如來。我於彼佛國。作轉輪王。名曰牢口。弓初發道心。智度論第二十四卷云。釋迦牟尼佛。與彌勒等諸菩薩。同時發心。精進力故。超越九劫。案云。釋迦彌勒各有衆多。同時前後。皆無妨也。問論說釋迦所超九劫。為是大劫。為是小劫。若是大劫。同劫成佛。何得言超。若是小劫。在前一劫。云何超九。若言釋迦應在彌勒之後九劫成佛。而今同在一劫成道。所以得言超九劫者。云何而言同時發心。解云。此中所超。準是大劫。所以然者。言超劫者。非就實行。但依獲準。示其超耳。謂三僧祇已滿之後。脩相好業。應運百劫。而於九十一劫。修滿故。言超九也。論說第九十一劫中千佛出世。故知其九亦是大劫。然此二菩薩同時所發。是不定心。若論決定發心之時。彌勒發心九劫已後。釋迦乃發決定之心。故應在後九劫成道。而今超九。同在一劫。此論約彼最初發心。故言同時發心之耳。由是道理。不相違背也。餘處所說超十二劫。準此應知也。

次第十明證果前後者。如十住。結結經云。彌勒菩薩。方習菩薩行乎。莫造斯觀。所以者何。

# HOW

衆生□種善根得益故說上生經。爲令衆生久種善根得益故說餘二經。五爲諸衆生遠見佛故說上生經。爲令衆生近見佛故說餘二經。六爲諸衆生於兜率天得益故說上生經。爲令衆生於閻浮提得益故說餘二經。七爲諸衆生聞□□天宮所生彼故說上生經。爲令衆生見寶樓閣破壞得解無故說餘二經。八爲諸衆生見多佛身得益故說上生經。爲令衆生見一佛身得益故說餘二經。九爲諸衆生於兜率天身得益故說上生經。於閻浮提出家得益故說餘二經。十爲諸衆生聞釋迦彌勒得益故說上生經。爲令衆生聞彌勒歎釋迦得益故說餘二經。十一爲諸衆生聞彌勒初一相得益故說上生經。爲令衆生聞後七相得益故說餘二經。十二爲諸衆生應聞近執說得益故說上生經。爲令衆生應聞驚馬請說得益故說餘二經。十三爲知上下生處依果勝降差別故說三經。十四爲知上下二正報因果等量異故說三經。第二教。體者有二。初總辨宗體。後別。□宗云總辨即二家說。謂江南諸師多作是說。約所詮義辨宗體。云宗即體。體即宗。宗體無別故。今唐世諸師云。教名爲經。義名爲宗。故宗體不同。此說各有得失。謂若如初說者。法義二無礙境。應同故。謂論云法無礙緣名等。義無礙緣所詮故。若如後說者。契經體性。應非義故。若爾者便違論文及義故。初義義中生解究竟門。後義教義中令差別門故。亦名共得。然則今辨教宗體。自有二門。一教

義別性。即宗體不同。謂教名體。義名宗。二文義同用門。即宗體無異。謂義亦教。教以宗體無異故。對法論云。法所緣者。謂名句文身。宗即體故。舊中。□□云。顯體分即所詮十義體即宗。以□□云。經體有二。一文。二義。次後別顯經宗者。三說。一云此經以三昧爲宗。謂願生兜率得見彌勒。自非三昧不成成就。一云不然。若雖修定。而若無觀心都無所就。故應說以觀心爲宗。故經下文云。若作是觀名爲正觀。若他觀者名爲邪觀。又若不許。便違題目云觀義故。一云前說皆未悉理。謂定非欲界因故。觀非正所求故。應說即以依正因果爲宗。後說爲勝。然此中三說。一云。唯以衆生天生見聖因果爲宗。謂人生天。天得不退轉。是經大意故。一云。正願彌勒生兜率令益衆生。乃見經本意故。一云即以菩薩及衆生依正因果爲宗。謂經云是名兜率陀天十善報應勝妙福處者。即顯菩薩因果也。又下云佛諸弟子修行六。即生彼天者。顯衆生因果。然題目中觀。□衆生因之。生言表菩薩果者。影略互顯也。上生經辨宗已。意次辨二經宗者。有二說。一云廣辨依正報及欲生修因。以下生經爲宗。廣顯國土并佛神德及以衆生見佛因緣。成佛經爲宗。今云不然。謂依正二報衆生見佛二經皆同故。應說二經皆以彌勒七相教化衆生。隨其所應今得自棄之果爲宗。第三經本單重者。此中先辨單重。後辨異僞。言單重者。上生經八紙者。北涼沮渠含安陽

侯譯。下生經九紙者。晉承聖三年羅什於豫章寶因寺譯。成佛經十七紙者。西晉竺法護譯。後秦弘始年羅什譯。下生經六紙。然名彌勒受決。又別人譯名彌勒成時經。然三紙。詞謂不備故存前本。此云十七紙成佛經。六。□下生經三紙成時經者。弘始四年譯。第二出宋錄。云十七紙成佛經六紙下生經。三紙成時經。同本異譯。然不言弘始經此十七紙六紙三紙者。與法護譯大同小異。見二秦錄。長安釋道標譯。成佛經是第三譯也。齊世江刻沙門道政。更後復斷首尾。名成佛經。又謂下生經而其經首有大智舍利弗也。其師云。下生經自有二本。大即有如是是我聞。是淨時笠法護譯。小即有大智舍利弗。是晉時羅什譯也。古云翻人有異。其師云。大即其三分。然無序分者是略頌耳。總而言初一即單本後二即重本。謂下生經再譯故。成佛經三譯故。後辨異僞者。如是三經。皆真而非僞。此辨第三門已竟。然今置因論生論更談傍義。問此三經爲。□乘攝。爲小乘教。答有三解。一云。此三經皆出阿含故皆小乘攝。若不爾。便違具凡夫身未斷諸漏等義故。一云。上生經大乘攝。經云身圓光中有首楞嚴三昧故。餘二經皆小乘攝。謂下生經從增一出。成佛經從長阿含出。文義淺薄得小果故。一云前說皆未盡理。三經皆有大小異故。謂上生經中先說爲跋陀婆羅文殊等。亦得六時常說不退轉行。五百億天人不退於無上覺故。優波離身處下位。所解局路。以己所知作此問具凡



夫身等。下生經辨常等德。辨常等義。同大涅槃故。又增一阿含經前秦建元年曇摩難提譯。下生經後秦弘始年羅什譯。必不可出之增一經故。又大成佛經云。三會說法皆得二乘果發無上正等覺心故。故菩薩衆略不列耳。是故當知三經皆大乘理不疑。問頓漸其義云何。答二說。一云上生經頓教攝。以不思議諸陀羅尼首楞嚴定等。非二乘所得故。一云此經漸教攝。以人天八部願生彼天故。今且後說爲勝。以諸比丘等皆蒙化益故。餘二經義亦可同也。

第四釋題目者。此中三。初通辨名。次別釋題名。後總解題名。此即初。謂準經下文自有二名。初名彌勒般涅槃經。後名觀彌勒菩薩上生兜率陀天發菩提心經。有說。經首題名雖通二名皆不周悉。何故。雖題目中初名中彌勒菩薩之名。而無般涅槃。雖立後名中觀兜率陀天。而略發菩提心故。有說。初名即彌勒菩薩終沒之名。後名即彌勒菩薩生天之名。是故今將彼第二之名。以立經目。所以然者。經正體分中。具辨彌勒人死生天。其後分中具列二名故。因和上云。二解共不盡理。謂經題目及品目未必佛說故。故應說此經目有三名。於前二經中。加初題目故。謂初一經家立後二乃如來說。由此義故題目與後二名義不同也。第二別釋題名者。言佛說。有唱能說主。言觀彌勒菩薩上生兜率陀天者。表能觀及所觀。謂物令修因故。然言略故但言觀耳。言經者契經。言佛者具。在梵音可言佛

陀。此云覺者。今此言佛者。即應化兩身言說者具言遮。此反說。謂文義能起。此中有說。如來慈悲本願增上力。聞者識上現文義相。此文義雖親依自善根力起。而就強緣名爲佛說。有說。聞者善根增上力故。如來識上文義相生。此文義相是佛利他善根所起。名爲佛說。今後說爲勝。謂佛果位備有色心德故。故如來第八識上兜率依正因果文義相生。故名佛說也。觀者具言阿耶羅。此反觀。謂心觀彼妙界向趣故觀也。彌勒者亦名彌帝釋者。古所傳皆訛也。今正梵音云梅怛利耶。此云爲慈。慈有二義。一從母慈故。二據自慈故。初慈即梅怛利耶。梅怛利耶是女聲。謂從母姓慈故因名慈氏。如寶嚴經第六十云。初生便有三十二相。身紫金色。姿容挺特。輔相歡喜。召相師。相師既見貌轉讚其善。因欲立名。問云生時之相矣。文答云其母素性不調。懷子以來。慈於苦厄。相師占曰。此兒者。因立名。名梅怛利耶。後慈即梅怛利耶。梅怛利耶是男聲。以自性修慈。如經說。佛云過去此瞻部洲。有大國王。名達摩流波。此云法愛。爾時有佛。號曰弗沙。有一比丘。入慈心三昧。身相安靜。放光照耀。王問。此僧何定致此。佛言。入慈定。王倍生欣躍。云此慈定巍巍乃爾。我當修習生生不絕。彼時法愛王今慈氏。謂從彼發意。常號慈氏。久習性成佛亦稱彌勒。彌勒波羅門種姓。父姓母姓俱有慈故名爲慈氏。復婆須密經云。阿羅彌勒。此云慈氏。語轉異而義亦無違。又解。阿羅即阿逸多。阿逸多

是名彌勒是姓。姓字俱唱故。故不相違。言菩薩者。梵云菩提薩埵。此云覺有情。緣覺有情爲境故有財釋。或能求大覺有情故依主釋。今云菩薩者語略也。彌勒即菩薩故持業。彌勒之菩薩故依主釋。言上生者。昇勝名上。報起名生。謂寄彼勝天諸報新起故。是即八相中一相。言兜率陀天者。具言都史多提婆。此云知足天。亦名喜足天。謂理有妙樂不沈不浮而生喜足故。言經者。具存素恒持。此云契經。謂當於道理及合物機故。當理貫穿所應說義。合機故攝持所化有情。是故親光論云。貫穿攝持所應說義所化有情故名契經。總言觀彌勒菩薩上生兜率陀天之經。故依主釋也。後總解題名者。略有五門。一人法相對門。謂佛及彌勒名人。餘名法故。二教義相對門。謂說及經名教。餘名義。三心境相對門。謂觀名心。餘名境。四依正相對門。謂彌勒上生名正報。兜率陀天名依報。五通別相對門。謂佛說經亦通餘經。故名通。觀彌勒等局在此經。名別也。

第五隨文解釋者。總分爲二。初一經辨彌勒上天弘化利樂。後二經辨彌勒下人弘化利樂。補處菩薩現化。雖有八相略言唯在人天善趣故。故初辨上天利樂。今此初經分段人不同。或三分或四分或五分或六分或十八分。多小任意。故不可具錄。且依佛地論此經總爲三分。一教起因緣分。謂總顯已聞及教起時。別顯教主及教起處。教所被機。即是教起所因所緣故。次聖教所說分。謂正顯聖教

所說法門品類差別故。後依教奉行分。謂顯彼時衆聞佛聖教數奉行事故。初中二。一證信序。二發起序。元曉師云。經云於初夜分以下。爲發起序。謂如來放光及化佛授記者。即教起所因故。基師云。出廣長舌相以下。爲發起序。謂教所被機者。即證信序故。不爾遠諸論六五句義故。今還前說爲好。謂教所被機雖復證信。而今此文在顯相故。故宜爲發起。若基師云。依古解。序分有六。今依佛地論。唯有五。此亦不然。放光雨華化佛授記。定非通諸經故。但佛地經顯教處已。即說被機故。作此說耳。不可引此例一切經。此有五句。應說此經序分中有四。除教所被機故。

云如是者。傳佛教者言。如是事我昔曾聞。是故應生信。此中有四。一依譬喻。二依教誨。三依問答。四依許可。言譬喻者。如是我傳所聞法。如佛所說。定無有異。爲利樂方便因。言依教誨者。如是語。遠即佛教誨。近即傳法者教誨。言依問答者。謂有人問言汝所說昔定聞邪。是故答言如是我聞。依許可者。結集時諸菩薩衆咸共請云。如汝所聞當如是說。故傳法者便許可言如我所聞當說也。此中。一經云唯依許可。一云唯依問答。如實義者。經云如是通依四義。義准可解也。

言我聞者。傳法菩薩。自指己身。言如是法親從佛聞。故名我聞也。我謂諸蘊世俗假者。聞謂耳根發識。理受。攝別就總。故說我聞。問諸說法本願除我執。何故不稱無我聞。答四義但稱我所聞。一云言說易故。謂若言無我。

不解表誰故。二順世間故。謂如來言說無非。衆生共立量故。三除無我怖。謂若言無我者。爲誰修學故。四有自他染淨因果事業故。若言無我。即不能表此差別故。問若爾何故不稱名字乃言我聞。答有三義。一亦不乖俗。謂西域言汎皆稱我。宗雖顯真。說不離俗。理雖顯妙。而言不離龜者。欲顯真諦不離俗故。二我者即主宰自在義。慶喜多聞持其所聞。各備文義。並持三藏教自在故。若稱名字。雖順正理。無於諸法得自在義故。三我者親義。謂世間共言我見聞故。由此三義故。但言我聞。而非稱慶喜。問慶喜于時亦見覺知如來所說。何故不言我見覺知。答亦有三義。一欲證理必先聞故。二此界以聲作佛事故。三希證菩提必重心聞故。總云傳法者衆生令恭敬信受故。如是法我從佛聞。文義決定。無所增減故。故如是我聞也。

經曰一時者。第二教起時。論云。時者即是有爲法上假立。謂色心等諸法上假立。是不相應行蘊所攝。此中有二義。一道理時。謂諸說聽徒現在五蘊諸行中。有酬前引後義故。假立三世。總名一時。二唯識時。謂說聽徒心識上反作三世時。問時既別。何故不說四時六時等。答日夜時分諸方不定故。謂經於諸方令流通故。故分說多時。問何不別說成道竟後若干時節。答雖隨化相可說。而然凡聖所見解淺深不同故。近遠不同。不得定說。問處有淨穢別。隨機定說者。亦可時凡聖所解。何容不定說。答處淨穢定可知。然而時有長短。

不定故不可準。謂隨利鈍長時短時不定故。慶喜既佛成道夜生。後三十年方傳者入。而一切經皆云一時者。傳者入時由請更爲說故。無非一時失。問更說時說一句耶說多門。答說一句。而耳根得自在故。聞一句而即解無量義。廣如報恩經。

表衆德故

經曰在舍衛國以下。第四教起處也。真諦云。昔有兄弟二人。一名舍婆。二名婆提。於此山修道得果。城國名舍婆提。今云梵音室羅筏悉底。卽中印度境憍薩羅國之都城。爲別南橋薩羅故。以都城爲國名。此云豐德城。具四德故。謂一具財物。二妙欲境。三饒多聞。四豐解脫故。昔云聞物國。皆訛也。此卽表彌勒出生德。謂財物欲境卽世間德。多聞解脫卽出世德。祇者卽太子號。謂梵云管多此云勝林。謂太子生時。隣國怨至。戰而得勝。故因爲號。樹者顯臣名。謂梵言蘇達多長者。此云善施。以善施仁。宜濟貧乏。哀恤孤老。時美其德。號給孤獨。古云祇樹者訛也。其國王古云婆斯匿者訛。今梵云鉢刺犀那。博特王此云勝軍。之蘭亦名精舍。振旦名寺。釋論云。舍衛國在恒河南岸。去河五里。有給孤獨園。此卽表彌勒自利利他德。謂勝林況自利。以智慧摧魔故。獨蘭園利他。以慈救物故。言在者。燈論云有二種。一心所在。二身所在。身所在如竹林。

精舍靈鷲山等。其心所在者有六。一梵住。住四等故。二天住。住四禪故。三聖住。住神通故。四壽命住。住五分法身故。五威儀住。住四威儀心故。六大住。住第一義空理故。此六即是境界住。佛所獨住。不得言佛與諸比丘住。若身住。即是依止住。得有佛與比丘住。

經曰爾時世尊於初夜分以下。第二發起序。此中二。初現相召衆。後宜法獲利。初中亦二。初現相召衆。後親相衆集。初中三。初放光召。次雨華召。後授記召。是初。問涅槃經云晨朝法華經云白日。般若經云日午。此經云初夜何義。答釋迦出五濁世故。所化有情類重。是故未度者甚愚癡多。故更初夜後照。又解明日沒入間亦初夜。是喻釋迦既入涅槃。勸垂迹時。舉者遍也。謂身中遍。放光者顯佛慈悲普濟故。光色者。法華經白色。涅槃經四色。此經上文百億色。今此云金色者。寶中顯可重義。謂末代生益第一寶故。有說蘭舍與前蘭無別。今云蘭。即祇桓精舍。舍即長者舍宅。

經曰有金色光以下。第二雨華召。謂佛慈如雲。蔭四生故。故雨華也。問何故蘭爲須達照國以雲答蘭者遮周義故。故喻七面。破七非令得七覺分故。故狹。國廣有緣皆被。故雲爲喻。問後二經不召衆。何故此經召衆。答今云如來說法必有顯相召衆。然結集者。或有或無耳。蓮華者。蓮華有五德。一能掩。喻滅衆罪。二能生果。喻聞此經見彌勒佛得道果。三香氣遠聞。喻學此經見佛英聲遠振故。四能

出水。喻聞此經者出生死海故。五能開敷。喻今佛數後佛妙義故。前四德表衆生修行得益。後一德表彌勒因滿得種智果。妙義者種智故。

經曰其光明中以下。第三授記召。此中二。初授記主。後正授記可準。大化佛者。爲顯彌勒上生事誘了非真故。故云化佛。而諸佛神變難思。故云大也。

經曰皆唱是言至樓至。此文略作六門。一劫量長短。二佛數多小。三發心先後。四修行次超。五證果權實。六還釋本文。言劫量長短者。昔云六十四劫名爲賢劫。以火水等六十四數名最大劫。故後諸師多作此說以佛爲賢劫量。謂千佛具出爲賢劫量。諸佛出生無決定故。裝師云。二十住劫名爲賢劫。印度諸師皆作此說。更無諍論。然智度論第九卷云。前九十劫有三佛出世。謂初劫毘婆尸佛出。第三十二劫二佛出。一名尸棄。二名韓怒婆附。第九十一劫千佛出。謂劫初四佛出。一名迦羅鳩唵陀。二名迦那含牟尼。三名迦葉。四名釋迦牟尼。及世施設。說二十住中前五劫後十劫佛不出。唯中間五劫佛出者。皆據隨轉理門說。既據不同。故不相違。不爾便違智度論云。無量歲時有佛出世。名阿彌陀。又婆羅門傳云。此今此中劫雖小乘宗名第九劫。而依大乘有二十住劫中初劫。故今大乘云。拘留孫等四佛皆出初劫。所餘諸佛出後十九劫。又喻伽論云。初後二劫亦增減故。故知非唯減時佛出。增時佛出亦無違義。由此義故。

前十劫出九百九十九佛。後十劫獨出樓至佛。若作此解。善順金剛力士經云。樓至最後成佛而壽半劫。與九百九十九佛所度。這等無有差別。三說中後解爲勝。不爾如何智度論云。淨居天子見劫成時蓮華。而知賢劫有千佛。又菩薩處胎經云。梵王過賢劫已。其命乃盡。此賢劫既二十中劫。應例過未二劫。亦二十中劫。此即應說成二十劫。名莊嚴劫壞。二十劫名星宿劫。謂成壞時既有衆生佛可教化故。

第二佛出生多小者。賢劫佛出諸教不同。謂賢愚經云。過去久遠時有佛號無量精進。時有國王名華德。其王有千子。即是賢劫中千佛也。金剛力士經云。昔有轉輪王。王有千子。各發菩提心願求作佛。解云。是蓋華德王也。藥上藥王經亦同此說。悲華經云。半賢劫中一千四百菩薩成無上覺。樓至如來後劫說法度人。是故彼經第六卷云。寶海梵志白寶藏佛言。未來世賢劫中有幾佛出世。佛云。半賢劫有千四佛出世也。寶海白言世尊。賢劫諸佛般涅槃已。最後妙音龍成無上覺。名那羅延。緣藥於半劫出生。諸佛般涅槃。正法已滅。然後我當成無上覺。如千四佛所得壽命。聲聞弟子亦復如是。等無差別。設我般涅槃後。正法賢劫一時滅盡矣。寶藏佛言。汝於來世。過一恒河沙等無數劫。入第二恒河沙無數劫。後分賢劫一千四佛成無上覺。汝當得奉施飲食。成無上覺。號樓至。壽命半劫。聲聞弟子與千四佛無差別。解云。以此文證。明知賢劫

有千五佛。問何故餘經多說賢劫千佛。而悲華經說千五佛。皆有說見機不同。有說餘經曰千佛者就大數。如妙高山量。今云。理實賢劫有千五佛。而前三經談發心同時次第成佛。故唯千佛耳。謂金對力士經。千子各發心故。問賢惠經云。從迦諾加付陀佛。至第九百九十九佛。共生一大劫。第十樓至佛獨出一劫。又樓炭經亦爾。彼經云一大劫。以何為量。答有說八十劫為一大劫。謂成空四十劫佛不出。而相從名一劫。問所以得知壞劫佛出。答悲華經云。樓至佛般涅槃後正法賢劫一時滅盡。既言正法賢劫一時滅。故知壞劫佛出。有說不然。諸論劫滅時佛出故。成壞二劫皆無滅位。故應說住二十劫名一大劫。有說亦然。謂若言滅時佛出論為證者。既彼論滅百年後佛不出。若爾樓至佛二十劫住。應說九百九十九佛住世時量等彼增減為一劫半劫量。是故樓至亦半劫。以等諸佛壽故。問何得知諸佛出世唯半劫量。答雖定文無。而例唯應然。又解。前諸佛出初十劫。最後樓至出第十一劫。至後九劫皆是樓至遺法所被。若作是說。十劫名一劫。對此後十劫且說半劫。義亦無失。

第三發心先後者。問釋迦與彌勒誰先發心耶。答彌勒先釋迦後。是故佛藏經云。彌勒發心四十劫已釋迦乃發心。又彌勒菩薩所問本願經云。彌勒發意先我前四十二劫。我其後發道意。於此賢劫。以大精進超越九劫成正覺。又佛本行經言。昔有如來。號曰善思。彌

勒菩薩於彼佛所。最初發心。彌勒菩薩在於我前四十餘劫。發菩提心。然後我發道心。昔有佛名示海幢如來。我於彼佛國。作論王。名曰牢山。初發心。是等諸經。皆彌勒先發心。釋迦後發心。問若爾何故智度論佛歎精進云。釋迦牟尼佛與彌勒等諸菩薩。同時發心。釋迦牟尼精進力超越九劫。答此二菩薩發心有二。一者決定。二者不決定。不決定者。同時發心。若決定心自有前後。若盡道理論。應作是說。彌勒菩薩發決定心。四十餘劫。然後釋迦乃發決定心。然精進力故。超四十餘劫。同在一劫。先證菩提。是故十住毘婆沙云。或有先發不同心後發決定心。如釋迦菩薩等。此即釋迦菩薩。因釋迦佛發決定心。彌勒菩薩。因彌勒佛發決定心。問釋迦菩薩。因釋迦佛發心不疑。何以故得彌勒發心因彌勒佛。答一切智光明仙人慈心經云。佛在摩伽提國寂滅道場。彌加女村自在天寺精舍。一時佛與千二百五十比丘。經行林中。彌勒菩薩。金色相好。放銀光明。黃金校飾。如白銀山。來至佛所。結髮梵志五百人等。遙見彌勒。五體投地。白佛請問。彌勒光明乃與佛等。於何佛所。初發道心。佛告梵志。乃往過去無量無邊阿僧祇劫。時有世界。名勝華敷。佛號彌勒。恒以慈心四無量法教化。時有大婆羅門名一切智光明。生詰難而不能屈。便發信心。而發願言。願持彼佛所說經。必得成佛。號曰彌勒。爾時梵志入山谷。滿八千歲。乞食誦經。時災星橫流。洪水不止。不得乞食。七日。時彼林中。

有五百白菟。有一菟王母子。見仙無食。而作是言。仙人為法不食多日。法山將崩。法海將竭。我今為法不應惜命。便告諸菟。諸行無常。衆生愛身。未曾為法。而說頌曰

若有畜生類 得聞諸佛名  
永離三惡道 不生八難處  
若聞法奉行 生處常值佛  
信法不疑惑 歸依賢聖僧  
隨順諸戒行 如是疾得佛  
必至大涅槃 常受無上樂

告諸菟言。我今以身欲供養法。汝等隨喜。我從多劫。三毒所使。為鳥獸形。虛受生死。語其子言。汝可隨意求覓水草。然正念三寶。子聞母告。白母言。若為法供養者。我亦願樂。隨母火中入矣。菩薩捨身時。天地振動。天雨華。持用供養。肉熟後。諸樹神白仙人言。菟王母子。為供法故。身投火中。今肉已熟。汝必可食。仙聞神語。悲不能對。而說偈曰

寧當燃身破眼目 不忍行殺食衆生  
諸佛所說慈悲經 彼經中說行慈悲  
寧破骨髓出頭腦 不忍噉肉食衆生

作此語已。自投火坑。與菟併命。地動天振。神力故。樹放光。金色白光。照耀千國土。衆生見光。尋來至。見仙與菟俱火中死。及得所說偈。并佛經已。持還上王。王宣令皆發大菩提心。佛告梵志。時菟王者。今我身是。其菟兒者。羅睺羅是。誦經仙人。今彌勒是。五百菟者。大迦葉等五百人是。山樹神者。舍利弗目連等二百五十人是。時千國王。者。今跋陀波羅等千

菩薩是。彼國衆生得聞經者。賢劫佛所得道者。是以此定知。初逢彌勒佛。發決定心。故名彌勒。然賢惠經約後位故。說弗沙佛時也。

第四修次超者。問彌勒先發心。釋迦後發心者。何故成佛時釋迦先成。答經論不明故相傳不定。基師云。釋迦四十餘劫以後乃發心。然佛本行經第三卷發心供養品云。昔有佛出號曰弗沙。我見彼佛。心生歡喜。合十指掌。翹於一足。七日七夜讚歎彼佛。佛云是人過九十四劫當得作佛。見真理佛云。是人過九十三劫當得作佛。毘婆尸佛言。是人過九十劫當得作佛。佛地論第七卷言。事弗沙佛。翹足而歎。故超九劫。涅槃經云。雪山菩薩爲半偈捨身超十二劫。金光明經云。薩埵王子投身時超十一劫。又摩訶仙人布髮時超八劫。如是等諸超中。若超九劫者。百劫修相好業時。所餘超者。皆三僧祇內隨應超。若不爾何位更得說超。秦師云。值弗沙佛。七日七夜歎。超九劫者。第三僧祇欲滿時。其相好業。唯運九十一劫得成滿。是故諸所處超劫者。皆三大阿僧祇內。總前後超。超四十劫成果時。與彌勒佛。同在一劫。問何得知弗沙佛第三僧祇最後。答准佛本行經云。弗沙佛後有四劫。初一大劫唯有弗沙佛。與釋迦記當來九十四劫作佛。次大劫唯有見真理佛。記當來九十三劫作佛。最後大劫毘婆尸佛記云。汝當來九十一劫成佛。第三大劫。都不生佛。以不授記故。以此知弗沙佛第三僧祇最後佛。問若見弗沙佛時在僧祇位。云何得

云歎弗沙佛故修相好業。中超九劫。答縮時節相融爲論也。文備師云。釋迦菩薩後乃發心。而逢本師釋迦時超十九劫。雪山童子時超十二劫。歎弗沙佛時超九劫。證果時與彌勒在同劫成道。引證會文。皆同秦說也。雖有三說。皆不盡理。謂基師有何失。經俱言身投飢虎前而不言超十一劫故。又摩訶仙人布髮時。但言得授記而不言超八劫。是故此二說皆義無可准。爾所超故。唯有虛語也。秦解有何失。且彼言弗沙佛後有四大劫中佛出世。第三劫佛不生。若既如是者。既言祇沙佛沒亦更逢見真理佛。云何可說弗沙佛是第三僧祇最後佛。最後佛語。必表更無後故。又藏論云。毘婆尸佛百大劫始修。後說弗沙佛故。明知弗沙佛第三僧祇最後佛非也。備師何失。經但云逢本師釋迦發種種願。而未會說超十九劫。是故唯有虛語也。又總難諸師解有二失。一宗趣乘別失。謂諸師皆言歎弗沙佛故超修相好業百大劫故。是小乘經說。三僧祇後。更百劫修相好業。而大乘必無此義。若不爾便違智度論廣破百劫修相好業故。又優婆塞戒經云。始從燃燈佛終至迦葉名第三僧祇滿故。既爾云何與小乘其同。二聖教不通失。謂尋拾諸經。釋迦超劫。非唯三劫。故增一經第三十一云。彌勒菩薩應三四十劫當成無上正覺。我以精進力超越成佛。智光仙人經云。我爲求法。不惜身命。投於火坑。以身供養故。便得超九百萬億劫生死罪。彌勒先成佛道。如是等諸經。皆說釋迦由精

進力超多劫。先於彌勒。得成正覺。若如前三說。云何唯超三十劫二菩薩在一劫成道。是故今更作一解。謂釋迦發心。後於彌勒其過四十餘劫。若不爾釋迦以精進力超多劫故。莊嚴劫中。應成菩提。然佛本行經云。三十劫者約大劫數。若兼小劫通此故。彌勒所問經等。諸小劫積數爲語故說四十二劫。二劫卽應小劫故。起塔因緣經身投飢虎越九劫。增一經超三十劫。智光經大集經悲華經等都無劫數。不可輒定。待慈氏身可決疑。納也。謂諸經由精進力超多劫故。離不通聖教失。歎弗沙佛超第三劫行故。無不別宗趣失也。大聖善權應機非一。不可如言取義爲定量。是故悲華經第一云。彌勒。汝於過去十大劫。若欲成無上菩提者。汝速成無上菩提。入無餘涅槃。彌勒。汝久住生死以本願故。所以不成以待時。彌勒所問經云。菩薩以四事不取正覺。一淨國土。二護國土。三淨一切。四護一切。彌勒求佛時以此四事故不取佛。佛地論云。是故如來底沙佛時曾與慈氏同爲弟子。佛觀釋迦所化有情善根先熟。慈氏所化有情善根後熟。又觀慈氏因行先滿。釋迦後滿。遂於一處。入火光定令釋迦見。七日七夜不下一足。一頌讚歎。令超慈氏在前成佛。問彌勒真身已成佛不。答昔來有二說。一云未成真佛。是金剛心菩薩。一云真身已成佛久。而示現故始成佛。是故十住斷結經之第八云。從此去東八十億恒河沙。有佛世界名寂漠。其世界中有百億佛。百億佛語云。婆婆

世界化物甚難。捉竿先捉先去化物。爾時次第捉竿。其釋迦大彌勒大遠古如來次師子如來等。後說爲勝。問釋迦乃彌勒先已成佛既知。未知二菩薩真身誰先成佛。答十住斷結經云。彌勒積行恒沙數劫。先以誓願。成正覺。吾身習行在其後。以此文證。彌勒先成。釋迦後成。然法華經云。我實成佛以來無量無邊那由他劫者。二佛真身共自有久近。思可通。第六釋本文者。雖見光及華瑞。或有未達旨者。故略化佛唱。化佛唱者。既此文爲序說故。故真佛正說爲漸門。是有千菩薩者。顯未來賢劫佛。謂彌勒等現居故。有義。是中者則闍浮提中。今云不然。對星宿劫故。拘留孫者梵音。此云金仙。謂修因時金色仙人故。此佛時人壽四千歲。一會說法弟子四萬。今觀佛三昧經云。拘留孫佛身長二十五由旬。圓光三十二由旬。遍身光五十由旬也。樓至者。昔語此云啼泣。泣因如金剛力士經是說。柴師云梵音胡盧支。此云父愛。謂作小子其父偏所愛故。今且舉初。後二佛廣說如賢劫經。問四佛已過。云何得言今於此有千菩薩。答今通賢劫始終成佛。故不達也。問若爾何故放光經云彌勒是未來佛。答賢劫內時長。前後相望。名爲未來。而非星宿劫未來。

經曰說此語已以下。第二觀相衆集。此中三初別結現相。次別列衆集。後總結。是初也。經曰尊者阿若以下。第二別列衆集。此中略作四門。一衆類異。二衆多小。三衆總別。四正列衆衆。初中有三對。一新舊類別對。謂慶喜等爲舊。曾住祇園。非放光所召故。其迦葉等爲新。謂住外而以所光召故。二凡聖位異對。謂迦葉等爲聖衆。其諸天龍等爲凡衆故。三機影類別對。謂文殊等爲影嚮衆。其迦葉等爲當機衆。當機者。由說始知彌勒死生事故。集嚮衆爲顯法勝故。集機衆爲顯法益故。第二辨衆多小。亦有三對。一聲聞菩薩對。謂聲聞多。以有七千故。菩薩小。以有五百十六人故。二在家出家對。謂聲聞衆中出家少。以有二千故。在家多。有五千故。菩薩衆中在家小。有十六人故。出家多。以五百故。三信男信女對。謂信男多。以四千五百六十六人故。信女小。以三千人故。第三辨總別者。有二對。一凡聖總別對。謂凡衆名總。唯云天等不表名故。聖衆名別。別名。別故。二主伴總別對。謂聖衆中迦葉等名別。別名列故。眷屬名總。總表數故。有義。光所召新舊衆皆盡。今不然。如下文十方菩薩非此所列故。第四正列衆衆。衆類雖有十三衆。略分爲三。初聲聞衆。次菩薩衆。後常流衆。初中二。初出家。後在家。初中亦二。初比丘。後比丘尼衆。如是次第有何義者。即有四對。一聖凡次第。謂聲聞菩薩。聖故在前。天龍等凡故後。二近遠次第。謂聲聞近故前。菩薩遠故後。三上下次第。道即上。俗即下。四勝劣次第。道中僧名勝。尼名劣故。言阿若憍陳者古語。今云阿若多。此反解。古云了本際。或云解無智。今婆羅門姓。憍陳名也。悉達太子踰城後。栖山隱谷。忘身求法。爾時父淨飯王命家族三人。一阿濕婆。又云馬勝。

二拔提。三摩訶男。又命舅氏二人。一憍陳如。二十力迦葉。王曰我子捨家修。覺故。孤遊山野。汝等要隨知所止處。時五人受命期出要曰。夫修道者。勤苦欲證樂果乎。舅氏曰要樂爲道。三家族曰勤苦爲道。二三交諍。以明太子。爾時太子爲伏外道日。食五麻麥以支身。二舅氏曰。太子所行非正道。即捨而遠去之。太子六年苦行。未證菩提。即解苦行非真理。更受乳糜而證果矣。三家族曰。功垂欲成而今退苦行。其不宜亦非。太子浴尼連河。坐菩提樹。成正覺已。號稱天人師。思察應度。唯壽頭藍證非想定。堪受妙法。爾時空天曰彼命終已。逕七日。如來歎曰惜或斯何。更改觀察矣。有阿藍迦。證無所有處定。可受其理。時又諸天曰。彼已終逕五日。如來再歎曰。感哉薄祐。又更諦觀。誰應受教。唯施鹿林有五人。即往趣矣。五人遙見。互相謂曰。太子彼來。是歲月久而都無果證。宜我等徒各默然勿起迎禮。如來近矣。威神所逼。故五人忘制各起禮。即聞法得道。問如是五人得道次第云何。答五人律云。俱隣初悟之。頹憚及十力迦葉次悟之。拔提摩訶男二人後悟之。言俱隣者即陳如。摩訶迦葉者此云大飲光。文殊問經翻爲大龜。大目健連者此云大目犍連。今梵音摩訶沒特伽羅。此云大探菽氏。謂在山常採菽豆故。菽豆者綠豆也。舍利弗者。梵音云奢利弗。咀羅。弗咀羅者此云子。奢利弗者此云春鷲。亦曰鷲。今百舌鳥也。言尊者之德可重故。言眷屬者即親屬。十二由經云。初成道第二年爲五人

●昔二梵●●別二列●●覺二學●●以明太子二未有以明●●

說法。第三年化迦葉兄弟三人。第五年度身子目連也。分別功德論云。佛法最大者謂陳如。最小者須跋陀。即過去兄弟六人也。摩訶波闍以下。第二尼衆。梵云摩訶鉢刺闍鉢底。此云摩訶者反大。鉢刺闍反生。鉢底者反主。謂佛母摩耶死。而其佛小母。命蓮生主故。故稱姨母。古波闍波提。此云大愛道皆訛也。比丘者有五義。一怖魔。二乞士。三淨持戒。四淨命。五破惡。尼者女聲。梵云苾芻尼。然比丘尼者皆訛。

經曰須達長者以下。第二列在家衆。優婆塞者訛。今云歸婆塞迦。此云歸婆者近也。迦者事也。素者男聲也。優婆塞此云清信男者訛也。毘舍佉者此云黑鹿。謂因兒得號。母者女聲。優婆夷此云淨信女。此亦訛。今云歸婆私迦。此云近事也。

經曰復有菩薩以下。第二列菩薩衆。菩薩者乘中通號。然加摩訶薩者爲簡。二乘故。謂菩薩有大慈悲德故。跋陀波羅者梵具。云波羅者反護也。跋陀者反賢。即王舍城在家菩薩中最上。有說。此云十六者。大國中各有一菩薩故。今說不然。一國中多菩薩有故。謂無盡意菩薩問菩提經云。同智菩薩等十六菩薩跋陀爲上首。此經及法華經論等。跋陀等十六菩薩。何故列不同者。在家菩薩威儀不定。故別列也。文殊師利者是出家菩薩。今云梵音曼殊室利。此云妙吉祥。爲攝摩羅經云。是北方常喜世界中歡喜藏摩尼寶積佛也。跡履因位。紹灌頂位。故名法王子。藥師經云。

曼殊室利童子。故似在家然不違之。號假施設不必如義故。

經曰天龍以下。第三列常流衆。言天龍者。一云一龍二天。今云常流衆者即八部衆。謂一天二龍三藥叉四捷達縛五阿素落六揭路荼七緊那落八摩呼洛伽。

經曰一切大衆以下。第三總結。一者盡際辭。切者普遍云。謂十三衆類非一故。云一切也。經曰爾時世尊出廣以下。第二辨演法獲利。此中三。初現相。次說法。後得利。是初也。世尊者即釋迦如來。出舌者表授彌勒記。濟度有緣類不妄語也。放千光明者。表大千界各有化佛。破衆生暗故。各有千色者。表大千界各有千佛也。有無量佛者。表大千界當來時有百億彌勒一時生也。

經曰是諸化佛以下。第二說法。此中二。初重化佛說法。二應佛說法即釋迦也是初也。清淨者八地以上。一切煩惱不現行故。或初地以上證性淨理。伏諸惑故。言甚深者。圓得分得。如次得故。不可思議者妙義。超分別心絕言說道故。陀羅尼者此云總持。義作四門。一釋名。二辨體。三問答。四釋本文。言釋名者。即念慧等能總合衆德。識明遠記不忘。以略含廣。名總持。第二辨體者。昔來三解。有說以定爲體。謂智度論云。定得智火能持故。有說念爲體。彼論云。念力故持令不失。有說以慧爲體。彼論云。若菩薩心中名般若。聲聞心中名道品。不忘人心中名陀羅尼。今以念定慧爲體。謂智論云。妙陀羅尼。略有四種。一

法二義三呪四忍。此中景法師云。初三唯後智爲體。後一正體智爲體。今云法義二。以念慧爲體。呪一種以自在定爲體。謂定力令有神驗故。忍一種以慧爲體。謂無分別智能忍無生理故。第三問答者。問准智度論。既說定慧念三名陀羅尼。如何三家各談一耶。答彼文意者。定爲體者。即念慧爲方便也。念爲體者。定慧爲方便也。慧爲體者。念定爲方便也。問若慧亦陀羅尼爲體者。何故智度論云三昧共實相故能生陀羅尼。答智未必能總持。總持依定而成辦故。不違彼文也。問智等三名總持者。應說相應法。何故智度論云。或心相應。或心不相應。答三法皆通現種。種即不相應。現即相應故。第四釋本文者。言諸者有二義。一法義非一故。二空有非一故。言法者亦有二義。一總持自體即有軌持義故名法。總持即法。故持業釋。二詮陀羅尼之教名爲法。陀羅尼之法。故依主釋。

經曰所謂以下。四陀羅尼者。基師云。初二者有空對。謂初解有後解空故。後二因果對。謂於因無果故。名大解脫。解脫即無相故。或可第三即四無礙解。以化外故。第四即福慧。以內德中解脫故。今云法義二總持名阿難陀目佉。以對教持義故。忍總持名空慧。以忍無生理故。呪總持名解脫。解脫障縛無災患故。如是四種總持深妙。二乘及新學菩薩非所知。非所得故。名無礙性也。經曰爾時世尊以下。第二應佛說法。問化佛何故談說甚深陀羅尼門。答彌勒菩薩爲得

深陀羅尼門故。問應佛說陀羅尼既足。何故須重化佛說。答應化所說不虛爲證故。法華經猶恐他疑故。多寶佛塔踊爲證而說。又金光明經恐他不信。故四佛現令信命。此亦爾也。百億者。基師云。法義兩總持差別。今云。既經唯言百億。而不簡忍。况故。通四總持差別無失。或有經云百萬億。或有經云百千萬億。恐非也。以諸講者皆釋百億故。

經曰說此陀羅尼已以下。第三得利。約實所餘衆生亦得益。而彌勒最勝故。不說餘衆生也。問何故彌勒衆中不列。答波離慶喜在衆中而不列。是等皆舊衆故不列也。坐起者表所得定。整衣服者表四威儀。以七支戒德滿故。叉手合掌者。表心與境冥理而神會。是照眞俗智滿故。住立佛前者。表證三昧故其心不動。

經曰爾時優婆塞以下。第二聖教所說分。此中二。初廣辨外果殊勝。後廣顯內果莊嚴勝。初中三。初發請。次如來廣答。以結勸生彼。是初也。優離者近護皆訛。今鄔婆離。此云近執。謂佛爲太子時親近人故。太子執事之臣。此近執見彌勒住立。乘斯起請。昆尼者反戒。是訛也。今云昆奈耶。此云調伏。謂控制三業。或除諸煩惱故。謂五分律第五。雖非正授彌勒記。而顯龍王事說彌勒出時年數故。經藏者阿含等經。當生何處者。舉今徵後生處也。生何國土者。舉今徵後生處淨穢。眞諦云。阿逸多者姓名。今云阿逸多者。是凡夫果報號。此云無能勝也。彌勒者補處名。從果爲號也。

凡夫身者。近執下器。情狹小乘故。以已所知故。菩薩三大祇劫猶是凡。樹下三十四念方成聖者。未斷諸流者。既凡夫不斷三流。其三界中何處生。

經曰佛告優婆塞以下。第二如來廣答。此中二。初勸聽許說總答。後具申勝報別答。是初也。言如來者。十號中第一號。涅槃經云。如過去佛所行乘三十七品十一空等。來至涅槃。故云如來。應供者第二號。謂已永害煩惱賊故。不復受分段生故。應受世間妙供故。正遍知者第三號。謂正遍知故名正遍知。具三種智。知空有故。此三號如次斷德思德智德也。阿耨多羅三藐三菩提者。上上正覺。觀者等也。善提者覺也。若智度論云。善提有五。一發心善提。謂在生死海。始發菩提。有說在十信。即非也。十信已入初信。二伏心善提。謂十信已去漸伏煩惱故。三明心善提。即前七地得無漏慧明。四出對善提。即八地已上以出有無對無生忍位故。五無上善提。即如來果。果復有二。一實善提。即畢竟轉依。二應善提。即權時轉依。今此云菩提記者。即應善提也。

經曰此人從今以下。第二申勝報別答。言提捨此經佛答文略有六觀。一天中勝報觀。二人間歸寂觀。三上升兜率觀。四下降閻浮觀。五衆生大依觀。六菩薩廣攝觀。今此答文中唯有初觀。即觀一生補處及十善勝報。約文爲二。初答生處。後答淨穢。是初也。十二者。應云此人說此經已後十二年命終生天。

然十二年講者不同。一云。維摩四年。法華七年。涅槃一年。名十二年。以說維摩經第一年時說此經故。二云。說維摩經五年。法華七年。名十二年。說般若經第二十五年說此經故。一云。說維摩經第三年時說此經。何故者。外國集經傳云。如來滅度時。文殊弘廣彌勒三菩薩。共闍毘佛身。二月十五日入涅槃。即此年夏三月。集經時雖在三菩薩。而弘經時唯有弘廣文殊。而彌勒無故。謂七月十五日集經已訖。從八月乃至第二年二月十五日弘經法。是故維摩二年法華七年涅槃一年集經一年弘經一年合十二年。雖有三解。而無聖教。取捨任意。然彌勒命終二說。一云。佛滅後方命終。既云結集時有三菩薩故。一云。法華會中雖有彌勒。而至涅槃會無彌勒號故。故先如來命終。然結集時爲悅衆故化現耳。不爾達長阿含經阿難序云。彌勒在兜率中。而佛涅槃時下結集闍毘故。後說爲勝也。又大集經第四云。佛告於此衆中誰我滅度我法令久住。乃至下說言。佛世尊滅度。彼兜率天上。廣宣如是無上經典。又則彼經第一云。得佛道始十六年說此經。是以明知彌勒菩薩者佛成道第十六年時已生兜率天也。又菩薩處胎經第二云。佛告彌勒。如是天中未得神通。彌勒白佛言。有成熟者。有未成熟者。又增一經第一云。辨結集法時衆集云。梵天帝釋四王諸天下降。彌勒兜率來集。故知彌勒先佛入涅槃生彼天也。既爾二解中第二說爲勝。問何故補處菩薩要生第四天。答智



度論第三十八云。無色界中無形。不得說法。故。色界中雖有色身及說法。而染禪味。不能大益衆生。故。下三欲天深厚結使。故。上二天結使薄而心滯不利。故。第四天結使薄及利。故。菩薩是中住也。又若從人生人成佛者。人則起慢。諸天不信。若從人生天成佛者。不應受化天故。故唯從兜率耳。

經曰爾時兜率天上以下。第二答淨穢。此中二。初廣辨廣麗。以答淨穢。後結所因歎勝。初中三。初五億天子造外宮。次一大神作內法堂。後五大神殿二宮。是初也。五億天者是菩薩所變化。爲預莊嚴故。約實雖具修十善而受天報。其施勝故偏說也。一生補處菩薩者。契師云。梵云彌底履。此云慧行。又利支。舊云彌勒皆訛也。此菩薩今身死生兜率。過多數死生。還生彼天。最後死而生人方成佛。名一生補處。問彼天中多死生。云何一生補處。答秦云。薩婆多云五百菩薩。正量部云千菩薩。雖兜率天有多死生。而剎浮提並各有一生。故名一生。不言天中一生。謂五百菩薩。次第生人中。唯有一生處。無餘生故。大乘云三說。一云。天身名爲一生。其人生名爲後身。如大般若經第七云。一生所繫都史天菩薩故。一云。人身名爲一生。更受人生方佛故。故解說經云觀音文殊名一生補處故。一云。人天多身合名一生。如極七反故。今初說爲勝。以一生及最後身善說故。然聖教不定。謂或有聖教。設天身名最後身。如佛地論第七云都史多天後身菩薩故。或有唯天身而名一生。名

最後身。如菩提資糧論第一云。一生所繫菩薩入兜率天。最後生菩薩住兜率陀。或有唯人身名最後身。如喻伽四十八云最後身者。謂諸菩薩。於此生中能現等覺。或有唯人身而名最後及一生。如智度第四十所說。如是諸教既有多門。各談一邊故不違。問好說中天身名一生者。何故智度論三十八云。三生菩薩唯生兜率。答云。三生者以最後生逆數故。謂一最後生。二天生。三人生。此後人生。若死已定生兜率故。身栴檀者。栴檀香其色通赤白。摩尼者如意珠也。問彌勒天宮爲恒有不答。一云恒非有。若恒有者。便違經云五億天更爲彌勒造宮殿。一云。菩薩天宮賢劫常有。以千菩薩同生彼宮故。今初說爲勝。問若爾釋迦生天時誰造宮。答更無作令莊嚴。然應物非一。不致疑。是故佛本行經第五云。護明菩薩生兜率時。諸天宮殿自然莊嚴。大心衆生者。彌勒示在因位故。同衆生也。化成供具者。四事供養名爲供具。或則寶宮名爲供具。

經曰作是願已者。辨願遂。則有十重。一宮二園三寶四光五華六樹七色八金九天女十音樂。謂凡夫生彼天十八善根故。今此菩薩十力增上所現故。宮有十重莊事也。法輪之行者所詮義也。輪者能詮教也。頗梨色者紅赤。其一切寶色。皆此所含也。婉轉垣牆六十由旬者。爲治六十二見故。十四由旬者。爲治十四不可記事故。由旬者訛。今云險難那。此云舍。謂藏論云五百弓爲一俱盧舍。俱盧舍八爲一踰繕那也。言五百億龍王者。內顯五力。伏四魔故。

經曰爾時此宮以下。第二辨一大神造內法堂。此中三。初大神發願。次所願果遂。後諸天親勝發願往生。是初也。牢度跋提。此云惡主。以治惡主故。謂夜叉。天相似。冥潛難測名神。神中最勝曰大也。由菩薩增上力現。一大神者。表無漏智能起妙土。

經曰既發願已以下。第二所願果遂。此中五。一作宮。二作園。三作坐。四作柱。五天宮天女寶色皆同。是初也。琉璃者碧色也。頗梨者紅色也。額上珠舉碧紅二色爲首。餘衆色類一切皆具足也。紺者。說文言帛染青。今此云紫紺。摩尼者青而含赤色珠也。四十九重者。爲表彌勒超度四十心及初地等前九地。今述在第十故。九億天子者。爲表能超因品九品故。然方便時由信等五根成熟故。云五億天女也。四弘誓願者。七佛經曰。一覆度一切衆生如橋船也。二普含萬物如大虛。三願我身如藥樹聞者患苦皆除也。四願我成佛時所度衆生如恒沙也。菩提資糧論云。一末度令度。二未解脫令解脫。三未蘇息令蘇息。四未寂令寂。此二經論雖異。一義中名別耳。故不違也。發無上道心者。發大乘心。有七因緣。如法印經云。發菩提心有七種因。一諸佛教化。二見法欲滅。三衆生中起大悲。四菩薩教化。五因布施故。六爲覺他故。七聞佛三十二相八十種好故。此七中。初三發心真菩薩。能護正法。疾成無上覺。餘四發心。非真菩薩不能

護持諸佛正法。然欲疾成無上覺也。今云發心者。既因彌勒菩薩教化故。非真實也。

經曰時諸園中有八色琉璃渠以下。第二作園。八色。謂赤黃青白紅紫碧綠也。爲表能起律儀等八種律儀故。八味水者。一云。前八色中皆具八味故。一云。則功德渠中第四味中有八味也。以清輕冷等皆非味處故。化生四華者。青黃赤白也。水出華中者。八色水從華而出。四色華從水而生。水色交映如寶華流也。

經曰亦有七寶大師子坐以下。第三作坐。七寶者。稱讚淨土經云。一金。二銀。三吠琉璃。四頗胝迦。五赤真珠。六阿濕度揭柱婆。七牟婁洛柱婆。真諦云。梵云佛陀羅側。此云黃色寶。則金也。梵云栴陀羅乾。此云白色寶。則銀也。梵云吠琉璃。此云青色寶。燒不能破。是其金鳥翅也。頗胝迦。此云黃綠色寶。智度論云。過一千歲水化爲頗胝迦。真珠者。佛地論云。赤虫口所出。故珠體亦赤也。阿濕度揭柱婆。昔云馬惱。真諦云。赤色寶也。牟婁洛揭柱婆。昔云車渠。真諦云。紺色寶也。智度論云。金出山中。真珠出魚腹中。珊瑚出海中。真珠出虫甲中。銀出燒石中。所餘諸玉皆出山巖中。如意珠出佛舍利中。謂若法沒盡時。諸舍利皆反如意珠。大乘論云。七寶皆石所攝。

問此七寶坐何故名師子坐。答智度論云。佛爲人中師子。佛所坐處若床若地。皆名師子坐也。譬喻經云。五百師子。聞佛出世化諸衆生。我當何喰。心中懷毒。住欲害佛。佛化殊妙座。在師子頭上而坐。衆人見名曰師子座也。高四由旬者表四德故。四角者表內具四無量。四蓮華者表外生。青色蓮也。經曰時宮四角以下。第四作柱。四寶柱者表四十九重法堂之四柱也。梵摩尼者淨摩尼。或云梵王如意珠也。經曰如是天宮有億億以下。第五天宮天女寶色同也。經曰時兜率天宮以下。第三辨五神外內二宮之嚴飾。此中二。初總標。後別顯。是初也。謂內修五蘊妙用莫方。外威五大神其力無比也。問天有神者。便應天中有餘道邪。答亦有無失。謂華嚴經云。人生法有二天守護。一名同名。二名同生。天得見人。人不見天。天既通。所餘道中類可通也。既五道中各有五道。五五二十五道也。經曰第一大神名曰以下。第五別明五。故爲五段。是初也。內持戒故。由七支外兩七寶也。第二內修定故。由水生德華。第三內修慧蘊故。由慧說法利物。除無明嗅外雨香之。七蓮者表除七漏。七漏如涅槃經說。謂見念等也。第四內修解脫故。由勝解喜樂令離憂苦外雨如意珠。菩提。意者。求菩提人也。第五內修解脫智見故。由智水故。外生正覺華也。或云由五戒故所顯五神也。經曰佛告優婆塞離此名兜率以下。第二結所因。歎處勝。此中二。初結因後歎勝。是初也。十善報應者。十善業能得五果。一異熟。二等流。三增上。四士用。五離繫。若委細說者。無漏得四。除異熟果。有漏得四。除離繫果。總約二種

故。故言得五果。謂後當所說內身名異熟果。於一時間成熟五百億天得不退地名離繫果。彼此長壽等名等流果。此中外果有二。一增上。二士用。如瑜伽五十九說也。問此外果唯增上果。云何此中名報應。答勝果酬因故名爲報。遂其所求。稱爲應。亦可彌勒權門所應故曰應也。勝妙者。對前勝因顯果故。

經曰若我住世以下。第二歎勝。小劫者。一云飢饉等小劫。此解不然。飢饉等時極短。說凡夫果不可盡。況菩薩所有應。今云日月歲數劫也。

經曰佛告優婆塞離若有以下。第三結勸生彼。生彼人雖無量。略有三類。一託勝所依爲修妙行故。不厭生死者能生彼天。不同二乘厭生死苦也。二愛敬無上菩提心者。能生彼天。爲聞彌勒所說大法故。不同樂小果者也。三欲作彌勒弟子者也。生彼天者修五因。一持五戒。二持八戒。三持具足戒。則出家五衆戒。總名具戒。以沙彌戒亦近大戒故。四身心精進不求斷結。五修十善。如是修五因時實一思惟。彼天上妙樂迴向發願方能生也。經曰爾時優婆塞離即從坐起以下。第二辨內果莊勝。此中三。初發請。次廣答。後結勸生彼。是初請。請意有二。一問此沒。二問生彼。經曰佛告優婆塞離以下。第二廣答。答中四。一答此沒。二答生彼。三住天壽量。四答已總結。初中初有七。一命終年月。二命終處所。三命終形相。四終後生相。五舍利形。六圓光神異。七天人供養。是初也。十二年者。表聞授記修

故。故言得五果。謂後當所說內身名異熟果。於一時間成熟五百億天得不退地名離繫果。彼此長壽等名等流果。此中外果有二。一增上。二士用。如瑜伽五十九說也。問此外果唯增上果。云何此中名報應。答勝果酬因故名爲報。遂其所求。稱爲應。亦可彌勒權門所應故曰應也。勝妙者。對前勝因顯果故。

經曰若我住世以下。第二歎勝。小劫者。一云飢饉等小劫。此解不然。飢饉等時極短。說凡夫果不可盡。況菩薩所有應。今云日月歲數劫也。

經曰佛告優婆塞離若有以下。第三結勸生彼。生彼人雖無量。略有三類。一託勝所依爲修妙行故。不厭生死者能生彼天。不同二乘厭生死苦也。二愛敬無上菩提心者。能生彼天。爲聞彌勒所說大法故。不同樂小果者也。三欲作彌勒弟子者也。生彼天者修五因。一持五戒。二持八戒。三持具足戒。則出家五衆戒。總名具戒。以沙彌戒亦近大戒故。四身心精進不求斷結。五修十善。如是修五因時實一思惟。彼天上妙樂迴向發願方能生也。經曰爾時優婆塞離即從坐起以下。第二辨內果莊勝。此中三。初發請。次廣答。後結勸生彼。是初請。請意有二。一問此沒。二問生彼。經曰佛告優婆塞離以下。第二廣答。答中四。一答此沒。二答生彼。三住天壽量。四答已總結。初中初有七。一命終年月。二命終處所。三命終形相。四終後生相。五舍利形。六圓光神異。七天人供養。是初也。十二年者。表聞授記修

十二住得度十二因緣也。二月者。春陽月植種時故。表開法已發菩提心求佛果四德也。十五日者表除無明闇也。

經曰於波羅捺國以下。第二終處。波羅捺者。此云江邊城。劫波利者。此云捉獨體鬼。波利者。此云大護。是則本國本村本名。名生處也。謂釋迦生迦維。而俱尸那城中滅者。為表此染盡故。彌勒還。大處身滅者。為表此染未盡故。還生也。彌勒生處教不同。謂華嚴經入法界品云。彌勒菩薩告善財童子言。我閻浮提南界摩離國內拘提聚落波羅門家中生。欲滅彼慢心故。化度父母及親屬故。於此命終生兜率。賢愚經第六云。波羅捺王名波羅摩達。有補相。生一男子。則具三十二相。衆好故。補相增悅。占相師。相師云有大德相矣。國王聞已。憂必奪我位。欲殺其子。然補相密遣婆波梨所令長養。今此經與彼二經不同。云何通耶。答。賢愚上生語異意同。何以故。賢愚經寄父辨生。而不指生處。今上生經直指生處。彼國俗婦懷妊已還本家故。本則劫波利村也。華嚴經約異故。不可定判。是謂大聖隨機見不同生也。一云。華嚴經指養處也。基師云。賢愚經表生處。上生經指養處也。經曰結跏趺坐以下。第三命終形相。結者交也。跏者重也。釋迦盡緣故。右脇枕手入涅槃。彌勒染未盡故。二聖不同也。經曰身紫金色以下。第四終後生相。身紫金色者。表當生最第一故則艷麗。言如百千日者。表常相之衆生癡破也。

經曰其身舍利以下。第五舍利形。釋迦破碎分舍利。彌勒全身舍利。不動不搖者。表佛法身本無生滅事也。

經曰身圓光中以下。第六圓光神異。三昧者。說也。今云三摩地。此云等持。謂此文意。定慧字與義二俱炳然。炳然者。煥爛異名。首楞嚴者。此云健行。唯佛及第十地菩薩所得。涅槃經云有五名。一首楞嚴。二般若波羅蜜。三金剛四師子孔。五佛性。謂意等持隨所化。雖通諸位。而今彌勒表等覺位故。言首楞嚴。經曰時諸人天以下。第七天人供養。妙塔者。昔云兜婆此。云塔。訛語。今寧塔婆。此云積聚也。經曰。時兜率陀天以下。第二答生彼。七寶臺者。七財飾。故則法堂也。師子座者。彼臺法王得無畏故。忽然化生者。四生中最勝故。謂餘諸天於父膝上忽而化生。然彌勒師子座生者。凡聖異也。以菩薩離欲故。於蓮華上結跏以下。意表彼師子座上更有蓮華。是則一切佛座皆淨土。出生死淤泥也。結跏趺坐者。以左押右降伏而坐。以右押左吉祥而坐。說法者則以吉祥坐也。金色者。菩薩身如寶可重也。無量光三昧經云。彌勒白銀色者。其體閻浮檀金色。而外照光。是銀色也。是故一切智光仙人經云。彌勒金色。而白銀光校飾如白銀山也。釋迦毘楞迦摩尼者。此云能現種種如意珠也。甄叔迦者。狀似赤瑠璃寶珠。一云淨白色。一云樹名。其華赤色似此寶故。因為號也。以無量佛及菩薩者。心首表一切佛菩薩為伴侶也。十八變者。一振動。謂依定能振無量世界。二熾然。謂其身上發火其身下注冷水。舉身洞然出種種焰故。三流布。謂光明遍滿無數世界故。四示現。謂隨其所樂示諸相故。五轉變。謂所有自相可變。色物皆轉變故。六往來。謂隨所樂往來無礙故。七卷。謂能卷一切雪山王等如極微故。八舒。謂能舒一極微令如雪山王故。九衆像。謂一切色像為入自內身大衆令出故。十同類。謂隨其類不同故。十一隱。謂於大衆前百千變隱自身故。十二顯。謂大衆前還出故。十三所作自在。謂一切有情往來等所作事中皆自在故。十四制伏神通。謂一生菩薩所有神通。除佛所餘得神通。能制伏故。十五施辨。謂於諸有情能與辨才故。十六施念。謂諸有情於法失念能與。憶念。十七施樂。謂說法聽者得身心輕安樂故。十八放光。謂身放光無數界有情息衆苦故。或有經云住天窓中。或有經云住菩薩額。雖有二本。後為正。順經文故。謂辯菩薩天冠次即說故。鬘雲者。陰覆之義。隨八萬四千根病致八萬四千教故。放八萬四千光也。雲屬上云也。六時常說者。表彌勒演說法為天子也。不退者。一云八地已上不退行。一云十信已上不退。恐俱非也。以三乘凡聖皆聞此已得利故。經曰閻浮提歲以下。第三住天壽量。閻浮提者。訛。今云瞻部。從此樹名。此間四百歲。當彼天一日一夜。數三十日為一月。十二月為一歲。彼天壽四千歲。慈氏窮天壽而下生。不中

天故。此經云當閻浮提歲數五十六億七千萬歲。若瑜伽論第四立世經第七卷毘婆娑等云。此四百年為彼一日。以此乘則彼天四千年。當此五千七百六十億歲。何故與此經相違者。基師云。以理推尋。人間四百歲為彼一日一夜。乘則彼天四千年。當人間五十七億六萬歲。然而西方億有二種。一十萬為億。二百萬為億。計則相當。然於經億字上應加七字。其前六字置萬上。以理定應爾。恐梵本誦有差。又譯家自算處謬。不爾小一億五萬歲故。然此歲數四文不同。謂賢劫經云彌勒五億七十六萬歲當下作佛。解云。言五億者即五十億。以千萬為億。門成五十億故。以萬萬為億。門成五億故。言七十萬者即七億。以十萬為億。門成六萬數同故。更不須釋也。雙卷泥洹經云。一億四千歲。今不相當此經也。一切智光仙人慈心經云。五十億萬歲當於龍華樹下得成佛道。義如前已說。菩薩處胎經及賢愚經云。五十六億七千萬歲。除其六字應云七。其七字應云六。其千萬者以百萬為一億。門故。算六千萬者六十億也。義則不違。如是推究無謬失。菩薩在天壽量會無中天生在人間也。大成佛經云。壽六萬億歲。天盡其年人間長者。時宜現故。不同釋迦天盡其年人間早滅。化功意故也。處胎經云。彌勒人間壽八萬四千歲。若依彼文。無可令彌勒下生及成佛益物義。如下生經云。天利盡畢。人機復熟。故乃下生。基師作如是說一云。難心論云。彌勒菩薩人間五十七億六百萬歲。然

後下閻浮提成正覺。賢愚處胎仙人經如前所引。又定意經云。彌勒五億七十六萬歲作佛道故。若依千萬為億。門。則為五十七億六百萬歲。當於難心文。若依萬萬為億。門。則五億七十六萬歲。依定意經而言。七十六萬歲。下算位誤也。謂七千為七十。六百六十故。其餘三經皆云五十餘億等者。並依千萬億。門。但譯家煩有增減而已也。雖有三解。未盡理故。且作二難。一二聖不齊難。若彌勒百歲時上生至八萬歲。威時下生者。即於中劫纔過至半劫也。若釋迦人壽千二百歲時上生。稍減至十增至八萬。還減至百歲乃下生。則過一劫是則位長於前。而皆彼天四千萬歲。人間五十餘億等云何相當。二聖教相違難。謂若釋迦運多死生。彌勒於彼受小死生者。非俱受彼四千耶。又以三億敢會通者。佛本行經第三十八云。伊羅鉢龍王白佛言。我何時脫此龍身得人身。爾時佛告汝從今已去。過若干年若干億後。當有佛出名曰彌勒。又五分律第十五云。同佛告此龍王言。當來過百億萬歲。有彌勒佛出生。汝爾時得脫龍身。既爾餘三億外更有何億會此教也。是故今更作一說。謂彌勒所化機宜不定。謂或有聞彌勒運下生信心。有聞慈氏疾下生信心。或有聞慈氏疾下生種善根。是故下生時年久近分別。不可凡情即定其實也。基師云。賢劫經云。人壽千二百歲。釋迦始生。觀史。人壽一百歲下生作佛。觀史天壽四千歲。人間當五十六億七千萬歲。人壽百歲慈氏生天。人壽八

萬四千歲下生成佛。當人間五十六億七千萬歲。以此文推。劫滅時長。劫增時短。故不可難言釋迦運增減劫。何故彌勒唯增半劫。其歲數等彼天四千萬歲。何以故釋迦劫滅千二百歲時上生。漸至百歲時下生。彌勒百歲時上生。增至八萬歲始下生故。故二菩薩在天時等也。今云。此亦隨宜作是說。謂時雖久遠。欲令眾生渴仰故。菩薩生彼天。雖運多死生。而約最後所受生。且說當人間五十六億七千萬歲也。所以得知瑜伽論第四云。四大王衆天滿足壽是等活大那落迦一日一夜。即以此三十日為月。十二月為一年。彼壽五百歲。如是三十三天壽是黑繩壽量。以時分壽量成衆合壽量。以知足壽量。成號叫壽量。乃至極燒熱壽半中劫。無間壽量。一中劫。是故彌勒在知足天。運半劫餘。釋迦在彼天。運一劫餘故。故運號叫壽量時。已運彼天無數死生。況亦半劫等中間。何唯受一生四千壽量耶。

經曰佛告優婆塞離是名以下。第四總結。言因緣者。為利衆生因緣故。命終後上生天也。經曰佛滅度後以下。第三勸生彼天。欲辨修行生兜率天。略作五門。一辨修因。二辨所修因。三見聖不同。四彰生得益。五還解本文。言第一修因。人者有三類。一菩薩。二二乘。三凡人。初菩薩者。一云。從初發心乃至法雲。此義不然。以八地已上永離分段。定不生兜率天故。故今解從勝解行地至遠行地。為供一生菩薩故。為聞法種善根故生彼天。次二乘

者發心求二乘道。而資糧未備。現身中聞兜率天極妙樂事。及聞彌勒號。仰喜故迴向心發願得往生。後凡夫者。有衆生雖受禁戒不能護持造衆惡業。聞彌勒名悔過發願得往生也。第二辨所修因者。諸經論因雖多。今且依此經辨彼無因。略有五種。一捨施因。謂聞是菩薩名。造立形像掃塔塗地香華幡等種種供養。發願欲生。則得往生。二防非因。謂一念須受八戒齋及修諸善業。一日乃至七日發願得往生。三離散因。謂當繫念行衆等持念佛形像發願得往生。四簡擇非因。謂讀誦經典稱彌勒名發願得往生也。五淨重因。謂佛滅度後四部弟子聞彌勒名發願禮拜。此人命終彈指頃則往生也。若唯論有五門。一禮拜門。依名禮拜。一生菩薩求生天。二讚歎門。謂至心稱歎一生菩薩智慧光求生天。三作願門。謂發願願生彼天故彼修菩薩所行所成也。四觀察門。謂觀彼天上功德莊嚴及彼菩薩功德莊嚴并天衆功德莊嚴。五迴向門。謂不捨衆生。所作功德迴向群生共生天上故。若以此五門查前五因。必生彼天。第三見聖不同者。聖有三身。一眞身。則法報二應身。則八相成道。三化身。隨時忽有。此中眞身常寂無往來相。故生天者非所見。唯見菩薩應化二身。第四彰生得益者。且依此經得益有二。一滅罪益。二聞法益。初中六。一歸依得益。如經云諦觀眉間白毫則除九十億劫生死罪。二禮敬得益。如經云若禮敬彌勒菩薩除百億劫生死罪。三聞名得益。

如經云但聞彌勒名不墮邊地耶見惡律儀。四滅罪得益。如經云聞彌勒名合掌恭敬除五十劫生死罪。五聞稱得益。如經云若一念頃稱彌勒名除千二百劫生死罪。六悔過得益。如經云男子女人犯禁戒造衆惡業。聞彌勒大悲名五體投地誠心懺悔。速得清淨。第二聞法得益者有三。一聞法得益。如經云是時菩薩隨其宿緣爲說法不退無上道心。二遇聖得益。此中有三。一現值聖益。如經云值彌勒故。二生值聖益。如經云遇賢劫一切諸佛。三後值聖益。如經云於未來得值恒沙諸佛。三授記得益。此中二。初彌勒授記。如經云若歸依彌勒菩薩成佛見佛光明則得授記。後諸佛授記。如經云於星宿劫值諸佛諸佛前授記。第五解本文者。此中三。初觀生彼行。次衆發願。後結正觀。初中亦三。初修因往生。次勸歸聖得利。後歸聖滅罪。初亦三。初上品因生。次中品因生。後下品因生。初中六。一示修因。二教迴願。三正往生。四諸天讚歸。五生彼得益。六總結。是則初也。言修諸功德者。總表句也。威儀以下釋句。則爲六事因。一談戒行。謂威儀不缺故。二敬塔行。謂掃塔塗地故。三供養行。謂名香妙華故。四等持行。謂衆三昧入正受故。五誦經行。六讀經行。此六行爲三。初三爲戒行。此中初即止惡戒行。後二則作戒行故。次一則定行。後二則慧行故。正受者定異名也。若修六五行。爲上上品生因。若修三四行。爲上中品生因。若修一二行。爲上下品生因。問入正受行。即應生上界。

何故爲欲界因。答一云。唯識論云欲界方便亦有輕安故無失。今云專修六行。其三業離諸散亂故同正受義也。經曰如是人等以下。第二教迴願。經曰命終之後以下。第三正往生。經曰百千天子以下。第四諸天讚歸。經曰應聲即禮以下。第五生彼得益。問隨觀一相應滅罪何故偏說白毫相光。答諸功德所成故。謂大集經第三十七卷云。一切衆生三世功德及聲聞緣覺所有功德。佛始成時成熟一毛孔功德。如是展轉三十二相聚集百倍。成如來眉間白毫相故。滅九十億劫罪者。理實隨心勝劣。多少不定。今隨機宜而說耳也。經曰如是等衆生若淨以下。第六總結。此中四。一得往生上。二隨從下生。三值賢劫佛。四值星宿佛是初也。若淨諸業者三業淨。六事者上所說六事。經曰亦隨彌勒以下。第二從下生。謂若六事行三業圓上品生彼者隨下生。初會聞法。經曰於未來世以下。第三值賢劫佛。謂備善業及正見故。逢賢劫諸佛也。言賢劫者。娑婆世界五濁極盛難可忍。而千佛賢聖出世化導。故爲賢劫也。經曰於星宿劫以下。第四值星宿劫佛。星宿者。千佛當來世似列星故。莊嚴劫者。會千佛彼劫中莊嚴故。然此三劫略作四門。一建立意。二佛出時。三劫次第。四解本文。第一建立意者。問何故立此三劫。答觀衆上菩薩經言。

爾時釋迦佛告大衆云。我曾往昔。於妙光如來末法中。出家學道。聞是五十三佛名。心生歡喜。後教他人。他人聞已。轉轉相教。乃至三千人。異口同音。稱諸佛名。深心敬禮。則得超越無數億劫生死罪。其千人者。華光佛爲首。至毘舍佛。於過去莊嚴劫中得成佛。此中千佛。拘留孫佛爲首。至樓至。賢劫中得成佛。後千佛者。日光如來爲首。至須彌相佛。於未來星宿劫當得作佛。

第二佛出時。問此。主劫中既有千佛者。爲一成壞有千佛耶。爲運多成壞劫耶。答。眞諦三藏云。成壞空劫皆無佛出。唯於住劫有佛出。其二十劫中。前五劫無佛出。次五劫中。如其次第拘留含牟尼迦葉釋迦彌勒。彌勒後無量劫無佛出世。是故運多成壞方千佛出生也。又若賢劫千佛莊嚴劫千佛各同在成壞一劫者。何故藏論云。過去莊嚴劫中千佛末後。主佛。主佛中毘婆尸佛則九十劫中初劫出世。若尸棄佛毘舍浮佛則在第三十一劫出世。已後無佛。乃至第九十一劫。即賢劫爲初。則拘留孫佛出世。既說莊嚴劫千佛運多劫方足千數故。即以此爲證也。玄奘三藏云。西方現判住劫二十中。初小劫已有四佛出世。是故彌勒亦此初住劫。從減至增八萬歲出世。是故彌勒論二十住劫皆有增減方爲一小劫。若諸衆生機根熟有見佛緣者。一一小劫有千佛出。亦無過失。況更有千九小劫。然前所引藏論者。百劫修相好業。九十一劫中前後佛出世等。是小乘所說耳。非大乘。大

乘中不言三僧祇後百劫修相好業。不成爲證。問所以得知大乘中三僧祇後百劫中不修相好業。答。優婆塞戒經第一云。我於往昔寶頂佛所。滿足第一僧祇。燃燈佛所。滿足第二僧祇。迦葉佛所。滿足第三僧祇。解云。若三劫後更有百劫者。釋迦不應迦葉佛相處。是故大乘菩薩。三劫外無更百劫也。約理實爲論者。小乘云。雖運多成壞劫。而大乘宗在一成壞義無違。所以得知多成壞而爲一成壞。則爲賢劫量者。賢劫經第九賢劫千佛出世。云能仁如來人壽百歲。賢出如來法氏如來妙御如來。此三如來人壽億歲。順觀如來人壽九十億歲。故。解云。若彌伽婆娑等云八萬十歲增減爲二十住者。云何得言億歲九十億歲。以漸減無量歲時方應有此億歲等故。然智度論云。前九十劫中初劫一佛出。謂毘婆尸。此云。第三十一劫二佛出。一名尸棄。此云。二名轉怒婆付。此云。第一九十一劫初有四佛。一名迦羅鳩唎陀。此云。二名迦那含牟尼。此云。三名迦葉。四名釋迦。如是等諸經論。皆據隨轉理門也。問云。何知一成壞劫爲賢劫量耶。答。菩薩藏胎經云。如六天王等滿四天下。不如一大梵天功德。乃至壽命過賢劫。其命乃終。解云。梵王壽命。既六十劫。而言過賢劫。云何得言多成壞劫。又智度論云。前九十劫三佛出。後一劫有千佛出。解云。後一劫者第九十一劫。劫初中四佛出。如前所引言。一劫者成壞爲一劫故。

第三劫次第。問此三劫次第無間越不。答一

云。莊嚴劫望賢劫定應無間。是故藥。尙經云。莊嚴劫千佛最先成名仙光佛。最後成名毘舍佛。解云。毘舍即前九十劫第三十一劫中佛故。此劫以後不說別劫。至第九十一劫方說賢劫。即知前九十劫以去。名莊嚴劫。若以賢劫望星宿劫者。謂說不定。謂大般若第九云。佛告阿難云。從此坐起無量劫。從此已後六十一劫星宿劫中。當得作佛。皆同一號。謂大幢相如來。解云。若依此文六十一劫爲星宿劫量。星宿劫前皆名賢劫也。賢劫經第十云。普廣言。轉輪聖王即定光如來是也。其千子是賢劫中千佛。過千佛已。六十五劫當知無佛。然後有大劫量。大名稱劫。皆同斯劫取成正覺。過此劫已八十劫都無佛興。然後有劫名喻星宿。其八萬大臣。斯劫中取成正覺。過星宿劫三百劫亦無佛興。然後有劫名重清淨。其采女八萬四千。當於其劫取成正覺。解云。若依此文。賢劫已後有大名稱劫。然後乃有星宿劫。八萬佛出世。問何故如是相違。答一云。三劫量長短不定。謂星宿劫者總含多劫故。大般若經星宿劫初名星宿劫。故但說六十一劫爲星宿劫也。賢劫經中星宿劫終名星宿劫。故隔多劫乃爲星宿。約理實皆爲星宿劫。是故白馬云。三劫劫各千佛。千佛壽亦不等有長短。一云。若依小乘宗。三劫未必無間越而成佛。善根小故。若依大乘。三劫定應無間。善根多故。謂成住壞劫如次名爲莊嚴劫賢劫星宿劫。

第四釋本文。言菩提者。此翻覺。覺諸法故。然

授記略作五門。一授記意。二授記者。三受記人。四時差別。五釋大文第一授記意者。如來授記。自其五意。一大師遠照。二因必得果故。三令他人起敬故。四不捨衆生故。五行位已高故。故須授記也。第二授記者。佛有三身。一云若授二乘地前菩薩記唯是化身。若授大地菩薩記通報身。今云化身亦化大地菩薩。應身亦化凡夫二乘。若不爾。便違佛地論云神力加而令暫見故。法身雖說法。說法與授記義有異故。可言授記者必是化身及他受用身也。第三受記人有五。如資糧論云。一未發心。二共發心。三隱覆。四現前。五密意。前四受大乘人。後一受小乘人。解云。未發心者。一云當十信位。今云不然。十信已前已發心。況十信是故無始來未發菩提心。今如首楞嚴經云。是人往來五道諸根猛利好樂大法。佛知是人過此若干百千萬億阿僧祇劫當得阿耨菩提心。言共發心者。一云十解十行。今言十信已前善法欲。以法名為發心也。隱覆者。十迴向至七地。謂若聞自授記。於六度行不起精進。若不聞更起精進故。然而欲斷他人念此菩薩。幾時得菩提。疑故授記也。言現前者。若菩薩成熟出世五根。及得無生忍。住不動地時。非前非後諸佛現前授記故。言密意者。如法華經云我等皆隨喜。大仙密意說授記舍利弗。我等亦當得成佛也。

若四劫中間增上及定性為無數時。以但通記故。應化及退菩提為有數時也。第五解本文者。隨應應通有數時無數時也。經曰佛告優婆塞以下。第二辨中品生。此中二。一發願往生。二雖不願生一向聞名得益。是初也。

身心等歸皆重故言說不生天者。生天業力未滿。未滿善因故。謂華三會發心。前三品修人者。業力得滿故。此唯修思勝劣故。差別也。問預造彌勒當成佛形者。從何境生福。答一云。從未來境生福。以信未成故。若造佛及普菩薩形造者。有二義可解也。今云不然。去來其現在所隔。是故從彌勒本地生福。經曰說。此語時以下。第二衆發願。此中二。初衆發願。後佛記生。是初也。百千匝者。為顯不離百千生也。

授大地菩薩記通報身。今云化身亦化大地菩薩。應身亦化凡夫二乘。若不爾。便違佛地論云神力加而令暫見故。法身雖說法。說法與授記義有異故。可言授記者必是化身及他受用身也。第三受記人有五。如資糧論云。一未發心。二共發心。三隱覆。四現前。五密意。前四受大乘人。後一受小乘人。解云。未發心者。一云當十信位。今云不然。十信已前已發心。況十信是故無始來未發菩提心。今如首楞嚴經云。是人往來五道諸根猛利好樂大法。佛知是人過此若干百千萬億阿僧祇劫當得阿耨菩提心。言共發心者。一云十解十行。今言十信已前善法欲。以法名為發心也。隱覆者。十迴向至七地。謂若聞自授記。於六度行不起精進。若不聞更起精進故。然而欲斷他人念此菩薩。幾時得菩提。疑故授記也。言現前者。若菩薩成熟出世五根。及得無生忍。住不動地時。非前非後諸佛現前授記故。言密意者。如法華經云我等皆隨喜。大仙密意說授記舍利弗。我等亦當得成佛也。

經曰但得聞是以下。第二雖不生得益。言聞處者三陰。邊地者即八難邪見者則五見。惡律儀者則不律儀。對法論立十四種。涅槃經立十六。瑜伽論立十二等。開合不定也。正見者反邪見故。眷屬者反前惡律儀。不謗三寶者不墮闍維邊地也。

經曰世尊記曰以下。第二佛記生。謂乃至下品行者。一念稱彌勒名皆得生。況能修福持戒上品而何不生耶。經曰佛告優婆塞以下。第三結正覺。經曰爾時尊者阿難以下。第三歡喜奉行分。此中四。一問。二答。三時衆得益。四奉喜退流通可准也。言他方者。或有經云十方是。則善慧地菩薩聞此經得入第十地健行定。以此文證。化身化地上也。八。萬諸天者。此方兜率天衆得益。非但當時發心。亦願未來隨生故。

授大地菩薩記通報身。今云化身亦化大地菩薩。應身亦化凡夫二乘。若不爾。便違佛地論云神力加而令暫見故。法身雖說法。說法與授記義有異故。可言授記者必是化身及他受用身也。第三受記人有五。如資糧論云。一未發心。二共發心。三隱覆。四現前。五密意。前四受大乘人。後一受小乘人。解云。未發心者。一云當十信位。今云不然。十信已前已發心。況十信是故無始來未發菩提心。今如首楞嚴經云。是人往來五道諸根猛利好樂大法。佛知是人過此若干百千萬億阿僧祇劫當得阿耨菩提心。言共發心者。一云十解十行。今言十信已前善法欲。以法名為發心也。隱覆者。十迴向至七地。謂若聞自授記。於六度行不起精進。若不聞更起精進故。然而欲斷他人念此菩薩。幾時得菩提。疑故授記也。言現前者。若菩薩成熟出世五根。及得無生忍。住不動地時。非前非後諸佛現前授記故。言密意者。如法華經云我等皆隨喜。大仙密意說授記舍利弗。我等亦當得成佛也。

經曰佛告優婆塞以下。第三辨下品生。謂設犯戒悔淨得往生也。言不退轉者。一云。此下品人生彼天聞法。則入十信位故。今云得不退因故不退。而非已得不退也。經曰佛告優婆塞以下。第二勸歸聖得利。多陀阿加度者翻如來。阿羅呵者反應供。三藐三佛陀者反正遍知也。

經曰佛告優婆塞以下。第三結正覺。經曰爾時尊者阿難以下。第三歡喜奉行分。此中四。一問。二答。三時衆得益。四奉喜退流通可准也。言他方者。或有經云十方是。則善慧地菩薩聞此經得入第十地健行定。以此文證。化身化地上也。八。萬諸天者。此方兜率天衆得益。非但當時發心。亦願未來隨生故。

授大地菩薩記通報身。今云化身亦化大地菩薩。應身亦化凡夫二乘。若不爾。便違佛地論云神力加而令暫見故。法身雖說法。說法與授記義有異故。可言授記者必是化身及他受用身也。第三受記人有五。如資糧論云。一未發心。二共發心。三隱覆。四現前。五密意。前四受大乘人。後一受小乘人。解云。未發心者。一云當十信位。今云不然。十信已前已發心。況十信是故無始來未發菩提心。今如首楞嚴經云。是人往來五道諸根猛利好樂大法。佛知是人過此若干百千萬億阿僧祇劫當得阿耨菩提心。言共發心者。一云十解十行。今言十信已前善法欲。以法名為發心也。隱覆者。十迴向至七地。謂若聞自授記。於六度行不起精進。若不聞更起精進故。然而欲斷他人念此菩薩。幾時得菩提。疑故授記也。言現前者。若菩薩成熟出世五根。及得無生忍。住不動地時。非前非後諸佛現前授記故。言密意者。如法華經云我等皆隨喜。大仙密意說授記舍利弗。我等亦當得成佛也。

經曰佛告優婆塞以下。第三歸聖滅罪。言十善行者。思念云為行。若重者為十善道也。見一天人者。隨遇一有情。即應念彌勒所思。謂有苦令離。無樂令得。惡者令除。善者令攝等也。一蓮華者。隨遇一法。則應念彌勒妙法。今且舉一有情一法則念彌勒。如是意者顯作上生因。除千二百劫罪者。彌勒大願力所致。是故但思中念人除千二百劫罪。若起身業而首不至地人者。除五十劫罪。若首至地人。除百億劫罪。此第三人日夜相續。長時

彌勒下生經。將釋此經。略有三門。一來意。二釋名。三講文。言來意有二。一為化下品衆生故。謂彌勒生天雖得上品中品人利。而下品人未得聖益故。二為顯人間教導故。謂天上教導雖先廣顯。而人間以七相教化衆生。猶未唱故。故上生後辨下生。第二釋名者。有三對。一能

授大地菩薩記通報身。今云化身亦化大地菩薩。應身亦化凡夫二乘。若不爾。便違佛地論云神力加而令暫見故。法身雖說法。說法與授記義有異故。可言授記者必是化身及他受用身也。第三受記人有五。如資糧論云。一未發心。二共發心。三隱覆。四現前。五密意。前四受大乘人。後一受小乘人。解云。未發心者。一云當十信位。今云不然。十信已前已發心。況十信是故無始來未發菩提心。今如首楞嚴經云。是人往來五道諸根猛利好樂大法。佛知是人過此若干百千萬億阿僧祇劫當得阿耨菩提心。言共發心者。一云十解十行。今言十信已前善法欲。以法名為發心也。隱覆者。十迴向至七地。謂若聞自授記。於六度行不起精進。若不聞更起精進故。然而欲斷他人念此菩薩。幾時得菩提。疑故授記也。言現前者。若菩薩成熟出世五根。及得無生忍。住不動地時。非前非後諸佛現前授記故。言密意者。如法華經云我等皆隨喜。大仙密意說授記舍利弗。我等亦當得成佛也。

經曰佛告優婆塞以下。第三歸聖滅罪。言十善行者。思念云為行。若重者為十善道也。見一天人者。隨遇一有情。即應念彌勒所思。謂有苦令離。無樂令得。惡者令除。善者令攝等也。一蓮華者。隨遇一法。則應念彌勒妙法。今且舉一有情一法則念彌勒。如是意者顯作上生因。除千二百劫罪者。彌勒大願力所致。是故但思中念人除千二百劫罪。若起身業而首不至地人者。除五十劫罪。若首至地人。除百億劫罪。此第三人日夜相續。長時

彌勒下生經。將釋此經。略有三門。一來意。二釋名。三講文。言來意有二。一為化下品衆生故。謂彌勒生天雖得上品中品人利。而下品人未得聖益故。二為顯人間教導故。謂天上教導雖先廣顯。而人間以七相教化衆生。猶未唱故。故上生後辨下生。第二釋名者。有三對。一能

授大地菩薩記通報身。今云化身亦化大地菩薩。應身亦化凡夫二乘。若不爾。便違佛地論云神力加而令暫見故。法身雖說法。說法與授記義有異故。可言授記者必是化身及他受用身也。第三受記人有五。如資糧論云。一未發心。二共發心。三隱覆。四現前。五密意。前四受大乘人。後一受小乘人。解云。未發心者。一云當十信位。今云不然。十信已前已發心。況十信是故無始來未發菩提心。今如首楞嚴經云。是人往來五道諸根猛利好樂大法。佛知是人過此若干百千萬億阿僧祇劫當得阿耨菩提心。言共發心者。一云十解十行。今言十信已前善法欲。以法名為發心也。隱覆者。十迴向至七地。謂若聞自授記。於六度行不起精進。若不聞更起精進故。然而欲斷他人念此菩薩。幾時得菩提。疑故授記也。言現前者。若菩薩成熟出世五根。及得無生忍。住不動地時。非前非後諸佛現前授記故。言密意者。如法華經云我等皆隨喜。大仙密意說授記舍利弗。我等亦當得成佛也。

經曰佛告優婆塞以下。第三歸聖滅罪。言十善行者。思念云為行。若重者為十善道也。見一天人者。隨遇一有情。即應念彌勒所思。謂有苦令離。無樂令得。惡者令除。善者令攝等也。一蓮華者。隨遇一法。則應念彌勒妙法。今且舉一有情一法則念彌勒。如是意者顯作上生因。除千二百劫罪者。彌勒大願力所致。是故但思中念人除千二百劫罪。若起身業而首不至地人者。除五十劫罪。若首至地人。除百億劫罪。此第三人日夜相續。長時

彌勒下生經。將釋此經。略有三門。一來意。二釋名。三講文。言來意有二。一為化下品衆生故。謂彌勒生天雖得上品中品人利。而下品人未得聖益故。二為顯人間教導故。謂天上教導雖先廣顯。而人間以七相教化衆生。猶未唱故。故上生後辨下生。第二釋名者。有三對。一能

授大地菩薩記通報身。今云化身亦化大地菩薩。應身亦化凡夫二乘。若不爾。便違佛地論云神力加而令暫見故。法身雖說法。說法與授記義有異故。可言授記者必是化身及他受用身也。第三受記人有五。如資糧論云。一未發心。二共發心。三隱覆。四現前。五密意。前四受大乘人。後一受小乘人。解云。未發心者。一云當十信位。今云不然。十信已前已發心。況十信是故無始來未發菩提心。今如首楞嚴經云。是人往來五道諸根猛利好樂大法。佛知是人過此若干百千萬億阿僧祇劫當得阿耨菩提心。言共發心者。一云十解十行。今言十信已前善法欲。以法名為發心也。隱覆者。十迴向至七地。謂若聞自授記。於六度行不起精進。若不聞更起精進故。然而欲斷他人念此菩薩。幾時得菩提。疑故授記也。言現前者。若菩薩成熟出世五根。及得無生忍。住不動地時。非前非後諸佛現前授記故。言密意者。如法華經云我等皆隨喜。大仙密意說授記舍利弗。我等亦當得成佛也。

經曰佛告優婆塞以下。第三歸聖滅罪。言十善行者。思念云為行。若重者為十善道也。見一天人者。隨遇一有情。即應念彌勒所思。謂有苦令離。無樂令得。惡者令除。善者令攝等也。一蓮華者。隨遇一法。則應念彌勒妙法。今且舉一有情一法則念彌勒。如是意者顯作上生因。除千二百劫罪者。彌勒大願力所致。是故但思中念人除千二百劫罪。若起身業而首不至地人者。除五十劫罪。若首至地人。除百億劫罪。此第三人日夜相續。長時

彌勒下生經。將釋此經。略有三門。一來意。二釋名。三講文。言來意有二。一為化下品衆生故。謂彌勒生天雖得上品中品人利。而下品人未得聖益故。二為顯人間教導故。謂天上教導雖先廣顯。而人間以七相教化衆生。猶未唱故。故上生後辨下生。第二釋名者。有三對。一能

授大地菩薩記通報身。今云化身亦化大地菩薩。應身亦化凡夫二乘。若不爾。便違佛地論云神力加而令暫見故。法身雖說法。說法與授記義有異故。可言授記者必是化身及他受用身也。第三受記人有五。如資糧論云。一未發心。二共發心。三隱覆。四現前。五密意。前四受大乘人。後一受小乘人。解云。未發心者。一云當十信位。今云不然。十信已前已發心。況十信是故無始來未發菩提心。今如首楞嚴經云。是人往來五道諸根猛利好樂大法。佛知是人過此若干百千萬億阿僧祇劫當得阿耨菩提心。言共發心者。一云十解十行。今言十信已前善法欲。以法名為發心也。隱覆者。十迴向至七地。謂若聞自授記。於六度行不起精進。若不聞更起精進故。然而欲斷他人念此菩薩。幾時得菩提。疑故授記也。言現前者。若菩薩成熟出世五根。及得無生忍。住不動地時。非前非後諸佛現前授記故。言密意者。如法華經云我等皆隨喜。大仙密意說授記舍利弗。我等亦當得成佛也。

經曰佛告優婆塞以下。第三歸聖滅罪。言十善行者。思念云為行。若重者為十善道也。見一天人者。隨遇一有情。即應念彌勒所思。謂有苦令離。無樂令得。惡者令除。善者令攝等也。一蓮華者。隨遇一法。則應念彌勒妙法。今且舉一有情一法則念彌勒。如是意者顯作上生因。除千二百劫罪者。彌勒大願力所致。是故但思中念人除千二百劫罪。若起身業而首不至地人者。除五十劫罪。若首至地人。除百億劫罪。此第三人日夜相續。長時

彌勒下生經。將釋此經。略有三門。一來意。二釋名。三講文。言來意有二。一為化下品衆生故。謂彌勒生天雖得上品中品人利。而下品人未得聖益故。二為顯人間教導故。謂天上教導雖先廣顯。而人間以七相教化衆生。猶未唱故。故上生後辨下生。第二釋名者。有三對。一能

授大地菩薩記通報身。今云化身亦化大地菩薩。應身亦化凡夫二乘。若不爾。便違佛地論云神力加而令暫見故。法身雖說法。說法與授記義有異故。可言授記者必是化身及他受用身也。第三受記人有五。如資糧論云。一未發心。二共發心。三隱覆。四現前。五密意。前四受大乘人。後一受小乘人。解云。未發心者。一云當十信位。今云不然。十信已前已發心。況十信是故無始來未發菩提心。今如首楞嚴經云。是人往來五道諸根猛利好樂大法。佛知是人過此若干百千萬億阿僧祇劫當得阿耨菩提心。言共發心者。一云十解十行。今言十信已前善法欲。以法名為發心也。隱覆者。十迴向至七地。謂若聞自授記。於六度行不起精進。若不聞更起精進故。然而欲斷他人念此菩薩。幾時得菩提。疑故授記也。言現前者。若菩薩成熟出世五根。及得無生忍。住不動地時。非前非後諸佛現前授記故。言密意者。如法華經云我等皆隨喜。大仙密意說授記舍利弗。我等亦當得成佛也。

經曰佛告優婆塞以下。第三歸聖滅罪。言十善行者。思念云為行。若重者為十善道也。見一天人者。隨遇一有情。即應念彌勒所思。謂有苦令離。無樂令得。惡者令除。善者令攝等也。一蓮華者。隨遇一法。則應念彌勒妙法。今且舉一有情一法則念彌勒。如是意者顯作上生因。除千二百劫罪者。彌勒大願力所致。是故但思中念人除千二百劫罪。若起身業而首不至地人者。除五十劫罪。若首至地人。除百億劫罪。此第三人日夜相續。長時

彌勒下生經。將釋此經。略有三門。一來意。二釋名。三講文。言來意有二。一為化下品衆生故。謂彌勒生天雖得上品中品人利。而下品人未得聖益故。二為顯人間教導故。謂天上教導雖先廣顯。而人間以七相教化衆生。猶未唱故。故上生後辨下生。第二釋名者。有三對。一能

授大地菩薩記通報身。今云化身亦化大地菩薩。應身亦化凡夫二乘。若不爾。便違佛地論云神力加而令暫見故。法身雖說法。說法與授記義有異故。可言授記者必是化身及他受用身也。第三受記人有五。如資糧論云。一未發心。二共發心。三隱覆。四現前。五密意。前四受大乘人。後一受小乘人。解云。未發心者。一云當十信位。今云不然。十信已前已發心。況十信是故無始來未發菩提心。今如首楞嚴經云。是人往來五道諸根猛利好樂大法。佛知是人過此若干百千萬億阿僧祇劫當得阿耨菩提心。言共發心者。一云十解十行。今言十信已前善法欲。以法名為發心也。隱覆者。十迴向至七地。謂若聞自授記。於六度行不起精進。若不聞更起精進故。然而欲斷他人念此菩薩。幾時得菩提。疑故授記也。言現前者。若菩薩成熟出世五根。及得無生忍。住不動地時。非前非後諸佛現前授記故。言密意者。如法華經云我等皆隨喜。大仙密意說授記舍利弗。我等亦當得成佛也。

經曰佛告優婆塞以下。第三歸聖滅罪。言十善行者。思念云為行。若重者為十善道也。見一天人者。隨遇一有情。即應念彌勒所思。謂有苦令離。無樂令得。惡者令除。善者令攝等也。一蓮華者。隨遇一法。則應念彌勒妙法。今且舉一有情一法則念彌勒。如是意者顯作上生因。除千二百劫罪者。彌勒大願力所致。是故但思中念人除千二百劫罪。若起身業而首不至地人者。除五十劫罪。若首至地人。除百億劫罪。此第三人日夜相續。長時

彌勒下生經。將釋此經。略有三門。一來意。二釋名。三講文。言來意有二。一為化下品衆生故。謂彌勒生天雖得上品中品人利。而下品人未得聖益故。二為顯人間教導故。謂天上教導雖先廣顯。而人間以七相教化衆生。猶未唱故。故上生後辨下生。第二釋名者。有三對。一能

說所說對。謂佛說者為能說。彌勒下生經者為所說。二能受所對。謂彌勒為能受。下生為所受。三所詮能詮對。謂彌勒下生為所詮。經為能詮也。都言雖有八相。而復後七相皆在人間。對天故皆言下生。廣談下生聖化之事故。名下生經。則依主釋也。第三講文為二。初略辨下人化益衆生。後廣辨下人化益衆生。謂下品人自有優劣故。故有此略廣。初中三分。一證信傳經分。二問答廣說分。三聞說奉行分。一云。此經亦有發起序。謂爾時阿難至汝還就坐。為發起序。此解不然。無有餘經對問佛答文而名為發起故。初中有五句。若三句同別。

經之初句聞如是者。前經中先標所聞法故。先言如是。後曰我聞。今此經意。多聞總領如來所說法為表。故先聞後如是。或可錯語非一故。義亦無失。後句中云五百人者。如中阿含經云。佛告舍利子。此五百比丘。九十比丘得三明達。九十比丘得俱解脫。餘比丘得慧解脫也。

經曰爾時阿難以下。第二問答廣說分。此中四。一阿難陳請。二如來許說。三阿難領旨。四如來正答。初中三。初儀式。二彰聖。三陳請。是初也。露右臂者。顯能解佛意也。膝著顯能領也。白世尊言以下。第二彰聖。即為二。初總彰。後別彰。是初也。言事者即指法也。當來等者指時。欲請彌勒當來化導事故。故須彰三通智也。縣鑒音皆鑒冥辨經曰過去諸佛以下。第二別彰。此中三。初彰

過去佛智。次彰現世智。後彰未來智。是初也。言姓者。昆婆尸佛出刹利姓。拘留孫佛出婆羅門姓等也。言字者即二十年名。言名者初生名。言號者十號也。弟子者聲聞也。補翼佛故名翼從也。言多小者。昆婆尸佛三會說法。謂初十六萬八千人。次十萬人。後八萬人。尸棄佛亦三會。初十萬人。次八萬人。後七萬人。里婆舍佛二會。初七萬人。後六萬人。留孫佛一會說四萬人。含牟尼佛一會說三萬人。迦葉佛一會三萬人。釋迦一會千二百五十人。廣如長阿含第一卷也。言一劫百劫等者顯時智也。如婦人無近諸佛經云。第一佛般涅槃已來九十劫。第二佛般涅槃已來三十一劫。第三佛般涅槃亦三十一劫。乃至迦葉佛般涅槃已來萬歲者。解云。七世佛中間前後遠近差別也。亦復知以下意顯知化衆。謂雀無近經。第一佛父名波漂利王。母名波頭末。乃至迦葉佛父名波羅摩達。母名檀那越等也。

經曰則能分別以下。第二彰現世智

經曰亦復明了以下。第三彰未來智

經曰欲聞其變以下。第三陳請。請五事。一神力變。二徒衆多小。三彌勒成佛。四依果莊嚴。謂境豐樂。五億世時

經曰佛告阿難以下。第二佛許說。言彌勒出現者。正許佛問兼許時間也。國土豐樂也。弟子多小者。許弟子翼從也

經曰是時阿難以下。第三阿難領旨

經曰爾時世尊告以下。第四如來正答。此中

二。初正問答。後勸修因。初中四。一答境豐樂。二答佛三答徒衆。四答滅時。神變者答徒衆。弟子中兼故不別答也。初中亦四。一國邑莊嚴。二地土廣美。三人民相和。四王臣勝善。是初也。久遠者說此經時。望彌勒出世時。還五十六億萬歲故。雖頭者。契法師云。西方說王舍城是香芳城。未來有王名飼佉。所都大城名雞頭末。此云慧幢。然即知雞頭末即是王舍城國界。一云閻浮提國界。義亦無失。成佛經云。雞頭末即是也。言城者王居義。人民所居名為郭也。城似雞頭。故因為名雞頭末也。十二由旬者。雖受勝報而不出十二因緣故。七由旬者不離七隨眠故也。街巷音上桂下加戶成佛經云。有大力龍王名為羅尸棄。即是互顯也。羅刹鬼者此云可畏也。成佛經云。大夜叉神者互顯。以彼城有夜叉羅刹二神故。寐後除穢者。其鬼者人眠後乃現諸惡穢爭令淨故

經曰阿難當知以下。第二地土廣美。十萬由旬者。成佛經云。是時閻浮提地長十千由旬。廣八千由旬。金光明經第六云。閻浮提地。縱廣七千由旬者。今云。彌勒初出時。四海水多減而地多增。故云十萬由旬。後漸久遠時。海水還增。地狹短故。十千及七千不遠。若有違文准此可解也。各據一方者。海水各退縮一方故。諸山消滅及平正如鏡者。約理實言其時亦有山石等。而對令故無耳。若不爾。違下文云大迦葉住此山故

經曰爾時時氣和適以下。第三人民相和。四



時者春秋等四時。順節者八節。謂四時有二日故。即立春春分。立夏夏分。立秋秋分。立冬冬分。廣如淨度三昧經也。若人民行達天地。即四時氣不順時節。今其時人民相和故。百八患者。一云百八煩惱。今云不然。諸大乘經論皆無說百八煩惱故。故今云患即身病。謂百八者。苦樂捨通六境中即十八。十八通緣染淨即三十六。三十六通三世故。又云。瑜伽論云百十種苦。即此經百八患開合異耳。可引論也。貪欲以下。意願心內患也。不大厭惡者。勤者即數數感者即重。謂彼時煩惱薄輕也。人心平均者。無三毒故。皆同一鄉者。雖非一鄉。而無王都外異故。故上云村落相近難鳴相接。是即無嫉妬故。事訖還合者。成佛經云。爾時有三病。一便利。二飲食。三衰老故。有疑人。若爾應同釋迦時。是故今須此說也。粳米者。增一阿含經第四十九云。爾時難頭城生自然粳米。長三寸。極為香美。尋取尋生。皆不見所取處。問彼時生食熟食。答長阿含經第二十一云。自然粳米無有糲糲不加調和。其衆生便取食。故知生即喰也。所謂金銀等。文意云。說此經時。衆聞自然粳米。而疑七寶自然不故。故佛說意七寶亦自然也。

經曰爾時法王出現以下。第四王臣勝善。此中二。先王勝善。後臣勝善。初中亦二。初辨正報勝。後依報勝可准也。七寶者。輪王但以散善所化導。故令所得果報。人六欲天。是故成七寶而非六八也。言輪寶者金輪。謂成佛經曰金輪寶故。增一經云。具足千輪東方來應。

象寶者。增一經云。是時象寶從南方來。有六牙。金銀校飾。能飛虛空。馬寶者。增一經云。是時馬寶從西方來。毛青尾朱。行不移動。能飛虛空。珠寶者如意珠也。增一經云。東方來。有八角。四面有火光。長一尺六寸。夜半照彼國界十二由旬。大成佛經云長三肘。解云。此亦有大小故。故無失也。女寶者。增一經云。玉女。顏貌端正。面如桃華。不長不短。不白不黑。口優鉢華香。身栴檀香。謂王左右不失時節也。主藏寶者即守藏寶。增一經云。輪王出世時便有居士寶。身體紅色。得天眼通。此居士白王言。唯願聖王壽延無窮。兵寶者即主兵寶。增一經云。輪王出世時。四兵自然來應。問輪王及其七寶一時滅死。答長阿含經云。善見王忽然命終。如壯士一食飯。其王死七日。輪寶珠寶不現。所餘五寶日日命終。城樓觀等皆變爲七木也。輪王命終。寶有瑞相。謂長阿含經云。金輪寶於虛空忽離本處。輪迴速往白王。王聞已言王壽未滅。增一經云。輪王命終後生三十三天。如今者。一云如者夫也。今者現也。一云今釋迦有四大藏。彌勒亦爾。故云如今也。乾陀越者此云他持。在北天竺也。伊羅鉢者是樹名。謂比丘析樹枝以受龍身。是故以業自樹也。諸珍物者。此四大藏各有四億小藏圍遶故。彌梯羅者。此云等共。在南天竺也。係網者此云黃頭。是龍名也。須賴吒者此云黑色。在東天竺也。寶藏者即寶伽羅大藏。此云黃眼。是亦龍名。係網波羅捺者此云紅澆。因水目名。在西天竺也。蟻佉者。

增一經云。蟻佉大藏在波羅捺國。此四寶藏者。增一經云。昔有長者有四兒。勸令歸三寶矣。不從命。即時父雇黃金。爾時父將兒詣佛問云。此兒雇受歸依。得福不。佛答亦得。謂未來彌勒出世時。當守護寶爲四龍王也。諸守藏人者。增一經云。爾時真藏人名善寶。爾時伊羅鉢等四龍王往至善寶所。語曰。欲所須者我等相給。則四龍王以四藏寶奉。上善寶取四藏也。寶即奉上蟻佉王也。問何故彌勒時其七寶處處有。何今云惠施貧窮。答約寶豐足。而對輪王故云貧窮也。樹上生衣者。長阿含經云。露單越土復有衣樹。謂菓熟時自然出種種衣。今引彼爲例也。

經曰爾時彼王有大臣以下。第二辨臣勝。此中二。先辨臣勝。後辨妻勝。可准。言修梵摩者此云善淨。梵摩越者此云淨主。以王娘故成佛經云。父名妙梵。母名梵摩婆提。乃是也。八四態者。女人內心諂媚相也。大本經云。諸婦人八十四態。此經云八四者誤也。太子五夢經云。菩薩在樹下時。魔王欲試。遣天女三人。人往詣佛。佛爲說人穢病八十四態。如畫瓶盛糞。爾時女人等慚愧皆變成老母。

經曰爾時彌勒菩薩以下。第二答佛問。謂辨彌勒成佛時。正報身也。汎論諸佛皆有八相。一上天。二入胎。三住胎。四出胎。五出家。六成道。七說法。八滅度。今此經中有四。一入胎。二出胎。三出家。四成道。是初也。准諸經論。菩薩住天將下生時。先觀四事。一觀時分。謂何時中應出世。即知人壽八萬歲乃至百

歲等也。二觀處所。謂何方處應出世。即出閻浮提中印度也。三觀種性。謂出刹利或波羅門姓。四觀依器。謂出父母。觀此四事已。後七日下閻浮提生中印度也。今此中言父母者。顯觀依器。大成佛經云。佛雖在胎如遊天堂也。

經曰應從右脇以下。第二出胎相。菩薩處胎經云。我從右脇生。汝彌勒從頂上生者。蓋隨機說不定。又云。約實彌勒從脇生。而歎尊勝故。具云頂生也。

經曰爾時人壽以下。第三出家相。謂太子五夢經云。彌勒生年三十得道。未曾作婦。必觀五欲過患。不樂在家。然賢劫經云。彌勒有子名德力。此經云五十年行嫁云何會。答大聖應物非凡小思境。是故生年雖三十。而示行婚以產德力。有何失。問女人年五千歲後出適者。何故成佛經云五百歲出適。答一云。阿含經大成佛經皆五百歲行嫁故。五千語誤。一云。彌勒始出世時五千歲方出適。若久遠以後五百歲始出適。既有與衰。婚始亦有遲疾也。在家未幾者。年三十而得道故。

經曰去雞頭不遠以下。第四成道相。此中三。初辨成道。次刹土震動。後地神唱令可准也。成無上道果。大成佛經云。詣道場。彌勒即自剃髮出家學道。即是日初夜降四魔。成無上菩提者。解云。此經意約降魔終時名夜半。不達也。問佛不會唱云吾成道。由何因地神知成道。答是地神亦如來所示現也。問准除宗。菩薩生時聲唯至欲界他化自在天。成佛道

時聲至色界究竟。轉法輪時聲至梵天。云何今此經但言成道聲至梵天。答彼意言者。菩薩生時受欲界身故。唯至第六天。成道時作三界主。故逕色究竟。轉法輪時由大梵請故至梵世。然今此經意。二定以上無自地語聲。故順言至梵世耳也。

經曰爾時魔王以下。第三答徒衆。此中二。初三會衆。後十想衆。初中二。初說法衆。後結名姓。初中二。初正辨初會衆。後乘答神變問。初亦二。初說法。後釋疑。初中爲六。一魔王衆。二長者衆。三國王衆。四大臣衆。五佛母衆。六刹利衆。是初也。言魔王者。欲界第六天也。生天之論者。一云十善也。一云即前施戒。總名生天之論也。出寶爲妙者。修五欲不淨想者。生上界爲寶也。顯說世間法也。爾時彌勒以下文意顯說出世法也。苦者苦諦也。習者集諦也。滅者滅諦也。道者道諦也。塵垢者。喻伽第八十六云。見所斷煩惱纏爲塵。彼煩惱隨眠爲垢也。法眼淨者。四諦中忍智也。

經曰爾時大將以下。第二長者衆。此中四。初魔王勸出家。二長者請佛爲說法。三聞法得益。四長者出家。略結時衆可准也。善財等者善來得戒也。經曰是時蟻法以下。第三國王衆。言初中後善者彰其教。謂始聽聞時生歡心故爲初善。修行時無難艱故爲中善。終至究竟果故爲後善也。義理深遠者。彰所詮義。遠者以無相法與合故名遠也。立太子者。太子立爲王紹。賜剃頭珍寶者。剃頭師及珍寶賜於太子。又

以珍寶與梵志。是故阿含經云。賜剃頭師寶。復以雜寶與諸梵志也。時八萬四千以下。意顯王出家得果也。

經曰是時梵摩大長者以下。第四大臣衆。三結者。一身見。二戒取。三疑約實永斷三界見惑。而此三結障道增勝故偏說。身見不樂解脫。戒取執著耶道。疑不進修故。盡苦際者。表得七生邊際故。阿含經云。今此衆中最小比丘皆見道迹不趣惡道。極七生往反必盡苦際也。

經曰是時佛母以下。第五佛母衆。問所將衆皆得無學。云何佛父母唯得初果。答爲久住世流通佛法。故不須證無學果也。

經曰爾時諸刹利以下。第六刹利衆。刹利者分田主。此義如藏論也。越次取證者有二。一漸。二頓。頓即初果而越中二果得羅漢。漸即凡夫倍離欲及令離欲入見道倍得中二果。阿含經或有不越次取證者。今此經略故不說。問何故阿難不越次取證者。答慶喜是到彼岸性。助佛宣說一切法若相若性真實義故。名奉法人。既作佛事。教衆生故。不順世間不可樂想。以是義故。到彼岸人一切皆得四沙門果。

經曰爾時彌勒以下。第二釋疑。疑云。初會衆皆得聲聞果。既爾彌勒唯說聲聞乘教。是故顯三乘教說也。經曰如我今日以下。第二乘答神變問。謂山門開示事即神變力故。此中一云。如來初會中說迦葉變事也。然而成佛經。三會已後辨

此神變者，捨家隨語勢便在後而說。今云：若爾如來三會說法應有間絕故。應說慈氏三會度人已。衆生漸有懈怠故。往狼迹山開彼上門。如智度論云：彌勒佛三會已訖。將諸大衆往彼山頂。示大迦葉骨鎖身。大衆遂起精進心。然而今此經在初會答神變者。捨家意樂故。故不違也。約文爲二。初標名彰德後正答神變。此初也。頭陀者。古言小欲者訛也。今云除棄。謂由小欲行。除棄貪欲故。若具有十六。謂衣中有四。食中有六。處中亦六。言衣中者。一糞掃衣。二露衣。三納衣。四三衣也。食中六者。一乞食。二次第乞。三作注餘食法。四一坐食。五一搗食。亦名節量。六不中後飲漿。謂若下品行者。雖出家。以種種耶命爲自活。若中品。雖離前過。而受僧食施主別請食。

若品不受僧食施主食唯行乞食也。處中六者。一蘭若處。二塚間。三樹下。四露地。五常坐。常坐者。隨有草地便坐。常坐者。若行若立。即大苦。若臥即甚樂。若坐則離二邊能長久。是故須常坐也。然而此經略說十二。十二者。如四分律云。衣中二。謂納衣及三衣也。食中四。謂次第乞食乞食中攝故。不飲漿即一坐食中攝故。處中六者。同前說。合爲十二也。涅槃經立十頭陀。如彼說也。

經曰爾時迦葉去以下。第二正答神變。此中二。先捨家標儀式。後正答神變。是初也。問四威儀中皆得修善。何故偏說結坐。答是賢聖常威儀及順善品。而不共外道故。正身者即安坐義也。正意者正願。正願者是順善品義也。係念在前者。繫念念自面對義。何須對面者。無始時來男爲女。女爲男。多分依面故。今觀自面者欲伏煩惱故。迦葉雖無煩惱。而遊觀大法故作此坐儀也。

經曰爾時世尊告以下。第二正答神變。此中三。初佛以法授於迦葉。次迦葉領衣入狼迹山。後迦葉衣上彌勒。是初也。向八十餘者。若上經爲例者。即有二義。若維摩在初中說此經者。年唯三十八。云何可言向八十餘。若說般若在終年中說此經者。年三十七。亦不可言向八十餘。今云。雖無聖說明文。而此經者在生經前說。若不爾上生經指下生經語。又阿難初生即佛成道日。二十五年方作侍者。而在此會請問。明知若五十年若五十五後時說此經也。何故偏勸四聲聞者。迦葉頭陀行中能苦行故。若屠鉢鉢者能降伏外道故。賓頭盧者不毀禁戒故。羅云者讀誦不懈故。若大成佛經云。勸者有二。謂衣及法。今此經略而不說也。由我遺化得盡漏者。勸迦葉助彌勒化我遺晚機弟子也。

經曰摩竭國以下。第二迦葉領衣入山。彼山者。即耆闍崛山。又有經狼迹山者。猶是崛山少分也。若智度論第三十五云。大迦葉入王舍城乞食。食已未久登難足山。山有三峯。如仰難足。尊者入中。結跏趺坐。作誠言。願我此身納鉢杖久住不壞。乃至經五十七億俱胝六十百千年慈氏正等覺出世時。施作佛事。發此願已尋般涅槃。時彼三峯便會成一。掩弊尊者巖也。

經曰又彌勒如來以下。第三迦葉衣上彌勒。此中二。初彌勒示彰。後彌勒受衣。是初也。鬼神開門者。智度論云。彌勒佛以足指扣開者。闍崛山。時迦葉骨身著僧伽梨而出。禮彌勒足。上昇虛空。現變如前。即於空滅身。然此經中鬼開者。鬼神從佛行故。故不違也。釋迦憊者。阿含經云。迦葉靜窟。解云。年舉者。古時釋迦憊室故。又可此經誤也。得法眼淨者。善根已熟者也。或有衆生者。未熟善根。故不得聖果。唯見迦葉骨身也。亦由四事因緣者。由釋迦四攝事所成熟。謂一惠施。即此施也。二愛語。即此仁愛也。三利行。則此利人。四等利。即此亦同。善生經如是說。

經曰爾時阿難彌勒以下。第二彌勒受衣。梵音僧伽胝。此云大衣。今云僧伽梨。謂也。大成佛經云。彌勒取釋迦大衣右手覆及栽。覆左手而不通。以彌勒大其衣小故。星散者現十八變事已忽無故。佛本行經云。迦葉入無餘涅槃者。約實入滅定。而入無餘者。現同法者也。敬正法者。顯敬教法也。成無上正眞道者。顯敬證法也。

經曰阿難當知以下。第二會也。行事供養者。大成佛經云。行四事供養。謂前施仁等也。經曰又彌勒以下第三。會也。智度論云。初會九十九億。第二會九十六億。第三會九十三億。賢愚經云。初九十三億。次九十六億。後九十九億。解云。聞機不同故。又是先所度聲聞弟子其大根性。雖前佛所化。皆三會後得無生忍故。無爾許也。

經曰又彌勒以下。第三會也。行事供養者。大成佛經云。行四事供養。謂前施仁等也。經曰又彌勒以下第三。會也。智度論云。初會九十九億。第二會九十六億。第三會九十三億。賢愚經云。初九十三億。次九十六億。後九十九億。解云。聞機不同故。又是先所度聲聞弟子其大根性。雖前佛所化。皆三會後得無生忍故。無爾許也。

爾時比丘以下。第二結姓名

經曰爾時彌勒以下。第二辨十想衆。此中三。初正說十想。次衆集所以。後時衆得益。是初也。此中想者。以慧爲體。智度論。無常想者。即聖道力名。或言四念處。或言四諦。或言無常想故。若相從者。亦想數爲體也。如念住以定慧爲體而名念住。此亦爾。皆以慧爲體。而隨義門說十想也。此十想中。前九想對治四倒。後一想對治貪著。前九想中。初一想治常倒。次一治樂倒。次二治我倒。無我想治我見。空想治我所見。餘想皆治淨倒。以是義。修習十想盡流心得解脫也。謂由過去佛說故。今彌勒時盡漏解脫也。

若此衆中以下。第二衆集所以。此中二。初長行答徒衆問。後頌其答長行。此中十三事是皆示通三學。謂後言梵行八音即戒學也。四等心即定也。住出誦等則慧學。若初云梵行通三學也。言四等心者四無量定心也。善本者三善根也。此十三事。皆通三會值彌勒因。言八關者受八戒故。

經曰是時彌勒以下。第二頌。此中三。初捨家長行起。次彌勒正頌。後釋迦結。約頌有九行。分爲二。初七頌別長行。顯二頌總結也。心原本者三善根也。意無若干想者。顯無散亂心。或契經者脩多羅。善習者毘尼。法本者阿毘曇藏也。

經曰阿難當知以下。第三釋迦結也

經曰爾時衆中以下。第三時衆得益。益者數名。謂佛本行集經言。百百千爲千萬。千萬百

爲十億。十億百爲千億。千億百爲萬億。萬億百爲千萬億。千萬億百爲十兆。十兆百爲千兆。千兆百爲十萬兆。十萬兆百爲十京。十京百爲千京。千京百爲十萬京。十萬京百爲名爲。前九十六億等。顯三會得阿羅漢人等。今云姪者。三會得初果人等也。

經曰彌勒如來以下。第四答幾時住問。此中二。初立戒時。後住法時。是初也。無瑕穢者清淨無犯。若增一經云。毘婆尸佛百年清淨無犯。釋迦佛十二年無瑕也。

經曰彌勒如來以下。第二住法時也

經曰共有善男子以下。第二勸修共。因也。爾時阿難以下。第三聞說喜奉行分也

佛說彌勒成佛經

此經將釋。略作三門。一辨來意。二釋題目。三正解本文。言來意有二。一爲廣顯彌勒人間弘化故。二爲化下下遲晚流令得度脫故。何以故。前略雖示慈氏如來下人教化。今上中人殖善本。而未廣辨慈氏威力令最下根智祈聖心故。以此二義。下生經次說此經也。

第二釋題目。若依別本。有其七名。一名一切衆生斷五逆業障報障煩惱障修習慈心與彌勒共行。經二名一切衆生聞彌勒佛名必勉五濁世不隨惡道經。三名破惡惡業心如蓮華定見彌勒佛經。四名慈心不食肉經。五名釋迦牟尼以衣爲信經。六名有聞佛名者決定得勉八難經。七名彌勒成佛經。雖有七名。而第七爲本。故今此經用第七名。此中彌

勒菩薩坐龍華下。見其寶臺毀壞。即修無常想示得正覺。故名成佛。成佛之經故依主釋。恐濫天等所說故。故名佛說也。第三解本文者。大成佛經云。佛住摩伽他國波沙山中夏安居。因舍利弗請而說。今此經中略而不說。然猶有三分。一爲子發請分。二來酬答分。三大衆奉行分。初中二。初讚請德。後述請辭。是初也。

言舍利者身也。弗者子也。從母爲名也。此人英慧超類。性來開一解千。故名大智。是彰內德也。能者善巧別言。謂善隨物機巧宜法化故。輪者見道也。法者利人也。轉者度他相續故。隨者正轉於前。爲子受唱於後。故名爲隨也。是彰外德也。大將者。內懷神謀。外揚威力平怨。故名大將。譬舍利弗內懷神力外揚辨才降伏煩惱怨故名大將也。

經曰白佛言以下。第二述請辭。此中二。初指本。後請廣說。是初也。大成佛經云。前後經中所未說。甚遠此經。一云同本別譯。然所未說者譯者誤也。一云別本別譯。故大先說。小後說之。此二說中初爲勝。謂此經無證信序。必從大經出。是故知大經誤也。問前後經其指何。答一云彌勒三經互爲前後。一云不然。於三經隨指何經名爲前後者。前後者不可了故。應說此經以前諸處處經彌勒作佛事可得。故云前後。是故增一經云佛在舍衛國說彌勒成佛事。又在迦毘羅國家珠師佛說彌勒成佛事。又如上生經中所引。佛告於毘尼及諸經藏說阿逸多次當作佛。如是前前諸

教前後所說可引起問。是解最勝。順聖教故。此中二。初請今聞。後請嘗見。是初也。言功德神力者。即正報。謂功德者。福果也。神者。智果也。國土莊嚴者。依果。謂國土者。體也。莊嚴者。土想也。

經曰。衆生以何施以下。第二請嘗見也。行何施得大富。持何戒得人身。修何慧得見佛。又解衆生見佛自有三品。故問此三義。是亦無失也。

經曰。爾時告以下。第二如來酬答分。此中二。初受請。是初也。舍利弗四大海以下。第二答請。此中二。初答中聞請。後答見請。初中二。初答國土莊嚴。後答功德神力。初中四。一出體。二出莊嚴。三出都。四出主。是初也。謂釋迦佛世間淨提地七千由旬。西八千由旬。東九千由旬。北十千由旬。彌勒時除三千由旬水故。增三千由旬地。故成十千由旬。如是四方皆增三千由旬故。是故今此中東西是長。長十千由旬。南北名廣。廣八千由旬。

經曰。名華。華草以下。第二辨土。嚴城者。州縣謂處也。萬民雜居名爲邑也。街衢方整名。比丘也。八萬歲者。大成佛經云。八萬四千。解云。彼經據初下生時說。此經久遠時。不違也。如言身長十六丈。而賢愚經云。身長八丈。就初後時無過也。便利者。內逼迫也。飲食者。外惑苦也。衰老又遇身羸劣也。大成佛經云。無寒熱風。太等病。九苦惱。阿含經云。時人有九病。一寒。二熱。三飢。四渴。五大便。六小便。七欲。八飲食。九老。解云。無時節代謝寒熱故。

大成佛經云。無寒熱等。而飲食中亦有冷熱。故阿含經云。有寒熱等也。五百歲者。下生經云。五十歲者。通此文二說。如經第二也。大成佛經云。人長百六尺。今此中略故不說。

經曰。是時有一大城以下。第三出都。此中二。初都邑莊嚴。後蘭泉。初中二。初衆寶莊嚴。後災凶除滅。是初也。翅頭末者。此云淨意。是即國之都城也。長者。南北也。廣者。東西也。大成佛經云。八萬四千小城。以爲眷屬。翅頭末最處其中。今經略故不說之。言端嚴者。七寶所成故。殊妙者。樓臺壯麗故。莊嚴者。羅網覆故。是王所鎮故名都城也。軒窓者。相司也。街者。四交道也。巷者。直道也。陌者。東西道也。多羅尸棄者。此云善護也。池近者。在其城側也。

經曰。有大夜叉神以下。第二災凶除滅也。遜淹香暗實說又云座坐。經曰。有大夜叉神以下。第二災凶除滅也。遜淹香暗實說又云座坐。經曰。有大夜叉神以下。第二災凶除滅也。遜淹香暗實說又云座坐。

經曰。舍利弗。我今爲汝以下。第二辨蘭泉。言八功德者。一輕。二冷。三軟。四美。五清淨。六不臭。七飲時調適。八飲已無患。少門道善作此說。今稱讚淨土經云。一澄清。二清冷。三甘美。四輕實。五潤澤。六安和。七飲時除飢渴等。八飲已長養根大也。聖主爲寶他鳥而夫。鷲鴨。香山流水者。涅槃經云。香山頂有無熱池。四方流出味甘香也。一種獲七者。增一經云。自然粳米者。初出時及久遠時不同。故不違也。

經曰。爾時轉輪王以下。第四出主也。四種兵者。一車。二。牛。三象。四馬也。寶臺千頭者。千子所遊處故。形如蓮華者。寶藏涌地貌也。經曰。翅頭末城衆寶以下。第二答功德力。德力雖有八相。今五相。一入胎。二出胎。三出家。四成道。五轉法輪。其相雖五。今文即爲二。初辨處勝。後辨人勝。是初也。

經曰。其城中有大波羅門以下。第二辨人勝。此中二。初託父母受身。後厭世出家成佛。是初也。妙梵者。父名也。婆羅門者。姓名也。釋迦生王種中。彌勒生輔臣姓中。化衆生宜不同也。梵摩婆提者。此言淨道也。梵摩婆提者。還西國婆羅門姓。身長千尺者。千尺者。計即百丈。爾時人身長半卑。謂五千十。古言掌與身十分一。若胸與身五分一。謂若人身長八尺。面及掌並八寸。胸廣一尺六寸。是故釋迦身長丈六。計十六尺。面掌並一尺六寸。胸廣三尺二寸。爾乃相稱。既彌勒身百丈。而應十丈。而今此云二丈四尺者。恐傳經者誤也。

經曰。彌勒菩薩觀世以下。第二厭世出家成道。此中二。先厭世出家。後坐道樹成菩提。是初也。經曰。坐於龍華以下。第二成菩提。此中五。一成道。二天龍雨華。三動世界怖魔。四放光引可度。五演梵音衆得益。是初也。謂樹枝如寶龍坐百寶華。故名龍華樹。依此樹下成菩提。故名菩提樹也。大成佛經云。早越出家。即是日初夜降魔成菩提也。彌勒作佛經云。到樹下坐。用四月八日明星時得佛。解云。清且出家初夜成佛也。

經曰。爾時轉輪王以下。第四出主也。四種兵者。一車。二。牛。三象。四馬也。寶臺千頭者。千子所遊處故。形如蓮華者。寶藏涌地貌也。經曰。翅頭末城衆寶以下。第二答功德力。德力雖有八相。今五相。一入胎。二出胎。三出家。四成道。五轉法輪。其相雖五。今文即爲二。初辨處勝。後辨人勝。是初也。

經曰爾時諸天以下。第二雨華也。不現身者龍身可怖故。

經曰三千大千以下。第三動地怖魔。謂眾生長眠生死故。不動者不悟長。故須動也。

經曰佛身出光以下。第四放光攝生。

經曰爾時人民以下。第五演梵音衆得益。此中三。初在華林。次城邑。益後靈山益。初中九。攝衆。二觀欲。三尋因。四彰師。五義學。六歸力。七合奉。八授道。九得益。初有十類衆。一人民衆。二王宰衆。三淨智衆。四長者衆。五外道衆。六大臣衆。七天宮衆。八太子衆。九彌勒親族衆。十無名衆。准可知也。

經曰彌勒佛見以下。第二觀欲。欲者欲樂也。經曰是諸人等皆於以下。第三尋因。因者行也。此中有十行。一知法行。即讀三藏。三修福行。即修諸功德。三兩利行。謂衣食施他及自持戒故。四供佛行。謂瞻蓋等。五修慈行。謂拔苦故。六修悲行。謂與樂故。七修忍行。八修齊行。九修禪行。十智塔行。准可知也。

經曰善哉釋迦以下。第四彰師。

經曰而作是言汝等以下。第五義學。

經曰善哉釋迦以下。第六歸力。此中二。初既辨歸。合力。後言釋迦牟尼佛爲汝等以下。辨歸昔力也。

經曰彌勒如是開道以下。第七合奉。

經曰彌勒佛觀察以下。第八授道。

經曰爾時彌勒佛以下。第九得益。約實爲論。諸佛化物不定。或一會或二會乃至十會無量會。然而三會者約一化終。前佛殘弟子。然

長阿含經云。毘婆尸佛三會說法。初會十六萬八千人。次會十萬人。後會八萬人。尸棄佛三會。初會十萬人。次會八萬人。後會七萬人。毘舍婆佛二會說法。初會七萬。後會六萬。樓孫佛一會說法。即四萬。舍牟尼佛一會說法。即三萬。迦葉佛一會說法。即二萬。我今一會說法。即弟子千二百五十。若依無近諸佛經云。惟衛佛初會十萬。次會九萬。後會八萬。式佛初會九萬。次會八萬。後會七萬。隨葉佛初會七萬。後會六萬。樓孫佛一會四萬。舍牟尼佛一會三萬。迦葉佛一會二萬。我釋迦佛一會千二百五十。是其機宜不同。故如是別說。

經曰彌勒佛既轉輪以下。第二城邑益。此中六。一率衆入城。二現神力。三天資上供。四人彰希奇。五魔王助道。六群生領悟。是初也。

經曰當入城時以下。第二現神力。

經曰釋提桓因以下。第三天資上供。此中二。初上供。後世尊入時以下。偈讚。

經曰爾時天人羅刹以下。第四人彰希奇。

經曰爾時魔王以下。第五魔王助道。

經曰爾時街巷男女以下。第六群生領悟。

經曰爾時彌勒佛諸弟子以下。第三靈山益。此中爲十。初門徒出。二明共登靈山。三爲開神骨。四令衆驚奇。五雙讚師資。六稱德行。七顯昔留化。八辨今利人。九彰佛悲深。十令生故極。是初也。

經曰爾時彌勒以下。第三共登靈山。

經曰於山頂上以下。第三爲開神骨。大成佛經曰。到峴山已登狼迹山頂。舉足大指踐於

山根。是時大地十八相動。以手辭山。如輪王開大城門。時梵王持天香油灌迦葉頂。繫大鍵。槌法鼓。迦葉即從滅盡定覺。整衣服長跪合掌。持本師僧伽梨奉與彌勒。而作是言。大師釋迦牟尼佛臨涅槃時。囑我。衣今奉世尊。

經曰爾時男女天衆以下。第四令衆驚奇。

經曰彌勒佛讚以下。第五雙讚師資。

經曰釋迦牟尼佛於大衆以下。第六稱德行。

經曰彌勒佛讚以下。第七顯昔留化。謂曾彼惡世能修至心。故爲傳化骨身留也。

經曰爾時人衆見以下。第八辨今利人。成佛經云。時迦葉即跏趺身虛空作十八變。承佛神力以梵音說。釋迦佛十二部經八十億人得阿羅漢。空而下說有爲無常辭佛而退。身出水火入涅槃。是即初也。

經曰是諸人等念以下。第九彰佛悲深。

經曰令得具六神通以下。第十令生故極。

經曰爾時說法之處以下。第二答見佛。此中六。一辨道場量。二示佛神力。三讚佛壽量。四美佛住持。五正勸修因。六審令得見。此初也。

經曰其中人衆以下。第二佛神力。

經曰彌勒佛住以下。第三讚佛壽量。大成佛經云。壽命具足八萬四千歲。無有中天。而今此經云六萬歲者。解云彌勒佛壽雖八萬四千年。但受三分二。捨三分二。萬四千壽故。故但六萬。如釋迦佛不受三分二。但受八十。是故大集經言。諸佛皆捨三分也。

經曰滅度之後以下。第四美佛住持。大成佛經云。三像法世三萬歲。及彌勒入涅槃後起

山根。是時大地十八相動。以手辭山。如輪王開大城門。時梵王持天香油灌迦葉頂。繫大鍵。槌法鼓。迦葉即從滅盡定覺。整衣服長跪合掌。持本師僧伽梨奉與彌勒。而作是言。大師釋迦牟尼佛臨涅槃時。囑我。衣今奉世尊。

經曰爾時男女天衆以下。第四令衆驚奇。

經曰彌勒佛讚以下。第五雙讚師資。

經曰釋迦牟尼佛於大衆以下。第六稱德行。

經曰彌勒佛讚以下。第七顯昔留化。謂曾彼惡世能修至心。故爲傳化骨身留也。

經曰爾時人衆見以下。第八辨今利人。成佛經云。時迦葉即跏趺身虛空作十八變。承佛神力以梵音說。釋迦佛十二部經八十億人得阿羅漢。空而下說有爲無常辭佛而退。身出水火入涅槃。是即初也。

經曰是諸人等念以下。第九彰佛悲深。

經曰令得具六神通以下。第十令生故極。

經曰爾時說法之處以下。第二答見佛。此中六。一辨道場量。二示佛神力。三讚佛壽量。四美佛住持。五正勸修因。六審令得見。此初也。

經曰其中人衆以下。第二佛神力。

經曰彌勒佛住以下。第三讚佛壽量。大成佛經云。壽命具足八萬四千歲。無有中天。而今此經云六萬歲者。解云彌勒佛壽雖八萬四千年。但受三分二。捨三分二。萬四千壽故。故但六萬。如釋迦佛不受三分二。但受八十。是故大集經言。諸佛皆捨三分也。

經曰滅度之後以下。第四美佛住持。大成佛經云。三像法世三萬歲。及彌勒入涅槃後起

山根。是時大地十八相動。以手辭山。如輪王開大城門。時梵王持天香油灌迦葉頂。繫大鍵。槌法鼓。迦葉即從滅盡定覺。整衣服長跪合掌。持本師僧伽梨奉與彌勒。而作是言。大師釋迦牟尼佛臨涅槃時。囑我。衣今奉世尊。

經曰爾時男女天衆以下。第四令衆驚奇。

經曰彌勒佛讚以下。第五雙讚師資。

經曰釋迦牟尼佛於大衆以下。第六稱德行。

經曰彌勒佛讚以下。第七顯昔留化。謂曾彼惡世能修至心。故爲傳化骨身留也。

經曰爾時人衆見以下。第八辨今利人。成佛經云。時迦葉即跏趺身虛空作十八變。承佛神力以梵音說。釋迦佛十二部經八十億人得阿羅漢。空而下說有爲無常辭佛而退。身出水火入涅槃。是即初也。

經曰是諸人等念以下。第九彰佛悲深。

經曰令得具六神通以下。第十令生故極。

經曰爾時說法之處以下。第二答見佛。此中六。一辨道場量。二示佛神力。三讚佛壽量。四美佛住持。五正勸修因。六審令得見。此初也。

經曰其中人衆以下。第二佛神力。

經曰彌勒佛住以下。第三讚佛壽量。大成佛經云。壽命具足八萬四千歲。無有中天。而今此經云六萬歲者。解云彌勒佛壽雖八萬四千年。但受三分二。捨三分二。萬四千壽故。故但六萬。如釋迦佛不受三分二。但受八十。是故大集經言。諸佛皆捨三分也。

經曰滅度之後以下。第四美佛住持。大成佛經云。三像法世三萬歲。及彌勒入涅槃後起

塔供養。今此經略故不說

經曰汝等宜應以下第五正勸修因

經曰得見世間以下第六審令得見

經曰佛說是經已以下。第三大衆喜奉行分也

三彌勒經疏一卷

景興撰

全忠大德送施圓珍

寬平二年閏九月十一日追記之珍

No.1775 (cf.No.475)

### 注維摩詰經卷第一并序

後秦釋僧肇選

維摩詰不思議經者。蓋是窮微盡化。絕妙之稱也。其旨淵玄。非言象所測。道越三空。非二乘所議。超群數之表。絕有心之境。眇莽無爲而無不爲。罔知所以然而能然者。不思議也。何則。夫聖智無知而萬品俱照。法身無象而殊形並應。至韻無言而玄籍彌布。冥權無謀而動與事會。故能統濟群方。開物成務。利見天下。於我無爲。而惑者觀感照。因謂之智。觀應形。則謂之身。觀玄籍。便謂之言。見變動。而謂之權。夫道之極者。豈可以形言權智。而語其神域哉。然群生長寢非言莫曉。道不孤運。弘之由人。是以如來命文殊於異方。召維摩於他土。爰集毘耶。共弘斯道。此經所明。統萬行則以權智爲主。樹德本則以六度爲根。濟蒙惑則以慈悲爲首。語宗極則以不二爲

門。凡此衆說皆不思議之本也。至若借座燈王。請飯香土。手接大千。室包乾象。不思議之迹也。然幽關難啓。聖應不同。非本無以垂跡。非跡無以顯本。本跡雖殊。而不思議一也。故命侍者標以爲名焉。大秦天王俊神超世。玄心獨悟。弘至治於萬機之上。揚道化於千載之下。每尋觀茲典。以爲棲神之宅。而恨支竺所出。理滯於文。常恐玄宗墜於譯人。北天之運。運通有在也。以弘始八年歲次鴉火。命大將軍常山公右將軍安成侯與義學沙門千二百人。於長安大寺。請羅什法師重譯正本。什以高世之量。冥心真境。既盡環中。又善方言。時手執梵文。口自宣譯。道俗虔虔。一言三復。陶冶精求。務存聖意。其文約而詣。其旨婉而彰。微遠之言。於茲顯然矣。余以關短時預聽。次雖思之。參玄然難得文意。輒順所聞。爲之注解。略記成言。述而無作。庶將來君子異世同聞焉。

維摩詰所說。什曰。維摩詰秦言淨名。即五百童子之一也。從妙喜國來遊此境。所應既周。將還本土。欲顯其淳德。以澤群生。顯述悟時。要必有由。故命同志詣佛。而獨不行。獨不行則知其疾也。何以知之。同志五百共遵大道。至於進德修善。動靜必俱。命淨國之會業之大者。而不同舉。明其有疾。有疾故有問疾之會。問疾之會由淨國之集。淨國之集由淨名方便。然則此經始終所由。良有在也。若自說而觀。則衆聖齊功。自本而尋。則功由淨名。源其所由。故曰維摩詰所說也。肇曰。維摩詰秦言淨名。法身大士也。其權道無方。隱顯殊迹。釋彼妙喜現此忍土。所以和光塵俗。因通道教。常與寶積俱遊。爲法城之侶。其教緣既畢。將返妙喜。故欲顯其神德。以弘如來不思議解脫之道。至命寶積獨詣釋迦。自留現疾。所以生問疾之端。建微言之始。妙唱自彼故言。其說竺道生曰。維摩詰者此云云。無垢稱也。其晦跡五欲。超然無染。清名遐布。故致斯號。貴名求實者必重其說。說本表實。重之則終得所求。因斯近接有過聖言矣。

●寬永十八年刊宗教大學藏本 ●平安時代寫大和多武峯談山神社藏本 題名維摩經集解 ●貞享三年刊大谷大學藏本 ●(第一并序) 一 ●甲本欠此序文 ●(維摩詰經佛國品第一集解) 十維 ●(經) 十什 ●下同 ●喜二樂 ●命二合 ●源二原 ●(無情) 十 ●下同 ●說十(也) ●者十(胡音) ●(云) 一 ●無礙二於關 ●始自二自始 ●(供) 一 ●

歸以人名經所以因人弘道者也。○生曰：無垢之稱或止形迹，心不必然，故復言其解脫更爲一名，不可思議者凡有二種：一曰理空，非惑情所圖，二曰神奇，非淺識所量，若體夫空理，則脫思議之惑，惑既脫矣，則所爲難測，維摩詰今動靜皆神奇，必脫諸惑，脫惑在「于體空」，說空是其所體，是以無垢之名信而有徵，名苟有徵，其求愈到，到於求者何患不悟乎。

佛國品第一 什曰：經始終由於淨國，故以佛國冠於篇也。

如是 肇曰：如是信順辭，夫信則所言之理順，順則師資之道成，經無豐約，非信不傳，故建言如是。

我聞 什曰：若不言聞則是我自有法，我自有法則情有所執，情有所執諍亂必興，若言我聞則我無法，法則無所執，得失是非歸於所聞，我既無執彼亦無競，無執無競諍何由生，又云愛有二種，一五欲愛，二法愛，外道出家能斷欲愛，不斷法愛，故情有所執，佛弟子兼除二愛，法愛既盡執競都息，經始稱我聞存於此也。肇曰：出經者明已親承聖旨，無傳聞之謬也。

一時 什曰：說經時也。肇曰：法王啓運嘉集之時也。

佛在毘耶離 什曰：據佛所在方也。毘言稻，土之所宜也。耶離言廣嚴，其地平廣莊嚴，肇曰：毘耶離國，土名也。秦言廣嚴，其土平廣嚴事因以爲名也。

菴羅樹園 什曰：菴羅樹其果似桃而非桃也。肇曰：菴羅果樹名也，其果似桃而非桃。先言「奈氏」事在他經。

與大比丘衆八千人俱 肇曰：比丘秦言或名淨乞食，或名破煩惱，或名淨持戒，或名能怖魔，天竺一名該此四義，秦言無一名以譯之，故存義名焉。別本云摩訶比丘僧八千人俱。什曰：共聞經人也。舉時方人三事以證其所聞也。摩訶秦言大亦言勝亦言多，於一切衆中最上，天人所宗故言大。能勝九十六種論議故言勝，其數八千故言多。比丘秦言破煩惱亦言乞士，除五種邪命養法身故言乞士，比丘菩薩不合數者，以比丘盡是肉身，菩薩多是法身，身異故。若肉身菩薩未正位取證心異故，以二因緣比丘菩薩不合說也。所以先羅漢後菩薩者，人謂菩薩未盡諸漏智慧未具，羅漢三漏既盡智慧成就，隨入情所推以爲先後耳。

菩薩三萬二千 肇曰：菩薩正音云菩提薩埵，菩提佛道名也。薩埵秦言大心衆生，有大心入佛道名菩提薩埵，無正名譯也。別本云菩薩三萬二千得大神通。什曰：大士凡有三種：一者出家二者在家三者他方來復次一者結業身二者法身，此中菩薩多是法身，然應感之形與物同，迹物或齊其所見而生劣想，故舉大數然後序德也。○梵本云神通智慧本事已作，六度諸法即通慧之因，通慧之因即本事也。

衆所知識 肇曰：大士處世猶日月升天，有目之士誰不知識，別本云衆所敬仰。什曰：梵本云，多知多識，顯德應時故物咸知，識物咸知識故敬之者衆，此義則出也。大智本行皆悉成就。肇曰：大智一切種智也。此智以六度六通衆行爲本，諸大士已備此本行。

諸佛威神之所建立 什曰：佛威神建立言佛所念也，爲佛所念則莫能沮壞，猶如魚子爲母所念必得成就也。肇曰：天澤無私不潤枯木，佛威雖普不立無根，所建立者道根必深也。

爲護法城受持正法 什曰：法城即實相法也，使物無異見故言護也。復次一切經法皆名法城，護持宣布令不壞也。有能持正法者亦兼護之也。肇曰：外爲護法之城，內有受持之固。

能師子吼 肇曰：師子吼無畏音也。凡所言說不畏群邪異學，論師子吼衆獸下之。

師子吼曰美演法也。

名聞十方 什曰：上言多知多識者謂現迹云一方化淳一國，物沾其惠，又識其人，今云名聞十方者，謂道風遐扇聞其名也。肇曰：行滿天下稱無不普。

衆人不請友而安之 什曰：爲利有二種，若今世後世，物以利交故請而後動，衆以慈應故不祈而往，往必與親，親必爲護，故曰不請友而安之。肇曰：眞友不待請，譬慈母之赴嬰兒也。

○(竹道)十生○下同 ○于二平 ○冠二其 ○(衆)十篇 ○辭十(也) ○法十(無法) ○土二田 ○散十(也) ○(七)一  
○(結)一 ○奈二 ○(失)十事 ○經十(也) ○(言)一 ○淨二能 ○多十(也) ○機十(故) ○身  
十(也) ○物同迹物二與物同同迹迹物 ○或二感 ○梵二胡 ○即十(其) ○行十(也) ○也二十 ○國十  
(也) ○論二 ○(不與)十來 ○日二因 ○演十(之) ○者二旨 ○二方二一方 ○普十(也) ○



紹隆三寶能使不絕。肇曰：繼佛種則三寶隆別本云：與隆三寶能使不絕。什曰：非直顯明三寶宜通經法之謂也。謂能積善累功自致成佛。成。佛則有法。有法則有僧。不絕之功事在來劫。今言不絕則必能也。又於其中間自行化入我既化人人亦化。物我俱成。三寶彌隆。衆生無盡故三寶亦不絕也。

降伏魔怨制諸外道。什曰：魔四。魔得無生忍。煩惱永斷故降欲魔。得法身則更不得身故降身魔。無身則無死故降死魔。無三魔則波旬不得其便故降天魔也。伏外道如令舍利弗與外道論議。七日七夜然後得勝。斯其類也。肇曰：魔四。魔也。外道九十六種道也。

悉已清淨永離蓋纏。什曰：離蓋纏有三種。一者持戒清淨蓋纏不起。二者世俗道斷斷而未盡。當其不起亦名為離。此中得無生法忍滅盡離也。肇曰：蓋五蓋纏十纏。亦有無量纏身口意三業悉淨則蓋纏不能累也。

心常安住無間解脫。什曰：不思議解脫即其類也。於事無間故言無間。無間故解脫。或於一事乃至百千。或於一國至恒沙國。於中通達自在無間。未能如佛一切無間。肇曰：此解脫七住所得。得此解脫則於諸法通達無間。故心常安住也。

念定總持辯才不斷。肇曰：念正念。定正定。總持謂持善不失持惡不生。無所漏忘。

謂之持持有二種。有心相應持。不相應持。辯才七辯也。此四是大士之要用故常不斷。別本云：其念不遠斷乃至辯才成就。什曰：念者無上道念也。不斷。不中斷也。不斷義通貫下三法也。菩薩得此四法深入堅固。運身不失歷劫愈明。故言不斷也。

布施持戒忍辱精進禪定智慧及方便力無不具足。什曰：上言道念不斷。道念不斷然後具行六度。六度具足自事已畢。自事已畢則方便度人。度人之廣莫若神通神通既具乃化衆生。如是次第如後淨國中說也。肇曰：具足謂無相行也。七住已上心智寂滅以心無爲故無德不爲。是以施極於施而未肯施。戒極於戒而未肯戒。七德殊功而其相不異乃名具足。方便者即智之別用耳。智以通幽窮微決定法相。無知而無不知謂之智也。雖達法相而能不證處有不失無在無不捨有。冥空存德彼彼兩濟。故曰方便也。

逮無所得不起法忍。什曰：有識已來未嘗見法。於今始得能信能受。忍不恐怖。安住不動故名爲忍。肇曰：忍即無生慧也。以能堪受實相故以忍爲名。得此忍則於法無取無得心相永滅。故曰無所得不起法忍也。

已能隨順轉不退輪。肇曰：無生之道無有得而失者不退也。流演圓通無繫于一人輪也。諸佛既轉此輪。諸大士亦能隨順而轉之。別本云：轉不退轉法輪。什曰：法輪無生忍也。以輪授物。物得此輪故名轉。授者得而不失名不退轉。自乘轉進亦名爲轉也。善解法相知衆生根。肇曰：諸法殊相無不解。群生異根無不知也。

蓋諸大衆。什曰：梵本云：衆不能蓋。衆不能蓋明其超出。今言蓋衆其言亦同也。得無所畏。什曰：菩薩自有四無畏。非佛無畏也。恐畏之生於不足。無不足故無畏。能說而不能行亦所以畏也。今能說能行故無畏也。能說能行名曰法也。肇曰：菩薩別有四無畏。一得聞持總持。二知衆生根。三不見有能難已使已不能答者。四隨問能答善決衆疑。有此四德故能映蓋大衆也。九十六種外道各有部衆故言諸衆也。

功德智慧以修其心相好嚴身色像第一。什曰：明備此德所以無畏也。肇曰：心以智德爲嚴形以相好爲飾。嚴心所以進道。飾形所以廣俗。捨諸世間所有飾好。什曰：色相瓔珞飾好已備故不假外飾也。肇曰：爲尊形者示嚴相耳。豈俗飾之在心哉。名稱高遠踰於須彌。肇曰：名自有高而不遠遠而不高。前問十方取其遠也。今踰須彌取其高也。高謂高勝也。深信堅固猶若金剛。肇曰：七住已上無生信不可壞也。

法寶普照而雨甘露。肇曰：法寶光無不照。照寢冥也。澤無不潤潤生死也。喻海有

①佛一 ②能十有 ③隆二興 ④三三 ⑤魔十也 ⑥原本註曰外道等八字與下之九十六種等十四字可對見 ⑦也 ⑧經十也 ⑨言二名 ⑩脫十也 ⑪住十於 ⑫斷不中斷中不 ⑬具一俱 ⑭事已二自事已 ⑮畢則二已畢畢則 ⑯已二以 ⑰普二會 ⑱得二見 ⑲授二受 ⑳根二相 ㉑言十也 ㉒法十衆 ㉓原本註曰九十六種等十四字與上外道等八字可對見 ㉔外一 ㉕俗十也

神實能放光除冥亦因光能雨甘露潤枯槁也

於衆言音微妙第一 肇曰。殊類異音既善其言而復超勝

深入緣起斷諸邪見有無二邊無復餘習 肇曰。深入謂智深解也。解法從緣起則邪見無由生有無二見群迷多惑。大士久盡故無餘習

演法無畏猶師子吼 什曰。上明一切時無畏。此明說法無畏。上師子吼明德音遠振。此明能說實法。衆咸敬順猶師子吼威攝群獸也

其所講說乃如雷震 什曰。正智流潤譬如天雨。辯者發響猶如雷震。人有慧而不辯。或辯而無慧。既云無畏又言雷震。明其辯慧兼也。肇曰。法音遠震開導萌牙。猶春雷動於百草也

無有量已過量 肇曰。既得法身入無爲境。心不可以智求。形不可以像取。故曰無量。六住已下名有量也

集衆法寶如海導師 肇曰。引導衆生入大乘海探取法寶使必獲無難。猶海師善導商人必獲夜光也

了達諸法深妙之義 肇曰。如實義也。善知衆生往來所趣及心所行 肇曰。六趣往來心行美惡悉善知也

近無等等佛自在慧十力無畏十八不共 什曰。諸佛智慧無與等者。而此佛與等復次實相法無有等比。唯佛與等。菩薩隣而未得

故言近也。肇曰。佛道超絕無與等者。唯佛佛自等故言無等等。所以辯其等者明第一大道。理無不極。平若虛空。豈外降之有也。自在慧者。十力四無所畏十八不共即其事也。大士雖未全具佛慧。且以近矣

關閉一切諸惡趣門而生五道以現其身 肇曰。法身無生而無不生。無生故惡趣門閉。無不生故現身五道也

爲大醫王善療衆病應病與藥令得服行 肇曰。法藥善療衆病。醫王也

無量功德皆成就 肇曰。無德不備也。無量佛土皆嚴淨 肇曰。群生無量所好不同。故修無量淨土以應彼殊好也

其見聞者無不蒙益 肇曰。法身無形聲。應物故形聲耳。豈有見聞而無益哉

諸有所作亦不虛捐 肇曰。功不可虛設。別本云。所作不虛。什曰。所作必成。兼以度人。故不虛也

如是一切功德皆悉具足其名曰等觀菩薩 不

等觀菩薩等 不等觀菩薩 什曰。等觀四等觀衆生也。不等智慧分別諸法也。等不等者兼此二也

定自在王菩薩 什曰。於諸定中得自在也

法自在王菩薩 什曰。說諸法中得自在也

法相菩薩 什曰。功德法相現於身也

光相菩薩 什曰。光明之相現於身也

光嚴菩薩 什曰。光明莊嚴也

大嚴菩薩 什曰。明其身相大莊嚴也

寶積菩薩 什曰。積聚智慧寶也

辯積菩薩 什曰。積聚四辯

寶手菩薩 什曰。手中能出無量珍寶也

寶印手菩薩 什曰。印者相也。手有出寶之相。亦曰手中有寶印也

常舉手菩薩 什曰。現以大慈之手撫慰衆生。令不恐畏。是以常舉手向人。唱言勿怖也

常下手菩薩 什曰。常垂下其手。現慈心屈下無傷物之像也

常憐菩薩 什曰。悲念衆生也

喜根菩薩 什曰。喜根喜等也。亦於實相法中生喜及隨喜也

喜王菩薩 什曰。喜有二種。一不淨二清淨。清淨喜故言王也

辯音菩薩 什曰。辭辯也

虛空藏菩薩 什曰。實相慧藏如虛空也

執寶炬菩薩 什曰。執慧寶炬除衆闇冥

寶勇菩薩 什曰。勇於德寶亦得寶故能勇也

寶見菩薩 什曰。以慧寶見於諸法也

帝網菩薩 什曰。幻術經名帝網也。此大士神變自在猶如幻化。故借帝網以名之

明網菩薩 什曰。明網自說手有縵網放光明也

無緣觀菩薩 什曰。觀時不取相無緣。亦深入觀時莫見其所緣也

已二以

得

於二在

取二末

如二若

或十有

辯十

十之

於

已二以

①智十(也) ②實十(相) ③者二音 ④如二若 ⑤或十(有) ⑥辯十 ⑦萌牙二群萌 ⑧十之 ⑨於 ⑩已二以 ⑪得 ⑫於二在 ⑬取二末 ⑭如二若 ⑮或十(有) ⑯辯十 ⑰萌牙二群萌 ⑱十之 ⑲於 ⑳已二以 ㉑得 ㉒於二在 ㉓取二末 ㉔如二若 ㉕或十(有) ㉖辯十 ㉗萌牙二群萌 ㉘十之 ㉙於 ㉚已二以 ㉛得 ㉜於二在 ㉝取二末 ㉞如二若 ㉟或十(有) ㊱辯十 ㊲萌牙二群萌 ㊳十之 ㊴於 ㊵已二以 ㊶得 ㊷於二在 ㊸取二末 ㊹如二若 ㊺或十(有) ㊻辯十 ㊼萌牙二群萌 ㊽十之 ㊾於 ㊿已二以

慧積菩薩 什曰。積聚慧也。

寶勝菩薩 什曰。功德寶超於世也。

天王菩薩 什曰。一假名天。二生天。三賢聖天。言天王則賢聖天也。

壞魔菩薩 什曰。行壞魔道也。

電得菩薩 什曰。因事爲名。

自在王菩薩 什曰。於法自在。如王之於民也。

功德相嚴菩薩 什曰。功德之相莊嚴其身也。

師子吼菩薩 什曰。以大法音令衆生伏。

雷音菩薩 什曰。所說能令天人歡喜群。

那振悚 猶若雷音聞者喜懼也。

山相擊音菩薩 什曰。以大法音消伏剛強音聲震擊若山相搏也。

香象菩薩 什曰。香香象也。身出香風菩薩身香風亦如此也。

白香象菩薩 什曰。其香最勝。大士身香亦如是也。

常精進菩薩 什曰。始終不退。

不休息菩薩 什曰。不暫廢也。

妙生菩薩 什曰。生時有妙瑞也。

華嚴菩薩 什曰。以三昧力。現衆華遍滿虛空大莊嚴也。

觀世音菩薩 什曰。世有危難稱名自歸。

菩薩觀其音聲即得解脫也。亦名觀世念。亦名觀自在也。

得大勢菩薩 什曰。有大勢力也。以大神力飛到十方所至之國六反振動惡趣休息也。

梵網菩薩 什曰。梵四梵行。網言其多也。

寶杖菩薩 什曰。或物寶或法寶以爲杖也。

無勝菩薩 什曰。淨國土也。

金髻菩薩 什曰。金在髻也。

珠髻菩薩 什曰。如意寶珠在其髻中。悉見十方世界及衆生行業果報因緣也。

彌勒菩薩 什曰。姓也。阿逸多字也。南天竺波羅門之子。

文殊師利法王子菩薩 什曰。秦言妙德也。數從小至大。故二人在後。復次二人在此方爲大。餘方爲小。亦應在後也。妙德以法身遊方。莫知其所生。又來補佛處。故言法王子也。

如是等三萬二千人 肇曰。歎德列名。所以存人以證經也。

復有萬梵天王尸棄等 肇曰。尸棄梵王名。秦言頂髻也。

也。

從餘四天下來詣佛所而聽法復有萬二千天

帝 什曰。舉其從餘四天下來者。據此

四天下以明梵耳。復次天有二種。一者地

天。二者虛空天。帝釋處須彌頂。即是地天

又爲地主。舉釋則地天斯攝。舉梵王則虛

空天盡攝。復次帝釋得道迹。梵王得不

還常來聽法衆所共知。故經序衆所知

識以爲會證也。復次一切衆生宗事梵天

所宗向來則知餘人必至矣。

亦從餘四天下來在會坐 肇曰。一佛土有

百億四天下。一四天下各有釋梵。故言餘

亦或從他方佛土來

并餘大威力諸天 肇曰。除上梵釋餘大天

也。

龍 什曰。龍有二種。一地龍二虛空龍。肇

曰。龍有二種。地龍虛空龍。種有四生。

神 什曰。神受善惡雜報。似人天而非人

天也。肇曰。神受善惡雜報。見形勝人劣

天。身輕微難見也。

夜叉 什曰。秦言貴人亦言輕捷。有三種

一在地。二在虛空。三天夜叉也。地夜叉但

以財施故不能飛。空天夜叉以車馬施

故能飛行。佛轉法輪時。地夜叉唱空。夜叉

聞空。夜叉唱四天王聞。如是乃至梵天也。

肇曰。夜叉秦言輕捷。有三種。一在地二

在虛空。三天夜叉。居下二天守天城池門

闕。

乾闥婆 什曰。天樂神也。處地上寶山中。天

欲作樂時。此神體上有相出。然後上天也。

肇曰。天樂神也。居地上寶山中。天須樂時

此神體上有異相現。然後上天也。

阿修羅 什曰。秦言不飲酒。不飲酒因緣出

難寶藏。此是惡趣。男醜女端正。有大勢

力常與天共闘也。肇曰。釋同上也。

迦樓羅 什曰。金翅鳥也。肇曰。金翅鳥神

緊那羅 什曰。秦言人非人。似人而頭上

有角。人見之言人耶非人耶。故因以名之。

亦天伎神也。小不及乾闥婆。肇注同上。

摩睺羅伽等悉來會坐 什曰。是地龍而腹

行也。肇曰。摩睺羅伽大蟒神也。此上八部

亦或從他方佛土來

并餘大威力諸天 肇曰。除上梵釋餘大天

也。

龍 什曰。龍有二種。一地龍二虛空龍。肇

曰。龍有二種。地龍虛空龍。種有四生。

神 什曰。神受善惡雜報。似人天而非人

天也。肇曰。神受善惡雜報。見形勝人劣

天。身輕微難見也。

夜叉 什曰。秦言貴人亦言輕捷。有三種

一在地。二在虛空。三天夜叉也。地夜叉但

以財施故不能飛。空天夜叉以車馬施

故能飛行。佛轉法輪時。地夜叉唱空。夜叉

聞空。夜叉唱四天王聞。如是乃至梵天也。

肇曰。夜叉秦言輕捷。有三種。一在地二

在虛空。三天夜叉。居下二天守天城池門

闕。

乾闥婆 什曰。天樂神也。處地上寶山中。天

●名十(也) ●伏十(也) ●故十(法) ●現二見 ●得一 ●觀十(世) ●之 ●十(十) ●從十(餘) ●  
●釋一 ●王二天 ●還十(果) ●識一 ●人 ●夫二也 ●方一 ●肇曰龍二種種有四生也釋曰  
●生十(也) ●(鬼)十神 ●(虛)十空 ●(中)十夜 ●有 ●(在)十天 ●閼十(也) ●(寶)一  
●惡趣二六趣 ●與二共 ●共一 ●[日]一 ●釋同上也二秦言不飲酒此神類男醜女端正有大威力能與天共闘  
也 ●神十(也) ●[上]一 ●仗二樂 ●注同上二日秦言人非人其形似人頭有一角形爲人非人亦天樂神小不如乾闥婆也  
三十字 ●腹二服 ●部二神 ●

皆有大神力。能自變形在座。聽法也。

諸比丘比丘尼。肇曰。比丘義同上。尼者女名也。已上八比丘別稱得道者也。

優婆塞。肇曰。義名信士男也。

優婆夷。肇曰。義名信士女也。

俱來會坐。彼時佛與無量百千之衆恭敬圍遶而爲說法。譬如須彌山王顯于大海。安處衆寶師子之座。蔽於一切諸來大衆。肇曰。須彌

山天帝釋所住金剛山也。秦言妙高處。處

大海之中。水上高三百三十六萬里。如來

處四部之中。威相超絕。光蔽大衆。猶金山

之顯溟海也。

爾時毘耶離城有長者子名曰寶積。肇曰。

寶積亦法身大士。常與淨名俱詣如來。共

弘道教。而今獨與里人詣佛者。將生問疾

之由。啓茲典之門也。

與五百長者子俱持七寶蓋來詣佛所。頭面

禮足。各以其蓋共供養佛。肇曰。天竺貴勝

行法。各別持七寶蓋。卽以供養佛。

佛之威神。令諸寶蓋合成一蓋。遍覆三千大千

世界。什曰。現此神變。其旨有二。一者現

神變無量。顯智慧必深。二者寶積獻其所珍

必獲可珍之果。來世所成必若。如此之

妙明。因小而果大也。

而此世界廣長之相。悉於中現。肇曰。蓋以

不廣而彌八極。土亦不狹而現蓋中。

又此三千大千世界。諸須彌山。什曰。秦言

妙高山也。凡有十寶山。須彌處其中。餘九

圍之也。

雪山目真隣陀山摩訶目真隣陀山香山寶山

金山黑山鐵圍山大鐵圍山大海江河川流泉

源。別本云顯彼大海。什曰。山金色海水

清淨。水映發也。緣水顯發金光亦復如

是也。

及日月星辰天宮龍宮諸尊神宮悉現於寶蓋

中。肇曰。此佛世界

又十方諸佛諸佛說法亦現於寶蓋中。肇

曰。將顯佛土殊好不同。故通現十方也。

諸長者子皆久發道心而未修淨土。欲

說來供之情。啓發淨土之志。故因其蓋而

現之也。

爾時一切大衆觀佛神力歎未曾有。合掌禮佛

瞻仰尊顏。目不暫捨。什曰。信樂發中相現

於外。

長者子寶積卽於佛前以偈頌曰。什曰。上

以身力供養。今以心口供養。上以財養。今

以法養。復次衆雖見其變。未知變之所由。

欲令推宗有在。信樂彌深。故以偈讚也。肇

曰。形敬不足以寫心。故復讚之。詠之者矣。

目淨修廣如青蓮。什曰。面爲身之上。目爲

面之標。故歎形之始。始於目也。復次佛以

慈眼等視衆生。重其等故歎之。肇曰。五情

百骸目最爲長。瞻顏而作故先讚目也。天

竺有青蓮華。其葉修而廣。青白分明。有大人

目相。故以爲喻也。

心淨已度諸禪定。什曰。心淨則目明。故舉

心以證目。復次目爲形最。心爲德本。將歎

德故美其心也。度諸禪定。釋所以淨也。

肇曰。形長者目。主德者心。故作者標二爲

頌首也。禪定之海深廣無際。自非如來清

淨真心。無能度者。

久積淨業。稱無量。什曰。淨業無量。故名亦

如是。肇曰。於無數劫。積三淨業。故名稱

無量。

導衆以寂故稽首。什曰。梵本云寂道。寂道

卽八正也。肇曰。寂謂無爲寂滅道也。

既見大聖以神變普現十方無量土。其中諸佛

演說法。於是一切悉見聞。肇曰。既見合蓋

之神變。已不可測。方於中現十方國及諸

佛演法。於是忍界一切衆會悉遙見聞。更

爲希有也。

法王法力超群。生常以法財施一切。肇曰。

俗王以俗力勝民。故能澤及一國。法王以

法力超衆。故能道濟無疆。

能善分別諸法相。肇曰。諸法殊相能善分

別也。自此下至業不盡歎法施也。

於第一義而不動。肇曰。第一義謂諸法一

相義也。雖分別諸法殊相而不乖一相。此

美法王莫易之道也。動謂乖矣。

已於諸法得自在。是故稽首此法王。肇曰。

世王自在於民。法王自在於法。法無定相

隨應而辨。爲好異者辨異而不乖同。爲

好同者辨同而不乖異。同異殊辨而俱適

法相。故得自在也。

說法不有亦不無。肇曰。欲言其有不。自

生。欲言其無緣會卽形。會形非謂無。非

自非謂有。且有有故有無。無有何所無。

①(者)一②(已)一③(山)一④釋所住三所宅⑤亦十(復)⑥士十(也)⑦禮十(佛)⑧佛十(也)⑨(如)一⑩中十(也)⑪(妙)一⑫原本註曰別本云第七字當移在於上顯于大海之下也⑬清淨水二皆相⑭水二相⑮水二林⑯相⑰界十(也)⑱(所)十說⑲通二通⑳說二其以㉑之也二爲⑳外十(也)㉒(上)一㉓(者)矣一㉔該二體㉕蓋也二喻㉖是二之㉗最十(也)㉘滅十(之)㉙(更)一㉚力二方㉛誦十(也)㉜亡二忘㉝矣二也\*㉞卽二則

有無故有有。無無何所有。然則自有則不有。自無則不無。此法王之正說也。

以因緣故諸法生。肇曰。有亦不由緣。無亦不由緣。以法非有無故由因緣生。論曰。法從緣故。不有緣起故不無。

無我無造無受者。肇曰。諸法皆從緣生耳。無別有真主宰之者。故無我也。夫以有我故能造善惡受禍福法。既無我故無造無受者也。

善惡之業亦不亡。肇曰。若無造無受者。則不應有爲善獲福爲惡致殃也。然衆生心識相傳。美惡由起。報應之道。連環相襲。其猶聲和響順。形直影端。此自然之理。無差毫分。復何假常我而主之哉。

始在佛樹力降魔。肇曰。道力之所制。豈魔兵之所能敵。自此下至禮法海。歎初成如來功德也。

得甘露滅。什曰。梵本云寂滅甘露。寂滅甘露即實相法也。

覺道成。肇曰。大覺之道寂滅無相。至味和神論若甘露。於菩提樹先降。外魔。然後成甘露寂滅大覺之道。結習內魔於茲永盡矣。

已無心意。什曰。無別意也。

無受行。什曰。無受想行。肇曰。心者何也。樂有以生。受者何也。苦樂是行。至人冥真體寂空。虛其懷。雖復萬法並照。而心未嘗有。苦樂是還。而不爲受。物我永寂。豈心受之可得。受者三受也。苦受樂受不苦不樂受

也。

而悉摧伏諸外道。肇曰。無心。伏於物。而物無不伏。

三轉法輪於大千。肇曰。始於鹿野爲拘隣等三轉。四諦法輪於大千世界也。

其輪本來常清淨。肇曰。法輪常淨猶虛空也。雖復古今不同。時移俗易。聖聖相傳其道不改矣。

天人得道此爲證。什曰。證明佛初轉法輪。肇曰。初轉法輪。拘隣等五人八萬諸天得道。此常清淨之明證也。

三寶於是現世間。肇曰。覺道既成佛寶也。法輪既轉法寶也。五人出家得道僧寶也。於是言其始也。

以斯妙法濟群生。一受不退常寂然。肇曰。九十六種外道。上者亦能斷結。生無色天。但其道不真。要還墮三塗。佛以四諦妙法濟三乘衆生。無有既受還墮生死者。故曰一受不退。永畢無爲。故常寂然矣。

度老病死大醫王。肇曰。生老病死患之重者。濟以法藥。故爲醫王長也。

當禮法海德無邊。肇曰。法輪淵廣難測。法海流潤無涯。故德無邊矣。

毀譽不動如須彌。肇曰。利衰毀譽稱譏苦樂八法之風不動。如來猶四風之吹須彌也。

於善不善等以慈。肇曰。截手不感。捧手不欣。善惡自彼慈覆。不二心行平等如虛空。肇曰。夫有心則有封。有

封則不善。以聖心無心故平等。虛空也。

就聞人寶不敬承。肇曰。在天爲天寶。在人爲人寶。寶於天人者。豈天人之所能。故物莫不敬承也。

今奉世尊此微蓋。什曰。自欣所獻小而觀大變也。肇曰。微蓋是小也。

於中現我三千界諸天龍神所居宮。乾闥婆等及夜叉悉見世間諸所有十力。哀現是化變。肇曰。所奉至微。所見至廣。此是如來哀愍之所現也。十力是如來之別稱耳。十力備故。卽以爲名。自十號之外。諸有異稱類耳。

衆觀希有皆歎佛。今我稽首三界尊。肇曰。觀蓋中之瑞也。

大聖法王衆所歸。淨心觀佛靡不欣。各見世尊在其前。肇曰。法身同應。猶一月升天。影現百水也。

斯則神力不共法。肇曰。不與二乘共也。

佛以一音演說法。衆生隨類各得解。皆謂世尊同其語。斯則神力不共法。肇曰。密口一音殊類異解。

佛以一音演說法。衆生各隨所解。普得受行。獲其利。斯則神力不共法。肇曰。佛以一音說一法。衆生各隨所好而受解。好施者聞施。好戒者聞戒。各異受。異行。獲其異利。上一音異適。此一法異適也。

佛以一音演說法。或有恐畏或歡喜。或生厭離或斷疑。斯則神力不共法。肇曰。衆生聞苦報則恐畏。聞妙果則歡喜。聞不淨則厭

①捨二由②毫二豪③〔所〕一④外魔二伏外道⑤〔矣〕一⑥伏於物而二於伏而⑦伏十(也)⑧鹿十(野)⑨〔外〕一⑩受還墮二受而還墮⑪然矣二滅也⑫王十(之)⑬手二足⑭二十(也)⑮無二不⑯〔承〕一⑰是二微⑱所十(所)⑲佛十(足是)⑳耳二爾㉑觀十(觀)㉒端二所現㉓解十(也)㉔〔異〕一

離聞法相則斷疑。不知一音何演而令。歎畏異生。此豈二乘所能共也。

稽首十力大精進。肇曰。此下一稱德而致敬也。

稽首已得無所畏。肇曰。四無畏也。

稽首住於不共法。肇曰。十八不共法也。

稽首一切大導師。稽首能斷衆結縛。稽首已到於彼岸。肇曰。彼岸涅槃岸也。彼涅槃岸。岸之有。以我異於彼故。惜我謂之耳。

稽首能度諸世間。稽首永離生死道。悉知衆生來去相。肇曰。衆生形往來於六趣。心馳勝於是非。悉知之也。

善於諸法得解脫。肇曰。我染諸法。故諸法縛我。我心無染。則萬縛斯解。

不著世間如蓮華。常善入於空寂行。肇曰。出入自在而不著。寂故常善入。

達諸法相無罣礙。肇曰。萬法幽深。誰識其深。唯佛無礙。故獨稱達。

稽首如空無所依。肇曰。聖心無寄。猶空無依也。

爾時長者子寶積說此偈已。白佛言。世尊。是五百長者子。皆已發阿耨多羅三藐三菩提心。願聞得佛國土清淨。肇曰。阿耨多羅三藐三菩提。三藐三菩提。善提。秦言。正遍知。道莫之大無上。三藐三菩提。善提。秦言。正遍知。道莫之大無上也。其道真正。無法不知。正遍知也。諸長者子久已發無上心。而未修淨土。所以寶積俱詣。如來現。蓋皆啓其萌也。既於蓋中見諸佛淨土殊好不同。志在崇習。故願聞佛所得淨土殊好之事。

唯願世尊說諸菩薩淨土之行。肇曰。土之所以淨。豈。技飾之所能淨之。必由行故。請說行也。凡行必在學。地故菩薩。此問乃是如來現。蓋之微旨。寶積俱詣之本意也。別本云。佛國清淨之行。什曰。梵本云。清淨之相。下言。衆生是佛土。則是其相兆於今。故事應。

於後。佛言。善哉。寶積。乃能爲諸菩薩問於如來淨土之行。諦聽諦聽。善思念之。當爲汝說。於是寶積及五百長者子。受教而聽。佛言。寶積。衆生之類。是菩薩佛土。什曰。寶積問淨土之相。故以淨相答之。淨相即淨土因緣。淨土因緣有三事。一菩薩功德。二衆生功德。三因既淨。則得淨土。今言衆生則是因者。因中說果。下釋義中具三。因緣也。肇曰。大至人空洞無象。應物故形。形無常體。況國土之有恒乎。夫以群生萬端。業行不同。殊化異被。致令報應不一。是以淨者應之以寶王。穢者應之以沙礫。美惡自彼。於我無定。無定之土。乃曰眞土。然則土之淨穢。繫于衆生。故曰。衆生之類。是菩薩佛土也。或謂土之淨穢。繫于衆生者。則是衆生報應之土。非如來土。此蓋未喻報應之殊方耳。嘗試

畧調之。夫如來所修淨土。以無方爲體。故令難行衆生。同視異見。異見故淨穢。所以生無方。故眞土。所以形若夫。取其淨穢。衆生之報也。本其無方。佛土之眞也。豈曰殊域異處。凡聖二土。然後辨其淨穢哉。生曰。淨土行者。行致淨土。非造之也。造於土者。衆生

類矣。容以濫造。不得不先明造本。以表致義。然後說行。

所以者何。菩薩隨所化衆生。而取佛土。什曰。自此以下二章。列三因釋。則是之義。梵本云。隨化衆生。衆生。似是隨化人多少。故國有大小也。義者云。隨以何法化衆生。若施若戒。等各隨彼所行。來生其國。亦隨三因深淺。以成嚴淨之異。若因持戒。則其地平正。若因行施。則七珍具足。略舉二法。餘皆類此。肇曰。此下釋所以衆生則佛土也。佛土者。即衆生之影響耳。夫形修則影長。形短則影促。豈日月使之然乎。形自然耳。故隨所化衆生之多少。而取佛土之廣狹也。

是以佛土或以四天下。或以三千。或以恒沙爲一國者也。生曰。夫國土者是衆生封疆之域。其中無穢。謂之爲淨。無穢爲無。封疆爲有。有生於惡。無生於解。其解若成。其惑方盡。始解是菩薩本化自應。終就使成。成就爲統國。有屬佛之跡。就本隨於所化。義爲取彼之國。既云取彼。非自造之。謂若自造。則無所統。無有衆生。何所成就哉。隨所調伏衆生。而取佛土。什曰。梵本云。毘尼。毘尼。言善治。善治衆生。今棄惡行善也。隨其棄惡多少。行善深淺。以成其國。調伏。旨同而語隱。故存其本也。肇曰。隨所調伏衆生之深淺。而取佛土之好醜。生曰。化雖已兼。而名在始。彼不容無調伏。故宜明之。若不調伏。則無七珍土矣。隨諸衆生。應以何國入佛智慧。而取佛土。什

●歡一喜● ●[法]一● ●從岸一岸岸● ●我二星● ●衆二衆● ●中見一見● ●事十(也)● ●技二技● ●[地]一● ●於後二在後也● ●土二國● ●者十(是)● ●[緣]一● ●衆二衆● ●[平]一● ●致二美● ●沙礫一石沙● ●論二言● ●二兩● ●觀十(也)● ●美二果● ●既成二成既● ●謂十(荷)● ●尼言善治一治泥言善● ●淺深一深淺● ●彼不二被●

曰修淨國時。逆觀衆生來世之心。於未來世中應。見何國而得解脫。先於來劫。位國優劣。然後與衆生共攝。三因以成其國。使彼來生。言攝攝先所期者也。此言佛慧。下云菩薩根。明將來受化有淺深也。肇曰。衆生自有見淨好慕而進修者。亦有見穢惡厭而進修者。所好殊方。略言之耳。所因雖異。然其入佛慧一也。故隨其所應而取佛土焉。生曰。隨化雖已從解。容濫其願。故復宜明。如或有濫則同彼惑。必不能統成之矣。

隨諸衆生應以何國起菩薩根而取佛土。肇曰。上爲入佛慧。佛慧七住所得無生慧也。今爲菩薩根。菩薩根六住已下菩提心也。生曰。入佛智慧亦已兼矣。而名在始涉。容無深大。故復宜明。若無深大則無一乘土矣。

所以者何。菩薩取於淨國皆爲饒益諸衆生故。什曰。釋所以先立國土優劣。然後造行也。若爲我取國者。應任行之所成。今爲饒益衆生。故從物所宜而制國也。肇曰。法身無定。何國之有美惡。斯外何淨可取。取淨國者皆爲彼耳。故隨其所應而取焉。生曰。所以上四句也。若自無造國。又不任彼。然後能成就衆生耳。

譬如有人欲於空地造立宮室。隨意無礙。什曰。梵本云。空中造立宮室。自在無礙。空不可用爲宮室。如是不離衆生得淨國也。又云。空中得爲宮室。不可用空爲宮室。

要用材。木然後得成。如是菩薩雖解。於空不可。但以空心得。要以三因成其國也。又意異。故經文不同也。生曰。造立宮室。譬成就衆生也。空地是無妨礙處。譬取無礙。穢則礙也。

若於虛空終不能成。生曰。於虛空謂無物可用。作宮室也。譬如自造國。無衆生可成。

菩薩如是爲成就衆生。故願取佛國。生曰。無礙處也。

願取佛國者。非於空也。肇曰。淨土必由衆生。譬立宮必因地。無地無衆生。宮土無以成。二乘證神虛無。不因衆生。故無淨土也。生曰。非無衆生也。

寶積當知直心是菩薩淨土。肇曰。土之淨者。必由衆生。衆生之淨。必因衆行。直舉衆生以釋土淨。今備舉衆行。明其所以淨也。夫行淨則衆生淨。衆生淨則佛土淨。此必然之數。不可差也。土無淨曲。乃出于心直。

故曰直心是菩薩淨土也。此則因中說果。猶指金爲食。直心者。謂質直無諂。此心乃是萬行之本。故建章有之矣。

菩薩成佛時。不謔衆生。來生其國。肇曰。不諂直心一行異名也。菩薩心既直化彼同己。自土既成。故令同行斯集。此明化緣相及故。果報相連。則佛土之義顯也。目下二句相對。或前後異名。或前略後廣。或前因後果。類因行耳。凡善行有二種。一行善二報善。自此下諸衆生所習皆報善也。生曰。

致國之義已備於前。今但明衆行是淨國之本。居然可領。故云寶積當知。知如前也。答其所問。故偏據事淨。表以無礙。穢實之心也。斯則善行之本。故首明之也。不謔衆生是淨之一事。菩薩皆語其行。衆生皆言其報。而對說之者。明衆生皆受此化。今有此果。菩薩行成應之。則屬於佛。豫總於國。故云來生也。

深心是菩薩淨土。肇曰。樹心衆德深固。故難拔深心也。

菩薩成佛時。具足功德。衆生來生其國。肇曰。深心故德備也。

大乘心是菩薩淨土。菩薩成佛時。大乘衆生來生其國。肇曰。乘八萬行。兼載天下。不遺一人。大乘心也。上三心是始學之次行也。夫欲弘大道。要先直其心。心既真直。然後入行能深。入行既深。則能廣運無涯。此三心之次也。備此三心。然後次修六度。別本云。直心深心菩提心。什曰。直心誠實心也。發心之始。始於誠實。道識彌明。名爲深心。深心增廣。正趣佛慧。名菩提心。此皆受化者心也。受化者行致淨土。人又來生。以因緣成菩薩國。善有二種。一者行善。二者報生善。凡言來生其國。具足善者。皆報生善也。

布施是菩薩淨土。菩薩成佛時。一切能捨。衆生來生其國。肇曰。外捨國財身命。內捨貪愛。慳嫉。名一切能捨也。

持戒是菩薩淨土。菩薩成佛時。行十善道。滿願衆生來生其國。什曰。持戒獨言。滿願者戒。

持戒是菩薩淨土。菩薩成佛時。行十善道。滿願衆生來生其國。什曰。持戒獨言。滿願者戒。

①見二現②位二立③〔菩薩根〕一④無二不⑤立二位⑥又二其人⑦本二行⑧〔於〕一⑨又二人⑩〔如〕一  
⑪成十〔次〕⑫宮二室⑬者二也⑭由二在⑮行十〔上〕⑯則二即⑰〔中〕一⑱謂十〔心〕⑲也二  
耳⑳連十〔果報相連〕㉑自十〔此〕㉒衆二來⑳表以二以表㉓穢十〔直心〕㉔之十〔所〕㉕於二爲  
〔故〕一㉖深心二心深㉗〔心〕一

是難行亦兼攝衆善故所願滿也。肇曰。十善苦薩戒也。亦有無量戒。略舉十耳。戒具則無願不得故言滿也。

忍辱是苦薩淨土苦薩成佛時三十二相莊嚴衆生來生其國。肇曰。忍辱和顏。故繫以容相。而豈直形報而已。

精進是苦薩淨土苦薩成佛時勤修一切功德衆生來生其國。定是苦薩淨土苦薩成佛時攝心不亂衆生來生其國。智慧是苦薩淨土苦薩成佛時正定衆生來生其國。肇曰。得正智慧決定法相三衆生中名正定衆也。四無量心是苦薩淨土苦薩成佛時成就慈悲喜捨衆生來生其國。肇曰。此四心周備無際故言無量。

四攝法是苦薩淨土。肇曰。以四等法攝衆生爲四攝也。一者惠施。財法二施隨彼所須。二者愛語。以愛心故和言隨彼所適。三者利語。隨彼所利方便利之。四者同事。遇惡同惡而斷其惡。遇善同善而進其善。故名同事也。

苦薩成佛時解脫所攝衆生來生其國。什曰。或有見佛而不解脫者。由功慧淺也。能行四攝必慧深而功重。故於佛前得解脫也。亦四攝能令衆生得解脫。故行者後致解脫義。肇曰。解脫則四攝所成無爲果也。同行故衆生皆爲此果所攝也。

方便是苦薩淨土苦薩成佛時於一切法方便無礙衆生來生其國。肇曰。方便者巧便慧也。積小德而獲大功。功雖就而不可證處

有不乖寂。居無不失化。無爲而無所不爲。方便無礙也。

三十七品是苦薩淨土苦薩成佛時念處正勤神足根力覺道衆生來生其國。肇曰。念處四念處。正勤四正勤。神足四神足。根五根。力五力。覺七覺意。道八正道。合三十七。義在他經。

迴向心是苦薩淨土。肇曰。二乘三界各有別行。若情無勝期則隨行受報。大士標心佛道故能迴向彼難行。向于一乘。此迴向心也。

苦薩成佛時得一切具足功德國土。肇曰。遇善迴向。何德不備。此下三句雖不言衆生。言國則在矣。

說除八難是苦薩淨土苦薩成佛時國土無有三惡八難。肇曰。說除八難之法。土無八難也。

自守戒行不讓彼闕是苦薩淨土苦薩成佛時國土無有犯禁之名。肇曰。犯禁惡名出于譏彼而不自守。

十善是苦薩淨土苦薩成佛時命不中天。什曰。迴向善向佛道故言迴向。迴向則已兼舉衆生。故說具足功德。具足功德則無八難。故復說除八難。除八難爲行。故受無難之報。既無八難則無衆惡。無衆惡則無犯禁。故次說無犯戒。上說戒度今復言戒者。義不在戒也。欲因戒以明不讓彼闕。不讓彼闕故莫知其闕。莫知其闕則無犯禁之名。以此爲行故獲此爲果。獲此

爲果則衆惡都息。故以十善爲次也。肇曰。不殺報也。

大富。肇曰。不盜報也。

梵行。肇曰。不淫報也。

所言誠諦。肇曰。不妄語報。

常以軟語。肇曰。不惡口報。

眷屬不離善和諍訟。肇曰。不兩舌報。

言必饒益。肇曰。不綺語報。

不嫉不恚。正見衆生來生其國。肇曰。嫉恚邪見心患之尤者。故別立三善也。生曰。修於十善者會上諸行。成身口意淨爲淨土之本也。

如是寶積菩薩隨其直心則能發行。肇曰。夫心直則信固。信固然後能發。述造行。然則始於萬行者其唯直心乎。此章明行之次第。微著相因。足以始於直心。終于淨土。譬猶植栽絲髮其茂百圍也。直心樹其萌衆行因而成故言隨也。生曰。前唯明衆行各是淨國之因而未知所以得也。故次序其意以釋之焉。如是者謂上諸行如下意也。言任直心之勢。自然能發行衆行。

隨其發行則得深心。肇曰。既能發行則得道情彌深。

隨其深心則意調伏。肇曰。道情既深則意無龜鑿也。

隨意調伏則如說行。肇曰。心既調伏則聞斯能行也。

隨如說行則能迴向。肇曰。聞既能行則能迴其所行。標心勝境。

和顏二和和 而二耳 已十(說) 備二被 最十(也) 等法二事 故一 語二行 斷其二清 其 名二日 教二到 義二報 則二即 者一 不十(爲) 七十(道) 向一 八 法十(故) 惡二意 守十(也) 向一 說一 次十(之) 報二也 修二終 十(益)十明 足二足 植二滋 唯二衆 釋二示 行十(也) 義二義 意二其 伏二柔 能一 境十(也)



隨其迴向則有方便 肇曰。既能迴向大乘。則大方便之所由生也。

隨其方便則成就衆生 肇曰。方便之所立。期在成就衆生也。

隨成就衆生則佛土淨 肇曰。衆生既淨。則土無穢也。

隨佛土淨則說法淨 肇曰。既處淨土。則有淨說。

隨說法淨則智慧淨 肇曰。既有淨說。則淨智慧生也。

隨智慧淨則其心淨 肇曰。淨智既生。則淨心轉明也。

隨其心淨則一切功德淨 什曰。直心以誠心信佛法也。信心既立。則能發行衆善。衆善既積。其心轉深。轉深則不隨衆惡。棄惡從善。是名調伏。心既調伏。則遇善斯行。遇善斯行。則難行能行。難行能行。故能如所說行。如所說行。則萬善兼具。萬善兼具。故能迴向佛道。向而彌進。是方便力也。方便大要有三。一善於自行。而不取相。二不取證。三善化衆生。具此三已。則能成就衆生。成就衆生。則三因具足。三因具足。則得淨土。土既清淨。則衆生純淨。衆生純淨。則不說難教。故言說清淨。受法則具下三淨。具下三淨。則與化主同德。故曰一切淨也。上章雖廣說淨國行。而未明行之階漸。此章明至極深廣。不可頓超。宜尋之有途。履之有序。故說發迹之始。始於直心。終成之美。則一切淨也。肇曰。積德不已。者欲以淨心。心既

淨則無德不淨。生曰。功德者殊妙果也。本其所從。故以名之焉。

是故寶積若菩薩欲得淨土。當淨其心。隨其心淨。則佛土淨。肇曰。結成淨土義也。淨土蓋是心之影響耳。夫欲響順。必和其聲。欲影端。必正其形。此報應之定數也。

爾時舍利弗承佛威神。別本云。承佛聖旨。什曰。聖旨。梵本云。神力。神力所轉。能令無疑者而發疑念也。

作是念。若菩薩心淨。則佛土淨。者。我世尊本爲菩薩時。意豈不淨。而是佛土不淨。若此。肇曰。土之淨穢。固非二乘所能及也。如來將明佛土常淨。美惡生彼。故以威神發其疑念。以生言端。故言承也。生曰。既聞事淨。便封在事。還味無機。謂石沙。與行爲乖。故示難決之。舍利弗誠無不達。而居不足之地。可傍爲不悟。故設斯念。以申衆懷。應機而作。本從佛慧中來。今示非已。豈虛也哉。

佛知其念。即告之言。於意云。何日月豈不淨耶。而盲者不見。對曰。不也。世尊是盲者。過非日月。答舍利弗。衆生罪故。不見如來佛。國嚴淨。非如來答。肇曰。日月豈不明。不見自由。瞽目。佛土豈不淨。罪穢故不親。生曰。日月之照。無不表色。而盲者不見。豈日月過耶。佛亦如是。昔之爲行。以化衆生。無有不致無沙石之土。而衆生有罪。故得斯穢。不見之耳。非佛答也。

舍利弗我此土淨。而汝不見。肇曰。向因此

土生疑。故即此土明淨也。生曰。既明。不淨罪在衆生。則爲淨之旨。居然屬佛。故云我此土淨。而舍利弗據穢致疑。爲不見也。言而者。傷嗟之也。

爾時螺髻梵王。語舍利弗。勿作是念。謂此佛土以爲不淨。所以者何。我見釋迦牟尼佛土。清淨。譬如自在天宮。什曰。佛土清淨。階降不同。或如四天。王乃至如六天。或如梵天。乃至如淨居。或有過淨居天。過淨居天者。唯補處菩薩生此國也。稱適衆心。故現國不同。螺髻所見。如自在天宮者。復是其所應見耳。而未盡其淨也。下言譬如寶莊嚴佛國。始是釋迦真報應淨國。淨國即在此世界。如法華經壽量品中說。此淨穢同處而不相雜。猶如下一器中有二種食。應二種衆生。肇曰。夫同聲相和。同見相順。梵王即法身大士也。依佛淨慧。故所見皆淨。因其所見而證焉。且佛土真淨。超絕三界。豈直若天宮世淨而已哉。此蓋齊其所見。而爲言耳。舍利弗在人而見其土石。梵王居天而見如天宮。自餘所見亦各不同。佛土所應義在于此。生曰。螺髻梵王。迹在生死。邪推已同在三界。受福爲淨。知無福者。自取斯穢。釋迦之土。便與天宮無異。以質舍利弗之不達爲甚惑矣。

舍利弗言。我見此土。丘陵坑坎。荆棘沙礫。土石諸山。穢惡充滿。肇曰。各以所見而爲證也。生曰。雖聞向語。猶封穢惡。故復言已所見。以申疑焉。

見以申疑焉。

見以申疑焉。

見以申疑焉。

見以申疑焉。

見以申疑焉。

見以申疑焉。

見以申疑焉。

見以申疑焉。

見以申疑焉。

見以申疑焉。

見以申疑焉。

①[土]一②也二土③說十(也)④則十(有)⑤深十(其心)⑥之焉二爲⑦與十(妙)⑧國二土⑨[目]一⑩沙石二石沙⑪土淨二淨土⑫(嗟)一⑬念二寬⑭土二國⑮[王]一⑯[如]一⑰此十(是)⑱所二殊⑲死十(而)⑳故感二惑哉

螺髻梵王言仁者心有高下不依佛慧故見此土為不淨耳。肇曰：萬事萬形皆由心成。心有高下故丘陵是生也。

舍利弗菩薩於一切衆生悉皆平等深心清淨依佛智慧則能見此佛土清淨。肇曰：若能等心群生深入佛慧淨業既同則所見不異也。生曰：心有高下者據石沙致疑則就衆生之優劣也。又是不依佛慧為應之趣在乎必悟之處故唯見不淨耳。若取出惡之理則石沙衆生與夫淨土之人等無有異。又是依佛慧而觀故無往而不淨也。

於是佛以足指按地即時三千大千世界若干百千珍寶嚴飾譬如寶莊嚴佛無量功德寶莊嚴土一切大衆歎未曾有而皆自見坐寶蓮華。肇曰：佛土常淨豈待變而後飾按地者蓋是變衆人之罪所見耳。寶莊嚴土淨土之最故以為論。生曰：神力變地者以明出穢為淨喻石沙雖穢至於離惡之處不容有異。又現此變示無定相以遣封穢之情使取為淨之旨。

佛告舍利弗汝且觀是佛土嚴淨。生曰：且觀者且寄嚴淨以明無穢於實乃現亦無事淨土矣。

舍利弗言唯然世尊本所不見本所不聞今佛國土嚴淨悉現。肇曰：顯淨土於未聞猶開聲於形聲也。生曰：既悟其義而據自疑已前為本故云本不見聞也。從不見聞而悟之則佛土為好淨悉現也。

佛語舍利弗我佛國土常淨若此為欲度斯下

劣人故示是衆惡不淨土耳。什曰：若隨其罪福自致淨穢者非示之謂也。而言示之者有示義也。諸佛能為衆生現淨而隱不淨現淨而隱不淨則無益衆生任而不隱義示同也。肇曰：自佛而言故常淨若此外應下劣故不淨同彼也。生曰：既云是同則與彼無異俯就下劣故示若不淨。譬如諸天共寶器食隨其福德飯色有異如是舍利弗若人心淨便見此土功德莊嚴。肇曰：始生天者欲共試知功德多少要共一寶器中食天上饌天饌至白無白可喻。其福多者舉飯向口飯色不異。若福少者舉向口飯色變異。在器色一在手不同。飯豈有異異自天耳。佛土不同方可知也。生曰：喻梵天舍利弗也。慧心明淨則見功德莊嚴以開心而取故謂之穢耳。非佛土然也。

當佛現此國土嚴淨之時寶積所將五百長者子皆得無生法忍八萬四千人發阿耨多羅三藐三菩提心。肇曰：佛國之與其正為此。無生忍同上不起法忍忍即慧性耳。以見法無生心智寂滅堪受不退故名無生法忍也。

佛攝神足於是世界還復如故。肇曰：非分不可以久處故還彼所應見也。

求聲聞乘。肇曰：下乘道覺非獨覺要師而後成故名聲聞乘亦名弟子乘也。

三萬二千人及人有為法皆悉無常遠塵離垢得法眼淨。肇曰：國土穢而可淨淨而復

穢因悟無常故得法眼淨。法眼淨須陀洹道也。始見道跡故得法眼名。塵垢八十八結也。

八千比丘不受諸法漏盡意解。肇曰：無著之道於法無受無染漏盡九十八結漏既盡故意得解脫成阿羅漢也。

注維摩詰經卷第一

後秦釋僧肇選

方便品第二 什曰：此品序淨名德者非集經者之意其方便辯才世尊常所稱歎故集經者承其所聞以序德耳。

爾時毘耶離大城中有長者名維摩詰已曾供養無量諸佛。什曰：將序其德先明修德之所由也。

深植善本。什曰：功德業也。肇曰：樹德先聖故善本深殖也。此經之作起于淨名其微言幽唱亦備之後文出經者欲遠存其人以弘其道故此一品全序其德也。

得無生忍。什曰：慧明業也。如來已盡則以智為名。菩薩見而未盡而能忍受不退故以忍為名也。肇曰：所以菩薩無生慧獨名忍者以其大覺未成智力猶弱雖悟無生正能堪受而已未暇閑任故名忍。如來智力具足於法自在常有閑地故無復忍名也。

●(王)一● ●心十(成)● ●法一● ●石沙二沙石● ●皆十(也)● ●現二見● ●形聲二聲形● ●示同二同示● ●淨十(耳)● ●後二飯● ●舉十(飯)● ●[法]一● ●耳二也● ●還十(復)● ●[覺]一● ●子十(之)● ●(離)十● ●(阿)一● ●[後集...還]六字一● ●(羅)十什● ●下同● ●童十(也)● ●(釋)十● ●下同● ●正二心●



各言「已勝」故其國別立論堂。欲辯其優劣。欲明「已道」者則聲鼓集衆詣堂求論。勝者爲師。負者爲資。淨名既升此堂攝伏外道。然後導以大乘爲其師也。

入諸學堂誘開童蒙。什曰。如釋迦菩薩入學堂說梵書。梵天下來爲證衆人信受。斯其類也。肇曰。學堂童蒙書學堂也。誘開如太子入學現梵書比也。

入諸姪舍示欲之過。什曰。外國有一女人身體金色。有長者子名達暮多羅。以千兩金要入竹林。同載而去。文殊師利於中道變身爲白衣。身著寶衣。衣甚嚴好。女人見之貪心內發。文殊殊言。汝欲得衣者當發苦提心。女曰。何等爲苦提心。答曰。汝身是也。問曰。云何是。答曰。苦提性空。汝身亦空。

以。此故是此女曾於迦葉佛所宿殖善本。修智慧。聞是說即得無生法忍。得無生法忍已將示欲之過。還與長者子入竹林。入林中已自現身死。隨腹臭爛。長者子見已甚大怖畏。往詣佛所。佛爲說法亦得法忍。示欲之過有如是利益也。肇曰。外國姪人別立聚落。凡豫士之流目不暫顧。而大士同其欲。然後示其過也。

入諸酒肆能立其志。肇曰。酒致失志。開放逸門。

若在長者長者中尊爲說勝法。什曰。長者如今四姓豪族也。聲聞於凡夫爲勝。如是展轉佛法最勝也。肇曰。凡人易以威順。難以理從。故大士每處其尊以弘風靡之化。

長者豪族望重。多以世教自居。不弘出世勝法也。

若在居士居士中尊。什曰。外國白衣多財富樂者名爲居士。

斷其貪著。肇曰。積錢一億入居士里。寶貨彌殖故貪著彌深。

若在利利利利中尊。什曰。梵音中含二義。二言忍辱。二言瞋恚。言此人有大力勢能大瞋恚。忍受苦痛。剛強難伏。因以爲姓也。

教以忍辱。肇曰。利利王種也。秦言田主。劫初人食地味。轉食自然粳米。後人情漸僞各有封殖。遂立有德處平分田。此王者之始也。故相承爲名焉。其尊貴自在。多強暴決意不能忍和也。

若在婆羅門婆羅門中尊。什曰。廣學問求邪道。自恃智慧驕慢。自在名婆羅門也。除其我慢。肇曰。婆羅門秦言外意。其種別有經書。世世相承以道學爲業。或在家或出家苦行。多恃已道術。自我慢人也。

若在大臣大臣中尊。肇曰。正法治國政法也。教以正治國以道佐時也。

若在王子王子中尊。示以忠孝。肇曰。所承處重宜以忠孝爲先。

若在內官內官中尊。化正宮女。什曰。非如今內官也。外國法取歷世忠良耆長有德用爲內官。化正宮女。肇曰。妖媚邪飾女人之情。故誨以正直。

一賤人來入城邑。見一人服飾嚴淨。乘大馬執寶蓋。唱言不好。乃至再三。彼人怪而問曰。我嚴淨如是。汝何言不好耶。賤人曰。君宿殖德本。獲此果報。威德被服人所宗仰。我昔不種福。鄙陋如是。以我比君猶如禽獸。故自言不好耳。非毀君也。賤人因是感厲廣修福業。形尊悟物所益。以弘況以道法化人哉。肇曰。福力微淺。故生庶民也。

若在梵天梵天中尊。誨以勝慧。什曰。小乘中初梵有三種。大乘中有四種。餘上三地亦如是。梵王雖有定慧而非出要。誨以佛慧。故言勝也。肇曰。梵天多著禪福。不求出世勝慧也。

若在帝釋帝釋中尊。示現無常。什曰。梵垢薄而著淺。故爲現勝慧。釋愛重而著深。故爲現無常也。肇曰。天帝處忉利宮。五欲自娛。視東忘西。多不慮無常。

若在護世護世中尊。護諸衆生。什曰。護世四天王也。諸惡鬼神殘食衆生。護世四王護之不令害也。今言尊者道力所護衆及十方也。肇曰。護世四王各治一方。護其所部。使諸惡鬼神不得侵害也。

長者維摩詰以如是等無量方便饒益衆生。肇曰。法身圓應。其迹無端。故稱無量。上略言之耳。

其以方便現身有疾。什曰。上諸方便以施戒攝人。施戒攝人則人感其惠。聞其有疾。問疾者衆。問疾者衆則功化弘矣。是以廣現。

●方十(諸)●●下來二來下●●殊十(師利)●●者一●●(也)一●●此故是二處故●●(宿)一●●(還)一●●竹林入林中●●入林林中●●奧爾二爾奧●●(爲)一●●(而)一●●(法)十●●(也)十●●(樂)一●●(爲)一●●(士)十●●(也)●●深十(也)●●日十(利利)●●梵二胡●●(含)一●●(也)一●●王十(者)●●在二大●●(自)一●●(正)正●●正十(法)●●先十(也)●●忠二中●●女十(也)●●直十(也)●●以二已●●(爲)一●●王各治二天王也各理●●人十(以)●●(衆問疾者)一●●

方便，然後處疾也。

以其疾故國王大臣長者居士婆羅門等及諸王子并餘官屬無數千人皆往問疾。肇曰：雖復變應殊方妙迹不一，然此經之起本于現疾，故作者別序其事。

其往者維摩詰因以身疾廣為說法。什曰：欲明履道之身未免斯患，況於無德而可保也。肇曰：同我者易信，異我者難順，故因其身疾，廣明有身之患。

諸仁者是身無常。什曰：諸佛常法要，先以七事發人心，然後說四諦，何等七？一、施，二、戒，三、生天果報，四、說味，味樂味也，五、果報過患，雖有少樂而衆苦無量，衆生迷於少樂而不覺衆苦，猶以芥子置於山頂，唯見芥子而不觀大山也。六、教厭離世間，七、歎涅槃功德，今不說七法，直說無常者，將以此會積德已淳，慧識修明故也。復次無常是空之初相，將欲說空故先說無常，所以但說身不說餘法，餘法中少生著故也。

無力無堅。什曰：無有能作力也，無堅體不實也。速朽之法不可信也。肇曰：身之危脆強力不能保，孰能信其永固者？此無常義也。爲苦爲惱。什曰：無常故苦，苦則惱生。

衆病所集。肇曰：苦八苦也，亦有無量苦，惱九惱也，亦有無量惱，病四百四病，此苦之義也。諸仁者如此身明智者所不估，是身如聚沫不

可攬摩。肇曰：攬摩聚沫之無實，以喻觀身之虛僞，自此下至電喻明空義也。

是身如泡不得久立。肇曰：不久似明，無常義然水上泡以虛中無實故，不久立，猶空義耳。

是身如炎從渴愛生。肇曰：渴見陽炎惑以爲水，愛見四大迷以爲身。是身如芭蕉中無有堅。肇曰：芭蕉之草唯葉無幹。

是身如幻從顛倒起。肇曰：見幻爲人，四大爲身，皆顛倒也。是身如夢爲虛妄。肇曰：夢中妄見覺後非真。

是身如影從業緣現。什曰：形障日光光不及，照影此現，由無明三業隔實智慧，所以有身也。

是身如響屬諸因緣。肇曰：身之起由于業，因猶影響之生形聲耳。是身如浮雲須臾變滅。什曰：俄頃異色須臾變滅，身亦如是，胸息之間有少有長老病死變，從如沫至如電盡喻無常也，或以無堅，或以不久，或以不實，或以屬因緣，明其所以無常也。下四大喻喻空無我也。

是身如電念念不住。肇曰：變滅不住似釋，無常然皆取其虛僞不真故，速滅不住，猶釋空義也。

是身無主爲如地。什曰：地無常主，強者得之，身亦無主，隨事而變。病至則惱，死至則滅，聚散隨緣不得自在也。肇曰：夫萬事

萬形皆四大成，在外則爲土木山河，在內則爲四支百體，聚而爲生，散而爲死，生則爲內，死則爲外，內外雖殊，然其大不異，故以內外四大類明無我也。如外地古今相傳，強者先宅故無主也，身亦然耳。衆緣所成，緣合則起，緣散則離，何有真宰常主之者？主壽人是一我，義立四名也。

是身無我爲如火。什曰：焚燒林野，威聲振烈，若勇士陳師制勝時也，實而求之，非有敵也，身亦如是，舉動云爲興造萬端，從惑而觀，若有宰也，尋其所由，非有我。肇曰：縱任自由謂之我，而外火起滅由薪，火不自在，火不自在，火無我也。外火既無我，內火類亦然。

是身無壽爲如風。什曰：雖飄扇鼓作或來或去，直聚氣流動，非有存生壽也，身亦如是，呼吸吐納行作語言亦假氣而動，非有壽也。肇曰：常存不變謂之壽，而外風積氣飄鼓動止無常，動止無常風無壽也，外風既無壽，內類可知。

是身無人爲如水。什曰：澄淨清明洗滌塵穢，曲直方圓隨時所適，實而求之爲者竟誰？身亦如是，知見進止應事而遷，假緣成用，乘數而行，詳其所因，非有人也。肇曰：貴於萬物而始終不改謂之人，而外水善利萬形，方圓隨物，淹隆異適，而體無定，體無定則水無人也。外水既無人，內水類可知。

是身不實四大爲家。肇曰：四非常託於上，

①事十(也) ②[於]一 ③也二耶 ④廣二以 ⑤諸仁者 ⑥大二太 ⑦說二說 ⑧也十(無強) ⑨什曰息至斯受故無 ⑩(無) ⑪耳二也 ⑫身十(也) ⑬幹十(也) ⑭起二生 ⑮見十(是身如影) ⑯夢中一真 ⑰八字一 ⑱(是身) ⑲八字一 ⑳此現由二由此現由 ㉑(從業緣現) ㉒是 ㉓于二手 ㉔耳二也 ㉕顯二顯 ㉖病二痛 ㉗人十 ㉘(即) ㉙也二耳 ㉚然二可新也 ㉛壽二主 ㉜動止無常 ㉝內十(風) ㉞知十(也) ㉟應二應 ㊱始終二終始 ㊲體無定 ㊳知十(也)

自此下。獨明身之虛偽。衆穢過。患四大假會以爲神。宅非實家也。

是身爲空。離我所。什曰。離我衆生空。離我所法空也。上四句說空無我喻。此直說空無我義也。肇曰。我身之妙主也。我所自我之外。身及國財妻子萬物盡我所有。智者觀身。身內空寂。二事俱離也。

是身無知如草木瓦礫。什曰。會而成。知非真知也。求知不得。同瓦礫也。肇曰。身雖能觸而無知。內識能知而無觸。自性而求。二俱無知。既曰無知。何異瓦礫。

是身無作風力所轉。什曰。無作主而有所作者。風所轉也。從無知至無作。更釋空無我義也。肇曰。舉動事爲風力使然。誰作之也。

是身不淨。什曰。須陀洹雖見四諦。猶惑淨色。故四非常後。次說不淨也。復次上說無常苦無我。此說不淨門。爲破四顛倒。故說四種觀行。行此觀已。然後能於身不著。身不著已。然後能學法身。故先說厭法後說法身也。

穢惡充滿。肇曰。三十六物充滿其體。是身爲虛偽。雖假以澡浴衣食。必歸磨滅。什曰。此明無常所壞。所以苦也。自此以下盡說苦喻也。爲災病苦也。丘井以下總喻生老病死衆苦無量也。肇曰。雖復澡以香湯衣以上服。苟曰非真。豈得久立。

是身爲災。百一病惱。肇曰。一大增損則百一病生。四大增損則四百四病同時俱作。故

身爲災聚也。

是身如丘井。什曰。丘井丘壙枯井也。昔有入有罪於王。其人怖罪逃走。王令醉象逐之。其人怖急。自投枯井。半井得一腐草。以手執之。下有惡龍吐毒向之。傍有五毒蛇復欲加害。二鼠嚼草復將斷。大象臨其上。復欲取之。其人危苦極大恐怖。上有一樹。樹上時有蜜。滴落其口中。以著味故而忘怖畏。丘井生死也。醉象無常也。毒龍惡道也。五毒蛇五陰也。腐草命根也。黑白二鼠。日月黑月也。蜜。滴五欲樂也。得蜜滴而忘怖畏者。喻衆生得五欲樂。滴不畏苦也。

爲老所逼。肇曰。神之處身爲老死所逼。猶危人之在丘井。爲龍蛇所逼。緣在他經也。

是身無定。什曰。念有死分。無定期也。爲要當死。肇曰。壽夭雖無定。不得不受死。

是身如毒蛇。肇曰。四大喻四蛇也。如怨賊。肇曰。五陰喻五賊也。

如空聚。什曰。昔有人得罪於王。王欲密殺。盛四毒蛇使其守護。有五怨賊拔刀守之。善知識語之令走。其人即去。入空聚落。便於中止。知識復言。此處是惡賊所止。若住此者。須與賊至。喪汝身命。失汝財寶。宜速捨離。可得安隱。其人從教。即便捨去。復見大水。縛機而渡。渡已安隱。無復衆患。王喻魔也。饑喻身也。四蛇四大也。五怨

賊五陰也。空聚落六入也。惡賊六塵也。河生死也。善知識教令走者。謂佛菩薩教衆生離惡魔。棄四大捨五陰。衆生從教。雖捨惡患三惡。而未出諸聚落。未免惡賊復教令乘八正棧度生死流。度生死流已。坦然無爲。復衆患也。肇曰。六情喻空聚。皆有誠證。喻在他經。是故涅槃經云。觀身如四大毒蛇。是身無常。常爲無量諸蟲之所啖食。是身臭穢。貪欲獄縛。是身可畏。猶如死狗。是身不淨。九孔常流。是身如城。血肉筋骨皮裹其上。手足以爲却敵樓櫓。目爲孔竅。頭爲殿堂。心王處中。如是身城諸佛世尊之所棄捨。凡夫愚人常所味著。貪淫嗔恚愚癡羅刹止住其中。是身不堅。猶如蘆葦伊蘭水沫芭蕉之樹。是身無常。念念不住。猶如電光暴水幻炎。亦如畫水隨畫隨合。是身易壞。猶如河岸臨峻大樹。是身不久。虎狼鴟梟鷂鴞之所食噉。誰有智者當樂此身。寧以牛跡盛大海水。不可具說。是身無常不淨臭穢。軍國大地。使如聚等。漸漸轉小。如亭。腰子乃至微塵。不能具說。是身過患。是故當捨。如棄涕唾。陰界諸入所共合成。肇曰。陰五陰。界十八界。入十二入。此三法假合成身。猶若空聚。一無可寄。

諸仁者。此可患厭。當樂佛身。肇曰。吾等同有斯患。可厭久矣。宜共樂求佛身。所以者何。肇曰。近見者謂佛身直是形之妙者。未免生死寒暑之患。曷爲而求。將爲

是身爲災。百一病惱。肇曰。一大增損則百一病生。四大增損則四百四病同時俱作。故

是身爲災。百一病惱。肇曰。一大增損則百一病生。四大增損則四百四病同時俱作。故

①同二病②患十(也)③宅一④患二⑤患十(也)⑥也二者⑦怖罪逃二⑧時十(時)⑨月二日⑩(爲要當死)一⑪患二陰⑫(有)一⑬患三惡二⑭患三⑮諸十(入)⑯(入)⑰免二⑱諸二⑲經十(也)⑳(是故...經)二百四十七字一㉑長二惡②唾十(也)㉓一無二無一㉔身十(也)㉕



●亦然乎

佛知其意即告舍利弗汝行詣維摩詰問疾

什曰。聲聞法中諸羅漢無漏智慧。勝菩薩世

俗智。慧大乘法中二事俱勝。今用聲聞法

明大小。故先命弟子也。舍利弗於弟子中

智慧第一。故先命之。知其不堪而命之者

欲令其顯維摩詰辯才殊勝發起衆會

也。復命餘人者。欲令各稱其美明兼應辯

慧無方也。此下宴坐。梵本云攝身心也。

肇曰。至人懸心默通。不先形言。冥機潛應。

故命問疾也。舍利弗五百弟子之上智慧第

一。故先勸也。如來知諸人不堪而猶命者。

將顯淨名無窮之德。以生衆會怖仰之情。

耳。舍利其母名弗舍言子。天竺多以母名

名子。生曰。知其意者達其旨也。今日之使

理歸文殊。而命餘人者。託當遣使之儀。

欲以假顯維摩詰德也。德以此顯者。遵既

在昔。今必高推。推若有理則理可貴矣。苟

已伏德而藉問理爲貴。至於論疾之際。豈

有不悟哉。夫遣使之體。要當自近及

遠。是以先弟子後菩薩也。舍利弗是親承

之最故首命之焉。

舍利弗曰。佛言世尊我不堪任詣彼問疾。肇

曰。奉佛使命。宜須重人。淨名大士智慧

無量。非是弟子所能堪也。且曾爲所呵默

不能報。豈敢輕奉使命以致漏失之譏。生

曰。夫以妙乘。無往不盡。而今所扣蓋是

近應。群生於舍利弗豈有不堪之時。耳。

不堪之意良在於茲。今欲現之。若實要應

有奇。維摩詰述在辯捷。爲一國所憚。往

有教論之理。而舍利弗曾亦示屈於彼。以

爲不堪。執謂虛說。

所以者何。憶念我昔曾於林中宴坐樹下時維

摩詰來謂我言。唯舍利弗不必是坐爲宴坐也。

肇曰。無施之迹效。之於前矣。曾於林下

宴坐時。淨名來以爲坐法不爾也。生曰。有

以致辭。非拒命也。託不拒命之辭以取

推維摩詰美也。不必是者。不言非是。但

不必是耳。不言非是者。實可以爲求定

之筌也。不必是者。有以之致病。病所不

病。可不呵哉。舍利弗誠無所復。假宜由

行以軌物。所行交是彼之所病。維摩詰以

其居不足之地。固可寄以爲呵。然則舍利

弗受受屈矣。宴坐者閑居之貌。

夫宴坐者不於三界現身意是爲宴坐。什

曰。此章大明至定。以誨未能。非獨明空

也。菩薩安心真境。識不外馳。是心不現也。

法化之身超於三界。是身心俱隱。禪定之極

也。聲聞雖能藏心實法。未能不見其身。

身見三界則受累於物。故隱而猶現。未爲

善攝也。亦云。身子于時入滅盡定。能令心

隱。其身猶現。故譏之也。肇曰。夫法身之宴

坐。形神俱滅。道絕常境。視聽所不及。豈復

現身於三界。修意而爲定哉。舍利弗猶有

世報生身及世報意根。故以人間爲煩擾

而宴坐林下。未能形神無迹。故致斯呵。凡

也。若不隱必爲事之所動。是以隱之使

離於事。以爲求定之方。而隱者有患形之

不隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

隱。苟執以不隱爲患。而隱者猶爲不

●亦二其●●量十(勝)●●中十(苦)●●[諸]一●●云二言●●不二理●●名十(也)●●識二宜●●[有]一●●體二●●●十(宜)●●●十(辨)●●●堪能也二能堪對●●●十(非堪)●●●耳二耶●●●美二義●●●定二足●●●[定]一●●●現二見●●●[坐]一●●●中二下●●●若十(形)●●●使二以●●●以二使●●●[坐]一●●●[意]一●



正身不動言也。若不不起滅定即是現諸威儀者。是則不現威儀異於定也。無異故不相乖矣。威儀者則是動也。滅定者滅心心數法定也。此定正反形動之極。故偏舉以爲言也。若不捨道法即是現凡夫事者是則不見凡夫事異於道也。凡夫事者即是身不正也。威儀凡夫事在下句者。所病在此故以上牽之也。

心不住內亦不在外是爲宴坐。什曰。賢聖攝心謂之內。凡夫馳想謂之外。言不內不外者。心內外也。譬曰。身爲幻宅。易爲住內。萬物斯隨。易爲在外。小乘防念故繫心於內。凡夫多求故馳想於外。大士齊觀故內外無寄也。生曰。既正身不動。次應攝念。攝念之法若去所緣即攝令還。念去從事謂之馳外。攝還從我謂之住內。若以馳外爲亂住內爲定。即復是爲內外所馳。非所以攝念之意也。心不住內者則無內可住也。亦不在外者則無外可在也。然後乃是不復馳焉。

於諸見不動。什曰。若以見爲動是見住也。而修行三十七品是爲宴坐。譬曰。諸見六十二諸妄見也。夫以見爲見者。要動捨諸見以修道品。大士觀諸見其性即是道品。故不近捨。諸見而遠修道品也。生曰。攝念之義要得其道。其道爲何在。正觀正觀即三十七品也。三十七品觀是見理之懷也。以從理而見故意可住耳。若貴觀得

理。即復是爲觀所惑。則失平理。非所以觀也。若於諸見不動即是行三十七品者。是則不見三十七品異於諸見。則無復惑矣。不動者不去之。諸見者邪見也。不斷煩惱而入涅槃是宴坐。什曰。煩惱即涅槃。故不待斷而後入也。譬曰。七使九結惱亂群生。故名爲煩惱。煩惱異性即是涅槃。慧力強者觀煩惱即是入涅槃。不待斷而後入也。生曰。既觀理得性。便應縛盡泥洹。若必以泥洹爲貴而欲取之。即復爲泥洹所縛。若不斷煩惱即是入泥洹者。是則不見泥洹異於煩惱則無縛矣。此上二句亦所病在下。以上牽之。

若能如是坐者。佛所印可。譬曰。此平等法坐佛所印可。豈若仁者有待之坐乎。時我世尊聞是語默然而止。不能加報。譬曰。理出意外。莫知所對也。故我不任詣彼問疾。佛告大目犍連。什曰。目連婆羅門姓也。名目俱律陀。拘律陀樹神名也。以求神得故因以爲名。生便有。大智慧故名。大目犍連神足第一者也。譬曰。目連弟子中神足第一。出婆羅門種。姓目犍連。字拘律陀也。

汝行詣維摩詰問疾。生曰。夫人才有長短。所能不同。舍利弗自可。不能餘何必然。故不抑之而不告也。復得因以廣維摩詰之美也。目連白佛言。世尊我不堪任詣彼問疾。所以者何。憶念我昔入毘耶離大城於里巷中爲諸居

士說法。什曰。居士智慧利根。應直問實相。而目連未親人根。依常說法。先以施戒七事發悟居士。居士聞施戒生天受福。則起衆生想。起衆生想已則於諸法妄生衆相。故建章明。無衆生後破衆相。乃可以返其所迷。應其本誠也。譬曰。經不載其所說。依後呵意。當是說有爲善法施戒之流也。

時維摩詰來謂我言。唯大目連爲白衣居士。說法不當如仁者所說。譬曰。淨名觀諸居士。應聞空義。而目連不善觀人根。導以有法。故致呵也。生曰。說法本欲引使貴法。非除法也。彼既貴之。便封著而樂小。樂小者專欲離病。然達其大本。封著者則乖於法理。乖違誠出彼情。而說法者可致聞根之嫌。又有不如法說之迹。白衣非取道之操。幸可不說捨俗之理。以傷其本也。居士以貪著爲懷。不可使見法可貴。以移其著也。故云爲白衣居士。說法不當如仁者之所說也。

夫說法者當如法說。譬曰。法謂一相真實法也。法義自備之後。文法無衆生離衆生垢故。什曰。衆生垢即二十身見也。妄見取相。而法竟無相。理乖於見。故言離也。章始終以二義明。畢竟空。一言離相。二言離見。因惑者謂言有相。故以離相明無相也。邪者雖起妄見。而法法中無見。故以離見明無彼妄見所見相也。自此以下凡言無名無說離識離觀。類

①偏一偏 ②下句二句下 ③若二荷 ④外十有 ⑤焉二矣 ⑥動是二動 ⑦諸二安 ⑧品一 ⑨之十也 ⑩是十爲 ⑪性二住 ⑫則十復 ⑬之二也 ⑭若二日 ⑮聞十說 ⑯俱二拘 ⑰者一 ⑱目十 ⑲也二焉 ⑳戒十友 ㉑超二反 ㉒本十意 ㉓非除二除非 ㉔法一

如離見也。肇曰。自此以下辯真法義也。夫存衆生則垢真法。若悟法無衆生。則其垢自離。衆生自我習著偏重。故先明其無生。

曰。自此以下大論法理也。法有二種。衆生空法空。衆生空法空理誠不殊。然於惑者取悟事有難易。故分之也。衆生以總會成體。不實之意居然可領。故易也。法以獨立近實之趣多。故難也。今先明衆生空也。

法無衆生者。以無衆生爲法也。離衆生垢故者釋之也。言衆生自出著者之情。非理之然也。情不從理。謂之垢也。若得見理垢情必盡。以離垢驗之。知無衆生也。衆生者衆事會而生。以名宰一之主也。

法無有我離我垢故。生曰。我者自在。主爾。法無壽命離生死故。肇曰。生死命之。始終耳。始終既離。則壽命斯無。諸言離者皆空之別名也。生曰。存世曰命。百年爲壽。亦以名有壽命者矣。壽命是宿行之報。生死之法。夫有壽命之垢。則有生死之累。於累既離。以驗無壽命者。乃論明也。不言壽命而言生死者。壽命是人情所愛。若聞離之。必不能樂。生死是人情所惡。若聞離此。必欣故也。

法無有人前後際斷故。肇曰。天生萬物。以人爲貴。始終不改。謂之人。故外道以人名神。謂始終不變。若法前後際斷。則新新不同。新新不同。則無不變之者。無不變之者。則無復人矣。生曰。人者有靈於土木之

稱。是往來生死者也。往來固無窮矣。斷則愈可樂也。法常寂然滅諸相故。肇曰。夫有相則異端形。異端既形。則是非生。是非既生。安得寂然。諸相既滅。則無不寂然。生曰。上四句衆生空也。此下二十六句法空也。寂然者寂靜無事之義也。相者事之貌也。衆生易了。著之爲惑重故。以其垢於內明之。法難悟。著之爲惑輕故。以其惑於外顯之。

法離於相無所緣故。肇曰。緣心緣也。相心之影響也。夫有緣故。有相。無緣則無相也。法無名字言語斷故。肇曰。名生於言。言斷誰名。法無有說離覺觀故。肇曰。覺觀。心言語之本。眞法無相。故覺觀自離。覺觀既離。則無復言說。二禪以上。以無覺觀故。故稱聖賢默然也。

法無形相如虛空故。肇曰。萬法萬形。萬形萬相。法無戲論。畢竟空故。肇曰。眞境無言。凡有言論。皆是虛戲。妙絕言境。畢竟空也。法無我所離我所故。肇曰。上直明無我。此明無我所。自我之外。一切諸法皆名。我所。法無分別離諸識故。肇曰。分別生。于識也。法無有比無相待故。肇曰。諸法相待。生猶長短比而形也。

法不屬因不在緣故。什曰。力強爲因。力弱爲緣。肇曰。前後相生。因也。現相助成。緣也。諸法要因緣相假。然後成立。若觀法不在

緣。則法不屬因也。生曰。因謂先無其事而從彼生也。緣謂素有其分而從彼起也。因本以生爲義。今也不能不生。豈曰能生哉。是則因不成。因矣。因近故難曉。緣遠故易了。今以所易釋所難。則易也。因親故言屬。緣疎故言在也。

法同法性入諸法故。肇曰。如法性眞際。此三空同一實耳。但用觀有深淺。故別立三名。始見法實。如遠見樹。知定是樹。名爲如見。法轉深。如近見樹。知見是何木。名爲法性。窮盡法實。如盡知樹根莖枝葉之數。名爲實際。此三未始非樹。因見爲異耳。所說眞法。同此三空也。入諸法者。諸法殊相。誰能遍入。遍入諸法者。其唯法性乎。生曰。法性者。法之本分也。夫緣有者是假有也。假有者。則非性有也。有既非性。此乃是其本分矣。然則法與法性。理一而名異。故言同也。性宜同。故以同言之也。諸法皆異。而法入之。則一統衆矣。統衆以一。所以同法性者也。

法隨於如無所隨故。肇曰。法自無法。誰隨如者。以無所隨。故名隨。如也。生曰。如者無所不如也。若有所隨。則異矣。不得隨也。都無所隨。乃得隨耳。良以名異實因。故有隨之言也。如宜言隨。故以隨言之也。法住實際。別本云。法同。如法性實際。什曰。此三同一實也。因觀時有深淺。故有三名。始見其實。謂之如。轉深謂之性。盡其邊謂之實際。以新學爲六情所牽。心隨物

稱。是往來生死者也。往來固無窮矣。斷則愈可樂也。法常寂然滅諸相故。肇曰。夫有相則異端形。異端既形。則是非生。是非既生。安得寂然。諸相既滅。則無不寂然。生曰。上四句衆生空也。此下二十六句法空也。寂然者寂靜無事之義也。相者事之貌也。衆生易了。著之爲惑重故。以其垢於內明之。法難悟。著之爲惑輕故。以其惑於外顯之。

緣。則法不屬因也。生曰。因謂先無其事而從彼生也。緣謂素有其分而從彼起也。因本以生爲義。今也不能不生。豈曰能生哉。是則因不成。因矣。因近故難曉。緣遠故易了。今以所易釋所難。則易也。因親故言屬。緣疎故言在也。

●(以)一● ●在十(言)● ●爾十(也)● ●始終二法始● ●(者)一● ●存二在● ●(爲)一● ●果二果● ●(乃)一● ●論二● ●証十(生)● ●(然)一● ●解二諸● ●之十(也)● ●相二想● ●滿二界● ●耳二也● ●(見)一●

變觀時見同。出則見異。故明諸法同此三法。

諸邊不動故。什曰。故有無非中。於實爲邊也。言有而不有。言無而不無。雖諸邊塵起不能轉之令異。故言諸邊不動也。肇曰。有邊故有動。無邊何所動。無邊之邊謂之實際。此真法之所住也。生曰。有無諸邊不能改法。性使變則無際矣。無際之際謂之實際。其不動者是住此也。

法無動搖不依六塵故。肇曰。情依六塵故有奔逸之動。法本無依故無動搖。生曰。六塵各有主。對事相傾奪故有動搖之義也。既已動搖便成異矣。非其實也。

法無去來常不住故。肇曰。法若常住。則從未來到現在。從現在到過去。法運三世則有去來也。以法不常住故法無去來也。

法順空。生曰。若有則乖理遠矣。故空宜順也。

隨無相。生曰。空似有空相也。然空若有空則成有矣。非所以空也。故言無相耳。既順於空便應隨無相。

應無作。肇曰。同三空也。生曰。造成無相似。有有意作。意作非理故言無作也。既順空隨無相便應冥符此矣。

法離好醜法無增損法無生滅法無所歸法過眼耳鼻舌身心。肇曰。超出常境。非六情之所及。

法無高下法常住不動。肇曰。真法常住。賢

聖不能移也。

法離一切觀行。肇曰。法本無相。非觀行之所見。見之者其唯無觀乎。

唯大目連法相如是豈可說乎。肇曰。心觀不能及豈況於言乎。

夫說法者無說無示其聽法者無聞無得。肇曰。無說豈曰不言。謂能無其所說。無聞豈曰不聽。謂能無其所聞。無其所說故終日說而未嘗說也。無其所聞故終日聞而未嘗聞也。示謂說法示人得謂聞法所得。生曰。法既如前。何有可說。此有無說彼豈有聞得乎。

譬如幻士爲幻人說法當建是意而爲說法。肇曰。當如幻人無心而說。

當了衆生根有利鈍。肇曰。居士應聞空義而目連爲說有法者。由其未了衆生根也。

善於知見無所罣礙。肇曰。說有不辯空者。由其於諸法無聞知見未悉善也。無聞知見即實相智也。

以大悲心讚于大乘。肇曰。自捨空義諸有所說皆非弘讚大乘之道。非弘讚大乘之道則非大悲之心。生曰。非達其根不作小說也。夫說大者必有讚大之辭。讚大是會其本也。會本故其人可拔。能拔然後爲大悲之懷耳。此則呵其闕根。以擊去彼樂小之情耳。

念報佛恩不斷三寶。肇曰。夫大悲所以建大乘所以報佛恩所以報三寶所以隆。皆由明了人根善開實相。而目連備闕斯事。

故以誨之。

然後說法。肇曰。若能備如土事。然後可說法也。生曰。成大乘爲繼佛種使三寶不斷則報佛恩矣。然後乃是說法也。

維摩詰說是法時八百居士發阿耨多羅三藐三菩提心我無此辯是故不任詣彼問疾佛告大迦葉。什曰。先佛出家第一頭陀者也。昔一時從山中出。形體垢膩著龜弊衣。來詣佛所。諸比丘見之起輕賤意。佛欲除諸比丘輕慢心故讚言。善來迦葉。即分床坐。迦葉辭曰。佛爲大師。我爲弟子。云何共坐。佛言。我禪定解脫智慧三昧大慈大悲教化衆生。汝亦如是。有何差別。諸比丘聞已發希有心咸興恭敬。迦葉聞是已常學佛行。慈

悲救濟苦人。有是慈悲而捨富從貧。意將何在耶。將以貧人昔不植福故致斯報。今不度者來世益甚。亦以造富有名利之嫌故。又不觀來世現受樂故。亦以富人慢恣難開化故。亦以貧人覺苦厭心易得故。從捨之生必由異見故。譏其不善誨以平等也。肇曰。迦葉弟子中苦行第一。出婆羅門種姓迦葉也。

汝行詣維摩詰問疾迦葉白佛言世尊我不堪任詣彼問疾所以者何憶念我昔於貧里而行乞。生曰。大迦葉少欲行頭陀中第一也。得滅盡三昧亦最勝。凡得滅盡定者能爲人作現世福田也。其自以幸能使入得現世報。而貧有交切之苦。故以大悲欲拔之也。乞食是頭陀之業。又至貧里有舍少欲

●異十(因其見異)●●法十(也)●●(性)一●●相十(也)●●有二若●●及十(也)●●住實要二定要實●●于二乎●●非二若●●之十(也)●●[法]一●●[起]一●●

之迹

時維摩詰來謂我言唯大迦葉有慈悲心而不能普捨豪富從貧乞 肇曰。迦葉以貧人昔不植福。故生貧里。若今不積善後復彌甚。感其長苦。多就乞食。淨名以其捨富從貧故。譏迦葉不普也。生曰。從貧乞本以悲為主。故先呵其悲偏也。夫貧苦爲切既交。自應在先。何偏之有哉。於不達者爲偏耳。故得寄之以爲呵也 而用之有偏良在可怪也。言夫大慈以普爲主

迦葉住平等法應次行乞食 肇曰。生死輪轉貴賤無常。或今貧後富。或今富後貧。大而觀之。苦樂不異。是以凡住平等之爲法。應次行乞。不宜去富從貧也。生曰。既以悲乞。乞又偏矣。故次呵其乞偏也。乞食有四事。以次行爲一也。次行爲法不越次之謂也。不越次者從等來也。今別詣貧里。雖不違其事。以傷其意也。住平等者。出家本求泥洹。泥洹爲等則住之矣。苟住等法。理無偏情。故言應次行乞食也。

爲不食故應行乞食 什曰。即食之實相應。以此心乞食也。肇曰。不食即涅槃法也。涅槃無生死寒暑飢渴之患。其道平等。豈容分別。應以此等心而行乞食。使因果不殊也。生曰。以乞爲二也。在家以生須食。故有資生之業。其業既繁。爲惡滋多。業繁惡多則生死愈有。是謂以食長食也。將欲絕食者不得不出家捨生業也。既捨生業。是無復資生之具。不得不乞食以存命行道。

故言爲不食故應乞食也。不食是平等之法。而今有偏又違之也

爲壞和合相故應取揣食 什曰。和合相即揣食。食有四種。一曰揣食。二曰願食。如見沙囊命不絕。是願食也。三曰業食。如地獄不食而活。由其罪業應久受苦痛也。四曰識食。無色衆生識想相續也。壞和合相即是實相。令其以是心行乞也。肇曰。五陰揣食俱和合相耳。壞五陰和合名爲涅槃。應以此心而取揣食也。若然則終日揣食終日涅槃。生曰。以取揣食爲三也。凡欲界食謂之揣食。揣食者揣握食也。揣是和合之物。隨義言之也。壞和合者壞五陰和合也。泥洹即是五陰壞也。

爲不受故應受彼食 肇曰。不受亦涅槃法也。夫爲涅槃而行乞者。應以無受心而受彼食。然則終日受而未嘗受也。生曰。以受爲四也。不受者不受生死也。

以空聚想入於聚落 肇曰。空聚亦涅槃相也。凡入聚落宜存此相。若然則終日聚落終日空聚也。生曰。次呵其少欲也。若見彼富此貧而捨富從貧爲少者是惡多也。惡多者是不免多矣。非所以少也。當以空聚想入於聚落勿見貧富有主。

所見色與盲等 肇曰。二乘惡厭生死怖畏六塵。故誠以等觀也。盲謂不見美惡之異。非謂閉目也。生曰。六情所欲爲多。若能無之然後免耳。所聞聲與聾等 肇曰。未有因山響而致

喜怒也

所嗅香與風等 肇曰。香臭因風。風無香臭。又取其不存也

所食味不分別 什曰。法無定性。由分別取相謂之爲味。若不分別則非味也。雖食當如本相也

受諸觸如智證 什曰。證義同於觸。觸時當如以智觸實相也。肇曰。得漏盡智無生智。自證成道。舉身柔軟快樂而不生著。身受諸觸宜若此也。生曰。梵語智證與觸音相比。故即以爲喻也。泥洹是智之所證也。知諸法如幻相無自性無他性 什曰。指會成拳故無自性。指亦如是故無他性也。肇曰。諸法如幻。從因緣生。豈自他之可得。夫有自故有他。有他故有自。無自則無他。無他亦無自也

本自不然今則無滅 什曰。迦葉自謂滅生死能爲福田。故以不然明無所滅。以遺其所謂也。肇曰。如火有然故有滅耳。法性常空本自無起。今何所滅。猶釋意所對法也。生曰。從他生故無自性也。既無自性豈有他性哉。然則本自不然。何有滅乎。故如幻

迦葉若能不捨八邪入八解脫 肇曰。八邪八解本性常一。善觀八邪即入八解。易爲捨邪更求解脫乎。若能如是者名入解脫也。生曰。然後呵其以滅盡定欲福於人爲不得也。若以定欲福於人。則是滅盡定異於八邪矣。苟有異心不能福也。若能

①顯十(德) ②(故)十多 ③主二懷 ④怪二指 ⑤次十(第) ⑥乞十(食) ⑦樂十(也) ⑧免二勉 ⑨主十(也) ⑩[深]一 ⑪如十(也) ⑫[殷]一\*

不捨八邪入八解脫者則無異矣

以邪相入正法 肇曰。若本性常一者。則邪正相入不乖其相也。生曰。向在八事。今取邪正之義也。

以一食施一切供養諸佛及眾賢聖然後可食 肇曰。因誨以無閑施法也。若能等邪正。又能以一食等心施一切眾生。供養諸佛賢聖者。乃可食入之食也。無閑施者。凡得食要先作意施一切眾生。然後自食。若得法身則能實充足一切。如後一鉢飯也。若未得法身。但作意等施。即是無閑施法也。

生曰。乞食得好而在眾食者要先分與上下坐以爲供養也。若等解脫者則能無不供養也。力既如此。然後必能福彼也。

如是食者非有煩惱非離煩惱 肇曰。有煩惱食凡夫也。離煩惱食二乘也。若能如上不平等而食者。則是法身之食。非有煩惱而食。非離煩惱而食也。生曰。既受食食之便應著味生煩惱也。以既解脫心而食者。則不生煩惱。故言非有煩惱也。既無煩惱又不見離之矣。

非入定意非起定意 肇曰。小乘入定則不食。食則不入定。法身大士終日食而終日定。故無出入之名也。生曰。比丘食法食時作不淨觀觀食也。雖入此定不見入也。不見入爲非入耳。非起定也。

非住世間非住涅槃 肇曰。欲言住世間。法身絕常俗。欲言住涅槃。現食同入欲。生曰。食既充驅則命存住世也。既得存命行

道以取泥洹。故不兩住也。其有施者。什曰。乃至不依聲聞此盡是施主所得矣。

無大福無小福不爲益不爲損 肇曰。若能等心受食。則有等教。既有等教。則施主同獲平等。不計福之大小。已之損益也。生曰。施平等。人應得平等報。故施主亦不見有大小福也。

是爲正入佛道不依聲聞 肇曰。平等乞食自利利人。故正入佛道。不依聲聞道也。生曰。得平等報者。必不偏局爲小乘也。

迦葉若如是食爲不空食人之施也 肇曰。食必有益。生曰。言必能福彼也。然則非徒拔其貧苦而已。乃所以終得大乘之果也。

時我世尊聞說是語得未曾有即於一切菩薩深起敬心復作是念斯有家名辯才智慧乃能如是其誰不發阿耨多羅三藐三菩提心 肇曰。時謂在家大士智辯尚爾其誰不發無上心也。

我從是來不復勸人以聲聞辟支佛行 肇曰。始知二乘之劣。不復以勸人也。

是故不任詣彼問疾 注維摩詰經卷第二

注維摩詰經卷第二

注維摩詰經卷第二

注維摩詰經卷第二

注維摩詰經卷第二

注維摩詰經卷第二

注維摩詰經卷第二

注維摩詰經卷第二

善業所以造居士乃致失者。有以而往亦有由而失。請以喻明之。譬善射之人發無遺物。雖輕翼迅逝不能翔其舍。猶維摩詰辯慧深入言不失會。故五百應真莫敢闕其門。善業自謂智能深入辯足應時。故直造不疑。此往之意也。然當其入觀則心順法相。及其出定則情隨事轉。致失招屈良由此也。維摩以善業自謂深入而乖於平等。故此章言切而旨深者也。諸聲聞體非兼備則各有偏能。因其偏能謂之第一。故五百弟子皆稱第一也。又上四聲聞復有偏德。有供養者能與現世報。故獨名四大聲聞。餘人無此德。故稱第一而不名大也。肇曰。須菩提善言善言。弟子中解空第一也。

汝行詣維摩詰問疾須菩提白佛言世尊我不堪任詣彼問疾所以者何憶念我昔入其舍從乞食 生曰。須菩提得無諍三昧人中第一也。無諍三昧者。解空無致論處爲無諍也。維摩詰機辯難當。鮮有敢闕其門者。而須菩提既有此定。又獨能詣之。迹入特定矣。便有特定之迹。而致詰者。豈不有爲然乎。

時維摩詰取我鉢盛滿飯 生曰。維摩詰在居士有憐惜之嫌。若未與食便詰之者。物或謂之然矣。故先取鉢盛滿飯而不授之者。恐須菩提得鉢便去不盡言論也。

謂我言唯須菩提若能於食等者諸法亦等 生曰。苟特定而來者。於定爲不等矣。即

者十(是) 註(詰) 一(定) 二(之) 三(釋) 十(聲) 下(同) 四(也) 一(也) 二(竺) 十(生) 下(同) 三(諸) 十(迹) 四(也) 二(勢) 矣

者十(是) 註(詰) 一(定) 二(之) 三(釋) 十(聲) 下(同) 四(也) 一(也) 二(竺) 十(生) 下(同) 三(諸) 十(迹) 四(也) 二(勢) 矣

者十(是) 註(詰) 一(定) 二(之) 三(釋) 十(聲) 下(同) 四(也) 一(也) 二(竺) 十(生) 下(同) 三(諸) 十(迹) 四(也) 二(勢) 矣

者十(是) 註(詰) 一(定) 二(之) 三(釋) 十(聲) 下(同) 四(也) 一(也) 二(竺) 十(生) 下(同) 三(諸) 十(迹) 四(也) 二(勢) 矣

者十(是) 註(詰) 一(定) 二(之) 三(釋) 十(聲) 下(同) 四(也) 一(也) 二(竺) 十(生) 下(同) 三(諸) 十(迹) 四(也) 二(勢) 矣

者十(是) 註(詰) 一(定) 二(之) 三(釋) 十(聲) 下(同) 四(也) 一(也) 二(竺) 十(生) 下(同) 三(諸) 十(迹) 四(也) 二(勢) 矣

者十(是) 註(詰) 一(定) 二(之) 三(釋) 十(聲) 下(同) 四(也) 一(也) 二(竺) 十(生) 下(同) 三(諸) 十(迹) 四(也) 二(勢) 矣

者十(是) 註(詰) 一(定) 二(之) 三(釋) 十(聲) 下(同) 四(也) 一(也) 二(竺) 十(生) 下(同) 三(諸) 十(迹) 四(也) 二(勢) 矣

者十(是) 註(詰) 一(定) 二(之) 三(釋) 十(聲) 下(同) 四(也) 一(也) 二(竺) 十(生) 下(同) 三(諸) 十(迹) 四(也) 二(勢) 矣

者十(是) 註(詰) 一(定) 二(之) 三(釋) 十(聲) 下(同) 四(也) 一(也) 二(竺) 十(生) 下(同) 三(諸) 十(迹) 四(也) 二(勢) 矣

者十(是) 註(詰) 一(定) 二(之) 三(釋) 十(聲) 下(同) 四(也) 一(也) 二(竺) 十(生) 下(同) 三(諸) 十(迹) 四(也) 二(勢) 矣

以食詰之者。明於食亦不等也。不等於食。豈等定哉。是都無所等也。既無所等。何有等定而可待乎。

諸法等者於食亦等。生曰。更申前語也。食事雖。施其理自妙。要當於諸法得等。然後可等之矣。

如是行乞。乃可取食。肇曰。須菩提以長者豪富。自恣多懷。貪吝不慮。無常。今雖快意。後必貧苦。懲其迷惑。故多就乞食。次入淨名舍。其即取鉢盛飯。未授之間。饒其不。等也。言萬法同相。準一可知。若於食等諸法亦等。諸法等者於食亦等。以此行乞。乃可取食耳。曷為捨貧從富。自生異想乎。生曰。用心如此。乃可待。以取我食也。意云。不爾勿取之也。

若須菩提不斷姪怒癡。亦不與俱。什曰。得其真性。則有而無。有而無。則無所斷。亦無所有。故能不斷而不俱也。肇曰。斷姪怒癡聲聞也。姪怒癡俱凡夫也。大士觀姪怒癡。即是涅槃。故不斷。不俱。若能如是者。乃可取食也。生曰。須菩提是斷姪怒癡人。原其侍定。必以斷為不俱。故復就而詰之也。就詰之意。轉使切也。若以斷為不俱者。非唯無有等定。於姪怒癡亦不斷矣。不壞於身而隨一相。什曰。身即一相。不待壞而隨也。肇曰。萬物齊旨。是非同。觀一相也。然則身即一相。豈待壞身滅體然後謂之一相乎。身五陰身也。生曰。斷姪怒癡者。則身壞泥洹也。泥洹無復無量身相。為一

相矣。不壞於身。事似乖之。故云隨也。

不滅癡愛起於明脫。肇曰。聲聞以癡瞋智故。癡滅而明。以愛繫心。故愛解而脫。大士觀癡愛真相。即是明脫。故不滅癡愛而起明脫。生曰。身本從癡愛而有。故復次言之也。不復為癡所覆。復為明也。不復為愛所縛。為脫也。

以五逆相而得解脫。亦不解不縛。肇曰。五逆真相。即是解脫。豈有縛解之異耶。五逆罪之尤者。解脫道之勝者。若能即五逆相而得解脫者。乃可取人之食也。生曰。既言於縛得脫。而五逆為縛之極。故復以之為言也。斯則解為不解。縛為不縛。

不見四諦。非不見諦。肇曰。真見諦者。非如有心之見。非如無心之不見也。

非得果。生曰。於縛得解。是見諦之功。復反之也。非不見諦。是得果矣。故即翻之也。

非凡夫非離凡夫法。肇曰。果諸道果也。不見四諦。故非得果。非不見諦。故非凡夫。雖非凡夫。而不離凡夫法。此乃平等之道也。生曰。見諦在人。故復論之也。

非聖人非不聖人。肇曰。不離凡夫法。非聖人也。道過三界。非不聖人也。

雖成就一切法。而離諸法相。肇曰。不捨惡法。而從善。則一切諸法。于何不成。諸法雖成。而離其相。以離其相。故則美惡斯成矣。

生曰。人必成就於法。故復極其勢也。乃可取食。肇曰。若能備如上說。乃可取

食

若須菩提不見佛。不聞法。肇曰。猶誨以平等也。夫若能齊。是非一好醜者。雖復上同如來。不以為尊。下等六師。不以為卑。何則。天地一指。萬物一觀。邪正雖殊。其性不二。豈有如來獨尊。而六師獨卑乎。若能同彼六師。不見佛。不聞法。因其出家。隨其所隨。而不以為異者。乃可取食也。此蓋窮理盡性。極無方之說也。善惡反論。而不違其常。邪正同辯。而不喪其真。斯可謂平等正化。莫二之道乎。生曰。此一階使言。反而理順也。苟體空內明。不以言反惑意矣。

須菩提見佛。聞法者。而言不見佛。不聞法。言正反也。若以無佛可見。為不見佛。無法可聞。為不聞法。則順理矣。

彼外道六師。富蘭那迦葉。什曰。迦葉母姓也。富蘭那字也。其人起邪見。謂一切法無所有。如虛空不生滅也。肇曰。姓迦葉字富蘭那。其人起邪見。謂一切法斷滅性空。無君臣父子忠孝之道也。

末伽梨拘除梨子。什曰。末伽梨字也。拘除梨是其母也。其人起見。見云。眾生罪垢。無因無緣也。肇曰。末伽梨字也。拘除梨其母名也。其人起見。謂眾生苦樂。不因行得。自然耳也。

刪闍夜毘羅胝子。什曰。刪闍夜字也。毘羅胝母名也。其人起見。謂要久運生死。彌歷劫數。然後自盡苦際也。肇曰。刪闍夜字也。毘羅胝其母名也。其人謂。道不須求。運生

毘羅胝其母名也。其人謂。道不須求。運生

【美】一〇 【若】一〇 【日】二言〇 【以取二取以〇 【不】一〇 【乃】一〇 【觀二實〇\* 〇癡滅二滅滅〇 〇脫十(也)〇 〇(解)十〇 〇(之為)一〇 〇果十(非不得果)〇 〇反二及〇 〇二二〇 〇(人)一〇 〇也二矣〇 〇指二旨〇 〇法十(者)〇 〇見云二邪見〇 〇耳也二爾耳〇 〇刪二射〇\* 〇(其人起見謂)一〇

死劫數苦盡自得。如轉續丸於高山。續盡自止。何假求耶。

阿耨多翅含欽婆羅。什曰。阿耨多翅含字也。欽婆羅。龜衣也。其人起見。非因計因。著龜。皮衣。及披髮。煙熏。鼻等。以諸苦行為道也。肇曰。阿耨多字也。翅含。欽婆羅。龜衣名也。其人著弊衣。自拔髮。五熱炙身。以苦行為道。謂今身併受苦。後身常樂者也。

迦羅鳩駄迦旃延。什曰。外道字也。其人應物起見。若人問言。有耶。答言。有。問言。無耶。答言。無也。肇曰。姓迦旃延。字迦羅鳩駄。其人謂諸法亦有相亦無。相。

尼毘陀若提子等。什曰。尼毘字也。陀若提母名也。其人起見。謂罪福苦樂盡由前世。要當必償。今雖行道。不能中斷。此六師盡起邪見。裸形苦行。自稱一切智。大同而小異耳。凡有三種六師。合十八部。第一自稱一切智。第二得五通。第三師四章陀經。上說六師是第一部也。肇曰。尼毘陀其出家總名也。如佛法出家名沙門。若提母名也。其人謂罪福苦樂本自有定因。要當必受。非行道所能斷也。六師佛未出世時皆道王天竺也。

是汝之師。因其出家。生曰。既不見佛聞法。是受道於邪見之師。因其得為邪出家也。順在六師之理。是悟之所。由為師。又從以成。出家道也。

彼師所隨。汝亦隨。乃可取食。肇曰。生隨邪見。死隨惡道。生曰。既以師彼。彼隨三惡

道。不得不隨其墮也。順在若師。六師理。為出家者。雖三惡道而不乖墮也。別本云。不見佛。乃至隨六師所墮。什曰。因其見異。故誨令等觀也。若能不見佛。勝於六師。從其出家。與之為一。不壞異相者。乃可取食也。

若須善提入諸邪見。不到彼岸。什曰。此以下明其未應平等。則未出眾累。故言入邪見。住八難。同煩惱具。此眾惡乖。彼眾善。下句盡是其所不得也。肇曰。彼岸實相岸也。惑者以邪見為邪。彼岸為正。故捨此邪見。適彼岸耳。邪見彼岸。本性不殊。易為捨邪。而欣彼岸乎。是以入諸邪見。不入彼岸者。乃可取食也。自六師以下。至乎不得滅度。類生逆談。以成大順。庶通心。君子有以標其玄旨。而遺其所是也。生曰。師邪見師。則入諸邪見矣。到於彼岸。本由正見。入邪見者。則不到也。順在解。邪見理。為入也。既入其理。即為彼岸。無復彼岸之可。

到。住於八難。不得無難。肇曰。夫見難為難者。必捨難而求無難也。若能不以難為難。故能住於難。不以無難為無難。故不得於無難也。生曰。既入邪見。便生八難。不得無難處也。順在已解。邪見。便得住八難。理中無復無難之可得也。

同於煩惱。離清淨法。肇曰。夫能悟。惱非惱。則雖惱而淨。若以淨為淨。則雖淨而惱。是以同惱而離淨者。乃所以常淨也。生曰。入

邪見在八難生者。便無結不起。為煩惱所牽。不能得自異之也。愈遠清淨法矣。順在既住八難。理中心與煩惱。理冥即之。為淨無復淨之不可離也。

汝得無淨三昧。什曰。無淨有二。一以三昧力。將護眾生。令不起淨心。二隨順法性。無違無淨。善業常自謂深達空法。無所達淨。今不順平等。而云無淨者。則與眾生無差也。

一切眾生亦得是定。肇曰。善吉之與眾。生性常自一。易為善吉。獨得而群生不得乎。此明性本不偏也。善吉於五百弟子中。解空第一。常善順法。相無違無淨。內既無淨。外亦善順。群心令無淨。訟得此定名。無淨三昧也。生曰。上詰其特定不等。是言其不得定也。意雖在此。而未指斥。是以終就其事。以貶之焉。須善提若得此定。眾生無有不得之者也。順在彼之不得。亦是此得也。則無異矣。

其施汝者。不名福田。肇曰。我受彼施。令彼獲大福。故名福田耳。猶大觀之。彼我不異。誰為福者。誰為田者。

供養汝者。墮三惡道。肇曰。五逆之損。供養之益。大觀正齊。未覺其異。若五逆而可墮。供養亦墮也。生曰。報應影響。若合符契。苟施邪見之人。則致邪見之報。而墮在三惡道也。報以邪見者。言無福田也。既無福田。何有可名哉。順在終獲正見。則解無有福田。可名得出三惡道。而不異墮也。

●耶二也● ●計二見● ●皮二難● ●相十也● ●陀一● ●上十所● ●師十部● ●自一● ●乃可取食一● ●難二難● ●乃可取食釋肇曰若能同彼六師而十不● ●欣二新● ●到十也● ●難十者● ●矣二也● ●無二不● ●來二群● ●福二種● ●名十反●

爲與衆魔共一手作諸勞侶 肇曰。衆魔四魔也。共爲。□魔勞之黨侶也。生曰。施能造果謂之爲業。若於衆生邪致受三界報者。爲勞。苦衆生也。斯則邪見與業爲侶。然後得之三界報矣。而此業成勞乃與魔所作同。故云共一手。順在既得正見不異於魔所作勞侶也。

汝與衆魔及諸塵勞等無有異 肇曰。既爲其侶。安得有異。夫以無異故能成其異也。生曰。若受施而使施主得邪見報者。是害其慧命爲內外魔也。順在令彼獲等則生其惠心。必不見與害者殊也。

於一切衆生而有怨心 生曰。害其慧命爲魔者。怨之甚者也。順在起彼惠心。是親友之義而不見異於怨也。

謗諸佛毀於法 肇曰。怨親之心毀譽之意美惡一致。孰云其異。苟曰不異亦何爲不同焉。

不入衆數終不得滅度 生曰。爲害之由由乎謗佛毀法。斯人則爲不入四衆數矣。順在親友之義以歎佛譽法爲體亦不異謗。故云謗也。

汝若如是乃可取食 什曰。汝若自知有過如是之深者。乃可取食也。肇曰。犯重罪者不得入賢聖衆數。終不得滅度。若能備如上惡乃可取食也。何者夫捨惡從善人之常情耳。然則是非運心猶未免于累。是以等觀者以存善爲患。故捨善以求宗。以捨惡爲累。故即惡而反本。然則即惡有忘

累之功。捨善有無染之動。故知同善未爲得同。惡未爲失。淨名言意似在此乎。時我世尊聞此。忙然不識是何言。生曰。若以語言之。我則不然。就意而取。已所不及。故竟不識是何言。

不知以何答便置鉢欲出其舍 肇曰。淨名言逆而理順。善言似未思其言。故不識。是何說便捨鉢而欲出也。生曰。進退無據。故不知。以何答。則有屈矣。向言若爾乃可取食。不爾故不取也。有屈便應輸鉢。故置之欲出。

維摩詰言唯須善提取鉢勿懼 生曰。懼無答而置鉢。即復著言相矣。欲解此滯。使得取鉢。故先言取鉢勿懼也。

於意云何如來所作化人若以是事詰寧有懼不 肇曰。淨名欲令善言弘平等之道。無心以聽美惡斯順。而善言本不思其言迷其所說。故復引喻以明也。生曰。言乃至如所作化亦不能有心於所詰也。

我言不也維摩詰言一切諸法如幻化相汝今不應有所懼也 肇曰。若於弟子中解空第一。既知化之無心。亦知法之如化。以此而聽易爲而懼。生曰。化既無懼。諸法如化亦不得生懼也。

所以者何一切言說不離是相 肇曰。是相即幻相也。言說如化聽亦如化。以化聽化。豈容有懼。生曰。所以言諸法如幻便應無懼者。以諸法如幻言說亦然故也。言說苟曰如幻。如何以言致懼耶。

至於智者不著文字故無所懼何以故故文字性離 肇曰。夫文字之作生於惑取。法無可取則文相自離。虛妄假名。智者不著。

無有文字是則解脫 肇曰。解脫謂無爲真解脫也。夫名生於不足。足則無名。故無有文字是真解脫。生曰。不復縛在文字故言解脫也。

解脫相者則諸法也 肇曰。名生於法。法生於名。名既解脫故諸法同解也。生曰。向以諸法如幻明無文字。文字既解還復悟解在諸法也。

維摩詰說是法時二百天子得法眼淨故我不任詣彼問疾佛告富樓那彌多羅尼子。什曰。富樓那秦言滿也。彌多羅尼秦言善知識。善知識是其母名也。其人於法師中第一善說。阿毘曇論也。肇曰。富樓那字也。秦言滿。彌多羅尼母名也。秦言善知識。通母名爲字。弟子中辨才第一也。

汝行詣維摩詰問疾富樓那白佛言世尊我不堪任詣彼問疾所以者何憶念我昔於大林中在一樹下爲諸新學比丘說法。什曰。近毘耶離有園林。林中有水。水名繡猴池。園林中有僧房。是毘耶離三精舍之一也。富樓那於中爲新學說法也。

時維摩詰來謂我言唯富樓那先當入定觀此人心然後說法。肇曰。大乘自法身以上得無礙真心。心智慧寂然未嘗不定。以心常定故能萬事普照。不假推求。然後知也。小乘心有有限礙。又不能常定。凡所觀察在定則見

○口=諸 ○魔 ○若=若 ○焉=也 ○乎=也 ○此十(語) ○言十(也) ○以何=何以 ○於=若 ○亦=才 ○幻十(化) ○化=如 ○耶=者 ○何=所 ○故=者何 ○著十(也) ○悟=悟 ○(論)= ○通=隨 ○普=並 ○



出定不見。且聲聞定力深者見衆生根極八萬劫耳。定力淺者身數而已。大士所見見及無窮。此新學比丘根在大乘。應聞大道而爲說。小法故誨其入定也。

無以穢食置於寶器。肇曰。穢食充飢小乘法也。盛無上寶大乘器也。

當知是比丘心之所念無以琉璃同彼水精。肇曰。當識其心念之根本。無令眞僞不辨也。

汝不能知衆生根源無得發起以小乘法彼自無瘡勿傷之也。肇曰。彼大乘之體自無瘡。無以小乘之刺損傷之也。

欲行大道莫示小徑無以大海內於牛跡。肇曰。大物當置之。大處。易爲迴龍象於兔徑。注大海於牛跡乎。

無以日光等彼螢火。肇曰。明昧之殊其喻如此。而欲等之者何耶。

富樓那此比丘久發大乘心中忘此意。肇曰。未得無生心皆有退忘也。

如何以小乘法而教導之我觀小乘智慧微淺猶如盲人不能分別一切衆生根之利鈍時維摩詰即入三昧令此比丘自識宿命會於五百佛所殖衆德本迴向阿耨多羅三藐三菩提。

肇曰。淨名將開其宿心成其本意。故以定力令諸比丘暫識宿命。自知會於五百佛所殖衆德本。會以迴此功德向無上道。此其本也。

即時豁然還得本心於是諸比丘稽首禮維摩詰足時維摩詰因爲說法於阿耨多羅三藐三

菩提不復退轉我念聲聞不觀人根不應說法是故不任詣彼問疾佛告摩訶迦旃延。什曰。南天竺婆羅門姓也。善解契經者也。肇曰。迦旃延南天竺婆羅門姓也。卽以本姓爲名弟子中解義第一也。

汝行詣維摩詰問疾迦旃延白佛言世尊我不堪任詣彼問疾所以者何。憶念昔者佛爲諸比丘略說法要。什曰。法要謂一切法略說有二種。有爲無爲也。迦旃延於後演有爲則四非常。無爲則寂滅義也。肇曰。如來常略說。有爲法無常苦空無我。無爲法寂滅不動。此二言總一切法盡故言略。生曰。爲悟所津。若出之由戶焉。

我卽於後敷演其義謂無常義苦義空義無我義寂滅義。肇曰。如來言說未嘗有心。故其所說法未嘗有相。迦旃延不論玄旨。故於入室之後皆以相說也。何則如來去常故說無常。非謂是無常。去樂故言苦。非謂是苦。去實故言空。非謂是空。去我故言無我。非謂是無我。去相故言寂滅。非謂是寂滅。此五者可謂無言之教無相之談。而迦旃延造極不同。聽隨心異。聞無常則取其流動。至聞寂滅亦取其滅相。此言同旨異。迦旃延所以致惑也。生曰。迦旃延是分別佛語中第一也。佛既略說於前。迦旃延乃敷述於後也。存旨而不在辭。故曰演其義也。

時維摩詰來謂我言唯迦旃延無以生滅心行說實相法。什曰。若無生滅則無行處。無

行處乃至實相也。因其以生滅爲實故譏言無以生滅說實相法。通非下五句也。肇曰。心者何也。惑相所生。行者何也。造用之名。夫有形必有影。有相必有心。無形故無影。無相故無心。然則心隨事轉行因用起。見法生滅故心有生滅。悟法無生。則心無生滅。迦旃延聞無常義。謂法有生滅之相。法有生滅之相。故影響其心同生滅也。夫實相幽深妙絕常境。非有心之所知。非辨者之能言。如何以生滅心行而欲說乎。生曰。佛既稱迦旃延爲善分別義。豈應有謬哉。於封其言者論之故有闕耳。夫佛與迦旃延所明是同。至於不達取之亦不得。不異。而佛無致譏之義。迦旃延有受詰之事。其故何耶。佛以窮理爲主。言必在通。迦旃延未能造極。容有乖旨。故可寄之以貶諸闕焉。無常者變至滅也。苦者失所愛也。空者非已有也。無我者莫主之也。寂滅者無此四也。然則四爲可惡之法。無之是可樂理也。原夫五本爲言以表理之實也。而謂盡於生滅之境者心所行耳。諸比丘行心所行故不解脫。超悟其旨然後是也。

迦旃延諸法畢竟不生不滅是無常義。什曰。凡說空則先說無常。無常則空之初門。初門則謂之無常。畢竟則謂之空。旨趣雖同而以精麁爲淺深者也。何以言之。說無常則云念念不住。不住則以有繫住。雖去其久住而未明無住。是龜無常耳。未造其

一七七五 注維摩詰經卷第三

說實相法。什曰。若無生滅則無行處。無

其久住而未明無住。是龜無常耳。未造其

○沈二尤○ ○注二內○ ○者十(是)○ ○導二道○ ○以二已○ ○(即)一○ ○(憶)一○ ○(乃)十至○ ○也二矣○\* ○[延]一○ ○至二之○ ○[相]一○ ○[法]一○ ○生十(滅)○ ○[不]一○ ○已十(所)○ ○念不住二不住念○

極也。今此一念若令繫住則後亦應住。若今住後住則始終無變。始終無變據事則不然。以住時不住所以之滅。住即不住乃真無常也。本以住爲有。今無住則無有。無有則畢竟空。畢竟空即無常之妙旨也。故曰畢竟空是無常義。迦旃延未盡而謂之極者。故自招妄計之譏也。肇曰。此辯如來略說之本意也。小乘觀法生滅爲無常義。大乘以不生不滅爲無常義。無常名同而幽致超絕其道虛微。固非常情之所測。妙得其旨者淨名其人也。生曰。夫言無常者據事滅驗之也。終苟有滅始無然乎。始若果然則生非定矣。生不定生滅孰定哉。生滅既已不定。真體復何所在。推無在之爲理。是諸法之實也。實以不生不滅爲義。豈非無常之所存耶。然則無常雖明常之爲無。亦所以表無無常也。畢竟者不得不然也。

五受陰洞達空無所起是苦義。什曰。無常壞法所以苦也。若無常能則壞之亦能。壞之亦能則非苦之極也。今妙無常則無法不壞。無法不壞則法不可壞苦之甚也。法不可得空之至也。自無而觀則不壞不苦。自有而之散苦義所以生也。肇曰。有漏五陰。愛染生死名受陰也。小乘以受陰起則衆苦生爲苦義。大乘通達受陰內外常空本自無起誰生苦者此真苦義也。生曰。夫苦之爲事會所成也。會所成者豈得有哉。是以言五受陰空是苦義也。五受陰苦之宗也。無常推生及滅事不在一。又通在有漏無

漏故言諸法苦即體是無義起於內。又得無漏者不以失受致苦。故唯受陰而已也。洞達者無常以據終驗之云畢竟耳。若以空爲其體故洞達也。無所起者無常明無本之變理在於生。苦言假會之法。所以配其起也。諸法究竟無所有是空義。什曰。本言空欲以遣有。非有去而存空。若有去存空非空之謂也。二法俱盡乃空義也。肇曰。小乘觀法緣起內無真主爲空義。雖能觀空而於空未能都泯。故不究竟。大乘在有不有。在空不空。理無不極。所以究竟空義也。生曰。惑者皆以諸法爲我之有也。理既爲苦則事不從己。己苟不從則非我所保。保之非我彼必非有也。有是有矣。而曰非有。無則無也。豈可有哉。此爲無有無無究竟都盡。乃所以是空之義也。

於我無我而不二。是無我義。什曰。若去我而有無我。猶未免於我也。何以知之。凡言我即主也。經云有二十二根。二十二根亦即二十二主也。雖云無真宰而有事用之主。是猶廢主而立主也。故於我無我而不二乃無我耳。肇曰。小乘以封我爲累。故尊於無我。無我既尊則於我爲二。大乘是非齊旨。二者不殊爲無我義也。生曰。理既非從我爲空。豈有我能制之哉。則無我矣。無我本無生死中我。非不有佛性我也。法本不然。今則無滅是寂滅義。什曰。明泥洹義也。由生死然盡故有滅。生死即不然

無泥洹滅。泥洹滅真寂滅也。肇曰。小乘以三界熾然故滅之以求無爲。夫熾然既形故滅名以生。大乘觀法本自不然。今何所滅。不然不滅乃真寂滅也。生曰。法既無常苦空。悟之則永盡泥洹。泥洹者不復然也。不然者事之靖也。夫終得寂滅者以其本無實然。然既不實。滅獨實乎。說是法時彼諸比丘心得解脫故我不任謂彼問疾佛告阿那律。什曰。天眼第一也。肇曰。阿那律素言如意利利種也。弟子中天眼第一。汝行詣維摩詰問疾阿那律白佛言。世尊我不堪任詣彼問疾。所以者何。憶念我昔於一處經行時有梵王名曰嚴淨與萬億梵俱放淨光明來詣我所。稽首作禮問我言。幾何阿那律天眼所見。肇曰。梵王問阿那律天眼第一故問所見遠近。

我即答言。仁者吾見此釋迦牟尼佛土三千大千世界如觀掌中菴摩勒果。肇曰。菴摩勒果形似檳榔。食之除風冷。時手執此果。故即以爲喻也。時維摩詰來謂我言。唯阿那律天眼所見爲作相耶。無作相耶。什曰。色無定相。若見色有遠近精麁。即是爲色。爲色則是邪惡顛倒之眼。故同於外道。若不爲色作相。色則無爲。無爲則不應見有遠近。而言遠見三千則進退無可。故失會於梵天。受屈於二難也。肇曰。三界報身六情諸根從結業起。名爲有作相也。法身出三界六情諸根不

①安二早②已二以③之二觀有④愛二受⑤識十(以)⑥其⑦一⑧法十(也)⑨本十(意)⑩混十(以)⑪愛二  
勉⑫亦⑬一⑭減十(無)⑮空十(無我)⑯寂滅二滅寂⑰梵十(天)⑱果⑲定二色⑳

由結業生名爲無作相。夫以有作故有所不作。以法身無作故無所不作也。

假使作相則與外道五通等。肇曰。外道修俗禪得五通。然不能出凡夫見聞之境。此有作相也。欲等之哉。

若無作相即是無爲不應有見。肇曰。若無作相即是法身無爲之相。豈容見聞近遠之言。

世尊我時默然。肇曰。欲言作相則同彼外道。欲言無作則違前見意。故不知。所答也。

彼諸梵聞其言得未曾有。卽爲作禮而問曰。世孰有真天眼者。什曰。以阿那律天眼爲色作相。非真天眼。若不作相則是真眼。未知誰有。故問言孰耶。肇曰。諸梵謂天眼正以徹視遠見爲理。而淨名致詰殊遠。本塗疑有真異。故致斯問。

維摩詰言有佛世尊得真天眼常在三昧。悉見諸佛國不以二相。什曰。言不爲色作精麁二相也。肇曰。真天眼謂如來法身無相之目也。幽隱微形巨細兼觀。萬色彌廣。有若目前。未嘗不見而未嘗有見。故無眼色之二相也。二乘在定則見。出定不見。如來未嘗不定未嘗不見。故常在三昧也。

於是嚴淨梵王及其眷屬五百梵天皆發阿耨多羅三藐三菩提心。維摩詰足已忽然不現。肇曰。其所發明成立若此。

故我不任詣彼問疾。佛告優波離。什曰。長夜營願世世常作持律。故於今持律第一。

也。肇曰。優波離秦言上首。弟子中持律第一。

汝行詣維摩詰問疾。優波離白佛言。世尊我不堪任詣彼問疾。所以者何。憶念昔者有二比丘犯律行以爲恥。生曰。犯律者必有懼罪之惑也。原其爲懷。非唯畏苦困已交耻。所爲也。

不敢問佛。什曰。以佛尊重慚愧深故。亦於衆中大恐怖故。復次將以如來明見法相。決定我罪。陷於無量。則永出清衆望絕真路也。生曰。既違聖禁。加所爲愚鄙。故不敢以斥問佛也。

來問我言唯優波離我等犯罪誠以爲耻。不敢問佛。願解疑悔得免斯咎。肇曰。愧其所犯不敢問佛。以優波離持律第一。故從問也。疑其所犯不知輕重。悔其既往。廢亂道行。故請持律解免斯咎也。生曰。違禁誠重。能改爲貴。是以許有改法也。優波離解律第一。故以問焉。疑者恐罪及己而猶有不至之異也。悔者既已懼之必自悔所爲也。

我卽爲其如法解說。肇曰。如法謂依戒律決其罪之輕重。示其悔過法也。

時維摩詰來謂我言。唯優波離無重增此二比丘罪。生曰。未知罪相猶封以致懼。既明所屬而改之。法重封懼之情愈致深也。深乎惑者罪彌重矣。

當直除滅勿擾其心。什曰。犯律之人心常戰懼。若定其罪相復加以切之。則可謂心擾而罪增也。若聞實相則心玄無寄。罪累

自消。故言當直除滅也。肇曰。二比丘既犯律行。疑悔情深。方重結其罪。則封累彌厚。封累既厚。則罪垢彌增。當直說法空令悟。罪不實。悟罪不實。則封累消除。封累消除。則罪垢斯滅矣。曷爲不察其根爲之決罪。擾亂其心。重增累乎。生曰。除罪用術。於理既迂。又應病則是其方。乖之更增其病矣。

所以者何。彼罪性不在內。不在外。不在中間。肇曰。覆釋所以直除之意也。夫罪累之生因緣所成。求其實性。不在三處。如殺因彼殺。彼殺我即內外也。自非殺。自彼亦非殺。彼我既非。豈在中間。衆緣所成。尋之悉虛也。生曰。封惑不出人耳。彼罪豈當有哉。苟能體之。不復自縛於罪也。既不復縛罪。便是出其境矣。已出罪境。者罪能得之乎。不在內者不在我心也。若在我心者不應待外也。不在外者不在彼事也。若在彼事者不應罪我也。不在中間者合我之與事也。罪爲一矣。豈得兩在哉。

如佛所說。心垢故衆生垢。心淨故衆生淨。什曰。以罪爲罪。則心自然生垢。心自然生垢。則垢能累之。垢能累之。則是罪垢衆生。不以罪爲罪。此卽淨心。心淨則是淨衆生也。生曰。引佛語爲證也。心垢者封惑之情也。衆生垢者心既有垢。罪必及之也。若能無封。則爲淨矣。其心既淨。其罪亦除也。

心亦不在內。不在外。不在中間。生曰。罪雖由心垢而致。悟之必得除也。向已明罪不在內外中間。故言心亦不在三處。

不在內外中間。故言心亦不在三處。

○我二乎○ ○言十也○ ○斯十以○ ○孰十復○ ○耶二也○ ○問十也○ ○言二常○ ○也二耳○ ○夜二存○ ○橫二廣○ ○因二因○ ○淺二淺○ ○解二義○ ○既二爾○ ○然一也○ ○淨衆生二衆生淨○ ○之○ ○由二猶○ ○處二也○

如其心然罪垢亦然。肇曰：尋知其本也。夫執本以知其末，守母以見其子，佛言衆生垢淨皆由心起。求心之本，不在三處，心既不在，罪垢可知也。

諸法亦然不出於如。肇曰：萬法云云，皆由心起。豈獨垢淨之然哉？故諸法亦然，不離於如。如謂如本相也。生曰：心既不在三處，罪垢亦然也。反覆皆不得異。諸法豈容有殊耶？則無不如也。

如優波離以心相得解脫時，寧有垢不？什曰：心相謂羅漢亦觀衆生，心實相得解脫也。今問其成道時，第九解脫道中觀實相時，寧見此中有垢不？生曰：以優波離驗之也。心相者無內外中間也，得解脫者不復縛在心也，以心相得解脫者無垢可見。

我言不也。肇曰：得解脫時謂其初成。阿羅漢第九解脫，爾時心冥一義，無復心相，欲以其心類明衆心，故先定其言也。

維摩詰言一切衆生心相無垢亦復如是。肇曰：群生心相如心解相。生曰：衆生心相無垢，理不得異，但見與不見爲殊耳。

唯優波離妄想是垢，無妄想是淨。什曰：罪本無相而橫爲生相，是爲妄想。妄想自生垢耳。非理之咎也。肇曰：優波離分別罪相，欲以除垢，罪本無相而妄生罪相，乃更增塵垢也。其言雖汎意在於是，生曰：垢實無也，在妄想中是垢耳。若無妄想垢即淨也。妄想者妄分別之想也。

顛倒是垢。生曰：見正轉也，見轉於內則妄分別外事也。

無顛倒是淨。肇曰：無罪而見罪，顛倒也。取我是垢。生曰：取我相者不能廢己從理也。既取我相，見便轉也。

不取我是淨。肇曰：見罪即存我也。優波離一切法生滅不住。什曰：此已下釋罪所以不可得也。生曰：諸法皆從妄想而有，悉如此也。

如幻如電諸法不相待，乃至一念不住。什曰：前心不待後心生，竟然後滅也。肇曰：成前無相常淨義也。諸法如電，新新不停，一起一滅，不相待也。彈指頃有六十念過，諸法乃無一念頃住。況欲久停，無住則如幻。如幻則不實，不實則爲空。空則常淨，然則物物斯淨，何有罪累於我哉？

諸法皆妄見。什曰：皆由妄見，故謂其有耳。

如夢如炎如水中月，如鏡中像，以妄想生。肇曰：上明外法不住，此明內心妄見，俱辯空義內外爲異耳。夫以見妄故所見不實，所見不實則實存子所見之外，實存子所見之外則所見不能見，見所不能見，故無相常淨也。上二喻取其速滅，此四喻取其妄想。

其知此者是名奉律。什曰：奉律當梵本云：毘尼。毘尼秦言善治，謂自治姪怒癡亦能治衆生惡也。生曰：作如此知，無復犯律之咎也。

其知此者是名善解。肇曰：若能知法如此，乃名善解。奉法律耳。不知此法而稱持律第一者何耶？令知優波離謬教意也。生曰：善解律爲理也。

於是二比丘言：上智哉！是優波離所不及持律之上而不能說。肇曰：二比丘悟罪常淨，無復疑悔，故致斯歎。

我答言：自捨如來未有聲聞及菩薩能制其樂說之辯。肇曰：內有樂說智，生則說法無窮，名樂說辯也。此辯一起，乃是補處之所歎，而況聲聞乎？

其智慧明達爲若此也。肇曰：其明達若此，吾豈能及？

時二比丘疑悔即除。什曰：有罪則憂怖自生，罪無則疑悔自滅也。

發阿耨多羅三藐三菩提心，作是願言：令一切衆生皆得是辯，故我不任諸彼問疾，佛告維摩。什曰：阿修羅食月時名羅睺羅，羅睺羅秦言覆障，謂障月明也。羅睺羅六年處母胎所覆障，故因以爲名。明聲聞法中密行第一，菩薩出家之日諸相師言：若今夜不出家，明日七寶自至，爲轉輪聖王。王四天下，王即於其夜更增伎樂以悅其心。於時菩薩欲心內發，羅睺羅即時處胎。耶輸陀羅共夜有身，於時淨居諸天相與悲而言曰：菩薩爲欲所纏，迷於女色，衆生可感，誰當度者？即時變諸妓女，皆如死人，甚可怖異。令菩薩心厭，即勸出家。車匿牽馬，四天王接足，躡蹻而去。到菩提樹下，思惟苦行六年。

足躡蹻城而去。到菩提樹下，思惟苦行六年。

● 殊二道 (●) ● 不二無 (●) ● 云云一紛紛 (●) 結結 (●) ● 罪垢二垢罪 (●) ● 生十 (心) (●) ● 不十 (也) (●) ● 解一 (●) ● 見十 (也) (●) ● 阿羅漢二羅漢得 (●) ● 解十 (脫) (●) ● 無十 (垢) (●) ● 罪即存二存罪即 (●) ● 所見二見所 (●) ● 喻二句 (●) ● 想十 (也) (●) ● 梵二胡 (●) ● 法律二律法 (●) ● 知二雖 (●) ● 明一 (●) ● 寄行第一 (●) ● 妓二伎 (●) ● 城二城 (●)

已夜成佛。時羅睺羅乃生生已佛乳母問言。悉達出家於是六年。汝今何從有身。若六年懷妊世所未聞。諸釋聞之相與議言。此是不祥。毀辱釋門。必是私竊。欲依法殺之。耶輸曰。願見大王。爾乃就死。王於是隔。慢與語。具以事詰問其所由。耶輸如實自陳。我非私竊。是太子之胤耳。自太子出家。我常愁毒。寢臥冷地。故此兒不時成就耳。語王言。自看此兒顏貌。色相為是孫子。王即抱而觀之。見其色相與太子相似。王乃流淚而言曰。真是吾孫子也。佛欲證明化作梵志。來入王宮。見兒問言。汝名何等。答言。我名羅睺羅。梵志讚言。善哉。汝以業因緣故。處胎六年。所覆障。故應名此也。王問何業因緣。答曰。我知業。因緣。不知何業。佛後還國。羅睺羅見佛身相莊嚴。敬心內發。願欲出家。其母語言。此人出家得成聖道。道非汝分。何用出家。羅睺羅言。若令一人得道。我要當得使人。剔髮。髮已垂盡。唯有頂上少許。復言。若髮都盡。則與死人無異。決定汝心。無從後悔。答言。國位。寶珍。無量妙樂。我能棄之。況惜少髮耶。道心堅固。遂棄國出家。以舍利弗為和。尚。羅睺羅因緣及出家事。以聲聞法略說也。肇曰。羅睺羅秦言覆障。六年為母胎所障。因以為名。弟子中密行第一。

汝佛之子。生曰。言其承聖之基。捨轉輪王位。什曰。轉輪王亦有不入胎者。如頂生王是也。昔轉輪王頂上生瘡。王患其痒痛。婆羅門欲以刀破之。王時怒曰。云何以刀著大王頂上耶。更有婆羅門以藥塗之。至七日。頭瘡乃壞。視瘡中見有小兒。威相端正。取而養之。後遂為王。因從頂生。故名頂生王。或有從肩臂手足等生。此皆從男女女生也。佛若不出家。則大轉輪王王四天下。羅睺羅不出家。王一閻浮提。地下十由旬。鬼神空中十由旬。鬼神皆屬羅睺羅。為其給使。羅睺羅失會。其旨有四。一不見人根。應非其藥。二出家功德無量。而說之以限。三即是實相。而以相說之。四出家法本為實相及涅槃。出家即是二方便。今雖得主得。已有其相。羅睺羅雖說出家之美。而不說其終之相。故違理喪真。受屈當時也。二人雖俱說世家功德。而羅睺羅以四失乖宗。羅摩以四得應會。其得失相反。差別若此也。生曰。羅云有轉輪王相。王閻浮提也。出家為道。生曰。意云。不應捨此而出家也。

其出家者有何等利。什曰。長者子見其毀形。施衣持鉢。救命。徒見其所棄之利。而未見其所得。自外而觀。可感之甚。戀昔悲今。冀其有利。故問其利也。肇曰。佛不出家。應為金輪王。王四天下。羅睺羅不出家。應為鐵輪王。王一天下。以其所捨不輕。所期必重。故問其利也。生曰。然捨而出家。故當必有勝事耳。竟有何等利。於此耶。我即如法為說。出家功德之利。肇曰。不善知其根。為說有為功德利也。生曰。世榮雖樂。難可久保。出家之理。長樂無為。豈可同年語其優劣。時維摩詰來謂我言。唯羅睺羅不應說出家功德之利。生曰。諸長者子。本以貪樂存榮。為懷聞之。更移其著。則乖出家利矣。於彼為不應故言爾也。所以者何。無利無功德。是為出家。肇曰。夫出家之意。妙存無為。無為之道。豈容有功德利乎。生曰。正以無利無功德。為出家理也。有為法者。可說有利有功德。生曰。貪樂是無窮法。為有為也。夫出家者。為無為法。無為法中。無利無功德。什曰。無漏道品。一切法及律儀。皆名出家法。出家法皆名無利也。若世俗法。則受生死。不絕。報利愈積。若出家法。於今雖有。終期則無。何以言之。本欲假事以息。事因有以之無。將出於功德之域。入於無利之境。無利之境。即涅槃也。今就有利而言。無利是因中說果也。肇曰。夫有無為之果。必有無為之因。因果同相。自然之道也。出家者。為無為。即無為之因也。無為無利。無功德。當知出家亦然矣。生曰。無為是表理之法。故無實功德利也。羅睺羅出家者。無彼無此。亦無中間。什曰。此即因中明涅槃相也。肇曰。偽出家者。惡

①假二說 ②假 ③羅二引 ④(子)一 ⑤[故]一 ⑥[因]一 ⑦則二利 ⑧頂二項 ⑨頭 ⑩寶珍二珍寶 ⑪尚二上 ⑫密行第一 ⑬持戒第一也 ⑭其十(也) ⑮此二生 ⑯(女)一 ⑰四(者) ⑱主二末 ⑲(其)一 ⑳摩十(請) ㉑不二末 ㉒劣十(哉) ㉓[法]一 ㉔皆二即 ㉕(者)一 ㉖即十(有)

此生死尊彼涅槃故有中間三處之異。眞出家者。這萬累亡彼此。豈有是非三處之殊哉。生曰。彼者出家也。此者我也。中間者此二法也。功德之利出於此三。三既爲無。何有功德利哉。

離六十二見 什曰。無利故離見也。

處於涅槃 什曰。出家法名爲處。言是向涅槃處也。肇曰。既無彼此。則離衆邪見。同涅槃也。上直明出家之義。自此下明出家之事。雖云其事。然是無事耳。何則。出家者以去累爲志。無爲爲心。以心無爲。故所造衆德皆無爲也。

智者所受 什曰。一切賢聖大人悉讚歎。受持出家法也。

聖所行處 什曰。衆聖履之而通也。肇曰。賢聖聞之而從。衆聖履之而通。可謂眞出家之道乎。

降伏衆魔 肇曰。衆魔四魔也。正道既夷。邪徑自塞。經曰。一人出家。魔宮皆動。

度五道 什曰。凡夫能出四趣。不能出於天道。出家求滅則五道斯越。物我通度也。肇曰。五道非無爲之路也。

淨五眼 肇曰。淨五眼。如放光說也。

得五力立五根不惱於彼 什曰。在家雖行善。然有父母妻子眷屬之累。若物來侵害。必還加報。是故在家是惱彼因緣。出家無此衆累。則惱因自息。故言不惱彼也。肇曰。道超事外。與物無逆。何惱之有耶。

離衆雜惡 什曰。凡以難心而興福業。皆

名雜惡也。出家修善。則滅除妄想。又爲涅槃。故離衆雜惡也。肇曰。俗善雖善。猶難不著。道法眞淨。故純善不雜也。

摧諸外道 什曰。出家不以摧物而諸惡自消。猶如日出。衆冥自滅也。肇曰。日月不期去。闇而闇自除。出家不期摧外道。而外道自消也。

超越假名 什曰。緣會無實。但假空名耳。若得其真相。卽於假不迷。故名超越也。肇曰。萬事萬名。虛假以生。道在眞悟。故超越假名。

出淤泥 什曰。在家沒欲泥。出家沒見泥。今明眞出家。故總言出也。

無繫著 什曰。若有所繫。亦未爲出家。一切不著。是真出家也。肇曰。出生死愛見之淤泥。無出家愛道之繫著也。

無我所 什曰。於我所法中。一切捨離。故言無也。肇曰。出家之道本。乎無爲。

無所受 什曰。受義言取。取有四種。在家人有愛取。出家人有戒取。見取。愛取。眞出家者。無此四受。亦於一切法無所受也。肇曰。無四受也。欲受我受。戒受見受。

無擾亂 什曰。凡心有所在。方便不息。是名擾亂。出家無事。一切永離也。

內懷喜 什曰。喜有二種。一者有現世功德。自然欣預。二者後得涅槃。心常安悅。既具二喜。又無想著。乃眞喜也。肇曰。夫擾亂出于多求。憂苦生乎不足。出家寡欲。擾亂斯無。道法內充。故懷喜有餘。

護彼意 什曰。謂能獎順衆生。不乖逆其心也。

隨禪定 什曰。出家凡有三法。一持戒。二禪定。三智慧。持戒能折伏煩惱。令其勢微。禪定能遮如石山斷流。智慧能滅畢竟無餘。今持戒清淨。則結薄。心靜與禪相順。故言隨也。

離衆過 肇曰。諸長者子應聞出家無爲之道。而示以有爲功德之利。是由不隨禪以觀其根。不審法以將其意。衆過之生。其在此乎。故因明出家以誠之也。

若能如是。是真出家 肇曰。若能不違上說。乃應出家之道。出家之道。非存利之所能也。於是維摩詰諸長者子。汝等於正法中。宜共出家。生曰。無利之利。眞利也。故勸之耳。

所以者何。佛世難值 什曰。佛常在世。於罪者爲難耳。肇曰。淨名知其不得出家。而勸之者。欲發其無上道心耳。

諸長者子。言居士我聞佛言。父母不聽。不得出家。什曰。長者子不得出家。而重出家之美。所以深其惱耳。肇曰。非不欲出家。不欲違親耳。

維摩詰言。然汝等便發阿耨多羅三藐三菩提心。是卽出家。什曰。若發無上道心。心超三界。形雖有繫。乃眞出家。

是卽具足 什曰。雖爲白衣。能發無上心者。便爲出家具足戒行矣。生曰。出家本欲離惡行道。若在家而能發意。卽是足矣。亦爲具足其道者也。

離衆雜惡 什曰。凡以難心而興福業。皆

◎道二道◎ ◎所行二行所◎ ◎行一◎ ◎乎二子◎ ◎二二三◎ ◎得一◎ ◎餘十也◎ ◎不十一◎ ◎欲二教◎ ◎家十也◎  
◎是二具◎

爾時三十二長者子皆發阿耨多羅三藐三菩提心。生曰：諸長者子既以有闍垂出家，事而聞在家有出家之理，欣然從之。

故我不任詣彼問疾，佛告阿難：什曰：秦言歡喜也。問曰：阿難持佛法藏，即其所聞，足知無病。今云何不達？答曰：其實及方便，悉是佛語。故二說皆信。又云：阿難亦共為方便也。肇曰：阿難秦言歡喜，弟子中總持第一。

汝行詣維摩詰問疾，阿難白佛言：世尊，我不堪任詣彼問疾，所以者何？憶念昔時，世尊身小有疾，常用牛乳。生曰：佛而有疾，現去物不遠，使得有企仰之情也。而用牛乳者，有遍應從此化故也。

我即持鉢詣大婆羅門家門下立。生曰：未便乞乳，有待然乎？

時維摩詰來謂我言：唯阿難何為晨朝持鉢住此？生曰：晨非乞食時，必有以也。

我言居士世尊身小有疾，常用牛乳，故來至此。生曰：以事對也。

維摩詰言：止止，阿難莫作是語。肇曰：至人舉動豈虛也哉？如來現疾之所度，淨名致呵之所益，皆別載他經。生曰：於不達者為不應也。

如來身者，金剛之體。什曰：小乘人骨金剛，肉非金剛也。大乘中內外金剛一切實滿，有大勢力，無病處。故生曰：如來身無可損若金剛也。

諸惡已斷，眾善普會，當有何疾？當有何惱？肇

曰：夫痛患之生，行業所為耳。如來善無不積，惡無不消，體若金剛，何患之有？生曰：且略示其無病理也。言都無致病之本，而有樂因普會，自應有何疾耶？

默往阿難。肇曰：默然而往，勿謗如來。肇曰：如來無疾，言疾則謗。生曰：苟云是實，為謗佛也。以此言之，無乞乳理，故令還去焉。

莫使異人聞此，龜言：生曰：病為常近龜之極也。不達聞之，必為然矣。

無令大威德諸天。什曰：謂五淨居天上別有清淨諸天，名世間頂，悉十住菩薩所生也。若聞此言，則知阿難不達方便而生劣想，故誠言無令得聞。恐此似當時所宜非實言也。

及他方淨土諸來菩薩，得聞斯語。生曰：彼推已無疾，必達佛矣。而此言實病，不亦晒斯語之不得乎？

阿難轉輪聖王以少福故，尚得無病。什曰：有羅漢名薄拘羅，往昔為賣藥師，語夏安居付言：若有須藥，就我取之。眾竟無所須，唯一比丘小病受一訶梨，勒果。因是九十劫生天人中，受無量快樂，但聞病名而身無微患。於此生年已九十，亦未曾有病。

況佛積善無量，疾何由生？問曰：善惡相對，報應宜同。五逆重罪一劫受苦，云何一果之善受福無量耶？答曰：罪事重而力微，善事輕而勢強。譬如有惡蛇將取人食，先吐毒沫在地，人踐其上，即時昏熱，不能起去。然後

以氣吸之。三寶中作功德，亦復如是。初作功德時，其事雖微，冥益已深。然然方便引入佛道，究竟涅槃，其福乃盡。

豈況如來無量福會普勝者哉？肇曰：轉輪聖王隨命脩短，終身無病。生曰：以事推之，使人悟也。轉輪聖王乃不及欲界諸天，但以人中少福，尚得無病，豈況如來普勝三界而有疾哉？

行矣。阿難勿使我等受斯恥也。生曰：推事既爾，必應還去也。苟執不去，非徒佛有所謗，我等亦受其恥也。

外道梵志若聞此語，當作是念：何名為師自疾不能救，而能救諸疾人？生曰：師不可師之人，便應受此恥辱矣。

可密速去，勿使人聞。肇曰：正士聞則謂汝不達。邪士聞則謂佛實有疾，何名為法之良醫？身疾不能救，而欲救人心疾乎？生曰：急宜還去也。

當知阿難諸如來身即是法身。什曰：法身有三種：一法化生身，金剛身是也。二五分法身，三諸法實相和合為佛，故實相亦名法身也。

非思欲身。什曰：非肉身即法化身也。非三界之形，故過於三界。雖有生滅而無老病，眾惱十事之患，故名無漏。無漏則體絕眾為，故名無為。形超五道，非物之數，故曰無數也。肇曰：三界有待之形名，思欲身也。法身之義已記之善權。生曰：以向來語當知必如下說也。思欲是妄想之懷，致病本也。

三十五

①之十(也) ②乎二也 ③人十(云) ④勢力二力勢 ⑤病處故二疾處也 ⑥痛一病 ⑦[焉]一 ⑧之十(之) ⑨有二若 ⑩然二熱 ⑪(起)一 ⑫盡十(也) ⑬[有]一 ⑭(身)一 ⑮日十(胡本云) ⑯[之]一

如來身從實理中來。起不由彼。應有何病耶

佛為世尊過於三界。生曰。既以思欲為原。便不出三界。三界是病之境也。佛為悟理之體。超越其域。應有何病耶。言佛為世尊者。以明過於世間也。

佛身無漏。諸漏已盡。肇曰。夫法身虛微妙。絕常境。情累不能染。心想不能議。故曰。諸漏已盡。過於三界。三界之內皆有漏也。生曰。雖出三界。容是最後邊身。猶是漏法。漏法豈得無病哉。佛既過之。無復斯漏。何病之有耶。

佛身無為。不墮諸數。肇曰。法身無為。而無不為。無不為。故現身有病。無為故。不墮有數。生曰。雖曰無漏。或有為也。有為是起滅法。雖非四大猶為患也。佛既以無漏為體。又非有為。何病之有哉。為則有數也。如此之身。當有何疾。生曰。并合四句。語也。

時我世尊。實懷慚愧。得無近佛而謬聽耶。肇曰。受使若此。致謬若彼。進退懷愧。或謂謬聽也。生曰。近佛而謬。所以應慚也。謬必致罪。不得不懼也。得無之言。誠是從容之辭。而意在必謬也。

即聞空中聲曰。阿難。如居士言。但為佛出五濁惡世。什曰。劫濁衆生。濁煩惱濁。見濁。命濁。多歲數名。由泓多由。泓名為劫。大劫如寶劫比也。大劫中有小劫。多諸惡事。總名劫濁。善人既盡。淳惡衆生。衆生濁也。除邪見已。諸煩惱如三毒等。增上重者。不以道理能

障聖道。必入惡趣。如是結使煩惱濁也。除四見已。唯取邪見。謬。無因果罪福及聖道。涅槃是名見濁也。大劫初時。人壽無量。爾時佛未出世。後受命漸短。人壽六萬歲。爾時拘留孫佛出世。乃至百二十歲時。釋迦牟尼佛出現于世。自後漸短。乃至人壽三歲。百二十歲已下。盡名命濁也。彌勒生時。小劫更始。人壽更長也。

現行斯法。什曰。梵本云。貧法。現病行乞。等是貧法也。

度脫衆生。生曰。解阿難意。使得取乳也。實如維摩詰語。但佛應五濁惡世。自應爾行矣。阿難取乳勿慚。肇曰。以其愧惑。故空聲止之。如居士言。何有無漏之體。嬰世之患。但為度五濁群生。故現斯疾耳。取乳勿慚也。五濁者。劫濁。衆生濁。煩惱濁。見濁。命濁。生曰。慚跡應在必行。矣。故令取乳勿慚也。

世尊維摩詰智慧辯才為。若此也是故。不任詣彼問疾。如是五百大弟子。各向佛說其本緣。稱述維摩詰所言。皆曰。不任詣彼問疾。注維摩詰經卷第三

注維摩詰經卷第四

後秦釋僧肇選

菩薩品

於是佛告彌勒菩薩。什曰。彌勒既紹尊

位。又當於此土。而成佛。衆情所宗。故先命之。彌勒維摩大小之量。未可定也。或云。維摩雖大。或有以而不成佛。或云。彌勒雖大。將有為而故辭。行或此是分身。彌勒非其正體。以此三緣。故有致屈之迹也。彌勒不堪。便應超命。文殊而兼命。餘人者。將以一雖不堪。衆不可抑。故推衆求能廣命之也。亦欲令各稱所聞。以盡維摩之美也。肇曰。彌勒南天竺婆羅門姓。出此姓。即以爲名焉。

汝行詣維摩詰問疾。肇曰。五百弟子。皆已不任。故復命菩薩者。將備顯淨名難。德也。而生曰。彌勒者。婆羅門姓也。雖生兜率。爲諸天師。猶以本姓稱焉。以其親承佛弟子。使亦宜在衆菩薩先也。

彌勒白佛言。世尊。我不堪任詣彼問疾。所以者何。憶念我昔爲兜率天王及其眷屬。什曰。是人中說法也。此天以彌勒將上爲天師。豫懷宗敬。故常來聽法也。

說不退轉地之行。什曰。即無生法忍也。維摩詰不先遣忍心。而先遣受記者。良由諸天見彌勒受記。故有補處之尊。遂係心成得。希想受記。故先明無受記。受記必由心。心生。故尋生以求記。生壞則記亡。故推世以去。生也。肇曰。下呵云。實無發心。亦無退者。以此而推。似存不退之行。以勸發無上之心也。雖曰勝期。猶未免乎累教。迹不泯。故致斯呵。然經云。補處大士。心無不一。智無不周。應物而動。何闕之有。是由

① 聖十(多) ② 無一 ③ 三十(十) ④ 貧二 ⑤ 彌十(耳) ⑥ 空十(中) ⑦ 矣一 ⑧ 若二如 ⑨ 四十(集解) ⑩ 品十(第四) ⑪ (難)十什 ⑫ 下同 ⑬ 宗二崇 ⑭ (行)一 ⑮ 便應二任便 ⑯ (釋)十舉 ⑰ 下同 ⑱ (蓋)一 ⑲ 結二 ⑳ (三)十生 ㉑ 下同 ㉒ 率十(天) ㉓ (子)一 ㉔ (諸)一 ㉕ 得二佛 ㉖ (心)一 ㉗ 心生二生心 ㉘ 推十(之) ㉙



得失同。懷短遠。應利彼而動。無計諸已。故彌勒假有以啓始。淨名居宗以濟終。互爲師匠。器彼淳朴。雖復迹同。儒墨致教不一。然相成之美。實存其中矣。生曰。體如之行。不復退轉也。彌勒躬有此行而現得受記。今說之者。將以引之。使見利樂。法

時維摩詰來謂我言。彌勒世尊授仁者記。一生當得阿耨多羅三藐三菩提。生曰。阿耨多羅者。無上也。三藐三者。正遍也。菩提者。彼語有之。此無名也。實則體極。居終智慧也。然有三品。聲聞也。辟支佛也。佛也。二乘各於其道爲菩提耳。非所謂菩提也。唯佛菩提爲無上正遍菩提也。一生者。無復無量生。餘一生也。有兩句義矣。

爲用何生得受記乎。生曰。彌勒向說行意。以受記引之耳。不爲說受記也。而彼生著情便貪記以有行。斯則復是見菩提可得也。是以維摩詰即推彌勒受記爲無。以呵其說行之意。道彼著也。然後乃更釋其見菩提心焉。夫受記者。要以四事合成。一推之皆無也。四事者。一以人受記爲主。二以體如爲本。三無無量生。四在一生中得佛。交在一生中。而以之受記。要應先推一生也。一生者。舉八萬歲。生唯一念現在。餘皆過去未來也。故言爲用何生得受記乎。

●受彌勒記乎  
過去耶。未來耶。現在耶。肇曰。發無上心。修不退行。受記成道。彌勒致教之本意也。今將明平等大道。以無行爲。因無上正覺以

無得爲果。故先實彌勒。明無記無得。然後大濟群生。一萬物之致。以弘菩提莫二之道也。夫有生則有記。無生則無記。故推斥三世。以何生而得記乎。

若過去生過去生已滅。肇曰。別推三世。明無生也。過去生已滅。已滅法不可謂之生也。生曰。無復有也。

若未來生未來生未至。肇曰。未來生未至。則無法。無法以何爲。生曰。竟未有也。若現在生現在生無住。肇曰。現法流連不住。以何爲。生耶。若生滅一時。則二相俱壞。

若生滅異時。則生時無滅。生時無滅。則法無三。相法無三。相則非有爲也。若盡有三。相則有無窮之咎。此無生之說。亦備之諸論矣。三世既無生。於何而得記乎。生曰。生時已去。未始暫停。豈可得於中成佛耶。

如佛所說比丘。汝今即時亦生。亦老亦滅。肇曰。證無住義也。新新生滅。交臂已謝。豈待白首。然後爲變乎。生曰。引佛語證不住也。即時者。不待變也。

若以無生得受記者。無生即是正位。什曰。實相常定故名正位。向以因緣明生非真。實故無受記。今明生既非真。則無生。無生則常定。常定中無受記也。

於正位中。亦無受記。亦無得阿耨多羅三藐三菩提。生曰。大推無無量生也。夫無無量生者。體生是無。故得之矣。苟體生是無。而無無量生者。無無量生。復何有哉。斯乃爲正位者也。正位者。永與邪別也。然則既

以無無量生爲正位者。無有受記。理自明也。以得菩提。故有受記。復云無。得菩提耳。前推生直推其體。今推無無量生。以正位推之者。生本根於癡愛。是有者之所惑。故宜於外推其體也。無無量生。原在悟理。是得者之所達。自應以正位於內明之也。

云何彌勒受一生記乎。肇曰。上推有生無記。此推無生亦無記也。無生即七住無相。真正法位也。此位爲理。無記無成。彌勒於何受一生記乎。生曰。并質之也。

爲從如生得受記耶。爲從如滅得受記耶。肇曰。如雖無生滅。而生滅不異。如然記前起于生滅。冥會由于即真。故假如之生滅。以明記前之不殊也。生曰。復次推體如也。如生者。體如之時。我本無如。如今始出爲生也。如滅者。如是始悟中名義。盡菩薩最後心爲滅也。夫爲得佛之因。既在於始。又在其終。故言爲從如生滅得受記耶。別本云

從如起滅。什曰。此亦因其所存而遣之也。夫受記要由得如。本未得而今得。似若有起。如起則累滅。亦似有物於如中滅。故先問其起滅。以明無起滅。一切人皆如以下更明。如理無二無受記也。

若以如生得受記者。如無有生。若以如滅得受記者。如無有滅。肇曰。如非不生滅。非有生滅。非不生滅。故假以言記。非有生滅。以知無記。生曰。如是悟理之法。故即以明之也。理既已如。豈復有如之生滅哉。苟無

●法十(也) ●句義矣二向之義也 ●有二存 ●生十(八萬歲生) ●(受)一 ●生十(也) ●生是二 ●生 ●別二判 ●得二亦有 ●直二直 ●得十(之) ●

生滅與夫未體者不容有異。何得獨以爲無上道之因耶。若非因者不得以之受記也。

一切衆生皆如也。一切法亦如也。衆聖賢亦如也。至於彌勒亦如也。肇曰。萬品雖殊。未有不如者。將齊是非。一愚智以成。無記無得義也。生曰。復次推入受記也。受記誠非爲悟之法。已有體如在。前故復取其體。貼之以事。事既皆如。然後推焉。

若彌勒得受記者。一切衆生亦應受記。所以者何。夫如者不二不異。肇曰。凡聖一如。豈有得失之殊哉。生曰。夫如者無得與不得異也。既無得與不得異。而彌勒得者。是假以不得爲得也。若彌勒以不得無得者。一切衆生不得便應。亦是此得之理矣。然則言衆生亦應受記者。以明無彌勒實受記也。二者直一事也。異者二相殊也。其事既二。然後相與爲異。故先言不二。後言不異也。已取如事在上。是以釋但舉如義也。

若彌勒得阿耨多羅三藐三菩提者。一切衆生皆亦應得。所以者何。一切衆生即菩提相。肇曰。無相之相是菩提相也。生曰。菩提既是無相理極之慧。言得之者。得即是菩提相也。果是其相則非實矣。苟得非實。一切衆生亦是此之得理也。所以然者。菩提本無不周。衆生即是其相故也。夫授記言得菩提者。懸指之耳。今云彌勒得者。就語之也。既就得時而無得相。豈應懸指有得乎所指。苟已驗無爲。指理自冥矣。

若彌勒得滅度者。一切衆生亦當滅度。所以者何。諸佛知一切衆生畢竟寂滅。即涅槃相不復更滅。肇曰。本性常滅。今復何滅也。生曰。既得菩提。至於滅度。於滅度中又無滅度也。故復極就其終以驗之焉。滅度非慧。事止於滅。故不得如菩提釋也。然終既至滅。始滅驗矣。始若果滅。終豈滅哉。終苟不滅。衆生亦此滅矣。唯驗終以悟始者。知其然耳。舉佛明之者。佛既親得滅度。又爲悟之極。必可以定之也。且佛終日滅度。衆生然知衆生即涅槃相。不復更滅。是盡爲滅而不滅也。

是故彌勒無以此法誘諸天子。什曰。梵本云。誑也。生曰。既無受記。豈得以受記引之耶。若引之以虛爲誘誑也。

實無發阿耨多羅三藐三菩提心者。亦無退者。肇曰。平等之道。實無發心。亦無退者。而以不退之行。誘其發心。示其美記。者何耶。生曰。明不應存行也。於發有退。故須不退行耳。既無發退。何用行爲。若惡發中有退。而須不退行者。猶未免退矣。非所以不退。

彌勒當今此諸天子捨於分別菩提之見。肇曰。菩提以寂滅爲相。生死同相。而諸天卑生。死尊菩提。雖曰勝求。更生塵累。宜開以正路。令捨分別。曷爲示以道記。增其見乎。生曰。釋諸天見菩提心也。先訶然後教矣。訶以遣著。教以釋見。著爲客累。宜以訶遣之。見謂涉理。須以教釋之焉。

所以者何。菩提者不可以身得。不可以心得。肇曰。自此下大明菩提義也。道之極者。稱曰菩提。秦無言以譯之。菩提者。蓋是正覺無相之真智乎。其道虛玄。妙絕常境。聽者無以容其聰。智者無以運其智。辯者無以措其言。像者無以狀其儀。故其爲道也。微妙無相。不可爲有。用之彌勤。不可爲無。故能幽鑑萬物。而不囿。玄軌超駕。而弗夷。大包天地。而罔寄。曲濟群惑。而無私。至能導達殊方。開物成務。玄機必察。無思慮。然則無知而無不知。無爲而無不爲者。其唯菩提大覺之遺乎。此無名之法。固非名所能名也。不知所以言故。強名曰菩提。斯無爲之道。豈可以身心而得乎。生曰。若見有菩提可得者。則有相情也。苟以相爲情者。豈能不以之起身心行乎。若以身心行求菩提者。則求之愈遠者也。寂滅是菩提。滅諸相故。什曰。菩提有三。所謂羅漢緣覺如來。三人漏盡。慧通達。無閑乃名菩提。此已下歎菩提真解妙同。實相欲擬心求。解亦當如是。亦明菩提即是實相。以遣其著也。實相是菩提。因亦名菩提也。餘句類可尋知也。肇曰。妙會真性。滅諸法相。故菩提之道。與法俱寂。生曰。既不以相得菩提。則無菩提相矣。若不能滅諸相者。豈得以寂滅爲體哉。

不觀是菩提。離諸緣故。肇曰。觀生於緣。離緣即無觀。不行是菩提。無憶念故。肇曰。行生於念。

①〔者〕一②\* ③貼二沾④ ⑤應二當⑥ ⑦荷得二得有⑧ ⑨〔應〕一⑩ ⑪定之二之定⑫ ⑬梵二胡⑭\* ⑮勝十〔之〕⑯ ⑰美二受⑱ ⑲退十〔也〕⑳ ㉑皆二否㉒ ㉓羅二應㉔ ㉕包二重㉖ ㉗無二不㉘ ㉙〔有〕一㉚ ㉛求二非㉜ ㉝者出二矣㉞ ㉟所謂二種㊱

無念故無行也

斷是菩提捨諸見故離是菩提離諸妄想故

肇曰諸見斷妄想離乃名菩提也

障是菩提障諸願故 肇曰真道無欲障諸願求也

願求也

不入是菩提無貪著故 肇曰入謂受入可欲

順是菩提順於如故住是菩提住法性故至是菩提至實際故 肇曰不異三空菩提義也隨順本相謂之如故繫之以順常住不礙謂之性也故繫之以住到實相彼岸謂之際故繫之以至

不二菩提離意法故 什曰六識對於六塵未始相離菩提所解出六塵之表故言離也肇曰意與法爲二菩提無心何法之有哉

等是菩提等虛空故 肇曰無心於等而無不等故謂若虛空也

無爲是菩提無生住滅故知是菩提了衆生心行故 什曰智慧是菩提知他心也實相是智之因亦名知他心也肇曰菩提不有故無生滅菩提不無故了知衆生心也

不會是菩提諸入不會故 肇曰諸入內外六入也內外俱空故諸入不會諸入不會即菩提相也

不合是菩提離煩惱習故 肇曰生死所以合煩惱之所纏離煩惱故無合無合即菩提也

無處是菩提無形色故假名是菩提名字空故

肇曰外無形色之處內無可名之實也

如化是菩提無取捨故 肇曰菩提無取捨猶化人之無心也

無亂是菩提常自靜故 肇曰內既常靜外亂無由生焉

善寂是菩提性清淨故 肇曰性無不淨故寂無不善善寂謂善順寂滅常淨之道也

無取是菩提離攀緣故 肇曰情有所取故攀於前緣若離攀緣則無所取也

無異是菩提諸法等故 肇曰萬法同體是非一致不異於異者其唯菩提乎

無比是菩提無可論故 肇曰第一大道無有兩邊獨絕群方故以無論

微妙是菩提諸法難知故 肇曰諸法幽遠難測非有智之所知以菩提無知故無所不知無知而無不知者微妙之極也生曰種種明之者美而詠之也豈曰爲美以發人情矣

世尊維摩詰說是法時二百天子得無生法忍生曰彌勒先引使樂法然後維摩詰除其病情所以得忍也斯則相與成化有何屈哉

故我不任語彼問疾佛告光嚴童子汝行詣維摩詰問疾光嚴白佛言世尊我不堪任詣彼問疾所以者何憶念我昔出毘耶離大城生曰託在常出實有以也

時維摩詰方入城我即爲作禮 生曰城門是入所由處故得因廣化功也作禮者迹同鄉黨現修長幼禮也

而問言居士從何所來 生曰交從外來故可寄問以取其來自有從也

答我言吾從道場來 什曰以光嚴心樂道場故言從道場以發悟其心也光嚴雖欲得道場而未知所以得得必由因故爲廣說萬行萬行是道場因而言道場者是因中說果也復次佛所坐處於中成道故名道場善心道場亦復如是廣積衆善故佛道得成是以萬善爲一切智地乃真道場也肇曰閑宴修道之處謂之道場也光嚴志好閑獨每以靜處爲心故出毘耶將求道場淨名懸鑒故現從外來將示以真場啓其封累故逆云吾從道場而來從道場來者以明道無不之場無不在若能懷道場於胸中遺萬累於身外者雖復形處憤鬧迹與事隣舉動所遊無非道場也生曰得佛之處也

我問道場者何所是 肇曰會其所求故尋問也生曰夫得佛由行行乃是道之場矣然寄在地成地有其名耳既據答於常是從地來也又迹在不閑故復得問何所是以招下答之焉

答曰直心是道場無虛假故 肇曰修心進道無亂之境便是道場耳若能標心爲主萬行爲場不越方寸道自修者乃真道場也

曷爲近捨閑境而遠求空地乎直心者謂內心真直外無虛假斯乃萬行之本坦進道之場也自此已下備列諸行盡是修心之閑地弘道之淨場也生曰以無虛假

①[也]一②\* ③至十(也)④ (超)十出⑤ ⑥說二也⑦ ⑧智二知⑨ ⑩無二不⑪ ⑫內十(心)⑬ ⑭[焉]一⑮ ⑯寂十(威)⑰ ⑱論二喻⑲ ⑳還二四⑲ ㉑正⑳ ㉒以無二無以論也㉓ ㉔常二城㉕ ㉖廣二處廣㉗ ㉘提十(來)⑲ ㉙來十(吾)㉚ ㉛舉動所遊二動所由㉜ ㉝矣二也⑳ ㉞之焉二也㉟ ㊱閑二閑㊲ ㊳淨二靜㊴

為懷者必得佛也

發行是道場能辦事故 肇曰。心既真直則能發迹造行。發迹造行則事業斯辦。衆行俱舉也

深心是道場增益功德故 肇曰。既能發行則樹心彌深。樹心彌深則功德彌增者也

菩提心是道場無錯謬故 什曰。道心明正不隨異路。不錯也。肇曰。直心。本行轉深則變為菩提心也。此心直正故所見不謬。凡弘道者要始此四心。四心既生則六度衆行無不成也

布施是道場不望報故 肇曰。施不望報無相行也。夫言有不失。無言無不失。有無異說而不乖。其本者其唯大乘道乎。何則言有以明非無。不言有也。言無以明非有。不言無也。然則萬行雖殊以無相為體。無而不無故即有為實。有而不有故施戒為一。然此經前後至於辯列衆行有無不同。苟能領其所同則無異而不同也

持戒是道場得願具故 肇曰。未有戒具而願不具者

忍辱是道場於諸衆生心無閑故 肇曰。忍忿則心。存懷忿則心閑

精進是道場不懈退故禪定是道場心調柔故智慧是道場現見諸法故 肇。云。萬法彌廣。現若目前智慧之能也

慈是道場等衆生故 肇曰。等心怨親欲其安樂慈行也

悲是道場忍疲苦故 肇曰。見苦必赴不避

湯炭悲行

喜是道場悅樂法故 什曰。慈雖假想與衆生樂。樂從慈起。還見其受苦其心悲惻。則入悲心。欲令常得此樂。次入喜心。喜心雖是假想而作意欲令常樂。故異於慈心也。復次慈心與樂。喜心直觀其得樂其心歡喜耳。肇曰。以己法樂樂彼同悅喜行也

捨是道場憎愛斷故 肇曰。夫慈生愛。愛生著。著生累。悲生憂。憂生惱。惱生憎。慈悲雖善而果想已生。故兩捨以平等觀。謂之捨行也

神通是道場成就六通故解脫是道場能背捨故 肇曰。解脫八解脫也。觀青為黃。觀黃為青。捨背境界從心所觀謂之背捨

方便是道場教化衆生故四攝是道場攝衆生故 什曰。一惠施。惠施有二種。施下人以財。施上人以法。施二愛語。愛語復有二種。於下人則以煖言將悅。於上人則以法語慰諭。皆以愛心作愛語也。三利行。利行亦有二種。下人則為設方便令得俗利。上人則為作方便令得法利。四同事。同事亦有二種。同惡人則誘以善法。同善人則令增善根。隨類而入。事與彼同故名同事也。肇曰。方便起乎弘化。四攝生乎來衆也

多聞是道場如聞行故 肇曰。聞不能行。與禽獸同聽也

伏心是道場正觀諸法故 什曰。或以事伏心。或以理伏心。今正觀則以無常等觀制

伏其心也。肇曰。心之性也強梁則親邪。調伏則觀正也

三十七品是道場捨有為法故 什曰。道品斷受生故名捨。有為亦以空空三昧等捨。三三昧及一切善法故名捨也。肇曰。三十七品無為之因也

諦是道場不誑世間故 什曰。小乘中說四諦。大乘中說一諦。今言諦是則一諦。一諦實相也。俗數法虛妄。謂言有而更無。謂言無而更有。是誑人也。見餘諦謂言必除我惑。而不免妄想。亦是誑也。今一諦無此衆過故不誑人也。從一諦乃至諸法無我是諸法實相。即一諦中異句異味也。由此一諦故佛道得成。一諦即是佛。因故名道場也。肇曰。四諦真實無虛誑也

緣起是道場無明乃至老死皆無盡故 肇曰。十二緣起因緣相生無窮盡也。悟其所由則智心自明。智心既明則道心自成。然則道之成也乃以緣起為地故即以爲道場也

諸煩惱是道場知如實故衆生是道場知無我故一切法是道場知諸法空故 肇曰。煩惱之實性衆生之無我諸法之空義皆道之所由生也

降魔是道場不傾動故三界是道場無所趣故師子吼是道場無所畏故 肇曰。此即是佛所得也。雖則非佛名為佛。場總名為佛。佛即道也。上以菩薩行為場。今果中以佛為道。衆事為場也

〔衆行俱舉〕一〇 本二入 〇心直二直心 〇者十(也) 〇忍二懷 〇存懷忍則心閑二闕也 〇云二曰 〇行十(也) 〇〔樂〕一〇 〇捨十(也) 〇〔施〕一〇 〇行利行二語利無(也) 〇設二作 〇〔善〕二訓 〇同善人則令粉二令粉長 〇入二入 〇乎二于 〇馬二也 〇實二實 〇〔肇曰〕一〇 〇義二離 〇場十(也) 〇

力無畏不共法是道場無諸過故三明是道場  
無餘閑故 肇曰降魔兵而不爲所動遊  
三界而不隨其趣演無畏法音而無難  
具佛三十二業而無闕三明通達而無闕  
斯皆大道之所由生也

一念知一切法是道場成一切智故 什曰

二乘法以三十四心成道大乘中唯以一

念則豁然大悟具一切智也肇曰一切智

者智之極也朗若晨曦衆冥俱照澄若靜

淵群象竝鑒無知而無所不知者其唯一

切智乎何則夫有心則有封有封則有疆

封疆既形則其智有涯其智有涯則所照不

普至人無心無心則無封無封則無疆封

疆既無則其智無涯其智無涯則所照無

際故能以一念一時畢知一切法也一切

智雖曰行標蓋亦萬行之一耳會萬行之

所成者其唯無上道乎故所列衆法皆爲

場也生曰一念無不知者始乎大悟時也

以向諸行終得此事故以名焉以直心爲

行初義極一念知一切法不亦是得佛之

處乎

如是善男子菩薩若應諸波羅蜜教化衆生諸

有所作舉足下足當知皆從道場來 生曰

若行上諸行皆使應諸波羅蜜者無復生

死往來也然有之者隨應出也出若爲應

豈非道場來耶推向所明便知其然矣

住於佛法矣 肇曰若能應上諸度以化天

下者其人行則遊道場止則住佛法舉動

所之無非道場也 生曰應悟群生爲佛

義矣既從行來而理極於斯故云住也

說是法時五百天人皆發阿耨多羅三藐三菩

提心故我不任詣彼問疾佛告持世菩薩汝行

詣維摩詰問疾持世白佛言世尊我不堪任詣

彼問疾所以者何憶念我昔住於靜室時魔波

旬 什曰波旬秦言殺者常欲斷人慧命

故名殺者亦名爲惡中惡惡有三種一曰

惡二曰大惡三曰惡中惡若以惡加己還

以惡報是名爲惡若人不侵己無故加

害是名大惡若人來供養恭敬不念報恩

而反害之是名惡中惡惡中惡魔王惡最

甚也諸佛常欲令衆生安隱而反壞亂故言

其也肇曰波旬秦言殺者或名殺者或名極

惡斷人善根因名殺者遂佛亂僧罪莫之

大故名極惡也

從萬二千天女狀如帝釋 什曰釋是佛弟

子知其不疑故作釋形來也持世不作意

觀他心故不見也 生曰魔者害人智慧

命之稱也惡中之惡謂之波旬也夫善惡理

隔無相干之道況乎至善之與極惡得相

惱哉而有其事者皆大權菩薩託以爲化

然也誠以爲託要使跡全是也跡是爲何

此雖善交是人彼雖惡居爲天可以惡

降跡人亦標善致改可假之良其不然

乎狀若帝釋者帝釋是佛弟子常宗有道

故以其狀使持世不覺也持世跡在沙門

而沙門以化人爲體彼有非法必致教

矣可得因之有女事感焉

恭敬於一面立我意謂是帝釋 肇曰魔以

持世宴靜欲亂其心若現本形恐不與言

故變爲釋像時持世不以通觀故謂是帝

釋也 生曰彼事是帝釋也持世據人言之

故可云爾也

而語之言善來僑尸迦 什曰僑尸姓也字

摩迦陀肇曰僑尸迦帝釋姓也

雖福應有不當自恣 生曰以供養而來故

善之也從女鼓歌是自恣法也福有而自恣

者復爲罪之根也

當觀五欲無常以求善本 生曰五欲者五

情所欲也夫用爲自恣實之必深若覺

其無常然後能以之求本矣

於身命財而修堅法 什曰若雖有命而不

能行道無異禽獸之命若於今能不惜

身命修行善者則來世所得命必能修善

行道是名清淨之命非爲使生也 肇曰

堅法三堅法身命財寶也若忘身命棄財

寶去封累而修道者必獲無極之身無窮

之命無盡之財也此三天地焚而不燒劫數

終而不盡故名堅法以天帝樂著五欲不

慮無常故勸修堅法也 生曰以求善本

事也身既無常便應運使爲善命既危脆

便應盡以行道財有五家便應用爲施與

此皆無常所不能壞謂之堅法也

卽語我言正士受是萬二千天女可備掃灑

生曰因其說法故可施以從善實欲以女

亂之

我言僑尸迦無以此非法之物要我沙門釋子

○成十(就) ○第(維) ○照二威 ○列二引 ○(惡)一(一) ○(言)一(一) ○(智)一(一) ○其不(不)其 ○彼(注) ○欲二  
樂 ○求十(善) ○法十(者) ○道二(是) ○之十(矣) ○

肇曰。持世菩薩時爲比丘也。生曰。向教其行施。彼既從之。理應爲受。然非所宜。夫施者之懷。唯欲人取。故言勿以向語其施。要我使受也。言沙門釋子者。明已理所不應。非苟逆人善也。

此非我宜所言。未訖維摩詰來謂我言。非帝釋也是爲魔來燒固汝耳。生曰。因其不覺。故復可得託語。以明魔不能隱於己也。斯則力能制之矣。將欲使魔懼有不得不與之迹。固者非虛焉。

卽語魔言。是諸女等可以與我如我應受。肇曰。以持世未覺。故發其狀也。將化諸女。故現從其索。我爲白衣。應受此女。易爲以與沙門釋子乎。生曰。施唯欲捨物。不應擇主。既能行之。便應與我。我是受此物者。

魔卽驚懼。念維摩詰將無惱我。生曰。既不能隱於維摩詰。知力必不如。復得發斯念也。

欲隱形去而不能。隱盡其神力亦不得去。肇曰。淨名神力之所制也。生曰。現盡魔之神力也。

卽聞空中聲曰。波旬以女與之。乃可得去。肇曰。淨名以魔迷固。故化導之也。生曰。非維摩詰則是持世也。亦可魔自作之耳。

魔以畏故。俛仰而與。生曰。權其輕重。留女。故當勝自不得去也。

爾時維摩詰語諸女言。魔以汝等與我。今汝皆當發阿耨多羅三藐三菩提心。什曰。女

人從主爲心。屬魔則受邪教。屬菩薩則從道化。故受而誨之。肇曰。在魔故從欲教。在我宜從道教也。生曰。既以與我。便屬於我。不得不從我教也。

卽隨所應而爲說法。令發道意。復言。汝等已發道意。生曰。發道意不可苟從於人。故復爲說法。使其悟。然後爲發也。

有法樂可以自娛。不應復樂五欲樂也。什曰。夫魚之爲性。惟水是依。女人之性。唯樂是欲。初發道意。意自厲修善。未能樂也。積德既淳。則欣樂彌深。經難不變。履苦愈篤。內心愛樂外無餘歡。令其以此自娛。則厭天樂。自此以下。萬法者。皆取法中之樂。不取法也。肇曰。女人之性。唯欲是樂。以其初捨天樂。故示以法樂。夫能以弘道爲美。積德爲欣者。雖復經苦履難。而不改其美。

天地所重。無易其欣。以此自娛樂之極也。豈五欲之所有。自此下備列諸行。以明超世之道。至歡之所由生也。生曰。入理未深。不能無樂。若無有代。必思舊樂而退矣。故說法樂。以易其昔五欲樂也。

天女卽問。何謂法樂。答曰。樂常信佛。生曰。魔天以不信。正爲本。故令信佛也。夫理本無定。苟能樂之。則爲樂矣。既樂而恒。又益樂也。

樂欲聽法。樂供養衆。什曰。三寶中生信也。肇曰。信而後悅。莫若三寶也。

樂離五欲。什曰。是信戒也。得四信時。先信。法次信。佛後信。僧及戒也。問曰。四信云

何先信。法次信。佛後信。僧及戒耶。答曰。譬如人重病服藥。若病愈則信。藥妙藥妙。必由師則信。師也。雖師妙藥良。要由善看病。人則信。看病人也。三事雖妙。要由我能消息。則信我也。法中四信亦復如是。觀實相見。諦時煩惱卽除。則信法妙也。三寶雖妙。要行之由我。我戒業清淨。故累病得除。則信戒也。深信四法。心常悅豫。可以證神通性。故非天樂所擬也哉。

樂觀五陰如怨賊。樂觀四大如毒蛇。樂觀內入如空聚。什曰。如方便品中說也。肇曰。善惡必察。何樂如之。

樂隨護道意。什曰。謂能將御無上道心。令不忘失。不錯亂也。肇曰。將護無上道心。令無差失。

樂饒益衆生。樂敬養師。樂廣行施。樂堅持戒。樂忍辱柔和。什曰。如犀提比丘。雖割截身體。心愈欣樂。恬然無變。法中生樂。類如此也。

樂勤集善根。樂禪定。不亂樂離垢。明慧。什曰。世俗慧中。不能生樂。要得無漏慧。離塵垢。則至樂自生也。

樂廣善提心。什曰。令衆生同己。無所齊限。故言廣也。肇曰。彼我兼得。謂之廣也。

樂降伏衆魔。肇曰。衆魔四魔也。樂斷諸煩惱。肇曰。諸煩惱衆結之都名。

樂淨佛國土。樂成就相好。故修諸功德。樂嚴道場。肇曰。道場如釋迦文佛菩提樹下。初成道處。三千二百里金剛地爲場。諸佛各隨國

①從十(彼) ②施二於 ③則二乃 ④同二因 ⑤者十(也) ⑥[請]一 ⑦今汝二汝今 ⑧意二心 ⑨(以)十易 ⑩所  
二足 ⑪[如]一 ⑫妙十(信) ⑬師十(也) ⑭我二戒 ⑮通二適 ⑯故二也 ⑰失十(也) ⑱文佛二半  
尼

土之大小而取場地之廣狹無定數也樂聞深法不畏什曰心無近著心不邪疑又能信諸佛有不思議法故能聞深法心不生畏也肇曰樂法之情不深者聞深法必生畏也

樂三脫門不樂非時什曰功行未滿則果不可得未至而求得是非時行也肇曰三脫空無相無作縛以之解謂之脫三乘所由謂之門二乘入三脫門不盡其極而中路取證謂之非時此大士之所不樂也

樂近同學樂於非同學中心無恚闔什曰我學大乘彼亦如是是名同學所習不同名不同學處同則樂處異亦夷其心平等無增減也肇曰異我自彼曷為生悲非同學外道黨也

樂將護惡知識樂近善知識樂心喜清淨什曰於諸禪定及實法中清淨喜也肇曰清淨實相真淨法也

樂修無量道品之法什曰是上所說之餘一切善法也肇曰法樂無量上略言之耳生曰始於信終於道品背隨魔所病而明義焉

是為菩薩法樂於是波旬告諸女言我欲與汝俱還天宮肇曰先聞空聲畏而言與非其真心故欲俱還生曰本不實與故可得與其還去也復恐其不去以天宮誘之夫本同而變反化則易將女還宮實在斯也

諸女言以我等與此居士生曰既已屬人

不得自在若欲竊去彼自有力俱不得脫也答其喚還之語矣

有法樂我等其樂不復樂五欲樂也肇曰已屬人矣兼有法樂何由而反也生曰明已自更有樂不樂五欲樂也答其以天宮誘之之語也

魔言居士可捨此女什曰先無真與之心見維摩詰教化已畢知其不惜故請之耳

一切所有施於彼者是為菩薩肇曰淨名化導既訖魔知其不恪故從請也菩薩之道一切無恪想能見還也生曰女誠不樂天宮故不去苟主遣之亦不得自在故還乞之也恐不必得是以說法也

維摩詰言我已捨矣汝便將去令一切衆生得法願具足什曰居士以女還魔則魔願具足故因發願令衆生得法願具足此是維摩詰願也肇曰因事興願菩薩常法也以女還魔魔願具足故因以生願願一切衆生得法願具足如魔之願滿足也

於是諸女問維摩詰我等云何止於魔宮肇曰昔在魔宮以五欲為樂今在菩薩以法樂為樂復還魔天當復有理由樂之生曰既不復樂於魔宮當復有理由樂之耶

維摩詰言諸姊有法門名無盡燈汝等當學肇曰將遠流大法之明以照魔宮癡冥之室故說此門也生曰以此法門便得樂魔宮也

無盡燈者譬如一燈然百千燈冥者皆明明終不盡如是諸姊夫一菩薩開導百千衆生令發阿耨多羅三藐三菩提心於其道意亦不滅盡隨所說法而自增益一切善法是名無盡燈也肇曰自行化彼則功德彌增法光不絕名無盡燈也

汝等雖住魔宮以是無盡燈令無數天子天女發阿耨多羅三藐三菩提心者為報佛恩亦大饒益一切衆生肇曰報恩之上莫先弘道

爾時天女頭面禮維摩詰足隨魔還宮忽然不現世尊維摩詰有如是自在神力智慧辯才故我不任詣彼問疾佛告長者子善德汝行詣維摩詰問疾善德白佛言世尊我不堪任詣彼問疾所以者何憶念我昔自於父舍什曰從父得不從非法得故名父舍也肇曰元嗣相承祖宗之宅名父舍焉

設大施會什曰大施會有二種一不用禮法但廣布施二用外道經書種種禮法祭祀兼行大施今善德禮法施也生曰婆羅門法七日祀梵天行大施期生彼也言已承嫡繼業於父舍然也寄之可以致明法施之大矣

供養一切沙門什曰佛法及外道凡出家者皆名沙門異學能大論議者名外道也婆羅門及諸外道貧窮下賤孤獨乞人什曰乞人有三種一沙門二貴人三下賤隨其所求皆名為乞人也

期滿七日什曰是第七日所以乃至第

期滿七日

①〔得〕一 ②背二皆 ③欲二告 ④之十也 ⑤也二矣 ⑥已二以 ⑦不十復 ⑧〔之〕一 ⑨耳二也 ⑩如二若 ⑪〔足〕一 ⑫止二處 ⑬日十思 ⑭者十名

●七方來護者。欲令其功德滿心淳熟也。生曰。本期七日而滿也。須滿然後呵者。滿為功成必恃焉。

時維摩詰來入會中。謂我言長者子。夫大施會不當如汝所設。肇曰。天竺天施會法。於父舍開四門。立高幢告天下。諸有所須皆詣其舍。於七日中傾家而施。以求梵福。時淨名以其俗施既滿。將進以法施。故先護其所設以明為施之殊也。生曰。非謂大也。當為法施之會。生曰。施從理出。為法施也。為會謂辨具足也。

何用是財施會為。什曰。見其布施不行。隨喜而反譏嫌者。施有三種。一財施。二心施。三法施。以財施人為布施。慈心等心與人樂為心施。說法利人名為法施。亦菩薩所行樂善皆為饒益眾生。饒益眾生有二種。一即時饒益。二為饒益因。此二者皆名法施。今欲令善德行。法施心施故去其財施也。肇曰。夫形必有所礙。財必有所窮。故會人以形者不可。善集施人以財者不可。

周給且施既不普財不益神。未若會群生於十方而即之本土。懷法施於胸中而惠無不普。以此而會。會無不均。以此而施。施不遺人。曷為置殊方而集近賓。捨心益而獨潤身乎。生曰。財是有限之物。施從此出。理自不得普而等也。

我言居士何謂法施之會。生曰。旨問法施會為大之理也。法施會者無前無後。什曰。財施不能一時

周則有前後。若法施之會一時普至。若一起慈心。則十方同緣。施中之等莫先於此。故曰無前後也。

一時供養一切眾生。生曰。佛為真梵天也。行法以供養則祠之矣。終必生其境也。又此為施理無不周亦無不等。無不等者不先於此而後彼也。無不周者能一時與是名法施之會。肇曰。夫以方會人不可。

一息期以財濟物。不可一時周。是以會通無際者。彌綸而不漏。法澤冥被者。不易時而周覆。故能即無疆為一會。而道無不調。虛心懷德而萬物自資。曷為存濡沫之小惠。捨拾夫江海之大益。置一時之法養而設前後之俗施乎。

何謂也。肇曰。群生無際而受化不俱。欲無前無後一時而養者何謂耶。生曰。問為會之方也。

謂以菩提起於慈心。什曰。起慈心也。有三種。凡夫為生梵天。二乘則為求功德。菩薩則為求佛度脫眾生。今欲令其為求佛道而起慈心。自此已下隨文求義。不必盡類。但令不乖法施耳。肇曰。夫財養養身。法養養神。養神之道存乎冥益。冥益之義豈待前後。經曰。一人出世天下蒙慶。何則群生流轉以無窮為路。冥冥相承莫能自反。故大士建德不自為身。一念之善皆為群生。以為群生故願行俱果。行果則已功立。願果則群生益。已功立則有濟物之能。

群生益則有反流之分。然則菩薩始建德於內。群生已蒙益於外矣。何必待哺養。啓導然後為益乎。菩提者弘濟之道也。是以為菩提而起慈心者。一念一時所益無際矣。生曰。施是救物之懷。以四等為主。故先明焉。然要在行實四等也。虛則不成。法施會矣。慈本所念在彼。理不得偏。不偏念者唯欲普益也。菩提既無不等。又能實益。若以此理為懷。豈虛也哉。

以救眾生起大悲心。什曰。若起悲而不為救物者。乖於悲也。當為救物而起悲心。肇曰。大悲之興救彼而起。所以悲生於我而天下同益也。生曰。悲本所念在苦欲拔之也。若以實救為悲悲之大者也。以持正法起於喜心。什曰。凡夫及小乘則見眾生樂故起喜心。今欲令持正法故起喜心。心於法中生喜也。肇曰。欲令彼我俱持正法。喜以之生也。生曰。喜本欣彼得離非法。是意存法也。若以持正法為喜。喜之實者也。

以攝智慧行於捨心。什曰。凡夫及小乘為捨怨親故行捨心。今欲令其為平等智慧一切捨離以行捨心。復次捨心中唯見眾生無分別想。同於無明。欲令其捨心中行智慧也。肇曰。小捨捨怨於怨親。大捨捨於萬有。捨萬有者正智之性也。故行捨心以攝智慧。生曰。捨以捨憎愛為懷也。攝智慧慧無不攝也。若以無不攝慧為捨者。捨亦無不捨也。

●七十(日)● ●足十(之)● ●[者施有三種]● ●為十(未來)● ●同二周● ●[之]● ●可十(以)● ●際二情● ●輪二證  
●夫二失● ●慶二益● ●[心]● ●[於]● ●



以攝慳貪起檀波羅蜜以化犯戒起尸波羅蜜以無我法起羼提波羅蜜 肇曰。忿生於我。無我無競。別本云。以無我法起忍。什曰。初行忍時。則爲我求福。習行既深。則忘我而忍。復次若能即我無我。則無受苦者。無受苦者。故能無事不忍。若以無我行忍。則其福無盡。譬如水中生火。無能滅盡者也。

以離身心相 什曰。遠離有二種。身棲事表。名身遠離。心無累想。名心遠離。於身心不著。亦名爲遠離也。

起毘梨耶波羅蜜 肇曰。精進之相起于身心。而云離身心相者。其唯無相精進乎。以菩提相起禪波羅蜜 什曰。令其爲佛道。故以起禪。不爲樂及受福。復次。梵本中。菩提相亦名寂滅相。當爲此相起禪也。肇曰。菩提之相。無定無亂。以此起禪。禪亦同相。以一切智起般若波羅蜜 什曰。欲令其標心大覺。不爲名利也。肇曰。在佛名一切智。在菩薩名般若。因果果名也。然一切智以無相爲相。以此起般若。般若亦無相。因果雖異。名其相不殊也。

教化衆生而起於空 什曰。是棄衆生法也。當爲化衆生而起空也。肇曰。存衆生則乖空義。存空義則捨衆生。善通法相。虛空其懷。終日化衆生。終日不乖空也。不捨有爲法而起無相 什曰。無相則絕。爲故誨令不捨也。肇曰。即有而無。故能起無相。即無而有。故能不捨。不捨故萬法兼備。

起無故美惡齊旨也 示現受生而起無作 什曰。無作不作。受生行也。無作則絕於受生。故誨令爲示現而起無作也。肇曰。作謂造作生死也。爲彼受生者非作生而受生也。是以大士受生常起無作。

護持正法起方便力 什曰。無方便慧。則取相。取相則壞正法。有方便慧。則無取相。無取相則是持正法。

以度衆生起四攝法 肇曰。非方便無以謹正法。非四攝無以濟群生。

以敬事一切起除慢法於身命財起三堅法於六念中起思念法 肇曰。念佛法。僧施戒天六念也。

於六和敬起質直心 什曰。欲令衆和。要由六法。一以慈心起身業。二以慈心起口業。三以慈心起意業。四若得食時減鉢中飯。供養上座一人。下座二人。五持戒清淨。六漏盡智慧。若行此六法。則衆常和順。無有乖謬。昔有二衆共行。譚佛因是說六和敬也。肇曰。以慈心起身口意業。爲三也。四若得重養與人共之。五持戒清淨。六修漏盡慧。非直心無以具六法。非六法無以和群衆。群衆不和。非敬順之道也。正行善法起於淨命 肇曰。凡所行善。不以邪心爲淨命。

心淨歡喜起近賢聖不憎惡人起調伏心 肇曰。近聖生淨喜。見惡無憎心。以出家法起於深心 什曰。出家則能深入。

佛法具行淨戒 肇曰。出家之法。非淺心所能弘也。以如說行起於多聞 肇曰。聞不能行。非多聞也。以無諍法起空閑處 什曰。與物無逆。又不乖法是名無諍。當爲此而起閑居也。肇曰。忿競生乎衆聚。無諍出乎空閑也。趣向佛慧起於宴坐 肇曰。佛慧深遠。非定不趣。

解衆生縛起修行地 什曰。謂修禪定道品法也。當爲衆解衆縛起修行地。不應自爲而修行也。肇曰。已行不修。安能解彼衆矣。以具相好及淨佛土起福德業 什曰。一切善法分爲二業。謂福德慧明業也。六度中前三度屬福德。後三度屬慧明。二業具足。必至佛道。譬如兩輪能有所至。福德業則致相好淨土。諸果報也。慧明業得一切智業者也。

知一切衆生心念如應說法起於智業 肇曰。大乘萬行分爲二業。以智爲行標。故別立智業。諸行隨從。故總立德業。凡所修立。非一業所成。而衆經修相淨土。繫以德業。知念說法。繫以智業。此蓋取其功用之所多耳。未始相無也。

知一切法不取不捨入一相門起於慧業 肇曰。決定審理謂之智。造心分別謂之慧。上決衆生念定諸法相。然後說法。故繫之以智。今造心分別法相。令入一門。故繫之以慧也。別本云。智業慧業。什曰。二業中慧

戶十(維) (佛) (表) 一 (遠) 一 (虛空) 二 (空) 三 (懷十) (者) (有) 十 (爲) (受) 一 (作十) (也) (法十) (也) 四 (群生) 二 (衆生) 也 (若) 一 (命十) (也) 三 (心十) (也) 四 (衆十) (生) 五 (矣) 一 (德十) (業) 六 (明十) (業) 七 (泰) 一

一七五 法華摩訶經卷第四

明勝故有二種分別。內自見法名為慧。外為衆生知其心相決定不疑而為說法名為智也。

斷一切煩惱。什曰。即慧明業也。

一切障闕。什曰。還總。福德慧明二業。二業具則罪闕悉除。下二句亦總二業也。

一切不善法起一切善業。肇曰。無善不修。故無惡不斷也。

以得一切智慧一切善法起於一切助佛道法。什曰。佛法有二種。一者世間二者出世。

問。出世者名為助。佛道法也。肇曰。一切智慧即智業也。一切善法即德業也。助佛道法大乘諸無漏法也。智德二業非有漏之所成。

成之者必由助佛道法也。生曰。若盡以一切智慧一切善法為助佛道之法者。法施會必辦矣。

如是善男子是為法施之會。肇曰。若能備上諸法。則冥潤無涯。其為會也不止一方。

其為施也不止形骸。不止形骸故妙存濟神。不止一方故其會彌綸。斯可謂大施。可謂大會矣。

若菩薩住是法施會者為大施主。生曰。無不與大之極。

亦為一切世間福田。什曰。若行財施但名施主。不名福田。若行法施亦名施主。又名福田。肇曰。福田。謂人種福於我。我無穢行之穢種。人獲無量之果報。福田也。生曰。

施主易受。施難也。要當德必能福然後是耳。

世尊維摩詰說是法時。婆羅門衆中二百人。什曰。既用其禮法。亦以其有福德智慧。故以為坐之宗主也。

皆發阿耨多羅三藐三菩提心。我時心得清淨。肇曰。心累悉除。得清淨信也。

歎未曾有。稽首禮維摩詰。足即解瑠璃。價直百千以上之。生曰。七日。施而此物在者。最所重也。而以上維摩詰者。現崇法施情也。不肯取。什曰。本來意為說法故。亦為護財施故。懷此二心。所以不受者也。

我言居士願必納受。隨意所與。維摩詰乃受瑠璃分作二分。持一分施此會中一最下乞人。持一分奉彼難勝如來。肇曰。上直進以法施。未等致施之心。故施極上窮下。明施心平等。以成善德為施之意也。

一切衆會皆見光明。國土難勝如來。什曰。以彼佛威德殊勝。國土清淨。將欲發起衆會。令生勝求。故先奉施後使。其見也。

又見珠璣在彼佛上。變成四柱寶臺。什曰。為善德現。將來果報如此之妙也。

四面嚴飾不相障礙。生曰。分作二分者。欲以明等也。現神力驗法施也。

變成四柱寶臺。豈財施能為之乎。是法施會然也。故能無不周耳。

時維摩詰現神變已作是言。若施主等心施一最下乞人。猶如如來福田之相。什曰。施佛以地勝故心濃。施貧以地苦故悲深。是以福田同相致報。一也。

無所分別。等于大悲。不求果報。是則名曰具足。

法施。肇曰。若能齊尊卑。一行報以平等。悲而為施者。乃具足法施耳。生曰。用心如此。非財之施也。乃所以具足法施會也。

城中一最下乞人。見是神力。聞其所說。皆發阿耨多羅三藐三菩提心。故我不任詣彼問疾。如是諸菩薩各各向佛說其本緣。稱述維摩詰所言。皆曰。不任詣彼問疾。肇曰。三萬二千菩薩皆說。不任之緣。文不備載之耳。

注維摩詰經卷第四

注維摩詰經卷第五

後秦釋僧肇選

文殊師利問疾品第五

爾時佛告文殊師利。肇曰。文殊師利。秦言妙德。經曰。已曾成佛。名曰龍種尊也。

汝行詣維摩詰問疾。文殊師利白佛言。世尊。彼上人者。難為酬對。什曰。言乃超出我上。豈直諸賢。此蓋深往之情耳。豈其實哉。肇曰。三萬二千何必不任。文殊師利何必獨最。意謂至人變謀無方。隱顯殊迹。故迭為脩短。應物之情耳。孰敢定其優劣。辯其得失乎。

文殊將適。群心而奉。使命。故先歎淨名之德。以生衆會難遭之想也。其人道尊。難為酬對。為當承佛聖旨。行問疾耳。

深達實相。肇曰。實相難測。而能深達善說法要。什曰。此文不便。依經本應言。以要言說法。謂能簡要之言。折繁理也。

善說法要。什曰。此文不便。依經本應言。以要言說法。謂能簡要之言。折繁理也。

以要言說法。謂能簡要之言。折繁理也。

以要言說法。謂能簡要之言。折繁理也。

以要言說法。謂能簡要之言。折繁理也。

〔開〕一。〔佛〕一。〔施〕十。〔中〕。〔德〕二。〔得〕。〔用〕二。〔由〕。〔一〕十。〔者〕。〔注〕五。〔八〕字。一。〔後〕六。〔字〕一。〔維摩詰經〕十。〔文〕。〔五〕十。〔集解〕。〔釋〕十。〔下〕同。〔已〕曾。二。〔曾〕已。〔羅〕十。〔什〕下。同。

肇曰善以約言而舉多義美其善得說法之要趣也

辯才無滯智慧無闇 肇曰辭辯圓應而無滯智慧周通而無闇

一切菩薩法式悉知 什曰謂神通變化諸威儀也

諸佛祕藏無不得入 什曰如密迹經說身口意是也肇曰近知菩薩之儀式遠入諸佛之祕藏祕藏謂佛身口意祕密之藏

降伏衆魔 肇曰衆魔四魔遊戲神通 什曰神通變化是爲遊引物

於我非真故名戲也復次神通雖大能者易之於我無難猶如戲也亦云於神通中善能入住出自在無礙肇曰遊通化人以之自娛

其慧方便皆已得度 肇曰窮智用盡權道故稱度也

雖然當承佛聖旨詣彼問疾 肇曰其德若此非所堪對當承佛聖旨然後行耳

於是衆中諸菩薩大弟子釋梵四天王等咸作是念今二大士文殊師利維摩詰其談必說妙法即時八千菩薩五百聲聞 什曰餘聲聞專以離苦爲心不求深法故不同學耳五百弟子智慧深入樂聞深法所以俱行也

百千人皆欲隨從 肇曰大士勝集必有妙說故率欲同舉也

於是文殊師利與諸菩薩大弟子衆及諸天人恭敬圍遶入毘耶離大城 肇曰菴羅園在

城外淨名室在城內也

爾時長者維摩詰心念今文殊師利與大衆俱來即以神力空其室內除去所有 什曰將欲明宗故現空相以發興也盡敬致供必稱其所安以文殊樂虛靜故應之以空也

生曰發斯念者因以空室示有虛納之懷有去故空密在用標宗致也現神力者要念之使也

及諸侍者 生曰爲妨已陪侍者須別將又以明體夫宗致無捨群生之懷苟不棄之莫非皆侍矣

唯置一床以疾而臥 肇曰現病之興事在今也空室去侍以生言端事證於後唯置一床借座之所由也生曰衆多室小雖床亦妨且坐臥行立本隨人體所宜須之便設何必在豫以此去之豈曰不延乃所以有客故爾而實設之待須者將現神力以表說理之功功既非測以驗所說是實

文殊師利既入其舍見其室空無諸所有獨寢一床 生曰見之者得其旨也

時維摩詰言善來文殊師利 什曰若默然無言以實主不請讚言善來者欲明實來得會主亦虛受也

不來相而來不見相而見 肇曰將明法身大士舉動進止不違實相實相不來以之而來實相無見以之相見不來而能來不見而能見法身若此何善如之生曰既以體理爲懷來則隨其爲不來相之來矣

有「不來相之來」者善之極也

文殊師利言如是居士若來已更不來若去已更不去 生曰如是者謂前理爾也若者設使來不能自表於不來既來不復更來來爲不來相居然顯矣體之無功我何有善哉

所以者何來者無所從來去者無所至 生曰來本生於因不來來者向無所從來而況來者可得更來耶以去對來相明也

所可見者更不可見 肇曰明無來去相成淨名之所善也夫去來相見皆因緣假稱耳未來亦非來來已不更來捨來已未來復於何有來去見亦然耳其中曲辯當求之諸論也生曰已備前文故不復廣之也

且置是事 肇曰雖貪微言而使命未宜故且止其論而問疾矣

居士是疾寧可忍不 什曰若病重難忍則廢其道業也問疾輕重寧可忍不忍也療治有損不至增乎世尊憐愍致問無量居士是疾何所因起 什曰外道經書唯知有三大病不知地大佛法中說四大病病之所生在於四大增損四大增損必自有因而然故問其因起也

其生久如當云何滅 肇曰使命既宣故復問疾之所由生也是病何因而起起來久近云何而得滅乎生曰作問實疾之迹以求假病之意也

維摩詰言從癡有愛則我病生 道融曰衆生受癡故有愛有愛故受身受身則病

○圖十(也)○ ○藏十(也)○ ○魔十(也)○ ○是爲遊二爲迷○ ○之自娛二自娛也○ ○(佛)一○ ○(等)一○ ○力二通○ ○宗二空○ ○(當)十樂○ ○(等)十生○ ○下問○ ○(念之使也)四字二(使有不改位而實得去也以明變化若斯者必無虛言也)二十二字○ ○爾二耳○ ○實十(也)○ ○虛二於○ ○何有二有何○ ○生二在○ ○(不來)一○ ○(者)一○ ○\* ○相二明○ ○充二也○ ○居士是二文殊師利言居士所○ ○(也)一○ ○(釋)十道○

以彼病故則我病生矣。衆生有病而我病生者。明爲物故生。毘摩爲物來久故知不近也。下言彼病滅則我病滅。明其起病不齊限衆生也。新學菩薩未能久處生死爲一切起病。故明大士曠懷處疾。推其前際以發心爲始。尋其後際則與衆生俱滅。新學聞之局心自曠。病生滅二句言雖在病意在明悲。故但說病生滅久近。久近既明則大悲自顯。是以先答生滅後答大悲起也。此集以明宗爲本。而先說大悲者。有二門入佛法。一大悲二智慧。階淺至深弘之有漸。故先說大悲後說實相也。什公作空解云。癡無前際。無前則亦無中後。病亦如是無久近也。此中不似有空義。故別記私通如上。肇曰。答久近也。菩薩何疾悲彼而生疾耳。群生之疾癡愛爲本。菩薩之疾大悲爲源。夫高由下起。疾因悲生。所以悲疾之興出。于癡愛而癡愛無緒莫識其源。吾疾久近與之同根。此明悲疾之始不必就己爲言也。生曰。夫現疾之意欲拔衆生無始癡愛盡其無窮之源。雖我今生而實無我今生。意存彼昔義。乃是彼昔病然則病起於有癡愛之時。非適今也。不以一切言之者。今答病久義不在昔故也。然汎云癡愛普亦在其中矣。又不以衆生言之者。菩薩無復癡愛。居然有屬故也。以一切衆生病是故我病若一切衆生病滅則我病滅。肇曰。答滅也。大士之病因彼生耳。彼病既滅吾復何患。然以群生無邊癡愛

無際。大悲所被與之齊量。故前悲無窮。以癡愛爲際。後悲無極。與群生俱滅。此因悲所及以明悲滅之不近也。生曰。癡愛是衆生染病之源。源盡其病亦除也。菩薩之病本在於此。而彼病既愈得無滅乎。又菩薩病以汎濟爲主。衆生有不蒙者。彼自不應從。化非有偏也。然則雖曰一人病愈菩薩便愈。乃所以是一切衆生得不復病然後菩薩病滅也。以衆生言之者。菩薩友亦有病。不得不以別之也。所以者何。菩薩爲衆生故入生死有生死則有病。若衆生得離病者則菩薩無復病。肇曰。夫法身無生況復有形。既無有形病何由起。然爲彼受生不得無形。既有形也不得無患。患故隨其久近與之同疾。若彼離病菩薩無復病也。譬如長者唯有一子。其子得病父母亦病。若子病愈父母亦愈。菩薩如是於諸衆生愛之若子。衆生病則菩薩病。衆生病愈菩薩亦愈。又言是疾何所因起。生曰。問本在前。今答居後。故稱之焉。不先答者。其病之因以生滅而顯故也。菩薩病者以大悲起。肇曰。菩薩之疾以大悲爲根。因之而起答初問也。生曰。自非大悲病不妄起也。文殊師利言居士此室何以空無侍者。肇曰。空室之興事在於此。問室何空又無侍者。無侍者後別答。生曰。問疾既畢次問室空意也。夫人所住自應有資生之物。而今

廓然。其故何耶。又凡病者理必須侍。亦莫知其所以復何在乎。并問二事者。以侍者在空而別故也。維摩詰言諸佛國土亦復皆空。肇曰。平等之道理無二。迹十方國土無不空者。曷爲獨問一室空耶。生曰。有今可得而去。居然非實。以明諸佛國土雖若湛然亦空矣。諸佛國者有佛之國也。舉此爲言者。良以佛得自在尚不能使己國爲有。況餘事乎。亦以是人情所重故標爲悟端也。又問以何爲空。什曰。室中以無物爲空。國土復以何理爲空耶。肇曰。室以無物爲空。佛土以何爲空。將辯畢竟空義。生曰。猶存國安爲有。不悟同此所無。然居言其同。以何獨得之耶。答曰。以空空。什曰。無以無物故。空以國土性空。即是畢竟空故。肇曰。夫有由心生。心因有起。是非之域妄想所存。故有無殊論紛然交競者也。若能空虛其懷冥心真境。妙存環中有無一觀者。雖復智周萬物。未始爲有。幽鑑無照。未始爲無。故能齊天地爲一旨。而不乖其實。鏡群有以玄通而物我俱一。物我俱一故智無照功。不乖其實。故物物自同。故經曰。聖智無知以虛空爲相。諸法無爲與之齊量也。故以空智而空於有者。即有而自空矣。豈假屏除然後爲空乎。上空智空。下空法空也。直明法空。無以取定。故內引真智外證法空也。生曰。上空是空慧空也。下空是前理空也。

① 思二維 ② 前十(際) ③ 源二原 ④ 疾二是 ⑤ 悲二非 ⑥ 于二乎 ⑦ 患二病 ⑧ (子)一 ⑨ 問本二本問 ⑩ 在二存 ⑪ 述二途 ⑫ 有十(去)故空者空則非實也苟以不實爲現有亦空欠所以然者空既不實有獨也有者不實與夫向空豈有異哉有 ⑬ 四十 ⑭ 義十(也) ⑮ 居十(土) ⑯ 耶二也 ⑰ 空十(故) ⑱ 空十(性空故) ⑲ 城二城 ⑳ 鑑二鑑 ㉑ 同二同 ㉒ 者十(則)

言要當以空慧然後空耳。若不以空慧終不空也。豈可以我謂爲不空哉。

又問空何用空。什曰。若法性自空則應直置而自空。諸賢聖復何用空。慧空諸法耶。肇曰。上空法空。下空智空也。諸法本性自空。何假智空然後空耶。生曰。若理果是空。何用空慧然後空耶。自有得解之空慧。此空即是慧之所爲。非理然也。何可以空慧然後空便言理爲空哉。

答曰。以無分別空故空。什曰。上空是空慧也。下空是法空也。雖法性自空不待空慧。若無空慧則於我爲有。用此無分別空慧。故得其空則於我爲空也。肇曰。智之生也。起於分別。而諸法無相故智無分別。智無分別即智空也。諸法無相即法空也。以智不分別於法。即知法空。已矣。豈別有智空。

假之以空法乎。然則智不分別法時。爾時智法俱同一空。無復異空。故曰以無分別爲智空。故智知法空矣。不別有智空以空法也。生曰。向言空慧者。非謂分別作空之慧也。任理得悟者耳。若以任理爲悟而得。此然後空者。理可不然乎哉。

又問空可分別耶。什曰。問解空慧也。向雖明空慧不見空有分別。未明慧體空無分別。故問此空慧可分別耶。肇曰。上以無分別爲慧空。故知法空無復異空。雖云無異而異相已形。異相已形則分別是生矣。若知法無異空者。何由云以無分別爲智空。故知法空乎。故問智空法空可分

別耶。智法俱空故單言一空則滿足矣。生曰。即空之言。空似有相。有相便與餘事分別也。空苟分別而慧不分別者。則空與慧異矣。空既異慧。復不從慧來也。

答曰。分別亦空。什曰。慧異於空則是分別。雖有分別其性亦空也。肇曰。向之言者。有分別於無分別耳。若能無心分別而分別於無分別者。雖復終日分別而未嘗分別也。故曰分別亦空。生曰。夫言空者。空相亦空。若空相不空。空爲有矣。空既爲有。有豈無哉。然則皆有而不空也。是以分別亦空然後空耳。

又問空當於何求。肇曰。上因正智明空。恐惑者將謂空義在正不在邪。故問空義之所在。以明邪正之不殊也。生曰。言之誠已盡。然而惑者猶未能全信。故復請效斯語。以悟之焉。前推理實爲空極。分別亦空。空則無相矣。若果以無相空爲實者。於何求之得。其然耶。

答曰。當於六十二見中求。什曰。上明畢竟空則無法不空。然造心求解要必有津。求津之要必有所惑。惑之所生。生於見異。異之甚者莫過邪正。邪正之極莫過於此。故問於何求。而答以二法也。肇曰。夫邪因正生。正因邪起。本其爲性。性無有二。故欲求正智之空者。當於邪見中求。生曰。夫以相爲懷者。極不出六十二見。見則邪矣。而此中無空。空不然乎。又問六十二見當於何求。生曰。若六十二

見以存相爲邪者。復於何求得。其然邪。答曰。當於諸佛解脫中求。肇曰。捨邪見名。解脫。背解脫名。邪見。然則邪解相離。孰爲其原。爲其原者一而已矣。故求諸邪見。當本之解脫也。生曰。解脫者解脫結縛也。若存相不邪。不可去矣。而解脫中無之者。故知諸見理必然也。言諸佛者。明妙必同。

又問諸佛解脫當於何求。生曰。若諸佛解脫解脫結縛者。復於何求得。其然耶。答曰。當於一切衆生心中求。肇曰。衆生心行即縛行也。縛行即解脫之所由生也。又邪正同根。解脫一門。本其真性。未嘗有異。故求佛解脫當於衆生心行也。生曰。心行者不從理爲懷也。懷不從理者。纏縛生死不相出也。若一切衆生心行中都無解脫者。故知解脫解脫之也。心行亦六十二見耳。但其爲義不同。故取之有彼。此若無以明諸佛解脫爲解脫結縛。猶未足以驗六十二見爲邪。若無以明六十二見爲邪。亦不足以驗空之爲實。是以次請問則明矣。別本云。六十二見諸佛解脫衆生意行。什曰。二見有之根邪之極也。解脫有之終正之妙也。衆生意行二見之中也。此三聚法衆情所滯。決定見其異也。夫取相與惑因茲而起。反迷求宗亦必至於此。三性同致。故展轉相涉者也。

又仁所問何無侍者。一切衆魔及諸外道皆吾侍也。肇曰。世之侍者唯恭己順命。給侍所須。謂之侍者。菩薩侍者以慢己違命違道

①[本]一②知十(智)③已二也④此十(空)⑤上十(云)⑥慧一智⑦知二智⑧故一⑨有⑩心十(於)  
⑪悟二括⑫求十(也)⑬邪二耶⑭矣一⑮同十(也)⑯脫二縛⑰此十(也)⑱見十(有)  
⑲與二與

者同其大乖和以冥順侍養法身謂之侍者所以衆魔異學爲給侍之先也

所以者何衆魔者樂生死菩薩於生死而不捨生曰魔樂生死則住其中矣若不就化永與之乖豈得便悟有宗理乎

外道者樂諸見菩薩於諸見而不動什曰言不見其有異相也肇曰魔樂著五欲不

求出世故繫以生死異學雖求出世而執著己道故繫以邪見大士觀生死同涅槃故能不捨觀邪見同於正見故能不

動不動不捨故能即之爲侍也生曰亦不捨諸見也魔與外道是背理之極而得其宗已自此以外復何言哉

文殊師利言居士所疾爲何等相什曰即事而觀若無病而云有又未見其相故求其相也肇曰既知病起之所由復問由

生之疾相也四百四病各有異相大悲之疾以何爲相乎將明無相大悲應物生病者雖終日現疾終日無相也生曰問疾之狀

應在空前前以答依實妨問空意又空義既明其狀乃顯故也維摩詰言我病無形不可見肇曰大悲無緣而無所不緣故能應物生病應物生病則於我未嘗疾也未嘗疾故能同衆疾之相而不達無相之道何者大悲無緣無緣則無相以此生疾疾亦無相故曰我病無形不可見也生曰病是形理有必可見而無其實故言爾也又問此病身合耶心合耶什曰上答無形

不可見即是說畢竟空也就言亦似是有病不見故生此問耳肇曰或者謂病不可見將謂心病無形故不可見或謂身病微細故不可見爲之生問也病於身心與何事合而云不可見乎生曰夫身爲受病之本心爲覺痛之主病或合之爲無形矣故假玆以問乃致明病無所寄然後盡無形也

答曰非身合身相離故什曰無身故無病也亦非心合心如幻故什曰心無真實故無病也肇曰身相離則非身心如幻則非心

身心既無病與誰合無合故無病無病故不可見也生曰身本殊表故言離相也心動無方故言幻也身心既無何所合哉又問地大水大火大風大於此四大何大之病什曰此將明病所由起病所由起不以一事必由四大假會而生假會而生則病無自性病無自性則同上不可見也此雖

明病所因起乃明所以無病也肇曰身之生也四大所成上總推身今別推四大曲尋其本也生曰身心本是四大合之所成身心可無四大或有而四大各起百一諸病便可有是之故無形也復得寄斯爲問以明因四大有病無實形矣

答曰是病非地大亦不離地大水火風大亦復如是肇曰四大本性自無患也衆緣既會增損相剋患以之生耳欲言有病本性自無欲言無病相假而有故病非地大亦不

離地餘大類爾也而衆生病從四大起生曰實因之也以共有病是故我病肇曰四大本無病亦不有而衆生虛假之疾從四大起故我以虛假之疾應彼疾耳逆尋其本彼我無實而欲觀其形相何耶生曰亦是因之而非實病

爾時文殊師利問維摩詰言菩薩應云何慰諭有疾菩薩肇曰慰諭有疾應自文殊而逆問淨名者以同集諸人注心有在又取證於疾者乃所以審慰諭之會也此將明大乘無證之道以慰始習現疾菩薩故生此問也生曰夫慰諭有疾本是無疾所爲維摩詰既能無之故次以問焉雖爲菩薩而未免病者不能不爲病所苦以之戀生而畏死也苟有戀生畏死之情必以增生死也是以同道之體宜相慰諭慰諭之方除其此懷此懷若除生死幾乎息矣

維摩詰言說身無常不說厭離於身什曰凡有三種法謂世間法出世間法觀無常而厭身者是聲聞法著身而不觀無常者是凡夫法也觀無常而不厭身者是菩薩法今爲病者說菩薩法以此處病則心不亂也肇曰慰諭之法應爲病者說身無常去其貪著不應爲說厭離令取證也不觀無常不厭離者凡夫也觀無常而厭離者二乘也觀無常不厭離者菩薩也是以應慰諭初學令安心處疾以濟群生不厭生死不樂涅槃此大士慰諭之法也生曰夫

○宗十(侍)○ ○繫十(之)○\* ○答依一答必表○ ○亦二述○ ○或二惑○\* ○殊二外○ ○水火二水大火大○ ○相十(當)○ ○病十(也)○

戀生者是愛身情也。情既愛之，無有厭已。苟曰：無常豈可愛戀哉？若能從悟，不期遣惑而惑自亡矣。亡乎惑者，無復身也。雖已亡，惑無身終不後理。於理不後，必能窮之。窮理盡性，勢歸兼濟。至於在惑之時，固應思惑求通，求通之懷必以無常厭身。然則厭身出於在惑，非理中懷也。

說身有苦，不說樂於涅槃。生曰：理若無常，則以失所愛致惱。曲辯之。八苦之聚，尤不可戀也。向在惑以無常厭離，今亦取苦樂涅槃樂，就理為言，豈得然乎？

說身無我而說教導樂生。生曰：凡愛身者，起於著我。苟是無常而苦，豈有幸之者乎？若無幸於內，復何以致戀哉？亦據其患惑人用之獨善而已。既在悟懷，謂之教導也。

說身空寂。什曰：隨其利鈍，故說有廣略。譬如大樹非一斧所傾，累根既深，非一法能除。或有雖聞無常，謂言不苦，則為說苦。既聞苦，便謂有苦樂之主，故說無我及空也。

不說畢竟寂滅。肇曰：雖見身苦而不樂涅槃之樂，雖知無我不以衆生空，故關於教導，雖解身空而不取涅槃畢竟之道。故能安住生死與衆生同疾，是以慰諭之家，宜說其所應行，所不應行，不宜說也。生曰：既無能為宰，我身何有耶？若無有身，戀復從何生乎？所言空寂，明無實耳，非謂無也。然此四句皆隨義作次，理盡兼矣。

說悔先罪而不說入於過去。什曰：利根者，聞上四句，則能處疾不亂。自此已下，便為鈍根者也。說近切之言，論其心也。今日之病，必由先罪，故教令悔先罪也。既言有先罪，則似罪有常性，入於過去，故為說不入過去，去其常想也。肇曰：教有疾苦，薩悔，既往之罪，往罪雖繫人，不言罪有常性，從未來至現在，從現在入過去也。生曰：夫戀生畏死者，恐有罪故也。若能改而悔之，則出其境矣。復何畏哉？是以教悔前罪，以除其畏也。此則據緣故耳。不言有實。

以己之疾，惑於彼疾。什曰：令其推己而悲物也。當念言：我今微疾，苦痛尚爾，況惡趣衆生受無量苦也。肇曰：勸疾者推己之疾，惑於他疾也。生曰：我有智慧，猶有疾苦，況乃不達者乎？推己惑彼，是兼濟之懷，豈得自畏死焉？

當識宿世無數劫苦。生曰：無數劫來經苦無量，如何一旦忽忘之耶？當念饒益一切衆生。什曰：無數劫來受苦無量，未曾為道，為道受苦，必獲大利。既以此自諒，又當念饒益衆生，令得此利也。

肇曰：當尋宿世受苦無量，今苦須臾，何足致憂，但當力勵救彼苦耳。生曰：念欲饒益一切衆生者，方入生死，不得有畏也。

憶所修福。什曰：外國法從生至終所作福業，一一書記。若命終時，傍人為說令其特福心不憂畏也。肇曰：恐新學菩薩為疾所

亂，故勸憶所修福，悅其情也。生曰：若有福者，所生必勝，有何畏哉？

念於淨命。什曰：淨命即正命也。自念從生至今，常行正命，必之善趣。吾將何畏也？肇曰：勿為救身疾起邪命也。邪命謂為命諂飾，要利存生也。生曰：行善之時，本為得道度世，未始求利衣食，尚不畏為生死所牽，況罪苦者乎？

勿生憂惱。生曰：憂之無益，徒以致惱耳。常起精進。什曰：雖身逝命終，而意不捨也。生曰：因因病致懈，懈乃愈生其憂，動與命競，恒患不至，豈復容懈哉？

當作醫王療治衆病。什曰：令其因疾發弘誓，如是諸病無能救者，當作法醫療衆病也。肇曰：當為大法醫王，療治群生之疾，自疾何足憂乎？生曰：唯當勸求療方，以兼一切，勿起憂惱，徒苦而無益也。

菩薩應如是慰諭。有疾菩薩，令其歡喜，文殊師利言：居士有疾，菩薩云何調伏其心？肇曰：上問慰諭之宜，今問調心之法。外有善論，內有善調，則能彌歷生死與群生同疾。辛酸備經而不以為苦，此即淨名居疾之所由也。將示初學處疾之道，故生斯問也。生曰：夫心為事馳，無惡不作。譬猶放逸之馬，難可禁制，是以波流生死，莫出其境。將欲自拔，要在伏而調之。調伏之方，必有道也。譬猶調馬以時，豈能不從其得其道，然後伏矣。而菩薩未免乎疾者，必為病切所牽，愈難制也。故復問之爾焉。

所牽愈難制也。故復問之爾焉。

①〔復〕一〇\* ②若二荷 ③曲十〔而〕 ④人二久 ⑤謂二理 ⑥不二無 ⑦便二更〔無〕 ⑧實十〔也〕 ⑨焉二也 ⑩所二疾 ⑪其二共 ⑫者乎二耶 ⑬耳二也\* ⑭病二疾 ⑮憂十〔幾〕 ⑯容十〔於〕

維摩詰言有疾菩薩應作是念今我此病皆從前世妄想顛倒諸煩惱生。生曰。苟為病切所牽不得。不推病理也。病理是無。何能牽我哉。夫從緣起者已自非有。況乎惑想顛倒所生者哉。

無有實法誰受病者。肇曰。處疾之法要。先知病本。病之生也。皆由前世妄想顛倒。妄想顛倒故煩惱以生。煩惱既生不得無身。既有身也不得無患。逆尋其本。虛妄不實。本既不實誰受病者。此明始行者初習無我觀也。生曰。又無所病也。既無所病。病又無矣。

所以者何四大合假名為身四大無主。什曰。四大是身之本。本既無主故身亦無我也。身亦無我。肇曰。釋無我義也。四大和合假名為身耳。四大既無主。身我何由生。譬一沙無油聚沙亦無也。主我一物異名耳。生曰。夫計我者或即以身為我。或謂身中有我也。今推身為理唯以四大合成無復別法。四大無主身亦無我。四大四矣。我則一矣。苟云處中為主之矣。然其無主則我無中矣。身為一也我亦一也。苟云即是身是之也。然無我則我不即也。我果是無何所病哉。

又此病起皆由著我。什曰。病起有一事。一者由過去著我廣生結業。結業果。孰則受於苦。二者由現在著我心惱。著我心惱故病增也。是故於我不應生著。肇曰。我若是實。曷為

生病。生曰。復原此病本空。而有病者皆由著我起也。若能於我不著病何有哉。既知病本。什曰。著我是也。即除我想及衆生想。什曰。此三者事同而義異耳。肇曰。病本即上妄想也。因有妄想故。現我及衆生若悟妄想之顛倒則無我無衆生。生曰。既知病由著我而起。便應即除之也。衆生雖即是我。而將欲推衆法合中無我。故以帖之微現此義焉。

當起法想。什曰。此假法以遣我。猶人養此怒以滅彼怒也。肇曰。我想患之重者。故除我想而起法想。法想於空為病。於我為藥。昇降相摩故假之以治也。生曰。除之為何教起法想。起法想者非謂著法也。應作是念但以衆法合成此身。生曰。衆法者陰界入也。合成身者明其為因也。言但者因中無我也。

起唯法起滅唯法滅。肇曰。釋法想也。五陰諸法假會成身。起唯諸法共起。滅唯諸法共滅。無別有真宰主其起滅者也。既除我想唯見緣起諸法故名法想。生曰。起滅者是果也。言唯者果中亦無我也。又此法者各不相知。生曰。此下二句又明因果即非我也。衆法合成之時相緣而起。相緣起者不能不相起。非能相起也。若能相起者必有相起之知。而所知在彼不在於己。反覆為相知矣。是即自在為我義焉。

起時不言我起滅時不言我滅。肇曰。萬物紛紜聚散誰為緣合則起。緣散則離。聚散

無先期故法法不相知也。生曰。從緣起者亦不能不從起。非能從他起也。若能從起者必有從起之知。而所知在己不在於彼。故無相知之義也。是亦自在為我義焉。

彼有疾菩薩為滅法想。什曰。向以法遣我自。此以下以空遣法也。當作是念此法想者亦是顛倒顛倒者是即大患我應離之。肇曰。法想雖除我。於真猶為倒。未免於患故應離之。生曰。夫以法想除我想者。豈復有法生著也哉。有於言迹生惑故次除之。又兼得對明以盡其義焉。

云何為離離我所。肇曰。我為萬物主。萬物為我所。若離我所則無法不離。生曰。有之情自外諸法皆以我為我之所有。我之所有是對我之法。我既已無所有豈獨存乎。云何離我。我所謂離二法。生曰。向直云二事耳。今言要當離二事相對為二然後是離也。

云何離二法。謂不念內外諸法行於平等。肇曰。有我所則二法自生。二法既生則內外以形。內外既形則諸法異名。諸法異名則是非相傾。是非相傾則衆患以成。若能不念內外諸法行心平等者。則入空行無法想之患。內外情塵也。生曰。內者我也。外者一切法也。此則相對為二矣。謂不念之行於平等為離也。云何平等。謂我等涅槃等。肇曰。極上窮下

①疾②一③無④然⑤之⑥也⑦執⑧執⑨執⑩受⑪現⑫見⑬也⑭也⑮昇⑯降⑰卑⑱隆⑲界⑳入㉑二㉒界㉓為㉔主㉕也㉖能㉗焉㉘矣㉙之㉚十㉛也㉜生㉝二㉞致㉟外㊱十㊲法者㊳也



齊以「一觀乃應平等也」生曰。涅槃雖非無。是表無之法也。故於外法中。指舉此一事以對。我明等也。

所以者何。我及涅槃此二皆空。肇曰。即事無不異。即空無不一。

以何爲空。但以名字故空。生曰。名下無實。如此二法無決定性。肇曰。因背涅槃故名。吾我。以捨吾我故名。涅槃。二法相假故有。名。生本其自性。性無決定。故二俱空也。矣。生曰。無定爾也。

得是平等無有餘病。唯有空病。生曰。亦以言迹除之也。義。以龜妙故云爾也。

空病亦空。什曰。上明無我無法而未遣空。未遣空則空爲累。累則是病。故明空病亦空也。肇曰。群生封累深厚。不可頓捨。故階級漸遣。以至無遣也。上以法除我。以空除法。今以畢竟空空於空者。乃無患之極耳。生曰。空理無病。病有空耳。就病言之。故謂空爲病也。

是有疾菩薩。以無所受而受諸受。什曰。受謂苦樂捨三受也。若能解受無受。則能爲物受。生而忍受三受也。生曰。諸受者謂三受也。既觀病空。三受皆無也。能無三受者。三受自除也。非是欲捨故有入受爲化之情焉。

未具佛法亦不滅受而取證也。肇曰。善自調者。處有不染。有在空不染。空此無受之至也。以心無受。故無所不受。無所不受。故能永與群生同受。諸受諸受者。謂苦受樂

受。不苦不樂受也。佛法未具。衆生未度。不獨滅三受而取證也。生曰。據患受之情。欲求無滅之者。必取其足能除患之處。以爲妙極。不復希盡。理也。是則證明無義中道而止矣。

設身有苦念。惡趣衆生起大悲心。什曰。我功德智慧之身。尚苦痛如是。況惡趣衆生受苦無量耶。即起悲心。志拔苦也。生曰。向有入受爲化之情。是大悲心也。大悲爲何。設身有苦。以念惡趣衆生而拔濟之。前雖觀病空。正可使情不惡苦。未得便實無之。若久觀理明。後生則無矣。是以言設身有苦也。以念惡趣衆生者。言我在入中有福。又資智慧之明。猶尚有苦如是。況三惡道中無福慧者。但念惡趣者。夫在生死皆不免之。故以爲發大悲之緣。矣。

我既調伏。亦當調伏一切衆生。肇曰。要與群生同其苦樂也。生曰。自非調伏。則不免三惡道矣。

但除其病而不除法。什曰。謂妄見者所見常樂淨等法也。所以言無者。不以有樂淨法而以無除之。直爲除妄想病耳。無法可除。故能處之。不除其法也。生曰。調伏除其所惑之有。不除法有也。

爲斷病本而教導之。肇曰。諸法緣生聚散。非已會而有形。散而無像。法自然耳。於我何患之生者。由我妄想於法自爲患耳。法豈使我生妄想乎。然則妄想爲病本。法非我患也。故教導之。與但除病本不除法也。

生曰。病本斷然後病除也。何謂病本。謂有攀緣。生曰。所取之相爲攀緣也。有者彼有之矣。

從有攀緣則爲病本。什曰。上說菩薩自尋病本。以理處心。故能處疾不亂。今明爲斷衆生病。故當推其病原。然後應其所宜耳。機神微動。則心有所屬。心有所屬。名爲攀緣。攀緣取相。是妄動之始。病之根也。肇曰。攀緣謂妄想微動。攀緣諸法也。妄想既緣則美惡已分。美惡既分。則憎愛並熾。所以衆結煩於內。萬疾生於外。自慈以往。巧歷不能記。本其所由。微想而已。故曰攀緣爲本。生曰。向言有之。今言始有也。矣。

何所攀緣。謂之三界。肇曰。明攀緣之境也。三界外法。無漏無爲。其法無相。非是妄想所攀緣。所能攀緣者。三界而已耳。生曰。三界之法耳。非實理也。

云何斷攀緣。肇曰。既知其根。何由而斷以無所得。生曰。以無所得。理斷之也。

若無所得。則無攀緣。肇曰。所以攀緣。意存有所。所以有取。意存有所。若能知法虛誑。無取無得者。則攀緣自息矣。

何謂無所得。謂離二見。生曰。二見無所得也。何謂二見。謂內見外見。是無所得。肇曰。內有妄想。外有諸法。此二虛假。終已無得。生曰。二見本以得。內外法爲懷。智慧觀之。理無內外。然後二見不復得。內外也。文殊師利。是爲有疾菩薩。調伏其心。爲斷老病

①指二見 ②實十也 ③名十字而 ④矣一 ⑤以二似 ⑥正二政 ⑦者二乎 ⑧矣二也 ⑨說十言 ⑩患十也 ⑪推二推 ⑫而已二之法非理實

死苦是菩薩菩提。生曰。菩提以實濟爲道。菩薩若能如是。雖未得之便是有矣。若不如是。已所修治爲無慧利。肇曰。若能善調其心。不懷異想。而永處生死斷彼苦者。是菩薩菩提之道。若不能爾。其所修行內未足。爲有慧外未足。爲有利也。生曰。無慧利於物也。譬如勝怨乃可爲勇。生曰。已及所親皆無復怨也。

如是兼除老病死者。菩薩之謂也。生曰。菩薩念衆生如親無異。若不除其老病死。怨便是已怨。亦不除矣。

彼有疾苦。應復作是念。如我此病非真。非有衆生病亦非真。非有。什曰。解病非真。故能處之。不亂也。言若以病爲真。則病不可除。衆生無邊病亦無盡。無盡之病。其性實有云何可度。即時迷亂。心生退轉。若病非真。易可除耳。悲心即生。弘誓兼濟也。生曰。又以此念起大悲心也。如我此病非真。非有者。言已已達也。衆生病亦非真。非有者。言彼不悟也。是欲教之令知此法也。然其起大悲之懷。已自備於前文。故今但明念而已矣。

作是觀時。於諸衆生若起愛見大悲。即應捨離。什曰。謂未能深入實相。見有衆生心生愛著。因此生悲。名爲愛見大悲。愛見大悲。虛妄不淨。有能令人起疲厭想。故應捨離也。肇曰。若自調者。應先觀己病。及衆生病。因緣所成。虛假無實。宜以此心而起悲。

也。若此觀未純見。衆生愛之而起。悲者名愛見悲也。此悲雖善。而難以愛見有心之境。未免于累。故應捨之。生曰。作上二觀。起大悲之時。若於觀中有愛念心。又見衆生而欲拔濟之者。爲愛見大悲也。所以者何。菩薩斷除客塵煩惱。什曰。心本清淨。無有塵垢。塵垢事會而生。於心爲客塵也。

而起大悲。肇曰。心遇外緣。煩惱橫起。故名客塵。菩薩之法。要除客塵而起大悲。若愛見未斷。則煩惱彌滋。故應捨之。生曰。愛見是惑想所起。爲客塵也。除之乃可以起大悲者矣。

愛見悲者。則於生死有疲厭心。什曰。若因愛生。見悲者。有疲厭也。

若能離此。無有疲厭。生曰。若以愛拔之。增必捨焉。既見而無除。能盡化哉。

在在所生。不爲愛見之所覆。什曰。若能除愛見。即棄捨結業。受法化生。自在無礙也。肇曰。夫有所見。必有所滯。有所愛。必有所憎。此有極之道。安能致無極之用。若能離此。則法身化生。無在不在。生死無窮。不覺爲遠。何有愛見之覆。疲厭之勞乎。生曰。在在所生。無疲厭故也。豈爲愛見所覆然耶。

所生無縛。能爲衆生說法解縛。肇曰。愛見既除。法身既立。則所生無縛。亦能解彼縛也。生曰。大悲既不爲愛見所覆而生者。不復於生縛也。矣。如佛所說。若自有縛。能解彼縛。無有是處。若自

無縛能解彼縛。斯有是處。是故菩薩不應起縛。何謂縛。何謂解。肇曰。將因縛解釋。內調之義也。

貪著禪味。是菩薩縛。什曰。貪著禪味。有二障。障涅槃及菩薩道也。肇曰。三界受生。二乘取證。皆由著禪味。所以爲縛。生曰。貪報行。禪則有味。於行矣。既於行有味。報必惑焉。夫惑報者。縛在生矣。

以方便生。是菩薩解。肇曰。自既離生。方便爲物。而受生者。則彼我無縛。所以爲解也。生曰。欲濟群生。而生者。爲方便生也。以本不爲己。故報無惑焉。

又無方便。慧縛有方便。慧解無慧。方便縛有慧。方便解。肇曰。巧積衆德。謂之方便。直達法相。謂之慧。二行俱備。然後爲解耳。若無方便。而有慧。未免於縛。若無慧。而有方便。亦未免於縛。生曰。復廣縛解義也。方便凡有二種。一造行有功。終致妙果。二以之爲化。使必成遂。慧亦二種。一爲觀理伏心。二爲於觀結盡。觀理伏心者。三乘所同。偏執則縛。在小也。若以爲化。方便用之。則不縛矣。行功致果者。有結便受三界之報。則縛在生也。若得結盡之慧。則解矣。

何謂無方便。慧縛謂菩薩以愛見心。莊嚴佛土。成就衆生。於空無相。無法中。而自調伏。是名無方便慧縛。什曰。觀空不取。涉有不著。是名巧方便也。今明六生已還。未能無礙。當其觀空。則無所取著。及其出觀。淨國化人。則生見取。相心愛著。拙於涉動。妙

於靜觀。觀空慧不取相。雖是方便而從慧受名。此中但取涉有不著爲方便。故言無方便而有慧也。七住以上其心常定動靜不異故言有方便慧也。肇曰。六住以下心未純一。在有則捨空。在空則捨有。未能以平等真心有無俱涉。所以殷土化人則難以愛見。此非巧便修德之謂。故無方便而以三空自調故有慧也。

何謂有方便慧解。謂不以愛見心莊嚴佛土成就衆生於空無相無作法中以自調伏而不疲厭。生曰。觀理伏心必惡生死。以爲化方便造之而得耳。

是有名有方便慧解。肇曰。七住以上二行俱備遊歷生死而不疲厭。所以爲解。

何謂無慧方便縛。謂菩薩住貪欲瞋恚邪見等諸煩惱而植衆德本是名無慧方便縛。什

曰。七住以還又優劣不同也。此明新學不修正觀不制煩惱故言無慧也。而能修德迴向仰求大果故言有方便也。若能

修四念處除四顛倒。是名離煩惱慧也。又善能迴向心不退轉。是能求方便也。六住以還雖通在縛境。若能具此二法則是縛中

之解也。上說無相慧及涉有不著方便。是二門出世間法也。此說有相慧及能求方便

是二門世間法也。肇曰。不修空慧以除煩惱是爲慧也。而勸積衆德有方便也。

何謂有慧方便解。謂離諸貪欲瞋恚邪見等諸煩惱而殖衆德本迴向阿耨多羅三藐三菩提

生曰。雖以無結免縛於生。容可資以

成小故須言迴向也。

是有名有慧方便解。肇曰。上有方便慧解。今有慧方便解。致解雖同而行有前後。始行者自有先以方便積德然後修空慧者。亦有先修空慧而後積德者。各隨所宜其解

不殊也。離煩惱即三空自調之所能積德向菩提即殷土化人之流也。前後異說互盡其美矣。

文殊師利彼有疾菩薩應如是觀諸法。肇曰。非真以下無縛之觀也。

又復觀身無常苦空。無我是名爲慧。什曰。上四句難說世間出世間慧方便。今此四句偏明出世間慧方便。亦云。上統慧方便。此

旨明處。疾中用慧方便故能不滅身取證也。若以身爲有病至則惱。若知身非實則

處疾不亂。出世間慧亦有深淺。無常則空言初相。故先說無常。無常是出世間淺慧

也。雖身有疾常在生死饒益一切而不厭倦是名方便。什曰。生死可厭而能不厭。善處峻

難故名方便也。肇曰。大乘四非常觀即平等真觀故名爲慧。以平等心而處世不倦

故名方便。愚論之說即其事也。又復觀身身不離病病不離身。什曰。離身

則無病故不相離。又云。身病一相故不相離也。

是病是身非新非故。什曰。此明身病實相無有新故。說出世間深慧也。

是名爲慧設身有疾而不永滅。生曰。雖云

方便有慧。而方便中不復更有慧也。以方便造慧者。慧中又有方便。也是以明之

而因廣義焉。是名方便。什曰。不取可滅之相故能不滅。是方便力也。涉有應取相而不取相

不取相則理與有絕。而能涉有巧於難事故名方便也。肇曰。新故之名出於先後。然離身無病。離病無身。衆緣所成。誰後誰先。既無先後則無新故。新故既無即入實相故名慧也。既有此慧而與彼同疾不取涅槃。謂之方便。自調初說即其事也。愚

論自調略爲權智。權智此經之關要。故會言有之矣。

文殊師利有疾菩薩應如是調伏其心。生曰。觀察得失亦調伏矣。

不任其中。生曰。若欲除不調伏。必以調伏爲懷。

亦復不住不調伏心。肇曰。大乘之行無言無相。而調伏之言以形前文。今將明言外

之旨。故二俱不住。二俱不住即寄言之本意。寄言之本意。即調伏之至也。生曰。不以

調伏爲懷耳。非不調伏也。所以者何。若住不調伏心是愚人法。若住調伏

心是聲聞法。是故菩薩不當住於調伏不調伏心。離此二法是菩薩行。肇曰。不調之稱出

自愚人。調伏之名出自聲聞。大乘行者本無名相。欲言不調則同愚人。欲言調伏

則同聲聞。二者俱離乃應菩薩處中之行。在於生死不爲汚行住於涅槃不永滅度是善

方便有慧。而方便中不復更有慧也。以方便造慧者。慧中又有方便。也是以明之

而因廣義焉。是名方便。什曰。不取可滅之相故能不滅。是方便力也。涉有應取相而不取相

不取相則理與有絕。而能涉有巧於難事故名方便也。肇曰。新故之名出於先後。然離身無病。離病無身。衆緣所成。誰後誰先。既無先後則無新故。新故既無即入實相故名慧也。既有此慧而與彼同疾不取涅槃。謂之方便。自調初說即其事也。愚

論自調略爲權智。權智此經之關要。故會言有之矣。

文殊師利有疾菩薩應如是調伏其心。生曰。觀察得失亦調伏矣。

不任其中。生曰。若欲除不調伏。必以調伏爲懷。

亦復不住不調伏心。肇曰。大乘之行無言無相。而調伏之言以形前文。今將明言外之旨。故二俱不住。二俱不住即寄言之本意。寄言之本意。即調伏之至也。生曰。不以調伏爲懷耳。非不調伏也。所以者何。若住不調伏心是愚人法。若住調伏心是聲聞法。是故菩薩不當住於調伏不調伏心。離此二法是菩薩行。肇曰。不調之稱出自愚人。調伏之名出自聲聞。大乘行者本無名相。欲言不調則同愚人。欲言調伏則同聲聞。二者俱離乃應菩薩處中之行。在於生死不爲汚行住於涅槃不永滅度是善

薩行 肇曰。欲言在生死。生死不能汚。欲言往涅槃。而復不滅度。是以處中道而行者。非在生死。非住涅槃。

非凡夫行 什曰。凡夫行者有三種。善不善無動行。無動行色無色界行也。上一界壽命劫數長久。外道以爲有常。不動義也。佛亦因世所名而名之也。

非賢聖行 什曰。謂行三脫而不證也。是菩薩行。非垢行。非淨行。是菩薩行。肇曰。不可得而名者也。

雖過魔行而現降伏衆魔是菩薩行 肇曰。不可得而有。不可得而無者。其唯大乘行乎。何則。欲言其有。無相無名。欲言其無。萬德斯行。萬德斯行故。雖無而有。無相無名故。雖有而無。然則言有不乖。無言無不乖。有。是以此章或說有行。或說無行。有無雖殊。其致不異也。魔行四魔行也。久已超度而現降魔者。示有所過耳。

雖求一切智無非時求是菩薩行 什曰。功行未足而求至足之果。名非時求也。肇曰。一切智未成而中道求證。名非時求也。

雖觀諸法不生而不入正位是菩薩行 什曰。觀無生是取證法。不入正位。明不證也。肇曰。正位取證之位也。三乘同觀無生。慧力弱者不能自出。慧力強者超而不證也。雖觀十二緣起而入諸邪見是菩薩行 肇曰。觀緣起斷邪見之道也。而能反同邪見者。豈二乘之所能乎。

雖攝一切衆生而不愛著是菩薩行 什曰。

四攝法也。四攝是愛念衆生法。今明愛而不著也。肇曰。四攝攝彼慈惠之極。視彼猶己而能無著也。

雖樂遠離而不依身心盡是菩薩行 什曰。心識滅盡名爲遠離。遠離即空義也。不依者明於空不取相也。肇曰。小離離憒闌。大離身心盡。菩薩雖樂大離而不依恃也。

雖行三界 什曰。現生三界。而不壞法性是菩薩行 什曰。處而不惑也。肇曰。三界卽法性。處之何所壞焉。

雖行於空而殖衆德本是菩薩行 肇曰。行空欲以除有。而方殖有德也。

雖行無相而度衆生是菩薩行 肇曰。行無相欲除取衆生相。而方度衆生也。

雖行無作而現受身是菩薩行 肇曰。行無作欲不造生死。而方現受身也。

雖行無起而起一切善行是菩薩行 肇曰。行無起欲滅諸起心。而方起諸善行。

雖行六波羅蜜而遍知衆生心心數法是菩薩行 什曰。六度是自行法。自行既足然後化人。化人乃知衆生心。今雖自行而已能知彼。復次第六度觀法無相。不以無相爲礙。亦能知衆生心也。肇曰。六度無相行也。無相則無知而方遍知衆生心行也。

雖行六通而不盡漏是菩薩行 肇曰。雖具六通而不爲漏盡之行也。何者。菩薩觀漏卽是無漏。故能永處生死與之同漏。豈以漏盡而自異於漏乎。

雖行四無量心而不貪著生於梵世是菩薩

行 什曰。四無量行則應生四禪地。今偏言梵者。以衆生宗事梵天。舉其宗也。亦四禪地通名梵耳。

雖行禪定解脫三昧 什曰。禪四禪也。定四空也。解脫八解脫也。三昧空無相無作也。而不隨禪生是菩薩行 肇曰。取其因而不取其果。可謂自在行乎。

雖行四念處而不永離身受心法是菩薩行 什曰。雖觀此四法。而不永滅而取證也。肇曰。小乘觀身受心法。離而取證。菩薩雖觀此四不永離而取證也。

雖行四正勤而不捨身心精進是菩薩行 什曰。精進卽四正勤也。不取故言離也。肇曰。小乘法行四正勤。功就則捨入無爲。菩薩雖同其行。而不同其捨也。

雖行四如意足而得自在神通是菩薩行 什曰。雖現學神足。實已神通自在也。肇曰。雖同小乘行。如意足。而久得大自在神通。如意足神通之因也。

雖行五根而分別衆生諸根利鈍是菩薩行 肇曰。小乘唯自修己根。不善人根。菩薩雖同其自修而善知人根。令我俱順也。

雖行五力而樂求佛十力是菩薩行 雖行七覺分而分別佛之智慧是菩薩行 雖行八正道而樂行無量佛道是菩薩行 什曰。盡明現行淺法而內已實入深法也。肇曰。雖同聲聞根力覺道。其所志求常在佛行也。

雖行止觀 什曰。初係心在緣名爲止。止相應名爲觀也。

【難】一【求】一【離十(離)】一【界十(也)】一【爲二也】一【(於)十空】一【有二乘】一【(諸)一】一【(是菩薩行)】一【(是菩薩行)十】一【乎二也】

助道之法而不畢竟墮於寂滅是菩薩行。肇曰：係心於緣謂之止，分別深達謂之觀，止觀助涅槃之要法。菩薩因之而行，不順之以墮涅槃也。

雖行諸法不生不滅而以相好莊嚴其身是菩薩行。肇曰：修無生滅無相行者本為滅相，而方以相好嚴身也。

雖現聲聞辟支佛威儀而不捨佛法是菩薩行。肇曰：雖現行小乘威儀而不捨大乘之法。

雖隨諸法究竟淨相而隨所應為現其身是菩薩行。肇曰：究竟淨相理無形貌而隨彼所應現若干象也。

雖觀諸佛國土永寂如空而現種種清淨佛土是菩薩行。肇曰：空本無現而為彼現。

雖得佛道轉于法輪入於涅槃而不捨於菩薩之道是菩薩行。肇曰：雖現成佛轉法輪入涅槃而不永寂還入生死修菩薩法，如上所列，豈二乘之所能乎？獨菩薩行耳。

說是語時文殊師利所將大眾其中八千天子皆發阿耨多羅三藐三菩提心。

### 注維摩詰經卷第六

後秦釋僧肇撰

#### 不思議品第六

爾時舍利弗見此室中無有床座作是念

什曰：法身大士身心無倚，聲聞結業之形，心雖樂法身有疲厭，故發息止之想，身子於弟子中年者體劣，故先發念不用現其累迹，又以維摩必懸得其心，故直念而不言也。尋下言諸大人當於何坐，似是推己之疲以察衆人之體，恐其須故發念之也。

斯諸菩薩大弟子衆當於何坐。生曰：前除座待須，故舍利弗發須之念也。

長者維摩詰知其意語舍利弗言云何仁者爲法來耶。什曰：不直讓而問者，欲現其所念乖理，進退入負門也。

求床座耶。肇曰：獨坐床旨現於此，舍利弗默領懸機故扣其興，端淨名將辨無求之道，故因而詰之也。生曰：須座之念迹在，有求，有求則乖法，非所以來意者也。

舍利弗言我爲法來非爲床座維摩詰言唯舍利弗夫求法者。什曰：不取法相理會於法名爲求法。若取相生著，心與法乖，非求法也。

不貪軀命何況床座夫求法者非有色受想行識之求。肇曰：真求乃不求法，況安身之具乎。自此下遍於諸法明無求義也。

非有界入之求。肇曰：界十八界入十二入也。

非有欲色無色之求。肇曰：無三界之求也。唯舍利弗夫求法者不著佛求不著法求不著衆求夫求法者無見苦求無斷集求無造盡證修證之求所以者何法無戲論若言我當見

苦斷集滅證修證是則戲論非求法也。肇曰：有求則戲論，戲論則非求，所以知真求之無求也。

唯舍利弗法名寂滅若行生滅是求生滅非求法也。法名無染若染於法乃至涅槃是則染著非求法也。法無行處若行於法是則行處非求法也。法無取捨若取捨法是則取捨非求法也。法無處所若著處所是則著處非求法也。法不可住若住於法是則住法非求法也。法不可見聞覺知。肇曰：六識略爲四名見聞眼耳識也。

覺鼻舌身識也。知意識也。

若行見聞覺知是則見聞覺知非求法也。法名無爲若行有爲是求有爲非求法也。是故舍利弗若求法者於一切法應無所求。肇曰：法相如此，豈可求乎。若欲求者其唯無求乃真求耳。生曰：夫求法者非謂求也，以無復諸求爲求耳。

說是語時五百天子於諸法中得法眼淨。肇曰：大乘法眼淨也。

爾時長者維摩詰問文殊師利言仁者遊於無量千萬億阿僧祇國何等佛土有好上妙功德成就師子之座。什曰：自知而問者，欲令衆會取信也。借座彼國其義有二：一者欲現諸佛嚴淨功德殊特之座，令始行菩薩深其志願也；二者欲因往反之迹，使化流二國也。肇曰：文殊大士遊化無疆，必見諸國殊妙之座，淨名欲生時會敬信之情，故問而後取，示審其事也。生曰：先問之者。

苦斷集滅證修證是則戲論非求法也。肇曰：有求則戲論，戲論則非求，所以知真求之無求也。

①現二行②法十(也)③一④二像⑤不分卷及品⑥(經)十什⑦下同⑧不言也二已⑨(之)一⑩(竺道)十生  
⑪下同⑫頁二貧⑬(釋)十蒙⑭下同⑮卷十(一)⑯子二人⑰(維摩詰經不思議品第六集解)十二字品題十兩

欲明後所致是實也

文殊師利言居士東方度三十六恒河沙國有世界名須彌相其佛號須彌燈王今現在彼佛身長八萬四千由旬 肇曰：由旬天竺里數名也，上由旬六十里，中由旬五十里，下由旬四十里也

其師子座高八萬四千由旬嚴飾第一於是長者維摩詰現神通力即時彼佛遣三萬二千師子之座高廣嚴淨來入維摩詰室 肇曰：淨名雖以神力往取彼佛不遺亦無由致

諸菩薩大弟子釋梵四天王等昔所未見其室廣博悉容三萬二千師子之座無所妨闕於毘耶離城及閻浮提四天下亦不迫近悉見如故爾時維摩詰語文殊師利就師子座與諸菩薩上人俱坐當自立身如彼座像其得神通菩薩即自變形為四萬二千由旬坐師子座諸新發意菩薩及大弟子皆不能昇爾時維摩詰語舍利弗就師子座舍利弗言居士此座高廣吾不能昇 什曰：維摩神力所制欲令衆知

大小乘優劣若此之懸也亦云諸佛功德之座非無德所昇理自冥純非所制也

維摩詰言唯舍利弗爲須彌燈王如來作禮乃可得坐於是新發意菩薩及大弟子即爲須彌燈王如來作禮便得坐師子座舍利弗言居士未曾有也如是小室乃容受此高廣之座於毘耶離城無所妨闕又於閻浮提聚落城邑及四天下諸天龍王鬼神宮殿亦不迫近維摩詰言唯舍利弗諸佛菩薩有解脫名不可思議

肇曰：夫有不思議之迹顯於外必有不思議

議之德著於內覆尋其本權智而已乎何

則智無幽而不燭權無德而不修無幽不燭故理無不極無德不修故功無不就功就在乎不就故一以成之理極存乎不極故虛以通之所以智周萬物而無照權積衆德而無功冥冥無爲而無所不爲此不思議之極也且細相容殊形並應此蓋耳目之難述逮足以言乎然將因末以示本託龜以表微故因借座略顯其事耳

此經自始於淨土終于法供養其中所載大乘之道無非不思議法者也故 囑累云此經名不思議解脫法門當奉持之此品因現外迹故別受名耳解脫者自在心法也得此解脫則凡所作為內外應自在無闕此非二乘所能議也七住法身已上乃得此解脫也別本云神足三昧解脫什曰：何體異名也夫欲爲而不能則爲縛也應念即成解脫無不能名爲解脫能然而莫知所以然故曰不思議也

若菩薩住是解脫者以須彌之高廣內芥子中無所增減須彌山王本相如故 什曰：須彌地之精也此地大也下說水火風地其四大也惑者謂四大有神亦云最大亦云有常今制以道力明不神也內之纖芥明不火也且細相容物無定體明不常也此皆反其所封拔其幽滯以去其常習令歸宗有塗焉

而四天王初利諸天不覺不知己之所入唯應度者乃見須彌入芥子中是名不可思議解脫

法門又以四大海水入一毛孔不燒魚鼈龜

水性之屬而彼大海本相如故諸龍鬼神阿修羅等不覺不知己之所入於此衆生亦無所燒又舍利弗住不可思議解脫菩薩斷取三千大千世界如陶家輪著右掌中擲過恒沙世界之外其中衆生不覺不知己之所往又復還置本處都不使人有往來想而此世界本相如故又舍利弗或有衆生樂久住世而可度者菩薩即演七日以爲一劫 什曰：或者亦云時爲常法令脩短改度示不常也

令彼衆生謂之一劫或有衆生不樂久住而可度者菩薩即促一劫以爲七日令彼衆生謂之七日又舍利弗住不可思議解脫菩薩以一切佛土嚴飾之事集在一國示於衆生又菩薩以一佛土衆生置之右掌飛到十方遍示一切而不動本處又舍利弗十方衆生供養諸佛之具菩薩於一毛孔皆令得見又十方國土所有日月星宿於菩薩一毛孔皆使見之又舍利弗十方世界所有諸風菩薩悉能吸著口中而身無損外諸樹木亦不摧折又十方世界劫盡燒時以一切火內於腹中火事如故而爲害又於下方過恒河沙等諸佛世界取一佛土舉著上方過恒河沙無數世界如持鐵鉢舉一葉而無所燒又舍利弗住不可思議解脫菩薩能以神通現作佛身或現辟支佛身或現聲聞身或現帝釋身或現梵王身或現世主身或現轉輪王身又十方世界所有衆聲上中下音皆能變之令作佛聲演出無常苦空無我之音及十方諸佛所說種種之法皆於其中善令得聞舍

變之令作佛聲演出無常苦空無我之音及十方諸佛所說種種之法皆於其中善令得聞舍

①致十(也) ②衆十(會) ③於十(是) ④于二乎 ⑤端二端 ⑥無一 ⑦恒十(河) ⑧或二惑 ⑨常一 ⑩善

利弗我今略說菩薩不可思議解脫之力若廣說者窮劫不盡是時大迦葉聞說菩薩不可思議解脫法門歎未曾有謂舍利弗譬如有人於官者前現衆色像非彼所見一切聲聞聞是不可思議解脫法門不能解了爲若此也智者聞是其誰不發阿耨多羅三藐三菩提心我等何爲永絕其根於此大乘已如敗種一切聲聞聞是不可思議解脫法門皆應號泣聲震三千大千世界 肇曰。所垂處重故假言應號泣耳。二乘憂悲永除尚無微泣況震三千乎一切菩薩應大欣慶頂受此法 肇曰。迦葉將明大小之殊抑揚時應故非分者宜致絕望之泣已分者宜懷頂受之歡也若有菩薩信解不可思議解脫法門者一切魔衆無如之何 肇曰。但能信解魔不能變。何況行應者乎

大迦葉說是語時三萬二千天子皆發阿耨多羅三藐三菩提心爾時維摩詰語大迦葉仁者十方無量阿僧祇世界中作魔王者多是住不可思議解脫菩薩以方便力教化衆生現作魔王 肇曰。因迦葉云信解不可思議者魔不能變而十方亦有信解菩薩爲魔所變者將明不思議大士所爲自在欲進始學故現爲魔王非魔力之所能也此明不思議亦成迦葉言意

又迦葉十方無量菩薩或有人從乞手足耳鼻頭目髓腦血肉皮骨聚落城邑妻子奴婢象馬車乘金銀琉璃車乘瑪瑙珊瑚琥珀真珠珂貝衣服飲食如此乞者多是住不可思議解脫

菩薩以方便力而往試之令其堅固 什曰。結業菩薩於施度將盡而未極。是以不思議菩薩強從求索令其無惜心盡具足堅固亦令衆生知其堅固亦使其自知堅固 肇曰。凡試之興出于未分。不思議大士神通已備逆觀人根何試之有然爲堅固彼志故不須而索不須而索者同魔試迹故以試爲言耳豈待試而後知耶

所以者何住不可思議解脫菩薩有威德力故行逼迫示諸衆生如是難事凡天下劣無有力勢不能如是逼迫菩薩 肇曰。截人手足離人妻子強索國財生其憂悲雖有目前小苦而致永劫大安是由深觀人根輕重相權見近不及遠者非其所能爲也譬如龍象蹴蹋非驢所堪 肇曰。能不能爲論象之上者名龍象也

是名住不可思議解脫菩薩智慧方便之門 肇曰。智慧遠通方便近導異迹所以形衆庶所以成物不無由而莫之能測故權智二門爲不思議之本也

觀衆生品第七

爾時文殊師利問維摩詰言菩薩云何觀於衆生 什曰。衆生若有真實定相者則不思議大士不應徒行逼試令其受苦以非真實易可成就故行惱逼也復次佛法有二種一者有二若空若常在有則累於想著若常觀空則捨於善本若空有迭用則不設二過猶日月代用萬物以成上已說有故今明空門也觀衆生爲若此衆生神主

我是一義耳如一癡人行路遇見遺匣

匣中有大鏡開匣視鏡自見其影謂是匣主稽首歸謝捨之而走衆生入佛法藏珍寶鏡中取相計我棄之而去亦復如是亦如一盲人行道中遇值國王王子堅抱不捨須臾王官屬至加極楚痛強逼奪之然後放捨如邪見衆生於非我見我無常苦至隨緣散壞乃知非我亦復如是如空中雲近之則無也 眞實慈觀諸法空則是眞實慧眞實慧中生無緣慈名爲眞慈亦以慈爲本爲人說眞實法名眞慈亦慈爲本然後行布施等衆行爲名或以自性爲名或以所因爲名自此已下例可尋也 肇曰。悲哉大士自調之觀微言幽旨亦備之前文矣然法相虛玄非有心之所觀眞觀冥默非言者之所辯而云何不證涅槃與群生同疾又現不思議其迹無端或爲魔王逼迫初學斯皆自調大士之所爲也自調之觀彼我一空然其事爲喻乃更彌甚至令希宗者惑亡言之致存己者增衆生之見所以無言之道難爲言也將近取諸喻遠況眞觀以去時人封言之累故生斯問也生曰。上不思議是應化衆生之迹無方應之似有衆生之情矣有衆生情者不能爲化故須問焉 維摩詰言譬如幻師見所幻人菩薩觀衆生爲若此 肇曰。幻師觀幻知其非眞大士觀衆生亦若此也生曰。非不有幻人但無實人耳既無實人以悟幻人亦無實矣苟

①手二也 ②意十也 ③或一 ④者一 ⑤請衆生如是難事 ⑥如此事 ⑦劫十之 ⑧二能 ⑨堪一能 ⑩論二喻 ⑪不無二無不 ⑫維摩詰經十觀 ⑬既二證 ⑭大 ⑮乙本注曰自眞實慈至可尋也七十二字可入下經文是即眞實慈也下 ⑯實 ⑰慈十中 ⑱然一 ⑲何一 ⑳慈二或 ㉑存十彼 ㉒化十也 ㉓亦二有

幻人之不實。衆生豈獨實哉

如智者見水中月如鏡中見其面像如熱時炎如呼聲響如空中雲 肇曰。遠見有形。近則無像

如水聚沫如水上泡如芭蕉堅如電久住如第五大如第六陰如第七情如十三入如十九界 肇曰。經有定數

菩薩觀衆生爲若此如無色界色如燄燄牙如須陀洹身見如阿那含入胎 肇曰。阿那含雖有暫退。必不經生也

如阿羅漢三毒 什曰。大乘法中云通三界外輕微耳

如得忍菩薩貪恚毀禁 肇曰。七住得無生忍。心結永除。況毀禁範事乎

如佛煩惱習 肇曰。唯有如來結習都盡如盲者見色如入滅。盡定出入息 肇曰。心馳動於內。息出入於外。心想既滅。故息無出入也

如空中鳥跡如石女兒如化人煩惱如夢所見已寤如滅度者受身 肇曰。未有入涅槃而復受身者

如無煙之火 肇曰。火必因質菩薩觀衆生爲若此文殊師利言若菩薩作是觀者云何行慈 肇曰。慈以衆生爲緣。若無衆生慈。心何寄乎。將明真慈無緣而不離緣成。上無相真慈義也。生曰。既悟衆生不實。必自衆物。是以有慈矣。然復似無所加慈。故復次問之焉

維摩詰言菩薩作是觀已自念我當爲衆生說

如斯法 生曰。理常皎然若此。而衆生乖之彌劫。菩薩既以悟之。能不示諸。此假爲觀意。設念非實念也

是即眞實慈也 肇曰。衆生本空。不能自覺。故爲說斯法。令其自悟耳。豈我而有彼哉。若能觀衆生空。則心行亦空。以此空心而於空中行慈者。乃名無相眞實慈也。若有

心於衆生而爲慈者。此虛誑慈耳。何足以稱乎。生曰。必能實濟。非虛念而已矣

行寂滅慈無所生故 什曰。知諸法寂滅無生。因此生慈而不失寂滅。故以寂滅爲名也。肇曰。七住得無生忍。已後所行萬行皆無相無緣與無生同體。無生同體無分別也。眞慈無緣無復心相。心相既無。則泊然永寂。未嘗不慈。未嘗有慈。故曰行寂滅慈。無所生也。自此下廣明無相慈行。以成

眞實之義。名行雖殊。而俱出慈體。故盡以慈爲名焉。生曰。欲以衆生如幻爲說之者。是即如幻慈也。凡曰可以爲慈。莫不皆然。是以推而名之。不復甲乙言也。如幻已自辨之於前。無所釋也。下既無辨。得不釋乎

行不熱慈無煩惱故 肇曰。煩惱之興出于愛見。慈無愛見。故無煩惱也

行等之慈等三世故 肇曰。慈被三世而不覺三世之異也

行無諍慈無所起故 什曰。見法有起。則與法諍也。肇曰。彼我一虛。諍訟安起

行不二慈內外不合故 什曰。內外內外入

也。內外爲二。相對爲合。肇曰。內慈外緣俱空無合

行不壞慈畢竟盡故 肇曰。無緣眞慈慈相永盡。何物能壞

行堅固慈心無毀故 肇曰。上明外無能壞。此明內自無毀

行清淨慈諸法性淨故 肇曰。眞慈無相與法性同淨也

行無邊慈如虛空故 肇曰。無心於覆而心無所不覆也

行阿羅漢慈破結賊故 什曰。秦言殺結使賊也。此從除結中生。因以爲名。亦能除結。故因能受名也。肇曰。阿羅漢秦言破結賊。嫉惡邪疑諸惱結因慈而滅。可名羅漢矣

行菩薩慈安衆生故 肇曰。菩薩之稱由安衆生慈安衆生可名菩薩

行如來慈得如相故 肇曰。如來之稱由得如相慈順如相可名如來

行佛之慈覺衆生故 什曰。群生長寢菩薩覺之。肇曰。自覺覺彼謂之佛也。慈既自悟又能覺彼。可名爲佛也

行自然慈無因得故 什曰。無因即自然。自然即無師義也。肇曰。大乘之道無師而成謂之自然。菩薩眞慈亦無因而就。可名自然

行菩提慈等一味故 什曰。唯佛菩提能解一切法一相一味也。今無相解中生慈。故遠同菩提也。肇曰。平等一味無相之道謂之菩提。無相眞慈亦平等一味。可名菩提也

①有彼二 ②(所)一 ③性二相 ④合十(也) ⑤推二准 ⑥凡二汎 ⑦生十(故) ⑧無生同體 ⑨(矣)一 ⑩外二直 ⑪(也) ⑫(平)一 ⑬(慈)一 ⑭心二行 ⑮(復似)一 ⑯(二)一 ⑰(已)一 ⑱(也)一 ⑲(矣)一 ⑳(也)一 ㉑(也)一 ㉒(也)一 ㉓(也)一 ㉔(也)一 ㉕(也)一 ㉖(也)一 ㉗(也)一 ㉘(也)一 ㉙(也)一 ㉚(也)一 ㉛(也)一 ㉜(也)一 ㉝(也)一 ㉞(也)一 ㉟(也)一 ㊱(也)一 ㊲(也)一 ㊳(也)一 ㊴(也)一 ㊵(也)一 ㊶(也)一 ㊷(也)一 ㊸(也)一 ㊹(也)一 ㊺(也)一 ㊻(也)一 ㊼(也)一 ㊽(也)一 ㊾(也)一 ㊿(也)一



行無等慈斷諸愛故 什曰。凡夫有愛結而  
行慈則可。與等愛斷行慈者無能等也。肇  
曰。二乘六住已下皆愛彼而起。慈若能無心  
愛彼而起。慈者此慈超絕可名無等。  
行大悲慈導以大乘故 肇曰。濟彼苦難導  
以大乘大悲之能。慈欲彼樂亦導以大乘  
可名大悲也。

行無厭慈觀空無我故 肇曰。疲厭之情出  
于存我。以空無我心而為慈者。與生死相  
畢無復疲厭也。

行法施慈無道惜故 肇曰。未有得真實  
慈而吝法財者。可名法施也。

行持戒慈化毀禁故 肇曰。未有得真實  
慈而為毀盜不化者。可名持戒。

行忍辱慈護彼我故 什曰。若能行忍。則  
內不自累外不傷物。故言護彼我也。凡  
此中慈上行字。梵本中無。肇曰。未有得真  
實慈而不護彼已致忿爭者。可名忍辱  
也。

行精進慈荷負衆生故 肇曰。未有得真實  
慈而不荷負衆生者。可名精進也。

行禪定慈不受味故 肇曰。未有得真實  
慈而以亂心受五欲味者。可名禪定也。

行智慧慈無不知時故 什曰。行未滿而求  
果名不知時也。肇曰。未有得真實慈而  
為不知時行者。可名智慧也。

行方便慈一切示現故 肇曰。未有得真實  
慈而不權現普應者。可名方便也。

行無隱慈直心清淨故 什曰。其心質直有

罪必悔不隱其過此二業也。肇曰。未有  
得真實慈而心有曲隱不清淨者。可名  
無隱耳。

行深心慈無難行故 什曰。直心中猶有累  
結。今深入佛法無難想也。肇曰。未有得  
真實慈而難行以淺行者。可名深心。

行無誑慈不虛假故 什曰。身業直正不誑  
物也。肇曰。未有得真實慈而虛假無實者。  
可名無誑也。

行安樂慈令得佛樂故 什曰。梵本云住涅  
槃樂。肇曰。未有得真實慈而不令彼我  
得佛樂者。可名安樂。

菩薩之慈為若此也 肇曰。自上諸名皆真  
實慈體自有此能。故有此名耳。不外假他  
行以為己稱也。真慈若此。豈容衆生見  
乎。

文殊師利又問何謂為悲答曰。菩薩所作功德  
皆與一切衆生共之。什曰。功德及功德果  
報悉施衆生。此布施救苦衆生也。三等盡  
就施中明等。若廣說亦應如慈等。肇曰。因  
觀問慈。備釋四等也。哀彼長苦不自計  
身所積衆德。願與一切。先人後己大悲之  
行也。生曰。夫欲拔苦。要當捨己之樂以  
濟之也。又為實悲矣。

何謂為喜答曰。有所饒益歡喜無悔 肇曰。  
自得法利與衆同歡喜於彼已俱得法悅。  
謂之喜。生曰。慈悲既以益之。唯喜而無悔  
也。亦為實喜矣。

何謂為捨答曰。所作福祐 什曰。亦施中明

空也

無所希望 什曰。現世不求恩。未來不求  
報也。聲聞行四等不能實益衆生。今菩  
薩行四等已實能利益衆生。故四等皆名  
大也。肇曰。大悲苦行。憂以之生。慈喜樂行。  
喜以之生。憂喜既陳則愛惡微起。是以行者  
捨苦樂行不觀衆生。大乘正捨行報俱亡。  
故無所希望也。三等俱無相無緣與慈同  
行。慈行既備。類之可知也。生曰。虛想衆生  
以捨憎愛者。非實捨也。若能不望功德之  
報。捨之極者也。

文殊師利又問生死有畏菩薩當何所依 什  
曰。為物受身而未離結業。結業之體未離  
無畏。必有所依。然後能離終大業。故問其  
所依趣能不廢退也。肇曰。生死為畏。畏  
莫之大。悲疾大士何所依恃而能永處生  
死不以為畏乎。生曰。行實等者必入生  
死也。而據生死言之。是可畏之境。苟未  
能免。或為所得。菩薩何所依恃不畏之  
耶。

維摩詰言菩薩於生死畏中當依如來功德  
之力 什曰。如來功德如是深妙。我當得  
之。寧可以此微苦而生疲厭。一心求佛  
道直進不迴則衆苦自滅。恐畏斯除。亦以  
念為依。亦以衆趣為依。肇曰。生死之畏二  
乘所難。自不依如來功德力者。孰能處之。  
生曰。夫以等入生死者。必欲濟生死也。苟  
以濟而入終成如來果矣。若以利重推之。  
故不應難于小苦。又乃有此畏報。生死豈

①等十(也) ②忍十(辱) ③梵二胡 ④二業二口業 ⑤耳二也 ⑥淺二深 ⑦日十(言) ⑧樂十(也) ⑨空二等 ⑩以十(畏) ⑪或為二為惑 ⑫畏一 ⑬斯二自

能加諸苦

文殊師利又問菩薩欲依如來功德之力當於何住 什曰欲依趣如來功德要標心有在故問其所住也生曰若直欲濟而入或不必能濟不必能濟不成大果故復問入當何住也

答曰菩薩欲依如來功德力者當住度脫一切衆生 肇曰住化一切則其心廣大廣大其心則所之無難此住佛德力之謂也生曰明以濟而入必住度脫中者也

又問欲度衆生當何所除 生曰所謂度脫必有所度有所脫故問之焉

答曰欲度衆生除其煩惱 肇曰將尋其本故先言其末也生曰度煩惱之河脫煩惱之縛矣

又問欲除煩惱當何所行 生曰問衆生既有煩惱當作何行乃得除之耶

答曰當行正念 生曰夫有煩惱出於惑情耳便應觀察法理以遣之也然始觀之時見理未明心不住理要須念力然後得觀也念以不忘爲用故得存觀焉別本云正憶念什曰正憶念通始終兼精龜凡非邪想念不乖理皆名憶念也

又問云何行於正念 生曰問正念爲行也重問也

答曰當行不生不滅 肇曰正念謂正心念法審其善惡善者增而不滅惡者滅令不生 生曰以不生不滅爲行

又問何法不生何法不滅答曰不善不生善法

不滅 什曰惡法生則滅之未起不令生也善法不滅令其增廣也生曰念力而觀爲造理之初始是制惡就善者

又問善不善孰爲本 肇曰既知善之可生惡之可滅將兩捨以求宗故逆尋其本也生曰夫一善一惡者迭爲根本永無判也要當求其本原而觀之者然後判矣

答曰身爲本 什曰身謂五陰也肇曰善惡之行非身不生生曰所以爲善惡者爲身故也

又問身孰爲本答曰欲食爲本 什曰由欲著情深故廣生結業亦以愛潤所以受生是以於諸結中偏舉欲食也肇曰愛爲生本長衆結縛凡在有身靡不由之生曰欲者食使在我故受身者矣

又問欲食孰爲本答曰虛妄分別爲本 什曰法無定相相由惑生妄想分別是好是醜好惡既形欲心自發故爲欲本也肇曰法無美惡虛妄分別謂是美是惡美惡既形則貪欲是生也生曰妄分別法故有可貪著也

又問虛妄分別孰爲本答曰顛倒想爲本 什曰有無見反於法相名爲顛倒先見有無然後分別好惡然則有無見是惑累之本妄想之初故偏受倒名也肇曰法本非有倒想爲有既以爲有然後擇其美惡謂之分別也生曰惑心內轉爲倒然後妄分別外事

又問顛倒想孰爲本答曰無住爲本 什曰

法無自性緣感而起當其未起莫知所寄莫知所寄故無所住無所住故則非有無非有無而爲有無之本無住則窮其原更無所出故曰無本無本而爲物之本故言立一切法也肇曰心猶水也靜則有照動則無照寢愛所濁邪風所扇湧溢波蕩未始暫住以此觀法何往不倒譬如臨面湧泉而責以本狀者未之有也倒想之與本乎不住義存於此乎一切法從衆緣會而成體緣未會則法無寄無寄則無住無住則無法以無法爲本故能立一切法也生曰所謂顛倒正反實也爲不實矣苟以不實爲體是自無住也既不自住豈他住哉若有所住不得爲顛倒也

又問無住孰爲本答曰無住則無本 肇曰若以心動爲本則因有有相生理極初動更無本也若以無法爲本則有因無生無不因無故更無本也生曰無住即是無本之理也

文殊師利從無住本立一切法 肇曰無住故想倒想倒故分別分別故貪欲貪欲故有身既有身也則善惡並陳善惡既陳則萬法斯起自茲以往言數不能盡也若善得其本則衆末可除矣生曰一切諸法莫不皆然但爲理現於顛倒故就顛倒取之爲

所明矣以此爲觀復得有煩惱乎時維摩詰室有一天女 什曰無宅無神隨宅主有優劣故神有精龜未曾有室故以天女爲神也生曰外國亦以神爲天也

●否十(如來功德之力能使衆惡不加之者也)十五字 ●觀十(而觀) ●生十(也) ●行十(也) ●[法]一 ●者二也 ●本二大 ●別十(百) ●切二義 ●因有二相有有因 ●無十(出有無生) ●[所]一 ●

夫有禍之家必有福神附焉是以菩薩託爲之矣。是入生死事也。

見諸大人聞所說法便現其身即以天華散諸菩薩大弟子上。什曰。諸菩薩上嫌其室空今所以供養。將以宅主處疾故其神承旨而致供也。肇曰。天女即法身大士也。常與淨名共弘大乘不思議道。故現爲宅神同處一室。見大士集聞所說法。故現身散華欲以生論也。生曰。現女神散華者示卑而重法。以敦仰法之懷。密欲因事暢理以明不畏生死故雖入而不染也。若畏而避之愈致著也。

華至諸菩薩即皆墮落。生曰。任之自墮。至大弟子便著不墮。什曰。天以此未曾有室無雜教故毀賤小乘顯揚大道。所以共爲影響發明勝致也。生曰。雖曰天力使然。招之自有在矣。

一切弟子神力去華不能令去。肇曰。將辨大小之殊。故使華若此。生曰。夫制飾華者。本欲除其好情也。苟無情於好飾。終日在已豈有犯哉。而用神力去華惡其著身者。蓋託全戒。將明惡必致好難欲順律乃反違其意矣。然則以致好之本排之。豈可去乎。故因事以明斯義理亦如事也。爾時天問舍利弗何故去華。生曰。怪而問之。

答曰此華不如法是以去之。肇曰。香華著身非沙門法。是以去之。一義華法散身應墮。不墮非華法也。生曰。不如律法。

天曰勿謂此華爲不如法。別本云。不如法分別。什曰。梵本云。不淨。沙門絕於飾好。故以華爲不淨也。

所以者何是華無所分別。什曰。華性本不二故無分別也。生曰。華性無實豈有如法不如法之分別哉。

仁者自生分別想耳。肇曰。華豈有心於墮不墮乎。分別之想出。自仁者耳。生曰。如法不如法出惑想之情耳。非華理然也。

若於佛法出家有所分別爲不如法若無分別是則如法。肇曰。如法不如法在心不在華。生曰。若體華理無好惡者。乃合律之法耳。

觀諸菩薩華不著者已斷一切分別想故。生曰。非直不致著亦不能使著也。

譬如人畏時非人得其便。什曰。如一羅刹變形爲鳥。有一士夫乘之不疑。中道馬問士夫馬爲好不。士夫拔刀示之。問言。此刀好不。知其心正無畏。竟不敢加害。若不如是。非人得其便也。生曰。恐畏之時情已怯弱故得便者矣。

如是弟子畏生死故。生曰。華香致好則增生死然惡之者是畏生死也。

色聲香味觸得其便。生曰。苟曰惡之。好得便矣。

已離畏者一切五欲無能爲也。生曰。既已離惡。正使五情所欲陳列於前不復能使好之矣。

結習未盡華著身耳結習盡者華不著也。什

云。問曰。菩薩結習亦未盡。云何不著耶。答曰。有二種習。一結習二佛法中愛習。得無生忍時結習都盡。而未斷佛法愛習。亦云。法身菩薩雖有結習。以器淨故習氣不起也。肇曰。著與不著。一由內耳。華何心乎。生曰。向惡華去之。雖非結病。然是其習矣。習尚招華著身而不可去。況有結乎。

舍利弗言天止此室其已久如。什曰。梵本云。幾久也。肇曰。止淨名大乘之室久近妙辯若此乎。生曰。既已屈之。便嫌其止室爲天。而不欲便相指斥。故寄久爲問焉。

答曰我止此室如著年解脫。肇曰。將明第一無久近之義。故以解脫爲譬。解脫即無爲解脫也。生曰。止室是有縛矣。如解脫明無實縛矣。

舍利弗言止此久耶。肇曰。解脫之道無形無相。逆之不見其首。尋之不見其後。眇辨無朕。謂之解脫。若止此猶解脫久近不可知者。乃大久也。生曰。舍利弗前問意雖云止室。而語交在久。於不達者取之便謂向答是矣。苟答其語則云。如舍利弗解脫來久也。今舍利弗解脫來實久。止室得不久乎。止室既已有久。不復得同解脫也。是以不得不以久爲問焉。

天曰著年解脫亦何如久。肇曰。通問其所得令自悟也。著年所得無爲解脫。寧可稱久乎。生曰。言著年解脫之爲久。亦何所似乎。

舍利弗默然不答。肇曰。言久於前責實於

①致二設勢 ②士二衆 ③欲十(先) ④欲十(也) ⑤室十(室) ⑥將二招 ⑦法十(也) ⑧[故]一 ⑨著十(而已) ⑩[取]一 ⑪已二以 ⑫便者二其便 ⑬便十(也) ⑭室二舍 ⑮

後故莫知所答也。生曰。既言解脫無久。跡爲實無也。解脫苟以無爲實者。言亦實有也。有無相乖。豈可得以言解脫。是以託用斯默以明解脫非實。無矣。解脫既非實。無然後止言。乃可得必同之矣。

天曰。如何者。復大智而默。肇曰。五百弟子仁者智慧第一。默然何耶。生曰。默然似有所不達。故爾也。

答曰。解脫者。無所言說。故吾於是。不知所云。肇曰。向聞如解脫。請始終難知。說以爲久。而解脫相者。非心所知。非言所及。將順解脫無言之旨。故莫知所云焉。生曰。不知其會也。

天曰。言說文字。皆解脫相。肇曰。舍利弗以言久爲失。故默然無言。謂順真解。未能語默齊致。觸物無闕。故天說等解。以曉其意也。生曰。有會矣乎。

所以者。何解脫者。不內。不外。不在。兩間。生曰。夫解脫者。我解於縛也。不偏在我。故不內也。亦不偏在縛故。不外也。會成解脫。又不兩在。

文字亦不內。不外。不在。兩間。生曰。我爲內。所說爲外。合之爲兩間矣。

是故舍利弗。無離文字。說解脫也。肇曰。法之所在。極於三處。三處求。文字解脫。俱不可得。如之何。欲離文字。而別說解脫乎。生曰。舍利弗。向言。解脫無所言說。故默者。是謂言說異於解。脫既明。無異故。誠之焉。所以者。何一切諸法。是解脫相。肇曰。萬法

雖殊。無非解脫相。豈文字之獨異焉。生曰。無不是解脫相。故也。

舍利弗言。不復以離婬。怒。癡爲解脫乎。肇曰。二乘結盡。無爲爲解脫。聞上等解。乖其本趣。故致斯問。生曰。以佛言。離婬。怒。癡爲解脫。而問之。耶耳。

天曰。佛爲增上。慢人。說離婬。怒。癡爲解脫耳。生曰。增上。慢人。以得法爲懷。不能即。離。癡爲解脫也。故驗終以語之。令其悟耳。

若無增上。慢者。佛說。離。癡。癡。性。即是解脫。肇曰。卑。生。死。尊。已。道。謂。增上。慢人也。爲此人。說。離。結。爲。解。脫。若。不。卑。生。死。不。尊。已。道。者。則。爲。說。三。毒。諸。結。性。即。解。脫。無。別。解。脫。也。二。乘。雖。無。結。慢。然。卑。生。死。尊。已。道。猶。有。相。似。慢。慢。者。未。得。道。言。已。得。以。生。慢。生。曰。以。無。執。爲。懷。者。不。復。待。驗。然。後。悟。矣。

舍利弗言。善哉。善哉。天女。汝。何。所。得。以。何。爲。證。什。曰。有。爲。果。言。得。無。爲。果。言。證。

辯。乃。如。是。肇。曰。善。其。所。說。非。已。所。及。故。問。得。何。道。證。何。果。辯。乃。如。是。乎。生。曰。既。解。而。善。其。言。也。要。有。所。得。有。所。證。然。後。有。如。此。之。辯。故。問。之。焉。

天曰。我無得。無證。故辯如是。什曰。若見有得。證。則。情。有。所。封。有。所。封。則。有。所。闕。有。闕。則。無。辯。以。無。得。證。故。能。若。是。也。肇。曰。夫。有。闕。之。道。不。能。生。無。闕。之。辯。無。闕。之。辯。必。出。于。無。闕。之。道。道。有。得。有。證。者。必。有。所。不。得。有。所。不。證。以。大。乘。之。道。無。得。無。證。故。

無所不得。無所不證。從此生辨。故無所不辨也。生曰。無得爲得。無證爲證。故辨如是也。

所以者。何。若有得。有證者。則於佛法爲增上。慢。肇曰。若見。已。有。所。得。必。見。他。不。得。此。於。佛。平。等。之。法。猶。爲。增上。慢人。何。能。致。無。闕。之。辨。乎。生。曰。若。有。得。者。則。不。得。也。以。不。得。爲。得。增上。慢。矣。

舍利弗問。天女。汝。於。三。乘。爲。何。志。求。什。曰。伏。其。德。音。知。其。不。常。然。則。未。測。其。所。乘。故。問。其。志。也。肇。曰。上。直。云。無。得。無。證。未。知。何。乘。故。復。問。也。生。曰。三。乘。同。以。無。得。爲。懷。故。不。知。爲。何。志。也。

天曰。以聲聞。法。化。衆。生。故。我。爲。聲。聞。以。因。緣。法。化。衆。生。故。我。爲。辟。支。佛。以。大。悲。法。化。衆。生。故。我。爲。大。乘。肇。曰。大。乘。之。道。無。乘。不。乘。爲。彼。而。乘。吾。何。乘。也。生。曰。隨。彼。爲。之。我。無。定。也。

舍利弗。如。人。入。瞻。蔔。林。唯。嗅。瞻。蔔。不。嗅。餘。香。什。曰。非。謂。有。而。不。嗅。謂。足。於。所。聞。不。復。外。求。耳。依。喻。義。可。知。也。矣。

如是。若。入。此。室。但。聞。佛。功。德。之。香。不。樂。聞。聲。聞。辟。支。佛。功。德。香。也。肇。曰。無。乘。不。乘。乃。爲。大。乘。故。以。香。林。爲。喻。明。淨。名。之。室。不。雜。二。乘。之。香。止。此。室。者。豈。他。嗅。哉。以。此。可。知。吾。志。何。乘。也。生。曰。維。摩。結。居。此。室。而。應。者。大。明。宗。極。之。理。也。而。宗。極。之。理。無。取。小。義。此。則。表。佛。功。德。外。勸。矣。

舍利弗。其。有。釋。梵。四。天。王。諸。天。龍。鬼。神。等。入。此。室。者。聞。斯。上。人。講。說。正。法。皆。樂。佛。功。德。之。香。發。

①〔無〕一② ③矣二耳④ ⑤故十言⑥ ⑦請二謂⑧ ⑨說二脫⑩ ⑪焉二也⑫ ⑬不十在⑭ ⑮在十也⑯ ⑰說十也⑱ ⑲耳二焉  
①〔有〕一② ③矣一④ ⑤居十止⑥

心而出舍利弗。吾止此室十有二年。初不聞說聲聞辟支佛法。但聞菩薩大慈大悲不可思議諸佛之法。肇曰。大乘之法皆名不可思議。上問止室久近。欲生論端。故答以解脫。今言實年。以明所聞之不難也。生曰。諸天鬼神暫入此室。尚無不發大意而出。況我久聞妙法乎。然則不能不為大非能為大矣。舍利弗。此室常現八未曾有難得之法。生曰。既聞妙法。又見未曾有事。豈得不為大哉。何等為八。此室常以金色光照。生曰。應主在慈。豈不有照時乎。而不見之者。彼自絕耳。非室無也。晝夜無異。不以日月所照為明。是為一未曾有難得之法。此室入者。不為諸垢之所惱也。什曰。其室清淨。無逆氣惡神。垢緣絕。故垢不生也。惡神起如十頭羅刹。入一王體。怒害即生。是其類也。肇曰。入此室者。煩惱自息。生曰。此室常表於理。見之乃為入耳。果得入之。不復為諸垢所惱矣。是為二未曾有難得之法。此室常有釋梵四天王他方菩薩來會。不絕。是為三未曾有難得之法。此室常說六波羅蜜不退轉法。是為四未曾有難得之法。此室常作天人第一之樂。絃出無量法化之聲。是為五未曾有難得之法。此室有四大藏寶。積滿周窮。濟乏求。得無盡。是為六未曾有難得之法。此室釋迦牟尼佛阿彌陀佛阿閼鞞寶德寶炎寶月寶嚴難勝勝子。誓一切利成。如是等十方無量諸佛。是上人念時。即皆為來。生曰。佛理常在。其心念之便至矣。

廣說諸佛祕要法藏。說已還去。是為七未曾有難得之法。此室一切諸天嚴飾宮殿。諸佛淨土皆於中現。什曰。如有方寸金剛。數十里內石壁之表。所有形色悉於足現。此室明徹其\*論如。此是為八未曾有難得之法。舍利弗。此室常現八未曾有難得之法。誰有見斯不思議事而復樂於聲聞法乎。肇曰。顯室奇特之事。以成香林之義。舍利弗言。汝何以不轉女身。肇曰。汝以無礙之智。受有礙之身。而不轉捨何耶。天曰。我從十二年來。求女人相了。不可得。當何所轉。肇曰。止此室來。所聞正法。未覺女人異。於男子。當何所轉。天悟女相。焉十二年而已乎。欲明此室純一等教。無有難聲。故齊此為言耳。天為女像。為生斯論矣。譬如幻師。化作幻女。若有人問。何以不轉女身。是人為正問。舍利弗言。不也。幻無定相。當何所轉。天曰。一切諸法亦復如是。無有定相。云何乃問不轉女身。肇曰。萬物如幻。無有定相。誰好誰醜。而欲轉之乎。即時天女。以神通力。變舍利弗。令如天女。天自化身。如舍利弗。而問言。何以不轉女身。肇曰。將成幻化。無定之義。故現變而問。令其自悟也。舍利弗。以天女像而答言。我今不知。所轉什曰。此從解中據理而言。而變為女身。肇曰。吾不知。所以轉而為。

此身。如之何。又欲轉之乎。天曰。舍利弗。若能轉此女身。則一切女人亦當能轉。肇曰。仁者不知。所以轉而轉為女身。眾女亦不知。所以轉而為女也。若仁者無心於為女。而不能轉女身者。則眾女亦然。不能自轉。如何勸人轉女身乎。此明女雖無定相。而因緣所成。不得自在轉也。如舍利弗。非女而現女身。一切女人亦復如是。雖現女身。而非女也。肇曰。如舍利弗。實非女。而今現是女像。眾女亦現是女像。實非女也。男女無定相。類已可知矣。是故佛說一切諸法。非男非女。肇曰。佛語豈虛妄哉。即時天女。還攝神力。舍利弗身。還復如故。天問舍利弗。女身色相。今何所在。肇曰。將推女相之所在。故復身而問。舍利弗言。女身色相。無在無不在。肇曰。欲言有在。今見無相。欲言無在。向復有相。猶幻化無定。莫知所在也。天曰。一切諸法亦復如是。無在無不在。夫無在無不在者。佛所說也。肇曰。豈唯女相。諸法皆爾。稱佛所說。以明理不可易。舍利弗問。天。汝於此沒當生何所。肇曰。既知現相之無在。又問當生之所。在天曰。佛化所生。什曰。不直說無生。而說生者。欲據有生相結。而理無生滅者也。吾如彼生。肇曰。此生身相。既如幻化。沒此更生。豈得異也。天曰。佛化所生。非沒生也。天曰。眾生猶然。無沒。

得二能 轉之 此十(耳) 殺十(也) 將二豈 轉二轉 所二何 言十(也) 轉十(者) 還 一 問十(也) 相十(無在) 在十(也) 異十(化) 舍利弗十 日

生也。肇曰：豈我獨如化。物無非化也。

舍利弗問：天汝久如當得阿耨多羅三藐三菩提。肇曰：身相沒生可如幻化。菩提真道必應有實故問久如當成。

天曰：如舍利弗還爲凡夫。我乃當成阿耨多羅三藐三菩提。肇曰：所期必無。

舍利弗言：我作凡夫無有是處。肇曰：聖人還爲凡夫。何有是處耶。

天曰：我得阿耨多羅三藐三菩提亦無是處。肇曰：彼聖人爲凡夫。我成菩提道無處一也。

所以者何。菩提無住處。是故無有得者。肇曰：菩提之道無爲無相。自無住處。誰有得者。

舍利弗言：今諸佛得阿耨多羅三藐三菩提已得當得。如恒河沙皆謂何乎。肇曰：據得以問。

天曰：皆以世俗文字數說。有三世非謂菩提有去來今。什曰：菩提性空。故超於三世。菩提既空。則無得佛。無得佛者。則亦無菩提緣會。而生理不相離。故有無宜同也。肇曰：世俗言數有三世得耳。非謂菩提第一真道有去來今也。

天曰：舍利弗。汝得阿羅漢道耶。什曰：佛道深妙。有之真極。己所未得。猶謂不無。即其所得了。其非有。故問令推己以悟佛也。肇曰：羅漢入無漏心。不見得道。入有漏心。則見有得。今問以第九解脫。自證成道時。見有得耶。欲令自悟無得義也。

曰：無所得故。而得。什曰：以其解法無得。則理會於法。故因其所會假名爲得。肇曰：推心而答也。無得故有得。有得則無得。此明真得乃在於不<sup>得</sup>。

天曰：諸佛菩薩亦復如是。無所得故。而得。什曰：二乘取證。無得俱同。但大乘悟法既深。又無出入之異耳。

爾時維摩詰語舍利弗：是天女。曾已供養九十二億佛。已能遊戲菩薩神通。所願具足。得無生忍。住不退轉。以本願故。隨意能現教化衆生。肇曰：上但即言生論。未知其道深淺。淨名傍顯其實。以生衆會敬信之情。

注維摩詰經卷第六

注維摩詰經卷第六

注維摩詰經卷第六

注維摩詰經卷第六

注維摩詰經卷第六

注維摩詰經卷第六

注維摩詰經卷第六

注維摩詰經卷第六

注維摩詰經卷第六

注維摩詰經卷第六

注維摩詰經卷第六

注維摩詰經卷第六

注維摩詰經卷第六

注維摩詰經卷第七

後秦釋僧肇選

佛道品第八

爾時文殊師利問維摩詰言：菩薩云何通達佛道。什曰：因上章天女隨願受身。流通佛法。故廣國應之。述以明通達之功也。肇曰：上云諸佛之道。以無得爲得。此道虛玄。非常行之所通。通之必有以。故問所以通也。生曰：應化無方。爲佛之道。既能體之。爲通達矣。

維摩詰言：若菩薩行於非道。什曰：非道有三種。一者惡趣果報。二者惡趣行業。三者世俗善業及善業果報也。凡非其本質而處之。

皆名非道。處非而不失其本。故能因非道以弘道。則通斯通矣。譬如良醫觸物爲藥。故醫術斯行。遇病斯治。

是爲通達佛道。肇曰：夫以道爲道。非道爲非道者。則愛惡並起。垢累茲彰。何能通心妙旨。達平等之道乎。若能不以道爲道。不以非道爲非道者。則是非絕於心。遇物斯可乘矣。所以處是無是。是之情。乘非無非。非之意。故能美惡齊觀。履逆常順。和光塵勞。愈晦愈明。斯可謂通達無礙。平等佛道也。生曰：既出其表。而行之者。皆應化然也。因天女卽是其事故廣之焉。

又問云：何菩薩行於非道。答曰：若菩薩行五無間而無惱恚。什曰：五無間罪業也。地獄至餓鬼惡趣果報也。肇曰：五逆罪必由惱恚生。此罪捨身必入地獄受苦無間也。菩薩示行五逆而無惱恚。是由不以逆爲逆。故能同逆耳。若以逆爲逆者。孰敢同之。至于地獄無諸罪垢。肇曰：罪垢地獄因也。示受其報。實無其因。

至于畜生。無有無明。憍慢等過。肇曰：癡慢偏重多墮畜生。至于餓鬼。而具足功德。肇曰：慳貪無福多墮餓鬼。行色無色界道。不以爲勝。什曰：梵本云至色無色界。凡夫生彼。則謂爲涅槃第一最勝。今有爲而生。不以爲勝也。肇曰：上二界道受有之因。雖同其行。知其卑陋也。示行貪欲。離諸染著。示行瞋恚。於諸衆生。無有

●所期二取其● ●(耶)一● ●(人)一● ●有得二得之● ●問十(也)● ●也二耳● ●得十(也)● ●二乘二三乘● ●會已二已  
●情十(也)● ●第六二第五● ●甲本缺佛道品第八● ●矣二達●

悲憫示行愚癡而以智慧調伏其心 肇曰：示行三毒而不乖三善也。

示行慳貪而捨內外所有不惜身命示行毀禁而安住淨戒乃至小罪猶懷大懼示行瞋恚而常慈忍示行懈怠而勤修功德示行亂意而常念定示行愚癡而通達世間出世間慧 肇曰：示行六弊而不乖六度也。

示行諂偽而善方便隨諸經義 什曰：雖迹與諂同而實不乖正所謂善方便隨諸經義也。肇曰：外現隨俗諂偽內實隨經方便也。

示行憍慢而於衆生猶如橋梁 什曰：言其謙下爲物所凌踐忍受無慢猶如橋梁也。肇曰：使物皆踐我上取卑下之極也。示行諸煩惱而心常清淨 肇曰：煩惱顯於外心淨著於內。

示人於魔而順佛智慧不隨他教 肇曰：外同邪教內順正慧也。

示入聲聞而爲衆生說未聞法 什曰：處非不捨其本則勝習愈明故不待聞而後說也。肇曰：聲聞不從人間不能自悟況能爲人說所未聞。

示入辟支佛而成就大悲教化衆生 肇曰：大悲大乘法非辟支佛所能行。

示入貧窮而有寶手功德無盡 什曰：手能出寶廣施無盡。肇曰：手出自然寶周窮無盡。

示入形殘而具諸相好以自莊嚴示入下賤而生佛種姓中具諸功德 什曰：佛種姓即是

無生忍得是深忍名曰法生則已超出下賤入佛境也。肇曰：得無生忍必繼佛種名生佛種姓中也。

示入羸劣醜陋而得那羅延身 什曰：天力士堅固端正身也。

一切衆生之所樂見 肇曰：那羅延天力士名也端正殊妙志力雄猛。

示入老病而永斷病根超越死畏 肇曰：法身大士生死永盡況老病乎。

示有資生而恒觀無常實無所貪示有妻妾綵女而常遠離五欲淤泥 什曰：如太子慕魄比也。

現於訥鈍而成就辯才總持無失示入邪濟而以正濟 什曰：渡處名爲濟也。

度諸衆生 肇曰：津河可度處名正濟險難處名邪濟。佛道名正濟外道名邪濟也。

現遍入諸道而斷其因緣 肇曰：遍入異道豈曰慕求欲斷其緣耳。

現於涅槃而不斷生死 肇曰：現身涅槃而方入生死。自上所列於菩薩皆爲非道而處之無闕乃所以爲道故曰通達佛道也。

文殊師利菩薩能如是行於非道是爲通達佛道於是維摩詰問文殊師利 什曰：自相遇以來維摩獨說似是辯慧之功偏有所歸今令彼說欲顯其德者也。亦云：推美以爲供養也。

何等爲如來種 什曰：種根本因緣一義耳。因上大士隨類化物通達佛道固知積惡衆生能發道心能發道心則是佛道因緣。

故問佛種也。亦云：新學欲得佛而未知佛因故問其因也。肇曰：既辯佛道所以通又問其道之所出也。維摩文殊迭爲問答應物而作孰誠其故生曰：如來種是擬穀種爲言也。向以示衆惡爲佛。今明實惡爲種。故次反問焉。

文殊師利言有身爲種 什曰：有身謂有漏五受陰也。義云：有身應是身見身見三有之原結果根本。故直言身見身見計我欲令得樂則能行善故爲佛種也。肇曰：有身身見夫心無定所隨物而變在邪而邪在正而正邪正雖殊其種不異也。何則變邪而正改惡而善豈別有異邪之正異惡之善超然無因忽爾自得乎。然則正由邪起善因惡生故曰衆結煩惱爲如來種也。

無明有愛爲種 什曰：向總說此開爲二門也。一切結屬二門故偏舉二門也。自此已下次第廣開者也。

貪悲癡爲種四顛倒爲種五蓋爲種 什曰：四倒爲因五蓋爲果。是則名曰生死兩輪兩輪既具六趣斯遊。

六入爲種 什曰：義言六情愛也。愛爲生本故偏廣開也。

七識住爲種 什曰：初禪中除劫初梵王及劫初諸小梵自後合爲第一識住劫初唯有梵王未有餘梵梵王念欲有餘梵餘梵爾時遇會來生梵王因起邪見謂是已造餘梵亦自謂從梵王生雖有精龜其邪想不異是名異身一想第二識住也。二禪形無。

優劣而心有若干。除了解脫種種異念。是名一形異想。是第三誠住也。三禪形無精能心無異想。所謂一樂想。第四誠住也。并無色前三地是名七誠住也。誠住誠得安住也。誠念分明無有惱患。無壞者是名爲住。惡趣則苦痛壞。四禪則無想壞。非想滅定壞。亦彼地心想微昧念不分明。故誠不安住也。問曰。欲界亦惡趣所壞。云何立誠住也。答曰。取地壞不取界壞。欲界惡趣善趣趣乖地異。苦樂殊致義不相涉。故不相壞也。又義云。應爲七使也。八邪法爲種九惱處爲種。什曰。愛我怨家。憎我知讎惱我已身。一世則三。三世爲九。義云。九結也。十不善道爲種以要言之六十二見及一切煩惱皆是佛種。肇曰。應勞衆生即成佛道。更無異人。之成佛。故是佛種也。生曰。夫大乘之悟本不近捨生死遠更求之也。斯爲在生死事中。即用其實爲悟矣。苟在其事而變其實爲悟始者。豈非佛之萌芽起於生死事哉。其悟既長其事必巧。不亦是種之義乎。所以始於有身終至一切煩惱者。以明理轉。扶疎至結大悟實也。曰何謂也。肇曰。夫妙極之道必有妙極之因。而曰應勞爲種者何耶。生曰。佛爲至極之慧。而以衆惡爲種未可才孤。故問云爾。答曰。若見無爲入正位者。什曰。苦法忍至羅漢無生至佛皆名正位也。言無爲而入者。由取相見故入正位而取證。又言見

無爲無爲者盡諦。盡諦是其證法決定分明。見前二諦時雖無反勢未決定分明。言據其決定取證處。不能復發阿耨多羅三藐三菩提心。生曰。以現事明之也。見無爲入正位者。苦法忍已上結使已斷既至其所始爲見之。以本欲捨生死求悟。悟則在生死外矣。無復不捨即悟之義。故不能復發菩提心也。譬如高原陸地不生蓮華。卑濕淤泥乃生此華。如是見無爲法入正位者終不復能生於佛法煩惱泥中乃有衆生起佛法耳。生曰。論入正位。又如殖種於空終不得生。糞壤之地乃能滋茂。如是入無爲正位者不生佛法起於我見如須彌山。什曰。言其見深而高也。肇曰。我心自高如須彌之在衆山也。猶能發于阿耨多羅三藐三菩提心生佛法矣。生曰。論見無爲也。此二論以明萌發其事焉。是故當知一切煩惱爲如來種。什曰。謂爲衆生無。孰數劫以煩惱受身深入生死廣積善本兼濟衆生。然後得成佛道。所以爲種也。譬如不下巨海終不能得無價寶珠。如是不入煩惱大海則不能得一切智寶。肇曰。二乘既見無爲安住正位。虛心靜漠冥寂恬怡。既無生死之畏。而有無爲之樂。澹泊自足無希無求。孰肯蔽蔽以大乘爲心乎。凡夫沈淪五趣爲煩惱所蔽。進無無爲之歡退有

生死之畏。兼我心自高唯勝是慕。故能發迹塵勞標心無上。樹根生死而救正覺之華。自非凡夫沒命涸淵遊盤塵海者。何能致斯無上之寶乎。是以凡夫有反覆之名。二乘有根敗之恥也。生曰。無價寶珠是海之所成。一切智寶亦是煩惱所作也。要入煩惱海中求之然後得矣。此一論以明既不捨結有反入義焉。爾時大迦葉歎言善哉善哉文殊師利快說此語誠如所言塵勞之偉爲如來種我等今者不復堪任發阿耨多羅三藐三菩提心乃至五無間罪猶能發意生於佛法而今我等永不能發譬如根敗之士其於五欲不能復利如是聲聞諸結斷者於佛法中無所復益永不志願。肇曰。迦葉自知已心微弱不能發大道意。至於勝求乃後五道之人。傷已無堪。故善文殊之說。是故文殊師利凡夫於佛法有反復而聲聞無也。所以者何。凡夫聞佛法能起無上道心不斷三寶正使聲聞終身聞佛法力無畏等永不能發無上道意。肇曰。凡夫聞法能續佛種則報恩有反復也。聲聞獨善其身不弘三寶。於佛法爲無反復也。又法華云。二乘中止終必成佛。而此經以根敗爲論。無復志求。夫涅槃者道之真也。妙之極也。二乘結習未盡。闇障未除。如之何以垢累之神而求其極之道乎。以其三有分盡故假授涅槃。非實涅槃也。此經將以二乘疲厭生死進向已息。潛隱無爲綿綿長久。方於凡夫則



爲永絕。又抑揚時聽卑鄙小乘。至人殊應其教不一。故令諸經有不同之說也。

爾時會中有一菩薩名普現色。身問維摩詰言。居士父母妻子親戚眷屬吏民知識悉爲是誰奴婢僮僕象馬車乘皆何所在。肇曰。淨名權道無方隱顯難測。外現同世家屬。內以法爲家屬。恐惑者見形不及其道。故生斯問也。生曰。普現色身以通達佛道爲迹也。問此義者。欲明其事要必有本。反于生死之致。故能無不入矣。是以答終戒品便云。所爲無方也。

於是維摩詰以偈答曰。智度菩薩母。生曰。所謂菩薩以智慧爲主。而智慧以內解爲用。有母義焉。

方便以爲父。什曰。窮智之原故稱度。梵音中有母義。故以爲母。亦云。智度雖以明照爲體。成濟萬行。比其功用不及方便。故以爲母。正方便父。梵音中有父義。方便有二種。一深解空而不取相受證。二以實相理深莫能信受。要須方便誘引群生。令其漸悟。方便義深而功重。故爲父也。肇曰。智爲內照。權爲外用。萬行之所由生。諸佛之所因出。故菩薩以智爲母。以權爲父。生曰。方便以外濟爲用。成菩薩道。父義也。

一切衆導師無不由是生。什曰。菩薩如來通名導師。以新學謂其未離受生。應有父母。今欲顯其以法化生。絕於受身。故答之以法也。生曰。菩薩以上至佛也。法喜以爲妻。什曰。如二禪中自欣離下

地。故生喜。亦於諸善及實法深心愛樂發大歡喜。以此自娛外無餘欣。喜爲樂具。其論如妻也。肇曰。法喜謂見法生內喜也。世人以妻色爲悅。菩薩以法喜爲悅也。生曰。妻以守節爲欣。失節則憂。喜於法者此之謂也。

慈悲心爲女。什曰。慈悲性弱從物入有。猶如女之爲性弱而隨物也。肇曰。慈悲之情像女人性。故以爲女。生曰。慈悲以外適爲用。有女義焉。

善心誠實男。什曰。誠實之心於事能辨。猶男有貞固之性。濟成於家業也。肇曰。誠實貞直男子之性。亦有爲惡而實。故標以善心。生曰。其心既善。加以誠實。必能幹濟。菩薩家而成大業。有男事焉。故云誠實男也。

畢竟空寂舍。什曰。障。蔽風雨莫過於舍。滅除衆想莫妙於空。亦能絕諸開難降伏魔怨。猶密宇深重寇患自消。亦云。有非真要時復暫遊。空爲理宗。以爲常宅也。肇曰。堂宇以蔽風霜。空寂以障塵想。生曰。於緣爲有是外有也。自性則無爲內虛也。可以庇非法風雨。而障結賊之患。是舍之理也。

弟子衆塵勞。什曰。衆塵即塵勞衆生。化使從己令受正道也。

隨意之所轉。什曰。轉令從己化也。肇曰。塵勞衆生隨意所化。無非弟子也。生曰。轉衆塵之思。以爲智慧之明。豈非從化義哉。

道品善知識。什曰。三十七品三乘通用。菩薩兼以六度爲道品。取其親附守護利益

成就。義同三益。故賴之知識。由是成正覺。肇曰。成益我者三十七道品也。可謂善知識乎。生曰。益我以道。由之而成善友義也。

諸度法等侶。什曰。或有雖爲知識。不必能爲剋終之伴。或雖爲伴。而不爲知識。又言伴侶明善。始令終必至道場也。肇曰。六度大乘之要行。發心爲侶。俱至道場。吾真侶也。生曰。我本欲到諸法彼岸而假諸度得至伴之良者也。

四攝爲妓女。什曰。四攝聚衆。猶衆妓之引物也。肇曰。四攝悅衆。以當妓女也。生曰。悅以取人。四攝理也。

歌詠誦法。言以此爲音樂。肇曰。口誦法言。以當音樂。生曰。悅耳致樂。莫善於此。

總持之園苑。什曰。總持廣納爲衆妙之林。奇翫娛心。猶如園苑也。生曰。持諸法使不致散失。爲園苑義也。

無漏法林樹。生曰。無漏之法。既根深不可拔。又理高而扶疎爲樹之像。漏法不復得。間錯其間。林之義矣。

覺意淨妙華。什曰。華之體合則不妙。開過則毀。開合得適。乃盡其妙也。調順覺意亦復如是。高則放散。下則沈沒。高下得中。乘平直往。開合之相。其猶淨華也。生曰。七覺以開悟爲道。無染爲淨。華之法者也。

解脫智慧果。什曰。解脫無爲果也。智慧有爲果也。生曰。結盡爲解脫也。從智慧生。即以名之。終期所得爲果矣。

八解之浴池 什曰。水之爲用除垢去熱。解脫之性亦除執去闇也。生曰。八以擬八方也。解脫者除垢懷也。故有浴池義焉。定水湛然滿。生曰。止則能鑒。水之義也。既定意足湛然滿矣。

布以七淨華 什曰。一戒淨。始終淨也。身口所作無有微惡。意不起。垢亦不取。相亦不顧。受生。施人無畏。不限衆生。二心淨。三乘制煩惱心斷。結心乃至三乘漏盡。心名爲心淨。三見淨。見法真性不起妄想。是名見淨。四度疑淨。若見未深。當時雖了。後或生疑。若見深疑斷。名度疑淨。五分別道淨。善能見是道。宜行非道。宜捨。是名分別道淨。六行斷知見淨。行謂苦難。苦易樂難。樂易四行也。斷謂斷諸結也。學地中盡。未能自知。所行所斷。既得無學。盡智無生智。悉自知。見所行所斷。通達分明。是名行斷知見淨。七涅槃淨也。生曰。一戒淨。二心淨。三見淨。四度疑淨。五道非道知見淨。六行知見淨。七斷知見淨。此七既以淨好爲理。而從定水中出。義爲水中華焉。

解脫有爲無爲果也。智慧即果智也。生曰。浴此則乃無復垢矣。

象馬五通馳 什曰。駕大乘車遊於十方。自在無闕。兼運衆生俱至道場也。生曰。五通不疾而速。以喻象馬。

大乘以爲車 生曰。駕以大乘車矣。

調御以一心 什曰。一心梵本云。和合。道品心中有三。相一發動。二攝心。三名捨。若發動過則心散。散則攝之。攝之過則沒。沒則精進令心發動。若動靜得適。則任之令進。容

豫處中是名爲捨。捨即調御。調御即和合也。譬如善御遲則策之。疾則制之。舒疾得宜。則放之令去。縱步夷塗。必之所往也。

生曰。一心謂捨也。若無復高下遲疾。便宜任之以一心矣。

遊於八正路 生曰。五通爲象馬。大乘爲上車。一心爲御者。遊於八正道也。生曰。八正爲通衢而遊其上矣。

相具以嚴容衆好飾其姿 什曰。嚴飾足於體。不假外也。生曰。相好爲嚴飾具者也。

慚愧之上服 什曰。旨取其防非止惡。猶衣服可以禦風寒也。生曰。慚愧障衆惡。法身之上服。生曰。衣服障形者。恥露其醜也。慚愧不爲惡事。此之謂者也。

深心爲華鬘 什曰。深心信樂。故能修善處善之先。猶鬘之在首。又云。深心發明衆善。亦如華鬘飾形服也。生曰。深心法身之上飾。猶華鬘之在首。生曰。華鬘者。既爲首飾。

而束髮使不亂也。深心是檢行之初。故以

論焉

富有七財寶 什曰。信戒聞捨慧慚愧也。處家則能捨財。出家則能捨五欲及煩惱也。由信善故持戒。持戒則止惡。止惡已則進行衆善。進行衆善。要由多聞。聞法故能捨。能捨則慧生。故五事次第說也。五事爲寶。慚愧爲守人。守人於財主亦是財。故七事通名財也。生曰。財寶有七。其理無窮。富之極者也。

教授以滋息 生曰。教授衆生。是與人之長善也。

如所說修行迴向爲大利 什曰。行自行也。以七財爲本。又彼我兼利。復以此福迴向佛道。七財彌增。則利之大也。生曰。七財信戒聞捨慧慚愧也。世人以玉帛爲饒。菩薩以七財爲富。出入法寶與人同利。兼示以滋息之法。令如所說修行迴向佛道。此利之大者也。生曰。如所說修行既收外益。而可以易得大寶。故爲大利也。

四禪爲床座 什曰。言四禪取其似床座。能離三患也。一離毒螫。二離垢塵。三離濕冷。四禪亦離三患也。離瞋恚毒貪欲塵。眠冷離此三患。安隱快樂也。生曰。世人爲毒螫下濕。所以伐木爲床。菩薩爲下界毒惡。故以四禪爲床。生曰。四以擬四方也。禪以安樂爲理。床之象者也。

從於淨命生 生曰。四禪高床修淨命之所成。生曰。淨命爲禪之巧功。

多聞增智慧以爲自覺音 什曰。向說床則

眠其安寢。安寢則覺之有法。故次說樂。外國貴人眠時要先勸樂人。明相出時微奏樂音。然後乃覺。今以多聞法音覺其禪寢也。肇曰。外國諸王臥欲起時奏絲竹。自覺菩薩安寢四禪多聞以自覺。生曰。外國貴人臥欲覺時。作樂以覺之也。從聞而悟者此之謂也。

甘露法之食。什曰。諸天以種種名藥著海中。以寶山摩之令成甘露。食之得仙名。不死藥。佛法中以涅槃甘露令生死永斷。是真不死藥也。亦云。劫初地味甘露。食之則長生。佛法中則實相甘露養其慧命。是真甘露食也。生曰。天食為甘露味也。食之長壽。遂號為不死食也。泥洹是不死之法。故以諡焉。

解脫味為漿。什曰。味有四種。一出家離五欲。二行禪離煩惱。三智慧離妄想。四涅槃離生死。亦有二種解脫。一解脫煩惱。二解脫於閻也。亦云。愛性無漏名之為渴。愛斷則得解脫。解脫止愛渴故名漿。四味亦以除愛渴故為漿也。肇曰。無漏甘露以充其體。八解脫法漿以潤其身也。生曰。愛為縛之本。以無厭為懷。若渴之須水則大苦矣。若解脫之者以無渴愛為漿。無苦為味也。

淨心以澡浴。什曰。心淨則無染。無染即為浴。亦名游八解也。生曰。淨於心垢為澡浴也。戒品為塗香。什曰。淨戒除穢不假香也。

肇曰。淨心為澡浴之水。戒具為塗身之香。生曰。戒在形而外。動為塗身香也。

摧滅煩惱賊。什曰。煩惱有二。一遮斷。二永斷。摧滅遮斷也。下降伏四魔永斷也。上說養養四體。體既平健則廣興事業。自此已下是說其事業。生曰。自此已下明其有所云為。

勇健無能降降伏四種魔。勝幢建道場。什曰。外國破敵得勝則豎勝幢。道場降魔亦表其勝相也。肇曰。外國法戰勝破敵立幢以表勝。菩薩摧煩惱賊降四魔怨乃立道場建勝相也。

雖知無起滅示彼故有生悉現諸國土如日無不見。肇曰。知無起滅則得法身。無復生分。為彼有生。故無往不見。自此已下盡歎菩薩變應之德。以法為家故其能若此。供養於十方無量億如來諸佛及己身無有分別想。肇曰。未嘗覺彼己之異也。

雖知諸佛國及與衆生空而常修淨土教化於群生。肇曰。知空不捨有。所以常處中。諸有衆生類形聲及威儀無畏力菩薩一時能盡現覺知衆魔事而示隨其行以善方便智隨意皆能現或示老病死。什曰。如佛欲化弗迦沙王。故現作老比丘。亦如四城門所化比也。

成就諸群生了知如幻化通達無有閑或現劫盡燒天地皆洞然衆生有常想照令知無常。什曰。或實燒或不實燒。不實燒者。二日乃至三四日出時。衆生見燒相即悟無常。還攝

不燒也。

無數億衆生俱來請菩薩一時到其舍化令向佛道經書禁呪術工巧諸伎藝盡現行此事。饒益諸群生世間衆道法悉於中出家。什曰。以同習相感先同而後乖也。出家人有德為物所宗。故現入出家修德引物也。

因以解人惑而不墮邪見。肇曰。九十六種皆出家求道。隨其出家欲解其惑不同其見也。

或作日月天。什曰。劫初時未有日月亦未有衆生。幽冥處初不見日月。故為作日月令得照明也。

梵王世界主或時作地水或復作風火。什曰。劫初地未成。以神力令六方風來吹水結而成地。或見入海船欲沒時。為化作地令得安隱。至須水火風處。皆應其所求也。或化作或以身作也。食及藥中亦如是也。肇曰。遇海漂人則變身為地。水火風皆隨彼所須而自變形也。

劫中有疾疫現作諸藥草。什曰。或令除病或得昇仙。因而化之使入正道。外國有奇妙藥草。或似人形或似象馬形。似象馬者有人乘之徑凌虛而去。或但見聞此藥衆病即消也。

若有服之者除病消衆毒劫中有饑饉現身作飲食先救彼饑渴却以法誨人。肇曰。菩薩法身于何不為。或為藥草令服者病除。或為飲食令饑渴者得飽滿。

劫中有刀兵為之起慈悲。什曰。將來世劫

盡時刀兵起人壽十歲婆須蜜從初利天下生王家作太子化衆人言我等祖父壽命極長以今瞋恚無慈故致此短壽是故汝等當行慈心衆人從命惡心漸薄此後生子壽二十歲如是轉續至彌勒時八萬四千歲也

化彼諸衆生令住無靜地若有大戰陣立之以等力菩薩現威勢降伏使和安 什曰兩陣相對助其弱者二衆既均無相勝負因是彼此和安矣

一切國土中諸有地獄處輒往到于彼勉濟其苦惱一切國土中畜生相食噉皆現生於彼爲之作利益 什曰如過去世時人無禮義欲殘害長老猴象及鳥推敬長老令人修善咸相和須如大智度論中說

示受於五欲亦復現行禪令魔心憤亂不能得其便 肇曰欲言行禪復受五欲欲言受欲復現行禪莫測其變所以憤亂也

火中生蓮華是可謂希有在欲而行禪希有亦如是 肇曰自非靜亂齊旨者孰能爲之者也

或現作姪女引諸好色者先以欲鉤牽後令入佛智 肇曰反欲以順

或爲邑中主或作商人導國師及大臣以祐利衆生諸有貧窮者現作無盡藏因以勸導之令發菩提心我心憐慢者爲現大力士消伏諸貴高令住無上道 肇曰慢心自高如山峯不停水菩薩現爲力士服其高心然後潤以法水

共有恐懼者居前而慰安先施以無畏後令發道心或現離婬欲爲五通仙人開導諸群生令住戒忍慈 什曰世無賢聖衆生下劣不入深法故化以戒忍也

見須供事者現爲作僮僕既悅可其意乃發以道心隨彼之所須得入於佛道以善方便力皆能給足之如是道無量 生曰應適無方皆是佛之道矣

所行無有涯智慧無邊際度脫無數衆假令一切佛於無數億劫讚歎其功德猶尙不能盡 肇曰其權智之道無涯無際雖復衆聖殊勝辯猶不能盡

誰聞如是法不發菩提心除彼不肖人癡冥無智者 肇曰下士聞道大而笑之日月雖明何益著者

注維摩詰經卷第七

### 注維摩詰經卷第八

後秦釋僧肇選

#### 入不二法門品第九

爾時維摩詰謂衆菩薩言諸仁者云何菩薩入不二法門 什曰有無迭用佛法之常前品說有故次說空門復次從始會以來唯二人相對餘皆默然今欲各顯其德故問令盡說亦云情惑不同發悟有因令各說悟廣釋衆迷夫勝會明宗必以令終爲美今法坐將散欲究其深致廣說不二乃盡其

妙也問曰亦有三四乃至無量法門云何獨說不二耶 答曰二事少而惑淺餘門事廣而累深二尚應破則餘可知也復次萬法之生必從緣起緣起生法多少不同極其少者要從二緣若有一緣生未之聞也然則有之緣起極於二法二法既廢則入於玄境亦云二法門攝一切法門問曰云何不破一耶 答曰若名數之則非一也若以一爲一亦未離於二道二則一斯盡矣復次無相之一名假而實立實立則體與相絕故直置而自無也 肇曰言爲世則謂之法衆聖所由謂之門生曰既悟其一則衆事皆得故一爲衆事之所由也

各隨所樂說之 肇曰自經始已來所明雖殊然皆大乘無相之道無相之道不可思議解脫法門即第一義無二法門此淨名現疾之所建文殊問疾之所立也凡聖道成莫不由之故事爲篇端談爲言首究其所歸一而已矣然學者開心有地受習不同或觀生滅以反本或推有無以體真或尋罪福以得一或察身口以冥寂其塗雖殊其會不異不異故取衆人之所同以證此經之大旨也生曰所以無方其道皆入不二故也今令人入說之以爲成驗

皆類爾。萬法云云離真皆名二。故以不二爲言。

德守菩薩曰：我我所爲二，因有我故，便有所若無有我，則無我所，是爲入不二法門。肇曰：妙主常存我也，身及萬物我所也，我所有之有也。法既無我，誰有之者？

不胸菩薩曰：什曰：不胸有三義：一如天，二愛敬佛身，諦觀不胸，三心無塵翳慧眼常開。

受不受爲二。什曰：受不受取相，不取相也。亦有漏五陰名爲受，無漏名不受也。亦云受心不受心。如阿毘曇心說。

若法不受，則不可得，以不可得故，無取無捨。什曰：遣不受也。

無作。什曰：言不復作，受生業也。無行。什曰：心行滅也。

是爲入不二法門。肇曰：有心必有所受，有所受必有所不受，此爲二也。若悟法本空，二俱不受，則無得無行，爲不二也。

德頂菩薩曰：垢淨爲二，見垢實性。什曰：如洗穢物，至盡乃淨，淨則盡，盡則無淨也。

則無淨相，順於滅相，是爲入不二法門。肇曰：淨生於垢，實性無垢，淨何所淨？

善宿菩薩曰：是動是念爲二。什曰：惑心微起，名爲動，取相深著名爲念，始終爲異耳。

無取遣受也。肇曰：情發爲動，想我爲念也。不動則無念，無念即無分別通達，此者是爲入不二法門。善眼菩薩曰：一相無相爲二。若知一相即是無相，亦不取無相入於平等，是爲入不

二法門。肇曰：言一欲以去二，不言一也。言無欲以去有，不言無也。而惑者聞一，則取一相，聞無則取無相，故有二焉。

妙臂菩薩曰：什曰：以施報故，手能出無盡寶物，如五河流，故名妙臂也。

善薩心聲聞心爲二，觀心相空如幻化者，無善薩心，無聲聞心，是爲入不二法門。弗沙菩薩曰：什曰：二十八宿中鬼星名也，生時所值宿，因以爲名也。肇曰：弗沙星名也，善薩因以爲字焉。

善不善爲二。什曰：一切有漏善心，及善身口業，無漏乃至涅槃名爲善。一切煩惱所作身口業名不善也。

若不起善不善入無相際，而通達者是爲入不二法門。師子菩薩曰：罪福爲二。什曰：三界煩惱煩惱相應，及煩惱所作身口業盡名罪，一切有漏善盡名爲福。

若達罪性則與福無異，以金剛慧決了此相。什曰：金剛置地，下至地際，然後乃止，實相慧要盡法性，然後乃止也。肇曰：金剛慧實相慧也。

無縛無解者是爲入不二法門。師子意菩薩曰：什曰：師子度水，要截流直度，曲則不度。此大士以實智慧，深入諸法，直過彼岸，故借以爲名也。

有漏無漏爲二，若得諸法等則不起漏不漏想，不著於相，亦不住無相，是爲入不二法門。淨解菩薩曰：有爲無爲爲二，若離一切數則心如虛空，以清淨慧無所關者是爲入不二法門。那羅

延菩薩曰：世間出世間爲二。什曰：世間三界也，出世間一切無漏有爲道品法也。

世間性空即是出世間，於其中不入不出。什曰：出義生於入也，無入生死故，無出世間也。

不溢。什曰：梵本云流也。

不散。肇曰：夫有入則有出，有出必有溢，有溢必有散，此俗中之常數。

是爲入不二法門。善意菩薩曰：生死涅槃爲二。什曰：上言無爲三無爲也，今明究竟涅槃也。

若見生死性則無生死，無縛無解，不然不滅如是解者是爲入不二法門。肇曰：縛然生死之別名，解滅涅槃之異稱。

現見菩薩曰：盡不盡爲二法，若究竟盡。什曰：無常是空之初門，破法不盡，名爲不盡，若乃至一念不住則無有生，無有生則生盡，生盡則畢竟空，是名爲盡也。

若不盡皆是無盡，相無盡相即是空，空則無有盡，不盡相如是入者是爲入不二法門。肇曰：有爲虛偽法，無常故名盡，實相無爲法，常住故不盡，若以盡爲盡，以不盡爲不盡，者皆二法也。若能悟盡不盡，俱無盡相者，則入一空不二法門也。

普守菩薩曰：什曰：萬善所持，衆聖所護，故名普守焉。

我無我爲二，我尚不可得，非我何可得？什曰：妄見有我，解則無我，言無我爲遣我耳，非復別有無我法也。

見我實性者不復起二。是爲入不二法門。肇曰。非我出於我耳。見我實性者。我本自無而況非我也。

電天菩薩曰。明無明爲二。無明實性即是明。什曰。無明能生明。故不異於明。明由無明生。故不異於無明。無明故不可取。能生明故不可捨。明亦如是。非無明故不可離。無明生故不可取。譬如蓮華色雖離淨。所因不淨。推其所因。心不生著也。

明亦不可取離一切數於其中。平等無二者是爲入不二法門。肇曰。明慧明也。無明癡冥也。見無明性。即是爲明。若見明爲明。即是無明。故不可取也。

喜見菩薩曰。色色空爲二。色即是空。非色滅空。色性自空。如是受想行識。識空爲二。識即是空。非識滅空。識性自空。於其中而通達者。是爲入不二法門。肇曰。色即是空。不待色滅。然後爲空。是以見色異於空者。則二於法相也。

明相菩薩曰。四種異空。種異爲二。什曰。外道法中有五大。佛法中有四大。此四種於作法中。最大故稱爲大。

四種性即是空。種性如前際後際空。故中際亦空。若能如是知諸種性者。是爲入不二法門。肇曰。四種四大也。空種空大也。此五衆生之所由生。故名種。然四大之性。無前後中。無異空大也。

妙意菩薩曰。眼色爲二。若知眼性於色。不貪不著。不癡。是名寂滅。如是耳聲鼻香舌味身

觸。意法爲二。若知意性於法。不貪不著。不癡。是名寂滅。安住其中。是爲入不二法門。肇曰。存於情塵。故三毒以生。若悟六情性。則於六塵不起三毒。此寂滅之道也。

無盡意菩薩曰。布施迴向一切智爲二。布施性即是迴向一切智性。如是持戒忍辱精進禪定智慧迴向一切智爲二。智慧性即是迴向一切智性。於其中入一相者。是爲入不二法門。肇曰。以六度爲妙因。迴向一切智者。二也。若悟因果同性。入于一相。乃應不二。

深慧菩薩曰。是空是無相。是無作。爲二。空即無相。無相即無作。若空無相無作。即無心意識。於一解脫門。即是三解脫門。者是爲入不二法門。肇曰。三行雖異。然俱是無緣解脫。故無心意識也。無緣既同。即三解脫無異。

寂根菩薩曰。佛法衆爲二。生曰。有相則有對。有對則爲二。不繫一與三也。佛即是法。生曰。以體法爲佛。不可離法有佛也。若不離法有佛。是法也。然則佛亦法矣。

法即是衆。生曰。亦以體法爲衆。是三寶皆無爲相。肇曰。無相眞智。佛寶也。實相無爲。法寶也。修無爲道。僧寶也。三寶雖異。皆無爲相也。生曰。乖理爲造。故三寶皆無爲也。

與虛空等一切法。亦爾能隨此行者。是爲入不二法門。心無罣菩薩曰。身身滅爲二。什曰。身五受陰也。身滅涅槃也。

身即是身滅。所以者何。見身實相者。則不起見

身及見滅。身身與滅。身無二。無分別於其中。不驚不懼者。是爲入不二法門。肇曰。諸法生時。空生滅時。空滅。身存身亡。亦何以異。而懷驚懼於其中乎。

上善菩薩曰。身口意業爲二。是三業皆無作相。身無作相。即口無作相。口無作相。即意無作相。是三業無作相。即一切法無作相。能如是隨無作慧者。是爲入不二法門。肇曰。三業雖殊。無作一也。諸法之生。本于三業。三業既無。誰作諸法也。

福田菩薩曰。福行罪行。不動行爲二。什曰。福行欲界善行。能得樂報也。罪行十不善道。能得苦報也。無動行色無色界行。不動義如通達佛道中說也。

三行實性。即是空。空即無福行。無罪行。無不動行。於此三行而不起者。是爲入不二法門。肇曰。福欲界善行。罪十惡之流。不動色無色界行也。

華嚴菩薩曰。從我起二。爲二。見我實相者。不起二法。若不住二法。則無有識。無所識者。是爲入不二法門。肇曰。因我故有彼。二名所以生。若見我實相。則彼我之識。無由而起。

德藏菩薩曰。有所得相。爲二。若無所得。即無取捨。無取捨者。是爲入不二法門。肇曰。得在於我。相在於彼。我不得相。誰取誰捨。

月上菩薩曰。聞與明爲二。無聞無明。即無有二。所以者何。如入滅受想定。什曰。旨明此中。知無滅。無有明聞也。

無聞無明一切法相亦復如是於其中平等入者是爲入不二法門。肇曰：二乘入滅盡定，六根盡廢，心想都滅，雖經晝夜，不覺晦明之異，論菩薩無心於明闇耳。

寶印手菩薩曰：樂涅槃不樂世間爲二，若不樂涅槃不厭世間則無有二，所以者何？若有縛則有解，若本無縛其誰求解？無縛無解則無樂厭是爲入不二法門。肇曰：世間無縛，曷爲而厭？涅槃無解，曷爲而樂？

珠頂王菩薩曰：正道邪道爲二，住正道者則不分別是邪，是正，離此二者是爲入不二法門。樂實菩薩曰：實不實爲二，實見者尚不見實，何況非實？所以者何？非肉眼所見，慧眼乃能見，而此慧眼無見不見是爲入不二法門。肇曰：實相慧眼之境，非肉眼所見，慧眼尚不見實，而況非實？雖曰無見，而無所不見，此真慧眼之體。

如是諸菩薩各各說已，問文殊師利何等是菩薩入不二法門？文殊師利曰：如我意者，於一切法無言。什曰：說曲辯也。

無說 什曰：說一往說也。

無示 什曰：顯現其相，言是善是惡，名爲示也。

無識離諸問答是爲入不二法門。肇曰：上諸人所明雖同，而所因各異，且直辯法相，不明無言。今文殊總衆家之說，以開不二之門，直言法相不可言，不措言於法相，斯之爲言，言之至也。而方於靜默猶亦後焉。生曰：前諸菩薩各說不二之義，似有不二

可說也，若有不二可說者，卽復是對二，爲不二也。是以文殊明無可說，乃爲不二矣。於是文殊師利問維摩詰我等各自說已，仁者當說何等是菩薩入不二法門？時維摩詰默然無言。什曰：如佛泥洹後六百年有一人年六十出家，未幾時頤三藏都盡大作三藏論議，作論已思惟言：佛法中復有何事，唯有禪法，我當行之。於是受禪法，自作要誓，若不得道，不具一切禪定功德，終不寢息，脇不著地，因名脇比丘，少時得成阿羅漢，具三明六通，有大辯才，善能論議，有外道師名曰馬鳴，利根智慧，一切經書皆悉明練，亦有大辯才，能破一切論議，問脇比丘名，將諸弟子往到其所，唱言：一切論議悉皆可破，若我不能破，汝言論當斬首謝，屈脇比丘聞是論，默然不言。馬鳴卽生憍慢，此人徒有空名，實無所知，與其弟子捨之而去。中路思惟已，語弟子言：此人有甚深智慧，我隨負處，弟子怪而問曰：云何爾答曰：我言一切語言可破，卽是自破，彼不言則無所破，卽還到其所，語脇比丘言：我隨負處，則是愚癡愚癡之頭，非我所須，汝便斬之。若不斬，我當自斬，脇比丘言：不斬汝頭，當斬汝結髮，比於世間，與死無異，卽下髮爲脇比丘作弟子，智慧辯才世無及者，廣造經論，大弘佛法，時人謂之爲第二佛，夫默語雖殊，明宗一也，所會雖一，而述有精麤，有言於無言，未若無言於無言，故默然之論，論之妙也。肇曰：有

言於無言，未若無言於無言，所以默然也。上諸菩薩指言於法相，文殊有言於無言，淨名無言於無言，此三明宗雖同，而述有深淺，所以言後於無言，知後於無知，信矣哉。生曰：文殊雖明無可說，而未明說爲無說也，是以維摩默然，無言以表言之不實，言若果實豈可默哉？

文殊師利歎曰：善哉善哉，乃至無有文字語言，是真入不二法門。肇曰：默領者，文殊其人也，爲彼持言所以稱善也。生曰：言述盡於無言，故歎以爲善矣。

說是入不二法門品時，於此衆中五千菩薩皆入不二法門，得無生法忍。

香積佛品第十

於是舍利弗心念：日時欲至此，諸菩薩當於何食？什曰：舍利弗獨發念者，其旨有二：一者結業之體，未能無資，二絕意大方樂法不深，三推已有待，謂衆亦然，處弟子之上，宜爲衆致供也。肇曰：置座設食，擬賓之常，而待客先發者，欲以生論耳，舍利弗時會之長，故每扣輿端。生曰：不念弟子者，以其自有乞食法也。

時維摩詰知其意而語言：佛說八解脫，仁者受行豈難欲食而聞法乎？什曰：能於前法，自在無闕，無闕則累想宜廢，亦云解脫爲用，厭身捨著，而今念食，乖致何深？肇曰：佛說八解脫，乃是無欲之嘉肴，養法身之上饌，仁者親受，謂無多求，然方難食想，而欲聽法，豈是無學來求之情乎？生曰：八解脫

●如二自(●)●(羅)十什●下同 ●(釋)十肇●下同 ○(三)道十生●下同 ●深十(也)● ●請二將也●

以不淨觀爲初。而食是不淨之物。既以體  
八爲懷者。豈復有欲食之情哉。又法中無  
食可欲。蓋不可以欲食聞之乎  
若欲食者。且待須臾。當令汝得未曾有食。什  
曰。不化作者。恐致欺妄之嫌故。不設常  
食。以非淨妙無利益故。欲令此衆見清  
淨國。又因香飯得弘道意。故因其須食請  
飯香積也。生曰。常食是生欲法也。除欲食  
爲未曾有食矣。

時維摩詰卽入三昧。以神通力示諸大衆。上方  
界分過四十二恒河沙佛土。有國名衆香佛號  
香積。今現在其國。香氣比於十方諸佛世界人  
天之香最爲第一。彼土無有聲聞辟支佛名。唯  
有清淨大菩薩衆。佛爲說法。其界一切皆以香  
作樓閣。經行香地。苑囿皆香。其食香氣周流十  
方。無量世界。是時彼佛與諸菩薩方共坐。食有  
諸天子皆號香嚴。悉發阿耨多羅三藐三菩提  
心。供養彼佛及諸菩薩。此諸大衆莫不目見時  
維摩詰問衆菩薩言。諸仁者。誰能致彼佛飯  
聲曰。既現彼國。推有力者。令取飯也。  
以文殊師利威神力。故咸皆默然。聲曰。文殊  
將顯淨名之德。故以神力。令衆會默然  
矣。

維摩詰言。仁。此大衆無乃可恥。聲曰。勵未  
成也。  
文殊師利曰。如佛所言。勿輕未學。聲曰。進  
始學也。

於是維摩詰不起于座。居衆會前。化作菩薩  
相。好光明威德殊勝。蔽於衆會。而告之曰。汝往

上方界分度如四十二恒河沙佛土。有國名衆  
香佛號香積。與諸菩薩方共坐。食汝往到彼如  
我辭曰。維摩詰稽首。世尊足下。致敬無量。聞訊  
起居少病少惱。氣力安不。什曰。不言無  
而。言少者。明身爲病本。本宜棄也。聲曰。  
將示有身不得無患。故致問如來。猶云  
少病少惱。  
願得世尊所食之餘。當於娑婆世界。施作佛事  
什曰。佛事謂化衆生。

令此樂小法者。別本云。樂少之人。什曰。樂  
不勝遠者。皆名爲小。非但小乘也。  
得弘大道。亦使如來名聲普聞。什曰。欲令  
聞而信者。發道心也。此三事請飯之意也。  
聲曰。餘卑遜言也。彼土因香以通大道。此  
國衆生志意狹劣。故請香飯之餘。以弘佛  
事也。  
時化菩薩卽於會前。昇于上方。舉衆皆見其去  
到衆香界。禮彼佛足。又聞其言。維摩詰稽首。世  
尊足下。致敬無量。聞訊起居。少病少惱。氣力安  
不。願得世尊所食之餘。欲於娑婆世界。施作佛  
事。使此樂小法者。得弘大道。亦使如來名聲普  
聞。彼諸大士。見化菩薩。歎未曾有。今此上人。從  
何所來。娑婆世界。爲在何許。云何名爲樂小法  
者。卽以問佛。聲曰。彼諸大士。皆得神通。然  
不能常現在前。又其土純一大乘。不聞樂  
小之名。故生斯問也。

佛告之曰。下方度如四十二恒河沙佛土。有世  
界名娑婆。佛號迦牟尼。今現在於五濁惡世。  
爲樂小法。衆生敷演道教。彼有菩薩名維摩詰。

住不可思議解脫。爲諸菩薩說法。故遣化來。稱  
揚我名。并讚此土。令彼菩薩。增益功德。彼菩薩  
言。其人何如。乃作是化。德力無畏。神足若斯。  
佛言。甚大。一切十方。皆遣化往。施作佛事。饒益  
衆生。於是香積如來。以衆香鉢。盛滿香飯。與化  
菩薩。時彼九百萬菩薩。俱發聲言。我欲詣娑婆  
世界。供養釋迦牟尼佛。并欲見維摩詰等諸菩  
薩衆。聲曰。聞彼佛稱此佛菩薩功德。故  
欲同舉功德也。

佛言。可往。攝汝身香。無令彼諸衆生起惑著  
心。什曰。大怒則狂。大喜亦迷。宜攝汝香。  
防其惑因。問曰。若然者。云何不攝香飯。答  
曰。佛神力故。能杜其惑原。發其道意。故  
不攝也。  
又當捨汝本形。勿使彼國求菩薩者。而自鄙恥。  
什曰。恥深則隨。愧淺亦憊。二患交至。去  
道逾遠。上言惑著。此言鄙恥。二文互顯。  
約其文也。  
又汝於彼莫懷輕賤。而作憫想。所以者何。十方  
國土。皆如虛空。又諸佛爲欲化諸樂小法者。不  
盡現其清淨土耳。時化菩薩。既受鉢飯。與彼  
九百萬菩薩。俱承佛威神。及維摩詰力。於彼世  
界。忽然不現。須臾之間。至維摩詰舍。時維摩詰  
卽化作九百萬師子之座。嚴好如前。諸菩薩皆  
坐其上。化菩薩以滿鉢香飯。與維摩詰。飯香普  
薰。毘耶離城及三千大千世界。時毘耶離婆羅  
門居士等。聞是香氣。身意快然。歎未曾有。聲  
曰。異香入體。身心怡悅。

於是長者主月蓋。從八萬四千人。來入維摩詰



舍 什曰彼國無王。唯五百居士。共治國政。今言主。衆所推也。肇曰。毘耶離國無有君王。唯有五百長者。共理國事。月蓋衆所推重故名主。自此下皆開香而後集矣。

見其室中菩薩甚多諸師子座高廣嚴好皆大歡喜禮衆菩薩及大弟子却住一面諸地神虛空神及欲色界諸天聞此香氣亦皆來入維摩詰舍時維摩詰語舍利弗等諸大聲聞仁者可食如來甘露味飯 生曰。以其向念故教食也。亦欲因以明食之爲理。泥洹是甘露之法。而食此食者。必以得之。故飯中有甘露味焉。

大悲所薰 什曰。薰義有三。一大悲果報。二悲心所念。三以慈眼視之。生曰。使人得悟。爲外薰也。豈曰。食能大悲力矣。然則飯之爲氣。大悲所薰矣。

無以限意食之使不消也 什曰。食此飯應發大心建大業。是名報恩。報恩名爲消也。肇曰。先示受食法也。此飯大悲之果。悲意所設。悲心所興。故名大悲所薰。以限意食之則不能消。若知此飯大悲所成。不可思議。發道心而食者則消報施主恩。無限。闍意也。生曰。飯出大悲則無限矣。而限言少者。則乃不消也。

有異聲聞念是飯少而此大衆人人當食 肇曰。不思議食。非二乘所及。故生是念也。化菩薩曰。勿以聲聞小德小智稱量如來無量福慧。肇曰。無量福慧。即香飯之因。夫有無量之因。必有無量之果。若因可量。果亦

可量。如來無量福慧。豈是聲聞小智所能量乎。

四海有竭此飯無盡使一切人食猶若須彌乃至一劫猶不能盡所以者何無盡戒定智慧解脫解脫知見功德具足者所食之餘終不可盡 肇曰。如來具五分法身無盡功德報應之飯如何可盡矣。

於是鉢飯悉飽衆會猶故不 賜其諸菩薩聲聞天人食此飯者身安快樂譬如一切樂莊嚴國諸菩薩也又諸毛孔皆出妙香亦如衆香國土諸樹之香爾時維摩詰問衆香菩薩香積如來以何說法彼菩薩曰。我土如來無文字說但以衆香令諸天人得入律行 什曰。舉其多也。上云說法。亦不必有言說。有因通教功同說耳。肇曰。其土非都無言。但以香爲通達之本。如此國因言通達。亦有因神變而得悟者。

菩薩各各坐香樹下聞斯妙香即獲一切德藏三昧得是三昧者菩薩所有功德皆悉具足 肇曰。此三昧力。能生諸功德也。

彼諸菩薩問維摩詰今世尊釋迦牟尼。佛以何說法維摩詰言此土衆生剛強難化故佛爲說剛強之語以調伏之 什曰。如來說法。其要有三。一軟善語。二剛強語。三雜說。善行樂果軟善語也。惡行苦果剛強語也。讚善毀惡難說也。肇曰。聖化何常。隨物而應耳。此土剛強。故以剛強之教而應焉。

言是地獄是畜生是餓鬼是諸難處 肇曰。遍示八難處也。

是愚人生處 肇曰。外道異學。名愚人生處也。

是身邪行是身邪行報是口邪行是口邪行報是意邪行是意邪行報是殺生是殺生報是不與取是不與取報是邪淫是邪淫報是妄語是妄語報是兩舌是兩舌報是惡口是惡口報是無義語是無義語報 什曰。四梵本云。雜說也。凡不爲善及涅槃而起心口業。悉名雜說也。肇曰。華飾美言苟悅人意名無義語。

是貪嫉是貪嫉報是瞋惱是瞋惱報是邪見是邪見報是慳吝是慳吝報是毀戒是毀戒報是瞋恚是瞋恚報是懈怠是懈怠報是亂意是亂意報是愚癡是愚癡報是結戒是結戒是犯戒 肇曰。如律藏說。

是應作是不應作是障闕是不障闕 肇曰。犯律有罪重而不障道。有輕罪而障道者。亦有三障。業障報障煩惱障也。

是得罪是離罪是淨是垢是有漏是無漏是邪道是正道是有爲是無爲是世間是涅槃以難化之人心如猿猴故以若干種法制御其心乃可調伏 肇曰。以其難化故。示罪福之若是也。

譬如象馬驢。懶不調加諸楚毒乃至徹骨然後調伏 什曰。馬有五種。第一見鞭影即時調伏。第二得鞭乃伏。第三以利錐。刺皮乃伏。第四穿肌乃伏。第五徹骨乃伏。衆生利鈍亦有五品。第一但見他無常。其心便悟。第二見知識無常。其心乃悟。第三見

①〔衆〕一〇〇 ②〔矣〕二也 ③〔虛空〕空虛 ④〔薰〕動義 ⑤〔薰〕動 ⑥〔國〕二國 ⑦〔賜〕一 ⑧〔變〕十餘事 ⑨〔佛〕一 ⑩〔梵〕二胡 ⑪〔心〕一 ⑫〔懶〕一辰

兄弟親戚無常其心乃悟。第四見父母無常其心乃悟。第五自身無常極受苦惱復加以苦言然後乃悟也。

如是剛強難化衆生故以一切苦切之言乃可入律。肇曰。非鉤捶無以調象馬非苦言無以伏難化。

彼諸菩薩聞說是已皆曰未曾有也如世尊釋迦牟尼佛隱其無量自在之力乃以貧所樂法度脫衆生。什曰。晦迹潛明自同貧乞。自同貧乞則與相接接則易隣。故爲貧所信樂也。肇曰。諸佛平等迹有參差由群生下劣志願狹小故。佛隱自在力同其貧陋順其所樂而以濟之。應感無方不攝淨穢此未曾有也。

斯諸菩薩亦能勞謙以無量大悲生是佛土維摩詰言此土菩薩於諸衆生大悲堅固誠如所言。肇曰。成其所歎也。

然其一世饒益衆生多於彼國百千劫行。什曰。譬如良醫遇疾疫劫中醫術大行廣施衆藥所療者衆致供無量。菩薩大士處不淨國亦復如是。衆惡彌滋衆濟乃弘。十事法藥廣療衆病化廣利深。一超萬劫。肇曰。行不在久貴其有益焉。

所以者何此娑婆世界有十事善法諸餘淨土之所無有何等爲十以布施攝貧窮以淨戒攝毀禁以忍辱攝瞋恚以精進攝懈怠以禪定攝亂意以智慧攝愚癡。什曰。癡有二種一者一切法中癡二者於諸佛法中不能明了。一不淨國中有二種癡。淨國中唯有佛法

中不了癡也。

○說除難法度八難者以大乘法度樂小乘者以諸善根濟無德者常以四攝成就衆生是爲十。肇曰。夫善因惡起淨由穢增。此土十惡法具故十德增長。彼土純善故施德無地所以百千劫行不如二世也。別本云。十惡業。什曰。十惡業有上中下。上地獄報中畜生報下餓鬼報。一品中復有三品。如是九品不善三惡道中受九品苦報者也。

彼菩薩曰菩薩成就幾法於此世界行無所礙生于淨土。什曰。深行菩薩非所疑也。今淺行者處不淨國恐其行淺功微未能自拔。譬如少湯投之大水亦如少力之人入水救溺未能兼濟則與彼俱淪故問以何爲法得生淨國也。肇曰。將厲此土始學菩薩令生淨國故發斯問也。

維摩詰言菩薩成就八法於此世界行無所礙生于淨土何等爲八饒益衆生而不望報代一切衆生受諸苦惱所作功德盡以施之。肇曰。代彼受苦不自計身。所有功德盡施衆生豈以有益而想其報乎。若不爲衆生應久入涅槃爲彼受苦令其先度彼去我留非代謂何此饒益之至一法也。

等心衆生謙下無閼。肇曰。怨親不殊卑己厚人等心尊卑情無介然二法也。於諸菩薩視之如佛。肇曰。菩薩衆生之橋梁三寶之所繫視之如佛則增己功德三法也。所未聞經聞之不疑。肇曰。佛所說經聞則

信受不以未聞而生疑惑四法也。

不與聲聞而相違背。肇曰。三乘雖異歸宗不殊不以小大而相違背五法也。不嫉彼供。什曰。推其致供之由由於宿行嫉之無益宜應修善以理處心故嫉不生也。

不高己利。什曰。若修善持戒得利養時當自念言彼供養功德非爲我也假令有我彼不見爲理既無我高竟無主如是思惟則高心自滅也。而於其中調伏其心。什曰。即於上彼供己利二事中自調伏心調伏心如向說三句合爲一事。肇曰。他種他獲易爲而嫉己種己得曷爲而高於是二中善自調伏六法也。

常省己過不訟彼短。什曰。如一比丘林中坐禪時至須食持鉢出林路逢惡賊惡賊引弓射之。比丘恕他自責不生惡心又指腹語賊汝應射此我爲腹出林故致斯惱此腹之罪耳。省己恕物類如此也。不訟彼短不如彼鈍根維那就地祇穢求人短也。省己過乃至求諸功德通爲一事。肇曰。省己過則過自消訟彼短則短在己七法也。

恒以一心求諸功德是爲八。肇曰。塵垢易增功德難具。自非一心專求無以剋成。具此八法則行無瘡疣終生淨土矣。維摩詰文殊師利於大眾中說是法時百千人皆發阿耨多羅三藐三菩提心十千菩薩得

◎無生法忍◎  
注維摩詰經卷第八

注維摩詰經卷第九

◎菩薩行品第十一

後秦釋僧肇選

是時佛說法於菴羅樹園其地忽然廣博嚴事一切衆會皆作金色。肇曰：至人無常所理會是隣。如來淨名雖服殊處異然妙存有在所以來往與化共弘不思議道也因遣問疾所明若上今將詣如來封印茲典故先現斯瑞以啓群心者也

阿難白佛言世尊何以因緣有此瑞應是處忽然廣博嚴事一切衆會皆作金色。肇曰：大士所爲非小道所及故問其緣者也

佛告阿難是維摩詰文殊師利與諸大眾恭敬圍繞發意欲來故先爲此瑞應於是維摩詰語文殊師利可共見佛。什曰：維摩詰勸其見佛。旨可尋也。一者見其誠心欲遂其本意。二者欲令證明香飯多所發悟。三者以其懷勝遠遊宜令實反故欲共詣佛所諸請遣法。

與諸菩薩禮事供養文殊師利言善哉行矣今正是時。肇曰：有益時也

維摩詰即以神力持諸大眾并師子座置於右掌往詣佛所到已著地。什曰：世相迎送必結跏趺大士迎送則運以妙通

稽首佛足右繞七匝一心合掌在一面立。肇曰：淨名置座於地將先致敬也

其諸菩薩即皆避座稽首佛足亦繞七匝於一面立諸大弟子釋梵四天王等亦皆避座稽首佛足在一面立於是世尊如法慰問諸菩薩已各令復座即皆受教衆坐已定佛語舍利弗汝見菩薩大士自在神力之所爲乎。什曰：欲稱大士神奇將以厲狹劣之想也

唯然已見於汝意云何世尊我觀其爲不可思議非意所圖非度所測。肇曰：向與文殊俱入不思議室因借寶座觀其神力兼食香飯乘掌而還莫測其變故自絕於國度此經大旨所明不思議道故往往多顯不思議述也

爾時阿難白佛言世尊今所聞香自昔未有是爲何香。什曰：問曰上品香氣普薰三千阿難云何不聞耶。答曰：非分故近而不聞今有以得聞也。肇曰：如來將辦香飯之緣故令阿難聞也

佛告阿難是彼菩薩毛孔之香。肇曰：彼菩薩衆香國菩薩也所以獨言彼者欲令舍利弗自顯一食之香。因明香飯之多益也

於是舍利弗語阿難言我等毛孔亦出是香阿難言此所從來曰是長者維摩詰從衆香國取佛餘飯於舍食者一切毛孔皆香若此阿難問維摩詰是香氣住當久如維摩詰言至此飯消曰此飯久如當消曰此飯勢力至于七日然後乃消。什曰：七日乃消有二因緣。或有入食香飯飯不時消心必厭捨故不令久

也亦云應得道者飯氣時薰不過七日必成聖道如道迹七生七步蛇蟻等勢不過七日事不須久故不令過七日。肇曰：七日勢消飯常力也。若應因飯而階道者要得所應得然後乃消也。生曰：不過七日也

又阿難若聲聞人未入正位食此飯者得入正位然後乃消。肇曰：入無漏境名入正位焉

已入正位食此飯者得心解脫然後乃消。什曰：見諸十六心也。問曰：食香飯云何得道。答曰：體安心靜發未曾有意飯尚如此何況道耶。有此妙果必有妙因極大信樂深達因果即解緣起解緣起則見實法也

肇曰：成無著果名心解脫者

若未發大乘意食此飯者至發意乃消已發意食此飯者得無生忍然後乃消已得無生忍食此飯者至一生補處然後乃消。生曰：七日之內必有所得矣然一食之悟亦不得有二階進也止一生補處者佛無因得故也

無生菩薩及正位之人豈復假外方得進哉而今云爾者以明此飯爲宜理之極備有其義焉

譬如有藥名曰上味其有服者身諸毒滅然後乃消此飯如是滅除一切諸煩惱毒然後乃消阿難白佛言未曾有也世尊如此香飯能作佛事。什曰：神足變化說法度人化之常也

飯本充體而今得道故歎未曾有佛以化人爲事凡是化人皆名佛事以阿難謂佛

◎無生二話◎ ◎不分卷(維摩詰經)十普◎ ◎釋僧十肇◎下同 ◎羅十什◎下同 ◎造法一法遣也◎ ◎通十(也)◎ ◎神奇將二奇特◎ ◎狹二狹◎ ◎聞二聞◎ ◎於是(一)◎ ◎七十(日也)◎ ◎者二也◎ ◎竺道十生◎下同

事之妙，妙盡於此。故下廣明佛事，以廣其心也。肇曰：飯本充體，乃除結縛，未曾聞見也。生曰：佛以應悟爲事，而香飯能之，未曾有者也。

佛言如是如是阿難或有佛土以佛光明而作佛事肇曰阿難具香飯所益謂佛事理極於此故廣示其事令悟佛道之無方也此土衆生見佛妙光自入道檢亦有餘益但以光爲主下皆類此

有以諸菩薩而作佛事。什曰。佛直居宗靜默。令菩薩弘道以化人也。肇曰。有佛默然居宗。以菩薩爲化主也。

有以佛所化人而作佛事。肇曰。有純以化  
爲佛事。如須臾頭<sup>三</sup>比<sup>二</sup>。

有以菩提樹而作佛事。什曰。或出華果。或出名香。或放光明。或爲說法也。肇曰。佛於下成道。樹名菩提。此樹光無不照。香無不薰。形色微妙。隨所好而見。樹出法音。隨所好而聞。此如來報應樹也。衆生遇者自然悟道。此土以樹爲化之本也。

有以佛衣服臥具而作佛事作曰昔閻浮  
提王得佛大衣時世疾疫王以衣著標上  
以示衆人歸命病皆得愈信敬益深因是  
解脫此其類也肇注同

肇曰。衆香國卽其事也。一義飲食以舌根。通道。園觀以眼根。通道也。

有以三十二相八十隨形好而作佛事。什曰。或一相二相乃至衆多相。隨所應見而

爲現相亦云以佛形像如淨沙王以佛像與弗迦沙王因是得悟也。下言佛身全現身也。肇曰。好嚴飾者示之以相好也。有以佛身而作佛事有以虛空而作佛事

什曰。除却形色。廓然無像。令其空心。虛靜。累想自滅。亦如文殊師利滅衆色像。現虛空相。以化阿闍世王也。肇曰。好有者存身。以示有好空者滅身。以示空。如密迹經說也。八相雖在身。而身相不一。所因各異故。

佛事不同也。衆生應以此緣得入律行。肇曰。所因雖殊。然俱入律行也。

有以夢幻影響鏡中像水中月熱時炎如是等  
論而作佛事 什曰。於夢中悟感衆生也。

下六事爲現。不異形色。令悟深理。爲肇曰。自有不悟正言。因諡得解者。肇曰。卽此有以音聲語言文字而作佛事。娑婆國之佛事。或有清淨佛土寂寞無言無說。什曰。有形色無言教。如維摩詰默然成論比也。

淨土純法身菩薩。外無言說。內無情識。寂莫無爲。而超悟於事外。非是言情所能稱述。此佛事之上者也。

肇曰。佛事者。以有益爲事耳。如來進止。舉動威儀。俯仰乃至動足。未曾無益。所以諸所作爲。無非佛事。上略言之也。

阿難有此四魔八萬四千諸煩惱門。什曰。

煩惱根本有四。三毒及等分也。二萬一千塵垢屬一病。四病故八萬四千也。總說則八萬四千。別相則無量。今言八萬四千。則攝無量故爲門也。肇曰。三毒等分此四。煩惱之

根也。因一樹生二萬一千煩惱。合八萬四千。因八萬四千。出無量塵垢故名門也。而諸衆生爲之疲勞。諸佛卽以此法而作佛事。什曰。佛事有三種。一以善作佛事。光明神力說法等是也。二無記虛空是也。三以

不善。八萬四千煩惱是也。譬如藥師或以良藥。或以毒藥。治入病也。佛亦如是。以煩惱如佛以愛度難陀也。瞋恚化惡龍。比也。肇曰。衆生皆以煩惱爲病。而諸佛卽以之爲藥。如婬女以欲爲患。更極其情欲。

①佛光明而二光明②皆類此二類爾也③比十(也)④入十(衆人)⑤此其類也藥注同一釋信疑曰背圖浮提玉得佛大衣時世大拔王以衣置高表上以示國民國民歸命病皆得除信敬益深因是悟道是其類也四十八字⑥(也)——\* ⑦全現身一現全身⑧令現身⑨者十(也)⑩事十(也)⑪也二耳⑫愈二會⑬(是一藥)十八字——⑭第十(矣)⑮已二以

來功德平等爲教化衆生故而現佛土不同  
肇曰。佛無定所。應物而現。在淨而淨。在穢  
而穢。美惡自彼。於佛無二。曷爲自生憂喜  
於其間哉。是以豫入此門者。見淨不貪。已  
分不高。觀穢不閤。垂情不沒。故能生真淨  
心。知佛平等。而應迹不同。此闕闕之徒。非  
平等信也。自不入佛事門者。孰能不以淨  
穢爲心乎。生曰。菩薩既入此門。便知佛土  
本是就應之義。好惡在彼。於我豈有異哉。  
所貴唯應。但厭應生之爲奇也  
阿難。汝見諸佛國土地有若干而。虛空無若  
干也。生曰。無地爲空。而地出其中矣  
如是見諸佛色身有若干耳。什曰。謂化現  
身也。下言身色等。真報應之身也  
其無閹瑟無若干也。肇曰。佛慧如空。應形  
猶地。不以地異而異。空。不以空一而釋  
地也。生曰。色身是外應之有。出無閹瑟中。  
而無閹瑟無色身也  
阿難。諸佛色身威相種種。姓戒定智慧解脫。解脫  
知見力無所畏不共之法。大慈大悲威儀所行  
及其壽命說法教化成就衆生淨佛國土。具諸  
佛法悉皆同等。生曰。諸佛色身雖復若干。  
而一一佛無不有之。故無不等矣  
是故名爲三藐三佛陀。什曰。三藐三菩提。  
秦言。正遍知。今言三藐三佛陀。言正遍覺  
也。見法無差。故言正。智無不周。故言遍  
也。出生死夢。故言覺也。肇曰。秦言。正遍知。  
見法無差。謂之正。智無不周。謂之遍。決

定法相。謂之知。生曰。若不等者。便有所不  
盡。不得名爲正遍覺人也  
名爲多陀阿伽度。肇曰。秦言。如來。亦云如  
去。如法而來。如法而去。古今不改。千聖同  
轍。故名如來。亦名如去。生曰。如者。謂心與  
如冥。無復有不如之理。從此中來。故無  
不如矣  
名爲佛陀。什曰。多陀阿伽度。秦言。如來。亦  
言如去。如法知如法說。故名如也。諸佛以  
安隱道來。此佛亦如是來。彼佛安隱去。此  
佛亦如是去也。佛陀。秦言。覺也。凡得道名爲  
覺。覺有二種。一於四諦中覺。二於一切法  
中覺。覺而不盡。則非真覺。故無覺名也  
如佛問舍利弗三問不答。天女問默然無  
言。此未免於睡也。言遍言如言覺。此三  
名則是體極之稱。足以明諸佛同等異於二  
乘也。肇曰。秦言。覺生死長短莫能自覺。自  
覺覺彼者。其唯佛也。此三句蓋體極之稱。若  
如上佛事。有一毫平等者。則不足。以名三  
號具足也。生曰。於結使眠中而覺。故得心  
冥如也  
阿難。若我廣說此三句義。汝以劫壽不能盡  
受。生曰。無不知無不能者。豈可窮之  
哉。言阿難不能盡受。亦何足用。美其廣意  
在。以稱菩薩能盡受之矣  
正使三千大千世界滿中衆生。皆如阿難多聞  
第一。得念總持。此諸人等。以劫之壽。亦不能受  
肇曰。三句之義。無窮若此。其道平等理  
無不極。豈容優劣於其間哉

如是阿難諸佛阿耨多羅三藐三菩提。無有限  
量智慧辯才。不可思議。阿難白。佛我從今已往  
不敢自謂以爲多聞。肇曰。阿難於五百弟  
子中。多聞強記第一。今聞佛事。乃自審寡  
聞也。生曰。阿難豈不知己之多聞。本有在  
乎。自取不達。以申佛之意也  
佛告阿難。勿起退意。所以者何。我說汝於聲聞  
中爲最多聞。非謂菩薩且止。阿難其有智者。不  
應限度諸菩薩也。一切海淵。尚可測量。菩薩禪  
定智慧。總持辯才。一切功德。不可量也。肇曰。  
物有於上不足於下者。餘不可以下有  
餘而量於上也  
阿難。汝等捨置菩薩所行。是維摩詰一時所現  
神通之力。一切聲聞辟支佛。於百千劫盡力變  
化所不能。肇曰。一時即向來所現一時  
若此。況盡其事  
爾時衆香世界菩薩來者。合掌白。佛言。世尊。我  
等初見此土。生下劣想。今自悔責。什曰。雖  
奉聖旨。及見不淨。劣想自發。由憶念佛  
教起想微耳。既了平等。誠心自悔也。肇曰。  
初見穢土。生下劣想。謂諸佛菩薩亦有升  
降。聞此佛事。乃自悔責也  
捨離是心。所以者何。諸佛方便。不可思議。爲度  
衆生。故隨其所應。現佛國異。唯然世尊。願賜少  
法。還於彼土。當念如來。什曰。彼亦不必專  
以香爲佛事。故請言教法也。亦將欲遍至  
十方化不淨國。故請雜法也。亦以遠遊異  
刹。不宜虛反。又以彼諸菩薩。必問其上要。  
故稟異聞也。亦欲令彼菩薩知恩。故請云

●汝二如● ●虛空二空虛● ●矣二也● ●也二焉● ●語十(作)● ●現十(也)● ●事十(乎)●

何令知恩。彼諸菩薩處清淨國。但食香飯。自入律行。常樂則亡其樂。亡其樂則亡其所由。所由者佛。而彼味之。是不知恩也。若聞下二門苦而後得乃悟。自然得者因妙而功深也。肇曰。既知佛事之難。議故欲請法而反土。將宣揚如來不思議道。令本國衆生念佛功德也。生曰。請還彼土法也。

佛告諸菩薩。有盡無盡無閉法門。什曰。盡有二種。一無爲盡。二有爲盡。有爲盡。無常遷滅盡也。無爲盡。智慧斷令滅盡也。今言盡門。是有爲無常盡也。言無閉於二事。不閉也。不盡功德有爲。無凡夫關也。不住無爲無二乘關也。

汝等當學。生曰。欲還彼土。迹在捨此之彼。是自濟之懷。於菩薩爲縛矣。若解脫之者。是其法也。

何謂爲盡。謂有爲法。生曰。有爲是無常盡滅之法也。

何謂無盡。謂無爲法。肇曰。有爲法有三相。故有盡。無爲法無三相。故無盡。生曰。無爲則不盡矣。

如菩薩者。不盡有爲。什曰。謂一切善。是有爲功德也。一切有爲。悉是大累。可以遺累。故有宜存。譬如無量怨賊在彼大城。城中有人來降。因是人得被怨賊。故雖是賊。亦應供養之。

不住無爲。肇曰。有爲雖僞。捨之則大業不成。無爲雖實。住之則慧心不明。是以菩薩

不盡有爲。故德無不就。不住無爲。故道無不覆。至能出生入死。遇物斯乘。在淨而淨。不以爲欣。處穢而穢。不以爲戚。應彼而動。於我無爲。此諸佛平等不思議之道也。夫不思議道。必出乎盡不盡門。彼菩薩聞佛事平等。不可思議。所以請法。故佛開此二門。示其不思議無閉之道也。生曰。此土有苦是有爲也。彼土無苦是無爲也。若縛在欲盡。有爲住。無爲者。蓋是此土患苦之情。非彼土然也。然則寄還彼土。以明法實得。祛此縛矣。

何謂不盡。有爲謂不離大慈。不捨大悲。什曰。慈悲佛道根本也。聲聞無此故。盡有住無也。欲不盡。有爲成就佛道。要由慈悲。故先說也。肇曰。慈悲乃入有之基。樹德之本。故發言有之。生曰。菩薩之行。凡有二業。功德也。智慧也。功德在始。智慧居終。不盡有爲。義在前。故功德不盡之也。住無爲。義在後。故智慧不住之也。不盡有爲。是求理不捨。生死之懷。以慈悲爲本。故始明之焉。

深發一切智心。而不忽忘。什曰。志求佛道。其心深固。譬如種樹。根深難拔。故歷劫愈明。不暫失也。肇曰。發心不忘。是衆行之中心者也。

教化衆生。終不厭倦。別本云。心不厭倦。什曰。惱之者衆。鮮能無厭。以大悲爲本。故涉苦彌勤。雖魔怨逼試。心不生倦。

於四攝法。常念順行。護持正法。不惜軀命。種諸

善根。什曰。謂堅固善心。深不可動。乃名根也。如有一人到舍利弗處。求出家。舍利弗觀其宿命。八萬大劫。不種善根。棄而不度。往五百弟子所。盡皆不受。於是到祇洹門下。悲泣懊惱。佛從外還。見而問之。其人具以事答。佛即種種責舍利弗。汝智慧不深。不見人根。妄輕賤人耶。佛即受其人讚言。善來比丘。鬚髮自落。法衣著身。便成沙門。佛爲說法。即得阿羅漢。舍利弗問佛。此人何時種泥洹善根。佛言。乃往昔過去無央數劫。有佛名人可。時有一人入林取薪。虎從林出。欲食其人。其入上樹。虎在樹下。其人極大恐怖。時佛從空中飛過。其人見已。稱南無佛。心生信樂。極厭生死。深心誓願。願離此苦。因此善根。今得解脫。時舍利弗向佛悔過。舉身投地。深自悲歎。佛言。譬如石中有金。愚人不知棄而不取。金師見之。知其中有金。即以兩囊鼓而出之。衆生無明。石中有智慧金。今汝智慧不深。故棄而弗度。如來深見根本。以禪定智慧。囊鼓而出之也。

無有疲厭。肇曰。慈悲爲根。發心爲心。然後順四攝。化衆生。護正法。種善根。以此衆德。茂其枝條。道樹日滋。不盡有爲也。下諸行。願枝條之流。及其日滋。日茂。以成不盡義。耳。度捨慈悲。道樹不建。衆德損耗。自隱涅槃。謂盡有爲。法也。

志常安住。方便迴向。什曰。萬善無常。隨意所成。故須方便迴向。向佛道。如餅沙王被

在諸禪定如地獄想。什曰。禪定有三種。一大乘二小乘三凡夫。凡夫禪生高慢我心。小

身也。亦云子有所須。則吝之父母。菩薩所須。則求之六度。取其饒益。比之父母也。肇

勇孰能處之  
聞佛無量德志而不倦  
肇曰。不以如佛。

①樓二聲<sup>1</sup> ② ③梵二胡<sup>1</sup>\* ④(動)一<sup>1</sup> ⑤念十(也)<sup>1</sup> ⑥乎二也<sup>1</sup> ⑦夫二人<sup>1</sup> ⑧(見)十<sup>1</sup> ⑨安十(也)<sup>1</sup> ⑩長十(也)<sup>1</sup>  
 ⑪(者)一<sup>1</sup> ⑫口十(謂)<sup>1</sup> ⑬(國)一<sup>1</sup> ⑭美十(也)<sup>1</sup> ⑮行無限二開門大<sup>1</sup> ⑯闊一限<sup>1</sup> ⑰施二而<sup>1</sup> ⑱焉二也<sup>1</sup> ⑲靜  
 身口意三身口意淨故<sup>1</sup> ⑳妙之二好<sup>1</sup> ㉑相二明<sup>1</sup> ㉒佛十(德)<sup>1</sup>

難及倦而不修。矣

以智慧劍破煩惱賊。肇曰。煩惱之寇密固難遣。自非慧劍。無以斷除。

出陰界入。什曰。煩惱既盡則隨法化生。法化之身超出陰界入也。

荷負衆生。什曰。必令究竟不中棄也。

永使解脫。肇曰。法身超三界。陰界入所不攝。故言出。若受陰界入身處。情塵之內。則自同羣類。安能濟彼。

以大精進摧伏魔軍。什曰。魔天魔也。肇曰。魔兵強盛。非念者所能制也。

常求無念實相智慧。什曰。無取相念也。凡夫行有念智慧。則高慢益甚。是故菩薩求無念智也。肇曰。真智無緣故無念爲名。俗智有緣故念。想以生。

行少欲知足而不捨世法。肇曰。不以無欲而捨世。法自異。

不壞威儀。什曰。和而不同。而能隨俗。肇曰。同俗俯仰不失道儀。天下皆謂我同己。而我獨異。人

起神通慧引導衆生。肇曰。見形不及道者。非通變無以導焉。

得念。肇曰。正念也。

總持。什曰。以念持念。持能持法。故既言念又言持。亦云衆念增長。則成持也。

所聞不忘。肇曰。由上二種持也。

善別諸根斷衆生疑。肇曰。慧也。

以樂說辯演說無間。肇曰。樂說辯四辯之一也。上云念定持辯。此云念持慧辯。定慧

互有其用。迭在四門者也。

淨十善道受天人福。什曰。以不堪受道故爲說法也。肇曰。不爲福報修善。名爲善淨。然爲物受報。報在欲界人天也。

修四無量開梵天道。別本云。四無量令生梵天。什曰。欲使作梵天。請轉法輪。處處別物也。亦菩薩自行。自生梵天也。

勸請說法隨喜讚善。肇曰。修四等即開梵道也。現爲梵王請佛說法。隨喜讚善以弘正教。如尸棄之流也。

得佛音聲。什曰。是讚善報也。肇曰。經云有八種音。亦云有六十種音。密迹云。佛不思議音。應物無量也。

身口意善。肇曰。如來三不護法也。得佛威儀。肇曰。凡所舉動。一則如來音聲。三不護威儀。皆佛事也。菩薩雖未全具。然

臻入其境。故言得也。

深修善法所行轉勝。肇曰。善法誰不修。貴在深勝也。

以大乘教成菩薩僧。肇曰。僧徒雖衆。所貴大乘。

心無放逸不失衆善。本。肇曰。放逸乃衆惡之門。喪道之根。心無放逸則無善不集。善法無量。故略言本也。

行如此法是名菩薩不盡有爲。肇曰。修如上法自行化彼。功德日茂。不盡有爲也。夫善有爲法變壞物耳。廢捨不修。則日耗日盡矣。

何謂菩薩不住無爲。謂修學空不以空爲證。

肇曰。自此下皆無爲觀行也。觀無爲必觀恬怕之樂。而能不證涅槃。永處生死。名不住無爲也。空無相無作。三乘共行。而造觀不同。二乘空觀唯在無我。大乘空觀無法不在。以無法不在故空法亦空。空法既空故能不證空。

修學無相無作不以無相無作爲證。肇曰。二乘無相唯在盡諦。大乘無相在一切法。二乘無作不造生死。大乘無作萬法不造也。

修學無起不以無起爲證。肇曰。諸法緣會而有。緣散而無。何法先有待緣而起乎。此空觀之別門也。

觀於無常而不厭善本。什曰。無常則無法不滅。滅而不斷故。故修善不厭。亦觀無常是泥洹道。泥洹道則背善本。今不住無爲故不厭有也。

觀世間苦而不惡生死觀於無我而誨人不倦。什曰。無我則衆生空。空而非無。故誨人不倦也。

觀於寂滅而不永寂滅。肇曰。二乘以無常爲無常。故厭有爲善法。以苦爲苦。故惡生死。以無我爲無我。故忘於誨人。以寂寂爲寂。故欲永寂。菩薩不以無常爲無常。故能不厭善本。不以苦爲苦。故不惡生死。不以無我爲無我。故誨人不倦。不以寂爲寂。故不永寂也。

觀於遠離而身心修善。什曰。遠離有三。一離人。二離五欲。三離煩惱。三諸法性空遠離。今觀性空遠離。而不厭善也。肇曰。遠離無

①[矣]—①\* ②[餘十(也)] ③[超二成] ④[清二成] ⑤[自]—⑤ ⑥[彼十(也)] ⑦[想二相] ⑧[生十(也)] ⑨[法]—⑨ ⑩[異十(也)] ⑪[同十(也)] ⑫[人十(也)] ⑬[焉二也]\* ⑭[念十(也)] ⑮[說二法] ⑯[用十(故)] ⑰[者]—⑰\* ⑱[別二引] ⑲[述十(經)] ⑳[也二耳] ㉑[本]—㉑ ㉒[空十(也)] ㉓[故]—㉓ ㉔[寂十(滅)]\* ㉕[不十(求)] ㉖[衆二問] ㉗[厭二] ㉘[離一]



爲之別稱耳。雖見無爲遠離之要。而身心不離有爲善也。

觀無所歸而歸趣善法。肇曰。諸法始無所來。終無所歸。雖知無歸。而常歸善法也。觀於無生而以生法荷負一切。肇曰。雖見無生。而處生荷彼也。

觀於無漏而不斷諸漏。肇曰。凡諸無漏與無爲同。體自無相皆無爲行也。雖見無漏。而與彼同漏。同漏有二。有爲入生死。實未斷漏者。有已盡漏而現不斷者。

觀無所行。而以行法教化衆生。肇曰。法性無業。何所修行。雖知無行。而教必以行者也。

觀於空無而不捨大悲。肇曰。諸法之相唯空。唯無。然不以空無捨於大悲也。觀正法位。什曰。謂無生滅。取證法也。而不隨小乘。肇曰。正法位者。觀無爲取證之地也。

觀諸法虛妄無半無人無主無相本願未滿而不虛福。德禪定智慧。肇曰。諸法因緣所成。虛假無本。以何爲實。以何爲主。雖知如此。然本願未滿。不以功德定悲。虛假而弗修也。生曰。不住無爲。是窮理將入生死之懷。以滿願爲極。故終明之焉。

修如此法。是名菩薩不住無爲。肇曰。備修上法。則不證無爲。證謂觀無爲。自證道成。自證道成。即住無爲也。

又具福德。故不住無爲。肇曰。上直明菩薩不盡有爲。不住無爲。未釋所以不盡所

以不住。夫大士之行。行各有以。妙期有在。故復對而明之。夫德之積也。必涉有津。若住無爲。則功德不具也。

具智慧。故不盡有爲。什曰。上一門中現一義。今明一門中兼具二義。若不住無則不盡有。不盡有則不住無也。肇曰。智之明也。必由廣博。若廢捨有爲。則智慧不具。生曰。總翻前也。所以欲住無爲者。貪其樂耳。福德既具。便自常樂復何貪哉。所以欲盡有爲者。惡其苦耳。智慧苟備。已自無苦。有何惡哉。

大慈悲。故不住無爲。肇曰。慈悲入生死。豈住無爲之所能者也。滿本願。故不盡有爲。肇曰。滿願由積德。豈捨有爲之所能。生曰。別翻前也。以慈悲爲懷者。不得貪己樂也。欲滿本願者。不得計己苦也。此取功德前句。智慧後句。略舉二端爲備也矣。

集法藥。故不住無爲。肇曰。採良藥必在山險。非華堂之所出。集法藥必在險有非無爲之法所出焉。隨授藥。故不盡有爲。肇曰。廢捨有爲。則與群生隔絕。何能隨而授藥。生曰。翻前則是反入生死。必能救衆人。故有下四句也。集法藥者。使備有諸法理也。爲功德意矣。隨授藥者。知其所主。隨病授也。爲智慧意矣。

知衆生病。故不住無爲。肇曰。習知衆生病。必知病所。盡豈無爲之所能乎。生曰。

解其病相。功德意也。

滅衆生病。故不盡有爲。肇曰。滅衆生病。必造有治。豈盡有爲之所能。生曰。達病所應智慧意也。

諸正士菩薩。以修此法。不盡有爲。不住無爲。肇曰。二法雖異。而行必相因。故對而辯之。明行名有以造用不同也。

是名盡。無盡無閼。法門汝等當學。肇曰。不盡有爲。故無閼德之異。不住無爲。故無獨善之閼。此二無閼門。是菩薩弘道之要路。佛事無方之所由。勸彼令學。示其佛事。不思議道。令必審諸佛無若干也。

爾時彼諸菩薩。聞說是法。皆大歡喜。以衆妙華若干種。色若干種。香若干種。散遍三千大千世界。供養於佛。及此經法。并諸菩薩。已稽首佛足。歎未曾有。言釋迦牟尼佛。乃能於此善行。方便言已。忽然不現。還到彼國。

見阿闍佛品第十二

爾時世尊。問維摩詰。汝欲見如來。爲以何等觀如來乎。什曰。若自有慧眼。則能玄照。不待觀形。若無慧眼。則對形而隔。故問其所以。何等觀如來。復次觀佛有三種。一觀形。二觀法身。三觀性空。問言。汝三觀中作何等觀耶。下盡以性空答。此章悉用中百觀破相義。明如來性空。更無異義。故不疏問耳。肇曰。向命文殊。共來見佛。雖復舉目順俗。而致觀不同。如來逆視其情。將顯其來觀之旨。以明佛事不可思議。故知而問也。生曰。維摩詰向命諸菩薩。共來見佛。

要二安 善十地 翻二播 者也 一 人十病 生一 知病所盡二之病所 乎一 爲一 能十也 名二各 無二不 散遍二遍散 卷第六終 卷第七集解首 維摩詰 十見 言一 問二問

迹在入相佛焉。然見佛者。非謂形接得見便爲見也。是以問之以明見焉。

維摩詰言。如自觀身實相。觀佛亦然。肇曰。佛者何也。蓋窮理盡性大覺之稱也。其道虛玄。固以妙絕常境。心不可以智知。形不以像測。同萬物之爲。而居不爲之域。處言數之內。而止無言之鄉。非有而不可爲。無非無而不可爲。有寂寥虛曠物莫能測。不知所以名。故強謂之覺。其爲至也。亦以極矣。何則。夫同於得者。得亦得之。同於失者。失亦得之。是以則真者同。真僞者同。僞如來靈照冥諸一。彼實相。實相之相。即如來相。故經曰。見實相法。爲見佛也。淨名自觀身實相。以爲觀如來相。義存於是。生曰。若謂已與佛接。爲得見者。則已與佛異。相去遠矣。豈得見乎。若能如自觀身實相。觀佛亦然。不復相異。以無乖爲得見者。也。

我觀如來前際不來。後際不去。今則不住。生曰。若以見佛爲見者。此理本無。佛又不見也。不見有佛。乃爲見佛耳。見佛者。見此人爲佛。從未來至現在。從現在入過去。故推不見三世有佛也。過去若有便應更來。然其不來。明知佛不在過去矣。未來若有便應即去。然其不去。明知佛不在未來矣。現在若有便應有住。然其不住。明知佛不在現在矣。

不觀色。不觀色。如不觀色性。不觀受想行識。不觀識。如不觀識性。肇曰。法身超絕三界。非陰界入所攝。故不可以生住去來而觀。

不可以五陰如性而觀也。生曰。向云不見佛者。或是已不能見。非無佛也。故復推無佛。可見以盡之焉。人佛者。五陰合成耳。若有便應。色即是佛。若色不即是佛。便應色外有佛也。色外有佛。又有三種。佛在色中。色在佛中。色屬佛也。若色即是佛。不應待四也。若色外有佛。不應待色也。若色中有佛。佛無常矣。若佛中有色。佛有分矣。若色屬佛。色不可變矣。色者色之事也。如者色不異也。性者。無本爲色也。既言其事。事或可改。故言如也。雖曰不改。本或不改。故言性也。然則要備三義。然後成色義也。是以如性五事。亦不得而殊也。至識皆同之焉。既無所見。乃爲見實也。以實見爲佛。見實所以見佛也。

非四大。起同於虛空。肇曰。法身如空。非四大所起。造也。生曰。向雖推無人相。佛正可表。無實人佛耳。未足以明。所以佛者。竟無人佛也。若有人佛者。便應從四大起而有也。夫從四大起而有者。是生死人也。佛不然矣。於應爲有佛。常無也。

六入無積。生曰。夫有人佛者。要從六入積。而或出也。既無有積。夫有人佛乎。五是四大所造。故就六以明之焉。

眼耳鼻舌身心已過。肇曰。法身過六情。故外入無所積。生曰。上言六入無積。故無人佛者。正可無後世人佛耳。未足以明。今亦無也。故復即六入云。已過也。六入已過者。無積爲甚久矣。

不在三界。生曰。上言六入已過。容正在有六處。過或不及。無六入處也。故復云不在三界矣。

三垢已離。肇曰。既越三界。安得三界之垢。生曰。三垢已離。故不在三界也。以無三爲不在三矣。

順三脫門。生曰。順三脫門。故離三垢也。以三離三也。

三明與無明等。肇曰。法身無相。體順三脫。雖有三明而不異。無明也。生曰。順三脫門。則等明無明也。三脫門既三而明。故復就三明言之也。

不一相不異相。肇曰。無像不像。故不可爲一像。而不像。故不可爲異。生曰。等者兩共等也。兩共等者。不一不異也。

不自相不他相。肇曰。不自而同。自故自而不。自不他而同他。故他而不。他無相之身。豈可以一異自他。而觀其體耶。生曰。有自。有他。則異矣。

非無相非取相。肇曰。既非無物之相。又非可取之相。生曰。若無相爲一矣。又不可取。無一異相也。

不此岸不彼岸不中流。生曰。順三脫門。則到彼岸矣。若有到則不到也。無到不到。然後爲到耳。此岸者生死也。彼岸者涅槃也。中流者結使也。

而化衆生。肇曰。欲言此岸寂同涅槃。欲言彼岸生死是安。又非中流而教化衆生。此蓋道之極也。此岸生死彼岸涅槃。中流賢

●爲二矣●●以二已●●眞十(法)●●[此]一●●不可二可不可●●無二天●●起二造●●[起]一●●而或二惑而●●已二以●●也二矣●●[共]一●●[可]一●●也二矣●●涅槃二泥洹●●(教)十化●●

聖也。生曰。夫化衆生使其斷結離生死至泥洹耳。而向言無三。似若不復化之。故云爾也。然則三不無矣。  
觀於寂滅而不永滅。肇曰。觀於寂滅。觀即寂滅。滅而不滅。豈可形名。生曰。既云化衆生。復似見有衆生。故言觀寂滅也。觀寂滅者。非永滅之謂也。  
不此不彼。生曰。若化衆生。似復在此在彼也。在此在彼者。應化之跡耳。非實爾也。  
\*也。  
不以此不以此。肇曰。不此而同此。故此而不此。不彼而同彼。故彼而不彼。豈復以此而同此。以彼而同彼乎。此明聖心無有以而同也。生曰。雖云不在此不在彼。或復可以此彼之跡化之矣。此彼是衆生所取。非佛以也。  
不可以智知。不可以識識。肇曰。夫智識之生。生於相內。法身無相故。非智識之所及。生曰。既不在此彼。又不以此彼。豈可以智知識識言其爾哉。  
無晦無明。肇曰。明越三光。誰謂之闇。闇踰冥室。誰謂之明。然則在闇而闇在明而明。能闇能明者。豈明闇之所能。故曰無闇無明也。生曰。明不在迹爲晦矣。然理不得在耳。非爲晦也。迹反有明爲明矣。然是彼取得。可非爲之明也。  
無名無相。肇曰。不可以名名。不可以相相。生曰。迹中有名。佛無名矣。相爲可名之貌也。

無強無弱。肇曰。至柔無逆。誰謂之強。剛無不伏。誰謂之弱。生曰。運動天地。非爲強也。應盡無常。亦非弱也。  
非淨非穢。肇曰。在淨而淨。誰謂之穢。在穢而穢。誰謂之淨。然則爲強弱淨穢者。果非強弱淨穢之所爲也。生曰。相好嚴身。非其淨也。金槍馬麥。亦非穢也。  
不在方不離方。肇曰。法身無在而無不在。無在故不在方。無不在故不離方。生曰。東威則東西威。則西豈在方哉。然是佛之應復不得言方非佛也。故言不在不離也。  
非有爲非無爲。肇曰。欲言有耶。無相無名。欲言無耶。備應萬形。生曰。若有則有爲。若無則無爲。而佛既無此有。又不無有。何所是有爲無爲哉。  
無示無說。肇曰。非六情所及。豈可說以示人。生曰。應見者。示應聞者。說也。佛本無示無說耳。  
不施不慳不戒不犯不忍不恚不進不怠不定不亂不智不愚。生曰。以六度爲體。故能無有。如向之應耳。而度有度者。則不度也。無度不度。然後度耳。  
不誠不欺。肇曰。不可以善善。不可以惡惡。生曰。六度以誠實爲道也。而誠有誠者。則不誠矣。無誠不誠。然後誠耳。  
不來不去。生曰。既度既誠。便應有威爲來。威盡則去也。若有此來去者。復不能來去也。  
不出不入。肇曰。寂而往。泊爾而來。出

幽入冥。孰識其動。生曰。來爲出。去爲入也。  
\*也。  
一切言語道斷。肇曰。體絕言徑。生曰。稍結之也。言以六度無相爲佛。豈可得。以言語相說之乎。  
非福田非不福田。生曰。以無相爲佛故。能使人供養得福爲福田矣。若使是者則有相乎。  
非應供養非不應供養。肇曰。無相之體。莫親其畔。孰知田與非田。應與不應乎。生曰。福田則應供養。非福田則不應供養也。非取非捨。肇曰。取之則失。真捨之則乖。道。生曰。福田故應取。非福田故應捨矣。  
非有相非無相。肇曰。寂寞無形。非有相也。相三十二非無相也。生曰。若是福田爲福德人也。福德之人。則有相祿矣。  
同真際等法性。生曰。無相便是之矣。謂佛爲異。故言同等。  
不可稱不可量。過諸稱量。肇曰。無相之體。同真際等法性。言所不能及。意所不能思。越圖度之境。過稱量之域。生曰。既同真際等法性。豈可以意而量之哉。過諸稱量者。言非所及之謂也。  
非大非小。肇曰。大包天地。不可爲小。細入無間。不可爲大。能大能小者。其唯無大小乎。生曰。言小則大包天地。言大則細入無間。  
非見。肇曰。非色故非見也。

①反二交 ②可二耳 ③之(之) ④之十(名) ⑤爲二其 ⑥捨二捨 ⑦故(也)七字 ⑧者二有 ⑨也二耳 ⑩(有)一 ⑪則十(不) ⑫耳二矣 ⑬爾二然 ⑭(乎)一 ⑮道二倍 ⑯(矣)一 ⑰等十(耳) ⑱(稱)一 ⑲所二不 ⑳其唯二其 ㉑問十(也)

非聞 肇曰：非聲故非聞也。

非覺 肇曰：非香味觸故，非三情所覺也。非知 肇曰：非法故非意所知也。生曰：非徒不可見聞覺知，亦無可作見聞覺知者矣。

離衆結縛 肇曰：無漏之體，絕結縛。生曰：既無見聞覺知，於何生結縛哉。

等諸智同衆生 生曰：豈復容智出於群智，自異於衆生哉。

於諸法無分別 肇曰：等實相之智，同衆生之性。渾然無際，豈與法有別乎。生曰：於一切法，都無復分別情也。

一切無得無失無濁無惱 肇曰：無得故無失，無清故無濁。事外之體，何可惱哉。生曰：有失爲濁，既濁成惱也。自此以下，明佛無相理中無之也。

無作無起 生曰：有濁有惱，便是作起後身。無生無滅 肇曰：法身無爲，絕於施造，孰能作之。今起生之使滅乎。生曰：既作起後身，則有生滅者矣。

無畏無憂無喜無厭 生曰：若有生滅，是可畏法也。便欣生而憂滅矣。憂欣無已，故可厭也。

無已有無當有無今有 肇曰：法身無寄絕三世之有，三災不能爲其患。始終無以化其體，恬淡寂泊，無爲無數。豈容愛畏喜厭於其間哉。生曰：既無憂欣，不復受諸有也。

不可以一切言說分別顯示 生曰：都結之也。

也。

世尊如來身爲若此作如是觀 肇曰：窮盡智莫能顯示，來觀之旨爲若是者也。以斯觀者名爲正觀，若他觀者名爲邪觀。爾時舍利弗問維摩詰：汝於何沒而來生此。

生曰：見其神德奇絕，來處必尊。故問其所從也。維摩恐入存沒生，故下反問以明無沒生。亦云或有謂維摩生分未盡，故問其沒生下答不盡善，不長惡。明生分盡也。

不直答者，一欲屈聲聞，二不欲自顯所從之美也。肇曰：上云如自觀身實相，實相無生。而今現有生，將成其自觀之義，故以沒生問之也。

維摩詰言：汝所得法有沒生乎。肇曰：逆問其所得，以證無沒生也。所得法即無爲無相法也。三乘皆以無相得果也。

舍利弗言：無沒生也。若諸法無沒生，相云何問。言汝於何沒而來生此。肇曰：以已所得可知法相復問，奚爲。

於意云何。譬如幻師幻作男女，寧沒生耶。舍利弗言：無沒生也。汝豈不聞佛說諸法如幻相乎。答曰：如是。若一切法如幻相者，云何問言汝於何沒而來生此。肇曰：生猶化存死猶化往，物無不爾。獨問何爲。

舍利弗沒者爲虛誑法，壞敗之相。生者爲虛誑法相續之相。肇曰：先定沒生之相也。生曰：是生死之理，而不實也。

菩薩雖沒不盡善，不離生不長諸惡。什曰：凡夫死時起惡滅善，既生則衆惡增長，菩薩

則不然。復次凡夫善本盡故，命終長顛倒惡心，然後受生。菩薩則不然，法化清淨，隨意所之，故無此一患。無此一患，則雖迹有去來，而非沒生之謂也。上先以性空明無沒生，今以法化自在明無沒生，求之二門，則沒生無寄。而問沒生，失之遠矣。肇曰：善惡者皆是虛誑相續之相，敗壞法耳。然凡夫生則長惡，沒則盡善。菩薩生則長善，沒則盡惡。沒生雖同長盡不一，然俱是虛誑敗壞之相。何異幻化耶。生曰：生死尚不實，不應致問沉都無之耶。生死沒者，福德盡故也。生者必長諸惡也。

是時佛告舍利弗：有國名妙喜，佛號無動，是維摩詰於彼國沒而來生此。肇曰：上答無生，此出生處，應物而唱，未始無益。

舍利弗言：未曾有也。世尊是人乃能捨清淨土而來樂此多惡害處。肇曰：此土方於餘國，惡害最多多。

維摩詰語舍利弗：於意云何。日光出時與冥合乎。答曰：不也。日光出時則無衆冥，維摩詰言：夫日何故行闇浮提答曰：欲以明照爲之除冥。維摩詰言：菩薩如是雖生不淨佛土，爲化衆生，不與惡闇而共合也。但滅衆生煩惱闇耳。是時大衆渴仰欲見妙喜世界，無動如來及其菩薩。

聲聞之衆，佛知一切衆會所念，皆維摩詰言。善男子：爲此衆會現妙喜國，無動如來及諸菩薩。聲聞之衆，衆皆欲見。什曰：爲下欲修淨國及往生者。現其利也。不遙現而接來者，將顯維摩神力故也。卽事則情悅而悟。

①者矣 ②無得 ③哉 ④之也 ⑤在十者 ⑥之 ⑦然二何 ⑧家十有 ⑨爲十也 ⑩不  
二無 ⑪菩薩則不然 ⑫失 ⑬之相 ⑭無益二非益也 ⑮多十也 ⑯語二言

深故。舉令現此事耳。肇曰。既觀大衆渴仰之情。將顯淨名不思議德。故告令現本國。

於是維摩詰心念吾當不起于座。接妙喜國鐵圍山川溪谷江河大海泉源須彌諸山及日月星宿天龍鬼神梵天等宮并諸菩薩聲聞之衆。城邑聚落男女大小乃至無動如來。肇曰。屈尊爲難。故言乃至。

及菩提樹諸妙蓮華能於十方作佛事者。什曰。華上或現化佛。或放光明。及說法種種變現。發悟衆生也。肇曰。彼菩提樹及妙蓮華皆能放光明。於十方作佛事。及華上化佛菩薩。亦於十方作佛事。皆通取來也。

三道寶階從閻浮提至忉利天。以此寶階諸天來下。悉爲禮敬無動如來。聽受經法。肇曰。欲天報通。足能凌虛。然彼土以寶階嚴飾爲遊戲之路。故同以往反也。

閻浮提人亦登其階上升忉利見彼諸天。肇曰。嚴淨之土。福慶所集。人天之報相殊。未幾。故同路往反有交遊之歡娛也。

妙喜世界成就如是無量功德。上至阿迦膩吒天下至水際。以右手斷取如陶家輪。什曰。梵本云。如斷泥。今言如陶家輪。明就中央斷取如陶家輪。下不著地。四邊相絕也。

入此世界猶持華鬘示一切衆。作是念。已入於三昧現神通力。肇曰。重爲輕根。靜爲躁君。非三昧之力。無以運神足之動。

以其右手斷取妙喜世界。什曰。斷取明不盡來。

置於此土。彼得神通菩薩及聲聞衆并餘天人俱發聲言。唯然世尊。誰取我去。願見救護。肇曰。大通菩薩遙見變瑞。爲衆而問其餘天人未了。而問恐畏未盡。故求救護。

無動佛言。非我所爲。是維摩詰神力所作。其餘未得神通者。不覺不知。已之所往。妙喜世界雖入此土。而不增減。於是世界亦不迫隘。如本無異。爾時釋迦牟尼佛告諸大衆。汝等且觀妙喜世界無動如來。其國嚴飾菩薩行淨弟子清白。皆曰。唯然。已見佛言。若菩薩欲得如是清淨佛土。當學無動如來所行之道。肇曰。登高必由其本。求果必尋其因。

現此妙喜國時。娑婆世界十四那由他人。肇曰。千萬爲一那由他。也。發阿耨多羅三藐三菩提心。皆願生於妙喜佛土。釋迦牟尼佛即記之曰。當生彼國時。妙喜世界於此國土所應饒益其事。訖已還。復本處衆衆皆見佛告舍利弗。汝見此妙喜世界及無動佛不。肇曰。將因舍利弗明聖集難遇經道難聞。故別問汝見不。

唯然。已見世尊。願使一切衆生得清淨土。如無動佛獲神通力。如維摩詰。肇曰。因其所見而生願也。

世尊我等快得善利。得見是人親近供養。肇曰。自慶之辭。

其諸衆生若今現在。若佛滅後。聞此經者。亦得善利。況復聞已信解受持讀誦。解說如法修行。若有手得是經典者。便爲已得法寶之藏。肇曰。手得經卷。雖未誦持。如人已得寶藏。

未得用耳。上直以聞通況。今別結其德。品共升降也。

若有讀誦解釋其義。如說修行。則爲諸佛之所護念。肇曰。行應於內。護念於外。理會冥感。自然之數耳。

其有供養如是人者。當知則爲供養於佛。肇曰。是人即佛所護念人。

其有書持此經卷者。當知其室則有如來。肇曰。隨所止之室。書持此經。當知其室。即有如來。書持重於手得也。

若聞是經。能隨喜者。斯人則爲取一切智。肇曰。若聞是經。能隨義而喜者。斯人會得一切智。故言取。

### 注維摩詰經卷第十

後秦釋僧肇選

#### 法供養品第十三

爾時釋提桓因於大衆中白佛言。世尊。我雖從佛及文殊師利聞百千經。未曾聞此不可思議自在神通決定實相經典。什曰。維摩詰接妙喜世界來入此境。及上來不思議事。皆昔來所見。未有若此之奇也。放光等所明實。

①國十(也) ②同二四 ③土二上 ④動二動(動也) ⑤手二掌 ⑥來十(也) ⑦瑞一端 ⑧護十(也) ⑨復二其 ⑩(舉來皆見) ⑪耳二也 ⑫人十(也) ⑬取十(也) ⑭他十(人) ⑮不分卷(維摩詰經)十法 ⑯(羅)十什 ⑰下同

相。廣散難尋。此經略叙衆經要義。明簡易了故歎未曾有也。亦云會我爲妙。故歎未曾有也。肇曰。說經將訖。舍利弗已慶美於上帝釋復欣其所遇。而致歎也。此經言雖簡約而義包群典。坐不踰日而備觀通變大乘微遠之言。神通感應之力。一時所遇理無不盡。又以會我爲妙。故歎未曾有也。

如我解佛所說義趣。若有衆生聞是經法信解受持讀誦之者。必得是法不疑。什曰。若累深信薄者。經涉生死究竟必得。若善積而悟深者。隨願輒成之。久近不以劫數爲限也。

何況如說修行。肇曰。是法卽上不可思議自在神通決定實相法也。如我解佛義深遠難過。若聞能誦持者。必得不疑。況如說修行者。斯人之德自列於下也。

斯人則爲閉衆惡趣。肇曰。八難衆。趣開諸善門。肇曰。人天涅槃門也。

常爲諸佛之所護念。降伏外學摧滅魔怨。肇曰。四魔怨也。

修治菩提。什曰。梵本菩提下有道字。道卽趣菩提道也。

安處道場。肇曰。在道場成佛道名菩提。今雖未成。便爲修治佛道安置道場中。履踐如來所行之跡。肇曰。如說修行則同佛行。

世尊若有受持讀誦如說修行者。我當與諸眷屬供養。給事所在聚落城邑山林曠野有是

經處。我亦與諸眷屬聽受法。故共到其所。其未信者。當令生信。其已信者。當爲作護。肇曰。天帝欣其所遇。故致未曾有之歎。兼欲護養以弘其道也。

佛言善哉。善哉。天帝如汝所說。吾助爾喜。此經廣說過去未來現在諸佛不可思議阿耨多羅三藐三菩提。什曰。梵本此菩提下有法字也。生曰。經說佛慧則慧在經矣。經苟有慧。則是佛之法身矣。

是故天帝若善男子善女人受持讀誦供養。是經者。則爲供養去來今佛。肇曰。善其護持之意也。三世菩提不思議道。皆陳在此。經若受持護養。則爲供養三世諸佛。故助汝喜。生曰。夫以衣食供養者。存其四體而長之也。若受持讀誦此經。既全其理。又使日增於佛法身。不亦有供養義乎。

天帝正使三千大千世界如來滿中。譬如甘蔗竹葦稻麻叢林。若有善男子善女人。或一劫或減一劫。恭敬尊重讚歎供養奉諸所安。至諸佛滅後。以一一全身舍利起七寶塔。縱廣一四天下。高至梵天。表刹莊嚴。以一切華香瓔珞幢幡伎樂微妙第一。若一劫若減一劫。而供養之於天帝。意云何。其人植福寧爲多。不釋提桓因言多矣。世尊彼之福德。若以百千億劫說不能盡。

佛告天帝。當知是善男子善女人。聞是不可思議解脫經典。信解受持讀誦修行。福多於彼。肇曰。供養之福。以方便慧解般若。諸經類有成。按生曰。衣食供養。本以施功致福。非求理之法。據此正可生人天之中。終不

得成佛也。供養法身者。以佛所體爲懷。至於大悟智慧。而以相比。豈可同年而語其優劣哉。

所以者何。諸佛菩提。皆從是生。生曰。體此經理。終成菩提。故從中出生。

菩提之相。不可限量。生曰。菩提無相。不可。以意限量之矣。

以是因緣。緣不可量。肇曰。高木必起重壤。瓊瑜必生剌蝕。所以無量之果。必由無量之因。諸佛菩提。皆從習此經而生。菩提之道。以無相爲相。無相之相。不可限量。因是生福。福何可量也。生曰。以無相爲受持之福。福無盡者也。

佛告天帝。過去無量阿僧祇劫。時世有佛。號曰藥王。如來應供正遍知。明行足。善逝世間解。無上士調御丈夫。天人師。佛世尊。世界曰大莊嚴。佛壽二十小劫。其聲聞僧三十六億那由他。菩薩僧有十二億。天帝是時有轉輪聖王。名曰寶蓋。七寶具足。王四天下。有千子。端正勇健。能伏怨敵。爾時寶蓋與其眷屬。供養藥王。如來施諸所安。至滿五劫。過五劫已。告其千子。汝等亦當如我。以深心供養於佛。於是千子受父王命。供養藥王。如來復滿五劫。一切施安。

肇曰。上以財供養受持卽法供養也。如來將成法供養義。故引成事以爲證焉。

其王一子名曰月蓋。獨坐思惟。寧有供養殊過此者。什曰。冀或有。大德諸天殊特供養。若有過此。慕欲及之。云雖盡已所珍。不能

得成佛也。供養法身者。以佛所體爲懷。至於大悟智慧。而以相比。豈可同年而語其優劣哉。所以者何。諸佛菩提。皆從是生。生曰。體此經理。終成菩提。故從中出生。菩提之相。不可限量。生曰。菩提無相。不可。以意限量之矣。以是因緣。緣不可量。肇曰。高木必起重壤。瓊瑜必生剌蝕。所以無量之果。必由無量之因。諸佛菩提。皆從習此經而生。菩提之道。以無相爲相。無相之相。不可限量。因是生福。福何可量也。生曰。以無相爲受持之福。福無盡者也。佛告天帝。過去無量阿僧祇劫。時世有佛。號曰藥王。如來應供正遍知。明行足。善逝世間解。無上士調御丈夫。天人師。佛世尊。世界曰大莊嚴。佛壽二十小劫。其聲聞僧三十六億那由他。菩薩僧有十二億。天帝是時有轉輪聖王。名曰寶蓋。七寶具足。王四天下。有千子。端正勇健。能伏怨敵。爾時寶蓋與其眷屬。供養藥王。如來施諸所安。至滿五劫。過五劫已。告其千子。汝等亦當如我。以深心供養於佛。於是千子受父王命。供養藥王。如來復滿五劫。一切施安。肇曰。上以財供養受持卽法供養也。如來將成法供養義。故引成事以爲證焉。其王一子名曰月蓋。獨坐思惟。寧有供養殊過此者。什曰。冀或有。大德諸天殊特供養。若有過此。慕欲及之。云雖盡已所珍。不能

①(釋僧)十華②下月③(說)一④(也)一⑤\*⑥解佛所說二從佛所解⑦(者)一⑧⑨(也)⑩⑪二胡⑫\*⑬中十(也)⑭⑮行十(也)⑯⑰給事二恭給⑱(矣)一⑲\*⑳提十(故)㉑(生道)十生⑳下同㉒矣二也⑳\*㉓(是故)一㉔(在)一㉕故十(也)㉖生十(也)㉗者也二矣㉘⑲十(劫日莊嚴)㉙供養受持二兼受持受持⑳⑳(供)一㉚供養二養之㉛(焉)一⑳\*

上悅聖心。冀所珍之外有以暢其誠心。故發斯念。更惟勝供也。肇曰。極世希珍。無以擬其至。到之情。冀所珍之外別有妙養。以暢其誠心。又宿緣將會。故生斯念也。生曰。引過去。以驗供養法身為勝也。

以佛神力空中有天曰。善男子。法之供養勝諸供養。什曰。若財供養則於佛無用。於衆生無益。故非所欣也。如來積劫本爲衆生。若奉順經典如說修行。則稱悅聖心。乃真供養也。肇曰。藥王如來知其將化。故變爲空神而告之。生曰。法供養者。行法卽爲供養也。

卽問何謂法之供養。天曰。汝可往問藥王如來當廣爲汝說法。法之供養卽時月蓋王子行詣藥王如來。稽首佛足。却住一面。白佛言。世尊諸供養中。法供養勝云何。名爲法供養。佛言。善男子。法供養者。諸佛所說深經。什曰。三藏及難藏菩薩藏五藏經也。上四藏取中深義說實相等。故得爲深經也。從此至下十方三世諸佛所說。盡是廣歎佛所說深經。未明受持修行法供養義也。生曰。先明經也。深經者。謂佛說實相法。以爲菩薩道也。

一切世間難信難受。生曰。實相理均豈有深淺哉。世間情與之反。信受甚難。非其所及。故爲深也。

微妙難見。生曰。妙絕人心見之難矣。

清淨無染。肇曰。深經謂方等第一義經也。其旨深玄。非有心之所得。微妙無像。非明者之所覩。超絕塵境。無染若空。欲以有

心有明而信受見者。不亦難乎。自此下美深經之旨。諸佛所說深經卽佛法身也。夫財養養四體。法養養法身。若能護持斯經。令法身增廣者。此供養之上也。生曰。無相可取。故不得生垢。若能見之垢亦除也。

非但分別思惟之所能得。什曰。要須禪定等諸功德。非但智慧分別之所能得也。亦云要用實智慧。然後能了非分別取相所能解也。肇曰。第一義經微遠無相。自非明哲孰能分別。業之差別雖由分別。然非分別之所。能得之者。其唯無分別乎。故曰非但分別也。生曰。要須功德然後會矣。

菩薩法藏所攝。什曰。凡爲菩薩說法。能成就菩薩。皆是菩薩法藏所攝也。生曰。是菩薩所體。而物莫能闕也。

陀羅尼印印之。什曰。總持有無量。實相卽總持之一。若經中說實相。實相卽是印。以實相印封此經。則爲深經也。復次印梵本言相實相也。以實相爲經標相也。肇曰。菩薩法藏之所攝。故非小乘之實。總持印之所印。固非域中之道。總持所印所印必真。法藏所攝所攝必實。既藏以法藏印。以總持。豈是常人所不能開發。以明法實深固難可闕闕也。生曰。陀羅尼者持也。若持實相不失。於諸天人魔梵之中。不復畏有不道之義。譬若生印爲信關津諸禁。莫能呵留。果是印持。所印之經則無有闕闕。

至不退轉。生曰。理無退處。從之必至成就六度。什曰。言此經能令人不退成六

度也。肇曰。不退所以至六度。六度所以成大乘。大乘之所出莫不由斯典也。生曰。非但不退而已。乃極諸法邊涯焉。善分別義。生曰。義謂言之理也。而此經善分別之。

順善提法。什曰。深經所說於理無差。故言善分別。善分別故順善提也。肇曰。善分別實相之義。順善提無相之法也。生曰。正以嚴善提法爲經故無乖矣。

衆經之上。什曰。舉其深者。於衆經爲上也。肇曰。三藏十二部方等爲第一。生曰。九十六種衆經之上。

入大慈悲。什曰。深經能令人入也。肇曰。深經所以建慈悲。所以弘入之者。必以大慈大悲乎。是以方等深經皆入大慈大悲。合爲一體也。生曰。明見法理。必能示諸不達。

離衆魔事。什曰。凡非法緣悉魔之事。及諸邪見。肇曰。魔四魔見六十二見也。正教既弘。衆邪自息。生曰。魔邪皆起於惑。若體此經則離之矣。順因緣法。什曰。若法定有則不生滅。若法全無亦不生滅。不生滅則與因緣相違。深經所說非有非無。非有非無故順因緣法也。生曰。說不達因緣理也。無我無人無衆生無壽命空無相無作無起。肇曰。法從因緣生。緣則無自性。無自性則無主。無主則無我人壽命。唯空無相無作無起。此深經之所順也。生曰。此則因緣法

①到二平 ②功十(累功) ③功累功 ④[廣]一 ⑤[義]一 ⑥相理均二理灼然 ⑦像二用 ⑧也十(一) ⑨業之差別二終之 ⑩能二所 ⑪[是]一 ⑫實二實 ⑬若二如 ⑭闕二與矣 ⑮至十(也) ⑯乘二乘 ⑰[涯]一 ⑱之十(矣) ⑲上十(也) ⑳慈悲所以弘入二慈慈悲之所弘弘 ㉑合二令 ㉒達十(也) ㉓之事二也 ㉔及二乃 ㉕正二致 ㉖(不)十滅 ㉗[無入]一

矣

能令衆生坐於道場 生曰。坐道場時思惟十二因緣。如此故得成佛。

而轉法輪 肇曰。深經之所能也。生曰。既成

佛復能使入悟斯法。

諸天龍神乾闥婆等所共歎譽 什曰。以深

經能成佛道轉法輪則天人蒙度。所以群

聖共歎深經也。肇曰。既有此能故有此譽。

生曰。歎譽法輪。

能令衆生入佛法藏 肇曰。未有捨背深

經而能入佛法藏者。生曰。體此經者。入

佛法藏也。

攝諸賢聖一切智慧 肇曰。一切賢聖之智。

無離深經也。生曰。三乘皆同以其理爲

悟。故無不攝。

說衆菩薩所行之道 肇曰。菩薩所行其道

無方。八萬衆行皆陳之深經也。生云。雖曰

總攝賢聖智慧。而二乘不盡其理。唯是菩

薩所行之道而已。

依於諸法實相之義 什曰。經說實相故經

依於實相也。生曰。言不遠宗也。

明宣無常苦空無我寂滅之法 肇曰。不依

實相辯四非常者。非平等教也。依實相

乃曰明也。生曰。依諸法實相之義。則盡然

表不得。不無常而無無常相也。

能救一切毀禁衆生 什曰。小乘法中。五逆

罪及犯四重禁。則皆棄而不救。大乘深法則

無不救也。生曰。體之則出毀禁罪之境也。

諸魔外道及貪著者能使怖畏 肇曰。毀四

禁犯五逆。小乘法所不能救。衆魔外道貪

著豪姿。小乘法所不能滅。能救能滅者其

唯大乘方等深經乎。生曰。恐失其有。

諸佛賢聖所共稱歎 肇曰。諸佛共稱以明

其法必真也。生曰。唯諸佛賢聖。得其爲美

故歎之。

背生死苦 生曰。體之則結盡泥洹也

示涅槃樂 肇曰。生死雖苦背之至難。涅槃

雖樂識之者寡。自非深經孰啓其路。生

曰。既達因緣法則知息之爲樂矣。

十方三世諸佛所說 肇曰。諸佛雖殊其道

不二。古今雖異其道不改。以明第一義經

常一不差也。美深經訖於是也。生曰。十方

三世諸佛無不共同也。

若聞如是等經 肇曰。大乘深經其部無量

故言等也。

信解受持讀誦以方便力爲諸衆生分別解說

顯示分明 守護法故是名法之供養 什曰。

上來讚歎深經。今始更明受持宣行行法供

養也。肇曰。如是等經盡諸佛法身也。若聞

斯經能信解護持宣示分別。令大法增廣者

名法之供養。養成法身也。生曰。以受持

讀誦是守護之義。故名法供養。

又於諸法如說修行 什曰。上章明奉順經

典。眞法供養也。如說修行通舉六度也。十

二因緣以下。明得無生忍。以實智慧隨順

實法也。肇曰。上以信解護持宣示弘布以

爲法養。今明內行應順爲法供養也。諸

法卽深經所說六度諸法也。生曰。如經說而

修行者最深者也。故別明之焉。

隨順十二因緣 生曰。情不復乖。因緣理也。

離諸邪見 生曰。既順因緣理。則離有無諸

邪見。

得無生忍 生曰。順因緣理。無復邪見者。

無生法忍也。

決定無我無有衆生 肇曰。不悟緣起。故

有邪見之迷封我之惑。若如說行則得明慧。

明見十二因緣根源所由。故能離諸邪見。

得無生忍。無復吾我衆生之想也。見緣

如緣謂之隨順。明白有無謂之決定。皆智

用之別稱也。

而於因緣果報 生曰。無生忍之爲見也。則

決定矣。雖無我無衆生而非無受報之主

也。

無違無諍 什曰。見法如法故。無違。無違

故無諍也。

離諸我所 肇曰。無違無諍卽隨順義也。五

受陰身及家屬所有因緣果報。卽我所也。若

能明見。因緣果報之性。順而無違。則離諸我

所也。上直觀因緣。知無造者。故離我見。

今觀因緣果報。知無屬者。故離我所見也。

生曰。亦離我我所。

依於義不依語 肇曰。至義非言宣。尋言則

失至。且妙理常一語應無方。而欲以無方

之語。定常一之理者。不亦謬哉。是以依義

不依語者。見之明也。生曰。不復逐語取相

而昧其理也。

依於智不依識 肇曰。六識識六塵而已。

〇度二慶 〇攝十(矣) 〇而已二也 〇有十(矣) 〇之十(也) 〇[發]十一 〇[供]一 〇見十(也) 〇我十(無) 〇所十(也)



不能分別是非，分別是非其唯正智乎？是以行者依智不依識也。生曰：若識以著爲情，智以達理爲用，終不復從識乖智也。

依了義經不依不了義經。肇曰：佛所說經自有義旨分明，蓋然易了者應依，亦有應時之經，詭言合道聖意難知，自未了者不可依也。生曰：辨理者爲了義經也。肇曰：巧辭而無理者爲不了義也。

依於法不依人。什曰：佛言我泥洹後，當依止四法以爲大師，所謂四依法也。明此四法可依止，可信受也。依於法不依人者，法謂經教也。當依經法不可以人勝故，背法依人也。法有二種：一文字語言二義法，莫依語也。義亦有二種：一識所知義二智所知義。識則唯求虛妄五欲，不求實利智，能求實利棄五欲故。依智所知義不依識所知義，爲求智所知義故。依智也。智所知義亦有二種：一了義經二不了義經。不了義經如佛說殺父母無罪，未分別是不了義也。若言無明是父，愛是母，生死根本故名父母，斷其本則生死盡，故言殺之無罪，既分別了義經也。復次若佛言佛是人中第一，涅槃是法中第一，如是等皆名了義也。是故當依了義經莫依不了義經。肇曰：法雖由人弘，而人不必盡應於法，法有定指人無常，則所以行者依法不依人也。生曰：人行理無非法爲法也。苟曰有法不遺下賤，若無法者雖復極貴極高，亦不

從之。隨順法相無所入無所歸。肇曰：法即下因緣法也。上順因緣，知法無生，今順因緣，知法無盡也。法從緣而有從緣而無，其有從未來來，其無不歸入過去，故曰無入無歸也。生曰：復隨順法相無入無歸之義也。無入無歸盡不爲實也。無明畢竟滅，故諸行亦畢竟滅，乃至生畢竟滅，故老死亦畢竟滅。什曰：此即四依中如實法也。上十二因緣，明如說修行隨順因緣，故得無生法忍。今明行四依依十二，因緣如實相也。肇曰：無明十二之根本，無明既滅，餘緣亦滅也。畢竟謂始終常滅不復更滅，始終常滅不復更滅，乃所以成無盡滅義也。生曰：畢竟滅者終要然也。終既要滅生豈有哉？生若不有其誰有滅耶？則無入無歸也。作如是觀，十二因緣無有盡相。肇曰：滅盡義一，既曰畢竟滅而曰無盡者何耶？夫滅生於不滅，畢竟常滅則無不滅，無不滅則滅無所滅，滅無所滅，即是無盡義也。不復起見。肇曰：上觀因緣無生，離常我等諸見，今觀因緣無盡，離斷滅等諸見。是名最上法之供養。肇曰：若能順行深經，明見緣起，具足四依，離諸見者，法養之上也。上直明誦持此內行應順，故言最上也。生曰：誦讀誦說已上於衣食供養，此又最上也。

佛告天帝王子月蓋從藥王佛聞如是法得柔順忍。什曰：柔謂軟鈍也。於實相法未能深入，軟智軟信隨順不違，故名柔順忍也。肇曰：心柔智順堪受實相，未及無生名柔順忍。即解實衣，嚴身之具，以供養佛，白佛言：世尊如來滅後，我當行法供養，守護正法，願以威神加哀建立，令我得降魔怨，修菩薩行。什曰：四魔合爲三怨，二煩惱二天魔三外道也。如來滅後，月蓋道力未具，若不加威神，則爲魔所壞，不能降伏，故請加威神。肇曰：聞法供養欣欲行之，然經道深遠非己力所弘，故願加威神也。佛知其深心所念而記之曰：什曰：欲令後人信伏，故記其守護法藏也。汝於末後守護法城，天帝時王子月蓋見法清淨，聞佛授記以信出家。什曰：若俗穢自纏，乖於淨法，知非處穢之所，弘聖道，故出家修淨以弘淨法。矣。修集善法精進，不久得五神通，具菩薩道。什曰：明其無闇，如通達佛道中說也。得陀羅尼。什曰：是聞持也。無斷辯才。什曰：辯才無盡，隨其說之久近，不中斷也。於佛滅後，以其所得神通總持辯才之力，什曰：以神通力故能現變知心，聞持力故不失所聞，辯才力故能等爲人說，有此三力，故能宣布遺法者也。滿十小劫，藥王如來所轉法輪，隨而分布。肇曰：分布法輪，即弘法養也。月蓋比丘以守護法，勤行精進，即於此身化

●〔若〕一● ●〔若〕十〔相〕● ●〔若〕十〔也〕● ●〔有〕一● ●〔受〕十〔愛〕● ●〔之〕十〔也〕● ●〔因〕一● ●〔上〕二● ●〔美〕二● ●〔道〕一● ● 〔守〕護二● ● 〔持〕●

百萬億人於阿耨多羅三藐三菩提立不退轉十四那由他人深發聲聞辟支佛心無量衆生得生天上天帝時王寶蓋尊異人乎今現得佛號寶蓋如來共王千子即賢劫中千佛是也從迦羅鳩孫默爲始得佛最後如來號曰樓至月蓋比丘則我身是如是天帝當知此要以法供養於諸供養爲上爲最第一無比 肇曰：吾成正覺由法供養以是可知法供養爲上矣

是故天帝當以法之供養恭敬於佛 肇曰：行法養即恭敬佛也

● 囑累品第十四

於是佛告彌勒菩薩言彌勒我今以是無量億阿僧祇劫所集阿耨多羅三藐三菩提法 什曰：言此經是菩提之因

付囑於汝 什曰：不付阿難以其無有神力不能廣宣故不付也維摩非此土菩薩故不囑也文殊遊無定方故不囑也彌勒者以於此成佛故也佛自以神力宜布欲成彌勒功業故也 肇曰：不思議經即佛無上菩提之道其道深遠難可剋成吾無量劫不惜身命肉施髓須彌血施過江海勤苦積集今始得就哀彼長迷故垂之竹帛然群生薄德魔事熾盛吾道多難非汝不弘圖正之第所以重囑累之也

如是輩經於佛滅後末世之中汝等當以神力廣宣流布 什曰：用神通則能消伏魔怨廣宣無礙矣

於閻浮提無令斷絕 肇曰：城高則衛生道

尊則魔盛自非神力無以制持故勸以神力矣

所以者何未來世中當有善男子善女人及天龍鬼神乾闥婆羅刹等發阿耨多羅三藐三菩提心樂于大法若使不聞如是等經則失善利 什曰：若不聞此經或墜二乘則失大乘善利也

如此輩人聞是等經必多信樂發希有心當以頂受隨諸衆生所應得利而爲廣說 肇曰：法之通塞損益若是故勸彌勒頂受廣說者矣

● 者矣

彌勒當知菩薩有二相 什曰：若好雜句應授之以文若好深法即誨之以義要宜知其相故爲辯二相也 肇曰：行之深淺各有異相得失兩陳以厲謹持法者也

何謂爲二一者好於雜句文飾之事 肇曰：文者何耶妙旨之歸筌耳而新學智淺未能忘言求理捨本尋末唯文飾是爲好二者不畏深義如實能入 肇曰：妙旨幽深微言反俗自非智勇孰能深入耶

若好雜句文飾事者當知是爲新學菩薩若於如是無染無著甚深經典無有恐畏能入其中聞已心淨受持讀誦如說修行當知是爲久修道行 肇曰：無染無著經之深者自非久行孰能無畏

彌勒復有二法名新學者 什曰：將欲令人信樂深經慎新學之過故廣記新學過也 不能決定於甚深法何等爲二一者所未聞深經聞之驚怖生疑 什曰：始聞則驚尋之則

疑疑則起謗

不能隨順毀謗不信而作是言我初不聞從何所來二者若有護持解說如是深經者不肯親近供養恭敬或時於中說其過惡 肇曰：一毀法二毀人

有此二法當知是新學菩薩爲自毀傷不能於深法中調伏其心彌勒復有二法菩薩雖信解深法猶自毀傷而不能得無生法忍 肇曰：上雖聞深經不能信解今雖信解不能行應歷明諸失以試後學也

何等爲二一者輕慢新學菩薩而不教誨 什曰：自恃深解故生慢也 肇曰：雖解深義未爲心用尊已慢人不能誨益此學者之外患也

二者雖解深法而取相分別是爲二法 什曰：雖不生慢而有取相之累也 肇曰：因其所解而取相分別雖曰爲解未合真解此學者之內患也

彌勒菩薩聞說是已白佛言世尊未曾有也如佛所說 什曰：歎佛上來所說經及辯菩薩異相也

我當遠離如斯之惡 肇曰：一生大士豈有如斯之惡耶答聞而後離耶發斯言者爲未離者耳

奉持如來無數阿僧祇劫所集阿耨多羅三藐三菩提法若未來世善男子善女人求大乘者當令手得如是等經與其念力 什曰：以神通加其念力令不忘也問曰：昔時魔常來下壞亂學人今何因不來答曰：優婆塞思

● 默二大 ● (佛)十養 ● (維摩詰)十囑 ● 因十(也) ● (有)一 ● 宜二宜 ● 肉二目 ● 第二第 ● (囑)一 ● 善美二也 ● 法二經 ● 好十(也) ● 試二誠 ● [特]一 ● 答一 ●

力故佛在世時有外道薩遮尼鍵、大聰明能力議論。心大高慢，知佛法尊妙意欲出家問佛言：我若出家智德名聞如佛不？佛言不得。又問得如舍利弗不？佛言不得。如是得一問五百弟子乃至問得如羅睺羅不？答言不得。於是尼鍵言：我出家既不得如佛，又不得如弟子，何用出家？又問後當得不？佛言後世無諸大人然後當得。尼鍵命終已。佛泥洹後百年阿育王時生。出家學道得阿羅漢有大名聲教化國人令得阿羅漢。除度夫不度婦度婦不度夫不在數中但取夫婦俱時得阿羅漢者以算子數之積算滿屋後泥洹時以算子燒身不假餘物未泥洹時嘗於林中坐禪見一餓狗饑羸將死常減食與之諸比丘各分食而與狗遂腹脹欲死時諸比丘各各坐繩床圍繞守視誦經說法狗以善心視諸比丘又聞法音命終已生第六天有大威德與魔王共坐時狗已臭爛彼魔心念何因有此大人與我共坐觀其本緣乃知是狗即大瞋恚是優波掘比丘便是臭狗與我共坐當作方便令其毀辱時優波掘林中坐禪入滅盡定魔即以天上嚴飾華鬘繫額上已廣語四衆將其視之此比丘於空閑處嚴飾如是云何名為清淨有德須臾優波掘從定起覺頭有華鬘知是魔為印指之汝是魔王即取死狗變為華鬘極大嚴飾語魔言汝以鬘供養我我還以鬘報汝汝可著之便以神力繫髮著魔王

頭繫已還成死狗。腫脹蛆爛甚大臭惡。魔以神力去之而不能得。至帝釋所。帝釋釋不受。自還六天。乃至梵天。皆悉不受。無能爲解。語言汝自還去求彼比丘。乃至優波掘所求解。臭鬘優波掘卽與要誓。汝從今日乃至法盡。莫復來下壞亂學人。又我雖見佛法身不見色身。汝今爲我變作佛形。若能如是當解汝鬘。魔卽受其誓。便語比丘言。我作佛時。莫向我禮。於大林中變爲佛身。相好具足。放大光明。作諸弟子。皆如舍利弗等。大衆圍繞。從林間來。優波掘歡喜踴躍。忘其要誓。卽爲作禮。魔言云。何達要而向我禮。優波掘言。我自作佛意禮耳。於是臭鬘自然得解。魔言。佛真大慈悲。我種種惱佛。佛不報我。而今比丘見報如是之甚。比丘言。佛大慈大悲。自能容忍。我小乘之人。不能如是。魔不來因緣略說之也。肇曰。冥啓其心。增其善念也。使受持讀誦爲他。他廣說世尊若後末世有能受持讀誦爲他。人說者。當知是彌勒神力之所建立。肇曰。定己功於未然。息衆魔之候却。

佛言善哉善哉。彌勒如汝所說。佛助爾喜。於是一切菩薩合掌白佛言。我等亦於如來滅後。十方國土廣宣流布。阿耨多羅三藐三菩。提復當開導諸說法者。令得是經。爾時四天王白佛言。世尊在在處處。城邑聚落山林曠野。有是經卷讀誦解說者。我當率諸官屬爲聽法。故往詣其所。擁護其人。面百由旬。令無伺求得其便。

者是時佛告阿難受持是經廣宣流布阿難言  
唯然我已受持要者世尊當何名斯經佛言阿  
難是經名爲維摩詰所說亦名不可思議解脫  
法門如是受持佛說是經已長者維摩詰文殊  
師利舍利弗阿難等及諸天人阿修羅一切大  
衆聞佛所說皆大歡喜

新彫維摩經後序

推誠保德翊戴功臣金紫光祿大夫行

尚書左丞上柱國清河郡開國侯食邑

一千七百戶食實封肆伯戶張齊賢述

歲冬首。余自右補闕直史館江南轉

詔還聚族。乘舟順流而下。時十

泊于湖口之側將夕有一人年可

衣服狀貌類于漁者。拜于岸。次自

水居南中有居脾筏舟  
預知風水袖

行圖子以獻且言。十四日當有大

庸錄異記，又敘日晝夢。一人夜半

其半身。自稱工曉要難。歷十卷。

十四日果冷茂慙之土四

十四日昇放氣球之上遊大風

將<sub>レ</sub>覆<sub>レ</sub>沒<sub>二</sub>者<sub>一</sub>數四僅而獲<sub>レ</sub>至卽先言

日夢中稱曰「江饒」舉家脫魚腹之

亦幸乎。屬于京師。遍令求訪維摩經。

咸曰無之。不數月。余於所親處。

經函發而視之卽維摩經一部十卷。懿

文王偁之殊勝海藏龍宮之守護功德之

昭乎。其昭昭乎。愚冥之徒不能起。

●漢十(者)一<sup>(1)</sup> ●錢一龍<sup>(2)</sup> ●所二許<sup>(3)</sup> ●無二不<sup>(4)</sup>，無二不<sup>(5)</sup> ●丘十(魔)一<sup>(6)</sup> ●[之]一<sup>(7)</sup> ●他廣二入魔<sup>(8)</sup> ●[人]一<sup>(9)</sup> ●提十  
(法)一<sup>(10)</sup> 第十三第八

深可悲矣。因擇工人伸之彫刻。志願散施  
貴。廣傳布。用標靈異。直紀歲時。

聖宋淳化四年八月十五日道德里序

東京左街萬歲西院講摩經沙門守賢重勸 宣德  
郎守大理評事權大理寺丞公事張致用 翰林待詔承  
奉郎守少府監丞御書院祇候賜緋魚袋致用和 承奉  
郎守祕書省著作佐郎直集賢院武騎尉賜緋魚袋趙安  
仁等書

皇祐三年月日推誠保順同德崇仁守正翊戴功臣武寧  
軍節度徐州管内觀察處置等使開府儀同三司檢校太  
師兼侍中行徐州大都督府長史判河陽軍州事兼管内  
河堤勸農使馬步軍都部署提舉鄭滑等州巡檢兵甲公  
事上柱國鄭國公食邑一萬三千七百食實封肆仟玖佰  
戶夏竦重駁

刊維摩經義記序

余嘗見天僧統教藏總錄曰。維摩經義記四卷。慧遠撰。因謂吾祖智者大師疏觀經也多採用淨影。於維摩經想亦當然。頃一書賈齋義記一帙至。余得之欣然。讀之雖不如素意而其釋最委。至其伸釋一義多先徵起後方解之。實不忘本母之體。關中嘉祥不得抗衡也。吾祖釋義事理兩圓。而以理觀為主。事解稍略。故先讀斯記而後以智者融譚則可乎。但脫誤尤多。後之得善本者幸正之。

正德壬辰冬十月既朔比叡山寶珠沙門可透謹序

維摩義記卷第一 本

沙門慧遠撰

聖教雖衆要唯有二。其二是何。謂聲聞藏及菩薩藏。教聲聞法名聲聞藏。教菩薩法名菩薩藏。聲聞藏中所教有二。一是聲聞聲聞二緣覺聲聞。聲聞聲聞者是人本來求聲聞道常樂觀察四真諦法成聲聞性。於最後身值佛欲小。如來爲說四真諦法而得悟道。本聲聞性故今復聞聲而得悟道。是故名爲聲聞。

聲聞。經言爲求聲聞者說四真諦。據斯爲論緣覺聲聞者是人本來求緣覺道常樂觀察十二緣法成緣覺性。於最後身值佛爲說十二緣法而得悟道。本緣覺性於最後身聞聲悟道。是故名爲緣覺聲聞。經言爲求緣覺者說十二緣法。據此爲言。此二雖殊同期小果。藉教處齊等。以是義故齊號聲聞。對斯二人所說之法名聲聞藏。菩薩藏中所教亦二。一是漸入二是頓悟。言漸入者是人過去曾習大法中退住小後還入大。大從小來謂之爲漸。故經說言除先修習學小乘者。我今亦令入是法中。此卽是其漸入菩薩。言頓悟者有諸衆生。久習大乘相應善根。今始見佛卽能入大。大不由小目之爲頓。故經說言或有衆生世已來常受我化。始見我身聞我所說卽皆信受入如來慧。此是頓悟。漸入菩薩藉淺階遠。頓悟菩薩一越解大。頓漸雖殊以其當時受大。受處一是故對斯二人所說爲菩薩藏。聖教雖衆不出此二。故龍樹云佛滅度後迦葉阿難於王舍城結集三藏爲聲聞藏。文殊阿難在鐵圍山集摩訶衍爲菩薩藏。地持亦云佛爲聲聞菩薩行出苦道說修多羅。結集經者集爲二藏。以說聲聞所行爲聲聞藏。說菩薩所行爲菩薩藏。地持復言十二部經唯方廣部是菩薩藏。餘十一部是聲聞藏。故知聖教無出此二。此二亦名大乘小乘半教滿教等。名雖變改其義不殊。今此經者二藏之中菩薩藏收。爲根熟人頓教法輪。已知教之分齊。次釋其名。今言維摩詰所說經一名不可

思議解脫者蓋乃樹經部別名也。諸經所以皆首題其名者爲示所明法。此經以不思議解脫爲宗故始標舉。但諸經立名不同乃有多種。或就法爲名如涅槃經波若經等。或就人爲目如薩和檀須達拏等。或就事立稱如枯稻半經等。或就喻彰名如大云經寶篋經等。或人法並彰如勝鬘經等。或事法雙舉如彼方等大集經等。或法喻俱題華嚴經法華經。或人事雙立如舍利弗問疾經等。如是非一。今此經者人法爲名。維摩所說是其人不可思議解脫是其法名。法藉人通故須標人。法是所顯故須舉法。但諸經首列人有四。一題說人如勝鬘等。二舉問人如彼彌勒所問經等。三舉所說人如跋子經薩和檀等。四舉所化人如玉耶經須摩提女等。今舉說人。說者不同有其五種。一是佛說。二是聖弟子說。三是諸天說。四神仙等說。五變化說。此經維摩中聖弟子說。然此經中三會差別。初會佛說。第二會是維摩說。第三一會是佛及維摩共說。由佛有說故。下文言佛說經已大衆歡喜。由維摩說故始舉之。以不思議解脫之法寄其人故。始標舉。維摩詰者是外國語。此方正翻名曰淨名。隨義傍翻名無垢稱。良以其人法身體淨妙出塵染。內德既益美善外彰寄名顯德名無垢稱亦曰淨名。又復其人內懷真道能權化無力。雖不同塵俗而心栖累表。卽染無汚。故名爲淨亦曰無垢。無垢淨德妙出言。頑假以名顯令人歸趣。顯德之名謂無垢稱。言所說者此維摩詰智慧內盈

道尊衆聖。能以無量大悲方便現居毘耶。託疾招問以通法化宣德被人。故稱爲說。經者外國名修多羅此翻名經。聖人言說能貫諸法如綻貫花。是故就喻說之爲綻。綻能貫花經能持綻。其用相似故復名經。若依俗訓經者常也。人別古今教義恒定故名爲常。經之與常何相。闍預。以常釋經經者是其經歷之義。教之一法經古歷今恒有曰常。一名不思議解脫就法以名。前約說人已立一稱。今。後就法更立一號。故曰一名。不可思議解脫是一名矣。此第十地所得無量諸解脫中初解脫門。彼維摩詰德充法界。隨其化相偏住此門以彰其目。今於此經說自所得令人趣求故始舉之。然此不思議解脫之門乃是神通化用之本。諸佛菩薩證入此門神知永亡取捨心滅。直以解脫法門之力能現種種神通化事。如如意珠雖無分別而能普雨一切種物。諸佛菩薩所得法門例皆同爾。不可思者歎深之辭。不思據心不議就口。解脫真德妙出情妄心言不及。是故名爲不可思議。分別有三。一就體論。此不思議解脫之門真心爲體。體絕名言心意不及名不思議。二就相說。此解脫門諸德爲相。德窮法界難以限算妙過情分名不思議。三就其用。此解脫門神通爲用。體雖妙寂而是緣起作用之性。諸佛菩薩證入其中能現無量神通化用毛孔納海芥受須彌。種種變現情緣莫測名不思議。言解脫者出其法體。前言不思議通衆德。未知是其何法不思。爲簡餘德故彰解脫。然其解

脫亦復漫通。故須約前不思以別。真德絕累無礙自在故稱解脫。分別亦三。一就體論。真心體淨性出塵染。自體無。綺故名解脫。二就相說。羈礙永除淨德無累故曰解脫。三就其用。妙用無方所爲自在故稱解脫。問曰此法名爲解脫。於彼心慧二解脫中何門所收。釋言兼通。體則心脫用則慧脫。真識之心離染名脫故。體是心慧用無爲名解脫故用是慧故。涅槃中說慧解脫開出五道。明知通用悉是慧脫。又問此解脫有爲無爲二解脫中何脫所收。義亦兼通。體則無爲離染寂滅用則有爲妙用煩興。此舉通名。佛國品者就初以列。諸經立品大例有三。一是從廣。如菩薩行品等是。彼品初首非菩薩行。從其後廣名菩薩行。二者從略。如下文中觀生品初首少許經文明觀衆生餘者悉非。攝廣從略名觀衆生。三者當相。如下文中弟子品等。今言佛國從廣爲名。若從初略應名序品。言佛國者佛如後釋。標人別處故舉其佛。國猶處也。經亦名土又亦稱界。安身曰土攝民稱國。國土不同分別稱界。若論其土有身皆有。若說其國統王者有不王者無。今就如來統王以彰故言佛國。此國實與衆生共居。佛窮土實爲化之主故偏言耳。法身平等實無隔託示化在方故言佛國。又復身土雖復平等隨其義門身土恒異。故以其平等法門之身還依平等法門之土如海十相亦以相依故云佛國。品者品別。前品所明異於後品所明。後品所明異於前品所明。故云品別。亦可品者是其品

類。義。留類相從稱爲品。此經始終品別十四。此品建始故云第一。此經始終四門分別。一就處分別二就會分別三就義分別四就文分別。言就處者據今一說次第以論。處別唯二。二卷羅樹園二維摩詰舍。若通維摩一世所說處別衆多。言就會者據今一說次第以論。會別有三。一卷羅會二維摩室三重會菴羅。若通維摩一世所說會別無量。言就義者此經宗歸不思議解脫之義。此不思議解脫之法是法界中一門義也。門別雖一而妙旨虛融義無不統。無不統故一切諸法悉入其中。所攝之法雖復衆多要唯二種。一是理法二是行法。理謂真如。如隨詮異門別種種故下文或時宜說如法性實際以爲理法。或說三空或說二諦或二無我不二門等。行謂因果。因謂法身淨土之因。果謂法身淨土之果。故下文具以顯之。顯相如何。人多龜判。初之二會偏明如來淨土因果。第三會中偏明如來法身因果。細求則通。是義云何。如初中合蓋現變顯示如來不思議力是法身果。寶積讚歎發心願求即法身因。寶積。復即是顯示淨土因果。第二會中從初極盡入不二門廣明如來法身因果。香積一品顯示如來淨土因果。彼初明果修十修八是淨土因。第三會中菩薩行品變明法身淨土之因。見阿闍佛品變明法身淨土之果。彼見釋迦及無動佛是法身果。現妙喜界是淨土果。故下佛言菩薩欲得清淨佛土學無動佛所行之道。下文復言願一切生得清淨土如無動佛。明知

彼文亦顯淨土。此皆爲明不思議法者事顯之。所辨雖衆莫不皆成一不思議解脫門矣。此不思議法顯證在人。二者所謂諸佛菩薩。據此一化且就維摩釋迦以顯。故下文初中會寄就釋迦以顯。後之兩會寄就維摩而以顯之。然不思議成之在內。內德難彰寄就相而以顯之。顯相云何。下初會中。令蓋現變案地令淨顯示如來不思議相。第二會中借座燈王取飯香積顯示維摩不思議相。第三會中掌持大衆往至菴羅。遠接妙喜安置此土。以顯維摩不思議相。此是第三就義分別。次第四門就文分別。文中細分有其八分。相從唯三。言其八者三會之中各有序正則有六分。經初如是我聞之言是其一部證信通序。別以爲一。佛告舍利汝見妙喜無動不下明其一部流通之義。別以爲一。通餘說八。相從三者。此之八分要攝唯是序正流通。於中進退凡有五階。第一偏約維摩現說以爲正宗。是則從初乃至獨寢一床已來悉爲由序。善來文殊不來相下是其正宗。佛告舍利汝見喜無動不下是其流通。問曰初會云何作序。由其初會大衆雲集後得告命令往問疾故得爲序。第二一品現病爲由。弟子品後因苦起發故得爲序。昔來相傳多依此判。第二約對維摩一世所說之法悉爲正宗。是則從初乃至方便現身有疾來悉爲由序。以其疾故國王大臣皆往問疾下悉爲正宗。正顯維摩一世所說不思議法令人學故。流通如前。問曰初會云何爲序。此義似前因其初會

大衆雲集如來告命令往問疾廣顯維摩一世所說故得爲序。第二品初列人歎德起後所說故亦名序。第三通約佛及維摩所說之法悉爲正宗。是則從初盡偈已來見其由序。實積請後是其正宗。正顯所說令人學故。流通如前。第四通約諸佛菩薩不思議德以爲正宗。是則從初乃至蔽於諸來大衆判爲由序。毘耶離城有長者子名寶積下悉爲正宗。顯不思議解脫德故。流通如上。第五約對三會別經以別三分。是則最初如是我聞以爲一部證信通序。一時佛在毘耶離下三會別經。流通一文備如前判。此與華嚴大況相似。彼經最初如是我聞是其一部證信通序。一時佛在摩竭提下八會別經。流通一文外國不來。此經科分僉與彼同。今即依此最後一判科分解釋。就解證信通序之內三門分別。一解如是我聞有之所由。二解如是我聞。達立之意。三正解如是我聞之言。有之所由者諸經之首何因緣故悉有如是是我聞之言。阿難立故。阿難比丘何因緣立。由佛故。佛何故教。阿難請故。阿難比丘何因緣請。阿尼樓駄教故。彼何因緣教。由見阿難以憂惱故。阿難比丘何故憂惱。由見如來般涅槃故。佛將滅度。在於雙林北首而臥。阿難爾時以佛將滅在佛繩床後。悲號啼泣莫能自勝。阿尼樓駄見其悲泣開覺阿難。汝是傳法人。何不請佛未來世事。徒悲何益。阿難對曰我今心沒憂海。知何所問。阿尼樓駄遂教阿難請佛四事。一問世尊滅度之後諸比丘等以何爲師。二

問佛滅後諸比丘等依何而住。三問惡性比丘云何共居。四問一切經首當置何字。阿難被教心少惺悟受教請佛。佛依請而答。一切比丘何爲師者。當依波羅提木叉爲師。若我住世無異於此。木叉是戒比丘所學故說爲師。諸比丘等依何住者。當依四念。何謂四念。所謂比丘觀內身修身觀精勤一心除世貪憂。如是觀外身內外身。身受心法亦復如是。是謂比丘所依住處。故經說言若住四念名自境界。不爲魔縛。若行五欲名魔境界。爲魔所縛。惡性比丘云何共者。梵檀治之。若心調伏爲說離有無經。梵檀是其默不共語。一切經首置何字者。共者當置如是我聞佛在某方某聚林等。由佛教置故有斯言。次第二明立意。佛本何故教置如是我聞之言。爲生物信。如是之言若爲生信。言如是者阿難彰已信順佛語。導佛所說爲如言佛所說爲是。令他衆生同已生信。我聞云何生信。阿難自是不足之人。若言此法是已所說人多不信。由言此法從佛聞故人皆歸信。信有何義而爲生乎。信者入法初門攝法上首。凡入佛法要法起信。故華嚴中說信爲手。如人有手至珍寶所隨意採取。若常無手空無所獲。入佛法者事亦同爾。有信心手隨意採取道法之寶。若無信心空無所得。信有此要故爲生之。次第三門解釋如是我聞之言。先解如是。於中初先就人以定後正解釋定之云何。昔來相傳就阿難釋。所言如者阿難所傳如於佛語故名爲如。爲欲簡去相似之如故復云是。如

世人言此物似彼得稱爲如。不妨體非不得言是。今言如者不同彼如故須彰是。究尋此言乃是就佛非就阿難。云何得知。如龍樹釋言如是者信順之辭。其信順者言是事如是。其不信者言是事不如是。阿難信順佛語故名佛語以之爲如。導佛所說以之爲是。非是阿難自信已語嘗已所說爲如是。故溫室經初言阿難曰吾從佛聞於如是。故知名佛所說爲如。導佛所說以之爲是。但方言不同彼溫室經順此方語。是故先善吾從佛聞後出所聞。如是之法餘經多。懷外國人語先舉如是却云我聞。定之龜爾。解釋云何。言如是者阿難善佛所說之法如於前事故名爲如。說理如理說事如事。說因如因說果如果。如是一切如法之言是常道理故名爲是。乖此之言名爲非故。如法之言得稱爲是。此約法解。若約人論。阿難善佛所說之法如過去佛所說不變故名爲如。如諸佛說是正非邪故復言是。準涅槃經釋如來義亦有此相。言我聞者。阿難對彼未來衆生陳已說故曰我聞。聞實是耳得言我。諸根之別皆我用具。是故就主說言我聞。法中無人。何處有主而言就主說我聞乎。釋言法中雖無定主非無。假名緝御衆生故得就之宣說我聞。故涅槃經云譬如四兵。令以成軍。雖無定主亦得稱言我軍勇健我軍勝彼。此亦如是。故得稱我。問曰阿難得理聖人。以何義故同凡說我。釋言阿難雖復說我不同凡夫。云何不同。說我有三。一見心說我。謂諸凡夫我見未亡我見心中稱

說有我。二慢心說我。謂諸學人見使雖言慢使猶在。我慢心中稱說有我。三隨世流布宣說有我。謂無學人見使久除慢使亦盡。隨世流布所以說我。阿難常於結集法時身居無學。直是隨世流布說我。非見非慢故不同凡。問曰無我真諦有我世諦。無我是勝有我。是劣。何不從勝宣說無我。就劣說我。化我衆生法須如是。若不說我何由可得標別彼此。令人識知故須說我。是故乃至佛對衆生亦常說我。上來明期證信通序。下次明其三會別經。盡此品來是期初會。方便品下是第二會。菩薩行品下是第三會。三會何異。異有三種。一由序異。初會之中佛衆雲集而爲由序。第二會中維摩現病以爲由序。第三會中維摩持衆往至耆闍而爲由序。二明法異。法義衆多難可具論。大約龜分唯因與果。因異有二。一約人分別。前之兩會爲化婆娑穢土衆生專教求淨。所修所行專求淨土。後之一會爲化衆香淨土菩薩專教隨染。不盡有爲不住無爲。二常法分別。初會之中直出法體未辨修相。後兩會中明修成相。於中前會教修趣寂。破捨有無趣入不二。第三會中從寂起用。不盡有爲不住無爲。是其用也。因異如是。果異如何。先就身論後就土說。身中初會明應身果。下寄寶積歎而顯之。始在佛樹力降魔等。悉是應也。第二會中明報身果。宣說佛身從於無量功德生故。第三會中明法身果。如下文說。觀身實相觀佛亦然。我觀如來前際不來後際不去。如是等也。細實兼通龜分且然。

若論其土初會寄就釋迦顯淨土。第二寄就香積如來辨淨。第三會寄就無動如來彰淨。初寄釋迦即染彰淨明淨土體。第二寄就香積如來染外彰淨明淨土相。第三寄就無動如來取之置此彰淨隨染明淨土用。法異如是。細求兼通非全一向。三利益異。三會之中得益人別。就初會中先序後正序正不定進退兩判。一唯取如來所說爲正。是則從初盡偈。已來通判爲序。偈後爲正。因請正說淨土因果序中有二。一佛衆雲集。二毘耶離有長者子名寶積下現相起發。蓋中普現十方佛國起後所說淨土因果。二通攝如來所現神變不思議德悉以爲正。是則從初盡偈大眾判爲由序。從寶積等獻蓋已後悉爲正宗。正顯如來不思議解脫之德。準勝鬘經歎佛章後齊爲正宗此亦應然。序中有三。一明佛化主。二從與大比丘已下辨其徒衆。三彼時佛與無量衆下總明佛衆雲集所爲。前中言三。初言一時明佛化時。第二佛標列化主。第三在毘耶下彰其化處。釋一時中先序異說次辨過非後正義。異說如何。昔來相傳傳言佛說時阿難聞時更無先後。簡去傳聞成上我聞故云一時。異說如是。次辨過非。先以事驗後引文證。事驗如何。如經說。阿難是佛得道夜生。如小乘中。佛成道已過六七日即便說經。何難爾時猶在懷抱身不豫會。佛成道已過二十年方始出家。三十年後方爲侍者。自斯已前所說諸經多不親聞。雖不親聞而所集經亦云一。明知一時非簡傳之辭。又小乘



中不得說言阿難是權。何由得言說聽一時。人復反徵云何得知。阿難是佛得道夜生。將來破我爲證此義。須知阿難立字因緣。阿難陀者是外國語。此名歡喜。歡喜之名三因緣立。一過去因緣如經中說。釋迦過去行菩薩道時作一陶師名曰大光。值過去世釋迦文佛。父名淨飯母名摩耶。侍者弟子名曰阿難。國土眷屬如今無別。因即發願。願我當來成得佛道還如今佛。由斯本願今得成佛。故今侍者還字阿難。二現在因緣。阿難比丘面貌端正。世人見者莫不歡喜故字歡喜。是故經中讚歎阿難。面如滿月目若青蓮。佛法海水入阿難心。三父母立字因緣。與字歡喜喜時生故。何者喜時所謂如來得道夜時。如來十九踰城出家。既出家已五年習定六年自餓身極羸瘦。父王遣人恒往瞻伺。知極微憊常恐不全。菩薩後時知餓非道受食乳糜欲取正覺。魔作是念。若佛道成空我境界。曼道未成當敗其志。遂卒官屬十八億萬持諸苦具來怖菩薩。菩薩于時入勝意慈定。令魔眷屬顛倒墮落。魔既被降便作是念。菩薩力大非我能勝。當惱其父。遂便往詣淨飯宮上唱如是言。悉達太子昨夜了矣。王時聞已從床而起。良久乃甦更爲傷歎。念子在家當爲輪王。何期出家空無所拔。未久之間菩提樹神以佛道成復持天華慶賀父王。當成佛時天雨妙華而爲供養。故持慶王。其時亦往淨飯宮上唱如是言。大王當知。地天太子昨夜明星出時降魔兵衆成佛得道。王時生疑。向者有

天言我子死。今復有天云子成道何者可信。菩提神曰我言可信。向者是魔故相惱耳。我是菩提樹神。以佛於我樹下得道故相慶賀。王時作念。我子在家當爲輪王。今日出家爲法輪大王。彼此無失。自者聞死今忽聞活一重大喜。復聞道成兩重大喜。未久之間王弟斛飯夜生阿難。寅抱詣王。弟於昨夜生此一男。王時對曰我子成道復復生男。衆慶并集與字歡喜。以斯準驗定知阿難成道夜生。阿難既是得道夜生。何由得言說聽一時。事驗如是。次以文證。佛初成道。在波羅捺仙人鹿苑爲五比丘轉四諦法名轉法輪。經佛滅度後阿難比丘先集此經。將集此經先昇高坐說偈自言。佛初轉法輪爾時我不見。如是展轉聞。佛遊波羅捺爲五比丘衆轉四諦法輪。彼經之中道已傳聞復言一時。明知一時非簡傳之辭。辨非如此。次顯正義。言一時者就佛解釋。爲化之辰目之爲時。於佛一代化時衆多。爲簡餘時是故言一。一時之言經中大有。如涅槃經。我於一時在加尸國。我於一時在恒河岸。我於一時在尸首林。我於一時在王舍城。如是非一。今言一時共彼相似。云何得知一時從復非是屬前準依地經所以得知。華嚴大本十地品初云言爾時佛在天中。龍樹別傳改爾爲一。爾時之言不可成上。改爾作一寧不屬下。云言佛者標列化主。佛天竺語此翻名覺。覺有二義。一者覺察二者覺悟。言覺察者對煩惱障。煩惱侵害事等如賊。唯聖覺知不爲其害故名爲覺。此之一義

如涅槃經。言覺悟者對其智。彰無明眠寢事等如睡。聖慧一起朗然大悟如睡得寤。故名爲覺。所對無明有其二種。一是迷理。性結無明迷覆實性。翻對彼故覺知自實。如來藏性從本常寂無爲不動故名爲覺。二事中無知迷諸法相。翻對彼故覺知一切善惡無記三聚之法故名爲覺。故地持言於義饒益聚非義非非義饒益聚平等開覺故名爲佛。義益善義利人故。非義不善不利人故。非非義是無記。於此悉知故名爲佛。既能自覺復能覺他覺行窮滿故名爲佛。云言自覺簡異凡夫。善言覺他簡異二乘。覺行窮滿別異菩薩。是故獨此得名爲佛。下彰化處。在毘耶離就通舉之。此翻名爲廣博嚴事。菴羅樹園隨處別指。人謂此園饒菴羅樹名菴羅園。事實不爾。蓋乃從其園主彰名。有女從於菴羅樹生。即呼以爲菴羅樹女。與經中說憍女相似。此園是其菴羅女園。從主作名名菴羅園。佛至其園。此女捨園造立精舍。故仍本名名菴羅園。遊化。更中目之爲在。法身平等實無栖託示化有方是故言在。上來明佛下列其衆。衆別細分有十七。一聲聞衆。二菩薩衆。三梵。四釋。五餘天衆龍鬼八部。通前三。人衆之中四部差別。通前十七相從爲五。一聲聞衆。二菩薩衆。三是天。四鬼神衆。五是人衆。要攝唯二。聖與凡。前二是聖後三是凡。聖中先列聲聞之衆後列菩薩諸經多爾。何故而然。汎解有四。一近遠分別。二形相分別。三就德分別。亦云約教。四多少分別。言近遠分別者。聲聞

●曼二佛● ●卒二率● ●自二向● ●(經)一● ●首二陀● ●復二後● ●彰二障● ●更二其●

弟子多近如來故隨近先列。菩薩不爾在後而列。何故聲聞偏多近佛菩薩不近。解有兩義。一、聲聞弟子習道未久。雖得聖果進止威儀常須佛教。為是近佛。是故如來乃至涅槃常為制戒。如制聲聞不食害等。又如律中制阿那律不聽與其女人同宿。制婆伽。隨不聽飲酒。如是等輩雖得聖果。須佛教制故多近佛。近故先列。菩薩之人久閑道法不假佛教。故不近佛。以不近佛在後而列。二、聲聞弟子現蒙佛度。捨凡成聖荷恩深重。雖得聖果常隨如來圍侍供養。菩薩之人雖荷佛恩。攝化衆生利物為事故不近佛為是後列。此是第一近遠分別。次第二門約形分別。聲聞之人同佛出家。執持威儀形相似佛世共尊敬為是先列。菩薩隨化形儀不定。或道或俗先列人怪故後列之。次第三門約德分別。亦得名為約教分別。如龍樹釋教有二種。一、顯示教彰相隱實。二、秘密教翻相顯實。顯示教中宜說羅漢及辟支佛同佛漏盡。宜說菩薩現行煩惱不斷諸結。於此教中若聞菩薩在羅漢上人多驚怪。以是義故先列聲聞後列菩薩。若依甚深顯實之教。菩薩德尊理須在先。聲聞行卑宜須後列。如華嚴經。次第四門多少分別。如涅槃經。一切諸衆少者先列。聲聞衆少為是先列。菩薩衆多是故後列。此後一義。居在涅槃。今此文中先列聲聞後列菩薩具前三義。就聲聞中先標衆別後列其數。與大比丘是標衆也。約佛辨衆以身兼彼目之為與大者歎辭。外國語名曰摩訶。此翻有三。一

者是多。衆數非一如世多人名為大衆。此通凡聖。二者勝勝過餘衆。於諸異學最殊勝故。此亦該通。三、翻名大。曠備高德過喻近學。今言大者義當第三。言比丘者是外國語。義翻有五。一名怖魔。就始彰名。初出家時魔心戰怯故名怖魔。比丘出家何關魔事乃令魔怯。魔性妬弊懼他勝已。又恐其入出家之後化他同出空其境界。為是戰怯。二名乞士。既出家已無所貯畜乞求自活。三名淨命。於乞求時正命乞求離五邪命故曰淨命。五邪命法如龍樹說道品義中具廣分別。此之兩名據中以立。四名淨持戒。精持禁戒無所毀犯。五名破惡。以持戒故能離諸過。此後兩名據終以立。非一稱衆。八千人俱彰其數也。略無數德。何故而然。大教有二。一漸二頓。若論漸教藉少而入須歎聲聞。語其頓教不由小入故不歎小。此經頓教不藉小入。為是不歎。次列菩薩文別有五。一、標別其衆。二、辨其數。三、歎其德。四、列其名。五、總結。初言菩薩標別衆也。外國名菩薩提薩埵。翻譯之者不。殊煩廣。善下去提薩下略埵直云菩薩。此方翻之名道衆生。善提名道薩埵衆生。良以此人內心求道備有行道。以道成人名道衆生。若爾聲聞緣覺皆求道並有行道同以道成。以何義故不名菩薩。釋言實聖名有通別。通則義齊涅槃說乃至須陀亦名菩薩。求索盡智無生智故。亦名爲佛。正覺共道不共道故。但今爲分賢聖之別隱顯異名等分賢聖。何故獨偏名菩薩。解有三義。一、就願心望果解釋。唯此衆生求

大菩提餘悉不求。是故獨此名道衆生。故地論言上決定顯大菩提獨言菩薩故。二、就解心望理解釋。凡夫著有二乘住無。有無乖中不會中道。是故不得名道衆生。唯有菩薩妙捨有無契會中道。是故偏得名道衆生。三、就行分別。入佛法中有三門。一教二義三者是行。教淺義深行為最勝。聲聞最劣從教為名故號聲聞。聲者是教。食聲悟解故曰聲聞。緣覺次勝從義立目。緣者是義。緣悟解故名緣覺。菩薩最上從行立稱。以能成就自利利他俱利之道故名菩薩。故地持言聲聞緣覺但能自度。菩薩不爾。自度度他是名道勝。以道勝故名道衆生。三萬二千辨其數也。衆知識下歎其德也。初。無別歎。如是一切功德具足總以結歎。菩薩德。度非別不彰故先別歎。非別能盡故復宜須總結顯多。別中初先歎其所成自功德。近無等下歎其所修勝進功德。自分先成是故先歎。勝進後起為是後歎。已所成處名為自分。仰習之所說為勝。諸經歎德多依此二。前自分中文別有三。一明其人。行德顯著為衆知識。二名聞下明其成。行德寬廣名聞十方。三名稱高下明其所成。行德殊勝名稱高遠。就初段中先明其人。為衆知識大智本下辨其行德。成前知識。就初段中衆知識者謂知其德識其形也。亦可下人咸共聞知上人同識。就下辨德成知識中先明自利。為護法下明其利他。行能益己名為自利。行能兼潤說為利他。諸經歎德多皆依此。前自利中大智本行皆成就

者直敷行成。佛威建立明成所以。由佛威神教化建立所以成就。亦可前句敷其行成佛威建立敷其德就。就前句中言大智者是佛智也。佛慧深廣故名大智。言本行者約果顯因。菩薩所修能為佛因故名本行。斯具名皆成就。就後句中諸佛威神諸佛神力名佛威神。菩薩修成名為菩薩之所建立。始起名建功德曰立。下利他中為護受法明能護正。能師子吼明能摧邪。亦可初句為護受法利他方便。軌則名法法能遮防名為法城。為護此法不令他人違謗毀滅故須受法。護法之相如涅槃經金剛身品說。又如地經說護有三。一護教法。於佛教法書寫讀誦為他宣說。書寫讀誦自行護持。為他演說外他護持。二護證法。自證教他自證自護教化他護。三護行法。自依修行。他修行時有諸障難攝護救濟。此之三護皆須知法故須受持。飲法稱受溫守名持。所持非邪故云正法。能師子吼正明化他。借喻名法。所說決定心無性懼如師子吼。說能摧邪如師子吼。說能驚寐如師子吼。說能安立如師子吼。能安群羣如師子吼。說能教告如師子吼。教告諸子名師子吼。如涅槃說師子吼者為十一事如來是也。菩薩亦然。不可具列。自下第二彰其德廣名聞十方。於中初先舉名。顯德廣故名十方。名稱號等有何差別。通釋是一隨相別分非無差異。異相如何。顯體為名標德為稱。名稱外彰號令天下說之為號。今言名者通相言耳。由名。矣。大十方共聞。衆人不下辨德顯名。於中

亦二。自利利他。先明利他悉已淨下明其自利。前利他中初明教正降伏魔下明其摧邪。前教正中衆人不請友而安者為化始也。不待物請強為非友。化令住正名友安之。解有兩義。一。所化衆生無機感聖名為不請。菩薩攝化為作因緣名友安之。二。所化衆生雖有道機無其樂欲不知求聖名為不請。菩薩隨機而為攝化名友安之。紹隆三寶使不斷絕為化終也。其義云何。如華嚴經明法品說。彼有三。一。憍能令衆生發菩提心。是故能令佛寶不斷。開示演說十二部經深妙法藏。是故能令法寶不斷受持一切威儀行法。是故能令僧寶不斷第二。憍中讚歎大願是故能令佛寶不斷分別顯示十二緣起甚深之義。是故能令法寶不斷修六和敬。是故能令僧寶不斷第三。憍中下佛種子於衆生田生正覺牙。是故能令佛寶不斷護持正法不惜身命。是故能令法寶不斷善御大衆心無憂悔。是故能令僧寶不斷。此之三。憍亦有階降。初下次中第三最上。先就佛寶以顯不同。第一。憍中令生發心標果令求。此為初始。第二。憍中讚大願者讚起行願令人修行。此以為中。第三中下佛種子於生田者化人成行。此為最上。化人成行堪為佛因名下佛種於生田矣。次就法寶以顯不同。第一。憍中開示演說十二部經宣通教法。第二。憍中分別顯示十二緣起辨釋理法。第三。憍中護持法者興建行法。教淺義深行為最勝。次就僧寶以辨階降。第一。憍中受持一切威儀法者僧

行方便。第二。憍中修六和敬行成不乖。第三。憍中善御大衆德成攝他。此亦初下次中後上。以此教他傳學不息故令三寶永不斷絕。上來教正下明摧邪。先除衆魔後制外道。魔羅胡語此云殺者。害人善故。況論有四。或廣說八。言其四者。一。煩惱魔。謂貪瞋等一切煩惱能害善法。二者。陰魔。謂五陰身共相摧滅。三者。死魔。能壞命根。四者。天魔。於彼第六他化天上別有魔天好壞他善。四初中一是生死緣。中間陰死是生死果。此之四種大小通說。所言八者如涅槃說。前四種上更加無為四倒之心合為八也。無為四倒能壞大乘常樂我淨四種正解故。涅槃中說之為魔。小乘法中未以為患故多不說。又此通亦煩惱中收。故諸經中多亦不說。魔法如是。通論此八並須降伏。何故如是。煩惱陰死無為四倒妨違自行故須降伏。伏法不同。彼煩惱魔小乘多用諦觀降伏。大乘多用空慧降伏。陰魔小乘多用無餘涅槃得滅捨故。大乘多用常住法身。無為四倒於大因中正解降伏。於大果中菩提涅槃真德降伏。天魔一種妨於自行亦妨化他故須降伏。用法不同。自行因中正智降伏。知邪不從彼自退故。自行果中十力降伏。十力固牢不為魔邪所傾動故。自行如是。化他之中用法不定。若在因中。自身降魔多用神通。教他降魔多用神呪。彼無神通能降伏故。若在果中。自身降魔多以慈心。教他降魔亦用神呪。彼無慈力能降伏故。降魔如是。今就利他偏降天魔。菩薩自降多用神通

下制外道。法外妄計斯稱外道。此亦妨於自行外化。並須制伏。但隨行別用法不同。自行因中正見降伏。正見道理不從邪故。自行果中無畏降伏。外道邪智難佛無德。如來有德於彼不怯能降伏故。自行如是。化他純用四辨降伏。四無礙辨廣知法義能難論故。今就化他。四辨摧邪名制外道。上來利他。不明自利。於中初先明其斷德。心常安下明其行德。前斷德中悉已清淨明其攝治。永離義等彰其離障。又悉清淨明離惡業。正習斯亡名悉清淨。永離蓋纏明無煩惱。蓋謂五蓋。貪欲瞋恚睡眠惛悔及疑是也。廣如別章。亦可一切諸煩惱結通名為蓋。蓋衆生故蓋淨心故。纏謂十纏。無慚無愧睡。眠悔慳嫉掉眠忿及覆是其十也。亦如別章。亦可一切諸煩惱結通名為纏。纏衆生故纏。傳心故。於此蓋纏正習斯亡故云永離。下行德中文別有二。一隨德別歎。二布施下隨位別歎。前隨德中心常安住無礙解脫空解脫也。亦可安住一切法界無礙解脫此即十地解脫大也。念謂正念。念門不同。或說三種念佛法僧。或說四種身受心法。又如地論上念同法功德求義亦是四也。或說六種。念佛法僧戒施及天如涅槃釋。或說八種如龍樹說。前六種上更加二種。一念出入息繫心住於數息法門。二者念死常修死相。或說十種如大智論摩訶衍品說。前八種上更加二種。一者念滅念彼涅槃無爲寂滅起意趣求。二者念身自念己身無常苦空無我不淨修行厭離。或說十一如地經

說。念佛法僧念菩薩行念菩薩波羅蜜念十地念不壞力念無畏念不共法乃至不離念一切智。廣則無量菩薩悉念。定者所謂九次第定。八禪滅盡是九定也。亦可一切所得三昧悉名為定。此即十地三昧大也。言總持者是陀羅尼。此即十地大陀羅尼。言辨才者四無礙辨。知法辨了名之爲辨。又說辨了亦名爲辨。言辭才巧故名爲才。念念常現故云不斷。又說無間亦言不斷。上來第一隨德別歎。人言此歎地前功德。當應不然。歎地前行多不舉此勝上功德。自下第二隨位別歎。初地至十地德何故須然。菩薩住於一地之中普攝一切諸地功德。故歷諸位而以歎之。言布施者初地功德。言持戒者二地功德。言忍辱者三地功德。言精進者四地功德。言禪定者五地功德。言智慧者六地功德。六度之義廣如別章。此應具論。今釋名。言布施者以己財事分布與他名之爲布。儼己惠人目之爲施。言持戒者胡名尸羅。此方正音名爲清涼。三業炎非焚燒行人事等如熱。戒能防息故號清涼。此清涼行有能禁防止息之義故復名戒。堅守名持。言忍辱者他人加惡名之爲辱。於辱能安說之爲忍。言精進者。陳心於法名之爲精。精心務達說以爲進。言禪定者禪那胡語。此翻名爲思惟修習。上界靜法審觀方成名思惟修。又亦名爲功德叢林。此乃從其所生爲名。能生多德是故爲功德叢林。言智慧者照見名智觀達稱慧。此六經中名波羅蜜。是外國語。此名度。又亦翻之名到彼岸。所言

度者地持論中說有三義。一者時度。此之六行種性已上度三阿僧祇方始成滿。二者果度。此六能得大菩提果。三自性清淨度。此六能得破情相到法實際。具此三義故名爲度。言到彼岸者如龍樹說。解有三義。一能捨離生死此岸到於無上涅槃彼岸。同前果度。二能捨離生死涅槃有相此岸到於平等無相彼岸。與前自性度義相似。三能捨離六弊此岸到於六度究竟彼岸名到彼岸。因修至成故名始修爲能到矣。具此三義名到彼岸。此六同時隨位且分。檀寄初地乃至波若第六地。如地經說。及方便力無不具足七地功德。七地修習十方便慧發起勝行名方便力無不具足。逮無所得不起法忍八地功德。逮謂及也亦曰至也。無生所得者理中無淨可得。此諸菩薩破去情相到無得處。是故名爲逮無所得。不起法忍猶是經中無生法忍。由逮無得是故便成不起法忍。不見淨法可生起故。已能隨等九地功德。已能隨順轉不退輪是九地中說成就矣。謂能隨生轉妙法輪入堪化益故曰已能。化順物機名爲隨順。說授名轉。不退輪者經中或說三業爲輪。或復宣說佛法爲輪。今此所論名爲輪者。如彼轉輪聖王輪寶能摧剛強轉下衆生上昇虛空。佛法如是。能摧衆生惡不善法轉下衆生上入佛道故名爲輪。一得永住故故不退。善解法相是九地中智成就也。知衆生根是九地中入行成就。蓋諸大衆得無畏下十地功德。蓋諸人衆得無所畏利他功德。十地學窮故蓋

大衆。起說不性故得無畏。功德已下明其自利。功德智慧以修心者妙德嚴心。功者是其功德莊嚴。智慧是智慧莊嚴。此二莊嚴廣如別章。此應具論。然今且可釋其名字。其功德者亦名福德。謂謂福利。善能資潤福利行人故名爲福。是其善行家德故名福德。如清冷等是水家德。功謂功能。善有資潤利益之功故名爲功。還是善行家德故名功德。言智慧者。依如毘曇決斷名智對諸忍故。若依成實無著名智別想識故。通相以論。知法名智觀達稱慧。此智與慧通釋一物。隨義別分非無差異。異相如何。依如地持知世諦者名之爲智。知第一義說以爲慧。故彼文言於一切法部分知名者智波羅蜜。於第一義開覺名波若波羅蜜。涅槃亦然若。依地論證第一義名隨智者。了達教法名隨慧者。皆德無傷。此二經中名爲莊嚴亦名律儀亦曰助法亦復說之爲菩提具。言莊嚴者如涅槃說。能嚴行人故曰莊嚴。又復諸行共相莊飾亦曰莊嚴。如莊嚴具衆寶間錯。言律儀者如地持說。此二內調故名爲律令法稱儀。言助法者望果爲言。資順菩提故云助法。能爲佛因故復說之爲菩提具。依此二行修練已心故曰修心。相好已下勝相嚴身表德名相。懷情稱好。用此莊形故曰嚴身。相好嚴身過餘世報名色第一。不假餘榮故捨世間所有飾好。自下第三彰德殊勝故名高遠。於中先舉名稱高遠顯德殊勝。名聞上徹名爲高遠。高遠如何踰於須彌。踰謂過世。須彌胡語。此名妙高山亦名安

明山。舉高三百三十六萬里。縱廣亦然。四寶所成。六萬諸山而爲眷屬。深信堅下辨德顯名。於中有三。一明其信二深入緣起下彰其解三無有量下顯其行。此三分中皆利自他。就初分中深信堅固猶若金剛是其自利。決定名信。信門不同。或說爲二如地經說信菩薩行及諸佛法。或分爲三信佛法僧。或說四種信佛法僧及以信戒如成實論說。或說八種如地持說信佛法僧即以爲三。信佛菩薩神通之力通前爲四。信種種因果是其世諦。信真實義是其真諦。通前爲六。得義爲七。得方便八。無上菩提名爲得義。一切菩薩所修學道名得方便。隨別細分亦可無量。慈厚曰深難壞稱堅。此是法說。猶如金剛喻以顯之。下明利他。法寶普照而雨甘露。真能益。法寶普照慧法教人。聞思修等三慧之法名之爲法。此法可珍又能照曜故說爲寶。隨機等示故名爲普。開曉明心除其闇。彰說之爲照。而雨甘露功德教人。世間甘露能除焦渴功德善法能潤行人故名甘露。授之稱雨此明能益。於衆言音微妙第一彰其能說。說前法時能宜吐也。謂於世俗言音之中最爲第一。第二解中深入緣起斷邪見等。是自利行。入深緣起明其攝治。觀窮曰深解順名入。言緣起者謂十二緣。經名因緣亦稱緣起亦曰緣集。藉因託緣諸法得生故名因緣。法藉緣起故曰緣起。法從緣集故稱。德集。名字是何。謂從無明乃至老死。云何深入因緣之法。唯真不生單妄不成。真妄和合方得集起。於中開

合廣略不定。或分爲二唯真與妄。據妄統攝十二因緣皆妄心起名之爲妄。據真統收皆真心起說以爲真。或分爲三。一事緣起十二因緣皆從六種事識所爲。二妄緣起。據妄統收十二因緣皆是七識妄相心作。如夢所見。故經說言三界虛妄皆一心作。妄心作矣。三真緣起。據真統攝十二因緣皆真心作。如波水作。此如地經六地中說。故彼經言十二因緣皆一心作。謂阿梨耶真心作矣。細分有六。於前事識因緣之中義別有二。事相因緣。三世流轉非我我所如毘曇說。二虛假因緣。十二因緣皆是名。用虛假之有無有自性。如成實說。於前妄識因緣之中義別亦二。一妄相因緣。十二因緣皆是虛。約妄相之有。如化如炎。無相爲相相即無相。不但無。性相亦互得。二妄想因緣。十二因緣皆妄心起。心外無法如夢所觀。但是心見心外無法。於前真識因緣之中義別亦二。一真用因緣。如來藏性不染而染起十二緣。故經說言如來藏性是其一切善不善因。能遍興造一切趣生。猶如伎兒變現衆趣。又經亦言即此法界輪轉五道名曰衆生。此等皆是真用因緣。真體因緣。如來藏性是緣體。名因緣而此因緣相良以真實如來藏性是緣體故。經中宣說。十二因緣以爲佛性。見十二因緣名爲見佛見法見僧。因緣如是。此諸菩薩皆能窮達故曰深入。此明攝治。下明離障。斷諸邪見正使永亡。五見非一說以爲諸。法外推求名爲邪見。見實除捨目之爲斷。有無二邊無復餘習殘

●慈二悲● ●真二其● ●影二障● ●德二緣● ●(一)●十事● ●用二有● ●約二幻● ●性相二相性● ●緣十(二)●

氣亦盡由證因緣。非有無性故。使有無二邊之見永無餘習。下明利他。演法無畏猶師子吼。自心不怯。其所講說。爲如雷震。說能益物。又演無畏說能摧邪。講如雷震。語能生善。前中初言演法無畏法說利他。依大智論。菩薩別有四種無畏。一總持無畏。於法廣知不畏。屈短。二知根無畏。明了諸根隨而授化。不具。違失。三斷疑無畏。隨問能決不懼不堪。四益難無畏。隨難能通不懼屈滯。如師子吼。喻以顯之。後中講說利他。如雷喻顯。天雷一動。卉莠生牙。法音一闡。道根普長。故取爲喻。第三行中初無有量已過量者。明共自行。行德深廣。無有分限。故曰無量。非是世人算數能及。故曰過量。又非世人算數能及。名爲無量。超出世人算數之限。故曰過量。集衆法下明其利他。集衆法實如海導師攝他方便。法如珍寶。門別非一名衆法寶。導人趣求名集法寶。如海導師喻以顯之。海中導師導人採寶。菩薩如是。導人求法。故取爲喻。了達已下化德成就。先知法藥。後知衆生。知法藥中了達諸法。知世諦也。了達深義。知真諦也。知衆生中言知衆生。往來所趣。知過未也。知過去因名爲知往。知未來果名來所趣。及心所行。知現在也。其知現在。心行善惡而教化之。上歎自分下歎勝進。於中先明修法身行。無量功德。皆成就下修淨土行。此二之中各利自他。修法身中先明自利。關閉已下明其利他。前自利中近無等等明修至果。佛比餘生名爲無等等。佛佛道齊。故復言等。剋證不遙。故名爲近。

佛自在慧辨。出等。佛智無礙。故曰自在。十力無畏。十八不共。顯自在慧。言十力者。一處非處力。二者業力。三者定力。四者根力。五者欲力。六者性力。七者至處道力。八宿命力。九天眼力。十漏盡力。義如別章。此應具論。四無畏者。一切智無畏。二漏盡無畏。三能說。彰道。四能說盡苦道。備如後釋。所言十八不共法者。毘曇宣說。十力四無所畏。大悲三念處。以爲十八。依大品經。別有名字。三業無失。無異想。無不定心。無不知已捨。是其初六。欲無減精進。無減念。無減智慧。爲減解脫。無減解脫。知見無減。是其中六。三業隨慧。行了達三世。是其後六。亦如後釋。下利他中。關閉一切諸惡趣門。自無惡因。三塗修羅。是其惡趣。諸業煩惱。通人趣入名惡趣門。聖道遮防。稱曰關閉。而生五道。以現其身。隨物現受。三塗人天。是其五道。若分修羅道。別有六。初入名生。終出稱現。爲大醫下。隨生攝益。爲大醫王。療治衆病。總明化益。能治曰醫。自在名王。醫王中勝。故名爲大。下別顯之。應病與藥。量宜授法。貪教不淨。瞋教慈心。如是等也。令得服等。筋物修習。令得服者。教起聞思。攝受法也。令得行者。教使依法。起修行也。下淨土中。先明自利。無量功德。皆成就者。淨土因成。如下文說。無量佛土。皆嚴淨者。淨土果就。自報離染名之爲淨。又用自在亦名爲淨。淨滿法界。故曰無量。下明利他。其見聞者。無不蒙益。親近益也。見形聞名。皆得益也。諸有所作。亦不唐捐。順行益也。唐謂虛捐謂棄。無有順行。虛然唐去。世

名。不唐捐。上來別歎。如是一切德具足。總以結歎。言皆具者。解有兩義。一就人以論。所列菩薩。齊具前德。故云皆具。二就德而辨。於前德中。無不備之。故云皆具。次列其名。菩薩衆多文中。具列五十二人。菩薩之名。皆依德立。言等觀者。多觀異諦。平等法也。不等觀者。多觀世諦。差別法也。等不等者。二諦通觀。此約慧別。定自在王。依定立稱。此前約行。其法自在。及與法相約法。以別。如是等也。如是菩薩三萬二千第五總結。上列聖衆。下列凡衆。於中初先列其天衆。次列鬼神。後列人衆。鬼神是其天之輔。從次天以列。天中初先列其梵衆。次列帝釋。後列餘天。梵中初言萬梵天王。列數辨衆。此皆應是初稱梵王尸棄列名。此云頂髻蓋。乃是其偏髮梵王。下言螺髻。應是其人。從餘天下。辨其來處。此言稍略。若具應言。從餘四天下。上來之詣。佛所至聽法所。就帝釋中。復萬二千。舉其數也。天帝辨衆。帝釋主也。忉利天主。名爲天帝。亦從餘天。還彰來處。在會所至。下列餘天。善言并餘大威力者。辨前兼後。故說爲并。謂欲界中餘天衆也。次列鬼神。龍是畜生。於中具有四生差別。有大神德。能來聽法。故今列之。夜叉是輕捷鬼也。乾闥婆者。是天樂神。亦鬼道攝。阿修羅者。人釋言。名不酒神。不知是非。或云劣天。依如毘曇修羅。唯鬼。依法念經。有鬼有畜。如彼羅睺。天鬼畜三種差別。修羅凡有五地之別。一在地上。衆相山中。如地經說。勢力最下。二須彌

◎冠註曰爲經作乃 ◎具二畏◎ ◎出十(無)◎ ◎影二障? ◎筋二動◎ ◎[不]一◎ ◎貝二且◎ ◎冠註曰此皆應是下疑有脫文 ◎偏二編?

山北大海之下二萬一千由旬有脩羅王名曰羅睺。統領無量阿脩羅衆。三羅睺下復過二萬一千由旬有阿脩羅王。名曰勇健。四勇健下復過二萬一千由旬有阿脩羅王。名曰華鬘。五華鬘下復過二萬一千由旬有脩羅王。名曰毘摩質多。亦統領無量阿脩羅衆。毘摩質多本從天生故名劣天。劫初成時有諸天女。來海中洗浴。水觸其身遂失精氣。流在水中成一肉卵。逕八千歲乃生一女。有九百九十頭。頭有千眼有九百九十九口。口有四牙。牙上出火猶如燄。二萬四千九百九十九脚。此女後時在海浮戲。水精入身生一肉卵。逕八千歲生毘摩質多。有九頭。頭有千眼。口中出水。有九十九手。脚唯有八。其形四倍大於須彌。純食淤泥及與藕根。多與天誣如法念說。迦樓羅者是其鳥神。於中有其金翅之鳥。純食諸龍有四生別。有化生者。食四生龍其胎生者。食三生龍除其化生。其卵生者。食二生龍除化生除胎。其濕生者。唯食濕生。此四天下有一化生迦樓羅王。名曰正音。受八千歲。日別噉食一大龍王五百小龍。繞四天下周而復始。次第食之。命終時諸龍吐毒不復能食。飢火所燒燄翅直下。至風輪爲風所吹而復上來。往還七返無處停足。遂至金剛輪山頂命終。以食諸龍身肉毒氣遂發猛火。其難陀龍王及跋難陀龍王恐燒寶山遂降大雨滂如車輪以滅其火。身肉消滅唯有有心在大如人脾純青瑠璃。輪王得之用爲珠寶。帝釋得之爲結中珠緊那羅者此名疑神體是畜生

形狀似人。面極端正頂有一角。人見生疑不知爲人爲鬼爲畜故曰疑神。此亦是天之樂神。摩睺羅伽是腹行神。世人相傳是魔神也。下列人衆。比丘如尼猶女也。優婆塞者名爲善宿男。懷善而居亦云近善住亦云清信士。優婆夷者如前。姨猶女也。上來第二列其從衆。彼時下第三大段明其徒衆雲集所爲。於中初明佛與諸衆圍繞說法。說何等法。文中不辨不知說何。下明如來於衆獨勝。譬如須彌顯於大海喻說顯勝。高顯獨出在於大海名顯於大海。蔽於諸衆合以顯勝。上來由序。自下約對不思議德悉爲正宗。如勝鬘經歎佛功德正宗所收。此亦應然無勞致疑。此正宗中文別有二。一因寶積顯蓋如來顯示不思議德令人願求。二寶積說偈已下因寶積請如來宣說淨土因果令人習學。前即是法身因果。後即是其淨土因果。初之一段望前爲正宗望後仍有起發之義故亦名序。由其蓋中現十方國起後所說淨土因果故得名序。於中有三。一寶積等顯蓋爲由。第二如來合蓋現變。三寶積等觀之敬歎以顯願求。初中爾時獻蓋時也。當爾佛在菴羅園時次舉獻人。毘耶離城出其生處。有長者子標別其人。名曰寶積論其名諱。與五百等兼列其衆。下明獻蓋持蓋詣佛獻奉方便。各以其蓋共供養佛正明獻蓋。第二如來現變之中先合爲一次廣。合大。後於蓋中廣有所現。前合一中佛威神者明合所由。此不思議解脫之力說爲威神。約通而辨。是約通力非餘

通等。通有幾種而言非餘。通有四種。一如意通運變自身大音普遍。二者幻通。轉變外事。三法智通。通達諸法。四聖自在通。能於苦中生樂想。於樂法中生於苦想。苦樂法中生不苦不樂想。如是一切不隨緣變名聖自在。今轉外事故是幻通。何故悉受合之爲一。爲令施者衆聖滿足故悉受之爲成一用。故合爲一。如佛初成受四王鉢合之爲一。又欲顯示不思議力故合爲一。次廣令大。遍覆三千大千世界如經說。一四天下有一須彌。四大海水鐵圍圍繞以爲一界。數之至千名小千界。小千爲一數復至千名大千界。中千爲一數復至千名爲三千大千世界。此三千世界同時成壞故合爲一名世界刹。數此至於恒河沙數名世界性。此性爲一數復至於恒河沙數名世界海。海復爲一數至於恒河沙數名世界種。種復爲一數之至於恒河沙數名一佛界。依如華嚴如是轉增凡有十重。最後名爲世界須彌。今言三千一刹爲言下明所現。所現有二。一現此界二又十方下現他方事。現此之機令人同厭。現他方淨使人同忻。現此界中事別有五。一現地相廣長悉現。二現諸山。三現衆水。四現日月星辰等事。五現諸天龍神宮等。現他方事言少可知。自下第三明寶積等觀前神變敬歎發心於中初先明諸大衆讚歎禮敬。爾時大衆舉敬數人。觀佛神力敬歎所由。歎未曾有口業歎也。合多爲一廣小令大普現諸事。昔所未見名爲未曾有。合掌禮等身業敬也。觀佛無厭故目不捨。下明

●敬二敬 ●結二誓 ●從二從 ●合二合



實積說偈廣歎。先學歎人。佛前歎處。偈頌歎相。何故偈歎。解有兩義。一偈言要略。少字之中能攝多義。實積今欲以其略言攝佛廣德。故須偈頌。二偈言美妙。諸讚歎者多以偈頌。實積今欲讚佛美德故須偈頌。下出歎辭。辭中合有三十六行。四句爲偈有十八偈。人科種種今判爲五。初有兩行以爲初。收歎美佛德。次有兩行爲第二段。頌歎向所現之事。乘佛法力超群生下有十三行爲第三段。乘歎餘德。今奉世尊此微蓋下有四行偈爲第四段。認歎向所現之事。大聖法王衆所歸下有十五行爲第五段。廣歎難餘德。就初段中初先正歎。後故稽首總以結敬。就正歎中分別不同乃有三種。一歎身歎德二門分別。初句歎身餘文歎德。就歎身中偏歎佛眼。何故而然。六根身中眼根爲首。就始偏歎餘略不論。又人身中頭最爲上頭中眼勝。就勝偏歎。又人相見先目相觀。隨見先歎故偏歎眼。言目淨歎其眼淨。淨有二種。一清白分明色無闇濁名之爲淨。二照曜分明說之爲淨。言修廣者歎其眼相。修謂長也廣猶闊也。如青蓮者類以歎之。如有兩種。一淨如青蓮喻前淨也。二形如青蓮喻修廣。下難德中歎三學行。心淨已度諸禪定心畢竟離染超出餘人一切正受名度諸禪。久積淨業稱無量者歎佛戒行名戒淨業。佛修難劫。劫故云久積。純淨業故名稱無量。舉稱無量彰業淨矣。導衆以寂歎佛慧行。由慧明勝故能利人。舉能利他彰慧勝矣。由前見佛爲衆說法故歎導衆。

寂是涅槃導衆入中。又寂冥諸導人趣入。故經說言一切世諦若於如來悉第一義。爲令衆生得第一義故說世諦。第二約就身戒心慧四門分別。目淨一句歎佛身淨。心淨一句歎佛心淨。此二一對身心分別。久積淨業依身歎戒。導衆以寂依心歎慧。此二一對福智分別。此即涅槃修身修戒修心修慧四種果也。第三約就歎身歎德歎名歎德四門分別。目淨一句讚歎佛身。心淨已度久積淨業歎佛行德。心淨行體淨業行德。此二自德。稱無量者歎佛名稱。導衆以寂重歎佛德。此二化德。下結敬德。佛備前德故我稽首。此初段訖。下次頌前所現神變。既見大聖以神變者。認歎向前合蓋之事。既謂已也以猶用也。前以見佛用神通力合蓋爲一故云既見以神變矣。普現已下認前蓋中所現事也。向前蓋中通現此土及他方事。今此偏認他方之事。此土之事在後別認。普現十方無量土者現其化處。其中諸佛現其化主。演說法者現其化相。於是一切悉見聞者由佛普現於是會中一切大衆悉見十方無量佛土及見彼佛聞其說也。自下第三乘歎佛餘德有十三行相。後從爲三。初有五行歎佛說巧。次有六行歎佛化能。下有兩行歎佛心等。就初段中前三行歎說世諦不違第一。後之兩偈歎說第一不違世諦。前中初行明說益人。中間一行明說合法。末後一行離以結敬。就初行中法王法力超群生者歎佛。說德殊勝過人。佛於諸法得勝自在故名法王。知法有餘稱曰

法力。此得過人名超群生。常以法財施一切者說能益物法能資潤名爲法財。常以法財能常說也。言施一切能廣益也。第二行中能善分別諸法相者巧說世諦。於第一義而不動者不違真諦。第三行中以於諸法得自在者牒前初行中法王法力。自在是王之義也是故稽首此法王者就之結敬。就下兩行明說真諦不違世諦中。初行說真不違有果。後行說真不違有因。說法不有亦不無者能說真諦。此明法空爲真諦矣。真諦離相亦復離性名爲不有。而有而有實性故曰不無。如地持說。又復真諦約對名有約對名無。就實亡對名非有無。以因緣故諸法生者不違世諦。就真雖說非有非無隨世恒說從因得果故云以緣諸法生矣。所謂以其善惡因緣苦樂法生。無我無造及無受者能說真諦。此明生空爲真諦矣。真中無有我人可得名爲無我。以無我故無人作因名爲無造。無人受果名爲無受者。善惡之業亦不亡者。真中雖無世諦恒有用之牽果故曰不亡。自下第二歎其化能。初先別歎。常禮法海總以結敬。前中初先歎其化始。以斯妙法濟群生下歎其化終。又復前歎小乘法化。後則歎其大乘佛法化。復就前中初先別歎。三寶於下總以結之。別中明佛寶現世。始在佛樹力降魔者成佛方便。佛依樹成所依之樹或名佛樹或稱道樹或復稱之爲菩提樹。樹下成佛名爲佛樹。樹下得道說爲道樹。樹下證得菩提之果名菩提樹。將成託此故云始在。魔於爾時恐佛道成而來惱亂苦。



菩薩即入勝意慈定神力伏魔名力降魔。又  
以慈力令魔摧伏名力降魔。得甘露滅覺道  
成者正明成佛。得甘露滅明證滅諦。世間  
甘露能除焦渴。滅諦涅槃能除渴愛。是故約  
喻名甘露滅。隨化現證故名爲得。言覺道成  
明得道諦。覺者是佛道是菩提剋就。就成前  
得此成言左右耳

維摩義記卷第一本

### 維摩義記卷第一本

次明法實法中有二。一摧邪法。二三轉下明  
化正法。摧邪法中以無心意無受行者自無  
所著。以謂由也。由無心意無受行等便能滅  
邪故說爲。以言無心意無忘心體。此言略  
少。若具應言無心意識。心意識等有何差別。  
依如毘曇。就一事識隨義以分義別五門。所  
謂名義業世施設。名者名心意識。義者集  
起是心義。思量是意。別知是識。業者遠知名  
之爲心。知未來法說之爲遠。從未來起與身  
俱故。前知是意知過去法。續知是識知現在  
法。此乃約對三世境界以別其業。世者約就  
三世心體以別三種。未來說心過去說意現  
在說識。言施設者界施設心謂七心界。入施  
設意所謂意入。陰施設識謂識陰。若依楞伽  
七識名心集起本故。意識名意同諸塵故。五  
識名識了現境故。今依後門。識之一字偏重  
不論證實除捨。是以言無。無受行者無妄心

用。謂無學果行因心也。亦可初言無心意者  
無識陰也。言無受者無受陰也。言無行者無  
行陰也。略不說想以偈在故。此句明其自無  
所著。而悉摧伏諸外道者能破邪執伏外之  
想廣如經說。下明化正。三轉法輪正明所  
說。此名四諦以爲法。轉。從喻名之。如轉輪  
王所有輪寶能摧剛強轉下衆生上界虛空。  
四諦如是能摧衆生惡不善法。轉下衆生上  
入聖道故名爲輪。聖說授人目之爲轉。轉有  
三種。一示相轉。如說三苦及八苦等是其苦  
諦。業煩惱等是其集。說。苦集盡處名爲滅  
諦。戒定慧等是其道諦。如是一切。二者勸轉。  
苦汝當知集汝當斷。滅汝當證。道汝當修。三  
者證轉。苦我已知。集我已斷。滅我已證。道我  
已修。三轉如是。初轉何處。波羅捺國仙人鹿  
苑。本爲誰轉。僑陳如等。於大千者出其說  
處。於大千界百億閻浮同時轉也。其輪本來  
常清淨者嘆其所說。不同情取故言常淨。問  
曰滅道常淨可爾。苦集染法云何言淨。觀此  
破染能淨名淨。又此法相不同情取故亦名  
淨。下明僧寶。天人得道此爲證者約人顯法。  
六道俱益至論得聖天與人故偏舉之。尋說  
悟聖名爲得道。以此證成佛說不虛。名此爲  
證。又證如來所說清淨亦名爲證。上來別舉  
三寶於是現世間者總以結之。上明化始下  
明化終。又復前明小乘法化下明大乘。於中  
三句。前二教人令得涅槃。後一化人令出生  
死。前兩句中以斯妙法濟群生者用法教人  
所謂以此大乘妙法濟度群生。一受不退常

寂然者明受有益。一納在心名爲一受。道行  
堅固稱曰不退。永證涅槃名常寂然。度老病  
死大醫王者嘆佛化人出生死也。教斷集因不  
受來苦。是故名爲度老病死。亦教度生。偈在  
不說。以老病死苦過重爲是偏舉。佛能教  
人除斯苦患名大醫王。上來別嘆。當禮法海  
德無邊者總以結敬。佛具多法名爲法海。化  
德廣多名德無邊。自下第三嘆佛心等。初先  
正嘆。孰聞以下結成可敬。前正嘆中先嘆如  
來不爲緣動。於善已下讚嘆如來於緣平等。  
此二之中各有法喻。前中初言毀譽不動法  
說以嘆。緣有違順毀譽順。佛心平等不爲  
其動。此言略少。若具論之緣有八種。利衰毀  
譽稱讚苦樂。是其八也。利衰二種約身以說。  
財榮潤己名之爲利。殺縛等事說以爲衰。毀  
譽稱讚就口而辨。過惡罵辱名之爲毀。過善  
談讚目之爲譽。當惡而善名之爲毀。當善而  
論謂之爲譽。苦樂就心。此之八法在世同有。  
亦名八風。能動人心。如來於此悉皆不動。偈  
言要近且舉毀譽。如須彌者喻顯不動。後中  
初言於善不善等以慈者法說以歎。願己名  
善達己不善。佛皆慈之。心等如空喻說明等。  
上來別歎下結可敬。執謂誰也。誰聞如是人  
中之寶而不尊敬而不師。永。次下四行是第  
四段重認前事。今奉世尊此微蓋者。認已向  
前獻蓋事也。於中現我三千界者認前遍覆三  
千世界廣長悉現。諸天龍神所居宮等認前  
天宮龍神等宮悉現蓋中。悉現世間諸所有  
者認前須彌鐵圍山等。十力哀現是化變者

◎就二名◎ ◎以二已◎ ◎忘二妄◎ ◎想二相◎ ◎轉二輪◎ ◎說二諦◎ ◎永二承◎ ◎認二頭◎ 下同

頌荷佛恩。佛具十力將德已呼名為十力。由十力尊哀愍我等現此化變。衆觀希有皆歎佛者。訟前大衆觀佛神力歎未曾有。今稽首三千界尊者結已歸敬。自下第五乘歎餘德。行別十五相從爲三。初有兩行歎佛身業。中間六行歎佛口業。後之七行歎佛意業。就身業中大聖法王衆所歸者歎佛人高。淨心。觀佛靡不忻者歎佛身妙。摩猶無也。以佛身妙淨心。觀者無不忻慶除邪謗人。各見世尊在其前者歎佛化巧。以化巧故有威斯現。佛已過去業得此妙身相。無心於彼此而能應一切。斯則神力不共法者結歎顯勝。亦得名爲結歎顯異。他無此力故云不共。就歎口中初有兩行。讚歎如來隨音異說。佛以一音演說法者發言不異。衆生隨類各得解者悟解不同。況解有二。一約真說。一約實法螺聲相名爲一音。衆生於中種種異解如一眞身種種異見。如來眞實常寂之聲名法螺音。恒有恒無名常寂聲。於淨耳者無時不聞名爲恒有。有非新發。無淨耳者無時暫聞名爲恒無。無非始然。二就應說。一於中有二。一約方言以說一音。如來或時作一胡音。衆生於中解種種語。餘亦如是。二約法說。一。如來或時說一布施名爲一音。衆生於中解種種法。餘亦如是。今此所論就應辨一。等就應中此偈約就方言說。一切衆生於中解種種語故云隨類各得解矣。皆謂世尊同其語者謂偏同己。斯則神力結歎顯勝。次有兩行讚歎如來隨法異說。佛以一音演說法者發言不異。衆

生各各隨所解者悟解不同。如來或時對一衆生說一種法名一音說。衆生於中解種種義名各各解。普得受行獲其利者起行異也。斯則神力結歎顯勝。下有兩行讚歎如來隨心異說。佛以一音演說法者發言不殊。此亦是其隨法一矣。或有恐怖或歡喜等生心各異。趣說一法有人專謂說已罪過。常墮惡道所以恐怖。有人專謂說已善業。常生善處所以歡喜。有人專謂呵已過非所以厭離。有人專謂教已善義聞法生信所以斷疑。斯則神力結歎顯勝。下歎意中初四行偈歎佛德備。後三行偈歎佛解具。前四行中初兩行偈歎佛智德。後兩行偈歎佛斷德。此二之中各分自利利他之別。前智德中稽首十力大精進者歎佛十力。力由勳成故歎精進。已得無畏歎四無畏。先成在已故云已得。住不共者歎佛十八不共法也。此歎白德。向前文中先舉其德後結稽首。今此文中先彰稽首後出其德。文之左右。稽首一切大導師者歎其利他。下斷德中先歎自德。稽首能斷衆結縛者除其滅障。稽首已到彼岸者明證滅果。涅槃彼岸。修證名。利。亦可前言能斷結縛離生死因。能到彼岸出生死果。下歎利他。能度世間謂能於此度衆生世間出生死因離生死道。能教衆生出生死果度生死因。得有餘滅離生死道得無餘滅。上明德備下明解具。悉知衆生來去相者明知。人來。來是未來去是過去。以偈逆故不說現在。下明知法。善於諸法得解脫者總明知法。於諸法中心無偏著名得解脫。

下別顯之。不著世間如蓮華者於有不染此明離愛。常善入於空寂行者於空能解此明離見。達諸法相無罣礙者於有能知此明離癡。稽首如空無所依者於空能證明離妄想。如空平等更無所依佛亦如是。證心平等無所取著故無所依。獻蓋至此望前爲正。望後仍有起發之義。故亦名序。自下一段唯是正宗。因寶積請如來正顯淨土因果。於中有二。一從初乃至隨其心淨則佛土淨以爲初段。爾時舍利永承佛威下爲第二段。此兩段中總相龜分。初段偏明淨土之因。設使舉果對以顯因。後段偏明淨土之果。以實細論。初段因於寶積請具明淨土因之與果。後段因於舍利疑念拂疑顯淨以成前義。前中有四。一寶積等啓請爲由。二如來讚歎勸聽許說。三寶積等奉教聽受。四佛廣爲說。初中寶積標列請人。說此偈已結前起後。白佛世尊啓告所請。皆已發心申己所願。前觀如來合蓋現變顯不思議生心願求名爲發心。諸人齊發故云皆發。發之已竟故云已發。阿耨菩提是外國語。此名無上真正正道。阿之言無。稱多言上。三名爲正。藐之言眞。三復名正。菩提稱道。期求此道名爲發心。菩提心義後當具論。何故達此。心爲行本。明已有本唯須修行生後請也。願聞得下正宣請辭。願聞得佛國土清淨彰已所求。求聞常果。願聞得佛求聞正果。願聞土淨求聞依果。此求依果約正以辨。唯世尊說諸菩薩淨土行者請說土因。唯是敬辭亦是專義。專求如來說淨土行故

言唯願。前就果德彰已顯聞略不請說。此就因行唯明請說不彰顯聞。言之隱顯道理齊通。自下第二如來歎問勸聽許說。先歎次勸後許宣說。歎中善哉是總歎也。善猶好也。所請事善。哉是助辭。乃能為諸菩薩問等出其善事。乃者是其希越之辭。無量眾生皆不能問至汝方堪故曰乃能。前兩句中據後以歎是故偏言為諸菩薩問淨土行。若就前句應言乃能願聞得佛國土清淨。略不云耳。諦聽善思勸誠辭也。諦謂審諦善謂委善。諦聽得聞善思得義故並勸之。念能堅持文義不告故復教念。為汝許說。於是實積及五百等是第三段奉教聽受。自下第四佛為廣說。於中應先解淨土義然後釋文。義如別章。文中有二。一約大悲隨有之行宣說眾生以為佛土。二真心下約就出世順菩提行說直心等而為佛土。前中有三。一總說眾生以為佛土。二所以上釋前眾生為佛土義。取土為生故名眾生以為佛土。三所以轉釋為生取佛土義。初中眾生之類是佛土者緣中說土。土因悲得悲由生起。以有眾生菩薩起悲。悲故得土故名眾生為佛土耳。無限大悲等眾生界情無分限故名一切眾生之類悉為佛土。第二釋中所以者何問前起後。土是已報。所以乃說他眾生類為我佛土。下對釋之。釋意如前。菩薩取土原為眾生。得土由生故名眾生而為佛土。文中四句。前二為於地前眾生。後二為於地上眾生。前兩句中化始調終。化者化於種性已前令生信解。調者種性已上令起

行修。亦可化者化令生善。善心先無今忽令有故名為化。言調伏者調令離過。離過順法故名調伏。隨所化生而取佛土者為依淨土化人生善故。耶取佛土。如彌陀界一生其中永善不退。為調眾生而取土者為依淨土調人離惡故取佛土。如彌陀界一生其中永離諸過。後兩句中入佛慧者趣入佛果。起菩薩根修起因行。亦可入慧是慧莊嚴。起菩薩根是福莊嚴。文中初言應以何國入佛慧者隨物所宜故言應以。為依淨土攝諸菩薩修慧莊嚴故取佛土。初地已上皆入三世諸佛智地。為教眾生入是智地故取佛土。應以何國起菩薩根而取土者應以如前。為依淨土攝諸菩薩修福莊嚴故取佛土。菩薩所行能為佛本。就人以彰名菩薩根。亦可菩薩行中根起初為後本名菩薩根。但諸眾生藉處不同起前道各異。是故並言應以何國菩薩為之取種種土。問曰所取為真為應。體即是真用相是應。應必依真故為現應而取真土。自下第三轉釋為生取佛土義。先問後解。所以問也。問有兩意。一問菩薩得土自安。所以偏言為生者何。二問觀空破相之慧能治染過可得淨土。為生是其取有之心。所以能得淨土者何。不對釋之兩意別解。菩薩取國皆為饒益諸眾生故解初意也。得雖自安取土之意原為眾生。故說為生而取土耳。譬如入下釋後意也。釋意如何。淨土是其功德之果唯空不成。故為眾生能得淨土。先喻後合。如人欲於空地造立宮室隨意無礙順舉其得。人喻菩薩。

修起淨土名造宮室。依空修慧依有起悲名為空地。用此求土得土不難名為無礙。若依虛空終不能成舉。告顯德。捨有純空無得土義故能不成。下合顯法。先合前得菩薩合人辦法同喻故曰如是。為成眾生合於地也。空略不合。願取佛國合造宮室。隨意無礙略而不合。願取佛國非於空者合後。告也。純空不成故言非矣。自上第二明其出世順菩提行為淨土因。於中有二。一明行體。二如是寶積隨其直心則能發下明其行修次第成義。就前段中有十七句。一一句中皆先舉因對上請中願說菩薩淨土之行。後舉其果對上請中願聞得佛國土清淨。文中皆言菩薩成佛。對前請中願聞得佛。不論眾生來生其國等對前願聞國土清淨。此義須知。文中有二。一修善法起淨土行。二設除難下明離惡法捨穢土行。前修善中三句分別。一約因。相從為三。一起行心。二布施下明所起行。三迴向下明轉行心。二就果分別。汎論土果有三莊嚴。一事莊嚴謂眾寶等。二法莊嚴風鈴樹等皆宜法音。三人莊嚴勝善眾居住其中。今此文中從初乃至三十七品是淨土來明人莊嚴。皆說善人來生其國。迴向一句明事莊嚴及法莊嚴。故下文言得一切具足功德國土。理實齊通語之隱顯。三隨文釋。就因三中先解初段起行之心。心別有三。一是直心。二是深心。三大乘心。此大乘心下先嚴中名菩提心。下先嚴中更有一種名發行心。此中略無起行之意名發行心。初言直心是淨土者對

●告二亡● ●[耶]一● ●[前]一● ●不三下● ●告二失● \*

果辨因。對前唯願說淨土行。淨妙之果。虛心不得。故須宣說直心爲因。直心有二。如涅槃。一自行直起行不虛。二化他行直利物不曲。此能得淨土之果。世尊因中而與果名故說。直心以爲淨土。其猶世人說食爲命。餘行皆爾。菩薩成佛不諂衆生來生其國。明因得果。亦得名爲舉果顯因。此即對上願聞得佛國土清淨。菩薩成佛是得佛也。不諂衆生來生是土淨也。不諂由是直心。利稱菩薩自直安能使他直心衆生來生其國。解有四義。一以直心淨業之力自然還感彼不諂衆生來生其國。如屠殺人自然還感彼屠殺衆生來生家。二由自直心令他直心衆生樂見愛好親近。故令不諂衆生來生。三自直教他所教衆生還來歸從。故令不諂衆生來生其國。四由直心得好淨土。以土好故物皆樂住。故令不諂衆生來生。餘行悉爾。第二深心對果辨因。信樂。感至名曰深心。故地論言其深心者謂信樂等。菩薩成等明因得果。言具功德衆生者深心是其諸行之因能生諸德。以是力故還令具德衆生來生。言大乘心是淨土者對果辨因。此乃名其求佛之心爲大乘心。行能運通目之爲乘。乘中莫加謂之爲大。又佛菩薩名爲大。大今所乘名爲大乘。求此之意名大乘心。有經亦言菩提心是皆得無傷由是得土故名淨土。得果可知。上來明其起行之心。下次明其心所起行。於中有二。一明行體。二三十下下行熱成道。前行體中六度自利。四無量下明其利他。就自利中布施舉因。苦

薩成下明因得果。一切能捨猶是布施。由自施放感彼衆生來生其國。持戒舉因。菩薩成下明因得果。言十善道滿願衆生來生國者十善是戒。行十善道戒行是也。言滿願者戒心極也。以自持戒故令十善滿願衆生來生其國。忍辱舉因下明得果。經文不同。又經直言三十二相莊嚴衆生來生其國此直舉果。是義云何。修忍離瞋得端正報菩薩自修忍辱也。行得相好未來還有修行忍辱得相衆生來生其國。有經說言三十二相柔和衆生來生其國。此通因說。柔和是忍辱之別稱。菩薩自修忍辱柔和得相好果。未來還有如是衆生來生其國。三十二相如涅槃說。地持亦有諸行皆得且就忍論。精進舉因。菩薩成下明因得果。勤修一切猶是精進。禪定舉因。菩薩成下明因得果。攝心不亂猶是禪定。智慧舉因。菩薩成下明因得果。正定衆生來生其國者種性已上名正定聚。慧行成者住正定。衆住正定者由慧行成就。由自修慧正定不退還令如是衆生來生。下利他中初四無量明利他心。第二四攝明利他行。第三方便明利他智。利他心中四無量心是菩薩土對果辨因。慈悲喜捨是四無量義如後釋。菩薩成下明因得果。愛憐名慈。惻愴曰悲。慶悅名喜。已懷稱捨。心無存著故曰亡懷。利他行中四攝舉因。布施愛語利行同事是其四也。義如別彰。此應具論。今且釋名。布施如上。因其布施錄物從道名布施攝。此與檀度有何差別。同體義分。直爾與財名爲檀度。因其與

財錄人從道名布施攝。美辭可斷名爲愛語。因其愛語錄物從道名愛語攝。言利益者經論之中亦名利行。通釋是一。於中別事饒潤名爲利益。化之起道說爲利行。因其利行錄人從道名利益攝。言同利者經論之中亦名利行。同事亦名同行亦名同利。通釋是一。於中別分。事中共同名爲同事。行中同修名爲同行。成德共同名爲同利。初下次中第三是上。因同錄生名同事攝同行攝等。菩薩成下明因得果。解脫所攝衆生者自以四攝攝取衆生令解脫故。未來成時還有出世解脫所攝衆生來生其國。利他智中方便舉因。化智善巧名爲方便。此應宣說四無礙慧爲方便矣。故下宣說無礙衆生來生其國。得果可知。上來明行。下其道。行熱虛通說爲道矣。道行衆多。今此略舉三十七品。三十七品是菩薩土對果辨因。義如後釋。菩薩成下明因得果。念處正勤神足根力覺道衆生來生國者還是具道衆生來生。念謂四念。身受心法是其四也。勤謂四勤。未生諸惡令其不生。已生令滅。未生諸善令其得生。已生令廣。是其四也。言神足者四如意足。欲定。釋進定念定慧定是其四也。根謂五根。信進念定慧是其五也。力謂五力。名同五根。覺謂七覺。念擇精進喜定捨是其七也。道謂八道。正見正思惟正語正命正業正精進正念正定是其八也。以自修故令此衆生來生其國。上來明行。下明迴向轉行之心。以迴向力令前諸行捨遠諸有趣向涅槃故名轉行。迴向舉因迴已善法有所趣

此十(因) 利二別 慈二悲 今二人 樂二聚 已二亡 下十(明) 釋一

向故名迴向。迴向有三。一菩提迴向。用已善根求大菩提。二衆生迴向。用已善根迴施衆生。三實際迴向。用已善根迴求實際。廣如別章此應具論。菩薩成時明因得果。亦得。亦名爲舉果顯因。言得具足功德國者上來諸句明人莊嚴以說善人來生其國。此句明事及法莊嚴故說具足功德國土。衆寶莊嚴及諸佛法名爲具足功德國矣。上來修善起淨土行。下明離過捨穢土行。所得國土無諸穢惡。於中三句。初說除難教他離過。後二自離。前教他中說除八難是。句淨土者對果辨因。教他除難爲土因矣。何者八難。三塗爲三。人中有四。一是生盲難生等。二是世智辨聰之難。謂惡邪見。三是佛前佛後之難。無佛法時。四難單越難。四之初一就苦說難。二就惡。此二當體第三就時。第四就處。通前爲七。八長壽天難。謂色無色界。在此無有初入聖道故名爲難。除辟支佛。教人修治捨離此難故名說除。修何等治能除八難。依如成實。天人四輪能治八難。一住善處。謂生中國。對治五難。三塗壽單及長壽天。二依善人。謂值佛世。對治佛前佛後之難。三自發正願。謂正見心。對治世智辨聰。四宿殖善根對治生盲等難。難若直約行以論對治。受持淨戒治三塗難。樂行法施遠難法。慳對治生盲生聾等難。修正信解治辨聰難。親近善友願值佛世對治佛前佛後之難。願生中國對治壽單越長壽天難。教人除難能得淨國故說爲土。菩薩成下明因得果。國土無有三惡八難無惡果也。教人

除難以爲因故。淨土無之離難。應是無因。云何通名無果乎。涅槃經說一闍提等名爲報。彰多世積習方成就故。是故離此亦名無果。就後兩句自離過中自守戒行不穢彼闍提是淨土者持出家戒離。通過也。已無毀犯名自守戒。不觀他失名不穢闍。此舉因也。菩薩成時明因得果。國土無有犯禁名者無惡因也。尚無犯名。焉有犯事。舉此以顯畢竟淨矣。行十善道是淨土者持在家戒離俗過也。如涅槃經第四德中亦廣宣說十善道法爲淨土因共此相似。身離三邪口無四過意無三惡是其十也。此十。頓益。名之爲善。道義有二。對思心通暢前思名之爲道。若對後果通入至果目之爲道。此有五階如經說。所謂凡夫聲聞緣覺菩薩佛十善。廣如別章。菩薩具修而爲土因故言是土。下明得果。通明十善因果衆生來生其國。命不中天無殺生果。言大富者無劫盜果。此明無果。言梵行者無邪淫行。所言誠諦無妄語行。常以軟語無惡口行。此明無因。眷屬不離無兩舌果。善和諍訟無兩舌行。言必饒益無謔語行。言不嫉者無貪嫉行。言不恚者無瞋恚行。言正見者無邪見行。自修十善而爲因故感此衆生來生其國。此後三句通亦是其人莊嚴矣。上明行體。下明行修次第成義。於中初別後總結勸。別中初言如是寶積總以告發。如下所說其事實是故曰如是。隨其。惠心是種性心。種性已上心無邪僞故名爲直。則能發行是解行心。解行發求出世間行故名發行。隨其發行因前

起後。得深心者初地心也。初地已上信樂。感至故曰深心。隨其深心則意調伏是二地行。第二地中持戒離過名爲調伏。故彼二地十直心中宣說軟心調伏心矣。隨其調伏則如說行是三地行。依聞修宜名如說行。故三地云如說行者乃得佛法。不可但以口言得淨入諸禪等。隨如說行則能迴向是其四五六地行。修習順忍趣向無生故曰迴向。隨其迴向則有方便是七地修習十方便慧名爲方便。隨其方便則成生者還是七地發起勝行。亦可七地修無量種化衆生德名成衆生。隨成衆生則佛土淨是八地行。八地修習淨佛國土名佛土淨。隨佛土淨則說法淨是九地行。九地辯才爲人說法名說法淨。隨說法淨則智慧淨是十地行。十地成就智波羅蜜名智慧淨。隨智慧淨則心淨者金剛心淨。隨其心淨因前起後。則一切功德淨佛果淨也。由金剛心得佛一切淨功德矣。淨土之果即是一切德淨所攝。上來別論。下總結勸前諸句中據後以勸。餘略不論。言是故者是前心淨得佛一切功德淨土故。若菩薩欲得淨土常淨其心者舉果勸因。隨其心淨則佛土淨明因得果。有人宣說心淨在果。當應不然。下文宣說。爲菩薩時意豈不淨。意猶是心明不在果。上來正顯淨土因果。自下第二拂疑顯淨。何故須然。前說淨土因得淨土果。而佛自身現居穢國。事與言乖所說難信。故須拂疑以成前義。諸經多爾。故涅槃中佛說菩薩修淨佛土。德王即問。如來何故不修淨土自居穢

○〔亦〕一○ ○〔句〕一○ ○當一當 ○彩二障 ○通二道 ○順二順 ○冠註曰惠經作直 ○啟二啟 ○

國佛即答之我土常淨。與此相似。文中有三。一舍利弗疑念起發。二佛知念下對之顯淨。三常佛現此嚴淨時下明化利益。初中爾時生念時也。謂此說時。言舍利弗疑念人。經中亦名秋露子。又亦名為愛波提舍。舍利母名。母眼似舍利。此翻名身。弗多羅者此翻名子。舍利之子名舍利弗。秋露子者母名。其母眼似秋露鳥眼故名秋露。約母以別名秋露子。憂波提舍此名為論。其人聰慧善能難論。從此呼之為優波提舍。何故此人偏獨疑念。良以其人聰慧第一。能於深法生疑起發故偏疑念。下文數爾。承佛威神生念所由。不稟上力說之為承。威者威德神者神力。此承如來。意力加備故生疑念。何故須然。因此疑念廣有開發所起事大故須承矣。善承佛威明念契常。作是念者正起疑心。下顯疑相。若菩薩心淨離佛上言。生疑由此所以離之。下約生疑。我世尊者舉所疑人。為簡前他方淨土之佛是故標言我世尊矣。此佛居穢有疑可怪故須別標。佛備衆德為世欽仰故號世尊。化我之尊名我世尊。本為菩薩意豈不淨而是佛土不淨若此出所疑事。本為菩薩意豈不淨準果檢因疑無淨心。意猶心也。豈謂可也。佛前自說心淨土淨。佛今自身住不淨土。本在因中為菩薩時所有心意豈不淨也。而是佛土不淨若此將因驗果怪無淨土。本有淨心應得淨土。何緣今日所得國土不淨若此。下對顯淨。顯之云何。明土實淨衆生不見土隨不見應為不淨。文中有三。一佛正

顯淨。二螺髻助顯。三如來重顯。此三相成。佛是化主兼是所疑。故佛先顯。佛雖說淨無人證見語成難信。故須螺髻彰已所見助成佛語。螺髻雖復言已見淨舍利不親猶謂匪信。故須如來重復顯淨助成螺髻。以此三。幡展轉顯淨穢相始盡。又復初。備如來顯淨令使聞知。第二螺髻明已見淨生其信解。第三如來隱穢。顯。含其證見。此則教入之次第也。就初段中佛知其念顯淨所由。由知所念故為顯示。即告已下正為顯淨。約喻顯之句。別有四。一如來就喻反問舍利。為約舍利所知之事類所不知故須反問。於意云何就心總問。問其意解於汝意中所解云何。日月豈下就事別問。初言日月豈不淨者是其一問。為約此事明土非穢所以問之。耶者是其不定之辭。而盲不見復為一問。約此事明舍利等不見所由故復問之。二舍利正答。不也總答。彰彼日月盲雖不見而非不淨故曰不也。下別答之。是盲者過答其後問推過在盲。非日月答答其初問免過日月。明其日月無不淨。三佛取所答類之顯土。衆生罪故不見如來佛國嚴淨取前所答推過屬凡。非如來答取其後答免過於佛。此言稍隱。準喻應。言言非佛土答。但前舍利就佛疑責。故今還須就佛免過。是故說言。非非如來答。此言含通。別則有二。一非如來因中有其不淨心答。二非如來果中有其不淨土答。四就所顯結已土淨推彼不見。我此土淨結已土淨。而汝不見推其不見。汝自不見何得疑我心土不淨。自

下第二螺髻顯淨。佛雖說淨無人證見淨則回信。故復螺髻顯淨助成。又復舍利穢相未除。須彼螺髻顯淨除遣。文中有四。一遮呵舍利執穢之心。二所以下螺髻自申己之所見明土實淨成彼不應。三舍利言我見此下舍利自彰己之所見明非故違。四螺髻釋其見穢所由并解菩薩見淨所以。就初段中螺髻梵王舉能呵人。語舍利弗告所呵者。勿作是意謂此不淨正是誠辭。自下第二螺髻自申己之所見明土實淨。所以者何徵前起後。所以不應謂此佛土不淨者何。我見已下明己所見彰土實淨成前不應。我見土淨如自在宮類以顯之。此應名彼中間梵王所居之處為自在宮。何者是其中間梵王於初禪中除覺觀在名中間禪。彼何處住。初禪之中有其三天。梵補天二梵衆天三大梵天。梵衆梵補同在一處民主之別。大梵即是中間梵王。云何得知名此大梵為自在天。如經中說。外道所計自在天因是大梵王。彼於千世界統王自在名自在天。此梵住處名自在宮。此即螺髻所居之處。螺髻見土同彼淨矣。理實佛土淨過三界。此亦螺髻隨分見耳。自下第三舍利自彰己之所見明非惡心故違說穢。故今說言我見此土丘陵坑坎棘沙等。螺髻言下是第四段螺髻釋其見穢所由并解菩薩見淨所以。解彼舍利見穢所由令人厭捨。解釋菩薩見淨所以使人修學。先明舍利見穢所由。心有高下不依佛慧見穢所以。心有高下明無等悲。於諸衆生分別遠順善惡等異名心高

●不二下●●意力加備二威力加被●●顯十(淨)●●含二合●●[言]一●●[非]一●●

下。不依佛慧明無深智。於諸法中分別染淨。空有等別。彰佛深慧故曰不依。故見此土為不淨者。正明見穢。下釋菩薩見淨所由。於一切生悉皆平等。深心清淨見淨所以。於生平等明有等慈。翻前高下。深心清淨明有妙慧。翻前舍利不依佛慧。則能見此佛土淨者。正明見淨。翻前舍利故見不淨。上來第二螺髻顯淨。自下第三如來重以顯前舍利言見不淨故須重現。文中有五。一如來現淨。二大眾同見。三佛勸舍利。合其觀察。四舍利答佛明己已見。五佛就所見明土本淨。初中佛以足指按地現相變土。即時三千珍寶嚴飾隱穢現淨。譬如已下類以顯勝。此即顯佛不思議德。問曰。前說由心高下不依佛慧故見不淨。佛今何不改變其心。令使見淨。乃須按地。釋言為化差別有三。一變境從心。二變心從境。三境心俱變。今依初門。變境從心。從彼舍利求淨之意。為彰穢境無定相矣。自下第二大衆同見。初歎未有後見。自身坐寶蓮華。先來恒處今時始見。自下第三如來勸觀。汝且觀者。暫見非永故曰且觀。又見不見在於舍利未可專定故曰且觀。自下第四舍利答佛明己已見。唯然世尊奉命觀察。唯是敬辭亦是專義。然是許可依順之義。專依佛教觀察土淨故曰唯然。下明所見。本所不見。本所不聞。彰昔未親。今佛國土嚴淨悉現。明今始見。此語者彰淨殊異。與前大眾歎未曾有其言相似。又欲彰土始淨非本。自下第五為遣舍利始淨之言。如來重復明土本淨。於中初法

大喻後合。法中初言我佛國土常淨。若此明淨非始。為欲度下辨應顯真成土本淨。言為下劣示土不淨。明於上人由來常淨。問曰。穢土乃是衆生自業所招。何關佛事。而言為度示土不淨。釋言衆生見穢見淨。實由自業。然其所見。見於佛土。良以佛土淨妙無礙。能隨衆生現種種相。如淨妙珠能隨衆緣現種種色。佛土隨緣令人異見。故說為度下劣人。故示不淨耳。喻中諸天喻見土人。天福不同。見飯各異。人行不同。見土各別。故取為喻。共寶器者。喻同一國。用土資身。名為共食。隨其福德。飯色異者。喻行不同。見土別也。於佛一種圓妙土中。種種異見。如於一飯。見色各異。一質異見此之謂也。下合顯法。如是舍利若人心淨。便見此土功德嚴者。合彼勝天見飯好也。亦應說言。若人心垢。見土不淨。合彼劣天見食不如。文略不說。上來第二因念顯淨。自下第三明化利益。於中有二。一由現淨利益。二由還穢利益。聲聞。前中。常佛現國淨時。得益所由。下正明益。寶積所將得無生者。知土本淨。從來無染。無染可起。故得無生。八萬四千發菩提者。觀淨願求。所以發心。後中佛攝還復。如故得益所由。下正顯益。三萬二千遠塵離垢。法眼淨者。道悟初果。由見土變。知有為法皆悉無常。不取不執。名為遠塵。內者見惑名為離垢。見諸明白。名法眼淨。八千比丘不受諸法漏。盡意解得羅漢果。由見土變。知三界法悉無定性。不生貪取。名不受法。當前遠塵。內除愛染。名為漏盡。當前離垢。得無學智。名為意解。當前得眼。

方便品者。從此已下第二會說。於中九品。此品之中。廣顯維摩權導方便發起後說。因以標品名。方便品。方便之義。汎論有四。一進趣方便。進趣向果。如見道前七方便等。二權巧方便。如二智中方。便智等。實無三乘權巧施之。三施造方便。如十波羅蜜中方。便波羅所為善巧。故曰方便。四集成方便。如地論說。此法巧成名方便等。諸法同體巧相集成。故曰方便。前三唯德後一通法。今此所論。義當第二權巧方便。但權巧中義別有三。一身方便。現形六道無所不為。二口方便。實無三乘權以施之。三意方便。現證聲聞緣覺之果。及起煩惱業苦等事。今此正明身業方便。亦兼口意。故下文言。以如是等無量方便。饒益衆生。又復此中。巧化衆生。亦即是其施造方便。明此方便。名方便品。下隨文釋。此會之中。有序有正。不定進退有二。一唯取維摩現今。一會所說之法。以為正宗。是即從初至獨寢。以疾臥來通為由序。善來文殊。不來相下。是其正宗。序中約人兩門分別。一通維摩及佛分別。第二唯就維摩分別。通約維摩及佛分別者。序中分二。初方便品明其維摩現病起發。二弟子品下彰其如來告命起說。前現病中文。別有三。初舉維摩為起說人。二已曾下讚歎維摩彰起說德。三其以方便現身疾下現病起說。後明如來告命序中文。別亦三。初維摩詰念待聖問起告所由。二如來因念正告問疾。三念文殊與衆來下維摩空室待其所告。於此分中。告問為宗。是



故總名如來告問起發序矣。即文以求爲序正爾。通約維摩及佛如是。唯就維摩分別云何。於中略以三問分別。一顯德序二現相序三興念序。言顯德者廣顯維摩行德殊勝令人敬信聞說樂受。於中有三。一直歎顯德。二以疾故國王大臣皆往問下寄就說顯德。亦得名爲寄化顯德。三弟子品下寄對顯德。於此分中先對不堪彰其德高。問疾品初寄對所堪顯其德妙。顯德如是。言現相者所現有二。一現病爲由二問疾品空室起發論其現病爲後十原。語其空室爲後七本。故得名序。十之與七問疾品中當廣辨列。現相如是。言興念者爲念有二。一弟子品初念問爲由。二問疾品初念文殊來空室相待。序相如是。正宗之文至時當辨。此一序正舊來共傳。二通攝維摩一世所說悉爲正宗。是則從初乃至方便現身疾來判爲由序。以其疾故國王大臣皆往問下悉爲正宗。廣集維摩一世所說爲正行法令人學故。就初序中文別有三。一標列說人。二已曾供下歎其說德。三其以方便現身疾下現疾起說。初中毘耶出其住處。言有長者標列其人。德標時望故號長者。名維摩詰列其名諱。次歎其德。於中初先歎其實德。欲度人下歎其權德。實爲化本故先讚歎。權爲化由故。復歎之。實中有二。一明維摩內德充盈。二諸佛咨下美譽遐振爲人敬歎。前中先歎自分功德。久於佛道心已純下歎其勝進。就自分中先歎自利。明了生下歎其利他。前自利中先歎行圓。大願成就歎

其願滿。歎行圓中約位以歎。亦以維摩住於一地普攝一切諸地功德故約諸位而以歎之。已曾供養無量諸佛深殖善本歎七地已還功用之行。如地經說。一一地中多供養佛名爲已供。無量諸佛此攝功德。深殖善本明攝智慧。又供諸佛起行所依。深殖善本正起所行。得無生忍歎八地行忍別有五。如仁王說。一者伏忍。種性解行深伏煩惱故名爲伏。二者信忍。初二三地。於後無生深信不壞。三者順忍。四五六地。趣順無生。四無生忍。七八九地。見法無起。五寂滅忍。十地及佛。相盡證寂得大涅槃。七地雖得無生忍而未清淨。八地已上無生忍淨故就說之。辯才無礙歎九地行。彼具四無礙辯才爲生說法名辯無礙。遊戲通等歎十地行。遊戲神通是十地中神通大也。化用難測名之爲神。神而無礙故說爲通。於此神通歷涉名遊。出入無礙如戲相似故復名戲。逮諸總持是十地中大陀羅尼也。獲無畏等是十地中智慧大也。智有四種。一摧邪智。二入正智。此二一對。三是實智。四方便智。復是一對。文中初言獲無所畏降魔勢怨是摧邪智。獲無畏者得四無畏伏外道也。降魔怨者得佛十力壞魔怨也。魔能勞亂名之爲勢。敗人善根故說爲怨。十力堅固能降伏之。此皆佛德。何故說爲十地智大也。滿在佛果得在十地。故大品經發趣品中宣說十力四無畏等十地悉得。入深法門是入正智。如來藏性是深法門。證會名入此初對竟。善於智度是其實智。經說十地智波羅蜜最

爲增上名善智度。此即證智。通達方便是方便智。隨有巧知名通方便。此即教智。前歎行圓。大願成就歎其願滿。所求皆得名大願成。前歎自利下歎利他。明了衆生心之所趣。智其欲也。現起希望名之爲欲。智欲所求名之所趣。又能分別諸根利鈍知物根也。宿習今成說以爲根。謂信進等。根性不同有利有鈍。維摩悉知。前歎自分下歎勝進。上攝佛德名爲勝進。於中四句。文於佛道心已純澈是第一句明其願成。大菩提果是其佛道。純謂精也。澈猶善也。維摩於佛求心精純求心善澈故名純澈。決定大乘是第二句明其信成。佛果爲佛。大人所乘名爲大乘。於此深信決定不疑故名決定。諸有所作能善思量是第三句明其解成。勝修非一名諸所作。於此中審觀不謬名善思量。住佛威儀心大如海是第四句明其行成。住佛威儀身行同佛。心大如海心行同佛。前歎德盛下歎名美爲人敬歎。諸佛咨嗟上爲佛歎。十方諸佛咨口嗟歎故云。咨。弟子釋梵世主敬者下爲人敬。弟子敬者爲人敬也。爲佛四部弟子同敬。釋梵世主爲天敬也。釋謂帝釋梵謂梵王。世主是其護世四王。常爲此等之所尊敬。六趣同敬且舉此等。上歎實德下歎權德。權中初總資財無量攝資下別。以如是等無量方便饒益生下總以結歎。就初總中欲度人故現生所爲。以善方便現生之智。方便之義約行汎論有其三種。一證方便。於第一義能捨情相善巧證入。故彼地經第八地中名彼證行以爲善慧



方便矣。二助方便。於彼隨有助道行中善巧修習故名方便。故地持中宣說十二巧方便。於此門中巧修自利巧能利他悉名方便。三不住行中善巧修起。於中有六。一觀空不著能起有行名為方便。如地經說。十方便慧發起勝行。即其事也。第二行有不染心常證寂故名方便。三即淨常染得大涅槃不捨世間故曰方便。四即染恒淨不捨世間而常涅槃故曰方便。五自利兼他不偏自利故名方便。六他利兼自不失自善故名方便。今此所論不住方便。於不住中證空隨有即淨隨染即自兼他名方便智。居毘耶離正明現生。別中有二。一以道攝俗謂以六度攝取衆生。文相可知。二從難為白衣已下即俗以通道。於中有三。一處俗不同。二入治正下以法化益。三若在長者長者尊下居攝下。初中合有十三句文。攝為三對。自利利他。初七一對。次四一對。後二一對。就初對中前六自利後一利他。前自利中初一約形道俗分別。雖為白衣奉持沙門清淨律行。次一約處。雖處居家不著三界。次二約人。示有妻子常修梵行現有眷屬常樂遠離。後二約就資具分別。雖服寶飾相好嚴身雖服飲食禪悅為味。食有二種。一世間食。二出世食。世食有四。所謂段食。思食。觸食及以識食。出世之食有其五種。法食。禪食。念食。願食及解脫食。然今維摩雖處段食禪悅為味。禪即禪食。禪定釋神名之為悅。甘神曰味。此前自利。博奕戲處輒以度人是其利他。博謂六博。弈謂棋弈。此等戲處輒

以度人。此初對竟。第二對中初二自利。受諸異道不毀正信明信不壞。雖明世典常樂佛法明願不壞。後二利他。一切見敬供養中最身業益物。維摩巧化今他見者悉共尊仰。是故名為一切見敬。維摩德深有尊敬者獲無量福。故為一切供養中最。治正法攝諸長幼口業益物。以佛正法大小同教故攝長幼。此兩對竟。第三對中初自利。少集多慶名作諧偶。心無貪愛故獲俗利不以喜悅。後句利他。遇人便化故遊四衢饒益衆生。上來第一在俗不同。自下第二以法益物於中五句。入治正法救護一切王法益物。入講論處道以大乘佛法攝人。入諸學堂誘開童蒙俗法教物。入諸經舍示欲之過入諸酒肆能立其志。此之兩句行法利生。此兩段竟。自下第三居攝下有十一句。前八人尊後三天尊。六道俱。上人天益多。所以偏舉。人中初言長者中尊說勝法者。凡是長者人多諸稟須教勝法。居士中尊斷貪著者居士有二。一廣積資產居財之士名為居士。二在家修道居家道士名為居士。今據初門。彼多貪財故教斷貪。利中尊教忍辱者利利王種。自在難寢故須教忍。婆羅門中除我慢者彼多博學喜生慢高故教除之。大臣中尊教正法者臣吏宰俗喜生。柱罰須教正法。王子中尊示忠孝者王子於父是臣是子。為臣須忠為子宜孝。所以教之。王子貪位喜行逆害故教忠孝。內官中尊化宮女者。中曹奄人。主常宮女易以法化。故教以正。庶民中尊令與福者凡庶薄福。故

須教引令修福業。下為天尊。梵天中尊誨勝慧者梵者多樂習禪不修聖道。須教勝慧。帝釋中尊示無常者彼多著欲須示無常令生厭離。護世中尊護衆生者彼四天王防護世間不令鬼神枉害人民名護世王。維摩在中常護衆生。諸天無量且舉斯耳。上來別難。以如是等無量方便饒益生者總以結歎。上來第二歎其說德。其以方便現身有疾是第三段現病起說。假病弘道故曰方便。此亦是前諸方便中一方便耳。上來由序。下為正宗。於中略以五門分別。一約所化凡聖分別。二約所教凡夫二乘菩薩分別。三就維摩顯德分別。四約所顯因果分別。五隨文釋。初言所化凡聖別者盡此品來因凡問疾明教凡夫法。弟子品下因聖問疾明教賢聖中先對不堪彰昔所說。問疾品下對其所堪明今所說。此一門竟。言約所教凡夫二乘菩薩別者盡此品來教凡夫法。第二一品教聲聞法。菩薩問疾盡香積品教菩薩法。於中初先寄對不堪彰其法體問疾品下對。所堪明其修相。此兩門竟。就維摩顯德分別者。初盡菩薩問疾品來廣舉維摩巧說難敵彰其智勝。問疾品下廣顯維摩神變難測明其通勝。細實兼通龜判如是。此三門竟。言就所顯因果別者因果有二。一法身因果。二淨土因果。從初盡入不二門品明法身因果。香積一品明淨土因果。就前法身因果之中隨人分三。此品之中對化凡夫顯法身因果。常樂佛身是法身果。從於無量功德生等是法身因。弟子品中對化聲聞

顯法身因果。對前九人明法身因。對後一人彰法身果。菩薩問疾盡不二門對教菩薩顯法身因果。初彌勒明菩薩德是法身果。先嚴已後明法身因。就明因中先對不壞辨出行體。問疾品下約對所堪明修成相。法身因果辨之龜爾。就明淨土因果之中香積品初明淨土果。寄就香積如來以顯。香積品末修十修八明淨土因。所顯如是。次釋其文。此品之中因凡問疾明教凡法。於中有三。一因前現病國王大臣婆羅門等皆往問疾。二其往下因問疾廣為說法。三長者維摩為諸問疾而說法下明說利益。初段可知。第二段中初言往者廣為說法總明為說。下別顯之。別中有二。一說生死過令其生厭。二說佛功德使其生欣。前厭生死謹煩惱行。後令生欣護小乘行。前教厭中初先別教觀身五過。下諸人者此可厭患結勸生厭。前別教中教觀無常。苦空無我及與不淨通後佛身合有六法。然諸法門開合不定。總準一法謂一法界。或分為二生死涅槃。此二之外無第三法。約之說人凡聖之外無第三人。或分為三謂三自性。如楞伽說。所謂緣起自性及成緣起妄想是生死法。生死之中有境無實。從緣集生說為緣起。心虛不真說為妄想。成是涅槃性不壞故。或分為四謂四法印。如地持說。一切行無常一切行苦諸法無我涅槃寂滅是其四也。前三生死後一涅槃。問曰無我理通諸法。何故偏判以為生死。此義不定進退四門。一就情分別。生死有我涅槃無我。以著我故世

間受生。是故有我偏在生死離我不生。為是涅槃一向無我。二就法相相對分別。生死無我涅槃有我。生死之法體無性實用不自在故說無我。涅槃性實故說有我。三就性實及與假用。生死涅槃二俱有我。是義云何。生死法中有二種我。一性實我所謂佛性。故經問言二十五有有我我不也。佛答我者即如來藏。藏即佛性。一切衆生悉有佛性。即是我義。二假用我五陰和合集成我人。故經云言衆生佛性不即六法不離六法。言六法者五陰及我。此我即是假用我也。生死有此涅槃亦然。如來法身是其性我。如涅槃說。若法是常是真是實是主是依名為我者是性實我。說諸佛五陰集成假人。是假用我此是第三。四就因緣破相空理生死涅槃二俱無我。如經中說。今就第二。是故無我判屬生死。故涅槃說生死法為無常苦無我不淨。涅槃之法常樂我淨。或分為五。如楞伽中五法是也。名相妄想正智如如是其五法。名相妄想是生死法。名之與相是生死境。境體無實但是名有說之為名。事相差別說之為相。妄想是其生死之情。正智如如是涅槃法。正智能證如如所證。又復如下迦旃延中所說五法亦是五也。彼生死中宣說無常苦空無我。涅槃說一。故合為五。空與無我何差別而須分二。依如毘曇。陰體非我名為無我。陰非我所說以為空。若依成實。衆生空者名之為空。法體空者說為無我。故於彼論中衆生空觀名空。通遺十六神故。法空觀者名無我行。若依此經。衆

生空者名為無我。故下文言衆生是道場知無我故。法空名空。故下文言一切法是道場知諸法空故。以此有異故別分為二。如此中說。生死宣說無常苦空無我不淨涅槃合一故有六種。或分為八。如涅槃說。生死法中宣說無常苦無我不淨涅槃宣說常樂我淨是其八也。或說為十。生死宣說無常苦空無我不淨涅槃宣說常樂我淨及與有義故合有十。或說十六。如涅槃說。涅槃有八常樂我淨真實善有。翻對涅槃生死亦八故有十六。廣則無量。今據一門且說六矣。就前生死五法之中。先教無常次教觀苦次教觀空次教觀無我後教觀不淨。明無常中是身無常生無常也。生分始起故曰無常。無常是老少健故曰無常。無力病也。病衰羸力故云無力。無堅死也。性不堅固易可滅壞。此龜無常。速朽法者是念無常。念念遷滅名速朽法。不可信者總結顯過。身相如是。世人謂常不可信也。就明苦中初先正辨。如此身下約智顯過。前正辨中為苦心苦。為惱病集。是身苦也。為惱外苦遠緣逼惱。病集內苦。就下約智顯過之中如此身者。瞋前苦身。道言智者所不怙者。諸佛賢聖明智慧人終不恃怙如此苦身。就明空中句別有十。前五別就五陰以論。如華嚴說。色如聚沫。受如水泡。想如野馬。行如芭蕉。觀識如幻。文中初言身如聚沫不可撥磨。是彼色陰。是身如泡不得。文應是彼受陰。是身如炎從渴愛生是彼想陰。炎謂陽炎。浮動相似野馬。故華嚴中說為野馬。身如芭蕉中無

有堅是彼行陰。如芭蕉樹葉相裏中無堅實行亦如是。諸心數法聚合成行中無性質。是身如幻從顛倒起是彼識陰。如世幻法依事妄起。心識如是依法妄起。後五通就五陰明空。於中前三約就所依因緣辨空。後之兩句就身體性無常顯空。就前三中是身如夢虛妄見者約就所依明身虛妄。此身依於妄識心起。如夢中身依睡心起。謂依七識妄心起也。是身如影從業現者約對所因明身虛假身從過去善惡業生。業如形質。身如影像。故取爲喻。是身如響。因緣者約對所緣明身虛誑。身從過去煩惱緣生。亦假現在父母精血飲食緣成。緣如聲形如響矣。就後兩句以性無常顯空。之。身如浮雲須臾滅者此句舉其分段無常以顯空也。是身如電念念不住以念無常顯真空也。就無我中句別有八前之五句約就四大以顯無我。後之三句。常相辨無。就前五中初四別約四大之喻以顯無我。後一總約四大之法以顯無我。就前四中是身無主爲如地者衆塵和合假以爲地。地雖昇持而無主宰。身亦如是。假衆法成。雖有作用而無主宰。是身無我爲如火者自實我體。自在我用。火得草木自在焚蕩。似有我用而無我實。衆生如是。雖有作用而無我實。是身無壽爲如風者相續名壽。風雖相續偃山移岳而無壽者。身亦如是。雖復相續從此到彼而無壽者。是身無人爲如水者享用名人。水雖汎潤而無人體。身亦如是。雖有作用而無人體。就下總中是身不實四大爲家攬大

成身。所以不實。大爲神宅故名爲家。上來約大明身無我。自下三句。常相辨無。是身爲空。離我我所明無我體。解釋有三。內外分別。約報名我。外境是我我家所有名爲我所。二就內總分別。五陰和合集成假人名之爲我。五陰是我我家所有名爲我所。三就五陰相望分別。說色爲我餘陰爲我所。說受作我餘陰爲我所。如是一切云何無我及我所。分別有三。一無橫計十六神我名爲無我。以無我故諸法便非我家所有名爲無我所。如毘曇說。二假衆生中無有我性名爲無我。假名法中無有定性名爲無我所。如成實說。第三假名人相令無名爲無我。假名相全無所有名爲無我所。此義如下觀生品說。今言如空離我所含此多義。此無我體。自下兩句明無我用。是身無知如草木等約就心法明無我用。現見有知云何言無。法有四重。一事二法三理四實。陰界入等事相分別。名之爲事。苦無常等諸法之數說以爲法。破相之空名之爲理。非有非無。如來藏性說以爲實。此四重中約初事門。其實有知。就法推求。知則無知。是義云何。一念之心具足四相。初生次住終異後滅。此四相中何者是知。若生是知餘三應非。若餘非知生亦應非。乃至滅相類亦同然。若使四相各別是知便是四念別知四法。何關一念具足四相。若使四相各別非知。四相和合方爲知者。非知共聚云何能知。如一盲不見雖伴衆盲豈有見理。又復四相無和合義。生相現時餘相未來。共誰和合。住相現時生相已

謝。餘二未現與誰和合。乃至滅相現時之時餘相已謝。復與誰合。是故進退都無合義。何處生知。就法如是。就理推求。法相尚無。知復安寄。就實以求。破相之理亦不可得。況法與知云何。直得。法若會有可對說無。由。未不有對何說無。是故亦無無相可存。此四重中今據後三故說無知。現見此身有動有止。云何無知。故復舉草木事類以顯無動。而無知事同草木不動。無知猶如瓦礫。是身無作風力轉者約就色法明無我用。進止施爲但是風轉。非是我作。無我如是。次論不淨句別有八。初之一句正顯不淨。後七更以餘義助顯。就初句中是身不淨。常相正舉。穢惡充滿釋以顯之。不淨有五。一種子不淨。是身過去結業爲種。現在父母精血爲種。二住處不淨。在母腹中生藏之下熟藏之上安置已體。三自體不淨。三十六物集成已體。四自相不淨。九孔常流。五畢竟不淨。此身死已。虫食成糞火燒成灰埋。爲爲土。究竟推求無一淨相。今言不淨穢惡充滿。即是五中自體不淨。餘略不舉。下以餘義助顯不淨。謂以無常苦無我等而助顯之。又苦無常空無我等不淨法故亦名不淨。於中初句以無常義而顯不淨。其次五句以其苦義而顯不淨。末後一以空無我而顯不淨。就初句中是身虛偽是性無常。因緣虛集而無性實名曰虛偽。虛偽無性說何爲常名性無常。此破常性。雖假衣食畢歸磨滅是相無常。前後遷變是無常相。破去常相無常爲體。身云何淨。次五以苦顯不淨。初中三

以其老病死苦而顯不淨。次一以其四大違苦而顯不淨。後一五陰生滅之苦而顯不淨。就前三中是身為災為一病惱是病苦也。一大不調百一病生。四大不調四百病同時俱作。今約一大且言百一。是身如丘井為老所逼是老苦也。高丘必類深井必滿有身必老。故取為喻。為老所逼約喻顯法。亦得名為辨法同喻。是身不定為要當死是死苦也。此前三竟。亦應說生苦。微故不論。如毒蛇者是其四大違損苦也。譬如四蛇盛之一篋共相違害。四大如是。盛一身饒性相乖反故取為喻。云何乖反。論地則堅而重。風則動而輕。水則濕而冷。火則熱而燥。故曰相反。如怨賊者是其五陰生滅苦也。何故五陰說為怨賊。人皆樂住。而此五陰共相摧滅違反人情。故名怨賊。以能相害經中亦說為旃陀羅。是義云何。於五陰中識陰始生想來摧滅。想陰始現受來摧滅。受陰始起行來摧滅。行陰始生識復摧滅。想於色陰中根用相代生滅相功。故名怨賊。苦想如是。以苦為身。身云何淨。言如空聚陰界諸入共合成者以空無我顯不淨也。上來別教。言諸仁者此可患厭結勸令厭。上教生厭護煩惱行。下教生欣護小乘行。於中有二。一約自行。教求佛身護彼小心。二欲得佛身斷生病下約就利他教求菩提護彼狹心。前中復二。一勸求佛果。二從無量功德生下明果由因勸修佛因。前中初言常樂佛身舉果正勸因。聲聞厭有則求取滅。菩薩異彼故須樂佛。下釋勸意。所以者何。微前起後。所

以勸汝求佛者何。下對釋之。佛即法身故須樂之。有人見佛示同有為疑不可求。為遮此意故說佛身即是法身。為是須求佛具三義。廣如別章。今言法身是佛報身。說從無量功德生故。以佛一切功德法成故名法身。就下明果從因生中初從無量功德生者總以標舉。從戒下別。下從如是無量淨法生如來身總以結之。就初總中言從無量功德生者報身本無。方便修起故從德生。德別眾多故曰無量。別中有二。一從教行生。二從真實下從證行生。就教行中初先別論。從斷一切不善法下總以結之。別中有四。一明行因。二從六通下明其行果。三從三十七品下明其道因。四從十力四無畏下明其道果。就初段中文別有四。初從戒等是自利行。其戒定慧解脫知見餘處名為五分法身。義如別章。今且釋名。防禁名戒。住緣稱定。觀遠名慧。此三相因從斯得果。果絕羂絆說為解脫。謂心解脫慧解脫等。於已解脫時照知顯了名解脫知見。此五猶是戒定慧三行所攝。初一是戒。次一是定。後三通攝皆是智慧。二慈悲等是利他行。此前一對三布施等復明自利。施戒忍進四種可解。就禪度中禪是四禪。定者是其四無色定。言解脫者謂八解脫。言三昧者謂三三昧。就波若中多聞教智智慧理智亦名證知。上來別論諸波羅蜜總以結之。四從方便生復明利他。謂方便智。此復一對上來行因。六通三明是其行果。言六通者身通天眼天耳他心宿命漏盡是其六也。言三明者宿命

天眼及以漏盡。亦如別章。從三十七道品生從止觀生是其道也。十力無畏十八不共是其道果。四無畏義此應具釋。此三皆是十地中得。是故從之得生佛身。上來別竟從斷一切不善法生集一切善法生總以結之。上來教行。下明證行。從真實生是所證理。如來藏性是其真實。此佛正因故佛從生。從不放逸是其能證。妄情浮蕩名為放逸。證實除捨名不放逸。此即般若不放逸根。前總次別。從如是法生如來身總以結之。前約自行教求佛身。下約利他教求菩提。是故告言欲得佛身斷生病者當發阿耨三菩提心。前明諸人皆往問疾。次為說法下明說益。長者維摩為問疾者而為說法。令無數人發菩提心。

維摩義記卷第一末

## 維摩義記卷第二本

沙門慧遠撰

弟子品者此品之中命聲聞弟子問疾。良以聲聞學在佛後故名為弟。從佛化生故復稱子。從其所告以題章目名弟子品。次隨文釋。於中略以三門分別。一對上生起以釋來意。二對後科分。三依文正解來意如何。兩義釋之。一約序義釋其來意。二就正宗以解來意。言約序者曲復有二。一就佛以釋。前品維摩現病起發。維摩現病原為起說須佛影響故。從此已下如來告問起彼所說。所告



相監。是安義宴是默義全別。今彰宴矣。下出呵辭。所以須呵爲使舍利捨小舉大并利餘人。於中初言維摩來謂總以標舉。言告稱謂不別顯之。先呵後教。唯舍利弗不必是坐爲宴坐者是呵言也。唯是敬辭。舍利出家。維摩在俗。俗須敬道。是以言唯。下悉同然。勝坐未彰未可全非故云不必。下出教辭。於中先舉次教後嘆。夫宴坐者是總舉也。夫是語端此舉菩薩勝坐之法。下別教示。於中六句。相從爲四。初句爲一教離凡行捨相證寂。次二爲一教離小行即寂起用在淨恒樂。次一爲一重教離凡。捨證寂。後二爲一重教離行在染淨。就初句中不於三界現身意者欲色無色是其三界。凡夫在於欲色兩界受色形果名爲現身。在無色界受心法果說爲現意。菩薩了知三界虛妄但是心作。證實除捨無處可在。爲是不於三界地中而現身意。是爲結之。次兩句中初句依定即寂起用。後句依慧。在淨恒樂。就初句中不起滅定現威儀者滅定是其九次第中滅盡定也。滅盡心想名爲滅定。義如別章。此應具論威儀是其四威儀也。行住坐臥是四威儀。聲聞滅定捨四威儀菩薩常現。何故而然。聲聞威儀事識心起。入滅定時事識心滅。故捨威儀。菩薩威儀起處有三。初則依於事識心起。次則依於妄識心起。終則依於真識心起。如實三昧法門之力自然而現。如如意珠無心分別能雨寶物。三種心中前二無常。滅定能滅後一常心滅定不滅。其所滅者在滅定時不起威儀。其不

滅者雖在滅定常現威儀。今據後義以教舍利。是故說言不起滅定而現威儀。不捨道法現凡事者聖慧是道。煩惱業等是凡夫事。聲聞在道捨凡夫事。菩薩常現。何故而然。聲聞之人未得法空。見煩惱等有而可畏。斷已入聖。故得聖已不能現前。菩薩窮空知有如幻。在而不畏。故常行攝化衆生。所以不捨。故下文說行非道爲通佛道。又復菩薩證入緣起三昧法門。法門力故自然普現共凡夫事。如涅槃說。大般涅槃能建大義。即其事也。聲聞之人未得此法所以不能。次一句中心不住內亦不在外爲宴坐者六根是內六塵名外。凡夫心識依於六根增上緣生名爲住內。依於六塵緣緣而起說爲在外。菩薩不爾。知根與塵妄想心起如夢中根夢中塵。心外無法。以知無故。離不起。不復依之集起心識。故不住內亦不在外。故下文言不念內外行於平等。又復妄心是無常法六識並起。始起之心必有依託。所託中強者名根弱者稱塵。真心常住無所依託。以無依故不可宣說強根弱塵。今教舍利捨妄取真故。不住內亦不在外方爲宴坐。後兩句中初句明其現起見惑而行聖道。後句明其現起修惑而證涅槃。就初句中於諸見不動而修行三十七品爲宴坐者五見之心名爲諸見。身邊邪見戒取見取是其五也。菩薩隨化常現。超之名爲不動。以不離故。故下文言八萬四千諸煩惱門。而諸衆生爲之疲勞。諸佛以此而作佛事。雖現起之內心恒止。故常修行三十七品。不斷煩

惱入涅槃者隨化現起貪瞋癡等名爲不斷。內心恒寂名入涅槃。是爲結之。此等諸行。難言方成故名爲宴。聖所安處說之爲坐。上來別教。若能如是所印可嘆勝令學。上舉呵辭。時我世尊聞是默止不能加報中己卑顯彰已不及。此語順於外國語法。順此應言世尊我時間是默止不能加報。前辭次釋。故我不任結已不堪。次告目連令往問疾。目連。性字拘律陀。父先無子從拘律陀樹神求得。因與立稱。名律陀。是王舍城輔相之子。先與舍利同事那若。心專求道而無所得。設謂無道。那若垂終病中微嘆。二人請問。師何所嘆。那若答曰。吾念世人恩愛所縛。其南天竺金地國王身喪火殞。夫人戀憶投火而死。吾爲之嘆。二人私記。那若死後有諸商人金地國來。二人訪問如那若語。二人便言師定得道。但我非人遂共要契。若有所得必相告語。爲要之後佛始出世。頹韓比丘入城乞食。舍利見其進止異常知有勝師。待乞迴還舍利便問。汝師是誰。頹韓答言是大沙門。重問汝大沙門何所宣說。頹韓答言諸法因緣生大沙門所說。諸法因緣滅大沙門所說。舍利問之豁然悟解。即於言下道證初果迴至本處。目連遙見即知有得尋便問之。舍利還以所聞具答。目連聞之亦悟初果。二人因即投佛出家。徒衆二從往至佛所並得羅漢。目連於佛弟子之中神通第一。今命問疾。於中先告後辭不堪辭中初總所以下釋是故下結。初總了知。釋中所自微起後。下正辨釋。於中有四。一舉





言論名畢竟空。上來就陰明法離相。自下第二就十八界明法離相。六根六塵及以六識是十八界。文中句別有其十九。初之一句明人無我。後十八句明法無我。就初句中法無我所正明理無。明真法中無我及所義如上解。離我所故釋以顯無。法空中句雖十八相從爲三。初有六句明六根空。法無動下五句之文明六識空。法離好下七句之文明六塵空。初六句中前三破相。後三即實就前三中初句約識以明根空。第二得塵以彰根空。第三約自而顯根空。就初句中法無分別正明理無。於真法中無有六根生識了塵名無分別。離諸識故釋以顯無。於事分齊六根生識真中無此名離諸識。以離諸識故無分別。第二句中法無有比正明理無。根塵相對名之爲比。真中無此名法無比。相待者無釋以顯無。以無根塵相形待故說爲無比。第三句中法不屬因正明理無。於事分齊根從因起與因作果名爲屬因。真中無此名不屬因。不在緣故釋以顯無。親生名因疎助稱緣。有緣可在則可對之說其屬因。無緣可在知復對何說爲屬因。亦可緣者因之別稱。言不在緣當知猶是不在因矣。不能重言彰不在緣。生不離緣因之爲在。真不假緣故曰不在。不在緣故不屬因耳。後三句中約如法性實際三藏以顯即實。此三何異。於真法中空名爲如。有名法性。非有非無說實際。真云何空。離相離性。云何不容。具諸佛法。云何復名非有非無。有無同體。此如法性實際之義廣如別章。此應具

論。所顯真法共此三門同體義分。故得以法即如法性實際等也。就初句中法同法性當相正辨。如來藏中一切佛法名爲法性。所辨真法與彼一體。一而不異故說爲同。法性云何而說同乎。法性清淨常恒不變。所辨亦爾故說同矣。入諸法故釋以顯同。入猶順也。順諸法性故名爲同。此一體法云何名順云何名入。體性雖一義門恒別。義別體同故得云入。下皆同爾。第二句中法隨於如當相正辨。不異如義。法界雖別空理不異故說爲如。所辨之法順彼如理故名爲隨。此與如一何得言隨。義如前解。門別義同故得說隨。前同此隨言左右耳。無所隨故釋成隨義。以於有法無有隨故。隨順如也。第三句中法住實際當相正辨。際謂際畔處之別稱。窮實之處名爲實際。所辨真法即於實際名之爲住。前隨此住言左右耳。諸邊不動釋成住義。不爲有無二邊傾動故住實際。其次五句明識空中前二破相後三即實。前兩句中初約塵以明識空。後句正就識體明空。就初句中法無動搖正明理無。六識之心往來取塵名爲動搖。真法常住不同於彼名不動搖。不依六塵釋以顯無。不同六識六塵生故無動搖。就後句中法無去來正明理無。六識之心三世流轉名爲去來。去是過去來是未來。真法不爾故無去來。常不住故釋以顯成。現在名住。若使真法會住現在故可對之說去說來。法無現住。知復望何說去說來。此二遣相。下三即實。即三脫門。三脫之門義如後解。法順空者順空門也。隨無相者隨無相門。應無作者應無作

門。前順次隨後說其應。綺亦言耳。亦以真法與此三門義異體同故得說順說隨說應。就後七句明塵空中初有四句。正就塵體以說其空。次有一句。約根辨空。次有一句。復說塵體以明其空。末後一句約識論空。就初四中法離好醜明離塵相。於事分齊塵有美惡名爲好。惡爲名醜。真法無此故說爲離。法無增損明離塵。法用。順益名增遠。總稱損。真法離此名無增損。法無生滅法無所歸明離塵體。六塵之體有起有盡說爲生滅。屬人曰歸。真法無此故無生滅。亦無所歸。此一分竟。法過眼耳鼻舌身心約對六根以明塵空。於事分齊六塵是其六根所行不名爲過。真中無塵根等不及故名爲過。此兩分竟。法無高下還就塵體以辨其空。於事分齊塵有勝劣。上地塵勝名之爲高。下地塵劣說以爲下。真法離此故無高下。常住不動釋無高下。此三分竟。法離觀行約識辨空。於事分齊塵爲識緣不離觀行。於真法中無塵可緣。是故名離一切觀行。上來別教。法相如是豈可說者以理反責。牒前所辨名法如是。名相但絕心行亦無豈可宣說。上來得就所說以教。下次約就能說以教。於中先教離四種心。然後說下結勸宣說。何者四心。一教除見心。二當了下教離癡心。三以大悲不教捨小心。四念報恩下教遠凡心。初句之中教令遠離我人之報名除見心。於中初先法說以教。夫說法者無說無示明無說人。將言對法名之爲說。以言對人目之爲示。於理實無名無說示。夫聽法者無得明無聽人。以聽對言目之爲聞。將



聽對法說以爲得。於理亦無名無聞得。次以喻顯。譬如幻士喻無說人。爲幻士說喻無聽人。當建下勸。第二句中教知根法然後起說名離癡心。當了衆生根有利鈍勸知根也。以前目連說不應機故勸了根。善於知見所望。破勸知法也。以前目連言不當理故勸知法。第三句中教修廣心。教生大慈名捨小心。以大悲者教修廣心。廣念衆生名爲大悲。讀于大乘教生大心。以心大故稱讚大乘。第四句中教離魔業外道邪學名遠凡心。念報佛恩教離魔業。依佛法而得利益。及欲加損名背佛恩。菩薩番彼念欲護法名報佛恩。不斷三寶教離外道外道習邪。乘達正法名斷三寶。菩薩番彼自求正法轉教他人能令三寶相續不絕。是故名爲不斷三寶。上來別教。然後說法總以結勸。上來第二明教呵辭。第三教益。第四目連自中卑闕。文顯可知。前辭後釋。是故不任總結不堪。前對舍利明不住法。次對目連明其證法。下對四人明助行法。於中初對迦葉須菩明乞食行攝功德法。後對富樓及迦旃延明入法行攝智慧法。就前二中初對迦葉明乞食法。後對須菩明取食法。就後二中初對富樓明起行法。後對迦旃延明生解法。所辨如是。先告迦葉令法問疾。迦葉是姓。字摩訶波羅耶檀那。此翻名爲大施先矣。摩訶是大。檀那是施。波羅耶者名之爲先。是王舍城波羅門種家極富。婦名婆山其人昔於遊葉佛時作薄像師時有一女。時一金剛。倩此像師修營佛像。由斯福善恒相逢

遇。今值佛世還爲夫婦。身並金色。在俗無欲。同皆出家齊得羅漢。其中委曲事如經說。迦葉即於佛弟子中頭陀第一常行乞食。今命問疾。於中先告汝行問疾。迦葉衆多將大以標。下辭不堪。於中初總以下釋是故下結釋中所以自微起後。下對辨釋。文別有三。一舉昔日被呵由緣。二時維摩下出被呵辭。三時我世尊聞說是下自彰卑闕顯彼難敵。初中憶昔舉被呵時。於貧里乞出被呵事。迦葉立意。立憐其貧者無有福善現受貧。總。今受其施欲令當富。故貧里乞。由斯不等故後被呵。自下第二維摩教呵。何故須然爲使迦葉棄小學大是以教呵。文中維摩來謂總舉下別顯之。別中先呵。住平等法應次行下是教辭也。呵中初言有慈悲心而不能普是正呵也。捨富從貧出。不普不普事。又復前句有慈不普達於菩薩等慈故呵。捨富從貧違頭陀中次乞故呵。教中有三。一正教。乞食。二名乞心。二以空聚下就乞食時教妨過儀。三者若能捨八邪已下就乞食後教生道法。前中四句準事不次。次而論之。行乞爲始次乞第二取爲第三受爲第四。但今文中爲欲次乞教令利他故在先論。行乞與後取之爲受同教自利。故迴後說。又得次乞教捨二乘居使之過故在先論。行乞與後取受二事同教捨凡生死之過。故迴後說。初次乞中住平等法教修等心。番前有慈而不能普。應次行乞教修等行。番前捨富從貧里乞。後三句中斯教自爲言有隱顯。初句爲離生死之緣須

行乞食。第二爲斷生死之因須取捨食。第三爲捨生死之果須受彼食。就初句中爲不食故應行乞者食是身緣。得淨法身方能捨遠。彼淨法身要修捨世資生之業。乞食資身行道方得故爲不食。須行乞也。第二句中爲壞和合應取食者因能聚果名爲和合。內證真道方以永離。其道必由捨世資生。從他取食資身起行方能證會。是故爲壞和合之相應取捨食。自從他求。爾時名取。爲不受故應受食者不受生死有爲之果名爲不受。不受唯佛。佛果。二由捨世榮生。從他受取資身起道方能剋證。故爲不受。須受彼食他與領得方名爲受。自下第二教防過儀。以空聚想入聚落者就入聚時教離人想。觀聚無人故名爲空。入聚多起男女等結故教修空。所見色下就行乞時教離法想。於乞食時多於六塵而生諸結。故教防離。然此文中於六塵境治法各異。於色塵境教觀根空而爲對治。於聲塵境教觀境虛而爲對治。於香塵境教觀類龜事而爲對治。於味塵境教離取心而爲對治。於觸塵教離能取及所取事而爲對治。於法塵境教觀境空而爲對治。立從皆得爲約此六教人多治顯隱異論。初言見色與盲等者盲人無根於色不著。行者應爾。觀眼體空同盲無根於色不取。故下文言若知眼性於色不貪不著不礙。除亦應然。言所聞聲與聾等者聾無耳無可貪取。觀聲似彼虛假無實無可貪取。除亦應爾。言所嗅香與風等者風事淨龜人多不著。觀香似彼莫生貪著。餘皆應然。

○乘二正 ○中二事 ○法二住 ○臣二互 ○遊二迦 ○[立]一力 ○總二苦 ○[不普]一力 ○二二亦 ○  
妨二防 ○觸塵十(城) ○無十(寶) ○

言所食味不分別者標杓無心雖在諸味不生分別。行者應爾。當如標杓除去心想莫生分別餘悉應爾。言受諸觸如香證者智證法時不見己心以為能取。不見前境以為所取。行者應爾。知身體空無其能覺。亦觀境空無其所覺。故如智證餘亦應然。知法如幻無自他性教觀性空。幻無定性諸法像此。幻法無體名無自性。此幻法中亦無妄計我人等實名無他性。本自不然今亦不滅教觀相空。如彼幻化因緣法相畢竟空寂何但無性。相亦不有。以無相故無法可生。故本不然無法可盡故今不滅。又如如幻明法非無。無自性等顯法非有。無自他性明非性有。本自不然今亦不滅明非相有。義如前解。又復知法如幻相者明知世諦。無自性等明解真諦。無自他性性空真諦。本自不然今亦不滅相空真諦。亦如上釋。觀法既然餘應類爾。上來第二於乞食時教防過儀。自下第三就乞得後食用之時教生道法。句別有十。前之三句正教起道。中間五句彰益勸為。末後兩句嘆勝勸學。就前三中初二教起利他之行。後一教修自利之行。復前二中不捨八邪入八解脫約因以教。聲聞獨善故捨八邪入八解脫。菩薩兼利隨物現同故不捨八邪入八解脫。言八邪者番八正說八邪。邪見邪思邪語邪業乃至邪定。言八解者一義名彼八正之道為八解脫。彼八與邪正相番故。亦可名彼內有色相外觀色等為八解脫。修彼能治貪食過故。故下文言佛說八解仁者受行。豈難欲食而聞法

乎。故教人中言以邪相入正法者約果以教。邪相世間正法涅槃聲聞獨度捨邪入正。菩薩兼益隨物現同。不捨世間而證涅槃故不捨邪入正法矣。上教利他下教自利。言以食施一切者下施眾生。施有二種。一施令食。二以食施之。共將奉佛及眾賢聖為是須施。供養諸佛及眾賢者上用奉聖。作決定意勿得隨冥。為此施竟然後自食。上來三句正教起行。次下五句彰益勸為。初有兩句。就上初句不捨八邪入八解脫以明彼益。如是食者膝前起後。下就論益。非有煩惱非離煩惱約慧辨益。非入定意非起定意約定彰益。以前不捨八邪義故非離煩惱非入定意。於八邪中有邪見故非離煩惱。有邪定故非入定意。以前入於八解義故非有煩惱非起定意。以八解中有正見故非有煩惱。有正定故非起定意。次有一句。就前第二邪相入正以明證益。非住世間是前文中入正法也。非住涅槃是前文中以邪相也。下有兩句。就上第三食施一切供諸佛等以明修益。其有施者膝前一食施於一切供佛及聖。下就論益。言無大福無小福者就因辨益。以等施故無有偏施。凡夫小福亦無偏施。賢聖大福。言不為益不為損者約果辨益。以等施故無有偏施。持戒之益。施破戒之損。上來彰益。下嘆勝勸令人習學。於中兩句。初言是為正入佛道不依聲聞。前三句中結嘆初二不捨八邪入八解脫以邪入正。行無偏著上順佛德名正入道。不同聲聞捨邪取正。所以不依。為不空食人之

施者結嘆第三施以一食施於一切供佛及聖。生福廣大故不空食人之施也。自下第三自彰卑闕顯彼難敵。於中四句。一彰已昔日聞法欣慶得未曾有。二即於下明已聞說準此類餘。乘於一切菩薩深敬。三復作念下彰已昔日。教嘆維摩斯有在家俗人之名。辨才智慧乃能如是自在無礙。四其誰下明已因是慕大厭小。其誰不發三菩提心是慕大也。從是不復勸人聲聞辟支佛行是厭小也。前辭大釋。是故不任總結不堪。次告須菩提令往得疾。外國正名為須浮帝。傳者音殊名須菩提。其須浮帝此名善吉亦曰空生。初生之日家物悉空故名空生。其人於佛弟子之中解空第一。又傳無諍三昧亦勝。今命問疾先告後辭。辭中初總次釋後結。釋中所以自徵起後下對釋之。於中有四。一舉已昔日被呵由緣。二時維摩下出被呵辭。三時我世尊聞此茫然不識已下自申已闕彰彼難敵。四說是法時二百天子得法眼下載呵利益。初中憶昔舉被呵時。入舍乞食陳被呵事。自下第二維摩教呵。何故須然。為益須菩提淨二百天子法眼故須教呵。於此之中維摩初先取鉢盛飯。後正呵詰。何不直呵乃先取鉢盛滿飯乎。此有三義。一取其鉢為盡言論。若不取鉢彼得切難喜畏捨去。故須取鉢。雖取其鉢。下須菩提猶欲捨去。說令不取。二若不盛飯望直設難相涉慳過。為拂此迹故先盛飯。三欲寄食以興言端故先取鉢盛滿飲矣。下正呵之謂我總舉唯下是別。呵意如何。釋者不同。

若如生公肇公所釋。要須菩提證空平等上齊佛下等凡乃可取食。若依什公釋顯難意。要須菩提證空起用上等諸佛下同凡夫乃可取食。又人復言微須菩提令入法界緣起淨門。上同諸佛亦入法界緣起染門。下同凡夫乃可取食。若當準彼樂瓔珞經難意全別。今應同彼。彼經如何。其須菩提夜夢。如來以金色手而摩其頂。曉問如來。佛時答曰。汝於今日當得聞於未曾聞法。其須菩提聞是語已。入城中乞食。城中一女身佩瓔珞伎樂自娛。因以呼之為樂瓔珞。其須菩提過至其家。是女遂取須菩提鉢。盛滿飯已執鉢未還。問須菩提。汝何故乞。為有我想命想人想而乞耶。須菩提答。我無我想命想人想。是女復問。若無此想為何乞食。須菩提答。諸佛世尊亦行乞食。何獨見責。是女對曰。佛目無我想。須乞但為物。云何為乎。彼中具辨為二十事故行乞食。汝同彼耶。須菩提言。我未同佛。是女復徵。自無我想便非自為。未同如來復非為他。為何乞食。其須菩提默然無對。維摩今此責相似彼。凡難聲聞乞食所為必用此法。離道更無。故今維摩還用此理微須菩提。其乞食者無過自為無過為他。自為凡夫。其為他者謂佛菩薩。若同此二乃可取食。其須菩提自付無此兩種所為。取食莫由。故下置鉢而欲捨去。難意如是。文中有二。一約佛設難。若同諸佛乃可取食。二若須菩提不見佛下約凡設難。若同凡夫乃可取食。前中合十一句文。初之一句微令同佛證空平等乃可取食。後

十微令。問佛成就解脫之德乃可取食。就初中於食等者諸法亦等將食類法觀食體空名為食等。以此類餘名法亦等。言諸法等食亦等者以法類食觀諸法如名為法等。以此類食名食亦等。如是行乞乃可取者結聽取食。就後十句微令同佛解脫德中前九是別後一總結。就前別中初之七句約行以徵。後之兩句約人以徵。復前七中初五斷德。後二行德。復前五中初之三句是煩惱斷。次一業斷。後一苦斷。煩惱斷中初二見惑。後一修惑。見惑之中初鈍後利。鈍中不斷姪怒癡者是佛不住無為行也。姪者是貪。怒者是瞋。癡是無明。隨化常起故曰不斷。此即是。不行遠通道。亦即是下八萬四千諸煩惱門。而諸衆生為之疲勞。諸佛以此而作佛事。又二即是地經之中發起勝行。涅槃經中佛非無偏常行遍事。問曰此行為是佛作為是他見。釋言據情。佛無心作。他見我為。就能是佛所作。佛作有二。一是三昧法門力現。如涅槃說大般涅槃能建大義納紀生子種種示現。亦如華嚴善財所求一切法門悉能示現如是等事。二修力故現。佛以過去大悲願力亦以發起殊勝行力。雖無心想自然能現。是二相須。云何相須。法雖能起必假修。如似火珠雖能出火見日方生。亦如水珠雖能出水見月方出。此亦如是。故涅槃云異法有故異法出生。異法無故異法滅壞。修雖能起必依法。如聲依谷方能發響。如形依鏡方能生像。此亦如是。修力所現即是報應。法力所現即是法應。

一門既然。餘門率爾。亦不與俱是佛不住有為行也。證實返望由來不有。無法可在名不與俱。非是有法捨而不俱。後利中不壞身者還是不著無為行也。現行身見而不捨離名不壞身。而隨一相還是不著有為行也。理如一相行證名隨。此約見惑以辨解脫。下約修惑。不滅癡愛還是不住無為行也。無明住地名之為癡。欲愛色愛有愛住地說以為愛。隨化現行故曰不滅。起明脫者還是不著有為行也。明是慧明翻對前癡。脫道心脫翻對前愛。由。斷故起於慧明。明即慧脫。由離愛結故起心脫。此約煩惱明解脫德。下次得業。以五逆相還是不住無為行也。殺父殺母殺阿羅漢破和合僧出佛身血是其五逆。此背恩及違福田故說為逆。殺父殺母背恩故逆。後三違於福田故逆。廣如別章。此應具論。隨化現起名五逆相。如調達等諸業皆起以此五逆。重故偏說。重尙為之輕不待言。而得脫者還是不住有為行也。永絕業羂名得解脫。此句約業明解脫德。不縛不解約對苦報明解脫德。同前說。亦不為生死苦報所纏名為不縛。隨化現受稱曰不解。上來約斷明解脫德。下約智。從智有因果。不見四諦非不見諦約因以論。示有見疑不觀諦理名非見諦。內實覺了名非不見。斯乃地上通名見諦。非得果者約果以說。此言略少。準前應言非得果非不得果。且舉一邊。名佛為果。不捨一切菩薩所行故非得果。實證菩提故非不得。今略不辨。上來七句約行以徵。自下約人。言非凡

夫非離凡者內備聖德故非凡夫。現行凡事

化衆生故非離凡法。言非聖人非不聖者現

爲凡愚化衆生故名非聖人。內具聖德故非

不聖。上來別微。雖成一切而離諸法總以結

之。隨別難盡故須總結。此等皆是佛菩薩德。

微令同之。乃可取食總結應受。具前德者乞

必爲他故可取食。自下第二約凡設難。明同

凡夫自爲而乞乃可取食。於中初明同諸外

道乃可取食。住八難下同餘凡夫乃可取食。

爲與衆魔共一手下同衆魔乃可取食。前

中有二。人同外道違佛法僧無行方便乃可

取食。二若須菩提入邪見下同外道無解脫

行乃可取食。前中先令違背三寶後結可取。

若須菩提不見佛者明同外道違離佛寶。不

聞法者違離法寶。彼外道下違離僧寶。同諸

凡夫外道爲師故離僧寶。於中初明外道爲

師。次明須菩提從之出家。後明須菩提隨之墮

落。前中初言外道六師總以標舉。彼外道中

有六種人各別立見說爲六師。次列其名。富

蘭那迦葉是第一人。迦葉是姓。富蘭是字。此

乃是其空見外道。末伽利拘除梨子是第二

人。末伽是字。拘除母名。將母以別名拘除

梨子。此常見外道。刪闍夜毘羅膩子是第三

人。刪闍是字。毘羅母名。將母以別名毘羅膩

子。此一因見外道。亦得名爲苦行外道。宣

說衆生受苦受樂皆由往因不藉現緣。往業

未盡不得解脫。多受苦行酬其往業。往業既

盡便得解脫。何者多超舍欽婆羅者是第四

人。何者多超舍是其字也。欽婆羅者是其種

。鉢被此爲衣就之以標名欽婆羅。此自然見

外道。說一切法自然而有不從因緣。此涅槃

中納衣之即師。迦羅鳩駄迦旃延者是第五

人。迦羅是字。迦旃延是姓。此是自在天因外

道。說自在天爲衆生因。衆生由之受苦受樂。

尼乾陀若提子者是第六人。尼乾是字。若提

母名。將母以別名提子。此不須修外道。說

諸衆生於未來世過八萬劫自然解脫。譬如

轉縲。統於高頂縲盡自止。上來別列。下明此

六與之爲師。此初句竟。次明須菩提因其出家。

後明須菩提由之墮落。外道邪見造作邪業墮

墮三惡名彼師。須菩提學之亦墮三惡名汝

隨墮。可乃取食結聽令受。世間違背三寶之

人爲身求食。汝若同之爲身求食乃可取食。

上來明其違背三寶無行方便。若須菩提入

諸邪下明同外道無解脫行。入諸邪見明無

道因。不到彼岸明無滅果。亦應結言乃可取

食。文中略無。上來第一明同外道乃可取食。

自下第二明同餘凡乃可取食。於中五句。前

三同凡無自利行。後二同凡無利他行。就前

三中住於八難不得無難。無道方。八難如上。

同於煩惱離清淨法明無道體。同惱有彰。

離淨無治。汝得無淨一切亦得明無道果。此

返言耳。若正應言一切衆生不得無淨汝亦

不得乃可取食。然此返言與下文若勸勒

得菩提一切衆生皆亦應得其言相似。以何

義故爲此返微。彼須菩提乞食似凡。汝乞似

凡得無淨定。一切衆生乞食似汝亦應得之。

凡乞似汝不得此定。汝乞似凡亦同不得。乃

可取食。何者是其無淨三昧利根羅漢凡所

施爲。常豫觀察欲界衆生未起煩惱起意將

護不與其競名無淨定。故離心云云。緣欲未

生恒依不動智慧。下二同凡無利他中其施

汝者不名福田無善益他。世間罪人供之無

福。供汝似彼。不生功德名非福田。供養汝者

墮三惡道有惡損他。世有增上造罪衆生。有

人樂惡愛其所作而供養之墮三惡道。供汝

似彼墮三惡道。及可取食。上來第二明同餘

凡乃可取食。自下第三明同衆魔乃可取食。

於中初先微令同魔後結聽取。前中有八。初

四同魔有損他行。後四同魔有損己行。就前

四中爲與衆魔共一手者明同魔業。魔專壞

亂作業同彼名共一手。中間兩句明同魔。人

作諸勞侶與魔爲伴。魔能勞亂名之爲勞。與

彼爲伴名作勞侶。汝與衆魔及諸魔勞等無

異者自身作魔。魔是魔王。諸魔勞者是共魔

民義如前。衆衆衆生故說爲魔。身皆同之名

等無異。於一切生而有怨心此之一句明同

魔心。於一切生欲壞其善名有怨心。上來損

他。自下四句明同諸魔有損己行。誘佛毀法

不入衆數。此之三句違背三寶明無道因。終

不得滅明無滅果。上令同邪。如是行乞乃可

取食總結聽受。具前過者須爲身乞。汝若同

之乃可取食。上出呵辭。自下第三中已卑闕

顯已不及。於中初先彰已被難茫然不解捨

鉢欲去。後彰維摩安慰令住。就安慰中取鉢

勿懼總勸捨怖。下別安慰。別中有二。一舉化

人類須菩提明無能畏。二所以下將其化法

人二一〇 鉢二〇 之〇 名十(若)〇 執二九〇 明〇 十無道 〇 二障〇 〇 云一〇 人二身〇

須菩提。大須菩提以理正答。下維摩詰取其  
所答類。菩提後勸捨畏。就初問中隨須菩提  
意解以問。於意云何問其意解。於汝意中所  
解云何。如來作化以是事語寧不者舉事正  
問。何故偏言如來化人。如來辨勝難辭可畏  
爲是偏舉。佛辨難當。以其化人無心想故無  
真實故。用前難辭而難。語之畢竟不畏。故今  
反問。寧有懼不我言不也須菩提正答。化人不  
畏故曰不也。下取所答類須菩提。言一切法  
如化者。況舉諸法類同化人。言一切法皆如  
幻化明須菩提亦同化矣。汝今不應有所懼  
者結勸捨畏。知身如化無能畏者故不能懼  
自下第二明已難辭。問如幻化明無畏所以  
者何徵前起後。所以向前勸汝取鉢勿懼者  
何。下對釋之。句別有五。初一切言說不離是  
相明言如化。不離向前幻化相矣。道言一切  
言說不離即顯向前難辭亦然。二至於智者  
不者文下明於難辭。不應生畏此名菩薩以  
爲智者。良以智者知言如幻故於文字不著  
不懼。舉彼智者於文字中不著不懼。今須菩  
提同彼智者於前難辭不著不畏。三何以下釋  
前智者不著所以。先徵後解。文字性離爲是  
不著。文字體空名爲性離。四無有文字即真  
脫下會前文字性離之義即真解脫。名前性  
離爲無字文。真解脫處絕離言辭。故無文字  
即真解脫。五解脫相者即諸法也。以真解脫  
即一切法皆離文字。皆離文故悉不可畏。此  
第三竟。自下第四明維摩詰教呵利益。二百  
天子法眼淨者入見諸道名法眼淨。由聞前

說證入初地見法顯了名法眼淨。非小乘中  
得法眼淨。前辭次釋。故我不任總結不堪大  
告富樓令往問疾。其富樓那是其字也。此翻  
名滿。彌多羅尼是其母名。此翻名慈。將母以  
別名彌多羅尼子。其人於佛弟子之中說法  
第一。如法華說。故。今今之今往問疾。先告  
後辭。辭中還初總辭不堪。次釋後結。釋中所  
以自徵起後。下正辨之。辨中有四。一舉本昔  
被呵由緣。二出被呵辭。三時維摩入三昧下  
彰其巧化。四我念聲聞不觀人下申已卑闕  
以小自責。就初段中憶念我昔舉被呵時。於  
大林中出被呵處。爲諸新學比丘說者彰被  
呵事。說何等法。總知說小不知小中說何等  
法。自下第二明教呵辭。何故須然。爲益富樓  
并令比丘捨小求大所以教呵。文中維摩來  
謂總舉。下別顯之。別中有四。第一呵其違欲  
說法。二汝不能知衆生根下呵達根說。三欲  
行大道莫示小下重就第一呵達欲說。四此  
比丘久發大下重就第二呵達根說。初中四  
句。兩句教。兩呵。初言先當入定觀心然後說  
者教觀欲說。二無以穢下呵達欲說。約喻呵  
之。無謂勿也。以猶用也。小乘之法如似穢食。  
比丘大欲事同寶器。勿用小乘穢弊法食投  
於大乘樂欲寶器。三當知下教知欲說。觀始  
知終故復教之。比丘念大汝須知之。四無以  
下呵達欲說。約喻呵之。比丘大欲。以似瑠  
璃。小乘小欲事同水精。勿將餘人水精小欲  
同此比丘瑠璃大欲。此初段竟。第二呵其違  
根說中汝不能知衆生根原呵不知根。勿得

發下遮其授小。無得發起以小乘法法說以  
遮。彼自無創勿傷之也喻說以遮。彼諸比丘  
大根完具名爲無創。教小侵損目之爲傷。遮  
抑不聽故言勿傷。第三重呵達欲說中約喻  
以呵。於中三句。欲行大道莫示小徑是一呵  
也。比丘求大名欲大道。小法。卷狹如似小  
徑。求大教小理所不應故云莫示。無以大海  
內於牛跡是二呵也。比丘廣欲如似大海。小  
結狹淺事同牛跡。安心住法目之爲內。此亦  
不應故言無以大海內於牛跡。無以日光等  
彼螢火是三呵也。比丘大欲如似日光。聲聞  
小欲事若螢火。將大同小理所不合。是故呵  
言無以日光等彼螢火。第四重呵達根說中  
言此比丘久發大心中忘此意舉彼大根。如  
何以小而教導之呵其授小。我觀小乘智慧  
微淺猶如盲人不能分別一切衆生根之利鈍  
呵不知根維摩自導。我觀小乘下出所觀。智  
慧微淺猶如盲人智體劣也。不能分別一切  
衆生根之利鈍智體劣也。以智微故不能分  
別一切衆生。智慧淺故不能分別根之利鈍  
此出呵辭。自下第三彰其巧化。於中六句。初  
維摩詰默入三昧。二由入三昧令此比丘自  
識宿命。曾於過佛種善發心。此乃維摩宿  
命通力故令識之。菩薩宿命凡有六種。如  
地持說。一自知宿命。二知他宿命。三令他  
人知已宿命。四令他人自知宿命。五令他  
人知他宿命。六能令彼所知衆生展轉相知  
今令比丘自識宿命是第四門令他自知。三  
即時下由識宿命還得本心謂還得本大乘心  
矣。四於是下明諸比丘由得本心荷恩致

敬。首是頭首。稽首禮足顯敬。惑至。五維摩詰因其得心更爲說法。六由爲說法彼於菩提不復退轉。此諸比丘住在善趣。由聞命說進入種姓。故永退。自下第四彼富樓那自申己闕我念聲聞不觀人根不應說法。前辭大釋。是故下結。次告迦旃令往問疾。迦旃是姓。字名扇繩。其父早喪。母戀不嫁如繩連扇風吹不去。因與立字名曰扇繩。從佛出家。佛弟子中論義第一。今命問疾。先告後辭。我不堪任是總辭也。所以下釋。故我下結。釋中所以徵前起後。下對辨之。文別有三。一舉已昔日被呵由緣。二時維摩下出被呵辭。三說是法時彼比丘下教呵利益。初中憶昔舉被呵時。佛爲比丘略說法要我即於後敷演義等出被呵事。說淺覆深不當物機。所以被呵。我即於後敷演其義總以標舉。謂無常等隨別列之。法門開合備如上辨。今據一門且列斯五。前四生死後一涅槃。自下第三明教呵辭。何故須然。爲益迦旃并令比丘解法心勝所以教呵。文中維摩來謂總舉。下別顯之。別中無以生滅心行說實相法是呵辭也。彼迦旃延相法未已見法生滅。是故名爲生滅心行。用此心行說已所知不稱法實。故呵無以生滅心行說實相法。法之實相備如後辨。下復教之。諸法畢竟不生不滅是無常者約就無常法門以教。無常義中有二種門。一世諦門二第一義門。世諦門中有三無常。一分段無常。六道果報三世分異。二念無常。有爲之法念念還流。一刹那。須初生次

住終異後滅。此前兩門明法生滅破去常相。三者自性不成實無常明法虛集破遣常性。是義云何。即前二種以理推求。四相同體相夫似立。無有一法別守自性名性不成。性既不成知復說何以之爲常。故名曰性不成無常。於此門中有生有滅。即名爲常以守性故。無生無滅乃名爲常以無性故。故地持云不知無言自性無常有生有滅。若知無言自性之事一切無常。何者是其同體四相有爲之法義同幻化。相有體無。相有名生虛無稱滅。相有名生非滅前虛無稱滅。滅非生後故生與滅同時無別。又此宣說無法爲生。生非滅外還即說彼相有爲滅。滅非生外故生與滅同體無別。即此生滅幻炎像立名之爲住。又復幻法各守自相亦名爲住。故地持云以自性故名之爲住。此住亦非生滅之外。即此虛法異於真諦性實之法故名爲異。又異妄情所立情實亦名爲異。此異亦非生住滅外。良以同時義分四故說之以爲同時四相。故下文言比丘汝今即時亦生亦老亦滅。又以同體義分四故說之以爲同體四相。以同體故就餘三相義說爲生。離餘三相無別生性。生無性故生性不成。以此生性不成實故生則無生故生無常。還就餘三義說爲住。離餘三相無別住性。住無性故住性不成。以此住性不成實故住則無住故住無常。餘亦如是。此三廣釋如優檀那章。此應具論。世諦如是。第一義者前無常法窮其體實畢竟空寂由來不有。此空是其無常之實名無常義。與經中

說觀苦無生爲苦諦義其言相似。無常之義具辨如是。聲聞但能世諦分中解知分段及念無常餘悉不知。是須教。就可教中若據世諦。宜說自性不成無常以爲畢竟不生不滅。無常中極故云畢竟。生無生性滅無滅性名不生滅。此不生滅是其究竟無常義矣。亦無住異。且言生滅若就真諦。離相窮極名爲畢竟。理寂無爲名不生滅。此不生滅是其無常之實性故名無常義。亦無住異。且說生滅。汎論如是。準下流類。此應偏教真諦之義。五陰洞達空無所起是苦義者就苦以教。苦義亦二。一世諦門二真諦門。世諦門中苦別有三。所謂苦苦壞苦行苦。此三廣釋如四諦章。今略辨之有三種門。一約緣分別。緣別內外。內心涉求名之爲內。刀杖等緣目之爲外。外有違順。刀杖等緣名之爲違。己身命財親戚之類說以爲順。外中違緣能生內惱。名之爲苦。從彼苦緣生於苦心。從苦心苦。故名苦苦。外中順緣在能生樂。壞則生苦。故名壞苦。內心涉求名之爲行。文行疲惱厭之生苦。名爲行苦。第二約緣就體分別。心性生苦。於此苦上加以事惱。苦上加苦故名苦苦。加何等苦。加前三苦悉名苦苦。有爲之法念念滅壞名爲壞苦。前後還流目之爲行。還流不安名爲行苦。第三約就三種無常以別三苦。約就向前分段無常以說苦苦。有爲之法體性是苦。於上加以分段龜苦。苦上加苦故云苦苦。又以三世分段龜苦顯有爲法本性是苦。用苦顯苦亦名苦苦。約念無常宜說壞苦。

有爲無常念念滅壞故名壞苦。約就自性不成無常宜說行苦。同體四相因緣虛集目之爲行。虛集之行體無自性。自性無安故名行苦。世諦如是。言眞諦者窮苦體性畢竟寂滅無相爲無。於中淺深更有多義。如彼四諦章中具辨。今且總舉。此之眞諦是苦實性亦名苦義。如是世諦分中前三苦聲聞能解。今不須教。第三門中前之二苦聲聞亦解。今不須教。虛集行苦及苦眞諦二乘不知。理須具教。但今偏教苦之眞諦。五陰之果從因納得名五受陰。於陰窮解名爲洞達。達陰實性本來常寂無陰可生名空無起。此空是其苦家體實名爲苦義。如湯炎水無水爲實。此與經中觀苦無生名知苦諦其言一也。諸法究竟無所有是空義者就空以教。法空名空。空義不同。況有五階。一陰非我所名之爲空。如毘曇說。雖名爲空體是有法陰爲體故。二假名法中無有定性名之爲空。如成實說。三妄想法虛寂無相說之爲空。如陽炎水水即無水。不但無性。近而求之相亦不有。四妄想法虛無說空。如夢所見心外無法。五眞如法體寂名空。體雖眞有離相離性故說空矣。五中前二聲聞能解。今不須教。後三不知。爲是須教。所教之空離相中極故云究竟無所有矣。如是究竟無所有者是眞空義。陰上無人陰中無性不名眞空。於我無我而二是不無我者教無我義。此說人空以爲無我。分別有五。一陰非神主名爲無我。如毘曇說。二於和合假名中人無有人性名爲無我。三於妄想畢竟

空中無有和合假名人相名爲無我。四於妄想畢竟空中無有我人衆生之相名爲無我。五於平等眞如體中無有眞法集用人相名爲無我。五中前二聲聞能解餘三不知。爲是須教。言我無我而二不者。依如毘曇。凡夫橫計我衆生等名之爲我。五陰法類非神非主名爲無我。此我無我相對爲二。若於平等第一義中非直無我亦無五陰。無我之法是二齊無故云不二。如此不二方是究竟無我之義。若依成實。凡夫橫計我人之性名之爲我。假名衆生無有定性名爲無我。此我無我相對亦二。若於平等第一義中非直無彼定性之我。亦無對情遣性無我。是二覆絕名爲無二。如此無二方是究竟無我義矣。故下文云我尚不可得非我何可得。見我實性者不復起二。是爲入不二法門。與此義同。法本不生今亦不滅是寂滅者教涅槃義。涅槃有二。一事盡無處數滅無爲名爲涅槃。如是涅槃本無今有。一約緣顯實破相證寂名爲涅槃。法性常寂而妄相煩惱所覆。修八聖道以爲了因。滅除開惑證本法性。一證永寂故曰涅槃。此前二種經說爲果。三就實論實。眞體常寂名曰涅槃。此一涅槃非因非果。就實論實。實外無緣。知復約何以之爲因。實外無緣。知復約何以之爲果。是故涅槃無因無果。故涅槃云涅槃之體非生非出非虛非實非一非異非因非果。於此分中無惑可生無染可滅。三初中一聲聞亦解。後之兩門二乘不知。爲是須教。於後二中偏舉後門而以教示。是說以言法

本不然今亦無滅是寂滅義。上來第二教呵辭竟。說是法時彼諸比丘心得解脫是第三段教呵利益。前辭次釋。故我下結。次告阿那律令往問疾。前明行德此論行用。用謂六通且彰天眼。此阿那律經中亦名阿尼樓駄。又亦名爲阿泥樓豆。本是一名。傳之音異。此云無滅。八萬劫前曾供辟支。所得善根于今不滅。故云無滅。是佛堂弟。如來父叔合有四人。各有二子。佛父最大名曰淨飯。有其二子。長名悉達多此云成利。如來身是。小名難陀。其第二叔名曰斛飯。亦有二子。長名提婆達多亦曰調達。小名阿難。其第三叔名曰白飯。亦有二子。長名阿那律。小名摩訶男。其第四叔名曰甘露飯。亦有二子。長名跋提。小名提沙。佛有一阿姑名甘露味。唯有一子。名尸陀羅。前諸釋子並皆出家。其阿那律天眼第一。得眼因緣如經中說。彼阿那律於一時中佛邊聽法。坐下眼睡如來呵責。咄咄故爲。寢。墮螺蚌蜎類。其阿那律被呵慚愧。多日不眠。遂便失眠。造詣者婆求欲治之。者婆問其患眼內緣。那律具答。者婆對曰。睡是眼食。久時不眠眼便餓死。永更更治。那律聞之遂修天眼。半頭見物微見三千大千世界。今命問疾。先告後辭。辭中初總。所以下釋。故我下結。釋中所以徵前起後下對之辨。於中有六。一舉昔日被呵由緣。二時維摩下出被呵辭。三我時默下自申已闕。四彼諸梵下諸梵讚嘆問其天眼。五維摩爲說六諸梵聞之發心。願求禮敬辭去。初中三句。一阿那律彰已昔日一處

●爲無二無爲●●湯二湯●●相二想●●說二以說●●家二寢●●重二樹●●內二因●



經行。遊行誦經名曰經行。二明諸梵來問天眼。良以諸梵報得神通悉具天眼。聞阿那律天眼最勝心生慕仰故來請問。嚴淨梵王與萬梵俱標列諸人。放淨光明來詣我所稽首作禮啓請方便。問我幾何天眼所見正問天眼。此乃順於外國人語。順此應言那律天眼所見幾何。問其天眼所見分齊近遠幾許。故曰幾何。三我即答下那律具答。吾見釋迦三千世界如觀掌中菴摩勒果小乘所見。局在一界。故以釋迦標而別之。如龍樹說。聲聞人中有大有小。小者能見一千國土。大者能見二千國土。緣覺人中有大有小。小者能見二千國土。大者能見三千國土。今阿那律是大聲聞。應見二千。強修力故能見三千。又以願智自在力故能見三千。所見分明故如觀掌菴摩勒果。上來具列被呵由緣。次出呵辭。何故須呵。爲今諸梵求佛真眼所以呵之。文中維摩來謂總舉。下別顯之。唯阿那律天眼作相爲無作相進退兩定。下就設難。假使作相則與外道等就相彰過。若無作相即是無爲不應有見就無設難。無相即是真諦無爲故應不見。此第二竟。我時默然是第三句自申己闕彰已不及。第四句中初明諸梵聞其所說嘆未曾有。次爲作禮後問孰有真天眼。孰謂誰也。第五句中維摩言有總以答之。言佛世尊得真天眼就人略辨。常在三昧悉見佛國不以二相辨相廣答。寂而常用。故在三昧悉見佛國。聲聞法中眼耳二通定外作用。大不同小故在三昧悉見佛國。用而常寂故見諸國不

以二相。如日照物不生分別。第六句中初明諸梵聞說佛眼發心願求。次禮維摩。後去。不現下結可知耳。次告優波令往問疾。上明修善。此對優波明其對治滅惡之法。優波離者是天竺語。此云上首持律中上。本在家時是諸釋子剃髮之人。後諸釋子出家之時優波送去。諸釋子等欲至佛所脫所著衣冠瑠瑤。并所乘像與優波離。釋。去子後優波思念。諸釋子等果報如此尙捨出家。我住何爲。若彼有得我亦應然。以所得物安著樹上像緊樹下作如是言。諸有取者吾即施之。後往佛所。諸釋子見問其來意。優波具答。釋子大喜。即使請佛。此人先來爲我驅使。若後出家我喜輕慢。願佛先度我當敬事。佛先度之。諸釋子等同爲設禮。是時大地爲之振動。空聲讚言。諸釋子等憍慢山崩。出家之後持律第一。今命問疾。先告後辭。辭中初總次釋後結釋中所以徵前起後下正辨釋。文別有五。一舉昔日被呵由緣。二時維摩下出被呵辭。三於是二比丘言上智我下彰二比丘稱讚維摩。四我答言下明已述嘆。五時二比丘疑悔除下明二比丘聞法獲益。第一段中初明比丘犯律爲恥不敢問佛請優波離。以優波離持律第一故偏請問。後優波離爲其解說。言如法者如戒律法。明犯不犯輕之與重名爲說解。自下第二明呵辭。何故須然。爲教犯罪二比丘等。破相滅罪故教以呵。文中維摩來謂總舉。下別顯之。有呵有教。無重增此二比丘罪是呵辭也。云何重增比丘造罪。原

由著有取相放生。令復爲其說有罪相增其情取故曰重增。當直下教。當直除滅勿擾其心是總教也。云何曲滅而復云直。說有罪相方教。纖治名爲曲滅。說罪體空破離罪相名直除滅。義如後辨。勿擾其心以理遮抑。擾謂擾亂。云何擾心而言勿擾。說罪佈之增其怯懼名擾其心。說罪無罪令心正住除疑歡喜名爲不擾。下別教之。所以者何。何徵前起後。所以教汝直滅者何。彼罪性學等明罪體空成應直滅。初先正教。其知此下結嘆令學。前中有三。一就罪正破。二如佛說下約心以破。此亦名爲約因以破。心爲罪因。三一切法生滅已下約法以破。此亦名爲約緣以破。一切諸法是罪緣故。初中罪性不在內外不在中者明罪體空所以不在。內謂六根。外謂六塵。又內自身。外謂一切衆生等緣。罪從因緣假合而生。本無自性。以無性故內外中間一切不在。不在內外既法無罪。不在中間離法亦無。就第二段約心破中文別有四。一明衆生垢淨依心。第二心亦不在內下約心破罪。三如優波離以心相下重復約心破違罪相成向後段。四唯優波離妄想垢下重明垢淨皆依於心成向初段。初中爲欲約心破罪故引佛說明垢與淨皆依於心。良以心是衆生本體。是故心垢即衆生垢。心淨生淨。第二約破罪之中先明心空次約明罪後類諸法。宗爲明罪舉餘類顯。心亦不在內外中間明心空也。內謂六根。外謂六塵。內外和合而生心識。別求無性。以無性故不在內外。中間亦無。故涅



繫云眼色明欲四事和合而生眼識。是眼識性決定不在眼中色中明中欲中。餘亦如是不在內外類同前罪。是故亦言如其心然罪垢亦然。將心類罪明罪同心。如心既然不在內外不在中間。罪垢亦然不在內外及不在中。諸法亦然類諸法。法同心罪不在內外及不在中故曰亦然。諸法既然罪是一切諸法之例何獨不爾。不出於如顯亦然相。前說心性不在內外及不在中。即是如義。諸法同心不在內外及不在中。亦即是如。如外無法故云不出。自下第三重復約心破遣罪相成前第二。於中爲明一切衆生心無垢寄優波離悟解以顯。如優波離以心相得解脫時寧有垢不離摩反問。就人指法是以言如。彼優波離具二解脫。一心解脫斷除愛結。二慧解脫斷絕無明。今舉心脫故言心相得解脫耳。又就心中有性有相。真諦心性。世諦假有是其心相。心性常寂無脫無縛。世諦心相有縛有脫面相異性故說心相。得解脫時以其心相觀空離染名得解脫。此解脫時寧有垢染可斷除不。我言不也優波正答。得解脫時垢深不有故曰不也。是義云何。若見垢染可除可斷不得解脫。不見垢染可除可斷達本無垢。方得解脫故答不也。維摩詰言一切衆生心相無垢亦如是將聖類凡。凡類未解無垢理同故曰如是。自下第四重明垢淨皆依於心成上初段。於中三句。一妄想心垢無妄想心淨見等三倒之心是其妄想。若依地持八種妄想名爲妄想。有則迷異所以是垢。無即

眞顯所以是淨。二顛倒是垢無倒是淨八倒名倒。有則迷於生死涅槃故名爲垢。無則解達所以是淨。三取我是垢不取是淨取我亦是八倒所收。以此思本故復別舉。上來第二約心以破。自下第三約法以破。於中初明一切諸法生滅無性類罪無性。諸法皆下明法心起心外無相類罪無相。前中初法如幻等喻。如幻喻明自性無常。言如電者喻念無常。諸法下合。後中諸法皆妄見者法說明空。如夢等喻。喻別有四。一以妄想下合。上來別教其知此下結嘆。合學。其知此者知前所辨是名奉律行順律法。其知此者知前所辨。是真調善解心解律法。調伏名律觀空破罪。是真調伏故名善解。此第二竟。自下第三明二比丘問法稱讚。二比丘言上智哉者嘆勝過劣。解出優波故曰上智。哉是助辭。是優波離所不及等明下劣上。是優波離所不及者明智不及持律之上而不能說明說不及。優波離時持律最勝故名爲上。而不能說罪性空寂除滅我罪名不能說。我答言下是第四段明已述嘆。捨自如來未有聲聞及菩薩能制其樂說之辨嘆其說勝。智慧明達爲若此也嘆其智勝。時二比丘疑悔除下是第五段彰二比丘聞說獲益益中有三。一除疑悔。二發大心。三與廣顯。顯一切衆生得維摩辨。前辭次釋。故我下結

維摩義記卷第二本

### 維摩義記卷第二本末

次告羅睺令往問疾。對前八人明行修法。此對羅睺明其發心出家之法。羅睺佛子此名覆障亦云不放。在母胎中六年不出。故名覆障及不放矣。何故處胎六年不出。以宿緣故。緣如經說。本曾爲王。沙門求見六日不看。故得此報。又於往昔曾塞鼠穴。故受此報。佛將出家。父王恐畏國嗣斷絕留連不聽。菩薩于時手指妃腹而語之言。却後六年爾當生男。即如其言。佛出家後六年方生。初生因緣備如經說。佛成道已還宮之時羅睺始年五六歲計。如來將至變千比丘悉如己形。羅睺直爾往至佛所。佛手摩頂將還精舍。勸舍利弗目連度之。出家之後喜多暴口形名他人。佛於一時以法誡約。於斯永斷打罵不瞋。佛嘆其人忍辱持戒。密行第一。今命問疾。先告後辭。辭中初總次釋後結。釋中所以徵前起後。下正辨之。文別有三。一舉昔日被呵由緣。二時維摩來謂我下明教呵辭。三於是維摩語諸已下明教呵益。初中憶昔出被呵時。毘耶離等彰被呵事。先問後答諸長者子何故爲問。現觀羅雲所捨至重。未見所得是以怪問。言毘耶離諸長者子標舉問人。來至我等明請方便。問我言等彰請問辭。唯羅睺羅敬告其人。汝佛之子所承至高。捨輪王位所捨極重。彼羅睺羅若不出家作鐵輪王王閻浮提。故今舉之出家爲道彰其所作。俗中安身謂

之爲家。解素從繼名出家爲道。其出家者有何等利問其所得。羅睺下答。我即如。諸爲說出家功德利者。謂。依出家功德經說。經言。有人殺三千界所有衆生。或挑三千衆生之目。其罪無量。其出家者福多於彼。羅睺當應爲說此利。自下第二明教呵辭。何故須然。爲教羅睺及長者子離相正出故須教呵。時維摩詰來謂我言。總以標舉下別顯之。別中先呵。夫出家下如法正教。呵中不應說出家利當言正呵。所以下釋。先徵後解。無利無德是爲出家舉是顯非。有爲法者可說有利有功德等明非異是。樂名爲利善稱功德。羅睺以其捨俗爲出家故對在俗家業等苦說樂爲利。對彼俗中邪業之非說善爲德。維摩以其離相爲出。故說無利無功德者是爲出家有功有德悉名在家。有爲所攝故言有爲可說有利有功德耳。上呵下教。教中先別。若能以下總以結嘆。別中有二。則約前所問以教。二出家者無彼此下況舉一切出家法教。前中初言夫出家者總以標舉。爲無爲法彰其所求。無爲涅槃是所求也。無爲法中無利無德明其所出。下況教中言出家者總以標舉下正教之。於中先約自行以教。降衆魔下約就外化利他以教。自中初言無彼無此離六十二見教其所出。無彼無此亦無中間教離相也。在俗爲此出家爲彼。出家方便捨此向彼說爲中間。此皆無之。亦可生死名之爲此。斷結涅槃以之爲彼。聖道爲中。此皆無之。離六十二見教去情也。六十二見後當具論。此教

所出處涅槃等教其所入。處於涅槃總明所入。謂處法性無爲涅槃。猶前爲無爲法耳。智者所受聖所行處別明所入。向前涅槃是其地前。智者所受復是地上。聖所行處故應處之。地前菩薩依教生解。故名智者。依教信順稱之爲受。地上會正目之爲聖。聖心遊法說以爲行。法性涅槃爲行所依。故稱行處。上教自行下教利他。於中初先教令降魔。摧諸已下教伏外道。前中降魔降魔人也。度五道等壞魔法也。法中有三。一明所出教度五道。地獄畜生餓鬼人天是其五道除因離果。稱之爲度。二明所修教淨五眼五力等。五眼是解慧是五。始修名根終成曰力。三明所離教遠魔業。不惱於彼不壞他善。離衆難惡自不起過。伏外道中摧諸外道伏邪人也。超越假等破邪法也。於中亦三。一明所出。二內壞下還明所修。三離衆下還彰所離。前中明出煩惱業苦。超越假名明出苦也。生死之報虛假名有稱曰假名。證實除捨故言超越。假名之義廣如別章今略辨之。經說有四。一生死假名涅槃非假。即如此說。生死浮虛假名而有。故曰假名。涅槃真實所以非假。二涅槃假名生死非假。如涅槃說。涅槃無名假爲立名。故曰假名。生死之法實是名有所以非假。三生死涅槃二俱假名。如地持說。生死涅槃體是因緣假有之法。故說爲假。標假之稱說爲假名又假名字。生死涅槃法相建立名曰假名。四生死涅槃二俱非假。廢名求法體法如如理

真實所以非假。真法離名故非假名。以故地持中說一切法離於言說離假名。名矣。今就初門故說生死以爲假名。得大涅槃求離稱越。次出煩惱。於中四句。初出淤泥泥教斷愛也。愛能染汚事等如泥。除斷名出。二無繫著明無愛故不著五塵。三無我所教除見也。不著我人及與我所。若名無我所。四無所受明無見故不愛邪法。下教出業。諸外道等邪法教人名爲。優亂。除斷稱無。一義如是。復有異釋。此所出中分之爲四。初超假名出生死果。二出淤泥下除煩惱。因有見愛。初出淤泥明除愛也。無繫著等明斷見也。言無繫著明斷我見。無我所者離我所見。此前一對。三無所受出生死果。五道悉離故無所受。四無。優亂明斷業因。此復一對。前明所出大明所修。內喜護彼修利他行。於他所爲心無嫉忌名內壞喜。身口將順名護彼意。隨禪定者修自利行。少欲知足守護根等能生禪定。故說爲隨。下明所離。諸惡悉斷名離衆過。上來別教。若能如是是真出家結嘆顯勝令人學矣。上來第二明教呵辭。自下第三明教利益。句別有四。一維摩詰勸長者。長者宜共出家。先勸後釋。二長者子父母爲辭。三維摩詰教令心出。發菩提心即名出家即名具足息相求實名爲發心。以發心故有惡斯捨離沙彌惡名即出家。亦斷一切大比丘過名即具足。菩提心義廣如別章。此應具論。四長者子如教發心。前辭次釋。故我下結。次告阿難。令往問疾。對前九人明其因行。下對阿難彰佛果德。

阿難陀者是佛堂弟此名歡喜。喜義有三。廣如前釋。佛弟子中多聞第一。故今告之。先告後辭。辭中初總所以下釋。是故下結。釋中所以徵前起後。下對辨之。文別有五。一舉昔日被呵由緣。二止下明教呵辭。三時我世尊實懷慚下自彰已闕。四即開下明空發聲諸和二家。五世尊維摩智慧辨下結嘆維摩。明已不及。初中憶昔出被呵時。世尊已下舉被呵事。事有三句。一明佛有疾已爲乞乳。二維摩問。三阿難答。文皆可。自下第二維摩教呵。何故須然。爲使阿難及諸世人知佛常樂無爲無惱息去邪謗愛樂趣求故須教呵。於中有四。一呵令止。二默往下驅之令去。三行矣下。摧令速去。四可密下教令密去。就初段中先呵後教。止止阿難莫作是語是呵辭也。如來下教。如來身者金剛之體明佛體堅。體堅難壞事同金剛。諸惡已斷衆善普會彰彰德備。諸惡已斷斷德圓也。衆善普會行德具也。此明所有。當有何疾當有何惱彰其所無。當有何疾內無疾苦。當有何惱外無衰損。損此初段竟。自下第二驅之令去。於中有三。一遣默往。第二呵誠不聽謗佛。三正教。亦默往阿難是初遣也。口止疾言是以須默。身遠乞所爲是須往。勿謗已下第二呵也。勿謗如來適其所言。佛實無病言疾枉佛。故名爲謗。謗佛自損。爲是須遮。莫使異等止其所傳。傳謗損他。故復須止。人有邪正邪聞毀謗。是以誠之。莫使異人聞此。此言說疾謗故名之爲龜。正聞瞻嘆亦須誠約。故言勿令大威德天

他方菩薩得聞斯語。轉輪聖下是第三段以理教示。轉輪聖王以少福故尙得無疾舉劣況勝。豈況如來無量福等辨勝過劣。此第二竟。自下第三催令速去。於中有二。一催身速去。二遮其口言。行矣阿難是初段也。速捨此去名曰行矣。勿使我下是其後段遮其口言。勿使我等受斯恥也。舉過總遮。佛爲也。師舉世共尊。說病他誠彼此同羞。故言勿使我等受恥。外道梵下辨過別遮。外道梵志舉誠謗人。佛法之外別立道理名爲外道。結意求淨說爲梵志。若聞此語明謗所由。聞此阿難說病之語。當作是念何名爲師明輕謗心。自疾不救而能救疾明輕謗言。此第三竟。自下第四勅令密去。於中有三。一誠其身可密速去。不密他見不速他知。以是義故須速。二遮其言勿使人聞。三曉其心以理正教。教中初先明其所是。非思欲下彰其所非。如此身下結是異非。就所是中諸如來身即法身者汎舉類顯。明佛應身即是真實功德法身又是真實法性之身。如涅槃經金剛身品及此文見阿闍品具廣宣說。就所非中非思欲身離分段因。佛爲世尊過於三界離分段果。佛身無漏諸漏已盡離變易因無漏不盡。謂無明地佛悉盡之。佛身無爲不隨諸數離變易果。不隨有爲生滅之數。又二不墮衆生之數所非如是。如此身者當有何疾結是異非。如此法身乃至無爲不墮數身。諸患永無當有何疾。上來第二明。教辭。自下第三阿難對佛自申己闕。時我世尊實懷慚等文之顛倒。若正應言

世尊我時實懷慚恥得無謬聽時者道本被呵之時。我者阿難自彰已也。言世尊者以實告佛。實懷慚等自宜已心實懷慚恥。愧已所言愧前說病。須乳言也。得無近等疑已所聞。如維摩語佛實無病有病須乳得非自我近佛謬聽。自下第四空中發聲諸和二家。即聞空聲總以標舉。時誰所出。或可是佛或是維摩或餘大力神天所發。下別顯之。如居士言印維摩語。明佛真身無病是實。但爲佛下述阿難言。明佛應病須乳不虛。但爲佛出五濁惡現行斯法度脫衆生對前阿難謬聽之言明聞非謬。此語顛倒。若正應言但佛出於五濁惡世現行斯法爲度衆生。言五濁者如經中說。曰命濁。命報短促。謂今世人極壽百歲如是等也。二衆生濁無其人行。三煩惱濁貪瞋癡等諸結增上。四者見濁邪見熾盛。五曰劫濁。所謂飢饉疫癘刀兵。此五盛時名爲惡世。佛於是時出現於世。現行斯法度衆生者現行有病乞求之法度衆生也。事如經說。當佛在時毘耶離城有婆羅門。邪見不信。家有乳牛。惡人無敢近者。佛爲度此婆羅門故示言有病須乳爲治。阿難爲佛持鉢往乞造其門下。婆羅門見怒而問曰。汝何所須。阿難對曰。佛病須乳故來乞求。彼聞作念。可令自取使牛離殺。即語阿難。若須擣取。阿難言善。即往牛所。牛自開脚任其擣持。牛語阿難願留一乳以乞我兒餘悉奉佛。犢子即言。盡奉如來我食水草。彼婆羅門在傍具見即自悔責。我不及牛不識福田生此惡心。遂於佛所深

敬歸信。故言現行度脫衆生行矣。阿難取乳勿慚對前阿難實懷慚恥勸其莫慚。勸其行乞故言行矣。勸其受乳故曰取乳。爲化行乞是聖所宜故勸勿慚。此第四竟。世尊維摩智慧辨才爲若此也是第五段結嘆維摩。前辭次釋是故下結。上來別告十人問疾。如是五百大弟子下總舉餘人。當時如來一一別告。備列難盡。故結集家總以通舉。

菩薩品者前品告命聲聞問疾。彼辭不堪。今告菩薩即就所告以題章目名菩薩品。來意略有三義。一前品告命聲聞問疾。彼辭不堪。須告菩薩故此品來。第二爲顯維摩德高故此品來。是義云何。前品告命聲聞問疾彰彼維摩德過二乘。此品告命菩薩問疾顯彼維摩勝諸菩薩。第三爲彰維摩所說故此品來。

是義云何。前方便品因凡問疾。明廣維摩教凡夫法。上弟子品因告聲聞廣明維摩教聲聞法。今此品中因告菩薩復明維摩教菩薩法。名顯所說。就下明教菩薩法中義有通局。局則此品明教菩薩。通則盡後香積佛品悉是此會教菩薩法。就其通中先將此品約對後文辨其同異。次通科分後別解釋。同異如何。異有五種。其一義者今此品中約對不堪彰彼維摩人德尊高。問疾品下約對所堪顯其德妙。第二義者今此品中廣明維摩辨才難敵彰其智勝。問疾品下廣明維摩神變自在顯其通勝。第三義者今此品中廣寄他言以顯維摩解脫之德。問疾品下維摩自顯解脫之德。第四義者於此品中因告不堪廣顯

維摩昔所說法。問疾品下因告所堪往彼問疾明今所說。第五義者於此品下明教菩薩所行法體。問疾品下明教菩薩修成之相。異相如是所言同者有其三種。一教人同。此品與下。教同菩薩。二明法同。同以菩薩所行之法而爲教示。三辨行同。於此品中辨行有二。謂證與教。初對彌勒明其證行。謂教天子捨相證實。後對餘人明其教行。問疾品下亦辨此二。入不二門明其證行。餘明教行。同異如是。次通科分。就下明教菩薩法中應分爲二。細分有四。應分二者從此訖盡入不二門。明教菩薩法身因果。香積品下明教菩薩淨土因果。細分四者初對彌勒明法身因果。菩提真性是其果也。先嚴已下盡不二門明法身因。香積品初明淨土果。香積品末明淨土因。修十修八。是。其也。通科如是。次別解釋。於此品中所告衆多。告前四人隨別具列。如是諸菩薩各各向下總舉餘者。就前別中先告彌勒明法身果。彌勒是姓此翻名慈。字阿逸多此云無勝。是彼波羅捺輔相之子。彌勒初生具諸相好。波羅捺王名梵摩達。聞其生已福相過人。恐爲國患規欲危害。遂從其父索以瞻之。父知王心即答王言。外家將去。迴至家中。尋即遣人送南天竺波婆離國。外家養之。彌勒外舅姓波婆離有髮紺色手摩膝相。聰慧博達爲世師首。以己所知用教。彌勒七歲從之受學。一日所習多餘。歷年未久知盡。其舅爲顯彌勒之德自家欲設無遮大會寄以顯之。已家物少。遣二弟子往彌勒家取索財物。其二

弟子中路聞佛始出於世。迴道觀之。二人是時爲虎所食。乘向佛善同生天上。使遂不達。彼波婆離久待不得。率家所有施設其會。會滿七日。最後有一婆羅門來。財食俱盡竟無所得。便大瞋忿語波婆離。要以神呪破碎汝頭令爲七分。波婆離聞極愁惱。前二弟子往生天者遙見師愁空中問之。師何故然。時波婆離具說所爲以答二天。即問之言。天爲是誰。而來見問。天具答之而告之曰。佛已出世何不往見。徒憂何益。彼波婆離先讀識書知佛出。聞其所告即遣彌勒將十六人往驗是非。致其觀佛。三十二相八十種好具足以不并教屏處。心念爲問。我師是誰。今幾許身有幾相。彌勒受教往彼驗之。見佛相好明了具足。心念爲問如問具答。彌勒于時與十六人從佛出家。彼十六人即成羅漢。彌勒一人不取漏盡願求佛道。如來爾時即爲授記。說其大身上生。率畢天壽已下生閻浮成得佛道。成道之相如經具說。佛今告之。先告後辭辭中初先明已不堪。所以下釋。故我下結。釋中所以徵前起後。下正辨之。辨中有三。一舉昔被呵由緣。二時維摩下彰彼維摩教呵之辭。三世尊維摩說是法下明教呵益。初中憶昔被呵呵時。爲兜率王及其眷屬說不退地彰被呵事。由佛記說彌勒捨身當生兜率。故兜率天王與諸眷屬數來請法。彼於一時來問地行。彌勒爲說。淨心已上名不退地。亦可名彼種姓已上爲不退地。是位趣地之行名爲地行。亦可問其成地之行名爲地行。彼天隨相問

弟子中路聞佛始出於世。迴道觀之。二人是時爲虎所食。乘向佛善同生天上。使遂不達。彼波婆離久待不得。率家所有施設其會。會滿七日。最後有一婆羅門來。財食俱盡竟無所得。便大瞋忿語波婆離。要以神呪破碎汝頭令爲七分。波婆離聞極愁惱。前二弟子往生天者遙見師愁空中問之。師何故然。時波婆離具說所爲以答二天。即問之言。天爲是誰。而來見問。天具答之而告之曰。佛已出世何不往見。徒憂何益。彼波婆離先讀識書知佛出。聞其所告即遣彌勒將十六人往驗是非。致其觀佛。三十二相八十種好具足以不并教屏處。心念爲問。我師是誰。今幾許身有幾相。彌勒受教往彼驗之。見佛相好明了具足。心念爲問如問具答。彌勒于時與十六人從佛出家。彼十六人即成羅漢。彌勒一人不取漏盡願求佛道。如來爾時即爲授記。說其大身上生。率畢天壽已下生閻浮成得佛道。成道之相如經具說。佛今告之。先告後辭辭中初先明已不堪。所以下釋。故我下結。釋中所以徵前起後。下正辨之。辨中有三。一舉昔被呵由緣。二時維摩下彰彼維摩教呵之辭。三世尊維摩說是法下明教呵益。初中憶昔被呵呵時。爲兜率王及其眷屬說不退地彰被呵事。由佛記說彌勒捨身當生兜率。故兜率天王與諸眷屬數來請法。彼於一時來問地行。彌勒爲說。淨心已上名不退地。亦可名彼種姓已上爲不退地。是位趣地之行名爲地行。亦可問其成地之行名爲地行。彼天隨相問

修成義。彌勒爲說。說相覆實爲是彼呵。自下第二維摩教呵。何故須然。爲使諸天捨修入證故須教呵。來謂總舉下別顯之。別文之中初呵後教。從初乃至亦無退者是呵辭也。呵令相捨。彌勒當令此諸天子捨分別下是教辭也。教令證實就前呵中寄就彌勒。難破授記得菩提義。類明一切悉無所得。於中有二。一難破彌勒授一生記得菩提義。二是故彌勒無以此法誘天子下總以結呵。前中初先舉其所得。爲用何下破以顯無。舉所得中言彌勒者告命其人。世尊授等舉其所得。授仁記者行因剋果。定得不失如心記物堅念不失。故名爲記。聖記示人目之爲授。言一生者人中得記。捨此身上生兜率。後生人間然後成佛。中間隔彼兜率一報。故名一生。問曰。若使上生兜率後生人間方始作佛即是二生何故言一。釋言此生聖說不定。依龍樹論說此彌勒以爲三生。現身爲受意癡去不論後生人間即是佛身。故亦不數。爲是言一。問曰。若使一生天上後生人間而得成佛名一生者。有須陀洹一生天上。人間而涅槃者。十四生中幾生所攝。釋言此十四生中名爲二生。若爾彌勒亦應同彼。何得言一。釋言。應齊而說異者以其所望不同故爾。彼須陀洹望於身壽。餘涅槃故受兩身。即是二生如彌勒等望於佛身。後生人間即是佛身對彼身故偏名兜率一報爲一。言得阿耨三菩提者汎解有二。一眞二應。實行相應名之爲眞。八相現成說以爲應。此應與眞得處不定。若論其成

得處有三。一入種姓地名得菩提。如涅槃說。須陀洹入八萬劫到。乃至辟支十千劫到。到六菩提。當知。此等名至種姓爲到菩提。二入初地名得菩提。如法華論說。彼釋法華分別功德品所言八生乃至一生得菩提者所謂得於初地證智。三至後際名得菩提。義在可知。或分爲五。如大品說。一發心菩提在於無量生死海中發菩提心。位在善趣。二伏心菩提深伏煩惱。位分在於種姓已上伏忍位中。三明菩提修習明慧。位分在於初地已上。四出到菩提出離有無到無生忍。位分在於七地已上。五無上菩提究竟窮極位在佛果。隨別細分。可亦衆多。若論應成種性已上一切堪能。若依華嚴賢首位中亦能八相不成正覺。今此所論是應成也。八相成佛名得菩提下對破之。文別有四。一就事相有生法中難破有得。二若以無生得授記下就其遺事無生法中難破有得。三爲從如生得授記下約就真法緣起生滅難破有得。四一切生皆如已下約就眞性平等義中難破有得。此四分中言有隱顯。初段之中偏破得記。第二分中難破得記及得菩提第三段中偏破難得記第四分中難破得記及得菩提。初中有二。第一約就三世之生難破得記。二如佛說下舉彼同時同體四相明生無性成無得記。前中初言爲用何生得授記乎總以徵責。言過去耶未來耶等隨世別定。進退不定是以言耶。若過去下隨世別難。若過去生而得記者過去已滅。依何得記。若未來生而得記者未來未至。依何

得記。若現在生而得記者現生不住。云何得記。暫現即滅時無運停。故曰不住。生既不住何誰待記而得受乎。舉下次舉彼同體四相明生無性成無得記。如佛所說比丘汝今即時生等舉佛昔言。言四相有三。一前後四相。有爲之法一剎那頃初生次住終異後滅。二是同時別體四相。有爲法邊別有非色非心生相能生諸法。乃至別有滅相滅法。三是同時同體四相。如起信論及此經說。是義云何。有爲諸法相有體無猶如幻化陽炎水等。於此法中相有名生。虛無稱滅。相有名生。非滅前。虛無稱滅滅非生後。即此生滅幻法像立。說之爲住。又此幻法各守自相。亦名爲住。故地持言。以性自故名之爲住。此住非是生滅之外。彼生與滅義門各異。名之爲異。又異眞諦性實之法亦名爲異。又異情實亦名爲異。此異亦非生滅等外。以四相同時同體故。佛實說比丘汝今即時亦生亦老亦滅以同體故。就餘三相義說爲生餘三之外無別生性。生無性故。生即無生這誰得記乃至就餘三相說滅滅無別性。滅無性故。滅即無滅說誰得記。是故畢竟無受記者。自下第二次就無生難破得記得菩提義。何故須然。恐彼彌勒生處被徵於無虛立有得義。故就難之。若以無生得授記者逆取所立。道言無生即正位者立其道理。所謂即是眞。帝正位非行正位。與住中說是法住於法位相似。於正位中亦無得記無得菩提約理破得。云何彌勒授一生記就理法呵。自下第三約就眞

●冠註曰現身下二句恐有誤字 ●(後生)●十人 ●可亦二亦可 ●破難二難破? ●[舉]一 ●性自二自性 ●帝二帝?

法緣起生滅難破得記。其法體同名之爲如。如隨妄情集起生滅。隨妄起染名之爲生淨。隱稱滅。又隨對治淨起名生。染息云滅。緣起之生非生爲生。生則無生。緣起之滅非滅爲滅。滅則無滅。如人夜間見繩爲蛇。蛇起名生。生則無生。至明蛇滅。滅則無滅。生滅既無。依何說得。文中初先進退兩定。爲從如生是一定也。爲從如滅是二定也。依如生滅而受佛記。故說爲從。進退不定故並稱耶。下就難之。若以如生得受記者。舉前所定。如無有生。以理難破。若以如滅得受記者。應後所定。如無有滅。以理難破。如非生滅。非生爲生。生則無生。非滅爲滅。滅則無滅。故曰無矣。生滅既無。依何得記。自下第四約就真性平等義中難破偏得。真性一如凡聖平等。凡於如中既無所得。彌勒如中何獨有得。文中三番。初之一番難破得記。後之兩番難破得果。難得記中先明凡聖一切皆如。次破偏得。所以釋。前一切衆生如者。凡人如也。如性緣起集成衆生。攝相歸本故衆生如。法亦如者。通明凡聖二法如也。如性緣起集成諸法。攝之從本故性亦如。衆聖乃至彌勒如者。聖人如也。如性緣起集成衆聖。攝之從本故聖皆如。如水作波波即是水。如金作器器還是金。此等亦爾。次就設難。言若彌勒得受記者。舉其所取。一切衆生亦應受記。將凡類徵。下釋難意。所以徵問。我有何以言彌勒得衆生亦得。下對釋之。如者不二不異義。故如無彼此故曰不二。如無勝劣故言不異。如不異故。彌勒如中有得受

記。衆生如中亦應得記。衆生如中無生得記。彌勒如中何有所得。下破得果。於中先破得菩提義。後破彌勒得涅槃義。前中彌勒得菩提者。舉其所立。一切衆生皆亦應得。將凡類徵。下釋難意。所以徵問。我有何以言彌勒得。應生亦得。下對釋之。一切衆生即菩提相與彌勒同。故彌勒得衆生亦得。菩提體相如下文說。寂滅是菩提諸相故。不觀是菩提離諸緣故。不行是菩提無憶念故。如是一切此菩提性緣起集成成生死衆生。攝緣從實故一切生即是菩提。彌勒實性即是菩提。彌勒有得。衆生實性即是菩提。於菩提中無衆生相。無衆生得。彌勒實性即是菩提。此菩提中何處。得有。彌勒能得。下破彌勒得涅槃義。言若彌勒得滅度者。舉其所取。一切衆生亦當滅度。將凡類徵。滅度外國名爲涅槃。下釋難意。所以徵問。我有何以彌勒得滅衆生亦得。下對釋之。佛知衆生畢竟寂滅。即涅槃相。不復更滅。與彌勒同。故彌勒得衆生亦得。涅槃體相如上文說。本自不然。今亦不滅。是涅槃義。又復如彼地經中說。自性常寂不滅不生。是涅槃義。又復如彼涅槃中說。大般涅槃本自有之。非適今也。非實非虛。非生非作。非一非異。非去來今。非因非果。此亦即是勝鬘經中一苦滅諦。經自釋言。非壞法故名爲苦滅。言苦滅者。無始無作。無起無盡。離盡常任自性清淨。離一切惱。是其苦滅。此涅槃性緣起集成生死衆生。派相即實。故一切生即涅槃相。此是體相非標相矣。於

此法性涅槃之中。從來無有衆生之相。可以息滅。是故說言不復更滅。無生可滅。是滅之極。故云畢竟。此理常定。唯佛乃覺。故說佛知。此涅槃性衆生彌勒其理一也。滅既不殊。彌勒有得。衆生同之亦應有得。然此法性涅槃之中。畢竟無生。得於涅槃。彌勒同之。何得可在。偏說有得。問曰。涅槃是佛果德。至果始有。云何宜說一切衆生即涅槃乎。解義有三。一就緣說緣斷生死。已別得涅槃。是故經中宜說涅槃以爲互無。二約緣論實。轉生死體以爲涅槃。故說涅槃爲了因果。三就實論實。生死之體。即是涅槃。不待遷轉。譬如闇夜見繩爲蛇。明眼觀之。蛇即是繩。豈待遷轉。故經說言。大般涅槃本自有之。又論亦言。自性常寂。非先有染。後時離矣。今此所論義當後門。又約人論。人有凡聖。凡聖一體。據凡望聖。聖爲惑隱。與後顯時淨德。爲本說爲佛性。及涅槃性。不名爲佛。不名涅槃。據佛望彼衆生之體。從來常淨。無惑隱覆。不須更滅。是故本來即是涅槃。今此所論。據佛望之。故說佛知即涅槃矣。上來第一廣破有得。自下第二總以結呵。是故彌勒無以此法誘天子者。約前正呵。是前彌勒無所得。故無以隨相修得之法。誘諸天子。實無發者。亦無退者。辨理重呵。於理無人故無發者。亦無退者。上來呵竟。下次教之。彌勒當令此諸天子。捨於分別菩提之見。總以教勸。所以下釋。初先徵問。菩提見好有何所以。須捨下對釋之。是中應先釋菩提義。然後釋文。義如別章。文中初言菩提不可身得心得

●前十(中)● ●冠註曰應生亦準經應作生亦應 ●得有一有得● ●冠註曰何得下二句恐有誤字

略開二門。寂滅下廣無比下結。前開門中云何不可身得心得菩提真性妙寂離相。五情不及故。身得。意緣不至故。心得。又復有身則非菩提。無身方是。故曰身得。有心則非無心方是。故曰心得。問曰。經說佛得菩提云何得。釋言。世俗文字之數言佛得之。理實得時亦無得者。何故而然。菩提之外無有我人說誰能得。我人既無亦無人外菩提可證。故無所得。不見我人異菩提時方名究竟窮到菩提。故復名得。我人既然身心亦爾。菩提之外無別身心故無能得。身心既無亦無身心二種之外別有菩提可修可證。故無所得。不見身心異菩提時方名究竟窮到菩提。故亦名得。良以立身立心不得故須捨於得菩提見。次廣釋之。於中先明不可心得。不會已下廣顯不可身得之義。前明不可心得之中有十四句。初三句體寂離相即是自德。末後一句智用了即是利他。前十三中初十明離能緣心相。後三明離所緣法相。前十句中初七離相。後三即實。前離相中初句為總。次二顯成。二復為本。後四釋成。就初總中寂滅是菩提列其名字。滅諸相故釋顯寂義。滅有二種。一者性滅於資本無。二對治滅見實始離。由見實故達妄本無。後更不生故滅諸相。下諸句中離相皆爾。次下兩句不觀不行顯前總寂。於中初句明無觀解。後無行修。前無解中不觀列名。妄相緣觀於真本無故曰不觀。又證除捨。亦名不觀。離緣釋也。觀解緣理名之為緣。於真本無稱之為離。又證除捨。亦

名為離明無行。中不行列名緣修諸度。名之為行。於真本無故曰不行。又證除捨。亦名不行。無憶釋之。諸行皆由憶念而起以無憶念所以不行。次下四句釋顯向前不觀不行。於中前二釋成不觀。後之兩句顯成不行。釋不觀中初離見解後除妄相。明不見本前離見中斷是列名捨見釋也。觀解推求。名之為見。於真本無名之為捨。又證除離。亦名為捨。後離妄中離是列名離妄釋也。妄識體虛名為妄相。於真本無名之為離。又證除捨。亦名為離。釋不行中初句離顯無行方便。後句離貪無行所趣。前離顯中障是列名障顯釋也。求行之心名為顯。證實不起名之為障。後離貪中不入列名無貪釋也。以無貪著故無所入。一釋如是復有異義。前諸句中寂滅是總餘句是別。別中初二明離淨相。不觀離解不行離行。後四離染。於中前二明其離見。後二離愛。前離見中斷是菩薩斷諸見者離事識中五見心也。離是菩提離妄相者離妄識也。後離愛中障是菩提障諸顯者離貪所起思求心也。不入菩提無貪著者離顯根本貪愛心也。上來離相下明即實。顯是列名順如釋也。空理是如如與菩提同體義分。同體不亦故曰為順。住是列名住性釋也。有是法性法性菩提同體義分。同體相應故名住。至是列名至實釋也。非有無性是其實際。實際菩提同體義分。同體無障稱之為至。上來明離能緣心相。下三明離所緣法相。於中初句明其離相。第二即實第三體常。初中不二

列其名字。若有所緣對心說二。所緣既無不可將之對心說二。故曰不二。離意法故釋顯其相。意是意根法是法塵。是二俱離故無二矣。第二句中等是列名等空釋也。空與菩提同體義分。同體相稱故名等。第三句中無為列名。體常不變故曰無為。無生住滅釋顯其相。上來諸句明其離相菩提體寂。即是自德。下彰用明了。即是利他。知是列名了生釋也。佛智明淨眾生心行佛智中現。故說為了。非有所緣名為了矣。上來廣明不可心得。下次廣前不可身得。句別有九。前二為門。後七釋成。前二門中初句離果。後句離因。前離果中不會列名。無有根塵和合生識。故曰不會。諸入不會釋顯其相。六根六塵相順名入。又入是處。六根六塵生識之處故名入。合會生識故名為會。於真本無故入不會。又證除捨。故入不會。後離因中不合列名。煩惱諸結和合生。名之為合。於真本無故曰不合。又證除捨。亦名不合。離煩惱習釋顯其相。斷除正使名離煩惱。殘氣亦盡。故離其習。後七句中初三句釋成不會。後之四句釋成不合。前三句中初句離相。後二離性。前離相中無處列名。身報永亡形無所在。故曰無處。無釋也。後無性中前無定名後無定體。無定名中假名列名。真德無名假以名顯。故曰假名。名空釋也。假有實無故曰名空。無定體中如化列名。諸德同時緣起相成。非有為有。有則非有其猶幻化。故曰如化。無取捨故釋顯其相。似如化故法非定有所以無取。亦非定無



所以無捨。是義云何。以別分總諸德皆空所以無取。攝別成總諸德斯有。是以無捨。就後四句成不令中。第一明其寂定除亂。第二明其淨慧離染。此前兩句明離惑體。三離能取明無惑因。四離所取明無惑緣。就初句中不亂列名。常靜釋也。體寂無為故曰不亂。第二句中善寂列名。不起染過故曰善寂。性淨釋也。證實。及望從來無染故曰性淨。又本法性從緣始淨亦名性淨。第三句中無取列名。遠離妄識能緣心斷。故曰無取。離緣釋也。攀者是手緣者是足。心法取境似手似足。故曰攀緣。於真本無稱之為離。又證除捨。亦名為離。第四句中無異列名。第一義中無差別相。故曰不異。法等釋也。世法參差於理如等。故曰法等。等取故無異。上來別釋。下彙結嘆。無比菩提無可喻者結前不可以身得也。過世色相不可比況。故身不得。微妙菩提法難知者結前不可以心得也。菩提性中雖具諸法不可測知。故曰心得。上來第二明教呵辭。世尊維摩說是法下明教呵辭。前辭次釋。故我下結。次告光嚴令往問疾。前對彌勒明菩提果。下明其因。於中分別盡此品。來明其行體。問疾品下顯修成相。前行體中初對光嚴明道場行。次對持世明法樂行。後對善德明法樂行。道場行者菩提果德名之為道。場者是其處之別稱。如治穀處名為穀場。治麥之處名為麥場。亦如闢處名為闢場。誼戲之處名為戲場。如是一切出生道處名為道場。於中分別有真有應。菩提樹下得道之處名

為道場。是其應也。實行出生菩提功德說為道場。是其真也。真有通局。第十地中有一莊嚴道場三昧親生佛德說為道場。是其局也。一切行德出生菩提。斯名道場。是其通也。今此所論是其真也。法樂行者以善自娛名為法樂。法樂行者以行廣。齊名為法施。三之初二是自利行。後一利他。自中道場是其出世成熟之行。法樂地前始修之行。道場行中初告光嚴。光嚴後辭。辭中初總。所以下釋。故我下結。釋中有三。一舉昔日被教由緣。二我即為禮而問已下顯彼教辭。三說是法時五百天人發菩提下明教利益。初中憶昔舉被教時。出毘耶離維摩方入影被教處。第二辭中兩請兩答。我即為禮問言居士從何所來是初問也。答言吾從道場來者是初答也。彼第十地諸三昧中有一莊嚴道場三昧。維摩今就此門以答。故言吾從道場來矣。行能生果名為道場。依行向果故曰從來。我問道場何所是者光嚴重問。曰下維摩重廣答也。曰者總舉酬答之辭。下別顯之。於中初先出其場體。菩薩若應波羅蜜下就人辨從。就人彰來。前中有五。一就心說場。二布施下就行說場。三神通下就德說場。四多聞下就道說場。五刀無畏下就果說場。諸佛果德菩薩分成。能生圓果。故亦名場。故上說佛從其十力無畏等生。心中有四。直心列名。情無慮。為故名為直。無釋也。發行列名。於諸行間起意修學名為發行。能辨釋也。行無中廢故能辨事。深心列名。信樂懇至故曰深心。增益釋也。以

心慙至故增功德。菩提心是列其名字。標果願求名菩提心。無錯釋也。正向菩提心無異求故無錯謬。第二行中初修六度。是自利行。後四無量是利他行。前自利中布施列名。不望報者離布施過。持戒列名。得願具者明戒心勝。用己所持迴施眾生名得願具。如涅槃說。忍辱列名。於諸眾生心無礙者釋顯其相。以於眾生心無悉礙所以能忍精進列名。不解釋也。禪定列名。心調釋也。智慧列名。現釋也。四無量利他行中慈是列名。等生釋也。悲是列名。忍疲釋也。喜是列名。悅樂釋也。捨是列名。憎愛斷故釋顯其相。第三德中初明自德。下方便等是利他德。自中神通列其名字。成就六通釋其相也。六通之義。如廣別章。此應具論此明德用。解脫列名。成就八脫故曰解脫。能背捨故釋顯其相。其八解脫亦名背捨。如龍樹釋。背淨五欲捨離著心故名背捨。義如下此明德體。下利他中方便列名。此化他智化智善巧故曰方便。教化釋也。四攝列名。此利他行。布施愛語利行同事是其四種。以此四行緣物從道。故名攝。攝生釋也。第四道中初明自利。降魔已下明其利他。前自利中句別有八。初一是聞次一是思。次三是修後三入證。聞思修證一義次第如地論說。前三教道後一證道。初聞慧中多聞列名。如聞釋也。第二思中伏心列名。制意思法故曰伏心。正觀釋也。於所聞法正意觀蜜。第三修中初約道品以明行修。二約四諦。三約因緣。此三行門常相隨逐三十七品列其

①及二反②下二今③齊二齊④(光嚴)一⑤月二力⑥為二為⑦無十(假)⑧現十(見)⑨如廣二廣如



名字。捨有爲法彰其行能。能治染過故捨有爲。義如別章。此應具論。諦是列名。苦集滅道是其諦也。此是道境。知此生道場。不誑世間彰其行益。自知四諦用度衆生。故不誑世。緣起列名。十二因緣名爲因緣。亦稱緣起亦號緣集。義如上解。此亦道場。知此生道。故曰道場。無明至死皆無盡者釋顯其相。菩薩知此輪轉無際故曰無盡。義如下釋。第四證中尋詮入實。詮別有三。一煩惱證。二衆生證。三是法證。煩惱是場就證以舉。知如實故約證顯實。煩惱本性眞如法。是推相窮本故知如實。衆生是場就證以舉。知無我故約證顯實。衆生本性寂寂無我尋相窮本。故知無我。此說生空爲無我也。一切法是就證以舉。所謂五陰一切諸法。知諸法空約證顯實。法性本空推相窮本故知法空。如成實中生空名空。法空之理說爲無我。此說生空以爲無我。法空名空言左右耳。上來八句是其自利下明利他於中三句。初降衆魔。第二隨有化益餘凡三伏外道。就初德中降魔列名。神通伏魔故說爲降。不傾釋也。自德牢固不爲魔動。故能降之。第二德中三界列名。應現三有攝化餘凡能生善提。故曰道場。無所趣故釋顯其相。雖現三界於中不著。故無所趣。第三德中師子吼是列其名字。能宣正法攝諸外道名師子吼無畏釋也。摧邪不怯故無所畏。第五果中句別有三。初句是其對治功德。力等列名。力是十力。言無畏者是四無畏。言不共者十八不共。十八不共廣如別章。此應具論。無諸

過者釋顯其相。十力牢固對治諸魔。無畏不怯對治外道。不共殊勝對治二乘。故無諸過。第二是其明淨功德。三明明列名。命宿天眼及與漏盡是其三也。無餘礙故釋顯其相。宿命智明除先際愚。天眼智明除後際愚。漏盡智明除真諦愚。故得無礙。第三是其廣知功德。先列其名。菩薩心淨故於一念知一切法。成一切智釋顯其相。上來第一正出場體。自下第二就人辨從約人說來。菩薩若應諸波羅蜜應前自利。教化衆生應上利他。諸有所作順法起修。舉足下足如法進止。有言。出觀名舉足。入寂下足。此解不深。今正論之。乃至色身舉足下足皆從道場住於佛法。方名深矣。從道場來明其所從。住佛法矣彰其所至。上來教意。說是法下明教利益。前辭次釋。故我下結。次告持世。令往問疾先答後辭。辭中初總。所以下釋。故我下結。釋中所以徵前起後下對辨之。於中有四。一彰已昔爲魔惑亂。二所言未下明維摩詰已告令知。三即語魔下彰彼維摩降魔索女以法化益。四世尊維摩有如是下結嘆維摩。顯已不及。初中憶昔舉被惑時。住於淨室舉被惑處。淨室修定。故爲魔惑時魔已下顯被惑相。於中有四。一魔化爲釋至持世所。二持世不識。謂是帝釋以法教勸。三魔以天女逼施持世。四持世不受。就初句中魔如前解。言波旬者此名極惡。依於佛法而得善利。不念加報。及欲毀壞。故曰極惡。以爲諸女惑亂持世故從天女帝釋樂法數往觀佛。爲令持世見而生信故魔自化狀

如帝釋。爲以音聲惑亂持世故樂鼓歌。爲惑持世故詣其所。詐善令信故與眷屬合掌禮敬。自下第二持世謂釋以法教勸。於中初明內心不識謂是帝釋。而語已下口言教勸。初先接引嘆其來好。故曰善來。僑尸是其帝釋別稱。雖富已下以法教勸。雖富有應不當自恣誠勸捨過。觀無常教修對治。以求善本勸習善因。翻前自恣。於身命財而修堅法教求常果。翻欲無常。自下第三魔以天女逼施持世。即語我言總以標舉。下別顯之。言正士者就德以呼持世出家受行正法。故曰正士。受萬二千女正勸受女。可備掃灑明受所爲。自下第四持世不受。我言僑尸告語其人。無以非法之物要我呵施不應。女爲惑垢名非法物。比丘息惡故曰沙門。從佛釋師教化出生。故名釋子。諸女既是非法之物莫用要我沙門釋子。此非我宜明受不合。此初段竟。自下第二明維摩詰告已令知。所言未語時也。言維摩詰告語人也。來謂我等告語辭也。非帝釋也彰其所非。是爲魔來燒固汝耳明其所是。燒謂燒亂固語固媚。自下第三明維摩詰降魔索女以法化益。於中有二。一從魔索女。二於是波旬告諸女下以女還魔。前從索女教以正法。後段還女令傳正法。又前索女化修自利。後段還女教修利他。又復前段化益天女。後段還女轉化餘天。初中有五。一從魔索女。是諸女等可以與我如我應受。可以與我明魔應施。如我應受明已應受。維摩俗人故應受女。二魔聞不與於中初先內以驚懼。

次念維摩將無惱我奪女強留名為惱我。後欲隱形離摩制之。而不能隱下復盡力維摩制之亦不得去。三空聲勸捨。即聞空聲總以標舉。此是誰聲。當應亦是維摩所發。波旬以女與之。將去正勸捨女。四魔畏捨女。恐彼維摩神力制已永不得去。故言畏故捨而強捨名。俛仰與。五維摩得女。以法化益。問曰直爾化之足得。何勞從魔索得。方化女性從主若不索取制仰從魔難以攝化。故須索取然後教法。又若維摩不索屬已便於維摩疎礙不親難以化益。故須索取然後教法。文中有一總勸發心。魔以汝等與我今汝皆當發菩提心。二即隨所應而為說下別教發心。三復言汝等已發意下總教法樂。已發道意。應前起後。言有法樂可以自娛示其所欣。以法釋神名為法樂。不應復樂五欲樂也。教其厭所。四天女問下廣教法樂。先問後教。教中先別後總結之。別中有二。一正教起行。二樂開深下明攝行儀。前起行中相從為三。初樂信佛樂欲聽法樂供養衆明其翻邪歸正之行。二樂離欲下明其離過對治之行。於中四句。一樂離五欲。二樂觀五陰如似怨賊共相摧滅。三觀四大如似毒蛇性相乖反。四觀內六入如似空聚。眼等六根名為內入。空無神主。三樂隨護下明修隨順趣道之行。於中初明世間所行。廣菩提下明出世間。世間行中隨護道意守菩提心。守護之相如涅槃說。樂饒益下起菩提行。起饒益生起利他行。樂敬養等修自利行。自利行中樂敬養師明攝法行。樂

行施等明造修行。修行六度。出世行中廣善提心明修廣願。樂降伏等明修廣行。樂降衆魔修利他德。下修自利。樂斷煩惱明修斷德。樂淨土等明修行德。樂淨佛土修淨土行。如上廣說。就相下起法身行。成就相好修諸功德。修起報身相好之業。如涅槃經及地持說。樂嚴道場修起法身。亦如上說。上來第一正教起行。自下第二教攝行儀。於中合有門句四對。初二一對約法辨儀。於中樂開深法不畏就約教法以明學儀。樂三脫門不樂非時約就理法以顯學儀。空無相顯是三脫門。廣如別章。此應具論。雖樂觀此不同聲聞非時取證而住小果。名為不樂非時。中間兩對約人辨儀。前二一對約就同學以辨學儀。樂近同學是初句也。於非同學心無乖礙是後句也。後二一對約就知識以辨學儀。謹惡知識是初句也。近善知識是後句也。約人如是。下二一對約就說以辨學儀。樂心喜淨是離過心。樂修道品是修善心。又心喜淨是信樂心。樂修無量道品之法是廣願心。上來別竟。是為菩薩法樂總結。上來第一從魔索女以法化益。自下第二以女還魔利益餘天。句別有七。一魔喚諸女欲共還宮。二諸女不從。三魔喚不得從維摩索。四維摩與。五諸女請問。六維摩教勸。七天女辭去。就初段中言我與汝俱還天宮天樂招引。第二諸女不從之中言以我等與此居士翻前我欲與汝俱還。言有法樂我等甚樂不樂欲樂翻前天宮。第三魔從維摩索中魔言居士可捨此女直勸令捨。

一切所有施於彼者是為菩薩以法勸捨。恐彼不捨故為此勸。第四維摩以女還。中我已捨已汝便將去正明捨女。令一切生法願具足。因事與願。因逐魔願用兼一切。故願一切求法之願悉得具足。又願一切如法之願皆悉具足。又因捨女。令於他化廣利餘天。名一切生法願具足。自下第五諸女請問。我等云何止住魔宮此言兩解。一就達釋。我是菩薩云何使我止住魔宮捨我還魔。二就順解。願請維摩。我等何止住魔宮利益衆生。自下第六維摩教勸。若對前達下文名勸。若對順請下文名教。於中住文曲有三。句第一總舉無盡燈門勸其修學。二無盡燈者譬如已下廣辨其門。三汝等雖下明學有益。初中諸姊告發其人。彼天先生故喚為姊。言有法門名無盡燈舉其法體。法從喻稱名無盡燈。汝等當學勸其修習。第二句中無盡燈者。應前起後。次辨後結。辨中初明自利兼他。先喻後合。夫一菩薩合前一燈。開百千生合前喻中然百千燈。令發阿耨三菩提心合前冥者皆明。於其道意亦不滅盡合前終明不盡。此喻反合自利兼他。隨所說法而自增益一切善法他利兼自。是名下結。下學益中汝等雖住以無盡燈令發心者為報佛恩他利兼自。令無數天子天女發菩提心是他利也。為報佛恩是兼自也。行願佛心名報佛恩。亦大饒益一切衆生自利兼他。此第六竟。爾時已下是第七段諸女辭去。上來第三廣明維摩降魔索女以法化益。世尊維摩如是下大段第四結嘆維

摩。顯已不及。言有如是自在神力結嘆向前降魔之力。智慧辨才結嘆向前化女之德。前辭大釋。故我不任結已不堪。次告善德令往問疾。前告二人明自利行。此明利他。先告後辭。辭中初總。所以下釋。故我下結。釋中所以微前起後。下對釋之。文別有二。一舉昔日被呵由緣。二時維摩下彰教呵辭。前中初言憶念我昔明被呵時。自於父舍出被呵處。設大施等彰被呵事。由施局限所以被呵。前於父舍明處局也。設大施會供養一切乃至乞人明由局也。是中唯供七種之人不及餘者。所以是局。期滿七日明時局也。局故被呵。自下第二明教呵辭。時維摩詰來入會中乃至不當如汝所說是呵辭也。當為法下是教辭也。以行並治名為法施。法施寬廣所以教之。教中施二細分有四。言施二者一就行修以明法施。二我時心得清淨已下約就財事以明法施。細分四者一就修行以明法施。二婆羅門中二百人下明說利益。三從我時心得淨下約就財事以明法施。四城中一下明法施益。初中有三。第一總勸。二我言下別教修習。第三是為法施會下結嘆顯勝。初中當為法施之會舉勝勸修。何用財會舉劣勸捨。第二教中兩請兩答。我言居士何謂法施是初請也。法施會者無前無後一時供養一切眾生是名法施是初答也。菩薩一行。無為物一。所等為一切。故無先後。一時供養一切生矣。無先後一時供養明施頓也。供一切生明供廣也。言何謂也是其後請謂以菩提起慈

心等是後答也。此中所辨宗明利他。於中細分亦有自利利他。他別。文中有四。初四無量明利他心。二以攝慳下修習六度。明自利行。三教化眾生而起空下依前第一利他之心起利他行。四以敬事下依前第二自利之行明修成相。就初段中先應解釋四無量義然後釋文。義如別章。文中初言謂以菩提起慈心者慈欲與樂緣於佛樂。欲授眾生故以菩提起於慈心。以救眾生起悲心者悲欲拔苦。欲拔眾生生死之苦。故救眾生起。非於悲心。以持正法起喜心者喜能度物。所化眾生攝持正法雖未得脫去脫不遙故生喜心。以攝智慧行捨心者捨有多義。此中所論是其放捨。前人依法攝生智慧不復須憂。故行捨心。問曰。前三親益眾生可是利他。捨心背化云何利他。解有四義。第一義者向前三心雖有益物而未能得。故須修捨捨前所緣自修能究竟。故須修捨。捨前所為更修勝善方能究竟利益眾生。第三義者為得究竟放捨義故。慈自與樂悲自拔苦喜自慶物。繫發前三故名利他。第四義者捨前所益更化餘人。故名利他。今此所論義當第三第二明修自利行。中具修六度。修此六六所為有三。一為求菩提。二為益眾生。三為離有為證入實際。通則六度皆為此三。如地經說。菩薩為求一切智地修行六度。是為菩提。如下文說。以施攝貪戒攝毀禁忍攝瞋恚。如是等比是為眾生。如大品說。菩薩為得諸法相實修行六度。涅槃經說。為了佛性修行六度。如是等比是為實

際。於中別分初之二種。為眾生。中間二種偏為實際。後之二種偏為菩提。如此說文中說言。以攝慳貪起檀波羅蜜。以化犯戒起尸波羅蜜。故知初二偏為眾生。何故而然。以此行施用教眾生彼能起故。以攝慳貪起檀波羅蜜者以是為義亦是由義亦是用義。自施教他令捨慳貪。故為攝慳起檀波羅蜜。以化犯戒起尸波羅蜜者自持淨戒。教他同時令捨罪過。故為化犯起尸波羅蜜。經復說言。以無我法起羼提波羅蜜。以離身心相起毘利耶波羅蜜。故知。中二偏為實際。何故而然。以此二行修時有苦依空防退易入實際。故偏為之。又此二行依空方成。故偏為之。以無我法起羼提者此無我法是眾生空。由知無我於物能忍。故以無我起羼提也。以離身心起毘利耶者離身心相是其法空。由知空難苦堪耐。是故以離身心之相起毘利耶。經中復言以菩提相起羼提波羅蜜。以一切智起般若波羅蜜。故知。後二偏為菩提。何故如是。禪定能生諸佛廣德。波若正是一切智因生果親強。故偏為之。菩提是佛福德莊嚴能出生。故為菩提起羼提波羅蜜。一切智者佛慧莊嚴波若亦慧親能生彼。是故宣說。以一切智起於波若。亦可菩提是佛止行依禪息妄證入其中。故為菩提起於禪定。一切智者是佛觀行依慧照明滿實是彼德。是故為得一切種智起於波若。自下第三依於向前利他之心起利他行。句別有五。前三句依空離過。後之兩句隨有攝化。前三句中依三脫門而離諸過。數

●冠註目以行並治文恐有誤字 ●無十(不) ●所十(行) ●他二之 ●(非)一 ●(第二議者) ●十捨 ●六六二六度 ●(六) ●十度 ●(偏) ●十為 ●是二足 ●

化衆生而起空者雖化衆生不見我人衆生之相。故起於空。此於空門而離過也。不捨有爲起無相者隨化在有名爲不捨。知有常寂名起無相。此依無相而離過也。示現受生起無作者隨有現形名示受生。知生無生名起無作。此依無作而離過也。隨有攝化喜生深過。故須依此而離諸過。後兩句中護持正法起方便力明化他智。化智善巧名方便力。以度衆生起四攝法明化他行。自下第四依前第二自利之行明修成相。於中初明修世間行。心淨歡喜起近賢下修出世行。修世行中句別有五。前二自分後三勝進。自分中敬事一切起除慢者修攝法行。於有德者尊仰求法名敬一切。以敬求法遠離慢高名除慢法。於身命財起三堅者修隨法行。捨離生死無常三分求於出世常身命財名起三堅。後勝進中於六念中起思念者起修始也。念佛法僧戒施及天。是其六念。菩薩於此常起思念。於六和敬起質直心行修次也。行修不乖故於六和起。質質直心。身口意同即以為三。同戒同施及與同見復以為三通前六也。此六和敬便相愛敬名六和敬。實心相敬而無諂僞名起直心。正行善法起於淨命行修終也。行成合法名爲正行。不以此行求餘名利故起淨命。上來五句修地前行。下修出世。心淨歡喜起近賢聖是初地行於三寶中淨信不疑名爲心淨。又證離染亦名心淨。初證多悅故曰歡喜。入菩提位生在佛家名近賢聖。次下兩句是二地行。不憎惡人起調伏心離煩惱。恬

瞋過最重故偏說離。以出家法起於深心明離業垢。於出家戒求欲懇重。故起深心。次下三句是三地行。以如說行起多聞者聞慧行也。爲行故聞故說以行起多聞矣。以無諍法起空閑者思慧行也。爲思言靜故空閑處寂靜思惟。如說行者乃得佛法。不可但以口言而得。趣向佛慧起宴坐者修慧行也。爲欲趣求四地已上無生行慧修世八禪名起宴坐。又爲求佛無障礙智度衆生故修世八禪名起宴坐。次下一句四地乃至七地之行。爲求出世無漏真德。解衆生縛修習四地。至七地行名修地。亦可求佛無障礙智解衆生縛。修習四地至七地行名修地。次下一句是八地行。以其相好求佛正報。及淨佛土求佛依果。爲得此二修起福業。次下一句是九地行。言知一切衆生心念是九地中入行成就。如應說法是九地中說成就也。此二智能故起智業。次下三句是十地行。前二十地自分之。行。後一勝進。趣佛之行前自分中初入證行。知一切法不取不捨入一相者證法平等無淨可取。無染可捨故入一相。又證平等不取有相名爲不取。亦不捨有專著於無名爲不捨。以離有無故入一相。修成此德名起慧業。下起教行。斷一切惱離煩惱障。斷一切礙明離報障。斷一切不善明離業障。修此三治名起一切善。如地持說諸根成就解脫報障。善根成就解脫業障。智慧成就解脫煩惱。此等通名一切善業。修成名起。亦可前慧是第十地智慧莊嚴此一切善是第十地福德莊嚴。下

勝進中一切智慧是佛如來智慧莊嚴。一切善法是佛如來福德莊嚴。爲得此二故起一切助佛法。前總次別下總結嘆。是爲法施是總結也。若菩薩下是嘆勝也。住是法施行廣益人名大施主。能消物養生世福善名世福田。上來第一約就修行修以明法施。自下第二明說利益。說是法時婆羅門中有二百人皆發阿耨三菩提心。自下第三約就財事以明法施。問曰。下明財施云何法施。自於財事平等行施教人爲之。等法教人故曰法施。又依等法捨財布施亦名法施。於中有四。第一善德局心奉施。二維摩不受。第三善德廣心行施。四維摩納受。初中我時心得淨者意業淨也。聞前所說信樂不疑名爲心淨。嘆未曾有口業嘆也。稽首禮等身業禮也。此施方便。下正行施。即解瓔珞。置直百千而以上之不肯取者是第二段。維摩不受以其偏局施維摩。情無廣兼達於等施。所以不受。我言居士願必納受隨意所與是第三段。明其善德廣心行施。由局不受故隨意與。自下第四維摩納受。初先爲受分作二。下。用之轉施爲欲則財教人等施故轉施之。於中初先分財爲二。次用施人。一分施此會中下乞施下等上。一分奉彼難勝如來施上齊下。時維摩詰現神變。下約已教他。現神變已作是言者。騰前起後。若施主者標所勸人。施一最下猶如如來福田之相無所分別正教行。施等於大悲不求果報。騰前所教。佛是大悲施下齊佛名等大悲。不爲果報偏施如來名不求果。是則名曰

具足法施結嘆令學。此第三竟。城中一下是第四段明法施益。城中下乞舉得益人。見是神力聞其所說得益所由。見前維摩所施璣珞難勝佛上變成寶臺名見神力。聞前施下等於如來。不求果報名聞所說。皆發阿耨三菩提心正明得益。一人發心云何言皆。此發同前。是故言皆。亦可見聞兩時俱發是以言皆。前辭次釋。故我下結。皆前四人阿難別列。如是諸菩薩各各向下。皆餘菩薩阿難總舉。具列難盡故通舉之。文中直言如是諸菩薩。不知幾許。或容是前列三萬二千菩薩。或可是後向維摩舍八千菩薩。以彼德高皆言不堪。

文殊師利問疾品者前告諸人皆辭不堪。此告文殊令往問疾。因以標品名為文殊問疾品矣。此品之首三句分別。一釋來意。二對上辨異。三分文解釋。言來意者意別有三。一以維摩德高難敵餘悉不堪故。告須命文殊往問。二所辨法妙餘不能請。故須告命文殊往問。三所化衆生宜聞二人問答獲益。故須告命文殊問疾。來意如是。言辨異者異別有五。備如上辨。第一義者前告不堪為顯維摩人德尊高勝過衆聖。此告所堪彰其德妙。文殊方堪故德妙矣。第二義者前告不堪彰彼維摩辨才難敵。顯其智勝。下對堪者廣顯維摩神變巨測彰其通勝。第三義者前告不堪廣寄衆言以顯維摩解脫之德。此對堪者維摩自顯解脫之德。第四義者先告不堪廣顯維摩昔所說法。此對堪者廣顯維摩今所說法。

第五義者前告不堪辨明菩薩所學法體。下對堪者顯修成相。辨異如是。次第三門科分解釋。文別有二。一告文殊令往問疾起說山序。二善來下正對問人廣宣所說。前中初先如來告命下彰文殊奉命往問。文別有四。一嘆維摩德高難敵承力往問。二與大衆相隨共往。三維摩知來空室相待。四文殊至見其室空獨寢而臥。就初段中先嘆維摩彰已非敵。雖然已下承力往問嘆中初言彼上人者難為酬對是總嘆也。深達實相下別。別中有三。一嘆維摩智解殊勝。二一切菩薩法式知下行修具足。三降魔下德用自在。就嘆解中深達實相是其實智亦名證智。依涅槃經或名世諦以為實相。或名真諦以為實相。依大品經多名真諦以為實相。今此亦應名第一義為實相耳。於貨窮證故曰深達。善說法要。是方便智亦名教智。能宣法化故云善說。所說要當故名法要。辨才無滯顯前善說。言能辨了語能才辨故云辨才。辨才流滑故稱無滯。智慧無礙顯前深達。於深能入故曰無礙。行修具中一切菩薩法式悉知自分善也。諸佛秘藏無不得入勝修具也。大涅槃中法界門別名佛祕藏。諸觀相應故無不入。諸經嘆德多依此二。德自在中。降服衆魔是摧邪德。遊戲過等是住正德。遊戲神通通自在也。遊涉諸通自在如戲。故言遊戲。其慧方便皆已得度智慧滿也。慧是實慧其方便者是方便智。此二窮極到於滿處名皆已度。上來廣嘆維摩德高。雖然已下承力往問。前彰難酬此

明承力容可為問。辨難兼易並以言雖。然猶爾難爾難對我。常承佛聖旨往問下稟上力名之為承。旨謂意旨。此承如來意力加被而往問也。自下第二文殊與衆相隨共往。於中三句。一明諸衆念二大士必說妙法先舉能念人。於是衆中就處總舉。謂於菴羅佛衆之中。諸菩薩等隨人別列。言諸菩薩舉菩薩衆。大弟子者舉聲聞衆。釋梵王等舉凡夫衆。下彰而念。咸作是念總以標舉。咸謂皆也。今二士等正出所念人。大智高語必深遠故念此二大士共談必說妙法。二即時下明前諸衆樂欲隨從。三於是下文殊與衆相隨共往。於是文殊舉其衆主。與諸菩薩大弟子等兼列從人。恭敬圍遶彰其去儀。入毘耶離辨其所至。自下第三維摩知來空室相待。於中初念文殊師利與衆俱來。此念其來不念空室。有人言。此念欲空室。與後為由其言謬也。良以維摩待化如渴。如來心喜故為此念。次以神力空其室內除去所有及諸侍者。空室是總除有及侍顯室空也。為欲寄此起後言端所以空之。下置一床以疾而臥亦欲寄病而有所顯。故置一床以疾現臥。自下第四文殊往至入舍見空。唯見維摩獨寢而臥。上來序竟。自下正說。然序與正進退不定備如上辨。若以維摩一世所說悉為正宗是則偏判。方便品初以為由序。以其疾故國王大臣皆往問疾。後悉是正宗。若以維摩現今一會所說為正是則從前方便品。來皆悉判與此會由序。從此已下方是正宗。此正宗中三門分別。一

攝法從人顯德入別。二廢人從法隨義分別。三依文正解。攝法從人顯德云何。此經宗顯維摩之德。德謂不思解脫之門。於此門中義別塵算隨德論之要唯智通。上來廣舉維摩所說顯其智勝。下彰維摩神變自在明其通勝。通中隨義分爲四對。從初盡於不思議品以爲初對。觀衆生品爲第二對。下佛道品爲第三對。不二門盡香積品爲第四對。四中皆初明其所行。後顯所成。第一對中初問疾品明其所行。不思品中借坐燈王。小室廣容明其所成。第二對中觀生品初明其所行。時維摩室有天下彰維摩室具八未有還明所成。第三對中佛道品初明其所行。並現問下廣顯維摩一切種德還彰所成。第四對中入不二門明其所行。香積品中取飯香。種。小室廣容復明所成。四對何別。初之三對明修教行而有所修所成。後之一對明修證行而有所成。後前三對明其治過之行而有所成。後二明修攝善之行而有所成。攝善行中初對明修入寂之行而有所成。捨有觀空是入寂也。後對明。明修起用之行而有所成。行於非道是起用也。攝法從人顯德如是。次第二門廢人從法隨義分別。所說法義雖復無量要唯因果。因謂法身淨土之因。果謂法身淨土之果。從於向前方便品中以其疾故國王大臣皆往問疾。盡不二門辨明如來法身因果。香積一品辨明如來淨土因果。明法身中約化分三。第一於前方便品末因凡問疾明教凡夫法身因果。當樂佛身是法身果。從於

無量功德生等明法身因。第二次於弟子品中明教聲聞法身因果。對前九人明法身因。對後一人明法身果。第三菩薩問疾品下盡不二門明教菩薩法身因果者前對彌勒明法身果。菩提眞性是其果也。光嚴已後明法身因。因中前品明其行體。此品已後明修成相。於中略以二門分別。一破相分別。二顯德分別。破相有三。從此訖盡觀衆生品以爲初分行修入寂破難凡夫著有之相。二佛道一品從緣起用破捨二乘著空之相。三不二門品證入不二破遣菩薩分別二相。破相如是。顯德門中要攝爲二。從初訖盡佛道品來依彼維摩解脫之相修習教行。不二門品依彼維摩解脫之性修習證行。前教行中義別三對。從初盡於不思議品還爲初對。觀衆生品爲第二對。佛道一品爲第三對。此三對中還初明其所行後明所成。悉如上判。三對何異。前二自分後一勝進。修菩薩法名爲自分。上求佛道名爲勝進。又復前二修入寂行。後一明修起用行。行。非於道是起用也。約位且分入寂多在六地以還。以樂空故。起用多在七地已上。彼修發起殊勝行故。前自分中初對明修治過之行而有所成。後對明修攝善之行而有所成。約位且分治過之行多在地前。地前過重須治斷故。攝善多在初地已上。行合法界成諸德故。就初對中先明所修後明所成。修多地前成多地上。此皆明法令人學矣。廢人論法辨之龜爾

維摩義記卷第二本  
沙門慧遠撰  
次釋其文。此品有二。一維摩文殊問答辨法。二文殊所將八千大下明說利益。前中先遣來去之相。且置已下問答辨法。來去覆眞故須拂遣。維摩先言。文殊後述。維摩言中。善來文殊慰問之辭問。言善來慶其得來故曰善來。又嘆來好。亦曰善來不來相來。不見相見。拂相顯實。亦得名爲約實辨相。就前文殊與衆俱來拂之顯實。是故說言不來而來。就前文殊入室見空無諸有等。拂之顯實。是故說言不見而見。不來而來汎解有三。一就世諦無常以釋。實法無來相續有來。故涅槃云。諸行無常。亦無有來。二就二諦相望以釋。眞諦無來世諦有來。故涅槃云。諸法若常亦無有來。三就眞應二身以釋。眞身無來應身有來。不見而見解亦有三。一就世諦。眼色明等別分無見。和合有見。又生住異滅四相分別則無有見。假合有見。二就二諦相望以釋。眞諦常寂無眼無見。世諦有見。三眞應相對。眞身平等離相離緣名爲不見。應化隨物示有照矚。名之爲見。文殊下述。文殊初言如是居士。總述前言。若來已下別述前義。先就來去述成前義。據維摩室望彼文殊說之爲來。就菴羅會望彼文殊說之爲去。若來不來若去不去。以理正述汎解亦三。一就世諦無常以釋。相續論之有來有去。細實分之來則無來去

則無去。二就二諦相望以釋。世諦之中有來有去。於真平等來則無來去亦無去。三就真應相對以釋。應有來去真身則無。雖有三義第二正當。所以下釋。初先徵問。我有何以言來不來去更不去。下對釋之。來無所從去無所至。以來無來去更不去。菴維會空故來無從。維摩室空故去無至。所可見者更不可見。約就其見述成前義。解亦有三。準上可知。雖具三義正當第二。上來拂遠來去之相。從此已下問答辨法。於中文殊先止前言。次通佛意。後自爲問維摩具答。且置是事是止前也。無來去等具說已盡。故須且置。居士是疾寧可忍等通佛問意。居士是疾寧可忍不。問疾輕重。療治有損不至增乎。問疾差劇。此通問辭。下顯問人。言世尊者正舉問人言慰勸者問心重也。致問無量問意深也。致謂通致問病之心。元元難盡。故曰無量。此問維摩至竟不答。以此未去故此不答。及下去時維摩共往。故亦不答。居士是疾何所因下文殊自問。維摩具答。然下爲問悉因維摩現病空室二重事起。因前現病爲問有八。一問病所因。二問病久近。三問滅法。四問病相。五問病所在。六問病體。四大之中何大之病。亦可此問起病之緣。七問慰喻。八問調伏。通佛兩問間合有十。因前空室爲問有二。一問空室。二問無侍。通下論之所起有七。前二如向。三起下舍利念無床坐。四起下天女。五起下室中八末有事。六起下文普現所問父母妻子親戚等事。七起下念食具說如是。然今文殊

但問前二。通前問病自爲十問。此十相從以之爲三。初八偏就能化之人問其化相。第九云何慰喻有疾。就能化人對所化者問慰喻。儀第十云何調伏其心。偏就所化問修治法。要攝唯二。前之八番問維摩詰現化方便。後二問其所化之人治病之法。復前八中相從爲三。初三問病爲彰維摩大悲方便。次二問其空室無侍爲顯維摩悲行所依。悲依空成故問空室。悲隨有生故問無侍。後之三番重復問疾。爲彰維摩病應非實。就初段中文殊初先并爲三問。居士是疾何所因起。問病所因。其生久如問病遠近。當云何滅問病滅法。下維摩詰先答第二。後答第三。後答第一。後二。竟初義即顯。故後答之。答第二中從癡有愛我病生者。謂從衆生起病因來維摩恒病。以一切生病故我病者。謂從衆生受病果。來維摩常病。良以維摩自實無病。病皆隨物故隨衆生而說久近。問曰衆生病來無始。維摩悲病聖來始有。云何得隨衆生之病而說久近。釋言。此隨一切衆生所有因果分分說之。不言從於無始已來常起悲病。如緣一人受地獄苦而起悲心。從造因來維摩恒愁。乃至受果。餘亦如是。次答第三。於中初言衆生病滅則我病滅。對問總解。衆生斷苦得涅槃。時名爲病滅。維摩於彼憂惱心息名我病滅。下別釋之所以徵問。我有何以說生病滅則我病滅。下對釋之。於中初法。次喻。後合。法中初言菩薩爲生生死等。舉生顯滅。願隨諸有名人入生死。爲物受身名有生死。有生死故

諸苦隨逐名有病矣。若生得離即菩薩無。當相正解。衆生離菩薩悲息。不須爲受。故無復病。次喻顯。譬如長者唯一子。其子得病父母亦病。喻前爲生入生死等。若子病愈父母亦愈。喻生得離則菩薩無。下合顯法。菩薩如是合前長者。於諸衆生愛之若子。合前一子言衆生病則菩薩病合子得病父母亦病。衆生病愈菩薩亦愈。合子病愈父母亦愈。下答初問。又言是疾何所因起。牒前問辭。菩薩病者以大悲起。對問正解。上來三問爲彰維摩大悲方便。自下文殊次爲兩問顯悲所依。悲依空成故問空室。悲隨有生故問無侍。維摩具答。問中居士室何以空。是一問也。言無侍者是二問也。答中維摩先辨室空。後顯無侍。明室空中具有七番。言相自起。維摩初言諸佛國土亦復皆空。類答前問。佛土皆空。室是土例。何得不空。答意如是。土空似室。是以言亦第二番中文殊就土更重審問。又謂更也。亦是重也。又問佛土以何爲空。爲當去事無物名空。爲當即事理無爲空。維摩下答。以空室者謂以理空爲土空也。身三文殊以土理空實室事空。又問空者牒前所答佛土理空。何用空者實室事空。既說理空爲佛土空。何用空去室中所有而爲空乎。維摩下答。明須空意。良以理空無分別故。今須空室而顯彼空。理空難明。無物顯示令人識知名無分別。空室顯之令人悟解名爲故空。第四文殊約理窮詮故又問。空可分別耶。此問空理可以室空而分別也。維摩下答分別亦空。此言拂

●劇二別● ●元二心● ●(病)十第● ●竟二彰● ●身二第●



證而顯理也。前番之中立證顯理。故以室空分別理空。今此轉除彼證顯理。是以答言分別亦空。是義云何。爲不解者須以室空分別理空。得理返望室空本無。知復。時何分別理空。是故說言分別亦空。分別空故理。已證示不可分別。第五文殊推問空處。故又問空當於何求。維摩爲答。當於六十二見中求。六十二見後當具論。此見是其凡妄情無實即是空義。故於六十二見中求。又此妄情迷空而起。推其所迷即是空義。故於六十二見中求。第六文殊轉問見處。故又問言六十二見當於何求。維摩爲答。常於諸佛解脫中求。佛證空理而得解脫。凡於脫處迷而起見。故於諸佛解脫中求。第七文殊推問脫處。故又問言諸佛解脫當於何求。維摩下答。當於衆生心行中求。衆生心行有迷有悟。迷則繫縛悟則解脫。諸佛解脫皆從心起。故於衆生心行中求。亦可衆生所有心行依真而起。體即是真。故經宣說生死二法是如來藏陰即佛性十二因緣即佛性等。窮悟此性即真解脫。故於衆生心行中求。前答室空下答無待。又仁所問何無待者。牒其問辭。下爲辨釋。一切諸魔及諸外道皆吾侍也。對問正辨。凡是侍者資養爲義。菩薩悲行由此資成。故說爲侍。所以下釋。於中先徵。我有何以說魔外道而爲侍者。下對釋之。魔樂生死。菩薩於彼生死諸魔隨而不捨。不捨魔行由彼資成。故說諸魔以爲侍者。外道樂見。菩薩於彼諸見外道常隨不捨。名爲不動。此不動行由彼資成故說

外道以爲侍者。前言不捨此云不動。言左右耳。非是守正邪見不動。自下文殊更爲三問。爲彰維摩病應非實。初問病相。居士是病爲何等相。緣摩下答。我病無形不可見者。以病實無故無形相而可見也。第二文殊問病所在。故言此病身合心合。維摩下答。云非身合身相離者。應身無身病無所在。故非身合。言非心合心如幻者。化心不真事等如幻。幻無定實病亦無在。故非心合。第三文殊問其病體。亦得名爲問病因緣。四大之中何大之病。維摩下答。言非地大不離地者。彰病實無。以病無故不可宣說即地有病。故非地大。亦不可說離地之外別有病體。故言不離餘大亦爾。而衆生下舉病應有成前實無。而衆生病從四大起。以其有病維摩現病。病隨物現。故非實有。非實有故不可宣說即四大有離四大有。亦可向前非地大等彰病實無。亦不離等顯病應有。而衆生下顯前不離地等所以。以衆生病從四大起。菩薩隨之故。不離大。士來八問廣顯維摩現化方便。自下兩問就所化人明治病法。此則菩薩五行之中治病行也。於中初就種性已前實病之人明慰喻儀。彼未知法須他慰故。云何菩薩調伏心下。就種性上實病之人明調伏法。彼自知法不須他慰。能自調故。前中先問。云何慰喻有病菩薩。問曰文殊今來問病。慰喻之儀應當自出。何故請問維摩慰法。釋言。文殊今來問者問維摩病。前具問竟。不問維摩所化者疾維摩所化慰喻之法唯在維摩。故今問其慰喻之

法。令人習學慰喻病者。維摩下答。初別。後結。別中有共十一句文。攝爲三對。自利利他。初六一對教修觀解。次二一對教生善心。後三一對教起行修。就初對中前五自利後一利他。就自利中對人分別。初四。黑小。後一異凡。對過分別初四正觀滅煩惱行。後一悔過滅罪之行。就前四中說無常者。觀身生滅離常倒也。不說厭者常隨諸有不厭自身而取滅也。說身苦者觀身多惱離樂倒也。而不宣說樂涅槃者。在苦救物故不厭苦樂涅槃也。說身無我觀衆生空離我倒也。而說救道生者。雖知神空而隨假名化衆生也。說身空者觀法體空。離法著我。不說畢竟滅者雖知法空而常隨有不永滅也。上來四句明破煩惱而常隨有。故異二乘。說悔先罪修滅罪行。過去所犯名爲先罪。追改名悔。而不說入於過去者。雖悔前愆恒知罪空。不執性罪入於過去。此滅罪業而不立性。故異凡夫。此前自利。以己之疾感於彼疾。是其利他。此初對竟。第二對中當識宿世無數劫苦。觀過生厭。此句自利。當念饒益一切衆生。與心廣濟。此句利他。第三對中前二自利。憶所修福念淨命者。於己修善正願出離不異求也。勿生憂惱常起精進。於未修善忍苦修也。此前自利。當作醫王療治衆病是其利他。求爲佛醫救衆生也。上來別竟。菩薩應如是慰喻有疾令其歡喜。總以結勸。下調伏中文殊先問。有疾菩薩云何調心。維摩下答。文別有二。一明修相。二不住。其中亦復不住不調伏下明其成相。在病修治名爲修相。病愈德立名爲成相。就



前修中初先別教。後總結勸。前別教中要唯智悲。修智自利修悲利他。智依空成悲隨有生。是二相須何故而然。若唯修智於空滯沒。若唯修悲有染著。於有染著是凡夫法。於空滯沒是聲聞法。菩薩異彼故須雙修。以雙修故悲與智俱於有不染。智與悲俱於空不著。於有不染非凡夫行。於空不著非賢聖行。故下文言非凡非聖是菩薩行。又不著有則非垢行。不偏樂空則非淨行。故下文言非垢非淨是菩薩行。菩薩巧行。妙在於此。文中三對修智修悲。初至文殊有疾菩薩應如是觀諸法來。是第一對。又復觀身無常苦下。是第二對。又復觀身不離病下。是第三對。三對何異。異有四種。一約事分別。事唯身病。初對約病修智修悲。第二約身修智修悲。第三雙約身病兩種修智修悲。二約法分別。法有階降。初對約就其深空理修智修悲。第二約就苦無常等修智修悲。第三約就身病之事修智修悲。三約人分別。初對菩薩不共法中修智修悲。其深空理唯菩薩知餘不解故。第二聲聞共行法中修智修悲。苦無常等聲聞緣覺亦能觀故。第三凡夫共行法中修智修悲。身病之事乃至凡夫亦能知故。四次第分別。次第有二。第一據深尋淺次第。空是菩薩正行所依。故先依之修智修悲。空依證入故。次第二依苦無常修智修悲。苦無常等依事而辨故。次第三依身病事修智修悲。第二從寂起化次第。空是菩薩治病所依故。先依之修智修悲。此即自德依此起化為化二乘故。次第二

依苦無常修智修悲。化行漸廣欲益凡夫故。次第三依身病事修智修悲。次第如是。就初對中文別有四。第一正明修智修悲。二文殊師利是有病調伏心下結數顯勝。三有疾菩薩復作是念如我此病非真有下以智淨悲。四有疾菩薩應如是觀諸法下總以結勸。就初段中先明修智。以無受下明其修悲。前修智中初觀見空破離有病。得是平等無餘病下觀空亦空破遣空病。前破有病滅煩惱障。後破空病滅除智障。二障雙遣名曰調心。又復前段滅煩惱障遣分段因。後除智障離變易因。二因雙除兩果不起。故為治病。前破有中觀二無我破二著我。是中應先解無我義然後釋文。義如別章。文中初明眾生空觀。有疾菩薩為滅法下明法空觀。前生空觀破離我想。後法空觀滅除法想。二想俱息名為調心。又生空觀斷滅四住去分段因。法空之觀除捨無明離變易因。二因雙除兩果不起名為治病。生空觀中初約四大為生空觀。又此病起皆由著下。約就五陰為生空觀。前中初先推其患本。今我此病皆從前世妄想顛倒諸煩惱生。眾生著我名妄顛倒。所取不真名為妄想。無我計我稱曰顛倒。貪瞋等結名諸煩惱。由彼生於現在病也。無有真下觀行斷除無有實法誰受病者。略觀無我所以釋。先徵後解四大合故假名為身觀身假有。四大無生身亦無我觀身實無。四大無主別求無神。身亦無我。將別顯總成總無我。下就五陰明觀無我。於中有二。一觀五陰破離總我。二

又此法者各不知下。觀察五陰破離總我。前中初先破離我想。當起法下明修法想。前離我中。又此病起皆由著我推其患本。是故於我不應生著。於過去厭。既知病本即除我想及眾生想。知過斷除。不取人性名除我想。不取和合假名人想。是故名離眾生之想。觀別破總故悉除之。下修法想。當起法想總勸修習。應作念下別教修習。應作是念但以衆法念成此身。觀別成總。除前我相無人唯法。是以言但。謂但五陰衆法成身。起唯法起。滅唯法滅。破總歸別。遣眾生相無生。紀法。是以言唯。此破總我。下破別我。又此法者各不相知別觀五陰體非知者。起時不言我起滅時不言我滅。別觀五陰體。非五陰體非神我。上觀生空下觀法空。有疾菩薩為滅法想。明修所為。下教正修。修有九句。第一教觀法相之過當作是念此法想者。亦是顛倒法。著我心名為法想。倒有三倒八倒之別。心想見等是其三倒。常樂我淨無常無樂無我不淨是其八倒。心相見等是迷理倒。迷空立有常樂淨等迷法想倒。翻染為淨及淨為染廣如別章。此應具論。前眾生我是八倒收。此法著我是三倒攝。倒義同前故得言亦。二教生厭心。倒是大患我應離之三倒。是其一。一切惑本故言大患。患故須離。三教離法。云何為離。前起後離我所對問正辨。法著我中六根名我。六塵曰所。四重顯前離我所。先徵後辨。謂二法五重明前離二法義。先徵後辨。所謂不念內外諸法行於平等。十二入中六根名內

六塵稱外。內外皆空所以不念。以不念故純行平等。諸法皆等且說斯耳。諸經多爾。故經言謂十二入自性平等。共此相似。六釋顯前等。先徵後辨。所謂我等及涅槃等。此說生死以之爲我。是凡體故生死法空名爲我等。涅槃亦如名涅槃等。七重釋前我及涅槃二種等義。先徵後辨。此二皆空故曰平等。八釋顯前空。先徵後解。我及涅槃但名無實。是故言空。經說三但。但名但用但假施設。今舉初但餘略不論。破相畢竟用及施設亦皆無故。九出所空。如此二法無決定性故名爲空。前破有病下破空患。何故須然。如人有病服藥破遣其病既除藥亦須捨。若藥不捨藥復成患。行者如是爲破有病觀空。爲治有病既除空亦須捨。若空不遣彼復成患。爲是須破。良以說空原爲破有。不飲使人於空計著。是以破之。文中初言得是平等無有餘病唯有空病。簡前起後。問曰空相云何是病。於空樂著不能隨有起諸行。故又妄分別。彰於平等如實智故。是義云何。如上文說。寂滅是菩提滅諸相故。此智是相所以是過。不觀是菩提。離諸緣故此智是緣。所以是過。不行是菩提無憶念故。此智憶念所以是過。斷是菩提斷諸見故。此智是見所以是過。離是菩提離妄想故。此智妄想所以是過。如是一切。空病亦空破後同前。著空之心名爲空病。此妄分別體不真。以不真故情有理無。觀此理無破遣空病。是故說言空病亦空。空義同前。是以言亦。前破有病通破有法。此破空病空法亦捨。是義

云何。經說諸法悉如幻化。幻化諸法有無同體。以同體故無法爲有。有法爲無。無爲有故有則非有。破遣有病有爲無故無則非無。破遣無病。若具論之說此有無爲非有無。有無之外無。則非有非無可取。破遣非有非無之病。還即說此非有非無以爲有無非有無外無別有無自相可取。是故亦破有無之病。具離此等名出四句。破後二病。文略不說。上來修智。下次修悲。於中有二。一爲化生不滅諸受。二設身有下依受生悲。前中初言以無所受。騰前起後。明自無受。向前修智見法平等。無法可受名無所受。而受諸受明受爲物。爲化衆生具受諸苦名受諸受。未具佛法亦不滅受。明受不息未具他功德佛法。故不滅受而取證也。謂不證於受滅涅槃。上來爲化不滅諸受。下明起悲。念惡趣生起大悲者。正起悲心。我既調伏下依悲化益。益中初言我既調伏亦當調伏一切衆生。明起化意。但除其病而不除法。明知化儀。知化衆生但須教其斷除心病。不須除法。何故而然。法有真妄。佛性是真。妄情所取。有無法說以爲妄。若論真法體當非過。不須治斷。妄法情有。除情彼無。不勞別斷。故不除法。不除法故易可化度。爲斷病下正明化益。爲斷病本而教導之。總明化益。下別顯之。別中有二。一出其病本。二云何斷下教令斷除。前中初言云何病本。徵前起後。謂有。舉緣對問正辨。此猶是其法著我心。諸過之原名爲病本。攀者是手緣者是足。心之取境如手攀物如足緣樹。法從喻稱

故曰攀緣。下重顯之。從有攀緣則爲病本彰其本義。依此安心能生諸惑。發業招苦故稱病本。何攀緣謂之三界。顯攀緣義。攀緣三界一切諸法故曰攀緣。下教斷中云何斷緣。問以起發。以無所得對問略辨。觀真捨妄名無所得。若無所得則無攀緣。重復顯之。離上攀緣名無得。故若無所得則無攀緣。雖言無得則無攀緣。而猶不知。何者是緣說爲無得。下復顯之。何謂無得。徵前顯後。謂二見者出其無。一見正是攀緣體也。雖言二見猶故難識更須重辨。何謂二見問前起後。內見外見對問正辨。內謂六根。立有不空名爲內見。外謂六塵。立有不空名爲外見。此內外見是其向前無所得也。上來第一明修智悲。自下第二結嘆顯勝。文殊是爲有病菩薩調伏其心。結前修智。爲斷老等嘆上修悲。於中初法。次喻後合。法中爲斷老病死苦是菩薩善提是順嘆也。爲物斷苦方得名爲菩薩正道。是故名爲菩薩善提。若不如是已所修治爲無惠利。是反嘆也。不能以道濟惠利人名無惠利。喻中勝怨乃爲勇者。爲他除怨。方名大勇。亦可衆生菩薩所親衆生所患即菩薩怨降伏此怨。乃爲大勇。合中兼除菩薩謂者。兼爲他人除老病死方。乃得其菩薩名也。自下第三以智淨悲。以智破遣愛見煩惱。合悲離染名爲淨悲。文中有二。一以正智觀自觀他非真非有。二作是觀下用之淨悲。前中初言有疾應念如我此病非真非有。觀自類他。病相非真妄情有故體非有。性空寂故非真世諦。非有

真諦。言衆生病亦非真有。觀他同自義如前解。上來世觀淨悲所依。下用淨悲。於中有二。一除愛見淨於悲心。二愛見悲者則於生死有疲厭下。明淨悲益。前中初言作是觀時於生若起愛見大悲即應捨離。正教淨悲。見有衆生實病可憐名愛見悲。菩薩觀察生病非真。故應捨愛。生病非有故應離見。通則義齊。所以下釋。先徵後解。菩薩斷除客塵煩惱而起大悲。故應除離愛見之悲。愛見之心是四住。惑見是初地。愛是後三。四住煩惱望無明地。後起依前名之爲客。空污稱塵。斷此客塵淨心度物名起大悲。淨悲益中有其二種。一有不厭常化之益。二有離縛解他之益。前中初言愛見悲者即於生死有疲厭心。舉損顯益。以有愛見能生諸苦。厭而求滅故於生死有疲厭心。又以愛見分別怨親不能廣化。故有疲厭。若能離此無有疲厭。彰益異損。翻前可知。離縛益中文別有四。初先正辨。在在所生不爲愛見之覆也。明自離縛。所生無縛能爲衆生說法解縛明能解他。二如佛說下引說證成。如佛所說若自有縛能解彼縛無有是處。舉失顯得。反明有益。若自無縛能解彼縛斯有是處。彰得異失。順明有益。三是故下結勸捨縛。是自有縛不能爲他解縛義。故不應起縛。四何謂下辨縛解和。先問起發。云何謂縛問其縛也。何謂解者問其解也。下對辨之。於中初約禪定之行以論縛解。貪著禪味是菩薩縛對初問也。得禪愛著名著禪味。以方便生是菩薩解對後問也。雖得諸禪。而不

隨禪。解脫力生隨有能滿菩提法處。而生其中名方便生。不爲禪縛故名爲解。下約智慧以論縛解。先開四問後廣辨釋。前開門中。又者更義。前約定論。更約慧說。是以言又。無方便慧縛是第一門。隨有生染名無方便。入空自調說之爲慧。如此修者不能以慧隨有除染。所以名縛。有方便慧解是第二門。隨有不染名有方便。入空自調說之爲慧。如此修者能以空慧隨有除染。所以名解。此前二對約就有行明慧縛解。無慧方便縛是第三門。不能觀空除滅煩惱。名爲無慧。隨有修善說爲方便。如此修者以無慧故有行被染。故說爲縛。有慧方便解是第四門。觀空離染名爲有慧。隨有修善說爲方便。如此修者以慧除染。有行不染說以爲解。此二對約就空慧有之與無。明其有行縛之與解。下廣辨釋。何謂無方便慧縛。問初門。下釋其相。謂菩薩以愛見心莊嚴佛土成就衆生釋無方便。見有佛土可貪可求。名愛見心莊嚴佛土。見有衆生可悲可起心攝取。名愛見心成就衆生。愛見心起名無方便。於空無相無作法中而自調伏釋有慧也。是名下結。如此修者不能以慧隨有除染。使無方便故慧名縛。何謂有方便慧解。問第二。謂不以愛見莊嚴佛土成就衆生。釋有方便。見土及生猶如幻化都無一實。隨化分齊。淨土利生名無愛見莊嚴佛土成就衆生。於空無相無作法中以自調伏而不疲厭。釋有慧也。是名下結。如此修者能以空慧隨有除染。使有方便故慧名解。何謂

無慧方便縛。問第三。謂菩薩住貪欲等釋無慧也。以無空慧破除染過。故住貪等。貪欲貪毒瞋毒癡毒下邪見等通皆是癡。而福德本釋有方便。能隨諸有具修諸行名有方便。是名下結。以無空慧除煩惱故。有行被染名方便縛。何謂有慧方便解。問第四。謂離貪等釋有慧也。以慧觀空破除染惑故離貪等。殖衆德本迴向菩提釋有方便。能隨諸有具起所行名有方便。是名下結。以有空慧除煩惱故有行不染名方便解。上來第三以智淨悲。自下第四總以結勸。文殊師利有疾菩薩應當如是觀察諸法。前所說中就初以勸。應說病法非真非有。前唯約病修智修悲。自下第二明唯約身修智修悲。又復觀身無常苦空無我名慧。是修智也。觀此身法而生厭離故名爲慧。雖身有疾常在生死饑渴一切而不厭倦是名方便。是修悲也。自下第三雙約身病。修智修悲。又復觀身身不離病病不離身。身是病是身非新非故是名爲慧。是修智也。隨事分齊。身是苦身即體是病。故身與病不相捨離。下重顯之。是病障身是身障身。亦可謂是病身是病也。言是身者病是身也。此二同體起。無前後名非新故。導此何爲。若別體法起容先後。先故後新。今言身病非新非故明非別體。非別體故厭斷病者。身亦須厭。設身有疾而不永滅是名方便。是修悲也。假有非定是以言說。上來三對隨別廣教。下總結勸。文殊有疾菩薩應當如是調伏其心。前明修相。下明成相。病愈德立名爲成矣。由前智悲

勤成菩薩不住行德。於中有四。第一寄對以顯不住。二雖過魔下約就修義以明不住。三雖行空下歷諸行門而顯不住。四雖觀諸法不生滅下就佛果德以說不住。初中四句。第一約對愚智二人以顯不住。愚謂凡夫智謂聲聞。中初先正明不住。不住中者不住向前調伏心中。專住調心不能現染攝化衆生。是故不住。此異聲聞。亦復不住不調伏者。明異凡夫。專住不調。便起染過招集生死。是以不住。所以下釋先徵後辨。反以顯之。若住不調是愚人法。釋後不住不調所以。若住調心是聲聞法。釋前不住其中所以。是故已下結勸不住。離此二下結成菩薩不住道行。第二約對生死涅槃二種果法。以彰不住。初先正辨。在於生死不爲汚行。不樂有爲。住於涅槃不永滅度。不著無爲。是菩薩行。總以結之。第三約對凡聖二人而顯不住。初先正辨。非凡夫行不著於有。非賢聖行不住於空。是行總結。第四約對生死涅槃二種因法以論不住。初先正辨非垢行者。常修無漏。非淨行者現起有漏。是行總結。此初段竟。自下第二約就修義以明不住。句別有七。初句約就摧邪行中。以明不住。初先正辨。雖過魔者是入寂行所證淵寂。魔緣不及名過魔行。辨寂兼有。是以言雖。下諸句中雖義例然。而現降魔是隨有行。能現勝通令魔伏伏名現降魔。是行總結。下六約就修正行中以明不住。初三自利。次一利他。次一自利後一利他。前三句中初一約就求果心中以明自利。初先正辨。求一切

智離不求行。無非時求捨事求行。未至極果中道取證名非時求。菩薩不爾。是故名爲無非時求。是行總結。後二約就修因行中以明自利。於中前句是真諦觀。後一世諦因緣之觀。前中雖觀諸法不生。明不著有。不入正位。明不證無。所謂不入無相正位。後中雖觀十二緣起。明不同邪。而入邪見明不守正。此三自利。次一利他。雖攝一切離不慈行。而不愛著去愛染行。次一自利。雖樂遠離修寂滅行。善言不依身心盡者。起隨有行。下一利他。雖行三界起。物行。不壞法性修入寂行。見有乖空名壞法性。菩薩不爾。故云不壞。上來七句合爲第二。約就修義以明不住。自下第三歷諸行門以顯不住。於中細分有十三門相從爲七。一三空門。餘處說三。此中說四。謂空無相無作無起。於空理中無果可爲名爲無作。無因可生說爲無起。雖行於空明不著。有而殖德本顯不住無。是行總結。雖行無相明不著有。而度衆生顯不住無。雖行無作明不著有。而現受等顯不住無。雖行無起明不住有。而起善行顯不住無。二六度門。雖行六度不偏利他。遍知衆生不專自利。故名不住。三六通門。雖行六通心無壅礙。而不盡漏示起染障。六通之義廣如別章。此應具論。四四無量門。雖行無量明修梵因。不貪梵世不求梵果。故名不住。五禪定門。雖行禪定解脫三昧明修定因。禪是四禪定者。是其四無色定。言解脫者謂八解脫。言三昧者謂三三昧。而不隨生不受禪果故名不住。六道品門於中有七。

雖行四念厭捨有爲。而不永離身受心法不證無爲。雖行四勤斷離有爲。不捨精進不住無爲。雖行如意用而常寂。而得自在寂而常用。雖行五根明修自利。分別衆生不捨利他。雖行五力明常修因。而樂佛力亦恒求果。此二不偏故名不住。雖行七覺明常修因。分別佛慧恒求佛果。雖行八正明恒修因。樂行佛道亦常求果。此是第六。七止觀門雖行止觀不住有爲。而不畢竟墮於寂滅不證無爲。此是第三歷諸行門以顯不住。自下第四約佛果德以明不住。句別有五。前四修因求果。不住後一得果行因不住。就前四中初三句求佛正果。後之一句求佛依果。求正果中初求報身。次求法身。後求應身。求報身中。雖觀諸法不生不滅明入空行。而以相好莊嚴其身起隨有行。求法身中。雖現聲聞辟支佛等起隨小行。不捨佛法修入大行。求應身中。雖隨諸法究竟淨相修淨滅行。而隨所應爲現其身起化用行。求依果中。雖觀佛因永寂如空修離相行。而現種種清淨佛土起嚴土行。上來四句修因求果。自下一句得果行因。雖得佛道轉于法輪入於涅槃是得果也。而不捨於菩薩之道是行因也。此是不斷佛種業矣。是行總結。上來二人問答辨法。說是語時文殊所將大衆已下明說利益。不思議品者。此初對中前明所行。此明所成。山前修治斷除病障。便成出世解脫之德。德成自在妙用難測。心言不及名不思議。廣辨此義名不思議。此品有三。一因舍利念坐爲

由。維摩身現不思議事。二舍利言未曾有下因舍利嘆。維摩口說不思議德。三時大迦葉聞說是下。因大迦葉傷嘆自絕。維摩辨出不思議人。初中有三。一舍利弗念坐爲由。二維摩詰因其所念教正求法。三爾時長者問文殊下。因其所念取坐燈王現不思議。初中舍利舉能念人。見此室中無有床坐明念所因。因上空室。作是念等正明所念。斯諸菩薩舉菩薩衆。斯猶此也。大弟子者舉聲聞衆。此等諸聖當於何坐。何故舍利。偏興此念。良以舍利弟子中。標智慧深明。知因此念廣有起發。故偏起念。第二段中維摩何故教正求法。正心求法方與解脫實性相應。維摩所現方能見聞。故須教之。文中有二。一教正求法。二由正教。五百天子得法眼淨。前中有三。一維摩詰知其心念。審定舍利。爲法來耶。求床坐耶。二舍利正答。我爲法來非爲床坐。三維摩詰隨答教呵。夫求法者不貪軀命。何況床坐。是呵辭也。餘是教辭。中有三。一明求正法必須捨相。二所以明其取相不名求法。三是故舍利若求法下結勸捨相。前中初先教捨染相。不著佛下教捨淨相。染淨雙捨心與理合。名求正法。問曰淨好何須教捨。法門有三。一是對治修捨之門。有惡斯捨有善皆修。二破相門。若好若惡一切悉遣。三立相門。淨穢斯起。今就第二故染與淨悉教捨離。前捨染中。夫求法者舉其所求。下教捨相於中。約就陰界及入三科法門及三界處教其捨離。非有色等教捨五陰。隨俗有陰於真則無。無可

貪求故言非有色受等求。餘亦如是。亦可了知非有色等名求正法。故言非有色受等求。餘亦如是。非有界者。了知真中無十八界。非有入者。了知真中無十二入。非有欲色無色求者。了知真中無三界處。教捨淨中。淨法無量。今且約就三寶境界四諦觀行。教令捨著。餘類可知。前三寶中。夫求法者舉正求法。不著佛等教其捨相。隨順世諦佛等可。受名之爲著。著故貪求。於理皆如。所以不著。無可貪取故曰不求。亦可不著名正求法故名爲求。後諦觀中。夫求法者舉正求法。下教捨相。隨世分齊有苦須見。有集須斷。有滅須證。有道須修。貪樂此行名之爲求。於理悉無。是故說言。無見苦求乃至無有修道之求。不求聖人觀苦之智名無見苦。不求聖人斷集之行名無斷集。不求聖人所造斷障。證滅之德名爲無造盡證之求。造謂作也。盡猶滅也。不求聖人修道之行名無修道。於此諸行悉皆不求。亦可離此名正求法故名爲求。上來第一明正求法必須捨相。自下第二明其取相不名求法。於中。初言所以者何。徵前起後。如來常說求知陰等名正求法。我有何以說正求法一切悉捨。下對釋之。釋意如何。明佛隨俗說求陰等名正求法。今就真諦於真法中一切悉無。凡有所取皆非求法。故教之。文中十句。一句中皆初明其法體無相。後明取相不名求法。此十相從攝爲五對。一一對中皆初明其法體離情。情取之者不名求法。後明離相。取相之者不名求法。此互相成。由離妄情令

相不生。由離妄相使情不起。五對何別。其第一對明取淨相不名求法。後之四對明取染相不名求法。第一對中。約就諦觀明其取淨不名求法。準依上文亦應宣說。取著三寶不名求法。今略不論。於此對中前句明其法體離相。取相之者不名。末法。取已能修是其情也。所修善法是其相也。就前句中。法無戲論彰法離情。真諦名法。是法實故取已有修。理外分別名爲戲論。真法離此名無戲論。若言我當見若斷下。明其取情不名求法。何故如然。若言我當見苦斷集證滅修道。彰於平等無戲論理。故非求法。就後句中。法名寂滅彰法離相。若行生下明其取相不名求法。於淨法中。道起名生。障息稱滅。若行生滅障於寂滅無生滅法。故非求法。後四何別。第一對中。前句明其法體離愛。愛心之者不名求法。後句明法離愛境界。取著愛境不名求法。第二對中前句明其法體離見。有見心者不名求法。後句明離見之境界。取著見境不名求法。第三對中前句明離妄識之心。有妄心者不名求法。後句明離妄識境界。取著妄境不名求法。第四對中。前句明離事識之心。有事識者不名求法。後句明離事識境界。取著事境不名求法。此四對中前之兩對明離心法。後之兩對明離心體。就初對中先離愛心。法名無染彰法離愛。法染猶愛也。若染已下明有愛心不名求法。若染於法。若世法也。乃至涅槃著出世法。是則染著非求法者。以有愛染障於清淨無染之理。故非求法。下離愛境界

●中十(於)●●受二愛●●未二求●●彰二障●●若二著●●

無行處彰法離相。五塵等法是愛行處。真中無此。名無行處。若行已下明其取相不名求法。第二對中初離見心。法無取捨。彰法離見。見好可取見惡可捨。其中無此。名無取捨。若取捨下明有見心。不名求法。心有取捨障於平等無取捨義。故非求法。下離見境。法無處所彰法離相。五陰等法是生見處名為處所。真中離此。名無處所。若著處下明其取相不名求法。第三對中初離妄心。法名無相彰法離情。妄識之心妄取虛境名為相識。真中無此。名法無相。若隨相下明隨識不名求法。下離妄境。法不可住彰法離相。妄相境界為心所依名為住處。真中無此。名法不住。若住於下明其取相不名求法。第四對中初明離事識之心。言法不可見聞覺知。彰法離情。眼識名見耳識曰聞。鼻舌身識說以為覺。意識云知。於真法中畢竟無此。故云不可見聞覺知。若行見下明有見等不名求法。下明遠離事識境界。法名無為彰法離相。六塵境界是共有為。真中無此。故曰無為。若行已下明取有為不名求法。前明求法必須捨相。次明取相不名求法。是故舍利若求法。下是第三段結。勸捨相。是前取相非求法。故正求法者於一切法應無所求。上來正教。自下第二明教利益。由前正教五百天子知法離相。於諸法中得法眼淨。此法眼淨初地見道。前舍利弗念坐為由。第二維摩教正求法。自下第三維摩因念取坐燈王顯不思議。於中有五。一問文殊。何等佛土有上好妙師子之坐。二文殊

具答。三維摩詰神力取坐。四大眾同見。五命眾俱坐。就初段中。仁者遊於無量千萬阿僧祇國何等佛土有上好坐者。為顯所取坐中勝也。師子坐者人處不怯名師子坐。亦可坐下有師子像如蓮華坐。十方妙坐維摩應知。何故須問。為使人文殊以實具答。就實以彰不思議力。為是須問。又欲使彼文殊彰遠寄遠以顯不思議力。是以須問。自下第二文殊具答。言東方者辨其方所。言度三十六恒河沙國彰其遠近。言有世界名須彌相列其國名。佛告須彌彰其佛稱。身長八萬四千由旬明佛身相。坐高八萬四千由旬嚴飾第一辨其坐相。言高八萬四千由旬是其佛坐與佛等量。弟子之坐皆卑於此。出世善根之所出生故嚴第一。自下第三維摩。聖坐現神力者。如意通力非餘通等。彼佛遺者。神力使來。因之為遺。三萬二千彰其多也。言高廣等顯其大也。縱廣四萬二千由旬故言高廣。入維摩室現不思議令人敬也。廣多之坐入於小室名示不思議。問曰下說香積取飯遣化而往。今此取坐何故不然。直現神力化隨時變非可一定。又香積國有人欲來須化引接。此無來者故無化往。自下第四大眾同見。言諸菩薩大弟子等舉能見人。昔所未見彰化異常。其室廣等正明所見。其室廣博悉容三萬二千坐等。明內不小。於毘耶離及閼浮提亦不迫近悉見如故。彰外不大。人間室廣苞容多坐。謂改舊室令使寬廣方容多坐。故須宣說於毘耶等亦不迫近悉見如故。自下第五命眾

俱坐。於中有二。一命大菩薩令其俱坐。地上菩薩是其大也。二新發下命小菩薩及聲聞眾。令其同坐。地前菩薩是其小也。前中四句。一勸文殊與諸菩薩上人俱坐。二教立身如彼坐像。坐高身卑恐不相稱。是以教之。三其得通下明諸菩薩受其後教變身如坐。四受前勸坐師子坐。後中五句。一新發菩薩及弟子眾皆不能昇。二維摩詰告命令坐。以前舍利念坐為心故偏告之。三舍利弗自辭不堪。四維摩詰教禮燈王。五諸菩薩及舍利等受教禮佛方始得坐。以是燈王化現境界故禮承力方堪昇坐。自下第二因舍利嘆維摩口說不思議德。恐舍利弗取前為極除此更無。故須廣說。文中有二。一舍利弗嘆前起後。居士未有是總嘆也。如是小室乃容受等是別嘆也。二維摩詰因嘆廣說。說中初言唯舍利弗諸佛菩薩有解脫者。總舉德體。此第十地所得。無量諸解脫中初解脫門。德體無礙名為解脫。又用自在亦名解脫。不可思者經中亦名不思議也。通釋是一。於中分別非無差異。異相如何。據實望情名不思議。據情望實名不可思。何故如然。據實望情實外無情。為是不思為是不議。是義云何。情相之與原由妄想。以妄想故妄想法生。如因眠睡夢境界生。此是初對。妄想既生心取為有。為之施名。施名心起名心起已名字隨生。此是兩對名字既生心隨名字。取著諸法。名為覺觀。覺觀起已發動口言名為言說。此是三對。言說起已復隨言說取所說法。是則言說以之

爲道。心以爲行。由心取法。違順等境一切應心。此是四對。由是生死之相熾然增長不絕。契證如實達妄本無。由知無故妄想不生。妄不生故妄相不起。此初對滅。相不生故不復取相。爲之施名。名心則盡。名心盡故名不取。此兩對滅。名不起故不復隨名取著諸法。覺觀心息。覺心息故不起言說。言說亦止。此三對滅。言說止故不復隨言取所說法。當知此則言語道斷。心行隨滅。心行滅故違順等境一切皆息。名得涅槃。此四對滅。滅此四重妄相之心。說爲不思。離名去說。稱曰不議。不思如是。據情望實。情外有實。情外之實。心言不及。是故名爲不議。今據後門。是故名爲不議。不議有二。一體。二用。體則淵深。情緣不及。名不可思。口言不逮。名不可議。用則巨測。名不可思。用過言限。名不可議。名不議。解脫門矣。此舉德體。下彰其用。良以此法是其緣起作用之性。諸佛菩薩證會相應。情相悉滅。但以法力自然普現無盡之用。如如意珠能出衆物。諸佛菩薩所得法門。例皆同爾。凡所作用皆是法力。都非心力。故今住此解脫之門。能現無量不思議用。文中初別我。今略下總結顯多。別中合有十三復次。前之二色中自在。後一明其音聲自在。色中初有一復次。世界自在。後一明於己身自在。前世界十一復次。相從爲七。一大小自在。須彌入芥。二廣狹自在。海入毛孔。三身力自在。亦得名爲運轉自在。斷取三千擲置他方。恒沙界外。還置本處。四修促自在。七日爲劫。劫爲

七日。五示現自在。一切世界莊嚴之事。集在一國。示於衆生。一國衆生置之右掌。飛到十方。遍示一切。六容受自在。於自身中廣容諸物。於中有四。一十方衆生俱養之具。於一毛孔皆令得見。二十方所有日月星等。於一毛孔皆使見之。三十方世界所有諸風。菩薩悉能吸著口中。而身無損。四十方世界劫盡之火。入於腹中。而不爲害。此四合爲容受自在。七輕舉自在。下方過於恒沙世界。取一佛土。舉著上方。過恒河沙界。如持針鋒。舉一葉。雖爲此事。不燒衆生。上來明其世界自在。下次明於己身自在。住不思議解脫。菩薩能以神通現作佛身。乃至或現輪王等身。上來明其色中自在。下次明其音聲自在。十方世界所有衆聲。皆能變之。令作佛聲。演出苦空無常等音。又十方佛所說之法。皆於向前所變聲中。普皆得聞。上來別說。下結顯多。我今略說解脫之力。若廣說者。窮劫不盡。自下第三因大迦葉。傷嘆自絕。維摩辨出不思議人。於中初先迦葉傷嘆。維摩下出不思議人。迦葉何因而爲傷嘆。由前聞說不思議德。知己無分。所以傷嘆。傷嘆之意。爲欲使人厭小求大。文中有三。一大迦葉聞前所說。嘆未曾有。二謂舍利下。傷已絕分。三因前二諸天發心。初段可知。第二段中別有四句。一明聲聞聞大不解。先喻後合。二智者下。明諸菩薩聞說。不思議脫之德。無不解了。發心願求。三我等何爲永絕根下。就前第一明小絕分。并彰一切聲聞應泣。我等何爲永絕其根。於此大乘已如敗種。

明小絕分。迦葉彰已及餘聲聞。證小捨大。無心趣求。故言我等永絕其根。於此大乘已如敗種。類以顯之。一切聲聞聞是不思議解脫門等。明小應泣。失利處重。故應號泣。聲振三千大千世界。四一切菩薩應大欣下。就前第二明諸菩薩聞大應悟。并說信益。有大心者。終能別證。故應欣慶。頂受此法。有信解者。受味難捨。諸邪異法。法不能傾動。故一切魔無如之何。此四句中。第一第三令人厭小。第二第四使人欣大。第二竟。自下第三明由前說。故令三萬二千天子發菩提心。自下第二維摩因前辨出不思議解脫之人。何故須辨。前言信解不思議脫。一切魔衆無如之何。人喜生疑。向持世爲魔惑亂。佛將成道。爲魔所燒。如是非一。云何而言信解不思一切魔衆無如之何。爲遮此疑。成前所說。故今宣說。十方世界作魔王者。及諸乞求惱菩薩者。多是不思議解脫菩薩。非實凡夫。實凡不能爲此事。故信解不思議脫。菩薩凡夫魔衆無如之何。又復前明順行現示。未明逆行。故此辨之。文中有三。一明十方作魔王者。多是菩薩。二明十方強乞求者。亦是菩薩。三是名下總以結嘆。初中先明作魔王者。多是不思議解脫菩薩。以方便下明作所以爲化衆生。第二段中先法後喻。法中初先彰聖異凡夫。凡夫下劣。不能已下。簡凡異聖。亦得名爲舉凡顯聖。前中先明十方菩薩有人從乞頭目耳等。多是不思議解脫菩薩。以方便下明作所爲。誠其心令其堅固。所以下釋釋彼菩薩獨能所以。先徵後



解。以此菩薩有威德力。故能逼迫。示諸衆生如是難行苦行之事。令人力厲堅固所行。亦令世人。都之尊敬。簡凡異聖。文顯可知。喻中。譬如龍象蹴。踰喻前不思菩薩獨能。非隨所堪。喻後凡夫下劣不能。彼十方界修行菩薩。唯有不思菩薩。能逼強抑令施。凡夫不堪。彼一切處所有龍象。唯大龍象能蹴踰。非隨所堪。下結嘆中是名智慧方便門者。行達攝物故曰方便。

觀衆生者。於此品中明觀衆生虛妄不有而行無量。就斯標品名觀衆生品。向前兩品合爲初對。此品即爲第二對也。於此品中初明所行。時維摩室有天下彰其所成。與前何別。前初對中離過之行以爲所行。後明所成。今此對中集善之行以爲所行。後明所成。約位且分。離過之行是其地前。成善地上。就所行中。初明利他。文殊又問生死有長當何依。下明其自利。前利他中。修四無量以爲利他。四無量義廣如別章。然今且約三緣分別。一衆生緣。二者法緣。三者無緣。況解有三。第一直就化益分別。如涅槃說。諸衆生欲與其利名衆生緣。緣於一切五欲樂具利衆生法。欲與衆生名爲法緣。緣如來者名曰無緣。簡前二故故涅槃云。慈者多緣貧窮衆生。如來大師永離貧苦受第一樂。若緣衆生則不緣佛。故曰無緣。法亦如是。緣法之時欲與衆生。不欲與佛。以是義故名無緣。若爾何故須緣如來爲將佛樂與衆生。故若緣佛樂故與衆生應名法緣。爲欲簡別世間法故不名法緣。又

佛是人故不名法。若佛是人何故不名衆生緣乎。爲欲簡別所益衆生。是故不得名衆生緣。第二義者。前二化益。後一觀入。以別三緣。如地經說。緣於一切所益衆生名衆生緣。緣於一切化衆生法名曰法緣。此二化益觀法空寂稱曰無緣。此一觀入。第三義者。前一化益。後二觀入。以別三緣。如涅槃經及地持說。緣諸衆生欲與其利名衆生緣。觀諸衆生但是五陰生滅法數無我無人。而行慈等名爲法緣。問曰。無人云何慈念。諸衆生妄爲我人。定所纏縛。爲之輪轉。深可哀傷故得行慈。又如下釋。菩薩自念。爲諸衆生說如斯法。是真行慈。如是一切。問曰。無人爲誰說乎。經言無者無定性人。非無和合假名衆生。故得爲說觀衆生五陰法數畢竟空寂。而行慈等名曰無緣。問曰。無法云何行慈。解有兩義。一念衆生妄爲有法之所纏縛不能出離。深可哀傷。故得行慈。二念爲生說如斯法。即是第一義樂。與人故得名慈。如是一切。問曰。無人法亦不有。爲誰宣說。釋言若就菩薩自觀見法平等。實無能慈亦無所慈。佛亦如是。是以經言。平等眞法界佛不度衆生。據凡望聖凡外有聖。聞聖宣說空無我義便能捨有證入其中。故得宣說菩薩行慈。佛亦如是。是以經言衆生報分別說佛度衆生。於此門中更有多義。廣如別章。三緣如是。然今且約第三一門明修無量。理實四行齊有三緣。但今文中。言有隱顯。慈無量中備具三緣。初觀衆生人法皆空。而起慈行。即是法緣。及無緣義。下以六度

益衆生等。兼具生緣。悲喜捨中唯衆生緣。餘略不論。良以是中慈爲行體。故備三緣。餘三行用故唯生緣。就前慈中初明修相。行寂滅下明其相成。修在緣觀成在眞心。修中初觀人法皆空。即是法緣及無緣觀。文殊言下依觀修慈。前中文殊先問起發。云何菩薩觀於衆生。維摩下答。文別有二。一觀生空即是法緣。二如無色界色已下明觀法空。即是無緣生空觀中有十五句。皆借喻顯。前之二喻別舉別合。後十四喻併舉總合。此有何別。初之十句就相明虛。明五陰相虛無神主。後之五句就情說無。妄情所取畢竟不有。如第五大第六陰等。又前十句觀相虛假破去人性。後之五句觀理空寂。破去人相。前十句中譬如幻師見所幻人。立喻顯法。幻師知幻了了不眞。故取爲喻。菩薩觀生爲若此者。合之顯法。下如智者見水月等。轉喻顯法。智者見於水中月等。知實非有。菩薩。生觀實知非有。故取爲喻。說何爲水。名何以爲空中之月。將何以爲水中之月。總取水月況生無實。不勞別對。若欲細合汎解有二。一約衆生分齊以論。二約法說。約生論者曲有兩義。一起我見。二起我相。若起我見陰法如水。我見之心如水。中月。於此門中本識之心。及本識中無始薰習。我見種子如空中月。由依此本。於彼妄想五陰法中我妄想生。如水中月。故地持云。久遠積習我所。著於五受陰起我妄想。此復爲本。如空中月。於彼事相五陰法。中我人見起。如水中月。故地持云。依我妄想起身見我



慢。若起我想妄心如水。五陰集用我人之相如水中月。於此門中佛性緣起集用之我及本識中無始薰習我塵種子如空中月。由依此本。我妄想中妄相五陰集用我人現如水中月。此復爲本。如空中月。於彼事識我見心中。五陰集用我人相現如水中月。妄心妄境宜相起。故約法論者。亦有二種。一起妄心。二起妄心。本識之心及本識中無始薰習妄想種子如空中月。由依此本。於彼妄相虛僞法中心想見等妄想心生。如水中月。此復爲本。如空中月。於彼事相陰界入中事識心生。如水中月。若起妄法妄心爲水。妄法如似水中月。於此門中。佛性緣起陰界入法及本識中無始薰習法塵種子。如空中月。由依此本。妄想心中陰界入等虛僞相現。如水中月。此復爲本。如空中月。事識心中陰界入等事相法起。如水中月。況論如是。今約衆生分齊言耳。水月既然。鏡中像等類亦同爾。後五句中妄情所取我性本無。是故說言如第五大第六陰等。又復假名人相亦無。是以說言如第五大第六陰等。於色法中唯有地水火風四大。更無第五。成身法中唯有五陰。更無第六。如第七情。情猶識也。於事識中唯有六識。更無第七。何故如是。六根之外無第七根。六塵之外無第七識。通妄及真說七說八。理亦無傷。今唯就事故無第七。生識法中唯有六根及與六塵十二入法。無第十三。根塵識等隨別開分。唯十八界無第十九。良以此等畢竟無法似身無我。故取爲喻。法空觀中先喻後

合。喻別十五言皆可知。上來觀生明其法緣及無緣義。下明修慈。於中文殊先問起發。若作是觀不見人法。云何行慈。維摩下答。菩薩觀無自念。爲生說如斯法。是真行慈是義云何。爲生說前空無我法。能令衆生捨有證空。即是第一義樂與人。故得名慈。問曰。無人爲誰說乎。此如上解。前明修相。自下第二明其成相。先辨後結。辨中有二。一明慈體性。二行羅漢下明慈行德。明慈體中句別有九。相從爲四。初有五句明慈離相。次有兩句明慈體堅。次有一句明慈體淨。下有一句明慈體廣。此慈佛性真心爲體。真心離相常住不壞。清淨廣大慈亦如之。故此文中隨而具辨。前離相中初句是總。後四是別。前就總中行寂滅慈。列其名字。慈體無爲。遠離一切煩惱業苦。故云寂滅。無所生故。釋顯其相證實離妄。故無所生。就後別中行不熱慈離煩惱因。煩惱燒人名之爲熱。慈行離之故曰不熱。無煩惱之行等之慈離煩惱果。無有三世分段果別。故名爲等。等三世故。釋顯其相。行無諍慈明離業因。善惡相違名之爲諍。慈行離此故曰不諍。無起釋也。行不二慈明離業果。內外不合釋顯其相。十二入中六根名內。六塵名外。內和合能生六識。故名爲合。菩薩真慈證實以成。契實真慈性如虛空無內外別。是故名爲內外不合。此前五句明慈離相。次有兩句明慈體堅行不壞慈不爲緣。慈即佛性體離相。慈亦如之。故緣不壞。畢竟盡故釋不壞義。離相窮極名畢竟盡。行堅固慈自體堅固。

心無毀故釋顯堅義。真心爲體故不可毀。無毀故堅。次有一句明慈體淨。行清淨慈列其名字。諸法性淨釋顯其相。如來藏中妙淨法界名諸法淨。慈即彼成。故慈淨矣。下有一句明慈體廣。行無邊慈列其名字。如空釋也。理性平等名爲虛空。慈行同彼名如虛空。虛空界廣無有分限。慈行亦爾。故曰無邊。前明慈體。下明慈德德義虛融行無不統。無不統故一備一切。一切成一。一備一切慈通衆行。故涅槃云。我說是慈有無量門。一切成一萬行皆慈。故此文中遍就諸行以彰慈矣。於中初先約人分異。行自然下約行辨異。前約人中從下向上次第論之。行羅漢慈約人列名。破結義。說爲羅漢外國語中三名相逼。一阿羅漢此云無生。亦云無者。二阿盧漢此云殺賊。三阿羅呵此云應供。今破結賊。當阿盧漢。而賢聖中多無此名。故就羅漢明破結賊。行菩薩慈約人列名。安生釋也。菩薩專以安生爲行。故於慈中有安生義。說爲菩薩。行如來慈約人列名。得如釋也。乘如實道來成正覺。是如來義。故慈行中有證如義說爲如來。行佛之慈約人列名。覺生釋也。自覺覺他是其佛義。故慈行中有覺生義說爲佛慈。問曰。今此明菩薩行。菩薩正應行菩薩慈。云何宣說行羅漢慈乃至佛慈。菩薩遍學一切法。故上來約人。自下第二約行辨異。於中含有十六。句別通論。慈行俱是利他。隨相且分。初之三句自行利人。次有一句化行益物。次有七句自

①二起妄心二起妄法 ②前就一就約 ③和合十(外) ④如二一混?

行利人。下有五句化行益物。就初三中。行自然慈列其名字。無因釋也。如涅槃說。因世諦慈得第一義慈。第一義慈不從因緣。此亦如之。修時假緣得實反望。從來無因。無因可從。故曰自然。行菩提慈列其名字。菩提胡語。此翻名道。圓通之道說為菩提。慈行圓通。故名菩提。等一味故釋顯其相。證菩提時體外無緣。故等一味。義如上辨。行無等慈列其名字。下不能齊故曰無等。斷諸愛故釋顯其相。體真窮極上無所欣。名斷諸愛。次下一句化行益物。行大悲慈列其名字。分相論之慈悲各異。今據攝相悲亦成慈。導以大乘釋顯其相。次七復明自行利人。於中初句是其證行。後六教行。前證行中行無厭慈列其名字。行常在空故曰無厭。亦可依空常化不憊。故曰無厭。觀空無我釋顯其相。下教行中六度差別。行法施慈就檀明慈。檀有財法無畏之別。今論法施。餘略不辨。無遺惜故釋顯其相。有法盡施故無遺惜。行持戒慈就戒明慈。戒行教人名持戒慈。化毀釋也。行忍辱慈就忍明慈。忍行安他名忍辱慈。護彼我故釋顯其相。護是捨義。捨於彼我故不親己疎礙於彼而行惱害。行精進慈就進明慈。動化衆生名精進慈。荷負衆生釋顯其相。行禪定慈就禪明慈。禪行益人故名慈。不受味故釋顯其相。得禪愛著名為受味。味則捨他。菩薩不味故能化益。行智慧慈就慧明慈。慧行益人名智慧慈。無不知時釋顯其相。善知衆生應受化時。隨而攝取名無不知。此前七句約就自行以論

慈益。下五復明化行益物。於中初句化他身巧。中間三句化他心淨。末後一句化他行益。化他巧中行方便慈列其名字。化行善巧故曰方便。一切示現釋顯其相。巧現異化故曰方便。如觀世音種種異現名為方便。化他心中。行無隱慈化他心直。心無諂偽故無隱覆。直心清淨釋顯其相。行深心慈化他心慍。化心慍厚故名為深。不難釋之。以心深故不難解意。又以深故不難異求。行無難慈化他心實。實心饒益故無虛誑。不虛釋也。化他益中行安樂慈列其名字。令得佛樂釋其相。上來別論菩薩之慈為若此也。總以結之。上來慈竟。下次明其悲喜捨行。皆初文殊問以起發。維摩後答。何謂為悲問悲無量。所作功德皆與一切衆生共之。對問辨釋。處處多說。與樂名慈拔苦稱悲。依如涅槃。除無利益拔苦名慈。與其利樂說以為悲。今此所論悉不同。彼利他行體說以為慈。所得其他。目之為悲。隨己所得盡欲與他名共一切。何謂為喜問喜無量。所有饒益歡喜無悔。對問辨釋。處處多說。見他得利慶悅名喜。今此益他不悔名喜。義之左右。何謂為捨問捨無量。所作福祐無所希冀對問辨釋。福利衆生薩祐一切。不偏名利不望。及報。捨此貪求故名為捨。經中說捨況有七種。一心性平等。亡懷稱捨。情無存著。故曰亡懷。二於衆生捨離一切怨親等礙。日之為捨。三捨一切貪瞋等過。名之為捨。四見生得脫不復憂念。放捨名捨。五證空平等離相名捨。六自捨已樂施與他人。說之為

捨。如涅槃說。七益衆生無所希望。名之為捨。今此所論義當後門。上來利他。下明自行。於中合有十二問答。相從為三。初一明求一切智心。次一明其念衆生心。後十明其離有為心。此三巧觀互以相成。就初番中文殊先問。生死有畏當何所依。問以起發。維摩下答。當依如來功德力者。依求佛智度生死也。依義不同。況釋有三。一異相歸依。依憑他佛而度生死。二自德歸依。自求當來菩提功德。三自實歸依。三歸真性是己自體。息妄趣求名曰歸依。如涅槃說。今此所說義當第二。自依當來所成佛歸而治生死。第二深念衆生心中。文殊先問。欲依如來當於何住。維摩下答。當住度脫一切衆生。無上菩提獨善不階。故求佛德須度衆生。此舉化他自成佛法。第三厭離有為心中。有十問答。初四問答尋其行原。後六問答推其患本。就前四中。初二問答明離煩惱。後二離業。離煩惱中。欲度衆生當何所除。問先起後。除其煩惱對問辨釋。自有煩惱不能解人。故欲度生須斷煩惱。欲除煩惱當何所行。問前起後。當行正念對問辨釋。一切煩惱由邪念生。故斷煩惱須行正念。就離業中。云何行正問前起後。答曰當行不生不滅。略明離業。何法不生何法不滅。問前起後。不善不生善法不滅。廣明離業。不善不生教其離障。善法不滅教其修治。上來四番尋其行原。下六問答推其患本。初善不善孰為本者。問前起後。孰謂誰也。前善不善用誰為本。身為本。言對問辨釋。五陰報身而為本也。身執

爲本轉問身本。欲貪本者。明其陰身四住煩惱而爲本也。四住惑中貪欲增強。受身所依。故偏舉之。又問欲貪孰爲本者。轉問貪本。答曰虛妄分別本者。明前四住用七識中虛妄分別而爲本也。於彼妄心所起法中。分別違順好惡等異名妄分別。猶地持中念不念等三種妄想。依此三妄起貪害癡故爲貪本。又問虛妄孰爲本者。轉問妄本。答曰顛倒想爲本者。明妄分別七識心體而爲本也。七識妄心是想見。三倒所收。名顛倒想。非四顛倒。四倒乃是四位所攝。非虛妄本故宜別之。此顛倒想猶地持中自性差別攝受積聚三妄所攝。又問顛倒想孰爲本者。轉問倒本無住本者。明前倒想八識真心而爲本也。如人眠夢報心爲本。真心無緣無所依託。故曰無住。又問無住孰爲本者。轉問真本。答曰無住則無本者。明真體常更無依託。所以無本。如色依空更無本。文殊師利從無住本立一切法者。明從真心建立一切虛妄法也。故經宣說。三界虛妄唯真心作。若知此本。虛妄之法自然息滅。故須推之。品初至此明其所行。

### 維摩義記卷第三本

### 維摩義記卷第三末

下明所成。所行是其功用之道所成是其無功用德所成有二。一所成人。二所成事。依前利他化益天女。成就出世不思議德名所成。

人。依前自利。成就淨報所居之室具八末有名所成事。此皆寄約維摩顯之。理通一切。文中有三。一明天女聞說現身。二即以天華散菩薩下寄化顯德。三爾時維摩語舍利下辨實顯德。就初段中。時維摩室彰其處也。有一天女列其人也。此乃鬼神通名爲天。與華嚴中夜天相似。見諸大人聞所說法。彰現所由。便現其身。正明現身。聞說心喜。所以現身。又此天女因說成德。德成起用。用應物情。所以現身。第二寄化顯德之中。宗意有二。第一爲顯天女之德。第二爲彰維摩之室具八末有。隨文以求。言義有八。一明菩薩於華不著。二舍利言天止此室其已久下。不離文字而說解脫。三舍利不復已離姪怒癡下。不離三毒而得解脫。四舍利言善哉已下。明無得證。五舍利問汝於三乘爲何求下。明其所求。六舍利言汝何以不轉女身下。明無所轉。七舍利問汝於此沒當生何下。明無所生。八舍利問汝久如得三菩提下。明無所得。就此八中兩門分別。一遣相分別。無得無離。二顯實分別。實得實離。遣相門中相從爲四。一明無離。二明無得。三明無捨。四明無取。八中初三。明其無離。次一無得。次二無捨。後二無取。是義云何。初之三分。明諸菩薩知相即如三業無離。初一身業不離五塵。第二口業不離文字。第三意業不離三毒。其次一分。明諸菩薩知如絕相無得無證。如外無心。故無能得亦無心。外如相可取。故無所證。其次兩分。復明菩薩知相即如身心無捨。於中初分。明其內心不

捨三乘。後明身報不捨女像。後之兩分。復明菩薩知如絕相無生無取。於中初分。明身平等無生可取。後分明其內心平等無果可取。遣相如是。顯實門中相從爲六。義爲三對。言其六者。初之一分。寄對聲聞明如實治。處塵不染。次有兩分。寄對。聲聞明如實脫。在垢無縛。此二一對。次有一分。明如實德。無證爲證。次有一分。明如實願。三乘等求。此二一對。次有兩分。明如實身。現無所捨當無所生。末後一分。明如實心。無得爲得。此二一對。就初段中文別有六。第一天女爲欲誡諸菩薩。聲聞心行差別。以華普散。二華至下明諸菩薩聲聞心別至有異。以諸菩薩離相心成。華至則落聲聞弟子取相未遣。華至不墮。三一切弟子神力去下。明諸聲聞恥花偏著神力遣之而不能去。四爾時天女問舍利下。天女問其去花之意。五舍利。答花綵非是出家。嚴具名不如法。六天曰下。天女隨答以理教示。呵於中先呵。若於佛法出家已下。以理教示。就前呵中。勿謂此花爲不如法。隨答正呵。所以下釋。先徵後解。花無分別。明惠非境。仁者自生分別想耳。推過歸人。就下教中六句三對。皆初非小。後顯其大。三初中對約行分異。第二約心。第三約惑。初中。若於佛法出家有所分別爲不如法。是非小也。若無分別是如法等。是顯大也。若無分別是則如法。況立道理。觀諸菩薩花不著下。就大顯德。此是初對。譬如人畏非人得便如是。弟子畏生死。故色聲香味觸得其便。此復非小。已離畏者

一切五欲不能爲也。還是顯大。此是兩對。結習未盡。花著身耳。此復非小。結習盡者。花不著也。此復顯大。此三對三番。非小令人厭捨。三番顯大。使人慕求。自下第二。明卽文字而說解脫。於中四對。一舍利。問天止此室。其已久如久近。如何故曰久如。天女。眞答如耆年解脫。年長曰耆。天女以彼舍利長舊呼爲耆年。耆年脫來我居此室。二舍利錯解。止此久耶。天女尋徵。耆年解脫亦何如久。天女之意。將舍利弗平性無縛以爲解脫。此解脫來無有時節。取彼彼類己身之實性。安住維摩如實境界。亦無久近。凡聖所依實無二故。舍利今者。謂得道來名爲解脫。將此類彼。故答久耶。天女知錯。故卽徵責。耆年解脫亦何如久。三舍利覺失。默然不答。天女尋責。如何耆舊大智而默。道其耆舊彰其學久。云其大智顯其能答。仁既耆舊而有久大知。何故默然。四舍利反答。其解脫者無所言說。故吾於是不知所云。天女因答以理教呵。於中四句。一以理正教。言說文字皆解脫相。何須捨言。二所以下釋。先徵後解。言解脫者非內非外不在兩間。明脫同字。文字亦不內不外不在兩間。明字同脫。是義云何。十二入中六根名內。六塵名外。約對此二說爲兩間。字脫體實皆無所有。體既不有。說何爲內。說何爲外。及在兩間。此義不異。故說文字皆解脫相。謂同解脫之實相耳。三以理結呵。是故舍利無離文字說解脫也。四所以下釋。先徵後解。一切諸法皆解脫相。類以顯之。諸法性寂。無定無繫。卽是解

脫文字亦爾。是故不應捨離文字別說解脫。自下第三。明卽三毒而辨解脫。舍利初問。不復以離婬怒癡等爲解脫乎。舍利聞前一切諸法是解脫相。故爲此問。天女下答。佛爲慢人說離婬等爲解脫者。簡小異大。小乘之人實未究竟。生究竟相名增上慢。佛爲是人說離婬等以爲解脫。婬卽是貪。怒卽是瞋。癡卽是無明。若無慢者佛說婬等卽是解脫。彰大異小。婬怒癡等云何。卽是解有兩義。一就化說。諸佛菩薩雖得涅槃而常現起。故下文言。八萬四千諸煩惱門而諸衆生爲之疲勞。諸佛卽以此法而住佛事。又復下說。菩薩現起一切煩惱名通佛道。地經說爲發起勝行。二就實說。貪瞋癡等用眞爲體。窮其體性卽眞解脫。故經說言。凡夫未成佛菩提爲煩惱。聖若成佛時煩惱卽菩提。共此相似。如人迷解迷方卽正。非於迷外別求正方。解知貪等卽眞解脫。雖得解脫。不捨貪等。自下第四。明無得證。初先舍利嘆問起發。汝何所得以何爲證。辨乃如是。天女下答。無得無證故辨如是。以理正解。何者是得。何者是證。而復宜說無得無證。然得與證通釋是一隨義別分。異有三種。一約解行二門分別。解觀納法名之爲得。行心相應說以爲證。二約空有二行分別。有行成就說以爲得。空行成就說以爲證。三約滅道二門分別。道行成就名之爲得。滅果相應說以爲證。無得無證汎解有三。一約人分別。得證在人。菩薩見實知無我人。故無得證。與前文中衆生彌勒如故無得其義相似。二

約法分別。法謂身心。身心契會名得名證。菩薩窮觀身心本無。故無得證。與上文中菩提不可身得心得其義相似。三就理分別。如理空寂無可攝取故無得證。又如體常不可取捨。故無得證。又如無處故無得證。與下文中菩提無處無得相似。由去妄想得證之情。實慧無礙。故辨如是。所以下釋。先徵後解。若有得證則於佛法爲增上慢。舉失顯得。見我能證增上之法名增上慢。有得證者必有此過。我無此過故無得證。自下第五明其所求。初舍利弗問以起發。汝於三乘爲何志求。天女下答文別有二。一就化他三乘等求。以聲聞法化衆生故。我爲聲聞。以因緣法化衆生故。我爲辟支佛。大悲化生我爲大乘。二就自利唯求大乘。於中有四。初一喻一合。況明一切入此室者。但求佛德不樂二乘。法從喻稱。故說爲香。二其有釋梵四王已下。舉他類已。明一切衆入此室者。聞斯上人講說妙法。皆樂佛香發心求。三吾止此下。明已同他。入此室來純聞大乘發心願求。此即顯已離摩所成。吾止此室十二年者。彰其時分。即相而辨。居其室來始十二年。約法以論。菩薩住於一土地中。若攝一切諸地功德。天女所成十二住德。皆依此成名十二年。初不聞說聲聞辟支。明已不求小乘所以。但聞菩薩大慈大悲。明已偏求大乘所由。四此室常現八未曾下。總明自地。入此室中求大所以。以此室中具八未有故。有入者悉皆求大不求餘乘。此即彰彼離摩所成不思議事。於中初列八未有事。誰

有見斯不思議下。約事顯心。前中初總。次列後結。文顯可知。自下第六。明無所轉。初先舍利問以起發。汝德如是。應當自在。女身弊惡。今有。何以不轉女身。天女下答。明其無轉。於中有三。第一天女明已無轉。令其生信。二。譬如下寄喻反問。合其生解。三。即時天女以神通下。變女在彼。令其證知。初中我從十二年來。彰其分齊。居其室來求女不得。故云十二求女人相了不可得。當何轉者。正明無轉。男女之相就陰身說。觀陰體空。故求不得。求既不得。知何所轉。第二段中。初先就喻反問舍利。譬如幻師化作幻女。若有人問。何以不轉為正問。不。幻師即是天女真身。化作幻女。天女應身。問人即是舍利弗。是。次舍利弗以理正答。不也。總答。幻無定相。當何所轉。釋以并答。天女下即取其所答。類顯諸法。彰問不應。一切諸法亦復如是。無有定相。況舉諸法類同前幻。云何乃下。彰問不應。第三段中。文別有二。一。就舍利變男為女。令知無轉。二。即時天女還攝神下。就舍利弗變女為男。令知無在。前中五句。一天女以力變舍利弗。令如天女。天女化身如舍利弗。此即八地能以自身作衆生身。以衆生身作自身矣。二。天女問何以不轉。三。舍利答。以天女像。身為女也。而答言下。口言答也。不知何轉。明無所轉。女即無女。故無所轉。而變為女。明非無轉。無轉。非有。而變非無。第四天女約其所答。彰顯一切。舍利若能轉此女身。則一切女亦當能轉。約前舍利不知何轉。明一切女悉皆無

轉。反以言之。舍利若能於無女處能轉女身。一切女人實亦無女。於無女處亦應能轉。舍利不能於無女處轉於女身。一切。人於無女處亦不能轉。云何使我轉於女身。如舍利弗非女。現女。一切女人亦如是下。約前舍利而轉為女。明一切女悉皆有轉。如者是其指斥之辭。如舍利弗非女。現女。驟前舍利而變為女。一切女人亦如是等。類顯餘也。類之云何。如舍利弗體實非女。而現女身。一切女人亦復如是。體實非女。隨其業幻變以為女。良以非女變為女故。雖現女身而實非女。我亦如是。雖現女身而非是女。更何須轉。五是故已下。引說證成。一切女非女為女。雖現女人而非女。故佛說諸法。悲男非女。自下第二。就舍利弗變女為男。令知無在。於中亦五。第一天女自攝神力。令舍利弗身還復如故。二。天女問女身色相。今何所在。三。舍利答。女身色相無在。不在。即身非女。故曰無在。亦非有女。拾此之彼。名無不在。亦可現無名為不在。亦非先有後除。為無名不在。亦可現無名為無在。先化在。身名無不在。第四天女約其所答。類顯諸法。明法無在。一切諸法亦復如是。無在不在。解有兩義。一。法體非有。故曰無在。此自體無。非是先有後除。為無名無不在。二。法體非有名為無在。法相非無名無不在。五夫無在下。引說證成。自下第七。明無所生。舍利初問。汝於此沒當生何所。天女類答。佛化所生。吾如彼生。如來化身生。則無生。滅則無滅。故取類已。舍利次領佛化所生。無沒生也。沒

猶滅矣。天女下。復取其所言。類顯一切如佛化生生。則無生滅。則無滅。自下第八。明無所得。於中三番。初舍利問。久如得阿耨菩提。天女反答。如舍利弗還為凡夫。我乃當得。二。舍利弗彰已作凡無有是處。天女約之。明已有得。阿耨菩提。亦無是處。初先略辨。所以釋。菩提無處。故無得者。如上文說。菩提離相。是故不可身得心得。今言無處。故不可得。別是一義。問曰。菩提在。於後際。云何無處。釋言。據凡望於菩提。菩提在當。若據菩提實性。以論體外。無凡。既無生死。凡夫在此。焉得言說菩提為彼。故無住處。以無處故。修證無所。故無得者。三。舍利弗乘言作難。現今諸佛證得菩提。過去已得。未來當得。如恒河沙。皆謂何乎。天女下釋。於中。初先解釋。三世非三世義。汝得阿羅漢道已下。解釋諸佛得無得義。前中初言世俗文字。說三世。簡相異實。非謂菩提有去來今。明實異相。是義云何。況解有四。一。就真應相對分別。應化在時。故有三世。真則常住。猶如虛空。無去來今。二。就真中性淨。方便相對分別。依如涅槃性淨之果。悉名涅槃。方便之果。說為菩提。是則菩提藉緣修生。雖三世攝涅槃之體性。出自古。不從緣生。非去來今。若依金剛般若論等。菩提門中。自有性淨方便之別。方便修生。說有三世。性淨體常。非三世攝。無去來今。第三直就性淨之中。約就修證而為分別。性淨菩提。藉緣修顯。修別前後。淨非一時。故有三世。約證反望。從來常淨。以常淨故。無隱無顯。非因非果。以是義故

無去來今。此之一義與涅槃中捨世諦慈得第一義慈。第一義慈不從因緣其言相似。第四直就性淨之中。約緣就實而為分別。據緣望實緣外有實。緣外之實息緣方會。會之前後。故有三世。就實論實實外無緣。緣既不有誰來覆我。故本無隱。本既無隱豈有今顯。實性常寂不隨緣變。以是義故無去來今。況解如是。今時所辨義當第三。又據第四理亦無傷。上來對難解釋三世義。下復對難明得無得。於中。天女先問舍利得羅漢耶。舍利次答無得而得。解有三義。一得羅漢時滅離情取名無所得。得此無得名為而得。二滅離情取名為無得。證無我理名為而得。三見法無性無可貪取名為無得。得此無得故復無得。天女下即約其所答。明佛菩薩得菩提義無得而得解亦有三。一息情取名為無得。得此無得名為而得。二息情取名為無得。故涅槃中說十無得。實證相應名為得。故涅槃中宣說菩薩得第一義。得道菩提及以涅槃。故非無得。三真性常寂無修無證名為無所得。此無得法本為妄隱。藉緣修顯名為而得。是則無得從緣修得。反至得時得於無得。上來第二寄化顯德。自下第三。辨實顯德。於中。初明自利之德。以本顯下明利他德。前自利中。爾時維摩語舍利弗。天女已曾供養九十二億佛已。彰昔所修。已能遊等。明先所成。前所修中應供多佛。今言九十二億佛者。當應現報一身為論後所成中。已能遊戲菩薩神通。明其用勝。此八地上淨佛國土自在行也。所願具足彰

其德備。得無生忍明其證深。住不退轉顯其位高。七地已上同得無生。今住不退是八地上。法流水中任運上昇名住不退。他利可知。佛道品者。通相論之一切所修皆菩薩行。悉是佛道。於中分別。捨相趣寂是菩薩行。證寂起用名為佛道。今修此道因以標品。名佛道品。上來兩對是自分行。自下第三。是勝進行。約位且分。自分在於六地已還。準依地經六地已還。修習捨相趣寂行故。勝進在於七地已上。準依地經七地已上。修方便智發起菩薩殊勝行故。實則兼通。就此品中初明所行。普現問下彰其所成。前所行中初明通道彰其行體。下說煩惱為如來種。顯其行本成前行非通道之義。前中初先問答正辨。後總結之。就正辨中有兩問答。文殊問言菩薩云何通達佛道。是初問也。菩薩行非名通佛道。對問總答。染法非是出世正道名為非道。諸佛常以此法化人名為佛道。菩薩行此名通佛道。問曰。非道菩薩應斷何用行乎。如上所辨。法有三門。一是對治修捨之門。有惡悉除有善皆習。故上文言。不善不生善法不滅。二息相門。善惡俱離。乃至無有一法可存。故論說言。法尚須捨何況非法。三立相門。染淨俱行。言行染者如地經說發起勝行。此中所說行非通道下文宣說。八萬四千諸煩惱門。而諸衆生為之疲勞。諸佛以此而作佛事。如是等也。行淨可知。問曰。直爾修淨便足。何用行染。解有四義。一約行分別。行有自利利他之異。自行修淨化他現染。現染對破聲聞偏淨。

修淨對破凡夫偏染。故上文言。非垢非淨是菩薩行。第二約就化人分別。人有凡聖化凡現染。化聖修淨。又復人有大小之別。教大起染。化小唯淨。三隨法分別。法有世間涅槃之異。願隨世間必須現染。欲求涅槃必須修淨。四顯實分別。如來藏中有二種門。一是寂滅真如之門。二是緣起作用之門。欲證是二必須了因。欲入寂門必須修淨而作了因。欲隨用門必須行染以爲了因。有此多義。故今此中現行染法通達佛道。然此染行人言唯應。他見我作義實不作。此乃一相非謂一切。若唯應者。今此所修豈可是其應通佛道。地經所說發起勝行。豈可是其應殊勝行而非實乎。實有所修那得唯應。於中分別有修有成。修必力厲學起。非我不爲。成有三義。一約情分別。他見我爲我實不作。作染之情聖已斷。故二約因分別。所現染用皆是大悲願力因起。非直他見。三約法分別。所現染用皆是緣起三昧法門之所示現。如如意珠雨衆寶物。故涅槃云。大般涅槃能建大義。金剛三昧種種示現。如華嚴中善財所求法界之門各有作用。如是等也。既從悲願法門力起。何得定說我實不爲但是他見。又問云何行於非道。重問起發。下對廣辨。文別有四。一起凡夫行。二從示入聲聞已下。起二乘行。三示入資下。隨生死行。四現涅槃下。入涅槃行。四中前二凡聖相對。後二生死涅槃相對。初中有二。一現凡夫集生死行。二示行慳下。現起凡夫障道之行。集生死中明其現起煩惱業苦行。五無

開而無惱恚。現起業因。殺父。殺母。殺羅漢。破和合僧。出佛身血。是其五也。此五業重受苦相續。因從果稱。故曰無間。凡夫五逆。瞋惱心起。菩薩不爾。故無惱恚。至地獄等。示受苦果。至于地獄。餓鬼。畜生。是三塗難。至于地獄。無罪垢者。地獄。實從罪業所招。菩薩化受故無罪垢。至于畜生。無有無明。憍慢等者。如涅槃說。貪瞋癡慢多生地獄。從地獄出。受諸畜身。菩薩不爾。雖現受之。而無煩惱。故無無明。憍慢等過。至于餓鬼。而具德者。餓鬼。多由慳貪所致。菩薩不爾。雖現處之。而多福善。名具功德。行色無色。不為勝者。是上二界長壽天難。欲界人天。非難不論。雖單難。難文略不舉。示行貪等。現起煩惱。三毒可知。下起凡夫障道行。中初起凡夫損己之行。示入魔下。明起凡夫惱他之行。損己行中。初示慳等。明無正行。下示諸等。無行方便。前中初言示行慳貪。現起障障。而捨內外。不惜身命。則實能施身內財外。亦行毀禁。現起戒障。而安淨戒小罪大懼。明實堅持。示行瞋恚。現起忍障。而常慈忍。明實柔軟。示行憍怠。起精進障。勤修功德。明實策勵。示行亂意。明起禪障。而常念定。明實安靜。示行愚癡。現起慧障。而通世間出世間慧。明實博知。善達五明。名通世間。覺了真諦。名通出世。下彰諂慢。妨求正法。是故名爲無行方便。於中三句。示行諂僞。現有卑下形曲名諂。心虛曰僞。而善方便。隨諸經義。明實巧直。而善方便。翻前諂也。巧便隨物。故非曲諂。隨諸經義。翻前僞也。心依法義。故無

虛僞。示行憍慢。現起慢高。而於衆生。猶如橋梁。內實卑劣。荷負一切。故於衆生。猶如橋梁。示行諸惱。現起染過。除諂除慢。起餘煩惱。而心常淨。明實不染。上來明起損己之行。示入於魔。起惱他行。順佛智慧。明實善益。正法教人名順佛慧。上來第一明起凡行。自下第二。起二乘行。示入聲聞現同小乘。而爲衆生說未聞法。實有大解。示入辟支現同中乘。而成大悲教化衆生。實有大心。自下第三。隨生死行。於中十句。前之九句。現在所爲。末後一句。未來所作。就前九。初之五句。在苦無惱。後之四句。處染不污。就前五中。示入貧窮。現有所乏。而有寶手功德無盡。內實豐盈。如轉輪王主藏之臣。實從手出名爲寶手。此句依果。下四正報。示入形殘。現有缺漏。而具相好。以自莊嚴。實報殊美。示入下賤。現處卑劣。而生佛種具諸功德。稟藉尊高。示入羸醜。現居衰漏。而得那羅衆生樂見。色身堅妙。得那羅延。色身堅也。那羅胡語。此云堅牢。衆生樂見色身妙也。示入老病現有衰退。永斷病根。超越死畏。法身康盛。上來五句。在苦無惱。自下四句。處染不污。初二無愛。次一無癡。後一無見。就前二中。示有資生現居豐逸。恒觀無常。實無所貪。內除保愛。示有妻妾現處塵染。而常遠離五欲。內心恒淨。此明離愛。現於訥鈍。外示愚拙。而成辨才。總持無失。內實明利。此明離癡。示入邪濟現同外道。而以正濟渡諸衆生。心無異執。此明離見。上來九句。現在所爲。下二明其未來所作。現入諸道六趣皆

生。而斷因緣。實行常淨。上來第三隨生死行。自下第四入涅槃行。現於涅槃。應取小滅。不斷生死。常隨諸有。上來第一問答正辨。文殊師利能如是行爲通佛道。總以結之。上來通道明其所行。下說煩惱爲如來種。彰其行本。成前行非通佛道義。云何成前。良以煩惱是佛種故。向前行非名通佛道。文中有一。二。一問答正辨。二迦葉述讚。前中維摩先問起發。何等爲種。前通佛道維摩自說。今如來種何不。自論反問文殊。釋言。維摩上來宣說行非通道。恐人不信。故今反問文殊佛種。欲令宣說成已所辨。異人同說明理決定。文殊下答。純說一切煩惱惡法爲如來種。何故而然。爲欲成前行非通道。所以偏舉。問曰。生死煩惱業等。違障佛道。云何說之爲如來種。況解有三。一佛性緣起。集成凡夫不善五陰。此不善陰體。是真心能爲如來正因。種子名如來種。故涅槃云。無明等結。悉是佛性。性猶種也。二不善衆生能厭生死。上求佛道。故名一切惡不善法爲如來種。故地持云。以有煩惱樂求淨法。名以有因。因猶種矣。三有煩惱者能行非道。攝取衆生。以此能起通佛道行。名如來種。今此所論義當後二。文中初說煩惱惡法爲如來種。曰何謂下問答解釋。前中有其十二句別。一有身爲種。二十五有生死之報。名爲有身。說此有身爲佛種也。第二無明有愛爲種。前身苦果。此是集因。煩惱無量。無明有愛。有分根本。所以偏說。第三宣說貪瞋癡等三毒爲種。義如別章。此應具論。第四宣說四倒爲



種。生死之法實無。常無我不淨。妄計以爲常樂我淨。是其四也。第五宣說五蓋爲種。貪瞋睡眠。惛悔及疑。是其五也。第六宣說六入爲種。眼等六根名爲六入。第七宣說七識處爲種。欲界人天合以爲一也。色界地中下三禪處即以爲三。通前爲四。無色界中下三空處復以爲三。通前說七。問曰。欲界有三塗處。何故不說。論言。三塗有苦前遍說不樂安。故非識處。於色界中第四禪處何故不說。論言。彼中有無想報殘害心識。又四禪中有五淨居樂求涅槃殘滅心識。不欲久安故非識處。無色界中非想天處何故不說。論言。彼中有滅盡定。亦滅心識。不樂安故非識處。第八宣說八邪爲種。邪見邪思惟邪念邪定邪語邪業邪命邪精進是其八也。第九宣說九惱處爲種。愛我怨家。憎我善友及與我身爲三惱處。三世分別卽爲九也。第十宣說十不善業道以爲佛種。殺盜邪淫妄言綺語兩舌惡罵貪瞋邪見是其十也。其第十一六十二見以爲佛種。廣如別章。此應具論。其第十二宣說一切煩惱爲種。上來別論。下總釋之。曰何謂也。問前起後。此皆生死障道之法。今說佛種其義何謂。下對釋之。義意如前。有煩惱者能厭生死。求大菩提故名佛種。又能行非通達佛道亦名佛種。文中有三。一就愛煩惱釋爲佛種。二又如殖下就見煩惱釋爲佛種。三是故當知一切煩下。通釋一切煩惱爲種。前中初法。次喻後合。法中若見無爲入正不能復發三菩提心。舉非顯是。聲聞見證無爲

涅槃爲入正位。於中樂著不能求大。是故不能發菩提心。是中亦應明凡能發。文略不說。翻前可知。喻中高源不生蓮華。喻前非也。取著無爲名高陸地。卑濕淤泥乃生此華。喻前所明凡夫能也。合中如是見無爲法入正位者不生佛法。合前高原不生蓮華。煩惱泥中乃有衆生。趣佛法耳。合濕淤泥乃生此華。就見煩惱釋爲種中。先喻後合。喻中殖種於空不生。喻小非種。菩提心法名之爲種。用教聲聞名之爲殖。聲聞樂寂說之爲空。以樂寂故不起大心名終不生。煮壤之地乃得滋茂。喻凡是種。我見衆生名煮壤地。此能決意求大菩提名能滋茂。下合顯法。入無爲者不生佛法。合前殖種於空不生。起我見心如須彌山猶能發心。合煮壤地乃能滋茂。五見斯能。我見是本。所以偏說。自下第三通釋一切煩惱爲種。是故當知一切煩惱爲如來種。乘前顯後。是前愛見爲佛種故。當知其餘一切煩惱皆如來種。此顯是也。下彰其非。前喻。後合。不能隨染行非通道。名爲不入煩惱大海。以不入故不能得生一切智寶。自下第二。迦葉述讚。爾時迦葉嘆言善哉快說是語。是讚語也。誠如下述。於中四對。皆初述前凡夫爲種。後述向前小乘非種。四對何別。第一明其煩惱衆生能爲佛種。二乘不能。第二明其惡業衆生能爲佛種。三乘不能。三雙結前二。四雙釋前二。就初對中。誠如所言塵勞之疇爲如來種。述前凡夫能爲佛種。煩惱空汚名之爲塵。有能勞亂說以爲勞。時謂時輩亦曰疇類。

起煩惱者疇輩品類名塵勞疇。此等實能爲如來種。我等今者不復堪任發菩提心。呵毀二乘成前文中小乘不能。第二對中。初言乃至五無間罪猶能發意生於佛法。述前凡夫能爲佛種。越輕舉重故曰乃至。五逆名義如上所辯。言無間者解有四義。一趣報無間。造作逆罪捨此身已直入阿鼻。前念人間後念已在。故曰無間。二身形無間。阿鼻地獄縱廣正等八萬由旬。一人入中身亦遍滿。第二人入身亦遍滿。如是一切故曰無間。三壽命無間。餘地獄中數生數死。阿鼻不爾。一生其中壽命一劫。中無間絕故曰無間。四受苦無間。餘地獄中苦樂間雜。阿鼻不爾。受苦相續時無暫間故曰無間。五逆之義具此四義。故曰無間。此業雖重猶能發意生於佛法。如世王等。而今我等永不能發。呵毀二乘成上文中聲聞非種。於中初法。次以喻顯。眼等名根。根壞名敗。根壞之人名根敗士。於色聲等不能昭曜。不爲五塵之所資益。名於五欲不能復利。下合顯法。如是聲聞諸結斷者。合根敗士。於佛法中合於五欲。無所復益永志願。合不復利。第三結中。言是故者是塵勞疇爲如來種。五無間罪生佛法故。凡於佛法有其反復。造惡違背還能趣求名有反復。是前我等不復堪任發菩提心。聲聞結斷於佛法中無所益故聲聞無也。第四釋中。所以者何徵前起後。何以凡夫偏有反復聲聞獨無。下對釋之。凡聞佛法起無上心不斷三寶。釋前凡夫有反復也。正使聲聞終身聞法力無畏等永不



能發。解釋向前聲聞無也。聲聞樂寂無苦可厭。不能隨有悲念衆生。故不能發。上明所行。下明所成。於中普現初問起發。此問由上空室而起。維摩下答。於是維摩以偈答曰。經家序列偈言要略。少字之中能攝多義。故以偈答。下彰答辭。辭中合有四十二偈。前三十九隨問正答。後三結歎。前正答中初十一偈明其所成。即是所有。摧滅已下有二十八偈。彰其所作。前十一中相從爲四。初有七句。約世內親以顯其德。次有一句。約世住處以彰其德。次有五句。約世外親以明其德。四攝已下七行三句。約世資具以辨其德。初中智度菩薩母者。照空實慧名爲智度。此能內養故說爲母。所言方便以爲父者。隨有巧智名爲方便。此能外資故說爲父。智度之母大智論中。名波若道。方便之父大智論中。名方便道。一切導師無不由生。舉佛類己。法喜妻者。聞法。度悅名爲法喜。如妻。這情故說爲妻。慈悲女者。慈悲慈物。如世女人多懷慈愛。故說爲女。善心男者。善心堅正名爲誠實。如男性堅。故說爲男。次約住處以顯其德。所言畢竟空寂舍者。因緣諸法性相皆空名畢竟空。此爲聖依。其猶舍宅故名爲舍。次約外親以顯其德。初言弟子衆塵勞者。一切煩惱諸惡衆生名衆塵勞。用此以爲所化所攝。故名弟子。隨意所轉釋爲弟子。任已化益名隨意轉。所言道品善知識者。三十七覺名爲道品。此能導人至大菩提。故名知識。由成正覺釋爲知識。所言諸度法等侶者。十波羅蜜名諸度法。隨

人至果故爲等侶。下約資具以顯其德。初言四攝衆伎女者。四攝攝人如伎。聚衆故名伎女。歌詠法言以自娛釋名爲音樂。總持園者。陀羅尼德名爲總持。統攝多法持而不忘。如園苑中多有菓菜。故如園苑。無漏樹者。離垢淨德名無漏法。差別如林。高出如樹。覺意華者。七覺支行名爲覺意。念擇精進決定喜捨是其七也。此在修道親生佛德如華生菓。故說爲華。華有三義。一感果義。如草木華。二清淨義。如世蓮華。在泥不污。三莊嚴義。如世華。此文具有。今言覺意淨如華者。是感果華。解脫菓者。無學聖德。是解脫智。從前七覺華中出生如世菓實。故說爲菓。乃解池者。八解脫能除垢染如世池水。故名浴池。義如後釋。定水滿者。八解位中諸定充盈名定水滿。布七華者。七淨之德清淨如華名七淨華。此華唯取清淨之義。何等爲七。一是戒淨。二是定淨。三是見淨。四度疑淨。五道非道淨。此前五種大小名同。後二小異。小乘法中第六行淨。第七名爲行斷智淨。大乘法中第六行斷。第七思量菩提分法上上淨矣。此七約行。要唯三學。初一戒學。次一定學。後五慧學。約位分之。初二在於見道已前。良以見前創捨外凡。龜重之過。持戒遮防故先明戒。欲求出道非定不出。故後明定。次三在於見道之中。創捨外凡。以見道中斷除身見故立見淨。斷除疑心說度疑淨。斷除戒取是故宣說道非道淨。謂知無漏聖慧是道戒等非道。名道非道。問曰。見中是斷十使。以何義故偏說此三。如

涅槃釋。此三重故。所以偏說。又見道中雖斷十使。五見及疑見道中盡與其斷名。貪瞋癡慢見中不盡不與斷稱。就所斷中。三本。三隨。身見是本。邊見是隨。戒取是本。見取是隨。疑心是本。邪見是隨。經中就本。爲是偏說斷三結矣。以斷三結故說三淨。後之二種大小不同。若依小乘在修道中宣說行淨。以起無漏修道行故。在無學道說行斷淨。以得畢竟斷結行故。若依大乘後之二種並在修道。七地已還說行斷淨。以其修習斷結行故。八地已上說思菩提上上淨矣。此以七淨位分上下故名爲布。所言浴此無垢人者。彰前八解定水七淨之功用也。依前三德薄除心垢。故名爲浴。所浴是誰。謂無垢人。問曰。無垢復何。須浴。釋言。由浴故得無垢。據終彰始。故言浴此無垢人矣。此亦得名約始論終。是故名爲浴無垢人。何誰是乎。汎爾論之名佛如來爲無垢人。即文以求名維摩詰爲無垢人。所言象馬五通馳者。神足。天眼。天耳。他心。及與宿命是其五通。乘之去來事同象馬。所任駛疾。故名爲馳。大乘車者。以大乘法運載一切物。故名爲車。依法巧修名爲調御。調由情專故云一心。遊於八正出其行處。正見。正思。正語。正業。正命。正精進。正念。正定。是其八也。相具嚴容者。世人多以天冠臂印。瓔珞等事莊嚴形容。維摩不爾。具足三十二相功德莊嚴已容。衆好飾姿者。世人多以脂粉等事瑩飾姿首。維摩不爾。八十種好莊飾其姿。慚愧服者。慚愧之心能防諸過。如世衣服能遮形

醜。故爲上服。深心華鬘者。信樂懸至名曰深心。能嚴法身如世華鬘。此華唯取莊嚴義也。富有七財寶者。家豐曰富。富有何等。謂七財寶。信。戒。施。聞。慧。及。慚。愧。是。其。七。也。此。能。資。助。故。名。財。寶。教。授。滋。息。者。向。前。七。財。因。師。教。授。故。得。滋。息。如。所。說。行。迴。向。大。利。者。依。師。教。授。隨。順。修。行。以。已。所。行。迴。向。菩。提。迴。施。衆。生。迴。於。實。際。令。行。增。廣。名。爲。大。利。四。禪。爲。床。坐。者。八。禪。定。中。前。之。四。禪。有。多。力。用。聖。者。多。依。故。爲。床。坐。從。於。淨。命。生。者。一。切。世。人。邪。命。自。活。名。之。爲。生。菩。薩。不。爾。正。命。自。活。名。淨。命。生。多。聞。增。智。慧。者。世。人。多。以。習。誦。外。典。而。增。智。慧。維。摩。不。爾。博。受。聖。教。而。增。智。慧。以。爲。自。覺。音。者。用。所。聞。法。以。爲。自。覺。之。音。聲。也。甘。露。法。之。食。者。佛。法。美。善。事。同。甘。露。以。此。資。神。如。食。資。身。故。名。爲。食。食。有。二。種。一。者。世。間。二。者。出。世。世。食。有。四。一。者。段。食。二。觸。食。三。者。思。食。四。者。識。食。出。世。之。食。有。五。種。一。法。喜。食。二。禪。悅。食。三。者。願。食。四。者。念。食。五。解。脫。食。今。就。出。世。且。舉。法。食。解。脫。味。漿。者。無。漏。解。脫。爲。聖。愛。樂。名。之。爲。味。此。能。潤。神。故。說。爲。漿。此。亦。卽。是。解。脫。食。耳。淨。心。澡。浴。者。十。五。淨。心。名。爲。淨。心。如。地。持。說。出。障。離。染。名。爲。澡。浴。前。八。解。等。是。其。能。浴。此。是。所。浴。戒。品。塗。香。者。惡。業。臭。弊。戒。能。防。息。故。曰。塗。香。上。來。第。一。明。其。所。成。亦。名。所。有。自。下。第。二。明。其。所。作。有。二。十。八。偈。於。中。有。四。初。偈。自。利。起。離。過。行。次。有。一。偈。明。其。利。他。現。化。隨。物。次。有。一。偈。復。明。自。利。起。集。善。行。離。知。已。下。有。二。十。五。偈。復。明。利。他。變。化。度。

物。初中摧滅煩惱賊者。正明所作。勇健無踰。辨勝過劣。二乘近學治障。不過名無能踰。降伏四魔。重明所作。義如上辨勝幢建場。重復顯勝。世人翻勝立幢以表。菩薩勝幢現坐道樹成佛以表。法從喻稱。故言勝幢建道場矣。就第二段利他行中。雖知無起滅。知理常寂。示彼故有生受身隨物。悉現諸國有緣斯起。如日無不見立喻顯示。就第三段自利行中。供養十方無量如來。供佛求福。諸佛及已無分別想。觀空修智。已佛皆如。故無分別。就第四段利他行中。二十五偈相從爲二。初之一偈淨土化生。後二十四偈神通益物。前中初言雖知佛國及與生空。知理常寂。而常修土教化群生。隨有益物。空不乖有故。知國空常修淨土。知衆生空。而常教化。就後神通益物之中。二十四偈相從爲三。初有八偈。明其變化自在之行。劫中有疾下六偈之文。明其隨苦救濟之行。示受五欲下十偈之文。明其巧便攝物之行。初中八偈相從爲四。初有三偈。明其衆生世間之化。次有一偈。器世間化。次三偈半。重明衆生世間之化。下有半偈。重復明其器世間化。就初衆生世間化中。初之一偈化同物形。諸有衆生類形聲及威儀者。舉其所同。行住坐臥名曰威儀。無畏菩薩一時盡現。明其能同。十明之中有一智明名爲安住無畏神力。菩薩住此故能隨生一時盡現。中間一偈化同物行。覺知魔事內心明了。壞亂他善名爲魔事。如大品經魔事品說。菩薩悉知而示隨行。現化隨物。以善方便內心善。

巧。十方便慧於空不著名方便智。亦可權實二智之中權巧之智名方便智。隨意皆現。廣化隨物以得巧慧故能皆現。末後一偈化同物報。示老病死正化同物。亦能現生。偈道不說。成就群生明化利益了知如幻者。知有體虛。知其生老病死等事猶如幻化。於中不畏通達無礙者。所作自在。由其通達如幻化故。常能現爲。故曰無礙。此初段竟。次下一偈器世間化。或現劫燒天地皆洞然。彰其所爲。劫有內外。約就世界成壞明劫。名之爲外。約就衆生內報明劫。名之爲內。外劫有三。謂水火風。廣如經說。此應具論。然今文中且舉火劫。內劫如後。衆生有常相照令知無常。明其化意。謂令照知覺世無常。此第二竟。次三偈半。重明衆生世間之化。於中初偈出世法化。無數衆生俱請菩薩。物機感聖。一時到舍。菩薩等起。化令向道。因赴攝益。其次一偈世俗法化。經書呪術工巧伎藝盡現行此饒益群生。次有一偈。外道法化。世衆道法外道法也。悉於出家菩薩示同。因以解人惑。因同化益。漸教捨邪名解人惑。而不墮邪自解無失。下有半偈諸天身化。或作日月現作日月星宿諸天。且言日月。梵王世界主者。作大梵王。千世界主餘天亦作。文略不明。此第三竟。下有半偈重復明其器世間化。或作地水或作風火。上來八偈明其變化自在之行。自下第二明救苦行。有其六偈。初之四偈救濟人苦。後之兩偈救惡道苦。前四偈初中之三偈。於三劫時能救物苦。內劫有三。所謂飢饉疾病刀。

兵事如經說。人壽漸短至十歲時飢饉劫起。七年七月七日之頃五穀不熟。人民死盡。希在一二。度是已後人相慈愛。以慈善故人壽轉長至八萬四千歲。樂極憐憫人壽退減。還至十歲復飢饉起。凡遇七反過七飢。已疫病劫起。於其七月七日之中。惡氣流行遇者皆死。度是還長復遇七飢還一疫病。如是還過七七飢劫一七疫病。復遇七飢然後有一刀兵劫起。人心極惡。手攬草木皆成刀劍。共相殘害七日都盡。希在一二而得免脫。三劫如是。菩薩能於此三劫時救濟物苦。初救疫病。次救飢饉。後救刀兵。文皆可。第四一偈餘時救苦。餘時亦五救飢病刀兵苦。若有大戰立等力者。二國相征齊立兵刀。不相臣屬。菩薩爾時現大威勢。降伏二家皆使和安。前救人苦。下救地獄。後救畜生。亦救餓鬼。文略不說。此之六偈明救苦行。自下第三明其巧便攝物之行。於中十偈相從爲四。初之四偈自有所爲饒益衆生。次有三偈隨他異作。次有一偈。自有有所爲饒益衆生。末後兩偈隨他異作。就初四偈自所爲中。初之兩偈亂行示現。在欲行禪於中初法。次喻。後合。文皆可。第三一偈逆行示現。現作姪女引諸好色。先以欲牽後令人法。第四一偈順行示現。或爲邑主。或作商導國師大臣。以此福祐利益衆生。此初段竟。次有三偈。隨他作。中初偈貧者作無盡藏與其財物。於中初半正明所爲。後半攝益。中間一偈有憍慢者。現作大力而降伏之。於中初半正明所作。後半攝益。末後一

偈有恐怖者。現作安樂。於中初半正明所爲。後半攝益。此第二竟。次有一偈。自所爲中現離疑欲五通仙正明所爲。下半化益。末後兩偈隨他作。中前偈身現作童僕。後偈財益所須皆給。上來合有三十九偈。隨問別答。自下三偈總以結嘆。於中初偈自嘆顯勝。中間一偈寄佛顯勝。末後一偈寄人顯勝。初自嘆中如是道無量。勝以總嘆如上。自利利他之道隨別細論廣多無量。下別嘆之。所行無崖智慧無邊。別嘆自行。所行功德無有崖畔。智慧之行亦無邊際。度無數衆別嘆利他。寄佛歎中。假令一切佛歎人廣也。於無數億劫歎時長也。讚嘆其德猶尚不盡。所嘆多也。諸佛共嘆猶尚不盡。何況餘人。寄人顯中。誰聞是法不發心者。寄智顯勝令人同發。除不。消人癡無智者。簡愚顯勝。聞法拒還不肯消伏。名不消人。

入不二法門品者。問疾至此明修教行。教行既成便能入證。此品廣明證入平等不二之理。因以標品是故名入不二品。此品之中四門分別。一定其所辨。二釋來意。第三解不入二門義。四隨文釋。所辨如何。有人釋言此品宗顯不二之理。非辨行德。即文以求。此品宗明入不二行。非正論理。此云何知。向前標言入不二品。維摩下問。云何菩薩入不二門。下諸菩薩隨所辨說。皆悉結言是爲菩薩入不二門。明知宗顯入不二行。不唯明理。若唯明理何須言入。所辨如是。次釋來意。於中有二。一就維摩以釋來意。問疾至此廣顯維摩所

修所成。明解脫相。此彰維摩入不二門。明解脫性。性猶體也。相必依體故須辨之。又就維摩顯德之中。義別四對。前之三對。教行門中所行所成。從此以下是第四對證。行門中所行所成。此品所行。下香積品取飯香積。小室廣容明其所成。所行實證起用所依。故次辨之。二就所化菩薩以釋。問疾至此教諸菩薩修習教行。教行既成便能入證。故此品中廣顯不二。教令證入。故下文五千菩薩聞說不二得無生忍。來意如是。次須解釋入不二義。於中初先釋其名義。後辨其相。名義如何。言不二者無異之謂。即是經中一實義也。實之理妙寂離相。如如平等亡於彼此。故云不二。問曰諸法有一二三乃至衆多。翻彼說理。理應不一不二。乃至衆多。以何義故偏言不二。釋言。不一乃至不多。經有說處。故涅槃云。除一法相不可算數。但今且就一不二門而辨道理。餘略不論。良以二者彼此通謂。是故偏對而說不二。又復二者別法之始。今此爲明理體無別。故偏對二而說不二。雖說不二不一不二。乃至衆多悉入其中。是義云何。若立一相以一對多即是其二。翻對彼二故名不二。若立多相以多對少還即是二。翻對彼二故名不二。又立多相。於多法中兩兩相對亦即是二。翻對彼二故名不二。以是義故遣一遣多。悉入不二。多少既然。遣染遣淨。遣縛遣解。遣有遣無。類皆同。爾若立有相。以有對無即是其二。翻對彼二名爲不二。若立無相。以無對有還是其二。翻對彼二名爲不

二。若當。定立非有無相。以非有無對有對無。即復是二。翻對彼二名爲不二。乃至建立不二門相。不二對二還復是二。翻對彼二名爲不二。是故不二有相。皆遣。有理悉收。故偏名之。理體名法。此不二法形對佛性空如等義。門別不同。故名爲門。又能通人趣入名門。捨相證會名之爲入。名義如是。次辨其相。此不二門是法界中一門義也。門別雖一而妙。旨虛融。義無不在。無不在故一切諸法皆是不二。諸法皆是豈有所局。但此文且約三十三人所辨以彰其異。所辨雖異要攝唯二。一遣相門。二相雙捨名爲不二。非有所留。二融相門。二法同體名爲不二。非有所遣。遣相門中曲復有三。一就妄情所取法中相對分二。翻除彼二名爲不二。如下文說。我我所二。因有我故便有所。若無有我則無我所。是爲不二。如是等也。二情實相對以別其二。翻對此二名爲不二。是義云何。據情望實。情外有實。將實對情名之爲二。據實望情。情本不有情。既不有實亦亡對。故云不二。如下文說。實不實二。其實見者尙不見實。何況非實如是等也。三唯就實。離相平等名爲不二。是義云何。就實論實由來無異。異既不有。一亦亡對。故曰不二。如下文中維摩默顯。義應當此。遣相如是。融相門中義別亦三。一就妄情所起法中義別分二。二法同體名爲不二。如經中說。無常即苦即無常。是無常苦同體無別名爲不二。如是一切真妄兩別名之爲二。相依不離名爲不二。如下文說。明無明二。無明

實性即是明名爲不二。如是等也。三就真中義別分二。二法同體名爲不二。於此門中曲分有四。一就真體隨義分二。如來藏中具過無量恒沙佛法。彼法同體名爲不二。如經中說。過恒沙法不離不脫不思如是等也。又如下說。空即無相無相即無願名爲不二。亦是其義。二就真中體用分二。如依真心緣起集成一切種法。體用無別名爲不二。如經中說。佛性如來無二。無別。如是等也。三就真體所起法中隨義分二。彼二同依一佛性體名爲不二。如經中說。佛性與彼不善法俱名爲無明。與善法俱稱之爲明。明與無明凡夫謂二。智者了達其性無二。無二之性即是實性。如是等也。四就真性所起法中相別分二。如依佛性緣起集成一切行德。於彼德中諸行同體。緣起相成名爲不二。如下文說。布施迴向一切智二。布施性即是迴向智性。如是等也。不二雖衆要不出此。言其入者義別有四。一就信明入。於此不二信順不違。故名爲入。二就解說入。於此不二解觀相應。名之爲入。三就行論入。依空照見明了現前不見二相。可以任中名入不二。不見二相是其心也。明了不二是其觀也。四就證辨入。亡情契實名之爲證。於得證時不見如外有心能觀。既無有心。寧復心外有如所觀。不見能觀妄想不行。不見所觀虛僞不起。虛僞不起。如不離心。妄想不行。心不離如。是則真名入不二門。入不二義辨之能爾。次釋其文。於此品中文別有二。第一廣辨入不二門。二明說益。五千

菩薩得無生忍。前中有三。一維摩問。諸菩薩等以言遣相名入不二。二諸菩薩問。文殊對之。以言遣言明其不二。三文殊問。維摩因問以默遣言而顯不二。此三皆是化之分齊。息想教入之階降也。若論自覺相應境界不可言彰。恒以默顯。何故如是。據實以求法外本無音聲文字。何言能彰。法外亦無形相可得。誰用默顯。無言能彰。證處亡詮非默能顯。證處絕相證相悉無。他所莫測。是故名爲自覺境界。覺處無他。自亦亡對。問曰此品闡玄之極。若使默外猶有自覺相應境界何故不論。釋言。爲化極於言默。言默之外不復可陳。不可陳處從來未辨。豈獨今哉。就初段中。維摩先問。菩薩後說。就前問中。爾時維摩舉能問人。謂衆菩薩言。諸仁者。告命所問。言告稱謂。云何菩薩入不二等。正宜問辭。問曰。維摩深體不二。何不自說。乃問菩薩令使說乎。釋有五義。第一爲彰不二之門衆聖。因證顯法要勝令人尊敬。故須問之。第二爲顯不二之理門別衆多隨人示入。第三爲彰不二義廣諸法悉是令人遍學。第四爲欲對之顯已所問淵深令人趣求。故須問之。五維摩所得藉淺趣入。故須問之。諸菩薩令說。下諸菩薩隨得別說。義門無量隨義具說。說亦巨盡。今此略列三十一人以彰所說。就初人中。言有菩薩名法自在。標別說人。下明所說。言諸仁者。生滅二。反立二相。生滅之義。況解有二。一有爲法自相生滅。二染淨法對治生滅。自相生滅義別有三。一分段無常。報起名生報盡稱滅。二

念無常。初起名生後謝稱滅。三自性無常。相有名生虛無說滅。自相生滅要略略此。對治生滅義則有四。一就染說。凡起名生聖斷稱滅。二就淨說。修起名生緣治終息說以為滅。又復淨法為惡所敗。亦名為滅。三雙就染淨約。速說之。染起名生淨壞稱滅。又復真淨為惡隱覆亦名為滅。四雙就染淨約悟說之。淨起名生。又復本隱性淨之法為緣顯了。始現名生染息稱滅。況辨如是。今此所論通則皆是。即文以求偏就染淨對治門。說對治門中偏就染說。染起名生終斷稱滅。生滅兩分故名為二。下翻此二以明不二。於此門中二相雙遣為不二矣。先辨後結。辨中初言法不生今則不滅。解不二義。不生不滅況解有四。一生死染法虛集無性。以無性故生無所生滅無所滅。二生死染法妄相而有。妄體空相則無相。以無相故生無所生滅無所滅。三生死染法妄想而有。如夢所見心外無法。妄想情有道理實無。以實無故生無所生滅無所滅。四生死染法如來藏起。窮之即實實性。平等生則無生。滅則無滅。以是義故本無所生。今無所滅。不生不滅故曰不二。得此不生解釋入義。於前無生無滅法中。慧心安住名無生忍。從緣亦應名無滅忍。初約彰名偏言無生。上來正辨。是為下結。第二人中初德。首曰。標人別說。曰猶辭也。下彰所說。我我所二反舉二相。況解有四。一凡夫所立。我人等性名之為我。五陰諸法是我所有名為我所。二五陰集成假名衆生。名之為我。五陰是

其我家所有名為我所。三衆生內報名之為我。外諸境界說為我所。四就真法。佛性為我真性。三歸我中所有名為我所。故涅槃云。知我我所是人出世。今此所論義當前三。自下翻之以顯不二。於此門中。二相雙遣名為不二。先辨後結。辨中初言因有我故便有我。所反明無二。若無有我則無我所。明不二。經中破法凡有八種。一推因破。如推五陰破衆生相推其往因破現常性。如是一切。二推果破。如推當果破現無因。如是一切。三推理破。如下文說。色性自空如是等也。四推實破。譬如世人見繩為蛇推繩破蛇。迷如來藏起於生死。推藏破之。如是一切。五推名破。如說乳時不得酪名。明知無酪。女不名婦明無兒性。如是一切。六推對破。如地論說。若有作者則有作事。若無作者則無作事。又如下說。有縛有解無縛無解如是一切。七責情破。如經中說。愚癡所盲貪著於我。三界虛妄但一心作。如是一切。八推智破。如說智者不得有無明法。無明法無性。牟尼不著明法無性。如是一切。破法不同。有此八種。今言無我則無我所。是前第六推對破之。云何無我。分別有三。如上所辨。一五陰法非是神我名為無我。二假衆生中無其我性故名無我。三假名衆生亦無名為無我。言無所者。誰前無我。亦有三種。一五陰法非是妄計神我所有。名無我所。第二假名我所法中無有定性名無我所。第三假名我所亦無無我及所。名為不二。是為下結。第三人中初不問曰。標人別說。下明

所說受不受。二反明二相。況解有二。一約因說。凡夫心識取著諸法。名之為受。聖人離取名為不受。二約果說。凡夫受於生死之身名之為受。聖人不生名為不受。今此所論就初言耳。下翻此二以顯不二。二相雙遣為不二矣。先辨後結。若法不受不可得者。明無二相。聖人了達諸法皆空。無可貪取名為不受。以不受故無法應心。名不可得。無取無捨明無二心。無法可取所以無受。無法可捨故無不受。無作無行明無二行。以無取故無有凡夫造作諸業名為無作。以無捨故亦無聖人除斷之行名為無行。是為下結。第四人中初德。頂曰。標人別說。下明所說。垢淨為二。反立二相。煩惱名垢聖德名淨。下翻此二以明不二。二相雙遣為不二矣。先辨後結。見垢實性則無淨者。第一義空是垢實性。是實性中無有垢相。無垢相故亦無除垢淨相可取。名無淨相。順滅相者。滅是涅槃法本不然。今則無滅是涅槃相。無垢無淨同涅槃相。名順滅矣。是為下結。第五人中初善宿曰。標人別說。下明所說。動念為二。反舉二相。心識有八相從為三。一分別事識。謂六識心。二是妄識。謂第七識。三是真識。謂第八識。此三如彼八識章中具廣分別。彼妄識中龜細不同。義別六重。一是根本不覺知心。謂無明地。二是業識依前無明不覺。妄念忽然而動。動故名業。三是轉識依前妄念。心相漸龜轉起外境故名為轉。四者現識依前所起。虛浪境界應現自心。如夢所起。一切境界現於夢心故名為現。五是

◎此二法◎ ◎冠註曰首經作守 ◎冠註曰誰前無我文恐有誤字

智識。於己自心所現法中分別違順染淨等別。似於智解故名智識。六相續識論中亦名不斷識矣。妄境牽心心隨妄境相乘。不斷如海波浪名不斷識。又能持於事識業果令不斷絕亦名不斷。此六差別如論具辨。今言是動是彼業識妄動之心。言是念者。是彼轉識乃至不斷。根本無明不覺知心未有分別。所以不舉。下翻此二以明不二。二相變遣為不二。先辨後結。辨中不動則無念者。於情分齊依動起念。於真常寂。業動本無以無動。故念心不生。道言無念無分別者。無妄識中動念心。故六種分別事識亦無名無分別。此解不二。通達此二彰其入義。是為下結。第六人中初善眼曰。標人別說下彰所說。初言一相無相二者。反立二相。此就真中義別分二。一相是有無相是無。於真法中攝別成總。諸法同體名為一相。以別分總。諸法悉空名為無相。有無兩分名為二矣。下會此二以為不二。於此門中二法同體名為不二。先辨後結。若知一相即是無相。知有即無。亦不取無。知無即有。以即有故不偏取無。入平等者解釋入義。有無同體離於偏著。故名平等。是為下結。第七人中初妙臂曰。標人別說。下明所說。言菩薩心聲聞心二。反舉二相下。翻此二以為不二。二相變遣為不二矣。先辨後結。觀心相空如幻化者。破相入如。觀心相空明心非有。不但無性。乃至因緣心相亦無名心相空。如幻化者明心非無。因緣之法有無同體。以同體故說無為有。有即非有。說有為無無即非無。

有即非有。故心相空。無即非無。故如幻化。無菩薩心無聲聞心。證如遣相。理處無情故無。菩薩聲聞心別。是為下結。第八人中初弗沙曰。標人別說。下顯所說。善不善二反舉二相。分別有三。一約情說。違損下沈名為不善。順益上昇目之為善。若從是義凡夫十惡名為不善。從凡至佛一切善法悉名為善。二望理說。違理不善順理名善。若從是義凡夫一切三性之業取性心起悉名為不善。三望修善法名為善。三望實說。佛性是實。望彼佛性如來藏法性遠不善。體順是善。若從是義。凡夫諸業乃至三乘緣治善法相順。性遠惡是不善。諸佛菩薩真證善法方為善。善惡兩分故名為二。下翻此二。以為不二。二相變遣為不二矣。先辨後結。辨中不起善不善者。善惡皆空故悉不起。此明離相即解不二。入無相等明其證實。即解入義。第一義空名無相際。始觀名入。窮證名達。是為下結。第九人中初師子曰。標人別說。下彰所說。罪福為二。反舉二相。前善不善據因分二。此罪與福就果分二。罪為罪報福名福報。下翻此二以為不二。二相變遣為不二矣。先辨後結。辨中初言若達罪性與福無異。破相入如。何者是性。而言無異。淺如論之相空為性。空理不殊名為不異。深則佛性真心為性。體一故曰無異。以金剛慧決了此相無縛。無解證實離相。破相之智名金剛慧。明見罪福二種實相。名決此相。於此實中罪福本無名無縛解。以罪本無所以無縛。福亦不有。所以無解。是為下結。

第十人中師子意曰。標人別說。下明所說。漏無漏二反立二相。煩惱連注其猶。創漏故名。為漏。聖德斷除名為無漏。下翻此二以明不二。二相變遣為不二矣。先辨後結。辨中若得諸法等者。破相入如。染淨一如名諸法等。言不起漏無漏相者。契實離相。言不起漏離前漏相。不起不漏離無漏相。此離染淨名為不二。言不著相不取有相。亦不住無不取無相。此離有無名為不二。是為下結。第十一中初淨解曰。標人別說。下彰所說。為無為二反舉二相。言有為者解有兩義。一就法外四相以釋。為之言作。法外四相能有所作故曰有為。生能生法乃至滅能滅諸法故。二就法體四相以釋。四相集起名之曰為。色等諸法皆此有為。故曰有為。翻離此二名曰無為。何法是乎。沉解有三。一就色說。生死之色是其有為。諸佛常色乃至佛性異常色等名曰無為。二就心說。妄心有為。諸佛常心乃至八識佛性心等名曰無為。第三約就非色心說。如毘曇中所辨。十四不相應行名曰有為。諸明。四相名字句等是十四也。虛空數法及非數滅乃至異如第一義空。通攝悉是非色心中無為法也。況論如是。今就心說。妄想之心生滅流注名曰有為。真心常寂故曰無為。下反此二以明不二。於此門中遣妄唯真名為不二。先辨後結。辨中若離一切數者。明遣妄也。於妄心中諸心心法各各異別名一切數。謂想受等證實反望。從來無此。是故名離一切數矣。即心如空明。證真也。真心之體性如虛。

空。心外無有諸數之別。去妄唯真。故心如空。有妄對真名之爲二。離妄唯真。眞即絕對。故曰不二。今因此言明諸心有數無數。心有三重義如上辨。一事識心。二妄識心。三真識心。此三重中初六事識。一向有數。想受行等雖與心王同在一時。作用別故。第八真心一向無數。諸法同體如虛空。故第七識中龜細六重已如上辨。是無明識乃至相續。此六重中根本四重心識微細。諸心法未曾別起。別相難得不說有數。以無數故論中名爲不相應染。不相應者論自釋言。卽心不覺常無別異。名不相應。後之兩重心應別。別相可得。設有諸數。以有數故論中名爲心相應染。言相應者論自釋言。心異念異同知同緣。故號相應。心是心王念是心法。此二同緣故曰相應。細實如此。然今此中總相分之。妄中說數眞中不辨。此解不二。以清淨慧無所礙者。釋其人義。證眞。降妄名清淨慧。不爲妄纏名無所礙。此德成時名入不二。是爲下結。第十二中那羅延曰。標人別說。下彰所說。世出世二反舉二相。分別有三。一約位以分。見道以前名爲世間。見道已上名爲出世。二隨義以別。隨相之行從凡至佛悉名世間。故地論言。世行有三。廣大無量。廣謂初地乃至六地。大謂七地。無量是其八地已上。證如實慧名爲出世。故地論中法無我智名爲出世。三約理事以彰二別。事爲世間理爲出世。今據後門。下翻此二以明不二。於此門中會二。同體以爲不二。非全破遣。先辨後結。辨中初言世間性

空卽是出世。正會二法以明不二。言性空者。況解有二。一因緣法中無其定性名爲性空。如成實說。二妄相諸法自性空寂。不假因緣分段爲空。故名性空。如陽炎水自性非水。不待塵大分爲無水。今據後義。以世體空無世可在名爲出世。非有可離名爲出矣。卽世無世無世恒世故曰不二。下釋入義。於其中者。於前世間出世間中言不入者。明有卽空無世可在。故曰不入。言不出者。明空卽有常隨世間。故曰不出。言不溢者。溢是盈溢增長之謂。以不入故不增世間。故曰不溢。言不散者。以不出故常隨世間。而不除捨故曰不散。是爲下結。第十三中初善意曰。標人別說。下彰所說。善言生死涅槃二者。反舉二相。下反此二以明不二。二相雙遣爲不二矣。先辨後結。辨中初言見生死性則無生死。遣生死相。生死體空名生死性。於此性中無生死相。故無生死。下約此無遺涅槃相。言無縛者。生死性中無生死故所以無縛。言無解者。此推對破。以無縛故不可對之說涅槃解。言不然者。以無縛故。本來不然。言不滅者。本無然。故今無所滅。此解不二。如是解者解釋入義。是爲下結。第十四中初現見曰。標人別說。下彰所說。盡不盡二反立二相。妄息名盡。眞德常住名爲不盡。下翻此二以明不二。二相雙遣爲不二矣。先辨後結。辨中法若究竟盡者。標舉前盡。簡異無常生滅之盡。故云究竟若不盡者。標前不盡。皆無盡者。前二皆空。空理常住故曰無盡。又於空理無法可除。亦名無盡。言無

盡相卽是空者。指斥其體。上來至此破相入如。空則無有盡不盡者。明實離相。此解不二。如是入者彰其入義。是爲下結。第十五中初善守曰。標人別說。下明所說。我無我二反立二相。分別有三。一凡夫人取陰爲我。聖智觀察知陰非我。此一五陰於凡爲我於聖非我。故名爲二。二五陰和合成假人。凡夫於中立有定性。名之爲我。聖智觀察但假。無性名爲無我。三妄相諸法。集成人相名之爲我。聖智深觀人相空無名爲無我。下翻此二以明不二。二相雙遣爲不二矣。先辨後結。我尙不可得。非我何可得。破相入實。向前三重我皆得。何有遣我無我可得。見我實性不起二者。證實遣相。非有非無如來藏體是我實性。此亦是其無我實性。且約我說。於此實中從來無我。二無對我無我可取故不起二。是爲下結。

維摩義記卷第三末

維摩義記卷第四本

第十六中初電天曰。標人別說。下彰所說。明無明二返舉二相。分別有二。一隨相說。開惑之心緣而不了名曰無明。緣智顯了說之爲明。二約心說。妄心性闇。設有緣解亦是無明。如入夢中雖有分別性是昏睡。亦如樂受性是行苦。眞心性照說之爲明。乃至凡時性淨

之心亦說爲明。今依後門下翻此二以明不二。於此門中真妄同體以爲不二。先辨後結。言無明即是明者。會妄即真。妄心體實即是真心。故無明性即是明也。如昏睡體即是報心。此句正顯不二三義。言言明亦不可取者。簡真異妄。何故須簡。人聞是明取同緣治。爲遮此見故說是明不可取同緣治之。明名不可取離一切數。釋前巨取緣治之。明是妄心邊慧數所攝。令言明者是真心體真心平等性如虛空離一切數。是故不可取同緣治。亦可可是中二相雙遣以爲不二。言無明性即是明者。遣無明相。無明實性即明故不可一向取。離一切數遣其明相。二相俱泯名爲不二。此解不二。言於其中等無二者。釋其入義是爲下結。第十七中初喜見曰標人別說下明所說。先辨後結。中初就色陰論之。後就餘陰。前色陰中色空二者反舉二相。次解有三。一色非我所名之爲空。如毘曇說。二假名色中無其定性名之爲空。如成實說。三假名色相亦無所有名之爲空。此唯在大。今此所論義。常第三。下翻此二以明不二。於此門中二語同體名爲不二。非全破遣色即是空。明有即無。云色爲色。色即無色故。色即空非色滅空。簡異對治事滅之空。色性自空。簡異將因分果之空。如陽炎水自性非水不待塵大分爲無水。色亦如是。自性空無不待塵大分之爲空。名自性空。下餘陰中亦無舉二後明不二。文與前同。此解不二。言於其中而通達者。釋其入義。是爲下結。第十八中初明相

曰標人別說下明所說。言四種異空種異者。反舉二相。言四種異。明有異空。地水火風爲四種。此有別空名之爲異。亦可四大各別名異。空種異者明空異有。空有相異故名爲二。下翻此二以明不二。於此門中二法同體名爲不二。先辨後結。言四種性即是空性。正解不二。四大無性四大無相。故即是空。言如前際後際空故中際亦空。類顯不二。生死前際。涅槃後際。聖道名中。前後空故中際亦空。四大同爾。此解不二。若能如是知諸種性。解釋入義。是爲下結。第十九中初妙意曰標人別說下明所說。先辨後結。辨中約就十二入法以明不二。初先約就眼色論之。眼色爲二反舉二相。下翻此二以明不二。二相雙遣爲不二矣。若知眼性於色不貪不著不癡是名寂滅。破遣眼相。性空是其眼之體性。此眼性中無期。眼既不有。誰於色所生貪癡。貪等不生故名爲寂。此偏破眼。破色不論餘義。若具爲文。亦應說言若知色性眼無所貪無患無癡是名寂滅。且舉一邊。一邊可知。下餘入中亦先舉二後明不二。明不中偏就意說。餘類可解。安住其中爲入不二。牒以結之。第二十中無盡意曰標人別說下明所說。先辨後結。辨中初先解不二義。後釋入義。解不二中約就六度及迴向心而辨不二。先就布施及迴向說。布施迴向一切智。二反舉二相諸佛果德名一切智。用已施行迴求彼德名爲迴向一切智矣。下翻此二以爲不二。於此門中二相同體名爲不二。非令破遣。言布施性即彼

迴向智性。解有兩義。一約空說。同一空性。二約有說。此二同用真心爲性。體無別故故云不二。下餘度中亦先舉二後明不二。文同前釋。此解不二。言於其中入一相者。釋其入義。是爲下結。二十一中初深慧曰標人別說下明所說。是空無相是無作。二反舉二相。此三廣釋如三脫章。此乃三種。云何稱二。異故名二。又於其中二云相對亦名爲二。下會此二以爲不二。於此門中二法同體爲不二矣。空即無相無相即無作遣其別相。一空理中隨義分三故得相即。故龍樹云。摩訶衍中三脫體一。若人入空即知無相亦知無作。乃至入於無作之中亦知於空及無相。若空無相無作則無心意識者。遣其別情。別曲情取故須遣之。心意識等通釋是一。於中別分七識名心。集起本故。六識名意。同說塵故。五識名識。了現境故。此三差別如楞伽說。就理推求此三體空。相亦不有。作用巨得。故悉無之。上來破別以歸其一。於一解脫即是三脫。觀一開別成前一義。下總結之。如是知者名入不二。是爲下結。二十二中初寂根曰標人別說下明所說。佛法僧二反舉二相。三寶相二故名爲二。又於三中二云相對亦名爲二。三寶之義廣如別章。此應具論。下會此二以爲不二。於此門中異法同體名爲不二。非有破遣。先辨後結。辨中先解不二之義。佛即是法。即是衆。歷別相即而顯不二。此即經中一體三寶。亦名同體。是義云何。況解有四。一就事辨一。一佛果上隨義分三。覺義名佛。可軌名

①三二二？ ②冠註曰名經作亦 ③之二無 ④令二今 ⑤(辨)十中？ ⑥當二當 ⑦云二無 ⑧無二先 ⑨期二眼 ⑩冠註曰明不下恐脫二字 ⑪冠註曰彼經作是 ⑫云二二 ⑬云二二



法。達淨過盡即名為僧。此之一義該通大小。乃至毘曇亦有此義。二就破性空理辨一。三寶雖殊皆無定性。無性理齊故名同體。此通大小。乃至成實亦有此義。不唯在大。三就破相空理辨一。三寶雖別皆空無相。不但無性。相亦不有。無相理一。故名同體。此唯在大。四就真實緣起門中以辨其一。三寶皆用真如來藏佛性為體。真識之心緣起集成三寶義故。於此門中說一不定。若就涅槃以辨三寶。三寶皆用涅槃為體。故名一體。故涅槃中。菩薩思惟云何三事與我一體。佛自釋言。我說三事即大涅槃。故名一體。若就佛性以辨三寶。三寶皆用佛性為體。故名一體。故涅槃云。如是三歸即是我性。若就真諦以辨三寶。三寶悉用真諦為體。故涅槃云。若能觀三寶常住同真諦。若就常義以論三寶。三寶皆用常義為體。名為一體。故涅槃云。我亦不說佛法來僧無差別相。唯說常恒無有變易無差別耳。若就空門以分三寶。三寶悉用空理為體。就不二門而辨三寶。齊以不二為體。如是一切。此一切一非一種一。今此所論約就真實緣起門說。一真如法緣起為三。三皆是如。佛即法。法即衆矣。前別相即言是三寶皆無為者。總顯不二。三寶悉是真如常法。故皆無為。與虛空等類以顯之。如似。虛空無礙不動。隨義以分而體是一。三寶如是故體是一。言一切法亦爾者。以此三寶同體不二類一切法。悉皆同體。故云亦爾。此解不二。能隨此行解釋入義。是為下結。二十三中無礙曰標

人別說下明所說。身身滅二反舉二相。生死之報名之為身。身滅涅槃名為身滅。有無兩分名之為二。下翻此二以明不二。二相雙遣為不二矣。先辨後結。辨中身即是身滅者。略明不二。身之無處與彼身滅無處一理。故言即是。所以下釋之。先問後解。見身。實相不起見身及滅身者。觀一破別。第一義空是身實相。於此實中由來無身。何有所滅。故見身實。不起見身及與滅身身與滅身。無無二無別。破別歸一。身滅並無故云無二。此遣別相。二相既無取情亦息名無分別。此遣別情。上來辨竟。言於其中不驚不懼為入不二。機以結之。小乘衆生聞說無身及滅亦無。多生怖畏。故頗宜說不驚不懼。於滅無處不生驚怪於身無處不生恐懼。且可於身無處不驚於彼身滅無處不懼。通則義齊。是為下結。二十四中初上善曰標人別說下彰所說。身口意對亦名為二。下翻此二以明不二。二相雙遣為不二矣。先辨後結。辨中初先釋不二義。言是三業皆無作者。總明不二。窮之皆空無法可起名皆無作。身無作相即口無作口無作相即意無作。別顯不二。無義不殊故得相即。是三無作即一切法無作相者。牒此類餘明一切法悉皆不二。能如是隨無作慧者。釋其入義。是為下結。二十五中初福田曰標人。前說下彰所說。福行罪行不動行二反舉二相。三塗惡業及人天中別報苦業名為罪行。欲界人天一切善業及鬼畜中別報樂業名為福

行。上二界中稱定靜業名不動行。下翻此二以明不二。二相雙遣為不二矣。先辨後結。辨中初言三行實性即是空。破別歸一。空則無有罪福不動。以一遣別。此解不二。於此三行不起者。釋其入義。是為下結。二十六中初華嚴曰標人別說下彰所說。從我起二反舉二相。五陰及與和合假人名之為我。我所造作一切諸法名我所起。此別名二。下翻此二以明不二。二相雙遣為不二矣。先辨後結。見我實性不起二者。破遣二相。無我之理是我實相。此實相中本無有我。焉有所起。故不起二。不住二法則無有識。破遣二情。無所識者為入不二。牒以結之。二十七中初德藏曰標人別說下明所說。有所得二反舉二相。造作善惡得苦樂報名為所得。所得之中苦樂等異名之為二。下翻此二以明不二。二相雙遣為不二矣。先辨後結。若無所得無取捨者。於第一義所得本無。無所得故無樂可取無苦可捨。無取捨者牒以結之。二十八中初月上曰標人別說下明所說。聞與明二反舉二相。煩惱開惑名之為聞。智慧為明。下翻此二以明不二。二相雙遣為不二矣。先辨後結。辨中先明不二之義。無聞無明則無有二。略以辨之。所以下釋。先徵後解。如入滅定無聞無明。玄喻顯示。一切法相亦復如是。合喻顯法。此解不二。言於其中平等入者。釋其入義。是為下結。二十九中寶印手曰標人別說下彰所說。樂涅槃不樂世間二反舉二相。下翻此二以明不二。二相雙遣為不二矣。先辨後結。

辨中初言不樂涅槃不厭世間則無有二。略辨其相。所以下釋。先徵後解。言若有縛則有解者。反釋不二。若本無縛其誰求解。順解不二。此遺二法。無縛無解則無樂厭。破遺二情。無解可樂無縛可厭。是為下結。第三十中。殊頂王曰。標人別說下彰所說。初言正道邪道二者。反舉二相。沉解有二。一就行論。二就法說。就行於三。一凡聖相對。凡夫八邪名為邪道。一切聖人所修八正悉名正道。二大小相對。小乘所明是異乘見名之為邪。大乘名正。三相實相對。緣明是邪。實證名正。就行如是。言就法者亦有三種。一外法名邪。佛法為正。二小法為邪。大法為正。三妄法名邪。真法為正。今就法論。等就法中據第三說。邪正兩分。故名為二。下泯此二以爲不二。二相雙遺為不二矣。先辨後結。辨中住正則不分別。是邪正者。妄情取法名住邪道。滅妄證真名住正道。若據妄情住邪者說。邪外有正對邪為二。若就滅妄住正者說。正外無邪。以無邪故正亦妄對。不可名正。以無邪故。不生分別彼為邪道。正妄對故亦不分別此為正道。二相雙遺名住不二。離此二下。以結之。三十一中初樂實曰。標人別說下彰所說。實不實二反舉二相。世諦虛假名為不實。真諦名實。下泯此二以爲不二。先辨後結。辨中初言實見者尚不見實。何況非實。略明不二。就虛望實。虛外有實。對虛為二。就實論實。實外無虛。故實亦亡對。實亡對故有實見者不取實相。尚不見實。何況非實。是二俱泯名為不二。

所以下釋。初先徵問。問意如何。以見實故名。為實見。已言實見。有何所以言不見實及與非實。下對釋之。非肉眼見慧眼能見。釋前實見。眼有五種。所見各異。一肉眼見於彰內。近之色。二是天眼見於彰外。細遠之色。三者法眼見於一切苦無常等生滅法數及見衆生根欲性等。四者慧眼見諸法空。五者佛眼見法實性。今說空以之為實。是故此實非肉眼見。唯慧眼見。天眼法眼亦不見空。對初以論。是故偏言非肉眼見。而此慧眼無見無不見。釋前略中尚不見實。何況非實。是義云何。菩薩慧眼見空之時。窮空畢竟。不見空外有眼能見。既無空外有眼能見。為有眼外空為所見。故涅槃云。菩薩摩訶薩。明大涅槃。不見虛空。如此不見真名見空。名無不見。故涅槃云。唯有慧眼乃能見之。如是見者無見為見。故名為見。共此相似。此言正解尚不見實。不見非實。見解不論。見不實者不能見空。名為不見。菩薩斷離此不見心。名無不見。是為下結。上來第一維摩為問。菩薩等以言遣相其不二。自下第二諸菩薩問。文殊對之以言遣言而顯不二。於中先問。如是諸菩薩摩訶薩。問人。各各說已。結前起後。問文殊下正宣問辭。何等菩薩入不二門。下文殊答。如我意者。文殊彰已。隨自意語不隨他也。於一切法無言說等。正辨其相。法有二種。一是世諦。二第一義諦。通則此二皆有可說不可說義。以名攝法。法隨名轉。一切可說。以可說故。諸佛說法常依二諦。就實推求。法皆離名。以無名故。一

切叵說。故地持中說。一切法離於言說。離假名性。於中別分。世諦可說。真說叵說。故龍樹云。第一義者。言語道斷。心行處滅。今據末後分相門中。明第一義妙寂離言。故云無言說。乃至離答為真不二。問曰。言說示識有何差異而別說無。答云。口陳文字謂之為言。以言闡法。方名為說。亦可依法施語為言。以言闡法。號之為說。顯法據人曰之為示。教人解法說以爲識。隨俗有是。真中悉無。說曰無言。乃至無識。言說既無。請酬義絕。故離問答。是為下結。前諸菩薩雖復遣相。留言對法。即是其二亡言絕對。方是不二。故今結之。無言說等為入不二。自下第三文殊為問。維摩默顯。於中文殊初問起發。維摩次默。文殊下復一默。以顯之。初中文殊標舉問人。問維摩詰。啓告所問。我等說已。結前起後。仁者。常說何等是下正申問辭。次維摩詰默而顯之。維摩詰證不二之實。實處亡情。言說悉無。故默顯之。又前文殊對言。期道。未若維摩潤默去求。亡言即道。故默不言。無言之道。居言莫測。欲令言者息言同會。故下文殊嘆以顯之。文殊嘆曰。總以標舉。善哉善哉。正是歎辭。亡言入實。顯理最勝。故名為善。哉是助辭。好中之極。重言歎善。乃至無有文字。語下出其善事。超言至默。故曰乃至。無言即道。道絕言對。是故名為真入不二。上來第一明入不二。下明說益。五千菩薩皆入不二。得無生忍。香積品者。此品寄就香積。如來以顯諸佛淨土之果。就所寄人以顯品目。名香積品。此品之中三門分別。一定所辨。二釋來意。三隨文

解所辨有二。一就維摩顯德分別。此品亦爲顯示維摩不思議德。取飯香積小室廣容。是其所顯不思德也。二就法分別。法謂法身淨土因果。今此正顯淨土因果。明衆香界莊嚴妙事是淨土果。下文所說修十修八是淨土因。所辨如是。次釋來意。還約向前兩義釋之。一就維摩以釋來意。維摩德中義別四對已如上辨。入不二下是第四對。於此對中前品所行修行實證。此品所成就不思解脫之德。因行有就故須辨之。又復前品入不二門明解脫體。此品明其解脫之用。依體有用故次辨之。第二約法以釋來意。從上以疾國王大臣皆往問來廣明如來法身因果。此品明佛淨二因果。身必依土故須辨之。來意如是。須釋其文。此品有二。一正辨法。二維摩文殊於大衆下明說利益。前中復二。一因舍利念食爲由取飯香積明淨土果。二彼菩薩問皆曰未下因彼新來菩薩請明淨土因。淨土之果香積最顯。奇彼以彰淨土之因婆娑明勝。故就此說。然此所明淨土因果成上初會。云何成乎。前初會中宣說菩薩成佛之時具足一切功德國土。相猶未顯。今此寄就香積顯之。故下文申明衆香即一切皆以香作。樓閣經行香地苑囿皆香如是等也。又初會中宣說菩薩成佛之時大乘衆生來生其國。相亦未顯。故今亦就香積顯之。故下文申明香積國無有聲聞辟支佛名唯有清淨天菩薩。又初會中宣說菩薩成佛之時具足一切功德衆生來生其國相亦未顯。今此亦寄香積顯之。故

下文中明香積國諸菩薩等。生香樹下即獲一切德藏三昧得是三昧菩薩所有功德皆具。成果如是。又前會中宣說六度四攝等行以爲土因。未出明處。今此辨之。故下文申明婆界獨有十事諸餘淨土之所無有。又前會中宣說諸行爲淨土因。未出明法。今此辨之。故下文申明此菩薩成就八法行無創疣生乎淨土。此八法是攝明之法。依此攝起一切諸行爲淨土因。成因如是。就初辨明淨土果中初舍利弗念食爲由。後維摩詰爲之取食顯示自己不思議力。并顯香積淨土之事。舍利念中。於是舍利舉與念人。以此慧勝能多起發。故偏生念。下出所念。日時欲至此諸菩薩常於何食。因向空室故生此念。良以飲食時中所須所以念之。又因念食多有開發。故今念之。問曰。何故前念床坐通爲弟子。今此念食偏爲菩薩。釋言。床坐大小同須是故通爲食中聲聞有乞食法。故不爲之。又前念坐通爲弟子而被呵責。故今不舉。就下維摩爲取食中文曲有三。一呵所念令捨穢食。二若欲下許爲取飲令求淨食。三時維摩入三昧下正爲取食遂其心欲。初中維摩舉能呵人。知下意者明呵所由。而語已下正出呵辭。佛說八解仁者受行。舉其所明。八解是其離欲之法。所以偏舉。義如別章。此應廣論。今且列名。內有色想外觀色內無色想外想色淨想解脫以爲第三。空處第四。識處第五。無所有第六。非相第七。滅盡第八。此八離縛名爲解脫。背離下過。是故經中名爲背捨。又龍樹云。

背淨五欲捨離著心亦名背捨。仁者受行明應無欲。豈難欲等約明以呵。豈謂可也。受行八解可得離於貪欲食心而聞法乎。以此穢食受用多過故呵令捨。問曰。舍利向前念食爲菩薩。維摩何故呵其自欲。釋言。舍利向前念食原從自己須食心起。自有所欲謂他亦須。故念菩薩。常於何食。維摩今者深察其本。故就呵之。自下第二許爲取食。若欲食者舉其所須。常令汝得未曾有食。許爲取之。淨土之食受用多益。欲令求故須許之。自下第三正爲取食。顯示自己不思議力。令人習學。并顯衆香淨土之果。使人願求。於此文中。宗爲彰淨對穢顯之。文有六段。攝爲三對言六段者。第一維摩以神通力顯示上方香積佛界。遣他取食令此衆見。二彼諸大士見化已下。明衆香國諸菩薩等因化往彼知此婆娑而來聽法。此二一對顯示異土令互相知。三維摩卽化九百萬下。明此婆娑小室廣容。四維摩詰語舍利等可食已下。明衆香界少飯廣竟。此二一對顯示異事令互相敬。五維摩問香積如來以何說下。彰彼如來攝他之儀。六彼菩薩問釋迦牟尼以何說下。明此世尊開道之法。此二一對顯示異法互相學。六中前四爲彰食益。後之兩段爲顯法益。彰食益中初維摩取。二彼佛與。第三維摩從他受食。第四維摩與衆令食。初中有三。一維摩詰現衆香界令此衆見。二問菩薩下命衆取食。三於是維摩不起坐下命衆不得遣他往取。就初段中。維摩初現後衆共見。問曰。維摩何

◎二二土？ ◎奇二寄？ ◎註註曰天經作大 ◎生二坐？ ◎常二當？ ◎八二八？ ◎冠註曰下經作其 ◎常於二當 ◎冠註曰常  
經作當 ◎（令）十五 ◎他二化？

故現彼令衆見乎。爲顯淨土令衆求故。又現自己不思議力令衆學故。云何示現。分別有二。一爲彰所取是實非虛。寄實以顯不思議力。二爲彰所取是遠非近。寄遠以顯不思議力。文中初言即入三昧。現化所依無時不在。隨化現入以神通力彰其所用。此不思議如意通力示諸大衆現化所爲。下明所現。於中有五。一示方界分。二示遠近度四十二恒沙佛土。三所現國名衆香。四所現佛名香積於今現在。五就所現廣辨其相。辨相有四。一土二人三土四人。其國香氣。比於十方最爲第一。是其初段明土勝也。況論淨土有三莊嚴。已如上辨。一事莊嚴五欲精勝。二法莊嚴純說大乘。三人莊嚴純諸菩薩。此三莊嚴衆香具有。此即第一事莊嚴中香莊嚴也。彼土無有聲聞辟支唯有清淨大菩薩衆佛爲說法。是第二段明人勝也。此亦即是人法莊嚴其界皆以香作樓。是第三段重明大勝。彼佛與下是第四段重明人勝。佛與菩薩方共坐食。受供人勝。有諸天子皆號香等。能供人勝。上來現土。衆見可知。自下第二命衆取食。何不望真遣化往取。乃須命衆示不自高不輕衆故。又欲對彼顯己力勝令衆尊敬起佛求故。於中有四。一維摩詰命衆取食。故問菩薩。仁者誰能致彼佛飯。是運致擔蓋之謂。二以文殊威神力故衆皆默然。文殊爲使維摩化取故。三令衆默。文殊何意欲令維摩遣化往取。維摩化往。彼多菩薩尋化推本來此聽法。餘往無宜。故制使默。三維摩詰擊衆令取。仁德

衆多不堪取食。可明之甚。故今反擊仁此大衆無乃可恥。四文殊師利爲衆解過。如佛所言勿輕未學。以衆生學解脫之德。不堪往取。顯莫輕辱。自下第三。彼維摩詰命衆不得遣化往取。何不身往乃使化乎。維摩即是此食化主。客在其室無宜輒捨。又欲使彼諸菩薩等尋化推本來此聽法。故身不去。於中有三。一化爲菩薩。相好殊勝。二而告之下教往取食。三時化下明化菩薩蒙命往取。初中維摩不起於坐居衆食前。明起化處。化作菩薩相好光明威德勝等。明化所作。依金光明聖身有三。一是眞身。謂法與報。二是應身。隨化現生。三是化身。從應化起。今維摩詰備此三身。彼維摩詰眞德之體即是眞身。毘耶所受即是應身。所化菩薩即是化身。第二教中而告之曰。總舉教辭。下別顯之。先示其處須教身往下教乞辭。如我辭曰總舉教辭。下別。於中先教問訊世尊。願得已下教從求食。今此樂下明乞所爲。令衆小者得弘大道。通法之益。亦使如來名聲普聞。傳人之益。又弘大道受法之益。亦使如來名聲普聞聞佛之益。問曰何故舍利念食偏爲菩薩。維摩取食偏爲衆小。答舍利念食偏爲菩薩義如前解。又復舍利實謂菩薩身有所待。故爲念食。維摩深知菩薩無須。今時取食專欲使彼衆小法者。觀佛菩薩淨土境界妙用難測發心願求。第三化往取食之中。初化菩薩昇于上方舉衆皆見。後化菩薩發言求食。合衆同聞。言如前教。上來第一現衆香界。遣化取食。合衆同見。

自下第二明衆香國諸菩薩等因化知此。而來聽法。問曰。諸佛同不異。即彼佛所聽法。是得何勞來此。況解有三。一自爲故來。欲於此方佛菩薩所供養聽法。以於此方佛菩薩所有最因緣。供養聽法獲多益故。二爲他故來。所爲有二。一爲彼土衆生於此佛所有最因緣。應見得益。德力微劣莫能自運。須大菩薩導引將來。如無邊身流離光等各將無量菩薩來此。而得利益。如是等也。二爲此土衆生故來。此土衆生應見彼來得多益。故此是第二爲他故來。三爲讚揚三寶功德是故須來。於中或有讚揚佛德。佛如初成。菩薩衆集讚歎等是。或爲顯法。顯法多端。不可具列。或爲顯揚菩薩功德。德義非一。今諸菩薩從衆香來應具前意。文中正求爲自故來。并欲顯揚維摩之德。文中有五。一衆香菩薩觀他致問。彼佛具答。二菩薩審問維摩。其人如何能作是化。彼佛具答。三彼如來鉢盛香飯與化菩薩。四衆香菩薩請欲來此。彼佛聽許。五時化菩薩既受鉢下。化及彼衆承力至此。初中先問。彼佛酬答。問中初言彼諸大士舉能問人見化菩薩彰其所觀。欲未曾有嗟其高勝。下正爲問。今此上人從何所來。問其所從。娑婆世界爲在何許。問其方所。言何名爲樂少法者。問其所爲。彼國無小所以問之。由化菩薩前請彼佛。欲於娑婆施作佛事。令衆小者得弘大道。故發斯問。即問佛者請聖辨答。下佛答之。佛告之曰總舉答辭。下方度等隨問別答。於中初至界名娑婆。答上問中娑婆世

●此於十方●此於十力●(致)●十是●●制●●註曰可明之甚文恐有脫誤●註曰食經作會●今令●●合二令●●是二足●●佛如二如佛●●他二化●●註註曰欲經作歎●●問二問●

界爲在何許。要婆胡語此翻名忍。悲華經釋。此土衆生忍受三毒及諸煩惱。土從人稱故名爲忍。佛號釋迦於五濁世爲小樂衆生敷演道教。答上問中云何樂小法者。彼佛所化五濁惡世。樂小衆生名樂小者。彼有菩薩名維摩下。答上問中今此人從何所來。明此化人維摩遣來。先列維摩住不思議辨其所得。爲菩薩說明其所作。故遣化來彰其所遣。稱揚我名并讚此土令彼菩薩增益功德。明遣所爲使此慕求。名增功德。自下第二彼諸菩薩審定。維摩其人何如乃作是化問其人也。德力無畏神足若斯。問其德也。下佛答之。佛言甚大。差其人高。對其初問。一切十方皆遣化往歎其化廣對其後問。第三彼佛以衆香鉢盛滿香飯授化菩薩。文顯可知。自下第四衆香菩薩請佛來此。彼佛聽許聽中先請初列諸人。俱發聲等發言正請。供養釋迦見維摩等。彰請所爲。下佛聽許。可。往聽去下。爲誠約。先誠其身後誠其心。身有二。一教攝身香無。今已下明教所爲彼見受染名起惑著二教捨本形。勿使已下明教所爲。親勝卑退名自鄙恥。誠心中又汝於彼莫壞輕賤而作礙想。正勸捨過於人莫輕。於前莫礙畏而不入。名爲礙想。所以下釋。先徵後解。十方如空明。古實淨。土等如空。非無如空。又爲他小不盡現淨。明化現穢亦可十方皆如虛空。明其性淨。佛爲化小不盡現淨。明其報淨。彼土實淨爲化不現。故莫輕賤而作礙想。自下第五化及彼衆承力至此。時化菩薩既受鉢

飯。所求遂心。與九百萬所攝稱意。俱承佛威及維摩力。明來所依。於中分別。衆香菩薩承彼佛威。其化菩薩承維摩力。通則義有於彼世界忽然不現。發之速也。須臾之間至維摩舍。所至疾也。由承聖力故彼不現。須臾至此。彼彰忽然。此云須臾言左右耳。上來五段合爲第二。自下第三明維摩詰從化受飯。并顯維摩不思議力小室廣容。令彼新來菩薩深敬。於中有四。一維摩詰化九百萬師子之坐。高廣如前。令彼新來菩薩坐上。二化菩薩以所取飯。受維摩詰。三明飯香普薰毘耶及三千界。四由香普薰諸衆雲集。此即香之飯益也。於中初明聞香快樂口歎。未有。明雲集中。初明人衆雲集。諸地神下餘衆雲集中。初先辨列其衆。次來入舍。後明所見歡喜設禮。下明却住。除衆可知。此第三竟。自下第四維摩得飯。命衆同食。即顯香積少飯廣竟。令此尊敬。於中有二。一命共食。彰食無盡。二其諸菩薩聲聞已下明食身樂。顯食殊勝。前中偏告聲聞令食不命菩薩。問曰前坐大小通告。今此何故偏命聲聞。解有四義。一前者念坐通爲大小。故前等告。今此念食偏爲菩薩。恐彼聲聞不敢取食。故偏告之。第二床坐大小通須。故所通告。食中聲聞別有乞法。於此所取無心欲食。故偏告之。第三義者。前所取坐至極高大。通此人量。須教菩薩變身如坐。須教聲聞禮佛而坐。爲是通告。今所取食至少不多。聲聞心局畏少不足。無心欲食。爲是通告。菩薩意廣知少覺多。不慮不食。是故

不告。第四義者。向前取坐不簡大小。故前通告。今此取食云言此樂小法者得弘大道。彼佛與食意亦如之。良以聲聞正是所爲。故今偏告。欲使其食知飯無盡發心願求。義意如是。文中有三。一告聲聞直勸命食。二自果聲聞念其食小。化菩薩彰食無盡。三於是鉢飯悉飽衆下者食無盡。初中先告舍利弗等。勸之令食。大悲勸下誠捨小意。食從悲起名大悲勸。取爲定少名爲限意。用不應法名爲不消。此食無宜故須預誠。無以限意使不消也。第二段中文別有一。初異聲聞念其飯少。異有兩種。一別大稱異。大乘法中見道已前依教明行。名大聲聞。彼不同此。故名爲異。二於小中簡大稱異。簡彼舍利目健達等諸大聲聞。故名爲異。而此大眾人人常食。二化菩薩下呵其所念明食無盡。勿以聲聞小德小智稱量如來無量福慧。言小德者聲聞福德莊嚴少也。言小智者聲聞智慧莊嚴小也。無量福者佛福多也。無量慧者佛智多也。用少量多理所不合。故云勿以。四海竭下明飯無盡。成念不應。四海有竭此飯無盡。假約也事。明食無盡。一切人食猶若須彌乃至一劫亦不盡者。假約世人明食無盡。一切人食食人廣也。猶若須彌所食多也。人別須彌乃至一劫食時。文也。假使如此猶亦不盡。所以下釋。初先徵問。一鉢之飯所以我言不盡者。何下對釋之。無盡德人所食之餘終不可盡無盡。等是五分身。功德具者餘德具也。於是鉢飯悉飽衆下。是第三段明諸大衆

①冠註曰小樂經作樂小 ②差二端 ③冠註曰往聽經作往聽 ④冠註曰今經作令 ⑤古二七 ⑥冠註曰他經作化 ⑦受二授 ⑧之飯二飯之 ⑨(基)十末 ⑩次二須 ⑪竟二即 ⑫命二令 ⑬冠註曰自果經作有異 ⑭冠註曰動經作應 ⑮冠註曰常經作當 ⑯也二世 ⑰冠註曰人別須彌上下恐有脫誤 ⑱文二大 ⑲冠註曰惑經作戒

其食不盡。上來三段。令爲第一明食無盡。下明食者身安快樂。顯食彌勝。於中初明食者身樂。次喻顯。後明食者身皆出香。下以喻顯此第四。境自下第五明香積佛攝化儀。令此衆生捨言習學。維摩先問香積如來以何說法。下具答之。彼菩薩曰。我土如來無文字說法。彰彼異此。但以衆香令諸天人得入律等。正辨其相。但以衆香得入律行。依香。離道。菩薩各各坐香樹等。依香具善。文顯可知。自下第六彰此如來開導之法。彼使習學。於中初先衆菩薩問維摩詰。釋迦牟尼以何說法。維摩下答。於中初總。須別後結。此土衆生剛強難化。佛爲說剛強之語。以調伏之。是初總也。是地獄等是其別也。別中約就四諦分四。一苦二集三滅四道。何故偏約此四明法。上說。說釋迦於五濁世爲衆少衆生。敷演道教。教少衆生多說四諦。故偏舉之。苦中地獄畜生餓鬼是三塗難。是諸難處者。謂難越長壽天等難處也。愚人生處。謂餘邊地無法處也。次明其集。於中雖復因果。通舉約果顯因。宗成集義。無舉三邪。是殺生等明其十惡。是慳吝等彰其下弊。文皆可知。次明其道。於中雖復邪政。道學。對邪辨五。道行雖衆。要唯三學。先明其戒。是結戒者明其戒法。是持戒等明其戒行。持戒者是正持也。是犯戒者是止犯也。是應作者是作持也。是不應作是作犯也。是障礙者明前二犯能障道也。是不障者明前二持不障道也。是得罪者明前二犯得罪報也。是離罪者明前二持離罪報也。次明

定學。言是淨者世俗淨定也。言是垢者味相應定。亦可淨者是無漏定。垢者一切世俗定也。下明慧學。是有漏者世俗等智。是無漏者出世聖智。是邪道者。解道邪智。是正道者。內學正智。下明滅諦。是非通舉對非彰是。是有爲者生死因也。衆煩惱等與集生死。故曰有爲。是無爲者因中之滅。是世間者生死果也。是涅槃者果中滅也。亦可分段因之與果名曰有爲。盡此之滅。稱無爲。變易因果名爲世間。除此之滅。說爲涅槃。上來別相下總結之。於中初法次喻後合。以難化人心如猿猴。以若干法制御乃調。是法說也。譬如喻下。食可知。上來明果。自下第二明因。彼菩薩讚歎請問明淨土因。起因此勝就辨之。於中有二。一因彼讚歎彰此明勝。二因彼請問淨土因顯此明法。又復前段明攝善行。後明離過。故下名爲行無病。生乎淨土。又復前段明攝土行。自攝常土。後段明其生淨土。現生他國。前中先歎。後對辦勝。歎中彼諸菩薩問。也。皆曰未有。是總歎也。下別歎之。初先歎佛。隱其無量自在之力。以貧樂法度衆生者。此國衆生無有大乘法財自資。名之爲貧。唯樂小乘說小以爲貧所樂法。如來以此度衆生也。下歎菩薩。斯諸菩薩亦能勞謙無量大悲生。在土者。勞謂勤勞。勲化人。謙謂謙下。謙卑謙物。憐苦隨生。名無量悲生。是佛土。上來歎竟。下維摩詰因歎顯勝。明此修勝故生此土。於中初明菩薩於諸衆生大悲堅固。一世所行多於彼國百千劫行。所言非虛。故曰誠如所

以下釋。先徵後解。此婆娑界有十事善淨土所無。對問總釋何等下別。先問後別。通皆利他。於中別分。前六以已所修六度攝益利衆生。後四以共化他之法隨宜度物。於中前三是化他法。後一化行。法中初句。說除難法度八難者。小乘法化。以大乘法度樂小者。大乘佛法。以諸善根濟無德者。人天法化。化他行中。常以四攝成就衆生。是爲下結。自下第二。因彼諸問顯此修法。於中。先問此土菩薩成就幾法。於此世界行無病。生乎淨土。此菩薩來意導人往生淨土。故爲此問。與涅槃中無畏菩薩問生淨土其義相似。維摩下。答成就八法行無病。生乎淨土。是總答也。行無病。能淨其因。生乎淨土。能招淨果。又無創。能捨穢國。生于淨土。能入淨國。何等下別先徵後列。此乃約就修義不同以分。以種此八悉是攝修之法。用此攝起初會之中淨土行也。八中初四是利他法。饒益衆生而不望報。是第一句。慈無量也。慈恰心益。故不望報。代一切生受諸苦惱。是第二句。悲無量也。悲心深厚。故代一切受諸苦惱。問曰。若是衆生法報何可代受。由其菩薩住苦教化。彼得出離故名代受。又復繫因。鞭杖等苦。有可代處。菩薩亦代。功德難施。是第三句。喜無量也。以喜除嫉。故能盡施。等心衆生。謙下無等。是第四句。除無量也。捨除憎愛。名爲等心。齊能卑敬。故曰謙下。絕離怨親差別之異。故言無礙。後四自利。於諸菩薩視之。如佛所未聞。經聞之不疑。是。一句。於自學處起敬信

①令二合②境二竟③離二通④彼使二使彼⑤須二次⑥〔說〕一⑦無二先⑧下二六⑨道二通⑩五二正⑪解二外⑫下食二食下⑬〔食〕一⑭冠註曰起因下七字恐有闕文⑮明法二修法⑯冠註曰也片之也無作已⑰諸問二諸問⑱以二其⑲色二足⑳〔後〕十四㉑〔第〕十一

心於菩薩觀之如佛。於人敬也。所未聞經聞之不疑於法信也。不與聲聞而相違背。是第二句。於他學處去盡礙心。不嫌彼供不高已利而於其中調伏其心。是第三句。於受用事。思礙礙心。彼供已利言之左右。有過背捨名爲調伏。當省已過不訟彼短恒以一心求諸功德。是第四句。於明行事起專精心。當省已過不訟彼短離過心精。恒以一心求諸功德。慕善心專。不離餘想名爲一心。有善皆欲名求功德。以此通前合爲八也。是爲下結上來辨法。維摩文殊於大眾下。大段第二明說利益。此即通明一會之益。故言維摩文殊說時百千天人發菩提心十千菩薩得無生忍。若準此品文殊不說。第二會竟。

菩薩行品者。於此品中因彼衆香菩薩。諸法廣辨菩薩盡不盡行。因以標品。是故名爲菩薩行品。從此已下第三會說。於中。頗以四門分別。一釋來意。二就維摩顯德分別。三就法分別。四科文辨釋。來意如何。釋有四義。一維摩室中所辨之法。須佛述讚傳。希於後。故爲此會。二維摩所現不思議菴羅。未覩。化事未周故與此會。三香積之飯菴羅未知。欲使同知彼此共求。故須此會。四衆香菩薩來爲見佛土。上來未覩。今須往見。請法還土。故集此會。來意如是。次維摩顯德。分別有三。一明維摩解脫之行。寄往見佛明因趣果。趣入如來實證法身名解脫體。二彰維摩解脫之用。掌持大衆往詣菴羅。遠接妙喜安置此土。是不思議解脫用也。顯德如是。須辨其法。法謂因果。

此品總明法身淨土二種之因。阿闍品明其身淨土之果。問曰。此中所辨因果。與上何異而須更論。異如上辨。今更顯之。先就因明。後就果說。因異有二。一約人分別。向前兩會。爲化婆娑穢土衆生專教求淨。明所行專求淨土。此會爲化衆香世界淨土菩薩。教其隨深不盡不爲不住無爲。二常法分別。前初會中直出法體未明修相。後之兩會。明修成相。於中。前會教修趣寂破離有無趣入不二。問疾訖盡觀衆生品。破離凡夫著有趣寄。佛道一品。破離二乘著無趣寂。不二門品。破離菩薩差別二見以趣一寂。此會明其從寂起用。不盡有爲是其用也。龜分且然。細分實難通。因異如是。果異如何。先就身論。後就土說。身中初會明應身果。前寄實積默以顯之。始在佛樹。力降魔等悉明應也。第二會中明報身果。說從一無量功德生等。此會明其法身之果。如下文說。觀身實相。觀佛亦然。我觀如來。前際不來。後際不去。如是等也。細求亦通。龜分亦然。土果如何。前初會中寄就釋迦。顯其淨土。第二會中。寄就香積而辨淨土。此會寄就無動如來而彰淨土。前寄釋迦即染彰淨。明淨土體。第二寄就香積如來。染外彰淨。明淨土相。此會寄就無動如來。而辨淨土取之。置此。彰淨隨染明淨土用。通則前會取飯。此食亦是用矣。辨法如是。次第四門科分辨釋。就此會中。初明由序。衆坐定下是其正宗。序中有三。一維摩詰。欲往佛所先現瑞相發起衆心。二掌持大衆往詣佛所起衆所欲。三

佛爲化益勸衆令坐。初中復三。一維摩現相。二阿難請。三如來辨。初中。是時佛說法者明現相時。於菴羅樹明現相處。其地忽然廣博嚴等。正明現相。爲容多衆故。今地廣。爲安淨衆現宜淨法故令嚴淨。使大衆咸皆慕仰故令衆會皆作金色。此亦即顯不思議也。二阿難請。三佛辨答。文皆可知。此初段竟。自下第二會常持大衆往詣菴羅。於中。維摩初命文殊。可共見佛與諸菩薩禮事供養。次文殊述善哉行矣。今正是時下。維摩詰正持衆往。先標其人。即以神力。明其所用。謂不思議如意通力。持諸衆等。顯其所作。先持衆往。須到著地。下與諸衆禮敬如來。維摩先禮。稽首足下禮之別稱。此表敬也。屈首接足是自卑相。故用表敬。右邊表愛。還還不離。是愛戀相。故用表愛。一心合掌明心專也。恭持如來故一面立。次諸菩薩後除聲聞釋梵等衆咸皆避坐稽首佛足。以此諸衆前。背在坐維摩持來。故須比之。上來第二維摩持衆往詣菴羅。自下第三。佛勸令坐。先勸後坐。文顯可知。上來由序。自下正宗。於中有三。一重辨前事。令菴羅樹舊衆同知。二或有佛土以佛光明作佛事下。淨衆心器。三爾時衆香世界菩薩來者已下。以法正教。初中有二。一問舍利所見維摩神異之事。今此衆知。二阿難自下辨前所取香積之飯令此衆知。前中初言衆坐已定彰問時也。下正問之。二問兩答。佛語舍利汝見大士之所爲乎。問其見不。良以舍利前與文殊共往。維摩所現舍利具見故今問之。

①思二安 ②明二修 ③離二離 ④諸二諸 ⑤須二須 ⑥希二希 ⑦次十(就) ⑧三二一 ⑨果二果 ⑩當二當 ⑪今二今 ⑫當二當 ⑬須二大 ⑭體二體 ⑮持二持 ⑯背二背 ⑰註註曰自經作白



唯然已見。舍利隨答。汝意云何。問其勝劣。我觀其爲不可思等。舍利辨答。不可思議。總歎顯勝。非意所圖。非度所測。別歎顯勝。非意所圖。其不可以識識也。心意識等眼目之別。圖謂圖量。凡夫心識不能圖量。是故名爲非意所圖。非度所測。明其不可以智知也。聖以智慧測度不及。是故名爲非度所測。自下第二。辨前香飯令此衆知。文別有四。一阿難怪問如來爲辨。二舍利弗自說身香。阿難密問舍利具答。第三阿難。維摩詰飯消。文迎。維摩爲辨。四阿難讚歎如來述成。初中阿難先問起發。今所聞香自昔未有。是爲何香下。佛爲辨。是彼菩薩毛孔之香。第二段中。初先舍利自說身香。阿難次問。此所從來。舍利後辨。長者維摩從衆香國取佛餘飯於舍食者。一切毛孔皆香。若此。故我身香。第三段中有兩問答。初阿難問。香住久如。維摩次答。至此飯消。阿難重問。久如常消。維摩下答。於中。初約行德以答。後約斷德。前約行中。初就凡論。此飯勢力至于七日後乃消。凡夫感薄。故唯七日。次就聲聞。未入正位。食此飯者。得入正位。然後乃消。謂見道已上。入正位。食此飯者。得正解脫。然後乃消。謂無學果。下就大說。若未發意。食此飯者。發意乃消。種姓已上。亦可。是其初地已上。發意食者。得無生忍。謂七地已上。得無生忍。至一生補處。然後消者。謂第十地。十地學窮。度一生已。便得菩提。是故名爲一生補處。上來約行明消久近。下就斷絕。先喻後合。譬如藥名上味等。立喻顯食此飯如是

滅一切煩惱。然後乃消。辨食同喻。問曰。此飯爲實是食。爲常是法假說爲飯。慕訖之家言此。是法假說名飯。若實是飯。安能如此。若法能然。何是稱奇。飯食能示方是區思。又法能示淺而非深。飯食能示方爲深極。實深爲淺。更別求深。入之謬矣。諸佛菩薩凡所受用一切境界。悉皆如是。能資行用。非獨此飯。如轉輪王所生。天寶。聖王居上。自然離欲。遠得四禪。玉女雖見如觀。佛像不生欲染。況菩薩所受境界。如經中說。菩薩有一照法性冠。善此冠時。一切法性悉來現心。諸事齊爾。第四段中。阿難先歎未有總歎。如此香飯。然作佛事。重復辨歎。下佛述成。如是所歎契當。故重印之。自下第二。淨衆心器。心垢染妨於受法。故須淨之。所淨有三。一淨衆香菩薩之心。二淨菴羅聲聞之心。衆香菩薩前來見此生下劣心。故須淨之。菴羅聲聞中聲聞之衆。未觀維摩妙德神奇。尊仰不深。故二須淨。文中初先淨彼衆香菩薩之心。且止阿難其有智下。淨彼菴羅聲聞之心。前中初明諸佛如來法門不同。去彼輕心。阿難汝見諸佛國。地土若干下。彰實平等生其重心。尊重釋迦同彼佛也。復就前中。先明如來化門不同。是名入下結明知益。使彼解入除離心過。前中文別有十五句。初言阿難或有佛士以佛光明作佛事等。十四種別。順行示現。末後一句。八萬四千諸煩惱門作佛事者。逆行示現。何者八萬四千煩惱未見說處。不可輒言。若翻八萬四千度門。而爲八萬四千煩惱義。則可知。

何者八萬四千度門。如賢劫經具廣辨列。彼眞善提名曰喜王。心思自惟。行何三昧。便速能致八萬四千諸度法門。諸陀羅尼解脫門等。思已。諸佛隨答之。言有三昧。名了法本。善薩行之便速。遂致八萬四千諸度門等。何者是乎。彼說。佛德具有三百五十種門。一門中皆修六度爲因。便有二千一百諸度。用此諸度對治四大六衰之患。便爲二萬一千諸度。言四大者。凡夫用其地水火風四大爲身。聖修諸度得淨法身。捨彼四大名爲對治。言六衰者。六塵大賊。衰耗善法。故名六衰。聖修諸度。諸人佛境。捨彼六塵名治六衰。用此二萬一千諸度治四心病。是故便有八萬四千。何者是乎。治多貪病二萬一千。治多瞋病二萬一千。治多癡病二萬一千。治多毒等分二萬一千。是故合有八萬四千。此諸煩惱。衆生六道往來受苦不息。多爲癡勞。諸佛現起攝化衆生。是故以此而作佛事。煩惱既然業苦亦爾。文略不說。化門無量。且舉斯耳。上來廣舉諸佛化門。下結知益。使彼斯來菩薩入中。際遣心過。名入一切諸佛法門。是結言也。依前具解。名之爲入。下彰知益。菩薩入此門者。舉能知。下就論益。益有二種。一於佛土離分別益。二於諸佛齊敬之益。前中初言若見一切淨好佛土。不以爲喜。不貪不高。見淨無過。始無欣慶。名爲不喜。中無貪求偏欲。往生稱曰不貪。終在離慢說爲不高。若見一切不淨佛土。不以爲憂。不礙不沒。觀深無失。始無憂畏。名爲不憂。中無局難捨而不生說爲

①(問) ②維摩 ③文運 ④久近 ⑤冠註曰正經作心 ⑥消十(等) ⑦當二當 ⑧入二入 ⑨善二善 ⑩三二一 ⑪二二亦 ⑫地土二土地 ⑬眞善提二有菩薩 ⑭諸二諸 ⑮諸入二入諸 ⑯(三)十毒 ⑰際二際 ⑱深二深



無礙。身在下生退沒想。名為不退。下明於佛齊敬之益。但於諸佛生清淨心。總以標舉信佛。地異。非行不純。名清淨心。無礙唯淨。故說為但。歡喜恭敬未曾有也。顯前清淨慶。佛巧化所以歡喜。重佛化能。故云恭敬。讚佛化希。故云未曾有。諸佛如來功德平等。為化衆生現土不同。出其所欲。未曾有事。上來第一明佛化異去衆輕心。自下第二。明佛實等生衆重心。於中。初明佛實平等生衆等心。是故名爲三藐已下。結歎顯勝生衆重心。前明等。中阿難汝見諸佛國土地有若干空無若干。立喻顯法即明土等。如是見下。辦法同喻即明佛等。於中。初言諸佛色身有若干耳。其無礙慧無若干也。略明佛等。此即明佛證智等也。諸佛色身威相種種等也。別明佛等。此亦即顯餘德等也。於中。先別具諸下結。別中初明身德平等。後明土等。前身德中初明自德。大慈悲下明利他德。威儀所行及其壽命。復明自德。說法教。他重明。化德。自德中有五種等。一色身等。二威神等。三相好等。四種姓等。五戒定下明功德等。餘皆可。上來明等生衆等心。自下第二。結歎顯勝生衆重心。尊重釋迦同於香積。先法三名後就顯勝。名別無量且彰三種。是故名爲三藐三佛。此翻名為正真正覺。三言正觀之言真。三復名正。佛陀名覺。名為多陀阿伽度者。此名如來。乘如實道來成正覺。故名如來。又復如。後諸佛而來亦名如來。名為佛陀此直名佛。良以諸佛功德平等。是故一切悉名三藐。乃至名佛。

下就顯勝。於中有三。一正歎顯勝。明此三義。若其廣說阿難等輩所不能受。一阿難聞已不能受持。便生退心。不敢自謂以為多聞。三如來安慰。前正歎中。若我廣說此三句義。明其義廣。汝已劫壽不能受等。顯其廣相。於中。初明阿難一人壽命一劫不能受持。正使已下。假舉三千大千衆生皆如阿難壽命一劫亦不能受。如是阿難諸佛阿耨菩提。薩已下。舉佛德廣成前不能受持所以。阿耨菩提無有限量。明佛體廣。智慧辨才不可思議。明佛用廣。阿難白佛不敢自謂為多聞者。是第二句。阿難自退聞已不能受三句義。故生退心。佛告已下。是第三句。如來安慰。佛告阿難勿起退意。正安其心。佛義廣多聲聞不及。故不能受非是阿難退失聞持故不能受。已告之勿起退意。所以下釋。初先徵問。所以。自前道汝不能受三句義。今言勿起退意者何。下對釋之。我昔說汝聲聞人中。為最多聞不同菩薩。良以說汝聲聞人中。為最多聞非菩薩故。雖復多聞而不能受諸佛功德。非由退失方妨不能。是故勸汝。勿起退意。上來一段淨彼新來菩薩之心。下次淨彼菴羅樹中聲聞之心。令於維摩起深敬意。於中先明維摩智德聲聞不量。後彰維摩所有神通二乘不作。先中初言且止阿難止其前言。亦可止其測度之心。故曰且止。下正誠之。其有智者不應限度諸菩薩也。明人巨測。一切海測高可測等。明德難量。別言菩薩。正論維摩。下明神通不可作中。汝等捨置菩薩所行。簡去前行。是維

摩詰一時所現神通力等。正就神通明不能作。是維摩詰人之劣也。一時所現時中。從也。一切聲聞辟支佛等。明人多也。於百千劫時之長也。多人多劫尚不能為。何況少人少時而能作也。上來第二淨衆心器。自下第三。正教以法。於中分二。盡此品來以為初段。見閼品為第二段。此兩段中三句分別。一約分別。此品化益衆香菩薩。後品化益婆娑之衆。二約修分別。此品明其自所修。後品彰其勝進所習。行修上進入佛境界能見佛故。三約法分別。法謂因果。此品明因。後品明果。就此品中文別有三。一衆香菩薩請法還土。二佛告下如來為說。三爾時彼諸菩薩聞下。明諸菩薩聞法歡喜禮敬辭去。就初請中。先悔前過。唯然下請求後法。悔前過中。爾時衆香世界者。標列其人。合掌向佛。啓告所請。我見此生下劣心。自申已過。今日悔責捨離。是心悔愧前愆。所以者何。下領佛前教明悔所以。諸佛方便不可思議。為度衆生現佛國異。我前不知妄生分別。故今自責。下請法中。言唯然者求佛許可。唯是專義。然是可義。專求如來然可於已。故曰然。願賜少法。正請佛說。還於彼土當念如來。明佛教益。亦可此言明已敬順念隨佛恩。隨順修行名念如來。亦可念佛所教之法名念如來。下佛為說。說中有三。第一總勸。有盡無盡解脫法門。汝等當學。二何謂下隨別以教。三是為有盡無盡法門。汝等當學。結勸修習。就初總中。言有盡者世尊帝可思言。言無盡者異。帝常住。此二無

①冠註曰身在下生退沒想有誤字 ②地二化 ③也一 ④冠註曰他起作化 ⑤化二他 ⑥後二彼 ⑦冠註曰諸經作提 ⑧冠註曰已 ⑨白前二向前 ⑩冠註曰海測經作海闊 ⑪冠註曰高經作尙 ⑫從二短 ⑬約十化 ⑭前一 ⑮日十唯 ⑯簡二報 ⑰帝二諦

礙名爲解脫。此舉其法。汝等當學勸之修習。下文別教。於中初略。何爲不盡有爲下廣。略中初言何謂爲盡。謂有爲法。釋前有盡。世諦起作名曰有爲。以有爲故。經可息滅故名有盡。何謂無盡。謂無爲法。釋前無盡。真諦常住。故曰無爲。以無爲故。不可息滅故名無盡。此釋向前三無盡解脫法門。如菩薩下釋顯學法。汎論有三。一取寂門。同聲聞行。不住有爲不離無爲。二起用門。別二乘行。不盡有爲不住無爲。三雙修具足。離二邊行於有爲不住不捨。無爲亦然。有爲不住即於有爲不生染著。有爲不捨即於有爲不生怖畏。離此二過名於有爲得解脫矣。於無爲法不一向住。於空不著。於無爲法不一向捨。於空不畏。離此二過名於無爲得解脫。今此爲教衆香菩薩隨有起用。是故偏授第二門說。如菩薩者。標別二乘。不盡有爲。即是地經發起勝行常隨有也。不住無爲。即是地經修方便智不住空。此二爲門。下廣顯之。於中。初就始修行中以明不盡不住之義。又且論下終成行中明其不盡不住之義。前中先明不盡有爲。後顯不住無爲之義。就明不盡有爲之中。初問後總結之。何謂不盡是初問也。謂不離等。是廣辨也。法多難識。今且言之。應分爲二。一明地前世間之行。二發行善根下明初地上出世間行。世間行中初發正修。在諸禪定如地獄下。教起正止。前正修中。初教悲願以爲行因。後教正行。前教因中。不離大慈不捨大悲是利他因。慈言不離悲云不捨。左右言

耳。除發智心而不忽忘。是菩提願自行因也。發意求佛一切種智。是故名發一切智心。忽謂輕忽。於菩提心重而不輕。名爲不忽。堅守不失。故言不忘。如涅槃說。下教正行。於中初明自分之行。求法已下明勝進行。前自分中先明利他。教化衆生終不厭倦。常化行也。於四攝法常念順行。功攝行也。下明自利。護持正法。不惜身命堅守正法。以爲行本。種諸善根無疲厭者。依法造修。種諸善根明修頓也。無有疲厭明修常也。志常安住。方迴向用前所修上求佛也。求心不退名爲安住。巧以諸善迴求菩提。是故名爲方便迴向。此三行修之次第矣。下勝進中初智後福。前修智中。求法不懈是其自利。說法不捨是其利他。後修福中。勤供諸佛是其自利。下不畏等是其利他。於中七句。初不畏生死是勇猛心。以不畏故常在教化。亦有經言。入生死而無所畏。其義相似。翻譯不同。二於諸榮辱心無憂喜。是不動心。榮辱不動故能常化。此亦即是平等心也。以無憂喜故能齊化。三不輕未學敬學如佛。是離慢心。情無慢高故能接化。四隨煩惱者令發正念。是開導心。教修六念四念處等令離煩惱。五於遠離樂不以爲貴。是隨有心。不貴涅槃遠離樂。故常能隨有教化衆生。六不著以樂是離著心。得樂不著。故能捨之利益衆生。七慶於彼樂是隨喜心。菩薩專以利物爲意。故於自樂心不愛著。化樂慶喜。上來第一教修正行。下教正心。於中有四。一利他心。在諸禪定如地獄想。離凡夫心得

而不味。故如地獄於生死中而觀想。離二乘心常樂遊處。故如蘭觀。二自利心。見來求者起善師想。起敬喜心。凡是善師教人生善。來乞求者能生我善心。故如師想。捨諸所有具一切智想。生福利心。如施能生一切種智。故喜不悔。三重明利他。見毀戒人起救護想。四重明自利。諸波羅蜜爲父母想。能生法身。道品法爲眷屬想。能親益己。故如眷屬。上來明其世間之行。下明出世。於中有二。一修廣行。生死無數劫意而勇下。明修勝行。前廣行中。發行善根無有限者。始修寬廣初地已上。發生廣願有行皆修名發善根無有有限。以諸淨國成已土者。成行寬廣於中四句。一依淨土。攝報寬廣以諸淨國嚴飾之事成已佛土。是義云何。廣修淨因令一切因莊嚴妙事。於已土中悉皆備有。故云以諸淨國嚴飾之事成已佛土。二依淨土起自寬廣。行無限施。亦有經言。開門大施。其義相似。諸行皆因。且舉布施。三依法身。攝報寬廣具足相好。四依法身起因寬廣除一切惡。淨身口意。諸行皆因。且舉持戒。生相好中戒行強故。故地持云。三十二相無差別因。皆是持戒。若不持戒尙不能得下賤人身。沒大人相。前明廣行。下修勝行。生死無數意而有勇。聞佛無量德志而不倦起。以勝也。於彼。而生死無數劫苦力能伏斷。故意有勇。聞佛廣德決修不退名志不倦。前意後志。眼目異辭。以智慧下發行勝也。於中有二。一依前生死意而有勇起治過行。二不壞下。依前聞佛志而不倦修攝善

○有十(爲) 〇授一緣 〇止二心 〇冠註曰除經作深 〇方十(便) 〇化二他 〇沒二況 〇以二意 〇(前)一

行。前中四句。初二破障。後二攝治。前破障中。初以智慧破諸煩惱障。後以精進摧伏魔軍。遠離業障。又破煩惱明離解障。後摧魔軍明除行障。又破煩惱明除慧障。後魔軍明除福障。前中初先自破煩惱。以智慧劍破煩惱賊。斷戒因也。慧能破裂故說為劍。煩惱侵害就喻名賊。出陰界入。難成果也。下明兼他。荷負衆生永使解脫。就後句中。以大精進摧魔軍者。魔謂四魔。煩惱陰死及與天魔。軍謂十軍。如龍樹說。故彼文言。欲是汝初軍。憂愁為第一。飢渴第三軍。渴愛第四。睡眠第五軍。怖畏為第六。疑悔第七軍。瞋恚為第八。利養軍第九。日高夢人第十。如是等軍衆。應沒出家人。我以禪智力破汝等諸軍。得成佛道已廣脫一切。亦可正名魔衆為軍。令以精進而摧伏之。上來兩句明其破障。下二攝治。常求無念實相智慧。對上初句。明攝對治。修起向前破煩惱慧。真慧離妄名為無念。真慧證實名為相慧。此常求之於世間法。少欲知足而不捨世。對上後句。明攝對治。法。修前摧。前魔精進行也。少欲知足自行離染。而不捨世隨有益物。勤修此行故摧魔事。上來第一依前意勇。明修對治破生死行。自下依前志而不倦修攝善行。於中初明三業化他。淨十善下明具自德。前中初言不壞威儀能隨俗等。明身業化。不壞威儀而能隨俗。俗法益人。所謂不捨道法能隨俗也。起神通慧引導衆生。道法利物。得念總下明意業化。得念總持所聞不忘。明閑法樂善別諸根斷衆生疑。知物心器。

以樂說辨演法無礙。明口業化。上來利他。下明自德。於中初攝凡夫善法。勸請說下明攝佛善。深修善下攝菩薩善。攝凡善中淨十善道明修戒因。受人天福明具戒果。於人天中受八勝報名人天福。此欲界善。修四無量明修定因。開梵天道明攝定果。四無量心能生梵果名開梵道。此上界善。次攝佛善。隨喜讚善得佛音聲。具佛口業。法螺聲相是佛音聲。良以勸請諸佛說法故得佛聲。又見衆生所作善業隨喜讚善。故得佛聲。身口意善得佛威儀。具佛身業。下明攝修菩薩善法。深修善法。所生轉勝。因修成德。亦有經言。深行善法。其義相似。以大乘教成菩薩僧。依法成德。依大乘法而起行。故與菩薩行德不乖。是故得成菩薩僧矣。心無放逸不失衆善。依心成德。此三句中。若就所依初句明勝第三心勝。若論所成初句報第二人勝。第三德勝。上來廣辨行如此下總以結之。下次明其不住無為。先問次辨。後總結之。何謂菩薩不住無為。是初問也。下廣辨之。於中初明地前所修。觀無常下地上所成。地前修中依空無相無作無起四門修之。諸法體空名。定為空。於此空中無相可得名為無相。無果可造名為無作。無因可生稱曰無起。於此四中雖復學觀。而不住著故云不證。以不證故能起有行。上來明其世間所修。下明出世。如實正觀理實同時寄從且分。於中初至觀於寂滅。是初地中見道解也。見無常等四法即名為見道。觀於無常而不厭善本者。雖見有為無常多過。而

常在中種善根也。觀世間苦而不惡生死者。雖知苦過顯恒處之度衆生也。觀於無我誨人不倦者。見生無實而隨假名常教誨也。觀於寂滅而不永滅者。雖知涅槃寂滅之樂。為他在有不取證也。觀於遠離而身心修善。是二地上修道行也。觀第一義離身心相名觀遠離。而依身心修智善行。二地持戒名身。修修善也。三地修定名心修善。觀無所歸而歸善法。是四地上順忍行也。觀第一義無所歸趣而修順忍。歸趣。土地無生善法。觀於無生而以生法荷負一切。是七地上無生忍也。雖復觀理無生無起。而常現生教化衆生。觀於無漏而不斷漏。是七地上發起勝行。知諸煩惱本來寂滅名觀無漏。而常現起煩惱業行名不斷漏。觀無所行而以行法教化衆生。是九地中化應生行。了知諸行空寂不有而以諸行教化應生。觀於空無不捨大悲。是九地中化衆生心。雖知衆生空無所有。大捨大悲憐念衆生。亦可前句以行教化明其慈益。此不捨悲彰其悲益。觀正法位不隨小乘。是十地中見分堅固。觀法體空名正法位。於空不著故不墮小。觀法虛妄知法假有。無牢人等知法實無。虛妄法中無有真實堅牢之性。故曰無牢。我人體空名無主人。假名衆生相。二不有名為無相。下明不著。隨有起行本善所發求佛云願。十地未滿是故名本心未滿。為滿彼願起修所行。是故名不虛。福德禪定智慧實心修行故曰不虛。所行施戒忍辱忍精進說為福德。禪云度智慧即是波若度也。此等

①後十(攝) ②離戒二離惡 ③日高夢二白高慢 ④法二治 ⑤前 ⑥冠註曰所生經作所行 ⑦定二之 ⑧影 ⑨上二五 ⑩二二亦 ⑪尋忍二忍辱 ⑫禪云度二禪定禪度

隨相約位且分。未可專定。上來廣辨。修如此下總已結之。上來一對始修行中明其不住不盡之義。下次就其終成行中。明其不盡之義。於中四對。初對自利。後三利他。前自利中。又具福德不住無者。福隨有生。故不住無。具智慧故不盡有者慧。知有為幻化非實於中不長。常能處之。故具智慧不盡有為。後利他中。初之一對。見利他始。第二一對。是利他次第。三對。是利他終。就初對中大慈悲。故不住無者。慈悲隨有故不住無。滿本願故不盡有者。本願在有常化衆生。今爲滿之故不盡有。第二對中。集法藥故不住無者。從師求於化衆生法名集法藥。求法在有。故不住無。隨據藥故不盡有者。普隨衆生授法不休。故不盡有。第三對中。知衆生病不住無者。知病在有。故不住無。滅衆生病不盡有者。生病無邊隨滅難窮。故不盡有。前總勸學。次別教之。下總結勸。言諸正士。告命所勸。菩薩已修不盡有。爲不住無。爲名盡無盡解脫法門。是結辭也。如等當學。是勸學也。前諸菩薩。諸法還上。次佛爲說。下明菩薩聞法歡喜禮讚辭去。於中。初先三業敬養。後辭還上。前中初言彼諸菩薩聞說喜意業喜也。以衆華等身供養也。於中。先以香華等事供養三寶。後爲設禮。供養中以衆妙華若干種色若干種香散遍三千供養於佛。供佛寶也。及此經法供法寶也。并諸菩薩供僧寶也。上來供養下爲設禮。此身業竟。歎未等口業歎也。上來敬養。言已不現還本國者。辭還土也。

維摩義記卷第四本

維摩義記卷第四本

見阿闍品者。因行既成入佛境界能見諸佛。此品具論。於中初明見釋迦佛後見阿闍。從後立稱。名見阿闍。阿闍胡語此云無動。此品明見無動如來。是故名見阿闍佛品。問曰。此品亦見釋迦。何故偏言見阿闍乎。釋迦此土恒見。阿闍如來今時。親親就新立稱名見阿闍。又見釋迦在於前品見阿闍佛在於此品。以阿闍佛此品始見名見阿闍。就此品中五門分別。一就維摩顯德分別。二就法分別。三釋來意。四對上辨異。五隨文釋。初就維摩顯德如何。彼德有二。一解脫。行內。正觀力見法身佛。二解脫用遠。樓妙喜安置此。云令此衆見。前即自利。後即利他。顯德如是。次第二門就法分別。於此品中辨法有二。一爲成因約法明見。因行既成能入佛境見諸佛故。二爲成果約見明佛。佛果難彰。寄見顯故。顯法如是。次第三門解釋來意有二。一約見以解。前品明其因行之體。因行增長能入佛境見於如來。故次辨之。二就佛以釋。前品明因因成得果。果體微隱寄見以顯。故須辨之。來意如是。次第四門對上辨異異有三種。已如上辨。一化人異。前品化益衆香菩薩。此品化益婆娑之衆。二起。明異。前品明修自分之。行。行修增長入佛境界能見諸佛。是勝進也。

三辨法異。前品明因此品論果。果謂佛德。辨異如是。次第五門隨文解釋。此品有二。一見釋迦。二爾時舍利問維摩下明見阿闍。於此二中有七種異。一能見人異。前維摩見後大衆見。二所見佛異。前見釋迦後見阿闍三能見行異。前維摩諸內心觀。故能見佛。後諸大衆願求之力。故能見佛。四所現身異。前維摩諸內。正觀力見法身佛。後段大衆以維摩詰勝神通力見色身佛。維摩德高。故是法身。大衆行劣。故見色身。五通局異。前段之中局唯見佛。後段見佛及見佛土。六成行異。前段維摩內。正觀力見法身佛成就自德。後段維摩以神通力。令諸大衆見色身佛成利他德。七化益異。前段化人捨相入實成就證行。證入如來法身之體。後段化人發願求生成就教行。故下大衆因見妙喜發願求生。兩段不同。有此七異。就前段中如來先門以爲起發。欲見如來爲以何等觀如來乎。維摩向前自從其舍欲往見佛。說之以爲欲見如來。隨其化相自觀佛形。名之爲見。實則內證相應名見。內覺證見大衆未知故。問顯之爲以何等觀如來乎。下維摩詰身已所見令衆同入於中。初先觀身類佛。略明所見。我觀已下觀佛同已。廣明所見。問曰。何不望直就佛已明所見。乃先觀已以類佛乎。解有四義。一欲使人尋因知果。觀察自實類知如來法身體故。二欲使人準果知因。知佛法身與己體同。悟窮自實成佛道故。三欲使人知果與因同體無別。於自身處求佛如來一切法故。四欲使

●見二見● ●諸二諸● ●觀二新● ●行二體● ●正二心● ●樓二接● ●云二士● ●明二修●  
●觀十(力)● ●門二問● ●(衆)一●

人知因與果同體無別。息去異見證入平等真如法故。前中如自觀身實相。觀因類果觀佛同已。故曰如自。何者身實謂如來藏佛。往真我。此身本性故名爲實。實之體狀目之爲相。相狀如何。似下佛身。要而論之義門唯三。如實空。二如實不空。如實空中略有二種。一離相名空。二離性名空。言離相者如論中說。謂非有相亦非無相。非非有相非非無相。非一相非異。非非一相非非異相。非一異俱相。非自相非他相。非非自相非非他相。非自他俱相。如是一切妄心分別悉不相應唯證境界。言離性者。如來藏中具過一切恒沙佛法。是諸佛法同一體性緣起相成。以同體故攝別成總一切皆有。將別分總一切悉無。是則真法常有常無。今說無義爲離性空。空義如是。言不空者。如來藏中法雖無量略要唯二。一如實色。二如實心。如實色者如涅槃說。佛性亦色。亦是色故可以眼見。又復如彼如來藏經說。衆生中具足如來眼耳等根如橫中像。此等名爲如實色也。此乃是其色性法門而非色事。相狀如何。似此比丘無作戒法。亦如陰陽五行等法體雖是色而無色相。無色相故不可青黃赤白已取真色。似彼體雖是色而無色相。無色相故聖人證得。法身無形體是色故。聖人證得具足諸根。又是色性緣起門故聖人證得。無緣不現。如實心者如經中說。真心是也。如來藏中過恒沙。法緣起集成集成覺知心性。是知性故與無明合便起妄知。息去無明便爲正知。此亦是其如

實覺知。心性法同而非情事。相狀似何。如鏡照物而無分別。真心亦爾。體雖是心而無分別。無分別故聖人證得神知永亡。是心性故聖人證得具知如實慧。有是知性緣起門故聖人證得。於一切法無不覺了。此如實色及如實心名爲不空。如實空如實不空似後佛身。故將類佛觀佛亦然。正將類佛與佛性同體義分故。觀佛身同已實矣。是義云何。凡佛體一。以體一故。授佛望之。衆生之體從來常淨無障無染。即是諸佛圓淨法身。故上文言。佛知衆生即涅槃相不復更滅。更滅涅槃既然佛身亦爾。授凡望之彼淨法身。爲惑隱覆與後顯時。淨德爲本說爲佛性故與佛同體無別。故涅槃說。實苦集等實即是如來佛性虛空。又如彼說。三歸即我。以即我故觀身實相。觀佛亦然。自下第二觀佛同已廣明所見。於中先別後總結之。別中義多。要而論之妙絕諸相圓具諸義。妙絕諸相乃至無有一相可存。圓具衆義乃至無有一相可捨。經中說。真極唯在斯。離此別立悉是虛妄。故下文言。作如是觀名爲正觀。若他觀者名爲邪觀。以此真極經中所說悉與此同。故涅槃經金剛身品。明佛法身十功德中明涅槃相。聖行品中明性。梵行品中念法念僧悉皆同此。無量經數佛法身亦與此同。是故應以此之所說。類顯一切真實法矣。有人宣說如來法身唯空非有。此乃外道所立定空。宣說如來法身唯有非空。此亦外道所立性有非佛法身。有人復言。如來法身定非有無。此亦外道

所立定義非佛法身。有人復言。如來法身亦有亦無。有真色心無於衆相。有不爲無無不爲有。此亦外道所立有無非佛法身。有人復言。如來法身出於四句定不可說。此亦外道所立第五不可說藏。如成實說非佛法身。離此偏過諸義通取無非法身。即無說有。有非定有。即有說無。無非定無。即此有無說非有無。非有非無亦非定性。即非有無而說有無。當知有無亦非定性。即此四句不可定說名不可說。彼不可說亦非定性。佛身既爾。菩提涅槃佛性等法類皆同爾。文中合有一百二句。相從爲三。初至不可以識識來明。雖妄總。智知識識是妄想故。二無晦下乃至一切言語道斷明離假名。名字是其言語道故。三非福田下乃至不可言說顯明離言說。不可言說分別顯故。問曰。妄想假名言說何異而別說離。妄取之情說爲妄想。相所施名呼召諸法說爲假名。依起言辨說諸法名爲言說。於真本無名之爲離。又佛除捨亦名爲離。地持論中辨真實義亦離此三。就初段中初先彰其佛體離相。明離所取。末後不可智知識識彰離妄想。明離能取。前離相有十四門。初八約對諸法別門辨佛體相。後六約對諸法通門辨佛體相。前八門中初六離相明其非有。後二顯實彰其非無。就前六中第一約對三世法門明佛離相。不從前來不去至後。今則不住前際未來今是現在。有爲遷流可從前來向後際去。來去之間住今現在。佛身常住性如虛空。故前不來後際不去今不

◎冠註曰 離妄相二離妄想 ◎冠註曰 離妄相二離妄想 ◎冠註曰 離妄相二離妄想 ◎冠註曰 離妄相二離妄想 ◎冠註曰 離妄相二離妄想 ◎冠註曰 離妄相二離妄想 ◎冠註曰 離妄相二離妄想 ◎冠註曰 離妄相二離妄想 ◎冠註曰 離妄相二離妄想 ◎冠註曰 離妄相二離妄想

住矣。餘處多說前際過去後際未來。今以何故前際名來翻名不來。後際名去翻稱不去。釋言。三世是其時分約法而辨。時雖約法法恒是通時恒是局。如一色法通於三世。名之爲通。三世而別說之爲局。餘亦如是。又時是總法恒是別。一現在時統攝多法。名之爲總。諸法各異目之爲別。如現既然過未亦爾。時之與法有斯不同。若將別時別分一法。一法隨時分爲三法。彼三法中。一分過去一分未來一分現在。是以經中前名過去後云未來今爲現在。若約三時辨一通法。得言此法從前際來住今現在向後際去。如世人言。我從小來向於老去。故今此中前際名來翻爲不來。後際稱去翻爲不去。第二約對五陰法門明佛離相。先就色說。不觀色者。不觀佛身同色有也。不觀如者。不觀佛身同色無也。不觀性者。非有非無是色自性。不觀佛身同彼色性非有無也。於佛平等法性身中從來無色。就何說有。故不觀色。色本不有對何。況無。故不觀色。如。有無並絕。無可就之說。非有無故不觀性。色陰既然餘陰亦爾。第三約對四大法門明佛離相。非四大起同於虛空。第四約對六入法門明佛離相。六入無積。眼耳鼻舌身心過現不造因聚積。常果名爲無積。先有已捨故云眼耳鼻等已過。第五約對三界法門明佛離相。生死報謝不在三界。第六約對三毒法門明佛離相。生死因盡。見故名爲三垢已離。貪瞋癡惑名爲三垢。佛先斷竟名爲已離。上來六。內明佛離相。次下

兩門顯佛實得彰其非無。順三脫門明其稱理。空無相顯是三脫門。證會名順。亦可如來法身之體與彼三脫同體義分。同體不乖故名爲順。具足三明影其德備。三明有三。宿命天眼及與漏盡說以爲三。佛悉具足。二菩薩明佛明及與無明明等說以爲三。佛悉具足。如涅槃釋。菩薩明者所謂般若波羅蜜是。言佛明者所謂佛眼。此二當體。無明明者謂十明。如世五塵名爲五欲。能生欲故。無明等者。雖具三明而無分別。是故說之與無明等。前八約對諸法別門而顯佛身。下六約對諸法通門而顯佛身。彼一異等通諸法故。於初中明不一不異。解有兩義。一遣相分別。一異并絕。是故名爲不一不異。二顯德分別。體備萬德名不一相。萬德圓體如世虛空無礙不動非全別體名非異相。第二明其不自不他解有兩義。一遣相分別。自他並無名不自不他二顯德分別。隨化現形名不自相。法身體寂不隨緣變名不他相。第三明其非無非取亦有二解。一遣相分別。有無俱絕。是故名爲非無非取。言非無相不著無也。言非取相不取有也。二顯德分別。隨化現形故非無相。自德常寂而無分別名非取相。第四明其不此彼岸等。解亦有二。一遣相分別。此彼中間一切皆無名不此岸及不彼岸不中流等。生死此岸涅槃彼岸聖道爲中。對治門中說有此等。就實以求本無生死。故無此岸。既無生死知復對何說爲彼岸。故上文言有縛有解。若本無

縛其誰求解。兩邊既無約何說中。故無中流。二顯德分別。捨相證寂。故不此岸。得大涅槃不捨世間名不彼岸。染淨俱行不偏在中名不中流。第五明其而化衆生觀於寂滅亦不永滅。解亦有二。一遣相分別。雖化衆生觀於寂滅不取有相。爲化衆生導以入寂故。化衆生而觀寂滅。滅而不取義有兩兼。是以言雖亦不永滅。不著無相。二顯德分別。雖化觀寂是入寂行。而不永滅是隨有行。第六明其不此不彼。解亦有二。一遣相分別。不此不彼就身以論。法身離相。故不在此亦不在彼。又佛國土一切皆如。無此可在名爲不此。無彼可在名爲不彼。言不以此不以此者就心而辨。以是爲也。真心常寂不爲於此名不以此。不爲於彼名不以此。又復衆生一切皆無。無此可爲名不以此。無彼可爲名不以此。二顯德分別。法身充滿一切法界不偏在此不偏在彼。是故名爲不此不彼。大悲普覆不偏爲彼名不以此及不以此。上來離相明無所可。不取智知不可識識。明離妄想彰彰無能取。聖不能解。是故名爲不可智知。凡不能緣。是故名爲不可識識。上來第一明離妄想。自下第二彰離假名。於中初明佛體離相彰無所名。末後一切言語道斷。彰離假名明無能名。前離相中有十一門。第一約對明闇。法明佛離相。解有兩義。一遣相分別。明闇並絕。是故說言無晦無明。晦猶闇也。明闇在情。真處無情故無晦明。二顯德分別。真慧照明故云無晦。實證止緣故曰無明。二無名無相此直遣相。稱

體本無故曰無名。形狀既得說為無相。三無強無弱解有兩義。一遣相分別。強弱並絕名無強弱。體外無他。知復對誰說強說弱。二顯德分別。內心卑滿故曰無強。德行高勝故云無弱。四非淨非穢解亦有二。一遣相分別。染淨兩派名非淨穢。若本有穢可除為淨穢。本不為除何說淨。二顯德分別。現起染過名為非淨。體出塵染故曰非穢。五不在方及不離方解亦有二。一遣相分別。在離並無。方謂處也。無處可在名不在方。無處可遠名不離方。二顯德分別。法身出相名不在方。爾化在處名不離方。六非有為非無為解亦有二。一遣相分別。有為無為二相雙絕名非有為非無為矣。問曰。佛常可非有為無為應好。何故非乎。釋言。據實有為本無。知復對何說為無為。故亦非之。二顯德分別。法身體寂故非有為。妙用煩興故非無為。七無示說此唯遣相。將言對人名之為示。以言宣法目之為說。於真無言故無示說。八約六度六繫法門而顯佛身。解有三義。一遣相分別。六度六繫一切悉無。是故說言不施不慳乃至第六不智不愚。二就遣相顯德分別。就檀度中於真無捨故云無施。此句遣相。隨世修檀故曰不慳。此句顯德。就戒度中於第一義無惡可防故云不戒。此句遣相。隨世離罪故曰不犯。此句顯德。就忍辱中於第一義無辱可忍故云不忍。此句遣相。隨世離瞋故曰不恚。此句顯德。就精進中於理無修故曰不進。此句遣相。隨世勤策故言不怠。此句顯德。就禪度中於第一義

無心可靜故云不定。此句遣相。隨世修禪故曰不亂。此句顯德。就慧度中於第一義無慧可修故云不智。此句遣相。隨世修智稱曰不愚。此就遣相顯德分別。第三唯就顯德分別。示起染過故無施等。常行淨德故無慳等。九不誠不欺。誠就口誠謂實也。欺是誑也。實語名誠。虛言曰欺。解有三義。一遣相分別。誠欺並無。是故名為不誠不欺。以無言故。二就遣相顯德分別。於真法中實言。二無故曰不誠。此遣相也。隨世實語故言不欺。第三唯就顯德分別。權言度物故曰不誠。真語化物稱曰不欺。十不來不去來去。就身解有兩義。一遣相分別。來去悉無名不來去。二顯德分別。法身常住名不來去。第十一門不出不入。出入就意。隨有有出。證知云入。解亦有二。一遣相分別。出入悉無名不出入。二顯德分別。行常入如故曰不出。隨化常有故曰不入。上來明其佛體離相乃至一切言語道斷。彰佛離名。名字是其言說所依名言語道。名由相生。情相本無。依何施名。是一切言語道斷。上來第二明離假名。自下第三明離言說。於中初明佛體離相。彰離所說。末後不可言說顯示。正明離言彰離能說。前離相中有十六門。一非福田非不福田。解有兩義。一遣相分別。田與非田一切悉無名非福田非不福田。不同善人故非福田。不同罪人故非不福田。二就遣相顯德分別。法身平等無受供者名非福田。此是遣相。隨化示受故非不田。此句顯德。二非供養非不應供兩解同前。三非取非捨取

淨捨染名為取捨。解有兩義。一遣相分別。取捨悉離名不取捨。二顯德分別。不偏住著名為非取。染淨雙隨故曰非捨。四非相無相。有名為相。空名無相。解有兩義。一遣相分別。就真以求。相本不有故曰非相。亦無遺有非相可存名非無相。二就遣相顯德分別。法身常寂故曰非相。妙用隨緣故非無相。五同真際等法性。此句唯就顯實分別。如來法身與彼真際法性體同。同體無別故曰同矣。六不可稱量。此句唯就遣相分別。口言不及名不可稱。心緣不至名不可量。超過世人稱量分齊。是故名為過諸稱量。七非大非小解有兩義。一遣相分別。大小並絕名非大小。二顯德分別。能小非大。能大非小。是故名為非大非小。八非見聞覺知眼識隨生見。耳識隨生聞。三識隨生覺。意識隨生知。此句唯就遣相分別。如來法身不同事相。六情諸根亦不同彼六塵境界。是故非見乃至非知。九離結縛。此唯遣相。一切煩惱佛悉斷除名離結縛。又復據實從來不有名離結縛。十等諸智及同衆生。實性平等凡聖一如。故等諸智同衆生矣。第十一門於諸法無分別。前等於人此等於法。染淨平等。故無分別。第十二門一切無失無濁無惱。口無過失。心無濁亂。身無衰惱。第十三門無作無起無果可作無因可起。第十四門無生無滅。體真常住無有始生亦無終滅。第十五門無畏無憂無喜無厭。情相悉無。故無畏憂及喜厭矣。第十六門明無已有當有今有。無有起已謝性過去。故非已有。亦非



現無當來始生故無當有。亦非本無今生之義。故無今有。上來廣舉佛體離無相明無所說。不可一切言說顯示。正明離言彰無能說。言依相起。無相可論。知何所說。是故不可一切言說分別顯示。又復言說皆依情起。情想本無。誰起言論。是故不可言說顯示。上來別觀下總結之。言如來身為若此者。結明所觀。作如是下結明能觀。作如是觀結已能觀。以觀下辨觀邪政令他正覺。上來維摩見釋迦佛。自下第二維摩以神力令諸大眾見阿閼佛。於中有四。一舍利弗問維摩詰前所從來處。如來為辨。二大眾聞說求欲見之。如來遣示。三維摩為現遠。樓妙喜安置此土大眾同見。四為化事訖土還本處大眾同見。就初段中。舍利初問後佛為辨。舍利問中汝從何沒來生此者。彼舍利弗欲使維摩現本來處。使衆同見發願求生。所以問之。下維摩詰呵其所問。彰實無生。令衆趣入。於中有三。一就舍利所得之法明理無生。二於意云何譬如幻下。明法虛幻彰事無生。三沒者已下。簡聖異凡明已無生。前中三句初維摩詰反問舍利。汝所得。結有沒生乎。沒猶滅也。二舍利答。無沒生也。舍利所得空無我理。不同事有故無生沒。三維摩詰約答反。可。若所得法無沒生相。云何問云汝於何沒而。成至此。第二段中句別有五。一維摩詰舉喻反問。於意云何譬如幻師幻作男女沒生也。隨相論之。業如幻師。由業造作六道之報名作男女。就本以說。心如幻師。由心造作一切種形名

作男女。二舍利正答。無沒生也。幻無定實。故無生沒。三維摩詰舉法。及問。汝豈不開佛說諸法如幻相。呼。四舍利弗答曰如是。五維摩詰約答反。呵。若一切法如幻相者。云何問云汝於何沒而。成生此。第三段中初云沒者為虛誑法壞敗之相生者為虛誑法相續之相。簡凡異聖。菩薩雖沒不盡善本雖生不長諸惡。彰聖異凡明已無生。自下第二如來為辨。於中有三。一如來因問辨出維摩所從來處。二舍利歎。三維摩因歎辨已來意。就初段中佛告舍利國名妙喜佛號無動。正出來處。法華經中說阿閼佛在歡喜國。今云妙喜大況相似。是維摩詰於彼國沒而來生。此就人辨來。前舍利弗問維摩。何故不自辨出使佛說乎。釋云。維摩前彰已體實無生沒。今人捨相觀察趣求。今若自說彼沒此生。與前交反故自不說如來為辨之。二舍利讚歎之中。未有總歎。是人乃能捨清淨土而來樂此多怨害處別以歎之。第三維摩顯來意中句別有五。一維摩問。日光出時與冥合乎。冥謂闇也。二舍利答。不也。總答。日出無冥別以答之。三維摩重問。夫日何故行闍浮提。四舍利答。欲以明照為之除冥。五維摩詰約答顯已。菩薩如是合前日也。雖生不淨合行闍浮。為化衆生合欲明照。不與愚合日光出則無衆冥。但滅衆生煩惱闇耳合為除冥。此初段竟。第二段中。初明大眾聞說求見。後佛遣示。衆求見中。渴仰欲見妙喜世界求見其土。不動如來及菩薩等求見其人。佛遣示中。佛知一切衆

會所念明告所由。告維摩等正勸令現。衆皆欲見彰勸所以。此兩段竟。第三段中初維摩詰為現妙喜。後衆同見。維摩現中先自思念。我當不起。樓妙喜國安置此土。作是念已入三昧下如念正取。前中初言不起坐者。彰化自在顯已力能。示不思議解脫德也。樓妙喜國鐵圍山等舉所取事謂土及人。於中前別妙喜世界成就如是無量功德總以結之。上至阿迦下至水際明取分齊。以右手等顯樓取相。在手迴轉如陶家輪。迴來至此名入此界。驚之不重如持華鬘。令衆同見名示一切。後正取中句別有四。一入三昧取彼置此。二彰彼衆有覺不覺。先彰覺者後顯不覺。前明覺中。先彰彼衆請問取者并求佛護。下佛答之。非我維摩。不覺可知。三明妙喜雖入此界而不增滅。四婆娑雖容彼土。亦不迫隘如本不異。自下第二大衆同見。於中五句。一佛觀察。汝等且觀妙喜世界觀彼佛。其國嚴飾重勸勸土。菩薩行淨弟子清白勸觀彼衆。二大眾同答皆曰已見。三佛勸修學。欲得如是清淨佛土當學無動所行之道。四明此衆發願求生。五如來為記堅其去心。以斯驗求。明知此會亦明淨土非唯明身。此三段竟。第四初明化訖土還本處。後明大眾咸皆觀見。文顯可知。上來三會別經已竟。佛告舍利汝見妙喜無動佛下總明流通。流通有二。一是觀學修行流通。二勸累下明其付屬傳教流通。人行法住。故須勸學。傳教法流。故須付屬。前勸學中隨人分三。一舍利勸學。二法供

樓二接\* 冠註曰結經作法 可二阿 成二來\* 及一反\* 冠註曰呼經單作乎 冠註曰成經作來 今二合\* 冠註曰樓經作接下同 驚二警\* 勸二觀\* 觀二勸\* 觀二勸\*



品初天帝勸學。三法供品後如來勸學。舍利勸學既是流通。何故在於此品宣說釋言。因佛告言見妙喜不舍利答見。遂即與願歡喜自慶乘勸他學故。此論之。初中有二。一佛言舍利汝見妙喜不動佛不。二舍利下答。答有四句。一彰已見故曰唯然。二願使下因見與願。願一切生得清淨土如無動佛。獲神通力如維摩詰。三我等快下慶已所得。初言我等快得善利是慶喜辭。得見是人親近供養出所慶事。四其諸衆生若今現下正勸修學。於中七句。其諸衆生若今現在若佛滅後聞是經者亦得善利況復聞已信解受等是第一句。明聞者益得益同已故云亦得。亦可此句舉劣顯勝明修行益。若有手得是經典下是第二句。明得經益。若有讀誦解釋已下是第三句。明其讀誦解釋等益。爲佛護念是其益也。其有供養如是人下是第四句。明其供養維摩之益。良以維摩體與佛同故。供維摩則爲供佛。亦可供前讀誦等人。則爲供佛傳佛法故。其有書下是第五句。明其書寫經卷之法。以此中明佛法身故。書經處室有如來。若聞是經能隨喜下是第六句。隨喜益。聞經隨喜得佛不遠。是故名爲取一切智。若能信解此經已下是第七句。明其爲化宜說之益。信解此經乃至一四句爲他說者當知此人受菩提記。佛其人定作佛故。一偈尚然何況全部。

法供品者下明天帝如來勸學。如來勸中明依法行。上順聖心名法供養。就之標品。是故名爲法供養品。此法供養地論之中名行供養。地持名爲至處道供養。名雖變改其義不殊。就此品中初明天帝勸學流通。二此經廣說過去未來現在佛下明如來勸學。前中初先天帝勸學佛言善下如來述讚。天帝勸中文別有三。一嘆經勝令人愛樂。二如我解下明學多益令人修習。三若有愛下天帝彰已供養守護令人重敬。初中爾時釋提桓因舉嘆經人。此乃天帝之別名也。於大眾中明嘆經處。白佛言等彰嘆經辭。我雖從佛聞百千經舉劣顯勝。未曾聞此不思議等對劣顯勝。如此經中說維摩詰不思議德。名不思議神通經典。又此經中宣說諸法決定實義。名爲決定實相經典。第二段中如我解佛所說義趣。申已所解明學多益。益有二種。一依經教受持之益。二何況下明依經義修行之益。前中若有聞信解受持讀誦之者。舉持經人。必得不疑明持經益。謂是經中所述不思議解法必得不疑。修行益中。初言何況如說修行以劣況勝下就論益。益隨位別上下論之。斯人則爲閉諸惡趣開衆善門。是種性前善趣益也。依經離過名閉惡趣。依經修善名開善門。常爲佛護是種性上所得之益。佛稱成立故爲佛護。護令離過。念使增善。降伏外學摧滅魔怨修菩提是初地上所得益也。降外摧魔是破邪益。亦即是其利他益也。彼具正智故破外道。彼具勝道故能摧魔。修菩提道是住正益。亦即是其自利益也。善學佛德名修菩提。亦有經言修治佛道。翻譯別耳。安處道

場是八地上所得利益。道場之義如上廣辨。地前漸學地上成就相應名爲安處。履踐如來所行之跡。是十地上所得益也。通則一切智慧三昧神通解脫陀羅尼等皆是佛跡。十地順行名爲履踐。別則末後金剛三昧是其佛跡。此第二竟。自下第三帝釋彰已供養守護令人重敬。於中有二。一明依經修行之者往爲供養。二所在下明有經處往彼守護。未信令信已信作護。上來帝釋嘆經勸學。下佛述讚。善哉總嘆下別述之。如汝所說是即辭也。即前兩段經勝學益。悉如帝語名如汝說。吾助爾喜是述言也。述上第三行者往供。經處往護。此事大善。故助爾喜。爾猶爾也。自下如來勸學流通。於中有三。一明此經說三世佛阿耨菩提。有人受持供養是經。則爲供養去來今佛。二正使下明財供養不及修經。三過去無量阿僧祇下引事證成。初中此經廣說過去未來現佛阿耨菩提明經說佛。前佛國品明佛應身。方便品中明佛報身。見阿闍品明佛法身名說菩提。是故天帝若男女下。明其受持供養經者則爲供佛。行順名供。供佛其身順佛化意亦供應身。自下第二明財供養不及修經。於中有四。第一廣舉供佛之事。二反問天帝此人供養福寧多不。三天帝正答甚多無量。四佛取所答。約對持經明福不及。初中先明所供之佛多少之相。政使三千如來滿中法說明多。如甘蔗等喻說明多。下對此佛明與供養。於中先明現前供養。至佛滅下彰佛滅後不現前供。初中男子女人

舉與供人。或一劫等明供時節。下顯供相。恭敬尊重意業。供養讚歎口業。下言供養奉諸所安身業供養。不現供中至佛滅後明供時也。言一一全身舍利所供事也。舍利胡語此翻名身。諸佛或有全身舍利。身形如本。或復為其分身舍利。如似阿難般涅槃時分身四分。如是等也。或復為其碎身舍利。如此釋迦般涅槃時。焚燒骨身碎如芥。評。全身舍利供之最勝。故偏舉之。若一劫等明供久近。上來第一舉供佛事。自下第二反問天帝其人殖德事為多不。第三天帝以理正答多矣。總答福多。若百劫等別答顯多。自下第四佛取所答。約對持經明福不及。於中初明聞是經典信解受持讀誦修行福多前供。所以下釋。先徵後解。諸佛善提皆是生。明佛真德由經所起。善提之相不可限量。以是因緣福不可量。約佛真德顯經殊。明持福多。上來第二明財供佛不及持經。自下第三引事證成。於中有三。一正舉往事明財供養不及法供。二時王寶蓋豈異人下會通古今。三如是天帝當知此下結嘆勸學。初中有二。一舉財供。二時王一子名月蓋下。約對法供以顯不及。前財供中初先辨列所供之佛。時有輪王名寶蓋下彰能供人。爾時寶蓋與眷屬下明供養事。所供佛中過去無量阿僧祇劫明時久近。時世有佛號藥王等正列所供。藥王別號。如來等十是佛通稱。世界大嚴劫曰莊嚴。辨其劫國。壽二十劫明壽長短。劫有內外大小之別。內外之相已如上辨。飢饉疾病及與刀

兵。傷害衆生名為內劫。水火及風壞滅世界名為外劫。此二之中各有大小。內中小者。直爾飢劫疾病刀兵當分名小。言其大者。從初飢劫至後刀兵。是中凡有六十四劫。合為一劫名之為大。何故定言六十四乎。兵劫最小。疫病七倍多於刀兵。飢饉七倍多於疫病。是故七飢有一疫病。七飢飢方有七病。從初飢劫至後病劫五十六劫。於彼最後病劫之後。復經七飢方有兵劫。以此通前合說以為六十四矣。外劫之中亦有大小。直爾火劫風劫水劫名之為小。從初火劫至後風劫。是中亦有六十四劫。合為一劫名之為大。何故定言六十四者。義之似前。風劫最少水劫七倍多於風劫。火劫七倍多於水劫。是故七火有一水劫。復經七火方一風劫。為是定言六十四矣。今言佛壽二十小劫。當應就彼內劫之中小劫為言。其聲聞僧三十六億那由他等明衆多少。能供人中。時有輪王舉其人也。名曰寶蓋列其名諱。七寶具足彰其所有。言七寶者。一輪寶。二珠寶。此二非情。三是象寶。四是馬寶。此二畜生。五典藏臣。龍樹說云。是夜叉神與人交接。六主兵寶。七王女寶。此三人。此等相狀功能勢力。悉如經說不可具辨。主四天下明其所王。須彌四面大海之中有四洲諸。名四天下。東方有諸名弗婆提。形如滿月。人面像之。南方有諸名閼浮提。其形尖邪。人面像之。西方有諸名瞿耶尼。形如半月。人面像之。北方有諸名鬱單越。其形正方。人面像之。此四天下金輪聖王通皆

鎮之。銀輪之王王三天下。銅輪之王王二天下。除東及北。鐵輪之王但王閼浮。為簡後三故說寶蓋主四天下。王有千子端正勇等彰其所生。下明供事。於中初明王自供養。供藥王佛至滿五劫下。教千子供養。王先勅告後明諸子奉命供養。上來第一明財供養。自下第二約對法供以顯不及。於中有四。一王子月蓋思已所為財供為勝。空天告之不及法供。二月蓋聞已仰請法供。空天教問藥王如來。三月蓋受教問藥王佛。如來為說。四王子月蓋從藥王佛聞如是下。聞法獲益修行法供。初中兩句。一王子月蓋獨坐思惟。寧有供養殊過此者。二以神通下明以佛力空天告之法供為勝。第二段中句亦有二。一月蓋王子聞勝請問。何謂法供。二空天教之問藥王佛當為汝說。第三段中文亦有。三。王子月蓋詣藥王請問法供。二如來為說之中。初言法供養者。勝其所請。下辨有二。一出法體。二若聞如是等經已下。約對前法以明供養。明法體中文別有二。一辨法體相。二能令衆生坐道場下顯其法能。前中有四。一明法深。二菩薩藏攝彰其法大。三陀羅尼印印之至不退轉明其法定。四成六度下彰其法勝。亦名義備。初中諸佛所說深經總以標舉。顯示深義。故曰深經。下別顯之深有三種。一難信深難生決定。二難受深難領入心。三難解深難可悟入。初言一切世間難信是初深也。言難受者第二深也。微妙已下是第三深。明經所說第一實義。出過世人四心分齊故難解入。言

微妙者明其出過聞慧境界。言教龜事聞慧能得。深經所顯第一實義不同。後龜。故曰微妙。微妙故聞慧不得。言難見者。明其出過思慧境界。易見之法思能得之。法性實難可得見。故思不得。清淨無染明其出過修慧境界。妙來藏性妙出情妄名淨無染。情緣不及。是故亦非修慧能得。非但分別思惟能得。明過報生識知境界。前聞思修是變易因。報生識知是變易果。以修無漏業因力故生便知法。是故名爲報生識知。此知亦以妄心爲體。性是變緣分別之法故說以爲分別思惟。以分別故彰於平等無分別法。然彼平等無分別法滅觀方證。非但分別思惟能得。上來第一明其法深。自下第二明其法大。明前深法是其菩薩法藏所攝不同小乘。自下第三明其法定。約行顯之。陀羅尼即舉其行也。卽是外國語。此翻名持。持諸法故。論其體性唯念與智。記法不妄是其念也。知法不失是其智也。持隨義別廣多無量要攝唯二。一者法持亦名聞持。持數不忘。二名義持。持義不失。隨所記持如法不改。故說爲印。下約顯法。菩薩以此陀羅尼印印證諸法。故曰印之。以法定故一得不捨故至不退。舉至不退彰法定矣。此第三竟。自下第四明其法勝。亦名義備。於中初明修善之法。離衆魔下明治過法。前修善中初明自利。入大慈悲彰其利他。前自利中成。熟六度明能起因。善分別義嘆其教勝。能善分別行修之義。故成六度。順菩提法明能趣果。辨果令求名順菩提。衆經之上嘆

其教勝。善順菩提故名爲上。此起自利。入大慈悲明起利他。入猶順也。善教菩薩化益衆生名入慈悲。上來修善下明治過。於中初言離衆魔事及諸邪見。明其離。彰。離衆魔事除邪業也。及諸邪見滅邪解也。下明攝治。順因緣法明說世諦令人解也。言不乖法故曰爲順。說生死法因緣虛集名順因緣。無我生等明說眞諦令人證也。無我無生及無壽命明說生空。空無相等明說法空。諸法無性名之爲空。緣相亦無。故云無相。無果可造故云無作。無因可爲稱曰無起。凡欲滅邪要須觀察十二緣法。上下多然。故約因緣以明攝治。此第四段明其義備。上來第一辨法體相。自下第二彰其法能。於中龜分有三。細分有六。言龜三者。一者能令衆生坐乎道場成佛正覺。二令衆生入佛法下令人起行。三背生死下令人發心。細分六者。一令衆生坐於道場成佛正覺。二諸天下爲人稱讚。三能令生入佛法下。令人起行。四諸佛賢聖所共稱下爲聖稱讚。五背生死下令人發心。六十方三世諸佛所說爲佛稱說。此六段中初二一對。次二一對。後二一對。就初段中能令衆生坐道場者。此大乘法能令衆生成佛道也。辨義有三。一直論眞。金剛三昧親生佛德名爲道場。依之得果故名爲坐。通則諸行能生佛德悉名道場。如上光嚴問疾中說。坐義如向。二唯就應菩提樹下得佛道處名爲道場。居中得果名之爲坐。三約應眞寄約應坐。心顯眞成。今此所論約應眞。而轉法者。內證眞

道能爲他說。舉爲他說顯已得也。第二段中諸天龍神乾闥等所共嘆者爲凡歎也。唯後應爾第三段中。初能令人起自利行。說衆菩薩所行道下起利他行。前自利中。能令衆生入佛法藏入佛教法。攝諸賢聖一切智慧入佛義海成就證行。亦可令生入法藏。入佛字義二種法藏。攝衆賢聖一切智慧。成就證教二種智慧。下利他中文別有二。一於法能說。二能救下於人能益。前能說中。說衆菩薩所行之道能說行法。依於諸法實相之義明宣無常苦空無我能說理法。於人益中。初於一切毀禁衆生能爲救濟。教令悔除名爲救矣。後於一切諸魔外道及貪著者能使怖畏。諸魔是其邪業衆生。外道及貪煩惱衆生。外道有見及貪有愛。皆使怖畏厭離斷除。此第三竟。第四段中諸佛賢聖所共稱嘆爲聖嘆也。亦嘆其法。第五令人發心之中。皆生死苦令人生厭。向涅槃樂使人生欣。第六段中十方三世諸佛說者。明此經法能令衆生背生死苦求涅槃故。諸佛共說上來明法。自下第二約對前法以明供養。於中有二。一於前教令信解受持讀誦解脫。脫爲法供養。二依前義旨如說修行爲法供養。前中先辨後總結之。辨中若聞如是等經信解受等。依法自覺爲法供養。以方便力爲衆生等。以法化他爲法供養。是名下結。下依法行爲供養中。先辨後結。辨中義二文別有四。言義二者。一則依前成六度等集善之法。修習善行爲法供養。二則依前離衆魔等治道之法。修離過行爲法供

●後二彼● ●妙來一如來● ●妄二忘● ●冠註曰熟經作就 ●彰二障● ●心二止● ●以● ●冠註曰皆經作背 ●脫二說●

義。文別四者。第一總明依四依法修集善行。第三隨順十二緣下。依向前十二緣法修離過行。三依義下重廣初段明依修集善行。四隨順法相無所入下。重廣第二依十二緣修離過行。就初段中又於諸法如說行者。準後明依四依之法而修行也。第二段中。隨十二緣觀法緣有十二緣義廣如別章。此應具論。離邪見等知法實無離法邪見。依空所除。得無生忍。依空所滅。決定無我無有衆生正明所解。此前一對明衆生空。而於因緣無違無諍復觀緣有。空不乖有名無違諍。於法無違。於人無諍。離諸我所復觀實無。法爲我所於理無也。此後一對明法體空。自下第三重就四依明修善行。四依之義廣如別章。此廣具辨。今且釋名并論次第。名字如何。初言依義不依語者。義解有四。一對相顯實所以名義。二對體彰用義用名義。三對惡論善義利名義。如地持說善法名爲義饒益聚。不善名爲非義饒益。無記名爲非義非非義。四對因彰果。德義名義。故地持中無上菩提名爲得義。菩薩所行名得方便。諸經說義具此多種。今此所論理法爲義義當初門。憑之起行故說爲依。不依語者詮談爲語。不依有二。一自未知義。但可不依非法之語。二自己知義一切不依。第二依智不依識者。解法決了目之爲智。憑之取法故說爲依。關心分別名之爲識。棄而不從故曰不依。第三依了義經不依不了義者。顯實分明名了義經。憑之取義故說爲依。覆障之言名不了經。棄而不從故曰不

依。第四依法不依人者。法解有二。一軌則名法。二法名自體。憑之起行目之爲依。又憑取義亦名爲依。率用名人。不依有二。一自未知。但可不依非法之人。非令不依如法之人。二自己知一切不依。名義如是次第如何。經論不同略有五種。一觀入次第。如成實說。第一依法不依於人。第二依了不依不了。第三依義不依於語。第四依智不依於識。此乃約就聞思修等觀入以辨。依初兩門修成聞慧。於中初門簡人取法。後門就法簡非取是。第三依義修起思慧。思知義故。第四依智。依諸賢聖智行之法起於修慧。第二從體起用次第如涅槃說。第一依法不依於人。法者所謂大涅槃。涅槃果體故先辨之。第二依義。義者所謂法身解脫摩訶般若。是佛果德。依體有德。是以次論。第三依智。智者謂佛一切種智。依德有用故。須辨之。第四明依了義經。依智起說。是以後論。第三據果尋因。次第亦如涅槃。第一依義。義謂法身解脫等法。此佛果德。是以先論。第二依法。所謂法性果依理成。是以次辨。第三依智。智者所謂僧行常住無爲不變。果由因成。所以次說。第四明依了義經。所謂一切大乘經典。因依教起所以後辨。又前果德因之而起。故明依智。前所依法藉教而顯。故明了義。第四據深尋淺。次第如此中說。第一依義。義是理體成德所依。故先辨之。第二依智。智是證智依義成德。故次論之。第三明依了義之經。經是義。證。前所依義由證而顯。所以次辨。第四依法。法謂行法。前智依

於行法修成。故復明法。第五攝法起修次第如地持說。第一依義。義是理義起行所依。是以先論。第二法。法是教法。義由詮顯故次辨之。此二其攝法次第。後二起修。第三明其依了義經。依教修解。於此門中正解取教。莫問大小。一切悉了隨分所說皆當法故。故彼文言。於如來說深。住清淨一切悉了。與此相違名爲不了。第四依智。智謂修慧。此依前義起修慧行。故彼文言。以修慧知。不以聞思議諸法義。義有多途各據一門。今此且修一相之言。自下第四重就向前十二因緣修離過行。於中初辨。作如是下結以顯益。辨中初言隨順法相明觀世諦。無所入下明觀真諦。言無所入無所歸者。總明真觀。因緣空寂始無所入終無所歸。無明滅下別明真觀。初言無明畢竟滅故行畢竟滅就始觀也。因緣法中觀法有二。一順二逆。逆順不同汎釋有四。一就事相次第分別。從前向後尋因趣果。名之爲順。從後向前尋果推因。說之爲逆。二就法相生滅分別。觀十二緣集生名順。散滅爲逆。三就理相破性分別。觀十二緣假有名順。順法有故。無性空寂說以爲逆。逆於有故。四就理義破相分別。觀十二緣妄相虛有。名之爲順。如空中華如陽炎水。相即無相名之爲逆。如陽炎水就觀本無。不但無性。相亦不有。此反緣相故說爲逆。四中前三大小同知。後一唯大。今此所論義當後門。向前宣說隨順法相。是順觀也。此言無明畢竟等。是逆觀也。乃至因緣相亦不有名畢竟滅。乃至生滅老

死滅者。越餘舉終。義皆爾也。上來別觀。下結顯益。作如是觀十二因緣。牒前順觀。無有盡相。牒前逆觀。法本無生。今無可滅。名無盡相。無法可盡。方乃足其畢竟滅矣。不復起見。正顯觀益。一切斷常有等見不復起也。前明法中。先明離見後方宜說順因緣法。今此先說順因緣觀後明離見。言左右取。上來別明修行供養。是名四最上法之供養。總以結嘆。上來第三月蓋請問如來為說。自下第四明其月蓋問法獲益修行法供。王子月蓋從藥王佛問如是法得柔順忍。問法益也。此四地上云何得知。五忍別分地前伏忍。初二三地。見是其信忍。四五六地是其順忍。七八九地是無生忍。十地及佛是寂滅忍。今言柔順。見彼第三忍所收。故四地上。即解寶衣。教具供等荷恩供養。自佛已後修行法供。於中有三。一自宜已心彰已欲於如來滅後修行法供。請佛加護。二如來為記。三月蓋蒙記正行法供。初中白佛如來滅後我修行法供。自宜已心守護正法彰已所作。願以神力加哀建立。請佛加護。冥助以力名威神加。哀助念。第二段中佛知其念內心知也。而記曰等口言記也。法能遮防從喻名城。知必能護所以記之。第三月蓋行法供中文別有二。一於佛現在。修行自德為法供養。二於佛滅下。明佛滅後以經化。地為法供養。前中初先聞佛授記以信出家。次修善法精進不。文得五通下。明其所得。得五神通行用無礙。通菩薩道行體自在。此二自德。得陀羅尼意業。城成就。無斷

辨才口業成就。此二化德。就佛滅後行法供中。初明月蓋依法起說。月蓋比丘以守護下。明說益人。前起說中。於佛滅後起說時也。以其所得神通總等起說德也。滿十小劫彰說久近。藥王如來所轉法輪學所說法。隨而分布正明說也。後益人中。月蓋比丘守護法故勤行精進。牒前起後。下正論益。初益菩薩。即身化益百萬億人。於大善提立不退轉。後益二乘。能令十四那由他人發二乘心。後益凡夫。無量衆生得生天上。就引證中上來第二。正引往事明財供養不及法供。自下第二會通古今。明供多益悉得作佛令人。學文顯可知。如是天帝當知此要以法供下。是第三段結嘆勸學。當知法供於諸供養為上為最第一無比是結嘆也。是故天帝當知法供供養於佛是勸學也。勸學品者。上來廣明勸學流通。自下明其付囑流通。累是擔累。法是傳者之重擔。故名為擔累。以此囑付令人傳通。故名囑累。就斯標品名囑累品。亦可累者是其重累。如來殷勤重累付囑。故云囑累。約斯標品名囑累品。此品有二。一如來付囑令人傳通。二佛說是下。明其所說當法稱機大衆同喜。就初段中付人有二。傳者有四。付人二者。一付彌勒。二付阿難。彌勒將於此界成佛成就衆生故。須付之令以神力。冥明弘通。阿難是其傳法藏人故。復須付令使結集傳布宣通。傳人四者。一彌勒菩薩奉命流通。二餘菩薩自誓宣通。三四天王自誓護通。四阿難比丘受教傳通。初

中有三。一佛付囑。二彌勒聞付奉命弘通。三如來述讚。初佛付中。如來初先以法正付。彌勒當知菩薩二下。舉其得先告示彌勒。令教捨遠。前正付中文別有三。一舉法正付。我今以是無量億劫所集善提付囑汝。此經宣說善提真德。約就所說以名其經。名曰所集阿耨菩提。故上文言。此經廣說過去未來現在諸佛阿耨菩提。亦說佛因。從勝言之。亦可此經能生菩提。菩提從此經生。從其所生以名其經。名為所集阿耨菩提。故上文言。法佛菩提皆從是生。生佛之因。就勝為言。二如是輩經於佛滅後。勸於未來傳布流通。如是輩經牒前所付。輩猶等也。亦是類也。於佛滅後末世之中。流布時也。末世難通故須勸之。汝等當以神力流布正勸傳通。於閻浮提須流處也。閻浮衆生行法最勝。故遍言之。無令斷絕滅後常通。二所以下釋勸所以。初先徵問。我有何所以勸汝傳通。下對釋之。於中初明不傳之損。未來當有男子及天龍等發菩提心。樂乎大法。若使不聞如是等經。則失善利是其損也。下明傳益。如是輩人聞是等經。必多信等是其益也。如此輩人。牒前未來發心之人。聞是等經。必多信樂發希有心。當以頂受自行益也。念經希有名希有心。隨生得利而為廣說化他益也。上來如來以法正付。下舉得失告爾。彌勒令教捨遠。於中三對。一約理教以辨得失入理為得。二唯就教以明其失。三唯就理以彰其失。前中有二。一人舉數次列兩名。先問後辨。一好難句文飾之事著

①是二是為 ②(見)一為 ③見二是為 ④冠註曰教經作殿 ⑤地二能 ⑥冠註曰文經作久 ⑦冠註曰通菩薩 ⑧道經本不同一作  
遠一作具今遠字之誤 ⑨(城)一為 ⑩□二修 ⑪冠註曰知經作以 ⑫其二宜 ⑬先二失 ⑭爾二示 ⑮(人)一為

教失也。二不投深義如實能入。解理得也。入猶解矣。下辨其相。若好。難句是爲新學。彰劣顯勝。若於如是無染著等。辨勝彰得。第二對中復二舉數。名難學者不能決定於甚深法總顯其失。何等下別。先問後辨。初問深經驚怖疑等。於法起過。若有護持解脫經者不肯親等。於人起過。有此二下總。河顯失。有此總牒。當知新學明劣非勝。爲自毀傷明其有罪。謗法毀人當墮阿鼻。名曰毀傷。不能於深調伏其心彰其無善。第三對中。復二舉數。雖信深等總顯其過。雖信深法猶自毀傷明有罪也。辨得兼失。是以言雖。而不能得無生法忍明無善也。何等下別先徵後辨。輕慢新學而不教。悔於人起過。遠利他也。雖解深法取相分別於理起過。遠自利也。是爲總結。上來第一如來付囑。自下第二彌勒傳通。於中有二。一對佛向前舉過告示。驚嘆未有自誓捨離彌勒久無。今爲此言。欲使諸人同也。捨遠二奉持下。對佛向前舉法付囑。自誓弘通。於中初先對佛向前所集善提付囑於汝。難已奉持。若未來下。對佛向前於佛滅後。汝等當以神力流布。彰已傳通。於中三句。一明未來男子女人求大乘者。當令普得如是等經。二與其念力使堪受持爲他廣說。三明未來受持說者悉是已力。由佛前勸當以神力廣宣流布故。明未來有受學者。悉是已力之所建立。自下第三如來述讚。善哉嘆也。如汝所說佛助爾喜是述可也。上來彌勒此土流通。自下第二明餘菩薩他方傳通。於是一切舉

傳通人。合掌白等舉傳通辭。如來滅後流通時也。十方國土流通處也。廣宣布流通事也。廣宣流布阿耨菩提。明傳證法令他自學。復當開導諸說法者令得是經。明傳教法使他化人。自下第三四王護通。明經卷讀誦說者爲聽法故往詣其所擁護其人。面百由旬無令得便。自下第四阿難傳通。於中三句。一如來告勸令使傳通。二阿難奉教彰已受持。并問名經。此經義多。當□□□□義而名斯經。三如來爲說。此經名爲維摩所說約人以名。此經三會初會佛說。中間一會是維摩說。第三一會佛及維摩二人共說。今此偏就維摩所說以立其名。名維摩詰不思解脫。寄其顯故。亦名不思解脫法門就法彰名。悉如上解。如是受持依名勸持。上來第一付囑傳通。自下第二明其所說。當法稱機大衆同喜。從初訖後名佛說已

維摩經記卷第四末

## 維摩經玄疏卷第一

天台山修禪寺沙門智顗撰

此經理致深遠言旨淵玄。若但依文帖釋恐止事數而已。一教宗極終自難量。猶須略付幽微顯不思議旨趣。今輒於文前撰五重玄義。

## 第一釋名 第二出體 第三明宗

## 第四辨力用 第五判教相

釋此五義即爲二。一通釋二別釋。就通釋五重。略爲六意。一通標五義名。二辨次第。三引證。四明總別。五約觀心。六對四悉檀。

第一通標五義名者。此經以不思議人法爲名。不思議真性解脫爲體。不思議佛國因果爲宗。不思議權實折伏攝受爲用。不思議帶偏顯圓爲教相。故今明此經始從如是我聞終乎歡喜奉行皆明不思議也。

第二辨次第者。雖理絕名言非名言無。以設教故於無名之道假名相說。而名以召法法以應名。是以經之指歸蘊在名內。故先標名。夫尋名得理。理即真性解脫。真性解脫即經之體也。故次出體。體不孤致求之有方。涉行修因然後致果。故用佛國因果爲入理綱宗。提綱目動故次明宗也。行因趣果。得果即能巧用權實折伏攝受利益衆生。故次明用也。聖人設教隨逗機緣。機緣不一。是以教有異同。故次明教相也。

第三引證者。囑累品云。此經名維摩詰所說亦名不可思議解脫法門。此即人法雙題共標名也。觀衆生品云。佛爲增上慢人說離經癡名爲解脫耳。若無增上慢人佛說經癡癡性即是解脫。經癡癡性即不思議真性解脫爲體也。又佛國品明。寶積獻蓋請問淨土。佛所演答具說佛國因果。即是明宗也。室外彈訶室內攝受。不思議品云。菩薩住不思議能種種示現神力自在。如龍象蹴蹋非驢所堪。故知此人法權實折伏攝受即經之用也。教相者通明此經與諸經教相有同異。故須判教相也。

第四明總別者。就前五條束爲三意。初但標人法此即是總。次開體宗用此即是別。後明教相義兼總別。所以然者。初題人法名總三義。故名爲總。今欲分別教門。應須分別體宗用之異。故名爲別。人是別總。三義是總別。是則總總於別。別別於總也。所以然者。人名淨無垢稱。淨即真性。真性清淨即是體也。無垢即實慧。實慧因果即是經宗。稱即方便巧能即是經用。引而申之故謂之別也。教相者既通明諸經同異。故義兼總別。此義虛玄恐未明了。今借近喻以暢滯情。譬如人身初受胎報。報羅暹時即有三法。一命二燄三者心識。迄乎皓首猶存三事。總而爲論共受人名。分而論之具有三法。雖復世間之境亦與妙理相應。所以然者。三法成身即況初總。心識爲主即況前明體。風命相續即況前明宗。舉止運爲即況前明用。人道雖同種性殊別。即況前

明教相同異也。類此五法上義可知。問曰。立此五義止明此經復通餘部。答曰。衆家立義厝意不同。今爲五重總貫諸典。問曰。諸經教相互有差別。差別之教豈盡同五。答曰。譬如五陰成人人雖不同共稟五陰。又如經首通序五義五義雖同在事別也。

第五約觀心釋五義者。一切萬法本自無名。無名而有名者皆從心起。故心即名也。心爲體者。衆生心性即真法性故云體也。心爲宗者。此經云。如其心淨即佛土淨。心即宗義也。心爲用者。正觀權巧折伏見愛故名用也。心爲教者。此經云。弟子衆應勞隨意之所轉即教相也。問曰。何俟約心釋此五義。答曰。此經問疾品云。諸佛解脫當於衆生心行中求也。故大智論云。佛爲學問人從聞求解以樹爲喻。爲坐禪人從心求道指身爲喻。若因樹生解是信行人。從身得悟是法行人。大智度論評云。有慧無多聞是不知實相。譬如大園中有目無所見。此人專修觀解不尋經論。又云。有多聞無智慧亦不知實相。譬如大明中有燈而無照。此人止尋經論不修觀解。又云。多聞利智慧是所說應受。此人外通經論內觀分明也。又云。無聞無智慧是名人身牛。夫聖人說法深鑒機緣。一音所演隨根曉悟。若無道眼豈可。偏執一端故說法門必須雙舉。庶幾學者了其明闇。問曰。觀心五義與經五義爲一爲異。答曰。不即不異。問曰。云何名爲不即不異。答曰。即理雖同異義有六。一者理即二名字即。三觀行即。四相似即。五分證真實

即六究竟即也。一理即者此經云。淫怒癡性即是解脫。此是理即義也。二名字即者如大涅槃云。外人舊賢虛妄計淫樂常樂我淨。如蟲食木偶得成字。是雖不知是字非字。有智之人終不說言是蟲解字。今末世學問坐禪之人聞此大乘方等經說淫怒癡性即是解脫。即大涅槃不可復滅。不究深義執此即名謂真解脫。是則同彼舊賢蟲道之過。此是名字即也。三觀行即者。行人精通三觀善識二諦三諦四諦開合不亂。信解分明能知此心即是解脫。願行善巧入五品弟子伏忍之位。此是觀行即也。四相似即者。如鐵輪十信。雖是肉眼名為佛眼。法華經說六根清淨之相是也。此即柔順忍位名相似即也。五分證真實即者。從初發心得無生忍至金剛頂四十一地皆名分證。所以者何。如華嚴經云。初發心時便成正覺。了達諸法真實之性。所有慧身不由他悟。此是分證真實即也。乃至十地等覺皆是分證。但有深淺之殊故有諸地階級也。六究竟即者。即是妙覺一念相應盡不思議實相之境故。法華經云。唯佛與佛乃能究竟諸法實相。又仁王經云。三賢十聖忍中行唯佛一人能盡源。盡源者是究竟即也。此六即者在理非殊。約其行解天人懸絕。豈得聞即便為一概。世間學問坐禪之人若不善解六即之殊多生叨濫。未解謂解未得謂得。墮增上慢起諸過罪。此豈學佛法得意者乎。今舉一可以例諸。一切大乘深經或云眾生即是佛即是大乘即是菩提即是涅槃。如是

等明即是悉須用六即。義約一切皆不明濫也。

第六對四悉檀者復為二意。一以四悉檀對前五義。二略釋四悉檀起觀教之相。一對五義者即為五。一對經名者。名即維摩經語。維摩經語即是世界悉檀也。二對體者。體即真性解脫。真性解脫即是第一義悉檀也。三對宗者。宗是佛國因果勸修種種淨土之行。即為人悉檀也。四對用者。彈訶折伏此即對治悉檀也。五總對教相者。以四悉檀起諸經教。與此經教有同有異。即是判教相知同異也。二明略用四悉檀起觀教者。夫心源妙絕萬法幽玄。諸佛菩薩若不用悉檀。豈能修三觀而進道。演說教門而度一切。四悉檀起觀教以通此經。略為七意。第一翻釋第二辨相。第三釋成。第四起三觀。第五起四教。第六起經論。第七起此經教第一翻釋者。悉檀是外國之語。諸師解釋不同。或言有翻或言無翻。言無翻者。外國有多含之言。此土無有多含之語以翻悉檀。例如修多羅名含五義。此土不的翻也。言有翻者。或翻宗成或翻為聖或翻為印或翻為實或翻為成就究竟。如是異翻非一難可定存。南岳禪師云。此例如大涅槃是胡漢兼攝也。今言悉檀者。悉是隋音。檀是胡語。悉之言遍。檀翻言施。佛以此四法遍施眾生故言悉檀也。第二辨悉檀相者。一世界悉檀。二各各為人悉檀。三對治悉檀。四第一義悉檀。大聖為破外人邪四悉檀故說此四種正四悉檀。說一切大小乘經教也。一世界

悉檀者。即是眾生五陰十二入十八界一切諸法名相隔別不同故名世界。外人迷此世界。或計無因緣有世界。或計有因緣有世界。大聖隨眾生所欲樂聞。為說正因緣世界之法。令眾生得世間正見。即是世間法施故名世界悉檀也。二各各為人悉檀者。大聖觀人心而為說法。人心各各不同故於一事或聽不聽。如經所說雜報業故難生世間得難觸難受。更有破群邪經。說無人得觸無人得受。此意正為破執生信增長善根。施諸善法故名各各為人悉檀也。三對治悉檀者。大智論云。有法對治則有。實性則無對治則有者。即是貪欲多教修不淨觀。瞋恚多教修慈心觀。愚癡多教觀因緣也。佛說對治之法藥遍施眾生。為斷其惡故名對治悉檀也。四第一義悉檀者。大智論明第一義悉檀有二種。一約不可說相明第一義悉檀。二約可說相明第一義悉檀。一約不可說相明第一義悉檀者。即是諸佛辟支佛羅漢所得真實法名第一義悉檀也。故大智論云。言論盡心行亦說。不生不滅法如涅槃。說諸行處名世界。說不行處名第一義。二約可說相明第一義悉檀相者。如大智論云。一切實一切不實一切亦實亦不實一切非實非不實皆名諸法之實相。佛於如是等處處諸經說第一義悉檀相。此即是一家所明四門入第一義意也。故中論云。若為向道之人聞說四句即入即是諸法實相。若人聞說四句心生取著皆是戲論。問曰。若以生善是為人。斷惡屬對治者。人通善惡。

等明即是悉須用六即。義約一切皆不明濫也。



何得定言爲人屬生善也。答曰。善隨人來爲惑所障。惡是新起不長屬人。是故爲人息惡生善。善屬於人。對治斷惡。人則非惡。若人是惡。惡滅人應隨滅。故知惡不屬人。問曰。爲人對治俱斷惡生善。義既是齊。何得分二。答曰。一往雖然。原其正意義則不爾。爲人惡新善舊。對治惡舊善新。爲人新惡易滅。爲說便止。宿善深厚自然開發。對治則舊惡難除。新善力弱。若不加修對治。則惡法不滅也。問曰。此義非次。經說諸惡莫作。衆善奉行。答曰。此須得意。爲人善厚惡輕。但不作衆惡。善自開發。對治惡厚善輕。故須衆善奉行。方得離惡也。第三明釋成者。今用四隨釋成四悉檀也。四隨者。一隨樂欲。二隨便宜。三隨對治。四隨第一義。一隨樂欲者。卽是世界。如智度論云。一切善惡欲爲其本。若說四門若事。若理。但起欲樂。皆是世界悉檀也。故此經云。先以欲鉤牽後令入佛道。是名世界悉檀也。二隨便宜者。卽是爲人。論云。於一事中或聽不聽。宜卽是聽不宜者。卽不聽也。如金師宜數息觀。洗衣宜不淨觀。卽是便宜。若說四門若事。理。便宜生善。是名爲聽。若生不善。則是不聽。是名爲人悉檀也。三隨對治者。卽是對治悉檀也。若說四門若事。理的相主對破執著心。是名對治。論云。諸法無常亦昇對治。涅槃經明十種對治。謂常無常等皆是對治悉檀也。問曰。若說事者。可是對治。四門說理云何對治。答曰。雖復說理。既不曉悟。爲破執著猶屬對治也。四明隨第一義者。卽是第一義悉檀。若說

四門若事。若理。聞說卽悟。皆是第一義悉檀也。故以四隨成四悉檀。問曰。四門說理。可是第一義。若說事者。云何得是第一義耶。答曰。無問事理。聞說卽悟。皆是說第一義也。故經云。始從得道到泥洹夜。若說一色。一香。無非中道。問曰。何故用四隨結成四悉檀。通約事理。一事一理。云何得通有四義。答曰。如此經偈說。佛以一音演說法。或有恐怖或歡喜。或生厭離或斷疑。斯則神力不共法。生怖畏者。卽是世界悉檀。知因欲有世界世界如火宅。故生怖畏也。或歡喜者。卽是爲人悉檀。發善根得法喜也。或生厭離者。卽是對治悉檀。厭患煩惱與對治也。或斷疑者。卽是第一義悉檀也。初入見道第一義諦。正是斷疑之位也。是則隨說一切事理。悉成四悉檀也。第四明起三觀者。卽是用四悉檀起三觀也。夫至理幽絕。不可以智知。不可以識識。豈修觀行而能契會者哉。自非悉檀之巧妙。豈能用三觀會三諦之理也。今悉檀方便起從因緣假入空觀者。世界悉檀。卽是知正因緣心所樂法也。若從正因緣以入空。若析若體。兩種觀心。必須識爲人便宜。便宜者。若宜修觀。卽念擇精進。善三覺分起。若宜修止。則念除捨定三覺分攝也。是則隨所便宜。善心則發也。若心有沈浮之病。必須用對治悉檀。若心沈時。念擇精進。善三覺爲對治。若心浮時。念除捨定三覺分爲對治也。巧用爲人悉檀。善根得發。巧用對治悉檀。結使則薄。若行人利智善根熟結使煩惱薄。七覺分中隨依一覺。恍然如

失卽住此。研修若觀慧分明。卽發真見第一義。是名用四悉檀。起從假入空觀。成一切智慧眼也。從空入假觀。巧用悉檀。卽得道種智法眼也。中道第一義觀。巧用四悉檀。卽得一切種智佛眼也。第五起四教者。卽是於四不可說起四種說法。教四種衆生也。此經淨名默然杜口。卽是大涅槃經明四不可說意也。四不可說者。一生生不可說。二生不生不可說。三不生不生不可說。四不生不生不可說。此卽是約心因緣生滅。卽空卽假。卽中四句不可說也。而得有四說者。皆是悉檀。因緣起四機得有四說也。故大涅槃經云。十因緣法爲生作因。亦可得說。十因緣法者。無明至有支名十因緣也。若用四悉檀。起此四種。十因緣機於四不可說。卽有四說之四教也。就此卽爲四。一明悉檀起三藏教。二明悉檀起通教。三明悉檀起別教。四明悉檀起圓教。一明用四悉檀起三藏教者。佛於生生不可說用四悉檀。起小乘十因緣法。所成樂欲小善障重鈍根諸聲聞弟子。說三藏教。生滅四諦教。諸聲聞及鈍根菩薩也。故法華經云。諸法寂滅相。不可以言宣。以方便力。故爲五比丘說。是名轉法輪也。二明用四悉檀起通教者。佛於生不生不可說用四悉檀。起十因緣法。所成三乘根性人。說約幻化無生四諦通教。教三乘人也。故大品經云。欲學三乘當學般若。又云。三乘之人。同以第一義諦。無言說道斷煩惱也。三明用四悉檀起別教者。佛於不生不生不可說用四悉檀。起十因緣法。成別教根緣。宣說菩

薩摩劫修行無量四諦別教教諸菩薩也。四明用四悉檀起圓教者。佛於不生不生不可說用四悉檀起十因緣法所成圓機。說一實諦無作四諦圓教大乘教大菩薩開佛知見也。第六明起經論者。夫佛法至理不可以言宣。豈存言方語本十二部乎。但十方諸佛爲利衆生。皆用悉檀起緣而起十二部經也。十二部經名義具出悉檀大本。就此即爲五意。一明悉檀起十二部經。二明悉檀起八萬四千法藏。三明悉檀起漸頓經教。四明悉檀起大小乘論。五明悉檀起聖說法聖默然。一明四悉檀起十二部經之相者即爲四意。一明世界悉檀起十二部經。二明各各爲人悉檀起十二部經。三明對治悉檀起十二部經。四明第一義悉檀起十二部經。一明用世界悉檀起十二部經者。若宜開直說世界宜直說者。是言教之本用世界悉檀直說世界名相。即是修多羅經。四言五言七言偈重頌說世界。即是祇夜經。記世界衆生未來之事如記。鵲雀成佛。即是和伽羅經。孤起偈說世界不誦長行者。即是伽陀經。無人請問自稱說世界事者。即是優陀那經。爲說世界不善因緣而結成戒者。即是尼陀那經。若人不解世界之相如以車乳等爲譬喻者。即是阿波陀那經。說本昔世界之事者。即是伊帝越多伽經。說往昔世界受生者。即是闍陀伽經。說世界廣大之事者。即是毘佛略經。說世界未曾有事者。即是阿浮陀達磨經。難問窮盡世界令易解者。即是優波提舍經。此即但約世界悉

檀具起十二部經。餘三悉檀各起十二部經。類世界可知。佛用此十二部爲言教之本說一切漸頓諸教也。故智度論云。四悉檀攝得十二部經。意在此也。二明四悉檀起八萬四千法藏者。八萬四千法藏名義具出三觀大本。今用四悉檀起八萬四千法藏者即爲四別。一者世界悉檀起八萬四千法藏。二明各各爲人悉檀起八萬四千法藏。三昧八萬四千法藏。三對治悉檀起八萬四千法藏。四明第一義悉檀起八萬四千法藏。亦名八萬四千諸波羅蜜門。門名能通。通至第一義悉檀諸波羅蜜名究竟。第一義悉檀即是究竟也。今言八萬四千法藏者。法語通漫即得含於八萬四千煩惱三昧陀羅尼諸對治門及波羅蜜等法。故名法藏也。故大智論云。是四悉檀攝八萬四千法藏。其義在焉。三明悉檀起漸頓經教者。悉檀既攝十二部經八萬四千法藏。大聖用悉檀起緣而說漸頓諸經無不成也。即爲二意。一正明悉檀起圓頓教。二明悉檀起次第漸圓之教。一悉檀起圓教者。盧舍那佛說華嚴經。正用兩番四悉檀說無量四聖諦無作四實諦。赴別圓二種根性說華嚴經頓教也。二明起漸圓教者。釋迦開漸教但用一番悉檀起聲聞小根說生滅四諦。起三藏教也。大乘方等有四種根性。用四番悉檀赴緣說四種四聖諦。起諸方等也。摩訶般若經有三種根性。以三番悉檀赴緣說三種四聖諦。起諸般若教也。法華經有一種根性。以一番四悉

檀赴緣說無作四一實諦。起法華教也。涅槃經有四種根性而俱歸一理佛性涅槃。用四番悉檀說四種四諦。赴緣起涅槃教也。問曰。涅槃與方等二教何異。答曰。說方等經時。二乘止得前二聖諦不入無量無作二種聖諦。涅槃不爾。二乘及菩薩非止得前二種聖諦。亦通二乘入於無量無作二種聖諦見佛性也。方等諸經者名大集等經也。以集一切佛法故名大集。是大涅槃名名諸佛法界佛性涅槃含一切佛法也。問曰。智度論云。餘經多說三悉檀。今欲開說第一義悉檀故說是摩訶般若波羅蜜經。若爾者。何得用四悉檀遍起一切漸頓諸經。答曰。三藏教多說三悉檀少說第一義。般若多說第一義少說三悉檀。復次般若雖說三悉檀皆與第一義相應。若說諸大乘方等或合說或別說也。四明悉檀起大小乘論者。地持論云。菩薩入道不顛倒論摩得勒伽。爲令正法得久住禪而作論也。菩薩住是禪定。觀佛去世後十因緣法所成衆生根緣大小。用四悉檀赴此根緣作論通經。如天親造十地論。即是用兩番悉檀造十地論通華嚴經也。舍利弗造毘婆沙。五百羅漢造毘婆沙。用初番悉檀通三藏教生滅四聖諦。見有得道之正意也。如迦旃延造毘婆沙。亦是用初番悉檀通三藏教。見空有入道之正意也。如阿黎跋摩亦用初番悉檀造成實論通三藏教從空入道之正意。故成實論云。故我欲正論三藏中實義。諸成論師言實義所謂空也。龍樹菩薩造正觀論。用四番四悉檀

三番正通釋諸摩訶衍三教。一番傍釋三藏生滅因緣教也。彌勒菩薩造地持處論。即是用二番悉檀釋華嚴方等般若諸大乘所明圓別二教也。無著菩薩造攝大乘論亦復如是。龍樹菩薩用三番悉檀造大智度論。釋摩訶般若波羅蜜經。天親菩薩用一番悉檀造法華論。釋法華經。有人言。大涅槃論龍樹天親各造未度此土。懸準可知。如是等一切論無不依四悉檀而造義。問曰。諸論天人所有經書依何而造。答曰。法身菩薩住諸三昧。生人天中爲天人師。造論作諸經書。如金光明經云。五神通人作神仙之論。諸梵天王說出欲論。釋提桓因種種善論亦是初番悉檀之方便也。故造立天地經云。寶應聲聞菩薩示號伏犧。以上皇之道來化此國。又清淨法行經說。摩訶迦葉應生振旦示名老子。設無爲之教外以治國。修神仙之術內以治身。彼經又云。光淨童子名曰仲尼。爲赴機緣亦遊此土。文行誠信定禮。刪詩垂裕後昆。種種諸教此即世界悉檀也。官人以德。賞延于世。即爲人悉檀也。叛而伐之。刑故無小。即是對治悉檀政在清靜道合天心。人王無上。即是世間第一義悉檀。問曰。世間何得有第一義。答曰。此皆約世界悉檀通明四悉檀。非出世第一義也。問曰。若佛菩薩老子周孔皆是聖人。人教有何差別。答曰。本地不可思議。何可分別。但迹教殊別高下深淺不可一槩也。五明悉檀起聖說法聖默然者。如思益經云。佛告諸比丘。汝等當行二事。若聖說法若聖默然。今明以此

四不可說有因緣故以四悉檀而爲說法。即是聖說。此四種四諦並是三乘聖人證法。非是凡夫之所能知。故不可說也。如爲生盲說白色相而彼生盲終不能見。以不見故故不可說。不可說故名聖默然。問曰。聖說法者利益衆生若聖默然有利益不答曰。如脇比丘默然而馬鳴論折如是等相即是利益也。問曰。聖說法用悉檀起聖默然云何。答曰。默然既於物有利。豈離悉檀也。次歷教明聖默然之相者。華嚴二番悉檀赴緣而說無量無作二種聖諦名聖說法。不生不生不生不可說故名聖默然。三藏教一番悉檀赴緣說生滅四聖諦故名聖說法。生生不可說故即是聖默然。方等四番悉檀赴緣說四番聖諦故名聖說法。生生不生不生不生不生不可說故名聖默然。摩訶般若三番悉檀赴緣說三番四聖諦故名聖說法。生生不生不生不生不生不可說故名聖默然。法華一番悉檀赴緣說教名聖說法。不生不生不可說故名聖默然。故法華經云。是法不可示。言辭相寂滅。諸餘衆生類無有能得解。大般涅槃四番悉檀赴緣說四番四聖諦故名聖說法。故大涅槃云。說法者諸佛境界。非諸聲聞緣覺所知。生生不生不生不生不生不可說故名聖默然。故。佛告文殊。如來畢竟不轉法輪。不轉法輪即聖默然也。此淨名經即是大乘方等之教。用四番悉檀赴緣爲說名聖說法。四種四諦皆不可說名聖默然。如三十二菩薩用第四番悉檀說一實諦入不二法門名聖說

法。四一實諦皆不可說名聖默然。如淨名杜口畢竟無說即是真默然也。問曰。止取不二法門爲聖說者。此經餘品應非聖說。答曰。舉一爲例。餘則可知。此經畢竟皆不說而說法也。問曰。淨名杜口爲聖默然者。身子默然是聖默然否。答曰。身子默然者亦是聖默然。問曰。既同默然何故淨名默然而文殊所默。身子不說而爲天女所訶。答曰。身子是聲聞聖默然。聲聞聖默然者即是思議解脫不可說相。是故身子默然不說也。以思議故是以被訶。若淨名默然即是不思議。不思議解脫故爲文殊所默。問曰。不二之理名之爲默。云何分別有二默然。答曰。默者是不可說也。一家明義有種種不可說。雖俱言不可說而義有異。今略分別有六種不可說相。一者世間禪定不可說者。若初禪內有覺觀。猶是可說。二禪已上無覺無觀。是不可說。二者外人見心明不可說相者。如長爪梵志云。一切語可轉。一切論可破。一切執可除。是諸法實相何等是性何等是相。于久思惟不得一法可以入心。是不可說也。若類分別一切外人絕言之理。可約此義辨同異也。三者三藏聲聞經辨不可說相者。如大集經歎橋陳如諸法第一義寂然無聲說也。故舍利弗不說解脫之相即其義也。四者明通教不可說者。即是般若所明三乘之人同修般若。用無生真諦無言說道斷煩惱也。五者別教不可說。即據佛性大涅槃不可說也。如爲盲人說白色相。盲人雖引諸相開曉。而彼生盲終不見白相。此譬佛性不

可說也。六者明圓教不可說相。如涅槃經明六不可說相也。此乃淨名杜口之意耳。不可說者。一往雖同。解其義趣實不相混。末代坐禪聽講於此不了。聞不可說便生混亂。此即鎮頭迦羅二果難分別也。若別此義。身子淨名尚不為類。外道凡夫豈為等乎。第七悉檀起此經者即為三別。一起室外。二起入室。三起出室。一明室外。用四番悉檀起四種佛國。即是佛國品也。亦得兼起通別二序。用前兩番悉檀起方便品。次三番悉檀起弟子品。次後一番悉檀起菩薩品。二明入室六品。三番悉檀起問疾品。後一番悉檀起不思議解脫品。第二番悉檀起觀衆生品。大意與涅槃明四真諦意同。第三番悉檀起佛道品。第四番悉檀起不二法門及香積品。三明出室正說兩品。用四番悉檀起菩薩行品見阿閼佛品也。流通法供養品屬累品還因四番悉檀通之也。問曰。室內明六品。何故但以三番悉檀起。未入室四品出室四品何故皆以四番悉檀起。答曰。室內但明摩訶衍義。室外兼明三藏義也。問曰。三藏義何故在室外。答曰。以小隔大。猶處門外止宿草菴。問曰。三藏既不入摩訶衍可在室外。餘三番何意亦在室外說。答曰。不思議析伏攝受出入無間也。故法華云。出入息利乃遍他國。問曰。摩訶衍法可得出入自在無間。聲聞之法以小隔大。何得前後說也。答曰。如法華經云。過此已後心相體信入出無難。立經五義用四悉檀之意是也。維摩經玄疏卷第一

## 維摩經玄疏卷第二

天台山修禪寺沙門智顗撰

第一釋名者通標五意。已具前科。就此釋名分爲二別。一釋別名。二釋通名。一釋別名者。此經以維摩羅詰所說標名。名異衆經故云別也。二釋通名者。經之一字即是通名也。所以通別二者略爲三義。一約教二約行三約理。一約教者。如華嚴大品等。教異故立名亦異。是爲別也。皆是佛說同名爲經故云通也。二約行者。如泥洹真法寶衆生種種門入。種種門入名爲行別。故須別名。同趣涅槃即是一理。故立名通也。三約理者。理是一法名義則多故大涅槃經云。如天帝釋有種種名。解脫亦爾多諸名字。名字異故故名爲別。同是一理故名通也。從教起行。從行入理。俱有通別也。今釋別名分爲二意。第一前釋維摩詰。第二明所說法。維摩詰即是標人。所說即不思議解脫。是知非人無以弘法。非法無以顯人。淨名者登補處智隣極境。所說之教即不思議解脫。此經乃以人法雙標教首。是尊其人重其法也。第一先釋毘摩羅詰者即爲四重

第一翻釋名義

第三四教分別

第一翻名釋義者即爲二意。一翻維摩名二解釋。一翻名者。外國人語自有不同。猶如此土楚夏之別。而前後翻譯不無增損。增損立

義略有三家。一云毘摩羅詰帝隸。此土翻爲淨名無垢稱。稱或云歎什師大家云毘摩羅詰。此土翻爲淨名。後家云毘摩羅詰果致。此土翻爲淨無垢稱。三藏翻也。二解釋者。初翻似覺爲繁難爲申釋。次翻爲淨名。今用此解以對真應二身。淨者即是真身。真智無惑故云爲淨。名者即是應身。垂形濟物名稱普聞也。後家翻爲淨無垢稱。今用此翻釋以對三身即爲二意。一就事解二約觀心。一就事解三身者。一法身二報身三應身。一淨義者即是法身。自性清淨皎然無點。即是性淨法身也。一無垢者即是報身報智圓明無有垢染。即是圓淨報身也。三稱者即是應身。大慈化世名稱普治。即是應身也。故智度論云。水銀和真金能度諸色像。功德和法身處處應現往。但三身之義備有衆經。理雖宛然名不的顯。如楞伽經。具有三佛名義。又普賢觀經云。佛三種身從方便等生。三身明義不乖二身識其開合。豈定偏用。此類三諦二諦之開合也。以此二翻對義釋名。意在可見。二約觀心明三身者。凡厥有心。心即法性。法性者即是本淨。本淨者即是法身也。觀心相應明時無暗。無暗者即是無垢義。無垢者即是智斷果報身也。隨所利物起一切事。皆如幻化水月鏡像。和光無染即是稱緣應身義也。如是三義不縱不橫爲菩提種子。涅槃經云。發心畢竟二不別。如是二心前心難。自未得度先度人。是故敬禮初發心。善識六即則不混濫也。第二用三觀釋維摩詰名者。三觀斷迷二諦三

諦之惑。顯二諦三諦之妙理。真理皎然名之爲淨。惑障斯盡謂之無垢。觀與理合大用無方故名爲稱也。三觀義成淨無垢稱其意存矣。此經明室外彈詞室內攝受。若不解三觀法門入文玄旨。實爲難見。今明三觀義略爲七重。

### 第一分別境智

### 第二釋三觀名

### 第三辨三觀相

### 第四對智眼

### 第五成諸乘義

### 第六約斷結釋淨名義

### 第七通此經文

第一前分別境智者。境是所觀智是能觀。所觀之境即是十二因緣三諦之理也。能觀之智即三觀也。所以約十二因緣明所觀之境者。大聖說此正因緣法。爲破外人計邪因緣生無因緣之邪僻也。若迷此正因緣則有六道生死。若解此正因緣即有四種聖人也。是則約十二因緣而辨此十法界也。三諦三諦之理即是三觀所照之境也。今一家明四諦既有四種。十二因緣亦有四種。一者生滅十二因緣。二者無生十二因緣。三者無量十二因緣。四者無作十二因緣。生滅無生滅因緣即是所觀之境。無量因緣即是第一觀境。無作因緣即是第三觀境。今約中論偈正明此三觀之境也。偈云。因緣所生法。我說即是空。亦名爲假名。亦名中道義。問爲當境自是境。由智說境。答曰。若言境自是境。即是自性境。若言由智故說境。即是他性境。若言境智故說境。即是自他性境。若離智故說境。即是無因緣而說境。從因緣說境尙不可。何況無因緣

而說境也。四句說智其過亦然。今中論所明諸法不自生。豈得說言由境故說境。亦不從他生。豈得說言由智故說境。亦不共生。豈得說言境智合故說境。亦不無因生。豈得離境智故說境。四句檢智亦復如是。今四句檢境不可得而說爲境者。即是假境也。亦是不思議境也。智亦如是。一切有無因緣善惡是非垢淨世間出世間類如此檢。若用此意研覈。衆家解釋經論難免性義。問曰。若境是境。境可是自性境。今待智故說境。何得是他性境也。答曰。境若稱自。智豈非他。智若非他。境豈是自。境是自性智即他性。境是自性不得成假。智是他性何得說假。智是他性遂得說假。境是自性亦應說假。境是自性不得說假。智是他性豈得說假。如此檢覈由境說智即是自性之過。說智爲境即墮他性之失。如是論者由智說境假不成也。若不成假境即非不思議境。若能四句檢境。畢竟不可得而說爲境者即是假境也。亦是不思議境也。智亦如是。此不思議境智即是此經所明不思議境智之正義也。故金光明經散脂鬼神品云。我現見不可思議智光不可思議智境也。第二釋三觀名者。三觀之名出璣珞經。云從假入空名二諦觀。從空入假名平等觀。是二觀爲方便道。因是二空觀得入中道第一義諦觀雙照二諦心心寂滅自然流入薩婆若海也。所言從假入空觀者。無而虛設謂之爲假。觀假知無如幻如化但有名字即入空也。而說爲二諦觀者。或是情智二諦。或約隨智二諦也。次

釋從空入假觀者。若不住空還入幻化。假名世諦分別無滯。即是從空入假觀也。而言平等者。若前破俗用真不名平等。此觀破用等故名平等也。次釋中道觀者。中以不二爲義。道是能通爲名。照一實諦虛通無滯名中道觀也。故經云。前一觀爲方便道。因是二空觀得入中道雙照二諦心心寂滅自然流入薩婆若海。此三通名觀者。觀以觀穿爲義。亦是觀達爲能。觀穿者穿見思恒沙無明之惑故名觀穿也。觀達者達三諦之理也。故大涅槃經云。如人善知伏藏即取利鏹掘地直下鑿石沙礫直過無難唯至金剛不能穿徹。鑿石者見思惑也。砂者塵沙無知惑也。礫者即是無明住地惑也。徹過者即觀穿義也。至金剛者即達一實諦佛性理也。問曰。三觀俱照二諦有何等殊。答曰。前觀雖照二諦。破用不等。次觀亦照二諦。破用平等既不見中道。但是異時平等也。第三觀者得見中道雙照二諦。即是一時平等也。第三辨三觀相者即爲二意。一明別相三觀。二明一心三觀。第一明別相三觀者。觀因緣所生三諦之理相別不同。取相恒沙無明三種惑障龜細階級有異。觀理破惑用智不同。故名別相三觀也。即是大品經三慧品所明三智相也。今釋此別相三觀即爲三別。一從假入空觀。二從空入假觀。三明中道第一義諦觀也。第一正明從假入空觀相者略爲三意。一先明所觀之假。二明觀門不同。三辨入空觀智。一明所觀之假者。有二種假攝一切法。一者愛假。二者見假。愛者即是

愛論。見者即是見論。此二種皆是戲論。破於慧眼障見真實。愛論隨所見境即生愛著。是為魔業。見論隨所見境即生分別。是為外道業。故此經云。天魔者樂生死。外道者樂諸見。所謂因此愛見起九十八使。使三業作善不善。則輪轉六趣受生死苦。故此經云。從癡有愛則我病生。又曰。此病起皆由著我。是故於我不應生著。今明若知愛見由無明生。則一切三界皆從心起。故華嚴經云。三界無別法。唯是一心造。而此諸法皆從假者。無明愛見所起之法。皆有三假之相。三假者。一因成假。二相續假。三相待假。此三虛設故云假也。問曰。三藏摩訶衍皆明三假。二經之異云何分別。答曰。若隨情明假。則是聲聞經所說。若就理明假。皆如夢幻。即是摩訶衍所說。此經訶優波離具明此三假之相也。問曰。三乘從三假入空。若為分別。答曰。有人言。聲聞多用因成假。緣覺多用相續假。菩薩多用相待假。今謂三藏所明三假相別隨便入理。若摩訶衍所明三假皆如幻化。三乘觀此同入空也。二明觀門不同者。即是折體二種觀門也。如聲聞經所明折假入生法二空者。此如空實手之拳指也。摩訶衍體假入生法二空者。如空鏡像之拳指也。折假入空名為拙度。體假入空名為巧度。故大智論設巧拙二譬。今釋此論。如眼病是一治有巧拙。拙則針藥痛楚方差。巧則呪術不痛自損。損差是同見色不異也。故中論云。能說是因緣善滅諸戲論。拙度為不善滅。說巧度為善滅也。問曰。此有何

殊。答曰。善滅者不斷斷。不善滅者是定斷也。三明入空觀智者亦為兩意。一者明折假入空。二明摩訶衍道體假入空。一折假入空者即為二意。一折見假入空。二折愛假入空。並是三藏拙度教門也。問曰。上明愛見二假。愛前見後。今明修觀何故見前愛後也。答曰。衆生有二種使。鈍使屬愛魔業。利使屬見魔業。故愛前見後。今佛法正道緣理斷結。於見道中有二種人。鈍人用無常苦行入見道。先斷愛。利人用空無我行入見理斷見。見盡在前修道在後。愛結次除也。一明折見假入空者。即折非見假入空。折假之觀如大智論破既至隣虛塵。折此生滅細塵色假以入空也。觀內身心亦如是。但成論三大法師各以情見破此細塵。細塵若盡不免斷見。塵若不盡還是常見。不出二見。豈得入空。今詳大智論意。不如諸師所推。論主引佛語云。色若龜若細細而觀之無常無我。不說有極微之色也。今謂若知龜細等色無常無我。即是因成相續相待虛假不實。既不得色有。豈滯色空亦有亦空非有非空也。是則身邊二見皆是四緣三假所成不實皆空。念想觀除言語法滅。一心禪寂心在定。故能知世間生滅法相。若知四見及六十二見。無常空寂寂然發真成須陀洹。是為折見假入空之觀也。問曰。折假入空祇應折色。心之有亦空亦有亦空非有非空云何可折。答曰。隨見所執悉是四緣三假皆生滅相。破龜生滅至細生滅。細生滅盡即入空也。問曰。云何分別四見生法兩空相

也。答曰。身邊二見皆是污穢無記五陰觀此五陰即陰離陰並不見我相唯有陰法。如觀五指不見拳相。此從十六知見假以入生空也。毘曇有門用此人空發真無漏見第一義。斷三結盡證須陀洹。成論空門觀此邊見但是行陰。行陰悉是三假假既不實因此入空。破諸見結成須陀洹。即是折實法假入空正意。是為聲聞經說法空之相也。二明折愛假以入空者。愛即是欲愛色愛無色愛。皆是四緣三假之所成也。若觀四緣三假入空發真。無礙道斷解脫道證。至非想第九解脫。是羅漢果住有餘涅槃。折假入空觀其功乃息。亦名一切智亦名慧眼。二摩訶衍體假入空觀者。入空觀門乃有多途。今約無生觀門明體假入空也。就此觀門亦為兩別。一明體見假以入空。二明體愛假以入空。初明體見假以入空者。體因緣所生身見等法皆如夢幻。因成相續相待但有名字。名字即空。非滅故空。空即是真。真即是涅槃。是為體假入空觀也。此約三假而檢。一就因成檢者。內有意根外有法塵。根塵相對則意觸因緣生愛。愛生者即是身見意識生也。今觀此見識定從何生。為意根生意法塵生。為根塵合生離根塵生。若意根生即自性生。若法塵生即他性生。根塵合生即是共生。若離根塵生即無因緣生。從因緣生尚不可說。何況無因緣生也。故中論偈云。諸法不自生。亦不從他生。不共不無因。是故說無生。當知身見之心本自不生。不生而說生者。但是隨順世間名字故說生。名字

之法不在內外亦非兩問。亦不常自有是字。不住亦不住。是字無所有。言語道斷。是名從因成假以入空也。問曰。空有二種。一者性空。二者相空。此云何分別。答曰。前四句檢生性不可得即是性空。無生而說生即是假生。假生即是不生。不生即相空也。故世諦破性立假。真諦破假。即是相空也。二檢相續假。此一念心爲是生。生爲是滅。生爲滅。生離滅而有生。若是生。生即自性生。由滅故生。即他性生。若生滅生即是共性。若離生離滅生即無因緣生。從因緣生。生不可得。何況無因生也。今觀此心。不自性生。故非生。不他性生。故非滅。不自他性生。故非生滅共生。不無因生。故非離生。離滅生也。如此四句檢。生不得生而說生者。但以隨順世間名字。故說生。名字生即是假生。假名之生。即是不生。無生名字。則言語道斷。是名從相續假以入空也。問曰。若說生。生可是自性生。待滅故生。滅生非生。即是假義。何得言是他性也。答曰。生若稱自。滅豈非他。滅若非他。生豈是自。生是自性。滅即他性。生是自性。不得成假。滅是他性。何得說假。滅是他性。遂得說假。生是自性。亦應說假。如此檢覈。由生故。生即是自性之過。說滅爲生。即墮他性之失。如是論者。由滅說生。假不成也。三檢相待假。此身見心生。爲是生。生爲不生。生爲不生。生離生。離不生。生。若是生。生即自性生。若不生。生即他性生。若生不生。生即是共生。若離生。離不生。生即是無因生。從因緣生。尚不可說。何況無

因緣而說生也。今觀此見。心不自性生。故非生。不他性生。故非不生。不自他性生。故非生不生。共生。不無因生。故非離生。不生而說生也。如此四句檢。生不得生。即是不生。不生而說生者。但以隨順世間名字。故說生。名字之生。即是假生。假名之生。即是不生。若無生名字。則言語道斷。是名從相待假以入空也。問曰。生。生可是自性生。待不生而說生。豈是他性生也。答曰。若生。生自不生。豈非他也。相續科已並嚴竟。細類可知。大品經明。舍利弗。問須菩提。爲生。生爲不生。須菩提答。非生。生非不生。生也。是則破生見。三假合有十二番觀門。若觀三假生不生。而執著無生。還用十二番觀而破之也。破亦生。亦無生。見亦有十二番觀。破非生。非無生。見亦有十二番破。合破四見。共有四十八番觀。能破如所破。是則破能觀之心。亦有四十八番。合能所共有九十六番觀門。善修此觀。觀生相。畢竟不可得。乃至複四見。具足四見。不可說。見皆不可得。豁然開悟。六十二見。八十八使。皆滅得須陀洹故。大品經云。須陀洹。若智若斷。是菩薩無生法忍。此即巧度不斷而斷。不同拙度之定斷也。二體愛假入空者。分別愛假。猶如前說。今明修道體三界愛。皆如夢幻。三假即空。四句檢生。並不可得。是名體三界愛。假以入空。空即是真智增長。諸法不生。而般若生者。斷三界結也。若欲愛六品。盡名斯陀含。斯陀含。若智若斷。是菩薩無生法忍。次斷三品。下分結盡名阿那含。阿那含。若智若斷。是菩薩

無生法忍。斷上二界愛。五上分結盡。是阿羅漢。阿羅漢。若智若斷。是菩薩無生法忍。乃至辟支佛。侵除習氣。若智若斷。亦是菩薩無生法忍。此皆巧度不斷而斷。是觀因緣即空。不生。生無生。四諦入空之觀。其功齊此。亦名一切智。亦名慧眼也。二明從空入假觀者。亦爲三意。一明入假之意。二明修入假之觀。三明觀成化物。一明入假之意者。此觀正爲觀俗諦。破塵沙無知。若二乘不爲化物。不須此觀。菩薩弘濟。必須此觀。所言從空入假者。若滯於空。墮二乘地。如大品經云。我以天眼觀十方世界。恒沙菩薩。學菩薩道。少得入菩薩位。多墮二乘地。是故通教菩薩。須從空入假。用道種智入菩薩位。若不滯空。如空中種樹。分別藥病。化衆生也。二明修入假觀者。入假有二種。一者入見假一切法。二者入愛假一切法。一明入見假一切法者。菩薩住深禪定。知空非空。具大慈悲。觀假見假。假有四種。從此四見出無量見。一自生見。二他生見。三共生見。四無因生見。此四見各有執謬之病也。復次執有二重。一執外人邪因緣。無因緣。四生之見。所謂從冥初生覺。從微塵生。自在天生。時生自然生也。二執佛法正。因緣生。自他共無因。四生之見。執自生見者。若計意根生意識。是則心能生心。故正法念經云。心如工畫師。作種種五陰。一切世間法。無不從心造。亦如唯識論之所明也。他生者。經言。心不孤生。必藉緣而起故。大品經云。有緣思則生。無緣思不生。常知一切法皆從外緣生也。共生者。

有言。如經所說。六觸因緣生六受。得一切法也。自然者。如龍王經云。一切皆自然而生。大品經云。十二因緣非佛天人修羅作。性自爾也。佛有四種之說。皆是悉檀方便。入假利物。而諸衆生顛倒不了。或執外人邪說四邊。或執佛法經論四邊。而生見著。故智度論云。般若譬如火炎。四邊不可取。邪見火所燒。今明隨所執見即苦集。若能知苦斷集。必須修道證滅。皆是假名如幻化而知。次明入愛假一切法可知也。三明觀成化物者。菩薩從空入假修證。即是觀因緣假。名生不生無量四諦亦名道種智亦名法眼。過二乘地。用道種智入菩薩位入假修證。道種智有三種。一生滅道種。二無生道種。三依藏識道種。菩薩住是位。爲降伏天魔及其眷屬即入愛假現諸神通。乃至同事利物說諸愛論。如此土三墳五典安國育民之經書也。爲降伏外道及其眷屬即入見假顯示智慧。乃至同事利物說諸見論。如十八種六師。皆稱一切智也。深知愛見苦集之病無量。道滅之藥亦復無量。皆如無量夢幻用四悉檀赴其根緣。隨病設藥。復次菩薩爲度如是無量衆生。故遊戲神通。淨佛國土成就衆生入假修無量願行。是爲觀成化物也。三明中道第一義觀者。即爲三意。一明所觀境。二明修觀心。三明證成。一明所觀境者。前二觀是方便。雖有照二諦之智。未破無明不見中道。真俗別照。即是智障。故攝大乘論云。智障甚重。謂真俗分別。智障者依阿黎耶識。識即是無明住地。無明住地即是

生死根本。故此經云。從無住本立一切法。無住本者。即是無始無明。更無別惑所依住也。二明修觀心者。若修此觀。還用前二觀。雙忘雙照之方便也。雙忘方便者。初觀知俗非俗。即是俗空。次觀知真非真。即是真空。忘俗非俗忘真非真。非真非俗。即是中道。因是二空觀入中道第一義諦。雖觀中道而不見者。皆是無明之所障也。當觀實相修三三昧。大智度論云。聲聞經中說三三昧緣四諦十六行。摩訶衍明三三昧。但緣諸法實相。今初修空三昧。觀此無明不自生不從法性生也。不他生。非離法性外別有依他之無明生。不共生。亦非法性共無明生。非無因緣生。非離法性離無明而有生也。若四句檢。無明本自不生。生源不可得。即是無始空。是名空三昧。空無住之本一切法也。若爾豈全同地論師計真如法性生一切法。豈全同攝大乘師計黎耶識生一切法也。問曰。各計何失。答曰。理無二。是二大乘論師俱稟天親。何得諍同水火。次觀無相三昧者。即觀無生實相。非有相。不如闍室瓶盆之有相也。非無相。非如乳內無酪性也。非亦有亦無相。不如智者見空及不空。非非有。非非無相。取著即是愚癡論。若不取四邊之定相。即是無相三昧入實相也。若爾豈全同地論師用本有佛性如闍室瓶盆。亦不全同三論師破乳中酪性畢竟盡淨無所有性也。問曰。各計何失。答曰。若無失者。二大乘論師何得諍同水火也。次明修無作三昧。觀真如實相。不見緣修作佛。亦不見真修作佛。亦不

見真緣二修合故作佛。亦不離真緣二修而作佛也。四句明修即是四種作義。若無四修即無四依。是無作三昧也。若爾豈同相列北道明義緣修作佛。南土大小乘師亦多用緣修作佛也。亦不同相州南道明義用真修作佛。問曰。偏用何過。答曰。正道無諍。何得諍同水火。今明用三三昧修一實諦。開無明顯法性。忘真緣離諍論。言語法滅無量罪除。清淨心一水若澄清。佛性寶珠自然現也。見佛性故即得住大涅槃。問曰。若爾者。今云何說答曰。大涅槃經云。不生不生名大涅槃。以修道得故故不可說。豈如諸大乘論師偏執定說也。今以因緣故亦可得說者。若解因悉檀意。如前異說。皆大利益衆生與顯佛法也。三明證成者。若觀無明因緣入不二法門住不思議解脫也。故此經明入不二法門。即是中道雙照二諦。自然流入薩婆若海。此是觀因緣即一實諦不生不生。證無作四實諦。亦名一切種智亦名佛眼。即是入初地見佛性住大涅槃也。第二辨一心三觀者。正是圓教利根菩薩之所修習。所以者何。不思議心因緣之理甚深微妙。其觀慧門難解難入。今明此一心三觀亦爲三意。一明所觀不思議之境。二明能觀三觀。三明證成。一明不思議之觀境者。即是一念無明心因緣所生十法界以爲境也。問曰。一人具十法界。次第經無量劫云何止在一念無明心內無妨闍也。答曰。此經明不思議須彌入芥子不相妨闍。無情之物尚得如此。心神微妙一念具一切三世諸心諸



法。何足致疑。譬如眠法覆心一念之內夢見一切諸心諸事。若正眠夢之時謂經無量劫。如法華經說。夢見初發心乃至成佛無量諸事。比其覺時反觀祇是一念眠心也。心譬自性清淨心。眠法覆心譬於無明。無量夢事譬恒沙無知覆一切恒沙佛法。夢事不實善惡憂喜譬見思惑覆真空也。若不細尋夢譬不思議之疑。終無決理。故諸大乘經多說十喻。但諸法師不圓取譬意。止偏得虛偽空邊不見譬無量無明法性邊也。故三諦之境義不成也。二明能觀者若觀此一念無明之心。非空非假。一切諸法亦非空假。而能知心空假。即照一切法空假。是則一心三觀圓照三諦之理。不斷癡愛起諸明脫。若水澄清珠相自現。此即觀行即也。三明證成者。若證一心三觀。即是一心三智五眼也。若得六根清淨名相似證即十信位也。若發真無漏名分證其實。即即是初住也。此經云。一念知一切法。即是坐道場成就一切智故。大品經云。有菩薩從初發心即坐道場。當知是菩薩為如佛也。智度論云。三智其實一心中得。佛欲分別為人說。令易解故次第說耳。第四對智眼者。智即三智。眼即五眼。三觀能知因緣三諦之理。即是三智。能見因緣三諦之理即是五眼。若解三觀。三智五眼兩科大義宛然明了。若分別為論三觀為因三智五眼為果。通而為語。三觀即是三智五眼之異名耳。如大智論釋般若云。別則般若為因。至佛心則變名一切種智。若通而為論俱通因果。如大智論偈云。

若如法觀。佛般若與涅槃是三則一相。其實無有異。故知般若之名亦至佛果。又如三德成大涅槃不縱不橫如世伊字。摩訶般若果上之一德也。問曰。三觀對三智其數相應。三觀對五眼數豈相當。答曰。若觀龜細因緣。即是肉眼天眼之境。若見三諦之理。即是慧眼法眼佛眼也。第五成諸乘義者。三觀即是三智。三智有二種。一別相三智。二一心三智。一別相三智即開三乘。二一心三智但是一佛乘也。第一正明別相三觀開三乘者即為二意。一正約三觀開三乘。二明十法成三乘。一正約三觀開三乘者即為三意。一約折法觀開三藏教三乘。二約體法觀開通教三乘。三總約折體別相三觀成別教大乘。一明折法觀開三藏教三乘義者。三藏教明三乘行人同折因緣假以入空。若聲聞總相折法入空發真無漏成一切智名聲聞乘。若辟支佛別相折法入空發真無漏成一切智名辟支佛乘。若菩薩總相別相折法入空而不斷結取證多入俗假。修行六度求一切智佛智自然智無師智。即是三藏教之大乘也。二明體法觀開通教三乘者。三乘之人同體因緣假以入空。若發真無漏斷見思惑。小乘根鈍但除正使成一切智名聲聞乘。緣覺中根侵除習氣成一切智名辟支佛乘。菩薩得一切智入假修道種智。教化衆生求一切種智。即是通教之大乘也。三明總約折體別相三觀成別教大乘者。若是別教菩薩觀因緣修別相三觀。次第成一切智道種智。乃至修中道觀見佛性

成一切種智求常住涅槃。即是別教大乘義也。二明具十法成三乘者。三觀乃是乘之正體。若不約十法和合則乘義不成。所以者何。三乘悉能運出三界火宅。必須正助衆善和合。故運用之義成也。就此即為三意。一出十法名。二明次第成乘。三料簡。一出十法名者。一明識正因緣生法。二真正發心。三止觀修習。四破諸法遍。五善知通塞。六道品調適。七對治助開三解脫門。八明識次位。九安忍強軟兩賊。十順道法愛不生。三乘之人修學三觀。若具此十法即成三乘入涅槃也。二明次第成乘者。初所以須知正因緣生諸法者。知無明因緣生一切法也。次明真正發心者。因緣無因緣生一切法也。次明真正發心者。三乘行人明知正因緣所生三界火宅。覺悟生死志求涅槃。但菩薩大悲濟物心異也。次明止觀修習者。發心信解分明必須修行定慧。即是三乘行人之根本也。次明破諸法遍者。若不破見思兩輪所執。妄境不遍則止觀有滯也。次明須知通塞者。隨所破法從淺至深。皆有道滅之通苦集之塞。若迷此理即不知得失是字非字。去取失宜也。次明道品調適者。三十七品是三乘入道之正要。能引進衆行到三脫門入涅槃也。次明對治助開三解脫門者。即是四禪四無量心四無色。定九想八念十想八背捨八勝處十一切處九次第定事中六度等諸對治法助開三脫門也。次明識次位者。三乘入道從乾慧地乃至佛地。若能分別不謬即不生叨濫破增上慢心也。

次明安忍強軟兩賊者。未入外凡之位內外八風壞三乘行人出世善根。若能安忍則不爲所壞入乾慧地因發暖頂入性地也。次明順道法愛不生者。三乘之人若入性地發善有漏五陰所有善法功德智慧順道。若生法愛即便頂墮不得進入忍法成世第一法發真無漏也。若能不生法愛即不頂墮得入忍法位成世第一法發真無漏。即是三乘之人同見第一義諦。斷界內見思煩惱出三界火宅。是爲此乘從三界出到有餘涅槃住盡智無生智運入無餘涅槃。故以十法成三乘者其義顯也。三明料簡者。問曰。自有衆生值佛隨聞一法即得道。或隨修一法門即入道。法華經三界火宅諸子門外方索車。何畢悉具此法乃成乘也。答曰。皆以往昔已修此十法成根性也。問曰。三車門外今何得十法成乘從界內而出。答曰。法華的據盡無生三乘有爲無漏功德是究竟三乘能運入無餘涅槃。乃是真乘既無餘涅槃之可入。又不能運至常住涅槃。則三乘之義不成。故索三車不得也。今通明乘義有六種不同。一理乘。二教乘。三行乘。四相似乘。五分證真實乘。六究竟乘。一理乘者。三乘行人悉有四諦十二因緣六度之理三乘根性不同也。二教乘者。即是佛開三乘之教。三乘諸子以佛教門出三界苦亦名名字乘也。三觀行乘者。即是三乘之人修五停心觀別相總相念處。乾慧地之觀行也。故勝鬘經云。三乘初業不愚於法。意在此也。四相似乘者。即是四善根人所得善有漏

五陰。五分證真實乘者。即是學智從發苦忍真明無漏乃至非想第九無間金剛三昧也。六究竟乘者。即是無學智阿羅漢辟支佛佛所得非想第九解脫道盡智無生智佛如實智能運入無餘涅槃也。此即是三藏教折法觀通教體法觀十法成乘意在此也。但別教三通教十法成乘明六種乘義意不同。分別事繁。問曰。佛法無量。何故的取此十法成三乘耶。答曰。佛法雖復無量必須取其正要。如諸小乘經論大乘經論所明乘義。成者教門悉有此十意分明也。但隨緣散說不聚一處。今採經論撰十意以成乘義者。爲欲令一家義學禪坐之徒知佛法大小乘經論所明入道正意。異外國外人各說一究竟道。宋代時有師子身內蟲法師禪師。云莊老教與佛教一種。若作此解者。可將此十法比並。若彼明空具有此意分明名義成就者。可許是同。若無此十法或名義似同而研覈橫豎不通事理滯闇名字有闕作義不成。豈得同也。今昆曇成實雖是佛法小乘之論。明空入道。檢其論文即十意宛然名義無闕申通佛法。小乘入道意轉分明。況復大乘經論者乎。外人經書既無此名義故。不可皆言同佛法也。第二明一心三智但是一佛乘者。若觀因緣三諦。初心即得一心三智。開佛知見名見佛性。即大乘也。此則不復開三乘之別。故此經觀衆生品舍利弗問天女云。汝於三乘爲何志求。天女答言。我爲化三乘。如人入瞻蔔林唯嗅瞻蔔不嗅餘香。入此室者唯聞大乘功德之香不樂聲

聞辟支佛功德香也。當知一心二智即是圓教。般若波羅蜜即是大乘。故大品經會宗品云。般若波羅蜜即是摩訶衍。摩訶衍即是般若波羅蜜。般若波羅蜜摩訶衍無二無別。今明一心三觀會成大乘者。大名不可思議。乘以能運爲義。一心三觀境智並是不思議法。能運菩薩至於道場故名大乘。此須約六即明圓教一佛乘。即是六種大乘義也。一明理即大乘者。涅槃經云。一切衆生皆是大乘也。二名字即大乘者。緣理即發大乘心也。三觀行即大乘者。即是修不思議十法通達無闕也。十法名如前說。今略明不思議十法成觀行即者。一知不思議正因緣即是所觀境。如前明一念眠心具一切夢法。譬一念無明具一切法三諦之理不縱不橫。即其義也。此須的取維摩訶彌勒言一切衆生即大涅槃即菩提相。明此不思議因緣也。所以者何。中道第一義諦非因緣。是無作四諦之因緣也。若言涅槃即生死。一實諦即是苦因緣。若言生死即涅槃。一實諦即是滅因緣。若言菩提即煩惱。一實諦即是集因緣。若言煩惱即菩提。一實諦即是道因緣也。是爲知不思議世間出世間正因緣也。二次明真正發心者。即是無緣慈悲無作四弘誓願也。若無緣大慈觀生死即涅槃煩惱即菩提。與衆生此滅道之樂。名無緣大慈也。觀涅槃即生死菩提即煩惱。欲拔衆生此虛妄之苦。名無緣大悲也。無作四弘誓願者。知涅槃即生死。未度苦諦令度苦諦也。知菩提即煩惱。未解集諦令解集諦

也。知煩惱即菩提。未安道諦令安道諦也。知生死即涅槃。未得涅槃令得涅槃也。菩薩如是慈悲誓願無緣無念而覆一切衆生。猶如大雲不加功用如磁石吸鐵。是名真正菩提心也。三。明行菩薩道勤修止觀者。若知生死即涅槃即是善修止也。若知煩惱即菩提即是善修觀也。如陰陽調適萬物長成。若巧修止觀即能一心具萬行也。問曰。以何爲集。答曰。依此經及涅槃經。無明愛一切煩惱爲集諦。業屬於苦。於今對義爲便也。四。明破諸法遍者。若知生死即涅槃。即破分段變易二種生死皆遍。若知煩惱即菩提。則破一切界內界外煩惱遍也。譬如轉輪聖王能破一切強敵亦不有所破。般若波羅蜜亦復如是。能破一切法亦不有所破。五。善知通塞者。知生死即涅槃煩惱即菩提則一切皆通。知涅槃即生死菩提即煩惱則一切皆塞也。六。善修道品者。觀十法界五陰生死即是法性五陰。法性五陰即是性淨涅槃。即是四念處破八倒。知涅槃即生死顯四枯也。知生死即涅槃顯四榮也。知一實諦是見虛空佛性住大涅槃也。因此四念處修正勤如意足根力覺道即是道品善知識由是成正覺。亦是莊嚴雙樹。是則煩惱即菩提。七。對治助修諸波羅蜜者。知菩提即是重惡煩惱。是以知生死即涅槃對治諸波羅蜜諸度法等侶助煩惱即菩提開三解脱門。對治若成煩惱即菩提也。八。善識位次者。涅槃即生死菩提即煩惱此是理即。若知生死即涅槃煩惱即菩提。是爲名字即。

因此觀行分明成五品弟子。即是觀行即得六根清淨名相似即成四十一地。即是分證真實即。證妙覺果即是究竟即。若能善解此之次位。即不起大乘增上慢大乘旃陀羅之過罪也。九。安忍成就者。若知生死即涅槃。即不爲陰界入境病患境業相境魔事境禪門境二乘境菩薩境之所壞也。若知煩惱即菩提。即不爲煩惱境諸見境增上慢境之所壞。能忍此無作苦集不爲所壞者。此如大智論說能忍成道事不動亦不退是心名薩埵也。十。順道法愛不生者。觀生死即涅槃。生一切諸禪定三昧等功德。觀煩惱即菩提。生諸陀羅尼門四無所畏十八不共法四無所畏一切種智。於順道法不愛不著。是爲觀行乘。四。明相似即大乘者。即是得六根清淨。如法華經說。五分證真實即大乘者。即是初發心住乃至等覺也。六。明究竟即大乘者。即是妙覺地。如法華經佛自住大乘如其所得法定慧力莊嚴也。故大品經云。是乘從三界中出到薩婆若中住。是乘不動不出。故理即大乘從發菩提心成名字即觀行即相似即。即是乘從三界出也。法華經云。乘此寶乘遊於四方。嬉戲快樂直至道場。若得分證真實即住於十住開佛知見。乘此寶乘遊於東方。若住十行即是示佛知見。乘此寶乘遊於南方。若住十迴向即是悟佛知見。乘此寶乘遊於西方。若住十地等覺即是入佛知見道。乘此寶乘遊於北方。若住妙覺即是乘此寶乘直至道場。名到薩婆若中住。理即大乘性如虛空。故云

是乘不動不出也。略明一心三觀成一佛乘。第六約斷結釋淨名義者。三觀成淨名義略爲三。一。明不思議斷結。二。成淨名義三攝法。一。明不思議斷結者。若言三觀定斷三諦惑證三諦理。智斷德成就名爲淨。無垢稱者此同拙度之相。非此經所明不思議之斷惑也。今明不思議之三觀。見不思議之三諦之理。不斷見思塵沙無明之惑。與三諦之理相應。一心三觀之智不閉煩惱。煩惱不障一心三觀之智。智不斷惑與理諦相應。即是不斷煩惱而入涅槃。故此經云。不斷癡愛起於明脫。菩薩住是解脫。能以須彌內於芥子。種種示現也。問曰。何意決須不斷煩惱而入涅槃是不思議解脫之相耶。答曰。須彌入芥子。小不障大大不閉小。故云不思議耳。今有煩惱結惑不障智慧涅槃。智慧涅槃不閉煩惱結惑。乃名不可思議。若其無惑有智而入涅槃稱不思議者。今即反難亦應無小有大論不思議也。二。用三觀釋毘摩羅詰致爲淨無垢稱義者。淨名居士因緣所生之心三諦之理性常皎然。目之爲淨。不斷三諦惑障能起一心三觀三智之明脫。明脫雖處三惑之內。不爲三惑所染。故稱無垢。一心三智會三諦之理。大用無方稱機而化故名爲稱。故云淨無垢稱也。三。明三觀攝一切法。三觀既攝一切法。淨無垢稱亦攝一切法也。所言攝一切法者。略明攝七種法也。一。攝理。二。攝結業。三。攝依正報。四。攝智。五。攝行。六。攝位。七。攝教。此七法攝一切佛法。罄無不收。是故若能善

解三觀通達淨無垢之名。則解一切佛法無滯闕也。第七三觀通此經文者即爲三意。一釋室外。二釋室內。三釋出室。一釋室外。三觀成佛國因果之義。已如明宗所說。此是釋佛國品也。次折體二種入空可以釋方便品。諸國王長者也。體假入空第二觀釋弟子品。諸十弟子之意正在此也。次第三中道第一義觀釋菩薩品。諸四大菩薩也。二明入室六品。若問疾品淨名空室以疾而臥。即表中道第一義諦觀相應修智之果。依常寂國現空室相也。慰喻有疾菩薩自調伏其心者。即是用三觀慰喻有疾菩薩。有疾菩薩亦用三觀已調三諦之惑疾也。不思議解脫品即是等三觀修智之果住於正道。雙照二諦。種種示現。次釋觀衆生品者。即是正用初觀釋也。次釋佛道品者。即是第二觀釋也。次釋入不二法門者。即是用第三觀釋也。次釋香積品者。還用第三觀雙照二諦淨淨俱遊釋也。問曰。室內既正明不思議義。何得約別相三觀以通諸品也。答曰。經文一往似約別相三觀而說。細尋意趣。悉通入一心中道也。三出室菩薩行品見阿閼佛品者。即用三觀通釋佛國因果。同前佛國之意也。次釋法供養屬累二品。流通分是流通室內室外三觀折伏抑詞之意耳。

維摩經玄疏卷第二

### 維摩經玄疏卷第三

天台山修禪寺沙門智顗撰

第三明四教分別者。前明三觀釋淨無垢稱約理智無惑。智能稱理稱緣故受淨無垢稱之號。但以衆生機緣不同。致有頓漸之異不定祕蜜之殊。是以古今諸師各爲理釋。今所立義意異前規。故無言之理悉檀赴緣而巧說略撰四教。以暢其宗用通毘摩羅詰之名。若能達斯旨者。非但此經文義皎然。漸頓不定祕蜜之蹤皆無滯也。今明此義略開七重分別。第四明權實。第五對觀心。第六通諸經論。第七銷此經文。

第一釋四教名者。即爲四意。一釋三藏教名。二釋通教名。三釋別教名。四釋圓教名。第一釋三藏教名者。此教明因緣生滅四聖諦理。正教小乘傍化菩薩。所言三藏者。一修多羅藏。二毘尼藏。三阿毘曇藏。一修多羅藏者。修多羅此或言無翻。或言有翻者亦有多家不同。而多用法本爲翻。所謂出世言教之本故云法本。即是四阿含經也。二毘尼藏者。此翻言滅。佛說作無作戒滅身口之惡。是故云滅。即是八十誦律也。三阿毘曇藏者。阿毘曇此翻言無比法。聖人智慧分別法義戒定無比故云無比法。若佛自分別法相義。若弟子分別法相。皆名阿毘曇也。此之三法通名藏者。藏以含藏爲義。但解者不同。有言文

能合理故名爲藏。有言理能含文故名爲藏。今言三法之名各是一句。三名各含文理故名藏也。阿含即是定藏故云次第求也。毘尼即是戒藏故云因緣求也。阿毘曇即是慧藏故云性相求也。此教的屬小乘。故法華云。貪著小乘三藏學者。第二釋通教名。通者同也。三乘同稟故名爲通。此教明因緣即空無生四真諦理。是摩訶衍教之初門也。正爲菩薩傍兼二乘故。大品經勸學品明欲學三乘悉教當學般若。所言通者乃有多途略出八義。一教通。二理通。三智通。四斷通。五行通。六位通。七因通。八果通。教通者。三乘同稟幻化即空之教也。理通者。同是遍真之理也。智通者。同得巧度一切智也。斷通者。界內惑斷同也。行通者。見思無漏行同也。位通者。從乾慧地乃至辟支佛地位皆同也。因通者。九無間同也。果通者。九解脫二種涅槃之果同也。通義有八。而但名通教者。若不因通教則不知理通乃至成通果也。故諸大乘方等及諸般若。若有二乘得道者。皆同稟此教也。第三釋別教名者。別者不共之名也。此教不共二乘人說。但教菩薩故名別教。此教正明因緣假名無量四聖諦理。的化菩薩不涉二乘。所言別者義乃多途略出八意。一教別。二理別。三智別。四斷別。五行別。六位別。七因別。八果別。故名別教。教別者說恒沙佛法但爲菩薩也。理別者藏識有恒沙俗諦之理也。智別者道種智也。斷別者恒沙無知界外見思無明斷也。行別者菩薩歷劫修自行化他之行也。位

別者三十心伏無明是賢位十地發真斷無明是聖位也。因別者無聞金剛因也。果別者解脫大涅槃四德果也。別義有八而但名別教者。若不因別教則不知別理乃至得別果也。問曰。何故不說爲不共教而作別教之名。答曰。大智論明大共般若。即是不共二乘人說。如不思議經。今明別教如說方等大品。二乘共聞說。而別教菩薩兼欲簡非圓教別雖異通猶未圓也。第四釋圓教者。圓以不偏爲義。此教明不思議因緣中道實相之理。事理具足不偏不別。但化最上利根大士故名圓教也。所言圓教者義乃多途略說有八。一教圓。二理圓。三智圓。四斷圓。五行圓。六位圓。七因圓。八果圓。教圓者直說一實諦言教不偏也。理圓者一實即法界海理不偏也。智圓者一切種智也。斷圓者五住圓斷也。行圓者一行一切行也。位圓者從初一地具足諸地功德也。因圓者雙照二諦自然流入也。果圓者妙覺不思議三德之果不縱不橫也。圓義有八而但名圓教者。若不因圓教則不知圓理乃至得成圓果也。問曰。四教出何經論。答曰。四教散在諸經論無處而不明也。如上引法華經所明貪著小乘三藏學者。成實論云。故我正欲論三藏中實義。豈非三藏教也。大品經勸學品勸三乘同學般若。中論云。得諸法實相有三種人。豈非通教也。無量義經云。摩訶般若華嚴海空宣說菩薩歷劫修行。大智論云。般若有二種。一者共二乘說。二不共二乘說。如此等經論豈非別教也。華嚴經

明圓滿修多羅。此經明一念知一切法即是坐道場。大品經具足品云。一心具萬行。法華經云。合掌以敬心欲聞具足道涅槃經云。是大涅槃名諸佛法界。大智論云。三智其實一心得。如此等諸經論豈非並明圓教也。是義在下。自當分明。問曰。四教之文乃當散在經論。而未見一處經論聚明。答曰。雖復無的四教名目。今映傍大乘經論立四教名義者。如大涅槃經明四不可說。有因緣故亦可得說四種之說以化前緣。即是四教也。大涅槃經明四番轉四諦法輪。即是四教之意也。法華經明三草二木一地所生。即是四教意也。中論破諸異執。既說因緣所生四句通佛四說。即是四教之意也。如此等四種說法隨機利物。即是四教義皆是四教之異名耳。問曰。法華經云。佛平等說如一味雨。何曾定有四說之殊。答曰。上來處處引四不可說有因緣故亦可得說。尚未曾定有一說。何曾定有四教耶。但以衆生有四種根性不同。所謂下中上上上四根不同。致感四說四教之殊。即是法華經明三草二木一地所生之譬譬此四根也。故此經云。佛以一音演說法。衆生隨類各得解者。即是四根異解佛教不同也。但諸經明義不同。自有異說異解一解一說異解一說一解無說無解。故此經云。其說法者無說無示。其聽法者無聞無得。若達此意四教點空立義何所疑哉。問曰。四教義與地論人四宗義同不。答曰。若人問言四諦與四大同不此云何。答今不依四宗立四教者。意乃多塗略

出三妨。一四宗名義言方似滯。二細尋研覈立名作義似如不便。三四宗名義雖言富博。一家往望攝佛教門。猶有所闕。一四宗名義言方似滯者。彼不依四不可說。用四悉檀說則成滯也。二細尋研覈名義似如不便者。彼之四宗昆曇明見有得通可許。因緣爲宗。三假是世諦。見世諦未得道。何得以假名爲宗。成論明見空得道。何不以空宗也。且大智論明三藏教有三門得道。空是第二門無假名門也。又大智論彈方廣人取十論。說一切法不生不滅失般若意。豈得幻化爲不真宗也。今諸曰。不真宗即是通教。真宗即是通宗者。宗則通真不真。不真何得沒宗而用教。真宗何意無教而立宗。宗若無教何得知真耶。答曰。楞伽經云。說通教童蒙宗通教菩薩。故以真爲通宗也。又諸曰。若爾前因緣假名不真。皆是教童蒙。不應立宗名也。如是覆却竝決意。謂立四宗名似如不便也。今言四教者。佛從初得道至大涅槃。顯示一切法門無非言教也。三四宗明義。若比古今實爲富博。一家往望攝佛法意。猶大有所闕。今採諸經論立四教義。一教各有四門。四教合有十六門。即是十六宗明義也。彼因緣假名兩宗似此所明三藏教有空二門相參猶闕毘勒門及非有非空門也。彼不真宗明如幻化。似與此通教有門相參。餘三門彼所不明。彼真宗似與此別教有門相參。三門彼所不明。是則四宗明義但得與三教四門相參圓教四門彼所不明。四教猶有十二門。彼四宗所不明也。又護身法

師用五宗明義。四宗如前。長立法界宗。似與此圓教有門相參。四教猶有十一門。彼所不明也。者闍法師用六宗明義。三宗似與此三門相參。如上分別。彼真宗與此通教空門相參。彼常宗似與此別教有門相參。彼圓宗似與此圓教有門相參。此四教猶有十門。彼六宗所不明也。故知四宗五宗六宗雖言古今已來明義富博。今家往望攝佛。教門猶有所闕也。所以前明四悉檀義者。正是述一家通教說法與古今說法運用不同也。前明三觀堅破諸法略為數十番。次此下明四教所詮約諸教立義。其尋覽者則知與諸禪師及三論師破義及立義意不同也。問曰。四教遍通衆經。何得的用通此經也。答曰。今撰四教義遍通諸經別有大本。略撮其要。通此經文者。正言此經具明四教入道。故須知大意也。但諸師多採經通論。致令晚生。皆謂論富經貧。今採經論通經意。欲令後生知經富論貧也。敬重大乘真佛所說功德無量。是入道正因。經經重論甚可傷也。第二辨所詮者。夫教是能詮。理是所詮。故因理設教。由教顯理。即理非教。即教非理。離理無教。離教無理。故思益經云。菩提之中無文字。文字之中亦無菩提。離菩提無文字。離文字無菩提。以離菩提無文字故約理而施教。離文字無菩提故施教。即能顯理。是則教為能詮。理為所詮。意在於此。所言理者即是諦也。今約諦明理。由理起教。教能詮理。教是能詮。理是所詮。就所詮義略為四意。一約四諦理明所詮。二約三諦理

明所詮。三明二諦理明所詮。四約一諦理明所詮。第一約四諦理明所詮者即為三意。一明所詮四諦理。二明能詮教。三明約經論。一明所詮四諦理者有四種四諦。一生滅四諦。二無生四諦。三無量四諦。四無作四諦。大意出大涅槃經。二明能詮教者。即是四教能詮四種四諦理也。即為四。一三藏教詮生滅四諦理。二明通教詮無生四真諦理。三別教詮無量四諦理。四明圓教詮無作四諦理也。三明對經論者即為二意。一對經二對論。一對經者。若華嚴經多明別圓兩教詮無量無作二種四諦理。聲聞經但明三藏教詮生滅四諦理。大集方等及此經明四教詮四種四諦理。摩訶般若多明三教詮三種四諦理。法華經但說圓經詮無作四諦理。大涅槃明四教詮四種四諦理也。二明對論者。若別通經論類經可知。若通中經論如中論破一切內外顛倒執謬。外人問曰。若一切世間皆空無所有者。即應無生無滅。以無生滅故則無四諦四沙門果三寶。若受空法。有如此等過。論主答曰。汝今實不能知空空因緣。諸佛依二諦為衆生說法。若不知二諦則不知真佛法。以有空義故則一切法得成。若無空義者。一切法則不成。一切法成者有四諦四沙門果三寶也。今釋此諸論主破執見既盡。明有四諦四沙門果三寶者。即是申摩訶衍教三種四諦三種四沙門果三種三寶也。問曰。云何得知答曰。論主說偈故知有也。偈云。因緣所生法我說即是空。此偈申通教大乘詮無生

四諦四沙門果三寶也。偈云亦名為假名。即是申別教大乘詮無量四聖諦四沙門果三寶也。偈云亦名中道義。即是圓教大乘詮無作四寶諦四沙門果三寶也。破申之意大乘三教祇用一偈。作論之巧妙在於此。次後說兩品。初品云。問曰。已知摩訶衍入第一義。今欲開聲聞經入第一義。論主具明生滅十二因緣。破六十二見入第一義。即是為鈍根聲聞弟子說因緣生滅相。生滅因緣即是生滅四諦四沙門果三寶也。中論前申摩訶衍通別圓三教三種四諦四沙門果三寶。後兩品申三藏生滅四諦四沙門果三寶者。以後世人根轉鈍。應須還用此教。是則中論文略而義富。申佛四教既明詮於四諦之理已顯故言有四諦也。乃是如意殊論非喙水殊論也。若不解此義。單復織假未知。若為通經四假通經意終難見也。第二約三諦明四教所詮之理者即為三意。一明三諦所詮理。二明能詮四教。三約經論。一明三諦所詮理者。三諦名義具出瓔珞仁王兩經。經云。一有諦二無諦三中道第一義諦。有諦者。如世人心所見理名為有諦。亦名俗諦。無諦者。出世人心所見理名為無諦。亦名真諦。中道第一義諦者。諸佛菩薩之所見理名中道第一義諦。亦名一實諦。故大涅槃經云。凡夫者有二乘者無。諸佛菩薩不有不無。三諦義至釋入不二法門品當略明也。二明能詮四教者即為四。一三藏教但詮二諦理。所以稟教之流不開佛性常住涅槃。二通教亦但詮二諦理。所以稟教

之流亦不聞佛性常住涅槃。三乘猶存灰斷之果也。三別教別詮三諦理。所以真教之流三十心但成二觀。一智方便。登地方乃見佛性入法流也。四圓教圓詮三諦。真教之流初心即開佛知見。自然流入薩婆若海也。三明對經論者。華嚴但詮假名俗諦中道。又解云。華嚴教詮別三諦一心。三藏漸教詮真俗二諦。方等大乘之教詮三諦。一往同華嚴。摩訶般若亦具詮三諦。一往同華嚴。法華但詮一心三諦。涅槃備詮三諦。一往亦同華嚴也。諸論隨經類之可知。中論偈云。因緣所生法我說即是空。此即詮真諦。亦名爲假名即詮俗諦也。亦名中道義即詮中道第一義諦也。此偈即是申摩訶衍詮三諦理。若下兩品明聲聞經入第一義。此即是別申三藏教詮二諦理也。第三約二諦明所詮者亦爲三意。一正明所詮理。二明能詮教。三約經論。一明所詮理者即是二諦理也。二諦有二種。一者理外二諦。二者理內二諦。若真諦非佛性即是理外之二諦。真諦即佛性即是理內之二諦也。一理外二諦有二種。一者不即二諦生滅二諦也。二者相即二諦無生二諦也。故大品經云。卽色是空非色滅空。色滅方空是不即二諦卽色是空相卽二諦也。二明理內二諦亦有二種。一不即二諦。二相卽二諦。不即二諦卽是無量二諦。故大涅槃經云。分別世諦有無量相。第一義諦有無量相。非諸聲聞緣覺所知也。二相卽二諦無作二諦也。二明能詮四教者。若三藏教詮於理外不即二諦。

若通教詮於理外相卽二諦。別教詮於理內不即二諦。圓教詮於理內相卽二諦也。三對經論者。華嚴經詮理內二種二諦。三藏教詮理外不即之二諦。方等大乘詮理內理外四種二諦。摩訶般若詮理外相卽二諦理內二種二諦。法華經但詮理內相卽二諦。涅槃經通詮理內理外四種二諦。諸論通經類之可解。中論偈云。因緣所生法我說即是空。此申理外相卽之二諦。亦名爲假名亦名中道義。此申理內不相卽相卽之二諦。後兩品明聲聞經入第一義。卽是申三藏教詮理外不相卽二諦也。第四約一諦理明所詮者亦爲三意。一者正明所詮理。二明能詮教。三約經論。一明所詮理者卽是一諦理也。何等名爲一諦。諸名審實。審實之法卽是不二。豈是三諦二諦皆名審實。今明真俗說爲諸者。但是方便實非諸也。故涅槃經云。所言二諦其實是一。如來方便爲化衆生故說爲二。譬如日月不轉醉人見轉。當知唯有不轉之日。不醉之人同見。豈別有迴轉之日。若實有轉日者。不醉之人亦應並見也。一諦如真日。二諦如轉日。真日審實可名一諦。轉日不實何有二諦。方便說二。實義不成故非諸也。今以此一實諦爲所詮之理也。二明能詮之教者。若藏教通教正是煩惱惡酒未吐。唯詮轉日說有二諦。不能詮一實諦也。若別教詮一實諦。如離轉日有不轉日。圓教詮一實諦。轉日卽不轉日也。三對經論者。若華嚴教詮真俗卽一實諦。帶不卽之方便。若三藏教一向不詮一實諦

也。若方等教詮一實諦同華嚴。摩訶般若教詮一實亦同華嚴。故無量義經云。佛成道以來四十餘年未顯真實。今謂何有不說實諦。但或時赴緣開二諦三諦不卽一諦之方便。所覆法華教詮一實諦。無復不卽之方便。但論一切卽一實諦也。故法華經說。二萬億日月燈明佛。皆云諸法實相義已爲汝等說。今佛放光明助發實相義。諸佛法久後要當說真實。正直捨方便但說無上道。若涅槃經同方等通釋。入佛性爲異。諸論隨經類之可解。如中論偈云。亦名中道義。此卽是申一實諦之教也。故青目釋云。遮二邊故名爲中道。卽是遮因緣空邊假邊。非此二邊則非真俗二諦名一實諦也。故大涅槃經云。一實諦者則無二也。又云。無二之性卽是實性。無二之性卽是入不二法門。又一實諦者卽是不生不生不生不可說故。淨名居士默然杜口。文殊稱歎在此也。第三約四教位分別淨無垢稱位者卽爲五意。一約三藏教明淨無垢稱義。二約通教明淨無垢稱義。三約別教明淨無垢稱義。四約圓教明淨無垢稱義。五約五味譬以結成。第一約三藏教明位釋淨無垢稱義者。尋佛三藏教赴緣多塗。言其正要不出四門入道。一有門二空門三有無門四非有非無門。今正用毘曇有門以判位也。三門明菩薩義既不度。豈可繆論。今約有門釋淨無垢稱義卽爲三意。一明開三乘。二略明三藏教辨菩薩位。三釋淨無垢稱名。第一略明開三乘者。佛於生生不可說非三之理

用四悉檀。約苦集道開三乘教門。赴三種行人之根緣。令同得滅諦涅槃也。故法華經云。為求聲聞者說應四諦法。度生老病死究竟涅槃。為求辟支佛者說應十二因緣法。為求菩薩者說應六波羅蜜法。令得三菩提成一切種智。若聲聞小乘教門。苦諦為初觀四諦入道。發真無漏斷正使盡。位登羅漢具足三明及八解脫。既無慈悲度物。現身而入涅槃。故大智論說。如鬻在獵園。驚怖跳出都不顧群。今不約此判淨名位也。若緣覺中乘教門。集諦為初觀十二因緣。發真無漏斷三界結盡。侵除習氣具足三明及八解脫。雖有少慈悲不能度物。亦於一世即入涅槃。故智度論云。如鹿在獵園。驚跳自出雖顧群怖不停待。今亦不就此判淨名位。若菩薩大乘慈悲弘誓不捨眾生。為物心大教門。以道諦為初修行六度。化一切眾生共出三界。至成佛果利益功圓方入涅槃。故大智論云。如大香象在於獵園。雖遭刀箭擁群共出。此是大士位懷。故須約此判淨名位也。第二明三藏教菩薩位者略為七。一發菩提心。二行菩薩道。三種三十二相業。四六度成滿。五一生補處。六生兜率陀天。七八相成道。一明發菩提心者。如釋迦牟尼菩薩。於過去世為陶師。值前釋迦牟尼佛。供養彼佛已即發菩提心。願未來得作佛時還名釋迦。時佛可其願也。問曰。何名發菩提心。答曰。緣生滅四諦起慈悲四弘誓願即是發菩提心也。二明行菩薩行者。即是三阿僧祇劫行六度也。從過去釋迦牟尼

佛至闍那尸棄佛名一阿僧祇劫。從此常離女人身。爾時不自知我當作佛不作佛。今謂是五停心別相總相四念處觀用此觀心修波羅蜜也。爾時未發煖解而有慈悲誓願。安撫生死心無怯弱。故能壞女人業常受男子身也。爾時未發煖解位在外凡。故不自知己身當作佛也。次明從闍那尸棄佛至然燈佛為二阿僧祇劫。是時菩薩用七聖道華供養然燈佛。敷鹿皮衣布髮掩泥。時然燈佛便授其記。汝於來世當得作佛名釋迦牟尼。爾時菩薩雖自知我必作佛。而口不稱我當作佛。今謂得煖法智慧修六波羅蜜也。次明從然燈佛至毘婆尸佛為三阿僧祇劫。是時菩薩內心了了自知作佛。口自發言無所畏難。我於來世當得作佛。今謂此是頂法智慧行六波羅蜜也。三明過三阿僧祇劫種三十二相業者。今謂此是入下忍之位。用此忍智修行六度成百福德。用百福德成一相。如是百劫成三十二相之業因也。四明六波羅蜜滿者。菩薩一切能施乃至不惜身命。如尸毘王以身施鴿心不悔恨。是為檀滿。尸波羅蜜滿者。持戒不惜身命。如須摩提王。精進持戒常依實語。赴鹿足王就死。是為尸羅滿。羅蜜滿者。菩薩忍辱不惜身命。如犀提比丘。為歌利王割截心生慈忍。發誓身復名犀提滿。毘梨耶波羅蜜滿者。精進不惜身命。如大施太子。為國民入海採寶得如意珠。海神因其寢臥盜珠還海。太子發誓抒海水。為眾生求珠。困苦垂命心無懈退。名精進滿。禪波羅

蜜滿者。菩薩具足禪定。於外道禪定出入自在。如尚闍梨仙人。坐禪時無出入息。鳥於磐上生子慈悲不動。乃至鳥子飛出。是名禪滿。般若波羅蜜滿者。菩薩大心分別。如劬頻婆羅門大臣。分閭浮大地為七分。若干大城小城聚落分作七分。般若波羅蜜亦如是。此為菩薩六波羅蜜滿。今謂由是下忍智慧能調伏諸根滿足六度也。五住一生補處者。即是釋迦菩薩生迦葉佛所作補處弟子。淨持禁戒行諸功德。迦葉佛授記。次當作佛。今謂此猶是中忍之位也。六明生兜率陀天者。捨閻浮提報上生此天為諸天師。在於彼天修八勝處。今謂此猶是中忍之位也。問曰。菩薩何意初發心伏結而不斷也。答曰。若斷結即不得受生化物。菩薩觀無常伏結令諸煩惱脂消。用清淨心修行六度令諸功德肥也。七明下生成道者。即是三藏教明八相成菩提道也。所言八相成道者。一從兜率陀天下。二託胎。三出生。四出家。五降魔。六成道。七轉法輪。八入涅槃也。問曰。所明三藏教阿毘曇有門說菩薩義。為是佛說。為是佛去世後諸聲聞弟子說耶。答曰。亦有是佛說。多有是諸羅漢作毘婆沙說也。問曰。若是佛說。此則可信。若諸羅漢所說。云何可信。答曰。諸羅漢既是聖人。採佛三藏教意明菩薩義。何容頗乖僻也。問曰。若爾智度論何意從始至終一一彈破答曰。龍樹為欲申摩訶衍明菩薩義。以大破小。皆可破也。問曰。龍樹詞云。是迦旃延弟子於小乘經有失。何況解菩薩義。答曰。舍利



弗佛在世時分別法相猶尚有失。何況佛去世後諸羅漢也。雖然影傍猶差。今時凡夫也。第三約三藏教位釋淨無垢稱義者。正在中忍補處之位也。六度之道即是淨義。所以者何。三種藥中無三種病。六度是道諦是淨義。故法華經云。又見佛子修種種行求無上慧。為說淨道也。維摩大士六度行成。即是淨義無六蔽垢。故言無垢。以相似解內稱生滅四諦之理外稱根緣。助釋迦如來顯三乘之教。故云淨無垢稱也。是以方便品現疾。為國王長者說無常苦空無我不淨之法。訶責諸人勸求佛果。意在此也。問曰。維摩折挫聲聞。訶菩薩。此是不思議之位行。何得用聲聞經所明菩薩之位按量。答曰。住不思議解脫菩薩能種種示現。豈不能現聲聞經所明菩薩之像輔釋迦而弘化也。問曰。何故化國王長者而示三藏菩薩之形說法。訶聲聞菩薩即現聲聞衍不思議之言教。答曰。凡俗界內結業未除。故說生滅四諦。此正是對治。羅漢菩薩界內因疾已除。但迷不思議三諦之理。是故說三種四諦以折聲聞。說無作四實諦訶菩薩也。第二約通教辨位釋淨無垢稱位者。此教既詮因緣即空之理。三乘同稟契理證真必有淺深。故須判位也。通教入道亦具四門。今約空門以辨位也。亦為三意。一略明約通教開三乘。二略明通教菩薩位。三釋淨無垢稱義。第一略明約通教開三乘者。三乘之人同稟通教見第一義。第一義者即是無分別之真諦理。而分別說三乘者。聲聞從聞生

解。總相體假入空。智慧力弱但斷正使。緣覺福德利根生無佛世。自然體假發真為異。又緣覺利根能少別相體假入空。發真無漏斷三界結除習氣也。三菩薩乘者。菩薩修總相別相智慧體因緣即空。起大悲誓願修諸法門。若見第一義斷界內煩惱。用誓願扶習還生三界。遊戲神通成就眾生淨佛國土也。故中論云。諸佛以甘露味教化眾生。諸法實相是真甘露味也。若得諸法實相滅諸煩惱名聲聞乘。若生大悲發無上意名為大乘。若佛滅後時世無佛因遠離生智名辟支佛乘。第二明通教三乘位者即為二意。一明三乘共十地。二簡名別位通。一明三乘共行十地。位者即為二意。一標名二略解釋。一標名者一乾慧地。二性地。三八人地。四見地。五薄地。六離欲地。七已辦地。八辟支佛地。九菩薩地。十佛地。故大品云。菩薩從初乾慧地至菩薩地。皆行皆學而不取證佛地亦學亦證。故言三乘通位也。二略解釋者。乾慧地即是三乘初心通名乾慧地也。此是三賢之位。一五停心。二別相念處。三總相念處。此三通名外凡乾慧地也。問曰。若爾與三藏教明三賢有何異。答曰。一往名同。拙巧兩度已如前三觀分別豈得不異也。問曰。三乘人同觀第一義諦。亦應同破八倒同見佛性。何得言通教入二涅槃耶。答曰。破八倒是一往之言。分別有四種不同。一破八倒不結枯榮。是則通別圓未可定判也。二破八倒結成四枯。多屬通教。三破八倒結四榮。定成別教。四破八倒雙結枯

榮。即是圓教。今明破八倒。用淨名訶迦旃延。破三藏五義說摩訶衍五義。即結成四枯。故彼諸比丘心得解脫。一往屬通教意也。二明性地者。若因總相念處初發善有漏五陰名為煖法。增進初中後心入頂法忍法世第一法。皆名為性地內凡。俱伏界內見惑也。三明八人地者。即是三乘信法二種行人巧觀發真在無間三昧。十五心八忍之位也。四明見地者。即是三乘同見第一義無生四諦之理。同斷見惑三結及八十八使盡也。五薄地者。體愛假即真發六品無闕。斷欲界六品證第六解脫。欲界煩惱薄也。六離欲地者。即是三乘之人體愛假即真斷欲界五下分結盡。離欲界煩惱也。七已辦地。即是三乘之人體色無色愛即真發真無漏。斷五上分結七十七品盡也。斷三界惑究竟故言已辦地也。八辟支佛地者。緣覺菩薩發真無漏。功德力大故能侵除習也。九菩薩地者。從空入假觀行純熟道觀雙流深觀二諦。進斷習氣及色心無知。得法眼道種智。遊戲神通淨佛國土。學佛十力四無所畏大悲等一切佛法。斷習氣將盡也。十佛地者。大功德力資智慧得一念相應慧。照窮真俗一切界內習氣究竟盡也。故智度論云。聲聞智慧力弱如火燒木。雖然猶有炭在。緣覺智慧力勝如火燒木。木然炭盡餘有灰在。諸佛智慧力大如劫燒火。炭灰俱盡亦如兔馬象三獸渡河之論也。問曰。菩薩佛地名異二乘。何得言通耶。答曰。名雖有異同是無學應供。得二涅槃共歸灰

斷證果是一名義不殊。是則名義究竟俱同也。二明名別位通者即爲二意。一約前三乘共十地菩薩別立忍名。二用別教名名別而義通。一約三乘共行十地爲菩薩別立忍名者。大智論云。乾慧地於菩薩法名爲伏忍。性於菩薩法名爲順忍。八人地於菩薩法名無生法名。見地於菩薩法名無生法忍。薄地於菩薩法名離欲清淨。離欲地於菩薩法名遊戲神通。已辨地於聲聞經說名爲佛地。辟支佛地乃至佛地如前分別。問曰。何意於菩薩法中別立伏忍等別名。答曰。觀理雖同。方便修行化他求佛果有異。故於菩薩法別立伏忍等別名也。分別其相具在四教大本。二明用別教名名別而義通者。即是三乘同觀第一義諦之理。菩薩用別教十信三十心十地名辨位也。乾慧地伏忍立名。十信別名。性地柔順忍立十住十行十迴向名。八人地見地即是得無生忍立歡喜地名。故大品經云。須陀洹智斷是菩薩無生法忍。薄地向果。向即離垢地。果即明地也。故大品經云。斯陀含智斷是菩薩無生法忍。阿那含地向果。向即是炎地果即是難勝地。故大品經云。阿那含智斷是菩薩無生法忍。羅漢地向果。向是現前地果是遠行地。故大品經云。阿羅漢智斷是菩薩無生法忍。辟支佛地即是第八不動地。除習氣也。故大品經云。辟支佛智斷是菩薩無生法忍。菩薩地即是九善慧地。十法雲地。當知如佛。佛地如前說。坐道場時一念相應慧斷一切習氣盡者。所謂煩惱障法

障之習氣也。化一切有緣衆生竟入無餘涅槃。如薪盡火滅。八相成道如前說。是則用別教名辨位。名異而義同。猶屬通教。明菩薩位也。問曰。從初地至七地對四果出何經論。答曰。諸經論非不對當。但高下不同。古今法師對當亦多殊異。所以然者。或云見地止對初地。此如今所用。或取三地併對見地。仁王經明四地併對見地。此則難可定依。但通教見地本是無間之道。不出觀證須陀洹。豈得從初地斷見乃至三地或云四地也。若別教明斷別惑不若二乘。如此明義或當有之。又或言。六地斷結羅漢齊。或云七地名阿羅漢。此難定執。前後兩果經論明義既不定。其間二果以意可知。既不可定依。今用義推作此對位。雖一往小便捷終不可執也。第三約通教明位釋淨無垢稱義者。大士位在補處。真諦之理性自皎然名之爲淨。界內二障正惑已盡。習氣微薄故名無垢。智慧內與真諦相應。外能稱三乘根性。神通說法。故云稱也。是則略辨通教大士受淨無垢稱之名。所以須示現此菩薩之像者。用此形聲託疾。爲國王長者說如夢幻之法。勸求菩提。又破三藏教三乘封守拙度之迷僻也。若尋什師生肇注維摩經同用此意。梁陳諸大法師講此經文判菩薩位。唐意高下雖小不同。今家往望皆併是用通教意釋此經耳。第三約別教明位釋無垢稱義者。此教通詮假名如來藏佛性之理。菩薩稟此教門修得行證。從淺至深故須明位。此別教入道亦有四門。今但約空有門明

行位也。如大涅槃經云。第一義空名爲佛性。智者見空及與不空。聲聞辟支佛但見於空不見不空。不空者即佛性也。就此即爲三意。一明經論辨別教不同。二略明別教位。三約別教釋淨無垢稱義。第一經論辨別教菩薩位不同者。尋別教正明因緣假名恒沙佛法真如佛性之理。菩薩稟此教觀三諦理。歷劫修行斷恒沙無知別見思惑。欲見佛性求常住四德涅槃。今明別位不同略爲三意。一者諸經明位數不同。二斷伏高下不同。三對法門不同。一諸經明位數不同者。如華嚴經。三十心十地佛地但有四十一位。瓔珞經明有五十二位。仁王經明五十一位。新翻金光明勝天王般若及大品經但明十地佛地不開三十心。大涅槃經明五行十功德義。推以開三十心十地也。諸論明地位多小不同。悉是約經故爾。二明斷伏高下不同者。二十心斷界內結高下不同。十地斷界外見思對位有異也。具在四教大本。三明法門有異者。如華嚴經十波羅蜜對十行。新翻金光明經用十波羅蜜對十地。如此等諸經約位對諸法門多不同也。問曰。何意別教明位經論辨數對法門不同耶。答曰。別教約界外辨十地位行斷伏對諸法門悉檀方便隨機接引。是以多不定也。第二略明別教菩薩位者。今約瓔珞經明有七種位。一十信。二十住。三十行。四十迴向。五十地。六等覺地。七妙覺地。一十信位者。十信名義具在大本。今明別教菩薩信因緣佛性常住三寶。知無量無作四諦。起慈悲

四弘誓願。天魔外道二乘所不能阻。名為信心。若望涅槃經明五行。即是戒聖行定聖行。修生滅四諦慧聖行伏界內見惑。即是十信心位也。問曰。別教菩薩既緣無量無作四諦發菩提心。何故修生滅四諦觀也。答曰。別教菩薩初心雖信無量無作四諦之理。而界內煩惱障重。必須前斷此惑。故先修生滅四諦以調心也。二明十住位者。即是習種性十解位也。入理般若名為住。所言入理者。直入偏真似入圓真理也。若望大涅槃經。正是修無生四真諦觀。今明此十住皆是修體假入空觀發偏真之慧。斷界內見思得一切智慧眼。生相似中道之解。即是別教煖法位也。三明十行位者。即是性種性。前明十住既得入理。今從理起行學十波羅蜜故名十行。望大涅槃經。即是修無量四諦觀門。今明十行修從空入假觀。斷恒沙無知得道種智法眼。界內正使已盡。相似中道之解漸更分明。即是別教頂法位也。四明十迴向位者。即是道種性。解行心合迴因向果順入法界故名迴向。望大涅槃經。應是修無作四諦觀。今明此菩薩修中道正觀。中道似解轉更增明能伏無明。得相似一切種智佛眼。即是別教忍法位也。問曰。既明別教之位。何用對煖頂忍乎。答曰。別教十地既對四果三十心位。豈不對煖頂忍也。問曰。此既是別教菩薩。何得修無作四諦觀門。答曰。此義交加關涉不易。具在大本。豈可即求決也。五明十地位者。即是聖種性位。從入初地即發真。明見佛性平等法界自

體。住持出生諸佛功德。堪能荷負一切衆生故名爲地。若望大涅槃經。應是分證無作四諦之理得二十五三昧。名諸三昧王。五行具足次第成十功德入十地。多忍意在此也。今明此十地菩薩若登初地即證真中道第一義諦。雙照二諦心心寂滅。自然流入薩婆若海。能斷無明住地分得種智佛眼。得如來真應兩身十方行化也。始從初地乃至十地皆斷無明。但以位約分爲三道。初地名見道。二地至六地名修道。從七地已去名無學道。地論師言。二地至七地名修道。八地已去名無學道也。初地菩薩五行具足。恐是初地功德也。餘九種功德或可對九地。所言破無明別見惑者。大涅槃經云。自此已前皆名邪見人也。是則三藏通教三乘之人皆未見此理故名邪見人也。以大士詞須菩提。大師是汝之師。天魔外道一手作諸勞侶意在此也。乃至別教十信三十心雖伏此惑既未能斷。猶是成就無明別見。詞諸菩薩意或在此也。二從二地至六地名修道者。斷別惑三界愛。如大智論明。迦葉聞甄迦羅琴聲不能自安。迦葉云。三界五欲我已斷竟。此是菩薩淨妙功德所生五欲。故於是事不能自安。例色無色愛亦復如是。此經大士詞須菩提云。同於煩惱不到彼岸。入於八難不得無難意在此也。故從二地至六地通名修道斷此別惑也。今以義推。二離垢地即侵斷別教欲愛名斯陀含向。三明地即是別教斯陀含果。四炎地即是別教阿那含向。五難勝地即是別教阿那含果。斷

別愛欲盡也。六現前地即是別教阿羅漢向。斷別色無色愛也。七遠行地即別教阿羅漢地。斷別色無色愛盡。故從此名無學道也。問曰。此對四果出何經論。答曰。別教明斷伏對四果經論多不同。諸大乘法師所用亦異。地論師通教判位云。初地斷見。二地斷欲愛。三地斷色愛。四地斷無色愛。地論師通宗判位。有用三地斷見名須陀洹。從四地至六地名斯陀含。第二依法師七地至九地名阿那含。第三依法師十地等覺名阿羅漢。是第四依法師有言三地斷見。四地名斯陀含。五地名阿那含。六地名阿羅漢。有用仁王經四地斷見。五地名斯陀含。六地名阿那含。七地名阿羅漢。如是等異說不同難可定依。今以義推作此對四果也。一往似便既無的文。佛意難知。不須苟執也。問曰。何故解釋不定。答曰。已如前釋。八不動地即是別教辟支佛地。地論師云。從此明無學道。未知的出何經論。不但八地得無生忍。寂而常用用而無相。無功用心自然斷法界無明惑色習盡也。九菩薩地無明稍薄斷心習盡。慧轉分明善入實相也。十法雲地慈悲智慧猶若大雲。慈悲普治一切皆雨法雨。慧雲能持十方諸佛所說法雨斷十品無明也。六等覺地者。即是邊際智滿入重玄門。若望法雲名之爲佛。望妙覺名金剛心菩薩。亦名無垢地菩薩。三摩已盡餘有一品死魔在斷無明習也。問曰。前通教何意不辨等覺佛耶。答曰。界內習氣易盡。故不須開法雲出等覺。問曰。別教經論何故有處

明法雲。之後更有金剛等覺。自有經論止明十地行滿便成佛果。南北法師譯此紛紜。答曰。更立等覺未定爲礙。所以然者。華嚴經明法雲十地功德智慧。用此於佛。如爪上土方於大地。若爾雖說一品無明。而實不可說品。何以得知。後心菩薩無功用道其疾甚風。一日之間能破無量品無明障惑。何況瓔珞經明等覺地於百千萬億劫入重玄門倒修凡夫事。是故開法雲地更立金剛心等覺佛。於理無失。若知一品有無量品無明。用法雲無礙之智即盡。復何須開出等覺地。妙覺地者。金剛後心朗然大覺妙智窮源無明習盡名解脫。蕭然無累寂而常照名妙覺地。常住佛果具足一切佛法名菩提果。四德涅槃名爲果果。問曰。爲定用金剛智斷無明。爲用妙覺斷無明耶。答曰。涅槃經云。有所斷者名有上士。無所斷者名無上士。問曰。何故勝鬘經云無明住地其力最大佛菩提智之所能斷耶。答曰。若用別接通。十地等覺即是佛菩提智。所以者何。涅槃經云。九住菩薩名爲聞見。十住菩薩名爲眼見。雖見佛性而不了。以無礙道與惑共住故不了了。諸佛如來了了見者。即真解脫蕭然累外故了了也。若別教明義。從初歡喜即用佛菩提智斷初品無明。乃至等覺後心方乃斷盡。若圓教明義。即是初發心住得佛菩提智斷初品無明。乃至等覺後心方乃斷盡。第三約別教位釋淨無垢稱名者。維摩既是一生補處大士。即是法身居等覺金剛心。無垢菩薩之位也。佛性理顯故名爲淨。

別惑正習俱盡。無明餘習譬若微燼。雖有如無。故名無垢。邊際智滿內稱深理外用無方。法界平等赴緣行化。故名爲稱。故云淨無垢稱也。豈可同彼三藏通教辨淨無垢稱義。所以教迹現同補處位者。爲訶三藏通教三乘攝受別教大乘菩薩也  
維摩經玄疏卷第三

### 維摩經玄疏卷第四

天台山修禪寺沙門智顗撰

第四約圓教明位釋淨無垢稱義者。此教詮因緣即一實諦不思議解脫虛空佛性大般涅槃諸佛法界之理。若菩薩稟此教門。理雖非深非淺而證者不無深淺之位。今明此教入道亦具有四門。而諸大乘經多用非空非有門也。正如此經諸菩薩各說入不二法門。一往雖同細檢不無四門之別。而多用非空非有門入不思議解脫也。此義在下。自當可見。就此略爲三意。一簡別圓兩教明位不同。二正明此教辨位。三約圓教位釋淨無垢稱義。第一簡別圓兩教明位不同者。圓教既證圓理。略明圓義有八。異於八別。已如前說。今但約斷無明判位高下不同也。若別教明。三十心斷界內結即伏界外無明。至迴向後心發真智。見佛性中道之理斷一品無明名登初地。乃至斷十品無明名爲十地。等覺後心斷無明方盡。妙覺蕭然累外。此如前分別。若圓

教所明。從初假名發心即一心三觀修隨喜心入十信位斷界內惑盡即伏界外無明。十住初心發圓真智慧斷無明初品。從此四十心皆斷無明。至等覺後心方盡。妙覺極地蕭然累外。名究竟菩提無上大涅槃也。此則判位高下殊別。故有別圓兩教明位不同也。第二正明圓教位者亦還約七位明五十二位不同。一十信。二十住。三十行。四十迴向。五十地。六等覺地。七妙覺地。但解者不同。有師言。圓教頓悟一悟。即是佛無復位別之殊。說十地位者爲鈍根人耳。如思益經云。如此學者即不從一地至一地。又有師解言。圓教既是頓悟。初心一悟即究竟圓極。而有四十二位者。但是化物方便立淺深之名耳。故楞伽經云。初地即二地。二地即三地。寂滅真如有何次也。又有師言。圓教頓悟至十住即是十地。而說有十行十迴向十地者。此是重說意謂此諸解釋悉是偏取。但平等法界尚不論悟與不悟。就論淺之與深。不悟而論悟者不淺不深論淺深也。尋諸大乘經明理究竟。無過華嚴大集大品法華涅槃。明法界平等無說無示。而菩薩位行終自炳然。是以今還約七位以明圓教菩薩之位也。一十信者。若利根頓悟深妙善根。聞說一切衆生即大涅槃不可復滅一切衆生悉菩提相。即發大慈大悲。緣無作四實諦。起四弘誓願。是名圓教發菩提心。信心者。信一切衆生即是真性解脫具足一體三寶一心三觀。觀二諦三諦理通達無闕。成隨喜心五品弟子因。是若得三昧

及陀羅尼六根清淨。即是入十信之位也。若得十信成就。即能見真諦理。斷界內見思。亦能見俗諦理。分別十法界法。心無謬亂。生相似中道之解。伏界外無明。故仁王經云。十善菩薩發大心。長別三界苦輪海。法華經明意根清淨云。雖未得菩薩無漏智慧。而其意根清淨如此。二明十住位者。即為二意。一略釋初發心住。二類通九住。一正釋初發心住位者。所言發心住者。三種心發故名發心住。三德涅槃名為住也。云何名為三種心發。一者緣因善心發。二者了因慧心發。三者正因理心發。一緣因善心發者。衆生無量劫來所有低頭合掌。彈指敬華。發菩提心。慈悲誓願。布施持戒。忍辱精進。禪定等一切善根。一時開發。一心具足。萬行諸波羅密也。二了因慧心發者。衆生無量劫來聞大乘乃至一句偈。受持讀誦。解說書寫。觀行修習。所有智慧。一時開發。成眞無漏也。三正因理心發者。衆生無始以來。佛性眞心常為無明之所隱覆。緣了兩因。力破無明。暗翳然顯也。此三種心開發故名發心。住者住三德涅槃也。一法身二般若三解脫。此三不縱不橫。如世伊字名祕蜜藏。眞實心發即是法身。了因心發即是般若。緣因心發即是解脫。三心若發。同世伊字假名行人。以不住法住此三心。即是住於三德涅槃祕蜜之藏。故言初發心住也。若住三德即是住不思議解脫。即是住於大乘。即是以不住法住般若。即是住首楞嚴三昧。修持於心。猶如虛空。即是住法性。即是住眞

相。即是住如如。即是住如來藏。即是住中道第一義諦。即是住法界。即是住畢竟空。即是住大慈大悲。十力四無畏。十八不共法。即是住四無礙智。神通四攝。諸波羅密。一切三昧。陀羅尼門。舉要言之。即是住眞應二身一切佛法也。故華嚴經云。初發心時。便成正覺。了達諸法眞實之性。所有聞法不由他悟。是菩薩成就十種智力。究竟離虛妄無染如虛空。清淨妙法身湛然應一切。當知此即是發眞無漏斷無明初品也。即是此經明一念知一切法。即是道場成就一切智故。又即是此經明入不二法門得無生法忍也。二類釋九住者。如此初住三觀現前。無功用心心念念斷法界無量品無明。不可稱計。一往大分略為十品智斷。即是十住。故仁王經云。入理般若名為住。即是十番進發無漏眞明。同入中道佛性第一義諦之理。以不住法從淺至深。住佛三德涅槃之理。即是十品智慧住一切佛法。故名十住。三明十行者。即此十住眞心一心具一切行。念念自然進趣。流入平等法界海。破十品無明。證十品智斷。一切諸行諸波羅密。自然增長。出生自行化他功德。與虛空法界等。故名十行也。四明十迴向者。一心眞明解行。念念開發。心心寂滅。自然迴入平等法界薩婆若海。又進破十品無明。證十品智斷。故名十迴向也。五明十地者。無漏眞明入無功用道。猶如大地。能生一切佛法。荷負法界衆生。普入三世佛地。廣大如法界。究竟如虛空。又進破十品無明。進證十品智斷。約此已明十地

也。六明等覺地者。窮無明源。入重玄門。邊際智滿。畢竟清淨。登中道山頂。與無明父母別。猶是後心金剛無閼。即是名有所斷者。名有上士也。七明妙覺地者。究竟解脫。無上佛智。故言無所斷者。名無上士。此即是究竟後心三德不縱不橫。大涅槃也。大涅槃名諸佛法界。豎深橫闊。能用二十五三昧普化衆生。隱顯十番利物。究竟周普。譬如大樹根若深極枝條亦大。若實相智慧窮源盡性。化用之功則彌滿法界。無方大用。究竟圓極也。故大智論云。智度大道。佛從來。智度深。海佛窮底也。大品經云。過茶無字可說。大涅槃經云。不生不生不可說也。若作此而辨位者。前三十心來諸地皆是寂滅眞如平等法界。不思議無次位之位也。問曰。如此圓位。出何經論。答曰。大涅槃經明月愛三昧。從初一日至十五日。光明漸漸增長。又從十六日至三十日。光明漸漸減盡。月光漸漸增長者。譬智德十五摩訶般若光明也。漸漸減盡者。譬十五斷德無累解脫減盡也。十五種智斷者。三十心為三智斷。十地為十智斷。等覺為一智斷。妙覺為一智斷。合為十五智斷。故從初一日至十五日。以月為譬也。月體即譬法身。法身是一。光明漸增。譬般若智德不生而生。光明漸減。譬解脫斷德不滅而滅。故涅槃經明。從初安置諸子祕蜜之藏。三德涅槃。然後我亦當於此祕蜜藏中而般涅槃。此最後究竟涅槃名為不生不生。般若畢竟不生不滅。更無惑可斷也。又法華經明。開示悟入。南岳師解云。即是圓

教四十心也。又大品經明四十二字門。初阿字門亦具四十二字門。後茶字門亦攝四十二字門。南岳師解。即是圓教四十二地之異名也。仁王經明。三賢十聖忍中行唯佛一人能盡源。即是說圓通之位相也。瓔珞經云。三賢菩薩自然流入薩婆若海。即其義也。華嚴經云。從初一地即具足一切諸地功德。大智度論云。菩薩從初發心觀涅槃行道。乃至坐道場。如此等經論所明豈可備述。引證解釋具在四教大本。第三約圓教位釋淨無垢稱義者。維摩居士若是位在法身補處。即是等覺金剛無垢之位。智慧將圓如十四日月。無明將盡如二十九日月。故智度論云。普賢文殊亦有十力四無所畏。如十四日月。佛亦具足十力四無所畏。如十五日月也。法性理顯故名爲淨。無明惑垢將盡故稱無垢。等覺智慧稱理。圓明稱機。而照故言淨無垢稱也。是則位隣妙覺。若論圓應。乃至十方佛土現十法界身八相成道。此土宜見補處之形。故居無動佛所爲補處菩薩。來遊忍界詞諸菩薩。皆稱不任問疾者。正以圓破偏也。又說入不二法門而獨默然者。表圓教內證法門不可說示也。第五約五味譬顯四教位者。大涅槃經明五味譬不同。以成四教辨位不同之相也。經云。凡夫如乳。須陀洹如酪。斯陀含如生酥。阿那含如熟酥。阿羅漢辟支佛如醍醐。此譬意恐是顯三藏教明位也。經又云。凡夫如乳。聲聞如酪。辟支佛如生酥。菩薩如熟酥。佛如醍醐。此譬意恐顯通教明位也。經又云。凡

夫如雜血乳。羅漢如清淨乳。辟支佛如酪。菩薩如生熟酥。佛如醍醐。此譬意恐顯別教明位也。經又云。雪山有草名曰忍辱。牛若食者即得醍醐。忍辱草者論八聖道。乳論十二部經。隨有能修八聖道者。即見佛性住大涅槃。此即譬於圓教菩薩從初發心即開佛知見見佛性住大涅槃也。涅槃經明此之四譬譬四教明位。其義宛然。若不信四教明位不同者。云何消釋此五味四種譬也。今用前四教明位合此四譬。一往似如目視。祇自聖人靈意難知。何可定執。又涅槃經云。譬如有人置毒於乳。乃至醍醐亦能殺人。此譬應得兩用。若對經教六味明義。處處皆得見佛性入涅槃也。此即是不定教門事在下釋。若是約位明殺人義。四位五味根緣不定隨其大乘機發。即皆以如來滅度而滅度之。故同殺人之義也。第四明權實者。就此即爲三意。一略明權實。二格位。三明與廢第一明權實者。權是暫用之名。實以永施爲義。方便波羅蜜隨情近益故名爲權。智波羅蜜稱理究竟故名爲實也。是則三教暫赴物情故名爲權。圓教究竟利物故名爲實。分別權實應須四義。一明一切非權非實。二明一切皆權。三一切皆實。四明一切有權有實。一明一切非權非實者。若論四不可說無說。則無四教可分。無三教即非權。無圓教則非實。是則一切佛法皆非權非實也。二明一切皆權者。若論四不可說有因緣而說。是則四教皆是權巧化物也。故佛言。我坐道場時不得一法實。空拳誑小

兒。以度於一切也。三一切皆實者。無說而說。說必應機赴緣之益共義皆實。是故四教皆名實也。故智度論云。有世界對治爲人故實。有第一義故實。此即皆實不虛之義也。四明一切有權有實。至論佛法非權非實而能權能實四不可說。則無權實而可分。故言非權非實。不說而說。三教即是權也。圓教即是實也。但一家明權實有三種義。一化他權實。二自行化他權實。三自行權實。若是化他權實。前三教非但是權。就此權中亦各說權實也。若明自行化他權實。即是前三教並是權用。圓教所明一向是實。若論自行權實。即就圓教之位辨。照中道爲實。雙照二諦爲權也。第二明格位者即爲三意。一約三藏教位格後三教。二約通教位格後二教。三約別教位格後圓教。一約三藏教位格後三教者即爲三意。一明三藏教位格通教。二約三藏教位格別教。三明三藏教位格圓教。一明三藏教位格通教者。若論聲聞緣覺。與通教明二乘不殊。若約大乘明位。此則大爲殊別。所以者何。三藏教明三阿僧祇劫修行乃至補處即是淨無垢位。止得齊於通教柔順忍性地忍法中忍。若是三藏之佛但得齊於通教佛地。正習俱盡以相齊也。傍論三藏佛。是析法智爲拙。通教佛是體法故爲巧。如智度論云。阿羅漢地於聲聞經中名之爲佛。俱得二種涅槃。今謂皆除正使已辨地齊。若取二諦滿習氣盡羅漢豈得佛齊也。二明用三藏教位格別教位者。三藏明一生補處淨無垢位。格別

教與鐵輪十信第十願心齊。佛地但與別教初地齊也。此乃正意。傍論類通教可知也。三三三藏教格圓教位者。三藏補處淨無垢稱位但與圓教五品弟子第五品齊。佛地與十住初發心住齊。正義如此。傍論互有優劣。三藏佛正習俱盡。此乃為齊。不明見佛性斷無明。此為劣也。故華嚴經歎初發心住菩薩云。初發心已過於牟尼也。二明用通教位格後二教位即為二。一格別教二格圓教。一明格別教位者。通教明補處淨無垢位。往格但與別教十行齊。通教佛果但與十地初歡喜地齊。正義如此。傍論有劣者無相似中道智伏無明也。二明通教位格圓教者。若通教明補處淨無垢位。但與圓教鐵輪位十信第十願心齊。明佛果但與初發心住齊。此是一往格之。正論優劣。初發心住以初發心能顯中道法身斷無明。一品為勝也。三三三明別教格圓教位者。若別教明法身法雲一生補處淨無垢稱。但與圓教十住第十灌頂住齊。佛地斷十一品無明。但與十行初歡喜行齊。若依仁王經開十地為三十生。是則無垢與法界無量迴向位齊。佛地與十地初歡喜地齊。是則別教明一生補處望圓教位。若依前釋以義往推。猶有三十一品無明。若依後引仁王經。即猶有十一品無明。是則別圓法身補處雖通約位無垢稱義懸殊。豈得一概而釋維摩詰之名也。問曰。尋至道是一。若格前方便三教所明補處佛果遂傳爾懸殊。此意難解。答曰。二義往釋。一有教有人。二有教無人。若是三

教方便之說因中稟教之者即並有教有人。佛果補處及上位菩薩能說三教此並有教無人。所以者何。所稟三教行人因教各獲其利。故有教有人也。能說之教主示現為三教之佛。菩薩令物慕果行因。因行既成則無復化主。如斯乃緣感便應。緣謝便息。空拳誑小兒。引將還家。手內實無物也。三教化主亦皆如是。若是圓教有教有人者。因中稟教乃至法雲有教有人斷四十一品無明。法身補處此實不虛。妙覺法身無說之說即是果上有教有人也。有教無人目之為權。有教有人名之為實。問曰。若爾四教明果可分權實。四教因地皆有教有人。何得分其權實。答曰。今明三教之人名為權人。稟圓教之人則人教俱實。故四教明因分權實也。問曰。三教之因既立權人三教之果何意不得辨權人也。答曰。三教行人可成圓人。無有三教之佛修因作於圓佛。故非類也。第三明與廢者即為二意。一權教有與有廢。二實教有與而不廢。一明權教有與廢者即為三意。一三藏教機緣起則興。機謝則廢所言機者可發之義名之為機。前緣有小樂欲可起。小善可生。小惡可治。偏真之解可發。故須用四悉檀。於聲聞經中說因緣生滅四諦十二因緣六度之教。開三乘之道。聞則稱機樂欲心起生善斷惡。若是一乘發真無漏證有餘涅槃。若是菩薩六度調心得伏忍柔順忍也。故法華經云。小智樂小法。不自信作佛。是故以方便分別說諸果為此機緣。雖無三藏伏結補處菩薩淨無垢稱義三

十四心佛果住有餘涅槃之佛。為欲四悉檀起此教故。示現此教形聲赴機度物。故法華經明長者即脫璣珞著弊垢衣執除糞器狀有所畏語諸作人。即是三藏教興之義也。廢者此小欲將歇。小善已成。事惡既除。真解已發。是則四緣俱息。則三藏所說之教能說之人俱廢也。二明通教興廢者。與則機興。廢則機廢。機興而教興。教興者無生四諦樂欲將起。體假入空之善可生。迷理見思可斷。即真之解可發。故須用四悉檀說無生四諦。通教三乘聞則樂欲心起生善斷惡。三乘同發即真無漏之慧見第一義。二乘住有餘涅槃。菩薩則不滯空。慈悲入假化物。誓求佛果。赴此之緣。雖無通教斷結侵習上地補處菩薩淨無垢稱位一念相應斷習佛果位有餘涅槃。為起教赴此三乘根緣。示現此教形聲。悉檀赴緣逗物。故名為興。廢者四機既息緣謝則廢。所說通教能說之人俱廢也。三三三明別教興廢者。與則機興教興。無量四諦樂欲將起。從空入假善根可生。無量恒沙煩惱別惑見思可治。中道第一義諦真解可發。故用四悉檀說無量四諦赴別教菩薩。聞則樂欲心起。生界外之善。斷界外之惡。發中道相似無漏及真無漏。求常住佛果大涅槃。為赴此之機緣。雖無別教斷十品無明法身補處菩薩斷十一品無明究竟佛果。而示現此教形聲。用悉檀赴物機緣。說無量四聖諦。故名別教興。廢者四機既息緣謝則廢。所說別教能說別教所明上地補處菩薩佛果俱廢也。二明實教興而不



癡者。即是圓教但與而不癡也。若於華嚴方等法華涅槃所說圓教赴圓機。樂欲生善斷惡見中道第一義諦。是則從初發心至無垢地赴四根緣常說此教至等覺佛。故名爲興。故三十二菩薩文殊師利等皆說入不二法門。即是教興之意也。若證妙覺無師自悟。無法可欲。無善可生。無惡可斷。更無深理可見。言辭相寂滅本自無興。故無癡也。無癡亦得論癡者。四悉檀機盡則教息。故名癡也。故大品經云。過茶無字可說。涅槃經云。不生不生不可說故。故淨名默然杜口。不復以言言於無言之理。文殊稱歎表絕言也。是則在因有人有教。至果即教癡人在。三德涅槃湛然清淨。豈同前三教補處菩薩菩提佛果皆有教無人教癡人亦隨癡。權實之意顯在於此。第五約觀心明四教者。從三觀起四教已如前辨。今但論即心行用識一切教門。皆從初心觀行而起四教。既攝一切經教。若一念觀心分明能分別。一念無明因緣所生之心四辨歷念。則一切經教大意皆約觀心通達。就此卽爲四意。一約觀心明三藏教相。二約觀心明通教相。三約觀心明別教相。四約觀心明圓教相。第一約觀心明三藏教相者。卽是觀一念因緣所生之心生滅折假入空。約此觀門起一切三藏教也。若觀生滅四諦入道。卽是修多羅藏。故增一阿含云。佛告諸比丘。謂一切法者祇是一法。何等爲一法。心是一法。離心無一切法也。智度論云。從初轉法輪經至大涅槃結修多羅藏。此祇是約心生滅說四

聖諦。卽是法歸法本之義也。觀心出一切毘尼藏者。佛制戒時問諸比丘。汝何心作。若有心作卽是犯戒。有犯故有持也。若無心作則不名犯。犯義不成。不說持也。故重心發戒無心則不發戒。若言從心出阿毘曇藏者。四卷略說名毘曇心。達磨波羅處中而說名爲難心。如此皆是約心而辨毘曇。無比法者。分別諸心心數法。一切法不可比也。第二約觀心明通教者。觀心因緣所生一切法。心空則一切法空。是爲體假入空。一切通教所明行位因果皆從此起。第三約觀心明別教者。觀心因緣所生。卽假名具足一切恒沙佛法。依無明阿梨耶識分別無量聖諦。一切別教所明行位因果皆從此起也。第四約觀心明圓教者。觀心因緣所生。具足一切十法界法。無所積聚。不縱不橫不思議中道二諦之理。一切圓教所明行位因果皆從此起。如輪王頂上明珠。是則四教皆從一念無明心起。上來數引華嚴經明破微塵出三千大千世界經卷之義意在此也。第六四教通經論者。佛用四教成一切順漸諸經。諸論釋經豈越於四教也。卽爲二意。一對經二對論。第一對經者。若華嚴經但具二教所成。一別教二圓教。所以者何。別教則諸菩薩宣說歷劫修行四十二心斷結行位皆差。圓教明一心具足一切諸行。從初一地具足一切諸地功德。大明漸教之初聲聞經但具三藏教。方等大乘及以此經具足四教。摩訶般若具足三教除三藏教法華經開權顯實正直捨方便但一圓教。涅槃

經具足四教成五味義也。問曰。方等大乘亦具四教。何故不成五味義答曰。不明聲聞作佛。五味之義不成。約不定中得論四教也。釋迦出世所有經教更不過此四教。攝此諸經罄無不盡也。第二對論者論有二種。一通申經論。二別申經論。一通申經論者卽爲二意。一通申小乘經。二通申大乘經。一通申小乘經者。如毘曇成實毘勒等論。並是通申小乘經論故成論云。我主今欲正論三藏中實義。二通申大乘經者。如地持論攝大乘論唯識論中論十二門論等。並是通申諸大乘經所明通別圓及三藏教也。二別申經論者卽爲二意。一別申小乘經。二別申大乘經。一別申小乘經者。如俱舍論別申修多羅。明了論別申毘尼。毘婆沙諸阿毘曇心明申佛在世說毘曇也。二別申大乘經者。如十地論別申華嚴經別圓兩教。大智度論別申摩訶般若經通別圓三教。應有別中大集方等及此經論。不來此土。金剛般若論別申金剛般若經。法華論別申法華經。一圓教。涅槃論別申涅槃經。四教五味論度此不盡。如此等諸論申經。卽是申觀心等諸經令分明也。是則精修觀心洞解一切經論。若經論不從心出者。觀行之人既不聽不讀。何得內心通達耶。此乃有所言說實與經論相應意在此也。第七用四教釋此經文者卽爲三意。一通室內四品。二通室內六品。三通出室四品。第一通室外四品者。四教明因果不同。故釋迦現佛國有異。如身子螺髻梵王所見不同。諸天共寶器食



隨其果報飯色有異。正以稟四教不同故見佛國有異也。釋方便品正用三藏通教。所以者何。明折法入空因緣生滅無常。復說如夢如幻體假入空之意。是則因中用拙巧二度破其界內愛見著心。勸修二教之法身也。弟子品通用別教圓教彈訶十大弟子及五百羅漢。用通教彈者。如阿迦旃延。說三藏教拙度五義。用別教斥者。此如阿富樓那穢食置寶器也。用圓教訶者。如彈身子善吉云。不起滅定現諸威儀。不斷癡愛起於明脫。亦不縛不解。是用圓教意彈也。四教釋菩薩品正是用圓教訶四大菩薩。用三藏通教別教自行化他偏僻乖不思議圓頓之道也。第二明室內用四教釋六品經文者。大士無三教之疾。而方便現同三疾。約此辨問疾品也。不思議品正明住圓教不思議果。示現四教之事也。觀衆生品即是辨不思議通圓兩教從假入空不可得空也。佛道品即是辨不思議別圓兩教從空入假行於非道通達佛道也。不二法門品正明圓教不思議中道正觀入不二法門品也。香積品即是不思議圓教所明雙照二諦法界圓融也。第三明用四教通出室四品經文者。菩薩行品令菩薩遍行四教之行。四土化衆生也。四教通見阿閼佛品者。明若依四教修行發菩提心始得生阿閼佛國也。亦因此義無動如來佛國之行得成佛時所有佛國如妙喜世界也。四教通法供養囑累品二品者。付囑天帝彌勒令於佛去世後流通此經。四教利益未來弟子令不絕也。第四辨本迹

義者。既用四教分別淨無垢稱義。義雖不同。而正用圓教解釋。夫聖人垂應。不無本迹之殊。或示金粟法身。或現補處之像。經說隨緣高下難測。是以今須辨本迹也。今明此義略有七重

### 第一釋名

### 第二明本迹

#### 第三辨本迹高下

#### 第四約教分別本迹

#### 第五正明維摩本迹

#### 第六約觀心明本迹

#### 第七用本迹通此經文

第一釋本迹名者。通論本迹之名乃遍在四教。今正明不思議本迹者。正就圓教以辨也。所言本迹者。本即所依之理。迹是能依之事。事理合明故稱本迹。譬如人依住處則有行往之蹤跡也。住處是所依。能依之人有行往之跡。由處有跡。尋跡得處。今以處譬所依之理本。人依行往之跡譬能依之事迹。是則由所依之理本有能依之事迹。尋能依之事迹得所依之理本。本迹雖殊不思議一也。第二明不思議本迹義者。略爲五意。一約理事明本迹。二約理教明本迹。三約理行明本迹。四約體用明本迹。五約權實明本迹。一約理事明本迹者。此經云。從無住本立一切法。今明不思議理事爲本迹者。理即不思議眞諦之理爲本。事即不思議俗諦之事爲迹。由不思議眞諦之理本故有不思議俗諦之事迹。尋不思議俗諦之事迹得不思議眞諦之理本。是則本迹雖殊不思議一也。二約理教明本迹者。此經云。三轉法輪於大千。其輪本來常清淨。今言不思議之理本。即是不思議二諦

之理事通名爲理。理即本也。不思議之教迹者。即是大聖八音敷演不思議能詮二諦之教迹也。所詮不思議二諦之理即是理本。能詮之教即是事迹。是則由理本故有教迹。尋教迹以得理本。本迹雖殊不思議一也。三約理行明本迹者。如法華經云。諸法從本來常自寂滅相。佛子行道已來世得作佛。今明不思議理本者。即是理教也。故此經云。無離文字說解脫相文字性離即解脫也。不思議行迹者。即是不思議觀行之事迹。由不思議理教之理本得修不思議觀行之事迹。修觀行不思議事迹能契不思議之理本。故曰本迹雖殊不思議一也。四約體用明本迹者。即是法身爲體應身爲用。故金光明經云。佛眞法身由如虛空。應物現形如水月中月。正由虛空有實月之本體故有一切水月之影用。今明理行合爲不思議法身之理本。由此法身故能垂不思議應用之迹。由此應用能顯法身。故肇師云。非本無以垂迹。非迹無以顯本。本迹雖殊不思議一即其義也。五約權實明本迹者。實則齊位證得眞應二身。即是理實之本也。權化方便現眞應二身。或高或下。此即是事隨物情故名事迹也。故此經云。雖復示現成道起轉法輪。而不捨菩薩行。今明若不由不思議位證眞應二身。理實之本豈能垂高下眞應兩迹。若不垂眞應之事迹。豈能令物同已入位得眞應二身。是則本迹雖殊不思議一也。第三辨本迹高下者。正約圓教以明也。若理事明本迹即是理即。若約理教明本

也。若理事明本迹即是理即。若約理教明本

迹即是名字即。若約理行明本迹正是觀行即相似即。今約體用權實明本迹。應須四句分別。一本迹俱下。二本下迹高。三本高迹下。四本迹俱高。今明此義復須四種分別。一明十信。不得約此四句以明高下也。二明十住。初發心住備二句。三從第二治地住至第四十一等覺地皆具四句分別。四妙覺地但用二句分別。一明初十信不得用四句分別者。以十信似解未發真無漏顯真應二身故。不得用四句判其高下也。二明十住初發心住但用二句分別者。初住但有本迹俱下本下迹高之二句也。所以者何。初住最初得真應二身。法身之本爾前既未法身之下。故齊位不得言法身有高也。譬如十五月初日之月。爾前無月之可勝也。亦如聲聞法中苦忍真明。爾前無真之可勝也。迹下者。現九法界之迹還現初住之應迹始得最下。爾前無應之可高也。所言本下迹高者。能迹現上地之形聲也。而不得言本高迹下者。爾前無本之可高也。亦不得言本迹俱高者。爾前無真應之可高也。三明從第二治地住至第四十一等覺地。此四十一位一一皆得用四句分別義。推可知也。四明妙覺極地但用二句分別者。一本迹俱高。即是真應之極最上無過也。二本高迹下。本高即是真身之極最上無過。迹下應同下四十一地之像。又示現九道之形聲也。而不得言本下迹高者。妙覺法身之本更無勝地法身之可下也。亦不得言本迹俱下者。更無上地真應二身之高也。譬

如十五日月光明圓滿。過此更無圓滿之光過十五日月也。問曰。若四十二地本迹階降如此。何得俱稱不思議一也。答曰。皆是非真非應不思議真應之二身也。非階降之不思議階降也。第四通約教分別本迹者即為四意。一約圓教分別本迹。二約別教分別本迹。三約通教分別本迹。四約三藏教分別本迹。一約圓教分別本迹者。如前釋名辨本迹五義明高下四句分別也。二約別教明本迹者。亦得備用四種本迹。類圓教可知。但不得全用。即是地前三十心未得法身故無本迹。但初地明二句辨本迹。類前圓教初住可知。從二地至等覺皆得四句分別義。推可解。後妙覺極地亦但用兩句。類圓教妙覺可知。此皆有教無人悉是圓教之權迹也。三約通教明本迹者。通教得明四種本迹。既不辨中道佛性。真應二身豈有本迹之可分別。但還約通義往釋。見偏真具五分法身為本。神通變現為迹。若入無餘涅槃身智俱滅。非但無迹亦復無本。通教菩薩七地具方便道。八地道觀雙流。豈不知中道佛性之理。但約教門抑舉故不明真應耳。恐此多是有教無人悉是圓教之權迹也。若將別接通明佛性常住涅槃。真應二身本迹四句類前分別則可知也。四。明三藏教明本迹者。亦得用四種本迹。意亦不得明真應本迹。猶是生死之人若至果地三十四心斷結得成佛時。亦以五分法身為本。神通變化為迹。若入無餘涅槃則本迹俱滅。今更就三藏因中明本迹者。若三阿僧祇伏惑

純熟住煖頂忍位以為本。得神通變現利益天人六道名為迹。下容有此事。亦恐有教無人悉是圓教之權迹也。問曰。一切聖凡悉得明本迹不。答曰。本迹之義正約真應。有餘諸教既不明破無明。尚無此義。何況凡夫。但通而為論。別教三十心及通教菩薩既得論本迹。二乘亦得本迹。三藏菩薩伏惑未斷。尚得論本迹。凡夫亦得論本迹。是故上齊苦忍世第一法已下。下極阿鼻已上。上下兩處但得為二句本迹。關於二句其間例作四句。論本迹義推可知也。第五正辨淨名本迹者。舊云。本是金粟如來。迹居妙喜為無動補處。或云。本是八地。迹現毘耶位居長者。若執此意定判其本迹者。金粟為是何位之佛。妙喜補處復是何位。補處若實是妙覺之金粟。迹為妙喜之補處。此可是本高迹下。若本是初住之金粟現為十地之補處。此是本下迹高。若是妙覺之金粟法身又應為妙覺之金粟。是為本迹俱高。若是初住之金粟應為三藏之補處。是為本迹俱下。豈可定判其優劣高下之位也。大聖以無方之化。豈是凡夫測量判於深淺。凡夫尚不自識己之業行果報。何況知其本迹類。若無目指月判其方圓。今但抑信。本迹雖殊不思議一也。而文殊既是釋迦左面侍者。此土位行最高。推功稱歎教迹不宜在八地也。第六約觀心辨本迹者。如人學中道圓觀觀於心原。觀道純熟迹中亦現無有障礙。圓行圓說事理相應。此是本迹俱高。若內心圓學而迹示偏邪。是為本高迹下。若內心實

不學於國觀而現無聞之相。此是本下迹高。若本心止修入空而迹現破假之相。即是本迹俱下。即用此約佛法學問坐禪一切行人心行高下自行化他得失具作四句分別。一本迹俱高即是實行之人。二本高迹下是蜜行人。三本下迹高即是貴高之人。除爲佛法利益衆生。四本迹俱下亦是實行之人也。第七通經者。但淨名本迹既不可思議。故能以圓智之談斥偏空之道。以無方之辨屈有量之心。皆顯本迹之事。今明本迹通此經文者。即爲三意。一通室外。二通入室。三通出室。一通室外者。室外現長者之形。寄四教以顯本迹。或用三藏通教本迹入空開化國王長者。或用通別圓本迹之教折挫十大弟子五百羅漢。或但用圓教顯本迹詞稟三教菩薩等。二通室內者。室內託疾與教。示於病行同一切衆生之實病。衆生之疾雖有多塗。論其正意不出四種。今以四種之迹病行同四種之實病。即是現病行之迹爲問疾品也。次下五品皆從此品出。若通問疾品下五品皆自通也。三通出室者。掌擎大衆來入菴羅。示病愈之相以衆生四種病因滅。淨名權迹之病亦愈。是則此經從始至末用本迹義往通玄義及文意可見也。第二次釋所說者。淨名是能說之人。所說是不思議解脫之法。故言所說他釋淨名說於佛法不說自法。若說自法則與佛抗行道法。今解。祇淨名自說其身所證性淨無垢方便三淨之法。此法雖不可說。以四悉檀赴緣而說。佛亦於不可說用四悉檀赴緣

說此三淨之法。淨名隨佛轉法輪亦說三淨之法。淨名說三淨之法。即是說佛三淨之法。故此經云。觀身實相觀佛亦然。復次淨名說自法。非但即是說佛法。亦即是說一切衆生法也。故下文云。衆生賢聖彌勒一切法一如無二如也。華嚴經云。心佛及衆生是三無差別。今但說淨名法。即是說佛法。亦即說衆生法也。如下文三十二菩薩各說其所得法以明入不二法門。例如五百比丘各說身因。華嚴經善財入法界見善知識各說其所得法門。淨名說自法門。即是說於佛法。即是說衆生法。問曰。淨名自說已法。何得稱經。答曰。如大智論云。若佛弟子化人諸天仙人所說爲佛所印皆稱爲經。此經佛爲寶積開宗辨於佛國因果。命諸弟子皆述往日爲大士所詞。佛默印之。又入室論道。掌擎大衆還菴羅園被佛印定。故稱爲經也。

維摩經玄疏卷第四

### 維摩經玄疏卷第五

天台山修禪寺沙門智顗撰

第一釋名前已開爲二重。一釋此經別名已竟。二次釋通名。第二正釋通名者。即是釋經之一字也。若依天竺語。佛教之首通標修多羅。或云修單羅或云修妬路。例如此土楚夏方言。修多羅者既是外國之語。古今諸師解釋有異。或言無翻或言有翻。今釋此義略爲

五意。第一明無翻。第二明有翻。第三通和有翻無翻。第四歷法解釋。第五約觀心。第一釋修多羅言無翻者。但外國有多含之語。即是修多羅名含五義。豈可但用經字往翻。故開善法師云。經非正翻。但以經字代修多羅也。至如此方。周孔聖教稱之爲經。外國聖教此土宜用經字代也。所言修多羅名含五義者。一法本。二微發。三涌泉。四繩墨。五結鬘。一修多羅名含法本義者。大聖知一切皆不可說。以四悉檀因緣而有言教者。若世界悉檀說即爲一切論本。若爲人對治兩悉檀說即爲行本。若第一義悉檀說即爲理本。故修多羅含法本義也。二明修多羅名含微發義者。法王用四悉檀起教。巧妙玄辭從微至著靡所不說。是則文義漸顯開發初心。初中後善圓滿具足。故修多羅含微發義也。三明修多羅含涌泉義者。此從譬以明義。如泉涌流滔滔無竭。佛用四悉檀說法。文義無盡法流不絕。津潤萌芽三草兩木一地所生皆得增長。故修多羅含涌泉義也。四修多羅含繩墨義者。亦是從譬以顯義。如世繩墨能裁邪就正。佛用四悉檀說法。裁愛論見論邪曲。令發真見無漏正道。故修多羅含繩墨義也。五修多羅含結鬘義者。此亦從譬以顯義。結鬘即是縷穿於華無有零落。大覺世尊以四悉檀說法證諸法相。赴緣皆無漏失。又結鬘能裝飾身首。如來言教莊嚴行人。一切敬愛。故修多羅含結鬘義也。此土既無含此五義之言。故用經字代也。問曰。修多羅多含五義同用悉檀

往釋有何五義之別耶。答曰。悉檀大意雖同。五義之別未嘗混濫也。第二明修多羅有翻者。有師言。昔佛法初度。胡漢之語未通。故河西群學謂無翻也。爾來經論度此。翻譯胡漢之語既通。修多羅定有翻也。但諸法師各異傳聞。言有翻者又成非一。今略出五翻不同。一有師云。法本。二有師云。此翻云契。三有師言此翻言經。四有師翻云善語教。五有師言此翻云經。一有師言修多羅此翻云法本者。法本有三。一爲論本。二爲行本。三爲義本。佛用四悉檀說法得爲此三本。具如前釋。二有師言修多羅此翻言契。以契會爲義。世尊如法相解。用四悉檀如法相說。世界悉檀說法即是契情。爲人對治兩悉檀說法即是契行。第一義悉檀說法即契理也。三有師翻言經者。此是因譬顯義。即與前結證義同也。又言經以緣成爲能。即是悉檀之說。能成三乘行人三義也。四有師翻云善語教者。大聖大慈心順理說法故言善語。用悉檀赴機化物。順情成行人入理。故云善語教也。五有師言經字即是正翻。所以者何。彼方極聖說教名修多羅。此土聖人所說名之爲經。以此類通即正翻也。所言經者。經由爲義。經由聖人人心口故稱爲經。悉檀致教經由如來心口故名經也。又云。前聖後聖莫不經此悉檀所說之教而得成道。又云。經者訓法訓常。法云可軌。常則難可改變。悉檀設教。此教能成三利。必定可軌。故云訓法也。悉檀致教若天若魔若梵若諸沙門及婆羅門乃至

餘衆無能改易。故云常也。問曰。有翻既五種不同。豈得類用三義解釋。答曰。述彼顯此。彼義既申此意。又顯有何過也。第三和通無翻有翻。有翻者問無者曰。何故言外國有多含之語。此土無有多含之語。此是經者法華明六根清淨。何得悉知六塵十法界之理耶。答曰。此是受持法華。六千切德莊嚴行人六根清淨。顯相似藏識之用。則六塵一切法皆是經也。問曰。一切法何得悉能證理。並是經耶。答曰。是事易明。世間現見祇是一墨色點作字。詮一切法。靡所不周。香味觸等何得不然。故此經云。於食等者諸法亦等。諸法等者於食亦等。故能以一食施一切。大品經云。諸法等故般若波羅密等。又云。一切法趣色乃至意法趣是趣不過色尚不可得。云何當有趣非趣如是遍歷一切法。類可知也。第五約觀心明經者。即爲四意。一類無翻約觀心明經。二類有翻約觀心明經。三類和通有翻無翻約觀心明經。四類歷法約觀心明經。一類無翻約觀心明經者。何但修多羅無翻名含五義衆生心含一切法。亦不可的諸。所以者何。若離一切心數諸何爲心耶。今言觀心含五義者。一心含法本義。提謂經云。心是萬行之本衆靈之源。出入無亂往來無間。統御一身以立道根。此是言說之本即教本也。萬行之本即行本也。以立道根即理本也。二約觀心含微發義者。細微之法莫若利那。因此相續成一切法。若觀此心發諸功德智慧。亦從微至著也。三明約觀心含涌泉義者。因觀心發功

德智慧。如涌泉無盡也。故仁王經云。能觀心源得無量報。四約觀心含結證義者。心王穿一切心數之法。如縫穿華成寶無罅漏也。觀心穿一切法亦復如是。若發定慧還嚴飾於心也。五明約觀心含繩墨義者。觀心裁愛見邪曲成八直正道也。二類有翻明觀心者。若將法約心則可證也。還須對前五種翻修多羅。一明觀心即是法本者。已如前引提謂經之所明也。二約觀心即是契者。觀心會理即是契也。三明約觀心即經義者。觀心能成一切道法。如紙成衣。四明約觀心即是善語。方字訓一字或二訓乃至多訓。此即是多含之義正如經字。欲作含五義解釋。其意冷然。故知無翻之義非也。又無翻者問有翻者曰。若言昔兩國之言未通故云無翻。今兩國之語既通定有翻者。修多羅但是外國之一言。今何得翻者不同五語各異。若一翻爲是。餘四則非。就是執非。若五翻俱是。彼一此五。一不可爲五。五不可爲一。此爲大妨。若五語俱非。定知無翻。設更出異翻皆不可用。今謂若不得佛法正意。有翻無翻俱是執滯。其得意者無翻有翻皆可從也。所以者何。若知悉檀起教是一。無翻有翻皆具三義。含一切佛法。執譯既息。正義圓通此有何過。故經云。依義不依語也。雖然今解釋直用經字則無所不該。又無翻有翻幸得縱容。所以者何。言無翻者亦用經字標題。言有翻者亦以經字標題。並不見用法本契經善語教標教首也。若存經字是則有翻無翻兩情皆愜。即是通和。二家執

淨義也。如舊解涅槃或言有翻無翻。般若或言有翻無翻。若深解此意無所滯也。第四歷諸法明經者。有師言有三種經。一聲經。二色經。三法經。一明聲經者。大覺世尊聲能詮理。聞聲得理。故聲即是經。故大品經云。若從善知識處聞般若也。二明色經者。墨色之字爲經也。墨色爲字能詮於理。見色得理。色即是經。故大品經云。若從經卷中聞般若也。三法爲經者。法是法塵。心與法合內心思惟修習於法。因法見理。法即是經。故經云。修我法者證乃自知心無實。行何用問。爲問曰。六塵何意。三塵是經。香味觸三塵非經耶。答曰。此土三根鈍故不能得香味觸之理。故三塵不名經也。若他方佛土或以香爲佛事。或以味爲佛事。或觸爲佛事。此則三塵皆是經也。如此經文。具出他方國土佛事不同。則一切法皆能詮理悉是經也。問曰。若言此土三根鈍故三塵不得教者。經說覺觀是言語法。觀心既是順理之覺觀。即是善語能轉所觀煩惱卽名爲教。故此經云。弟子衆塵勞隨意之所轉也。五明觀心卽是經者。經由觀心得成聖也。故般舟經云。諸佛從心得解脫。心者無垢名清淨。五道鮮潔不受色。有解此者成大道。三明顯和通有翻無翻約觀心者。如此觀心之時。卽知此心非可名目非不可名目。亦不可名目亦可名目。類似有翻無翻。若能通達無滯礙者。則於觀心破一切法。無所執著離諸戲論。無礙自在也。四明約觀心歷法悉是經者。一切萬法皆從心起。若心卽是經。卽諸法

皆是經也。故華嚴經云。欲知如來心但觀衆生心。譬如一微塵中有三千大千世界經卷。無人知者。有人破此微塵卽見三千世界經卷。若破衆生一念無明心者。則一切諸佛所說之經皆顯現也。若行人能用觀心尋讀心經。卽見佛性住大涅槃也。於一切頓漸秘密不定諸經皆得明了。所以者何觀心生滅。見一切三藏教橫豎分明。觀心不生滅。見一切通教橫豎分明。觀心假名。見一切別教橫豎分明。觀心中道。見一切圓教橫豎分明。四教對諸經如前分別。一名不可思議解脫第二次釋名大段。此卽是從法受名也。今解略爲七意。第一釋不思議解脫名。第二辨不思議解脫相。第三別解不思議解脫。第四類通三法。第五約教簡別。第六約觀心明不思議解脫。第七用人法通經。第一釋不思議解脫名者卽爲三意。一出古今解釋不同。二詳衆家解釋。三正明今家解釋。一明古今諸師釋不思議解脫不同者。諸法師解釋乃多。今略出七家不同。一者什法師云。不思議解脫者三昧神通之名也。二生法師解云。不思議解脫者莫測之用也。三肇法師解云。不思議解脫者幽微難測出二乘之境名不思議。塵累所不能拘名爲解脫也。四關內舊解不思議解脫云。六地斷結與羅漢齊功。七地侵除習氣。八地習氣都盡道觀雙流名不思議。正習俱盡名爲解脫也。近代南土諸法師解不思議解脫。終傍前解釋雖復小異大意終自是同。今不具述。五地論諸師解釋不思議解脫者。通教緣修用七

識智照佛性真理。斷界內見思界外無明。若發真解斷結。則七識圓智蕭然累外名爲解脫。此是不真宗明解脫非不思議解脫也。若真宗八識真修體顯離二障皆離無得無累名不思議解脫也。六真諦三藏法師解不思議解脫云。解脫有二種。一者不相離解脫。二者相離解脫。若不相離解脫卽是法如如本有之理未與惑離也。所言相離解脫者。得法如如智斷心障與惑相離解脫。此相離解脫卽是不思議解脫也。七三論師云。若他明縛脫。縛是自縛。脫是自脫。卽是自性之縛脫。此非假縛脫。不得是非縛非脫之縛脫。此非不思議之解脫也。今明縛非自縛。由脫說縛。脫非自脫。由縛說脫。由脫說縛卽是假縛。由縛說脫卽是假脫。假縛非縛。假脫非脫。卽是非縛非脫。畢竟清淨。而說縛脫者。卽是假名不思議之縛脫也。不思議之縛卽是不思議之脫。故言不思議解脫也。但彼假名方便之語轉側多方。豈可定述。此略出初章耳。二詳衆家者。若什師三昧神通爲不思議解脫者。此祇是約通教禪定行之用也。二生師以不測之用明不思議解脫者。亦是通教修行神用之莫測也。三肇師明幽微難測出二乘之境。祇是通教慧行證理斷結位過二乘也。四關內舊解不思議解脫八地習氣都盡道觀雙流名不思議解脫者。亦是通教慧行行意也。五地論師明八識真修體顯斷二障明不思議解脫者。正是別教明義也。若依地論地相明義。卽是別教明不思議解脫。就地實明義卽是圓

教明不思議解脫也。六真諦三藏意同地論別教。七三論師釋解脫。雖作假名虛玄之語。宗旨莫知所趣。若如下自他研覈他性之滯。次不可知中論觀法品所明由是通教意。四諦品明即有通別圓三教意。後兩品是三藏教意。約此明義即得有四教四種解脫義也。而天親多申別圓。龍樹多申通圓。兩家所申解脫同異義推可知。三正明一家釋不思議解脫名者即為三意。一通釋思議不思議解脫名。二正別釋不思議解脫。三料簡。一通釋思議不思議解脫者。對思議解脫明不思議解脫。若解思議之理而脫緣縛者。名思議解脫。若解不思議之理而脫緣縛者。名不思議解脫。思議解脫即是離文字之解脫。故身子答天女云。吾聞解脫無有言說。若不思議解脫即是不離文字之解脫。故天女云。無離文字說解脫相。文字性離即解脫也。二正別釋不思議解脫名者。即是不離文字之解脫也。故天女云。解脫之相不在內外兩間。文字之相亦不在內外兩間。是故文字性離即是解脫。解脫者即諸法也。今明不從自脫起故不約自性以立名。不從他脫起故不約他性以立名。解脫不從自他起故不約共性以立名。解脫不從離自他無因緣起故不約無因緣性以立名。從因緣起立解脫名尚不可得。何況無因緣起以立名。解脫不依四邊起。不依四性義而立解脫名者。即是解脫之相不在內外兩中間。名字之相亦不在內外兩中間。名字相離即是解脫也。解脫者即諸法也。故知

縛亦如是。是則名字之縛脫。即是非縛非脫。而有縛脫之名者。即是不思議之縛脫也。不思議縛即是不思議之解脫也。故此經云。姪怒癡性即是解脫。住此不思議解脫能種種示現。若離文字之解脫。即是斷煩惱入涅槃。不離文字之解脫。即不斷煩惱而入涅槃。名為不思議解脫也。三料簡者。問曰。若不離文字說解脫者。淨名何故默然答曰。欲印諸菩薩聖說法即是聖默然義也。問曰。通教亦不依四句立名。即是不思議解脫之名不。答曰。通教但破三藏四句。不破別教四句。故非不思議也。圓教破別教四句。如上說真修緣修墮自他性也。問曰。若爾此經但破身子。應非不思議解脫耶。答曰。不然。身子盡神力不能去華。天女詞云。結習未盡華即著身。此即破於別惑明不思議解脫故非通教也。問曰。何意不斷煩惱而入涅槃方是不思議解脫。答曰。須彌入芥。小不障大大不礙小。故云不思議耳。今有煩惱結惑不障智慧涅槃。智慧涅槃不礙煩惱結惑。乃名不思議。其無惑有智而入涅槃稱不思議者今即反難。亦應無芥子之小有須彌之大。論不思議耶。問曰。若不斷而入是不思議者。通教亦說不斷而入涅槃。何故非不思議解脫。答曰。通教不見惑相名為不斷。而實是斷。如明時實自無暗。不同有芥子之小不妨須彌之大也。第二辨不思議解脫相者。還就思議解脫不思議解脫以辨相。若思議解脫即是三藏教通教三乘人所得二種涅槃灰身滅智解脫也。若是不思

思議解脫即是別圓兩教菩薩諸佛所得大般涅槃常寂即是不思議之解脫也。今分此二種解脫之相不同略為七意。一者約理分別。二者約智分別。三者約斷不斷分別。四者約界內外分別。五者約有體無體分別。六者約有用無用分別。七者約共思議不共思議分別。一明約理分別者。若見思議之理而得解脫。即是不思議解脫。若見不思議之理而得解脫者。是不思議解脫也。問曰。理無有二。云何分別思議不思議之異耶。答曰。若是真諦之理即是不思議之理。若是中道佛性之理即是不思議之理。故此經云。如我病者非真非假。衆生之病亦不真不假。故知中道之理與真諦有異。真諦名思議理者非如來藏也。以中道之理名不思議者即是如來藏也。無所積聚乃名為藏。故名不思議理也。二約智分別者。若是生滅之智所得解脫即是思議解脫。若是無生滅智所得解脫即是不思議解脫也。問曰。生滅無生滅智云何分別。答曰。若觀真諦之理發於真智即生滅之智。故此經淨名詞迦旃云。無以生滅心說實相法。若見中道之理發智即是無生滅智。故大涅槃經云。諸佛所師所謂法也。以法常故諸佛亦常。諸佛亦常者即是無生寂照之常智也。三約斷不斷分別思議不思議解脫智者。若斷煩惱得解脫即是不思議之解脫。故此經云。佛為增上慢人斷姪怒癡名為解脫。若不斷煩惱而得解脫即是不思議解脫。故此經云。不斷癡愛起於明脫以五逆相而得解脫亦不縛不脫。問曰。若

不斷煩惱結業云何而得解脫。答曰。譬如未得神通之人若在牢獄。必須穿牆破壁方得走脫。若是得神通之人處在牢獄。雖不穿牆破壁而出入無礙也。問曰。若不斷煩惱而得解脫。名不思議解脫者。若別教菩薩斷煩惱得解脫。亦應是思議之解脫耶。答曰。此是教道非是證道。若別教菩薩證不思議解脫亦不斷也。四約界內外分別者。若是思議解脫。但脫界內之縛。若不思議解脫。脫界內之縛。亦脫界外之縛也。問曰。云何名為脫界內之縛。不脫界外之縛。答曰。此經云。法名無染。若染於法。乃至涅槃非求法也。法華經云。但離虛妄名為解脫。其實未得一切解脫。但離虛妄者。界內見思分段生死也。其實未得一切解脫者。即是界外見思無明之惑。變易生死也。此如前別教分別。五約有體無體分別者。若思議解脫。無有色心體。若不思議有色心體。問曰。何故思議解脫無色心。不思議有色心。答曰。思議解脫。滅色取空。是有餘解脫。色心因滅。無餘解脫。色心果滅。既約無色無心。以明解脫故。無體也。若是不思議解脫。觀色心即是法性之色心。法性之色心。本無因生。故非果滅。見色心不生不滅。而得解脫。故有真善妙色。妙心之體也。故涅槃經云。解脫有二種。亦色非色。非色者聲聞緣覺。色者諸佛如來所得解脫。又云。妙色湛然常安住。不為生老病死之所遷。又云。色解脫涅槃。受想行識解脫。涅槃即是仁王經明法性色。受想行識解脫。若無色者如死人。

那得論解脫也。六約有用無用分別者。若是思議解脫。無有無方大用。若不思議解脫。即是有無方大用。問曰。何故如此。答曰。若思議有餘解脫。證真入滅。受想定。似涅槃。法著身中。證受滅。猶如死人。無所能用。若人無餘解脫。灰身滅智。猶如虛空。無所施為。若生法二身住。不思議解脫。能種種變現。如此經不思議品具明。故淨名詞身子言。不起滅定而現諸威儀。是為宴坐也。七明約共不共不思議分別二種解脫相者。若是共不思議。即是思議解脫。若是不共不思議。即是不思議解脫。問曰。何等是共不思議。答曰。有諸法師云。八地道觀雙流。二乘及下地菩薩所不能思量。故名不思議。所以者何。若下地不能思八地。八地不能思九地。八地還成是思議。九地乃可名不思議。如是乃至十地不能思佛地。佛地是不思議。十地是思議。佛地能思於佛地。還成是思議。若爾者何者。不思議解脫耶。復次如經言。佛入三昧。身子不能知。身子入定。目運不能知。目運入定。諸羅漢不能知。羅漢入定。學人不能知。學人入定。四善根人不能知。四善根人入定。一切外道不能思。外道入定。神通變現。餘人不能思。乃至凡人伎術幻化世間。皆不能思。如此皆名不思議。若論思議。至佛猶是思議。若論不思議。乃至黃蜂作蜜。螭作網。皆不可思議。是名共不可思議。皆有心數法之解脫。悉應是思議解脫也。豈可用此對不思議解脫相耶。問曰。若爾何故是不思議。答曰。不思議法性猶如虛空。無

念無思。湛然常寂。入一切諸法。悉皆通達。顯現。即是不共不思議也。不與一切通教三藏教三乘及諸凡夫共也。故涅槃經云。澄淨清淨。即真解脫。法華經云。是法非思量分別之所能解。般舟三昧經云。有心不知心。心者不見心。心起想即癡。無想即泥洹。大智度論云。若分別憶想。即是魔羅網。不動不分別。是則為法印。此經云。若於佛法有所分別者。名不如法。華嚴經云。究竟離虛妄。無染如虛空。故知一切思量分別。憶想畢竟不起。名不思議。故涅槃經云。待水澄清。珠相自現者。即不思議佛性理顯。不思議佛性顯。即是不思議解脫也。問曰。共不思議者。下地思不能知上地。上地名不思議。上地思能知下地。下地名思議耶。答曰。雖復下地思不知上地。上地思能知下地。皆是思量。知非不思議。故皆屬思議也。今不共不思議。下地不以思思於上地。上地亦不以思思於下地。下地以不思思於上地。地而不能知上地。上地不思之智。任運能知下地。下地不思故。尚不能知上地。思議之智。何況能知不思議之智。上地不思之智。任運能知下地。不思議之智。何況思議智耶。故知下地地上。雖有知與不知。而俱是不思議也。問曰。不思云何。知有分別。答曰。四十二地。寂照雖同。無明品品盡異。故下地未盡一品。不能知上地。上地盡一品。則能知下地。二乘乃至凡夫。皆有此不思議理。而思量分別。惑障所覆。未破無明。憶想分別。故不能不思而知。譬諸佛菩薩。無明憶想分別破。故不思而知。譬



如初月升天不作思念我照世界及照衆生而衆生世界自然光顯。至十五日月圓滿之時。亦不念言我照彼顯。則教所明佛菩薩亦爾。豈同榮光也。問曰。若以不思議佛性顯湛然無思無念爲不共不思議者。此與地人明八識湛然真修體顯復有何異。答曰。地人言六識是分別識。七識是智障波浪識。八識是真常識。智識是緣修。八識若顯七識即滅。八識名真修。任運體融常寂而攝大乘論云。七識是執見心。八識是無記無沒識。豈得言是真修耶。又今所明六識即是不思議解脫。豈有六識七識滅已。八識真修爲不思議解脫。所以者何。如耑掘經云。所謂彼眼根於諸如來常具足無滅修。了了分明見。乃至意根亦復如是。法華經明父母所生六根清淨。以自滿然照十方界境。豈有六識滅別有真緣修也。故經云。佛知一切衆生畢竟寂滅。即大涅槃不可復滅。一切衆生不可復滅。即是六識不可滅。又此經云。解脫者即諸法也。豈不即是六識十八界一切法。若爾豈得但約八識明不思議解脫。復次若論四不可說。非但不生不生八識不可說。不生七識亦不可說。不生六識亦不可說。若論有因緣故亦可得說。四悉檀因緣故亦可復說。而南北二道執真緣成佛不同。豈不墮自他見耶。若知如來常不說法。何有真緣兩修成佛可說之可證乎。而諸經論有此文者。特是聖人赴機之說。何有法身大士。不以四悉檀赴緣接物。龍樹天親各有所說耶。皆是末代弘法失

意執文偏朋耳。若得此意。不應問與他何異也。問曰。若以絕思量之心爲不共不思議者。法華經意根清淨何得云思惟無量義說法亦無量終始不妄錯以持法華故。答曰。若不思議解脫離思議終非不思議。如無餘涅槃無所思惟。即是不離不思議有不思議也。故此經云。能善分別諸法相。於第一義而不動。以於諸法得自在。是故稽首此法王於諸法得自在者。即是於六識思議分別法中得自在名不思議解脫也。第三釋不思議解脫義者。上已總辨不思議解脫之相。但總義含蘊意趣難知。今明三種解脫。即是別相解釋。就此略爲二意。一略分別三種解脫之相。二約十二因緣簡別三種思議不思議解脫。一明分別三種解脫相者。一真性解脫。二實慧解脫。三方便解脫。一明真性解脫者。此經云。淫怒癡性即是解脫。今明淫怒癡性。即是勝鬘經明自性清淨心不爲煩惱所染。若煩惱不能染。是則生死莫之能拘。性自無累名爲解脫。故此經云。如優波離以心相得解脫時。寧有垢不。一切衆生心相無垢亦復如是。是名不思議真性解脫也。二明實慧解脫者。此經云。有方便慧解脫即是實慧解脫也。所以者何。故勝鬘經明。自性清淨心不爲煩惱所染。不染而染。難可了知。祇猶染故即有五住煩惱界內外二種生死之所拘縛。若能方便巧修實慧。不斷癡愛起諸明脫。明與無明等亦不縛不脫。即是實慧不思議解脫也。三明方便解脫者。此經云。有慧方便解脫即是方便解脫也。祇

是實慧分別則行於非道通達佛道。住不思議解脫種種變現。大用無方物所不測。和光利物而不同塵。自既無縛能解他縛故名不思議方便解脫也。二約十二因緣簡別三種思議不思議解脫不同者。約十二因緣三道以簡別也。一過去現在三支是煩惱道。二過去現在二支是業道。三現在未來七支是苦道。今明十二因緣三道辨三種解脫。分別思議不思議不同。若通教雖說苦道即是真性。乃是偏真法性之理說煩惱即空。空非實慧。雖明業道即空。空非方便。故非三種不思議解脫也。若別教說苦道非即是真性大般涅槃。而有真性涅槃之理。若生死苦道滅方顯真性得常住涅槃。明煩惱道不即是實慧。斷煩惱盡實慧方圓。明業道不即是方便。斷業別起方便化物。是則十二因緣三道滅得三種解脫。雖辨真常三種解脫。猶是思議之相也。若圓教所明苦道即是不思議真性解脫。故此經云。一切衆生即大涅槃不可復滅。煩惱即是實慧解脫故。譬如不下巨海不得無價寶珠。如是不入煩惱大海不得一切智寶之心。業道即是方便解脫。故此經云。以五逆相而得解脫亦不縛不脫能起自在之業。普門示現無緣無念。而有十法界三業利物。如磁石吸鐵也。所以此經明行於非道通達佛道。非道者即是十二因緣之三道也。通達佛道者即是不思議三種解脫也。三種非道不礙三種解脫之佛道。三種解脫之佛道不破十二因緣三種之非道。如須彌入芥無相礙



也。即是三種不思議解脫之相。此三種解脫不縱不橫如世伊字名祕密藏。亦名不思議大解脫。九第四類通三法者。此三種解脫即是佛法諸三法之異名。佛法三種法門乃有多種。今略類通十種三法。一者三道。二者三識。三者三種佛性。四者三種般若。五者三種菩提。六者三種大乘。七者三種法身。八者三種涅槃。九者一體三寶。十者三德涅槃。一類通三道者。即是十二因緣三道也。真性解脫即苦道。實慧解脫即是煩惱道。方便解脫即是業道。一真性解脫即是苦道。文殊說如來種云。身為種。六入為種。此是正因種。種即是性。性即真性解脫也。二煩惱道即是實慧解脫者。文殊師利言。貪欲為種。瞋癡為種。此即了因種也。又此經云。若知無明性是明。明即是實慧解脫也。三方方便解脫即是業道者。文殊師利云。十不善道為種。此即緣因種。方便解脫之種也。種即是性。故涅槃經云。十二因緣名為佛性。即十二因緣三道。三道三種佛性也。二類通三識者。一波陀那識即六識。二阿陀那識即七識。三阿黎耶識即八識也。真性解脫即阿黎耶識。實慧解脫即七識。方便解脫即六識。問曰。攝大乘論說阿黎耶識是無記生死根本。何關真性解脫耶。答曰。若爾與地人用楞伽經豈不頌相逆。今研兩家所執。互有得失。若言阿黎耶識非本性清淨者。攝大乘論何故云。如地即是金土。黎耶識亦爾。染同於土。淨同於金。故知義通二邊。何兩家偏執。今說黎耶識即是真性解脫者如金。

即是生死根本者如土。問曰。攝大乘論師說七識是執見之心。何得言是實慧解脫耶。答曰。轉迷成解。若離迷執何處別有實慧之解。故知七識非迷非解得說迷解。解故即是實慧解脫。問曰。六識是顛倒憶想分別應須斷除。何得即是方便解脫耶。答曰。六識非善非惡。隨緣起善起惡。善惡若能知六識非善非惡而起善惡。同事化物和光。不同塵。即是方便解脫也。三類通三種佛性者。一正因佛性。二了因佛性。三緣因佛性。大涅槃經云。言佛性者亦一亦非一非一非非一。亦一者正因真正解脫也。非一者緣因佛性方便解脫也。非一非非一者了因佛性即是實慧解脫也。四類通三種般若者。一實相般若。二觀照般若。三方便般若。真性解脫即是實相般若。實慧解脫即觀照般若。方便解脫即方便般若。義推可解。五類通三種菩提者。一實相菩提。故此經云。佛知一切眾生即菩提相。二實智菩提。三方便菩提。真性解脫即實相菩提。實慧解脫即實智菩提。方便解脫即方便菩提。義推可解。六類通三種大乘者。一性乘。二得乘。三隨乘。一性乘者。涅槃經云。一切眾生即大乘也。二得乘者。即智慧能得理乘故名得乘。三隨乘者。即是大方便隨順智慧故名隨乘。真性解脫即是理乘。實慧解脫即是得乘。方便解脫即是隨乘也。七類通三種法身者。一法身佛。二報身佛。三應身佛。真性解脫即是法身。毘盧遮那佛性淨法身。實慧解脫即是報身。盧舍那佛淨滿法身也。方便解脫即

是應身。釋迦牟尼佛應化法身也。義推可解。八類通三種涅槃者。一性淨涅槃。二圓淨涅槃。三方便淨涅槃。圓淨之名未見經文。有地論師云。方便淨涅槃出經文。義立應化涅槃。以為三涅槃也。若取義便。以圓淨為便。若取方便。方便淨為便。今明真性解脫即性淨涅槃。實慧解脫即圓淨涅槃。方便解脫即方便淨涅槃也。問曰。若明三種解脫類通三種般若。何得復用三種解脫類通三種涅槃。般若。是因名。涅槃是果稱。是則因果混亂之過耶。答曰。別義經論有時作此說。圓通了義之教。般若涅槃並通因果。故智度論云。若如法觀。般若若與涅槃是三則一。相其實無有異。又涅槃三德不縱不橫。豈得般若不至果耶。九類通一體三寶者。真性解脫即法寶。實慧解脫即佛寶。故涅槃經云。諸佛所師所謂法也。以法常故諸佛亦常。方便解脫即是僧寶。應身內和外同。十法界與一切眾生和合。亦能令一切入大和合海。備三和故是真僧也。十類通三德涅槃者。一法身。二般若。三解脫。真性解脫即法身。實慧解脫即般若。方便解脫即解脫也。故涅槃經云。諸佛菩薩隨所調伏眾生之處名為解脫。若斷煩惱離生死名為解脫者。與二乘何異。今明大乘解脫而生五道示現其身。自既無縛能解他縛。此三德不縱不橫。如首羅三目。名祕密藏成三涅槃。三種解脫三道三識三佛性三般若三種菩提三大乘三佛三涅槃三寶亦復如是。皆不縱不橫如世伊字名祕密藏名大解

脫。即是大涅槃百句解脫。法華明一切解脫也。第五約教簡別思議不思議者。問曰。三藏教之位是不思議不。答曰。三藏教三乘若教若證皆非不思議也。問曰。通教位名不思議不。答曰。若明因通果通。通教三乘若教若證皆非不思議。若以別接通。教是思議證是不思議。以圓接通。教證皆是不思議也。問曰。別教約位是不思議不。答曰。別教教是思議。證位有思議有不思議。三十心真證是思議。似證是相似不思議。登地已上證道皆是不思議也。若用圓接別。教證皆是不思議也。問曰。別若真思議之教。何得證不思議之理。答曰。如三藏拙度。說見有得道發真悟第一義諦。即是通教第一義諦也。問曰。圓教明位悉是不思議不。答曰。圓教若教若證皆是不思議也。所以者何。圓滿修多羅證不思議之理。即是教不思議。未稟教修習之人。即是理即不思議。初聞不思議圓教信心領納。即名字即不思議。隨喜五品弟子即觀行即不思議。得六根清淨是相似即不思議。初住發真乃至等覺是分證真實即不思議解脫也。妙覺極地即是究竟即不思議解脫也。若法華明開權顯實。前三若教若證皆是不思議也。第六約觀心明不思議解脫者。若知姪怒癡性即是解脫。巧用觀心不斷不隨觀心畢竟清淨。即是不思議解脫之義也。故此經云。諸佛解脫當於一切衆生心中求。若能如是而求。即有三種解脫氣分。類一切三法在一念觀心也。第七合人法通經者。人是毘摩羅詰即

淨無垢稱三義如前分別。法即真性實慧方便之三法也。人若離法則非能弘之人。法若離人則非所弘之法。今人法相成。人是弘法之人。法是所弘之法。約人明淨即真性也。約人明無垢即實慧無惑義也。約人明稱即是方便稱根緣也。人與法合即是住不思議解脫種種示現。故能輔佛弘三種解脫之法。方便解脫化諸凡夫。實慧解脫折諸聲聞。真性解脫訶諸菩薩。室內問疾一品明諸佛國土皆空。顯不思議解脫之大果。現於權疾。託疾興教。爲生實疾菩薩三觀之善破三種實疾也。不思議解脫品重成於果。觀衆生品佛道品入不二法門品香積品重成三觀之因。辨果明因。因果雖殊。皆是說不思議解脫之教也。一期化緣既訖。故掌擎大眾還歸佛所。表所化之徒緣縛既斷。當生淨國。成淨佛國土之行。又欲遠益未來。故勸供養斯法。流通。皆是闡揚不思議三種解脫之大道也。維摩經玄疏卷第五

### 維摩經玄疏卷第六

天台山修禪寺沙門智顗撰  
前明此經玄義大段開爲五重。第一大段釋名略竟。今次第二大段辨此經之正意。如國必有王。教必有主也。就此略用七意解釋。  
第一正辨體 第二簡偽顯真  
第三入實相門 第四一法異門

#### 第五爲衆經體 第六約觀心 第七通釋此經

第一正辨經體者。此經以不思議真性解脫爲體也。真性解脫義如前廣辨。就此略爲二意。一者正辨此經體。二明須知經體。一正明不思議真性爲此經體者。若他明此經多用權實爲體。體即是宗。今但以不思議真性解脫爲體者。如天無二日國無兩主。若權實爲體者。權實既是二法。是則一教便有兩體。今但用不思議真性解脫爲體者。真性即是一實之理。若用一實之理爲體。即無兩體之過也。所言真性解脫者。此經云淫怒癡性即是解脫。今言淫怒癡性即是真性。真性即是實相一實諦之異名也。大涅槃經明一實諦即是真法。若法非真不名實諦。問曰。上說真諦即是思議解脫之理。今何故說真實之性即是不思議解脫之理。答曰。上是偏真之真。今依大涅槃經以明實諦。實諦者即是不思議圓真。圓真法性即是真性解脫。真性解脫即無八倒。無八倒者即是真性解脫。真性解脫無有虛妄。無虛妄者即是真性解脫。真性解脫即是大乘。大乘即是真性解脫。真性解脫即非八魔。非八魔即是真性解脫。真性解脫即是一道清淨。一道清淨即是真性解脫。真性解脫即是常樂我淨。常樂我淨即是不思議真性解脫。不可思議真性解脫即是此經之正體也。如此真性豈同偏真哉。二明須知經體者。若尋經失旨事同調達。雖讀六萬法藏不免現身墮大地獄。弊特但誦一

揭成羅漢道。如大智論說聲聞經有三法印。無常無我寂滅涅槃印。小乘經有此印。即是小乘了義經。行人稟教能得道也。若無三法印即是不了義經。聞者未必出離生死。一切大乘經但有一法印。所謂諸法實相。若大乘經有實相印。即是大乘了義經。聞者乃可得菩薩道。若無諸法實相印即是不了義經。聞者多墮一邊不能得無生忍也。復次若無實相印。雖說種種願行猶濫魔之所說。所以者何。魔王亦能說種種願行。但不能說諸法實相。故大智論云。除諸法實相其餘一切皆是魔事。諸法實相即是真性解脫之異名也。問曰。聲聞經何故但用三法印。摩訶衍教何故但用一實相印。答曰。聲聞根鈍著重故。須說三法印令厭生死苦欣涅槃樂。菩薩大悲根利易悟。生死即涅槃相能不捨生死不取涅槃入不二法門。故佛但說諸法實相印也。問曰。若言國無二主。大乘經但用一法體。聲聞經遂以三爲體。豈非三主之過。答曰。如君強不須輔相。君弱則輔相共治國。聲聞經法相理弱故須三印治。破愛觀無常。破見觀無我。若入苦忍真明俱得寂滅也。第二明簡僞顯真者即爲三意。一者正明簡僞顯真。二約共不共教簡別同異。三約諦明去取。一明簡僞顯真者。實理幽微真僞難別。但凡夫所習若教若行莫不各以爲真。故尋學之徒必須自以智力研覈真僞。就此即爲二意。一簡非實相。二顯正實相。一簡非實相者即爲三。一世俗經書所明非實相。二外人經書所明非實相。三

聲聞經教所明非實相。一世間經書所明非實相者。世間經書所明但爲安國治家賞善罰惡。仁義禮智誠信孝敬養生養性之道。皆是愛論。乃至釋提桓因種種善論。諸梵天王說出欲論。五通之人神仙之論。亦皆是屬愛之戲論。戲論破慧眼不見於真實。是故皆非實相也。二明外人經書所明非實相者。外道多起身邊邪見。或計神及世間常是事實餘妄語。乃至或計神及世間非常非無常是事實餘妄語。如是墮十四難生六十二見。雖各謂是實非實相也。以其各各因見起諸煩惱作種種行業流轉生死。是故諸有言教皆是屬見戲論。戲論破慧眼不見於真實。故非諸法實相也。三明聲聞經教非實相者。聲聞經多明無常無我破壞諸法說盡苦涅槃。且聲聞人厭長生死觀無常。斷結即身欲入涅槃。不能深求諸法實相。故不明實相也。二顯真實相者。摩訶衍教所明爲利根菩薩如法相說。多明第一義悉檀。菩薩大悲爲衆生故求無上道。不計劫數深觀諸法。不滯二邊一心常寂。如水澄清珠相自現。得諸法實相故摩訶衍經教所明有真諸法實相。真諸法實相者即不思議真性解脫。此經之體也。二約共不共教簡別同異者。就此即爲二。一約共二乘說般若。明法性實相有同有異。二約共二乘說般若。明法性實相但異非同。一約共般若明法性實相爲大乘經體有同有異者即爲三意。一約通教。二約別教。三約圓教。一約通教明同異者。所言同者。即是同入偏真

之法性也。所言異者。三乘雖同入法性。而無深淺之異。但斷正使侵習習盡。如前通教分別。聲聞入淺但斷正使。緣覺小深侵除習氣。菩薩能窮法性之底習氣都盡也。譬如三獸渡河。水雖是一。兔馬象脚有短長。故入水不無淺深之別。水雖是一而深淺有異也。二約共說般若別教明空。不空辨法性同異者。涅槃經云。第一義空名爲智慧。智者見空及與不空。聲聞辟支佛但見於空。不見不空。聲聞菩薩同見於空。是則法性理一名之爲同。菩薩能見不空。不空即是智慧之性名見佛性即是異也。譬如三獸渡河。二獸浮渡但知水軟。若象浮渡出沒到底。浮知水軟。到底著地知非軟也。問曰。不空爲當有故名見不空。爲無空故名不空也。答曰。具有二意。有故是不空者。智慧性故非空也。無故說不空者。真諦法性之理即是空。此空畢竟不可得故。故言不空。言不空者即是非真諦法性之空也。故大智論云。空有二種。一者但空二者不可得空。聲聞唯得但空。智慧猶如螢光。菩薩得但空得不可得空。智慧猶如日光。二乘同得但空故名爲同。菩薩得不可得空名爲異也。譬如掘土。除土至泥。除泥若圓至水也。三約共說般若教明不思議法性實相有同異者。聲聞入法性唯見法性。如虛空無所有。菩薩諸佛入法性實相亦見法性如虛空。能於如虛空法性中開佛知見。圓照法界一切法也。同入如虛空法性無所有故名之爲同。諸佛菩薩能於如虛空法性中圓照一切法界。即是不

思議法性故名爲異也。故身子領解云。同共一法中而不得此事。嗚呼深自責。云何而自欺。是則略明其般若共二乘說。而上中下根利鈍不同。故於一法性通別圓三種之異也。譬如石有金性。有人破石得金。而不能作種種釵環瓔珞。有人得金能用作種種釵環瓔珞。而不能變金爲丹。有人能變金成丹。服之得仙五通無闕也。金性是一。而得者三種不同也。一約不共說般若明法性實相爲大乘經體一向異者。二乘所見偏真不得言同也。就此爲二意。一別教二圓教。一約不共般若別教明法性實相。斷除二障離生死涅槃二邊。別以不空之理自性清淨心如來藏理爲法性實相。是則聲聞在座如聲如虛也。譬如破鏡得真金異類也。真金不可破壞。隨意作種種器。頗梨易破。不得迴轉作種種器也。二約不共般若圓教明法性實相爲大乘經體者。一切諸法即是佛性涅槃如來藏也。是則二乘在座如聲如虛。譬如如意寶珠非頗梨珠。豈可言同也。三約諦分別者。明法性實相之理不出諦也。故須約諦分別。但諦有三種。一者三諦。二者二諦。三者一諦。一約三諦分別法性實相爲此經體者。即爲二意。一略明三諦。二明去取。一略明三諦者。一俗諦二真諦三中道第一義諦。三諦義略如前四教所詮分別。二去取者。俗諦但是凡人所見之理。故非此經體也。真諦即是二乘所見之理。亦非此經體也。中道第一義諦即是法性實相。即此經之正體。二明約二諦分別法性實相

爲此經之體者亦爲二意。一者略明二諦相二者去取。一略明二諦相者。二諦有二種。一者理外二諦。二者理內二諦。一理外二諦者。不約佛性以明二諦也。即是猶處門外止宿草庵。今明此理外二諦即有三種。一者隨情二諦。二者情智二諦。三者隨智二諦。一明隨情二諦者。如諸論師撰二諦義。集古今乃有數十家。明二諦義不同。又尋諸經論明二諦之相。亦有種種不同也。但二諦既是審實之理。何得異說不同。若一家爲是。衆家併非。孰能判其是也。今作三種二諦通釋衆家所明二諦。若有文證則皆可用諸經論異說皆無滯也。故云諸佛常依二諦說法。但二諦之理不應有異。而諸師及衆經論異說不同者。皆是隨情之二諦也。隨世界爲人對治第一義四悉檀所辨之根情也。衆生根情種種不同。佛教所明二諦何止數十家之異。乃有無量不同。故涅槃經云。分別二諦有無量相。我於彼經竟不說之。此何謂也。而末代各明一種二諦不受衆家異說。將非大失乎。二明隨情智二諦者。如上所明種種二諦。隨世界爲人對治之情。聞說未悟者。皆束爲世諦。若種種異說二諦爲向道之人。聞說即悟發真慧眼見第一義。即是隨智之真諦也。是則情智合辨有二諦之殊。故涅槃經云。如世人心所見者名爲世諦。出世人心所見名爲第一義諦。三隨智二諦者。二乘聖人發真無漏。法眼慧眼所見二諦之理也。若爲凡說如示盲者白相。故妙勝定經明。文殊釋迦因地證二諦義

墮三惡道。見迦葉佛說二諦。即是顯隨智二諦不可以情求也。若以情求執證。則同釋迦文殊因地執隨情二諦之過非也。問曰。二諦爲定是理爲定是教。答曰。有師言並是理。有師言二諦並是教。有師言俗諦是教真諦是理。故經云。皆以世諦名字故說非第一義。今詳此三家明義互有得失也。應四句分別。若約隨情二諦。二諦並是教。是則二諦皆可說也。故有種種二諦。諸師所用不同。經論所明各別。若就隨情智二諦。即俗諦是教真諦是理。是則俗是可說真不可說也。若就隨智二諦。二諦皆是理。是則二諦皆不可說也。若約隨智世諦。隨情真諦。是則俗是不可說也。是以迦葉如來之所證見。尚非釋迦文殊因地情之所知。況復末代凡夫之所能解。今略明此三種二諦。言雖不多。意則靡所不該。佛法義學坐禪之人。若不信此。疑謬豈息也。二次明理內二諦者。約中道佛性以明二諦也。就此得有三種。一者中道合真明二諦。二者真諦合俗明二諦。三不思議二諦。此三種二諦亦各有隨情情智隨智三種也。一中道佛性合真諦爲二諦者。猶是通教之二諦也。非祇通二乘。亦通別通圓也。所言中道合真爲第一義諦者。涅槃經云。言佛性者即是第一義空。第一義空名爲智慧。智者見空及與不空。不空即是中道。空即是真諦。故知中道佛性合真諦爲第一義諦也。亦有三種二諦。類前可知。二明真諦合俗諦。但取中道爲真諦。明此真諦者。即是別教之二諦也。所言真諦合俗

諦爲世諦者。大涅槃經云。我與彌勒共說俗諦。五百聲聞皆謂說第一義諦。此即別教二諦。亦得有三種二諦。類前可知也。三明理內不思議二諦者。前明理內二種一諦。不二而二是不思議圓教之二諦。亦有二種二諦。類前可知也。二明去取者。若理外二諦但非世諦非此經體真諦亦非也。若理內二諦三種世諦亦皆不得爲此經體也。理內三種真諦即是法性實相。此經之正體也。問曰。祇應取圓教不思議真諦爲體。何得取理內通別真諦爲體也。答曰。若是法華經正直捨方便。可得但用圓教一真諦爲體。此經猶帶通別二種方便。理內三種真諦皆得爲此經體也。但有傍正。不思議真諦爲正也。三明約一實諦爲此經體者。一實諦義如前分別。但一實諦即是不思議真性解脫實相之理。即是此經之正體。事如初重引涅槃經解釋也。第三明四門入體者。尋真性實相之體。幽微妙絕。一切世間莫之能契。但以大聖明瞭通理之門乃於無言之理起緣起教。以教爲門。是以稟教之徒因門契理。故法華經云。以佛教門出三界苦。又云。其智慧門難解難入。此經明諸菩薩各說入不二法門。即其意也。今略以三意解釋。一略辨四門相。二正明四門入體。三明悉檀起四門教。第一略辨四門相者。門以能通爲義。佛教所詮正四句法能通行入至真性實相之體。故名爲門。若外人邪因緣無因緣說四句。因此四句各見四種邪法之理。因此生十四難六十二見。起諸結業沈輪生

死。此是邪道四門。今所不述。若佛法四門即是正因緣四句法能通行入第一義涅槃也。故大智論云。四門入清涼池。又譬般若如大火炎。四邊不可取。又云。般若波羅蜜有四種相即四門義。仰尋佛法既有四教不同。今約教明門各有四別。一三藏四門。二通教四門。三別教四門。四圓教四門。一明三藏教四門。一有門。二空門。三有門。四非有非空門。一有門者。即三藏教明正因緣生滅之有。若稟此教能破十六知見。見陰界入一切有爲諸法皆悉無常苦空無我。得世第一法發真無漏。因有見真有。即第一義諦之門也。故大集經云。甚深之理不可說。第一實義無聲字。陳如比丘於諸法獲得真實之知見。如此即諸阿尼曇論之所中也。二明空門者。即是三藏教明折正因緣假實法生滅入空。若稟此教能破假實之惑。見假實空發真無漏。因空見真空。即第一義之門也。故須菩提在石室觀生滅無常入空。因空得道名見佛法身。恐此是虛實論之所中也。三明有門者。即三藏教明正因緣生滅之有。若稟此教能破偏執有無之惑。見因緣有空發真無漏。因有空見真有。即第一義之門也。此是迦旃延因入道故作昆勒論還。申此門也。四明非有非無門者。即三藏教明正因緣生滅非有非空之理。若稟此教能破有無邊邪執。見因緣非有非無發真無漏。因非有非無見真非有非無。即第一義之門也。惡口車匿因此入道。未見論度。有人言。犢子阿尼曇申此意

也。彼論明我在第五不可說藏中我非三世。即是非有非無法即是非空也。此恐未可定用。二明通教四門者。即是智度論明。一切實一切不實。一切亦實亦不實。一切非實非不實。佛於此四句廣說第一義悉檀。中論明此四句皆名諸法之實相。即通教明正因緣法如夢幻響化水月鏡像體法即空之四句也。若三乘共稟此教。而根緣不同。各於一句入第一義。故四句皆名門也。此具如青目注解。又注云。諸法實相有三種。故知此四門即是三乘同入此四門見第一義也。三明別教四門者。若用中論亦名。名而辨四門者。即別教之四門。大智論四句亦得也。此別教四門意正出大涅槃經。但多散說。約乳明四句譬即是別教四門也。若明佛性如乳有酪性石有金性力士額珠即有門。若明石無金性乳無酪性衆生佛性猶如虛空大涅槃空迦毘羅城空即是空門也。涅槃又云。佛性亦有亦無者。云何爲有。一切衆生悉皆有故。云何爲無。從善方便而得見故。又譬如乳中亦有酪性亦無酪性。即是亦有亦無門。若明佛性即是中道。百非雙遣。故經譬云。乳中非有酪性。非無酪性。即是非空非有門也。別教菩薩別稟此四門之教因見佛性住大涅槃。故此四句之說即是別教之四門也。今一往約涅槃經文分別別教四門之相。但此經文或可圓教四門。至下圓教四門自當料簡同異也。問曰。若別教四門但出涅槃。爾前諸摩訶衍經何意無別教四門也。答曰。大涅槃經是解前經

教之經。此前諸摩訶衍豈無別教四門。具出經文事成繁也。四明圓教四門者。四門明入佛性第一義。一往與別教四門入第一義諦見佛性得常住涅槃。名義是同。細尋意趣有異。問曰。以何相知異。答曰。分別有異。意乃多塗。今略約圓教七義分別。即知別教四門與圓教四門有殊也。七義者。一若明一切法即真性實相佛性涅槃。不可復滅而明四門者。即是圓教四門也。二明初心即開佛知見圓照而辨四門者。即圓教四門也。三若明不思議不斷煩惱而入涅槃辨四門者。即是圓教四門也。四若明圓行而辨四門者。即是圓教四門也。五若明圓位而辨四門者。即是圓教四門也。六若明圓體而辨四門者。即是圓教四門也。七若明圓用而辨四門者。即是圓教四門也。第二正明四門入體者。若外人四門心行理外。諸顛倒想與顛倒相應。不得入真性體。所以者何。隨門異故見理亦異。是故各說謂得一究竟道起諸論也。今明佛法四門皆得入一體。但有兩種不同。一者三藏通教兩種四門同入偏真之理。二者別圓兩教四門同入圓真之理。一明三藏四門通教四門同入偏真之理者。各因四門同見第一義得二種涅槃。是同也。理雖是一而門有異者。既有巧拙兩度之殊。故有兩種四門能通之別也。真理無二。故所通至體是一也。譬如州城開四門使君是一。而從四門入者門雖有殊而所見使君祇是一也。三藏教四門如從州城四邊偏門而入。通教四門如從四正門

而入。偏正雖殊入見偏真第一義諦得二種涅槃是一也。二明別教四門圓教四門入實相真性體者。各因四門而入見實相佛性得常住涅槃是一也。理雖是同而門有異者。教門既有偏圓之殊。故有兩種四門能通之異也。佛性真理不二。故所通至真性體是一也。譬如臺城有四門門雖不同所見天子是一也。別教四門如從臺城四邊偏門而入。圓教四門如從四正門而入。偏正雖殊入見真性解脫實相之體是一也。第三明用四悉檀起四門之教者。若外道四門皆不見根緣。執心取相定說。如舊醫常用乳藥治一切病。此不依四悉檀而起四門也。今佛法四門皆因四悉檀而起也。一明悉檀起三藏教四門。二明悉檀起通教四門。三明悉檀起別教四門。四明悉檀起圓教四門。一明四悉檀起三藏教四門者。即是生生不可說有四悉檀因緣亦可得說。一明用四悉檀起有門者。若衆生心樂有法即用世界悉檀說毘曇有門。若宜聞生善即用各各爲人悉檀說於有門。若執無因緣邪因緣或執空取著起諸結業即用對治悉檀爲說有門。若聞即悟見第一義即用第一義悉檀爲說有門。如拘隣五人聞說四諦即見第一義諦得須陀洹果。若不能用四悉檀起緣而說者。即是差機說。法是衆生怨天魔外道一手作諸勞侶。涅槃經云。說法者諸佛境界非諸聲聞緣覺所知也。二明用四悉檀起空門者。類前有門。用四悉檀起空門義即成也。而諸成論師云。毘曇有門但是

調心不能得道。成實見空乃得道耳。諸數論師云。我用小乘明義見有得道。汝採用大乘明義故說見空得道。今謂此並不得三藏教意。大集經云。常見之人說異念斷。斷見之人說一念斷。二見雖殊得道無異。大智論云。聲聞經中處處明法空義。豈得言見空得道探明大乘。今約此四悉檀意作成壞義。數人四義成或論四義壞。成論四義成數人四義壞。是則成壞敵等。何者是成論成。何者是數人壞。若解三藏教巧拙兩度。則成論空門義成。數人有門義壞者也。三明用悉檀起有無門。類前有門用四悉檀意。則有空門得起。故爲毘勒論所通也。四明用悉檀起非有非無門者。用四悉檀。亦類前有門用四悉檀意。可見也。二明用四悉檀起通教四門。類三藏教可知。三明用四悉檀起別教四門。類三藏教可知。四明用四悉檀起圓教四門。類三藏教可知。具釋並在四教大本。第四一法異名者。諸經異名說真性實相或言一實諦。或言自性清淨心。或言如來藏。或言如如。或言實際。或言實相般若。或言一乘。或言即是首楞嚴。或言法性。或言法身。或言中道。或言畢竟空。或言正因佛性性淨涅槃。如是等種種異名此皆是實相之異稱。故大智論云。般若是一法。佛說種種名。隨諸衆生類爲之立異字。大涅槃經云。如天帝釋有千種名。解脫亦爾。多諸名字。又云。言佛性者有五種名。故皆是赴機利物爲立異名也。而法體是一未曾有異。如帝釋千名名雖不同終是目於天

主。豈有開異名故而言非實相理。如人供養帝釋毀橋尸迦供養橋尸迦毀於帝釋。如此供養未必得福。未代弘法者亦爾。或信黎耶自性清淨心而毀畢竟空。或言畢竟空無所有毀黎耶誠自性清淨心。或言般若明實相法花明一乘皆非佛性。此之求福豈若虛禍。若知名異體一則隨喜之善遍於法界。何所諍乎。第五爲衆經體者。諸摩訶衍經皆用實相不思議真性解脫爲體也。問曰。諸經或有無實相異性之名。何得備爲衆經體乎。答曰。如向所辨。一法異名。諸經雖不作實相名說。若說中道法界如來藏正因佛性本有涅槃。皆是實相異名即爲衆經體也。第六約觀心者。若小乘行人持戒坐禪發背捨勝處一切法門若不得無常無我寂滅之印入此觀中皆成邪倒。不能悟理成無漏也。大乘觀法亦復如是。若不得法性實相印者。多成魔業墮於二邊。豈得入不二法門住不思議解脫也。問曰。凡夫初心豈得即修。答曰。譬如人射的的作著意。此至放箭已有丈尺之疎。發軔奔漫何能得著。學正觀心亦復如是。第七通此經者。此經品皆異名說真性解脫。其道機純熟之者聞此得道也。大段第三明佛國因果爲宗者。宗即是一教之綱維。如有王處必有輔臣共治。經既立體。必須明宗以成教也。今明此義略爲五重

第一分別宗體不同 第二正明因果辨宗義 第三明因果成佛國義 第四約觀心第五通此經文

第一分別宗體不同者即爲二意。一先覈宗體不異 二正明宗體不同 一先覈宗體不異者。有師云。此經權實爲宗。宗即是體。今問。若宗體是一。體是此經主。是則此教唯有二法無不二之理。則無諸法實相印。若無諸法實相印教則無主。何得諸經皆云此經衆經之王也。復次若以權實二法爲體者。亦應以二法爲印也。是事已如前釋。譬如國但得有一主不應立兩主也。若一經教有二體。亦應國有二君也。二正明宗體異者。尋經論亦不分別宗體之文。此出弘法法師之性。但作義巧便欲開發經教令學者見意故須爾也。非因非果異性爲體。因果爲宗。約因果以顯非因非果。舉因則攝於萬行。舉果則攝於萬德。故以因果爲宗。如提綱目動。又如君主是一輔臣有二。二臣共輔一主能治天下。今非因非果是一。因果是多。顯成一教利益有緣。分宗體之別。以佛國因果爲宗也。第二正明因果辨此經宗者。以佛國因果爲宗。今故以佛國標名。就此即爲二意。一正明因果爲宗。二料簡。一明因果爲宗者。但非因非果既通爲衆經之體。而因果亦通爲衆經之宗。宗則不定。或單用因爲宗。或單用果爲宗。或因果合爲宗。如涅槃明涅槃常住四德之果。文內非不明五行十功德之因果。果正因傍。但以果當宗。若是大品明般若智照之因。文中非無種智涅槃之果。因正果傍。但以因爲宗。若法華明一乘因果。借蓮華爲名。是則因果俱爲宗。此經從人法得名。人能行法。即是因

地行人。法名不思議解脫。解脫是斷德之果。望果行因故以佛國因果爲宗也。二料簡者。問曰。若言非因非果而因果。今涅槃何故但果而不因。大品但因而不果。此經既是解脫之名何不但果。答曰。若通論亦得此義。而義有傍正。大涅槃果正因傍。大品因正果傍。今經雙舉佛國因果。是故佛國因果以當宗也。所以者何。如長者子獻蓋云。願聞得佛國土清淨。即問果。唯願世尊說諸菩薩淨土之行。即是問因。佛答云。直心是菩薩淨土。即是答因。不諂衆生來生其國。即是答果。命宗之始雙問因果。答亦俱答因果。且淨名輔佛弘因果之教也。如室外勸國王長者令厭此身。即是弘因。當樂佛身。即是弘果。乃至彈諸弟子菩薩等。處處有明因果之文。又如室內明十方佛土皆空。即是明果。有疾菩薩用三觀調心。即是明因。不思議品是果。觀衆生品佛道品入不二法門品香積品是因。出室掌擎大衆向菴維園。即表迴因向果。如來述成復宗明義具辨菩薩之行。即是述因。明諸佛土音聲爲佛事寂滅爲佛事等。即是述果。驗知一教始終皆明因果以成佛國。故並用當宗也。第三正明因果成佛國義者。就此即爲三意。一略辨因果相。二簡通別。三正成佛國。一略辨因果相者。因是修行之法。行本約理。理即非因非果。行即因果。若離非因果而辨因果是邪因果。今約此理而明因果是正因果。經云。隱名如來藏顯名爲法身。菩薩修行顯此藏理功用未圓故名爲因。藏理圓顯究竟

解脫即是果也。故大涅槃經云。是因非果。如佛性。是果非因。如大涅槃。非因非果名佛性。非因非果名大涅槃也。二明簡通別者。就此即爲二意。一別簡不思議因果。二通簡因果。一別簡不思議因果者。問曰。二俱非因非果。何故佛性但因非果。涅槃但果非因。答曰。此明別教別義分別因果也。若圓教通義俱得。佛性是果者。如大涅槃經云。佛性即佛。一切衆生未成佛故。云何衆生而有佛性也。涅槃即是因者。又云。大般涅槃本自有之。非適今也。又云。佛性亦因亦果亦果亦果。如無明緣行緣識十二因緣亦因亦果亦果。亦果亦果。初住望二住是因。望三住是因。因三住望二住是果。望初住是果。乃至金剛望大涅槃爲因。大涅槃望金剛爲果。無上菩提但是因。無上涅槃但是果。故今明不思議解脫之因果亦如是。二通簡因果者。以世間因果即是苦集之法出世因果即是道滅。一切因果不出四諦。但大小明義不同。故有二種四諦之別。小乘明有作四聖諦。大乘明無作四聖諦。於是二問更立二種四諦。謂無生四真諦無量四諦合爲四種四諦。並是明因果之義。具出涅槃。解釋顯在法華疏也。三明因果成佛國爲此經宗者。約此四種因果以明佛國因果辨此經宗也。若是有作集無生集此二集善惡五濁輕重約根利鈍同感凡聖同居淨穢土託生受報爲苦諦也。若是生滅無生二種道滅者同感方便有餘土託生即彼土之苦諦也。此之道滅即是無作之苦集無

量無作之道滅分成。即得生實報無障淨土。若無作智滿則無作集盡。則無一生之報智冥心源。此經云。心淨即佛土淨也。仁王經云。唯佛一人居淨土。故知四種四諦因果即是正報。以正報故說於依報國土也。問曰。有作無生集共有淨不淨。無量無作云何。答曰。若無量無作因果亦有淨不淨。三乘人斷三界子果兩縛盡。俱得受法性身生變易土。三藏二乘通別圓菩薩五人功德既有優劣利鈍不同。亦應得橫論淨穢之別。若別教蓮華國諸菩薩非生死人。其土亦得。摩訶淨不淨。諸地菩薩未窮性淨之源猶有分惑。故三賢十聖住果報。唯佛一人居淨土。故知因果語通從凡至聖非正意。但論佛國因果爲此經正宗。入文更當略分別也。第四約觀心者。下文云。隨其心淨即佛國淨。觀心性本淨猶如虛空。即是性淨之境。境即國也。觀智覺悟此心。名之爲佛。初觀名因。觀成名果。若論自行。即是心主無染。若論化他。即是心數解脫智慧數爲大臣。能排諸數上惑以還心源清淨土也。故云心淨即佛土淨也。第五通此經文者。如佛爲實積說佛國因果。即是當宗下文雖不自說。而淨名即是法王大將。助佛開揚因果正教。符成佛說佛國因果斷物緣轉。令生佛國成菩薩淨佛國土之行也。故室外品品皆有因果之說。室內品品亦有因果之說。出室亦有因果之說。皆符成佛國之教。若在此經文也。大段第四權實善巧爲用者。不思議體宗既成此教必有功能。功能者。權實

有利物之功能也。亦爲五意

第一簡權實用 第二明諸教權實不同  
第三釋權實義 第四折伏攝受  
第五約觀心

第一簡權實用者。有人偏用權巧莫測爲用。此用明偏也。今言權實悉得爲用。所以者何。若論無言之道。權實並無可說。有因緣故俱可得說若說權有爲。權即是用。說實令物得悟。實即是用。是故俱得爲此經用也。問曰。若本是體。從體起用乃可言權是用。那得實亦是用。若皆是用。便無體用之殊。亦無宗體之別。答曰。權實有多種。若就自行化他明權實者。前來權實但是用而非體。今經正就化他明權實。是故權實俱是用也。第二明諸教權實不同者。華嚴具有二教。別教爲權圓教爲實。三藏一向是權化城引接也。方等備有四教。三權一實。般若廢三藏但有二教。二權一實。法華正直捨方便但有一實。涅槃備釋四教。在因三權一實。辨果唯有一實同也。問曰。此與方等何異。答曰。方等二入實二不入實。涅槃四俱入實。此爲大異。今經是方等教攝。因有三權。果則一實。二入二不入實也。分別具在法華玄義。第三釋權實義即有三種。一者化他權實。二者自行化他權實。三者自行權實。一明化他權實者。諸佛菩薩所見三諦不可向凡人說。隨他意語悉皆是權。今約權而明實也。此則有千萬種二智。四悉檀赴緣不同。衆家不善得此二智意。隨取經論所明二智而用之者執諍云云也。二者自行



化他權實者。如諸佛菩薩隨他意說並是權智。隨自意語皆實智也。三自行權實者諸佛菩薩自行所證二諦三諦之理以辨權實也。還將一家明三種二諦對之冷然。義推可解。今經所明備有三種二智。爲國王長者諸聲聞用化他二智。爲諸菩薩用自行化他二智。杜口無言是自行二智也。第四折伏攝受者即爲二意。一略明折伏攝受。二正通此經文。一略明折伏攝受者。如勝鬘云。應折伏者而折伏之。應攝受者而攝受之。以折伏攝受故爲令正法得久住故。今淨名爲令不思議法得久住故。是以方便折伏實智攝受類。如戒序云。老死至近佛法欲滅者。佛法湛然。何嘗有滅。若虛燒經卷。尚有二十億菩薩受持佛法。故知不滅。今言滅者約人壽盡故言其滅。如凡夫未得無漏慧命。未能棄持禁戒。身若無常戒法即謝。故佛法欲滅。戒定慧解脫解脫知見五分法身本依色身而起。色身既死。五分亦滅。即是身內佛法滅也。若能勤進發真得道共戒。此則一受不退常寂然。即有五分法身具足。假令七反人天雖生惡國。非但不失須陀洹果。此人必得阿羅漢果。是則陰身雖滅佛法不滅。五分法身無朽壞也。即是佛法久住。若大乘爲義。雖復證羅漢盡無生智乃至辟支迦十種觀觀十二因緣能侵習氣。亦歸灰滅。如百二十人不堪付囑喪失財寶若能開佛知見。得二十五三昧無方之用。住持佛法守護重寶。重寶者。即百斤金百句解脫真寶也。如盛壯之年二十五者堪可付

囑。此人能折伏攝受令法得久住也。二明正通此經者。今淨名欲令釋迦正法久住。是故室外彈詞室內攝受。通論彈詞攝受處處皆得。如人詞罵是暫時長養是本心。而今或時用權智詞以實智攝。如彈國王長者即是權詞。當樂佛身是實攝也。如詞須菩提云。於食等者於法亦等入八邪而得八正。是用實智詞還用權攝。云如佛說幻人。以是事詞寧有權不。此即權攝。詞阿難亦爾。如詞彌勒等實智詞實智攝受。如詞迦旃延權彈權受。室內別義云云。故知淨名折伏攝受成於此教也。第五約觀心明權實者觀中道時以二觀爲方便得入中道。是權折伏實智攝受。若觀中道而發二乘觀。即是實智折伏權智攝受。若觀二諦還發二觀。即是權折伏權攝受。若觀中道還發中道。即是實智折伏實智攝受。復次善將四隨用心。如大止觀三十六轉解說。即是觀心折伏攝受正法得住也。大段第五明教相者。前大段四重釋此經一部正意略顯。但此經與衆經有同有異事須分別。而前明四教處處簡別教相辨衆經同異。大意略應可見。但恐散明教相同異。尋者或未明了。今須更釋此經同異之相。就此即爲四意。

第一明教相大意 第二略出諸師判教不同 第三研詳去取 第四正明判經教相

別也。故有頓漸赴機。至如華嚴廣明菩薩行位。三藏偏說小乘。方等破小顯大。小品歷法遺蕩會宗。法花結攝始終開權顯實。涅槃解釋衆經同歸佛性常住。今此經抑揚褒貶赴機說不思議解脫者。猶是方等之教。第二略出諸師判教不同者。若觀發法師三時明義。一有相法輪。二無相法輪。三常住法輪。此經並屬第二時無相得道。未明佛性常住涅槃。若開善光宅判教有三種。一頓二漸三偏方不定。漸教分爲五時。此經是第三時折挫聲聞褒揚菩薩之教。猶未會三歸一辨佛性常住。若是莊嚴四時明義。此經猶屬般若無相得道。亦未明會三歸一佛性常住。若是地論四宗明義。此經即是真宗大乘緣起反出之教。若是流支半滿明義。此經即是滿字之說。不異華嚴涅槃。從來名義古今判教不同。法華玄義別當委出也。第三研詳去取者。若言此經是第二時教或第三時說未明佛性常住者。此經明不思議真性。真性豈非佛性。若言不明常住。此經云。如來之身即是金剛之體。衆惡永盡衆善普會。當何有疾。豈非常住也。次若言此經是真宗之教過法華者。何故諸聲聞人於此經中不見佛性同法華涅槃也。次若言此經即是滿字明佛性常住者。何故涅槃判爲生蘇之教。生蘇既不得。即是醍醐。此經何得即與涅槃滿字齊也。引諸經論檢覈衆義。備出法華玄義也。第四正明判此經教相者。但如來經教乃遍滿三千。元其正意不出四種。一者頓教二者漸教三者不定教

四者祕密教。一頓教者即華嚴經也。譬如日出前照高山。又如涅槃經云。雪山有草名曰忍辱。牛若食者即得醍醐。即其義也。然雖云頓教。爲化菩薩不無兼開別教方便。故無量義經云。摩訶般若華嚴海空宣說菩薩歷劫修行。而未嘗宣說如是甚深無量義經。未同法華三乘同得開佛知見發本顯迹成道已來甚大久遠。如此即不與諸法師同也。二漸教者。即是五味相生。三藏初門所說事戒定即是從牛出乳。三藏教明生滅四諦即是從乳出酪。方等大乘最初說無生四諦。無量無作對破小乘詞責聲聞樂小法者。即是從酪出生蘇。摩訶般若亦說無生四諦。而具明無量四諦宜說歷劫修行。亦說無作四諦會小乘法皆是摩訶衍。令聲聞轉教。即是從生蘇出熟蘇。如法華說一實無作四諦爲諸聲聞開佛知見悉受記而成大果實如秋收冬藏更無所作。即是從熟蘇出醍醐。又涅槃經爲諸比丘說三修佛性一實無作四諦。爲諸聲聞開決慧眼見佛性安置諸子祕密之藏。亦是從熟蘇出醍醐。故無量義經明說大品在法華前。大智論云摩訶般若在法華後。如此明五味之義與常途一往似同。細心比並辨次解義不相關也。三明不定教者。亦不同傳解別有遍方不定之說。今但於五味教內利根之人不同教教悉皆得見佛性。故有滿字之義。故涅槃經云。譬如有人置毒於乳乃至醍醐亦能殺人。所以梁武流支攝山三家此經大品皆是滿字明佛性辨當。意在此也。四祕密

教者。大智論云。佛初成道鹿野轉四諦法輪。顯露教中明五人見諦得須陀洹果八萬人得法眼淨。祕密教無量菩薩聞說大乘得無生忍。復次始從得道至泥洹夜常說般若。或可即其義也。此經云。佛以一音演說法。衆生隨聞各得解。此亦是祕密教之相。若時衆皆不得聞見即是祕密教也。問曰。若爾可無遍方不定說耶。答曰。五味次第尚得論不定。遍方設有異說此復何須論也。婆羅門將偈來此出四種論。所謂牛王論蝦蟇跳論獅子論鳥眼論。今借便用此四種論通前四種教。牛王論通頓教。蝦蟇跳論通漸教。獅子論通不定教。鳥眼論通祕密教。今判此經非是頓教乃至五味漸教生蘇之味。若約不定教即是置毒生蘇而殺人也。利根菩薩於此教入不二法門見佛性住不可思議解脫涅槃。即滿字之教若祕密即不可知也。此經意不主明教相。是故不須委曲也。但教相義多有所關最爲難解難明。法華玄辨四教義方可得。略見大意耳。

佛法不思議 唯教相難解  
二乘及菩薩 尚所不能測  
何況諸凡夫 而欲判此事  
譬如生盲人 分別日輪相  
欲判虛空界 一切諸色法  
而言了達者 畢竟無是事  
是故說法者 各生慚愧心  
自責無明闇 捨戲論諍競  
●維摩經玄疏卷第六

No. 1778 (cf. N. s. 435, 1777, 1779)

### 維摩經略疏序

今茲疏文即隋煬帝。請天台大師出之。用爲心要勸文具在國清百錄。因今侍者隨錄奏聞。但至佛道品後分。章安私述續成。初文既筆在侍人不無繁廣。每有縝素諸深見者。咸欣慕之。但云繁其文多。故輒於其錄而去取之。帶義必存。言繁則剪。使舊體宛然。不易先師之本故也。然自省闕短虛失元規。嘗於墳堂然香求徵。儻少壞大道顯示以留礙。二句未竟佛道斯終既免幽詞。寧非冥護。僅裨其宗旨則光光後昆。冀諸達人恕以專輒。

### 維摩經略疏卷第一

小卷初

天台沙門湛然略

釋佛國品之初

次明入文大爲五意。一明經度不盡。二略分文。三辨佛國義。四釋品。五正入文。初意者前後五譯不同。今釋什本尋經文義。西土猶多。何以知之。如命十弟子。如是五百乃至八千各辭不堪。不堪之言並不來此。推此而論經卷不少。又文殊入室傳如來旨。慇懃無量兼八千菩薩各說入門。此諸言談何止半卷。爰至入室詣耆羅園對揚如來辨佛國義當時敷演高論往復。豈容止有數紙經文意謂。振且

生民神根狹劣。不堪具足讀誦受持。刪彼富文採其綱格流傳茲土。略存義焉。問此經西土文言浩大。將不是大論明佛所說不思議經有十萬偈耶。答有云即是今謂不爾。大論所明不思議經是華嚴別名。故論云般若若有二種。一不二乘說。二不二乘說。不共說者如不思議經。故華嚴云此經不入二乘人手。共說者即是摩訶般若及諸法等。問華嚴豈得名不思議。此經一名不可思議解脫。何故反謂非耶。答此經既有兩名豈獨華嚴更無別稱。然細尋大論前後所引不思議經。悉是華嚴如說。謫舍那優婆塞。爲須達那菩薩說度衆生數量。乃是華嚴明善才入法界所聞之事。若引此經即云毘摩羅詰所說。二分文爲二。先出古今大明一家。先明諸師者什生及古諸師悉不開科段。直帖文解釋。而肇師云始于淨土終法供養。其間所明雖殊不思議一也。是則寶積發問已前爲序。囑累一品以爲流通。其間並是正說也。次靈味小亮云此經題既云淨名所說。從方便品皆是正說。次開善師分爲四。一序訖菩薩品。二正即室內六品。三證成即菩薩行阿闍佛兩品。四流通即法供養囑累兩品。若莊嚴光宅同用初四品爲序。入室六品爲正。後四品爲流通。晚三論師亦同此釋。北地論師用佛國一品爲序。方便品訖見阿闍佛品十一品爲正。後兩品爲流通。但古今不同互有分別。承習之者各有宗門。諸禪師見此分別多延紛證。不開科節但約觀門直明入道。次明今家者。若不開

科段則不識起盡佛教承躡。若開科段執證紛然。於解脫之法橫生繫累。今尋經意趣傍經開科而非固執。夫佛說法雖復殊源而初中後善文必備矣。今約此三對序等三。仍爲三意。一正開經。二約觀心。三異衆家。一正分經者經無大小例有三段。謂序正流通。序者大聖將欲說法必先現瑞表發以爲由藉。如欲說大品即放支節難色之光。表欲說般若以導諸行。欲說法華放眉間光。表欲說中道實相。今經合蓋現土。表欲說佛國因果。既由藉不同。正表教門。赴機有異。發起物情使咸信慕歸宗有在。故曰序也。二正說者四衆親瑞悉皆仰仰堪聞聖旨。大聖知時赴機設教。時衆聞經咸沾法利。故名正說也。三流通者流譬水之下等。通則無滯無壅。如來大慈平等說法。非止但爲現在亦欲遠被正像末代有緣。使咸沾法潤。是則法水流注無窮。並沾斯澤故名流通也。今開爲三。一從如是我聞訖七言偈。具通別二序。此於正說由藉義足名爲序分。二從寶積請問佛國因果已去訖阿闍佛有十一品半。皆明不思議解脫佛國因果。皆是赴機之教。現在沾益並爲正說。三從法供養訖囑累。明天帝發誓弘經。如來印可勸發囑累宣通未來。使流傳不絕。此並囑流通也。問此經題稱維摩詰所說。今何得從佛國爲正。答淨名承佛威神助佛揚化。化道有功故從其受稱。譬如國王勅臣布政。布政有功而臣受賞。正命之主歸於國王。受功之名而臣受稱。不可謂臣受賞而臣爲正。君垂正命

而翻爲傍。淨名得佛印定方乃爲正。故名維摩詰所說經。二約觀心者即約三觀以爲三分。二觀方便即是序義。得入中道即是正義。雙照二諦心寂滅。自然流入即流通義。三簡異者。問何不依什師及諸禪師不分科段。答若論觀行實不繁開。今欲令學者知文起盡。識聖善巧言不孤。致必有承躡。若於文無壅帖釋觀行轉覺分明。問何不全用肇師注意。答法供養屬正義不然也。問何不依靈味。答佛國爲序義不應然。何者佛爲法王。道王。三千有所宣說。豈非正也。但寶積所請佛所酬答。赴此機緣明佛國因果。時衆聞經獲大小益。豈折爲序。又且淨名助佛開揚。正是獎成佛教。豈可弟子助說爲正大師說者翻爲序乎。問何不同開善。答經無大小例有三段。何得此經獨開爲四。問何以不同莊嚴光宅及三論師。答佛國爲序其妨同前。又用菩薩行阿闍佛以屬流通。恐此不然。何者淨名掌擎大衆。還卷羅網對佛印定。室內所說方得成經。又佛還對淨名。辨佛國因果撮經終始。宗旨分明大衆蒙益。過乎室內。此是正說豈謂流通。問何不依北地大乘師。答佛國爲序其妨同前。三釋佛國義者。此明長者子寶積問佛國因果。世尊具答。身子生疑佛以神力現淨土相。時諸大衆得大乘益。還復穢土求聲聞。衆得小乘道。約此標名故云佛國。此經既以佛國爲宗。必須明識佛國之義。今略爲八重。一總明佛國二別明佛國三明修佛國四明見佛國不同五明往生六明說教七約觀心八用

佛國義通釋此經。一總明佛國者。前說普集及諸方等多明正報。今因寶積。祇蓋如來合蓋現土即表欲說依報。何者正報既顯須廣明依。如說王民必須知王治正事業。言佛國者佛所居域故名佛國。譬如王國雖臣民共住。而從王受稱名某王國。今佛雖與有緣共居而從佛受名某佛國。佛身所依名為佛土。佛住界分名佛世界。佛所居止萬境不同亦名為刹。然國有事理。事即應身之域。理則極智所照之境。而至理虛寂本無境智之殊。豈有能所之別。但以隨機應物說有真應故明理事也。然非本無以垂迹故有應形應土非迹無以顯本。故引物同歸法身真國。故文云雖知諸佛土永寂如空。而現種種清淨佛土則應同凡聖。現有封疆。凡聖果報高下殊別。所現淨穢亦復如是。故瓔珞云起一切衆生應一切國土應。或有釋言應國者是衆生集業所感。故文云衆生之類是菩薩淨土。聖人慈悲來此現生。故法華云而生三果朽故火宅。爲度衆生老病死。有云諸佛法身猶如明鏡一切色像悉現其中。是則一切國土皆從法身本國應現。國由佛身故云佛國。故法華云。今此三界皆是我有。其中衆生悉是我子。今詳斯語若云應國從法身現。即是自生。若從衆生即是他生。衆生對佛即是共生。若離生離佛即是無因而有土也。皆墮性義。此即須破。當知國土若淨若穢皆不可說。有因緣故而可說者。悉檀赴機皆得說也。二別明佛國者。諸佛利物差別之相無量無邊。今略

爲四。一染淨國凡聖共居。二有餘方便人住。三果報純法身居。即因陀羅網無障礙土也。四常寂光即妙覺所居也。前二是應即應佛所居。第三亦應亦報即報佛所居。後一但是真淨非應非報。即法身所居。言染淨者九道雜共。何者六道諸機故名爲染。三乘見真故名爲淨。三六共居故名染淨。亦名凡聖同居國也。就染淨土凡聖各二。凡居二者一惡衆生。即四惡趣也。二善衆生即人天也。聖居二者一實二權。實聖者四果及支佛。通教六地別十住圓十信後心。通惑離斷報身猶在。二權聖者方便有餘三乘人。受偏眞法性身。爲利有緣願生同居。若實報及寂光法身大士及妙覺佛。爲利有緣願生同居。皆是權也。是等聖人與凡共住故云凡聖同居。四惡趣共住故云穢土。二明同居淨土者。無量壽國雖果報殊勝難可比喻。然亦染淨凡聖同居。何者雖無四趣而有入天。何以知之。生彼土者未必悉是得道之人。故經云犯重罪者臨終之時懺悔念佛業障便轉。即得往生。若但聖生凡夫何得願生彼土。故知雖具惑染願力持心亦得居也。聖生權實類前可知。但以無四惡趣故名爲淨。舉此往類。同居之國優劣非一。雖復穢淨多種。如法華經授弟子記所住國土。東而明之並屬凡聖同居土也。問染淨國名出何經論。答思益論云。日光佛命梵天來此土云。汝常用十法遊彼世界。娑婆之土名染淨世界。染即是凡淨即是聖。問穢土十惡所感四趣依正。皆穢可然。但十善果淨

土因同何得依正頓殊別耶。答二處修因善名雖同。淨土修善精微勝故。故彼凡聖所得依正不同穢土。二明有餘土者。二乘三種菩薩證方便道之所居也。何者若修二觀斷通惑盡。恒沙別惑無明未斷捨分段身。而生界外受法性身。即有變易所居之土名爲有餘。亦名方便方便行人之所居也。故攝大乘七種生死。此即第四方便生死。問有餘國名出何經論。答法華云。我於餘國作佛更有異名。是人雖生滅度之想而於彼土求佛智慧。即其義也。天論云三乘入滅雖不生三界界外有淨土。於彼受法性之身。三明果報土者。即因陀羅網是華藏世界純諸法身菩薩所居。以其觀一實諦破無明顯法性。得眞實果報。而無明未盡潤無漏業受法性報身。報身所居依報淨國名果報國也。以觀實相發真無漏所得果報。故名爲實。修因無定色心無礙亦名實報無障礙土。言無障礙者謂一世界攝一切世界。一切世界亦如是。此名世界海。亦名世界無盡藏。別教初地入此世界有七種淨義。一同體淨。如一即一切一切即一。二自在淨。一切國土平等清淨。三莊嚴淨。一切佛土神通莊嚴四受用淨。離一切惑成清淨道。五住處淨。大智衆生悉滿其處。六因淨。入佛土妙平等境界。七果淨。隨物所宜而爲示現。前五足體滿。有體相用。六是因圓。七是果滿。初住生彼悉成就此七淨義。問出何經論。答仁王云。三賢十聖住果報。當知即是果報爲土也。法華云娑婆世界坦然平正。其諸菩薩咸

處其中。大論云法性身為法身菩薩說法。其國無聲聞支佛之名。華嚴明因陀羅網世界。攝大乘明華王世界。皆明果報土無障礙相。四明寂光土者。妙覺極智所照如法界之理名之為國。但大乘法性即是真寂智性。不同二乘偏真之理。故涅槃云。第一義空名為智慧。此經云若知無明性即是明。如此皆是常寂光義。不思議極智所居故云寂光。亦名法性土。但真如佛性非身非土。而說身土。離身無土離土無身。其名土者一法二義。故金剛般若論云。智集唯識通。如是取淨土。非形第一體非莊嚴莊嚴。問出何經論。答仁王云。唯佛一人居淨土。此經云心淨則佛土淨。心淨之極極於佛也。普賢觀云。釋迦牟尼名毘盧遮那遍一切處。其佛住處名常寂光。問經論散明可如向說。不見四土一處出之。答經論度此本自不多。尋讀之者又不備悉。四土共出何必無文。正如此經答長者子。即是其意。文云隨所化衆生而取佛土。隨所調伏衆生而取佛土。隨諸衆生應以何國入佛智慧。隨諸衆生應以何國起菩薩根。若對四土宛然相似。名目既異。佛意難量。在下對文別當解釋。問此經未明開權顯實。何得明二乘生有餘土。答經云佛以一音演說法。衆生隨類各得解。何妨二乘通教菩薩並得橫解。別圓兩教橫豎無礙。問華嚴明十種佛土。此四攝盡以不。答何但攝十。乃至有人言經明二十七品佛土。無量壽土止是第六。見文對四攝無不盡。問若爾何不依十及二十七。答一往有文

欲對四教。暗意難見。三明修佛國因者。此經非但約正報果明依報國。亦約正因明於依因。依因者即佛國因。故佛答寶積橫約十七正因以明依因。堅約十三正因以明依因。國既有四須明四因。一往明四教菩薩願行之因。感四佛果依因感於四土。子細窮覈非無小妨。今還約四義分別一者菩薩修三權一實願行之因。成就衆生。若四種衆生未斷界內緣集。若斷未盡菩薩界內成佛之時。四種衆生來生同居之土。修於四種願行之因。二者菩薩修於權實四行成四衆生。四種衆生方便觀成界內結盡。菩薩於有餘土成佛之時。四種衆生同生共國。修於別圓兩教之因。三者菩薩修於別圓教願行之因。成就二種衆生。二種衆生能斷無明。菩薩報國成佛之時別圓衆生成於實相無漏之因。來生其國同修圓因。四者修於圓斷願行之因。因極果滿成妙覺位居常寂光。真圓衆生若修圓因願行圓極。亦極寂光。十方諸佛湛若虛空無有增減。為成衆生起四土因。引四衆生同稱佛國。修願行因成菩提果同居寂光。盡未來際如法華壽量品之所明也。四明見佛國不同者。此經云譬如諸天共寶器食。隨其福德飯色有異。至論佛土皆如虛空。豈有不同之見耶。若不見相而可見者。具有十番下釋飯色。當分別也。問經言諸天同寶器食。隨其福德飯色有異。此為是一質異見。異質一見答應作四句。一異質異見。如娑婆極樂。此土見穢彼土見淨。二異質一見。如娑婆極樂。垢淨質

異。別圓菩薩用天眼見但一有餘。三一質異見。如身子螺髻所見。於一有餘見同居土淨穢之異。四一質一見。謂羅漢支佛三種意生。此五種人界內結盡同生有餘。所見無異。問那約有餘明一質耶。答三乘同以無言說道發真無漏。所感國土一法相同。故言一也。問此經譬如諸天同寶器食見飯色異。為是無障礙色有障礙見。有障礙色有障礙見而有異耶。答應作四句。一有障礙色有障礙見即染淨有餘兩土不同。二有障礙色無障礙見。即法身菩薩無礙天眼見染淨有餘。悉無障礙。三無障礙色有障礙見。即因陀羅網染淨有餘。二種衆生見有障礙。四無障礙色無障礙見。即三賢十聖住果報土見無障礙也。問此經言同寶器食見飯色異。為有質見異無質見異。答亦應四句。一染淨有餘實報悉是有質見異。二有質礙色見無質礙。即是菩薩依佛慧見三土皆寂光也。三無質礙色見有質礙。即三土衆生於常寂光見有異質。四無質礙色見無質礙。即是諸佛心淨土淨。見於如如平等法界常寂光土。無形無質略出十二不同。委推無量。雖有無量皆如虛空。故淨名空室表十方佛土悉皆空也。五明往生者為二。一總二別。一總約四土明往來者。亦云來生。具如大品。從此至彼名為往生。從彼來此名為來生。二土亦然。但橫豎異耳。常寂光土絕於生名無往來也。應來三土無應往也。二別約四土明往生者為四。一染淨土明往生者有穢有淨。若穢土受生以見思惑。惑潤惡業生

四惡趣。惡潤善業則生人天。若明三乘聖人往生。初果斷見未斷欲思。九品潤生人天。七反三果三品潤生欲一往來。三果二界思。推惑潤往生二界。通六地來及別十住。并圓五品乃至入信通惑未盡並類三。界可知皆是實來生同居土。若權來生者三乘聖人界內惑盡或從方便土願來。或從果報寂光應來。次明淨土凡夫實生者無四惡趣。但以見思潤善來生人天。聖權實生類前可知。二有餘土往生者。三藏二乘通教三乘。別教十行圓信後心長別三界皆實往生。故勝鬘云。變易生死者二乘及大力菩薩三種意生所不能斷。故生有餘受法性身。問何等是三意生身。答一三昧正受。此恐是通教同入真寂寂定之樂。故涅槃云。聲聞定力多故不見佛性。二覺法自性。此恐是別教菩薩。雖證偏真而覺知有中道法性。三無作。此恐是圓教菩薩。觀於中道無作四諦。同伏無明。皆言意者未發真修。猶是作意。無明為緣無漏業為因。即此彼土受法性身。問如楞伽明三種意生。悉是十地應生報土。那云有餘。答約別十地判三意生。即生報土。約通十地判。正與向解三教菩薩界內惑盡。則同生有餘意同。若實報寂光彼無明顯法身。則應生有餘。三果報土明來生者。若於同居有餘侵除無明。別圓地住皆得往生。四常寂光土。若究竟寂光即是不生。不生豈為往來生也。若分明寂光下寂滅忍十地二生。中寂滅忍等覺一生。或云圓教初住分破無明。見佛性理亦得分生。

乃至等覺皆有此義。但有無明變易生死果報所拘。故云住果報也。妙覺永盡故言一人居淨土。前四十一地若約果報名生果報。若分見真理名常寂光。問分段同居要見思盡捨身方生有餘。有餘亦應別見思盡捨身方生有餘。答不然。分段質礙煩惱雖盡。必須捨報。若有餘土隨破別惑。因移果易。即名實報。問實報受生寂光生不。答既云常寂豈得受生。生即流動何名常寂。問上何得云生常寂光。答若果報土有邊論生發慧見真真即不生。即是不生也。問若不生亦應云不常常。答亦如所並。何者究竟常寂不生不生。四十一地分居常寂即不生。不常常也。六明四土說教不同。即為四。一染淨土說教不同者。凡聖同居。既有淨穢。穢者五濁障重而根有利鈍。利感頓教。譬如日出前照高山。鈍根障重即開三藏。方等小品方便調伏。於法華涅槃始開圓教。見於佛性開秘密藏。淨者如華光土。雖非惡世願說三乘。此亦得有頓漸之教。問淨土亦得開漸教者。香積菩薩何故驚怪。答本願說故。二有餘土說教不同者。斷通結盡皆得往生。不無利鈍。通二乘皆鈍。故大論明羅漢法性身鈍。以於佛道而紆迴故。通別圓教迭判利鈍可知。如來於彼但說一乘。雖無開三而於一乘不無權別。起兩機緣。若明開顯雖無礙通。而開別權顯圓之質。故法華明羅漢生彼求佛智慧。得聞是經唯以佛乘而得滅度。三明果報土說教不同者。既皆破無明。其往生者同一根性。行

大直道無復紆迴。佛於彼土但說一圓也。四常寂光國說教不同者。若究竟寂光無說無示而言說者。法身無緣冥資一切。無說而說。即是法身說法。若約果報明常寂光。分別二種說法不同者。說無作四諦即果報土。說一實諦即常寂光。下兩土類此可知。七約觀心明四國者。心性本來畢竟空寂。而衆生多顛倒少不顛倒。無明因緣而起善惡。即所生法即空即假即中。中是因緣善惡之境。即凡聖同居。何者所觀善惡即淨穢土。了因緣虛假折體入空。空境即是有餘土也。知空非空不以爲證。知中非因非果而因。而果。若了因果無障礙者。即是果報無障礙土。雖復空假入出之殊。而無明心源即是佛性。若知無明性即是明。即常寂光。故文云隨其心淨即佛土淨。大集云欲淨佛國當淨汝心。華嚴云無量諸世界悉從心緣起。一切諸法界皆入一毛道。八用佛國義釋此經者爲三。一通序分。二通正說。三釋流通。一通序分者合蓋現土此瑞正表欲說佛國。故寶積連歎云今奉世尊此微蓋。於中現我三千界。寶積深知欲說淨土。故稱歎竟即問佛國因果。敘述現瑞正意。表於欲說佛國。二通正說者爲三。一室外二室內三出室。一通室外者有三品半文。寶積請說佛國因果。如來具答。故足指案地現於淨土。令諸衆生得大乘益。復土如故。求聲聞人得小乘益。若迷佛國依報之義。豈識此品之玄旨也。次通方便品者。爲國王長者說折體兩觀。勸求佛果正因。若成依因則具界內結

業未斷。生同居淨。結業若斷。即生有餘。若成佛時。則二種衆生來生其國。大通弟子品。詞諸聲聞。意在令斷界外緣集。若至法華進斷。別惑生果報土。後成佛時。三種衆生來生其國。大通菩薩品。呵諸菩薩。令斷無明。則生寂光。後成妙覺之時。一種衆生來生其國。二道室內六品者。文殊問疾入毘耶離。淨名即現空室。云十方諸佛國土皆空。故現空室也。此豈非正表顯佛國義。扶成如來說佛國也。大通不思議品。現須彌入芥等不思議事。皆顯佛國依報自在。大通觀衆生品。天女住室十有二年。即同淨名在常寂國。正是助顯佛國之義。故云十方佛土常現此室。大通佛道品。行於非道。通達佛道。即是於不淨國顯現淨國。故偈云。雖知諸佛國及與衆生空。而常修淨土教化諸群生。次通入不二法門品。諸大菩薩各說入門。欲破前二土無明入果報土住常寂光。次通香積品。此室現衆香之淨國。對娑婆之穢土。即是證成室內五品扶成佛說淨穢兩國。三通出室兩品者。菩薩行品。淨名掌擎大眾還菴羅園。佛對阿難說種種土復宗明義。若不精解此品經文。何由可別。大通阿闍佛品。即是室外現土證成如來說種種土。其義分明。開經得道倍於前也。三用佛國釋流通兩品者。法供養品。天帝發誓弘經。如來即可。正爲流通不思議解脫之體。佛國因果之宗。囑累品。付囑彌勒及阿難等。流通不思議解脫法門。及上所明佛國因果。使不斷絕。四釋品者。品以品類爲義。義類同者聚爲一

段。故稱品也。但此品題應云序品。言佛國者從正當名。問既有序。正何得用正。以標初品。答此問非也。設用序當名。復應問云。何不用正。今解不無其例。如摩訶般若。初半品是序。從告舍利弗後半品是正。而用序標品。復有何妨。若不許此經序受正名者。亦應不許彼經正用序標品也。問若爾。定應用序標題。答金光明序。正同品亦應爲妨。此既晚人安品。寓意不同。非佛所制。亦非阿難不足定執。此經雖不標序品。爲初而序義宛然。事須玄釋。序義衆多。略用三意。一略釋序。二明通別。三約觀心。一略釋者有三義。一以次序爲義。二以由藉爲義。三以序述爲義。一次序者。夫著文初文之爲序。今如是六義是經之首。故名爲序。二由藉者。大聖說教。必須由藉。是以現瑞表發生物喜心。故云道從歡喜生也。如此爲由。故得說教。三序述者。既生忻慕。而聖意難量。時衆歸心。莫知所趣。所以須假高位弟子。或化佛菩薩預先稱述。衆疑既息。歸心有在。方可致教。故云序述。今經初六義。即是次序。合蓋現土。即是由藉。實積述教。即是序述。問諸經悉具三序。以不答。有具不具。或二或一。皆爲序分也。問序訓不同。何得俱用次序。會通衆義。答字雖離。爾經意含三共。用次序之字。亦應無妨。依義不依語也。二明通別者。還東前三以爲通別。如是六義。即是通序。現瑞序述。合爲別序。諸經通以六義爲首。故名通序。衆經之初現瑞。不同序述各異。有所表發。故云別序。今因別名。則有別序。有別言

教。若因通名。則有通序。行理通別。因此而有兩序。問若以兩序從兩名立者。立名則前別後通爲序。何得前通後別。答立名之梗。應前別後通。爲序之便。應前通後別。復次一途。亦前別後通。何者。如現瑞由藉。是說經之前如是等六。乃是如來將入涅槃。方說此語。故知在後。經前序正爲發起。現在弟子信心。經後序爲令未來弟子生信。若爾。佛在世時。經初無序。不名經耶。答別序之前。雖無六義。佛說法時。已有其事。故得名經。三約觀心者。心即是通觀。即是別。因此觀心成就一切佛法。即是入道之門。即由藉也。問若以觀心爲兩序者。豈不顛倒。答立名之便。故言觀心。修行之便。即是心觀。類前事義。其理顯然。問玄義處處多明觀心。已恐不可入文復爾。將不壞亂經教耶。答說經本爲入道。若懷道之賢。觸處觀行。豈有尋求聖典而不觀行者乎。但巧說得宜。非止不損文義。兼得觀慧分明。分別法門。非觀何遠。豈有壞亂之咎也。

維摩經略疏卷第二

五入經文就序爲二。一通。二別。先釋通序。六義通爲衆經之序。須爲兩義。一總。二別。一總釋者是佛敎阿難等諸大弟子。說入佛法之相。大論云。佛將涅槃。阿難親屬。愛結未除。心沒憂海。阿泥樓駄語阿難言。於未來事。若有疑者及時語決。何爲沒在憂海。如世凡夫。阿難得念道力。悶心得醒。即以四事請問。一問佛涅槃後云何修道。二問誰當作師。三問惡口車匿云何共住。四問佛經初首作何等語。佛告

阿難若今現在若去世後依四念處修道。解脫戒經是汝大師。惡口車匿依梵法治。若其心。漢伏教那陀迦旃延經即得入道。我三僧祇所集法藏初應作如是說。如是我聞一時佛在其方其國土與其大眾。非獨我法如是三世諸佛經初亦然。故知六義即是通序。亦名遺囑序。如來遺言令標經首故。亦名經前序。三世諸佛經前皆然。問何故經初安如是等。乃至但令修四念處。答經初安如是等者。爲斷疑勸信故。亦爲印定佛說非弟子及九十六種所說故。亦爲破外人經初以阿彌二字標其教首故。阿彌者是謂吉相邪僻之事。具如百論。惡口車匿梵法治者。其自恃王種輕諸比丘。僧法事時即輕笑言。如似落葉旋風所吹聚在一處何所互論。佛去世後猶自不改佛令作梵壇。謂默擯也。亦云彼梵天治罪法別立一壇。其犯法者令入此壇諸梵不得共語。若心調伏爲說那陀迦旃延經者。令離有無即入初果。一家明三藏教。立非有非無門異於三門意在此也。教諸比丘依波羅提木叉住者。波羅提木叉此云保得解脫。亦云報解脫亦云處處解脫。問毘尼明時食時衣等多非正義。那云保得解脫。答大論云佛說毘尼爲令佛法久住。不應求實求實即生邪見。今時僧衆不以戒律在心者恐滅佛法。令依念處修道者。若離念處施但得富戒生人天。坐禪得定隨禪受生。多聞說法但是世智。若修念處能破四倒。同聲聞經說須依念處。摩訶衍教無生入道。豈須念處有所觀耶。答

大乘有無生無量無作念處。若離此三則無正觀。但佛教雖多不出半滿。生滅念處即是半字。三種念處即是滿字。半枯滿榮枯榮中間得見佛性。住大涅槃名諸佛法界。出念處外無入道法。故佛遺囑令依念處。次別釋者。舊多用五義。今依六義。一如是者勸信之端。二我聞者親承音旨。三一時者感教之時。四佛住者約出化主。五方所者聞經之處。六同聞者證非謬傳。此六義者正爲獎成佛去世後見聞之徒息疑增信。自利利人功成道熟。是謂勸信之端者。如是等六皆爲勸信。如是居初故云端也。初如是爲三。一總明。二約教。三觀心。一總明者意在勸信。如法相解如法相說。所說誠諦必可信從。大論云佛法大海信爲能入。又如是者善信之辭。不信者言是事不如是。其信者言是事如是。又大論云如是者示人無諍法。佛以無倚心說。弟子以無著心受。能得解脫故言如是。不如外道說者聽者皆以著心。現世聞諍死入地獄豈名如是。又古來多云。如是者文如理是文以巧詮爲如理以無非曰是。二約教者四不可說赴機而說則有四種。一生滅二即空三假名四即中。一因緣生滅如是者。佛昔於波羅奈說五陰生滅。俱隣等聞如是說即得悟道。此經復土求聲聞人知有爲法無常得羅漢果及法眼淨。二明即空如是者。如大品三乘同見無言說道而斷煩惱。此經破迦旃延明五義。二百比丘聞如是說心得解脫。即是示人無諍法。三假名如是者如無量義云。摩訶般若

華嚴海空宣說菩薩歷劫修行。此經亦云以無所受而受諸受。若聞如是說得道種智。入菩薩位知衆生根。四中道如是者。如大品說。佛以諸法實相故出現於世。化佛亦以諸法實相故出現於世。法華云諸法實相義已爲汝等說。此經諸菩薩各說入不二法門。若菩薩聞如是說即見佛性。問佛知見住不思議解脫。佛法有此四種如是。故衆經之初皆安如是。華嚴頓教有因緣假名中道二種如是。三藏但因緣生滅如是。若諸方等具有四種。摩訶般若則有三種。法華但有中道實相。若大涅槃明諸佛法界亦具四種。此經猶是方等大乘生蘇不定之說。具有四種如上所引。此經既具四如是義故於經初標如是也。問理無二是何得有四。答諸法畢竟無說非權非實。尚無一種何況有四。而權而實者權故說三實故說一。權實備明則有四種。三觀心明者即是三觀明四如是。華嚴云欲知如來心但觀衆生心。若見如來心即見衆生心。如破一微塵出大千經卷。衆生一念無明因緣所生之心即具四理。若觀心因緣生滅入空即生滅如是即空。即假即中例說可知。問若觀心具四應即是佛。答六即分別。進不叨濫生增上慢。退免貧人數寶之失。我聞者即阿難等親所聞法故云我聞亦爲三釋。一總釋者親承音旨故。若傳從他聞多致偽謬。今既親聞是則可信。群情承受無所致疑。大論云隨俗說我和合稱聞。隨俗說我者學人傳法。利生順俗說我。外不乖宜內不乖實。如用



金錢以買銅錢賣買法爾人無怪也。和合稱聞者。耳根不壞作意欲聞情塵和合耳識即生。意識分別種種所聞。因緣和合故稱聞也。阿難等內則耳根聰利。外則對佛八音領納無遺。故稱我聞。問大論云阿難是佛得道夜生。涅槃明佛成道後過二十年方為給侍。自爾之前說經阿難不聞。佛將涅槃為魔所蔽亦不得聞。云何皆稱如是我聞。答大論云阿難將欲結集法藏。合掌向涅槃處而說偈言。佛初說法時。爾時我不見。如是展轉聞乃至波羅奈。展轉聞者舍利弗問經云阿難修不忘禪。得佛覺三昧以三昧力自能聞也。又報恩云阿難從佛求乞四願。三如涅槃。第四願者佛所說經未聞之者更請為說。佛可其願。有所不聞重為說也。復次大論明結集法藏。優婆塞等各登高座皆稱如是我聞。未必並是阿難也。問阿難但結集小乘亦大乘耶。答解者不同。有言但結集小乘。諸大乘經是文殊彌勒等所共結集。又言阿難亦結集共二乘說大乘經。故大品付屬阿難。此經亦爾。其不共者大菩薩集也。又云阿難亦結集不共二乘人說。如正法念云。阿難有三種一阿難賢二阿難持三阿難海。今謂阿難賢持三藏教。阿難持持共大乘。阿難海持不共大乘。故法華云。阿難聞佛授記即時憶念過去無量千萬億諸佛法藏。如今所聞。亦誠本願豈不備持一佛之教。次別釋為二。一我二聞我亦有四。一約三藏明我者。依薩婆多我但有名。依曇無德說有假我。犢子明我在第五藏。是

等雖殊悉破外人計神我性說假名我。二通教者如大品云。色性如我性我性如色性。我之與色俱有名字皆如幻化。三別教者以自在為我。善於知見得無罣礙即我義也。又攝大乘明自他差別識亦名似我識皆是別義也。四圓教者中道佛性即我義也。中論云。佛或時說我或時說無我。於佛正法中無我無非我。此經云於我無我而不二是真無我義。大經云無我法中有真我。又云我與無我共性不二。不二之性即是實性。實性者是二十五有真我也。前三是權我圓教是實我。問若爾何得大論云隨俗說我。答三教隨情豈非隨俗。若圓教明我即是佛性非隨俗也。三教我聞並約耳根聞教明我。我即是聞。以點色性說真我故離法性外無別能聞耳也。用教約諸經明我多少如前可知。二明聞者大經有四種。一聞聞二不聞聞三聞不聞四不聞不聞。今恐此是四教辨聞。藏教即聞聞以小生大生故名生生。今亦得云少聞成大聞故名聞聞。問大經生生是十二因緣相續不斷。何以類解聞聞義耶。答彼經釋生具有兩義。今不取約行但取約理。若約十二因緣相續以明生生。即於聖人聞經不便。何者藏教諸得道人生生已壞。但有報身。根塵和合故稱聞也。二通教即是不聞聞。如夢如幻點空說聞。三別教即聞不聞。所聞自在。何者世諦死時即聞。聞死而生聞持隨有所聞。自在能持故。攝大乘說有應者應受識。即是別教大乘明聞也。四圓教即是不聞不聞。大般涅槃

聞相盡也。問若無聞相云何說聞。答若聞相盡都不聞者。佛住涅槃應都不聞法界音聲。如法華明耳根功德相似聞相盡。十方無數佛百福莊嚴相為衆生說法。悉聞能受持。況分證聞相盡。聞十方佛法如雲持雨耶。妙覺聞相究竟盡。一切法界所有音聲一時聞也。故大經云若知如來常不說法是名具足多聞。此經亦云其聽法者無聞無得。用四教約衆經聞義多少亦類如是可知。問大論明佛法無我何分四。若爾便是有我。答若定有我何得四教之別。若定無我何得經教有此異說。若其不許作此分別非但壞佛方便教門。亦順諸不信者義宗。三約觀心類如是可知。一時者四衆感教得道之時。此亦助成如是可信。故大論云說時方皆為生信。亦為三。一總解者大論云數時等實無陰入持所不攝。但隨世俗說一時無答也。言四衆感教得道之時名一時者。若通論四衆感一期之教。始終久近皆名一時。即是多時少時共明一時。如戒序云。春分四月日為時。春分實有多時但總束為一時也。若約得道明一時者。赴機說教即入如苦忍一剎那。此約少時明一時也。今約此多少總明一時。謂一期說法通是一時之事也。就此為五。一約機發者。世善機發即是多時出世機發即是少時。總此多少皆名一時。二約佛說教者。三悉起教即是多時用第一義即是少時。總此多少皆名一時。三約機教合明一時者。亦以世出世善合為多少。機教合故不在二時故名一時。四約四

衆得道明一時者。世與出世多少准上。總此多少皆名一時。五約阿難問經明一時者。約佛說經多時少時。阿難問非異時故名一時。又阿難得佛覺三昧如前說。又解佛爲阿難重說即是聞經之時名一時也。二約教者。三藏生滅一時。通教如夢幻一時。別教破時顛倒。能分別教無滯礙也。攝大乘明數識攝阿僧祇。明世識攝三世即是別教明一時也。圓教約不思議法性明一時。一時入一切時一切時入一時。如此經明。住不思議解脫菩薩七日爲一劫。一劫爲七日。法華明六十小劫謂如食頃。華嚴明十一切等。一一教皆具五種一時。約諸經多少類如是可知。三觀心者。觀因緣生滅者心在定時能知世間生滅法相。則一念慧眼開發見生滅之理。故名一時。若非定心見理即前思後覺憶想顛倒。雖解生滅不能見理。非一時也。若體空慧眼入假法眼中道佛眼皆是定心。一念少時豁然開發各見諦理名一時也。佛在。佛是能說顯其化主。亦爲助成傳聞可信。何者九十六種不足歸心。三乘聖人獨居不極說非究竟。今明無師大覺朗然頓悟所言。誠諦從是聞經。稱物機緣衆情忻懷。亦爲三。一總明者舊稱佛陀此言覺者。自覺覺他名之爲佛。智論云佛陀秦言知者。知何等法。謂知三世衆生數非衆生數及常無常等一切諸法菩提樹下了了覺知故名爲佛。十號具足亦名一切智人。佛德無量稱名亦爾。今不具釋。所言在者住之異名。大論云四種威儀住故名爲住。住有四

種。一天住者謂布施持戒善心三事故。二梵住者住四禪四無量心四無色定。三聖住者住三空四諦十二因緣理也。四佛住者住首楞嚴等無量三昧力無畏等一切佛法。佛所得法佛於中住。憐愍衆生示住毘耶離。別約教者四教明佛已略在玄。但爲化四種根性現相亦四。如初成道乃至涅槃皆現四相。初成道者如勝天王明。初坐道樹得成正覺。或現坐草或坐天衣或處寶座或在虛空。即表四教佛相不同。次明轉法輪現相不同者。華嚴圓頓則現大小相。若鹿野轉生滅四諦即脫璽珞現老比丘。若說方等即現門內尊特之身。或現門外摩訶之像。若說般若亦現門內尊特之身及現種種佛身之相。以衆生疑故現常身放常光明。若說法華但現尊特。若說涅槃備現四種平等。如是隨緣現種種身。一往大略言四種耳。次明身相不同者。如像法決疑云。如來將入涅槃。是時大衆或見如沙門像。或見威德相好端嚴。或見坐寶蓮華說心地法門。或見身如虛空無有邊表。此豈非表說四教。其功已訖將入涅槃現此相也。此經既方等教攝。亦應隨機感見四種。故長者子說偈歎云。各見世尊在其前。斯則神力不共法。問四教所見定如前不。答且一往相對理在隨緣。若就障邊亦可劣身而說法。勝法。如觀世音以種種形遊諸國土說大乘。豈況如來。次用四教明住義者隨教所辨法門不同佛於中住憐愍衆生故示住毘耶。三約觀心者。華嚴云欲見如來心但觀衆生

心。何者一心三觀圓觀三諦開佛知見。雖有肉眼名爲佛眼亦名種智。若用三智以不住法住三諦三昧。亦是佛所得法。佛於中住。憐愍衆生不捨道法。現凡夫事住世間法也。此須善用六印分別。入大乘之要門也。毘耶離菴羅樹園此明方所。即是顯示說經之處。助成勸信也。今爲二。一道方所即毘耶離。二別方所即菴羅園。通方所復爲三。一約事者此云廣博嚴淨。其國寬平名爲廣博。城邑華麗故名嚴淨。有師翻爲好稻。出好梗穗勝於餘國故也。有言好道國有好路。平正砥直。又言好平道。其國人民好樂正道自敦仁義。不須君主。五百長者共行道法。率土人民莫不歸德故云好道。次對法門釋者隨前所翻即以對之。廣博嚴淨者即是釋迦法身。本居寂光其性廣博猶若虛空。功德智慧無諸穢惡故云嚴淨。迹居人間說廣博嚴淨之土。是知非本無以垂迹。故居人間嚴淨之國。非迹無以顯本。寄毘耶離說諸佛國永寂如空。以顯遮那常寂本國。言好稻者釋迦本住大般涅槃百句解脫。故法華云百穀苗稼普皆增長。因其增長穀實得成。即是百句解脫之妙果爲好稻也。垂迹顯本類前可解。言好道路者此表智度大道佛從來也。故大經云譬如陰路不容二人並行。解脫不爾。多所容受即眞解脫。今釋迦居不思議法界大道。即是多所容故名好道。垂迹顯本類前可知。言好平道者思議之道作意而修不名好道。不思議道自行眞修任運理顯化他。如磁石吸鐵

無緣無念此是性好之道也。由本垂迹故名好道。因迹顯本故居人間好道之國。說於心淨佛土淨也。三約觀心者。一心三觀能觀心性即知心性。猶如虛空即具福慧二種莊嚴無染無著畢竟清淨。是則心淨。故佛土淨。約好稻者若觀心性即是百句解脫之本。名為好稻。約好道路者若觀因緣中道即是行大直道無留難。故無有衆魔群盜得入此道。最勝故名好道。約好平道者若觀偏真盡苦涅槃則於一切道法無好樂心。今觀圓真之道則好樂一切。心無厭足盡未來際故名好道。二別方所者。上通方所助證猶漫。今的舉所住則助信轉明亦為三。一約事者肇師注云菴羅是果樹之名。以菓目樹故云菴羅樹。其菓似桃而非桃也。又云似棕定非。棕也。又翻云難分別樹其菓似桃非桃似。棕非。棕故名難分別也。此與大經意同。經云如菴羅菓生熟難分。具有四句釋難分別。有師云此樹開華華生一女。國人歎異以園封之。園既屬女女人守護故云菴羅樹園。宿善冥薰見佛歡喜以園奉佛。佛即受之而為住所。次對法門者。佛住道品總持之法故云住菴羅樹園。何者道品為樹念處為種子。正勤為生長如意為芽生。五根如根莖五力如枝葉。七覺為華八正為菓。從七覺華起慈悲心。為諸衆生興大誓願。因願勤行得發總持。故說總持以為園也。大集云三十七品是名菩薩寶炬陀羅尼。陀羅尼者此翻為總持。園持樹菓不致侵犯故表總持。華中生女者即七覺華生慈悲女。

女用奉佛者表因中總持迴向佛果。佛受住者由因成果。如佛所得佛於中住也。由本垂迹故居菴園。用迹顯本住菴羅園。說不思議總持之園苑也。難分別者如來住園表居中道。三十七品雖非有無而似有無。如來住此難分別理成於道品佛菩提果。如此妙果所依之士七種方便之所莫測。表難分別之樹也。三約觀心者三觀觀心心性不動。而修道品因起悲誓善根牢固成諸總持。即住園也。故華嚴說菩薩有十種園即是道品園也。若約觀心解難分別者。如大經明具有四句。若修三觀觀不思議難分別理。亦有四種。一自有觀心都無所以威儀龜縮。如菴羅菓內外俱生。二自有威儀齊整似如柔和。內觀之心不證定慧。如菴羅菓外熟內生。三自有威儀不足可觀而觀行淳熟入諸法門。如菴羅菓外生內熟。四自有修一心三觀調熟身口。柔和似得道相。三觀開發入諸法門。或成觀行或成相似。如菴羅菓內外俱熟。是故行人難可分別如菴羅菓也。問那得處處對法門以約觀心。佛意豈然。答佛心如海衆流皆入。如如意珠隨念雨寶。亦如淨鏡隨對像生。亦如大地隨種生長。大經摸象各不能知。執見之徒自謂已解詳論是非。寧會佛旨。若言經中無對法門者。如善現色身問淨名言。父母妻子女親戚眷屬悉為是誰。大士答言智度菩薩母方便以為父等。淨名既是在家菩薩何容無有父母家屬。而不依事答悉約法門。當知不起道法現凡夫事。雖現凡夫事皆內表道

法。亦如佛涅槃處在枯榮間。豈可直作樹木之解。且佛滅說皆表半滿。今欲說不思議解脫法門不捨道法。現迹同凡住於毘耶。豈不表於極地所住法門。華嚴明十城十園豈止直是世間城園。此經下文菩薩行品云。諸佛威儀有所進止無非佛事。何得但作事解而已不思諸聖善權祕密表發之事。又法華云欲說是經應入如來室著如來衣坐如來座。然後於四衆中以無所畏心說。若彼經不對法門者。欲講說時將不入佛殿昇佛座披佛衣處衆說法得佛意耶。問法華中佛自解說其義可然。今此城園佛不解釋何得師心對法門耶。答若佛不釋不得厝意者。一切經文何曾併是佛自解釋。若各師心豈皆有失。問華嚴頓教可得約行明諸法門。此方等經及小乘教何得亦約觀行明義。答此經既云諸佛解脫當於衆生心中求。若不約觀行豈稱斯文。若不以毘耶菴園對諸法門則不得約觀心解釋。何得於衆生心中求諸佛解脫。若不於心求解脫者云何得住不思議解脫。若不住不思議解脫云何於一毛吼見諸佛土變現自在。廣如不思議品。又豈得如華嚴無量諸世界悉從心緣起。無量諸佛土皆於毛吼現。若言小乘不得約觀心解者。何故聲聞經中佛為牧牛人說十一法。一一內合比丘觀心。如是等例豈非方等及三藏經對諸法門觀心義也。問三觀四教懸釋此經。觀前教後入文何得教前觀後。答論其玄旨教從觀出。如破微塵出大千經卷。入文帖釋從

事入理。故先須四教消釋經文。尋文入理必須觀行。故次點出三觀章門。一品一偈一句無不皆入不二法門住不思議解脫也

維摩經略疏卷第三

與大比丘衆八千人俱。此下第六辨同聞衆。此證阿難與諸聲聞菩薩天龍八部四衆共聞豈謬傳也。就此爲三。一聲聞衆。二菩薩衆。三雜衆。問從小爲初應先天龍。從大爲初應先菩薩。答小乘出家得道荷佛恩深故常在佛側侍陪奉。戒行自守物所歸信證經義親故須先辨。菩薩化他不恒佛側。和光利物難可測量。世人但觀其迹莫知其本。證信義疎故次辨也。天龍四衆結惑未盡猶居凡地。內無得道之功外闕化他之利。證經爲劣故後辨也。復次此有所表。三乘滯空凡夫滯有。菩薩不滯常行不二故處其間。故大經云。凡夫者有二乘者空菩薩之人不空不有。問何以不歎聲聞德耶。答諸師解言既被彈呵無德可歎。今謂不爾。菩薩亦彈何故即歎。又金剛般若亦不歎德非爲被呵。今恐是出經存略。又云大之一字即略歎德。心大論云。若說小乘但明比丘衆。說摩訶衍非但比丘必須菩薩。如金剛般若但辨比丘不列菩薩。豈可金剛是小乘經。但是出經者略。此經不歎意亦可知。一明聲聞衆者初明比丘。即是通語人類多種。如胡越不同。佛法出家皆名比丘。釋此爲五。一與二大比丘四衆。五數。一釋與者此經云與。大品云共。與即是共。大論辨七一明共。所謂一處一時一戒一心一見一

道一解脫。若釋法華須約本迹。今經既未發迹。但因緣事解觀行而已。二處者同在菴園。一時者一會之時。一戒者同得無作。一心者俱得九定。一見者俱見四諦。一道者悉得無學。一解脫者俱證有餘。二釋大者。若依梵本應云摩訶。大論云摩訶或云大。或云勝。或云多。大王所敬故名爲大。勝九十六種故名爲勝。數至八千故名爲多。今明外道有三種。一切智二神通三章陀。具此三種名大外道。佛對破此故於三藏說三念處。謂性共緣。能修此三非但止破三種外道。得入性地證果之時成三解脫。謂慧得好解脫心得好解脫及得無礙解脫。名大比丘名大羅漢。若別對者得慧名大得心名勝得無礙名多。三種具足名波羅蜜。聲聞成就一切羅漢功德故名爲大。問得慧解脫即名大者。何須具三。答如三德具故名大涅槃。而摩訶般若亦受大名。三藏通教各有四門合有八種。皆名波羅蜜聲聞。故名爲大。若約觀心即就折體從假入空而明觀也。此八種比丘毘毘曇論各有一種大比丘義。餘六不明。三釋比丘者或言有翻或言無翻。言有翻者翻云除饑。衆生薄福在因無法自資得報多所饑乏。出家戒行是良福田。能生物善除因果之饑乏也。言無翻者名舍三義。智論云一破惡二怖魔三乞士。一破惡者如初得戒即言比丘。以三羯磨發善律儀破惡律儀故言破惡。若通就行解修戒定慧。戒防形非定除心亂慧悟想虛。能破見思之惡故言破惡。二怖魔者既能破惡。魔

羅念言此人非但出我界域。或有傳燈化我眷屬空我宮殿。故生驚怖。通而言之三魔亦怖。三明乞士者。乞是求之名。士是清雅之稱。出家之人內修清雅之德必須遠離四種邪淨命自居福利衆生。破憍慢心謙下。自卑乞求資身以成清雅之德故名乞士。又解。破惡是正義。下兩助成。何者受戒破身口惡業。怖魔即破愛惡。乞士破慢惡。約觀行者次第從於陰界入求法喜禪悅。資無漏慧命成盡無生智斷之德。故名乞士。下文呵身子云。佛說八解脫仁者受行豈離欲食而聞法乎。此具三義。一殺賊從破惡得名。二不生從怖魔以受稱。三應供因乞士以成德。直言比丘則大小未定。或在外凡性地學人之位。今言大者即大羅漢。當知大之一字無所不含。即略歎德也。四釋衆者。梵言僧伽此翻爲衆。直一比丘不名爲衆。衆多共集名爲衆也。律明四人已上皆名爲衆。如衆樹共聚乃名爲林。智論云僧有四種。一愚癡僧謂破戒放逸僧也。二啞羊僧雖持禁戒不能分別三學開遮通塞之相。有疑請決默然無對猶如啞羊。三有羞僧者。若出家人修戒定慧。亦能分別爲人開決。但未發真居內外凡。自愧未能成就聖法謬墮僧數。四事敬侍常愧自責亦名事和僧。四眞實僧者。從苦忍去四果聖人皆名眞實理和僧也。前之二種雖有僧名既非事和不堪僧事後之二種堪行僧事。五明數者數有八千事義可知。對行明數意則難見。菩薩者此下第二辨菩薩衆證成同聞。何但聲聞。亦有

大菩薩及三萬二千。親承演說非謬傳也。文爲五。一明類二辨數三教德四累名五總結。初明人類者夫大乘行人通名菩薩。是大乘行人之類也。具存西晉應云菩提薩埵。什師恐繁略提埵字但云菩薩。翻譯不同。阿毘曇云。自覺覺他名爲菩薩。有云菩提云無上道薩埵名大心。謂無上道大心此人發大心爲衆生求無上道故名菩薩。安師云開士始士。又翻云大道心衆生。古本翻爲高士。既異翻不定。須留梵音。今依大論釋菩提名佛道薩埵名成衆生。用諸佛道成就衆生故名菩提薩埵。又菩提是自行薩埵是化他。自修佛道又用化他故名菩薩。若不如是己所修持爲無慧利。但三乘同名菩提二乘不名薩埵者。無悲利物故不受斯稱。是則雖略二字異乎二乘。其義宛然。藏通見真通名爲道不名薩埵。別圓見真如磁石吸鐵。非但止名菩提亦即得名薩埵。故大經云一實諦者即是大乘。若非大乘非一實諦。問前兩菩薩不名薩埵何異二乘。答少有慈悲願行異二乘也。四教菩薩具如玄義。此經多由衍三教意釋教德也。不用三藏者非衍正意。有時引出正爲比決大小不同。觀心明菩薩者約三觀分別。折體入空起大悲心亦名菩薩。修後兩觀任運即是菩薩義也。三萬二千二辨數者依事可知。表法難見未可定對。衆所知識下三款德爲三。一總二別三結。初總教者即是初標教德章門。若無自行化他之德豈爲衆所知識。此諸大士隨緣利物荷澤無邊。十方

衆生莫不知識。聞名欽德爲知。觀形敬奉爲識。但衆生有四根性菩薩即以四種化之。即有四種知識。三藏三祇行滿百劫種相。大人相現物所歸崇名衆所知識。通教八地。道觀雙流神通利物名衆所知識。別教登地圓教初住得如來一身無量身現十界像。隨緣利物名衆所知識。未橫遍十方豎高三土。爲一切有緣之所知識。今諸菩薩皆是補處。橫遍豎高一切有緣之所知識。故云衆所知識。若約觀心三觀心明即德高名稱。是則聞名欽德觀形敬奉亦爲衆所知識也。大智本行下二別教德爲三。一略教自他德。二廣教自他德。三隣果教德。一教德爲二。一略教自行二略教化他。自行又二。一正教二釋教。初二句言正教者即是大智本行。解此或約一法或約二法。約一法者大智即是本行也。依本起智智即是行。故言大智本行。故法華云諸法從本來常寂滅相。佛子行道已來世得作佛。此經云從無住本立一切法。若南土舊解多從八地約位帖釋。北方諸師從初地約位帖釋。什師從下至上漸勝稱教。解既不同未敢偏用。何者南方引威神建立文證。故知初教八地。北方引七波羅蜜證教初地乃至七地。一往引證經文各便。若欲和通則領垂遠。但經文對地處處有之。未足定執謂爲得稱集經者意。今謂一往多是教上地之德。若教上地自攝於下。何者通論諸位行類是同。但上得勝品下得劣品。今以勝攝劣不可以上下各教。如教大智本行皆悉成就。金剛智滿始

名成就豈可教下。如教能師子吼乃如雷震。下地亦能有此演說何獨教上。故知分別互有所失。問近無等等豈非教上。答今明諸德皆教上地須約隣果。故下結云如是一切功德皆悉具足。若通下地無等之言約相待說互有遠近。如法華明行處近處。下地亦名近也。華嚴明十地智慧如爪上土。諸佛智慧猶如大地。此則懸殊。今三教菩薩行類是同。而教有所主各有淺深。通八地去但約二諦而品有優劣。若約補處自攝下位。別登地去即是三諦入佛智地。行類是同。但約品淺深分地優劣。若教補處即攝下地。圓教初住三諦圓顯具於一切諸佛功德。但品位不同不無優劣。若教等覺即下位皆攝。但諸菩薩外隨所感見聞不同。內則本迹高下難測。豈可定執非但約教分別菩薩功德法門。或時內合觀心欲令行者知勝妙功德皆從心出。是則諸佛解脫皆於衆生心中求。若約二法教者。大智教解本行教行。若解行互闕如目足互失皆無所到。若解行具者如有目足即能到池。故須雙教所以教解云大智者只是觀解。若入空出假。二智方便不名爲大。中道觀解一切種智名爲大智。故大論云我今知力欲演說大智彼岸實相義。當知大智即是觀諸法實相之觀也。言本行者即是教行。從大智本一心具足諸波羅蜜。故大品云諸法雖空而能一心具足萬行。金光明云一切種智而爲根本。無量功德之所莊嚴。當知自行雖有多門。但略教解行橫豎諸德罄無不取。問菩

薩未證極果。何得言皆悉成就。答果行未滿。因行已圓。故云成就。但約教成就其義不同。三藏初緣生滅四諦發誓名大智。行六度行名爲本行。種相業成名悉成就。通教初緣無生起誓名爲大智。檀三事空乃至般若名爲本行。十地如佛名悉成就。別教初緣無量生解名爲大智。行無量波羅蜜名爲本行。十地等覺名悉成就。圓教初緣無作發心名爲大智。一心萬行名爲本行。十地等覺邊際智滿衆事究竟名悉成就。權實可知。若觀心解約三觀明。初觀觀生滅四諦。大悲弘誓名大智。用觀行六度即是本行。此三藏教折假入空觀。體假通教入假別教一心圓教。尋之可知。諸佛威神二句二釋歟也。亦傍得成化他。此正明佛加。金剛論云。於菩薩身佛與功德智慧之力。故名加也。今明解行因圓正由諸佛威神建立。智慧加解大智得成。功德加行本行得成。內因雖是菩薩自修外緣必假諸佛冥護。譬如種子。內雖自有。雖生之因外無地土日光風雨等緣豈得成實。菩薩亦爾。雖有慈悲智慧精進禪定自行化他之因。若不假諸佛慈悲地智慧光神通風說法雨。自行化他之因豈得圓也。如大鵬影覆子得生長。故華嚴云。八地欲沈空佛加獎。觀方得發起。若約觀心修三觀時必須懺悔請十方佛。若心志者佛即加護自然行成。世有邪見學禪之人但信有心佛不信諸佛威神所加。此正釋前傍成後化他者。若加化他如華嚴明。法慧菩薩說十住。諸佛放光加方乃得說。乃至金剛

藏說十地亦如是。此即成後爲護法城。若約觀心三觀既成。若欲利物必須懺悔請十方佛威神建立。有威蒙加隨所利生。如風靡草爲護法城下二略歟化他德爲三。一歟化他心二歟功成三釋歟。初二句歟化他心者。佛法如城能爲行人防非擬敵故名爲城。若護佛法即是護城。又解陰入界法此法即空即空之理名涅槃城。衆生是王而種性具足恒沙佛法。如城中人物。故文云一切衆生即大涅槃即菩提相。但此妙理外爲天魔外道之所破壞內爲通別見思所侵。菩薩爲護衆生本有涅槃之城不令妄起諸愛見也。受持正法者即是四教之正法也。菩薩從十方佛聞此教法得陀羅尼。總持無忘名爲受持。將用此法降魔制外。及破衆生內外愛見諸煩惱賊護涅槃城。令諸衆生法王種性皆得安穩恒沙佛法不致散失。名護法城受持正法。約觀心者假空假護小涅槃。假中中假護大涅槃。能師子吼二句二正歟化他功成。大經云佛性者名師子吼三昧。菩薩住此三昧能師子吼。師子吼者名無畏說云。若約觀心三觀若成所行如所說。說於四教心無怯弱。如師子子若滿三年即能吼也。名聞十方者此亦化他功成。化功既著十方蒙益咸共傳揚。聲聞馳遠如大將破敵功名蓋世。衆人不請下三釋歟化他。衆人不請初二句此釋化他之心爲護法城也。菩薩悲誓豈待祈請。如寇賊圍逼連官大將救其危急。何待城內來祈請也。問若菩薩是不請之友者。佛何故待梵

王天帝請轉法輪。答菩薩尚不須請豈況於佛。但是說法之儀生物懸重故須待請。問菩薩不待請者凡是有心必應救不。答有緣即赴非請有無支而安之。此釋受持正法。世人以同志爲友。菩薩善巧同物根緣。共修四種四諦各得無漏道果。故法華云我等二人亦共汝作。若開權顯實則同乘佛乘直至道場。此即法親之友也。而安之者未安道請令其得安。如是四種衆生令安四種道諦。若開權顯實皆令安住無上涅槃。故言友而安之。若約觀心折體入空假名中道。此四種心不請三觀。三觀自觀即不請友義。觀折成心令此四心住四道諦。即是友而安之也。紹隆三寶二句此正釋。化他功成能師子吼名聞十方。菩薩用無畏心說於四教即是紹隆四種三寶。若頓赴圓機即入佛慧。初心成就一體三寶增進不斷。乃至妙覺湛然安住。此即大乘一體三寶常住不斷故言使不斷絕。若漸教赴機次第明不斷者。初三藏乃至圓教一體三寶不斷絕展轉與謝教權實。故菩薩用此四教三寶引接衆生使佛種不斷。皆令安住大般涅槃常住三寶皆是菩薩說法之功即是能師子吼。化功歸己即名聞十方故言紹隆不斷也。若約觀心紹隆不絕者若佛在世紹隆三寶事如前說。佛去世後佛法付屬二衆弟子。所以優田造像闍王結集育王度人。若此相從三寶不絕。則彌勒出世真正三寶紹隆不絕。若彌勒滅後亦復如是。若行人能於今末世造立尊容書寫大乘度人出家。即

是相從三寶紹隆不絕。若住三觀之心觀此相從三寶不滯空有人。第一義一體三寶紹隆不絕。故經云敬像如真佛得福亦復然。故文云無離文字說解脫相。文字性離即是解脫。解脫者即諸法也。賢愚經云未來多有破戒比丘。猶應供養恭敬如舍利弗目犍連。所得功德亦復無量。紹隆三寶功德最大。譬如大臣治正國家功勳重大。菩薩紹三寶種使不斷絕。功德無量。十方諸佛說不能盡。降伏魔怨二句此即傳釋紹隆不斷。只由衆生內有愛結外有鬼神六天魔王。內有諸見外有十八六師及九十六種外道。能壞法城使三寶斷絕。今明菩薩化物內修禪定伏愛外用神力降伏魔怨。內以智慧斷結外則說法制諸外道。內外魔怨既伏內外道咸歸則涅槃城存。三寶不絕故得紹隆也。若約四教界內愛見用生無生道諦禪定伏愛。智慧制見界外愛見則用無量無作道諦定莊嚴伏愛。慧莊嚴制見。故文云衆魔者樂生死。外道者樂諸見。菩薩於中不捨不動故云衆魔外道皆吾侍也。若降界內愛見魔外即護化城涅槃。藏通三寶使不斷絕。若降界外愛見魔外即護大涅槃城使。別圓三寶不斷絕也。故知並是釋前化他。問界內可有魔外界外何得有耶。答大經說八魔四內四外也。華嚴十魔通界內外。分別可知。涅槃迦葉自歎云。自此之前皆名邪見。則藏通三乘聖人皆名界外魔外。故呵善吉云入於邪見不到彼岸。汝與魔外一手作之。豈非界外有魔外耶。問聲聞

可爾菩薩云何。答華嚴明菩提心魔三昧魔善知識魔。皆菩薩魔也。悉攝魔羅詞文殊云。外道亦修空。尼乾但默然即是界外外道。若不爾者何故八千被呵不能加報。若約觀心者假空空假觀成降伏界內魔外。假中中假觀成降伏界外魔外。悉已清淨。下二廣歎自他爲二。一從此下訖不起法忍是廣歎自行。一從已能隨順訖及心所行是廣歎化他。歎自行爲二。一斷德二智德。一歎斷德爲三。一總二別三釋。一總歎者明此菩薩結惑生死皆斷。故言悉已清淨。結惑生死有二種。一界內二界外。若三藏補處止伏見思未斷結惑。通教補處雖除習氣界外見思未斷。別教補處雖斷十一品無明餘三十一品在。此三並非悉已清淨。圓教補處四十一品並盡。雖餘一品若有微烟乃可得名悉已清淨。如地持明。第九清淨淨禪至離一切見清淨淨禪二障斯斷。菩薩依此禪故得大菩提果。故約圓教補處說悉已清淨。若約觀心。假空空假假中中假二處觀成界內惑盡。非悉已清淨。界外煩惱障盡名悉已清淨。永離蓋纏二別歎斷德。蓋謂五蓋纏即十纏。有言蓋纏所障既近豈足以歎大菩薩德。今謂不爾。只約此五蓋十纏開出一切界內外惑。離此更無別能生惑。界內爲枝界外爲本。若離界內五蓋具出八萬四千。何者貪欲瞋恚疑癡癡掉散是戒取即是等分。此四各出二萬一千合八萬四千。外根本類作宛然。問界外何得有五蓋亦對八萬四千。答既有三毒何得無

五蓋耶。取涅槃即貪捨生死是瞋迷實諦是癡。既有根本三毒則有根本五蓋。得具八萬四千。今約教明離蓋不同。數人明蓋障於初禪上界無蓋若成論明貪瞋二蓋並通上界二論俱是三藏尚明蓋不同。若三藏菩薩離蓋發禪與凡夫同。未足以歎補處之德。若通別圓離蓋類悉已清淨。可知十纏開五百纏。分別永離類蓋可知。若約觀心假空空假假中中假。一處觀成離二蓋纏准上可知心常安住無礙解脫三釋歎斷德。無礙解脫即不思議解脫之異名也。故大論云於諸解脫中無礙解脫最大。藏通皆云無礙斷解脫證。有師言。無礙伏解脫斷此但界內思議無礙解脫。別教十地亦言無礙道斷解脫道證。雖離界外見思猶約定斷。非不思議無礙解脫。圓教明義解脫相。即智不斷惑。而究竟永離二種蓋纏。故名無礙解脫。故文云不斷癡愛起於明脫。心常安住者。若思議照寂非究竟安住。若不思議寂照不二。住大涅槃名究竟心常安住也。無礙解脫即大般涅槃之異名耳。次約觀心。若別相三觀非究竟安住。一心三觀即是心常安住無礙解脫也。維摩經略疏卷第四

念定總持辨才不斷下二歎智德爲三。一總二別三釋成。一總歎者即是念定總持。若類餘經悉歎三昧陀羅尼德。今歎念定總持即是歎三昧陀羅尼也。以此雙標歎章者。念即念佛三昧等諸三昧。菩薩得此三昧十方諸佛常現在前。若得一心即名王三昧。何者若根

本觀練薰修並俗諦三昧。觀諦緣三空是真諦三昧。自性等。力及般舟一行首楞嚴等百八三昧。皆中道一心三昧名王三昧。故知歎念定是歎三昧德也。約教者若折俗體俗入真。但約二諦名王三昧。若從根本俗諦及真諦。次第入中。即別教三諦名王三昧。若一心圓入三諦即圓教三諦。三昧名王三昧。大論出異家解三昧王三昧不同。意在此也。若約觀心即三觀觀三諦成王三昧。任運可知。總持者即歎陀羅尼德。此言能持能遮。持善不失遮惡不起故名遮持。亦名總持。持諸善法不漏失也。法華明三陀羅尼。一旋陀羅尼。二百千萬億旋陀羅尼。三法音方便陀羅尼。旋者旋轉也。轉假入空得入真諦。但破界內即屬通教。一心圓破即屬圓教。百千萬億者即是從空入假旋轉分別破塵沙惑顯出恒沙佛法。若別破界外無知則是別教。一心圓破即圓教也。法音方便者即是二觀為方便。得入中道。次第斷入中是別教意。不斷無明一心圓入中道即圓教也。又法音方便者得此陀羅尼即解一切音音。亦能一音說法隨類得解得此三陀羅尼即入無礙陀羅尼。具足一切陀羅尼也。問此經數補處。何得約初心而釋。答發心畢竟二不別。故但後心入三諦無礙。橫廣細極堅深窮源。即是補處無礙陀羅尼也。問三藏菩薩有陀羅尼不。答如尸毘王得歸命救護陀羅尼。當知亦有諸小陀羅尼也。輪王尚得況於菩薩。問聲聞得不。答其既入滅故不須也。約觀心陀羅尼三觀類。作易

見。辨才者即四辨也。大品七辨大集二十四辨華嚴四十辨。約教明四辨者。初約三藏生滅四諦名字之法無滯。即法無礙辨。於四諦義無有滯礙即義無礙辨。達六道言辭亦同其語。說生滅四諦言辭無滯即辭無礙辨。若稱根緣於生生不可說四悉赴機。說無窮盡即樂說無礙辨也。辨是辨了才即才能。以蜜助藥服之者易才助。又言。化道無壅。通約無生別約無量。圓約無作。類解可知。言不斷者不盡也。法義緣苦集知病無盡。又法義緣道滅識藥無盡。辭及樂說即授藥無盡。復次從生滅辨起無生辨乃至無作。無作四辨如風於空中。說法無障礙。故言不斷。約觀心修四辨義類解可知。布施至具足二別數智德。還從定慧開出七度。從定開四慧開方便故言別也。若作十度對十地者。開禪出力顯開般若出方便及智。若約教者德約四四諦。修布施等即四教明七度也。言無不具足者皆波羅蜜。波羅蜜者翻事究竟亦云到彼岸。布施乃至方便皆事理究竟。見檀等法界即究竟彼岸。故云無不具足。觀心七度者一心三觀不見慳施。乃至不見巧拙。而能善巧分別慳施。乃至巧拙冷然自曉。即無不具足也。逮無所得二句三教位釋成。逮之言及不起者。不起內外煩惱生死無境可觀。故名不起法忍。即是大無生忍。亦名寂滅忍。無所得者。大品云無所得以為得即是得無所得。仁王五忍瓔珞四忍。兩經雖殊俱明寂滅忍。寂滅忍有上下。若金剛心名下忍佛地名上忍。若開

十地別出等覺亦得作三品謂下中上。今數隣果復言逮者。當逮下忍也。約教各明四忍。三藏無文義作亦有四忍。初祇為伏二三祇為順。百劫為無生三十四心名為寂滅。通教乾慧名伏性地名順。從須陀洹乃至九地名為無生。十地如佛名為寂滅。別教錢輪名伏三十心名順。初地至九地名無生。十地金剛心名寂滅。圓教五品名伏錢輪名順。初住乃至九地名無生。十地金剛心名寂滅。通論圓教初心已上並具四名。故仁王云。從初發心至金剛頂皆名伏忍。普賢賢首意在此也。問下文歎淨名但言無生。當知不起法忍只是無生。何以用寂滅釋不起法忍耶。答在因讓果說名無生。若通論無生只是寂滅之異名也。故大經云。涅槃不生樂言不滅。不生不滅名大涅槃。故文云法本不生今則無滅。是寂滅義。若然者寂滅即是無生何所疑也。約觀心者一心三觀三諦。惑不起者即是修不起法忍。故法華云著如來衣。如來衣者柔和忍辱心是。已能下二廣敷化他為二。一內具化他之法二正明化他。初為三。一明內具。二明外具。三總釋內外。如大論云。內具智慧名為力外用無怯名無畏。若內智不明外儀不具。處衆有畏何能伏物。若內外備足所化皆從。初明內具化他法者。即是已能隨順。隨順有三。一順佛。二順理。三順根緣。佛為衆生轉四法輪。菩薩隨轉即順佛也。因緣生滅即空假中。順理而解。順解而說名順理。根性雖多不出四種。赴機無謬名順根緣。復次順解而



說是順實智。順衆生說是順權智。順佛方便是順權實二智也。今言隨順具此三義也。轉不退法輪者。四種四諦是輪體。用四悉檀爲轉也。有四種不退。一事不退法輪轉生滅四諦。二位不退轉無生。三行不退轉無量。四念不退轉無作。若三藏但事者。以三藏教明不退位不取斷結。但言不生四惡道。不受女人身。不生邊地。諸根具足。得宿命智。具此五事名爲跋致。通教初果已去齊羅漢位不退。七地行不退。八地念不退。別教以住行向對三不退。地證念不退。向但修耳。圓教者一心具三不退。初住法身不墮前位名位不退。具一切行名行不退。念念流入卽念不退。約別相三觀者以空假中對三不退。約三別判此義猶疎。今約一心正觀中道名位不退。雙照二諦名行不退。自然流入名念不退。善解法相知衆生根者。善解法相是如法相解。知衆生根性名識病。善解四種四諦之藥。善知四種衆生之病。以此化他無差機之失。十力中有是處非處力。卽是如法相解。有知根力。卽是知衆生根。皆是內力具足也。蓋諸大衆二句二明外具他法。以無緣慈覆十法界故言蓋諸大衆。又蓋之言過深達四種四諦。出過不達之上故也。得無所畏者。慈悲福慧能蓋一切故無所畏。卽是釋外用無怯無畏法也。功德智慧下三總釋內外化他法爲三。一釋內心無畏。二釋外用無畏。三結成無畏。初二句釋內心者。具二莊嚴能師子吼釋成內心無畏也。心卽是自性清淨心亦名法身。

福慧能顯出自性清淨心。故言以修其心。還用莊嚴自性清淨心。卽具二嚴莊嚴法身。四教福慧三權一實。總此權實以修其心。故心無所畏也。相好至飾好。二釋外用無畏法者。種性色身物所尊重。如迦旃延子所明種三十二相業。小福所致。何足爲奇。故非第一。通教約真修相。諦理未極相非第一。別教以緣修。緣修是智障故相亦非第一。圓教相好者。法身若顯相好具足。故法華云。深遠罪福相遍照於十方。微妙淨法身具相三十二。法身具此妙相衆生無由能識。爲顯此相故於應身示白毫相。表中道理。示紺眼相表無緣悲。餘各有表。故知此相卽是法身三十二相。色像第一者法性色也。大經云妙色湛然常安住。不爲生老病死遷。此之妙色於諸色中最爲第一。現十界像如如意珠。應色表真真色第一。應佛身色於所化身色亦第一也。捨諸世間二句傳釋前真相好也。非捨世間嚴飾之具。若捨此者外道亦能。何足可歎。今言捨者三藏菩薩捨人天飾好。百劫種相爲菩提器。通菩薩捨有所得心世間嚴飾。故大論破百劫相。金剛般若云。若以色見我。是人行邪道。別教菩薩捨界內空心飾好。用界外緣修修相好也。圓教菩薩界內外修皆世飾好悉皆併捨。法身若顯卽是真相。故云相好嚴身色像第一。豈同虛妄修因世間飾好。名稱高遠逾於須彌三結成爲二。一結外二結內。初二句結外無畏者。菩薩外化遍十方十界名爲高遠。又解。通別教佛如須彌山。今圓教

金剛心高兩教佛。故言逾於須彌。又須彌盤固高遠如法性不動理高。無上智有顯理之功。故言逾於須彌也。深信堅固二句二結內無畏法也。信有二種。一聞二證。四教分別各有。依次。今但約圓。若五品弟子一向聞信。信不思議三德之理。六根清淨亦聞亦得似證。初住已上亦聞分證。佛地但證。今諸菩薩既居高位二信圓深。故云深信。言堅固者二信不爲內外之所壞也。猶若金剛譬顯深信。金剛二義。一利微本際。內合二信定慧利用窮實際也。二體堅萬物所不能壞。譬二信煩惱生死所不能損。法寶普照下二正明化他爲三。一放光說法明化他。二正說法明化他。三明進修化他門。初爲二。一正明放光說法。二明釋成。初又爲三。一放光。二說法。三釋教。一放光者明菩薩悲智緣三諦理。生善法寶用化一切有緣。言普照者入放光三昧普光三昧故能普照。若諸凡夫應以世善光照。若出世善及出世上上善而得度者。菩薩隨其所應用何三昧放善法光各令得度。故華嚴思益大品悉云。佛有光明名無量。若放此光照憊衆生卽能行施等。如是種種利益令其得道。若一光除憊一光除瞋是別教意。不名普照。若放二諦光亦不名普。今諸菩薩只放一光具一切光照一切處。十界衆生各得利益。隨機入道故名普照。問光照云何能破惡生善。答譬如薰藥烟觸病苦卽除身得安樂。光觸亦爾。以此光從諸善法而出隨觸苦除。故文云有以光明而作佛事。而雨甘露二明說

法。甘露是諸天妙藥服之不死。中論云實相名天甘露。能令三乘同得聖道。實相甘露即有二種。一真二中。衆生應以何實得度雨何甘露各令得益。此諸菩薩但說中道實相甘露。隨其偏圓所得不同。故法華云佛平等說如一味雨。隨衆生性所受不同。於衆言音微妙第一三明釋歎。雨甘露雨何故能說甘露法雨。以有微妙之言音也。如法華欲以一妙音遍滿三千界。隨意即能至。鐵輪尙爾何況補處。而不能以一音遍滿隨類各解普獲其利。降佛已還莫能過者故言微妙第一。又解。法性言音故微妙第一。深入緣起下二明釋成放光說法爲二。一明入緣起歎智慧以釋成。二斷諸邪見下歎斷德以釋成。初文者所以放光說法利益深普。良由智能深入緣起。緣起有二。一生死。即是無明十二因緣一切生死。二解脫緣起。是觀因緣智起一切佛法。今明深入者。深入生死緣起即成佛法緣起。故大經云十二因緣有四種觀。若深入者得上上智了了見性。何者若觀因緣生滅即三藏意。即空通教意。入假破界內外塵沙進入中道。破十一品無明是別教意。並非深入。圓教菩薩一心圓觀。從初住至補處破四十一品。乃名深入。是諸菩薩並入十二因緣正報緣起。亦入依報成壞緣起。以深入故。是以能說因緣實相。甘露深信之義意亦顯也。斷諸至餘習二歎斷德。釋成放光說法者。只以自無惑闇能普放光照衆生聞。只以自無繫縛能雨甘露解衆生縛。今斷有無二邊

邪見。邪見有二。界內界外。界內六十二等皆屬有無。界外種種諸見亦屬有無。今總界內屬有邊界外屬無邊。故大經云凡夫者有二乘者無。菩薩之人不有不無。正見中道則破二邊一切邪見。故言斷諸邪見等。又解。正觀中道破其俗二邊。至金剛頂邊際智滿。中道體顯三惑方盡。無復餘習者。圓教始從初住終至法雲。圓斷諸見猶有習在。等覺入重玄門千萬億劫重修凡事。見理分明習氣微薄。事等微細故名無復餘習。如以少鹽投於大河無復鹹味。故大論云。有無二見滅無餘。諸法實相佛所說常。從但云斷界內二見。用地論別義。登地離凡夫我相障礙有無二見。豈得消此經文。問此有何過。答藏通見道即斷諸見。別教登地斷界外見。並不可歎補處之德。優婆塞經云九地斷見習十地斷愛習。地持云離一切見清淨淨禪。此據等覺。故今約之以消此文。一家圓斷義轉分明。演法至過量二正明說法歎化他。初雙舉兩譬歎化他成就。後一總歎化他功德。初譬云師子吼者名決定說。說諸衆生皆有佛性。演法無畏者。演之言廣心無怯弱故名無畏。能於四不可說以四悉赴緣廣起四教。猶師子吼譬演實相甘露法門得無所畏也。如師子吼時非但不畏禽獸。亦能令香象失驚飛者墮落。此諸菩薩演甘露法非但於諸魔外及諸衆生心無怯弱。亦能令魔外失愛見。棄高心墮落。亦令一切愛見皆滅。其所講說乃如雷震。大譬雨甘露法雨能令生善。大論具出四種法師。

雷喻多聞雨喻美行具在論文。今明雷以驚蟄雨以潤生。說甘露法雨震八音雷。用驚二邊邪見之蟄。使一切善根萌芽開發。謂三草二木一地所生使一切行人宿善開發故也。無有量已過量二句次總歎化他功德。無有量者。此諸菩薩神通智慧放光說法十方所化無有限量。七種方便所不能量。已過量者過圓十地所化之量也。集衆法寶下三進修化他法。明諸菩薩化功雖大。未證極果。猶須進修化他之法。即是等覺。千萬億劫入重玄門修化他行。重玄門者地持云。入住起力禪捨復入力禪。入者從凡心入一切法門乃至上地。起力者從等覺地起入一切法門。住者隨住一法門即住一切法門。捨復入力者百千萬億劫重修也。故法華彌勒歎下方菩薩云。善入出住無量百千三昧等。如海導師者。將導衆人入海探寶衆人得寶。亦已自獲。菩薩入生死海非但能令衆生得佛法寶。化功歸已入重玄門法利亦多。故此經云不入大海不得無價寶珠。菩薩不入煩惱巨海則不能得一切智寶。了達諸法者。入重玄門內慧增進了達。是智之異名。諸法即十界之法也。深妙之義者十法界法二諦三諦之理甚深。故名爲深。見三德不縱不橫故名妙也。善知至所行二句正明菩薩住重玄門。增進外見所化衆生根緣。此諸菩薩得真天眼常在三昧。不以二相見諸衆生。死此生彼名往死彼生此名來。言所趣者知善惡業緣之因趣受報好醜之果。及心所行者用種智之力知其

宿世習因所行。三草二木一地所生根性不同。三草二木即七方便。一地所生即圓根緣。前明用藥今明知病。既識藥知病即能隨病授藥。故知住重玄門化他之德轉深大也。近無等等下三約隣果歎德爲三。一歎自行。二歎化他。三總釋成。自行爲二。一歎智德。二歎斷德。初爲二。一總二別。一總歎自行智德者。即近無等等佛自在慧。言無等等者十方諸佛無與等者。今等諸佛故言無等等也。約理者實相之理無能與等。佛種智圓極能等實相。故言無等等。又若圓教初住雖發真見理得無等法。猶有四十一品無明去妙。寶尚遠不名隣果。約佛約理猶非近無等。豈得與無等等。金剛心菩薩約佛約理皆近故言近無等。見理已圓故云無等等也。若約教傳作可知。十力無畏十八不共別歎自行智德。如大論解。此有二。一云菩薩自有無畏不共。二云菩薩分得佛力無畏不共。補處如十四日月。佛如十五日。月相隣近也。若約教者如三藏。明十力無畏名同大乘。毘曇釋不共法別立名教。故大論彈云。力無畏名既同大乘。不共何得別立。今但約斷伏分別同異。名義非妨。通教約照二諦。八地分得十力無畏等。故云近無等。十地如佛故云無等等。別教初地分得十力等法名近無等。十地所得十力等法名無等等。圓教初住已上分得力無畏不共等法名近無等。華嚴明初住。云得如來是處非處等十力智也。今取至等覺位乃至近無等。近佛十力無畏等法也。因用已圓即

無等等也。前教並非云。佛自在慧者佛慧中無無明。故究竟自在。菩薩雖有無明猶如微烟。將得佛慧故以此爲歎也。關閉一切諸惡趣門此歎自行斷德。惡趣門者惡趣雖多不出二種緣集。藏通見空關閉有爲惡趣之門。別圓見不空關閉無爲惡趣之門。此諸菩薩見中道之源能閉有無一切諸惡趣門。或屬歎化他關閉衆生諸惡趣門也。而生至服行二歎化他。若開修羅即是六道。若三藏帶結願生。或用神通示五道身。於染淨土教化衆生。通教七地界內結盡。願扶除習五道示身。亦神通生也。別地已上圓住已上得一身無量身。清淨妙法身湛然應一切。即是二十五三昧力薰生二十五有也。今是補處慈善冥薰隨機應現五道利生。義論亦現界外諸土之身。化彼衆生。爲大醫王善療衆病者。既生五道意在利物治衆生病。對小明大。三教菩薩及圓下地皆是小。醫今諸菩薩力用隣佛名大醫王。治界內外不善業病。應病與藥者用四悉檀說四法藥。令得服行者衆生聞法斷界內外結。得大小乘聖道解脫。無量功德至不唐捐三總釋成隣果歎。得無量功德皆成就者釋自行滿。無量佛土皆嚴淨釋化他滿。其見聞者無不蒙益者。法身非色非聲隨風見聞。必獲其益。今得世間出世間樂。諸有所。依亦不唐捐者。唐虛捐棄亦失也。釋自行者隨心所行任運契理必成勝因。感果不失故不虛棄也。釋化他者衆生雖不入第一義不失三悉檀。歸向生善破惡獲利。及化

功歸己並不虛棄。如是一切功德皆悉具足三結成歎德。如上所歎皆悉成就。若依南北摘句配地豈得一切皆悉具足。一家解釋理自冥會。又解菩薩功德無量無邊。如上所歎數十句耳。豈可具述。其名曰下。說法王子四果名證成同開。雖歎勝德不的顯名莫知其人。故略出五十二人以證同開也。若約四教事轉繁多。今略就三觀釋名足知大。況等者以二觀入中。即是平等故云等觀。不等者但照二諦無量殊別不等觀。等不等者正觀中道雙照二諦。入中名等照二不等。體用合論名等不等。須用六即則不混濫。一切衆生即是實相名理等觀。聞實相名深知其理是名字等觀。若觀中道通達無礙即觀行等觀。發相似解。即相似等觀。若發真明名分證等觀窮實相源名究竟等觀。今此乃是分證位隣究竟故名等觀也。不得聞觀心即是。而便混濫生增上慢作菩薩旃陀羅。若不受此語即是信諸大乘經了義之說。下去一名下皆先加一心三觀。然後依文。如言一心三觀即能觀心性。定自在王者能觀心性名爲上定。得此上定於一切法即得自在。如世國王。法自在者正觀三諦心無滯礙。於十法界法而得自在。法相者觀十法界三諦法相。光明者此之慧光能顯實相故也。光嚴者心智光明莊嚴法身也。大嚴者觀於心性。其性廣博猶如虛空。境大智大以嚴法身。實積者觀心雖空而具足萬行。萬行衆實積之於理。故名實積。辨積者與法性相應即具四辨蘊

○實二見○ ○得二德○ ○依二作○ 作一○ ○說二訖○ ○況十(小)○

積也。寶手者觀心成就即具權實二智之寶手也。寶印手者觀實相印即觀智手也。常舉手者正觀心手上求佛果。當下手者觀智之手即無緣大慈下化衆生也。常憐者住正觀心悲愍衆生。喜根者得如來藏大喜遍心。喜王者得中法喜所願自在如世王也。辨音者分別十界殊方異音通達無礙。虛空藏者觀於心性。猶如虛空無所積聚乃名爲藏。執寶炬者觀道品寶炬顯心源也。寶勇者見諸法寶能於生死意而有勇。寶見者觀實相寶了了見性。帝網者譬如帝釋網目無量。正觀三諦具足無量諸法之網。網諸煩惱及諸衆生。明網者正觀心性。智網光明網諸煩惱及諸衆生。無緣觀者觀於心性。真修體顯無緣無念寂而常觀。慧積者觀於實相。具智慧聚。寶勝者正觀之寶。勝方便之寶。天王者得第一義天自在如王。壞魔者觀於心性能壞二邊八魔。電德者見中道迅速即成三德。如夜見電光即得見道。自在王者得真我性。於一切法自在如王。功德相嚴者正觀心性具一切法莊嚴法身。師子吼者得見佛性成師子吼三昧也。雷音者正觀心性中道。多聞美行如雷震吼驚一切二邊水執執也。山相擊音者如二山相擊音遍四方。境智相應出四辨之音也。香象者無煩惱毒臭。能以慈力荷負一切。白香象者法性之本無黑惡。理淨智淨五分身香起諸慈悲荷負一切。如白香象。常精進者見法性常住成無作正勤。不休息者觀空不空不住偏空化城而休息也。妙生者觀

於心性不生。則一切法不生而般若妙生。華嚴者福慧因華莊嚴法身。觀世音者如請觀音云。觀於心脈使想一處即見觀世音也。得大勢者正觀心性降制界內外魔怨外道。梵網者正觀清淨法網。網諸煩惱及一切衆生。寶杖者具福慧二種爲寶杖。策發進趣菩提果所。又云衆生憑杖求入中道也。無勝者得實相法世出世智莫之能勝。嚴土者心淨則佛土淨也。金髻者實相慧明如金。髻者即權智也。以嚴心首故云金髻。珠髻者即實相智慧。如法華王。解髻中明珠與之與之者權智也。彌勒者得無緣慈慈攝一切也。文殊師利者若見佛性即具三德。不縱不橫故云妙德。如是等菩薩隨觀標名引物歸心。一人各具一切觀門。名字互通。卽字等語等身等法等。如是解者於心觀中見諸佛菩薩。故法華云。若人有能信汝所說則爲見我。亦見於汝及比丘僧并諸菩薩。華嚴云十方諸如來同共一法身一見一智慧。力無畏亦然。故諸佛菩薩皆約觀心明也。問凡夫觀心何得用釋佛菩薩義。答此經云。諸佛解脫當於衆生心中求。若執文字離心而求佛菩薩解脫者。可謂抱石投淵夜遊去燭。如是等三萬二千人第五大段結衆數。問此諸菩薩定皆是十地等覺位不。答北方諸師從初地至十地。南土諸師云是八地九地十地也。復有師例如大品云。皆補處也。今謂不爾。前明本迹高下莫測何須定判。

維摩經略疏卷第二  
佛國品之二  
天台沙門湛然略  
復有萬梵下三辨雜衆證成不謬。此中具有大小凡衆故名爲難。此有權實實隨衆生。若法身住二十五三昧。應述受生此謂權也。故上歎菩薩云。而生五道以現其身。又下文云衆生病則菩薩病。此諸天等預座聞經者今傍大經開爲四句。彼云於戒緩者不名爲緩。於乘緩者乃名爲緩。解此多途。今取義便用通經文。但作四句。一戒乘俱急二戒緩乘急三戒急乘緩四乘戒俱緩。若通論戒乘一切善法一切觀行皆通乘戒。今別判者三歸五戒十善八齋出家律儀。乃至定共能防身口遮惡道果得人天報名之爲戒。若聞經生解。若觀智推尋四諦十二緣生無生理。智能破惑運出三界。名之爲乘。故大品云。有相之善不動不出。無相之善能動能出。但戒有麤細乘有大小。今爲二別。一玄釋二帖文。玄釋爲七。一值佛不同。二信法根性。三大小根性。四頓漸根性。五應迹同凡六觀心。七化他。一戒乘緩急值佛不同者。正釋前四句。一戒乘俱急。戒急受人天報乘急見佛得道。卽此經天人來會是也。二戒緩乘急。戒緩生三惡趣乘急值佛得道。今龍神等皆來聽法者是也。乃至說方等陀羅尼時。婆薤從地獄出將諸罪人共來聽法。又諸餓鬼亦來聽法。說大經時諸

鬼神等悉皆來集。又說大品時佛放光照地獄。捨報生六欲天來下聽法。皆是往昔戒緩乘急。問三惡道處云何得道。答少謂不得非都不得。大論云如身有黑髮雖非黑人非不有黑。三戒急乘緩。戒急得人天身乘緩不得值佛。設得值佛亦不聞經入道。如舍衛國三億不見佛三億見而不聞。又上界諸天著樂不來聽法皆是其事。周時佛與星隕如雨。而此土不見不聞亦其義也。四戒乘俱緩。戒緩墮三途乘緩不見佛。流轉生死未有邊際。二兩行不同者即信法也。一信行者聞慧薰習所成。悉是過去多聞受持讀誦聽法之人。二法行者修慧薰習所成。即是過去禪觀之人。二行各具戒乘四句類前思之。但此中二行利鈍有別。利者少聞便能觀達。二種行人必請善之。三大小不同者還約信法各有大小。初信行大乘者昔聞大乘戒乘俱急。戒急生人天乘急還聞於大。餘三句類前。次小乘信行者昔聞小乘戒乘俱急。戒急生人天乘急還聞於小。三句可知。一法行大小戒乘四句准前可知。但利鈍為異。四頓漸根性有二。一頓大二漸大。頓大有二。一信二法。初大乘信行頓根性者。久遠聞大受持讀誦解說書寫。若乘戒俱急即生人天。以釋梵身值舍那七處。九會譬如日出先照高山。若戒緩乘急墮三惡道。以龍鬼修羅風雨等神見於舍那聞法入道。若戒急乘緩雖在善道不聞頓說。若乘戒俱緩墮三惡道不見不聞。次明大乘法行頓根性人。過去學大乘修一心三觀。戒乘緩

急四句類信行可知。但利鈍少異。二明漸大信法根性人。一信行漸根性者。既無頓機不預華嚴處會之說。猶有漸機得聞藏等四味。戒乘四句類前可知。此如大經聞毒鼓聲近遠皆死。近者如聞華嚴即便信受入如來慧。遠者即如漸悟根緣。初作二乘遠離佛道次聞方等般若。至法華涅槃皆以如來滅度而滅度之。五味相生即其意也。今此法座而有八部為同聞者。即是戒乘俱急戒緩乘急。信法大小漸頓根緣。問戒急乘緩戒乘俱緩何當得道。答值佛為作俱急因緣。若不值佛者正像法中作俱急緣。故如來遣囑令依木叉念處修道。又付囑流通皆作信行乘戒俱急因緣。問若但作俱急因緣何得復有戒緩乘急根緣。答諸佛如來用安穩道為作因緣。但衆生罪垢深重而修禪觀行。不能淨持禁戒。致成戒緩乘急之緣。雖復戒緩墮三惡道若值彌勒千佛得聞漸頓便得入道。大經云於戒緩者不名為緩。於乘緩者乃名為緩。乘緩戒急雖生人天不值佛聞法。果報若盡流轉生死。故云寧為調達死入地獄。不作藍弗生天受樂。調達本得煖法。惡業因緣退墮地獄。出得。人成辟支佛。聰明利智過舍利弗。辯頭藍弗雖得生天。天福報盡即墮三途。生死流轉未有邊際。五菩薩應述者。為接有緣見佛聞法住二十五三昧。應二十五有受四惡趣身。是無垢不退。心樂歡喜。四種三昧慈善根力。為引戒緩乘急信法大小漸頓根性來。聽頓漸之教令得入道。若俱緩者作俱急

緣。次住如幻等二十五三昧。慈善根力受人天身。為引俱急信法大小漸頓衆生。聽漸頓之教令得入道。亦為戒急乘緩作俱急緣。今此法座八部四衆。有法身菩薩現受共身即此義也。六約觀心。若觀行人大小兩乘。乘戒四句受何等身。得見彌勒聞何等法。若不見不聞不得入道。得失可知。若無禪觀讀誦說法即成信行。戒急乘緩得失可知。七化他者。若觀行講說當自省心行。用此四意分別得失。即見所化之者行業不同。未來昇沈宛然可識。當以此意而化導之。二釋經文。就難衆為四。一梵天衆。二釋天衆。三八部衆。四四部衆。初當梵天王者。梵是西音此云。離。或云淨行。梵王是娑婆主住初禪中間。毘曇云。二禪已上無言語法故不立王法。瓔珞禪經皆有梵王。今謂但加修無量心報勝為王無統御也。初禪有覺觀言諸則有主領。故作世主。此由往昔戒乘俱急。領初禪衆來聽法也。若應述者住白色三昧種種三昧。力薰故生初禪。引實梵衆來聽法也。尸棄者此云火。或云火首。又言鬘鬘。肉髻似鬘故也。望法華序恐是二禪王也。所言等者等三四禪也。實行可知。若應述者是住雙雷音雨三種三昧。引諸梵衆來也。問何故從餘四天下來。答上界處空來處難知。以下擬上故言從餘四天下來也。復有至會座次明釋天衆。地居天主釋提桓因翻為能作。若此問帝釋是昔迦葉佛滅後有一女人發心修塔。復有三十人發心助修。修塔功德為忉利天主。其助

修者而作輔臣。君臣合之名三十三天。以乘急故同來聽法。若作應述君臣皆是難伏三昧之力。薰生彼天。爲引諸著樂者共來聽法。言從餘者一四天下。但一天帝。既有萬二千故云。從餘四天下來也。問勝天甚多。何故別出梵王帝釋。答梵王是世界主天。帝是地居天主。皆是諸佛轉法輪主。又並是佛檀越故。先別列證經親故。并餘至會座三列八部衆。八部義多有所闕。今略案文釋也。大威力者通貫八部。上文但出梵釋今更總舉欲界五天及四禪中五那含天。各有王及眷屬俱來聽法。實行可知。若是權迹生此等天者。住不動三昧。生四天王天。悅意生炎魔青色生兜率黃色生化樂赤色生他化照鏡生那含。皆爲引諸天來聽法也。問無想無色何故不來。答無想是外道天。菩薩住如空三昧亦生於彼。從多爲論。戒急乘緩多不來也。四無色天菩薩住無礙三昧生空處。常生識處樂生不用處。我生非有想非無想處。但彼天無色不來聽法。設來不見不可爲證。此等未辨故重云諸天。龍者是畜生道正報似蛇。依報七寶宮殿與天相似。亦能變形爲端正人。戒緩乘急故也。亦如僧護比丘爲四龍說法聞即得悟。神夜叉者皆是鬼道。夜叉此云輕疾有三種。一在地。二在空。三爲諸天給使。毀戒故墮鬼神。以惡毒故受夜叉身。往修乘故見佛聞法。少行布施微有果報。車馬施故能飛空。乾闥婆此云香陰。此亦凌空之神。不啻酒肉唯香資陰。又云是天主幢倒樂神居十寶山。身黑

相現即上天奏樂。往世好觀聽妓樂。戒緩故墮神行施。故果報似天。阿修羅舊云無酒或云身大。探四天下華於海醴酒不成。故言無酒。又云非天。此神果報最勝勝火諸天。而非天也。又云不端正。唯生女含脂端正絕倫。眷屬皆醜故云不端正也。又云男醜女端正。往昔嫉妬惱他故恒多怖畏。迦樓羅此云金翅鳥。畜生道攝多慢故墮。以行施故頸有如意珠。以龍爲食。權者華嚴云。法身金翅鳥四如意爲足慈悲明淨眼住一切智樹。菩薩金翅王生死大海中搏撮天人龍安置涅槃岸。此是住不退三昧金翅法門。當知法身住諸三昧龍神修羅等皆有法門。類金翅可知。緊那羅此云疑神。頭上有角是諸天系竹之神。果報少劣乾闥婆也。好樂音樂生鬼神道還作樂神。少修功德微有果報。菩薩住心樂三昧力能摧生也。摩睺羅伽此是蟒神。亦云地龍。無足腹行神。即世間廟神受人酒肉悉入蟒腹。毀戒邪謔多嘔。少施貪嗜酒肉戒緩墮鬼神。多嘔虫入其身而啖食之。昔少施謙敬得人供養乘急值佛聞法。上來皆乘戒俱急。戒緩乘急故來聽法。所以經初皆有八部。八部一皆約信法大小頓漸根緣。類前可知。諸比丘至會坐四列四衆。比丘名含三義如前釋。尼者女也。古經云除饑男除饑女。優婆塞優婆夷此云清信士清信女。亦云善宿男善宿女。雖在居家持五戒。男女不同宿故云善宿。此解未可定用。此皆戒乘俱急。戒急生人道乘急值佛聞法爲弟子。問四衆既皆有戒乘

俱急。何以有在家出家。答樂厭不同。雖俱好佛法有樂披剪入道。有樂素服形不厭離故不等等也。菩薩住日光月光如幻熱炎四種三昧。生四天下爲四衆弟子。引諸凡夫聽法入道。彼時佛與下說七言偈是別序。所以現瑞敘述皆表欲說此經。故現相不同餘經。此爲二。一從彼時佛與至長行盡名發起序。二從長者子說偈竟名敘述序。一發起者即是現相別表欲說此經。但相以表發爲義。故現三瑞表於欲說三德法身三種淨土。一現巍巍尊特之身表欲說眞性解脫法身之體。亦表欲說性淨眞境常寂光國。二長者子獻五百蓋。佛之威神合爲一蓋。表欲說衆因圓聚合成一實慧解脫圓報法身。亦表欲說圓淨實報之國。三現三千國土諸佛說法悉現蓋中。此是無方大用。表欲說方便解脫應身。亦表欲說方便應土。問何以得知。現尊特身表欲說不思議眞性解脫法身耶。答大品明尊特之身以須彌映海爲喻。衆山無能及者此經亦爾。復次法華明長者所止一城威德特尊窮子驚避。此是如來示尊特身。說華嚴教小機不堪。是故遠避即脫璽珞著弊垢衣。此是作老比丘身擬說三藏教。過是已後心相體信入出無難。出現弊衣入現威德。即是現尊特身說方等教。長者宅內現威德身。命於窮子領知家業。是現尊特身命善吉等爲諸菩薩轉教說般若也。又在宅內集國王大臣定父子天性。汝實我子我實汝父。即是法華現尊特身爲諸聲聞授記時也。初見遠避次入出無難。

大則領知衆物後則定父子天性。凡四度現尊貴長者璽珞嚴身。皆譬釋迦勝應尊特之身光明色像無量無邊。悉表欲說實相法身。此方等教入出無難。雖復出處草菴見弊衣。長者入宅猶見現璽珞身。璽珞長者即是。今佛與無量大眾恭敬圍遶現尊特身。問那知現尊特身表說法身。答法華云我以相嚴身光明照世間。無量衆所尊。爲說實相印。大品云諸法實相即是佛。問何得復表寂光淨土。答此經既以佛國爲宗。豈不即表淨境之國。法身即土離身無土。土即法身離土無身。但眞如實相非智非境。說智說境非身非土。說身說土。既表於身即是表土。故金剛論云智習唯識通。如是取淨土非形第一體。非莊嚴莊嚴此經言隨其心淨則佛土淨。表說實相眞心豈非表說常寂光土。但表身義通前普集表土義別。別表佛國。問合蓋現土何得知表報應身土。答五百小蓋合成其一。豈非表衆因合成一果。一果者即是圓報法身。身即有土。故文中菩薩修檀等行成佛之時。如是衆生來生其國。問此明應身成道豈得證於報土。答由報身成則有應身應土成也。就發起序爲二。一如來現身。二長者獻蓋。初爲三。一佛說法。二譬顯三合譬初明。彼時佛與無量大眾者衆有四種。一發起衆。如寶積文殊彌勒等更相發起者是也。二影響衆。此土他方法身菩薩迹爲八部四衆等是也。三當機。衆聞說得益如五百八部四衆等。是皆戒乘俱急戒緩乘急也。四結緣衆。爲作未來

解悟由漸。即是戒急乘緩戒乘俱緩八部四衆者是也。此四通攝一切衆也。恭敬者明內善機發。圍繞者如城四門通入見主。表四門機動隨佛教轉得見眞性解脫法身。而爲說法者昔。尚統師問長耳三藏云。佛時與無量大眾說何等法。答說普集經即方等教攝。所以得爲今經作序者。彼說正報因果今說依報因果。由正有依故得爲序。例如先說無量義次說法華。譬如至大海二譬顯須彌山者此云安明亦云妙高。何但妙高亦是妙大。譬佛實報尊特之身窮實相頂。故言妙高。功德智慧遍滿法界故言妙大。顯于大海者即顯此座有緣四衆四門善根。亦顯一切衆生生死海也。如山盤峙滄溟而秀出海外。佛不住生死。不捨生死。不住如山高出不捨如影現大海。如海水非其四色而因山現故有四種色。此明衆生心非四門佛以悉檀方便而說四門。令失惡心。本相同四門之解。更無異解。安處至大眾三合譬。實是法性萬善之理。無畏之座是諸法空。是爲萬善無畏空座。身相巍巍與座相稱。譬實慧微妙與萬善無畏空理相應。此合須彌山譬。蔽大眾者明說大教蔽衆妄解。同其眞解弊諸邪小四門同。成大乘四門之解。此合顯大海譬。爾時下二明長者子獻蓋爲三。一先明表發之由。二如來合蓋現瑞三大衆觀瑞歡喜。獻五百蓋合爲一者。表因中慈迴向佛果成於無緣。即表圓報法身。亦表依報淨國。正表此經以佛國因果爲宗。而於蓋中現一切土即表果地淨

土現一切應土。即表此經力用也。又現十方諸佛說法者。表於應土必有應佛爲化主也。大眾歡喜者即聞不思議解脫。佛國機發必沾大利預生喜也。故知現相密表發起此經。由籍故爲別序。一長者子爲表發之由故獻蓋者。爲三。一與同類俱往。二虔敬。三奉蓋。初文者毘耶離具如前釋。城表涅槃。故華嚴云白淨法爲城觀慧爲牆壁。無上智樓閣慚愧爲深塹。三空解脫門正念爲防守。四道爲正路遊之出三界。建無上法幢摧滅一切魔。今明性淨涅槃如城。非長者亦非如來而共住此城。因故稱子果故稱佛。性非因果而因果依性義同城也。釋寶積如前與五百長者子事義可知。若表法門或表五種種性善根。一種性有百。即是五百善根悉皆是因故稱爲子。七寶蓋者表七覺調停生實相眞解名爲七寶。歷法起慈名之爲蓋。蓋以蓋覆爲義。慈心覆陰一切衆生。來詣佛所者因修歷別法緣之慈。今發無緣因慈迴向無緣之果圓覆一切也。一虔敬者頭面禮足是申其敬儀。表於因智之上接果智之下。三奉蓋者因有資果之義故言供養。佛之威神下二明如來合蓋現瑞此爲二。一明合蓋二正明現相。初文者五百各獻表各修因。合爲一者表一圓果。既有正因能感正果。則成依因感得依果。言遍覆三千者表一果體無緣大慈普覆法界。若論正報普集已說。今所現相正表依報普覆一切。而此世界下二正現相又爲二。一現國土。二現佛說法。國土有四。一現國土廣長



之相二現十山三現大海江河四現日月天宮。初文者正表依報世間。橫極百億稱廣堅至有頂名長。又解橫極十方稱廣堅際四土名長。又此三千至鐵圍山二現十山。恐表衆生世間。大海至泉源三現大海江河。恐表五陰世間。及日月至寶蓋中四現日月天宮。或表器世間也。此四世間現蓋中者依報世間衆生五陰之所依也。問現無情相何得表情。答夫說大乘現相皆爾。又十方至寶蓋中二明現諸佛說法。若說依報必有能依。既有可化衆生必有應佛化導。故蓋中現佛及佛說法。以有四佛住於四土皆名佛國。爾時一切下三大衆觀瑞歡喜文爲三。一歎未曾有是口業供養。自昔已來未曾現合蓋之瑞。表當說佛國故也。二合掌禮佛是身業供養。三瞻仰尊顏是意業供養。以現瑞故必聞不思議佛國。當得三業清淨三輪不思議化。當得是益故喜心預發。所以皆申三業供養。但現瑞表發正爲發起物情。物情敬仰既發大聖即須赴緣說法。喜敬爲序義轉親也。

維摩經略疏卷第六

長者子寶積下二敘述序者。大聖現相難測。自非寶積神智高明孰知所表。爲欲起發時衆令知現瑞表說佛國信解分明。故說偈以歎述也。就三十六行偈爲二。初十七行述歎表發之由。次十九行正述歎現相表發。發由爲二。初九行述歎勝應法身以爲近由。後八行述歎劣應以爲遠由。言勝應者若爲菩薩

說大所現相好威德殊勝。尋此勝應即得法身。言劣應者若爲聲聞說小身相則劣。尋此劣應不見法身。故法華云。即脫瓔珞著弊垢衣塵土衲身狀有所畏。問何故勝應爲近由劣應爲遠由。答勝應是即座說普集經。由此現瑞故是近由。劣應是昔說小教之身遠爲由藉故是遠也。問三藏劣應自是昔事。何得爲此作遠由也。答法華云於二十年中常令除糞。過是已後心相體信入出無難。是故今時共諸聲聞說大乘經現勝應身。合蓋現瑞表說佛國。當知由昔劣應顯今勝應故爲遠由。就近爲二。初兩行略歎形聲兩益。次七行廣歎形聲兩益此之略廣皆是歎前說普集經正報因果。何以得知。下歎說法不有亦不無以因緣故諸法生。就前兩行爲二。初一行歎形益。次一行歎聲益。初又二。初上句歎色功德。次下句歎心功德。大經云。佛性者亦色非色。云何名色金剛身故。云何非色十力無畏非色法故。今初歎色。約眼歎者即金剛身三十二相之一也。但身分雖多所尊者首。首分又多其要者目。歎勝應劣故也。力無畏等智慧雖多歎心皆攝。是故舉要以歎色心。目者眼之異名。眼主肝肝悲則眼淚。歎眼即是歎大悲也。大論云。般若若佛母大悲是般若。母故約此相歎色功德。問法身亦有相耶。答此是勝應表於法身。尋此眼相得法身佛眼。故歎應身即是歎法身佛眼。餘相類此。故法華云微妙淨法身具相三十二。但眼是總名。從用分別則有五種。一肉眼見龜事色。二天眼見因果

細色。三慧眼見龜細色心偏真之理。四法眼見色龜心細因緣假名俗諦諸法。五佛眼見中道圓真佛性之理。又能雙照龜細因緣事理。約教則有四佛五眼不同。金剛般若佛問善吉。如來有肉眼乃至有佛眼不。善吉言如來有肉眼乃至有佛眼。今寶積歎者五眼皆離垢障故言目淨。脩廣者脩之言長。廣之言闊。五眼見境堅深窮源故名脩。橫遍法界故言廣。如青蓮者西土青蓮華葉形相脩。廣相似佛眼故用譬也。又復非但形似佛眼。處在淤泥不爲所染。五眼亦爾。非但照境堅深橫廣。雖照世境不爲所染。故歎目淨如青蓮也。今略以五眼帖釋。肉眼者功德果薰無惡業障故名目淨。堅從地獄上至有頂諸色悉見故名脩。橫遍百億無色不見故言廣。雖見諸色不染不著如青蓮也。天眼者因禪離蓋發淨眼根。以眼根淨故名目淨。豎見界外名脩。橫見十界名廣。雖見不染如青蓮也。慧眼者無界內外見思名目淨。堅照內外真理究竟名脩。橫見內外真理名廣。見真不染如青蓮也。法眼者無塵沙惑名目淨。豎見界內外四種四諦之法名脩。橫見十方十界四種四諦之法名廣。不著諸法如青蓮也。佛眼者無法界無明名目淨。豎見界內外中道法界窮源盡性名脩。橫見十界中道一時圓照名廣。不爲法界無明生死所染如青蓮也。此但略出別圓五眼。藏通皆約界內二諦以明五眼。但約隨情色心分別即三藏五眼。約幻化色心分別即通教五眼。問今長者子定歎何眼。答經屬方等具



說四教隨四根緣。何所聞知歎無乖隔。下云一音演說隨類各解。若觀心者一心三觀照心因緣麤細及即空假中。對修五眼可以意知。心淨已度諸禪定。次句歎心。言心淨者佛智窮源無法界惑故言心淨。已度諸禪定者通論禪定俱通因果。故大經云大般涅槃名深禪定窟。豈得歎言心淨已度大涅槃也。今約別義禪定據因佛心據果。果出因外故言已度。問何以得知禪是因名。答大論云禪此言思惟修。佛心智慧圓明豈發思惟究竟無學豈得言修。又翻棄惡。如來純淨之智何惡可棄。故大經云有所斷者名有上士。無所斷者名無上士。故思惟等義皆是因也。約教者三藏佛心無習故故名心淨。四禪四空觀練薰修永離法愛故名已度。但力無畏不能等照。通教佛心照極真諦之源。界內習盡於諸禪定無礙自在。十力無畏一時照境故名已度。別教緣修習顯自性清淨之心。十二品無明究竟永滅。地持明九種大禪。菩薩依第九清淨禪得大菩提果。出過清淨故言已度。此約地前修自性禪。登地得一切禪乃至等覺住清淨禪。斷十一品無明入重玄門名清淨禪。佛果出過故言已度。圓教六根清淨即自性禪。初發心住即一切禪。已究竟離虛妄顯自性清淨之心。如是乃至清淨禪破四十一品無明住無垢地。如來心淨度此禪定登妙覺果故言已度。故金光明云。是時如來遊於無量甚深法性。過諸菩薩所行清淨。璽瑠明昔在華嚴明集八禪衆。即前八禪

爲說華嚴。得入清淨禪住無垢地。常徒舊解但取四禪四空。說華嚴時聲聞尙如聾啞。八禪外道何足可集。若約觀心一心三觀。一衆生心即如來心。本性清淨故言心淨。能度事禪故言已度。久積下次一行教化他聲益。所以然者。久遠修禪內成相好。外具神通稱會物情。又無量劫來常修智慧。內能離結稱法相理。故得心淨度諸禪定。外稱無量衆生根緣。能於四不可說用四悉檀而起四教化。導一切。證四滅理故云導衆已寂。形聲之益荷利恩。深是可敬重故須稽首。又解般若導行至果便息故言已寂。上句釋成目淨脩廣。下句釋成心淨已度。既見下次七行廣歎形聲爲二。初五行廣歎形聲次二行廣歎聲益。既見大聖者即是見佛色用神變。是法身清淨無礙之色如如意珠亦如明鏡。故放光動地十方佛土皆悉現也。是則一切法趣色。色爲不思議藏色爲法界海。是以廣大猶如虛空無有涯際。故約色歎功德用也。其中諸佛下一行釋成色用。若非佛神力加被此會豈見他方諸佛開佛說法。如法華中以佛神力令衆得見百千萬億國土虛空菩薩。問此即是現相表發何得是表近由。答有師謬謂是合蓋現土。今尋文不爾。此歎說普集現相非合蓋現瑞。合蓋現瑞如下偈云。今奉世尊此微蓋於中現我三千界。方是正歎表發也。法王法力下一行歎佛心用。言法王者得三昧王三昧故名法王。法力者於二諦三諦四諦一切諸法自在故也。超群生

者佛心清淨超過二死之外。迥出十界之表。常以法財施一切者。四種道諦七聖法財常施十界悉其所用。問法財爲囑色心用耶。答財通色心如無盡意及淨名施者皆名法施。但約能施之心色聲皆是法財攝也。能善分別下一行約二智。以釋心用成法施之義。權智分別世諦法相。實智於第一義而不動也。問上多約三諦今何得用二諦歎也。答合真入中合真入俗。通別二諦玄文料簡。又解若隨情辨真即是權智分別法相。若隨智之真即是實智寂而常照。是故歎言於第一義而不動也。已於諸法下一行結歎色心用。已於色法得自在故。故能轉變普現佛土。已於心法得自在故二諦開合隨機利物。色心功用既備。是可歸依故致敬稽首。說法不有下兩行二廣歎聲益。述歎上四衆圍繞而爲說法。上現尊勝表說大乘。今猶現說法表當說依土。驗非異席所以爲序致有此歎。不有不無者中道法也。不有故非俗不無故非真。然說法本約二諦。既非二邊說何等法。當知正說大乘中道。何者凡夫者有二乘者無。菩薩正觀中道佛性。是故方等爲諸菩薩多說中道不二法門。故言不有亦不無也。問上用二諦以歎佛智。今明說法那約三諦。答有無爲俗中道是真。即二諦也。問外道亦說神及世間非常非無常。即是非有非無。小乘亦爲車匿說離有無。今何得言但是大乘。答凡夫外道尙不見真諦之無況見非無。聲聞經中雖說非有非無。只見真諦之無。何曾見中非

無之理。約教明雙非不同者。若外人計單。復具足雙非之句及不可說。皆是妄情不見空理。不出生死。尚無非有何況非無。悉爲三藏有門所破。三藏破見凡有四門。爲車匿說離有無經。但是非有非無門耳。若得方便從門入理。但名非有不名非無。不得方便即墮有無與外道等。縱令入理亦非大乘不有不無。通教觀色等皆如幻化不言有無。若從門入理此即非有非無門也。若向通人聞說見理。若執爲戲論邪見火燒。縱令入理亦非中道不有不無。別觀中道約破二邊。明非有非無者此就藏性四門明非有非無。異前兩教。若得入理則不須破。若未悟者是愚癡論。非真中道不有不無。圓雖四門一門即四門。四門即一門。不定有無無所依倚。將此虛心豁見中道。於此生著猶須破。何況於餘。今簡僞顯真得圓之意。不有不無以歎勝應不有不無也。復次前三雙非是權圓教是實。權實皆說故言說法不有亦不無也。以因緣故諸法生者。歎說法緣起之用也。緣起有二已如前說。今之歎意備含此二。然體非有無豈得有生。有因緣故。亦得說者。順界內無明因緣則二苦集生。因滅無明即二道滅生。界外准說。故言有因緣故諸法生也。無我無造無受者。此一句結非有非無。歷四教明四種無我無受。云云。善惡不亡一句結以因緣故諸法生。通別無明爲界內外惡。即二處苦集不敗亡。通別無明滅二處道滅不敗亡。因緣生滅比說可知。始在佛樹下。次八行歎劣應爲遠

由爲二。初兩行歎形益。次六行歎聲益。歎形爲二。初歎應色次歎應心。佛樹者坐此成佛故也。有言元吉亦云菩提。初成道時詣此樹坐。魔惡成道化我眷屬空我宮殿。先遣三女。菩薩心安不能惡亂。魔王增忿遂將欲界八十億鬼神兵衆在菩薩所。魔自敗散。具在瑞應甘露滅者。魔王去後菩薩中夜入於四禪。三十四心見四諦理名得甘露。正習俱盡故名滅也。覺道成者。因四諦發真見第一義時。朗然大悟知常無常知衆生數非數等。具力無畏等一切諸法名覺道成也。神力降魔。神通即是色法功德之用。已無心意下一行次歎應心。已。無心意等者。得甘露故見愛顛倒四陰皆滅名無心意。何者若有心意即有心倒。倒即三受。受即三苦是苦諦也。行。即行陰思數作業。業招生死即集諦也。無心則無受無受則無行。無行則無業無業故無集。無集則無苦。苦集若滅即是得甘露滅覺道成也。大品明五受五行。行是集諦集諦斷故佛無心意。無心意故無五見受行。故能破外道五見受行。雖無受行為調外道說三藏五門。如佛破長爪云。汝見受不。汝有不受之見還成於受。受即是苦與他何異。而倚不受憍慢輕他。起身口意行行成名集。集招生死何名實相。長爪信伏得法眼淨。伏諸外道例皆如此。問長爪是後時事。此歎明未轉法輪前已伏外道。是何等外道。答舊云佛昔爲凡夫時從阿羅邏仙受八禪定。菩薩無心從其學但爲化之。今謂乖揚歎。揚明佛未成道前降魔

成道後伏外道。何得以凡夫時受八禪爲伏外道。又恐是如來初成道竟未轉法輪。乃爲提謂長者說於五戒扶其本習。辨五行六甲陰陽曆數。其既信伏令歸依佛法。有當來僧汝當歸依。長者得初果。佛實無心受行五行六甲。但爲摧伏是故說也。案結集法藏明從波羅奈至涅槃夜結爲修多羅藏。故知伏提謂在轉法輪前。從是已後皆以不受之法破諸外道。如向所引長爪之類。三轉法輪下六行二歎聲益爲三。初兩行歎轉法輪。次兩行歎法妙天人受益。後兩行結歎。初言三轉法輪者即是趣波羅奈說生滅四諦也。輪者佛證四諦法有可轉之義故名爲輪。又解能壞煩惱名之爲輪。如輪王寶能壞怨敵。佛法輪寶能壞煩惱故名法輪。如來成道經三七日方趣波羅捺。生生雖不可說。以悉檀方便。起天人小機而說四諦。轉入彼心壞彼煩惱故名轉法輪也。三轉者。一示轉謂是苦是集是滅是道。二勸轉謂苦應知集應斷滅應證道應修。三證轉謂苦我已知集我已斷滅我已證道我已修。初轉示見道勸轉示修道證轉示無學道。是三轉十二行法輪。初轉則生眼智明覺。曇無德解三轉不同事如別明。言大千者即娑婆世界釋迦之士。即轉法輪所化之處。其輪本來常清淨者。如三種藥中無三種病。四諦法輪無見思垢故名本淨。又解生生不可說而說四諦。不可說即真諦。無其苦集說名本淨。如大集云。陳如獲得真實知見。問陳如見真如成論不。答陳如依有門成

論是空門。教門雖異見真是一。空門得道是須菩提。天人得道者。天是八萬諸天人。即拘隣五人。五人聞法初得見諦。八萬諸天得法眼淨。有人云拘隣初得道四人至夏初方得。恐是經論異出不同。此經親云天人得道三寶現世。若四人不得見道即非見諦得戒。但拘隣一人不名僧寶。此爲證者。佛所說法契理契緣。非如六師妄有所說不能令人得道。三寶於是現世間者。不約一體三寶。何者初覺道成始有佛寶。三轉法輪即是法寶。拘隣如等見諦得戒即是僧寶。自迦葉佛滅後三寶隱沒但有舊寶。今佛出興三寶始具。以斯妙法下大行教法妙天人受益。生滅四諦爲妙法也。能令衆生畢故不造新謂之妙法。一受不退常寂然者即是初見聖諦永不退失。若世智斷結過緣便起。今無漏智斷諸戲論畢竟不起故言常寂。大經云世醫療治瘡已還生。如來所治畢竟不發故言常寂。案婆娑見有得道盡智猶退退至初果。豈無德見空得道一向無退。雖教不同見道不退。其義無別。今之偈意正歎見道不退爲凡夫也。度老病死大醫王者。此通歎醫王法因佛說故也。佛自度三界思惟老病死已亦能說法。令諸衆生度三界死。一受不退名大醫王言。常禮者衆生病無量。佛之法藥亦復無量猶如大海。是可歸敬。毀譽不動下三兩行總結歎者。生身之佛八風不動。以大悲三念之德婆羅門女誘而不惑。諸天大梵讚而不忤。八風不動如須彌也。是歎斷德於善不

善等以慈者歎智德也。厥羅三摩調達三呵。呵令改惡摩令進善。慈心一也心行平等者約三念處以明平等。一香塗左二刀割右三不塗不割視之平等無有異想。此據色法爲三念處。順我法不喜違我法不瞋。不違不順常行捨心此約心法明三念處。佛心於此慈念平等。孰誰也。人寶者智人爲寶。能別真偽故聞者敬承。今奉世尊下十九行二正述歎表發之事文爲二。初四行總述歎現三瑞表發。次十五行別述歎佛三密。初爲三初半行述歎奉蓋。次二行半正述歎合蓋現瑞表發。三一行正述歎大衆歡喜。初奉微蓋者微之言小因小果。大表不思議大果。淨土無方莫測。現三千界下二行半。次述上蓋內現土現佛說法。表說應土應身之事。哀現者慈念衆生。欲爲說此佛國因果故先現瑞以作由漸。方得開闢故稱哀現。衆觀下一行三述上大衆歡未曾有。大聖下次十五行別述歎佛三密文爲三。初兩行歎身密。次六行歎口密。次七行歎意密。三密即是三輪不思議化。三無失三不護也。大聖法王衆所歸者是歎法身勝應。若法身三昧王三昧三諦自在。爲四十一心菩薩聖衆及餘四部所歸。即是上來所明。佛安處衆寶師子之座蔽於一切諸來大衆故爲衆所歸也。淨心者即四衆大乘機發。心無疑濁欲聞淨道。亦是諸大菩薩淨心入觀佛三昧故言淨心。各見世尊在其前者。此明應身對十法界各見同已。譬如一月影現衆水。或見如老比丘像。或見光明相好。

或見尊特之身。或見現大小相坐寶蓮華。或見身如虛空。此是身密之德。故前釋佛在耶離。各見不同意在此也。不共者如此。身密不與二乘及下地共。佛以一音下六行次歎口密文爲三。初兩行是辭法二辨。同其語即辭辨。各得解即法辨。辭者一切衆生殊方異類言音各異。同其類音故名辭辨。法者一切諸法名字差別種種非一。各有所召。得法辨者皆識語法。即同其音故名法辨。佛以一音而辭法異趣。二辨應物是口密也。佛尚非是梵況同衆生令異音解即非辭法。而現辭法者口密力也。佛以一音下二行次歎義辨。一音說法受行獲利即是尋言求旨得言所以所以即是義也。如來本無句義豈有義辨。而能分別一切句義者即口密也。佛以一音下二行三歎樂說辨。旋轉無窮衆皆樂聞。四諦逗機我當爲說怖畏之事。三界皆苦苦故生怖即苦諦也。求涅槃樂樂故歡喜即滅諦也。厭離者諸苦所因貪欲爲本。即集諦也。斷疑即道也。又約悉檀者三界苦可畏即世界也。歡喜即爲人令生善根故歡喜也。厭離是厭離煩惱。即對治藥病相對也。斷疑即見諦道。是第一義一音所演。其力如是。如來本非四諦四悉。能以此法善巧利益即口密也。稽首下七行三歎心密。佛心非權非實能現權實即心密也。文爲二。初四行約三種權實二智以歎心密。次三行約三種二諦結歎心密。初文爲四。初一行約內外歎。自行十力據內智圓滿。無畏據外用不怯。此爲一雙。即約自行

機實歎心密也。稽首不共下次一行歎自行化他。不共是自證之法。導師即是化他。稽首能斷下次一行此有兩用。若歎自行即歎佛智斷。能斷是斷德到彼岸是智德也。若作歎化他能斷衆結縛者。即是化他機實明智斷也。衆是衆人故屬化他。問何得一偈兩用。答佛自無縛能解他縛故得兩用。稽首能度下次一行總結上三種權實之智斷也。悉知衆生下次三行舉三種二諦結歎。三密文爲三。初一行是隨情二諦。何者俗諦無量心亦無量。或是求真或欲樂俗。情有去取故言去來去取無量佛亦隨起說無量二諦。即是隨情。不著世間下次一行是約隨情智二諦。隨情無染隨智空寂達諸法相下次一行是歎隨智二諦。智心所照皆入一相而無所礙。如空無依故名隨智也。

維摩經略疏卷第七

爾時長者子下訖阿閼佛十一品半第二正說分文爲三。初佛國半品是大聖對機命宗說佛國因果。二從方便訖香積九品是大士助佛闡揚說不思議解脫佛國因果。三從菩薩行訖阿閼兩品是淨名接諸大衆還菴羅園。如來對大衆復宗明佛國因果。所以如來赴機酬實積請說依報者。或前普集說正報因果。所以淨名助佛宣揚。扶成佛說不思議解脫佛國因果啓悟有緣。譬如尙書奉旨化民。所以還菴羅園。佛對大衆具明佛國。譬如大臣爲國開境事畢。還朝至尊悅可而印定也。問淨名已前彈呵豈得助成此教。答佛未說

佛國因果。淨名預彈冥會佛意助成今教。云何不可。世間國政闢外之事將軍裁之。但合天心何必待詔。但弟子述昔如來默印懸會佛心。豈非助成今教。故昔日彈呵通助正報。今日重述成今依報。問此半品及出室兩品悉佛自說皆明佛國。其間九品明佛國義蓋不足言。何得扶成佛國之教。答佛既始終皆明佛國。淨名其間豈乖佛意。如佛答寶積種種諸行皆淨佛土。淨名所說種種諸行何得非也。問始終佛國乃是佛說。其間九品都無佛國之言。豈是扶成佛國之教。答如佛國品明淨土義云。隨其方便則成就衆生。隨成就衆生即佛土淨。淨名有大方便故室外彈呵折伏。室內愈勵攝受。彈呵折伏心無垢染。歡喻攝受衆善莊嚴。是則調伏衆生豈過於此。若衆生正報清淨莊嚴則依報國土皆嚴淨也。是故文云隨成就衆生即佛土淨。如此推之淨名所說雖不彰言淨土因果隨其所說攝伏衆生。即是扶成佛說淨土。其義宛然。問若爾爲是淨名扶成佛國。爲是淨名自淨佛國。爲是成弟子等淨佛國耶。答深求其理皆有此義。如法華壽量釋迦成道甚大久遠。今分身佛在於十方淨土說法。未來亦然。此類淨名扶成釋迦淨土之義。淨名既能折伏攝受有緣之類。若淨名成佛皆來生其國。即是淨名能調衆生則佛土淨。弟子菩薩亦受折伏爲調衆生。衆生既因弟子菩薩斷惡生善。弟子等後成佛時所調衆生皆生其國。故言隨所調伏衆生則佛土淨。問菩薩可爾聲聞

取滅豈有此義。答所以言深求其理方有此義。如法華發聲聞述。歎言少欲厭生死實自淨佛土。又問疾品文殊方至淨名空室表佛國空。因此往復論佛國義。次不思議品。燈王國香積品現衆香國。此不扶成佛說佛國因果爲此經宗。若不許佛國因果以當宗者。古來何得多云室內六品因空室生。六品既因此而生豈非從佛國生也。淨名扶成佛國爲宗其義明矣。問此經明不思議解脫何關佛國之義。答不思議品芥納須彌。海內毛吼等多約依報顯不思議也。就半品爲二。一寶積請說二如來答。初文爲二。述同類堪聞二正請說。初云先已發心是故堪聞。言阿耨多羅三藐三菩提心者此云無上正遍知道心。但發心有二。二名字二相似三分證。今之五百是相似發位。何以知然。下文佛現淨土方得無生乃是分證。言相似者通別圓位皆約內凡。問何以但據相似發耶。答聲聞乾慧菩薩伏忍並未有發義。若聲聞性地菩薩柔順方有發義。故多約此明發心位。願聞得佛下二正請。寶積同類既有堪聞之機。騰機請說佛國因果文爲二。一願聞得佛土清淨即是請果。二願說菩薩淨土之行即是請因。若論次第應因先果後。今爲時衆慕果行因故先請果後請因也。初所以作此請者。上觀佛合蓋現瑞知佛欲說佛國之果而現此相。故請說果。次請因者淨國之果必籍勝因。大衆若聞淨國之果則慕果行因。故請因也。佛言善哉下二佛答文爲四。一讚許二誠聽三受教四佛正答。善哉

者初明讚許。所以佛讚許者。實積發問深得現瑞所表之意。又能為同輩致請諸決得宜故讚許也。諦聽至汝說二誠聽誠念聽者生三慧善故。諦聽生聞慧善思生思慧念之生修慧。若雖聞不聽無受潤。因聽而不思無染智趣。思而不修終無證理。三慧若備入道不疑。於是至而聽三受教而聽即是奉受三慧之誠也。佛言下四佛正答文為五。一佛正答。二身子生疑。三佛為釋。四梵王自述顯佛誠言。五佛現淨土時聚得益。初正答為二。一答果二答因。答果又二。一正答二譬顯。正答為三。一標章總答。二別釋。三結成。初文言衆生之類是菩薩佛土者。菩薩虛通至寂境智俱忘無土不土。但為化生而取佛土。故舉衆生之類是菩薩佛土。然土不在菩薩衆生。亦非共離永寂如空不可說示。以悉檀方便隨意赴緣自在無失。已如前說。今約所化故言衆生之類是菩薩佛土。衆生義如前辨十界中說。所言類者即氣類也。氣類無邊。無其正要不出二種。一有為緣集二無為緣集。言有為者即是界內染淨國土。迷真滯有而起結業。稟分段生死皆其類也。二無為者即是界外有餘果報及開中下寂光。此三土衆生迷中道佛性滯無為緣集。赴諸結業受變易生死皆是此類。約教辨者。藏通有為緣集謂生滅無生之類。別圓無為即無量無作之類。故約四教開兩緣集四種衆生。問所明三土稟報不同所居各異。云何悉同無為緣集。答所迷理同。皆是無明變易生死故通為一類。問若

爾云何分別三土不同。答有餘五人雖同見其界內惑盡都。未見中斷有為集。同生有餘受變易生亦名方便生死。別圓兩教斷通惑者。見空不空。以見空故斷有為集。及見不空侵無為集。若從初地初住訖于九地。斷無為集同受果報變易生死。亦名因緣生死。若十地下寂滅忍。餘二生在。等覺中忍。餘一生在。分住寂光。即開變易出於有後無有後生死。雖復報殊所居各異。並是界外同迷中道。悉是無為緣集氣類同也。問何不四種緣集對四土明四種衆生類耶。答一往似便於理有妨。無別自體法界異無為也。得失之事至問疾品當更分別。若還約無為分出二種是則無失。必應須開。但約四教開四衆生此即便也。若約觀心者因緣所生即有為之類。從假入空破有為集成無為之類也。若入假名中道破無為未盡皆名無為之類。所以者何。下二別釋。但聖心難測今作五意通此經文。一橫約染淨土通明四番經文。二堅對四土。三類通四土。四約觀心。五約教。初橫約同居者依經有四。初云隨所化衆生而取佛土。今先明土闊狹不同由所化多少故爾。如釋迦用百億以為同居滿願成佛。用恒沙大千以為同居。如世造宅量其所居。所化衆生取土亦爾。又菩薩所化衆生修善多少異。故國土莊嚴優劣亦異。故云衆生之類是菩薩佛土。二隨所調伏衆生而取佛土者。明諸菩薩為衆生取土。淨穢不同皆為調伏得宜。非關菩薩福慧優劣。如觀育子愛。榮雖殊皆為成就。

取土亦爾。自有逼迫妨道則淨國安之。或僑奢妨道則穢土調伏。非為以穢令生苦惱。非以淨縱樂不修。何者菩薩不為衆生作煩惱因緣。豈作淨穢令其流轉。正由衆生惡盡多少取土不同。三隨諸衆生應以何國入佛智慧而取佛土者。法華云諸佛為一大事因緣故出現於世。為令衆生開佛知見。故今明菩薩調伏衆生赴淨穢土。皆為令得入佛智慧。應以淨國入者則事理俱念。令入佛慧。應以穢國入者則事理急令入佛慧。根性異故取土不同。故云衆生之類是菩薩佛土。四隨諸衆生應以何國起菩薩根而取佛土者。衆生入道由根受法而入佛慧。菩薩觀衆生眼等六根。何根偏利。若耳根偏利即聲為佛事。一切法趣聲。聲詮三諦及宜四教。用起耳根為菩薩根聚置一國。菩薩後成佛時聲為佛事。眼等餘根例此可知。具如下文菩薩行品。正由六根偏利故使佛事不同。皆為起衆生根類故也。如娑婆以音聲為佛事。乃至香積香為佛事。皆由衆生根類異故。同居之士佛事不同。故云衆生之類是菩薩佛土。二堅對四土者。一隨所化對同居土。二隨所調伏對有餘土。三入佛慧對果報土。四起菩薩根對寂光土。初文者界內具縛未見真理。心神動散善惡無定。菩薩方便觀其生熟。生則用穢熟則用淨。生熟無量淨穢亦爾。二調伏者即有餘也。何者諸阿羅漢能調難調是名調伏。下文云若住調伏心是聲聞法。當知二乘及後三教菩薩界內惑盡皆名調伏。即出三界

即應有土。謂有餘也。當知菩薩為此衆生取有餘土。三入佛慧者。初住已上見中道理破無明一品。乃至三十九品皆生果報。當知菩薩為此入佛智慧。四起菩薩根者。對寂光土前入佛慧總相見中。今明起根是別相見中之類。如聲聞總相慧爲劣緣覺別相慧爲勝。故華嚴云佛眼乃至佛意。驚掘云所謂彼眼於諸如來常具足無減。修了了分明見。即是於一根塵了達三諦。一切諸法寂而常照無不通達。餘根塵亦爾。見盧遮那遍一切處。是則以常寂土起菩薩根。當知衆生之類是菩薩佛土。以法界海六塵起後身菩薩之類皆入寂光。問仁王云三寶十聖住果報唯佛一人居淨土。今何以十地亦居寂光。答因果與奪無生寂滅一切種智。三類通四土者。一通同居如前四義。次通有餘者隨所化衆生住方便觀斷界內結。衆生不無福慧優劣。譬如諸天同寶器食飯色有異。爲化此衆生以有餘土淨穢調伏入於佛慧。以十界六塵起其諸根。令於諸塵通達無滯見寂光理。此即爲有餘土衆生之類。並得通用四句。三通果報土者。菩薩取於此土正爲教化別圓諸地功德既有優劣。即是淨穢調伏進諸法門。進諸法門即是法身入佛慧也。令諸根明了得佛諸法界海六根即起根也。四通寂光者。元品無明未盡故須化也。果報既有高下即是調伏進觀實相。即入佛慧入重玄門虛空法界海。自行化他橫豎轉明即是起根。四約三觀觀四種境者。謂因緣空假中境。境是

心之所依即土義也。衆生者。佛告諸比丘汝等日夜常生無量百千衆生。今因緣心多境多心少境少。由照境多少名大小國。如是觀境名化心衆生。緣善緣惡即淨穢國。調能緣之心令住正道即調伏。如是調心悟解不定。隨觀善惡取悟不同名淨穢土。善惡殊入佛慧不異。起菩薩根者隨觀善惡了知此塵即是法界畢竟常寂。常寂之境發於眞智。智所依境即是寂光。復次行人觀是四境非爲著境。但伏煩惱心數衆生。隨一一境觀其開狹與不調入與不入起與不起。深識此意在因緣境中。用此四心而起誓願。願諸衆生皆得如我。化此心數悉令清淨即是淨土。安立有爲緣集衆生以四種觀於空心多少調伏入慧起根即發誓願。願諸衆生如我調伏令心明即是淨有餘土。安立無爲緣集衆生。若但有行無願不能淨佛國土。如有牛無御。有願無行如有御有牛。皆無所到行人住三觀心。願行具足成就衆生。淨佛國土意在此也。大集云欲淨佛土當淨爾心即四種心也。故佛答寶積云。隨其心淨即佛土淨。行人當知一切菩薩淨佛國土從此而起。五約教即爲四別。一所化衆生取同居土。四教所化未斷有爲。即是凡夫。惑斷不盡即是聖人。爲此所化取於同居淨穢諸土。若四教所化斷有爲盡爲此所化取有餘土。若別圓二教所化斷有爲盡見眞中道。無爲未盡爲此所化取果報土。若圓教所化無爲將盡。爲此所化取寂光土。二爲調伏取佛土者。四教調伏衆生。斷有

爲無爲盡不盡若凡若聖。以教對土例前可知。但調伏之言異耳。三因國入佛慧。若爲稟四教衆生稟何教斷何惑。若盡未盡。於何國土得開權顯實。隨其相應之土得入佛慧者。而取四土。例前所化可知。四起根取佛土者。若爲稟聲四教起耳根。本斷有爲未盡。爲取聲爲佛事同居之國。餘五塵爲佛事起五根亦如是。若爲稟聲四教衆生斷有爲盡。取有餘音聲佛事之國。餘五根塵亦如是。若爲稟別圓聲教見中道斷無爲。取果報國聲爲佛事。起耳根乃至意根。但此中衆生六根互用。隨一塵起一根即起六根。若爲稟圓教斷無爲將盡取寂光國。以六塵起六根者。皆是寂照之六根令成妙覺六根。此釋別爲衆生取土。傍下文菩薩行品之所明也。下文多。例釋故難見。至文當別出也。所以者何至衆生故三總明結成。明此四種取土皆爲饒益有爲無爲緣集衆生。即是總答衆生之類是菩薩佛土。譬如下二譬文爲二。一開譬二合譬。初爲二。一開成譬。二開不成譬。初開成譬。欲於空地造立宮室者。譬能於空中見不空佛土即成義也。四不可說故名爲空。有因緣故說四因果名爲不空。菩薩約四種苦集衆生用四道滅成四淨土。二開不成譬者。若於虛空終不成也。譬於四不可說不見四種四諦。四種佛土終不成也。菩薩下二合譬爲二。初合成譬者。但地無空終不得成。有地有空可立宮室。欲淨佛土須二法合成。若純用有凡夫三藏菩薩何能淨土。若純用空二乘通

教菩薩亦何能淨土。若空地具足而立宮室乃得成就。以不可得空心緣於四種苦集衆生。而修四種道滅願行乃成淨土因也。如涅槃四不可說。即是空也。以因緣故起慈悲誓願。修四土說四土也。不可說而說不可立而立。空有不相失不相妨。約不思議論四土也。如妙德問此室何以空。淨名答云十方佛土亦復皆空。又云雖知諸佛國土永寂如空而常修淨土教化於群生。故知四不可說永寂如空。有因緣故亦可說者。謂起種種殊勝國土。願取佛國者非於空也。一合不成譬。若但於空則淨土不成。此斥二乘及通教菩薩修但空因不成淨佛國土。實積當知下二正答實積問佛土因文爲二。一橫歷諸行修因二豎窮心源修因。橫廣堅深互相涉入不得相離。但言不疊書故前後說耳。法華云如來知見廣大深遠合蓋現土廣長之相正表此也。橫歷經文須更帖釋令高廣義成。今先橫明修淨土因有十七法門。文爲三。初三科約三心次六科約自行後八科約化他。初二心即爲四意。一別明二通明三觀心四釋經。一別明淨土行者。即三種菩提心。一觀四諦名爲直心。二觀因緣名爲深心。三發四弘名大乘心。初直心者觀四諦理。即三三昧離邪見曲名直心也。故大論云是心無始常曲不端。若得三昧心即端直。今明聲聞修三三昧緣四真諦。能發無漏斷諸邪見名調直定。深心者即觀十二因緣。緣覺智慧深於聲聞。以觀因緣之智能侵除習氣。問淨土是菩薩行何得約二乘心。

答大品明三乘。十地皆行皆學而不取證。佛亦學亦證。法華云少欲厭生死實自淨佛土。若二乘心非淨佛土者。何得菩薩成佛之時有二乘衆生來生其國。問此中但云直心深心。何須強對二乘觀心。答此經猶帶方便故有此釋。准望大品法華惡是約二乘心修淨土行。爲引二乘來生其國。故大論釋般若勸學中明自有佛土純是聲聞爲僧。自有佛土純支佛爲僧。自有佛土純菩薩爲僧。諸緣觀心非淨佛土者。豈純聲聞來生其國。緣覺菩薩類可知也。問此經云隨諸衆生應以何國入佛智慧。又法華明十方三世佛於同居土悉開三顯一。若有佛土純是聲聞。何得入佛慧而開顯耶。答從多爲論。同居土多開三顯一。大品有此明者示十方不無此事。但諸佛所作常爲一事。雖於同居不得顯一。是諸聲聞於有餘土得入佛慧。大乘心是菩薩淨土。緣四諦起悲誓名大乘心。二乘自爲而聲聞但直。緣覺兼深菩薩普濟能直能深。故加大乘心也。二通明者三心只是一心。但名異耳。何者三心只是一。自性清淨非二邊曲名之爲真。難究源底名之爲深。其性廣博目之爲大。菩薩雖觀四諦不與聲聞而共。觀無作四諦修八正道。如大經明。菩薩修八正道即是佛性。故文云直心是道場無虛假。故若觀無作修八正道。即離邪小紆迴曲見名真直心。當知直心正在此也。次菩薩雖觀因緣不與緣覺而共。大品云十二因緣獨菩薩法。大論云十二因緣名深法忍。故知深心正在菩

薩。大乘心者不共二乘及藏通菩薩。如大經云。一實諦者名爲大乘。今此三心無三差別。不縱不橫三德異名。欲令易解以三分別。雖復說三如世伊字。菩薩修此三心爲衆心本。即是初心住於三德。若普論三心因感於三身四教佛身之果。今明依因三心即感三土四種佛國之果。三約觀心明三心者。初體假入空。空假二觀方便三心爲別。若修中道三心。三即一一即三。四釋經文爲三。初釋直心。今言直心是淨土者。前約教明直心。是正因能感正果。即是下文光嚴所述。直心是道場無虛假。故今約直心明是依因能感依報國土果也。問何故偏約四諦明直心。答餘皆並得約四諦。便亦何離四諦別有餘門。直心有五。一世間及以四教。一世間直心者如人實錄無有欺誑。此乃凡夫外道之直。雖世情亡云其直猶有諂曲。亦言癡直即其義也。二四教則有四種八直之道無四種邪曲。三藏約生滅離六十二見之曲。通教無生離生滅之曲。別教離恒沙之曲。圓教離二邊之曲。各就當教四諦修八直之道皆名直心。此五直心四權一實。今圓菩薩知一切法非權非實。而雙修雙用悲誓教他修五直行。歟五直法見修五直深生隨喜。菩薩如是雖復未能八相成道。而能神通自在處處用五直法成就衆生淨佛國土。若入初住即具真應。隨機利物即現淨穢同居。八相成道。非但往昔所化世間直心衆生來生。若往昔所化修生滅等四諦四八直。衆生斷有爲無爲未盡者。此諸無



諸衆生皆來生其國。若此衆生過去有願漸不定祕密等根性不同。菩薩成佛則現四身不同。法輪亦有頓等之異。初則赴緣以權方便。若至法華方便則捨但說無上道。廢昔三權同歸一實。所化衆生皆無住權教之謬。故言直心是菩薩淨土乃至來生其國。復次菩薩於有餘得成佛。時十善直心不得來生。何以故。界內結業猶未斷。故若昔所化修四八直界內結盡。方生其國。即是三藏二乘通教三乘別圓一乘。凡七直心。無有爲緣集妄謬。衆生來生有餘之國故言直心是菩薩淨土。七種不謬衆生來生其國。復次菩薩報土成佛。藏通二直皆不得生。何者別惑未斷故。但昔所化別圓二種直心無二邊之謬來。生其國故云不謬衆生來生其國。復次菩薩於寂光土成佛之時。但昔所化圓教八直無謬衆生來生其國。其義如是。豈可一種世間擬直之心來生其國。深心至其國二釋因緣辨深心義。約餘法門非爲不得。亦何離十二因緣也。深心亦五。一事中深心即修世間福也。四種約觀十二因緣以明深心。下智觀生滅中觀無生上觀無量上上觀無作。三權一實。菩薩了知非權非實而權而實。雙修深心成就衆生淨佛國土。慈悲誓願一切普熏讚歎隨喜。上上成就具足。真應二身八相成道。隨四衆生應以佛身得度。四土成佛之時。是諸深心有緣之類皆來生其國。隨其所修若事若理而爲說法。分別諸義。類直心可解。言具足功德者緣覺深心修福德故。法華云若人有福

會供養佛。志求勝法爲說緣覺即是此義。但具有二種。一橫具深心淨同居土。名具功德來生其國。二豎具深心窮因緣之源。所有功德於三土具足。即是豎具餘類直心。菩提心至其國三明大乘心者。即四教大乘發菩提心。上求下化故名爲大。各緣四諦起四弘誓名之爲乘。三權一實。圓教菩薩修權實大乘成就衆生淨佛國土。自行化他讚歎隨喜。後成佛時同居四種有餘三種實報二種寂光但一餘類直心

### 維摩經略疏卷第八

布施下二明六度即淨土因。前三種心是就解明。今約行辨。猶如目足豈得相離。若無三心行不真實。亦非高廣故以三心入一切行也。布施有五世間事施及四菩薩施。世間施者即六道施。若造惡破戒邪心。及壞三寶施者。亦如調達化阿闍世施諸比丘。或爲謀逆財寶實施。如是等施死入地獄。檀名地獄檀。若造惡破戒多曠行施後墮於龍。七寶宮殿依報似天。正報同蛇。或破戒憍慢恐怖得財以用布施後受金翅鳥身。如是等施並畜生檀。行十不善破戒謔毒非法財施受夜叉報。或破戒謔語嗜酒肉多懷瞋忿非法財施墮摩睺羅伽。如是等施名鬼神檀。若少持戒嫉妬懷忿。多修福德墮阿修羅。依報勢力與天拒抗。但感正報多諸恐怖。如是乃至乾闥婆緊那羅等皆是諸佞好著音樂。而行施者皆鬼道攝。若持五戒十善自榮而施。若輕心局心限礙心施。是毘舍首陀檀。若持戒心惡重



事繁，言滿願衆生來生其國者，齊教明滿願。以尸羅淨故諸善得生，所求皆果故云滿願。餘類直心，忍辱至其國亦五。一世間事忍如凡夫，餘四忍還約四教而辨，例前可知。後成佛時皆來生其國，如輪王帝釋，上界諸天界，有三十二相，聲聞緣覺亦有相者，四教四種相業不同，並忍爲本。四種修相前數德中明捨飾好，已略辨竟，餘類直心，精進至其國有師云，精進無別體，但約衆行，或言自有別體，亦五。一事精進即凡夫也，餘四種道品各八精進，謂四正勤進根力進，覺道是爲八。後成佛時五種勤修一切功德衆生來生其國，餘類直心，禪定至其國亦五。一世間禪定如凡夫得四禪四空，後四約四教四種道品中各有八定，謂四如意定根力定覺道，乃至背捨九次第等皆是禪定。後成佛時四教五種攝心不亂衆生來生其國，餘類直心，智慧至其國亦五。世智是凡夫智也，餘四智慧即四教，明四種道品中各八智慧，謂四念處慧根力擇覺正見。後成佛時五種正定衆生來生其國，上來諸句權實及以諸義並類直心，問凡夫等智何得入正定聚，答凡夫世間正見亦入出世正定聚，亦得合說也。四無量心下三約化他修淨土因，此是一往耳。何者菩薩從初發心常與大悲俱生，豈行六度而無化他，四無量心亦五種，一事四無量心，是凡夫修得生色界而爲梵王，四教各有四無量心，三藏生滅法緣四無量心，通教無生法緣，別教界外藏識，恒沙佛法法緣，圓教中

道佛性無緣之法緣，如磁石吸鐵，即無作也。後成佛時五種慈悲喜捨衆生來生其國，權實及諸義並類直心，四攝至其國，此四攝法，至於迴向並非凡小所行，但有四教菩薩明四攝權實不同。後成佛時四種解脫衆生來生其國，菩薩四攝攝取衆生爲令入第一義，是以所攝衆生皆有解脫之因，衆生四土，及以諸義並類直心，方便至其國四教各有三種方便，一自行，二化他，三自行化他，復次各有三種方便，一破法，二立法，三教化。後成佛時四種一切方便無礙衆生來生其國，權實諸義並類直心，三十七品至其國，此法二乘有分具如玄義，四教所明三十七品不同。後成佛時如是衆生皆來生其國，權實等義並類直心，迴向心至國土如大論云，迴向如聲入角，四教菩薩迴向不同。後成佛時四種具足功德，衆生來生其國，迴已功德與衆生共，善無不滿故，今來生之者功德具足也。亦應云欲修迴向衆生來生其國，恐文略耳，權實等義並類直心，說除至八難，言八難者三惡道爲三，四北壽單越五長壽天六盲聾瘡癩七世智辨，聽八佛前佛後，此有二種，一界內爲前兩教之難，二界外即後兩教之難，菩薩約四教說除兩種八難，至善吉章更當分別，菩薩自除教他讚歎隨喜，後成佛時國土無有三惡八難，約四土料簡有難無難，義相繁多難可具辨，餘如直心，自守至之名約四教亦有四種，自守不譏應作四句，一不自守而譏他，二自守不譏他，三自守而譏

他，四不自守不譏他。大經云假使三子由杖而死，餘有一子要當苦治，何容全不譏他，但內無惡心必於他有益，非都不譏也，但見四譏不謬故也。權實及諸義類於直心，十善至其國十善有二種，一止二行，此是止十善也，亦有五種，一事十善即凡夫所行，後四約於四教菩薩自行教他，讚歎隨喜，後成佛時五種十善來生其國，命中天是不殺大富是不盜，梵行是不淫，所言誠諦是不妄語，常以軟語是不惡口，眷屬不離善和諍訟是不兩舌，言必饒益是不綺語，不嫉是無貪，嫉是瞋恚之垢，今約貪者由貪故則有嫉也，不恚是不瞋，正見是不癡，權實及諸義並類直心，如是實積下二聖明修淨土行，有十三番相資成淨土因也。上從直心橫約十七行，今還從直心聖明從淺至深，將堅約橫無有一法而不堅修，將橫約堅亦如是，具說如前一諸行至金剛心，心淨則佛土淨也，此爲三，一約教二觀心三帖文，一約教者，三藏不明淨佛國土，何者聲聞經中無十方佛豈論諸國修淨土行，若言有者成身子疑，既無此教則無行無人何須論也，通別兩教須汎論之，今爲三意，一約通十地直心對見地，前未發真名爲邪曲，登地見理離諸曲見故名直心，因此直心進入二地，二地能遍行此十七句故名發行，由發行入三地，三地解行俱進故名深心，以深心故得入四地，四地能事理俱行，則自調調他名爲調伏，以調伏故得入五地，五地既事理調伏能如說行，得入六地，六

地能於一切善法。迴向佛果。用施衆生。以迴向故。即入七地。七地即有方便。能修自行。化他。得入八地。八地能道觀變流。亦能處處教化。調伏衆生。衆生既調。佛土即淨。佛土既淨。得入九地。九地能說法。淨說法。淨即智慧淨。九地具四十辨。才名智慧地。因智慧淨。得入十地。十地即心淨。故一切功德淨。始自直心。訖于結句。言欲得淨土。當淨其心。心淨則佛土淨。借此十地。對成通教。堅明相資淨土行也。二約別教。對十地者。仍有兩意。一從初地。能見佛性。即破無明。離二邊。曲名為真。心。從二地至十地。類通可知。但見偏圓。以爲異耳。次依仁王十四般若。以消相資堅義。彼經取三十心。共來對三般若。若爾。直心即對十住。何者。入理般若。名為住。雖未見圓。生相似解。名為直心。發行對十行。十行正是修行之義。深心對十迴。向能迴事。入理令解。行俱深。調伏對初地。初地發真。道觀變流。得名調伏。從二地乃至十地。次第對句。等覺對後句。心淨則佛土淨也。故合地前後。取等覺。依十四般若。堅對諸句。其數整足。雖語有不稱。諸地名者。若欲解釋。無往不通。三約圓教者。依前歷別。義猶有餘。何容初地止。是調伏無餘功德。若具足有則。不但受調伏一名。若是分有何得。調伏獨當其稱。當知猶是未圓之教。今以十句。皆對圓位。以辨堅深。用明橫廣。則皆在初住。已自具足。何以故。銅輪見理。已破無明。豈非直心。具足萬行。豈非發行。念念流入。豈非深心。五住圓除。豈非調伏。解行相扶。豈非如說行。

萬行流入。豈非迴向。權實具足。豈非方便。得普現色身。豈非成就衆生。若染淨土成道。四教衆生。來生其國。豈非淨佛國土。一音演說。四辨赴機。豈非說法之淨。寂照之智。不謀而說。豈非智慧淨。實相真心。猶如虛空。豈非心淨。一心萬行。具足福慧。非功德淨。正報既淨。依報亦爾。同於諸佛。見法性理。居因陀羅網。分入寂光。豈非佛土淨也。當知初住心中。堅深窮於心源。此十四句。及無量句。罄無不盡。故初阿字門。具四十一字。四十一字。亦具初門。當知堅論則窮微後際。橫說並備衆門。發心正行。傍化二土。成就衆生。悉備初心中也。故大品云。初發心時。便成正覺。華嚴云。得如來一身。無量身。初位既橫。堅諸句淨佛國土。餘位亦然。如前引大經。十五日月喻也。次約觀心。堅釋十三番。相資修淨土因者。一心三觀。觀於法性。即是直心。此一念心。具前十七之行。即是隨其直心。則能發行。事理相資。即能進入甚深法界。以深心。故事理不善。意得調伏。以意調。故有所說法。能如說行。迴已所行。遍施一切。既能迴施。即令衆生。斷惡修善。以修善。故即淨佛土。佛土淨。故即境界淨。境界淨。故即說法淨。說法淨。故內心智慧。轉得明淨。智慧淨。故則一切功德。皆悉清淨。此等皆是。觀心清淨。則佛土淨也。故云。欲淨佛土。當淨其心。隨其心淨。則佛土淨。是則堅修一十三句。宛然具在。觀心之內。名觀行。即也。故法華云。當知是人。已趣道場。近三菩提。坐道樹下。若功行純熟。諸佛冥加。即入相似。從相似。進入

銅輪分證真實。即於二土。自行化他。與物結緣。應以佛身而得度者。即現佛身。爲說漸頓。不定秘密法門。教化調伏。入慧起根。而取佛土。若不如此。初住何緣。八相成道。一往雖云。觀心實是。眞淨佛土。義也。此是了義。若離此者。多是執文。隨語生見。復次。非別無以表堅。非圓無以表橫。譬如非日。無以成月。非月無以數日。日月相須。能成一歲。乃至成多。今橫堅相須。高廣義顯。非堅非橫。而堅而橫。如世伊字。首羅三日。當知淨土之義。依三德。秘密藏而有。若三身三德。此就正報。三土四土。即就依報。依正相成。其義可解。三帖文釋者。隨其直心。則能發行者。直心。即是圓教觀中。修無作八直。得此直心。能具萬行。故名發行。亦云。得此直心。即能行前十七橫法。隨其發行。則得深心。直心是解。發行是行。解導於行。行資於解。解行相成。如目足備。到清涼池。名深廣心也。隨其深心。則意調伏者。解行既深。即能調於事理諸惑。理惑者。迷於中道之無明也。事惑者。迷於二諦三界惑也。若初發心。即入中道。雙照二諦。心心寂滅。自然流入。即能調伏。事理之惑。仁王云。菩薩從初發心。至金剛頂。皆名伏忍。即調伏意也。隨其調伏。則如說行者。有所言說。非但赴機利物。內心清淨。能如說行。言行相扶。善根成就。隨如說行。則能迴向者。內既成就。諸善功德。迴所修。因向於佛果。及施衆生。隨其迴向。則有方便者。既迴自行。內向佛果。外施衆生。即能善巧。能破能立。巧度衆生。故言方便。隨其

方便則成就衆生者。方便既能巧破巧立。破故折伏立故攝受。若衆生四教止行二善成者。四教智斷則立。卽正報因果成也。隨成就衆生則佛土淨者。若衆生之類是菩薩淨土。衆生正報止善無惡依報國土則便清淨。正報行善因成則佛土莊嚴。若國土清淨莊嚴名佛土淨也。隨佛土淨則說法淨者。若穢土說法則如長者執除糞器。此則赴緣說苦切之法。如淨名爲香積土諸來菩薩說此土折伏之法。不說諸法實相清淨之教。若淨土說法但說諸法實相清淨法門名說法淨。隨說法淨則智慧淨者。說法本赴物機。機緣若淨則感菩薩智慧亦淨所說亦淨。譬如猛風鈴聲則大。亦如世人說法脫有利智福人來聽。說者非意智慧開解。隨智慧淨則其心淨者。說法之人解慧既進則惑垢漸消。其心轉顯卽是心淨。隨其心淨則一切功德淨者。真心清淨修諸功德皆無染著。是則一切皆清淨也。是故寶積至佛土淨。最後結撮正要。明淨土之因。欲淨佛土當淨其心者。從直心來有十三句。名義雖異皆爲淨心。隨其心淨則佛土淨者。隨四教明四種心淨。卽四種佛土悉清淨也。又四種心只是一自性清淨之心。此心若顯卽一切佛土皆悉淨也。菩薩從初用四道諦淨心。前三是權後一是實。事理惑除正報卽得佛果清淨。依報卽常寂光畢竟淨也。四教衆生垢淨之心。來感寂光各見淨穢。譬如諸天同寶器食隨其福德。飯色有異。譬意在此。爾時下二身子生疑。

莊嚴土現。問四土之中爲是何土。答有二意。

一云現同居淨土。二云隨機顯現。一切大衆歎未曾有者。非但說聲聞經時之所未見。前說諸方等多顯正報。顯依報淨土未如今也。而皆自見坐寶蓮華者。表此大衆悉有生淨土之理。或復當生。佛告至嚴淨二佛問身子如文。舍利至悉現三身子答。前說小乘及諸方等所未見聞。佛語下四佛正釋疑文爲三。一法。二譬。三時衆得益。初法說如文。譬如下二譬說文爲二。開譬合譬。初開譬者。

寶器譬寂光。飯異譬三土。三土之報不出寂光。依於寂光見不同也。如是至莊嚴次合譬。今以十種合飯色異。一約同居者。濁重爲垢。輕爲淨。此垢淨相隔垢不見淨也。二約同居有餘。同居淨中雖無重濁見思牽生故亦是垢。有餘土中久斷此垢故名爲淨。垢淨未融垢不見淨。三自約有餘。二乘生彼其土則劣故名爲垢。菩薩生彼以具福業感報亦淨亦垢。故不見淨。四約有餘果報。有餘之土未破無明其土悉垢。生質報者已破無明其見則淨亦垢故不見淨。五自約果報者。上下相望報有優劣。自成垢淨亦垢故不見淨。六約果報望下寂光。七下品寂光望中寂光。八約中寂光望上寂光。九諸土總對寂光。十諸土非垢寂光非淨。畢竟無說非垢非淨。而說諸土爲垢寂光爲淨。故下文云。雖知諸佛國土永寂如空而現種種清淨佛土。今此十番垢淨以對飯色。當佛下三時衆得益文爲二。一現淨得益。二復土得益。現淨爲二。一五

百聞說得無生忍。即通七地別初地。圓初住。次八萬四千發菩提心。菩提心位如前分別。佛攝至意解次明復穢已悟無常得小乘道。初見穢爲淨。穢是無常復淨還穢。謂淨無常無常迅速。故得法眼淨見生滅四諦之法分明。小乘法眼在見道位。非大乘法眼也。八千不受者證無學道不受三界虛妄生死法也。故知此經猶帶拙度之說。意在此也。

維摩經略疏卷第二

維摩經略疏卷第三 初小卷九

方便品之初

天台沙門湛然略

此品次佛國來者。卽是爲破有爲緣集顯不思議法身扶成如來淨國之教。大聖意多今略爲三。初明此品次佛國來。二略釋方便義。三入文解釋。初意者前於普集已說眞性解脫之體。次於此經開揚佛國因果之宗。爲未曉者必須菩薩勝人開獎。今淨名住不思議解脫之權謀。故能輔佛折伏攝受有機之徒。令離諸緣集成不思議解脫。若淨土行熟則隨業來生。各於其土聞法調伏入慧起根。問普集眞性是從經體。何得用爲此經之體。答眞性解脫通爲諸經之體。豈不近爲此經體耶。但佛國品文未顯。至下處處顯說。並與前說不乖故得爲此經體也。二釋方便義卽爲五意。一略釋名。二約教同異。三方便所用法。四

約三業所用。五約觀心。一略釋名者方是智所詣之偏法。便是善權巧用之能巧。用諸法隨機利物故云方便。故文云。智度菩薩母方便善權父。方便有三。卽三種二智。一化他。二自行化他。三自行。具在玄義。二同異者卽約四教。一三藏。佛三種二智者如毘曇有門。照事無常苦等名爲權智。照理無常苦等名爲實智。成實空門以毘曇事理皆是權智。照諸空理方是實智。如是四門四悉赴緣說種種二智皆是化他。二明自他權實二智者。佛用四悉說上四門種種權實隨他意語皆是權智。坐道場時證二諦理不可宣說卽自行實智。三自行權實二智者。坐道場時證俗諦智究竟分明法障皆盡名自行權智。證眞諦理究竟分明正智俱盡名爲實智。二明通佛三種二智者。一若用悉檀說三藏三種二智及當教有門。照幻化事皆名權智。照幻化理名爲實智。若空門明義照幻化事理皆名權智。照幻化理空卽是實智。乃至四門種種權實皆是化他權實二智。二明自他二智者。總前三藏及當教所明種種權實皆是隨他意語。並屬化他權智。佛及八地內心所證皆名實智。三自行二智者。佛及八地照眞俗理卽是權實二智。三別教三種二智者。一總前藏通三種二智及當教有門分別事相皆爲權智。若照如來藏理名爲實智。若空門者照有門事理皆名權智。有門權實畢竟空寂名爲實智。二自他權實二智者。總上二教及當教四門皆是隨他名爲權智。佛及十地內證之理名

爲實智。三自行權實二智佛及十地內證不可說真俗之理名爲權實二智。四明圓教三種權實二智者。總前三教及當教有門不斷煩惱照自性清淨心即是實智。圓空門者不斷煩惱照界內外事理之有名爲權智。照事理皆空名爲實智。如是等四門用四悉說種種二智皆名化他二智。二明自他二智者。三教及當教種種二智皆是隨他。悉是權智。佛及四十一心證不思議二諦之理皆名實智。三自行二智者。佛及四十一心內證不思議二諦之理名權實二智。是故文殊請淨名說入不二法門。其即默然。文殊稱歎意在此也。三方便所用法者。至論諸法非權非實。而言權實者。皆四悉檀善巧利物。此方等大乘一音演說隨機所感四種不同。又此品正明助佛開揚善巧權謀隨機利物。令入慧起根故名方便。但瓔珞有三。一破法二立法三教化衆生。今約此經遠論。室外折伏即是破他執法之方便。室內攝受即是引他立法之方便。以折伏攝受令法久住。前二亦是化衆生之方便也。若約此經近論者。此品呵諸人者即是破法折伏。勸求佛身即是立法攝受。以折攝故令法久住。法得久住者謂令衆生入真性解脫清淨佛土。是以中論品品明破即是破法。後四諦品明三寶四諦四沙門果即是立法。又偈結云因緣所生法我說即是空破法折伏也。亦名爲假名立法攝受也。亦是中道義教化衆生令法得久住。法久住

者令見佛性住大涅槃。故前品云隨其方便能成就衆生。隨成就衆生即佛土淨。當知歎淨名方便者正歎助佛開揚不思議解脫佛國之教。四約三業明所用法所以然者。諸佛菩薩清淨三業性如虛空非一非異不可分別。爲化衆生慈悲誓願神通感應應十法界現不可說種種身業。十方利物是爲身密方便示現。又以悲誓神通應化現同十界所有音聲。十方佛土示不可說種種之法是爲口密方便利益。又以悲誓神通應化現十界心。十方佛土現不可說心識種種分別即是心密方便利益。藏通但明神通三業。別圓法身應現三業亦名神通變化三業。故約三業以明方便。此品明六度攝物即心密方便。爲白衣等示種種之身即身密方便。一切見敬託疾與教說種種法即口密方便。此三業方便無方利物莫測其本。即是三密亦名三輪不思議化。三無失三不謬。三業隨智慧行。良以法身三業化物無失。無謀無念寂而常用應生四土。示身口意折伏攝受利益衆生。故居方丈無疾現疾。因以開悟令超緣集同栖空室。從此標名故言方便品也

五約觀心者。若別相三觀前二爲方便。若入中道即是實慧。初從假入空是破法折伏義也。次從空入假是立法攝受。中道正觀即是教化衆生入實慧也。入實者名法久住。法久住者則法身常存。若一心三觀方便實慧不一不異。以三觀歷三業明方便巧用可以意知。問此品定是誰說。答此有三解。有言是集

經者。歎淨名德爲問疾者說如是法。有言前歎德是集經者。次說法是實積。向佛述淨名有疾而不得來。爲問疾者說如是法。有言是佛同歎淨名有此方便說法利物之事。今恐是佛說。普集經及佛國品意在淨名助發宣揚。有此稱歎淨名顯知。故方便託疾來詣參問因得與教。阿難本願所未聞經顯佛爲說。至結集時次佛國品而誦出之。入室六品阿難在耨羅園皆付阿難者。亦是重爲說。爾時下三文解釋。淨名助化凡有九品。大分爲二。初半品歎德正是形益方便。二從現身有疾去正明聲益方便形聲互益。但就傍正而分兩別。初形益者即爲聲益而作譬喻。何者此士以音聲爲佛事。故聲益爲正。就初爲二。一先歎德二正明形益。歎德爲二。初標住處及人。二正歎德。初文者城如前釋。長者有長人之德也。但標人處者意有所主。淨名寶積同住此城本是法友。寶積獨來而淨名不來者爲有疾也。因其有疾故致參問。因問說法承機便也。人既有問佛同世儀豈不違問。但被命之徒有堪不堪。不堪即五百八千。又各述往呵顯淨名之德。亦令述昔重益時機。此有密意非都不堪。堪即文殊奉命入室對揚解脫。其同往者法利皆充。是則淨名赴緣興顯大法。佛國因果之功德。維摩如前釋。長者者今當略解。然其本地舊云金粟如來。即是法身長者。如法華云大富長者即是如來。語其迹也。位居法雲或云等覺。望佛爲菩薩。即長者子望下地名等覺佛。則長者

也今略爲四。一外具十德名世間長者。二內合法身十德卽出世長者。三約觀心具有十德。四帖釋經文。初外具者一性貴。二位高。三大富。四威勢。五智深。六年者。七無失。八禮備。九上歎。十下歸。備此十德世間名大長者。何者國內勝人稱爲長者必是貴族。雖是貴族爵位卑微不稱姓望。雖是高位貧無財惠世所不重。雖財充積無龍不敬畏。雖有大勢神用闊短智人所輕。雖神解明鑒而年在幼物情不揖。雖年耆貌皓內行斯惡人所鄙怪。雖操行無瑕而外闕禮儀無可瞻愛。雖進止容與若上人不。穆名不徹遠。雖豪貴歌詠無恩群下物所不崇。十德若備名大長者。二以十義內合法身十德者。淨名迹卽居人世具世十德。故毘耶所推稱大長者。然其本地。衆德妙絕不可稱說。略而言之內具十德。卽是出世法身長者。一從初發心常值佛稟教。正觀中道發生理慧。卽是法王種性中生。二積功累德證無生忍。三萬善法財無不具足。四十力無畏降魔制外。五權實二智無不通達。六久值諸佛觀行純熟。七三業隨智得三無失。八具佛威儀進止咸益。九諸佛記別歎以誠言。十釋梵所敬歸心所崇。此十具足卽法身德滿故名法身長者。是故能輔釋尊闡於不思議法門顯成淨土因果之教。三約觀心明十德者。一姓貴卽正觀順教契理生智。是名發心生在佛家種性真正。二得無生忍者觀三諦理。三惡不起卽是修無生忍。雖非上地觀行之心亦稱無生。故法華云。若說此經

當著如來衣。如來衣者柔和忍辱心。是忍卽寂滅忍。豈不得稱無生。此卽位高。三大富者正觀之心三業清淨。包含三諦一心萬行富有法財。四勢力者正觀降伏愛見魔外。五智深者觀中爲實雙照爲權二智具足。六年者者久種善根方修此觀。七無失者正觀心性三業無瑕。八禮備者舉足下足無非道場。乃至著僧伽梨悉皆一心。九上人咨嗟者觀行之人常爲十方諸佛所讚。故法華云能持是經者諸佛皆歡喜。現無量神力歎美持經者。十下人所敬者法華明。持經行人天龍四部皆來恭敬供養是人。當知觀行之人具淨名德同於大士。是真佛子。故法華云佛子住是地卽是佛受用。常在於其中經行及坐臥。尙同長者受用豈不得名長者子也。已曾供養下二正歎德卽爲十段。釋於十德不多不少。供養諸佛者此兩句歎第一種性真正。如世間長者姓貴也。今淨名值佛既多聞法亦廣。必如聞而行深觀實相。若發生理慧是爲從佛口生從法化生得佛法分。三慧顯理天性相關名真佛子。是則生在佛家。種性真正深殖善本者釋成種性。殖之言種。觀畢竟空種大智種。智是行本。從解生行德無不備。故大品云諸法雖空一心具足萬行。卽法身初生具足衆德。得無生忍此一句二歎法身位高。如世長者位高也。所以然者。圓教初住一地具足諸地功德。此義猶通。今淨名或云金粟如來。已得上寂滅忍。或云位居等覺得中寂滅忍。或云位居法雲得下寂滅忍。若居中

下無明已斷。但有微習不能牽生名無生忍。卽位高也。所以不受寂滅忍名者。正爲讓佛。但無生忍也。辨才至總持此三句是三歎三業功德。法身之德四辨法財亦復無量。如世長者之大富也。辨才是口無礙。辨能攝一切口業功德法才。遊戲神通卽身業。攝一切身業功德。遠諸總持卽諸陀羅尼總持一切意業功德及餘一切功德法財。獲無所畏降魔勢也。何者十力無畏降魔制外。魔卽四魔八魔十魔如上說。勞怨者魔有塵勞之力。能害菩薩智度母善權父諸善法親。故名勞怨入深至利鈍此八句是五歎二智。如世長者有深智也。前四句正歎後四句釋歎。入深法門卽歎實智。不二法門實理甚深唯佛究盡故名深法。善於智度卽到彼岸邊底歎實智也。通達方便大願成就二句歎權智。權智善巧能成大願。大願成就方便用成。明了衆生心之所趣此二句釋歎實智。一切衆生皆有佛性。凡有心者悉得菩提。如流趣海。又能分別諸根利鈍。此兩句釋歎權智。衆生根有利鈍不同。而能善巧逗機令得悟解卽是方便久於至大乘此三句六歎修行積久見理分明。如世長者年耆見久。故法華明文殊已曾久值諸佛修學積劫。此亦如是。故言純熟決定大乘者見理分明能師子吼。師子吼者說諸衆生悉有佛性。佛性者大經云卽大乘也。諸有所作能善思量。此二句七歎三業隨智慧行得三無失。如世長者內行無過。何者一

切所作皆是三業能善思量。若作前智後失不可追。今前智後作無差機失。即三業隨智慧行得三無失。住佛威儀心如大海。此兩句是八歎形心兩稱。形則進止得儀心則含弘無隔。如世長者禮儀備足有大人之儀。又住佛威儀者如十地菩薩學佛象王迴視等。舉足下足有所運爲無非佛事。有言具佛相好也。今言能如佛不起滅定現諸威儀普利一切。心大如海者大經明海有八不思議。佛法亦爾具出彼經。今言菩薩無緣大慈含容一切心無取相。是故不增。雖觀諸法畢竟空寂而不捨衆生。故名不滅。猶如大海衆流常入而不增。沃熈常煎而不滅。故言心大如海。諸佛菩薩此一句是九明諸佛稱歎。如世長者爲天王上人之所歎美。大士既具諸德又稱物緣。故爲諸佛之所歎歎。弟子釋梵世主所敬。此兩句是十歎大士內德既充外堪師範恩被必深。故爲敬仰。如世長者民下所崇。弟子者謂諸聲聞釋梵世主者即欲色界主。主既歸心臣民之衆莫不咸敬。欲度下二明形益方便文爲三。一標益物處二正明益物三結初明處者。大士將欲助佛闡揚大道方便度脫衆生。故居廣嚴之國。即是品之來意如文。資財下二正明益物之事文爲三。初六句明心密。二從難爲下九句明身密。三從一切下二十句明口密。初六句約六度攝物。此是從本垂迹下二十九句皆是迹同凡俗。因迹顯本。問何以心密是垂迹身口是顯本。答六度身心其理深隱。涉化方便隨機

有事。身口一往同俗。若求其致方知表本。今初從本垂迹益物顯本。皆約六度。六度即波羅蜜滿足之身。三身三德不縱不橫如世伊字。資財無量攝諸貧民者。舊解多云。資財只是世間財帛貧民只是世間貧人。若爾此與凡俗行施何殊。豈足歎淨名垂迹善巧攝物來生四土。今言財有事理。事則可知。理即眞理善法財也。故文云法王法力超群生常以法財施一切。以四教法財施於一切。即檀度具足法界故言無量。攝諸貧民者非但世間貧民。因財攝來以道教詔。今言貧民者。也。七種方便皆是貧民。當知皆是如來方便密語。若是底下凡夫貧民以世財帛。或以戒善而攝取之。若二乘窮子幼稚拾父求衣食者。以三藏鹽醋米麵一日之價生滅法財而攝取之。一乘爲富比於菩薩猶貧法財。故法華云自念貧事我無此物。菩薩三祇功德雖復無量比聲聞爲富。並通菩薩猶是貧民。通無生諦理諸度法財自以爲富。比於別教猶是貧民。別教歷別修無量諦理。諸波羅蜜法財無量自以爲富。比於圓教猶是貧民。圓教三諦無作諦理諸波羅蜜法財圓足。金剛寶藏無有缺減乃名爲富。故純陀自歎貧於無上法之財寶。若得無作方是無上法財。大士法身住於非懷非施圓滿之檀。能起四教法施之財攝七種貧民。乃至圓教善根未發亦是貧民。如純陀也。以四法財攝取衆生令生四土。此是垂迹引物還本。又約頓漸不定祕密四種法施攝取衆生。成菩薩行令生淨土。

淨名成佛布施所攝衆生來生其國。故知此言扶成前品。佛說布施是菩薩淨土一切能捨衆生來生其國。豈可不用佛國爲宗。若約觀心者。今之四衆其有能住一心三觀。不見慳施慈悲利物拯濟貧乏。興福供養隨喜獎成。若是長者一村行施因施說法。受施之徒感恩慕德歸心受化慳慍漸微。亦學施主捨財修福。若在令長住正觀心財施法施。則一管貧民歸心受化慳心自息亦能捨財。乃至天王帝王住正觀心。不見慳施慈愛貧民恩慧分施。因爲巧說四教法門。四衆荷恩歸心受道亦皆能施。譬如一燈燃百千燈冥者皆明明終不絕。是爲四衆帝王長者住檀無盡燈法門攝衆生也。是諸所攝於未來世還爲眷屬同生淨土。值佛開經正慧開發。是諸施主得無生忍。於有緣之國示成正覺。昔布施所攝皆來其國修三乘道。若聞法華同入佛乘。此即淨名大士何處更往耶。奉戒清淨攝諸毀禁。淨名法身住非持非犯滿足尸羅三德之身。能以方便十種戒攝諸毀禁。先以十善五戒攝於人天。次以律儀攝毀不戒等四。次以生無生正語業命攝毀隨道無著。次以無量三正攝毀聖所讚自在。次以無作三正攝毀具足隨定。餘人未得非持非犯皆名爲毀。故大經云唯佛一人具淨戒餘人皆名污戒者。此諸衆生既蒙戒攝。以不毀禁成菩薩行隨行戒善。淨名成佛時戒善所攝衆生來生其國。上文云持戒是菩薩淨土。菩薩成佛時持戒衆生來生其國。約觀心者今



佛弟子四衆貴賤能修三觀一心。住此觀心不見持犯。慈悲利物淨持禁戒。持戒有德爲物所歸。示以法門。若是長者令長洲主國君能持齋戒。則一鄉一縣一洲一國臣民四衆自然息惡而修戒善。是則不言而化。以四種淨土之因修四教道。自住戶羅無盡燈法門攝諸衆生。是諸所攝於未來世還爲眷屬。餘如施中。下四度觀心准此可知。以忍調行攝諸衆生。淨名住非悲非忍。屢提三德滿足之身。能示住伏順無生寂滅。方便調四悲衆生各離嘆悲成菩薩行。淨名成佛之時忍辱所攝衆生來生其國扶成佛國。及諸義准前以大精進攝諸懈怠。淨名法身住非進非怠滿足之身。以四道品各八精進攝四懈怠。來生其國。餘義例前。一心禪寂攝諸亂意。淨名法身住非定非亂三德之身。能善方便用四道品各八種定攝四種亂意。令各得八種之禪及諸禪定成菩薩行來生淨土。具如佛國品明。以決定慧攝諸無智。淨名法身住非愚非智究竟般若三德之身。善能分別諸法相於第一義而不動。以四道品各八決定之慧攝四種無智衆生。具如佛國品明。是故菩薩從法身本地真六波羅蜜起方便迹。示行六度攝取衆生。即成就衆生淨佛國土令歸本地。並扶成佛說不思議解脫淨土教也。雖爲下九事是無言之化即是身密。行於非道通達佛道方便利物。初言雖爲白衣即垂迹。而修沙門引歸本也。沙門名爲無著亦名動行。大經云如來是大沙門即是四教

示沙門也。律是詮量輕重。詮量四教罪垢輕重。皆爲引物歸寂光本。此無言化者。密護出家密勸在家。言密護者。大經云雖復染衣心猶未染者。未染四教大乘之法。華。則雖是沙門名爲白衣。密勸者。何須染服。但令染心立沙門行。即不思議淨土之因。豈非無言而化成淨土教耶。淨名後成佛時所攝衆生來生其國皆是方便扶成佛國。其義宛然。但佛國品明方便是菩薩淨土。菩薩成佛時具足方便衆生來生其國。正是標名而已。今淨名託疾興教。其數德者具出二十九事。開敷淨名方便之端。故知方便無量。佛國品方便之義見於此品方乃顯也。約觀心者。只今時白衣信士。若長者令長洲主國君等。而能斷惡修善。一心三觀不染諸欲觀行明淨。即是雖爲白衣持沙門行。此下八句皆上半垂迹下半歸本。雖處居家不著三界。向忘天樂。況復人間卜居此者。爲引四種衆生令離三界來生四土。三界有二種。開合對四土細尋可知。此及諸句例須觀心。不欲繁文例前可解。示有妻子常修梵行。內修四種梵行離四愛著。亦密護出家密勸在家。令人不思議行成四土之因。現有眷屬常樂遠離。行四種遠離令諸衆生遠離四縛。入不思議之因來生四土。雖服寶飾而以相好嚴身。常用四忍修諸相好。莊嚴法身引四衆生入四淨土。雖服飲食而以禪悅爲味。用四種道品各八種悅令成妙因引入四土。若至博奕戲處輒以度人。博謂博塞弈是圍碁之類。輒以度人

者。化令不著無記掉散空喪出世之功。當各隨根性求於四種出世實利名爲度人。令人不思議解脫置四土也。所言輒者機起即化不待諸請。受諸異道不毀正信。受學異道爲欲伏物故不毀。正信者內信無損即用正法而度脫之。大集明如富樓那雖化外道反被譏呵。文殊示同而往化之。諸外道等過去亦經值佛聞法。內有善根赴機引入不思議行令成四土之因。雖明世典常樂佛法。此方世典即五經等。西土即四章陀十八大經仙方呪術等。常樂佛法常樂四教所明佛法。引導令入不思議解脫四佛土也。但法身本地三德祕密而能熏業。置毒於乳方便引物同歸四土入不思議法門也。一切下第三有二十句是口密方便。聲教饒益。亦是垂迹引物歸本。一切見敬義有二種。一云淨名觀一切衆生即菩提相即大涅槃。是故皆敬。二云大士爲其化主觸物沾恩。凡厥之流無不荷澤慕德知恩。是故一切皆恭敬供養。又是福田之上。夫無學羅漢尚是應供。何況淨名方便說法化歸本也。此一句通貫下十九句。所以然者。方便設教物不敬重化導豈弘。執持正法攝諸長幼。外國立有德者以爲三老乘持國法。此垂迹也。言長幼者何但人有長幼。一切善根亦有大小則是長幼。長幼雖殊論其善根不出四教。赴四根機攝歸四土。一切治生諸偶雖獲俗利。不以喜悅稱意爲諸獲利爲偶。迹同凡俗求世勝利。不以爲喜者引物歸本故不喜悅。凡夫愛心喜悅結惑



覆四善根。大士引物情無所著。物著情破四善根發攝歸四土。復次菩薩證四功德三權是俗。修此三法發生定慧名得俗利爲人說。此名曰治生。聞者得益名爲諸佛。菩薩常行捨行名爲不悅。遊於四衢饒益衆生。示迹同凡遊四達路表遊四諦。用四四諦益四衆生引入四土。入治正法救護一切迹。同凡俗用禮用刑。凡人執法多有枉滯。菩薩治正爲護衆生方便與奪。因用四教救拔引入四種淨土也。非是捨道謬致參掌。入講論處導以大乘迹。入凡小所應行處方便爲說四教大乘引入四土。入諸學堂誘開。隱。隱迹。入學堂誘開。瞋。瞋味曰。瞋。四種善根微小爲無明惑障。出世解未開謂之瞋。瞋。四教引接破其惑障。開四善根增長成就來生四土。入諸姪舍示欲之過迹。入姪舍爲說九孔常流污穢不淨令知欲過。欲心若息四善根發。若貪染四法亦名爲姪。知貪愛過不染不著。以淨心故得不思議之四土也。故文云先以欲鉤牽後令入佛智。入諸酒肆能立其志迹。入酒肆酒有三十六失。凡人若飲昏神亂道勝志皆頽。大士能自立志又令他立。行因不退引入四土。復次酒是煩惱肆。卽五陰凡夫飲煩惱酒。二乘飲空無相酒未吐此酒。故於佛性生無常想。故大經云持空三昧瓶醉般若無相。通教同二乘別教見中未了醉無明酒。大士雖復入諸煩惱用爲佛事。縱飲千鐘而不昏亂故云能立其志。若在長者長者中尊爲說勝法。此下歎

●情二章●\* ●賦二章●\* ●懷二首● ①苦令二令苦● ②離三離● ③之能三能壯●

結成方便。居毘耶離但淨名三業方便助顯佛國。乃遍十方十法界法。豈止如上三十五事。問今言爲世所尊者。爲以一身入多身爲尊。爲當託生於彼彼以爲尊。答皆有此義類如普門現種種身。今正取託疾與教以長者一身。迹能巧用隨所示處無不尊敬。承機開化無不蒙益。當知長者法身無諸業緣。示物故爾。將證長者身本無疾。爲衆生故託疾與教。故須先述前諸方便以爲解脫。齊此結成上來從本垂迹顯本方便形聲益也。

方便品二

其以方便下至入室竟有八品半文。大段第二淨名方便託疾與教助佛揚化。今入不思議解脫。除物罪垢引入四土成淨佛國之行。託疾有四意。一爲化國王及臣民等。二爲發起弟子品。三爲發起菩薩品。四爲發起問疾品。初意者以託疾故國王長者皆來慰問。因以身疾寄言斥彼。誠勸爲便。若厭樂心生能斷緣集修行萬行。是爲入不思議解脫之解脫。生同居有餘淨土之因成也。二爲發起弟子品者。若不現疾無由願命弟子參問。若其不命豈敢輒述昔日所呵。普令二乘同聞往昔滯小被呵。有樂小執小之徒。聞此心折慕仰大乘。近爲入室聞不思議成生蘇之由籍。遠爲大品法華成熟蘇醍醐。亦是生果報土之良緣。三爲發起菩薩品者。若不託疾菩薩爲由被命。豈得各述往昔被呵。普令三教菩薩折其方便之滯。同折圓頓之道成入

不思議解脫淨佛土之勝因。四爲發起問疾品者。若不託疾何由得命文殊入室論道開發物心。令諸弟子聲振大千進諸菩薩三觀之行。入不思議解脫之道成淨佛土之因。此之四意皆由託疾。疾非實有故言方便。方便之力寄在說法。此正屬聲益。今明淨名託疾與教意乃有四經文。大判總爲二段。一從此下說菩薩品有兩品半。是室外說法明彈呵折伏。二從問疾品去有六品。是室內說法明引接攝受以是因緣令正法久住。即是住不思議解脫也折中具攝。攝中亦爾。但義有傍正。今就室外折伏文爲三。一此半品明折伏界內有爲緣集。二弟子品即是折伏無爲緣集。三菩薩品即是折伏自體法界緣集。問無爲與自體爲同爲異。答諸說不同今言名別體同。二乘迷自體起無爲著。著已無爲故受無爲之名。菩薩亦迷自體起無爲集而菩薩觀破無爲。但無爲未盡此惑附體故別受自體之名。如凡夫迷真起有爲緣集。學人斷見思惟未盡。猶於真理有色無色染之名。問學人有爲未盡雖得見真猶有其惑。不約真名自體。菩薩無爲未盡亦得見真。何以別受自體之名。答二乘見真但是空理空非法身故不得立自體之名菩薩見真真是法身。法身常在故得別立自體之名。菩薩緣惑未盡故須折伏。此半品爲四。一方便現疾。二諸人參問。三因爲說法。四時衆得益。初文者以無疾現疾此表法身無二緣集因果患累。爲欲引物方便現有凡夫二乘二種緣集及菩薩自體

因果之患。問何得知然。答下文云菩薩疾者從大悲起。以衆生疾故我亦有疾。若衆生得無疾者則我無疾。問淨名述居人道可同凡夫而有事疾。內同菩薩有自體疾。既非二乘何得同其有無爲疾。答淨名住不思議應以二乘身而得度者。即皆現之而同其疾。復次現通教菩薩之疾與二乘同現疾義云云。至問疾品當具分別。以其至問疾二明問疾。淨名爲物所尊具如前歎。斯之大衆莫不蒙恩。今既有疾豈容不問。故諸王臣民皆來問疾。而但諸來者皆是淨名現世知識。過去曾結四教之緣機動致感藉問疾爲緣故來問疾。其往者下三因爲說法。若不現疾無由彈諸豪族。設來亦無緣呵斥。然約他身說過爲難。我既有疾彼豈得無。故因已疾廣爲說之令生厭離勸求佛身。文爲三。一總標說法。二正說觀門。三勸求佛身。初文可知。次二種說法者是佛法大意。即是誠令斷惡勸令生善。因此得成淨土之業。又若但勸厭離斷惡而不勸求佛身。即怖畏世間墮於二地。若墮二地此經及大品並成根敗之士。若依法華涅槃即於佛道紆迴。今此觀門多在藏通。何者芭蕉等譬在藏幻夢等譬是通。諸仁者下二正說觀門。有師作五門解。有師用五非常釋。今用二門明義略出五種。一約見思兩道。何以得知。初明苦下四行是約見道。次明不淨觀是約修道。故大論釋十想云。前三見道中四修道後三無學。今勸求佛果不須後三。二約二種念處。苦下四行即性念處。說不淨觀即

共念處。三約二行。苦下四行即慧行。若云不淨即是行行。四約二觀。苦下四行即是實觀。若說不淨即得解觀。五約正助。苦下四行即是正道。說不淨等即是助道。如是等種種二門廣為諸人示教利喜。今約此等二門說法者意乃多途。略出五修。一為令聞法之徒厭離修觀求無上道。若緣集未斷生染淨土。二界內若斷即生有餘。三若依佛慧如螺髻所見。故普賢觀明懺悔力。故罪障漸除即於此身見淨妙國。四若證真無生即生果報。五若住不思議解脫即能成就衆生淨佛國土。衆生緣熟坐道場時隨所化生而取佛土。託疾說此二種觀門等行利益衆生。略知大意。今就見道苦下四行。初說無常即有三事。是身無常者。攬三事有身。身但假名。三事無常故說是身無常。無別身也。如大集云。歌羅邏時即有三事。一命二煖三識。出入息者名為壽命。不臭不爛目之為煖。此中心意謂之為識。攬此三事名歌羅邏。三事生滅相續不斷乃至衰老皆是業持。凡夫不了起諸煩惱造種種業。不覺息斷三事分離。一生空過悔無所及。今淨名說為無常破彼常倒。何者三事成身息出不反。身如瓦礫命寧可保。煖氣持身為常存者。火從緣生緣散火滅身便臭爛。豈得常存。業繫妄識謂我常存。業繩忽斷心即託生。當知三事皆悉無常。若能如是悟無常即能捨龜緣事。觀細無常。若心在定見無常理即入見道名須陀洹。若昆曇有門見細無常理即是見道。若成實空門因細無常入

空方是見道。今約有門善修無常能破身邊即入見道。謂有無等六十二見及一切見知皆無常。即能見理斷見惑也。深觀無常何止斷見亦能斷思。故佛言善修無常能斷色無色染也。無強者為成無常。故假名之身依於三事。三事若強生滅莫之能遷。若有為生滅遷變。當知三法體羸無強。無力者亦助成無常。若假名身三法有力即能抗拒。由有為生滅轉變不自在故當知無力。無堅者三法之體皆無定性。若是有者即如金剛。豈為生滅之所破壞。以假名三法不自在故為生滅所破。當知無堅。如諸羅漢欲結集法藏前說偈云。無常金剛來破聖主山王。速朽之法者假名三法轉變體羸。生滅迅急。當知此身是速朽之法。不可信也。結句破執。此身三事若有常有強有力堅固不朽則可計常。若其業盡不與人期。是則出息不保入息前念不保後念。現見世人俄頃便往無自覺者。云何計常。信此妄情自寬造惡而不修道。為苦至不估此約苦門說法。為苦者無常故苦。何者三事成身無常所切。又為三苦四苦八苦所苦。苦之甚也。為惱者三事假身常為九惱及諸苦境之所逼惱。是則內苦為苦外苦為惱。復次初苦為苦重逼為惱。衆病所集者三事假身息煖是色。色法四大四百四病聚在此身。心有四分煩惱之病生八萬四千。此色心病聚在假身。故言衆病所集。復次為苦者行苦也。無常行苦無著促無輕重。故言為苦。為惱者壞苦也。違緣壞樂故言為惱。衆病者苦

苦也。身是四苦重加衆病故云苦苦。問通苦有四別苦亦四。別苦苦於通苦。是則四種皆是苦苦。何故別說病為苦苦。答生苦已過死苦未至老苦微薄。故約病苦說為苦苦。又解淨名託疾故但約病為苦苦也。明智者所不估。結成苦義審諦觀察。了了見苦無暫樂時是名智者。若三事假身常為三苦所苦。無一樂者何可恃估。故瑞應云。聖人常以身為患。而愚者保之至死無厭。是身至不住此十為空行作譬。今有二釋。初總別解二通相釋總。別解者初五別譬五陰。次五總譬五陰。何以知然。經論誠文云。觀色如聚沫觀受如泡觀想如炎觀行如芭蕉觀識如幻。下五既無文別對。當知總以譬於身空。問別譬五陰定屬何教。若三藏不應炎幻為譬。若通教不應沫泡芭蕉為譬。答方等四教難譬非疑大論云。聲聞經中或為利人說如幻等譬。從多為論各有宗徒。大品有時牒前二教說五陰。六譬十譬通譬五陰乃至一切種智。問十譬總別皆譬五陰空者。前後何以不對五陰成假名身俱約三事。答此亦何在。佛或時說二法成身所謂名色。或說三法如今所用。或說五法即是五陰。或說六法即是六入。並出經論離合隨緣赴機得宜於理無失。今用三事者於觀門為便。次通相釋此十譬皆譬身空。餘經雖以前五譬譬於五陰。此經十譬皆云是身。不別以五而譬五陰故不同前。今通明此十多譬身空亦譬法空。就此十譬五是三藏五是通教。此品是約藏通觀門故也。三藏五者

謂沫芭蕉雲電。通教五者即幻夢影響也。則何以知然。答大論有文。前已具明。問沫等與炎等何別。答沫等有此色質。但是虛假分折易空。以人不知色身故用此為譬。炎等似有實無體質。以此無質譬於龜細有質之色。知諸法皆空。問諸法皆空何得以空譬空。答大論云。以易解空譬難解空。故約六喻十喻譬法空也。問沫等通為三。乘作譬何以非大。炎等亦為三。乘何以獨稱通教譬也。答炎等非但為通三乘亦為別圓。故是衍經之所用也。攝大乘云。依阿梨耶說如幻等八譬。聚沫不爾。豈得為類。今釋十譬譬生法兩空。若三藏教多譬人空少譬法空。但兩教難說不分部者。正是隨機故也。是身如聚沫不可撮磨者。水流衝擊因成聚沫。一往似有撮之即無。此身亦爾。無明行識流託他陰。迷者謂有智者觀之不見定實。如撮沫無沫但有水也。此譬人空意顯。法空未明。如泡者上水滯下水。上水為因下水為緣得有泡起。斯須即無或因觸滅。一往異水。如實知之離水無也。身亦如是。往業為因父母為緣即有身泡。漸漸增長緣盡便終或他害死。無智謂有。若審觀之三事身空無別身也。如炎者日光風動曠野起炎。起炎相續愚者水想審諦求之炎水俱無。此身亦爾。心智光業風動攪他三事。相續不斷染愛不了計以為身。智慧了達非但身空三事亘得故言如炎。是則可譬生法二空。不同三藏聚沫等譬。如芭蕉至堅者。芭蕉從生皮葉相裹竟無真實。此

身亦爾。歌羅邏來三事假身。皮肉骨髓各有九十九重。一一檢之虛假得。如出入息相續百千。一一息中身不可得。剎那心識次第生滅。一一剎那身不可得。離此三事無別有身。故知身相內外俱空猶如芭蕉。是身如幻從顛倒起。猶如幻作兔馬外人見之皆謂是實。無明幻師諸行幻法幻作三事。見身取相謂為定實。若知無明不起諸行幻法及以三事如幻空也。是身如夢為虛妄見者。眠法覆心身臥於此。見身遊彼言彼有實。覺方知夢。無明覆心為臥妄起諸行。託胎三事乃至老死如夢見身無所不至。觀心覺悟即知虛妄身及三事空無所有故如夢也。是身如影從業緣現者。有物遮光則有影現。物異影異物動影動。無明行業遮理智光則有三事報身影現。業異報異從生至死流動非一。若知無明行業本無所有報身三事皆畢竟空。猶如影也。是身如響屬諸因緣者。響因兩物相擊出聲空谷響應。身亦如是。無明內動如物相擊。業行如聲母腹三事如空谷應。三事和合成假名身。屬諸因緣者無明行為因母腹空谷為緣。因緣所生無自他等故說無生。生即如響。復次如唇舌齒齶咽喉。報風觸身七處故有聲出。聲屬眾緣亦不可得。身亦如是故如響也。問攝大乘明八譬各有所譬今經五譬那並譬身。答今明通別同異意正在此。若通圓二教五譬六譬八譬十譬皆可通譬。如大品所明色乃至一切種智皆如幻化。此經亦通八譬別者即別教意。如以四德對四三

昧破四種人。圓義往數皆不可解。是身如浮雲須臾變滅者。雲從龍出亦陰陽氣變為異色。遠望謂有近者則無。無明行龍父母氣合起假名身。從生至老種種所作。愚者遠望則有身相智者近觀身不可得。須臾變滅者即三藏折無常入空。是身如電念念不住者。電義未詳。但無明行三事身光念念無常如電疾滅。此譬無常意轉明矣。是身至所轉八番明無我。約六種法檢破我等十六知見。前五番四大種。次一番約空種。二番約識種。問無我與空何殊。答四句不定。一衆生名空陰名無我。即是內離人故空。法不自在故無我。二陰名空衆生名無我。陰但是法故名為空。衆生是人故名無我。三俱名空猶如二空。四俱名無我如三無我。今經前明空門多是二空。今明無我約法無我。問上明空行就二教入空。今無我行亦為二不。答文雖是一亦得兩釋。何者如言無主為如地。若分別破地得無主。三藏無我。若體法性我性皆如。我及諸法畢竟無有即通教無我。初五番為二。一別檢二總檢。別檢為四。是身無主為如地。今例作兩釋。一破外人。二約內觀。破外人者外云。若無神我何能擔負。內曰地能負山可有神我。次內觀者毘曇明衆生是假名。地是實法。成論明地是假名四微是實。今明雖假實之異同是苦下無我觀攝。如地四微。一微是主三亦是主。若一非主三亦皆非。當知無主。外地既無。內地四微所成皆亦無主。若內外無主三事之身何得有我。故云是身無主為如

地。又請觀音云。地無堅性地。若有者爲自他性。共無因性。四中隨計即是有見。若謂是事實餘妄語者。實即堅義。是性是主。若檢不得當知是無乃至非有非無。若於此四句有所計執即是性實。金剛經云。若心取相若取非相皆著我人。不取四句即是觀也。無主無我故云是身無主爲如地。是身無我爲如火者。外云有神我云何知耶。身能馳走及出音聲。故知有我。內曰約火一法破其兩計。何者火燒野草亦能東西。燒竹木時亦能出聲。亦有我耶。內觀者火二微成無有定性。名色成身亦無定性。若無定性即是無我。復次身中煖即是火。若外火無我內火亦無。請觀音云火從緣生緣無自性即是無我。破性四句類地可知。是身無壽爲如風者。外云有壽云何知耶。若無壽者豈息相續。內曰出入息者但是風相。外風無壽內風亦無。次內觀者風相觸擊故輕虛自在遊中無礙。有何壽命。大集云出入息者名爲壽命。觀此出入入無積聚出無分散。來無運遊去無履涉。如空中風求不可得。風既非壽其息亦非。請觀音云風性無礙。四句觀風例前可知。是身無人爲如水者。外云有神故有人。云何知耶。若身無神何能潤下曲隨物情。內曰水能下潤。但隨器方圓。若水無人無神者汝亦如是。次內觀者水三微成無有定性。無性即無水。三事成身無有定性。無性即無人。故云是身無人爲如水。如水中見影謂言有人。入水求人終不可得。三事身見謂身是人。深觀三事不見身相即無

人也。請觀音云水性不住但池沼方圓礙之。即住非性住也。人亦如是。隨法得名。人無定性。四句檢水例地可知。是身不實四大爲家者。此總約四大說無我行。外云若無我者現見六情依身而住。故知有我。內曰現見六情依四大住。無我可依。若內觀者身名是一一身不應在四處住。若一大我住三應無身。若各有者即有四身。若即若離四句檢身皆不可得。故知無實。若不得身即身見破身見破即我見十六知見皆破。是身爲空離我我所者。二約空種破我。外云若無神我何得實有國土人物。所若是實當知我實。內曰若爾所既是空我亦應空。如身中空種及以外空。外空是所。所空故我空。約內觀者正約空種破見。四大造色圍虛空故假名爲身。離空無身。若內外空。空不可得即身見破。身見破即離我我所。是身無知如草木瓦礫者。三約識種破我。外云若身中無我焉知四時。內曰如草木瓦礫亦由陰陽逐時轉變。似有所知而非神知。今身雖有知知無自性。如草木瓦礫又計身內有神神使知知。內曰若神使知知復誰使。神遂無使。何須神使。若無神使即無知者。若無知者如草木瓦礫。約內觀者約觀識種。何者三事成身命煖無知。知只是識。若謂識知過去識滅。滅故不知現識不住亦不能知。未來未有豈得有知。三世求識知不可得。若離三世無別有知。故云是身無知如草木瓦礫。是身無作風力所轉者。此約風動助成破識。外云身內有我故執作動轉。內曰此非神

作風力轉也。約內觀者。妄念心動身內依風得有所作。故大集云。有風能上有風能下。心若念上隨心牽起。心若念下隨心牽下。運轉所作皆風隨心作一切事。若風道不通手脚不遂。心雖有念舉動無從。譬如機關種種所作。其繩若斷更無所爲。當知皆是依風所作。今觀依風非自他等生即是空也。今觀三事成身終不可得。誰是作也。是身不淨下二說不淨觀破欲界思惟。若接前說即是修道共念處得解觀行行助道。故此不定更向前明即是見道方便。今既見道後說故約修道。菩薩若入見道欲進修不淨破愛。對治諸禪先用此四破欲界結。若斷六品即斯陀含。若智若斷是菩薩無生。若九品盡即阿那含。智斷是菩薩無生。今不淨觀約對四想者。一往經文有此意也。言四想者。一身不淨想。二食不淨想。三世間不可樂想。四死想。初是身不淨即身不淨想。次雖假以衣食即食不淨想。次是身爲災即世間不可樂想。次是身無定即死想。次毒蛇等譬總譬四想。想次約此作四苦者。是身不淨乃至假以衣食即是生苦。次云百一病惱即是病苦。次云丘井即是老苦。次云爲要當死即是死苦。次毒蛇等亦是總譬四苦。但四苦有二。若言即生即老即病即死。是爲約理此屬慧行。具如前解。約事四苦即是行行今是事四苦是身不淨穢惡充滿者。即五種不淨若因隨息見此不淨即是特勝。因觀息見即是通明。因假想見即九想背捨等。言生苦者五種不淨。除於究竟餘皆生苦。

是身至磨滅是食不淨想。以食入腹便成糞穢及諸毛孔恒流不淨。雖復澡浴垢穢穢生。雖好食嚴飾須臾臭弊。身及衣服必歸磨滅。食體不淨睡合如吐。乃至三十六物皆從食起。此想破貪食也。言生苦者生則有之。是身至所逼即老病二苦。是衆生五陰世間有此苦法。故屬世間不可樂想。只以正報不可樂故依報國土皆不可樂。種種病苦從身而起。當知身是災禍處。百一病惱者。一大不調百一病動。四大不調四百病因身而發。是諸病苦皆惱於身。即是災患。四苦分文即事病苦。是身如丘井爲老所逼。四想猶屬衆生五陰爲老所逼故不可樂。若依四苦正是老苦也。什師云丘井者朽井也。不任受用。是身無定爲要當死。即是死想。四苦即死苦也。三事成身業力所持。因緣假合緣散身滅。或他害死山海空市無得免者。故言爲要當死。如佛問比丘。汝云何修於死想。有比丘言不保七日。有云六日乃至一日半日。佛言皆是懈怠修死想者。有言出息不保入息。佛言善哉善哉是真修死想者。若能如是不久當得解脫涅槃。是身至合成次總譬四想。身如毒蛇空聚怨賊之可畏也。即四想轉明。若約四苦即總譬。此身有此四苦如毒蛇賊等無有樂想。大經具出今經略標。云毒蛇者如四大毒蛇盛之一篋各相違反。四大亦爾。又如毒蛇人雖養育噴即螫人。不識恩養。身之四大亦復如是。行者養育宜應報恩。一大若違侵傷人善使墮苦海難可出期。如怨賊者以

取人財物傷人身命。五陰亦爾。在於身內劫人善財斷人慧命。如空聚者空聚無物不生入愛。觀六根空無神我味不應生染。又如空聚無有居民。但有鬼魅聚集其中。觀六根聚落非但無我而有煩惱鬼魅聚集其中。陰者五陰界者十八界入者十二入。陰界諸人體本無實。何得有我。觀陰等理即是慧行。廣觀其事起種種行。諸仁者下三勸求佛身文爲三。一標章二正勸三結勸。初標章者凡夫愛身沈淪生死。上既廣說觀門呵責。厭離則求二乘斷滅佛種。故勸云當樂佛身。問今此勸求何教佛身。答難可定判。或是方便兩教或是常住佛身。何故知爾。果本酬因。既說方便還勸求住有餘佛果。或是勸求常住果者。諸人既厭身是無常苦聚。應勸求於常樂涅槃。豈可勸求樹王灰斷。故下文云。如來身者從真實生。問勸求常果何以說方便門。答如大經佛答梵志問云。汝法因常果是無常。何以我法不得因是無常果是常耶。但豪族士庶等既是具縛。若不先因方便觀門斷惑入空何能入假。遊戲神通。亦不能空假一心開佛知見。故法華云是諸衆生未免生老病死。何由能解佛之智慧。問定用何判。答方等大乘一音演說何妨通勸。隨機所感不可定判。又約諸味所感不同。今方等四因。得二種果比說可知。故今所勸或是酬前兩觀舉兩佛之果。或一音異解隨其根性望果修因。問何以佛有四種涅槃但二。答佛約用智不同。涅槃但約斷德。如云巧拙兩度病瘥是一。更開涅槃

非是不得教無的文。所以者何下二正勸。但法身有四。三藏以五分爲法身。有時亦指偏空真理。如雜阿含禪經云。若障重障禪當念佛法身。法身者空也。如佛從忉利下。四衆折折欲前見佛。善吉端坐石室見空。佛告蓮華色。須菩提見空是見我法身。通教正以真智與法性理合爲法身也。有時但指偏真空理。如大品云汝當觀空空法是佛。空無來去故也。別教正以中道爲佛法身。功德智慧爲報身。法報合故即有應身。圓教但以不斷顯法身爲異。從無量功德智慧生者。此正勸慧果行因。藏通福智之因感福智之果。果中福智即是法身。故言從無量功德智慧生。別圓福智顯出佛性。即以所顯爲生。但功德智慧皆是慧行及以行。菩薩發心爲求法身從此二法修於二行。二行圓滿法身顯現。從戒定慧解脫解脫知見生者。三藏作無作戒爲戒身。根本淨觀練薰修爲定身。觀生滅四諦乃至道場見四諦盡名爲慧身。正習俱盡名解脫身。了了知見正習已盡戒定慧滿。不受後有名解脫知見身。通教五分戒如前說。罪不罪不可得故名爲戒身。定如前說。不亂不昧名爲定身。觀無生四諦從八人見真。乃至佛地見真。圓極名慧身。從初見地解脫見惑轉入上地。乃至坐道場時一念相應慧習氣都盡。住有餘涅槃名解脫身。了了不見縛之與脫。而能種智佛眼自見住有餘無子縛。入無餘無果縛。亦見衆生本無縛脫。而見解脫名解脫知見身。別教以九種戒爲戒

身。九種禪爲定身。九種智爲慧身。此出地持。界外習盡爲解脫身。種智佛眼了了知見法身顯現。亦知見他法身隱顯。大位不亂名解脫知見身。圓教一往與別無殊。欲分別者不。斷凡夫陰身而能成就法身。即是不思議。五分法身事等須彌不礙芥子。欲知修因者。聞前二行。厭離世間惡心不起。善任運生名修戒身。專修行行禪定名爲定身。專修慧行緣理名爲慧身。正助既合。隨分伏斷名解脫身。分別六即而不明。蓋名解脫知見身。用此五身生佛身也。從慈悲喜捨生。藏通用生。無生四諦修法緣四無量心。生佛果法身大慈悲也。別教用無量四諦修法緣無緣四無量心。圓教用無作四諦唯修無緣四無量心。並成佛果。法法身無緣大慈悲也。若初心修學還從慧行。慧行入空緣衆生令得樂離苦。慶喜忘懷即是。修四無量心能生法身大慈悲也。從布施至波羅蜜生。四教六度如前說。故四教六度生四佛果滿足之身。義顯冷然。所言諸者或開六爲七爲十爲百或開八萬四千乃至不可說不可說。故言諸波羅蜜生。欲知初心修六度者。行行善是修五度。慧行即修般若。從方便至三明生。四教各有三種方便如前說。從因方便生果地法身方便。故言從方便生。從六通生者。三藏五通從修行根本淨禪觀練薰修得。無漏通從生滅四諦慧行修得。菩薩因中成就五通。約生滅四諦慧修無漏通。三十四心滿足即具果地法身六通。故言從六通生。通教五通六通。五

通一往同三藏。修無漏通約無生四諦。在菩薩心中或五或六。斷正使故六。習未盡故五。今用因六得果地六故言從六通生。別圓者別約界外三土修六通成果。初地分得法身六通但以斷不斷分別別圓之殊耳。三明者藏通皆約三通見三世事分明以爲三明。通明異者一往見遠事名通見根本爲明。菩薩因中用行行修兩明。慧行修無漏明證果得佛地法身三明。故言從三明生。別圓者並通達界外三世之法爲三明也。下文云三明明無明等。即是不思議圓教之三明也。從三十七道品生從止觀生。四教道品如前說。四教各修證菩提果名爲法身故也。道品悉屬當教慧行。止觀生者止觀即是定慧因也。緣理是慧行緣事是行行。四教各修事理止觀之因。證佛法身定慧之果。故言從止觀生。從十力至不共法生。三法是果上功德。內智所照名之爲力。外用無法名爲無畏。佛地所有十八之法不與下地法而共故名不共。此三皆據佛地功德。今言從此三法生者。當是四教因中用此二行修此三法。故云從生。別圓約界外可知。從斷一切不善法集一切善法生。四教菩薩各用慧行斷見思。行行斷無知名斷不善。慧行集緣理善法。行行集緣事善性。感四法身諸惡永斷衆善普會。但別圓兩教界外若斷若集。分別不同。從真實生從不放逸生。藏通觀生無生。入偏真理名爲真實。別圓觀無量無作。入中道佛性名爲真實。四教菩薩觀真若極。證四佛果故言從真

實生。不放逸生者若四菩薩慧行觀真緣事即退。名爲放逸。若用慧行緣理心心相續不捨大悲名大放逸。不放逸者致致相也。心心寂滅自然流入故言從不放逸生。從如是無量清淨法生如來身。此是舉廣類勸。但淨名以此而爲勸。法門無量悉須約前而修集之。故云從如是無量清淨法生。此諸功德皆生如來身也。一音演說隨類各解。則四教所明。因果行類用四悉檀。赴機利物普得受行獲其利也。其尋學者。若能諦取前五番二種說法。勸慕果行因則此經不空來也。諸仁者至三菩提心三結勸。既知佛身功德如此由諸勝因。若欲慕果行因何止自利。大士託疾助佛興教正爲利物。諸仁若能慕果行因。亦應同佛及以淨名。爲斷一切衆生病也。衆生病者如前所明。凡夫及六度菩薩二乘通教菩薩皆有有爲無爲因果之病。別圓菩薩自體因果之病。故今四教各隨所解。應爲斷除求無上道。則結成化他之意也。如是至菩提心四明時衆得益。淨名隨機約誠勸二門。用四悉檀赴四根緣。所說無差故言如應說法。令無數人皆發心者。即發四種菩提心也。隨其四緣各有道心開發。即是普得受行獲其利。斯則神力不共法。四教發菩提心具如四教玄義

維摩經略疏卷第三



維摩經略疏卷第四 小卷十一

天台沙門湛然略

弟子品初

此品大方便品來者。爲破無爲緣集成淨佛國之教。已如前說其意乃多非凡所測。今亦略用三意通釋此品。一正明此品來意。二略釋弟子義。三入文解釋。初意者大聖慈悲欲令衆生得不思議正報解脫法身依報淨佛國土。但以化物必在有緣。淨名於此忍土與物久結菩提勝業。懸知佛意先因託疾種種說法。扶成解脫佛國之教。今復寢疾默念。意在如來大慈垂問若顧命弟子必辭往昔被彈之事。即得顯成如來所說。今明來意略出五重。一爲顯淨名勝智。二爲令四衆捨小慕大。三爲扶成佛國。四爲折伏二乘成生蘇教。五爲印定成經。初意者若命弟子必述昔爲辭。大衆若聞即於淨名生莫測想彌加敬從。若深信內發是則堪聞入室說淨土之教。第二意者證果聲聞未能迴心。如高原陸地不生蓮華。未入位者雖樂小乘聞被彈事必發大心。如說大品時有未入位者。捨受持衣供養如來即發大心。佛即放光仍爲授記。亦通開發四衆大道利益無量。何者往昔彈斥聞者不多。如呵波離止二比丘心得清淨。如阿那律止是萬覺發菩提心。若至此席大衆普聞益乃無量。故須各述被彈之事。第三意者欲顯二乘昔日被呵與今當宗佛國意同。何以

知然。衆生罪故不見淨土。如身子自述淨名往昔破其執小之失。令各鄙小慕大。是則執小之罪漸除。慕大之心冥發。今得預此座承佛神力得聞此說。情同五百。因得入室聞不思議。而燈王香積無動之土皆現目前。第四意者如頓教初開。但有大機。小根垢重於其無益。譬之如乳三歲犬與方便開三。小根之徒因斷見思隔凡成聖。即轉乳成酪。次聞往昔大士彈呵。乃至入室聲振三千是則鄙小慕大。信心漸轉等生蘇。故法華云過是已後心相體信入出無難。若至大品變成熱蘇。入法華涅槃即成醍醐。是則重述所彈有成生蘇之由。問若五百各述顯淨名之德爲入室生蘇之由者。此定屬序非正說也。答若成生蘇豈專入室。或是爾前聞諸方等如央掘所彈。或昔彈時或聞今重述。或至入室或至在後說諸方等。如是等時皆成生蘇。豈得定爲入室成生蘇。之旃旃屬序分耶。若以由蘇旃旃即是序者。入室爲還菴園之由亦即成序。第五意者淨名往昔隨物機動。隨處彈呵即便教謝若不因命。弟子豈得大衆同聞。爲如來印定益正像末之四衆也。問此彈聲聞三觀四教各用其幾。答具用三觀。初彈從折空入假觀。用衍三教以彈三藏。二略釋弟子義即爲九意。一略釋弟子名義。二釋十弟子。三總對通心數。四別對十心數。五明莊嚴雙樹六明生果報土。七明淨佛國土。八約觀心。九明遣問前後。初意者夫師有匠成之能。學者有資稟之德。資則捨父從師敬師如父。師之

謙讓處資如弟。故夫子云回也處余如父余也處回如弟。今身子之從從佛受學即是師資故名弟子。問佛是衆生之慈父。一切衆生皆是佛子。故法華云今此三界皆是我有。其中衆生悉是吾子。豈從夫子之所制立。答經有二義自有依理立名。自有順俗爲目。如法華云我爲太子時羅睺爲長子。我今成佛道受法爲法子。此即約理。世間出世間皆是父子。若順俗者即如夫子。尋弘教門順俗無諍。而心不違實法故依外義釋名無咎。問若爾俗人皆是何獨聲聞。答通論實爾別則不然。俗人雖復時來受道既居俗網。事親事君豈能晨宵奉承常得資稟。菩薩常以利物爲懷。有機則赴不專佛邊。聲聞捨家爲內眷屬從聞生解事資承。弟子之儀事理圓足。復次聲聞經中明五佛子。五種得果並不說菩薩。是以弟子之名偏屬聲聞。若衍中多說菩薩爲佛子。今仍本約聲聞經名爲弟子。世多信用故以標品。二釋十弟子。諸經明十大弟子次第多有不同。今還約此經以爲次第。一往與法華三根意同。唯迦旃延在富樓那後異耳。但如來法王導三界。初開三藏必須輔翼。王。此十聲聞互有所長。各掌一法助佛開化。身子智慧。目連神足。大迦葉頭陀苦行。善吉空行無諍。富樓那辨才說法。迦旃延論義往復。阿那律天眼。優婆離持律。羅睺密行。阿難多聞。皆稱第一。問若十德互長從長標稱者。如身子持衣帶。目連盡其神力三千皆動而不能動身子之帶。目連以事白佛。佛言佛



入禪定身子不知其名。身子入定目連不知其名。若目連神足不長於身子。餘八未必各有所長。答或是偏長或非偏長。何者形他未必定有所長。就其十德自有偏長。故稱第一。但佛爲法王所置法臣如世國臣。雖各諸能而八座卿各有所掌。十大弟子雖各有所兼。不可一人獨當二事。故分十德各屬一人。助佛宣揚十種教門令物慕仰。故各稱第一。隨彼根緣歸心有在。雖各助宣終歸一道。三總對十心數者。毘曇偈云。想欲更樂慧念思及解脫作意於境界三摩提以痛。此通大地扶於心王起一切數。如國十臣共輔一主。若共行非法民皆造惡。共行正治民皆有善。衆生心王與通心數亦復如是。以此通心通善惡故與王俱起無量善惡。復次王即是師數即弟子。相扶善惡亦復如是。故文云弟子衆塵勞隨意之所轉。佛爲法王弟子爲臣共化王數。若衆生信受修行慧行即成見道諸善心數。修習行即成修道諸善心數。復次十數即十法門能通入涅槃。初以十數爲種子。從此修習遂致成道。如合抱之樹起於毫末。今法王欲以半滿之教化諸衆生。先隨樂欲。故下文云先以欲鉤牽。後令入佛智。今十弟子各弘一法者。人以類聚物以群分。隨其樂欲各一法門攝爲眷屬。雖各掌一法。何曾不具十德。如十心數隨有一起餘數隨起。雖一數當名而實共十。四別對者。想對富樓那。以其想數偏強從想入道。是故弟子中說法第一。何者成論云。識得實法想得假名。其

用想數分明。故能分別名相。辨才無滯於說法人中最高第一。諸有樂說法者皆師滿願。何者佛德尊高無敢輒問。新學之徒各隨所好師而事之。故二比丘不敢問佛。是故十人隨用一數入道。於聲聞中各稱第一。對文一隨其義便。准想說之。如今世人隨其三學各有所師。故云毘尼毘尼共等。是則發起如來枯榮入道之教。欲數對大迦葉。以其欲數偏強因此入道。何者一切善法欲爲其本。迦葉絕榮志樂山谷。是則因善欲心捨世惡欲。其有樂頭陀者即以師之。攝爲眷屬顯發枯榮頭陀入道之教。更樂數對迦旃延。以其此數偏強用之推獲以爲入道。何者問答往復無有滯礙此數力也。餘如迦葉慧數對身子。以其此數入道故爲轉法輪之大將也。余如迦葉。念數對波離。其用念數持律入道。何者造緣憶持名之爲念。對緣詮量而無忘失。持律之上此數力也。餘如迦葉。思數對羅云。以其思數偏利密行入道。何者行陰是思。思數若利修諸戒行。覆藏功德密行之上。餘如迦葉。解脫數對善吉。以其此數偏利用爲入道。故無淨三昧蕭然獨脫不與物競。餘如迦葉。作意數對那律。以其憶數偏利。因其失眼佛令起此數修天眼入道。何者夫修天眼。必須住心緣境取日月光明。方發天眼通也。餘如迦葉。三摩提數對目連。以其定數偏利修此入道。何者凡夫皆有此數。若無定者平地顛墜。以衆生不能修習故不得深定。餘如迦葉。痛數對阿難。以其受數偏利以聽受入道。何

者受數四卷稱之爲痛。離心爲受。今通言受。受以領納爲義。故此數分明領持佛法。如完器盛水。餘如迦葉。五明雙樹者。上雖明枯榮語少義隱。是十弟子共輔如來。莊嚴半滿引物見性住大涅槃。即雙樹間涅槃義也。三藏無常破常四倒。莊嚴四枯引接衆生。一一數中四悉攝物。隨其善巧輔佛法王。成半字教利益一切。若一人四悉十人即有四十莊嚴。乃至五百即有二千莊嚴四枯也。問若十人對十數五百如何答。法王所說必有所以。今既未見五百所傳不可妄擬。今尋義理聊爲解釋。一數有十十數即百。束對五根五百數。又大經五百各說身因皆是半字。四枯入道。次明對十數法門輔佛弘於滿字四榮。衆生不堪以方便力設四枯之教。是十弟子皆是法身內祕外現。如來既託生王宮弟子亦隨緣應出。如來樹下覺道。弟子皆聰明利智爲外道師。故法華云我本著邪見爲諸梵志師。世尊知我心拔邪說涅槃。所以爲其師者調伏爲易。如來成道悉來歸命受習四枯。師主既降學徒風靡。過是已後心相體信入出無難。是故淨名呵諸二乘令欣大棄小。故示居不及之站受彈呵之槌。共熟物器令成大事。顯於如來方便。密教衆生皆恥小慕大開佛知見。得常樂我淨入滿字法門。皆由弟子以十數法門助成佛事。五味之義委在法華。非此正意不具明也。又大經明莊嚴四榮。應具標十人。但取六者爲對破六師毀壞雙樹故也。何者一切衆生皆有王數。即三

佛性義。王即正因慧即了因。餘數緣因佛性宛然。煩惱數覆不能得發。是故如來共十弟子植樹扣發成生熟蘇。令入滿字開佛知見顯三佛性入祕密藏。今以弟子對數如來為王成半滿益。其義冷然。自古及今不明此義。豈知命弟子意在扶成。不思議解脫之教。六明生果報土者。十大弟子用此十門助嚴雙樹。若所化衆生成就四枯入無餘時生有餘土。是人根鈍以於佛道紆迴。今對淨名轉入四榮。若至法華開佛知見得無生忍。捨報即生果報淨土。為盧舍那眷屬。唯開圓教心心寂滅自然流入。七明淨佛國土者。此十弟子用十法門莊嚴雙樹。即是成就衆生淨佛國土。至法華經為佛授記。後成佛時所化皆住十種法門修枯榮因淨佛國土。成佛之時如是衆生各生其國。若齊此教只是呵噴聲聞。讚諸菩薩住不思議淨佛國土。二乘永絕。根敗無堪。是故迦葉聲振三千。今取法華意望授身子等記。即汝等所行是菩薩道。又言少欲厭生死實自淨佛土。理而推之淨名呵折皆為二乘。展轉皆成淨國之因。是則弟子重述扶成佛國品。其意宛然。自古及今誰知之也。八明觀心者。今案前解亦是觀心。何以故。行人王數即是師資。但衆生日夜常生無量邪正諸法皆由王數。是故行人須善此意。若勤修習思惟分別發半滿智。自行化他即同身子莊嚴雙樹。如是一一皆約心數行成化物。行顯由心。若能諦觀心性即見佛性。住大涅槃即同如來莊嚴雙樹。若觀行心明見於

心。王即法王數即弟子。莊嚴雙樹猶如目前。觀心語密疏豈盡心。九料簡問疾前後。問如來何不先遣菩薩。答菩薩若各述不堪聲聞望崖則失五百法門。若先命聲聞聲聞各述則五百法門皆印成經。次遣菩薩即得具述昔說法門。問若劣為始應前遣阿難。答互有所掌先遣無咎。爾時下三入文解釋文為二。一淨名默念二如來遣問。初為二。一自念寢疾二念佛垂旨。初文者淨名位居等覺當有何疾。今自念者正欲託茲起教利生故也。自念是解脫知見法身。住等覺三德之位。寢表般若。疾表解脫。床表法身。此不縱不橫如世伊宇。所以然者。法身即是自性清淨心。隱名如來藏顯名法身。即是真性解脫寢表般若。如人寢息思諸勞煩及諸事業。大經云誰得安穩眠。所謂諸佛是。常觀空三昧身心寂不動。今以般若觀空修因已回諸行休息。本淨理顯故約寢明般若。即實慧解脫。疾表解脫者。般若與真性理合。即有無緣大悲不捨衆生。慈悲熏身故能方便現疾。大經云調伏衆生之處名為解脫。以衆生疾故淨名亦疾。善巧和光不同其塵。即是方便淨解脫。問淨名何以自念寢疾。答寢既是法身般若。大悲示同衆生緣縛之疾。事既未彰內懷不暢。故寄自念。世尊大慈寧不垂慈者。二念佛垂問。我今居因尚悲衆生欲拔三種緣集之苦。而自現疾。如來果地無緣大慈常欲與物大涅槃樂。復其於我。寧不垂慈。若遣參問便得自述疾懷。此意若彰則三種緣集衆生因果之

患皆愈。此段衆生疾愈淨名又愈。豈非如來大慈普覆。佛知下二如來遣問文為二。一佛知心心念二正遣問。初言佛知其意者。佛以寂照之智懸鑑託疾之懷。無緣大悲為衆生疾。智人知智如蛇知蛇。告舍利下二佛遣問為二。初命十弟子次命五百。初命身子文為二。一佛命二奉辭。初先命者。身子是佛左面侍者。以聲聞衆中名高德重內外敬拜。淨名雖復在家精通佛法。神解辨才難為酬對。故先命之。但身子因緣甚多難可具說。今略言之。託胎已來聰智過人。欲化一切聰明外道皆先為弟子。後值佛出家成羅漢者。引一切聰明外道為佛弟子顯四枯之教。今為所呵默然不對者。欲令四枯之徒內心鄙折慕仰四榮智慧之教。至說摩訶般若前對身子說者。令諸聲聞信解滿字四榮之智。至法華中先對身子開佛知見。八部四衆皆開佛知見歡喜稱歎。而說偈曰。大智舍利弗今得受尊記。我等亦如是必當得作佛。是則悉悟四榮真解。故大經師子吼菩薩問佛。何人能莊嚴娑羅雙樹。佛答大智舍利弗即其人也。有云法華是無常之教。身子佛未涅槃三月已取滅度。既不聞涅槃雙樹之教。如何得云堪莊嚴雙樹。當知法華授八部四衆記。即雙樹義顯。此採取法華意耳。以是因緣佛遣問疾。舍利弗下二身子奉辭不堪文為四。一奉辭不堪二述不堪之由。三正述不堪之事。四結成不堪。初文者往昔被彈不識其言。故不堪奉命往問疾也。所以者何至樹下二述不堪之

由。由於林中宴坐樹下。宴坐者有云縮止如龜藏六。縮止六識六塵魔不能惱故言縮止。今明宴之言安。安住根本淨禪乃至滅定。息外勞累似涅槃。法安置心中身證想受滅故言宴坐。時維摩下三正述不堪文爲三。初總呵二別示真宴坐三結成印定。初總呵。言不必是坐爲宴坐者。此不全非欲譏其僻處非究竟耳。身子作何等宴坐而爲所呵。將下文望此。多是三藏半字諸禪滅盡定也。既不能趣滿字宴坐。入諸禪滅定則有六失。故呵言不必。不必只是不了之言。若不思議即是必也。毘曇明滅盡不相應行來。補處有十三種入滅定。成論明空心二處滅。今明三藏三乘入滅受想。五處不同。一者根本通明淨禪。二依八背捨觀禪。三依九次第定練禪。四依師子。舊遺薰禪。五依超越修禪。初出大集後四出大品。此是南岳所出。一依根本淨禪者。通明觀發得。初禪觀色如沫二禪如雲三禪如影四禪如鏡像。次滅色取空一心緣空乃至非想。雖無龜縮煩惱而成就十種細法。猶是煩惱生死。佛弟子知非聖法即能滅之。亦滅能滅之心。心數法滅故言滅受想定。大明背捨者。觀內外身不淨白骨流光入初背捨。二勝處滅初禪入二禪。三四勝處二禪惑滅。爾時已來無沫雲鏡像之色也。但觀淨色入三禪。緣淨故淨。練八色流光滅三禪惑成四禪四勝處八一切處。若滅色緣空乃至非想。亦知非想猶有四陰十種細惑。深觀離著進修滅受想。若皆滅受諸心數法身證受想

滅。即是滅受想背捨在因名背捨。若發無漏非想惡盡。爾時背捨轉名解脫。若因中說果亦名解脫。果中說因亦名背捨。而今不得名解脫者。阿那含人依八背捨得入九次第定。猶不得名解脫。若是解脫應是羅漢。何得猶是身證那含。約背捨入者小勝通明。三依九次第定者。前背捨雖入滅定作意要期。非是任運。今練背捨始從初禪次第而入。乃至非想。任運入於滅定則爲易。但出時如睡覺耳。四依師子奮迅者。向依練禪但次第入。今明非但次第入至滅定。無間從滅定起次第出。非想乃至初禪。定力愈勝。五依超越者。上雖入出自在無間。未能超入超出。今此超禪能於不用處超入滅定。乃至初禪超入滅定。具如大品。此如黃師子之所超也。是名善入出住出生百千三昧。此定功力最大。今約此五明五味者。淨禪如乳背捨如酪九定如生蘇奮迅如熟蘇超越如醍醐。超禪能具願智無諍三昧四辨三昧六通十八變化等功德。於諸禪中最高爲極頂。乃至於諸禪中超越。出入皆名頂也。問何以根本淨上更有四種之別。答如世治皮。通明如水漬。背捨如亂毛。九定如入惱。奮迅如火薰。超越如柔熟。此與數家解薰練不同料簡。云。羅漢若得超越名摩訶那伽。心調柔軟三乘事定齊此爲極。身子林中遊此諸禪息諸勞累。以不依佛慧起此諸禪。故呵言不必。所以然者身子所得非是滿字九種大禪深禪定窟。故言不必。夫宴坐下二別示真宴坐。而不思議六種宴坐即有

三雙。一約體用二約法心三約因果。初中爲二。初約體云。不於三界現身意是爲宴坐。身子不以趣佛慧入上諸禪。必靜處端身斂念方得入定。則於欲界現身意相。身如木石即是現身。心如死灰要期出入即是現意。且復使物敬驚異。何滅之有。真宴坐者以趣佛慧於九大禪及二乘定隨意即入。是名不於三界現身意也。故下文云。在欲而行禪令魔心憤亂。不端身不運想名不現身意。身意同世不乖滅定。雖入滅定不妨威儀。即無出入動念之過。又免三界現相之失。即真宴坐。是不思議真宴坐也。復次法身菩薩於法性身入諸禪定。不於三界而現身意。是真宴坐。若理論衆生皆是滅定。而身子不知。若就事明法性身中定無三界身入。身子猶有三界身意。豈得稱真宴坐。故默然也。是護不知真宴坐體。故示之耳。若修一心三觀是趣佛慧起六種宴坐也。不起至宴坐次示不思議用。譏其滅定無用。以聲聞入定不能現四威儀。如迦葉入定無所施用。至彌勒出方乃現變。故知二乘入定自他無益無用。由其無體。不思議定有體有用。故能不起滅定現十界威儀。如修羅琴隨人吐韻。菩薩隨機十方現形出沒自在。汝何不以誓願薰定。使物機感現諸威儀。良由不見真性及無願波羅蜜也。無用之定物所不重。故呵言不必。復次法性之身以趣佛慧入諸滅定。能於三界現十界四儀一切諸法無不示現。是爲究竟真宴坐也。不捨下二法心一雙。呵其法心之拙。故言不

必。初約法呵者。身子出真方同凡事。若不捨諸禪何得要期出定。即是捨道法方同凡法。應知二法不得相捨。何者但如菩薩。以趣佛慧二法無別。豈捨道法更入道法。行於非道通達佛道。若不能通達何謂爲道。四教各有二行道法。現凡夫事者。謂三業善不善事。如言雖爲白衣等二十九事及無量方便。法身常在三昧能遍同凡事。即於凡身入王三昧。一切三昧悉入其中。以此引物入不思議解脫佛之淨土。即是究竟真宴坐也。以此護其道法之拙。故呵云不必。心不至宴坐。次約心爲呵。言不住者身子入定住內出散在外。緣理禪住內緣淨禪在外。入滅定住內出滅定在外。是則心依內外入出動散。何名宴寂。故呵云不必。菩薩以趣佛慧觀中道法性。尚不見涅槃生死內外可住可在。何有滅定出散內外可住可在。有二邊散非真宴坐。故言不必。今菩薩冥心法性不亂不昧。即不思議真宴坐也。於諸見下三一雙約因果。示是真宴坐斥其非真。初言於諸見不動者。護其因僻非真宴坐。諸見不動即是因中真宴坐也。今應四句分別。自有見動不修道品。有不動不修。有動而修。有不動而修。動不修者如諸外道。捨有取無乃至非有非無。六十二見如避虛空。雖捨諸見欲取涅槃。而不知修三十七品。故佛於須跋經中作師子吼。以其無八正道故決定無沙門四果。不動不修者。外人起見言是事實餘妄語。執不移如取虛空。亦不修道品。動而修者三藏二乘。知身邊污穢顛倒因緣無常流動。動此流動故名爲動。修道品者。觀破身邊五陰修四枯念處等。成煖頂忍入見思無漏。故大經云煖法觀者七十三人我弟子有。外道則無。身子及諸二乘皆然。故呵言不必。不動修者菩薩了知六十二見即是菩提不取不捨。故言不動。修道品者。觀汚穢陰修念處。時觀色性非垢非淨受非苦樂。心非常無常想行非我無我。此是別觀四念處。故仁王云法性色受想行識。菩薩以趣佛慧觀法性色即畢竟淨。觀法性受即涅槃樂。觀法性心即法身。觀法性想行即八自在。我即以不動修樂念處。於中勤。策是四正勤。乃至安穩道中行即八正道。即爲不思議究竟真宴也。此護其於諸見動而修道品宴坐之拙也。

不斷至宴坐次約果明真宴坐。以護身子取滅定果之僻。身子初值須得見諦已。或七日或十五日正使皆盡。名斷煩惱入有餘般。身智俱盡入無餘般。此亦四句。一不斷不入。是凡夫三藏菩薩。二斷而入。是無學人。三斷而不入。即通別菩薩。四不斷而入。即圓菩薩。故姪怒癡性即是解脫。貪恚癡性具一切法。即煩惱不可斷也。則是不滅癡愛起於明脫。若身子等斷惑入般如破壁得出。怖畏生死不能用煩惱而作佛事。菩薩以趣佛慧不斷而入。如得通者壁不能礙。是則還用煩惱以爲佛事。是名不斷煩惱而入涅槃。他解煩惱是空故不須斷。若爾須斷入芥芥無芥可入。芥子既空即是須彌入空不入芥子。有如是過。若煩惱宛然不破不動得入涅槃者。芥子性非大非小。小不妨大能容須彌之大。須彌性非大非小。大不妨小能入芥子之小。雖云能入本處不動。若言不入而實入芥。不可思議不斷煩惱而入涅槃。若能如是是真宴坐。此斥身子斷入非真宴坐云不必也。若能如是坐者。佛所印可三結成真宴坐義。若身子能趣佛慧此之六種即是究竟宴坐。爲佛所印。豈敢呵彈言不必也。時我下四結成不堪。聞是語默然者。不解六義彈呵對顯不必之意。不解如響。不能加報如應。其既如是豈堪傳旨。故云不任詣彼問疾。若作此格與華嚴座。聲塵何殊。理而論之折二乘無學慧業引入不思議解脫。令生果報淨土又成淨國之因。問身子即智慧而用定呵。目連禪定用說法呵。此意云何。答經云非禪不慧非慧不禪。遠師禪經序云。禪無智無以深其寂。智無禪無以窮其照。身子若有深禪可得大智。禪既不遠智亦不長。故用彈呵。兼得智也。下文云。以趣佛慧起於宴坐。既不依佛慧宴坐。被於四榮之折意在此也。若目連深修禪定能得神通。何得神通差機說法。說法既謬。當知定淺。神通所鑑用亦不深。故用定呵意在於此。下八人廣如法華疏。今略明耳。

維摩經略疏卷第十二  
弟子品之二  
佛告大目犍連次命目連文爲二。一佛命問疾二奉辭不堪。所以次命者身子既辭不堪。目連禪定第一是以次命。目連姓也名俱律。

陀。父母無子從樹乞得仍以為名。文殊問經翻萊伏根。父母好食以標子名。真諦三藏翻云胡豆。上古仙人好食於此仍以為姓。乃至為顯枯榮深求其致。具前五種利益之義。具如身子章初。目連白佛下二奉辭不堪。文為四。一奉辭不堪二述不堪之由三正述被彈之事四結成不堪。初文者昔為居士說法遂被彈呵。爾時莫知所對豈堪傳如來旨而往問也。所以至說法二明不堪之由。由於里巷為居士說法。里巷只是小曲之路。或表曲經所斷之理非大直道。居士義如前為說法者。有師言為說戒善。今恐不然。戒善是人天乘非歸理入道。目連多說折空入道。何以得知。類呵諸聲聞皆半滿相對。又尋下呵文則應爾也。時維摩下三正述被呵之事文為三。一總呵二別呵三問法得益。一總呵云不當如仁者所說。若用去聲即是不當法相根緣。有三不當。一不當法相二不當根緣三不當佛心。初不當法相者。法相即空那說破折。此乖法相不當道理。二不當根緣者。大乘根緣須說大法。無以穢食置於寶器。非唯不得大道又失小益。是為不當根緣。三不當佛意者。佛本意為大事因緣。其不獲已而用小接。今對大機即應說大。何忽以小化於大根。此不當佛心。總此三意彈呵故云不當如仁者所說。良以目連禪定力淺法相不明。如水不澄清珠相不現。又小定觀根不知利鈍。致有漏機之失。夫說下一別呵文為三。是用衍門三教別破目連三不當也。此有三雙。一者外

如法相說內如法相解。是用通教即空斥不即空。破其說法不當道理。二外當了根緣內善知見得無罣礙。是用別教破不當根緣不得四無礙也。三外慈念眾生內念報佛恩。是用圓教破不當佛心。能用三教說法即是如法相說自連不以此三為居士說。故折其說三藏之非。令依衍三如法相說。初文為二。一當如法說。二當如法解。初文為三。一標章總勸二別說三結。初總勸者當依衍門體法三空如法而說。法無下二別明體法三空。破其用折三空之失。即為三。初四番明衍門生空破折生空。次八番明體法法空破折法法空。三七番并六句明平等空破三藏平等空。須略分別三空不同。三藏三空者彼教明。五陰成人即陰離陰求人不得。名眾生空。折五陰空名為法空。故阿含云。誰老死是老死二俱邪見。無誰老死名眾生空。無是老死名為法空。依毘曇門但明生空。成論空門具明三空。有師解平等空云。若有人法不名平等。無人法殊即是平等。平等即空名平等空。今研此語若其平等即平等空者。亦應生法即生法空。若直生法非生法空。要破生法名生法空者。亦要破平等方名平等空。若止作二空平等屬法。法語通漫無所不收。故大論云法無上涅槃。是故涅槃空猶是法空。雖復二三皆是折假名為拙度。破拙用巧為說體空。今以譬顯折體之殊。如實拳指鏡像拳指。具如玄義。智人體知鏡像無拳無指無空。不須破折方知無空。此之三法但有名字。名字之法不

在內外中間。亦不自有。是字不住亦不住。言語道斷無說無示。法相如是豈可說乎。若三藏三空前二是方便。平等空方始是真。若衍教三空即真入中。若通教三空同得見真。上根利智雖稟通教見空不空。即見佛性。今淨名用體破折。故言不當如仁者所說。法無下初四番。明體法入眾生空即入中道。問生空何得入中。答大品明一切法趣我見等。大經明眾生佛性不即六法不離六法。此明六十二見是如來種。今言法者即無明心具一切法。故下文云心垢故眾生垢。心淨故眾生淨。華嚴云心如工畫師造種種五陰。一切世間中無不從心造。約此以明一切法也。法無眾生離眾生垢故者。今為三解。一約理性。二約實慧。三約方便慧。此去說離一切觀行例依此三。皆須得意。一約理性者。心及諸法即是法性。法性本淨畢竟無所有。何有眾生。若無眾生即無眾生垢。是則自性清淨心不為惑染故名為離。下文云如優婆塞以心相得解脫。時寧有垢不。眾生無垢亦復如是。勝天王云自相空故自相離故。二約實慧者。若法即法性法性無眾生妄計有眾生故有十六六十二等見煩惱垢。若了知法性畢竟無眾生即離如上諸見之垢。故名離眾生垢。三約方便慧者。若實慧與理合能無眾生而現眾生。能令眾生離眾生垢。此即三種解脫。不縱不橫如世伊字。此眾生空豈可同彼聲聞所辨。下去皆有此意。無非觀心故不須更作觀心解也。法無至斷故。即陰離陰求我叵得

我見即滅。方離一切見煩惱垢。是體法我空也。一約理者。心及諸法即是法性。法性本來非我非無我。是真無我。法性尚無何處有我。即是自性離我垢。二實慧者。若法性無我有我垢者。良以不知真無我義。若能體知法性無我。一切屬見諸垢自離。故言離我垢也。三方便慧及結成三脫類前可知。法無壽命離生死故者。一理解者。心及諸法即是法性。法性何得有妄報壽命。若無壽命。即無生死故言離生死也。二實慧者。法即法性。如是了知。即不見壽命得離生死。三方便及以三脫並類前作。法無有人前後際斷故者。若約事解。前際是生死後際是涅槃約理者。心及諸法即是法性。何有生死涅槃前後。若法性非二法者。即是中道佛性。豈有前後。即以本無目之爲斷。次實慧者。良以無明不了妄計謂有。若體法即法性不同。凡夫生死。不同二乘涅槃。故云前後際斷。三方便慧乃至三脫同前。法當下次八番明體法入法空。法常寂然滅諸相故者。若約理解心及諸法即是法性。名常寂然。即大涅槃不可復滅。而言滅諸相者。法性之理本無起相。此約性滅故言滅也。若約實慧者。體達寂然之理。則妄想諸相自然滅也。三約方便乃至三脫如前。法離於相無所緣故者。若約理解心及諸法即是法性。本無十相故言離相。若無相境不爲妄念智識所緣。約實慧者。若了知法性自性離相。則妄念自息。無所緣念。三理智合則有方便乃至三脫如前。法無名字言語斷故者。若約理

解心及諸法即是法性。本不可說名言語斷。約實慧者。了達法性理即無言說。故名言語斷也。三理智合則有方便乃至成三脫類前。法無有說離覺觀者。若約理解心及諸法即是法性。本來無說何有覺觀。若約實慧達法性無說。則繫緣覺觀任運不起。故言離也。三理智合乃至三脫可知。法無形相如虛空故者。約理解心及諸法即是法性。無形無質無有相貌。不可分別猶如虛空。若約實慧通達法性不見相貌。心如虛空。三理智合乃至三脫可知。法無戲論畢竟空故者。約理解心及諸法即是法性。本無愛見。戲論之法畢竟空也。若實慧者。達法性無戲論。即畢竟空寂。三理智合成三脫可知。法無有我離我所者。理解心及諸法即是法性。本來無我何有我所。自性離故。若實慧者。了達法性無我。即離一切所有愛著。三理智合乃至三脫比前。法無分別離諸識故者。理解心及諸法即是法性。本無分別。性非六七八識故也。約實慧者。達法性無分別理。即離諸識生死緣起。三理智合乃至三脫可知。法無下三七番及諸句似平等空及法空也。法無有比無相待者。約理解心及諸法即是法性。如大品云。菩薩行般若時。不見出法性外有法。既其無法。何所比並。即是絕待。問若言法無有比是絕待者。只以待比說無比。豈得絕耶。答若以有待之心分別不待亦計爲待。若法性無心則一切有待皆是無待。約實慧者。通達法性更無法可比。相待之惑自然而滅。三理智合方便無滯

乃至成三脫可知。今以無待對平等空者。相待之惑既細。乃至平等之理猶有所存。若能絕待。即無待不待。故平等法亦是空也。但三藏明平等空只是偏真待。何由絕。今明法性無比。智障心滅。乃是真絕待義。法不屬因不在緣故者。理解心及諸法即是法性。本非六因不在四緣亦非十二因緣流轉。但六因有所作。因四緣有增上緣與相待意同。故屬平等空之所破。實慧者。若了法性非六因四緣及十二因緣。例皆悉滅。三理智合乃至三脫可知。法同法性入諸法故者。理解心及諸法即是法性。故言同也。一切法中悉有安樂性。一法入一切法。一切法入一法。故云入諸法也。實慧者。通達法性即是智慧。入一切法無非法性。三理智合乃至三脫可知。法隨於如無所隨故者。理解心及諸法即是法性。法不乖如。故言法隨於如。法即法性。法性即如。無能所之異。故言無所隨也。實慧者。通達法性如如不異。即不見有能觀之智而異於如。故云無所隨也。三理智合乃至三脫可知。法住實際諸邊不動故者。理解心及諸法即是法性。法性即是實際異名。若法依法性。即住實際。實際非邊故。無四邊二邊之動。約實慧者。其能通達住實際者。不爲四邊二邊邪見所動。三理智合乃至三脫可知。法無動搖不依六塵故者。理解心及諸法即是法性。不依六塵。實慧者。若達法性即六根永淨。不染六塵。三理智合乃至三脫可知。法無去來常不住故者。約理解心及諸法即是法性。無來無

去則無所住。實慧者通達法性無去無來。即不住生死涅槃。三理智合乃至三脫可知。法順空隨無相應無作。若聲聞經明三三昧約十六行。衍門明義同緣實相隨順應化。三名雖異同一實相。若約理解三三昧者如思益云。一切衆生即是滅定無三差別。自有約實慧明三三昧。即是復宗明義。自有約應用論三三昧。雖順相有作而於內心不違實法。即是三種解脫准上。法離好醜者。若理解心及諸法即是法性。無涅槃之好無生死之醜。若實慧者通達法性即無好醜。離生死可憎涅槃可愛之異。三理智合乃至三脫准上。法無增損者心及諸法即是法性。無生死之增無涅槃之損。實慧及理智合成三脫類前。法無生滅者。心及諸法即是法性。本自不生今則無滅。法無所歸者心及諸法即是法性。更何所歸。法過眼耳鼻舌身心者。心及諸法即是法性。過妄六根非根攝故。法無高下者。心及諸法即是法性。尚無種智涅槃之高。豈是煩惱生死之下。法常住不動者。心及諸法即是法性。常恒無變故言不動。法離一切觀行者。心及諸法即是法性。本無觀行自性離故從無生滅。下六句皆應約實慧及理智合成方便慧爲三脫之義。准上可知。問何得句句三釋悉具三脫。答大經百句解脫華嚴微塵解脫法華一切解脫今數十句何足爲多若不句句辨即句句縱橫豈得同首羅三目世之伊字異三藏耶。唯大至說乎。三明結破。既不能如淨名如法相說。而用三乘之法爲諸居士

宣說。違大法相故呵云不當如仁者所說。問法性不可說淨名何得有說。答下文云。無離文字說解脫相。文字性離即是解脫。解脫者即諸法也。淨名用四悉檀善巧無說而說。即是如法相說。夫說下二明不能如法相解文爲二。一正彈不解二借幻爲譬。初言夫說法者無說無示者。此即是如法相解。真如法相無人無我。誰是說者。若無說者即無可示。無說者即如大經四不可說。無示者即無四理可示。故法華云。是法不可示言辭相寂滅。諸餘衆生類無有能得解。其聽法者無聞無得者。若如法相解。非但無能說之人亦無聽法之者。既無聽者誰聞誰得。無聞即無四門聞於四說。無得即無四理之可證也。若目連不能如此體達。即是計有師資能所。豈得是如法相解。譬如至說法次譬者。菩薩入如幻三昧了知。說聽皆知幻人。雖知不實而有所說。即是知四不可說。悉檀赴緣示物四理。理亦如幻。故大品云。設有法過涅槃者。我亦說之如夢幻也。人譬聽衆從無明幻師而有。是則不有而有。雖有所聽即是幻聽無聞無得目連若入如幻三昧而說。可是如法相解。既不能爾即是不如法相解。何能如法相說。故呵云不當如仁者所說。意在此也。當了二呵說法不契根緣。此不解別教無入假觀。不得道種智法眼知病識藥隨病授藥。文爲二。一呵不知根。二呵於知見有滯。初云當了衆生根有利鈍者。目連或念。如來亦說此法何得見呵。淨名知念即以斥云。如來知根故

於聲聞經中說此折空。今居士根利何得以拙度而說法乎。故說體空以返於彼。善於知見無所罣礙。次斥其知見有滯。無種智法眼故說法有滯。今淨名通達別教得道種智。故知法無礙。得法眼故見法。無礙故能知病識藥隨病授藥。以四無礙赴機無滯。以天下三呵說法運心不稱佛意。此由不解圓教大乘。故呵言不當如仁者所說。文爲二。一當起大悲心二念報佛恩。初云付大悲心讚于大乘者。悲能拔苦。若小悲說小拔界內苦。大悲說大拔內外苦。今得不思議解脫住大涅槃。念報至說法次報佛恩。目連因佛而得解脫。應報佛恩。應度衆生紹三寶種。今說小乘無常入空令居士斷結入滅。即是斷三寶種豈名報恩。若圓教深觀一切諸法開佛知見。即是三脫三德三寶不縱不橫。開真解心心寂滅。自然流入薩婆若海。是爲不斷三寶之種。即真報佛恩稱會佛心。維摩至菩提心三居士得益。淨名既能如法相。解如法相說契於大機。則八百居士皆發大心。我無至問疾大段第四結辭不堪。目連自惟。既無三教之辨致昔被呵。今豈堪傳佛旨往問疾也。維摩經略疏卷第十二。

### 弟子品之三

佛告大迦葉三命大迦葉文爲二。一佛命問疾二奉辭不堪。所以次命者於聲聞中頭陀第一。迦葉是姓此翻爲龜。即以姓爲名如目連也。所言大者或因智大德大心大。故稱大迦葉。所以然者。其是大辟支根性出無佛世

亦能獨覺成辟支迦羅。今既值佛隨聲聞數。故就其智慧勝利故稱大也。從德以受大者。是人頭陀苦行第一。其德重大故稱為大。或因心以受大者。聲聞弟子中慈悲心大故名大也。有言是僧上座知衆事故名大迦葉。若深求其致乃至成前五種利益之義。大旨同前。迦葉白佛下二奉辭不堪文爲四。一奉辭不堪。二述不堪之由。三正述不堪之事。四結成不堪。初文者良以往昔捨富從貧被彈無答。故不堪傳佛旨往問疾也。所以至行乞二述不堪之由。由乞食也。乞食者即十二頭陀之一。釋十二頭陀義有三意。一約半字事理。二約滿字事理。三約觀心。具出文繁略之不述。有師云小乘見理名之爲貧。今難之。若言貧里是小乘者。善吉從富應是大乘。既非大乘此義便壞。今依觀解約有空兩門。迦葉有門入道。有門局狹名之爲貧。善吉空門入道。空門寬廣名之爲富。雖有空之殊同是三藏非關大乘。故成論往往斥於昆蟲意在此也。恐人謬作觀行。消經故須比斥。此非經正義故不須執也。今言於貧里行乞有二意。一爲利他。二爲自行。一利他者其有慈悲之心見貧窮者持鉢往福。使現轉報來生免苦。又衆生不苦不求涅槃。既遭貧苦必易化度。故須往也。富者著樂會不從化。徒往喚接於理無益。二爲自行者。富家門閣重深求苦難及必藉時廢業。從貧則易不致所妨。又貧者報劣飲食必能不生心著。富者豐足食必甘美。或起習染垂頭陀行。非爲物執。是則情有偏

存致被彈斥。不堪之由良有以也。時維摩下三正述被彈之事文爲三。一總呵。二別呵。三擇敬。初總呵云。有慈悲心而不能普者。聲聞之中最有慈悲。如來所歎命共同坐。但小乘慈悲而不圓普。利他不等捨富從貧。大士呵者佛制頭陀令次第乞。今捨富從貧垂於佛旨。若以拔貧現苦令未來樂者。富復耽欲而不知修。將墮深坑。何不往化令後相續若置而不化何謂等慈。若言爲解脫因者。應貧富等度。度既不等豈成圓普。若謂貧人厭苦易度。易度本關福慧。何必貧苦。若自行爲易何得惜小時之化而令富者失利。縱留神化富亦何妨於自行。若捨道法。往貧亦應往富。若捨道法往富妨行往貧亦妨。既二俱有妨何得捨一往一。且復於法等者於食亦等。若美不美皆悉平等若法食不等。所有諸行悉皆不等。是故呵言有慈悲心而不能普。今時觀行分衛之人當依淨名之說。迦葉下二別呵文爲四。一呵乞食心非。二呵入聚心非。三示正食法。四結勸。初文又四。一約小乘證滅破。二約知苦破。三約斷集破。四約修道破。問若約四諦破心非者。應前對苦破何得對滅。答迦葉證有餘般行乞。心非故前約滅。次破其昔心所契今事果乖心。故約餘三諦破也。住平等法應。次行乞食者初破未得平等滅理。涉事去取致乖次乞之法。菩薩若得本有滅諦平等之理。即心行平等由如虛空。於善不善等以慈即於貧富心無去取。能次第求。大品明須善提白佛次第心中應行般若不。佛

答常不離薩婆若心。爲行生修即是住平等法。而能次第行生修也。即是理中次第求於法喜禪悅。由本垂迹故涉事行乞。由迹顯本故行平等。若迦葉破八邪入八脫。但得小乘法喜禪悅。此即捨邪取正。何得名爲次第求於法喜禪悅。菩薩雖知法性真滅平等。能不捨八邪入八解脫。即是次第求於大乘法喜禪悅。何者以薩婆若心從凡夫禪悅入世間諸定。又入二乘出世間定。又入菩薩上上諸禪。皆歷訶衍。以不可得故於一一禪皆有一心三智故得真法喜。皆有三諦三昧故得真禪悅。故云住平等法應次行乞食。是爲菩薩次第行次第學次第道。法華云善能次第集諸善法。故菩薩行頭陀時大悲平等心如虛空。不觀貧富心無去取。依分衛法次第行乞。迦葉內心不得無緣大慈。不住本有滅諦真平等法。故不能於邪正諸禪次第得大乘法喜禪悅。唯住偏真滅諦棄捨生死。故涉事行乞。心有去取捨富從貧。淨名呵之意在此也。爲不食故應行乞食。二約知苦破者。只以苦諦是陰入身。故須乞食以資性命。若迦葉無爲破此苦諦。以求涅槃不食之法。故須乞食資身行道。若發無漏因入無餘同如虛空。即是不食。若在學地雖發無漏結既未盡。不食之因未成。可許爲不食故應行乞食。迦葉結漏已盡食因已亡。若爲不食但七日不食即入無餘。即無飯食之患。猶日日乞食意欲何之。若爲利生令得不食而行乞者。不應捨富及入無餘。若菩薩觀苦爲不食故而行乞



者。欲破界內外生死之食求大涅槃無食三昧。故須乞食資身修不食之因。此則無過若為化衆生令得不食之果。貧富俱往化世乞食。終不灰滅入不食之涅槃。此皆觀心不須更作。

為壞和合故應取持食。三約斷集破者。集是煩惱和合隨其受報。即須四食。無迦葉斷集本破此和合。故求持食資身觀行。若在學地和合未盡。可乞持食資身斷之令盡。今證有餘和合集盡。更乞食資身意何所主。若言為破衆生和合。則不應捨富及入無餘。菩薩不爾。破界內外集諦未盡。應受持食資身破和合相。若為化物應不簡貧富悉令如我。不應忿忿而入涅槃。為不受故應受彼食四約修道破者。迦葉無為得不食之果。應受飲食資身修道。是則有食有命有身有道。若在學地聽受彼食以修不食之道。今位居無學不食因成何得更受。若為利生令得此因。即不應捨富及入涅槃。菩薩為修無作道諦不食之因。故受彼食求大涅槃。不食之果若為利生令得不食因果者。應貧富悉受。又衆生未得此因果。是以久住世間。為令得之不應涅槃。以空聚想下二呵入聚心非文為二。一總呵。二別呵。初文者呵其捨富從貧。呵其有心入聚心有去取。何者入聚觀塵是有則分別貧富六塵好惡。故捨富從貧慈悲不普過生。因此致彼所彈。若以空聚想入聚落者。世間空聚無好惡人物可生去取。若能如是觀塵則無貧富。好以生愛憎。而有避就論

其損益。何有不善之過。又若以事解。人物聚集所依名為聚落。若理解者根為塵。識之所依集名聚落也。故金光明云。六入村落結賊所止。一切自住各不相知。六品云。一切法趣眼乃至趣意。當知六根一切好惡塵識所依前已總約外聚落。呵迦葉。有今更約六根明內聚落。呵其觀知不了六根。致於塵有滯故有取捨之失。所見下二別呵者。凡人分別故有愛憎。盲者不見則無去取。迦葉聖人入觀緣真一往同盲。出觀緣俗還同於凡。情有去取故於色中亦生貧富之見。菩薩不爾。不捨道法同凡所見。見色即空無所分別。故與盲等雖無分別。一切法不同於盲。雖復分別而無去取。慈心平等。復次若知一切法趣眼了眼聚落。即得菩薩肉眼清淨見十界色。名之為見無所染著。即與盲等。大經云。學大乘者雖有肉眼名為佛眼。是則五眼具足見。塵細色三諦之理。名之為見。實無所見。即與盲等。故大品云。我以五眼觀不見三聚衆生也。是則不見而見。不見故即與盲等。而見故五眼具足。是則無緣之慈平等普覆。五眼清淨見十法界。拔苦與樂普同福利。豈有一曲之內捨富從貧。鐵輪尚爾。銅輪已上豈可商量。所聞至智證此。饒迦葉。出觀入聚不了耳。空聲如谷響。乃至身受於諸觸。如以智證。故於貧富聲等四塵而生難易。取惡捨好。異於入觀證滅定也。菩薩不爾。了耳性空故於聲如響。乃至對觸與智契理。二皆不殊。必不捨理取理。故於貧富情無去取。一相慈

心等同福利。若菩薩知一切法趣於耳等。體達即空乃至不見趣與非趣。身如淨鏡。十界依正皆現身中。廣如法華六根清淨具說。例色可知。知諸至無滅此。饒迦葉。不了意根即空諸法如幻。故分別貧富難易之別。富則威儀禮節於貴難近。貧則率爾形儀往告為易。故慈悲有隔福利致偏。乖佛頭陀平等正法。菩薩體之知一切法從無明起。猶如幻化。化非實相。如佛答德女云。如幻非內外而現一切幻事。無明亦爾。非內外有一切法也。今體意者四句。檢生皆不可得。即本無生今則無滅。若本無生今無滅者。尚無生死涅槃之可取捨。豈有貧富難易而取捨之。此則達意中道為利衆生。雙遊真俗。而於貧富難易次第乞之。菩薩知一切法趣意即空。則不見趣與非趣。餘如眼分別。廣說如法華。迦葉下三示正食法文為二。一示正食二疊釋。初文又二。一明食體二明食用。初食體者乞食心非。良以不知正食之法。是以為說下文呵身子云。佛說八解仁者受行豈難欲食而聞法乎。小乘八解即眞法喜。但不依佛慧。捨八邪入八脫即思議解脫。故不得大乘法喜之食。故大經云。汝諸比丘。雖行乞食而未曾得大乘法食。若菩薩能以佛慧見中道理。非邪非正而邪正雙遊。入不思議八解。即是大乘眞法喜也。然邪正各有事理。一事邪者即根本味禪。皆生愛見。謂四禪四空。若望魔禪鬼定猶是正禪。若望背捨則是事邪。二理邪者見心緣理不正名之為邪。即邪見邪語等八也。正二

種者事正即八解破事八邪。二理正者。即正見等八對破緣理之八邪也。聲聞不得佛慧。修八背捨斷事邪八。禪方得八解。是捨八邪而入八解。修八正道破緣理八邪得入見諦。是為離邪相入正法。並是思議法喜非真大乘法喜食也。菩薩依於佛慧不捨味禪事邪。而修背捨入八解脫。邪不妨正成三諦三昧。即大乘禪悅。又能觀八邪入無作八正。邪不妨正成一心三智三諦之理。即大乘法喜。是名法食平等。迦葉不爾致有不善。菩薩決能了知故得不思議真法喜禪悅。即是無緣大悲貧富俱利如為一人。衆多亦然。若於一切衆生心無所偏則能於食有等。於法亦等也。以至可食二明食用。迦葉得思議法喜禪悅。此無廣大之用。菩薩依不思議真法喜禪悅。雙遊二諦得世出世之食。故能以一食施一切供養諸佛及衆賢聖。如致香積一鉢之飯。一衆食之猶故不漸是真應供。能報施主外為真田然後可食。既不能爾何得內心受虛偽禪悅之食。外非良田而捨富受貧。使貧富俱無真實福利。如是下二疊釋文為二。初三番釋食體。二釋食用。初文為三。一約理邪正不相妨礙。若依佛慧即不見邪見正見等八。故言非有煩惱非離煩惱。非有即不見邪見等八。非離即不見正見等八也。非入定意非起定意。次一番疊釋事八邪八正。菩薩心依佛慧不見八解九定之可入。故言非入定意不見出入味禪及諸邪定。故言非起定意。問前示食體事前理後。今疊釋何得理前

事後。答不思議之事理不定前後故。非住世間非住涅槃三一。總釋事理。菩薩心依佛慧不住事理二邪。故言非住世間不住事理二正入有無二般。故言非住涅槃。其有至為損次釋食用。能為施主真實福田。其有施者無大福無小福。若譏迦葉者。不可貧人重心故福大應須詣之。富人輕心故福小則不須往。菩薩是無上食田。其有施者皆入佛道。豈有大小之殊。若案理釋生涅槃福名之為大。生人天福名之為小。故得真田不生二邊大小之見。不為益不為損者。若譏迦葉而迦葉謂往貧不往富為損益者。則彼此俱損益。菩薩心依佛慧不見如是損益。但慈心平等為顯法性無增減理。若案理解不為作世間果報之益。不為損之復損之令生死盡涅槃灰斷。是為至施也。四結勸亦是呵也。開佛知見入初發心。即分真佛也。不依聲聞者。若不了義說不得菩提。若依了義是漸入佛慧。故法華云是諸人等應以是法漸入佛慧。為不空食人之施者。能以無緣大慈貧富俱往一切普利。依大乘四諦行乞資身正入聚落。得不思議真法食者。隨有所施為作大乘無上福田。是則為不空食人之施也。時我至支佛行三諸述往昔聞此彈呵敬揖之懷也。迦葉開淨名種種彈斥示真食法。既昔所不聞。故於菩薩咸起敬心。自惟無此內心揖伏四枯之化。即是顯發如來四榮之教。是故不任詣彼問疾四結辭不堪。既昔。披此之呵。爾時莫知酬答。今豈堪傳佛旨往問疾也。

維摩經略疏卷第十 三

弟子品之四

佛告須菩提。四命善吉文為二。一命問疾二辭不堪。所以次命者以聲聞中解空第一。須菩提此名善吉亦名善業。亦云空生。其生之日家室皆空。父母驚異請問相師。相師占云此是吉相。因名善吉。稟性慈善不與物諍。其出家見空得道。兼修慈心得無諍三昧。是以常能將護物心故名善業。以生時家宅皆空因名空生。家宅皆空即表長成解空之相。深求其致乃至成前五種利益。亦例身子章初須菩提下二奉辭不堪文為四。一奉辭不堪。二述不堪之由。三正明不堪之事。四結成不堪。初文者良以往昔被彈無答。豈堪傳旨詣彼問疾。所以至乞食二述不堪之由。由詣乞食致被彈呵。所以詣淨名家乞食者。有二義。一為捨貧從富二為自持解空。初有二意。一化他二自行。一化他者貧人困乏常憂不足。慈心無諍將護彼意故不從乞。富家幸豐乞不為損則無惱他之失。又解貧者弊於貧乏易可開化。遇緣即發不足苦憂富有益。貧憐逸難化。自非因乞無由開曉。此與迦葉互有所失。迦葉從貧慈悲不普。善吉從富無諍亦偏。二為自行者。善吉行空三昧不以門閤重深難求為妨。若置上供空無分別未足動習。故捨貧從富。以於觀行心無妨也。二自持解空者。淨名無方之辨見者無不被護。故聲聞菩薩莫敢闕其門也。善吉思惟其存者則可呵折。空無所有何可彈呵。自持解空心無

畏難故詣其門從乞食也。遂被彈呵苦。加折挫乃忙然置鉢失儀欲去。不堪之由事在於此時維摩下三正述被呵之事文爲五。一取鉢盛飯。二正彈呵。三置鉢而去。四淨名安慰。五聞者悟道。初文者若事解。施主之儀若不與飯而呵似有悋情。今與而呵表心無悋但乞者心非故慙而示之。若表理者。持空鉢而往表但見於空。以滿鉢與者表用妙有彈呵示理不空。故大經云聲聞見空不見不空。菩薩但見。將欲呵其滯空示以不空。故取空鉢盛滿與之。謂我下三正述被彈大意爲二問。一問若是敬田乃可取食。二問若是悲田乃可取食。初問多依通圓後問多約別圓。所以然者非爲惜食。但善言自謂應供生福田想。故須問其真僞。若是聖人可作敬田。若非敬田即須慚同魔外悲田取食。善言不測問旨深玄。欲從敬田而取。所問聖法皆悉不知。始從悲田而取。何容無學頓同魔外。遂巡兩櫺進退不可便。棄鉢欲去。淨名彈呵正意在此。初問敬田文爲二。一問知聖法不。二問是聖人不。若能至取食初問知聖法不。若知乃可取食。以法能成人故。先約法問。義推有二。一約事問。二約理問。事者若知聖法事中於食等者事法亦等。化他自行慈悲平等。不應捨貧從富如前所明。以食不等故慈悲觀行皆悉不等。是爲於食不等於法不等。既慈悲觀行不等故乞食不等。是則於法不等於食不等。若俱不等云何取食。復次若謂有可破空不可破心無畏難而來乞者。則有空不等

於法不等。法不等故詣問求食食亦不等。菩薩不爾空有不偏。是則法等。法等故食等。食等故即不如善言恃空無畏。因食生諍何名無諍。若能有空平等於食無諍。即是能知聖法。可謂敬田。修觀行者若能如是即真乞士。二約理者如大品云。一切法趣味。是趣不過味尚不可得。云何當有非趣。今言一切法趣味即法界含一切法。食有故法有食無故法無。今食不可得故尚不可見有。云何有趣尚不見無云何有非趣。即是中道三昧真禪悅食。而能通達趣非趣法雙照二諦。得二諦三昧名真法喜是名法食平等。又諸法等者。一切諸法趣陰入界乃至一切種智。陰入界一切種智不可得故。云何當有非趣。宛然具足趣及非趣。則一切諸法皆具三諦。如大論喻。剎那三。相是爲諸法亦等。若見食法性不異諸法法性。即二法一等。又於食等者。若通達諸法三諦之理即是食中三諦之理。所以於食亦等。能如是知是知聖法。方是敬田乃可取食。既不能如是即非敬田何得取食。此去多是觀心明義故不須別立。若須菩提下二問是聖人不。若是聖人應證聖法。可作敬田而取。又若非聖人豈作應供而受。所以作此問者。恐其生意。我雖不知不思議法。何妨見四諦理是得果聖人即是應供。敬田取食當有何罪。故約四諦而問。若意謂見四諦得果是聖人者。今歷四諦以問。若實見者何許得果聖人敬田。若不識者何得妄謂。既非敬田安得取食。文爲三。一別歷四諦檢問。

二總約四諦疊釋。三結破。初文爲四。一約集爲次。則果前因後。欲令厭苦斷集滅修道故。今此乃從因果次第第一一檢問。初文者此將無作集諦。問破其有作集諦。若凡夫三毒與心俱生俱滅即是與俱。若聲聞人無有知集而不斷者。此則斷而不俱。菩薩觀無作集諦。癡癡癡性猶如虛空故不斷。亦不與俱。故不同凡夫二乘也。菩薩能以佛慧觀三毒性即是佛性。通達三毒見一切佛法無不具足即是無作集諦。故無行云貪欲即是道盡癡亦復然。如是三法中具一切佛法。能如是見可是見諦得果聖人應供敬田。乃可取食不壞至一相次別問苦諦。二乘觀有作苦諦檢折推求假名實法。方得苦理。名爲壞身。菩薩觀無作苦諦體身實相。如見鏡像不須分折。是不壞於身而隨一相。通猶偏真不名一相。圓即法身無異見相故名一相。故下文云觀身實相觀佛亦然。見於一相不同凡夫。不壞於身不同二乘。觀無作苦見一實諦清淨法身名爲見諦。方是聖人即真敬田不爾非也。不滅至明脫三別問道諦。若二乘除八邪入八正。起三明入八解。此滅癡愛起於明脫。即是有作道諦。菩薩修無作道諦。只觀一切衆生即菩提相八邪之法即八解脫。若斷而起者非修無作。以佛慧觀非明非闇。雙遊明闇不相妨礙。顯出菩提即是行於非道。通達佛道故不斷癡愛。起於明脫明對癡脫對愛。故思益云以不二相觀明道聖諦。若能如是

修道聖諦是真聖人敬田而取不爾非也。以五至不縛四別約滅諦。問二乘子果縛斷名得二般。即滅諦涅槃之異名。聲聞教明五逆之人。尚不得出家受戒。豈得說為解脫滅諦。圓教不爾。達逆實相即是滅諦。下文云一切衆生即大涅槃。不可復滅。思益云法本不生。今則無滅是滅聖諦。方廣云乃至五無間皆生解脫相。逆是縛之劇者。尚本是滅。況一切法而非解脫。如調達逆入無間獄如三禪樂。常自寂滅。即大涅槃。以五逆相故不同二乘。而得解脫不同凡夫。若能如是見無作滅諦。是聖人無上敬田。不爾俱非。不見至聖人二總釋。前問無作四諦以善吉不曉故重為疊釋。不見四諦非不見諦者。今以三義通釋。一雙非解二去取解三約四不可說。解雙非者。不見即非有。非不見即非無。所以作此釋者。善吉自謂見有作四諦得果。上已一示其無作奪其有作。即無有作諦理之可見。故言不見四諦。若言不見有作即無四諦可見者。上說無作為何謂也。故言非不見諦。又解不見四諦不同二乘。非不見諦不同凡夫。二約去取解者。四教四諦去一取三。去一者不見即是。不見生滅四諦。取三者非不見諦。非不見三教四諦。此如中論明外人過。論主若破一切法者。即無四諦四沙門果。是大可畏。論主反質云。若如汝所計有即破四諦四沙門果。我雖破一切法四諦四沙門果。其義宛然。與此相持破者。即如今破生滅四諦有者。有今衍門三種。玄文分別。今不重明。三

約四不可說者。大經明四不可說。即四四諦理。有因緣說者。四悉赴之說於四也。不見四諦者。四四諦理皆不可說。不可見故。故言不見四諦。雖不可說而四教說。雖不可見而五眼見。故言非不見諦。即是不見相而見。不可說而說。不能如是即非聖人真所敬田。何得取食。非得果者有師云。此恐脫落類應有對。今明不爾。淨名既釋非見諦。即無善吉及二乘人見諦得果。若爾非不見諦。應有大乘菩薩得果。今言菩薩因中不證故言非得果。但二乘人謂見四諦得二涅槃之果。今彈意者只證偏真名為得果。已破化城果即非果。故言非得果。若通菩薩雖見無生因中未證。故非得果。別教因中雖見無量若入無作。十地未滿豈得證果。圓教菩薩未至妙覺。豈於初心取無上果。下文云雖復示現成道轉法輪而不捨菩薩行。即非得果。善吉尚未見衍門三種四諦。非真聖人何得證無學果。此非敬田豈得取食。非凡夫者非具縛也。非離凡夫法者非二乘脫法也。復次非凡夫者四種道滅之法。非離凡夫法者四種苦集之法也。何者。一切凡夫及二乘人。是中道理外皆是凡夫。菩薩觀中道見於佛性故非凡夫。非離凡夫者如五凡夫論明十地。猶名聖慧凡夫。是則降佛已下皆是凡夫。故言非離凡夫法。非聖人者。若作雙非菩薩觀平等法。尚不見聖法。何處有聖人。非二乘聖人也。非不聖人者非凡夫也。又非聖人者非理外之聖人。二乘不見中道豈名聖人。又非不聖人者只

三賢十聖約圓皆是聖人。善吉既是理外而不預此聖人之數。即非敬田何得妄取食也。雖成至取食三結釋。雖成就一切法者。通達四四諦。權實一切諸法皆成就也。而離諸法相者。平等法界非因非果而不可說。不見四四諦之相。故心不取著。復次若通達四四諦即見中道。雙照二諦得三諦三昧。三智具足定慧莊嚴。成三德祕藏畢竟不可得。順道法愛不生。即入圓初住心心寂滅自然流入。若能如是即真聖人。應供敬田乃可取食。既不能爾豈得取之。若須善提下二問若懷同悲田乃可取食。所以作此問者。若知聖法即是聖人可是敬田。既不知無作四諦聖法即非真聖人。唯知凡鄙之法即是悲田。當依取食。此文難見。舊解無當。有云若分別佛法是正外法是邪。是則心有分別非解空第一。邪正一相始是會空乃可取食。一往似通教意。恐經旨不爾。有師云善吉是聲聞人。不能反出同彼外道。淨名呵折令同六師。始是菩薩乃可取食意亦不爾。今明淨名問善吉懷是魔外即是悲田乃可取食。此有二問。一問懷同邪人乃可取食。二問懷有邪法乃可取食。何者既非聖人即須懷同邪人。成就凡鄙之法。既有見愛豈非魔外。何意不懷同於悲田而取食耶。經意若此豈同諸師。初問為三。一約不見佛不聞法問。二約同六師問。三結令取食初問者。夫衆生不定邪正在緣。善吉既不見法身之佛不聞無作諦法。即是不見佛不聞法。是則昔所見聞豈非見於外道聞其法也。

如三藏教明。若不見王宮丈六之佛不聞生滅四諦之法。別有師受者雖有禪定神通智慧皆是外道。今善吉既不見大乘三身三德之佛。不聞衍教三種四諦之法。即是不見佛不聞法。但昔見老比丘佛聞生滅諸法。則不見真佛不聞真法。故金剛般若論云。應化非真佛亦非說法者。如華嚴寂場初成正覺說圓滿頓教。聲聞在座如響如啞。即是不見佛不聞法。又如法華。窮子止宿草庵但見執除糞器。不見尊特之身。其既不過正緣不見正道。墮在二乘類同外道不見真理。俱非聖人悉悲田也。彼外道至出家二約六師問。所以問者既不見佛不聞法從誰受學。神通智慧應是從彼六師受學。何以知然。六師前生善吉後習。既不見佛聞法其外更無師軌之處。若如是者其師既邪弟子豈正。何故不同悲田受食。富蘭那是名迦葉是姓。所說諸法皆不生不滅。末伽梨是名拘睺梨母也。說於衆生雖有苦樂無有因緣自然而爾。刪闍夜是名毘羅祇母也。說於衆生任運時熟得道如糲丸所投極則停住。又言八萬劫滿自然得道。阿耨多羅含是名欽婆羅龜衣也。說於衆生應受苦報今以苦行拔髮鬚鼻龜衣代之。謂後受涅槃樂也。迦羅鳩駄是名迦旃延姓也。說於衆生亦有亦無。尼捷陀是出家外道通名若提母也。所說皆由業作定不可改無逃避處。今大士以少分折之如罵人爲驢未必即有四足髦尾。三藏未極與邪相似。取此而呵言相似者。三藏有四門入理六師亦

有四門邪計。如富蘭那所見無因無果無生無滅。無生即不有無滅即不無。即是非有非無門。末伽梨說一切自然無有造者。此即破因不破果如莊周所計自然。此似空門。刪闍夜計邪因無因未詳。迦旃延計有無門。餘二所計皆是有門。故知六師亦有四執。聲聞教中明過去佛出世時人壽長短得道皆有定數。後彌勒出世人壽八萬歲時得道。餘時不得故佛不出大論所彈。此與刪闍夜何異。此教又明剃髮染衣糞掃苦行與欽婆羅何異。又明施重毘尼作擯及諸遮道之罪妨於聖道。與若提子何異。亦云相似故用爲彈又外道有三種。一一切智二神通三韋陀。於四句中各有所習。精思微入者見心分明。各於其門辨說無盡難不可屈。即一切智外道雖有此智若未得禪定則無神力。水火山壁觸處有礙。若得禪定因發神通能停河在耳變釋爲羊。手握三光口含四海。如此之力與聖不殊。是爲神通外道。雖復智慧神變未能通達四韋陀論。是則星文地理醫方呪術。觸事不知多爲屈滯。此則有慧無聞。若能讀四韋陀者於其道中最高上者。一切世間無不師之。十六大國敬之如佛。將此三種以約六師。一師有三三十六八外道師也。三藏亦有三種羅漢。謂慧俱無礙。若約四門則有十二羅漢。一切智神通韋陀事亦相似。所以引此邪人而爲折者。將恐善吉自謂我是羅漢。見真斷結得一切智。又得三明六通又精通三藏爲大

羅漢。豈比外道。故大士取三種六師爲折。若外道三種是邪汝三豈正。心行理外。自此之前皆名邪見。非無作故。大士知其心有伏難。故迴轉結過展轉呵之。令無所對。如此進退難責。與彼何殊。汝既同彼即因其出家。以從受學一切智等。彼師至取食三明結成悲田可取食也。彼師所墮者即邪見六師。汝亦墮墮者。汝既師之。彼墮生死。汝亦墮墮。雖分二種生死之殊皆不見性。墮落義同。若憊俱墮同是悲田。乃可取食。若須菩提下二問憊同邪法不。所以更此問者當是情猶未憊。我雖不見真佛聞無作正法。而是羅漢三義具足。豈同六師是共弟子悲田取食。大士知意因重問之。汝謂是羅漢三義具足。不同六師及弟子者。何以猶具見思鄙惡之法。若有此法者即不具三義。豈是羅漢而不懷同悲田取食。文爲三。一約殺賊呵。二約應供呵。三約不生呵。一約殺賊呵者。若謂是羅漢理應殺賊。何得具有見思之惑。文爲二。一呵有見惑而入八難。二呵有思惟離清淨法。具此二惑何名殺賊。若須菩提至無難初呵見惑。言邪見者是何等見。若合中道爲二諦。真諦合俗還是有見。若作三諦別無見攝。故大經云。凡夫者有二乘者無。菩薩之人不有不無。何者凡夫不見中道起六十二見。流轉二十五有攝屬有見。二乘不見中道斷六十二見。入空屬無見攝。空對生死還是二邊皆不入中。若與爲論許度三界見惑彼岸。誓而爲語正是界外

見惑。豈到見之彼岸。迷中故妄見不動。不修無作道品。云何能到別見彼岸。故非殺賊住於八難不得無難者。八難正障見道。聲聞若有此難則不得入。菩薩不定自有為難所障。自有難住八難巧用正觀即得無難。見於佛性。此即行於非道通達佛道。善吉雖離界內八難住於界外八難。豈得到無作見道彼岸。故須分別二種八難。一者凡夫住事八難。二者二乘住理八難。俱不得無難。善吉具二豈得無難。唯圓菩薩修中道觀。住事八難皆得無難。故於八難自他無滯。事八難者界內八難障偏圓見道。事數如前列。今明理八難。唯障圓真。初三惡為三。有師用三空為三惡道。此未必然。菩薩亦修三空而非二乘惡道。今用三藏見修無學為三惡道。無為正位不能發心名墮惡道。乃至無學亦復如是。若入無餘永乖佛道。豈非三惡道難。菩薩不畏五逆三惡。但畏生二乘心。如大論明。大樹墮枝不宿怨鳥。四北鬱單越定壽難者。四諦中滅以對北方。聲聞證滅如彼定壽。五長壽天。二乘名為淨天。若入無餘歸第一義天。豈可化也。有言二乘無餘是大滅定。經七百阿僧祇劫於其有緣佛放光照。方乃出之。始為說法。若依大論明出三界已受法性身。如是等異沈鈍難化。同長壽天。六佛前佛後二乘入觀見真。出觀緣俗不見中理。即佛前佛後。七世智辨聰。外道不見真理而發見慧名世智辨聰。二乘未見中道發無漏慧是為世智辨聰。八盲聾瘡。二乘之人無菩薩

根。雖得六通不見十界之色如盲。不聞十界之聲如聾。不能以一音隨類得解如瘡。如此八難甚於事難。善吉既不能住事理之難得於無難自他無滯。而住此理難障見中道。何猶得到見之彼岸。同於煩惱離淨法。二呵猶有思惟。然煩惱名通上已屬見。今宜屬思。善吉具有變易煩惱心與此合。故言同於煩惱。如大論明。結使有二。一其二乘斷二不共斷。不共斷者迦葉等所不能斷。故聞迦葉女琴不能自安。離清淨法者離於自性清淨心法。凡夫具惑遇緣猶能求清淨法。二乘執證畢竟不求迷心中理。即是永離清淨法也。是則思惑猶存云何自謂為殺賊耶。汝得至惡道二呵非應供。善吉謂得無淨三昧是良福田。一切眾生亦得是定何以言非應供良福田。根本禪定四無量心無淨等定眾生久劫亦經得之。故大經云凡夫皆有初地味禪。問善吉既修觀練薰修得無淨定。眾生無此云何說言亦得此定。答觀練薰修皆因根本。今乃一往以此微之且言皆得。復次諸六師等皆得深禪並有慈心。從禪定起。香塗刀割心無異念。此與善吉無淨何殊。其施汝者不名福田者。眾生亦得是定。有見思砂而不名福田。汝還得是定亦具見思砂。何得施汝獨是福田。供養汝者墮三惡道者。供養小乘人天報竟。過緣還發小乘之業。入見修無學三惡道中又云供養小乘。後縱發心不信於大。多生誹謗。墮三惡道。如勝意執小謗大生身而墮經劫受苦。此乃罪因何謂應供。為與至取食。三呵非不生。眾魔者樂生死。若與魔同

即同生死何謂不生。為與等者有二義。一約自行二約化他。自行者魔與善吉俱樂生死。雖有為無為不同俱不見性。如作物相似。故言一手。二化他者。如大品說。菩薩行般若時魔來教云。汝何不學須陀洹乃至支佛。今謂二乘亦教眾生修行已法。引接義同故言一手。侶謂伴侶志友為義。勞者俱有塵勞潤業事同。又解勞者堅也。俱樂生死執因難轉故言勞侶。汝與等者魔具八萬四千塵勞。汝亦具有故言等也。又具界外八萬四千。於一切至怨心者如犯王法。有力不救怨之大也。二乘自免不濟眾生。恣其輪迴怨之大矣。又如群賊圍人。二乘亦爾。壞人善根斷佛種子。故言而有怨心。又害眾生法身慧命及善法眷屬。所謂害智度母善權父法喜妻善心男慈悲女。豈非善法之大怨也。謗諸佛者謗有二義。一增二損。佛無生死煩惱等患。而言有者即增謗也。佛身常住功德智慧湛然具足。而言無者即損謗也。如下文呵阿難云勿謗如來。如來身者金剛之體諸惡永盡眾善普會。何疾何惱。毀於法者若定說有作之法即毀無作法也。又法即法性不可說示。若言有者即是毀損。金剛般若云若言有所說者則為謗佛。不解我說故。真諦三藏明四謗。即是小乘四門四句說法。為說謗大乘法也。若於眾生有怨謗佛毀法名大惡業。別惑能潤受變易生。生死浩然何名不生。不入眾數者若有此障即不入圓教賢聖之數。此教鐵輪六根互用。二乘所無事得在數。終不得滅度者。

計有小乘滅度終不能得常樂涅槃。即是變易生死未滅何名滅度。故法華云。但離虛妄名為解脫。其實未得一切解脫。佛說是人未得滅度。斯人未得無上道。故汝今執證終不能得大涅槃滅。即非不生那得自謂是不生也。則無羅漢三義與彼魔外有何等異。何得不愜同於悲田而取食也。世人不深得經意多疑此解。至法華方顯。故四大聲聞自歎云。我等今者真阿羅漢。於諸世間應受供養。此方悟昔淨名彈斥。時我至其舍。三善吉置鉢。自慚不知聖法又非聖人。又我實斷三界惑盡豈得頓同魔外。進退思惟俱不能作恭敬取食。迷悶失厝不知何答。便棄鉢而去。時我世尊聞此忙然者。自述迷惑驚疑不解。何者三藏唯說生滅拙度未曾聞佛無作四諦。無智不解是故忙然。不識是何言不知以何答者。不識所說皆證圓理。不知佛法權實開遮。是故不知以何答也。便置鉢欲出其舍者。既不成敬不愜同悲。離此二途更無取法。所以置鉢出舍而去。維摩詰下四淨名安慰。善吉自恃解空無所畏難。故因乞食欲觀其神智利用。若何彼問忙然莫知自處。然淨名詰問。本欲折其滯空示未聞法。非為惜食故以惱之。所以安慰令其取鉢。文為三。一慰問二善吉答三重慰解釋。初言取鉢勿懼者。既不頓同六師但有滯空之過。何得心驚自鄙迷悶若斯。言佛所作化人。以是事詰者。即是法身起應而以此詰。豈得有懼。化事即空。既解空第一空中無人。何得為懼。我言不也二

善吉答。以解空之心聞如化之說。心小醒悟怖畏稍除故言不也。

維摩詰下三重慰解釋文為三。一正安慰。二解釋。三重辨。初言一切諸法如幻化相。汝今不應有所懼也。此用通教幻化安慰令不懼。故善吉折法空觀入則無憂。出則異說。心便動變故用幻化即空安慰。所以至所懼一解釋者。上來言說同一切法。幻化即空。若得即空文字不著則心無驚懼。何以至法也三重辨文字性離。不在自他四句。即字是性。性本不有故言性離。則是不思議解脫。何得於解脫中而生驚懼。維摩至眼淨五明時。乘得益法眼淨者。悟即空理入於見道名法眼淨。須用通教解釋意在此也。故我不任詰彼問疾。四結辭不堪。彼其兩問窮斥忙然不知。豈敢傳旨詰彼問疾。

#### 維摩經略疏卷第四

#### 維摩經略疏卷第五

小卷十 四

天台沙門湛然略

#### 弟子品之五

佛告富樓那。五命富樓那。文亦二。一命問疾。二辭不堪。所以次命者。以弟子中說法第一。富樓那是姓從姓立名。此云善知識。彌多羅尼即是母名。此云滿願。滿願所生故言子也。所以加母名者。恐表異同名也。但法華至下根方得授記。而今先命者。或是隨近或是機

便故先命也。何者既有辨才莊嚴文辭利用。有所言說悅可物心。若遣傳旨衆情彌仰。故先命也。如佛說大品唯命身子善吉及富樓那轉說般若。大論具有料簡深求其致。乃至成前五種利益可知。富樓那下二奉辭不堪文為四。一辭不堪。二述不堪之由。三正述不堪之事。四結成不堪。初奉辭者。良以往昔說法乖機致被呵折。故不堪傳至聖之旨。所以至說法二明不堪之由。由於往昔樹下為新學比丘說法。樹下是標其說法處。或有所表類身子可知。新學者是三乘初心。然諸比丘機在於大。不審諦觀妄為說小。雖不云說法之語尋經可知。文云欲行大道勿示小運。小運即是小乘所行之處。此乖大機致被彈斥不堪之由。由乖機也。時維摩詰下三正述被彈之事。文為七。一呵說法失機。二結過三淨名入定。如諸比丘。四諸比丘心志開發五淨名為說法。六諸比丘得不退轉七富樓那敬。攝初文為四。一呵不觀本心。二呵不知心念。三呵不觀根源。四呵不觀樂欲。此四呵者。義推即是。用大乘四悉。一不知本心。即自性清淨心。即第一義。大經云。正因佛性。衆生心是。二不知心念。即爲人也。人有種種念修不同。故法華云。念何事修何事。三不知根源。即對治也。根利有遮現不開發。若對治破遮利用。即發。四不知欲。即世界。若樂聞大即便爲說一切法。皆以世間名字而分別之。但四悉次第一義在後。今反在前者。討本故也。滿願不以四悉故有差機之失。初呵不知本心者。夫

欲說法必須審諦。若不入定則不見根緣致有差機之過。所以呵不先入定觀比丘心故不見其久已發大妄說小乘第一義也。問入何等定能知根緣。答定有八種。前六不知後二能知。一者外道根本開證本非照機。若入此定則不能知。二者凡夫外道若斷障通無知。雖得他心入定止能知他心念。亦不知根。三者三藏慧解脫人得有作四諦中八種之定。此本緣理亦不能照機。四者此教俱解脫人得根本禪觀練熏修。發他心智亦止知他心而不能照機。五者通教慧解脫修無生四諦中八定。此亦緣理不能照機。六者此教俱解脫人得根本禪觀練熏修。發他心智亦但知他心。不見根緣。菩薩亦爾。七別教菩薩修無量四諦中八定。若入此定知他心見物機也。八圓教菩薩修無作八定。寂而常照知心所念及諸根緣。今約後二並知念知根呵其不入此二定也。問心之與根有何等異。答知心只是他心智。凡小共有知他根緣即道種智。別教始有通教尚無況復凡小。問若爾淨名何得呵不知心。答種智知根必因他心。故下次第約不知欲呵。問無量無作知根何殊。答無量八定從空入假發道種智能知物根。此是緣修爲顯真修。非是任運普照之定。無作真修寂而常照。不以二相普見諸土。即不二相照諸根緣。若爾何得勸滿願入定。答此語似將別教八定對破二乘不觀人根。故言先當入定。圓教無入出相。或爲破爲助方便說入。復次心心自然流入始是眞入。無以穢食置

於寶器者。此諸比丘久發大心。大心即是法性眞心。出法性外無別眞心。寶器者菩提心如寶容佛法如器此即大乘器世間也。穢食置者小乘法喜禪悅。帶塵沙無明之穢。滿願以不入定觀諸比丘大心寶器。爲說小乘法喜禪悅食。此不可也。當知至水精。二呵不入定不知心念。念即念數。是諸比丘曾發大心修行六度。今生雖忘猶有習因。應用大乘爲人發其宿行。云何以小乘爲人說其小法。如身子教二弟子之失也。大乘眞實以喻瑠璃。小乘不實取喻水精非眞實也。汝不至之也三呵不先入定觀其根源。是諸比丘久種大乘善法名之爲根。本所植佛初因發心即是源也。滿願既無無量無作八定。是故不見比丘根源。有障應說大乘對治。云何妄爲說小治之。令其厭苦而求於滅。彼自無瘡勿傷之也。即是譬顯。此諸比丘發大心來。所有善根未有意著小乘法瘡。忽爲說小令生念著。即傷大乘善法根也。欲行至螢火四呵不知欲。此諸比丘欲慕於大。應說大乘世界成其樂欲。那忽以小乘世界起其小欲壞於大欲。此根欲性開十力中三力也。根是過去欲是現在性是未來。此中但明根欲。不辨性者以善根未成欲樂猶有可改之義。未成性也。故大論云欲名隨緣而起。性名深心爲事。若過去善根牢固成就今生對緣則起。此是因性成欲。若過去善根未牢今生遇緣起欲數習成性。故云性以不改爲義。欲性相。闕呵不知欲即兼得性。此有三譬。即大乘三種欲樂之

心。一欲行大道莫示小還。此譬欲觀法身實相無上大道。即智度大道佛善來也。何者此諸比丘已有欲求實相之心。滿願爲說半字之法即是示小還也。二無以大海內於牛跡。此譬欲修大乘萬行功德。何者此諸比丘欲修大慈萬行。大心即是大海。滿願爲說小乘道品。即是牛跡。令本大心修小行者。即是大海內於牛跡。三無以日光等彼螢火。此譬用大乘無作四諦一切種智。比於小乘有作一切智也。何者此諸比丘欲求大乘一切種智。滿願爲說小乘一切智慧。若言見眞是同理須比並。然以日光不可比螢略有五義。一是虫光非寶光。二熾燦不停。三破闇少。四夜自照。五無所利益。豈得等彼日光。日光者一是寶光。二常照停住。三破闇遍。四自照照他。五一切皆蒙日光恩被。合螢光五譬尋之可知。此諸比丘具此三欲必成三德祕藏。何者大道即法身。日光即般若。萬行即解脫。豈可以小乘三欲而比並焉。復次滿願不知此四心者。不能深知往昔值佛已來有此心數根欲。中間廢忘四心雖在猶未決定。若聞大乘大心即發。藉前相資至不退轉。既是不定。若聞說小便隨二地。故不可也。富樓那下二結過文爲二。一正結過彈呵。二譬顯。初文者過去值佛發前四心中忘此意者。自爾已來經生歷死。雖報障所障猶爲可發。何得以小乘四悉而教導之令乖昔志。問往昔善根定失不失。答雖忘不失。故法華云不覺內衣裏有無價寶珠。又經言一句染神彌劫不朽。我觀



至利純二譬顯結過。小智微淺觀生滅見真  
名一切智。此智不斷塵沙無明。又不能知物  
根緣。不能圓照法界故名微。如兔渡河不窮  
實相之底名淺。猶如盲人不能分別者。二乘  
但有肉天慧。三無法眼。故不見根緣。無佛眼  
故不見佛性。無菩薩根對三諦塵不發三智。  
心無所了故如盲。又如生盲者。二乘雖有肉  
眼不如法華明六根淨。一時見三千界十法  
界色故如盲也。二乘雖有天眼作意能見千  
界乃至大千。諸佛菩薩有真天眼。不以二相  
見諸佛土。小乘無此故如盲也。若菩薩慧眼  
少見佛性而不了了。二乘慧眼都不能見。但  
見於空即是盲也。諸佛慧眼者如十六王子  
所歎。願得如世尊慧眼第一淨。當知二乘全  
無五眼故說如盲。若無五眼不能分別衆生  
於三諦理根之利鈍。時維摩詰至三菩提。  
三淨名入定加諸比丘。所以加者令識宿命  
自憶。曾於五百佛所發心修行迴向大道  
即時下。四諸比丘還得本心文爲二。一明得  
本心二致敬。初文者以三昧力加諸比丘。令  
悟昔修四心。故言還得本心。二諸比丘敬禮  
者。滿願差機迴遑無益。今蒙所加卽知宿命。  
善根開發荷恩不輕感愧頂禮。問出家何以  
禮俗。答入道恩深碎身莫報。此諸比丘方行  
大道豈存小儀。時維摩詰因爲說法。五淨  
名爲說法。正用大乘四悉赴其四心而爲說  
也。於阿耨至退轉。六諸比丘得不退轉。圓  
教似解不退卽鐵輪位。若真不退卽銅輪初  
住。往昔發心應是五品不定位耳。或是通別

故言略說。問旃延廣解佛五義。何得約五行解。答約理名五義。約智名五行。約定名五禪。轉側相關。義無乖異。言法要者。以五行攝要衆行。旨歸入道最勝。故云法要。何者。此十六行攝一切行。今取此四者。苦下四行。總緣念處。能生煖法。卽是似道。至上忍世第一法。隨用一行。得入苦忍。卽是眞道入道事足。故言法要。又此五行卽三法印。印聲聞經。何者。苦合無常空合無我。及以寂滅卽三法印。故言法要。又此五行卽三脫門。空無我卽空。寂滅涅槃卽無相。無常苦卽無作。此三脫門。攝一切法。故云法要。我卽於後敷演其義。二旃延廣說者。謂無常等五。言於後敷演者。佛爲諸比丘總相說苦。或總相說五。正爲得意令其進道。故不別相廣分別說。恐以乖機失正道意。旃延謂比丘不解。故於說後廣敷演之。敷者言開。演之言廣重爲開廣說五義也。又廣說有二種。一橫廣二豎廣。一橫明者。歷於三界。一一別說苦諦五義。二豎明者。約身邊二見四見六十二見。一一分別說五行也。若常徒數師雖細分別說於五義。只是橫廣不傳入道。今一家置橫用豎以爲入道。但旃延見有無入道。造毘勒論論所明義。若說念處。卽知四倒說三毒。卽知三聖行說有卽知無。今爲諸比丘必依其論約有無門。縱容二邊廣說五義。但佛在世說無違諍。入門雖異。得道是一。有所造論各述其門。不說餘法。故大經明五百比丘各說身因。卽其事也。旃延造論者不善通三藏四門分別無滯。其論焉得

傳南天竺。毘曇有門乃至非空非有門各明五義。四門明義具在玄文。細推於經四種五義宛然可見。具出事繁。問何等是有無縱容五義之相。答如有空二門二師各判一往頓乖。今昆勒論縱容有無因之入道。而還用此爲諸比丘廣說五義。青目注中論云。少少無入道者鈍根人也。恐此縱容不決判屬鈍根。或是旃延因此縱容廣說五義。不能決判令其入道致爲所彈。卽是不堪之由。問佛說卽略比丘未解。旃延廣說此有何過。若佛用三藏教不逗機者。此過由佛非關旃延。答佛意難測出沒多端。雖初以三藏接引入道必由衍門通教。是以如來權用三藏五義。旃延不達更廣說之。既不能令比丘進道。致令被呵故云由也。時維摩詰下三正述不堪之事。文爲三。一呵能說心非二呵所說法非三諸比丘心得解脫。初文者小乘入真無言無說。從真出俗則有心有說。是則以生滅心說實相法。既是生滅不稱實相。豈以此心而說實相。又四義是生寂滅是滅。如此分別非說實相。又出觀心起是生。入觀心忘是滅。實相不爾何以以此心說實相法。又旃延因有無入道。還約有無以說五義。生卽是有滅卽是無。所說既是生滅有無。能說必爾。故云無以生滅心行說實相法。又聲聞四門五義皆是折法生滅之觀。故中論云。爲鈍根聲聞說因緣生滅。是則四門雖異皆是生滅心行說實相法。何者一往通教八地已上二諦雙照。卽真而說。別教初地道觀雙流。卽寂而說。並恐是有

教無人。唯圓初心卽寂而說。如修羅琴名非生滅說實相法。又旃延非但說法心非亦不知根。此諸比丘必因通教巧度得道不藉三藏。故大士呵其生滅無定慧力不見他機謬說迂拙之五義也。迦旃延至寂滅義。二呵所說法非。所以呵者旃延所說既是拙度。故諸比丘心不開悟。今淨名爲說體法五義。非但止通入真亦通中道。諸法畢竟不生不滅。是無常義者。三藏明龜細生滅無常。只是無常非無常義。若了諸法非生非滅。橫計生滅故以四句檢生回得卽無有滅。是則不生不滅。是無常義。五受陰洞達空無所起。是苦義者。三藏明龜細五陰此只是苦非苦義也。衍明體達本無龜細。妄計有故體有卽空。不見苦相名無所起。卽是苦義。諸法究竟無所有。是空義者。三藏所明生法二空此只是空非是空義。衍明體此諸法卽是實相本來空寂。妄計人法。故。既言究竟無所有卽不須破折。若無有之可折何有空之可存。卽是畢竟無所有是真空義也。於我無我而不一。是無我義者。三藏明人無我只是無我非無我義。衍明實相真空本來無有我與無我。妄計有故說於無我。若不得我亦無無我。我與無我本來無二。無二卽無性。無性之性卽真無我義也。法本不然今則無滅。是寂滅義者。三藏所明以有還無名寂滅涅槃只是寂滅非寂滅義。衍明諸法從本來常自寂滅相。卽大涅槃不可復滅。卽真寂滅義也。而凡夫妄見流動二乘對治滅之。菩薩體達法本不然卽是

真諦寂滅之理。本來無有煩惱生死。今則無因滅果滅之滅諦涅槃。若見生滅真空不二之理。卽是真滅義。三藏明五法名義皆異。衍明五法。假名雖殊名字卽空。其義一也。此是通途釋衍五義。亦得卽是圓五義也。若破旃延有無縱容明五義者。應云諸法畢竟不生不滅是無常義。何得有無縱容是無常義。破下四義類之可知。同上說旃延爲顯四榮示受呵折。今衍明五義前四結枯豈是顯榮。答若破真入中結真成枯中自成榮。如涅槃明二鳥雙遊。常無常俱。真無常義不得離常。故此經明於我無我而不一。卽真無我義。若大經明我與無我其性不二。不二之性卽真我義。卽是。無我法中有真我也。淨名結真明四枯者。意爲顯榮。正是方等生蘇教意。出沒未顯豈得頓同法華涅槃。說是至解脫三明諸比丘悟道。此諸比丘必因生滅調心得入無生正道。是以佛初略說生滅調心。後因大士呵於旃延方廢生滅。用無生五義稱機而說。卽便入道。心得解脫者因問體法入空得羅漢果。故大品歎羅漢德云心得好解脫。慧得好解脫者卽是脫三界思惟。心得自在具八解脫。故我不任詣彼問疾。四結成不堪。旃延自惟往昔爲諸比丘廣說五義。爲淨名所呵默然無答。豈堪傳旨故辭不堪。佛告阿那律七命那律文爲二。一命問疾二辭不堪。所以次命者以其弟子中天眼第一。是利利種白飯王子。或云阿泥盧豆或阿泥樓駄如楚夏不同耳。此云如意或云無貧。過去一食施

辟支佛。九十一劫天上人中受如意樂故名如意。爾來無所乏短故名無貧。佛之從弟。初入道時多睡爲人所呵。因是不寢遂致失眠。白佛具說。佛云眠是眼食。如人七日不食則便失命。七日不寢眼命則斷難可治之。當修天眼用見世事。因是修禪得四大淨色。半頭而見觀大千界猶如掌菓。若三藏佛全頭天眼微見無礙。雖不及佛於聲聞中最高第一。卽是作意數以入道具如上說。深求其致乃至成前五種利益。具如身子章初。阿那律下二奉辭不堪。文爲四。一奉辭不堪。二述不堪之由。三正述被彈之事。四結成不堪。初文者良以往昔梵問天眼卽答所得致被彈呵。莫知所酬。豈堪傳旨往問疾也。所以下二述不堪之由。文爲二。一梵王來問。二那律答。初文者但世界之主統御大千。報得天眼。亦見大千。報得天眼無如梵王。王及眷屬聞其那律於聲聞中天眼第一。欲知優劣故來請問。我卽至摩勒菓。二那律答。餘諸聲聞所得天眼無有能見大千界者。故大論云大羅漢天眼唯見小千。大辟支佛見百佛世界。諸佛如來見一切佛土。那律獨見大千者。以其偏修作意數。故於諸聲聞天眼第一。一往與梵王所見似同。既無過彼之用則不生其敬仰。豈能令彼發心。致被大士所彈。卽是不堪之由。問若爾何異。答梵王報得於自住處。則見大千餘方不見。那律以修根本等五種四禪八色清淨。發真天眼隨所至處皆見大千。如觀掌菓。諸羅漢雖不見大千隨其所見如影隨形。

又梵王總相見見不分明。那律別相見見則分明。乃至諸羅漢因淨禪得者皆別相見見則分明。又梵王天眼是通非明。羅漢天眼是通是明。有如是異也。問梵王天眼見大千與法華肉眼何異。答大論明。報生天眼在肉眼上。天眼開闢肉眼見色故見大千。大品明菩薩肉眼見百由旬乃至大千。過此則用天眼。以肉眼與風相違故不說見他土。若法華經力肉眼能見大千一切法者。三藏二乘天眼慧眼所見事理尙不能及。何況梵王而可並耶。故大經云。學大乘者雖有肉眼名爲佛眼。二乘之人雖有慧眼名爲肉眼。以其慧眼見真斷惑。與圓教肉眼有齊有劣。圓教肉眼名爲佛眼者。以其雖具煩惱性能知如來祕密之藏。時維摩詰下三正述被彈之事。文爲五。一覈難。二那律受屈。三梵王請問。四淨名答。五梵王及眷屬發心。初文爲二。一雙覈二雙難。初文者羅漢功德有二。一有爲二無爲。有爲卽是十智三三昧三明六通。無爲卽是三界見思斷處無生無滅。天眼若屬有爲是作相見。若屬無爲卽無相見。定依何等而見大千。假使至有見二雙結難。淨禪天眼皆生滅作相。雖與根本力用有殊並是有爲。一往無別故言與外道五通等也。若無作相卽是無爲。不應有見者。此約無爲功德結難。無爲正是證數緣盡。無所緣見豈見大千。若無爲有見何異外道。既不得有見則不應言見於大千。若還取有爲見大千者。此則屏同梵王。凡聖何別。既無勝力豈能發起梵心。那律之

失正在於此。何者三藏折空不見中道。入觀卽同無爲無見。出觀還同有爲有見。有如是過故被難致屈。世尊我時默然。二明那律受屈所以然者對此覈難莫知所通。彼諸梵下三梵王請問。文爲三。一歎未曾有。二作禮致敬。三正請問。初文者問那律答未覺有異。今聞大士致斯覈難。那律既壞則梵王非真。必更有真天眼。故生未曾有心也。卽爲作禮。二明王及眷屬敬心內發申其敬懷。亦是致請之儀。而問曰世孰有真眼者。三梵王請問那律及已既皆此非真。必應有得真天眼者。故言世孰有也。維摩詰下四大士答。文爲二。一答有真天眼人。二辨真天眼相。初文者真天眼人以見中道無二邊僞名真天眼。問無二邊僞是真慧眼何名天眼。答卽中見色名真天眼。常在至二相二辨真天眼相。謂常在首楞嚴等諸大三昧。亦名常在大般涅槃深禪定窟。亦是一切衆生皆滅定相。見諸佛國者寂而常見。如明鏡淨水萬像皆現。不以二相者不同梵王外道有爲作相。不同二乘無爲偏真冥然無見。又不以二相者。中道真天眼非二諦之相。而能遍照四土二種生死。死此生彼依正並現王三昧中。卽是真天眼也。問此真天眼何教所攝。答非偏非圓。偏圓雙見卽圓教真天眼也。問若佛見中道名天眼者。何名佛眼。答今取證理見十方土及十法界龜細之色名佛天眼。圓見三諦無二名爲佛眼。隨義分別五眼宛然。若深得天眼之意何妨四眼。如金剛般若所明。若具分別

廢論餘事 於是下五梵王發心。文爲二。一  
正明諸梵發心。二明致敬而去。初發心者前  
聞那律所說不辨實相之理。又無遍見國土  
之事故不能令諸梵發心。今聞大士所明理  
真事廣過前所見。稱會根緣皆發心也。圓教  
似發即是鐵輪。真發即銅輪也。禮維摩詰足  
已忽然不現。二致敬也。故我不任詣彼問  
疾。四結成不堪。那律自惟往昔爲於梵王而  
說天眼。致被大士彈呵莫所對。豈堪奉旨往  
問疾也。

維摩經略疏卷第十五

弟子品之六

佛告優婆離八命優婆離文爲二。一命問疾  
二辭不堪。所以次命者以其弟子中持律第  
一。優婆離此云上首有翻化生。是人恐從念  
數入道。所以然者三藏修多羅阿毘曇有是  
佛說。或弟子化人諸天仙等隨機而說。佛印  
成經。毘尼結戒皆佛自制。爲欲住持佛法正  
內眷屬。此須念持令不忘失。念力若強則無  
遺漏。復次持戒秉律。若不專念明識輕重則  
多有所犯。行事僻謬故。佛教諸比丘清旦常  
修六念則無所犯。行事無謬故得持戒之上  
也。深求其致乃至成前五種利益。具如身子  
章。優婆離下二奉辭不堪。文爲四。一正辭  
不堪。二述不堪之由。三述被呵之事。四結成  
不堪。初文者良以往昔判斷不明致被呵折  
豈堪傳如來旨也。所以者何下二述不堪之  
由。由爲二比丘解釋律相不契機理。文爲一。  
一二比丘犯戒疑問。二上首爲說。初文者二

比丘所犯輕重未知。若其輕者何得不敢問  
佛。若其重者律無悔文或重罪方便。有師曾  
見經云。有一比丘蘭若露臥。採薪女見盜行  
非法。比丘臥覺疑犯初重。又一比丘嘆此女  
欲打怖走墮坑而死。比丘心疑懼犯殺戒恥  
愧世尊不敢諮問遂從波離請決所疑。上明  
十大弟子共輔如來弘十法門意在此也。我  
卽爲其如法解說。二明波離解說。依律判斷  
或教集僧羯磨除滅。故言如法爲說。時維  
摩詰下三正述被呵之事。文爲二。一正述彈  
呵。二比丘心得清淨。初文爲七。一正彈呵。  
二勸除滅。三爲解釋。四引佛語證。五嚴問波  
離。六入其分判。七結成奉律。初文者若約理  
懺則不煩涉事。事相紛紜何益於理。無重增  
此二比丘罪者。罪從想生。應除其想。波離強  
爲分別是輕是重。如是羯磨此乃涉事。增妄  
擾心生重悔蓋障於定慧。是重增罪。當直  
除滅勿擾其心。二勸直除滅。諦觀罪性妄想  
自息。是直除滅。何者罪從心生。還從心滅故  
罪有無必由於心。若觀心畢竟不可得卽不  
見罪相。是直除滅不擾其心。今明罪滅有三。  
一作法懺。二觀相懺。三觀無生懺。作法懺滅  
違無作罪。依毘尼門。觀相懺滅性罪。此依定  
門。觀無生懺滅妄想罪。此依慧門。復次達無  
作罪障戒。性罪障定。妄想罪障慧。作法懺者  
如律所明。作法成就滅達無作罪。性罪不  
滅。大論云如比丘斬草告命。二罪同篇作法  
懺悔。二無作滅。告命不滅。雖達無作滅性罪  
未滅。此非真滅。而作法紛動廢修禪定障入

無生。卽是擾其心也。觀相懺者如諸方等所  
明行法。見罪滅相。菩薩戒云。若見光華種種  
異相罪便得滅。若不見相雖懺無益。若見好  
相無作及性二罪俱滅。取相心動則心水不  
清。珠豈得現。此亦擾心非直除也。觀無生懺  
者。此觀成時能除根本妄惑之罪。如拔樹根  
枝葉自滅。普賢觀云。一切業障海皆從妄想  
生。若欲懺悔者端坐思實相。衆罪如霜露慧  
日能消除。無勞作法取相紛糾。問若爾者諸  
經說懺必須生重慚愧怖畏改隔。何得不須  
作法取相。答人有利鈍。鈍人造罪心重懺罪  
心輕。輕心不能除重心罪。故令生重慚愧怖  
畏改隔其心。須作法取相。若利根人正觀心  
性罪本自滅憂悔不起是則畢故不造新。名  
直除滅不擾其心。故大論云。若人罪能悔。悔  
已莫復憂。如是心安樂不應常念著。若生重  
悔。悔箭入心。現世憂苦死入地獄。又若執有  
此罪。罪則轉重。若不執罪罪則漸輕。若能見  
理事性根本。一切諸罪卽皆滅也。是爲直滅  
不擾其心。所以至中間三解釋。彼罪性不  
在內外中間者。罪性本空。若能觀空卽是無  
罪。所以然者。若罪是有卽有定性。若有定性  
不出三處。一者內心。二者外境。三者中間。卽  
心境共生。今檢若在內者卽是自性。自性是  
罪者未對境。時常當應有罪故非自性。若謂  
在外境境是他性。若他有罪罪自屬他。何關  
己也。若謂內外合有罪生者。卽共生罪。共有  
二過所謂自他卽兩罪並生如伐草木若人有  
罪草木應有若謂中間刀應有罪故不在兩

問。又解非內根外塵中間六識。若十八界空無罪性何能有罪。又罪從心生。觀心不從自他共生。則心不在內外中間。如其心然罪垢亦然。諸法亦然。故普賢觀云。觀心無心。法不住法我中心空。罪福無主。諸法如是無住無壞。作是懺悔名大懺悔。名莊嚴懺悔名無罪懺悔名破壞心識懺悔。行此懺悔心如流水念念不住。見普賢菩薩及十方佛。前兩解觀行小疎不與經合。後解正扶淨名所引佛語。若能如是觀罪無生。是直除滅不擾其心。淨名以此為釋。前呵意即可見。如佛至於如四引佛成證釋波離疑。何者波離自念毘尼是佛所制。依此制用有何失哉。是故大士亦引佛語何得不受。但佛語有二。一了義二不了義。豈執不了之言。不受了義之說。亦是令二比丘信心明淨。故引佛語破其疑執。若依此判達佛語者。毘尼中佛問汝何心作。若垢心作輕之與重悉皆是罪。不得言無。大士即引佛語。心垢故眾生垢。當知罪從心生。若見有眾生即有垢罪。若知心空無眾生相。即是心淨心淨即眾生淨。眾生淨故無罪垢也。此則能知所知之心皆不在內外中間。是則無心。無心何得有垢。故云罪垢亦然諸法亦然。不出於如者如大品云。菩薩行般若時不見有法出法性外。法性即如之異名。如優婆塞下五覈問即為三。一大士問二波離答三大士類顯真空無垢。初文者此問波離折法觀心入偏真時寧有垢不。我言不也。二波離答折法觀心見真之時真無垢相。維摩至如是

三明類顯。衍明衆生心相即空即中。無垢亦爾。唯優婆塞離下六明三假入空分判斷除。三假者一因成二相續三相待。是體假入空。故用幻夢等譬以辨假相。如此體假亦入圓真對破三藏折假偏真。何者三藏三假但隨情入真。衍所明假隨理入真。具如玄義。此即巧拙滅罪不同。波離用拙淨名用巧。文為三。一體因成二體相續三體相待。體此入空即真即中。則無罪相即是大乘毘尼直除滅也。初文有三倒。正約無明汚穢五陰成假名罪人。即因成假。無明顛倒不出三種。謂想心見。能成三倒三陰。皆無明成。此三倒陰。扶心王起則有一切諸行罪垢。能了三倒不自他共無因即是無生。無生無滅無心無罪。唯優波離妄想是垢無妄想是淨。此明想倒體假即空妄想不起則無罪垢。故言無妄想是淨。顛倒是垢無顛倒是淨。此明心倒體假即空顛倒不起則無罪垢。言無顛倒是淨。取我是垢不取我是淨。取我即我見等五是見顛倒。體假即空即不取我。若不取我則無罪垢。故言不取我是淨。此三皆因成假並約心論垢故須體之。優婆離至如電二明體相續假以入空如幻。譬相續之法但假施設相續有罪。若體相續不自他等即得入空不見罪相。罪相虛妄無可得者罪垢自滅。如電之譬。為顯相續生滅迅速。問電是三藏譬。何得入衍門用。答已說幻譬相續不實迅速未顯。故借電譬以顯迅速。何不得耶。諸法至。相生三明體相待假入空待有二種。一異時二同時。此約

異時故云乃至一念不住。以四句檢不可得。即得入空。言相待者皆虛妄見。又從諸法下或是總譬三假成一切法。皆無所有而分別生一切法者皆是妄見。故云如夢炎水月以妄想生。體假即空妄想不起。心無罪故即是清淨。故淨名云當直除滅。其知至善解七結成奉律。佛教本令斷惡入道。若深得佛意赴機判斷。能除罪垢得入道者則不乖佛教。是直奉律。其知此者是名善解者。知輕重相皆如幻化。善解輕重入無輕重第一義諦。即是善解巧度之毘尼也。於是下二。比丘心得清淨文為三。一二比丘稱歎淨名二波離。懷伏速成。三二比丘心淨發心。一二比丘歎波離拙度奉律淨名巧度奉律拙巧之殊。故歎言上智者哉。波離拙度之所不及所以不能說者。但於三藏明律之上不能用衍。通別圓教赴機判斷。故言而不能說。我答至此也。二明波離懷伏速成二比丘之所歎也。自捨等者稟三教行人及圓下位皆不能判淨名權實樂說之辨。其智慧明達為若此者。體法見理照機分明。知病識藥隨病授藥通達無礙。時二至是辨三明二比丘發心。疑悔除者疑姪殺之罪除也。悔者一犯罪悔除二重增悔除。菩提心如前分別。作是等者顯令得衍無礙辨才如大士也。故我不任詰彼問疾四結成不堪。波離自惟拙度奉律皆所不能除二比丘罪。致彼大士所彈。爾來揖敬是故。不堪傳旨問疾。佛告羅睺羅九命羅睺羅文為二。一命問疾二辭不堪。所以次命者以其弟子

●皆二智● ●相二想● ●比丘心二波離懷伏速● ●懷伏速二明比丘心● ●犯二死●

中密行第一。羅睺羅是佛菩薩時子。亦言羅云此云覆障。以其在胎六年故名覆障。昔塞鼠穴今得此報。大論明羅云往昔為王期看仙人。王著樂遂忘仙人六日在外不得飲食。故六年處胎因名覆障。有翻宮生。悉達太子將欲歸城出家以指其妃腹語言。却後六年汝當生男。耶輸因覺有身。國人皆疑太子出家太妃在宮。何得有身。將非邪通。佛共淨飯王於後證是太子之子親。是宮之所生因名宮生。羅云當是從思數入道。故密行第一。深求其致乃至成前五種利益。具如身子章羅睺羅下二泰辭。不堪文為四。一正辭不堪二述不堪之由三正述被呵四結成不堪初文者良以往昔為長者子說出家功德被呵無答豈堪傳旨。所以下二述不堪之由。由往昔為諸長者子說出家功德被呵彈也。文為二。一長者子問二羅睺羅答。初文者佛若在家應作輪王。既出家成佛。羅云在家亦作輪王。而忽出家有何勝利。必有深見故請問也。我即至之利二羅云為說。有師言如賢愚經明格量度人出家功德。今謂不爾。長者子問羅云出家功德。豈論度人得福多少。乃是為說三藏出家得十智三三昧三明六通八解脫等。出離生死得二涅槃等。出世功德豈同輪王生死流轉未有邊也。時維摩下三正述被彈之事文為五。一正彈呵二為解釋三廣示出家功德四結真出家五勸諸長者子出家。初文彈呵不許說者此有三意。一既是密行何得更說出家之利。乃是自顯何名密行。

二歎小乘出家功德狹劣。不稱長者子大乘根緣。三若說形服出家功德。諸長者子既各有礙。終不得此形服出家。有此三失故被彈云不應為說。所以至功德二解釋。三藏教明覆戒定慧有為無為功德名為密行。今大士彈呵有事有理。一事彈者若是密行不應自說出家功德。若為利生非自顯者。既不知根說不赴機。何有利益。二約理彈者無利無功德是為出家。無為即是虛空佛性。若見佛性出二死家方是真出家也。若見佛性得大涅槃則無所積聚。乃名為藏名真密行。此即對枯顯榮之密行也。有為法者可說有利有功德。此呵羅云見偏真智斷是有為法。有為法者有利有功德。既有為不得出離變易生死。何名出家。故大經云空者即是生死不空即大涅槃。夫出家者為無為法。無為法中無利無功德。此呵羅云出家心非。夫出家者本為出生死家求真無為。真無為者如下文云。佛身無為不墮諸數。若未免生死而住有為者此求出家心非。何者小乘見真得數緣盡有餘涅槃謂是無為。若依大乘得見中道無變易生死。乃是真無為法即是平等。真法界佛不度眾生。故云無為法中無利無功德。故大經云聲聞僧者名為有為。菩薩僧者名為無為。問淨名正用無為破有為。無為只是虛空佛性。何得言用大乘真密行破羅云不真密行。答羅云既著有為所有密行皆是有為。今淨名一往將無為破。若了真無為如如意珠無所不有。故前說無為次即廣明出家

功德。羅睺羅下三明廣為羅云說大乘出家功德。即是無為法中具一切行名真密行。文為二。一自行二化他。一自行者即是正觀中道以破小乘彼此中間無為涅槃。何者聲聞經明涅槃為彼岸。生死為此岸。煩惱為中流。是則彼此中流皆是大乘此岸。若觀中道得真無為。則不見彼此中流。即見佛性名真無為。離六十二見者正觀中道得真無為。離界內外一切諸見。故地持解清淨禪云離一切見清淨淨禪。即其義也。處於涅槃者若觀中道即見佛性。住本有涅槃成不思議三德祕藏。如世伊字。智者所受者此即舉果成因。智是一切智人雖無所受而心冥中道。名之為受。聖所行處者中道即是聖所行處。故大論云智度大道佛從來。又智者所受即觀中道證果。聖所行處是觀中道修因。中非因果能成因果萬行功德。即真密行。降伏下二明大乘出家化他功德。文為二。一降眾魔二摧外道降魔即破愛論。摧外即破見論。但愛見有二。界內即波旬六師之徒。界外即二乘及通菩薩。一約降魔。明化他功德者。大集明得菩薩道破煩惱魔。得法性身即破陰魔。得菩薩道及法性身即破死魔。得不動三昧破他化天子魔。大經明八魔謂常等四及無常等四。前四界內後四界外。約前煩惱魔開出此八。常等起煩惱等四即是界內。無常等起煩惱等四即是界外。若正觀中道得真無為法是自行破八魔。若化他者說中道非有破常等四。若說中道非無破無常等四。故言降伏

衆魔。度五道者五道皆是魔之眷屬。菩薩慈善根力而生五道示現其身同事說法能度五道六道。開六道出二十五有。菩薩觀中雙照二諦。即得三諦三昧成二十五三昧。十番破有能度界內五道及界外二乘大力菩薩三種意生身。淨五眼者菩薩修真無爲圓觀三諦。觀俗處境破諸惡業名淨肉眼。觀俗細境破諸亂心名淨天眼。若觀真諦破界內惑名淨慧眼。觀界內外俗破恒沙無知名淨法眼。觀中雙照圓除無明是淨佛眼。得五力者若淨五眼即得五力。謂得四種道品中之五力也。何者若折體淨慧眼得生無生五力。從空入假淨法眼得無量五力。若觀中道圓照法界淨佛眼得無作五力。三權一實。立五根者菩薩知平等法界猶如虛空非權非實。而能成就權實五力。化四衆生各生五根。即是立五根也。不惱於彼者用四悉檀赴四根緣終不差機壞他善根。是則不惱於彼。離衆難惡者菩薩自成四種五力。離界內外一切難惡。能立衆生四種五根。離四邪疑等不善煩惱。即是令衆生離衆難惡。摧諸至衆過二約摧伏外道明化他功德。即是摧界內六師九十六種。界外二乘通教菩薩。何者菩薩觀中得真無爲即能自破二邊外道。爲衆生說非有即摧伏界內外道。若說非無即摧伏界外外道。何者心行理外無非外道。摧令入中即化他成就。超越假名者生死涅槃皆是假名。菩薩觀中得真無爲即超二邊之假名也。若爲衆生說。倒摧外道。出淤泥者正觀中道出界

內外見思淤泥。若爲衆生說非有非無。無准前可知。無繫著者繫是業著即愛煩惱。潤業故名繫著。觀中能斷二邊業愛若爲衆生例前可見。無我所者正觀中道不見界內外有我。我所若爲衆生准前可見。無所受者正觀中道即不受二邊。若爲衆生准前可見。無擾亂者觀中即無空有二邊之擾亂也。若爲衆生准前可見。內懷喜者若觀中道雙照二諦。即得四種覺分之喜。若爲衆生說中道。二諦四種喜覺衆生。得菩薩慶喜即成喜無量心。護彼意者觀四根緣用四悉檀不乖四機名護彼意。隨禪定者若觀中道雙照二諦。即隨三諦三昧住大涅槃深禪定窟。不起滅定現諸威儀爲衆生說。如修羅琴令一切衆生皆隨三諦三昧諸禪定也。離衆過者若觀中道無界內外煩惱之過。得三無失三不護三業隨智慧行。三輪不思議化。化界內外一切衆生。無有損他根緣之過。能令衆生離界內外之過失也。若能如是是真出家四結真出家。若能如是者如上所列。皆是中道得真無爲。具足自行化他功德。是則一心具足萬行。如如意珠具一切寶即是四榮真密行也。是真出家者正觀中道得真無爲能出凡夫二十五有。及出二乘通菩薩家。即出生死涅槃一種之家。故名出家。於是下五淨名勸諸長者子出家文爲四。一勸出家二辭有礙三重勸四發心。一淨名勸者即是勸修中道出二死家。故言汝等於正法中宜共出家。正法者即是中道之正理也。能觀此理得出二邊故云出也。所以

者何佛世難值者有佛出世方得聞之。若無佛出雖有正理長劫不聞。今得值得聞豈不修集速令得出二死之家。諸長者子至出家二諸長者各辭有礙不得出家。淨名本勸觀真無爲出二死家。諸長者子謂言勸其形服出家。故同辭有礙。引佛說者具出僧祇。維摩至具足三明的勸觀行出家應具四句。一形心俱不出。二形出心不出。三形不出心出。即是觀行出家。四形心俱出。故重勸言汝但發心此即出家然。其佛之所制淨名本知是故然可。但諸長者子各有大乘善根所以勸其發心。求真無爲即出二死之家。但戒從心生。道心若發菩薩戒品隨心俱發。故云是即具足。爾時至菩提心四明諸長者子依勸皆發無上道心。菩提心義已如前釋。故我不任詣彼問疾四結辭不堪。羅云自惟往昔爲諸長者子說出家功德。文義。龜淺不稱長者子根緣。既被呵彈豈堪傳旨往問疾也。佛告阿難十命阿難文爲二。一命問疾二辭不堪所以次命者以其弟子中多聞第一。即解飯次子調達親弟如來從弟。此云歡喜。所以名歡喜者大論有三因緣。一從本願得名歡喜。即是釋迦因地爲陶師值過去釋迦發願。願我成佛還名釋迦。侍者亦名阿難。今得爲侍稱本願故故名歡喜。二父母作名。名歡喜者如來將欲成道魔至淨飯王所云。汝子已死。王與眷屬皆生愁苦。淨居天報已成正覺。王大歡喜。須臾解飯報云生男。王重歡喜。此兒是歡喜時生故名歡喜。三從見者得名。阿難身相端



嚴見者愛敬生歡喜心。故名歡喜。深求其致乃至戊前五種利益。具如身子章。阿難下二辭不堪文爲四。一正辭不堪二述不堪之由三正述被彈之事四結成不堪。初文者良以往昔爲佛乞乳被彈無答。豈堪傳旨所以至下立二述不堪之由。由佛小疾當用牛乳持鉢往乞故被彈也。何者三藏但明生身真佛。不說法性三身三德。生身九惱飢渴寒熱疾病等事。所以身小有疾須用牛乳。阿難不知是法性身。謂有疾是實故持鉢乞乳。是則半字多聞不聞法身金剛之體常住湛然。由此被彈。時維摩下三正述被彈之事文爲三。一嚴問乞意二正彈呵三阿難恥愧。初文爲二。一淨名問二阿難答。初所以問者。分衛未至持鉢詣此欲何所求。將欲彈呵先定其意。故問何爲晨朝持鉢住此。我言至此。二阿難答。阿難但取三藏教意謂佛有疾決須乞乳。弟子之儀侍省恭待事不可虧。是故詣門而乞乳也。維摩詰下二正彈呵文爲四。一重止阿難二謗二顯金剛之體三結二謗四疊釋對破。初文者明眞法身無此疾也。所以兩止者爲止二謗。言二謗者一增二損。言增謗者佛眞法身斷德具足無苦因果。而說有者即是增加以謗法身。言損謗者佛眞法身智德圓滿即是常果。而言有疾即是損謗。故下文云勿謗如來。今阿難說身小有疾即具二謗。是故止令莫作是語。如來至何惱二顯如來金剛身者。阿難不測重止之意。所以淨名顯金剛身對破小教明生身也。如來

身者金剛之體即法身常身。所以喻金剛者體堅用利徹至本際。堅譬法身不爲妄惑生死所侵。常住不變。利喻法身智德般若照用之功無所不備。徹至本際譬法身斷德解脫終窮惑障斯斷。是則三德如世伊字故借金剛以譬法身諸惡已斷衆善普會者。諸惡已斷即五住皆除。衆善普會即是摩訶般若能導萬善冥於中道究竟圓極。是則法身三德其義宛然。當有何疾當有何惱者。諸惡已盡則無苦果當有何疾。衆善普會究竟常樂當有何惱。此破三藏報身智斷。故言疾也。衍教法身智斷無苦故言無疾。說有疾者即二謗也。但舊約四時五時。云說般若猶是八十年佛。此方等教。同首楞嚴明壽七百阿僧祇劫而不受釋。十弟子爲顯枯榮豈得以無常消此經文。默往下三結二謗文爲一。一結成損謗二結成增謗。初文者以輪王爲證其義顯也。默往者止其損謗故云默。止其增謗故云往。往者去也。眞身無疾何勞乞乳。故令去也。若說有疾即是增也。莫使異人聞此龜言者外道心懷異見。即是異人聞佛有疾。謂佛行善猶龜。樂果不滿猶有疾惱。何殊世人。增其邪謗故勸默往。無令等者小善之報悉皆無疾。若聞阿難說佛有疾即深怪不達輪王。以王三生行十善自行教化。此之少福尚得無疾。豈況如來無量福會普勝者哉。佛無量劫修摩訶般若。以導萬行會理眞極證常樂果。豈得有疾。若言有疾是則不如輪王。淨土威德諸天豈非大損。行矣至人聞二結成增

謗。此之呵意。若說佛有疾即是增謗。法身無疾而說有者則有疾果。果必有因因即不善。若有疾惡即是惡人寧共師之。阿難既是行人應恥諸同行。若說此語則恥諸菩薩四衆弟子。故云勿使我等受斯恥也。外道等者此則具出師徒同招恥辱。又增邪人誹謗重罪。是事不可。故令速去勿使人聞。若人不聞則恥事不彰不致。損辱門徒增他謗罪。當知至何疾四疊釋法身無疾。破阿難見生身有疾執此而說即成二謗。文有四意。當知至欲身此釋法身斷德。思即是行欲即是愛。若與行合潤業受生。法身界內界外業煩惱斷。故言非思欲身。即破三藏有餘報身猶是界內業煩惱果。故有小疾。若執此說即成增謗。佛爲世尊過於三界。此釋法身智德出於二種三界之外。豈有界內三界之疾。此破三藏有餘生身猶有界內報身故有疾也。若執此說即成損謗。佛身無漏諸漏已盡。此重釋法身斷德。無界內外二種三漏。故不漏落二種生死。豈有界內有漏之果。而有疾也。此破三藏有餘生身。是有漏果故有小疾。執此而說即是增謗。佛身無爲不墮諸數。此重釋法身智德。無爲非界內外有爲。即無二種陰入數法。豈有界內陰界入法。依此有疾即破三藏生身之佛。猶有果報陰界入等諸數之法。故有疾也。若執此說即成損謗。如此之身當有何疾。此總結結法身智斷。既無此四過豈得有疾。破阿難說致成二謗。前釋須菩提章明謗佛義。至此意顯。時我下三阿難內



懷恥愧文爲二。一正恥愧二空聲慰喻。初文者昔自謂多聞領持不謬。今被呵斥。遂成二謗。損辱師徒。故懷恥愧。又恐雖近佛佛言無悟。當是謬聽故爲所呵。即聞至勿慚二聞空聲慰喻阿難。既深懷恥愧恐招二謗之罪。是以空聲解釋安慰。空聲者。虛遮那法身之聲。如普賢觀之所明也。如居士言者。如淨名說法身智斷具足。此身無疾不須乞乳。即是實智。其言不虛。但爲佛出五濁惡世。現行斯法度脫衆生。五濁者。一劫濁二煩惱濁三衆生濁四見濁五命濁。若佛出此五濁惡世爲度鈍根聲聞弟子示同人法。故現有疾。即是權智。今爲化婆羅門故宜須取乳爲其福田。不勞恥愧。是真應二身其義不同。本地法身雖無有疾迹中應同方便利物。若知此意豈成二謗。不須恥愧也。世尊至問疾四結成不堪。阿難自惟淨名辨才往彈如此。豈堪傳旨往問疾也。如是下大段第二次命五百。經本既略並不度此。若五百皆被彈呵。即是五百比丘依三藏入道。各說身因。淨名還用衍教五百法門彈呵折挫。別相分別顯發枯榮。既不傳此寧可厝心而解釋也。

#### 維摩經疏卷第十六

#### 菩薩品之初

此品次第子品來者。三爲破自體緣集顯不思議解脫法身。成如來淨土之教。品意衆多非凡情所測。今略用三意以通釋之。初正明此品來意。二略釋菩薩義。三入文解釋。初明次弟子品來者。大聖法王欲令衆生得不思

議依正。先命諸大弟子各述不堪者。以諸聲聞取偏真證悉滯無爲故各辭被彈。豈堪傳旨。菩薩不爾故次命也。但菩薩雖不滯無爲有自體之患。故於往昔皆爲所呵。此明三教皆是方便不思議法身正報未顯。眞淨依報佛國未成。故諸菩薩各辭不堪。今明來意亦略有五。一爲顯淨名勝智。二爲轉方便教門。三爲扶成佛國之教。四爲折方便菩薩爲入後味畔胤。五印定成經。此五名數似同弟子品。而義有殊不可一槩。初意者前諸弟子雖各述被彈無答。但聲聞智斷雖超三界既是小乘福智局淺。何足備顯淨名神智。如其劣者。拙力未足爲奇。所以次命四大菩薩及諸大士。若皆述不堪是則咸聞淨名智德超群莫不心生敬仰靡不歸伏。若文殊被命入室論道即皆沾大利。此意似如爲室內作序。但餘四義皆是正說從多爲論。故不屬序。前已處處料簡。大意者亦是轉觀所以然者。鈍根轉教名信行人。利根轉觀名法行人。即爲二。一轉教。二轉觀。初轉教者鈍根菩薩不堪開圓故開方便引接調熟。修方便行既已純熟堪聞圓入道。故諸權菩薩先於往昔示被呵折。今欲轉權用實事須重述普使聞知。次命諸菩薩有三不同。一轉三藏方便教。二轉得道夜般若中方便教。三轉華嚴中方便教。初有二義。一漸二頓。一漸轉者鈍根菩薩一往轉教與聲聞五味同。而約人小異。何者三乘同學二乘斷結成酪。則教人俱是酪。菩薩伏結教是酪。人猶是乳。二頓轉者聲聞於方等中

不得頓轉。利根菩薩於方等得悟即頓轉也。此是不定教意。即生蘇中毒發殺人。大意者即是佛從得道夜常說般若。此教若在三藏中爲利人說即秘密教。若諸菩薩別聞者即不定教。但此既從鹿野苑來而說般若備明三智。即有三種菩薩。前二種人即是稟般若中方便教門。故爲淨名用圓彈折。若彈通教住一切智而見中者。即生蘇中毒發殺人。若彈別教住道種智開佛知見。是熟蘇中毒發殺人。修圓教者有彈不彈。其不彈者即是深得教意。不執生見無順道愛則不須彈。若生語見或順道愛故被彈折。若心開悟入不二法門即是醍醐中毒發殺人。三明稟華嚴中別教偏取執滯故爲所彈。若開悟者亦是熟蘇中毒發殺人。若稟圓教有彈不彈。例般若中得失可知。復次四味中方便得意不得意二俱被彈。何以故。封教行生見者必須彈呵。雖齊教行教行未眞實。故呵令入實。若稟實教例般若可見。問何以須然。答由方便教教人俱廢。圓教得意不廢故也。釋此一品。通別菩薩一向彈破。圓教不定。准上思之。入文專用此意。恒須憶之。至下勿疑。又前三教法俱呵。圓教呵病不呵其法。問若從得道夜般若通教者。應有二乘得道。答如所問。問方便菩薩定一向須呵不。答既未齊法華恐未得全廢。顯佛正意故如前判。依方便教方便菩薩亦但呵病不呵其法。此須分別。若約行人則病法俱呵。法擬接於後人未必須捨。問華嚴圓頓何得學者呵令轉教。答利根得悟豈更

須呵。但神根劣者須別接引。若封教不移失華嚴正意。故須呵彈還入華嚴圓頓法界海也。或雖意圓頓須呵如前。是則彈呵失華嚴正意之謬。非是彈呵頓教法輪。問亦云二夜常說涅槃。故涅槃佛答迦葉云。我初成道已有十方菩薩來問此義。是中亦應有菩薩未了之者。何不出此意。答雖有此意未見明文。若欲說者准般若可知。此約部異耳。若猶是華嚴般若之異名者。前明所彈即其義也。問得道夜般若為華嚴之異名。為別有所說。答大論明般若有二種。一其二人說二不共說。不共說者如不思議經。若案此文只是異名。復次大論歎般若偈云。若如法觀佛般若及涅槃是三則一相。其實無有異。若爾涅槃亦是異名何但般若。答華嚴從大方廣佛以得名。般若從智慧受稱。涅槃從解脫當名。若案論文異部異名理亦無失。然未見明文未可定判。問自淨名彈呵之前亦應有滯方便者。因呵轉教何不出之。答未可定判故不別出。二明轉觀者法行利根隨住方便觀門聞彈呵菩薩。即轉觀也。其既利根聞三藏教或聞得道夜來說般若教。或聞華嚴三處方便教信解開悟。而未見正道若聞呵諸菩薩即豁然開解入不二法門。復次若有菩薩於前三處隨少所聞即能發心猶是凡夫如乳。若入空見理是則如酪。若入假見俗即是生蘇。若發中道似解即是熟蘇。若發真解即是醍醐。若聞呵菩薩隨味得悟。入不二法門即名當味中毒發殺人。是則大士往昔彈諸菩薩植碁以成

菩薩器也。彼時各有得益。今此大眾悉有堪聞之機故次命也。若各述昔被彈是則時座悉沾轉教轉觀之利。如前彈呵得利益故。次命諸菩薩意在此也。復次往昔隨處異聞利益不多。今華嚴盛集圍繞世尊同聞重述。是則利益無量既親為佛印。轉教之義始得決定。問呵諸菩薩只用一教何得普利。答夫子尚云詩三百一言蔽諸。大士用一圓教彈呵。稟樞實教有滯礙者皆得一道之益。何足致疑。問呵諸菩薩定皆悉得一道之益不。答一往尋呵四菩薩文似皆圓益。但餘菩薩各述之文文既不度豈可定判。且方等經猶帶方便未全同法華何容不得方便之益。第三意者如此。呵時諸稟方便教菩薩。隨緣集斷處即罪除障轉福慧增明堪見淨土。故入室時同見室空。又見燈王香積佛國。故隨集斷處得生三土。又隨福慧增明隨所調伏衆生。後成佛時如此衆生皆來生其國。此是扶成如來上說淨佛國土之教也。第四意者如法界性論云。若利根人於摩訶般若入法界。若中根人於法華入法界。下根於涅槃入法界。以呵生蘇為熟蘇。故至般若成醍醐。得入法界。以呵酪為生蘇。故於般若為熟蘇。於法華成醍醐得入法界。以呵乳成酪至大品成生蘇至法華成熟蘇至涅槃成醍醐入法界。若不如此則不能令上中下根皆入法界。則為入三經之畔胤也。問此經既明入不思議解脫何得不明入法界耶。答上轉教觀入不二法門與華嚴法界不殊。但未證入者至後三昧。問若

爾法界性論何以不明。答方等大品大同小異。大同故二處不殊。小異故二蘇之別。問上來明法華為利根今法界性論何得云大品是上根耶。答上約三乘人判法界性論約一佛乘人。問玄義判教皆云涅槃法華同味。今何得至法華有如熟蘇者。答玄義約教判味則二經味同。今此約人故至法華有如熟蘇。問約人判味法華亦應有如生蘇者不。答如所問也。第五意者明昔彈呵對機便起。雖有當時之利未為佛所印可不得名經。若不因命問疾則無緣稱述昔呵之妙。故命問疾。因命各述是則往日所說。大眾同聞皆被如來印定。成經利益來世。為此五意故須次命四大菩薩及諸大士。次正釋品翻譯名義具如玄文。今但明教不同。一三藏菩薩即緣生滅四諦起慈悲弘誓發菩提心。三祇六度伏惑純熟入阿鞞跋致地。二通菩薩緣無生四諦起慈悲弘誓發菩提心。修無生六度斷界內惑入阿鞞跋致地。三別教大乘緣無量四諦起慈悲弘誓發菩提心。行無量六度乃至十度斷恒沙無知入阿鞞跋致位。四圓教菩薩緣無作四諦起慈悲弘誓發菩提心。修無作六度乃至十度圓斷法界無明入阿鞞跋致位。發心行位橫豎不同。具如玄義。但大聖於四不可說中用四悉檀。赴求佛慧衆生四種根緣故說四教。明菩薩義三權一實非權非實而權而實。今言菩薩品者四大菩薩及諸菩薩悉是釋迦法身眷屬。如來應生赴緣利物示四佛身說四大乘。法身菩薩亦各隨機所

感示爲四種菩薩。輔翼法王引接四緣各共信受方便三種。道觀稍成欲轉其觀令學圓教究竟之道。若不先折其師弟子則不可轉。無容佛自說教。物忽自改蹤易轍是事不可。淨名既多示居圓教上地故得彈呵諸方便上地。方便上地既各示受屈。其諸眷屬住方便者即執心內折。自鄙所行未是真極。莫不仰慕圓真大道。或即發圓心或豁然開朗得真實無生。如此皆由四大菩薩及諸大士方便善誘。今命問疾。若各述被彈即重益時衆成五種利益。故言菩薩品。問三萬二千皆隣果歎位與淨名不殊。何以頓爾皆被彈折。答雖已略明其意衆多。今當更說。有言此諸菩薩是實隣果淨名是權隣果爲勝也。有言同是實隣果。如仁王般若云。十地有三生諸菩薩是始生住生淨名是終生。於諸菩薩爲勝也。今當實判諸菩薩與淨名皆有本迹同權同實。但是共來輔佛成熟衆生。四大士等沒實用權輔成權教。淨名驚掘沒權用實輔成實教。權者如砧實者如槌成衆生器。若論益物權實俱益。若論扣擊槌彈砧受俱不思議共利衆生尚非二乘諸小菩薩所知。豈是博地凡夫能知本迹高下。問上十弟子對十心數共輔法王顯成半滿五百之流各說身因淨名彈斥皆有所以。今四大菩薩復表何等。答此四悉如法華中天雨四華表開示悟入。又下方涌出有四大導師所表亦爾。三萬二千中止命四人。恐是擬此四門也。又華嚴加四大菩薩說四十位。若尋此品亦似其意。何以知然。

如彈彌勒一句就真如寂理以顯菩提恐擬開佛知見。故云一切衆生即菩提相。此恐是十住之相。次彈光嚴。一點示一切諸行無非道場。此恐擬示十行之相。次呵持世。令知魔界佛界一如無二。魔家眷屬修無盡燈即是事理無礙。魔事佛事善惡融通。此恐擬悟迴向之相。次呵善得。行檀高下不二。財中具法上奉難勝下濟乞人。悲敬無差名法施會。此恐擬入十地之相。呵意多含一音異解。何必一向皆對圓位。但一往尋文恐當如此。問若爾彌勒正是補處應須顯深。何得淺也。答大人勝者故須先命。法應從淺至深。故對彌勒開佛知見。復次雖對人顯位意不在於淺深。何者圓教從初一地具足一切諸地功德。是則初開即示悟入。四人顯位亦復如是。只是圓四位耳。問破彌勒一人悉有如上轉教觀之益不。答彌勒補處權實化物所化不定。或見彌勒被呵其稟權者各捨教觀。其稟圓教不得意者執語心忘法愛自滅。若得意者知是砧槌共利物耳。問上明諸菩薩沒實用權。今何得言彌勒共行弟子稟實教耶。答上是一往之言。補處隨機豈但一槌而守株耶。然事有傍正亦是從多。問若爾此與華嚴法華何異。答此經偏就利根菩薩得有此義。二乘及鈍菩薩止是轉爲生蘇。若華嚴唯在稟圓菩薩得入。二乘及小菩薩皆悉不聞。若法華則一切悉入。

於是下三入文解釋。就此品爲二。一先命四大菩薩二命諸菩薩。初文爲四。初命彌勒文

爲二。一命問疾二辭不堪。所以先命者四教彌勒無非補處。今沒圓存三。是則稟佛方便教者皆尊彌勒。彌勒是當來大師次補佛處。言彌勒者有云從姓立名。今謂非姓恐是名也。何者彌勒此翻慈氏。過去爲王名曇摩流支。慈育國人國人稱爲慈氏。自爾至今常名慈氏。姓阿逸多此云無勝。有言阿逸多是名。既不親見正文未可定執。言慈氏者經論明慈有三不同。一衆生緣二法緣三無緣。大論云衆生緣慈取衆生相是有漏法。法緣慈或有漏或無漏。無緣大慈一向無漏。復次四教即有四種慈氏。前三教隨緣當教道滅與樂起慈。即是當教。慈氏與當教樂。唯圓能與前三種道滅之樂。如磁石吸鐵。即圓教慈氏。以佛有四故輔處亦四。此四慈氏三權一實。彌勒是婆婆舊人輔佛。多行三權之教。淨名是他方大士來遊此土。輔佛多現行一實之教。彈呵彌勒以成衆生令入實耳。又權實隨宜出沒不定法身常寂猶如虛空尚不存實何論有權但隨緣利物互爲扣擊權實豈定。今佛次命意在於此。彌勒下二辭不堪文爲四。一辭不堪二述不堪之由三正述被彈四結成不堪。初文者良以往昔爲兜率天王說不退轉之行。於彼無益故爲所彈。豈堪傳旨往問疾也。所以至之行二述被彈之由。由爲兜率天王說不退行。所以兜率天王至彌勒所者。兜率諸天會聞釋迦授彌勒記。當生兜率爲彼天師。故預歸依時來請道。彌勒爲說不退行者。彼諸天子會聞權教大乘發心。天樂

既重惡其退轉。是故爲說不退之行。言不退者見理方是不退位也。住理不動能生衆善。喻之如地。因中得理有向果之義。故云行也。但四教各三即位行念。若三藏菩薩三不退者三祇行入煥頂忍。即是不退轉地。若約數論以忍法三品分三不退。若傍成論約四念處爲位不退。煥頂爲行不退忍法爲念不退。若通教者從性地乃至羅漢六地齊功皆位不退。辟支佛地七地齊功。菩薩修方便即行不退。八地菩薩道觀雙流名念不退。若八地與支佛齊九地始是念不退也。若別教者十住是位不退。行向是行不退。登地三觀現前即念不退。若圓教者十信初心爲位不退。中心已來爲行不退。初發心住即念不退。復次十信相似三不退。初住分真三不退。前三權後一實。彌勒明識佛權實教。沒實用權爲諸天說。故爲所呵。問彌勒知機何故沒實用權。因被呵折答是諸天子宜須前問權教。故彌勒用權爲帖。欲顯淨名實教之槌共成諸天子道器。故示受呵折。其中或有聞彌勒說圓不得正意。因問呵彌勒即得入也。時維摩下三正述被彈之事文爲五。一先總定二正呵彈難破三結過勸捨四廣說眞菩提相五諸天子得益。初總定云世尊授仁者記一生當得菩提。所以定者。將欲呵破故須先定。一生者但取當生閻浮也。大論云三生此生兜率當生閻浮。三菩提義玄文已明。但四教明得記不同。三藏教者。彌勒來生菩提樹下正習俱盡名菩提記。出小彌勒經。通教者。界內正

使已除餘習未盡。後身來生菩提樹下一念相應慧斷一切習盡名菩提記。出大彌勒成佛經及大品也。若別教者。彌勒法身十品無明惑滅住無垢地。餘有一品及習在後生閻浮寂滅道場。示斷一品無明及習盡報身果滿常住凝然。如華嚴善才入樓觀見彌勒未來成佛之相。即其事也。圓教者彌勒法身四十一品無明已盡。住等覺地餘有一品及習在。後生閻浮寂滅道場朗然大悟。一品無明及習俱盡。即是以迹表本。究竟妙覺菩提三身不縱不橫如世伊字。亦如華嚴善才入樓觀見彌勒未來成佛之相也。三權一實但彌勒法身常寂本地妙絕。豈測高下。但隨機利物輔翼釋迦紹續行化。故須記別。隨物所感有四根緣。授四種記。隨其各聞。今淨名遂其所聞一音演說隨類各解。若定彌勒受一生記即是總定四種一生。爲用下二彈呵難破文爲二。一就生門二就無生門。今作通別兩解。一別解者初約生門正呵三藏菩薩。何者三藏生滅半字。故中論云爲鈍根聲聞弟子說因緣生滅相。二約無生門者即是呵衍教菩薩。衍以無生滅爲滿字教門。故中論云佛爲利根菩薩說因緣不生滅相。所以約無生呵者。呵大乘中通別菩薩。及呵圓教生語見順道愛等過。二通解者通呵四教菩薩皆有生無生也。三藏生者即是生也。通教生者會入偏眞即是諸法不生般若生亦是不生。別教緣修中道智慧亦是不生。圓教眞修生亦是不生。或有失意亦須破也。四教

皆無生者三藏雖未斷惑豈不知有眞諦之理。望果行因因是生果是無生。通教因是界內理無生。果是界內事理無生。別教因是界內外理無生。果是界外事理無生。圓教無生一往同別。但眞緣智斷制立有異。四教菩薩各望果行因。欲悟記別者當分生與無生皆被呵也。雖作兩釋望此品意別釋爲正。今就別中先約三藏生門偏呵難破。即爲三。先約三世定二難破三引證。初文者若毘曇人三世是有。過去雖去善法不滅得繩所繫。未來雖未有時至則起。現在善法成就在心。故皆是有。曇無德人則約二世無。過去實法善滅故無。但有假名得報不失。未來未有故無。現在善法成就在心故是有也。二家雖明二世三世有無而皆有三相。數人明一時三相。成論明異時三相。一時者生即住滅。異時者生時非住時住時非滅時。爲此義故前定三世若過至無住二正破三世得記。若過去生過去生已滅者身之與善二俱滅謝。已滅之法無身無善何得受記。若約現在取過去善受未來記者。何不於過去授記。而現在記耶。若未來生未來生未至者。未來之善未有。若未來已有者應名已來不名未來。若未有則無身無善。何得約未來而授記也。若約未來未來未有得現在記者衆生亦爾。應授記。若現在生現在生無住者。現在意善隨心而生。心念滅善亦隨滅。滅誠不至未來何得用現在善受未來記。此破三世有也。若無過未何得用過去世善受記。若言現在是有得約現在

受記者。現在無住生而即滅尚不能自住。何得善至未來而約現在受未來記。復次三世皆空。尚無三世何得約三世受記。空無受記而計有者即是顛倒。顛倒得記者一切衆生悉皆顛倒。亦應與記此破三世無也。如佛至亦滅三引佛語爲證。正證現在無住不得受未來一生之記。何者彌勒未懷。若過未皆無。不得約過未身受菩提記者。今佛約現在身受未來記。何得言現在無住不得受未來記。所以引佛所說亦生亦老亦滅爲證者。破彌勒計一期執現在停住。故約此身破受未來記。亦生等者若依薩婆多三相同時生即有滅。雖有一期理而求之無暫停住。何得約現受未來記。問三相四相不說有老。今何得言佛說亦老。答四相有異。老即是異所以引老不引住者。爲彌勒執佛所說三相四相中有住相。約此住相現在得記。淨名還引佛語。三相中但有老無住。以證現在無住不得約現在受未來記。仁者不受即違佛語。但現在雖有異時三相迅速。雖云有住佛說亦老。若住即老即變異相。無定住相何得約此受未來記。有師謂淨名用空破受記此義乖宗。尋此經文還用三藏生滅教。破何當用空。若以無生下二無生門。所以約此門者即是呵取衍門通別及圓。失意慕果行因求無生記。令心妄動墮入正道。何者三教皆見無生受記。如首楞嚴說有四記。一未發心記二密爲記三現前記四見無生記。三藏伏結無無生記但得前三。未發心記者雖是具縛或是二

乘方便。三藏大乘根性雖未能發而與記也。如佛祇洹林邊爲鴿雀授記。若密記者假名菩薩及伏忍乾慧地菩薩多用密記。若順忍性地菩薩皆現前記。問何故密記。答有菩薩心行未熟若聞授記心則放逸。不得現前受記。衍中三教悉斷結入位有無生記。前三非真後見無生是真受記。何者三未見理未得自在。自利利人未得成立。若見無生雖處生死縱任自在自利利他。其功不退故此三記是真受記。三教菩薩心祈此記故呵彌勒寄破此三。文爲二。一約無生理破二約無生行破。初文者三教無生不同。通教止論偏真無生。別開論中。二無生理玄義具明。但三教記位一往是同。而義有殊不可混濫。三教四種記位者。三教未發心記雖是具縛而有當教大乘根性。或是二乘方便雖未發心而與記也。三教假名菩薩外凡伏忍多爲密記。或現前記也。三教內凡菩薩皆得現前記也。此三種記皆非決定。通教若入八人見地無生記也。大品云須陀洹若智若斷是菩薩無生法忍。即見偏真無生記位。何者見諦所斷八十八盡入無漏道流。即是見地名歡喜地。若進觀無生斷思惟惑。修深禪定遊戲神通。自行化他成就衆生淨佛國土。若衆生三乘根熟即八相成道。故佛於通教大乘爲授菩提記也。二別教初歡喜地即是見真無生受記。所以然者登地發真初見正道。即見圓真無生之理即斷界外一品無明。別見惑盡。此之智斷是無生記位。若授應佛八相之記一往似

同通教。但以述表本記得常住佛果爲異。今類通教明須陀洹見偏真理斷界內見。若智若斷名菩薩無生。今別教見圓真斷界內外見。若智若斷名別教無生。是則心心寂滅自然流入薩婆若海。法身自行應身化他必成常住佛果。是故登地得真無生佛爲授記。是決定記。三圓教無生記者初發心住受記。即是圓真無生受記。何者初發心住即別教歡喜地齊。但教門明斷惑如剝葱切葱之異。諸師不得此意多疑此語。尋諸經論多有此義。得意用之玄義具說。是則初發心住。若智若斷是圓教菩薩無生法忍。即是圓教無生記也。但稟三教未得無生。內心惛望謬構攀緣求者皆失。圓雖不錯憶想心起。如動水渾珠爲此等過故寄呵彌勒。所以寄呵者彌勒位居三教補處將窮三教無生之源。諸求三教初心雖知此位各未得入。若彈呵彌勒三教補處菩提記者即是大士約三教之理難覈。彌勒尙無受記。諸新學三教菩薩心祈無生望得真記者。豈不覺悟各息惛望。若通別菩薩無生求即可轉入圓無生記位。若圓菩薩知無生位無受記者。亦不起心求無生記。則心水澄清珠相自現。復次通教住見地。彌勒後心被彈則內心破折。乃轉入圓無生記位。別教初地同圓初住。不預所彈。若三十心見彌勒約理被彈。此心若捨可轉入圓初住受記。若四教初發心及五品弟子起心惛望入真無生受記之位。心水動濁不能得入六根清淨。今聞大士呵彌勒。無生將窮尙約理被

彈無受記義。況復初心五品而望無生。即憶想心滅。若清淨心常一。即發相似入十信位。

若得意根清淨如法華云。雖未得無漏智慧。而其意根清淨如此。是則十方無數佛百福莊嚴相。爲衆生說法悉聞能受持。既無忘謬豈有憶想備求難障起也。十信尙爾況發心住而須彈彌勒者有所寄意。若以無生得受記者。無生即是正位。此正就無生破彌勒者理中無記。何者受記本約智斷滿足。故智論云菩提者是滿足稱。理非生滅即無智斷。何論智斷滿足。是則偏圓無生皆非智斷。尙無智斷況菩提果。無生即是正位者偏圓無生皆是正位。即是極理。若約理明極。極理非位而是衆位之本。如天子位極。因此有文武之位。今有三教菩薩位者皆由無生之理。故金剛般若云一切賢聖皆以無爲法而有差別。無生正位即是平等眞法界。佛不度衆生何得有受三教一生當得菩提義也。故於正位中亦無受記。亦無得菩提果。所以然者三種無生皆非因非果。豈得三教因中受未來智斷滿足之記。二種無生正位非果。豈論得三教所明菩提之果。故言云何彌勒受一生記乎。若彌勒將隣極果正位尙無受記。況初發三教之心而欲備入無生正位受菩提記。是以呵彌勒隣果受記。寄意破三教佛望無生記位。是則通別錯求。皆轉圓教極望亦皆息也。問淨名但呵彌勒何以得知寄意斥三。答上文云爲兜率天王說不退轉之行。次下云實無發三菩提心。亦無退者。不退轉位即

是入無生正位。眞受記之位也  
維摩經略疏卷第五

### 維摩經略疏卷第六

小卷十七

天台沙門湛然略

#### 菩薩品之二

爲從下二約無生行破一生受記。所以約行破者乃由彌勒以有伏難。難云理無受記可然。何妨緣無生行。行成智斷得菩提記。文爲四。一雙定二雙破三雙並四雙結。一雙定者爲從如生爲從如滅。所以然者彌勒情猶未愜。若無生理理即是如。無記不記。但衆生無始迷理即有生死。諸佛菩薩觀於無生。其智明生則惑暗漸滅。若智生照極則妄惑斯盡。智斷滿足名菩提果。豈事如理可有受記。故先雙定爲如生如滅智斷果滿得受記耶。就此雙定玄約三教菩薩如生如滅智斷受記。若通別教一往事同而理有異。通圓二教事理俱異。與別教理同而事異。問別圓何得理同事異。答同是中道故同。兩修之別故異。若以至有滅二雙難。既默然受定即約行雙難。亦玄約三教智斷一生受菩提記。即約偏圓二真以雙難也。一約通教者通教偏眞即是眞如理。理非智斷若觀眞如即智生惑滅。如雖無生而能發智。智從如生不生不離如即是如生之智德。如雖非滅見如惑滅。滅不離如即是如滅之斷德。今淨名難言。若以如生

如滅得受記者。從如有生。如無有生從如有滅如無有滅。難意正言。如體非生非滅。約如說生說滅有智斷之德。如若生滅則不名如即是世諦。若非生滅非世諦者即眞無生滅。是則如非生滅。不得說從如有生滅之智斷。故淨名言從如有生如無有生從如有滅如無有滅。若如無生滅不成智斷者。豈得離如別有生滅智斷。是則無有約無生行可以受一生智斷之記。復次由能緣無生之心成智斷。智即是自生。若由所緣理即是他生。若能所合即是共生。若離能所即是無因生之智斷。故龍樹偈云諸法不自生。豈得能緣眞如之心生智斷而得受記。乃至不無因生並如初句。皆引中論偈成四句之中正破他生。何者彌勒謂因如發智成智斷行者得受記。故二雙難別圓兩教。一一類通教難數勿失一句。但通別二教通緣偏眞別教緣修。又別教緣修爲自圓教眞修爲自。慎勿濫也。問何以通別以緣修爲自圓教以眞修爲自。答通別用智成佛。如但是境。故緣是自圓用眞成佛。緣修但是福慧莊嚴。故眞如爲自。問通教既是斷無之眞發智而已。智是行人說之爲自。理但是境可得是他。別明中理何不同圓而同通教。答理雖同圓機教不等。別明緣眞眞雖是常。而理非智。用智觀理未發眞智緣修之智不名爲常。故不同圓。問別同通教並緣修爲自一往類通四句可知。圓以眞爲自四句云何。答智斷非自生非眞修成。亦非他生非緣修成。亦非共生非眞緣合成。亦非無因生非

離其緣成。而有圓教之智斷也。若四句檢智斷。得則無受圓教一生之記。但淨名難意難圓。自生真修智斷。是中窮覈非兩十番之所能。夫不深見此意。圓教真修義則難存。圓真尚爾。通別緣修豈易可存。因淨名一難成三難意。宛然不遷。問但用一番。豈令封三教者。各各異聞。各捨所執。答昔還陝。鄉見導因寺。張公爲梁宣帝於大殿北壁畫一鋪盧舍那。并畫一龜。其像兩眼隨人動止。皆悉視人。龜眼亦爾。世色法妙。尚能如是。豈況淨名住不思議之妙智也。一番所難令三各破執心之患。自捨者哉。一切衆生下三雙並文爲二。一以四如爲並端。二正結並。初文者一約一切衆生如。二約一切法如。三約衆聖賢如。四約彌勒如。就此四並深求其意。亦玄約三教初約通作四並。三是順並。從初至後一是逆並。從後至初一約衆生如。順並者衆生即假人。假人如與彌勒如一。如無二如。若衆生如不生不滅。不得受記。彌勒如亦然。何得獨記。彌勒如不生不滅。得受記者。則二如爲異。異則非如。若如無異記。則應同不記亦同。若通若並非三數番。二約一切法如順並。一切法如通情無情。情謂五陰實法。無情即是外國土等悉皆是如。與彌勒如一。如無二。此但以無情替於衆生句句悉同。須類說之。何者無情之法佛不受記。故大經云。若尼拘陀樹能修戒定智慧。我亦授三菩提記。以其無心不與授記。故以爲並。異有情也。三約衆聖賢如順並。即藏通三乘賢聖皆悉是如。與彌勒如

一如無二。此亦例前。若衆生已下句句悉同。准例說之。自法華已前二乘賢聖皆無受記。故以爲並。四還約彌勒如返並前三。故名爲返。此有三重謂並前三番。一皆云一如無二。二記不記等。其意宛然。二約別教三約圓教皆作四並。類通可知。若彌勒至不二不異。二結並亦有四意。一約衆生。二約一切法。三約諸賢聖。四約彌勒。就此四番亦玄約三教。一約通教並。亦三順一逆。初約衆生順結並。云若彌勒得受記者。一切衆生亦應受記。二如既一應俱得記。淨名乃自釋云。夫如者不二不異。若有二有異。可許一記一不記。既無二無異。應俱得記。問二與異何別。答二但論其體別異。則辨相不同。二約一切法結並。三約衆聖賢結並。文略不出類衆生並可知。四約彌勒反並者。文略不出須准前反並者。若諸賢聖不得受記者。彌勒亦不得記。所以者何。夫如者不二不異。若一切衆生不得受記。一切法亦如是並。二約別圓亦玄作四番結並。類通可知。若彌勒不能通者。則三教受記義壞。示受折也。若彌勒下四雙結釋文爲二。一約破智德釋。二約破斷德釋。初文者亦玄約三教智德以釋。一約通教釋者。菩提對衆生煩惱。衆生煩惱如菩提如不二不異。若彌勒得三菩提者。一切衆生皆亦應得。是中淨名自釋。一切衆生即菩提相。衆生既是菩提之相。如無自生不得更有果上智滿菩提可記。二約別釋者。一往同通見中爲異。三約圓釋者。衆生煩惱有智慧相。如人面有福德之

相。此菩提相即如如相。即智慧相。衆生彌勒皆有此相。佛觀二如皆應受記。雖兼前兩教經意在圓。問何以三教但破釋但用圓。答破爲破執釋成實義。前教無人無行教破皆無。圓教執破即教人行宛然。故正約圓此結釋。真修如不生即無智德故不得記。若彌勒至不復更滅二約破斷德結釋。亦玄約三教。一破通者。涅槃衆生如既不異。二俱滅度。故淨名自釋云。諸佛知一切衆生即涅槃相不可復滅。衆生是自有涅槃之相。如既無滅則無果上斷德之滅可記。二約破別教者。若衆生如即涅槃相不可滅者。無十地後心無明究竟斷德涅槃之滅。及約破執。圓教並類通可知。前教破教人行類上可見。此釋真如不滅即無斷德故不得受大涅槃記。是故彌勒下三正結過彈呵又爲三。一正結過二勸捨見三解釋。一結過者。若無方便教菩提之果。說此菩提誘他心起生菩提見。即有誑他之過。故淨名自云。實無發三菩提心亦無不退之位。若圓菩提心尚不可得。即無退者豈有方便教發心及不退位。既不得因即無果可得。無果令求果記是則妄誘其心。問果是佛說爲彌勒記。是佛誘誑。何關彌勒。答大論云。佛坐道場時不得一法實。空拳誑少兒誘度於一切。佛初雖誘進至實須廢。故用結過以呵彌勒。彌勒至之見二勸捨見。方便菩提無人有教。若執不捨障入一實故大經云。自此以前皆名邪見是故須捨。問何以令彌勒勒天子捨見。答彌勒教其發心修不退位不信

餘人之言故還令彌勒勸捨。所以至心得三釋勸捨意。破身心得者四教不同。一破三藏者聲聞經中譬如貧人求富家女。女家亦云欲得我女當淨汝舍。三菩提語後心菩薩。欲得菩提當修相好。若種種相滿方得菩提。此即身得。伏結淳熟道場降魔於菩提樹下得甘露滅。即是心得。大論委破。即是不可以身心得也。二破通者若以空心修諸相好淨佛國土莊嚴依正是名身得。坐道場時一念相應慧斷正習盡即是心得。破如金剛般若云。若以色見我以音聲求我是人行邪道不能見如來。此即不可以身心得也。三破別者若言因滅是色獲得常色。即是身得。受想行識亦如是。即是心得。今檢此語爲是無常色滅獲得常色。無常色不滅獲得常色。如是四句檢不可得。即是不可以身心得也。四破圓者真修妙色心顯不須緣修功德智慧而顯。即是不可以身心得也。復次若真修色心體顯滿足得菩提者亦是身心得義。故前破如生如無有生。即是法性色。法性受想行識不生。不生即無漏滿足。故不可以身心得也。寂滅下四廣說真菩提。所以廣說者上既難破又勸捨見。是則信偏教者歸心莫趣。稟圓未入者亦莫知正義。故須廣示二十五番菩提正義。文爲三。初一番略說實相菩提標章。次二十二番約真智斷者。次明菩提。三一番還約實相妙理結成真智斷菩提。所以然者。上破無智斷不得受記。稟四教者執病既去。今還爲說真智斷義悉是菩提。是則三德菩提如世

伊字。即圓真菩提也。釋此二十五句一向用圓。寂滅是菩提者一切法趣心。心中道。真如之理本自不生。今則無滅。不生即非智不滅則非斷。即真寂滅義。亦是大涅槃不生不生不可說。言是菩提者即圓教實相菩提。言滅諸相者。若不知實相菩提不可說執四教相起煩惱生死。此四種相有十六相出一切相。故有一切煩惱生死紛動。若實相菩提即是不生。不生不可說者則四門皆滅。何況生不生等三種四門相。及一切相惑而不滅耶。淨名意云實相無相能滅諸相。故云滅也。不觀下二正約真智斷即菩提。又爲二。初略二廣。初略爲二。初兩番正明真智德即真菩提。即摩訶般若。次四番明真智德。不觀是菩提者思方便觀即是不觀。離諸緣者離諸緣修及一切緣故。不行是菩提者。若知真空則無所行。一切當行即是菩提。故大品云。若心數法不行爲行般若。無憶念者不念四種受菩提記。及一切法。此真觀行即是真智德之菩提也。斷是菩提至無貪著故二四番明真斷德即菩提。即是解脫德。斷是菩提者真如顯現見思惑斷。即是斷德菩提。捨執四教起菩提見及一切見。即捨諸見也。離是菩提者離四教所明觀行及一切法。即真斷德之菩提也。離諸妄想者離四門緣修及一切妄想。障是菩提者若知平等真法界佛不度衆生。即諸佛所不能行。即障諸方便教門誓願此即真斷德也。不入是菩提者若知真如畢竟無相。即不入權教涅槃及一切法。以不入

故則無貪著。即真斷德菩提也。順是菩提下二廣明真智斷即是菩提。此中多分廣說智德少說斷德。何者菩提是智。斷屬涅槃是故傍也。即爲二。初九番正約智德。次七番不可以身心得。順是菩提者若觀不見四教菩提。即順圓教中道真如。住是菩提者若智不住四教及一切法即是住圓教法性。至是菩提若觀諸法及四教菩提畢竟不可得。即能至真如實際。不二是菩提若有方便偏教菩提及一切法。即是法塵對內意根即是二也。觀此二法皆不可得入不二門。見於中道即離二死此一番屬斷德。等是菩提若觀涅槃與生死等即是等於虛空佛性。是真智德之菩提也。無爲是菩提若觀法性湛然常寂即真無爲。不爲生老病死所遷。智是菩提諸方便教緣修入真不見衆生心行。圓教真智寂而常照。衆生心行自現智中了了分明。不會是菩提諸方便教明緣修智入會於理方名真智。圓真修智體即是寂滅之理。非智來會。不合是菩提方便真智理而言之與無明合。未能離習。真修智體而不與合。即能離於元品習也。此一番屬斷德。去取其難須熟思之無處菩提下次下七番即不可以身心得。此一即不可以身心得也。偏教菩提依色身。色身爲處。此是可以身得。圓教菩提依心不二。既無能所即是無處。此即不可以身得。假名至等故此六番明真智菩提不可以心得。假名是菩提心是假名四種菩提但有名



字。若觀即空見於佛性即真智菩提。不可以心得。如化是菩提諸法如化。四種菩提皆如化也。若知如化皆不可得。即不取菩提相不捨煩惱。即是真智之菩提也。無亂是菩提煩惱亂想及緣修動念。皆是亂想。知此亂想皆不可得。則息心達本源。內心常寂。靜則無境智之亂也。善寂是菩提方便緣修未能順理。不名真善。有緣有念即是亂想不名為寂。圓教初心智即真如。名之為善。照無動念名之為寂。智即法性。法性無染即是性淨。無取是菩提若知四教菩提及一切法皆無所有心不取著。即圓菩提。離攀緣菩提之心及一切諸法。無異是菩提諸方便教。所明菩提異於煩惱。若知菩提不異煩惱。即是圓教平等智德菩提。無比至難知故三明不思議三德菩提結成。無比是菩提不思議真如智斷即一切法。不可以法復比於法故不可喻也。微妙是菩提權理非妙圓教諸法即是真如。真如即智斷。諸法皆不思議三德菩提。始是極妙非諸凡小及方便菩提之所能知。世尊至法忍五諸天蒙益。憐望既息水清珠現得圓初住無生法忍。或一言異解得通別無生。既未齊法華豈可定判。故我不任諸彼問疾四結辭不堪。彌勒自惟。往昔為兜率天說不退轉無益於彼。而為所彈莫知酬答。豈堪傳旨而往問疾故辭不堪。

佛告光嚴童子汝行詣維摩詰問疾。二命光嚴童子文為二。一命問疾。二辭不堪。所以次命者光嚴是在家菩薩淨名寶積之法友也。

亦是法身大士位居補處。所以名光嚴童子。者光有三種一色二心三非色非心。一色光者如背捨觀骨發八種光明。轉為勝處一切處放種種光。二心光者即是智慧光明能照暗惑。三非色非心光者即第一義光。如梵網經放第一義光也。大經瑠璃光菩薩所放光明即其事也。彼經云光明者即是第一義諦。非色非心而現色心。所以然者經云非青見青等光。即是非色之色。光者即是智慧。即非心說心。三藏通別但有色心二光。唯有圓教明第一義光。是為不思議光也。嚴者即福智二嚴。具如大經。亦是定慧力莊嚴。具如法華。色光即福嚴心光即智嚴。第一義光即是法身。二光莊嚴顯發法身。故名光嚴。問若第一義是光者何須色心光。答如日鏡顯眼眼得日則見。智日福鏡顯第一義眼即得開佛知見見自他。童子者菩薩住鳩摩羅迦地名為童真。如世童子心無染愛。謂不染愛自他妻也。不愛自妻者如金色迦葉。不愛他妻者不愛一切女及他妻也。菩薩亦爾。雖觀三諦證諸法喜。若於二諦法喜不愛即是不愛一切女及以他妻。不愛中道法喜即是不愛自妻。具此二義。如世童子故名光嚴童子。前命彌勒顯圓菩提開佛知見。不的在後身。今命光嚴欲明圓教道場。示佛知見。亦不在未來菩提樹下。開見是總相。如初見如意珠只一圓相。示是別相。如見如意雨出眾寶。還約初心勿遠求之。故大品明一一法門皆摩訶衍。此經明是道場。淨名往昔破光嚴者寄破

三教菩提非真道場。光嚴示受折者正顯圓教真實道場。今佛次命者若述往昔被彈即大眾同聞圓真道場義。成前五種利益。光嚴下二奉辭不堪文為四。一奉辭不堪二述不堪之由三正明被呵四結成不堪。初文者良以往昔問道場義莫知所答。故不堪傳旨往問疾也。所以下二述不二之由。良由不識真道場義文為五。一出入相逢。二光嚴致敬。三問何來。四答道場來。五光嚴重問。初文者出入相逢致有呵問。即是不堪之由。或有所表誠是本寂。出名背理入名順真。光嚴示稟方便本寂未明迷心遠理。故名為出。淨名依圓久悟一實入法流水名之為入。由光嚴背理。故迷道場機感相會致被呵問。問上弟子菩薩皆被呵斥。今光嚴直為說道場義未見折屈。何辭不堪。答聞圓道場冥然不解此即是屈。心既已伏請問道場。即須為說不俟更呵。故不堪問疾。我即為作禮。二明光嚴致敬。所以禮者光嚴示居下跡。深識大士高德益物無方。故為致敬。而問言居士從何所來。三問何來未測來處故致問也。答我言吾從道場來。四答大士。實不從佛成道處來。為欲說於圓教初心真道場義。破諸偏教及圓事迹所明道場。故答言從道場來。我問道場者何所是。五重問所以光嚴迷此答。道場者本是佛成道之處。如世穀場治穢却糠顯米。菩薩亦爾。治除心惑顯出實相。成道之處故名道場。約教者三藏菩提樹下以草為座。正習俱盡成佛之處名為道場。通教菩提

樹下天衣爲座。正習俱盡成佛之處名爲道場。別教菩提樹下七寶爲座。盧舍那佛界外惑盡初成正覺之處。即是寂滅道場。四教虛空蓮華爲座。法界無明永盡初成佛處。猶是寂滅道場。坐草成佛出聲聞經。天衣七寶虛空蓮華出勝天王。隨機感見此四道場。小機見小。若宿三教菩薩見故三成佛道場相異。光嚴不見大士從此等處來。那忽答言從道場來。故重問也。

答曰下三正述被彈之事。光嚴但知方便教果頭道場之義。未知圓教發心即是。類如彌勒說法皆望權果引成不退之行。今淨名說圓破光嚴執方便果上道場之計。類如大品燃炷非初非後不離初後。若不離初後以後爲道場者何不初爲道場。若初不能後亦不能。是以淨名約圓初心廣說真道場義。問三教既有後心道場亦得初心即道場不。答諸方便教一往約觀何爲不得。覈其道理義則不成。何者方便後心方具佛法初心不能。豈得爲例。但淨名總答未述其相。是以光嚴重請。今執權者知不思議一中無量。如囊中寶不探示人人無見者。所以淨名遍歷諸行明道場義。是示佛知見意在此也。但示有二種。一豎二橫。橫豎即是。其車高廣高則徹至後際。廣則法界無邊。高廣之相具須如前淨土橫豎明義。散在諸行。若隨文歷別但成通別失其正意。今皆約圓初心以明道場。故下文云。菩薩若應諸波羅蜜舉足下足無非道場。具足佛法矣。文爲四。初四番

一往豎明。次二十五番一往橫明。三一番結釋。四明時衆得益。初約四心者若依別解對四十心。直心即十住。發行即十行。深心即十向。菩提心即十地。亦不全爾。何者淨名說圓初心道場。豈可豎對四十心位。今明初住即有四心乃至佛果。直心即是入一實諦。發行即是實諦萬行。深心即是深進念念流入。菩提心即具此三心。如磁石吸鐵。此下諸句若明初修皆約五品。入於相似至發心住皆具一切行。是真道場。直心道場無虛假者。華嚴明初發心時便成正覺。了達諸法真實之性。又云究竟離虛妄無染如虛空。清淨妙法身湛然應一切即道場義。得無作八直無界內外苦集虛假。若爲化物亦具用四種。如淨土中釋。故法華歎五品云。當知是人已趣道場近三菩提坐道樹下。華嚴明初發心住能坐道場初成正覺。亦如大品明有菩薩從初發心即坐道場轉法輪也。發行是道場者別教十行得十波羅蜜。今圓初住見一實諦具發萬行破衆惡業顯諸法門。即是道場。自利利他名能辦事。深心是道場者別教十向解行深入。今圓初心見第一義能見於空及與不空。不空故即是深入非二。乘通菩薩別三十心。復次初住得入中道。雙照二諦自然流入薩婆若海。即是漸深。以深心故無明糠脫眞法得顯即道場義。豎進深入橫諸功德亦隨增長。菩提心是道場者別教初地名眞發心。今圓初心見眞名眞。發行是廣流入。是深廣而且深名深廣心。菩薩得此心故無緣慈悲

無作弘誓如磁石吸鐵。即眞菩提心能自除法界煩惱顯出法身。即是道場。見一實諦非因非果分別法界無作四諦。因果不亂即是無謬。復次總前三心即是三德菩提。故名菩提心是道場。布施下大二十五番橫約諸行明道場義。別教六度豎對六地下諸法門從七地至十地。今圓初心即是橫明。以橫望豎即其車高廣。文爲五。一約六度自行二約四等等化他三約多聞進修觀誦四約降魔說法五約力無畏果德。一約六度者即是行本。六度皆具五種四權一實。具如前釋。布施是道場者。初發心住檀波羅蜜捨一切慳心顯布施法身即道場。不望報者住眞修檀不望世間及緣修報。持戒是道場者。初發心住此尸波羅蜜。破一切惡業顯眞戒法身即是道場。尸中具一切佛法即是得顯具足。忍辱是道場。初發心住此辱提波羅蜜。能除法界瞋恚顯眞忍辱法身即是道場。既具權實慈忍之力於法界衆生心無罣礙。精進是道場。初發心住此精進能離法界事理懈怠得眞精進法身。即是道場自然流入即無懈怠。禪定是道場。初發心住此禪定能除法界一切散亂顯眞禪定法身即是道場。於事理諸禪出入自在即是心調柔也。智慧是道場。初發心住此智慧能斷法界一切無明。顯眞智慧法身即是道場。見四不可說之理念念現前即是現見諸法。慈是至衆生故二約化他之行。四等即是利物之心衆行之首。慈是道場。初心菩薩得眞無緣慈離法界瞋惑。顯眞慈法

身即是道場。普獲法界即等衆生悲是道場。初心菩薩住無緣悲內破疲苦。眞法身顯即是道場。雖處三界拔濟衆生心無疲苦。喜是道場。初心菩薩得眞無緣喜無量心。破法界疾患不悅樂心。顯眞喜法身即是道場。慶諸衆生離苦得樂即是悅樂法也。捨是道場。初心菩薩住空平等地即破愛憎。顯眞虛空法身即是道場。雖利衆生心無取捨即愛憎永斷。神通是道場。是能化法也。初心即得六根清淨眞如意通。破於諸根障通無知之垢。顯出法性眞淨六根即是道場。此即成就六通如應化物。解脫是道場。由脫成通故大明也。持地云菩薩得一切禪乃能出二乘解脫。際入。若初心入三諦三昧即是二十五三昧。除二十五有罪垢煩惱。顯出二十五有我之眞性即是道場。以其因中能背捨三界故得成八解脫二十五三昧。方便是道場。即是化他善巧。初心有中即有雙照二諦之方便。破恒沙無知顯諸方便法門即是道場。能以三輪不思議化三密示現權巧教化一切衆生。四攝是道場。四攝是方便化物之法。如方便品釋。布施愛語利行同事以攝衆生令得解脫。多聞至空故三明多聞進行雖具自他之智事須進修令成圓極。多聞是道場。初心菩薩得眞聞持聞十方佛法破諸妄暗。多聞顯發文字性離即是道場。以能隨順如聞而行。伏心是道場。璣珞云從初發心至金剛頂皆名伏忍。初心圓伏無明進顯眞實即是道場。一心三觀即是正觀諸法。三十七品是道場。菩

薩初心得無作道品能除八倒一切妄惑。顯法性五陰法身解脫進修。乃至得大涅槃即是道場。界內四諦界外三諦皆名有爲。而背捨也。無量滅諦無作道滅即眞無爲。諦是道場。此下五番即是道品所觀之境。初心菩薩能用道品見四四諦。斷界內外迷理煩惱顯權實理即是道場。說四四諦即不誑世間。緣起是道場。觀十二因緣有四種相。初心菩薩能用無作道品觀因緣三道。得三種菩提即是道場。若觀因緣見三佛性即無盡也。諸煩惱是道場。初心菩薩能用道品觀於三毒。不染虛偽顯眞佛法即是道場。亦知煩惱及以佛法皆畢竟空。衆生是道場。初心菩薩能用道品觀九道衆生空。不見衆生相則妄惑不起。見衆生眞性即是佛性即是道場。若不見衆生定性則於我無我而不一。是眞無我義。一切法是道場。初心菩薩能用道品觀一切陰入等空。破諸法中顛倒妄惑顯佛性五陰降魔至畏故四約降魔說法明道場義。菩薩觀行成就故能制伏魔怨。降魔是道場。初心菩薩能降四魔乃至八魔見魔界如即佛界如即眞道場。能處魔界心不傾動。三界是道場。初心菩薩不離三界不著三界。見三界三諦成王三昧二十五三昧。顯一切佛法即是道場。知三界空本無所趣。師子吼是道場。師子吼者名決定說。初心菩薩能破疑惑見諸衆生悉有佛性即是道場。四不可說說四因果赴機利物決定無畏。力無畏至智故五約果

德明道場。力無畏不共法是道場。初心菩薩成就十種智力如華嚴說。即是觀一實諦能破無明得力無畏不共眞法即是道場。力無畏不共自行無失。化他得宜即無諸過。三明是道場。初心菩薩即得三明。達三世事理無罣礙也。一念知一切法是道場。初心菩薩見中道理即能雙照二諦。破法界無明眞智顯現。即是道場。初心總相。一切智成亦爲佛也。如是至佛法矣三結成道場。若約淨名成就如上諸波羅蜜教化衆生。隨其舉足下足皆是除僞顯眞即是道場中來。豈可從佛得道處來。若作初發心住解。初心菩薩應諸波羅蜜教化衆生除僞顯眞。舉足下足觀常現前。即是道場中來。乃至十地亦復如是。若約十信五品弟子解。若常修此觀教化衆生不失念者。舉足下足皆道場中來。具足一切佛法。法華云當知是人已趣道場。說是至菩提心四時衆得益。五百天人皆發無上道心者即發心住也。故我不任詣彼問疾四結辭不堪。光嚴自惟往昔迷眞道場因淨名方解。既神智劣弱豈堪傳旨往問疾乎。維摩經略疏卷第十八

#### 菩薩品之三

佛告持世菩薩汝行詣維摩詰問疾三命持世文爲二。一命問疾二辭不攝。所以次命者其既是出家菩薩。亦是法身大士紹尊位者。所言持世者領憶不忘名之爲持。世以隔別爲義。實相眞心領憶諸法無有遺忘故名持世。持義多途略有五種。一遮持二總持三聞持

四住持五任持。四教皆有此五種持。但三權一實。今約圖教明五種持。一遮持者。菩薩得實相真明。能遮法界煩惱。生死苦報。二總持者。一切萬行。自利利他。功德如完器盛水。無有漏失。三開持者。十方諸佛說法。乃至十界所有言辭。一聞便憶。如雲持雨。不忘失也。四住持者。住持十方諸佛法門。興隆不絕。五任持者。無緣大慈。荷負一切。保任不捨。菩薩從初發心。心如虛空。非偏非圓。而能權實皆持。乃至法雲等覺。持世位居補處。權實五持將極。豈不知波旬化身而為帝釋。但為衆生。令知魔界如佛界。一如無二。故於往昔。者示不知魔。示受呵折。令衆生悟佛知見也。開即是總示。即是別總。別不二即悟。此還約初心。不須遠求。乃至妙覺亦復如是。前呵彌勒光嚴。皆破果上之僻報。故約菩提道場。以彈次呵持世善德。皆破因中之謬取。故約魔來施會以彈。今佛次命持世者。若述往昔被彈之事。令諸菩薩覺知魔事。悟佛知見。大眾同聞。即得成前五種利益。持世下二奉辭。不堪文為四。一奉辭不堪。二述不堪之由。三明不堪之事。四結成不堪。初文者。良以往昔不覺魔作。帝釋為淨名所彈。豈堪傳旨。所以下二述不堪之由。由不識魔作。帝釋來文為五。一住於靜室。二魔作釋來。三魔來不識。四魔更施女五嫌怪不受。初文者。持世住靜室。入禪進。行。其是法身大士。豈須生身入道。迹同方便。為物之軌。應須引進。故住靜室。示修禪定。時魔至於一面立。二魔作釋來。所以作帝釋來

者。帝釋是佛弟子。已得聖道。又是佛檀越。常來親近。持世既是出家菩薩。見檀越來理。須慰問。便成妨礙。今明四教知魔不同。一三藏菩薩。自未離煩惱。魔陰魔。但觀行覺。知折伏而已。寄此修道。若得神通。作意知天魔。不作意不知。若知以神通伏之。未能永破。至樹王下。先降天魔。魔退之後。三十四心斷結。則界內四魔皆盡。二通菩薩。見地分斷。見煩惱魔。得五分法身。分除陰魔。至六地。無正使潤業。除界內陰魔死魔。猶誓願扶習。界內受生有陰有死。雖有陰死。不能壞道。七地。雖得神通。作意能知。能破天魔。不作意。則不能知。不能破。至道樹下方。究竟破。一念習盡。誓不牽生。即四魔永盡。三別教。明十住入偏真理。破煩惱魔。陰魔死魔。十行得神通。亦作意。能知。知天魔。不作意。不能知。不能伏。至初地。得一身無量身。百界作佛界。內習盡。陰死。天魔悉破。四圓教。五品圓伏。四魔。若入十信。即能圓斷。不須作意。自覺魔來。此略分別。破陰等魔。若破常無常等八魔。三藏菩薩。但伏四魔。至道樹方破。若通教。見地。別教。十住。除常樂等四。行向已伏。無常等四。登地。分破。無常等四。因雖無常。而果是常。具如大經。佛答梵志。至別教。佛地。八魔皆盡。圓教。初住。圓破。八魔界內。永盡。若界外。無常等四。乃至後心。方究竟盡。問持世。何以為魔所燒。答。若論迹現。方便補處。豈不知魔。有教。無人。不須研覈。但為眾諸方便。教者之軌。故示不知。解此有三意。一方。便菩薩未能魔佛一如。佛界即理。魔界即事。諸方便

教。雖入真理。不能事理無礙。斷結入真。避事入理。如人畏時。非人得便。不能體之。與佛界一故。為所惱。大士。二界不二。通達無礙。無所去取。能覺能降。二諸方便。教緣修。照寂。有入出觀。作意。知魔。若不作意。則不能知。圓教。真修。無出入觀。常在。三昧寂。而常照。特世。雖在靜室。猶未入觀。不作意。照。是故。不知。大士。寂照。能即覺知。譬修禪人。不別邪魅。須備方鏡。魅雖惑人。眼而不能變本。形於鏡。波旬亦爾。但誑緣修。未入觀者。而不能誑真。修寂照。三諸稟方便。教入觀。知魔。或暫時降伏。不能於其境界。無礙。如人不能調惡。弟子捨之不受。有人不捨。方便調熟。堪任。走使。成善。順人。菩薩調魔。亦爾。非但調其惡心。令善。亦能使發菩提之心。證無盡燈。廣化一切。自於佛法。未曾損減。而大饒益。無量魔衆。權教菩薩。闕此三義。故為所亂。今持世住靜。魔作天形。欲為惱亂。持世不覺。因障入定。如佛。知機。化人成道。魔亦知人。應得道者。逆來壞之。我意至堅。法三。明魔來不識。而為說法。言善來者。既不知是魔。謂是帝釋。為求善法。故欺善來。憍尸迦者。本人中姓。從姓為名。雖福應有者。福感。天王果報富樂。不可自恣放逸。不修。當觀五欲。無常。以求善本者。若小乘。但以無常為出世善本。大論。明天王多著五欲。佛為說。無常等十五種。觀破欲。竟乃令轉教。持世。既謂是天王。故勸令觀。無常離欲。於身命財。而修堅法者。三堅有五。一世間三堅。不杖惠施。得未來身堅。放生止殺。得未來命堅。直心布施。得

未來財堅。故命天帝觀於無常。天報不久須種未來堅固之業。二聲聞經修三堅者。若觀無常得五分法身無漏慧命七聖諸財。無能損破故言堅也。菩薩為衆生為佛法不惜身命無所吝者。華報得世間三堅後成佛果方得三堅。大同聲聞三通教者觀三堅無生無滅。煩惱生死天魔外道無能破壞。四別教者登地離界內外生死。法身顯現名為身堅。般若慧命終不斷滅即是命堅。萬善法財不可侵奪即是財堅。五圓教者捨身命財皆與生死後際等。離老病死得不壞常住。一切法趣身命財亦是三德之三堅也。持世謬為天王說法。五種三堅未知說何。即語至掃灑四明魔更施女。變身為釋。已廢禪心更以女施重生妨亂。先現釋身軟賊得入。今以女施令其違情。強賊又入。以此二賊妨擾之心。持世不覺即是已為魔所壞也。我言至此非我宜五明持世嫌怪不受。女是非法之境何得強以施之。故言無以此非法之物而要我也。沙門是梵行清素之士不應受此污染之境非法供養。故言此非我宜。所言下三明被彈之事文為八。一淨名覺悟持世二淨名就魔索女三魔驚懼欲去四空聲勸捨五魔捨女六六士為女說法七魔乞女八大士還女。一淨名覺悟者持世不能自覺。良以緣修不逮致被魔幻而不覺知。大士悟佛知見自悟悟他照圓極。故能發魔幻偽示其是非。初示其非非帝釋也。次示是魔欲壞正道故言繞固汝耳。即語至應受二淨名索女。如我應受者此有

二意。一我是俗人納之非妨二圓行大士達色源際。遠順強軟無非正道。不以為妨故言如我應受。魔即至得去三魔驚懼欲去。本輕持世欲壞他成已。忽遭淨名發其幻偽。又知非敵必被挫辱。是故驚懼。欲隱形去盡其神力亦不得去者。魔雖有神力當如法身大士不謀而用。是故盡力亦不能去。即聞至得去四空聲勸捨。空中聲者關河舊解云。是化魔菩薩因機助化。汝向欲施持世今淨名索之何得不與。與則不違本心乃可得去。或是淨名空中出聲為調魔故。或釋迦法身屈盧遮那之聲。如普賢觀所明。魔以畏故俯仰而與。五魔捨女既不能自隱。空聲又勸魔當自念。若不輸女恐加挫辱。畏不獲已便輸女也。爾時下六受女說法調伏魔心。是故受女。益諸女故應須說法。文為二。一勸發心二勸修行。發心是目修行是足。日足備故入清涼池。是以先勸發心後當修行。如應說法者隨四機緣令各發心。汝等下二勸修行。雖已發心須行填願故勸修行。菩薩法樂為破欲樂。故說法樂令魔修集。文為三。一勸修法樂二天女請問三淨名答。初勸修如文。天女即問何謂法樂。二天女請說。女在魔宮受世欲樂。不聞出世清淨法樂。今聞未解是故致請。答言下三淨名答言法樂者。一切善法欲為其本。若有樂欲是則為樂。如人愛念父母親戚以之為樂。若為佛弟子以佛代父以法代母僧代親屬行代財物。其深樂者即出世法樂。文為五。一樂歸三寶二樂離集諦三

樂觀苦諦四樂修道諦五結成法樂。若能如是非但因中即得法樂。後得滅諦涅槃究竟常樂。初文者四教三寶。隨所信樂即是法樂。樂離五欲二樂離集諦。集所應斷故云樂離五欲。法華明諸苦所因貪欲為本。故知五欲即是集也。如人病差即得安樂。若離五欲即得法樂。四教離集隨機不同。但初呵天女著五欲樂多用三藏。樂觀至空聚三樂觀苦諦若不樂觀為苦所苦豈得法樂。若能觀之即得觀智真法樂也。四教觀苦隨根所用。樂隨護下四勸修道諦文為三。一修行本二正行三遍行。一修行本者樂隨護道意。此勸自行善。善護道心道心不壞。以道自娛即是法樂。樂饒益衆生者即勸化他。如父母見子離苦得樂父母亦樂。樂敬養師者捨父從師師成勝德。敬師道法滋味娛神。即是法樂。知恩敬養報德暢懷亦是法樂。是則內修自行化他外有明師開導。因緣具足無行不成。所求稱心即是法樂。樂廣至明慧二明菩薩正行。六度總衆行之要。四教皆行以求菩提。但教門不同故有生滅等四。具如佛國品歎菩薩德及淨土行已具釋之。但淨名隨應而說。任諸天女各有所行隨其樂行。道味沾神稱心。釋意皆名法樂。樂廣至之法三明遍行。行有二種。一總二別。總即六波羅蜜別是遍歷萬行。今勸諸天女遍行萬行。而略舉數條以成法樂之相。復次若行一行何行不攝。樂廣菩提心即是弘誓。必令普遍故名為廣。初從生弘誓乃至無作即增廣義。勝道增長法味

轉新即是法樂。樂降伏衆魔。如平勝怨心。則快樂。樂斷諸煩惱。煩惱病瘥。即是涅槃。樂淨佛國土。淨佛國義已如前說。如世家宅修治清淨。賓主觀之。歡娛悅樂。樂成就相好。故修諸功德。如人自在形儀端正。內有美德。心即悅樂。樂嚴道場。四教道場如光嚴中釋。此除僞顯真。真顯僞滅。則悅樂也。樂聞深法。不異。雖各有深法。深通偏真。未足爲深。別圓圓直。始是深法。深難到底。若有畏者。心則驚疑。成苦非樂。若聞而不畏。愛樂恒求。得其常樂。樂三脫門。不樂非時。四教三脫。前兩有時非時。非時即二乘時。即菩薩。復次前兩菩薩亦是。非時。別圓觀中修三脫門。即是時也。將別望圓復。是非時。圓教正乃是真時。何者。諸方便教行非證時。若欲取證。皆是非時。是時而求。即得究竟真三脫門。即是真法樂也。樂近等者。四教各有同學親近。同修和同。獎成即法樂也。若於凡小。乃非同行。心有悲礙。壞其法樂。若心無悲礙。能以隨喜過其上者。還得隨喜之法樂也。樂將護惡知識。若不護彼。意能壞法樂。能善將護惡心不生。不致破損。內善法樂。恒得安存。樂親近善知識。善知識者。能示教利喜。成人法樂。樂心喜清淨。大集云。如真寶知大知。心動至心。故名爲喜。如真寶知大知。即真法喜。心動至心。名淨法樂。樂修無量道品之法。四教道品。若在菩薩心中。爲化衆生。皆名無量。所以說道品名法樂者。法華云。無漏根力覺道。便得無量安穩快樂。二乘尙爾。況菩薩乎。但分別無量道品。開四教義。

去取難解。是約爲菩薩法樂五結。成法樂。菩薩若樂欲之心。修此等法。皆是法樂。但略舉一例。諸無非法樂。如即自行人。聽習坐禪等。心樂即樂。若心不樂。則生苦受。於是下七魔誘女。還宮文爲三。一魔欲誘女。二女樂法樂不還。三魔就乞女。並如文。維摩詰下八淨名還女。此爲四。一淨名還女。二諸女請法。欲還三。爲說無盡法門。四諸女致敬隨去。初文者。大士本常修捨行。正爲調魔。故云。如我應受。魔調伏已。諸女發心。放還魔宮。又能廣化。故捨還魔。令一切衆生。得法願具足者。還之。即滿其願。因此立願。令求法者。皆得法願具足。於是至魔宮。二諸女請法。欲還。弟子別師事。須諸請誠。勸所行。維摩至衆生三。爲說無盡燈法門。四教菩薩。悉皆有之。但有究竟不究竟耳。藏通灰斷。果是有盡。而因中傳化至果。雖入涅槃。轉次授記。佛化不斷。此是有盡燈之無盡。別圓中。知見一切法。如空無盡。智亦無盡。自不可盡。化他亦然。譬如二燈。一油少。柱小。二油多。柱大。油多。柱大者。本燈不盡。更傳餘燈。亦不可盡。淨名以此法門。轉度於他。復使百千皆令發心。而於本燈。無所損減。故以爲譬。是則冥者。皆明。明終不絕。令諸衆生。紹法王種。即是能報佛恩。饒益一切。爾時。至不現。四天主。受教。致敬。還宮。如文。世尊下。四結辭。不堪。淨名有斯神力者。寂照知見。自在調魔。智慧辨才者。爲說法樂。及無盡燈。持世自惟。往昔不逮。豈堪傳旨。往問疾也。佛告長者子。善得。次命善得。文爲二。一

命問疾。二辭不堪。所以次命者。善得是在家菩薩。即五百之一人也。亦是法身示居補處。所以名善得者。善是善巧。得是得理。善巧得理。故名善得。但約教不同。三藏二乘。自善得理。不能斷習。緣覺斷習。不盡非善得義。菩薩不爾。意存兼濟。至果得理。正習俱盡。故名善得。二通教者。前教折空得理。三乘皆非善得。此教體真。即是巧度。三乘悉是善得。第一義理。但二乘無悲。即入涅槃。不名善得。菩薩得理。廣利群生。深窮源底。必至佛果。習氣皆盡。故名善得。三別教者。通教偏真。豈名善得。此教得真。不。住修恒沙佛法。斷於別惑。見中道理。乃名善得。四圓教者。別教緣修。豈名善得。一心三觀。五眼具足。圓照法界。圓成三德。究竟涅槃。是真善得。是則無得爲得。得無所得。故名善得。三權一實。今長者子。善知非權非實。而能成就權實善得。以此化物。自利利他。入佛知見。故名善得。其義既爾。豈答不知法施之會。爲淨名呵。但枯槁成物。顯入佛知見。何以知然。今命問疾的取此四。前三義。推顯開示。悟初心三義。今命善得。欲顯入佛知見。道故。前持世顯悟。正明魔如不異佛如。今此顯入。約法施會。無有前後。一時等施。即不二而一。道觀變流。故受璣珞。分作二分。一分難勝。一分乞人。即是平等法施之會。還約初心。勿遠求也。昔破財施七日之會。即是寄意。破菓三教。未入中道。所有檀施。非法施會。今命令問疾。若此昔被彈。則大衆普聞。稟方便者。並皆恥折。求真法施。即是成前五種利益。善得下

二奉辭不堪文爲四。一奉辭不堪二述不堪之由三正述被破之事四結成不堪初文者良以往昔七日設會。非法施會不能益物。致爲所彈。豈堪傳旨往問疾也。所以至七日二述不堪之由。由於父舍設大施會供養一切。期滿七日不識法施。言父舍者崇祖居處也。設大施會者闢河舊解云。其家祖父邪見世世恒修邪祠。下祠用羊中祠宰牛上祠用人。善得教化絕此邪祠勸修正道行真檀施。其家大富四事豐饒。營斯大會供養一切出家在家內道外道。及諸貧賤來者無隔供給所須。期滿七日。但施會是檀。約教有四。一三藏施者能捨財物乃至身命。方成檀度。如尸毘代鴿心無悔恨。二通教者若止捨一切。是檀非度。三事空隨有所施。是檀是度。三別教者雖三事俱空猶是檀非度。能度別惑。至大涅槃能分別施有無量相。赴機度物則是檀是度。四圓教者前雖破別惑。隨機之施猶是檀非度。非究竟故。若知一切法趣檀是趣不過。檀尚不可得云何當有非趣者。即檀度也。何者於檀究竟通達諸法故也。三權一實。實是法施之會。善得方便示行前三不了圓教究竟檀度法施之會。故爲所彈不堪之由義在於此。時維摩下三述被彈之事文爲六。一正彈呵二善得請說三淨名略說四善得重請五重爲廣說六時衆得益。初文者善得雖有財施大會不知財中有法。故非法施。是以前呵後勸。前呵者不見財中一切佛法豈名大施。後勸者勸修法施之大會也。問法施之會爲當

說法爲施會。爲復財中具一切法。以財施時即法施會。答備有兩義經論多明施財爲財施說法爲法施。此是通途四教二施。今不思議圓通之道非但說法以爲法施。財中具足一切佛法以施衆生。此財施時即是法施。如無盡意解頤璣施觀世音。即云當受此法施珍寶璣。但施璣時而言法施者。即璣時中具足佛法。施璣時即是法施。今淨名云無前無後一時供養一切衆生名法施會。此如上呵迦葉。以一食施一切供養諸佛及衆賢聖。今受璣時分作二分。一奉難勝如來一施最下乞人。而言若施主等心施一最下乞人。猶如如來福田之相無所分別。等于大悲不求果報。是則亦爲具足法施。以此而明何闕說法。今文正約財施具足佛法即法施會。何者財即五塵。大品云一切法趣色。乃至趣非趣聲等亦爾。若能通達財中法施。是則慈悲智願。福智勤修。以此財施隨前所得。如置毒於乳聞毒鼓聲近遠皆死。如此之施但非七日受者得益。一切同沾。善得不達故被彈云。當爲法施之會何用是財施會爲。問但圓有法施餘三亦有。答於檀約觀亦有此義。但非圓。善。又方便教門出沒未必事明此義。故淨名施圓欲顯入佛知見通達無礙。寄彈善得令時衆稟方便教者達此財施即成法施。我言至之會二善得請說。所以請者善得豈不知說法而爲法施。但恐淨名意有深致故請說也。法施至之會三淨名略答。法施會者無前無後。此即觀施色等一切法趣色。即

是色中具十界之法。名之爲法。以此施佛即是施法。如如意珠具一切寶。其不別者施者受者唯殊而已。此如三教若施者受者皆知具實此如圓教。故大經云。有二種人得大福利。一如法施二如法受。此即法施之會。無前無後者前際即生死六道衆生。後際即涅槃四種聖人。若觀三事一如無二皆是中道。非前後際。一時供養一切衆生是名法施之會。中非二邊而能雙照六道四聖。此十遍攝一切衆生。菩薩因施一色令一切衆生皆得見中。即是大事因緣爲令衆生開示悟入。故言施一切。復次若衆生未獲大利隨其根緣各得法利名施一切。是則非權非實。能權能實雙照二施。心心寂滅入佛知見。是名法施之會。何謂也四善得重請。所以重請者淨名略答。言略義深。雖順法施其意宛然而猶未了。又述示未悟爲令時衆善得開解法施之益故也。謂以下五淨名重答。廣說法施有三十二番。莫不皆約財中辨法。若離財者則財中無法。攝法不盡。一切法趣檀何容止有三十二番。但略說耳。所以萬行財中皆備。以此施人受財即受一切法也。五塵悉然。如毒箭藥隨得入處。藥毒氣發殺活於人。觀法入財隨施前人。六根受施法即得入。如大經明。置毒於乳遍于五味皆能殺人。衆生受財觀法熏之爲作善根。後若值佛開發宿善即便得悟。如毒發殺人。若財不具法財施益少無入道緣。文爲五。一約四等二約六度三約三脫四約衆行五結成法施。一約四等者此



是菩薩利物之懷。謂以菩提起於慈心。上文云寂滅是菩提。若觀法趣財畢竟寂滅。即真菩提起無緣大慈。如磁石吸鐵與大涅槃樂。以救眾生起大悲心。一切眾生皆為二邊沈淪苦海。若觀此財離二邊者。即無緣大悲拔二邊苦。以持正法起於善心。正法是一實之理。若見此理即具正法。此法能令離二邊苦。得大涅槃成無緣大喜。以攝智慧起於捨心。若觀三事見虛空佛性三諦之理。即攝三智無施無受。知四不可說平等真法界佛不度眾生。雖復拔與心無分別。不存有恩於物。即是於無緣大捨。以攝至波羅蜜二約六度者。以攝慳貪起檀波羅蜜。觀三事見中道離於二邊。不慳不施名為真檀。為攝五種慳貪起五種檀。四權一實。攝眾生如前歎淨名德已略分別。以化犯禁起尸羅者。菩薩行施見一實諦即忘持犯。是真尸羅。為化眾生例檀說之。以無我法起解提者。觀施實諦即於我無我而不一。是真無我。若見真無我則不惑不忍。是真解提。為化眾生例前。以離身心相起毘梨耶者。觀施三事見一實諦。即不見身心有相無相。不進不怠是真毘梨耶。化生例前。以菩提相起禪定者。觀施實諦即是寂滅。滅是菩提無定亂相。是真禪定。化生例前。以一切智起般若者。觀施中道不見愚智。是真種智。化生例前。問約四等釋法施。何以但取其實。釋六度明法施。何故雙釋答四等且據內懷外所不知。六度攝物情非一。故須雙起。復次四等實即攝權。內心隱密終不可知。故不

具釋。教化至無作三約三脫門者。教化眾生而起於空。觀施實諦即真空三昧。為化眾生斷內外緣集。起於四教四種空三昧。三權一實不捨有為法而起無相。觀施二邊即見正道。是真無相三昧。為化眾生如前空門。示現受生而起無作。二乘無業不更受生。故名無作解脫。菩薩觀施見一道清淨離二邊業。即真無作三昧。慈善根力為物受生。權實如前護持至道法四約衆行者。護持正法起方便力。觀施正道。即是正法寶城。護此正法起三業方便三輪不思議化。於四不可說用四悉檀巧說四教。即是起方便力。以度眾生起四攝法。觀施見理。欲以此理度脫眾生。因檀而起四攝。權實可知。以敬事一切起除慢法。觀於受者皆如供佛。起敬愛心不生輕慢。即是起除慢法。下去句句皆須云三權一實。於身命財起三堅。若見施實諦能起三堅。如前所明。於六念中起思念法覺檀實諦。即是念佛念檀法性即是念法。念智與檀合即是念僧。念檀能斷惡即是念戒。念檀能捨一切法即是念捨。念因檀生淨天第一義天即是念天。但法語通漫。六念所緣四教分別權實諸法思念不濫。是名起思念法。於六和敬起質直心。若行施時即四教所明四種六和。謂身慈口慈意慈同施同見同戒。既知四不可說則能起質直心。正行善法起於淨命行施。住四種正善起四種淨命。皆為利物不生邪命。心淨歡喜起近賢聖。見施實諦本性清淨。得真法喜而近諸方便所明賢聖。同諸賢聖為利

衆生。不憎惡人起調伏心。行施之時惡人來乞不生難礙。調伏其心入平等法界一切施也。以出家法起於深心。行施見一實諦出二邊生死。觀方便教明出家法。知悉歸一大乘出家故起深心。以如說行起於多聞。觀施實諦即心調軟能如說行。起於多聞善欲聞四教權實之說。以無諍法起空閑處。知四不可說則無所諍。方便起諸空閑之處。攝諸憒闐衆生。趣向佛慧起於宴坐。見一實諦即趣向佛慧。而起宴坐者。如身子章釋。解衆生縛起修行地。觀一實諦能以方便解於衆生界內外縛。約諸教門起修行地判賢聖位斷伏不同。已如玄義分別。以具相好及淨佛土起福德業。起三十二相業如大論明。因施起淨土業如釋佛國品。知一切衆生等者。見一實諦即知一切衆生心念。能赴機說法起隨情權實二智業也。知一切法等者。知一切法趣檀。見一實諦即無取捨入一相門。言起於慧業者。忘前權實二智也。斷一切煩惱等者。見實諦真修顯現則能如是。但欲深進自行化他必須起緣修助道法。如是至福田五結成法施之會。即住檀中具一切佛法。隨所施財如毒箭煙藥。若有著處諸煩惱滅成一切善根。是為法施之會。為大施主亦為一切衆生福田。若內心成就一切佛法。其有施者即能長彼一切善根。是為真福田也。世尊下六時衆得益文為二。一婆羅門發心二善得清淨。初文者聞說檀度具足佛法成法施之會。心開意解即無上心發。我時下二善得心得清淨文



爲四。一善得心得清淨致敬供養二淨名謙讓不受三善得重請令受四淨名受已迴施。初文者善得聞說法。即見施中一切佛法。徹照無染即是心得清淨。昔東方便未曾聞此。故教未曾有。利益事大感德致敬。即能解環珞供養報恩。不肯取者二淨名謙讓。本爲法益意不在財。忽即受之容致譏嫌。亦表菩薩內懷不受一切法也。我言至所與三善得重請令受。敬重報恩供養之懷。不申故重請受。若非所須受以迴施。亦暢丹誠故重請受。維摩詰下四淨名受以迴施。善得心重難可頓乖。亦表菩薩爲化衆生以無所受而受諸受。受已迴施悲敬兩田。文爲四。一迴施悲敬兩田二衆見環珞在彼佛上三淨名略說法施之會四城中乞人發菩提心。初文者表福田不二即是法施之會。一切至障蔽二衆見難勝如來受淨名施。變成寶臺者。將表淨名因施未來當得果上四德無障無礙大般涅槃。時維摩至法施三淨名因施環珞說法施會。若施乞人猶如如來福田之相。無所分別此即觀所施之田。入平等法界無有二相成無緣大悲具足一切佛法。不求緣修之報即是具足法施之會。如此明文。諸師何得但約說法以明法施。城中至菩提心四明城中乞人發菩提心。乞人因觀神力。又聞說法施之會。心開意解即發無上道心。故我不任詣彼問疾四結成不堪。善得自惟。往昔父舍設會不閉法施。遂被彈呵。心即清淨豈堪傳旨。往問疾也。如是至問疾品之大段第二。出經

者存略。或是經度不盡。諸菩薩被命皆辭不任之事。若依歡德即有三萬二千。若依隨文殊入室但說八千。未可定判。但四菩薩述昔被彈之辭。文已數紙。經家若具述諸菩薩各有所陳。其文則有數千紙也。如此大衆同聞如來印定。皆成五種利益之義。豈可偏序分也。

#### 維摩經略疏卷第十九

##### 問疾品之初

此品次菩薩品來者。上佛命諸弟子菩薩各辭不堪。今次命文殊。文殊恭命故言文殊師利問疾品。前明淨名託疾與教大判爲二。前兩品半是室外說法。今此六品是室內說法。室外彈呵折伏多用對治。室內引接攝受多用爲人。俱令入第一義。故勝鬘云以折伏攝受故令正法久住。得久住者即是入第一義。無漏真法永無退失。已折伏竟大明攝受。故有此品來也。今略用五義以通此品及下五品。一此品來意。二文殊堪爲問疾人三釋權實兩疾四因疾出六品五入文帖釋。初意者淨名住不思議權謀。輔翼大聖顯不思議真性解脫。助成佛國因果之教。前已用四教折伏凡夫二乘及諸偏菩薩。今歎圓教三脫之果接引攝受。令修三觀之因入不思議解脫。得見淨利隨業往生成淨土之行。故有此品及下五品。此又爲五。一爲起時衆渴仰之心二爲三觀攝受引入三爲扶成淨土之教四爲入大品法華譬喻五爲還佛所結定。初意者雖諸王士庶弟子菩薩稱述大士勝智勝德。

大衆虛心渴仰而已。未獲見聞。若得問疾之人隨從親承。即得見聞大士神智。說疾與教利物之事。是故奉命赴時衆之心。令見說疾空室所表。聞說不思議權實兩疾。次意者室外彈呵諸稟偏教。未入正位及諸凡夫。雖復心折慕仰正道。而莫知修入方軌。若文殊入室問有疾菩薩。云何調伏其心。淨名略廣明三觀調伏。即是攝受引入義也。三意者若因文殊問疾能修三觀。隨障盡多少各生淨土。所有願行皆成淨土之行。四意者若已入正位。前雖聞大乘猶未轉略。今因文殊入室更聞六品之說。即轉成生蘇。故迦葉云今諸聲聞皆應號泣。即其事也。若至大品得爲熟蘇。法華涅槃即成醍醐。三藏鈍根菩薩次第歷味。大同二乘。利根不定如釋菩薩品。五意者若不因文殊問疾入室與淨名往復說六品竟。豈得掌擎大衆。還還羅網對佛印定前後所說。起發阿難對佛廣明淨土。接妙喜界來入此國。今諸大衆皆得見聞發願往生修無動行。是則結攝淨名室外室內所有闡揚。皆扶成大聖不思議解脫法身淨佛國土因果之教。二明文殊堪爲問疾人者。上命五百及諸菩薩各述被彈皆辭不堪。今文殊獨堪承佛聖旨者。略出五意。一位高二垂迹三顯圓四愜衆情五隨物機。一位高者文殊與諸菩薩雖同居等覺不無高下。故環珞云。住等覺位入重玄門。經無量劫倒修凡事。文殊修行積久智德高勝。位等淨名故堪爲問疾人也。此亦一往也。二垂迹者諸菩薩多是實位補處。但

文殊本地是龍種如來。今迹居補處與淨名本迹義齊。故堪問疾人也。又一往明耳。三顯圓者菩薩本迹豈可定測。但諸菩薩多示弘方便故悉為所彈。文殊多示弘圓教與淨名事同。故堪為問疾人也。問若爾何得為爲焉掘所折答事等從多。恐掘從少。文殊未為淨名所彈。今承聖旨於義無妨。四恆物情者。問諸菩薩同輔大師何得全不恆物情。答彌勒雖是補處而是右面侍者。諸菩薩事儀疎外。文殊雖同居補處而是左面侍者。如左面大臣裁斷自在。故恆物情。五隨物機者。諸菩薩與淨名如砥柱成物。今文殊與淨名如兩槌成物。故入室往復辭無屈滯。悅可衆心為淨名稱歎。豈同諸菩薩發言被折。以是諸義堪為問疾人也。三釋權實者。疾義雖多原其正意不出權實。權是諸佛法身菩薩無疾現疾實是九道衆生實有因果患累。若從能化應前權後實。文云是疾寧可忍不。又云有疾菩薩云何調伏其心。若從所化即前實後權。故淨名云以衆生病故則我有病。今約所化為次。故前明實疾。略用四義分別。一辨因果疾相二解釋三通別四約土重輕。初疾相者癰癰色心故名爲疾。亦名爲病亦名爲患。言因疾者即是因中四分癰癰心神致諸惱患。即是心病。煩惱是因故說爲因。果疾者感四大身。同體性異。互起增損癰癰色身。即是身疾癰癰煩惱因故言果疾。二解釋者因中四分。一往分別三毒對三大疾。三處等起故名等分。生地大病貪欲對水。經云愛河洄。復沒衆生。無明所

盲不能出。愛能潤業如水潤生。瞋恚對火。瞋心一起燒滅善根。愚癡對風。以愚癡故則有四倒。故經云四倒暴風能偃山夷岳。地具三分。如水火風俱集一身。故以對之故用四分爲四分疾。凡夫愚鄙有此四分。則有八萬四千。隨緣發動惱害心神說爲因病。果疾者即是四分感四大身。一大不調百一病動。四大不調四百四病。病惱非一。復次由於四分感成報身。即有生老病死。此亦是衆生之大患也。下文云有生老即有病。此患亦因四分而生。如瑞應云。貪欲致老。瞋恚致病。愚癡致死。義推應云等分致生。有四大四病之苦即果病也。但經論隨緣。或時火譬貪欲水譬瞋。悉風亦不定。今一往從多如前對耳。通則何所不臂。三明通別者因果二疾各有通別因病者四分爲通十惡四重等爲別。果疾者四大四苦爲通。四大增損。或生等四苦增加。乃至三途重苦皆是果上別病也。由因通別故果有通別。若因中唯通果時亦爾。若通強別弱通弱別強。果時亦然。因果相成驗之不差。四約土重輕者即四土不同。一約同居者四分是因疾分段是果疾。此有二種。一穢一淨。穢重淨輕。何者同居穢土具有五道。天道果疾但通無別。因疾不定。若人畜鬼因果通別多少隨義。地獄果疾但別無通。因亦不定。若同居淨但通無別。何者雖有四分無十惡等四趣及重四苦。故因果之疾但通但輕。二明有餘者即是界外之疾。是三乘聖人迷一實諦。著偏空理起無爲四分。感變易之果亦名方便

生死。別圓斷界內惑盡並未見中。未斷無明皆生其土。因果患累同一乘也。此之患累即因果疾。但有別教通別。無通教通別。問有餘土何得猶有四分因疾。答分無爲緣集爲四分也。何者取偏真是貪。捨俗有是瞋。迷一實是癡。三分等取即是等分。此即別惑見思之因疾也。問有餘土既有四分因疾。亦得有四大四苦果疾以不。答亦有變易四大通相四苦。問上界諸天尚無老病。此之淨土何得有之。答無別但通上文云亦生亦老變易。四大若不相達則無變易。雖有通疾界外四分變易皆輕。豈同分段之重。三約果報者別圓初地初住見一實諦同斷無爲。自體未盡故依無明得有四分。即是因疾。感變易果即是果疾。亦名因緣生死。患累輕微故言自體。不成實疾但變易名通。若前方便變易相施患累亦龜。若論自體患累輕微。則有餘爲重果報爲輕。乃至無有後展轉輕微。雖復輕微而同是實疾。始自闡提之因阿鼻之果。乃至金剛等覺元品無明。雖重輕有殊皆是實疾。問實報何得猶有四分因疾。答開自體緣集以爲四分。何者取一實是貪。捨二邊即瞋。餘無明是癡。三分等取即是等分。是根本三毒。故請觀音云。淨於三毒根成佛道無疑。問實報若有四分因疾亦有四大四苦果疾不。答既有自體生死豈無自體四大。故大品云一切法趣地。乃至趣非趣三大亦爾。若自體四大四苦盡者。即是大經妙色湛然常安住。不爲生死之所遷。若諸師謂法雲等覺無生死者。其如

教何。又文云從癰有愛則我病生。若金剛等覺無明未盡則有細微因果疾生。四約寂光者解有二種。若寂光土唯妙覺所居。則自體因果患累永盡無病可論。若通下地菩薩所居則有微細因果之疾。此取有後或無有後生死。若依仁王法雲三生。則無有後終生有後住生。法雲始生乃至歡喜皆屬因緣生死。此別教為便。依圓義推無有後即是等覺。有後或從法雲至三十心皆是因緣。展轉輕重。雖作此解未可定用。但依前釋寂光土究竟清淨。豈有因果細微之疾相待判其輕重者乎。問龍樹學者何以用天親之義。答是二大士豈不同入不二法門。今本為通佛教隨其所關即用。何得定執。若分別界外結惑生死及諸行名義。當細尋天親。若觀門遺蕩安心入道何過龍樹。但此經盛明疾義。未見諸經明文。若不取地攝相映望者。他或謂非義理多端強說。二明權疾者菩薩住大涅槃有五種行。所謂若得三諦三昧具二十五三昧。即成聖行。從聖行生天行梵行。從梵行起嬰兒病行。嬰兒行從大慈善根而起。病行從大悲善根而起。何者諸佛菩薩清淨法身諸惡永斷衆善普會。有何方便小善之可行。有何界內外因果之疾。但以大悲善根欲拔界內外因果患累。故形充法界無疾現。即是病行。又示方便小善。除界內外衆生緣集即嬰兒行。若此因果疾愈則諸佛菩薩捨應還真。但衆生病有與廢重輕。菩薩還同與廢重輕。故文云菩薩疾者從大悲起。以衆生病故菩薩亦病。

若衆生得不病者則菩薩無復病。今淨名託茲方丈空其室內唯置一床以疾而臥。是則無疾現疾。遠表諸士有權病也。但實病輕重上已分別。今明權疾亦約四土。一同居穢淨現權疾者。穢土既有十界因果之實疾。以其疾故則有十界因果權疾。若界內疾愈則淨名亦愈。問六道因果有疾可知。四種行人界內因果其相云何。答此約界內因果患累未盡。若同居淨土但有人天四種行人六種法界因果實疾。以其疾故則淨名亦有六種因果權疾。若此疾愈則淨名亦愈。二有餘者二乘及三種菩薩皆有無為變易因果實疾。以此疾則淨名亦有。若此疾愈淨名亦愈。三明果報現權疾者。但有圓教四十心及等覺地受法性身。各有自體實因之疾。因緣有後無有後生死實果之疾。以此疾故淨名則有。若此等實疾得愈淨名亦愈。四寂光土有疾無疾前已分別。是則淨名大悲疾行權同四土。無疾現疾荷負十界。故名權疾。問淨名既是等覺。元品無明無有後生死。實因果疾猶在何得約實報土而明權疾。答本迹高下莫測之義。已在玄文何得更問。但權疾之義約位不同。若妙覺極位無法界之疾。而現法界疾者且如淨名權疾。等覺猶有元品無明。無有後生死。實因果疾從現受有後乃至分段因果之疾皆是權也。如此傳類齊位是實同下是權。乃至有餘同居現因果疾皆是權也。若有餘土二乘三種菩薩齊位。有無為之實因疾方便之實果疾。神通智願入同居淨。同六

種因果之疾。入同居穢同十界因果之疾。皆是權疾。若同居土四種行人斷界內惑未盡。若斷已盡身在同居。無疾現疾為利衆生。皆是權疾。乃至五通仙人諸天報得神。通隨有所為無疾現疾。亦名權疾。若約觀心巧修觀者或為自行或為化他。無因果疾現因果疾尚名權疾。乃至一切衆生皆有此義。如是則一切法趣疾。乃至趣非趣。如此明疾堅則深窮實際之源。橫則廣等虛空法界。義理幽微。自非妙覺種智圓明。孰能究竟通達無礙。今淨名現疾表此。故聲聞菩薩皆所不堪。莫敢傳旨。文殊自知善解疾義能恭聖旨。問於權實往復無滯。四明因疾出六品者。淨名說疾意在興教。因文殊問權實之疾。答權疾出此品上半。答實疾出此品下半。又因權疾廣說不思議品。因實疾廣說觀衆生品佛道品入不二法門品香積品。是故室內六品皆從疾之一字。權實故有。入文帖釋當知符契。問有師云此品是五源八始此云何。答有似而疎甚不主對。何者淨名本託疾興教。但約疾之一字出室內六品。何待空室等為五源也。今明一部凡十四品唯初佛國的是大聖法王自說。餘十三品皆因淨名託疾而興。細推疾之一字即是三由六源二始兩因。三由者由淨名託疾故有諸王士庶參問。佛命弟子菩薩問疾。即是由疾得有室外三品。六源者以現疾故文殊奉命入室問權實兩疾。淨名略答廣說。是則室內六品從疾而起。疾即六品所出之源本也。二始者即是菩薩行見阿闍

佛二品。亦因淨名託疾而始所以然者。聞說六品有緣疾愈。淨名得無復疾。故掌擎大眾還菴羅園。起發如來復宗明佛國因果。二品從疾愈而始。故言二始。兩因者法供養囑累兩品。亦因託疾而有。何者兩品既是流通。因淨名託疾而有正說。流通即是流通正說。是則因疾而有流通兩品。故云兩因。今明室內六品大分爲三。此一品即是略明權實二疾。次不思議一品廣釋權疾。後四廣釋實疾。爾時佛告下五正釋文爲二。一佛命文殊二文殊恭命。初文者上諸所命各述被彈皆辭不堪。但入室問疾利益事重。自非文殊具前五義更無堪任。所以命也。文殊下二文殊恭命。文殊既無被彈之失無可致辭。又五利事重。豈可乖違大聖高旨廢斯大利。是以恭旨。文爲五。一恭命問疾二大眾俱往三賓主往復四正宜旨五時衆得益。初爲二。一先自謙二正恭命。初復爲二。一自謙二出謙難之事。一自謙者行人之常儀。而言難爲酬對者。上人智深德重往復非易。深達下二出謙難之事文爲四。一二智深廣二因果德滿三化他功大四結二智究竟。具此四故故可謙難。初文言深達實相即實智深廣。若三藏菩薩本不入實豈判淺深。通教菩薩偏真實相未足以難大士實智。別教登地託至等覺但破十一品無明未成深達。況有教無人豈足敬難。今圓初住乃至等覺破四十一品無明。將窮源底智證妙覺。故言深達。善說法要者即是知不生不生不可說。四悉赴機說實相法。

若權智所說雖多得益蓋寡。故非要也。今實智說一實相益者深廣。故言法要。如法華明多施金寶豈同解髻。此應四句。一少說少含二多說小含此非法要三少說多含四多說多含此是法要。辨才無滯者明權智無滯故可敬難。此即生生不生不生不可說。四辨赴緣說三無滯。智慧無礙者即是三教所詮之理。知病識藥隨病授藥。方便知見波羅蜜皆已具足。故言智慧無礙。一切至得入二明因果德滿。故可敬難。一切菩薩法式者即是權實法式。又是修行軌儀。非權非實而能通達權實法式。自行教他。非但悉知亦能成就。此因德滿故可敬難。諸佛祕藏無不得入者二權一實各有當教所明祕藏。以實望權。權是隨他非真祕藏。實是隨自。久默斯要不務速說。是真祕藏。一一寶藏一切法門即是藏義。故法華云。種種諸藏悉皆充滿。果德將滿故言無不得入。既成果德深可敬難。降伏衆魔遊戲神通。三明化他功成故可敬難。降伏衆魔者降魔如前釋。但魔是所化衆生之主。若主不寶伏民豈歸心。大士既能降伏十方佛土衆魔。則一切衆生無不歸信。遊戲神通者。民主既伏。是以神通變現成就衆生淨佛國土。其功廣大。一切下地莫之能類。故可敬難。其慧方便皆已得度。四結二智究竟故可敬難。其慧結實方便結權。二智導衆行行能究竟。故言皆已得度。雖然至問疾二正恭命問疾。文殊謙下之儀已備。雖智德相隣弟子之儀凡有。百所爲皆承佛力。既是

佛遣。還承佛加冀無謬漏屈滯之失。故言當承佛聖旨詣彼問疾。問若承佛加者。上諸菩薩亦皆堪往。答加於可加。文殊具於五義是故可加。又如法華彌勒四衆有疑。唯從文殊取決。豈得類諸菩薩。於是下二大眾俱往文爲二。一衆欲隨往二文殊與衆俱往。初所以念欲隨往者。淨名神智難酬。往昔聞菩薩無敢當者。今文殊智德高遠承佛聖旨必論大法窮乎幽遠。故咸欲隨從。於是至大城二與大眾俱往。其有入室問法之機。必沾益者皆共入城。爾時下三賓主往復文爲四。一淨名空室現相二文殊見相知表三淨名稱歎文殊四文殊述成其言。初又爲二。一神力空室二以疾而臥。空室表欲扶成佛國之教。現疾表欲顯三解脱。初云即以神力等者。神力表用智慧。空室表佛國皆空顯真寂光。除去所有表除依報。及諸侍者表除魔外。具如淨名答文殊。空室表其佛國即有二意。一成前二生後。一成前者上佛說淨土。正爲衆生罪故不見清淨佛土。不得生淨佛刹不能成淨土之行。故廣說佛國品。爲破衆生罪垢緣縛諸不淨業。令成淨土之因。淨名爲扶成佛教。通作方便折挫彈呵。又因託疾爲凡夫說。又欲重發昔彈呵事。皆爲扶成淨土之說。今文殊既來所以現空室之相。表佛土皆空。欲與文殊廣論佛國即成前也。二生後者若現空室表佛國皆空。文殊知表因即往復論佛國義。故於此品即得明佛國也。又因空室身子爲衆須床。念食時衆得見燈王佛土香

積淨利。其間往復品開出佛國因果。斯義既訖。掌擎大眾至如來所。發起如來復宗。廣說菩薩行品。明佛國因果見阿闍佛品。無量大衆見彼佛土。因此發心。修阿闍佛淨土之行。生彼土皆由空室現相。而立即生後也。今約四土釋此所表。一同居穢淨。若表穢土則有雜穢依報魔外正報。淨名現穢知穢即空。欲以智力破除穢業。若穢不空則不可破壞。以穢業空故依報可除。即是除諸所有破諸魔外愛見正報。即是及諸侍者。次表同居淨土。雖無雜穢依報魔外正報。而有分段清淨依報分段愛見正報。淨名現生知淨即空。以智慧力斷除分段依正之業。故云除去所有及諸侍者。次表有餘者雖無分段穢淨依正。而有變易依報無爲正報。即彼愛見魔外。故淨名呵須菩提云。同於煩惱入諸邪見。淨名現生知其國空。即用智力除其依正。即是除去所有及諸侍者。次約實報者。其土雖無方便依正。而有自體淨妙依報自體愛見正報。淨名應生知國即空。用智慧力除彼依正。故云除去所有及諸侍者。次常寂光國究竟清淨。空無所有即是極地所居。無可除斷。故大經明無所斷者名無上土。今淨名即用神力空其室內。除諸所有及諸侍者。表果報之末欲入寂光。故地持明。二障斷時離一切見清淨淨禪。此即其義。若表權居前三方便利物。具如前釋。復次有國有物有侍即是方便。今悉除者爲顯實也。空室現相略釋如此。唯置一床以疾而臥。二明欲顯三德解脫。床表

真性疾表方便臥表實慧。此亦有二。成前生後。成前即是扶成佛說三解脫之法身也。何者淨名爲成如來說不思議解脫。故前呵諸弟子菩薩。次及託疾爲諸凡夫。又欲重顯往昔彈呵成不思議解脫之教。故無疾現疾。今文殊受旨入室問疾。事須現疾表相。以開往復之端。因此得論權實二。疾即如來所說及淨名彈呵。扶成之說悉皆顯了。生後者即生室內六品出室二品。何者現疾有表故致文殊問權實疾。則生此品。次淨名廣說生後五品。還菴羅林爲成不思議解脫之教。即生菩薩行見阿闍佛二品。故名生後也。至後帖文其義自顯。所以唯置一床表真性者。法華明諸法空爲座。空即真性解脫。疾表大悲方便。同疾即方便解脫。臥表實慧即真報疾。臥是休息身安之相。實慧若與真性相應。則諸行休息心安不動。智斷圓滿即實慧解脫。故大經云誰得安穩眠。所謂慈悲者。常修不放逸。視衆生如一子。以諸佛無緣慈悲拔一切苦。非放逸行。言得安穩眠者。如磁石吸鐵。無緣無念即安穩眠。如人自有不病臥。自有有病眠。寢實慧亦爾。若衆生無病即法身實慧無因緣之疾。若有機衆生有病。即實慧法身大悲應之。若淨名同居穢土現此疾者。淨土亦然。乃至有餘果報亦爾。問疾是緣集癡礙之法。何得表解脫之德。答此異藏通。彼以無煩惱生死名爲解脫。今不思議方便解脫只受煩惱生死。而自無縛。解脫衆縛。故大經云諸佛菩薩隨所調伏衆生之處。名爲解脫。問

此經明四禪爲床座。何得床表真性。答經教隨緣開喻不定豈可專執。今解淨名表發。罔像得珠。謬謂窮研將不失寶。亦如下文明畢竟空寂舍。今見室空即表諸佛國土皆空。文殊至一床二明文殊入室見相知表。見其室空無諸所有者。即知表諸佛土空。必欲開發扶成佛國之教。見其以疾獨寢一床。即知表三德解脫必欲顯發扶成。佛說不思議解脫之教。故大論云。智人能知智。如蛇知蛇足。問何以得知。文殊見相即知所表。答淨名歎言善來。以不見相而見。不見相即表四不可說。不見依正之相而見是現相。表土表身。若不爾者文殊在下。何得問疾即問室空。因此往復。又文殊尚知如來說法華現相表發。豈不知淨名現相所表。若不知者豈得恭旨堪來問疾。時維摩詰下三淨名稱歎。所以歎者知具五義。今來問疾必能顯發不思議解脫佛國因果之教。扶成法王所說廣利有緣。故稱歎善來。文爲二。一正稱歎二釋歎。初正歎者對非善來而歎善來。若諸凡夫弟子菩薩既無五義。不能起發不思議解脫淨土因果。廣利群品。故非善來。今文殊反此。能扶成法王大教。多所利益可謂善來。餘非善來者略有七種。一諸王士庶皆有緣縛。雖蒙說法除其結或。非與顯大法。二諸大弟子偏真斷結。無大悲心不求妙覺。不能引物來出火宅。雖從因來至有餘涅槃。便入灰斷非真涅槃。豈名善來。三三藏菩薩雖求佛果。伏結不斷心不清淨。又止求道樹佛果便入涅槃。

所求非實須轉心觀豈名善來。四通教菩薩偏真斷結雖有慈悲。終求無餘無常佛果。須轉心觀豈名善來。五別教菩薩雖求常果。不能圓觀法界。次第而斷界內外惑來入十地。亦須轉心觀豈名善來。六圓教初心中心雖能見中無緣大慈普覆一切不住諸地。但智德猶淺非其齊量豈名善來。七圓教後心。本迹雖齊與物無有間疾之緣。不能顯豈名善來。所以聲聞菩薩皆不堪奉命者。以有如是非善來故。今文殊是圓教大士本迹齊量。知與時衆有扣擊之緣。故將大衆如象王群同來入室宣旨問疾。則爲時衆作入不思議見淨土生淨剎成淨行。而作良緣。故來問疾是真善來淨名懸鑒有益故歎言善來。不來相而來不見相而見。二釋歎。有師云真諦無來相俗諦有來。故言不來相而來。若爾應歎二乘。又師言法身無來相應身有來。故言不來相而來。若爾淨名皆應歎諸菩薩。又師云若來是來來。即自性來。若來是不來來即假來。假來非來即是不來相而來。今言來是來來是自性者。來是不來來即他性來。豈得歎也。今言若以來相而來則非善來。今文殊以不來相而來故歎言善來。何者若諸凡夫皆有愛見。此取相而來。若諸聖聞破假入真而來。此是曲遷。取偏真相而來。三藏菩薩伏結而來。取相未斷。通教菩薩從體假見真入見地。乃至入菩薩位而來。此取二諦相而來。若別教初心歷別三諦入初地而來。此是依三諦相而來。此等皆非不來相而來。若圓教知四

不可說即不見一切相。而能觀中道。無緣大慈化法界衆生。同來寂光。是爲不來相而來。此合如來命章說淨土義。亦稱可淨名之懷。但諸圓教初中後心。與此時衆無有間疾之緣。豈敢恭旨而來問疾。闕此一義故淨名不歎。今文殊從初發心知四不可說。無有權實自行化他之來相。故言不來相。而能道觀雙流而權而實。自行化他來。齊淨名本迹之德。故言而來。又知時衆皆是四不可說。今有因緣故見其可說機來。故將領而入。當聞不思議解脫淨佛國土之說。皆獲大利。故釋言不來相而來。不見相而見者亦是釋歎善來。以文殊不來相而來入室。以不見相而見室空及以疾而臥。皆知表發。則懸相稱可所以歎也。言不見相而見者。以對見相而見此非善來。何者若諸凡夫肉眼見天眼見龜細相。聲聞但有二眼。肉眼天眼所見同前。慧眼見真即是見二諦相。三藏菩薩既未斷結不見真諦。但有肉眼天眼以見世諦龜細之相。通教菩薩亦但三眼。唯見二諦幻化之相。別教菩薩得四眼。三眼如前。別得法眼見界內外恒沙佛法無量四諦之理。並是見相見也。若圓教菩薩住十信位。雖有肉眼名爲佛眼。相似圓見法界。法界相惑未除猶名見也。若入初發心住發真無漏即五眼圓開。雖得五眼知四不可說。不見有三聚衆生。即是不見相而圓見法界。此是不見相而見也。乃至妙覺亦如是。今文殊本迹五眼與淨名齊。淨名非相現相爲表。文殊以不見相而見所表。此意懸

與淨名冥同故稱歎也。問來與見何殊。答來是三智見是五眼。法華云爲令衆生開佛知見。又云如來知見廣大無量即其義也。復次圓教菩薩從發心住知四不可說。得一心三觀三智五眼。將果望因心心寂滅自然流入妙覺大海。故言不來相而來。五眼轉明至果位時圓見法界。故云不見相而見。文殊下四文殊印可述成。如是居士者前居士懸歎善來。今文殊懸印如是。此爲二。一文殊領解印可述成二釋述成。初文者文殊言如是居士。是正印可。若來已更不來一句即是述成初句者。此述成前善來對非善來。何者前五人行以來相來。故來已可有更來。如凡夫外道修禪至非想已還墮三途輪迴上下。若二乘來出三界過三百由旬。即住化城。若滅化城須更來寶所。三藏菩薩欲求佛果行六度。而不至妙覺。若聞通教觀從觀無生而來。通教菩薩來求佛地。若聞別教改心觀從別觀而來。若別教菩薩修別相三觀來求妙覺。猶是迴曲。若聞圓教改心改觀從圓教而來。此等皆是來已復來。今圓教菩薩發軔無僻。終不中道改心易觀。即是金沙大河直入西海。故來已不復更來。復次圓教初心中心雖從直道而來不改心觀。但來未至果猶有來義。文殊淨名皆至極地則無更來。故言若來已更不來。此述成釋歎善來不來相而來也。若去已更不去者。此重述成來義亦約五人雖去以去相去。非是善去。此則去已猶應更去。若依圓教發心正觀中道。一去則無改心

改觀更去之理。故言若去已更不去。此之二語。一體義異。轉名目耳。若以果望因。即是從因而來。故言智度大德佛從來。將因望果。即是去義。故大品云是乘從三界中出。到薩婆

若中住。又大論云來聖如是來佛亦如是來。衆聖如是去佛亦如是去。如淨名空室文殊來入。名之爲來。受旨問疾。即名爲去。文殊爲淨名說來。故更以去義述成。文殊言所可見者。更不可見。此述不見相而見。不可見而見者。其空室現疾表果依正。若過此所表更無淨土法身之可見。此語成佛國義。若引衆生來入見淨土法身。過此更無可見。故言所可見者更不可見。復次如世人肉眼見龜色。不見細色非究竟見。若更修天眼令見細色。雖見細色不能見真。若二乘通教菩薩修得慧眼。即便見真。雖復見真不見藥病。別教菩薩進修法眼見差別法。雖見差別不能圓見三諦。一切法入一法。一法具一切法。圓教菩薩若得佛眼。圓見法界窮源極底與虛空等。若過佛眼更無可見。故言所可見者更不可見也。所以者何。至更不可見。二明文殊釋述成。所言來者無所從來者。此釋若來已更不來。四不可說即是平等法界。諸佛所不能行。此無有來相。約此說來即是無所從來。述成不來而來。去者無所至者。四不可說即是平等真法界。諸佛所不到。故言去者無所至。重述成不來相而來無所到也。所可見者更不可見者。四不可說平等真法界中無所可見。而言見者。佛眼見極更無可見。即是釋上述

成不可見相而見也  
維摩經略疏卷第六

維摩經略疏卷第七 小卷二十

問疾品之二

天台沙門湛然略

且置下四正明問疾。上來言談是賓主相見之儀。非其正意。神解既齊。辨無窮盡。妨宣佛旨。故言且置是事。文爲二。一前宣佛旨。二文殊自述。本衛佛命。師旨尊重。故須前宣。次須問託疾之深致。數發大士闡揚利物。故自述己情。若但宣佛旨。聲聞菩薩不應各辭。但對勝人。慰問疾義。往復事難餘人不堪。意在於此。故文殊次述己情。宣旨爲二。一正宣旨。二總述佛意。初文三句爲三。初句云是疾寧可忍不。淨名法身本自無疾。無忍不忍。既爲衆生。還約衆生論忍不忍。但佛處世。迹同世間。故有勞問。如毘尼中。佛亦憊問諸比丘。道路疲不乞食。易得不。又如大品。諸佛自相憊問。少病少惱等。智論釋之。皆有深致。今佛問淨名云寧可忍不者。淨名爲衆生故疾。衆生不同疾。有可忍不可忍。如人雖病而猶行。涉是爲可忍。或有疾苦起。止不能是不可忍。今亦約四土。一約同居穢淨。穢土疾者則有六道。十惡四重等業。是三惡因疾。三途苦果。是果疾。此之重疾是不可忍相。若十善是修羅人

天因疾。八苦五衰等是果疾。此苦小輕是可忍相。復次同居穢土果疾是一而因疾。九種不同。謂六道三乘。若有六道因疾。無三乘根性。是不可忍相。若有三乘根性。即是可忍。復次凡夫修三乘行根。有利鈍。遮有輕重。根利遮輕。疾則可忍。根鈍遮重。則不可忍。復次三乘進行斷結。斷結者輕。是則可忍。未斷者重。則不可忍。淨名權疾皆悉同之。次同居淨土除四惡趣。但約人天三乘類前。二約有餘土無分段之苦。通皆可忍。但龜細相形。二乘通教菩薩生。彼土者鈍。是不可忍。別圓菩薩生。彼土者利。是可忍。權同亦爾。三約果報土者。彼諸菩薩皆是法身。無三乘異。雖有無明。自體因果之疾。皆悉可忍。權同亦然。若地位相形。非爲不得。但不如前有餘橫有其相。四常寂光既是極地。衆惡永盡。衆善普會。無疾無惱。無實權之疾。忍不忍別。佛止一句。憊問淨名。廣博深遠。無所不該。同上言寂光有疾。今何以言無。答不定。但隨聖教。教有即有。教無即無。今據極地。無實疾也。療治有損。次宣第二句。療治有損者。世間有疾。必須醫療。既爲衆生。苦治衆生。是治淨名。但衆生疾有三不同。謂見思無知無明。此之三疾。即界內外一切因果諸疾之本。用三觀治之。則三疾俱滅。具在玄義三觀中。明至釋下文自可見也。亦約四土。一同居者。一從假入空。正治同居見思之疾。二從空入假。正治有餘恒沙。傍治同居無知。三中道正觀。正治有餘果報無明。利根菩薩。傍治同居見思無知。亦傍治有餘

無知。寂光無疾可治。今明治同居土。大論作四種料簡。一根鈍遮重即是鈍根凡夫。煩惱垢重不可治也。二鈍根遮輕如周利槃特。一夏止誦一偈而能發真成大羅漢。三根利遮重如翫掘魔羅。日殺九百九十九人。但其根利遮不能障見佛即悟。四根利遮輕如舍利弗。聞阿說示說三諦。一偈即得初果。淨名同此等疾難損易損。如四句中繫特翫掘身子等皆是療治有損。若就有餘無永不損。若三乘相形亦作三種分別有損。權疾亦然。若入果報平等法界此是利根但有一無明遮。約位傳論輕重無別橫遮止有一損。若約初心宿業或作二句分別無鈍根也。權疾亦然。常寂光土極地寂然無此分別故佛問云療治有損。不至增乎次宜第三句。此問意者如世人疾具有四種。一有從初服藥但增而不損終無瘳理。是名增增。二或雖因篤方治即愈。是名增損。三或有服藥初雖暫損而後更增。是名損增。四從初漸損乃至平復。是為損損。淨名應生同居說十二部經治衆生疾亦四根緣。一增增者即底下凡夫。若為說法更起誹謗闍提之罪。如善星調達等也。二增損者如尸利鞠多養攝等也。三損增者如大論明。四禪比丘謂是四果。臨終見生處謗無涅槃即墮地獄。又毘曇成實明。退法人皆是其相。四損損者即身子等諸得道人。淨名同居權疾亦爾。一約有餘但有三種無增增也。已得位不退不生三界。而三乘生彼有利有鈍。約行退念退亦得有三。權疾亦然。若果報土皆念不

退。心心寂滅自然流入皆是損損。或約入出觀義立三句。權疾亦然。寂光極地湛然無疾。淨名權同前三土疾。治其實疾有損不增。淨名亦爾。故慰問言不至增乎。世尊慰慰致問無量。二明文殊總宣佛意慰問。言致問無量者十方法界三土實既共無量。淨名悲念則權疾無量故使如來致問無量。止述三句者此表問端。或有多句。譯者簡略或經家不出。例如五百八千皆有稱述略而不傳。或是但總宣無量。足表佛意故不多述。居士下二文殊自述已情。問疾奉旨事難意在於此。文為二。一問果中權疾二問因中實疾。由問權故淨名答出不思議品。由問實故淨名答出觀衆生等四品。至文可見。就問果中權疾文為三。一從居士此疾何所因起下是問果疾因起。大士果地法身清淨永無患累。而今現疾何所因起。二從此室何以空無侍者下。是問大士法身依報眷屬。今何所在而但見空室。三從是疾為何等相下即問應身同疾以何為相。為同法身為同凡夫故問相貌初文為二。一文殊問二淨名答。初問為三。一問疾生因起。二問疾生久近。三問滅疾之法。初問疾因起者若果地法身何疾何惱。今忽言有疾因何而起。次問其生久如者。法身無疾既有權疾有來幾時。次問當云何滅者。若為衆生今十方國土衆生無盡。權則不可滅此。疾當何得滅。文殊三問大意在此。維摩下二淨名答為二。一先答第二第三問。次答第一問。所以問答有前後者各有其意。文

殊問意欲令衆生知從本起迹。淨名答意欲令衆生尋迹入本。亦為顯生滅相成之義。初答文為三。一正疊答兩問二釋三譬顯。初文二。一答第一問疾生久近。從癡有愛則我病生者。答第二問疾生久近。從癡有愛則我病生者。疾之久近皆由衆生十二因緣生。淨名權疾同其久近。所以知約因緣答者。涅槃云生死本際凡有二種。無明與愛是二中間即有生老病死。無明是過去癡愛。是現在癡。二世相避故立兩名。無明潤行使有現在識等五果。現在愛取潤有則有未來生死。故有十二因緣輪轉。三界二十五有經生歷死則有因疾果疾。淨名為衆生有癡愛生法身大悲即權疾生。衆生癡愛生來非近。權疾亦爾。答疾久近正意在此。復次淨名為衆生疾何但同居。有為癡愛疾生權病則生。有餘無為亦爾。何者同居癡愛盡有餘癡愛則生。以迷中道染涅槃故是癡愛生。是二中間則有十二因緣因疾果疾。但是變易因緣與分段異。分段昇沈往。返六趣。變易不爾。但約因愛生死。愛滅即生於上地終不退退生於下地。何者三界結盡不生分段。亦不退細受。類如那含於欲身修得初禪初禪死即生二禪。終不生欲界更退初禪。界內聖人尚爾。何況界外而更生分段及受。變易若變易衆生有此癡愛淨名大悲即癡愛疾生。是答疾生之久近也。若果報土無明未盡是癡染依正是愛。是二中間有自體生死十二因緣因果疾生。故勝鬘云。無明住地其力最大。佛菩提智之所



能斷。若有餘癡愛疾滅即果報癡愛疾生。淨名法身大悲即同其生。此亦答疾生之久近也。寂光極地無實癡愛疾。故無癡疾生之久近。問若約衆生明淨名疾生久近者。癡愛無始非久非近。何得以此答文殊問。答衆生癡愛無始非久非近。淨名無緣大悲亦爾。論久近者約事有也。何者果地大悲窮源無疾。隨衆生疾同體。大悲因是而生名生久近。文云從無住本立一切法。無始無明起恒沙無知界外四倒界內四倒。淨名窮緣起之源亦爾。若依理者果報疾生爲久。有餘同居疾生漸近。依事則同居爲久。有餘果報漸近。如斷同居癡愛方有有餘癡愛生也。若一切衆生至我病滅次答第三問疾滅。若用四教三觀斷三土衆生癡愛。實疾滅則淨名權疾亦滅。故言則我病滅。何者若同居土起因果疾。淨名同彼爲說四教令修三觀。若彼衆生疾滅淨名權疾隨彼而滅。若有餘土衆生有因果疾。淨名權疾爲說別圖令修假中。若彼衆生疾滅淨名權疾隨彼而滅。若果報土衆生有因果疾。即淨名權疾但爲說圖令修中觀。若彼衆生分分四十一品滅淨名亦然。寂光極地智斷圓極則無滅也。略答第三問竟。若諸師不許約界外二土明權實者。彼之二土應無明。若彼有實淨名何得無權。問三土衆生癡愛無盡淨名權疾何當盡也。答通論權疾衆生不盡疾亦不盡。今且據一期有緣三土所化。有化緣疾滅權疾亦滅。所以至無復病二釋前兩答有二意。前言爲衆生故入生

死。有生死即有三種疾生。此釋答有權疾生之久近。次言若衆生得離病者。則菩薩無復病。即是釋後答權疾得滅之由。譬如下三臂顯文爲二。一開臂二合臂。開爲二。一開有病臂二開病愈臂。初以父母爲臂者。菩薩從二智生大悲住一子地。即是衆生之父母。一切衆生同有性理故云唯有一子。若三土衆生有癡愛實疾。法身二智大悲即應生三土。故有權疾。二開病愈可解。菩薩至亦愈次合臂文亦二。前合有權疾臂。次合權疾愈臂如文。又言至悲起二却答第一問。上已辨權疾之生滅。今次答起權疾之因。由由於大悲。即不可思議解脫無緣慈悲善根力故能現身有疾利益三土。此無心於物。大經云。即於五指出五師子。如來實不作念而象見師子。當知皆是慈善根力。今淨名大悲熏心現三土疾亦復如是。衆生緣法緣即不能爾。今淨名無緣大悲故能三土現身有疾說四教三觀。如置毒於乳乃至醍醐亦能殺人。菩薩大悲亦復如是。隨所現身同事利益功不唐捐。故大經云慈即如來。慈即解脫。此之慈悲即具一切佛法。如磁石吸鐵。悲亦慈問爲石異於吸吸異於石。答若石異於吸石則無吸。若吸異於石吸在石外。今不爾不一不異即是石吸。無緣慈悲即是法身法身即是無緣大悲。寂然清淨無念而吸。如鏡本無像隨衆緣對鏡則現像。衆生本性清淨無有癡愛。菩薩法身本來無疾。以三土衆生癡愛疾起菩薩大悲即有三土權疾。故去從癡有愛則我病生

文殊下二問室空無侍者文爲二。一問二答一問者文殊入見室空。即知有表時衆未悟。欲顯佛國之義故次問也。此是問依報之國爲正報所栖。爲令時衆知大士法身所栖究竟淨土。無有依報眷屬。若應於物則有依報眷屬。故次問此室何以空無侍者。此問正起發佛國扶成上來佛國品也。維摩下二淨名答文。爲二。一前答室空次答無侍者就答室空有七番往復。初言諸佛國土亦復皆空者。大士善巧多端表發非一。從來此室位置安施侍人陪列此爲表欲說方便諸緣集未除未得顯於清淨土也。今欲顯真淨土無有分段變易依正惠果。引入畢竟本性空理常寂本國。故屏諸所有表捨方便明有之教。今欲闡揚畢竟淨土真空寂光。故答言諸佛國土亦復皆空。空何但表性淨常寂空無所有。一切諸國悉亦是空。若諸土不空寂光不遍。既遍一切則三土皆空。問別有寂光土耶。答不然。只分段變易即常寂光。如螺髻所見即穢是淨。更不別求。故云譬如諸天共寶器食飯色有異。言諸天者表三土也。皆有依正。正報即身依即住處所有淨妙五欲等也。言皆空者表常寂光。無此依報封疆之別。亦無正報種類之殊。同入究竟真空之理。如此室空無物無侍。從來對諸方便賓客須安衆具。今賓飯如聞毒鼓。至聞法華一切皆入是故室空正表於此。又問至以空空次問答。問以何爲空者分段變易皆有依正。云何令其同歸一空。

●慈二悲？ ●亦十(如) ●慈二技 ●爲二一爲三

又聲聞經明空三昧。衍十八空有空空。未知以何空故空。答曰以空空者若約境智通明法空。如大經明。空空故空。亦以菩薩修空故空。如鹽性鹹令異物鹹。故言以空空。今言若迷教意只逐其語。云空空者空則無窮不免戲論。藏通所明只是界內空空。今中道正觀能空生死亦空涅槃。故言空空。若空生死即同居空。若空涅槃即變易空。故言以空空。何者界內境然猶尙是空。況界外果報細妙而非空也。以此而推空室表於諸佛國空。正表諸土是寂光也。又問至故空第三番問答。所以更進問空何用空者。若法本來自空何待修故空。若以修空故空則本性不空。又若觀分段從假入空空即真諦。何須更空。若須更空當知是有故問空何用空。答曰以無分別空故空若就本性空理是一。但稟方便二乘菩薩分別取空未會真空。若捨智障分別二諦即會中道真空之理。故云以無分別空故空。復次若分別俗有實空破俗入真。則生死涅槃是二名爲分別。止得但空不得不可得空。若體非俗非真則無生死涅槃之異。豈有智障之可捨也。無生死即是但空。無涅槃即是不可得空。是名以空故空。若會無分別空則無界內外之可分別。即常寂光真極淨土。又問至亦空第四番問答。文殊問意此是密難。若分別非空無分別是空者。何得言空。若言是空豈非分別。若以二乘方便菩薩分別取空皆非空者。今何得捨分別空而取無分別空。若有取捨無分別還成分別。既成分別

則非空也。若是空者不應分別。故問言空可分別耶。淨名答言分別亦空。此之空理本性自空妄生分別。只此分別未曾是有。雖復種種憶想分別。分別即空。何者若性自空。修空見空。若所觀分別之境即空。無分別者能觀亦然。若能觀分別之智不即是空無分別者。所觀可然。以所觀分別之境空即是無分別故。今能觀亦然。諸方便教事理不融。分別可障無分別理。圓教不爾一切分別即無分別。無分別即分別。分別即空。所以上文云能善分別諸法相於第一義而不動。雖復分別未嘗離空。故言分別亦空。復次三土皆是分別妄想故有。若皆即是中道法性一如無二。此分別即空即無分別之寂光也。又問至中求第五番問答。問空當於何求者。明此無分別空理微妙懸絕行人欲求當於何求。淨名即答當於六十二見中求。譬如有人迷南爲北。不可離北終須還就所迷北處而求南也。悟時還是所迷北處。而見於南。今衆生未悟即菩提爲煩惱。故有六十二見之煩惱。若悟即煩惱爲菩提。六十二見所計煩惱之處即是菩提真空寂寂之淨土也。今明六十二見雖復衆多原其根本不出二見。從二出四歷三世陰即六十二也。故法華云若有若無等依止此諸見具足六十二。凡夫四教即有五種有無四見。一凡夫四見出六十二。如向所說。二三藏四門未悟取著即是四見如大論明。若入毘曇即墮有中。空門毘曇門等皆各墮見。三通教四門若未得真執此四句即是四見。如大論云般若如大

火炎四邊不可取。中論觀法品亦有此說。四別教四門如大經云。乳譬佛性四句。若未見佛性執此四句即是四見。五圓教四門若未見性執此四句亦成四見。故思益云實語是虛語生語見。故大經云自此已前皆名邪見。以此四教歷三世陰及二無我。亦皆各出六十二見。有人言大集有此分別未得討文。所以出此五種六十二見。爲成淨名所答。故言當於六十二見中求。若從凡夫六十二見藏通四見中求得但空。即見同居有餘。若從別圓四見等求得見果報土。若於圓教四見等求至離一切見清淨淨禪即見寂光。如迷南謂北從迷處求即得見本。今欲求理只約見中而求即得無分別空入常寂光。故答言當於六十二見中求。又問至中求第六番問答。問六十二見當於何求者。此明諸見顛倒本來不實。依何處起而求諸見。淨名即答當於諸佛解脫中求。何者諸佛解脫即是中道自性清淨心。不爲煩惱所染。本非縛脫不染而染難可了知。即是衆生迷真性解脫故起六十二見。有縛有脫。此見非餘處起。即是迷於真性解脫而起。今欲求此迷情諸見者。當於諸佛真性解脫中求。則知六十二見所起之源也。如欲求水不得離水。又問至中求第七番問答。若求六十二見從諸佛真性解脫中求者。諸佛果地三德解脫復從何求。淨名即答衆生心行中求。上文云隨其心淨即佛土淨。今觀衆生心行入本性清淨智。窮衆生心源者即顯諸佛解脫之果。華嚴云破一微塵



故。外是實形此像不實。不實之形豈與實合。雖不與鏡合因鏡像現。雖不與形合形對像生。此病亦爾。不與金剛身智慧心合。何以故。金剛身相離智慧心如幻性無疾故。亦不與凡夫身心合。何以故。凡夫身離病相不住。心如幻化病亦何在。凡夫實病此病權現。雖不與法身及凡夫合。因大悲起而有實病也。故從無住本立一切法現有三士之疾。故以鏡為喻也。又問至我病三問成病法。所以問者。夫病約身。身有四大如四毒蛇更相殘害。大論明四蛇相逐恒相殘害。一大不調百一病惱。故文云菩薩為衆生故有生死。有生死則有病。何以故。以其應受此毒蛇身即有四大。今現身有疾何大病耶。淨名答言非地大若地是病土石林木亦應是病。若此等非病云何得言地大是病。水火風大亦復如是。外四大既非內亦應爾。復次若四大是病有此四大即應是病。何得或有或無。若無病時應無四大。雖有四大有無病時。當知病非四大亦不離四大者只約此身得論有病。譬如因的則有箭中。豈離四大而別論病。故言不離地大。淨名亦爾。雖同實疾何必頓同為病苦耶。故言非四大也。不離者淨名為此實疾。是故應同應疾之由良為實疾。故言不離不即不離以論權病。又非地大者如請觀音言。地無堅性水性不住火從緣生風性無礙。一一皆入如實之際。四大實際即非病也。故言非四大。不離者衆生不了四大如實故起諸病。是以應身同四大病故說不離。故淨名云。以

衆生病從四大起以其有病是故我病者。衆生四大所成應同亦現四大所成。四大即是成病之法。今遍約三士。若三士有疾淨名則有此大悲。疾體無形相猶如虛空。雖復應同不與三士身心而合。成疾之法本由大悲何關四大。亦不離四大故三士生現此權疾也。故云是故我病。乃至法雲金剛心亦如是。爾時文殊師利下第二問因中實疾。所以次問者上來權疾。當何所因為同實病。以有實病方便同事。而為治之。云何為實疾衆生說法。如何慰喻實疾菩薩。文為二。一為信行人問二為法行人問。所以然者初問云何慰喻。淨名答以三教。慰喻即為信行人。從問云何調伏。淨名答用三觀調伏。即為法行人。信行必藉外緣恒為說法。指示分明方乃得悟。即是鈍根。法行不專藉外緣少有所聞。能觀行入道即是利根。亦未必定爾。但信法二行互有鈍利根性不同。文殊為此以與兩問。復次衆生累劫有須聞法有自進行。故問慰喻調伏意在請出三教三觀。若將三教成上室外經者。即用通教慰喻從假入空觀調伏。成上為國王長者說法。彈呵有為緣集。若別教慰喻從空入假觀調伏。成上彈呵十弟子無為緣集。若圓教慰喻空假一心三觀調伏。成上彈呵菩薩自體緣集。若將成下文者上已明問權疾。為不思議品作本。今問實疾。若通教慰喻從假入空調伏為觀衆生品作本。若別教慰喻從空入假調伏為佛道品作本。若圓教慰喻中道正觀調伏為入不二法門香

積二品作本。而不取三藏教者此摩訶衍義也。未入室明四教者為折伏彈呵凡夫著樂故也。今入室明三教三觀。正為攝受如前分別。故知此經一部明四教三觀。其文分明望前望後句義相當。與一家用四教三觀屏同。故前於玄義具明四教三觀意在此也。略判竟。今初文殊問言菩薩應云何慰喻有疾菩薩者。即是請出慰喻教門。維摩下二淨名答文為四。三即三教慰喻四結成。今明三教但慰喻菩薩不取二乘。以無慈永入涅槃。故今以藏通共成一教慰喻。界內有為見思疾未斷。菩薩有分段因果實疾。故須三藏助通大乘而慰喻也。亦得兼用別圓慰喻。若說別者正為慰喻有無為緣集菩薩。其有無知變易因果實疾故用別教而慰喻也。若說圓者正為慰喻有自體緣集菩薩。其有自體因果實疾故用圓教而慰喻也。今先用藏助通慰喻者。勸令從假入空觀修一切智慧眼也。文為二。一從果假入空二從因假入空果。是五陰妄惑之身由三假有故名果假。即是苦諦四行中無常為初。說身無常不說厭離於身者。若聲聞觀身無常起於厭離捨遠生死。菩薩不爾。觀身無常若。折若體為破常倒不說厭離破二乘心。雖知無常念念磨滅未度衆生。未具佛法終不捨離。說身有苦不說樂於涅槃。聲聞觀苦樂求涅槃。菩薩不爾。若折若體解苦無苦。為破計樂顛倒。衆生未度未具佛法。終不入於無餘涅槃。說身無我而說教導衆生。聲聞觀身無我證滅無慈不度

●以二而● ●以十(共)● ●折二析●\*

衆生。菩薩不爾。若折若證觀我假入無我。爲破計我十六知見顛倒。不取衆生畢竟空相。故能爲衆生說於如是無我之法而教導之。說身空寂而不說畢竟寂滅。聲聞法入真墮於寂滅。菩薩不爾。若折若證入假實二空而知中理。不以偏真爲究竟也。是則雖復從假入空。欲爲入中而作嚮風不捨群品。故爲聲聞觀苦有異。意在此也。說悔至過去二明慰喻令觀因假入空。因即集諦。結業並是苦因。二乘爲涅槃但急斷結不憊宿罪。身子罪故不見淨土。意在此也。菩薩達煩惱性不念急斷結急取涅槃。但以懺悔爲先。淨諸功德故螺髻見淨意在此也。此正明觀因假入空。若但觀果假入空非不離四住之惑。而往罪不除則障法門化他功德。菩薩爲度衆生必須除罪。若無怨對即可受化。故菩薩戒以殺爲初。聲聞戒以非梵行爲初意在此也。今明菩薩修從假入空懺過去罪。故言說悔先罪。若毘曇明三世有罪從未來至現在入過去。得繩繫屬行人。若成論明二世無罪但隨心現在。今菩薩觀無生懺尙無三世。何況罪入過去及在現在。但過去顛倒妄造諸罪。若知我心自空罪福無主。如此懺時衆罪如霜露慧日能消除。體假入空破昔妄造。故言說悔先罪三世空故不入過去。以已下二明用別教慰喻無爲緣集。菩薩自有恒沙別惑因果實疾。令從空入假。觀破無知得道種智法眼。見機入假化物。文爲五。一慰喻勸起悲心二勸發願饒益三勸修福慧四勸生勇健心

五勸精進不退。若具此五即入假觀成能利一切。以己之疾感於彼疾。初明勸起悲心。何者二乘無悲沈空受樂。菩薩出假須起大悲。問菩薩自己已有疾可得感彼已既無疾何得以己感彼。又別教雖有無明塵沙與分段異。何得以己感彼。答此有二解。一菩薩斷四住時但有無明及習即生是念。我今無明之疾尙爾。況衆生具縛何能受界內重苦。是則以己之輕當感於重。故須出假。又假無明疾輕四住疾重豈得以輕感重。當識宿世無數劫苦。以往昔苦感於一切。如布衣登極知人苦樂。當念饒益一切衆生。二明慰喻勸發。弘誓當念即是從悲起誓。念欲饒益一切衆生。即是入假勝緣憶所修福念於淨命。三明慰喻令修福智。入空則無福無命。此是入假修其萬行如空中種樹。修福即福德莊嚴。淨命即智慧莊嚴。如大論明四種五種正命皆是其事。若無正見慧命皆邪。何能感彼勿生憂惱。四慰喻勸生勇健心。聞生死無量劫意而有勇。首楞嚴心乃能入假化衆生也。若怖畏憂惱或退墮二地。故言勿生憂惱。當起精進。五慰喻勸修精進。有疾菩薩若欲入假必須精進不得休息。未具佛法不應取證。又方欲荷負不應疲怠。此即從空入假利益一切。若言空無所有不修精進即退墮一地。豈能從空入假利益一切。當作醫王療治衆病。三明用圓教慰喻。有自體緣集實疾菩薩令修空假一心三觀得一切種智佛眼。若諸方便教此非大醫不名爲王。圓教發心作佛三諦圓觀。

若開佛知見是大醫王。能圓集法藥治法界病。故言當作醫王療治衆病。自疾他疾皆究竟愈。此慰喻文具明四教三觀意。略而文未顯。至下三觀釋文方具足顯。菩薩至歡喜四結成。即是勸三教慰喻三種實疾菩薩。若依教斷三種緣縛脫三土因果患累者。即各歡喜也。

維摩經疏第二十一  
問疾品之三

文殊師利言下二爲實疾菩薩問調伏觀法。又爲二。一文殊問二淨名答。問意如前明爲於法行。亦通爲二行互相資發。故問也。維摩下二淨名答正約三觀調伏。何者三觀破三惑。即是修三智三眼調伏界內通別圓三種實疾。亦是調伏三土因果之實疾也。文爲三。初約從假入空調伏界內見思之疾。二從以無所受去明從空入假調伏無知之疾。三從有疾菩薩自念去明中道正觀調伏無明實疾。三觀之義具如玄文。今更略明三觀之相。三藏既不見真不須論也。通教三觀但約二諦只成二觀無第三觀。非今答意。今但約別圓以簡三觀則有三種。一別相二通相三一心。一別相者歷別觀三諦。從假入空但得觀真。尙不觀俗豈得觀中。從空入假但得觀俗亦未觀中。若入中道方得雙照。玄義已具。二通相者則異於此。從假入空非但俗空。真中亦空。從空入假非但俗假真中亦然。若入中道非但知中是。俗真亦中。是則一空一切空無假中而不空。一假一切假無空中而

不假。一中一切中無空假而不中。但以一觀當名解心皆通。雖然此是信解虛通。就觀除疾不無前後。三一心者知一念心不可得不可說。而能圓觀三諦。即此經云一念知一切法是道場成就一切智。故玄義已具。此三三觀初別相的在別教。通相一心的屬圓教。今室內六品正是通相或用一心。何以知然。初從假入空觀云唯有空病。空病亦空。此似空於中道。又觀衆生品從假入空微觀三諦。入文方見。問此兩三觀既並是圓。何以爲兩。答通相約通。論圓恐是方等帶方便圓。不同法華。今明從假入空觀亦名二諦觀。即是修一切智慧眼。文爲三。一入衆生假空。二入實法假空。三入平等假空。初假者一往經文似如析假。何者初破我想及衆生想是衆生空。次當起法想是別修法空。此。垂鏡像拳指之喻。今明不爾。此別有意。若聲聞人但求自度。總相破人即破法空。菩薩爲化衆生。總相相相。若總相但體三假皆如幻化。別相入空。須前分別衆生實法平等無謬然後入空。何以故。菩薩集法藥須細分別爲分別藥病作方便也。是以大論釋菩薩用道種慧入空。遍分別諸道方入空也。故此經雖前觀衆生入空而猶須更起法想。下文云以何爲空。但以名字故空。若言但以名字者即是如幻如化體假入空意也。初明衆生空文爲三。一正明破衆生假入空即是約因破果。二釋是約果破因。三結。初文者前世妄想即無明與行能感今世識等五果。若有此果即有病也。虛妄之因

不實果報理然虛假。是中無我故言誰受此文亦不的判析體。今望下文義推多用體假所以至生著二釋即是以果破因果。即是此身。四大無主無主故即無我。破四大如前約請觀音明。言以果破因者經重釋云。又此病者皆由著我。由迷此果計我即癡順我即貪違即生瞋。即愛取有故有未來生死。衆苦不斷。若知無主則不計我起愛取有。故言以果破因。既知至生著三結成。若知妄計是病本者即除我想及衆生想。若我人想滅則十六知見及六十二見一切屬見煩惱皆滅。即是須陀洹智斷是菩薩無生法忍。當起下二明法空文爲三。一先分別法二破除三釋。初文者菩薩爲利衆生先分別法相方入空也。故大論云先用法智分別諸法。次用涅槃智所以入衆生空竟更起法想分別諸法。然後體法入空者。如身子利根入見道竟即能斷結成羅漢果。停留七日爲作隨佛轉法輪將須在學地遍知學人所行之法方證羅漢今菩薩欲觀法假入空須先起法想。但以衆法合成此身者。即先分別衆因緣法。所謂過去二因成今五果。陰入界法成假名身。亦是十法界法。何以知然。衆生身具六道後破涅槃即破四種行人計涅槃也。起唯法起者陰入界生唯是法生。是中無我使起使滅。又解起唯法起者六道因果法起也。滅唯法滅者四種聖人得二涅槃即是三界因果法滅也。又此法者各不相知者色不知心心不知色。入界皆爾各不相知。所以然者諸法無性無知

者見者。以何而知。起時不言我起者前言不知是各不相知。今言諸法無性互不知起。雖有法起無自他性。虛假不實滅時不言我。滅義亦如是。彼有疾至涅槃等二明破除法想。爲滅法想者知法想顛倒是其大患。無法而生法想即是顛倒。此即體如幻化。不同數人法想即癡違順即貪。因有十使九十八使善惡業起即有分段因果實疾。故言即是大患。乃至計有四人涅槃皆是大患。我應離之者離此顛倒二邊法想。此有二義。一知所分別法皆如幻化得離法想。二知由心則有分別。若體內心隨理三假所成不自他等。玄義已明從假入空。四十八番破見即無有無等四見法想。又用九百七十二番破思。即三界思惟法想究竟盡也。是爲斯陀含乃至阿羅漢智斷皆是菩薩無生法忍。即是體法假入空。云何爲離離我所者。內心法想爲我計十法界爲所。若體內心能起法想顛倒幻化不自他等。如前破者即是離我。若體十界幻化虛假不自他等即是離所。云何離我所等者。前約離能觀我爲內所觀我爲外名不念二法。此中即生死界內爲內涅槃界外爲外。名不念二法。若二邊皆空名爲平等。即是體假入法空。謂我等涅槃等者如前所明。能起法想之心爲我。此我即空涅槃爲所。所亦即空。空理無二即是等也。亦應云生死爲所涅槃向空況生死法。所以至定性三釋我及涅槃是二皆空者。即是從體二邊法假以入空也。又重釋言但以名字故。空。二法無決定性

者此中正顯體法假空。正意在此故前判此初觀是衍體空。以名字空無決定性。即是生死涅槃相待故有名字。無定生死涅槃之法。四句研覈。若不可得而說二法者但有名字無決定性。得是至亦空三明平等空。即是體平等假以入空。言平等者生死有為涅槃無為。二法相異故不等也。今二法皆空無二相異即名平等。若存平等非平等空也。如存生法非生法空。得是平等唯有空病等者。即是體平等假以入空也。所以平等是假者待不平。等故有平等。即相待假。四句檢覈。若不可得但有名字名字即空。即是體平等假空空病亦空。問此遠璣彼明。從空入假方是平等。何以初觀言平等空。答利根菩薩若不得生死知涅槃亦空。能懸破滯空之病名平等空。此有二種。通教入空未發其智妄計涅槃生戲論者。此如大論破第一義空。引毘曇有緣無為生使。知空病亦空即無空病。見第一義是通教意。別圓不爾。若見偏真起染著者不能入假。如住化城故名空病。知空亦空即見中道。復次若言我等即生死空涅槃等即真諦空空病亦空即是妄計中道病空往望文意謂如此。此觀既是通相入空非但假空中亦空。初觀雖爾位行終在從假入空。豈知中空。無明即斷類如聲聞在方。便道未入正位。雖虛心破空實未見諦。細尋此意與前初番懃喻意同。是有疾下二約從空入假以明調伏。此觀正調界內外無知實疾亦名平等觀。即是修道種智法眼此。正為佛道品作

本。以無所受即是仍上空觀已斷界內諸受。所以受此諸受者為化愛見眾生也。出假有三。一從念處相似空出。何者菩薩化物心重自行則輕故。慈悲重者不務斷結。從相似空即便出假。見思未斷故言有疾。二從見諦終不退轉即便出假。思惑未盡即是有疾。三斷見思盡方乃出假。通教齊此。此乃無三界正疾猶有習氣無知。亦是有疾。若別教入無量四諦塵沙之假故名入假。但別圓皆有入假之觀。今取通教斷分段盡正是別教出假之位。故借通顯非用通也。但通教別惑見思無明猶自未除。故於別圓猶是界外。具是有疾。前明入空既體三假今明入假還入三假。上第二別教入假覺喻經文具五。今第二觀調伏文亦具五。雖不次第大意屬同。文具五者一以無所受而受諸受。此是神根利者堪出假也。二未具佛法不應滅受取證者。是大精進能為衆生集佛法也。三設身有苦當起悲心即是大悲。四我既調伏亦當調彼即是弘誓。五能調伏慧利即勇健心。初解以無所受而受諸受。若念處煖頂方便伏見名無所受若見諦一受不退常寂然。不受六十二見名無所受。斷見思已位齊羅漢。故法華云於諸法不受皆成阿羅漢。智斷是菩薩無生。即是真無所受若於界外猶名為受。不妨三界見思已斷隨分得名真無所受。大品明不受有五。謂受不受不受亦不受。乃至非受非不受亦不受不受亦不受。前四破我即是不受生死得入涅槃。後一不受涅槃即能入假。菩薩

慈悲應須拔濟云何不受而受涅槃。應須入假受其諸受。故云衆生病則我病也。衆生若離見思諸受我亦離之。故言衆生病愈我病則愈。為是義故以無所受而受諸受。受總有三。一凡夫受二二乘受三菩薩受。一凡夫受屬愛屬見。愛見各有善惡。屬愛惡受者即是魔羅樂生死。起三毒十使誘於方等五逆四重十惡三途。此等諸受菩薩以無所受受此諸惡。如調達婆數受重罪業地獄受苦。乃至受諸餓鬼畜生等苦。屬愛善受者受從愛煩惱起十善十二門禪修羅人天果報。方便附近而化導之。屬見受者亦有二種。一因見造惡如尼提見。二因見造善即梵志見菩薩。實非九十六種而感此屬見衆生受善惡見。和光不同塵而化度之。二明受二乘受者。即藏通二乘一三藏四門受一見有得道如毘曇菩薩入空知生不可說。豈有生滅有之可受。為應以此門而得度者而受此受。說法造論悉檀利生。二受空門者如成論明見空得道。菩薩久知生不可說。豈有折生法二空乃至滅三心涅槃之可受也。為接此門而入道者受之作論悉檀利生。受亦有亦無門如毘勒論。受非有非無門如為車匿說離有無。二受通教二乘者此約十喻以明四門。如中論觀法品明。故大論歎般若云。般若如火炎四邊不可取。菩薩從假入空久知不生不生不可受不可說。但為衆生有此四門根性。而入假受之說法造論。四悉教化二乘人也。三明菩薩受者菩薩從假入空知四不可說不受四

●便二使● ●受十(不受)● ●魔二摩●



教大乘。爲有四種大乘根性從空入假而受四教一十六門。化四根性用四悉檀說法造論而度脫之。問若人假受圓教四門者何須第三觀。答觀此經意必須用通相入假釋也。未具至取證也。二明精進能具佛法。利根菩薩從空入假。雖能以無所受而受諸受。如空中種樹。若無大精進力。即不能於諸受中成就一切佛法。猶如蠅人雖得作器無所成。辨若大精進如大施太子空其大海。如華嚴明七地欲沈空諸佛所不。許勸發起其大精進力故菩薩入假。未具佛法當勤精進不應滅受取證。今明具佛法者還約三種受其一切法。一約凡夫者即約屬愛見受也。屬愛惡受已如前列。受此諸受具修一切法。菩薩於諸不善受知病識藥。知病即知苦集滅藥即知道滅。知四不可說而通四種四諦。即是行於非道通達佛道。此不善道即如來種用四悉檀自行化他。此具如佛道品云云。次約屬愛善受。具足佛法者亦如前列。於此善受能知天文地理韋陀書史五明六藝。輪王十善五通神仙之論釋提桓因種種善論諸梵天王說出欲論無不皆知。又於此法知四不可說等例前惡中。次明受屬見惡受善受。以邪相入正法修一切佛法亦如是。二明受二乘具一切佛法。即藏通四門皆知四不可說例前惡中。三明受菩薩受具一切佛法。四教菩薩如前說。菩薩知四不可說入假利生。三藏菩薩有門生滅四諦起四弘誓願。阿僧祇劫行六度行具一切法。而於生滅四諦通達三種四諦自利

利他。餘三門亦如是。通別圓一十二門亦如是。若受凡夫受未具佛法不得滅之取證。乃至菩薩受亦如是。華嚴呵七地沈空意當在此。璣珞云等覺地無量百千萬劫入重玄門修凡夫事。即是未滅凡夫受而取證也。凡夫受尚爾。二乘菩薩受未具佛法豈得滅而取證。設身至大悲心三明入假起悲。入假精進具學佛法本爲化他。若大悲心少則精進心羸。故須加修悲心。設身有苦者。若是念處等出假伏惑未斷。若入生死苦來逼身或生退悔。若斷結見真或自存己。樂欲入涅槃放捨精進。故勸惡惡趣。無量劫來不識真正沈淪苦海。今得念處煖頂知空。苦尚難忍何況彼耶。乃至見諦出假。今有思惟。苦猶難忍況具縛惡趣。乃至斷見思盡出假。今止有習。苦猶難忍況三界凡夫。如是念時大悲節節增長。甘心受苦。荷負衆生出假精進具如前釋。以已之疾慙於彼疾此意同也。我既下四明弘誓文爲四。一酬本願化物二去取三正化物四傳釋。我既至衆生初明酬本願。何者悲誓利物但爲內疾猶重未成化他之法。今修二觀調伏取相若薄若盡無知稍破。故言我既調伏。本願度物今須調伏一切衆生。但除其病而不除法。二明去取有師言。如病眼見華病瘥本無。衆生亦爾妄見諸法。妄惑若滅則無法可除。此是本無法何謂不除法。今言一切衆生具十界法無明不了觸處病生。若有智慧無礙自在悉爲佛事。譬如火是燒法若觸燒。如病。謹慎不觸即是除病不可除火。除

火則失溫身照開成食之能。十二因緣三道亦爾。此有去取法不同除也。又火能燒人得法術者入出無礙不須除火。故八萬四千煩惱凡夫爲之疲勞。諸佛菩薩以爲佛事。亦如治眼去病存精。爲斷病本而教導之者。三正明化物。病本即是一念無明取相。故華嚴云三界無別法唯是一心作。今謂唯是一念無明取相心作此即三界之病本也。若知無明不起取有即畢故不造新。即是斷病本也。何謂病本下四傳釋文爲二。初釋出病本二釋教化斷除。何謂病本者攀緣只是妄念取相。過去無明行合現在愛取有。合過去攀緣爲現在病本。現在攀緣爲未來病本。何所攀緣謂之三界者。過現攀緣皆緣三界。若離三界無別攀緣云。何至無所得。次釋教化斷除。謂心無所得者無相空慧。不得一念無明取三界相。即心無所得攀緣皆息。如經無所攀緣。謂二見者我及涅槃。是二皆空即內外見心皆無所得。若心無所得無明取相攀緣皆息。則心水清淨珠相自現。若得清淨心常一則能見般若。是爲化物之要道也。文殊下五明勇健心結釋前四文爲二。一正結釋二譬顯。是爲有疾菩薩調伏其心者。結從空入假伏心修一切佛法。結能利益一切衆生。如金剛般若云菩薩降伏其心滅度無量衆生。實無衆生得滅度者即是此義。爲斷老病死苦是菩薩善提者。善提言道若不利物即二乘道善提名道薩埵名成衆生。若不如是爲無慧利者衆生不得法施慧利於物無出生死之大益



也。譬如勝怨者二臂顯菩薩利物勇健心也。愛見之心能化衆生入於魔外。即是衆生入道之怨。菩薩能斷其見思是勝怨也。兼除者兼言未正。菩薩法界結惑未盡。由須自行傍兼利物故言兼除。又兼除者在因且兼除衆生生死。成佛則究竟爲斷除也。彼有疾下三明有疾菩薩用中觀調伏。前二觀爲方便。此觀即是佛菩提智爲斷無明自體實疾。故勝鬘云無明住地其力最大。佛菩提智之所能斷。因此發真即開佛知見。亦名一切種智亦名佛眼。是爲入不二法門品作本。具如玄義。修此觀位約教有三。通教六地斷四住七地斷塵沙八地道觀雙流。若別接通八地修中治無明病。九地似解名爲聞見。十地發真名爲眼見。別教十住已斷四住。十行除塵沙。因前解行得修此觀。十品似解即是迴向。發真入地分破無明。道觀雙流入薩婆若海。圓教五品即修此觀。若生似解得六根淨。若能發真即入初住斷無明實病。道觀雙流自然流入乃至等覺無明未盡皆名有疾。以別接通及別斷伏皆是方便。今初發心行生修乃至坐道樹下。故圓教初心即學中觀。文爲二。一正明中觀二道觀雙流。初二。二明觀體。二簡非。初二。一明自觀二觀衆生。如我此病非真非有者。是初自觀法身有無明自體之病。非真非空非有非假。又非真者非從假入空所治之病。非有者非從空入假所治病也。故前二方便非是正觀。因前二空入今中道。四句檢無明畢竟不可得。即知無明性

即是明。明亦不可得。是爲入不二法門。即見虛空實諦佛性名中道觀。玄義具明。如是觀者破迷實諦無明之疾。衆生疾亦非真非有次觀衆生。修此觀時非但自知疾非真非有知衆生亦然。是觀衆生根本疾也。何者衆生本來與菩薩非真非有一如無二不異不別。衆生迷故墮二生死。菩薩觀照了知十界皆有中道無明之疾。故已他之疾同。是其體一無明也。以此驗知。此經觀中則無假空而中。作是下二明簡非爲三。一約愛見大悲二約禪定三約二智此三非者正就法身二莊嚴簡。初文者若觀中道生愛見者。則不能雙照二諦。若照二諦亦不照中。今觀中道不生愛見。若照中道即能雙照不失中道。即是一心三觀。即真中觀之正體也。此之愛見正約中道。若約二諦屬前二觀。若就三諦明權實者此是自行權實。何者自行照實諦爲實照二諦爲權。若約正道生愛見悲即法身有疾此爲四。一正明起愛見二釋是非三引佛語證四結勸捨。初言若起愛見大悲即應捨離。若於中道法身起愛即順道愛生。名爲頂墮。菩薩雖不墮二地障入菩薩位。若用悲心欲拔二邊生死苦者。名愛見悲。是則非唯自體成疾。亦定慧大悲雙照不明。損方便力障於大用。如身有疾手足萎陀不能營辦。正覺之體有愛見患。定慧大悲皆有障也。又如手足有疾亦能累身。若定慧有障能障觀體。此正觀體若有愛見緣衆生者。即愛見悲。非但自體有障。亦障福慧莊嚴二諦雙遊普利衆生

所以至解縛二明解釋。除失顯得文爲二。一除失二顯得。一除失者菩薩斷除客塵者。愛見即是無明不有而有。名爲客塵。能覆自性之心。若用悲心欲拔衆生二邊苦者。即於生死有疲厭心。何者觀體若有愛見照二諦用則不明。慈悲外化即有疲厭。如身有疾不欲行涉。此是除失。若能離此無有疲厭者次明顯得。若能離此愛見則內觀微雙照無滯。無緣大悲化物無倦。如身無疾所作成辦在在所生不爲愛見覆者。若斷無明愛見則無界外煩惱。慈悲誓願隨有疾衆生有緣之處受身化物。自既無分段變易之縛。即能解彼衆生之縛。故云所生無縛能爲衆生說法解縛。此顯得也。如佛至是處三引佛語證釋正觀義。義既深遠淺行未達各生疑網。是故引證。是故菩薩不應起縛四結勸解釋。分明證據有實足以斷疑生信。故結勸云不應起縛。何謂下二約禪簡非顯是文爲二。一簡非二顯是。初文者貪著禪味是菩薩縛。縛即是非。若貪著有漏根本十二門禪即隨生同居。若貪著無漏觀練薰修即隨生有餘。若貪著九種大禪首楞嚴等百八三昧即隨生果報。皆不免縛。以方便生是菩薩解二約禪顯是。若觀中道不染前三。誓生三土皆是以方便生。雖生三土無三種縛。能解三土衆生之縛故言以方便生是菩薩解。又無方便下三約二智明簡非文爲二。一約修行二智二約真應二智。修行用因真應約果。初文爲三。一路用四句標章二四番解釋三總結。初

標中初兩句標實智縛脫章門。次兩句標權智縛脫章門如文。何謂至方便解二釋前四章門。一釋無方便慧縛。謂以愛見心者。修正觀時不能體達不生不生不可說。又無助道資發實慧。實慧不發致起愛見。若用此心修行六度。莊嚴佛土成就衆生。修三脫門而調伏者。不能發真破無明障顯出法身自利利他。即是無方便。慧縛如身有疾不能運爲。二釋有方便慧解。謂不以愛見心者。但不以愛見心反前爲異。餘義並同依前說之。三釋無慧方便縛。謂住三毒者此是修觀行。不加修真慧破通別三毒。用不淨心而入方便。萬行無導即是無慧方便縛。如人手足有疾不能安。  
 快四釋有慧方便解。謂離三毒者。以離三毒反前爲異。餘同此說。問愛見與三毒何異。答愛見是順道而起。三毒多著依正而生。問成就衆生與殖衆德本何異。答利物無緣大悲名成就衆生。即是智集唯識通。如是取淨土。自行一心具足萬行。迴向菩提名殖衆德本。即是非形第一體非莊嚴莊嚴。文殊至觀諸法三總結勸。有無明實疾。菩薩應如是巧用二智以觀諸法。即是以助資正以正導助。此即善用二智自利利他。又復觀身下二約真應辨二智文爲二。一觀身有實疾權疾明二智二觀身疾不離不滅明二智。初文又二。初觀法身實疾即是實智。次觀應身權疾即是權智。何者照實權境隨境受名。初文者又復觀身無常苦空無我。是名爲慧作此觀者。前明實慧。觀法身理湛然實境。以爲實慧。今有

疾菩薩法身猶有因疾果疾。是無常等即事不實。即是法性爲實慧也。菩薩未證極果。因地法身有常無常。二鳥俱遊意在此也。雖身至方便二明照應身權疾之境。即是方便智也。何者雖身有疾即是菩薩法身惑累未盡。猶有無明變易實疾。常在生死者。即是應身常在界內外生死。所以常在者爲饒益一切而無厭倦。是名方便。即照權境爲權智也。又復下二約觀身不離不滅。明二智文爲二。一約不離明實智二約不滅明權智。初文者又復觀身。身不離病者有疾菩薩觀身實相。即是自性清淨心不染而染難可了知。若斷未盡即是身不離病。又法身大悲同衆生疾。法身應疾故言身不離病。病不離身者實疾權疾皆不離法身。而有是病。是身非新非故者無明實疾與本法身無前後。但非始本。衆生無始之病非新非故。菩薩同病亦非新故。是名爲慧者即實智也。設身有疾而不永滅。二約不滅以明權智。有疾菩薩既住正觀不應四大增動。宿業所致。設有重疾即觀入法門。故言而不永滅。又設是假設權實二疾皆是假設。實疾即是無明假設。故金光明云。無所有故假名無明。權疾因衆生而起亦是假設。而不永滅者亦有實權。實者雖有此疾體疾無疾不斷不破。以己之疾惑於彼疾。若觀此疾入實相者得無緣大悲。還用利生故不永滅。權者若一段衆生疾滅。於餘衆生猶須爲現。故不永滅。文殊師利下二因觀成行。此爲香積作本。彼明穢淨土菩薩之行。爲成

此義文爲二。一結前觀以爲行本二正明雙流之行。初文爲三。一明調伏觀成二釋三結成行本。初文者有疾菩薩應如是調伏其心。亦復不住不調伏心者。上多明不斷煩惱。若不得意則縱煩惱。心隨妄法還同凡夫。所以至聲聞法二明結過釋也。若住不調伏心是惡人法者。一往同愚非即凡愚。如罵人如驢非即驢也。若住調伏心是聲聞法者。亦一往相似非即同也。是故至菩薩行三結成行本。若離二法縱容得所則是菩薩立行之本。故言是菩薩行。在於下二正明雙流行文爲五。一雙明雙流行二單明雙流行三約道品正觀明雙流行四約現相自在明雙流行五約依正明雙流行。初有三行。在於生死不爲汚行者。若中觀相應入俗不染。住於涅槃不永滅度者。流入偏真而不取證。非凡夫行者流入真也。非賢聖行者入俗自在不同二乘。非垢行者流入真也。非淨行者流入俗也。雖過至是菩薩行二單明雙流有十五行。雖過魔行而現降衆魔者。正觀相應能入俗降魔。求一切智者流入真空。不非時求證一切智不墮二地。雖觀諸法不生。流入真空雖化二乘不墮二地。雖觀十二緣起。本自不生而流入俗諦緣起。起六十二見化諸外道。雖攝一切衆生。雖入俗諦用四攝法。攝諸衆生入一實諦。和光不同塵故不愛著雖樂遠離。流入真空能遠離煩惱生死。而不灰斷。雖行三界。雖入俗諦行於三界。即照世諦。而不壞法性即是照真諦也。雖行於空。流入偏真具修萬

行。如空中種樹。雖行無相流入遍真無相不妨度生。雖行無作。流入偏真無作不妨受六道身。雖行無起。流入偏真無起。而起萬善。雖行六度。雖入俗諦同六度菩薩。任運圓照衆生之心。雖行六通。自然入俗故得五通入真。而不盡漏不同二乘。雖行四無量心。流入梵天行於俗諦。而不受集梵世生死。梵王之身。雖行禪定解脫三昧。雖入俗諦諸禪。而不隨禪生色界。不隨定生無色界。不隨解脫生淨居。亦不隨解脫三昧生有餘土。雖行至是菩薩行三約三十七品正觀。明雙流行。雖行四念處。正觀相應自然流入折體念處。見真而不捨俗諦身受心法。雖行四正勤。流入折體正勤見真而不捨俗諦身心精進。雖行四如意足。流入折體如意。見真而能得俗諦自在神通。雖行五根。流入折體五根。見真而能入俗。分別衆生諸根利鈍。雖行五力。流入折體五力。見真而能求佛照俗十力。雖行七覺分。流入折體七覺。見真而分別佛一切種智。雖行八正道。流入折體八正。見真而樂佛道。雖行止觀助道之法。流入止止觀助折體見真不入灰斷。在俗行化。此則二諦雙流皆異二乘。故悉結成菩薩行也。雖行至是菩薩行。四約現相明雙流。文有三行。雖行不生不滅者。正觀相應流入真諦不生不滅。而現俗諦相好莊嚴。雖現聲聞辟支佛威儀。流入現外威儀入真。而能入俗不捨一切佛法。此即內秘菩薩行外現作聲聞。雖隨諸法究竟淨相。流入平等法界四不可說。而能界內

外現身利益。雖觀至是菩薩行。五約依正結攝扶成此宗體也。文有二行。雖觀等者。若正觀相應知常寂光。而能起界內同居淨土界外有餘果報淨土。此結成佛國因果爲宗也。雖得等者。若正觀相應別入初地圓入初住。衆生應以佛身得度者能現八相。而真應未極應修住行乃至等覺諸菩薩道。故言不捨於菩薩之道。是菩薩行。此結成住不思議解脫之體用也。若諸師不信此經明果外淨土法身者。云何消此文。說是至三菩提心第五大段明時衆得益。八千天子發菩提心者。菩提心義具如前釋。

維摩經略疏卷第二十二  
不思議品  
此下五品次問疾品來者。即是入室大段第二重決前問疾品也。何者前明問疾品約於權疾。辨果實疾明因。所說既略。利根之徒如八千天子已發道心。其未悟之流更廣辨果明因決前權實疾義。故次來也。此五品爲二。一此品正爲決前問疾品約權疾明果。二從觀衆生品至香積四品。正爲決前問疾品約實疾。明三教慰喻三觀調伏之因。今略用三意通釋此品。一品來意二略釋不思議三入文帖釋。初來意者。問疾品明疾有權實。權疾即是法身應用本迹各有所居。故淨名空室現疾而臥。表土表身表本表迹。文殊觀相知有所表。故因往復論決果地依正義。意雖顯而不思議垂迹。權依正莫測之用猶未具明。故因身子生念爲致燈王之座。而此小室容多大座而無妨礙。即顯不思議垂迹

權疾所居神用莫測。廣論果地從本起迹迹中變用依正自在。重廣顯權疾垂迹變現衆生疾愈權疾亦愈。故此品來也。二略釋不思議者即有二意。一明三德解脫不思議。二明本迹依土不思議。初意者即有三種。一真性二實慧三方便。故淨名云諸佛菩薩有解脫名不思議。若菩薩住是解脫者能以須彌之高廣內芥子中。乃至種種變現莫測即是三種種解脫不思議義。何者諸佛菩薩有解脫者即是真性。若菩薩住此者即是實慧。能以須彌內於芥等即是方便。但四教皆明三種之理悉有不思議義而有二種。一相待二絕待。若三教所明即是相待。何者三教隨他意語約斷結以明解脫即是相待。圓教隨自約不斷結以明解脫。即是絕待不思議也。相待即是有思之不思議皆是思議。絕待即是無思之不思議真不思議。今此一品正以絕待不思以釋不思議也。所以三教成相待者如三藏佛果神用變化。凡夫二乘及諸菩薩之所莫測即不思議。若待通教體法解脫還是思議。若通教八地已上道觀雙流。二乘下地之所莫測即不思議。若待佛地猶是思議。通若待別還是思議。別教登地見一實諦得三解脫。三乘通教別三十心所不測量即不思議。若待上地是思議。此三皆是下不思上。非是當位絕待之不思議。今明圓教絕待不思議者。十二因緣三種非道即是三德解脫佛道。若菩薩行此十二因緣三種非道。不斷三惑不破三法。而住三種解脫之道。即不思議絕待

三德之解脫也。是則非但下不思。上乃至上地諸佛菩薩亦不思下地及一切衆生因緣三道。即是絕待之不思議。故文殊般若云。佛界衆生界俱不可思議無有異也。前釋一名不可思議解脫已具明竟。二約本迹依土者。前品空室表土。文殊見相問於佛國。但明寂光畢竟空寂。此但是法身本土不可思議。未顯應身迹居不思議相。今用神力致座。明迹居穢土現不思議事。須彌大海地水火風十方佛土集在一國。示一切人如是等事。皆是依土現不思議莫測之相。具出在文。若迹居分段依報地然。尚示無礙居餘三土豈可測量。問此十四品皆不思議何得獨標此品。答雖復皆明但此品廣出變用事。顯故別標題。如摩訶般若始終皆明般若。佛言欲求般若當於須菩提品中求。而須菩提對佛。釋提桓因舍利弗問難一向皆入真空實相。即般若正意故勸此品中求。今品亦爾。爾時下三入文帖釋。此品總爲六。一身子爲衆念座。二淨名借座。三昧不思議神用。四迦葉欣仰。五時衆得益六淨名述成。初文爲五。一身子生念。二淨名問三身子答。四淨名彈呵。五天子得法眼淨。初文者身子古聖迹。示此念欲爲開發不思議端。若不生念無由得顯不思議用。又欲爲令小乘未證果者得法眼淨。或發大心已入位者得成生慧。故示生念因致彈呵。爲借燈王之座廣說大用。則諸聲聞鄙小慕大。堪聞大品法華。約事論者。大衆立久而二大士方論大道。言論未已恐時衆疲怠

不染法利者。有床座咸得安穩。必獲大益故生此念。亦因空室致有斯念。因此彈呵。神力借座。即得廣說不思議解脫神用。皆是垂迹權疾利物自在之功。若有此勝能用化物者。則除衆生實疾因果。豈得不念。若衆生因果疾愈則佛菩薩淨名應同之疾皆愈。是則成前果地權疾之義。長者至床座耶二問所念。身子雖生此念衆生未盡知。將欲彈呵故先問所念。爲法來耶求床座耶。若爲床座不名行人。若言爲法不應求座。故須覈問。若所念顯露大衆同知方可彈折。舍利至。求床座三身子依念而答。我爲法來非爲床座。尋此答意即爲三失。一心念床座而云爲法。是違心之失。二所念聲聞法中三寶四諦等法。是不稱理之失。三眞法無念而今與念。是捨道法入凡夫之失。維摩下四正彈呵呵其三失。初呵違心者。夫求法者不貪軀命豈辭立久。不沾法味身有疲怠。謂衆亦然遂念床座。乃至覈問答言爲法。若其爲法不惜身命。豈得疲怠而念床座。夫求下二約法呵其不稱理失。向聞大乘既不染心猶存小法。致疲怠念座故呵其所存小法。文爲四。一約陰入三界呵。二約三寶呵。三總約四諦呵。四別約四諦呵。初文者身子依三藏入道。陰入是其報身。因此修禪發欲界定四禪四空。住此諸禪觀三界陰入生滅諦理斷三界結雖成羅漢巡觀無漏還從此入。今淨名用衍呵其拙度。不得即空法性陰入。非眞求法不免還招龜變易死。又有入出之觀出則疲怠念座

唯舍利弗至衆求二約三寶呵。所以須約三寶呵者其聲聞人。隨聞生解三空入道。由佛說法得入僧數。若呵其非者是則過由佛法衆僧。亦非故呵其不應取著。不了義教明三十二相爲佛。九部爲法羯磨得戒爲事僧見諦得果爲理僧。大乘諸法實相本自明了是佛。理性無倒爲法。智理不二爲僧。又知法名佛離相爲法無爲即僧。若不識此一體三寶乃著別相三寶。故呵不應著也。夫求下三總約四諦呵。所以次約四諦呵者身子不憚。若三寶不實不應著者。觀諦見理豈無三寶。故即呵其有作四諦非究竟也。文爲二。一呵二釋。一呵云無見等者此呵生滅四諦。若由此見理不進求者。但住化城不至寶所。如呵須菩提云不壞於身。而隨一相豈折觀苦言見理也。不斷姪怒癡亦不與俱。豈定斷集以五逆相而得解脫。豈煩惱盡以爲證滅。如化城之造作也。有師作造詣之解恐不如前釋。不斷癡愛起於明脫。即是行於非道通達佛道。豈離非道別有正道之可修也。若執聲聞四諦爲實即不見大乘三寶四諦。所以至非求法也二釋者。若執生滅有證論者。即是界內有爲戲論。若實因此見眞斷於界內愛見論者。猶是界外無爲戲論。今身子雖斷有爲猶在存四諦。即是無爲界緣集戲論。非求大乘三諦之法。豈見佛性入王三昧。一切三昧悉入其中。唯舍利弗下四別約四諦呵。所以更歷別呵者恐身子未悟。若言四諦是戲論者。何得佛開以爲種種利物之門。又解爲

未悟者。故須別呵。即爲四。初一番約苦。次兩番約集。次四番約滅。次二番約道。初呵苦諦。云法名寂滅者。陰等苦法本自不生。今則無滅。即其陰滅義。觀陰苦法是。見生滅者。乃斥生滅。豈見無生一實諦理。若不見理。非求法者。如呵迦旃延。無以生滅心行說實相法。既不得真無生還招變易之苦。法名至非求法也。次兩番別呵集者。集爲習報二因所成。習因約煩惱報因約業。煩惱業合能招苦。果故名集諦。初呵集習因云法名無染者。如大經云愛有九種能令生死相續不斷。若染世諦即有分段生死名界內集。若染真諦即有變易生死名界外集。次呵報因云法無行處者。是呵行業。能觀之智爲行所觀之境是處。故經云說智及智處。心行於境即是行業。凡夫行世諦招果內之苦。二乘行真諦招變易之苦。即是集也。法無至法也。三四番別呵滅諦。法無取捨者。實諦真滅本無取捨。而凡夫取世諦捨涅槃。故有界內生死不得真滅。二乘取真諦捨世諦。即受變易生死亦非真滅。由取捨故不見中道非真求法。法無處所者。此明滅諦。即是有餘無餘。二乘行人歸心之處。若著滅諦涅槃之處。即有無爲煩惱生死。非真滅諦非求法也。法名無相者。呵取滅諦無相涅槃。何者。凡夫取世間相生於六識。故有界內生死不名爲滅。聲聞取滅諦相即有七識名隨相生識。則有界外生死非真滅諦非求法也。法不可住者是呵住滅諦。何者。凡夫住俗分段不滅。二乘住真即有變易豈得

真滅。以住真諦有餘無餘不見佛性。非大涅槃究竟寂滅。豈是真求法也。法不至法也。四兩番別呵道諦。法不可見聞覺知者。凡夫有世俗見聞覺知則有見思。是以流轉非無漏道。小乘慧眼見真從聞生解。十六心悟理即是覺知。故大經云須陀洹人以正覺道斷煩惱亦名爲佛。一切智知即是知也。故於見諦說眼智明覺。此見聞覺知不見一實諦理。非求大乘見思無漏。豈是真求法也。法名無爲者。小乘滅諦是無爲道諦是有爲。無漏大乘道滅皆是無爲。故大經云聲聞弟子是有爲僧。上呵羅云說有爲功德之利。非爲無爲出家意在此也。是故至所求三結呵身子與念之失。由念求法致有疲怠則念床座。若真求法無念無求。待水澄清珠相自現。乃是真求此無疲怠念床座。說是至眼淨五明天子得法眼淨。法眼淨者有師云是大乘法眼。今推此文雖不的判比上文恐猶是小乘法眼淨也。何者淨名含中入真用衍通教。求小乘人聞此巧度即淨法眼。又昔分別推求法相道理。心水波動不得見理。今聞此說應無所求。求心既息心水澄清豁然見理。如阿難竟夜策觀欲盡殘結而不得盡。放心就枕豁然發真。三界漏盡此亦應爾。爾時下二神力借座。上呵身子但爲求座非爲求法。因此說法天人得道。未顯不思議神力。若不致座如貧無財不能管辦呵。噴賓客。今以神力借座用酬身子所念。以爲說不思議解脫之由。文爲六。一問文殊有好座處。二文殊答座

處三現神力借座。四燈王遣座。五大衆歡仰。六淨名令衆就座。初問處者欲顯不思議神力設座。必須稱於賓客之心。所以先問勝妙座處。約理解者。文殊所將是機。淨名逗機必使稱會。是故先問。文殊至第一二文殊答。知有妙座稱衆機宜。故指須彌世界有好嚴飾之座。彼佛身長八萬四千由旬。表八萬四千諸波羅蜜所成圓滿法身。其座高八萬四千由旬。表八萬四千真空無畏之境。於是至神力三正明神力借座。若准下文遣化菩薩香積取飯。今此文不見變化之事。當是大士靈通冥感。所以彼佛稱其心念遣座來也。或可經家脫落。即時至維摩詰室四彼佛遣座三萬二千入於方丈小室能容不迫迫者。住不思議神力故能爾也。即表果報無礙依土。問神力何由頓爾。答靈鬼志云。千年狐能以車入塚。塚口無損車亦不壞。小魅尙爾況不思議菩薩神力。諸菩薩至如故五大衆歡仰。如此大座入于小室了無迫迫。毘耶等處本相無毀。昔所未親故稱歎也。爾時下六命就座文爲三。一命文殊等就座二得神通者稱座而坐三新發意等皆不能昇。初令就座言自立身如彼座像者。自令身相如彼土菩薩之像而坐。其得至師子座二稱坐而坐。諸得神通菩薩皆爲四萬二千由旬身者。上明佛身具足八萬四千由旬。今菩薩在因讓果減半故也。諸新發意下三明新發意及弟子等皆不能昇。文爲五。一新發意等皆不能昇。二語身子就座三身子辭不

見二求 果二昇 二乘二三乘 有二者 讚二顯

能昇四令禮登王五新發意等作禮方昇。初文可知。爾時至師子座二語身子就座。上來念須床座今既致座。何以不同諸菩薩坐舍利弗至不能昇三身子辭不能昇。此座高廣者法華明諸法空為座。空理深廣即共車高廣。身子及諸弟子新發意等皆未入佛慧不得不思議神通。寧得同大菩薩而昇。故雖見此座而不能昇。如人見幻一多互為自不能作。身子等亦爾。雖見室包乾像而無此神力故不能昇。所以新發意不能昇者。若三藏伏結五通既非漏證。不及二乘豈能昇也。通教六地斷結與羅漢齊得界內六通。若望圓教猶新發意羅漢既不能昇六地豈能昇也。別三十心雖得界外五通亦名新發意。未入初地不思議解脫豈能昇也。圓教十信雖淨六根亦名新發意。未入初住真應二身豈能昇座。維摩詰至乃可得坐四明勸禮。所以禮者身子及諸大弟子未入大道。新發意等雖是菩薩未住不思議解脫。不得自在之力既不能昇。若禮彼佛承佛神力乃可得昇。又解小乘歸向如來即是迴心向大。表其至法華當安住實智授記作佛故得昇也。諸新發意聞此不思議說即心開悟解。或至大品得入。若至法華聞正直捨方便皆有入義。故得昇座也。於是至坐師子座五新發意等受旨。作禮得昇座者承彼佛力故。亦是遠表將稱大乘空理故得昇座。舍利弗下三正明淨名說不思議解脫力用文為二。一身子見此不思議神用歎未曾有。二淨名答廣明諸佛

菩薩住不思議解脫之果有大神用。初文者身子見此神力諸座高廣。直置一座八萬四千由旬闊淨已不容受。何者闊淨提地止長七千由旬豈能容斯一座。何況三萬二千來入小室。於此耶離闊淨依正無所妨損了不迫近莫測之。然故身子歎也。問何得小室容諸大座。答世諦有二。一思議則小不容大二不思議小則容大。如尺面之鏡大像亦現。維摩詰言下二正約果地三德不思議解脫而答。所以約果答者身子觀此歎未曾有而不測是何等法門。時衆未住此解脫者亦莫知然。故淨名顯諸佛得此解脫答也。菩薩住此解脫即能有大神用。今淨名是大菩薩住此解脫故現此事。文為三。一約佛菩薩顯不思議之體。二約菩薩住不思議之智三明不思議之大用。此正明三德解脫。顯上問疾中明果地法身大悲權疾之用。何者上現空室唯置一床以疾而臥。今還顯此所言。諸佛菩薩有解脫者即顯真性。上唯置一床正表此也。菩薩住是解脫者。此是實慧與真性相應。入理般若名為住。住者安靜休息也。實慧見理息方便行。上現寢臥正表此也。能以須彌之高廣內芥子即是方便。上無疾現疾正表此也。所以淨名重顯三德解脫者。上雖明權疾正為利物。而未明益物不思議無量方便。時衆豈知迹處權疾十方利物無邊之事。今因借座入室為證迹處權疾有斯利物不思議之用。初云諸佛菩薩有解脫顯真性者。真性乃與衆生共有。以諸佛菩薩能得此理故有大用。如得如意珠則能雨寶。若菩薩住是解

脫者二明住不思議之智。即是實慧以得實慧能以不住法住此真性。藏通不明此理故菩薩不住。別圓地住已上即住此理能有大用。如如意珠無心出物。今淨名後心住理功用無等。以須彌下三明不思議之大用。即是實慧與真性合有斯莫測。大論云水銀和真金能塗諸色像。功德和法身處處應現。文為二。一略別明不思議用二總廣明不思議用。初文正出八變相對初一變山海相對亦是依正相對。以須彌等者其得不思議解脫遂居依報得自在也。此義不易。有師言神力能爾。今謂不思議性非天人修羅佛之所作神力何能。有師言小無小相大無大相故得入也。今謂小是小小大是大是自性。小小不得相入者小大小小既是他性何得入也。今解華嚴明一微塵有大千經卷。觀衆生一念無明心即如來心。若見此心則能以須彌入芥無相妨也。下諸不思議事窮劫說不能盡皆是此意。故文云諸佛解脫當於衆生心行中求。若觀衆生心行得佛解脫。住此解脫者能現如是不思議事。何者諸方便教明二乘偏真解脫。是思議解脫。如得須彌不能雨寶。圓教中道圓真真性。即是不思議解脫。如得如意雨大千寶。見衆生心行真性。即得芥子須彌真性。一如無二。若得芥子真性之小能容須彌之大。得須彌真性之大。不。得芥子之小。舉此一意可以例諸。言其中衆生等者。衆生既不見小大真性。豈能覺知有得度機。神力加之即見此事。若能觀此真性。入觀行相似。

因此必得如來滅度。故言乃能見之。故法華明六根清淨云。唯獨自明了餘人所不見。又以四大海水入一毛孔者。海對須彌入一毛孔者。正報自在。若會海水真性即是一毛真性者。即能以海入於一毛。於正報身無所妨也。

又舍利弗至本相如故。二。擲世界去還相對。若菩薩住世間真性。即能如此。又舍利弗至七日。三。延促相對。若菩薩住時節真性者。即能如是。如一念夢見三世事。若言其短見三世事。若言其長只一念夢。又舍利弗至本處四彼此相對。又舍利弗至見之五國土所有相對。又舍利弗至爲害六風火相對。又於至所燒七上下相對。但經略不將上著下。義推必有。又舍利弗至得聞八身聲相對。上來諸事例如山海。住其真性即能如是。權疾變現利物難思。其見聞者皆已得度。舍利弗至不盡二總略結。廣明不思議大用無量。若住真性即諸法性。法性無量無邊。則不思議大用。無量無邊。豈是窮劫之所能說。即是三土垂迹權疾。利物與虛空等。顯果地大悲權疾其義孱然。爾時下四大迦葉稱歎。文爲二。一。自稱歎。二。語舍利弗說可歎事。初文者迦葉聞說莫測之用。二乘所得無如此事。昔所未聞歎未曾有。謂舍利弗下二語舍利弗說可歎事。又爲四。一小乘聞不能解。二。勸智者發心。三。自責聲聞無分四。慶菩薩得利。初文者以小乘人無大乘三無漏根故。雖聞不解。迦葉自設譬以顯斯義。卽爲二。一。開譬二合譬。於智者前現色像者。旨雖不

見非不開色。此譬二乘無大乘三無漏根。開說神力既不見理不知神用。意趣因由。如盲不見色。雖聞異說莫知因起。故言不能解了爲若此也。何者二乘雖得慧眼以取證故法眼根壞。雖復聞說不能發識得見其事。如世盲人肉眼根壞。雖對衆色不能發識有所見也。智者至三菩提心。二。勸智者發心。除正位二乘。餘五乘人有智之者。皆可發心學此法門。我等至世界三迦葉自責聲聞無分。一。

切聲聞永絕其根者。種子不生芽也。聞此皆應號泣。聲震大千者。無三界之有因。於大千界永無斯事。故傷歎自責。迦葉此意爲折諸正位令。成生蘇入大品成熟蘇。至法華成醍醐。一切下四迦葉慶諸菩薩。爲二。一。慶勸頂受如文。二。得此真法大士住此法門。卽知魔幻。故言菩薩信解法門者。一切魔衆無如之何。大迦葉至三菩提心五時衆得益。天人得益正由聞說不思議土之用。亦是迦葉自歎獎勵故皆發心。爾時下六述成大迦葉。上迦葉云此法門者魔不能壞。今述成此意爲二。一。述魔不能壞。二。明住不可思議菩薩能成就行人。初文一切魔不能壞者。夫作魔王多是住此法門。擊諸初學方便菩薩。及修回道初學之者。若是真道如金剛寶餅無能破者。亦如猪指金桂轉益光色。若其魔來更增福智。又迦葉至之門二。明住不思議菩薩能成就行人。諸稟方便及圓初學行檀等六度住不思議。菩薩多來試之令其堅固。如法華明。釋迦因地恒爲調達所成。若小菩薩則

不能爾。卽以譬顯開譬合。譬如文可解。維摩經略疏卷第七

### 維摩經略疏卷第八 小卷二十三

天台智者大師說沙門湛然略釋觀衆生品

此下四品次不思議品來者。略用三義通釋。一。明此品及下三品來意。二。略釋此品名。三。帖釋。入文一釋來意者。上不思議一品成上果義。近而爲語卽成問疾品。室內除諸所有表十方佛土皆空。唯置一床以疾而臥。正表法身有大悲應用。爲成此義廣明住不思議解脫有種種莫測之事。正明權疾非疾。現疾不思議因緣利物之疾。遠而爲語。成上佛國品明淨土。身子及衆生罪故不見淨土。螺髻無罪見淨莊嚴。此不思議無方大用。唯應度者乃能見之。次從此品去有四品。近而爲語。正爲成問疾品三教慰喻三觀調伏三種有疾菩薩。此中廣說故得釋成上也。遠而爲論。亦得兼成室外四品也。分此四品對上問疾品。三教慰喻三觀調伏實疾菩薩者。此品卽成問疾品從假入空觀調伏也。上云今我病者。從前世妄想生。乃至我及涅槃是二皆空。得此法者無有餘病。唯有空病空病亦空。上文直約入空。未辨約空起四無量心。此品具辨故小異也。又上但明入空。此品文殊有窮源之問。淨名答至無住源本方止。又天女身子



往復問答分明。故廣上也。次佛道品釋成問疾品從空入假觀調伏。上云以無所受而受諸受。未具佛法亦不滅受而取證也。即從空入假觀。今佛道品云行於非道通達佛道。即決上問疾品明入假分明。三入不二法門香積兩品。釋成問疾品明中道正觀調伏。上云如我病者非真非有。衆生病亦非真非有。又說非垢行非淨行道觀雙流。入不二法門品明諸菩薩悉入不二法門。成問疾品明非真非有。香積品垢淨雙遊。成問疾品明道觀雙流義也。若遠論者。兼得成上室外四品。此品成上爲國王長者說身無常夢幻等喻令求法身。方便品但明世諦有爲緣集通教體假入空。未辨染真諸涅槃空病亦空。今此具辨故得廣上也。次佛道品成上弟子品明別教義者。彈呵弟子爲取證真諸涅槃無入假方便。今明行於非道通達佛道。廣辨入假名非道。破恒沙無知善於知見得無礙。次入不二法門品香積品成上菩薩品圓教義者。若別教菩薩應別修行。在因雖能入假不能雙遊真俗。今入不二法門品。入則生滅俱泯。香積品出則有無淨穢同遊。顯圓教法門除自體緣集。今得扶成佛國品者。成佛國因義也。所以然者。緣縛若斷即得往生。若成佛時所化衆生即得來生其國也。此四品即爲三段。一觀衆生品正明從假入空觀。二佛道品正明從空入假觀。三入不二法門品香積品明中道正觀雙流也。今此一品即是初明通相從假入空觀也。二略釋此品名。言觀衆生者前問

疾品明從假入空。但觀自身之疾。今此品明從假入空。即觀自之與他一如無二。華嚴云心佛及衆生是三無差別。自之與他互舉一邊。若不達自則不達他。上明達自自調。今此達他。慈悲接物故云觀衆生品。觀以觀達爲義。亦是觀穿。言觀達者達衆生本源清淨。如從假入空觀之所照達。雖復凡聖有殊。同歸空寂一如無二。故華嚴云如心佛亦爾。如佛衆生然。心佛及衆生是三無差別。上文云彌勒如衆生如一如無二。此即了達衆生畢竟清淨。俗諦生空真諦法空。中道第一義諦眞平等空。達此三理深義者。衆生三諦惑障不同。所謂取相無知無明之別。雖有三惑障三諦理。菩薩照了通達無礙。故大經云即用利鑑斷之。磐石沙礫直過無礙徹至金剛。即是觀達義也。觀穿義者。菩薩從假入空時。貫穿俗諦見思之磐石。滯真無知之沙無明覆蔽一實之礫。洞徹無礙。即是窮至心性本際金剛。故法華云譬如有入渴乏須水。於彼高原穿鑿求之。猶見乾土知水尚遠。施功不已轉見濕土。遂漸至泥其心決定知水必近。見乾土者觀衆生假見真諦也。見濕土者觀眞不住見假無礙。遂漸至泥者此明中道與無明合。如水與泥合。故言至泥若得清水即中道理顯。離無明泥澄淨清淨即眞解脫。故入此品明觀衆生有三種。即擬此三即觀達義。又下文窮源發之。至無住本即是觀穿五住。至心本際金剛理也。言衆生者即是陰入等法。攬此爲身名衆生也。毘曇明所成衆生是無

能成實法是有。犢子云我在第五不可說藏。成實云非但所成是假。能成亦假。故以三假爲世諦有假衆生。若空入眞即無衆生。非但無所成亦無能成。此折假明能成所成以入空也。方廣明衆生實法皆如夢幻。不生不滅畢竟皆空。大論破此失衍意也。今經明體所成能以入空也。皆如幻化等。問。成若如幻即空與方廣何異。答彼雖明如幻即空取空戲論破於慧眼。尚不得入眞豈得眞空入中。此經明觀三諦窮源盡性。義推即有三種衆生。一俗二眞三中。俗諦者攬分段五陰成假名衆生皆如幻夢。若見眞諦即攬變易五陰以成衆生。若見中道即是法性五陰以成衆生。故大經明衆生佛性不離六法。大論云衆生無上者佛是。法無上者涅槃是。今中道既是法性五陰。何以不得稱爲衆生。盡衆生源窮三衆生。即是菩薩觀衆生義。問此經明觀衆生入眞如第五大等。不說有變易五陰。何用此解。答觀眞諦不見俗諦衆生。如第五大等。依眞不無無爲變易五陰衆生。復次菩薩觀空與二乘異。二乘觀衆生空尚不觀涅槃空。豈能觀中道空也。今明從假入空則三諦皆空。故問疾品云。我及涅槃是二皆空。我空即生死。俗諦衆生空。涅槃空即眞諦之法空。又云空病亦空。當知妄取中道此病亦空。所以有時用空說中道者。以空二邊故。若計有中道則於中道有病。此病亦空故言中道亦空。一往入空觀時三諦皆空。雖復皆空亦不斷滅。以見中道者一心萬行。豈但空斷。故此品



說乃至中道。如無色界色等譬。當知菩薩從假入空時。雖同入空一切智。而於此空即見三諦之理具三智也。故大論云三智實是一心中得。爲向人說令易解故次第分別。如是入空具三觀者。雖用空當名而實具三觀。即有慈悲喜捨。如此品所明。若空具三觀見三諦者。即觀達觀穿義。故名觀衆生品。問前以眞破俗。次以中破眞得名眞空。今以何破中得名中空。答不生不生不可說性自是空。復次破未證中妄取戲論說中道空。復次爲破法愛故說中空。無別更有諸理破中。若更有者此理更應有理來破。則有無窮之過。爾時下三入文帖釋。如前分四品以爲三意。就此一品文爲四。一正明觀衆生從假入空。二明起無量心利物。三往復窮衆生源。四天女散華初文爲二。一文殊問。二淨名答。初所以問者。上問疾品明實疾菩薩從假入空。止是辨自調伏未明此觀方便利物。今文殊問。若用前從假入空觀利物者。云何觀於衆生故有問也。維摩詰言下二淨名答文爲三。一約如幻等十譬觀衆生世諦。二約如第五大等五譬觀衆生眞諦。三約如無色界色等諸譬觀衆生中道實諦。初意者自有體性明空。但除妄計定性。猶有假名衆生。若體假即實。皆是幻有。即是隨理三假之有名爲性空。非不猶有隨理幻假世諦陰入衆生。就此十譬前五隨理後五隨情。又二意。一先明如幻譬。次明九譬。初言譬如幻師見所幻人者。即如幻師幻物爲人。自識幻法知所幻非實。而不

知者謂是實人。由有無明幻法則有自他衆生。如問疾品。觀自衆生及外衆生皆如幻。有感者不了謂爲實有。故有隨情三假衆生。今觀衆生雖如幻空不妨猶有隨理三假世諦衆生。故言菩薩觀衆生爲若此。如智者至久住此九譬。四屬隨理。五屬隨情。如水中月者。因於天月知有水月。雖不可得不妨有月。菩薩自知於法性水有無明日月。即衆生如鏡中見其面像者。菩薩知有無明面於眞法性鏡見衆生像。如熱時焰者。無明如熱時。依法性空起衆生焰。如呼聲響者。若有無明呼聲。即於法性空谷有衆生響。若如攝大乘八譬依阿梨耶有。各有所主。此是別意。今通用譬衆生者。即通圓二教意也。如空中雲下五譬是三藏隨情三假。助成隨理之譬。具如方便品明。如空中雲者。五陰中無人身。見力故有衆生雲。如水聚沫等譬皆方便品已釋。如第五大至爲若此此五譬。二明觀衆生眞諦空也。上來諸譬譬觀衆生無有定性。不妨有顛倒所見幻響衆生。今此五譬明衆生如龜毛兔角皆不可得。非但無衆生亦無實法。言語道斷心行處滅。如第五大等無此道理。是觀衆生入眞畢竟。不見衆生相也。如無色至爲若此此十六譬。三明觀衆生中道。中道之法非有非空。不如如幻等譬之有。不如第五大等譬之無。如無色界色者。若不了義教明無色界無色。其了義教明無色界有色。故大經云。如無色界色。云何得有來去住止。如是之義非諸聲聞緣覺境界。乃是諸佛菩薩

之所知見。解脫亦爾。亦色非色。非色者聲聞緣覺。色者諸佛如來。此色不同世間實礙之色。乃是妙色湛然恒安住。不爲生死之所遷。有人言舍利弗。毘曇明無色界有色。此譬中道非世諦有名之爲空。非眞諦無故有妙色。故知自下諸譬皆約智者見空及與不空以說中道。故大品云諸法無所有如是。是事不知名爲無明。無明住地其力最大。佛菩提智之所能斷。今無色界色是佛境界。當知諸譬皆譬衆生中道之空。又上明如十九界竟。即結云菩薩觀衆生。爲若此方復立章明無色界色故不同前。此皆釋成上問疾品從假入空。我及涅槃是二皆空。得此法時無有餘病。唯有空病。空病亦空與此觀衆生三諦相成。故言觀衆生品意在於此。如焦穀芽者。上迦葉自惟敗種。若永敗者至法華經豈佛授記。若得作佛種則不壞。大經云若人方便蘇油既灌令得生芽。故知焦種有生芽義。如須陀洹身見者此人斷見得入初果。分段三界身見永除。別惑未除身見則有。如阿那含入胎者。雖不還欲界受胎別惑未斷。若發大心方入聖胎。故言安住世諦。初出胎時名不生生。如阿羅漢三毒者雖無界內三毒。界外非畢竟無。如得忍菩薩貪恚毀禁者。得無生忍乃當必無界內貪恚毀禁。界外不無。經云唯佛一人住淨戒。餘人皆名污戒者。當知得忍菩薩有毀禁義。如佛煩惱習者。佛乃正習永除種智圓滿。若有應以習氣得度亦得現起。如呵調達譏責舍利。問若爾亦起正使何但習也。

答正使已屬羅漢。得忍菩薩而未斷習。自非示現不得言有。如盲者見色者。雖不現見內心想。因像欲見。此猶有心也。又方有得見之義。如入滅定出入息者。滅定無息以定力持之。不得入出不妨猶有息法。如永持魚水釋便動。又攝大乘明滅定識滅更得起者。以依梨耶得更出入。如空中鳥跡者肉眼不見。說言無跡。鶻掘經云天眼之人見空中鳥跡。如石女兒者此終不生。女報若轉亦可生也。如身子爲女女爲身子。一切女身皆無定相。如化人煩惱者此無煩惱。化人有時現三毒之相。如夢所見已。悟者。悟雖無夢不妨追憶識所夢事。亦有更夢之理。如滅度者受身者。一往羅漢入滅永無生處。而於界外變易受生。如無因之火者。若四句破火是則無因。若過緣能生。豈畢竟無。此等諸句豈同十九界等畢竟無耶。故知雖空不同真諦。雖有不同世諦。非空非有而空有宛然。如無色之色不有而有。諸佛境界不可思議。故知菩薩觀衆生從假入空。微見三諦成前問疾品也。問問疾品觀衆生中道而破空病。今觀而不破豈同前也。答前爲取著是故須破。今明住理。理自非病不須破也。文殊師利下一明觀衆生起四無量心。所以起此心者。是利生之本。若無此心墮二乘地。四心卽爲四番問答。初明慈心文爲二。一問二答。一所以問者菩薩觀衆生假入三諦空。則無有爲無爲自體三種衆生。慈因何起。但菩薩之道化物爲先。今既皆空慈何所被。若觀空失慈與二乘何異。

故有此問。維摩下二答意者祇爲衆生說此空理。令悟此空入祕密藏常樂我淨。卽三十二真寶之慈也。文爲四。一約爲說此法卽眞智德。二約斷德三約聖德四約衆行。初文者欲知智在說。今言爲衆生說如斯法是真寶慈者。菩薩證大涅槃知不生不生不可說。赴緣說之卽是智德。令物見性得涅槃樂卽是慈能與樂。大經云慈卽如來慈卽解脫。解脫者卽見中道佛性住大涅槃成百句解脫。此卽觀空徹至中道。中道卽法身無緣大慈。如磁石吸鐵。雖此更無眞慈。若依歷別。上觀世諦卽衆生緣。眞諦卽法緣。見中道卽無緣。故觀三諦卽是三德。若觀衆生入空已有如是慈者。此但以空爲主。一切智當名而實具三觀得論三慈。有疾菩薩自修此觀則自行調心。爲衆生說則化他興樂。故言爲衆生說是則眞慈也。故法華明。雖未得無漏已入如來室者如來衣坐如來座。今有疾菩薩未得法性身卽是入室行如來慈。又大經明。初依菩薩具煩惱性能知如來祕密之藏。是人有所說法亦可信受。此是相似之位尙已能爾。況分眞慈爲衆生說。豈非卽是眞大慈。行寂滅慈至如虛空故此九句二約眞斷德明慈。一句皆先云若觀衆生入空。得至中道。次依句消釋。行寂滅慈無所生故者。若見衆生中道卽見諸法本自寂滅。以本無二邊紛動之相中道寂滅。此卽眞慈。卽眞生不生之理。若見此理二邊皆斷故言無所生也。問若二邊斷名無所生者。何得初住猶四十一品生。

答一品生斷卽一無所生。雖有四十一品生皆無定性。卽是無生。故大論云雖未脫死地卽爲已得脫。行無熱慈者入大涅槃清涼之池。則無二邊煩惱熱也。行等之慈者二邊三世皆悉平等。卽眞法身無緣慈也。行無諍慈者二邊異故有諍。諍故起煩惱生死。無二邊諍起是真慈也。行不二慈者卽是一道清淨之慈。名不二慈。不與界內外煩惱生死合。故言內外不合。行不壞慈者卽是無緣眞慈。不可破壞以二邊煩惱生死畢也。行堅固慈者則心如金剛。成眞慈心不爲界內外八風之所毀損。行清淨慈者得一實諦。卽知諸法本來清淨無所染著。行無邊慈者卽是無邊眞慈。以善入法性不滯諸邊大慈普覆。亦是見空佛性故言如虛空也。行阿羅漢至等一味故。此六句三約聖德辨眞慈也。行阿羅漢慈者。阿羅漢此翻殺賊。羅漢見空但殺界內煩惱。菩薩觀衆生入空。非唯見但空亦見不可得空。卽一實諦殺界內外煩惱大賊。菩薩利物爲先。自既殺賊亦殺衆生界內外賊。故言破結賊也。此下五句。破皆須先云若觀衆生入空得見正道。次隨句釋之。行菩薩慈者得道種智。卽能利物名爲菩薩自利利他。卽是眞慈也。前行羅漢慈明得正道治衆生病。今說菩薩慈明得中道長養善根令未安者安。故云安衆生故。行如來慈者卽一實諦。是則乘如實道之慈名如來慈。得如相者無邊之異相也。行佛之慈者卽中道第一義。智。名爲佛寶。此卽行佛之慈。自覺覺他名覺衆生。行

自然慈者心心寂滅自然流入。即是自然被一切也。無因得者正道非因緣生。是以大經云第一義諦非因緣生。行菩提慈者即是無上菩提。得一味者如法華明一相一味。此四種並約佛法者。大品明有四種法。謂佛法如來法自然法一切智人法也。行無比慈至爲若此十四句四約衆行明慈。行無比慈者。若觀衆生入空見一實諦。即是絕待之慈。無二邊可比。若不著一實諦即諸愛恚皆悉斷也。下去一句皆如初句。若觀衆生入空見一實諦。次隨句而釋。行大悲慈者能拔二邊之苦故名大悲慈。能導二邊衆生入一實諦得大乘樂。行無厭慈即知二邊畢竟不可得。無有難心苦心。故無厭也。以觀二邊不可得即是畢竟空無我也。行法施慈。有師云。從此去對十地行慈。今不用此解入空見中。即具一切善法。不慳不捨名法施慈。以常捨行故外化。則於衆生無遺惜也。行持戒慈即非持非犯名持戒慈。能化二邊毀禁也。行忍辱慈即不害不忍名忍辱慈。不惱二邊衆生即是護彼我也。行精進慈即不進不怠名精進慈。能荷負衆生也。行禪定慈即不受二邊真俗禪定味也。行智慧慈即不智不愚名智慧慈。而能逗機赴緣不失無不知時。行方便慈即善於知見得無罣礙名方便慈。故能不起滅定現諸威儀。起十界三輪不思議化。行無隱慈即是法身顯現是真無隱慈。無作直心。不爲界內外煩惱所染。故得清淨。行深心慈即是深入緣起之慈。不染二邊方便行也。行

無誑慈即無二邊煩惱所誑名無誑慈。不行二邊虛假法也。行安樂慈即住一切法真安樂慈能令衆生得佛涅槃。菩薩之慈爲若此也者。菩薩觀衆生入空得見中道。成如此慈。何得問言云何行慈。文殊至共之次問行悲。一問二答。初問者已聞行慈觀衆生入空見於中道。悲復云何。故次問也。二淨名答者。若慈是與樂。悲是拔苦。祇以此無緣之慈所修功德。亦皆無緣與衆生共令得中道第一義樂。名之爲慈。慈即悲也。又拔其二邊之執離於二種生死之苦。名之爲悲。何謂至無悔三問喜心。先問次答。問意如前。二淨名答者。慶此衆生離二邊苦得中道樂。名之爲喜。若自念老朽多有財物。今既與究竟之樂慶喜無悔。何謂至希望四問捨心。先問次答。問意類前。二淨名答者。若觀衆生入空見一實諦。性如虛空。有佛無佛性相常住一切皆有安樂之性。雖復與樂拔苦實無樂可與無苦可拔。何所喜慶。大經云常行捨也。捨此三心無所。希望故名捨也。文殊下三研覈。窮衆生源有十二番問答。文爲二。初六番約四弘成四無量心。次六番正明窮衆生源。即成前觀衆生入空至中道。初六番者若但起四無量心無弘誓者。如畫無膠色必脫落。文爲四。初兩番成慈。次一番成悲。次一番成喜。次二番成捨。初爲二。初問答正明修慈依如來功德。次問答重決依如來功德。初文先問次答。初文殊問意正爲成上慈無量心。問生死有畏。

若新學菩薩觀衆生空即觀中道。若未發真修慈無量心。不捨衆生。既處生死死之苦難忍。方復經劫或爲惡緣阻壞。因致退沒。有此之慮。故言有畏當何所依也。二淨名答言。當依如來功德之力者。或如六念初明念佛功德能除恐怖。今下文自云。欲依如來功德當住度脫一切衆生。慈悲喜捨是度生之法。祇指無緣之慈具一切法。如大經云。慈能具足十力無畏等一切功德。是如來慈即是如來功德。此無緣慈尚不見二邊生死。豈於生死而有畏也。上文但明觀衆生空入正道。即是修慈未明有畏。今言有畏者。當知是有疾苦薩若未斷通別惑。未發真明見真中道。故言有畏。今爲欲安立衆生難心苦心。若脫有畏者。勸令依如來功德。即是初弘誓修慈。若觀三諦空而用初弘誓修慈。當何所畏。如慈童女因緣。適發心代地獄苦火輪即落生初利天。即其義也。文殊至衆生第二問答重決依如來功德之力。初問意。若生死有畏勸依如來功德。何謂功德。次答者當住度脫一切衆生。即是如來功德力也。何者慈能與樂即是度生。是初弘誓度衆生。衆生無邊則功德無邊。此即是如來功德。故大經云發心畢竟二不別。如是二心前心難。自未得度先度人。是故敬禮初發心。又問至煩惱第三問答成前悲無量心。初問當何所除爲顯成悲也。次答者令除煩惱。即是悲能拔苦。此是令發第二弘誓。未解集諦令解集諦。成悲無量心。亦名煩惱無數誓願斷。斷其二邊緣

集即成悲能拔苦也。又問至正念第四問答。初問欲除煩惱當何所行為成喜無量心。故有此問也。次答者勸令當行正念。即四念處。四念處正破八倒。八倒滅即癡滅。癡滅則界內外煩惱皆滅。若令衆生行四念處即離煩惱得道諦樂。拔苦得樂故生慶喜。是爲第三弘誓。未安道諦令安道諦。亦名法門無盡誓願知。又問至不滅第五問答。及下一番皆爲成捨無量心。初問答總出正念。次分別正念相不同。初問云何行於正念者。此問云何修行正念生善斷惡。成第四弘誓持捨無量心令不退也。次答當行不生不滅。即是四念處中四種精進名四正勤。若正勤成就遮二不善法集二善法。若二不善滅即是滅諦。緣此滅諦發第四誓願。故云未得涅槃令得涅槃即滅諦也。此成捨無量心。捨愛憎。三心。即一切煩惱滅。亦是無上佛道誓願成也。又問至不滅第六問答。猶屬第四誓願成捨無量心。即分別正念。初問何法不生何法不滅。正請分別不生滅相。次答不善不生即是二正勤。遮二邊惡法不生。善法不滅即是二正勤。集二善法不滅。惡法不生是斷德成。善法不滅是智德成。二乘人斷惡法不生。灰身滅智即是善法滅。此是思議解脫。今大乘不思議解脫即是依如來功德。但不生不滅有二種。一世諦二真諦。此是世諦不生不滅。又問下六番問答二正勤衆生源。即成上觀衆生入空至中道之源。衆生有此不生之惡不滅之善。爲四正勤之所遮持者。以何爲本。

即是窮研五住之本。煩惱雖多不出五住。五住之惑無明爲本。推求窮數不見初惑所依之處。達其本源故。初文殊問。善不善孰爲本。次淨名答。以身爲本者即是從未尋本。今現見。因有身故有惡有善。身即身見。依此身見具起。十二見等煩惱起諸善惡。善惡即生六道。三界皆附我見。是以三界衆生皆爲我故起善惡行。乃至三乘初心亦皆爲我修道。當知身見之我爲一切本。即是見一處住地。雖善惡無量計我是一。故云一處。又問至爲本第二問答。初文殊問。身見爲善不善本者。身見復以何爲本。若身見無本而有善惡亦應無本而有。淨名答身見以欲貪爲本。若無欲貪則無有身。故知欲貪爲身作本。故大經云煩惱與身前後不可。雖然要因煩惱方乃有身。是故欲貪即是身本。欲貪即是欲愛住地。所以然者若斷身見猶有欲惑。又問至爲本第三問答。初文殊問。若爲欲貪爲身本故斷身見已猶有欲在者。欲貪以誰爲本。次淨名答。虛妄分別爲本。所以然者虛妄之心種種推盡。或言離心出色或離色出心。實無色心但以虛妄。謂色異心故起欲貪。斷欲貪盡猶有色心。虛妄分別即是色愛住地。又問至爲本第四問答。初文殊問。虛妄分別是欲貪本者。斷欲貪盡有色愛住地。虛妄分別復誰爲本。次淨名答。顛倒想爲本。顛倒想者實無有心。顛倒計有能生虛妄。分別色心異故有色愛。若斷色愛則不分別有色異心。但有顛倒之想計有此心。若但有有心即是無色

愛住地。又問至爲本第五問答。初文殊問。若虛妄分別以顛倒想有愛爲本。斷虛妄分別色愛盡猶有顛倒想有愛在者。復誰爲顛倒想本。次淨名答。以無住爲本。無住即是無始無明爲顛倒有愛無色界之本。所以然者若斷顛倒想有愛無色界盡猶有無明住地。二乘通教菩薩所不能斷。攝大乘說阿梨耶識是一切世間生死之本。故彼論云是識無始時一切之所依。此無明更無所依故言無住無本。即是無始無明其力最大。佛菩提智之所能斷。又問至立一切法第六問答。初文殊問。若顛倒想以無住爲本者。斷顛倒想有愛無色界盡餘有無始無明在。此無住無明復以何爲本。豈無本而有。次淨名答。無住則無本者。正言無明依法性。法性即無明無二無別。豈得性還依性。當知無明無本故十住見終不見其始。諸佛如來見終見始。若觀衆生入空至無住本。此則徹底窮源至中道理。既言無住無本即是衆生虛空佛性。上來三諦皆空。又云從無住本立一切法。即是世間出世間有爲無爲一切諸法皆從無住本立。何者若迷無住則三界六道紛然而有。則立世間一切諸法。若解無住即是無始無明。反本還源發真成聖。故有四種出世聖法。故因無住立一切法。今用此六番問答窮數本源徹至無住。成上觀衆生三諦。何者初問答明善不善。即是觀世諦衆生如幻。皆從身見而生未見真也。次三番問答斷三界衆生生死。即是觀衆生見真如第五大等。次兩番問

答觀衆生無明覆於中道。名無住本。若見中道即如無色界色等也。中道無明是衆生源解惑之本。故言從無住本立一切法。問無住即是無始無明者。何故名無始。答身見等惑皆有所依而起。起則有始。此無所依起亦無始。故言無始無明。即是無住。此有二解。亦言無住亦言有住。亦言無本亦言有本。何故爾。若檢五住之本。前身見等皆約煩惱爲本。故有始有住。今無明之外無復煩惱爲無明本。故言無本。無本故無始無住。故言無住則無本。問無明依法性即是法性爲始。何得言無始。答若無明依法性是有始者。法性非煩惱不可指法性爲煩惱本。故言無住則無本。若依法性立一切法者。無明不出法性。法性即爲無明之本。此則以法性爲本。今經檢覈煩惱之本。法性非煩惱。故言無住無本。既無有本。不得自住依他而住。若說自住望法性爲他。亦得說是依他住也。說自住即別教意。依他住即圓教意。問若別接通明五住義云何。答若言四住是界內見思。無明得是界外。由界外流入界內。今反出先斷身見次除欲貪等後斷無明。歸無住本。此是別接通意。問別義云何。答別教意者界內見思不名見一處。何以故。此之四住非根本惑。如枝葉依樹而不依地。故界內身見有種種不同不名一處。亦非住地。斷枝葉盡計有涅槃。此是迷法身而起。若見真諦涅槃是一法。名見一處。此見因無明起故名住地。亦名身見。此從法身而起見也。若於變易依正五塵生於欲貪。即欲

愛住地。變易色心是虛妄分別。卽色愛住地。亡色觀心猶見有心卽顛倒想。是有愛住地。此四依無住起。卽無明住地。無明之外更無可依故言無住無本。問無住有住有開合不。答若合無明祇是法性。法性無住無明無住。故言無住。若開法性出無明。無明依法性亦得言有住。有住者住法性。住法性非煩惱。卽是無住。而約無明明修無量四聖諦論斷伏者。此是別教。就界外明五住義也。問圓教云何分別五住。答圓五住者。祇界內身見等四住有爲緣集。是迷無住而起斷見入涅槃。所生四住亦迷無住起無爲緣集。今圓觀界內外四住皆至無住之本。故窮三諦衆生之源。成上觀衆生如幻化第五大無色界色。皆不可得入三諦也。如烟塵雲霧起雖重輕不離虛空。重如界內輕如界外。譬依法性有界內外世間諸法。如火星月日光照除雲霧暗滅虛空像現。譬依法性有界內外出世間諸法。故言從無住本立一切法。問此虛空像現。但空不可得空之殊。答空尚不一何得有二。若約緣盡相顯非不有殊。如大乘經論有破虛空之義。卽可以譬但空顯不可得空。復次白象滿月等譬豈可備取也。問烟等重輕譬界內外兩種五住。義況云何。答此無的文以意銷釋。問火等四光其意何主。答一往出法界性論。今借此意表四教智照不同。以義銷釋。時維摩詰下此是品之大段第四。明天女室內現身與舍利弗論義。顯觀衆生徹三諦理住不思議。文爲七。一天女現身與身

子往復。明二解脫惑盡不同。一從身子問天去明二解脫體異。三從身子問天汝於三乘去明二解脫力用不同。四從身子問天不轉女身去明不思議法門轉變自在。五從身子問天汝於此沒去明不思議解脫出沒自在。應本迹莫測。六從身子問天得菩提去明法身身成道不同。七淨名述成天女所說。初文爲四。一天女問法現身。二散華供養。三至菩薩皆墮。四至大弟子便著。初文者關河解云。是淨名宅神守護方丈間法。歡喜現身供養。今解此是大慈法身影響淨名共弘大道。本地同契無生住不思議解脫。常寂光。而於室內現身者。表隱名如來藏顯名爲法身。此大慈法身應爲女像助弘大道。欲因散華彈呵身子之失。爲顯不思議解脫之得。又解上明神力空其室內表十方皆空。淨名果智栖此空理卽是居常寂光實智法身。臥真性床同物有疾卽是大悲現應身疾。而室有天女者天是天然。此表淨名久遠第一義天天然之理。常慈衆生有三十二種。故於真空性淨現天女形。隱名如來藏現名法身。法身卽慈慈卽如來。如來卽法身。法身應爲天女之像以表淨名大慈法門。故現女身。卽以至弟子上二明散華供養。華者如大品。諸天子言是華非樹生。華是心樹生。須菩提言是華非生華不從心樹生也。今明是法身菩薩斷於別惑起萬行之因感得實報勝妙之果。故言三賢十聖住果報。此華卽清淨果報無生之華。淨妙功德無生因華。天女法身菩薩以無分別

普散供養諸菩薩及大弟子。華至至皆墮落。三明至菩薩皆墮落者。表菩薩住不思議解脫。生實報土。已離別惑。彼妙五欲所不能動。故華不著身。皆自墮落。至大弟子下四明華至大弟子便著。文爲五。一華至便著。二神力不能去。華三天女問意。四身子答意。五天女彈呵。初文者。二乘但斷界內五欲。故世間五欲所不能動。別惑未除。故爲界外上妙色聲之所染污。故呵言結習未盡。華則著身。如大論迦葉聞瓊迦羅琴。不能自安。卽云八方風不能動。須彌山。隨藍風至碎如腐草。三界五欲我已斷。竟不能動心。此是菩薩淨妙五欲。吾於此事不能自安。卽其義也。一切至今去二身子等去華不得去者。良由住思議解脫未斷別惑。如迦葉所述。問此經結習未盡。華則著身何。開別惑。答大論云。於聲聞經說爲習氣。於摩訶衍說爲正使。卽是別惑。問斷通惑別惑。俱作四住名不。答若約通教界內有四住之名。若別接通界外。但有無明之名。無明能障佛性。不名見思。若約別教。無明卽是正使。亦有見思四住之名。故天女呵云。若於佛法有分別。有爲不如法。既有分別。則是見惑。又云結習未盡。華則著身。故有思惑。亦得分思以爲三住。今言大弟子神力去華者。若依事釋。天女散華。諸菩薩皆墮。至大弟子便著不墮。身子遠嫌。疑所以去華。理釋者。明二乘人厭世五欲而取涅槃。此則心有去取。今見菩薩果報五欲亦謂爲不如法。捨離推却而不得去。盡其神力者。以羅漢住思議解

脫。雖有神力。別惑不斷。不得不思議解脫。自在故不能去。爾時至去華三天女問去意。欲呵其非。故先問去意。答曰。至去之四身子答。意言不如法者。意謂天有染心。故須去之。天曰。下五天女彈呵。文爲四。一正彈呵。二釋得出失。三譬四結。初正呵云。勿謂此華爲不如法者。非是世間思議之華。此乃修無生理萬行之因。感此如法實報之華。又以如法心散平等供養。何謂不如法也。所以至想故二釋出。此華無所分別者。天以無分別心感。還以無分別心散。諸菩薩無分別心。華則不著。身子等分別生死涅槃。有異。分別卽是別見惑也。類如界內因身見分別。則有一切見。使不入初果。息見無執。靜卽見諦得果。別見亦爾。分別生死涅槃爲二。是則爲見。若離此見。入別聖位。汝於佛法出家有所分別。不能出別見惑。可謂出家是不如法。觀諸菩薩華不著者。以斷分別想故。卽是法身顯出。界內外見思生死。是真出家名爲如法。故華自落也。此約得失以呵。譬如至爲也。三譬顯開譬合譬。顯捨生死取涅槃。卽是分別。故有見惑名不如法。其意可解。結習至著也。四結呵。此文。明非但有習。亦明有別見。思卽有通見。思習氣。具如前引智論釋也。問定是別結未斷。爲是通結之習。答若約通教。如迦葉是習氣。若約別教。卽別結未斷。故有習氣。如大論明結使二種。一其二乘斷二不共二乘斷。共者迦葉已斷。不共者迦葉未斷。已如上說。今此經既明不思議解脫。正用別圓斷也。但經無

的文者。此方等教。猶帶方便。不類法華涅槃也。舍利弗言。下二明二脫體別不同。此約但不但空分別。文爲四。一身子約事問。天以理答。二天以事問。身子以理答。三身子重決。天女彈呵。四身子稱嘆。初文爲五。一身子約事問。二天以理答。三身子心迷重問。四天還以理答。五身子悟而默解。初文者。身子是起教之端。故以就事止室久近而致問也。二天女答。如耆年解脫者。此約理而答。如耆年所得但空解脫之時。真諦之理無久無近。我處此室。是得不可得。空住不思議解脫。第一義理本無言說。無有久近。耆年解脫。既無久近。安問有久近耶。故將耆年解脫。以斥答身子。三身子本以事問。天忽將理答。倉卒不解。故重問言止久耶。四天重答。耆年解脫。亦何如久。汝問止此久如。答如耆年解脫之理。無久近。云何重問久耶。若爾。仁者所得解脫。爲有久耶。若仁解脫。非久何得重問爲有久耶。五身子悟天玄旨。默而領解。天曰。下二天以事問。身子用理答。文爲五。二天以事問。二身子以理答。三天辨不思議解脫相。四解釋五結會。一天以事問。如何耆舊大智而默者。卽是問何故默然。二身子用理答。默然者。正以見真諦理得解脫時。言語道斷。無有言說。今不知所云。故默然也。此以理默答事默也。問身子聞阿說示說三諦。是見有得道。卽是言說。今何得言解脫無說。不知所云。答有是教門。豈非言說。此用證答。故云無言說。如大集明。憍陳如比丘最初得無言說理。此亦因有門無

言說也。見有見空皆是教門。無言說理有空不異。若言異者身子見有得道。何得言吾聞解脫無言說也。三天用不思議斥身子等住思議者。天曰至解脫相。乘於文字生死之法不得自在捨入涅槃。今明文字相離則生死。不礙涅槃。如芥子不礙須彌。即是不思議解脫之相。四解釋者。所以至兩間。名本名體。體即是法。法若內外兩間名可如是。今求體法及名皆不可得。俱無內外兩間。即是解脫。豈得離此方名解脫。又解諸法無體但有名字。名不可得即解脫相。此即異思議解脫明二脫相別意在此也。五結會者。是故至解脫相。若不離者何但文字是解脫。二十五有皆是解脫。故天自釋言。所以者何。一切諸法是解脫相。舍利弗言下三身子重決文為二。一身子重決。二天女彈呵。初重決言不復等者。此重決意。身子昔聞三藏斷三毒得子縛解脫。若言離淫怒癡非解脫者。佛昔所說豈得非也。天即答言。佛為二種根緣。若為鈍根增上慢人說離淫怒癡為解脫耳。若利根無增上慢者佛說離淫怒癡性即是解脫。問增上慢者所謂未得謂得。未證謂證。身子等得俱解脫何得以為增上慢人。答若法華簡衆明增上慢。是小乘未入方便道。乖僻謬計謂得四果為增上慢。故身子不被簡出。最初得記。今呵為增上慢者二處有異。若身子於三藏斷結證思議解脫。證謂同於諸佛所得。此即未得謂得未證謂證。此中折其明證之心呼為上慢。所以然者。若執藏通所明真諦三乘

灰斷。謂佛亦然。而佛證常住涅槃豈以見真謂同佛證。故說為上慢就其齊教解脫知見。不同外道及謬取小乘方便故。圓教明諸佛菩薩不斷煩惱而入涅槃。不捨八邪而入八正。不同二乘離淫怒癡。捨八邪住思議解脫。妄計同佛所得。豈非上慢。天女彈之正意在此。於法華中非上慢者已被彈呵。已聞不思議解脫。不與二乘人共。自知所得非佛境界無明證之答。但齊所稟教。斷約解脫。止宿草庵自念貪事故非上慢。菩薩無此諸失非增上慢。是不思議解脫離與不離。俱不與二乘等共。故離不離非唯界內。亦約界外三毒通別文字皆解脫相。此是顯不思議解脫斷與不斷俱得自在名為解脫。舍利弗言下四身子稱嘆天女文為二。一身子稱嘆二天女答。初嘆者身子既聞說此妙法量其必得勝解脫證。故先稱嘆。次問何得其辨乃爾。二天女先答次譏。答云無得無證故辨如是。大經言有所得者名為小乘。但空取證無所得者名為大乘。以不可得空故不住化城。聲聞偏學而取證。菩薩圓學而不取證。具如大品。今明知四不可得。故不住三權一實。自在無窮故辨若是。所以等者次因釋寄譏其但得偏空。化城涅槃以為究竟。不求中道大般涅槃。是為佛法增上慢人。舍利弗下三明二脫力用不同。已明二脫體異。所有力用理然不同。身子未了所以有問。因問有答。分別異相。先問次答。初身子問。云汝於三乘為何志求。或約三藏為問。今謂多約通教何者。三乘之人同稟

通教般若。若求聲聞有餘無餘不可更修緣覺菩薩之乘。若求辟支佛乘有餘無餘不可更求聲聞菩薩之乘。若求菩薩乘慈悲誓願久住生死度脫衆生。不可退求二乘無餘。雖同稟般若志求各異。即是思議問為何志求也。天曰下二天答文為二。一化他二自行。化他則三皆志求。自行乃但求大乘。初言三乘皆志求者。若通菩薩無法身本。不能起應無三乘法。今則別圓接通三乘根性。故現三乘皆志皆用。如文殊於二萬世作辟支佛化人。況住餘乘雖數數生滅而常行一乘。故言化他。舍利弗下次明自行。若法身受道如法華云。唯一事實無二無三。文為四。一正顯佛乘。二引釋梵證。三明止室十有二年。四明室有未曾有事。初文者先譬次合。以瞻蔔林譬者。瞻蔔芬薰餘香微弱。故用瞻蔔當其林名。況復入林唯聞瞻蔔。今明圓教自行受道。不無三乘方便法門。故法華云。及佛諸餘法餘法微弱。不及大乘法味深遠。故法身菩薩但稟大乘進道。不貴二乘所行功德。故合譬云。但聞佛功德之香。不樂二乘功德香也。空室本表佛國皆空。法身菩薩清淨圓智既栖此理。豈樂偏空之智。問天但言不樂二乘之香。何得三乘皆云化他。答藏通大乘同依但空與二乘同。但以大悲利物為異。問云何言三乘皆是化他。一乘但是自行。答三乘隨他意語故一往對化他。一乘隨自意語故。一往對自行。究論皆有自他。問若皆有自他以何為異。答瞻蔔香氣豈同餘香。一佛乘用豈同三



乘舍利弗至發心而出二引釋梵爲證。釋梵具足有爲緣縛。入室聞大尚能發心。何況法身已契無生畢竟空室。而樂二乘功德。故思議不思議二用不同。如瞻蔔之香與餘香永異。舍利弗至之法三明止室久近。上身子問止室久如。今天以理答。有言寄十二年在室恒。聞大乘。以斥身子十二年前但聞小乘。此未必然。如六年聞鶻崛經。明一佛乘又爾。前呵諸弟子豈十二年後。今言文字相離即是解脫。十二因緣即是文字。文字相離即是解脫。故得約之以明久近。是以事表理也。言十二年者即表十二因緣。約教即有二種。一藏通明思議因緣。二別圓明不思議因緣。故大經云十二因緣有四種觀。下觀聲聞。中觀緣覺不見佛性。上觀菩薩上上即佛。身子但觀思議因緣。天女乃觀不思議因緣。因緣名同父但名解脫。上天答身子云。止此室如著年解脫。解脫無久無近。若別圓明十二因緣如大品云。十二因緣獨菩薩法不共二乘。二乘離文字。解脫無有言說。菩薩不離文字解脫。得有言說故得約之以明久近。此即無久近之久近。是以天言十有二年正表於此。若修此法豈習聲聞法乎。問上天云。以因緣法得度我爲支佛。今何得言獨菩薩法。答此方便教與而爲言屬辟支佛。若了義教奪而爲語支佛無分。所以然者十二因緣名爲佛性。不見佛性豈知根本無明。十住見性不窮無明尚不了了何況支佛。當知因緣獨菩薩法。十二因緣即一切文字。故言止此十有二年。

初不聞說二乘之法。但聞諸佛菩薩之法。故因緣實相非因非果。而因非果。獨是菩薩諸佛之法。舍利弗下四明此室有八未曾有事。二乘思議之所無也。文爲三。一標章。二辨相。三結斥。初標章者即不思議之用二乘所無。今釋正對涅槃大海八不思議譬。其義犀同但名目次第起緣前後小異。何等下二辨相文有八。初云常以金色光照者事解可知。約理即是空室表寂光佛性。第一義光。晝夜無異者即是寂而常照。智慧不二。不以日月者不假權實緣修之照。二乘思議無如此事。故名未曾有也。大經云同一醖味。謂一切衆生同一佛性。此室至之法是未曾有法。若入法性真空寂光。無界內外煩惱之垢。大經云不宿死屍。如界內外若犯重禁佛法死屍不入寂光。此室至之法是三未曾有法。釋梵即是有爲之流。來會性淨之理表將入寂光。他方菩薩來會不絕者。明自行化他入諸佛土。隨方利物同歸寂光。故言來會。大經云漸漸轉深。所謂歸戒乃至佛果即漸深也。此室至之法。是四未曾有法。不退轉法即是四教六波羅蜜四種不退。若念不退即自然流入薩婆若海。大經云潮不過限。寧失身命終不犯惡。惡即六蔽。終不退轉起六蔽也。此室至之法是五未曾有法。一切法中無黑礙智說不可窮。即是勝妙果報。如甄迦羅琴說。法無量無作四諦之法。大經云深難得底。譬法化之聲。此室至之法是六未曾有法。事解可知。即是四教所詮。亦是觀十二因緣。四種法藏施

十界衆生無有盡也。大經云有種種寶藏。以譬是經即是寶藏。謂四種道品嬰兒等行。四種聖人功德等無量寶藏。此室至之法。是七未曾有法。此室十方佛現。即是大土觀十二緣空得念佛三昧。十方諸佛真應二身隨念現前。大經云大身衆生居住之處大衆生者謂佛菩薩之所住也。此室至之法。是八未曾有法。此室天宮淨土皆現中者。室空正表佛土皆空。又上文云雖知諸佛土永寂如空。而現種種殊勝佛土當表此也。大經云不增不減譬大涅槃。無邊際故乃至一切性同一性故。即是空室表一切國皆悉空也。此未曾有不思議用豈同二乘住思議解脫小智功用。大經明八不思議義同也。舍利弗至法乎三結斥。若此室常現八未曾有。即是觀因緣住不思議解脫。成八種不思議用。誰有證此更樂住於無用小智。離於文字而求解脫。舍利弗言下第四大段明不思議解脫神變自在。若真性解脫無轉不轉。約行利物則有轉不轉。如大品明。須菩提問阿鞞跋致轉不轉義。佛言轉不轉皆名跋致。今亦如是。若觀衆生入不思議。深達法性不染不滯者。轉不轉俱是跋致故有此文。先問次答。初問者猶用三藏教意。三藏菩薩具五事名不退轉。謂得宿命智諸根具足。不生下賤。不生三惡。不受女身。具此五法名爲跋致。今之天女辨才若此。既有勝解即是不退爲五女像。若是女人豈能如是。故知以三藏菩薩義問。但身子神力雖非目連所及。止是思議。俱解脫力。今欲顯不



思議力用故身子以思議而問 天曰下二明天答文爲三。一明不轉。二明轉。三明非轉。非不轉。正成此品觀衆生。入空不空非空非不空之三諦也。一不轉者觀衆生。從世諦如幻等入真諦。如十九界等喻無有轉相。亦如身子上答天云解脫無有言說。此即上明真諦畢竟不可轉也。二轉者。真永不轉還入假名。引導衆生得有轉義。如幻化等雖無定實不妨假名亦得言轉。如上觀衆生俗諦假名如幻化等。三非轉非不轉者。轉不轉皆不可得。轉故不同真諦如十九界。不轉故不同幻化名字之轉。離此二邊則非轉非不轉。即是中道正觀。如上觀衆生如無色界色等也。但與上文小不次第者。上爲一向明入。今明轉變。與三觀相同也。初明不轉文爲三。一天女問。二身子答。三彈呵。一天以正觀譬顯。反問身子云。我從十二年來求女人相了不可得。是觀因緣法性求男女相了不可得。當何所轉。今言男女非止約人。其相無量皆不可得。皆如幻化。從因緣理尋無明行等本非男女。顛倒妄見若有男女是爲二相。觀因緣真理則無二相。畢竟得。正報既爾依報皆然。如天陽地陰日陽月陰四時五行皆男女相。大經云。若以貪愛母無明以爲父。即是男女。乃至出世定慧福智度方便慈悲善心皆男女義。若觀因緣即是佛性佛性即是法性。法性真理尚不見一。何得有二。尚不見世出世法男女之相。何得有人身二相也。故天女云觀十二因緣求女人相了不可得。何得勸轉。

又就世諦有三義。故女不可轉。一業不可轉。於無明行造男女業。業若不轉報亦不轉。如舍利弗爲男業所成。蓮華尼爲女業所成。雖得羅漢斷身縛盡。乃是轉因不轉現果。業若不謝決不可轉。二神通不可轉。如天女以神通力變身子爲女。若未捨神力魔外二乘盡其神力無如之何。三誓願不可轉。如佛法身菩薩隨諸國土。應以女像得度者即現女形。若衆生未度應終不轉。衆生機息應女乃轉。將此三意反問身子何不轉女問也。此即十二年觀女相了不可得。當何所轉也。譬如幻師化作男女。若有人問何以不轉女身。此非正問。今身子作此問者則非正問。所以還用此問以問身子。爲正問不。舍利弗至所轉二身子領解。幻無定相當何所轉。即是身子自伏所問非也。天曰至女身三天女彈呵。因身子領解自伏問非。即便彈云。一切諸法亦復如是。無有定相。言一切者如上。男女陰陽定慧等一切諸法皆妄分別。但觀因緣求不可得。當何所轉。汝既答云幻法無定。云何勸轉即是彈呵。即時下二明轉。即是轉故名爲跋致。深達轉性如空。得。依隨世俗二相不定從空入假。名字分別。得有轉義。文爲四。一天自變爲身子問。二身子以女像答。三天爲解釋。四引佛語證。一天自變爲身子。轉身子爲天女。而用身子像問者。即是上明神力爲女。若不攝神力不可轉義。此表若業不轉凡女不轉。若機不轉應亦不轉。舍利弗至女身二身子以女身答。不知何所變者。明

身子三藏神力乃勝日連。終是思議。故不能制菩薩神力。故爲天所轉。今不思議非思議所知。故云不知何轉也。成上如前。天曰至女也。三天爲解釋。天言舍利弗若能轉此女身。一切女人亦能轉者。如身子爲通所持遂不能轉。一切女人爲業所持終不能轉。若一切女人不除業。而能轉者則身子亦能轉也。如舍利弗非女爲他神力變爲女身。一切女人而爲業力變爲女身。雖現女身四大五陰因緣中求女相得。即非女也。今天女即是願力應爲女像。衆生機緣若轉應亦轉也。如鏡對面現面。面若不離像不可轉。是故至非女四引佛語證。如佛所說一切諸法非男非女。如世間男女乃至陰陽定慧一切諸法皆非男女。即時下三天攝神力。即是非轉非不轉。成上中道如前。文爲四。一攝神力復舍利弗身。問女相何在。二身子答。三天印成中道非轉非不轉。四引佛語爲證。初文者表一切衆生女業若謝則女身轉不見女相。若衆生機謝則應女亦謝無女相也。次身子答言無在無不在者。女身色相雖滅不見有在不在。天曰至不在。三天印可此言。是會中道之說。成前觀衆生至源。故印可也。夫無在至說也。四引佛語爲證者。非但稱會天意。亦不乖大聖所說。舍利弗下品之大段第五。身子問沒生。此正顯不思議解脫出沒自在真應本迹。思議則無沒者。法身之本。生者應化垂迹。正欲顯成觀衆生入空至一實諦。窮源徹本名之爲沒。行三十二無緣大慈。善根力

重受身利物。名之爲生。又解。沒生即是應身垂迹。非沒非生。即本法身。此下問答皆是研究。顯成淨名上說觀衆生義。文爲四。一身子問。二天女答。三身子重問。四天女解疑。初身子問。正約三藏或用通意。何者三藏明佛無餘灰盡。此但有沒而無生也。藏通二乘亦沒無生。三藏菩薩既不斷結。爲化衆生雖沒而更有生。通教菩薩既異二乘。二乘無願不受後有。但沒無生。佛雖有願正習俱斷。但沒無生菩薩雖斷正使有習有願故得有生。今正約三藏既未斷結。必應有有當生何處。二天女答。佛化所生吾如彼生。答意者佛法身理本無有生。應同則生。此如化生。非結習生。天得法身亦應化生而非結習。故言吾如彼生。三身子重問。佛化所生非沒生也。身子不知天意在應化生。乃取三藏。謂佛報身能作化生。化無體質無而歟有。無有定相。捨此取彼。菩薩結業受生。那云佛化所生。故云佛化生非沒生也。上天以別教應化答。身子不曉猶執三藏。佛有報身能有所化。故言佛化所生非沒生也。四天既知其不曉玄旨。即以通意順答。一切衆生亦非沒生。往來五道並皆如化。非沒生者天亦是化豈有沒生。此亦一往也。意在法身應化。至淨名述成眞應本迹其義方顯。是則佛化所生乃是應化。天得法身隨有所生皆是應化。故非沒生也。舍利弗下品之大段第六。身子問得菩提久近。即顯圓教成道也。文爲二。一身子約藏通問得道久近。天約不思議眞諦答。二身子約思議俗諦

問。天還約不思議眞諦答。初中身子先問意者。汝既爲利物何當道場八相成道。次天答即反質有二意。一者若舍利弗還爲凡夫。我乃當成菩提。若言悟眞無生豈有爲凡之理。我得圓眞之道。已除別惑豈可方依藏通八相成道。故云我得菩提亦無是處。若身子見思議眞更作凡夫。我入不思議眞乃爲八相。汝無是事我豈有之。然羅漢能化爲凡夫非眞凡夫。法身成道亦非八相。衆生應八相得度即現八相成道。羅漢實不更作凡夫。我得無生亦實無八相。此覆相並釋也。次身子答云。我作凡夫無有是處。天即並云我得菩提亦無是處。所以作此並者。若身子問法身究竟成道。此乃十住不見其始。唯佛與佛乃能究盡。天設答身子時節久如。如法華明大通成道王子行因。身子豈能知此八相。祇得無生即能八相隨緣作佛。何須致問。次天自釋言菩提無住處故無得者。此是法身觀不思議眞諦空無方所。諸佛不能行不能到。故說無有得者。舍利弗言下。身子約思議俗諦問。天還約不思議眞諦答。初身子問言今諸佛得菩提如恒河沙者。此將通教俗諦八相爲問。故云如恒河沙。所以然者。三藏不說有十方佛。雖有此意義不彰顯。次天即答云。皆以世俗文字說有三世之佛。非謂眞諦而有三世。假名三世。而眞菩提豈可世攝。天因答即反質身子。汝得羅漢道耶。身子答。無所得故而得。此如大品佛四句問善吉得道。善吉答不住四句而實得道。此是絕思議俗四句見

眞得道。天曰諸佛菩薩亦復如是。是絕不思議俗四句。見不思議眞得道。所以然者。天意小乘思議得道尚以無得爲得。何況大乘不思議得道而不絕四句無所得而得。語類相竝其意天隔。爾時下品之大段。第七淨名述成。天女上答身子皆實不虛。文爲四。一久值諸佛。二遊戲神通。三得無生忍。四願隨意現。雖復身子研問未能令義顯現。故淨名述成天女所答六義方顯也。一已曾供養九十二億佛者。是順佛教能觀因緣三諦。故得栖此空室以慈悲焉。現天女像。散如法華平等供養。表通惑已盡別惑侵除得文字性離不思議解脫。即是述成天女答身子初問。明若離別惑華不著身。亦述成答身子第二問。明思議不思議二脫不同。二遊戲神通誓願具足者。述入瞻蔔林不嗅餘香。亦述答第四轉女身問。如本願故現女身也。三得無生忍即是述第六身子問久如得菩提。天女答無所得故而得即是法身成道。四以本願故隨意能現。教化衆生。即是述第五身子問沒生。天女答如佛化生。法身出沒本願應化眞應本迹其義顯也。問身子何故前問沒生次問得道久如。淨名述成。何故前述法身成道次述沒生。答身子迷心而問絕事至理。淨名以理述成。得無生忍即得法身方有應用。身子雖有六問天女答無留滯。正意猶爲難見。故用四義述成意乃分明

維摩經略疏卷第八

維摩經略疏卷第九 小卷二十四

天台沙門湛然述

佛道品

今明此品略用三意通釋。一明此品來意。二釋此品名。三入文解釋。初明此品來觀衆生品來者。前品正明通相入空。正成問疾品通教從假入空。調伏界內有疾菩薩。兼成室外爲國王長者說法。已如前說。今此品次明通相從空入假觀。明非道之道。非種之種。非奢屬之奢屬。此即不有而有。正成問疾品明別教通相從空入假觀。調伏恒沙實疾菩薩。上文云以無所受而受諸受。未具佛法不應滅受取證也。亦兼爲室外呵諸大弟子。不能於諸見不動而修三十七品。以五逆相而得解脫等。故有此品來也。次釋此品名。言佛道者佛以覺爲義。自覺覺他名之爲佛。道以通達爲義。所覺之理能通觀智從因達果名之爲道。此以智理標名故云佛道品。正如此品用非道之理即是佛道。是以淨名答文殊云。菩薩行於非道通達佛道名爲佛道。言非道者大論云十二因緣有三種道。一煩惱道。二業道。三苦道。煩惱即無明愛取三支。業即行有二支。苦即識名色六入觸受生老死七支。此之三道皆非佛道故言非道。非道之理即是諸佛實相智慧功德之理。理即是道故說非道即是佛道。問此品不約因緣明義。何得約因緣三道爲非道也。答一切非道不出此

三。何者十界攝一切九皆非道。唯佛法界名爲佛道。此經明不思議佛道故九界非道皆是佛道。是九界道中六道是有爲十二緣三乘是無爲十二緣。即世出世二邊之道各有三道。不能通相從空入假順入不思議解脫之道。故皆非佛道。但此品不別明菩薩是非道者。以有四教菩薩道故。別圓入中即是佛道。復次方便菩薩皆有悲願快順佛道。故不簡出。實非佛道。若是佛道淨名何故呵四菩薩八千之徒。復次此品明遍入諸道斷其因緣。豈不入方便教菩薩斷其有爲無爲緣集。問若佛是能覺智。道是所覺理者。此非道之理即佛性理不。答如所問也。問若即是者佛性有三。謂正緣了。非道亦得是三因不。答亦如是具如玄義。何者苦即正煩惱了。因緣業即緣因。故大經云十二因緣名爲佛性。佛性不出三種。因名三種佛性果名三德涅槃。何者苦即法性五陰。屬正因佛性。故大經云無明有愛是二中間則有生死亡名爲中道。中道者即是正因。若轉無明爲明是則由惑有解。即是了因。若轉惡爲善則由惡有善。即是緣因。故知三種非道之理即是三種佛性之理。故淨名言行於非道通達佛道。問諸師多云此經未明佛性。何得引涅槃明十二因緣是佛性義以釋此品。答大經云若言十一部經不明佛性非謗佛法僧。若說十二部經不明佛性即謗佛法僧。今此方等具十二部。何得言不明佛性。問此經始終無佛性名。何得說言明佛性也。答此品淨名說非道爲道。文

殊說非種爲種。種性即是眼目異名。如天帝釋豈異憍尸。若謂不作佛性名說不。開佛性義者有經不以二諦名說亦應不。開二諦。何得言諸佛常依二諦說法。問若佛性有三種亦三不。答如所問。故此品文殊言有身爲種六入爲種。即苦道正因種性之異名也。無明貪恚等爲種。即煩惱道了因種性之異名。十不善爲種。即業道緣因種性之異名也。種性之與性義實相。映。故法華云唯有如來知此衆生種相體性。即其義也。問種以能生爲義義。映無常。性以不改爲義。映於常。此二義別何得言。映。答緣了。映種不足致疑。但正因。映種義似有乖。深求其致亦相。映也。如真非因果說爲正因。是則非因性爲正因性。何以不得非因種說爲正因種子。問若此經明如來種與涅槃佛性同者。何故言若見無爲入正位者。不能復發菩提心也。猶如根敗。種義可斷佛性之義則不可斷。何以得同。答此帶方便明種性義。於利根菩薩即是究竟。二乘不了故須呵折。呵折其聲聞密有發理。故法華云。而昔於菩薩前毀聲聞樂小法者。然佛實以大乘教化。即其義也。問十二因緣法性皆是正因。觀因緣智通是了因。助修之善並是緣因。何以偏判各有所屬。答義有通別。若如所問乃是通義。別對不爾。法性五陰有無明惡業即成生死五陰。如陰氣起水結成冰。無明轉爲明不善成善。即顯五陰成五種涅槃。如陽氣起則水還成水。問無明煩惱豈是智性。答文云不入煩惱大海不得

無上智寶。十地論師說。七。識是智識。攝大乘說。七。識是執見識。誣論云云。皆由不達了因種性義也。六。識不達起靜亦爾。問若爾般若法華明佛性不。答此方等經尙有此義。況般若耶。故大經云。言佛性者有五種名。所謂佛性般若。若音楞嚴金剛三昧。師子孔三昧。又大經明成大果實見。如來性。引法華八千聲聞得受記別成大果實。如秋收冬藏更無所作。即其義也。觀心者。若知一念十二因緣具十界三道之理。即三如來種三種佛性。是則三道非道不障三德。如世伊字諸法亦然。是不思議智理即是非道。通達佛道故名佛道品也。爾時下三入文。文爲三。初明佛道。二明如來種。三明眷屬。此三辭異意同。皆是通相入假觀也。若就覺知非道之理。通達無塞名爲佛道。此理顯理能生如來名如來種。所生福慧自行二嚴。能生法身及諸功德。即以此爲眷屬。若是化他皆假名無塞。三文雖殊同是通相從空入假。故大品云。菩薩能以一切道起一切道種名道種智。即是從空入假智也。初文爲四。一文殊略問。二淨名略答。三文殊重問。四淨名廣答。初文所以。住此問者。假名分別佛道無量蘊在非道。初心菩薩聞問疾品明不思議通相入假莫之能知。故問菩薩云何通達佛道。維摩至佛道二淨名略答者。菩薩以無所受而受非道諸受。即行於世出世二邊非道。通達佛道者。達此二邊即是佛道。復次世間非道即是愛見。愛即魔非道見。即外道非道。出世非道者。即二乘

四門等種種諸門。具如上釋。從空入假明諸受也。此世出世皆名非道。菩薩以無所受爲欲通達非道之受而受諸受。自行化他。入假分別藥病。未具佛法終不滅受取證。即能通達一切佛道。故上問。病品云。諸魔外道皆吾侍也。又問至非道三文殊重問。所以重問者。以向答意玄時衆未解故重請廣說。答曰。下四淨名歷別廣答文爲八重。以明非道。一約無間因果。二約色無色界。三約三毒。四約十弊。五約二乘。六約人間諸惡果報。七約入無餘八總結。初約五無間因果明非道者。菩薩入假爲利衆生示五逆因受三途果。雖爲此事而無惱害。即是通達佛道。何者觀此五逆因緣生心從假入空。尚不見逆心。況有逆果。以無所受爲物而受逆心逆果。此五逆心即是無生。即阿字門。諸諸法初。不生故亦是無垢三昧。若知諸法不生。即具一切佛法。如一微塵中有大千經卷。逆心亦爾。具足世出世法。順漸道品一切佛法。十心數十弟子起十法門。莊嚴雙樹枯榮之教。具在一念五逆生死心中。故言行於非道通達佛道。此即三道五逆之因。即是煩惱道業道之非道。三途之果。即是苦道之非道。今取最惡因果。尚通達佛道。其餘理然。故言菩薩行五無間而無惱害。即是通達佛道。本無逆業而行逆者。即是以無所受而受諸受。通達佛道即是未具佛法。自行化他未滿不應滅受而取證也。菩薩於逆如是。通達具一切法即是自行。示行此事即是化他。示有二種。一者示懺。如闍王

未受惡果。而求懺法。令無數人發菩提心。二者不懺。如調達乃至入大地獄。阿難隨目連往看勸令懺悔。調達答言。我受此苦。如第三禪樂。是爲行於非道爲利一切。又非惡無以顯善。是故調達無數劫來常共釋迦行菩薩道。一行佛道一行非道更相啓發。如法華所明。至于地獄而無罪垢。即約果也。此是無垢三昧破地獄有。入此三昧一切三昧悉入其中。如調達在地獄語日連言。若汝更爲凡夫。我當出此地獄。又如婆藪雖在地獄教無數人。得出地獄聽方等經。若自有罪何能如是。良由雖處地獄無有罪垢而能利他。出于地獄即是行於非道而無罪垢。即是入無垢三昧通達佛道。本無地獄之業而至地獄者。即是以無所受而受不取證也。自此已去皆須取問疾品以無所受而受諸受文。來對行於非道之語。歷一一句皆類此也。至于畜生無有無明。憍慢等過者。如大象獼猴鵝鳥相敬。因以化人。即是入不退三昧通達一切佛道。至于餓鬼而具足功德。如諸觀音云。現身作餓鬼。手出香乳。即是入心樂三昧通達一切佛道。行色至爲勝。二明行上界非道通達佛道。所以約上界者。此二界是世間善。若因中生著是菩薩縛。若受果報即長壽天難。即非佛道。菩薩從假入空以無所受而受此因果。不以爲勝。以非出世觀練薰修之勝法也。而於此非道修白色三昧乃至我三昧等十一三昧。未是自行化他一切佛法。終不滅受取證。即能通達佛道也。示行至其心三

●說二說 ●[文]一 ●[住]一 ●病二疾 ●不三下 ●是一具 ●

示行三毒。即是煩惱非道而通達佛道。以無所受而示行貪欲非道。離諸染著即是無漏禪定之佛道。示行瞋恚非道。無有。慧即是修法緣無。緣之佛道。示行愚癡非道而以智慧調伏。即是三智之佛道。若未具佛法不滅三毒之受而取證。是為通達佛道。故諸法無行經云。貪欲即是道悲癡亦復然。如是三法中具一切佛法。示行至他教四約十弊非道通達佛道。此十亦多是煩惱亦有是業。義推可知。若以無所受而受十弊。入假修十波羅蜜未具佛法。終不滅十弊受而取證。即能通達一切佛道。問八蔽八度如文可解。憍慢對願諸煩惱對力其義如何。答憍慢輕他。若不發願。豈能作。橋梁令他履踐。若不轉煩惱豈能和光不染常清淨也。示入至眾生五明行二乘非道通達佛道。二乘沈空故有無為緣集十二因緣三道非道。菩薩以無所受受二乘沈空之受。而能從非道通達佛道。示作聲聞。為衆生說未聞法。如身子善吉若作支佛。大悲教化如大迦葉。未具佛法終不滅二乘受。而通達佛道。故法華云知衆樂小法而畏於大智。是故諸菩薩作聲聞緣覺少欲厭生死實自淨佛土。示入至因緣六明示受人間果報苦道非道通達佛道。此有八句初七示受人間報。後一總明現入諸道。前七是受四天下諸受。此諸果報皆是非道。而從空入假修如幻等四種三昧。未具佛法終不滅此諸受而取證也。後一句現遍入諸道而斷其因緣者。世間諸道不出其六。此文未明修羅六欲。

若受此道亦是苦道非道。而修歡喜三昧及不動等六種三昧。未具佛法終不滅此果報受而取證。即能通達佛道。言斷其因緣者得二十五三昧。能破二十五有即是斷其因緣。復次現遍入諸道即是遍入十法界道。斷其因緣者斷四教菩薩因緣三道。現於至生死七明現二種涅槃非道通達佛道。上明二乘有為功德。今明二乘無為功德。皆是佛道。又上但說二乘今兼三乘入二涅槃皆非佛道。除圓妙覺示現其餘皆無為緣集三道非道若應以三乘滅度而得度者。即現三乘而不斷生死者。菩薩大悲處於生死。通達生死非道即是佛道豈可斷也。文殊至佛道八結成佛道義。菩薩若能行前七種明於非道之理具一切佛法者。即是通達佛道也。於是下二明如來種。所以淨名問文殊者。上文殊問淨名答非道為佛道。今淨名問文殊答非種為如來種。此二大士互為賓主之儀。為欲顯上所明行於非。空入假。其理幽玄諸未悟者多生疑怪。今淨名問如來種。欲顯非道佛道令義分明。若知三道是如來種者即能通達非道是佛道也。文為五。一淨名問。二文殊答。三淨名重問。四文殊解釋。五大迦葉稱嘆領解述成。初問何等為如來種者。正為成非道為道。文殊師利下二文殊答。即是以非種為種。何者上淨名以非道為道。恐時衆未解故問種義。今文殊答以非種為種。理趣快同顯成向說之旨也。言如來種者大論云如法相解。如法相說名如來種。若如十二因緣

三道法相解者。即是如來種。何者離三道之外更無如來種。三種種者一正因即苦道。二了因即煩惱道。三緣因即業道。前文具明言如來者。如此因緣三道法相。而解而說故名如來。今文殊答還依如來所解而說。故說三種非種為如來種。以成淨名所答三種非道為佛道也。言如來種者種既有三。如來亦三。一法佛如來。二報佛如來。三應佛如來。如法華明皆是一相一種即正因種。如智論明諸智慧門為種即了因種。又法華明彈指散華佛種從緣起。即緣因種。種以能生為義亦種類義亦種性義。能生義者若不能生不名為種。以此三種能生三佛。從微至著終于大果。即能生義。種類義者若此三種非佛種類。此外更無同類之法。種性義者性名無改。此之三法從初至後不斷不滅。必致三佛三德之果故名不改。今約衆生明種不出此三。由煩惱潤業受身有苦。三無前後亦非一時。不縱不橫。若附性明義。以真性為正因種智慧為了因種。萬善為緣因種。此多約斷惑得解離生死得涅槃除惡有善。此約思議明種非今經意。若除惑得解則無了因種。如此火從薪起薪盡火滅。故二乘斷結盡便無佛慧之因。故不能成一切種智失了因種。若除惡有善惡盡則不能生善是有緣因種。故二乘無惡失緣因種。若離生死入無餘滅不受生者豈有正因種。故大經云。或有佛性。闍提人有善根人無。闍提具有煩惱諸惡受生死身。即是以惡為緣因性。善人無此惡中之性故云

◎志十(慈)◎ ◎緣十(慈)◎ ◎若不二豈能◎ ◎豈能二為◎ ◎憍二憍◎ ◎非道通達佛道一空入假◎ ◎土十(也)◎ ◎歡二歡◎ ◎空入假二道通達佛道◎

無也。善人有者已有善法緣因也。闡提無此故云無也。二人俱有者有正因性。二人俱無者無了因性。若約識爲義六識是緣因種善惡並是六識所起。離六識外則無惡無善。無緣因種七識是了因種。惑之與解皆是七識。離七識外則無惑無解。八識是正因種。無八識則無生死涅槃。真諦云。有第九識是真識。八識猶是虛妄生死種子所依。若地論師用七識斷六識。智障滅八識真修方顯。此須中論四句檢破。今經明不思議種以非種爲種。故以身等煩惱不善皆如來種。如蜂作蜜雖採衆華不以便利蜜終不成。故知便利皆是蜜種。今不思議亦爾。非但法性智慧善法是三佛如來種。只此三道是三如來蜜種。對之可知。若菩薩研修此三種理分得相應名習種性。此心增長名性種性。虛通無滯名道種性。深見分明名聖種性。三種等修名等覺性。三至妙極名妙覺性。此三種性非前非後亦非一時。不縱不橫如世伊字首羅三目。就文殊答文有六段明如來種。一略約苦道。二廣約煩惱道。三重廣約苦道。四重略約煩惱道。五約業道。六約煩惱總結。今就前五文三義分別。初有身六入七識處。此三正因如來種。次無明有愛三毒四倒五蓋八邪九惱。此六了因如來種。後十不善是惡業即緣因如來種。若就通論一一皆是三佛如來種。然衆生受身雖以業爲因。若無煩惱則不得生。三種亦爾。雖有正因若無了因導緣因助顯正性三佛不得生長。由慧達煩惱以導緣因。三因

成就法身顯現。故文殊云。煩惱泥中有佛法耳。有身爲種者。身即五陰陰即法性。法性色法性受想行識即正因種也。又身爲種者。能生福慧故說爲種。若斷五陰即斷佛種。此即非種爲種。菩薩以無所受而受此身。若未成就自行化他一切佛法終不滅身而取證也。即是從空入假明不思議種義。何者迷身則有六道生死種。解身則有四聖人種。故有十法界種也。若滅身者無一切種。菩薩如是觀身見一切種即如來種。如人眼醫苦。痛失明。若諸拙師針灸藥塗雖得痛止。而眼根毀壞永不見色。無如來種。若人患眼不壞眼根若遇幻師禁咒痛愈眼根清淨。此喻凡夫雖具煩惱猶有反復種義不壞。是故身爲如來種也。無明至爲種此四是一廣約煩惱道爲如來種。過去煩惱爲無明現在煩惱名愛。觀此二世煩惱如虛空不可盡即是了因如來種。亦是三佛如來種也。貪嗔癡爲種者。三毒猶是過去無明現在有受。亦各出三毒。若離取我即具等分出生八萬四千塵勞。若如是知故名爲種。四顛倒者別明門義。迷起淨倒迷受起樂倒。迷心起常倒迷想行起我倒。能生念處正勤如意根力覺道故爲種也。五蓋者貪欲瞋恚睡眠掉悔疑。能生根本觀練薰修諸禪三昧故爲種義。既知別義於通無滯六入爲種七識處爲種。三重約苦道廣明正因種。六入即是約報身苦道。如舊掘云。此之六根於諸如來常具足無滅修了了分明見。亦如法華明。父母所生清淨常眼等得六根清

淨即是六根相似相現。故華嚴明十種六根。因是得入如來六根。故知淨是如來種義。七識處者。什師云欲界人天爲一。三禪三空爲六。合七識住。所以然者。三惡苦多識不樂住。第四禪識色微故。又以有無相天故識不樂住。第四無色以非。相法微故識不樂住。隨識樂住即是法性。八邪至爲種四重約煩惱道爲種。八邪如前迦葉章明。不捨八邪而入八正即是種義。九惱者約三世違情是生瞋之緣。謂此人現世惱我惱我親歎我怨。過未亦爾。是爲九惱。若有方便是生慈緣。故得是如來種。十不善道爲種五約業道明如來種。十不善則攝得五逆。因惡生善即有十善若能生十善即生三不護三密示現三業隨智慧行等如來功德。故即是種也。以要至佛種六總結成如來種。煩惱不善不出見愛。以往收故一切不善皆在其中。皆是如來種也。曰何謂也。三淨名重問。答曰下四文殊答文爲二。一正答二譬顯。初正答言。若見無爲入正位者即是斷如來種。不能行於非道。以滅受取證故不能發三菩提心。所言若見無爲入正位者。苦忍初心即是見諸名之爲見。見諦惑盡終不更起。即是一分數緣無爲即是正位。若見惑斷即見煩惱如來種斷。是人遠至七生畢竟不受後身。則界內三道非種之種究竟永斷。故不能發三菩提心入假行道。自利利人學一切法。行於非道通達佛道成三佛種。譬如下二譬說文爲四。亦可通譬上明種義。亦可別譬。別譬爲二。初三別譬三

①前二病 ②若二苦 ③受二愛 ④相二想 ⑤攝二是

種後一總譬。就別譬爲三。一淤泥出華譬。煩惱道爲了因種。次糞壤生芽譬。不善業道爲緣因種。次起身見譬。苦道爲正因種。達五陰即正因性。後入海總譬。煩惱等三種能生三種法身。如下巨海則得智寶。譬如高原者。高原本合水有泥。以決去水是故無泥。華不得生。明二乘人本有煩惱種。以即斷故如高原無泥不得生華。此約入正位無煩惱不得發菩提心。又如至佛法二譬。入正位者得道共戒。斷三惡道不善業無惡業種不生佛法。問此中言糞壤之地乃能滋茂。大品云空中種樹。二意明入假云何。答一往似異大意則同。此明菩薩達不善理能生佛法。惡法爲種資成法身。故約糞壤以明入假。大品即是不斷而斷。斷惑入空能從空入假。學一切佛法化度衆生。如世術力能空中種樹。故約空明入假。若作此解二乘已有入假之義。但其未悟不能改觀。至法華中方得會入。大品會法不會其人。起於至法矣。三譬入正位者若無身見則身因滅。無三惡種。不得發菩提心行菩薩道。是故至智寶四總譬。二乘無煩惱等三道可入。即無一切智等佛法寶也。爾時下五明大迦葉稱嘆領解文爲三。一正稱嘆領解二譬顯三自鄙。所以迦葉稱嘆者。以文殊善說非種顯不思議如來種其理幽玄故也。領解二意。一領塵勞之障爲如來種。二領見無爲入正位者不任發菩提心。譬如至志願二譬顯此譬。但顯領入正位者不任發心。有開合譬如文。是故至道意三迦葉自鄙

文爲二。一正自鄙二所以下釋自鄙意。如文爾時下品之大段第三明法門眷屬。亦是成前道及種義。何者法門無量隨其義便則有親善。即是眷屬。此皆是無名相中假名分別以成假名佛道及種。復次前觀衆生品明觀衆生入空微源。而有無緣慈悲喜捨。爲顯此義故天女。忽現對身子闡揚不思議真空解脫妙理。次此品明行於非道通達佛道入假自行化他。雖受諸受而無所受。能於塵勞達如來種。是故普現色身。因問眷屬顯成入假通達佛道種種法門皆是。眷屬文爲二。一問二答。初問言普現色身者即有三義。一普現內色。二普現外色。三普現內外色。一內色者若如法華明身根清淨。十界依正於身中現。猶如淨鏡現諸色像。二外現者亦如法華普門示現隨機不同現十界色。三內外現者如大集明。觀己身衆生身佛身悉現己身。亦見己身衆生身現佛身中。衆生身中亦如是皆如影現。即是色入法界海也。菩薩住此普現之身。表成上文入假之義無所不現。前後相成令義易了。故普現色身。因致問眷屬。大士若是生身應有身眷屬資生。若是法身即有諸法以爲眷屬。何故室空不見生身眷屬。亦未聞說法身眷屬法門。致有斯問。眷屬資生爲在何所。就問爲二。一問眷屬二問資生。如文。於是下二淨名答有四十二行偈爲四。初十二行正答法身眷屬資生。即是自行。二從雖知無起滅去二十七行明菩薩入假權智無方大用。成前非道及種並爲化他

入假權用。三兩行結嘆自行化他。四一行斥破二乘。初文爲三。初四行明眷屬次七行明資生具三一行結自行德滿。初答者。若是法身實相則無分別。何有親疎正爲入假。故約法門以明眷屬。關河舊解。外國無父母宗親眷屬非爲貴人。今約此解仍爲理釋。言無眷屬是賤人者。即是二乘偏真灰斷。無智度母善權父萬行功德眷屬。故法華以窮子爲譬。若是大乘法身眷屬。臣佐吏民倉庫衆多。淨名即是佛法貴人。故以偈答言有眷屬也。智度即是實智。實智有能顯出法身之力。如母能生。方便是權智。權智外用能有成辨如父能成。若就此經辨父母者。如觀衆生品徹照三諦契當真如名實智母。此品明行於非道通達佛道。遍入塵勞成就佛法即是權智父。故金剛般若云。如來善護念諸菩薩即實智母。善付屬諸菩薩即權智父。菩薩從初修此二觀得入中道。雙照二諦是權自然流入是實。將此權實無受而受具足佛法。不證妙覺終不滅受息此權實而取證也。又行非道是權達佛道是實。因此二智遍入塵勞爲如來種。譬如初生常爲母護。至年長大交付家業。菩薩安住世諦。初出胎時用權實智入空入假。乃至妙覺未曾捨離權實父母。一切衆導師無不由是生者。如世天地二氣交合萬物得生。又如和合則有託胎。借此以況權實二智若不合者則菩薩法身智慧不生。權實若融法身則顯。故言一切衆導師無不由是生。約觀心者觀心即空爲實智即假爲權智



非空非假即入聖胎。觀道分明豁爾相應見於中道即是出胎。如是乃至未入妙覺皆名佛子。故云普賢真佛子。若登妙覺即沒子名但稱為佛。大論云稽首智度無子佛。法喜以為妻者。如世之妻策使稱懷。若菩薩通達非道之理境智相稱。能生法喜稱悅情懷。故有種種出假之用。心慈悲。為女者指上三十二種慈為女也。慈與悲相扶故同女也。善心誠實男者指上觀三諦理。順入實相一心能具萬善。權假化物如男幹事。畢竟空寂舍。含有遮弊安身之能。畢竟空理遮二愛見。法身栖處故為舍也。弟子衆塵勞即是上來三毒等分。八萬四千塵勞轉為八萬四千三昧陀羅尼波羅蜜。若似若真皆為佛事。如轉弟子以成賢聖。道品善知識。若修中道品即知中正。識二邊邪得成正覺。諸度法等侶。五度及八萬四千彼岸法門。是福智度。是慧二種莊嚴兩輪等故名為等侶。四攝為妓女。妓女本娛情悅慮引諸觀者。四攝能順物情引受學者故為妓女。歌詠誦法言。真樂自樂樂他。誦經說法亦自樂樂他。總持之園苑至戒品為塗香二明資生之具。總持之園苑。園持華菓遮他盜竊令不失落。陀羅尼亦爾。持善因果遮諸惡法。林樹是覆蔭清涼。諸無漏法無煩惱契。即清涼義。覺意即七覺。七覺調停生真智因華。故大論云無學實覺此七能到。故以為華。解脫果者即是不思議解脫妙覺果滿。八解浴池八背捨八解脫如前分別。入九定證真成八解脫八背捨。修成在九定。定滿如水

滿。八解如池。七淨華者一戒二心三見四斷疑五分別六行七涅槃。戒淨是正語業命。心淨是精進念定。見淨是正見正思惟。斷疑淨是見道。分別淨行淨是修道。涅槃淨是無學道。別圓見思例皆得稱七淨華也。菩薩在因皆名為華。浴此無垢人此約別圓。若藏通界內事惑垢盡名無垢人。猶有恒沙界外理垢是故須浴。界內解者。慧解脫羅漢已斷分段之垢亦是無垢。更修八解除無知垢故須浴也。象馬五通馳菩薩習未盡無漏盡通。又云界外正使未盡猶名五通。如意通荷負衆生力大如象。餘通如馬。周遍十方一念即到故言馳也。大乘以為車實相為車體。二智為能乘。至薩婆若中住。調御以一心法界一相常在一行三昧。遊於八正路無作八直道也。相具以嚴容衆好飾其姿。不同三藏所明相好法身自有實報大相小相。光顯法身為嚴飾也。慚愧之上服佛性中道。是第一義天。菩薩見佛性未了了故。慚第一義天。諸佛是無上行人。愧此勝人名為愧人。覆不慚心名之為服。又服者忍二邊惡不辱中理。是忍辱衣也。深心為華鬘。進入萬行因即最上因。如鬘嚴首。七財者。一聞二信三戒四定五進六捨七慚愧。聞者十地聽法。如雲持雨十方佛說法一時能持故名聞也。信者深信堅固猶若金剛即因也。戒者十地所得真戒。經言唯佛一人具淨戒。餘人皆名污戒者。定者即首楞嚴等定也。進者念念流入薩婆若海。捨者常行捨行。慚愧者如前說。如所說修行者言

行相應所行如所說能到彼岸。教授以滋息。說法利人普潤一切。化功歸己即是滋息。迴向為大利。迴因善向果。得常住三寶故云大利。四禪為床座。如床離於下濕避諸虫螫。世間四福離欲愛。法覺觀毒虫。從淨命心修則有支林功德。邪命心修則墮鬼道。菩薩出世四禪一切皆攝。功德叢林無不悉備。休息諸行能離二死煩惱毒虫。若邪命修則墮二地。淨命修之則契中道寂滅安樂故言四禪為床座也。多聞增智慧以為自覺音。外國用音樂覺悟於王。今多聞智慧覺悟心王。自覺覺他也。甘露法之食。用真修之智契實相甘露名為法食。大經云汝諸比丘未得大乘法食。解脫味為漿。脫是定名。定即是水水即漿也。淨心以澡浴觀理懺悔。即心水澄清浴除罪垢之煩惱也。戒品為塗香作無作善資薰法身摧滅煩惱賊一行三結。自行因成則摧滅煩惱。見真界內賊滅。見中界外賊滅。勇健無能逾。住首楞嚴健相三昧降伏四種魔者。具如前嘆菩薩已明。勝幡建道場。若衆生翻邪歸正道機純熟。菩薩即坐道場因圓果滿。若觀心者舉足下足無非道場來具足一切佛法雖知無起滅下次二十七行明通相入假權智無方。亦是住平等法界赴緣利物。文為三。初兩行入假供養諸佛。二一行入假淨佛國土。三二十四行明入假成就衆生。初兩行者雖知無起滅。入但空無生不可得空無生。而能權巧出假。普示界內外生死衆生供養諸佛雖知諸佛國一行二明通相入假淨佛國土。



如前佛國品釋也。此下二十四行明通相入假權智成就衆生。文爲五。一入假覺悟衆生。二入假教用世法。三入假拔物災難。四入假濟惡道苦。五入假同事利物。初諸有衆生類下五行正明成就衆生入假權巧覺悟衆生。如文可解。經書禁呪術下二行二明入假以智法教示衆生而不墮邪見。或現日月天下五行三明入假拔衆生災難。或現諸天及作地水者。以假權變作勝正報及以依報。自在能救三災之難。三災如文。一切國土中下二行四明入假拔地獄畜生之苦。亦應拔餓鬼苦。文略義兼。示受於五欲下十五行五明入假同事利物。皆爲引入佛道善權方便。稱機無爽。如是道無量下二行三。嘆結。入假權巧緣起之用。自行利物非可具說。誰聞如是法下一行四結斥二乘凡夫。肖似也類也善也。菩薩是佛子似佛。是佛種類善順佛心。若聞此說能即發心。二乘無大根性則不似。非佛非佛種。類不順佛心。聞此不思議解脫入假權巧。不能發無上道心故云除彼不肖人也。癡冥無智者是底下凡夫無大乘善根人也。

### 維摩經略疏卷第二十六

#### 入不二法門品

一釋品來意。二正釋品三入文。初來意者一成前觀衆生品入中道。二成前問疾品四教有疾菩薩慰喻。三成問疾品有疾菩薩中道正觀而自調伏。四成室外菩薩品用圓中道彈諸菩薩。是則成前四義。同令入今不二法

門。二釋品者。然門有多義。入亦不同。今略明十種四句簡其同異。第一四句者。一偏門入偏理三藏三乘也。二圓門入偏理三乘聞圓而入偏者是也。三偏門入圓理。二乘根敗高原不論入義。三藏菩薩不妨論入。四圓門入圓理即入佛慧。菩薩是也。後二句是今入不二法門。第二四句者。一次第門入次第理。別教菩薩入初地者是也。二次第門入圓理。別教菩薩入初住者是也。三圓門入次第理。圓菩薩入初地者是也。四圓門入圓理。圓菩薩入初住者是也。雖復四句。更互由根性不定。而同入中道。故皆同入今不二法門。第三四句者。一教爲理門開教悟理故。二理爲教門。由理識教故。三教爲教門。若人聞一句通達無量義故。四理爲理門從理進入故。始從初住乃至妙覺。故華嚴云。所有慧身不由他悟。豈由昔教耶。前三句多是三十一菩薩入不二法門。後一句多是文殊淨名入不二法門。雖同應述化功歸已進入何妨。第四四句者。一教門非理門。教是能通理是所通。能所異故。二理門非教門。吾聞解脫之中無有言說故。三教門即理門。文字即解脫故。四理門即教門。解脫即文字故。前二句三藏之理教。非今入門。後二句是今入不二法門。第五四句者。一默門不入。即身子默然者是也。二默門入。即淨名杜口是也。三默說門皆不入。即三藏理教是也。人則二乘者是。四教理皆入圓家之教理是也。人則三十三菩薩是也。第六四句者。一教門入。聞今說入者是也。二行

門入。久積淨業稱無量者是也。通論者佛子行道已來世得作佛者是也。三教行共爲門入。如門而行入者是也。四非教非行入。即文殊淨名是也。非今聞教行而入。久成佛道故也。第七四句者。一得教不得門。文字法師是。二得門不得教。觀慧禪師是。三得門復得教。聞慧法師是。四教門俱不得。假名阿練若是。前後兩句非門亦復不入。中之二句眞悟入者是門亦是入也。未悟入者觀行之中論門論入。非眞入不二法門也。第八四句者。一出門論入。法華云。以佛教門出三界苦。乘是寶乘直至道場者是。即三乘歷五味教入也。二出門不得入。法華云。背父而去五十餘年。即凡夫五道者是也。三亦出亦入得入。涅槃云。捨無常色獲得常色。受想行識亦復如是。即別教菩薩入也。四不出不入而入。經云生死即涅槃何論出入。即如上文不斷煩惱而入涅槃。是眞入不二法門。即圓教菩薩入也。第九四句者。一入而不入。雖入化城未入寶所故也。二入而論入。瓔珞云。因是二空得入中道是也。三出而論入。從中道雙照二諦者是也。四不入不出而入寂照俱泯也。第十四句者。一三門不入。即藏通二教義推三觀門是三門不入也。二三門入。即四教菩薩一心三觀門入也。三三門亦入亦不入。即別教菩薩別入非圓入也。四三門非入非不入。修三觀門不定圓別人者是也。是則三十二菩薩各說入不二法門。此約情悟以釋也。淨名杜口是眞入不二法門者。此就理釋也。若如向解

●嘆結二結嘆● ●非佛一● ●類十(佛初)● ●薩十(現)● ●更二交●

二不二約迷悟釋也。若就照中名不二者。卽是照而雙寂亦名爲入。雙照二諦名之爲二。卽是寂而雙照。亦名爲出。是則二不二入之與出皆就悟論。法者所照二不二之法也。門者還是照二不二法。通達無滯名爲門也。是則還是一法約用處名異。故名入不二法門。又二者俗諦眞諦生死涅槃爲二。若偏存俗諦是生死流動。若計有涅槃是無爲寂寂。若依此眞俗是則爲二。止住門外宿彼草菴。不能得入不二之門見於中道。今明不二法門者不住生死涅槃之二。亦不離生死涅槃之二。雙捨二邊及不二邊。通至中道。稱爲入不二法門。此中道理名之爲門。法華云唯有一門而復狹少。此是智慧之門故。又云其智慧門難解難入。非但藏通菩薩所不能入。別教三十心亦所不入。唯除諸菩薩衆信力堅固者。又圓觀十信但能信解。亦未能入十住初心乃能入耳。問十信何不似解入似。答通意可爾別義不然。如人知彼家有物未必入其門內。今明入者是證初住。已顯法身得名爲入。如開示悟入初住中論。此品來意者遠從前來。所彈菩薩住道教及別教地前來得入此門無生忍位。今欲顯成圓別之教於二門中無所拘滯。通而不壅亦不通中住也。復次進論。上入室慰喻調伏中云。今我此病非眞非有。衆生病亦非眞非有。上但明共意而文略。今欲廣說中道雙用是法。故有此品來也。復次上觀衆生品乃當三諦同觀。無中假而不空正爲入空。卽是實智。佛道一品乃當

三諦。但照無空中而不假正爲出假。卽是權智。猶未融通使權實不二。類如天地陰陽不合萬物不生。故權實隔別實慧不生。今欲會此權實顯於中道。故有此品來也。復次門名能通非但通入亦復通出。二而不二名爲通入不二而二名爲通出。通教菩薩從思議有作二諦入。不見中道計有生死涅槃爲得。故將別教接通之時明見中道。名之爲入。此是二而不二名入中道若從別教照於今段思議之俗森羅萬像卽是不二而二名之爲出。又復非但不二名入二亦名入。法門無量種種不同。如法華明長者造立舍宅五欲自娛金銀倉庫無種不有。此是照不思議之俗。不二而二名之爲出。自於中道證其出入。不同門外思議之俗辨其出入。如舍利弗善吉被加說般若領家業時。此亦從二而入不二。被命而已非眞悟入。若領知衆物出入羅列。領知不思議之俗。還出草菴二乘之眞者。是時名爲從不思議之二而出思議之不二。今言入不二門者卽是不思議不二門也。就此品爲三。一淨名問二諸菩薩各說三開品得益。就各說中有三十三菩薩。若准此文五千皆說。但三十三者必有所表。今作三義往釋。一明三十三者表三十三天有不死之藥。菩薩卽三十三天共說不二之門。卽是不死甘露也。卽用三十三對四十二地。用三十對三十心。用二對等覺妙覺。二對十地。此則合地開三十心。若如仁王明十四度。合三十心爲三。開十地爲十妙覺爲一。亦對大品四十二字

門。初阿後荼。初阿名諸法初不生。此中最初法自在菩薩說不生不滅入不二法門。卽阿字義亦如中論八不初辨不生不滅。若聞阿字門卽解一切義。初阿字具四十二字功德。後荼亦具四十二字功德。中四十字皆具四十二功德。故初地卽具四十二地功德。若無分別中而論分別不二而二。說有四十二地。若分別中無分別而二不二者。一地之中皆具諸地。一字之中皆具諸字。過荼無字可說者。如維摩是最後荼字妙覺之地。是故默然無言。當知三十三菩薩卽表此之三義。二自行爲語。類如五百比丘各說身因。如來印定一一比丘無非正說。但爲共約一法得入見真斷結。今遂說而觀之故別不同。名爲各說身因。見理無異故言無非正說。此三十三菩薩亦復如是。無生之理不殊而入門不同。觀法各異故有三十三種。如云泥洹眞法寶衆生以種種門入。三就化他爲語卽是隨四悉檀機悟不同。約物有異致有差別。實行之者未入無生樂聞無生無滅。卽是隨世界。或執生滅卽用無生無滅。卽斥其生滅卽是隨對治。或有人聞餘法不生善心。若聞無生無滅雙亡二邊善心卽進。卽是爲人隨得悟處。亦五千之觀悟無生忍著。卽第一義也。據一門之中皆具四意。我無我常無常垢淨苦樂等亦如是。第四約別圓往判。若是三十一菩薩皆以有言言於無言。是名別教。文殊以無言言於無言。淨名以無言無言。是名圓教。圓教二種一聖說法二聖默然。一聖說者。聖名爲

正。正印中道。乃不當言與無言亦得論言無言。是故文殊顯不思議聖說法。故以言言於無言。維摩顯聖默然故以無言。無言此之聖說即是默然。默然即是聖說。故大經云若知如來常不說法。是名多聞。問若言即是無言者。前三十一菩薩有言於無言皆是圓教耶。答作一門。判得入無言者。是別教意。若作不生不滅一門能攝四十二地者。即圓教意也。此中唯雖有三十三人收束為語不出四門。如釋論明第一義悉檀。雖云一切實非實等皆是明第一義悉檀。今此四門亦爾。雖四門不同皆是明不二門之中道。法自在者明此菩薩於三諦之法而得自在。如上云。體無疾故手足自在則身自在。今此亦爾。於中道理不生愛見。則權實二用自在故。慧亦無縛體用自在。仍此為名。生滅為二者。生死涅槃相對為二。若見一切衆生即涅槃相。不可復滅。諸法從本來常自寂滅相。豈得有生。既其無生何處論滅。無生無滅兩邊俱泯。無復有二。因悟中道見理之時稱之為門。若不悟者皆是隨情非是門也。問若言不生不滅是入不二門者。如富蘭那亦說不生不滅。六十二見亦計有不生不滅不可說藏。亦應是門。若其非者有何等異。答六十二見邪心虛。畫皆是情說不生不滅。非是隨智悟道之門。尚不得小乘之理。何況得與不思議不生不滅門同也。問若爾者三藏中有有為生滅。有無為不生不滅門。與此不生不滅何異。答三藏所說非生非滅門。此乃悟有作四諦偏真之

理。計有涅槃染著於法。非悟中道佛性雙亡有無不生不滅之門。復次通教四門者體色如幻化鏡像。四句互得而說為生者。猶如幻化假說為生。如鏡中像滅假說為滅。不同外。像計性生滅。但假說生滅耳。是名通教中有門。空門者即幻色是空。不待幻滅為空。亦有亦無門者。幻色不可見而見而不可見。即是亦有亦無門。非生非滅門者。幻生尚不可得。何況有幻滅。生滅不可得故言非生非滅門。此復何異。答若通教未悟作此計者乃是隨情之說。若悟真者乃是悟不思議不生不滅偏真之門。非是不二中道門也。今此中明不生不滅並不同上所謂。束以凡夫為生。故大集云出法攝心。凡夫依有漏禪還受生死。二乘及通教所證涅槃同皆是滅。如下滅法攝心。今明不生非凡夫。不滅非二乘涅槃之滅。正破二乘所證涅槃滅於化城。不同通教不破聖人所得。凡夫受分段生二乘受變易報。今入不二門則離此二邊中道為門。故龍樹偈云。雖未脫死地則為已得脫。若約通教釋菩薩已斷正使餘有受生。是慈悲為物非已實報。故云已得脫。若約別教意已斷分段侵除無明。即分分中脫未脫者未免餘生故。德守者。三德之法守持無失實相之理愛護堅嚴。從此為名。我我所為二。既無我則不得所。一往此語似如空門。何得是不二門。但別教之中具有四門。或隨性欲入道不同。或為赴機化物有異。應須四門引接。不但一非有非無之門。此雖似空門終是不二印中之空。若二

乘斷我見諦得入涅槃。此但空我不空我所得涅槃故。故言我生已盡所作已辦。當知未空於所也。今言空者如上文云。我及涅槃是二皆空。我空故即是空生死。涅槃空故即是空所。故言是二皆空空病亦空。二邊雙遣則入不二法門。不胸者。事釋胸者人目但上胸。天目上下俱胸。如頂生上忉利二王共坐。不可別知。唯視胸有異耳。若上胸云以智就境。若上下俱胸智境扶合。菩薩不爾不動不胸。或可從此得名。理釋者人天動胸是二相見。但見生死涅槃也。菩薩不動不胸是不二相見。見中道理也。從此得名。受不受為二者。受不受有五種。如大品不受三昧廣大之用不見受不受。二皆不著是故受不受雙捨。若捨於受取無受則有去取。有取則作故作有行。今既兩亡無取無捨無作無行是為入不二法門。受即凡夫受二十五有報。不受即二乘得羅漢時。不受諸法漏盡意解。今入不二不同凡夫受故無取。不同二乘不受故無捨。無取無捨是名入不二法門。德頂者聲聞法中為頂禪。於諸禪中最上。今明此菩薩若無中道之德則有頂墮。有中道德故則無頂墮。無順道之愛故稱德頂。垢淨為二者。若欲界苦集為垢非想定離下地為淨。如三界見思為垢。二乘斷三界垢為淨。淨不可為垢垢不可為淨。是故為二。今觀此垢實性猶若虛空虛空之相無垢無淨。一切法皆如。寂滅者即順寂滅也。既垢淨為二。不順不滅。今不見垢淨雙亡兩邊得入中道。善宿者是星宿名。二

十八宿皆屬五星。五星所配乃至五陰。若就理爲語。即得日星宿三昧。以此爲名。是動是念。境界生滅名動。心來觀境名念。是爲二邊。故有分別。今達境性無動。達心性無念。既知無念心亦無動境。是爲入不二法門。善眼者。善是順理之名。以慧眼故見少佛性名爲善眼。二乘雖有慧眼不順中道。不見佛性名爲不善。此菩薩從見善理得名也。一相無相爲二者。他解有三。或言一相勝無相。何故爾。生死是有相涅槃是無相。對有相說無相猶成有相。中道不對有相故名一相。或言無相勝一相。生死生滅爲二相。涅槃不生滅爲一相。此一相亦是對二得名。猶名二相中道無二相亦無一相。或言是齊。何故爾。真諦中自有一相無相。中道中自有一相無相。故言是齊。又毘曇云。一法二相一法者隨約一法。或是心法或非心法。但將心約此一法。卽有生滅二相。或住或異或大或小等。若約四法是有一相。八相皆約一法而起。故名一法。以約法故則有二法乃至八法。故名二相。若不得此一法亦不得八法。八法既無卽是無相。雖有此解今皆不用。今取釋論破一時中云。相與法一亦不可。相與法異亦不可。非一非異中而論一異。亦如一切數中但有一法更無有二。如心是一法來約於瓶故言一瓶。更足一名二。三名三。四名四。如是百千無量不出於一。故云一相無相爲二。若不得一相亦不得無相。一相無相皆無故名不二門。又阿含增一明義。云諸比丘唯有一法所謂心

是。更有一法卽開心爲色。更有三法卽開心爲四乃至無量。皆約一心中生。若不得心之一相亦不得一切從心所生之相。達此二邊知心相非一相從心生非多相。而能爲一相爲多相。此之一多無一無多畢竟清淨。俱泯一二名爲平等。平等故是入不二法門。又約三脫門。以十八空破一切法。猶有空在故云一相。大破空病。空病亦空是名無相。不得空相亦無無相。故云一相無相不可得。名入不二法門。妙臂者或用事中妙故得名。或權實兩智爲二。此智巧妙從此得名。菩薩心聲聞心爲二。聲聞怖畏生死自取解脫。菩薩不畏處在生死。二乘心不可爲菩薩心。菩薩心不可爲二乘心。二乘住調伏心菩薩不住調伏調伏不調伏心。是故爲二。若能觀此心性猶如虛空。空中不見有心。何況見有自善爲他二種之別。心性空故不著二邊。是入不二法門。弗沙者星名。云是二十八宿中鬼星菩薩生時與此相應。善不善爲二者。取十善十惡爲二。泯此善惡除分段業只成通。教不二門。今取三界之心爲不善。以乖理故取二乘出生死入真諦爲善。以此爲二。達善不善卽是實際。實際卽是空。空中尚不見起善。何況不善。其性寂滅善不善雙亡。是爲入不二法門。師子者名無畏獸也。如涅槃師子吼釋。決定說三諦之理無所畏。心從此得名。罪福爲二。前善惡從因爲。因論不二。今明罪福從果爲名罪。罪摧碎行者身心。福名福報。若取世間罪福此只成通教不二門。今取三界是富

樂之果受身。皆名爲罪。二乘名無罪。能出三界子縛已斷故。小品云摩訶那伽名爲無罪。無罪卽是福。有罪卽是生死。無罪卽是涅槃。以此爲二。今達此罪福之性無縛無脫。五逆之相卽是菩提。豈難此罪縛別求解脫。卽不得罪亦不得福。夫了此相卽是入不二法門。師子意者如師子不畏一切。得首楞嚴健相故。有漏無漏爲二。漏言漏落。起罪墮落三途。又漏名漏失。退失出世善法。此之二義亦應是同。只由退失出世之法故落三途。只落三途良由退失出世善法。無漏者不失出世。求出三界入涅槃名無漏。此亦異故爲二。觀此漏無漏性卽是一性。等無差別。非生死漏非涅槃無漏。無漏卽無相。漏卽是有相。達此性時不著二邊之相。卽入中道不二法門。淨解者有爲未必是有漏。如得無漏亦是爲有。有爲三相所及。無爲是三無爲。虛空無爲數緣滅非數緣滅無爲。無爲有爲數非數法。是故名異。但三無爲一是涅槃二非涅槃。數緣不得是虛空。虛空不得是非數。三雖各異還是數法。今將離一切數對彼數爲二。達此二如虛空。不見數非數無復二邊。無罣無礙卽入不二法門。那羅延者是大力健相三昧。故從此得名。凡夫名世間二乘名出世間。出與不出爲二。今觀此世出世亦不出不到。大品言是乘無動不到不出。其性空故。不得出不出相。名爲入不二法門。善意者生死是縛是然。涅槃是解是滅。爲二。今觀生死性是本來常寂。本自不縛何所論脫。又亦不然豈

應是滅。既然滅不二為入不二法門。現見者者盡是二乘見思盡。不盡是凡夫生死無際。今觀盡不盡即是空。空不可盡。不可不盡故言。癡如虛空不可盡老死如虛空不可盡。非盡不非盡中若作盡說名畢竟空。若作不盡說妙色湛然恒安住。不為生死之所遷。既非盡不盡則無二邊。得入不二之門。普守者即是善持實相守護菩提。一不漏失從此得名。我無我為二。我即凡夫所執。無我即二乘空境。今達此二邊即無二相。故於我無我而不二名為實性。實性之性即是佛性。以自在我名真無我。如大品所說。既其不二即入中道。電天者觀第一義天發電天三昧見理為名。明無明為二。無明即是明。故言十二因緣名為佛性。佛性即明故言眾生佛性明如日煩惱覆故闇如漆。涅槃云明與無明其性不二。不二之性即是實性。實性即是佛性。明有三種。菩薩明即涅槃。若佛明即佛眼。無明明即畢竟空。空故豈有明與無明為異。異不異故空。空故即入不二法門。喜見者一切衆生之所喜見從此為名。色色空為二。此是滅色為空也。今即色是空不得滅色是空。故言不二門也。乃至五陰皆爾若直爾論只是通教。今論法性色等即是實性。實性即是中道妙色。乃名入不二法門。明相者四種者四大種。與空種為二。四種圍虛空而住。內外皆空。皆空即無四種。四種與空種無異故泯於空有之種。即入不二法門。妙意者眼眼色為二。無盡意布施迴向一切智為二者。

若取此二法為二。便成通教意未顯不二之門。今取六度教菩薩布施而不迴向求常住佛。通教則能施迴向一切。智為二。今明布施性即迴向性。無六度通之別。是為入不二門。又施等是因一切種智是果。是為二。又自行六度為善則少。迴向果而行六度其福則多。多少為二。觀此二性無異。名為不二法門。深慧者空無相等為二。通教三空緣真諦。別教三空緣實相。具出釋論。無相緣滅下四行即無為法。空無作緣苦集道下十二行。是有為。故三諦入有為相。有為相即是世間有為法。無相緣滅是無為法。故以為二。今明不見空性異於無相。不見無相異於無作。即是實相。實相中尚不見一。云何有二。二既俱泯。即得入不二法門。寂根者三無漏根從寂滅實相生。亦是觀六根得清淨。即是寂根。用此為名。佛法衆是三寶。何得為二。既言三寶三寶別異。異不名如。不如故為異。為二。又解佛與衆俱是人。故言衆生無上者佛是。法無上者涅槃是。是所行之法故與人為二。此是小乘所別體三寶。階差不同名之為異。異故為二。今觀三寶是一體入一實相空中。不見有三之異。佛即法僧法即佛僧僧即佛法。何故爾。佛有三種法報應。是一體論三。非是三身差異而言三佛。三佛既其不異。法即報應更無差別。今就三身明三寶者。法身即是諸佛實相不來不去。法性之性即是法寶。報身是智。智照圓明契於法性。發生明覺顯出法身。名為佛寶。應身隨緣化物與物而同。又此應

身順於法身和同。同實相。以此二義俱是僧寶。此三未曾差別。故知不二。復次就法佛明三寶者。法身是法性。法性即實相常恒無變是法佛之師。可軌之法名為法寶。法性之性亦名常寂光。寂而常照。上文云。其室常以金色光照。晝夜無異不假日月所照。即是智性。稱之為覺。即是佛寶。此之明覺與法性和同境智相稱名為僧寶。即就法身之上辨共三寶。復次智照圓明是覺義。名佛寶圓照之法是可軌義。即法寶。此報佛智與理相應順於如故即是僧寶。報佛論三義也。就應身明三寶者。應身照機不失其宜。亦是自覺覺他名佛寶。應身為物之軌是法寶。和光度物與物和同是僧寶。雖復實相之上分為三身。三身配為三寶。三寶之中俱有三寶凡十二寶。未曾有異。以不異故無人法之別。入一實相不二之門。三寶之義既爾諸法亦復如是。故上文云。一切衆生如彌勒如無二無別也。心無礙者觀三諦通達無有罣礙。身身滅為二者。若檢折此身不見身者。即身因滅。因滅則果滅。果滅即涅槃滅。滅即與生死為二。今觀身實相即是涅槃故言即色是空。說涅槃即是色。我雖說涅槃是亦非真滅。實相中尚不見身。何處論滅。即生死是涅槃。即涅槃是生死。何故爾。性不異故不得因果之殊。不見身之與滅故名入不二法門。上善者觀三諦順理此善最上。從此為名。三業是三何得為二。亦同前解。以其身非口口非意等此別異故以論其二。又身口是色法意是心法。色心為

二、以其二故能動外相。若入一實理中尙無三業差別。何得三業作相。作相性與三業性無二無別名不二法門。上善眼明一相無相入平等相。此從無相門入。四種空種如虛空相。此從空三昧入。此中明三業無作即一切無作。從無作入三門乃殊。同緣中道入實相中不二門無異也。福田者如上須菩提中說。福行者十善福也。罪行者十惡業也。無動具取四禪支林功德亦為福也。又云三禪中皆非無動。初禪覺動二禪喜動三禪樂動。四禪四空方為無動。罪福二種皆是作法。名為動行。無漏真諦無為無動。不見此二相則不見動與不動。深達動性即不動性。尚不起不動行何況罪福動行耶。是入不二法門。華嚴者舉二十五三昧破二十五有。達二十五有中我性。我性即佛性。佛性之我即無有我與無我之異。是入不二門也。無識則我無我而不一。德藏者三德之藏含藏萬行用此為名。有所得相只是一法那得為二。今言有所得即對無所得。若生死為有得即對涅槃為無得。若待有為無者還即為二。雖云涅槃無得於涅槃生染亦名有得。如呵身子云。有造證之求並非求法。故知雖不得生死便得涅槃。今一往且取涅槃空為無得。若不見生死之有得不見涅槃之無得。無生死則無所捨。若無涅槃亦無所取。無取無捨即入不二之門。月上者如月圓圓於天上分形散影於下水。此菩薩上照三諦之理圓。下應十界之心水。故名月上。明暗為二者。前言明無明為二。是

論理以顯事。今言明暗借事以顯理。互舉事理赴機不同入不二門。其如一也。若言於明時無暗暗時無明為異。今達明性暗性何別。如虛空中非明非暗。明暗約空。若無虛空無所顯晦。顯晦雖約虛空虛空實非顯晦。顯晦不得離虛空。虛空亦不得異於顯晦。若達如虛空性則不見明與暗異。不異故即入不二門。寶印手者實相寶印印權實智名為印手。樂涅槃厭世間。此復與前生死涅槃何異。生死涅槃約事以明。今辨樂厭就心而說。涅槃可樂即無為心。生死可厭即有為心。世間即寂滅如苦提相。何可論厭既言生死即菩提。何可厭苦提更樂善提。若本有世間可厭可有涅槃可樂。既無世間誰論其厭。亦無涅槃何所可樂。二種既空入如實相。樂厭自息縛解如文。珠頂王正道邪道為二者。如捨八邪入於八正是則斷諸見而修道品。若以邪相入正相即是二。八邪而入八正於見不動。而修道品。正不即脫。不復分別是邪是正。無復二邊是為入門。樂實者是慕中道實相為名。實不實為二。不實是俗實是真。以此為二此則為別。今實相之中不得凡夫之不實名無俗。不得二乘之實故無真。即入不二門。非肉眼見慧眼所見故。涅槃云二乘之人雖有慧眼名為肉眼。學大乘者雖有肉眼名為佛眼。二乘雖有慧眼止斷三界見思不見佛性。以不見故雖有慧眼名為肉眼。若圓教中六根淨位。雖是父母所生肉眼。爾時已斷分段見思。是故二乘之人難以慧眼斷惑止齊圓

教六根。故言二乘之人名為肉眼。此六根清淨在方便位已觀中道。雖是肉眼名為佛眼。但大乘見佛性不同。若約別教為語。正觀中道未見佛性為慧眼。照二諦為法眼。三諦同觀為佛眼。就圓教為語銅輪之中即得佛眼。三諦同觀。故涅槃云。學大乘者雖有肉眼名為佛眼。此語似指六根清淨之肉眼名為佛眼。況初住耶。得此佛眼之觀豈復分別是實不實名為入不二法門。是中明諸菩薩各各說備有五。何但三十三。經家不具存耳。或梵本不盡。若用三十三對四十二地者。五千並說。復對何等。答一地之中無量法門何況五千多說何妨。二文殊說不二中為二。一諸菩薩問二文殊說。若有示有說即起心識波浪則動。若不示不說心識不起。離於名字入無言說道。寂然無聲說是為入不二門。故云心起想即癡無想即泥洹。料簡上別圓不二之門如前云。若作五門對機不同者。菩薩達罪福性無縛無脫。此明性義即是法性。法性常住無有變易。非佛天人龍神修羅所作。終無改變。即是有門入不二法。雖說有門若但明性。即是有門。若明性空即是空門。隨語所詮細尋取意。若如妙臂所說聲聞心菩薩心。如空如幻。此是空門。如雷天說無明性即是明。明是色法豈非是有。又云明亦不可取豈非亦無。又如涅槃。無明明者亦是色法即有義。又言即畢竟空。空即無義。當知是亦空亦有門。法自在說法本不生今則無滅。是非空非有門。如此雙非門多。三門少。雖少凡有四

門。但尋所詮而判門義。諸菩薩以四門隨四  
悉檀逗機而說。應得悟者皆入法忍。其未悟  
者文殊即以無言說藏第五不可說門逗之。  
故此中具足五門義也。問此四門者說可說是  
教。不可說門那得是教。答文殊說維摩不說  
不可說豈得非教。故知五門俱得是教。若約  
四悉者。諸菩薩說三悉檀。文殊說第一義悉  
檀云云。亦以無言之旨顯成諸菩薩雙亡不二  
之說也。復次釋論云。一切法實不實亦實亦  
不實非實非不實。諸佛於此廣說第一義悉  
檀。中論觀法品亦用此偈。故知諸佛說法無  
不約此四門。若實者即是法性實理用有爲  
門。若非實即是約畢竟空爲門。若亦實亦不  
實即是上文無明即明。明即畢竟空。即是亦  
實亦不實爲門。若非實非不實即空有雙非  
之義。如用中道非空非有爲門。如是四門爲  
向道人。聞說即悟。如五千之流得無生忍。即  
是見第一義。若聞不悟執起辭競。即名般若  
波羅蜜。譬如大火炎四邊不可取。邪見火燒  
故。若因諸菩薩說得意即悟。猶執語未曉者  
是故文殊不用四門。乃用第五不可說門爲  
向道人。聞說即悟。此無言說亦是印上不二  
之門。亦是別擬圓教。得圓意者上來別說。非  
生非滅等門即具一切。悉入其中即圓教意。  
若止作一門悟入不二者即成別教。不可說  
門亦如是。若知不可說攝一切法即是圓門。  
若但論不可說門入復是別門之意。無言不  
可說自有六種。一如外道長爪。亦說一切法  
必可破一切執可轉一切論可壞。是中無所

有不可說。沙門以何法誘我。婦子其雖有此  
不可說。乃是妄情所計皆云毒氣。云諸法不  
受非真不可說也。佛心無三毒良久爲言。即  
用苦集二諦以示破之。汝之不受。汝見是受  
不。若見受何得言一切法不受。若不見受何  
得見他之受即欲破他受。既以受破他受。當  
知汝受於受既有受。受即是苦諦。於此不受  
而起憍慢陵破於他。即是集諦。流轉生死具  
受諸受。云何言一切法不受。故知此之不受  
受無言無語。是妄情中說是事實餘妄語。而  
爲須陀洹初見諦所破。故非真悟也。二。瞿子  
道人第五不可說。雖在佛法學而存一。我但  
不可說。三三藏中亦有無言無說之門。如身  
子云。吾聞解脫之中無有言說。故不知所云  
亦是不可說。四通教亦有不可說。大品云三  
乘之人同共無言說。第一義道斷煩惱入涅槃。  
五別圓兩教。居然同有此門。何以得知。  
其相當自尋經求之。經中決不條然而說。求  
之必有前漸。若前來所詮三藏意。大有無言  
無說。當知即屬其教。若辨通教義相而得無  
言無說者。即屬其教。若歷別明菩薩行位。大  
明無言無說。是屬其教。若是圓教明一法行  
攝一切法行。次以無言無說。是圓教也。須先  
識諸教中意可得判此。今此三十一菩薩明  
不二之門各據一行。若當門下各各說無言無  
說。是則別教無言之門。今歷別說竟。文殊總  
印。當知但圓教無言之門。以其總印上說成  
別教義。取文中云一切法不可說不可示。何  
但非生非滅之法無言無說。生滅之法亦無

言無說。如涅槃云。生生不可說即是俗諦凡  
夫不可說。生不生不可說即是世諦死時真  
諦不可說。不生生不可說安住世諦。初出胎  
時即是菩薩假不可說。不生不生不可說即  
是中道圓常不可說。故知一切之語包含世  
間出世間皆不可說。法華云。及佛諸餘法無  
能測量者。止止不須說。言辭相寂滅。當知一  
切諸法皆不可說。故知是圓教不可說門也。  
簡異圓別兩種明矣。復次文殊說一切法無  
言無說無示無識。故深會圓理。第三維摩  
默然無言。以此往論得知。維摩是圓教之中  
無言無說。即入不二。語則動亂波浪便起。默  
則心靜如水澄清珠相自現。說是下第三大  
段五千聞不二門即得利益。入無生忍此之  
得悟爲定在何菩薩所說云云

維摩經略疏卷第九

### 維摩經略疏卷第十

天台智者大師說 沙門湛然略

#### 釋香積品

香是離穢之名。而有宜芬散穢馨香之用。故  
無量義經道風德香熏一切。理中無上戒定  
慧香芬芳匡竭故名爲香。積是聚集爲義。積  
諸功德集成法身無所積集乃名爲藏。若從  
佛題品稱爲香積。從國以標目應號衆香。今  
依正報勝人以標名故稱香積品。此品來意  
正爲室內明非真非有之中。能道觀雙流淨

機俱顯圓通不礙融會無方。入不二門雙亡二邊正入中道。此品雙照二諦淨穢俱融。廣上非真非假之文。成於道觀雙流之義。顯出圓通自在之用。今文異上雙照二諦之用。上問疾品未廣明雙用結成菩薩行。具舉諸行。雖知諸佛國土永寂如空而現種種清淨佛土。是菩薩行。今文還釋上二用明淨穢二土相涉。文中處處釋出淨土之意。故知此經始末並皆釋成佛國因果。其義宛然。此文明淨穢二土之行。既爾諸行亦然。舉此以例諸也。故有此品文來。就此品大為二意。一明身子念食二明大士譏訶。身子是起教之人為兩事故須念食。一者諸佛道法過中不食。此諸大人食時將到故須起念。二者上文云應以何法起菩薩根。上來室內敷說勝法音聲佛事即是。音聲起菩薩根。次應用香味二法起菩薩根。時眾將用鼻舌兩根聞於大乘禪悅法喜。機在不久故身子扣此機端而致念也。大士訶者。明其二乘八解久有禪悅。不以其資而外念求食是故譏之。第二譏訶為五一譏二許食。三遣化請。四二土佛行化不同。五時眾得益。一訶如文。二許食中云且待者。機時未至故。未曾有者明身子八解之中無此法喜禪悅也。三請食中為四。一入三昧二遣請飯。三到彼問訊。四受飯而還。就入三昧為三。一入三昧。二現請飯之國。三大眾皆見。今言彼國以香為佛事用香證理。鼻根受道。無有聲聞純諸菩薩者此語似如實報之國蓮華藏土。然同居之士亦有穢淨。亦有一乘之

化無三差別者。未知彼土定判屬何。文云天子皆號香嚴。既有天子勝人之名復似隨緣淨土。但天語是通何必如此問之天人。或可用菩薩為第一義天人。以權者名菩薩。實者是天人。或應如此然未敢定判。第二遣請飯為五。初覓請飯之人。二文殊神力眾無言者。三淨名詞。四文殊引證為答。五化作菩薩設門訊請飯之解。二文殊神力威默然者為二意。一明賓主之儀設食。本是主人何客容為致飯。二為欲顯淨名勝德故今默然。三淨名詞如文。四文殊引佛語為答。勿輕未學若有得不思議解脫致飯不難。其未得亦有得義故不可輕。其餘如文。三到彼問訊旨。問訊為二。一正宣旨問訊請飯。二彼菩薩嗟歎。就宣旨中為二。一禮敬二宣旨。就彼菩薩嗟歎歎歎中為四。一歎未曾有。二生疑三問佛。四佛答。佛答中為三。一正答國土近遠化主功德。二重問大士之德。三佛答甚大。四蒙飯而還為四。一佛遣飯。二九百萬菩薩俱發心欲來。三奉授飯與大士。四命大弟子共食。就九百萬菩薩來為三。一陳其欲來二佛誠三與化菩薩俱來。就佛誠中為三。一攝香誠。二攝形誠。三勿輕心誠。心誠中又釋出居穢國之意。明諸佛國土皆如虛空有何定淨穢之可取。故不應生輕心也。如文。俱來為三。一俱承力來。二淨名化座三菩薩皆坐。第三就授飯中為二。一明飯香熏烈遍此大千。二明有緣應得此飯者緣召自來。自來中為三。初諸居士等來。二月蓋來三諸神來。四命食

中為四。一命食二勸捨小心三異聲聞竊念。四化菩薩彈。次勸莫以小意食者。不消此。今其若不發心慕大此味勢終不自消。如涅槃毒鼓雖無心欲聞近遠皆死。諸菩薩食者即悟無生。此是近故而死。二乘雖前未死到法華中皆捨小發大名之為死。四化菩薩訶中為二。一歎飯功德。二述飯功德。四二土菩薩問答二土佛行化不同。此正是品之來意。為將此證成道觀雙流。中道菩薩能淨穢俱遊通達無礙。然機悟不同所以諸佛方便隨其根緣以之起教。若是此方耳根利。用聲證理。化剛強之人名為穢土。彼界鼻舌兩根利用香味為教化。於純一大乘無三差別。名為淨土。今但欲明淨穢雙遊故此土屬穢彼土為淨。若究尋其義未必全爾。何以故至如西方是淨土。寶樹池流皆說無生忍聲。又蓮華藏國別教之士。純諸菩薩色像無邊音聲無邊。此中猶有音聲為佛事。何得定判聲屬穢土。若耳根起道通淨穢二國。鼻根起道亦應如是。何以故知。若香在彼國純化大乘。曲入娑婆遂使三乘同稟香味。既三乘蒙香味入道者。豈不是香味通於穢國耶。例如釋迦寂滅道場聲色無邊尊特之佛名為淨土。為罪眾生作三乘化即名穢國。彼淨國之香來化娑婆亦復如是。凡夫食之正位乃消。正位服之發心乃消。發心服之無生乃消。即是分純一之香逗於三種。豈不香通垢淨。今正辨淨穢俱遊據別為語而判淨穢。問佛命菩薩令攝身香何不攝飯香。答飯亦被攝。何故爾。飯



在彼國周流十方。得來婆娑止熏三千之界。  
○滅折一乘之飯逗彼三乘。亦是攝義。但菩薩  
辭遊異土故佛誡之。飯是佛遺已自裁量。無  
容佛自命佛令。滅飯香。今以義往。惟三乘  
同服止熏大千。則知已攝。今言令菩薩攝香  
非是攝除永盡。攝是止節。壽量為義。契當根  
機不令過分。呼此為攝耳。次料簡正傍但香  
積之士香為正教。如菩薩在香樹下即入德藏  
三昧便得悟道。名為利根。其有未悟之者即  
與大眾方共坐食。故知味為傍也。此正傍兩  
道逗鈍利兩根。今婆娑國人鈍故。是故香味  
相帶而來。正助兩門化於鈍者。例如此間病  
有輕重藥有通別。受身常病故言為輕。四大  
增動外來內發故名為重。以身常飢苦故即  
用通藥。來治食飲補養。得食病止。不得必死。  
此是通藥以治輕病。若病增劇兼加諸疾者。  
今時此食非復其治不能愈疾。更加餘味苦  
澁辛酸大黃巴豆助此食味。共治重病病得  
除愈。故言別藥以治重病。今正助兩道亦復  
如是。若利根之人如快馬見鞭影即馳。但用  
正不須於傍。鈍馬加之杖捶苦楚方去。是故  
須正助相成。同是一杖而馬有利鈍。同是一  
香而用有正助也。此間聲義亦爾。利者一聞  
即悟。鈍者假諸方便。或眼見神通心思諸境  
假助方悟也。此中二士菩薩。互有問答。淨名  
問者意欲顯他方起根不同淨穢有異。故須  
問。第二答律行者。即大乘波羅提木叉。如淨  
名為優婆離教二比丘。其如是者是真奉律。  
無二邊之非得中道之行名之為律 第二彼

菩薩問淨名為六。一問二答三彼菩薩稱歎。  
四淨名述成五更問此土菩薩行六淨名答。  
初答為二。一開五乘之教化剛強眾生。二譬  
顯。今言六度乘但處中者。明初開三藏之時  
菩薩未斷結。但有大大心化物。行行不在三  
應供之限。非五種佛子。故次人天乘屬凡  
夫數也。就人乘中先舉果苦。即是說三惡道  
却論因。今知惡業過患即止其因也。因者即  
是三業開為五戒。義開身業為三戒。口四戒  
為一妄語。即攝得三口過。意為一飲酒戒。故  
那命攝得意之惡。是故意口二業不開。但開  
身業為三合五戒制人乘也。邪行者邪僻之  
法招得三途邪惡果報。愚人者行三惡業智  
人者行三善業。稟五戒人乘也。次開五戒為  
十善。具明因果。即是天乘。從慳去是六蔽明  
度即是菩薩乘。次從是結戒去是聲聞乘。三  
藏之教結戒者明如來初制此戒。故云是結  
戒。順故。若持違故為犯。不動是毘尼故言是  
應作。動非毘尼故不應作。波逸提名煮燒覆  
障。故是障礙。毘尼法除滅故非障礙。或云是事  
違為障礙。不遮為不障礙。犯七聚故是得罪。  
三種羯磨障故是離罪。又作法取相無生三  
種懺故是離罪。結戒藏是淨是垢去是定藏。  
言戒是亂心難法垢法。定是寂靜名為淨法。  
欲界中多濁惡名垢。四禪中離五蓋等名淨。  
又味著諸禪名垢不貪不味為淨。從是有漏  
無漏者是慧藏。有漏者如從凡夫至煩等也。  
無漏者苦忍真明發即是無漏。從此無漏之  
法即分為三乘。修此無漏行六波羅蜜破除除

六蔽。修行之時雖未斷結發無漏。而望無漏  
修行至樹王下發真。入無漏道。與二乘不異。  
故知同約無漏開菩薩乘。破六蔽。執者如菩  
薩戒中說。破慳蔽除餓鬼業。破犯戒弊除地  
獄業。破瞋恚蔽除畜生業。破解怠弊除修羅  
業。破亂心蔽除人業。破愚癡蔽除天業。六  
道因謝六處苦除名之為道。六蔽斷除名滅。  
證有餘時究竟永寂。約無漏開聲聞乘。以  
無漏心修四諦觀知苦斷集證滅修道。約此  
無漏開支佛乘。以無漏法修十二因緣觀。無  
明滅則老死滅為支佛乘。雖約此無漏開於  
三乘無漏不殊。觀法有異故為三乘也。是正  
道是八正也。有為者方便道中。無為者發真  
見諦所得斷名無為。又從須陀洹至羅漢所  
得智慧名有為。所得斷名無為。無為即是有  
餘涅槃。是涅槃者即是無餘涅槃。問三乘各  
有觀法亦各有戒不。答戒是和衆。若復別立  
支佛之戒即是二戒二衆。不名為和。故戒不  
別立。三乘是觀法所習不同故須分別。菩薩  
在俗非僧數攝故別開戒。二乘若為白衣不  
入僧名為支佛。一世無二佛不許別衆同聲  
聞衆。衆既同不開戒云云 第三彼菩薩稱歎  
為二。一歎佛二歎菩薩。第四淨名述成其歎  
為二。一總歎二歷別十事。此中不述歎佛者。  
明如來任運自在故不可思議。但諸菩薩未  
同如來猶有緣累。而能如是勞謙故述此也。  
言此國一世為行多淨國百千劫數者。但淨  
國衆生善根純熟易可開曉。用功則易。此間  
煩惱稠密度脫為難。如釋論中云。菩薩成佛

○滅二滅 ○惟二推 ○互二至 ○明一 ○若二名 ○就二報

時欲令國無三毒之名當學般若。即難云。佛是醫王出世爲治人病。國無三毒出世化誰。答雖無邪三毒而有正三毒。雖有正三毒易可化誨。此問婆娑有邪三毒塵勞尤重。雖聞無音不即得悟。就此應作二譬往釋。如大猛將能退強敵其動則重。靜於小寇動績不多。治難愈病是醫最勝。治易差病小復爲劣。今婆娑衆生煩惱怨賊最爲堅。而能方便使得解脫。比之淨土約此論勝。此土見思最爲尤重。而能逗藥設方便令法身慧命不斷。故得饒益力多。復次如人微賤之時能曲相接解衣推食。相施無幾濟乏事深。惟此厚恩常思報答此。至位在方伯或復高遷之日。念其昔恩酬澤則厚。若施富貴人物恩報事微。婆娑之國最是貧苦法處。而能施以法財令離困苦。遂得發真斷結富七法財。是追念昔恩實爲重大。爲發真七財之人說法力用事弱。用此二義譬於此國菩薩能化爲勝淨國比之爲劣。若作傳望淺深從凡至聖。處處有怨賊義處處有貧法義。至如同居之士自有淨穢淨者貧病乃輕於穢國。比之方便有餘猶是重貧病者。方便有餘比別教實報國復是重者。實報國教十信及初住十住未及十行。十行未及十迴向十迴向未及十地。如是傳傳爲重。今取凡夫最初堅。斬須好勇將用妙醫藥。是故言勝也。次歷十事。用此二義約十法而明。一一法中作此二義。如以布施攝貧窮者。即是破其慳賊治其貧病施其富貴之財。如淨戒攝毀禁。即是破其犯戒之賊違律之病。

施其淨戒之財歷十法乃至四教。具作云云。第五彼菩薩開成就幾法無瘡疣之行。得生淨土之行者即是觀解。大乘之心疣者起餘緣念累此正行。行難故名疣。如阿難中增謗損謗。損謗名行損。若起諸妄見即是增謗。約此明乘急戒緩戒急乘緩。俱急俱緩。明於行疣。大乘之行觀解純熟。乘急者行淨戒無數犯。不起身口之非。此明無瘡疣即是乘戒俱急得生淨土也。若是乘急戒緩者大乘之觀乃當真正。不能防禁身口毀損於戒此是有行而戒汚故是有瘡疣。以其有乘故生。既見佛。行有疣故生難難同居穢國也。若但戒急而無乘是則爲聲聞緣覺。俱緩是凡夫云云。六淨名答。上來十行約權化大士以辨難思勝行。此中無瘡八法約實行者。行不難難剋生淨國也。八法在文。第五時衆得益如文。

釋菩薩行品

正說中爲三段。佛國品是如來當宗演暢。第二從方便品去至香積品大士助揚聖化。第三從此品至阿闍品還歸佛所印定成經。此二品來意有五。一大士助佛闡揚。有緣之衆緣轉既盡化功已畢須還佛所。二佛初明佛國因果。大士助宣此義殊辭異辨。若不還歸印定物或疑網不除。是故須歸佛所復宗明義。故師弟相對復宗敷演更明佛國。三室內既是別座當機之徒或生疑網。爲斷此疑還於佛所對揚。四機宜應在佛所得悟。不從餘人故還佛所也。五雖室內詮量至道不蒙佛印。則不成經。爲印定故須往佛所。品之來意如此也。菩薩行品者。此中香積來者分別菩薩法門明淨佛國土垢淨之行。菩薩依此而行故名菩薩行品。就此二品文爲二。第一從此品首至歎未曾有。淨名掌擎大衆同入庵園名爲歸佛所。第二從佛述阿難如是如是去訖阿闍品名爲復宗說佛國因果。彼有時發始開二品爲二。初品明佛國之行是復宗明義。次見阿闍佛品正明顯果。初爲二。一掌擎大衆俱往菴園。二阿難問香即發疑問。就第一掌擎中爲六。一現相二阿難見相白佛三佛爲說四維摩唱欲往五文殊同往六用神力擎往菴園。初同金色者表淨名所化之者緣縛已除。皆入性淨常寂之土同一金光。六擎大衆中爲二。一到佛所申敬二佛慰問。申敬爲三。一大士申敬二諸菩薩申敬三釋梵申敬。二慰問爲三。一慰問二命復座三奉命復座。第二阿難疑問中爲二。一佛問舍利二阿難疑香。就問舍利中爲四。一問汝見大士神力爲乎。二答三更問如何。四答是不思議之法不可以思議心智圖度測量。佛所以問者亦爲印成室內之事。亦爲室內懷疑未了者。若問佛印即不復有疑。無疑故生信印故成經。從阿難問中爲二。一問香二問消問香中爲五。一阿難問二佛答三身子云我身亦香四阿難問得香之緣五身子答從淨名得飯。就問消中爲三。一阿難問二淨名答三阿難稱歎。就答中爲二。初總答二別答。總答云。此香隨於飯飯若消者香亦隨

消。更重問久如消。即別答爲二。一事二理。事者答七日方消。譬如世食持身止飢一日乃歇。此食七日乃消。又譬如服一種藥藥持身七日可消。藥勢熏身至其疾愈。此是事解。若理解不爾。約聲說轉法輪中。此土有半滿之教。若一乘名半字大乘名滿字。若半字中三轉法輪一示二勸三證。示者示於四諦見諦故發真。二勸勸斷思惟惑。三證無學道。故名三轉。今香來證半理亦證半字三轉法輪。此中具其義。用前七日爲方便五停心總別念處約燭頂四法。今言凡夫位食此香飯轉入七方便乃消。七方便中食者轉入正位乃消。不入即不消要見諦發真乃可消也。此名示轉。從正位食者不入思惟不消。得入思惟乃消此名勸轉。若思惟食者不得無學不消。得心解脫成無學乃消此名證轉。四處辨消即是三轉四諦法輪示。勸證義宛然也。復次此香證大乘滿字三轉義者。先責半字未入正位。食飯入位乃消。如身子等已斷三界證心解脫得盡智無生智。此飯復進何果。若不進果飯則不消。若進果即是大乘義也。當知羅漢雖證四果三界結斷。若未發大乘心猶是大乘理外未是方便位中。故法華云止宿門外住立草庵。若能發大乘心即名飯消是住方便位也。故云七日乃消。從此方便位食者入正位乃消。即如身子於法華中入佛知見蒙授記別名爲正位。約大乘中作三根。未知欲知根。知根。知已根。若入發心即是欲知根。從發心食飯至無生忍乃消名知根。無生

中食飯至補處乃消名知已根。即是香教證三無漏根。故云轉滿字法輪逗於大乘有緣之者。譬如上藥去譬顯。明身諸毒滅者何但滅三界分段之毒。上通教別教變易別毒實報中無明分分之毒皆能消滅。此應將毒鼓爲喻釋成此義。莫論遠近聞之皆死。具如前釋云云第三阿難歎未曾有。昔但聞聲證半滿三轉法輪。而今香中具足勸示證等。故歎未曾有。第二因阿難問即明復宗。就此爲二。一從此去訖。品明佛土不同起根各異者。此即是品之來意。五重中之兩意也。若化功已畢即是掌擎大衆入庵羅園是其義也。次室中疑情未決或復須印。即是佛告舍利弗。汝見大士自在神力之所爲乎。中意即是印成室內所說。亦是有疑皆斷也。若大士稱揚難復別論餘法皆爲顯於淨國。淨國既顯復宗還歸佛說。即此中文意也。又衆生機悟在佛。上開宗中長者子前問果次問因。佛前答其果二答其因。果中有二。一明果二解釋。因中亦二。一明因二解釋。此中復宗亦具二意。一復宗說果即是佛國佛事不同。二復宗明因即是諸菩薩行。就果中爲二。一正明果二釋其意。因中亦二。一正明菩薩行二釋前後相對。義意屏齊故知是復宗明義也。上果門明義。二者隨所化衆生而取佛土。二調伏衆生取土。三隨以何法入佛慧取土。四以何法起根取土。今此果門亦備四義。成上當宗佛國之說宛然是同。但不次第前後爲異耳。良由言不疊出語不重安。所以互說欲令行者不定執前後。

類如法華三問說法名異義同。又如涅槃三六問答中義相對當名字不同。義意若正名異非嫌。此中雖前後不次而名義屏齊。今第一釋上第四。雖復名殊其義是一。第四釋上第一具列在文。此中釋起菩薩根有十三句。明諸佛國起根不同同用六塵之法來起六根也。若毘曇明色是質礙不得通於餘塵。眼但見色不能兼用。大乘明義則異於此。根塵之中則能互用圓通諸法。如眼見紙墨之色。此色能詮一切諸法。若空若假若中世出世一切諸法無不具足。祇是一墨而已。含容之德圓通無礙。故大品云一切法趣色是趣不過。乃至一切法趣味是趣不過。於食若等於法亦等。當知根塵備一切法。故用此塵起菩薩根也。今將一塵爲語者此是從勝爲名。如鼻根入道最利故用香塵起之。如身根利故用光明觸之。此間耳根利故用聲塵起之。未必但有聲塵便無五塵。如此間以聲爲佛事。亦放光明亦香雲香蓋衣服等以爲佛事。但從勝者爲正其餘是傍。故的判聲爲佛事。餘國若舉一塵者亦復例爾。光明爲佛事者。放光明觸身具詮諸法隨觸得解。何但他國以光爲佛事此國亦以光明化人。如說諸大乘經皆放光明駭動一切。但非此國入道正意佛事。正通意耳。當知光明中具足一切法。如思益所辨。又如大品放光。衆生遇者即發菩提心。如華嚴明有光名無貪滅諸貪欲弊等。皆是以光爲正皆具諸法也。但小乘中或言光到觸或言不到觸。大乘明不思議而辨到觸。

化人爲佛事者如須扇多佛。留化佛度衆生。或有佛有所施作利益衆生。用化人化菩薩等起衆生根。又如說般若化菩薩說般若。即是此間以化爲佛事也。菩薩爲佛事者。或有佛土純用菩薩爲眷屬利他導衆。佛但爲尊主而已。此間亦有此義。如說華嚴四大菩薩說諸地功德佛但爲主。當知亦用菩薩爲佛事。此菩薩語既通不可定判安在化人。故屬根塵也。菩提樹爲佛事。佛在其下得道莊嚴此樹。放光說法調熟衆生。若作覆陰清涼以作佛事即是起於身根。別作觀樹亦經行即是起於眼根。如此間亦坐菩提樹得道。經中或應有用菩提樹爲佛事處即釋此意。云云。園林臺觀此亦有覆陰觀兩義。不可判定。所屬相好者即是色塵起眼根但見相好。相好日有所詮能令物悟解。如此間說般若時或現尊特身巍巍或現常身斷疑。當知亦用相好爲佛事。虛空者但示空相。空相能詮諸法如不二門中云。四種空種爲二。若達四種空與空種不異即入不二法門。若見此虛空爲空。空則無見見則非空。豁無障礙。因悟諸法但用此爲佛事。故如阿難欲見佛腹。佛言授頭即見腹中空無所有也。如虛空藏來至此界一切諸法空。此間亦用空爲佛事。夢幻十喻作佛事。常說此法。此法多有所詮。或有悟夢幻空乃至悟夢幻非空非有。具如通教。以十喻被大小乘。小乘但取夢幻空菩薩得有。若地論師以十喻爲誑相者。此乃得小乘之空永失大乘之有。若言既是誑相般若以此爲佛母者。

母既是誑子亦不實。故知夢幻義通。不可定執則失大乘之意也。若言有佛土用夢幻爲佛事此之佛土則誑相不實。音聲者如此國起耳根也。寂寞者示心輪雖無言說不妨有寂寞之樂。若非樂者何得言作佛事耶。若佛不示心十地不知。若示心者眼識能知當知是示心義。此間亦用無說無示爲佛事。如淨名杜口文殊稱歎。佛或時默然身子亦默然。廣說則無量略示有十三種國也。齊此是復宗明佛國。釋上第四起菩薩根義也。第二從如是阿難諸佛威儀進止爲佛事去。是釋上第三明入佛慧義。此爲二。一善門二惡門。從威儀進止去明善門即是淨國義。四魔塵勞去明惡門是垢國義。上文明隨衆生用何國人佛慧。佛慧者法華名爲佛知見。此中明入佛法門。但諸佛現國垢淨不同。爲令衆生得入佛慧。若衆生應見善法威儀進止安詳光相尊特入者即爲現之。宜用惡人者。現爲四惡煩惱而令得入。如華嚴云女人示貪欲法門。若凡夫人爲此墮落。善財一觸即悟無量百千法門。此則是示欲魔入佛慧。如善財滿足王行如幻法門。忿咤殺無量人。因是得悟。即是因恚魔得入。如見婆羅門投巖赴火放身一去佛法現前。即是因癡魔入佛慧。從此三毒起等分。四分生八萬四千塵勞。諸使衆生入佛慧。既善惡兩門不同故諸佛現垢淨二國。雖復垢淨之殊入門一種。第三若入此門見淨不喜見垢不愛此。釋上第二調伏衆生而取佛土。但諸佛爲柔伏一切剛

弱之人示有垢淨。那得見此淨穢而起高下憂喜之心。心若憂喜不名調伏。無憂無喜是調伏相。譬如良醫爲差病故授。甘苦二藥。雖有異差病無殊。若見此醫處二種藥爲愈病故。不於醫所生憎愛心。佛亦如是。但爲調伏衆生不可見淨垢爲疑也。第四從諸佛平等去是釋上第一諸佛爲教化衆生故而取佛土。此中明十方如來功德平等。一身一智慧。力無畏亦然。既其平等那忽一佛國淨一佛國垢。垢淨既殊何謂爲等。但爲教化衆生於平等中而起慈悲作等不等。爲化衆生致有垢淨不同耳。釋成上四種土義。一無乖僻。證知復宗宣說。結撮始終成就前後明淨佛國義。第二從諸佛國土去是釋成四種垢淨之意。顯出方便隨緣性淨寂光之土。就此爲四。一就虛空結釋。二略明身智。三廣明身智。四約三號。今就虛空結釋。對上佛國辨果意即用譬。如有人欲於虛空造立宮室終不能成依地即成。雖復依地若無虛空即亦不成。此言菩薩直就法性真空之理。則無萬行功德諸波羅蜜莊嚴法身。若依俗諦則有成就衆生淨佛國土。雖復萬行功德終是約法性空有所成就。若無法性空凡有所作則不能成。今此結釋與上立宗同明隨緣之土。爲化衆生欲令調伏使入佛慧起菩薩根。雖砂石爲地七寶爲地。乃至方便有餘自性實報種種之國。約於衆生而有若干差別之異。性淨之土爲極智所攝無有垢淨高下優劣之事。故引虛空無若干爲譬。雖虛空無若干而遍若干之國。

●〔作〕● ●者十〔此〕● ●樂二示● ●現爲二爲現● ●諸實二使諸● ●甘苦二耳若●

若干之國不得離無若干之空。終不離若干之外別有一無若干空也。今四種隨緣之土雖復垢淨不等。皆約常寂光土故有隨緣化他。常寂光土亦。遍方便之國。離方便國無別寂光。故經云其佛住處名常寂光。遍一切處無處不有。極智所親觀一切法無非法性。故知法性名為常寂。經言無明明者名畢竟空。畢竟空即是無明之性此性明故名爲寂光。常住不變名之爲常。是故同虛空無有若干。釋成垢淨土也。第二次略舉佛身智釋成二種之國。如釋迦丈六彌勒千尺至萬延量。此即應身差別化物大小而有短長。若是釋迦三藏之佛所得智斷。獲五分法身無礙之慧。與彌勒所得無礙之慧。正智俱除復有何異。十方諸佛一身一智慧力無畏復有何異。常寂法性此處無殊。或但爲應身隨現長短之像隨緣優劣差降不同。故有丈六千尺垢淨之異耳。故言以身智釋成垢淨之國也。第三廣明身智。若作廣略明義此前屬略後屬廣。若作思議不思議明義。略屬思議二諦三藏佛無礙慧。從廣明身智屬不思議二諦明無礙慧。非但不思議真諦異於思議三藏中真。不思議之俗亦異於三藏若干之俗。身智差別亦復如是。何以故。若三藏中取應生父母之身辨其若干。取真諦五分法身辨無若干。極智栖於法性常寂之境此處無有若干。若明色身門內長者尊特之身蓮華藏中大相小相現此勝應爲若干。取極智所栖常寂法身之境爲無若干。當知真俗永異也。

今十方佛色等者一者應身垢國。行化亦皆同等。法身妙色湛然安住此處亦等。智慧等者應身三藏佛。十力無畏慈悲亦等。乃至法身勝應十力無畏亦復不殊。姓等者應身刹利婆羅門貴姓中生。其事一等法身之性。習種性性種性道種性聖種性乃至妙覺法性亦皆同等。化衆生等。應身是化有餘衆生。勝應亦是化實報中衆生。此諸處既等。垢淨依報亦復是等。何但諸佛獨有淨國。釋迦亦有淨國名為無勝。而在西方何但釋迦獨婆娑行化。涅槃云一切諸佛亦於此中現轉法輪。故知諸佛皆有隨緣若干之國。等有常寂無礙之慧。故言廣約身智釋成垢淨之國也。此之身智國土互得相釋。若是爲衆生故而取國土致有淨穢之殊。是則依報優劣不等。依報既不等爲衆生所受正報身智亦復不等。此是將國土釋身智爲此義。故即是以身智釋國土。約此即是顯於淨穢云云。第四約三號釋二國者爲二。一正釋三號。二辨義廣難受。一正釋者三藏三佛陀名正遍知。若三藏明正遍知。正者對六十二見偏邪得名。觀真不觀俗雖名遍知。若望大乘終名爲偏非究竟正也。知者窮真遍俗皆悉明了。釋論明知知於數法非數法。若常無常皆知皆遍知非數法即是真諦。其慧無若干也。遍知數法即是俗諦。深識根機隨緣方便有若干也。約此故名遍知。自覺者覺真覺他者覺俗。覺俗故即是隨緣方便若干不同。覺真即是性淨無礙之慧無若干也。不思議中正者觀中道名

正。三諦普照名遍知。三諦故名知。但中道之中非數非非數。非常非無常。深悟此理名無礙慧。雙照二諦俗中差別。知病識藥隨緣方便。垢淨不同調伏衆生故有若干也。真俗自覺覺他例前云云。故名正遍知也。多陀阿伽度名如法相解如法相說。若三藏中明如法相解者。即是契於真如之理亦稱俗理。而知亦名如法相解。是無礙慧無有若干。應以何法教化何法調伏何法入佛慧何法起根。機感差別而作若干說之。雖復異說皆實不虛。故言如法相說。故名如來。釋成垢淨之義也。不思議中如是。佛歎名覺亦名知例如前釋就二辨三句廣中爲五。一明三句義廣阿難所不能持。二明假使多阿難亦不能持。三明明阿難悔責。四明佛慰喻。五釋不能持義如文。第二明彼菩薩請菩薩之行。即是對上復宗明佛國因卽爲三。一請法二佛爲說三稱歎還本。請中爲三。一悔責二領解三請法。請法者。始香積之國以香味二法來此度人。今欲將此土之法還彼作佛事所以請也。彼菩薩雖是大乘之機得悟中道。而於雙照二諦猶未深。遠於小乘斷伏俗中未了。是故如來爲說雙照之義令其化道無壅。譬如王國備有文武兩種隨其靜亂用有興廢。無賊之世器鈍人羸有寇之時兵利將勇。今明十方佛法具有三諦之義。但婆娑多難於權化爲明。諸菩薩等於雙照純熟。彼土善根深厚。於中道實慧速得通達。權道有疑。菩薩欲遊於十方須遍行三諦。故須請也。佛上答因義有

二。一橫明二豎明。此中亦二總釋別釋。雖與上文名異義同也。今就第二佛答中爲三。一總標勸學二釋三結釋。又二。一略釋二廣別釋。別釋中爲三。一先明不盡有爲二明不住無爲三疊釋二種。就明不盡有爲中爲三。一標二釋三結釋。中凡歷四十句以明不盡有爲。今言盡無盡者不盡於俗。而廣行萬行不住於無爲不同灰斷。真俗俱照。道觀雙流。淨穢融通。權實自在。俗諦是生死有爲可盡之法。故名爲盡。真諦是涅槃無爲空法。名不可盡。故云盡無盡門。衆生應以此門得度。卽以此法起菩薩根入佛慧也。亦是釋成室內所明如。是疾者非真非有之意。若入此門乃能淨穢雙遊。道觀自在。則不爲淨名所訶。私問若香積土菩薩方請此法云。何能遊此娑婆。娑婆云云。文中禪定如地獄生死如園者。此借子在難父在宅。雖有五欲常如受苦。若得拔難其心乃悅云云。第二從不住無爲者亦爲三。一標二別釋三結。就釋中歷十六句廣明不住無爲如文。第三就疊釋不盡不住卽釋成上佛國之中橫豎二意。橫則十七句。句句之中皆約四教四門以明橫相。豎則從真心徹至佛果有十三句之淺深。亦有結釋橫豎之義。今此中先歷四十句廣辨不盡有爲。次十六句廣辨不住無爲。對上橫豎明法相深廣之意。次有四雙疊釋三種權實二智。自地豎深化他顯滿釋成橫豎義。前橫豎說中不盡在前不住在後。疊釋中不住在前不盡在

後。後前互辨者明無前後後雙融之意。今言不住無爲則是於實諦無滯。自行事成。不盡有爲則是於俗諦遍知化他無滯。權實雙照自他兼達。若三諦圓明自能深徹。則是無礙慧無有若干。若以化他無所壅礙故能垢淨雙遊方便若干也。就此疊釋中有四雙初福德智慧爲一雙。二慈悲誓願爲一雙。三識藥授藥爲一雙。四知病滅病爲一雙。約此應明權實二智。自有自行權實自行化他權實化他權實。自修中道之理爲實。雙照二諦爲權。此是自行明權實。若是自觀二諦之理爲實爲他說二諦爲權。是名自行化他明權實。若化他明權實者此則約緣無定。或說權爲實或說實爲權。或於權中而辨權實或於實中而辨權實。逗機深淺逐物便宜不可復定。約此判思議不思議三種二諦。若是自行權實一向判屬不思議二諦。若自行化他權實此中亦屬不思議亦屬思議。何故爾。如通教所明二諦。含中道在真諦中。故言三乘人同以無言說道斷煩惱入涅槃。若是合真入俗者如涅槃云。我與彌勒共論世諦。五百比丘謂說真諦卽此義也。雖不彰中道之名而有其義。其義兩屬故名爲通。通者通於二乘。見真諦之空。若通別教圓教則亦見於空亦見不空。能通見空卽是思議。見不空卽是不思議。見空智慧如螢火。見不空智慧如日月。日月照用既廣治惑亦大。二乘人智慧既小所斷亦小。若菩薩自行則見空不空。化他利物但見於空不見不空。故知自行化他權實

亦屬思議亦屬不思議也。若化他權實一向是思議。二諦何以故思議。二諦無中道體故明真時則永寂如空。明有時如石裏有金石金有異。於永寂之空真俗條別。是則以永寂之意而測真。如石金之心以解俗。故言是思議二諦。但思議之真有漸頓義。譬如金石漸漸融冶稍稍消磨磨鍊盡金現。思議之真亦復如是。故有三種。如一切森羅對目千種萬形。原其同是四大此乃名下所詮。如四大雖復遍成諸物俱是無常生滅之法。名爲中道。如生滅雖復還謝同是無生無滅入於真諦。此豈非漸頓也。不思議則不如是。爲有中道之本體約體明二諦名不可思議。譬如如意珠能雨種種七寶。珠中畢竟無所有求不可得祇言畢竟空而能雨寶。不思議理亦如是。非真非俗畢竟清淨而能具俗具足圓備一切。真俗俱不可圖度故稱不可思議。若約此珠以辨通教者如珠不雨寶時。則無有金銀相貌此與凡珠何異。卽是於俗破之求寶畢竟空無。此空與真諦斷空何異。約此明可思議相是三藏思議二諦也。若知其功能發願求實能於空中卽出種種資生之物。此空不同二乘之人入真空也。所出之寶異於世間珍玩。此不同凡夫俗有。如菩薩深見不思議二諦亦是開合。真俗具出二種如前。今將三種權實釋於不盡權實雙遊之義也。復次歷四教明不盡不住。三藏教明若觀真斷結以空爲證。則同一乘灰斷住於無爲。何由能得三阿僧祇成就佛法。故不得住於無爲。不盡有

爲者慈悲六度本約有修行教化俗中衆生。若入真則無此事。若斷盡諸有之因因盡則果亡。云何得處三界廣行佛法。今以不盡有爲結漏而修佛法。能成道轉法輪以三藏化他權實具足也。通教不盡不住者。若盡有爲則同二乘。若住無爲乖菩薩道。是故方便從空出假利益衆生。如空種樹。巧妙方便故不盡有爲。不取空證故不住無爲。別教不盡不住者。若但用二觀爲方便道。得入中道是爲住無爲盡有爲。今雖得入中道之理。但塵沙佛法悉未現前皆知皆學。豈得保此中道。應須照俗。是故從中反照二諦名不住無爲。若除二諦之俗更無俗可觀。今照此二諦遍行一切佛道。故言不盡有爲。不保中道故言不住無爲。圓教中還約別教明義。若但觀中即是盡二諦。不照二諦即是住無爲。今三諦圓觀一時能了。了真不住於真。了俗不盡於俗。不住不盡一時雙照權實俱明云云。若此間多惡故治兵講武多。以化他二諦逗之。於自行二諦未了。故香飯來此。便三乘之人近遠皆如身子之流。食此飯者至發心乃消。於法華中開佛知見。即是三種權實而得具足。彼土無惡但制禮作樂。唯以自行權實。於化他權實未了。是故懇勸請此方便還香積土。施作佛事令彼實行之者三種權實皆悉圓通自在無礙也。問彼土菩薩在香樹下得功德藏三昧。一切佛法皆在其中。云何言於化他權實未了。答有二義。一者彼雖具有彼土不行此化。則於二乘小道知根知藥不得明了。二者

彼土雖淨有權有實。實者但稟一實之教未稟方便。是故請法也。復次將福德誓願藥知病四雙歷四教。一作相分明成就云云。今且約圓教作之。福德莊嚴是五度之法。必須遍約有作無作兩種四諦。彼土中修行諸度具足塵沙佛法。若於分段中修福德滿。能坐三藏道場作佛教化衆生。故言不盡有爲也。若方便有餘中行福德滿。即於其土坐道場。乃至別教圓教報土福德滿。即坐道場作佛。今爲遍滿此等福德莊嚴故不盡有作無作二種有爲爲智慧。故不盡有爲者。境能發智。若却分段有餘變易等。何所觀察。既不識分段塵沙境界相貌。是則智慧不滿。智慧不滿不能得隨緣諸土而坐道場。故不盡有爲爲增智慧故。此是用福慧二嚴結成上菩薩行也。第二雙不盡有爲者。欲以大慈大悲拔苦與樂。此之慈悲何但拔思議二諦有作之苦。與其思議真諦之樂。亦拔不思議無作四諦之苦。與其中道究竟之樂。若分段苦盡即能道樹斷結爲三藏佛。乃至變易苦盡即爲別教之佛。以此大慈大悲利益一切故言不盡有爲也。滿本願者則是昔時起四弘誓願。廣緣有作無作二種四諦。起此誓願願既未滿。那得盡有爲也。第三集法藥亦如是。塵沙佛法約有而論。深淺根機大小性欲善惡對治。若色若香一切萬法悉須遍知。未具佛法不應滅受而取證。是故不住無爲。無爲之中無病無藥無能授所授。今欲作度老病死大醫王。授與衆生治煩惱藥。豈得斷盡有爲。以不盡故

能作三藏佛。知二乘四諦因緣法藥治分段之病。乃至能作別教圓教盧舍那佛。授與中道法藥。若盡有爲無此等也。第四衆生是有爲。今住無爲則不入有爲巨海。何得識知其病貪欲瞋癡種種相貌。既不識病差機說法是衆生怨。妄授於藥非是明醫。爲知病故不住無爲。爲滅病故不盡有爲。所言滅者非是滅無之滅。諸佛菩薩隨所調伏衆生之處名爲解脫。自於中無縛能解他縛亦不縛不脫。能令衆生得不縛不脫。名之爲滅爲調伏。故不盡有爲爲得解脫。故名爲滅病。第三結如文。第三稱歎還本。彼菩薩聞此方便化他權實之法歡喜解悟。敬禮辭還本土。上文初請法時慚愧悔過者。悔於化他權實未明。故懺悔除蓋請於勝法即得開解。三種權實具足圓滿。此是他土來此得益也。若是此土悔過得益者。如身子等食香飯已於法華中慚愧剋責自悔過者。既其剋責覆蓋得除開佛知見入於佛慧。受記成道自行化他三種權實宛然圓滿。即是此土蒙他得益也。二土雙遊垢淨不二成就圓滿雙觀之義究竟此在云云

釋阿闍佛品

阿之言無閼之言動。淨名以不思議之力接妙喜之界。今此間四衆見無動世尊及所居之國。因此爲名稱無動品。但此部經文凡三處現於佛國。如佛國品答長者子竟。因身子之疑現於淨國。二者入室論道其事將訖。藉身子念食現香積之界。三者出室還佛所。復宗辨道明菩薩行。顯淨名所居妙喜之國。當



知三處說法除衆生惑累。緣轉既盡淨土業成。現相正當表此。上文辨菩薩之行明佛國之因。此品乃現妙喜示佛國之果。因果之門以明出室復宗之唱。成上佛國因果之義證知。此經用佛國因果爲宗。其文顯現就此爲二。初明法身體用。二明所居淨國。諸佛既有法應二身。亦有性淨隨緣兩土。淨名極地大士亦同諸佛二智。非垢非淨。爲是義故不捨妙喜而能垢淨雙遊。二身二土利益衆生令得解脫。下文自說日月爲除闇冥遊於世間。菩薩示行兩土除諸疑惑。觀身實相即是同佛法身無礙之慧。無若<sup>①</sup>也。方丈臥疾託病興教。即是同佛應身方便引接。處妙喜界補無動尊。即是同諸佛有於淨國。居娑婆土助釋迦揚化。即是同諸佛示有穢土隨緣利益。淨穢雙遊圓通無礙。同於諸佛所得權實。喻如十四十五之月。以簡佛菩薩異耳。就第一明法身中爲二。一佛問其法身。二身子問應身。就佛問爲二。一佛問二大士答。就答中爲四。一總答。二別答。三結四。簡邪正。總答中言觀身實相觀佛亦然者。祇自觀己之實相與佛實相不殊。佛之實相與己無異。故大品云諸法如實相。即是佛實相無來無去故。此爲三意。一者尋末取本。二者就位三者觀心。尋末取本者明大士是金粟如來所得法身。與今釋迦法身不異。故上文云諸佛種性色身悉皆平等。是故得知觀己實相與佛實相一種無異。故言觀佛亦然。二就位者明大士位。居十地補處之位。隣次於佛。當紹尊位

祇十地之<sup>②</sup>。相與妙覺之尊所得實相復有何異。三觀心者如上文云。諸佛解脫當於衆生心行中。求一切衆生心相即菩提相。衆生如佛如一如無二。實相者即是佛。故經言遊心法界如虛空。是人即能知諸佛之境界。觀己心性既是實相。即是與諸佛心相義齊。譬如人射法云云。若正觀此相具如入不二法門。亡於二邊正顯中道。此中重明其意。所以如來問者。以上來辨無礙慧無若干。諸佛身智功德平等。佛欲顯大士法身與諸佛不異。是故問其云何觀法身。若辨法身法身必有所指。所指之處即是佛國。故有此問也。他解。應身之佛則有封疆界。城國土之名。法身冥寂有何國土。今解不爾。諸佛法身尚非垢非淨。而能隨緣雙遊垢淨。今佛法身非境非智亦雙照境智。何意不得辨於國土真境界耶。故金光明云。不可思議智境不可思議智照。此不思議之境豈不是法身靈智所栖。普賢觀云毘盧遮那。是極妙法身而言有土名常寂光遍一切處。此豈非真國境也。第二別答觀三世中前際不來者。如見有未來之法入於現在。可得是生是來。可得是有邊無邊。本不見有未來之來。何況更有來入現在。是故前際不來。後際不去者。若有法滅入過去可得言滅言去。可得云如去不如去。今不見有法入過去者。是故後際不去。今則不住者。若有法在於現在。可得言在言住。可得言常與無常。今不見可得法在現在者。何得言住故三世求不可得。他解金剛已前無常樂我淨。金

剛已後常樂我淨。今解不然。金剛已前常樂我淨。何以故。佛性之法本自有之。非適今也。金剛已後無常樂我淨。何以故。經言十地菩薩更無量劫倒修凡夫事。若法身起應六道同凡夫生滅。即是亦應有無常樂我淨。是故同他而不同也。他釋。應祇是化化祇是應。今解不爾。應能爲化化不能爲應。如凡夫外道五通之仙諸天神鬼。皆能有化。此不能爲應。所化亦是暫時權有。不能卒其始終。今辨應是應同。同其始終一期之法名之爲應。如來以無分別心任運之智隨機有感。應而用之無所爲礙。不勞運念猶如明鏡有像即現而影像相似更無差異也。如天仙所化作念經營方能化。如<sup>③</sup>蓋運念動手圖寫人形。未必全不動念。妙不妙約此兩譬可知。不觀色者心如幻師作種種色。若知幻師是誰則不得所幻之色。今色從心幻師幻出。尚不得此心。何處見有此色。故不觀色。不觀色如者若見色與如異是則泯色入如。今不見色如之別故不觀色如。色性者或言如祇是性。性祇是如。或有此義。今聖人不客重說一法。兩唱所表今將此性爲佛性不觀色。是空俗。不觀色如是空真。不觀佛性是空中道。以其計中道有佛性而起順道愛生是爲頂墮。故上文云。我及涅槃是二皆空。唯有空病空病亦空。今不觀性是無順道愛故不觀性。非四大起者雖觀是身不於四大起惑如凡夫。不於四大起解如二乘。無惑無解故言不起同於虛空。是名實相。六入者能積聚六塵構造生死。

① 丈二文 ② 已十(身本) ③ (實)十相 ④ 城二城 ⑤ 靈二靈



不同凡夫六入積聚。故眼耳已過過於凡夫六根境界。不在三界者出真俗故。三垢已離者無三種國之垢。順三脫者緣一實相順三脫故。三明與無明等者。無明之源即是實相法性。此之法性無與等者無有智能等。此名無等等。三明者天眼能徹照未來。漏盡達於現在。宿命窮觀過去。達無明之始。雖復十住不見其始。唯佛能知始終。既云觀身實相觀佛亦然。佛窮無明之始。今知其始等於無明。漏盡者能知五住之漏。無明惑盡故言等。一相是真諦之相。異相是俗諦之差別。今實相非真非俗故非一非異。不自者遊行詣他國名他相。遇到父舍名為自相。此應用真修緣修自生他生廣破。絕離此等自他入於實相也。非無相者非涅槃。非取相者非生死。非生死非凡夫。非涅槃非二乘。不此岸非俗諦。不彼岸非真諦。不中流非諸煩惱。離此離彼之此岸。達非此非彼之彼岸。而化衆生者此總明法身應用。不此不彼即是不生死不涅槃。不以此不彼即是觀二諦之智境智雙明。不可以智知者散諸法故即是真諦。不可以識識者聚諸法故名之為識。即是生死俗諦。無晦無明即是解惑解惑。即是生死涅槃。名即世間。相即出世。故真諦名為實相。無強無弱者生死是剛強之法名強。智慧是扶理易悟名弱。非強非弱故是實。相不在方者法性不在生死封疆。豈有於界域故言不在。不離者祇常寂光土。亦是於方遍一切處故言不離。非有為非無為如無盡門也。無示無說如

維摩杜口也。不施非是檀度之彼岸。不慳不同凡夫祕吝之此岸。六度例爾。涅槃審諦為誠生死虛假為欺。不來乘如實道來。成正覺。不去是乘從三界中出到薩婆若。離此去來。不出非二乘。不入非凡夫。言語道斷如淨名杜口。非福田如阿須菩提。非不福田如憍喻須菩提。非應供養如阿須菩提。非不應供養如來正覺。是名應供。同真際等法性冥契真實也。不可稱量即是不思議解脫之法。乃至動亦如是。同衆生一切衆生亦如是。無分別者入一實相不見高下。無失無三種漏落三土也。無喜無厭等皆約三土煩惱以明。無已有當有等。應約涅槃釋三世偈以釋此意三結。四箇邪正如文。第二舍利弗問者。舍利是起教之人。既知大士法身實相同於諸佛。次顯應身隨緣化物無方大用之能故問也。此問猶校三藏之意。若三藏之佛沒則不生。若三藏菩薩猶有惑累則有於生。若爾問其何沒而來生此。就此為二。一彈折身子二佛發其所居之國。就初彈折為二。一身子問二答。答中為五。一先反質二譬顯三問四答五引佛語為釋。反質者汝解脫之中尚無沒生。我法身中那得沒生。汝既不爾何得以此為問。二譬如幻師幻沒幻生。此豈是實若無實錄不得謂有沒生。第五引佛語釋中云。菩薩雖沒不盡善本。不同二乘灰身盡智名盡善本。菩薩不滅智所作功德亦不可滅。以此善本能益衆生。不長惡不如凡夫之積集不盡善本。不同二乘之滅沒。由善本不滅故

能應於垢淨之國。俱不長。垢淨二國之善惡也。佛答淨國中為三。一佛說其所居隨緣淨國。二身子稱歎。三大士釋出。就釋中為五。一問日共闡合不二答三問日何出四答五釋出齊此。是明人同諸佛有法應二身也。云云。第二從大衆渴仰欲見妙喜去即是現於淨國。是大士所遊居處。此有三意。一驗大士之淨國。二令時衆起淨國之行。三令發願往生。是故有此一段文來。就此為七。一大衆。飲渴欲見二命。令現三奉命移取。四佛勸時衆修行。五大衆發心六利益已還本七身子稱歎。今言大衆渴仰欲見者。聞上妙喜之國是大士所居。是故一心渴仰。第二佛。命令現為二。初明佛寂照鑒知知其有念。二正命令現。第三奉命現為六。一心念欲移妙喜山林世界。二正現神力三得神通者覺驚怪四佛稱是淨名所為五不得通者不覺六入於此土無損滅。第四佛勸時衆修無動如來之行。就此為三。一勸觀彼土嚴淨。二時衆對曰已見三正勸修無動行者。如佛國中答長者子所明。又如入室安慰調伏行於非道通達佛道。如盡無盡門即是淨土行也。第五時衆發心修行為二。一發心二發願。有十四那由他即悟者。皆是上來種種說法種種神變。正說將竟。現此淨國俱蒙如來勸發。是故一時便有十四那由他得悟也。二發願者淨行深微不易可辨。立誓生彼於彼修行。此中佛記即應當生。得記有二。一遠二近若是立誓之後必定生彼。即是近記。若是修淨行因必招淨

士之果。如彼佛國。即是遠記。第六。如文第七身子稱數為六。一佛問見不。二奉答唯然三為一切衆生發願。四自蒙有寄。五歎聞經功德六況出福深。就況出中約六番往釋如文。若依此語意即是流通段。今明身子小乘之人。非是任持大典故不屬流通。但為流通作於起發也。

釋法供養品

此品正明帝釋弘經護持大法。即是第三流通段。凡有二品。流通是從譬得名。如。洪源耳釋從上被下名之為流。無所壅隔名之為通。今用此無上法寶實相之經被下代衆生。使無壅隔。季末有緣皆令沾潤。此是慈悲純厚故也。此文為二。初從此品明天帝護法。格出月蓋法之供養明護持之利深顯弘經之德重。二從囑累品去。明大聖懇勸付囑鄭重當令季像必得宣通。就前為二。一天帝稱歎弘經二如來述成其意。初為三。一歎法二歎人三發誓。今言天帝欲護持大典修習勝門。有持此經志存覆育。即是以法供養法身。如釋論云。迦毘羅生身生處摩伽陀是法身生處。為報恩故多在二國說法。二國之中為報法身多在摩伽陀國說法。護持即是法供養也。復次天帝共梵王同請說法。如來受請觀機知不堪大乘仍開小教。小教既興次應說大。今此不思議解脫猶是酬其昔請。釋論云。說般若猶是酬梵王天帝之請。天帝既蒙酬請歡喜護持。若作是言。天主得阿那含不應流通大教者。此是三藏中謂為那含。華嚴

說天主住十不可思議法門。豈不堪弘通此法。復為天主率化群下最為風靡。就歎法中先歎不思議解脫之用。次歎實相之法。非法無以成人非人無以顯法。故須雙。歎百千經者即是初教阿含等經。阿含中亦授彌勒之記。何妨對文殊說法。復次通教別教之中未曾聞此圓教法門。具足之道。體用難思昔所未聞。就歎人中為二。初釋開經功德次況出如法行者。閉衆惡趣是止善。開善門是行善。行即是觀止即是定。此中約因果兩判。為佛護念者明其修止行兩因。深契道理是故加於可加。故言護念。但佛普護衆生。衆生無瘡毒不得入。若修此止行之因即是信心資義。亦得護念。觀心者祇止觀調心名為覺。一切邪念紛動即用止觀二法觀之。不令緣念得起。是則常為覺心所護。降伏外道即是伏見思兩惑六十二見諸邪計之道。得菩薩道已能降煩惱魔如前說。乃至四魔八魔十魔。故上文云。始在佛樹力降魔得甘露滅。覺道成已於諸法無罣礙。志能摧伏諸外道。即是發心修學圓觀之人。入初發心時即能八相成道。名之為佛。降魔勞怨度脫一切修治佛道者即是外化。為八相之佛而內心於法身中修治道地滿殘餘佛法。安處道場如光嚴中辨道場相。履佛之跡行佛所行住佛所住。諸佛如是來我亦如是來。皆是隣界往歎。若有持讀者去是第三發願弘宣。第二從佛言善哉去。是述成天上帝上三段。一述其歎法二述其歎人三述其發誓。第一吾助爾喜者明

此經是三世佛不思議善提。即是述其歎法。言三世佛不可思議善提即是實相之法。佛由此實相得善提也。第二從男女受持此經則為供養去來今佛去。是述其歎人。就此為四。初格量功德二問三答四正格量。就前格量中為二。一格現在供養佛二格滅後起塔。第二問如文。第三答為二。一答多矣。二釋其不可盡所以。大乘經中多格量供養生身不及法身。何以故。如此正言生身之福不動不出。法身功德能動能出。出離生死故言福不趣菩提。二能趣菩提。於實名了因於餘名生因。生因是緣因。福德不動不出不至菩提。功德有盡。於實名了因。實即實相了因照了。與實相相應能趣菩提。功德不盡同虛空等法界。豈得與前福德不動不出有限之法為量。供養生身名為生因不趣菩提。供養法身實名了因能趣菩提。是故格量不可限極。金剛般若云。住相布施如人入闇則無所見。不住相布施如人有目日光明照見種種色。東方虛空不可思量。南西北方亦難測度。法供養為最。復次大品云。實相是三世諸佛之母。母若得病諸子憂愁。若實相之法不廣被衆生。約衆生故言實相病。若止供養一佛於餘佛無功德。若謗一佛於餘佛無罪。若供養佛母實相之相即於三世十方佛所俱得功德。若毀謗佛母則於諸佛為怨。是故述天帝云。諸佛善提皆從是生。善提之相不可限量。第四正格量中亦述其上歎信法兩行。聞是不思議之經信解。是述成上信行人。修行福多即是述上

①〔如文〕②③洪源耳釋二其源耳④洪源耳釋⑤洪源耳譯⑥數一歎⑦

法行。第三述其發誓弘經護持流布。從過去藥王佛去文爲四。一明過去法供養之因由。二明王子月蓋。三結會古今四結釋述成。就因緣由籍中爲三。一明有佛。二明有王勅示諸子令與供養。三明諸子奉勅宣行。第二從其王一子名月蓋去文爲九。一王子獨坐思惟求勝供養。二空中驚覺三仍問勝法。四天勸問如來主往請於佛。六佛爲解說七聞法得順忍。八佛記其護法。九出家爲道爲法供養。就第六佛爲說文爲二。初明勝妙之法。二從若聞是等經信解者明供養之心。就勝法中爲四。一從佛言去明最妙之法。二菩薩法藏者約法論因。三從能令衆生坐於道場去是約法論果。四從諸佛賢聖去是爲佛所歎印其因果。今釋第一所說深經者。然實相之理非深非淺。爲深淺兩緣。於非深淺之中作深淺二說。淺者即是三藏通別之經。深者即是圓極之教。故言深經。深經相貌即如大士上來所說觀身實相之義。即是清淨之深經也。難信者如一微塵中有大千經卷。人無信者。實相之理止在心中無勞遠覓。近而不識說之不信。故云難信。難受者若有所受則有所行。若無所受則無所行。信受實相則能修行。若不信受不能修習。微妙者即是不思議解脫之異名。亦是三德微妙。我法妙難思。清淨無染者不爲三種見思所染。猶如虛空無諸淨穢。非思量分別能得者動念運想所不能契。無念無分別自然流入薩婆若海。亦非三藏通別方便之人所能測度。二明因。

菩薩法藏所攝者明菩薩法藏聞持前行。三德祕密之藏不縱不橫無所積聚乃名爲藏。含受諸法悉入其中。陀羅尼印者陀羅尼名爲能遮能持。持善不失遮惡不起。不起不失名之爲印。至不退轉者即是遮持諸善無有退者。亦是無生法忍不退之位。成就六度者云云。善分別順於菩提。即是善能分別諸法相。於第一義而不動。衆經之上者在三藏通別教諸經之上故。入大慈悲即是起無緣之慈。如上三十二種慈。離衆魔即是離八魔十魔等。亦是離三種之愛。天魔屬生死爲愛流轉。菩薩離此故名離魔。及邪見者亦是三種方便中一切諸見。自此之前皆名邪見。實相之中皆離此等諸見。順因緣者因緣之性即是實相。順此實相深觀諸法。具生法二空因緣即法空也。緣實相修二空三昧。三約果明。坐道場者若能如此圓觀實相入涅槃。般若名爲住。住發心住時即能八相成道隨緣作佛。故云初發心時即坐道場。轉法輪者是圓頓漸三教。故言轉法輪。天龍共歎者既坐道場爲佛利益一切人天敬仰。入佛法藏者安處諸子祕密藏中也。圓教攝四十二賢聖。偏教攝二十七賢聖。皆佛法藏也。一切智慧者皆令稟偏圓之人得入佛慧。法華云如是之人我今亦令入於佛慧。說衆菩薩所行之道者。菩薩以實相爲道。雖復稟餘教終引歸實相。依實相義者若因若果無得離於實相。約此實相辨於偏圓之教。故法華云若深智者爲說此法即說於實相。又云若不解此法於

如來除深法中示教利喜。即是說偏漸之教。宣說無我住空寂滅等也。能救毀禁者方便教中皆垂圓極名爲毀禁。若入圓中無復方便之過。亦是小乘中毀重之者無懺悔處。若是大乘能有無生正觀洗滌。故言救諸毀禁。諸魔外道怖者斷除愛見兩種之心。故無五怖。第四諸佛稱歎即契於實相。初心即能作佛。故爲諸聖之所嗟歎。背生死者背三種生死也。示涅槃者即是示百句解脫也。十方佛所說者一切佛道同皆共說此實相也。第二從若聞如是等經者是明供養之心。就此爲二。一明信行二明法行。若聞說實相之法即於聞中生解。通達無礙名信行供養之心。若聞不聞如法修行觀因緣空斷諸妄見。見實相理得無生忍是名法行供養之心。復約四依釋之。於法了不可得是名依義。諸佛之教本爲逗物根宜。不可定執故不依語。識是具煩惱法不可依識。不了義經是三方便。教非實故不可依。了義是可依。人是生身故不可依。達無明源底者知本來不生。故畢竟無滅。觀因緣無有盡者即是癡如虛空不可盡。第七開法得柔順忍者即爲二。初得順忍之益。二解實衣報恩供養。若作圓教明柔順忍。若柔是柔伏即是十信。鐵輪之位六根清淨。若發真明入理即得無生忍也。解衣供養爲二。一供養二發願行法供養。請威神加被使得降怨宣通大法。第八佛記者。但記其後代是弘法護持之人。與物有緣能興立大法。未見記作佛之文。遠而爲論亦應即明出。我齊

文未有 第九明出家修道行法供養。就此爲二。一明出家護法。二明化人多少。百萬發菩提心是用圓教所說。十四那由他發二乘心是用方便誘引。用此圓偏兩法導利衆生。故是法之供養。第三結會古今如文。第四述成上發願弘經護持宣布。亦護行經之者悉使和安。

釋囑累品

此品流通文中第二。前明天帝發誓弘經。此辨如來金口所囑。囑是付囑爲義。以無相之實法付囑弘護之人。累是煩勞荷負之義。今將此大法專爲己任。令外難消轉內行直通。故稱囑累也。就文爲三。一佛付囑彌勒。二付囑阿難。三大衆聞經歡喜。付囑勒中爲二。初佛付囑二彌勒受旨。就佛付囑爲三。一正付囑此經。二釋三箇得失。正付囑中爲二。一付囑尊經。二命神通守護。以無量僧祇所集付汝者。若按迦旃延所解三藏中。明三阿僧祇習學佛法。百劫種相佛道現前。此是三藏小乘淺近之法。修學研行劫數爲少。若按釋論彈於此義。佛法無量豈是三祇所學能遍。乃經無量億億劫習學佛法諸深法門。乃可圓滿大乘深妙。是故學劫亦多。今言無量劫所習。故知是大乘妙典付之彌勒。第二當以神力廣宣令無斷絕。即是命令守護。但以此大法付囑彌勒者。正明次紹尊位。智斷方圓與物有緣。神通具足。堪能弘護令不斷絕。若末代衆生去聖既久。非唯神根闇濁。亦乃障礙多興。如多寶處必饒怨賊。道高魔盛

妨難則生。若不得聖力冥扶則外難侵逼。若蒙神光加被亦使心解開通。內因外緣既整法寶則無斷絕。是故命以神力加諸衆生堪聞之者。此中應引優波毘多爲魔所惱。令無數人不得悟道。遂令受化之者爲魔所惑。用神力縛於魔。一切聞經得益不可稱計。亦恐是用神力弘經之意。第二釋者從所以者何未來世去。即爲二。初明末代亦有得道之機。次明不聞斯經則失善利。前明末代有得道之機者。但凡夫緣悟不同。或見法王面前得益。或因去世渴仰生悟。故經言應以滅度得度者而現滅度。如爲治狂子故實在而言死。留諸香藥色味芬芳悔懊心生。服藥即愈。若不見佛別責精進愧不值佛世。因是入道得出煩惑。故佛去世後一百年十萬出家九萬得道。當知佛後之機亦復無量。此應引龜多佛在之時求出家。覺智齊身子。佛言不得。即退還外道法中。佛因記之。此人得道之機在佛滅後。後爲阿難弟子度人無量。得道恒沙時人敬譽爲無相佛。即是釋未來世中天人龍鬼有發心之緣。樂于大法必得度脫。不可不弘如此勝教使其聞也。第二從若使不聞是經則爲大失者。但聞三藏方便之說則失大乘毒鼓之利。普賢觀云。法將滅五百歲時一心修此法華三昧即得六根清淨。故知末代亦能有入大乘之機。若不聞此經永失法利故須宣通。三從菩薩有二相去是簡得失。就此爲二。一簡得失。二廣舉非釋。得失中爲三。一標相二略解釋三約人釋。若是三藏教

中多就因緣歷別事相之中以明諸法。若依此學者是新發意人。諸大乘經別圓之說無依無倚離諸心識。言深經者即是貪欲即是道悲癡亦復然。如是三法中具一切佛法。若離是三法而求菩提者。譬如天與地。指此三毒之性能通達三毒實相不可得。猶如虛空。而能出生一切佛法。彼經云深達此法者亦不礙於戒。深達此法者亦不著無礙。行人多謂三毒是道。而著此無礙毀於正戒正見。何謂是達於三毒之性。其達此者無毀無著。乃稱經意。實相之法非因非果說爲因果。故言是因非果如佛性。是果非因如大涅槃。今三毒之性亦非因非果而說爲因果。說爲因者即言三毒是道具足一切佛法。說爲果者一切衆生常寂滅相不可復滅。若能聞此貪欲之中辨因果二道無毀無著。不生惡畏。當知是久行菩薩。如此菩薩但好實相深法。不復樂於文華才藻綺飾之言。釋於貞幹之法。以此往推知是久行菩薩也。若樂言辯發言藻麗文字章節。乃當一往悅於聽者終成添水之乳。譬於實相非久行所行。以此簡之知是新發意菩薩。如即時人數論分別問答言有眉眼。亦聞大乘無倚之說。謂爲晃蕩不生信樂。此中應引須達請佛爲老母說法。老母十方背佛佛十方現形要不信受。後阿難化爲輪王。方便引接心地歡喜。信伏心生還歸於佛聞法修道。何故如是。此是往日沙彌和尙多說實相其深之語。聞不能解不生信。蓋聞梨多說因緣諸法事相。教化事會其心。心生

愛敬。由是緣故。今聞我語了不入心。機在阿難迴心入道。阿難雖復令其生信。終歸於我。乃能得道。故知文飾之法。乃是悅耳之緣。非究竟之旨。方便引入爲進悟之漸。故所不論耳。實相深法。能作得道之要。毒鼓之譬。此之謂也。約此明新發心久行二種之人。但看飾辭直語。則知得失。第二從復有二法所未聞經去。是明廣舉非。就此爲二。前明二法釋前新學毀謗不近。後明二法釋前久學不應輕慢取相。前毀謗不近者。此中如喜根菩薩但說實相之法。明一切法中有安樂性。勝意樂三藏法威儀無缺持戒頭陀。忽聞喜根所說與其學習相違。心大驚怪。毀謗不肯信受。即時作法擯此喜根。擯法亦成。卽入地獄。此是新發心人。稟方便教毀謗。若不深信深經。如此之人。須深淺知。二者或時不謗此法。然於持法之人。無敬近心。或復有時說其過惡。此亦是失相。皆非久行調伏心者。第二舉輕慢取相。大品明。菩薩若於同住新發心人生輕蔑。謂此人無所知曉。起此一念慢心。却損無數劫功德。更還受罪。如其罪報。竟方能發心。乃復今日德行。以此而言輕慢之心。大爲過罪。非唯障得無生。乃更受罪殃。故簡爲非。次復有菩薩雖解深法。而取相分別階梯漸次。取相分別生決定想。復是動念之法。非究竟道。何以故。諸法實相清淨湛然。尚無一相。何況有二無言無示。言之者失理。示之者乖宗。以此分別思量之心。何能契會寂滅之法。如三時四時五時半滿四宗六宗等

義。皆名法師。探探經意而制立名目。判釋義門。欲言當理。皆非一極無言之術。今家正意。則不如是。圓融法界冥契真極。不欲令心與衆生乖謬。雖復立此四教。直欲通釋諸經之文。欲窮源底。終不定執四教之義。或時三教二教一教。無教八教。出沒不恒。多少無定。轉變自在。隨人消釋。不令此心介爾有著。自執己見。非他所解。若作如此。但是評論非入道方法。南岳師說。狗見影便聞。聞之不肯罷。遂至渴而死云云。今約此簡非。約營造之意。但行人心路不同。雖復種種不出二修。一聖說法二聖默然。須識己心便宜方便。若有沈寒於默然之道。不得開心應須聽法。或近善知識。能開人心。或從經卷尋求義理。曉發此心。或時聽法。紛動不能靜攝。尋經討義。於事紛結。覺於心補無深利益。卽應冥目束體。自靜其心。入默然道。語默兩行。調伏其心。研覈和適。善能取與。簡擇真偽。如是時中。任修寂靜。如是時中。任修智慧。譬如天地。或晴或雨。調節陰陽。是則萬物得生。若純雨不晴。則種子爛壞。若純晴不雨。芽嘴乾枯。並不能發生萬物。要須調適。然後乃善。行者如是一向默然。則沈昏闇塞。若純用分別。諸見競興。此則權實不合。導師不生。善巧運爲。豁然入道。夜見電光。卽入聖法。是爲學道之者。善識是非。簡別邪正也。故大論言。時雨數數降。五穀數數生。法雨數數雨。善法數數生。若不將聖說。聖默數數調。御實相。穀不生也。若偏著知見。終無入理。故云。雖讀百千經。邪見長諸非。吾我

毒甚盛。雖謂懷常子。石女終不生。若於聖說法中。能聞卽悟。通達諸法。自在明了。卽是信行。聞不得悟。四念思惟。深徹深照。得其邊底。是名法行。聖默然中。亦有信行法行。如是禪觀之時。隨觀一境。則遍通諸境。心地開明。無纖芥之疑礙。如空中風。是名法行。若策觀之時。不能得悟。加功憊到。婁婁不曉。若從善知識。聞若經卷中見。譬如空中無雲。表裏洞徹。此是信行人。又從受化爲語。如聞而行。是聖默然。如行而聞。是聖說法。第一彌勒白佛者。正明奉命受旨。就此爲三。一彌勒受旨。二諸菩薩受旨。三四王受旨。就初爲二。初受旨。次述成。初中又二。初受。誠旨。二受勸旨。從奉持如來無數劫。去是受勸旨。就此中爲二。對上二種。一奉通經旨。二奉神力護持旨。此中自云。與其念力而建立之。若依安樂行有所說法。冥空益其念力。亦如人說法。時思量。祇至一條二條。此至說時。卽見三五節意。或可是心入義門。而能明識。或是冥空助念。加被其人。第二佛述成。第二諸菩薩受旨發誓。第三四王受旨發誓。第二命阿難宣經者。阿難述居小道。復得羅漢之身。入無餘之時。則生分永盡。何得奉宣大經。此意止令傳持。無謬結集法藏。故命宣經。若就本爲語。能持十方一切佛法。豈容灰滅。不能宣布此經。就此爲三。一佛命。二問經名。三佛答二種名。要旨者。卽是實相。實相總攝諸法。得要卽得諸法也。三大衆聞經。皆大歡喜。

●深淺知●知深淺●●相一想●●約二經●●冥二默●●導師二道利●●四二心●●一二二●●誠一誠●

貞和三年三月二十九日染江南之毫毫寫  
山上之鵝教雖不道講衆慇懃之芳命猶恐  
繼門主奇妙之高跡而已  
皆元和二年丙辰九月上旬摺之

本云此略疏十卷依無古點山門竹林房盛憲僧正自江  
戶新本被送越之間貴命因難辭自去春二月初至于當  
月十四日點朱終功畢問疾品已前本經無之故語令推  
最本經文句分文若相違之處後賢本經見合可校之即  
課當山例講衆之初學點朱寫留但忽卒至于武州江戶  
證之故不能校合體氣多疾凌之令點之故讓銷有之乎  
又第八卷之內前後錯亂之處實之押紙付文二丁在之  
後見可細尋之

寬永十八年辛巳六月二十一日於蓮乘院奥隱居閑  
享快份記之

# 維摩經略疏垂裕記序

吾祖智者著疏申經其文彌廣。而荆溪撰記解疏其文彌略者何疏三十四卷記三卷蓋於疏文有意乎刪削故。不暇詳悉也。自時厥後略疏成而盛行于代。後世童蒙執記尋疏。而文義迴互難以措懷。又其間所談理事記有不釋者。往往聞其率情謬說多矣。至若依正相在之義心外無境之談布在斯文。明猶指掌。而翻謂無情無成佛義。其謬一也。通相三觀既昧階位莫定其人。其謬二也。三種羯磨不本律部。妄爲之說。其謬三也。周時佛與星隕如雨。大師正指佛生二莊之世。而競以昭王二十四年解之。其謬四也。其間方伯連師之名講武治兵之說罔測所自。故多穿鑿。其謬五也。略數之凡五不謬。且古人有言曰。子既生不免水火母之罪也。成童不就師。傳父之罪也。就師學問無方心志不通師之罪也。以吾志圖訓誘安得不辭而闢之引而伸之。晦者使之明窒者使之通。俾吾智者荆溪之道昭昭然若仰天庭而親白日。且不爲昏情所隱也。屬譚訓多故。莫譜執筆。大中祥符八年青龍在乙卯。秋九月自錢唐汎舟西邁訪故人奉蟾於吳興武康之龍山蘭若。得上方而居焉。其堂閑塞產林泉岑寂。左顧疊嶂接法瑤之小山高僧法瑤宋元嘉中僧也此山在武康縣小山寺舊名龍山寺下瞰平波浸防風之故邑防風何守。曰在芒氏之君守封禺山者既饒勝概

且遠囂俗。香火有暇宜事筆削。乃尋繹略疏別爲解釋。其荆溪舊記或與略疏符合者則隨段引用。又有道過法師者。乃荆溪之門人亦詳撰記雖解義無取而援據。或當今探善而從之例皆標指名目。貴分今古彼類康成之注博盡與服虔。此非郭象之竊名不言向秀。於十月十二日染翰十二月十三日絕筆。凡爲十卷。號垂裕記。蓋垂優裕之道以示子孫俾無嚮者之五謬耳。若呈諸達人則吾豈敢。或曰明敏之徒尋荆溪記自得微旨。豈待子之詳載然後離謬乎。則子之功無所施也。對曰。夫警昏睡也。輕者則怡聲重者則大呼。及其覺之一也。噫荆溪既怡聲於前。今吾也大呼於後。及其擊蒙發覆自見其異不異也。

## 維摩經略疏垂裕記卷第一

錢唐沙門釋智圓述

釋維摩疏分二。初序二。初梁肅爲序。二荆溪自序。初文二。初序題

維摩經略疏序 維摩者具云維摩羅詰。此云淨名淨即真身。名即應身。真即所證之理。應即所現之身。經者訓法訓常。法則群機所軌。常則百王不易。此詮淨名闡化。故曰維摩經也。略疏者對廣得名也。蓋窮其繁無攝其機要故稱略疏。序者叙也。敘述荆溪刪略之由及聖師立教之旨。故云序也。然此六字之

題能所四重。初維摩是所詮。經是能詮。此指淨名。二上皆所解。疏是能解。此語智者。三疏是所略。略即能略。此屬荆溪。四上皆所序。序即能序。此在梁肅既攬所詮爲經別名。故亦攬所解爲疏別目。復以所略從能略受稱。委分雖爾統而括之則上之五字即序之別名。簡異他序。序之一字即通名也。次述者號門人翰林學士守右補闕梁肅述。門人者弟子之稱。既受道於荆溪。故爲荆溪撰序而自稱曰門人也。翰林者漢制尚書郎主作文章。起早更直於建禮門內臺。給青綠白綾被或錦被惟帳氈褥。通中秋太官供食。蓋與今翰林之制略同而所掌非輕也。翰林體要云。唐朝修梁陳故事。有中書舍人六員專掌制詰。雖曰禁省猶非密切。故溫大雅魏徵李百藥岑文本褚遂良許敬宗上官儀時召草制未有名號。乾封已後始曰北門學士。劉蕡之劉禪之周思茂元萬頃范履冰爲之。則天朝蘇味道韋承慶後改爲翰林待詔。張說陸堅張九齡徐安貞相繼爲之。又改爲翰林供奉。開元二十六年劉詵光張垆爲學士。始別建學士院。凡學士無定員皆以他官充。下從校書郎上至諸曹尚書皆得爲之。既入與班行絕迹。不拘李司不繫常參。守官三年爲滿歲。補闕者掌供奉諷諫。詩云衮職有闕維仲山甫補之。皇朝易名司諫也。言守右補闕者階高官卑曰行。階卑官高曰守。階官齊品則不言行守。今是略衛故無階。梁肅字敬之過舊園賦序云。余年八歲當上元辛丑。盜入洛陽三

河間大塗炭。因置身東下旅於吳越。轉徙鯢  
鮪之中者垂二十年。上嗣位歲應詔詣京師。  
明年夏除東宮校書郎。運歷云。唐德宗貞元  
六年庚午歲。梁肅爲補闕。崔梁君集序云。  
公早從釋氏。義理生知結意爲文志在於此。  
言談語笑常所切劇心在一乘。故叙釋氏最  
爲精博。蓋釋氏之鼓吹諸佛之影響。朝廷尙  
德故以公爲太子侍讀。國尙實錄故以公爲  
史館。修撰發詔令數王儲。故以公爲翰林學  
士。三職齊著則公之處朝廷不爲不達矣。年  
過四十士林歸崇此。夫顏子黃叔徒不爲不  
壽矣。李翱感知已賦序云。貞元九年翱始就  
州府之貢與人事。其九月執文章一通謁于  
右補闕安定梁君。當是時梁君之譽塞滿天  
下。囑辭求進之士奉文章造梁君之門。蓋無  
虛日。梁君知人之過也。亦既相見遂於翱有  
相知之道焉。謂翱得古文之道風期翱名之  
不朽於無窮。許翱以拂拭吹嘘。初謂其面進  
也亦未幸甚。十一月梁君遘疾而歿。漸游于  
朋友公卿間往往皆曰。吾既藉子姓名於補  
闕梁君也。以是知。梁君是貞元九年十一月  
卒也。皇朝高僧傳曰。荆溪門下朝達雖多得  
其道者唯梁肅學士。詩云。維鵠有巢維鳩居  
之。梁君深入佛之理窟之謂歟。嘗刪定止觀  
以爲六卷。撰統例一冊以繫其後。猶正輔嗣  
注易之有略例也。當撰此序時梁君居越。三  
序文二。初略。序綱宗二。初明智者傳業二。初  
明三事相因

者相依而住。白虎通曰。聖人者何。聖者通  
也道也聲也。道無所不通明無所不照。聞聲  
知情故曰聖人。今言聖者證也。斷惑證理故  
曰聖也。道即理也。由證理而成聖故所以如  
來成道於寂場也。道非教不明者理雖無言  
因言悟理。所以淨名垂教於耶耶也。教非人  
不行者教垂來世非夫四依無以流行。所以  
智者造疏於天台也。是三三者者謂理教人也。  
謂悟理則成聖。由教而悟理。傳教必在人。三  
事相因故曰相依而住。二別示人能傳道二。  
初淨名垂教  
道有大小權實。故淨名以在家成化。至道  
唯一。隨機有差。故理有真中之別。藏通之機  
見但空權理。別圓之機見中道實理。小即藏  
理。大收三教。既根緣不一悟道不純。所以淨  
名現居士身。戴三教大。折三藏小。褒實彈  
偏權。意令恥小慕大從權入實耳。二智者傳  
業二。初造疏中經  
人有聖賢淺深。故智者以初依啓法。人即  
四依。初依在賢位故淺。三依在聖位故深。四  
依俱能行教。今智者以初依在賢位。造疏通  
經開啓教法也。五品六根爲初依。十住二依。  
十行十迴向名三依。十地四依。皆言依者以  
內有道法可爲人天依止也。二末代獲益  
然後因言遣言。即象忘象。俾後學得正真之  
路遊道義之門。然佛會受道作在淨名。滅  
後受益功由智者。以此疏文中明經旨令人  
開解故也。文字解脫故曰因言遣言。觀身實  
相故曰即象忘象。言象語出周易。今以身說

分之不以文害意也。周易略例曰。言者所以  
明象得象而忘言。象者所以存意得意而忘  
象。俾後等者俾使也。使末代後學尋疏義達  
經旨。得解說正真之路遊方等道義之門。易  
曰。成性存存道義之門。二顯荆溪祖述  
祖而述之存乎其人。祖法也。文選曰。祖搆  
之士。注云。祖法也。其人指荆溪也。易曰。神  
而明之存乎其人。二廣叙由致二。初正叙由  
致二。初正叙荆溪祖述二。初明宗承得旨二。  
初略歎

天台大比丘湛然公纂智者之法胤。探昆耶  
之妙蹟。一貫文字之學。會歸解脫之淵。大  
比丘者大即褒美之辭。世有自稱大沙門者。  
豈唯自矜失禮。抑亦不學無知之過乎。纂集  
也。胤嗣也。採取也。隨深也。昆耶此云廣嚴。  
此經在廣嚴城說也。淵海也。文選曰。深乎重  
淵。注云。重淵海也。此由荆溪承天台義門尋  
斯經旨趣故。能達文字之淺事即解脫之深  
理。二廣叙

以爲昔智者大師演是經也。僞偏圓頓漸之  
義。盡方等生酥之體。其旨遠其道微微言在  
茲。茲用不惑故常外闢其訓內澄其照。凡百  
學者望涯如歸。演是經也者即受階煬皇帝  
所請撰疏也。備偏圓等者以經中彈偏訶漸  
四教並說故。生酥者涅槃經佛舉五味喻一  
代教法也。從牛出乳喻佛初說華嚴。從乳出  
酪喻鹿苑。從酪出生酥喻方等。從生酥出熟  
酥喻般若。從熟酥出醍醐喻法華涅槃。其旨  
下歎疏文旨趣幽遠理道精微也。微言者謂



疏是精微之言。現存於世故云在茲。茲此也。茲用不惑者用此微言內修觀法外訓來蒙。自行化他決無疑惑也。外闡其訓即講說化他。內澄其照即自修觀行心水澄清珠相則現。故云澄照。又照即明也。澄即靜也。凡百下明學者潔己而來歸於荆溪如歸己家。水際曰涯。二示刪略因依。

晉謂門弟子曰。祖師所述其道甚著而嗜簡者。或病其繁。既精者則遺其龜。吾欲因而就之以伸其教刪而裁之以存其要。何如。弟子比丘衆作禮以請。公於是削其辭辭合爲十軸不失舊則。其義惟明。與前部偕行號爲淨名略疏。其道甚著者疏解經題凡六卷。題曰玄。疏解經文凡二十八卷。題曰文。疏總三十四卷。故曰甚著。別本作甚大亦通。其大語出周易。甚著語出文選。而嗜下出廣疏之過也。嗜貪也。簡略也。吾欲下明欲刪略。因而就之者。因舊疏而成文。以伸經教亦非別撰也。刪而裁之者。刪削裁翦繁亂之辭。以存其簡要之說也。故荆溪自序云。帶義必存言繁則翦。何如者舉其事以問其可不也。弟子下既慨衆情。故同致請。削其淨辭者。削有二義。一削去二削取。今謂於廣疏中削取淨辭別爲一部也。其文雖略義門不改。故云不失舊則。繁辭既刪精義益顯。故云其義惟明。與前下此明荆溪但削取淨辭不廢舊疏。新本對舊廣略之名。生矣意令好廣者則尋舊。好略者則從新。故與前部偕行各從所好。偕等也。二統明立教大旨。一初明隨機立教。

原夫聖人有以見生生根器之不齊也。故用四教五味經而緯之。有以見萬法弛張之不一殊也。故用一道一乘會而成之。文中先明聖人觀機不等。聖人謂佛也。生生謂群生也。猶云人人也。然一切衆生無不本具一道平等無殊。但由熏習淺深故有權實利鈍之別。故曰不齊也。故用下明佛隨機故有一代教法也。初則四味調熟。終則法華會歸。四教至緯之明四味教也。五味豎論如經。四教橫辨如緯。所以華嚴二教。鹿苑但一方等俱四般若唯三。根器不齊。其實四味具舉云云。有以。下明法華教。弛張者弛之是反。禮記曰一張一弛文武之道。注曰以弓弩喻人也。弓弩久張則絕其力。久弛則失其體。今云弛張猶廢興。諸法生滅其性一如。故云不殊。但法華已前機器不齊未堪此說。機緣既熟偏小同歸。故云會而成之。二明立教之意。一初明古今兩殊。

然則聖人隨感以利見。故其教不得不差。賢哲因感以立誠。故其業不得不傳。佛以至德處果位。衆生宜觀故曰利見。易曰飛龍在天利見大人。不得不差者既隨物機故有五時四教之別。賢哲謂智者也。因感以立誠者因其機感淨名之教。故修撰疏辭以伸其旨也。易曰。修辭立其誠所以居業也。不得不傳者以利及末代。故其疏義不得不傳授也。哲智也。二明赴機一授。

觀其所感。則毘耶之與天台杜口之與立言。雖階位不同廣略異宜。至於赴機施教其揆

一也。淨名杜口於毘耶。智者立言於天台。立言撰疏也。左傳穆叔曰。太上有立德。其次有立功。其次有立言。此之謂不朽。階位不同者淨名等聖聖人也。智者五品賢人也。廣略異宜者該乎二意。一以杜口爲略。立言爲廣。二以荆溪爲略。智者爲廣。皆赴機宜故有斯異。論其益物其實不殊。故結云至於赴機等也。揆度也。二自謙述意。二初正謙述。

肅并受經於公門遊道於義學。雖鑽仰莫至。而嗟歎不足。故序其述作之所以然著乎辭。受經公門者謂受經義於荆溪之門也。鑽仰莫至者論語顏淵歎夫子曰。仰之彌高鑽之彌堅。故云莫至也。嗟歎不足者毛詩序云。嗟歎之不足故詠歌之。今梁君既受經得其旨趣。復觀荆溪刪略之文嗟歎之不足。故撰序以叙其事著乎文辭也。二記歲時。

疏成之歲歲在甲辰。吾師自晉陵歸于佛隴之夏也。甲辰即唐代宗廣德二年也。晉陵縣名也。在常州。佛隴在天台。神龜山記曰。從修禪寺南行二百步有盤石。平正猶如削成。古老相傳。佛嘗於此放光故名佛隴。其夏荆溪居修禪寺也。

二荆溪自序。二初題目此既自序。不應安著述人號。如孔安國傳尚書。杜元愷集解春秋。何晏集解論語。並自作叙引而皆不書其名。以荆溪之博識蓋取則於前修。所以古本皆無作者之號。今本或有者後人妄加也。二本文二。初造疏緣起。隋煬帝者隋凡三主。謂高祖文帝煬帝。恭帝後禪于唐。高祖皇帝忠周

柱國大將軍。封隋國公。文帝既受周禪。於是國號大隋。追尊皇考爲武元皇帝。煬者證號。證法曰。逆天虐民曰煬。帝者白虎通曰。德合天地者稱帝。問隋煬帝陳後主皆師稟天台。何皆無道失國耶。豈大師之累乎。答始善終凶以至失國。苟稟師訓行之靡替。豈至是哉。故書曰。惟狂克念作聖。惟聖罔念作狂。故中人之性不可不慎。上智則不然也。故曰。有始有卒其唯聖人乎。故行之在彼。豈責其師。昔李斯學儒於荀子。元嵩學佛於亡名。李斯相秦而坑儒焚書。元嵩輔周而滅釋毀佛。豈歸罪於師耶。抑又聖如堯舜周公而。子有丹朱商均之不善。弟有管叔蔡叔之不仁。豈堯舜周公教之不至耶。文中子曰。詩書盛而秦滅非仲尼之罪也。虛玄長而晉亂非老聃之罪也。齊戒修而梁國危非釋迦之罪也。以是明之。隋煬之無道。後主之荒恣非智者之罪也。又菩薩住首楞嚴。或現無道。或現有道。現無道則爲百王之股鑒。俾遠其惡。現有道則爲百王之師範。俾遷其善。夫如是則隨機理應。豈言論之可及。煬帝諱廣。在位十一年。壽五十九歲。年號大業。勅文等者。勅者文心雕龍曰。漢初定儀則有四品。一曰策書。二曰制書。三曰詔書。四曰戒勅。勅戒州郡。詔誥百官。制施敕令。策封侯王策簡也。制裁也。詔誥也。勅正也。要言曰。勅者正也。謂王言發下正於群臣無敢違者。大抵詔制攸同。唐貞觀中始用黃紙寫勅制焉。至高宗上元二年詔曰。詔勅施行既爲永式。比用白紙多有蟲蠹。今後尙書

省頒下天下並宜用黃紙。國清寺名也。百錄者章安錄大師在日立制軌儀。帝王詔勅卿相書啓等。凡一百條集成五卷。因寺標名。故稱國清百錄。抄造疏時煬帝猶是晉王。大師滅後方登大寶。今從後說故云煬帝及勅文也。漢制天子曰勅。皇后皇太子曰令。諸王曰教。侍者下給侍之人稱。侍者會大師入滅故但至佛道品。即開皇十七年也。別傳曰。煬帝對所遺淨名疏而願言。昔親奉師顏未得諮決。今承遺旨何由可悟。願冥慈訓尋文生解。夜乃感夢。群僧集闍。王自說義釋難如流。見先師飛空而來。傾瀉七寶。璨然闍內還却飛去。因茲有悟。又別傳云。大師一生講說不著章疏。唯奉勅撰淨名疏至佛道品二十八卷。後分即不二門香積菩薩行阿閼佛國法供養囑累六品也。章安地名。諱灌頂。後學尊崇故指其所生之處以召之。然大師辨才雲行。雨施能受能記。唯章安一人。故諸部言教悉章安結集潤色也。二初文下刪略因依二。初後學嫌繁。緇素即僧俗也。西土僧服染衣。俗服白衣。故曰緇素。此方以六入爲玄。七入爲緇。緇實黑色。釋子所服壞色。非五方正色及間色。但壞色近緇色故謂緇衣。實非緇色。深見下茲疏所談三觀四教旨遠辭高。故非淺識之所好也。但云下雖皆傾慕咸病繁廣。二故輒下荆溪刪略三。初示筆削凡例。輒專也。疏是侍人錄成故云其錄而去取之者示其凡例也。帶義下初句是取。次句是去。使舊下示略疏之得也。既帶義存之則舊疏文體宛然無改也。先師

即智者。二然自下顯大師冥加。然即荆溪名諱也。古之高僧立言自叙多稱一字。如僧祐弘明序云祐以末學。涅槃緣起章安自叙云頂滯疾預章。省視也。謂反視自己誠闇才短。雖欲刪略恐失大師元規。元本也。規謂規矩。孟子曰。大匠訓人必以規矩。嘗會也。墳堂即大師塔所。梵云塔婆。此云方墳。檀弓曰古也墓而不墳今丘也。東西南北之人也不可以不識也。於是封之。崇四尺。今云墳堂者蓋於墳所建堂立像。即今天台塔院也。別傳大師遺囑云。沒後安措所指之地。疊石周屍植松繞覆。建塔標前使見者發心。求微者求索也。微驗也。然微通善惡。示留礙是惡微。則知刪略不契師心。無留礙是善微。則知刪略冥符先旨。尙書有休微咎微。孔傳曰。叙美惡行之驗。留礙謂病患等緣。二句者十日曰句。佛道斯終者於今略疏已及九卷。既無留礙知免幽詞速終佛道。豈非冥護。寧豈也。幽冥俱指大師所棲寂光之境也。問荆溪妙解精鑒。芝繁蕪華克荷大法允屬我躬。何須求微然後爲準。答有二意。一者表非輕易用勸後昆。二者顯契師心以杜他謗。良以筆削在己當時淺識往往非之。古猶今也。文中子曰王子續六經。或者非之。薛收姚義以告子。子喟然歎曰。使智者非耶。吾將飾。誠以請罪。愚者非耶。吾獨其奈何。三儻裨下明謙已述意。初二句述意。儻此略疏可裨補大師宗旨。則使後學明易了無繁暗之弊也。文選曰。光光戎路耀耀王塗。光謂光明也。彼注云光光武貌蓋誤也。但

見爾雅云洗洗起武也致此謬釋。後見者尙書仲虺之誥曰。垂裕後昆。孔安國傳曰。垂優裕之道示後世。冀諸下謙己也。冀望也。恕者聲類曰。以心度物曰恕。二疏文二。初題目二。初正標題目。疏者疏也決也。疎通經文決擇佛旨故曰疏也。文心雕龍曰。疏者布也。布置物端撮提近意故曰疏也。區別能所釋序題已明。問何故不題云略疏耶。答題下既云沙門某甲略。故題中無略字。厥或題爲略疏。則題下但得書名而已。則更不合有刪略等字。如杜預注春秋傳。上既題云春秋經傳集解。故下但書杜氏二字。何晏注論語既但題云論語第一。故下書云何晏集解。今荆溪立題意與何晏同。二說略嘉號。初說人次略人。天台即大師所居之山。陶隱居真語曰。山高一萬八千丈。周迴八百里。山有八重。四面如一。當斗牛之分上應台星。故曰天台也。智者二字即大師嘉號也。神選天台記曰。煬帝居義邸爲晉王。開皇九年平陳已後請大師授菩薩戒。王既稟戒。乃依地持經號師爲智者也。大師者溫故知新曰師。法言曰。師者人之模範也。孫卿子曰。師術有四。尊嚴而憚可以爲師。蒼芥而信可以爲師。誦說不陵可以爲師。知微而論可以爲師。大者蓋褒美之稱耳。說者文心雕龍曰。說者悅也。兌爲口舌。故言資悅悅。次略者號。沙門此云勤息。謂勤行衆善止息諸惡故也。息界內惡者藏通沙門。次第息界內外惡者別教沙門。一心中通息內外諸惡者圓融沙門。荆溪即其人也。諱湛

然。姓戚氏。世居晉陵之荆溪。則常州人也。人尊其教因以荆溪爲號。二十餘受經於左溪。以處士從道學者悅隨。天寶初年方登僧籍。時年三十七也。遂稟律於會稽曇一律師。始居吳郡晉陵。中詣五臺。後居天台。皆敷行止觀。天寶末大曆初習書連微並辭疾不就。以唐建中三年二月五日云滅於佛窟道場。春秋七十二。法臘三十四。平日輯纂教法明決前疑開發後滯。一家所傳咸祖述之。凡百餘卷盛行于世。故皇朝高僧傳云。詳其始天寶終建中。以自證之心說未聞之法。經不云乎。於少時間大作佛事。然師有焉。略者翦其繁辭存其要義也。二本文二。初開章。二隨釋五。初經度不盡二。初正明不盡二。初簡示秦譯五譯者。一後漢清信士嚴佛調譯一卷名古維摩經。二吳朝支謙譯兩卷名維摩詰說不思議法門經。三西晉竺法護翻一卷名維摩詰所說法門經。四西晉竺叔蘭翻三卷名毘摩羅詰經。五姚秦鳩摩羅什翻三卷即今所解本也。至唐朝玄奘三藏又翻六卷名佛說無垢稱經。於今世則有六譯。智者在隋但見五譯。言譯者王制曰。五方之民言語不通嗜欲不同。達其志通其欲。東方曰寄。南方曰象。西方曰狄鞮。北方曰譯。鄭玄注曰。皆俗間之名依其事類耳。鞮之言知也。今冀部有言狄鞮者。今通西言。而云譯者蓋漢世多事北方。而譯官兼善西語。故摩騰始至而譯四十二章經焉。復加之以翻者大宋僧傳曰。如翻錦綺背面俱華但其華有左右耳。今釋什本者即前五

譯中一也。梵云鳩摩羅什婆此翻童壽。本印度人。以姚秦弘始三年方入長安。勅八百沙門諸受什旨。秦主卑萬乘之心尊三寶之教。於草堂寺共三千僧手執舊經。而參定之皆洞深旨。什以弘始四年至十一年凡譯經九十八部。合四百二十一卷。僧數僧肇道常等筆受。此經即弘始八年譯也。故僧肇注維摩經序云。大秦天王每尋翫茲典以爲棲神之宅。而恨支竺所出理滯於文。常恐玄宗墜譯人。以弘始八年命大將軍常山公右將軍安成侯。與義學沙門千二百人於長安大寺。請羅什法師重譯正本。二尋經下簡示廣略二。初明梵本猶廣二。初總標微起。二如命下引文正示。大師凡尋五處文義知西土梵本猶多。一弟子品。二菩薩品。三問疾品。四不二門品。五菩薩行阿闍佛二品。此之五文辭皆未盡。文中次第示之。如是五百者即弟子品命十人訖經家叙云。如是五百大弟子各各說其本緣。乃至八千者即菩薩品命四人訖經家叙。如是諸菩薩各各向佛說其本緣。問菩薩品末但云諸菩薩。何得云八千耶。答問疾品初經云。即時八千菩薩五百聲聞皆欲隨從。則知菩薩品中命八千人也。不堪下五百八千既俱辭不堪。諒梵本各有其言。又文下問疾品也。懃懃無量者即文殊述佛旨也。經云世尊懃懃致問無量。兼八下即不二門品也。八千菩薩隨從入室說其所證。亦合盡陳經文但三十二人而已。此諸言談者謂若備書文殊無量之問。盡述八千不二法門者何抵半卷

也。爰至下即菩薩行阿闍佛二品也。爰曰也。語辭耳。諸菴羅園者即淨名掌聲大眾還菴羅園。對佛復宗明佛國義也。尙書曰。對揚天子之休命。孔安國傳曰。對答也。答受美命而稱揚之。高論往復者往問也。復答也。豈容止有數紙者意謂二品其文更廣。二示此土宜略振旦者或具丹旃丹指難。皆梵音奢切也。若華嚴嚴翻爲漢地。又婆沙中有二音。一云指那。此云文物國。即讚美此方是衣冠文物之地也。二云指難。此云邊鄙。即貶挫此方非中國也。西域記翻摩訶支那爲大漢國。或謂日出東隅其色如丹。故云震旦。真丹者此皆訛說。刪彼下謂西來三藏皆刪取梵文要義翻傳此土。故雖五譯不同但至二三卷而已。采其綱格者弟子命十。菩薩命四則綱格已。整共五百八千綱目之說。刪而弗傳。致問疾但云無量高論唯存數紙。斯皆采其綱格也。招提法師云。此經來不盡。西國有五百卷。凡十萬偈。二問此下對論釋妨二。初引論正問二。初引論立問二。答下據義釋妨二。初斥古顯今。二故論下引論示義。文中先引論。故華下今師示義也。論云不共二乘即同不入二乘手也。手以受物表信力故受法。二乘不聞從何起信。故云不入手耳。即是共說等者荆溪云。此明共部。非闕共教。故此二共俱共二乘。般若方等俱有二乘名共部也。通名共教以三人同學故。二約名重徵二。初問意者華嚴題下無不思議號。今經題下顯有其名。何故反謂釋論所指不思議經非今經耶。二答

二。初例同反質。更無別稱者何妨華嚴更有異名名不思議也。二然細下引論顯非。乃是華嚴至之事者普譯華嚴第四十明。休舍優婆塞爲善財說度衆生數。即同釋論所引不思議經說論舍那等也。故知。論云不思議經定是華嚴。若引下論中凡引今經顯云毘摩羅詰所說經也。此由世人見此經一名不思議解脫。便謂是釋論所引不思議經。所執既非故此委破。二略分文二。初開章。二隨釋二。初明諸師解釋。什生謂羅什道生也。而肇下即僧肇注經釋一名不思議解脫也。開善寺名即智藏法師也。三證成者謂。掌聲大眾還詣菴園對佛證成也。若莊下莊嚴寺僧曼。光宅寺法雲。并開善寺智藏俱梁時人也。時稱三大法師。三論者謂中論百論十二門論。古者盛傳三論。北地論師者即河北攝大乘師。多延紛譯者延進紛亂也。二今家科判二。初述意開章二。初述意二。初對古斥非二。今尋下依今顯是。傍經開科等者荆溪云。意欲俱異二師故也。傍經故異諸禪師。不執故異諸法師。夫說至備矣者五時不同逗機差別。故曰殊源。源即水之濫觴。用譬契機之始。雖五時不等無失機之辜。故得善始令終。具有三意。序既元序於正流通通於正宗三不可虧故云備矣。二今約下開章二。一正下依章示義三。初正開經二。初通示諸經三段。古來直釋經文會無章節。分經三段始乎道安。後世遵行因以成則。如欲下凡引三經云由藉相。皆假藉現瑞而得說法也。難色之光者光表

般若照了。難表衆行差別。以智導行咸會一如如光唯照。以行隨智衆行既別智亦如之如光雜色。荆溪云般若照也。故光表之。所以彼經數數放光如法華中。放光表中故法華經三段俱中。如涅槃經常放光表常三亦並常。故知。今經現國表國三俱佛國。深會斯旨衆教炳然。若爾法華何故不以中爲宗耶。答取理同邊無非一乘。故曰序也者然別序有二。現瑞敘述。若論由藉唯在現瑞。敘述祇是述前現瑞及近遠二由而已。又有經或無敘述。故今通示序義唯在現瑞。堪聞聖旨者荆溪云。故知。由現瑞故動物機緣。發起之名良有以也。亦如斥小訶大事在往時雖非瑞相亦表今經。吉兆預彰助成今事。義既輔正。理合先陳。無壅無滯者荆溪云滯隔內法。壅遮外事。流至像末莫不霑濡。故無壅隔悉如來力。言正像者諸佛滅後法有三時。今茲釋迦正法像法各一千載。末法萬年。理教行果四皆備足。如佛在世故名正法。雖有上三全無果證。故名像法。像者似也。似於正故修行既寡理教僅存。法已微末故名末法。斯澤者澤潤也。二今開下別約今文分節二。初正分三段。二問下約名釋妨。問意者以向云十一品皆明佛國因果爲正說故。答意者由佛印定方乃成經。雖題稱維摩而義歸佛國。以爲正說妙得經旨。答中有法贊合。布政者皇侃曰。政謂法制。鄭玄注周禮云。政所正不正也。而臣受賞者尙書曰。德懋懋官。功懋懋賞。注云。懋勉也。勉於德者則勉之以官。勉於功者則

勉之以質。淨名至方乃爲正者。荆溪云。法可印成正經。人豈印成化主。一約觀心者不自觀心。如貧數寶。諸佛解脫心行中求。故附法相以成妙觀。文中且約次第三觀以明三分。說離次第意。歸一心。心心寂滅者。荆溪云。從名附近義當流通。觀門亦爾。故作斯解。三異衆家六。初異什師及禪師。知文起盡者。荆溪云。章初章後。意也。如文所分。二序。三正中。室外室內出室。出室復分空假中等。二異肇師。義不然者。法供品。天帝稱歎弘經。佛明法供養第一。乃是流通。非關正說。三異靈味。二初問。二答。三初總斥。二何者。下正破。道王者。王去聲。得大小益者。現淨土時。五百得忍。八萬發心得大益也。土復穢時。天人得法眼淨。比丘漏盡。意解得小益也。當機辨道爲益。如斯云何。折挫言非正說。故云豈折爲序也。又淨至佛教者。若無佛印不得名經。故知淨名傍助佛化。三豈可下結責。四異開善。彼用序正流通三分之名。而更加證成以爲四分。故匪通方。若爾章安分涅槃經爲五段。亦應非也。然分節經文貴顯義理。此經三分其義已明。何須至四。涅槃經旨非五不彰。況復別立名相。非同開善添足三分之名以爲四也。如云一召請涅槃衆。乃至第五折攝涅槃用等。五異莊嚴諸師。二初問。二答。二初判序分非。二又用下判流通非。還對淨名至因果者。即阿闍品復宗說佛國因果也。提經始終者。佛國是始。阿闍是終。而俱談依報。宗旨如此。豈是流通。過乎室內者。阿闍品現妙喜國時十四

那由他人發菩提心。室內不思議品迦葉哀歎時止有三萬二千天子發心。問疾品末但有八千故也。六異北地大乘師。其妨同前。下剩佛國品三字。三辨佛國義。二初叙意開章。二初叙意。三釋等者。應云釋佛國義。品字恐誤。請問佛國因果者。荆溪云。願聞得佛國清淨因果也。唯願爲說淨土之行問因也。此經下既須明識。故用八重釋之。二今略下開章。二。一總下總明佛國。荆溪云。總明者未分四故文中。二初對他經述意。普集經正爲今經作序。不散彼會而說此經。其猶無量義經爲法華序也。彼則開爲合序。此則正爲依序。雖時部意殊而序正義等。然普集等經雖無佛國之文。其實已具。其義以依正相隨故也。今經顯談但是重示前義。非謂前經祇有正報也。荆溪云。文雖未有義已具足。今但重示其旨而已。須廣明依者。今經正談依果。傍論正報。捨傍取正。故云依耳。下文諸品明正非。二言佛下約品題正釋。二初約題釋義。二初約名義正解。二初正解佛國。二兼出異名。亦名爲刹者。具云刹摩。此云土由也。既云萬境不同。蓋取莊嚴差別名爲刹也。二然國下分事理重釋。二初雙標。荆溪云。當寂屬理。餘三在事。事即應身等者。他受用報及勝劣應俱名爲應。域即三土。極智即自受用報。所照即究竟寂光。二而至下雙釋。二初約事理雙釋。至理應寂等者。荆溪云。明有事之由。然理本絕待。豈分二別說有事理已屬於事。本無下非上理。豈有下非上事。能即能居應身。所即所

棲之域。理事俱無常冥絕待。但以下即絕待理成相待事。故三身四土之別。真身棲於寂理。應身居乎事土。二然下明理事相關。二初正明。此言本述蓋指體用。二故文下引證初引經。則應下釋義也。永寂如空。則四土互得。而現種種四土宛然。應同凡聖是現身。現有封疆是現土。凡聖下明所現二報差別也。所現淨穢亦復如是。者例同。凡聖有高下也。五濁輕重同居淨穢。體析巧拙有餘淨穢。次第頓入實報淨穢。分證究竟寂光淨穢。現十界身名起衆生應。示四種土名起國土應。二或有下叙他破執。二初叙他人偏執。各據一文遂起定計。豈知妙理。四性本無。來此現生者。如云國是民有。王住其中。國由佛有者。如云國是王有。民居其中。二約四性斥破。二初四執俱非。衆生對佛者。合前兩計也。無因而有土者。荆溪云。計雖性過本是理土。生佛理具凡聖一如。計者成過土體何失。若計成過。性執須破。破性仍是從事以說。破三可見不假別論。從事者若云一向無有。自他故使所計成無因失。皆隨性義者。兩師所執已屬自他。或計其離。豈出性計。故云皆墮。類前者委破四性已在玄義。二當知下隨機說。有悉檀赴機等者。謂欲令歡喜生善。破惡悟道。故作自他淨穢等說。悉之言遍。檀翻爲施。以此四法遍施衆生。名四悉檀。委如玄義。二別明佛國四相既分。故曰別明。二初列章辨示。二初指廣列章。即因陀羅網等者。如華嚴所明帝網衆珠交輝互照。以喻彼土色心無妨諸土

互攝因陀羅此云帝。帝釋宮中有此網也。一網目悉有珠焉。荆溪云。即因陀羅者既一土攝一切土。故得此界遍攝下二。唯不能攝上品寂光其義既通。理何隔異。準此以說。上能攝下有餘亦應攝於同居。體內外惑其相異。故斷界內惑者與未斷者報不相收。別圓二人地住已前觀道雖通未見理。故論其報相優劣尚隔。二前二下約身辨示。亦應亦報者暹師云。是勝應。故名亦應。他受用。故名亦報。此爲地上菩薩所現也。法身所居者自受用報攝屬法身。觀經疏云。智既應冥亦非身非不身。二言染下依章正釋。二初歷土別解。四初同居。二初辨相。二初穢土。三初釋名。言染淨者者總標也。此方即染淨穢土。安養即染淨淨土。九道者暹師云。祇是九界。佛爲化主故且云九。二就染下示相。凡聖各二者凡即六道。聖即三乘。各二者凡開善惡。聖開權實。如文所說。聖者下四果直指羅漢也。即聲聞法界緣覺可知。通教下菩薩法界也。此三教菩薩並指思惑盡位與羅漢齊。報身猶在者子縛已盡果縛猶存。三乘至性身者即上三人捨報身生有餘也。願生同居者二乘至彼轉爲菩薩。故能願生。若實下別圓地住已上名法身菩薩。並生實報。妙覺極果居寂光土。此約究竟寂光也。應生同居者如月現水不謀而往。故名應生。不同願牽作意而生也。三是等下結名。二明下淨土。二初指安養。正釋未必悉是得道人者。謂非但三乘聖人得生。凡夫亦生。故云未必。故經下引無量壽

經下品文以證凡夫得生也。但以下結名也。但無四惡重染。故得淨名。其實猶有人天輕染故。名染淨淨土。又可染淨之名約正。淨穢之名約依。二土凡聖共居通名染淨。此土妙穢充滿別受穢名。彼土金寶莊嚴別受淨號。此雖不說餘文說之。二舉此下明所攝多類。下文云。有人言。經明二十七品淨土。無量壽土止是第六。法華下即身子等未來成佛悉指同居。二問下料簡。二初簡所憑經教。思益論者暹云。論字恐誤。思益經第一云。東方有國名清淨。佛號日月光。有菩薩梵天名曰思益。住不退轉白佛言。世尊我欲詣娑婆世界釋迦牟尼佛所。奉見供養親近咨受。佛言。便往。今正是時。汝應以十法遊於彼土。何等爲十。於毀於譽心無增減。聞善聞惡心無分別。於諸愚智等以悲心。於上中下衆生之類意常平等。於輕毀供養心無有二。於他闕失莫見其過。見種種乘皆是一乘。聞三惡道亦勿驚畏。於諸菩薩生如來想。佛出五濁生希有想。梵天當以此十法遊彼世界。時有菩薩白佛言。我得大利不生如是惡衆生中。佛言。善男子勿作是語。所以者何。於此國中百千劫淨修梵行。不如彼土從旦至食無暇礙心其福爲勝。二簡淨土修因。問穢至殊別者荆溪云。其因既同。果不應異。如穢土善因報人天果。諸淨土中亦有十善。何故報與此土永乖。答意者荆溪云。名同事同。解異願異。如止善是一。對於止善加修願行。故使諸土階降不同。人天名同隨土義別。言二處者且以淨

穢相對而論。二有餘二。初辨相。文中先解有餘義。次解方便義。通惑雖除餘別惑猶在。故名有餘。七種生死者一分段謂三界果報。二流來謂迷真之初。三反出謂背妄之始。四方便謂入滅二乘。五因緣謂初地已上。六有後謂第十地。七無後謂金剛心。二料簡三界報。二初釋義。二初釋果報。即是華藏者謂華嚴所明蓮華藏世界海。即此土相。謂無漏業者分證中智不漏落二邊名無漏業。二以觀下兼辨異名。二初正示異名。以果報土亦名實報無障礙。故此釋之。應知。此號從因果二法得名。文中先釋實報。次釋無障礙。實字在因報字在果。以觀實相者此謂。名字觀行相似位悉是圓因。此釋實字。發真下初住分證名爲圓果。此釋報字也。色心下釋無障礙義。謂修無礙因得無礙果。因果俱無障礙。修因無定者了達色心不二。定執何從。此因剋果而能色心無礙依正互融。荆溪云。以修因時淨穢境融不可以一異名之故云無定。二言無下廣釋無礙。二初釋無礙義。此名下海以廣大爲義。藏以包攝爲名。二各遍故如海。重重無盡故名藏。二別教下顯能入人。二初廣明別地。二略例圓住。所證既齊故須雙辨。初別地中七。俱名淨者以體相用因果悉離無明惑染故也。荆溪云。初地等有七淨者此是今家義立七名。一同體者一者十方同體。二者四土同體。此土即十方故云一即一切。十方即此土故云一切即一。又一即一切者一土即

三士故。一切卽一者三士卽一士。故良由依正既居一心。一心豈分能所。故得廣狹互遍理事交融。當知體總依正及以自他。第二至五更別明之耳。前五下東前七淨以爲三法。一體二因三果。體中細分更有相用之別。荆溪云。前五體滿者體既居初。故從初至四皆成就體。此但成於正報而已。故須第五依報作處。依正具足故名體滿。復由前四莊嚴於體。故令初體有相有用。三五屬相。三正報相。五依報相。二四屬用。二利他用。四自利用。若爾相用應次。何以間雜。答依正雖復俱通自他。一往從便。故別對耳。六七雖云因圓果滿。既許初地具於七淨。還是初地望於地前以立因果。卽此因圓名爲果滿。二初住下略例圓住。二問下憑教借別名圓。故云三賢。若約圓位其實初住已是聖位。四寂光一。初釋義二。初示寂光名義。二初指果略示。極智所照者三品寂光此諸上品。中下寂光攝在果報。二簡小委明。卽是真寂智性者荆溪云。智是能照以能釋所意欲顯同。次不同去明體異。境異智故故云偏真。引涅槃經亦證同智。次此經下證同所以。指無明性而爲智體此智是境。此體方同。以無明性亦境性故不思議去結成境名。以向所釋皆通智境故今結境還從於境。二但真下顯依正不二。荆溪云。細思此意。至下諸文及以教門所明士義。皆以此意而往申之其理方盡。今謂。既云離身無土。身成佛時土豈不成。既云離土無身。言土成佛有何乖背。一心具足深可思量。無縫妄情

強分諸異。金剛下引證也。遲云。天親論上卷偈云。智智唯識通等天親釋云。此明真土。諸佛無有莊嚴國土之事。諸佛唯有真實智慧。習識通達則是修習無分別智。通達唯識真實之性故。如是取淨土者卽修此智習唯識通。菩薩之人乃取得淨土之果故。非形第一體者此句明淨土體。不自生滅爲淨土形。乃以真實第一義理爲淨土體故。非莊嚴莊嚴者辨二莊嚴。一者形相土卽是淨土水鳥樹林等事莊嚴也。二者法性土卽是正智證契真如無漏功德無有形相爲莊嚴也。今更助釋非事莊嚴。是理莊嚴故曰非莊嚴莊嚴。二問出下憑教。心淨之極者心淨約修通於五卽。極在究竟。二問經下立問通簡。二初約今教俱談。二初問二答。二初指諸教總斥。二正如下約今經義具。文云下四句經文次第對四士。初句卽同居土。界內具縛未見真理。心神動散善惡無定。菩薩方便觀其生熟。生則用穢。熟則用淨。次句卽有餘土。兩教二乘三教菩薩界內惑盡皆名調伏。既出三界卽應有土謂有餘也。三句卽果報土。初住已上破無明惑。分證中智名入佛慧。四句卽寂光卽於根塵了達三諦。具足無減於如來常。是故起根卽寂光土。宛然相似者經有土名兼所化等。名目雖異其義冥符。別當解釋者下疏中初以同居通名四句。次以四句堅對四士。今當大意。二對他經辨義。二初對法華明今經密入。二初約顯教立難。荆溪云。釋義遠經其理何在。以顯露教中法華已前不說二乘

有生處故。二約密解答釋。二初明密悟生土。佛以一音等者荆溪云。應約密教。一音異解卽通顯祕二不定也。橫解者如前所引法華經文。祇於此土而觀上二。故小被斥見淨不驚足指案地卽其事也。縱對大聖說於小解仍橫。準其正理不聞爲勝。二橫堅下顯佛自在。約堅顯論實如所問。約橫密入明二乘生。堅不妨橫橫不妨堅。顯密利物故云無礙。二問若下對華嚴示四土義該二。初明四義該收。二初問十種佛土者。二答二十七品者引他所解不的指經。二問若下明對教須四。二初問二答。明十土等一往有經。對當四教不如四土故云措意難見。措置也。言欲對四教者準止觀文以教。對土有橫有堅。橫對者同居用藏。方便用通。實報用別。寂光用圓。堅對者同居用四。方便用三。實報用二。寂光用圓。堅約設教對機機既增減。不同致使教有差別。四土對教優劣多少。故名爲堅。土體敵對無復優劣。故名爲橫。問方便土中已無通惑。何須通教橫堅二義皆云用通。答大乘初門調機入頓。爲知故學。非用斷惑。如諸聲聞至方等會被彈斥已皆習通門。若至方等必到法華。在方便土須通教者此約不入方等會人。問若爾實報何須用別。答約教道說。證道必無。問寂光既極何須用教。答教被中下不被究竟。初住已上名下。等覺名中。妙覺爲上。又十地名下。等覺名中。妙覺名上。具如下文。三明修佛國因。二初依經。總立二初指經雙明。二依因下正示依因。橫約十七者橫謂

橫歷諸行修因有十七法。卽經云。直心是菩薩淨土。乃至十善是菩薩淨土。堅約十二者。堅謂從淺至深。堅窮心源有十三番相資成淨土因。卽經云。隨其直心則能發行。乃至隨其心淨卽一切功德淨。而此橫歷二番皆云約正因以明依因者。荆溪云。故知。直心乃至十善亦名正因。亦曰依因。依因二種。自利利他。今此正當爲他取土。自他相成土義方具。隨機別說時不同耳。故利物依因由加別顯。故菩薩行一因兩向。上求爲自。下化爲他。於下化中分於兩異自行利物之依正也。二國既下約土別示三。初例果略示。果卽所取四土也。四教至感於四土者。荆溪云。故知。自行依之與正一因成二。故云正因感四佛果。依因復感四土。所以其因不殊而義兩別。故使寂光法身異而常一。子細下一往以四教對四土如向明之。二往窮數故有小妨。以同居用四方便用三果報用二此其妨也。子細卽二往也。荆溪云。小妨者若四教因對於四土雖有此義不無小殊。何者藏通對於同居淨穢。別對有餘似如稍得。若於土中辨教多少是則不便。故更對土用教增減委悉論之。今謂若準止觀卽是以同居對藏。有餘對通。已如前記。荆溪以藏通對同居。別對有餘者且順下文用教增減以說。故下文云。有餘土成佛乃至云修於別圓兩教之因。既不云通。故以別教對有餘也。二今還下對土廣釋。界內緣集卽見思也。別圓衆生至來生其國者。荆溪云。依彼有餘用教之時云別圓耳。若至實

報失別教稱。唯一圓常以當土名。三十方下結顯化意。湛若虛空者無復衆生七方便異。不見國土淨穢差品故云無有增減。盡未下荆溪云。引法華經壽量者引於實果以證權果。所以過去若常未來必常。如從本果以垂於迹。示淨土行以取衆生。四見國不同二。初引經總示。寂光如寶器飯色如三土。由福不同見飯色異。由機不同見三土異。至論下總示其意也。荆溪云。至論至可見者仍以三土從寂光論。寂光無相故三皆泯。由不可見故得有見。十番者初約同居輕重。二約同居對有餘。乃至第十諸土非垢寂光非淨。下文備矣。此不委論二列句別明二。初列句正解荆溪云。此中間答總有三重四句分別。既云於不可見而得有見。卽是寂光對於三土。先以有餘攝二同居。對二同居而立四句。以此二土並有實質而辨同異。故得約質以辨有無。次以實報對於下二以立四句。以實報中色無障礙對下二土質礙辨異。三以寂光對於下三以爲四句。以寂光中色質永寂故以有無相對辨四。是故辨第二四句約有色質論障不障。初四句中復更約障以辨四別。若爾亦應更於初四句以前立四句。淨質穢見如身子等。淨質淨見如安養人。穢質淨見如大梵王。穢質穢見如五濁人。卽二同居相比望也。文中三。初約有餘對同居二。初正明。荆溪云。問經言去總問也。先引經立宗。此爲是下結難也。難意者爲元祇是一種飯色見自異耶。爲元有多色見有異耶。準下答文既有

四句。豈但一兩句而已。別圓菩薩用天眼見者。荆溪云。見土不應用餘眼。故卽此二人賢位眼也。此約身居此土以論。若在方便見二同居必無異質。一質一見等者。荆溪云。明五人共見有餘更無別者。五人之中雖兼別圓。且據三藏二乘通教三乘共見故爾。此之兩教三乘之人共稟近教。故於有餘所見未遠故。便且以二同居土共彼有餘而爲一見。若於彼土發別圓心便卽同於別圓所見。言三種意生者出四卷楞伽經。通名意生。今山家釋義。作意生故名爲意生。故楞伽云。如幻三昧力憶本願故生諸聖中。故知。經云憶憶卽作意也。彼經第四釋三別名。初常無常品云。意生三種。一入三昧樂意成身。亦云正受。卽三四五地心寂不動也。二覺法自性意成身。卽八地中普入佛刹故以法爲自性。三種類俱生無作意成身。謂了佛證法。成之與生並從果說此約通教及以別接。法華玄中並云在前三教者。以通諸教釋義故也。今文既上云羅漢支佛。下云三種意生。卽此三種並指通教菩薩也。故知。二乘收乎兩教。菩薩止在於通。共爲三乘。三藏菩薩既同人天非今所論也。輔行云。楞伽既云八地是覺法自性。驗初文雖云五地亦兼七地。卽入空位也。八地卽當入假位也。種類俱生云了佛證法。卽是入中屬佛種類未必自證。若接入別七地已前入別十住。八地已去接入十行。知佛證法是入迴向。並非證道故名意生。仍本爲名兼不接者共結此位。故並云地。二問那下釋妨。



荆溪云。那約有餘等者一質與一見皆云有餘。若二同居各各自見亦得名爲一質一見。何必要須約有餘耶。次答中云三人者當知。前釋第四句中三種意生。須指通教中利鈍菩薩。但不得指利根見中。以此菩薩但斷通惑與二乘同。以其適從通中來故。是故答中且指三乘同見第一義諦。此等本異今皆成同。故且言之。若指二同居人當土自見。何往不得。但爲辨異故須此明言。無漏至相同者荆溪云。據未發於別圓之心論。未見中其事亦等。故於真諦同一見也。二約實報對二土。即因陀羅網者實報土也。三約寂光對三土。各有問答。悉如文二略出下指廣結示。五明往生二。初列章二。隨釋二。初總示。亦云來生具如大品者退云。大品第二舍利弗白佛言。世尊。菩薩摩訶薩行般若波羅密。能如是習相應者從何處終來生此間。從此間終當生何處。佛告舍利弗。是菩薩或從他方佛國來生此間。或從兜率來生此間。或從人道來生此間。從此下今師釋二名也。此云往往。大品云來生。祇是彼此相望得名耳。二土亦然者荆溪云。二同居土相望既爾。有餘實報相望亦然。但橫豎異耳者二同居土橫望餘二土名之爲堅若爾祇可娑婆而往於淨。何以從淨却生此耶。答下之八品不可來生上品上生。或可即能到彼土已獲通故來。法華云。是人自捨清淨業報。而來樂此多惡害處。唯常寂光文無往義。上品可爾。中下義通。若中下無實報亦無。若不立於中下猶屬實報故

也。又若義立不往而往上品亦通。何但中下。善逝之言良有以也。如來之義信亦不無。二別三。初標。二一染下釋四。初染淨土二。初穢土二。初實生九品潤生等者欲惑九品。上上潤二生。上中上下中上各潤一生。中中下共潤一生。下三品共潤一生。故初果於欲界人天各受七生。故云七反。二果三品者斷五名二向。斷六一來果。以下三品潤一生故。一往來者一往天上一來人間互說亦爾。三果名不來。以九品盡故。若斷至八餘一品在名一種子。猶生欲界。通六地來者六地已下惑未盡故。見地七反薄地。一來離欲不來下界。生上二界別教十住初住斷見。二住至七住斷思盡。今云十住且通舉耳。論其生數比前可知。五品見思全在。七信方出三界。三教約惑牽生並同藏教。故云並類三果可知。二權生方便願來者但在菩薩。小從得記義亦同之。生方便土未破無明欲化衆生。須假願牽。未能任運故使應生唯約二土。二淨土來生人天者。荆溪云。彼土具有欲色諸天。但無須彌地居。一切皆依虛空而住。荆溪所說依無量壽經也。二有餘二。初實生二。初正釋別教十行圓信後心者荆溪云。準理別教應云住向。今不云者住以同於藏通五人十向修中。雖亦同生有餘之土非爲正意。故取剋體但云十行。而云圓信復云後心者七信已上亦可得生。但是略耳。二故勝下引證二。初引經二。問何下釋義二。初正明二。初問。二答二。初釋別名荆溪云。釋三意生皆云恐者尊

重聖典兼示無執。三種階降經文義含。爲是何教三昧正受。若約通教七地已上或至九地。言自性者別住同通應取十行。圓教既云伏於無明。即知七信也。所以別教云自性者若不見中。則不見於諸法自性。二皆言下釋通名。未發真修者別圓地住已前名緣修。登地登住名真修。向約三人無明全在。故俱作意而生彼土。初三昧正受雖約通教入空接入別圓亦緣修攝。故荆溪云。真緣之義義通通別也。二問下釋妨。問意者楞伽意生既在十地。合生實報。何故向解勝豎但指通人及地住已前生方便土耶。然楞伽十地約通示義。已如前記。既十地名濫。故此約別地難之。故云應生報土。答中從容兩向釋之。約別十地判三意生者。若爾何故向云皆言意者未發真修。猶是作意耶。別地既是真修。意生之義爲何所主。答荆溪解云。若約別教則有二義三俱名意。三俱入地。一者但是未極名意。二帶教道挫之言意。故云三種意生。即生報土也。約通等者準此。即如前之所明一質一見即是二乘及當教中三種意生異質一見而云即是別教菩薩。當知。消於楞伽經文即別圓人有三意也。故今別更從通菩薩而說之也。三若實下權生。三果報土。四寂光土二。初明極果無生。二若分下明分真生義二。初正明。下寂滅至一生者仁王經明寂滅忍唯有二品。今義開三。上品即妙覺。此以寂忍即寂光故別約中下以明生義。或云下此約通論。始從初住得無生忍終乎等覺中品寂忍。既

皆分證佛性皆名往生寂光也。故云皆有此義。但有下奪而言之。寂光唯是妙覺。以分證猶有無明惑變易生死故也。二前四下結示。三問分下科簡二。初簡同居有餘二。初問荆溪云以通見思難別見思見既同捨身應等。二答如文。二簡實報寂光三。初簡不生。荆溪云問實報受生等者還取上文三。土有生。唯常寂光無往來生。則應不合更有此問。答中意者但欲重顯從名消義。亦約中下在果報內。二簡生義。有邊論生等者荆溪云。約報論生。是故有邊論於果報。約所入邊則非果報。但所入邊即是見真故云不生。上品無報唯真。無生而云生者不生而生。故果報中見真亦有果報不生義。究竟而論寂光唯真。永無果報。義而言之亦可得云不生義。此則不復更有生也。三簡常義。荆溪云。此問意者從名作並。以不生與不常常言勢欲同其義。似反故以反義以問勢同。答中意者名異義同故許斯理。以諸並辭。何者下釋出名異義同之相。究竟而論唯名常。常及以不生故引聖位。即是不常之常不生之生四十一地。真理不生。不生而生。餘無明在名為不常。見一分常故名為常。思之可見。六明說教二。初標。二一染下釋四。初染淨二。初穢。二淨。開漸教者還云。開出之開。本願說者荆溪云。上品淨土不須開漸。故須因願乃可有說。香積無願故不得說。不說不聞。故來問也。如安養界樹說苦空人開羅漢。既不云願。驗土非高。二有餘土二。初受報利鈍皆得往生者總

有九人。兩教二乘三教菩薩別位開三。故成九也。斷思盡位皆生此土。菩薩則利。二乘則鈍。通別圓至利鈍者此約菩薩傳論。通菩薩望二乘則利。望別仍鈍。別圓例作。二如來下說教多少故法華等者荆溪云。此有二意。一者通證一切開權。二者別證二乘之漸。皆法華意。是故引之。若別教意但是開教不開理也。或亦開理以示圓中。三果報土。四寂光土二。初剎示極果寂光。法身冥資等者毘盧遍攝。故曰冥資。即此冥資名為說法。復次應知。應身說處即法身說。吾今此身即是法身。釋迦牟尼名毘盧遮那。故云無說而說。二若約下約說義通三土二。初約實報。荆溪云。無作等者有果報邊須云苦集。以有苦集須具四諦。於果報中分論寂光須從理說。故唯實諦義亦當於寂光說法。二下兩下例下一土。荆溪云。類此可知者有餘同居俱得橫論即寂光土。若有餘中亦說無量以對一實。或說。通以對一實。故有餘中若說一實即有餘中寂光說法。實報例之亦應可見。然約橫論同居具四。餘三漸滅。例之可見。若兼體同一切皆四。七觀心者廣談四土封著易生。不明觀心去道彌遠。故託事成觀令無味造修。文為二。初明心境。心性至空寂者荆溪云。先立心性為理寂光。而衆下明迷寂光而見三土。或失一諦而見四諦。故云多顛倒等。此則通明起由。二無明下示觀法。二初依境修觀。無明至所生法。是所迷境。以此所迷為今所觀。欲以三觀收三土故此迷境且指六界三善三惡。故云善

惡。前文一惡衆生即四趣也。二善衆生即人天也。又可十界傳論善惡。則事造十界為今所觀。今觀善惡悉由心起。即空假中。一念互融方名妙觀。二中是下以觀配土二。初配土。全理成事故云中是因緣善惡之境。故以此境以攝同居。次以三觀配攝三土可見。非因非果而因。而果者中理非事故非因果。而始解此理名因。終顯此理名果。故云而因。而果。若了至礙土者因果無殊。始終理一名無礙也。二故文下引證佛言若此豈不觀心。八用義釋經二。初標列。二解釋三。初通序分。奉微蓋者微之言小。因小果大表不思議大果。淨土無方現三千界表說應土。現我者為我現三千界也。二通正說二。初標示。二一通下解釋三。初通室外二。初標。二實積下釋二。初通半品。復土至小乘益者適淨今穢。因悟無常故見復土而得小益。此品之玄旨也者荆溪云。此一品文義兼序正。序中表發入正宛然。故下正說玄旨在此。二次通下通三品。結業未斷生同居淨者荆溪云。但未斷得生非全未斷。二種衆生來生者荆溪云。從方便品及斷有為緣集之人故作是說。以方便品但用二教故復亦但二教斷盡來生其土。弟子品中以三教詞。故亦但有二教來生。是則三教來生至彼但稟二教。菩薩品中但云一種來生者從所至說。從實教說界外緣集即別惑也。問進斷別惑生果報令斷無明生寂光。別惑與無明異耶同耶。答同也。但以初住所斷

不與小共故名別惑。等覺所斷最後元品故曰無明。故云則生寂光也。以四土區分寂光約極果故。二通室內皆顯佛國依報自在者。良由依正唯心。三千本具。此理分顯則有大用。心性無外納芥何疑。須彌大海俱屬依報。故云皆顯等也。天女下荆溪云。正引住文以證同住寂光。不取十二通佛道品者即於不淨而現於淨。具如釋所化意是也。然於此中且從橫說。引淨名偈者證初住去淨土之行不得不修因人果人皆悉爾也。三通出室若不精解等者荆溪云。若不始未解佛國義。此品但云菩薩淨土及衆生來生并淨土行。如是等文何由可識。三通流通。四釋品目。二初正解品名。二初正解二。初釋通名。二但此下示別名。二問下釋疑。二初釋疑。二初正解。二初疑難。二答下釋通。二初總斥。二今解下正答。二初引例。二若不下例並。二若爾下重徵。二初徵。荆溪云。若爾者何以不同彼大品經從序題名。二釋。荆溪云。答意者引金光明由藉之序與正同品。二此既下誠勸。晚人即譯人。非佛阿難者若謂佛制品號。而經無自唱之文。若謂結集所安品中亦無的據。二者俱非。蓋譯人所置耳。嘗試論之。且仲尼生平此方。泊沒後言教何有齊魯兩論分章不同。大小二戴禮經各別。況東西遼遠華梵音殊。隨彼譯人命題或異。故今誠云。不足定執。若佛自制者如法華藥王品。佛自唱言。若有聞是藥王菩薩本事品。結集人安者如妙音品末。集經家云說是妙音來往品時。準彼經文以

例此品並非二塗。信是譯人準義立名也。如大品經結集之家本唯三品。羅什譯訖以類開之成九十品。又如大經本無序品。最初但是壽命品耳。至南朝修定謝公準六卷泥洹開此壽命以爲四品。謂序品純陀哀歎長壽也。又開如來性品以爲十品。斯非譯人。但修定者加也。準知諸經非佛自唱及以集者。即晚人添也。二此經下懸釋序義。二初來意。二序義下正釋。二初標列。二隨釋。三初略釋。二初正釋。二初列釋。三義。應知猶不知也。高住弟子者荆溪云。如歎實積神智高明。況復或是化佛示迹。化佛亦復通於因果難測其本。故亦具諸。二今經下配對經文。二料簡。二初簡衆經。或二或一者還云。或二者但次由二序。或一者次序不可闕也。今謂。亦有二序俱無經初即入正宗者。略般若是也。此亦譯人刪之耳。二簡字訓。問序訓不同者若以端由爲義應作絲緒之緒。若以談述爲義應作言叙之叙。何得諸經初品並作次序字。書而會通餘二義耶。答意者雖書次序之字而經具次由述之三意。今古諸家共用次序題字。依義下引證佛令依義故於次序語下而申三義亦應無爽。豈可定執字書耶。故云依義等也。又據爾雅訓次者應作叙。故釋。詰云。舒業順叙也。郭璞注云。皆謂次叙。釋宮云。東西牆謂之序。郭云。別內外也。而佛學之家或以次叙作序。既可互訓隨便用耳。二通別。二初正釋。三初明束三爲二。二衆經下釋二序名義。三今因下示序因名立。因別名有別序者荆溪

云。如因維摩不思議名得有合蓋等不思議事。因於經字得有如是我聞等言。及約行理通別者若無行理何須此教。況無此三事同魔說。故一切經皆具此三及以通別。具如法華疏記。二問若下料簡。二初簡滅後。二初問。二答。二初違問答。立名之便等者先舉所證爲顯能證故。爲序之便等者先唱我聞後談其事故。二復次下順問答。二初正示前後且順前問。義匪通方故曰一塗。方說此語者付囑令安故。向據結集宣唱必先通後別。今約佛說前後必先別後通。二經前下益分現未。經前是別序。在正說前爲發起故。經後序是通序。臨滅付囑故。二若爾下簡佛世。已有其事者已談文理及有阿難能聞之人等也。三觀心。二初正明序義。二初正示觀心。心即是通觀即是別者心一觀三。故心通觀別。通爲所觀故別分三種。故此即二序。因觀證理。理如正說。因此下更於觀心別序辨由義也。述義闕而不論。成就一切法者謂。自他因果之法悉由觀心而成。即是下示由藉義。道謂分證及究竟也。因觀入道。故觀如門初心修之端由在此。二問若下簡名前後。問意者荆溪云。心通觀別今云。觀心乃別前通後如何得例通別二序。答意者準世名便不可即云心觀故也。然亦且順此土之言。若從西方心觀何爽。二問玄下立疑顯益。二初立疑。將不壞亂等者恐非消文之要也。二答下顯益。觸處觀行者若事若法攬入自心。如是弘經豈同數寶。夫一家明觀統唯三種。一者約行。二

者附法。三者附事。如止觀所明直觀陰心即是三諦已他互遍。三無差別名約行觀心也。

餘二種者則攝彼法相事相歸乎三諦淨心。附事達理名為附事。附法亦然。今明三分即附法也。下明港園即附事也。然類雖有三要歸一揆。恐著外間內忘約行。故須二種指而歸之。後學至此彌須留意。一家宗極其在茲乎。一失其源巧喻滋甚。巧說得宜者退云非但令文義冷然。亦令覽文成觀慧解分明矣。五正入經文三。初半品序分二。初分科。二隨釋二。初通序二。初列章。二解釋二。初總釋二。初標示大旨。說入佛法之相者六事證信是入道相。二大論下引論廣釋二。初委引論文二。初通引論文。親屬愛結者阿難是佛堂弟。已證三果未斷殘思。故有愛結。阿泥樓駄或阿象樓駄或阿泥樓豆梵音楚夏也。此翻無貧。或翻如意。諸決者左傳曰。訪問於善為諸。得念道力者內觀真空。故云念道。能排憂惱名之為力。二故知下別結六義。二徵釋四事二。初徵起。二答釋四。初釋經初六事。為斷疑勸信者結集時。阿難登高而形相似佛衆疑釋尊重出或他方佛來或阿難成佛。若唱我聞三疑皆遣。故云斷疑。勸信者信為能入智為能度。不信言是事不如是。信者言是事如是故。是謂吉相者初標吉相以表經中皆吉。具如百論者法華疏記第一備引之。二釋梵壇法治。自侍王種者車匿亦釋種也。三釋戒經為師二。初華梵翻名處處解脫。或云別別解脫。二問下簡執誠惡。多非正義者謂。時

食遮非時食等。論云。是世界中實非第一義中實。既非第一義實。云何得真解脫也。答中還引大論以答之也。不應求實者為異外道為法久住。暫時權制不應於此而求實理。今時下大師因引釋論久住之言遂斥時人不遵戒律。楊子法言曰。聖人之治天下也。礙諸以禮樂。礙無則禽。異則貉子。謂戒律亦釋氏之禮樂也。圓頂者棄而蔑之。不亦禽貉之謂乎。四釋念處修造二。初示過顯益。若離至世智示離念處之過。以念處是出世慧故無出世慧但在生死。隨禪受生四禪生色界。四定生無色。若修下顯修念處之益。藏通破界內四例。別開破界外四例。二問下簡大小二。初執小有大無難謂。小乘有念處。大乘則無也。二明大小通有。答三。初明大有念處。後三教悉觀念處得道也。念處祇是觀五陰。若離五陰無境可觀。身念即色陰。受念即受陰。心念即識陰。法念即想行陰。若離下出三教外無別大乘。既三教俱修念處。若謂不須定屬邪計。何關大乘。況涅槃道場滅後比丘令依念處通被一切。豈簡大小。嗚呼世有不知念處之名義自謂大乘者。一何謬耶。又執律名相不修念處。如是之人去道遠矣。二但佛下示大小融通。不出半滿者半字滿字俗典之名。如來以此喻大小乘。如涅槃經說。枯榮中間者佛於四枯四榮樹間而入涅槃。正表涅槃佛性非半非滿雙照半滿。即照而遮即遮而照故大小枯榮悉涅槃之用。即用是體中間見性。三出念下顯念處該攝。出念至道法

者大小半滿不出念處。故佛下不依慈父囑名為不孝子。一家止觀唯觀陰境。即無作念處也。二別釋二。初懸示三。初標簡。二一如下辨示。三此六下結意。二初正結意。二如是下示端首。二初如下貼釋六。初明勸信之端三。初因緣。二約教。三觀心。若無初意不殊外計。若無次意不辨偏小。若無第三何以辨能證教功。何以為佛國行本。故須入心成觀分果可期。故止觀云。觀與經合非數他寶。於此略知必不封教。若欲修證當依止觀。以十境十乘通為一切大教行門故也。四種三昧何經不收。不可幾見觀心便謂不須止觀。故一家章疏凡至行門悉指彼部。如法華疏釋安樂行。光明疏釋空品。第若比餘文觀門甚廣。以十乘未辨十境未明若欲造修致遠恐沈。故章安於彼疏文特指止觀。諸文多爾。豈待委陳。後生可畏。尋之自曉。然此三意若望法華四意消文唯闕本迹。以今經未明遠本故也。下去釋經文文合爾。或闕或略。文不累書貴在得意。初因緣荆溪云。自此已下釋通序文義具四悉。少標名目。華法華疏比之可見。今於此中指一兩節使下比決則易可知。今文初是世界。又如去是為人。又大論去是對治。又古來去是第一義。現世闢靜者是已非他。不循正理報在燒煮。不亦宜乎。釋子或然即同外道。大論偈云。自法愛染故毀譽他人法雖持戒行人不脫地獄苦。斯言有徵。學者慎之。二約教二。初正解二。初約教三。初標本一寂理隨機分四。就當教辨理俱無說。故云

四不可說。二一因下釋。俱隣即陳如也。并餘四人故云等也。法眼淨即初果。明五義者即苦空無常無我寂滅也。引無量義明般若華嚴以證假名者。荆溪云。且從歷劫以證假名。非謂二經部全在假。彼多說故。故借用之。若菩薩下見佛性。開佛知見。悉在初住。三佛法下結。通指四教名爲佛法。二約味。二初通示五味。二此經下別顯今經。二問下釋疑。三觀心。二初正解。三初標示。二華嚴下引證佛心。准真生心唯妄。迷真成妄。了妄即真。波水藤蛇喻意可識。生佛理等真妄一如。是故欲知佛心但觀生心。如欲識水觀波可知。故十不二門云。三千同在地。與佛心地三千不殊。一塵喻生心經卷喻佛心。心具三千即佛心也。三觀心即具四理者。由心本具外境能熏。故觀如理有四種異。若了三觀于何不收。二釋疑。六即分別者。即故凡亦必具。六故聖唯在佛。是故始凡理具而不疑無趣取無怯。終聖在佛而無上慢以生自大。此六即義起自一家深符圓旨。永無衆過。暗禪者多增上慢。文字者推功上人。並由不曉六而復即。今名字位人依經修觀。免同數寶。晉譯華嚴云。譬如貧窮人終日數他寶。自無半錢分。於法不修。行多聞亦如是。二親承音旨。二初標示。二一總下正解。三初總釋。二初正解。二初約義略解。二引論廣釋。學無學人者。學即前三果。無學即第四果。阿難爲侍者是學人。至結集時已是無學人。隨俗稱我故不乖物宜。內無我執故不乖真實。人無怪也者。聖人稱我

如金易銅世無嫌怪。耳根不壞等者。舊明。耳識四緣生。一根二塵三空四作意。文中唯闕空緣。和合兼之非餘闕緣。故能生識。新云。耳識九緣生。如名數家說。二問下釋疑。二初約時前後釋疑。二初疑。自爾之前者。爾此也。爲魔所蔽者。即於婆羅林外爲六十億魔現。佛身廣說法門以惑阿難。佛令文殊宣呪索之。阿難於是得還。委如大經陳如品說。二答下釋。二初明集經藏稱我聞。二初展轉問初依大論似從他聞。次引舍利弗問經乃定力自聞名展轉也。言佛覺者。祇是佛加覺力如佛。故名佛覺。三昧。已證非從他聞。故云自能。用本願力爲持佛法故。二又報下佛重說。報恩經第六云。佛求其爲侍者。許已仍求四願。一不受故衣。二不受別請。三不同諸比丘。須見即見。第四願如疏。大經亦明。阿難求四願。其第四即出入無時。與報恩異。故云三如涅槃。二復次下明律論稱我聞。佛在波羅奈。最初爲五人說契經藏。滅後阿難結集。佛在羅閱者。最初爲須那提說毘尼藏。滅後波離結集。佛在毘舍離羅猴池。最初爲跋耆子說阿毘曇藏。滅後五百羅漢結集爲相續解脫經。是佛自說。故且名經。後廣集法相。乃名爲論。故知論藏不獨滅後也。若爾三藏既俱。佛說。故知論藏亦有稱我聞義。二問阿下約法大小釋疑。二初疑。二答下釋。三初但集小乘。二亦集共教。三兼集不共。二初叙他解。荆溪云。據此應引大乘經論證。今云正法念者。且據述中多種之文。非謂小乘所明阿難能持大小。既

有多種。不可共持一小乘藏。故小多名密擬後廣。二今謂下今助釋他人。引文既當。故今師以四教助釋之。阿難持者。任持大乘如地持物。不共即別圓也。持中道教如海含容。法華疏更依阿含加興藏持別。海唯持圓。今據二教理實。故總爲二。二別釋。三初標章。二我亦下解義。二初我。二初約教。二初正明我。在第五藏者。犢子是附佛法外道。自以聰明讀舍利弗毘曇。自制別義言。我在四句外。故言第五。言四句者。外道計色。即是我。離色是我。色中有我。我中有色。餘四陰亦然。或云。三世及無爲法爲四句。名我爲第五不可說藏也。是等者。謂上三部也。悉破外人者。犢子附佛還破外道也。別教者。荆溪云。然別所明非無諸部釋我等義。但非正意。故不別云。今從勝說。故云自在。善於知見者。出假利他。以道種智知法眼見也。應病與藥。故無罣礙。似我識者。違曰。論云。非有虛妄。顯現依止是名依他性相。釋曰。定無所有。故言非有。非有物而爲六識緣緣。故言虛妄。塵我識生住滅等心變異明了。故言顯現。此顯現以他性爲因。故言依止。譬如執我爲塵。此塵實無所有。以我非有。故由心變異。顯現似我。故說非有。虛妄顯現。此事故言似我也。中道佛性。即我義者。涅槃云。我者。即是如來藏義。一切衆生悉有佛性。即是我義。無我法中有真我者。即邊而中。故即偏而圓。故二前三下判釋。二初判權實。二問下釋疑。荆溪云。此問意者。隨俗說我四教並應我是世俗。何得更立自在

之名及以不二。答中意者三教隨情從多屬俗。別雖自在望圖仍俗。別教地前未觀不二。後心雖證從教不得名。永自在。圓教明我我即是聞者。能聞所聞皆法界故。故使我外更無別聞。二用教下約味。二明聞二。初約教二。初引經總立。二藏下配教釋義。四初藏二。初正釋。小生大生者俱舍云。此有生生等。於八一有能。謂本四相及隨四相爲八。大相名本。小相名隨。以此八故令一切法成有爲相。言生生者謂小生大生。等謂餘三。謂小住住太住小異異大異小滅滅大滅於八一有能者。小相於一有能能相大相。大相於八有能。謂一大相起時必與三大相及四小相俱起。并一本法故云於八。餘三大相亦爾。今亦下以生例聞。以三藏實有故存大小。二料簡二。初問。荆溪云。生生至不斷者以生生法是世俗故。二答二。初明去行取教。二但下示約行有妨。二通三別。世諦死時者止觀以破無明爲世諦死。今約破塵砂也。而生聞持至能持者得道種智遍學四教四門也。荆溪云。通教不聞聞別教聞不聞者。若準諸文二句對教與今文相有迴互者何耶。以義互通故可通用。於經本文皆不爾也。並是隨義故得互論。以大經中生等釋聞。生句與聞次第亦等以至釋生亦復如是。故大經云。生不生不生生生不生不生。是故從義迴互無在。言義通者何以通教作不聞聞。雖空而色。聞不聞者色即是空。若作別釋不聞聞者從空出假。聞不聞者如空種樹。雖種而空。二義俱通。

守名何益。四圓二。初正解。聞相盡者二邊亡也。故云不聞不聞。二徵釋二。初徵問意者荆溪云。恐不了者見不聞不聞。復云相盡。謂永不聞與聞相違。故須問之以生後答。此意欲顯二死聞盡自在聞生。是故答中若相似盡能相相聞。若究竟盡能究竟聞。二釋三。初反斥示過。二如法下以凡況聖。相似內凡聞法尙爾。況分聖耶。三故大下引證聞相。妙理湛然本無說示。能如是知方曰多聞。故若知之言通於似真。知者照也。二用四下約味。三釋疑二。初疑。荆溪云。問大論等者前問俱應名世流布有何真我。今問應合一切俱無何得此中更論於有。即達問也。若爾下結難。二釋二。初明法無定性。荆溪云。若定有者不應有四。若定無者亦不應四。二若其下示執無之過。荆溪云。則有二失。一者壞佛方便教失。方便對實則有四種。一者增於不信之人破正教失。以不信者不信佛有逗機衆教。今還不許佛法諸教正義。當於不信之人所不信境。三藏教中尙有三文以明於我假實不同。更互破立。顯我不無。及後三教並明有我。是故當知。不可無也。雖然許有不可定一意。欲並存權實諸說以饜難者佛法無我故。知。任彼各立其宗。方便教中三藏已多。況復三權一實相對其名不一。何得一向云無我耶。故知。有無無非佛法。三觀心。三感教之時二。初來意時方者方即處所如里耶離等。二一總下解釋三。初總釋二。初引論總立。數即一也。實無者真空中實無時數。故陰等三科妄

法所不攝也。隨下真空雖無隨俗說有。故大論第二云。問佛法中數時等法實無。陰界入所不攝故何以言一時。答雖實無一時隨世俗說一時。無咎義如向解。不通餘說。二言四下牒名釋義二。初牒名。二若通下釋義二。初依名況解二。初釋感教。一期教者始佛國終囑累名一期也。戒序者荆溪云。古梵網經經初有序。春分四月以佛法無秋但分三時故當四月。二若約下釋得道。如苦忍一刹那者既不出觀無聞法義。藉於前聞得入見諦。此以利那而爲一時。二今約下正示今意。世善機發者世善人天善也。即是多時者荆溪云。不同苦忍一刹那故。以有漏心時節長故。以世間善共心雜故。下之三門亦復如是。故前三門皆具四悉。唯第四門獨論時也。又解下即所未聞經佛爲重說也。二二約下別釋二。初約教。荆溪云。法無別時必約實法以論一時。破時顛倒者入空也。能分別等者出假也。攝大乘下還云。彼論第五曰。由本識能變異作十一識。本識即是十一識種子。言十一識者一身識。二身者識。三受者識。四應受識。五正受識。六世識。七數識。八處識。九言說識。此等識因言說熏習種子生。十自他差別識因我見熏習種子生。十一善惡兩道生死識因有分熏習種子生。釋曰。身識謂眼等五界。身者識謂染污識。受者識謂意界。應受識謂色等六外界。正受識謂六識。世識謂生死相續不斷。釋曰。爲明衆生果報無始以來三世生死相續不斷故須立世識。數識謂從一乃至

阿僧祇。釋曰。爲明衆生果報有諸界多少不同如四界六界十八界等故。須立數識攝一切數。處識謂器世界。釋曰。爲明衆生所居如人天惡道有無量差別故須立處識攝一切處。言說識謂見聞覺知各有種種。因此有無量言說作事言說與見等更互相顯示故須立言說識攝一切言說。此十一識皆以分別爲因虛妄爲果。荆溪云。若從分別數之與世以辨識者數世事廣。故屬別教。況攝論中不明小乘復少別義。故此世數必屬於別。今謂離真有妄加以分別。事廣即別教義。故明一時引彼數世。一即是數。時即是世。一時入一切時等者長短唯心。故能相入。荆溪云。具如華嚴利那三世九世具足。況復七日對一劫耶。華嚴十一切者還云。舊經第二十五云。佛子一切諸佛有十種巧妙方便。第六方便云。一切諸佛能於一時皆悉分別知一切時不捨離生平等正法。而一切時皆所不攝。非晝非夜乃至云非時不離時而於無量時轉法輪。未曾暫息是爲一切諸佛巧妙方便。今謂疏通舉十意在第六以證一時。既理事融通。故屬圓義。二二下約味。三觀心約三觀。攝四教一時如文。

維摩經略疏垂裕記卷第一

維摩經略疏垂裕記卷第二

錢唐沙門釋智圓述

四的出化主二。初來意。九十六種者準九十六道經彼經二卷委明相狀。於中一道是正。即佛道也。九十五皆邪。華嚴大論或曰。九十六皆邪者以大斥小也。故百論云。順聲聞道者悉皆是邪。無師大覺者瑞應曰。我行無師保。亦復無等保。懷伏也。二正釋一。初釋佛稱名亦爾者合云名稱。內德外名俱無量也。二釋在。住之異名者荆溪云。一切經初二名互用。名異義同譯人參取。住布施等者以因顯果也。因修施等果住欲天。餘皆倣此。二梵下色及無色俱離欲染通名梵住。梵淨也。三空者即空無相無願。亦是生空法空平等空也。楞嚴翻健相。總攝諸三昧故。佛所得法者荆溪云。佛以無依而爲所依。無所依者即常寂光。現三土者皆爲利物。住表無住故居此城。世釋佛住唯用世土。此乃以佛同於世人。今欲通明故通天梵。況佛所住通天梵等。今謂。龍樹通舉四住別顯後二以釋經文。故論自結云。於四住法中住聖住佛法。憐憫衆生故王舍城住。他師不曉今家全依大論。而妄有破斥。二別釋二。初釋佛二。初正釋三。初指釋題略標。二初成下引諸教廣解三。初成道。三轉法輪。大小相者大即三十二相。小即八十種好。別圓教佛大小各八萬四千。即脫璣者用法華五時譬文以顯此意。隱舍那

像如脫璣者。現劣應身如著弊衣。即老比丘也。門內尊特者既心相體信。故入宅見長者璣之身也。如今經身子等見如須彌山王之像也。或現下新入小機還見劣應。衆生疑故者還云。彼般若中衆疑曰。佛始王宮生。十九出家。三十成道。至此何能現於不思議身。爲息衆疑但現丈六身方面各一丈之光。此皆衆疑。人常所見者名常身常光也。涅槃下現身雖同方等稟小同解圓常。此爲異也。問或謂華嚴報身說。諸餘大乘悉應佛說以判優劣。爲定爾耶。答三身明之應身能說。法定無說。報通二義。自受用報同法無說。他受用報同應有說。應即法故說即無說。法即應故無說即說。約理則非說非不說。約事則有說有不說。理事相即詳計何從。故法華涅槃既已開權。尙是法說。寧非報說。故曰釋迦牟尼名毘盧遮那。吾今此身即是法身。庶幾來者審而思之。三入涅槃。然此三文去就少異。成道入滅俱約四機同時見異。中間轉法乃約五時增減明之。同時異見即互通意。五時增減即次第意應知。俱通俱次。但互現其文耳。三此經下判今經所屬。今判教部正依次第。二問下料簡若就下障重故見劣身。根利故聞勝法。二釋在。在即住義。三觀心六即分別者委如前記。凡論觀心皆爲初心名字位人示其門也。五聞經之處二。初叙意分章。二依章釋義二。初正解方所二。初通方所三。初約事。毘耶離國在恒河南。中天竺界。文中四義即世間四悉。嚴淨故見者歡喜即世界也。梗

糧資命即爲人生善。平直非斜曲即對治破惡。好樂正道即第一義。仁義正道是世間之理也。砥直者平直也。砥音旨。孔安國注禹貢曰。砥紐於礪。皆磨石也。好道者去聲。敦勉也。五百長者等者凡五百家皆傳禪爲國主也。二對法門。對前四釋亦成四悉。前三皆第一義異名。四俱在理。尋文可見。荆溪云。次對法門。亦依四義以立三身所依之士。百穀者楊泉物理論曰。穀氣勝元氣其人肥而不壽。養性之術常使穀氣少則病不生矣。梁者黍稷之總名。稱者概種之總名。裁者衆豆之總名。三穀各二十種爲六十。蔬果之實助穀各二十。凡爲百穀。三觀心向對法門則直表釋迦果地所證。此明觀心則正行人一念所攝。談性似同準凡兩別。下釋華嚴共義亦爾。無染無著者不染生死。不著涅槃。又無染二邊。不著中道。染著義一分釋且爾。百句解脫出涅槃經。百句雖多三脫攝盡。三脫相即祇是一心。二別方所二。初叙意。助證猶漫者雖通舉國名未知佛住何處。故次云菴羅樹園也。二正釋三。初約事。此與大經同者雖分別。即生熟難分也。具有四句者見觀心文中。華生一女等此依奈女因緣經說。二對法門從七覺華起慈悲心者荆溪云。因相成時依之起誓。雖非有無等者雖非雙遮也。而似下雙照也。中邊相即故難分別。三約觀心。十種園者暹云。舊經第三十二曰。佛子菩薩摩訶薩有十種園林。何等爲十。所謂生死園林行菩薩行不起憂惱故。教化衆生園林不厭衆生

故。乃至云。於念念中一切衆生現成正覺園林。法身如虛空。充滿一切世界平等覺故。觀不思議難分別理者觀即三觀。理即三諦。不一不三名難分別。委如止觀第五觀陰境文。二問那下釋通疑妨。三初明觀法解釋悉是佛意。四初問。二答二。初舉佛意多含以總斥先舉四喻顯多含。由多含故隨機演法。豈唯事解乎。流念對種種機。海珠鏡地喻應天大經去總斥也。荆溪云。汝存事解不許法門如各據尾牙失共實體。故一家釋義事理二圓。豈非得象之全分耶。如華嚴中十城十園。豈可唯是世間城園耶。摸象者大經云。譬如有一王告一大臣。汝牽一象示衆。盲者各以手觸其觸牙者言象如萊茯根。觸耳者言如箕。觸頭者言如石。觸鼻者言如杵。觸脚者言如木。觸脊者言如床。觸腹者言如甕。觸尾者言如繩。王喻如來。臣喻大涅槃經。象喻佛性。盲喻一切無明衆生。二若言下引經文觀法以正答。且佛誠說者大經中佛自解說雙林所表之意。如經東方雙樹表常無常等。故云皆表半滿。無常即半。常即滿也。三問法下難佛自解說者即經云。大慈悲爲室。柔和忍辱爲衣。諸法空爲座也。師心者前心不善後心隨之名師心。前心不善後心改之名心師。前心爲後心所訓也。故涅槃云。願爲心師不願師心。今以妄作解釋是不善心而不知改名師心也。四答若下通。厝置也。何曾併是者如分經三分各立義門豈皆佛說耶。然此蓋不知釋論所明四依菩薩隨義立名名爲法施

也。若許種種釋義何獨不許法門解耶。二顯頓漸諸教成須觀解二。初問難二答釋二。初明方等有觀解。二明小乘有觀解。爲牧牛人說十一法等者暹云。大論曰。放牛難陀問佛。有幾法成熟能令牛群蕃息。有幾法不成熟令牛群不增不得安穩。佛答。牧牛有十一事。頌云。解色與相應三摩。剛從瘡瘡三放。煙并茂草二安隱及度處三時宜留察餘二將護於大牛。一比丘亦如是知四大造色。一善別愚得相一摩刷六情根。一善覆十善相。一傳所誦爲煙一四意止茂草。一十二部安處。一八聖及度處一莫受輕賤請名曰知時宜。一知足爲留餘。一敬讓是將護。一此十一事即小乘附事觀心也。然則豈唯內典外教亦然。儒行篇云。儒有忠信以爲甲冑。禮義以爲干櫓。又楊子法言曰。修身以爲弓。矯思以爲矢。立義以爲的。尊而後發。發必中矣。抑亦觀心之例也。由是知今師觀解其得意於內外乎。三對釋題明教觀前後之意。懸釋者離文先釋。故曰懸釋即指前玄義也。又懸釋字亦可作玄。玄通也。離文通釋。非隨文別解也。文選曰。睿哲玄覽注云。玄通也。故玄懸二字互用無在。六證非謬傳二。初懸示二。初叙意分章。二懸解釋妨二。初解列衆次第二。初問。二答二。初明影跡親疎。內無得道者約初至佛所結惑全在。荆溪云。內無得道簡異二乘。外闕化他簡異菩薩。二約法門所表二。解歎德有無二。初問。二答二。初出古解。二明今解二。初斥古非。二今恐下明今義。如大論者荆溪云。引此釋者小則唯



小。大則不定。或並或單。並是部意單從譯者。故準論意金剛豈可是小乘。譯人存略故單列耳。二一明下隨釋三。初聲聞二。初通釋胡越者胡在北。越在南。文選古詩云。胡馬嘶北風。越鳥巢南枝。正弼曰。同舟而濟。胡越何患於異心。二別釋二。初標。二釋五。初釋與二。初引同列數。二若釋下依義解釋二。初簡異法華。發迹等者。荆溪云。問發本發迹同異云何。答具如釋籤。二一處下正明今義。無作者因作而發。成論以非色非心不相應行為無作戒體。九定者四禪四空并滅受想名九次第定也。俱證有餘者。苦依身在故。二釋大。二初引論解。二今明下明今義二。初約總別正解二。初約總別釋。三章陀者亦云毘陀。此翻智論。即彼土外書也。有四種。一億力章陀明事火懺悔法。二耶愛章陀明布施祠祀法。三阿他章陀明開戰法。四三摩章陀明知異國圖戰法。知此生智故名智論。精解此四名章陀外道也。佛對至其緣者。性念破一切智。共念破神通。緣念破章陀。性是真緣。諦理唯斷煩惱。共是事理。合修即兼修九定。故能發通。緣是遍緣諸境。謂學當教四門教法及解外典章陀。得入性地者。內凡位也。成三解脫等者。以三念次第對之。心得好解脫者。心即定也。慧定俱得名俱解脫。無礙解脫內外通解。故曰無礙。名大比丘等者。比丘則名通因果。羅漢唯在於果。波羅密此云事究竟。二簡別對義。答中以摩訶般若類慧解脫。二三藏下約教觀判結二。初約藏通二經二。初教。二觀二。

此八下判初教二論。毘曇申三藏有門。成論申空門。三釋比丘二。初正釋二。初有翻。二無翻。二初釋因中三稱二。初引論標名。二依論釋義。魔羅翻殺者。能殺害出世善根。第六天上別有魔羅所居。亦他化天攝。三魔亦怖者。將欲斷煩惱因滅陰死果。義當先怖以三魔怖故。天魔方怖。清雅者雅正也。遠離四邪者。下邪仰邪方邪雜邪。廣明如釋論第四。略引如下。釋須菩提章記文。下兩助成者。愛及憍慢俱屬意業。對初身口則三業破惡。破憍慢者。自舉曰憍。凌他曰慢。乞食謙下破是二心。下文訶身子即香積品也。二此具下結示果名所從。二直言下判位。四釋衆二。初通釋衆義。二別引四僧二。初列名釋義。三學開遮通塞之相者。開遮約戒律。其相易知。通塞約定慧。如止觀識通塞文。以苦集十二因緣生六蔽名塞。道滅十二因緣滅六度名通。今此應云散是定之塞。靜是定之通。昏是慧之塞。明是慧之通。猶如啞羊者。論云。譬如白羊乃至人殺不能作聲。謬墮僧數者。猶云謬在僧中也。四事即房舍衣服飲食醫藥也。二前之下結判去取。既非事和不堪僧事者。荆溪云。不能分別定慧。二藏猶可事和。戒藏不明持亦有闕。故雖持戒猶名愚癡。況啞羊耶。五釋數對行明數。即約觀心也。二菩薩衆二。初叙意分科。二隨文釋義五。初明類二。初事解二。初略示。二具下廣釋二。初翻解名義二。初什師存略。二翻下諸家翻解二。初汎舉諸家闕士。始士者。荆溪云。心初開故始發心故。古本翻高

士者。古翻此經也。升出凡小故名高士。二今依下的依大論。為無惠利者。自度不能益他也。二但三下簡辨結示二。初簡辨二。初簡兩教二乘異乎。二乘者以薩字異。二乘菩提也。二簡藏通菩薩二。初正簡別圓至吸鐵者。中真顯發無謀遍應如石吸鐵。二問下釋疑。問意者。荆溪云。依前藏通已下文為問也。答中意前云。不得名薩埵者。以無別圓薩埵義故。今云。少有慈悲等者。藏通菩薩亦有慈悲。但異二乘得名菩薩。前云非薩埵者。意令別起別圓慈悲。方乃別受薩埵之稱。但藏通菩薩觀行同小。故別斥之。通得名者。各從當教。今云。少有慈悲。意欲還取藏通菩薩合成四種。二四教下結示。多用衍者。摩訶衍此云大乘。略言衍耳。非衍正意者。今經在衍。故斥菩薩有通有別。通乃斥三。別唯訶藏。故使通別有歎有斥。三藏唯斥。圓教唯歎。通斥語寬。非教正體。有時下疏文。或明三藏者相對比決。非關經意。二觀心以三觀攝四菩薩如文。二辨數。三歎德二。初分科。二隨釋三。初總歎二。初總釋二。初標章述意。二此諸下叙德釋名。荷澤無邊者。謂衆生荷菩薩之恩澤也。二但衆下別釋三。初叙意。二正解。文中復更約位分別者。荆溪云。至此位時。方可通為衆生知識。若正歎者。如下結文。即補處位。三今諸下結顯。荆溪云。橫遍豎高者。正結所歎功用也。二別歎二。初總別分科二。初二下隨文釋義三。初略歎自他德二。初略歎自行德二。初正歎二。初事釋二。初廣文分章。二隨章釋義二。初釋

大智本行二。初約一法二。初釋義三。初標二。依下釋。三。故法下證。荆溪云。初引法華中上句證本。下句證行。依本修行故必作佛。既云大智即是本行。亦可本行即是大智。次云從無住本以證於本。立一切法以證行也。二判位二。初叙古三。初正叙。荆溪云。南北二釋未見本文。什師雖云從下至上漸漸轉勝諸句未必後勝於前。二解既下研詳。北方下此師準地持中以十度對十地。故以今文七度以對七地。三。若欲下斥破二。今謂下明今二。初總釋二。初正解二。初顯正斥非。二如歎下引文難古。豈可歎下者以北人以此句對初地故。若據成就宜歎等覺。何獨歎上者初地既乃分得作師子吼。南人何謂獨歎八地耶。故知下結難也。祇由定執一文故招互破。若如今師即分真位人皆具諸句而淺深宛然。二釋妨二。初引文立妨。問近無等者荆溪云。約文定義唯在等覺。二約義答釋二。初明諸德成歎上。結云下等覺隣果方名具足。二若通下明無等。亦通下前以定義為難。今以互通釋之。文分二。初明下亦名近。相待者荆溪云。是約通義。即以往前待於二住以之為遠。待於初住以之為近。初住待於二住為近。若望三住名之為遠。乃至十地比說可知。皆以妙覺為無等等。此則初住分果亦得名近。豈唯等覺。法華下明近義尚通觀行外凡。何必聖位。行處近處者內懷至理歷緣耐事日之為行。體達外緣棲息真境目之為近。蓋事理互現俱約外凡。二華嚴下上亦名遠。爪土望於

大地其遠可知。孰謂十地等覺為近無等等耶。二。今三下別釋二。初歷教委示。但約二諦者道觀雙流故。品有優劣者以八九十地相望故。二。但諸下斥古顯今二。初明聖德難量斥古定執。但諸菩薩者即指三萬二千。並內冥實相外應群機。論其所證難測高下。二。今非下明教觀圓備顯今得意。二約二法二。初正釋二。初叙意。日足互失者有目無足豈能前進。有足無目必墮重險。以合解行不可偏有。二。所以下正釋二。初釋大智。二釋本行各二。初釋。二證。二當知下結示。橫堅諸德者荆溪云。以種智解歷一切行行為橫。以智詣理望行名豎。理深行廣故也。又亦可云解橫行豎解初心具。行漸方成。又亦可解行各有橫豎。故知但語解行攝無不周。二釋皆悉成就。二。初問。二答二。初正答前問。二約教分別。檀三事空者能施人所施物能受者皆如幻化。二觀解。二釋歎二。初雙標。傍成化他者正成自行也。荆溪云。化他必假諸佛威加故。二正下雙釋二。初釋前正歎二。初正釋二。初事二。初引論略明。二。今明下依義廣釋二。初正釋三。初法二喻。外無下地生日照風動雨潤然後成實。三合二。初正合前喻。二重以喻顯。大鵬如佛。即應也。影喻威神。即慈也。子喻菩薩。即感也。荆溪云。明感應理妙不至而加無緣慈也。言大鵬者莊子云。大鵬搏扶搖而上九萬里。翼若垂天之雲。孔氏志曰。楚文王少時雅好田獵天下快狗名鷹畢聚焉。有人獻一鷹曰。非王鷹之儔。俄而雲際有一

物凝翔飄飄。鮮白而不辨其形。鷹見於是。棘翻而升。鷹若飛電。須臾羽墮如雪。血灑如雨。良久有一大鳥墮地而死。度其兩翅廣數十里。喙邊有黃。衆莫能知。時有博物君子曰。此大鵬雛也。始飛焉故為鷹所制。文王乃厚賞獻者。二。故華下引證。八地沈空者荆溪云。舊經二十一云。入八地已十方諸佛作如是言。善哉善哉善男子。汝已得是第一忍。故順諸佛法。諸佛皆有無畏不共之法。汝未得之。故勤精進。二觀解二。此正下結示。事觀兩釋並約自行。二傍成化他二。初事釋乃至金剛藏等者加功德林說十行。加金剛幢說十迴向。文中存略故云乃至。荆溪云。十地尚須請加。何況初心而欲端拱。是故自他俱須請也。二觀解若欲利物者圓教上根出假在觀行位。若蒙佛加化道無阻。如風靡草者靡偃也。能化如風。機緣如草。論語曰。君子之德風。小人之德草。草上之風必偃。二略歎化他德二。初分科。二隨釋三。初歎化他心二。初事釋二。初釋為護法城二。初約教法釋。經為護者通平去二聲。平聲作也。去聲助也。防非擬敵者依教修行。則能防三業非擬魔外敵。二又下約理境解。一切衆生皆陰入現前故。般若談空皆從色起。今家觀法其意皆然。但餘文附託。直明諦理今此釋城義與陰合。故此明之。達陰即真。故云此法即空。此中道不思議空也。如城中必空。故以空言之。衆生是王者衆生即陰中主宰。種性具足者一心百界界三。道成即三德。理體本具自他不二名佛種性。

二釋受持正法。內外愛見者內即通惑。外即別惑。法王種性皆得安穩者達三道即三德名為安穩。恒沙至散失者如民不離散也。二觀解文中以空假相對明通教觀法。中假相對明別圓觀法。六道假即但空。故云假空。但空即六道假。故云空假。此在界內名小涅槃。二邊即中道名假中。中道即二邊名中假。二諦明義俗諦含真。故二邊名假。經意在衍。故此觀法且明三教。亦可假空空假兼攝藏教。二釋化他功成。二初釋能師子吼。二初事釋亦名師子吼。三味者。荆溪云。若見佛性方法決定說如師子吼。注云。云者廣如涅槃師子吼品。二觀解脫於四教者內依空觀外說藏通內依假觀外說別教。內依中觀外說圓教。又一心本具十界依四聖法界說四教法。內觀既明外說無怯。觀心為諸教之本。其在茲乎。如師子子者佛如師子王。行人如師子子。三觀圓觀如滿三年。能說四教如即能吼。然此觀解不必初住。五品即能觀行說也。雖云四教意必在圓。依圓方談一切有性名師子吼耳。二釋名聞十方。三釋歎三。初釋化他心。二初事釋。二初釋初句。二初標示。二善下解釋。二初正解。祈請者祈告也。連官大將者王制千里之外設方伯。五國為屬。屬有長。十國為連。連有師。故曰連官。二釋疑。非請有無者機熱無請亦應。機生雖請不應。請而復應。不請不應。生熟可知。二釋次句。二初標示。二世人下解釋。二初釋友。同門曰朋。同志曰友。各得無漏道果者藏通破見思。別圓破無明。悉無

漏位也。法華下引證。親友也。先小後大如先疎後親。內祕大行權現二乘。故曰二人。同修小行。故曰共作。汝即窮子。以喻實行。若開下實行機熟咸悟圓常。即法華時也。二釋安。二觀解四心不請三觀者荆溪云。指心為境。境雖須觀義不名請。以不請故動動觀之方與觀合。言令住者安是住義。二釋化他功成。二初事釋。二初標顯前經。二善薩下正釋今句。二初正釋今義。二初約四教。二若頓下約五味。二初頓。二漸。頓即華嚴。漸即四味。善薩對揚五時益物。華嚴兼別正從圓說。故云圓機。初心即初住。次漸中鹿苑三藏。法華唯圓。中略二味。故云乃至。漸引至實同歸圓教。展轉興謝者鹿苑一興三謝。方等四興般若一謝。法華開顯唯興一圓。涅槃重施知圓無別。二善薩下結。顯前經說法之功者引頓漸機同歸祕藏。其功顯矣。二觀解。二初略指佛世事如前說者即前事解是。善薩於佛世頓漸益物也。二佛去下廣明滅後。荆溪云。此中觀心先列事者以事為本故也。復以紹隆之心而共為境。恐正味者唯信觀心。兼勵君王樹立像教。紹隆無觀尚成漏緣。況迷紹隆相從心耶。能表若失所表自亡。故一一文皆令觀於相從等也。文分二。初汎明紹隆。二眾弟子即在家出家。付囑之辭並在涅槃。付文殊迦葉及未來比丘是付出家眾也。付國王大臣居士等是付在家眾也。所以下明在家受囑紹隆之相。荆溪云。出家之徒已在相從三寶數。故且云在家。其實四眾咸須紹隆及觀相從。

況紹隆事大。非王力不辦。故此且約在家以示其相。優填等者佛升忉利夏安居。為母說法。王恩佛德。令毘首羯磨刻檀狀其形容。舉高五尺。遂令滅後遺像在世。此相從佛寶也。闍王常供千僧請迦葉結集法藏。此相從法寶也。育王度八萬四千人出家。此相從僧寶也。優填造像緣備載阿含觀佛三昧等經。闍王育王緣俱見付法藏傳及育王經。若相從下由滅後紹隆益露群品。以作下生得度之緣。二若行下正勸末世。前汎明紹隆猶在正法。今居像末紹隆彌急。文為二。初顯事能資理。度人出家者唐太宗嘗問玄奘三藏。欲樹功德何最饒益。法師對曰。衆生寢惑非慧莫啓。慧芽抽殖法為其資。弘法由人。印度僧為最。雖是下以假像知真因事識理故也。二故經下引經證成。文中引三經證三寶。荆溪云。敬像如真佛者大論引經云。不於泥木生難思想。安能知像性等虛空三身宛然四德無減。是則觀於相從之心。若能如是是則相從。即是真佛。此明觀於相從佛實心也。從無離去觀相從法見真法也。賢愚經者觀相從僧心見真實和。若不如是豈見常流如身子耶。若不如是但於三寶縱見取心。何由可見真三寶耶。以是思之有德未免。二紹隆下結歎。善薩下正指末世在家出家二眾。善薩以結歎也。南山云。道俗二眾福智別修。智論云。出家多修智慧。智慧是解脫因緣。俗人多修福德。福德是樂因緣。僧祇云。供養舍利造塔寺。非我等事。彼國王居士樂福之人自當供養。

比丘事者所謂結集三藏勿令佛法速滅。幸  
費後德志務紹隆。當思二別。夫如是則不辜  
付囑。俾正法久住其猶大臣治政於國家也。  
三傳釋紹隆不斷二。初事釋二。初總二。初明  
魔外由心。由迷真性起愛起見故使魔外得  
以誘之。僞愛見內忘則天魔外道無以施其  
力也。然彼魔外亦由各迷真性愛見偏增遂  
各守一職爲人惡緣。二今明下明菩薩降制  
二別釋二。初約教二。初正釋伏制。二若降下  
結示釋前。二問下料簡二。初簡聲聞魔。八魔  
者所謂四魔無常無樂無我無淨。陰等四即  
界內。無常等四即界外。十魔者通云。新經五  
十八云菩薩有十種魔。一陰魔生諸取故。二  
煩惱魔生雜染故。三業魔能障礙故。四心魔  
起高慢故。五死魔捨生處故。六天魔自憍縱  
故。七善根魔恒執取故。八三昧魔久耽味故。  
九善知識魔起著心故。十菩提法智魔常不  
捨故。菩薩應作方便速求捨離內外。分別可  
知者十種名義通內外故。自此之前者迦葉  
菩薩未聞涅槃圓頓。已前所起三教智解悉  
名邪見。此即界外外道也。今經訶善吉意亦  
同之。二簡菩薩魔。菩薩云何者荆溪云。問前  
兩教菩薩也。華嚴下前十中後三唯菩薩。前  
七義通聲聞。三昧魔者退大取小涅槃。外道  
亦修空等者通云。央掘經第二文殊說偈云。  
諸佛如虛空虛空無有相。央掘訶云。如來真  
不空。離一切煩惱及諸天人陰。是故說名空。  
嗚呼蚊虻行不知真空義。外道亦修空。尼乾  
且默然。二觀解假空等如前釋。二廣歎自他

德二。初總別分科。二一總下隨文釋義二。初  
廣歎自行二。初歎斷德三。初總歎二。初事釋  
二。初總。結惑即因。生死即果。因果俱亡。故  
云皆斷。未分內外即總論也。二結惑下別。二  
障者煩惱所知也。二觀解界內惑盡者別圓中  
假觀成。且約凡位。二別歎二。初事釋二。初總  
二。初正釋。蓋以覆蓋爲義。纏從纏縛得名。今  
謂下荆溪云。今師更約以近喻遠。但枝葉異  
其名必同。何者以五蓋配四分。貪瞋兩蓋其  
名本同。由寢故睡。由寢故疑。是以睡眠兩蓋  
併配疑。分掉散是戒取者以戒取心遍起三  
毒。故名掉散。故以掉蓋對等分也。二問下料  
簡二。今約下別。尙明蓋不同者在界內尙  
有異說。況界外乎。十纏者忿恚曰瞋。隱藏自  
罪曰覆。意識昏迷曰睡。五情暗冥曰眠。嬉遊  
曰戲。三業躁動曰掉。屏處起罪不自羞曰無  
慚。露處起罪不羞他曰無愧。財法不能惠施  
曰慳。他榮心生熱惱曰嫉。二觀解。三釋歎二。  
初事釋二。初釋無礙解脫二。初總釋。二藏下  
別釋。智不斷惑者即惑是智。豈以智斷智即  
智是惑。豈以惑斷惑。了達不二名智名斷。二  
釋心常安住。前釋解脫顯所安。今明能安也。  
二觀解。二歎智德二。初分科。二隨釋三。初總  
二。初釋。初句二。初合釋。二以此下離釋二。  
初釋念定二。初事釋二。初總釋。若得一心等  
者觀行已上通得王名。今於分真別歎等覺。  
若根本下根本即四禪。觀禪即九想八背捨  
十一切處。練禪即九次第熏禪即師子奮迅  
修禪即超越三昧。三空如前記。自性等九者

即地持所明九種大禪也。般舟此云佛立。即  
常行三昧。一行者即常坐三昧。如文殊說兩  
般若所明。九句常坐翦略身儀。故云一行。又  
唯觀寂滅。故云一行。二約教下別釋。大論下  
荆溪云。雖有異釋不出此四。依衍但三。二約  
觀解。二釋總持二。初總釋。二法華下別釋二。  
初引經示義。荆溪云。三陀羅尼一簡之皆  
令離別。法音有二釋。初內證。又法下次約外  
用。得此下由三互融故名無礙。二問答釋疑  
三。初義通初後。問意者荆溪云。既約三觀復  
屬圓教。義在初心。故有斯問。答下發心初住。  
畢竟妙覺。所證理等。故二不別。二明三藏亦  
得。三明小乘無分。荆溪云。凡云持者一者一  
攝一切。二者生不失。小教無此。故不合論。二  
觀解。二釋次句二。初事釋二。初釋辨才二。初  
總釋七。辨二十四辨等者還記引經委辨。須  
者尋之。二約教下別釋二。初廣釋藏教。二通  
約下略例三教。二釋不斷二。初總釋。二復次  
下別釋。即約四教釋也。展轉相起示不斷義。  
斯則內證三脫。外應四機。二觀解。二別二。初  
事釋二。初釋七度二。初開合。還從定慧開出  
者還云。祇是從上念定總持開出耳。七度者  
今經於六度上更加方便也。從定開四者從  
念定開施戒忍進也。以念定即禪度故。慧開  
方便者以照俗智爲方便。照真智即般若也。  
若作下開六度爲十度也。六度通大小。十度  
唯大。一往亦通藏通。以權立三智故。開禪出  
力顯者於禪度中有願智力故。開願波羅蜜。  
有神通力故開力波羅蜜。根本定守禪度。般

若開出道種智及一切種智。一切智守本受般若名。二約教。二釋無不具足。二觀解巧拙者。荆溪云。祇是方便。若爾方便無拙。何以言之。相對故來。非謂有拙。慳及以愚亦復如是。三歎位。釋成二。初事釋二。初總釋。逮之言及者。及猶至也。謂已至法忍不起。祇是無生異名。無境可觀者。煩惱生死二法本無。般若涅槃將何待對。理事俱絕。故無可觀。荆溪云。而云無所得者。此中二意。一者去大寂近。二者寂名不擁重言。無所得者。即寂滅之無所得也。仁王五忍。謂信伏順無生寂滅。理路四忍。關於信也。復言逮者。下別釋逮字。與前不同。故作自上及下釋之。隣果是中忍。兼得十地下忍也。及是兼義。不取至義也。二別釋二。初約四教。三藏無文者。無經論所出也。義作等者。準望大乘說之。通等三教。即依理路也。故仁王云。下證圓教初後具四也。伏忍既通於後驗。餘三亦通於初。故知圓位初後橫具。普賢賢守者。賢即伏忍之異名。以凡位名賢。故既等覺名賢。故知。下名通上。以例上名通下。位位具四。二問下簡通局。下歎淨名等者。即方便品初歎德云。得無生忍。辯才無礙也。問意者。此諸菩薩及以淨名俱是等覺。故知不起法忍。祇是無生非寂滅也。答中乃用通別二意。在因讓果。即別意也。下歎淨名。蓋取此義。次引大經不生之言。即是無生。既名涅槃。豈非寂滅。次引今經。其意亦爾。故知。無生寂滅一體異名。故得通用。二觀解柔和忍辱心是者。柔和則順於三諦。忍辱則不起三惑。

二廣敷化他。二初分科。二初為下隨釋二。初明內具化他法。二初分科。懸示二。初明下隨文正釋三。初明內具三。初釋初句二。初廣明三順。轉四法輪者。即四教也。菩薩隨轉者。佛說四教菩薩亦然。故云隨轉。因緣下。即四教理也。解此四理。祇是三諦三諦不出一心。順解而說者。他聞謂異己解常同。故使下文以順實智而說為實智也。二復次下。結歸二智。是順實智者。內解四理。即是一心。即實智也。是順權智者。隨機四說名順權智。四中國雖是實。既對三教通得名權。以開顯唯圓方名實。故又菩薩隨順。既施四教。必歷五時。引彼機緣。亦至開顯。今云權智亦得通該。然法華名權。即體內方便也。又且順經部以歎其德。不論開顯。故云權智。順權實二智者。體內名實。體外名權。內外雖殊。通名方便。今順佛意。故得俱包。前順衆生止名權智。後來學者宜在精詳。二釋次句二。初事釋二。初略釋轉輪。二有四下廣明不退二。初敵對四教中之三教。若就當教細辯。各有位行念三不退義。具如次文。今約大證。以三對教。通人斷惑。不同六度。故位無退。別教出假廣修衆生。故行無退。圓斷無明。故念無退。此則捨傍取正。各就教意。以配三義。二若三下。逐教各辯。名為跋致者。具云阿鞞跋致。此云不退。齊羅漢者。齊去聲。圓教下。約初住位。明三不退。以簡別教大第而得。若約不次。以明次第三不退位。準別說之三觀解。三釋解。三釋後二句。十力下。更以十力甄明文旨。以菩薩分得十力。故是處

力當第一。知根力當第四。釋十力如法界次第下卷。二外具出過不達之上者。前三教人俱名不達。又住前不達。分聖方達。三總釋內外二。初分科。二隨釋三。初釋內心無畏。福慧能顯至淨心者。福即解脫慧即般若。自性即法身。以二修顯一性也。若約位分別。慧即了因。位在名字。福即緣因。位在觀行相似。以此二修成就。故於初住顯出本具自性。此則住前名修。登住名證。今歎補處。分證義等。然此自性清淨心。即一念三千三諦也。無聞清淨。便作異說。總此權實者。還云。無非同體。以嚴法身。故云總也。二釋外用無畏二。初初二句。釋外用二。初釋相嚴。迦旃延子所明者。即明三藏百劫種種相好義。約真修相者。雖達如空而修相好。但見真空。故云諸理未極。以緣修者。別以地前為緣修。登地為真修。今論教意。正約地前也。緣修是智障者。二觀智當彼破惑名之為智。今望中道智還成惑。二智即是中智家障。故云智障。法華下罪福約十界傳論。無非三諦。故云深達。十力即十界。十界唯心三千互攝。如此覺了名為遍照。微妙下法身。即上所達之理也。由內證法身。故外具相好。荆溪云。前之三教。非第一者。且約奪邊用。跨節說。二釋色像。妙色湛然者。真理有可見義。名之為色。二次二句傳釋。三釋結成無畏。二。初分科。二隨釋二。初結外。文中三解。似因緣約教觀心。二結內。不為內外之所壞也。者。內謂煩惱外謂魔外。利微本際者。本際即金剛輪。若放金剛到際方止。二正明化他二。

初總別分科。二一放下隨文釋義。三初放光說法明化他。二初放光說法。三初放光。即能行施等者等取餘五。以彼經放六度破六蔽故。今文略引放檀度光也。彼思益經乃至云。光名能解。佛以此光能令愚癡衆生皆得智慧。二說法。甘露者白虎通云。天酒也。三釋歎。隨意即能至者相似內凡作意方至。不同分真任運遍往。

二釋成。二初分科。二隨釋。二初歎智德釋成。二初叙意。二緣起下正釋。文中先約正報。次約依報。初文者生死緣起即九界染緣起。解脫緣起即佛界淨緣起。深入生死緣起即成佛法緣起者。達九界即佛界。以十界唯心故也。法華云。佛種從緣起者即今深入之謂矣。非但下明依報。以深入下結上依正也。達十界依正唯心。故名深入。二歎斷德釋成。二初叙意。二邪見下正釋。二初釋二邊邪見。二初約界內外。六十二至有無者一陰起四見五陰成二十。三世明之則有六十。要其所歸不出斷常。故云皆屬有無。二約三諦。二釋餘習。二初解義引證。二初解義。猶有習在者此以元品無明名餘習。即等覺後心所斷。入重玄門者再妙前事。故曰重玄。故下句云。重修凡事。即是再修令妙也。十行已修。今將趣極復重修之。事等微煙者法性之有餘習若太虛之有微煙。非重雲之暗蔽也。少監如餘習。大河如法性。二故大下引證。二當徒下斥非顯。是二初斥他非。二初總斥。二問下顯過。二優下顯是。九地斷見習等者障理名見。潤生名

愛祇約一惑有此二名。而分兩地所斷者亦就傍正以說。還是借用別義。二正說法化他。二初分科。二隨釋。二初歎化他成就。二初喻決定說即滅惡也。香象是隱飛者是禽。非但下魔外合獸。諸衆生合禽。無怯合不畏。亦令下魔外合香象。高心合飛者謂諸衆生高心也。二喻生善。即生權實善也。下云三草二木是權一地是實。四種法師者還云。大論第五評四法師偈云。多聞辯慧巧言諳。美說諸法轉人心。自不如法。行不正譬如雲雷而無雨。其廣學多聞有智慧。訥口拙言無巧便。不能顯發法寶藏。譬如無雷而小雨。其不廣學問無智慧不能說法無好行。是弊法師無慚愧譬如小雲無雷雨。其多聞廣智巧言諳美說諸法轉人心。行法心正無所畏如大雲雷霍洪雨。偈意以多聞如雲說法如雷美行如雨。今以雷喻多聞。隨便舉耳。雷以驚蟄者直立反。經典釋文曰。蟲冬藏爲蟄。八音者一極好。二柔軟。三和適。四尊惠。五不女。六不誤。七深遠。八不竭。八音如雷故云震。八音雷驚二邊。至蟄者保有保無如蟲冬藏。法雷驚之令捨二著。故云驚蟄。三草者人天小草。二乘中草。六度上草。二木者小樹通菩薩。大樹別菩薩。七人所計不離二邊。思之可了。二總歎化他功德。已過量者荆溪云。重顯無量。前雖約所化今重約能化。三進修化他法門。捨復入力者荆溪云。有入下力。故云入力。捨初所得須入下位下法門也。即十法界二諦三諦之理者以諸攝界義有總別。總則十界咸空假中。別則九

界爲俗。佛界爲真。此二諦也。六界爲俗。二乘爲真。菩薩雙照佛界即中。又六界通爲四聖之境。即因緣所生法也。二乘即空。菩薩即假。佛界即中。此三諦也。此之二三若總若別祇是一心。故云甚深。三隣果歎德。二初總別分科。二一總下隨文釋義。三初歎自行。二初歎智德。二初總。二初約佛理釋無等等義。二初約佛釋。無與等者超因人故。今等諸佛者此明極果彼彼相等。而後心菩薩近之。今且釋無等等義。近義在下約位顯之。二約理釋。前釋則約人位齊名等。此釋則約智齊理名等。前釋自他相對。此釋理智相對。二又若下約位簡。顯近義。二初約下位非近。二金下顯等覺是近。二初直約圓教。二若下傳約四教。前三教金心菩薩望當教果。約佛約理俱得名近。望圓俱遠祇如別教金心方斷一十一品。所未斷者尚多。安得名近。四教約惑傳傳比之。下疏自論。故云可知。二別。二初總。即因緣釋也。大論二解今試會之菩薩真因。佛是真果。因果法異。故云有無畏等菩薩分果。佛是極果。果義既同。故云分得佛力等。是知。真因分果左右之稱。二解任異一意常同。二別釋即約教也。二初正釋。別立名教者還云。毘曇中立十力名與大論同。若說十八不共法但以四無畏大悲三念加十力爲十八法。所以大論破之。今但下荆溪云。名同義異依諦不同。此約四教以明分得。仍顯無等等義。向云傳作可知蓋見此矣。二前教下結示。二歎斷德。無爲惡趣者違逆中道名爲惡趣。經云供養

汝者墮三惡道即其義也。二歎化他。若開脩羅者以脩羅在鬼畜趣攝故但五道。帶結願生等者還云。藏教菩薩未斷惑故。夫願生者皆捨此生彼。若神通則本處身在而彼處現身。願扶餘習者以習爲入生死之種。誓願扶之受身利物。此非如鏡現像任運真化。亦現界外諸土者即方便實報也。三總釋成。雖不得入第一義至之利者。藏通二教雖有入理比望別圓分證並三悉收。若約圓位明四悉者歡喜在名字。生善在觀行。破惡在相似。入理在分真。亦可各約當教以辨。雖不入理而受三益。三結成歎德。二初作結上釋。於中破古如前疏。二又解下作指廣釋四果名。一初懸示。二初正叙經意。二若約下兼示義門。足知大況者以諸菩薩悉由三觀觀心而得分果既內證圓普。故能順彼四機說教益物。雖不約教義自可知。故了觀心名知大況。二下等隨釋。二初歷名釋義。二初廣解三名。二初正釋現文。二初用三觀釋名。荆溪云。初三菩薩可對三觀。次第屬對亦應可見。體用合論者體即是等。用即不等。體用不二名等不等。前二乃是體用別論。實論三人體用悉等。隨順物機得名不一即一。一人皆具五十一人德也。二約六即判位。二初正明六即三。初叙意。以圓義易生明證故須六位區別。二一切下明若觀中道等者始修觀行猶是名字位若觀行成就。五番開發方是觀行位人。三今此下結意。二不得下誠惡勸信。初即誠惡也。若以己均佛則殺害正解名菩薩旃陀羅。若不下即

勸信也。若不受觀心即佛即是不信了經。以諸了義經中悉云煩惱即菩提即生是佛等故此文學六義。誠惡令無上慢。舉即義勸信令免恥躬。二下去下示用義。二定自下略解諸名。荆溪云。前既三人合爲一釋下四十九人多二二合或三或單。今文爲欲一成一觀故不作對。名爲上定者十通心中定數名下定根本禪名中定。首楞嚴名上定。今觀心性名首楞嚴。故名上定。得此下即觀心性三千三諦。自他互遍。心佛衆生三無差別故云於一切法即得自在。圓義雖通此釋菩薩定在分真。光相等者荆溪云。光相等三能所相對。光相即所嚴之體。光嚴是能嚴之用。大嚴即能所相稱。雖云能所莫不皆具觀故也。下去悉爾。故知荆溪且指實相。故云所嚴之體。若據惠光能顯。亦屬能嚴。實積下荆溪云。實積體也。辯積用也。實約譬辨約法。實手下觀心成就者觀心在任前。成就即分證。由任前觀心而得分果也。即具下分真二智以喻兩手。此明境能發智。即觀智手者此明境與智冥。悲感衆生者感彼昏迷不知自性。如來藏者心具三千。名之爲藏。大喜遍心者由達本具所以遍喜。見諸法寶者實謂實相。能於生死有勇者達生死即涅槃。故於生死無怯。帝網則從理起教。明網則從理起智。詮智由教故教前智後。雖各就一義而實互通。正觀三諦至之網者。無量諸法即四教四門門四悉。若信若法堅歷三世。橫約十方莫不咸從觀心三諦而有。故云具足無量等也。網諸煩惱則

自用破惑。及諸衆生則以此化他。智網光明者從境發智故。自他同前。妙生者從智斷立名也。諸法不生斷也。而般若生智也。使想一處者有事有理專觀心脈事一處也。繫緣實相理一處也。今文約理莫之能勝者二邊之智不能勝實相之理也。解髻明珠者珠在髻中如寶隱權內。解髻出珠如開權顯實。與之者權智也。者以法授他名權智也。經云法王子者觀經疏云。以法化人名法王子。此則文殊。從自行立名法王子。以化他顯稱大論三十二云。佛爲法王菩薩入法正位乃至十地。故悉名王子。皆任爲佛。如文殊師利也。二如是下結意釋疑。二初結意。二初結示聖德圓通。引物歸心者令彼得四悉益。故云歸心。一人各具一切觀門者以諸菩薩各顯一念三千三諦之理雖觀門無量豈離三千。況復自他互融。能所不二。故知隨舉一人即具衆德。內德既等則外事俱融。所以名字語言現身說法悉皆齊等。故云即字等乃至法等也。但爲引物歸心隱其圓能各彰一德。以立其名耳。言字等語等等者此即大品文。彼明四十二字門門門互融。故云等也。南岳釋云。言字等者謂法慧說十住。十方說十住者皆名法慧。乃至金剛藏亦復如是。言語等十方諸佛說十在與法慧說等。乃至十地亦復如是。又一切字皆是無字能作一切字。是名字等。發言無二。是名語等。一切諸法皆互相在。是名諸字入門等也。前是事解次是理釋。二能如下結示凡心能見二。初明修觀則見能。如是解

者若了自心三千彼彼互遍。心佛衆生三無差別者。則不動自心遍見諸聖。豈唯見聖。亦能見凡。以一一衆生咸具此理故。諸佛菩薩者諸佛是極聖。菩薩是分聖。分極雖殊三千理等。我凡彼聖其理何殊。故於凡心即聖境。若然者豈但橫見現在他聖。亦能豎見未來自聖。以自他因果三千攝盡故。寄言來哲宜乎。介懷懷了已性則諸法自明當信一家無信異說。大蘇妙悟豈虛也哉。二故法下引經證成。信汝所說是法寶。則爲見我是佛寶。亦見於汝及比丘等是僧寶。此於一心見同體三寶。今引此以證心觀中見諸佛菩薩也。華嚴下明三身理等證意同前。二釋疑二。初疑問。二答釋二。初引經正答。二若執下斥執顯過。執文字如抱石。沈生死如投淵。縱昏情如夜游。捨觀心如去燭。五總結二。初正標指。二問下兼簡位。高下莫測者雖不可定執而疏文所釋多約補處。三明難衆二。初總示二。初標示釋名二。初標示二。此中下釋名二。此有下顯其權實二。初總示權實兩人。實隨業生者隨善惡業受五道生。二此等下別開乘戒四句二。初標示引經。今傍大經者判溪云。彼唯一句舉勝況劣。今附一句離爲四句。二解下傍經釋義二。初標列四句。二若通下判釋乘戒二。初約通論則義同。言通論者夫戒以防止爲義。乘以運出爲名。理事俱有防止之義。是故始從不終波羅密通名戒也。理事俱有運出義。是故始從人天終於佛乘通名乘也。一切下正示通義也。善法事善別唯是

戒。今約通義亦得名乘。觀行理善別唯是乘。今約通義亦得名戒。故云皆通乘戒。二就別判則體異二。初正判二。初示相。聞經生解是信行。觀智推尋是法行。二故大下引證。不動不出者不動煩惱不出生死。二但戒下結示二。今爲下別釋二。初列章。二隨釋二。初玄釋二。初列章。判溪云。分爲七門解釋者後六雖殊莫不皆成初乘戒也。所謂乘戒之信法乃至乘戒之自他亦可云信法之乘戒自他之乘戒。中五展轉更互論之。若欲生起此七門者初爲成根具立乘戒。爲成乘戒須開信法。又由信法種子別故感於大小兩乘不同。由乘大小有漸頓化能引之人。須垂應迹。爲成受化須示觀心。以觀心故化物機熟。二隨釋七。初值佛不同二。初標指二。戒下正釋。婆藪來者彼經第一卷云。爾時婆藪從地獄出。將九十二億諸罪人輩來詣婆藪世界。十方亦然。爾時文殊語舍利弗。此諸罪人佛未出時造不善行。經歷地獄。因於華聚放大光明承光從阿鼻獄出。舍利弗言。久聞佛說。此婆藪仙作不善行入於地獄。云何今說出於地獄得值如來。佛言。爲欲破一切衆生計定受果報故。善男子。勿謂婆藪是地獄人。何者婆者言天。藪者言慧。云何天慧之人地獄受苦。又婆者言廣。藪者言通。廣通一切究竟住。於地獄受苦。終無是事。又婆者言高。藪者言妙。婆言斷。藪言智。婆言剛。藪言柔。婆言慈。藪言悲。等廣如初句。經仍廣明殺羊初緣。當知。婆藪即權人也。然權必引實故知。乘急戒緩人也。問三下此約三惡。是八難處云何得道。如舍衛等者

大論第四明。舍衛有九億人。三精舍佛爲報生地恩故多住舍衛。而九億人中但有三億見佛聞法。其餘六億如疏所列。並由乘緩故不聞經。周時下即姬周第十六主莊王他十年。即魯春秋莊公七年夏四月辛卯夜恒星不見。夜中星隕如雨。案此即是如來誕生王宮時也。而此土但見祥瑞不見佛身。不聞佛說。豈非乘緩耶。言星隕如雨者春秋曰。莊七年夏四月辛卯夜恒星不現。夜中星隕如雨。杜預注曰。恒常也。謂常見之星。辛卯四月五日。月光尙微日光不以昏沒。如而也。夜半乃有雲星落而且雨。其數多。皆記異也。日光不匿恒星不見而云夜中者以水漏知之。左傳曰。夏恒星不見夜明也。星隕如雨與雨偕也。先賢諸德推佛生年互有遐邇。依法顯傳推佛生時。則當殷世武乙二十六年甲午。依法上答高句麗國問則當。前周第五主昭王瑕二十四年甲寅。引穆天子別傳爲證。稱瑕子滿嗣爲穆王聞佛出乎迦維達西遊而不反。依像正記當前周第十七主平王宜臼四十八年戊午。依後周道安用羅什年紀及石柱銘推則當前周第十八主桓王林五年乙丑。依趙伯休梁大周元年於廬山遇弘度律師。得佛滅後衆聖點記推則當前周第二十九主貞定王亮二年甲戌。又感通傳云。佛是夏桀時出世。隨翻經學士費長房云。今依普曜本行等經校讎魯史佛以莊王九年癸巳四月八日現白象形。從兜率降中天竺國迦毘羅城淨飯大王第一夫人摩耶右脇。十年仲春二月



八日夜鬼宿舍時於嵐毘園波羅樹下右脇而誕生。相既顯。故普曜云。普放大光照三千界。即左傳說。恒星不現夜明也。瑞應云。沸星下現。待太子生。故左傳稱星隕如雨。本行經說。虛空無雲自然而雨。杜氏注解。蓋時無雲。左傳又稱與雨偕也。然姬周曆十一月爲正言四月者。即今二月。辛卯五日魯史爲謬。沙門道安著二教論。用姬周曆推還合八日。唯以生時爲成道歲。遂令佛世遠三十年耳。佛至僖王元年庚子年七歲乘羊車詣學堂。四年癸卯年十歲與諸同齒釋族試力。惠王三年丁未年十四啓父王遊出。城東門見病人迴。六年庚戌年十七納妃求夷。八年壬子年十九。四月八日夜半躡城出家。十九年癸亥年三十。二月八日明星出時。朗然覺悟成無上道。四十九年處世說法。衆生感緣既盡。佛以匡王四年壬子二月十五日。後夜於中天竺拘尸那城入般涅槃。當爾佛與此土衆生咸不聞見。戒急乘緩。其在茲焉。佛入涅槃至今大宋大中祥符八年歲次乙卯。已一千六百六十二年。此取周莊王時生匡王時入滅爲定。此依費長房及今智者疏文也。則不取諸家年代。又文選南齊王簡棲頭陀寺碑云。周魯二莊親昭夜景之鑒。漢晉兩明並勒丹青之飾。以此觀之。簡棲及智者咸以佛生周莊王時。非獨長房也。若然者。像法尙有三百三十九年。以像法千年故。準三藏教及善見律云。佛何以不度女人。爲敬法故。正法千年以度女人滅五百歲。制修八敬還滿千年。然後像法亦一

千年。末法萬年。五千年來學三達智。并得四果。六千年去學不得道。萬年已後經典文字自然滅盡。但現剎頭有袈裟耳。正法之世大乘味淳。至乎像代味少淡薄。若入末法則無大乘。奴婢出家汚染淨行。惡王治世課稅僧尼。今既未然。猶居像法。此等年世後學宜知。來者覽之無嫌繁重。二信法根性悉是至聽法之人者。明信行乘種也。即是至之人。明法行乘種也。必須善之者。令善佛意也。法行非上慢之類。信行非涼德之徒。而荆溪記中偏誠信行。豈非正爲我曹而垂訓乎。故荆溪云。既言爲種。種有明暗。若徵遠種。畜生道中久遠一句。尙得爲因。況復聽法講說者耶。故知佛意不以但令聞已說已端拱待發。若如是者。精進徒施。必欲爲種。佛意欲令分起行。故爲菩提。故爲利他。故伏煩惱。故隨照了。故厭生死。故達文字。故遠奔屬。故爲乘急。故爲俱急。故無怖須。故遠名利。故亡彼我。故折憍慢。故敬求者。故不請友。故請加被。故讚他。故遠難語。故離戲笑。故捨如是等二十法。已略可徵爲信行乘種。若不爾者。爲種實難。三大小根性。利鈍爲異者。法利信鈍。或互爲利鈍。四頓漸根性。二初列章。二釋義。二初正釋。二初正明。二初頓大。七處八會者。以再會普光明殿故。唐譯新經則有九會。以三會普光明殿故。大師但見舊譯。故云八會。或作九者。後人妄改。譬如下日喻佛。照喻說法。高山喻別圓機。以龍鬼等者。備如華嚴列衆文。次明下夫言法行少聞多解。非全不開。大小咸

爾。二漸大二。初正釋。得聞藏等四味者。略味唯聞藏教。生酥轉藏成通。般若義當成別。法華開顯一切能圓。從小至大。故名漸大。漸後之大。故名漸大。此如下證成。毒鼓者。大經第九云。譬如有人以雜毒塗鼓。於衆人中擊。雖無心欲聞聞之皆死。唯除不橫死者。是經亦爾。於諸行衆中有聞聲者。所有三毒悉皆滅盡。雖無心思念。是經力故能滅煩惱。犯重造逆聞已。亦作菩提。因緣漸斷煩惱。除不橫死一闍提輩。二今此下結示。信法等者。於此會中。即三教爲大藏教爲小。經歷前味至此名漸。此會新入。即稟圓教名頓。二料簡四。初問。二答。荆溪云。木又戒也。念處乘也。此明法行。又付下信行。三徵。四釋。二。初正釋難。二雖復下辨勝劣。二。初對辨勝劣。二。故云下雙證釋成。二。初雙證。所引卽梁武願文。初句證戒緩乘急。次句證戒急乘緩。二。調達下釋成。惡業至地獄者。與閻王同造五逆。調達於王舍城地。自然裂生入地獄。如大論第十七廣明。荆溪云。以由造逆。雖現墮苦。未造逆時爲種已定。蓋弗生天由無乘種。福盡墮苦。若爾調達尙乃得爲乘種。何須上來二十法耶。答。調達未達已得。猶法。尙不與向二十爲儔。何得却以調達爲比。若不墮墮苦任如調達。何須更論乘戒四句。況教門引逆。勸進辭耳。以此義故。須善取意。鬱頭下大論第十九云。得非想定有五神通。日日飛入宮中食。夫人接足而禮。由觸足故欲發失通。求車而出還本山中。更修五通。爲林池魚鳥所喧。因發惡覺。

盡欲嗽之。後得定如初生非想處。却爲先營所牽非想盡隨飛狸身。婆沙云。飛狸身廣五十由旬。殺害衆生無得免者。五應迹同凡者現二十五有果報之身也。二十五三昧者大經聖行品云。菩薩住無畏地。得二十五三昧壞二十五有。無垢壞地獄。不退畜生。心樂微鬼。歡喜修羅。日光弗婆提。月光瞿耶尼。熱炎鬱丹越。如幻閼浮提。一切法不動四天王。難伏三十三。悅意炎摩。青色兜率。黃色化樂。赤色他化。白色初禪。種種大梵。雙二禪雷音三禪。霖雨四禪。如虛空無想天。照鏡淨居。無礙空處。常識處。樂不用處。我非非想。廣釋義如法華行妙。二十五有者四洲四惡趣無想及那含六欲并梵天四禪四空處。受四惡下以無垢三昧現地獄身。以不退三昧現畜生身。以心樂三昧現微鬼身。以歡喜三昧現脩羅身。次住下以四三昧現人身。即如幻日光月光熱炎。如次對南東西北四洲也。餘十七三昧悉現天身。故云受人天身也。然此皆由分證一心三諦故能。隨類現形。破有益物。故知。二十五種悉中道王三昧之異名也。六觀心受何等身至何等法者。若持禁戒依華嚴修觀者則於未來受人天身。見彌勒聞頓教得道。若不持戒依華嚴修觀者則受四趣身。見彌勒聞頓教得道也。依漸修觀值下四味。比說可知。乃至橫約四教。豎歷五味。兼等說之。不見不聞者即乘緩及俱緩人則不見彌勒。不得聞法也。得入道即俱急及乘急人。不得入道即俱緩及乘緩人。得失可知者自

揣已心未來如鏡。七化他。二帖文。二。初分料。二隨釋四。初梵天衆。文中先明實行。次明應迹。此云離者已離欲染故。或云淨行者離染故淨。住初禪中間者即中間禪也。在初禪二禪兩極之中。梵王得此禪。故毘曇至皆有梵王引經論異說也。今謂至故作世主今師和會兩文。若應迹下白色現初禪身。種種現梵王身。故生初禪者以初禪三天梵王在中故。以主領故別爲一有。望法華序等者彼云娑婆世界主梵天王尸棄大梵光明大梵等。則世主是初禪王。尸棄是二禪王。光明是三禪王。等取四禪王也。所言下法華舉三名。故等字但在四禪。今既唯舉二名則等取三四。或可初云梵天王是總標虛位。尸棄是別舉其人。法華亦然。故法華疏云。經標梵王復舉尸棄。似如兩人。依大論正以尸棄爲王。今舉位顯名。恐目一人耳。若欲以配四禪即當依疏所解應迹下住雙三昧現二禪身。雷音三禪。霖雨四禪。上界處空等者荆溪云。初禪覆一四天下。二鐵圍山。二禪覆小千。三禪覆大千。四禪覆大千。皆以下擬上。略知方所不同。於空不可擬故。二釋天二。初正解現文。翻爲能作者正云釋迦因陀羅。此云能主。言其能作天主。二問勝下通前釋妨。問意者荆溪云。何故於色但列初禪。欲界但列初利。檀越此云施主。三八部衆二。初案現文釋義二。初標示。二大下正釋二。初釋。大威力通貫八部者始諸天終摩睺羅伽悉有大威力也。餘文八部皆云。四王各領二部爲八。東方二者乾闥

婆富單那。南方二者鳩槃荼。西方二者毘舍闍。毒龍。北方二者夜叉羅刹。今經八部與此不同。故向云多有所闕。二上文下釋八部八初諸天二。初正釋二。初釋來者。五那含天者一無煩。二無熱。三善見。四善現。五色究竟。此名五淨居天。皆三果所居也。二簡不來者。無想天即色界第十三天。外道修此禪者受生也。二此等下總結。二釋龍。肇師曰。龍有二種。地龍虛空龍。種有四生。僧護比丘爲四龍說法者授龍王四子四阿含經也。有視毒者閉目受經。有瞋毒者閉口受經。有觸毒者遠住受經。有氣毒者背面受經。師貢其失禮。答云。以視則殺人乃至氣能殺人故閉目等也。廣如僧護經。三釋神夜叉。什肇皆以神字自爲一類。與夜叉別。故肇云。神受善惡雜報。見形勝人劣天。身輕微難見也。今文既云皆鬼道。驗知以神自爲一類。文中釋夜叉先明受報。次明修因。下文皆然。爲天給使者肇云。天夜叉居下二天守天城門閤。毀戒下明修因也。車馬施等者什云。地夜叉但以財施故不能飛空。天夜叉以車馬施。故能飛行四釋乾闥婆。陵空昇空也。十寶山者謂。雪香。阿梨羅。仙聖。由乾陀。馬耳。尼民陀。祈迦羅。宿惠并及須彌是爲十也。妓樂者女樂曰妓。五釋阿脩羅。故言無酒者魚龍業力海水不變瞋妬。誓斷故名無酒也。六釋迦樓羅。七釋緊那羅。八釋摩睺羅伽。少施者亦薄行惠施也。二上來下約乘結顯。四四部衆二。初約實行釋二。初正解。此未可定用者荆溪云。依餘

經文但云近佛得善宿名。不可定云男女不同宿也。涅槃疏以一日一夜受八戒者名為善宿。二問四下釋疑。素服白衣也。西俗所服色皆尚白。二菩薩下約權行釋。二別序。初述意分章。二一發下隨文釋義。二初發起序。二初懸談義旨。二初正示表發。二初總示。二一現下別顯。荆溪云。文中具表三正。三依。雖兼表正意正在依。若準此意說善集時身相已勝。但未論勝土。今於勝身加以合蓋表說諸土。問資積是何時來。答準此經文似善集末。何以知然。經云。爾時毘耶離城有長者。乃至合成一蓋。此文既無開經之言。但云持蓋來供養佛。驗知。祇是善集竟時云爾時也。準此歎於勝應法云。說法不有亦不無等。似如開法。何妨爾前曾開勝法。以不云開善集經。故但是至此見勝應佛。約身擬法於理無妨。二料簡釋疑。二初簡現身。二初問。二答。二初引大品明同。二引法華明同。二初正引。二初廣明。所止一城者。經云。遂到其父所止之城也。城即涅槃。衆生習解有可得涅槃之義。故言到城。威德特尊者。即相好巍巍舍那之像也。窮子驚避。即不機不受大化也。即脫璣瑯。譬隱舍那無量功德。著弊垢衣。譬現丈六形。擬說三藏教者。如長者執除糞器與窮子共作也。心相體信者。親既證小。則信大不虛得涅槃。故體析不瞞。宅內者。無緣大慈喻以舍宅。家業者。即大乘戒定慧也。集國王大臣者。漸頓諸經無不契所證之處。皆為經王。常機益物與廢有時。部部不同名之為國。皆言第一。

即是其王。法華會通諸教。豈非聚集國王。彌勒等諸大菩薩皆是等覺即大位也。定父子天性者。即經云。此實我子。我實其父也。生佛理等如父子天性相關也。荆溪云。引法華具勝五時者。全借法華意。明今部五中第三。若不具勝焉知遠近。二初見下結示。初見遠避等者。遲云。明於四時皆現。尊特之身。故不云龍苑也。二此方下結同。二簡表發。二初簡表法身。二初問。二答。引二經者。應必表法。應即法故。二簡表寂光土。二初正簡表寂光土。二初問問意者。以身表身。其義可爾。以身表土。義似相違。二答。三初明土是經宗。既首談佛國現身。豈不表耶。二法身下顯身土不二。由依正不二。故便現身即表國土。離身無土者。荆溪云。此是法身身土不二之明文也。諸部文中雖有此意。文相不顯。不得此文將何以消諸部頌異。請觀疏文及荆溪意。無情成佛何所疑耶。且離身無土。離土無身。故身成時即土成也。心外無境。深可思量。故金錫云。一佛成道法界無非此佛之依正。一佛既爾。諸佛咸然。衆生自於佛依正中而生殊見。彼又問云。佛成道時土亦成耶。成廣狹耶。不成有過。真如下覆釋上義也。真如實相即心性之異名。境智誰分。身土寧別。心性無外。攝無不周。既唯一心。豈有能所。故使境智身土四並非之。然而終日雙非未垂雙。是智境身土宛然自殊。故說境智及以身土。雖云自殊體元不二。故今表身即是表土。故云既表於身等。學佛乘者。苟迷此旨。徒費光陰。欲逮無

生吾不信也。北轅適越。豈不迷乎。故金下引證不二。唯識者。唯遮外境。識表內心。唯祇是心。更無外塵。故云唯識。諸佛修習。無分別智。通達唯識。真實之性。故云智習唯識通。以正智契真。如無有形相則名莊嚴。故云非莊嚴莊嚴。謂非事嚴而是理嚴也。三此經下引經文結。離心淨則佛土淨者。心即土故。所以心淨即是土淨。但表下體雖不二。表發自分。祇由生迷取悟有別。故表身表土以開發之。今別表土其旨炳然。二兼簡報應土。祇由三身相即四土不二。身土體一。能所無殊。故使三同皆表發。今雖各辨。須曉理同。文為四。初問。二答。三徵。四釋。如文。二隨文正解。二初總別分科。二初明下隨文釋義。二初如來現身。三初佛說法。此四通攝一切衆者。謂諸家釋義。或以在家出家各二為四衆。或以天人龍鬼為四衆。以今四衆。一歷彼各各有四。故舉今四能攝彼多。彼之所明。全失今四。尙統師者。即法尙師。北齊勸為昭玄統。故云尙統。例如下荆溪云。彼由開故合。此明由正有依。開意本合。依正不殊。不二而二。為物故爾。二譬顯。窮實相頂者。三德究顯。在分真頂故。盤峙者。峙立也。滄溟海也。佛不住生死。不捨生死者。異凡夫故不住。異二乘故不捨。自行故不住。化他故不捨。大智故不住。大悲故不捨。生死即涅槃。故不住。涅槃即生死。故不捨。凡此四釋。以顯佛德。如海水非四色者。毘曇俱舍並云。妙高四面各有一色。東黃金。南琉璃。西白銀。北頗梨。隨其方面。水同山色。衆生

入中盡同水色。心非四門者三惑妄心無四門正解。故云心非四門。故下云而說四門令失惡心。故知。不得以異性釋此心義。更無異解者如海同山色。三合譬。是為萬善無畏空座者萬善即果上三千俗諦之理。無畏即不思議空真諦之理。萬善即無畏空如衆寶爲師子座。此即果智所契。真俗不二之理也。問諸佛不斷性惡。則果上三千九界無滅。何名萬善之理耶。答修惡已盡。但性惡在。此惡即善。如云鏡明具醜像性。豈令明亦醜耶。身相觀觀者巍巍高天貌。喻果智超出分真也。二長者獻蓋二。初分章顯示二。初標示分章。二獻五下懸談表報二。初示三章所表。初章表法報身土。次而於下明第二章表應佛身土。大衆下明第三章表聞三身四土依正不二。悟道得法喜也。初文云因中慈迴向佛果成無緣慈者迴真因向極果也。圓報法身者報身即果。智法身即果理。成依報淨國者即法報所依究竟寂光也。亦迴因向果故云成也。表於應土者即三土也。應佛化主者居乎三土咸名應佛。他受用報即是勝應。二故知下結爲序之由。二一長下隨文釋義三。初表發之由二。初分科。二隨釋三。初與同類俱。華嚴云至一切魔皆須約圓釋義。漸愧爲深慚者慚第一義天。愧賢聖人也。四道者圓四門也。三界即分段變易二種三界。而因果依性者普賢觀云。大乘因者諸法實相是。大乘果者亦實相是。五種種性者荆溪云。習種性。道種性。性種性。聖種性等覺性。一性有百各以十

善互嚴故也。十善以爲衆善之本。故通淺深。二虔敬三奉蓋二合蓋現土二。初分科。二隨釋二。初合蓋二。現相二。初總別分科。二隨文釋義二。初現國土四。初現國土廣長。二現十山恐表衆生世間者以十山表十界也。三現大海江河恐表五陰世間者以五水表五陰也。言五水者一海。二江。三河。四川流。五泉源。四現日月天宮或表器世間者荆溪云。然前文中已表依土。依土即是器世間竟。故知此中但表依中小世間耳。即如一山一洲之例。今謂。日月星宮皆前所現廣長相中小世間也。衆生五陰之所依者此四世間二是所依即依報及器。二是能依即衆生五陰。以攬五陰成衆生故此即正報之身也。何得表情者謂十山五水悉是無情。何得表衆生五陰之有情耶。答意者大乘所談依正不二。互表何傷。故諸大乘現相皆如此也。二現諸佛說法。必有能依者有國必有人也。三大衆歡喜三輪不思議化者即身通口說意鑒。不謀而化名不思議。二敘述歎二。初敘意分科二。初叙來意。荆溪云。神智高明者位居極高。以高故明。若準經文與五百俱。自非相惡豈堪隨從。若非所將其位必下至下請說仍云是五百等皆已發心。至下得道方云得忍。準此復似五百未與寶積同位。縱述己身在五百數寶積豈可與彼全同。況在數外仍須有本。焉知本位不則淨名。故今乃以高明通歎。若不高者焉知所表所現之瑞。以擬淨身淨土之相。智人知智故能冥合淨名之情。既了淨

名。亦可依條裁於佛智。二就三下分經文二。初分經。述歎至之由者荆溪云。以述爲歎故云述歎。既現二身。必依二土。故述兩應並得爲由。故云述歎二言勝下示義。一初示勝劣身義。尋此應身等者荆溪云。勝應之中別標法身。而文但云尋應得法。未云應身即法身者猶帶方便劣應身。故又以劣應色相劣故不可尋之見法身也。滅色即色方之可見。況復即色所表復通。故法華云。等者雖引彼經仍有三意。一以劣爲由。二以勝斥劣。三引小歸大。著脫之語不在今教。此乃直明用塵土全身狀有所畏耳。現有煩惱如塵土全身。示同佛生死如狀有所畏。二問下示遠近二由。二初雙釋二由。荆溪云。此中間答者一者遠借法華經意。二者近用當部之文。在昔必無爲由之語。於今方可分置其言。二問三下重述遠義。二十年者八忍爲一。八智爲一。并九無礙九解脫也。除盡者斷見思也。二就近下隨文釋義。今寶積說偈於十二部中即孤起。或人謂。疏云。初述由。次述歎。似重頌者非也。夫重頌者前已長行說竟次更偈頌說之。故得名也。此中寶積都未發言。但孤然說偈。敘述。豈是重頌耶。文爲二。初述歎表發之由二。初述歎勝應法身爲近由二。初分科顯示。何以得知等者荆溪云。經既未來以現往驗。況復自有歎劣之文。身勝法勝。身劣法劣



菩薩依第九等者即等覺後心入此禪也。得菩提果出過清淨者菩提果即佛心。佛心無惑。超等覺上故云出過清淨。清淨即第九禪也。此約下通示九禪次位也。地前修自性者。荆溪云。未入初地。未具佛法。未名一切。當位別修。故名自性。佛果出果者佛心出過九。故二國二。初正釋。準別明圓。還以自性在凡餘八在聖。究竟離虛妄者此初住分究竟非極果究竟。顯自性清淨心者則本具三千於茲分顯。既具佛法名一切禪。二引證二。初引光明證成。如來顯能游之智。無量甚深是所游之理。橫周法界。故無量堅徹三諦。故甚深。過諸下顯佛心境界出過九禪。二引理路斥謬。集八禪衆者即自性禪乃至此世他世禪。即是集地前地上菩薩也。昔在華嚴等者荆溪云。所言昔者一家五時皆有結教。以理路經結諸方等。故指華嚴以之爲昔。猶隔鹿苑。璚在後。道理必然。故知他釋非但八禪不成。昔義未允。二觀解。荆溪云。觀心中取本有理。名爲心淨。能觀此理得已度名。故諸禪語攝別地前及前二教。二歎聲益二。初正釋形聲益者荆溪云。準前開章祇合云聲。今加形者形未必聲。聲必有形。開章依別。釋義從通。況復經文久積淨業。及以導衆義兼身口。故得雙明。文中先釋久積淨業四字。荆溪云。文中雙約身心兩果者二業相成方具相好。無畏等相好神通是身果。離結稱理是心果。次外稱下釋下三字一句。外稱至根緣釋稱無量。能於至以寂釋導衆以寂也。以用也。用悉檀

導衆至寂滅理。故疏文作已了字者誤也。形聲下釋。故稽首尚書曰。拜手稽首。孔安國曰。拜手頭至手。稽首頭至地。又解下以種智導衆行。至果已息。故云已寂。約此則應作已了字。荆溪云。重釋導衆向者自行釋。上句則前約自行。後約化他。此句前約化他。後約自行。自他相藉故也。二上句下結釋。上句即久積淨業。下句即導衆以寂。荆溪云。示釋成相。又上形益中兼出心德以顯於形。故知。聲益亦依於心。故以色釋色。以心釋心。聲從於口三輪具足。故知。以能導衆必專於心故用二義以釋兩字。若用此以字以字向下。謂以寂故稽首也。若用此已字已字向上。謂導衆已也。二廣歎形聲兩益二。初分科二。既下隨釋二。初廣歎形聲二。初歎釋色心用二。初歎釋色用二。初歎色用神變。是法身至於色者荆溪云。然其神變通於一切。具如止觀記釋種種神變中。今此且從所變事釋。既引一切悉趣於色而爲神變。豈隔於心方得名爲一切法趣。以此神變有法身本故也。問今應歎土。何以歎形。答形必依土。驗正知依。況事似隔從理必同。依事似殊其理無二。二釋色用一行。釋成色用者若據經文諸佛演法之言似明聲益。何謂色用。故荆溪云。色心之言聲亦屬色。況舉說驗形其形方實。若不驗說難離外故。問開佛說法乃是聲益。何名形邪。答形聲者須從化主。今此但是化事所現。況復見佛及佛說法皆屬於色。況復說法亦是色用。是故可得釋成於色。從若非佛去釋於得益之相。

非辨形聲。問此下荆溪云。此既現土。親能表土。何名爲由。由但正報仍分近遠。答中意者然此顯中先歎於由。次顯表發。故不可以由爲表發也。故於答中便破他釋。二歎佛心用二。初歎心用。歎佛心用者前標章中形益色用。今云心者荆溪云。心有有。故色方有用。如前略中亦以心釋形聲兩益。一切諸法皆趣於色不隔於心。色方有益。益如前釋。得三昧王三昧等者以法在人方稱王。法力等者法不出諦。力即自在。於諦自在法方有力。超過者三昧是斷。諦觀屬智。二俱超過。是故云也。既出十界。三界通外。七聖財者謂信戒聞捨慧慚愧。荆溪云。今以道諦名聖財者其實財通一切諸法。亦以無作聖財理通。如云聞等不可局。故其實通四滅是所證。苦集須破。故不言之。爲屬色用心用耶者聲教屬色。屈曲藉心。況復答中引無盡意色即是心故。故云通也。但能施是心者此語尙通方便教意。應云施由心妙財方有法。是知。由於能施心融方乃可云施由心也。二釋心用。權智分別世諦相者荆溪云。此約跨節。指一實理爲第一義。諸教淺深皆名世諦。問上多約三諦等者如略歎形聲仍約五眼及九大禪。故此禪眼三諦具足。答中合真入中通教含中二諦也。合真入俗別圓復俗二諦也。已料簡者玄文問云。祇應取圓教不思議真爲體。何得取理內通別真諦爲體。答法華正直捨方便但取圓真爲體。此經猶帶通別方便。故取理內三種方便皆得爲體。今意同前。故指玄

文。荆溪云。但此開合亦是一往。今應以一期佛法事理相對。通論二諦亦得名爲合真入俗。故此方等具有五種三諦離合。次又解下以凡夫所解爲隨情。以聖人所證爲隨智。荆溪云。以情智言之者。應如法華玄文七重跨節也。二結歎色心用。二廣歎聲益。二初叙意上現尊勝等者。先以形表聲。形聲俱正。次以正表依。正爲依序。二不有下正釋。二初釋聲益。二初釋法不有無。二初總釋。二初正解。荆溪云。說法不有等者。文既雙非。又云說法。當知雙非即是中道。恐人不了。又更從說。何等法下於所說法釋出其意。不可說於所非之法。故知能非即所說也。能非即是中道法也。何者。下更舉所非釋出所說。所說必非凡小法也。且舉凡夫二乘便耳。亦應更云異於三教出假。菩薩多說中道者。方等四教前二無中。前非正意。故得云多。二料簡。二初對二諦簡。荆溪云。上用二諦等者。指上善能分別等文。智既照諦。說必依智。何得前後二三不同。答意如前。二對邪小簡。荆溪云。外道等者。欲簡諸教衆多雙非顯四雙非。故設斯問。答中具答雙非不一。二約教下別釋。二初正約教。單複具足者。複重也。有無兩亦雙非單四也。有有有無乃至非有非無有非非無無無乃至雙非爲頭亦爾。具足四也。尙無下向無二教非有之空。何況別圓非無之中。若得方便等者。荆溪云。此約奪邊但云非有。雖有四門奪但成無。故云非有。三藏教去雖復與

之有此滅。故亦得是有。但成有無尙無第三。何但雙非。故前二教必無雙非。次別教云藏性者。須簡別圓。眞如爲惑所覆名藏別也。卽惑是理。理具諸法名藏圓也。一門卽四門等者。既達三諦互融。豈有四門隔異。空門眞諦有門俗諦。兩亦雙非。祇是中諦遮照。於此下圓若須破。何況偏小及以凡外。金鐵二鎖貴賤雖殊繫縛一也。二今簡下判經意。二初獨歎圓融教釋。二復下俱歎四教釋。二以因下釋因緣法生。二初類同緣起有二種。如前說者。荆溪云。如前歎菩薩德中明。有迷悟二種緣起。迷卽十二因緣。無明爲本。悟卽觀十二因緣。智能滅無明。今亦二種苦集是迷。道滅在悟。悟兼利物。迷全已愚。迷乃可盡。悟必須興。皆約中道雙非理也。二然體下正釋。體非至有生者。指上句經也。以雙遮故不生。有因下正示緣生義。以雙照故生。二結聲益。四教明三種至云云者。荆溪云。若有我者。則有造作。若有造作。當來有受。故知無我則無造受。但前二教約界內眞。後之二教約界外眞。此中正約作時無我。非謂不作方名無我。故知作時作體本無。雖曰本無業不敗失。祇緣本無得論。約觀修令無我。故約佛說作受本無而衆生作及佛菩薩作不敗亡。故得用結不有不無。通別無明等者。界內界外皆以苦集爲惡。道滅爲善。此就大綱。若綱目細論。則各有善惡。且如界內苦集總包六道三善三惡。道滅則於界內名善。以無明全在望界外仍惡。界外善惡可以比說。當以地住相望高下

以明善惡。唯圓佛果究竟之滅無惡可論。故荆溪云。唯佛獨善唯善不亡。二歎劣應遠由二。初分科。二隨釋。二初歎形益。二初歎應色。有言元吉等者。此本尼拘陀樹。佛依得道因立嘉名。荆溪云。魔王等者。如止觀記。中夜入四禪者。一切應佛成道入滅轉法輪等皆在此禪。知常無常等者。常卽定法。無常祇是不定之法。於三學中如毘尼藏。有心犯重定爲業障。名之爲定。餘戒不障故名不定。衆生數卽正報。非數卽依報。二歎應心。二初正解義。無心意等者。荆溪云。心意祇是識想兩陰。受卽受陰。行字平去二聲俱得。俱屬行陰。能所別耳。卽卽三受者。謂苦受樂受捨受。受卽三苦者。受苦受苦。樂受壞苦。捨受行苦。行卽行陰者。解經行字。無業故無集等者。惑業和合。故名集諦。由有集故能招苦果。大品五受五行者。荆溪云。有受必行。無五見受行者。大品第三行相品云。菩薩摩訶薩行般若波羅密。時行亦不受。不行亦不受。亦行亦不行亦不受。非行非不行亦不受。不受亦不受。身子問空生。何故不受。答般若空故自性不受。五門者。荆溪云。祇是五受以門爲名。門從教立。受在內心。於內受中由受故行。故皆有五。二如佛下引事證。二初正引大論第一云。有外道梵志名長爪。是大論師。計一切論可破。一切語可壞。一切執可轉。故無實法可信可敬。如舍利弗本末經中說。其是舍利弗母弟。以姊懷智子論議數負。恥已不如。因更游學。學訖還國覓甥不見。往難佛云。一切論可破等。

佛以一句責云。汝見是忍不。忍惟千久不得一法入心。乃云。沙門瞿曇著我置二負門中。若我答忍是負門。衆人皆知。云何自言不忍而今言忍現見妄語。若答言我見不忍是負門。細無人知者。即便答言。是見亦不忍。佛言。不忍是見將何破他。衆人無異。何用自高而生慢爲。長爪於是不能答佛。自知墮負世尊不彰我過。不言是非心調。柔軟得法眼淨。長爪所計即屬單四見中雙非見。或當單四見中後三見及無言見。若言一切不受即似無見。荆溪云。衆人無異者。指於諸起見者。小避就但云衆人。二釋妨二。初問。後時者荆溪云。將於長爪及以身子得道之時望佛初坐樹下之日。所以長爪却在後時二答。一初叙古達經二。初叙古釋義。受八禪定者謂四禪四空。此但通舉。其實離城之後先從阿羅邏學無所有。次從憍頭藍弗學非非想。二今謂下斥古乖經。以凡夫時者即爲太子時也。二又恐下正通前問。提謂因緣如瑞應及提謂經。說五戒即人天教也。五行木火土金水也。行者老聃云。行天之氣也。白虎通曰。火者陽尊。水者陰卑。木者少陽。金者少陰。土者大包。二陰三陽尊者配天。六甲者甲頭也。一甲五行一日。六甲六十日。一年之中甲經六匝行三十六曆數列次也。有當來僧者以未入鹿苑未度五人故指五人爲當來僧。從是已後者從初伏提謂至後。後涅槃時皆以不受破諸外道。如涅槃中破六師十仙也。二歎聲益二。初分科。二隨釋三。初歎轉法輪四。初釋

初句二。初釋法輪。文中以二義釋。輪謂可轉義能壞義也。經三七日者大則已聞頓說。小見三七停留。蓋有所表也。初七欲說則。二七欲說別。三七欲說通。既並無機故受釋梵請說三藏生滅四諦也。二釋三轉。眼智明覺者暹云。俱舍云。於見道中法忍名眼。法智名智。類忍名明。智名覺。觀見名眼。決斷名智。照了名明。驚察名覺。又眼總知三世。智知過去。明照未來。覺知現在。祇是三明之異名。三轉各生此四。故名十二行也。大千者四大洲。日月蘇迷盧欲天梵世各一千名一小千界。此小千千倍說名一中千。此中千千倍名爲大千界。二釋第二句。三種藥中等者此引涅槃陳如品文證今不淨義也。不淨慈心因緣名三藥。貪瞋癡名三病。理事相隔。故藥病互無。今云不淨。其義例爾。大集云者引真實理證本來淨。陳如但見小實理耳。三釋第三句。拘隣即陳如。梵音楚夏也。五人者暹云。一拘隣如。二類韓亦馬星。三拔提亦摩訶男。四十力迦葉。五拘利太子。見諸得戒者十誦明十受。此當其一也。故彼文云。十種得戒。如佛自言善來比丘自然已得具足戒。如摩訶迦葉自誓因緣得具足戒。如憍陳如見諸故受具足戒。如波開波提比丘尼以八敬法受具足戒。如達磨提那比丘尼遺信受具足戒。如須陀耶沙彌論議受具足戒。如耶舍比丘等善來受具足戒。如跋陀羅維波楞伽三歸受具足戒。如邊地第五律師受具足戒。於五人中須一人是第五律師如涅槃經明國中十人白四羯磨受具足戒。一人不名僧寶

者以四人方成僧。故荆溪云。此破古也。若餘四人非見諦者陳如一人縱是比丘不名僧寶。何名三寶現世問耶。先具此三然後依之立相從三。六師所說如涅槃經四釋第四句。不約一體者荆溪云。有二義故。一者漸化之始未須一體。二者以一體三消經文不便。二歎法妙人天受益。以斯妙法者荆溪云。今問。他人若從名定應同法華。故須簡於名義異同。今無漏智等者非但無漏過於世智。於無漏中佛必異於三乘弟子。三十四心無間斷。故佛無退轉。極更不起。是故得有一受之言。大經云。等者此引治他證自不退。治他既爾。驗自可知。案婆沙及曇無德。有退無退者取無退邊以證不退。然婆沙中具有二文。今舉退邊。成論依空一向不退。兼雙引之。非即雙用。又復婆沙約修道邊。有漏智斷即無無生。但有盡智。者則有退也。見諸不退二論則同。猶如大海者海有三義。深廣含衆流。法藥無量如海之廣也。三總結歎。以大悲三念處之德者荆溪云。一切諸佛皆具此三。謂得供不高達毀不下。於不毀供而不生癡。此意多在應化佛耳。文中但引女毀梵讚第三略。無八風亦但舉於違順後文自列。故此未具。須彌者此云安明。入水最深。故名爲安。出諸山上。故名爲明。所言妙者新譯云獨有。茲山四寶所成。羅睺三摩等者訶忍之極數必至三。因身子驅而安忍之訶身子云。汝何以輕大龍之子。語羅云言。莫啼莫啼。訶調達者調達從佛索衆。佛訶之曰。疑人無知。我尚不以衆付身



子目連。況汝癡人食睡者乎。一香塗下此約色心具出二種三念相者。雖卽由境方具三心義但成一。今各明者欲顯二相令後行者因外識內。二正述歎現相二。初分科。正述歎。因表發等者荆溪云。前已破古。故由前二由方有表發。二奉微下隨釋二。初總述歎現瑞。三表發三。初述歎奉蓋。因小果大者荆溪云。五百各各俱歎微蓋。蓋微曰小。合表寂光。大中極。豈過於此。未達表旨故云莫測。此乃爲後淨土因果之先兆也。何者由歎故受。由受故合。由合故喜。由喜故請。由請故說。由說故聞。由聞行因。由因感果。復有種種因果差別卽成種種淨土之行。今從勝說。故云無方。又從總說但云因果。二正述歎合蓋現瑞。表發應身之事者荆溪云。之事兩字主彼所說之事故也。三述歎大衆歡喜。二別述歎三密二。初分科。總示。卽是三輪等者轉自與他能摧他惑。二義名輪。既無過失。不須防護。二大聖下隨文別釋三。初歎身密。淨心者下二義釋淨心。初約開教。次約修行。又初是淺位。次是深位。譬如一月等者月必依空。空喻法身。月喻報身。影喻應身。衆水喻四機。或見下現四教身也。二歎口密三。初歎辭法二辨。佛尙非梵音等者荆溪云。大音無聲。梵音祇是隨於國土。類而已。梵尙非梵。餘何所論。舉勝況劣。他皆準知。二歎義辨。三歎樂說無礙辨。三歎密意二。初叙意分科。佛心非權等者佛心中。故非權實。空中卽假能現權實。良由理具方有事用。約十界通明則九權一實。約四

聖別辨則三權一實。今約對四教機。且從別辨以前六道但是生機之所耳。三種權實二智者自行卽聖人心中所證。化他則凡夫心中所解。自他相對卽聖凡共論。聖雖照權對凡名實。以真證故。凡雖照實對聖名權。以情解故。是知。約自行卽全奪。唯聖有二智故約化他卽全與。凡夫亦得論二故自他卽半與半奪。於凡奪實而與之權。此意既明三如指掌。二初一下隨文釋義二。初約三種權實二智以歎意密四。初約內外歎自行。內智圓滿者二智俱圓也。由內具智故外有用。荆溪云。稽首十力等者祇由具力。方能外用。此卽同體權實之體用也。二歎自行化他荆溪云。稽首住於不共法者以不共故。故能導物。此從不共爲名。以導物故。故有不共。此從導物爲名。左右共論。故爲二義。三歎化他文有兩釋。其義皆通。以對前二成三種故且取化他以命科也。卽是化他權實明智斷者荆溪云。斷縛到岸。其名既通義分偏圓卽權實也。況復衆言理含權實。或斷衆結爲權。權到彼岸爲實。據答問文通釋爲便。四總結。是總結上二種權實之智斷者既云二種智斷。卽是結第三科也。以智斷在第三科明故。以向釋經通自他故。若準荆溪所釋其義盡善。蓋二字誤。應云三種權實等也。故荆溪云。稽首能度等二句云結三權實者。三。中。一。一。皆有能度永離之義。自度度他自他相對其義並通。結上三者若自度世。亦自永離。結自行也。能度結他永離結自。卽自他也。度他令他永離度世

並結他也。廣本亦作二字。今準荆溪釋義恐廣略二本並寫誤也。二約三種二諦結歎密意二。初標示。三種二諦者例前權實與奪區別。亦應歷七重二諦各述三種。二初下隨釋三。初約隨情二諦。皆隨凡心所解也。二約隨情智。隨情無染者如蓮華不染泥水也。三約隨智二諦。皆入一相者真俗不二。皆聖證故。二正說分二。初懸談義旨。二初分章述意。二初分章命宗者命召也。宗主也。於此一經召佛國以爲主也。復宗等者荆溪云。復猶復也。佛初自說佛國因果而爲宗。今重明之。故云復也。況對淨名彈詞文殊往復皆順佛旨。是故如來重更說之。亦得稱復。二所以下述意。次第述三科意皆初云所以是也。成前普集等者正必有依故。尙書符者尙書秦置也。初秦代少府遺吏四人在殿中主發書。故號尙書。尙猶主也。魏晉齊並曰尙書臺。梁陳後魏北齊隋則曰尙書省。尙書云。龍命汝作納言。詩云。仲山甫出納王命。王之喉舌。並尙書之任也。符者唐置符寶郎。屬門下省。周禮地官掌節。春官典瑞。卽其任也。其符節盡納於宮中有從則請卽主於出納也。凡符信皆藏其左班其右還以合之。一曰。銅魚符起軍旅易守長。二曰。傳符給郵驛通制命。三曰。隨身魚符明貴賤應徵召。四曰。木契所以重鎮守慎出納。五曰。旌節。山國用獸節。土國用人節。水國用龍節。皆以金爲之。刻姓名者則官納之。不刻者傳而佩之。夫旌以專賞。節以專殺。奉旨者奉天子旨也。以喻淨名奉旨而彈

訶也。開境者謂開拓土疆也。以喻淨名伐邪小之寇拓大乘之境。至尊天子也。二問淨下釋難顯宗六。初叙昔彈訶非助佛國難。二初問難。已前彈訶者謂。訶五百八千悉敘昔事。荆溪云。問如何得知訶皆在昔。答五百八千皆云憶念我昔曾於。知是已前。今說淨土去命時近故知。訶時悉在前也。二答釋三。初正答。冥會佛意者冥暗也。會合也。暗合如來將說佛國之意也。二世下舉喻闡域也。將軍者秦置大將軍。漢以韓信爲之。武帝以衛世爲之。位在三公上。明帝以竇憲爲之。初拜威震天下。尙書以下欲拜之皆先伏稱萬歲。尙書令韓稜曰。自古無此禮帝乃止。孫子曰。將在軍君命有所不受。古語曰。闡以內寡人制之。闡以外將軍制之。天心帝心也。何必待詔者漢書云。唯聞將軍之命不聞天子之詔。荆溪云。若非涉情先行後奏。彌副聖懷。三合結。述昔等者荆溪云。對佛述時契故默印。昔日彈訶等者當彈訶時佛國因果其言未與。昔集同席尙自未說。故使爾前但助二緣。況今經中具足依正。又善集前諸大乘經但多說正。故彈斥日總助成之該於二緣。故云通助。二釋中間九品無佛國義難二。初問難。荆溪云。問意言。前云淨名助佛揚化。近聞向來通助正報。若爾此中應當別在依報。依報既是別意所爲。應須處處盡明依報。淨名所說品數雖多若論依報其義未幾。蓋不足言者非謂全無。唯有空室現妙喜等。蓋少許耳。二答釋荆溪云。答中意者何必說於土名。方是淨土因果。行即

是因。因必招果。卽是其義。何固守名。三釋中間九品無佛國言難二。初問。難荆溪云。始卽佛國。終謂菴園。前問猶通與其小分。故云蓋不足言。乃由答中但以行因而爲答問。其行猶總未足決疑今九品中二義不成。一非佛說。二無土名。而淨名說何者是依。二答釋二。初引佛國文。二淨名下以九品類荆溪云。答意者從義非語理出常途。豈執國土之名而亡方便之說。故從此下乃至宛然卽其事也。四釋符成淨國義不分曉難二。初問難。二答釋二。初總標。皆有此義者荆溪云。如問中三義。淨名一詞具其三理。乃至九品意亦如之。況淨名始終悉成三義。故從法華下義出其三。二如下別示三。初示淨名符成。荆溪云。初引法華舉佛自淨佛土成就衆生。成就衆生永永不已。化主既然以勵諸下。此類下正明淨名但符成如來淨土。二淨名下示淨名自淨。三弟子下示弟子等淨。弟子菩薩者荆溪云。弟子卽弟子品。菩薩卽菩薩品。五釋聲聞入滅非淨佛國難二。初問難。荆溪云。菩薩可爾等者淨土之行必須願生。小乘亡生。生滅義反。何得引同菩薩事耶。二答釋二。初正答聲聞淨佛土。所以至此義者引前第四番中答辭以總責也。深求從本則小乘淨國。淺問從跡則小乘取滅。如法下正答也。荆溪云。從本說之方有其事。故受折者皆是能同。二又問下更顯佛國爲經宗二。初引文立宗。荆溪云。此別酬問意。卽更通引顯成佛國爲宗義也。因此往復者荆溪云。往復乃是通指九品。二

若不下責古成今。荆溪云。破古意者此將已釋以難古非。故以空室用表極淨之佛土也。以破古釋所生諸品意。斥古人雖見經文十方佛土皆空之文亦未肯以宗爲佛國。淨名意以十方三土亦復皆空。良由室表常寂光空當知。古人未曉經旨。六釋一名解脫非開佛國難二。初問難。問意者此經既以佛國爲宗若立異名應名佛國。既云解脫。則佛國義乖。荆溪云。此經雖卽人法雙題恐單人名表法猶濫。故從法稱以爲其問。二答釋。答意者此經通名不思議解脫經。中別品有不思議名。議相符既明依報。則佛國義顯。荆溪云。答中還從別名以答。故不思議最顯佛國。但今意明不思議義有總有別。總對一部。故名爲通。以法對人亦復如是。是故人法二意不殊。二就半下正釋經文三。初佛國半品明大聖對機命宗。說佛國因果二。初分科。二隨釋二。初寶積請說二。初同類堪聞。先已發心者荆溪云。問此之五百何處發心。疏既不云此難定判。或是此生此會已前。或善集見聞勝報人法。或復適來親佛神變。或當聞向寶積述歎。或可具經上來諸處。或再或三。但所見聞。悉屬方等含於四教發。豈不然。但機宜聞淨土行教。是故復須更請問耳。何者發心之中上求唯一。下化猶通不出權實。歷教詮理。取土攝生。是故更須問淨土教。是故寶積述發爲請。令得聞於淨土心因果。此云至道心者梵云質多。此翻心也。經中已翻。此言心者相帶來耳。但發心至分眞者荆溪云。問既通

列菩提。六即之中不列理即及究竟者其理可然。何以不云觀行即耶。答今此發心對佛述行。觀行功薄。故不足論。況觀名通相似等。別教相似分證非無觀行。從勝立名。方稱所述。若欲通收理何不可。祇恐長者位已過之言相下更從教簡。於此三中但云相似者相似居中。名字無位。分真正常無生之位。故須正約相似位判。皆約內凡者通性。地別。三十心圓十信。所以約三教者諸長者子義通衍故。問下荆溪云。問意者長者但云發菩提心。今何依據而云相似耶。答下唯明通位者以人難小乘故須簡示。別圓二教約忍論發義準可知。荆溪云。答中意者亦簡無生及觀行位故。故知。爾前發義不成。前已論竟今重問者欲簡異耳。如通教中相似初心尚未能發。故知。名字雖有發義去無生遠。兼復通邊。此亦約於次第者耳。二正請說二。初分科叙意二。所以隨文正釋二。初請果。二請因。二如來答二。初分科。二隨釋四。初讚許。二誠聽。念之生修慧者荆溪云。念前聞思所依之境。當如聞思而修行之。通於四教。應此方等。是故聞已必於思修。儒書尚云。學而不思則罔。又曰。修身慎行恐辱先也。俗教所論思修俱淺。但有其名無出世實。三受教。四正答二。初分科。二初文下隨釋五。初正答二。初答果二。初正答三。初標章。總答二。初事釋二。初總示。然土不在至已如前說者荆溪云。問既非四句。土定在誰。答祇緣定屬以成性過故。四句中皆云不在。言四句者破凡非聖。凡理本來

亦無性過。衆生業力不可思議。佛菩薩應亦復如是。豈兩難思。合成性過。離二無別。不可思議應知。思議即不思議。況不思議理可思議耶。若離若合皆不逾理。作此觀之諸士永寂無可說示四悉示之隨聞獲益。餘何可論。二衆生下別解二。初釋衆生。二所言下釋之類三。初正明有爲緣集等者荆溪云。諸緣積集有爲無爲一切悉然。應知。有爲即緣集名有爲緣集。若以無爲爲緣集者名無爲之緣集。及開中下寂光者合而言之在果報中。此三土衆生等者荆溪云。若作都迷即二。同居及以有餘。若兼分迷即指同居有餘果報。若全取分迷即是果報及中下寂光。是故文中上句云。及開中下寂光也。故取分迷皆在無爲緣集故也。二約教。三釋難三。初釋三土既別不應同是無爲難。三土者方便果報及中下寂光也。所迷理同者同迷中道故。二釋所迷既同。不應三土差別難。問意者所迷既同土既應一。答意者惑斷深淺須分土別。所迷理同故並號無爲。初意中次第示四教生三土不同。初明藏通唯生方便。五人者藏二乘通三乘也。受變易等者於釋論二死則屬變易。於攝論七死則屬方便。開七合二。二收七盡七名如第二記。次別圓下明別圓凡聖備生三土。斷通惑者俱內凡位。別七住已上圓七信已上俱生方便土。及見下見不空。即分證中道也。即別地圓住已上俱生果報。若十下以寂忍三品對十等妙。故所以十等名分寂光土。寂忍即寂光也。分證既深別名寂滅。有

後即十。無後即等。雖復下次意也。所迷理同故同稱無爲。三釋土既有四。集亦應四。難四種緣集者一有爲。二無爲。三自體。四法界。此論師所立。今家但用二名。故此研問荆溪云。此問意者論師既立四種緣集。今家又立四種衆生。何不四而對於四。有爲生滅等次第對之。答中一往亦暫許之。言有妨者因斥論師。自體法界不殊無爲名異義同。何須別立。若於無爲義分三者容有是理。然此三集並在別圓住地已上。故不以三對三衆生。欲離無爲以對三者無爲即是初地已上。自體即是第十地也。法界可對等覺也。然實不及。直名無爲。無爲悉是障中無明。故須總合爲一無爲。二觀解。荆溪云。觀心者爲對二種緣集分明故。今且以二種緣集次第以對三觀。觀相粗存緣集未盡故也。應須更論一心三觀一時俱破二種緣集。即約六即及緣集盡。二別釋三。初叙意分章。二依章釋義五。初橫約同居。滿願成佛如法華經。量其所居者所居眷屬多少也。多則宅大。少則宅小。修善多少等者衆生修善多則莊嚴勝如彌陀。衆生修善少則莊嚴劣如釋迦。第三句中今明菩薩調伏等者調伏即次句。準此文意前之二句並後二句之方便也。故知。教化調伏本爲佛慧起根。四隨諸下釋起根句。意亦如是。言起菩薩根者既云要因六根起根取土。當知。下文光明寂默仙菩薩等並在同居淨穢二土。以今文中亦且在前二土故也。具如下文。菩薩行品者彼品佛爲阿難廣說佛土。謂佛

光明菩薩化人佛衣服等總十七事。以此四句在於二土故名爲橫。一一別對。故名爲豎。二豎對四土。二初標示。豎對者荆溪云。隨其土體對惑增減。得有諸土多少不同故。名爲豎。二初文下正釋。二初前三句配三土。具縛者三惑全在故。淨穢亦附者國土品類亦無量也。能調難調者見思煩惱凡夫所不能調。故曰難調。二後二句配寂光。二初正釋。二初釋義引類。荆溪云。總別見中者以根對境得總別名。根六慧一隨宜不等。非即有於總別之土。如聲聞下引類也。總相謂四諦總明因果。別相謂十二因緣別明三世因果。二故華下引證釋成。二初引證。二即是下釋成。由於根塵了達三諦具足諸法故得名佛眼。佛意亦由三諦具足名無滅修。二料簡因果與奢等者荆溪云。因之與果俱得無生寂滅種智。與則寂光通因通於中下。奢則寂光別在極地。以上下位俱得無生寂滅種智。別則寂忍不通下因。三類通四土。如前四義者指前橫釋同居具四。復當今文類通四釋。四通寂光等者荆溪云。其中寂光唯用中下教化調伏。佛慧漸深起根成就。入於究竟常寂光故。四約觀心。二初正明觀法。二初示行願。二初約事成觀行。二初總攝生土。境是心之所依者。心即能觀。觀即衆生也。境即所依猶國土也。衆生者下證能觀是衆生義。二今因下別攝橫豎。向約事釋有橫有豎。今附事成觀一一明之。文爲二。初附豎成觀。荆溪云。觀心中云多少者即是因緣及空假中對論多少。如初

觀心未敢遍緣且緣因緣。於因緣中隨對隨照。故云少也。觀境稍熟次心遍攬即名爲多。次空假中多少準說。境即如土。或增或減。次及不次準例可知。此釋初句也。調能下釋第二句。次如是下釋第三句。次起菩薩下釋第四句。二復次下附橫成觀。荆溪云。初對初句。調與不調即第二句。入與不入即第三句。起與不起即第四句。二深識下約觀起誓願。荆溪云。約觀明起誓。橫取四土以對四心。但約二種緣集作之。緣集在因。最宜對觀。文爲二。初觀有心起誓。且攝經初句。二觀空心起誓。即攝經四句。多少即初句。二若但下結示相須。荆溪云。結上觀中須必行願事理相資。故豎對屬行橫對屬願。行人下事釋。橫豎本在觀心。故將向文以觀行者既云觀心。須在於己。以諸衆生不出心故己心既爾。他心亦然。是故文云意在此也。二引證結要。二初引證。荆溪云。引大集者證事須觀。觀成心淨。心淨必能事淨故也。二行人下結要。從此而起者皆從觀心而起。四土。五約教帖文。或斷不盡即是聖人者。若約藏通斷不盡者即三果六地已還俱在聖位。若約別圓斷不盡者即六信六住已還猶是內凡。今望藏通總云聖耳。見真中道者即別地圓住分證中道故。無爲未盡者上地無明猶在故。無爲將盡者即十地等覺也。爲此所化取中下寂光。荆溪云。約教中於一一句皆約四教。各歷四土至果報中。有別教者存教道耳。至寂光中云圓教者通中下耳。又從有餘以取果報用別圓者用別

地前及教道耳。三此釋下結意準文。下文多倒釋者荆溪云。菩薩行品具足述前四義。不闕而不次第。第一釋第四。第二釋第三。第三釋第二。第四釋第一。下文雖章安續補亦不違於先師之旨。三結成二譬顯二。初分科。二隨釋。二初開譬。二初開成譬。荆溪云。四不可說名爲空者謂。都無說是則失於四不可說旨。故須依於四不可說有因緣說。具足悲智取土利生。能於空中以見不空。教化調伏入慧起根。乃於衆生有所成辦。故云空地。隨意故有。無礙故空。故云四不可說故名爲空也。地者即爲慈願所依。空即地也。言宮室者生之所依。爲生取土土成物益。二開不成譬。二合譬。二初合成譬。若純用下荆溪云。此經斥二乘。而云通教菩薩亦何能淨者何故復云通教菩薩有淨土因。然爲遮其取證空耳。二合不成譬。二答因。二初分。料敘意。互相涉入者橫歷諸行皆墜窮心源。墜窮心源亦橫收諸行。故云不得相離。故前下前作橫說。後作豎說也。廣長至表此者荆溪云。廣表於橫長表於豎。並現於蓋正表相資橫豎不二而橫而豎。又十方諸佛以表於橫。諸佛說法亦可表豎。並在蓋中。不二亦然。須更互帖釋者所釋經文須達文旨。若經文橫論即須豎義帖釋。若經文豎辨即須橫義帖釋。廣長相在。身土亦然。故表不二。二今先下隨文釋義。二初橫歷諸行修因。二初分科。二初三下隨釋。三初約三心。二初分章。二隨釋。四初別明二。初配名。三種菩提心者即三乘道心。二釋

義三。初直心。二深心。三初正明深心。二通前料簡三。初明約小修大。荆溪云。此問意者經云。直心深心是菩薩淨土等。既此二心是二乘心。菩薩何以行二乘心。答中雖借通教義仍未顯。故引法華而通釋之。雖為攝物行二乘心元期淨土。故得引釋。二明兼帶二乘。問此中等者荆溪云。經文但云直心深心。如前所釋並是菩薩行願本體。若消文中淨土又無二乘之心。乃是妄加二乘之語。答中意者但云直深。不云二乘者既帶方便。故不的云。是則云二乘則妨大。云菩薩則妨小。意既兼含。故但云直深而已。言準望者荆溪云。今經此言冥有其旨。未可即行彰灼說之。此座二乘顯用之。元皆是修於淨土之人。故知菩薩修二乘行為攝生法。若欲顯說須依大品法華經意。問準望法華可有此理。大品如何。答一切諸法趣於歸緣。是摩訶衍會法之言。良有以也。故有諸法趣二乘心。問雖作此說亦未消於大品之文。大品但云。三乘共位菩薩十地皆學皆行。何會云是淨土行耶。答既不取證理在攝生。修淨土因而為攝法所攝亦通二乘心也。通教尙爾。別圓灼然。大引大論者既云有土純聲聞僧。即是聲聞來生其國。既有所引。豈無能引。諸緣下結難也。即是能引之人行也。三三終顯一。從多為論者荆溪云。若望諸士道理合有未開顯者。故云十方不無此事。但聞顯者多。是故前消教化等文雖有橫堅通約諸士於中豈無未開顯者。故此經文理須十方橫堅消釋。然雖猶有未開

顯士忽若時合移入他邦。或用密教當土開之。若法華疏釋照東方。一切開者為引同故但照於同證。經意別不可一準。三大乘心。二通明二。初正示通義三。初示義。祇是一自性清淨心者即三千三諦之一心也。此約一心而有三號。謂直深大也。釋義如文。二菩下釋成無作四諦者陰入皆如無苦可捨。煩惱即菩提無集可斷。邊邪皆中正無道可修。生死即涅槃無滅可證。而此四法祇是一心本無造作。故名無作。名深法忍者三道即三德。故名深也。一實諦者別圓證道同顯三諦。包融無外故名一實。超出二邊故名一實。若約教道實為惑覆既不相即。義與圓殊。三今此下結示。無三差別等者荆溪云。故約三心以明三德。又此三心義雖通於別圓二教然亦不可前後並別。言三德異名者大乘即解脫。深心即般若。直心即法身。大乘但由悲願得名故對解脫。即是初心住於三德者既對三德。理合。各三。二對昔顯今。昔論等者昔指普集等諸方等經。今明等者荆溪云。爾前諸經但明正報。唯說三身對於四教。前二教佛俱名應。故若以依因對於四土者同居有餘俱名應土。故今身土或四或三。依因者取土利物因也。若對緣集有為無為及以生死分段變易國須分四。即二同居方便實報二集二死各分二故。三觀心。空假二觀三心等者荆溪云。還借前來通別二釋至此文中共成觀義。三心別者具如別釋。若作通釋空假三心亦含於大。以通菩薩亦入空觀。乃以諸緣。

假三心者藏通菩薩自觀諸緣。亦具三心中三心者而云一三三一者。二未即中中必即二。凡觀萬境皆不二故。若分圓別對此二教初心後心別教初心義當空假。與前兩教三乘義同。四釋經三。初釋直心二。初總述。前約教明等者荆溪云。前普集經準教修行取法身果。今非無教。但於教行更加悲願成淨土因。問此前後文皆云此經並約依因。此中何得還引光嚴以證彼正。答道場是處義當依因。亦可用表能依法身。況復今經變表依正。故列諸行並具二途。問何故等者此還用前別釋為問。直通緣度豈獨歸耶。答中二意。一者從便。二者攝他。是則二俱用彼別名以成通義。二別釋二。初正釋二。初釋直心二。初示五種直心。直心有五等者荆溪云。一往似堅。如下布施以望持戒亦名為橫。一一復通五種直等亦得名堅。是則堅中以五望五復可為橫。亦名為堅。然終是橫。專對於橫良有以也。一世間直應有多種。如三界中見愛各別。引證云。癡直者但世間諸直以癡為本。以是而言亦具貪瞋。下之通別具如前釋。該者俗言也。此五下判權實也。二今圓下明菩薩圓修二。初修觀行。知一切法等者知即能觀觀。一切法即所觀境。一切之言不出十界百界。咸即空中。故並雙非。非九界即非權。非佛界即非實。空中即假而能雙修雙用。修前四直是修權。修圓教直是修實。修成有用還用五直以化於他。故云雙用。此中初修在名字位。修成雙用

〇各二名？

皆在五品。於五品位能化他者即止觀所明  
回人上根出假也。智者即其人乎。然此雙用  
約於佛世有顯有密。顯爲方等當教菩薩。密  
爲此中兩教二乘。密但採用法華之意。非  
今部體。若論用教不無其理。故云教他修五  
直行。此文凡有四心。一自作。二教他。三讚  
歎。四隨喜。自作屬雙修。教他讚歎隨喜並屬  
雙用。荆溪云。圓菩薩下明修淨土行者一  
切菩薩具此四心方名大行。今且後極故是  
圓也。收下三故四心之相關一不可。具如此  
觀記引大論文也。故於五直亦具四相成淨  
土行。道理雖然識其旨故。若實行者前二教  
人以前二三而爲權也。別圓準說可以意得。  
各誘令入當教之實。若本圓人但以同體之  
攝而攝取之。又復通人亦云修於淨土行者。  
若任當教雖有其文乃寄利人堪被接者。二  
菩薩下入相似位既從觀行轉入相似。雙用  
五直倍勝於前二。若入下釋來生。故知。住前  
修於五直。若入初住八相成道則前所化來  
生其國。文爲二。初明分真成佛。此即釋經菩  
薩成佛時也。故知。經云菩薩正指住前。成佛  
之言乃在初住。故荆溪云。又成佛之言不必  
妙覺。通取別圓地住已上。從此位去皆八相  
故悉以十界身土取生。或復古佛垂迹利物。  
今文正在菩薩實行。故成佛言必須通曉。下  
去諸文大旨悉爾。從似入真以成化相。分真  
果中三土不同。以常寂光無成佛義。若開中  
下準說可知。二即現下示所化來生。此即釋  
經不誚衆生來生其國也。文爲四。初生同居。

初則赴緣等者明施五時化也。二生有餘。三  
生實報。無二邊等者荆溪云。當地中惑名之  
爲詭惑斷名直。四生寂光。此約中下寂光。即  
十地等覺。二義既下結斥。直心有五。生國有  
四。故曰衆多。此總結示也。豈可下斥他解也。  
二釋深心分文節釋。準直心可見。文或有闕  
望上說之。下去皆然。亦何離於十二緣者法  
門無量因緣收盡。若事若理者於五深心一  
事四理亦可四事。理。緣覺深心等者荆溪  
云。通中存別。意仍在通。次但具有下分於橫  
豎。通別兼具。具於四種四土故也。三釋大乘  
心。即四教大乘等者荆溪云。問前別釋大乘  
唯在別圓。直深二心唯在二乘。今此文何  
得通四。答前別此通。理數然也。故通釋中雖  
皆五釋於大乘中復除世間。思之可見。今謂  
直深之心世間皆有。大乘之稱唯在出世。故  
使疏釋大乘唯言四教。又復應知。雖例有五  
釋。今此大乘望前二心全除世間分除餘二。  
以藏通大乘非二乘故不同直深。但約三乘  
也。上求下釋其名也。夫大以包廣爲義。四教  
菩薩既俱上求佛果下化衆生包含上下。廣  
大明矣。二乘自度。求化俱無。包廣義乖。故  
名爲小。各緣下乘以運載爲義。依境起誓修  
行。填誓自運則從因到果。運他則出凡入聖。  
自他俱運。乘義在斯。二約自行二。初來意。  
荆溪云。若無三心等者真實是直心。高是深  
心。廣即大乘。二布施下正釋六。初布施二。  
初釋布施二。初示五種布施二。初標。荆溪  
云。布施有五者亦是菩薩與二乘所行施等。

爲淨土因。故離爲五。及四菩薩施者藏通兼  
二乘。略標菩薩耳。二世間下釋二。初世間  
事施即六道施者荆溪云。然世間直深亦合  
離。六及於六中各更委分。非法財施者或非  
理求財。或施乖正法並名非法。若持十善去  
人天二道各開多類。人開四姓。天分三界。於  
人中更有居士攝在四姓。言四姓者一婆羅  
門淨行也。守道居貞。二刹帝利王種也。君臨  
奕世。三毘舍商賈也。賈遷有無。四首陀農人  
也。勤身稼穡。凡茲四姓婚嫁不通。飛伏異路。  
此言居士或是婆羅門姓。或是刹帝利姓。如  
毘舍離國稱居士者皆是王族。但以在家不  
仕別稱居士。若婆羅門姓不出家者亦名居  
士。文中備明施相。即五人因也。若輕心等者  
心非殷重曰輕。定日定財曰局。擇人可施曰  
限礙。若勝品下天施。初文至得生是欲天因。  
若持戒轉細去是色天因。無色可例。二。若三  
下四菩薩施擇覺等者荆溪云。擇法屬慧。今  
在施者爲成施。故施不得慧不成出世。尸毘  
代鶴者大論云。如釋迦菩薩本名尸毘。得歸  
命救護陀羅尼。視諸衆生如母愛子。帝釋與  
毘首羯磨故往試之。毘首作鶴。帝釋作鷹。鶴  
入王腋舉身戰懼動目作聲。鷹在近樹而語  
王言。還我鶴來。王言。我發願度一切衆生。鷹  
言。我非一切耶。而奪我食。王言。汝須何食。  
鷹言。我須新肉熱血。王乃持刀自割股肉而  
授與之。鷹言。今輕重等勿見欺也。王遂持秤  
稱鶴身轉重。王肉轉輕。乃至盡身。廣如輔  
行第五引之。釋迦鹿王代彼而死者大論云。

昔波羅奈王入山遊獵。見二鹿群數各五百。各有一主。有一鹿王。身七寶色。是釋迦菩薩。復有一王。是提婆達多。菩薩鹿王見王殺其群。驚起大悲心。直至王前。諸人競射飛箭如雨。王見此鹿無所忌憚。必有深意。勅令勿射。鹿至王所。跪白王言。王以小事一時令鹿受於死。君若以供饌當差次送。每日一鹿。王喜其言。於是二主各差次送。次當調達群中有一母鹿。白其主言。我死分當而我懷子。子非死。次屈垂料理。使生者不濫死者得次。王怒之曰。誰不惜命。次來但去。母思惟言。我王無慈。橫見瞋怒。即至菩薩王所。白言。大王仁慈。如我今日天地曠遠。無所控告。以事具陳。菩薩王言。若我不理。枉殺其子。若非次更差後。次何遣。唯我當代。思惟既定。即自送身。遣鹿母還群。菩薩鹿王到其王門。衆人見之。怪其自來。以事白王。王亦怪之。王問曰。群鹿盡耶。而忽自來。鹿王言。大王仁慈。人無犯者。但有慈茂。無有盡時。但彼群鹿歸告於我。我慙之。故若非分差是亦不可。若縱而不救。無異木石。是身不久必不免死。慈救苦厄。其德無量。若人無慈。與虎狼何別。王聞是語。即從座起。而說偈言。我實是畜獸。名曰人頭鹿。汝雖是畜生。名曰鹿頭人。以理而爲人。不以形爲人。我從今日始不食一切肉。我以無畏施。亦可安汝意。具如彼經者。還云。須大拏經云。有婆羅門。食竟便語太子言。拘留國人也久聞太子好行惠施。名聞十方。我大貧窮。欲從太子有所乞丐。太子言。不於卿有所愛惜。我所有

盡。施人無以相施。婆羅門言。若無物者。施我兩兒。以爲給使。可養老者。如是至三。太子言。卿故遠來。欲得我男女。奈何不相施。時兩兒行戲。太子呼語兒言。此婆羅門遠來乞汝。我已許之。汝便隨去。兩兒走入父腋下。淚出且言。我數見非婆羅門。是鬼耳。乃至見不肯去。廣如經。十種布施者。還云。舊華嚴第十十無盡藏品。明施藏。中云。何等菩薩施藏。此菩薩修十種施。所謂修施法。最後難施法。內施法。外施法。內外施法。一切施法。過去施法。未來施法。現在施法。究竟施法。如經廣說。又離世間品云。菩薩有十種施。何等爲十。所謂平等心施。無惡衆生故。乃至云。三種圓滿清淨施。施者受者財物平等清淨如虛空故。地持九種之施者。還云。彼論第四云。一自性施。二一切施。三難施。四一切門施。五善人施。六一切行施。七除惱施。八此世他世施。九清淨施。生死後際者。謂究竟涅槃也。如來檀者。達施即法界故。檀波羅密者。達施三諦法界名。到彼岸。三諦即彼岸也。一切法趣檀者。檀即法界。法界遍攝無法不在。故發趣品云。一切法趣檀。是趣不過檀。尚不可得。云何當有。趣非趣。二自行下明菩薩圓修。此文極略。準直心說之二。後成下釋來生。二持戒。四種持戒等者。事戒無別。能持心異。故成四別。例施可知。若作別說。則藏通持篇。別圓持梵網。正語等者。於八正中。此三屬戒。三忍辱。並忍爲本者。刺溪云。夫忍爲端正因。故出世忍能感相果。故得以爲一切相本。四種修相止觀記

具明之。四精進。但約衆行者。謂勤修五度得精進名。自有別體者。謂誦經禮佛爲精進也。謂正勤者。勤斷二惡。勤生二善。並屬精進。故以此四并根力覺道爲八。此還就初義明精進也。五禪定。六智慧。二初正解。二初正解智度。二上來下通前類義。二釋疑。刺溪云。問意者。等智有漏依根本禪。若正定之言。義通五者。後四正定位在內。凡世禪全有有漏。凡夫何意名爲正定聚耶。答。意者分別方異。合說何妨。正定望散亦可通用。三約化他。二初懸示。豈行六度等者。刺溪云。如向六度菩薩非不用之化人。但法屬自行。今四無量非不自行法。屬化他。於今四六皆成大行。咸具自他。二四無下隨釋。八初四等。無量從境。四等從心。境雖無量。我心常等。四教下三教。皆言法緣者。刺溪云。非謂三慈中法緣慈也。法名既通。故皆云法。但是衆緣之法耳。謂生滅無生無量之法也。於無量中著法緣字者。即四無量家恒沙佛法耳。即三諦中恒沙佛法故知。此云法緣非三慈中之法緣也。故知。法字亦可通五。謂凡夫事法等。圓教獨當無緣名者。從勝說耳。二四攝並非凡小所行等者。刺溪云。如前三心直深通大。大不通小。以名局故。是故通中亦須別也。但可通諸大乘而已。今亦如是。如前六度及四無量。理通大小。故此四攝及以大乘并下方便回過之文。不通世間及兩二乘。彼教必無其事。故也。又四無量及以四攝。歷教別釋。修相證相。不易分別。不可具存。故並略列。言四攝



者布施愛語利行同事。約所同邊諸教似同。細尋智願高下永別。以其上兼下故也。乃至位位節級不同。即如本迹高下四句。今多分從下劣凡夫難化者說。其名必通理不可壅。所攝衆生等者能攝則有四教之脫。所化雖通世間之法菩薩化人無不皆令至解脫。故彈指合掌其例可從。故今從於攝之本意。三方便荆溪云。問自行等三及破外等三有何差別。答有同有異。從名則異。從義故同。雖有異同離合復別。言義同者自行等三名雖有三法但成二。自他相對無別體故破立等三亦有三名亦但二義。破立二種通成自行教他故但成二。若爾何須重列。答經論逗機各有其旨。四道品此法二乘有分者荆溪云。以四諦法二乘初心即須觀故。況復四四各不同。生滅具用二乘之法。故云有分。三十七品具如止觀及記并法界次第。非此可具。若準婆沙有漏道品。例前爲五有何不可。但凡夫外道所修行者亦是佛法行者所修。未發無漏名有漏耳。但外道法無念處名故。五迴向令來生至具足也者荆溪云。若不迴向施福有限。唯感富樂。迴向極果。及與衆生令福具足福智乘戒體用事理一切無闕。若爾於等六度皆悉具五。豈不具足。何須別立此一門耶。答必須方便方乃具足。若爾迴向復還託於諸行。諸行雖皆不云迴向。迴向又亦不云諸行在沒雖異誠無別體。何須別立。答雖相導引所治各別得名又殊。施爲慳治。乃至智爲愚治。迴向自爲自利近果之治。所以有願

無行令修六度則以六度爲名。若有六度無迴向者令修迴向。即從迴向爲名故也。六除難。還云。成論明。菩薩設四輪摧八難。一生中國輪能摧五難。謂三塗北洲及長壽天。二修正願輪摧世智辨聰。三植善因輪摧生盲生聾。四近善人輪摧佛前佛後。至善吉等者荆溪云。彼章亦祇對於二乘辨界外難。亦不更約方便果報。若欲略明則有餘中三十心人爲三惡道。住無我法名爲北洲。地前法愛如長壽天。未有初地十種六根。名諸根不具。地前智淺如世辨聰。不窮中理如佛前後。若實報中位位相望節節作之。此並障於中道理也。是故結云約四士簡至具辨者以向來意一一思之。此非容易不可濫述。七守戒。識者廣雅云。護刺也。問也。說文詳也。荆溪云。四句者準經正用四中第一。是淨土因。識他得宜第三通用。初心菩薩未全自守。故不論之。第四句中不識一半。理亦可通。由不自守。故亦不應。唯於初句都無所取。次引大經證第三句。故初句中既不自守護。何益耶。其身不正雖令不從。故第二句不令而行。若見機者定用第二第三句也。第二自行第三利他即是淨土行也。假使三子等者長者凡有四子。喻佛亦然。北遠云。一謗法。二四重。三五逆。四十惡。前三名由杖而死。以不可救故十惡猶可懺悔。有生善義故要當苦治。章安疏中更約教釋則前三被詞名由杖死。於圓起著亦宜彈折。故如一子要當苦治。今文證戒且同遠釋。既云但見四機不認。還須依憑章安所

解。羅什注云。上說戒度今復言戒者義不在戒也。欲因戒以明不識。彼闕不識彼闕故莫知其闕。莫知闕則無犯禁之名。以此爲行。故獲此爲果則衆惡都息。故以十善次也。總前凡三釋各有其致。學者去取之。八十善二。初總示。一止二行者止則但止前惡不惱於他。行則勝德利安。一切通稱善者善以順理爲義息倒歸真。故云順理。此是止十善者正示經文也。謂不殺至不邪見並是止前惡事。若放生布施禮敬實語和合語軟語饒益語不淨觀慈忍智慧名爲善行。次第對不殺盜婬妄兩惡綺貪瞋癡明之。後四約四教者荆溪云。止惡義通從行願別。問此十善與前尸羅同異云何。同何假列別相如何。答尸羅相通對一人說。今離爲十以對多人。還云。前文持戒中明十善。是約十善上更加持戒。此單修十善不受律儀。二命不下別解。二堅窮心源。修因二。初叙意分章。十三番相資成淨土因者荆溪云。初資第二。乃至十二資於十三。細尋具如下解釋中。上從直心等者上釋諸行。諸行相望故名爲橫。一一皆從世間至圓。其義雖堅但經一往直列而已。終成橫行。況雖堅釋但約教判淺深不同。是故窮源研於心念。令從淺行直見深理方乃名堅。二一約下隨章釋義三。初約教。荆溪云。今出圓教窮源易顯故須約三教釋成堅行。文爲二。初簡示。聲聞經中無十方佛者然小乘宗計不同。亦有說有者。如曇無德戒本云稽首禮諸佛。又小乘定於光中見十方佛。此皆言有也。薩婆多



戒本云。稽首釋師子則不言諸佛。是無十方。然多分說無。故今云無也。古人謂四分分通大乘者見彼說十方佛。故而不知小乘宗計各別。成身子疑者荆溪云。三藏教中無淨土教。但以煩惱潤業而生。故於穢土成佛。無爽忽聞行門說有淨土。故使身子由是致疑。又依行門方有變地。故用按地以斥身子。豈成助於身子之疑。若三藏中立淨土教與普教反。佛無可以釋身子疑。無行無人者有六度行無淨土教。教無行缺終無成佛。無淨土因無行之佛有教無人。六度之行有因無果。行既無果反成無行。問若爾何故前釋直心等文而皆具五。世直尚成菩薩之行。三藏何失云無行耶。答從本則有。據述說無。有教無人良可信矣。須汎論者通別二教猶非正意。祇可汎論以為較量。二今為下正釋三。初通荆溪云。約通教釋。初以直心對於見地而云登地見理者何耶。答於通教中上根菩薩初地見真。義當三人共位見真。入第三地為深心者此十三句中云深心者非前三心之深心也。故前深心但是初發之深心也。望聲聞人得名深耳。第四去云事理俱行乃至智慧。以對十地皆從成就別別言之。通教初心既事理俱行。亦應合有教化調伏乃至起根得名處別。故別對之以成堅義。通教尚爾。況復圓耶。言善慧者借別名通。故所列地不標地稱。但云初地乃至十地。唯此第九暫借別名。至第十地攝後三句併結成地。借此十地者正借別也。經文但云從初至後雖無地名既云

登地已見真理。豈可必用乾慧等名。通教初地未名直。故故可借別以名於通。初地斷見仍成通義。又復通教地前無賢。故第十地含於三句。初之兩地俱名為直。故使第十含於三句。問通教菩薩有淨土行者菩薩知有十方諸佛。二乘云何。答雖同一教大小義別。二乘道理不合知之。雖與二乘同坐解脫自鄙不發。永不求故又菩薩雖知佛猶永滅。永滅乃與取土義乖。故知此佛無人有教。教既權施不稱因行。故於權教不須苦窮。二別教二。初對十地位。二對十四般若。荆溪云。初釋已將諸句對地。次復更約十四般若者對開合邊。其名便故以理合。故名通初後。故合地前者合三十心為三。後取等覺成四。開十地為十。故有十四。疏本作合地前者字誤耳。若依十四般若。然欲解釋出其理者即如向來消文者。是故一家釋義以義消文。必不以名而局於義。故云無往不通。故知以名拘義無處不獲。三圓二。初斥別。二今以下顯圓二。初約初住二。初正示諸句。寂照之智者從初地至等覺。但名照寂。妙覺一位方名寂照。故璣珞經云。等覺照寂妙覺寂照。今約圓義初後相在。於阿字門具一切義故知。初住分有寂照分入寂光者若約前文則以寂忍三品配三寂光。今此乃以初住理顯名下寂光。二住已上名中品。唯佛名上。二當知下結顯圓融。四十一字者大品四十二字以喻圓位。並備眾門者荆溪云。於十二句句遍攝前十七句及以十萬一切佛法。故句句下隨其之言。義通

橫豎。發心正行等者圓人初心既在初住始得無生。既斷無明理合唯在果報土中。傍為取機化下二土。即是方便及以同居何妨。亦得化分寂光。下二非正。故名為傍。二初住下例後位

維摩經略疏垂裕記卷第三

### 維摩經略疏垂裕記卷第四

錢唐沙門釋智圓述

二觀心二。初正釋觀心因果二。初正示因果二。初明修觀行因。事理相資者荆溪云。事即如前十七句。理即指今直心是也。事理不善者事理二惑也。佛土淨故即境界淨者境界即所化衆生。所化境淨則說法淨也。說法淨故至明淨者由物機生令所說機。故使未堪用淨智化。化道未周未見四淨。故使說等未受淨名。智慧功德即福慧也。名觀行即者此約觀成。即五品位始修在名字位中也。法華下趣觀行道場近分證菩提。二若功下明入分真果二。初從行入似。觀行內熟諸佛外加內外相藉龜垢自落。二從相下從似入真。二初分真作佛。入銅輪者璣珞以六輪喻位十住銅輪也。即於二土自行等者荆溪云。穢淨二種同居土也。謂住觀行相似位時修淨土因。若入銅輪還於二土以攝同類。乃至令入有餘果報。故下用經四句結云教化衆生調伏等也。即用前文橫豎對土釋於淨穢二同

居也。若以上化下即有餘同居。爲說漸頓等者施五時化也。二若下拒難釋成。若不於二土攝生五時設化者何須八相耶。八相者下兜率託母胎降生踰城降魔成道說法涅槃。二一往下結歎觀解。一往等者一往謂觀心於消文非要。二往則非約觀心無以伸心淨土淨之義也。故知。觀心於消文甚要。故云實是真淨佛土義也。多是執文等者文謂文字指前別釋文也。荆溪云。別釋即對三教文故。故前通釋三心之中唯指自性清淨之心。方近於觀。餘皆言教。是故約心圓頓釋之。以明深詣。二復次下結示圓別相成。二初正示。二初正示相須。譬如非日等荆溪云。但詣理釋義當於橫。對文釋義當於豎。其實圓釋不當橫豎。圓別俱教尙成橫豎互有資益。況以教觀而爲橫豎祇於橫豎更互相資。故以橫等對於三德。即非豎而豎般若德也。非橫而橫解脫德也。即此橫豎雙非之理法身德也。故云非日無以等也。日如橫行月如初住。歲等即如四十二位。二今橫下總成三德。高廣義顯者高即堅徹如理。廣即橫周法界。非豎下配三德如向記。如世下彼土有新舊兩伊字。新伊字體一點在上。二點居下。猶此芳草書下字。故喻三德不縱橫也。涅槃哀歎品云。何等名爲祕密之藏。猶如伊字三點。若並則不成伊。縱亦不成。如摩醯首羅面上三目。乃得成伊。我亦如是。解脫之法亦非涅槃。如來之身亦非涅槃。摩訶般若亦非涅槃。三法各異亦非涅槃。故知。即一而三。即三而一方是

涅槃也。二若三下結顯。三土四土者荆溪云。於四土中合於方便及以同居。皆應土故故云三也。三帖文二。初十二句相資。帖文釋者荆溪云。向約教觀非不消經未是逐句消文故也。直心即是圓教中道者圓教如前教觀中。教觀二圓方是圓門真淨土義。備目足等者目足喻解行。涼池喻涅槃。涼池喻出大經。迷於一誦法界惑者見思迷真。塵沙迷俗。金剛頂者即等覺入金剛喻定能破元品無明故名金剛頂。亦曰金剛心以此惑難破定如金剛所擬皆碎。言有通有別別在等覺。義通諸地。衆生正報至佛土淨也者荆溪云。此中分於止行二善。但對依淨及佛土證者非獨依及土證而已。正報亦合清淨及嚴。但今正爲明於依報故耳。正報止行即是惠施及以願加名爲清淨。如成五度乃至十善一切皆然。如四無量本是利他尙有止行。如治瞋等豈非止善。爲攝生故豈非行善。自餘諸行一切準知。亦如世人等者還是宿世以法相關。方乃感應如此。二結撮正要。佛土淨等者荆溪云。依此經文初釋及以四種之文所以具二種者前約當分。從又四下即約跨節。自行約理性。化他約悲願。願期皆令至自性。故正意皆是淨心故也。此有二意。一者句句名異不出淨心。二者雖十二句意在十三淨心句也。故知。淨心者先淨自心方淨他心。他心若淨於成佛處心淨衆生來生其國。次跨節者祇由自性清淨心淨即入初住。能現四土攝取衆生。四土四心皆悉清淨。衆生四心分別雖

殊究而窮之不一體。故淨自他祇是自性淨心淨。事理惑除者至此方始兼論正報。事理祇是障真障中之惑耳。障真爲事。障中爲理。二惑俱除。感常寂土各見淨穢者五濁輕重同居淨穢。體析巧拙有餘淨穢。次第頓入實報淨穢。分證究竟寂光淨穢。此皆隨機威見差別如飯色異。寂光妙體本自無差猶如一器二身子生疑二。初分科。二隨釋二。初生疑之由。大乘方等至淨土也者荆溪云。自方等前不云此土穢中有淨。純小乘人爾來未知。故云祕密。良由爾前顯露未堪至今經中方顯密。以斥小宗。故云有也。約教暫無附道理論所以云有。未能稱機疑問者且從迹說。承佛力故。若從本論自力亦能自力雖能終歸讓主。故引法華以證發迹。又若不蒙加無由能疑。加爲疑由可加由智。二正疑念。荆溪云。菩薩三祇去立其疑宗。三藏教宗三祇修時是淨土行。與十方佛正報果同。何得下因聞質疑。若三祇行是淨佛土釋迦之土今即應淨。此疑釋迦爲菩薩時其心不淨。若不下結疑。言翻覆者以土疑佛以佛疑土。三佛釋疑二。初分科。二隨釋三。初佛以日月問衆寶所成者日宮是赤金頗梨所成。月宮是白銀琉璃所成。彼中下荆溪云。天子譬眞身宮譬眞土。而云眞應二土者但是文略。應雙標身土。萬德下明眞能起應故合標之。眞應法身所依者眞是法身通云所依及以所照。即是同居淨等四土。又譬下前總以日月及以天子但作能照所依之譬。今置天子。又離日

月作真緣譬。譬能成熟及照顯也。盲者二事俱不見。故緣修地前真修登地真緣合時破一分無明。即有真身依於真土而能照於三土。衆生成熟即譬正報說法。照顯即譬佛土攝生。常自照顯四種淨土者且置同居穢也。爲二緣集等者此乃雙舉所除故也。身子雖除有爲緣集猶有無爲不見四淨。又復身子縱除穢中有爲緣集亦未能見淨同居也。故總二障障於五眼以責身子。又有爲無爲者釋通諸盲者所以故也。二身子事答。荆溪云。身子亦未悟於日月譬之深旨。且依於事而爲答耳。三佛合。衆生至不見同居淨土者雖從近說正以此文斥於身子不見四淨。是故且以同居言之。豈可即令身子見於有餘果報。以從道理故文兼以有餘等合。故從界內罪去次第合之。言界內罪者即界內真諦之執乃爲同居淨土之障。此罪即以無爲集合共障五眼。故便不見四種淨土。若祇單詞不見同居之淨土者則不須云二種緣集以通責。故次第釋出。若爾同居淨中亦有執真與無爲合。何以得見同居淨耶。答以彼生者已除界內二種障故今從穢責。故云障彼同居淨土。若從同居淨中責者祇得云不見有餘果報等三。有前四種罪障者界內有爲緣集障界內塵沙障界外塵沙障界外無明障。而此四障於四淨。故知。身子具四種障。身子雖除惡有爲集然由有淨有爲集不依佛慧。故使於垢不能見淨。是故四淨悉皆不見。四蝶譬自引所見釋身子疑二。初叙意分科。

生聞信之善者荆溪云。初聞未信。觀相方伏。伏已方信。所聞不虛。是故二種俱名生善。二初文下隨文釋義二。初先折身子疑念。二正舉所見釋疑二。初分科。二隨釋三。初梵王見淨荆溪云。梵王欲顯如來案地之奇。第六天寶者無量壽經上卷云西方世界。名曰安樂。其佛國土自然七寶超踰十方一切世界。衆寶中精其寶猶如第六天寶。荆溪云。問若同居淨對穢爲穢者香積亦判爲淨同居。何以在上如許恒沙。答夫論聖者約淺深未必重累勝者居上。若以二三同一處見故說爲橫。上下相同豈得爲豎。若準其相不殊安養。但以無小稍不同耳。雖安養兼小義亦唯大。問寶莊嚴土爲在何許。答祇是安養舉近況遠者舉此土六天之寶。比西方淨土之寶耳。實非齊等。二身子見穢。三釋見淨穢之由。荆溪云。此文且華明依佛慧則見淨土應知。佛慧理通衍門。平等之言復兼三教。此則通斥身子但見於穢不見四淨。五佛現淨土釋疑二。初分科。二隨釋四。初案地現淨。答曰有二意者荆溪云。第一則別唯一同居。二者理通通於四淨。與前日月譬意亦同。前說諸方等下於前縱見佛勝應身不謂此身別有淨土。今藉佛力亦未了知佛常寂土及以果報。隨機見者置而不論。故此隨機仍屬於密。不同華嚴一切皆見皆聞故也。悉有生淨土之理者坐華且表同居之淨。仍通四淨。若至法華四淨因足。蒙授記後分破無明。豈非一分常寂光顯。故寂光中三土具足自力在當。故云之

理。二問身子。三答。四正釋疑二。初分科。二隨釋三。初法。二譬二。初分科。二隨釋二。初開譬飯異等者荆溪云。常寂即器同居有餘果報爲三。并身子見理應有四。同居淨穢一土合說。故但云三不得云四。二合譬。荆溪云。十種者初一番別斥身子。後九番通密斥之。與盲者譬及案地譬其意大同。第十文云。諸土非垢等者應將寂光却對前九。應云前九非垢非淨名之爲垢。常寂光土亦非垢淨而名爲淨。初同居淨穢云五濁重輕等者亦得輕者名爲互清。彼見思輕衆生壽命劫量等相一切勝此。故名爲輕。上下相望者始圓初住終第九地悉名果報。第十地及等覺妙覺是三品寂忍即三品寂光。如前疏文已釋。今文比較正用此義。六果報與下寂光並者即是九地與十地並也。七八即是等覺妙覺。十諸土下荆溪云。雖即一切俱非垢淨而垢而淨亦成差也。問何故云非垢非淨。答有事理故論理。不當垢之與淨約事唯有寂光永淨。又寂光異諸土。故非垢即諸土。故非淨諸土即寂光。故非垢異寂光故非淨。問前釋天器中以寂光譬器。諸土如飯。今那以寂光譬飯。答不可以譬譬眞解脫。若用譬者通別並通。別已如彼。通即如今。彼此俱譬理。何晦沒。諸土寂光並非垢淨。而垢而淨。以之爲飯。若寄辨者果報望寂光器色入飯色。令飯色有異。故一飯色上有器飯二色。亦名飯色異。下中上寂光展轉復相比器上有多色並皆入飯色。展轉互相比亦名飯色異。若更以寂光而對

諸土異變非淨穢。別論飯色異者飯器俱四微。各各非飯器而能成飯器。故通別二譬其理皆善成。三時衆得益二。初分科。二隨釋二。初現淨得益二。初五百得忍即通七地等者荆溪云。既通許三教無生。故應將前展轉入後以論於得。或超或次從博地凡夫中來。或從小乘方便中來。一八萬發心如前分別者如前明五百皆已發心約相似位也。荆溪云。八萬發心準前得忍。或在前教已曾發心聞於後教重能發也。若超若次凡來聖來。準說可知。二復穢得益

方便品 二從方便說香積九品明大士助佛闡揚不思議解脫佛國因果二。初叙意分章。爲破有爲等者荆溪云。今據釋舍酒家等處正當有爲緣集之事。既云顯不思議法身即指前經所明。符成即指今經之說。一往雖爾不及云破有爲無爲緣集以成四土。二依章釋義三。初明方便次佛國來二。初正明二。初明如來親談上根受道。前於普集等者荆溪云。此經宗異體與彼同。故亦真性而爲其體。所以還用前經體者法華獨顯尙與一切大乘同體。況俱兼帶體同何爽。然但須以宗對簡之。故云體是宗家之體宗是體家之宗。體爲所取宗是能取。故將今經以望普集依正正自分。故使法華一乘因果宗之所取不同諸經。此經乃是佛國因果宗之所取。故使體家之宗永異諸說。以體望宗同而且異。以宗望體異而復同。深得此意可以判諸教。可以會諸部。今爲迷者依正各論。其明了者

豈聞正報而昧於依。故今明依應須重述。故於下文問答簡出其旨。又復應知。聞前普集及聞佛國得開悟者雖有前後今望方便通名上根。方便已去名中名下。上根則利。中下則鈍。乃至傳爲利鈍。二爲末下淨名開獎中下獲悟二。初正明受益。爲未曉者即中下根。令離諸緣集者荆溪云。總語諸緣集也。二若淨下感果來生。二問下料簡。通爲諸經之體者此明體同義。如前記。若且以事簡則普集豈不談宗。此經豈不明體。故知。二經各論宗體文從影略。故以普集爲今經之體。今經爲普集之宗。生起次第使不亂耳。亦猶以普集爲今經之序。豈令普集無正今經無序耶。二略釋方便義二。初列章。二隨釋二。初釋五章。五初略釋名。荆溪云。法華疏中爲顯實故分爲三釋。謂法用及門并祕妙也。今此廢二但取法用者門論趣入。祕妙開權。今未開權故闕後釋。不取門者菩薩可入。二乘闕之。於菩薩中且約當分。復置傳入。故且不云。據理亦合用門一義。以當分入與法用同故且唯用法用一意。又通祕教亦可具足用彼三義。方是智所詣之偏。法者今文且指三偏之法。彼法華疏俱指四教並名法。故以未融故乃屬今經方便。不同彼中乃約四教。二約教同異荆溪云。大約四教辨不同者即是經論所出不同。前文皆但列於有無二門而已。闕三四者若了一二則曉三四。雙用爲三。雙非爲四。是故不復列三四也。又復後教望於前。若實若權說教說證。若他若自他相對皆名權者既非當

教之所行。用望從說邊故皆是權。又當教中自他相對。皆以前教若證若說皆爲權者以互奪故。奪前之實成後之權。當教亦得名爲實者爲欲對辨一雙故立自他。如大經云世人所見等也。文爲四。初藏。荆溪云。如毘曇至實智者問此中既云無常事理。事可無常。理何故爾。答照理所無亦名無常。故使成論以有門中事理俱權。以有門理不即事故。法障者界內塵沙也。二通。荆溪云。亦可引大品。若有法過涅槃者證於實智亦名幻也。佛及八地者所證已齊。但少留殘習耳。三別照藏理者即但中理爲惑所覆如雲外月礦中金等。四圓。荆溪云。是故文殊等者此正引證自行實也。亦應通引三十二人各各自說以證化他門門不同即是權也。門門不二化他實也。亦可文殊以證自他。以有說故名爲化他。說於無說得名自行。三方便所用法二。初正明所用二。初總明。至論至非實者一心所具咸即空中空中尚亡權實。安在悉檀利物四教行焉。二但舉下別釋二。初引璣標名。荆溪云。但先總述璣標三種方便。重釋方便所以故也。意明此品大士種種善巧方便。備如璣標三種方便令正法久住於世。二配今經釋義二。初遠近配解。荆溪云。言遠近者室外處處經舍酒家。如是等事去今時遙。故名爲遠。望爲諸來問疾者說去還菴園印述時促。故名爲近。遠近皆是助化之緣。莫不爲令正法久住。言久住者謂見佛性。勸求佛身者即下經云。諸仁者此可患厭。當樂佛身。二引論釋

成。荆溪云。是以中論等者即與中論末代觀法大旨全同。經論遠近不出此三。二故前下牒經論結。荆溪云。引今經文隨方便言必含破立久住之意。言助佛者佛之大化亦不出三四約三業所用二。初正釋三業。一。初正明三密。二。初約聖應汎明。二。初正明三密。諸佛菩薩等者荆溪云。即是自行本無三業及以十界。故非一異。爲化衆生而以三業十界化物。如是等用他所不測。故名爲密。二藏通下約名判教。兩教作意非如鏡像。是故但談神通不言應現。別圓下地住已上無謀而化如鏡現像如月現水。故名應現。以勝能兼劣是故亦名神通。名同二教體用全別。荆溪云。攬向神通以示今品用與不同。故於三業以明方便。二此品下就今經的辨。二此三下結名示義。二。初示密義。無方利物者機熟則應不定一方。故曰無方。周易曰。神無方易無體。孔穎達解云。不定繫於一方也。莫測其本者但見三業施爲莫測所證宗極。此則見用不測其體。故以不測以解密義。即向荆溪云。他所不測。故名爲密也。又荆溪云。密者一。一界中各具十。故不可以一界。測不可以多界。測即名爲密。二亦名下結異名。聖人三業既得名密。更約功用立四異名。名輪名無失名不護名隨智。慧度他摧惑喻之以輪。既無過失不須防護。愚惑已盡故隨智行。二良以下結示妙用。同棲空室者空室表寂光也。荆溪云。正示同居現疾得名方便品。五約觀心。一心至意知者荆溪云。祇是初修三業十界諸根

之相。若破若立諸教諸觀元意祇爲成此妙觀。二簡說者。二。初問。二答。二。初古解。荆溪云。此具三意而不及初。何妨一品是集經者。以諸經中爾時等言悉是集者所以不用。次家釋者豈有寶積不云白佛。於佛前述淨名事乃專輒云。毘耶離等。二今釋恐者表非定執。大師謙也。阿難至爲說者此報恩經四願中一。如解通序已明。既願重說驗知。當時佛爲阿難重說此品。故至結集次前誦出。荆溪云。故知。今解深得經旨以加阿難本願等言有來處故。三入文解釋。二。初分科敘意。二。初分科。二形聲下敘意。二。就初下隨文釋義。二。初半品明形聲方便。二。初分科。二隨釋。二。初歎德。二。初標佳處及人。二。初總釋。有長人之德者風俗通云。春秋之末鄉有賢人著一篇號鄉長者。謂年耆德艾事長於人。以之爲長者。重益今機者開述彈折之言俱獲圓大之益也。因之功成者荆溪云。往益今益私益衆益斥益熟益現益當益大益小益偏益圓益。始終收束疾無不攝。疾爲法界功之極也。二維摩下別釋。二。初指釋維摩。如前釋者荆溪云。具如玄文釋名中明。二。長下今解長者。二。初辨示本迹。二。今略下開章解義。二。初列章。第四帖釋。即下正歎德文於此懸科耳。荆溪云。法華疏釋長者離爲四義。今亦具四。初世長者借喻事理。法身長者事理相符名同理異。觀心長者即是法身長者之行相也。亦是法身長者之因果也。帖經長者即是因果長者之誠證也。亦顯經文次第有在。問既云因果。今

修十法即獲淨名之十法耶。答依經修觀道理必然。淨名一德具九。修時必諸句互融。若修一德尚具十德。何況修十不具十耶。但以一德而爲言端。應修十德共成一德。餘德亦然方名具德。故便修時一句遍攝。則令至果一德通收。問若爾此之十德即十號不。答名殊義合。何者從如實道故名姓貴。堪應供。故所以位高。以遍知故豈非多饒。既具通明即是威勢。善契祕藏由於智深。解三世間必在年宿。土中之上由三業淨。丈夫屈伏乃關禮備。是天人師諸佛方歎。世間之長而爲下歸。故此一號亦具九德。問淨名即是果德佛不。答從本必然。迹爲因化。觀心十德尙得名爲觀行如來。發心畢竟豈躍於此。二隨釋。四。初世間長者文中先列名。次何者去解義。貴族者利利姓也。猶此方王公之族。爵位者王制曰。王者之制祿爵凡五等。謂公侯伯子男。此周制也。白虎通曰。爵者畫也。各量其職盡其才也。貧無財惠者禮記檀弓曰。昔者衛國凶饑。夫子爲粥與國之餓者不亦惠乎。王弼云。夫進物之速者義不若利。故今云無財世不重也。無寵不威者寵愛也。爲帝王所愛重則有威勢也。文選曰。新安王寵冠列蕃神解明鑒者如臧武仲之智也。物情不揖者不揖敬也。年者耆爾雅云。耆也貌皓。謂髮白也。斯惡者斯應作斯。音斯斯養也。又斯猶下也。操行無瑕者瑕玉之病也。秉行淳正如玉無瑕。詩云。言念君子溫其如玉。而外至瞻受者詩云。人而無禮胡不遘死。人而無儀不死何爲。

上人不睡者以豪貴爲上人。非皆在已上。名不徹遠者由不爲上人所稱故。豪貴歌詠者卽上人和睦。故歌詠其德也。曲禮曰。僚友稱其弟也。執友稱其仁也。交遊稱其信也。鄭注曰。僚友同官者。執友同志者。無恩及下者。下謂下民。左傳云。視民如子。又曰。子產從政一年與人誦之。三年而人又歌之曰。我有子弟。子產教之。我有田疇。子產殖之。子產而死。誰人嗣之。又詩曰。蔽芾甘棠。勿剪勿伐。召伯所茇。此皆恩及下民故崇敬之也。二出世長者。二初叙意。二一從下正釋。從初發心者若遠推其始。則以相似爲發心也。義如前釋。若近取分真。則以初住爲發心。今淨名位居等覺。若推發心必兼二意。發生理慧俱約分真。法王種性中生者中道妙理是佛種性。今觀此理而發妙慧名種性中生。卽姓貴也。證無生忍者。荆溪云。但讓佛寂滅則於無生最居其極。降魔制外者。應云降制界內界外。權實者卽是同體權實故也。記別應云授法身記。釋梵所敬下人歸崇。且據隨近以說。若約四教則爲聖天所敬。賢人歸崇。能輔釋尊等者。應云能開十方四土佛法。淨土之言不局同居穢土而已。三觀心二。初正釋。荆溪云。觀心釋中一一皆附下文帖釋以爲觀相。教理有憑。故與他人明觀有異。但異於果並名觀心。愛見魔外者。愛惑卽魔。見惑卽外。舉足至伽梨者。此約六作以明修觀。言六作者。謂一行二住三坐四臥五語默亦曰言談。六作作謂所作之事。二作字並去聲。舉足下足卽行。著僧伽

梨卽作作。中略其四。故云乃至。悉皆一心者。六作雖殊。觀心豈異。造次必於是。顛沛必於是。一當知下結歎。故法華等者。此引第五頌。現在四信滅後五品文。四信者。一念隨喜。二略解言趣。三廣爲他說。四深信觀成。此頌第四。卽是五品正行六度也。今論修觀在名字位中引經通證。不須執文以害其心。故荆溪云。此引法華正是觀行四位之觀觀心。灼然在於隨喜之前。佛子住是地者。謂修觀行所住之處也。卽是佛受用等者。妙觀理等與佛無殊。故指所居是佛受用。四儀運動咸與佛同。尚下結況也。若華法華尙同妙覺極果。豈不得名淨名等覺耶。佛如長者淨名如子。二歎德二。初標。二供下釋十。初姓貴以供養諸佛爲種姓。荆溪云。如世父母所有子息。自非所生焉能供養。衆生理等。故能發心。若發生至法分者。發理生慧正在分真。從佛智生名佛真子。故云口生。從理法生名法王子。故云化生。理智分顯名得佛法分。三慧顯理者。由圓賢位起聞思修。得入初住乃至等覺。故云顯理。釋成種性者。如世孝子存沒無違。父在觀志。父沒觀行。故知父母爲德本也。真性以爲衆善之原。依之積善善有本也。咸依善本名眞供養。觀畢竟空種大智種者。上種去聲。下種上聲。能觀屬智。眞空是境。大智觀境故名種種。從解生行者。智爲能觀。故名大解。從此立行行方稱境。境智既冥。萬行具足。引大品云。諸法雖空。等者智應於空。方今行足。二位高。此義猶通者。荆溪云。通上下地

也。今淨名位別而不通。別中三位。有本有迹。迹因本果故也。因中又有二位別者。隨諸經中有立不也。故存沒異。若居中等者。立三品者。通總言耳。等覺所存如向所明。不能牽者。以中下寂忍是寂光土。不能牽生果報土也。三大富。三業功德者。荆溪云。卽是三業家之所有故屬財也。總持一切意業功德者。且從別說。若通塗論。祇由意持身口。方持言速諸者。良由此也。言及餘者。三業之外無復餘法。今云餘者。寄方便教從別說之。故云餘也。故圓三業兼方便中一切諸法。如世大國能包小邦。四威報。勞怨者。荆溪云。最能勞累於我。故也。魔卽四魔等者。兼界內外。能害下使三歸三智不得開發也。中智不發名害智度母。二智不發名害善權父。使助道不成名害法親。正行助道俱被魔害。故名勞怨。菩薩降伏猶如報怨。如世禮云。父母之讎不與共戴天。兄弟之讎不同其國。交遊之讎不反兵。魔害權實二智卽菩薩父母之讎。害諸善法親卽兄弟交遊之讎。故用力無畏之兵以降伏之名報怨也。怨字平聲。論語以直報怨。字乃此作。說文作冤。從罔從鬼。荆溪云。故害智度善權父母卽害內外一切權實。能害權實莫若內。外天魔外道。故能降伏者其力稱大。五智深。荆溪云。入深法門者門教也。由門深故所以智善。正用善字而爲歎也。明了衆生心之所趣。所趣不同。故應爲權。今爲釋實者趣有二種。近遠別故。具如法華草喻疏釋歸於空。約七方便皆有二趣。遠趣唯一近趣不同。今

從遠說故云一也。此若非實何須更立。六年善。荆溪云。久於佛道等數修行者。上句序上二句。見理序決定大乘。年者喻上一句。見久喻下一句。純淑者尙書云。政事唯純。孔安國云。純粹也。爾雅云。純大也。方言純好也。淑詩傳云。淑美也。好也。經本或作淳。亦專一也。或作熟非也。七行潔。諸有所作者。荆溪云。三業隨智名能善思量。智者慧也。由慧善思。令三俱善。三隨於智故。次文云。前智後作。若前作後智。雖名為覺。即是不覺。地住諸聖悉皆如是。除地住前及諸小乘不入觀者。但此不與下地同耳。八禮備。歟。形心者。荆溪云。上句形也。下句心也。含弘者。弘大也。又住下左傳曰。有威而可畏。謂之威。有儀而可則。謂之儀。學佛象王迴視者。荆溪云。且寄應佛之儀式也。人做此未必全然。有言。具佛相好者。前約儀式解威儀。此約狀貌解威儀。今言下今正釋。謂常冥至極。遍應十界。故曰不起等。亦猶周易云。寂然不動。感而遂通矣。此言雖近。可以例遠。八不思議者。一漸漸深入。二深難得底。三同一鹹味。四潮不過限。五有種種寶藏。六大身衆生在中居住。七不宿死屍。八萬流投之不增不減。經文備以涅槃八義合之。故云佛法亦爾等也。今言下心大如海。亦具八義例同涅槃。如下文。此室內現八未曾有。即佛性海諸法具足。今文且用不增減一。衆流等者。九道常投而佛界不增。種智常煎而生界不減。以九道不斷性善。佛果不斷性惡。故無增減。應具以二句合之。九道雖投而由心無

取故不增。種智雖觀而由心無捨故不減。此則具於事理二釋。沃焦山名能縮海水。九上歎荆溪云。咨嗟者歎美之聲。此借凡事以表聖儀。天王上人者。天王天子也。吳楚之君。僭號稱王。仲尼正名以周天子爲天王。春秋云。天王狩于河陽是也。十下歸仰。欲色界主者。帝釋是欲界地居天主。梵王是色界四禪天主。故此二人通名世主。荆溪云。弟子釋梵者。舉形服同及二界主。總而言之。應云九道及七方便。等覺已還無不歸敬。二正明形益。二初分科。二隨釋。三初標益物處。居廣嚴國者。荆溪云。如前四釋。並須至此。以合淨名所居之處。二正明益物。二初分科。懸判三。初正分科。二初六下判本迹。此是從本垂迹者。荆溪云。六度之名近本故也。故從本六以垂迹六。二十九句以末故也。故云是迹資財等。事是末故也。垂此末事。攝取衆生。令歸於實。三節前義。問中具足。應云。何以心密是從本垂迹。身口是困迹顯本。答六度等者。荆溪云。此據從理對事以問。故六度滿亦名爲身。意密之處。身口具足。所以六度事理名同而本迹各別。故下文云。從於本六以垂迹六。若從事說。身口是未元爲同凡。先同後異。方示其本。二貲財下隨文釋義。三初心密。二初二釋。六初施。二初約教釋。二初斥舊解。荆溪云。若舊等者。淨名非不世財攝生。但直云世財。歎意不盡。故應約四土等也。下去例然。故云有事理。二今下明今釋。二初正釋經文。二初明四教攝物。二初釋資財無量。二攝諸下攝諸貧民。二初釋

所攝。二初舉貧。教詔並去聲。教示也。詔告也。俱作平聲亦通。捨父等者。捨勝應父求小衣食。觀無常如鹽。觀苦如醋。生空。廢如米。法空。細如麪。得小涅槃。如一日價。菩薩三祇等者。荆溪云。三藏菩薩。長時六度。故得富名。別教橫豎。知如來藏。更富於前。二圓教下顯富。圓教一切無非祕藏。富中之極。雖四教菩薩並有富名。前三互。奪還受貧稱。是故唯歎富中之上。金剛寶藏者。二邊不壞名曰金剛。合攝三千故名寶藏。其理常住。故無缺減。故純下引大經證。三教俱貧。二大士下顯能攝。荆溪云。大士等者。迹本也。能起等者。舉迹也。二以四下明果滿來生。荆溪云。又約頓漸等者。但是八相成道之處。皆須八教以顯一乘。唯除獨顯大乘之圓。如香積等。二故知下引同責古。二觀心釋。荆溪云。夫觀心者。先須事施以爲觀境。次方觀事爲施法界。次運大悲成淨土行。隨其方所有受化者。先爲施主。方乃爲其取土。豈同世人自謂高深。但令他施爲施所墮。故知。斯等現闕攝生之始。當無淨土之終。必願學宗。說者行者細思。易解之教。以裨難行之行。文爲二。初正示觀法。二初觀心攝物。二初總示。不見慳施者。荆溪云。即行施時不獨治慳。見慳法界而行於施。施亦法界而用攝生。攝生之時。生亦法界。如是亡泯。能治所治。能度所度。無非法界。如是方名不見慳施。常塗但云亡三行施。亡何等。三。凡修觀者。但云無施而無慳。縱無無慳非施法界。況復更能利物爲懷。二若是下別示。二初轉化成觀

二、初正示轉化。若在令長者與地志曰。秦始皇天下置三十六郡。郡各領縣。縣高戶已上爲令。減萬戶爲長。二譬如下舉喻釋成。二是爲下所攝獲益。二是諸下果滿來生。二此卽下結勸。行人若能三觀內修。慈悲外運理事不二內外交融。夫如是則淨名大士在我心中。何須遠覓。二戒二。初事釋二。初四教攝物。二初示所攝。十種戒藏者大論明。十戒攝一切戒故名爲藏。一不缺謂性重。若犯如器缺。二不破謂持僧殘。若犯如器破。三不穿謂持波夜提。若犯如器穿。四不雜謂持定共。定持心故欲念不起名不雜。已上四戒約律儀。五隨道謂隨順諦理能破見惑。六無著謂於思惑無所染著。已上二戒約真諦。七智所讚善薩化他爲佛所讚。八自在於世間事而得自在。已上二戒約俗諦。九隨定謂隨楞嚴定。十具足中道之戒具攝諸戒。毀隨道等者未破見思則毀真諦戒。未破塵沙則毀俗諦戒。未破無明則毀中諦戒。故以三諦次第攝之。二餘人下簡能攝。淨名等覺雖有餘惑事等微塵亦得名爲具淨戒也。二此諸下果滿來生。二觀解二。初正明戒度二例下四度。下文既略。於此例之。三忍調四忍怒者未得四忍名爲四忍。四進。五禪。六慧。二是故下結示。示行六度者示行四教六度也。二身密二。初標無言之化者見身獲益不假言宣。故云無言。二隨釋九。初示同白衣二。初正釋今義二。初事釋二。初因中攝物二。初釋迹本利生。沙門至勤行者翻名也。不著二邊勤行中道。是故

妙覺究竟名大沙門。律是詮量輕重者風俗通云。皇陶謨虞造律。律訓詮訓法。尙書大傳曰。不夫之大律。注云。奉天之大法。法亦律也。故律名起於舜世。尼尼之學詮量輕重如此方之法律。故翻爲律。二此無下示不言而化。密護出家等者問。涅槃聖行唯勸出家。故云在家不法猶如牢獄。出家閑曠猶若虛空。及諸經律獎勵非一。何故居士密護出家。答應以兩種四句格量優劣。足曉其旨。初四句者一出家持戒。二在家持戒。三出家破戒。四在家破戒。次四句者一出家學大。二在家學大。三出家學小。四在家學小。今居士於二四句中密護。第二密勸第二聖行所勸正勸初句以護二四。故云如牢獄等。或以第三而護第四。則如經云。破戒比丘勝諸外道也。若曉斯旨則一代大小若顯若密或勸或護各有其意。於涅槃疏記已曾委出。大經下哀歎品中佛護小乘文也。此於次四句以初二句護彼第三也。以諸比丘正是出家學小之人故今居士密護雖似初四句中以二護三。其實兼合次四句中以大護小也。故引大經釋出其意。但今下心染大乘兼持律行。於二四句第二所攝。故云但令染心立沙門行也。二淨名下果滿來生二。初正示果滿來生。二但佛下兼明符合前品。見於此品者見音現。二觀解。二此下下例示下文。二示處居家。卜居者龜曰卜。古人移徙必卜吉而居之。三界有二種者荆溪云。變易分段也。開合對四土者開變易合分段。開變易者離出有餘果報二土。合

分段者不分同居淨穢之殊。開分段既合。那云二土。答分雖有二莫非分段。但論惡道五濁有無分淨穢耳。變易開者良由無明有斷不斷。真應有無寂光見不有須發心及不更發。又有功用及無功用。有此多別須更分二。此及諸句等者謂。此句及下諸句皆應觀心也。荆溪云。以一觀門通該諸說。然於此中及以前文堅觀心源。不同他文觀心釋義。他文觀心並寄近事以明遠理。因名用義。借數辨行。從人顯法。約法通智。今乃聲明觀通事是故此品約事。淨名密勸後進修於觀門。自行勸他加願利物。權實雙用望果行因我卽淨名。何須遠計。故並寄白衣公私文武以爲興致。雖暫寄之然應知之發心卽是何簡黑白。故行教者具觀行之大士也。是以四衆悉須欽風可思齊焉。可自軌矣。然論菩薩雖遍四衆出家理順。在俗義違。故示俗流。立行特出。具足衆德。一切中尊斥奪提蒙。辯才無盡欲使後代莫不歸之。三示有妻子。離四愛著者四教法愛尙須捨離。況事中妻子耶。四示有眷屬。五示同服飾。常用四忍修相好者荆溪云。此意如前淨土相好來生。故立此門以招四土。六示同飲食。各八禪悅者四如意足及定根定力定覺正定也。七示同博奕。博謂等者釋其名也。世本云。烏曹作博。說文云。博局戲也。六著十二碁也。方言自關而東。齊魯之間皆謂圍碁爲奕。論語云。不有博奕者乎是也。疏云博塞蓋目一事。莊子云博塞以游也。塞蘇代反相塞之塞。化令不著者荆溪云。凡示



俗儀皆現堅志。世以混和合雜醜行欲引。淨名深末可也。無記者四無記中即工巧也。故論云。異熟威儀路工巧處通界直爾爲之似屬無記。因之得物況陷初篇。況復道陷定歸無救。淨名示爲意令不作。今不曉者反欲効之內長散慢。全隨貪結不思來報。倚託聖蹤空現出世之功者尙妨世業。豈況出世。劉義慶世說新書云。晉太尉陶侃語人曰。聖人惜乎寸陰。衆人當惜分陰。諸參佐或以戲廢事。乃取糲薄局授之於江。吳志曰。蔡頴在東宮。性好博奕。太子和以爲無益。命韋曜論之。故博奕論云。今世之人多不務經術。好習博奕。廢事業忘寢與食。又曰。假令世士移博奕之力用之於詩書是有顏閔之志也。用之於智計是有良平之思也。用之於資貨是有猗頓之富也。用之於射御是有將師之備也。如此則功名立而鄙賤遠矣。此並古賢之深誠。於俗尙爾。況出家者。豈宜爲乎。至有賂及衣鉢身陷刑名。此等下愚誰論喪業。故僧史略曰。爲僧者苟未修行。但能避刑憲亦逍遙之上士也。善言不信畜生何殊。淨名度人蓋示其過。吾申其道。故得極言。所言輒者至諸請者夫耽博奕者臨局交爭。神迷體倦人事曠而不修。賓客闕而不接。豈暇諮請於善道乎。故大士觀彼有機輒爾爲說。肇云因戲止戲也。八示同異道。爲伏物故者曼無德部比丘於十二時開一時外學。爲降伏外道故。鼻奈耶明。日分三時許日後分學。況今居士本在家衆。今世比丘忘本逐末形似沙門心背佛

學。大法將滅其徒實繁子。嘗撰師韓一篇以規後學。故荆溪云。小乘制外稍通一時。大乘標宗初心明制。妨入妙道故不令爲。五地菩薩方修世業。是斷佛種障道因緣。今出家人戒定慧心一無所修而云伏外。義等倒裳。散染易流道法難寄。增長。慢習反經學宗深可悲也。甚爲謬也。況坐常住院著信施衣。殮淨衆厨踐無價地而三業從俗四儀拘迷。若欲做之當思十德。縱未相似觀行如何。大集明如富樓者寶篋下卷亦有此緣。如輔行第六卷末引之。九受世典此方世典即五經等者詩云。文王之典傳曰。典法也。謂教法也。釋名曰。經者徑也。典者常也。言如徑路無所不通可常用也。五經者白虎通云。易尙書詩禮樂也。古者并春秋爲六經。至秦焚書樂經亡。今以易書詩禮春秋爲五經。又禮有周禮儀禮禮記曰三禮。春秋有左氏公羊穀梁三傳。與易書詩通數亦謂之九經。今云等者等取六九。又統論世典應以四類收之。謂經史子集。唐書云。集賢院四庫書總八萬九千卷是也。經如向說。史謂自馬遷班固已降歷代國史。子謂老莊文列等百家子書。集謂古賢遺編。今但舉經等取餘三。故云等也。西土下四達陀如釋通序記。十八大經皆外道書。而能黃葉等者大經嬰兒行品如父母止小兒啼。故以黃葉爲金以喻妄常。人天實皆無常如來說三十三天是常者。欲令凡夫離三塗苦如止啼。今淨名明世典以誘人。其意亦爾置毒於乳者亦大經中喻。今以世典如乳。常樂佛

法猶如置毒。以樂佛法故雖引世典意存大乘。故使未來入不思議法門如毒發殺人也。荆溪云。於中點理後必殺人。三口密二。初標示。二隨釋二十。初示見敬供養。文中兩意。初約淨名敬他。次約他敬淨名。凡厥之流者之字恐誤。應云下流。厥其也。通貫下十九句者荆溪云。後十九句皆令生敬得最後益。若隨句消皆使成於見敬中最準此中意。前文雖爲白衣句中乃有二總。一者總冠二十九句。句句皆著雖爲白衣而有律行。二者別在前九句。首身口別故。二示持正法。兼持國法者肇師云。外國諸部曲皆立三老。有德者爲執法人以決鄉訟攝長幼也。淨名現執俗法通達道法也。今師云。持國法肇云。決鄉訟。高下小異耳。此方漢世鄉邑各立三老。三示獲俗利。文中先約世利釋。次復次去作法門釋。述同凡俗等者肇云。法身大士瓦礫盡寶玉。若然則人不貴其惠。故理同求利。豈喜悅之有。經云偕偶爾雅云。諧協和也。偶會合也。四示遊四衢爾雅云。路四達謂之衢。郭璞曰。交道四出也。列子曰。人之遊也觀其所見。我之遊也觀其所變。豈法身大士所遊而無所表耶。五示入治正。肇云。治正法律官也。道以正法便民無偏袒。今解不然。連帥令長分臺布政名治正法。故以禮刑解之。非約律官也。用禮用刑者論語曰。齊之以刑民免而無恥。齊之以禮有恥且格。然則民慢則用刑。民淳則用禮。家語曰。爵人必於朝與衆共之。刑人必於市與衆棄之。禮記曰。禮者因人之情而爲之節

文。以爲人防也。尙書甫刑曰。刑罰世輕世重。惟齊非齊有倫有要。孔安國傳曰。刑罰隨世輕重。刑新國用輕典。刑亂國用重典。刑平國用中典。凡刑所以齊非齊各有倫理要善。樂記曰。禮以道其志。樂以和其聲。政以一其行。刑以防其姦。禮樂刑政其極一也。所以同民心而出治道也。桓範世要論曰。德多刑少者五帝也。刑德相半者三王也。刑多德少者五霸也。純用刑而亡者秦也。方便與奪者民慢則奪。禮與刑。民和則奪。刑與禮。禮刑適時寬猛相濟。曲巧若是故云方便與奪。故仲尼曰。政寬則民慢。慢則剝於猛。猛則民殘。民殘則施之以寬。寬以濟猛。猛以濟寬。政是以和。荆溪舊解云。禮以與之。刑以奪之。又行禮刑各有與奪。禮則奪小人而與君子。刑則奪重罪而與輕愆。故今俗官皆有大權寄之行事。非是捨道等者此明淨名非親職掌而善體刑。又誠未來影附聖捨道之輩。向解與奪附刑。溪共成三義。各有其致。宜在精詳。六示入講處。肇云。天竺多諸異道各言己勝。故其國別立論堂欲辨其優劣。欲明己道者則聲鼓集衆詣堂。求論勝者爲師。負者爲資。淨名既升此堂攝伏外道。然後導以大乘爲共師也。今云。述入凡小者謂非但入凡夫外道講論處。亦入小乘講論處導以大乘也。如下訶目連滿願旃延皆是其事。七示入學堂。言學堂者。亦猶此方國學鄉校也。禮記曰。古之王者建國居民教學爲先。八示入婢舍。什曰。外國有一女人。身體金色。有長者子名達暮多羅。

以千兩金要入竹園同載而去。文殊師利於中道變身爲白衣。著寶衣衣甚嚴好。女人見之貪心內發。文殊言。汝欲得衣者當發菩提心。女曰。何等爲菩提心。答曰。汝身是也。問曰。云何是。答菩提性空。汝身亦空。以此故是。此女曾於迦葉佛所宿植善本。修智慧聞是說即得無生法忍。得法忍已將示欲之過。還與長者子入竹林。入竹林已自現身死屍脹臭爛。長者子見已甚大怖畏。往詣佛爲說法亦得法忍。示欲之過有如是利益也。肇曰。外國姪人別立聚落。凡豫士之流目不暫顧。而大士同其欲然後示其過也。九孔者兩眼兩耳兩鼻口及大小便道也。此之九處常流不淨。何可樂耶。四善根發者四教機熟也。若貪下於四教法起愛著也。故下文下上句證入淫舍。下句證示欲過。先以欲鉤牽者欲境如鉤能牽行人。九示入酒肆肆陳也。謂陳酒器也。周禮司市掌以陳肆辨物。鄭玄云。肆謂陳物處也。物物異肆也。三十六失者大論明三十五失。具引文煩。今束爲頌曰

費財增病諍三 裸露人不敬二  
無智得者失二 說匿廢事業二  
醒慚身力少二 色壞慢父母三  
不敬於沙門一 及以婆羅門一  
不敬親三寶四 朋惡遠賢善二  
破戒無慚愧二 不守精縱色三  
人憎親擯棄二 行惡棄善法二  
朋人不信用一 遠離於涅槃一  
狂因墮惡道二 爲人常癡狂一

失有三十五 智論廣明之

運云。沙彌尼經飲酒有三十六失。尙書酒誥曰。越小大邦。斥喪亦罔非酒惟辜。傳曰。於小大之國所用喪亡。亦無不以酒爲罪也。昏神亂道者昏心神亂正道也。復次酒是煩惱等者。荆溪云。準此句中作觀心義。前文諸句亦應例之。如安樂行十種惱亂尙作觀心。但不及前釋貨財等文相周備。策勵道俗令成真實淨名之行。十示在長者。文中二。初通述意。歎尊勝之德者即此十一段也。偏舉尊勝者肇師云。凡人易以威順。難以理從。故大士每處其尊以弘風靡之化。故今云德爲物軌等也。二言長下正釋文。鄉閭懷勝者萬二千五百家爲鄉。閭謂鄉里之門。羅什云。長者如今四姓豪族也。十一示在居士。此上居家德素者謂。德行潔白也。今謂下依外國釋居士義也。以經云斷其貪著故知。非德素者。說四檀法者四教行施也。十二示在刹利。翻爲田主者肇云。刹利王種也。秦言田主。劫初人食地味。轉食自然粳米。後情漸僞各有封植。遂立有德處平分田。此王者之始也。故爲名焉。十三示在淨行。各離我心者四教離我如釋我聞中。十四示在大臣。各有所掌者猶此方三公九卿所掌各異。示以明達者爲說論道經邦禮刑等事。彼進思盡忠退思補過。將順其美匡救其惡。故云示以明達。然後於此正法順四根性點示生滅無生之理也。十五示在王子。明達孝敬者孝經云。資於事父以事母而愛同。資於事父以事君而敬同。淨名能說孝

敬故爲所尊。十六示在內官。宮女者若準此方如周禮云。天子后立六宮。三夫人九嬪二十七世婦八十一御妻。鄭注云。前一宮後五宮也。五者后一宮三夫人一宮九嬪一宮二十七世婦一宮八十一御妻。一宮后正位。宮闈體同天王。夫人坐論婦禮。九嬪掌教四德。世婦之知喪祭賓客。女御序王之燕寢。漢制後宮凡十四等。謂昭儀婕妤嬪<sup>五形</sup>娥容華美人八子充衣七子良人長使少使五官順常無清此十四等也。班固西都賦曰。後宮之號十有四位。蓋謂此矣。內生邪想者。發云。妖媚邪飾女人之情。故誨以正直。四八道者。四教八正道也。十七示在庶人。庶者衆也。言天下衆人也。十八示在梵天。十八梵天者。初二三禪各三天。四禪九天。悉離欲染。通得名梵。誨以勝慧者。荆溪云。如禪觀支。是慧非勝。梵亦曾得不以爲尊。故示出世四種勝慧。淨禪觀等及無垢禪。通明特勝。帶根本修而無所著。十九示在帝釋。十五觀門者。待檢叙之。別教金剛已還。皆無常者。荆溪云。此他所計。今因判之。令屬別教。又梵王保常。過於帝釋。自謂衆生之父母。故今梵不以無常爲治者。諸梵已得深根本禪。但以勝慧奪其有漏。刹利婆羅門等。通皆保常。此亦微通而從於別。各別說之。良由此也。又復亦欲示於教門。種種不同。令遍識故。故各各說。二十示在四王。各主二部鬼神者。東主乾闥婆。毘舍闍。南主鳩槃荼。薛荔多。西主毒龍。富單那。北主夜叉。羅刹。上一一事下總示上三十五事。皆爲扶成佛國。

講說之者。當知其宗。三結。二八品半。明聲益方便。二。初叙意分科。二。初叙意。二。初總叙。除物罪垢者。荆溪云。罪垢之名。須通四教。或二緣集。故此教門一部之內。廣略相映。觀其義勢。逐而釋之。應合廣者。不由語略。使義混和。故見總略以廣別之。或觀別文以總攝之。所以惑體無二。智非他成。從一開諸令諸歸一。見合亦不少。離元無所分。身土惑智一切皆爾。故此除見除垢爲四土因。豈直祇云界內而已。二。別叙意。三。初列章。發起問疾品者。荆溪云。問室內六品。何但云發起問疾耶。答。室內見惑六品。悉因疾生。但標問疾。自攝餘五。二。初意下正釋。寄言斥彼勸誠爲便者。荆溪云。如云。是身無常等。寄己身疾斥彼計常。以斥爲勸觀法身。是則一斥義含誠勸。況復誠後即勸觀也。應云。入不思議解脫。文闕不字。謂遠爲入不思議。引近爲二土之因。生同居有餘等者。荆溪云。以斷有爲盡。未盡俱爲見。見證解脫之遠。因失大土之近行。豈敢輒述者。荆溪云。慚昔愧今。情兼蘊提。誰能不命。輒述屈懷。被命上催。恐重招鄙恥。雖圖僥倖。已成招屈。對佛述過。勝俗頻譏。故稱本而談兼宣化道。是則賓主及以師弟咸權實益。樂小執小者。樂小即是小乘方便。執小即是小乘見有果人。慕仰大乘者。知有大乘起見。敬服。爾時必能發於大心。達爲至良緣者。若無彈斥。不堪淘汰。況復二味爲見醒醐。因得記捨生。必招果報。普令三教等者。荆溪云。雖有三教正意。以圓訶諸菩薩。菩薩不住大。旨見

見同小。其藏通人。即以別折其執方便者。於方等中。利者入實。鈍者仍未。故知。此中折三語通。或但入通入別而已。至法華會。方乃見見咸歸。然經大塗宗。須入實。以用真性爲體。四土爲宗。故也。此中且從對極以說。三。此之下結示。此之四意者。荆溪云。具如前文列釋者是。又總前四意。又有四別。一。得命文殊。二。文殊論道。三。聲聞自鄙。四。菩薩進行。故知前二爲成後二。後二復有遠近二意。近遠復二。一通。二別。所言通者。遠近各有遠近故也。聲聞二者。遠成究竟。近入熱酥。菩薩二者。鈍同二乘。見見有乘利悟在。即所言別者。聲聞遠益。菩薩近益。今疏從別。故聲聞自鄙。菩薩進行。云。今明下分科。二。初總分。荆溪云。意乃有四。經文二段者。四如前列。所言二段者。即如今文中。折伏攝受。亦可爲二。謂室內攝受。室外折伏。於折伏中有今有昔。今謂問疾俗徒。昔即被訶道衆。於攝受中亦有二意。能生所生。能即室空所即六品。又亦可分之。以爲自他。他憐佛旨。自述己情。即從居士是疾。已下文是言室外者。既無數千人。皆往問疾。爾時未爲長者國王現難。思事故見見有問疾時。疾者雖復在於室內。而所被者。機形並疎。且云室外。從所被說。復云室外。又折攝等者。亦用璽路三方。便意思之可知。折中具攝等者。折如折觀。攝如體觀。又折如觀身。攝如勸求。又攝中折者。調伏如折。慰喻見見如攝。又藏折通攝。別折圓攝。又權折實攝。乃至非權非實。下去諸文。見見有品。比說可知。二。今就

下別分二。初正分。即是折伏自體緣集者。荆溪云。問前已破古自立二集。今何更立自體集耶。答兼破論師立斯別稱。今但祇立一無為集。故合標之。又今文中先且依彼立自體名而暗奪之。二料簡二。初番荆溪云。從問答下重顯其失。而辨大小得名少殊。即正釋也。然須得其正釋之旨。兼為欲折見見。攝大乘師以內外塵沙與無明合說。今言二乘與諸菩薩同有內外無為緣集。既分出已。即見見。二乘須從著於無為立名。菩薩不著。唯觀自體及以法界。故別得名名為法界。法界非緣。以緣與彼法界體合從所障說。故云自體法界緣集。以是應須並置塵沙從無明立。以塵沙惑並不牽於界內外生故且置之不從其立。所以文云名別體同。故例學人與凡夫同有三界思惑。文為二。初問。二答二。初正答。二如凡下引例。二番荆溪云。問學等者此問從前答文而生。若真若中俱得名理。附中之惑既名自體。依真亦名自體惑耶。前答既用攝論師名。今還承茲以為進難。答中意者二真既別真義乃殊。故障界內全非自體。不可同於障中立名。況二惑體殊。龜細永別。二真元隔。何須疆同。故知。自體以對於中則顯偏真非自非體。但對無為不合別立。故依前破有理存焉。二此半下隨文釋義。二初兩品半室外彈詞折伏三。初半品明折伏界內有為緣集二。初分科。二隨釋四。初方便現疾二。初正釋。二料簡二。初正表二集。何得知然者然猶如此也。指上之辭也。言何以得知

淨名臥疾表此二種緣集耶。答意者無緣大悲等覆十界。衆生之稱無所不收。故知現疾為引六凡四聖令得無疾。二同小所以問意者淨名迹現居士。本是菩薩。二疾已足。何須同小。答意者普門示現何障二乘。復次下祇據現為四教菩薩。而通教已攝二乘。以所證同故。二諸人參問。三因為說法二。初懸談義旨二。初總述分。料。初文下別示顯意二。初明說法旨歸。二今此下判觀門所屬。二諸仁下隨文正釋三。初總標說法二正說觀門二。初懸示述意二。初懸示觀門二。初廢古用今。二一約下正示今義。十想者荆溪云。具如法界次第。言前三者即無常。若無我。中四者食不淨世間不可樂死不淨。後三者斷離盡。今約勸求等者若入後三即入無為。故不言之約二種念處者問何以不約緣念處耶。答緣非正觀。但是分別諸門文字故且置之。然五種中二行正助其相大同。慧行是正。行行是助故也。今別立者行即能行。道是所踐道行不同。故別立之。二今約下述用門意二。初別示荆溪云。略出下明五修。中前之四文三土具足。何以不云常寂土耶。答第五文云。住不思議即常寂土。何須別立。但以寂光而為所成。即以三土而為能成。故所成唯一能成有三。是則能所事別故也。問前三屬生。於生成自。寂光屬所於佛成自。以自望他還成二他。其義何耶。答破自他義已如前釋。今從所奪一往且然。具足應如前之所破。所契。能契故有其四。理還相即不別而別。於中第三即是

橫也。同居即是同處淨同居也。安養乃是異處淨同居也。具如法華功德品明。次引螺髻所見例淨同居也。復云。佛慧者見淨無濁。良由佛慧即如法華。由加而見引螺髻。普賢亦證佛慧。除濁之人。二乘橫見。亦由適聞佛慧故也。一託疾下總結。二今就下隨文正釋二。初見道四。初明無常三。初正明無常二。初總示。二如大集下別釋二。初明凡夫執常二。初示三事無常。歌羅邏亦羯邏藍。此云雜穢狀如凝酥。此託胎初七日也。在胎凡經三十八箇七日。二明凡夫起倒。起諸煩惱等者保身為常因起諸惑。惑故潤業業故牽生。三道不窮輪轉無極。不覺下示無常相。三事分離者息風既斷。火大即滅。識隨業走。故云離散。二今淨下明淨名破倒二。初明說法破倒。二若能下機緣悟道二。初明觀細入道。觀細無常者一期死滅名龜。念念還謝名細。即下云。一切見如皆無常也。二若里下示兩門異說二。初通示兩門。成論下以無常是有法故是以空方見道。二今約下今依有門。二助成四。初釋無強。二釋無力。三釋無堅。四釋速朽。三結句破執。二明苦二。初正明苦門二。初據現文直釋。三苦者苦苦壞苦行苦。八苦者於生等四苦上更加怨憎會愛別離求不得五盛陰也。九惱者暹云。一惱我。二惱我親。三惱我怨。三世各爾。故合為九。問過去已去未來未至云何惱。答惱雖過未境實現在與相值則生於惱。及過去曾惱於我記憶在心。二約苦再解。行苦者念念還謝名為行苦。違緣壞樂

受者違情境名違緣也。通苦有四等者下文云。四苦有二。若言即生即老即病即死是爲約理。即今通若也。事四苦者即今別苦。別苦若於通苦者事苦重於理苦也。故知生等皆是苦苦。何以今文唯以病爲苦。答中兩意。初約病苦現在猛盛。故異於三。次明其實生等俱名苦。但淨名現疾。故別以病苦對之。二結成苦義。何可恃估者詩云。無父何怙。無母何恃。注云。怙賴也。恃負也。三明空二。初懸示二。初列章。二隨釋二。初總別解二。初正示。二料簡二。初簡能喻大小。不應焰幻爲譬者以小乘無焰幻譬故不應也。沫泡等者以衍門十喻無沫等譬故。十喻者一幻二焰三水月四虛空五響六乾城七夢八影九像十化。雜譬非宜者既四教並談。故小衍難用。但大論至如幻者荆溪云。具如幻化。俗同真異。一俗三真。例意可見。故於一幻所見不同。所以通教三人見別。別人次第滅幻見理。圓人即於幻見法性。利人即指別圓人也。勸修觀者。留意思之尋文迷宗謂之數寶。從多爲論等者謂。聲聞亦爲利根說如幻等。但經多說泡沫等譬。衍經亦說泡沫以爲助道。但多說如幻等譬。故捨少從多以譬分教。故云各有宗途。或作徒字者誤。大品下正示。衍經亦說少喻。但多少爲異耳。六譬者二簡所喻離合離合者荆溪云。假身即是諸法合成。是故得云離合不定。亦如婆沙釋十二因緣。或云一法即有爲也。或云二法即因果也。或云三法即三道。或云四法二因二果。或說五法二因

三因。或說六法三世因果。或說七法二因五果。或說八法三因五果。皆以三世更互比說。因緣所成即假身也。故諸經論法相離合悉皆不定。今用三事者若根本禪多從息入。若通明禪具觀三事。若無漏禪觀不淨等及以三事。是故今文但說三事。二通相釋二。初辨異。故不同前者不同前作總別釋也。以餘對色受等。今文俱云是身也。二今通下正示二。初以藏通分喻身空。即入空也。約藏通觀門者荆溪云。問於空觀中即作衍門說法者何耶。答此中明空空兼體析。故於此明其義便也。二立問答釋成四。初示分喻所憑二。初問二答。二示喻體有無二。初問二答。三示立喻意旨二。初問二答。易解空者以幻等人皆知是空故。故舉幻等以喻陰空等本空凡夫妄執。故云難解。四示諸喻通局二。初問二答。攝大乘至八譬者引證幻等爲別圓作譬也。還云。彼論第六云。若實無物云何成境界。爲決此疑故說幻事譬。若無境界心及心法云何得生。爲決此疑故說渴鹿譬。若實無塵愛非愛受用云何得成。爲決此疑故說夢想譬。若實無法善惡二業愛非愛果報云何得生。爲決此疑故說影響譬。若實無法云何種種智生。爲決此疑故說光影譬。若實無法云何種種言語起。爲決此疑故說谷響譬。若實無法云何成緣真實法定心境界。爲決此疑故說水月譬。若實無法云何諸菩薩故作心無顛倒心。爲他作利益事於六道受生。爲決此疑故說變化譬。三今釋下結立喻大旨。一是身下隨

釋十。初聚沫經云。撮摩者廣雅云。撮持也。釋名云。撮卒也。謂暫卒取之也。荆溪云。聚沫譬入空意顯法空。見見未明者如以水投水。水譬實法沫喻假名。但破於沫。故但破假雲等。亦然。若如幻譬全體是幻。豈破幻人反存幻法。影等亦然。若見如因藥因物成幻鬼者。義與沫同。影等亦爾。二泡三焰。荆溪云。是身如焰。從渴愛生者焰從渴生。如身見見從愛生。以焰譬身故並舉之。影與業緣亦復如是。四芭蕉五幻六夢七影八響二。初釋現文二。初約谷響釋。空谷響應者老子所謂谷神不死也。二約聲響釋。七處者大論第六十釋響喻中云。如人語時。口中風出名優陀那。此風出已還入至臍。偈云。風名優陀那。觸臍而上。去是風觸七處。頂及斷齒唇舌喉及以胸。是中語言生。二通前簡示各有所譬者即以幻譬境界。乃至以變化譬菩薩受生。故云各有所譬。委如前記。問意者既同大乘。何故有異。八譬別者下正判攝論是別教也。如以四德對四三昧者荆溪云。即二十五三昧中以無礙三昧破空處。常三昧破識處。樂三昧破不用處。我三昧破非想處。雖無淨名無礙即淨。若定的對即別義也。言破四種人者祇是得於四空天處人耳。九浮雲雲從龍出者周易曰。雲從龍風從虎。亦陰陽氣者春秋元命苞曰。陰陽聚爲雲。十電。電義未詳者又五經通義曰。電雷光也。顧凱之曰。陰陽相觸爲雷爲電。又經律異相云。有四電師并前兩解既異說不一。未可定判故云未詳。四明無我二。初分

0若二苦？

科釋疑二。初分科。二釋疑二。初對空釋疑二。初問二答。二空者破假名得人空。破實法得法空也。三無我者荆溪云。衆生無我法無我平等無我。平等無我即第一義空。具如後文。觀衆生品具足三空即三無我。二對教釋疑二。初問二答。二初五下隨文釋義三。初約四大種明無我二。初分科。二是身下隨釋二。初別檢四。初檢地二。初雙標。二雙釋二。初破外。還云。此破見惑所以先破外計者外計正當見惑也。二內觀二。初引部執。有門以攬地等立衆生名故。故生假地實。空門以四微成四大故故地但有名而四微是實。四大尚假衆生可知。二今明下明今釋二。初約四微檢破。內地四微所成等者荆溪云。此且順於外計以說。即二十五諦中有此計。故彼云。四大之中微有增減者意云。其力薄者須多微成。其力大者由少微成。故四大中風力最大唯一微成。即水無香微。火無香味。一往觀之亦謂似爾。然於佛法終無一微獨能成法。但是有質皆四微成。今欲破計。故從計故下云火二微所成等。若內下四大既無主。三事豈不然。以三事中命即風大。煖即火大。識即六大中識大也。二又請下約四句檢破二。初正檢破。地無堅性者即彼經文。若有下今師約句檢破。釋經無堅義也。二金剛下引經證。二檢火。緣無自性者既無自亦無他等性。故破性四句三檢風。四句檢風者還云。若計風是有者即爲礙。餘三亦然。四檢水。水若至汝亦是者此舉水例難有神也。汝若言人能慈下隨

物知有神且水是無情而能潤下隨器潤下。何殊慈恩。隨器方圓何殊隨物。人若有神水亦應有。若謂水無人亦應無。故云汝亦如是。四句檢水者謂有謂無兩亦雙非。悉是住義不起四執方名不住。此檢四大文皆引請觀音者。即彼經身子爲優波斯那說四大無主。二入於如實之際也。彼亦在衍與此意同。廣釋彼經破四大如止觀隨自意中。二總檢。總約四大說無我者荆溪云。問何不云臂而云約耶。答約者依成也。依外破內故但云約。今推外地乃至無主知身無主。約外知內。故云約也。餘大準知。外云依神。內云是身依諸大者以大望身大是實法。外人迷之謂有神等。四大不一神爲依誰。若並依四應有四我。疏云四身正破四我。我依身故故云四我。內外俱有四大故也。二約空種明無我。所既是空者所即大虛空也。固虛空者身內空大也。文中云及以外空者以語助也。猶云及於也。又以還訓與。經律中皆云及以。如四分序云及以身證者。邇來書寫呼談多輒改以爲與。仲尼曰。吾猶及史之闕文也。今則亡之矣。後生淺學慎乎妄改展轉成訛。亦佛法之滅相一事。既然餘皆倣此。三約識種明無我二。初約識正破。草木瓦礫亦由陰陽轉變者草木如春榮秋凋。瓦礫如將雨礎潤。皆似有知也。荆溪云。瓦礫亦有四時改動如瓦炭能知時雨。還云。欲雨瓦重。欲晴炭重。神使知知者謂以知知物故云知知。二約風助破。故大集云等者荆溪云。心念牽風故並由心爲增上緣。故前

諸義並皆由心與四大合生。生種種計爲破外人及內計故。故各破之。非合時。無手脚不遂者遂進也。二修道二。初懸示二。初研詳指定。若接前等者荆溪云。約前五雙。今但五雙故於見修一雙之中接於見道。即修道也。此不定者於五雙中隨對一雙。是何一雙。更向前等於見修道一雙之中若更向於四行之中。說此不淨則但成於五停中意。故云見道方便。以居七賢之首故云前。明與下六賢共成方便。二菩薩下正約修道二。初顯功示位。荆溪云。菩薩若入等者且約當教近意通菩薩也。若遠論者亦助別圓。二今不下據義懸釋二。初約四想。此四即十想中四也。一不淨想者自他身內有三十六物。外則九孔惡露常流。從生至終無一淨也。二食不淨者觀諸飲食不淨。皆從不淨因緣故有。三世間不可樂者世間有二。一不見有好衆生。二不見有好國土。四死想者死者常爲死逐出。息不保入息。是身爲災者此約衆生世間。二約四苦二。初正示。復次至作四苦者荆溪云。不必即是四念處中以無常觀。通修道故。故苦亦然。即是三界皆苦故也。雖免四趣七反人天具足生等。況仍欲界人天往來亦可對於生等。二但四下結判。荆溪云。理四苦者利那無常無常。事四苦者即在修道。以修觀時觀於思惑。思惑屬事故云事也。今謂理事亦名通別。亦名龜細。理通事別。細事龜。對龜名理。此理仍事。二是身下隨釋。五種不淨者一種子不淨。是身攬他遺體託識其中故。二住處不

淨。十月居母生熟二藏之間生從尿道而出故。三自相不淨。眠臥糞穢九孔常流故。四自性不淨。身中唯有尿膿血故。五究竟不淨。命終身壞臭刺死狗故。廣如止觀第七。荆溪云。特勝及以九想具如法界次第中明。餘皆生苦。自相不淨尚通胎內初託胎時。何況性耶。是故當知亦屬生也。雖復澡浴等者有人云。衣字平聲。食字入聲。今云不爾。未受用時可以平入二聲呼之。若正受用應並去聲。若衣食二字從平入聲者。澡浴但應云湯水耳。未受用故朽井也者。荆溪云。謂丘墟中朽敗無用。業力所持等者。此解是身無定義也。荆溪云。若準人人各自有業。亦可有定業。有可破亦無定也。又有過緣及如藥師大小諸橫。并大經第二十四明九種橫死亦成不定。況復祇約人人有業。彼相形業業相望俱名不定。

山海空市者。法句經第二云。有梵志兄弟四人。各得神通。知後七日皆死。共議逃避。一云吾入大海下不至地上不出水。一云入須彌腹還合其山。一云輕舉空中。一云入大市中。各云如是處避無常殺鬼。豈知我處。議訖辭王。述其去意。過七日已各各命終。市監白王。有梵志卒死市中。王云。有四避。對一人已死。餘三豈免。嗚呼死至。回避其可驗乎。晉書云。郭璞妙於陰陽算曆。於晉元帝世與桓彝友善。每造之。或璞在婦間便入。璞曰。卿來他處。自可徑前。但不可廁上相尋耳。必若至有殃禍。後尋因醉詣璞。正逢在廁掩而觀之。見裸身被髮銜刀。設醴璞見。舉心大驚曰。吾每

喝卿勿來。反更如此。非但禍吾。卿亦不免矣。天實爲之。將以誰咎。璞嬰王敦之禍。亦死矣。是知感報已定。豈祈禳所及。而言天實爲之。知之何晚。寄言後昆。當信淨名所說是真祈禳者。大論第七十五文也。大經具出者。謂具明蛇賊空聚也。故彼聖行品云。譬如王以四毒蛇盛之一篋。令人瞻養。若令一蛇生瞋。害者我當準法戮之都市。其人惶怖捨篋逃走。王復遣五旃陀羅拔刀隨之。又遣一人詐爲親善。其人不信。隱聚落間。聞空中聲。今夜當有六大賊來。其人怖走。路值一河。乘筏截流而去。安隱無患。四蛇喻四大五旃陀羅喻五陰。詐親善者喻貪愛。空聚落喻內六入。六大賊喻外六塵。河喻煩惱。船筏喻六度道品。安隱無患喻得大涅槃。

引經因無常果是常。卽別教意。地前無常登地證常。荆溪云。佛答梵志等者。借彼破外證此先權。若一向依彼豈得引之。二類釋。士庶者。毛詩傳曰。士事也。白虎通云。士者任事之稱也。周禮天子有元士中士下士庶衆也。謂天下之衆人也。空假一心者。輔行云。心性不動。假立中名。亡泯三千假立空稱。雖亡而存。假立假號。今云一心。一心卽中也。三重二。初問。定用何判者。前答通漫。故此定之。二答。何妨通勸者。隨類各解。則成通勸四人。荆溪云。以依今部教寬機遍故也。諸味所感不同者。華嚴別圓二因感一常果。鹿苑一生滅因感灰斷果。大品三因感灰斷常住二果。法華一圓因感一常果。涅槃四因感一常果。故云諸味等也。今方等等者。指今經是第三時也。四因得二果者。生滅無生二因同得灰斷果。無量無作二因同得常住果。準一部文。隨品不定。方便但二。問疾及以不思議則唯在大觀衆生去三品分三。故一部始終方具四耳。若從一部顯密異聞。祇方便品密解別圓。顯密相對四因二果其義宛足。四重二。初問。由前答四因得二果。故此問之。佛身既有四教不同。何得涅槃。但有灰斷常住二種。二答。如云至是一者。指上文也。大疏云。如上明也。巧拙兩度等者。藏通界內巧拙。而見思病差是一。別圓界外巧拙。而無明病差是一。二正觀三。初正勸識果。荆溪云。所以者何。去亦名轉釋。轉釋上來當樂佛身。國王長者但見王宮父母生身。故須勸云佛身者卽法身也。已下諸句

### 維摩經略疏垂裕記卷第五

錢唐沙門釋智圓述

三勸求佛身二。初分科二。初標下隨釋三。初標章二。初述意。二徵釋四重。初重二。初問二。答二。初雙標。方便兩教卽藏通。常住佛身卽別圓。二何故下雙釋。豈可勸求等者。荆溪云。非是專令求於劣身。既勸捨於無常之身。豈可還求無常之果。引文雖復但云真實下文還約四種真實者。實能兼攝理無間也。二重二。初問。此問從前答中第二義生。二答二。初

雖復轉釋此句是總。下去是別。言偏真空理等者五分仍依有爲之法。空理即是無爲功德。引禪經及以須菩提爲證大小自明。佛告蓮華等者此尼化爲輪王。衆皆避座。化王見佛還復本身。最先見佛故佛斥之。二勸慕果行因。二初總舉果中福智即是法身者福智即五分也。慧及知見屬智。餘三是福。別圓福智顯出佛性者福智即緣了也。緣了約修位位橫具。若約堅制福即緣因位在觀行相似。智即了因位在名字。顯佛性位在初住。此由智三覺本有三。復由福三助智嚴本。故至初住。修性一合無復分張。三德分顯故名顯出佛性也。修能顯性。故云從無量功德智慧生應知。功德無量言緣則攝。智慧無量言了則攝。約圓既爾。別可準知。但即不即而分二殊。藏通一往亦可立緣了名以收福智。名教區別前二定無。荆溪云。勸慕果行因者雖對諸法不及緣了。其名最顯。至果仍在。別圓二教以顯爲生。異藏通故其名別立。余謂。荆溪言對諸法者即指別列一十二科。緣了即指今文總舉福智。況復豈但行因名顯。抑亦別列不出福智。舉總收別。故先明之。從總出別。故下委列二別十二。初五分。荆溪云。戒定慧等者言。從五分法身生者方便教中五及法身名雖在果又戒等三雖通於因二種解脫藏通唯果。前四並從了了之後方受其名。然今從圓故故五通因。教既列四。圓義不局故後結之修五者也。又云。用此五身復生法身五身即是因五身也。通教五分初之二分云如前

者罪不罪等皆依前教五分爲境。故後後教悉觀前前。若一言異解祇於一五所見各別。通教中云見真圓極者此非圓融之圓。以極稱圓耳。九種戒等者地持六度一一皆九。名同義別故今用彼三九之文而爲三分。了了知見法身顯等者自唯見理也。通因果迷悟諸位位有隱顯。圓教云一往與別無殊者意云。同至常住極果故也。圓修境智因果大異。然別教三皆云九種者通指地前乃至等覺。證道且同。故云無殊。欲分別去更辨別也。以前三教無有一時修五因義事等等者以事況理。故云事等。即法身之大在煩惱之小。小大常爾。無所相妨。況至果時大恒在小。故能事用芥等須彌。故不斷言祇指凡鄙一念刹那具足難思法身之見。本來相在非關事通。是故方便教內之人迷於相在不思議理。縱聞常住解惑分流。故使權人由教未實。若至登地勝用無殊。故教道中仍存異解。故唯圓教始末一如故使五分法身不乖凡質。慧行緣理名慧身者因修之相。戒定是助。故且云事。中慧具足偏門諸慧。故以圓慧而爲正道。以正消助。無處不融。以具正助合行故也。二四等。然此四等皆應約三。謂生緣法緣無緣。而大經大論皆從慈說。以慈望三。義準可知。今此四教通以生緣爲境。藏通至二。別圓具三。又雖俱觀生而境有廣狹。藏通觀六。別圓觀十。藏通以空亡境。但至法緣。別圓觀中俱修無緣。故大經云。慈之所緣一切衆生如父母妻子親屬。是名衆生緣。見一切法皆從緣生。

是名法緣。不住法相及衆生相。是名無緣。藏通至大慈悲者修因得果。因果俱慈。下文例爾。其中藏人雖不斷慈修無常觀亦屬法緣。別圓二教雖皆具三別教無緣初地方得。不同圓教初心具三。故大經云。慈若有無非有非無如是之慈非諸聲聞辟支佛等所能思議。此即三慈一體圓人所修。若初心等荆溪云。所有諸意具如上說。此文亦是寄通說之。故云入空。應知。皆以衆生緣慈而爲觀境。是故向來一一教中皆云法緣。所以藏通唯至法緣。別教後心方得無緣。圓教初心即修三慈。慶喜亡懷者由用慈慈見他離苦得樂故。起喜心不望恩報。即是捨心。故云亡懷也。三諸度四教六度如前說者荆溪云。如前佛國中說。用此爲勸求之行。是故須爾。或開六爲七十百者七十具如前記。開爲百者荆溪云。於十一一更互相資。八萬等者對三昧煩惱陀羅尼等皆云八萬。彼諸八萬悉至彼岸故得名也。諸波羅蜜者一行一心皆至彼岸。四方便如前說者荆溪云。如釋方便品名者是也。三者一破。二立。三隨順衆生也。生果地法身方便者荆溪云。通至圓果故也。因通自行果全利他。五六通荆溪云。六通是果而亦從六通生者習未盡時雖見云五通但讓果耳。其實已得無漏通也。故從因六而生果六。別圓亦是借果名也。故知。亦有因中分六以成果六。六三明皆約三通等者於六通以宿命通見過苦生大厭離。天眼知未來生苦生大厭離。漏盡於現在能作正觀斷煩惱。故此三



通別受明名。其餘三者身通但是工巧天耳。但聞聲他心緣他別想。是故餘三但得名通。此如婆沙中說。通明下應問云此三既得名通。復名為明。二義何異。故今釋云通明異者等也。一往遠事者即直知三世。見根本者即知三世因緣行業。此亦依婆沙也。故荆溪云。以從業來業為根本。別圓即以迷於真如而為根本。故云並通達界外三世。亦應更云九世故也。三明亦得從因為名。即以時節不思議智而為其體。下文云者若準此意唯在於

圓。尚不通別。寄此通辨亦可知也。七道品八止觀。緣理等者荆溪云。止觀是能緣。事理是所緣。具如止觀所明正助。即是諸教止觀不同。止觀既殊。事理亦別。總而論之唯實名理權皆屬事。證佛身定慧之果者即是果地報應二身。亦寂照也。亦二德也。亦二智也。亦二嚴也。不二而二以分四教報應等別。九三法。荆溪云。此三皆據等者四教佛果皆有十力等三。此三唯果。今約通明因人具有。故云因中乃至修此三法也。十斷集。緣理善法者智慧也。緣事善法者福德也。十一真實。荆溪云從真實生者此從所入以為名也。諸教真諦莫非真實。十二不放逸。跋致相也者不放逸即不退。四教各明三不退可見

三舉廣類勸二。初正釋現文。如是清淨法者荆溪云。指向諸法並清淨。故應知。清淨其理不權。又復應知。此諸法門一一各有互相收攝如初。二嚴攝下十二具如止觀攝法中明。及以助道攝佛威儀。即其相也。總而言之不

出常觀涅槃行道。以般若解脫即二嚴故一音演說等者此乃重以一言結之令稱經旨也。二其尋下勸尋大旨。三結勸。四明時衆得益。誠勸二門者誠門即正說觀門。勸門即勸求佛身。誠謂誠惡勸謂勸善

弟子品

弟子品折伏無為緣集二。初

叙意分章。二隨章釋義三。初正明此品來意

二。初總明來意。忍土者婆娑此云堪忍。二別

明來意。二初列章。二隨釋五。初為顯淨名勝

智。二為令四衆捨小慕大二。初正為小乘。捨

受持衣等者彼經三百比丘聞般若。已皆以

僧伽梨而用供養。論中或云亡相。或云當日

更得。二亦通下旁開四衆。開發四衆者非獨

為小乘比丘也。三為扶成佛國。如身子自述

者即答梵王云。我見此土穢惡充滿也。淨名

至之失者此破五百執小之失。非獨指身子。

故下云各鄙也。令得預座者由昔被彈破冥

發慕大。以此為緣令預此座。得聞此說者即

聞佛國也。情同五百者同彼五百長者願聞

得佛國清淨也。未彰身口故曰情同。而燈下

借座於燈王案飯於香積示本居於無動。小

乘日擊佛國義彰扶成之說其旨顯矣。四為

折二乘成生酥教二。初正解。聲振大千者不

思議品中迦葉自叙也。事等生酥者其鄙慕之

事如轉酪為生酥也。有成生酥之由者還云。

昔日被彈之者已得生酥益。竟於今重述時

衆又得生酥之益。昔為今益之由也。二釋疑。

五為印定成經二。初正解。即方便教謝者方

字是後人妄加。今尋廣疏及還記牒此文並

無方字。言即便教謝者謂。詞彼既畢其言便廢。若不因命述昔則其教重興。既對佛宜方蒙印定。益及未來藏由此也。印定者劉熙釋名曰。印信也。所以對物為驗也。許慎說文云。執政所持信。佛既許可如有印信二釋疑。

二略釋弟子義。此即釋品題也。文為二。初標

列。二隨釋九。初略釋名義。二初正釋。文中先

釋名。次結歸。釋名又三。先分顯師資。次正解

弟子。後引儒為證。初分顯師資。言匠成之能

者孫卿子曰。干將鑊耶巨闕辟閭此皆古之

良劍也。然而不加砥礪則不能利。不得人力

則不能斷。夫人雖有性質美而心辯智必將

求賢師而事之。擇良友而友之。資稟之德者

資取也。學者取法於師故名資。論語曰。子路

聞夫子之言未之能行。唯恐有聞。資則下次

正解弟子也。初解子義。次解弟義。所以稱弟

子者言弟則顯師之謙。言子則彰我之敬。謙

敬俱陳。故言弟子。所以自稱為弟子。師亦謂

之為弟子。故知其名含謙敬也。捨父從師者

穀梁曰。魯昭公云。子既生不免於水火母之

罪也。成童不就師傳父之罪也。就師學問無

方心志不通師之罪也。敬師如父者人生在

三事之。如一故敬如父也。處資如弟者安處

其資於昆弟之行也。故夫下引儒為證。論語

曰。顏淵死門人欲厚葬。子曰不可。門人厚葬

之。子曰回也視予猶父也。予不得視猶子也。

非我也。夫二三子也。今大師引用改轉其語

俾其易解耳。然釋弟子義復有二家。一南山

解云。學居師後故稱弟。解從師生故稱子。二

先儒解云。以父兄之禮事師故稱弟子。總成三釋。其猶蘭菊。次今身下結歸。故知弟則顯如來之謙。子則彰聲聞之敬。故云弟子品也。二料簡二。初問一切眾生皆是佛子者。以生心佛心聖凡理一。其猶父子天性相關故。衆生在迷如子。諸佛在悟如父。二答太子者。漢制天子之嫡嗣曰太子。諸侯王嫡嗣曰世子。此即約理者望俗名理。其實約事。世間出世間者為太子。是世間成佛道是出世。順俗無諍者如大經云。世若說有我亦說有。世若說無我亦說無。故今得順仲尼之教釋弟子也。二明別指近侍二。初問二答。晨宵者早夜也。事理圓足者從聞生解約理為弟子也。事資承約事為弟子也。二復次下從小立稱。二初小衍對明五佛子者。蓮云。四果支佛也。荆溪云。故大論云。聲聞經以菩薩為似子。以未斷惑故。聲聞為真子。以斷惑故。大乘經以菩薩為真子。求實果故。以聲聞為似子。本願大故。二今下捨衍從小。世多信用者明從小意也。以小乘形服既親故人信用。經家標品意在此也。二釋十弟子二。初明行列異同。一往至意同者荆溪云。法華三周亦以身子而為上根。今亦居初。法華即以迦葉等四而為中根。今經亦次身子之後。法華以阿難為下。今經亦著九德之餘。中小不同故云一往也。二但如下掌法輔佛二。初正釋。如來法王者乘如實道來成正覺。其猶應天歷數即位稱王也。王往也。天下所歸往也。今以法界歸往故稱法王。初開至輔翼者輔弼翼助也。荆溪云。

例如初定社稷拓境立功事藉忠臣腹心輔佐。論議往窮者論議字並應從言。文心雕龍曰。論倫也。倫理無爽則聖意不墜。議者宜言也。或單作義者非也。往窮者以論議往研窮邪正也。二料簡二。初問身子持衣帶者中阿含二十云。佛在阿耨達池。龍王云。此衆不見舍利弗。願佛召之。佛命目連往視。呼身子正縫五納衣。答云。汝但前去我在後來。目連云。我為佛使人云何前去。目連以手摩衣衣即成。身子念。目連弄試我。我亦試之。即以衣繩擲地。汝能舉此耶。目連念。身子弄試我。即盡力舉不起。身子于時以繩繫閭浮樹。目連牽之一天下動乃至大千亦不立。即繫他方佛座十方皆不動。目連自念。我神力第一今不能動。將不失神力。因催令去。答汝前去。目連還佛所已見身子在佛前。目連以事白佛等如疏。二答就其十德自有偏長者。謂十人各各具足十德。如目連望身子則目連十德俱下。身子十德俱高。但身子於已十德中智慧最勝。目連於已十德中神通最勝。故名從勝受名。既身子俱高則目連神通不如何足可怪。以二例八階級可知。八座卿各有所掌者續漢書曰。光武帝又分增三公曹為二曹。其一曹主歲終書課諸州郡事。改常侍曹為吏曹主選舉祠祀。昏曹主繕功作鹽池苑囿客曹主護駕光胡朝賀。二千石曹主辭頌。中都官主水火盜賊。三公為六曹。并令僕二人謂之八座。故云各有所掌也。故分十德各屬一人者。問既身子十德俱高何不身子獨擅

十德耶。答明君為政尚無棄人。法王化世豈宜偏取。故隨彼所長各稱第一。故增一云。我弟子神通輕舉目連第一也。諸弟子佛皆偏讚之。三總對心數二。初引論示義二。初引論偈明數。荆溪云。此中但依舊名列之。若新譯云。受想思觸欲慧念與作意勝解三摩地。遍於一切心。望此舊名但以觸為更樂。受為痛為別。餘名悉同。然此二名祇是名異義同而已。二此通下約臣主示義。如國十臣者故高僧傳隋德山云。煩亂之法道俗同弊。故政煩則國亂。心煩則意亂。水清則魚石可見。神清想倒可識。學清簡者尚自諠煩。況在亂使焉可道哉。二復次下配合師弟二。初明師弟利他二。初配合引證。相扶至如是者若師弟共行善惡則後學皆隨之。例前王臣。故云亦復如是。次引文證。今王數有師弟義也。二佛為下正示利他。共化衆生王數者今衆生稟教修行則心王心數俱善也。苦生下荆溪云。問見修二道俱須正助。何以於見道中即用正行。於修道中即用行行。答此有二義。一者以法望法觀理觀事以判正助。二者從人既入初果已得正位。次從此後更修事觀助顯正理成後三果。又於修道乃是從行修行。故云行行。二約法門入道二。初明衆生十數能通。即十法門能通涅槃者荆溪云。言此意何但直名世間心數而已。亦成法。問。何者若在凡夫唯名為有。至四枯時即名枯。中受想思等成枯法門榮及變非。準此以說於此方等不定漸頓皆不出於受想等。故如今下喻顯。合抱喻

成道毫末喻十心數。二今法下明師弟隨機往化二。初法王隨樂施教。先以欲鉤牽等者此十心數更互通入。今且從於通欲中說。先用世間十心數欲後乃令其入佛十數。二今十下明弟子順機掌法。人以類聚者好智慧者樂親身子。好神通者樂親目連。餘皆例說。易云。方以類聚。而改爲人欲附今義。四別對十心十。初想對滿慈二。初正釋滿慈二。初明掌法化衆。識得實法等者還云。心王率爾總見物體。故云得實法。心數思想假名句文方成。故云想得假名。二諸有下明機緣受道。皆師滿慈者故十人揚化各隨所好。故二下引證也。卽詞優波離中二人犯戒不敢問佛往問波離。二是故下例示餘九二。初準想用意。二如今下引例結成。例如世人好律學則近律師好禪學則近禪師好慧學則近法師。故云隨其三學等也。二欲對迦葉。一切善法欲爲其本者荆溪云。欲爲本者何以獨將對迦葉耶。答義有通別。通義可爾。若別論者唯取於欲。故今迦葉於善欲中最受其名。以頭陀法善行中最。三更樂對旃延。更樂卽新云觸也。故荆溪云。更樂爲論議者更樂是觸。觸卽觸對彼往復故得名也。且順古名而消釋之。卽如更語更聽故也。餘例迦葉者謂同前顯發枯榮入道之教也。下法例爾。四慧對身子。五念對波離。荆溪云。其用念數者約能持義將對持律名最爲便。六思對維云。荆溪云。思云密行者思居內懷人無測者。七解脫對善吉。荆溪云。若不見空無由解脫。八作

意對那律。作意名憶數者荆溪云。作意方得名爲憶也。佛令起此數等者修天眼時憶光明等以爲方便。故云繫心於外境也。九定對目連。三摩提此云定也。凡夫皆有此數者荆溪云。如根本定一切衆生皆會得之。故云皆有。若無下證心數定。以衆生下舉住心所不能進修。若單心所但名決定。十痛對阿難。四卷者荆溪云。阿毘曇心論文有四卷。古譯受數名之爲痛。難心者難心論也。所以雙引兩名者明痛是受。恐人誤解故並列之。五莊嚴雙樹二。初略示。上雖明等者荆溪云。上約十數以釋十人。雖一一人略云枯榮卽常人人經於五味。味相未顯故云語少。此中正用大經雙樹中間涅槃。涅槃正表令物入中。故云安置諸子自亦入中。是十弟子等者如來所入意令弟子悉入其中。此意始終亦用大經師子吼文。師子吼言。誰能莊嚴娑羅雙樹。如來次第答出六人。師子吼一一領解而云。如來方乃最能莊嚴。故知至果方受最名。當知弟子但同如來少分。得於雙非枯榮。若爾非唯涅槃名非枯榮。八教所顯佛性之說皆得名也。若行若證悉名涅槃。悉名莊嚴。此中須以法華大旨思之方見。二三藏下廣釋二。初約義正釋二。初莊嚴四枯二。初正解二釋疑。向云二千莊嚴者意總五百所用法門。法相未顯法門通漫。故更問之。未見五百所傳者所傳五百法門也。既未見經文所出故。且以十相配而爲五百。復引身因以證成之。今尋等者荆溪云。此但借數而對於數。義之要者

不出根境。故用對之以消五百。故引五百身因爲證。故知身因不出根境。大經云。五百比丘皆問身子。佛說身因何者是耶。身子言。汝等各得解脫何緣方作是問。有比丘言。我未得正解脫時意謂。無明卽是身因。作是觀時得阿羅漢果。有說。行識名色六入觸受愛取有生飲食五欲卽是身因。五百說已共往佛所說如上義。身子白佛。誰是正說。佛言。無非正說。二莊嚴四榮二。初明垂迹調機文中具明四味調機。始鹿苑悉來師命者舍利目連三迦葉等受習四枯者稟三藏證小果也。學徒風靡者如舍利目連共二百五十人弟子等。靡偃也。咸順佛化如草加於風皆偃伏也。過是下次方等皆恥小慕大者意兼二酥。開佛下法華涅槃也。皆由至佛事者荆溪云。明諸弟子具經半滿皆爲成熟輔翼法王。故今具歷一代教法。衆生至開佛知見者意指法華入祕密藏。卽是大經中間涅槃。意明二經大旨同故。二又大下明王數卽理二。初明涅槃滅四因由。大經二十八云。爾時師子吼菩薩白佛言。世尊何等比丘能莊嚴娑羅雙樹。佛舉六人及以如來。六人在因。如來居果。因果俱得莊嚴之名。因果始終四德具足所表義顯。故云莊嚴。因六人者經云。若有比丘受持請誦十二部經正共文句。如是比丘乃能莊嚴娑羅雙樹。師子吼言。如我解佛所說義者阿難比丘卽其人也。得淨天眼指阿那律。少欲知足指大迦葉。無諍空行指須菩提。善修神通指目犍連。得大智慧指舍利弗。於一一



或曰。吉事尚左凶事尚右。上將軍主兵謀事殺。故以喪禮處之。豈得類彼耶。答。二土之禮有冥符者。有相反者。其退坐一面。從座而起。則類此方侍坐於師。更端請益請業。皆起此冥符也。若乃此以肉袒謝過。彼以肉袒與敬。此方吉事尚左。彼方尚右。此其反也。何足疑乎。今身子居乎右面如世上將。任用既重。故先命之。二但下廣釋二。初正釋二。初略指因緣。二託下廣明五味二。初身子五味皆先。託胎已來等者。既託母胎寄辯母口。其母論議倍勝於前。後值佛等者。身子師事沙然梵志。能盡其道。其師既沒後遇阿鞞。聞三諦義而得初果。因往見佛遂成羅漢。故大經下明莊嚴人。荆溪云。如來於中既表入中。中體者何謂即邊是。是故其枯即嚴於榮。榮所以嚴謂即枯故。故諸弟子自鹿苑來至般若會。枯榮尚隔。迹中化事相仍別故。二有云下大師因便斥古。採取法華意耳者。荆溪云。至法華時三乘被會。三即是一邊方能嚴。以法華會悉入中故。故至涅槃重以表顯一代所歸。非待涅槃方堪嚴樹。却引法華秋收冬藏。良有以也。二以是下總結。二奉辭二。初分科。二隨釋四。初奉辭不堪。二述不堪之由。如龜藏六者四足頭尾也。如龜出曝野干將食之。龜藏六處於殼中。野干無如之何。出離譬喻等諸經。六識不染六塵如龜藏六。應合野干。似涅槃法者。遂云。俱舍第二十四云。得滅定不還轉名為身證。論曰。得滅定即不還者若於身中。有滅定得轉名身證。謂由身證得似涅槃

法。故名身證。又便作是思。此滅盡定最為寂靜極。似涅槃法。如是證得身之寂靜。故名身證。三述不堪之事。二初分科。二隨釋三。初總詞二。初牒文總標。不必者。荆溪云。必祇是定即不定也。此不全非者。以大乘亦宴坐。故但識小乘之見偏僻耳。二身子下微釋僻處。二初微。二將下釋二。初略釋大旨。將下文望者。荆溪云。即準別詞之文故也。既云不於三界等。驗知。以圓而詞於滅。則有六失者如下別詞三。雙是也。二毘下廣釋所入二。初正明諸定二。初出部執。不相應行來補處等者。通云。將十四不相應行中無想定滅盡定來補替也。暹釋意終未顯。待檢毘曇叙之。空心二處滅者。遂云。祇是空處滅處二處入滅也。二今正明二。初標示。南岳所出者。南岳所發皆如兩經。故依所證說以示人。二一依下正釋二。初釋諸禪二。初正釋二。初正釋五。初淨禪十種細法者。即受想等十通數也。暹云。受謂識所受。想謂識所想。行謂法行。觸謂意觸。思謂法思。欲謂欲入定。解謂法勝解。念謂念三昧。定謂心如法住。慧謂慧根慧力。二觀禪二。初正釋義二。初正釋相。言背捨者。大論云。背淨潔五欲捨是著心。初背捨。二勝處者。荆溪云。於內有色外觀多少。分之為二三四。二勝處者。謂內無色外觀多少。亦分為二。餘四勝處在淨背捨。即八一切處中四色是也。廣如禪門。言八一切處者。一切有十。八在色界故取四色。二在無色故不論之。即是空識兩一切處也。二在因下明得名二。初因果互通。二

而今下從因立稱。身證那含者。暹云。俱舍頌曰。得滅定不還轉名為身證。釋曰。不還果修得滅定轉名身證。滅定無心由身證得。故名身證。二約背下結。勝前小。勝通明者。暹云。通明猶是亦有漏亦無漏禪。背捨一向屬無漏故勝也。三練禪。九次第者。更修練觀禪體用令熟。言次第者。若入禪時深心智慧利能從一禪入一禪。心心相續無異念間難。故名次第定也。四熏禪。師子奮迅者。借譬以顯法也。如世師子奮迅為二事故。一為奮却塵土。二能前走捷疾異於諸獸。此三昧亦爾。一則奮除細微無知之惑。二能入出捷疾無間異上所得禪定。故名師子奮迅三昧。五修禪能超過諸地自在出入。故名超越。今此下略示超入相。若超出者。從滅定起入散心中。散心中起入滅定。滅定起還住散心。散心起入非非想。如是次第至初禪起入散心中。委如法界次第。二約味判。明五味者。荆溪云。暫寄五禪明五味耳。願智者應云。願智頂禪。暹云。祇是修禪有願有智。最強如迦葉入雞足山。願力所持待彌勒出然後付衣。即其事也。十八變者。暹云。顛曰。震動及熾然流布與示現轉變及往來卷舒衆像。身往同趣。隱顯自在并制他。施辨與憶念施安及放光。於諸下荆溪云。一切諸禪若依觀等至於熏修皆得頂名。二料簡。問何以等者。荆溪云。若單根本無此問也。更有觀等四對根本成五以背捨等皆依禪地。何故別立觀等四耶。答。意者祇是重以觀等觀練根本耳。料簡云云者。暹云。數

人但云於第四禪中修重練耳。二羅漢下結示宗極。摩訶那迦者摩訶此云大。那伽此云龍。如涅槃經云人中之龍也。二結示被訶。深禪定者楞嚴大定堅徹三諸名深。諸法所依爲窟。二別示真妄坐。一初分料。三雙等者荆溪云。悉是因訶。但體中名猶似濫小。何者身子亦謂我入滅定。不是三界而現於意。後入無餘。是不現身。何以訶云現身意耶。然淨名意訶其現在。若云未來凡夫亦滅。何獨身子。餘之二雙一隻皆悉非其見聞之境。次定用中正斥身子所入之定不能如是。餘之二雙即是訶其定中無慧。於第二雙仍更兼前定用以斥下一隻。一隻多皆屬慧。又因果雙雖至第三方立其名。然前二雙並約果訶。下重云果者以對因。故雖復立因並爲成果。以訶身子時不對餘人故。但以大乘分證之果而訶小果。故除因已餘之五法皆先直引菩薩。次重奉法身菩薩以分證人對斥小果。至訶曰連緣。對八百則盡以三教因法訶之。下去八人至文屬當。二隨釋。初約體用。二初約體。二初體經。二身下釋義。二初事解。二初斥僞身。如木石等者雖如木石有此身故。雖如死灰有要期故並名爲有。身子何必爲邀名利由現此儀全似現相。是故大士寄之以訶。二顯真。二初約生身訶。趣佛慧者即生身得忍分證三智也。九大禪即別教禪及二乘定即藏通禪。達邊即中隨機所好。故云隨意即入。在欲而行禪者荆溪云。此亦約果地真滅定作此說。意令入於不思議假故云

在欲。不以世人在欲而謂有禪。今意云。魔本以欲而亂世人。既以魔界而爲佛事。故魔見之其心慣亂不端。下方寄因人不現身心之觀也。二約法身訶。法身菩薩者即果報土中菩薩也。荆溪云。正以因乘無生分果而往訶之。大小俱果。汝何以於三果而現身心。若理下恐推大果。故以不思議事理而對責之。事理俱不如汝所入。二若修下觀解。六種宴坐即體用法心因果也。今觀一心攝此六者體即一念三諦。妙用至廣。豈離十界。即事而理一念遍攝。心法無殊因果理。三千三諦無所不該。觀此一心名真宴坐。於此總示下文存略。二約用自他無益無用等者得自有餘。何復此定。故於自無用廢餘威儀。故於他無益。由其無體者由無妙體故無大用。荆溪云。前訶無體正訶無用之體。今訶無用乃成雙訶。不思議定下示圓定也。文中亦先明生身得忍。次明法身。現十界威儀者大論二十九云。聲聞入定則無說。佛在定亦能遊行如密迹經心密中說。諸佛心常在定中。心亦應說法。當知所現十界四儀說默一一無妨。二約法心。二初法身子出真者出定也。以入定則冥冥故以出定名出真。二法不得相捨者相字誤。應云不捨。廣本同謂小乘凡聖二法既異則不得不捨道法而現凡事也。現凡事至不善事者荆溪云。祇是如彼凡夫有漏三業所作之事。咸是菩薩定法之外用也。故不須捨引物至淨土者。故知六法但有一法。即能利生。爲利生故須取淨土。具足如前二十九

事。二心入出動散者。有出有入故定名散動。三約因果。二初約因訶。二初體經略示。二開句廣釋。今應等者荆溪云。四句之中第三所訶。第四能訶。餘之二句相從來耳。故佛於須跋經中作師子吼者決定說。外道法中無聖果。故不動不修者有身見故即有邊見。有邊見故即有戒取及以邪見。八十八使具足故云不動修。四枯念處等者等取正勤如意根力覺道也。此是通塗道品具如止觀第七及記。若有身邊即具五陰。陰是四教所觀之境。七十三人者上八地各九品八九七十二人。并取欲界具惑一人七十三也。不取不捨者見即菩提無見可捨。菩提即見無菩提可取。波水取捨譬意可見。污穢陰者止觀明九種五陰。一期色心果報陰。平平想受無記陰。起見起愛兩種污穢陰。三業善惡善惡兩陰。變化示現工巧陰。五善根人方便陰。證四果名無漏陰。今觀見愛五陰即三諦理。故云污穢等。非垢非淨等者垢即是枯。淨即是榮。下三例爾。祇是中道念處雙非二邊。雖復互融且從勝說。此是別觀四念處者此約圓中境觀俱別也。然例小乘念處有二。一別二總。總自有三。一境別觀總二境總觀別。三境觀俱總。今是別念處也。八自在者一一多示一身爲多身。身數如微塵。二小大示一塵身滿大千界。三輕重以滿大千界身輕舉遠到。四色心心安不動。示化無量形類。五根六根互用。六得得一切法亦無得想。七說演一偈經無量劫。八身遍一切如虛空廣如大經於中

勤策等者還云。此是相攝道品也。二約果訶。二。初機經略示。或七日或十五日者大論云。來至佛所七日遍達佛法淵海。又云。十五日後得阿羅漢。二。開句廣釋。二。初開句正釋。二。初約句正辨。二。斷而入至別菩薩者荆溪云。此是別人十住之初用二乘法耳。二。若身下引喻比決。不能用煩惱爲佛事者二乘可知。前約句既云及別菩薩。今云不能用煩惱等者荆溪云。正約初住之位也。二。他解下斥舊顯。今二。初斥舊解。有如是過者以大入小。正明果上有難思用。若言是空以大入空妙用何在。此雖例破前義亦見斥解芥納須彌之家俱空之說。自謂高深研之甚淺。二。若煩下顯今釋。雖云能入等者荆溪云。應云涅槃本來不動故細合此喻。今謂。若細合者應云煩惱之性非事非理而事不妨理。故即煩惱是涅槃。涅槃之性亦非事非理而理不妨事。故即涅槃是煩惱。雖事理相即而本性不動。故知由具此性至果顯發。故有大用。今借大小相入以喻理事互融。三。結成印定。此六種等者謂體用等悉皆圓極。故云即是究竟。以圓望偏故名究竟。非約極果。以前能訶之六皆約分真故。四。結成不堪。二。初正釋現文若作至何殊者微難也。理而下答釋也。華嚴全不受益。今聞彈折遠爲淨土之因。豈雖同益不益異。二。對後料簡。二。初問。二。答。三。初略示。二。遠師下引證。三。身子下釋成。二。初身子故用禪訶兼得智也者荆溪云。身子非但有無定之智。亦入無智之定。以是義故從定訶之。

二目連。二。命目連。二。初分科。二。所以下隨釋。二。初命問疾。荆溪云。次命目連爲對居士。全從因訶。又從說法邊皆用教訶。居士俗衆一切並具有爲緣集。故須兼通帶別入圓。若但目連是則以三而訶於小。所以次命目連者智既不逮兼定應堪。名拘律陀者問大經云。目健連即是姓也。因姓立名故名目連。何故名拘律陀耶。答本自有名。但時人多召其姓。故大經云耳。文殊問下翻姓也。萊侯者字林云。上力何反下蒲北反。正應作盧。音與上同。今時作蘿蔔者俗字耳。郭璞云。紫花大根俗呼爲萊。爾雅萊盧服是也。後學不曉往往以來復音呼。父母好食者先祖父母食之得仙。因以命族。法華疏云。二。物古仙所嗜胡豆者。新翻探菽氏。蓋同此義。菽亦豆也。深求其致者荆溪云。勸勿忘本。故曰深求。下去悉然。身子亦爾。五種利益者一示爲外道化諸同類。二。鹿苑顯四枯教。三。方等恥小慕四榮教。四。般若信解四榮教。五。法華悟四榮教。悉是以權引實約此五義名深求其致。二。辭不堪。二。初分科。二。隨釋。四。初正辭不堪。二。述不堪之由。表曲徑者三藏折觀紆通化城。故名曲徑。半滿相對者荆溪云。所破定半能訶是滿。門中或三二一雖復不定三皆名滿。由此此故得名相對。三。正述被訶。二。初分科。二。隨釋。三。初總訶。二。初正釋。非唯至小益者荆溪云。說小法相被彼大機。故俱失。二。故總訶之云不當如仁者所說。此中當字平聲呼之。意明所說不當故也。若去聲呼須以當字而爲句。

末故不可也。二。良以下結示。禪定至不明者小定力淺大法不明也。二。別訶。二。初分章敘意。二。如法下隨文釋義。三。初外說內解用通教即空破說法不當道理。二。初分科。二。隨釋。二。初當如法說。三。初標章總勸。二。別說。二。初分科示義。二。初分科。二。須略下示義。二。初明小衍不同。二。初明三空行相。二。異。二。初明小三空。二。初正釋。二。初總明三空。析五陰空者心則念念生滅。色則四大不同。於一大復更析破。如一地析至隣虛見五陰空名法空也。故阿含下雖一經二論明空多少三空收之義無不盡。誰老死等者大論引難含云。十二因緣從無明至老死。若有人言。是老死若言誰老死皆生邪見。乃至無明亦復如是。若說無誰老死當知虛妄。是名生空。若說無是老死當知虛妄。是名法空。乃至無明亦復如是。彼經佛在調牛聚落告諸比丘。初中後善乃至梵行清淨所謂大空。經若有問言彼誰老死老死屬誰彼即言我即老死。今老死屬我老死是我所。若無明離而生明者彼誰老死老死屬誰。老死則斷。斷其根本則無明滅。無明滅則諸行滅具二空。故名爲大空。故知小乘空於我所名爲法空。空於我人名爲衆生空。若諸菩薩以空涅槃塵沙佛法名爲法空。人謂小乘不明法空者未曉經意。縱有誠教云聲聞人但得生空且讓菩薩與奪之言。二。有師下別解平等。二。初古人解義。二。今師研難。二。初研難示義。文中先以平等並生法。若直下以生法並平等。既許生法與空異。例應

平等與空異。是故今師立三空義異。二若止下二空攝屬借如阿含但明二空而法攝平等。故知三空處處具足。涅槃空等者尚攝涅槃。何況平等。以平等但是起生法平等見。故此見須破。故有能所。二雖復下結。一示。二破拙下明衍三空三。初標示。二今下約譬顯。實舉指喻析空。鏡像拳指喻體空。實舉指等者雖知開指無拳而血肉之指猶存。故須析破。方空鏡中所觀二俱本空。其指尚無其拳安有。拳喻假名指喻實法。智人下荆溪云。無拳者生空也。無指者法空也。無空即是平等空也。三此下結。性相不在四句是性空。內自外他中間共自有無因四性俱無。故云不也。亦不住者不住無四句也。此即初空。故前三空各具性相二空也。二若三下辨三空入道兩殊。初明小教入道。次若衍下明衍門入道。初云前三是方便等者三應作二字誤也。荆溪云。前二空是方便等者由人法空方入真空。乃名平等。當知。但指所證之空即名平等。若衍等者衍通三教。先明別圓。次明通教。以通教機難故須別明。又初是總明。但云即真入中。次是別示。乃分利鈍。鈍乃即真利則入中。初云即真入中者荆溪云。既是巧空即真即中不應別說。言即真者不必皆即。但云此真通至於中。是故釋云皆通法性。若通下別明通教也。亦是別示衍義。上根智者文脫利字。應云上根利智荆溪云。先出鈍根不見法性唯住偏真。故云同得見真。上根利智通至法性即菩薩中利者故也。既通利鈍名為

共空。故荆溪云。若不信有共空義者今問他云。且如經云法無眾生離眾生垢等。豈不是無眾生我人壽命等四。此之四法二乘已離。何以還將用斥於小。既斥於小小大須分。於今應云所離無殊能空智別。今家意以能離三中通真與拙所證不別。應知。別則能離永乖故。釋義者諸皆具約三教俗同真異。其體須分。今疏從勝且從圓釋。心法法性其言尚通。下三空句一切皆爾。善得斯旨方乃可言善消三空。又復經文所列諸句凡諸法字及以釋中諸法性名悉須分別令具三真。若獨圓者心外無境。一攝一切莫不融通。今兼斥俗義義通權實及以初心。應知。所觀不出界內一切心法。以由即故義難真殊。二今淨下結示經意。二法無下隨文正釋。三初明體法生空破折法生空。二初標示懸解。三初標示。二問下懸解。二初懸斷生空中疑問。中初是牒前義。何得入中是正問。荆溪云。此依通中偏生空間。答中並約通中利根。利中四教。以釋空義。引經證義一切皆然。細得七重之中三真深意方了此中。前後經文然約圓釋眾生尚乃即是法性。況眾生空。豈可非耶。故使一切趣於我人。次引大經六法而答。問者五陰神我總成六法。不即不離已如餘文。於中但取我空而已。故引六十二見即是答也。向多處文已料簡竟此何復疑。如云即真入中。故於次文分上下根。下根即真上根即中。即中從深即具在淺。深不失淺淺則道深。故覆淺從深一音通被。況依經部理合隨機。準

經現文且從通釋。如云法無眾生。三教之法俱無眾生。用智不同使成三異。故法性實慧及以方便其言悉通。但譬之以伊不通通別。又復須知。已下諸句方便慧中悉有二意。自行化他。又下諸句云心及一切法者以此諸句歷心約法。誰有見之不思己行。一向專憑文字法耶。二今言下懸釋。法即妄心義。心垢者隨染緣也。心淨者隨淨緣也。染淨既異。十界分焉。由性本具隨緣能造。故輔行釋造凡有二義。一者約理造即是具。二者約事即十界依正俱由心起。委示如顯性錄。二法無下隨文正釋。四初明無眾生。三初標名統示。此去下統示下皆具三義也。二一約下正明三解。心及諸法者心即能造。諸法即所造。既法由心造。明全法是心。但觀能造即具諸法。此理不改名之為性。諸法之性故名法性。又性可軌則。故名法性。性謂三諦也。不為惑染者即惑是理。故不為染。如優波離心相等者荆溪云。下文正約犯罪之心本來無垢。如優波離得小乘脫。豈不見於罪心。心性不別故約理性一切無垢。勝天王者引自相空以證理法無眾生垢。引自相離以證理中離眾生垢。皆約法性並云自相。次實慧中亦先牒法性者由性無。故慧方今無。雖復性無而猶有者良由無慧不可自無。但云若法不云心者心法相攝舉一自通。下去諸句一切悉然。法性至煩惱垢者此中具二。一者全不了知真中無我。二者縱了真諦不知中道。由此故令我猶有垢。以有垢故並名妄計。若了下明稱



實之慧乃契理無。下去諸句一切悉然。三此即下結異顯觀二。初結異小乘。二下去下顯即觀心。二明無我。二初總示對破。二正明三解並顯前作者類前方便皆有自他。及結三種如世伊字。三明法無壽命。四明無人。荆溪云。不同凡夫至際斷者且據此。於二邊便故具足應云不同七種方便人也。此非獨圓不得說之。下去例爾。二明體法法空破析法法空八。初明法常寂然。次八番明體法入法空者荆溪云。前明衍門入即是法不應別說。但於前來生空之上以示法空。故體法言通人法也。故於所空人法還別。約所空說故重言之。故所空人中但對衆生壽命。即彼能空體常寂滅。諸相常滅即名法空。若不說者何以得知。下去皆然。讀者體之。行者察之。消者了之。教意前後相望皆爾。數數融會無令迷旨。二明法離於相。十相者荆溪云。涅槃云。色聲香味觸生住滅及男女相。但離此十未足以顯大涅槃德然經意者云。涅槃中無此十相。非唯破此成大涅槃。智識者分別識也。亦是分別智也。於今正當空假二相。故云分別。故中道理無分別境必非智識之所能緣。問曰。亦有一智而緣多境。如以俗智照具照中及以真俗更互照。其理何耶。答若論通相入空境智即以俗對於三真。互照轉照非此所論。三明法無名字。四明法無有說。荆溪云。以諸言說從覺觀生。凡諸有言皆從覺觀。法性俱離能說所說。法性本無實慧照之。方便無著故使然也。五明法無形相。六明法無戲

論。無愛見戲論之法者愛心見心所有言談不契實理名為戲論。肇法師云。具境無言凡有言論皆是虛戲。七明法無有我。八明法無分別。非六七八識者識名分別故說皆無言。六識者總攝前五。備舉云六。非唯第六諸識俱妄。故非真理。如下經云不依六塵。豈唯第六三。明體法平等空破析法平等空二。初標示。及諸句者下有九句也。似平等空者荆溪云。以準絕待及同法性。隨如住實際等言全是平等。但諸句勢如離好醜及過眼。等亦欲同前生法二空。進退兼含。故且云似。又不同前七故云不屬因緣。無去來等。既三空體一。故得言之。既生法狀似有待。故以平等而重緣之。二法無下隨釋二。初明七番七。初法無有比。二初正約三解荆溪云。初云無相待者無我是絕。絕彼待故。故從心絕不從事絕。事絕無窮絕還不絕。心約實理。理即法性。法性本無尚亦無絕。有何不絕。相待之惑自然而滅。者智稱法性乃名滅。是故法性亦滅於絕。二今以下示平等空義。荆溪云。平等之理猶有所存者。故得二空即名平等。言所存者意令成絕必無所存。當知。平等自無平等名平等空。若不然者何名衍門。三空俱時欲顯功能三。無差別故列所存顯無所存。欲得平等生法亦無。豈更存於平等之見。故云平等亦空。但三藏下更引小三以形大三。縱有平等終無別理。況復小教二空成時猶未平等。況更修空空於平等。是故大小三空不同。智障心滅者有智障時仍屬相待。智障祇是空假

智耳。雖因共乘至初住位。智障必滅。二法非因緣。六因四緣者俱含云。能作及俱有同類與相應遍行并異熟許因唯六種。大論云。六因者謂所作因共因自種因遍因相應因報因。四緣者因緣次第緣緣緣增上緣。新譯次第緣名等無間緣。緣緣名所緣緣餘二名同。所作因者不礙於他。相應因者心心數法同因同緣以心心法共相應故名相應因。心心數法以心心相應為因名相應因。如親友知識和合成事。共因者一切有為法各共生因。以共生故更相佐助。相兄弟同生互相成濟。自種因者過去善法與現在善法為因。現在善法與未來善法為因。惡無記法亦復如是。一切各各有自種因。遍因者若集諦下十一遍使名為遍因。報因者行善惡因得善惡報。四緣者如上五因名為因緣。心心數法次第無間相續而起名次第緣。心心數法託緣生。故名為緣緣。諸法生時不生障礙名增上緣。荆溪云。大體祇是法性不從因緣生耳。以在因法必屬緣。故因緣必是有為法故。及十二等者四緣六因及以十二並是生死。生死即三道。三道即三德。三德是法性。三德之外無復三道。言亦非等者以十二緣名同事同十二祇是四六而已。故知。但是離合說耳。且如無明即是行家之能通也。即同類因行必四相即俱有也。行中五部亦同類也。無明行中心心所法共行共感所作必同。行有必招識等異熟。此行必有遍行五部之惑。若四緣中論云。增上即能作。因緣五因性。比六因說可知。

然疏文中因緣中所作及增上云與相待同者。如增上中有力無力並是能成彼所成能所別故故名相待。況能所中俱有長短大小等也。我法性中都無是事。故為平等之所破也。然小乘中已破因緣得入真諦。今云法性不屬因緣故殊小也。三法同法性。一法入一切法等者荆溪云。既云諸法悉有安樂。即是本有義。云相入既本相在。更云互入者示相攝相令知相在。通達法性者法雖本同必須實慧而遍入之方了諸法互入之性。又法即智慧。以境智不二故理智合者一多相入垂應自在也。四法隨於如荆溪云。如如不異者法性中如一如無二。理智合者明一切應用之法。皆順法性真如起即無起。無起即是無所隨也。五法住實際荆溪云。法性實際及以如如名異義等。故無四邊義亦通三。今文且一意略耳。理智合者解雖無邊理既本具而能起四教四門。攝物而內無執著流動之過。故言諸邊不動。六法無動搖搖去聲。不依六塵者荆溪云。依者著也。若爾三藏小乘豈著六耶。答有即有離離仍同著。以著中之無故也。塵離二著著名無殊。如金鐵鎖被繫義等。今摩訶衍二俱離也。以見真俗法界故爾。三理智合者方便和光而不同塵。故言不依六塵。七法無去來。荆溪云。問言不住者祇是去來。何得去來釋無去來。答不住則不去。不住不去則無去來。故以釋無去來也。意明法性不偏住故。故云不住。為異二乘有去有住。理智合者方便化物不來相而來。不去相

而去。二明九句二。初牒句正釋。若聲聞至十六行等者荆溪云。室謂空無我。無相謂滅。四無作即餘十依諸各別三不相收。若衍門三法相收。若真若中俱無異趣。一法性中三亦何別。引思益者衆生即理性滅定。理性滅定向具足三。故知理性不殊。無相無願故也。故一理中最可相即。尚即衆生諸何可異。即是復宗明義者復彼衆生身中滅定之三理也。理為本宗。故云復也。應用即是方便之慧亦有三也。雖同他有有常同理。離好醜中理智合者現十界好醜。而無取捨即是離也。增損等者荆溪云。問增損之中亦云生死及以涅槃。與前何別而此復云答好醜因果報增損約功能。二門雖別生死等同。名異義同。重論何爽。下去準知。法過眼耳等者與前離諸識及不依六塵。并今過眼耳等祇是法性非根境識三也。文雖隔越意實相通。荆溪云。然法性無眼等名。一一根中俱是法界故云過也。若實慧者得慧故過。若方便中入假故過。文略不述高下。比知二從不下略指料簡二。初指前語略。二簡前用義。荆溪云。異三藏者理俱異三。何但三藏。今沒二者應知。能異必異三教。今經文中通教似顯故且從之。義解之人須令顯顯文之旨故。應修門故。深收淺故。佛元意故。故令思擇令義歸圓。三結破二。初正解唯大目連至豈可說乎者荆溪云。故知。不應唯作三藏說也。言如是者法相應如向來所釋。豈可唯如目連說乎。目連豈不能說三藏之中法無衆生離衆生垢等。而為淨名之

所責耶。法既含三。目連尚不能說三中之。幼俗。何能說於即幻之三。真即真之圓中中理之諸法。故結示云法相如是。豈如目連以三藏說乎。二問下釋疑。二當如法解二。初分科。二隨釋二。初彈不解二。初不解能說無。荆溪云。夫說者等者然準次第。應先詞解後詞於說。今先詞說後詞解者正詞目連說法相故也。說不如法良為無解。故詞於說後方詞解。如是解者方可如解而為他說。故前結云解應如是。豈可輒為居士說耶。四不可說者當知。法性尚不可作圓教說之。況復三教。寧當可說。引法華者以證從極三教名餘。通別尚迷。況復三藏。二不解能聽無。荆溪云。其聽法者無聞無得等者此亦斥於說示之謬。祇由說示不示無聞無得之體。故令聽者有聞有得。若目連下以有說示正結詞其不能。於法性中忘其師資之道。目連豈不能於真諦體中忘師資耶。準於出定真亦不忘。二借幻為譬。荆溪云。問前文多云幻隨三真。今那云四理如幻耶。答過涅槃幻類之可知。問文初但云約通教詞。前後釋義皆作一幻隨三真轉。乃成於別圓接通對通即三。豈會經旨獨通教耶。答通為能通別圓是所通。有能通別圓之功。故先但約通教釋之能所相對即具三也。若從接邊通是所接別圓是能。祇緣所有可接之理則令能接之有功。況義在通並含能所。若其不以接義釋者何以明於通中利根根生待接接候機成。今存三釋為順接入圓接別教也。此文前後少明接義。祇得從容

兼令判之。故委料簡通上下文。況今責目連。若解若說不稱法相。正當不得二種入通通入二種之深旨耳。當今目連依於中道觀解之意而說法也。況復說接須知機。目連復無觀機之智。故令說解不當於機。若入如幻等者此引二十五三昧中如幻三昧。故令依圓不思議理而說法也。二外了根緣內善知見。用別教破說法不當根緣二。初叙意分科。荆溪云。當了至隨病授藥者問前已約圓。此何仍別。答前正在通。通中真理雖含圓別但俗未是知根之智。目連可中自因此門入圓入別。尚須勸以中智照俗使成妙俗。況前況為利根。通論機緣不同。剋仍須別。故以別詞良由此也。一詞不知根。二詞有滯者。詞滯仍與通教略同。以通教中先真後假故也。故先詞其不知根緣。況詞有滯。正是不知根緣之由。文在後者文後意前故也。二隨文釋義二。初詞不知根緣。如來知根者知衆生根鈍。即說藏教析空。故云故聲聞經等。今居士根利應說通教體空。何以反說三藏乎。故荆溪云。文中但作藏通相對以論利鈍。亦且寄通一往而已。今亦可云一切利鈍皆悉不知。目連但汎對他以說拙教而已。既不知小鈍亦不知大利。況十六門六十四悉之利鈍耶。放利鈍之言有通有別。通約十六。別但衍門與而言之亦可容知三藏十六。故今所以斥小被大三空悉然。故須曉此。二詞知見有滯。三外慈衆生內念佛恩。用圓教破說法不當佛心。二初叙意分科。荆溪云。問前已用別理合有悲。

今此亦以大悲為詞。何得判云是圓詞耶。答前對真空且以滯空不知根詞。非全無悲。今云悲者加報佛恩。即是無緣大慈悲也。故以念報佛恩之大悲而詞其偏。但是被俗之慈悲耳。況八百居士宜須在慈。故更進詞雙被故也。二隨文釋義二。初當起大悲心。二念報佛恩。應報至寶種者荆溪云。連無緣悲即念報佛恩之大悲也。若報佛恩即不斷種。當知二乘自既斷種亦斷他種。良由不知小三空中無無緣悲。雖終日說非報佛恩。三聞法得益。荆溪云。準此亦須略說三空以結淨名巧說之德。以詞說法不應法相。不知根緣。故且云大機。居士發心者故上破古斥小逗大非關人天。又發心語通諸。居士中根緣不同。或是唯圓或是通別。或有圓機宜先通別。或唯通別同座異聞。四結成不堪。三命迦葉二。初分科叙意。頭陀此云抖擻。抖擻煩惱故也。善住意天子經云。頭陀者抖擻貪欲瞋恚愚癡三界六入。荆溪云。次命迦葉者身子已約果詞。目連復約因詞。今此文約因兼果而為詞也。寄大因果詞其小果。寄小因果示其大教。大因者示乞食門。大果者示正食法。小因者集道諦也。小果者滅諦也。大教者頓教也。二迦葉下隨文釋義二。初命問疾二。初正釋現文二。初釋。迦葉此翻為龜者其先代學道靈龜負仙圖而應。從德命族。故云龜氏。以姓為名者時多以姓召之故云也。其實有名名畢鉢羅。父母禱樹神而生子因以名之。二釋大二。初今解二。初標今約所表。故云智大等。

若約事釋者佛弟子中多名迦葉。如十力三迦葉等於同姓中尊者最長。故標大以簡之。二所下釋。二有言下他釋此亦事釋耳。二若深下指同前意。二辭不堪二。初分科。二隨釋四。初奉辭不堪。二述不堪之由二。初指略斥非。十二頭陀者南山鈔云。位分為四。謂衣食處及威儀。衣中立二。一者納衣。二者但三衣。食中立四。一乞食。二不作餘食法。三坐。四一揣處立五。一蘭若。二塚間。三樹下。四露坐。五隨坐。威儀立一。常坐。荆溪云。頭陀三意者半滿祇是約教而已。法華疏文具廣分別。今難下破他解中今以二門對於二人。意略可見。今更助一釋二。門雖殊得飯義一。即涅槃是。恐人謬作觀行等者問大師常用何以匿他。答非謂不許。但斥乖文。一家消文皆先事。次教後方觀門。縱為觀門依文附教堪資至道以益行者。直爾理解恐迷經宗。二今言下正示經義。貧里者周禮五家為隣。五隣為里。里居也。使現轉報者荆溪云。凡施聖衆皆蒙現益如阿那律拔現貧苦。藉時廢業者稽首難留止也。非為物執者習染甘美安稱抖擻。豈堪為人軌範也。三述不堪之事二。初分科。二隨釋三。初總詞。有慈悲心等者荆溪云。抑揚之妙事在於斯。以歎有悲抑之令普故也。如來所歎。命共同坐者迦葉一時從山中出。形體垢膩著龜弊衣來詣佛所。諸比丘見之起輕賤意。佛欲除諸比丘輕慢心。故讚言。善來。即分床命坐。迦葉辭曰。佛為大師我為弟子。云何共坐。佛言。我禪定解脫智慧三

昧大悲教化衆生。汝亦如是。有何差別。諸比丘聞已起慕敬心。本關福智者法華云。若人有福會供養佛爲說緣覺。故知。福德利智則易度也。此斥迦葉從貧。故且一向準理易度在根。豈擇貧富。其或貧而鈍愚。富而利智。豈可捨富而從貧耶。二別詞二。初分科。荆溪云。別詞中立四意者從始至末次第詞。故元知迦葉建意欲往乞食之所標心既謬。故後詞時至入聚落共心必非。故不能體空聚之想。入已得食。食必有非。非由觀諦。俱不合理。若欲詞之爲用何法。故辨漸頓以爲詞法。事窮理盡故結勸之。二初文下隨釋四。初詞乞食心非二。初分科簡示二。初分科。二問若下簡示。苦心所契者苦應作苦字。誤也。昔心所契者即苦集道三。是昔日因心所契也。即下文云。元爲破此苦諦。乃至云元爲得不食之果等也。尋下疏文可見。二住平下隨文釋義四。初約小乘證滅破。本有滅諦平等之理者即三千三諦。生佛一如自他同貫。故云平等。行生修者大論八十先舉經云。須菩提白佛。菩薩云何行般若波羅蜜。云何生般若波羅蜜。云何修般若波羅蜜。佛言。色是寂滅故。色是虛誑故。色不實故應行應生應修。般若波羅蜜受想行識亦復如是。須菩提又問行生修爲幾時。佛言。初發心乃至坐道場。行般若波羅蜜。生般若波羅蜜。修般若波羅蜜。既言初後俱行生修。即圓義也。故知。即行時生。生故復修。故經復云。須菩提言。大第心中應行生修等耶。佛言。常不離薩婆若心。不令

餘念得入爲行爲生爲修。若心心數法不行爲行爲生爲修。有人釋云。行在乾慧地。生在無生忍。修在無生忍後。此通意耳。若準通意例別可知。薩婆若者大論翻爲一切智相。荆溪云。意明次第心中使應般若。即常與薩婆若相應。次即不次故也。迦葉何不將如此心次第行乞。而但懷於去取心耶。由迹顯本者達事即理也。此名體用本迹。若迦葉下荆溪云。次將身子入定之果寄釋其因。故知。不離薩婆若心尙於食見於八邪即八解脫。若能善達機理豈令行事捨富從貧。事行尙虧。安會至理。菩薩雖知至解脫者雖知理當平等而不妨次第修學也。即邪是正。故云不捨八邪等。何者下釋出次第求大乘相。此即解頓行漸。若約初心即次第止觀意也。薩婆若心即圓融解也。從凡下明所歷次第行也。禪悅諸定止欲散網達色無色定也。又入下止三界獄達二乘道也。又入菩薩下止於自證達菩薩道也。既云上上諸禪即兼止二邊。達常住道也。於一一禪皆有智者荆溪云。具如止觀禪境之中。觀諸事禪皆成妙境。此是圓人觀於根本乃至別教九種大禪一一禪中皆見佛性。若別教人自性禪但在地前而已。是爲下大論八十七云。行名布施。學名持戒。道名智慧。又行名持戒。學名禪定。道名智慧。不觀貧富心無去取者既心佛衆生三無差別。豈去富而取貧耶。依分衛法等者即不擇貧富。次第而往也。律明乞食之法。不一處是爲福他故令至七家。分衛此云團圞。即是以團

食墮著鉢中也。迦葉內心下正出小乘之過二約知苦破。荆溪云。次下三諦一一諦中皆先於無學法上以破迦葉。次若在學地去以學人未足而形迦葉。三迦葉結漏下重以應入無餘爲難。四若爲利下以利他法而爲難也。若菩薩下以大示之。乃以菩薩利他結之。三約斷集破。搗食者搗音團。漢書云。何足控搗。此假借字也。今體作團通俗文云。手團曰搗。四食者荆溪云。觸思識段。搗是古譯新不用者謂飲味等豈可爲搗。凡云食者取能資長。滅壞身者不得食名。如毒藥等。雖食非資。觸如冷等。思如意能延報命。識如分別令報命住。古人有章不能廣叙。今意但取段食。爲語餘者相從。羅什云。食有四種。一曰搗食。二曰願食。如見沙囊命不絕是願食也。三曰業食。如地獄不食而活。由其罪業應久苦痛也。四曰識食。無色衆生識想相續也。四約修道破。二詞入聚心非二。初分科。二隨釋二。初總詞二。初約外聚釋詞。詞其有心等者荆溪云。淨名詞者意云。既有取捨。信知。入聚不免有心。豈能四儀常住諦理。而有避就者愛貧而就。憎富而避。二又若下約內聚釋詞二。初正示。聚落者廣雅云。落居也。謂人所聚居。疏云所依依即居也。二前已下結意。於塵有帶等者荆溪云。問迦葉證空先已祛有。何須還以有心詞之。答此有二意。一者詞無空心入聚。二者無空分別貧富。欲知迦葉入聚心散但以分別貧富驗之。信知。不見聚落四理。信無不滅定現儀。信知。小空迦葉已得今以

事理不空訶之。故一二文皆以體空入位並之。二別訶三。初訶眼根。二初示所訶失。與旨等至無去取者。荆溪云。六根本是塵識所依。生諸分別及於六塵而得斷空。故以如旨訶令會理。令迦葉得無出入之大旨也。迦葉至之見者。迦葉但得人觀時旨。出觀猶見不殊凡俗。有見不見則非大旨。二菩薩下顯能訶得二。初總釋。故與旨等者。荆溪云。借彼世旨譬無分別。見而無見。無見而見。故雖曰旨遍視法界。能如是觀空有。貧富常會一如。迦葉未然故招訶折。然又應知。旨非盡理故從耳去。但云如響不云如聲。二復次下別釋。二初約似位。二初正明。荆溪云。次引大經正當似位。次引大品不見等者。當知。如旨語局不見乃通。三聚者。正定邪不定也。二是則下結斥。二鐵輪下結顯分異。荆溪云。鐵輪者。用判下文。下去五根語別位同。所以引鐵輪為證。得至初住方有一分如旨故也。二訶耳等四根。二初示所訶失。不了耳空等者。不了好惡音聲。如空谷響致怖富家歡樂好聲。不難貧家憂苦惡聲。不了香臭因風。風無香臭。既香與風等。是則無富家氣。風妨道之可避。貧家羶臊非妨之可近。不了法無定性。由分別取相謂之為味。若分別則非味也。是以食天饌而不染。餐若澁而不惡。何必捨富美食取貧惡食耶。中略其二。故云乃至。如智證者。荆溪云。如智契理以證得理。故於觸時。當如以智觸實相也。由不了故出觀受觸於富貧床敷。情有去取。惡取好捨者。貧里四塵則取。豪

家四塵則捨也。二顯能訶得二。初總釋。二別釋。總則通示理無去取。別則別示三諦。五眼及約位等上下例爾。別釋委如眼根。初總釋與智者與字誤。應云與智契理。必不捨理取理者。好惡俱理。豈須取捨。東西咸空。復何避就。一相慈心謂無緣慈也。慈心等被不緣真俗及貧富相而生去取。二若菩下別釋。三訶意根。二初示所訶失。矜貴者自賢曰矜。尚書曰。汝惟不矜天下。莫與汝爭能。一菩薩下顯能訶得。佛答德女等者。荆溪云。如大品中。德女問佛。無明內有否。乃至非內非外有否。佛初皆答云不也。次云。如是有今文。甚略具有共意。如幻非內外者。即佛初答意也。現一切事。即佛次答意也。文有譬合。初文譬也。次無明下合也。四句檢等者。凡云如幻。必四句推之。今至理。已復辨大小。今一一文皆以圓文對訶三藏。既以圓教而訶於小。所列菩薩道理宜圓。三示正食法。二初分科。二隨釋。二初示正食。二初明食體。二初總釋。豈難欲食等者。荆溪云。正明食時須稱佛慧。故非佛慧皆名難欲。故知。迦葉散心食時及昔所得捨邪入正悉名難欲。既無佛慧。觀必出入令食成難。故不應食。若以欲界欲釋難云。欲則以迦葉同凡。非邪正者。雙非凡小邪正故也。二然邪下別釋。二初明所訶失。二初顯簡事理。二聲聞下正示所訶。緣理八邪者。即是見惑也。二示能訶得。不捨味禪等者。荆溪云。於一一支見禪實相。名真背捨成常解脫。訶令迦葉見真佛性。

維摩經略疏垂裕記卷第五

維摩經略疏垂裕記卷第六

錢唐沙門釋智圓述

二明食用。荆溪云。以一食施一切等者。義雖通因。此約果人能食用者。以訶迦葉。無此能故引勝積以為誠例。若論其意。雖在果用果必由因。驗知。迦葉初行亦偏因果俱失。是故招訶。依不思議至雙游二諦者。由得中。故故能雙照。世及出世世即穢土人間之食。以為施也。出世即指界外諸塵。如香積之例。即中道也。二疊釋。二初分科。二隨釋。二初釋食體。三初約理。二約事。問前示食體事前理後者。荆溪云。前釋體中分之為二。初事。二理。今謂即前疏文約事理邪正釋也。對今經文先理後事立妨。三總釋事理。二釋食用。菩薩無上食因者。荆溪云。四門之人發心。觀食若受若施。法界平等。方乃堪為一切因食。故云無上。此即正當以圓訶小而訶迦葉。故凡施受因獲大益。則彼此俱損益者。謂往貧則彼此俱益。往富則彼此俱損。彼此既輕。此又廢業。故俱損也。不為損之復損者。荆溪云。易損卦云。損之又損之。以至於無損。今引意者。不取無損。但暫借於又損之言。損於煩惱已得有餘。復損生死入於無餘。菩薩不然。故不為例。四結勸。不了義等者。荆溪云。準此意者。若以一代五時相望。唯有法華得名為了。故許聲聞得足漸也。若當部論諸大乘人皆有了分。但有兼帶。三揖敬。荆溪云。經云。斯有家名者。斯

此也。云在家士也。經云我從是來等者。恥小也。故知彼時雖慕而不能取。此時雖恥而不能捨。故但冥資而無顯益。直用彈訶亦得顯名。望彈斥意故云密耳。四結成不堪。四命須菩提。二初分科敘意。二須下隨文釋義。二初命問疾。見空得道者。荆溪云。即是空解脫門。以依於空門得解脫故。二辭不堪之由。莫敢闕其門者。闕去隨反小視也。文中作視者誤。荆溪云。莫敢闕其門也者。然十德五百四大八千豈皆不曾造其舍耶。欲顯善吉恃空之謂傷甚說耳。其存有者等者。此述善吉乃謂一切小乘之人及諸菩薩。悉皆以爲。存有之人則謂一切無近其門。我既解空。徑造何懼。三明不堪之事。二初分科。二隨釋五。初取鉢盛飯。荆溪云。若表理者。表義衆多。且出一轍爲詞之式。以妙有飯點但空鉢。示令知空即不空也。若爾其時已是求於不空得不空耶。答此即求也。此即得也。何者。心相體信入出無難。因問大教即當其機。亦名冥求。亦名冥得。然其冥益表尙存空。是故於舍心仍住小。二正述彈訶。二初分科。懸示。二初分科定教。二所以下懸敘義。肯。恆同魔外者。懷伏也。荆溪云。然善吉迦葉皆因乞食不稱上田。約所訶邊二人各異各有所歸。但迦葉從貪其心猶下。善吉自恃空解勝他。況復以身直造其舍。狀當于忤不護人心。須以隨宜恭敬兩屈。文此二人其事雖別於理大同。何者若堪爲敬田乃可取食。此同迦葉道滅心非自

謂真田而生謬解。其心既僻入聚。必非於食等者。同於迦葉無正食法。擇同悲田。亦是訶其唯有苦集。菩薩常於五道現身。聞同悲田情猶未愜。如與外道天魔同流而欲自謂無上乞士。乞士須是衆生福田。一事不閑。福田何在。本不了悲敬平等理性。聞茲抑挫置鉢忙然。復同迦葉被斥自鄙。二取二捨有失義同。彼此咸招四諦之屈。故與迦葉大旨略同。餘非乞食隨事不定。二初問下隨文釋義。二初約敬田問。二初分科。二隨釋。一初問知聖法不二。初總示分章。荆溪云。以法能成人者。若曉於法何須問人。下更問人良由味法。二依章釋義。二初約事。荆溪云。事中復云。於法等者。於食亦等者。事中食者。貧家富家及所得食。事中法者。於家於食悲智之心。食法互形失一俱喪。故知。於食起平等者。於食必懷不二之心。驗知。善吉二事咸闕。如何得成淨土之行。於食既爾。諸法亦然。復次。下復約二門。約食對法而訶其偏。故於法食示成不等。故知。善吉於乞屬非。菩薩不爾者。示大而訶空有。空有並是一法界故。故皆可破及不可破。不可破者。立一切法。俱可破者。破一切法。遍破遍立。安得以之同善吉耶。善吉偏以空破一切。破即非遍。唯立於空。立亦不遍。有能有所有待對。故乞食既壞。自他不成。今大乘人雖以空有而爲言。端破立皆遍一切諸法。若能至於食無諍者。向破善吉空不成空。今破無諍翻爲有諍。貧富頓異。諍豈過斯。以其不能如菩薩故。若能至真乞士者。反其善吉。當

如淨名之所說故。二約理。荆溪云。約行立觀。仍名爲事。今此唯論乞食法界。文爲二。初引文正示。大品至非趣對三諦可解。二又諸下遍歷諸科。向約味明理。於五陰但是色陰。於十二入但在味入。於十八界亦在味界。故得遍歷三科。至于種智一心遍收。咸即三諦。心外無境。誰論貧富。剎那三相者。生住滅也。異同於滅故。祇云三。荆溪云。今借三相喻於同時三諦。三諦方名於法理等。二又於下約爲敬田。能如是知。是知聖法者。知祇是照。聖法即三諦也。以一心三觀。照一心三諦。故知聖法。則有假名觀行相似分異等知。皆是敬田也。既不下既迷自性。此可悲感。即是悲田。此去多是觀心者。一章疏立觀心解。凡有二意。一爲未修觀者。無封文滯事之愆。知依解起行之意。二爲已修觀者。隨聞一句攝事。成理不忘本習。今雖消文多約觀諸。封滯詎生。且順本習。豈待更作觀心釋耶。應知。初學尋讀既粗。知其旨。必欲修習。須依止觀十境十乘方有所到。若固執諸文。即可修證。既昏大旨。便壞一家。請自揣心。何須騰口。一家所談。明瞭日月。其有目者。仰首皆見。吾何所云。二問是聖人。不二。初叙意分章。若是聖人。至而取者。荆溪云。前以人驗法。今以法格人。人法互無。即俱。故知。前既無法。已知無人。故重驗之。還須約法。恐是生念。至敬田取食者。前迦葉章中以小四諦難之。今於大乘成失。今於此中約大四諦難之。使於計小有愆。故以四諦總別難之。故知善吉以小四諦而爲所證。

淨名以四大諦而詞辭。大小永乖。豈能酬答。二初下文隨文釋義三。初別歷四諦檢問二。初分科。辨示因果次第者以世出世皆從因至果故。二若須下隨文釋義四。初集。荆溪云。若凡夫下心是心王常與毒俱。此下亦應須以四句分別。今但三句斷而與俱。無此理故。若義立者即諸常見斷惑外道全與見俱於理亦得。今第二句正是所詞。次第三句即是能詞。菩薩等者此中所明即是中道佛性即真性也。次通達下即實慧也。見一切法即方便也。二若二乘觀有作苦諦等者小乘可知。菩薩觀無作苦諦者無作之語兼於通教。荆溪云。此中亦應具作四句。以遍對實有壞不壞。今文闕別但有藏通圓三也。初以藏通對於圓真論壞不壞。故通文中不語不壞。以濫圓故。故不立之。不云別者但別教人先壞後隨。濫三藏故雖具四句但成二句。謂壞而隨不壞而隨以界內外各有壞與不壞故也。若為成於四句義者壞身不隨苦行外道。不壞不隨常見外道。又通教中文亦云不壞而隨。非今經意。三道祇觀至八解脫者此體集已以為無作之道。雖衆生之名在果而菩提之名通因。又是相帶而來。正在下句證。今道義衆生苦也。八邪集也。雙遊等者荆溪云。理性相即故曰雙遊。豈可俱在事中明暗名雙遊耶。今以此文從果用故得云雙遊。任運體暗即明明能垂暗。暗亦恒明。如是方可名曰雙遊。豈可障智無明猶存不破。而得名為明暗相即。今乃通於因果之位事理相即。義不相妨。

故修觀者理亦相即。豈可一向推功衆人。故知。行者恒住事中觀理明暗暗盡明成亦無所滅。故應於事明暗照理明暗。而於觀行亦曰雙遊。是則事暗非暗。理明非明。雖即事理位殊。亦曰事理不相妨礙。由因雙遊成果雙遊故也。行於非道理亦如之故得證向雙遊故也。則三千世間皆名非道。所示癡愛不離空中。明暗理同方名佛道。是則事理因果皆不二也。問何以明脫而為道諦。答三明具有正助二道。無漏正也。過未助也。道諦不出正助之行。又可三明正也八解助也。又八解者若於事禪達實相理。而能化用實理正也。化用助也。於是等方名道諦。四滅經云。亦不解不縛者荆溪云。解字有人作古買反。何往不得但反上解脫不合言之。何者若正運功上可作古買反。下作恥活反。功成之日上應作戶買反。下應作徒活反。縛無兩音義實通二。以縛音時亦祇名縛。聲聞教至即是滅諦者今意滅諦而從解五逆。為名者五逆即是極苦之因。因必招果。苦即滅故故小乘中為十三難障。戒不發定慧不成。定慧不成無得果義。今大乘教體達心性即是解脫。何障之有。若爾何故梵網七逆成遮。答小遮障戒而復障果。大雖障戒不遮進道。故阿闍世得無根信。殃掘摩羅獲無生忍。若爾大何須戒。答若也自知宿世有乘遮猶得法。此世新入薄助來生乘種即微遮牽惡道。實假乘戒入天值佛。又大乘障不同於小一生永棄。以大乘中許微逆故。此土行事盛用。斯宗依大

微愆還投小檢。況本大學懺重何妨。梵網明遮未懺者耳。具如下文波離中說。豈有哲士避戒從乘尚戀深遮焉求至道。如調達等者此須從權遮示邊說。在逆恒順。順不妨達。斤小不閑非道為道。準理應說。體逆入滅體逆滅已方稱實行。不爾俱非者善吉不見無作。既非分真聖人。復非無上敬田。故云俱非。荆溪云。此更舉果而斤於果。引權調達。意亦如之。權遮即是果地之用故也。二總約四諦疊釋二。初叙意。二不見下隨釋四。初約諦初雙非釋中先約法釋。二約人釋。荆溪云。初約法中且消經文以無作諦遮二邊。故若言不見等者又恐善吉內心遮云若破有作。豈全無耶。故即示云無作四諦豈亦無耶。故以上文所說離之唯大無小。何須置惑。次又解下約人釋者但以不同凡夫二乘。大乘自有無作諦也。雖有二釋其約法者其理稍強。法通屬人雙釋無答。次約去取者但以三教而斥於一。問去取文中去一取三。為用三教詞善吉耶。答小衍相對。剋如下文外人過論主云。若破一切法者出論主過却謂論主破一切法。汝是俱破四種四諦。此是外道。以己量人當知。此是大可畏處。論主反質者反以此見而還外道。汝計是見破諸因果。今雖云破雖表不盡即破即立。如我所破破小立大。乃至遍立一切因果。大小並立。故云宛然。反質者質問也。亦成也。三約四不可說者荆溪云。問若詞小乘祇合用大。而云四不可說為不見諦。善吉正得有作滅理亦云不見。何名為

訶非不見諦。亦指大經有因緣說。善吉已稟生滅之教亦能說之。何名爲訶。答前文先作雙非釋。竟已屬無作。更去取釋復用大小相對門訶。即明善吉非但不見無作四諦。意顯衍中三俱不見。今引大經四不可說及四可說。明四四諦俱是聖法。一心中具見。此具理而能具說。若破若立俱說但混。但須菩提無斯證用。則二俱失。何名聖田。二約果。荆溪云。但二乘下更破小果。今彈意者以向去取四諦之文其文既通更立圓極。以爲能非。若如斯者方名得果。降斯已外如破化城已下。其文具歷四教尙以圓教等覺爲非得果。善吉何人自謂得耶。言已破化城者雖宿草庵入出無難。義已冥當破於化城。別教至證果者問準圓別教皆應以等覺之位爲非得果。何以祇云十地未滿。答由等覺位有無不定及以等覺爲等覺佛。此約不立等覺位者。於別教中十地義當菩薩位極。若望於圓地仍屬住。故云未滿。下文等者雖初住中已成佛道亦非得於究竟佛果。三約凡非離凡夫等者荆溪云。展轉比望亦以佛果方名非凡也。引五凡夫論者亦證皆凡離佛方聖。五凡謂信住行向地也。四約聖尙不見至聖人也者尙無所證法。安有能證人。三結破荆溪云。而離至取著者四種四諦祇是權實。四種因果理性唯是平等法界。故云不取著也。即中道至定慧莊嚴者三昧是定。三智是慧。諦祇是境即法身也耶。定慧莊嚴法身。故知此中具三德也。法愛不生者若生法愛即在相似。不進

上位名爲頂墮。大論三十云。問曰。云何爲頂墮。答曰。不能上菩薩位。亦不墮二乘地。愛著諸功德取相分別是菩薩頂墮。二約悲田問。二。初懸談義旨。二。初總示。二。此文下別解。二。初斥古。舊解無當者。二家釋義俱不當理。故總斥云無當也。折令同六師者。今反出緣起也。二。今明下顯今。二。隨文正釋。二。初問偈同邪人。二。初分科。二。隨釋。三。初約不見佛不聞法。問不聞衍教三種四諦者。荆溪云。此文斥意雖多在通圓舉不聞邊須云三也。故知尙不聞通別。何況圓耶。止宿至糞器者。此在鹿苑也。方等聞大猶住小果。故經立譬乃云猶處。須知。在指在鹿苑時。正緣正道並指衍門。類同外道者。小乘不見中理。類同外道不見真理。非謂小乘便是邪外。二約同六師問。三。初總明義旨。所以至受學者。荆溪云。前不見等已是極問。既不見佛是邪見人。雖復總問猶恐善吉因循推託不受。泛言我親見佛。安云不見。故更的指不見佛者必見六師。故知六師既不見佛不聞佛法。善吉亦然。與彼何別。何以知去以事驗之。即以善吉解空之時望於六師元學之日。六師在前善吉先見。言後習者習學也。師範者法言曰。師者人之軌範也。二。別示類同。二。初正解六師。諸法皆不生滅者。謂諸法如虛空也。肇法師云。其人起邪見。謂一切法斷滅性空。無君臣父子忠孝之道。拘除梨母也。者是彼所生。故稱拘除梨子。下稱子者皆爾。任運時熟得道者。謂道不須求。運生死劫數苦盡自得。如續等者。如轉

續丸於高山。續盡自止。何假求耶。又言下其人得通見未來事。但齊八萬劫冥無所知。便謂苦盡。欽婆羅龜衣也者。肇法師云。是弊衣名。或云。絨毛爲衣。今以至樂也者。謂今身併受苦。後身常受樂。出家外道通名者。肇師云。如佛法出家通名沙門。不可改等者。謂苦樂罪福自有定因。要當必受。非行道所能斷也。廣明六師宗計如涅槃經。二。今大下類同小乘。二。初約喻示意。二。言相下正明類同。二。初類同六師。二。初明外道似小乘。破因不破果者。無造者是破因也。一切自然是果也。如莊周所計者。以此土爲類也。莊子蒙人。名周梁惠王同學。著書十餘萬言。而皆寓言。今宋州此故蒙城。是其處。現有漆園鄉於彼著述。故或云蒙莊。嘗爲漆園吏。刪閑夜至未詳者。被計任運時熟得道。或是邪因緣或是無因緣未敢定判。故云未詳。迦旃延即前第五人也。餘二者即第四欽婆羅第六尼鍵陀也。謂應受苦報。及云皆由業定並屬有門。二聲聞下明小乘似外道。過去至定數者。拘留孫人壽六萬時出世。俱那含四萬。迦葉二萬。釋迦百歲時出。釋迦初說五人證果。八萬獲忍。至於彌勒三會說法。人皆定數。如彌勒成佛經說。餘時不得者。謂除六四二八萬壽外餘時不出。由無得道機故。問諸大乘中皆同此說。至如法華授弟子記。皆定劫國壽命。所化弟子等。何獨小乘。答大乘所談佛道齊隨機現應。雖或同小說豈有定執耶。如法華經明。數數唱生滅。十方有分身。常有靈鷲山。餘國更



作佛。又如涅槃經說。西方無勝國莊嚴如安養。釋迦出彼土。楞嚴三昧說。七百僧祇壽乃釋迦。異名光明。談佛壽虛空地山海不可爲譬喻。大論明釋迦更有清淨國。猶如阿彌陀。今經梵王見猶如自在天。凡此諸經論豈同小乘說穢土百年壽定是釋迦文。一佛既巨量諸佛咸如是。當思其宗旨。無令大小混。犯重毘尼作穢者四分云。若比丘及尼犯波羅夷。已都無覆藏心。令如法懺悔。毘尼母論云。白四悔法已名清淨持戒。但此一身不得超生離死。然墮入地獄。四分云。若重犯者滅壞及諸遮道之罪者謂犯僧殘已下也。二類同三種二。初明外道似小乘。若得禪定者判溪云。四禪四空也。停河等者大論三十五諸外道等來白波斯匿王言。大王是月增減誰之所作。大海鹹味摩羅延山誰之所作。豈非我等波羅門耶。大王不聞阿竭多仙十二年中恒河之水停在耳中耶。瞿曇仙人作大神變。十二年中變作釋身。并令釋身作抵羊身作千女根在釋身上。耆闍仙人一日之中飲大海水令大地乾耶。婆藪仙人爲自在天。作三目耶。羅羅仙人變迦毘羅城爲鹵土耶。三光者日月星也。四章陀如前說。醫方者文心雕龍云。方者隅也。醫藥攻病各有所主專精一隅。故藥石稱方。十六大國者名出長阿含。一央伽。二摩竭提。三迦尸。四拘薩羅。五跋祇。六末羅。七支提。八跋沙。九尼樓。十槃闍維。十一阿濕婆。十二婆蹉。十三蘇羅。十四乾陀羅。十五劍浮沙。十六阿槃提。二三藏下明小乘

似外道。三所以下顯詞折意。心行理外者兩教捨生死求涅槃。別教捨二邊求中道。不能顯知本性悉名心行理外。自此下涅槃迦葉童子自叙之辭也。別人尙邪。藏通豈正。以俱非圓融無作故通別尙爾。三藏如何殊。折同六師良有以也。三結令取食。雖分至不見佛性者判溪云。生死義同失道理等。一問懷。有邪法三。初叙意分科。判溪云。何以猶具見思等者亦以體異名同爲詞。善吉具有界外鄙惡。鄙惡是賊何名殺賊。必是生。故非不生。是賊必是生。安堵應供。無此三德羅漢不成。二一約下隨文釋義三。初約殺賊詞二。初叙意分科。二若順下隨文釋義二。初詞有見入於八難二。初釋有見惑。言邪見者是何等見者判溪云。微起釋出。若界內邪此則易知。外邪難識。即指善吉。故欲釋之先須微起次釋。若作合中即無見攝。意明此邪仍預二諦三諦之內。二則指俗爲有。三則指真爲無。雖爲二諦三諦邪所攝。並不見中即屬界外之邪見也。若界內悉爲二三俗之所攝。故知。內外邪見永殊。今以界內既不見中具有無明變易生死。界內能破賊義仍存言含中者於七重中藏通即是無中。二諦別圓接。通名爲含中。別是顯中。顯中或時復指於圓。涅槃疏中亦以七重名爲單複真俗二諦。今於此意明二諦之中有於中道。中道共真而爲真諦名爲含中。若顯中者亦是別及圓入別之二諦也。故準今意含亦得名爲顯。言真諦合俗者即二乘之真合在俗中。俗亦名有。故云有見。

若離爲三二乘真諦亦得名無。故云則無攝也。準上合俗既名有見離三屬無即是無見。文略見字耳。以不見中並名爲見。見故名邪。以五種中別圓入通者正斥於真。豈論接真。故五種中唯圓非見。餘猶名見。故大經下證二屬邪。何者下釋同外道屬邪。二釋入八難二。初就界內明大小兩殊。判溪云。住於八難去明淨名詞。意本以理難。而詞善吉言中立事抑。同悲田故釋斥辭皆兼事理。聲聞等者明聲聞人難之分齊既破思惑明難定無。今以難詞明具理難。是則身任界外八難。何能入於大乘見道。若菩薩則不定者即界內聖爲界外障境。達界外難方名無難。故於此境有障不障。言不障者菩薩通四前二成障。未能善巧觀於內障成外無障。後兩善觀方乃非障。又前二事理一切俱障。別教教道猶不免障。圓人前後一切非障。正約此文以斥善吉。又復前二能知內障。不能知外故二乘人義當前二。是故被詞。忙然不識故使小學住內外難不得免難。彈斥之意意在於此。此即行於非道者內外八難俱名非道。二善吉下望界外分事理二異二。初明善吉具二。顯圓人俱無。言具二者文誤應云具一。謂善吉雖無事難而具理難也。唯圓菩薩等者判溪云。問若以事難而爲理境者菩薩住於惡道等處及以根壞。云何令無始名無難。答此有二義。一者入位。二約觀行。若入位人何妨有之。但斥小乘無此事耳。若觀行者亦容不障。何者初心菩薩乘急戒緩在三惡道天及北洲。乘種

不失。乘戒俱急縱在佛前宿願所牽。或在佛後稟教無癢。根缺世智何損觀門。況體難之言言兼事理。事難如前。理難祇是一念小心。小心即中。何難可得。況復大願無處不至。何得隔於難處難時難根難智。住之體之化之用之。是故大乘理須體事。故知因果並異小乘。二事八下約事理各明。結彼訶所以二。初約事理各明。事難指前。今明下明理難。荆溪云。釋出內外而分事理。是即善吉不識界外理難。而能障於中道。有師去破古者今但破小。既大小三乘共有三空。是故不得三空為釋。又三空位在見道前。猶能發心。故亦不用。今明見等三道是已死。故於義便故故引正位。即見道也。見道尚爾。何況修道。又從實說入三道者猶可得發。入無餘者準小乘教無有發理。餘國之言亦從實教。菩薩下明二乘心尚是惡道中之極重。豈不名為三惡道耶。如大論等者二乘之人為菩薩怨。怨家豈過惡道之因證惡道也。退云。大論三十云。譬如空靜有樹名奢摩黎。枝楓廣大衆鳥集宿。一鵲後至住一枝上。枝楓即時為之而折。澤神問言。雕鷲皆能住持。何至小鳥便不自勝。樹神答云。此鳥從我怨家樹來。食彼尼俱類樹子來。棲我上或當放糞。子墮地者惡樹復生為害必大。是故懷愛。寧捨一枝所全大者。菩薩亦爾。於諸魔外諸使惡業無如是畏。二乘於菩薩邊亦如彼鳥。壞敗大乘心永滅佛乘心。論中以大斤小。故對二乘心正當界外惡道難也。四諦中滅等者荆溪云。此取法

華嚴喻品意。彼品東西馳走視父而已。彼疏釋云。東西者苦集也。南北者滅道也。也。故以此對滅用證滅諦。若入無餘八六四二如定壽也。縱現有餘定入無餘。故亦得名定。故俱舍云。北洲定千年。西東半半滅。西東亦定。今取極長自謂永滅。長豈過斯。佛前佛後等者俗後真前俱不見性。何者真諦之後應須見中而便照俗。義同在後又約諦論亦可名為俗前真後。外道不見真理等者見慧即是一切智外道。故神通章陀多皆先修一切智也。故小乘謂真於大猶俗。俗故名世。真俗二諦俱不見中。但成世智所以屬難。瘡癰者瘡亦癰也。不能言也。有作暗。字林暗暗也。暗子夜反。瘡有作暗。字林乙白反。笑聲也。易云笑言啞啞是也。非今字體。二善吉下結彼訶所以。二。訶有思離清淨法。心與此合者無漏智與無明合也。全智是惑義言合耳。所不能斷者荆溪云。折挫之言據未發心前耳。故聞等者大論第十九云。如聲聞聞緊陀羅王屯論摩彈琴歌聲。以諸法實相讚佛。是時須彌山及諸樹木皆動。大迦葉等諸大弟子皆於座上不能自安。天鬘菩薩問大迦葉。汝最著年行頭陀第一。今何故不能制心自安。大迦葉答曰。我於人天諸欲心不傾動。是菩薩無量功德報聲又復以智慧變化作聲所不能忍。若八方風起不能令須彌山動。劫盡時毘藍風至吹須彌令如腐草。離於自性者自性清淨心即中道理也。凡夫具惑等者凡夫具足三惑心有反復。儒遇淨緣即了自性。故胎

經云。唯在心垢滅。取證如反掌。二乘下法華已前自執已證以為臻極。故折云永離。若至法華其實不離。二約應供訶三。初折同世禪二。初約凡夫往業釋二。初正釋荆溪云。四無量無諍等定者有漏慈悲不與世諍亦名無諍。何足為奇。二約簡二。初約外道現得釋。二折非良田。有見思砂鹵者此寄世田釋出世福田。所言非者但有砂鹵非良田耳。故二乘人猶有塵沙無明砂鹵。鹵鹵土也。三折同三惡二。初約入位就界外釋。荆溪云。以小乘人無願牽故無化物心。故施得福先在入天。此明施者自無願故菩薩不然。已如前釋。二約初心就界內釋。凡夫執小定墮三惡。非界外也。荆溪云。據薄聞小乘者自無小益唯能謗大。次引勝意以證墮惡。大論第七過去師子音王佛滅後有二比丘。一名喜根。一名勝意。喜根弟子聰明樂聞深義。其師但說諸法實相。語弟子言。姪欲癡相即是實相。無所罣礙。以是方便無瞋。無悔得無生忍。勝意持戒頭陀四禪。弟子根鈍多求分別。勝意語諸比丘。當知。喜根誑惑諸人入邪見中。其言姪欲是無礙法。是時喜根作是念言。是人大瞋惡業所覆當墮大罪。我今當為說甚深法作後世因。即集衆僧一時說偈云。姪欲即是道。悲癡亦復然。等三萬天子得無生忍。八千聲聞皆得解脫。勝意即時身陷地獄。受千萬億歲苦。喜根即今東方寶嚴土光嚴日月佛也。勝意即是釋迦。廣如論中。輔行及諸文亦備引。三約不生訶六。初折同衆魔二。初總示二為與

●斤二斤？ ●〔也〕一？ ●二十〔初〕？

下別釋。自行等者荆溪云。同樂生死如同一手。界內天魔本意但令衆生樂有。有卽生內內外何別。生因同故如一手作。又解下堅也者勞役堅勞古字假借不分二別。故文選牢固字多作勞字。故使今文大作堅義。俱染至難轉者執固卽堅義也。魔與善吉執固既同。可爲伴侶。二折同應勞。汝亦具有故言等也者荆溪云。八萬等言通於大小。故俱舍云。牟尼說法總數有八十千。乃至如報恩經。列多八萬。此等皆是界內八萬。如對四分一分各有二萬一千。四分祇是界內惑耳。如大乘中三昧波羅密等之所治者皆界外惑。故知。善吉具有界外名同類同。故大士詞之云無異也。三折同世怨。闍人者男去勢也。月令仲冬命闍尹審門閭慎房室。荆溪云。應云闍賊。又取他闍自滅滅他不可治也。又害等者害卽怨也。前釋害相此釋所害。又前唯正因。故云種子。此據三因故云身命及眷屬也。四折謗佛法。荆溪云。謗有二種者雖對二種祇生死一。言亦兼二謗。若有生死必無常住。爲成損相須對常住。五折非眞僧。荆溪云。不入衆數者亦可云事理二和方名爲衆。衆必和合。卽是事與法界衆生和。理與眞如法界和。善吉並無。故不入數。六折非眞滅。荆溪云。不入數故終不能得大般涅槃。大般涅槃卽大滅度。縱有入數尚未得滅。況不入數焉能得滅此縱斥耳。終無入數而不滅度。三世人下斥疑引證。多疑此解者疑今作詞殺賊等三義解文謂。無所據。而不知今師深憑法華見

茲斥意。以法華善吉領解既云我今眞阿羅漢豈非追省往昔小果。既不眞實致被彈訶。故須以羅漢三義以釋今詞。故去至法華方顯。故四下引證。四大聲聞善吉居其一也。三置鉢而去。二初總示。初自伏非敬田也。又我下不伏爲悲田也。進退思惟者結上二文。進思非敬退思非悲。悲敬俱非。從何取食。不如棄鉢出舍而去。二時我下別釋。荆溪云。茫然者總相不知。不知佛法權實開遮。若使知者卽應答云世尊知我實機未發。是故遮實而先施權。大士何得輒以實斥。至後機成方可遮權而用於實。如來尙自觀機逗物。大士何以損我機宜。密意雖然善吉可中能作此答。乃涅槃會上聲聞豈更招於大士之折。大士正爲方等不知作入醍醐遠方便耳。以不知故。點然無答。四淨名安慰二。初叙意分科。二隨文釋義三。初慰問。荆溪云。卽是法身等者卽是法身如來所作化事。作此釋者但是從理亦應更須從事以釋。假使如來化爲一人。還自以此而詰難之所化之人。豈有懼色。詰者責也問也。二善吉答。三重慰解釋二。初分科。二隨釋三。初正安慰。荆溪云。一切法者陰界入等一切法也。此法尙爾。何獨悲敬。二解釋。三重辨。五聞者悟道。前用通教解釋等者以此云得法眼淨是得通教益故前須約通釋。或是聞安慰幻化之說卽悟得法眼淨也。問得法眼淨何必在通。答一代教文俱以得初果益者爲法眼淨。通教共地故有小益。既是聞訶益非藏教。四結成不堪。五命富樓那二。初

分科叙意。二富那下隨文釋義二。初命問疾二。初翻名。二但法下釋疑。法華中旃延是中根滿願是下根。而今命滿願在迦旃延之前。故須簡示。或是隨近者當時左佛左右。故先命之無論次第。何者下釋機便宜也。莊嚴文辭等者旃延但能問難文辭不如故不先命。仲尼曰。言以足志文以足言。不言誰知其志。言之無文行之不遠。晉爲伯卿入陳非文辭不爲功。大品等者荆溪云。雖於法華而得下根已堪受命轉般若教。故於今教非後非前。故知。大權引機何定。具有料簡者覈其大旨。則身子智慧善吉解空滿願說法俱順般若。故偏受命。所謂加於可加也。廣如論文。二辭不堪二。初分科。二隨釋四。初辭不堪。二述不堪之由。是三乘初心者荆溪云。此諸比丘在彼三藏三乘衆中。始欲學小。現雖暫居三藏之衆宿根非小。而滿慈子見在小衆便爲說小不逗宿種無四悉功。又或可在於通三乘衆中。滿願見與二乘同止便卽爲說折法。小宗尙失小機寧生別善。故爲大士之所彈。訶言機在於大者卽宿習也。尋經可知者尋下詞辭知今說小。三正述不堪之事二。初分科。二隨釋七。初詞說法失機三。初分科示義二。初分科。二示義二。初示義二。初二正示。念何事者荆溪云。何言表諸。卽七方便亦是借於法華之意。何得偏以小法教之。二但四下述意。討本者第一義爲本。三悉如枝。依枝尋本理居其先。依本尋枝理居其後。荆溪云。亦應更問所以。世界在於爲人對治之後。何以不同

五章中意。利在第一鈍居第四耶。答爲人對治逗善惡因。世界即是善惡之果。觀果知因。驗因識果。並是隨便何所疑耶。若是利人乃至亦可全不用三。準此鈍中復應有此因果前後。二滿願下結顯。二時維下隨文正釋四。初訶不觀本心。二初釋法。二初正釋。若不入定等者。荆溪云。此豈不誠後來說者。縱不先有知根三昧亦須觀人然後說法。等是不知依安樂行以大乘答。即是其人妄說小乘第一義也者。既有大機。應爲說大乘第一義法。反爲說小差機致訶。荆溪云。若準下文得不退轉。應以第一義悉而居於初。若爾於諸比丘乃成不用下之三悉。何得以四而訶滿願。答逗諸比丘現世根緣祇應用一通。往具四。故別列三。況復因茲通明被物理。須具足列四。不疑以諸比丘曾修此四。具如疏文所列者是開淨名說。即是世界破見思惡生俗諦善。此並在於相似位中。若將不退而爲相似爲第一義。節級向前而爲三悉。即行不退之四悉也。通別不退義準可知。二料簡五。初簡定能知機。障通無知者。荆溪云。亦應云見見屬知故以通是知故故以不知而爲通障。菩薩亦爾者。亦如當教小乘有不得禪及得禪者。然當通教豈全不知。意明未是任運真化未知內外一十六門六十四悉也。是故唯取別圓菩薩。然於別圓不判位者。必須判屬下根位。故以下根者其位定故。具如次文問答料簡。任運即是真出假位。即初地初住圓照者。是此智無爲照機故也。二簡心根差別。三

簡訶心所以。荆溪云。問若爾淨名何得等者而下文云。當知比丘心之所念。答意者凡欲利物先藉知心。一切衆機不出心故。昔有此志。今方成機。四簡別圓優劣。五簡勸入之意。或爲破或爲勸者。荆溪云。即破小勸圓自無所入。爲他故入故云方便。雖分圓別乃是兼三。復次下以證理爲入定也。應先自證理。然可爲他說法。二釋喻。大心即是法性者。荆溪云。明彼比丘昔之曾發正當法性之菩提也。寶器等者。以寶爲器。寶即是器。故云寶器。大心貴極。故如寶大心受法。故如器解離分字同顯大心。二訶不觀心念。此如身子教二弟子者。以彼小乘觀門若機。以例今文爲大說小。涅槃云。我昔住於波羅奈國。時舍利弗教二弟子。一觀白骨。一令數息。經歷多年皆不得定。即生邪見。言無涅槃無漏之法。若其有者我應得之。我於爾時見是比丘生此邪心。訶舍利弗。汝不善教云何。爲二弟子顛倒說法。汝二弟子其性各異。一主浣衣。一是金師。金師之子應教數息。浣衣之子應教觀骨。汝以錯教令生惡邪。我於爾時爲是二人如應說法。皆得阿羅漢。大乘真實等者。琉璃堅固以喻大實。水精不堅以喻小虛。琉璃具云。吹琉璃。此云不遠。謂西域有山去波羅奈不遠。此寶出彼故以名之。其性至堅。人力煙焰不能毀壞。古字但作流離。後人加玉。左大仲吳都賦曰。致遠流離與珂瑛。音還注云。流離珂瑛皆寶名。三訶不觀根源。有障應說大乘對治者。荆溪云。此障應合用大治之。故非小治

之所對也。未有念著小乘法者。勿傷令成小乘瘡也。大論云。開法之人。須有宿世種子。信心爲瘡。如臥毒屑。身若無瘡。毒不得入。論元喻大。今借譬小。本無小瘡。縱以小教法毒不入。何以用小。爲身作瘡。亦是以小損大法身。彼本發大法身。全具故也。四不觀樂欲。二初總示。二別釋。二初對前簡示。二初正示所屬。十力中三力也者。一是處非處力。二業智力。三定力。四根力。五欲力。六性力。七至處道力。八宿命力。九天眼力。十漏盡力。三力者。即四五六也。二此中下闕性所以。二初正明闕性三。初正示。此中但明根欲。等者。前云衆生根源。此云欲行大道也。以善下釋闕性所以也。荆溪云。明根若成。即不可改。今諸比丘心猶可發。是故先以三義斥之。雖餘文中三世更互得用其名。今此定須釋。諸比丘改小入大。即是對境生欲意也。二故大下引證。荆溪云。問其心既深。何不名根。答得名處別。故不云耳。根名能生性。謂不改。故亦名深心。未有可生非根也。三若過下釋成。荆溪云。善根牢固。下更以性欲更互得名。助釋斯意。習欲成性。性在未來。由性成欲。性在過去。是則欲必現在。根定過去。欲又對緣。必須現在。二欲性下結示兼訶。荆溪云。欲性相關者。由與欲對辨。故性通過去。二正釋。三譬。二初正釋譬意。三種欲樂之心者。欲顯理欲發智欲修行也。欲顯法身等者。荆溪云。智爲能行道爲所踐。故知所踐即實相也。故知大道亦小所行小乘於中取真諦耳。故以能行用顯所行之

大道也。欲修等者行大由心。大心導行萬善歸之。即緣因也。故下結成此爲解脫。若言下以防伏難。恐伏難云見真不殊。即舉譬遮云無以等也。故以五義而爲別之。言五義者一蟲寶異真中異故。二停不停極未極故。三多少殊有界內外。四自及他分作無作。五益無益化之遠近。實光者以日宮是二寶所成故。螢火者易通卦驗曰。立秋腐草化爲螢。廣雅曰。景天螢火燐。二此諸下結成三德。準此結成則知。大道是正因。日光即了因。萬行即緣因。即大海喻也。經文先行後智者三既互融。何必次第。三復次下約過結歸。此四心者大四悉也。中間廢忘等者其元結緣時必非滿願小乘之所知也。二結過二。初分科。二隨釋二。初正結過彈訶。荆溪云。雖報障所障者報障即是退大已後在三惡道。既云流轉多非善處。若居人天不名報障。是故應云同法華中三千塵點過是已後今始得悟。故宿世人未入正位。既於方等得遇淨名赴往機緣。開導當解入正位者必至法華。今引法華良有以也。問往昔等者前云久發。復云中忘。故須更問失與不失。若其失者爲說何益。又失不失有緣有了了如今文。若緣因者事關生公善不受報。彼義尙以一毫不亡。何況了因苦提之心。理合於此廣明失與不失之本意也。受不受之大旨也。寄海寄火之善喻也。二譬顯結過。經有法譬合。初文法也。猶如盲人喻也。不能去合也。不能斷塵沙至名爲微者荆溪云。上上明塵沙約法藥也。知根即是破向

塵沙。圓照照上無明塵沙。無明塵沙即是所破。知根圓照即是能破。須約圓別分此二。故如盲也者先約法明無。故無兩眼。次約人明無。無菩薩根等者塵名雖通凡夫此圓菩薩根塵三諦。又如生盲下至根之利鈍者當知二乘全無大乘五眼所見故說如盲。此則五眼俱奪意也。問前三眼兩教二乘亦能得之。法眼三教菩薩亦能得之。如何五眼併奪云無。答隨教依理其相天殊。若云諸佛菩薩之所見者即是帶理之四眼也。地住分得佛方究竟。故肉眼一時遍見十方。天眼不以二相而見。慧眼乃云第一淨。故法眼佛眼由來永殊。是故文中不更別辨。具如前文已悉辨竟。若爾五俱屬佛。豈成五別。答不然。諸佛如來法身菩薩約體分用。五相不同。且如肉眼見於色處。色於色處。見於中道。從色處邊名爲肉眼。約見中處即名佛眼。故見色處名之爲用。佛眼正當中道體也。餘之三眼比說如向。若如初釋與而言之二乘但盲法佛二眼。今從奪說故五俱盲。況以佛地五眼望之菩薩尙奪況二乘耶。法華妙目仍從與論。三淨名入定如諸比丘荆溪云。借宿命智。借者以此助彼故名也。而今淨名住無垢位。豈須入定然後知耶。今示入相令比丘知。則令比丘銜恩致敬。五百佛所者既已中忘。若依法華五百之初或依今佛。若準大經四恒之後五百佛所誠爲不多。雖無塵點之言及標一佛之號。今既獲益。從於淨名當知。淨名或是本時眷屬師資將非淨名亦於五百助其令發。凡一

句益悉不徒然。故衆聖化儀或獨或共或兼或正良爲宿不同故也。四諸比丘心志開發。二初分科。二隨釋二。初得本心。昔於觀行位退今還得之。二明致敬。碎身莫報者荆溪云。日捨三恒未磨一句。豈更討於小教之制。欲行大行。豈存形儀。檢大小二律開遮異轍。忘犯之教不在聲聞。豈聞大法端拱懷遠。捨衣大提猶能泯相禮俗。小吉何足可除。今謂求其本也。外凡禮於等覺何足致疑。論迹也忘犯暫施固非長禮。以獲深益不覺屈身。邇世庸人或濫請邪解。或有求財利屈其法服禮彼白衣。謂彼道亞淨名。謂我希風新學汚辱緇伍違犯律儀。眞法滅之相也。自謂思齊聖蹤。謬以千里慈恩云。新學無知禮維摩足。豈慈恩不曉忘犯荷法之意耶。蓋垂儆於末世薄夫耳。五淨名說法。說法之辭經文不載。故知梵本廣博非虛。六諸比丘得不退轉。回教等者荆溪云。從似至眞即三不退。似中有二不退。即位行也。銅輪即念不退。往昔至位耳者以五品具惑其位猶退故使流轉全忘觀行。今遇淨名豁然。還復言不定位者以觀行位遇善惡緣進退不定故云不定位也。或是至未可定判者荆溪云。若準斯文既具三教。不可定判。故前四心通三何咎。雖三不定望圓五品。須皆外凡。雖在經文無的位相。故使不可專在一文。七富婁那敬母。四結成不堪六命迦旃延二。初分科叙意。二摩訶下隨文釋義二。初命問疾。須陀耶沙彌等者十誦云。七歲沙彌與佛論議。佛問五陰爲一異等。智

險二十。佛許受戒。俱舍云。佛問汝家有何處。答云。三界無家。稱可聖心。佛令羯磨。與受具足。十仙論議。如大經第三十五三十六。荆溪云。沙彌最初涅槃居後。以此準知中間可見。信知彼亦經於五時。此是見機得道之論議也。即於彼天般涅槃者。明佛滅後及以天中論議。亦為解脫之業。佛在世日。旃延造毘勒論中三藏有門。以尊者從此門入道故。此論正傳南天竺。國不來此土。二辭不堪。二初分科。二隨釋四。初奉辭不堪。二述不堪之由。二初叙意分科。二憶念下隨文正釋。二初佛略說法要。一初總舉經。二一佛下別解釋。一初略說二。初正解二。初列句釋相。二初列句。二如總下釋相。荆溪云。總相說苦諦。即名略不多解釋。即義略。但云有身皆苦。無可愛樂。即義略也。名廣義廣。準說可知。若爾至第二義。方稱經文。經自列五。不多解釋。準列五名。亦可名為名廣義略。故使旃延廣敷演之。今所詞用不詞義廣。但詞用小不應機宜。然經俱云說於法要。即名略也。略名之下言於大小。旃延不達以小演之。二佛為下結指經意。二同下釋疑。荆溪云。問者旃延何得以五行名解佛五義。佛五義意何必爾耶。答意者義行及禪所依別耳。二釋法要三。初入道最勝故要。苦下四行等者。荆溪云。祇是四念處耳。同緣於苦。故名為總。大小入道莫若於斯。故云要也。若爾何故不立不淨念處而却云空。答不淨故空。若爾何以不云別相念處。既有總言。今從親入禪法邊說。故且云總。隨用一行

者於下忍位遍觀十六行相。於中忍位乃經二十四周。滅行七周滅緣。故至上忍留一行一緣得入見道。約人有二種異。一者利是見行復有二種。若著我者留無我行。若著我所留空行。二者鈍是愛行復有二種。慢多留無常行。憊怠多留苦行。故云隨用一行也。具如釋義。二即三法印故要。荆溪云。對三法者。夫開合者。適物所宜。一切經論文無不爾。今此開合亦但於類例同者合之為三。若開為五為五法印。有何不可。如地持中四優檀那。優檀那者。此翻為印。於彼四印又合不淨。或復合空。是故小乘三不可闕。生死之法與涅槃異。故別印之。生死須存初後二故。故生死印不可一也。無常初印。無我後印。先觀無常便生厭離。故用初印。既厭離已。存著能觀。故用後印。推求能觀至不可得。即契涅槃。所以涅槃唯用一印。若大乘法印。即唯一也。以生死涅槃體不異。故名實相印。三即三脫門故要。二旃延廣說二。初略釋。二又廣下廣釋。二初正釋。二初約法正示。二初正明廣義。荆溪云。一橫二豎者。三界應豎。今云橫者。從一世三

界之心。諸見應橫。今云豎者。歷於三世四句分別。又諸見由身次第相生。故亦云豎。又亦可云諸見為橫。欄漫起故。三界為豎淺深別故。理須細約諸見委論五義。見轉皆以五義逐之。使成後人入道之相異於數寶唐栗功。故凡諸入道皆多從豎。具如止觀破見通中諸論廣明。為令正法久住世耳。二若常此斥數人不得入道者。過在人師非論主咎。二但旃下約論能通二。初正明毘勒二。初明論旨從容。二初示論中義旨。毘勒此云篋藏。申兩亦門也。若說念處等者。荆溪云。此明功能門中皆悉迷悟雙明。義當有無兩門故也。三聖行者無貪等三。聖人所行名為聖行。二但佛下顯佛世無諍。入門雖異等者。四門雖異證果無別。各述其門者。即毘曇婆沙述有門。成實述空門。毘勒述兩亦門。如為闍耶說離有無經。即雙非門。人師失旨執之成諍。故宋求那跋摩得第二果。至臨滅度述遺囑。付弟子阿沙羅附還天竺。以誡諸師。文帝遂勅譯成華言。其略云。諸論各異端。修行理無二執者。有是非。達者無諍諍等。二旃延下結能通得旨。荆溪云。若不善通三藏等者。意明有無。但是述其所入之門。傍學能於四門通曉。故使傳於南天竺國。二毘曇下略指三門。荆溪云。四門皆五者。莫不皆具苦等四義。寂滅祇是四義所歸。二料簡。二初微辨論旨。荆溪云。青目至鈍根人者。青目全破。是故兩少猶為鈍人。恐此下今判論意。四門相望展轉互得為利鈍也。方用第四為最利人。二問佛下歸過旃延。荆溪云。出沒多端者。或沒大義兼用小名。即如今教或沒大名而用小義。即如迦旃延。此非佛意。或先大名後用小義。如通二乘。亦非佛意。或先小名後用大義。如今淨名所用者。此是得佛意。或先小名兼用小義。如通菩薩別教亦然。亦非佛意。或先後俱小。如三藏教。固非佛意。或先後俱大。即通教中鈍菩薩半有佛意。於一音中並有上來衆多意趣。

其中雖有非佛意者莫非一代逗機之教。逗不得宜故云非耳。但旃延用不稱佛意。於機無益反致。議詞。三正迷不堪二。初分科。二隨釋三。初詞能說心非二。初正約能說心非。荆溪云。此中意明說由心生。心既生滅安說無生。說從心生證隨心得說隨心證。信不餘塗。故以心驗法知法必如心。終無生滅之心。能說大乘實相。實相名通須以理定。意詞所說尚非通教實相故耳。疏文解釋凡有五重。但旃延所說心非不過此五。並是能詞所詞相對比則總含四門。一切行理等異莫非生滅。文爲五。初約二諦釋。二又四下約五義釋。三又出下約觀用釋。四又旃下約本門釋。五又聲下約觀體釋。二。初約小明非。二何者下約衍簡示。荆溪云。通教八地已上等者意明徒有雙流之名而實無雙流之理。雖不生滅有教無人以其雙流無實果故。別教初地理雖是實地亦無人。雖用通詞通非教意。況復文意亦非專通。故到別教尚云無人。脩羅琴者不撫而韻。以喻即寂而說。二又非下兼約不知根緣。荆溪云。非但等者語其機教之功。用也。應知。詞意正用通真。二詞所說法非二。初略示大意。止通入真者止祇也。二諸法下廣釋經文。二。初正釋二。初總對小乘五法。二。初正釋五法。荆溪云。五義皆與藏對辨皆正斥三藏名同義異。以由境同觀別故也。諸法究竟等者小亦名空而非空義。小空無旨真義不成。乃至寂滅同異準說。三藏所明生法二空者或一或三。具如目連章中已辨。衍

明實相真空者義通真中。此正用真密兼中道。故此正與目連章意及爲國王長者所說。并下釋觀衆生品大旨略同。餘非全無不及三處。此中經意亦正明通義。故顯說通。故知此之四義稍隱不彰於寂滅中偏顯圓別。是故文中指大涅槃。二三藏下對辨結示。荆溪云。此是通塗者祇以此章義含三意故曰通塗。故前後文多皆含於中道之說。故此中云亦得即是等者教法通深故也。二若破下別約旃延本門詞。二料簡二。初問。荆溪云。祇緣前含是故問答欲令意顯。故問意云。爲顯四榮應以榮折。雖著義字若等仍存。故云枯也。但是四枯顯榮何在。二答二。初明即枯是榮。荆溪云。答意者破拙人巧巧拙自殊。意顯破拙即入中也。借結此拙而成枯意。巧自成榮故先入巧入已見中。雙遊之義枯即榮也。故引二鳥其義善成。故居士詞即名榮也。苦等一皆云義故故可結爲非枯非榮。義字不問真中故也。故立不生不滅我與無我不二等言。況此通門元通妙理。二鳥雙遊者鳥喻品云。一者迦隣提。二者鴛鴦遊止共俱不相捨離。古人多解。委如彼疏。今師以雄喻常。雌喻無常。生死有性善故無常即常。如二鳥在下。涅槃有性惡。故常即無常如二鳥飛高。是則在高在下。雌雄共俱雙遊並息。其義皆成。故今雖結枯名枯即榮也。以二鳥不相捨離故。無我法中有真我者此示大經迦葉數佛文也。亦應例云無常中有常苦中有樂空有不空。悉是二鳥雙遊。即枯是榮意也。二淨名

下明部意猶蜜。荆溪云。淨名結真等者正出答意。具如向述。真即是中雙遊之言必相即。故不生不滅雖結無常不專無常。以無常義仍通故。故宜斥於三藏二乘令於此座成生酥益。三諸比丘心得解脫。荆溪云。彼比丘益雖不因佛而因淨名得通教利。當知。緣在二聖故也。具如前說。得羅漢者前云真我。復云實相及以雙遊。今結得羅漢者驗前進明別理者明教功力非正詞相。心脫是俱慧。脫是慧。四結成不堪。七命阿那律二。初分科叙意。二初利下隨文釋義。二。初命問疾。楚夏者如涅槃玄及記。二辭不堪二。初分科。二隨釋。初泰辭不堪。二述不堪之由。二。初分科。二隨釋。二。初梵王來問統御大千者家語曰。夫德法者御民之具猶御馬之有銜勒也。又曰。御四馬者執六轡。御天下者正六官。今臣下稱天子爲御。蓋取此義。以天子居尊高之位臨御於下故也。今梵王統領三千猶御四馬故云統御。報得天眼者荆溪云。亦有生得鬼神等及發得等云云。二那律答二。初正釋。經云。掌中悉摩勒果者肇云。果形似檳榔。食之除風冷。時手執此果。故即以爲喻也。大辟支等者荆溪云。問支佛元知十方佛不。答亦知亦不知。若準所見百佛世界豈可無佛。理應合知。祇恐見處不知有佛。又容知者祇知一界唯一佛化。知亦何妨。故二十部中亦有許知十方佛者。此亦宜爲大教梯漸。二料簡二。初以梵王對小乘天眼簡。問若爾何異者向聞抑小同梵。今問若同云何分凡聖異。荆溪云。



問異難同也。答下五種四禪者謂根本及觀練薰修也。荆溪云。答出異意者一往所見遠近雖同然復報等因亦不一。文有三異。一報修異。二總別異。三通明異如文。二以梵王對閻人肉眼簡問意者六根淨人六見大千。何異梵王。答意法華肉眼尙超小聖。何況梵王天眼。開闢者荆溪云。肉眼雖見廣由於天。大品等者明大乘肉眼不假開闢。故欲奪天先辨肉異。大小既別因果自殊。若法華經力等者依開顯教。觀本具理入相似位。功由於教故云經力。當知依教修行行成證理既得似證。肉眼功倍名爲佛眼者尙即佛眼。豈況天慧。以其下釋大經義。初明二乘慧名肉眼。次釋閻人肉眼名佛眼。初中云有齊有劣者同除四住此處爲齊。若伏無明三藏則劣。所證既劣慧但名肉。圓教下次意也。以其等者具惑達性。故名佛眼。此即大經四依品明初依文也。五品六根無明俱在並照三德。故云知藏住前二即同是初依。三正述被彈之事。二初分科。二時維下正釋五。初窮難。二初雙窮十智者世智他心四諦智法比盡無生也。二雙難經云。假使作相等者荆溪云。羅漢證滅不應有見故云假使。與外道等者亦是抑辭。有爲功德具有三明。安同外見。而云與等故且挫其出觀時也。疏云。雖與等者荆溪云。與而又奪有殊即與也。有爲即奪也。證數緣盡者新云擇滅無爲也。擇力所得滅名爲擇滅。謂斷智推度令滅故名擇滅。古云數緣。即是擇也。異同者字宜作僞。士限反。尙書曰。方鳩

僞工孔安國云。鳩聚僞現也。入觀等者荆溪云。若約邪律失眼出觀但同世人。壞根者不見二邪律受屈。三梵王請問。二初分科。二隨釋。三初歎未曾有。二作禮致敬。三正請問。孰誰也。四淨名答。二初分科。二隨釋。二初答有異。天眼人。荆溪云。經有佛世尊等者有人以有字爲上句。未深不可也。何者所言誰者本問其人兼及有無。故須還以人爲答也。是故疏中但釋答人。無一邊僞者辨佛眼之功用也。見色等者應云即中見能細色。二辨其天眼相。二初正釋。荆溪云。常在深禪定窺者三法名異其義必同。亦可義異其體不別。不別而別理通因果。事用非因。首楞嚴在因涅槃指果。三種生死加自體耳。二料簡。二初顯圓教所攝。荆溪云。非偏非圓者亦可云是偏是圓即別教也。約地前後而分偏圓。二對佛眼辨相。名佛天眼者欲簡偏。故加佛字。例應四眼悉宜如佛區以別之。金剛般若者佛歷五眼以問。善吉悉答云有。具如前引五梵王及眷屬發心。二初分科。二隨釋。二初正明發心。二致敬而去。四結成不堪。八命優波離。二初分科叙意。二隨文正釋。二初命問疾。二初化他須念持。修多羅此云契經。阿毘曇此云無比法。即論藏也。正內眷屬者兼律齊衆即是化他。波離持律。豈但自正亦正他也。二自行須念持。荆溪云。六者且指一日之別行耳。多日相續皆由念故。二辭不堪。二初分科。二隨釋。四初正辭不堪。二述不堪之由。二初叙意分科。二隨文釋義。二初比丘犯戒疑問。經

云。誠以爲恥者生公云。犯律者必有懼罪之惑也。原其爲懷非唯畏苦困。已交恥所爲也。經云。願解疑悔者荆溪云。疑罪輕重。悔蓋覆心疑悔罪兼。何由可滅。復本上懺不出無生。今此波離不達機理專輒爲其依小解釋。得免斯咎者憐獨重愆。輕尤易除可思見佛。疏中初約義推。次汎引經說。若其重者小乘重罪凡有四種。入如毛頭名姪。舉離本處名盜。斷其命根名殺。言章了智名忘。律無悔文者小學悔已障果。仍成重罪未忘。據此以論重不可悔。故云無悔文也。或重罪方便者四分云。起心不動身口。但自剋責還復好心。是名不犯。二動身口未到言名次方便犯偷蘭。三者臨至境所身分相交未至犯處已來名近方便是重偷蘭。二上首爲說依律判斷者若犯根本應須學悔。若犯方便應懺偷蘭。若本無心則不結罪。或教下謂問其情實。若本有心應須懺滅。正罪方便並須集僧。若犯重者僧祇云。若犯罪已啼哭不欲離袈裟深樂佛法者令與學悔羯磨。然後奪三十五事等。若犯蘭者十誦云。初篇生重此是近方便。謂身口相加未得暢遂者應一切僧中悔。若初篇生輕二篇生重應界外四比丘中悔。若僧殘生輕應一比丘前悔。是則集僧有界內界外二種之別。羯磨分心念對首衆法三類之殊。今此明悔罪用衆法對首也。故荆溪云。集僧唯二羯磨通三。滅與不滅如常所辨。波離爲彼犯者如上律相而說。故云爲其如法解說也。三述被訶之事。二初分科。二隨釋



二、初正述禪詞七。初正禪詞。無重增罪者。荆溪云。第二篇去僧法可除未妨。其修何成。機心。當是疑重及重方便。依教作法。緣具難諧。若學悔所加懼。一世無用。義須心殄。乃令事除。彌助疑情。名重增罪。罪從至其想者。語略意玄。善須得旨。然知其罪而隨其治。縱有治者。皆擇其易焉。為其難。故須觀時。藥病相扣。不可一向併云無生。故天台大師明懺淨中。小教有者。令依事滅。非小所達。方投大宗。並應先斷相續之想心。不應觀理而令續行。況復須窮逆順十心。觀成法順方滅重現。然此中辭。但存大旨。使成淨名詞小之相。欲習行者。不可徒然。應當專於四種三昧。不思議境。九法資成。遠近方便。解行兼美。是故須依止觀大部。一切行者之妙津梁。羯磨者。此云辨事。謂施設法必有成濟之功焉。二、勸除滅。二、初標示。二直除下。正解二。初略釋。罪從心生等者。即諦觀罪性。故大論喜根弟子問勝意云。大德是姪欲法名何等相。答煩惱相。又問內耶外耶。答是煩惱不內不外。若在內者。不應待緣。若在外者。於我無事。弟子言。若如此者。煩惱非內非外。非在十方。求不可得。即不生滅。云何能作煩惱事耶。此亦是觀罪性之要術也。若觀至罪相者。即普賢觀云。我心自空。罪福無主也。二廣釋二。初列懺名。二釋懺義。二、初依門辨障。毘尼翻律或翻為滅。義如常辨。違無作罪。即違制之罪也。從作法而受。發得形俱無作。違則成罪。此依定門者。荆溪云。意明求相。專注為定。非禪定也。戒慧相

藉次第之說。具如法華三昧中辨。根本者生罪。妄心總而言之煩惱業也。故觀相者。即事一心。雖云戒等其實約慧。然除圓定無滅重方。圓定即慧。故如月也。違無作者。具如止觀辨業中明。二、正釋三。三、初作法大論等者。斬草殺畜俱犯單提。故云同篇。作法懺者。準律先請一清淨。知律比丘堪解罪者。共在空靜處。或對佛像前具儀。三請當為分別罪名。種種三種。又為說破持兩相。令生怖心。然後悔。根本法辭云。大德一心念。我某甲比丘犯斬草害畜命二波逸提罪。今向大德發露懺悔。此即作法懺也。二、無作滅者。違制罪除。免苦二千歲。性罪既在還墮泥型。後須償命。以外人計草木有命。見沙門斬伐。謂無慈心。如來息世譏嫌。於是制戒。既非有情犯無性罪。作法紛動者。荆溪云。舉難從易。令習無生。意明懺下三篇。尚自紛紛。況復懺上二篇。安可遂情。二、觀相如諸方等者。如方等陀羅尼虛空藏等也。見罪滅相者。聞唱罪滅及見印臂。荆溪云。釋觀相中依經作法。故非禪定。況云取相心動。驗知非定者也。此亦擾心者。既不欲令修前二懺。所以列者。為逗物機。及以並決知非無生。悉成紛紛。何者。一七三七多七九旬。一年多年。或云長作如斯等例。豈不紛紛耶。意復兼勸前二懺者。進慕觀理一體妙除。況消詞文。非前二義。是故觀相緣罪心境。對滅罪境。生重慚愧。不惜身命。改革元心。故知其理。觀全味。三、無生二。初正明無生。此觀成時者。荆溪云。指初隨喜前。始習觀道。前既悠

漫。故須迴指觀行也。末代行者。自揣其心。幸非利根。何辭觀相。觀相重滅。無生可成。勿辜其心。空云。理是。相應之語。不在於他。善格內懷。安同眾聖。端坐念實相者。坐即四儀之一事。念即三觀之總名。實相乃三諦之異號。蓋用一心三觀。觀一心三諦。遍融諸法。眾罪畢存。坐念既然。餘三亦爾。四儀六作。無非實相。諦觀尚一。罪福詎分。達罪空中。如日消露。無勞下結功顯過也。二、對事料簡。二、初牒事問。二、約人答。二、初約鈍人須事。二、約利人唯理。三、初正明理懺。荆溪云。此無生門懺。於三道一念除滅。消苦道也。畢故忘新。祛業煩惱。必能滅。故已不造新。既不造新。豈應習故。一利那頃名。故名新。不懺墮非。尋即名故。設懺罪滅。畢故忘新。新罪既除。何新之有。便不落謝新故並忘。二、故大下引證破執。荆溪云。故大論下示悔初後。於此初後。謂罪定而有生。重憂罪定不滅。以此心起。不順無生。應滅憂心。已生無主。方名罪性。本自無生。罪尚無生。豈計憂悔。捨悔憂想。相續永忘了。自性心本無生滅。如是悔者。名真無生憂。亦悔之別名而已。故一切大教。皆為眾生示滅罪相。如禮二十五佛。聞文殊等名。更云有罪。即名謗佛。散心尚爾。況復無生。又若下重釋罪心。罪體幾忘。不獨由執。世人作罪。常謂罪無。可由此心。令罪自滅。若如是者。豈不增於諸見計耶。今云不執從悔心說。若設悔已。信佛云無。尚執有愆。公違佛教。故知。觀罪本為滅心。若反執心與滅相反。三、若下顯理功能。若能等者

荆溪云。復滅心宗顯懺功著見理者見無生理也。事性等者事謂違無作罪性即性罪根本即根本妄惑罪。此之三罪是前三懺所破。故荆溪云。事即事懺性即觀相根本即是無生懺也。罪心是心即罪根本。能達心者根本永忘。又見理者貪等無生。此則以理破於心執故此心執通能障於三種懺也。三種懺內無生爲首。無生執罪尙不滅。況於前二而生執耶。三爲解釋二。初正明三句三。初約心境解。荆溪云。彼罪性等四句推者本推於共。具如止觀等諸文所明。二約根境識解。荆溪云。若十八界等者內根外塵中間識也。此十八界從緣而生。尙自不實。何以更能保罪心耶。三約唯心解二。初正示。於三解中此釋最要。何則前明根境。不出色心。色從心造全色是心。故但觀心無所不攝。疾病得穴伐樹除根喻之可觀。荆溪云。觀心者前對外境。此唯觀心造罪由心不作罪。時尙須觀照。豈況作罪而不觀之。二故普下引證。荆溪云。引普賢觀者心謂罪心法即罪境。心境成業全是自心。是故更令觀於心也。作是等者作是懺悔明懺悔之體。嚴謂衆法助體。所行所嚴即是中道實相。無罪謂罪本無破壞是捨離想。心識謂執心家之分別。行此至心如流水等者意明不住能滅所滅心相見罪福有無念念無生。二前兩下結判示意。荆溪云。前兩至小疎者於無生中自有三釋。初解以心境相對。次又解下以根塵識三事對辨。而此二解並是無生非不滅罪。但不與經中佛語相應。佛語

唯令觀心故也。故云心垢故衆生垢等。四引佛語證。破波離疑執者疑罪執小。小乘之中但有作法。若準優波離作此執者尙違小教。何況大耶。以毘尼中犯既問心豈非罪從心起。但彼小乘覆相不說唯心名不了義。其斯謂矣。若依此判等者據律問心顯波離失。如毘尼母云。犯必託境關心成業。心有增微境有優劣故也。或心境俱重人作人想殺。或境重心輕人作非人想。或境輕心重非人入想。又成論云。深厚纏殺蟻重慈心殺人。故知。小律結罪由心。故今云。若垢心作輕之與重悉皆是罪也。大士下荆溪云。淨名引佛正教無生除滅以破小執。仍不違小。若心見有衆生等者衆生祇是執小宰主。故有執者即名不淨。以不淨故即有罪也。此則能知所知等者心爲能知。即無生心。衆生罪垢即是所也。二心俱無不在四句。一一推之皆不可得。何者無生之心既非四句。罪心無生安屬於四。是則無下以心況罪。由心有罪心無罪無。諸法尙然。何罪可得。不出於如下具如目連圓教三空。故下文用如幻等譬。五要問波離二。初分科。二隨釋三。初大士問。二波離答。三大士類顯。六入真分判斷除二。初懸叙分科二。初懸叙三假一。初列三名。二簡體折二。初正簡。荆溪云。假相者假文具三。皆用幻等。亦入圓真者既是體法能至圓中以通屬故云亦也。所以三釋之中前之二釋雖亦衍門不及第三唯觀心性。故前兩釋多寄通真。折假者三假之義既在成論。三藏豈無。但諸阿含名

多不顯。所以三假之盛在弘教者。故廣在於成論。文中言折假者非無其理。何者如云因無常故緣亦無常。前念後念悉皆生滅。長不住故短亦不住。既俱無常即破常倒。不假更用自他等名故四句推唯在衍教。便令成於生即無生。故用衍門以破藏拙。隨情者假非即理。故得情名。理即是空順空隨理。二此卽下結顯。二分科示意二。初因下隨文釋義二。初別譬三假三。初體因成假二。初總釋。荆溪云。三倒三陰等者心倒受陰想倒想陰見倒行陰心王識陰。四陰是心皆依於色。今順所引佛語易故置色存心。更有同異。具如止觀記引婆沙文。卽是無生等者無心者牒上無生。故此三假並約罪心及以罪境。以此文意遍通諸文。二唯優下別釋。荆溪云。我見等五者卽身邊等四皆因我生。五及三倒皆因成。故皆對境。故俱合云受。領納隨觸想取像爲體。行攝多心所。除不相應行及以無爲法皆有所緣。故一一文中並闕。推句至下二假方乃具之

維摩經略疏垂裕記卷第六

### 維摩經略疏垂裕記卷第七

錢唐沙門釋智圓述

二體相續假。荆溪云。以顯迅速者幼猶似住。三體相待假。待有二種者荆溪云。異時堅持也。同時橫待也。相待之文皆具此二待。前無

後有故豎待三無爲故橫。二總譬三假或是者前分此文屬相待假。今又作總釋。故云或也。七結成秦律。二一比丘心得清淨。二初分科。二隨釋三。初比丘稱歎荆溪云。不能用衍通別圓者以四句推通三教故。二波離慍伏。三比丘發心。四結成不堪。九命羅云。二初分科叙意。二羅睺下隨文釋義。二初命問疾。亦云羅云等者新云羅估羅。此云執日。有娠音申孕也。又脂刃反。二辭不堪。二初分科。二隨釋四。初正辭不堪。二述不堪之由。二初叙意分科。二隨文釋義。二初長者問。作輪王者輪王有四。金銀銅鐵輪。如次王四三二一天下。其將即位先沐浴齋戒於高樓上。而輪寶自應從東方來。臣兵象馬女兒凡七寶皆爾。具如大經聖行品說。肇云。佛不出家應爲金輪王王四天下。羅睺羅不出家應爲鐵輪王王一天下。以其所捨不輕所期必重。故開其利也。二羅云答。如賢愚至出家功德者彼經第七云。出家因緣其福甚多。若放男女奴婢若聽人民若自己身出家入道者功德無量。布施之報十世受福。六天人中往返十到猶故不如放人出家及自出家功德爲勝。何以故布施之報福有限極。出家之福無邊無量。經文格量甚廣。不能繁引。十智如前記。三正述彈詞。二初分科。二隨釋五。初正彈詞。此形服出家者下疏文自立四句。荆溪云。應以形心對於偏圓及以信法作多四句。今正當令圓心出。二爲解釋。二初正解釋三。初釋詞蜜行。荆溪云。若爲利生者於無利中而行於利。方乃得

於不思議空。空心出家以赴物機。今物推理。二約理詞。寄密行名以依理出家而爲詞也。密積功德之利。方名無利無功德也。二釋詞智斷。荆溪云。有爲法者又謂羅云。雖見偏真同於有爲。故大經云。空者等者意引不空。即無爲中具一切法。若於小乘真空中。但是於空不具諸法。故不合說。三釋詞出家心。荆溪云。即是平等真法界等者此中寄之以斥古師而成今解。真法界中尙無界外出家度人。豈有形服度人功德。又亦得名大小名同體異而詞。亦是況詞。前後並爾。即如羅云。小乘中密小乘之理尙不可得。況平等法界畢竟真空而云利耶。引彼真諦以證無爲。大乘無爲具諸功德。故不同小。若有若無皆不能具一切諸法。二料簡。荆溪云。問淨名等者經中祇云無爲無利。此即問前引大涅槃。虛空佛性平等法界此名自足。何以名之爲真密行。與無爲義亦不相應。答中意者羅云正說小乘無爲功德之利。又稱小中密行第一。淨名以大折其二事令俱不成。大乘無爲如如意珠。珠即諸物密豈過此。無爲之語其理未極。故云一往。故知大乘無爲非無勝利。以其羅云已得小乘無爲故以大乘無爲折之。既破小已方述大乘無爲法通。以明小乘有爲無爲並不能具一切諸法。若如是者方是密行中之上品。故十人中皆以其行而爲破立。以爲半滿深淺之致。三廣示出家功德。二初分科。二隨釋。二初自行若觀至得真無爲者荆溪云。真無爲即真密行。下去一一皆結以

爲真無爲中具諸功德。一一義當密斥羅云。離一切見清淨禪者界外之見等覺方離。小果豈無。處於涅槃等者荆溪云。故此無爲密行之理即具三德。此即性德三德明文。此是大師之深旨也。一家學者願思於百界因緣一念三道。觀中證果至修因者觀字平聲。二化他二。初分科懸示。波旬此云極惡。二隨文釋義。二初降衆魔。經云降伏衆魔度五道等者荆溪云。由降故度。乃至離惡皆由降魔。疏云。得菩薩道者文雖別說然須約圓。故得菩薩道。時已得法性。初住之道故具二時已得不動即是究竟。餘可準知。又此不動應知。不是二十五三昧之不動。此借三藏降魔時別立之名。破他化等者赤色三昧也。故知不得有前後也。故引大經證成圓位圓家降魔之分齊。又一一文義通始行可爲行者之初修也。度五道至三種意生身者於中雖不可立界外五道之名已引大經二十五三昧。經既名爲三昧中王能度二十五有。三諦之惑具足三智三身三脫。尙成十種破二十五有。即是十種度五道也。能度界內等者正出分段及以變易二處五道。況復下句云淨五眼。言淨五眼者雖五對五非謂體同。重明能度之體用耳。破諸惡業對肉眼者欲指人中是肉眼。故明四趣眼不及人天。故爲所破此亦一往。亦有龍鬼過人肉眼終是惡業。從道以判破。諸亂心等者亂既云諸即指欲界。以天眼法在色界故破欲方有四禪天眼。應知。從教判爲別圓。約五力者力既由眼。眼由度道故

釋根力亦依別國進退明之或具四教。問約於道品何以不列三四七八。何故五根復居力後答此乃別開果地諸法七科一獨頭爲門何以用因法相生難耶。問眼不分教力何以分。於分仍有判權實耶。答此亦成於眼家體用。若淨五眼根力必全。一往文中似相生相莫不皆以降魔所成。故用降魔以爲本也。下去文相並本並生。何但獨頭迭生迭本。二拙外道四結真出家。荆溪云。是則一心具足萬行者撮前自他悉一心。故故前四科必同體也。五勸諸長者子出家。二初分科。二隨釋四初勸出家。荆溪云。今得值得聞等者諸長者子初聞大乘出家功德。信於佛法都未曾活。故知曾聞祇聞向說。若不聞者如三億人。二辭有礙。三重勸。荆溪云。四句者應具如前辨多四句以判於心。若不爾者何殊於小。故云各有大乘等也。言各有等者既云善根。即是宿種。非於淨名始勸發心故也。菩薩戒品隨心即發者非謂發心即具戒體。且以大小相形言之。然於大乘亦假緣具。在家緣具父母成。以不妨於色養故也。但小乘教以色及非色心而爲戒體。菩薩雖亦身口爲助增上在心名隨心戒。雖大小別上品成心。但大律儀四弘爲本。立心緣境三聚更互相資。故淨名云。即是出家。即是具足四發心。四結成不堪。十命阿難。二初分科叙意。二即是下隨文釋義。二初命問疾。荆溪云。三因緣得名者亦可此三義立四悉。本願世界也。父母對治也。從見生善及第一義。二辭不堪。二初分科。二一

牽下隨釋四。初正辭不堪。二述不堪之由。明生身真佛者即指王宮所生之身以爲真佛也。飢渴寒熱等即九惱也。暹云。一金鎗。二馬麥。三寒風。四熱病。五出血。六旃遮女誘。七乞食不得空鉢而還。八爲婆羅門害。九背痛。是則下荆溪云。明方等意。若從本說正當符於半滿之文。若實行者應但依今具出二塗。即是教意。三正述被彈。二初分科。二隨釋三。初覈問乞意。二初淨名問分衛未至者未是食時也。分衛如前記。二阿難答。二正彈詞。二初分科。二隨釋四。初重止阿難。二誘。荆溪云而說有者疾是苦果。果必由因。身小有疾者祇此一言成招。二誘。二顯金剛之身。二初牒文正釋。所以喻金剛者者荆溪云。三德具故故以金剛三義以譬三德。既即一而三。故約法身以示二德。諸惡下五住皆除即不思議解脫也。然解脫般若各應具三。謂三脫三智也。例法身可知。故文從略。問今云五住皆除。云何對三脫耶。答圓融三脫皆破五住。若約別對不無其旨。真性脫無明實慧脫見思方便脫塵沙。以總收別以別簡總。宜令得意無失圓旨。摩訶至萬善者祇是三智導福。從因至果故云冥於中道究竟圓極也。是則至宛然者三句經文符合三德。宛然可見也。即金剛之體是法身。諸惡已斷是解脫。衆善普會是般若。各三成九。九祇是三。三一互融展轉無礙。如斯妙體豈有疾乎。則無苦果者既無。五住苦因。則無二死苦果。前云五住皆除。此云則無苦果。互現其義耳。但消惡宜

約五住。消疾宜約苦果。此破三藏等者報身即王宮之身。智斷即樹下三十四心斷見思也。是則法身先有智斷後得縱而且橫。未免疾惱。荆溪云。具如止觀縱橫三德大小各三。此荆溪指體相章也。衍教法身智斷者荆溪云。越於通教直述別四。二但舊下斥古顯今。四時五時者法花玄義明古人判教。咸以華嚴爲頓。於漸則有三時四時五時等。暹云。虎丘安師分三時。十二年前見有。得道名有相教。十二年後齊至法華明見空得道名無相教。最後雙林明一切衆生佛性闡提作佛名常住教。宗愛師爲四時。三如前。更於無相後常住前指法華會三歸一名同歸教。定林柔次二師明五時。四不異前。於無相後同歸前指淨名思益諸方等經爲褒貶抑揚教。猶是八十年佛者古人將般若在方等前。猶同三藏佛是八十無常也。七百阿僧祇者暹云。首楞嚴三昧經下卷堅首白佛言。世尊佛壽幾何何時入滅。佛告堅首。東方去此五萬二千佛土國名莊嚴。佛號照明莊嚴自在王。十號具足今現說法。如彼佛所有壽量。我壽亦爾。又問彼佛壽命幾何。佛言。汝自往問彼當自答。堅首承佛神力乃至答言。如釋迦壽我亦如是。汝欲知者我壽七百阿僧祇劫釋迦亦爾。古人意謂。今明金剛之體即同七百勝應之身。非法身常住也。而不受今所釋者荆溪云。四時五時家所計並不以前四時三時有常住理。是故不受今釋。今釋顯榮。榮即大故故違他解。三結二誘。二初分科。二隨釋二。

初結成損謗。結云大威德諸天者荆溪云。通論諸天皆有威德悉皆無病。他方淨土等者且指安養。下至十念臨終一念皆得往生。故云小善。二結成增謗。寧共師之者寧豈也。既是惡人豈堪師稟。四牒釋對破二。初標。二當知下隨釋二。初正釋四。初釋法身斷德。二釋法身智德。三重釋斷德。二種三漏者欲界煩惱除無明名欲漏。上二界煩惱除無明名有漏。三界癡名無明漏。界外三漏華說可知。漏有二義。一漏失道理。二漏落生死。四重釋智德。二總結。三阿難恥愧二。初分科。二隨釋二。初正恥愧。二空聲愍喻。如普賢觀之所明者即彼經云。釋迦牟尼名毘盧遮那遍一切處。所以引者大師意顯空聲是釋迦法身非餘佛也。荆溪云。問此是何佛之法身耶。答十方諸如來同共一法身。何得言誰法身耶。然不別而別。應物由聲。緣別聲殊。即是釋迦法身之身。問法身無聲何得有聲。答法無應有。問既云法身今那云應。答無色曰法。聲即是應。應即法身。何求異耶。故云吾今此身即法身也。法華空聲準應可見。五濁者羅什云。大劫中有小劫。多諸惡事。總名劫濁。善人既盡純惡衆生衆生濁也。除邪見已諸煩惱。如三毒等。增上重者不以道理。能障聖道必入惡趣。如是結使煩惱濁也。除四見已唯取邪見。謗無因果罪福及聖道涅槃是名見濁。凡滅劫滅至百二十歲已下至于三歲悉名命濁。釋迦出世當壽一百二十歲時。此依羅什釋也。法華疏具明爲化婆羅門者荆溪云。此明

現疾意也。乳光經中七聖共化憍婆羅門。一牛母。二牛子。三殺者。四阿難。五淨名。六如來。七空聲也。此婆羅門生來不施。鐵網其舍飛鳥不過。阿難造門淨名詞者爲顯如來常住法身。阿難欲去。因空聲勸此婆羅門施心似開仍擇群中不受殺者令自殺取。阿難言。我大比丘。不應觸乳。佛便化作小婆羅門輒於傍立。婆羅門見乃令殺之。幾觸牛身受無量樂。於是牛母而說偈言。若殺右邊兩應留左邊兩。若殺左邊兩應留右邊兩。盡殺奉世尊犢子應須養。犢子聞已復說偈言。我本不布施今來畜生道盡殺奉世尊。我自噴水草。於是婆羅門驚異歎訝。畜生尙爾。何爲怪耶。因茲發心傾財大施。乃隨阿難至如來所。佛爲說法授記。作佛號曰乳光。此空聲勸具足權實。故一安慰利及二人。不勞恥愧者有大機者大自悉之。若小機聞疾亦何妨。元知宮室父母生身。因既非常果亦何爽。而實行者此會未知。據共化憍何恥之有。四結成不堪。二次命五百。荆溪云。各說身因者如前十數但述半教之身因耳。藉今彈詞即成常住之真因也。

### 菩薩品

三菩薩品折伏自體緣集二。

初叙意分章。二依章解釋三。初正明此品來意二。初總明來意。不思議依正者寂光依也。法身正也。離身無土離土無身名不思議。衆生本具迷故不知。初住分證。妙覺究竟令得此二故云欲令衆生等也。而有自體之患者無明未盡猶爲所訶。或對高訓下以回訶偏。或策其圓行令進上位。義如下說。此明下且約以圓訶偏結示文旨。訶偏正報顯圓依果。二別明來意三。初開章辨異。而義有殊者義與前殊。隨章自見。若覈其大旨則前五共成折小。此五共成彈偏。二依章正釋五。初爲顯淨名不思議勝智。靡不歸伏者靡無也。但餘四義者即下四章。二爲轉方便教門二。初標示二。初轉下正解二。初轉教二。初二述意。鈍根菩薩者三教菩薩通名鈍根。二有三下正釋三。初列章。二正釋三。初轉三藏方便。與聲聞五味同者至法華方入圓。故利根者被訶悟圓不得後味。故名利也。二轉般若中方便。佛從得道夜等者荆溪云。此大論中明說般若若有顯有密定及不定。約顯次第唯在第三。於當部中權堅不定。且復未明今通堅論以明密教。故成道後中間常說。故今用之以至方等。故方等中以大訶小。大義正當始終般若。故於通別所益不同。皆來至今。須待彈斥。菩薩別聞者不在鹿苑對二乘說至方等會對大聞小。然非秘密之般若也。此仍方所論不定耳。言方所者十方相望。又此亦名約行五味而論不定。三轉華嚴中方便。荆溪云。稟華嚴等者於彼處會未能獲益。來至鹿苑密利全無。至此會中特別彈斥。三復次下料簡八。初簡彈訶用不。二初正簡示三。初立義四味等者荆溪云。釋前文顯密五味。於五味中而辨訶意。明乳等四方便真實須訶不訶。何以故下釋訶所以恐失訶意。封教等即不得意人。雖齊下即得意人。若稟下失意須訶得意不

訶二疑問。荆溪云：問向訶及不訶之意。三答釋。教人俱廢者，既非其實，得意不得，並須訶也。二釋此下示文旨，法病俱訶等者，法即得意病，即不得。圓教即具二意如文。二簡體益通前。答如所問者，於鹿苑有通二，乘但密非顯。三簡詞人存法，荆溪云：方便菩薩者，於方便教復約人法辨訶不訶，以存方便等之教故也。四簡華嚴權滯，荆溪云：若封至海也者，大師正以圓頓之教是華嚴經之元旨，是故彼教不同二蘇。二蘇仍有遠近二意，乃俱得遠論唯頓，故云此即法華弄引。五簡涅槃通前，荆溪云：問亦云至此意者，既通初後，亦應具四。四中方便及以真實有斥不斥，何不出之。答雖有此意，未見明文者，問此引佛答迦葉之文，此即是文。乃云無者，但末若華嚴其文分明，復是智論之明文也。亦曰：有文故從若欲去，即以義推名異義同，以為答意。六簡般若華嚴，荆溪云：得道夜等者，前答雖云名異義同，華嚴般若若悉涉方等，不知亦有異部名為名異，為當同部立異耶。答中分二：若不共者，即是異部；若共者，即是同部。若爾還是以教望教論同異部，七簡涅槃異名，問中先引偈。次若爾下正問答者，荆溪云：意明何但名異義同，論部亦得有同有異，部異理等於義不失，何況但是異名而已。八簡方便通前，荆溪云：問自淨名等者，亦應合有方便等生酥通乳酪耶。若其有者，何不說之。答文雖爾，應須具如法華玄文第十卷中。今若復欲論理有者，鹿苑理密說彈斥，又華嚴中四何須更論。

亦是其例。既其一切俱通初後，豈可方等不通於初。準此問前亦應問後。文無者略。若爾一音之教非無小得，但失於鈍以歷五時，故不全用玄文所引。二轉觀，荆溪云：轉觀等者，對教但是信法別耳。顯密次第一切同教，依前諸義隨觀待訶，但加殺人以為不定。用顯行相，以此為別，故引大經殺人為證。文為二：初正釋二，初明今機熟堪聞二，初正明轉觀二，初正明獲益。其既利根者，各於當教對彼信行得名利根。聞三藏等者，夫名法行非全不開，聞少思多，故得名耳。般若在通華嚴據別，而未見正道者，稟前三教未見理。若聞下正示轉觀也。入不二門者，從偏入圓，位通深淺，以觀行相似分真，悉名入不二門。約今訶意，唯取分真。二復次下約味顯位二，初顯位。於前三處等者，藏教菩薩既不斷惑，淺深雖殊，但名為乳。通人約味配位可知。若發中道唯在別教，若論證道豈假彈訶。今從部意約教道說，故在醍醐。遭訶受益方名殺人。二若聞下明益，若論受益實通深淺，今明毒發止在分真，是則了因如毒無明如人。二是則下結示命意。槌砧等者，淨名如槌，彌勒等如砧。成熟大乘機緣之器也。悉露等者，因述聞訶，各露圓益信行轉教法行轉觀。二明今重聞益廣，荆溪云：重明今昔教觀之益，必定不虛以成利益。二料簡二，初簡實益，問訶諸菩薩等者，荆溪云：問大士詞辭意皆在圓，而諸菩薩豈皆圓益。答中引論語也。詩三百者，即今毛詩有三百五篇，此舉全數。一言謂思無邪

也。藏猶當也。詩雖三百之多，六義之廣，而唯用思無邪一言，以當三百篇之理。猶今四機雖廣舉一圓普益以當之也。於方等中縱未入圓密受圓益，以因彈折堪至法華，稟權實教等者，實即圓教，不得意者，既生語見，故被彈訶。訶病不訶法也。二簡權益，猶滯方便者，滯應作帶字誤也。問向云皆得一通之益，此中何故云何容不得方便益耶。答顯或方便密唯一道，據佛意為密非密入圓。三為扶成佛國之教，荆溪云：符成等者，兼出諸意。此用初文如來答於淨土之意。若見空室入自益位，若見燈王及以香積即得入於利他位也。次故隨下明被訶者，自淨土行成入無生位，亦得生於同居等。三又隨福慧下示被訶者淨土行成，所攝衆生來生其國。次此是下總結前意，故知如來明淨土行，元令具於上來諸文意也。四為折伏住方便行菩薩為入後味之弄引。二初明三經弄引，以訶乳成酪者，如佛國品。土復穢時得法眼淨，及方便品為國王居士說無常速朽，皆是訶凡夫之乳成二乘之酪也。至法華成熟酥者，荆溪云：問一家諸文咸至法華悉成醍醐。今何得云但成熟酥。答教旨無他人自前却，況顯露教指二乘人來至法華悉成醍醐。諸菩薩等無處不入，般若同異亦復如是。五千起去三變被移，拈拾之言良由多意。如是熟酥即名醍醐，故便法華之後更說般若。良由尚有生酥之名，並是涅槃入法界者，佛化施設一期事畢，前後小別大體無違，尙置餘國傳說之言，何必

全在靈山之席。若以不盡入於法界則令法華部非終極。爾前諸教有得入者部應圓融。二立五問釋疑五。初釋此經入法界疑。答中意者利已悟入。豈但與華嚴不殊。其實與法華無異。鈍根既未證入。於此但成生酥。或但成酪而已。至後三味者約味應二。約經乃三。以法華涅槃同味故。故大疏云。但未證入者至大品法華涅槃。若約此中新入至大品。有如生酥者。法華有如熟酥者。則大經為醍醐。則亦得云三味。荆溪修定意或在此。二釋實性論不明疑。二處不殊者於鹿苑後俱談圓頓。故二酥之別者此約從鹿苑次第入者以說。其新入者於此乃酪。於大品乃生酥。其利根者則頓入法界則成醍醐。並如前說。故知五時次第是約一番機緣而說。故於諸文並指五人最初稟小。三釋大品上根疑。荆溪云。問上來等者此約上來多五味義。並以涅槃對於法華。而為上下故。二乘衆皆至法華而入法界。法界性論何以然耶。答法界性論唯約菩薩入一乘機。故云一乘人也。若二乘人在於法華而為上也。說二乘者明大小共。四釋二經同味疑。約教判味者俱開顯故。今此約人者入有前後故。五釋法華生酥疑。荆溪云。如所問也者準問為答。即是亦有。準此亦應問云亦有法華如乳者不。答如所問也。亦應更須問出亦有以方等為上上根不答道理然也。三藏之後即入故也。五印定成經。大論第二云。佛法有五種人說。一佛口自說。二者佛弟子說。三者仙人說。四者諸天說。五者變

化說。今淨名是佛弟子。故得印定成經也。三為此下指前總結。二略釋菩薩義二。初名義指上。二約教正釋二。初約教總明二。初正明行相。荆溪云。四種菩薩皆云。跋致者初舉發心。次入跋致此則具舉初後也。又被訶者皆不退位從前不退入後不退。三種不退相望說之。以四菩薩中先訶勤不退之行。是故預標不退之言。二但大下結示佛意說四教。明菩薩義者荆溪云。諸波羅蜜即橫行也。觀理入智即豎行也。前之三教但明豎位。唯有圓教俱明橫豎。若準前文亦可具如佛國品中一十七句即橫行也。一十三句即豎行也。雖不露藏義立何妨。非權非實等者於一心雙非之理演出四教權實之法。故云而權而實。根緣自異佛意常同。二今言下約題正示二。初正釋三。初主伴同緣。法身眷屬者荆溪云。上來多文皆云深求其致者是應生者。隨機利見如月現水。光明云。應物現形如水月中月。二方便下師資轉益。三如此下結示功能。二料簡六。初諸菩薩與淨名辨異二。初問。荆溪云。明被訶者多在同聞。信知同聞並非下位。既是同位不應有訶。二答二。初他解先總叙意。有言下叙古也。是權隣果者謂。本是金粟如來權示等覺菩薩。有三生者即下文始住終也。二今釋。荆溪云。雖復有訶不妨高位。雖曰消文意兼斥古。央掘如前記。二約舉前十心例今所表二。初問。二答二。初同法華四知見。開示悟入即四十真因。下對華嚴類釋自顯。二類華嚴四十位二。初正明四大菩薩者

謂。法慧說十住。功德林說十行。金剛幢說十向。金剛藏說十地。善惡融通者魔事即佛事名惡融。如云行於非道通達佛道也。佛事即魔事名善融。如云作魔王者多是住於不思議也。二詞意下結示。三約從人對位深淺意融。四約重舉彌勒對前辨益。荆溪云。問破彌勒一人等答中意云。悉有故也。所化不定者此是彌勒同事機也。既能遍同。斥於能化所化自整。五約權實雙行。不無旁正。今何得言共行弟子等者此應前答為難。大疏於前答中於權實化物下云所化共行弟子不定。荆溪前既削去共行之言此中亦合除之。應云今何得言彌勒所化稟實教耶。文方相應。六約華嚴法華對今辨異。三入文解釋二。初分科。二所以下隨釋二。初命四大菩薩四。初命彌勒二。初命問疾二。初叙先命所以。二言彌勒下正解名義二。初定姓名。肇云。彌勒南竺國婆羅門姓。出此姓即以爲名。生云。雖生兜率猶以本姓稱焉。此二師解亦符今釋。二而名下示慈義二。初約三慈釋名。三慈名義委如前記。或有漏或無漏者漏落變易不漏分段。一向無漏者中道大慈不漏二邊。二用四教格義二。初約四教結判。若以三慈用收四教者前三但有生法。四教則具無緣。荆溪云。四教皆云與道滅樂不云拔苦集者且消慈邊。未即拔苦圓慈之體理無獨運。若從事說不無二別。故與樂言一途而已。二彌勒下明受訶所以。二初明此權彼實。二又權下明出沒隨機。出沒不定者隨機設化。淨名亦權彌



勒亦實。前約一往且以此彼分之。二辭不堪。二初分科。二隨釋四。初辭不堪。二述不堪之由。二初略示。兜率陀此云知足。新云觀史陀。二所以廣釋。二初明天王請法因依。二彌勒下明彌勒為說不退。二初述意。荆溪云。彌勒為說等者具如疏文。釋已委悉。今私助一釋。凡得記者多在不退。既自獲記復為他說。故為天子說得記位因慈而為大士所訶。記雖被訶不訶不退者施訶授記是訶不退。二言不下正釋。二初正明不退。二初牒經釋義。荆溪云。因中得理等者在因證理。故且云也。若從彌勒應云果。由因剋故云行也。二但四下約教分別。荆溪云。入燄等者應引俱舍燄必至涅槃頂終不斷善等。若通教明三不退。中云六地齊功等者以與小共故得齊名。所言皆者顯乘顯地。性地已去皆不退也。十信初心等者以十信位但分初中二心之別。八信至十信以為中心。二結示受訶。二初明隱實施權。二立問答顯意。荆溪云。問彌勒說至得入者益時別故所因異故。三正述被彈。二初分科。荆溪云。一先總定者對下生滅等文。故此成總。二隨釋五。初總定。二初述意。二一生下正釋。二初釋一生。荆溪云。一生等者亦應云二即人天也。亦應云三。兼此生故。二釋授記。二初正約四教。小彌勒經明三藏得記。大彌勒成佛經及大品經並明通教彌勒得記。示斷一品等者荆溪云。前不云示至此方云者易濫實。故大乘諸經多說示故。況有教無人。故須說之。問若爾通亦易濫。何不說示。

答觀名雖濫彼與小共。共不共異極成難濫。又亦可云示者顯示義耳。準此而言餘文亦有。善財入樓觀等者爾雅云。狹而修曲曰樓。觀謂之闕。郭璞注云。宮門雙闕也。釋名曰。觀觀也。於上觀望也。遷引新經云。善財恭敬右繞已白言。惟願大聖開樓闕門。時彌勒前詣彈指其門即開命善財入。善財心喜入已還閉。見其樓閣廣博無量同於虛空。乃至或見彌勒初發菩提心時。如是名字如是種族如是善友之所開悟。乃至如是壽命經爾許時親近供養。皆悉明見。或見彌勒最初證得慈心三昧。從是已來號為慈氏。乃至見得忍。或見住地或見成就清淨國土。或見護持如來正教為大法師得無生忍。某時某處某如來所受於無上菩提記以述表本者荆溪云。圓是實成。若準實成境智合時唯佛見佛。故法華云。唯佛與佛等也。若為菩薩在寂場者故知述也。述中圓說但可表本。此亦體用論本述耳。此意亦與示義大同。故以寂場共表二教。亦如華嚴者問何以一文用表兩教。答機眾教共令經部合。二但彌下結示定意。二初結彌勒隨機。荆溪云。豈測高下者或是古佛久遠難知。有四根緣者問。前文已云沒實用權今隨四緣。則權實俱用何耶。答前云權者不專權。故以圓教中失旨等。三亦須訶。故縱圓教三不退位但訶彌勒。餘者欲曉。二今下示淨名定意。二正訶彈難破。二初分科懸示。二初分科。二懸示。三初標立。二正示。二初別。二通。二初標。二釋。二初四教俱生。二四

教俱無生。通教下俱無生者荆溪云。果滿正顯事滿故也。信事滿時理豈不滿。而不單從理為名者理濫初故。制立有異者地前住前次以不次此其異也。三雖下去取。二今就下隨文正釋。二初生門。三初分科。二隨釋三。初約三世定。得繩所繫者準於有部立以得得。漸以後得得於前得。故使往業能至未來。故有部中業入過去得至未來。身死得謝未來報起如一業成以一大得得於業法。又以小得得於大得。第二剎那以三大得得前二得及以業法。初念之得俱成法。故又三小得得前三大并初剎那九法。成就第三剎那二十七法。曇無德者此云法密見空得道也。二難破。二初別破。二家。二初難破毘曇三世有二難破曇無德二世無。二復次下通破。二家。荆溪云。復次下通約二家所計以斥彌勒。此約計三世心而為破也。以二家所計雖有去取不出三世此破。二世無也者此四字合在前科之末在此誤也。三引證。二初叙意總釋。二亦生下約宗別解。二初約有門解。薩婆多此云一切有。見有得道也。荆溪云。若依薩婆多等者還約小詮宗以破於小。故約有門用破空門。二料簡。荆溪云。問三相四相等者若但立三則無異相。此亦兼破計常故也。二若作下破空門執。三有師下破古。二約無生門。二初懸示分科。二初懸示義旨。二初總示。即是訶取衍門等者令二教執方便者及圓起語見人而自警言彌勒不退尚自被訶。我等初心安敢固執。固執既忘不障正道。二何者下微釋



三。初引經列名。二三藏下約教釋義。無無生記者以無生是斷結位故。荆溪云。三藏伏結等者此正破也。更引三藏者明但有於首楞嚴三向自須破。故三藏教未得無生不令求記。故權無生非正記位。雖復立之立即尋破。與而論之出三相耳。故下歷教皆先引前三教非真次方破於權實得否。乾慧至性地等者正出通位。與三藏教三祇百劫其位齊也。若聞授記心則等者破彌勒者令餘息心。若破諸天恐濫破餘怖翼者耳。三前三下結判詞意。心祈此記者祈告也。告求此記也。二隨文釋義。二初約無生理破三。初歷示詞意。二初明無生記位。二初略示無生。二但三下廣明記位。二初總識。二三教下別示。二初釋前三記。雖未發心者未發大心也。二通下釋無生記。亦名歡喜地者以初見諦心歡喜故。故借別名以名其地。常住佛果為異者荆溪云。此是究竟法身記也。若通教中唯有八相無法身本故不名也。故望法身此為永別。若智若斷名別教無生者借通教名通途用之。剎剎切慈之異者次第斷惑從外至內猶如剎剎。不次第斷內外俱破猶如切慈。問六根淨入見思先盡何異剎剎。答三惑一心誰論先後。龜垢自落宜善思之。二但稟下示彈詞所以。二初明初心起著。二為此下明寄高訓下三。初標示。二所以下正釋。二初明寄高彈詞。荆溪云。將窮三教無生之源者即補處位名之為源。二若通下明訓下受益。二初約教總明。若圓菩薩者五品人也。二復次下歷位別

示。約理被彈者即約圓無生理以彈詞也。三而須下總結。二若以下正解經文。四初解無生受記。二而言下解無生是正位。金剛般若等者荆溪云。然其三教跨節言之皆有此義。若合前喻者實聖如文武無為如天子。三無生下解無記無果。四所以下解云何受記。二若彌下總結顯益。二初寄意獲益。二立問釋疑。荆溪云。為兜率天王等所作兩釋約諸天子及彌勒身。二約無生行破。二初叙意分科。行成智斷者由緣了行得智斷果。如生是智如滅是斷。二隨文釋義。四初雙定。二初總明定意。諸佛菩薩至斯盡者觀無生在凡。智生惑滅在聖。真智至漸滅明菩薩分得。若智至斯盡明諸佛究竟。二就此下約教正釋。玄約三教者荆溪云。此但云三教者大破小故。若通至有異者理一向異。何須致疑。事雖云同仍有小別。是故文致一往之言。言小別者界內外殊。兩修之別者次以不次故。二雙破。二初述意總標。偏圓二真者通理偏真。別圓圓真。別教理實教權證道同圓通名圓真。二約通下依標正示。二初約教顯義。二初難通教。二初出彌勒所執。從如有行荆溪云。先立當教理以為得記之情執也。二明淨名難破智斷非如。二初標經示義。二結句重釋。初即約如體。次即約如事。故荆溪云。體乃約理四句從事。事理雖二推使不二也。事理即是智境相依隨理。偏圓皆有事理。初標經示義。二初標經。二難意下示義。二初示義。二若如下結難。二結句重釋。二初結句示執。荆溪云。由能緣

等者前以理約行。今以事約行。二引偏難破。二初通破四句。並如初句等者應云偈言亦不從他生。豈有所緣真如之理生智斷而得受記也。偈云不共生。豈得能所合生智斷而得受記也。偈云不無因生。豈有離能緣所緣而有智斷而得受記也。二四句下正示所執。二難別圓。二問答科簡。四初簡三教真緣自他。荆溪云。此乃準前釋文為問。問法華玄文明車體。中藏別二教以緣為自。通圓二教以真為自。與此不同其意何耶。答亦不相違。但意各別。故使內外各有即離。即者初心即得真理至故。故乘理用真理為自為體。非實理故不得為自。故藏通理並皆為他。由此因緣依之。二簡別圓真緣不等。問通教等者荆溪云。真既未極故曰斷無。還從智生故云他耳。機教不同者機是鈍根故教成次第。別明下荆溪云。然復別教應須從容更云二義以申其旨。地前一向以真為他。登地亦容以真為自但別得名多非登地。是故今文不以為自。又真為自須有二義。一者從理。二者破計。言從理者智尚本有。況復境耶。故修性合時必從本說。故從本說名為自生。乃至雙非理性本無自他故也。二破計者還須依理。理非自他何得計。四前之二教唯有破計。故後二教皆依遠理。三簡圓教真修四句。二初問。二答。二初明四句不生。二若四下結成難意。二初示難指。二不深下結勝況劣。四簡淨名一難三益。峽鄉者縣名亦州。秦將白起攻楚燒夷陵即其地。魏武於此置臨江郡。後魏為

拓州取開拓之義。後周以居三峽之口因爲峽州也。一番所難等者淨名一難合僧繇盡像。三教破執合隨人動止。三雙並二。初分科。二隨釋二。初以四爲並端二。初標示。二正釋二。初通教二。初示逆順。二正解釋。文有四段。以通教所談生佛依正悉空故。故得逆順以並彌勒。初約衆生如順並。假人至無二者衆生即空彌勒即空凡聖雖殊空體唯一。異則非如者不異曰如。如祇是空。空何會異。若有二異。定非是如。非三數番者數四也。彼通此並義實無窮。豈止三四。二約一切法如順並。前唯正報此兼依報。依正俱空。故得爲並。須類說之者應云若國土如不生不滅不得受記。彌勒如亦然例初番說之。何者至佛不授者荆溪云。此乃引異而難於同。況復此中且從破說。若從立義無非授記。一切諸法得記何爽。依尚可記正何所論。淨名今且寄衍權教以不記法而難於記純依圓教。何所難耶。故圓教中因果依正事理既其不二。理既圓具。記亦何疑果有因。無無常果耳。故大經下引證者大旨亦然。故亦且從權教以說。三約衆賢聖如順並。荆溪云。小乘賢聖權無記義。實教具如法華經也。故四味著諸法如及記小乘則爲如來綺語之過。故知。淨名不可即用法華經意。故且還依方等部難問。若爾何不用於方等中圓。反以諸法無如爲並。答還是方等帶別之圓。故亦未得彰灼而說。華嚴初頓理無餘說。四約彌勒如反並。一。皆云等者反並第三番者。彌勒如無生滅得受記

者賢聖如亦無生滅應得受記。賢聖如不得受記彌勒如那獨得受記。若如有異是則非如。若如無異那得一受記一不受記。諸賢聖不得受記者即彌勒亦不得受記也。次反並一切法。次反並一切衆生。例作可見故云宛然。二別圓。類通可知者但別圓兩教皆約中道真如作並爲異也。其中圓教既心外無境。故彌勒得記何妨小乘賢聖。一切依正十界衆生一時得記。以彌勒心遍彼彼故。彼心遍彌勒故。三無差別舉一全收。約理雖同約事元異。故彌勒受記不關於他。故使淨名引彼理同難此事異。又亦如前荆溪所述。帶別之圓以爲難問。凡於圓說善須得意。傳斯宗者若自若他無使乖背。厥或口宣融宗心昧斯旨。如福德子而無壽命。弱喪徒歸猶迷本族。如受貴位不識祖宗。亦如死人而著璽珞。用是福爲用璽珞爲。二正結並二。初標示。二正釋二。初約教二。初通教。二別圓。於中約圓消。此結文以理同難事異。其意彌顯。何妨方等對彼圓機直示。一切悉皆得記於圓成顯於二成密。況亦不妨依荆溪釋以方等機故。二若彌下結顯。四雙結二。初分科。二隨釋二。初約破智德釋二。初正釋二。初約教正示。衆生煩惱有智慧相者如波有水相。動靜雖別濕性無異。動有靜相其意彌顯。人面福德猶成分喻。二雖兼下結判釋疑二。初結判。經意在圓者荆溪云。初總釋中雖有多意或三詞一或一詞三。故今收之明文正意。今謂。大師既云經意在圓則釋前破並等文。悉應事異理同

相對並難利根得悟豈異法華。鈍根守株未乖方等。寄語後德。思之審之。二問下釋疑荆溪云。何以三教俱破者亦應云四教。但三藏教生門破意。故此文中不須重述。問祇應更約通別二教。何以破圓。答前總釋中已料簡竟。圓人破於語見等三。今答中但通云執。二此結下結示。二約破斷德釋二。初正釋。別教云衆生如即涅槃相者理本寂滅。但爲惑覆所覆之理名爲涅槃。既衆生本有何須在果。二此釋下結示。三結過勸捨二。初分科。二隨釋三。初正結過二。初正釋。二料簡。荆溪云。答大論等者佛雖復說性常離著。今恐有著。是故須破。若以謗論佛亦自謗。何但彌勒。然佛必無能化想著。雖謂彌勒能化想著意令天子執記念法。若捨執心轉權歸實。二勸捨二。初正釋。荆溪云。執得權記執即名邪。二料簡。三解釋四。初破滅。荆溪云。大論委破者廣破三藏菩薩因果具如止觀記。二破通。荆溪云。破如金剛等者經雖具三今且通破。是故今文以別圓破皆云不可以身心得。言不可以身心得者身聲是色。舉色例心。三破別。因滅等者語出大經。意實通圓今約語便。故且在別。至初地時滅九界陰顯佛界常。如是下正用四句檢破。色滅得常是他生。不滅得常自生。共離可知。以不自不他不共不離名菩提。四破圓。不須緣修等者別教必假地前緣修以顯初地真修。故云因滅是色獲得常色等。圓從初心即觀本具。至于初住任運開發。豈同次第假緣顯真。故知。圓教雖立真緣始

終理一。言緣修功德智慧者功德約身智慧約心。次復下荆溪云。以前未立故便立之。故前等者重將前破以示此立。即破中立。四廣說真菩提相二。初叙意分科二。初總叙來意。二分科示義二。寂滅下隨文釋義。三初略說實相菩提。標章一切法趣心者十界四教攝屬於心外無餘。豈復甄隔。一切即心心即一切。示迷令悟強云趣耳。心中道者心性不動雖立中名既無偽妄。體復不異故曰真如。故此真如名為寂滅。實相菩提者菩提翻道能通為義。即向心性寂滅通通一切。故號菩提。四種相有十六相者荆溪云祇是四教一十六門執異成機。故以門逗。元知實相本無十六。故有下即三惑二死也。若實至皆滅者圓教四門皆即寂滅。豈存四相。何況下圓執尚滅除三教。生不生即對別教。如前釋通序中明。若在諸文皆對通教。今云等等取通藏。二正約真智斷明菩提二。初分科。即摩訶般若者荆溪云。此從三德中般若立名。於二因中即名了因。於二嚴中即名為智。餘一切法準之可知。明真斷德者智德既是般若此則名為解脫。名緣名福對上可知。二不觀下隨釋二。初略二。初二番明真智德。荆溪云。經云不觀不行等者此望下文斷德釋義。乃是反名而用釋義。何者觀名智德。不觀名斷。不行亦爾。例之可知。亦可云不斷名斷不智名智。凡諸釋義皆有其勢。若立中破即從反釋。若破中立應從順說正明有智即是菩提。疏云。心心數法不行者以證真空。為行般若者

以證萬行。四種至及一切法者若準四教二嚴之外則無復法。今以人天及一毫等得名一切。下去例爾。二四番明真斷德。荆溪云。離四門等者既云緣修。即是三教之四門也。言一切妄想者具如前文滅諸相中。障是菩提等者平等法界菩提理也。諸佛不行此破方便教中自行。佛不度生者即破方便教中化他。凡云障者不過此二。即是上求及以下化上求兼自下化唯他。故云即障諸方便教門之誓願也。二廣二。初標示分科。荆溪云。少說斷者菩提名智。今釋菩提不多言斷。故初九中但有二斷。由少復難故不分章。所以有者欲明圓文智斷不二。二隨文釋義二。初九番正約智德。荆溪云。若有方便偏教至對內意根即是二者權教初心不離情想。不知意根即是菩提。以有能對及所對故。圓真至非智來會者從初發心智與理俱。由智從理因果義同。豈從智因來契理果。而不與合者一者無明不盡。二者無明體如。二七番明不可以身心得。荆溪云。次七番即不可以身心得等者前文已破身心得。竟今復言者前一向破今明相即。得而不得不得而得。下去諸句一切悉然。言無處者方便教中心為能依於身土。是故以色名之為處亦可身心俱名為處。觀智即是能依法也。離所依外無別能依。假名等者觀假即理攝一切。不同小乘觀無我等。三還約實相妙理結成真智斷。菩提不可以法復比於法者全能喻是所喻故。非諸下祇是佛界菩提非九界所知耳。凡謂六界。

小謂二乘。并菩薩是為九也。然於佛界當以六即簡之。豈唯此中。文文合爾。五諸天子得益。四結成不堪。二命光嚴二。初分科。二隨釋二。初命問疾三。初叙意辨位。二所以下牒名釋義。八種光明者觀骨人眉間所放之光其色有八。謂見地色如黃白清潔之地。見水色如深淵澄淨之水。見火色如無煙清淨之火。見風色如無塵過淨之風。見青如金精山。見黃如蒼葛華。見赤如春朝霞。見白如珂貝雪。轉為下即八勝處十一切處也。如法界次第。此等皆名定果色也。還云。八色唯意所得則屬於心。今據骨人所放故屬色。大經琉璃光等者彼德王品云。時大眾中忽然之頃有大光明。非青見青。非黃見黃。非赤見赤。非白見白。非色見色。非明見明。非見而見。爾時大眾遇斯光已身心快樂。文殊白佛。今此光明誰之所放。如來默然不說。乃至五百菩薩互相咨問悉皆默。佛問文殊。何因緣故有此光明。文殊答云。如是光明名為智慧。智慧者即是常住常住之法無有因緣。云何佛問何因緣故有是光明。是光明者名大涅槃等悉同初文。乃至云。亦有因緣因滅無明則得三菩提。燈佛言。文殊汝今莫入諸法甚深第一義諦。應以世諦而解說之。文殊乃答。東方不動世界琉璃光菩薩欲來至此。故先現瑞。今舉非青非黃等以證理光。故云即其事也。彼經下引彼經配成今意。光明者即是第一義諦者即經云。光明者名大涅槃也。三藏通別但有色心二光者荆溪云。方便教中不說理具是

故不云第一義光。言色心者光既是色。從色放色但可云色。心即偏真由真偏故故無第一義光。別教地前同於未見心光不無小異。以知但中理故故唯有之言簡於三教。第一義光即圓真也。然第一義非不由色。全色是心從心為本。小乘不即致分色心。應細約教一一分別。名為童真者唯第八住名為童真。今通取無染。則始從初住終至等覺悉名童真。金色迦葉者即大迦葉身作金色。又納金色婦迭臥無欲捨而出家。三前命下對前明益二。初對前辨義二。初明始終咸一。二明總別無殊。二淨名下受詞明益二辭不堪二。初分科。二隨釋四。初泰辭不堪。二述不堪之由。二初叙意分科。二隨文正釋五。初出入相逢。二初正釋。荆溪云。先約事釋。次或有下即約理解。若迷若悟無異路。故如人迷故以東為西迷悟人殊理路一也。若從示迹以為解者光嚴從實而示權不出而示。淨名從權以示實不入而入。二料簡。二光嚴致敬作禮者迹同鄉黨現修長幼禮也。西域記云。彼土致敬之。或其儀有九。一發言慰問。二俯首致敬。三舉手高揖。四合掌平拱。五屈膝六長跪。七手膝據地。八五輪俱屈。九五體投地。三問何來四答道場來。荆溪云。為欲至事述者唯欲說於圓理故耳。故於圓教能表之事亦破皆令入實故也。五光嚴重問二。初正明道場二。初約事總釋。猶殺芒也。治除下心惑令穢糠實相合米。二約教別釋。虛空蓮華為座者祇寄別教成道處說。以圓成佛亦無別處故云

猶是問虛空為座何身所坐。答以如虛空身坐如虛空座。身座相稱能所交融。即寂光法身依正不二也。祇由理具至果方爾。故使初心亦坐空座。故法華云。如來座者諸法空是。此即觀行空座也。今明界成即究竟空座也。應約六即以辨座異。二光嚴下與問所以。三正明被訶二。初懸談義旨二。初明被訶因由二。初明光嚴執情。二顯淨名詞意。荆溪云。焦炷具如止觀記中竟明。焦炷但是斷位今則非果理不離果理。雖非因理不離因理為道場也。是故斷非初後不離初後。依之任運自得道場。二問下示圓道場義二。初問答簡偏。荆溪云。一往約觀於義猶疎。但是附理。方便至為例者仍約當分。二但淨下正示圓義三。初重請顯圓。一中無量者於一心中具足橫豎一切諸行。故云一中無量。而一切行不離一心。即是無量中一。今淨名開總出別。意令物機了別即總。今據現文先總次別。故云一中無量等也。如囊下囊如一心實如萬行。寶在囊內行具心中探以示人。喻於一心分別廣說。二但示下類通大事。前總答道場類彼。其車今示橫豎猶談高廣。三若隨下指文示意。約圓初心者於觀行心總攬橫豎。乃是今文正意。二隨文正釋二。初分科。二隨釋四。初一往歷明二。初懸談義旨二。初依別歷對。二亦不下依圓橫辨二。初初住橫論。荆溪云。具此三心如磁石等者任運意也。顯住任運上求下化。二此下下例示諸句。二直心下隨文正釋四。初直心。華嚴等者荆溪云。引初發心成

正覺以證直心是道場。了達至一切證無虛假。八直即八正也。法華雖五品等者至五品位必至六根深趣初住分真道場。二發行。荆溪云。具發萬行等者自行化他俱得名行。三深心。荆溪云。自然流入海亦證深。四菩提心。總前三心是三德菩提者此對前三心作總別釋。直心是法身德。實性菩提深心是般若德。實智菩提發行是解脫德。方便菩提。今總攬前三。故云菩提心是道場。如此三心不縱不橫名無錯謬。二一往橫明二。初懸示分科以橫望堅者圓心之橫收別之豎。以阿字門具諸地故故成高廣。二一約下隨文釋義五。初約六度自行二。初標示。皆具五種者世間及四教故。具如前釋者即前釋淨土中也。同是取土利物道場。豈非當得成佛之處。故同淨土明義。二布施下正釋。荆溪云。六度中一一皆云法身者六度悉能滿法身。故然但用對治以為能依。故一一句皆是所依。所依即是法身也。文為六悉可解。二約四等化他二。初標示。荆溪云。四等皆須從圓以釋。語似方便釋便成圓。今謂。一心三慈乃至一心三捨四三互融方稱文旨。二正釋二。初四等如文。二能化法。四等在內。化法在外。由神通等四。四等方能利物。文為四。初神通。荆溪云。顯出法性真淨六根者入初住六根具十。六根即是六通故也。二解脫。荆溪云。乃能出等者除入勝處也。言能出二乘等者小從大出大必具小。故今開之皆令成大。以其因中等者因中用於小乘八解。後轉入大見八解理。一一地

中具足佛性。是故轉名王解脫也。後用利物還依本習隨宜設化。以一切法得入中已悉具難思化他之行。心之與法俱名行也。故成二十五三昧中勝妙解脫也。三方便。荆溪云。方便是道場等者。方便即實道場存焉。四四攝。三約多聞進行。二初標示。二正釋。二初多聞進行。三初多聞。荆溪云。多聞是道場者。自治治他俱得名為如聞行也。言顯發者。即於文字而達至理。釋道場義。二皆云。初心菩薩者。道場即是從果立名。今通於因。故並云。初心。發心畢。竟二不別。故亦可以六即而分別之。然此四菩薩。初二約果。後二因者。亦表初後不二故耳。二伏心。皆名伏者。以有上地惑故。金剛等覺居衆伏之頂之。三道品界內四諦至有為者。界內之滅。猶有變易。故成界外之苦。所以四並有為。界外苦集道。即有為。滅即中道。乃是無為。無量下前約內外對辨。義通通別。以兩教隣接故。今於界外更簡別。則知三並有為。乃屬別教。圓中四諦。唯苦集是有為。若論即即苦是滅。即集是道。故全有為即是無為。故此苦集與別全殊。以別苦集定是有為。不能即故。二觀諸。二初標示。二正釋。五。初諦。顯權實理者。十界唯心權實理。一四種四諦攝無不周。二緣起。有四種相者。隨四智所觀也。得三種菩提者。以觀三道。即三德故。見三佛性者。還約三道對論三性。三煩惱。及以佛法皆畢。竟空者。有法過涅槃者。亦如幻化故。四衆生。觀九道至真性者。既達已心。九界當體空中。則攝外事境。一一咸爾。以內外

不二自他互融故。下觀實法例亦如是。五一切法。得五涅槃者。即捨無常色。獲得常色。受想行識亦復如是。名涅槃也。四約降魔說法。二初標。二正釋。三初降魔。二三界。三師子吼。五約力無畏果德。二初標示。二正釋。三初力無畏不共。十種智力者。通云。彼經第十四卷初云。智首菩薩問文殊言。佛子。菩薩云。何得處非處智力。過未現在業報智力。根勝劣智力。種種界智力。種種解智力。一切至處道智力。禪解脫三昧。染淨智力。宿住念智力。無障礙天眼智力。斷諸集智力。二三明。三一念三結釋。荆溪云。初文開章。即云結釋。此中從便即云結成。釋抵是成耳。除偽顯真者。除三教偽顯圓理真。三命持世。二初分科。二隨釋。二初命持世。三初叙意辨位。二所言下牒名釋義。二初結釋實相真心。領憶諸法者。一念三諦具足。三千名領諸法。二持義下別釋。二初標列五名。二四教下約教釋義。二初簡偏取圓。二一遮下依圓釋義。二初歷解五名。二菩薩下結成圓具。二初明初後圓具。二持世下結施權益物。二初正明施益。二開即下結示顯位。通云。總別不二者。祇是亦總亦別。善德即是非總非別。皆在初心故也。三前詞下對前明益。二初通辨彈訶。通云。皆破果上因中者。且約偏說義。皆互具。二今佛下正明今益。二辭不堪之由。二初叙意分科。二隨文正釋。五。初住靜室。二魔作釋來。經云。時魔波旬者。肇曰。波旬。秦言或名殺者。或名極惡。斷人善

根。因名殺者。違佛亂僧罪莫之大。故名極惡。經結歌者。周禮注云。絃謂琴瑟也。詩傳曰。歌謂曲合樂也。論語子之武城聞絃歌之聲是也。疏分二。初略釋。已得聖道者。得初果也。若約大乘。即二地菩薩也。二今明下廣釋。二初約教正釋。二初約四魔。覺知折伏而已者。即用無常觀觀察五陰。伏三界結名折伏也。樹王下先降天魔者。緣起如瑞應。輔行第一備引。二約八魔。三藏至伏四魔者。即邪常樂我淨也。圓破八魔者。二邊即中魔。即佛界不破而破名為圓破。所以八皆稱魔者。魔名殺者。常等殺真諸善。無常等殺中道善。故初住已上雖分證真常。無明未盡。變易仍在。是故無常等四極至後心。問別教行向已伏無常等四。既未證真常。所觀俗諦為魔攝。不答亦是常等所攝。而非界內邪常。所以然者。夫理本無名。強為立名。雖強為立德。不出四。佛滅度後外人竊用常等四名。以計神我。故佛初出說無常等以破常等。二乘不了計無常等以之為極。故佛復說常等四德。破無常等。用假菩薩異二乘邊名為常等。菩薩不達但執教道又說非常非無常等破之。今圓初住圓破八魔。顯雙非也。而雙非祇是真常等四對破二邊得雙非名。二問答。料簡二。初問。二答。二初總明持世權施。二別約三義對辨。二初正明三義。二初釋三。初事理。一方便至一如者。前三教人悉皆避事入理。藏通避生死入偏真。別人避二邊入但中。通教雖即避事咸同。豈知性具三千。彼彼互融一如無

二。無所去取等者。魔即佛故無所去。佛即魔故無所取。魔佛一如。有何滯礙。如是觀者。名為能覺。不為境動。所以能降。豈聞佛即是魔。便求魔法。須了即魔。所以能降。凡云相即意顯理融。布教之宗。本令捨惡。事理真妄。魔佛內外一切皆然。將來學者。幸宜留意。二約其緣。常住三昧寂而常照者。心外無境。魔豈能藏形耶。分真懸見其事可知。若因初心唯逐實相。恣其變怪。寂爾如空。須備方鏡。至不能變本形等者。抱朴子曰。昔張蓋翳及偶豪成。二人精思於蜀雲臺山石室中。忽有四人。黃絹單衣。葛巾往到其前曰。勞乎道士。辛苦幽隱。於是二人顧視鏡中。乃魔也。續搜神記曰。林慮山下有一亭。人每過此宿者。或病死。時有鄧伯夷者。宿於此。明燭而坐。中夜忽有十餘人。來自共蒲博。伯夷密以鏡照之。乃是群犬。三約調不。二權教下結。二今持下結。指其人。魔亦知人等者。有他心通故。三魔來不識。人中姓者。緣起如涅槃記。乃令轉教者。荆溪云。乃今轉教說於般若也。亦是三德者。常住法身般若。慧命解脫法財。五種三堅。未知說何者。既破天樂。祇應為說三藏三堅。但天主機難可定判。破欲之後。豈必藏耶。俱通四機。故未定判。四魔更施女經云。可備掃灑者。上悉報反下所買反。通俗文云。以水拂塵曰灑。曲禮曰。納女於天子曰備。百姓於國君曰備。酒漿於大夫曰備。掃灑。鄭玄云。酒漿掃灑。婦人之職。生公云。因其說法可說以從善。實欲以女亂之。五嫌怪不受而要我者。於遙反。案要猶強

也。亦要難也。廣雅云。要速也。三明不壞之事。二。初分科。二。隨釋八。初淨名覺悟持世。燒香者。寫文云。燒香弄也。固字宜作厭。厭之。燒字林。靈音固音古。爾雅云。靈疑也。郭璞曰。疑惑人也。摩騰佛經作提。謂此處作提。亂厭。靈也。生公云。同者非。靈焉。二淨名就魔索女。三魔驚懼欲去。四空聲勸捨。荆溪云。空聲三釋並無去取者。已如前文阿難中釋。生公云。非維摩詰則是持世也。亦可魔自作之耳。五魔拾女。俛仰者。謂低頭仰舉首也。謂自強為之也。六六士為女說法。二。初敘意示義。二。初總敘來意。二。分科示義。二。如應不隨文正釋。二。初勸發心。二。勸修行。二。初敘意分科。二。隨文釋義。三。初淨名勸修法樂。二。天女請問。三。淨名答。三。初懸談義旨。二。分科略示。三。初文下隨文正釋。五。初樂歸三寶。二。樂離集諸。三。樂觀苦諦。四。樂修道諦。二。初分科。二。隨釋三。初修行本。二。正行皆名法。下闕樂字。三。遍行。二。初對前辨示。二。樂廣下牒文別釋。降伏衆魔者。荆溪云。淨名寄此潛譏魔衆。以示天女住宮之儀。樂淨佛國土者。一切皆是佛土之行。此中別示淨土言者。即此別示是通示也。悉諸天女未有菩薩淨土緣。故樂成就相好者。相好即是取土之身。諸方便教行時。非證時者。前二教人行證可知。別教地前名為行時。未見中道不名證時。若小證者。通教七地及兩二乘亦粗通兩教學地。示教利喜者。大論五十九云。示者示人好醜。善不善。應行不應行。生死為醜。涅槃安隱為好。分別三乘六度

如是等名示。教者教言。汝捨惡行。淨是名教。利者未得善法。味故心則退沒。為說法引導。令出。汝莫因時求果。汝今雖勤苦。果報出時。大得利益。令其心利。故名利。喜者隨其所得。而讚歎之。令其心喜。為樂布施。讚布施則喜。故以此四事莊嚴說法。大集等者。此則彼經。明通明禪五支。中喜支相也。彼經云。如心覺大覺。思惟大思。惟觀於心性。是名覺支。觀心行。大行偏行。是為觀支。如實知大知。心動至心喜。是為喜支。身安心受。於樂觸。是為安支。心住大住。不亂於緣。是名定支。止觀以真俗二諦配釋。如心覺大覺等。疏文所引。語小不同。今文如實知利真字。至心下闕喜字。於義無妨。去取難解者。此誠後人當隨經部增減釋之。即去取也。五結成法樂。七波旬女。三如疏。八大士還女。二。初分科。二。隨釋四。初淨名還女。二。諸女請法欲還。事須諸請者。左傳曰。訪問於善為咨。咨親為詢。咨禮為度。咨事為諷。咨難為謀。今是訪問於善也。三。為說無盡燈。有盡燈之無盡者。灰斷故有盡。轉次即無盡。四。諸女致敬隨去。四結成不堪。四命善得。二。初分科。二。隨釋二。初命問疾。三。初叙人辨位。二。所以下牒名釋義。二。初總釋。二。但約下別釋。二。初正明四教。是則無得為得等者。法性則無明無理可得。無明即法性。無事可得。事理俱忘。故云無得。如是照了名之為得。故云無得為得。照了於何。祇了無得。故得無得。又境能發智。名無得為得。智能照境。名得無所得。境智互融。彰名善得。二。今長下結示

立名。三其義下對前明益二。初對前辨義三。初總示施權。二何以下對前正辨。三此即下約圓結示。二淨名下受詞明益二辭不堪二。初分科。二隨釋四。初奉辭不堪。二述不堪之由。經云。一切沙門者羅什云。佛法及外道凡出家者皆名沙門。異學能大論議者名外道也。孤獨乞人者孟子曰。老而無妻曰鰥。老而無夫曰寡。老而無子曰獨。幼而無父曰孤。此四天下之窮民無告者。羅什云。乞人有三種。一沙門。二貴人。三賤人。隨其所求皆名爲乞人也。疏爲二。初述意。二言文下正釋。二初總釋。關河舊解者謂。關中河西諸師也。荆溪云。觀今文意不取此解釋。弟子中前詞弟子。已久除邪。今詞菩薩須與小異。此乃以圓而詞於偏。或四詞藏。是故不取其行。邪祠者祠音祠祠祭也。曲禮云。禘祠祭祀。供給鬼神。非禮不誠不莊。宰牛者宰割也。二但施下別釋。二初約四教辨義。四教相望唯圓名度。一切法趣等假也。檀尚不可得空也。云何下中也。達施三諦到大涅槃方名度也。一資是下明示權利物。三正述被彈之事。二初分科。二隨釋六。初正彈詞。二初正釋。二料簡。二初正簡財法。二初問。荆溪云。文但略消法施而已。經但對財而云法施。其旨難辨故須問起。然向疏文雖說財中有法之理未是彰灼示其觀門。今欲雙明故亦須問。二答二。初雙標。備有兩義者。一以說法爲法施。二以即財具法爲法施。荆溪云。義通於四。即理唯圓。故約法論財。用施一切受者無不咸沾法門。法既無涯施亦

無限。以此傳化如無盡燈。二經論下雙釋。二初通約四教財法兩殊。此答初義也。以說法爲法施義通偏小。二今不下別約圓融。即財是法。此答次義也。則財是法名爲法施不通前三。文爲二。初通明施義。二初略示。財中具足一切佛法者財即色塵也。豈祇心遍。其色亦遍。色何以遍。色則心故所以三千依正不出一塵。故云具足一切佛法。是知不但唯心亦乃唯色。若不唯色非心耶。唯色唯心一體無二。從要從的須指唯心。庶幾精詳無令失意。二如無下廣辨。二初依法華辨。二今淨下引今文釋成。何關說法者即財是法功由觀心不因口說也。二今文下別示今文三。初明財中具法。二若能下明受者蒙益。三如此下不達遭詞。一切同聲者若了一塵即已心性足則具足一切諸佛法。亦具一切衆生法。以彼彼互融三無差故。故施一塵量等法界。以其不達致被彈詞。二問但下更簡通圓。問意者圓教觀心施財既名法施。前三教人行布施時若依當教修觀得名法施以不。答中云亦有此義者荆溪云。此非正意義立而已。故云亦有。以三教心不能即故。故三教理外論事。事不見理不稱圓宗。及但約觀以爲解釋故云但非圓普。出沒者有無也祇圓教中於諸經論有無不定。何但前之三教文耶。故四教文並得名爲出沒不定。二善得請說。三淨名略說。荆溪云。具十界法至即是施法者問。雙照即是施十法界然施十界。有何功德。九界若非何以施彼。九界若是用佛界

爲。答若事若理皆有勝益。所言事者斷六界法與其四界。與其斷法故名爲施。後四界中卷權歸實。漸與不定事理皆然。所言理者十界之理同在一心。不一不多不無不有。十即是百百即是千。千即三千而空假中。故空假中成名理法。法不出事故號法財。以法融財以財引法。用施於彼名爲法施。故法在財名波羅密。如意珠譬思之可知。復次下亦令用權助不思議。即如法華異方便等。通望衆人亦名一切。四善得重請。荆溪云。又述示未悟者若爾本地善得此會自知法施之理。但爲受者其心未融故重請之成受者解。符成之義其理宛然。然淨名元示財中之法。意令後代行者說者觀文對境皆須約財論法故也。五淨名廣說。二初懸示分科。二初懸示。二初明財中具法。若離財等者三教於財必無其法。二所以下明受者獲益。二初正明獲益三。初法荆溪云。以此施人至一切法也者問。諸佛菩薩深位之人何嘗離於以財導法。衆生受用地水火風任運常蒙佛菩薩益。諸佛菩薩不可數知。受用時長。衆生久益。如何更令凡夫假想如是作者所益幾。何況復反隱佛菩薩術。答其義實爾。然須曉宗。先荷聖恩兼蒙凡益。但化物之式譬若征夫。大陣難當理藉多戰。良將雖強不容獨致。傍資散健併力共攻。散健獲勳功由將術。況設未破賊教緣何嫌。卒急施兵拔健。爲將縱未全可。勉強曠器方堪不難。故諸菩薩無始運慈而諸衆生亦無始沾化。以是得知衆生難化。常處生死

受苦時長。忽感應道交乃彼此兼益。況復衆生亦有先修淨土行者。彼彼弘願更互相乘。彼彼相資至果方益。即受化者共別不同。彼我悉然。深可思也。故一佛出世衆聖咸臻。須達老婢例之可見。二喻三合。二引例釋。二初引大經。彼喻佛性遍於五道。今喻法施遍於五塵。二衆生下今釋成。二分科

維摩經略疏垂裕記卷第七

### 維摩經略疏垂裕記卷第八

錢唐沙門釋智圓述

二一約下隨文釋義四。初約四等。荆溪云。無施無受等者。意明大捨等無緣慈。是故彼此皆云無也。故以四種不可說法名爲平等。即是大捨之體理也。平等真法界。佛不度衆生等者。於此捨中慈悲喜三即是度心。捨中無著即是不度。然四與六及諸難行一一皆是獨頭法。施爲欲相成故並列耳。二約六度。二初正釋。所以六度大四等者。荆溪云。四若得六方稱兼懷。二料簡。何故雙釋者。即前云起五種檀四權一實也。三約三脫。荆溪云。約三脫者。即以空等對化生等。既是圓行。應具一切對難。且爾不必全然。互對亦成。圓行故也。用互對意。一一釋之。今成圓義。方稱教旨。四約衆行。古人分爲十段。今且依之初護法度生。四攝謂愛語利行布施同事。二敬事修施。皆如供佛者。以介爾有心三千具足。不輕皆

禮蓋此意也。三六念六和生淨天第一義天者。大論云。三種天。一假號天。如人王。二生天。即三界諸天。三清淨天。即三乘聖人。大經四支佛。四義天。謂十住菩薩。故彼經云。以何等義。十住菩薩名爲義天。以能善解諸法義故。云何爲義。見一切法是空義故。又云。我今聞有第一義天。謂佛菩薩常不變易。今明達檀法界能破無明。即生義天及第一義天。六念所緣既通四教。故兼云淨天。故知。淨天即前二教。四種六和者。類例委作。其義可見。今且略示四中和者。然此六法並應云和敬。謂身慈和敬等。又文所列小不次第。若依常說者。一同戒和敬。謂通達實相知罪本無。爲欲安立衆生持諸戒品無有乘譴。又和衆生因於戒善未來必得菩提。是以敬之如佛。故說同戒爲和敬。二同見和敬。謂通達實相本無知見爲欲安立衆生巧同知見無有乖謬。亦知衆生知見開解必得種智。是以敬之如佛。三同行和敬。謂通達實相本無念行。爲欲安立衆生於實相理行行無乖。亦知衆生因此諸行當成佛道。是以敬之如佛。四身慈和敬。謂住無緣慈現諸威儀和同九道。亦知衆生悉有佛性未來必得金剛之身。是以敬之如佛。五口慈和敬。謂以無緣慈普出衆音和同九道。亦知衆生悉有佛性未來必得無上口業。是以敬之如佛。六意慈和敬。謂以無緣慈現諸心意和同九道。亦知衆生悉有佛性未來當如佛心。是以敬之如佛。既知四下四理

雖殊三歸收盡。一心三歸互融無滯不可說示。名爲實直。四正行淨心而近下爲實施權。故近偏小賢聖。五調惡出家惡人來乞等者。爲惡之極不過闡提。既有佛性其即是佛。豈於佛所而生難難。部雖未談圓意無異。六說行無誣。七佛慧解縛。八相好淨土。九鑒機了法。隨情權實者。統三教爲隨情。以對圓融名爲隨智。不同諸文明三種也。起於慧業者。荆溪云。此亦復與諸文不等。諸文對智或云因果。今乃以慧而導於智。十斷行助道。五結成法施。經云。如是善男子等者。荆溪云。如前諸句。一一皆須約圓施心細辨相狀。具如前章明。諸教意來入此中。寄法華說述其觀旨。悉入法門達財如法方稱此中諸科文旨。若唯消法相何能涉於財中法耶。法施既述亦不達於菩提道場及法樂等。如今消釋方表其事。是故不與貪等相應。乃至不與無量相應。唯與一實不受冥合。六時衆得益二。初。八科。二隨釋二。初婆羅門發心。荆溪云。此最利根。是故於中別標其發二善得清淨二。初分科。二隨釋四。初善得心淨致敬供養。二淨名淨名受已迴施二。初叙意分科。以無所受等者。自性寂然本無所受。隨機利見四教明受。故云而受諸受。二隨文釋義四。初迴施悲敬兩田。福田不二者。種福之田名爲福田。悲敬雖殊皆堪種福。通名福田。種福雖同高下實異。今於事異而達理同。乞人心地三千與難勝心地三千互入齊等生佛一致名爲不二了



達不二名法施會。二衆見瓔珞在彼佛上。四德無礙者四種以表四德。不相障礙以表無礙。三淨名略說法施之會。四城中乞人發菩提心。四結成不堪。二命諸大菩薩。

問疾品 二室內說法。引接攝受二。初

對前略示二。初釋品題。二明來意。初示義。荆溪云。前明淨名託疾等者即指前來兩節文也。方便品中廣爲諸來問疾者說此有二義。近爲俗衆當座之益。遠爲後時。耶定成經。即方便品初料簡文是。次弟子品初云自念寢疾于床等。具如前文五種利益。今欲總以前二處文而爲室外。室外彈詞者問何以不云世界悉耶。答二門各須先歡喜已方可爲說。二門共有是故不論。問第一義理亦是其有何以明之。答雖即共有不入而於入者。故須說之。又世界一種有則不定。若第一義一向須有。是故須說二。已折下結意。二開章委釋二。初列章。二隨釋五。初此品來意。二初總示荆溪云。權謀者明方便。品處處現身即其事也。應問云無謀之權。何以更得云權謀耶。答無謀即是大權謀也。大像無形大音希聲。故知。不思議之權謀即是希聲無形大形聲也。前已用四教等者言凡夫者指方便品。言二乘者指弟子品。諸偏菩薩者指菩薩品。問祇應云以圓折伏。而云四者何耶。答詞凡用藏詞小用衍斥大用圓。或展轉詞。故須用四。今歎等者即指文殊稱歎。淨名令修等者即指調伏愚癡之文及下四品也。入不思議指不思議品。得見淨利即指香積阿閼佛品。言及下

五品者至下文各隨其品不出折攝。二別釋二。初列章。荆溪云。此又爲五者亦與前品五義意同。而但與前名異義別。亦可言名同義異。以文殊受命亦依文殊各隨五別於此須與前文辨別。二正解五。初爲赴時衆渴仰之心。荆溪云。親承者向雖開述被詞之事但可因像繼信而已。若見神變并聞智辨得益不輕。故須隨從。二爲三觀攝受引入。三爲扶成淨土之教。荆溪云。隨障盡多少者障即宿障。障必具三。以同居中分淨穢故是故於障必須分三。不同緣集但三種也。若二乘人已入位者亦可從於顯露教說。復亦須云令顯入位者成於生酥。在第四意中爲後弄引者。是各生淨國者具如前文佛國品中。四爲入大品法華弄引。已入正位者證果二乘也。前雖等者荆溪云。前據未轉者也。亦容已有根轉之人及秘密悟。上下文相一切皆然。言不累施。文偏事具。故具從顯一往以說。若至大品等者此文亦依次第以說。不可準前轉教觀等。前既總撮大旨已。意下去處處一切且別復須述意。故云利根。發時不定具如前說。五爲還佛所結定。對佛印定者前列章但云結定。荆溪云。結即印也。所言結者大士化事其功方畢。收束機宜理在成教。故云結也。問印前可爾。何須云後。答非菴園後名之爲後。前雖開述而默印之未知默意其旨何在。至後入室累聞勝因復見大士施多權變入室之後故云後耳。如是等事理不容易。故藉如來對衆印可。復假天帝發願弘通佛復

述成令傳後代。準此必須重至菴園。起發阿難者即菩薩行品初阿難白佛以何因緣有此瑞應等。二文殊堪爲問疾人。二初標列。二正解五。初位高。不無高下者等覺有初中後心。故文殊修行積久即後心菩薩也。此亦一往者還云。皆望後釋。所以前文但成一往。二垂迹。是龍種如來者楞嚴云也。三顯圓。央掘從少者既少分弘偏。故爲央掘訶折。以多分弘圓故與淨名事同。四愜衆情。左面大臣者且順此方以分左右。餘如前記。五隨物機。諸菩薩至如兩捷者荆溪云。不云二乘但云菩薩者祇是互無粘槌而已。以力等故得兩捷名。必不可云兩粘故也。亦可互爲粘槌如初入室。文殊設問而淨名答。至觀衆生淨名乃令文殊說法。及不二門更互說默爲二聖利物之式。亦可得云文殊以言說之槌扣淨名真

理之砧乃成中間稱教之益。始會砧槌理教之用。爲淨名稱歎者還云。經云。善來文殊師利等是也。三釋權實兩疾。二初叙意總明二。初明二疾。二若從下辨前後。能化即大士所化即衆生。文云下證能化也。初證前權疾又云下次證後實疾。故淨下證所化也。以衆生病前實也。則我有病後權也。二今約下開章別釋二。初實疾。二初標示分章。二依章正釋。四初辨因果疾相。際礙者際側界反病也。同體性異者色身如饑。四大如蛇。光明云。地水二蛇其性沈下。風火二蛇性輕上升。互起增損者水增火損則成冷病等。餘大比說。二解釋二。初釋因病。荆溪云。貪欲至一身者前之

耶二印？ 意二竟？

三分引經義立。等分對身者稍似身耳。雖乃從義義通於實。實由於心理必然也夷平也。二釋果疾。二初約四大。二約四相。如瑞應等者。荆溪云。問何不云生。答三由於生生亦由三故不別出。火譬貪者以已攝他如火焚薪。水譬瞋者瞋心毀慈如水溺物。今一往等者。荆溪云。通別二義於理方成。何者由此三毒通感於身。別對非無通造為善。故引通文以成別也。三通別因果各有通別者並以人人共有為通。別造別發為別。因通別如文。果中云四大四苦為通者四苦即生等。若因中唯通者謂。不別造四重等。是故但感人中四大四苦之身。故云果時亦爾。若因中別造四重十惡則別發三途重苦。乃至得生人中。六別受四大增損四苦增加之執。故華嚴云。殺生之罪能令衆生墮三惡道。後生人中得二種果報。一者多病。二者短命。歷十惡明之此即別因發別果也。多病則四大增損。短命即四苦增加。強弱者重強輕弱。四約土重輕。荆溪云。約土輕重者雖復橫論又更堅攝又為四。初同居。天道地獄因疾。皆言不定者約心以論能起善惡。故天非定善獄非定惡。二有餘二。初正釋。但有別教通別等者荆溪云。有餘上中雖有藏通五人生彼至彼無復藏通之名。其教既謝位名亦失。約未見別理即別地前。彼土剎實但有別圓二種人也。從漸教說藏通初轉或且入別。初轉豈容全不入圓。但是附文從別而說。二。科簡三。初簡四分因疾。荆溪云。答分無為緣集等者名同體別。即

與界內三界愛見四分名同其體則與界內永別。況復界外方便說耶。二簡四大果疾。荆溪云。答亦有變易等者唯輕無重。故但云通。言具有地等四大及生等四苦。但彼苦果與心體同。以從貪等得四大名故使生等念念變易。故以變易故名為生死。以有生任運老病。三簡果疾輕微。荆溪云。所以不問生死苦者變易生死諸教盛談。所以但疑老病苦耳。三實報三。初正釋二。初正釋疾相。荆溪云。亦名因緣者但未見理故屬因緣。故與界內名同體異。即法性為因無明為緣。不成實疾者不應作亦字之誤也。二但變下對前簡示二。初別對二土。變易名通者以無界內分段生死則界外通名變易。以因移果易故也。若別論觀解斷惑則有方便果報二種之殊。若論自體者即果報土有自體緣集也。乃至無後有者此於果報土中更約因緣。及十地有後等覺無後。位位破惑上下相望更論輕重。二通約十界。前對明二土止在四聖。今對六凡共成十界論疾輕重。阿鼻是六凡之始。等覺是四聖之終。望於究竟俱有實疾。以果報即分證果故得名佛界有疾也。具云一闡提。此云惡欲。極惡欲之邊故謂無信等五根也。或翻為信不具。阿鼻至此云無間。無間有二。一身二受苦。以闡提因疾感無間果疾。此乃別疾之極重也。以上九界傳論輕重中略八界故云乃至。又於佛界略初住等故云乃至。故一乃至略其二番。二。科簡二。初簡因疾。引請觀音者既淨毒根即成佛道。驗是界外破

無明見佛性。不了知自體得云三毒。既名三毒即是四分。二簡果疾。答既有等者荆溪云。既許生死何妨四大。四大既別故引大品一切法趣。界外四大名同體別其理不疑。次引大經。明究竟位四大四苦已盡故不為生死所遷。三斥古。其如何教者向引涅槃。明佛不為生死所遷。豈非等覺猶為生死所遷乎。況復下云從癡有愛既通等覺。豈無生死此皆誠教。諸師何背之耶。荆溪云。古來不知此文難會。若不得今意如何能釋觀音品中果報惡業煩惱火水風別。從癡有愛者故等覺中一分無明亦名癡愛。從此癡愛感等覺地一品生死。乃能為物受癡愛生。若不爾者感應之道不同。設化之儀未普。若金剛下明等覺無明亦名癡愛。示同等覺設化普矣。四約寂光二。初正釋二。初約究竟無疾。二種者一唯在極果。二通於下地。二若通下約中下有疾二。初約別。荆溪云。此所有後無有後生死者唯取此之兩位以為中下。若依仁王等者於無後等覺位中以立二生既不立等覺。但云十地位中有三生也。則立法雲而為始生準此。但取住生終生以為寂光。以始生者讓為實報。故云因緣。二此別下約圓二。初簡別依圓。荆溪云。此別教為便者以依仁王故不立三十心為斷無明位。又法雲一地而分三品故成別也。況有教無人未可依用。今對寂光依圓教。故圓教三十心皆是因緣。二雖作下簡因依果。荆溪云。未可定用者向來雖對別圓兩教及等覺有無。以立中下寂光之義未

若唯立上品爲定。況復暫借攝師之名。二料簡二。初問。荆溪云。此問意者由用有後生死等言是攝師義。是故且推以屬天親。玄義云。無著造攝大乘論。無著即天親之兄俱是五性宗。然法相之盛在乎天親。故云天親義也。二答三。初明二聖同悟義合通用。同入不二法門者所證妙理一體無殊。四悉隨機立宗兩異。龍樹承於文殊。明一切衆生悉有佛性名一性宗。天親承於彌勒。說三無二有名五性宗。三無者闡提及定性二乘。俱無佛性不得作佛。二有者不定及菩薩。俱有佛性未來成佛。故西方此土人到于今有兩宗之異。今本下大師雖承龍樹觀法共或解釋佛經名相何隔天親。況知內證本同。隨機暫異。故於此文聊用攝義。荆溪云。答意雖爾一家所用龍樹爲宗。二兩宗損美共顯佛經。若分別等者世以天親爲法相宗。龍樹爲法性宗。其可知矣。龍樹於佛滅後五百年出。天親九百年出。三但下義符天親以杜他謗。地攝映望者地持論是彌勒所造亦天親所宗也。今一家釋經豈但宗承龍樹觀法。至於義門名相悉依智論及以中論。法相有闕則取他宗以爲補助諸文皆爾。不獨此中。既非正用故云映望。或謂下既憑天親他終無謗。二權疾五。初總釋二。初通明權疾。二初通舉五行。然此五行含於因果體用。涅槃疏中分別甚詳。今以聖行爲因。天梵爲果。天梵爲體。見病爲用。問諸文或云。聖梵是因。今何以梵行在果。答聖梵二行並通因果。對於天行以二爲因。今云在

果何所疑也。以聖即三學梵即四等故知。戒定慈悲因果俱有論其傍正。故須分別。荆溪云。從聖生天梵等者由因證理從理起用。用又指因故云聖行乃至而起。問天既是證何名爲行。答從天起行。故名天行。故天行位在於地住。驗知。從於別圓二種聖行而生。二嬰兒下別釋病見二。初標示所起。示同小善名爲嬰兒。示同有惡名爲病行。同善爲與其樂。同惡爲拔其苦。故此二用由於慈悲。故向荆溪云。用又指因也。是故或以聖爲自行因。天爲自行果。梵行爲因中化他。病見爲果上化他。故因於慈悲而有二行。梵通因果。向已略明。二何者下微釋自他二。初明自行則無諸惡永斷者顯無二行。嬰兒小善望佛仍惡。衆善普會者即天行究竟也。天然理顯定慧莊嚴。故云普會。有何下初無兒行。次無病行。二但以下化他示有二。初正明兩行。形充法界者現十界像也。若此下明由機息故應謝。荆溪云。明於二行息之由也。二但衆下結示隨機荆溪云。機生曰興若約物病何時不興。二故文下引文證成。二今淨下結指淨名。荆溪云。約法從人。前雖通辨意出今文。文意亦在通被諸土。二但實下別釋三。初指上標今。今權疾亦約四土者荆溪云。然且四土皆有權實之兩疾也。若約寂光但現權疾唯有實報。則位位中一實一權若方便中亦有神通得名權疾。但不得名應化權耳。是則二土亦權亦實。二同居土一向唯實。於同居中得實益者亦可隨義判釋不同。二一同下明四土

四。初居二。初纖二。初正釋。二料簡。答意者佛界即圓似七信已前。菩薩界在別即七住已前。在通即已辨已前。聲聞即三果已還緣覺則指凡位以一半斷故。然二乘未入無餘者亦有果中通疾。菩薩佛界未生方便準此可知。故云約界內至未盡也。二淨。荆溪云。人天并四。故名六界。然淨土中雖無藏教二乘之人亦可得有通教二乘并後三教菩薩及佛。故成六也。由是亦得名爲六界。二有餘三果報。因緣有後等者於七種中此三生死並屬果報故也。四寂光。三是則下結示權疾。權同四土者荆溪云。實報方便及二同居。故云四土。以寂光究竟無實疾故今謂。若約中下與實報同。則四土之言同居合一。并荆溪義共成兩解。三料簡二。初問。荆溪云。作此問者以土望人其人既猶有實疾。何能自於無障礙中現等覺地之權疾耶。二答二。初總貴。荆溪云。先以本迹高下四句不可測答。然若云淨名本是金粟如來者則是本高迹下。豈不能現實報權疾耶。二但權下正答二。初總標。荆溪云。從實位釋。二若妙下別示二。初明寂光唯權。二等覺下明三土俱有。三初實報二。初正明等覺權實二疾俱有也。二如此下例示下位。二有餘三同居。四觀心。荆溪云。約觀心者義通初心。是故云也。如無貪人權現貪等。故置無疾現疾等言。或自行等者明示現權疾之所以也。自行精進祇可示爲懈怠之權。不可實墮而示精進。化益不定。意在隨宜。乃至一切者一切鬼神亦有權變假設之相。

事通意局。五如此下。歡結二。初歡唯佛能知。二今淨下結文殊善解。四明因疾出六品。二初明因疾有品二。初正示。六品皆從至故有者謂。疾是癩瘡是實出生諸品也。當如符契者文心雕龍曰。符者字也。徵召防偽事資中孚。三代玉璽。漢世金符。宋代從省代以書翰也。契者結也。上古純質結繩執契。今謂入文帖釋與此合同。故如符契。二破古顯今。二初問。荆溪云。五源八始者古人意云。問疾一品因於文殊至淨名室。除去所有爲下五品之源本也。八始者至法供養猶是正經。故問疾初爲下正經八品之始。二答二。初斥古。主對全疎。二今明下顯今疾義周普。二初叙意列章。三由下。依章正釋。荆溪云。三由等者因於古釋今亦立三亦名爲由。而義少別。但從疾生。非全一品而爲初由。但三處由疾。故曰三由。一俗衆。二聲聞。三菩薩。六源者意明示疾爲六品之源。問疾初文亦無此品調伏慰喻之源始也。并下五品故爲六源。五入文帖釋三。初問疾品。略明權實二疾。二初分科。二隨釋二。初佛命文殊。二文殊恭命二。初叙意分科。二。自下隨文釋義五。初恭命問疾二。初自謙。行人之常儀者行平聲猶云使人也。恭命將行禮宜謙遜。故云常儀。往復非易者往復猶問答也。二出謙難之事。二。初分科。謙難者難去聲長難也。二隨釋四。初二智深廣實智深廣者聲隣妙覺故深。橫周法界故廣。若權智至非要也者荆溪云。二智體同。並得名爲說權說實。今從泛爾隨情之權且作

此說耳。如法華下第五轉輪王譬也。賞以金銀七寶喻說權小七覺法也。解譬中明珠則之喻說開顯圓實法也。明珠者明譬中道智。圓譬於常。在頂者極果所宗。譬中者實爲權隱。解譬即開權與珠即顯實。部雖隔小而對圓機所談則與法華無異。故且引之。四句者荆溪云。前二句即三教後二句是圓。此即下以大經三句次第配三教。生不生配別。意如前釋四辨赴緣。說三教等者荆溪云。既云赴緣。理須說四。今從用權且云三耳。知病等者三教苦集病道滅藥也。二明因果德滿。權實之法式也者修觀漸頓斷惑高下歷位多少化他廣狹悉是法式也。非但等者荆溪云。意云。悉知之言猶濫未證。故以成就約證而對說之。不務速說者務皇侃疏云。而慕也。三化他功大荆溪云。十方等者義通橫豎。八方橫也。即是同居淨穢二土。上下豎也。即是有餘果報二土。荆溪此釋一往言也。今謂。十方是橫義必包豎。以不離同居有三土故如法華壽量品。四結二智究竟。二正恭命。冀無等者冀望也。二大衆俱往。二初分科。二隨釋二。初衆欲隨往。二文殊與衆俱往。三賓主往復。二。初分科。淨名爲主。文殊爲賓。賓問主答即往復也。二初又下隨釋四。初淨名空室現相。二。初分科。叙意。二初云下隨文釋義。二。初神力空室二。初略示叙意。二。初略示。二空室下叙意。二。初成前。二生後。二今約下廣釋所表。二。初正約四土。初同居。二初穢二淨。二方便。三寶報。四寂光。荆溪云。常寂光究竟清淨者以表

究竟。若約自行現此相者正言。我與文殊俱除微煙。故用表之。爲他亦然。理須從極表果報之末者亦指等覺。故地持等者上句釋其所以。次離一切下正示斷障名禪明是等覺。二若表下結顯權實。荆溪云。若表等者具如前釋權實二疾各隨己之所有明其權實不同。二以疾而臥。二。初正釋。二。初略示叙意。二。初略示。二此亦下叙意。二。初成前二生後。二所以下廣釋所表。二。初釋床疾。二臥表下釋而臥。三。初正釋所表。荆溪云。心安不動等者智契極境斷所以滿。自非元品永除至於究竟智斷豈令三事具足俱得滿名。淨名雖居等覺所現終成究竟。二故大下引經證成。荆溪云。引此偈意安眠即是真性軌也。實慧慈悲即是方便解脫也。三如人下結釋自他。二。初立譬。二實下合釋。實慧亦爾者合如人也。實慧冥法身如無病眠。實慧起應用如有病眠。實慧即報身也。文爲二。初約自行實慧冥真。二若有下約化他也。實慧起應。二。初正明。即是實慧法身應之者報與法合能起應用如水銀和真金能塗諸色像也。二若淨下例結。二料簡。二。初簡疾所表。二簡床所表。今解淨名等者荆溪云。勸捨執耳。用莊周言託興假設立此人名名爲罔象。意明罔象乍可得珠過若窮研祇恐失寶。況復轉譬誠有所遇。言罔象得珠者莊子外篇云。黃帝遊乎赤水之北登乎崑崙之丘。南望還鄉遺其玄珠。使罔象之而不得。使離朱索之而不得。使謏索之而不得。乃使罔象罔象得之。黃帝曰。異哉

罔象乃可以得之乎。說者謂。絕思慮故智索不得。離聲色故離朱索不得。離言辨故誤語索不得。罔象無心義無心乃得珠。誤語上枯。及下苦候反巧言也。二文珠現相知表二。初正釋。二料簡二。初問。二答二。初徵文示義。表士表身者表寂光法身也。荆溪云。若對向四不可說文應表四土三身。二又下舉勝況劣。荆溪云。又文殊尚知欲說法華等者若以淨名望於如來誠爲不易。況法華方等難易可知。信知。何經不有天華地動放眉間光。文殊纔觀知異一代。便憶住世曾有見聞。故見瑞時乃引燈明釋彌勒疑。即懸知今欲說妙法。此事尙識。況方等耶。三淨名稱歎文殊二。初叙意分科。二隨文釋義二。初正稱歎二。初略釋。二餘非下廣釋二。初簡非善來。荆溪云。終求無餘等者無餘等言本在三藏。通雖稍巧及以斷惑然所求果不出無餘。果是所期。故云終求轉心觀者心即斯心次第觀。即初地雙流。所以彈訶菩薩多在三教及失圓意者。問那得第七立是圓教後心人耶。答圓教失意定在初心。與物無緣者簡第六七。若被彈者簡於前四。今總言之得作此說。二今文下顯是善來。二釋歎二。初正釋二。初釋不來相而來二。初引古逐破。應歎二乘者荆溪云。二諦語通實同異耳。淨名皆應歎諸菩薩者地住已上皆有法應。即列衆中不無其人。唯有語見須在博地。皆言表語通於三萬二千故也。即是自性來者古人謂。定執來相而成自性不願定執假來復成他性。不出四計

與外何殊。二今言下今師正解二。初雙標。二何下雙釋二。初簡非。二若圓下顯是二。初簡有德無緣。知四不可說者達三諦互融。即知四理俱不可說。此合如來命章者命者召也。始也。始談淨土而以佛國召章。但諸圓教至不歎者荆溪云。此中釋前圓不應斥。既云初中後心。故知前文理合通取第六第七。但爲無緣而不堪耳。故於高位最藉有緣。所以唯在文殊一人耳。二今文下顯德緣兩備。荆溪云。皆是四不可說者有機之人理亦無說。理不自顯然由說成。文殊扣機不說而說。二釋不見相而見二。初略釋。二言不下廣釋二。初簡見相而見。二若入下顯不見相而見二。初通示圓見。三聚衆生者大論五十云。衆生有三聚。一者正定必入涅槃。二者邪定必入惡道。三者不定。今皆不見者外境即心咸空中故。故不二門云空中妙故心色體絕。不見衆生七方便異。不見國土淨穢差別。而圓見法界者空中即假而帶網依正終日炳然也。二今文下別顯文殊。荆溪云。與淨名齊者今此大會豈無齊人。故亦須以有緣簡之。準前歎德悉歎等覺故也。下去對釋。但皆少於有緣一事。故須節節添其有緣。二料簡二。初約來見。問二。以眼智答二。初分對引。荆溪云。答意者先分別是。次引法華二文者意明知見必不相離不同三教知見相別。二復下約位正解。荆溪云。復次圓教等者亦是通出知見之位表因至果。皆是不來而來故也。然於文殊無趣果義。正當不來而來義也。不同衆生來

故云不來相而來。見亦如是。四文殊述成其言二。初叙意分科。二隨文釋義二。初文殊領解印可述成二。初標示。言三句者世行經本闕第三句。依大師所釋華義合有但知而已。不須添經。二初句下正釋三。初釋來已更不來二。初簡非。荆溪云。前五等者故知。善來取後二也。以有緣簡故不取之。自此已下不能繁述。準例可知。二今圓下顯是二。初通取圓因。發軔者軔車也。文選云。發軔清洛內金沙大河者大經因佛說。一切江河必有迴曲。文殊遂難。佛云。於此三千世界有渚名尼拘耶。其渚有河端直不曲。名娑婆。猶如直繩直入西海。今以江河迴曲喻前教。金沙直入喻圓頓觀法。即障是德如直入海。二復次下別顯圓果。二釋去已更不去二。初正解釋。非是善去者由前三教。果理俱未究竟故非善去也。去已猶應更去者謂。去至取相更去偏異。乃至去但中更去圓中。二此之下對前簡二。初引文簡辨。荆溪云。若以果望因等者亦如前文以事表理。故大品等者須云二種三界意也。又大論等者即先以佛依理不來不去。爲衆生故而來而去故。文殊答亦依此理。二如淨下例示今義。淨名爲主謂文殊爲來。文殊爲賓指空室名去。來去名殊俱在空室。三釋見已更不見二。初總釋。過此所表等者圓融極果已究竟故。雖見者有淺深文殊論其所表圓極一也。二復次下別釋二。初述成。四正宣旨二。初叙意釋置。荆溪云。賓主相見之儀者若二大士俱是法身。有何賓主而欲設儀。

若約化事今此淨名本雖妙善亦是中間  
迹耳。但約此迹先處毘耶。故使文殊仍為遊  
客況復問疾親詣所居。故有賓主設儀何等。  
二文為下分科懸示。二宣旨下隨文釋義。二  
初宣佛旨。二初分科。二隨釋。二初正宣佛旨  
三。初問疾可忍不。故有勞問者勞耶到反慰  
也。又如大品少病少惱等者。取與居輕利  
氣力安不。智論第十云。諸佛法爾。知而故問。  
復次隨世界法世人問訊。佛示人中生受寒  
熱生死與人等。問訊法亦應等。復次世界中  
大貴大賤不應相問訊。佛力等故應相問訊。  
復次佛土淨穢雖殊智慧神力俱等無異。故  
相問訊。二別釋。二初正釋。二初正釋。四。初同  
居。今亦約四土者。荆溪云。夫不可忍惡中之  
極。內心既惡相必外彰。故可忍者有損之理。  
即是易治之人故也。八苦五衰者。八苦如前  
記。顯宗論有大小五衰。大五者。一衣染塵埃。  
二華鬘萎華。三兩腋汗出。四臭氣入身。五不  
樂本座。此五相現決定命終。設遇強緣亦不  
能轉。小五者。一衣服嚴具絕可愛聲。二自身  
光明歎然不現。三於沐浴位水滴著身。四本  
性驚馳今滯一境。五眼本凝寂今數圓動。此  
五相現非定命終。遇勝善緣猶可轉。故果疾  
是一而因疾九種者。荆溪云。言果一者。六道  
隨一。三善隨一。三塗隨一。以三塗中亦可宿  
習能生三乘及六道。因故云。因九。於九因中  
三乘可忍。六六不可。二有餘三寶報。荆溪云。  
但不如有餘等者。若以地地而為相待。上不可  
忍待不可忍。有何不可。但不如橫一時相望

可對。不可義則易見。此並果報土中義立。四  
寂光。荆溪云。無實權之疾等者。問既無實疾  
何以無權。答。今約自行當土不須故云無也。  
若望三土。應云無實而得有權。二佛止下結  
歎。佛止一句等者。荆溪云。乃成如來一音普  
應。故一家解釋深窮佛心。無所不該者。該包  
也。家語云。夫孔子者。大聖無該。王肅注云。該  
包。二。料簡荆溪云。答至實疾也者。固勸學者  
順大師意見。諸經論不須違拒。達通二義。教  
復無違。故以寂光與三土體體常相即復順  
三品寂光之文。二問療治有損。二初總釋。荆  
溪云。但眾生疾。三有不同等者。至此不云有  
為等三。但云見思等三者何耶。意明疾相此  
三義顯。故有為等暫用非極。為破滯有著有  
為名無為。破著亦復如是。又無為者。傍涉塵  
沙及以無明。其體混濛。故義非永又立見等  
為欲對下三觀四教調伏。愍喻其文便故。二  
別釋。二初直約四土。荆溪云。從空至傍給同  
居。無知者。以界內塵沙不障界外之生。故雖生  
彼有而須斷。既生界外。界外為正。縱未出界  
惑終非正於外破內。內則易壞。三。中道正觀  
正治有餘等者。有餘土中無明全在。果報土  
中餘無明在。雖復果報有餘及以全在。並為  
中治。言利根至傍治者。通教利根具界內惑。  
但修中觀細惑未破。龜雖前除亦非正意。故  
立傍也。又非正障中故。故亦云傍。二。今明下  
歷示根遮。二。初約同居。二。初正示。四句止。誦  
一偈者。佛親授偈。令繫持誦偈云。守口攝意  
身莫犯。如是行者。得度世。繫特威佛深恩。誦

得上口。佛告曰。今汝年老。唯誦一偈。人皆知  
之。不足為奇。須解其義。所謂身三口四意三。  
觀其所起。察其所滅。由之生天。由之墜淵。由  
之得道。菩提自然。因此心開。意解。得離深果。  
大論云。九十日誦一偈。法句經云。三年始誦  
一偈。今依大論。故云一夏。央掘等者。彼經云。  
央掘摩羅。本名一切世間現。於婆羅門師摩  
尼跋陀所學。四韋陀。師受王請。令其守舍。師  
婦見其端正。而生染心。前執其衣。央掘不從。  
師歸婦。讒之。即言。其初生時。有大瑞相。必無  
是過。然語之言。汝殺千人。取指為鬘。冠首可  
得。免罪。成婆羅門耳。世間現受教殺人。後見  
佛云。我師云。若害沙門。必得生天。於是遂佛  
奔走不及。白佛說。偈佛化之得離深果。聞阿  
說示等者。阿說示。即頌禪也。梵音楚夏耳。大  
論云。身子因見頌禪威儀。摩序問曰。汝師是  
誰。答。悉達太子。捨生老病。死得三菩提。是吾  
師也。又問。師說何法。答云。諸法從緣生。諸法  
法說因緣。是法緣及盡。諸我師如是說。身子  
聞已。得初果。還其所止。目連謂曰。汝得甘露  
應可共嘗。身子如聞而說。目連亦得初果。二  
人見佛得離深。二淨名下結指淨名。二約三  
土。荆溪云。若就等者。言無明永不損者。一往  
雖爾。然又云三乘相形大小既別。亦可義立。  
但彼土無執教之惑。是故無有不損之理。若  
約初心宿業等者。若已生彼無復重惡。遮障  
宿業。約在此土修圓觀人。未破無明。或復當  
破而云有遮義同彼土。故寄言之。但有損損  
增損也。三問不至增乎。二。初舉事。二淨名下

表法二。初歷土示義。善果調達者大經迦葉品云。善星雖復讀誦十二部經獲得四禪親近惡友退失四禪。生惡邪見說無佛無法無有涅槃。善星今者在尼連禪河。佛與迦葉共到彼所。善星遙見佛來生邪惡心。生身陷入阿鼻地獄。調達墮獄如前記。尸利鞠多莊嚴論明。尸利鞠多長者受外道囑令殺佛。與難毒於飯中請佛食。佛知令阿難唱偈誦已方食。唱已毒散。退法人者即退法羅漢遇緣退為初果也。而三乘至亦得有三者。荆溪云。五人位別稟教不同。故云利鈍。已得位不退者若約三土明三不退即其土中猶有二退。若破塵沙得行不退。若破無明得念不退。即入果報。果報一向是念不退。況餘二耶。約土既然。從位可識。皆是損損者若此言之方便亦應唯有損損。文且寄於二種退義名損增耳。其實不可更為增損。或約出入觀義立三句者。退云。入觀為增損出觀為損增。入更無出直至念不退名為損損也。二淨名下指人結歸。二總述佛意。或有多句下疏約兩義以釋無量。荆溪云。一者當時佛語辭多。譯人等存略。或是下二者通述不盡之相。如世人云無量無已之類。故知。文殊殊宜佛旨不事餘辭。堪可承旨良有以也。第一疏中明度不盡唯取初義中譯者簡略。二述已情。二。初叙意分科。答出不思議品者不思議用是權迹。故答出觀衆生等四品者觀衆生品明空觀。佛道品明假觀。不二門及香積二品明中觀雙流三觀。所破三惑即實疾也。二就問下隨文

釋義二。初問果中權疾二。初示義分科二。初問下隨文正釋三。初問果疾因起。二初文殊問三。初問疾因起。二問久近。三問滅疾之法。二淨名答二。初分科敘意。二今先下隨文釋義二。初超。答第二第三問三。初正疊答兩問。二。初答第二問疾生二。初正釋四。初同居。荆溪云。淨名為衆生至正意在此者若皆非近須論悲體。體即實理。理與一切衆同。別論發心者自從初發四弘誓來有疾而衆生亦無始本有。但以菩薩未發心前及以未得無生忍來有疾可爾。況發心已大願始張。至真位初疾方分現。未審淨名證來幾時。其所現疾未知久近。約所度物緣會應興其疾乃現故關初心。結緣多少生熟偏圓淨土固成權疾方現。自爾已後生生成熟。生生願行。剎那剎那三業四儀未曾剎那闕於行願。故知。悲疾後後隨興。據此言之則淨名疾近衆生疾久。今約理說有何久近。久近之義節節委曲。二。方便同居癡愛盡等者荆溪云。道理有餘果報二處之病祇是未斷不名為生。今云生者寄於龜破細法方現。義當於生如四正勤中未生者。是因愛生死者愛即別惑。愛心在名生愛心滅名死。下地愛滅上地愛生。番番變易名為生死。亦不退細受龜者不退上地細變易受下地龜變易也。然方便受滅即入果報。今為顯方便土生死之義故須相涉而說。又方便土中約於無明有已伏未伏之殊。圓觀有初中後心之異亦得論於下地上地以明生死。既未破無明則並在方便。若然亦不涉於

果報。從容釋義兩說無咎。三實報染依正者愛著實報依正。雖心心寂滅自然流入對於妙覺下地並有愛染也。四寂光。二料簡二。初問。荆溪云。此問意者以理難事。事有久近理無久近。二答。荆溪云。答中意者欲分事理。先理大事。所言理者祇此癡愛即是明脫癡愛明脫悉是自有。乃與淨名本理悲同。所言事者衆生尚迷淨名久悟淨名久以大悲動性。衆生機發對淨名悲機感相應乃成疾相。是故淨名權疾則近。一切衆生實疾則久。從發心後雖有大悲仍未堪同衆生之病。所以能度所度皆非久近而論久近。若知此意可以立願可以修行可以赴機可以施教。文為三。初約理俱無。二而論下約事則有。三若依下相對結示。荆溪云。若依理等者理本有故即無明是故云久也。即此無明復名為事。故事亦久。二答第三問疾滅二。初正釋疾滅二。初總釋。二何者下別釋。二若諸下破古釋疑二。初破古。二釋疑。通論實疾不盡等者以衆生不可盡故。今且下約機熟受化以論滅義。二釋二。初釋答權疾久近。二釋答權疾得滅之由。三譬顯二。初分科。二隨釋二。初開譬二。初開有疾生大悲住一子地者以四等心至果住二地。故慈悲喜成住一子地。愛念衆生如一子。故捨心成住空平等地。能所俱空不求恩報。故此之二地位位橫具。今約現疾偏從悲。說言略意周。四等具足開。有性理等者十界雖殊一性無異。故名一子。二開疾愈。子是實疾父母權疾。二合譬如文。二追答第一問。

經文兩句。初牒文殊問。次菩薩下正答。疏分三。初對前文標示。二即不下顯無緣正釋。二初約義正辨。二初約無緣正示。此無心於物者實不緣念。三土衆生而於衆生自然現益。大經云。下即如來入王舍城時。調達教闍王放護財。醉象害佛。如來即入慈定。舒手示之。即於五指出五師子。今淨名下例同也。但分眞極果淺深少殊耳。二衆生下簡生法。重明衆生緣等者。三慈義委如前記。二故大下引經微釋。二初引經略示。二問下約喻微釋。二初微問。荆溪云。石異於吸等者。一往觀之二句無別。細尋文旨不無少殊。先問石異於吸。意問法體不關用耶。次問吸異於石。意問法用不關體耶。體即法身用即悲疾。二答釋。二初約喻簡示。荆溪云。答中意者必不相異。方名體用。二無緣下約法正明。二初明體用互融。法身體也。慈悲用也。二如鏡下更以喻顯。三衆生下約機應結示。二初明體性一如。二以三下明隨機起應。衆生迷性起惑。菩薩遂往應之。二問此室何空。二初分科。二隨釋。二初問。二答。二初分科。二隨釋。二初答室空。七。初答室空。二初總標。二從來下別示。二初明昔表方便。二今欲下明今表眞實。二初正釋。二初正表寂寂。二空何下兼空三土。二料簡。二初問。荆溪云。問別有等者。若如前釋。已知不別猶恐不了。故重問之。二答。二初正答顯同。荆溪云。若答中意者。三土即是何須別求。若爾三向通有。三外虛通何得。不有。若爾虛通之有。爲與太虛同耶異耶。答若同太虛

那通三土。若異太虛。豈得通三。內外靈知遍而非遍。四句推檢通教顯眞。問三土之外何殊太虛。答遍同理別。問約理云。遍爲復常通爲或在無。答法體常通常在性無。但可推之不可思之。但可思之不可推之。不可觀之。但可會之不可會之。但可觀之。二如螺下引證釋成。二初引證示義。荆溪云。如螺髻等者。舉淺況深。淺尙相在。況復深耶。故云等者。且寄相在。以表相即。故將相即酬前問。於有無之旨。二言皆下釋成皆空。二初明依正皆空。封疆者。中華古今注云。封疆畫界者也。封土爲臺。以表識疆界也。畫界者。於二封之間。又爲壇墀。以畫分界域也。荆溪云。言皆空者。意明遍空顯非疆畔。亦顯疆外理必不無。以不無故。亦名非有。天器即離方之可見。二從下對昔結顯。二問以何爲空。二初問。荆溪云。分段下約餘三土對法性問。又聲去約大斥小問。明空三昧者。小乘唯但明空。若衍門明十八空中。即有空空。下七問答皆須兩消。二答。二初引經總明。荆溪云。若約境智明等者。重空之言。互對境智。境空於智。智空於境。二今言下依教別示。二初斥失。荆溪云。雖開境智別相難分。一者從證不可分故。二者居因淺深莫測故。故須約教區以別之。二若藏下顯得。以知教別無上二失。三問空何用空。二初問。荆溪云。所以更進問等者。問中雙申兩問之勢。初通約理性對智以辨。況又言去別約眞諦。以斯空名近眞諦。故一往且從隣近爲問。問空何用空。備斯二意。二答。二初明達本性須

空智障如前記。二亡眞諦須空對前問中兩意細尋說之。四問空可分別。二初問。荆溪云。先正難次。若以下引同小乘。若是空者。下夫云空者。應空分別。今那更云空不空耶。二答。二初依實正釋。二初明能所俱空。荆溪云。答意者。分別尙空。況不分別豈不空耶。若所觀分別等者。雖約境智相對。以辨無分別相。而須互作自他等性。及以破性而辨二空。二若能下約能所互顯。初以能顯所。以所觀下以所顯能。二諸方下權實對顯。二初約教對顯。荆溪云。圓教等者。以是而觀。三教境智境智猶二。是故未名分別亦空。故須唯指圓境智也。二復次下約土對顯。五問空當於何求。二初問。二答。二初約喻總釋。荆溪云。今衆生未悟至常寂之土者。文中乃以悟未悟爲言者。且以因果相望易見耳。若未入圓不名悟。故以未入圓非善行故。故亦應云圓與三教所明不同。亦可得云。即與不即。分別之盛豈過諸見。諸見即是。何以別求。二今明下約見別釋。二初正示見相。二今約下約教辨示。二初歷教明。見空門毘勒門等者。入成論墮空。入毘勒墮兩亦中。等取雙非也。如大經乳譬等者。大經云。佛言。若有說言。乳中有酪。是名執著。若言無酪。是名虛妄。離是二事。應定說言。亦有亦無。乃至云非有酪性。非無酪性。是故說言。一切衆生。定有佛性。是名爲著。若無佛性。是名虛妄。智者應說。衆生佛性。亦有亦無。荆溪云。佛性從緣生。乳四句。得得。佛性亦爾。執成四見。體之見理。自此已前皆名



邪見者於圓失意亦邪見也。何況前三。二無我者祇是人法二無我也。見悉是我。體之全空。即是諸教破見入空能空不同。故分教別。二所以以下結意顯求。荆溪云。若從凡夫等者向雖一途但似豎耳。今更約教即成橫論。應云具足橫豎。二行已如前釋。六問六十二見當於何求。二初問二答。荆溪云。不染而染等者理本不染無始常味。豈染不染。而能觀之。故起六十二見至之源者如窮無明源者是也。求者理同義異。不別而別。同一真土衆生所依唯一法身為諸身體。所依不二能依自殊。所既不一殊能亦何異。無始妄習謂依正殊。七問諸佛解脫當於何求。二初問二答。二初釋心中解脫三種圓融。二初總明解脫。般若等者初句明一切諸佛由觀已心不異佛心故得成佛。次句釋前句中所謂之心。心如佛心。佛心無垢已心亦無。次句者五道由心。心體本淨離遍五道不受彼色。如病眼者遍空見華花雖遍空空無所受。永波水濕亦復如是。次句者總結結觀意。作此解者成四融道。二問下徵釋三種。荆溪云。問求真性者學心修觀觀惑相無體。一切諸法唯一真如。若爾爲復更有餘二脫不。答中意者真性雖一一體猶三。惑體既三而不三。解脫亦即三而一。二若見下明依正不二歸宗佛國。二初明依正不二。所以至極至而名有異者幸靈後德細讀斯文一心遍收。於斯可曉無情成佛無在致疑。厥或信有情成佛而不信無情成者。其猶信天帝是忉利主。不信憍尸迦是三十

三天主也。況文顯云身土理同而名有異。大師親說宜深思之。二故淨下約所表釋成。二初明依正互顯。二故下明答意符宗。終從此出者意明雖有三觀及以通別根本皆從空室生也。二答無侍者三。初懸叙分科。二隨文釋義。二初正答。二初明應機有侍。荆溪云。所言侍者不出四教。淨名轉用者轉魔事爲佛事也。二若同下約土廣明。二釋出。三問是疾何相。二初分科。二隨釋。三初問疾體相。二初問。二答。二問疾用。二初問。二初標。二爲與下釋。二初約進合。金剛身者法身不壞喻以金剛。出大經等者荆溪云。佛爲師子吼說十力是也。二若與下約退合。三若不下結。二答。三初法。二初舉凡夫實疾。二況聖人權疾。二喻。二初明不合。二雖不下明現像。三合下。二初合不合良由凡聖色心俱即空故。故病不與身合。言身相離者猶云身相空也。二凡夫下合現像。三問成疾之法。二初問。二答。二初約病大。對明即離。二初實疾。二初不即。二初約外內各辨。內亦應爾者依正雖殊四大無別。外大無病內云何有。內四大者骨肉地大。血汗水大。煖氣火大。報息風大。二復次下約內大兩時。二亦不下不離。二淨名下權疾。二又非下約理事對明即離。二初依經正示。二初依他經顯義。引請觀音委釋如前記。三故淨下牒今文明權。二今遍下約土釋成。二問因中實疾。二初懸談略判。三初叙意總明。二文爲下分文示義。二初分文對行。二初分科指經。二信行下對根設法。二初對現根。二異

互有利鈍者又信行利一聞即悟故。法行鈍歷法觀察故。或俱利俱鈍。信行人聞慧利。修慧鈍。法行人修慧利。聞慧鈍。二對宿種兩殊。二成立上下。荆溪云。文殊問云何懃等者準下五品既從此生下之五品。復能成上。須以通相三觀釋之。若不爾者國王長者亦樂佛身。諸大弟子用三教斥菩薩。亦用三教爲訶。雖多用圓義歸於衍故須通相別在其中。是故上文但云從別。故此文意用上爲基空既通已。豈有中假而不通耶。故準往復以論所表。次從空中生一切法。爲存方等遍對諸土及以三惑因果不同故須別辨。觀衆生等及以別詞弟子菩薩。故至法華方純一味。文爲二。初成上二成下。爲入不二至作本者不二。是雙遮。香積是雙流。三而不下四教用捨。二初對前明用捨意殊。荆溪云。未入室明四教等者俗衆未斷見思之惑。須加三藏而對治之。以三藏教治欲勝故。若爾俗衆豈無斷有爲者。答若依小斷已在小數。若依大斷已在大數。故且別引具惑爲俗。二故知下顯經文與一家義合。二今初下隨文廣釋。二初爲信行人問懃懃教門。二初文殊問。二淨名答。二初分科懸示。荆溪云。三藏助通者故經云。說身無常無常是三藏。不說厭離即用通門。故知。通人用三藏者知無常已無不即空。若助別圓對轉兼具準例可知。今且消經未通圓別。且作助通以說也。二今先下隨文釋義。四初用藏助通。懃懃。二初叙意分科。二果是下隨文釋義。二初從果假入空。二從因假入空。

不憊宿罪者小乘奚嘗不憊宿罪耶。但由不能觀心即空名為不憊。又是不能觀心實相。十界罪福性空無主。故真天眼無從開發。不見淨土原於此也。若欲區別易解應云小乘憊界內宿罪不憊界外宿罪故云不憊宿罪。界外宿罪者何。所謂根本無明也。達無明即法性名無生憊。若無怨對者內外怨對莫不皆由一念無明所造。反觀無生怨對何從。轉怨為親任運受化。伐樹除根喻意可識。菩薩以殺為初者以大慈為本。故觀一切衆生悉有佛性未來定成佛。故聲聞下大論五十一云。姪欲雖不憊衆生心心繫縛故為大罪。以是故戒律中姪欲為初。白衣不殺戒在前為求福故。引毘曇成論如前記。問此文用通憊喻。何以作圓義釋悔先罪耶。答通有利根即解圓法。通相三觀意在此也。故引菩薩以殺為初正指別圓。若藏通菩薩同聲聞戒也。如大論明之。二別教慰喻二。初叙意分科。二初明下隨文釋義五。初勸起悲心。二勸發願饒益。三勸修福慧。如大論下離四五邪故名正命。四邪者大論第四云。出家人合藥五穀殖樹等不淨活命者名下口食。觀視星宿日月風雨雷霹靂不淨活命是仰口食。曲糲豪勢通使四方巧言多求不淨活命者名方口食。種種呪術卜算吉凶小術不正名四維口食。五邪者一為求利養故現奇特相。二為利養故自說功德。三卜相吉凶為人說法。四高聲現威令人敬畏。五說所得供養以動人心。此等並是高名上位所慎應非寡德末流所

窺若不得等者荆溪云。非唯離於四邪五邪。正顯住於四教慧命四勸生勇健心。荆溪云。即是首楞嚴心者入假勇健之心名為健相。五勸精進不退。三圓教慰喻二。初正釋現文。二此慈下通前辨示。四結成。二為法行人問調伏觀法二。初分科。二隨釋二。初文殊問。二淨名答二。初懸談二。初叙意分科。調伏界內別圓等者應云界內外。不言外者闕文。二三觀下懸示觀法二。初簡藏通。二今但下顯別圓二。初正示三觀三。初標列。二解釋。初別相即別人所修。十住入空。十行入假。十向修中。初地證中。故云若入中道等也。二通相即通別人受圓接者所修也。如通別人空位中。頓解圓理於此空心體達三諦。雖知互攝而止在當教入空位耳。故使三觀通相皆空。通別出假受接別教修中受接準空可解。祇是於假中心解圓融耳。從本受稱名假名中。若論圓融與一心無別。但據入處遂致兩殊。故下文云通相一心的屬圓教。雖然下結示觀相初云信解虛通。受圓接也。次云就觀除疾就當教位也。問若受接人依彼圓修進破結惑則是圓位。豈是就當教位耶。答共解雖圓從本入位還名次第。三一心者其相可知。三初別下結判通相一心的在圓者荆溪云。問那云斷惑終成前後耶。答行相無殊從教前後。故文云。恐是方等中意也。當知猶是方便之說。問此通相觀由來學者未敢定判。或謂。同於漸次止觀。或謂。方等部內別有一機宜此修證。況大師疏文荆溪舊記皆不云通相是圓接通

別。今何以作接義釋耶。答大師判釋荆溪贊述其文甚微其旨甚顯。不約接釋恐乖宗師。請為陳之。大師向云信心虛通就觀除惑不無前後。此云通相一心的屬圓教。除惑前後非通別位耶。的屬圓教非被接耶。荆溪又云行相無殊從教前後。既云從教豈非示當教受接位有空假等耶。況下荆溪消中觀調伏中顯云圓接。又云三空但破見思。三假但破塵沙。虛解虛通未成實益。今之中觀定空假並止。豈非約受接進破無明耶。若謂同於漸次止觀者大師荆溪何嘗顯示。況三種止觀俱是法華妙行。此明通相唯在方等。故疏云。恐是方等中意。故知不同。若謂別有一機更為不可。若爾四教收機未遍。方等之中應有五教。此最為非。問就方等部有通相觀者何以大師獨於此說。如光明觀經等悉屬方等。彼疏何不明耶。答華嚴般若悉應有之。豈止方等諸部有義。此經有文彼既無文。故於諸疏置而不說。此經六品文義雙具。豈得不論。庶幾後賢再思此義。厥或文理有會則夷塗共遊失旨乖轍。請從良導。二今室下通經釋疑二。初通下經文。二釋二種疑。問意者既並是圓何故有通相一心兩種之殊也。答中約通論圓者通於通別有受接人。故云約通論圓。以受接人非同始終圓修者故須通相以簡一心。恐是等者時部未融故有受接。法華開顯唯一圓融。問大師親以三種三觀釋經。何云恐是。答一家三觀遠承龍樹近稟南岳。今用釋經推寄有本。未敢獨斷。故云恐是。二隨

釋三。初空觀。調伏見思疾。二。初分科懸示二。初分科。亦名二諦觀者。假是入空之證。先須觀假知假虛妄而得會真。故言二諦觀。二。初文下懸示二。初明析義乖通。二。今明下示通義所以二。初約義委明二。初明菩薩異小。但體三假者。體小乘隨事三假成大乘隨理三假也。言隨事者有二種。一約正報。二約依報。正報又二。一約心者。法塵對意根。一念心起。即因成假。前念後念次第不斷。即相續假。待餘無心。知有此心。即相待假。上因成約內根外塵。相續但約內根。相待際待滅無之無。又橫待三無爲之無心也。二約色明三假者。先世行業託生父母得有此身。即因成。相續連持。即相續。以身待不身。即相待。二約依報者。如四微成柱。時節改變。相續不斷。此柱待不柱及長短等。今大乘達無明起。皆如幻化。因成尙無。豈有後二。故色心依正悉如幻化也。二。是行不足。義三。初入衆生假空。二。初分科。二。隨釋三。初破衆生假入空。二。釋三。結。荆溪云。問我與衆生何別。答我計宰主衆生體陰。二。入實法假空。二。初分科。二。隨釋三。初分別法二。初敘意。二。初明先分別相。二。所以下期更起法想。二。初勝義例示。如身子等者。引身子爲例。小乘利根。即得無學。既爲轉法尙須停留。況菩薩化他。故須先起法想。二。今苦下結顯今意。二。但以下牒釋。荆溪云。分別法者。法者祇是陰入耳。亦是十法界法者。後四法界祇是六中空假中耳。此四法界既亦名法。故知法空義長。他云。二乘不得法空。不明所空

法之長短。今空四界入實相中。二破除。不同數人者。數人所明小乘義耳。四人涅槃。即四聖法界也。二。邊法想者。荆溪云。前既二解。即有兩種二邊不同。如下文云。若依前解。即我我所爲二邊也。若約後解。即約十界生死涅槃爲二邊也。即是兩種平等空也。九百七十二者。八十一品。品各有一十二故。問何故破見一番四十八句。破思一品各一十二耶。答斷雖一番。諸見各別。每於一見。皆防轉計。故四十八。思。無轉計。唯一三假。故但十二。三。釋三入平等假空。二。初正釋。荆溪云。若存平等者。兼破古人。釋平等空。具如前文目連章中。以辨大小三空不同。二。料簡。二。初問此達瑛路者。彼第二從空入假觀。亦名空平等觀。謂前破假用空。今破空用假。破用既均。故名平等。今以今等名同爲難。二。答。二。初總答。利根懸破者。既懸破空病。故雖初觀同彼第二。二。此有下別答。二。初約真諦爲病。二。初標。二。通下釋。二。初明凡夫計空爲病。荆溪云。此如大論至生使者。彼論中辨有緣於無爲而生惑使。此引毘曇證第一義亦須空之。如雖平等復言平等。以爲有者。亦須空。故如無爲無使能緣之心。緣之生使。滅諦下惑。即其相也。二。別圓下明斷惑。滯空爲病。荆溪云。別圓不爾等者。異偏眞等。雖以別圓一時共說。釋義必須分別圓相。如前屬對三種三觀。既云別相以屬別教。通相一心以屬於圓。又云。通相雖圓然帶方等。乃成圓中之別相耳。故此三空通屬別圓。自此已下。但尋此中一段經文。若

云空即空於涅槃及以中道。結釋即云從假入空而已。故知空三諦故。故在於中。終在入空。故但似別。故初雙標圓別二教。所以此經若分教釋理。具別圓。統消經文。復依通相。若爾爲定別圓。答。既云方等適機爲宗。圓別二人隨聞各異。故從宗釋。須辨別圓。名分義通。隨機常別。衆生佛性。準例可知。故上文云。下之三品。從此中生。若爾始末俱是一音之教。何異流支。答。顯秘既殊。一音冥契。二復次下約中道爲病。二。初中病亦空。二。初正明。若言等者。更引前文對此。以明三諦俱空。則顯今文空於中病。此正用通相觀意也。一往等者。一往通於三觀。二往但在於空。二。此觀下結示。二。初觀下約位顯示。位行至入空者。通見地已上。別初住已上接入。但是圓相似位。是以雖知中道未破無明。二假觀調伏無知疾。二。初懸談義旨。二。初正談義旨。三。初敘觀示意。二。初約觀總叙。荆溪云。亦名平等者。且依瑛珞作此說耳。二。以無下牒文示意。二。出假下借通顯位。二。初借通三根。荆溪云。出假有三等者。即三根也。上根煩惱未斷。約此三教同從此空。故通三根俱名有疾。以下根人尙有習氣。故通教意無有不留餘殘習者。故三根人並有實疾。二。若別下顯別教位。荆溪云。若別至入假者。引別辨異。但別圓下明於兩教寄位之意。非用通等者。前約通教三根斷者。意明別教三根亦然。故先辨通意。令識別又復空通。故得借辨此空。雖即不空於空。乃有假中二觀在。故若下二觀三俱假中以漸

深故通教留習尚名有疾。況本圓別仍有塵砂無明惑在。故方等教且對所出三根欲同。若論所入長短大異。故使有疾多少不同。故別教等覺唯有一品尚名有疾。故使菩薩無有無疾之者。然此中既其多約次第三觀。故知。非是不思議假。故使別圓約地住前。若止觀中三根出假意則不爾云云。三前明下對前明假

維摩經略疏垂裕記卷第八

維摩經略疏垂裕記卷第九

錢唐沙門釋智圓述

二例上分章。荆溪云雖不次第者。第一當前三。第二當第五。第三當第一。第四當第二。第五當第四。所以有此兩次第者。各有其旨。前次第者教門必須大悲居首。依悲起智。其根須利及以勇進。今次第者內觀任運即是根利是故居初。利根須進重起大悲弘誓勇猛。二初解下隨文正釋五。初利根出假二。初總釋二。初釋以無所受智斷是菩薩無生者。大論云阿羅漢若智若斷是菩薩無生忍。阿羅漢下下脫羅漢二字。應云羅漢智斷也。二大品下釋而受諸受二。初引經總立。二菩薩下約受正解二。初正解二。為是下牒結二。別釋二。初標列二。正解三。初凡夫二。初標二。屬下釋二。初愛荆溪云屬愛善受等者。善惡各三故合脩羅為下十善。然於而受諸受之

中具足。廣約節目階位作相狀者。意欲略明出假菩薩。委悉受相令後學者作出假因。先具照之而為方便。二見二。二乘二。初藏。荆溪云滅三心涅槃者三空也。二通十喻如前記。久知不生者。以不生對通者。如夢如幻。點空說生。三菩薩二。初正釋。二料簡。荆溪云觀此等者。然此通相三觀之圓。但前二觀唯云空假。未有一中一切中。故須更明圓教四門。以圓四門始末皆悉入中故也。是故更須說第三觀。二大精進二。初總釋猶如懶人等者。猶如陶師雖得輪繩作器。若不精勤無由成辦。如大施太子等者。蓮云。如好施太子求如意珠。得珠墜海而抒大海。正使筋骨枯盡終不懈廢。誓得如意以給衆生濟其身苦。諸天問之。答云生生不休。諸天見此精進助其抒海。水乃滅半。諸龍見海水滅恐海乾竭遂還其珠。華嚴明七地欲沈空等者。荆溪云具如前引華嚴文也。二別釋二。初明三受具法二。初標二釋三。初凡夫二。初愛二。初惡。荆溪云。菩薩於諸不善至通達佛道者。於此惡中以知惡。故而為所觀於能觀中具有四種。分於藥病成八不同。各分因果為十六諦。所觀惡境不同。既爾。善境乃至二乘菩薩節級滅之。知病識藥。藥治滅故隨滅說之。道品下去一一皆云自他。以有疾故以習假故須自行也。二善。天文謂星辰踰度地理謂山川形勢理亦文也。章陀如前記。書史者書則通指六經具如前記。史即馬遷史記班固漢書劉珍東觀漢記。世謂之三史也。後三國分方

魏吳各有史官。蜀無其職。晉初陳壽採集其事謂之三國志。自茲厥後世有史書。五明者內外俱有五明。內五者聲聞方工巧呪術與因明。外五前四同最後是符印。六藝者禮樂書數射御也。章陀五明約西土。書史六藝約此方。神仙之論者釋名曰。老而不死曰仙。仙遷也。故制字人傍山也。抱朴子曰求仙者要當以忠孝和順仁信為本。若德不修而但務方術終不得長生也。行惡大者司命奪紀。小過奪算。隨所犯輕重故所奪有多少。此亦此方神仙之論也。楞嚴經明七趣。於六趣更加仙趣。善論者帝釋猶居欲界。但說散心十善以為天因。梵王皆說禪定令離欲界。故名出欲論。無不皆知者謂。出假菩薩於上。天文地理乃至梵論為化衆生。一皆精練。二見二。二乘例前惡中者。應云例前釋。利根出假中。三菩薩。二若受下結示引證。三起悲心。四弘誓二。初分科。二隨釋四。初酬願化物。荆溪云。若悲若盡等者對於三根伏見侵思並名薄地。約初出假故云稍破。二去取二。初斥古。二今釋。荆溪云。一切衆生具十界法者此從實理談其意也。既云十法不同。是則凡聖事理因果行位俱十。十界百界三千世間俱在一念。若凡夫人迷中三千若兼圓別。應知大與不大有除不除。若唯圓者理性三千一向不除。故云而不除法。言除病者次第應知。除九界病。不次第者但云體達以達為除。龜細前後以分次位。則無諸界減少之名。言溫身等者溫法身照惑暗成行食。照暗般若成食

解脫。十二因緣亦復如是。但破執病法。何所除。三道之法本三德故。亦如治眼者猶是分喻可喻次第。三正化物。荆溪云。今謂至無明取相者界內無明名為取相。四傳釋二。初分科。二隨釋二。初釋出病本。荆溪云。過去攀緣等者因是果病之根本也。現未悉然。二釋教化斷除。病本即內外見者。涅槃即內我即外。此即二邊空也。則能見殺若者實相般若也。五勇健心二。初分科。二隨釋二。初正結釋。不得法施悲利者。非惠賜之惠。蓋言法施是智慧之利也。肇師云。若不能爾其所修行。內未足有慧。外未足有利也。生公云。無慧利於物也。此二師亦以智慧釋義。二譬顯。怨平聲。論語以直報怨字皆此作。說文從因從免。三中觀調伏無明疾二。初懸談義旨二。初叙觀示意。二辨修位次二。初示位次。荆溪云。修此觀位約教有三種者。荆溪云。別教接通八地已上。并於別圓地前住前初列通教。欲出別接之位耳。七地破塵砂至名眼見者。七地被接八地雙流九地開中十地方證。故云眼見。且約一塗不必全爾。隨三根故此但屬下圓教等者。雖屬通相復以教分。圓教永異。故以空觀多屬於通。入假屬別。入中屬圓。或圓接別或圓接通。以方等中不定判故。請觀荆溪所釋。既以通相中觀約圓接義。釋之驗前空假亦約圓接。此為對教故未論之。若謂不然。豈得云通相的場圓耶。二以別下判權實。行生修者謂行般若乃至修般若。委如前記。二分科正釋二。初分科。二正釋二。初正明中觀二。

初明觀體二。初明自觀。因前二空者。空觀空生死假觀空涅槃故名二空觀也。二觀衆生即是以前內觀遍歷外境。即外是內。一理同歸。此觀法之大端一家之憑託。故義例云。若欲修觀必須內心。內心若淨以此淨心遍歷諸境即內外泯合也。普門玄云。境不出二。內謂即心而具。外謂衆生與佛。不二門云。凡所觀境不出內外。總而言之祇是華嚴心佛衆生三無差別。涅槃虛空佛性。法華諸法實相耳。故初心學者體內外不二了二無差別。如聞而觀更無他趣。故云修此觀時非但自知疾非真非有。知衆生亦然也。此雖通相可例一心。何者下微釋也。衆生至生死者。六界衆生隨分段死。四界衆生隨變易死。以佛界通因故。了知十界者即外境事造十界也。故已他至無明者攝外歸內也。故不二門云。是則外法全為心性也。故云同是眞體等。既知全眞體為無明。即達全無明是眞體。如識即水為波。即識即波是水。寄語後人。細尋此意即能於病患心中求諸佛解脫。乃知一切法趣病。是趣不過等。方丁一家觀病患境成不思議。上根即入初住或內外凡。中下猶迷。更假發心至無法愛十乘雖異。一心無殊。咸空假中理無他向。苟或昧此徒自營營擬造佛乘。吾未之信。採芙蓉於木末寒蔭落於水中。唐庚功夫終無得者。願捨妄執反照眞心。荆溪云。菩薩觀照等者即淨名病與物理同。既專後心。驗知即是本修圓人。前之二觀成既前後。雖後亦云三空三假。三空但破見思之

惑。三假但破塵沙之惑。虛解疎通未成實益。今之中觀定空假並。中。進退消之依教準部無令失旨。二簡非二。初分科標示。二初文下隨文釋義。三初約愛見大悲。荆溪云。既簡觀中簡此見愛。信在初心修中觀耳。故向云從本已來與其菩薩俱非有無。復云。順道愛生障入菩薩位。菩薩位者即初住也。故知愛見復屬無明。言慈悲者正當二邊之慈悲耳。作此說者斥二邊位令入中耳。故知即是同體見愛名為順道。文為二。初懸示義旨二。初簡非示體。文中先簡非次今觀下示體也。二此之下約體示惑。若約正道者正道即中諦也。二隨文釋義二。初分科。二隨釋四。初正起愛見。頂墮如前記。二釋是非二。初分科。二隨釋二。初除失不有而有者。光明云。無明體性本自不有。妄想因緣和合而有。自性之心即中道也。若用悲心者即愛見悲也。二顯得三引佛語證。四結觀捨。二約禪定二。初分科。二隨釋二。初簡非。荆溪云。若貪著有漏根本等者。世人若但作此釋者。何能釋於中道實慧。小乘尚離根本之著。況菩薩耶。故今文中乃至漸深。以釋諸士。二顯是。二約二智二。初分科二。初標下隨釋二。初約修行明二智因三。初標章。二解釋二。初總標。荆溪云。釋前四章門者。慧即實慧方便是權。故方便與實更互相成。闕一則俱失。故互明之。故前兩句約權論實辨權有無明實縛解。後之二句約實論權辨實有無明權縛解。故上二句中莊嚴等是權權無故實縛解則反此。下二句者根本是

實實無故權縛解則反此。二隨釋四。初釋無方便慧縛。言三脫門者當約圓中釋之。二釋有方便慧解。三釋無慧方便縛。荆溪云不加修真慧者。真者實也。正明無實故使無權。若俱破者則權實並顯。四釋有慧方便解。二。初正釋。二料簡。答愛見是順道而起者。荆溪云。以順實道而起於愛令方便顯。故經云無方便慧縛。故云以愛見心莊嚴佛土等。三毒著依正者。經云無慧方便縛。故云住貪欲邪見煩惱而植衆德本。答利物下以利他取淨土名成就衆生。自行求佛身名植衆德本。故引金剛論文證成二義。智習至淨土者。此明真土諸佛無莊嚴國土之事。唯有真實智慧智識通達。則是修習無分別智通達唯識真實之性。此明取寂光土。寂光體顯即具三土。此即成就衆生故取土也。即是非形等者。即是正智證真如。無漏功德無有形相爲莊嚴也。此明求佛果法身即植衆德本也。三總結。二約真應明二智果。二。初分科。二隨釋。二。初觀身有實疾權疾。二。初分科。初觀法身實疾是實智者。荆溪云。觀法身故名爲實慧。有實疾故須觀無常。故知亦約具足三惑者。而修中觀須作是觀。次觀應身權疾等可知。二隨釋。二。初觀法身實疾。是實智即事不實者。荆溪云。謂無常等事即是真如如常照事。故於實疾事中觀常法身理境故云俱遊。二鳥如前記。二觀應身權疾是權智。二觀身疾不離不滅。二。初分科。二隨釋。二。初約不離明實智。荆溪云。是病是身等者。菩薩自觀實疾身病即

約實慧以明實境。境即實體與悲實同。故悲與生俱非新故。二約不滅明權智。荆溪云。於餘衆生者還待有緣。二道觀雙流。二。初敘意分科。二隨文釋義。二。初結前觀爲行本。三。初調伏觀成。二結過正釋。三結成行本。二。正明雙流行。二。初分科。二隨釋。五。初雙明雙流行。二。單明雙流行。荆溪云。單明雙流者。如云過魔伏魔祇是一邊。而無示魔同魔一邊故也。雖但一邊任運具二。故出一邊。亦明雙流。又如求一切智及不非時求亦祇一邊。對於而示現入假方是雙流。下去準知不能委釋。不隨解脫生五淨居者。修八解脫具足事禪問。何故不云不隨實報入無功用。答通釋無妨。但是文略。三約道品正觀。荆溪云。雖行四念處者。正觀相應四字並冠下七科。照俗十力等者。以力望理十用皆俗。正觀助道者。道品必正。且據空邊以對於助。廣簡正助。具如止觀記。皆異二乘者。二破二入故也。四約現相自在入真而能入俗者。內祕大行是入真。現二乘像是入俗。應知皆以中道不生不滅爲真。故現二乘威儀入俗也。五約依正。三。初標示。二正釋。二。初約依報結成佛國宗。二約正報結成解脫體。三若諸下斥古。云何消此經文者。以經顯然明界外依正。故如向消文是也。五時衆得益

不思議品。二不思議品廣釋權疾。二。初總示大意。二。初總示來意重決。前問疾品者決謂開決。前義既略更開決廣明也。二此五下對下重分。二今略下別釋今品。二。初列章。二隨釋。三。初品來意。荆溪云。淨名空室至所表者。空表寂光。寂光亦有本迹之別。身居空室迹也。本因感果本也。身亦有二望土可知現疾表迹亦是迹用。二略釋不思議。二。初列章。二隨釋。二。初明三德解脫不思議。二。初微文總示。二。初標列微文。二。何者下展經示義。菩薩住此等者。慧爲能任性爲所任。祇是分真境智冥合能起大用。故以須彌內於芥子。須彌芥子祇是依報。十界依正尙在一心。於一界中依報大小何妨相入。大小既唯心性。心性一融通故至分真有斯大用。二但四下約教簡顯。二。初總示略標荆溪云。四教皆明三種之理者。前一各以真諦之理爲真性也。各以二智而爲餘二。得此意已後兩白明。待絕即應三一相對。不思議義而有二種者。即三一相對。若玄文中從理相對即前二教約思議理。論生無生。後二約不思議理論生無生。今待絕相對不思議中猶有教道。此絕仍待。今除別教。是故須以待絕簡之。二若三下約義正解。二。初略解。若三教所明即是相待者。荆溪云。並三教之外有三解脫。圓人三道。約即可知如文廣釋。有思之不思者。三教展轉待上。上能思下故有思下。不思上是不思。無思之不思者。三教即三德。凡聖理一。非但下不能思上。上亦不能思下。故云無思等。二所以下廣解。二。初約三教明相待。二。今明下約四融明絕待。二。初正明。二。是則下結示。是則至三教者。以凡聖理同因果性一故。引文殊般若者。佛界不思議證下不能思上。

衆生界不思議證上不能思下。豈但不可以心思亦不可以言議也。總而言之祇是圓融妙理。非聖凡心口之所思議耳。二明本迹依土不思議二。初正釋二。初對前簡示。二今明下正明迹用二。初正明同居。集在一國者荆溪云。且在此經。若從此理亦可一塵具一切刹。故不二門云。塵身與法身量同。塵國與寂光無異。是則一一塵刹。一切刹一一塵身一切身。廣狹勝劣難思議。淨穢方所無窮盡。若非三千空假中安能成茲自在用。二若迹下結況二。二。料簡二。初問。問意者以經通名難品別日也。既云一名不思議解脫。是則品品俱不思議。何獨此品。二答二。初正答。二引例。今品亦爾者雖一經終始皆不思議。然欲求不思議事。當於此品中求。由身子念座淨名借座。於是一向廣明不思議神用也。三入文貼釋二。初分科。二隨釋六。初身子爲衆念座五。初身子念二。淨名問經云云何者總責之辭。猶言云何念座也。仁者下以二事別責之。三身子答。荆溪云。即有三失者。第一責違心失此取答時。然身子本來非全求座。但責現在不能亡軀。義當求座以成身失爲責之法道理如然。念座居懷口稱爲法。豈不當心心相違。第二約法責詞。不稱理者準次第教承前已來未曾求大。雖云被屈復聞文殊稱歎難酬。然亦未作慕大之想。信知爾時雖云爲法但欲樂聞所行小法。此則正當違所求理。第三與念失者。但於小乘尙乃成失況復大耶。四淨名彈詞三。初約事詞其違心失。

二約法詞其不稱理失二。初叙意分科。二隨文釋義四。初約陰入三界詞。還招龜變易死者。方便爲龜。實報爲細。二約三寶詞。九部爲法者。小乘於十二中無方廣授記無問自說也。又知法名佛等者。荆溪云。於中能知即佛義也。離相名法者。即向所知體全是法境。既云離相令知無著。無爲即僧者。法體既離故得遍和。若不和者由法非離。事和尙爾況理和耶。三總約四諦詞二。初叙意分科。二隨文釋義一。初詞豈析觀苦者。析破陰界是壞於身。二釋若執生滅有諸論者於生滅理各執一門名爲詳論。四別約四諦詞二。初叙意分科又解至別詞者。身子利根總詞已悟其未悟者。故待別詞言悟者。但是恥小慕大得生酥益耳。二隨文釋義四。初苦荆溪云。乃行生滅者。界外生滅亦是界內生滅。而反責之。二集爲習報二。因所成者祇是惑業合集能招苦果故名集也。凡明集諦大小兩異。小乘約惑業大乘唯約惑。涅槃聖行中唯以愛爲集。以諸惑中貪愛最能牽生故。下引九喻即其文也。習因至約業者。或謂習因約心報因約色。色即身口也。總是三業耳。今云報因約業者。則通取三業。意業與煩惱何別耶。當是三毒與身口相應者名業。不與身口相應者名惑耳。以此區別報習自分。愛有九種者。聖行品文也。一者如責主有餘。如貧人負債雖債未畢者猶繫在獄。二乘亦爾。有愛習故不得菩提。一如羅刹女婦隨所生子生已便食。愛羅刹女食善根子。三如妙華莖毒蛇纏之。凡夫

貪五欲華不見愛蛇。死墮三惡。四如惡食性所不便食已而死。食愛食已墮三惡道。五如姪女愚人與通巧作諂媚奪財騙出。愛姪女奪善法財騙之惡道。六如摩樓迦子。鳥食墮糞即便生長。繞尼俱樹遂至枯死。愛纏善法亦爾。七如瘡中惡肉。若不治者即便命終。凡夫五陰如瘡愛如惡肉。若不治者死墮三惡。八如暴風偃山拔樹。愛暴風亦爾。於父母所生惡心能拔大智舍利弗菩提樹。九如慧星。慧星若出天下饑饉。愛慧星亦爾。今人受生死苦。凡夫行世諦等者解上心行於境也。心即凡夫心二乘心。境即世諦真諦。各以心行於境成業因。故招內外苦。三滅即有七識者。荆溪云。此內執小教不明。既取滅諦即是內執名隨相生識。暹云內執者以第七識執第八見分以爲內我。執第六等以爲外我。故云內執。以二乘取滅諦之相義當七識也。四道亦名爲佛者。以有覺義故此約名通以說。三詞與念有捨道法失。五天子得法眼淨。荆溪云。今推此文等者觀彈詞四段經文無別圓相。而多似通。又復詞小不應但通。故知祇是以中入空。故使聞者亦得小乘法眼淨也。即斷見位。二淨名借座二。初叙意分科。二隨文釋義六。初淨名問。二文殊答。三神力借座。荆溪云。若準下文等者。下文爲成彼土菩薩雙流之行。須先傳白動彼機情來。彼菩薩發問之端即應先遣化菩薩往。今無斯事須使義布。四燈王遣座。荆溪云。即表果報土者。問何以不云下之三士。答果報具三何須別列。況

小能容大向在一座。五大衆歎仰。六令衆就座。二初分科。二隨釋三。初令文殊等就座。二得通者稱座而坐。三新發意等皆不能升。二初分科。二隨釋五。初新發意等皆不能升。二語身子就座。三身子辭不能升。荆溪云身子及諸等者。身子內心未證此理。燈王之座由證而成。淨名亦是證故能借。身子未證二人所證此稱理事。事高難升。正由卽理之事高廣。故使無理之事難升。以過一切方便人事理之外。故令此等皆不能升。所以新發意者亦不能升。菩薩不一故此決之。故將諸賢位展轉不同。別開新發意尙自不及。況復前二初心之人。身子雖是前發後心仍是小乘。方須禮座。既被加已升亦何難。四令禮燈王。荆溪云小乘歸向等者。此彈訶中亦生厭益故令升。意預表後升。故至法華究竟升也。五作禮方升。三明不思議神用。二初分科。二隨釋二。初明身子見此神用歎未曾有。止長七千由旬者。退云勝天王般若云。閻浮提地縱廣七千由旬北廣南狹。共中人面亦似地形。歎未曾有者。自昔集來罕觀其迹。二淨名答。廣明諸佛菩薩有大神用。二初懸談義旨。二初叙意分科。今淨名至此解脫者卽等覺分住非究竟住也。二顯成權疾。二初對上釋成。二初標示。二何者下正釋。二所以以下結示今意。二初云下隨文釋義三。初約佛菩薩顯不思議體。荆溪云。初云諸佛菩薩等者。若云理者衆生共之。既云諸佛及諸菩薩則已證不思議理。下文復云若菩薩住是解脫者卽是已

契真性之理。驗前所契亦真性也。智境合時理應有兩。此乃修性合論。故真性唯一。二約菩薩住不思議。住不思議之智等者。若非初心解了一念具足三千。咸空假中自他互遍者。分眞實慧從何開發。寄言來學。宜加用心。昔會稽太守孟顗事佛精懇。謝公謂之曰。得道應須悲業。文人生天應在靈運前。成佛必在靈運後。顗深恨之。是故一日三捨其身。不如受持四句者。祇由慧業能出生死也。既逢祕要宜在修心。無誦空言奢誇圓妙。鸚鵡學語爲益且疎。三明不思議之大用。二初叙意分科。二初一下隨文釋義。初略別明不思議用八。初藏納山海對。二初標。二正釋。二初釋芥納須彌。二初總示標難。二有師下古今釋義。二初斥古解。華涅槃玄義古解芥納須彌凡有七家。今疏略出其二。初謂神力能爾者。此以作意神通以解不思議用故爲今破。故云神力何能爾。若曉無作妙性本自融通。凡夫迷故非局。而局則大小質礙。聖人悟故非遍。而遍則山芥相容。由證理體有茲事用。故此事用亦名神通。名與他同義體永別。次云小無小相等者。此謂芥子自無小相對須彌故名小。須彌自無大相對芥子故名大。既俱虛假對待所以虛假相入。今謂下今破。自性既不相入。他性豈相入耶。對大名小對小名大是他性也。二明今釋。二初明證理有用。二初引經總立。二觀下約證釋成。二初因證有用。一念無明心卽如來心者。卽妄而眞三諦具足名如來心。豈但卽因而果名如來心。其

亦卽自而他名如來心。是則他生他佛尙卽自心。況自己依正寧乖一念。應知心外無境。大小互融以心入心。誰云隔礙。必在初住妙用方彰。故觀衆生一念等卽通名字觀行相似。若見之言唯在分眞及以究竟。本具理顯名見此心。神用無方故能入芥。此事既爾。諸事皆然。唯約一心更無別趣。是故果地妙用悉在因心。故因心顯處妙用無礙。故荆溪云。古釋此品隨事多云。未應經旨。今疏一釋用冠十雙遂使古今諸師拱手。若觀下總結示也。若觀二字唯在初心。得諸佛解脫者。得謂證得通分極。二何者下簡偏顯圓。二乘心性奚嘗不具不思議性耶。但由背性成迷非局而局。故法華開已一道無外。二言其下明有機乃見。二初簡無機。二顯有機。二初明神力所加。二若能下因見入位。必得如來滅度者分證究竟也。二毛藏海水。經云龍龜者。龜音元三蒼云。似鼈而大。絕年志曰。穆王十七年起師至九江。以鼈爲梁。龜音陀。三蒼似蛟而大。山海經云。江水足鼈。郭璞曰。似蜥蜴大者長一丈。有鱗甲皮可以爲鼓。二世界法還對經斷取音。短陶家者。蒼頡篇云。陶作瓦家也。三延促時日對。四彼此理土對。五供具三光對。六吸風內火對。七世界上下對。八現身變聲對。二初標現文。經中現身應具現十界。略舉四界及人天耳。於四聖中又闕菩薩者。以正明菩薩現諸身。故變聲卽通十界及大小乘。尋經可見。二上來下例前通示。散釋既訖。更略明之。傳尋讀者無忘心性故。大論五



十一云。諸佛有二種說法。初略後廣爲解義。故。初廣後略爲攝持故。今疏例上略示正爲攝持。二總廣明不思議用。四迦葉歎仰二。初分科。二隨釋二。初迦葉稱歎。二語身子可歎事二。初分科。二隨釋四。初小乘間不能解。三無漏根者證三道時必發三根。一未知欲知根即見道。二知根即修道。三知已根即無學道大乘。以初地爲見。二地至七地名修。八九十地爲無學。以別望同約住亦爾。荆溪云。即以住前對於登住爲無漏道。望小比擬亦應可見。法眼根壞者。且對事論。不能盡理究竟應云佛眼根壞。雖復聞說不能發識者。不能發道種智也。二勸智者發心除正位者。謂小乘聖人也。三自責聲聞無分。荆溪云。一切聲聞等者準此。亦是佛及淨名大聖加之方有此說。故云迦葉此意等也。四慶菩薩得利二。初慶勸頂受。二明住法知魔。即知魔幻者由達魔界即佛故。五時衆得益。六淨名述成二。初分科。二隨釋二。初述魔不能壞。二明住不思議菩薩能成就行人三。初法如法華至所成者。彼經云。由提婆達多善知識故令我具足六波羅蜜。乃至成等正覺廣度衆生。故知世世惱害令行堅固。法華發述通名善知識。非但指爲阿私仙時也。故云恒爲調達所成。經云珂貝者。珂螺屬潔白如雪可以舉馬磨也。二臂經云龍象者。即名象爲龍。猶此方云龍馬也。周官曰。馬八尺以上爲龍。七尺以上爲駝。六尺以上爲馬。肇師云。象之上者名龍象也。若依大論釋歎德文龍。象乃是二類龍是

水中之大。象是陸行之大。故知二釋俱通。蹴蹋上子六反。謂以足逆踢之曰蹴也。下徒盡反踐也。三合

觀衆生品 三後四品廣釋實疾二。初總釋列章。二依章釋義三。初明此品及下三品來意二。初明來意二。初約不思議品明來意。所以更明前品來意者。欲使後文承躡不亂耳。文爲二。初近對問疾品。成上果義者。即皮近遠二處果用故耳。近而爲語已下文是。遲云祇緣勝用難思。則知果證深遠。故云成上果義。不思議因緣利物之疾者。因緣祇是感應耳。或因聖而緣凡。或因凡而緣聖。因親緣疎義如常辨。若云感應者。感定在凡應定在聖。故知止約八雙明不思議用。悉是利物之疾也。二遠對佛國品。二約此去四品明來意二。初略示。荆溪云。兼成室外四品者。理須兼於佛國半品。通總論之故且云四。故方便下三正當三觀。方便品約所用法正多屬空。弟子菩薩約能誦法。而弟子多屬假。以菩薩多屬中。佛國具三。三觀既爾。四教準知。二分

此下廣釋二。初近成問疾調伏憍慢。二初標牒。二解釋三。初此品成上從假入空。荆溪云。而云成者。即釋成也。上所謂空既空一切。即是皆空故也。應具假中而但云空者。此有二意。一者通途虛照三諦。雖三而空。二者由在方等教中雖三而通。故使通相復異次第。未是獨顯。但是通知。若爾空尚未委。況今於空加四無量及廣上等。故云小異。是故今以三品釋上觀衆生。中有假有中故云約空起四

無量。義當假觀含於空中。故云約空。若準此文窮衆生源。義當空中在空中意也。淨名答等者。源者即是無住之原本也。尙至無住豈但空耶。二佛道品成上從空入假。荆溪云。次佛道品既辨假中。任運變成不思議之假中也。文中雖不彰灼言之道理應爾。雖然此乃從於教旨。以說顯機乃須依附方等。故分三品以屬三觀。三不二香積兩品成上中道。荆溪云。如我病者等者。能見斯病與空同體。故中雙非病亦雙非非俗。故非有非真。故非無。此則正當中道義也。二遠成室外四品二。初正成三品三。初此品成上方便品。二佛道品成上弟子品。三不二香積成上菩薩品。二今得下扶成佛國。二此四下牒品分章。二略釋此品名二。初生起總釋。荆溪云。自之與他等者。應先了心方知生佛。初既了矣反後照時但照一邊。無不具足故。今但云觀衆生耳。此意正顯空之與中。故先引華嚴自他雙顯。還依方等且從於通。故釋觀達觀穿之文皆空三諦。慈悲接物者。物即衆生以從利他故觀他也。利他之法指四無量。二觀以下分字別解二。初正釋。二初觀三初雙標。荆溪云。言觀穿者。不依止觀作貫穿者。貫字亦與觀義大同。彼用貫字釋觀字也。二雙釋二。初觀達二。初約生佛總辨二。初正明。二引證。二俗諦下約三諦別釋。菩薩照了者。荆溪云。約利根人從茲得入。故大經下利鏗斷之者。竹角反。說文斷削也。盤石砂礫對三惑。如觀穿中。問觀達觀穿同用此喻。云何辨異。答了三惑一心

是觀達義。而惑破前後是觀穿義。俱觀中理。如到金剛。是則觀達約橫觀穿約豎。橫豎雖異。三惑無別。故大經一喻二處通用。二觀穿。二初約破惑顯義。二引法華證成。荆溪云。故法華等者雖用三空。但是借彼法華之譬。譬三根人觀於衆生入三諦空。然今見中理與法華等。兼帶約部小爲不等。二故入下雙結。衆生三種約橫也。窮源檢之約豎也。二釋衆生。二初牒名略示。荆溪云。衆生等者。觀字兩向。釋觀字雖兼衆生但是能觀通總而說。今此別釋衆生兩字。衆生即是所觀境也。二毘曇下叙宗釋義。二初叙宗計。荆溪云。衆生兩字並約小乘諸部以釋。部屬方等宜從小宗。若大乘中但論觀別。釋名何殊。文中凡出四家。一毘曇三。二成實四。方廣道人。其中犢子方廣是附佛法外道。自以聰明讀佛經書而生一見。犢子讀舍利弗毘曇自制別義言。我在四句外第五不可說藏中。方廣道人讀佛十喻自作義云。不生不滅如幻如化。空幻爲宗。毘曇明所成衆生等者。以攬五陰成衆生故。故衆生假名是所成。五陰實法是能成。第五不可說藏者。三世及無爲法爲四句。我離此四故云第五。我即衆生假合名衆生。主宰故名我。由主宰故假合由假合故。主宰其實一也。大論破此者破方廣也。失衍意者。荆溪云。無三假故。彼是小乘濫用大名而無大旨故云失也。二今經下明今釋。荆溪云。況今約衍幻化本通。通於佛性中道。二料簡三。初簡邪正。二初問二答。二初簡邪。荆溪云。取

空戲論等者。彼執幻化破他析法。而全無入空之門。況復入中不思議理。二此經下顯正。大經至涅槃是引大經大論證中道亦名衆生也。六法謂五陰及衆生。今攬中道法性以立假名。是佛性不離六法也。此與大經文義少別。彼明佛性真理與六法妄事不即不離。故言不即六法不離六法。今文但攬法性五陰假名衆生。名不離六法耳。引大論者。法即五陰。五陰並常名五涅槃。居十界極故無過上。荆溪云。衆生佛性不離等者。空通於中得作此說。此中所釋與餘文異。此證三諦皆約衆生故。各不離中道佛性。佛性亦名衆生故也。若對不即通塗明者。假不即故即是真俗二衆生也。言不離者空假衆生體即中故。又不即者三皆非故。又不離者三皆是故。故觀衆生義通一切。此即荆溪通取三諦以釋六法。於文似異其義仍通。二簡大小。二初問如第五大等者。法有定數。大但有四終無第五。今觀生本無如第五大。既唯空寂何故向文約真中解衆生耶。荆溪云。問等者正意欲擬三諦即空。故以諸土而問於觀。約觀非但唯空。於有亦空假中。雖無空於變易之文義當空於二土之惑。故答中引菩薩觀空例之。二答中初約唯空分段答。二約遍空三諦答。此即兩番通明經意。初既唯空分段。何妨更約真諦論變易衆生。次明菩薩三諦俱空。則經云第五大等。豈止喻於分段。亦喻變易本空故得約三諦以解衆生也。初答中云依真不無等者。分段雖空變易未空。次文分二。初簡小

尚不觀。涅槃空者。涅槃不空故受變易。二今明下顯大二。初明三諦皆空。荆溪云。又云至亦空者信三諦空。既是虛解雖未能見若假若中能破執假執中之病。二所以下示中空所以二。初明破執用空。荆溪云。所以有時等者。非但虛解破執而已。亦能實破二邊之惑。不同虛解故云有時。若空二邊即顯中道。故云空於二邊也。若計等者爲破二觀之人計中道者說之。二一往下顯空即三諦二。初明空非斷滅。一心具萬行者。荆溪云。此爲因茲入圓中者而說之也。既空假俱空而入中。空中空任運具足萬行。故此下無色界色正譬中道空也。是故向釋衆生得約三諦。二當知下於空具三。二初正釋具三。雖同入空至三智也者。荆溪云。若據名者準入空時祇可得名一切智耳。此一切智其理既通。即此一切亦通三諦。如是入空下結成通相也。如此品所明者。空中既具慈等三義義當於假。捨者義當於中。此即品內所明也。二若空下結歸二義。橫達豎穿俱約三諦。三箇中空二。初問。荆溪云。問意者中體須立何須更空。以中破真中體理極。更將何法而空中耶。二答。荆溪云。答中意者中體性空何須用空。不同空假事猶有滯。具如前文。妄取下故知空中亦爲計者。破計見理二俱空也。復次下重釋出之。若更等者。釋前中道不須更空之所以也。但云性自是空無無窮過故復說之。三帖釋入文三。初觀衆生品明從假入空觀。二初分科。荆溪云。文爲四者。更加無量及以窮源天女

散華。而明別惑方乃表於三諦悉空。華著者小乘空之失也。二初所下隨釋四。初正觀衆生從假入空。二初文殊問。二淨名答。二初分科。二隨釋三。初約如幻等十譬觀衆生世諦。二初懸示分科。荆溪云。自有體性者。即性計也。故云性空等。若體假即實者。體假名假猶有實法。故空假實方見實體。皆是幻有者。假實皆幻。言隨理者法性理即是空。假即空。故云隨理。又觀此假假立生名以爲觀境。故云觀生。此下十譬正觀實法令成法空。故云觀衆生也。此下釋中欲以下四同如幻。故先委釋幻。次以此四例後五譬後五隨情者。問此品明隨理通空。何須更立隨情五譬。答既計陰實。雖亦知假未即真。故立隨情以助隨理。對幻判之故屬析法。二初言下隨文釋義二。初如幻譬文中先消喻而不知者等者。謂傍觀人也。次由有下合法。菩薩合幻師無明合幻法。自他衆生合幻物爲人。惑者即凡夫也。此合傍觀人。今觀等者合自識幻法也。世諦衆生者雖知本空不壞世諦。三假委如前記。二餘九譬二。初標。二如水下釋二。初釋隨理菩薩自知等者。荆溪云。此通相空不關二乘。一切皆應云是菩薩。非但此中。此中且取異體爲譬。故以天月譬於無明。若論正意正取觀時。於法性處而觀衆生即見衆生。遍於法性亦見法性全是衆生。故水中月本自無月。今不除之意令即於衆生而見法性。此下三譬意亦不同。但熱焰二法稍似不即。今亦於熱而觀於焰全熱是焰。攝大乘八譬

依梨耶者。論既譬別。方等意同。然欲通圓亦何所隔。八譬名義如前記。二釋隨情。二約第五大等五譬觀衆生真諦。無有定性者。荆溪云。隨彼諸譬。若空假中假名宛然。故云不妨。如龜毛等者雖喻毛角。不同三藏但破我人。且譬毛角。其實毛角須於幻處以見空。空故下中空亦非餘境。若不了者逐語流移。失三諦空。將何合譬無此道理者。經有定數。大唯有四乃至界唯十八。若言第五十九如云龜有毛兔有角也。此定無故。三約如無色界等譬衆生中諦二。初標簡非有非無者。凡小謂無色。無色故非有。佛菩薩見無色有色故非無。所以無色界色可譬中道雙非二邊。下十四譬例說可見。不如如幻等者。幻人水月等雖並虛假而不妨有色像可見。故不同第五大等究竟無。故所以分譬真俗。今十五譬並異前二。故屬中道。二如無下正釋二。初釋無色界色譬二。初正釋。舍利毘曇者此亦小宗自說有色也。然在小宗終以無色無色爲是。而以說有色者爲不了義。故婆沙中毘婆闍婆提說無色有色。若有多提婆說。無色無色何者是耶。答佛經中說。名色緣識亦應有色。又餘經說。壽煖識三常相隨逐無色。既有壽識云何無煖。又餘比丘說。餘四陰說識。有去來生死者不應爾。如從欲界生無色界。經二四六八萬劫斷色後生欲界還生色者。入無餘界應更與行相續。欲令無此過故說無色有色。言無色者此依何經。答經云。解脫寂靜過色入無色者。故知無色。又云色離欲無色

離一切入涅槃。故知無色。此二云何通。何者爲勝。答說無者勝。說有者云何通。答未了義故。問引經云何通。答欲有名色無色無也。欲有三法隨逐無色無也。色續論者四句分別。無色續色色續無色色續色無色續無色。故知無答。今以小乘自說有色義符今喻。所以引之。二故知下結顯二。初結顯異前二。初結義異前。智者見空等者。此即利根於空見中。不空即中道也。大品下初句雙非二邊。如是有即中道也。是事不知等者。是事即中道。不達中道故名無明。故無明惑爲中道障。二又上下結文異前。既前文已結此重立章。知與前異須譬中道。二此皆下結顯成上。二如焦下釋餘十四譬二。初正釋諸喻。如焦穀牙者荆溪云。若引法華非專今意。但約菩薩通方述之時在小宗未有斯見。次引大經意亦同爾。以密斥之意令當發次三果。譬大意亦然。小乘亦無界外生死。雖於大乘會中聞之亦未能有曉了之信。藏通菩薩尚未盡知。以其教意入無餘。故得忍菩薩此約通教入無生者。如佛煩惱習者指應化佛示有煩惱。小乘教中亦明示。故詞調達責身子者。詞調達如前記。大論云。羅云從佛經行。佛問羅云。何爲羸瘦。羅云以偈答佛。若人食油則得力若食酥者得好色。食麻滓染無色力。大德世尊自應知。佛問誰爲上座。答和尙舍利弗。佛言舍利弗食不淨食。時舍利弗轉問是語即時吐出食。譬曰我從今不復受請。今以佛有譏訶是瞋習相。荆溪云。從盲者見色去瞽事則

可通於小乘。滅度受身義猶隔小。所以出沒不同者。以此諸譬多在菩薩亦兼小故。罔像欲見者。罔像亦欲像不分明貌也。滅定至入出者。由心馳動於內故息出入於外。心想既滅故息無出入也。如身子爲女等者。卽爲天女所變也。如滅度者受身者。荆溪云。此既衍門復在菩薩。仍兼斥小得作此說。無因之火者。從因緣生不可得故云無因。還從因生故云之火。今注本經作無煙火。蓋展轉之說。以火從因誤成煙字。復改字體作此煙耳。故肇師注云。火必因質。故知煙字後人妄改。荆溪云。上來諸譬或因衍門或依小教。以大小相兼者以山方等諸機難故。然此諸譬經文一往皆似譬無。如無色界色焦穀牙乃至無因之火。以無色定無色焦穀定無牙乃至無因定無火。疏文取意皆顯亦有。如引大經明無色界有色。及酥酰焦穀有生牙義。乃至遇摧蘇細鐵等緣火則可生。方顯諸譬亦有亦無。細尋疏文一一皆爾。譬衆生中諦如指掌焉。二此等下結顯釋疑。二明起無量心利物二。初叙意分科。二隨文釋義四。初慈二。初問。則有爲等者。有爲分段無爲方便自體果報。卽三土衆生。故云三種衆生也。二答二。初叙意分科。荆溪云。答意者所言慈者利物與樂以爲其本。故知爲說卽是利他。卽說三諦俱空之理與究竟樂拔究竟苦故。諸慈中具有智斷聖德等相。故說行相資四段明益。二隨文釋義四。初約爲說此法。卽真智德慈卽如來等者。由無緣慈故乘如實道來

成正覺。故云慈卽如來。無緣慈無二邊繫縛故云慈卽解脫。既無二縛卽名中道。故如來等皆慈異名耳。百句解脫者。百句雖多不出三諦。如涅槃疏章安以三諦分百句文也。卽是三德者。荆溪云。無緣法身。法緣般若。生緣解脫。及以三諦對於三德如常所聞。法華明雖未得等者。雖通引彼正取未得中道無漏爲證。室卽解脫。衣卽法身。座卽般若。大經明初依等者。初依卽十信。二依住行。三依十向。四依十地。依者憑也。於佛滅後可憑此四人取解故也。故云是人說法亦可信受。今引初依未破無明以證有疾。能知如來祕密之藏者。祕藏卽三德此卽觀行相似觀於三德故云能知。此與入室著衣等義同也。故入著坐知並約能觀三觀。室衣座藏卽是所觀三德祕藏。從總室等從別卽別。而總室等卽藏卽總而別藏卽室等。此是下舉劣況勝相似分異同名有疾。相似之劣利生尙爾。分異之勝化他可知。二約斷德。清涼之池者。涼池喻出大經。不與界內外至合故者。以煩惱生死卽菩提涅槃。故卽事是理。無事可合卽卽波是水無波合水。內外八風者。荆溪云。外無八相祇有違順真中不同。故與內別。三約聖德。荆溪云。阿羅漢下六句乃借大小因果等名者。回慈則與大小因果。其名雖異同入無緣一實慈義。故並用釋無緣慈也。一相一味者。十界衆生同一真如相。四教開顯同詮一乘法。故一相一味。卽是一地所生一雨所潤也。大品等者引彼四法同今六句也。彼明般若此明

行慈。慈與般若體同名異。遼云大品十四云。須菩提云何是般若波羅蜜。爲不思議事故起。佛言所謂佛法如來法自然法一切智人法。以是須菩提諸佛般若爲不思議事故起。荆溪云。智人卽是菩提及以菩薩羅漢。餘三名同。故引大品四事以證六句。四約衆行。有師云下荆溪云。破他釋者具如前文。菩提道場法施等義。一一皆是獨頭法門。但欲幸依法相次第。以一法中收一切。故雖攝一切然須遍行。以遍行故理須遍列。若如是者可但釋迦一代佛法十方佛法若依若正收在一念慈等心中。今施至方便略列七名。豈用古師專對地位。無遺惜也者。不遺衆生不惜財物也。疏釋法施至子智慧。言不慳不捨乃至不智不愚者。以慳捨愚智悉從心起。能起本無所起。安在以所起法全能起心心性不動。中道明焉。二悲二。初文殊問。二淨名答。荆溪云。功德之大豈過於慈。還將此慈令斷煩惱。故云共之。當知前慈已具拔苦。重明悲者。令識別相卽是大慈家之大悲也。後喜捨心同異亦爾。三喜二。初文殊問。二淨名答。後則有悔者。權以小法濟度。非佛本懷。後須廢權。義當有悔。故引法華證成悔義。心懷等者。悔昔不勤教詔。致無開進。恨子不唯恩義疎我親他。內合如來悔不殷勤令入圓教似位。遂使退失本解。恨其無心不能精進固志迷迷不返。故言悔恨。化期將畢無傳大法之人。如老朽而無子也。大乘法寶如多財物。四捨二。初文殊問。二淨名答。性相常住者有佛開悟

不能增。無佛在迷不能滅。無增無減。所以常住。問性相何別以如爲性亦以如爲相。如水是波性亦是波相。一切等者大經云。一切諸法中悉有安樂性。以十界依正悉唯心故。悉本具故。悉空中故。悉互遍故。但一理故。無異端故。豈但識無拔無與。亦可了無情成佛。大經云常行捨也者也。應作心。字誤。經云。福祐者祐助也。周易曰自天祐之。三往復窮衆生源二。初分科二。初六下隨釋二。初約四弘成四無量心二。初叙意分科。初六番者即是四弘成四無量也。荆溪云。今文與餘稍別。若準餘處四無量中雖加喜捨爲成慈悲而已。若無喜心三諦不滿。若無捨心放諸生染。故知其名雖四但成二種。此二即是四弘所用。雖有此法若不加警慈悲不同。安令自他得至所在。故須立誓以制慈悲。今從此義以四無量的對四弘。法門離合不可一準。二隨文釋義四。初兩番成慈二。初成上慈心二。初問惡緣阻壞者。阻側呂反。隔也。字或作沮。慈呂反止也。並通。二答或如六念者。卽念佛法僧戒施天也。初念至除怖畏者。還云此是大論文。彼文明修十想。人恐怖遂令念佛以治於怖。今文不專用於念佛。故云或如。荆溪云。或如者不定專指故非定義。一切當修念佛三昧正緣如來三身功德。若六念者立對治法以修事觀。未稱今文下去正釋。慈童女者還云。如心論云。慈童女長者欲隨伴入海採寶。從母求去。母云吾唯有汝何棄吾去。母恐其去便抱其足。童女便以手捉母髮一莖落。母乃

放去。至洲上見熱鐵輪從空中下臨其頂上。便發誓言。願法界苦皆集我身。以誓願力火輪遂落。從慈捨命生第六天。達母拔髮成地獄心。發誓代苦卽屬佛界。然應達苦無苦。見苦真性而誓代苦者方爲佛界也。二重決功德二。初問二答。大經云等者。發心是因畢竟是果。因果理同故二不別。果由因起故前心難。諸文引用皆以發心爲初住。今通住前。自未得度先度人者。卽今當住度脫一切衆生也。二一番成悲二。初問二答。荆溪云。令除煩惱等者。若自有縛能解彼縛。無有是處故。令先除除苦因也。三一一番成喜二。初問二答。荆溪云。當行正念等者。若無無作四念處觀見於他陰界法性。安能令離苦得樂而生中道第一義喜。故無上道諦卽中道法喜。四二番成捨二。初分科二隨釋二。初總出正念二。初問二答。荆溪云。捨心卽指果理。果理必定遍慈悲二法。不生不滅者大捨也。若二諦者是有生滅。捨愛憎三心者祇是慈等三心之中離中道遠順等境。以無緣心行於慈等。不爲境轉故云捨也。二分別正念二。初問二答。惡法不生是斷德成者。惡法卽二邊。二邊遮中卽無明也。無明不生故屬斷德。善法不滅是智德成者。善法不滅卽是中智發生。故云是智德成。二乘至如來功德者。大小對辨也。一世諦二真諦者。夫明妙理湛然不生不滅者卽約真諦也。若約事論惡不生善不滅者。卽約世諦也。今文約正勤以明。正是約事故屬世諦。故云此是世諦等也。問荆溪舊解云。世諦

不生不滅者。以對顯中二諦。卽是善惡二境。世諦卽是真諦中之不生不滅耳。與今釋不同。答語異義同。言顯中二諦者卽圓教二諦也。所觀中理本無生滅。卽真諦能契智斷。智故善不滅斷故惡不生。此卽約事名世諦也。故云卽善惡二境。又云世諦卽是真諦中之不生不滅者。以中觀理得智斷故語異義同。共在此也。二正明窮源。成前觀衆生入空至中道六。初明見一處住地二。初文殊問。初文至達其本源通序六番之意也。爲四正勤之所遮持者。遮二惡不生持二善不滅也。不見初惑等者初惑。卽元品無明也。卽經云無住則無本。故今云不見所依之處也。二淨名答。二問欲愛住地二。初文殊問二淨名答。三愛住地二。初文殊問二淨名答。荆溪云。或言離心出色等者。華嚴沙云。從於色界生無色界。是離色出心。從無色界生於色界是離心出色。今正明色云無色者。相從來耳。故二界往來皆由妄計二處定實。若住欲界並計色心。不如二界所計最強。如貪通上界從下得名。四無色愛住地二。初文殊問二淨名答。五無明住地二。初文殊問二淨名答。阿梨耶此云無沒。無明以無始來未嘗隱沒。故攝大乘等者。荆溪云。論云是識無始時一切法等依。六真妄源底二。初問二答二。初正釋二。初正釋現文二。初釋無住無本二。初明真妄體同。荆溪云。十住見終等者。但以最後得名爲終。由斷一分見一分終。故云見終。其實無明不可云終。佛斷最後後相如初。故云見始。其實

無明不可云始。若定終始何名無住。若計無明有始終者。是謂法性有始終也。以全法性是無明。故亦全無明體是法性。問若爾過在大經。答曰不然。有事有理。若從事說。若見法性始即見無明終。佛見法性終名見無明始。無始之始名無明始。無終之終名法性終。若從理者應知二法俱始並終。況此二法自無二法俱無始終。若從事理相待以說。從理故即從事故離。始終亦爾。約非事理而論事理。於無始終而云始終。大經之文帶別論圓。從事相待。故作此說。次窮源中唯約五住不云塵沙者。以塵沙惑不障於理。四住障真無明障中。是故且從二障邊說。況無明無知但成離合。具如餘文廣簡同異。是故不可更以四住依於無知無知非依。是故不立。若言無知依於無明能依又失。今欲令於四住見中故指無明全四住。是法性復指無明為心。窮源既然。修觀準說。但觀現住。一念見思微無明源。窮法性底法性即無住無住即無明無明亦無住。若斷若窮雖分前後。然其住處不合不離。二若觀下結成通相。二釋無住立法二。初約四類總標。世間是有為出世是無為。二何者下約十界別示。若解無住等者。對六界迷故四稱解。然二乘解空菩薩解假佛界解中。順部意故俱出世故。故四聖法界俱得名解。究竟而論解唯佛界。九界並迷。二今用下通前結示。二料簡二。初簡真妄無始義二。初直約無明簡無始二。初問二答。此有二解者。祇是四住對無明。相對而論四住則有住有本

無明則無住無本耳。尋文可了。二更對法性簡無始二。初問二答二。初從容兩釋。謂約即離二義釋之也。文為二初約真妄兩殊。性非惑本。不可指法性為煩惱本者。法性靜煩惱動法性真煩惱妄。氣類既異其猶水火。豈得指水為火本耶。此乃約離義說。既真妄事乖。故法性非無明之本也。二若依下約即妄是真性為惑本。無明不出法性等者。以妄體全真動法元靜。真為真本靜為靜本。氣類且同而言法性為無明本者。何足怪耶。此約即義說。既事理體一得言法性為無明本也。世有火井既井中生火。則是水為火本仍符前喻。二今經下結顯經意二。初約經顯意。經意且從離義以明。故無明無本。故云法性非煩惱等。二若說下約義判教說。自住即別教意者。荆溪云。是煩惱說法性體別。則是煩惱法性自住。俱名為自。亦可云離煩惱外別有法性法性為他。亦可法性為自離法性外別有煩惱煩惱為他。故二自他並非圓義。以其惑性定為能障。破障方乃定能顯理。依他即圓者。更互相依更互相即。以體同故依而復即。故別圓教俱云自他。由體同異而判二教。今從各說別自圓他。問前作離義應是別教。答別教一向明離。故事理大異。前明即離並在於圓。既事理一如故即離不二。二簡三種五住義三。初簡別接通二。初問二答。若言至界外者內外事別。兩不相關不同別教。枝葉依樹故是別接通也。何者通教期心唯斷界內。後生別解知有無明。故更進斷致成內外兩別。別

人初心即知三惑期次第斷。故與受接人殊。由界外流入界內者。謂起惑則從細至麤故也。今反出等者謂斷惑則從麤至細。此並接時作此解也。二簡別教二。初正簡五住惑相二。初問二答二。初明界內見思是住非地。如枝葉依樹者。樹喻界外無明也。二斷枝下明界外別惑是住是地二。初釋四住地。此言四住非干界外祇於第五無明住地更細分別耳。無明既得名為同體見思。何妨得論同體四住。以四住即見思異名故。此見因無明等者。荆溪云。見為能住無明是地。此依別教故作是說。界內四住如常所聞。二此四下顯無明住地。二兼簡有住無二。初問二答。此中間合須對圓義釋之。合義唯圓。開義唯別。然圓亦具開非一向異。故與別殊。別但具開終無合義。諸文明別或云法性與無明合者。此合還開。今文云合乃即之異名耳。若開下正示別義也。法性是所覆無明是能覆。能所兩別故云開出。而約無明等者。即約所開之無明也。三簡圓教二。初正明五住二。初問二答二。初法二。初正明五住。以圓五住但迷法性而起。入涅槃所生四住者。即界外同體四住也。二今圓下結示成上二譬二。初譬內外世間。煙塵輕如界外五住。雲霧重如界內五住。亦可一往以煙等對四種苦集。然非文意。今正譬惑輕重耳。又可界內外各分輕重。以四教明惑有即不即。故是則煙輕塵重別圓也。霧輕雲重通藏也。二譬內外出世。即火等喻四教智亦可一往喻四種道滅也。文意且喻智

耳。故言下總結也。以四種惑智皆依法性。而有迷法性。故則有內外惑。悟法性故則有四教智。言無住本者即法性也。立一切法者即四種惑智也。亦四種四諦也。無住即本名無住本。二簡顯譬意三。初簡虛空譬二。初問既以空譬法性。所喻法性既有二異。能喻虛空亦應爾耶。二答中先總斥空尚不二者。太虛無狀尚非一法。豈得分二。若約下一往順答能喻之空亦分二。別緣盡等者謂雲霧暗緣盡。虛空明相顯時或見萬象或但見空。可以喻但不但二種真理。破虛空之義者如大經迦葉品十番破外人計虛空義。外計可破可喻但空。顯佛說虛空正義。可喻不可得空。即不但空也。復次下向雖分配今復斥之。夫立喻者皆一往取類不應求備。其猶雪山喻象不可求其尾牙。滿月喻面安得責其眉目。以空喻性其事亦爾。豈得問但不但之殊耶。二簡煙等譬二。初問二答三。簡火等譬一。初問二答。四天主散華二。初叙意分科二。初文下隨文釋義七。初明二解脫惑盡不同四。初天主開法現身。關河解者。即關中河西諸師。謂羅什僧肇等也。言宅神者羅什云。無空無神隨宅主有優劣故神有精麤。未曾有室故以大士爲神也。道生云。外國亦以神爲天也。夫有福之家必有福神附焉。是以菩薩託爲之矣。是入生死事也。僧肇云。天女即法身大士也。常與淨名共弘大乘不思議道。故現爲宅神。同處一室見大士集。聞所說法故現身散華以生論也。故關河所解今師亦取。既關所

表及淨名示現義故但引彼宅神之解耳。隱名如來藏等者荆溪云。今既現身不名爲隱。然未現時理亦非隱。今從事釋立隱顯名故知事顯。已來從機爲語。理本無生非今始顯。又解去向文約事非無此義。若欲更作以事表理即是事理雙明之義。若單事理化迹不成。於真空性淨現天女形者。此明淨名化爲天女也。二散華供養非樹生華等者。遍云。大品第八散華品云。爾時釋提桓因等諸天作是念。慧命須菩提提爲雨法雨我等寧可化作華。散佛菩薩比丘僧須菩提及般若上。是時大千世界華悉周遍於虛空中。化成華臺端嚴殊妙。須菩提心念是天天子所散華天上未曾見如是華。華是化華非樹生。是諸天子所散華從心樹生非樹生華。大論五十五釋云。釋提桓因知須菩提覺是化華語言。大德是華非生華。非生華者言是華天生。空無所出。須菩提提。是般若波羅蜜諸法無生空寂。故以無生華供養。又意樹者隨意所欲應念即至故言意樹。釋提桓因難須菩提。是華無生以何言是華不從樹生。須菩提反質言。若不生何以名華。不生法中無所分別。所謂是華是非華。釋提桓因心伏而問。但是華無生諸法亦無生。須菩提答。非但是華不生。色亦不生。何以故。若一法空則一切法皆空。今文取意略引耳。荆溪云。諸天子云。從心樹生。須菩提云。不從心樹生者即表俱非世俗所生。皆從心生。但所計別並依理生而非生也。三至菩薩皆墮。四至大弟子便著二。初分科二。隨釋

五。初華至便著如大論等者。即大論第十九文也。即云等者即迦葉答天鬘之辭。故論云。天鬘菩薩問迦葉。汝最者年行頭陀第一。今何不能制心自安。答曰。我於人天諸欲心不傾動。是菩薩無量功德報聲。又復以智慧變化作聲所不能忍。若八方風不能動須彌山。隨藍風至碎如腐草。此是菩薩淨妙五欲等者。荆溪云。此明迦葉曾聞方等不思議事。此事未嘗不與理合。二神力不能去華二。初指惑示意二。初正示二。料簡二。初簡別惑名習氣。說爲習氣者。然習氣有二。一通惑習氣如身子多瞋等。二別惑習氣即是無明。故今云於摩訶衍說爲正使也。今在方等亦兼取兩習。下自料簡。二簡別惑名四住二。初問二答二。初明通惑有四住。二明別惑有無二。初明別接通但名無明。二明別教無明名四住。亦得分思爲三住者。於變易依正五塵。生於欲貪即欲愛住地。變易色心是虛妄分別。即色愛住地。亡色觀心猶見有心。即顛倒想是有愛住地。二今言下牒文正解。荆溪云。盡其神力等者。不得界外解脫神力也。界外證難思理力有勝過。三天問去意。四身子客意。五天女彈詞二。初分科二。隨釋四。初正彈詞。荆溪云。非是世間思議華者。即以界內而爲難思。二乘之人豈知界外更有妙欲。又以如法心等者。事則大小俱散。理乃遍於法界。是名如法名大平等。二釋出得失。無分別心感者。觀生死涅槃不二不異名無分別心。由觀心得入分真感此華也。分別即是別見惑者。不斷



別惑故華著身。汝自有染何關我非。是故詞云。仁者自生分別想耳。分別即是染著故也。三臂經云。譬如人畏時非人得其便者。羅什云。如一羅刹變形為馬。有一士夫乘之不疑。中道馬問士夫馬為好不。士夫拔刀示之問言。此刀好不。知其心正無畏竟不敢加害。若不如是非人得其便也。道生云。恐畏之時情已怯弱。故得便矣。四結。亦明有別至習氣者。界內習氣依別見思。如枝葉依樹。如前引智論者。即前云在聲聞經名習氣等也。若約通教至習氣者。此明界內習氣。如迦葉者。謂聞琴起舞。如身子瞋畢陵慢等。故有說云。迦葉昔為樂人習氣故。未為全失蓋得此意也。故知天覺詞折迦葉應兼兩意。若作以通詞藏則。但以界內習氣以消起舞。若作以別圓詞藏通。則須以無明為習氣。無明未破故為界外聲塵。所動非關為樂人也。以大論所引大樹緊那王經屬方等。故結使二種者。謂結習正使界內界外俱有也。其斷是界內。然有聲聞但斷正使緣覺侵習之殊。不共斷者即無明別惑名為結使。共者迦葉已斷等者。此作以別圓詞小。以釋迦葉由未斷無明故起舞也。今此經下散華與聞琴相類。彼是聲塵此是觸塵。但經無的文者。不定言結習是共是不共也。此方等下大師準今經部意欲兼通習。故云猶帶方便等。二明二解脫體異。二初分科二隨釋四。初身子約事問天以理答五。初身子約事問判溪云。身子是起教之端者教由斯啓。故名為端。為諸聲聞作生酥之

首。下文天女詞文是也。二天以理答者。年者爾雅云。耆耄艾老也。天謂身子為耆年。蓋長老之稱也。三身子心迷重問。四天還以理答。五身子悟而默解。二天以事問。身子以理答。二初分科二隨釋五。初天以事問。二身子用理答。阿說示即頌釋也。說三諦如前記。三天辨不思議解脫。肇云身子以言久為失。故默然無言。謂順真解未能語默齊致觸物無礙。故天說等解以曉其意也。二乘至捨涅槃者。荆溪云。言文字者未必全指文字教法。通云世間一切名言皆名文字。小乘則指界內之法。縱指教相亦非所證。若非所證還屬生死。故於其中不得自在。四解釋。荆溪云。所以至兩問等者。文存兩釋。初釋先舉解脫文字。俱無內外者。正指文字及以解脫。二俱無得所以先破解脫者。恐人不曉執解脫相。次釋者。恐人謂在文字之外。故指文字是解脫也。言即異思議者。即形前釋仍通通教。故重釋中即云別也。五結會。荆溪云。何但文字是解脫者。仍恐唯指教法文字。故指二十五有一切因果無非文字。此等文字皆解脫也。三身子重決天女彈詞二。初分科二隨釋二。初身子重決二天女彈詞二。初標根略釋。二種根緣者。若約以圓斥藏。利根即圓人鈍根即藏人。若約以大斥小利即通人也。若四教區分。前三並鈍。俱說離聲聲癡為解脫。若爾何得以通斥藏。以通教體感即空亦得名為聲聲癡性即是解脫。性不具法終歸灰斷。望圓成離故使三教通名鈍根。二立問廣明二。初約小乘立

義問。未得四果謂得四果。未證涅槃謂證涅槃。即以四禪為四果涅槃也。得初禪謂初果乃至得四禪謂四果。此小乘中說增上慢也。二約大小區分答二。初明二乘是上慢。二初明於小非上慢。未入方便道等者。即是得四禪者。謬計四果也。二今計下於大是上慢。二初明於今經以小漸大故被彈詞。荆溪云。此中兩解初約執情濫大。俱是未得謂得。次圓教下復從理說。理本無斷稱理名脫。是則圓乘而為不斷。却自執其小乘合斷。由此自謂成增上慢。前解大小相對後解偏圓相對。文為二初以小濫大二。初明濫大成慢。荆溪云。二處有異者。法華簡眾及小乘中濫謂同於諸佛所得。如法華云我等同入法性。乃至世間六大羅漢三人同坐解脫之狀。三人同入無言說道。故未轉時無不謂佛與己同等。二就其下明在小則非。解脫知見者於五分中得解脫知見。則能照了所證淺深。故知小聖於當教中必無上慢。二圓教下以偏濫同。八邪者反八正故名邪。二明於法華知小異大故非上慢。荆溪云。於法華中等者釋出慢異。準向天女所說之意以望法華。何但於小非增上慢於大亦非。若至法華與天女齊。當知法華起去之人於大小乘並成上慢。佛雖令去意待後時。二明菩薩非上慢。無此諸失者無二乘執果住真叨濫之失也。此即圓菩薩耳。偏教菩薩未免諸失。以各謂實故離與不離至等共者。以小乘執離故以即義斥之。故說三毒即是解脫。其實圓法不即不離。以不



即故姪怒須離。以不離故即是解脫。理是故即事非。故離與不離俱非二乘所知。前明文解脫其意亦爾。非唯界內至解脫相者。以姪怒癡三及向云文字解脫並通界外。以圓人了三惡四教本一心。故斷與不斷者約事有斷約理無斷。故云姪怒癡性而不云事也。事即理故斷即不斷。理即事故不斷而斷。其失意者謬執經文。遂以姪欲爲道。無行經意事理亦然。四身子稱歎二。初分科二隨釋二。初身子稱歎二。天女答二。初分科二隨釋二。初答二。三。明二。解脫力不同二。初叙意分科。理然不同者道理自然不同也。二隨文釋義二。初問。荆溪云。或約三藏至通教者。二教俱有三乘故也。言多約通教者。以聲聞人於方等中間通執三乘之法。故以爲問。二答二。初分科叙意二。隨文釋義二。初化他。通云。今則別圓接通者。此明天女從於別圓法身地起應接引通教三乘根性之人故也。二自行二。初叙意分科二。隨文釋義四。初正顯佛乘二。初正釋瞻蔔若。正云瞻博迦。大論翻爲黃華樹。其樹高大花氣遠聞。自行受道者荆溪云。自行不可更稟權乘。分得法身仍須進道。故法華等者以入圓人顯成此義。二料簡三。初明藏通菩薩攝屬二乘二。初問二答。荆溪云。但以大悲等者。他釋大乘功祇齊此。二明三乘一乘各有自他二。初問二答三。明一乘自他永異三乘二。初問二答。二引釋梵證。三明止室久近三。初標顯。二有言下斥古。荆溪云。寄十二年在室等者但斥彼

時。於今亦復何所嫌耶。但恐於今聞而不受。況復往日在方等前。爾前者方等前也。故知所詞亦在十二年前也。是故得與方等義同。此中正破古師釋也。三。今言下今釋二。初徵前總示。二言十下牒文廣釋二。初正釋即表十二因緣等者。不思議因緣即天女所證也。無久近之久近者。荆溪云。無始爲久至今爲近。三脫亦爾。法性本有名之爲久。方始修得名之爲近。故知三道三脫皆非久近。而論久近。故以止室而用表之。此中約事論修性也。二料簡。豈知根本無明者。若觀三道即是三脫。故知三脫爲無明障。障三脫者即是根本無明故也。即一切文字者通界內外。初不聞說等者初猶都也。謂從初至後都不聞說小法也。荆溪云。意云從初皆依頓教發心故云初不聞等。四明室有未曾有事二。初分科二隨釋三。初標章二。辨相二。初隨文正釋八。初光明常照。二入者無垢。荆溪云。如界內外若犯重等者。重能遠障界內外理。三凡聖來會。荆溪云。大經云者以來會不絕義似漸深。四常說六度。四種不退者。謂四教各有位行念三不退也。若念下約別明念不退。即圓分真也。五絃歌演法。六四藏周濟。即是四教所詮者。約理爲藏。四教詮異同在一念。亦是觀十二因緣等者。約行爲藏。七應念佛來。八淨土皆現。大經云不增不減者。謂海水無增減也。二此未下結異顯同。三結斥。四明不思議法門轉變自在二。初叙意分科。阿鞞跋致此云不退也。轉不轉義者即是退轉不退轉也。佛

言下荆溪云。佛答意者。前之二教不轉方得名爲不退。後之二教以得理故從理爲名。理性本無轉與不轉。轉者退義故不退也。故云皆名跋致。二隨文釋義二。初問。具五事者出大論。謂第二僧祇離五事得五功德。得宿命離喜忘得諸根具足。離形殘得生貴家離下賤貧窮得人身離三惡道得男身離女身。此中二學所得。三學所離。故成五事。二答二。初會同上義三。初列章總標。二。一不下對上會釋。三。但與下結異顯同。荆溪云。但與上文小不次第者。第一在第二第二在第一。以不次第故不相應。雖次不次義理必等。二正釋經文三。初明不轉二。初分科二。隨釋三。初天女問二。初釋法二。初約真諦。荆溪云。天以正觀譬顯者。先明正觀故云十二年來求女人相了不可得。於三德中無男女相。譬顯亦須依於三德。譬如下臂顯也。天陽地陰等者。亦可云晝陽夜陰等。不可說盡。一切莫不可轉者。以未償故。故未酬生必不可轉。然未償者亦有可轉。非此所引。二譬如下釋譬。二身子答三。彈詞。荆溪云。一切諸法皆妄等者。非但世法有可轉義。出世之法亦復如是。若謂有定悉是妄計。二明轉二。初叙意分科二。隨文釋義四。初天自變爲身子問。二身子以女像答。三爲解釋如鏡等者。鏡喻法身面喻機緣像喻現應。鏡有現像之理面有生像之性。故面對鏡則像生也。四引佛語。非男非女者以一切法由心所變心不可得。男女安在。

三明非轉非不轉二。初叙意分科。二隨文釋義。四段如文。五明不思議解脫出沒自在真應本迹莫測二。初叙意分科。思議則無者。謂小乘思議解脫無真應本迹也。沒者至垂迹者。法身無像故云沒。應化隨機故云生。二隨文釋義。初身子問。二天女答。三身子重問。上天以別教應化答者。別圓應化不共二乘故云別教。非的指次第也。或可指別證道。四天女釋疑並皆如化者。以五道去來悉虛幻故。天亦是化者。五道如化天豈不然。以明女身無沒生也。六明法身生成道不同二。初叙意分科。二隨文釋義。二初文分四。初身子問。二天女反質。質亦問也。荆溪云。我入不思議真至我豈有之者。此約教門當分以釋別圓。無生那得作於藏通八相。映望上下皆須此釋。三身子答。四天重並二。初並不見。始者元品無明唯佛斷故。二釋次文分二。初標示二。初身子下正釋二。初身子問。荆溪云。有此意等者。小乘云無十方諸佛意不彰顯。以小乘中亦有許有十方佛者。雖即許有。豈如華嚴涅槃等耶。華嚴十方互為主伴。一佛尚爾況他佛耶。故此中無義不彰顯。二天女答。七淨名述成天女所說二。初分科叙意。二隨文釋義。四。初久值諸佛。是順佛教者由供養。故聞圓頓法。依教修觀達因緣。三道即是三諦分顯住常寂光。故云得棲空室。此明自行也。以慈悲等者此明化化也。二遊戲神通。三得無生忍願隨意現二。初正釋二。料簡

維摩經略疏垂裕記卷第九

維摩經略疏垂裕記卷第十

錢唐沙門釋智圓述

佛道品 此下並章安私錄也。二明從空入假觀二。初列章二。隨釋三。初明來意。荆溪云。正成問疾品明別教等者。問通相三觀義在圓者。今那云別。答對出假邊義云別耳。前三教慰喻中文。通相仍有次第意者。良由此也。二釋品名二。初事釋二。初正釋二。初牒名。略云從因達果者。因果雖殊理體無二。始觀名因觀竟名果。因果初後咸不離理。能通達到二義俱成。此以下總結也。佛即是智道即是理。亦可云能所標名。佛是能覺道是所覺。故亦可云人法標名。佛即是人道即是法。雖此不同不出理智。以人有智能覺於理理是所覺之法故也。二正如下文徵文廣釋二。初徵文二言非下釋義。有三種道者。此道亦以通達為義。煩惱通業業通於苦。苦復通惑惑仍通業。展轉相通故名三道。非道之理等者。荆溪云。文雖在假意復通中。故云之理。乃至佛道功德智慧復是假攝所言理者。即指三道。本是三德體復全是中道法性。出沒釋之是通是極。方等之教故使爾耳。諸佛實相智慧者苦即實相。惑即智慧。業即功德。此三皆理故云之理。二料簡三。初明非道佛道即因緣佛性三。初明非道即因緣三。初問。荆溪云。問此品不約因緣等者。下八段中無十二名。二答二。初明九界各具三道。荆溪云。答意者

雖無別標却成通具。豈非八段十二因緣耶。所言一切非道等者。如此所列豈過三道。對文點出其義自彰。況復九道。收界內外一切三道以令非道即佛道。故言九界者具如下列。二但此下明不簡菩薩所以二。初約文不簡二。初菩薩之名通別圓。故荆溪云。以有四教菩薩道故等者。前二菩薩但是二乘之菩薩道故不云也。別教正當菩薩道也。圓教或佛或菩薩也。今云別圓入中者以別初心亦修中故且得云修佛道耳。二藏通悲願扶圓頓。故荆溪云。方便下指藏通也。進暫取之終結其非。二復次下約義須簡。荆溪云。復次此品下舉淺例深。一切諸道皆屬方便。方便既遍豈隔藏通。遍入復斷故圓為正。然道對非道非道具十。故知十界或從名攝或從體分。或因果相形或與奪暫設。故佛界或唯在圓。或退取別或俱取地住或沒地唯住或復通因或唯在果。究竟而論圓果為正。義通從體攝圓初心。二明佛道即佛性二。初問。二答。三明非道是三因二。初問二。答。荆溪云。大經十二因緣名為佛性等者。問佛性之名豈獨緣了。縱通緣了義涉生死。生死何故名緣了因。若云唯正非緣了者。生死三道何名正耶。三俱不成經意何在。故須依此三道三德三種佛性之正種也。故重引大經以立中道。中道若立緣了可成。況十界一心具多十二。百界一一無非道場。故知此中莫非二身之正因法身之緣了剎那之三性生死之三德。能如是了方釋今經。二明所證佛性與大經無殊

七。初明方等亦明佛性二。初引古明非問。二準經示誘答。荆溪云。今此方等等者。兼斥古也。今此經中部無十二豈無佛性。意明大乘無有不具廣問記者。此意正明有三定大無三定小。不必十二方乃名大。唯涅槃法華具而復大。自餘諸部盈縮不常。問此經何文正當三部。答皆不思議豈非方廣。雖無別記而有通記。一切衆生卽三道。故無有不具。當成之理記豈過此。而云無耶。前方便品卽無問自記。初雖居士印竟何殊。況復涅槃指十二部。望十二部以定大小。故但有方廣十二善成。無問及記猶通大小。故無此二義。亦善成。二明二經名異體同二。初問二答二。初正示名異體同。荆溪云。種性卽是眼目異名。雖是異名非無別義。若說能生應從種立。若說不改以性爲名。但隨便標義理成具。今經且從能生爲名。是故文中多從種立。應知種是性家之種。性是種家之性。不變故能生能生故不變。此二一切無始無終。久遠常存足爲良信。二若謂下引常依二諦反難。三明種性各三義合二。初問。荆溪云。若佛性有三等者。意欲明同。先從異問。前文雖云道卽是性。此但通途消品題目。今問品內種有三。不。二答二。初會同涅槃。二種之下結示引證。荆溪云。種相體性者。此中意引四名名異義同。今之種性卽令永異。相彰於外尙與性同。種從內生理符於性。四明種性俱常理等二。初問。荆溪云。問種以能生爲義等者。一切諸佛二義爲本。故知真如法界法性祕藏皆應對種而爲

問也。二答。荆溪云。答中先取緣了而爲種義。從內求者。方便比說。方出正性。亦名爲種。故知三道能生三性。何必專執外生耶。況復亦應以類釋種。具如法華藥草喻疏中所明。故非但正種非因而因。業惑緣了亦復如是。是則下顯有種義。故翻對云緣了亦得名爲性也。是則三名俱種並性義同。善須思之。心境不殊義理自合。五明二經顯密益同。二。初執涅槃顯益明異。問。二約今經密益示同答。答意者菩薩顯入二乘密入。見佛性理益同涅槃。借使二乘及鈍根菩薩未得卽悟。亦因訶折堪成醍醐。故二經談常理無異轍。但開未開故分高下。六明因緣對性通別。二。初問。何以偏判等者。謂以三道各對一性名偏判也。二答。荆溪云。若如所問。乃是通義者。通別祇是離合之義。具如法華疏中及不二門。法性五陰有無明惡業等者。無明惑也。惡業業也。無記五陰本名法性。由加惑業計陰成迷。亦是法性本來清淨。故使三種迷則俱迷。迷理本淨。因果對說。故云有無明惡業卽成生死。轉卽名淨。七明無明卽是了因。二。初問。二答。七識是執見者。還云彼論第五云。二有染污意與四煩惱相應。一身見二我慢三我愛四無明。荆溪云。七識是一。所計成異。由此見識是了因種。從了名智從迷曰見。古人不閑互執成諍。六識爲緣亦復如是。三。明般若法華談性不異。二。初問。二答。二。初明般若佛性五名。旣名般若。故知般若卽佛性異名。二。明法華二觀解。觀卽能觀心卽所觀。能觀是佛所

觀是道。故名佛道。以因緣三道本一心故卽三德。故具如此觀。禮境用十乘觀。因緣也。荆溪云。觀心者前雖已約十二因緣十界三道。未云此等卽是觀境。今云十界十二因緣祇是一念與前何別。恐人不了故別明之。於向事中更無異轍。一心一色無非十界卽空假中。況復舉心惑已成智。業隨觀轉自得脫名。究竟而論苦爲正境。業惑之上苦亦灼然。故苦色心三義具足。是則至不障三德者。能通至極故名不障。如伊字者。因果事理俱得譬伊。準他所明。理一修二因之與果皆不成伊。常無常等理須顯說。三入文解二。初分科叙意。荆溪云。若就至名如來種者。然此三道俱有能生緣了之義。能生緣了已如前立。更應問云正豈非種。自行至功德者。從自行說。但由二智能顯法身及解脫。用二智權實般若契境不名功德。化他二智共名一權。二初文下隨文釋義三。初明佛道二。初分科。二隨釋四。初文殊略問。二淨名略答。荆溪云。應知答意具於二義。一者出假二者卽理。若不出假無由顯於通相次第。若不卽理無由顯於理假通因。下去七段深了共意。方稱此品文之大旨。復次下重更分別出假。非道約事佛道具。指假智爲非道等。見卽入外道等者。入應作是字誤。三文殊重問。四淨名廣答二。初分科。二隨釋八。初約無間因果二。初略示。荆溪云。示受三塗之果者。問無間之果。那感鬼畜而總云三塗耶。答餘二卽是無間眷屬。以業因時自有相從。二惡趣業亦可餘報通於餘

二、此明菩薩利物之門。亦由初觀逆心願力。故成觀。因任運契有以。二何者下廣釋二。初釋五逆因二。初明自行二。初明通達佛道二。初約因正示通達。荆溪云。何者下釋出初觀以爲假因。豈待入時方乃名順。況有下以因況果。即阿字等既是通相入假之觀。故得通用無生觀門及無垢等以爲其行。若爾亦得名爲不思議假。但於別教猶名次第。及鈍菩薩仍名生酥。於利根者即名入中。此會得入既名上上。於上上中不無初後。處處結其得道之相。從若知下至通達佛道即其文也。逆心下以觀心者。種性不同遍在諸教諸味諸行諸道。言頓漸等者具勝始末。令知一化無非佛道不思議假。故知通相具含三種菩薩之假及以地住不思議假。準義亦含三祇之假。但約顯教非從空出。是故此中不得論之。二此即下對果結成三道二。初正示三道。二今取下舉重況輕。荆溪云。今取最惡等者。以居其初惡中之極。二本無下對問疾結示。二菩薩下明化他二。初結前生。後二示有下正示化他。荆溪云。所以具示二種相者。若唯示可懺惡人謂。言逆罪無果。若唯不懺惡人謂。言罪不可滅。爲除邪計及生二善。故隨其根立斯二也。我受等者此有二義。今從內實灼然不失楞嚴之樂。豈但獨云三禪而已。若從迹論乃示現拒抗無慚之極。故今從其出假邊說三禪。乃是開迹之言。所以得作本迹釋者。諸大乘經唯除如來久本之祕及以記小成佛之言。調達開文經論共有。方等婆藪即

其例也。二至于下釋三證果。入無垢三昧者。荆溪云。此中諸文皆用二十五三昧中諸三昧者。以王三昧祇是三諦三昧故耳。以依次第但唯用俗。下去諸句一一悉然。婆藪如前記。象等具如止觀記中。鷄鳥篇括反。爾雅郭璞注云。大如鷄似雌雉。二約色無色界。十一三昧者。二十五三昧對破二十五有。具如前記。今云十一即四禪四空梵王無想那含也。三約三毒。四約十藏。荆溪云。此十多是等者。既不別分多分通說。然準破戒定屬業道。餘者多分皆是煩惱故云多也。故知若內起者即屬煩惱。不可制者多屬業道。以無所受而受十藏者。雖即翻於十藏成度於一一藏皆達於中。五約二乘。荆溪云。如身子善吉等者當知受禪及以加被。但是從迹示次第行。今據本說云不受等。六約人間惡報。荆溪云。示入至受四天下等者。經無四名應從義立。何者若準下賤醜陋之言多在南洲。老病妻妾事通餘三。北洲復應不通於病納。鈍亦可通於四洲。故得總云四天下也。經無脩羅及六欲者。脩羅離合有無可知。六欲或是例上。故略文中次第略出六欲。斷於因緣。約四教者。別圓因位猶屬諸道。未純淨故故斷通諸。七約入無餘。除圓妙覺者。荆溪云。他明非道其事太近。今明。唯餘一品無明在者尙是非道。故唯除佛究盡佛道。然羅什釋非道有三種。一者惡趣果報。二者惡趣行業。三者世俗善業及善果報。比望今解灼然太近。八總結。二明如來種二。初叙意分科。荆溪云。此二大士

等者更相問答正當二槌更扣之相。二隨文釋義五。初淨名問二文殊答二。初懸談義旨二。初略示。二言如下廣釋二。初正解如來種二。初引論總明。荆溪云。如法相解等者如彼非道即是佛法相。生解還依彼說方稱如來。能依此觀即如來行。是故引之通於說行。二三種下約義別釋二。初離解一。初約種明三。二言如下約如來明三。以前三種生三如來。正因生法了因生報。緣因生應。二如法下合釋二。初引文略立。二種以下約義釋成。荆溪云。種以能生類性三義者。前已和會今更對辨。故更論之。其實能生生於種類。此生類永無改也。若無苦道何有一相。若無業道何有彈指。若無煩惱何有智慧。順方便教猶名不類。故諸餘經皆悉別立。今明。有類生義可成。生必無段。直至於果。故今立之共成化相。故釋種類乃附近情。由約類明。恐人不了謂滅種非類。故附時情簡出餘教。識方便教不別真種。即附情明義。已下文是。二今約下約衆生釋成二。初結前總示。三無前後者以惑業與身同時而有。終無一人先有惑業然後有身。若惑業先有何異冥初。以此推之知無前後。若言同時何謂惑業爲身作因故知雖無前後要因煩惱而得身。譬如燈明同時而有。要云因燈有明。不見說言因明有燈也。故云亦非一時。故知迷妄三道尙不縱橫。達妄三道即真三德。豈縱橫耶。二若附下約義別釋二。初附情約思議釋二。初約障正明二。初明破障成種。二此多下結示判釋二。初結

示非圓。二若除下約人判釋二。初明二乘無種。二故大下證凡夫互有。荆溪云。故大經至善根人無者。顯非道可滅善道可成。復將此無以入後句善人有者是也。又善人有指有漏善。至後開時堪成緣因。故此緣初已名為種。言俱無者即指了因。何妨無始全無一句。故今從於全無者說。或是了從顯了者說。若耐緣亦容無。何獨於了為成四句。故緣從有說。了因且從覆相而說。二約識兼解二。初約識正明。荆溪云。無八識則無生死涅槃者。八是異熟故云生死。即此生死體是涅槃。又此識性體合此二。若爾六七亦是生死之識。何不得名即涅槃。答若通對者義亦可爾。二真諦下兩師異執二。初叙二師解。荆溪云。若地論用七識斷六識智障滅者。說第七識能取八中清淨之相。真修未顯皆屬六也。故今六中智障滅者。即顯八中清淨真修。二依中論破。荆溪云。地師以八為自攝師以八為他。故為中論撥破。二今經下附理約不思議釋二。初明即障成德三。初法。荆溪云。此經識煩惱不善等用論中破已方顯今經三道之種。言身等者。身中六七自有報法俱屬苦道。起煩惱者即屬煩惱結業成就即屬不善。三即三因。何徒紛爭。二譬。三合。二若苦下約證悟顯融二。初約六番明證悟。即住行向地等妙也。借瓔珞六種性以明之。三種等修者前非不等。但此隣果別得等名。二此三下結三性顯互融。荆溪云。非前後等者。祇三道時自非縱橫。豈得至果方如伊字。種若縱橫果非本有。

理性伊者。深觀三道為在何處。既在一念不可縱橫。故知因果悉如伊也。二就文下分科總示二。初分科六段。二結成三種二。初示三種通別。荆溪云。凡三門不同。苦門通門別門下文一一次第出之。若就苦門明義者三道相從皆是苦攝。通相既云一一皆三。對本苦門故有離合。三道復別不可專通。二然衆下顯了因功能。由慧達煩惱者。翻惑成智。故在迷既由惑潤生。在悟則由智顯理。迷悟雖異功能實同。若約位者了因即名字位。聞圓起信翻惑成智達本有理。理即正因以智導行行即緣因。謂觀行相似也。三因成就者。此乃一性二修共成三因。理即正因名字等三即緣了也。如向分別以智導行。行智契理。三法相符不異而異。至于十信名為成就。入初住位破無明惑見本有理。故云法身顯現。然至初住修性一合無復分張。三法俱顯。今從勝說且云法身。故文下引證了因功能也。是知一切本有無智故日用不知。由有智故導行詣果有行。無智生死因耳。二有身下隨文釋義六。初約苦道。初有身等者。荆溪云。前文已將身為苦道。即是正因。六為緣因。七為了因。今復合之而為正因。又身為種者。能生福慧者。對三可知。此是三種之經文。恐猶執權勸勸示耳。如人眼翳等者正約方等。形於二乘而作譬也。初譬二乘次譬凡夫。俱不見性譬以眼翳。二乘厭患生死加以苦痛喻之。凡夫不厭但云患眼。若諸拙師者。機發喻諸三藏教主名為拙師。析法觀智如針灸。小乘助

道如藥塗。出三界苦如痛止。不得佛智佛眼如根壞。迷中道理如不見色。無如來種四字即合喻也。若人下譬凡夫也。煩惱全在則如來種存。故喻眼根不壞後若遇師者。此即巧醫但用禁咒。如圓教主唯說圓頓達障即德喻以痛愈。五眼具足見三諦理故喻眼根清淨。二廣約煩惱道。荆溪云亦是三佛如來種者。意亦如前苦道明之。貪愛雖即已屬煩惱。依身藉業亦具有三。豈猶觀惑能壞惑耶。必觀惑具及以惑由業苦故也。煩惱既爾。於五蓋中睡掉二蓋猶是報法。以相帶故故亦同苦。所以皆云三故也。若離取我者。別列於三。通別有我故但成三。若離出我我遍有三乃成等分。別門明義者。倒計於陰故總屬身。常等別故故於苦門。若道之中離出四倒。別門即是別相念處加能觀念故處名生。若從相生身等復受正勤如意乃至覺道等名。故知有身等文亦轉入下之六門。此等皆應無作釋之。當知四倒非道出生三十七品之佛道。能生根本等者。問蓋能覆禪與禪相違。蓋去禪發能生何在。答若約小乘蓋是相違。若從大教達蓋成定。故約大教名相生也。若爾何故生於根本禪耶。答事理並明故兼發事。或是元以小助於大此於別於通無妨。以由蓋中亦具三道故約道說三。重約苦道。華嚴明十種六根等者。通云。舊經三十五云。佛子菩薩摩訶薩有十種眼。所謂肉眼天眼慧明法眼佛眼智眼明眼出生死眼無礙眼普眼。佛子是為菩薩十種眼根。若菩薩成就此眼則

得一切諸佛無上大智慧眼。餘耳等五根各有十種。名相俱別。一皆結。云得諸佛無上耳乃至無上意。故今云因是得入如來六根也。所以然者下應知。言誠住者。誠得安住也。誠念分明無有惱患。無壞者是名為住。惡趣則苦痛壞。四禪無想壞。非想滅定壞。亦彼地心想微昧。念不分明故誠不安住也。問曰欲界亦惡趣所壞。云何立誠住也。答曰取地壞不取界壞。欲界惡趣善趣乖地異苦樂。殊致義不相涉。故不相壞也。荆溪云。七誠住者處是所住住是能住。若依什公但在於苦隨所住處。三道具足亦成通相。三通之相約小乘樂住。挫成無種。雖云不樂理非全無。四重略約煩惱道。荆溪云。是生善緣者。且從對治通為觀境。何種不成。五約業道。荆溪云。因惡生善等者。此引可轉以為況例。一切大惡無不轉理。既轉為善生。三不護當知。惡體是不護體。譬如濕土能生乾土成乾土已即成磚瓦。故知濕土是堪瓦體。六約煩惱總結。三淨名重問。經云。曰何謂也者。曰是發語之端。許慎說文云。開口見舌謂之曰。淨名既聞文殊廣說三道為種。恐他不了故此問之。以生文殊訶小之說。四文殊解釋二。初分科。二隨釋二。初正答。二譬顯二。初標示分科。二譬如下隨文釋義。四。初譬了因種。二譬緣因種。荆溪云。經云植種於空者。無盡曰空非太虛也。糞壤者說文糞棄除也。周禮壤亦土也。三譬正因種。四總譬能生三種。五大迦葉頌歎述成二。初分科。二隨釋三。初歎頌經之囑。孔

安國云。瞻類也。二譬顯二。初譬二合三自鄙二。初自鄙二釋意。三明眷屬二。初叙意分科二。初叙意二。初顯前科生起成前道及種義者。淨名說非道為道。文殊說非種為種也。二復次下例前品顯成。一文為下分科。二初問下隨文釋義二。初問二初叙能問人。二正出問辭二初問眷屬二問資生。二答二。初分科二。初答下隨釋四。初正答法身眷屬資生即是自行三。初明眷屬二。初叙意總明二。初牒答叙意。二闕下附事成理臣佐吏民者十地輔佛。行化降魔制敵如臣。十向事理稍深職近王邊如佐。十行力修諸法種種驅馳如吏。十住如民。初入佛境界率土之寶莫非王民。盛來為倉喻禪定生百八三昧。盛物為庫。庫喻實相能發十八空智慧。二智度下隨文別釋二。初廣釋諸行二。初事釋二。初釋權實父母二。初約義略釋二。若就下依經廣解二。初對前品辨義二。初約品正示。二故金下引證釋成二。又行下徵前科辨義。安住世諦初出胎時者。無明共法出生一切隔歷分別故名世諦。安住者以止觀安於世諦。即是觀不思議境。觀行位成故名安住。以安住故名託聖胎。初住破無明開佛知見名初出胎。用權至入假者。實智入空權智入假。二釋導師由生天地二氣者。太陽氣地陰氣。楊子法言曰。父母子之天地也。二觀解稽首智度無子佛者。大論文初歸敬偈也。而古論三本不同。或作等字或作導字或作子字。以字體易相濫故又作子字。說者或謂是種子之子。或謂是子

息之子。既有義故古來人師莫敢定執而總作四義釋之。故古論音義云。一者無等。一切衆生無與佛等。二云無礙。佛是法王於法自在。三云無子。復有二義。一者就理。佛能體悟無生真理名為無子。二者就事。如來生死種子已盡故名無子。四者無子亦二義。一者般若名佛母。母有七子。謂佛菩薩及辟支四果。即此七中佛最居長故云無子。二者無明蔽中無有智慧之子。釋籤備引此文。但為寫者改導作礙故學者多昧。今文引用於四義中取子息義。但以在因名子。故普賢名真佛子。極果超因故云無子。此與古釋似異。若取七子中長義亦稍通。二法喜下略解諸句。慈與悲相符等者符合也。故荆溪云。女性柔和不與物爭。如慈與悲易可合集。或作扶持字者。後人妄改。若似若異者。荆溪云。似賢真聖。彼岸法門者波羅蜜此云到彼岸。兩輪者謂福慧也。二嚴齊等猶如等侶。等者齊也。類也。漢書曰皆陛下之等夷。妓女者女樂曰妓。悅慮者慮心也。二明資生。如是約別圓教等者。荆溪云。但要先須約前二教消釋竟。次約後二。然前二教但斷界內。若依別教界內界外見思除處皆有前後。易可相例。登地同體理非前後。於別教中雖復入地。仍分見修前後之別。圓教一向初後不二。是則不可分於見修之異。具約界內見盡之位。名為見淨及度疑淨。約思盡邊名分別淨及以行淨。涅槃須指究竟佛果。若於真位立七淨者。不分而分以為七淨。準四依位作之可見。菩薩在因

等者。以七淨中有無學道非究竟果。即是菩薩修無學因亦得名爲涅槃故也。更修八解除垢者卽斷者。單章通無知及修九種大禪等也。亦可得云於諸禪中皆除無知。華嚴者梵言俱蘇摩。此云華。梵言摩羅此云鬘。西域結鬘師多用蘇摩那華。行列結之以爲長其無間男女貴賤皆以此莊嚴或首或身用爲飾好。以滋息者息生也。避諸蟲螫者。知列反蟲行毒也。又通都釋二音。則隨二地者。二乘地也。外國用音樂等者。肇云。外國諸王臥欲起時奏絲竹自覺。甘露者生公云。天食爲甘露味也。什云。諸天以名藥著海中。以寶山摩之令成甘露。食之得仙。白虎通云天酒也。觀理懺悔者。等覺一品在亦懺悔也。作無作善者。依小乘義如常所說。今持中道戒不作二邊名作無作。三結自行功德滿。勝幡建道場者。什云外國破敵得勝則堅勝幡建道場。降魔亦表其勝相也。二明入假大用。成前非道及種並爲化他。二初分科。二隨釋。三初入假供養諸佛。二入假淨佛國土。三入假成就衆生。二初分科。二隨釋。五初入假覺悟衆生。二明教衆生世法。經云悉於中出家至邪見者。九十六種皆出家外道。隨其出家欲解其惑不同其見也。三入假拔衆生災難。經云或作日月天者。什云。劫初時未有日月。故爲作日月令得照明也。作地水風大者。劫初地未成以神力令六方風來吹水結而成地。或見人入海船欲沒時爲化作地令得安隱。至須水火風處皆應其所求也。或化作或以身作食及藥

草亦如是也。劫中有刀兵等者。什云將世劫盡時刀兵起。人壽十歲須蜜從初利天下生王家作太子。化衆人言。我等祖父壽命極長。以今瞋恚無慈故致此短壽。是故汝等當行慈心。衆人從命惡心漸薄。此後生子壽二十歲。如是轉續至彌勒時八萬四千歲也。四入假濟地獄畜生之苦。五入假同事利物。經云令魔心憤亂者。欲言行禪復受五欲。欲言受欲復現行禪。莫測其變。所以憤亂。邑中主者。左傳曰。凡邑有宗廟先君之主曰都無曰邑也。以祐者胡古反。詩箋云。祐福也。爾雅祐厚也。令住戒忍慈者。什云。世無賢聖。衆生下劣不入深法。故化以戒忍。三結歎自他。經云道無量者應適皆是佛之道矣。四斥破二乘。經不肖者廣雅肖似類也。禮記云。其子不肖謂骨肉不似其先。卽傳惡之類也。入不二門品。三不二香積兩品明中道雙流。二初入不二法門品。二初列章。二隨釋。三初釋品來意。二正釋品。三初立四句廣解。二初約句正簡。二初標示。二正釋。十初偏圓門理。荆溪云。以第三句簡二乘者。此意正當方等意。亦可云通教二乘義同三藏。別教地名爲偏門。若初地名入圓理。但初異後不同圓教。或云教道地前非圓入。從證說方名四理。二別圓門理一句是受接人。一句是解圓行漸入。初地卽是初住。以相對成句。既修漸行故受地名。三圓融教理。四教理卽離。荆溪云。第四四句卽是簡前三四句。前雖理教相對爲門未知爲是何教教理。須簡卽離

能所。圓別更對藏簡顯前理教。五大小說默。荆溪云。第五四句卽是對前四四句簡。前皆從法雖對理辨。未論入者默與非默。今更從行立此門重簡前四。六教行遠近。荆溪云。第六四句者。今昔因人果人相對。顯前圓教亦應更約三教簡之。七教門得失。荆溪云。第七四句者約得失辨。得失由行。顯前皆得今此帶失。八出入凡聖。初句三乘。二句五道。三句唯別。四句唯圓。荆溪云。第八四句者。約一代教以論今昔相對出入得否之相。述前七四句中今昔以論得失。亦是偏圓相對以辨唯第四門是圓是得。九大觀小果。荆溪云。第九句約大觀小果相對辨者。初句小果後三大觀。亦名大因。此如法華相待論妙十觀門偏圓義推。三觀者。以離斷常名中道。故第四句卽修不定止觀人也。荆溪云。第十四句者純約觀門。雖復多門意在於觀。故使觀門最居後說。二是則下結示釋成。二初結示。此約情悟者。隨機情故則能入之門不等。而所入之理一也。此就理釋者。所入之理唯一默。然及論能入不得不異。故淨名杜口諸聖各說乃互爲表裏耳。二不二者。荆溪云。如向十門簡入不入。入者偏圓。圓者不二偏者則二。不二方是今所入門。二者不定。或邪或正或小或大。唯事唯理。但別一義或存或沒。如下具簡。當知爲簡不入之二。若得入者無向諸失。二若就下釋成。二初約悟理寂照釋。二初正釋。二初釋入不二。照而雙寂至寂而雙照者。約三諦互融。乃寂照相卽。以相卽故出入咸悟。

二釋法門。二不二之法者。二即二邊不二即中。故知所照祇是本具一心三千三諦之法耳。門者還是等者還是所照稱為門也。理通一切稱之為門。二是則下結示。荆溪云。是則還是一法等者。不二及門祇是一法。但法從處立門從用生。立名雖殊法體無別。故云不二。約此諸門有二不二。二又二下約迷悟相對釋二。初簡迷示二。二今明下約悟釋不二。初約法正示。不依至之二捨二邊也。亦不至不二不著中道也。亦不下離應作依字。誤也。雙捨下釋上二句也。及不二邊者。荆溪云。捨中道著也。即上云亦不依生死涅槃之不二也。此中道理名之為門者。顯教即是所入之理言入不二法門者。入即能觀。三觀不二法門即所觀。三諦心外無境故稱不二。可軌名法通達曰門。當以此略結括諸廣。二法華下引證簡入二。初引經證門。荆溪云。法華云其智慧門等者。理即是門。此門中智稱理故難故。借開文以顯於難。亦是境智相稱之謂。二非但下簡能入人二。初簡偏顯圓。唯除下剩諸字。二又圓下簡凡顯聖。通意可爾者。若論通意何但相似名入。觀行名字亦得名入。如人知彼家等者。荆溪云。此約住前知圓為譬顯住。分真名之為入。如開示悟入等者。此證入名唯在分真。別義若然者。豈但入名從別。開示悟三亦不通凡。問今師以開等四對四十位則入當十地。此中何云即初住中論耶。答法華疏釋開示悟入凡有四義。一約四位二約四智。謂道慧道種慧一切智一切種

智。此二皆約堅對四十位也。三約四門。空門即開有門即示。兩亦門即悟。雙非門即入。四約觀心者。心性三諦不可思議。此觀明淨名開。雖不可思議而能分別三諦不濫名示。三一相即名悟。非三照三名入。此二皆約橫論位位具四。若約橫者實通住前。但經文所談四華所表正在聖位。故今以橫歷堅初住具四。二此品下攝前品顯意三。初成前菩薩品得入此門。無生忍位者因詞改觀。故入無生亦不通中住者。亦不住著能通中道也。二成前問疾品。荆溪云。進論者更辨果用故云進論。三成前觀衆生佛道二品。類如天地至不生者。易曰天地交而萬物通也。三示名義互通二。初明門名通出入二。初標立二通教下解釋二。又復下顯法義通出入二。初標立二不二。二法也。經品但云入不二。今以義通亦應云入二。此中又應標云非但二名出。不二亦名出。文略耳。以法門無量其義皆通。二如法下解釋二。初正釋二。初引長者宅內顯而起慈悲舍。依性空宅。金銀喻大乘三十七道品。倉是定門。即百八三昧。庫是慧門。即十八空。不二而二名之為出者。應云名為入。今云出者字誤。即標云二亦名入是也。然此不思議俗望不思議真。雖名為出。若望界內思議真俗悉名為入。以入在宅內故。自於下正示此意也。二如舍下。引小乘被加顯不二名出。準此文。知前合標云非但二名出不二亦名出也。以相對易彰故前略耳。此亦從二而

入不二者。小乘所證。是界外俗故名二。以被加故說不共般若。即界外真名入不二。但知下。上暫與之以被加為入。既都無攝取故此奪之。故云非真悟入。若領知下。既被加非真悟入。所以出證小果。故云還出草庵也。草庵是界內真名為不二。既出住小果。豈非不二名出耶。是時下結示也。然此兩番明出入義通。若欲易解應云以界內二諦望界外二諦。並須破內入外。故使界外俗諦亦得入名。即二亦名入也。此即初番意。若從被加出證小果即從果外俗。出界內真即不二亦名出。二今言下簡顯。即從界外俗入界外真。故云入不二。應知界內二諦已在界外俗攝也。三入文二。初分科。二隨釋三。初淨名問所以問者。從始會以來唯二人相對餘皆默然。今欲各顯其德故問令盡說。二諸菩薩各說二。初玄談義旨四。初表四位三。初標三義者。初依大經。二依仁王。三依大品。二釋三。初表開前合後位。即大經云。三十三天不死之藥臣將共服也。即是不死之甘露也者。以涅槃如甘露令生死永斷。是真不死藥也。二表合前開後位。十四度者亦名十四忍。即開五忍為十四也。一伏忍有三品。即三心也。二信忍三順忍四無生忍。各有三品敵對九地。五寂滅忍有二品。下品對第十地上品對妙覺。以彼合等覺在十地故。三表初後俱開位。大品以四十二字表圓位也。初阿後茶者。阿之言不。即初住無明破初不生故。茶者具云波茶。此云畢。茶外更無字也。即妙覺究竟也。中論八



不者。還云。不生不滅不斷不常不一不異不來不去。故言八也。若無至四十二地者。即小般若云。一切賢聖皆以無爲法而有差別也。若分至皆具諸字者。即楞伽云。一地具足一切地也。三當知下。結於三義中唯初義與今菩薩位數相當。既開合相收。故同後二。故云即表此之三義。二約自行。五百身因如前記。今以小例大故引之。三約化他。我無我至如是者。以八倒例生滅說之。以生是四榮滅是四枯。故四約別圓二。初正釋。還云。文殊以無言。言於無言者如經云。如我意者於一切法無言無說名入不二也。二料簡二。初問二菩薩。初兩教區別。荆溪云。若作三門等者。此緣前文對文殊淨名。判三十二人例別竟。今更問答顯別圓耳。不可專判以爲別教。若於一門攝四十二。諸門亦然。二四門收束。二法自下隨文別釋三。初明三十一菩薩各說。三十一。初法自在三。初正釋二。初釋名。荆溪云。則權實至無縛者。如問疾中。慧與方便對論縛解。今云自在即是二用。慧即實慧。故云二慧。權慧自在實慧無縛。二生滅下釋門。皆是隨情等者。未入初住見理。住前相似等解悉是隨情。二簡非。荆溪云。所以於初法自在文廣料簡者。在諸菩薩之首故爾。下去大旨悉須準此。故下諸釋文相並略。文爲三。初簡非外計。二簡非三藏。三簡非通教。各有問答悉如文。三今此下結示。分中已脫者分見中道也。二德守二。初釋名。二我下釋門二。初正釋或隨性欲等者自行也。或爲赴機等者化他也。

二若二下簡非未空於所者。以涅槃爲我所也。三不瞬二。初釋名。頂生上切利。緣如涅槃聖行品。二釋門。不受有五種者。大品行相品云。菩薩行般若時。行亦不受不行亦不受。亦行亦不行亦不受。非行非不行亦不受。不受亦不受。此五即不受二邊也。四德頂二。初釋名。頂禪如前記。二釋門。五善宿二。初釋名。二十八宿謂角亢等也。五星者史記曰。水火金木土。此五星者天之佐爲天經緯。見伏有時。乃至五陰者。謂此五星配五岳五常五戒五藏五陰。中略諸五故云乃至。廣疏云乃至五陰。達五陰即五涅槃名爲善宿。此約所配。日星宿三昧者。中智如日空智如五星假智如列宿。二釋門。荆溪云。是動念等者。念動故所以境動。今但通以不動之心對於動境。故三教境智名之爲二。唯圓境智方名不二。名無動念。六善眼二。初釋名。荆溪云。善眼者慧眼也。即是分得如世尊慧眼。二釋門二。初叙他解。荆溪云。大乘三解小宗一解並不分別。一相之淺深也。文爲二。初人師。二毘曇。或非心法者即色也。或大或小者。生住異滅各有大小也。謂小生住大生等如前記。八相皆約一法等者。謂大小四相共成八也。故名二相者。不同曰二。故八亦云二也。若不得此一法者。心法既空八相安在。色法亦爾。今皆不用者。荆溪云。又若待對明一明無則不用也。二今取下明今釋三。初依大論。相與法等者。相謂八相。法謂本法。荆溪云。今取釋論等者。非異是一。非一是無。又非此一無方名不

二。次亦如下且先將一以破於數。次一相無相下雙破一無方名不二。二據阿含。荆溪云。更有三法開心爲四者。文語稍略。應云更有三法色及心數。更有四法開心爲三。王數同時及色爲四。更有五法開心爲四。對色爲五。如此但是阿含小乘開合色心以釋一多。暫寄顯相非永用之。若不下正明觀相。三約三脫。七妙臂二。初釋名。或用事妙故得名者其臂妙好也。羅什云。以施報故手能出無量寶物如五河流。故名妙臂也。或權實下約所表也。荆溪云。不思議實與權理同。二釋門。菩薩心聲聞心者。荆溪云。此則兩教菩薩對兩教二乘。自善爲他者聲聞自善菩薩爲他。八弗沙二。初釋名。二釋門。荆溪云。先出舊解。泯此下斥舊。今取下正釋。九師子二。初釋名。二釋門。荆溪云。先約世兩名。次辨同異。若取下斥舊。今取下正釋。摩訶那伽此云大龍。名佛爲人中龍也。十師子意。二。初釋名。二釋門。十一淨解。有爲等者。荆溪云。先分名體意云。前文已作漏與無漏名竟。今復更。丘有爲無爲名者。以門別故。故更以有爲對三無爲。如得無漏亦是有爲者。還云。下香積品疏云。又從須陀洹至羅漢。所得智慧名有爲。所得斷名無爲。無爲即是有餘涅槃。今可例彼也。數緣非數緣者。即新云擇滅非擇滅也。俱舍頌云。此中空無礙。擇滅謂離繫。畢竟礙當生。別得非擇滅。釋曰。空無礙者謂太虛空無礙爲性也。非謂所見空一顯色及寂障等。擇滅離繫者隨繫事各別。隨三界繫見見品

品皆名爲繫。所繫不同名爲隨事。離一繫故得一擇滅。擇力所滅名爲擇滅。謂斷智推度令滅故名擇滅。礙當生等者。此非擇。二類不同。謂根塵闕緣及所證位諸無知惑。不得續起名礙當生。如緣一色時於餘色及餘四塵得非擇滅。爲正綠色礙餘四色等當不生。故一是涅槃者。還云。擇滅無爲也。二非涅槃者。虛空及非擇滅也。今將離一切數等者。荆溪云。以有爲中數對三無爲中數緣滅。名之爲二。若無彼數及數滅者是則不二。十二那羅延二。初釋名。那羅延者涅槃疏翻爲金剛。二釋門。不出不到者。不出生死不到涅槃。以皆空故。荆溪云。正當通意。今須在圓。十三善意。十四現見。荆溪云。現見文中不釋名。已觀中道故名現見。癡是無明乃至老死。此中具指十二緣也。此用經意成今觀也。今觀不盡是空者。是中道空從非盡。下釋出中空名爲不盡。此盡不盡即非盡非不盡。十五普守二。初釋名。二釋門。荆溪云。言故於我無等及引八自在我者。二名俱在中道法性。故須引之以防名同義同之失。故名同義異釋之。十六電天二。初釋名。二釋門。荆溪云。明無明爲二者。此是界內不即無明。故與界外明爲二耳。無明即明下正釋其相。即是相即之無明也。無明即明無明之體尙自不二。何況於明故云佛性即是明也。明有三種者汎出之耳。十七喜見二。初釋名。二釋門。荆溪云。先斥拙次今即下正釋者。如幻有即空。一切法趣空不空是真空也。十八明相。荆溪云。四種空種等

亦先立。次四種乃至不二正釋也。言內外皆空者即體空也。即是中道空也。具如前釋。十九妙意。二十無盡意。今明布施等者達藏通之二。成今不二。六度之通別者。六度是別迴向是通。六皆迴向故。二十一深慧。荆溪云。深慧名文中不釋。見底之慧故名爲深。底即實相。二十二寂根二。初釋名。三無漏根者如前記。荆溪云。此是大乘三無漏根從於寂滅實相而生。六根得清淨者分具清淨也。二釋門二。初廣釋三寶義二。初明二相。文中先問起三寶。是三不應云二。既言下作兩意答釋。初約異故名二。是則四法乃至無量。對一如理悉得名二。豈但三法。又解下次束三寶以爲人法。故知三寶祇是二也。言佛與衆生俱是人者。衆下多生字後人妄加也。衆是僧耳。以僧伽翻衆故。故佛僧二寶俱是人也。佛是果人僧是因人。故言下引大論證佛稱人。以人與衆生俱假名故。人不曉此遂於上文衆字下輒加生字。二今觀下示不二。初正約三寶示不二。二何故下更歷三身示不二。初約身廣明二。初微起總明。二人就下約身別示二。初三身敵對。二三身各明三。初法身三寶是法佛之師者。法字誤也。應云諸佛之師。此即大經云。諸佛所師所謂法也。以法常故諸佛亦常。諸佛即報智也。此法身正是法佛豈得又爲法佛之師耶。可軌之法者。以報智軌則法性而成故。即是以法常故諸佛亦常也。法以軌則爲義。境智相稱者。荆溪云。不稱則不和。既約境智以明三寶而云境。法佛智相

稱者。境亦稱智故名相稱。二報佛三寶。荆溪云。與理相應者智應於理如前。約理即是理應於智。三應身三寶二雖復下結示不二。然此三身各明三寶者凡有二異。若法報二身祇是境智照。發等互成三義。法身以所發之智爲佛。報身以所照之境爲法。法身以境同於智爲僧。報身以智同於境爲僧。祇由報法相應相冥故。得互望各爲三寶。唯應身三寶一向就應說。細尋前文其義可見。凡十二寶者以源本三并流出九。源流共數則有十二。未曾有異者。以三身一體人法不二故。入一寶相者。三九雖殊一心無別。二三寶下略例一切法。荆溪云。諸法亦爾者。諸法無非一體三寶之實相也。二十三心無礙二。初釋名二釋門。初斥小果。滅即涅槃滅者。因果滅盡之處即是涅槃寂滅之理也。今觀下正釋說涅槃即是色者。空即是色。此空亦是中道之空。中道之中具一切色空故也。二十四上善二。初釋名。二釋門二。初正釋現文。此文亦有二義。初以異故名二。前解者即釋寂根中也。又身下次義也。束三爲二。祇是色心。色心爲二者。荆溪云。小乘入空猶見有二。於實相中見一切法不得一法豈分色心。故云不二。二上來下對上結成。善眼即第六人。四種空種者即第十八明相說門也。今以上善對上二人。共成三脫各從一悟。二十五福田。荆溪云。經動者釋有進退。初以四禪皆名無動。次第四禪及以四空乃名無動。此但他人所解。今明如上所明無動但屬於福。皆是有漏故皆

屬動對理無漏方名不動。二十六華嚴。荆溪云。經云從我起二者。意明破我見於無我故云起。未達我性故起二也。二十七德藏二。初釋名。二釋門。如詞身子者即不思議品初文也。故經云。夫求法者無見苦求無斷集求無造盡證修道之求乃至是則戲論非求法也。二十八月上二。初釋名。月圓等者。即華嚴云。譬如淨滿月。普現一切水。形影雖無量本月未曾二。二釋門。顯晦亦明暗也。經云如入滅受相定者。以小定喻顯也。以智照滅故則無明。結惑盡故無暗。二十九寶印手二。初釋名。二釋門。三十珠頂王。荆溪云。珠頂王名文中不釋。譬如輪王頂上明珠。是珠居頂故云珠頂。三十一樂實二。初正釋樂實二。初釋名。二釋門。二初釋實不實。二釋肉慧眼二。初正釋二。初牒文引經。二二乘下依經示義。二但大下結示。荆溪云。若約別教為語。正觀中道為慧眼者。於十住中遠觀所期耳。從十行去從空出假故云照二諦。故從假邊名為法眼。三諦同觀即入初地。二。是中下釋諸菩薩二。初正示二釋疑。二文殊菩薩說二。初分科。二一諸下隨釋二。初諸菩薩問。二文殊說二。初略釋。故云起想即癡等般舟文也。二若作下廣釋二。初約門示義二。初約五門正釋二。初正釋三。初標三菩薩下釋二。初約前為四門二。初正示。二諸菩薩下結益。然此四門祇是三諦。空門真諦有門俗諦。兩亦雙非即中道遮照。既三諦相即故四門互融。三諦四門一心本具。既相知即各說何妨。俱達心源

咸稱不二。專用此意統而括之。方識斯經不二大旨。隨四悉檀逗機等者。既自行因斯開悟。是以還說已法以示他人。二於其下顯今為第五。此第五門豈離前四不可說。故名第五。又若約觀以明。則三諦俱照成前四門。三諦俱亡成今第五。亡照體一廓爾無寄。淨名杜口豈離斯乎。損至無損可以意得。三故此下結。二料簡二。初問。二答二。初明五門俱教二。約四悉結成二。初約前三後一釋。注云云者。此四悉檀並約理說。隨機暫異定無淺深。二亦以下約前後俱四釋。既是相成故前後俱四。無言有說四益何殊。要其所歸同歸于道。二引二論證成二。初證成四門二。初引論。二若實下釋義二。初釋門義。二如是下示得失。邪見火燒故者。夫火不取則有溫身熟食之功。取執則有焦肌爛手之禍。合法可知。二若因下結示第五二。初結。前生後二。此無下望上顯意。荆溪云。亦是別擬圓教者。上已判諸菩薩屬別教竟。故不可說屬圓教釋也。此亦一往隨文判耳。若三十二人從遠意說。所入亦是不可說也。得圓意者。上來亦判三十二人一一相通即成圓義。故今此中得作此釋。不可說門亦如是者。別圓四門各有第五不可說故。故不可說。其門亦通。遍攝一切方屬圓門。二無言下別示無言二。初通示六種二。初約內外通明五。初長爪二。初正示二。初明邪計。長爪即摩訶拘絺羅此云大膝。舍利弗舅也。由來論勝於姊。懷舍利弗論則不勝。知所懷者智。寄辨尚爾何況出胎。即棄家往南天

竺讀十八經。誓讀不休無暇剪爪。時人呼為長爪梵志。學說還家問甥所在。人云為佛弟子。即大憍慢。我甥八歲聲震五竺。彼沙門者有何道術誘我姊子。徑往佛所思惟良久。不得一法入心。語佛言。一切法不受受即安義。此言一切法我皆能破使不得安。故言一切法不受。毒氣者即三毒心中妄計也。應云皆三毒。文中作云毒字誤也。二佛心下顯佛破。佛心無三毒者顯佛慈心破彼邪執。汝之下正出佛破。先牒彼計反問定之。汝之不受者牒彼計也。汝見是受不者反問也。謂汝起不受之見。汝內心為安受此見。為不安受此見。若見下出佛難意雙破彼執也。先破受次破不受。初意者。若汝此見安受於心。何得一切不受。以汝見心亦在一切法中故。次破不受者。應云若見不受。今云不見者語倒也。汝見若亦不受何得見他有受。便欲破之既執已破他。驗知汝心有受汝受於受者。汝心受於不受之見。此見即受。故云汝受於受。受即苦諦者。受有三受。讚喜即樂受。毀瞋即苦受。不讚不毀起癡即捨受。樂受有壞苦。苦受有苦苦。捨受有行苦。故云受即苦諦也。流轉生死者由集感苦受五道生。故云具受諸受。云何下佛結責也。二故知下簡非。二續子三三藏四通教五別圓。二約正教點示。二今此下別顯今義二。初約文示義二。初別圓對辨。此以諸聖各入則成別義。故使文殊即亦成別。若約一互通即成圓義。今即亦圓。一往暫分此圓前別。二往明義前後該通。雖作別釋以圓為

正。二取文下徵文顯含二。初徵文總立。文殊既云一切法不可說等。故知一切包收四教及以外道之法悉不可說也。若爾何謂文殊談圓不二耶。正由包收凡小方顯圓門。即是一心本具十界六凡四聖。凡對外道聖收四教。九界即佛。咸即空中。故俱不可說。圓融之旨於斯現矣。二如涅槃下引經釋成二。初引涅槃正明。今以生生句屬凡夫者。即收長爪犢子。生不生即收藏通。世諦死時者即見思破也。不生生即別教十行。亦收通八地。初出胎時者。此以塵沙惑破道種智生名出胎也。故知下結示。世間即邪外。出世即四教。百界一心何所不攝。二引法華助顯二。初正約圓釋。諸餘法者即前三教及邪外等。此權即實名體內權。無非佛法。故使七方便人無能測量言辭相寂者。十界權實咸皆寂滅。二簡下例簡二教。二復次下結前起後。三維摩默然三。初文殊問。次淨名默然。三文殊歎。三聞品得益。

香積品 初釋題二。初正釋題。今依正

報勝人者。今依憑正報以立品名。舉正報以收依果也。佛超一切故曰勝人。二明來意。二解文二。初分科。二第二下隨釋二。初身子念食二。初正釋念食。諸佛至不餐者。以佛內證中道故不偏中。以表之也。毘羅三昧經瓶沙王問佛。何故日中佛食。答云早起諸天食。日中三世諸佛食。日西畜生食。日暮鬼神食。佛制斷六趣因令同三世佛食。二懸示讚詞。此大士讚詞二。初分科。二隨釋五。初讚。經云八

解脫等者。生公云。八解脫以不淨觀居初。而食是不淨之物。既以體八為懷者。豈有欲食之情哉。二許食。三遣化請二。初分科。二今言下隨釋四。初入三昧。三初入三昧。二現請飯之國。以香詮理者。達香由心造。即香是心香具三千。即空假中故云詮理。亦有一乘之化者。大論三十八云。有佛國土為一乘說法。純以菩薩為僧。有佛土聲聞菩薩雜為僧。如阿彌陀佛國。菩薩僧多聲聞僧少。三十衆皆見。二遣請飯二。初分科。二隨釋。五段如文。亦有得義者。妙理當顯大用即彰。三到彼問訊二。初分科。二隨釋。諸段悉如文。四蒙飯而還二。初分科。二心誠下隨釋。皆如文。四命大弟子共食二。初分科。二隨釋。皆如文。經云限意者。捨事求理名為限意。無悲自度亦名限意。經云經不可盡者。以心無盡故飯亦無盡。心性究顯有斯大用。芥納須彌共事類也。經云猶故不賜者。方言云錫鬚盡也。而字通三體。賜賜漸俱訓盡也。古經作賜不須輒改。四二土佛行化二。初懸談義旨三。初總示來意。二然機下別明起教。二初明二。土起教二。初明別對二土。二今但下起教互通三。初叙別略斥。未必全爾者。未必穢土定用香聲。淨土定用香味也。二何以下徵釋互通二。初明聲教通淨土。二若耳下明香味通穢土二。初正明通穢。二例如下引例釋成。三今正下結示別意。而判淨穢者。既現國是淨。復以香味為教。故對此穢土音聲為教以判兩別。二約身飯釋疑三。料簡正旁二。初明彼土香正味旁。二

今妄下為化此方二塵俱至二。初明俱至所以。正助兩門者。香正味助。二引例釋義二。初喻藥。有通別者。通即飲食別即大黃等。準律凡有四藥。故律鈔云。報命支持勿過於藥。藥名乃通。要分為四。言時藥者。從且至中聖教聽服事。順法應不生罪累。言非時藥者。諸難漿等。對病而設時外開服限分無違。七日藥者約能就法。盡其分齊從以日限用療深益。盡形藥者勢力既微。故聽久服方能除患。形有三種。一盡藥形。二盡病形。三盡報形。今言通藥即前三種。別藥即是盡形。外來內發者。湯火刀杖名外來病。四大增動名內發病。更加餘味等者。四分云。一切鹹苦辛甘等不任為食名盡形藥體。善見云。一切樹木及草根莖枝葉為食不任者盡形服之。即今云。大黃巴豆也。二今正下合二。初正合前喻。以通譬正以別譬助。二若利下更作譬釋二。初正釋。二同是下結示。二此問下明此土聲色正旁。二此中下隨文正釋二。初標示。二正釋二。初此問彼答二。初此淨名問。二彼菩薩答。即大乘木叉者。一止一作咸即心性。法鼓經曰。心無盡故戒亦無盡。二彼問此答二。初分科。二今言下隨釋六。初問二答二。初開五乘化剛強衆生三。初總答。二別答二。初懸示菩薩但處中者。謂列在人天之後聲聞緣覺之前也。三應供者見修無學也。五佛子者四果支佛也。二就人下正釋五乘四。初人乘。意為一飲酒者。以因醉動心三毒重。故意口不開。至為三者。意口細故合身業龜故開。二天乘。三

業委開成十善法。秉持既細故感天報。此名通因。更加餘行及以禪定以爲別因。故有諸天果報不同。如正法念經說。經云。是殺生是殺生報者。即華嚴云。殺生之罪能令衆生墮三惡道。後生人中得二果報。一者多病。二者短命。餘九因果悉如華嚴經云。無義語者華飾美言。苟悅人意名無義語。三菩薩乘。四聲聞支佛乘。二。初約三學正釋三。初戒學。經云。是應作是不應作者。疏解已明。今更助釋。是應作者。是作持。止則成犯。是不應作者。是止持。作則成犯。波逸提等者。南山云。義翻云墮。十誦云。墮燒煮覆障地獄故。七聚者。一波羅夷。二僧殘。三偷蘭遮。四波逸提。五提舍尼。六突吉羅。七惡說。三種羯磨懺者。一心念法。二對首法。三衆僧。法心念者發心念境。口自傳情非謂不言而辨前事。對首者謂各共對面秉法也。衆法者四人已上秉於羯磨。此三略明。若曲枝分則有八種。心念有三。一但心念唯得自說。有人亦成數列三種懺。輕吉羅。說戒座上發露及六念也。二對首心念謂。本是對首之法。由界無人佛開心念且引七種。四分中有安居。十誦有說淨受藥受七日。五分有受持三衣及捨三衣。善見受持鉢也。三衆法心念謂。本是僧衆。亦界無人故開心念。四分說戒自恣。外部受僧得施及亡人衣。對首法有二。一但對首。以是別法不開僧用界雖成衆亦自得成。總依諸部有二十九受捨三衣鉢師壇及受捨百一供身具捨請捨戒受依止法衣鉢藥說淨受藥受七

日安居。與欲。微波逸提懺。輕偷蘭懺。提舍尼懺。重吉罪。發露他重罪及自發露。六衆僧殘中白捨行法自行行法。自僧殘諸行法。白入聚落尼。白入僧寺尼。請教授作餘食法。且論略爾。二衆法對首同前衆法心念也。衆法有三。一者單白。事或輕小。或常所行。或是嚴制。一說告僧使成法事。二者白二。由事涉義須通和。一白牒事告知。一羯磨量處可不。便辨前務通白及羯磨故云白二。三者白四。受戒懺重治舉。詞諫。事通大小。清容乖舛。自非一白告知。三法量可焉能辨。得以三羯磨通前單白故云白四。又作法等如優婆塞章。二定學三慧學。二。初釋有漏無漏。一。初牒經通解。二從此下約三乘別釋。三。初標。二修。此下釋三。初菩薩如菩薩戒中說者。即菩薩善戒經中備明菩薩行六度。破六蔽。於一一度皆具四事。一者修道。二者莊嚴菩提。三者自他利益。四者得後世大善果。因論破蔽遂指彼文。若梵網戒乃是別圓菩薩。非藏通也。應知藏通但稟篇聚。故大論云。釋迦法中無菩薩僧。文殊彌勒皆聲聞衆中依次而坐。蓋謂此也。今文於二乘中戒定總說。慧學分三正是此意。故知非但戒同所修禪定亦同二乘。但以慧勝故稱大乘。人或昧之遂指梵網以爲四教菩薩戒法。法華玄義行妙之初點示甚顯。二聲聞。三支佛。三雖約下結。二是正下釋下諸句。二問下簡戒慧通局。荆溪云。菩薩在俗非僧數攝者。若藏通三乘不別立戒。具如法華玄義中料簡。荆溪既云藏通三乘

不別立戒。故知疏文且通。總而指兼舍別圓菩薩也。以淨名答彼菩薩說釋迦開五乘必該一代。是則二乘通兩。菩薩該三。疏文從省且從三藏。此中答意復該別圓。是故荆溪還指法華玄文料簡之相。故彼文云。他云梵網是菩薩戒。今問是何等菩薩。彼若答言是藏通等菩薩戒者。應別有菩薩衆。衆既不別戒何得異。又若別明菩薩戒。何等別是緣覺戒。今明三藏三乘無別衆。不得別有菩薩緣覺之戒也。若作別圓菩薩解者。可然。何者三乘共衆外別有菩薩。故別有戒。問三乘衆外別有菩薩戒者。緣覺戒云。何答三乘衆外無別緣覺。三結答。二臂顯中經云。瞿曇。或作龍同祿公反。戾三蒼作候。同力計反。狼戾也。剛強貌也。經文有作候。力同反。悲吟貌。非今所用。四淨名述成二。初分科懸示。勞謙者易曰。勞謙君子萬民服也。王弼云。承上綏下勞謙匪解。二言此下隨文釋義。二。初總歎。二。初略釋。二如下廣釋。二。初淨穢對論。二。初引論示義。此間下示義也。二就下約臂顯勝。二。初立譬正明。二。初退敵治病喻。二。初喻二合。二接賤濟之喻。二。初喻。捐施無難者。捐猶捨也。幾多也。位在方伯者。王制曰。天子百里之內以共。官。千里之內以爲御。謂此地之田稅所給也。官金。千里之外設方伯。五國以爲屬。屬有長。十國以爲連。連有師。三十國以爲卒。卒有正。二。百一十國以爲州。州有伯。伯連卒州長也。伯連州長及周皆曰牧。八州八百五十六正。十八師三百三十六長。八伯各以其屬。屬於天子之

老二入分天下以爲左右。目二伯。老謂上公。周伯。春秋傳曰。自陝以東周公。禮曰。九命作主之。自陝以西召公主之。二合。遂得發真斷結者。此入聖位如爲方伯。若在賢位則如高遷。

二用下結示經意。二若作下四土傳望。二初傳示輕重。二今取下結示經意。二歷別十事。五更問此土菩薩行。二初牒經文總解。疣者肉之凸病。二約乘戒判釋。二初標示。二大乘下正釋。荆溪云。但戒急而無乘者明無大乘。六淨名答。經等心衆生者。等心尊彼不分怨親。

菩薩品

初重分大科。二。此二下總明來意。三菩薩下別解。二品。二初淨名掌擎大眾同入庵園歸佛。二初釋題。二就此下解釋。

二初兩意分經。蓋大師異時分文。故章安具錄之也。二初爲下隨文釋義。二初分科。二初同下隨釋也。下去經科已在疏文不煩委錄。用前七日爲方便者。即小乘七方便也。五停合一。總別念爲二。并四善根七也。四處辨消者聖三凡一也。故云七日乃消者。荆溪云。用前事解七日之文。爲理解中之前方便。若入發心者。正指方等起慕大心。爲法華入位之方便也。二復宗說佛國因果。二初懸談義旨。二初總示二章對上五意。五重之中兩意者。於前釋題五意中。此當初二兩意。初云大士助佛開揚化功已畢須還佛所。次意云。佛初明佛國因果。大士助宣此義。須歸佛所復宗明義。二上開下科對佛國以顯復宗。上開宗者即佛國品也。說文云。開張也。廣雅云。宗本也。初品張佛國之宗本。明淨土之旨義。故曰

開宗。此中復宗者中間諸品別論餘法爲顯佛國。所爲既訖還歸佛所。復本所說佛國之義。故使文節與上符合。二上果下隨文釋義。

二初明佛土。不同起根各異。二初復宗說果。明佛國佛事不同。二初正明果。三初配上總明。二初舉前示同。二初明四義符同。二良由下示不次第意。文中先述意。次類如去類顯名異義同者。三周名異。開權義同。類今四段名殊佛國義一。三十六問者。即長壽品初迦葉童子發問也。古來分問開合不同。或三十二四六等殊。即問云。何得長壽等也。義相主對。名字不同者。佛以十二品答三十六問。其有名義主對者。則以長壽品答云。何得長壽問。金剛身品答金剛不壞身問等。復有一品而答多問則是名字不同也。義意若正等者。但取與問意合。不責名異。此中下結例也。以今四段對上開宗。雖不次第同顯佛國。二今第下約今正對。二此中下隨文別釋。四。初釋上第四何法起根。二初正釋。三初叙意總釋。二初明六塵具法悉可起根。三初總示根塵。

二若毘下對小顯大二。初小乘明眼色用劣。二大乘明眼色該通。荆溪云。豈可將此毘曇以難法華。信知但是不了之教。定不可依。又今毘曇師若聞斯語。豈不撫掌。三故大下引證結成。二初引證六根。二當知下結成具法。二今將下明諸國從勝各用一塵。二初正明從勝。二如此下以此例餘。二光明下牒文別解。何但他國等者。荆溪云。此土尚有光明爲事。何況餘土正用光明。如思益所辨者。彼經云。又如來放光名曰能捨。佛以此光能破衆生慳貪之心。能令行施。又光名無熱。能破破戒之心。令持禁戒。又光名安和。破瞋恚心。令行忍辱。又光名勤修。破懈怠心。令行精進。又光名一心。破妄念心。令行禪定。又光名能解。破愚癡心。令行智慧。廣如初句。又放四儀一切法光亦如是。小乘中或言光到觸者。荆溪云。到而方觸也。不到觸者謂。不到不觸。縱非不到亦非益相。如須扇多佛等者。大論明。此佛朝成道暮入滅。故留化佛度衆生也。四大菩薩至功德者。法慧菩薩在忉利天說十住功德林菩薩在夜摩天說十行。金剛幢在兜率說十向。金剛藏在他化說十地。不可定判。安在化人者。謂菩薩作佛事之言。不可定作化菩薩消釋。以華嚴四菩薩是實非化。亦是用菩薩爲佛事故。故屬下雖化實不同俱屬起根也。此間亦坐菩提樹得道者。此本尼拘律陀樹於下得菩提。故因以爲名。智論云。樹下思惟如佛生無憂樹。成道菩提樹。轉法輪吉祥樹。入滅娑羅樹。行者隨諸佛法常處樹下。或現常身者即丈六身。是常所現也。故大論四十四云。釋迦文佛常光一丈等。夢幻十喻者。經文但七而無城化空三也。荆溪云。況復十喻本喻於空。此亦空爲佛事耳。菩薩得有者於空見不空故。以十喻爲証相者。還云。光統以四宗判教。一因緣宗指毘曇六因四緣。二假名宗指成論三假。三莊相宗指大品三論。四常宗指涅槃華嚴等常住佛性本有湛然。若佛不示至能知者大論文也。觀蟲者觀

亦作昆禮記曰。昆蟲未蟄不以火田。鄭玄云。昆明也。明蟲者得陽而生得陰而藏。故曰蠲蟲也。三廣說下指廣結略。二齊此下總結。二釋上第三明入佛慧。二初分科總叙。二但諸下隨文正釋。二初善門。二惡門。女人示貪欲者。舊經第四十二云。善財童子至險難國大莊嚴城婆須蜜多女所。自言我已發菩提心。未知云何學菩薩行。修菩薩道。答言。我已成離貪欲實際法門。故天見我為天女。人見人女。乃至非人見我為非人女。若欲所纏來我所者為其說法。皆悉離欲得無著境界三昧。見我得歡喜三昧。與我語得無礙妙音三昧。執我手得詣一切佛刹三昧等云云。凡夫為此墮落者。荆溪云。總云世人多分之相。豈可和須蜜令人墮耶。此少唯益。滿足王者。新經名無厭足王。舊經四十一云。善財至滿幢城滿足王所。見無量衆生犯王法者。身被五縛或斷手足或截耳鼻乃至以火焚之。善財懷疑。虛空有天告之。勿疑。即詣王所自言。我已發菩提心未知云何學菩薩行修菩薩道。答言。我成就菩薩幻化三昧法門。十惡衆生不可教化。我為調伏令解脫。故化作人衆種種苦治。令捨十惡發菩提心。當知我身口意乃至體子不生害心。何況人耶。見婆羅門者。舊經四十云。善財至進求國方便命婆羅門所。時婆羅門修諸苦行求一切智。四面火聚猶如大山。中有刀山高峻無極。從彼山上自投火聚。善財自言。我已發菩提心未知云何學菩薩行修菩薩道。答言。汝今若能登此刀

山投火聚者。菩薩諸行悉皆清淨。善財疑念。十萬梵王在虛空中告。令勿疑。爾時善財即登刀山自投火聚。未至中間即得菩薩安住三昧。既至火焰復得菩薩寂靜安樂。照明三昧。即新經六十四云。伊沙那聚落勝熱婆羅門也。三既善下結示顯意。三釋成下結顯經意。結撮始終者。初品始明淨國。二釋其意。二初叙意分科。方便至之土者。方便曲巧也。曲巧隨緣示現三土。隨緣不變同一寂光。鏡像器飯喻意可識。二今就下隨文釋義。四初就虛空結釋。二初約佛國。譬文與此對釋。二初舉譬。二此言下合法。二今此下約佛國。法文與此對釋。三初牒上四番。二雖下約土正解。二初約事理消經。二今四下明寂光體遍。三。是故下結成今意。二略明身智。萬延量者。延謂由延。亦由旬耳。三廣明身智。二初對前辨示。二初約廣略相對。二約思議不思議相對。二初明二諦俱異。二何以下微釋相狀。初釋三藏二諦相。次極智下釋圓教二諦相。二今十下正釋經文。二初約不思議明俱等。文中牒經消釋小不次第。對經可見。應以同等二字逆通諸句。文中並約二身釋等。以諸佛俱有二身。所以諸句同等性者。性應作姓。即釋經文種姓二字也。利利婆羅門者。諸佛應世不出二姓。世尚威勢者則生刹帝利姓中。如釋迦果也。世尚德行則生婆羅門姓中。如彌勒是也。法身之性等等者。以性釋種姓義。亦是事表理。習種至妙覺者。果由因剋。故遍列諸性勝應至衆生者。此勝應即他受用

報也。二此之下約互相釋結用義。荆溪云。此之身智等者。既可以土釋身。即可以身釋土。四約三號。二初分科。二隨釋。二初正釋三號。三初釋三藐三佛陀。二初約思議。二約不思議。二釋多陀阿伽度。亦先思議次不思議。於真如之理者。即三藏偏真也。三釋佛陀例前二釋也。疏文從略。於前科不思議中明之耳。釋請法中。隨其靜亂者。靜用文如彼國。亂用武。如此國。權道有疑者。大論四十三云。菩薩二種。一者有慈悲多為衆生。二者多集諸功德。樂多集功德者。至一乘清淨無量壽國土。好多為衆生者。至無佛法僧處。讚歎三寶之。昔令彼國菩薩即第二人。故於權道有疑也。問豈有無慈悲名菩薩耶。答慈悲無異俱化衆生。期心早晚有殊耳。故大論四十五又云。有先自成就功德然後度衆生者。有先成就衆生後自成功德者。今彼菩薩即是先自成就度生。一往對此土菩薩即當先成就衆生人也。二往此土具有二人。即三根出假是也。今彼國菩薩則當真出假人。二佛為說。二初對上分科。二初對上佛國。二今就下正分今文。二釋中下隨釋。三初總標勸學。二釋。二初略釋。二廣釋。三初明不盡有為。二初標。二釋。三初約句總標。二今言下牒前示義。二初大師正釋。二初正明二義。二初約中道示義。二俗諦下約二諦解名。二故盡下對上釋成。二初對佛國釋成。二私問下章安私解。問意者。彼九百萬菩薩既來此土。以香益物。則已能雙流。何故始問。答意者。彼諸來菩薩中有權

有實。故以權引實者。爲引利心實行示益物之儀。故使無生大士權設斯問。以實隨權者。彼初心實行雖未有雙流之用。以權神通所攝故能隨來。三文中下隨難略解。子在難者。喻衆生在生死。父母在宅如菩薩在禪定。慈念衆生不以寂靜爲樂。故云如地獄。云云者。諸皆可見也。經云不輕未學敬學如佛者。未學當學所以不輕。已學當成敬敬如佛。經云見來求者。爲善師想者。本無施意。因彼來求發我施。以則於我爲師。故起師想。不住無爲中。經云。修學無起不以無起爲證者。諸法緣會而有。緣散而無。何法生有待緣而起乎。此觀空觀之別門也。三疊釋二。初離文通宗二。初對佛國顯復宗二。初對上釋成二。初叙前佛國。二今下明今釋成二。初明三段相由。以前不盡有爲成佛國橫。不住無爲成佛國豎。又今二段各含橫豎。故疏不的對。今疊釋成佛國結釋橫豎。二示前後互辨。此示今段與兩科迴互耳。二今言下徵文略解二。初約雙照正解。二若三下約身智釋成。二就此下約權實示疊釋三。初約四雙分文。知病識病者。總略名知委辨曰識。二約此下約權實廣解二。初正辨三種權實。或說權爲實者。荆溪云。即是藏通三種真也。或說實爲權者。含中入真也。此等對圓並名化他。故下文云。約此判思議不思議。此是通教及二八中之真俗也。或於權中而辨權實者。以說權爲實故權中有實。或於實中等者。以說實爲權故。實中有權。逗機淺深者。二教則淺。含中則深。二約此

下廣歷諦教釋義二。初歷二諦三。初標。二若是下釋三。初自行權實。二自行化他三。初雙標。二何故下雙釋二。初法故言三人等者。大品文也。以三乘中利根見中道故。故知含中在真。謂說真諦者。彌勒既以見中爲真。則是論偏空。正當俗諦。即復俗中幻有即空也。故使五百聞俗謂真。雖不彰至其義者。謂大品但云三人同斷。大經但云謂俗爲真。而宛有中道義也。已如向釋。若通別教圓教等者。荆溪云。別教有時屬於化他。有時亦得將爲自行。有時亦得名爲自他。二見空下譬。三日月下合。三若若下雙結。三化他權實二。初標。二何以下釋二。初約空石喻釋相。二但思下對不思議辨異。所以更對不思議辨相者。以化他純用藏通。則是思議。其利根者。於通真見中理。則成不思議。若約利根還同自行。化他權實義既相涉。故須辨相。文爲二。初正明思議二。初重舉前喻。稍稍消磨喻漸。礦盡金現喻頓。即是斷見思盡受中道接故得名頓。二思議下合喻釋相。先正合前喻。如一切下更以譬顯。此取行人體物淺深以喻祇一思議。其利根頓見中道。文中云生滅無生之言。悉取體物之解以喻悟理淺深耳。非是約法也。智之下者見森羅是四大。如藏教但見無常。智之中者見森羅生滅。如通二乘及鈍菩薩。但見即空。如生滅至真諦者。此是智之上者見森羅是空。喻利根人。即見中道。既對中下。任運是上。故不云上耳。此豈非漸頓也者。以喻明之。宛見思議中有頓義。既有於頓則

亦屬不思議。但約菩薩。元始化他說於二教。唯是思議頓見由根。故使二教但是化他權實。而教下既有受接之理。不得不辨故此明之。二對辨不思議二。初約喻正明。如如意珠者。珠喻一心。能雨諸寶。喻一心隨緣變造十界。珠雖無寶而具寶性。以喻心性本具百界三千依正之性。名爲理造。不假隨緣。理常造故。故知此造即具異名。畢竟無所有者。雖無所有而有寶性。若謂無性他應雨寶。何須摩尼。不思議下合喻也。而能真俗具足者。不當有無。有無自爾。何以故。俱實相故。實相法爾。具足諸法。諸法法爾。性本無生。一切真俗者。即前三教二諦也。悉在十界所收故。二若約下寄行品末至阿闍品中。初總答二。初釋經文二。初總別釋文二。初總。二別觀。已心性既是實相者。實相必諸法。諸法必十如。十如必十界。十界必身土。身分假實故有三千。是故三千同在心地。與佛心地三千不殊。方乃名爲三無差別。方曉今經觀身實相。故云即是。至義齊也。且迷中之理尙齊妙覺。而況等覺悟中之理。而況妙覺佛。佛道齊。若曉觀心前二可了。譬如人射法者。始學射者即期中的中。自親疎始觀心性。即與佛齊。悟自淺深此用首楞三昧喻也。彼經上卷佛告堅意。譬如學射。先射大埤次射小埤。次學射的次學射杖。乃至學射一毛。射一毛已學射百分毛之一分。能射是已名爲善射。經文具以欲學首楞嚴先當學愛樂等一法合之。彼存次第。始學射埤。今約不次即從初射的中有親疎。始疎



終觀。以喻圓觀。二若正下結示觀法。二所以  
下對問題意。二初明因身顯土。二他下示所  
居真國。二初他解。二今釋。二初明法身有土。  
二故金下引經證成。二別答。二初釋觀三世。  
二初正釋經文。如見有未來之法等者。此語  
過去法未至現在時。故云未來之法可得。是  
有邊無邊者。牒凡夫妄執有過去也。此即外  
人妄計謂。過去有邊無邊現在常無常未來  
如去不如去。乃至各加兩亦雙非。約三世五  
陰共成六十。不離斷常即六十二見也。大論  
大經并疏及輔行等處處明之。今意者若過  
去實有可同外計。今既本空其計安是。下明  
後際不去現在不住。例之可知。二他解下對  
古示義。二初約位辨常。二初叙古。二明今。若  
解今意方曉大經二鳥雙遊之旨。文爲。二初  
明金剛前自行故常。適今者始今也。凡夫並  
常。何況分聖。二金剛後約化他故無常。然約  
自行亦有無常。以元品無明未斷故。今此且  
就化他明之。妙覺極果尙示八十無常。豈況  
分常而不示乎。二示應化異。二初古明應化  
義同。二今明應化體別。二釋不觀色等者。向  
如詞須菩提者。弟子品云。其施汝者不名福  
田。供養汝者墮三惡道。如獄喻者。即經云。須  
菩提取鉢勿懼等。詞則以大聖小。故非福田。  
獄則小乘聖人是界內福田也。釋三世偈者。  
云本無今有本有今無。三世有法無有是處。  
古人多解。今家正義唯約三諦。即真而俗是  
本無今有。即俗而真是本有今無。即邊而中  
是三世有法無有是處。又即一而三。即三而

一。三一即非三一。以消四句釋然大觀。佛於  
大經四出宣說。故使古人名四出偈。若知三  
諦一心則統乎一經。何止四出貫乎一代。何  
止一經包乎十方。何止一化該乎三世。何止現  
在。卷多歸一唯指自心。自心本無諸義安在。  
無不離有衆說炳然。故知四出亦且隨機證  
義爲便耳。二身子問應身。二初叙意分科。二  
隨文釋義如文。二明所居淨國。二初叙意分  
科。二分言下隨文釋義。經阿迦尼吒或作忒  
吒或作尼沙訖或言尼師吒。皆梵音輕重耳。  
正言阿迦尼吒。譯云質礙。色究竟。據勸佳  
反。七身子稱歎。二初正釋經文。二若依下研  
謹顯意。若依此語者六番歎福深似流通也。  
法供養品 三流通分。二初總叙分章  
二。初總叙。二初指品標章。二來通下舉名  
解義。二分章。二就前下依文別釋。二初  
品分。二初分科顯示。二初總別分科。二今  
言下顯示品意。二初正釋品名。三。初正釋。  
二如下引證論。第四云。佛於摩伽陀國尼  
連河側優樓頻螺聚落得菩提成就法身。故  
多住王舍。報生地恩故多住舍衛。二國之中  
下顯法身勝也。此經既詮實相。即是諸佛法  
身也。故帝釋護持。三護下例結。二復次下謹  
持所以。二初明今說請。二若作下依教判  
人。若依華嚴以十地對六欲四禪者。帝釋是  
二地菩薩。率化群下者。儀禮云。最率以敬。鄭  
玄曰。率導引也。二就歎下隨文釋義。初歎法  
二。初分科顯實。非法無以成人者。由悟實而  
成聖。故非人無以顯法。故人有神用方顯法

勝。二百千下隨文正釋。覺心所護者。即是佛  
護也。八魔十魔如前記。吾助爾。喜者爾汝也。  
二述其歎人。二初分科顯示。二初總別分科。  
二所以下顯示義旨。二初立疑徵起。二正言  
下依義答釋。二初明福慧勝劣。三。初略示勝  
劣。生身之福不動不出者。大論五十八云。依  
止者已身。財物受者。是法中取相心著。生憍  
慢等煩惱。是名世間不動不出。能動能出者。  
論云。動者柔順忍。出者無生忍。聲聞法中動  
者學人出者無學人。二故言下引論委明福  
不趣等。即彌勒金剛般若論也。福不趣菩提  
者。布施七寶如須彌山福也。二能趣菩提者。  
受持及讀誦。此二趣菩提。是故此二名爲了  
因。於實等者。正明讀誦般若資於實相。是故  
持誦名爲了因。故云於實。降斯已外但名生  
因。生因者有漏因也。故云於餘。荆溪云。於實  
下生了二因互比決者。此約無了之緣無緣  
之了。當分各說。豈有發菩提心者。獨有緣因  
而無了耶。獨有於了而無緣耶。若獨有者彼  
此不成。對緣而了了方成了緣亦如是。三供  
養下牒義酬問。荆溪云。供養生身名生因者。  
此約唯供色身之佛不聞法者。或見生身唯  
說小法。並名福。不趣菩提也。二金下引二經  
證成荆溪云。復次大品至諸佛爲怨者以小教  
中所不說故故無於罪福之緣。二第四下隨  
文釋義。修行福多者。隨便牒文耳。應知祇指  
修行二字。是連法行。經云福多於彼則是總  
顯信法勝前供養起塔耳。經云。如來等十號  
者。一切諸佛皆有通別兩號。彌陀釋迦等是

別號。如來等十是通號化相須分故立別名。實德齊同故立通稱。無虛妄名如來良福田名。應供。知法界名正遍知。具三明明行足。不還來名善逝。知衆生國土名世間解。無與等名無上士。調他心名調御丈夫。爲衆生眼名天人師。知三聚名佛。諸天世人無能過者名世尊。如一微塵等者。舊華嚴第三十六譬。如有一經卷如大千界所有一切。無不記錄。彼大千等經卷在一微塵內。時有一人出興於世。具足天眼見此經在微塵內。作如是念。云何經卷在微塵內。而不饒益衆生。即以方便破塵出卷。如來智慧具足。在於衆生身中。但衆生顛倒想覆不知不見。如來天眼觀已曰。奇哉奇哉。云何如來智在於身中而不知見。我當教彼覺悟聖道令離顛倒。見如來智在其身內與佛無異。即時教彼修八聖道見如來智。信受實相等者。信受即名字。修行通觀行相似。即是至異名者。三脫不縱不橫故稱微妙。三脫之法非凡小之思言議。故稱不思議。故云異名也。聞持前行者。荆溪云。住前修於果地功德。具如止觀記注云云者。具如第一疏釋數德中明六度也。三種受者。三土中思惑也。入涅槃般若者。荆溪云。涅槃解脫也。卽對般若而爲二也。取於實相中道也。今謂圓觀實相卽住前修行入涅槃般若者。由似入真。得涅槃斷果。般若智果。卽是諸法不生而般若生。亦是入理般若名爲住也。是圓頓漸三教者。荆溪云。圓頓是圓。漸是三教。故云漸三教也。二十七賢聖者。中阿含三十福田

經明二十七賢聖。學人有十八。謂信行。法行。信解。見得身證。家家。一種子。向初果得。初果二向。二果三向。三果及五那含。謂中生。行不行。上流。無學有九。謂思進退不退不動住。護慧俱。五佈如前記。三種生死者。荆溪云。於變易中分出因緣。示百句解脫者。至於極果。方具百句。若具百句豈唯百耶。若具一切何獨果耶。若聞不聞者。聞謂依聞而解。不聞謂自思得解。今據內修同名法行。經云得五神通者。若據前得忍。猶是相似位人。未得中道無漏。故但五通。若已入分真則讓極果無無漏也。經云迦羅鳩孫默者。亦云拘留孫。此云所應斷。卽賢劫第一佛。在第九減人壽六萬歲時出。樓至卽最後佛。在第二十增劫中出世。

囑累品

初對前辨示。二囑是下正釋

經文二。初釋題。二就文下解文也。優婆塞多者。付法藏傳及阿育王經皆云。魏多於摩突羅國說法。魔王於說法處雨眞珠華瓔珞華等化作白象。七寶莊嚴化爲七人。端正殊特。學會觀察無聽法者。於三月中說法無一人得道。魔王歡喜。魏多卽入三昧觀之。知是魔作。魔復以瓔珞著尊者頂上。知已作念。魔壞正法。如來何故而不調伏。卽觀佛心知佛令我調伏。卽以蛇人狗三屍化爲瓔珞。威魔王至謂之曰。汝與我豈深威厚施。今還以此用酬贈汝。魔大歡喜舒頸受之。至其頸上還見死屍蟲蛆欲出。魔深厭惡語魏多曰。汝今云何以此死屍而繫我頸。魔以神力去之不得。

求請諸天。乃至梵王求脫此屍。梵王曰。十力弟子所作我不能脫。若歸依魏多容有得脫。魔受梵教至魏多所。五體投地求脫三屍。尊者曰。汝於正法莫作惱害。然爲汝脫。魔言受教。卽爲脫之。爲無相佛者。謂德齊於佛無相好耳。此褒稱之辭耳。三若是下約人釋。二初略示。二言深下廣釋。二初起釋久行。二初引無行貼釋。二初引彼經正明。二初釋解深經。二初牒文引經。荆溪云。言深經者引無行經。貪欲是道者是也。衆生無始與此三俱動。觀衆生於茲取悟。故云卽是。一切諸經大旨悉然。不得意者。以三爲是。二指此下依經示義。二彼經下重引勸誡。二初重引經。荆溪云。恐人誤解。故更引彼經。深達此法者亦不破於戒等。二行人下明誠勸。二實相下約因果結釋。二若能下對今文結顯。二若樂下追釋新學。二初正釋根。添水之乳者。大經菩薩品云。如牧牛女爲欲賣乳。貪多利故加二分水。轉復賣與餘牧牛女人。彼女得已復加二分。轉復賣與近城女人。彼女復加二分賣與城中女人。彼女復加二分詣市賣之。古師釋二牧女譬弘經者。女性諂曲譬弘者不能忘懷爲法而多諂衆利。故以牧女譬之。初加二分者。一抄略此經。二分爲多分。第二加二分者。一除深妙語。二安世諦言。第三加二分者。一抄前著後。二抄後著前。第四加二分者。一前後著中。二中著前後。二如卽下引事證。二初引現事。二此中下引昔事。二初正引昔緣。荆溪云。此是往日沙彌者。佛是和尙阿難是闍梨。二

故知下結淺顯深。三約此下總結。三教迂曲

名節辭。圓頓極談名直語。如喜根等者如前

記。攝法亦成者亦纔也。又大論第八云。苦行

頭陀初中後夜勤心禪。觀苦而得道聲聞教。

觀諸法實相無縛無脫無解。心得清淨菩薩

教。然此以小比大故作此說。於菩薩圓乘亦

未嘗廢於禪觀等事。次文分二。初釋輕慢。二

次復下釋取相二。初明取相成非以釋經文

二。初約經文顯失。二如三下舉人師示過二。

初明諸師取相。三時等者。古來南北通用三

種判教。一頓謂華嚴。二漸十二年前有相教

阿含經也。十二年後無相教從般若至涅槃

也。三不定教。謂勝鬘光明等。非頓漸而明佛

性常住故名偏方不定教。虎丘岌師更於漸

教分爲三時。謂有相。無相。常住。即指涅槃爲

常住教也。四時者白馬寺宗愛師判漸爲四。

三不異前。於常住前無相後指法華名同歸

教。五時者道場觀等。漸更爲五。四不異前。於

無相後同歸前指今淨名及思益等爲褒貶抑

揚教。半滿者。菩提流支以十二年前爲半字。

十二年後是滿字。四宗者光統判教也。一因

緣宗。指毘曇六因四緣。二假名宗。指成論三

假。三誑相宗。指大品三論。四常住宗。指涅槃

華嚴。六宗者。光統更開四爲六。四如前。指法

華爲真宗。大集爲圓宗。具載法華玄義第十

卷。二明今家無著二。初正明無著。三教二教

一教等者。荆溪云。三亦祇是漸等三教。二即

頓漸。一謂一音。無教者無言說也。乃至八教

隨宜用一。而以諸教用兼於觀。更互融通意。

令無滯方便入道。若不爾者。與外何殊。故令

於教以起於行。行教相盾以悟爲本。介爾有

著者。周易曰。憂悔吝者存乎介。韓康伯注云。

介。介也。二自執下斥諸師二。初大師斥。二

南岳斥。二明寂照入道以顯經意。二。初標示。

菩提道猶云修道也。二但下正釋。二。初明說默

互資成益。二。初正明互資。二。初示說默該收。

二須識下明互資成益。三。初法。二。初明對病

設藥。二語默下示用治適時。二。營。三合。二故

大下舉得顯失。二。初舉互資之得。五穀者。鄭

司農云。麻黍稷麥豆也。二若偏下顯取相之

失。雖謂懷常子等者。雖自謂常住之子托在

聖胎。既生偏著長。倫生死。所有佛性定不顯

發。其猶石女不生也。二若於下明說默各有

信法。二。初聞思迴轉釋。二。初明聖說具信法。

二明聖默具信法。加功懷到等者。懷苦薰反。

恨也。加功不悟所以自恨心生。禮記云。貴不

嫌於民。鄭注云。嫌。恨不滿之貌也。孟子云。行

有不嫌於心。注云。嫌。快也。其義亦通。裏裏者。

或作懷。並謹敬也。雖非懈謾而不得悟。故須

聽法取解。據此明信法迴轉人也。廣明信法

相資迴轉等。具如止觀安心中。二又從下內

外相資釋。如聞而行是法資信。雖正從外聞

而更假內自思惟資助得悟故。如行而聞是

信資法。雖正宜內思而必假外聞說法資助

得悟故。二付囑阿難。二。初叙意分文。二。初叙

意。二。初述。二本。二就此下分科。二要者下隨

文釋義。得要即得諸法者。以實相必諸法諸

法即實相。故如得如意則具衆寶也。

法即實相。故如得如意則具衆寶也。

法即實相。故如得如意則具衆寶也。

法即實相。故如得如意則具衆寶也。

法即實相。故如得如意則具衆寶也。

法即實相。故如得如意則具衆寶也。

法即實相。故如得如意則具衆寶也。



# 淨名玄論卷第一

吉藏法師造

金陵沙門釋吉藏。陪從大尉公晉王。至長安。歷芙蓉曲水日。殿精舍。養器乖方。仍抱脚疾。恐旋南尚遠。而朝露非奢。每省慰喻之言。遊心調伏之旨。但藏青衿之歲。頂戴斯經。白首之年。既味彌篤。願使經胎不失。歷劫逾明。因撰所聞。著茲玄論。昔僧叡僧肇悟發天真。道融道生神機秀拔。並加妙思。具析幽微。而意極清玄。辭窮麗藻。但斯經文約義富。意遠義深。略闕未彰。廣敷似現。故博採南北。摭拾古今。復檢經論。微加檀思。實有過半之功。庶免徒勞之弊。

叙其論意。略爲三別。第一名題。第二宗旨。第三叙會處。

第一釋名題。有三。一總釋名。二衆經同異。三別論此經。一總釋名有三。前總序名。次釋立名本門。後釋本名門。前總釋名。

說曰。夫法身元像。物感即形。至趣無言。而玄藉彌布。故知無像而無不像。無言而無不言。以無像而無不像。住如幻智。遊戲五道。無言而無不言。故即張大教網。且生死流。是知斯經人法雙舉。言其人者。所謂淨名。以淨德內充。嘉聲外滿。天下藉甚。故曰淨名。豈止降伏魔怨。制諸外道。五百聲聞自稱不敏。八千菩薩失對當時矣。所言法者。謂不思議解

脫。統其大歸。凡有三種。一不思議境。二不思議智。三不思議教。由不思議境。發不思議智。以不思議智。成不思議教。欲令受化之徒。藉教通理。因理發智。故此三門理無不攝。但門雖有三。義兼本跡。境之與智。謂不思議本也。教謂不思議跡也。要由境發智。然後應物施教。謂以本垂跡。藉教通理。謂以跡顯本。所言不思議者。謂內無功用。不假思量。外化幽微。物莫能測。故曰不思議也。解脫者。略有二。一登法身之位。捨結業之形。謂果解脫。二者道貫雙流。二慧常流。縱任自在。塵累不拘。謂因解脫也。

大釋立名本。略開十門。一教廣爲三門。二合三爲二。論不二門。三會二爲一門。四泯一歸絕門。五同異門。六迷悟門。七釋入門。八攝法門。九體用門。十共說門。一教廣爲三門。凡有十句。

一維摩詰不思議解脫本者。謂不二法門。所以然者。由體不二之道。故有無二之智。由無二之智。故能適化無方。是以經云。文殊法常爾。法王唯一法。一切無礙人。一道出生死。故知不二爲衆聖之原。夫欲叙其末。要先尋其本。是以建篇論乎不二。問曰。不二法門。既爲其本。請問其要。答曰。一道清淨。故名不二。真極可軌。所以云法。至妙虛通。故稱爲門。蓋是總衆教之旨歸。統群聖之靈府。淨名現病之本意。文殊問疾之所由。子欲聞之。今當略說。大論不二。凡有三品。一衆人言於不二。未明不二無言。所謂下也。二文殊雖明不二無

言。而猶言於無言。所謂中也。三淨名默然。不二無言。而能無言於無言。所謂上也。良以道超四句。故至聖以之沖默。不二爲極。意在於斯。問三階之說。實妙會誠文。但以後觀前。似如相害。既云至趣無言。玄藉彌布。即是言於無言。乃見文殊之言深。淨名之默淺。三階之論。意所未詳。答三階之說。爲明理淺深。未辨應物垂教。以末難本。豈詣玄宗。今當爲子當陳其意。夫不二理者。謂不思議本也。應物垂教。謂不思議跡也。非本無以垂跡。故因理以說教。非跡無以顯本。故藉教以通理。若然者。要須體理無言。然後乃得應物有言耳。衆人雖言於理。未明至理之無言。即未詣理也。文殊雖唱理無言。而猶言於至理。亦未稱理。淨名鑒理無言。而能無言於理。始詣理也。以如理無言。故能無言而言。稱理無像。故能無像而像。衆人未能如理無言。安能無言而言。未能如理無像。安能無像而像。故文殊之言。淺淨名之默深。三階之論。意彰於此。雖曰三階之說若成。不二之言即壞。何者。既稱不二。寧有三耶。如其有三。何名不二。即事相違。義如梓橈。答蓋是以教惑理。故謂相違若識理一教三。則有如符契。何者衆人以言泯法。未息泯法之言。則爲淺也。文殊欲息泯法之言。故借言以止言。借言以止言。猶未免於言。則爲次也。淨名欲息文殊之借言。故默顯於無言。乃爲極也。故教有三階。而理無二轍。問。至理無言。而文殊言於無言。可得以言爲教。淨名鑒理無言。而能無言於無言。此則是

理云何亦稱為教答。子未細尋其旨。故有斯疑。若審察之。則前言已顯。何者。淨名寄默然之相。以顯無言之理。所詮無言。即為是理能表之相。故稱之為教。是以教有三門。而理無二矣。問。至理無言。而文殊言於無言。猶未極者。亦至理無相。而淨名相於無相。豈詣理耶。答。文殊既言於無言。亦相於無相。淨名既體理無言。故能無言於無言。亦體理無相。故能無相於無相。故名相斯寂。乃窮不二。問。淨名既體理無相。何故相於無相。答。若不相於無相。何由得止於言。為欲止於言。故相於無相耳。問。若然者。在言雖止而相復存。其猶迷峯赴壑。但不免患。答曰。言猶名也。故名則為妙。相猶形也。在形則為。既淨名悟理無名。則領道非形相。故峯壑俱逃。患難都免。問。若然者。則衆人之言未極。淨名之默始詣。何不直顯無言。而迂迴三轍。答。仲尼之遇伯雪。可目擊而道存。妙德之對淨名。亦爾。默而相領。但玄悟之實既真。級引之教須明。故開此三門。以通入不二。問。玄悟之實既真。級引之教塵沙。何故唯啟三門。而不廣開階位。答。初門以言泯法。次則借言止言。後假默除借言。斯乃理無不備。教無不周。故但明三矣。二約人釋三門。問。夫適化無方。陶誘非一。若但明三教。將非限局聖心。答。佛玄之士。唯有三根。通理之門。無勞廣說。問。教三已顯。根義未報。請陳其相。答。淨名既為一經之主。不二復是衆教之宗。而不自談。命衆共說者。必有其深致。蓋是欲寄人優劣以彰教有淺深耳。衆

人止為翼從樂。道根尚劣。但能以言泯法。未能息泯法之言。文殊既銜高命。而親對擊揚。則神機為次。既能借言泯法。復假言止言。淨名當今教主。即悟入最深。故寄默然。顯理都絕。問。唯就教主。亦約悟緣。答。所以託迹三根。本為引物。下根悟淺。但詣初門。中人小深。漸階第二。上根徹理。登玄室。又上根聞初則領。中人待二始悟。下根至三方曉。三約三慧釋三門。初雖悟不二。未離名言。如始習浮。必須依岸。謂聞慧也。次悟既漸深。不須文字。但猶未會理。復假名言。如習浮稍久。漸能深入。學猶未善。或時還岸。則思慧也已能契理。不假名言。如妙習浮。不須依岸。謂修慧也。問。為就一人明三慧。為約三人辨三慧。答。就彼三人。明於三慧。約其悟緣。斯則不定。自有所化三根還同能化說。初門則得聞慧。乃至後二。方具思修。自有上根一聞即具三慧。中人待二始得圓滿。下根至三慧門乃備。四就三位釋三門。此三門。可得擬於三位。一者十信以上。迴向以還。雖學無生。而未免名相。如雖明不二。尚未息言。次從初地以上。七地以還。雖悟無生。猶有功用。如雖唱理。絕猶有絕理之言。三者始自八地。終乎佛果。既悟無生。復無功用。如不二無言。復能無言於不二矣。五就三忍釋三門。此之三門。可配三忍。信忍尚淺。如未離名言。無生忍已深。名相都寂。順忍。形前則勝。故云無言。望後猶劣。所以有

言。此皆就登地以上。佛果以還。真聖位中。開三忍也。問。文無此言。云何輒配。答。此章建首。則云得無生法忍。名入不二門。以此觀之。可得相擬也。六約治病辨三門。問。考聖心以息患為主。統教意以開道為宗。不二之興。為治何病。答。總而言之。為泯生心動念。令悟無得無依。故生死以取相為原。涅槃以無著為本。約人不問。總為三類。一凡夫之惑。二小乘勞累。三菩薩煩惱。凡夫惑者。所謂愛見。九十六術諸見。紛紜在家之流。嘉生貪愛。故此門云。我所為二。知此二不二。名入不二門。謂破見也。眼色為二。知眼本空。不生貪染。則破愛也。如此等門。謂破凡夫惑矣。小乘之流。無漏解生。滅斯愛見。此生滅觀。謂二乘煩惱。故今門云。生滅為二。惑本不生。今亦無滅。名入不二法門。三者菩薩之人。謂聲聞為小心。菩薩行大道。小乘則唯破二輪。大士則具傾五住。捨小取大。名菩薩煩惱。故今門云。聲聞心菩薩心為二。達此二無二。名入不二門。問。此門俱通泯諸二。何以則別破三人。答。斯經垣平等之大道。敵不二之洪門。無累不夷。無人不化。故方便品。破彼凡夫。弟子品。行於小道。菩薩章。呵於大見。然後攝此三人。同歸一道。今悟不凡不聖。非大非小。然後從緣大小適化聖凡。原夫凡聖。豈凡聖之所能。良以非凡非聖。故能凡能聖耳。問。破此三人。何門所攝。答。三病雖殊。同皆是二。故並屬初門。是以初門歷泯諸法。然後從初門轉入第二。從第二迴入第

三。便等淨名之默然。同釋迦之掩室。僧那乙顯。豈不滿哉。

七就三法釋三門。問。此門破顛倒二明於不二。爲破不顛倒二以明不二。答。歷覽衆門。略爲三例。一就顛倒二明不二。如云我我所爲二。達此二不二。名入不二門。次約不顛倒二明於不二。如云三寶爲二。知二不二。名入不二門。三合明顛倒不顛倒二不二。如云生死涅槃爲二。知此二不二。名入不二門。問。

爲破三種二明於不二。爲耶三種二明不二耶。答。若倒心所見三種二者。並須破之。若因緣之二即是不二。不壞假名。而說實相。無可破也。又倒情謂二。實無二可破。故但除其病。而不除其法。又病本性空。亦無可除。但約謂情故言除耳。所以此門明不二之道。異於小乘析法辨空。破三種二。則屬初門。次遺三法之名。屬於後二。

八約三句明三門。初門寄言明不二。後門假無言明不二。中間亦言亦無言明不二。問。經論之中。多備四門。一無言門。二有言門。三亦言亦無言門。四非言非無言門。今何故但有三門。而無第四門。答。餘經四句。各有所由。今此三門。義無不攝。如前說也。

九約三絕釋三門。問。上云道超四句。至聖以之仲默。今此三門。但明不二。唯絕有無二句。非四絕也。則明理未圓。何名滿教。答。蓋是未體無二之言。故與未圓之難耳。何者。今辨三門同皆絕四。故理無不圓。教無不滿。問。既同絕四。寧有三階。答。雖同絕四。四絕不

同。初門寄言明理絕。未辨理絕言亦絕。次門明理絕言亦絕。但猶借言明二絕。後門辨理絕言亦絕。借言亦復絕。故衆人得一絕。文殊得二絕。淨名得三絕。故有三門不同。蓋是契玄之妙術。寂累之要門。雖爲一篇之經。而實網羅衆教。

十約攝法以釋三門。問。三門雖明絕四。而

俱明不二。則是唯絕於二。未泯亦二亦不二。非二非不二。非非二非非不二。何謂教無不

周。理無不足。答。子亦未體其旨。故猶生向

疑。今重叙之。便煥然可領。總取諸二。凡有五

階。初以兩法爲二。如空有等。二者以空有爲

二。非空有爲不二。此二不二相對。還復成二。

三者二與不二。皆名爲二。非二非不二。方名

不二。此二不二相對。還復成二。四者上來六

句皆名爲二。非非二非非不二。名爲不二。此

二不二相對。還復成二。五者不泯生心動

念。故名爲二。若泯生心動念。方名不二。即此

泯不泯。還復成二。故自二之外。無更有法。但

唱不二。則教無不周。理無不足。緣無不盡。觀

無不淨。問。絕此五階。何門所攝。答。絕此五

階。通是釋不二義。若欲分三門所絕異者。若

絕五階法體。則屬初門。若絕五階之言。歸於

第二。絕五階之借言。則第三。此則釋前三

門。同絕四句。而絕四不同。問。上三絕釋三

門。與攝法明三門。此有何異。答。三絕門但明

絕有無四句。絕義猶淺。今攝法門。明絕一切

三絕門。但絕有無單四句耳。今明二不二四句者。則是重複四句。問。何者爲單。云何爲復。答。一有。二無。三亦有亦無。四非有非無。此爲單四句也。二不二四句。則是複論四句。此二不二相對。此之兩句。已攝前四句。三者

此二不二相對。上三句爲二。非非二非非不

二以爲不二。此二不二相對。還復成二。後之

兩句。超上四句。故以初門四句爲單。後門四

句爲復。絕前四句則淺。絕後四句則深。問。但

絕四句。明義已周。何用第五復泯生心動念

耶。答。四句絕緣。第五盡觀。故復說也。問。經

中明絕百非超四句。屬何門耶。答。亦備三門。

若有非非法體。則屬初門。若有非非於言。則

屬第二。若絕於借言。則是後門故也。問。若歷

泯諸二。屬初門者。中論明八不。泯於八法。但

屬初門。則不二之門深。中觀之旨淺。答。不二

之門。則中實之理。以一道清淨。故云不二。遠

離二邊。目之爲中。中對偏以受稱。不二待二

以得名。約義不同。體無有異。不二之門。既有

三階。中實理亦則三實。以言泯八法。則屬初

門。次息言不足言。便入第二。若絕借言。即歸

第三。問。不二既堅究五句。不生亦可然乎。答。

此猶一類義耳。如生既生。是不生亦是生。亦

生亦不生。非生非不生。非非生非非不生。乃

至生心動念。並皆是生。今唱不生。五生皆絕。故釋論云。不生不滅。不不生不滅。不共非不共名。無生忍。問。五皆辨生。皆屬二攝。五種之二。可得皆是生耶。答。此亦一類義耳。若

唱一不生。無教不周。無理不足。無緣不盡。觀無不絕。所以八不。是方等之旨歸。環中之妙術矣。問。大小經論。攝法多門。或以一門攝法。二三四門。乃至衆多。今以何義。但明二耶。答。二是別法之始。乖道之初。失於一道。則便成二。今泯於二。令歸一道。故但云不二。又二是異義。九十六術五道三乘。皆名爲二。今泯斯異。故云不二。又此異道對於一道。則復成二。爲息此二。故云不二。所以但約二門。明攝法也。

二會。二爲二論不二門

又有三雙。初明語默二攝於三門。佛勅弟子。常行二事。一聖說法。二聖默然。說實相法。名聖說法。觀實相理。名聖默然。從實相觀。還說實相法。說實相法。還入實相觀。故動靜四儀。皆合實相。若語若默。並應般若。今此三門。還依聖旨。衆人以言泯法。文殊借言以止言。同就言明不二。謂聖說法。淨名無言明不二。謂聖默然。若然者。要由衆人之說。故顯淨名之默。因淨名之默。以顯衆人之說。命衆共談。意在於此。問。何故。理說即廣。聖默便略。答。說則易悟。故須廣明。默然難曉。所以略示。又說法明教。教有多門。默然觀理。理則無二。又能仁國土多用音聲。無言世界廣明寂漠。次就絕名體二。以攝三門。總收萬化。凡有二種。一者物體。二者物名。此二是生累之所由。起患之根本。故善吉問言。衆生在何處行。如來答曰。一切衆生。皆在名相中行。名謂名言。相則法體。衆人以言歷諸二。明無物體。文殊借

言以止言。□□淨名默然。以息借言。同辨無名無相。無名無相則紛累斯寂。故門雖有三。攝唯此二。問。何故泯法則廣。息言便略。答。廣略不並。可二門互現。又法體爲本。本則難傾。名爲其末。末則易泯。以本難傾。故須廣破。末則易除。二人略遣。後就假名相二。以攝三門。經云。無名相中。強名相說。欲令因此名相悟無名相。蓋是垂教之大宗。群聖之本意。若然者。衆人之與文殊。寄名以辨不二。維摩默然。假相以明道。故雖有三門不同。唯有名相跡。以因名相之迹。顯無名相之本也。問。前二是名。其義易了。後門爲相。事猶未彰。答。衆人既假言說之名。維摩杜口。寄默然之相。故以名相二門。同顯重玄之道。命衆共說。意在於斯。問。何故借名則廣。假相便略。答。廣略互現。已漏前通。難易之言。亦如上說。言說則易悟。衆人並知。寂然則難明。唯文殊可獨領。又名是音聲。起緣多用。相爲色法。則教門少明。

三次會二歸一門

問。初建三門。後明二轍。觀其文殊。似如婉麗。考其大旨。則不二未成。何者。明不二之理。無言。應物之教。有言。即無言之理。不可有言。有言之教。不可無言。則理教天乖。何名不二。答。子乃曉不二無言。而未悟言即不二。故教滿大千而不言。形究八極而無像。故無言而言。雖言不言。無像而像。雖像不像。乃爲一致。何謂天乖。難曰。若言即不二。則文殊之言常默。若不二即言。則淨名之默常言。三階之

論渾然。二轍之言便爽。答。三階之論說寄迹淺深。二轍之言。提引未悟。如其窮達。則不二常言。言常不二。未始不二。未始不言。故莫二之道始成。得一之宗便建。

四次泯一以歸絕門

論曰。夫有無相生。高下相傾。有有故有無。無有故無無。因二故不二。若無二。則亦無不二。故經云。不著不二法。以無一二故。斯則非語非默。不俗不真。絕觀絕緣。何二不二。

五同異門

問。義宗乃廣陳不二。未詳不二定何等法。答。有人言。不二法門則真諦理也。有人言。不二法門謂實相般若。有人言。不二法門則性淨涅槃阿梨耶識。有人言。不二法門謂阿摩羅識。自性清淨心。四宗之中。初二約境。後兩據心。雖識境義殊。而同超四句。故釋迦掩室於摩竭。淨名杜口於毘耶。斯皆理爲神御故。口以之默。豈曰無辨。辨所不能言也。今總問衆師。且明其正。次開十門四句。別詳得失。衆師既云理不可言者。爲有不可言之理。爲無此理耶。答。有此不可言理。即名有句。何名絕四。若無此不可言理。則皆無所會。凡不可革。聖何由成。撫臚論情。二關之中。雖復絕言。終有絕言之理。既終有此理。終是有見。了何由得道。又終有此理。而不可說其有無者。與續子部我。有何異耶。續子執我在第五不可說藏。今計真諦理法不可說在第五藏。彼執有我不可說。名爲我見。今計有真諦理不可說。名爲法見。若然者。乃具人法二見。不得兩空。何



道之有耶。又終有此理。以爲宗極者。則此經以有爲宗極矣。願明識君子可詳而覽焉。又真理不可說。俗理則可說。又真理不可說。無有可說義。世諦是可說。無有不可說義。世諦若不可說。則入於真諦。真諦若可說。便入於俗諦中。以此詳之。還成二見。何名不二法門。小品云。諸有二者。無道無果。涅槃云。明與無明。愚者謂二。皆者了達其性無二。明與無明既爾。真俗亦然。愚者謂二。智者了達其性不二也。問蓋是未悉義宗。故與是問耳。今明俗雖可說則真不可說。真雖不可說則俗可說。以二諦一體故名不二。即是不二法門。乃是智人所了。豈是愚者謂二耶。答。子亦未領今之難意。故有斯通耳。既言真即俗者。俗既可說。真可說不耶。若俗可說真亦可說者。便成二負。一違宗負。二失諦負。違宗負者。本立俗諦有三假。三假可說。真理即四忘。四忘不可說。故淨名杜言。釋迦掩室。今真則俗。俗既可說。俗真亦可說。既三假。真亦三假。何有四忘之宗。故名失宗負。二失諦負者。真既即俗俗。可說。真亦可說。即皆是俗。何有真諦本有真諦。可有俗諦。既無真諦。寧有俗耶。故二諦俱失。真即俗。既有二失。俗即真。亦招兩過。俗既即真。真不可說。俗亦不可說。真既四忘。則俗非三假。謂失宗負也。二者俗即真。真不可說。俗亦不可說。皆是真諦。有何俗耶。既失俗諦。亦無真諦。故二諦共失。若真即俗。俗自可說。真不可說者。亦有二負。一違教負。二違理負。違教負者。經云。色即是

空空即是色。若俗自可說。真不可說者。何名即是。違理負者。若俗即真。俗可說。真不可說者。請問。可說之法與不可說。爲一耶。爲異耶。既言其一。則互相類。說類不說。相與皆說。不說類說。相與不說。若言可說異不可說。則應色異於空。空異於色。故進退二關。俱不可也。問。真俗一體一故。俗恒即真。真常即俗。而真義恒非俗。義俗義常非真義。故真不可說。而俗則可說。答。俗體既則真體者。俗義爲則真體。爲不即真體。若俗義即真體。真體不可說。俗義亦不可說。若俗義不即真體者。俗義應非三假。俗義既則是三假。豈不即真耶。又經云。既無有一法出於法性。寧言俗義不即真耶。以此推之。則無相即。無相即故。便無不二。若有不二。可有於二。竟無不二。何得有二。故有所得宗皆是戲論義。今更開十門四句。以詳得失。何以約四句明得失。衆師皆言。道超四句。故至聖以之泯默。故宜就四句詳其是非。

一前明單四句。天然外道九十六術。略而言之。不出人法四句。言人四句者。僧。法計神與陰一。世師執神與陰異。勸婆娑明亦一亦異。若提子云。非一非異。法四句者。如破長爪經云。一切法忍。即是有見。一切不忍。名爲無執。亦忍亦不忍。謂亦有亦無。非忍不忍。名非有非無。但明四句之義。無絕四句之宗。無絕四句之宗。故無不二之道也。

二佛滅度後。五百論師。諸部異宗。亦不出四句之義。如龍樹所引。犢子計有我。有法。名爲有見。方廣執無我。無法。名爲空見。薩婆多謂無我有法。即是亦有亦無。訶梨云。世諦有我。有法。故非無。真諦無我。無法。故非有。即二諦合明中道。非有非無也。問。犢子計我。與外道何異。答。犢子明假我。外道執實我。是故爲異。廣如俱舍論辨犢子三假之宗。又如釋論所引云。犢子計五陰和合。故有人法。四大和合。故有眼法。既稱和合。即是假也。故知是假我。問。既是假我。與訶梨所辨。有何異耶。答。犢子計。別有假人體。與陰體不一不異。在第五不可說藏中。故俱舍論出彼義云。如因薪有火。別有火體。雖因陰有人。別有人體。問。不然。今明假有體者。世諦故有。即真故無。而犢子計我不可令空。故非類也。答。蓋是未悉犢子之宗。故作此說耳。如俱舍論云。犢子未入空。無我觀。是故有我。入觀之日。則知我空。是故當知全同彼說。如此諸部所立義宗。皆墮四句。無絕四句言。無絕四句言。故無不二之道。本有不二。故有於二。既無不二。亦無有二。故理教不成。皆是戲論。障不二法門也。

三明即世所行塵識四句。一薩婆多部。不得法空。計有塵有識。二方廣道人。學毘佛略。執邪無之義。明無識無塵。三藏什未至之前。有心無之說。明有塵無識。如肇公不真空論云。無心者。無心於萬物。萬物未嘗無。肇公評之云。此得在於神靜。而失在物空也。四計無塵有識。如執唯識無有境界。如此等說。皆墮四門。亦無絕四。故無不二之道。如上斥之。問。有塵有識。是毘曇執有之見。無塵無識。方廣

●皆二智●●冠註曰就廣有二初別破一異又二初外破●冠註曰論主破爲二初破一見後破異見初又有二初影非後正。破此又有二初破真即俗●(俗)一●●冠註曰既上幾脫俗字●冠註曰後破俗即真●則二即●●法二估●●指二評●

邪無之宗。無識有塵。人師自心。此三可得非之。唯識之旨。蓋是方等之宏宗。菩薩之大論。何以排斥。答考天親唯識之意者。蓋是借心以忘境。忘境不存心。肅然無寄。理自玄會。非謂塵爲橫計。心是實有。未學不體其旨。故宜須斥之。故答在門人。非和脩之過。至淨土中。具詳得失也。

●四複論四句。上來所列衆師。皆墮單四句內。今次。復明四句。一者有有無。名之爲有。二者無有無。目之爲無。三者亦有有無。無亦無有無。爲亦有亦無。四非有有無。非無有無。名非有非無。如釋論就生滅無生滅。複論四句也。次明不二法門。絕此四句者。非有有無。非無有無。非亦有有無。非亦無有無。非非有有無。非非無有無。無。即不二法門。淨名沖默之旨也。問。何故明絕複四句也。答。諸部立宗。尚不得預複四句。況有絕複四句耶。今欲釋淨名默然之旨深。顯異執之宗淺。故須明絕複四句。

五明重複四句。總上來四句。皆名爲有。所以然者。有有無。有亦有無。有非有非無。故皆名爲有。如龍樹云。無法中有心生。即名爲有。次絕此四句。名之爲無。亦有四句。亦絕四句。爲亦有亦無。非有四句。非無四句。非非有四句。亦無四句。非非有四句。非非無四句。故名絕四句也。問。何故明此四句義也。答。異部衆師。立大乘之宗者。但在複四句中。有無二句之義耳。尚不得預四句之宗。安有

絕四之旨。何以知然。南方異諦之境。北方摩羅之心。皆明絕於有無四句。故墮第二句中。世諦之與八識。皆在四句之中。即爲有門所攝。故知皆墮二句之內。無絕四句之言也。又重複四句者。所上單複四句之有。爲有句。上單複四句之無。爲無句。乃至亦有亦無。非有非無。如此絕四。其致淵遠。衆師之宗。都不預斯四句內義。況有絕四之言耶。六明鑒深四句。初階絕單四句。次階絕複四句。第三絕重複四句。雖復次第漸深。而或者終謂窮窟之內。有妙理存焉。即名爲有。若無此妙理。則名爲無。亦有此理亦無此理。名爲亦有亦無。非有此理非無此理。爲非有非無。若然者。終墮四句之內。何有絕四之宗。是故今明生心動念。則便是魔。若能懷無所寄。方爲法印。問。何故明絕此四句。答。經云。是法不可示。言辭相寂滅。淨名所以杜言。釋迦所以掩室者。在斯一轍之內。方言始得爲極。是故明此絕四句也。

七明絕四句。絕四句者。非謂絕於四句名絕四句。乃明雖復洞絕而宛然四句。故名絕四句也。問。何故明此義耶。答。稟教之徒。聞上來絕諸四句。便謂窮復洞絕。同隱法外道。是故今明。至道雖復妙絕。而四句宛然。是以經云。不動真際而建立諸法。豈聞妙絕而謂妙絕之內不能言哉。又雖復妙絕而四句宛然者。明聖人於無名相中假名相說。而大小乘經論。諸佛菩薩。明有無等一切四句者。皆此一節之內說之。故文殊問經。明諸部義云。十

八及本二。皆從大乘出。無是亦無非。我說未來起。如此諸部異義不同。皆是無異相中而明異相。無分別中善巧分別。以不體斯意。異執紛論。成戲論也。

八明四句絕。前明雖絕而宛然四句。今明雖絕四句而都絕。如天女之詰身子。汝乃知解脫無言。而未悟言則解脫。故教滿十方。即是四句常絕。故明四句絕也。問。何故辨此義耶。答。據緣而言。上拔其況情。今息其動念。善吉曰。我無所論。乃至不說一字。般若云。若言如來有所說法。即爲謗佛。如此皆是不壞假名而說實相。故明四句絕也。

九明一句絕。如一句有則絕四句。所以然者。假有不可定有。假有不可定無。假有不可定亦有亦無。假有不可定非有非無。故此假有絕於四句。問。假有何故不可定有。答。既言假有。豈可定有。若是定有。便是定性。何名假有。或者云。假有若不可言有。假有便是無。是故今明。既稱假有。寧是定無。但言假有。云何得亦有亦無。唯稱假有。寧言非有非無。故此假有絕乎四句。問。何故明此義耶。答。或者云。真諦無言可絕四句。不知則假有一句。便具四絕。故明一句四絕也。

十明絕一假有。上雖明假有絕四句。未辨絕於假有。是故今明絕於假有。論云。因緣所生法。我說即是空。故知假有無所有。次云。假有若非有。假有便是無。故今明。假有若是有。假有可言無。假有竟非有。故假有亦非無。次云。若爾世諦有假有。真諦無假有。即假有亦有

●諸註曰爲三初明四句義●●復明二明度●●冠註曰次彰絕四句●所二以●●論二●●●二辨●●

亦無。是故今明若有有無。可有亦有亦無。竟無有無無。即何有亦有亦無。次云。若假有不得亦有亦無。便是非有非無。故今明有無成者。可有非有非無。竟無亦有亦無。云何有非有非無。次云。若據者。即非四句之內。應有四句之外。故今明。若在四句之內。可在四句之外。既非四句之內。豈在四句外耶。次云。若非四句內外。便應有此假有。故今明雖不在四句內外。而假有宛然。雖假有宛然。而不在四句內外。問。此句與上一句四絕何異。答。前明假有絕性有四句。今辨絕假四句。前就世諦門絕。今就真諦門絕。是故異也。此之十門。乃是衆經之秘奧。群聖之良術。入道之內路。洗累之要門。坐禪之規模。敷講之弘範也。六迷悟門。

問。若道超四句。至聖以之沖默。則非俗非真。無二不二。今以何因而辨不二。答。無名相中。假名相說。不知何以字之。故強名不二。問。既非不二。何不強名為二。而名不二。答。失道之流。多滯二見。爲浪斯二。故強名不二。不強名二。問。息何二見。強名不二。答。欲明一切衆生本來是佛。顯斯不二。浪於二見。故明不二。所以經云。心佛及衆生。是三無差別。觀身實相。觀佛亦然。涅槃論云。衆生即是佛。故名爲實。正觀論云。生死涅槃本無二際。蓋是方等之良津。還源之要術。大士興于世者。在斯一門。

難曰。衆生是法身。何由有六道。答。斯處幽微。難以言辨。必須觀悟。乃契玄宗。今略略言

之。子宜空心領會。於道未始二。於緣未始一。於道未始二。故衆生即是佛。於緣未始一。故六道異法身。六道異法身。故六道覆法身。名爲如來藏。如來藏者。謂如來胎。以失於不二。故起二見。由斯二見。纏裹不二。不二道不得現前。故此二見爲不二之胎。又不二之道。隱於二見。名如來藏。涅槃又稱爲無明藏。胎與藏義殊體一。難曰。斯乃由來舊轍。何謂則曰。靈宗。答。隱顯之說。親經聖口。斯言不可異。其意不可同。問。既同唱斯言。意云何異。答。非別有一物以覆法身。亦非別有法身隱。手胎內。若別有法身在於胎內。其猶。辟內有柱。我在色中。蓋是身見之流。何名中道佛性。問。若非別有一物以覆法身。又非如來隱於胎內。能覆所覆。義云何成。答。道本無二。衆生虛妄。失於不二。橫謂二。不悟橫二本無二。故二覆於無二。二覆於無二。故無二隱橫二。無二隱橫二。故名如來藏。若悟橫二本無二。無二顯現。名法身。隱顯大宗。其意若此。問。經云佛性遍覆。猶如虛空。衆生可覆佛性。性云何覆衆生。答。就佛性通之。小成難見。今約法界。以釋此文。經云。廣大如法界。究竟如虛空。以法界廣大。六道常在法界。於倒謂衆生常出法界。以常在法界故。法界覆衆生。於衆生常出法界。故衆生覆法界。佛性遍覆。義同於此。法界是佛性之異名。法身之別目。是故經曰。無盡平等妙法界。皆悉充滿如來身。法界既滿如來身。亦滿於法界。故如來身即法界。法界即如來身矣。

問。既得互覆。應得互融。如來爲所融。故名如來藏者。亦如來是能融。衆生爲所融。應名衆生藏。答。亦有斯義。以衆生無二橫謂二。故二覆於無二。無二隱橫二。故衆生是能融。如來爲所融。名爲如來藏。雖復橫謂二。不出於無二。二常在無二。無二恒覆二。故如來爲能融。衆生爲所融。故名衆生藏。問。二覆於不二。不二既不見。不二覆於二。二亦應不見。答。二覆於不二。隱覆故名覆。故不二不見。不二覆於二。廣大故名覆。於緣二常現。問。於緣二常現。二可覆不二。於道未嘗二。應不覆於二。答。二常在不二。故不二恒抱二。如虛空含萬像。法性外無法。問。於迷恒見二。於悟恒不二。於迷恒見二。六道異法身。於悟恒不二。即衆生恒是佛。答。子妙語誠如所言。難曰。於迷迷二。不見悟不二。於悟恒見不二。應不見迷二。答。既了悟不二。即不見迷二。是以經云。我有五眼。不見菩提。凡夫無目。豈有所覩。問。迷不見不二。凡不覩於聖。悟不見迷二。即無聖應不接凡。將非凡聖絕交感。應便隔。答。蓋是未領不見之宗。故與絕交之難耳。上云了悟不二。則無復迷二。故不見二。若猶見二。即猶有迷二。何名爲悟。雖了悟不二。見於迷恒是二。故凡聖道交感。應不絕。難曰。若不見迷二。可得異於迷。若見於迷恒是二。即應與迷同是惑。答。雖復見於迷。不如迷所見。是故不同迷。故法華云。不如三界見於三界。華嚴云。隨順衆生故。普入諸世間。智慧常寂然。不同世所見。問。悟人見不二。復見於迷恒

●冠註曰大分爲三初略示要亦有三初示無名 ●冠註曰次彰六名意 ●靈二密 ●冠註曰後結源由 ●冠註曰次廣釋義爲二初明迷悟相後明覆藏義初又有四初明迷悟 ●手二平 ●辟二雙 ●

是二。此之二照。是何智耶。答。即波若與方便。般若。恒照不二。見六道常是法身。方便。即照於迷恒二。故衆生異佛。問。於迷恒見二。不見恒不二。可無有般若。既見恒是二。應有於方便。答。迷人不見迷。亦不見不迷。故無有二慧。見迷見不迷。皆是悟人見。是故有權實。問。悟人入不二。可得見不二。不入於二門。云何得見二。答。由悟二不二。名爲悟不二。既悟二不二。名爲悟不二。既悟二不二。則了不二二。是以悟人具有二慧。迷緣既不悟二不二。亦不了不二二。故無二慧。即。稱爲無明。如大品云。諸法無所有。如是有。如是有無所有。是事不知。名爲無明。即其事也。問。經云。若無明轉。即變爲明。寧言衆生即是佛耶。如其是佛。復何所轉。一文相害。請爲會通。答。無二橫謂二。故。稱爲無明。若悟橫二本無二。所以名爲轉。橫二本無二。雖轉無所轉。故名爲即是。義實冥符。不相害也。問。佛名爲覺。若衆生即是佛。應衆生即是覺。答。覺名爲悟。了悟橫二本無二。是故名爲覺。橫二本無二。故衆生即是覺。又緣觀俱寂。乃爲妙覺。衆生緣觀本來寂滅。故即是覺。是以經云。一切衆生即菩提相。本來寂滅。不復更滅。法華云。諸法從本來。常自寂滅相。故知衆生本來寂滅。即是佛也。又如即是佛也。一切衆生本來是如。亦本來是佛。故此經云。夫如者不二不異。不異者。三世堅論故大品云。如名爲實不虛如。教中後亦爾。以三世雖殊。如體無改變。故云不異。不二者。此則橫論。雖有凡聖。同皆一如。

名爲不二。故云彌勒亦如也。衆生亦如也。以無二故。衆生是佛。問。既凡聖同一如。一人得見如。一切亦應見。答。雖復同一如。有悟有未悟。是故有見有不見。問。迷悟異於如。可有見有未見。迷悟既同如。亦應得同見。答。如常不異。迷迷常與如異。故迷不見如。問。雖引衆經明衆生是佛。但即是之言。猶未可領。爲衆生與佛俱空故。衆生是佛。爲有佛有衆生。以衆生即佛故。名爲即是。若無佛無衆生。寧言衆生即是佛。若有衆生有佛。復何猶即是。答。察子之情。有無二門。俱非即是。所以然者。有佛有衆生。斯則有見。何猶是佛。無衆生無佛。復爲無執。豈是佛耶。若能息此二見。故衆生即是佛。是以經云。寂滅是菩提相。滅諸相故。難曰。若非有非無。亦非佛非不佛。非衆生非不衆生。何得云衆生是佛。答。良由悟非佛非不佛。所以名爲佛。若見佛見非佛。乃是佛見非佛。何名爲佛耶。問。若息佛見非佛見。即了非衆生非不衆生。方是佛者。斯乃佛是佛耳。未息諸見。即名衆生。若爾衆生非佛。何得衆生即是佛。答。不言息見方名無見。以無見名爲佛。良由諸見本來無故。衆生本是佛。問。若諸見本來無。故衆生本是佛。何得復云一切衆生皆有佛性。未是佛耶。答。若悟諸見本無見。即衆生本是佛。不名爲佛性。但無見而起見。不見本無見。故無見隱於見。故稱爲佛性。未得名性佛。問。佛性與如。爲同爲異。若言一者。經云。凡聖皆一如。不言凡聖一佛性。若言異者。復何得云如即是佛。答。此義紛綸。由來

久矣。今略叙之。會通異說。若不二二義。開如佛二門。如是二不二義。佛性名不二二義。以如是二不二義故。凡聖皆一如。佛性是不二二義故。不得凡聖同一佛性。問。何故爾耶。答。佛名爲覺。覺是智照之名。衆生有佛性。即有於覺性。故照用不同。不可全一。釋論云。如無所知。是所照空境。空無有異。故得凡聖一如。此是不二二義故。開境智不同。空有爲異。若不二二義。如即佛性。佛性即如。故論云。亦名如法性。涅槃涅槃豈是無知。亦非空境。若了斯二門。則異說同歸。義無違背。矣。問。十方諸如來。同共一法身。爲就如門。爲約智用。答。北土以如爲法身佛。凡聖一如故。同一法身。南方云。如是頑境。佛即是靈智。以衆德均等故。云同共一法身。詳其得失。餘科已明。今略陳之。大品云。如無去來。如即是佛。此則以如爲法身。凡聖同一如故。同共一法身。若云如無所知。佛名爲覺。則衆德均等故。同共一法身。故各舉一門。亦無相背。問。在經何故有二說耶。答。由體如故名爲如來。故用如爲法身。若言佛名爲覺。覺是智照。即智。可軌名法。故用智爲法身。是以二文各舉一義。此皆不二二義。故開二門。若二不二二義。智即是如。如即是智。但照義名智。如實名如。更無二也。故般若云。如無去來。如即是佛。離是之外。更無有佛。豈可以如爲境。佛自是心也。問。不二二義。不得凡聖同一佛性。故無一人見佛性。即一切皆見。唯凡聖同一如。

若一人見如。一切應並見。答。以迷悟不同故。有見有不見。問。迷悟異於如。可有見有不見。迷悟既同如。亦應得同見。答。如常不異迷。迷常與如異。故迷不見如。問。迷悟同一如。悟人既得於悟如。亦證於迷如。答。既是一。如則更無二證。故證如之時。凡聖並皆如。如外無凡聖異也。問。如即是佛。了自是如。既其自佛。了他亦是如。應用他法身。答。若二不二義。以如為法身。既同共一如。亦同一法身。故無自他異。若以不二二義。衆德均等。名同一法身。即悟緣衆德。顯即用悟法身。迷緣隱未現。故未有法身。即悟緣不得用。

問。此經正明不二法門。云何乃釋法身佛性。答。上引經論。明衆生是佛。稱爲不二。將就此義以辨佛性法身。以衆生是佛。故六道即法身。於迷者恒非。故隱名爲佛性。問。不二法門品。明衆生與佛俱空。故云不二。中論明生死涅槃皆不可得。是知生死即涅槃。斯乃明真諦空義。云何辨佛性法身。答。若見生死涅槃二。是故名生死。若了悟此二本無二。所以名涅槃。生死涅槃二法既爾。衆生與佛兩人亦然。見有衆生有佛。即名爲衆生。若了無佛無衆生。此乃爲佛。是以不二法門。得辨法身佛性。問。涅槃門可說佛性隱顯。法身是常義。淨名經宗。何得已明斷義。答。下云我觀身實相。觀佛亦然。乃明法身絕百非。體合於萬德。豈是明空。空可絕百非。真諦云何合於萬德。以此詳之。明不二義。即是佛性法身義。又若言此經未明法身常者。

何得復言佛身無漏諸漏已盡佛身無爲不墮諸數。漏盡無復諸漏。無爲即不生不滅。豈非常耶。又云。但以名字故有三世。非謂菩提有去來今。即前文辨法身無爲。此句明菩提常住。以二文徵之。則五時之教土崩。四宗之說瓦解。宜改舊迷同栖不二矣。

七釋入門義  
今次釋入門不二之理。稱門凡有五義。一者至妙虛通常體爲門。二欲簡別餘法門戶各異。今是不二法門。非餘門也。三欲引物悟入。故稱爲門。四通生觀智所以爲門。五因理通教故名爲門。此四皆從他受稱也。

問。理既是門。因何得入。答。藉不二教。通不二理。即是以迹顯本教爲理門。問。正應以教爲門。云何乃以理爲門耶。答。文云入不二法門。可言但入教耶。良以入理故稱爲入。所以因理爲門。問。常云二諦爲教門。爲通不二理。何故不用二不爲不二門。耶。答。自有二通不二。以二爲不二門。今此中云入不二法門。不云從二入不二。故不以二爲門。問。二諦爲門。遂入不二理者。亦應不二爲門。應入非二非不二。若不二虛通當體名門。二諦無非二。亦當二名門。答。通即義例。但二諦未極。可得更從二入不二。今此不二既爲究竟。不得云從不二入非二非不二矣。

不法界。問。答。經云廣大如法界。歎法界圓滿究竟。故不得更有所入。問。法界與不二。何異耶。答。同是一理。但名字不同。何以知之。經云。無盡平等妙法界。皆悉充滿如來身。法界平等即是不二。不二廣大。無法不含。即是法界也。

問。今但稱不二。即唯攝不二。不攝於二。云何同法界耶。答。若爾者。法界即但攝於法。不攝非法。云何名廣大耶。今明無一法而非法界。亦無一法非是不二。但失不二。強謂爲二。竟不會二。如迷法界而成非法界。所以言出法界。竟無所出。問。誰入此門。答。無人入也。所以然者。有能入之人所入之法。即是人法二見。云何入不二門。問。既不見人法。無能入所入。云何稱入不二門。答。良以不見能入所入。方入此門。如般若開宗身子問。云何菩薩行般若。如來答云。若不見菩薩。不見波若。不見行。不見不行。如是菩薩行於波若。見能行所行。即是諸見豈行波若耶。問。若了無入不入力入門者。二乘亦悟無入不入。何故不入此門。答。此門明二即不二。名入不二門。二乘在有不見空。在空則捨有。恒是二見中行。何猶得入不二。問。何文明二乘不入不二。答。釋論云。唯摩訶衍中。明生死即是涅槃。三藏中無有此說。何猶入耶。問。經云三乘同入法性。法性即是不二。何故言不入耶。答。二乘析法明空。得小分氣。是故云入。以理言之。實不入也。此義後當具明。

問。何位菩薩得入此門。答。五十二位。皆入

冠註曰第三就妙有次爲二初以現說文有二初示得失。上文甲本作傍註。冠註曰後釋所出。上文甲本作傍註。冠註曰第二引經證。上文甲本作傍註。冠註曰將中爲三初證佛性身。上文甲本作傍註。冠註曰次證無爲常住。上文甲本作傍註。冠註曰後示失誤也。上文甲本作傍註。冠註曰稱二非不同。冠註曰次簡理數有四初以教爲門。上文甲本作傍註。冠註曰第二以理爲門。上文甲本作傍註。冠註曰第三二非門。上文甲本作傍註。冠註曰第四彰衆義。上文甲本作傍註。冠註曰垂一塵。冠註曰引經證爲四初例法界門。上文甲本作傍註。冠註曰二法界圓滿。冠註曰三總一名異。上文甲本作傍註。冠註曰四示廣大義。上文甲本作傍註。冠註曰次二問答。明大乘皆入。上文甲本作傍註。

此門所以然者。十信則信不二。故名信入。十  
解解不二。名為解入。十行從解起行。名為行  
入。十迴向解行純熟。名為順入。登地以上。  
名為證入。佛則究竟入也。問外凡十信云何  
已入答。發心畢竟二不別。故從始發心。終乎  
後念。皆習中道。恒觀不二。是故能入。問外  
凡尚入。二乘云何不。答。二乘法中。無有此  
說。何猶入耶。又十信一阿僧祇劫修行者。良  
為不二之觀難成。小乘極多雖至百劫者。取  
捨之心易習故也。

問。佛入空觀。猶見如外有佛。佛外有如不  
答。若如佛為二。猶為二觀。何名不二。既不見  
二。亦不見一。如是不見五句。而如佛宛然。斯  
處幽微。唯佛境界。問。既不見五句。何名不  
二。答。良以見五明為二見。以不見五。故稱不  
二。問。如佛不異。可名不二。而境智宛然。何  
名不二。答。二常不二。故名不二。

八攝法門

問。入不二法門。與三波若。三觀。中。觀。論。五  
佛性等諸法門何異。答。題云入不二法門。含  
有三義。一不二教。次不二理。三不二觀。據能  
化為言。由不二理。發不二觀。由不二智。說不  
二教。就所化辨者。藉不二教。悟不二理。生不  
二智也。不二理謂實相般若。不二觀則觀照  
般若。不二教則是文字波若。此三眼目異名。  
更無別體也。不二理則義相觀。不二觀則心  
行觀。不二教謂名字觀。不二理即中道。不二  
觀謂正觀。不二教則名為論。但為佛印定。故  
名不二經。菩薩所造名不二論。更無別體也。

不二理即因佛性。不二觀謂因因性。由不二  
境。發不二智。故是因因。但觀智圓滿。即是菩  
提。菩提無累。即是涅槃。以此因果。顯非因  
果。即是正性。故五性不二理。及不二觀。既不  
立文字性。故不二教不攝之也。問。不二法門  
云何攝此耶。答。經云。從癡有愛。則我病生。  
此之二句。總攝十方三世諸佛菩薩能化所  
化。事無不周。所以然者。由失不二道故名為  
癡。如成論云。不見空者。常有無明。小論既  
然。大乘亦爾。由癡故所以起愛。如涅槃云。狂  
故生貪。以貪愛故受身。受身則有死生。以失  
不二故。有六道四生。是以不二為生死本也。  
諸佛菩薩體悟不二。故有波若。見眾生失於  
不二。無二謂二。而起大悲。此則空悲二道。以  
空觀故。則體其二不。會二。以大悲門。傷眾生  
無二。橫謂二。既大悲內充。故散身六道。方便  
誘引。令歸不二。是故不二為衆聖之根。豈但  
斯一教。

問。經云。波若為母。方便為父。故生衆聖。悟  
不二。但有波若。無有方便。云何衆聖皆由不  
二。答。余昔亦疑此言。今已悟矣。夫論悟不二  
者。必由識二。宛然而是不二。方名悟不二耳。  
既識二。即不二。便具二慧。何者。二既宛然不  
二。即不二。宛然而二。既識二。即不二。名為波  
若。即解不二而二。名為方便。波若與方便。猶  
是一觀。如二不二。猶是二法。由悟二。即是不  
二。故波若即是方便。問。既其如是。云何分  
於二慧。答。一觀兩照。故開權實。照二不二。  
名為波若。照不二二。故稱方便也。問。波若

照何法不二。方便照何法二耶。答。波若照六  
道顛倒二是不二。亦照佛菩薩不顛倒二是不  
二。方便照六道無二謂二。亦照佛菩薩隨  
緣故二。問。不顛倒二。應是不二。顛倒二。  
云何亦是不二耶。答。顛倒無二橫謂二。故  
亦是不二。但於顛倒自成二。故二耳。故了不  
二。則具二慧。二慧生一切實聖。淨名由二慧  
而生。二慧由不二故有。所以不二淨名之  
本。故云立道本也。

九體用門

問。不二既為本。應最初則說。不爾最後方陳。  
何故非初非後。中間說耶。答。欲收用歸體。從  
體起用。故處中說也。收用歸體者。謂攝經初  
二用。歸於不二也。又淨名說二。本意令悟不  
二。欲示從二入不二。故初明二。後方明不二。  
次從不二更起二用。即是香積品等諸奇特  
之事。非但一經如此。衆教皆然。但此經文約  
意含。故偏說耳。若最初即說。但得從體起用。  
最後說者。唯得收用歸體。以處中明之。故義  
得兩兼也。又衆教所起。各自有原。此經之興。  
事由於疾。統六道以癡愛為原。總群聖以大  
悲樹本。拔癡愛故。託疾匡耶。有緣之徒。皆來  
問疾。即說生死過患法身四德。令厭已體求  
於佛身。即初集意也。佛在菴園。為其集衆。遣  
使慰之。至門疾品。還論二疾。一菩薩大悲之  
疾。二衆生癡愛之病。說此二病。名說法門。不  
可思議品現神通門。觀衆生品明所化非有。  
故與無緣大悲。佛道品辨能化菩薩無方妙  
用。反常會道。此四品兩雙。並未得論於不二。

●冠註曰後彰二乘不入所以。上文甲本作傍註 ●冠註曰此彰佛窮遠為三初明解達義。上文甲本作傍註 ●冠註曰大示難見。上文甲本  
作傍註 ●冠註曰後彰佛道義。上文甲本作傍註 ●冠註曰是明具二智為四初彰具二慧。上文甲本作傍註 ●冠註曰次一觀兩照。上文甲  
本作傍註 ●冠註曰第三照樂淨境。上文甲本作傍註 ●冠註曰第四示樂即淨。上文甲本作傍註 ●冠註曰(例)●

今始收此二。歸乎不二。次從不二方更與二  
十共釋門

問。不二既攝前生後。何不自說。乃與衆共談。  
答。凡有十義。欲示不二衆教同歸千聖共轍。  
故命異人令同說不二。在人雖異。所悟是同。  
即是顯不二義。二託人優劣顯入有三根。三  
者示惑病非一教門不同。四顯不二義廣非  
止一法。五示階級次第令從淺入深。六顯淨  
名入深令尊人重法。七將欲散席各陳妙悟。  
八上已歎淨名文殊德。今次彰大衆之德。九  
明一切菩薩能說能入。小乘之流闕此二用。  
十明諸菩薩與物各有因緣。顯非由一人所  
能化也。

淨名玄論卷第一 一名題上

### 淨名玄論卷第二 一名題中

後釋本名門

論曰。由體不二之理故。有無二智。由無二之  
智故。適化無方。適化無方則施教不一。施教  
不一故稱詔不同。是知不二之門。爲名本也。  
上已顯其名本。今次叙其本名。叙其本名。略  
有二種。第一總論衆教。第二別叙此經。  
第一總論衆教。凡有五門。一立名不同門。二  
轉不轉門。三釋首題門。四具義多少門。五人  
法不同門。

一立名不同門

衆聖數經。凡有二種。一者直說不別立名。如

大品等。九十章內。無有侍者問名如來答題。  
良以一部明波若事顯。卽知是波若經。不煩  
別立。二者說經亦立名字。如云此經名爲大  
般涅槃。良由名義未彰。故須別立。此立名不  
立名一變也。就自立名之中。復有二種。一佛  
自立。如云爲諸聲聞說是大乘經名妙法蓮  
華。二待問方立。如金剛波若。待善吉問名。如  
來始答。此謂自他一變。就自立名中。復有二  
種。一序品已立。如金光明之流。二就正說方  
立。衆經多爾。此序正一變也。待問立名中。復  
有二種。一說經未竟。隨一義說。卽立名字。亦  
如小波若等。二就說經究竟。方始立名。此經  
是矣。謂前後一變也。就說經究竟立名。復有二  
種。一者但立一名。衆經多爾。二者立於多名  
卽淨名等是也。故云一名維摩詰經。二名不  
可思議解脫法門。此一多一變也。衆經雖多。  
立名所由。略明十義。問。華嚴一部。何故文無  
立名。答。此經凡有十萬偈。傳譯未盡。立名當  
在後也。至長安。見僧曇法師從于闐還於彼  
處。見龍樹傳云。華嚴凡有三本。大本有三千  
大千世界微塵偈。一四天下微塵品。中本有  
四十九萬八千八百偈。一千二百品。此二本  
並在龍宮。龍樹不誦出也。唯誦下本十萬偈  
三十六品。此土唯有三萬六千偈三十四品。  
故知華嚴名數在數分矣。菩提流支云。佛滅  
度後六百年。龍樹從海宮持出也。

二論立名轉不轉門

三世佛經。立名有二。一名字不轉。二隨佛世

異。如過去二萬日月燈明佛說大乘經。名妙

法蓮華。現在釋迦。同有斯號。此經名字不轉。  
二者隨佛出世。名字不同。如十二部中伊帝  
目多伽經。拘留塞佛出世之轉名甘露藏。拘  
那含佛爲法鏡。迦葉佛時名分別空。釋迦與  
世稱爲契經。蓋是適緣不同。故名隨世異也。  
三論標題意門

天竺經題在後。而初皆云悉曇。悉曇云成就。  
亦云吉法。而迴後置初。道安名之也。問。衆經  
何故首題名字。答。欲令因名知法。因法起行。  
得解脫果。又根欲不同。說教非一。若不別立  
名題。則諸部不分。爲令衆部各分。故別立名  
題。又諸佛說法。有略有廣。廣謂一部之文。略  
卽一經之題。攝廣爲略。爲受持故。開略爲廣。  
爲解義故。又攝廣爲略。爲利根人。若聞經名。  
卽解其義。如龍樹等入於海宮。但看經題。具  
鑒文理。開略爲廣。爲鈍根人。皆聞名未悟。尋  
文乃解。是以衆經首題名字。四論立名具義  
多少門

自有一義立名。或但從人。或但因法。或單就  
譬。次二義立名。或人法雙舉。或法譬兩題。或  
因果合說。次三義立名。如勝鬘爲人。師子爲  
譬。一乘大方便爲法。華嚴亦然。大方廣爲法。  
佛卽是人。華嚴爲譬。次四義立名。亦如華嚴。  
大方廣卽衆經之通稱。諸大乘經皆云方等。  
亦名方廣。如云大方廣大集經。涅槃亦云方  
等爲甘露。卽十二部中。名毘佛略。故方廣之  
名通。稱也。方廣既爲通稱。佛華嚴卽是別  
名。謂通別兩義也。就別之中。佛爲其人。華嚴

○(一名題上) ○後二大 ○經二序 ○下同

爲譬。合前通別爲四義也。次五義立名。大方廣名含二義。一者對別。即是通義。二者對人。復是法名。足前四義。故成五也。次六義立名。即方廣爲法。對華嚴爲譬。復爲法。辟一雙也。合上爲六也。次七義立名。加以經字。上六爲理。經即是文。謂文理一雙也。如涅槃七善中云。知法知義知法。即是十二部經。故以經文對上義也。若以大方廣佛華嚴經。即以此七字。亦得爲七義立名。以具上七義也。如華嚴題目。作此釋之。自餘衆部。可隨義多少也。問。衆經皆是佛說。何故華嚴獨標佛耶。答。欲顯華嚴教圓理滿。故偏題佛也。問。餘大乘亦皆教圓理滿。何故偏歎華嚴。答。餘經從半入滿。華嚴之滿。不因於半。故偏歎也。問。既不因半。何由得滿。答。因有多門。不可一例。因於滿理。故有滿教。亦因滿人。故有滿法。不必待半。有人言。七處八會。是一佛華嚴三昧現此法門。故須標佛也。又華嚴偏題佛者。此是佛初成道說之。故題於佛。自爾之前。未有佛說。從此以後。不須標佛。是故斯經獨標佛也。又華嚴七處八會加菩薩說。客謂是菩薩經。非是佛說。是故釋云諸菩薩等承佛神力在佛前說。即是佛說。故題佛也。問。既是佛經。何故不題佛說。但標佛耶。答。非佛自言。但加菩薩說。故不題佛說也。問。佛爲教主。應在題初。何故方廣居首耶。答。欲示諸佛所師所謂法也。故先標於法。又如前明佛華嚴三昧。故稱佛華嚴經。則佛與華嚴合爲一句。若發趾標佛。則義隔華嚴。故不可也。問。

大方廣既是衆經通稱。何故華嚴獨標。答。例如題佛以釋之也。良由教圓理滿。純化大人。又是初成道說。故獨標之。五論人法不同門

思議。明所弘之法。二者欲明通別兩義。題淨名。則爲明人別。標不思議。辨其法通。所以然者。此經凡二化主。一者佛說。二者維摩說。若但題淨名之人。不題不思議法者。但得維摩之說。便不得佛說。今舉不思議。則具含二說。故入法雙題。三者欲互相顯釋。故入法雙題。所以稱爲淨名者。以有不思議解脫德。處穢不染。故稱淨名。即此則以法釋人。次標不思議。舉經之大體。題淨名。辨法起之所由。故舉人釋法也。四者題淨名。尊其人也。標不思議。重其法也。以淨德內充嘉聲外滿。聞其名者。莫不尊仰。下云。一切見敬爲供養中。最重其法者。既聞不可思議解脫法門。誰不重哉。五者明此經題具足三業。不可思議。故入法雙題。維摩詰者。舉人辨其意業。次云所說。明其口業。次云不可思議解脫。叙其身業。問。何故身業獨云不思議。答。以後貫初。身業既不思議。口意亦爾。故最後說之。又以身業現神通。明不思議事顯。故偏說之。此之三業。即是次第。先明意業。緣。次口說法。後即身現神通。六者入法雙題。即是三事示現。顯淨名謂他心輪。標所說明說法輪。辨不可思議即神通輪。三輪之義。法華玄廣明。今此所用者他心輪。謂知病識藥。說法現神通。應病授藥。又說法輪。明聞事不思議。神通輪。謂見事不思議。六塵境皆爲佛事。但見聞既要。故聖人偏示形色。又說法輪。但明音聲爲教門。神通具以六塵爲佛事。又神通輪多現不可思議。說法輪多明不思議本。如借座請飯。皆是神通

衆經從人立名。凡有四種。一從能說人立名。如維摩等。二從所爲人受稱。如提謂經等也。三從能問人立名。如文殊師利所問經等。四從所說人受稱。如無量壽佛經等。以說無量壽佛事。故以標名。就能說人復有五種。一者佛口自說。二者弟子說。三者諸天說。四仙人說。五化人說。此經即是弟子說也。問。弟子所說。既得單從人受名。如來所說。亦得爾不。答。通義得齊。別則不類。弟子所說。多從人受稱。如來所說。多從法得名。所以然者。佛說經無量。若皆云佛經。則諸部無別。今欲分諸部各別。故從法爲名。弟子若從法立名。則師資相。豈。如直云不思議解脫經。不題淨名者。容謂此經即是佛說。今簡師資不同。故從人受稱。故佛經不從人。爲欲別師。弟子不從法。爲欲簡人。問。入法雙題。凡有幾義。答。略有二種。一者人法雙題。合爲一名。如仁王波若等。二者人法兩舉。開爲二名。謂人爲一名。即維摩詰所說經。法爲一名。謂不思議解脫法門

第二別叙此經。復有三門。一總釋是人法門。二別釋人門。三別釋法門

一總釋人法門



現之。故是迷也。如說六度四等及不二法門。即是本也。又他心輪知根鑒藥。神通輪則拔苦與樂。說法輪則滅惑生解。滅惑生解。名為利益。拔苦與樂。即是安樂。是故衆經皆云。利益安樂一切衆生。則義無不備。六者題維摩。則明託疾方丈。標所說因病演教。舉不思議。明現神通。一部始終。總在於題。七者題維摩。為欲簡異於佛。示師資不同。次云所說者。上雖標弟子。客謂是對揚之人。今明所說。則知是弘教之主。雖知是弘教之主。或恐說淺近法門。故次明不思議解脫也。八者題淨名。欲簡異邪師。邪師內無淨德。外闕嘉名。標不思議。簡異邪法。耶。法淺劣近末。非不思議。正法甚深。莫能測度。九者標淨名。明是菩薩。簡非二乘。二乘結習不除。不得稱淨。如後品云。觀諸菩薩。華不著者。結習已免。即其事也。舉不思議。簡小乘。明大教甚深。不可測度。小乘淺近。易可思議。十者題淨名。歎高行大士。異下位菩薩。舉不思議。顯究竟之宗。簡未了之說。五時之流。謂此經是大乘義。猶未了。今明既稱不思議。則是窮微盡化妙絕之稱。

二別釋入門。復有四門。一釋名。二因無因門。三德位門。四現生門。一釋名門

外國稱毘摩羅詰。羅什僧肇。番為淨名。道生曇詵。云無垢稱。真諦三藏云。具存梵本。應言毘摩羅詰利帝。毘為滅。摩羅云垢。吉利帝為鳴。合而言之。謂滅垢鳴。初從所得為名。次從所離為目。滅猶是所離。以聲聞天下。故稱

為鳴。鳴猶名義耳。言雖廣略。而意無異也。

二因無因門

總論立名。凡有二種。一有因緣。二無因緣。有因緣者。在名既多。則因緣非一。今略明四種。一從生所立名。如六道等。以生天趣故名。為天。二從相貌立名。如有黑白長短等相。即以爲稱。三從過失立名。如賊盜之流。四從功德爲目。如三乘賢聖。無因緣立名者。涅槃云。低羅婆夷。名為食油。實不食油。釋論云。草名末末利。此云賊草。不劫盜而受賊名。皆無因緣。強立名字。維摩立名。可具二義。一無因緣。強立名字。所以然者。既稱諸佛菩薩有解脫名。不思議。即是絕名。以心行既斷。名意不思。言語亦滅。故口不議。入法身之位。形不以像測。心不可以智知。豈有名。經。但爲出處衆生。強立名字。故是無因緣也。問法身既無形名。由佛所感。便有形名。謂即是因緣。何名強立。答。須識強立之義。以法身不可名。而爲法身立名。故云無因緣強立之名耳。若就物感立名。名因感立。則是方於因緣。故一名中含二義。問。爲法身立名。此名爲屬法身。爲屬應述。答。宜兩望之。若爲法身立名。則屬法身。此名應物。則名屬迹也。若以無名爲本。用名爲迹。非是法身爲本。應身爲迹。故本迹多門。不可一例。問。但法身無名。假爲立名。亦生死無名。假立名耶。答。法身體。絕百非。名相不及。可得無名。假爲立名。生死是名相之法。不可言生死無名。強爲立名。二者非但法身無名。強爲立名。亦生死無名。強爲立名。是故經

云。生死非難。涅槃非寂靜。涅槃非寂靜。既強號涅槃。生死非難。亦假名生死。問。此據何門。二名強立。答。此望於正道。未曾生死。亦非涅槃。故生死涅槃皆是強立。問。得云生死無名。強立爲名。涅槃有名。非強立耶。答。亦有斯義。生死虛妄。實無所有。故強名生死。對生死虛妄。歎涅槃真實。故涅槃有實德。依德立名。故涅槃之名。非強立也。問。此據何門。明生死無名。涅槃有名。答。此明生死無本。故生死可空。所以無名。涅槃有本。涅槃不空。是故有名。如此經云。身孰爲本。貪欲爲本。貪欲孰爲本。乃至以顛倒爲本。既稱倒相。是故無本。以其無本。則無生死。故生死可空。所以無名。強爲立名。對生死無本。明涅槃有本。涅槃有本。即是佛性。故隱名如來藏。顯名爲法身。是以佛性爲佛之本。涅槃有根本。便有涅槃。故涅槃有名。非是強立也。問。有生死涅槃俱非強立。答。復有斯義。於生死人有生死。故之生死名。非是強立。於涅槃者。有於涅槃。故涅槃之名。亦非強立。此之四門。各據一義。可隨文用之。雖有四句。合而言之。唯成生死涅槃名無名二句。合此二句。以歸一句。蓋是無名無名。因緣一句義耳。無名名。豈是名耶。名無名。豈是無名耶。故非名亦非無名。非生死亦非涅槃。是以經云。生死及涅槃。二俱不可得。故浪一句。入於無句。無句而句。故非名非無名。而能名能無名。雖能名能無名。而不動非名非無名。以縱任自在。塵累不拘。即是淨德。有斯淨德。故稱淨名。即此淨德無累。名

爲解脫物莫能測。稱不思議。故人法不二。不  
二而二。故統御名人。可軌稱法耳。自上以來。  
明無因緣。故強立名字。今大辨有因緣。故立  
名。無因緣立名。即就法身爲論。有因緣立名。  
據迹而言。維摩既託迹。現從父母。必有  
名字。父母見此兒生時。有其淨德。依德立字。  
故號淨名。次即如來印歎。兼世人嗟美。以有  
三義。故立淨名。問。一切菩薩。皆有淨德。何  
維摩獨受其名。答。如諸菩薩。雖皆有慈。彌勒  
即以慈德爲稱。今亦然矣。又此是在家菩薩。  
居五塵而不染。處衆穢而常淨。故偏受斯名。  
問。淨名父母姓字云何。答。汎論凡聖。有二種  
父母。無明爲父。貪愛爲母。以有癡愛。是故受  
生。謂凡夫因父母也。雖有癡愛。要假男女爲  
緣。方得受生。名緣父母。諸佛菩薩。亦有二種  
父母。一權實二。謂法身父母。實慧虛癡。與  
陰同靜。故配之如母。權義流動。與彼陽齊。故  
喻之如父。由斯二慧。法身得生。故名法身父  
母。生身父母者。如佛喻經說。淨名姓碩。名大  
仙。王氏。別傳云。姓雷氏。父名那提。此云智  
基。母姓釋氏。名喜。年十九嫁。父年二十三  
婚。至二十七。於提婆羅城內生維摩。維摩有  
子。字曰善思。甚有父風。佛授其記。未來作  
佛。別有維摩子經一卷。可尋之也。

三論德位門

問。維摩是何位人。能真俗並觀。答。方便品  
云。淨名得無生忍。不判其淺深。釋但無生並  
觀。凡有三說。靈味法師云。初地得無生忍。即  
能真俗並觀。次關中舊說。七地得無生。真俗

始並。如肇公云。七地施極於施而未嘗施。戒  
極於戒而未嘗戒。故七地並也。江南舊云。七  
地雖能並觀。未能常並。至於八地。始得令並。  
淨名即是八地以上人也。復有人釋云。淨名  
文殊。皆往古如來。現爲菩薩。如首楞嚴云。文  
殊爲龍種尊佛。發迹經云。淨名即金粟如來。  
今明聖迹無方。難可測度。但無生並觀。經有  
四文。一對地前凡位。但名順忍。故未有無生。  
亦未能並觀。初地。稱爲聖位。始得無生。二  
觀方並。仁王瓔珞經攝大乘論。並有此文。二  
者初地以上。六地以還。無生尚淺。並義未彰。  
與順忍之名。至於七地。名等定慧地。故始是  
無生。名爲並觀。問。七地何故名等定慧。答。釋  
論云。前三地慧多定小。後三地定多慧少。故  
定慧不等。今定慧平等。故云等定慧。又一義。  
此說二慧爲定慧耳。六地波若靜鑒爲定。以  
方便動照爲慧。六地妙於靜鑒。拙於動涉。故  
定慧未等。至於七地。名爲方便。則二慧具足。  
名定慧等也。問。定慧既等。何故名無生耶。  
答。釋論云。七地具了衆生及法皆悉無生。名  
無生忍。不偏著有。有心不生。不偏滯於空。空  
心不起。故慧常方便。方便常慧。空有雙遊。無  
所偏著。故云無生。三者七地雖得無生。已能  
並觀。但猶有功用。八地於功用。永不復  
生。名爲無生。而復任運恒並。四者八地雖無  
功用。猶未究竟。究竟無生。在於佛地。方便品  
云。久於佛道。心已純。就者。當知是佛地無  
生。金粟如來。則斯文已顯。以無生具在四處。  
衆師各偏執一塗。故失其旨也。又取相之流。

隨言起著。開深位則謂定深深。不得爲淺深。  
開淺位則謂定淺淺。不得爲深深。若定淺。豈  
可從淺以至深深。若定深深。云何得作淺。今  
明因緣淺深。無有定相。故淺具淺深。深可得  
爲深淺。淺可得爲淺深。故經中凡有四句。一  
淺爲深用。初發心菩薩八相成佛。二深爲淺  
用。往古如來爲能仁弟子。三深爲深用。即佛  
爲佛化。四淺爲淺用。其義易知。問。深爲淺  
用。淺爲深用。可是方便。深爲深用。淺爲淺  
用。亦是方便耶。答。舊云。深爲淺用是方便。深  
爲深用則非方便。今明非但深爲淺用是方  
便。深爲深用亦是方便。良以道門未曾淺淺  
深深。皆爲化物故。並稱方便也。又有所得人  
皆云。後心是淨名。初心非淨名。今明發心畢  
竟。二不別。非但後心是淨名。初心亦是淨名。  
所以然者。後心淨諸見。既稱淨名。諸見亦是  
淨名。問。此經三品破於三見。方便品破凡夫  
見。弟子品破二乘見。菩薩品破菩薩見。後心  
淨名可破三見。初心既是淨名。亦應破三見  
也。答。若後心破三見。初心未破三見。今說破  
三見。可爲後心人耳。初心復何所益耶。又佛  
在世時。有諸羅漢。弟子品可破之。有彌勒等。  
則菩薩品可破之。末世無此大小之人。經流  
像教何所益耶。故知初後心皆破三見。問。初  
心後心皆破三見。則初後何異。答。是故經云。  
發心畢竟。二不別。初心稱爲佛心。是三世佛  
之種子。則與佛無異。故始名初心。佛終稱後  
心。佛。初心佛亦淨三見。後心佛亦淨三見。但  
初淨三見則晦。後淨三見則明。故開初後有

異耳。又有所得人。皆言凡夫處四生之內。淨名昇六道之外。但凡夫感於淨名。淨名應入生死。故託疾。略耶。興以斯教。今明一往非無此義。但恐成凡聖道隔成高下二見耳。復須識一心之內即是衆生亦即是佛藏。於此心中起三種見。便是煩惱。淨此三見。即是淨名。問。云何一心內具起三見。答。若於此心。起凡夫見。名凡夫也。起二乘見。名二乘也。起菩薩見。名菩薩也。未與波若相應以來。於念念中。多墮三見。便見三惑。若先念起此三見。後念能淨此三見。則前念名為煩惱。後念即是淨名。故經云。衆生身內。既有毒草。即有藥王。迷悟不離。其猶反掌。豈可定謂凡夫局在四生之內。諸佛昇乎六道外耶。故行道坐禪講說懺悔。宜依此門。不爾。於事無益也。問既勸修觀行。今請問研心。若前心起三見。稱爲垢。後念破三見爲淨名者。非但三見名爲見。則淨名亦是見。所以然者。前心起三見爲有。後念破三見爲無。既有無。名爲垢染。何名爲淨名。答。不言前起三見爲有。後淨三見爲無。但了前三見本自不有。今亦不無。故名淨三見耳。問。若了三見本自不有。今亦不無。何名爲淨。此乃息於有無。還染非有非無。何名爲淨。又有有無名之爲有。無有無無此即是無。還染有無。何名離染。答。釋論云。破二不著一。乃名爲法忍。今若能進忘兩是。退忘二非。蕭然無寄。乃名爲淨。問。若這是忘非。乃名淨者。夫有是有非。則名爲有。無是無非。始是大無。何名爲淨。答。本進禪兩足。

退息二非。冀玄悟之賓。蕭然無寄。今遂循環名數。隨逐想心。則取悟無由。若內息情想。無心於內。外夷名相。無數於外。無數於外。則緣盡於觀。無心於內。則觀盡於緣。緣盡於觀。故無緣。觀盡於緣。則無觀。無觀無緣。則紛累都寂。乃名爲淨。豈復染無間。若緣觀都寂。何異滅智灰身。灰身故無緣滅智。則無觀。欲行大道。乃爾小乘。答。緣是生心動念。即是難家。觀謂無生妙悟。名爲答者。以無緣則子無所問。以絕觀余無所通。不應更復修環反覆問。若緣觀俱寂。問答並遣。則任運成。答。天親龍樹盛許。故云汝證我法時。汝爾時自。但子猶未達其旨。今略陳之。夫論。而常。辨其言者。而常言。言而不。所謂凡夫。而。名二乘觀。故至之緣觀俱寂。而境智宛然。應愈動神愈靜。智愈寂照愈明。寧以啞法目聖心。灰斷榜玄道。四論現生門。

學位已窮。受生利利婆羅門家。得無上道。作一切佛事。名最後生。問。淨名五生之中。何生攝耶。答。據本而言。久成種覺。位在法身。故非五生攝。就述論者。適化無方。淺深隨物。則具五生。就位而言。此之五生。通遍諸地。約其階級。則前之三生在地前。後之二生則歡喜以上。淨名既得無生忍。則屬後二生。但後之二生。受十王果報。名增上生。最後身作佛。稱後邊生。淨名迹居長者報。非十王果報。非作佛身。異最後生。就事言之。謂勝生也。五生之說。地持廣明也。

淨名玄論卷第二 名題

淨名玄論卷第二 名題

三別釋法門 有三門。先釋不思議門。次釋解脫門。後釋法門。

先釋不思議有四。一來意。二釋不思議名。三辨不思議體。四釋不思議名多少。

第一來意者。問。諸方等教。皆是不思議。何故此經獨受其名。答。一切諸經。雖皆是不思議。但此經即以不思議爲名。例如一切佛。皆有法寶。而寶積佛即以爲名。又不思議。凡有二種。一者通不思議。謂諸佛菩薩境界。並非二乘凡夫之有所能測度。二者別不思議。謂神通奇特。如巨細相容。衆經多明通不思議。此經多辨別不思議。故偏受斯稱。問。此經凡有兩名。一維摩詰。二不思議。何故別有不思議。

●註曰又有已下至即是淨名一百字是裏書也 ●略二見 ●隨二隨 ●是二 ●之二人 ●[名題中] ●[下] ●

品。而無別維摩品耶。又此經名不思議經。別有不思議品。衆經何故不爾。如般若等經。何故無般若品耶。答。此經雖有人法二名。而維摩事彰。通爲一經之主。不須別立品。不思議雖通貫一經。但不思議事未顯。須別立品。般若等經明般若事顯。故不須別立般若品也。問。此經何故辨不思議耶。答。略有五義。一者欲稱歎諸佛菩薩解脫法門不可思議。令稟教之徒。虛心頂受。慕仰信行。二者淨名道德已遠得無功用心。現通說法。有所施爲。任運即不假思量議度。既得此悟。還欲示人。故說不思議。三者欲顯一切諸法無定性相。故說不思議。如長若定長。不可促長令短。短若定短。不可延短令長。以可延促。故無定相性。以無定性。諸法即空。因此即悟入實相。故說不思議。四者此經正明不思議法。故立不思議名。如不二法門。心行處滅。言語道斷。淨名默即是其事。以正說此法故辨不思議。五者此經欲示二種人法。故明不思議。一者理外。謂凡夫二乘及有所得大乘人法。若所行之境。能行之智。所說教門。皆是有所得顛倒故。非不思議。二者明理內諸佛菩薩所行之境。能行之智。所說教門。並絕凡夫二乘有所得境界。故方是不可思議。問。何以知然。答。此經呵凡斥聖。破大彈小者。良由凡聖大小皆是有所得顛倒理外行心。所以非不思議。廣說菩薩無方妙用無礙法門。有得之徒。莫能測度。故名不思議。是故當知。欲開二種義。故明不思議。此是對可思議。故歎不思議。令捨可思議。

議。悟不思議。既無可思議。亦無不思議。故諸佛菩薩所行之道。非思議。非不思議。問。理外義宗。亦明絕四句。離百非。言語道斷。心行處滅。何故非不思議。無所得。若四句。若絕四句。一切諸法皆不思議。答。有所得。絕定絕。不可令不絕。不絕定不絕。不可令其絕。如此絕不絕。皆有蹤迹處所。可得思議。無所得。絕不絕。皆是因緣無礙不思議。又有所得。絕不絕。悉皆不成。竟無此法。論何物不思議耶。無所得。絕不絕。義始成。故方得有不思議。至二智中。當具說也。第二釋不思議名。略有三義。一者約本釋不思議名。由本是不思議故。方有不思議用耳。不思議本即不二法門。不二法門謂諸法實相。諸法實相心行斷故。心不能思。言語道斷。口不能談。十四章經。正爲開不二。故前序云。淨名現病之本意。文殊問病之所由。當知爲明本不思議。故名不思議也。二者約淨名二智。由體不二之道。故有不二之智。不二之智。能適化無方。善巧妙用。並任運成就。無功用心。不假思量議度。故名不思議。三者外示不思議跡。若形若聲。及說不思議本。若境若智。並非下位菩薩及與二乘凡夫所能測度。故名不思議。不思議體。但有於三。不思議名。亦唯此三義。問。此與關中舊釋何異。答。肇公云。深遠幽微。二乘不能測。謂不思議三義之中。但是後意耳。生公云。不思議者。凡有二種。一者空理。非感情所測。二者神奇。非淺識能知。三意之中。具說初二義。什公

云。法身菩薩。有所施爲。欲能則能。不須作意。三種之中。亦得其一。今且叙三門。復辨本末次第及內外不同。則抱前諸意。三辨不思議體。問。今就何法。明不思議。答。法雖無量。略有三種。一境。二智。三教門。境即真俗二境。此之三門。有二種次第。若據能化。由真俗二境。發權實兩智。由權實兩智故。外說二諦教門。合此二義。即爲二雙。由境發智。由智照境。謂發照一雙。內照二境爲行。外彰神口爲說。說行一雙。次約所化。三門次第者。稟二諦教。發生二智。二智則照於二諦。合此三義。亦成二雙。初則說行。次則發然。聖人如行而說。衆生稟二諦教。則如說而行。故名說行一雙也。以如說而行。識教悟理。發生二智。故二境爲能發。二智爲所發。二智爲能照。二境爲所照。名發照一雙也。問。真俗二諦。爲是教名。爲是境稱。答。約能化所化。互望不同。就能化爲言。內照真俗。故真俗名境。外爲衆生。依二諦說法。故真俗名教。就所化爲言。稟於真俗。別真俗名教。因真俗。發生二智。真俗名境。然此真俗。未曾境教。問。若爾。何故。垣言二諦爲教。非是境理。答。此約依二諦說法故。二諦名教。若據發生二智。則真俗名境。又真俗表不二理。則真俗名教。若對二智。則稱爲境。不可偏執。問。但應言聖人內照兩境。外爲衆生依二諦說法。衆生稟二諦教。發生二智。二智還照二諦。何得復言二諦教表不二理耶。答。此義有開有合。若開理教不同。約能化爲

論所悟之理。則非真非俗。能悟之智。亦非實非權。理雖非真俗。爲出處衆生。無名相中。假名相說。故開真俗門。說二諦法。故以非真俗爲理。真俗爲教。二諦門既爾。智亦例然。悟理之智。非權非實。爲欲化物。故開二智。以權實二智。照真俗兩境。外爲衆生。說真俗二諦。此約能化。開理教境智義也。次約所化。明理教境智者。所化衆生。稟真俗二教。即悟非真非俗不二之理。既悟不二之理。即發生不二之觀。所悟境既非真俗。能悟之智亦非權實。既悟理非有無。即識教有真俗。悟理發生。非權實智。即識教有真俗。故生權實二智。此約能化所化。各開理教境智也。次合論理教境智者。非真非俗之理。名爲真諦。若真若俗之教。並名俗諦。故唯有二諦。非權非實。名爲實智。權之與實。並名權智。故唯有二智。既唯有二境。故聖人內照二境。外爲衆生。還說二諦。衆生因二諦教。還發生二智也。問。初何故開後何故合。答。欲顯至理甚深。未曾真俗。聖心微妙。亦非實非權。而今言俗言真。說權說實者。蓋是出處衆生。故強名相說。爲此義故。所以須開。復欲就二諦攝法。無義不收。權實該羅。無智不攝。故但明二諦。唯有權實。所以合也。又經中具有開合。以釋經故具明之。又對斥舊宗執二諦不知不二。所以須開。尋教之徒。復言二諦之外別有不二之理。所以須合。故開合不同。皆有其義。上來總釋三門。

今次別釋三門。卽爲三意。初釋二智。復爲三門。一明權智不思議。二明實智不思議。三合

釋二智不思議。問。何等名爲權智不思議耶。答。內照外用。皆絕二乘。故並不思議。二乘不能遍知一切病。不能遍識一切藥。故不能測菩薩智。名內照不思議。又菩薩內照。卽無照而照。照不動無照。亦非二乘所知。又菩薩雖照。不假功用。二乘作意方乃得知。亦不能思議菩薩無功用智也。次明外動用不思議。此事萬端不可具舉。今就大小容入。以示其相。但釋大小容入。凡有三師。一云大實不入小。小亦不容大。但以神力令應度之人。見其容入耳。二釋云。大實入小。小亦實容大。若不容入者。則諸菩薩無此功能。若明容入。還不容入。則一切諸轉變神通並無用也。第三釋云。具有二義。一者實不容入。能令見其容入。二實能容入。復令見容入。今明第三釋宜可用之。但此經正明容入。非不容入也。故高廣之座。來入方丈小室。方丈小室。容高廣之座。大小無有增減。而容入宛然。故是不思議也。問。若無增減。名不思議。寧得文云其室廣博。答。講誦之人。多不細觀。故不見此文意。若以下徵之。未見好釋。若於此一條味者。則不思議事皆不成矣。今明不思議品。凡有二文。一云其室廣博。二云本相如故。卽此二文。自相違背。既云其室廣博。寧得本相如故。若云本相如故。何名廣博。今明室有內外。自內而觀。故其室廣博。自外而觀。則本相如故。是以二文不相違也。問。若爾者。何名不思議耶。答。唯是一室。內觀則廣。外觀如故。卽是不思議。問。外觀如故。可無增減名不思議。內

觀既廣。卽是增減。云何名不思議。答。內廣遂令外增。可非不思議。而內廣不令外增。故內廣是不思議。問。不令外廣。可外無增名外不思議。遂令內廣。便是增內。卽內非不思議。淨名既能令外不增。亦能令內不廣。何以知之。世小術遂能令尺鏡入於寸瓶。瓶不增鏡不減。而容入。究然。況諸佛菩薩。今遂令室內廣者。凡有二義。一者此經始終敘淨名待賓。凡具四事。一有廣博之室。二設端嚴之座。三有甘露味飯。四有微妙法。言室若不廣。則四中闕一。今欲待賓事圓。故令室廣博也。在室雖廣。遂令外增。則非奇特。而外本相如故。所以此復是不思議。是以內大外小。各有深致也。二者若內外皆不廣。而令大座入小室者。但得將室對座。辨大小不思議耳。今欲示二種不思議。一大入小不思議。二內外不思議。大小不思議者。大座入小室內。室內雖廣。而外不大。故是大小不思議。二內外不思議者。唯是一室。內觀則廣。外看不大。欲言室大。外相宛然。欲言室小。能容大座。是故此室不可思議。問。有人言。觀至容座。故言室廣。若置座觀室。則本相如故。此釋自能。何勞分內外。今問。室唯方丈。座高八萬。爲見室大於座。爲見小於座耶。若見室大於座。云何復言本相如故。若本相如故。卽見室猶方丈。云何復見容於大座。此則事相不成。於巧義不足。今詳經文意者。三萬諸座並來入室。衆皆見其室廣博。非復猶見方丈。但觀外形。本相如故。可用前通。廢於後釋。

大明實智不思議者。若以照空爲實。照有爲權者。此之實智。即是般若。般若所照實相。自非斯絕。四句皆忘。能照般若。亦如實而照。故釋論云。般若波羅蜜。實法不顛倒。念想觀已除。言語法亦滅。故是實智不思議。又波若照實相。不見智爲能照。境爲所照。故經云。菩薩與波若相應。不見相應。不見不相應。釋論云。緣是一邊。觀是一邊。離是二邊。名爲波若。境智不二。豈其不可思議耶。又不見境智二。亦不見不二。如是五句畢竟盡。而能照所照宛然不失。故名實相不思議也。

後合明二智不思議者。正見此經之宗。何以知之。文云。諸佛菩薩有解脫。爲不思議。問疾品。正就二智。辨於解脫。故言無方便慧縛。無慧方便縛。此就二慧明縛。無有解脫。故非不思議。有方便慧解。有慧方便解。故二慧解脫。名不思議。問。云何名二智縛解。答。文已具詳。今且就山門。叙其得失。先示二慧俱縛。明非不思議。次辨二慧俱解。名不思議。

二慧俱縛。非不思議者。若有權可權。則有實可實。有權可權。不由實故。權有實可實。不由權故。實不由權故。實此實非權實。不由實故。權此權非實權。權非實權。權是自權。實非權實。實是自實。權是自權。權不得爲實。實是自實。實不得爲權。如此權實。各住自性。不得縱任自在無礙無方。故名爲縛。以是縛故。非不思議。乃是凡夫二乘有所得斷常二見。何名爲諸佛菩薩之妙觀哉。

可權。則無實可實。無權可權。由實故。權無實可實。由權故。實由實故。權名實權。由權故。實名實權。權名實權。權不自權。實名實權。實不自實。權不自權。則非權。實不自實。則非實。非權非實。始成權實。權實則實得爲權。實權則權得爲實。縱任自在無礙無方。故名解脫。解脫即不思議也。問。經無此言。云何。以義約耶。答。文實有之。但子未見耳。今略示其一。則萬義例然。如問疾品云。以嚴土化人二行爲方便。三空自調。名之爲慧。不能即三空。而起二行。名無方便慧縛。若能即三空。而起二行。名有方便慧解。不能即二行而入三空。名無慧方便縛。若能即二行而入三空。名有慧方便解。故空有無礙。權實自在。名爲解脫。解脫故是不思議。

次明境不思議。亦有二。一者俗境。二真境。三合明二境。所以明境不思議者。以智不自智。由境發智。良由境不思議故。智不思議耳。若智自不思議。境非不思議。豈得以可思議境。發不可思議智。以不思議智。照可思議境耶。

初明俗境不思議者。成實論云。乃至小草思惟觀察。尚不可知。況一切法。身子子不知。一鳥始末。況一切衆生。故知俗境不思議。今且據大小容入一義作之。問。巨細殊形。復無增減。云何得相容入。答。南方舊云。既稱不可思議。唯聖境界。二乘不測。凡夫豈有解耶。故置而不釋。今請問之。巨細容入者。蓋是不思議之跡耳。六度四等。權實兩智。不二法門。謂不

思議之本。本跡雖殊。不思議一。而既能解本不思議。云何不達其跡耶。又跡爲近事。本爲遠理。尚通理本。何不解決事迹耶。北土地論師云。大無大相。故大得入少。少無少相。故少得容大。今請問之。既大無大相。是則無大。誰入小耶。小無小相。是即無小。誰容大耶。若云有無相之大無相之小。故得容入者。今重考之。無相之大。爲猶有大。爲無大耶。若有大。即猶有相。如其無相。則無有大。若言大無相而有大有。亦應無大而有相耶。雖有此言。未見其理。故並不用之。今先開得失以示其相。所言失者。若有大可大。則有小可小。有大可大。不由小故大。有小可小。不由大故小。不由小故大。大是自大。不由大故小。小是自小。大是自大。大非小大。小是自小。小非大小。大非小大。大決定住大。小非大小。小決定住小。大小既爾。容不容亦然。小既本不容大。不容決定不容。不可令容。大本不入於小。不入決定不入。不可令入。故如此大小無容入義。又無如此自性大小。論何物容入耶。又無自性容入。論何物大小。問。何處云決定大小無容入。義又何處云無自性大小耶。答。龍樹云。若先來不見。於今云何見。以其性定故。集先來不斷。不斷定不斷。不斷云何斷。四諦既爾。萬義例之。故知不容定不容。不得容也。又云。執有自性。則無世間出世間法。故知無有自性大小。何所容入耶。次對失辨得者。今明無小小。則無大可大。由小故大。由大故小。小不自小。大不自大。大名小大。小名大小。大小則

非小。小大則非大。非大非小假名大小。故大小義始成。以大小得成。方有容入。以小是大。小故。小得容大。大是大小故得大入小。大小既爾。容入亦然。容是不容故容。不容是容不容。以不容是容不容故。小不容是容不容。而得容矣。大不入是入不入。而得入矣。問。何故就大小。明定不定。復約容入。明定不定。耶答。有所得義。有二種決定。一大小體定。二容入用定。故無大小之體及容入之用。對此二定。還明因緣體用。一者大小體是因緣。故大小始成。二容入之用是因緣容入故。大小之用即立。故須兩明。問。但大小是俗境。容入之用則應是權智用。云何言大小之體及容入之用皆是俗境。答。俗諦之中。具有體用。但要須權智運之。方能容入。故具有境智也。問。今辨俗諦境不思議。云何乃明權智用耶。答。此中具境智兩義。若明大小之體及容入之用。此是俗境。若以權智運令容入。即是權智用也。

次明真境不思議。俗境則一無量不可思議。真境則無量一不思議。故中論云。諸法實相者。心行言語斷。無生亦無滅。寂滅如涅槃。問。二乘亦會實相。云何言實相不可思議耶。答。以此責由來。舊宗亦成難解。既三乘同會真境。皆絕四句。二乘與菩薩所行是同。云何菩薩不思議耶。今明二乘與菩薩不同。略有六義。故有思議不思議。一者二乘但得生空。不得法空。故可思議。菩薩具得二空。故不思議。二者二乘亦不具得生空。所以然者。於我

無我不二。是無我義。二乘見我無我二。云何得無我耶。三者利根二乘。設得法空。蓋是折法明空。菩薩法空。自性空。自相空。即空為有。即有為空。故二乘法空可思議。菩薩法空不思議。四者。釋論云。二乘得但空。故可思議。菩薩得不可得空。故不思議。五者。二乘得小空。如毛孔空。菩薩得空廣。遍如十方空。問。空何有大小耶。答。二乘不能別相。一一知諸法空。但總相知十二入空。故名為小。菩薩能別相知一切法。謂能細大小淺深。然後知其是空。故空廣大。又二乘但得三界內人法空。故約有明空。空義即短。菩薩知三界內外人法皆空。故約有明空。空義即長。故二乘得小分空。猶如兔馬。菩薩具得多空。猶如香象。故空有多小也。六者。明二乘但得生死空。不見大涅槃妙有體絕萬相故空。何況知涅槃妙有即空。故二乘空可思議。菩薩空不可思議。問。若爾。二乘與菩薩不同觀實相。何得法華云同入法性。涅槃云同觀中道耶。答。古舊辨三乘同觀。或云三乘異觀。二說紛綸。今略陳之。三乘有同觀。有異觀。以其同見於空。故言同觀。有得二空。不得二空。如上六義。則不同觀。同與不同。各有其義。不應偏執。問。真境唯一不思議。亦得有多不思議。答。實相無二。但約教有淺深。如上入不二法門三階之說。

次合明真俗不思議。亦前示失明非不思議。後明得方是不思議。若有所得真俗。各住自性。故真不得是俗。俗不得是真。如此真俗。是

斷常二見根本。如法華云。若有若無等。依止此諸見。具足六十二。乃是不思議家影發生。二見之有無耳。何名不思議耶。今明。空有是因緣。有非空則不有。空非有即不空。空宛然而有。有宛然而空。故肇公云。譬如幻化人。非無幻化人。幻化人非真人也。人宛然而非人。非人宛然而人。寶積歎云。能善分別諸法相。於第一義亦不動。此是不動第一義而分別諸法。分別諸法。不動第一義。如此空有因緣無礙。唯是佛菩薩所行故。名不可思議。上來明三境三智不思議竟。

\*次泯境智不思議。上開境智二者。此是不二二義耳。而境智是因緣義。非境無以明智。非智無以辨境。故境名智境。智名境智。境智則非智。智境則非境。非境非智蹤跡。區尋。故釋論云。緣是一邊。觀是一邊。雖是二邊。名為中道。影公云。夫萬化非無宗。而宗之者無相。虛宗非無契。而契之者無心。故聖人以無心之妙慧。契彼無相之虛宗。則內外並冥。緣智俱寂。雖緣智俱寂。而境智宛然。故名不可思議也。

四明不思議多少。問。不思議凡有幾門。答。數甚多。非可具舉。今略陳五種。示其樞要。一聞不聞不思議。二大小不思議。三通別不思議。四本跡不思議。五內外不思議。此五門略攝衆數。義無不收。

第一聞不聞不思議者。大品云。諸聲聞等。聞與不聞。皆欲得聞。當學般若。釋論云。佛說不可思議解脫經。聲聞在座。並皆不聞。即佛初

成道說華嚴經是也。有人謂釋論所引之不可思議解脫經是淨名經。其人不讀華嚴亦不尋釋論故有斯謬耳。此不思議唯菩薩得聞。二乘不聞若淨名經辨不思議則大小俱聞故云聞不思議也。

第二大小不思議者。釋論云小乘法中有五不思議。一衆生業行不思議。二世間不思議。三龍力。四坐禪人力。五佛力。大乘法中明六十劫說法華經時衆謂如食頃。小乘法中無有此事。謂大小不思議。

第三通別不思議者。然大乘經通皆是不思議。如肇公云。始自淨國說平法供養。其文雖殊。不思議一也。故若境若智。若權若實。因之與果。依之與正。皆是諸佛菩薩法門。絕二乘境界。所以然者。理內無依無得。無有彰礙。不出不動。如幻如化。凡夫二乘有所得學大乘人。皆是理外。聞有作有解。聞無起作無心。故不能思量佛菩薩舉足動出之事。況染妙道耶。故通皆是不思議也。別不思議者。雖通唱不思議。恐凡夫二乘有所得人。不肯信受。謂諸佛菩薩有言無事。故別示其不思議迹。如高廣之座入於小室。小室宛然廣博。就事而觀。淵不可測。假令二乘究劫思惟。而不能解。況復能作目見斯事。便信諸佛菩薩有深妙道。非二乘所知。故稍鄙小。漸欣大道。亦令未發心者發菩提心。受持頂戴。已發心者增進深入。故明別不思議。問何以知有通別不思議耶。答題稱不思議經。則一部皆是不思議。謂通不思議也。別有不思議品。示不思議事。謂別不思議也。

議事。謂別不思議也。

第四明本迹不思議。肇公正用本迹。釋不思議。故以四句明本。以四句辨迹。四句明本者。統萬行則以權智爲主。樹德本則以六度爲根。濟贖惑。則以慈悲爲首。語宗極。則以不二爲言。此不思議本也。至如借座。燈王。請飯香土。室苞乾像。手接大千。不思議之迹也。問此就何義。辨本迹耶。答講者多誦此言。並謂以法身爲本。應物爲迹。故云非本無以垂迹。非迹無以顯本。本迹雖殊。不思議一也。今謂非無法身爲本。應物爲迹。但肇公意不然。正以理本爲本。事迹爲迹。若次第論之。不出三法。一理。二智。三教。理能發智。則理爲智本。智能說教。則智爲教本。今以理智對教。故理智皆是其本。則以教爲迹。理智爲本者。不二即是理。權實及六度四等。皆是悟理。故成所以。肇公云。語宗極。則以不二爲言。理智雖皆是本。但理是本中之本。故名宗極。故東此四句。開其二本。一句爲理本。三句爲行本。迹中四句。應有二迹。一以形爲迹。二以言爲迹。以形爲迹。就形明不思議。以言爲迹。就言示不思議。但今四句。皆就形迹。示不思議。不就言迹。辨不思議者。良以形迹示不思議顯。故如借座請飯等。言迹示不思議不顯。口雖說本不思議。不現其事者。則取信莫由。故不就言明不思議迹也。問何故云非本無以垂迹。答要由根本。有不思議理及不思議智。方得爲衆生示不思議。以上化下。故名爲垂也。由此不思議事。得顯不思議理。故言非迹

無以顯本也。問但以法身爲本。應身爲迹。有何失耶。答但得智爲本。不得以理爲本。但得本中之末。不得本中之本。斯意則局。今辨迹者。若形若教。若內身若外報。此土他方。隨有不思議事。皆得因此顯不思議本。非但應身也。問云何名本迹雖殊。不思議一。答有人言。明本迹二身相即。故云一。如云吾今此身即是法身。有人言。本迹雖殊。明不二義。不思議一。明不二義。今謂未解讀他文章。故有異說。原肇公論本迹意者。正欲解不思議。此經既名不思議。約何物法。辨不思議。是故不思議中。有本有迹。故開本迹二門。雖有本有迹。而同是不思議。故明不思議一耳。何勞云云作諸異釋。若言明本迹不思議一。便作前二解者。肇公又云。始自淨國。終訖法供養。其文雖殊。不思議一也。可復有餘釋耶。而一師云。本迹雖殊。故開於二身。不思議一。明本迹是因緣義。非本無以垂迹。非迹無以顯本。故本是迹本。迹爲本迹。本迹則不迹。迹本則不本。不本不迹。名爲正法。故稱爲一。蓋寄此文明二不二義耳。聽者不聽其旨。妄答大師。問既明本迹不同。云何不思議是一耶。答。既是不思議經。一切不思議。故云不思議一。所以然者。此之本迹。皆是佛菩薩無依無礙法門。凡夫二乘所不能測。故云不思議一。又此本迹。同是無功用心。不假思量議度。故云不思議一。前據所化不思議一。後約能化不思議一。問既有本跡不思議。亦有本迹解脫不。答法身爲本。應身爲迹。亦得有二解脫。又內



德爲本。外事爲迹。卽此迹縱任自在。又是諸佛菩薩依果。亦是解脫

第五明內外不思議者。此但就無功用位明之。大士積因已久。道行純熟有所施爲。任運卽成。不假思量。無復議度。故不思議。亦得分此爲二。不思而現一切形。不議而說一切教。故名不思議也。又不思而內知。不議而外應。故名不思議。此但稱不思議。不得加之以可。若云不可思議。則此釋非便也。問。旣不思。云何能示一切形。不議。云何能說一切教。答。譬如摩尼珠。無心思量。而能雨一切物。亦如天鼓。無心議度。而應諸天意。出種種聲。法身菩薩。亦復如是。此是內不思議。外不思議者。菩薩無方。任運施用。而二乘下位。窮劫思之不知。議之不解。故云不可思議。須安可字也。問。內無功用。與外不測度。明不思議。云何廣狹耶。答。內無功用。但約智門。又是高位以上。此則局也。若云物不能測。名不思議者。若境若智。若形若聲。二乘下位皆不能測。義門則廣。所以文中但據外不能測。名不思議也。次釋解脫門。略有五門。一名體門。二因果門。三考得失門。四會教門。五同異門

一名體門

問。題稱不思議解脫法門。文云有解脫名不思議。何故前後不同。答。各有其義。文云解脫名不思議者。以解脫爲體。不思議爲名。必由有體。故方立名。故云有解脫名不思議也。題云不思議解脫者。題旣欲立其名。先云不思議。由不思議名。題不思議體。故先名而後體

也。文中則以本垂迹。題則以迹顯本。欲二義相成。故文題互舉。問。何故以解脫爲體。不思議爲名耶。答。夫論縱任自在無方妙用。必由體無累結。故就解脫辨不思議。又爲對二乘人。二乘人云。解脫但是無累之名。無爲不能無所不爲。故今明諸佛菩薩解脫。雖是無爲。而能無所不爲。故偏就解脫。名不思議。又爲對凡夫。凡夫亦有不思議。如五不思議中龍力不思議。而無解脫。是故云有解脫名不思議。又凡夫住有。不能觀空。二乘入空。不能觀有。空有俱縛。故無解脫。以無解脫。故非不思議。今雙斥二見。明非凡夫行非賢聖行。是菩薩行。雖有而常行空。雖空而常涉有。空有無礙。故名解脫也。以有解脫。故名不思議。又對有功用位。以不能空。有任運無礙。故名爲縛。非不思議。以無功用。心空有無礙。故稱解脫。名不思議也。問。何故復言不思議解脫。答。解脫多門。如二乘之人。亦有解脫。蓋是思議解脫。今明諸佛菩薩解脫。是不思議解脫。爲簡小乘。故作此說也。又大乘中。有無量解脫。今是不思議解脫也

二論因果門

此經云諸佛菩薩有解脫名不思議。故知解脫通因果也。就佛而明因果解脫者。脫五住煩惱。名因解脫。離二生死。名果解脫。就菩薩明者。得無生忍。破諸煩惱。名因解脫。得法身。捨於肉身。名果解脫。此二並從所離立名。以報身爲果。煩惱爲因果。脫因果一累。名因果解脫也。若以佛所得解脫。爲果解脫。菩

薩所得。爲因解脫者。此當體以立名也。問。釋論云。得無生忍。故破煩惱魔。得法身故破陰魔。無生法忍。與法身何異。答。煩惱魔與陰魔。此是因果兩累。無生忍與法身。卽因果二解脫。是知異也。問。云何名法性生身。答。此悟法性。是故受身。謂法性生身。問。佛亦悟法性。而受身與菩薩何異。答。佛窮法性之原。以法性常故。佛身亦常。故云諸佛所師所謂法也。以法常故。諸佛亦常。菩薩未窮法性。法性雖常。而身未常。是故異也。若以所悟法性爲身。名法性身者。則佛與菩薩法身不二。同皆常也。但論云受法性生身。法性生身者。從法性而生。故不指法性爲身也。問。菩薩捨三界分段肉身。則受於變易。分段變易。俱名生死。何故以變易爲法身耶。答。此開十地及二生死。今略述之。初地至佛地。有三十三障。十一爲煩惱。卽生死之緣也。十一爲業。卽生死之因。十一爲報。卽生死之果。問。界外煩惱與業何異。答。有所得分別之心。卽名煩惱。作意取捨。故名爲業。是故異也。此業煩惱。名爲集諦。生死之果。卽是苦諦。地地有其無生智。滅此苦集。卽滅道二諦。故界外具四諦也。今言捨肉身。受法性生身者。此約變易生死身。以爲法性生身。以法性爲緣。煩惱爲因。故云法性生身。就變易生死中。復有二身。無生智由悟法性有。故爲法身。變易生死果。卽是生死報身。此約苦道二諦。分二身也。問。勝鬘云。四住爲緣。有漏爲因。得界內分段身。無明爲緣。無漏業爲因。受變易身。云何言界外並是業煩惱

爲因緣得生死身耶。答。南北異論紛綸不同。今不具述。相續解脫經。及攝大乘等。既辨十二愚。即知十一爲業。十一爲煩惱。此是有漏。不云無漏也。而勝鬘云。無漏業爲因。此據二乘人爲論耳。二乘以三界繫法爲有漏。出三界不繫法爲無漏。是故今明以無漏業。生三界外耳。而實定有漏也。問。若據二乘界內有爲有漏。界外爲無漏。亦應界內爲無明。界外非無明。何故云。以無明爲緣生界外耶。答。此實例也。但今欲隱顯互明。故作此說耳。問。佛斷五住。即因解脫。名有餘。捨二生死。謂果解脫。即無餘。菩薩可得類耶。答。菩薩得無生。破煩惱。名因解脫。即有餘。得法性身。捨肉身。謂果解脫。即無餘。故隨分亦具此二也。三考得失門。

問作此釋者。與舊何異。答。此義出經。彼此同用者。言不可異。意不可同。如上釋也。又舊但知界外無漏業生。有諸異釋。不達融會之旨。故通經爲謬矣。問。若斷煩惱。爲因解脫。捨生死爲果解脫。何得此經云。佛爲增上慢。說斷煩惱。名解脫。若無增上慢。煩惱即解脫。又云。不壞於身。而隨一相。豈得捨生死身名果解脫耶。答。如舊所明者。皆爲淨名所呵。非解脫之義也。問。何故被呵。答。作此釋者。乃是縛義。未名解脫。豈不被呵。所以然者。雖有煩惱。治道斷。斯謂無煩惱。於煩惱中。起有無見。始成縛義。何有解脫耶。又此乃於煩惱中。更起煩惱。就其縛中。重起纏縛。所以然者。本有舊煩惱。名爲舊縛。尋經讀論。近友從師。便

謂煩惱是有。而斷之令無。故於舊煩惱中。新起有無二見。豈非縛中更復縛耶。又謂。凡夫有煩惱。故起有見。謂聖無煩惱。故起無見。故於若聖若凡。今起有無二見。故凡聖皆爲縛。何有解脫耶。問。世諦之中。有於迷悟。真觀惑虛。實虛妄。有何縛解。答。觀子之問。則重起於縛。所以然者。聞世諦之中有縛解。豈不生於有心。聞真諦中無縛解。豈不起於無念。故於真俗。還成煩惱。生心動念。終不離魔。俱撫臆論心。不用虛言往復。又言。煩惱是縛。智慧爲解。諸凡夫爲縛人。真聖爲解人。故捨凡取聖。滅惑生解。以滅惑故。不爲惑所縛。而遂有解。則爲解所縛。捨生死。不爲生死所縛。得涅槃。則爲涅槃所縛。如是常與無常。真之與妄。亦復如是。又我師與皇和上。每登高坐。常作是言。行道之人。欲棄非道。求於正道。則爲道所縛。坐禪之者。息亂求靜。爲禪所縛。學問之徒。謂有智慧。爲慧所縛。復云。習無生觀。欲破洗有所得心。則爲無生所縛。並是就縛之中。欲捨縛耳。而實不知皆是繫縛。故法華云。不覺不知。不驚不怖。正擬斯人。以若欲捨苦。更非求道也。問。若上來所說。皆是縛者。名何爲解脫耶。答。觀問者之心。則離上縛外。別欲求解。便謂縛解爲二。經云。明與無明。愚者謂二。則名爲縛。何猶解脫耶。問。今不言其一二。但請陳解脫之旨。答。考詳問意。終有所求。則終有所縛。何猶解脫耶。此之一訓。足曉玄悟。如其未了。今略示教門。前云有煩惱而斷之令無。故於煩惱上。起有無

新縛。若能了煩惱本不有。今不無。則惑惑自消。新病不起。畢故不造新。名得解脫也。上云。捨煩惱不爲煩惱所縛。欲求智慧。爲慧所縛。今若能愚智雙棄。凡聖兩捨。即是蕭然無寄。名爲解脫。又若由來明欲捨縛。前進求解。今但觀煩惱。煩惱體性則是解脫。云何乃欲捨縛而求解耶。是故經云。三毒即佛道。煩惱名解脫。所以然者。煩惱體性本不生滅。豈非即是解脫也。問。若爾者。此乃是會真諦境。煩惱即空。以悟空爲解脫耳。云何言煩惱即是解脫耶。答。即煩惱體性本空。不言煩惱是有。會真諦境。然後方空。如眼病見空華。只華即是空。不可言先有此華。觀真諦境。方知華空。大品云。諸法無所有。如是有。如是有無所有。此經云。從無住本。故起妄相分別。是故。有身皆空。華義耳。衆生迷故。以空爲華。若得了悟。知華本空。問。迷故以空爲華。若悟知華本空。與未得菩提時。以菩提爲煩惱。得菩提時。以煩惱爲菩提。何異。答。即是此義。經云。寂滅是菩提。衆生未悟寂滅。則寂滅於衆生成煩惱。了悟之日。知煩惱本寂滅。故煩惱是菩提。問。爲是迷菩提。謂菩提是有。故菩提名煩惱耶。答。故自有此一塗。蓋是末中倒耳。然衆生本是寂滅。亦本是菩提。以空倒故。寂滅於衆生成不寂滅。菩提於衆生成不菩提。如前云。諸法無所有。衆生以無所有爲有。此是根本倒也。衆生既以無所有爲有。聖人爲欲息其妄謂之有。故爲說菩提。而衆生不知其旨。便謂菩提爲有。故菩提復成煩惱。故有本末二重倒。

也若是本例則衆生自起。末中論倒則藉教而生。問。末中論倒。此事不疑。衆生既本是無所有。今以無所有爲有。亦應本是菩提。今變成不菩提。若爾者。今得佛竟。亦應變成衆生。如是循環。則無窮也。答。不言衆生本無所有。今方是有。但論即此衆生本是無所有。如華本是空。不言變空成華。亦非變華爲空。於病人空恒是華。於無病人華恒是空。於衆生菩提成煩惱。於了悟之人。煩惱常是菩提。故先云。於緣未始一。於道未始二。即其事也。問。若爾者。蓋是夢虛空華義耳。昔已被彈。今云何用。答。什公云。十喻以悟空。空必待是喻。借言以會意。意盡無會處。既得出長羅。住此無所住。若更執熱空華。還成縛也。

#### 四會教門

問。若不斷煩惱。如不除空華者。經有四句。一。斷煩惱。如大品云。一念相應慧。斷煩惱及習。二。不斷煩惱。如此經云。不斷煩惱。而入涅槃。三。亦斷亦不斷。如涅槃經云。一切衆生。不破壞煩惱。亦不與俱。既有四文。云何偏用。又四句相害。請爲會通。答。爲緣故異。而大意猶同。佛爲增上慢。未斷煩惱。自謂得聖。故說斷煩惱也。爲二乘人言有煩惱可斷。故言不斷耳。欲明中道義。故說亦斷亦不斷。如佛告梵王。今說中道。一切衆生。不能破結。明離其有邊。非不能破。辨離其無邊。欲雙斥凡聖二見。明非斷非俱。非俱故不同凡。非斷故不同聖。故來意異也。所言大意同者。雖有四句。只是一句耳。知煩惱本自不生。今亦無滅。故無所斷。

以能如了悟故。煩惱不復現前。則名爲斷。故不斷即是斷。實無所斷。云何破之。而惑不現前。云何不破。以無所破。是故不斷而無惑。現前云何與俱。是以四句猶一句耳。又此經所與明解脫者。正明釋迦一期出世。大小凡聖有所得人諸縛。悉令得解脫。原如來出世。赴緣施教。本令悟不凡。不聖不大不小。不非法門。而有凡聖大小者。皆是非凡非聖非大非小。故能凡能聖能大能小耳。雖有凡聖。不動無凡聖。大小亦然。但稟教之徒。聞凡作凡解。聞聖作聖解。大小亦然。故並成有所得。悉繫屬於魔。非佛弟子。是知如來命文殊於異方。召維摩於他土。爰集毘耶。共弘斯教。先以三品。破凡夫二乘菩薩三病。令悟不凡不聖不大不小。以解脫此三病。故云解脫。次論能化解脫者。上已辨一義。今更說異門。淨名於染不染。不爲染縛。處淨非淨。不爲淨縛。雙遊染淨。不爲非染淨縛。實無所行。不爲染淨所縛。是故名爲解脫。染淨既爾。萬義類然。

#### 五同異門

問。心慧二解脫。與此經解脫何異。答。今正約二慧明解脫。如上說之。但小乘明心慧二解脫。諸論異釋不同。龍樹云。斷樂愛煩惱。名心解脫。斷樂見煩惱。名慧解脫。又餘論云。斷於定障爲心解脫。斷於慧障爲慧解脫。又云。得盡智爲心解脫。得無生智爲慧解脫。此皆小乘義也。亦得心解脫就體。慧解脫據用。直明於心。是故就體。心有萬用。慧爲其主。故慧解脫約用。所以涅槃中。開慧解脫爲五通。故知

約用也。亦得心解脫就定。慧解脫約慧。慧從定發。故有五通問。有爲解脫。無爲解脫。與此經解脫何異。答。小乘人五分法身。解脫身謂有爲解脫。數滅涅槃是無爲解脫。大乘法中。明二智以爲解脫。不二而二。開因果不同。因中二智。名爲有爲解脫。果門權實。謂無爲解脫。

後釋法門。即不思議可軌名法。法有虛通。故名爲門。又法有無量門。今是不思議門也。又正道未曾思議與不思議。今云不思議者是通道之門耳也。

#### 淨名玄論卷第三

●名題下

#### 淨名玄論卷第四

●宗旨

第二論宗旨 凡有二。一。總定宗旨。二。別釋二智一總定宗旨者。論曰。已知名字。宜識旨歸。旨歸不同。凡有四說。有人言。此經名不思議。即以不思議爲宗旨。標淨名。叙能說之人。題不思議。辨經宗致。故鑒公以四句明不思議本。四句明不思議迹。本跡雖殊。不思議一也。有人言。此經雖明不思議解脫。正以因果爲宗旨。如佛國初會。明淨土因果。方便品至不二法門。明法身因果。香積以竟經。重明淨土行及法身因果。宜以因果爲宗旨。有人言。此經以二行爲宗旨。一淨佛國土行。二成就衆生行。初會明淨土行。次會明成就衆生行。方丈重會雙明二行。問疾

至不二法門。重明成就衆生行。香積重明淨土行。菴蘭後會。且雙明二行菩薩行品。明成就衆生行。見阿闍佛品。明淨佛國土行。故以二行為宗。菩薩得無生忍以後。更無餘事。但欲淨佛國土成就衆生。故一部始終。明此二要行。爲此經宗。今所明者。非無前義。但師資所習。正以二智爲宗。問。以何文義用二智爲宗答。法供養品。天主曰。以我雖從佛及文殊。聞百千經。而未嘗聞是不可思議自在神通決定實相經典。夫實相是入道本。不思議神通爲化物之宗。法中要極。莫過斯二。現自在神通。卽實慧方便。決定實相。卽方便實慧。雖實相而神通。雖神通而實相。動寂不二。而權實宛然。一部之經。盛談斯法。故以二智爲宗。又智度菩薩母。方便以爲父。是淨名父母。卽爲淨名經宗。又此經所興正起於疾。疾是方便方便由實。故以二智爲宗。又此經名維摩詰經。以菩薩爲教主。正以二智名爲菩薩。方便實慧。不同凡夫。實慧方便。簡非小道。又方便實慧。名爲菩薩。實慧方便。名摩訶薩。故以成菩薩法爲菩薩經宗。問。二智由二境生。何故不境智合爲經宗。答。爾炎雖是智母。而三乘共觀。二智獨菩薩法。故般若若不屬二乘佛。但屬菩薩般若之巧。名爲溫和。般若尙不屬二乘。溫和卽聲聞絕分。故以智爲宗。不取境也。問。此經。始自淨土終訖法養。其文雖殊。不思議一。何故不用不思議爲宗。答。一部之教。雖皆是難思。別而言。正以解脫爲不思議。故云諸佛菩薩有解脫。名。不思議。住此

解脫。能現一切形。能說一切教。而物不能測。故通名不思議解脫。則是二智。故以二智爲宗。問。解脫云何卽是二智。答。二智無累。故稱解脫。則此解脫。心行處斷。意不能思。言語又滅。故則口不能議。故知二智則解脫也。問。解脫是二智。既以二智卽解脫。何故不以二智解脫爲體答。正以二智爲解脫體。不以解脫爲二智體。何以知之。經云。慧有方便解。方便有慧解。不言解脫有方便。解脫有於慧。故知二智爲解脫。體不以解脫爲二智體。問。若以二智爲解脫體。何故不稱二智不思議。而名解脫不思議。答。一切法門。凡有二種。一者立名。二者辨體。不思議解脫。卽經之名。而此解脫。以二智爲體。故名體兩舉。義則多含。若以不思議爲名。復以不思議爲體。則名體相。顯義無多兼。問。無爲法身爲果解脫。無漏智爲因解脫。若以解脫爲宗。則因果皆備。今以二智爲體。但得因門。答。無爲法身。無漏智。不思議解脫。名雖有三。而體無二也。無累不盡。稱爲解脫。無境不照。名爲智慧。真極可軌。故目爲法。卽以法爲身。故名法身。非但義含因果。而亦體備三德。

二別釋二智。有十一門。一翻名門。二釋名門。三境智門。四同異門。五長短門。六六智門。七開合門。八斷伏門。九攝智門。十常無常門。十一得失門。一翻名門。

昔在江南。著法華玄論。已略明二智。但此義既爲衆聖觀心法身父母。必須精究。故重論

之。此義若通。則方等衆經。不待言而自顯。具存梵本。應云般若波羅蜜溫和波羅蜜。故此經云。智度菩薩母。方便以爲父。智卽波若。度謂波羅蜜也。但翻波若不同。或云智慧。如般若師云。秦言智慧。或翻爲遠離。出放光經。卽釋道安用。或翻明度。出六度集經。或翻清淨。淨遠離等義。譯經之人。唯取其一。以用翻之。般若能斷衆惑。遠離生死名相之法。故云遠離。明了無暗。故稱爲明。體絕機染。名爲清淨。達照解知。名爲智慧。雖有諸義。多用智慧。智慧單複。又各不同。或單名爲智。如釋論及此經。稱爲智度。或但名爲慧。如釋論云。波若秦言慧。或是具翻智慧。經論多爾。今詳會此意。義各有由。通而言之。卽智爲慧。指慧爲智。廣略不同。體無異也。

因果。優劣義彰。凡聖異者。如涅槃云。般若者。一切衆生。名此爲慧。慧名既通。則凡聖並有。如十大地中定慧之數。毘婆舍那。目之爲見。謂一切聖人明見理也。闍那爲智。通達決了也。

次翻爲智。凡有三義。一者慧名既劣。智則爲勝。今欲稱難波若。故名爲智。二者欲顯其名語便。云智度。若言慧度。言不便也。三者欲明智即是慧。名異體同。故隨舉其一。

次合稱智慧。亦具三義。一明波若具鑒有無。故含智慧。慧則照空。智便鑒有。二顯波若通果及因。因中般若爲慧。果地波若爲智。故三德中有般若德。三者欲明六度義合於十。經中但明六度。不明十者。以般若之名既含智慧。第十智度。蘊在其中。問。既具三名。以何翻爲正。答。慧爲正翻。餘皆義立。所以知然。從多論也。此經云。慧與方便。釋論云。般若道方便道。涅槃云。般若者一切衆生。闍那爲智。則配諸佛菩薩。故智非波若。又第六名慧。第十爲智。皆有彼此二名。故知以慧爲正。又論云。波若不屬佛。亦不屬二乘。但屬菩薩。菩薩則道慧道種慧。佛具一切智一切種智。又云。波若名諸法實相慧。如是等諸文非一。故以慧爲正翻矣。問。若以慧爲正翻。何故經中多云智慧。答。經中多說六度。故多云智慧。小說十度。故小明慧也。又六度中。皆有複翻。如布施等。不單名施。般若亦爾。雖復是慧。欲對上五。亦存複名。故言智慧。

次翻無翻義。有人言。般若名含五義。不可正

翻。宜以慧當其名。如釋論七十一卷云。般若

定實相。甚深極重。智慧輕薄。故不能稱於般若。此格提用之。今謂不然。釋論乃明不可稱義。非不可翻也。問。稱與翻何異。答。稱則天竺已明。翻則成於振旦。反彼爲此。前後不同。義門各異。又論云。般若定實相。故不可稱。不言多含故。不可稱故。此釋爲謬矣。復有人言。般若不可稱者。此明觀照智慧。不能稱實相般若。實相般若。性相常住。觀照智慧。會

境始生。故實相爲深重。觀照智爲輕薄。北人釋也。是亦不然。經以五歎。歎於般若。不歎實相。云何言實相深重耶。又言。般若定實相。則實相爲所定。般若爲能定。若言實相爲深重者。可以實相還定實相耶。復有人言。智慧輕薄。不能稱般若者。此是世間智慧。離生智慧。二乘智慧。不能稱量菩薩大智慧耳。何者。大智慧照實相理。導成衆行。餘淺智慧。豈能稱那。此南方人釋也。今謂不然。唯云智慧不能稱於般若。則不言淺慧。不稱深慧。又淺深俱名爲慧。則俱是輕薄。並不能稱般若也。今依論釋之。論云。般若定實相。故深重。智慧不能稱也。所言定者。定是契會之名。夫萬化非無宗。而宗之者無相虛空。非無契。而契之者無心。故聖人以無心之妙慧。契彼無相之虛宗。則內外並冥。緣智俱寂。智慧是知照之名。豈能稱絕觀般若。問。般若云何能契會實相。答。由實相生般若。故般若能契會實相也。問。依此釋者。猶是淺智。不能稱於深智。答。深則愚智皆絕。淺則猶有知照。故非淺智不

稱深智也。問。定實相既是契會之名。與舊辨

冥會。義何異耶。答。語同而意異。但釋冥會。自有二師。一云。卽會是冥。以符合故冥。冥契不乖故會。無優劣也。此莊嚴龍光之義。二云。會是符合之名。冥是混一之義。則冥勝而會劣也。何者。因中有四義故未冥。一或未盡。二體有生滅。三智未周圓。四體依方所故但稱會。佛果離此四義。故所以談冥。冥與無生爲一。則境智不分。無應照異。而無生不乖俗。冥亦不妨會。佛果舉體冥。舉體會。會故應照滿十方。冥故一切皆絕。今總問之。冥既與境混一者。智爲成境爲不作境耶。若不作境。云何言一。若智作境者。境既無知。智亦無知。智既有知。則境亦應爾。以其一故也。若言與法性同絕。故言冥會。猶與法性異者。卽於會冥之日。猶見境智爲二。何得經云菩薩般若相應。不見應與不應。合與不合耶。又具四義故。方成冥者。般若教。佛智猶有生滅。則不得稱冥。照無等法性義。故無冥實相之義也。問。云何名甚深極重。答。夫論可稱。則不名極重。良由極重。故不可稱。論主欲釋經不可稱義。故云深也。問。但應言重。何故復云甚深。答。爲欲簡擇重義。非如重物重。乃是甚深。故云重耳。問。但言深重。何故復云極耶。答。三乘同觀。並契實相。但二乘猶如兔馬。未盡其原。故不得般若之名。不名甚深極重。今欲簡二乘。明菩薩照盡其原。得名般若。故云甚深極重也。問。智慧何故云輕薄耶。答。般若體絕緣觀。智慧名定於觀。般若體絕愚智。智慧名主知照。

般若體絕名字。智慧則猶涉名言。故對般若之重明智慧之輕。對般若之深。辨智慧之淺。淺猶薄也。問。般若體絕愚智。何故立智慧名耶。答。不知何以目之。強名智慧。雖立智慧之名。實不稱般若之體。問。但應言般若體深重。般若名輕薄。智慧體深重。智慧名輕薄。云何乃言波若深重智慧輕薄。答。今依梵本。則云般若體深重。般若名輕薄。但用此音。則應云智慧體深重。智慧名輕薄。恐此義難顯。故譯經之人。借此方智慧。不能稱梵文般若也。問。不可稱與不可量何異。答。經有五歎。謂大事故起。不可稱事起。不可量事起。無等等事起。不可思議事起。既別有無量事起。則稱非量也。不可量則取無有邊際。不可稱明甚深至重。例如法稱品明舍利不能稱般若經卷。今智慧名義不能稱絕觀般若也。問。論云。智慧小。般若多。故不能稱。云何為多小耶。答。有人言。實相則無法不自在故多。智慧局之於心故小。今謂不然。前就定實相故明不可稱。今約多含義。明不可稱。般若體非愚智。能愚能智。智慧唯主於智。故般若多。智慧小。又般若定實相。實相既遍。般若亦多。智慧不爾。故云小也。問。已知般若翻不翻義。方便復云何。答。常啼云。溫和俱舍羅大師方便力。溫和為方便。俱舍羅名為勝智。般若之巧。名為溫和。其用既勝。名勝智也。淨名以方便為父。取其生成之能。大品以溫和為師。明有訓誨之德。善巧化物。不證二乘。皆大師之力也。二釋名門。復有三門。一釋權實。二解大義。

三正二道

一釋權實。通而言之。二智皆如實而照。並名為實。皆有善巧。悉稱方便。就別言之。則般若名實。溫稱方便者。略有八義。一者般若若照實相境。從所照為名。故稱實。二者般若從實相生。從能生受名。故稱為實。三者如實而照。故當體名實。論云。般若波羅蜜。實法不顛倒。離虛妄。非顛倒慧。故名為實。四者對凡夫顛倒不實之慧。故難波若為實。五者對二乘未實謂實。故明波若為實。六者對方便之用。以波若為體。故名為實。七者對虛故明實。未是好實。非虛非實。乃名妙實。八者虛義為二。非虛實為不二。二與不二。皆名不實。非不二。乃名為實。是故論云。念相觀已除言語法亦滅也。方便者。是善巧之名。此義多門。今略論十對。一者直照空有。名為般若。行空不證。涉有無著。故名方便。此之照巧。更無二體。以巧而照。故名為實。以照而巧。故名方便。問。能照之智。共名實智。所照之境。同稱實境。實智之中。有空智有智。實境之中。有真境俗境。此為例也。問。既有真俗。云何皆名實境。答。是如實智境。故名實境。從智受名。又實是真俗。非妄稱之。當體名實。二者照空為實。涉有為方便。如釋論云。般若將入畢竟空。方便將出畢竟空。是實相名為實。般若照空。故名為實。雖復照空。即能涉有。此用既巧。名為方便。問。若爾雖復照有。即能鑒空。此用亦巧。應是方便。答。此照雖巧。但實智為體。故隱其巧名。與其實稱也。

三者以內靜鑒為實。外變動為權。問。此義與前何異。答。此明若照若巧靜鑒之義。皆名為實。以外變動。故名為權。四者般若為實。五度為方便。所以然者。般若為空解。空解故名實。五度為有行。有行故名權。問。此與上照空為實。涉有為權何異。答。前明照空。照有皆是智慧。故以二解分權實。今約解行以開二門。空解為實。有行為權。與上異也。問。有行何故為權。答。雖復照空。即能起行。此義既巧。故名為權。五者照空為實。知空亦空。即能不證空。故名為權。所以然者。二乘不知空亦復空。以空為妙極。故名但空。所以證空。菩薩知空亦空。名不可得空。故不證空。即能涉有。故名為權。此明重空義。明空義為實。實義即劣。知空亦空。即能涉有。此用既勝。故名為權。就此二慧。更無異體。初觀心未妙。故但能照空。既轉精巧。即知空亦空。既知空亦空。而不壞假名。即能涉有。始終論之。猶是一慧。約巧未巧。故分權實。六者知身苦空無常。故名為實。而不取滅。名為方便。以生死身實是苦空無常。遇患之法。如實照其。故名為實。二乘知此即滅之。故無方便。菩薩雖知。而安身所疾。自行化人。故方便。七者直知身病。非故非新。故為實。而不厭離。稱為方便。此但就有行分權實。八者淨名託迹毘耶。不疾之身為實。現病之跡為權。此據虛實之義。以明權實也。九者以上照空有二。為方便。照非空有不二為實。非空非有。即一實諦。照一實諦。故名為實。雖非空有。而空有宛然。不動不二。善巧能二。故名

方便。十者空有爲二。非空有爲不二。照二與不二。皆名方便。照非二。非不二。淨名杜言。釋迦掩室。乃名爲實。權實多門。略開十對。此之十對。卽一陰次第。並有經論。可隨文用之。

二解大義。問。何故般若名摩訶。漚和不名摩訶。答。通皆得稱大。如上云漚和拘舍羅大。師方便力也。別而言之。般若稱大。略明十義。一者實相曠而無邊。深而無底。彼無有一法出法性外。般若照於實相。故名大慧。漚和雖巧。不照實相。故不名大。問。二乘亦照實相。何不名大。答。二乘未盡其邊。菩薩照究原底。故名爲大。二者三乘實智。皆從般若中生。所以然者。所實相既一。則能照般若無三。但根性不堪。故於一般若。聞爲三乘智慧。三乘智慧。皆攝入般若觀中。故名爲大。問。云何於般若若出生三乘慧。答。由實相故生般若。由般若故有菩薩。由菩薩故有佛。由佛故有三乘。則般若爲本。故出生三乘。所以名爲大。問。三乘同觀實相。乃以實相爲本。云何以般若爲本。答。要由諸佛菩薩體悟般若。然後說三乘教。始得同觀實相。故般若爲本。問。般若爲本。出生三乘。應是三乘通教。答。勝鬘攝受正法出生五乘。猶如大地出四寶藏。涅槃云。卽是聲聞藏出生聲聞。卽因緣藏出生緣覺。卽大乘藏出生菩薩。可是三乘通教耶。又如法華明。長者宅內。非但具七珍。亦有瓮器等物。而名長者宅。不名通宅。般若亦爾。雖具有三乘之慧。而名菩薩法。不名三乘通教。問。若非三乘通教。何故勸三乘同學。答。勸三

乘人同觀實相。不勸三乘人同學摩訶般若。問。摩訶般若。何故非三乘通學。答。論云。般若若不入二乘。但屬菩薩。所以然者。既稱摩訶般若。卽是大慧。簡非二乘。故知般若獨菩薩法。又此般若名波羅蜜。波羅蜜者到佛道彼岸。二乘不到佛道彼岸。非波羅蜜。故摩訶般若波羅蜜。獨菩薩法。不屬二乘。問。經但云欲得聲聞果。當學般若。云何乃言當學實相般若。答。釋論作此判之。尋文自易見也。以理推之。必非勸二乘人學摩訶般若。摩訶般若。既是菩薩觀智。豈令二乘學耶。如涅槃云。下智觀故得聲聞菩提。上智觀故得菩薩菩提。此乃明。二乘同觀中道。豈可勸中下二智學上智耶。問。摩訶般若。乃是獨菩薩法。而般若教中。說三乘人同觀實相。則是三乘通教。答。若爾。般若經中說三乘人同觀中道。應是三乘通教耶。問。若非三乘通教。何故令二乘人說耶。答。長者付財。凡有二意。一欲顯般若。二密教二乘。此乃是息於二乘同成菩薩。云何乃言三乘通教耶。三者由實相生般若。實相既無所依。則般若亦無所著。以般若無所著。能導成衆行。亦無所著。故不住三界中。不息二乘。直趣佛道。以有引導之能。故名爲大。問。五度本非度。般若引導。故名爲度。亦應五度本非眼。般若引導。故得有眼耶。答。通義亦類。別則不齊。如五官雖隨有眼者。趣道入城而得度名。而盲體性。終自無眼。五度雖隨般若趣八正路至佛道域。而五度體性。終非般若。故開福慧二嚴。意顯於斯。問。金剛般若云。菩薩不住相布施。如日光明照見種種色。何所云般若導五不成眼耶。答。本以般若爲眼。五度非眼。但般若導之。令成無所得。不住三界。不墮二乘。直趣佛道。故名有眼耳。非是成般若之眼也。問。若衆行中。以無所得爲眼。亦應以無所得爲慧。云何開福慧二嚴。答。無所得則通。福慧則別。以無得爲慧。亦有此義。但非般若之慧。所以然者。般若若無所得。復有鑒照。五度但有無所得。無有鑒照。故不名慧也。四者五十二種大賢聖位。皆在般若藏中。故名爲大。所以然者。合則唯一般若。但明昧不同。故開成五十二位。五者三大阿僧祇劫。修此大慧。故名爲大。六者能斷大惑。所謂無明。是故經云無明住地。其力最大。二乘雖傾四住。未能斷之。菩薩照究實相。方除此大惑。故名爲大。七者能拔三界內外一切大苦。故名爲大。八者諸大菩薩之所行法。故名爲大。九者於衆行中。最勝無過。故名爲大。十者信之而得大福。毀之而招大罪。故名爲大。此之十義。自有遍約緣。自有具通二慧。可隨義配之。問。般若待小名大。不待小名大。答。具有二義。一者待二乘小慧。故名爲大。問。二乘爲小慧。菩薩爲大慧。二乘小般若。菩薩大般若。何故言般若若不入二乘。二乘心中名道品耶。答。講者不體其旨。嗜滯此言。論云。般若若不屬二乘。此是摩訶般若。菩薩大慧。故不屬二乘。非二乘之人無有空慧也。二者不待小名大者。般若體性是大。故言不待小。不如二乘智慧形凡則大望菩薩則小。問。菩薩形

若云。菩薩不住相布施。如日光明照見種種色。何所云般若導五不成眼耶。答。本以般若爲眼。五度非眼。但般若導之。令成無所得。不住三界。不墮二乘。直趣佛道。故名有眼耳。非是成般若之眼也。問。若衆行中。以無所得爲眼。亦應以無所得爲慧。云何開福慧二嚴。答。無所得則通。福慧則別。以無得爲慧。亦有此義。但非般若之慧。所以然者。般若若無所得。復有鑒照。五度但有無所得。無有鑒照。故不名慧也。四者五十二種大賢聖位。皆在般若藏中。故名爲大。所以然者。合則唯一般若。但明昧不同。故開成五十二位。五者三大阿僧祇劫。修此大慧。故名爲大。六者能斷大惑。所謂無明。是故經云無明住地。其力最大。二乘雖傾四住。未能斷之。菩薩照究實相。方除此大惑。故名爲大。七者能拔三界內外一切大苦。故名爲大。八者諸大菩薩之所行法。故名爲大。九者於衆行中。最勝無過。故名爲大。十者信之而得大福。毀之而招大罪。故名爲大。此之十義。自有遍約緣。自有具通二慧。可隨義配之。問。般若待小名大。不待小名大。答。具有二義。一者待二乘小慧。故名爲大。問。二乘爲小慧。菩薩爲大慧。二乘小般若。菩薩大般若。何故言般若若不入二乘。二乘心中名道品耶。答。講者不體其旨。嗜滯此言。論云。般若若不屬二乘。此是摩訶般若。菩薩大慧。故不屬二乘。非二乘之人無有空慧也。二者不待小名大者。般若體性是大。故言不待小。不如二乘智慧形凡則大望菩薩則小。問。菩薩形



二乘則大。望佛則般若爲小。故在佛心中。變名薩雲若。寧言體性大耶。答。般若是因中之極。功在十地。故名爲大。不望佛也。又般若通因果。果地般若。則最上無過。故體性是大。如什公云。薩。般若即老般若也。又言絕待大者。待小名大。雖復絕小。猶未。不絕大。爲名言可及。故非好大。大小雙絕。方是好大。問。何文證之。答。題云摩訶般若。般若深重。智慧不能稱。亦摩訶深重。大不能稱。即是證也。又照明品云。不作大小。名爲摩訶。復是良證也。問。雙絕大小。可名絕大。今非大非小。歎美爲大。還復待小。何名絕待。答。此大絕小絕大。故名絕待。今問絕大絕小。名之爲大。則待大待小。皆名爲小。乃是大小相待。何有絕待大耶。答。望前則絕。觀後便待。義不相違。問。般若之大與涅槃大。有何異。答。通而爲言。即無有異。是故論云。若如法觀佛般若及涅槃。是三則一相。涅槃之照即是般若。般若之滅即是涅槃。涅槃無果不盡名解脫。無境不照。名般若。真極可軌。稱法身。故具於三德。名爲涅槃。般若即是涅槃故。亦具三德。般若但是智慧。既名爲別。涅槃亦是果。果亦是別。問。般若若是涅槃。三德中一德亦應涅槃。是般若三德中一德耳。答。亦得爲例。以般若之別。成涅槃。亦取涅槃之別成般若。般若之別。即是智慧。涅槃之別。名爲滅度。故果德涅槃。佛地般若。皆具總別也。問。解脫三德成涅槃。何故不言三德成般若。答。隨舉一德。皆攝一切德。何故無耶。但教起各自有由。涅槃所與。正

爲斥小乘灰斷不具三德。歎大涅槃具於三德。般若教興。正明因行。斥二乘無二慧。辨菩薩具權實也。問。涅槃何故據果。般若何故約因。答。涅槃名滅度。滅度者。大患永滅。超度四流。此名必是究竟。故就果門。般若名爲慧。慧猶未決了。宜約因也。三正二道門。問。釋論云。菩薩有二道。一般若道。二方便道。云何爲二道耶。答。有人言。般若道即實相般若。方便道謂方便般若。是事不然。大判二道。以爲三例。一今依梵本。應言般若道。二具開此言。應云慧道。方便道。三彼此合目。如論所明。般若學彼之稱。方便有此之名。今若言實相般若方便般若。皆稱般若。則二道不分。又實相般若若是境。方便般若若是智。豈可以境智爲二道耶。設言實相般若若是智慧。方便般若若是方便慧。以爲二道。是亦不然。論云。般若方便。以爲二道。何得皆稱般若。若爾。二道應俱名方便。又立三般若。皆就般若道中開之。一實相般若。二觀照般若。三文字般若。實相能生般若。故名般若。文字能詮般若。以所詮爲稱。亦名般若。三觀照當體名爲般若。問。何故但立此不多不小。答。凡有三義。實相爲能生之境。觀照爲所生之智。文字爲能詮之文。要具此三。不得增減。又合此三。以爲三雙。實相爲境。觀照爲智。謂境智一雙。境智爲所詮。文字爲能顯。能所一雙。境智即自行。爲衆生說。故有文字。自行化他。一雙二者實相即無爲般若。觀照即有爲般若。所以然者。論

云。諸法實相者。心行言語斷。無生亦無滅。寂滅如涅槃。實相既無生滅。故是無爲般若。實相能生觀智。觀智始生。故名有爲般若。一切般若。唯有此二。證此有爲無爲。名文字般若。文字從所詮爲名。通爲無爲。當體明之。有爲所攝。三者實相常無爲般若。文字是有爲般若。觀照亦通爲無爲。菩薩累劫未盡。則未免生滅。故名有爲。佛則無惑不淨。無復生滅。故是無爲般若。問。何故有煩惱。即有生滅耶。答。以有煩惱。不得了悟。本自無生。故有生滅。若無煩惱。即悟觀心本自無生。即是無爲。不言轉有爲般若。故成無爲也。故此三門。總攝境智爲無爲理。教因果。故立三也。問。亦得實相爲實慧。觀照爲方便以不。答。若以佛性爲實相。本自有之。名爲實慧。觀照修習始生。名爲方便也。此非照有爲方便。照空名爲實。若權若實。始有之義。皆名方便。本有佛性覺照之義。名爲實也。地論人。真修般若。則本自有之。緣修波若。則修習始起。性淨涅槃。方便淨涅槃亦爾。此猶是舊本始之義。問。與今何異。答。本性清淨。名爲本有。約緣始悟本淨。故名始有耳。然正道未曾本始。亦非垢淨。又舊宗明爲無爲決。爲是二。今明未得菩提。則無爲成有爲。若得菩提。則有爲成無爲。豈離有爲別有無爲。如前釋也。又爲無爲例。然諸法本性清淨。故名無爲。未悟本無生滅。故名有爲。然般若未曾爲無爲也。問。般若道既開三。方便道亦有三不。答。亦有三。謂境智文字。但實慧從境立名。故必須辨



境方便從巧受稱。故不須辨境。而文字即通二道也。然方便雖不從境立名。實照世諦之境。則亦具三也。觀照既有為無為。方便亦爾。如來二智即是無為。菩薩二道猶是有為。問。實相所表唯是境。亦得是智。答。有人言。實相般若但是境名。引釋論四十三卷。

問。前辨智慧名般若。今何故說空為般若。答。果中說因。如云。食布。此義應是因中說果。而言果中說因者。是逆。罰不應是順討明義。智慧正是般若。實相能生智慧。智慧是實相之子。而於智生。說實相為般若。故言果中說因。南北同此釋也。有人言。佛有三種。一法身佛。二者報身佛。三者化身佛。實相即法身佛。實相可執。名之為法。此法有體。故名為身。而實相非佛。能生佛故。所以名佛。二者報身。即修行會實相理。實相既常。報佛亦常。以法常故。諸佛亦常。三化佛。即應物之用。此北土論師釋也。有人言。修空無相。於會理圓通。心意誠煩惱清淨。此無為般若即是實相。若有心行境。未免生死。即菩薩六度。得十地差別。名有為般若。此南方尚禪師義也。復有人言。實相即真諦理。會此理。煩惱盡。故離生滅。同真如。等法性。無為而無不為。則實於是境也。此亦南方成論義也。今詳釋論意。可得有五句文。一者因中說果。如名實相為般若。二果中說因。如說般若為實相。三當因說因。實相非般若。四當果說果。般若非實相。五非因非果。非境非智。故論釋實相文云。因是一邊。果是一邊。離此二邊名為中道。緣是一邊。觀是一

邊。離此二邊。名為中道。故知實相未曾因果。亦非境智。而隨緣逐義。有上四句不同。衆師不應汎引集文以通圓旨也。

問。舊云實慧方便慧。方便並皆稱慧。何故二道不得俱名般若。答。外國名般若。此方翻為慧。梵本名漏和。此土云方便。譯經之人。欲定彼此方言。故分於二道。若並云般若。則兩名相濫。故教公述羅什譯經之體云。胡音失者。正之以天竺。秦言譯者。定之以字義。不可翻者。即而書之。故知二道不得。但稱般若。問。若爾。舊何得云實慧方便慧。答。欲明實與方便。俱有鑒照之功。故悉稱慧耳。此是義釋。非立二道之名。立二道之名。但云慧與方便也。問。何故般若名慧。方便不名慧耶。答。通而言之。般若既照。得名為慧。方便亦照。亦得稱慧。方便既巧。般若亦巧。但立此二名。欲相開避。隱顯互說。般若顯其照名。隱其巧稱。方便顯其巧稱。隱其照名。所以然者。般若從實相境立名。又當其體。故顯照隱巧。方便不從照俗境立名。但取功用。故顯巧沒照。又慧名照空。波若既是空慧。所以名慧。方便涉有。不得名慧。問。般若照空名慧。方便涉有應為智。答。如前釋之。方便非不照有。正取功能。故不云智也。問。何以知般若為體。方便為用。答。釋論第百卷云。問曰。上已付。曉竟。今何故復囑累。答。上說般若體。今說方便用。故知般若為體。方便為用。論又云。般若與方便。本體是一。而隨義有異。譬如金為種種物。此則明權實一體。約義分二。金喻般若之體。金上之

巧譬於方便。方便為用。

問。般若何故為體。方便何故為用。答。實相為本。般若照實相。故般若亦為本。所以為體諸法為末。方便照諸法。故方便為用。問。以何知實相為本。答。論初卷云。三悉檀可破。第一義悉檀不可破。壞滅一切言語。過一切戲論。第一義悉檀即是實相。論又云。除實相以外。一切皆名為魔。故知實相為本。又迷實相故有六道。悟實相即有三乘。故實相為迷悟之原。所以稱本也。此是對虛妄名之為實。若無虛妄。則亦無實。如前云。非境非智。非果非因。不同舊宗有天然實相境也。問。若般若為本。則般若勝。方便劣。何故六地名般若。七地稱方便。答。金雖是體。未作巧物。則金為劣也。制金為巧。則巧勝於金。六地雖得般若之體。未得妙用。故言般若則劣。至七地時。得般若妙用。稱為方便。故方便勝也。是以論云。般若清淨。變名方便。此言變者。照空之慧。未能涉有。復空慧未巧。但名般若。照空之慧。即能涉有。故轉名方便。問。既變名方便。應失般若之名。便無二慧。所以然者。般若時未有方便。得方便則無復般若。答。二慧更無兩體。巧之空慧。即名方便般若。空慧之巧。稱般若方便。譬如金巧巧金。巧不失金。金未有巧也。問。空慧有二巧。一照空不著。二即能涉有無滯。二巧之中。以何為方便。答。般若略有四力。一者照實相。二者無所著。三者斷諸惑。四者導方便。為之四用。即是次第。由不見一切相。而見實相。實相既無所依。則般若亦無

所著以無所著則衆累寂然以無累無著故能導方便。今涉有無染著所以然者。照空於空無著是般若之力。故屬實慧。即空慧而能涉有。此屬方便。故兩巧不同也。

問方便涉有。具幾力耶。答。一有照境之巧。二有不證空力。三窮有行之用。問涉有無著。是方便之功。般若力耶。答。涉有即屬方便之功。無著由般若之力。以般若無著於般若觀中。即有巧方便用。故此方便即能無著。問方便云何能不證空。答。般若照諸法實相。方便即能照實相諸法。故不。洗空觀。名爲不證。如釋論云。般若將入畢竟空。無諸戲論。方便將出畢竟空。嚴土化人。此即證上諸力之義。將入畢竟空。即是照實相。無諸戲論。即謂無著斷惑之功也。方便將出畢竟空。即是爲般若所導。又是方便不證。照境起行之力。問般若照諸法實相。云何方便即能照實相諸法。答。名爲諸法實相實相諸法。諸法宛然而實相。實相宛然而諸法。諸法與實相。不二而二。二常不二。二境既爾。二慧得然。般若照諸法實相。而方便則能照實相諸法也。問雖復實相。而宛然諸法。渾和照此。既名。□者。亦雖復諸法。而宛然實相。波若照之。何以不巧。答。通義例爾。如上隱顯釋之。又波若照實相。而能不著。二乘亦有其分。則巧義不彰。故不名方便。即空而能起有。此用既妙。故聲聞絕分。菩薩獨有。故與方便之名。

問。若即空而起有。既是妙。亦即有而照空。亦是妙也。答。既能即有而照空。復能即空而照

有。此即空而照有。此是慧有方便解。方便有慧解。如此二慧。無有優劣。但對二乘照空。不能涉有。故明即空而起有爲妙。稱爲方便。又對六地。但得般若空觀。未能即空涉有。今明即空涉有。是方便也。

問。於有不著。於空不證。俱是善巧。何故不著之巧名般若。般若則劣。在於六地。不證之巧名方便。方便則勝。在七地耶。答。如上釋之。又有是俗諦。離有則易。故般若巧劣。空是真諦。免無則難。故方便則勝。又入實相觀。不著於有。即免凡夫地。即實相觀而照諸法。故不滯空。離二乘地。免凡則易。故般若劣。超聖則難。故方便勝。所以有六七地。簡勝劣義也。問。若爾六地二慧未均。何得上云初地已證。答。初地望地前則證。形七地則未證。所以然者。初地以來。則得無生。動寂無礙。但寂義小強。動用微弱。故云未證。至於七地。動寂無礙。二慧雙遊。故稱證耳。問。何故知然。答。若六地以來未證。入空不見有。出有不見空。二乘亦爾。與菩薩何異。故知初地以來。便能已證。但微有強弱故。說未均耳。問。於空不著。於空不證。有何異耶。答。二乘入空。不存四句。但是不著。而不能不證。菩薩入空。既無可存。又即空能涉有。故名不證。

問。二乘菩薩入空同無所依。何故聲聞住空。菩薩不證耶。答。二乘以空爲好極。依此無依。是故住空。菩薩不以空爲好極。知空亦空。名不可得空。不依此無依。故能不證。如大品云。行亦不受。不行亦不受。亦行不行。非行非不

行。乃至不受亦不受。是名菩薩無受三昧廣大之用。不與聲聞辟支佛共。是故能不證空。又二乘無願行資空。故入空便證。菩薩大願大行資空。故入空不證。

問。論云。因名般若。至佛則反名薩婆若。何得復云六地名般若。至七地般若清淨。變名方便。答。如前釋之。六地之時。般若體強。方便用弱。以體強故。妙於靜觀。故觀空不著。以用弱故。未能即空。涉有於有無滯。至於七地。即體用俱等。既能觀空不染。即能涉有無著。故名等定慧地。等定慧地則般若用巧。故云反耳。從八地以上。二慧俱巧。若至佛地。則兩慧同變。實慧則變名薩。般若。謂一切智。方便慧變。名一切種智也。

問。若至果變名二智。則因中同名二慧。何故前云般若稱慧。方便不名慧耶。答。因果立名。各有其義。果門照一切空境。名一切智。照一切有境。名一切種智。但從境立名。故宜並稱智。因門實慧從境。方便約用。故不得並名慧也。問。若爾。何故菩薩道慧道種慧。皆名慧耶。答。因中之慧。自有多門。立名各異。道慧道種慧。亦是從境立名。故宜並稱慧也。問。若爾。但應言道慧道種慧。至果變名一切智。一切種智。云何言般若方便變名二智。答。論云。因中名般若。既反名薩婆若。因中方便理巧。變名一切種智。二慧變名二智。故不待言。

問。論云。波若變爲薩婆若。何處云方便變名一切種智。答。般若名慧。是照境之名。果地

一切智。亦從照境爲稱。二名相主。故云因名般若。果名一切智。方便就用爲目。一切種智從境立名。兩義不同。故經論不云方便變爲一切種智。然方便雖不從境立名。而體實照有。故得變爲種智。雖復文理。權應爾又因中名權實二慧。果名權實兩智。亦得卽是其文。

淨名玄論卷第四<sup>宗旨</sup>

淨名玄論卷第五<sup>宗旨</sup>

慧日道場沙門胡吉藏撰

三論境智門

智非孤生。必由境發。故境爲智本。境非獨立。因智受名。故之智爲境本。非境無以發智。非智無以照境。非境無以發智。故境爲能發。智爲所發。非智無以照境。故智爲能照。境爲所照。以境爲能發爲智所照。卽境能爲智所照。能發於智。故境所爲智能。智之所發。能照於境。故智所爲境能。不得言境前智後。亦非智前境後。亦非一時。唯得名因緣境智也。問。以何爲境。而能發智。答。如來常依二諦說法。故二諦名教。能生二智。故二諦名境。開中曇影法師注中論。親承什公音旨。什。師云。傳吾業者。寄在這融曇影僧叡乎。影公序二諦云。以真諦故無有。以俗諦故無無。真故無有。雖無而有。俗故無無。雖有而無。雖無而

有。不滯於無。雖有而無。不累於有。不滯於無。故斷無見滅。不累於有。故常著永消。寂此諸邊。故名爲中。詳此意者。真故無有。雖無而有。卽是不動真際而建立諸法。俗故無無。雖有而無。卽是不壞假名而說實相。以不壞假名而說實相。雖曰假名。宛然實相。不動真際。建立諸法。雖曰真際。宛然諸法。以真際宛然諸法。故不滯於無。諸法宛然實相。則不累於有。不累於有。故不常。不滯於無。故非斷。卽中道也。由斯二諦。發生二智。以了諸法實相。故生滬和波若。以悟實相諸法。故生般若滬和。滬和般若而宛然滬和。般若滬和而宛然般若。以滬和宛然般若。故不著於有。般若宛然滬和。故不滯於無。不累於有。故常著永消。不滯於無。故斷無見滅。寂此諸邊。故名中觀。是以二諦中道。還發生二智中觀。觀二智中觀。還照二諦中道。故境稱於智。智稱於境。境名智境。故智名境智也。二境既正。則二智義明。故須幻境以明智也。二乘不得二智。良由不見此二諦。不得正觀。亦由不見二諦卽是中道故也。

境二照。既一境二照。亦應二境一智生。是故但明般若照實相。滬和照諸法。舊義般若不能照諸法。滬和不能知實相。雖復並觀。智用恒別。則是格局聖心。封執二見也。問。前云般若若不著有。方便不證空。何故復云滬和涉有不著。般若照空無滯。答。不著空者。凡有二義。一者般若照實相。實相既無所依。則般若亦無所著。此是般若之力。二者不證空名爲不著。此方便力也。不著有者。亦具二義。一者般若入空故。言不著有。二者方便爲般若所道故。能涉有不著。是般若力。是故經中或言般若若不著空。方便不著有。或言般若若不著有。方便不證空。各舉一門。義無二也。問。若般若照空。滬和照有。則二智俱照。云何言般若無知。答。般若雖知而無所知。雖無所知。而無所不知。問。般若知實相。故言無知。亦則知般若。故言無知。答。既約二境。分於二智。般若但知實相。故言無知。不得云知般若。故無知。若知般若。則是方便。知。問。般若契實相。則內外並賓。緣觀俱寂。方便照俗。何能知此般若。答。般若無知而知。爲方便所知。知而無知。則方便不知。問。般若無知而知。知而無知。方便亦得爾不。答。指實爲權。指權爲實。權實不二。亦得爾也。不二而二。則無知而實。名爲方便。二而不二。則知而無知。名爲般若。問。般若照空。具知無知。方便照有。何故不具知無知耶。答。二而不二。皆具二也。不二而二。般若所知之境是空。能知之慧爲有。故具知無知。而亦便能知所知境。智皆有。故波

①上十(慶雲參年十二月五日記) ②[中]一 ③之云 ④名十(爲) ⑤開二 ⑥師二公 ⑦知二無

若有知有無知，而方便但有知也。問云何般若具知無知。答般若知實相，是故名知。既契實相，則內外並寂，緣觀俱寂，故名無知。雖緣觀俱寂，而境智宛然，故知無所知，無知而知。問此與開善至忌彌存義何異耶。答彼彌存之義終非至忌，至忌之義終非彌存。今以彌存為至忌，至忌為彌存，是故為異。問舊亦如是，與今何異。答彼至忌之義，知終不作境，境終不成智，則是境智二見，何名至忌。若智則是境，境既無智，無智亦無知，若境則是智，智既無所不知，則境亦無所不知，而實不爾。故終是二見。今對此一門，略叙大乘樞要觀行淵府。經云：貪欲則是道，悲癡亦復然。如是三法中，具無量諸佛道。貪欲則是道者，求貪欲，四句內外畢竟無從，貪欲本來自性清淨，則是實相。如此了悟，便名般若。豈有實相之境異般若觀耶。故境智不二。雖四句內外求貪不得，而則見於衆生宛然有貪欲，便是方便。傷衆生無貪謂貪，而欲拔之，故則此方便復名大悲。欲令悟貪無貪，與無貪之樂，則此大悲復名大慈。無故一句觀行，具足境智及慈悲等萬行。初信此法為十信，解此法為十解，乃至證悟此法為十地，究竟了達為佛果。豈非一貪中具無量諸佛道耶。故無不同。舊宗別有異境，會之而生慈悲。起境智至忌，就一貪作既爾，歷一切法例然。

略有四句：一開因果開境智，二合因果合境智，三合因果開境智，四開因果合境智也。開因果開境智者，則般若所明，因有道慧道種慧，果則一切智一切種智，謂開因果也。實相能生般若，則實智之境，世諦能生方便，為權智之境，謂開境智也。次合因果合境智者，如涅槃五性之義，一者因性，二者因因性，三者果性，四者果果性，五者非因非果性。此之五性，更無二體，十二因緣能生之義，則名為境，所發之義，便名觀智，觀明了故，稱菩提。菩提無異，即是果果，然十二因緣，本性清淨，未曾因果，亦非境智，故名非因非果。然此五性，既無二體，但轉境為智，變因為果。如此因果，未曾因果，故五性一體，名合因果合境智也。三合因果開境智者，亦如小品，以般若為因，薩婆若為果，因果更無有二，般若之因，變名薩婆若果。如什公云：薩婆若則老般若，此名合因果也。開境智者，實相雖能生般若，而不轉實相之境為般若，世諦雖生方便，不轉世諦之境，為方便之智，故名開境智也。開因果合境智者，亦如涅槃以轉境為智，故言合境智，而有因與因果，果與果果，故言開因果。問涅槃既轉境為智，言合境智者，亦轉因為果，何故非合因果耶。答：文開因與因果，因果與果，故言開因果，而取境智，並作因因之名。沒境智之稱，故言合境智也。問涅槃般若若何故開合答：涅槃就十二因緣，辨境智義，欲明一切衆生皆有佛性，衆生則是十二因緣，十二因緣能生則境，所生則智，更無二體，故明

合境智也。小品辨實相，能生般若，所生即菩薩觀智，是有為般若。能生實相即無為般若，故不轉無為般若成為有為般若。故開境智，故般若明不二，涅槃辨不二，故二經同明境智境智不同四同異門問曰：凡有五時二智，一照事中之法為權，鑒四諦之理為實，謂三藏教二智也。二照真空為實，鑒俗有為權，大品教二智也。三知病識藥為實，應病授藥為權，淨名教二智也。四照一，無乘為實，鑒三乘為權，法華教二智也。五照常住為實，鑒生死無常為權，涅槃教二智也。如上所明者，乃是釋大品教意，云何乃以解淨名經宗答。五時之說，四宗之論，人師自心乖文，傷義，昔已具詳。今當略說，尋一經之內，具有五文，不待始終，方備諸智，如大品明廣說三乘之教，則菩薩遍學諸道，即識照四諦之理為實，鑒事中之法為權，故大品教中有三藏二智也。般若鑒空，滄和涉有，九十章經盛談此法，則空有二智，釋華定品引法華之意，即三一二智也。法尚品說：諸佛色身有去來，法身無去來，即常無常二智也。知病識藥，衆經皆具，不待言之。故大品一經具五二智，何得言但約空有權實，淨名經中，具諸智者，問疾品云：三空自調為慧，嚴土化人為方便，則空有二智，弟子品明：佛身無為不墮諸數，謂本常住，但為出五濁，方便示疾，即迹無常，照此本跡，則常無常二智也。不二法門明：聲聞心菩薩心不二，則是一乘，明大小為

二、名為三乘。謂三一、二、智也。

問。不二法門云何則一乘耶。答。不二之理。則是一乘本。由體不二之理。故生不二之觀。依不二觀能導引衆行。出於生死。到彼薩雲。故十二門論云。大分深義。所謂定空也。以通達是義。則通達大乘。其六波羅蜜。無所障礙。問。不二之理。通為三乘之本。豈但一乘本耶。答。理既無二。乘豈三哉。但唱此言。則知歸一。又尚明常住。豈未顯一乘。故知淨名經亦具五二智。法華具五者。方便品云。我雖說涅槃。是亦非真滅。諸法從本來。常自寂滅相。昔涅槃非真滅。今涅槃為真滅。則昔無涅槃非真常。今涅槃為真常。天親之論釋壽量品。具明三身。化身有始有終。報身有始無終。法身無始無終。故知具有常無常義。又若一乘之果。猶是無常。則果同灰斷。云何得因異聲聞。故有常無常二智。安樂行品。明知一切法空如實相。則是實慧。知因緣生。謂方便慧。亦具空有二慧。歎聲聞德。猶依小乘。故知亦有三藏二智。涅槃具五。不復待言。

問。若一教之中。具含諸智。卽但是一經。何有諸部。答。諸大乘經。通為顯道。道既無二。教豈異哉。故亦得名為一部。所以諸大乘經。通稱方廣。但顯道多門。故有衆經之異。又雖一經之內。具明五種。但一義有傍正。故諸部不同。三藏教則但明事理權實。未辨餘門。故大品以空有為正。餘義為傍。法華三一為端。餘皆汎辨涅槃。以常無常為旨。餘悉並明。問。衆經何故有此傍正。答。有二種菩薩。一直往菩

薩。二迴小入大之人。般若為直往菩薩。說方便實慧。令不著三界。實慧方便。令不墮二乘。有兩健人。各扶一腋。直至佛道。不須明三乘為方便。一乘為真實。故法華云。有佛子。心淨柔軟。亦利根。我記如是人。來世得作佛。是等聞得佛。大喜充遍身。則般若時事也。而迴小入大之人。大品之時。根猶未熟。故不正明三一之義。而畢定品。引法華經明不退者。蓋是般若後分傍及之耳。三、明無常之執。至大

品時。其根未傾。故不廣說常住。但般若調和既是因行。復須識果。法是故。大品後分。略明法身常住。迹有去來。又常。暗本求般若。故以二慧為正。中路疑佛去來。故傍明本跡。

問。大品明有為般若無為般若。豈不正辨常無常耶。答。無為般若。凡有二種。一者以實相境名無為般若。所生觀智名有為般若。二者以佛果法身名無為般若。菩薩因慧名有為般若。大品中。正明境智。為無為義。傍明因果。為無為義。是以論云。欲得有為般若。當學無為。此明欲得觀智。當觀實相境。若言欲得於因當學果者。於義不便也。又實相能生般若。正是以境生智。若言以果生因。義非便也。若以實相則是法身。以如為佛者。則此境智便是因果。上五句中。已詳此意。法華經。正為迴小入大之人。故明三乘為方便。令其捨小乘。一乘為真實。勸其取大。故正明三一、二慧也。既捨小求大。則發菩提心。修菩薩行。復學空有權實。不著三界。不墮二乘。直至佛道。但大品既已廣明。故法華但略說也。三根聲聞。

常法華之席。不執無常。未明常樂。但既說一乘之因。須辨法身之果。是故。後分略辨常與無常。又說常住。成其一乘。若是無常。應同灰斷。既異苦三。則知常住。皆是傍明。非正宗也。

問。大品明境智為無為。云何傍正答。實相境雖是般若本。而大品始終正明二慧。二慧則所生。是有為般若。故以有為是正也。故不得以境為宗。

問。大品若正明有為般若者。不住法住般若。具足六度。萬行為是有為。為是無為。答。不住法者。謂不住一切有所得法。以不住一切法。故住般若。此則實相般若。以下具足六度六波羅蜜中第六般若。則是有為般若。由不住一切法故。住實相般若。故生觀智。便具足有為般若。由有為般若故。導成萬行。故。明三法。一者實相般若。二者觀智般若。三導成因果諸行。問。何以知此是實相般若。答。二義論之。一者前六家解中。第五名無為。第六非有為。非無為。則是實相。又若言不住法住般若。非實相般若。下六度中。第六復是何般若耶。以第六是觀智。有為般若。故知初是實相無為般若。

問。大品何故以境智為無為。是正。涅槃以因果為無為。是正耶。答。大品說菩薩行。實相生於般若。般若故有。和。是故。以境智無正。涅槃正明果得。故生死因位以來。皆是無常。如來法身。始是常住。涅槃正辨果法。故以因果為無為。是正宗也。涅槃教起。正為無常之

執。故開常住。三。一空有。前教已明。故但略說。問。般若等經。為直往菩薩。法華之教。為迴小入大之人。則攝緣已周。涅槃教興。復何。取為哉。答。設教多意。不可一途。大品十九因緣。涅槃所為非一。依法華意釋此。同者。諸子有二。一者失心。則鈍根之人。二不失心。謂利根人也。雖有直往之與迴小。聞般若法華。並皆領悟。謂不失心子。利根人也。餘失心鈍根。猶未服藥。故入雙林唱滅。為說涅槃。方乃取信。若然者。始達華藏。終跋提河。但有利鈍二種緣也。又般若法華之座。皆已得道。今聞涅槃更復進悟。故云為人中象王。迦葉菩薩說是經也。又有二緣。一。歷教已得悟緣。二。直聞涅槃則便受道。故波若法華。雖為二人。更說涅槃二智也。別論二經。

問。大品二智與淨名二智何異。答。凡有三說。辨五時義。如上所明。大品鑒空有為二慧。淨名知病識藥。應病授藥。無為權實。用四時義。云大品淨名。同為第二教。但大品通說淺深。淨名。偏明八地以上。然同辨照空為實鑒有為權也。此二南土人釋也。有人言。維摩是圓教。非染非淨。染淨雙遊。此北土論師釋也。今謂不然。智度菩薩母。方便以為父。一切衆導師。無不由是生。豈得局在波若。不通淨名。又鑒空照有。故名般若。此多明菩薩自行。知病識藥。應病授藥。蓋明大士化他之法。夫為菩薩。皆具斯二。何得以化他而呈淨名。自行以局大品。故前釋為非也。釋論列法華等十種大經。而般若最大。豈言大品通說淺深。

淨名獨明妙道。若言淨名是八地以上之人。故法深者。如來為究竟果地。於般若應為宗妙。又身子善吉小人說之。便非大法。若云淨名辨不思議。巨細容入。復為深者。般若明指障風力。毛舉大千。豈不明耶。又般若攝和。不思議之本也。借座請飯。不思議之迹也。大品盛明二慧。則辨不思議本。淨名現通。乃顯不思議迹。何得本通淺深。而跡謂為妙。若三乘通學般若。故復般若通淺深。淨名釋於智度菩薩母。則是般若。豈不通。又云。是圓頓教者。是亦不然。般若等亦廣歎菩薩權道方便。何故獨以淨名為圓頓教耶。今明。大品淨名。明二惠有同異。所言同者。智度菩薩母。方便以為父。則知二經。皆照空為實。涉有為權也。所言異者。大品先明實慧。後明方便。九十章經。開為二道。六十六品。明般若道。餘二十四品。辨方便道。所以先明實慧。後辨方便者。實相為本。諸法為末。般若照實相。故波若為本。方便照諸法。故方便為末。此示二本二末。從本至末。從體起用。故先明實慧。後辨方便也。又一切諸見。凡有二種。一者有見。二者無見。般若破其有見。方便破其無見。則顯中道。遠離二邊。故先明實慧。後明方便。則破見次第也。又菩薩退有二事。一貪三界。二取小乘。方便實慧故不著三界。實慧方便故不墮二乘。故入菩薩位。得至佛道。要須先離三界。後離二乘。故先明實慧。後辨方便。此如法華五百由旬。離難惡道。三界為三百。二乘為二百。先離三百。後離二百。故先明實慧。後辨權慧。故

大品中。以二乘合為一百。但明四百。開合為異。與法華大同。如彼廣說。又觀公釋論序云。正覺知邪思之自起。故阿含為之作。鑒滯有之由惑。故般若為之。內照。若然者。波若則明破小乘之有。故先明實慧。雖破著有。復恐證空。故方便破空。此約教之先後。為次第也。次就位明者。前明般若道。謂六地以還法門。次明方便。則七地以上無生忍。此皆大判為言。龍樹云。般若中非無方便。方便中非無般若。但前多明般若。後多明方便。次淨名經辨二慧者。先明方便。後辨於實。所以然者。此教所興。正起於疾。故云其以方便現身有疾。以有疾故。便有方丈二集菴蘭兩會。故前明方便。後辨實也。又成就衆生。淨佛國土。此是菩薩方便之用。故佛國一品。明淨佛國土方便。以去。辨成就衆生。是以此經多明方便也。又大品多明自行二慧。淨名多辨外化權實。何以知然。大品明般若若不著有。滯和不證空。此多是菩薩自行二慧。淨名經。內靜鑒根藥。外則廣現神通。故多明化他二慧。又大品多明實慧方便慧。淨名經多明權實二慧。問權與方便。有何異耶。答。通則無別。皆是善巧之義也。別而為言之。方便則長。權義則短。今總明三意。一者明實相為實。鑒萬法為權。二靜鑒萬法為實。外變動為權。三就動用。以不疾之身為實。託疾方丈為權。初照實相名為實慧。自餘三門。皆屬方便。故方便長也。權義短者。但取靜鑒根藥為實。外示變動以去。皆屬於權。故權智是方便中之別用。所以言

短問。權與方便。既有短長。兩實亦得爾不。答方便之實此實則長。以方便既無所不為。實慧亦無所不為。照無。爾為。而實無所為。是故長也。權智但是有智中外變動用。則實智但是有智中靜鑒之功。故權實俱短也。問外示變動為權則速。動無所動為實。但立此二。成權實義不。答外示變動為權。此是應病授藥。必須內靜鑒根藥為實。方成二慧。空慧不知根藥。知故不成二慧也。

### 五短長門

總攝衆經具有四句。一實智長權智短。二權智長實智短。三者俱長。四者俱短。實智長權智短者。此約動靜分二智。靜鑒空有為實。實則通照空有。所以為長。外變動之用為權。權但是有用。所以為短。問內靜鑒空有實智既長。外變動用雙說空有。如說二諦。又雙現空有。如文殊為世王現虛空之身。是為現空。示丈六千尺。是為示有。若爾動用亦通空有。則二智俱應是長。答外雖說空有及示空有。但從鑒有智起。以內應知病識藥故。外示空有。所以為短。所言權長實短者。此約鑒空為實。照有為權。分於二智。照空為實。實智唯是靜鑒而非變動。故名為短。照有為權。權備動靜。先照根藥為靜。外應病授藥為動。權通動靜。所以長也。此二句。皆取動靜。分其長短。三者二智俱長者。但就空有為判。實智照空。權智鑒有。鑒有之中。明動靜二有。實智照空。明動靜皆空。是則二智無有短長也。第四句二智俱短者。俱就有智中分二智故。二智俱短如

以知病識藥為實。應病授藥為權。此二智皆有門所攝。是故俱短。要淨名不病之身為實。示病之義為權也。問但約有智開權實。明其俱短。亦就空智具於權實有短長耶。答實智明二不二義。又當其體。故不開權實。權智是不二二義。又為其用。是故所開。若欲開之。義亦為類。照生空之淺為權。照法空之深為實。又照二乘之空名之為權。所以然者。實無二乘所見之空。昭此權空。故名為權。照菩薩之空。名之為實。以菩薩所智之空是實空。以照實空故名為實也。

### 六六智門

與皇和上講此經。明六種二智為三雙。謂方便實權實。實方便權方便。方便權實權。故有兩實兩權兩方便。方便實者。對方便以辨於實。以明知諸法實相。故名為實也。權實者。凡有二義。一就菩薩辨之。如照有為權。就此權中。更復明實。如內靜鑒根藥為實。外變動為權。故名權實。又如不病之身。為權中之實。亦名權實也。二約聲聞明權實者。二乘照事之智為權。照苦空之理為實。今以大望小。明一乘之實者。蓋是權名實耳。非究竟實也。次雙云實方便權方便者。實方便。謂照實相諸法之智故。云名實方便。權方便。權方便者。則對上二乘之實。明二乘方便。此是權方便耳。三雙云實權方便權實者。從實起權。故名實權。則照空照有。此皆是實。但取外用。名之為權。又實權者。二乘之權是虛。權菩薩權是實權也。方便權者。此以照空為實。照有為方

便就方便中。更復起權。如內照有知於根藥。及外現淨名長者之身。皆名方便。於此方便中。更起權用。如示病等。此六門成上長短之義。

### 七開合門

二智具有開合四句。一者開於二慧。如前所明。照諸法實相。故名般若。照實相諸法。稱為誦和。如來內照此二。故有二慧。佛從此二生。故有父有母。外為衆生直說此二。如釋論云。初說般若道。次明方便道。初明佛母。次明佛父。經所以般若為十方三世諸佛父母尊經。信之而得大福。毀之而招大罪。問。既以二慧為父母。何者為祖父母耶。答約境智分之。初實相及諸法二境。能發生二慧。則祖父母義是故爾。炎名為智母。若據衆行為論。由大悲故。方有般若。則大悲為波若母。亦由大悲故。有方便。是方便之母。則是父義。但合說之耳。此則是開二慧也。問。若以般若為母。方便為父。何故云般若為母般舟三昧為父。又云般若為母五度為父。答般若。若舟翻為現前。現前者現前見佛。此是有行。故屬方便。名之為父。五度有行。亦屬方便也。次第二句合二慧者。明般若與誦和皆是般若。所以然者。波若為體。誦和為用。體則般若之體。用是般若之用。故皆名般若。故如來雖說大品九十章。開於二道。皆稱摩訶般若經。不以復為方便經。故知二慧皆名般若。又如論云。以金為種種物。而物則是金。更無別體。又如云六度中合方便與實慧皆名般若。問。何以知然。答。餘五

度。但明五種有行。不辨照知空有。今照空義屬般若。知有義亦屬般若。故知二慧皆名波若。則是合權實。皆名實義也。第三合權實皆名權者。照有巧用既名爲方便。照空之巧亦是方便故。二照同巧。則兩皆方便。又如七地中名方便波羅蜜者。釋論云。是時般若清淨。變名方便。以至於六地時般若用猶未妙。故不名方便。至七地則般若用妙。故名方便。如七地文。從方便慧起十妙行。始知三界空。而莊嚴三界等。故知二慧皆名方便。對此義。亦得六地有方便與波若。皆名波若。又如勝鬘經云。一乘大方便。一乘之中。若照空照有。說空說有。皆名方便。以悉是諸佛大善巧故。亦是合二慧爲方便也。四者二智不開不合。則浪上三句。明諸佛正觀未曾有實。亦未曾是權。亦未曾開。亦未曾合。故云是法不可示。言辭相寂滅。佛不能行。佛不能倒。而今有開合實權者。皆是無名相中。爲出處衆生。明開合不同。

八斷伏門

問。二智云何斷煩惱耶。答。此經云。佛爲增上慢人。說斷煩惱。實不斷也。問。大小經論皆明斷惑。云何不不斷。答。若言斷者。今請問之。爲有惑可斷。爲無惑可斷耶。如其實有。則不可斷。又經云。若法先有後無。諸佛菩薩。則有過罪。云何言斷。如其無惑。云何所斷。又有惑則是見。無惑名爲無見。亦有亦無。非有非無。並是煩惱。云何煩惱斷煩惱耶。又縱有煩惱爲所斷。慧爲能斷。爲見惑故斷。不見惑斷

耶。如其見者。則明暗並立。云何斷耶。若不相見。復何所斷。經若言解。或相違而懸斷者。則天竺燃燈破振且暗。一品之解除一切。或又慧獨能斷。借伴共斷。若獨能斷者。菩薩何故修八聖道獨慧不斷。雖復假伴。亦不能斷。如一盲不見衆盲亦然。又爲一念斷。相續斷。經若一念者。或亦一念則相與俱。與俱謝何能斷。經若相續斷者。爲滅故續。爾滅續。經滅則取無所續。不滅無復能續。云何續。經以是權之則無所斷。是故不應言智斷惑。問。若爾則應無斷。何故經云。一念相應慧斷煩惱。經答。如上推之。則畢竟無斷。如此了悟。則是斷也。所以然者。於一切處。求解或從。則知心無所依。心無所依。則衆累清淨。故名爲斷。與爾斷義無相違。

問。以所依名爲斷者。爲般若斷。爲方便斷。答。舊云。般若若是空慧。故斷。方便照有義不斷。今明有得。出有二慧俱不能斷。無所得空有俱能斷也。但不一而二。開二慧不同。方便實慧。則不斷而斷。實慧方便。斷而不斷。問。何故爾經答。有所依著。是諸煩惱根。實法實相是無著之本。由實相無所依。故生般若。般若則無所著。故衆或清淨。故名斷也。

問。若會境生智。然後斷或與舊何異。答。不言或外別有實相。但了煩惱本自不生。今亦無滅。則是實相。故名會實相斷。問。爲但般若斷。薩婆若亦斷。答。此義舊有二師。或言金剛心斷。則是般若也。斷或言佛智所斷。則薩婆若斷。今明。大品云。菩薩無礙道中行。佛在

解脫道中行。無一切暗翳。詳此文意。無礙解脫。俱有斷不斷義。若一念正觀。惑不現前。則無礙正斷。解脫出居累外。故解脫不斷。故云佛在解脫道中行。無一切暗翳也。若言解脫續於無礙。續前無惑之處。遮未來或。令不得續生。則有遮斷。故名斷。無礙正斷。故得言金剛或盡。未有解脫。遮未來或。得言不盡。故盡與不盡。二說不違。

問。般若爲無礙。薩婆若爲解脫者。得言地前爲無礙。初地爲解脫不。答。有人言。亦得如此。小乘則苦忍之前。習行未久。但伏非斷。大乘地前明行積時。是故能斷也。今謂不然。大小乘義。乃優劣懸殊。如來制立。大格相似。小乘則七方便伏。苦忍斷之。大乘三十心伏。初地斷也。初地中。自開無礙正斷解脫遮斷。如上釋。問。爲封無礙爲解脫。爲無礙謝解脫生。經答。毘曇則謝。成論則轉斥此二說。餘處已明。今略陳之。金剛若謝有佛果。云何般若變名薩婆若。轉金剛而成佛者。云何轉無常之法而作常經。今所明者。具有轉謝不轉謝。了悟金剛本不生滅。故金剛是佛。故不轉不謝。是故。經云。一切衆生本來寂滅。不復更滅也。於妄謂之心。息生滅之見。故名爲謝。約了悟之者。前謂生滅。今悟無生滅。是故名轉三文一會義無所違。

問。若地前伏。初地斷者。何故。釋論云。初地時未捨結。七地方斷。答。衆師不同。生公用大頓悟義。唯佛斷或。爾前未斷。故佛名爲覺。爾前未覺。諸師用小頓悟義。七地方斷。引向文

◎冠註曰或與惑通下同 ◎爾二不◎◎冠註曰從字恐寫誤 ◎出二空◎◎也斷一斷也◎



證之。今明皆無所妨。大經云。唯佛名眼見佛性。十地以還皆稱聞見。則唯佛斷惑。爾前不斷也。初地以來。但斷極累。未除細惑。故言不斷。七地除細。故言斷耳。故各有得義。不應偏執也。

問。爲中伏假斷。爲假中斷。答。適緣取悟。無有定也。自有中伏假斷。如求性有無不可得。故名非有非無。目之爲中。此但伏性有無。猶未斷也。次明假有假無。則性有無始斷。所以然者。既識假有假無。則知畢竟無有定性有無。故定性有無。名假名斷也。次言假伏中斷者。對性有無。說假有無。以伏性有無。故言假伏。次明悟假有無。假無不無。非有非無。名爲中道。前性有無始得永斷。故云假伏中斷也。問。亦得假伏假斷中伏中斷。次不答。亦有此義。如識假有無。則性有無永斷。名爲假斷也。自有識假有無。但伏性有無。猶未斷也。自有悟非有無。伏但性於。自有悟非有無。性惑永斷。不須說假也。

問。云何名假名惑實法惑。經。答。成論師云。緣假迷假。稱假名惑。則迷假人法等。緣實迷實。名實法惑。如迷五塵等。今明此是三藏一部之義耳。大乘假實或者。則向所明之假名爲假或。則前之實名爲實或。所以者。諸法未會假實。今既有此假實。寧非或經。問。大乘亦有假名實法義不。答。二諦是假名。不二爲中道。則是實相。故名實法。迷因緣假名二諦。稱爲假或。迷不二實相。目爲實或也。問。云何迷經。答。不二。名爲二諦。二不爲中道。謂二

諦定二。故名迷假。不二定不二。稱爲迷實。又二不二。法名爲假。非二不二。方名爲實。迷此假實名或也。

### 九攝智門

問。權實二智。攝智盡不。答。攝智皆盡。經有一智二智三智五智乃至七十七智。皆二智攝言一智者。則如實智。如實則是佛眼。佛眼無法不見。名權智。而無所見。名爲實智。問。如實智但是照實相智。唯應是實智。云何有權智能。答。此明佛眼如實而知。名如實。故是二智也。

次攝二智者。則一切智一切種智。但此二智凡有六門。一以空有分二。一切智爲空智。一切種智爲有智。此則權實攝也。次總別分二。總相知爲一切智。別相知爲一切種智。但總別有三門。一以苦無常爲總相。陰界入爲別相。二以無生滅爲總相。知諸法差別爲別相。三以苦諦爲總相。分別苦有無量相爲別相。三義中。初義第二義。猶是空有。第三義。屬後廣略也。三者略說爲一切智。廣說爲一切種智。猶是向苦諦總別義耳。四者因爲一切智。果爲一切種智。問。二智俱是果門。云何分因果經。答。例如菩提涅槃爲果及因果。涅槃既是果。則菩提亦得爲因。此義論因果。今亦然矣。五者小乘名一切智。大乘名一切種智。此明小乘總相。智十二入苦空無常。名一切智。大乘別智一切法。名一切種智。六者一切種智爲空智。一切智爲有智。以種種性則實相理爲諸法根本相名爲一切智。知一切

法爲有智也。雖有六門。不離空有。攝入二智中也。

次攝三智門者。三智義門。涅槃云。一者般若。一切衆生之慧。所謂下智也。二毘婆舍那。謂二乘智。則中智也。三闍那。佛菩薩智。謂上智也。又云。般若別相智。別知諸法。毘婆舍那總相智。總知諸法。闍那爲破相。破明者。般若知有。毘婆舍那照空。闍那捨於空有。則中道智也。又如般若三慧品說。二乘爲一切智。菩薩道種智。佛一切種智。二乘名爲一切智者。十二入攝一切法。二乘知十二苦空無常。名一切智。論云。此但有一切智名。而無一切智用。猶如盡燈。但有燈名。而無燈用。問。云何無。答。佛具知一切法別相。然後能知一切總相。二乘但總相知。不能二別相知。如涅槃云。二乘但知於苦。不能分別是有無量相。我於彼經竟不說之。故二乘不能別知。故但有一切智名。而無一切智用也。菩薩名道種慧者。菩薩知四種道。人天乘爲福樂道。及三乘道。知佛道。自度度他。餘三但度他也。佛名一切種智者。此一切種智。異前一切種智。前一切種智。但知有法。今合空有。名一切種智。經云。知一切相故一切種智。又云。知一切法行類相。自。名一切種智也。此三智中。二皆具照空有。皆有權實二智也。次地持論有三智。一清淨智。斷五住惑盡。故云清淨。則第一義空智也。二一切智。則有智也。三無礙智。無功用智。知一切法無復功用。故名無礙。初是實智。後二爲權智。次攝大乘論有三智。一加行

◎偏二偏◎ ◎冠註曰伏但性於恐有寫誤 ◎法二方◎ ◎智二知◎ ◎明二相◎ ◎自二貌◎

智。則進求上地心。二正體智。證如之智。謂實智也。三後得智。則寂而動。謂權智也。此三智則為次第。前有進求之智。次正得實觀。後從實起用。

四智攝入二智者。攝大乘論云。一切智。一切種智。無相智。無功用智。前二空有。次一不從師得。後一無功用。則法華經佛智一切智自然智無師智也。前二別分空有。後二通空有也。次四無礙智。此有多門。今略舉一義。知世諦為知法。知第一義為知義。此則二智。樂說及辭皆世諦智也。次明四知。我生已盡。梵行已立。所作已辦。不受後有。釋此不同。婆娑云。我生已盡者。斷集智。集因能生未來苦果。名之為生。無學斷竟。名我生已盡。梵行已立。是。段道智。梵名為淨。無漏聖道。能除。恬染。離障清淨。名為梵。無學聖人。道行成滿。名為已立。所作已辦。是證滅智。斷惑證滅。名為所作。無學證果功成。名為已辦。不受後有。則斷苦智。後世在報。名。以後有。無學道。於此後有。不復更受。名不受後有。問。經說四諦。先明苦集。後明滅道。今何故前斷集修道。後證滅斷苦。答。四諦示欣厭門。先苦集。後滅道。於順厭門。逆觀次第。故先果後因。四智是順觀門。故先因後果。故先集道。後明滅苦。又要除障。然後善成。故先斷集後明道。後果中先滅現過。然後不受未來苦報。故先滅後苦。勝覺涅槃釋四智又異。今不述之。四智皆入大乘權智。是小乘之實智。

次五智攝入二智者。一法。住智。二泥洹智。

三無。淨智。四願智。五邊際智。依小乘法。法住智者。知苦集相生諸法存立。名法住智。知道及滅。名泥洹智。又云。知苦集道。名法住智。知於滅諦。名泥洹智。令物不起。名為無智。願智。願未來一切事。則便得知。名為願智。邊際智者。報身最後名邊際。聖人縱得自在智。故於報身延促自在。名邊際智。小乘。前二智通利。能羅漢皆有。後三但利根羅漢有之。又前二通一切定皆能起。後三但第四禪起。前二通漏無漏。後三但有漏。前二三界身得起。後三但欲界三天下身起。前二以三界法為所緣境。無。淨智。但以欲界體心為境。大乘五智。一切處。一切方五十二位皆得起。通漏無漏也。小乘五智。皆為大乘權智攝。大乘五智。泥洹則實相正法。屬實智。餘四屬權智也。

十一智攝入二智者。十智照四諦。是差別智。屬權智攝。如實智照一實諦。則是實相。謂無差別智故。屬實智也。又論云。十智在四眼。如實智為佛眼。若爾四眼中具二智。佛眼中亦具二智。問。菩提與薩婆若。十智何智攝。答云。并是十智。則是有智。薩婆若為如實智。謂空智也。三十四智者。約十二因緣作之。如老死苦老死集老死滅老死滅道。具四諦觀。七十七智者。生緣老死不離生緣老死。初是正觀智。次審法智。又正觀智簡無因。審法智簡邪因。三世各二為六。此六是法住智。次一智是泥洹智。法住為明生死因果故。多泥洹滅之故。三世合一。此皆小乘之義。皆屬大乘權

智攝之。若大乘泥洹智。則是實知如上也。如此皆是無分別中。善巧分別。雖分別不動無分別。不同數論有所得報。此是名教不得不問。四十四及七十七。同從老死起。有何異耶。答。四十四觀果由因。其觀易成。故為鈍根人觀果由因者。初觀老死是果。次明老死集者觀果由因也。七十七智。則觀因生果。如云生緣老死。生是因。為老死之緣。不離生緣老死亦爾。觀因生果者。事既難知。為利根人。四十四。成論文云。在方便中。七十七。文不判位。衆師云。在四現忍中也。問。何故不從無明起耶。答。尋未至本。此觀易成。又四十四。但得從果起。以具四諦故。若從無明起。無因緣。復因云何得具四諦耶。七十七。應得從無明起。但從老死起。觀易成故。不從無明起也。問。菩薩觀十二。何阿智耶。答。菩薩無方妙用。不可定判。釋論云。菩薩為示衆生故。從果觀十二因緣。

淨名玄論卷第五

### 淨名玄論卷第六

下

十常無常門

略明四句。一境智俱常。唯大乘有之。小乘無也。以小乘凡聖之智皆無常故。但大乘境智俱常。可有三義。一常智照實相境。如果法觀照般若照實相般若。二常智照虛空常境。如大經云。一切常中虛空第一。今常智照此常

境也。若以實相即是虛空。如釋論中說虛空論非有非無。言語道斷。心行處滅。即是實相。今且據事辨。以虛空爲常。此二句分境智二義也。三者常智還自照智。即反照智義也。次常照無常。凡有二義。一照衆生無常。二照應迹無常也。次無常照常。凡有三句。一照虛空之常。二照實相境常。三照法身佛性常義。但是照境。非照智常。以因中未有常智故也。次無常照常。有二句。一照無常境。二者無常智自照無常智。問。無常智還照智。與常智知常智何異。答。常智知常。唯有一義。無常智知無常。有二義。一者後念智知前念智。二者一念智即自然知。能得並觀者。具有一義。未能並者。但有前後相知也。常知於常。但有一念自知。無前後知也。問。北地論師云。初地以上即有常住法身。亦即有常智。是事云何。答。須詳此說。意爲以證真如之智爲法身耶。爲取所證真如佛性爲法身耶。若以能證之智爲法身常者。是事不然。釋論云。在菩薩心。名爲般若。在佛心變名薩婆。般若。是常者。則無明昧不應有改變也。又涅槃經云。此常法稱要。是如來。長壽品。凡簡三法常義。一者外道。二者小乘。三者菩薩。並無常住。故知常義唯在佛果。因中未有現顯之常。若以所證真如佛性爲常者。則一切衆生皆有此事。何止初地以上耶。若言初地以上即見佛性。故以佛性常爲法身者。此猶是江南舊宗。非北異說此。問。有講攝大乘論師云。初地見真如。與佛地不異。是事云何。答。若示論何得云。

在菩薩心名般若。在佛心變名薩婆。既其改變。則知有明昧不同。又論云。般若清淨。變名才便。則知六地般若未淨。又本以見真故斷。或初地見真。與佛不異。則一切或斷。若不以見真斷。即便應是有智斷。或故此說不然。如此皆是無分別中善巧分別。不示者淺識者。學失於眉眼。名無巧方便。今既欲釋二智。即廣解方便。方便者無差別。差別智故。前須善巧分別諸門。然後無方無礙之用。後當廣解得失。未可驚同舊宗。今寄此門。可有四句。一者語同意異。語同者。如上來所釋。乃至常無常也。問。何故語同耶。答。語出經論。經論共用。何得不同。而意異者。中論云。言語雖同。其心則異。今明此是無分別中善巧分別。不二二義。故開常無常境智二義耳。既云不二。即知雖二不二。如大經云。我無我無有二相。常無常亦示。經云。愚者謂二。智者了達。知其無二。復有愚者。但謂不二。智人了知不二而二。何者。愚人不識常無常。不知境智。故是無明。無明故名爲愚。智人了知常無常。名爲智者。是故名爲語同意異也。二者語異意異。有所得人。不善分別。無所得人。善能分別。故名語異。一是無所得心善分別。二者有所得心不善分別。故名意異也。三者語同意同者。語與諸佛菩薩方等經論則同。意與諸佛菩薩無依正觀亦同。故名語同意同。又語與有所得人同。有所得人。復有小分得處。今意亦與彼同。故云語同意同。四者語異意同。語異經論而意扶合者。亦得用之。又語異

舊宗而意同會佛旨。亦得用之。宜以斯四句總貫諸門。不應一向。徧有去取。問。何故明此四句。答。有二種人。一始學大乘。謂必須一向與舊宗爲異。則成謗法。所以然者。語出經論。宜共用之。但得與無得。其心各別。不應以意異故。今語亦異。二者學小乘人。云小與大異。強謂義同。是亦謗法。所以然者。小乘語意與大乘語意。其實不同。而強謂同。如學成實論者。無相滅諦與方等理均。亦名謗法也。爲此大小學人。宜開同異四句。十一得失門。權實是至人之觀心。真俗爲衆聖之妙境。上已略明二慧。今須論真俗。真俗之本若成。權實之末自正。故開十二門。詳其得失。一性假門。二有無門。三有本無本門。四顯不顯門。五理教門。六說不說門。七淺深門。八理內外門。九無定性門。十相待門。十一泯得失門。十二體用門。第一性假門。問。學佛二諦。云何得失。請爲陳之。答。定性二諦爲失。因緣假名二諦爲得。所言定性二諦者。若有有可有。則有無可無。有有可有。不由無故。有有無可無。不由有故。無。不由無故。有有非無。有非無有。不由有故。無非有無。有非無有。有是自性有。無非有無。無是自性無。有是自性有。有是有性。無是自性無。無成無見。有無二見若成。則六十二見便立。以有無爲諸見本。如法華若及若無等。依此諸見。具足六十二。既有其見。則便起愛以

●校二義● ●才二方● ●冠註曰或與惑通下同 ●冠註曰不示下疑有寫誤 ●示二爾● ●偏二偏● ●及二有● ●心二止●

自見生愛。他見起瞋。見是癡使。復有愛患。則煩惱具足。既有煩惱。則便有業。業或若成。不得離生老病死憂悲苦惱。名為失也。次對失明得者。今無有可有。則無無可無。無有由無故有。無無可無。由有故無。由無故有。有是無有。由有故無。無是有無。無則不自無。無有則不自有。不自有故非有。不自無故非無。非有非無。假名有無。

問。何故云非有非無。假說有無。答。此欲明有無義耳。既是因緣有無。因緣有無。則有無宛然而非有非無。非有無宛然而有無。故言有不自有。故非有。無不自無。故非無。非有非無。假有假無。可熟思此言。譬如幻人非人。幻人非人。故人鏡像非像。非像故像像如是。有無非是定性。故不起見愛。不招苦果。故名爲得也。問。此言何所出耶。答。此。開中舊義。如肇公不真空論明。有非真有。故雖有而空。空非真空。雖空而有。猶如幻化人。非無幻化人。幻化人非真人。作論竟。以示羅什。羅什歎曰。秦人解空第一者。僧肇其人也。光泰法師撰搜玄論。十四宗二諦。用肇公爲本。故是舊宗。不名新義。宜可信之。

次考性義。問。誰義明有可有。有無可無。故成自性耶。答。今通明一切內外大小有所得義。必有有可有得。有無可無得。無名有所得。故墮自性也。

問。今且舉成論明三假義不墮失門。何者。彼明三假有爲世諦。三假空爲真諦。即三假而常四忘。即四忘而常三假。即三假而常四忘。

故。有不自有。即四忘而常三假故。空不自空。故非性義。答。三假爲世諦。四忘爲真諦者。世諦之有。爲待真空。爲不待耶。即此一責。便顯二負門。若言世諦待真諦者。則世諦爲能待。真諦爲所待。二諦便是相待假。何得定三假是世諦。四忘爲真諦耶。若言世諦之有不待真諦者。既不相待。便成自性。故不可答也。問。世諦之有。不待待真諦之體。以真諦絕故。不可相待。答。今世諦之有待世諦真。若之名故。有待於無。無上過也。

問。真諦之名。爲是世諦攝。爲真諦攝。爲真諦攝邪。若是世諦攝者。則世諦如長還待長。短還因短。若真諦之名。爲真諦攝。無名者。真諦無名。何得攝名。真遂攝名者。則真非絕名。若言真理無名。爲真立名。遂屬真者。既生屬真。真則有名。若真不可名。亦不可屬矣。故二諦空有。無相待義。便是性矣。又真絕不可待。俗是待不可絕。豈非性耶。次別問世諦世諦中長短相待者。待者爲長短成。而待爲相待。竟長短始成。二俱不可。若成竟而待者。凡有二過。一者失待過。既生已成。何須復待。凡論待者。本爲令成。今既已成。不應更待。二者若成竟而復待。則成一未待時。已本成。二相待竟。復成唯一長。拒。即何有二成。若有二成。須有二長。拒。

問。先有體成。後待竟復得長短名成。以先有體成。未有名成。故須相待。免不待之過。以相待但有名始成。而體不更成。無重成之咎。答。若相待但有名成。而體不成者。則相待一假。

唯名待耳。體明非相待假耶。然名與體還復相待。即一切皆待一切皆成也。問。先長短成而後待有此過。先待而後成。有何咎耶。答。本將長成待短耳。先未待短。既生無長。將何待短耶。若將長待短者。還墮先成後待。亦非先後成。今有長短即有待。有待即有長短。一時故無上二過。問。若爾者。長物不待短時。爲有此物以不。若有此物。則是不待而有。同先成之失。若不待時。無有此物。同先待之過。若言雖有此物。未待短時。不可名其長短。若爾則還同未待時有物體。體待得名。雖欲一時。不免三失。由門問。汝先云無有可有。由無故有。無無可無。由有故無。他可有可有。有無可無。此是先成而後待。今無有可有。由無故有。豈非先待而後成耶。答。今對上有可有。故明無有。可耳。非是未待之時。未成待竟方成。亦非先有成。竟然後待也。故是因緣相待。不可以有無二門。責其定性。問。雖有此言。未具共相。請爲述之。答。且據長短。短不自短。持長故短。非是先成後待。故短既不自短。短亦非他短。故非先待而後成。若有短體復因長。即是自他共短。此短便有兩過。若有短體。則墮先成後待過。若由他短。則墮先待後成過。是故非自他共短。短不自短。復不由他。則非無因有短。今明短名長短。豈可無因。問。既不得四句。亦不得相待。答。大經破自他共無因四句。竟。答迦葉云。唯得名爲從因得成。今亦爾。唯得名因緣待如幻化物。寧可定責其所由耶。

問。二問。一。二。三。四。五。六。七。八。九。十。十一。十二。十三。十四。十五。十六。十七。十八。十九。二十。二十一。二十二。二十三。二十四。二十五。二十六。二十七。二十八。二十九。三十。三十一。三十二。三十三。三十四。三十五。三十六。三十七。三十八。三十九。四十。四十一。四十二。四十三。四十四。四十五。四十六。四十七。四十八。四十九。五十。五十一。五十二。五十三。五十四。五十五。五十六。五十七。五十八。五十九。六十。六十一。六十二。六十三。六十四。六十五。六十六。六十七。六十八。六十九。七十。七十一。七十二。七十三。七十四。七十五。七十六。七十七。七十八。七十九。八十。八十一。八十二。八十三。八十四。八十五。八十六。八十七。八十八。八十九。九十。九十一。九十二。九十三。九十四。九十五。九十六。九十七。九十八。九十九。一百。

問二問。一。二。三。四。五。六。七。八。九。十。十一。十二。十三。十四。十五。十六。十七。十八。十九。二十。二十一。二十二。二十三。二十四。二十五。二十六。二十七。二十八。二十九。三十。三十一。三十二。三十三。三十四。三十五。三十六。三十七。三十八。三十九。四十。四十一。四十二。四十三。四十四。四十五。四十六。四十七。四十八。四十九。五十。五十一。五十二。五十三。五十四。五十五。五十六。五十七。五十八。五十九。六十。六十一。六十二。六十三。六十四。六十五。六十六。六十七。六十八。六十九。七十。七十一。七十二。七十三。七十四。七十五。七十六。七十七。七十八。七十九。八十。八十一。八十二。八十三。八十四。八十五。八十六。八十七。八十八。八十九。九十。九十一。九十二。九十三。九十四。九十五。九十六。九十七。九十八。九十九。一百。

二有無門明得失

所言有無者。無前性義故。求性有不可得。性無亦不可得。若有有無。可有亦有亦無。非無非非無耳。竟無前二。何有後三。故五句皆不可得也。則五眼不見。昔聽講之日。聞與皇和上述攝頌大師之言。五眼不見理外衆生及一切法。猶未則信解。久方悟之。如此有所得人法。本無所有。五眼何所見耶。大品經每舉我人爲喻。又十六知見畢。竟無所有。故五眼不見。今有所得性有人法。五眼不見。亦復如是。問。考察此五句不可得。爲是真諦之無以不答。此無是二諦二部外無二諦不攝故。一師有二種無。一者有所無故稱無。二者無所有故稱無。有所無故稱無。即是有所得。五句皆畢竟空。是諸佛菩薩所離。故云無也。無所有義。明無。此是二諦中實諦無。所以然者。二諦宛然有而無故。名無所有。故稱爲無也。二者對無明有。既無如此有所義。即有諸佛菩薩假名因緣無所得二諦。非有故有。不無故無。如此有無。是佛菩薩有無智所行處。故名爲境。問。何故明此有無。答。前有無不成。今有無如立。對彼不成。故辨成義。所以明此有無。又是接斷見故來。或者本執定性有無。忽聞五句皆不可得。便生斷見。謂無二諦因果等法。爲此人故。云乃是無汝所見有無耳。非無因緣有無。如中論作者品云。是業從衆緣生。無有決定。如汝所說有。如汝所說無。因緣有無也。又對數論等論。謂彼義有因果二諦。聞三論破一切法。便是起斷見。無有因果

二諦等法。今明舊義無有因果及二諦耳。今始得有因果及二諦。所以然者。有所得作緣無因果二諦不成。故成無因果義。今立因果始成。故有因果義也。又先破定性有無。故破其有見。今明因緣有無。故破無見。欲示中道。明有無門

三有本無門明得失

以無本故失。有本故得。所言無本故失者。有所得有無。無有根本。云何爲本。謂不二正道。是有無有之本。華嚴云。正法性遠離一切言語道。一切趣非趣。悉皆寂滅相。故非有非無。非亦有亦無。非非有非非無。故云遠離一切趣。即此一切諸法之本。諸佛菩薩得正法根本。故名聖人。以失正法根本故。流浪六道。正法既非有無。而諸佛菩薩欲出處衆生。於無名相中。假名相說。故說有說無。如此有無。則有根本。有根本故。在未得成。故有無義立。有所得有無。定住有無。言二諦有二理。既非非有非無。非非有無。故無根本。根本既無。則末亦不立。故有無不成。所以爲失也

老宗。問。何故明此義。答。爲成上得失義。諸

佛菩薩。所以有得有有無者。以有無有根本故也。性有無既不成。以無根本故也。問。第二有無門中云。五句求有所得諸法不可得。然後辨今因緣有無。與今明由非有非無故起。有無何異。答。此是山門舊義。末學者不識之。好相渾也。前明五句不可得。此是有無無義耳。今明五句不可得者。此是無所有義。故不相關也。問。同明五句不可得。云何一是有所

無。一是有所有無。一是無所有。答。可細心觀之。前明五句不可得。無有理外法。今明五句不可得者。此目於正道。故先。最有所無。今是無所有無。是故異也。問。此二有次第不。答。要先破洗理外諸法。明五句不可得。然後始得辨因緣二諦。由二諦始得表不二正道。約悟入者。有如此次第也。若就佛菩薩明。正道本非有無。爲衆生故說有無。始得有二諦。而此二諦。絕性有無五句。故次明無性有無。此據出用次第故。須識山門辨得失之精要。亦是經論之心骨也

四者顯道不顯道門明得失

有所得有無。定住有無。故有不須表於非有。無定住無。故無不得表於非無。如此有無。既不顯非有非無不二正道。故名爲失。因緣假名有無。則有不住有。有表不有。無不住無。故無表不無。如此有無。能表不二正道。故名爲得

考宗。問。何故明表道耶。答。諸佛菩薩。既體

道本非有無。欲令物悟。是故知非有無。假說有無。假說有無。還表非有無。前是從道起用。今是以用開道。前是能化方便。今是令物悟入。有所得有無。則無從道起用。以用開道。亦無能化方。及別口物還原故。是失得之大宗也

五者理教門分得失

有所得有無是理。無所得有無是教。舊云二諦是二理。四絕爲真諦理。三假爲俗諦理。二理則有佛無佛性相當然。迷之而成六道。悟

之而有三乘。今明既是二理則不可改轉。則有無根深。事如盡石。因此決定有無。故起二見。所以然者。既其道理。實有有無。而有無二見。寧得不生耶。又設有二理生。一異則不成。若二理是一。則俗假異亦假。真絕俗亦絕。若有假有不假。有絕有不絕。則非二理爲一也。若二理不一。則色不是空。空亦不是色。相即之言則壞。既立二理名。須受一異之間。又僧法謂。大有是常。萬法無常。常與無常一體。衛世師謂。大有是常。萬法無定。是故常無常二體。論主直破常無常。一體而異體。而有與萬法自壞。命詳此義。與二諦常無常。豈一體二體。今同爲失也。如開善云。真諦是常。萬法無常。常無常一體。龍光云。真諦常。萬法無常。常無常二體。今同二外道義。對失明得。二諦是教。所言教者。以理本不二。而爲物說二。故名爲教。

考宗問。何故以二諦爲教。答。以有無爲教。略有五義。一對理明二諦。是教。以至理無二故。非有非無。今說有說無。故有無爲教。二者聖緣。聖人體道未曾有無。今說有無。此爲教。故有無爲教。三爲。技見。舊義執有無。是理。由來既久。則二見其根深。難可傾拔。攝領大師。對緣斥病。欲拔二見之根。令捨有無兩執。故說有無能通不二理。非是究竟。不應住有無中。故有無爲教。四者以有無是諸見根本。一切經論。盛可二見。斥於有無。如凡夫著有。二乘著無。又愛多者著有。見多者著無。又四見多者。邪見多者執無。又佛法

中五百論師執有。闕畢竟空。如。刀傷心。方廣執無。不信因果。又九十六種外道所執。不出有無。諸佛出世。復云有無。是二理者。便增諸見心。何由可執。故今明有無是教門能。能通不二之理。不應住有無中。以欲息諸見。故經論明有無。是教門也。五者稟教之徒。聞有無是教之能。能通正道。慮心不染有無教癡發意。即起乎凡聖。故有無爲教生意得矣。問。以何文證二諦是教。答。文處甚多。且各舉一經。一論。論云。諸佛依二諦說法。故二諦爲教。大品云。菩薩住二諦中。爲衆生說法。爲著有者說空。爲著空者說有。故知二諦是教。論舉佛說經明菩薩說。故經論佛菩薩皆明二諦是教也。問。若以五義一文證二諦爲教者。今亦以五難二文。明二諦非教。一者若聞說二諦是教者。佛說教門。則有二諦。不說則應無二諦。若爾本以二諦生於二智。佛不說二諦。則無二諦。既無二諦。佛何所照有耶。二者若二諦是教。六度等行。皆是世諦。佛不說世諦。則無世諦。便無六度等行。若爾但有證教法。實。便無善業法寶。三者二諦爲境。發生二智。二諦名境界法寶。二諦是教。但有證教法寶。亦無境界法寶。若言教生智故轉名境者。佛不說教。則無教可轉。便無有境也。四者若二諦是教。色等萬法皆是世諦。世諦既是教者。色等萬法。亦應是教。若爾佛不說世諦。即無色等萬法。五者世諦是教者。世諦唯有教火。應無實火用。若火唯是教。口中說火。則應燒口。次引二文。證二諦非教。若言真諦

是教者。經云。有佛無佛性相常住。而教則有佛方有。無佛則無。何得常住。經云。十二因緣有佛。無常自有之。故知世諦非教。答。諦有二種。一於諦。二教諦。於諦者。色未曾有無。而於凡是有。名俗諦。於聖是空。名真諦。以於凡是有名俗諦故。萬法不失。於聖是空名真諦故。有佛無佛性相常住。教諦者。諸佛菩薩之色。未曾有無。爲化衆生故。說有無爲二諦。欲令因此有無悟不有無。是教。而舊義明二諦是理者。此是二於諦耳。於諦望教諦。非但失不二理。亦失能表之教耳。

問。於凡是有既失者。於聖是無亦是失。不答。一對凡失。明聖爲得。若望教諦。皆是失也。以色未曾有無。而作有無作解。豈非失也。問。經云。一切世諦。若於如來。即是第一義諦。亦是失。答。一往對凡之有爲失。歎聖之空爲得。若望教諦者。於諦非但不得表不二理。亦不得能表之教。但是謂情所見耳。然如來了色實未曾空有也。若識兩種二諦。則五難自立。問。難有此通。猶未可見。今說色有無是教諦者。不說色有無教諦。答。以說爲教者。佛不說則無教諦也。問。若爾者。唯恒有二於諦。則無因緣有無。答。一切法常是二於有無。亦恒是因緣有無。若於二緣即是二於諦有無。諸佛菩薩了此色即是因緣有無。然於與教。未曾二。於二緣則教成。於了悟即於成教。問。若於二緣即是二於有無。望佛菩薩即是因緣有無。此因緣有無。此因緣即是因緣境。云何言是教。答。因緣有無。未曾有無。故雖是有無。

①定二常②定是二定③命二今④技二故⑤可二呵⑥冠註曰者下疑脫執字⑦刀二力⑧一十(於)⑨實二寶  
⑩冠註曰無下疑脫佛字⑪(作)一

而不有不無。如此有無能開不二。即是教義。問。佛若不說恒有因緣有無。因緣有無豈是教耶。答。非但取說義爲教。經中明六塵皆是教。問。若爾境教何異。答。此因緣有無。可兩望論之。發智卽境。能開不有不無不二理。卽是教也。此據佛不說自有境教也。就說義明境教者。佛照有無。有無名境。佛說有無。有無是教。問。他亦云照有無。有無是境。說有無有無亦是教。與今何異。答。他但得二於定性有無。此有無不得開不有不無。故非教也。又因緣有無是境耳。定性有無非境也。何者。有不自有。由無故有。無不自無。由有故無。由有故無。無是有無。由無故有。有是有無。了此因緣有無。能生二慧。識有是有無。生實方便慧。了無是有無。生方便實慧。既是定性有無。則生斷常二見。故不得名境也。

○六說。不說門明得失

他但明世諦說。眞諦不說。世諦是三假。三假故可說。眞諦是四忘。四忘不可說。衆師同此一解。更無異判。今問。世諦唯可說。不可令不可說。眞諦不可說。不可令說。豈非定性義耶。彼云。世諦雖可說。卽是真不可說。眞不可說卽俗可說。故非是定性。問。俗卽是真故不可說。此爲是俗不可說。爲是真不可說。答。還是眞不可說耳。問。若爾。俗終二無不可說義。豈非定性耶。對失明得者。令總觀眞俗。具有四句。一世諦說眞不說。二眞說世不說。三但說四但不說。此四句有多門。今具叙之。一者世諦說生滅。眞諦不說生滅。故云世諦說眞諦

不說也。二者眞諦說不生滅。世諦不說不生滅。故眞諦說世諦不說也。三者世諦說生滅。眞諦說不生滅。故二諦但說也。四者世諦不說生滅。眞諦說不生滅。故云二諦但說也。問。此四句出何處。答。釋論初卷云。人等世諦故有。第一義故有。世諦故無。卽是斯義也。二者明生滅此是世諦說。不生滅是世諦不說。不生不滅是眞諦說。非不生非不滅是眞諦不說。此是二諦但說。但不說也。三者世諦說眞諦不說。明說生滅說不生滅。皆是世諦故說。眞諦不說生滅。亦不說不生不滅。故云世諦說眞諦不說也。四者眞諦說世諦不說者。世諦雖說生滅不生不滅。實無所說。眞諦雖無所說。而無所不說。問。世諦雖說而無所說。無所說卽入眞諦。眞諦雖無所說。而無所不說。還是世諦。何處有世諦不說眞諦說耶。答。有所得定性義如此耳。世諦自是說。若無所說則屬眞諦。眞諦自無所說。若有說還屬世諦。如此眞俗。皆是障礙法門。今明諸佛菩薩無所得空。有因緣無礙故。空是有空。有是空有。是空是有空。雖空而有。有是空有。雖有而空。說是不說說。是說不說。說是不說說。雖說而不說。不說是說不說說。雖不說而常說。故得世諦不說而眞諦說也。

次明二諦但說但不說者。以空有爲世諦。有空爲眞諦。世諦說有。眞說諦則說空。故二諦但說。以空有爲世諦。空有卽是假有。假有不可說有。假有不可說無。假有不可說亦有亦無。假有不可說非有非無。故世諦假有絕四句故。世諦不可說。眞諦假無亦絕四句故。眞諦不可說。不可說而說。世諦名假有。眞諦名假無。故二諦但說。一說一不說。有。世諦假有。假有故有說。眞諦是假無。假無則無說。故世諦說眞諦不說。假有雖有而無。假無雖無而有。故俗不說而眞說。次二諦但說但不說者。二諦俱無生。故但不說。問。但無生何有二諦。答。世諦無實生。故但不生。眞諦無假生。故云不生。此猶是舊義耳。世諦中無性實生。眞諦無有假生也。如世諦中無實我。眞諦中無假我。答。今言世諦無實者。有所得一切假實皆是性實故。因緣世諦。絕此實也。無所得方是假。乃爲眞諦所絕也。二諦但不絕卽二諦但說世諦不絕假生滅。眞諦不絕假不生滅。故二諦但不絕。卽但說世諦絕眞諦不絕者。還如上世諦雖不絕。不絕而恒絕。眞諦雖絕而不絕。次就單複論絕不絕義。一。注空有爲世諦。有空爲眞諦。則世諦不絕眞諦絕。次空有皆是世諦。非空有爲眞諦。卽絕不絕皆世諦。非絕不絕方是眞諦。次空有二。非空有不二。二不二皆俗。非二不二爲眞。則絕不絕爲二。非絕不絕爲不二。二不二皆不絕。非二非不二方是絕。又此三重皆是二諦。二諦皆是教。皆是不絕。則以不二爲理。理名爲絕。問。何故明此四重絕不絕義。答。欲簡眞舊絕。舊絕但有初重絕。無後三絕。故明之也。問。絕與不如何異。答。此有多門。若世諦絕實生滅名爲世諦不如。眞諦絕假生滅爲如。不絕假不生滅爲不如。問。云何絕實生滅爲如。

○取二所○ ○無一○ ○由二是○ ○(次)十六○ ○(不說)一○ ○(是)一○ ○(說)一○ ○有二○ ○但云○ ○注二

耶。答。此取空義爲如。以世諦無實生滅故。實生滅所空以爲如。真諦亦爾。二者就前說不說明如不如。世諦說生滅爲不生不滅爲諦世不說名世諦不說。此明假生滅是有故名不如。不生不滅此是絕假生滅亦是空義。所以爲如。前如則淺。後如則深。前如空性。後如空假。真諦亦具此二如二不如也。

次如前明世諦假有絕四句即是如。真諦假空絕四句亦是如。此明二諦同絕實四句。假有爲世諦絕實有四句。假空爲真諦絕實空四句。以名之爲如。如假有無。即是不絕。故名不如也。問二諦絕。絕二諦。云何異。答。二諦絕者。如前所明也。絕二諦者。明真俗俗真。真非真。俗非俗。故名絕二諦也。又雖絕而常二諦。故云絕二諦雖二諦而常絕。故云二諦絕也。問。釋論明如不如。與今明。如何異。答。釋論明三如。地堅等爲下如。地無常生滅爲中如。地不生不滅爲上如。前二如即是今世諦如。上如即真諦如也。又此三如。皆是世諦如。何以知之。前云生滅是世諦不如。不生不滅爲世諦如。故上如是世諦如也。若非不生非不滅。爲真諦如。問。釋論既明三如。何者爲三不如。答。異此三如。即三不如也。又釋論就得失深淺。明如不如。地堅爲如。不知地堅謂地不堅。名爲不如。上中亦爾。又深淺明者。不生滅爲上如。生滅爲不如。無常生滅爲中如。事中地堅爲不如。地堅爲如。若外道及世間。不識地堅。謂爲常有。名爲不如。問。前云生滅是世諦說。不生滅是世諦說。不生滅是世諦不

諦。不生滅是真說。非不生滅是真諦不說者。世諦不諦說何異。答。若漸捨二而論。則不異也。若世諦說假生滅。不說實生滅。與真諦不生滅則異。世諦不實生滅。真諦不假生滅。故異也。問。既有三重二諦。亦有三重如不如不答。得以空有皆世諦非空有爲真諦。則如不如。皆不如非不如。名爲如也。

七淺深門明得失  
他但以空爲真。有爲俗。更無異說也。今有三轉。一以空有爲俗。以有空爲真。二以空有皆俗。非空有爲真。三以空有爲二。不空有爲不二。二不二並俗。非二非不二爲真。如此三轉二諦。皆是教門耳。至道竟不曾三。故云是法不可示。立此三重。凡有五義。法華玄中已說

七說不說門考宗。問。子乃欲抑舊拔新。終不能超乎。城外。請問。三轉之教名爲可說。不二之理不可說以不答。一。往如此。問。他重明世諦可說真諦不可說。則世諦攝前三門。真諦即是一理。即理教猶是二諦義耳。答。子不領前意也。今明三轉者。所三假之俗爲有四絕之理爲無。以此有無爲初節意也。第二第三非子意所知。假令真諦一切絕。世辨絕是三段。今明如是三假即是有一切絕即是無。如斯有無。爲初節義也。又師作三節意者。爲欲拔由來有無二諦之心。必能改之。則不住非二非不二。則二諦之見不生。正觀之懷便發。問。他意本立真諦一切皆絕。與今非二非不二。復何異耶。答。他言真諦一切皆絕。而

世諦一切皆絕。而世諦終一切皆有。還是有無不免二見。又無所往。終是真內可得定出真外耶。今則不爾。非真非不真。非二非不二。問。他明真諦亦非真非不真。非二非不二。答。子及明真諦之理。非真非不真。而非真非不真。終歸真諦。今明諸法非不真。不云真諦非真非不真。一不同也。又非真非不真。子乃終歸非真非不真。不能歸真諦。二不同也。

八理內外門明得失  
與皇大師云。今自有二轍義。一者理外義。二理內義。若心行理外。故云理外。心行理內。復云理內。理內具真俗等一切法。理外亦具真俗等一切法

考宗。問。同具一切法。云何有。由外異。答。理內一切法。皆是因緣義。理外一切法。非假名義。是故爲異。問。若理內外具一切法者。理內既有因緣假名。理外亦應有因緣假名。何得將因緣假名簡理內外耶。答。如所問也。理外亦有假。但假是假故。段有假可得。名有所得。假理內假不自假。名爲不假。而假無所假。故無可得。名理內假。問。理內外既具一切法。亦應理內外自有無所得。何以故將得無得分內外。答。亦如所問。理外無所得者。如真諦洞達。四句不及。百非皆忘。此是無所得。故無所有。屯無所得故。故是有所得之無所得。理內六不得無所得。故名無所得。問。理外既具一切法。亦應有不得無所得。答。理外不能以得爲無得。無得不得。說爲無說。無說爲說。故有定隔礙。今總判欲斷此問。更來者



淨名玄論卷第七

會處

第三論會處 凡有二門。一釋會處。二明淨土。論云。欲遍通衆教。宜具三門。一知名。二要旨歸。三識分齊。上已叙其二。今次論第三。

第一釋會處

江南舊釋。以室內外。分經爲三。初有四品。在室外說。名爲序分。中間六品。室內說之。名爲正經。後之四品。還歸室外。名爲流通。所以然者。淨名託病方丈。念待激揚。前之四品。但叙如來說法。述德命人。爲問疾由致。故稱爲序。中間六品。在於室內。始談妙法。目之爲正說。後之四品。利物已周。還來佛所。印定成經。故稱流通。北土相承云。此經凡有三會。始自佛國。終菩薩品。謂菴園會也。問疾以去。至平香積。方丈會也。菩薩行品。竟乎一經菴園重會。

今以一文。總徵二釋。說方便品。在何處耶。若在室外。卽事遠文。若室內說者。復乖上釋。若謂此品集經者意。非淨名自談。既無時事。何所集耶。又方便親序現疾。說法何得非淨名之言。又室內說法。凡有二時。方便一品。是其初集。略說法門。問疾以後。方丈重會。廣宣妙法。何得以前說爲序。後談爲正。若謂此經但有三會。是亦不然。既重集菴園爲二會。

十約相待門明得失

本對性故明無空性耳。若不作定性解。復執無定性。捨理外而存理內義者。皆是取捨行心故。並名爲失。既知不性亦復不假。論云。無性法亦無。一切法空故。知非假非性。畢竟清淨。始名爲得。問。此對何所爲耶。答。凡有二義。一爲學攝大乘及唯識論人。不取三性。爲三無性理。三無性理。卽是阿摩羅識。亦是二無我理。三性。謂依他性。分別性。眞實性。分別性者。卽是六塵以爲識所分別。名分別性。依他性者。心識依六塵及梨耶本識爲起依他性。眞實性者。卽是涅槃。故爲名三性三無性。得失必言進捨。上來若得若失皆不可得。通悟到窺絕句之門爲得。去此大逕。不近人情。今明從初以來一切得失。卽皆是道。卽是正觀。如肇公云。道遠乎哉。解事而眞。聖遠乎哉。體之卽神。如有無分別二諦。亦有無分二智。如二諦有本無本二智。次中觀爲本。如二諦違不二。二智歸中觀。如三節明二諦。卽三節明二智。如二諦但說但不說。二智亦爾。但能說但不能說。但照空但照有。但動但動俱斷。或如理內外二諦。則二智亦爾。身色無定性。明二智。是心上無定性。乃至第十二愚卽是智。何處分色智耶。屯十二門。遍通諸診。總貫衆經。語乃不文。而義家有本。問。何故不重散說之。而開屯階級。答。有二種人。一者學無所得。觀意乃虛玄。方言不足。二者但分別法相。失顯道正宗。今欲令文義兩明。玄事。但得故開屯階級也。

明理外具一切法者。具理外一切法耳。不見理內一切法。理內亦爾。但具理內一切法耳。不具理外一切法也。又理外雖具生死涅槃。一切法。若生死若涅槃。皆是生死。若得無得。皆是有得也。問。若爾。理外眞俗皆俗耶。答。亦得如屯故。理外眞俗皆是凡情。所謂世俗法耳。理內因緣二諦是聖人境界。故二皆名眞諦。問。經論中。何處云理內外二具一切法耶。答。中論云。外人具。二立一切法。論主明因緣故有一切法。卽其事也。問。開二轍義。欲何所明耶。答。欲顯得失。明由來立義。墮理外義中。屬今理外二諦所攝。九約有無定性門明得失。

涅槃經云。一切諸法。無有定相。若有定相。是生死相。是魔王相。非佛法相。以無定相。故名爲得。有定相。所以爲失。問。云何無定相耶。答。如一色未曾是性。亦非是假。於性緣成性。於假緣成假。若必定性義。爲非假義。爲是還成假見假執耳。理內外得亦爾。色何曾是有。是無得耶。又如一色未曾眞俗。於凡爲俗。於聖爲眞耳。又卽就俗中。亦無定性。貧人見色淨。不淨觀人。見色不淨。無適漠人。非淨。又不淨之物。於人爲不淨。畜見爲淨。淨物於人爲淨。於餘爲不淨。如蠅謂香爲不淨。故不耐聞之。又一色亦不定。於無神通人則質礙。於得神通人則非質礙。於人見爲白色而爲水。於鬼赤色爲火。又溺水不矐毛而矐鐵。如金對破餘一切物爲羊角所壞。故知一切法。無定性也。

者。亦再聚方丈。寧非兩集。若初集方丈。以略非會者。菴園但有一品。寧復廣耶。又菴園說淨土因果爲一集者。方丈明法身因果。寧非會耶。今所釋者。華嚴七處八會。斯經二處四集。言二處者。一菴園處。二方丈處。菴園爲佛處。方丈爲菩薩處。菴園爲出家處。方丈爲在家處。菴園他業所起處。方丈自業所起處。他業所起處者。菴羅女園。爲佛起精舍。明未曾有室。是居士淨業所起也。菴園在城外。方丈在城內。顯公傳云。相去三里。所言四會者。一菴園會。二方丈會。三重集菴園。四再會方丈。以此分經。實爲允當也。

問。華嚴不起寂滅道場。現身七處。此經四會。可得然乎。答。華嚴明不起。此經明起。起與不起。皆不思議。故華嚴稱不思議解脫。此經亦稱不思議解脫也。問。華嚴不起道場。現身七處。可不思議。此經既四處往反。何名莫測。答。此經四會。雖有去來。實無往反。故文殊去而不往。淨名來而不至。來而不至。故無所從來。去而不往。實無所去。故善來文殊不來相來。來既不相來。去亦不去相去。故來去宛然。而實無往反。故名不思議也。問。此經既有二處四會。爲有序正流通以不。答。准例華嚴。具含二意。如是六事。可兩望之。以初攝初。則屬初會。望於一部。屬序分經。流通亦然。從阿闍佛品歎法美人。以後攝後。屬於後會。若望大段。則屬流通。問。如是六事。蓋是序菴園時應事。但屬初會。云何爲序分耶。答。如是六事。雖序菴園時處。而爲成一經。復得屬大序。

流通亦然

次別釋會處

要具五事。嘉集方名爲會。一有處所。二有時節。三有化主。四有徒衆。五說教門。五事和集。衆生悟道。故名爲會。如四百觀論云。眞法及說者。聽者難得故。如是則生死非有邊無邊。論中略明三種。一有眞法。二有說者。三有聽人。具此三緣。故有輪不得無際。闕斯一事。則生死非是有邊。今廣明五事。則爲五階。化處不同。前已略說。淨土義中。當廣明之。言化時者。此經凡有通別二時者。言通時者。舊云。淨名是佛成道第三十年所說。又云。二十六時說也。所言別時者。就此四會。有二種不同。一時事先後。二集法次第。時事先後者。第一方丈初會。第二菴園大會。第三方丈再集。第四菴園重會。問。何以知然。答。五百長者與淨名。爲法城等侶。問道。參無時不集。而實積已至。淨名近而不來者。當知有疾。以其疾故。國內近衆皆來問之。因以身疾。略爲說法。故無數千人。皆發道心。即方便品。故知先有毘耶初會也。但初集之時。人天衆小。利益未多。猶未足暢其神慧。稱現疾之懷。但佛與淨名。既同爲化物。故兩心相鑒。居士既託疾。毘耶如來菴園說法。爲之集衆。故遣使問疾。聲聞菩薩。皆叙不堪。方有菴園會耳。次命文殊。令往激揚。廣宣妙法。故有方丈再集。但化事既周。還來佛所。如來印讚。使談妙法。故有菴園重集。以時事推之。必如此也。二集法次第者。夫欲結集成經。必須先明。如是我聞。一時佛所

住處與大衆俱。若發軔即序淨名時事。便不得成經。勝鑿之例。事亦如是。故先明菴園會也。菴園集既竟。將發遣使問疾之端。故進序方丈初會。歎淨名之德。生時衆尊仰之誠。叙其有疾發如來慰問由致。故次有方便一品。里耶會也。餘之二集同上釋之。

次釋化主

此經四會。凡五人共說。方丈初集。淨名自說。菴園大會。如來所說。毘耶重集。凡四人說。一淨名說。二文殊說。三天女說。四諸菩薩說。菴園再集。佛與淨名二人共說。問。五百聲聞。八千菩薩。皆述淨名之言。何故不名說耶。答。皆是述淨名昔日之言。非彼自說。若明今昔二說者。二品經明淨名昔說。十二品經叙維摩今說。問。弟子菩薩二品。爲屬初會。爲屬後會。爲是正經。爲是序說。答。宜兩望之。既是菴園述之。則屬前會。爲問疾由致。便屬後集。述淨名昔說。故是正經。爲發問疾之端。亦得爲序。問。佛何故不直遣文殊激揚。而復命聲聞菩薩。答。略明五義。一顯如來大悲平等。故並命之。二欲歎淨名之德。令時衆尊人重法。三顯文殊道高。令一切隨從。四顯不思議解脫甚深。聲聞菩薩。不能測度。衆各述淨名昔說。以利今日之緣。五明修行次第。方便品破凡夫。弟子品破聲聞。菩薩品破菩薩。從淺至深。以爲次第。然後同入無礙法門。共證不思議解脫也。問。淨名彌勒。位同受職。何故彌勒受屈。淨名能呵。答。可具三義。一云。十地菩薩。智無不通。應無不善。豈有夫會人天受屈。

無垢唯相與化物。故得失適緣耳。二者雖同是十地。而十地之中。自有三位。謂入住滿。或可彌勒十地大士。淨名金剛心人。三者彌勒位居等覺。當來之尊。淨名為妙覺地。是已成之佛。問。既五人共說。何故獨稱淨名經耶。答。餘人說少。淨名說多。以少從多。稱淨名經也。又如來菴園說法。為之集衆。遣使問疾。廣說法門。則成其說也。又初會合蓋現土按地變淨。略開不思議之端。菴園重會。印定歎述。方得成經。使後代信受。故初會皆開其宗。後集印其說。始終皆成爲淨名經。故獨標維摩說也。問。初會既爲開其宗。後集印其說。何故非序及流通耶。答。初以正說開正說。故初非序。後集印成而復命廣說妙。故非流通。又兩望之義。前意已明也。

次釋所化徒衆

方丈初會。但有毘耶近衆。無他方遠衆。但有人衆。無有天衆。但在家衆。無出家衆。但聽法衆。無激揚衆。故略說法門。利益猶少。不暢大士現疾之懷也。菴園初會。具凡聖近遠在家出家。顯大小一切衆也。方丈重會。菴園再集。衆並同然。故得廣說法門。多有利益。暢現疾之意也。問。此經是菩薩法藏所攝。又辨不可思議解脫法門。絕二乘境界。則應但教菩薩。云何復有聲聞衆耶。又釋論云。佛爲大菩薩說不可思議解脫經十萬偈。即是華嚴經。小乘在華嚴坐。不得見聞。以不種聞是大乘因緣故。此經稱亦不可思議解脫。何故聲聞在座。得見聞耶。答。法華玄論已具說之。餘未

盡者。今當更說。依釋論意。明華嚴爲大菩薩說。小乘不聞。淨名等通爲大小淺深人說。故二乘得聞。則華嚴明不思議事深。淨名辨不思議事淺。雖同是不思議。而有淺深。故有聞與不聞。例如雖同是般若。有與三乘共說。獨爲大菩薩說。九地尚不聞。況復二乘耶。問。論云。一切經中。般若最大。何故三乘得聞。般若不聞。華嚴答。般若雖大。多說方便。實慧甚深。理法。二乘之人。則有小分。故得聞之。華嚴多辨實慧方便。就事辨。不思議。則二乘絕分。故不得聞也。又大判聲聞。凡有二種。一者實行。二者標行。實行之中。復有二種。一退大學小。二本學小乘之人。退大學小。約一化始終。凡有四時。一大機未熟。二小根已成。三小執當移。大機遠動。四小執正傾。大機正熟。一化始終。唯有此四。大機未熟者。佛初成道。爲諸菩薩說華嚴經。即欲以大法化之。但小機未堪。是故息化。如法華云。長者居師子座。眷屬圍繞。羅列寶物。即遣傍人追捉窮子。窮子驚懼。父遂放之。則指華嚴時事也。以大機未熟。雖復在華嚴座。不得見聞。

次小根已成者。道場之日。既未堪大化。鹿園之時。方受小法。故密遣二人。誘乃得之。三小執當移。大機遠動者。即以渡若淨名諸方等教。正教菩薩。密化二乘。令陶練小心。欣慕大道。以小執當移。大機遠動。在般若淨名之座。故得見聞。但未領解。四小執正傾。大機正熟者。即法華開方便門。示真實義。以小執既傾。方便之門宜開。大機已成。真實之義便顯。故在法華座。亦得見聞。復信解也。問。大機未熟。故華嚴之會。未有小衆。何故第八會中。列五百聲聞。答。前七會多是佛初成道。菩提樹下說之。此時未有小衆。故七會不列。第八會後時說之後。已立祇洹精舍。此時得有聲聞。所以列也。講者謂七處八會皆初成道說。則失斯意也。問。華嚴純化菩薩。不教聲聞。又大機未成。何故列之在座。答。華嚴是顯菩薩法與二乘法異。故就祇洹明二緣不同。菩薩則見淨土中說大法。聲聞自見穢處。聽受小乘。如人見水。餓鬼見火。非是欲化二乘。故列之在座也。又二乘見穢。菩薩觀淨。令菩薩深鄙小乘。增進大行。乃是化菩薩耳。問。聲聞何故不得見聞菩薩法耶。答。釋論云。如人有五根。故得見聞。若無五根。不得若無五根。不得見聞。有菩薩五根。故得見聞。菩薩境界。二乘無菩薩五根。故不得見聞。菩薩境界。故也。問。若爾。何故入法界品。明身子與六千眷屬得見文殊耶。答。就事而言。承佛力故。見。任力則不見。又前明始迷。故不見。後表終悟。故得見。如法華窮子。凡有三時。初遙見父。次避父去。後還其父所。初表當悟一乘。次背大取小。後還悟一乘。同入法界。問。七處八會。何故就法界品明。二乘始不見聞。終見聞耶。答。據事而言。七會初成道時說。二乘大機未成。故未有聲聞。法界既後時說。則小執漸移。大機遠動。是故在座。復得見聞。又舉二乘出法界。顯菩薩入法界。又欲明法界。非大非小。大小具足。非見聞不見聞。而見聞不見聞具足也。問。般

若淨名二經。同是小執當移大機遠動。顯教菩薩密化二乘。有何異耶。答。般若。佛自顯教密化。淨名。菩薩顯教密化。教大化小。不出佛菩薩也。又般若令小人說大。顯教菩薩密化二乘。淨名大人說大。顯教菩薩密化二乘。是故爲異。上來就實行聲聞。作此釋之。

今次就權行聲聞釋者。內祕菩薩。外現聲聞。有二種義。一是讚揚大道。二引諸小行。華嚴本是教菩薩法。而二乘在座。有若官聲。則具前二意。一欲顯菩薩道高。二乘行劣。令菩薩進求大道。不退求小乘。二令小乘人深自鄙劣。捨小求大。故身子與六千眷屬。承佛神力。得見文殊。諸受大法。卽是其事。次至淨名般若之座。親自貶斥小乘。讚揚大道。令菩薩之人不退大求小。小乘之流使捨小求大。爾前與物同迷。至於法華。將機共悟。此皆大士利物之方便也。問。不思議解脫。卽是二智。二智猶是般若。何故二乘聞不思議解脫。如盲者之前說衆色像。聞般若而得領悟。答。大品明實慧。則二乘少分知之。方便則便絕分。此經明二智亦然。但大品多明實慧。少現神通。此經多現神通。少明實慧。故開二經。有迷有解。上來明二乘衆意。

今次辨爲菩薩衆。問。華嚴已爲菩薩說大法。此經復化何人。答。菩薩道根熟有前後。華嚴爲其。早成。般若淨名化其次熟。又釋論云。華嚴有智菩薩說。則知般若淨名通化小大。又華嚴之座。雖已得解。於般若淨名。更復進悟。

次就菩薩聲聞。開二種四句。一顯教菩薩。非密化二乘。卽華嚴教是也。初成道時。大機已熟。故顯教之會無二乘衆。又大機未成。故不密化二乘。二顯教二乘。不密化菩薩。卽三乘教。小機已成。故顯教之菩薩大器不須小化。三顯教菩薩密化二乘。卽般若淨名等經。菩薩大機已成。故顯教之。二乘小執當移大機遠動。是故密化。命說付財卽其事也。四顯教菩薩顯教二乘。卽法華教。菩薩聞是法。疑網皆已除。謂顯教菩薩。千二百羅漢。悉已當作佛。卽顯教二乘也。

次約開覆四句。一正顯真實。傍開方便。卽華嚴爲諸菩薩說大法門。謂正顯真實。亦令菩薩傍識小教。故傍開方便。故賢首品云。或示聲聞小乘門。或現緣覺中乘門。或說無上大乘門。性起品。又廣明先化菩薩次及二乘。譬如日出前照高山後及平地。及平地皆是傍開小方便也。二者正隱真實。正開方便。卽鹿野苑教門。說三乘教。故隱一乘真實。二不二云是方便。故開方便門。三正顯真實。傍開方便。卽般若淨名教也。說菩薩行故。正顯真實。未明三乘是方便。故傍開方便。開覆四句者。可見第四句。問既未開方便門。云何已得顯真實耶。答。顯真實有二種。一者對開三乘方便門。顯一乘爲真實。二者以大小相對。顯於真實。大。開乘是究竟真實。小乘爲小分真實。對小分真實。明究竟真實。問。何文證般若未開方便。已顯真實。答。法華信解品云。一切諸佛所有祕藏。但爲菩薩演其實事。而不爲我

說斯真要。卽指大品時事也。問。若爾三藏中亦對中下二乘。歎佛最上。何故不名顯真實耶。答。三藏教中。廣明二乘法。小明菩薩法以從多故。不名顯真實。又三藏中。雖明佛乘。猶是隱覆說。王宮實生。從凡得佛。般若已去。正說大法。傍及小乘。又明佛乘。皆已具足。故是正顯真實。傍開方便。問。大品中辨真實。法華一乘真實何異。答。舊云大乘則劣。一乘則勝。今謂不然。大品對小明大。法華除小顯大。大無二也。如長者付財及委屬家業。二時乃異。而火宅七珍。猶是一耳。大品中。菩薩作佛。二乘未作佛。法華之中。菩薩二乘並皆成佛。而佛乘不二也。問。若爾何得攝大乘論云。乘有三種。一者小乘。二者大乘。三者一乘。一乘最勝。答。法華正明能乘之人。一切作佛。以此爲勝。不言所乘之法有優劣也。

次釋第五教門

上來已略明教。但爲顯成緣義故。今更須辨之。南北判經。四宗五時之說。法華玄論其以詳之。今依此經法供養品。以明二藏義云。菩薩法藏所攝陀羅尼印之。則知小乘爲聲聞藏。今先通明二藏教。次別明四會所說二藏義。

有三雙一聲聞藏。二菩薩藏。此從人立名。二大乘藏。小乘藏。從法爲稱。三半字滿字。就義爲目。此三猶一義耳。不得云半滿但是涅槃前二通於終始。故大經云。我爲聲聞說是半字。猶是聲聞藏也。問。說何法門。名聲聞藏。答。說二乘法。皆名聲聞藏。問。既說二乘法。

應名二乘藏。云何名聲聞藏。以立二藏意。但取大小相對。以小義爲聲聞藏。以大義爲菩薩藏。緣覺亦是。故云聲聞藏。又從多爲論。聲聞因果二時皆稟聲聞教。緣覺因人藉教。果人自然悟道。是以但名聲聞藏。不名緣覺藏也。故地持云。說聲聞緣覺法。名聲聞藏。問。聲聞藏。非但說二乘法。亦說菩薩法。何屬聲聞藏。答。小乘法說於菩薩屬聲聞藏。若以大乘說菩薩法。則屬菩薩藏。小乘法中。明菩薩從凡得聖。教則未圓。理不具足。故名聲聞藏。大乘中。明菩薩教圓理滿。名菩薩藏也。又小乘法中。多明二乘法。小說菩薩法。如釋論云。三藏中廣爲聲聞說種種法。不說菩薩行。唯聞中阿含本末經爲彌勒授記。亦不說菩薩行。故知明菩薩法少。以少從多。名聲聞藏。不名菩薩藏。問。爲小乘人但應說二乘法。何須說菩薩法。答。佛爲二乘開三乘教。如法華云。一乘化二人不得故。於一佛乘分別說三。故於小乘中。明有三乘也。問。既爲二乘人說三乘法者。何故不說菩薩行耶。答。二乘不欲行菩薩道。故不須說行。但知道理有三究竟。故略明佛乘耳。問。既不說菩薩因。何須授彌勒記。明得佛果。答。聲聞必憑師悟道。須明有三世佛。故授彌勒記也。問。聲聞緣覺有幾人耶。答。始終凡有六人。一本乘聲聞。始則發聲聞心。終證聲聞果。二非本乘聲聞。開爲二人。本是緣覺。發緣覺心。行緣覺行。中間值佛。因教得道。轉名聲聞。即迦葉是也。三本是菩薩。退取聲聞。即身子之流也。緣覺亦三。

一本乘緣覺。因則稟教。果則自然。二非本乘緣覺。有二人。一者本是聲聞。值無佛世。故成緣覺。二本是菩薩。無值佛世。退取小乘。亦名緣覺。故釋論云。菩薩證於四諦。成辟支佛也。明菩薩藏亦有三人。一直往菩薩。發菩提心。行菩薩行。二迴小入大。凡有二人。一本是聲聞。改小成大。故名菩薩。二本緣覺。其義亦然。但此二人。復有二種。一本是二乘。改小求大。如前所釋。二本是菩薩。退大作小。今還捨小求大。如身子等聲聞中亦有此人。本是小乘。捨小求大。後還退大取小也。問。有本是小乘。捨小求大。復退大取小。後還捨小求大。有如此人不。答。身子即共人也。雖云本是小乘。已得煖頂。次捨小求大。六十劫行菩薩道。後值乞眼。故還捨大取小。今聞法華。還捨小求大。聲聞法中。亦應有之。問。何故不立佛藏。答。凡有二義。一者立菩薩藏。大小相對。菩薩藏中。其有佛法。即是佛藏。二者示菩薩稟教。故遍立菩薩藏。聲聞藏中。亦有緣覺。示聲聞稟教。故遍名聲聞藏也。問。若爾菩薩進趣可得立乘。佛已息求。何故立佛乘耶。答。據稟教立名。故遍據二人。亦辨三品優劣。故立三乘。問。通是聲聞藏。有深淺不。菩薩亦然。答。以理言之。應有深淺。如大品云。爲新發意菩薩。說生滅如化。不生滅不如化。爲久學人。說一切如化。則知有深淺也。聲聞藏亦然。但說生空則淺。具說二空則深。問。若爾二藏具有深淺。皆有了不了義。何故昔小乘不了。大乘了耶。答。大小相對。以小爲不了。大

乘爲了。問。爲新學說生滅如化。是不了。則一經之內。明菩薩法有不了。何得言皆了。答。於一經內。具分別了不了。即是了義經也。問。大經云。有所得者名二乘。無所得者名菩薩。若菩薩若菩薩若爾有所得大乘。亦屬聲聞藏。答。亦得。如此有所得者。大若小皆名大乘。藏。有所得無所得。據稟教有得失。今立二藏。正叙佛說無所得教爲大乘說。有。所教爲小乘說也。問。大小二藏。明義已周。何故復立雜藏耶。答。經論不同。或以小乘爲三藏。大乘爲雜藏。小乘明三行三部不同。故名三藏。大乘不別開三行爲三部。則名爲雜藏。如雜阿含序云。方等大乘爲雜藏也。或明五藏。三藏雜藏菩薩藏。釋論云。出摩訶衍三藏外更有經。則是雜藏也。若爾別明三行爲三藏。雜明三行爲雜藏。雜藏猶小乘義耳。有人言。亦有大乘雜藏。以大乘亦有三行爲三藏。如攝大乘論初說。則知雜明三行爲大乘雜藏。如釋論集法藏中具說之。次別明四會法門。問。此經雖是菩薩藏攝。菩薩法藏。有無量法門。今四會正明何法。答。今先示法門之相。後辨四會所明。大判法門。凡有三種。一能表之教。二所表之理。三藉教悟理因果行成。此三攝三行藏。義無不盡。非唯大乘經辨此。大乘論亦明三。如中觀論三字即是三義。叙法師序云。其實既宜。其言既明。於菩薩之行道場之照。無不朗然辭解矣。其實既宜。謂中實。謂中實之理也。其言既明。謂教門顯明即是

論也。菩薩之行。道場之照。謂因果行成。即觀義也。攝大乘論勝相理十。亦但明於三。謂無等境。無等行。無等果。此三但是二門所攝。明此二門。即是辨教亦具二。是故知菩薩法藏。唯辨三法。今四會所明。亦辨三法。如不思議境。不思議智。不思議教也。總雖有三。但就別而言。隨義說十。先從一門。次第釋之。會雖有四。同明一不可思議解脫法門。此一法門。攝一切法。如華嚴諸善知識各說一門。而實攝一切門。淨名即一善知識說不思議解脫法門也。問。四會同明不可思議。有何異耶。肇公云。其文雖殊。不思議一。但寄跡不同。故門戶各異。若就人爲言。初會佛明不思議。次兩會淨名辨不思議。後菴園會。佛與淨名。共辨不思議。佛初略開其宗。次淨名廣辨其致。後則如來印成重復令說。次就法不同者。初會示二不思議。一合蓋現土蓋不廣而彌八極。土不狹而現蓋中。其猶小鏡照現天下。次則案地變淨。應土則應妙適緣。報土隨業所感。皆不思議。此二明不思議迹。其中淨土願行不思議本也。次會亦明二不思議。一通明一切方便。現一切形。說一切教。二乘下位莫能測度。謂神通不思議。次別明現疾方便。說生死過患。歎法身功德。以別示一身。別說一教。謂別不思議也。第三會亦明二不思議。一明權實二智六度四等不二法門。謂本不思議。借座請飯。謂迹不思議。不二法門。以爲理本。權實二智六度四等。以爲行本。迹中亦明二迹。室容於座。謂大入小。請飯香土。以小充大。又

借座則默感。請飯則遣化。皆不思議。掌。驚大衆。手接妙喜。謂不思議迹。其中辨菩薩行本跡二身。不思議本。合前有三句。借座則大入小。請飯則小充大。手移妙喜。來入娑婆。以大入大。以小入小。不足明之。故闕斯一句。次明四會同辨一現疾法。亦攝一切法門。疾有二種。一者衆生以癡愛爲疾本。二菩薩以大悲爲病原。此則總攝能化所化。事無不盡。問。方丈二會。可明現病。菴園兩集云。何亦明疾耶。答。初會發其宗。後集成其說。皆是現病法門攝之。又四會雖殊。同是大悲所興。共拔癡愛之病。故皆爲此門所攝。問。淨名何故現病耶。答。此有多門。取方便品意者。凡欲令物悟無常者。當因三衰。老病死也。老須年至不可卒來。死則意滅無以悟人。病可卒加而意不滅。故於三中現此身疾。因廣說法門。又淨名將還妙喜。故託疾罷耶。因廣說法門。則是最後利物。又癡愛是生死之根。大悲爲群衆之本。今欲辨根本法門。故現疾也。又淨名位居菩薩。猶不離病。凡夫二乘。寧得免疾。欲離大患。宜求佛身。以欲說斯法。是故現病。次四會同明二智法門。明凡夫二乘大患之質有累之心。歎諸佛菩薩無爲法身。無礙智慧。不動而應十方。無心而照法界。形雖累表。終日域中。智雖事外。未始無事。是以四會同辨此法。

一部始終。明斯二法。菴園初會。明淨土因果。六度四等。爲淨土之因。報應二國。爲淨土之果。方丈初會。明法身因果。佛身者謂法身也。明法身之果。從無量功德生。即法身之因。此之二會法門。義來次第。要須有國土。然後方有佛身。又先明淨土因果。勸捨穢取淨。次辨法身因果。即厭患生死。欣求佛身。義之要極。莫過此二。次集重明三種因果。始從弟子。訖不二法門。破大小二迷。明菩薩妙行。即法身之因。行法身因。即得如來之果。香積以去。示衆香土。明淨土之果。循行八法。爲淨土之因。菴園重會。合明二種因果。菩薩之行。無行不攝。即淨土法身之因。阿闍佛品。明法身體絕百非。形備萬德。謂法身果現於妙喜。即淨土果。是以四會同辨因果法門。四會同明淨土因果。有何異耶。答。初化主不同者。初會佛說淨土。次維摩辨淨土。後會佛菩薩共明淨土。良由受悟不同。化主爲異。二就三衆初爲初會之衆。乃至後說爲後集之緣。一聞則三衆不同。重聽則三根爲異。次約義差別者。凡有七門。一者菴園明釋迦佛土。方丈辨香積佛土。後會明無動佛土。二者初明下方佛土。次辨上方佛土。後辨餘方佛土。佛土雖多。舉三略攝。三者初後明音聲佛土。香積辨無言世界。舉此二門。亦無國不收。四者初會明一質異見。譬如諸天共寶器食。隨其福德。飯色有異。次明異質異見。香積娑婆淨穢二質。以此二衆所見不同。後明移淨入穢。淨穢同處。異質一處。土義雖多。此三略攝。五者初會明

通別淨土。初則通明一切淨土之因。一切淨土之果。謂通明土也。身子生疑。如來變淨。別明釋迦佛土。次兩會但明香積無動。謂別土也。淨土雖多。不離通別。六者初會明報應二土。應以何國。起菩薩根。入佛智慧。謂應土也。修直心之因。感淨土之果。謂報土也。後之兩會。通含報應。七者初會具明淨土體用。報應因果。即是土體。按地變淨。現土利物。爲土用也。後二會唯明土用不辨體。欲談淨土。委具七門。

問。三會明土果不同。辨因何異。答。初廣明因。次略辨八法。後總勸修無動佛行。從廣至略。又初會明能化之因。故云菩薩成佛時而得淨土。後二明所化之因。欲生淨土。當修八法也。淨土因不出廣略及能化所化。問。三會明法身因果有何異耶。答。化主不同。三根之衆。並如上釋。但約義。凡有三略。一者。方丈初會。對生死過患因果。以歎法身因果。方丈重會。多破大小二迷。辨菩薩妙行。即法身之因。成上果德也。而亦有明果之義。如經云。佛身無漏。諸漏已盡。佛身無爲。不墮諸數。無漏則五住因傾。無爲已免二死。此本身之果。現處五濁。謂跡身之果。菴園重會。明法身體絕百非形備萬德。欲識法身。必具三義。一者因果。二者本跡。三者本身體絕百非衆德圓備。是故三會。明此三門。二者三會所爲不同。明義各異。初對凡夫。辨於法身。何以知之。如方便品。國王長者無數千人。皆來問疾。故說生死過患。歎法身衆德。次弟子品。對二乘。二乘

謂佛雖復外具相好。內有種智。而生滅之道。與聲聞無異。故辨佛身無漏無爲。非二乘所測。前明異凡。次辨超聖。此皆是爲凡夫二乘故。開此二也。時衆聞上所明。皆生異執。故命淨名。令泯斯兩見。觀身實相。觀佛亦然。故心佛及衆生。是三無差別。道遠乎哉。觸事而真。聖遠乎哉。體之即神。是故不應生二見也。三者初之二會。正辨法身。後集則明佛性。何以知之。觀身實相。觀佛亦然。法身既即是身中實相。故知實相佛性也。問。實相乃是法性。云何是佛性耶。答。若實相即是法性。則應云觀法亦然。云何言觀佛亦然。又應明法性絕百非。真諦含萬德。何得辨法身耶。故知前之二會。辨於法身。後之一集。乃明佛性。具此三門。義乃圓足。是以一經之內。隱顯說之。問。三會但明二身。亦得具於三佛。答。亦有三佛。初會明佛身相好。實積歎八相成道。謂化佛也。次會明從無量功德生。即是報佛。後辨百非皆絕萬德斯圓。即法佛也。問。從無量功德生。云何是報佛耶。答。金剛般若經云。如來從此經生。從此經出。論云。法身本有爲出。報佛修習所得爲生。問。三佛是北方所辨。何得由之。蓋是管見之疑。非通方論也。一佛二佛三身十身。經論盛說。豈得聞二信受聽三。驚疑問。生聲融卻。並注淨名。何故不作此釋。答。其人非無斯意。但于時經論未備。故義不分明。問。云何未備。答。涅槃華嚴勝鬘大集等經。地論金剛般若攝大乘法華唯識。實性之流。皆晚傳此土。如敕公喻疑論云。什師不見

六卷泥洹。其人若見此經。當如白日朗其胸襟。甘露流其四體也。

次四會明二種法門。方丈二會。明現疾法門。菴園二集。示不疾方便現疾。即權智。不疾謂實智。然此經明疾不疾。即權實二智爲宗。所以二會明疾。二會辨不疾者。夫物感故現生。機謝故應息。淨名將還妙喜。隱化娑婆。將終利益。是故二會明現疾也。佛在菴園。集衆說法。爲問疾之由。故初會不明現疾也。方丈利物既周。掌擎大衆。來至菴園。手接妙喜。入應忍界。如其臥疾。則此事不成。是後會明不病也。

次明四會明三法門。大品云。諸佛住三事。示現說十二部經。一他心輪。二神通輪。三說法輪。他心輪。靜鑒根藥。即是實智。說法現通。應病授藥。明其動用。即權智也。初會合蓋現土。按地變淨。即是神通。明淨土因果。名爲說法。他心通貫斯二。次會不疾現疾。即是神通。明法身因果。名爲說法。第三空室待賓。借座請飯。名爲神通。自爾之外。皆是說法。後會掌擎大衆。手移妙喜。名爲神通。自爾之外。皆是說法。是故斯經。唯釋三輪。

次明雖有四會而文有三。從初品至佛道品。明二法門。次不二法門品。明不二法門。三香積竟經。還明二行。初明淨土及法身因果。爲欲開非因果。故收因果。歸乎不二。次從不二。還起二用。如此二不二。不二。並是因緣義。由不二故二。由二故不二。此是二不二。名爲不二。由二不二故非不二。不二二故非

二。故非二非不二。蹤跡莫尋。故名不思議。佛菩薩住此不思議故。非二非不二。而能二能不二。雖能二能不二。未曾二不二。故二不二無礙。名為解脫也。就因果明收入出用既爾。疾不疾權實思議不思議亦然。明思議不思議者。為欲顯非思議非不思議不二義耳。至道既非思議。豈是不思議耶。故華嚴云。勇猛勤精進正念思發於思。亦不思。法寂滅故。以非思議非不思議。能思議能不思議故。明出用義也。

次明雖有四會。但有三時。從經初至不二法門。明食前說法利物。次香積品初食時益物。三從食香積飯竟經。食後益物。次明會雖有四合為三門。從初會至菩薩品。破三種病門。二從問疾香積。示修行門。三從菴園重會。辨行成德立門。此三門即次第三病。妨菩薩道。故須先破。三病既息。始得修菩薩行。故有第二修行門三病既息。二慧又成。則菩薩因圓。法身果滿。故有第三門。此三門無教不收。無病不破。無行不立。無果不圓。就此三門。又各開三。初門三者。第一佛國及方便二品。破凡夫病。次弟子品。破二乘病。第三菩薩品。破菩薩病。三人具三病。亦得一人始終具有三病也。第二修行門有三者。初從問疾至佛道品。明二慧門。方便實慧則離凡夫行。實慧方便則離二乘行。第二不二法門。明此二慧由不二而成。即辨二慧之本。第三從香積品既了不二之本。便有不二觀而二明二慧之用。後門三者。菩薩行品。明十方佛土無礙。即無礙行。二從不盡不住。明善巧行。三見阿闍佛品。明本跡二身果。初破凡夫病。二會不同。初會說淨土因果。令凡夫捨於穢因修淨土之業。次會說法身因果。令凡夫捨生死之因修法身之因。故二會破凡夫依正兩因。令求如來依正兩果。問。此二會並化二乘菩薩。云何獨為凡夫。答。通而為論。具為三人。望三品次第。後既破聲聞及菩薩。故前破凡夫也。問。經但有四會。無三章之文。何故橫生穿鑿。答。華嚴七處八會。不依會處科文。而別東會處。自為章段。今亦然矣。義有條例。幸勿疑之。問。華嚴從地昇天。表五十二位階級不同。可得分淺深為異。今無此事。何故例同。答。華嚴從地昇天。從天還地。既得約處以表法門。今從菴園以至方丈。方丈還至菴園。何故不得辨其階級。問。華嚴前地處會。明依正二果。次升天明三十心十地因行。從天還地。重明果門。今可得爾。不答。亦有此意。初二會明佛依正二果。弟子品去始明修因。後還菴園還須明果。又問。華嚴辨性起。正明收前因果歸正法。從正法更起因果。此經亦有不。答。亦有此義。如不二法門。收前二歸不二。從不二更起二用。問。華嚴明二乘不見聞。此經亦有不。答。亦爾。聞是不可思議。如盲人見色。亦有此意。問。華嚴辨因。有三十心十地果有法身淨土。此經具不。答。華嚴別論階級故。諸位不同。此經但明二慧。不判淺深。若就文辨之。亦總相明位。如破凡夫二乘。令入十信破菩薩。令從內凡以登初地。初地進行。乃至進佛果。問。何

故二經相似。答。二經同名不可思議解脫。又同佛菩薩說之。如肇公云。命文殊於異方。召維摩於他土。爰集毘耶。共弘斯道。即遠加之義。故大格相似。舊經師既無此釋。希熟思之。勿驚疑也。初七科正釋所說法門。後總束四會科為三章。經意多含。一塗不盡。希鑽味之徒。勿答其煩而不要耶。

淨名玄論卷第七上會處

### 淨名玄論卷第八下會處

#### 第二淨土門

此經始末盛談淨土。二處四會。義勢相關。法華玄論雖已委釋。餘未盡者。今當略陳。依梵本初。猶是序品。譯經之人。改為佛國。為佛國中。有三章經。初云。衆生之類。是菩薩佛土。次章云。直心是菩薩佛土。此之二章。雖是一品之文。乃大明淨土之洪略也。衆師多別構玄。不以文為意故。喜失經旨也。今叙此二章來意。有七。一者為答寶積因果二問。初章答淨土果問。次章答淨土因問。淨土義往酬日廣因果二門。則理無不攝。所言淨土果者。謂報應二土。報則隨業精麤。應則適緣所現。初章廣明此法。謂淨土果也。淨土因者。始自直心。終乎意淨。總該萬行化他及自行。次章廣明斯法。謂淨土淨因也。問。應先明土因。後履得果。何故先果後因。答。此據答問次第。即辨履說門。若就修行。則先因後果。



也。又二章不同者。初明修淨土意。次正明修於淨土。修淨土意者。凡夫但爲安自身。求生好國。二乘本期。威惠。意在無餘。於遊戲神通淨佛國土。不生喜樂。故並不修淨土。菩薩普化衆生。故取於佛土。故云衆生之類是菩薩佛土。隨所化衆生。而取佛土。以普欲化物故。不同凡夫。而取佛土。簡非小行。故一言之中。簡異聖凡。明菩薩修淨土意也。又法身無像。安用國土爲。而今修淨土者。意在爲物。是故。初章明修淨土意。次章正修淨土。如上釋之。又二章不同者。初章直明爲物取土。次章釋成爲物之義。菩薩修土因時。因淨其心。亦令衆生心淨。即修土因時。利物因中。既雙修自行化他。菩薩成佛。得淨土果。所化衆生。隨來受生。得教化之。故是果時爲物。以因果二時並皆利物。故知爲物取土。即釋前章也。又二章不同者。初章正明菩薩起。□爲衆生取於佛土。是以文云。能取佛土。非於空也。次章明行。始自直心。終履意淨。以能行相成。故要須二章經也。又初章明爲物取土。即是發菩提心。心即淨土根本。所以然者。既欲取佛土。宜發佛心。故菩提心爲淨土本。次章明淨土因。即修菩薩行。修菩薩行。方得佛土趣佛之門。唯此二意。是故華嚴善財童子。遍遊法界。諸善知識。皆云。先已發菩提心。但未知云何修菩薩行。今此二章。還明兩法也。又二章不同者。前明爲物取土。則大慈內充。以見物受苦。起大悲心。欲拔其苦。故取佛土。後明爲物起淨土門。夫欲爲菩薩。要先有大悲。後

廣興衆行。此二是化物要門。佛土之根本。故二章明之也。又二章不同者。淨土有因有緣。緣有二種。一者外有衆生。二者菩薩內有悲佛。初章明衆生之類是菩薩佛土。即緣中之二。次章明修淨土因。亦有二種。一自修衆行。二令衆生亦修衆行。要緣中具二因門。有多佛土方成。此之七意。文具含之。不可闕也。次論二是

所以諸佛淨土中。徒衆不同。或具五乘衆。或但人天衆。或唯有聲聞衆。或但求緣覺衆。或但菩薩衆。具如經說。後明別爲物。起菩薩根入佛智慧。根義不定。若對人天及二乘。明菩薩根者。即十信是也。何以知之。菩薩根本。以信等五法爲根。如釋論履之。十信既明菩薩信。故知菩薩根也。又欲迴前四乘。令入菩薩道。故取佛土。則前四乘。始入十信。故明十信爲菩薩根也。入佛智慧者。即是佛果。十信是所爲之始。佛慧是所爲之終。該始括終。則所爲事盡。又前始自四乘。令入十信。乃至佛慧。網羅所爲始終。無一衆生而不化之。問。何故先明爲四乘取佛土。後別爲菩薩。答。已如前說。次第法爾。先與小益。後與大利也。又諸佛之法。先雖說三。後要歸一。此經雖未彰意。略已成密化。又此二章經文來者。初章爲淺行之人。取於佛土。故謂地前四十心。令其生善滅惡。發菩提心。修菩薩行。後章偏爲登地以上名菩薩根。登地既始得無生。道根初立。次明佛慧從七地入佛眼地。至于佛果。皆名佛慧。所爲雖廣。不出五十二位。亦統始括終。故有第二文也。又來意者。初二句。明爲物取報土。次兩句。明爲物取應土。問。何以知然。答。後二句云。隨諸衆生。應以何國。此明適緣示淨土不同。華嚴百萬阿僧祇品。淨土隨根淺深。故示土優劣。故知是應。又隨以何淨穢雜等五種之土。則知是應土也。前文但明教化調伏。而取佛土。不云隨機示土。故知明報土也。爲物雖多。不

問。初章經文凡有四句。一云。隨所化衆生而取佛土。次云。隨所調伏衆生而取佛土。次云。隨以何國而起菩薩根。而取佛土。次隨以何國而入佛智慧。而取佛土。四文何異。請爲論之。答。此四句文。並明取土之意。但前二句。總明爲物取土。後二句。別明爲物取土。何以知之。初直云。隨所化衆生。隨所調伏。故知是總。後文別明。起菩薩根。入佛智慧。故知是別爲物也。問云。何總別。答。總爲物者。通爲五乘衆生。令其生善滅惡。隨所化衆生而取佛土。謂化令生善。隨所調伏衆生而取佛土。調令滅惡。

別論初章

問。初章經文凡有四句。一云。隨所化衆生而取佛土。次云。隨所調伏衆生而取佛土。次云。隨以何國而起菩薩根。而取佛土。次隨以何國而入佛智慧。而取佛土。四文何異。請爲論之。答。此四句文。並明取土之意。但前二句。總明爲物取土。後二句。別明爲物取土。何以知之。初直云。隨所化衆生。隨所調伏。故知是總。後文別明。起菩薩根。入佛智慧。故知是別爲物也。問云。何總別。答。總爲物者。通爲五乘衆生。令其生善滅惡。隨所化衆生而取佛土。謂化令生善。隨所調伏衆生而取佛土。調令滅惡。

出報應問前後二義。將不相違耶。答。初義攝緣明所為緣。後義攝土明土義。又含二旨。故兩義相成。問。前云五種土。請示其相。答。一淨土。二穢土。三雜土。四本不淨後變而成淨。如彌勒來也。五本淨後變成不淨。如彌勒去後土還不淨。此五土攝一切土。又報應各五。故成十土也。

論報應

問。云何報土。云何應土。答。若以寶玉之淨沙礫之穢。以此二土。為佛土者。皆是應土。非是報土。何以知然。夫淨穢諸土。不出三界內外。而佛既無三界內外惡業。故無復土。今有土者皆是應物。名為應土。故仁王云。三賢十聖住果報。唯佛一人居淨土。此明三賢十聖有三界內外報土。佛則無也。問。即此應土。亦是報不。答。亦得是報。凡有二義。一者據佛。二餘衆生。據佛者。如來昔日起於佛行。以土應物。今成佛果。遂能以土應物。當知此土即是報土。二餘衆生者。佛雖應物示土。衆生無業感之。尚不得見。何由得生淨土。以衆生修行淨因。感斯應土。即此應土。復得名報。如華嚴云。非一因緣淨土得起也。

次明報土者。為據因位三賢十聖實行為論。即是報土。以未免三界內外果報。必有栖宅。栖宅之處。是菩薩實報。故名報土。即菩薩報土。而復化物。與菩薩同生其中。據衆生感。菩薩土亦名報土。即此報土。衆生宜見之者。菩薩為之示現。故報土亦名為應也。據菩薩為報。約衆生為應。問。若然即報應何異。答。

正可具前諸義。不可迢然歷別。家師常云。報應土。應報土。衆生佛土。佛衆生土。佛菩薩土。菩薩佛土。下土聞之則便致笑。今恐不逮者多。故不陳此說。斯言正會經旨也。問。今頗有報應異義。以不答。一往欲示異相者。應土則暫有。報土則長久。如此經按地所現小時便息。報土據衆生果報共招久期受用。以此為異也。又如穢土。是衆生惡業所感。故名為報。非是佛示現。所以非應。但佛入穢土化物。託居衆生報土之中。故名此報以為佛土。問。即衆生惡業穢土。是佛應土不。答。佛應居其內。故稱佛土。亦得名為佛應土也。故下文云。為欲度斯下劣人故。示是衆穢惡不淨土耳。考斯言旨。本是身子之流。不依佛慧。故曰見不淨。此是惡業感土。如餓鬼惡業故感鐵丸。非是佛應。但佛應。但佛應居其中。故說為示現耳。

論土有無

有人言。佛一向無土。土皆是三界內外果報。佛斷惑因已盡。不感土報。是故無土。有人言。佛具足法土。以法界法門無不圓滿。豈無土耶。今明有無各有其義。若如四住為緣有漏業為因。感三界內報淨穢法土。無明為緣無漏業為因。感三界外。當知佛則斷因已竟。無復此報。故言無土。所以經云。普賢色身命猶如虛空。依於如如。不依佛國。何有土矣。而昔行菩薩道。大悲能行。能為衆生。起三界內外法土以益物。今遂能應物起土。即此身果。酬於昔因。佛則有土。二匠不達會通。故各偏執。

耳。問。仁王云。唯佛一人居淨土。是何土耶。答。此中道第一義諦。名之為土。菩薩爾時登第一義山頂。與無明父母永別。故獨居淨土。下位之流。未栖其中。此中道種種義說。對下三賢十聖果報之土。故名中道以為淨土。為法身所栖。形二邊名為中道。望世諦為第一。隨義說之。不應生疑。瓔珞法華。皆有此說。問。中道土亦是報不。答。酬因亦是報也。但中道實相。非因所生。故不作報名耳。

論二行

問成就衆生與淨佛國土。常有此文。未見其異。請為分之。又如前云。為物取土。乃見淨佛國土。即是成就衆生。云何有二行異。答。二行相成。不可。迢然使異。今欲分其相者。釋論云。成就衆生。履其利物之行。淨佛國土。明為物興所行。所行不同。故分二也。又無量壽佛為因之時。廣發四十餘願。願令土淨。故後得淨土。大品夢行品末。明菩薩見衆生飢寒凍餓。起諸大行。行得淨土。又即此經云。行取佛土。故知是行。問。若爾何故復修淨土因耶。答。前興大願。後廣起衆行。行行具足。及得淨土。但起淨土。凡有二門。一者。下見衆生種種苦惱。故興大行。行取淨土。二者。上見諸佛國土安樂清淨。菩薩發心求之。欲以給物。行亦二門。例此可見。問。行自感土。何用願為。答。行如車運。行為御者。以願。標心有在。故御行趣之。又心為初門。行為後起。如先發大願。後方起行。又心一時頓發。行則次第修之。問。釋論何因緣故言。菩薩得悟無生忍已。復唯明

就衆生淨佛國耶答得無生法忍。即是自行已立。今所應作。唯欲化他。化他之中。不出大行。大行故。偏明此二也。問。此大行。大行應通自行化他。何故。偏言化他。答。至人空洞無緣。何用土爲。今既取土。必是爲物。故此行皆是化他。問。文云。欲得淨土。當淨其心。隨其心淨。則佛土淨。豈非自行。答。若爲令土淨。故淨其心。亦是爲物。故自淨其心耳。若直言菩薩自淨其心。不期土淨者。此之淨心。容通自行也。又菩薩若自行若化他。皆是化他。所以然者。爲欲化他。故修自行。自行不成。不能化物。今欲化物。要須自行。故一切行皆爲化他。況淨土行耶。

又明淨佛土與成就衆生二義者。淨佛土。多據果門。成就衆生。多據因門。所以然者。必成佛之時。方得佛土。如經云。菩薩成佛時。不謬衆生。來生其國。故知因中起淨土之行。據果時益物。成就衆生。多據因門者。菩薩成就衆生故。衆生已生淨土耳。問。何以知然。答。經論自標二行各異。云淨佛土行。此行標果立行。若成就衆生。但約利他。不標於果。故知據因。又二行異者。淨佛土行。是上求之行。成就衆生。隨所利益。故。是下化之行。菩薩要行。不出斯二。又淨佛土行。是別行。成就衆生。此是通行。何以知之。但云淨佛土。不明穢土。故是別行。成就衆生。隨有淨穢之處。皆明利物。故是通行也。問。前就行門分二。今何故並云行耶。答。論主明此是二種要行故。當知皆是行也。據位明二行。從初發意乃至等覺。

皆具修二行。約十地經。八地正明淨佛土。九地四無礙。履成就衆生也。

論二慧

問。前文云。譬如空地造室。隨意無礙。若於虛空。終不能成。此文欲明何義。答。欲明取於淨土。要具二慧。但有所行爲物取於淨土。則有方便。無實慧。墮凡夫地。以凡夫人天求亦淨妙處。故若但有修空觀。則不得爲物取土。墮二乘地。今具實慧。方便取土。義故。以實慧方便。爲物取土。方便實慧。土亦本空。衆生非有。凡夫故無所染著。無所染著。不同凡夫。爲物取土。異二乘行。故須二慧。所以云世界非一因緣所能得起。宮室者佛土也。空者實慧也。地者衆生也。故以菩薩空心。依衆生地。然後起淨土。因得淨土果。故名造室也。

論一質異見

法華玄論已略陳之。但此義人喜迷。人宜須決了。問。定以何物爲一質而云異見。答。今既明一質異見。宜就土辨之。土雖無量。不出三種。一法身本土。二迹中明報應二土。法身本土。即中道實相。此土非垢非淨。不生不滅。超百非。絕四句。不知何之目之。強歎美云淨土。言一質者。即中道實相一淨質也。異見者。於佛如來常見中道實相。衆生恒見斷常生滅。生滅之土自燒。無生之土不毀。故名一質異見。二者。就迹中報應二土。明一質二見者。以應土爲一質。若應淨土。即一淨質。穢土亦然。但二緣所見。各自不同。心依佛慧。則還是淨質。若不依佛慧。則放一淨質。遂見其穢。故

名一質異見。問。穢緣自見穢土。何須應以淨耶。答。有二義。一顯菩薩之德。令增進願行。二彰小乘之失。令欣慕大道。譬如欲誠初生諸天福之厚薄。故共寶器食也。

次明報土一質異見。如諸菩薩報得淨土。惡業衆生。於淨見穢。問。菩薩淨報。自見淨土。衆生不淨業。自見衆生不淨土。云何於菩薩報。見不淨耶。答。若論二報不同。衆生不見者。今不論之。但據衆生見。菩薩淨土而成穢土。如經云。我此土淨。而汝不見。譬如於人報水。餓鬼則見火。問。鬼惡業故。於水見火。不見水。人則見水。不見火。可得云諸佛菩薩見淨土。不見穢。凡夫二乘見穢土。不見淨。以不答。以理言之。則應爾也。但勝能兼劣。故佛菩薩見淨。隨衆生復見穢。如華嚴法界品云。天得見人。復得見天。人但見人。不得見天。菩薩自見境界。不可思議。復見二乘所行顛倒。問。若爾。鬼但見鬼家之火。不見人水。人應見人水。復見鬼火耶。答。見水成火。此是辨惡業。於水橫見火。人無此業。故不見之。問。若爾。二乘惡業故。於菩薩境界橫見不淨。菩薩應不見其不淨。答。諸佛菩薩有隨順衆生故。普入諸故。能知能見。故華嚴云。隨順衆生故。普入諸世間。智慧常寂然。不同世所見。人無此事。故但見人水。不見鬼於水上作火。上來皆是寄事明之耳。

論同實異

習成實論者云。土是世諦。非無一質。但即真空。故無質耳。晚習唯識攝大乘論者云。如虛

● 偏一偏 ● 故一所 ● 人二之 ● 放二於 ●

空。天見之爲寶宮。鬼見之爲猛火。鳥見之爲好路。人見之爲虛空。並無四質。悉是心變異故。見此四耳。續子部云。人成結成事。事成者。即六塵等事。此明實有一質。薩婆多云。人不成結成事。亦有一質。譬喻部云。人不成事不成。但有結成耳。如一色。貪人見之爲淨。不淨觀人謂不淨。餘人見之爲非淨不淨。故無有定質。但有結使之心。尋譬喻之計。似唯識之宗。今先問唯識宗。若無境有心者。夫論因必有果。有果必酬因。心是方化之因。故云三界皆一心造。既計能造之心因。豈無所造之境果。若無境有心。則是無果有因。問。心變異故。見有外境。但外境猶是心。心外無有境。故有因亦有果。答。如外種子爲因。生外物之果。而有因有果者。今以心爲因。變異生三界五道。何故言無別果耶。若言心橫謂故見萬物。實無萬物。如眼病見空華。實無空華。若爾。實無萬物。亦無妄謂之心。而於妄謂之者。有妄謂之心。亦於妄謂之人。有妄謂之境。若言心境俱是妄謂。終因心故有境者。此乃是妄謂之心爲本。妄謂之境爲末。不得言本有而末無。又衆生心變異故。見衆生土。諸佛菩薩應土。誰所作耶。若言亦是衆生心變異故。見應土者。佛則無應土。若爾但有法。實兩身。應無化佛。又但有他心。無天眼耳。問。佛有權實二智。實智則見真如。不見識不識塵不塵。權智則知世諦等境。就世諦智中。復有權實二智。唯有有心。此是實智。若知有色。此是權智。故佛以權智。隨順衆生。亦有化身應

土。答。佛隨順衆生故者。爲見衆生色故。順爲不見故。隨。如其不見何得隨。若其見者。既其無色。何所見耶。又佛若見色。則是倒見。次問有定質義。答。若有定質者。如一水兩見。鬼見成火。則有色觸。人見爲水。便是三塵。定是何質。色。於不得通者爲礙。於得通者不礙。寧言色定是質礙。於有見人爲有。於觀空人爲空。色豈定是空有耶。以此推之。不得定言有一質。亦不得定言無一質。問。何故經論之中。說有一質。說無一質耶。答。天親論主。爲衆生於五塵中起煩惱業。招生死報。是故論云。實無外境。皆是心之所作。本有外境。可起貪瞋。既無外境。於何處起煩惱耶。外境既無。則心亦不有。則不心不境。便悟入實相。是故說無境有心。此是對治悉檀。非第一義。學人不體其旨。便謂無境有心。問。何故復明有心有境。答。於顛倒衆生。既有倒心。即是倒境。但要因倒心。故有倒境。倒心爲本。倒境爲末。是故經中說有心境。諸部不知隨順衆生說有此事。便謂心境二俱實有。問。若有心境。何故於空中見火。復於水見火。答。經云。五不思議中。衆生業行不思議。自有空中無火。以惡業故。見空成火。自有於人中報水變而成火。問。若爾即是無境。云何言非。答。於衆生有心。即見有境。云何言無。問。若爾即成有境。云何言非。答。於鬼見火。人實不見。云何言有也。

正法

淨名玄論卷第八終

維摩經義疏卷第一

No.1781 [Cat. Nos. 475, 1780]

長安弘法寺沙門吉藏撰

玄義開爲四門。一定淺深。二釋名題。三辨宗旨。四論會處。夫至趣無言。玄藉彌布。法身無像。物感則形。故知無言而無不言。無像而無不像。以無言而無不言。故張大教網。直生死。流。以無像而無不像。則住如幻智。遊戲六道。是故斯經人法雙舉。言其人者。所謂淨名。以淨德內充。嘉聲外滿。天下藉甚。故曰淨名。豈止降魔勞怨。制諸外道。亦五百聲聞自稱不敏。八千菩薩失對當時。所言法者。謂不思議解脫也。內無功用。不假思量。外化幽微。物莫能測。謂不思議也。縱任自在。塵累不拘。道實雙流。二慧常並。謂解脫也。余以夫開皇之末。因於身疾。自著玄章。仁壽之終。奉命撰於文疏。辭有闕略。致二本不同。但斯經。是衆聖之靈府。方等之中心。究竟之玄宗。無餘之極說。故諸佛之所寄。諸弟子之所曉者也。但至趣沖遠。妙契其門。遂使妄執五時。謂理猶未滿。或虛談四教。稱之爲半字。致令無擇。起于胸衿。不救出自唇吻。般若信毀之文。法華譬喻之說。盛陳報應。實可塞心。吉藏案。成實論師。開善智藏。執於五時。謂此經爲第三時抑揚教也。招提慧瑗。用四時教。謂此經是第二時三乘通教攝也。雖執三二階差別。同謂此經明果。猶是無常。無常

①寶二報②③④弘安七年東大寺沙門聖然加點龍谷大學藏寫本⑤大日本續藏經⑥明和五年刊大谷大學藏本維摩經遊意⑦(玄義)二十二字(夫至也)百七十五字⑧藉二籍⑨⑩物感二感物⑪⑫法二海⑬⑭其二說⑮⑯曉二扼腕⑰⑱妙二妙⑲⑳于二⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿

辨因未得盡理。故義非極滿。教為半字耳也。古藏。謹案誠文。考其得失。宜廢五四之穿鑿。立一極之玄宗也。此經方便品云。諸仁者是身無常甚可思厭。當樂佛身。佛身者即法身也。蓋毀生死無常。讚法身常住。令厭茲生死。欣彼法身。則逼引之教成。欣厭之觀立。若生死無常法身復起滅者。則同可厭棄。何所欣哉。又說生死無常。以破常見。明法身常住。斥於斷滅。令遠離二邊。顯于中道。若生死與法身同無常者。則但斥於常。未破無常。則洗病不周。顯理由未足。又說生死無常。破凡夫保常之迷。明法身常住。斥二乘計斷之執。故非凡夫行。非賢聖行。是菩薩行。若生死與法身同起滅者。則但超凡。猶未。越聖。以此詳之。故知常矣。二者。弟子品云。佛身無漏。諸漏已盡。佛身無為。不墮諸數。無漏則五住因傾。無為則二死果盡。蓋辨法身常住也。出五濁世。現行斯法。度脫衆生。云病須乳。此明應述無常。所以開本述者。以淺識之流。取信耳目。於如來身。起輕劣想。故彰阿難不達。同彼愚迷。淨名高呵。以開法身之。喝。使悟妙本無為。述有生滅。若謂法身猶是無常。則同淺識之昏瞶。受淨名之詰責矣。又若未被呵。謂佛無常。則迷同淺識。既已聞高責。猶執封起滅。則過甚。遇瞿二者。阿闍佛品。明法身非有為非無為。即是非常非無常。體絕百非形備萬德。乃為究竟法身。常與無常。皆是對治之用。若謂無常。則未達其遍用。何由鑒其圓本。以三處計之。則人常義顯四者。觀

衆生品天女章云。但以文字故曰三世。非謂菩提有去來今菩提既超三世。則無相無為。所以常住。尋如來為能證之人。菩提為所證之法。人法既常。則理為究竟。便驗半是虛談。滿為實說。尋味之徒。宜改舊轍也。教曰。尋夫立義宗者。取淨名室內之說。以為正也。前三之三之文。乃為由序。次之一句。復是流通。未足證常。不應輒引。故舊轍須依。新宗宜棄。開華指提。答上所引文。則斯經四會。方便品謂毘耶初集。弟子章即菴蘭始會。天女說謂方丈重集。阿闍佛品即菴蘭再會。二在室內所談。兩居方丈外說。何得謂前為序分後是流通也。又設序明常住。正說起滅。則正淺序深。義成顯倒。又法身常住不可思議。如其起滅。何名莫測。又若是常住。即教圓理滿。宜持之者。則重法尊人。若是無常。便非了義。真教之流。起輕劣想。進無弘法之功。退有誤物之累。以文義往推。故知圓極。問。既斥五時之教。復呵四宗之說。云何判於佛教。答。夫四生擾擾。為失虛懷。六趣紛紛。寔由封滯。則知迴流苦海。用取相為源。超然彼岸。以無著為本。但累根匪一。故蕩惑多門。統其要歸。凡有二轍。一隨小志稱曰小乘。二順大機名為大乘。但一化終始。開為四門。一者顯教菩薩不密化聲聞。即華嚴教也。大機已熟。故顯教之小志未堪不宜密化。故羅列珍玩。正為宗親。窮子墜地。未堪授寶。二者顯教聲聞不密化菩薩。即三藏教也。故誘引將順。正為二乘。更遣餘人不化菩薩。二者顯教菩薩

密化聲聞。即般若等教。嚴土化人正教大士。付財命說密化小志四者。顯教菩薩顯教二乘。即法華教也。以大士疑除故正教菩薩。羅漢作佛即顯化聲聞。此之四門。始自寂滅道場。終乎吉祥福地。明一化始終次第之說。理無不統。教無不攝。但四門之內。三屬菩薩藏收。顯教聲聞不密化菩薩。為聲聞藏攝。問。若佛初成道。但顯教菩薩不密化聲聞者。何故華嚴教門亦有明小乘法。如賢首品云。或說聲聞小乘門。或示緣覺中乘門。或說無上大乘門耶。答。一化之教。復有傍正四門。一者。正顯真實。傍開方便。即華嚴教。正為菩薩說於大因。令趣大果。謂正顯真實。亦傍令大士識二乘是權誨餘小行。故傍開方便。二者。正隱真實。正開方便。即鹿苑教門。說三乘究竟。正隱一乘真實。不明小是權說。故正開方便。門三者。正顯真實。傍開方便。即般若等教。以歎大乘究竟。故正顯真實。未明三乘權化。故傍開方便。問。以何文證般若等教已顯真實。答。法華信解品云。一切諸佛所有祕藏。但為菩薩演其實事。而不為我說斯真要。此指般若時事。故知大品已明真實。問。般若淨名既未開三乘是方便。云何已顯一乘為真實。答。顯佛乘真實。凡有二門。若是法華。對三乘方便。顯一乘真實。若是般若淨名。毀小乘為劣。讚大乘為勝。故大乘真實也。四者。正顯一乘真實。正開三乘方便。即法華教。故法師品云。此經開方便門示真實相。即其事也。四門之義。三屬菩薩藏收。正隱真實。

①通引二通別②或令二見③〔出〕一④越二也⑤開二開⑥明二明⑦受二取⑧遇二思⑨計二詳⑩超二越⑪三之二⑫之之⑬〔謂〕一⑭〔正〕一⑮〔正〕一⑯〔正〕一⑰〔正〕一⑱〔正〕一⑲〔正〕一⑳〔正〕一㉑〔正〕一㉒〔正〕一㉓〔正〕一㉔〔正〕一㉕〔正〕一㉖〔正〕一㉗〔正〕一㉘〔正〕一㉙〔正〕一㉚〔正〕一㉛〔正〕一㉜〔正〕一㉝〔正〕一㉞〔正〕一㉟〔正〕一㊱〔正〕一㊲〔正〕一㊳〔正〕一㊴〔正〕一㊵〔正〕一㊶〔正〕一㊷〔正〕一㊸〔正〕一㊹〔正〕一㊺〔正〕一㊻〔正〕一㊼〔正〕一㊽〔正〕一㊾〔正〕一㊿〔正〕一

正聞方便，聲聞藏攝。若照此二種四門，具識三世諸佛教意也。

釋名第二 凡有二門。一、明名本，二、解本名。名本爲六。一、攝總爲三。二、會三爲二。三、會二歸一。四、派一歸無。五分大小。六、考同異。維摩詰不思議解脫本者，謂不二門也。由體不二之道故。有無二之智。由無二之智故。能適化無方。是以經云。文殊法常爾。法王。唯一法。一切無礙人。一道出生死。故以不二爲衆聖之源。夫欲叙其末。要先尋其本。是以建篇論乎不二法。問不二法門既爲理本。請聞其要。答。一道清淨故。名不二。真極可軌所以云法。至妙虛通故。稱爲門。蓋是總衆教之旨歸。統群聖之靈府。淨名現病之本意。文殊問疾之所由。既欲聞之。今當略說。大明不二。凡有三階。一、衆人言於不二。未明不二。無言。所謂下也。文殊雖明不二無言。而猶言於無言。所謂次也。淨名鑒不二無言。而能無言於不二。所謂上也。良以道超四句。故至聖以之沖默。不二爲極。意在於斯。問。夫法身無像。物感則形。至趣無言。而玄藉彌布。則是像於無像。是言於無言。乃見文殊之言深。淨名之默淺。三階之論。意所未詳。答。三階之說。爲明理深淺。未辨應物垂教。以末難本。豈謂玄宗。今當爲爾重舒其意。夫不二理者。謂不思議本也。應物垂教。謂不思議迹也。非本無以垂迹。故因理以設教。非迹無以顯本。故藉教以通理。若然者。要須體理無言。然後乃得應物有言耳。衆人雖言於理。未明至理。

無言。則未詣於理也。文殊卽唱理無言。而猶言於至理。亦未稱理。淨名鑒理無言。而能無言於理。始詣理也。以如理無言故。能無言而無言。稱理無像故。能無像而像。衆人未能如理無言。安能無像而言。未能如理無像。安能無像而像。故文殊之言淺。淨名之默深。三階之論。意彰於此。難曰。三階之說若成。不二之言卽壞。何者。既稱不二。寧有三耶。如其有三。何名不二。卽事相違。義如鉅析。答。蓋是以教惑理。故謂相違。若識理一教三。則有如符契。何者。衆人以言違法。未息違法之言。文殊欲息違法之言。故借言以止言。斯二雖殊。同未免於言。故以言爲教。淨名欲息文殊之借言。故默顯於無言。則用無言表理。是以教有三階。而理無二轍。問。至理無言。而文殊言於無言。可得以言爲教。淨名鑒理無言。而能無言於理。云何亦稱爲教。答。蓋未妙尋其旨。故有斯疑。若審察之。則前通已顯。何者。淨名寄默然之相。以顯無言之理。所詮無言。則爲是理。能表之相。稱之爲教。是以教有三門。而理無二矣。問。至理無言。而文殊言於無言。猶未極者。亦至理無相。而淨名相於無相。豈詣至理耶。答。文殊既言於無言。亦相於無相。淨名既體理無言。故能無言於無言。亦體理無相。則無相於無相。故名相並遣。乃妙窮不二。問。淨名既體理無相。何故相於無相。答。若不相於無相。何由得止於言。爲欲止於言。故相無相耳。問。若爾者。在言雖止。而相復在。其猶迷峯趣壑。俱不免患。答曰。言猶名也。故

名則爲妙。相猶形也。在形則龜。既悟理無名言。卽領道非形相。故峯壑俱迷。患難都免。問。若爾者。則衆人之言未極。淨名之默始詣。何不直顯無言。而迂迴三轍。答。仲尼之遇伯雪。可目擊而道存。妙德之對淨名。亦二默而相領。但玄悟之資既冥。級引之教須明。故開此二門。以通入不二。問。玄悟之資既冥。級引之教塵沙。何故唯徹二門。而不廣開階位。答。初門以言泯法。次則借言止言。後門假默除借言。斯乃理無不備。教無不周。故但明三矣。問。淨名既爲一經之主。不二復是衆經之宗。何不自談。而命衆共談。答。蓋欲寄人優劣。以彰教有淺深。衆人止爲翼從。示道根尚劣。但能以言泯法。未能息泯法之言。文殊既銜高命。而親對擊揚。則神機爲次。既借言泯法。復能假言止言。淨名當今教主。則悟入最深。故寄默然。顯理都絕。問。唯就教主。亦約悟緣。答。所以託述三人。本爲引物。下根悟淺。但詣初門。次機小深。漸階第二。上人徹理。辭登玄堂。合三爲二門。第二復三雙。初以語默二攝於三門。佛勅弟子。常行二事。一、聖說法。二、聖默然。說實相法。名聖說法。觀實相理。名聖默然。從實相觀。說實相法。說實相法。還入實相觀。故動靜四儀。皆合實相。答。言若默。並應般若。今此三門。還依聖旨。衆人以言泯法。文殊借言止言。同就言明不二。謂聖說法。淨名無言明不二。謂聖默然。若爾者。要由衆人之說。故顯淨名之默。因淨名之默。以顯衆人之說。命

①則十具②明二釋③合二合④二十(法)⑤由二有⑥准二准⑦無二不⑧(是)一⑨見二見⑩諸二諸  
⑪變十(於)⑫相十(於)⑬二二一⑭其二其⑮教二教⑯二二三⑰曠二曠⑱經二教⑲說二說  
⑳示二爾㉑(能)一㉒堂二室㉓復十(有)㉔說實相法一㉕言二語㉖之二二人





所以然者。智度論云。大能包小。故大兼釋小。小不。含大。故小不釋大。進退微之。即知專是小乘。不兼大矣。又羅什親翻成實。非明大乘。以此詳之。即可知矣。問。若成實爲小。何故世所盛傳。答曰。淺法符情。物皆易受。正言似反。誰肯信之。問。成實若小。梁武崇大。何猶真學。答。梁武初雖學之。後遂彈斥。著大品經序。呵成實師云。若執五時之說。謂般若淨名未圓極者。無異窮子。反走於宅中。獨踞掩。自於道上。法水所以大悲。形山所以流暢。梁武初學成實。毘曇。聞攝山栖霞寺高麗明法師。從北山來。善解三論。妙達大乘。造智度等十人。就山學之。而傳授梁武。因此遂改小從大。又齊司徒敬陵。天宣王博涉內外。經律兼通。常虛懸日沈輝。每欲網維正法。爲時學人專弘成實。遂廢障大乘。仍刪改成實。凡有九卷。以助通經文。衆事推之。必非兼弘之說也。問。若成實爲小。三論是大。則二教分流。何俟相斥。答。原佛興世。本爲大乘。但根性未堪。故推示小教。雖復說小。意在詮大。而保實之徒。遂守指忘月。保小拒大。如五百部聞畢。竟空。如刀傷心。是以龍樹破彼小迷。令趣大道。若不呵責。便違本誓。譬如稚子。未有所知。取枯骨木枝。以內於口。父母見之。已恐爲其患。故左手捉頭。右手挑出。假使血流。終不捨置。四依破病。其義類然。又諸方等教。盛毀聲聞。以執小乘。多好謗大。如其謗大。則永沒無聞。故涅槃經云。菩薩從初發心。起大誓願。令我怖畏。二乘道果。

如惜命者。怖畏捨身。法華經明。豪貴長者。譬大乘人。除糞窮子。譬學小教者。大品經云。譬如癡人。不從大家求食。而反就作務者。索。龍樹釋云。大家者大乘教也。癡。大者學小乘人也。作務者所謂奴。客喻小乘教也。不從大家求食者。不學大乘求佛道。反就奴客求食者。喻學小乘佛法欲證法身也。如斯等教。親自盛呵。四依出世。造大乘論。申明佛旨。還復排斥。何所疑哉。同異門第六。問曰。義宗已盛談不二。未詳不二是何等法。答。有人言。不二法門。即真諦理也。此成實論。有人言。不二法門。謂實相般若。實相是真諦理。能生般若故名般若。此智度論。有人言。不二法門。阿梨耶識。此論師之所立也。有人言。不二法門。即阿摩羅識。此云無垢識。諸大乘論。四宗之內。初二約境。後兩據心。雖說境義殊。而同超四句。故釋迦掩室於摩竭。淨名杜口於毘耶。斯皆理爲神御。故口以之而默。豈曰無辨。辨所不能言也。今先總問四宗。次別開十句。衆師既云理不可言。爲有不可言之理。爲無此理乎。若有新理。即是右門。何名絕四。若無此理。則智無所會。凡不可隔。聖何由成。極應論。壞二門之內。謂有理也。又終有此理。而不說其有無。四續子計我有理存焉。竟復何異。注。續子計我。存字。不可說。五續者。三世爲三。無爲。是四。第五非有。非無。爲。又若真不可說。俗諦則有言。有言之俗。不可無言。無說之真。不可令說。即成兩執。何名不二。救曰。蓋是未悉義宗。故與斯問耳。今明俗雖可說。即真不可說。真雖不可說。即俗之可說。故相即

義成。不二便立。此成實衆師。難曰。請問相即。爲是一體。爲二體。耳。如其一體。即真俗互同。以俗即真。真絕俗亦絕。以真即俗。俗言真亦言。若真絕俗不絕。即俗不即於真。若俗言真不言。即真不即於俗。以二難互徵。即進退皆屈。斯一體義壞。若真俗異體。便不相即。如其相即。則異體不成。斯乃二路並窮。辭理俱喪。以此詳之。真俗不立。真俗不立。則一切義崩。古義。依龍樹提。二大士之難。末學謂非深義者。謂四依人也。次別開十門。以辨得失。義。匠並云。道超四句。故至聖以之沖默。今宜就絕四。詳其是非。第一天竺外道九十六師。略而言之。不出四種。第一迦毘羅執有。第二富蘭那計無。第三迦羅鳩駄明亦有亦無。第四長爪梵志立非有非無。迦毘羅執有。金頭仙人。富蘭那。是六師之初首。迦羅鳩駄。六師之第五。長爪梵志。是舍利弗。以勤學不暇。時人以此。若爾者。並墮四門。無絕四之義。故無不二之道。二佛滅度後。五百論師。諸部異宗。亦不出四句。如續子計我有法。名爲有見。方廣執無我無法。名爲無見。薩婆多謂無我有法。即亦有亦無。詞梨云。此俗諦有我。故非無。真諦無我無法。故非有。如此諸部。皆墮四門。無絕四之義。故無不二之道。既無不二之道。亦無有二。理教俱失。外國名。波云。續子。佛滅三百年出。執有人法義。薩婆多。謂一切有。執三。四是有。所以爲名也。又方廣是大乘總名。以學大乘。又薩婆多部。不得法空。計有塵有識。二方廣道人。執邪無之義。明無識無塵。三心無之論。計有塵無識。心無者。無心於萬物。得在於神。而失在物也。四唯識之義。執無塵有識。如斯等說。亦墮四門。故無有不二。問。

合二容② 非明二明非② 自二日② 形二稍② 北山一杜土② 散二竟② 天二文② 推二概② 木二枯②  
①之① ①如共謗大① ①借一情② ①譬一喻② ①教二乘② ①大二大② ①容十容② ①奴客二奴也容索  
②求十(食)② ②客二客② ②法二佛② ②門十(即)② ②句二問② ②則二即② ②隔十(聖)② ②極二推②  
③塵二噫③ ③塵二懷③ ③謂二終③ ③(與)十懷③ ③存二在③ ③五十(法)③ ③即二則③ ③釋二教也③ ③耳二耶③  
④匠一④ ④超二絕④ ④子十(部)④ ④此二世④ ④(則)十理④ ④滅十(後)④ ④四二世④ ④廣十(也)④ ④尙二未嘗④ ④詳二詳④



有塵有識。是凡覺執有之見。無塵無識。方廣邪無之說。無識有塵。人師自心不經聖口。然此三可得彈呵。唯識之義者。蓋是方等之宏宗。折微之淵致。詎可非之。答者天親唯識之意者。蓋是借心以忘境。境忘不存心。蕭然無寄理自玄會。非謂塵爲橫計心是實有。未學不達其旨。須斥之。故答在門人。非天親之過矣。次復論四句。一者有有無。名之爲有。二者無有無。目之爲無。三者亦有有無。無亦無有無。爲亦有亦無。四者非有有無。非無有無。名非有非無。次明重複四句。總上復明四句皆名爲有。所以然者。有此四句。故悉名爲有。次無此四句。名之爲無。亦有四句。亦無四句。爲亦有亦無。非有四句非無四句。爲非有非無。次明堅深四句。初階絕單四句。次門絕複四句。第三絕重複四句。雖復次第漸深。而惑者終謂窺冥之內。有妙理存焉。則名爲有。若無此妙理。則名爲無。亦有此理亦無此理。名爲亦有亦無。非有此理非無此理。爲非有非無。若然者。猶墮四門之內。何有絕四之宗。故知生心動念。即便便魔。若壞無所寄方爲法。爾。所以經云。是法不可示。言辭相寂滅。淨名所以杜言。釋迦所以掩室。者在斯一門。次明絕四句。句。絕四句。句者。非理。超四句名絕四句。乃明雖復洞絕而宛然四句。故名絕四句矣。問。何故明此義耶。答。稟教之徒。聞上理超四句。便謂窺冥洞絕同極法外道。是故。今明至道雖復妙絕。而四句宛然。所以經云。不動真際而建立諸法。

豈可妙絕不能言耶。次明四句絕。前明理雖洞絕而宛然四句。今明雖說四句而常是絕言。如天女之語身子。汝乃知解脫無言。而未悟言即解脫。故教滿十方。即是常絕。次明一句四絕。如一假有絕於四句。所以然者。假有不可定有。假有不可定無。假有不可定亦有亦無。假有不可定非有非無。故此假有。絕於四句。問。何故明此義耶。答。或者聞真常無言可得絕四。未知即一假有便具四絕。故次明之。第十絕一假有。依玄論可明也。第二次釋本名。由體不二之理故。起無二之智。由無二之智故。能適化無方。以適化無方故。施教非一。施教非一故。稱謂不同。則知不二之理爲立名之本。前釋其名本。今次論其本名不同。略明二種。一總釋衆教。二別解此經。總釋衆教。凡有五門。立名不同門一。切衆聖教說經。凡有二種。一者宜說不別立名。如大品等。九十章內。無有侍者問名如來答題。良以一部明波若事顯。即知是波若經。不繁別立。二者說經亦立名字。如云此經名爲大般涅槃。良由名義未彰。故須別立。此立名不立名一雙也。就立名之內。復有二種。一佛自立。如云爲諸聲聞說大乘經。名妙法蓮華。二待問方立。如金剛般若待善吉問名如來始答。此謂自他一雙也。就自立名內。復有二種。一序品已立。如金光明之流。二正說方立。衆經多爾。此序正一雙也。待問立名。復有二種。一說經未竟。隨一義說。即立名字。如小般若等。二說經究竟方始立名。即

此經是也。謂前後一雙也。就說經竟立名。復有二種。一者但立一名。衆經多爾。二者立於多稱。淨名之流。故云一名維摩詰經。二名不思議解脫。此一多一雙也。衆經雖廣。立名略有十種。問。華嚴一部。何故文無立名。答。此經凡十萬偈。傳譯未盡。立名當在後也。子闡國有龍樹傳云。華嚴凡有三本。大本有三千大千世界微塵。偈一四天下微塵品。次本有四十九萬八千八百偈。一千二百品。此二品並在龍宮。龍樹不誦出也。唯誦下本十萬偈三十六品。此世唯有三萬六千偈三十四品。故知華嚴名在後分矣。菩提流支云。佛滅度六百年。龍樹從海宮將名也。立名轉不轉門二。三世佛經立名有二。一名字不轉。二隨佛世異。如過去二萬日月燈明佛說大乘經名妙法蓮華經。現在釋迦同有斯名。此理名字不轉。二者隨佛出世立名不同。如十二部內伊帝曰多伽經。拘留秦佛出世之時。名甘露鼓。拘那含牟尼佛名爲法鏡。迦葉佛時名分別空。釋迦與世稱爲界經。蓋是適緣不同。故隨時異也。通名既轉。別名釋首題門三。天竺經題在後。而初皆云悉曇。悉曇者。此云成就。亦名舌法。而迴後直初。譯經人之所立也。問。衆經何故首題名字。答。欲令因名知法。因法起行。得解脫果。又根欲不同。說教非一。若不別立名題。則諸部不分。爲令衆部分別故。別立名題。又諸佛說法。有略有闕。闕即一部之文。略即一經之題。攝闕爲略。爲受持故。開略爲闕。爲解義故。又攝闕爲略。爲

①微二微②詎二誰③連二體④複明二明復⑤或二機⑥爾二印⑦〔句〕一⑧〔句〕一⑨超十〔於〕⑩道二理⑪是十〔四句〕⑫或二應⑬當二諸⑭四十〔句〕⑮具四二四句⑯起二有⑰〔以〕一⑱前十〔既〕⑲名十〔本名〕⑳〔切〕一㉑〔說經〕一㉒宜二直㉓故二若㉔〔自〕十立㉕〔亦〕十如㉖〔即〕十得㉗名十〔所由〕㉘品二本㉙世二土㉚度十〔後〕㉛名二來㉜出㉝理二謂㉞日二目㉟界二戒㊱異十〔名〕㊲舌二吉㊳〔因行〕十得

利根人。若聞經名。卽解其義。如龍樹等入於海宮。但看經題。具鑒文理。開略爲闕。爲鈍根人。聞名未悟。尋文乃解。是故衆經首題名字。具義多小門四。自有一義立名。或但從人。或但因法。或但就譬。次二義立名。或人法雙舉。或法譬兩題。或因果合說。次三義立名。如勝鬘爲人。師子吼爲譬。一乘大方便爲法。華嚴亦爾。大方等爲法。佛卽是人。華嚴爲譬。問。衆經皆是佛說。何故華嚴獨標佛耶。答。華嚴偏題佛者。此是佛初成道說之。故題於佛。自爾之前。未有佛說。從此已後。不須標佛。是故斯經獨標佛矣。又華嚴七處八會。是佛入華嚴三昧。說此法門。故須標佛也。又華嚴七處八會。加菩薩說。容謂是菩薩經。非是佛說。是故釋云諸菩薩等承佛神力。在佛前說。卽是佛說。故佛題也。人法差別門第五。衆經從人立名。凡有四說。一從能說人立名。如維摩等。二從所爲人受稱。如提謂經等。三從能問人立名。如文殊師利所問經等。四從所說人受稱。如無量壽佛經等。以說無量壽佛之事。故以標名。就能說人。復有五種。一者佛口自說。二者弟子說。三者諸天說。四者仙人說。五者化人說。此卽弟子說也。但弟子所說。多從人得名。如來所說。多從法受稱。所以然者。佛說無量。若皆云佛經。則諸部無別。今欲分諸部各別。故從法受稱。弟子若從法立名。卽師資相濫。如直云不可思議解脫經。不題淨名者。容謂此經卽是佛說。今欲簡師弟子不同。故從人受稱。故佛經不從

人。爲欲別法。弟子不從法。爲欲簡人。問。人法雙舉。凡有幾種。答。略有二種。一者人法雙題。合爲一。若如仁王般若等。二者人法兩舉。開爲二名者。謂人爲一名。卽維摩詰所說經。法爲一名。謂不可思議解脫。次釋此經。前總論人法。次別解釋人。此經人法雙題。凡有五義。一者。法不孤運。弘之由人。故如來命文殊於異方。召維摩於他土。爰集昆耶。共弘斯教。題淨名。標說教之主。辨不思議。明所弘之法也。二者。題淨名。尊其人也。標不思議。重其法也。以淨德內充。嘉聲外滿。聞其名者。孰不尊敬。重其法者。既云不可思議解脫。稟其道者。誰不重哉。三者。欲互相顯釋。故人法雙題。所以稱爲淨名者。以有不可思議解脫之德。此卽以法釋人也。次標不思議。舉經之宗旨。題淨名。辨法起之所由。故舉人以成法也。四者。欲明通別兩義。標淨名。卽爲明人別。題不思議。辨其法通。所以然者。此經凡兩化主。一者佛說。二者淨名說。若但題淨名之人。無不思議法者。但得淨名之說。便不該佛說。若明不思議。則具含二教。故人法雙題。五者。此經立題。具足三業。不可思議。標維摩詰者。舉能說之人。辨意業也。次云所說經者。明其口業也。次明不思議解脫者。序其身業也。此之三業。卽是次第者。前明意業。察機。次口業說法。後則身現神通。問。何故身業獨云不可思議。答。以後貫初。則三業皆類。又身現神通。不思議事顯。故偏說之。別釋人凡三門。初翻名。外國稱毘摩羅

詰。羅什僧肇翻爲淨名也。道生曇詵說。云無垢稱。眞諦三藏云。具存梵本。應言毘摩羅詰。利帝。毘稱爲滅。摩羅爲垢。吉帝爲鳴。合而言之。謂滅垢鳴。初從所得爲名。次從所離爲目。滅垢猶是所離。以聲聞天下。故稱爲鳴。鳴亦名義耳。言雖闕略。而意無異也。因無因門二總論立名。凡有二種。一有因緣。二無因緣。有因緣者。在名既多。則因緣非一。略有四種。一從生處立名。如天趣故名爲天。餘道亦爾。二從相貌受稱。如有黑白長短等相。卽以爲目。三從過失得名。如賊盜之流。四從德行爲目。如法師之類也。無因緣立名者。涅槃經云。低羅婆夷。名爲食油。實不食油。是爲無因緣立名字。河西道朗云。低羅婆夷。此云鷄雀。維摩立名。具有二義。一者據法身而言。體絕百非。形超四句。故名相斯絕。但爲出處。衆生強立名字。故是無因緣強立名也。問。法身絕名。物感有字。卽是因緣。何名強立。答。法身不可名。而爲法身立名。故是無因緣強立名耳。若就物。感立名。名因感立。卽是有於因緣。故一名之內含二義也。次明有因緣立名者。若無因立名。此據法身。有因立名。就於應迹。維摩既託質毘耶。現從父母。必有名字。以其生時具有淨德。依德立名。故號淨名。次卽如來印嘆。衆世人嗟美。以有淨名。故立淨名。問。一切菩薩皆有淨德。何故維摩獨受其名。答。如諸大士。雖皆有慈。彌勒卽以慈德爲稱。今亦然矣。又此是在家菩薩。示同塵俗。而心栖累表。世所希有。故偏受斯名。

但二單 題二稱 等二開 師二佛 說二現 佛二題 說二種 此十經 說十經 子二資 若二名 別十釋 法二造 道 爲其法者 辨十共 不十可 者一 察二聖 可一 也一 說二影 爲二云 吉十利 吉十利 亦二 在二立 有二明 如十生 惑二惑 二二三

舊傳云。佛喻經說。淨名姓王氏。別傳云。姓雷氏。祖名大仙。父曰。娜提。此云智。慕母姓釋氏。字。實。年十九嫁。父年二十三婚。至二十七。於提婆羅城內生淨名。淨名有子。字曰善思。甚有父風。如來授記未來作佛。言藏未得彼經文也。論德位門二。問。是淨名是何位人。能真俗並觀。答。方便品云。淨名得無生忍。不判淺深。但釋無生並觀。凡有三說。有人言。初地得無生忍。即能真俗並觀。此江尚靈味寺少亮法師之所說也。有人言。七地無生。真俗始並。此關內什肇等之所說也。有人言。七地雖復並觀。未能常並。至於八地。始得全並。淨名即是八地已上人也。此江左河右諸師之所同釋也。有人言。文殊師利。本是龍種上尊佛。淨名即是金栗如來。相傳云。金栗如來。出思惟三昧經。今未見本。言藏謂從初發心。即學無生。習於並觀。現。故涅槃經云。發心畢竟二不別。如是二心先心難。但寄位淺深。開四重階級。一者對地前凡位。但名順忍。未有無生。亦未能並觀。初地稱聖。始得無生。二觀方並也。仁王瓔珞攝大乘論。並有斯文。二者。初地以上六地已還。無生猶淺。並義未彰。與順忍之名。至於七地。稱等定慧地。始是無生。名為並觀。智度論云。前三地慧多定少。後三地定多慧少。故定慧不等。至於七地。慧定均平。云等定慧地。此說說般若靜鑒為定。方便動照為慧。大地妙於靜現。拙於涉動。故定慧未均平。至乎七地。二用俱巧。名等定慧地。問。定慧既等。何故

名無生耶。答。諸法實相本性無生。至於七地。得實相慧。從境受名。故云無生。如大論云。七地菩薩了人法皆悉無生。名無生忍。又不偏著有。有心不生。不偏著空。空心不起。故慧常方便。常慧。空有雙遊。無所偏著。故云無生三者。七地雖得無生。已能並觀。但猶有功用。八地於功用心永不復生。名曰無生。四者。八地雖無功用。猶未究竟。究竟無生。在於法位。方便品云。久於佛道心已純熟。當知是佛地無生。金栗如來。即斯文已顯無生。具在四處。衆師偏執一位。故失其旨也。問。何故從發心乃至佛地。皆嘆無生。答。夫心若有生。即有所著。若有所著。即有所縛。便不得離生老病死憂悲苦惱。心既無生。即壞無所寄。衆累以之而傾。法身由斯而建。是以龍樹。命宗標於八不。建首即論無生。意在於此也。問。舊說亦云。淨名得無生忍。與今何異。答。有所得人。俱云後身是淨名。初心非淨名。經云。發心畢竟二不別。後心淨諸見。既稱淨名。初心淨諸見。亦是淨名。故此經方便品破凡夫弟子品斥小道。菩薩章呵大見。今從初發心淨此三見。即是淨名。問。初心後心皆淨三見。初後何別。答。初心淨見。明是故為異間。若前心起三見為有。後念破三見為無。既有無。還為垢染。何名為淨。答。不言前起三見為有。後淨三見為無。但了前三見本自不有。今亦不無。故名淨。難曰。夫有有無。名之為有。無有無。斯即是無。還隨有無。何不名染。答。智度論云。破二不著一。乃

名為法忍。今若能退忘兩是。進退二非。蕭然無寄。乃名為淨。難曰。若遣是忘非。乃名淨者。夫有是有非。斯義即非。無是非非。乃名為淨。猶滯是非。何名為淨。答。本以退忘兩是進息二非。玄悟之賓。懷無所寄。今遂循環名數。遂墮相心。即取悟無。若內息情想。無心於內。外夷名相。無數於外。無數於外。即緣盡於現。無心於內。即現盡於緣。緣盡於觀。即無緣。觀盡於緣。即無觀。無觀無緣。紛累都寂。乃曰為淨。寧滯是非。問。若緣觀俱寂。豈非滅智灰身。問答並遣。便同惡法外道。答。天親龍樹。盛讚淨。故云汝證我法時。汝爾時自。但恐猶未達。今陳之。夫論。言而常。辨其言者。而常言。言而不。所謂凡夫。而不言。名二乘觀。故云至人緣觀俱寂。而境智宛然。故應。神。智。寂。寂。照。寧。以。法。日。聖。心。灰。斷。誘。玄。道。大。釋。所。說。經。淨。名。妙。德。內。克。託。疾。與。教。故。稱。為。說。經。者。梵。本。名。修。多。羅。凡。具。五。義。一。曰。涌。泉。義。味。無。盡。二。曰。顯。示。顯。示。法。人。三。曰。出。生。出。生。諸。義。四。曰。繩。墨。裁。邪。取。正。五。曰。結。繫。貫。穿。諸。法。此。土。往。翻。目。之。為。繩。繩。能。持。物。教。能。詮。理。又。翻。為。經。經。者。訓。法。訓。常。正。釋。由。義。體。可。模。楷。為。法。物。不。能。改。為。常。由。文。悟。理。故。稱。由。也。大。釋。不。思。議。解。脫。不。思。議。解。脫。名。略。有。三。義。一。者。不。二。法。

①王二玉②玉③雷二雪④那二那⑤那二那⑥那二那⑦那二那⑧那二那⑨那二那⑩那二那⑪那二那⑫那二那⑬那二那⑭那二那⑮那二那⑯那二那⑰那二那⑱那二那⑲那二那⑳那二那㉑那二那㉒那二那㉓那二那㉔那二那㉕那二那㉖那二那㉗那二那㉘那二那㉙那二那㉚那二那㉛那二那㉜那二那㉝那二那㉞那二那㉟那二那㊱那二那㊲那二那㊳那二那㊴那二那㊵那二那㊶那二那㊷那二那㊸那二那㊹那二那㊺那二那㊻那二那㊼那二那㊽那二那㊾那二那㊿那二那

門。蓋是實相之理。心行既斷。意不能思。言語亦滅。即口不能議。名不思議。既慮絕言。忘即繫縛。斯淨。名為解脫。十四章經。正為聞於不二。故知不二是不思議解脫之本。二者。由體不二之理。故有無二之智。由無二之智。故能適化無方。既道貫雙流。即心無功用。故能不思而現形。不議而演教。名不思議。縱任無礙。不為功用所拘。稱為解脫。三者。內有權實之。本。示形言之迹。並非下位菩薩二乘凡夫所能測量。名不思議。於內外自在解脫於礙。稱為解脫。不思議。但有理。智與教。依體立名。亦唯此三矣。不思議同異門二。不可思議。名教。以多。略陳樞要。凡有五種。一聞不聞不思議。二大小不思議。三通別不思議。四者本迹不思議。五者內外不思議。聞不聞不思議者。大品經云。諸聲聞等。聞與不聞。皆欲得聞。當學般若。龍樹釋云。佛說不可思議解脫經。聲聞在座。並皆不聞。唯菩薩得聞。淨名等經。辨不思議。大小俱聞。故云聞不聞不思議也。有人言。釋論所引不思議解脫。是淨名經。吉藏檢釋論前後。是華嚴經。淨名大小俱聞。故知非也。第二大小不思議者。智度論云。小乘法門。有五不思議。一衆生業行不思議。宜。二世間不思議。宜。三龍神力。四坐禪人力。五佛力。大乘法內明。六十劫說法華經。衆謂如食。頌。小乘教門。無有此事。謂大小不思。宜也。第三通別不思議者。然論大乘經。通皆是不思。宜。如肇公云。始自佛國。終迄法供養。其文雖殊。不思議一也。

若境若智。若聲若形。皆是諸佛菩薩無礙法門。凡夫二乘有所得人。不能測度。故是通不思議也。別不思議者。雖通唱不思議。或者謂但有其言。而無其事。故別示巨細相容而無增減。據事而觀。淵不可思議。假令二乘窮劫思之。而不能得解。況復能作。因見斯事。便信諸佛菩薩有深妙道。非二乘所知。故稍稍小心。欣慕大法。亦令未發心者發菩提心。已發心者增進深入。故明別不思議。問。何以知有通別義耶。答。題稱不思議經。即一部皆不思議。謂通義也。別不思議者。別有不思議品。示不思議事。謂別也。第四示本迹不思議者。肇公云。統萬行以權智為主。樹德本以六度為根。濟慶惑以慈悲為首。語宗極以不二為言。此不思議本也。至如借座燈王。請飯香土。室抱乾像。手接大千。不思議亦也。詳肇公此意。以理能發智。即理為智本。智能說教。即智為教本。若以理智對教。即理智為本。教為其迹。由理發智。故外吐於教。謂以本垂迹。藉教通理。謂以迹顯本。故名本迹不思議也。第五內外不思議者。如前釋之內無功用。不假思量。外化幽微。物莫能測。故名內外不思議也。

一部始終。皆明斯二。故以二行為宗。有人言。此經以因果為宗。但因果有二。一者淨土因果。二法身因果。如佛國品。明淨土因果。如方便品等。辨法身因果。一因致始終。盛談斯法。故以因果為宗。吉藏謂。非無上來諸義。但師資相承。用權實二智。為此經宗。如法供養品。天帝白佛。我雖從佛及文殊師利聞百千經。而未嘗聞是不可思議自在神通決定實相經典。照實相名為實慧。觀神通謂方便慧。故用二慧。為此經宗。問。何故但明實相及以神通。答。實相為入道之本。神通化物之宗。不動實相。而能現通。雖現神通。不乖實相。故動寂不二。權實宛然。斯二既要用為宗旨。釋。肇云。統萬行。即以權智為主。權即方便。智謂實智。此既關內舊義。故述而無作。別釋二智。成實論師。總收二智。凡有五時。一小乘教。以照四諦之理為實智。變事上。四法為權智。二大品教。照真諦空為實智。變俗諦有為權智。三淨名經。以知病識藥為實智。應病授藥為權智。四法華教。照一乘之理為實智。鑒三乘方便為權智。五涅槃教。照常住為實智。變無常為權智。吉藏謂。五時之說。無文傷義。上已呵之。初教二智。略不須辨。尋般若經具五二智。大品云。般若備說三乘之教及護持菩薩之法。既云具說三乘。即知亦有小乘二智也。智度論釋畢定品。明須菩提問法華經時。明一切衆生並皆作佛。又聞波若經說菩薩有退。是故。今問是菩薩為畢定。為不畢定。佛答云。初心後心一切菩薩並皆畢

①忘二亡②斯二斷③聞二聞④實二觀⑤本十(外)⑥外⑦以二互⑧已⑨且⑩識二宜⑪宜二議⑫(小)十劫⑬頭二頃⑭論二諸⑮佛二淨⑯(故)十若⑰或二悉⑱因二自⑲相二消⑳示二明㉑抱二包㉒亦二迹㉓(外)一㉔即十(用)㉕致二部㉖教㉗觀二現㉘我㉙(為)十化㉚(為)十化㉛方二萬㉜法二品㉝說二教㉞教㉟間二間

定。詳此文意。既云畢定。則皆成佛。無攝二乘。此與法華。更無復異。故知亦有三一。二智也。法尚品云。諸佛色身有去來。法身無去來。照色身有去來。即是無常名為權智。照法身無去來。故是常住。稱為實智。即知大品具五種二智。不應言但辨空有二智也。淨名經亦具五種二智。如身子答天女。以無所得而得。即是會理之心。小乘實智。那律天眼事上知見。謂聲聞權智。智度菩薩母。方便以為。又。謂空有二智。明不二法門。無復聲聞心及菩薩心。尋不二之理。即是一乘實智。開大乘為三。乘權智。佛身無為不墮諸數。為常住實智。現處五濁無常名為權智。故知淨名亦具五智。法華具五者。初嘆小乘人德。即三藏二智。安樂行品明菩薩觀一切法空。又知因緣有。即空有二智。壽量品依法華論具明法報化三身。即是常無常二智。涅槃具五。不俟明之。則諸經皆是五。二智。不如成實論師之所判也。問。若衆經皆具五。二智。乃為一教。何名多部。若衆經雖皆具五。不無傍正。大品正明空有。餘義為傍。淨名動靜為端。餘皆汎說。法華照三一為主。涅槃以常無常為宗。傍論餘義。故諸教為異也。

釋會處第四。有人言。經無大小。類。問三分。謂序正流通。此經品凡十四。亦裁三別。初有四品。在室外說。目之為序。次有六品。居室內說。稱為正說。後之四品。還歸室外。謂流通分。所以然者。淨名託疾方丈。念待擊揚。前之四品。但明如來說法。述德命人。為問疾由致。故稱為序。次有六品。在於室內。賓主交言。盛談妙道。因之為正。後之四品。說利既周。出於室外。來至佛所。印定成經。遠被來集。故稱流通。此成實師科經文也。有人言。此經凡有三會。始自佛國。竟菩薩品。謂菴園初會。問疾品去至于香積。謂方丈次會。從菩薩品竟於一經。謂菴園重集。此十地論師之所解也。吉藏總用一文。雙徵二釋。方便一品。既在室內說之。何謂前四品並居室外。又室內說法。凡有二時。方便一品。是其初集。略說法門。問疾以後。毘耶重集。具宣妙道。何得以前說為序。後談為正。此斥初解也。若謂此經何有三會。是亦不然。既重集菴園為二會者。亦再聚方丈。寧非菴園集。又佛國品明淨土因。宗既為會者。方便品辨法身因果。寧非會耶。以此詳之。後通亦謬。今所釋者。華嚴一部。凡有七處八會。此經始終。而有二處四會。言一處者。一菴園處。二方丈處。菴園是佛所住處。方丈為菩薩住處。又菴園出家所栖。方丈俗人居止。又菴園女以菴園佛。造立精舍。謂他業所起。八未曾有室。蓋是淨名自會。構與菴園在城外。方丈在城內。法顯傳云。相去三里。在城南也。所言四會者。一菴園會。二方丈會。三重集方丈。四再會菴園。以此詳文。應為元諸。問。華嚴不起寂滅道場。現身七處八會。此經可得然乎。答。彼經明不起。此經明起。起與不起。皆不思議。故華嚴名不可思議經。此經亦存斯稱。問。不起而往。不可思議。自此至彼。何名莫測。答。雖有去

來。竟不往反。故淨名歎曰。善來文殊。不來相而來。雖來而不至。亦不去相而去。雖去而不動。則宛然從就。未始往來。故是難思。可以華嚴為類。問。此之四會。前後云何。答。詳其終始。凡有二種。一時事次第。二集法前後。時次第者。一方丈初會。二菴園次會。第三重集方丈。第四再會菴園。問。何以知然。答。五百長者顯行相符。為法城等侶。訪道參玄。無時不集。而寶積已至。淨名不至。當知有疾。以其疾故。國內近來。皆來問之。因以身疾。略為說法。與數千人。皆發道心。即方便品。故知前有毘耶之會。但初集之時。人天衆少。利益未多。猶不足暢其神慧。其稱現疾之懷。但佛與淨名。既同為化物。兩心相鑒。居士既託疾方丈。佛在菴園說法。為之集衆。故遣使問疾。聲聞菩薩皆靜不揚。故次有菴園之會。仍命文殊。擊揚淨名。具宣大法。故有毘耶重集。但化事既周。同到佛所。如來印讚。復談妙道。故有菴園再會。以時事推之。必如此也。二集法前後者。夫欲結集成經。必須先明如是。我聞一時。佛在處與大衆俱。若發軔即序淨名時處者。則不得成經。勝鬘之流。事亦如是。故先明菴園會也。菴園之集。既竟。將發遣使。問疾之端。宜追序方丈初會。歎淨名之德。令生時衆尊仰之誠。序其有疾。發如來慰問由致。故有方便一品。毘耶會也。後之二集。不異前。通開此經。雖有四會。唯例華嚴。亦開三分。第一從初會寶積偈已來。明於序說。次從偈後長行至阿闍佛品。辨於正

二經② ④因二日② ⑥來二末② ⑧薩十(行)② ⑩何十(得)② ⑫室二空② ⑭何二但② ⑯屬二兩② ⑰宗二果② ⑱集二會② ⑲羅二圖② ⑳元二尤② ㉑諸二詣② ㉒等② ㉓至二來② ㉔與二無② ㉕其② ㉖兩心二故② ㉗淨二辭② ㉘推二推② ㉙故② ㉚會二集② ㉛故十(次)② ㉜也二已② ㉝與十(於)② ㉞唯二準② ㉟會二竟②

宗。三從法供養品竟經明於流通。問。通別二序。但屬初會。云何是序分耶。答。通別二序。宜兩望之。四集。往分。則屬初會。為成一經。宜稱序說。後之二品。其義亦然。以法集分之。則屬後會。若望一經。稱流通分也。就序及流通。各開為二。正說分三。序開二者。如是六事。謂遣教證信序。寶積奉蓋。發起正宗。名發起序。流通二者。法供養品。謂讚談流通。囑累一品。明付囑流通。正說三者。第一從寶積問至佛道品明二法門。次不二法門品。明不二法門。三從香積竟阿闍佛品。還明二門。所以開此三者。至理無二。為衆生故強說二。故初開二門。欲令受化之徒因二教門悟不二理。故明不二法門。既識二表不二。復須從不二起二。故重明二門。又雖有四會。不出三時。第一從初竟不二法門品。明食前說法。第二香積一品。食時演教。三從菩薩行品竟阿闍佛品。謂食後敷經。又雖有四會。約處但有三章。第一從初竟菩薩品。謂室外說法。次從問疾已去訖香積佛品。室內敷經。三從菩薩行品已去。還歸室外說法。問。若爾還。因舊說。以何非之。答。依時事次第。則二處四會。若集法前後。但有三。故不同舊說。又約修行次第。亦開為三。第一從初竟菩薩品。謂破三病門。第二從問疾說香積佛品。明修行門。第三從菩薩行品去。辨行成德立門。三病坊菩薩道。宜先破之。在病已除。方得修行。復有第二門。既修妙行。行成德滿。故有第三門。就此三門。各開三別。初門三者。初二

品破凡夫病。次弟子品破二乘病。第三菩薩品破菩薩病也。問。初品明淨土因果。方便品明法身因果。云何偏破凡夫答。初雖通為三人。但後既有斥小乘與菩薩。故初二品破凡夫也。第二修行門三段者。從問疾品至佛道品。正明菩薩實慧方便二行。次不二法門品明二慧由不二理成。第三香積品。辨從不二起於二用也。第三得成德立。開為三者。菩薩行品。初明佛事不同。辨無礙行成。次從不盡不住。明善巧行立。第三阿闍佛品本述二身。謂是德究竟也。

佛國品第一

此品受名。凡具二義。第一長者歎蓋。如來示土。從神通所現立名。故云佛國品。二者寶積問淨土之行。如來答佛國因果。從所說受稱。以目品名。問。衆經之首。皆云序品。此教建章。何故題為佛國。答。衆經初品。純明序義。設有正說。正短序長。宜稱為序。此品不純明序。又序短正長。故以佛國為稱。問。正有多門。何故初明佛國。答。適化名宜。不應致問。但淨佛國土成就衆生。蓋是菩薩要行。此經明大士法門。是故初集辨於淨土。次會已去。明成就衆生。是以建篇標於佛國。又下經文云。欲得淨土。當淨其心。心為萬行之主。故佛國實衆品之初。如是者。若望一經。具足二序。一證信序。二發起序。立如是六事。證傳經可信。為證信序。合蓋現土。發起正宗。名發起序。證信利於未來。發起益于現在。化泊兩世。故雙明二序。問。何因緣故。有六事耶。答。佛

將涅槃。爾時阿難。凡發四問。一佛滅度後。依何行道。此問正解。二者如來去世。以誰為師。斯問正行。三者惡口車匿。云何共住。此問明妨解行之緣。四者經初安何等語。此問明解行之教。佛答云。當觀念處破除煩惱。依此行道。受戒律訓誨。可以為師。惡口之人宜須默摺。心自調伏。佛經初首。宜稱如是我聞。乃至與大衆俱。蓋是遺旨之言。侍者所問。故有六事。六事者。一如是。二我聞。三一時。四教主。五住處。六同聞衆。問。衆經之初。何建言如是。答。佛法大海。信為能入。智為能度。以信故則言此事如是。若不信則言此事不如是。故知如是則是信也。問。如是。為目信體。為據信相。答。信體即是內心。外言如是。則表內心誠信。故如是之言。為信相也。問。如是為目通信。為主別信。答。若信佛法為正。即不信外道之耶。名為通信。但佛經有大乘小乘權教實教。信大之信。非小信之信。名為別信。則具含通別。問。如是為目能信。為明所信。答。具含能所。如有信之人。則云此事如是。此事則屬於所信。如是名為能信。取所信之義。則云我聞如是。明能信之義。如是我聞。故集法藏人。經初兩出。問。如是稱信。為明阿難信心。為明餘人信。答。通辨一切群生有信心者。則入佛法。故智度論云。如人有手至於寶山。隨意所取。若其無手。則空無所得。有信心人。入佛法寶山。得諸道果。若無信心。雖解文義。空無所得也。我聞。明阿難親承音旨。無傳聞之謬也。問。阿難是佛得道夜生。年二十

①住二法②法③二品④三品流通⑤說二教⑥二二三⑦[者]一⑧因二同⑨以何二何以⑩若十(若)⑪但有一則但有其⑫疾十(品)⑬說二訖⑭訖⑮[辨]一⑯坊二坊⑰在二若⑱既十(別)⑲三十(文)⑳得二行㉑行㉒品十(明)㉓實二定㉔明二爾㉕訓誨二默摺

五。方乃事釋伽。五十年說法。唯聞其半。何以一代之教。皆稱我聞。答。智度論明。阿難登高坐。答大迦葉云。佛初說法時。我爾時不見。如是展轉聞。乃至波羅捺。展轉聞者。報恩經云。阿難請求四願。一不受如來故衣。二不受別請。三出入無時。四所未聞經。請佛為說。是以衆經皆稱我聞。問。阿難以何力故。能傳佛教。答。釋道安云。十二部經。阿難得佛意三昧之所傳也。金剛華三。時經云。得法性覺三昧。能宣傳衆教。問。阿難何故稱我聞耶。答。一欲息諍競之心。二生物信受。阿難是三乘之小乘。四果之下果。若不稱聞。則物情不信。諍競便起。問。有幾阿難耶。答。集法藏經云。凡有三種。一阿難。此云。歡喜。持聲聞藏。二阿難跋陀。此云。歡喜賢。持緣覺藏。三阿難伽羅。此云。歡喜海。持菩薩藏。古藏謂。但是一人。隨德立稱。方便示三。故法華云。我與阿難。於空王佛所。同時發心。故知是大權。隨物異見。問。聞實是耳。何故稱我聞。答。涅槃經云。阿難聞法。如渴水之異。器有三種。一者不覆。謂無散亂心。二者不漏。謂無忘失。三者不臭。謂無顛倒心。以三德自在。故云我也。又阿難從佛聞法。莫生三慧。則自在稱我。問。佛法無我。何得稱我。答。說我有三。一邪見心說。如凡夫外道。二慢心說。如諸學人。三名字說。如諸羅漢。阿難了知實相非我非無我。隨世俗故。稱之為我。即無我而我。不聞而聞。稱為我聞。一時。如是謂所聞之法。我聞為能傳之人。一時以下。證傳法可信。智度論

云。說時方人。今生信故。說若無時。則聞不可信。故須明時。問。但應言時。何故稱一。答。一謂一部之經。蓋是說一部經時。故云一時。又是衆生心行可定之時。稱為一時。又是機教符會。無差異時。稱為一時。此皆。雖釋兩字。若合解者。即目時為一。如云。一日一歲。離於時別。有一耶。佛在。明說教之主也。佛法有五人說。一佛自說。二弟子說。三諸天說。四仙人說。五化人說。此經乃是淨名所說。不題淨名。非佛所說。而題佛者。若標淨名。則不成經。今欲成經。故題佛也。又標佛者。明阿難親從佛聞。不從外道天魔邊聞。故標於佛。梵音稱佛陀。此云覺者。一曰自覺。異彼凡夫。二者覺他。簡非小道。三者覺道窮極。簡非菩薩。又天竺名佛以為天鼓。賊若應來。天鼓則鳴。賊若去時。天鼓亦鳴。天鼓鳴時。諸天心勇。天鼓鳴時。修羅攝怖。諸佛亦爾。衆生煩惱應來。佛說法令不來。惑累將滅。佛說法令滅。佛說法時。弟子心勇。佛說法時。衆魔攝怖。是故名佛為天鼓也。所言在者。即是住也。但住有二種。一者內住。二者外住。內住有四。一者天住。謂住布施持戒。二者梵住。住四無量心。三者聖住。住空無相無作三昧。四者佛住。住諸法實相。外住亦四。一化處住。如釋伽牟尼住娑婆國土。二異俗住。三世諸佛不住俗人舍。皆栖止伽藍。三未捨壽分住。佛壽無窮。為魔王啓請。而捨無量壽。唯留八十。四者威儀住。謂行住坐臥。皆名住也。今內栖實相。外住菴蘭。蓋是無住而住。住無所住。故云住也。毘耶離菴

羅樹園。此明住處。說若無所。則物不信受。故次明之。處有二種。一者通處。即毘耶離城。二者別處。謂菴羅樹園。亦諠靜雙舉。道俗兼明。然至人形無定方。事有適處。但為生物信故。委具題之。毘耶離者。毘云好稻。謂多出糧。耶離翻為博戲。即平博戲淨。但天竺小國。即國為城。大國則城。為國別稱。毘耶離者。即小國也。吉藏案。善見毘婆沙。昔波羅捺王夫人懷妊。忽生一片肉。形如赤椶葉。夫人以器盛之。流於江水。江水邊有一道士。依放牛入住。見器接之還家。經半月。一片忽成二片。又經半月。二片各生五胞。却後半月。一片成女。女白銀色。一片成男。男如黃金色。道士念之。以慈力故。兩手出乳養之。道士因以二兒與牧牛人。語之云。可以二兒為夫妻。覓平博地。安處之。二兒年十六。牧牛人見平博地。縱闊一由旬。為起立宮舍。因合為夫婦。生一男一女。如是十六迴生兒。牧牛人見其子多。更為開闢造舍。凡造十六宅。如是三過。開闢此處。故自此地。以為博戲。菴羅樹園者。什公云。似桃而非桃。舊翻為捺。蓋失經旨。有一女。從菴羅樹生。容貌美麗。世所絕倫。人欲見者。輸三金錢。菴羅樹女。拾齒為佛立精舍。如祇陀之類。以施主標色也。與大比丘衆。此第六序同聞衆。序同聞衆。凡有二義。一者大衆圍遶。則佛德益尊。既尊其人。則受其道。二者為成信義。若侍者獨聞。未足可信。與衆共聽。則所傳為實。總該大衆。凡有四人。一影需衆。在座默然。二發教衆。即擊揚問道。三當

部二遊。遊。時二味。飲二飲。器十器。其二真。離二離。日二因。豈十離。爲二與。放二牧。與二乞。自二日。目十會。色二名。該二談。



機衆聞教領悟。四結緣衆。未來遠益。就序衆文。人科爲二。初明衆集。次辨佛說經。衆集又兩。前明聖衆。次辨凡衆。聖主之內。初明聲聞。後序菩薩。問。何故先明聲聞。後序菩薩。答。凡論衆集。皆就顯示教門。以爲次第。聲聞形備法。義。心具智斷。以其兩勝。故初序之。菩薩心雖會道。而形無定方。故居其次。凡夫心形俱劣。宜最居後。但須此釋。不假餘通。聲聞衆內。須科二文。初標其名。次唱其數。所言大者。智度論云。一切諸衆最勝故。天王等大人恭敬故。大障礙斷故。名。名之爲大。比丘者。蓋是出家之總號。因果之通名。隨言往翻。凡有三義。一者破惡。謂除身口七非。二者怖魔。必斷三界煩惱。則使魔驚怖。三者乞士。謂從俗人乞食以資身。從如來乞法以練神。兼退無積蓄之累。進有福利之功。有斯大利。故名乞士。問。餘經俱歎二衆。此教何故不歎小乘。答。聲聞常衆無會不集。更無異人。故有時不歎。菩薩多有新衆。又德量深遠。衆經離歎。歎不可盡。故常須美之。又聲聞形備法儀。心具智斷。遠近皆誠。故不須歎。菩薩述示同物。反常會道。淺識不達。謂是凡夫。所以須歎。問。若唯歎菩薩。不美聲聞。亦應但詰聲聞。不呵菩薩。答。有得大小宜並雙呵。無依二衆理應俱歎。但終爲歸大。莫捨小心。故猶美菩薩也。菩薩摩訶薩。第二序菩薩衆。科爲五門。一標號。二唱數。三歎德。四序名。五總結。具足梵音云。菩提薩埵摩訶薩。但爲存略。如向所標。菩提爲道心。薩埵云衆生。

謂道心衆生。摩訶爲大。謂大衆生也。以其足慧。故名爲菩薩。具方便慧云。摩訶薩。具智慧故名爲菩薩。具福德故名爲摩訶薩。又具般若故名爲菩薩。具大悲故名摩訶薩。問。何故聲聞緣覺但有一。菩薩之人具存二號。答。小乘但異凡夫。唯有一稱。大人雙異道俗。故有兩名。言菩薩者。異彼凡夫。凡夫不求菩提。不名菩薩。摩訶薩者。爲簡二乘。二乘但求小道。無摩訶之號。三萬二千。第二唱數也。衆所知識第三歎。德。爲二。初歷別歎。次總結之。歷別歎者。經師穿鑿。強生階位。今但依句釋之。則煥然可領。衆所知識者。大士處世。以慈惠益物。如日月昇天。威益之徒。誰不知識。又遠衆則知。近衆亦識。亦知。知其內德。誠其外形。又知義則深。識義則淺。成實論云。可知法者。第一義諦也。可知法者。世諦法也。大智本行皆悉成就。前明外所識。今美內行成就。大智者。謂如來一切種智也。本行者。六度十地。是大智家之本行。三萬二千。因位已窮。故本行成就諸佛威神之所建立。衆所知識。由本行成就。本行成就。由佛威神建立。始起爲建。終成爲立。又外爲諸佛威神所建。而菩薩內德成立。建立有二。一暫建立。謂一時加與令具辨慧。二從初發心至成佛道。常護念位助。令道根成就。問。諸佛平等。普應護念。何故獨建立菩薩。答。天澤無私。不關枯木。佛見雖普。不立無根。爲護法城。上明德由佛建。今欲報恩。所以護法大士。外防邪難。內宣正道。則興法爲城。受持正法。外有護法

之功。內有受持之固。始則領受在心。終則秉持不忘。能師子吼名聞十方。內秉妙法在心。外能師子震吼。夫心有依著。處衆便畏。懷無所寄。則宜道續然。既能師子吼。則德音遠震。故名聞十方。問。前已云衆所知識。今何故復稱名聞十方。答。上正一國逾揚。今則十方讚仰衆人不請友而安之。前舉名歎德。此將德顯名。真友不待請。如慈母之赴嬰兒。但不請二。一者未有善法。誘引令生。二者過去雖有道機。現在無有欲樂。而方便起發。始則安之以善根。終則寧之以佛道。紹隆三寶。使不斷絕。不請明乎。下化。紹隆辨於上弘。華嚴經明法品。三番釋之。初令衆生發菩提心。故佛寶不斷。爲物宣說十二部經。故法寶不斷。受持一切威儀行法。故僧寶不斷。次云讚大願。故佛寶不斷。分別演說十二因緣甚深之義。故法寶不斷。修六和敬。故僧寶不斷。次云下佛種子於衆生田。生正覺芽。故佛寶不斷。護持正法。不惜身命。故法寶不斷。善御大衆。心無憂悔。故僧寶不斷。又直釋云。菩薩說法化於衆生。衆生得成於佛。復化衆生。所化衆生。復得成佛。如是衆生不盡。三寶不絕。降伏魔怨。制諸外道。紹隆明於顯正。降制辨乎權耶。外國稱爲魔羅。此云殺者。以能害慧命。故稱爲怨。但說魔不同。凡有二種。一者四魔。二者八魔。四魔者。一煩惱魔。爲生死因。二天魔。爲生死緣。陰死二魔。是生死果。陰爲其通。死爲其別。故因有內外。果有通別。故立四也。言八魔者。四同上說。復有無常無我無樂

人二大 主二衆 衆 義一機 名一 難二 英二 歎 德十 足二 實 德十 歎德 二 位二 位 與二 與 正二 止 乎二 于 機二 攝 耶二 邪



無淨。破佛果四德。故名爲魔。小乘不以爲患。故不說之。依大乘義。入煩惱魔攝。言降伏者。小乘見四諦降煩惱魔。入無餘涅槃。降於死陰。以神通呪術。伏彼天魔。大乘降伏者。得無生忍。降煩惱魔。得法身故。降於陰魔。得無生忍及法身。故降死魔。得無動三昧。降於天魔。降八魔者。若知如來常樂我淨。故除四倒。名降四魔。降陰等四。不異前釋。吉藏謂。義論則具含四八。就文但降天魔。大士德過三界無敵。降天魔。則天無敵矣。制外道。則人無敵矣。怖之以威爲降。屈之以辨稱制。人天尙其無敵。四趣何故足論。悉以清淨永離蓋纏。降制則外。離衆部。永離則內除結縛。有所得心。覆於正觀。稱之爲蓋。繫縛行者。目之爲纏。大士懷無所依。故云悉以清淨。又云。蓋即五蓋。謂貪欲瞋恚睡眠掉悔及疑。纏者十纏。謂無慚無愧。忿覆慳嫉。睡眠掉悔。小乘但明十纏。智度論明五百纏。蓋亦應有無量蓋也。心常安住。無悶解脫。前歎離行。今美。得行。無悶解脫。即是此經。不思議解脫也。不二正觀。恒現在前。謂心常安住。虛通自在。名爲無悶。塵累蕭然。故稱解脫。念定總持。辨才不斷。既常安正觀。則無德不圓。念不斷則慧逾明。定不斷則心常一。持不斷則憶識強。辨不斷則化無礙。備此四門。則萬行自在。通稱不斷者。凡夫功德。經胎則失。二乘更不復生。故不名不斷。菩薩經身不失。歷劫逾明。故云不斷。布施持戒忍辱精進禪定智慧及方便力。無不具足。上美四德。今歎十行。諸波羅蜜。具橫

豎二門。豎則配於十地。橫則一位具十。初地始得正觀。初離凡夫。於身命財。不生貪著。故能棄之。配於檀度。又檀爲行首。喜是地初所以相配。二地內心離惡。修行十善。故配持戒。三地信忍位滿。能忍於辱。故忍在三地。四地修習道品。勸策衆行。故以精進配於四地。五地觀乎四諦。學於五明。非定不發。故以禪爲五地。六地順忍位滿。能觀十二因緣。宜用般若。居在六地。七地即空爲有。善巧義彰。故以方便。起於七地。八地更從諸佛。受異法門。具起諸願。故居八地。九地入法師位。具四無礙辯。於境有強用。故力在九地。十地因位已滿。決定無疑。故智爲十地。此文從布施至方便。爲七力。爲名八。無不具足。即顯與智。故備於十矣。若橫論者。即一正觀。具足十門。不慳之義。名曰檀那。決了無疑。稱之爲智。吉藏謂。十度橫豎。義乃有之。如詳文意。但以七法。如肇公云。法身大士。得無生忍。以心無爲。德無不爲。故施極於施。而未嘗施。戒極於戒。而未嘗戒。以施極於施。故不證無爲。而未嘗施。不滯於有。不證於無。名曰回和。不滯於有。稱爲般若。故於一一門。皆備二慧。名爲具足。不言具足。配九地十地也。遠無所得不起法忍。上無不具足。歎其行遠。遠無所得。叙其位高。大士所以具衆行者。以位在無生忍故。舉位以釋於行。逮之言及。如人不逮。稱之不及。無所得。即無依無受。不著不住之義也。動念生心。畢竟寂然。稱爲不起。安耐實相。不悔不疑。故稱爲忍。已能隨順轉不退輪。上美自

悟。今歎化他。一順實相。二順機緣。三順佛旨。故言隨順。又佛爲眞轉。菩薩未及。但隨順轉。自我之彼。故名爲轉。一得不失。稱爲不退。不退有三。一位不退。謂不退爲二乘。或云外凡七心。或云十住七心。二行不退。所修衆行。不可傾動。位居七地以下。三念不退。八地菩薩。念念法流。心心寂滅。今所歎者。正據第三念不退也。無生法忍。流演圓通。不繫于一人。是輪義也。善解法相知衆生根。以善解法相。知衆生根。故能轉不退轉輪。又上明自悟無生爲物演說。謂一相門。名爲實慧。今識法知機。謂無量相門。名方便慧。蓋諸大衆。既識法知機。則智德過物。故映蓋大衆。得無畏力。既能蓋衆。故處衆無畏。失畏生乎不定。大士既無不足。故無可畏。大論云。菩薩自有四無所畏。一得總持。二知根欲。三不見難。已不能答者。四有問能答。善決衆疑。功德智慧。以修其心。相好嚴身。色像第一。以具此諸德。故在衆無畏。心以智慧爲嚴。身以相好爲飾。嚴心可以進道。飾形可以靡俗。捨諸世間所有飾好。大士修於淨業。威身相已圓。不假世間所有外飾。又菩薩爲尊形者。故云嚴身耳。豈以俗飾而在心哉。名稱高遠。踰於須彌。內嚴福慧。故外名高遠。自在高而不遠。遠而不高。上名聞十方。取其遠。今踰於須彌。明其高。深信堅固。猶若金剛。所以德樹名流。由深信堅固。信有二種。一者聞信。如聞藥能治病。二者證信。如服藥病愈。驗藥爲良。今所歎是後信也。物不能壞。由若金剛。法寶

①離二種 ②部二邪 ③邪一 ④得二德 ⑤闕二礙 ⑥起二配 ⑦爲名二名爲 ⑧德二第 ⑨(乃五)十決 ⑩之二至 ⑪轉二法 ⑫畏力二所畏 ⑬失二夫 ⑭定二足 ⑮在二有 ⑯猶二由

普照而雨甘露。深信喻若金剛。明解燭同神寶。如海生妙寶。能放光明。而雨甘露。雨如意珠也。法寶亦爾。能放。意光。雨法甘露。於衆言音微妙第一。上美形心。今歎口業。豈止隨類普同。而復微妙第一。深入緣起斷諸邪見。有無二邊無復餘習。上歎三業德圓。今美結習已離。問。上已明永離蓋纏。與今何異。答。上明無結。今辨無習也。了達十二緣起畢竟無生。如八不等。明其悟正。斷諸邪見。歎離於邪。但離邪有二。一者。斷諸邪見。所謂超凡有無二邊無復餘習。即是超聖。問。大論云。爲菩薩時斷煩惱。得佛時斷習氣。若無餘習。與佛何異。答。習有龜細。今但斷龜。無。能習。所以云無。猶有染法細習。故與佛爲異。依地持論。明十地菩薩斷煩惱障習已盡。至佛除智障始窮。此經明盡。據煩惱障習。智度論云。不盡約智障未傾。演法無畏猶師子吼。夫畏生乎結習。結習內傾。故外說無畏。問。上明得無所畏。能師子吼。今何故重說。答。前明一切處無畏。今約演法一事無畏。又上明能令他畏。今辨不畏於他。其所講說乃如雷震。正智流潤如雨。辨音發響如雷。自有慧而無辨。辨而無慧。既歎大士無畏。則具兼二也。雷喻有五。一。慈雲普覆。二。慧雨流澤。三。法音遠聞。四。驚無明昏寢。五。生長善根。無有量已過量。上明斷諸邪見。歎因果已傾。今辨以能過量。明果患盡。又三界。分段果報名爲有量。法身菩薩入無畏境。形不可以像取。心不可以智求。故云已過量也。集衆法寶如海導師。上歎法身

自德。此美應迹化他。引導衆人。入大乘海。採衆法寶。必獲無難。了達諸法深妙之義。善知衆生往來所趣及心所行。大士德既無窮。則歎不可盡。略以二慧。結其大歸。了達諸法深妙之義。即是實慧。善知衆生往來所趣。謂方便慧。雖知諸法畢竟空。而能了衆生心行。雖了衆生心行。而常畢竟空。是以菩薩得無二觀也。住謂過去。來是未來。及心所行現在也。又知心所行。即知因。往來所趣。謂照果。近無等等佛自在慧。十力無畏。十八不共。上結歎菩薩二慧已。今所美者。隣乎極果。故云近也。無等等者。即所近果名。論佛無等。唯佛與佛等。是故號佛爲無等等也。又實相無等。唯佛與實相等。名無等等。佛自在慧。以下出所近。果德照盡。空有名自在慧。十力降天魔。無畏制外道。十八不共簡異二乘。三。科既是要門。是以別說。關閉一切諸。要趣門而生五道。以現其身。前歎仰隣極果。此美。府順群生。夫法身無生。而無處不生。以無生故諸趣門閉。無處不生。而生五道。爲大醫王善療衆病。應病與藥。令得服行。上歎現生五道。此明受生意爲治煩惱疾。智度論云。老病死苦及貪瞋癡。自有生死已來。無人能治。唯有大士。善解救療。無量功德皆成就。上來第一。謂歷別歎。德既無窮。述不可盡。故以四門。總而結之。無量功德。結正果德。無量佛土皆嚴淨。結依果行滿。其見聞者無不蒙益。歎形聲益物。諸有所作亦不唐捐。美三業利世。如是一切無量功德皆悉成就。總結四門。前別歎。其名

曰等觀菩薩。不等觀菩薩等。不等觀菩薩。第四序名。上雖總歎德。今宜出別名。以四等觀衆生。爲等觀。以智慧分別諸法。名不等觀。具此二義。名不等觀。又實慧觀一相門。爲等觀。方便慧觀差別門。名不等觀。具此二義。爲等不等觀。定自在王菩薩者。於諸定門。入住出自在無礙也。法自在菩薩者。以智慧門說法自在。法相菩薩者。功德法相現於身也。光相菩薩者。光明之相。現於身也。光嚴菩薩者。以光明莊嚴身也。脫大嚴菩薩釋寶積菩薩者。積聚智慧寶也。辨積菩薩。積聚四辨也。寶手菩薩者。手內出無量寶也。寶印手菩薩者。手有寶印。又解印者云相。手有。云寶之相也。常舉手菩薩者。上示涅槃。令物樂也。常下手菩薩者。下示生死過患。使物厭之也。常慘菩薩者。衆生苦輪轉恒轉。大士悲心常切也。喜根菩薩者。於實相內生喜也。喜王菩薩者。喜有二種。一。不淨。二。清淨。今是淨喜。故名爲王也。辨音菩薩者。於四辨內從辭辨得名也。虛空藏菩薩者。實相慧藏如虛空也。執寶炬菩薩者。執慧寶炬。除衆闇冥也。寶勇菩薩者。勇於德寶亦得寶。故能勇也。寶見菩薩者。以慧寶見諸法也。帝網菩薩者。幻術經名帝網。此大士神變自在。猶如幻化。故借帝網。以名之也。明網菩薩者。手有綬網。放光明也。無緣觀菩薩者。觀實相時。內外並冥。緣觀俱寂也。慧積菩薩者。積聚智慧也。寶勝菩薩者。功德之寶。超勝世間也。天王菩薩者。天有四種。一。假名天。人王是也。二。生天。從四天王

①兩二即②意二慧③能二德④分十(別)⑤論二諸⑥要二惡⑦府二符⑧脫大嚴菩薩釋六字續藏作証註⑨云二出⑩(轉)一⑪寶二寶

至非想天是也。三淨天。諸餘實聖是也。四第一義天。十地菩薩是也。今是第四。故云天王也。壞魔菩薩者。行壞魔道也。雷電得菩薩者。因雷電光而得悟道。從事得名也。自在王菩薩。功德相嚴菩薩。師子吼菩薩。此三菩薩。義可解也。雷音菩薩。山相擊音菩薩。以大法音。消伏強剛。音聲震擊。若二山之相搏。兩雷相搏也。香象菩薩者。青香象也。身出香風。菩薩身出香風亦如是也。白香象菩薩。其香最勝。大士身香亦如是也。常精進菩薩。始終不退。不休息菩薩者。上從。得以受稱。此因離過以爲名也。妙生菩薩者。生時有妙瑞也。華嚴菩薩者。以三昧力。能現衆華。遍滿虛空大莊嚴也。觀世音菩薩者。此菩薩凡有四名。一觀衆生口業令得解脫。名觀世音。二者觀身業。名觀世身也。三者觀意業。名觀世音。四者名觀世自在。總鑒三業也。得大勢菩薩者。有大勢力。以大神力。飛到十方。所至之國。六反震動。惡趣休息也。梵網菩薩者。梵謂四梵行。網言其多也。寶杖菩薩者。憑杖法寶。故云寶杖也。無勝菩薩。嚴土菩薩。金髻菩薩。閻浮檀金在髻。珠髻菩薩。如意寶珠在其髻內。悉見十方世界及衆生行業。果報因緣也。彌勒菩薩。此翻爲慈。是其姓也。字阿逸多。南天竺婆羅門子。文殊師利法王子菩薩。此言妙德。羅什云。從小至大。故二人在後。又云。二人在此方爲大。餘方爲小。亦應在後。吉藏謂。三萬二千。不可具載。故以二人攝之。彌勒菩薩。此云大士。文殊他方菩薩。又彌勒當成正覺。

文殊以曾作佛。又彌勒受於佛位。文殊不受佛位。故曰王子。以此三雙。總收一切也。如是等三萬二千人。第五總結也。復有萬梵天王尸棄等從餘四天下來詣佛所而聽法。自上已來。明於聖衆。從此以後序凡衆。聖有二。一者聲聞。二者菩薩。凡衆亦二。初明聲聞。次序顯衆。梵翻爲淨。謂色界初天。尸棄譯爲頂髻。又翻爲火。吉藏謂。頂有炎如火光。在頂如髻。義既兼兩。故譯人互翻。法華經云。三千大千世界主梵天王名尸棄。則知但有一天。而言萬數者。從餘四天下來也。釋僧肇云。或從他方佛土來也。復有萬二千天帝亦從餘四天下來在會座。梵爲色界之主。釋是欲有之初。又梵爲空住。釋是地居。又梵得那含。釋證初果。自勝之劣。以爲次第。并餘大力諸天神夜叉乾闥婆阿修羅迦樓羅等悉來會座。上序二天。今明八部。大威力者。除梵釋以外。取諸餘天也。龍有二種。一地住。二空住。龍是畜生。就道而言。不及鬼神。次在天者。一果報勢力最大故。有五不思議。而龍力爲一。二者梵王爲千佛請主。龍王護千佛經藏。三龍與雲注雨。調適陰陽。於物有益。故次天也。神者。羅什云。受善惡雜報。似人天而非人天也。夜叉。此云輕捷。又亦翻爲貴人。凡有三種。一在居地。二空住。三在天上。佛初轉法輪。地夜叉唱告。空夜叉聞。空夜叉唱。天夜叉聞。如是展轉。至於梵世。所以有此三品。初但施餘物。故不能飛行。次施半車。故能遊空。有次修因轉勝。與天同住。守城池宮舍。乾闥

婆。此云香陰。謂以香爲食。及身出香。是諸天樂神住在香山。諸天心念須作樂者。其身異相。即飛上天而奏樂也。阿修羅。此云無酒神。凡有二說。一過去持不飲酒戒。感得此神。二現世採華釀海爲酒。而遂不成酒。海變爲苦醢。故稱無酒。毘婆沙翻爲不端正。男醜而女妍也。迦樓羅。此云金翅鳥。亦翻爲鳳皇。具有四生。食四生龍。卵生金翅但食卵生。胎生食二生龍。濕生者噉三生龍。不能食化生。化生鳥具能食四生龍也。緊那羅。翻爲疑神。頭有一角。面似人。見者疑云。爲人耶。爲不人耶。故爲疑神。亦是諸天樂神。與乾闥婆。番次上下。而小劣於香陰也。摩睺羅伽。此云地龍。又大蟒蛇。亦云腹行。此八部並變爲人形。來在座聽法也。諸比丘比丘尼優婆塞優婆夷俱來會座。上序幽衆。今明顯衆。比丘猶是乞士。尼翻爲女。優婆塞云清信士。人。優婆夷爲清信女。尼夷雖異。同目女。但欲分道俗異。故譯經者兩出。彼時佛與無量之衆恭敬圍繞而爲說法。上來第一明衆集。此第二序佛爲說法。文有三句。謂法譬合。問。何故明佛說法。答。佛與淨名。二心相鑒。淨名託疾方丈。如來菴菴說法。爲之集衆。然後始得遣便慰之。問。說何等法耶。答。相傳云說普集經。譬如須彌山王顯于大海。第二譬說歡佛也。須彌爲妙高山。亦云安明山。出水三百三十六萬里。入海亦然。安處衆寶師子之座。蔽於一切諸來大衆。第三合譬歎也。

得十(益) 得二德 身二音 音一 音二 小十(亦) 亦一 云二土 聖十(衆) 光十(炎) 主二首 牛車二車牛 又十(云) 人二又 人 便二使

弘安七年十一月六日於禪院加點了定謬多矣  
東大寺大沙門聖然

維摩經義疏卷第二

胡吉藏撰

佛國品末 方便品

爾時毘耶離城有長者子名曰寶積與五百長者子俱持七寶蓋來詣佛所頭面禮足各以其蓋共供養佛。序分爲二章。證信已竟。今是發起序也。證信亦名通序。通是同義。如是六事。衆經大同。故名通。發起序。亦名別序。衆經各別。如勝鬘則父母遺書。此經明長者獻蓋。由斯各異。故名別序。又名通序。亦名經後序。當說經時猶未安之。將入涅槃。方後始立。別序。亦名經前序。將說經前。有斯由致。名經前序。又經後序。亦名未來序。爲令未來。衆經生信。經前序。亦名現在序。爲利現在。故動地雨華。然實含四義。但隨寄一名也。別序之內。開爲三章。一長者獻蓋。二如來納受。三時衆喜敬。問何故。餘衆遠而先來。寶積近而後至。答。大士進止。必利有緣。故將都集。然後方至。又寶積。實以先來。但聞法歡喜。奉蓋供養。兼欲起發淨土。故序之。二意之中。後意爲正。何以知之。前已列寶積菩薩竟。故知前已來也。但聞法喜悟。設供開宗。故後序之耳。而奉蓋者。彼國貴人。持寶蓋而行。故即捨所珍。以供養佛。又因此獻財。發淨土之法。則福慧

具足。自他兼利。佛之威神下。第二如來納受。神通有四。一如意通。轉變自身。大音遍至。二如幻通。改變外物。三法智通。通達諸法。四聖如意通。能於六塵自在。不隨緣變。今之威神。即前二也。令諸寶蓋合成一蓋。遍覆三千大千世界。羅什云。現此神變。其旨有二。一者現神變無量顯智慧必深。二者寶積。獻其所珍。必獲可重之報。明因小而果大矣。吉藏謂。合蓋爲一。有五因緣。一卽事受用。如合四鉢成於一鉢故也。二者合成一蓋。現諸佛國。因此得說淨土法門。三者欲開不思議。蓋不闕而覆大千。土不狹而現其內。釋迦略闡於前。淨名廣敷於後。利成之道既彰。信解之心彌固。四者欲明諸法無決定相。多非定多。多可爲一。一非定一。一可爲多。令悟實相。未曾多一。第五表諸長者現在同悟無生。未來同成一法身果。如蓋之普覆。而此世界廣長之相悉於中現。上明蓋覆大千。此辨土現其內。又此三千大千世界諸須彌山雪山目真隣陀山摩訶目真隣陀山香山寶山金山黑山鐵圍山。大鐵圍山。此明世界諸山。現於寶蓋。大山有十。須彌最高。處在其間。餘九漸小。圍遶之。大海江河川流泉源。泉岳既是仁智所欣。故次山序水。及日月星辰天宮龍宮諸尊神宮悉現於寶蓋中。山水明其地處。此文次序天宮。日月星辰。所謂三光諸尊神宮。八部住處。又十方諸佛諸天說法亦現於寶蓋中。自上已來。但序娑婆一界。從此已下。普現十方佛土。諸長者子。雖發道心。而未修淨土。

欲說供養之情。啓淨國之志。故因其蓋。普現十方淨穢佛土。令捨穢心而修淨土行也。三千爲一世界。如是數至恒沙。爲一世界。恒沙一世界。爲一世界海。恒沙世界海。爲一世界種。恒沙世界種。爲一佛國世。爾時一切大衆觀佛神力。嘆未曾有。合掌禮佛。瞻仰尊顏。目不暫捨。此下第三時衆喜嘆。以信樂之誠發內。故瞻嘆之相現於外也。長者子寶積卽於佛前以偈頌曰。上通序大衆歡喜。此別明寶積稱嘆而說偈。凡有二意。一以略言攝佛衆德。二令辭巧聞者悅心。莫問言數多少。要備四句。方乃成偈。偈是梵音。頌是此說。兩合明也。所以偈嘆者。有四因緣。一者奉蓋。爲明財供。說偈讚嘆。辨法供也。二者上以身業恭敬。今以口業供養。三者前明形敬。不足以寫心。今以心思妙言。詠之於口。則具三業。四者如來說法現通。大衆雖復喜敬交集。而未達其所由。故說偈讚釋。令時會領悟。偈有五章。一嘆本德。二美迹用。三重嘆本。四重美迹。五總結結嘆。目淨修廣如青蓮。此句嘆佛形也。形有五相。目爲其首。就初而嘆。又世俗常云。七尺之身。不如一尺之面。一尺之面。不如一寸之眼。故頭爲一身之最。目爲一面之標。就勝而嘆。又佛以慈眼。等視衆生。慈爲德本。故就本而嘆。又寶積瞻顏作頌。故嘆眼也。智度論云。陸生須曼爲最。水生青蓮第一。天竺有青蓮花。其葉脩而曠。青白分明。有大人眼相。故借以喻焉。心淨已度諸禪定。目淨所以嘆形。心淨所以嘆德。目爲五情之初。心爲

●後二復(●)●來十(於)●(阿)●●將二持(●)●鉢二思(●)●利二相(●)●影十(影)●●[大鐵圍山]一●●[大鐵圍山]●  
十此●●智二者(●)●者●智(●)●天二佛●●娑婆一界二一娑婆一界●●說二悅●說(●)●世十(界)●●異●●時(●)  
一●●是二爲●是(●)●釋二嘆●●相二根(●)●

萬德之本。故嘆心也。又心淨則目明。舉心以證目。禪定深曠。喻如大海。唯佛淨心。乃窮其岸。故稱爲度久積淨業。稱無量。形德所以俱妙者。必由久淨三業。此舉因行。釋果德也。因果既妙。則十號外聞。故云稱無量也。導衆以寂故稽首。以德樹名流。故能導物。導衆之法。謂寂滅無爲。如法華云。究竟涅槃。常寂滅相。蓋是諸法實體。故偏說之。此一嘆訖。所以稽首。又上口業。今身業敬也。此偈始終。合有五對。謂形心。因果。德名。自他。讚敬也。既見大聖。以神變普現十方無量土。其中諸佛演說法於是一切悉見聞。此第二歎迹。以形德爲本。神通之用爲迹。故初歎德本。今美迹用。正觀論云。聖有三種。一外道五通。二羅漢緣覺。三法身大士。佛於三聖獨尊。故稱爲大。不測爲神。改質稱變。既見合蓋之神變。而復現十方國土。及以諸佛。等演教門。此三爲應衆會見聞。即是感也。法王法力超群。生常以法財施一切。此第三重嘆本德。就此文內。凡有五嘆。一法王嘆。二法海嘆。三山王嘆。四虛空嘆。五人寶嘆。法王嘆者。前嘆神通。今美說法。神通令物殖福。說法使其生慧。又神通發其信心。說法生其慧解。俗王以俗力勝民。故能澤及一國。法王以法力超衆。故能道濟無疆。能善分別諸法。相於第一義而不動。上標法王。今釋之也。法乃無窮。而不離二諦。故就二諦。以釋法王。善分別俗。而不違真。稱爲不動。已於諸法得自在。是故稽首此法王。嘆法王三門。初標次釋。今是結也。俗王則自在於民。法王則自在於法。以法

無定相。隨物辨之。而普順理應機。故稱自在。又即上說俗不動真。談真不乖俗。即是自在也。二句嘆訖。所以稽首。說法不有亦不無。前嘆說俗不違真。此明言會中道。有三。一即上二諦。合爲中道。以俗諦故。不可爲無。眞諦故。不可爲有。如來立二諦。爲破有無二見。故論主釋大品。菩薩住二諦中。爲衆生說法。爲著有者說無。爲著無者說有。即其事也。二者以有無二諦。爲明非有無中道。如華嚴卷五云。一切有無法了達。非有無也。三者單就二諦。各明中道。俗諦是因緣假有。假有不可定有。假無不可定無。非有非無。即是中道。眞諦亦爾。假有不可定有。假無不可定無。即是中道。今言說法不有亦不無。含此諸意也。釋僧肇云。欲言其有。有不自生。欲言其無。緣會則形。會形非謂無。非無非謂有。故云說法不有亦不無。肇公又云。且有故有。無無何所無。有無故有。有若無。無何所有。然則自有則不有。自無則不無。此法王之正說也。詳肇其意。前就二諦。明非有無。後之一通。雙泯眞俗。吉藏謂。若據斥病。通此文者。僧伽執因內定有果。衛世執因內無果。毘曇明三世實有。成論辨三世實無。如此內外。並非正說。如來所演。離斯有無。故云說法不有亦不無。以因緣故諸法生。既離定有無。即是因緣生也。離定有無。所謂破邪。因緣所生。名爲顯正。文約義周。無我無造無受者。善惡之業亦不亡。前單就法。明非有非無。此合就人法。辨非有無也。以無我人。是故非有。

而不失因果。所以非無。問。若無真我人。亦無定性因果。既有因緣因果。亦有假名我人。有則俱有。無則雙無。今何故無人而有於法。答。實如來問。但今爲破斷常。顯示中道。故明無人而有於法。所以然者。以無人故。破其定常。以有法故。非是斷滅。故遠離二邊。稱爲中道也。問。我造受者。此三何異。答。我爲眞宰之主。此爲體也。能造善惡之因。受禍福之報。此二爲用。是故異也。始在佛樹力降魔。此第二就法海嘆。自上以來。嘆佛在菴蘭演於大法。從此已下。追序往昔說小乘教。若次第而言。應前序小。後述於大。但據即事而嘆。故初大小。問。何故嘆小耶。答。欲明道門。未曾大小。如來趣大小緣。故有大小方便也。二者此文未必是小。但實積是始終遍嘆。故有此章來也。道力之所制。非魔兵之能敵。故言始在佛樹力降魔也。得甘露滅覺道成。前明降魔。此辨成佛。寂滅之法。喻如甘露。得斯法故。大覺道成。已無心意無受行而悉摧伏諸外道。吉藏曾見。僧伽義疏。述什公意云。此句應在降魔之前。初出家時。受學外道。行衆苦行。爾時無悟道之心。受學之意。欲示難行能伏諸外道。故言以無心意無受行。然後降衆魔。成正覺。轉法輪。現三寶。是爲次第。而在後列者。但成佛已後。正悟既彰。則示前苦行。伏邪義顯也。有人言。無心者。無識陰也。無受行者。無受想行三心也。以無心而伏故。無不伏。三轉法輪於大千。言三轉者。一示轉。謂此是苦。此是集。此是滅。此是道。二勸轉。

①道二道②等二并③等一④使一便⑤(今)十談⑥也十(此)⑦(此)⑧道十(釋僧肇出但中道)⑨(釋僧肇云但中道)⑩其二公⑪(執)一⑫(內)一⑬內十(定)⑭內十(定)⑮有十(非)⑯趣二起⑰

苦應知。集應斷。滅應證。道應修。三證轉。苦我已知。不復更知。集我已斷。不復更斷。滅我已證。不復更證。道我已修。不復更修。一轉生眼。知明覺四心。三轉生十二心。名十二行法輪也。依毘曇義。約三根人故。有十二行。依成論師。初轉生聞慧。次轉生思慧。三轉生修慧。其輪。木來常清淨。初在鹿苑。雖復三轉。而實無所轉。故云。常淨。寂公云。法。論無漏無相。體無增損。有佛則轉。無佛則廢。用捨在人。而性相不異。天人得道此為證。天謂炎魔天子。八萬天也。人即陳如五人。聞轉法輪。證初道也。吉藏依毘婆娑。五人之內。但陳如一人。得初道。餘四人。爾時住四善根。至夏初。方乃得道。三寶於是現世間。覺道既成。佛寶也。法輪既轉法寶也。五人出家得道。僧寶也。於是言共始也。以斯妙法濟群生。一受不退常寂然。前辨天人成聖。此句簡異外道。九十六種。道之上者。亦能斷結生無色天。但其道不真。要還墜三塗。佛以四諦妙法。濟三乘衆生。無有既受而還墜生死者。故曰一受不退。永畢無爲。常寂然也。度老病死大醫王。老病死淵。深。曠難越。唯佛能令彼我皆度。稱大醫王。當禮法海德無邊。法輪淵曠喻之如海。流潤無崖。謂德無邊。此一嘆訖。故復稱禮。毀譽不動如須彌。此第三山王嘆也。既處世說法。必有八風。故。按前文。生此嘆也。利衰毀譽稱譏苦樂八法之風。不動於佛。猶如四風之吹須彌莫能傾搖。利衰約財也。榮潤已爲利。侵奪已爲衰。毀譽稱譏。此四約口。罵辱爲毀。

過分讚嘆爲譽。當善導善爲稱。當惡導惡爲譏也。苦樂就身。損身命爲苦。益身命爲樂。然利等四。能生貪心。衰等四。能生瞋心。既有貪瞋。必有癡使。佛三毒已斷。故八風不搖。於善不善等以慈。截手不感。捧足不欣。善惡自彼。慈覆不二。心行平等如虛空。第四虛空歎。所以善惡不動者。由心行如空。釋上義也。夫有心則有封。有封則不善。以聖心。非心。故平若虛空。孰聞人寶不敬奉。此第五人寶嘆也。以心行如空。則越於人外。故爲人之寶。在天爲天寶。在人爲人寶。寶於天人者。豈天人之所能。故物莫不敬。今奉世尊此微蓋於此。現我三千界諸天龍神所居宮闈閭等及夜叉悉見世間諸所有十力哀現是化變衆。觀希有皆嘆佛今我稽首三界尊。此第四重嘆述用。就文爲兩。初嘆思深難報。次美三密難思。前有四句。初自陳所奉至微。次辨所現至大三明慈哀所現。四稱嘆稽首。大聖法王衆所歸淨心觀佛靡不欣各見世尊在其前斯則神力不共法。此第二嘆三密難思。初嘆身密。次嘆口密。依智度論。身密有二。一者止現一身。遠近之衆。各見於佛對面在前。如一月昇天。影現百水。二者如來隨現一身。能令萬類各見已佛如天見佛爲天。人則親佛爲人。佛以一音演說法衆生隨類各得解皆謂世尊同其語斯則神力不共法。此嘆口密。就文爲三。初明隨吐一音。萬類異解。次辨止說一法。而隨義普行後明說事是同。而欣愛兼發。問。以何爲一音。答。有人言。一法身也。以法身不二。

故名爲一。從一法身出音。名爲一音。有人言。一時之中。竝出衆音。各不相知。故云一音。有人言。五音之中。隨吐一音。而萬類各解。毘婆娑云。佛身爲天竺之身。音爲天竺之音。故初轉法輪。依天竺語。說於四諦。人則聞於人語。天則聞於天語。異類亦然。今用此釋。而稱不共者。二乘但能以一音爲一。多音爲多。不能隨吐一言萬類同解。故稱不共。佛以一音演說法衆生各各隨所解普得受行獲其利斯則神力不共法。此明止說一法隨義普行。而好施者聞施。好戒者聞戒。各蒙利益。佛以一音演說法或有恐畏或歡喜或生厭離或斷疑斯則神力不共法。此明說事是同。欣憂兼發。寂公云。如說一苦法。生四種心。有人聞苦。生怖畏。有人聞苦。識苦爲苦。則生歡喜。有人聞苦。厭患生死。有人聞苦。知實是苦。斷疑網心。有人言。聞於異法。生四種心。聞三塗苦則怖畏。聞人天妙樂則歡喜。聞不淨則厭離。聞因果則斷疑。稽首十力大精進稽首已得無所畏稽首住於不共法稽首一切大導師。此第五總嘆。望前身口。卽是意密。就文爲二。初得離門歎。次就空有門嘆。此就所得嘆也。嘆所得事二句。初嘆自德。大導師下。歎化他。原令出三界。謂小導師。令絕出三界內外。至於佛道。大導師也。稽首能斷衆結縛稽首已到於彼岸稽首能度諸世間稽首永離生死道。此嘆所離也。歎所離中亦二。一歎自離。能度諸世間。歎能令他離。他離中。離果患。自離。總離因果也。悉知衆生去來相。就相就空有

①知二智① ②本二本② ③常淨二淨輪③ 常淨③ ④論二輪④ 輪④ ⑤廣二廣⑤ ⑥按二按⑥ ⑦非二無⑦ ⑧此二中⑧ ⑨觀二觀⑨ ⑩問十(下)⑩ ⑪[相就]⑪

門嘆。初據有門。衆生業行。往來於六趣。心馳  
騁於是。非悉知之也。善於諸法得解脫。我染  
諸法故。諸法縛我。我心無染。則萬縛斯解。以  
衆生往來。故是繫縛。悟來體畢。竟無所來。故  
得解脫。如中論縛解品。常無常門。求往來不  
得。五求門。不見衆生不得。故無可往來。有  
常無常。求往來不得。故無復往來。即縛解脫。  
不著世間。如蓮華下。第二就空門嘆也。常善  
入於空寂行者。釋不著世間也。以善入空寂  
然棄其心。故於世間不著。又雖在世間。常  
入空寂。故不著世間也。而言善入。邪見人亦  
入空。謂無因果。二乘入空。即便取證。又菩薩  
功用心入空。此有三種。能非善入。與此相違  
善入空義也。出入自在。而不乖寂。故云常善  
也。遂諸法相無。量礙者。雖有常空。雖空常  
有。故無礙也。稽首如空無所依者。心。境無  
寄。如空無依也。此就空門嘆也。爾時長者子  
寶積說此偈。已自佛言世尊是五百長者子皆  
已發阿耨多羅三藐三菩提心。序分竟前。今  
是正說。文開四章。一長者發問。次如來誠許。  
三受旨一心。四正酬其問。前章爲二。初自叙  
發心。次問佛淨土。所以明斯二者。大士要先  
發心。而後修行。故善財云。我已發菩提心。而  
未知何修菩薩行。今亦然也。阿耨多羅。此言  
無上。三藐三。云正遍知。菩提言。道。謂其道真  
正。無法不知。正遍知也。願聞得佛國土清淨  
唯願世尊說諸菩薩淨土之行。此下第二正  
發問也。前既發菩提心。今次問菩薩行。菩  
薩要行。凡有二種。一成就衆生。二淨佛國土。

不問成就衆生。偏問淨佛土者。由寶積獻蓋。  
如來現土。故偏問之。就問爲二。初問淨土果。  
故云願聞得佛國土清淨。得佛土清淨者。即  
是佛所得淨土果也。唯願世尊說諸菩薩淨  
土之行。此問淨土因也。夫土所以淨者。必由  
於行。故請說行也。凡行必存學人。故云菩  
薩。此問乃是如來現蓋之所由。寶積俱詣之  
本意也。佛言善哉寶積。乃能爲諸菩薩問於  
如來淨土之行。諦聽諦聽。善思念之。當爲汝  
說。第二嘆問誠聽許說。問既會理應機。所以  
須嘆。再言諦聽者。令其注心聞法。生三慧也。  
諦聽爲聞慧。善思爲思慧。念之爲修慧。當爲  
汝說。此許說也。於是寶積及五百長者子受  
教而聽。第三受旨一心。佛言寶積衆生之類  
是菩薩佛土。第四正酬其問。總談佛土。凡有  
五種。一淨。二不淨。三不淨淨。四淨不淨。五  
難土。所言淨者。菩薩以善法化衆生。衆生具  
受善法。同攝善緣。得純淨土。言不淨者。若衆  
生造惡緣。感穢土也。淨不淨者。初是淨土。此  
衆緣盡。後惡衆來。則土變成不淨也。不淨淨  
者。不淨緣盡。後淨衆來。則土變成淨。如彌勒  
與之也。言難土者。衆生具起善惡二業。故感  
淨穢難土。此五皆是衆生行業所起。應名衆  
生土。但佛有生化之功。故名佛土。然報土  
既五。應土亦然。報據衆生業感。應就如來所  
現。故合有十土。就淨土中。更開四位。一凡聖  
同居土。如彌勒出時。凡聖共在淨土內住。亦  
西方九品往生爲凡。復有三乘賢聖也。二大  
小同住土。謂羅漢辟支。及大力菩薩。捨三界

分段身。生界外淨土中也。三獨菩薩所住土。  
謂菩薩。道過二乘。居士亦異。如香積世界。無  
二乘名。亦如七寶世界。純諸菩薩。四諸佛獨  
居士。如仁王云。三賢十聖住果報。唯佛一人  
居淨土。諸淨土住。不出此四。即是從劣至勝。  
爲次第。並有文證也。問。以何爲土體。答。土  
體有三。一橫論。其體有五。謂化處淨。化主  
淨。教門淨。徒衆淨。時節淨。無。力兵等。二若  
就三世問作明。國土世間則以七珍爲體。三  
者堅論義。望道而言。土以不土爲體。要由不  
二。方得有土。即是有空義。故一切法得成  
也。就文爲二。初明修淨土意。次正答淨土因  
果。所以開此二者。夫有所說。必須前序來意。  
然後方得謂其問耳。來意有二。初明取報土  
意。次明取應土意。取土之意。唯此二也。衆生  
之類是菩薩佛土者。此標取土意也。菩薩取  
土。由大悲起。大悲由衆生起。衆生是取土之  
緣。緣中說果。故言衆生之類是菩薩佛土。緣  
中說果者。如人言食金。金不可食。因金得食。  
故言食金。又衆生是菩薩佛土者。下佛自釋  
之。所以者何。菩薩隨所化衆生而取佛土。釋  
上義也。疑者云。土是已報。云何乃說他衆生  
類。爲我佛土。是故釋云。菩薩取土。本爲衆  
生。因衆生故。諸衆生以爲佛土。隨所化衆生  
而取佛土者。此明生善義也。隨以何法。化於  
衆生。若施。若戒。各隨彼所行。來生其國。若  
因持戒。則其地平。生。若因行施。則七珍具  
足。略舉二法。餘皆類然。又云。隨所化衆生之  
多少。取佛土是闕狹也。是以佛土或如四天

①不見二見②問二門③量二平④境二竟⑤境⑥問二門⑦問二問⑧存二在⑨生二王⑩生⑪力二刀⑫土十之⑬生二正⑭如二以



下或以三千或以恒沙爲一國也。什公亦有此意。今謂具含二義。一隨生善之淺深。二隨人之多少也。隨所調伏衆生而取佛土。前句明生善之淺深。此文滅惡之多少。故取佛土之精龜也。隨諸衆生應以何國入佛智慧而取佛土。隨諸衆生應以何國起菩薩根而取佛土。前之兩句。明取報土意。今亦二句。明取應土意。應以何國者。若應見淨土以得悟故。示之以寶玉。若應見穢國以受道故。現之以土沙。入佛慧者。依肇公。七地所得無生慧也。故小品云。七地名佛眼地。起菩薩根者。六住已下菩提心也。有人言。初地得於真解。生在佛家。爲入佛慧。此心乃至十信。爲菩薩根。有人言。隨所化衆生。化外凡夫。令生信解。隨所調伏。教內凡夫。令修起衆行。此二句。化地前人。取佛土也。今文二句。化登地已上。入佛智慧。謂入佛果。起菩薩根。正辨修因。此之四句。攝所爲之緣。始自外凡。終起佛果。但明取佛土意。不判報應不同也。所以者何。菩薩取於淨國。皆爲饒益諸衆生故。釋土取土意。就文爲三。謂法譬合。此法說也。應有問發起云。菩薩成佛。得土自安。何故偏言爲衆生耶。所以者何。即答問也。夫法身無像。豈有土耶。而今取淨國者。皆爲益物耳。譬如有人欲於空地造立宮室。隨意無礙。若於虛空終不能成。此譬說也。應有疑云。觀空之慧。能治。感染。可得淨土。爲衆生是取有之心。云何能得淨土。是故舉譬之。夫造立宮室。要須二。一者虛空。二者依地。宮室始成。菩薩空心。依衆生

地。方得淨土。若但空。無有地者。室終不成。二乘但修空觀。不爲衆生。故無淨土。菩薩如是爲成就衆生。故願取佛國。願取佛國者。非於空也。此合譬也。寶積當知直心是菩薩淨土。自上已來。明取土意。從此已後。正答淨土因果問也。又上明菩薩爲衆生取佛土。是大悲門。今明淨土因果。是修行門也。又上願門。今是行門。願門者。故文云。願取佛土。今正明修行。又上明衆生是佛土。緣中說果。今直心是佛土。因中說果。凡有七章。如去章中釋之。就文爲二。初正明淨土因果。第二釋疑。前章又兩。初明行體。初辨修行次第。初有十七句文。一一句內。具訓因果二問。前舉因答其因問。次舉果訓其果問。前明衆生之類是菩薩佛土。就緣說果名。直心是淨土。因。即因說果名。所以就因之與緣明淨土者。夫取淨土。要具二義。一者要先起大悲爲衆生。二由菩薩修直心等行。具此二條。方得佛土。是以前文就緣說果。此章就因說果。直心者。凡夫滯有。二乘偏滯空。並爲邪曲。菩薩行正觀。名正直心。此心爲衆生之本。淨土之基。故命初說也。菩薩成佛時。不謔衆生來生其國。上明直心。訓淨土因問。此答淨土果問。寶積前問果。後問因。據說問也。前答因。後答果。謂修行次第也。菩薩成佛時。此句答上願門得佛之言也。不謔衆生來生其國。此答上國土清淨也。菩薩自修正觀。化物亦令得此心。故衆生現在與大士同悟。未來將菩薩同生。故言不謔衆生來生其國。不謔直心。名殊體一。深心

是菩薩淨土。自有雖復正直。未必深入。故今明發心之始。始於正觀。正觀逾明。稱爲深心。以深固難拔。深心義也。菩薩成佛時。具足功德衆生來生其國。在心既深。衆德必備。故具足功德衆生來生其國也。問。菩薩自修深心。云何具足功德衆生來生其國。答。前已通。今更有三義。一者深心。是淨業之力。自然能感屠殺眷屬。來生其國。如屠殺人。自然能感屠殺眷屬。來生其國。二由大士深心。令深心人愛念親近菩薩故。來生其國。三由深心故。得土妙人皆樂生。故修深心往生其國。一門既爾。餘行類然。大乘心是菩薩淨土。菩薩成佛時。大乘衆生來生其國。三心次第者。夫欲行大道。要先直其心。心既正直。然後入行。入行能深。則普運一切。普皆趣佛。名菩提心。是爲次第。布施是菩薩淨土。菩薩成佛時。一切能捨衆生來生其國。上標三心。此去備修衆行。六度是菩薩要法。故建首明之。外捨國財身命。內捨貪愛慳嫉。名一切能捨。持戒是菩薩淨土。菩薩成佛時。行十善道。滿願衆生來生其國。十善名爲舊戒。有佛無佛。常有此法。偏舉之。戒具則無願不滿。如天德瓶。故言滿願衆生來生其國。忍辱是菩薩淨土。菩薩成佛時。三十二相莊嚴衆生來生其國。精進是菩薩淨土。菩薩成佛時。勤修一切功德衆生來生其國。禪定是菩薩淨土。菩薩成佛時。攝心不亂衆生來生其國。智慧是菩薩淨土。菩薩成佛時。正定衆生來生其國。得正智慧。決定法相。名正定。正定聚者。依小

①文十(明) ②有十(彭城略疏)傍註 ③此三三十一 ④感二感 ⑤室終二安於 ⑥室終一 ⑦去二支 ⑧問二門 ⑨然十(能成) ⑩(能成) ⑪(國) ⑫一 ⑬深十(能深) ⑭法十(故) ⑮定十(聚) ⑯(聚) ⑰



乘忍法已去不退爲凡夫。依大乘則六心已上不退。爲二乘位正定聚也。四無量心是菩薩淨土菩薩成佛時成就慈悲喜捨衆生來生其國。良由內有四等故。能行六度。故次說之。小乘四心。但緣欲色二界衆生。非真無量。大乘四心。周被無際。名無量也。四攝法是菩薩淨土。四等是濟物之心。四攝爲化緣之事。內外不同。故次說也。所言四者。謂布施。愛語。利行。同事。行此四法。攝取衆生。令其住理。故名爲攝。布施與檀那異者。直捨財施人名爲布施。以施攝物。令其入道。日之攝菩薩成佛時解脫所攝衆生來生其國。解脫謂涅槃也。菩薩因時。以四攝攝衆生。所攝衆生後必得解脫果。故此衆生爲解脫所攝。即是解脫。住理爲攝義。又釋義言。菩薩既攝衆生。則衆生繫屬菩薩。故今明得解脫。爲解脫攝取。非爲繫屬於已。故攝之也。方便是菩薩淨土菩薩成佛時於一切法方便無礙衆生來生其國。始自直心。終於四攝。必須方便。則不隨二乘。超於三有。故次明方便。方便者。巧方便慧也。積小德而獲大功。處有不乖寂。居無不失化。無爲而爲不爲。方便無礙也。三十七品是菩薩淨土菩薩成佛時念處正勤神足根力覺道衆生來生其國。三十七品爲趣涅槃。以有方便。能行道品。不證二乘地。故次說也。三十七道品者。謂三四。二五。單七。雙八。合三十七也。三四者。四念處。四正勤。四如意足。一五。謂五根。五力。單七。七覺。雙八。正道。稱道品者。道謂菩提。品爲品類。此三十七。皆是

趣菩提行。而有品類不同。別有大科。不具釋也。迴向心是菩薩淨土菩薩成佛時得一切具足功德國土。以有方便。行於道品。既不墮二乘。復迴此善根。向於佛道。故次明迴向。又凡夫功德。爲向三有。小心作善。爲向二乘。此並招小報。今迴此二善。令向佛道。便得大果。故後文說迴向。爲大利也。又迴向者。迴已善根。向於衆生。故名迴向。以獨善則福少兼濟則利多也。又迴已善根。向於實相。故名迴向。前三。雖向佛向人。若取相分別。其報則少。若一毫之善。向於實相。實相是理。善解實理。則福等虛空。故後三句。但言國土。不語衆生者。爲存略故也。說除八難是菩薩淨土菩薩成佛時國土無有三惡八難。修淨土。凡有二行。一修善法。謂起淨土行。二說除八難。明離惡法。謂捨穢土行。自上已來。初行已竟。此明第二行也。八難者。三塗即三。人間有四。一生盲聾。此是苦報。二世智辨聰。邪見煩惱。此二正是難體。三佛前後。此明時爲難。西北方。此以界爲難。五長壽夭。亦以處爲難。則知八難具五道也。說除八難者。依成實論。四輪治之一。住善處輪。治三塗北鬱及長壽夭五難也。二依善人輪。治佛前佛後難。三自發正願輪。即正見心。治世智辨聰難。四宿植善根輪。治生盲聾難。若約行治者。持淨戒治三塗難。樂法施。治瞽盲難。修正法。治世智辨聰難。供諸佛。治佛前佛後難。修集正觀。治北方及長壽夭難也。自守戒行。不讓彼闕。是菩薩淨土菩薩成佛時國土無有犯禁之名。自守

戒行。謂自持戒也。不讓彼闕。謂不見他過。以此二緣。故國無犯禁之名。況有犯禁之事。十善是菩薩淨土。前明自守戒行。謂持出家戒也。今行十善。即在家戒也。菩薩成佛時命不中天。不殺生報也。大富。不盜報也。梵行。不淫報也。所言誠諦。不妄語報也。常以軟語。不惡口報也。眷屬不離善和。誼訟。不兩舌報也。言必饒益。不綺語報也。不嫉不恚。正見衆生來生其國。此明意三報也。問。十善有幾品耶。答。如地經。凡有四品。凡夫。二乘。菩薩佛也。十善所以名道者。凡有二義。一者對因。以暢前因。故名爲道。二對後果。通人俱至佛果。後名爲道。問。何故最後說十善耶。答。並會上衆行。成身口意淨。爲土之本也。如是寶積菩薩隨其真心則能發行。自上已前。正明修淨土行。從此已後。辨修行次第。隨其直心。謂正信心也。既有正信之心。則能發起衆行。隨其發行。則得深心。既能發行衆善。則正觀轉明。故明深心。隨其深心。則意調伏。觀心既明。則棄惡從善。是名調伏。隨其調伏。則如說行。心既調伏。則能如佛說行。隨如說行。則能迴向。既如佛說行。則能迴其所行。趣向佛道也。隨其迴向。則有方便。既能迴向佛道。則不墮三有。故名爲巧方便。隨其方便。則成就衆生。什公云。方便有三。一善於自行。而不取相。二不取證。三善化衆生。隨成就衆生。則佛土淨。衆生既淨。則無穢土。隨佛土淨。則說法淨。既處淨土。則不說雜教。名說法淨。隨說法淨。則智慧淨。既有淨說。則有法智慧

生隨智慧淨則其心淨。淨智既生則心淨也。智慧之本。則是其心。故云心淨。隨其心淨則一切功德淨。心淨是本。以本淨故。一切淨也。是故寶積若菩薩欲得淨土當淨其心。隨其心淨則佛土淨。上來雖明衆行。爲淨土因果。原其大歸。則心爲其本。故地經云。三界五道。皆由心作。故欲得淨土。宜淨其心。問。隨其直心。終訖一切功德淨。可約位明不。答。略擬宜之。外凡初起十信。名爲直心。既有信心。則應修行。故內凡夫。名爲發行。初地已上。修治地業。名爲深心。二地持戒防惡。名爲調伏。三地依聞修定。名如說行。四地至六地。修於順忍。趣向無生。名爲迴向。七地習於十方便故。能成就衆生。八地修淨佛國土。名佛土淨。九地排才。爲人說法。名說法淨。十地成就智波羅蜜。名智慧淨。等覺地。卽金剛心。名爲心淨。妙覺地。行願既圓。故一切功德淨。爾時舍利弗承佛威神作是念。若菩薩心淨則佛土淨者。我世尊本爲菩薩時。意豈不淨。而是佛土不淨。若此。此下第二。次明釋疑。就文爲二。初明生疑。次辨釋疑。初文三句。一生疑所由。二生疑之處。三正生疑。承佛聖旨者。此辨生疑之所由也。然淨佛國土。成就衆生。蓋是大士法門。本非小乘之事。但今欲明佛土常淨。善惡出自兩緣。故以威神發其疑念。以生言論之端也。若菩薩心淨者。此勝上文。辨生疑處也。我世尊下。正生疑也。以土微心。用心決定土。在土既穢。心不應淨。在心既淨。則土非穢也。猶預不決。所以成疑。佛知其念。卽告之言於意。

云何日月豈不淨耶。而盲者不見對。日不也。世尊是盲者。過非日月。答舍利弗。衆生罪故不見。如來佛國。嚴淨非如來答。此下第二。釋疑也。就文爲三。一佛自釋。二梵王助通。三佛重釋。佛爲化主。故前釋之。佛雖說淨土。若無人證見。猶爲難信。故次梵王釋。明有能見之人。證佛不虛。梵王雖見。身子不覩。猶謂有言無事。故如來變土。成上佛說。及梵王所見。又初番說淨得聞知。次梵王親淨。生其信解。三隱穢現淨。令其證見。則悟入云。次第也。問。日月常淨。盲者不見。是盲人過。非日月咎。合喻應云。土實清淨。而汝不見。是汝等咎。非是土咎。何故云非佛答耶。答。土因土果。普屬於佛。故云非佛答也。問。佛無何等答耶。答。佛因無不淨答。果無穢土答。又身子疑佛。謂心不淨。故土不淨。所以云。佛答。舍利弗。我此土淨。而汝不見。向明不淨。屬身子。今明淨。則歸佛。故云我也。而云此土者。身子向見此土不淨。言佛別有淨土。在於他方。而身子不見。故今明此土淨也。爾時螺髻梵王語舍利弗。勿作是意。謂此佛土以爲不淨。所以者何。我見釋迦牟尼佛。土清淨。譬如自在天宮。此第二。梵王證釋。就文爲三。一呵身子。而自陳所見。二身子述己所見。以答梵王。三梵王斷其得失。言自在天宮者。有人言。是欲界他化自在天宮。故無量壽經云。其寶猶如第六天寶。有人言。是色界大自在天宮。有人言。是初禪之上。卽中間禪自在天宮。以大梵王統領千世界。於千世界。住中間禪自在。名自在天宮。問。

何故但言自在天宮。答。然佛土真淨。超絕人天。身子在人。而見爲人土。梵王居天。而見爲天宮。蓋是齊其所見。而爲言耳。舍利弗。言我見此土丘陵坑坎。荆棘沙礫。土石諸山。穢惡充滿。此下第二。身子自陳所見。以答梵王。所以自陳所見者。欲顯二乘是罪垢之人。以小心之流。令欣大道也。螺髻梵王言。仁者心有高下。不依佛慧。故見此土爲不淨耳。舍利弗。菩薩於一切衆生。悉皆平等。深心清淨。依佛智慧。則能見此佛土清淨。第三。梵王判其得失。萬事萬形。皆由心起。二乘心既不淨。故見上不淨。大士得於淨觀。故則見土清淨。然總論得失。凡有四門。一者二人俱得。身子得穢方便。梵王得淨方便。二者二人俱失。身子偏執穢失淨。梵王偏執淨失穢。三身子失。梵王得。符合淨土教門。四身子得。梵王失。有時須現穢土。不宜現淨。於是佛以足指案地。卽時三千大千世界。若千百亿珍寶嚴飾。譬如寶莊嚴。佛無量功德寶莊嚴。土一切大衆。歎未曾有。而皆自見坐寶蓮華。此第三。佛顯淨重答。就文爲二。初明實淨。次辨悟道。什公云。淨穢二土。同處而不相礙。今隱穢而現淨。以證佛語不虛。梵王見實。又顯二乘爲生盲。彰凡夫是罪垢。佛告舍利弗。汝且。說是佛土嚴淨。舍利弗。言唯然。世尊。本所不見。本所不聞。今佛國土嚴淨。悉現佛告舍利弗。我佛國土常淨。若此爲欲度斯下劣人。故示是衆惡不淨土耳。我此土常淨者。爲欲釋疑。故有此章。時衆疑云。土本非淨。今始變成淨耳。則知見穢實。是故釋。

①善二美②日二日③土二淨④云二之⑤善二並⑥(非)十佛⑦上二土⑧千二千⑨說二觀⑩

云。我此國土。本來常淨。非始變成淨也。時衆復疑。如其常淨。何故常不現淨土。而處穢耶。故復釋云。爲欲度斯下劣人故。示是衆惡不淨土。耶。然穢土有二。一報。二應。據報土答者。自佛而言。是故常淨。爲度下劣。現居衆生。不淨土耳。就應土答者。佛真土常淨。爲度下劣。作不淨土耳。譬如諸天。共寶器食。隨其福德。飯食有異。如是舍利弗。若人心淨。便見此土功德莊嚴。有此喻來者。上雖以事驗。而時衆未解。何因緣故。實是淨土。而我等見穢。故舉此喻。重以曉之。始生天者。欲共試知其功德多少。要共一寶器。而食天飯。天飯極白。無白爲喻。其福多者。舉飯向口。飯色不異。若福少者。舉飯向口。飯色便異。依什公意。一器之內。有二種食。應二種衆生。如是一處有淨穢二土。應於二緣故。是異質同處。不相礙也。吉藏謂。什公此釋。於文不便。唯是一白飯。福德厚者。則見其白。福德薄者。則見其赤。合喻云。實是一淨土。菩薩依佛慧故。則見土淨。二乘不依佛慧故。見土不淨。不得云器內本有二飯。若本有二飯。何猶得試於天。當佛現此國土。嚴淨之時。寶積所將五百長者子。皆得無生法忍。八萬四千人。皆發阿耨多羅三藐三菩提心。佛攝神。定於是世界。還復如故。求聲聞乘三萬二千人。及人知有爲法。皆悉無常。遠塵離垢。得法眼淨。八千比丘。不受諸法漏盡意解。此第二明時衆得道。佛國之興。其正爲此。就文爲二。初明得大乘益。次辨得小乘益。大益有二。初得無生忍。知土本淨。染

出妄情。悟一切法亦如此。故得無生。又知土未曾淨穢。淨穢出自兩緣。一切諸法。非定有無。有無生乎。妄謂得無生也。次發菩提心者。聞淨土歡喜。發願求之也。於是世界還復如故者。此下明得小乘益也。非分不可久處。故還復彼所應見。又變穢爲淨。爲益大人。淨而還穢。利於小道。知有爲法。皆悉無常者。國土穢而可淨。淨而復穢。因悟無常故。得法眼淨。謂見四諦。初見四諦。故名爲眼。斷八十八結。名遠塵離垢。稱之爲淨。又解。於外境不執。爲遠塵。內無我見。爲離垢。明見四諦。云法眼淨也。不受諸法漏盡意解者。上明淺益。今辨深利。知土無常故。不貪取諸法。名爲不受。九十八結。諸漏既盡。意得解脫。成阿羅漢。

方便品第二

方便之名。有離有合。所言離者。衆生所緣之。城曰方。至人適化之法稱便。蓋因病授藥。藉方施便。機教兩舉。故稱方便。所言合者。梵音稱溫和拘舍羅。此云方便勝智。方便是善巧之名。勝智爲決斷之稱。但權巧有三。一身權巧。適物現形。二口善巧。隨機演教。三意善巧。妙窮病藥。問。此品約何義用。辨於方便。答。通而爲論。三業善巧。並是方便。就別而言。正以示疾。爲方便也。五百長者。與淨名。爲法城等侶。而餘人已至。居士不來。正爲有疾。然其疾者。非是實報。蓋善巧爲物。故云方便。家師朗和上云。然有疾爲疾。非是方便。無疾爲無疾。亦非方便。無疾而疾。疾而無疾。亦非方便。疾而無疾。無疾而疾。應是方便。根本未正。所以言非。若非疾非不疾。能疾不疾。此乃是方便。所以然者。以非疾非不疾故。名之爲實。示疾不疾。權巧妙用。能弘道利人。故名方便。非疾非不疾。能疾能不疾。既別權實。非來非不來。能來能不來。萬義類然。爾時毘耶離大城中。此經二處四會。菴菴始集。已竟於前。今是第二方丈初會。與前不同。凡有十異。一處所異。上是菴菴處。今是方丈處。二化主異。上是佛爲化主。今菩薩爲化主。三教異。上明淨土因果。今辨法身因果。上淨佛國土。今成就衆生。四徒衆異。上通明道俗幽顯衆。今但有俗衆。五得益異。上通明大小淺深益。今但辨發心淺益。六通別異。上但釋迦一時之化。今通序淨名始終善巧。七道俗異。上明出家方便。今明在俗善巧。八賓主異。上明釋迦暫止菴菴爲客。今辨淨名舊住毘耶爲主。九疾不疾異。上明不疾方便。今明示病善巧。十時節異。上明菴菴初集。今序方。便時事。就此一會。開二章。第一由序。第二正說。二文各四。初章四者。一明處所。二標其位。三出其名。四歎其德。毘耶離大城。卽第一文也。有長者。此第二標其位也。名維摩詰。第三出其名也。已曾供養無量諸佛。第四歎其德也。羅什云。此品序淨名德。非集經者。意其。智慧辨才。世尊常所稱嘆。故集經者。欲遠存其人。弘其道教。故承其所聞。以序其德也。就歎德文。開爲二別。一嘆本德。二美迹用。已曾供養無量諸佛者。將欲序德故。前明德之所由。德之所由。卽是德本故。前嘆本也。深殖善本。前嘆

●耶二(之) ●生二(之) ●便二(之) ●定二(之) ●城二(之) ●便二(之) ●開十(之) ●(爲) ●者十(之) ●  
●智慧二方便(之)

外緣。比美內因。樹德前聖故。善本深殖。所言善者。即功德業。為菩提根。故稱爲本。得無生忍。前嘆功德。今美智慧。即福慧二嚴也。如來照之已盡。故受智名。菩薩見猶未窮。但能受堪不退。宜以忍爲稱。辨才無礙。遊戲神通。既具二嚴。故能辨才說法。以生其慧。遊戲神通。又以上明福慧。嘆於意業。無得辨才。嘆於口業。神通現化。美於身業。問。爲嘆五通。爲嘆六通耶。答。具有二義。得無生忍。三界結盡。方於二乘。是故言六。比於如來。習氣未傾。故言五也。逮諸總持。有二力。一能持善不失。二能持惡不生。依羅什意。正以智慧爲體。慧用無窮。照義波若。憶義名持。獲無所畏。以有能持之功。復具所持之德。則。如來無畏。降魔勞怨。上嘆所得。今美所離。四魔勞我。故稱爲怨。入深法門。諸法甚深。有無量門。得離既圓。悉善入也。善於智度通達方便。所以能入法門者。由具二慧故也。到實智岸。善智度也。運用無方。達方便大願成就。菩薩有二德。一行。二願。上來嘆其行圓。今序其願滿。大願者。略說如勝鬘三大願。具演如無量壽佛四十八願。所以須明願者。智度論云。行如車運。願如御者。以二種相扶。故須辦之。明了衆生心之所趣。又能分別諸根利鈍。行願既成。故能了六道心所行。三乘根利鈍。久於佛道心已純熟。決定大乘。前嘆下識衆生。此明上悟佛道。無凡夫二乘及有所得異念間之。故稱爲純。不二正觀。任運現前。所以云熟。於佛道

純熟。永免位行念三種退。決定大乘也。諸有所作能善思量。三業智慧恒現在前。所作無失。婆娑云。總明人有二種。一善說法。二善思量。任佛威儀下。嬰路經。等覺地菩薩。於百劫內。學佛威儀。故舉動進止。悉如佛也。心大如海。海有五德。一澄淨不受死屍。二多出妙寶。三大龍注雨。帝如車軸受而不溢。四風日不能竭。五淵深難測。大士心淨。不受毀戒之屍。出慧明之寶。佛說大法雨。受而不溢。魔邪風日。不能虧損其智淵深。莫能測者。故曰心大如海也。諸佛咨嗟弟子釋梵世主所敬。以其上衆德故。諸佛所稱。人天所敬。自上已來。歎淨德內充。今美其嘉聲外滿。即是釋淨名也。欲度人故。以善方便居毘耶離。此第二次歎述用。嘆本即是歎實。嘆述謂歎方便也。就文爲三。初明一身方便。二辨多身方便。第三總結。一身方便爲二。初明處方便。次辨出方便。處方便內。前明以道攝俗。次辨因俗通道。資財無量攝諸貧民。奉戒清淨攝諸毀禁。以忍調行攝諸恚怒。以大精進攝諸懈怠。一心禪寂攝諸亂意。以決定慧攝諸無智。此明以道攝俗。自行此六。今復教他。又至人。無行不行。亦非六不六。而現行六度者。爲攝六。聲衆生也。雖爲白衣奉持沙門清淨律行。此嘆因俗通道。就文明四種權實。一形。二處。三人。四物。雖爲白衣形方便也。奉持沙門。因形之俗。以通道之實。沙門者。出家之總名也。此言勲行。謂勲行衆善。趣涅槃也。又沙門名。乞那。名爲道人。皆貧於正道。唯我斷貧得道。故名

乞那。又沙門者。爲息心。息一切有所得心。達本原清淨。是故經云。息心達本原。故號爲沙門。雖處居家不著三界。此明處權實也。聲聞。心超三界。形遠居家。凡夫。形在居家。心染三界。大士。身在居家。故異小道。心超三界。則殊俗人。又心超三界。故常行道。身處居家。故恒順俗。示有妻子常修梵行。此有二句。明人權實。同人者之五。請。故示有妻子。異人者之神明。故常修梵行。梵翻爲淨。謂清淨無欲行也。現有眷屬常樂遠離。現外護伏物。故有眷屬。在家若野。故常樂遠離。雖服寶飾而以相好嚴身。此有二句。約財明方便也。外服俗飾。內修相好。雖復飲食而以禪悅爲味。外食世膳。內甘禪悅也。若至博奕戲處輒以度人。上來嘆處方便。此嘆出方便也。以爲人行藏故。出處皆利物。奕即基也。蓋欲因戲止戲。故能度人。受諸異道不毀正信。大士同於異者。欲令異同於我耳。豈正信可毀哉。雖明世典常樂佛法。一切見敬。爲供養中最。一切見淨名者。無不敬之。故云一切見敬。諸有德者。能致供養。復供養淨名。所以云供養中最。執持正法攝諸長幼。外國諸部。典皆立三老。有德者。爲執法人。以決鄉訟。攝長幼也。淨名現執俗法。因通道法也。一切治生諸偶雖獲俗利不以喜悅。法身大士。瓦礫盡寶玉耳。若然則人不貴其惠故。現同求利。豈悅之有耶。遊諸四衢饒益衆生。四達曰衢。於要路處。遍察群機。隨而化益。入治政法救護一切。治政法。律官也。導以正法。使民無偏枉。救護一切

①(持)②十有③如二④便十(也)⑤然二淑⑥熟⑦弊二嚴⑧乞二乏⑨貧一貧⑩貧一⑪乞那二乞道⑫乞道⑬請二情⑭家二家⑮典二世⑯政二正⑰

也。入講論處導以大乘。天竺多諸異道。各言己勝。故其國別有立論堂。欲辨其優劣。諸欲明己道者。則聲鼓集衆詣堂求論。勝者爲師。負者爲資。淨名既昇此堂。攝伏外道。然後導以大乘。爲其師也。入諸學堂。誘開童蒙。如釋迦菩薩。入學堂。說梵書。梵天來下爲證。衆人信受。斯其類也。入諸姪舍示欲之過。外國姪人。別立聚落。凡預士流。目不暫顧。大士同其欲。然後示其過。入諸酒肆。能立其志。酒致失志。開放逸門。若在長者長者中。尊爲說勝法。此下第二明多身方便。長者如今四姓豪族。凡人易以威順。難以理從。大士每處其尊。以弘風靡之化。長者豪族既重。多以世教自居。故爲說出世勝法。法若在居士居士中。尊斷其貪著。智度論云。居士有一居舍之士。故名居士。此通居士也。二居財一億。名爲居士。既多積實財。故貪著必深。故大士同其積財。斷貪濁也。若在刹利刹利中。尊教以忍辱。羅什云。刹利。胡言。含二義。一言忍辱。二言瞋恚。言此人有大力勢。能大瞋恚。忍受苦痛。剛強難伏。因以爲姓也。釋肇曰。刹利。王者種也。此言田主。劫初。人食地味。轉食自然粳米。後人情漸僞。各有封殖。遂立有德。處平分田。此王者之始。故相承爲名焉。其尊高自在。多暴決意。不能忍和。故教以忍辱。若在三婆羅門婆羅門中。尊除其我慢。婆羅門。此言外意。劫初之時。既見世人貪瞋鬪諍。便起厭惡。入山求道。以意出人外。故名外意。其種別有經書。世世相承。以道學爲業。或在

①各二名<sup>①</sup>，各<sup>①</sup> ②〔有〕一<sup>①</sup> ③爲二期<sup>①</sup>，爲<sup>①</sup> ④來人三人來<sup>①</sup> ⑤既二望<sup>①</sup> ⑥勝十〔法〕<sup>①</sup> ⑦〔法〕一<sup>①</sup> ⑧利二利<sup>①</sup>  
 ⑨利二利<sup>①</sup> ⑩決二恣<sup>①</sup> ⑪區十〔子〕<sup>①</sup> ⑫官二官<sup>①</sup> ⑬禪二禪<sup>①</sup> ⑭通二分<sup>①</sup>，通<sup>①</sup> ⑮須二持<sup>①</sup>，須<sup>①</sup> ⑯辛二年<sup>①</sup>  
 ⑰誦三誦<sup>①</sup>

喻。故非可估也。是身如聚沫不可撮摩。此第三次明空。凡有十句。舊師云。初五句。別約五陰明空。後五句。總明其空。故華嚴等經云。色如聚沫。受如水泡。想如野馬。行如芭蕉。識如幻。故知約五陰。以明五喻也。今詳文意。皆是總喻。非別譬也。聚沫似實有。撮摩則散無。身亦似有。緣來則毀壞。是身如泡不得久立。似明無常義。然水上泡。以體虛無實。猶空義也。是身如炎從渴愛生。偶見陽炎。惑以爲水。愛見四大。迷以爲身。攝大乘論。呼陽炎爲鹿渴。此是鹿之渴乏。故見炎爲水。是身如芭蕉中無有堅。芭蕉之草。但有皮葉。無真實也。身亦如之。但假名字。亦無真實。是身如幻從顛倒起。見幻爲人。四大爲身。皆顛倒也。是身如夢爲虛妄見。如由夢心故見夢事。實無夢事。身亦如是。由顛倒心。見有此身。實無身也。是身如影從業緣現。前約煩惱心故有身。今由過去業影故。有現在身也。又遮光故有影。遮正觀光。故有身影。是身如響屬諸因緣。過去假惑業因緣。現在由父母遺體。及衣食等。總上諸事。故言屬諸因緣。是身如浮雲須臾變滅。浮雲俄頃異色。須臾變散。身亦如是。胸息之間。有少。有大。有壯。須臾老病死滅。是身如電念念不住。雲之與電。實是無常。今取其虛僞不真故。速滅不住。猶釋空義也。是身無主爲如地。此第四明無我觀。凡有八句。前四別約四大明無我。後四總約四大明無我。有人言。地假四微成。雖有勝持之功。實無宰我御用。身亦爾矣。後三大類然。有人言。外

地。古今相傳。強者前宅。故無定主。身亦如是。緣合則有。緣散則無。故無常主。有人言。衆生己身爲內。土木爲外。然外大。充身。則復爲內。內大散壞。還歸於外。然內外雖殊。其大也。外大無主。內身亦然。又見內身不壞。言有宰主。然外之不壞。則非有主。內身亦然。是身無我爲如火。從任自在。謂之爲我。然火由於薪。不得自在。薪小則小。薪大則大。薪有則有。薪無則無。身亦如是。舉動興造。萬事似有我。然但衆緣所成。病至則惱。死至則滅。不得自在。故無有我。是身無壽爲如風。雖飄扇鼓作。或去或來。直是聚氣流動。非存生主也。身亦如是。呼吸吐納。行作語言。亦假氣而動。非有壽也。是身無人爲如水。如水澄潔清明。洗濯塵穢。曲直縱橫。方圓任器。靜而求之。非有人也。身亦如是。知見進止。應事而動。乘數而運。詳其所因。非有人也。問。四名何異。答。體一義殊。謂有異宰。稱之爲主。統御自在。因之爲我。常存不變。謂之爲壽。貴於萬物。終終不改。稱之爲人。是身不實四大爲家。上別就四大。明無我。今總約四大。明無我也。是身爲空離我我所。我與我所。凡有三種。一以內身爲我。外國財妻子。名爲我所。二就內身總別分之。總用爲我。五陰別爲我所。三就陰分別計色爲我。餘爲我所。展轉作之。無我。則入空。無我所。謂法空。但有二種。一無性實。人法爲性空。二無因緣。人法名爲假空。是身無知如草木瓦礫。前明無我體。此辨無我用。身雖能觸。而無知。識雖能知。而無觸。總求二

種畢竟無知。何異瓦礫。但無知亦二。一無自性。知二無假名知。是身無作風力所轉。前就心法。明無我用。此就色法。明無我用。雖有造作施爲。但是風力。非我用也。是身不淨穢惡充滿。此第五明不淨觀。凡有八句。初一句。正顯不淨。下七句。舉餘法顯不淨。具三十六物。名穢惡充滿。是身爲虛僞。雖假以澡浴衣食。必歸磨滅。是身爲災。百一病惱。一大增損。則百一病生。四大增損。則四百四病。同時俱作。故身爲災聚。是身如丘井爲老所逼。有人言。高丘必顛。深井必滿。有身必老。曾肇云。神之處身。爲老死所逼。猶老人之在丘井。爲龍蛇所逼。羅什曰。丘墟腐朽井也。前有人。犯罪於王。其人逃走。令醉象逐之。其人怖急。自投枯井。半井得一腐草。以手執之。下有惡龍。吐毒向之。傍有五毒蛇。復欲加害。二鼠嚙草。草復欲斷。大象臨其上。復欲取之。其人危苦。極大怖畏。上有一樹。樹上時有蜜滴。落其口中。以著味故。而忘怖。丘井生死也。醉象無常也。毒龍惡道也。五毒蛇五陰也。腐草命根也。白黑二鼠。日月黑月也。蜜滴五欲樂也。得蜜滴而忘畏苦。喻衆生得五欲樂。不畏苦也。是身無定爲要當死。天壽雖無定。而死事則定。智度論云。身有二種。若不自死。必爲他殺。是身如毒蛇如怨賊。如空聚陰界諸入所共合成。四大如四蛇。五陰喻五賊。六情如空聚也。諸仁者。此可患。厭當樂佛身。上來第一。說生死過患。此下第二。次讚法身功德。厭有三種。下根雖厭樂故不捨。中根生厭。欲取涅槃。上根

①色二色②偶二湯③更二更④充二充⑤非十有⑥因二目⑦人二之⑧顯二顯⑨老二危⑩老⑪初二枯⑫前二昔⑬怖十畏⑭長⑮長

生厭。而能化物。今恐內生厭。便取涅槃。故迴之以正。故云樂佛身。所以者何。佛身者即法身也。淺識之流。雖聞當樂佛身。正恐齊其所見。未免生滅。何用樂乎。是以釋云。佛身者即法身也。生公云。丈六爲迹身。常住爲法身。迹從法身出。故云即法身。肇公云。豈捨丈六而遠求法身乎。故丈六無生。即法身也。法身者。非法資養故。以正法爲身。正法身則體絕百非。形備萬德。體絕百非故。不可爲有。形備萬德。不可爲無。遠離二邊。則正法身也。問。此是何人作斯執耶。答。天竺凡夫二乘。並謂佛身智難妙。終歸磨滅。譬如震旦國土成實師。執五時教。如開善智藏。謂淨名教。是第三時說。佛壽七百阿僧祇。終是無常。及招提之流。明此維摩詰。第二時說。亦未免生滅。如此之徒。皆淺識也。今總難之。前說生死過患。既爲無常。今讚法身功德。亦未免生滅。則同可患厭。何有佛可欣哉。又生肇等師。註此維摩。皆明法身常住。後生不應違其所說。具如玄義述之。從無量功德智慧生。既有極妙果。心有極妙之因。故從此已下。舉因釋果。從戒定慧解脫解脫。知見生從慈悲喜捨生。從布施持戒忍辱柔和。勤行精進禪定解脫。三昧多聞智慧諸波羅蜜生。從方便生。從六通生。從三明生。從三十七道品生。從止觀生。從十力四無所畏。十八不共法生。從斷一切不善法。集一切善法。生從真實生。從不放逸生。從如是無量清淨法。生如來身。諸仁者。欲得佛身。斷一切衆生病者。當發阿耨多羅三藐三菩提心。問。力無畏

等。即是法身。云何言生法身耶。答。有人言。此是極地菩薩。亦分有力無畏等。故生於佛身。有人言。下地緣佛衆德而修行。如緣佛十力。而行十力行。故言從十力生。有人言。法身無生。今言生者。此據報佛也。吉藏謂。若據十力等。則生猶成義。即以力等。成佛法身。故言生。若就因行。宜言生矣。問。云何名從真實生。答。真實即佛性。佛性若顯。即成法身也。如是長者維摩詰。爲諸問疾者。如應說法。令無數千人。皆發阿耨多羅三藐三菩提心。此第四明時衆得益。聞生死過患。故捨凡夫行。開法身功德。息二乘行。故發佛心也。又上云。當樂佛身。即自利行。欲得佛身。斷一切衆生病。當發菩提心。謂利他行。既聞成佛。具自行化他。故發道心也。

維摩經疏卷第二

維摩經義卷第三

弟子品第三

胡吉藏撰

資視師如父。自處如子。師。處資爲弟。自處如兄。敬護合論。故名弟子。依內義。學在佛後。爲弟。從佛口生。爲子。佛生物惠命爲父。在物前悟稱兄。故法華云。世間之父。至親友家。即其證也。四會爲言。二集已竟。從此文去。竟平香積。第三重會方丈。與前會異者。凡有七義。約衆爲言。前俗衆問疾。今道衆擊揚。前近衆

小衆。今遠衆多衆。據教而言。前略說法門。今廣宣妙道。若就利益。前但淺益。今具深淺。約二。但爲言。前破但凡。今斥但聖。所言但者。謂有所得定性凡聖也。若就今古。前說今法。此二品。說於古法。約自他者。前淨名自說。以顯其德。今大小二人。顯淨名德。若論三化。方便品。已破凡夫。此下二品。斥聲聞菩薩。就此一會。開爲二章。第一由序。第二正說。由序爲二。一淨名現疾。二遣使慰問。爾時長者維摩詰。自念寢疾于床。自念寢疾者。自傷念疾也。夫有身則有疾。此自世之常情耳。達者體之。何所傷哉。然五百長者。皆近佛聽法。而淨名礙疾不預。理在致傷。是故自念。又淨名爲物現疾。非佛影響。化則不成。故須自念。世尊大慈。寧不垂憐。夫抱疾者。必無樂有苦。世尊大慈。遣使慰問。必與樂拔苦。故上句云慈。下句稱慈。又衆生疾故。菩薩病。世尊大慈。必見垂問。因以弘道。所濟良多。則衆生病愈。菩薩亦愈。則是慈悲之旨。現疾之本意。問。何故言寧不垂憐。答。衆人少慈。向以參疾。佛有大慈。寧不慰問。佛知其意。此下第二遣使問疾。就文爲二。第一前命聲聞。第二次命菩薩。問。聲聞菩薩。並皆不堪。佛何故命。答。凡有四義。一示大慈平等故。二並皆命之。三但命文殊。使不得具顯淨名之德。今既普命。則具顯其德。使問疾之流。尊人重法。三者欲使時會。於文殊起難遭想。五百聲聞。八千菩薩。皆辭不堪。而文殊獨往者。故知辨慧難思。則敬情至極。受法爲易。四者普命大小。具陳被呵。因述

①註二注②摩十(經)③執十(疏)④處二親⑤護二護⑥但二衆⑦凡有二有凡⑧並二普⑨使二便



昔法。以利今衆也。問。何故。不前命菩薩。後命聲聞。答。就破病次第。方便品破凡夫弟子品破聲聞。菩薩品呵大士。二就勝劣次第。聲聞形偏法。義。心具智斷。故心形兩勝。故前命之。菩薩心雖會道形無定方。心勝形劣。故次命也。如羅什說。聲聞法中。羅漢無漏智慧勝。菩薩世俗智慧勝。大乘法中。菩薩二事俱勝。今用聲聞深故。前命弟子也。即告舍利弗。汝行詣維摩詰問疾。就今聲聞爲二。前命十人。後命五百。良以五百昇堂。十人入室也。論十人德行者。初謂四大聲聞。身子智慧。目連神通。迦葉苦行。善吉空解。故以定慧行解。爲四大聲聞。次有三人。妙達三藏。爲三大法師。富樓那。精究毘曇。旃延。善解經藏。波離。妙體毘尼。次佛親屬。凡有三人。那律天眼。羅雲。乘戒。阿難總持。次約義。呵聲聞要法。示菩薩道門。初斥身子。呵聖默然。次詰目連。非聖說法。斯二是佛常。初。而聲聞不達。故前呵之。次彈迦葉有行。呵善吉空解。顯聲聞人未有大乘行解。次呵滿願。常爲人說。不見物機。旃延。恒復佛講。不知教意。那律。雖得天眼。不達會通。波離。謂善毘尼。未解大乘法律。羅雲。雖是聲聞棄俗。而不解大乘出家。阿難恒侍如來。不識佛之本迹。既呵聲聞十失。則顯大乘十得。次約義前後者。九人明佛因。第十辨佛果。即因果次第。九人之內。初八明修行。後一辨出家。此據說門。明前後也。八人之中。前七明修善。後一辨滅惡。七人之中。前六明修善。後一辨起。道行。以爲行。以爲行。

用。六人之中。前明定爲慧本。次辨慧從定生。次明由解起行。後二藉行發解。今前命舍利弗。就此章中。開爲二別。第一佛命。二辭不堪。舍利弗。王舍城摩迦陀國人也。從父爲立字。名優波提舍。優波是星名。提舍。遂父作名。故名提舍。舍利言身。是其母名。眼似舍利鳥。故名舍利。弗。以言子。謂身子也。不從父受名。因母爲稱。有二因緣。一者從過去誓願立名。釋迦過去發願。願我作佛。右面弟子。名舍利弗。二者女人聰明。世所希有。時人貴重其母。故稱舍利弗也。舍利弗白佛言。世尊。我不堪任詣彼問疾。此第二辭。不堪。就文爲三。一標不堪。二釋不堪。三結不堪。此初文也。不堪之意。有三因緣。一者小乘智劣。不堪擊揚菩薩。二者昔曾受屈。則優劣事定。是故不堪。三者相與爲化。屈申從物。今欲彰淨名德。顯文殊行。故稱不堪。所以者何。憶念我昔曾於林中宴坐樹下。此第二釋。不堪。就文爲三。一明被呵之由。二辨能呵之旨。三正受屈。身子於林中宴坐樹下者。凡具二義。一者有此身心二患。患身之喧動故。隱身於山林。患心之馳散故。攝心於一境。宴坐者。謂安也。默也。蓋閑居之貌。時維摩詰來謂我言。唯舍利弗。不必是坐爲宴坐也。此第二明能呵之旨。就文爲三。初呵二乘。二乘。次出菩薩坐法。三總結之。不必是坐者。聲聞人謂。坐法必隱身於林澤。息心於滅定。今以大乘望之。不必爾。道生云。不。必者。不言非是。但不必是。不言非是者。二乘坐法。乃可以爲求大乘。定之證。

耳。若爾未是真極坐法也。與皇師云。必是。有所得住著之義。身子必有散可棄。有靜可欣。近觀此章。遠通一化。此大小乘人。並是住著必定。故被呵也。夫宴坐者。不於三界現身意。是爲宴坐。此下第二次出菩薩坐法。即用呵二乘也。凡有六雙。初辨身心俱隱。二明靜散雙遊。三道俗齊觀。四內外並冥。五解惑平等。六生死涅槃不二。略說六門。爲菩薩宴坐。初明身心俱隱。聲聞坐法。隱身於林間。而身猶現。息心於滅定。在心遂滅。此則一隱一不隱。故致被呵。菩薩以法身為身。雖處而非三界。妙慧爲心。雖緣而常寂滅。此則身心俱隱。必爲妙定。故異彼二乘也。又聲聞見有身心不隱。故欲隱之。大士知無不隱。何所隱哉。故不於三界現身意也。不起滅定而現諸威儀。是爲宴坐。此第二對明靜散雙遊也。滅盡定者。毘曇。心法既滅。有非色非心法。以滅定。次補心處。成實論云。空心二處滅。一滅定時滅。二入無餘涅槃時滅。滅定即是無法。此之二釋。並是小乘。入於滅定。則形猶枯木。無運用之能。菩薩滅定者。智度論云。滅盡定。即波若之氣類。了悟此心。即是實相。本來寂滅。故能形充八極。應會無方。即是不壞假名。而說實相。不動真際。建立諸法。問。不起滅定。云何能現威儀。答。如意殊無心。隨人出寶。天鼓無心。應物有聲。至人無心於彼此。而能應一切。上辨不於三界現身。今明現諸威儀者。夫以無現。則能無不現。故前即動而寂。此即寂而動。不捨道法而現。凡夫事是爲宴坐。此

○義二僥 ○就今今就 ○乘二康 ○初二動 ○道二通 ○途二還 ○以二此 ○必十(是) ○定十(之) ○(之) ○(之) ○所二處 ○次二恐 故 ○次 ○殊二殊 ○



第三明道俗齊觀。小乘障隔生死。不能和光。大士善惡齊旨。道俗一觀。故終日凡夫。終日道法。淨名之有居家。即其事也。心不住內。亦不在外。是為宴坐。此第四內外並冥。賢聖攝心。謂之內。凡夫馳想。謂之外。大士俱異。故非內外。又心依因緣生。因即六根為內。緣即六塵為外。又因增上緣生。為內。依緣緣生。為外。大士知內外悉空。故無所依也。若心馳內外。為內外動亂。非宴坐也。若不馳內外。始名靜一。稱為宴坐也。上三句。呵二乘滅定。明菩薩滅定。此一句。呵二乘餘定。辨菩薩靜心也。於諸見不動而修行三十七道品。是為宴坐也。此第五明解惑平等。小乘以三四二五。而伏諸見。用單七隻八。斷諸見。故是動諸見。而行道品。動是結斷之名。大士觀諸見實性。即是道品。故云不動。如後文說。諸佛解脫。於六十二見中求。即其證也。不斷煩惱而入涅槃。是為宴坐。此第六明生死涅槃不二。了煩惱其性即是涅槃。不斷而後入也。若能如此。坐者佛所印可。此第三總結。平等坐法。不違實相。復順佛心。稱大乘機。具此三門。故佛印可也。二乘反之。以被呵。時我世尊聞是語。默然而止。不能加報。此第三次明受屈。理生意外。故莫知所訓。故我不任詰彼問疾。不堪有三。標釋已竟。今總結也。佛告大目犍連。汝行詣維摩詰問疾。所以次告目連者。夫人才有長短。身子。或可一時漏機。受淨名屈。自可不能。餘何必爾。故不抑之。而亦告也。復得備顯淨名道高。說昔法以利今衆。具如前說。故

次命之。此章亦二。初命。同疾。二辭不堪。目連是姓也。此言為食豆。上古有仙人。不食餘物。唯噉於豆。因為姓。目連是其族也。宇。物律陀者。是樹神名。其家無兒。禱此神而得之。故因以為字。是王舍城摩伽陀國輔相之子。與舍利弗。俱共厭世。出家求道。身子右面。智慧第一。目連左面。神足無儔。目連白佛言。世尊。我不堪任詰彼問疾。此第二辭不堪也。此章亦三。初標不堪。如文。所以者何。憶念我昔入毘耶離大城。於里巷中為諸居士說法。此第二釋不堪也。就文為四。初出被呵之由。二明能呵之旨。三時會得道。四目連受屈。居士利根。應問實相。法並空。目連不觀其機。為說施戒。居士聞已。起衆生相。封著諸法。遂有二失。一違實相。二不稱機。此被呵之由也。時維摩詰來謂我言。唯大目連。為白衣居士說法。不當如仁者所說。此第二叙能呵之旨。就文為二。初呵小乘說法。次明大士演教。不當如仁者所說。不當者。謂不相應當也。凡有四義。一者機大教小。故不當機。二者實相非人法。今說有人法。故不當實相。三者諸佛見機見理。今違理暗機。故不當佛意。四不當者。不稱情機之義。夫說法者。當如法說。此下第二明菩薩演教。以對小乘之失也。就文為五。一明所演之法。二辨聽說之方。三巧識物機。四善於知見。五辨說教大意。菩薩具此五門。方堪為物施教。即用斯五。誨彼聲聞。初門有二。一辨衆生空。二明法空。然實相正法。未曾空有。但為法有病。是故說空。空理不殊。但

於惑者。情有難易。衆生心以總會成體。不實之意。易明。是故前說之。似不假衆緣所成。此則難破。故後明之。智度論云。衆生。生情取之不得。凡夫妄謂為有。故易遣。法為眼耳見聞。斯則難破。故前說生空。後辨法空。法無衆生。離衆生垢故。衆生者。陰界入等諸事會而生。心以為宰一之主。法者實相法也。實相之法。本無衆生。若見有衆生。則乖於實相。故稱為垢。若悟實相。則其垢自離也。法無有我。離我垢故。我是自在為義。實相之法。無此我也。法無壽命。離生死故。色心速持為命。百年相續。久受為壽。外道計此壽命。別有於法。故名壽者。命者。生為壽始。死為壽終。既無生死。何有壽命耶。不言無壽命。而言無生死者。生死是命之始終。始終既離。則壽命斯無。又壽命是人之所愛。若聞離之。必不能樂生。死是人之所惡。若聞離之。必欣習也。法無有人。前後際斷故。智度論云。行人法故。名之為人。故有靈異於草木。行因受果。往來生死。永無朽滅。故外道謂之為常。前際既斷。無人造因。後際亦斷。無人受果。故云法無有人。前後際斷故。法常寂然。滅諸相故。前有四句。明衆生空。此下二十六句。明法空也。生空。易故略說。法空難故。所以廣明。若以實過假。以空過實。如成論所說者。非常寂然。以本性清淨故。名常寂然。法雖寂然。但取相為有。而謂不然。所以須滅。故言滅諸相故。此為法空之始。故略舉迷悟大宗。法離於相。無所緣故。萬像不同為相。此相是心之所緣。法既無相。則心無

●結二法● ●不十(待)● ●亦二不● ●同二問● 問● ●物二拘● ●之十(法)● ●似二以● ●生二五● ●乖二非● 乖● ●清二情●

所緣。法無名字言語斷故。上辨心行滅。此明言語斷。名生於言。言斷則無名。法無有說離覺觀故。覺觀是言本。既無覺觀。則言無由生。目連動覺觀心。爲物說法。故復呵之。法無形相如虛空。故法無戲論。畢竟空。故法無我所離。我所故。我所有二。一親謂五陰。二疎即瓶衣。法無分別離諸識故。分別生乎識。以離諸識。故無分別。法無有比無相待故。諸法相待生。猶長短比而形。無相待者。如百論說。長不在長中。以因短故。長非在短中。以相違故。亦不合在長短中。有二過故。既無長短。何所待哉。法不屬因不在緣故。因緣之名。其義不定。自有種子親而能生爲因。水吐疎而助發爲緣。自有本無果體。藉因辨之。素有共分。假緣而發。故互具有。無二義。種受因緣兩名。因近故難曉。緣遠故易了。今以所易釋所難也。因親故言屬。緣疎故言在。法同法性入諸法故。法隨於如無所隨。故法住實際諸邊不動故。法性。如實際。此三皆是實相異名。如實不變名如是。諸體性。故名法性。窮其除畔。稱實際也。始見法實。如遠見樹。知定是樹。名爲如。見法轉深。如近見樹。知是何木。名爲法性。窮盡知樹根莖枝葉之數。名爲實際。此三未始非樹。因見爲異耳。入諸法者。諸法萬相。誰能遍入。諸法者。其唯法性乎。諸邊不動者。有無諸邊。不能動於實際。又解。邊是際之異名。法既住於實際。則邊不復動。法無動搖。不依六塵故。情依六塵。故有奔逸之動。法本無依。故無動搖。法無去來常不住故。法若暫住。經

於三世。則有去來。法無暫住。故無去來也。法順於空。隨無相應。無作法離好醜。法無增損。法無生滅。法無所歸。法過眼耳鼻舌身心法無高下。法常住不動。法離一切觀行。唯大目連法相如是。豈可說乎。心觀不能及。豈況於言乎。夫說法者。無說無示。其聽法者。無聞無得。此第二示聽說之方。以誨目連及居士也。說法示人。名爲說示。而言無說無示者。終日說。未常說也。始則聞法。終有所得。而言無聞無得者。終日聞。無所聞也。譬如幻士爲幻人說法。當建是意而爲說法。淨名雖唱法不可說。而猶說此不可說。故今明我所說者。如幻而說耳。當了衆生根有利鈍。此第三示無識物機。居士應聞空義。而目連爲說有法者。由其未了衆生根也。又上雖明大乘之法。宜善察物機。可隨大小而授。不得一向說大法也。善於知見無所罣礙。此第四明善於知見。目連說小。不明大者。良由未善知見也。以大悲心讚于大乘。念報佛恩。不斷三寶。然後說法。此第五明說法大意。夫欲說法。必須成此四心。一建大悲心。二讚於大乘。三念報佛恩。四不斷三寶。若讚大乘。濟拔小苦。名爲小悲。若讚大乘。能拔大苦。稱大悲故。言大悲心。讚大乘也。既讚大乘。必紹繼師種。故三寶不斷。名報佛恩。若說小乘。則斷三寶種。名無反復。維摩詰說是法時。八百居士發阿耨多羅三藐三菩提心。此第三明時衆發心。淨名既讚大呵小。符理稱機。故時衆蒙益也。我無此辨。此第四目連受屈。是故不任詣

彼問疾。不堪有三。標釋已竟。今總結也。佛告大迦葉。汝行詣維摩詰問疾。第三次命迦葉。問。迦葉。既爲上座。何不前命。答。布薩受食。可依年獵。衛命擊揚。宜用辨慧。問。若爾。法華何故前序迦葉。答。彼經明會三之義。迦葉爲真異之初。義各有由。無相害也。摩訶迦葉者。翻爲大龜。是其姓也。別名必鉢羅。此云普逐。是王舍城摩訶陀國婆羅門種。夫妻二人。身並金色。俱共厭世出家。皆得阿羅漢果。於十弟子內。苦行第一。迦葉白佛言。世尊。我不堪任詣彼問疾。此第二辭不堪。就文爲三。謂標釋結。此即標也。所以者何。憶念我昔貧里而乞食。此第二次釋呵也。就文爲三。一被呵之由。二能呵之旨。三明得益。此初章也。於貧里而行乞者。凡有四義。一者貧人。昔不種福。是故今又不殖。來生復貧。復貧相繫。無得脫時。今欲愍其長苦。故從乞也。二者四大聲聞。得滅盡定。而迦葉爲得定之勝。其有施者。能令現世獲報。欲濟其交切之苦。故從貧乞。三者富貴則嬌奢難化。貧窮易受道法。今欲度之。故乞也。四者若從富貴乞。則有名利之嫌。今往貧里。有會小欲之行。時維摩詰來謂我言。唯大迦葉有慈悲心。而不能普捨豪富從貧乞。此第二明能呵之旨。就文爲二。初呵聲聞慈悲。次教菩薩乞法。雖有慈悲。不能普者。即捨富從貧。於貧有悲。捨富無慈。名爲不普。又捨富從貧。即是自現行悲。自現行悲。則有可譏之迹。是故被呵。所以偏呵悲者。捨富從貧。以慈爲主。故前呵其悲偏。迦葉住

吐二上(旁)土 無二二無 諸十(法) 除二際 入十(通入) 常二普 師二佛 昔二首 復二貧 文二更 之二二 慈二悲

平等法應次行乞食。此下第二說菩薩乞法。以教聲聞。夫乞食有六。一行乞食。二入聚落。三有所見聞。四明嗽食。五有福田。第六總結。初門四句。第一對聲聞悲偏說平等乞食。夫生死流轉。貴賤無常。或今貧後富。或今富後貧。大而觀之。苦樂不異。是以凡住平等之法。應次第行乞。不宜捨富而從貧也。為不食故。應行乞食。此第二句。明乞食意也。聲聞為欲食。而行乞食。今明不應爾也。為不食故。應行乞食耳。言不食者。即是食之實相。以此心。行乞食也。為壞和合相故。應取揣食。此第三明取食法也。聲聞受取揣食。為資養五陰。今明不應建於此心受揣食。應為壞和合相故。取揣食。和合者。謂五陰聚集。以此成身。名和合也。揣食者。食有四種。一者揣食。以香味觸。和合成之。以可揣握。故名為揣。即欲界食也。二曰願食。如兒見沙囊。而命不絕。是願食也。三曰業食。地獄不食而活。由其罪業。應久受苦痛也。四曰識食。無色衆生。以識相續。命不斷也。為不受故。應受彼食。此第四句。明受食也。聲聞。以人為能受。食。為所受。以能受所受。故名受食。今明。不見人為能受。食為所受。應以此心。受彼食也。文雖四句。義有一章。初平等乞。謂功德業。後之三句。明於智慧。智慧則異凡。功德則起聖。故非凡夫行。非賢聖行。是菩薩行。豈止誨彼聲聞。夫欲行乞。當依此法也。以空聚相入於聚落。此第二句。明入聚落。然行乞食。必入聚落。故次辨之耳。聲聞。以有聚相。入於聚落。放明以空聚相入於

聚落。空聚者。聚落之內空。無貧富人也。若然。不應捨富而從貧。又即聚落。本畢竟空。名空聚落。若爾。亦不應有取捨心。所見色與盲等。此第三次明見聞。夫入聚落。必有見聞。凡夫見聞。則生諸結。二乘視聽。則怖畏六塵。今雙斥聖凡。故辨菩薩法也。見色與盲等者。非謂閉目不視。然終日見。而無所見。故稱為盲。所聞聲與聾等。聞響不生慧慧。聽聲宜可同之。所嗅香。如風等。風行香林。而無心受。今聞香。亦應同之。所食味不分別。法無定相。由分別取相。謂之為味。若不分別。則非味也。受諸觸如智證。小乘。智證滅時。心無所染。身受諸觸。宜可同之。知諸法如幻相。無自性無他性。諸法從因緣生。故無自他性。如會指成。捲。故。捲無自性。指亦如是。故無自他性。本自不然。今則無滅。喻向無自故無他也。如有燃故有滅。本自不燃。今則無滅。有自故有他耳。本無自。何有他耶。迦葉若能不捨八邪入八解脫。以邪相入正法。此第四句。明其正食。若能悟邪正不二。便得平等觀。乃可食人施也。八解脫。即八背捨。達八解脫。名為八邪。所以偏明此之法等者。良由迦葉謂捨八邪。得八解脫。有滅盡定。能生物福。故偏說也。邪正既一。便不相乖。故復云入也。以一食施一切供養諸佛及眾賢聖。然後可食。上示其受食。為物福田。此教其受食。復為施主。既得邪正等觀。便是無礙無盡法門。能以一食。施於一切。如後鉢飯事也。若未得真悟。受食之時。宜應作心。上供三寶。下施四生。即是建無盡無礙

心也。如是食者。非有煩惱。非離煩惱。有煩惱食。凡夫也。離煩惱食。二乘也。今勸雙捨凡聖。故非有無也。不入定意。非起定意。小乘人有二時入定。一者將欲食時。前入定。作不淨觀。然後起定。方食。二者嗽食以後。復入禪定。生施主福。此之二時。入定則不食。食則不入定。菩薩得無礙觀。終日食而終日定。故無出入之名。又大士體道。未曾靜散。故非入非起。非住世間。非住涅槃。凡夫之食。願壽命長存。為住世間。二乘受食。欲入涅槃。又聲聞受食。名住世間。後欣取滅。稱住涅槃。今並異之。故兩非也。以菩薩不食而食故。非住涅槃。食無所食故。非住世間。其有施者。無大福無小福。不為益不為損。此第五次明福田。若迦葉得平等觀。則能外說平等法。能令施主。復平等心。不計福之大小。己之損益。又解大小據前人損益。就迦葉。田勝則施主得大福。田劣則獲小福。得食則獲五事。為益。不得則無五事。為損。故損益據迦葉。是為正入佛道。不依聲聞。此第六總結。如上所明。便得平等觀。名正入道。則能自利利人。故不依聲聞。迦葉若如是食。為不空食人之施也。既有正悟。便是良田。故不虛人施。時我世尊聞說是語。得未曾有。即於一切菩薩深起敬心。復作是念。斯有著名。辨才智慧。乃能如是。其誰不發阿耨多羅三藐三菩提心。我從是來。不復勸人以聲聞辟支佛行。此第三明迦葉蒙益。凡有五句。一歎法希有。二得敬勝人。復作是念。第三讚嘆。斯有著名者。在家大士。淨名還布。誰不發心。第四

①〔食〕一② ③〔食〕一④ ⑤起二超⑥ ⑦放二故⑧ ⑨有二旨⑩ ⑪如二與⑫ ⑬捲二舉⑭ ⑮復二獲⑯ ⑰淨二流⑱

勸發心。我從是來。第五迦葉自立大志。是故不任諸彼問疾。不堪有三。標釋竟。今總結也。佛告須菩提。汝行詣維摩詰問疾。此第四命須菩提。就文爲二。初命。次辭不堪。須菩提者。此云空生。亦名善吉。以其生時。舍內寶藏。衆物悉空。故名空生。父母謂是不祥。召相師問之。相師云。唯善唯吉。稱爲善吉。相傳有經云。須菩提。是東方世界。青龍陀佛。影嚮釋迦。身爲弟子。然五百之流。德非遍備。各有偏能。但稱第一。善吉等。有供養者。能與現報。既有異德。故名四大聲聞。須菩提白佛言。世尊。我不堪任詣彼問疾。此第二辭。不堪。就文亦三。謂標釋結。此初標也。所以者何。憶念我昔入其舍從乞食。此第二釋。不堪。就文爲五。第一辨不應來而來。爲被呵之由。第二明能呵之旨。第三明不應去而去。重辨被呵之由。第四重明能呵之旨。第五時衆得道。此初文也。善吉所以入淨名舍者。凡有二義。一者迦葉捨富從貧。善吉捨貧從富。悉乖平等之道。故俱被呵。所以捨貧從富乞者。富貴嬌恣。不慮無常。今雖快意。後必貧苦。惑其迷惑。仍就乞食。以不得越家故。次入其舍。因被呵也。二者居士德重淵遠。言不瀟灑。五百應真。莫敢窺其庭者。善吉自謂。深入空理。觸言無滯。故徑造其舍。從彼乞食。然當其入觀。則心順法相。及其出俗。即情隨事轉。致失招屈。良由此也。時維摩詰取我鉢盛滿飯。此第二明能呵之旨。就文爲四。一就食平等門。呵其於食不

其解惑不<sup>②</sup>等。不見佛下。第三就內外平等門。呵其內外不等。從若須菩提入諸邪。見第四就邪正平等門。呵其邪正不等。所以知有四門者。以後結句。云乃可取食也。四門次第者。初正乞食。故就食平等門。呵之。其斷惑得解。堪爲福田。則解惑不等。故就解惑平等門。呵之。惑滅解生。猶見佛聞法。不<sup>③</sup>殖外道。便謂內外爲二。故就內外平等門。呵之。猶殖佛世。離彼邪緣。具諸功德。則謂邪正相乖。故就邪正平等門。呵之。此初門也。取鉢滿飯而呵者。若空鉢。則居士有憐惜之嫌。若與鉢。恐持而去。不盡言論之勢。又空鉢故。不得生論與便不得論。又不空鉢。明菩薩爲施主。不與鉢。明二乘非福田。謂我言唯須菩提若能於食等者。諸法亦等。諸法等者。於食亦等。如是行乞乃可取食。於食等者。唯富人<sup>④</sup>之妙食。等貧<sup>⑤</sup>捨之穢弊。若能於此。妙妙食等。則於諸法亦等。若能<sup>⑥</sup>達萬法皆等。則能於食亦等。得此等心。則是福田。乃可取食。若爾不應捨貧而從富也。若捨貧從富。則於食不等。便無等非是福田。不應取食。故進退無答也。若須菩提不斷疑怒癡亦不與俱。此第二就解惑平等門。呵。善吉所謂理唯二轍。一者斷於三毒。二者與俱。謂凡夫也。斷三毒即二乘也。今聞不斷不俱。理出意外。故茫然不解。大士體三毒本自不有。故不與俱。今亦不無。稱爲不斷。又若有三毒。可斷可俱。不<sup>⑦</sup>性無二。何所俱斷。又三毒屬人。可論俱斷。竟自無人。誰俱斷耶。又三毒屬心。可論俱斷。求屬無從。則斷俱

義學宗。具如正觀論說。不壞於身而隨一相。上就有餘涅槃。今約無餘涅槃也。小乘人謂壞五陰身。然後隨涅槃一相。今明身即一相。不待壞而隨也。又上據煩惱。今約報障。呵意同前不滅癡愛起於明脫。身本從癡愛而生。故次言也。如涅槃云。生死本際。凡有二種。一者無明。二者有愛。小乘人謂。以癡影智故。滅癡而得明。以愛縛心故。愛解而心脫。故涅槃云。明與無明。愚者謂二也。大士觀癡愛。其即是明脫。不待滅癡愛。而起明脫。是故。智者了達其性無二。無二之性。即是實性。問是何等明脫。答。三明內漏盡明也。斷非想惑。九解脫中。第九解脫也以五逆相而得解脫。亦不解不縛。上明煩惱與報。今次說業平等也。小乘明。五逆業。必定受報。無得解脫。理故今明。窮重之縛。等於極上之解。所以然者。五逆實相。即是解脫。豈有縛解之異耶。不見四諦非不見諦。得於明脫。要由見諦。故次泯之境智本空故。不見四諦。四倒寂然。故非不見諦。又求四無從。故不見諦。亦無不四。故非不見。又見四諦者。二乘人也。不見四諦。凡夫人也。今大士異之。是故俱斥。非得果聲聞由見四諦。是故得果。既非見諦。故非得果。又不見能得之人及所得法。故非得果。非凡夫法非離凡夫法非聖人非不聖人。聲聞謂以得果故捨凡成聖。故次非之也。又上來就法泯見。此約人平等也。既以非得果。應是凡夫。而求故非凡夫。而凡夫不得凡夫實性。即是聖法。故非離凡夫。以不離凡法。故非聖

①被一 ②等十從 ③見十下 ④殖二 ⑤鉢十盛 ⑥明十及 ⑦之二即 ⑧等二與 ⑨捨二舍 ⑩達二達 ⑪達 ⑫與俱 ⑬十謂 ⑭不二本 ⑮亦二故 ⑯影二障 ⑰其一 ⑱求十佛果

人而道過三界。故非不聖也。雖成就一切法而離諸法相。此句是總結上來諸義也。雖成就一切法者。善吉既共是人。人必成就於法。謂不捨上來所明一切惡法。而復具足善法。故云成就一切法。而實未曾善惡。故云離諸法相。乃可取食。若如前說。則得平等觀。便是福田。故應取食。此一章訖。所以結也。若須菩提不見佛不開法。此第三內外平等門也。二乘謂捨凡得聖。要由見佛聞法。故次泯之。善吉自謂見佛聞法。而言不見聞者。其言似反。其理實順。若有佛可見。則是有見。故不見佛。若有法可聞。則是有聞。故非聞。法。今明無佛可見。乃名見佛。無法可聞。始是聞法。蓋是斥二乘之有。是故說無。既知佛非有。即識佛非無。如是五句。無所受著。始是法身。如斯五悟。名見佛也。正觀論云。邪見深厚者。則說無如來。如來寂滅相。分別有亦非。彼外道六師。聲聞人謂以見佛聞法。即事佛為師。已為弟子。異於外道。故次泯之。釋迦出世。正值六師。但六師不同。凡有三部。合十八人。足能仁。為十九也。第一部。自稱一切智。裸形苦行。第二部。得五神通。第三部。誦四章陀。又言。此三即修思聞三慧。從於三慧。生十八人。今文所明。是初部也。富蘭那迦。葉母姓也。富蘭那字也。此是邪見外道。撥無萬法。末伽梨拘路梨子。末伽梨字也。拘路梨。其母名也。其人計衆生苦樂。不由因得。自然而有。刪闍夜毘羅胝子。刪闍夜字也。毘羅胝。其母名也。其人謂道不須求。逕生死劫數。苦盡自得。如

轉纏丸於高山。纏盡自止。何假求耶。阿耨多翅舍欽婆羅。阿耨多字也。翅舍欽婆羅。龜裂衣名也。其人著弊衣拔髮。五熱炙身。以苦行為道。謂今身受苦。後身常樂也。迦羅鳩駄迦旃延。姓迦旃延。字迦羅鳩駄。其人應物起見。人問有耶。答言有。人問無耶。答言無。故執諸法。亦有亦無。尼犍陀若提子等。尼犍陀。其出家總名也。如佛法出家名沙門。若提子。母名也。其人謂罪福苦樂。本有定因。要必須受。非行道所能斷也。是汝之師。因其出家彼師所墮汝亦隨墮。此令善吉。事外道為師。因其出家。現世受其邪法。故墮邪見。後世同其果報。故墮惡道。乃可取食。若不同六師。則見邪正相異。使無等觀。故不堪受食。若知六師即是法身。以同六師。即是同法身。使得等觀。乃可受食。問云何六師即是法身。答四句求六師不得。六師即是實相。得即是法身。故云觀身實相。觀佛亦然。又同六師。方是不同六師。若不同六師。即是同六師也。所以然者。同六師。則體邪即正故。是正見人。若不同六師。即謂邪正為二。名邪見人。故同六師也。若須菩提入諸邪見不到彼岸。此第四邪正平等門。既同六師。則入諸邪見。邪見明無道因。不到彼岸。辦無滅果。既入邪見。則不到彼岸。所以作此呵者。或人以邪見正見為二。彼岸與此岸相乖。故今明入諸邪見。邪正不二。彼此無別。若達不二平等。邪見即是正見。不到彼岸。即是到也。住於八難不得無難。既入邪見。便生八難。不得無難處也。所以作是呵者。

善吉自謂離於八難。以得人身。難三惡道及長壽夭。生閻浮提。離北勝單越。值於佛世。離佛前佛後。得於正道。離世智辨聰。六根具足。離生盲聾。此則謂難與無難為二。今明達乎八難。即是無難故。今住於八難。既不見難。亦不見於無難。故云不得無難也。同於煩惱離清淨法。入邪見。在八難者。便無結不起。既無結不起。而離清淨法。所以作是呵者。善吉自謂。異於煩惱。不離清淨法。故今明煩惱體性。即是實相。若同煩惱。即是同於實相。離清淨法。即是不離。汝得無淨三昧。一切衆生亦得是定。善吉自謂。得無淨定。群生不得。欲以斯定為物福田。此則見自他為二。得不得殊。是故明。善吉之與群生。性常自一。苟為善吉獨得。而群生不得乎。故今不得同得。得同不得。得不得不二。自他平等也。無淨三昧。凡有二種。一者內順實相。二外不違物心。名無淨也。其施汝者。不名福田。供養汝者。墮三惡道。此明田非田不二。惡道善道。體性無別。為與衆魔共一手。作諸勞侶。汝與衆魔及諸魔等。無有異。如世造物。所作不異。名為一手。是一手則共為魔勞伴侶。故與魔不異。然魔與實相不異。既與魔一不異。則與實相不異。於一切衆生而有怨心。謗諸佛毀於法。不入衆數。終不得滅度。汝若如是。乃可取食。此明怨。親平等毀譽一貫。出入無別。得不得均。若能如是。乃可取食。第四章竟。故復結也。時我世尊聞此茫然不識。是何言。不知以何答。便置鉢欲出其舍。此第三明不應去而去。重致被呵之由。

●四(法)● ●(法)一● ●章二章● ●葉十(迦葉)● ●使二便● ●和十(不)● ●離二離● ●荷二島● ●親二心● ●親●

不識是何言不知。是何答者。且據一章釋之。  
如善吉自謂。見佛聞法。淨名云。不見佛不  
聞法。觀其言則似逆。詳其意則大順。所以然  
者。若不見佛。乃是見佛。若有佛可見。則不見  
佛。而善吉聽其言則逆。思其理則不反。故不  
識是何言。不知以何答。而日時既至。使捨  
鉢而欲去。生公云。既其有屈。便應輸鉢。故置  
之欲出。然善吉與衆人。凡有兩意。一同。諸  
人識其言。而善吉不識。此一異也。衆人被詰  
生喜。而善吉聞呵便懼。此二異也。五百聲聞  
悉不能答。斯一同也。問。何故善吉獨招二失。  
答。五百應真。不敢詣淨名之室。善吉自謂。深  
入空理。觸言無滯。徑造其舍。從彼乞食。是  
以此章言切而旨深。故招斯咎也。維摩詰言  
唯須善提。取鉢勿懼。此第四重被呵也。懼無  
答而置鉢。即復著於言相。今欲解。其此滯  
令得取鉢。故先言。取鉢勿懼。於意云。何如來  
所作化人。若以是事詰。寧有懼不我言不也。維  
摩詰言一切諸法如幻化相。汝今不應有所懼  
也。所以者何。一切言說不離是相。淨名以幻  
化質於善吉。凡有三事。一者聽人如化。二者  
謂諸法如化。三者言說如化。汝既解空第一。  
應知如化。以化聽化。寧有懼哉。不離是相者。  
言說不離幻相也。至於智者。不著文字。故無所  
懼。所以者何。文字性離。無有文字。是則解脫  
解脫相者。則諸法也。上明文字如化。此辨文  
字。則是解脫。並不應著也。維摩詰說是法時。  
二百天子得法眼淨。此第五明時衆得道。就  
理而言。善吉來去。皆弘道益物。以其來故。得

說平等無礙之道。破二乘有礙之心。以其去  
故。因說幻化法門。斥凡夫保執有法。令二百  
天子得法眼淨。初章則言達理順。故時衆未  
解。後章則言理並順。故聞而即悟。故我不任  
詰彼問疾。此第三結不堪也。佛告富樓那。彌  
多羅尼子。汝行詣維摩詰問疾。此第五次命  
富樓那。前四大聲聞已訖。今次三藏法師。就  
文二初命。二辭。什公云。富樓那。是其字也。  
此言彌多羅尼。其母名也。此云知識。合母  
名爲字也。真諦三藏云。所以稱彌者。其家無  
兒。禱祀江神。母因夜夢見珍器。盛滿珍琦。遂  
入腹內。明旦向天述之。天云。汝當生兒。  
智慧滿足。因名彌多。彌多羅。此云慈行。四  
\*章陀論。有慈行品。其母誦之。故名慈行。合  
言之。名滿慈子。十弟子內。法師第一。善解阿  
毘曇。富樓那白。佛言。世尊。我不堪任詣彼問  
疾。此第二辭不堪。就文亦三。標釋結。此初  
標也。所以者何。憶念我昔於大林中。在一樹  
下。爲諸新學比丘說法。此第二釋不堪。爲四。  
一明被呵之由。二明能呵之旨。三明時衆蒙  
利。四滿慈受屈。此初文也。什公云。近見耶離。  
有園林。林內有水。水名彌猴池。園內有僧  
房。是耶離三精舍之一也。富樓那。於內爲  
新學說法也。時維摩詰來謂我言。唯富樓那  
先當入定。觀此人心。然後說法。此第二能呵  
之旨。就文爲四。一呵其違欲說法。二呵其違  
根說法。三重呵違欲說法。四重呵違根。欲  
謂現在欲樂。根謂過去根原。此初文也。前當  
入定。觀此人心者。小乘智有限礙。又不能常

定。凡所觀察。在定則見。出定不見。又定力深  
者。見衆生根。極八萬劫。定力淺者。數身而已。  
此新學比丘。根在大乘。而爲說小法。故謂其  
入定也。無以穢食置於寶器。穢食是小法。寶  
器爲大機也。當知是比丘心之所念。無以琉  
璃同彼水精。比丘心大。汝須知之。琉璃是  
聖玉。水精爲賤珍。不應明大心之琉璃。同小  
乘之水玉。宜善識小大二機之優降也。汝不  
能知衆生根源。無得發起以小乘法。彼自無  
勿傷之也。此第二呵其違根原。初句。直呵  
不知根。無得發起。呵其授小法也。大乘根性  
人。喻若無瘡。說小損大。如傷之也。欲行大道  
莫示小徑。無以大海內。於牛跡無以日光等。彼  
螢火。此第三重明不識機欲善薩有三事。一  
求佛道。二度衆生。三修萬行。大機如欲行大  
道。小乘法如小徑。此爲求佛道。設喻也。遍度  
衆生。心如大海。小乘法同牛跡。迴大入小。如  
內也。鑒公云。大物當置於大處。易爲迴龍象  
於兔徑。注大海於牛跡。此合釋二句也。遍修  
萬行。心如日月。起小乘行。心如螢火。明昧既  
懸。不應等也。富樓那。此比丘久發大乘心中  
忘此意。如何以小乘法而教導之。我觀小乘智  
慧微淺。猶如盲人不能分別一切衆生根之利  
鈍。此第四重呵不識根原。智慧微淺。小乘智  
體不能分別。小乘智用也。時維摩詰即入三  
昧。令此比丘自識宿命。曾於五百佛所殖衆德  
本。迴向阿耨多羅三藐三菩提。是第三明得  
益。就文爲四。初入三昧。二得本心。三爲說  
法。四悟不退轉。此即二教雙益也。二教謂口

●是二以● ①如二也● ②使二便● ③便● ④意二異● ⑤徑二往● ⑥〔其〕一● ⑦性二和● ⑧天二大● ⑨林二之●  
林● ⑩後二然● ⑪根十〔說法〕● ⑫〔貨〕十● ⑬玉二精● ⑭蓮二潔●

意兩業。二益淺深不同。此初教也。卽時豁然還得本心。於是諸比丘稽首禮維摩詰足。此初益也。問。淨名入三昧。云何能令比丘知宿命。答。持地論明。菩薩宿命通有六種。一。自知宿命。二。知他宿命。三。令他知己宿命。四。令他自知宿命。五。令他知他宿命。六。令彼所知衆生。展轉相知。今是第四令他自知也。時維摩詰因爲說法。此第二教也。於阿耨多羅三藐三菩提不復退轉。此第二益也。我念聲聞不觀人根不應說法。第四受屈。是故不任詣彼問疾。不堪有三。標釋。已。今總結也。告摩訶迦旃延。汝行詣維摩詰問疾。此第六命旃延。就文有二。初命。二辭。摩訶爲大。迦旃延。是南天竺婆羅門姓。而以本姓爲稱。別名。扇繩。其父早亡。母戀不嫁。如繩繫扇。風吹不動。故名扇繩。十弟子內。論議第一。善解修多羅。佛在世時。造毘勒論。十萬偈。三百二十萬言。迦旃延白佛言。世尊我不堪任詣彼問疾。此第二辭不堪。就文爲三。謂標釋結。此初文也。所以者何。我念昔者佛爲諸比丘略說法要。我卽於後敷演其義。謂無常義。苦義。空義。無我義。寂滅義。此第二釋不堪。就文爲三。初明被呵之由。二。述能呵之旨。三。時衆得益。此初文也。略說有二。謂有爲無爲。此二攝一切法。故名爲略。又言略者。佛常略說。有爲法。無常。苦。空。無我。無爲法。寂滅不動。此二總一切法盡。故言略也。佛但此略說於前。旃延廣敷後。五門與三印。有離合不同。開無常印爲苦。開無我爲空。無爲卽是寂滅。故五門也。不異三印。但

①已+(爲)力 ②肩二肩力 ③肩二肩力 ④語二語 ⑤心二以力 ⑥倒二例力 ⑦無十(爲)力 ⑧(爲)力 ⑨有二即力



謂生死然盡故。有寂滅涅槃。大乘明。生死本  
不燃。今則不滅。始是寂滅義也。說是法時彼  
諸比丘心得解脫。此第三明時衆得悟。若除  
常而住無常。雖於常得脫。而爲無常所縛。若  
如淨名所辨。除常不住無常。蕭然無寄。名得  
解脫。故我不任詣彼問疾。第三結不堪。佛告  
阿那律汝行詣維摩詰問疾。此第七次命那  
律。然三藏明之。應次命波離。但前二已明說  
法。今次辨神通。相問出也。就文爲二。前命  
次辭。阿那律者。此云如意。亦稱無貪。又名  
不滅。猶一義耳。八萬劫前。曾供養辟支佛。所  
得善根。于今不滅。故名不滅。果報稱心。爲如  
意。師子頰王。有四子。各有二兒。長子名淨  
飯。有二子。大名悉達。小名難陀。斛飯王有二  
子。大名調達。小名阿難。白飯王有二子。長名  
那律。小名摩訶男。甘露飯王有二子。長名跋  
提。次名提沙。師子頰王有女。名甘露味。唯有  
一子。名尸陀羅。那律即佛之從弟。天眼第一。  
所以得天眼者。曾一時。佛邊聽法。睡眠。佛呵  
之。喻哉云何如蝶蟬子。那律慚愧。不眠多日。  
遂便失眠。問耆婆治之。耆婆云。眠是眼食。久  
時不眠。眼便餓死。不可復治。那律因修得天  
眼。阿那律白佛言。世尊。我不堪任詣彼問疾。  
此第二辭。不堪。就文爲三。謂標釋結。此初標  
也。所以者何。憶念我昔於一處經行時。有梵  
王名曰嚴淨。與萬梵俱放淨光明來詣我所。稽  
首作禮。問我言。幾何阿那律天眼所見。我即答  
言。仁者。吾見此釋迦牟尼佛三千大千世界如  
觀掌中。耆摩勒果。此第二次釋不堪。文開四

別。一明被呵之由。二述能呵之旨。三那律受  
屈。四梵王發心。此初文也。問曰。智度論云。  
大羅漢。但見二千世界。今云何言三千。答。任  
常力。即見二千。加功用。見三千也。又天眼力  
但見二千。願智之力。則見三千。耆摩勒果者。  
形似檳榔。食之除風。冷時手執此果。故即以  
爲喻。時維摩詰來謂我言。唯阿那律天眼爲  
作相耶。無作相耶。假使作相。則與外道五通等  
若。無作相。即是無爲。不應有見。此第二述能  
呵之旨。前定兩開。次雙結。二難。作相無作  
相。即雙定也。作色方圓相而見。名爲作相。不  
作色方圓相。名無作相也。又釋。三界果報身。  
大請諸根。從結業起。名有爲有作相。法身  
異之。謂無爲無作相。結兩難者。若作方圓相  
而見。則用外道。以外道亦作方圓而見。故  
也。若不作方圓而見。則無方圓。便是無法。不  
應有見。世尊。我時默然。此第三那律受屈。  
欲言作相。同外道。欲言無作。復是無爲。以不  
達會通故。失對於當時。受屈於二難。彼諸  
梵聞其言。得未曾有。即爲作禮。而問曰。世孰  
復有真天眼者。此第四時衆得益。又有三句。  
初問。次答。三發心。此初問也。那律天眼第一。  
既屈淨名。自斯已外。孰有真天眼者。維摩詰  
言。有佛世尊。真天眼常在。三昧悉見諸佛國。不  
以二相。此第二淨名答。初總答云。有也。次出  
有真天眼之人。即佛世尊也。下以三門。釋真  
天眼。一。常在定內見。異小乘定外見。此顯靜  
散無二也。次悉見諸佛國。此明小乘所見近。  
諸佛所見遠。此二異也。不以二相者。能所宛

然而無眼色。謂有不礙無。雖無眼色。而不  
失能所。所謂無不礙有。有不礙無故。不同外  
道。無不礙有故。不同無爲。正答上二難也。又  
就眼見。明不二見。宛然而無見。雖無見。而無  
所不見。名爲不二。什公云。不作精庵二相。名  
爲不二。於是嚴淨梵王。及其眷屬五百梵天  
皆發阿耨多羅三藐三菩提心。禮維摩詰足。已  
忽然不現。此第三發心。梵王既開外道二乘。  
非真天眼者。唯佛世尊。故捨彼聖凡。發佛  
心也。故我不任詣彼問疾。此第三結不堪也。  
佛告優波離。汝行詣維摩詰問疾。此第八次  
命波離。就文爲二。初命。次辭不堪。優波離。  
是王舍城賤人。翻爲上首。是諸釋子剃毛師。  
後諸釋種。詣佛出家。而波離隨。遂將列佛  
所諸釋脫寶衣服。及所乘象。悉以與之。波  
離心念。諸釋豪貴如此。尚捨出家。我何爲住。  
以所得物。安置樹下。繫象著樹。作如是言。  
諸有取者。吾悉施之。遂往佛所。諸釋問其來  
意。波離具答所由。諸釋大喜。即便諸佛。屈  
前度之。此人本我近事。若後出家。我喜輕蔑。  
屈佛前度。我當敬事。佛即前度。諸釋子等。同  
爲作禮。是時大地震動。空內聲嘆言。諸釋子。  
矯慢山崩。波離出家已後。善解毘尼。以其世  
世誓願持律。是故於今。持律第一。優波離白  
佛言。世尊。我不堪任詣彼問疾。第二辭不堪。  
就文爲三。謂標釋結。此初標也。所以者何。憶  
念昔者有二比丘犯律。行以爲恥。不敢問佛。來  
問我言。唯優波離我等犯律。誠以爲恥。不敢問  
佛。願解疑悔。得免斯咎。我即爲其如法解說。

①問二問②食二食③眠十眠④龍二若⑤開二開⑥結二結⑦大請二六精⑧用二因⑨以二  
⑩我時二時我⑪梵十王⑫所十謂⑬者十真天眼者⑭達二逐⑮列二到⑯所二取  
⑰諸二請



此第二釋不堪。就文爲三。一明被呵之由。二述呵之旨。三明時來得益。就文有二。一明比丘犯罪。二辨波離依法解說。犯律行者。一比丘似犯淫戒。次比丘似犯殺人戒。事別出經。有二比丘。林間修道。一比丘疲勞。仰臥眠熟。忽有女人。以女形置一比丘上。而比丘不淨流出。眠覺始覺。而向同伴述之。彼比丘云。可伺求此女人來也。而彼女忽來。比丘便往逐之。女人怖走。遂墮坑死。此似犯殺。故云犯律行也。誠以爲恥者。夫有罪之人。一懼後世受苦。一懼現在所作。不敢問佛者。佛既尊重。而慚愧復深。故不敢問。又佛明見法相。決斷罪。則永出清衆。故不敢問佛。波離既是持律之上。仍從實所疑也。我即爲其如法解說者。此第二波離依律爲聚。定罪輕重。未得爲其詳說過之法也。時維摩詰來謂我言。唯優波離無重增此二比丘罪。此第二明能呵之旨。就文爲二。一明波離錯教。二辨淨名善治。比丘見有身心。一封著也。復言有罪可起。心生疑悔。而欲滅之。二封著也。而波離定其罪相。則封著彌厚。封著彌厚。則罪垢轉增。三封著也。今前誠之。故云無重增此二比丘罪。當直除滅勿擾其心。此第二明淨名善治。就文爲三。謂標釋結。此初標也。波離有二失。一者不說實相於理成迂。二不應大機。於緣爲曲。今對斯二事。還明兩法。一說實相。稱乎理實。名直除滅。二應大機故。不機其心。所以者何。彼罪性不在內。不在外。不在中間。此第二釋善治。有四門。初明罪空。次辨心空。三舉況。四

廣釋。夫罪之生。由因緣有。求其實性。不在三處。不在三處。則見罪空。便悟理實。悟理實。則發生正觀。正觀既生。則煩惱斯滅。煩惱尚滅。罪豈在哉。不在內者。不在我心也。若在我心。不應待外也。不在外者。不在他身也。若在於他。不應由我起也。不在中間者。合自他求罪不得也。又識爲內。塵爲外。根爲中間。而罪不在此三處。又罪因爲內。罪緣爲外。合內外爲中間也。如佛所說心垢故衆生垢。心淨故衆生淨。此第二次辨心空。夫罪由心起。則心是罪根。然心本尚空。罪未寧有。故逆尋其本也。凡有四句。初引佛誠言。心垢故衆生垢者。夫心有垢染。則衆生受累。衆生受累。便是垢累衆生。垢義既爾。淨義亦然。心亦不在內。不在外。不在中間。第二句明心空也。心若在內。心應不由外境。心若在外。內應無心。既非二處。豈在中間。如其心然。罪垢亦然。第三句以本顯末也。諸法亦然者。心之與罪。二事既空。萬法紛紛。皆由心起。在心既空。故諸法亦爾。①不出於如。心之與罪。謂內法空。諸法亦爾。謂外法空也。內之與外。所以空者。良由不出於如。以如是空之異名。故內外亦爾。又非破拆內外故便空。良由內外本來是如。所以空也。如優波離心相得解脫時。寧有垢不。此第三舉況。凡有三句。一問。二答。三況。聲聞初成羅漢。證第九解脫道。爾時唯有淨心。無有垢染。今欲以其類衆生心。故前定其言也。我言不也。此第二波離正答。明證果之時。唯淨無垢也。維摩詰言一切衆生心相無垢

亦復如是。第三舉況類也。小乘謂。羅漢在觀之時。心則無垢。衆生未能斷惑。心則有垢。故今持二乘之無類。凡夫之有也。唯優波離妄想是垢。無妄想是淨。顛倒是垢。無顛倒是淨。取我是垢。不取我是淨。此第四廣釋。上雖明罪空。而惑者生疑。若罪非有。何得大小經律說衆生起罪。故今釋云。妄想故見有罪。是故餘經明有。今據理實。所以云無。妄想。顛倒。取我。三科異者。橫謂分別。名爲妄想。無而謂有。翻背理實。稱爲顛倒。所以顛倒。由根本取我。又妄想。是八妄如地持說。顛倒是三倒。取我是衆見根本。優波離一切法生滅。不住如幻如電。諸法不相待。乃至一念不住。上明罪由妄有。今辨妄有非有。亦是釋妄有義。不相待者。此不明無長短等相待。但辨諸法無常。前心不待後心。生竟然後方滅。以諸法不住。亦生即滅也。無住則如幻。不實所以空。諸法唯妄見如夢如炎如水。月中如鏡中像。以妄想生。上明外法不住。此辨內心妄見。俱明空義。夫以見妄故。則所見不實。是故爲空。上二喻取其速滅。此四喻。喻其妄想其知此者是名奉律。淨名善治有三。標釋已竟。今總結教也。行順律法。故名奉律。此教行也。其知此者是名善解。知罪實相。名爲善解。此嘆解也。自有解律而不行。自有行律而不解。故雙嘆也。問。今明罪空。云何是奉律。答。律名毘尼。此言善治。謂自能治三毒。亦能治於衆生。令知罪空。眞善治也。於是二比丘言。上智哉。是優波離所不及持律之上。不能說我答言。自捨如來未

有聲聞及菩薩制其樂說之辨其智慧明達爲若此也時二比丘疑悔即除發阿耨多羅三藐三菩提心作是願言令一切衆生皆得是辨此第三明時衆得益。文有三句。第一比丘雙嘆。二波離雙答。三比丘雙益。初雙嘆者。上智哉。嘆淨名內智。持律之上而不能說。嘆淨名外辨。二波離雙答。初答外辨其智慧明達。次答內智。比丘雙益者。疑悔即除。謂惡滅也。發心明善生也。故我不任詣彼問疾。第三總結不堪。佛告羅睺羅汝行詣維摩詰問疾。此第九次命羅睺羅就文爲二。初命。次辭不堪。羅睺者。此言覆障。謂六年在胎爲胎所覆障。因以爲名。所以有羅睺者。諸相師。四月八日。來白淨飯王言。太子。若今夜不出家。明日七寶自至。爲轉輪王。父王。夜增其伎樂。菩薩欲心內發耶輸陀羅。其夜有身。淨居天。悲而言。菩薩貪著五欲。衆生誰度之。內觀出家。後成道夜。始生羅睺。所以六年在胎者。智度論云。羅雲過去爲王。六日飢餓仙人。故招此報。又餘經云。由寒鼠穴。受斯果也。羅睺。亦名宮生。悉達出家。而生羅睺。諸釋謂非佛子。欲燒殺之。耶輸抱子立誓。俱投於火。而化成蓮華。諸釋云。眞宮王也。因以爲名。羅睺。羅白佛言。世尊我不堪任詣彼問疾。第二辭不堪。就文爲三。謂標釋結。此初標也。所以者何。憶念昔時毘耶離諸長者來詣我所稽首作禮問我言。唯羅睺羅汝佛子捨轉輪王位出家爲道其出家者有何等利我即如法爲說出家功德之利。此第二釋不堪。就文爲三。一被呵之由。二能

呵之旨。三明時衆得益。初文爲二。一長者子問。二羅雲答。捨轉輪王位者。佛不出家當爲金輪聖王。王四天下。羅雲不出家。當爲鐵輪王。王一天下。一天下地及虛空。各十由旬鬼神。屬之爲其給使。羅雲所以出家者。佛成道竟。還至本國。羅雲年始六歲。如來明日。至變千比丘。悉如佛形。羅雲直往佛所。摩其頂。明日歸精舍。勸身子目連度之。初出家後。喜多暴口形。詔於人。佛一時約勸。於斯永斷。相罵不瞋。佛嘆其忍辱持戒密行第一。諸長者子。所以問者。見羅睺所捨至重。未聞其所得。是故問也。我即爲如法說出家利者。依出家功德經。有人殺三千世界衆生。有人救之得脫。有人挑三千世界衆生眼。有人治之得差。其出家福。多彼救治。功德相應。爲說此利也。時維摩詰來謂我言。羅睺羅不應說出家功德之利。此第二能呵之旨。就文爲二。初呵羅雲所說。次淨名辨出家之利。羅什云。羅雲受屈。其旨有四。一不見人根。應非其藥。二出家功德無量。而說之有限。三即是實相。而以相說之。四出家本爲實相涅槃。羅雲不說其本。吉藏謂。家有二種。一者形家。謂父母妻子。二者心家。即是煩惱。諸長者子。無出形家之義。有出心家之義。而羅雲雖嘆出形家。於事無益。若說出心家。則便有利。而不應說而說。應說而不說。則是漏機。所以受屈。所以者何。無利無功德。是爲出家有爲法者。可說有利有功德。夫出家者。爲無爲法。無爲法中。無利無功德。此第二。得名說出家法。諸長者子。正以有得

爲懷。謂有人能出。有家可出。家爲過罪。出有功德。此皆有所得心。即是有爲法。悉名爲家。維摩破著心故。說無爲法。無爲是果。出家爲因。果既無爲。因豈有。著。若能蕭然無寄。始是出家。羅睺羅出家者。無彼無此。亦無中間。在俗爲此。出家爲彼。出家方便。名爲中間。今並忘之。即出家也。離六十二見。處於涅槃。既忘彼此兩間。復離諸見。便處涅槃。果。智者所受聖所行處。地前菩薩。依教生解。名爲智者。信順此法。是名爲受。登地。會於正理。稱之爲聖。聖心遊之。故云行也。降伏衆魔。度五道。經云。一人出家。魔宮皆動。始動魔宮。終心降伏。既降伏四魔。必超度五道。凡夫能出四趣。不能出天道。出家求滅。則五道斯度。淨五眼。得五力。立五根。不惱於彼。二乘出家。雖度五道。不能淨五眼。大乘離俗。能淨五眼。五眼有二。一約五人有五。人有肉眼。天有天眼。二乘慧眼。菩薩法眼。佛佛眼。一人具五者。見。彰內爲肉眼。見障外爲天眼。照實相爲慧眼。照二乘法滅。名爲法眼。照於佛性。兼無法不知。名爲佛眼。今論後五。故名爲淨。信進念定慧爲五。此五。在鈍根人心爲根。在利根人心爲力。若據一人。則始終爲異。在家有妻子財產。若遇因緣。必惱於彼。出家。則道超事外。惱因自息。故云惱於彼。離衆雜惡。摧伏外道。在俗行善。由難不善。出家求道。道既純淨。行分不難也。出家不爲。摧物。而諸惡自消。猶如日出。不期滅闇。而闇自滅也。超越假名。經說有四。一生死是假名。涅槃非假

●內觀二因應1 ●詔二名1 ●雲二云 ●得二淨 ●拔二受 ●懷1 ●著二善1 ●心二必1 ●彰二障 ●二二三  
1 ●三 ●二1 ●云十(不) ●摧物二物摧 ●

名生死是浮虛幻偽，所以是假。涅槃真實，故非是假。二者涅槃是假，生死非假。涅槃無名，強爲立名，所以是假。生死本是名相之法，非強立名，是故非假。三者俱是假，以生死涅槃是因緣相待，故是假也。如華嚴云：生死涅槃，二俱是虛妄。四二俱非假，假名就法，法體皆如。如內經言：故非假稱。今就初門，明生死是假名，得涅槃故超出也。出，非泥無繫著。出假名，離生死果。出淤泥，離生死因。在家沒愛泥，外道出家沒見泥。今明真出家，俱離愛見，非但離生死之愛見。亦無繫著於道法，無我所無所受，無擾亂，所以無繫著者。由無我所故也。受之言取，取有四種：欲取、我取、戒取、見取。今無此四取也。若內有四取，必有擾亂，以心無所取，故無擾亂。內懷喜護，彼意隨禪定離衆過。出家之人有三種喜：一者有現世功德，自然豫欣；二者後得涅槃，心常歡悅；三者不愛不喜，心無依著，則真淨妙喜也。又能將順衆生，不乖逆其意，故言護彼意。隨禪定者，戒能折伏煩惱，令其勢微，禪定能遮，便惑不起，智慧能滅，畢竟無餘。今持戒清淨，則結薄心靜，與禪相順，故言隨也。若能如是，是真出家。若能不達上說，是真出家，總結之也。於是維摩詰諸長者子，汝等於正法中，宜共出家，所以者何？佛世難值，此第三明時衆，出益。凡有四句：初淨名勸出家，二長者不敢違佛制，三淨名重勸發心，四長者受旨，此初文也。淨名知其不得出家，而欲令其發心，故有此勸耳。諸長者子，言居士我聞佛

言父母不聽不得出家，此第二答也。律云：有人詣僧坊，諸比丘輒度之，其父母大愁苦，訴淨飯之。淨飯王云：太子無令，我知。輒私出家，吾愁苦自令已去。父母不聽，不得出家，以是事白佛。佛制戒云：若父母不聽，不得度之者，得吉羅罪。維摩詰言：然汝等便發阿耨多羅三藐三菩提心，是即出家，是即具足。此第三文也。所以勸發心者，彰其形雖繫於二親，而心超於三界，則是出於心家，既出心家，則身口無衆惡，便是具足戒也。爾時三十二長者子，皆發阿耨多羅三藐三菩提心，此第四文也。諸長者子，既以有礙，不形出家，而聞在家有出家之理，故欣然從之。故我不任詣彼問疾。此第三總結，佛告阿難汝行詣維摩詰問疾。第十次命阿難也。就文爲二：初命，二辭不堪。阿難者，此云無染。支道林云：博聞，舊翻歡喜。凡有三義：一者，釋迦過去發願，願我成佛，持者名曰歡喜；二者，阿難是佛得道夜生，淨飯王云：今是歡喜日，可結此兒以爲歡喜；三者，阿難形容端正，見者歡喜，故名歡喜。阿難與羅雲，同是佛親，而命有前後者，凡有四義：一者，阿難與羅雲，雖同是佛得道夜生，而羅雲在胎六年，以其年大，故前命也；二者，羅雲出家，得羅漢果，阿難猶居學地，三者，羅雲在俗，當紹國位，阿難不然，以君臣次第故，命有前後；四者，羅睺明出家，爲因，阿難辨法身爲果，先因後果，以爲次第。阿難白佛言：世尊，我不堪任詣彼問疾，此第二釋不堪，有標釋結，此初文也。所以者何

憶念昔時，世尊身小有疾，當用牛乳，我即持鉢詣大婆羅門家門下立。此第二次釋不堪，就文爲三：初明被呵之由，二述能呵之旨，三阿難受屈。此初文也。身小有疾者，然理疾之意，非可一徒，良以淺識之流，取信耳目，於如來而生劣想，今彰阿難不達，或同衆人，淨名高呵，以開法身之唱，令悟應也。當用牛乳者，佛在毘耶離，音樂樹下說法，身患風氣，須乳煮糜也。詣大婆羅門者，毘耶離有大婆羅門，名梵摩耶，是婆羅門師，有五百弟子，信受邪道，不敬佛法，而大慳貪，今以七聖化之一佛現疾，二阿難乞乳，三淨名來呵，四牛母說偈，五牛子說偈，六化人捧乳，七空內聲告，此人大慳，以羅網覆庭屋，令飛鳥不能得食穀食等也。朝往與乳，正值其人，與五百弟子共入見王，問阿難何求，答具上事，梵志默然不對，自意思惟，若不與，諸人謂我情，我若與者，復謂事瞿曇，良久，即指取惡弊牛，令阿難自攝取乳，作此意者，一欲明瞿曇當與我諍功德勝，今令惡牛抵殺其弟子，即恥其師，令衆人捨瞿曇，來就我也。又牛既惡，必不得乳，於我無損，是時有化人來爲捧乳，而牛說偈，今施佛乳，云留少許與犢子，犢子說偈云：盡施如來，我自嚼草，事出乳光經，時維摩詰來謂我言：唯阿難何爲晨朝持鉢往？此第二能呵之旨，就文爲三：一問，二答，三呵。晨朝非乞食時，是以問也。我言居士世尊身小有疾，當用牛乳，故來至此。第二阿難以事對也。維摩詰言止，阿難莫作此語。

○非二泥○ ○依二想○ ○便二使○ ○使○ ○出二來○ ○家○ ○訴二詳○ ○訴○ ○之○ ○王○ ○王○ ○令二今○ ○持二侍○ ○飯十(王)○ ○(王)一○ ○路二給○ ○位二德○ ○先二前○ ○理二現○ ○門十(家)○ ○百二萬○ ○與二七○ ○意二惡○ ○情二惜○ ○(我)十事○ ○攝二攝○ ○攝二攝○ ○今二令○ ○令○ ○今○ ○二十(法)○

此第三正呵。文凡有三誠三釋。此初誠也。所以重止者。佛若實病。則上隱法身之德。下增衆生之累。今欲斷此二義。是故重止。如來身者金剛之體。此釋上誠也。小乘人云。骨是金剛。肉非金剛。大乘明。如來生身。內外金剛。一切實滿。有大勢力。無有病處。若以金剛喻法身者。如涅槃金剛身品說之。法身是常。不可壞故。如金剛。諸惡已斷。衆善普會。當有何疾。當有何惱。上就果門辨無病。此就因門釋無病。衆惡已斷。無有病因。衆善普會。無有病因。默往阿難勿謗如來。此第二誠也。默往。令還去也。無病事彰。必不須乳。故令還去。苟云是實。則謗佛也。莫使異人聞此。爲當近。龜之極也。不達聞之。必謂實病。無令大威德諸天及他方淨土諸來菩薩得聞斯語。什公云。五淨居天上。別有大自在天。是十地菩薩。又他方大士。此之二人。若聞斯言。知佛方便。怪汝不達也。阿難轉輪聖王。以小福故。尚得無病。況如來無量福會普勝者哉。此第二釋也。前就聖推。此舉凡況。輪王乃不及欲界諸天。但以人間小福。尚得無病。豈況如來普勝三界。而有疾哉。論云。有羅漢。名薄俱羅。往昔爲寶藥師。語夏安居僧言。若有須藥。就我取之。衆竟無所須。唯一比丘小病。受一呵利勒果。因是九十一劫。生於天人。受無量快樂。但聞藥名。而身無微患。於此生中。年已九十。一劫。亦未曾有病。況積善無量。病由何生。行矣阿難。勿使我等受斯恥也。此第三誠。推事既爾。必應還去。苟執不去。非但

佛有斯謗。我等亦受其恥。外道梵志若聞此語。當作是念。何名爲師。自疾不能救。而能救諸疾人。前明內學受恥。此辨外道謗。何名法之良醫。自身疾不能救。何救人心疾乎。可密速去。勿使人聞。正士若聞。謂汝不達。邪師若聞。謂佛實病。當知阿難諸如來身。即是法身。非思欲身。此第三釋也。凡有三雙。並就離門釋。此是初雙。先據得門。什公云。法身有三。一法化身。金剛是也。二五分法身。三實相法身。此似化報法三佛義。此之三佛。並無實病。非思欲身。就離門也。三界有待之形。名思欲身。又釋。思是業。欲爲結。非結業身也。佛爲世尊。過於三界。此第二雙也。以德無不備。故爲世所尊。此明得也。過於三界。三界衆生。具受八苦。所以有病。佛過三界。此離門也。佛身無漏。諸漏已盡。佛身無爲。不墮諸數。此第三雙。明得離也。初句明離。雖出三界。容是最後邊身。猶是漏法。豈得無病。佛既無漏。故無病矣。次句明得。雖曰無漏。容是有爲。有爲即是起滅法。未得免病。既是無爲。不隨有數。有人言。非思欲身。離分段因。過於三界。離分段果。佛身無漏。離變易因。佛身無爲。離變易果。如此之身。當有何病。上別明無患。此總結德也。時我世尊。實懷慚愧。得無近佛而謬聽耶。此第三明阿難受屈。文有三別。一阿難懷愧。二空內出聲。三稱讚居士。受使如此。被識如彼。故進退懷愧。淨名言既會理。則佛必無有病。失在於已。故謬聽。即聞空中聲。曰阿難。如居士言。但爲佛出五濁惡世。現行斯

法度。脫衆生行矣。阿難取乳。勿慚。此第二明空內出聲。本述二身。會淨名與佛二言。無相違也。如居士言者。印定淨名之說。謂法身也。但佛出五濁已下。印定如來之言。辨迹身也。以顯法身故。令於佛起尊重心。辨於迹身。則破慳生福。又得失凡有四句。一者二人俱得。淨名得實。阿難得方便。次二人俱失。全用淨名。則失方便。不得付同衆生。全用阿難。隱法身之德。物不尊敬。三淨名得阿難失。據今能呵之義。四阿難得淨名失。約乞乳破慳。生長物福。五濁者。謂劫濁。衆生濁。命濁。見濁。煩惱濁。劫濁者。大劫內。有刀兵疾疫飢饉三小劫。名劫濁。衆生濁者。無仁義禮智等。諸惡衆生。名衆生濁。命濁者。以短爲苦。又不壽。得修道。稱爲命濁。從百二十歲。下至三歲。悉是命濁。什公云。邪見爲見濁。餘九使爲煩惱。舊云。五見爲見濁。五鈍爲煩惱。濁世尊維摩詰智慧。辨才爲如此也。第三稱嘆淨名也。是故不任詣彼問疾。不堪有三。標釋已竟。今總結也。如是五百大弟子。各各向佛說其本緣。稱述維摩詰所言。皆曰。不任詣彼問疾。弟子品二章。初命十人已訖。此下總明五百不堪。五百者。八千羅漢內。有五百高德名聞者也。

維摩經義疏卷第三

①衆二普②普③彭二部④當二當⑤又二及⑥一劫⑦況十佛⑧剛十身⑨身十者⑩過於⑪三昇⑫未二末⑬識二識⑭四二四⑮重二教⑯付二附⑰得十順⑱修二期

維摩經義疏第四

菩薩品第四

胡吉藏撰

具足梵音。應言菩提薩埵。菩提云道。薩埵名衆生。道謂所求之法。衆生爲能求之人。上弟子之稱。敬讓合論。今則菩薩之名。人法雙舉。此品來意。有五因緣。一者命之次第前則命小乘。今次命大士。二者破病前後。上破小迷。今呵大執。三者欲具顯淨名之德。小乘不堪未足彰其道高。今大士辭讓。始顯其德。還四者欲彰文殊之德。聲聞不堪。菩薩憚往。而文殊獨能擊。場者。則知位超大小。處衆獨尊故也。五者欲述昔法。以利今會。問。但後二品。顯淨名德。方便品。亦顯德耶。答。約人而言。方便品。對凡夫。日顯淨名德。弟子品。對聲聞。以顯其德。今品對菩薩以顯其德。又方便品。淨名自顯其德。弟子菩薩二品。他人顯德。品開爲二。一別命四人。次諸菩薩總述不堪。別命四人。卽爲四段。就彌勒章。又開爲二。初命次辭。於是佛告彌勒菩薩。汝行詣維摩詰問疾。此初命也。所以前命彌勒者。以其是補處大士。又當於此土成佛。從勝至劣。如弟子之次第也。彌勒此翻爲慈。南天竺婆羅門姓。以爲名也。又過去作國王。因見此丘入慈三昧。有十八利益。因發願。世世行慈。又母懷之。卽自慈心。以是二緣。故名慈也。字阿逸多。此云無能勝。是婆羅樹國輔相之子。生時具足相

好。波羅樹國王。名梵摩達。恣奪國位。欲密害之。就其父索彌勒。父知王心。卽云。外家以將去。還舍。密遣人送往。南天竺婆羅離家。彌勒外家。姓婆離。有髮發紺色。手摩膝相。總明博達。以已所知。用教彌勒。彌勒始七歲。從受學。一日所集。勝餘歷年。遂窮祕奧。鼻欲顯其德。設無礙大會。量財既少。遣二弟子。往彌勒家。覓物相足。二人於路。聞有佛名。迴首觀之。爲虎所食。因此善故。卽生天上。婆離。久待不還。則以家財。七日大施。最後有一婆羅門。來乞財物。而財既盡。空無所得。則大瞋恚。語婆離言。我有呪力。能破汝頭。作於七分。婆離大怖。前二弟子生天者。空內語之。汝不用愁。今有佛出。可歸憑之。其問天爲是誰。答。以上事。時婆離本讀讖書。知有佛應出。則遣彌勒并十六人。觀佛。定有三十二相八十好。不久。令其默念作三問。一我爲是誰。二問身幾相。佛悉知之。具答三問。時彌勒定知是佛。與十六人。從佛出家。十六人得羅漢。而彌勒不取漏盡。願求作佛。卽授記。彌勒白佛言。世尊。我不堪任。詣彼問疾。此第二辭不堪。就文爲三。標釋結。此初標也。問。淨名彌勒。俱是窮學之位。何故淨名能呵。彌勒受屈。答。凡有二義。一者相與化物。得失隨宜。脩短迭應故也。二者據位而言。彌勒當紹尊位。淨名久已成佛。既因果不同。故有優劣。所以者何。憶念我昔爲兜率天王。及其眷屬。說不退轉地之行。此第二釋不堪。就文爲三。一被呵之由。二能呵之旨。三時衆悟道。兜率此

云知足天。其王名刪。兜率天來人間聽說法也。此天以彌勒將上爲天師。懷懷宗敬。故常來聽法。不退轉行者。則無生法忍。謂勉位行念三種退。故云不退也。時維摩詰來謂我言。彌勒世尊授仁者記。一生當得阿耨多羅三藐三菩提。此第二能呵之旨。就文爲二。初呵授記。次呵得菩提。呵授記。明無人能得。呵菩提。明無法可得。卽人法俱空也。又呵受記。明無能得之因。次呵得菩提。辨無所得之果。謂因果俱寂然。淨名彌勒。深淺不同者。彌勒唯見其一。不觀其二。雖說欲無常。嘆不退法。未悟諸天深著一生受菩提記。龜欲離去。細染羣生。是以淨名雙泯因果。令龜細都息。若作二人始終益物者。前要須彌勒說欲無常。嘆不退法。以息龜。淨名辨因果俱空。以除細。破受記爲三。初牒。次呵。後結也。言一生者。彌勒現在人間。次在天上。後下生成佛。依智度論數此以爲三生。但現在人間已受生故。不復數之。後下生成佛。屬能佛身。亦不數也。但取生天之一身。故云一生耳。問。若爾類小乘義。一生天上。一來人間。便得道者。應是二生。辨得名一往來。則定是一生。何名一生。答。斯義應類。但小乘之人。望身盡入於無餘。故受二身名爲二生。彌勒不取身盡。但下生之身。既其屬佛。對彼天身。以爲一生也。爲用何生得受記乎。過去耶。未來耶。現在耶。若過去生。過去生已滅。若未來生。未來生未至。若現在生。現在生無住。如佛所說。比丘汝今則時亦生亦老亦滅。此第二正破。就文爲三。一三門破。

①破十(卷)②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺(年凡幾許三問)㊻(年凡幾許三問)㊼㊽㊾㊿

二無生門破。三如門破。三世門破者。就三世內。檢無一生。是故無有得一生記。過去是滅。無由無生故。無得記。未來未有。則未有生。亦無得記。現在一念不住。亦無有生。故無得記。引佛語。偏說現在不住。以或人多謂現在有生。所以得記。故引證破之。若以無生得受記者。無生即是正位於正位中。亦無受記。亦無得阿耨多羅三藐三菩提。云何彌勒受一生記乎。此第二亦就無生門。檢無受記。夫論有生。必在三世。三世既無。則既無生矣。惑者謂三世乃無受記。無生之內。應有受記。故次斥之。無生則是實相。實相真實之法。故名爲正。與邪隔別。稱之爲位。此實相之理。言。應虛息。超四句。絕百非。故無得記也。爲從如生得受記耶。爲從如滅得受記耶。若以如生得受記者。如無有生。若以如滅得受記者。如無有滅。此第三就如門。以破受記。付公云。此亦因其所存而遣之也。夫受記。要由得如。本未得而今得。似若有起。如起。則果滅。亦似有物。於如內滅。故先問其起滅。以明無起滅。今謂。上二門。就生無生二理。檢無受記。今斥了悟之心。亦無受記。夫論得記。體如故法忍生。體如故煩惱滅。爾時得記。是故問云。爲從如生。爲從如滅也。問。但應言法忍生滅。云何乃言如生滅。答。法忍不離如故。言如生滅也。然法忍則如故。如無有生。故則法忍不生。煩惱則如。如無有滅。故煩惱不滅。故無得記也。一切衆生皆如也。一切法亦如也。衆聖賢亦如也。於彌勒亦如也。上就如門作難。今就如

門設並。就文爲二。初定關。次設並。此舉凡聖人法。以定關也。若彌勒得受記者。一切衆生亦應受記。所以者何。夫如者不二不異。此第二設並也。凡設三並。一並受記。二並菩提。三並涅槃。此三即爲次第。要先得記。次得菩提。後得涅槃。果此三關之內。皆先並後釋也。凡聖一如。故不二。如無變異。名爲不異也。此釋並也。若彌勒得阿耨多羅三藐三菩提者。一切衆生皆應得。所以者何。一切衆生即菩提相。此第二就菩提以設並也。若彌勒得滅度者。一切衆生亦當滅度。所以者何。諸佛知一切衆生畢竟寂滅。則涅槃相不復更滅。此第三就涅槃設並也。是故彌勒無以此法誘諸天子。實無發阿耨多羅三藐三菩提心者。亦無退者。此第三結呵。平等之道。實無發心。亦無退者。而以不退行誘其發心。示其受記者。豈不誑哉。彌勒當令此諸天子捨於分別菩提之見。所以者何。菩提者不可以身得。不可以心得。第二次破菩提。菩提以寂滅爲相。而諸無礙生死。尊菩提雖同勝求。更生塵累。宜開以正路。令捨分別。易爲示以道記。增其見乎。菩提蓋是大覺之真智。超有無之域。出言緣之外。不知何以目之。強名菩提。故此菩提。不可身心得也。寂滅是菩提。諸相故。前彼其著相。此示其真道。菩提是能會之智。實相爲所契之境。境既無相。智便寂滅。故言寂滅是菩提。不觀是菩提。離諸緣故。不行是菩提。無憶念故。觀生於緣。離緣則無觀。行生於念。無念故無行。斷是菩提捨

諸見故。離是菩提。離諸妄想故障。是菩提障諸願故。真道無欲障諸願求。不入是菩提。無貪著故。入謂受六塵。順是菩提。順於如故。住是菩提。住法性故。至是菩提。至實際故。不二。是菩提。離意法故。等是菩提。等虛空故。無爲。是菩提。無生住滅故。智是菩提。了衆生心。行故。不。會。是菩提。諸入不。會。故。不。合。是菩提。離煩惱習。故。諸入內外六入也。內外俱空。故。諸入不。會。合。謂煩惱業和合。煩惱本空。故。無所合。故。會。據現果。合就其因。無處是菩提。無形色。故。假名是菩提。名字空故。外無形色之處。內無可名之實也。如化是菩提。無取捨。故。無亂。是菩提。常自靜。故。善寂。是菩提。性清淨。故。無取。是菩提。離攀緣。故。無異。是菩提。諸法等。故。無比。是菩提。無可喻。故。微妙。是菩提。諸法難知。故。諸法幽遠難測。非有智之所知。菩提無知。故。無所不知。無知而無不知者。微妙之極也。世尊維摩詰說是法時。二百天子得無生法忍。此第三明衆悟道。彌勒說有。以息塵欲。淨名明空。以除微累。是以諸天。應期悟道。故我不任詣彼問疾。不堪有三。標釋已竟。此第三結也。佛告光嚴童子。汝行詣維摩詰問疾。光嚴彌勒不同者。彌勒爲出家。光嚴即在俗。故次命。又彌勒爲深行。光嚴是始心。又由受記故。坐道場故。上呵受記。今斥道場。就文爲二。一命。二辭。此初章也。光嚴童子白。佛言。世尊。我不堪任詣彼問疾。此第二辭不堪。就文爲三。謂標釋結。此初標也。所以者何。憶念我昔出毘耶離大城。此第二釋。就文有七句。此初明。光

則二即(一) 即(二) 應二忘(三) 起(一) 起(二) 十則(三) 心二必(四) 也(一) 如十(故) 聖賢二賢聖(五) 亦應二當(六) 亦當(七) 菩提(一) 無礙二天(二) 同二日(三) 正二上(四) 緣二像(五) 可十(以) 行十(等)

嚴出城有二義。一欲益物故。托在出城。二光嚴欲詣佛道場處。時維摩詰方入城。我即爲作禮。城門是以人湊處故。得多明化功。作禮者。跡同鄉黨。現修長幼之禮。又爲行深淺故。有尊卑之敬。即問言居士從何處來。答我言吾從道場來。我問道場者何所。答曰直心是道場。無虛假故。所言道者。謂無上正遍知佛果道也。所言場者。凡有二義。一者即指佛果衆德之爲場。故此經文。以佛地衆德用爲場。二者既用果爲道。以因爲場。因能感果。如起道之處。名爲道場。故萬善之因。是通覺之所由。菩提之根本。修心之用。地。弘道之淨場。但因有二種。一者六度萬行。二者四諦等境。皆能生道。故名道場。此之境行。爲真道場也。菩提樹下。起道之處。名爲道場。謂應迹道場也。又由本垂迹。能起跡。本爲道場。之直心者。謂內心真直。外無虛假。斯乃萬行之本。坦進道之場也。發行是道場能。辦事故深心是道場增益功德故。心既真直。則能發起修行。既發起修行。則事無不辦。既能發行。則樹心彌深。樹心彌深。則功德轉增。菩提心是道場無錯謬故。直心入行轉深。則變爲菩提心也。此心真正故。所見不謬。凡弘道者。要始此四心。四心既生。則六度衆行無不成也。布施是道場不望報故。持戒是道場得願具故。忍辱是道場於諸衆生心無間故。精進是道場不懈退故。禪定是道場心調柔故。智慧是道場現見諸法故。此無所得六度。並能生道。故名道場。慈是道場等衆生故。悲是道場

忍疲苦故。喜是道場悅樂法故。捨是道場悲是道場忍道場憎愛斷故。前明無得六度。此辨無緣四等。慈心者。欲與衆生樂也。慈雖假想。與衆生樂。從慈起。累見其受苦。其心悲憫。則入悲心。觀其得樂。心生歡喜。故名爲喜。仁慈生愛。愛生著。著生累。悲生愛。愛生憐。憐生憎。慈悲雖善。而累起。想以之生故。兩捨一平等。謂之捨行也。神通是道場成就六通故。解脫是道場能背捨放方便是道場教化衆生故。四攝是道場攝衆生故。什公云。一惠施。惠有二種。施下人以財。施上人以法。二愛語。愛語復有二種。於下人。則以煖語將悅。於上人。則以法語慰喻。皆以愛心。作愛語也。三利行。利行亦有二種。下人則爲設方便。令得俗利。上人則爲作方便。令得法利。四同事。同事亦有二種。同要人。則訓以善法。同善人。則令增善根。隨類而入。事與彼同。故名同事也。多聞是道場如聞行故。聞而不能行。則與禽獸同聽也。伏心是道場正觀諸法故。心之性也。強剛則觀邪。調伏則觀正也。三十七品是道場捨有爲法故。三十七品。爲趣涅槃。是無爲之因也。諸是道場不誑世間故。小乘中說四諦。大乘中說一諦。今言諸。是則一諦。一諦實相也。俗法虛妄。謂言有而便無。謂言無而便有。是誑人也。見餘諦謂言。必除我惑。而不免妄想。亦是誑也。今一諦。無此來過。故不誑人也。從一諦乃至諸法無我。是諸法實相也。即一諦中。異句異味。由此一諦故。佛道得成。一諦即是佛因。故名道場也。緣起是

道場無明乃至老死皆無盡故。十二緣起。因緣相生。無窮盡也。悟其所由。則智心自明。智心既明。則道心自成。然則道之成也。乃以緣起爲地故。即以爲道場也。諸煩惱是道場。知如實故。衆生是道場。知無我故。一切法是道場。知諸法空故。煩惱之實性。衆生之無我。諸法之空義。皆道之所由生也。降魔是道場。不傾動故。三界是道場。無所趣故。師子吼是道場。無所畏故。力無所畏。不共法是道場。無諸過故。三明是道場。無餘礙故。降魔兵而不爲所動。遊三界而不隨其趣。演無畏法音。而無難。其佛三十二業。而無一闕。三明通達。而無礙。斯皆大道之所由生也。一念知一切法是道場。成就一切智故。二乘法。以三十四心成道。大乘中。唯以一念。則豁然大悟。具一切智也。夫有心則有封。有封則有疆。封疆既形。則其智有崖。其智有崖。則所照不普。至人無心。無心則無封。無封則無疆。封疆既無。形。則其智無崖。其智無崖。則所照無際。故能以一念。一時畢知一切法也。一切智。雖因行。一。蓋亦萬行之一耳。會萬行之所成者。其唯無上道乎。故前所列衆法。皆爲場也。如是善男子。菩薩若能應諸波羅蜜教化衆生。所有所作。舉足下足。當知皆從道場來。住於佛法矣。若能應上諸度。以化天下者。其人行則遊道場。止則住佛法。說是法時。五百天人皆發阿耨菩提心。此第七時衆得益也。故我不任諸彼問疾。此第三結也。佛告持世菩薩汝行詣維摩詰問疾。命四菩薩爲二雙。勸持世。

①益二益②益③即二而④通二建⑤用二兩⑥通十(本)⑦道二迹⑧之二也⑨辨二辨⑩樹二深⑪心真正⑫直心正⑬(故悲忍)六字一⑭樂十(樂)⑮累二還⑯想二惱⑰惠十(施)⑱設二說⑲設⑳要二惡㉑(則)一㉒(既明)故二十字一㉓(既明)故二十字十即㉔空二寂㉕其二具㉖證二證①②[形]③因二日④所二諸



出家大士也。光嚴善德。在家菩薩也。就義而論者。通是萬行。三義論之。生。道能。名。爲道場。怡神之義。稱爲法樂。濟物之功。名爲法施。此章亦二。前命。次辭。持世白佛言。世尊。我不堪任。請彼問疾。此第二辭不堪。就文爲三。謂標釋結。此初標也。所以者何。憶念我昔住於靜室時。魔波旬從。萬二千天女。狀如帝釋。鼓樂絃歌。來詣我所。與其眷屬。稽首我足。合掌恭敬。於一面立。我意謂是帝釋。而語之言。善來。憐愍。釋迦雖福。應有不當。自恣當觀。五欲無常。以求善本。於身命財而修堅法。此第二釋不堪。又開爲三。一被呵之由。二能呵之旨。三稱歎淨名。此初文也。外國名波旬。此翻爲殺者。謂常欲斷他慧命故也。亦名爲惡中惡。惡有三種。一曰惡。二曰大惡。三曰惡中惡。若以惡加已。還以惡報。是名爲惡。若人不殺已。無故加害。是名大惡。若人來供養恭敬。不念報恩。而反害之。是名惡中惡。惡中惡。魔王最甚也。諸佛常欲令衆生安穩。而反壞亂。故言甚也。諸外道。詔波旬。爲欲界。生。亦名花箭。帝釋是佛弟子。知其不疑。故化。常釋形來也。持世不作意觀他意。故不見也。又解。持世是定身菩薩。入定觀則知。不入定觀則不知。憍尸迦者。過去時姓也。三堅法。謂身命財也。身既無常。便應運使爲善。命既危脆。便應盡以行道。財有五家。便應用爲施與。此等皆無常所不能壞。謂之堅法。即語我言。正士。受是萬二千天女。可備掃灑。因其說法故。可諱以從善。實欲以女亂之。我言憍尸迦。無以此非

法之物要。我。佛門釋子。此非我宜。向教其行施。彼既從之。理應爲受。然非所宜。夫施者之懷。唯欲人取。故言。勿向語其施。要我使受也。言沙門釋子者。明已理所不應。非苟逆人善也。所言未訖。維摩詰來。謂我言。非帝釋也。是爲魔來。燒。周汝耳。即語。魔言。是諸女等。可以與我。如我應受。此第二明能呵之旨。文有二意。一明是魔非釋。以呵持世不識魔之邪僞。二納受諸女。顯持世不能生女之善。此初文也。如我應受者。我爲白衣。應受女施。又施。本除慳利物。不應擇主。既能行之。便應與我。我是受此物者。魔即驚懼。念維摩詰將無惱我。欲隱形去。而不能隱。盡其神力。亦不得去。即聞空中聲曰。波旬。以女與之。乃可得去。魔以畏故。俛仰而與。魔盡力不能去。則顯邪力之劣。道力之勝。以量其輕重。施女有勝不去。故以女與淨名。爾時維摩詰語諸女言。魔以汝等與我。示三從之禮。屬魔。則受魔教。屬菩薩。則從道化。故受而誨之。今汝皆當發阿耨菩提心。即隨所應而說法。令發菩提心。教菩薩法。菩薩法有三。一令發菩提心。二教修菩薩行。三令得佛道。今將示菩薩行。故前令發心。復言汝等已發道意。有法樂。可以自娛。不應復樂五欲樂也。此正爲說菩薩行。所以明法樂者。凡有二義。一者諸女。雖發道心。既始入佛法。未能深樂。若值五欲。還念舊樂。故爲說法。以法樂代五欲樂也。二者女人之性。唯樂是從。如魚之依水。故爲說法樂。既得法樂。則深見五欲之過。不生貪染。天女即問。何謂法樂。答

曰。樂常信。佛樂欲。聽法樂。供養衆樂。離五欲。此之四句。則明四信。言四信者。佛爲良醫。法爲妙藥。僧看病人。戒爲禁忌。具此四事。則煩惱病愈。所以初明四信者。魔天以不信正爲本。既迴邪入正。故前明信也。樂離五欲。則是信戒。以愛欲多。毀戒放故也。樂觀五陰如怨賊。樂觀四大如毒蛇。樂觀內入如空聚。以諸天女深著愛欲。耽彼妙身。雖發心生信。而滯情難遣。故呵其陰界。使生厭心。樂隨護道意。前明誠門。今辨勸教。將護道意。令不墮三界及樂二乘也。樂饒益衆生。樂敬養師。樂廣行施。樂堅持戒。樂忍辱柔和。樂勸集善根。樂禪定。不亂樂離垢。明慧樂廣菩提心。上將護道意。謂自發心。今令他發心。故云廣也。樂降伏衆魔。樂斷煩惱。樂淨佛國土。樂成就相好。故修諸功德。樂嚴道場。道場如釋迦文佛。菩提樹下。初成道處。三千二百里。金剛地爲場。諸佛各隨國土之大小。而取場地之廣狹。無定數也。樂聞深法。不畏樂三脫門。不樂非時。三脫。空無相無作也。縛以之而解。謂之脫。三乘所由。謂之門。二乘。入三脫門。不盡其極。而中路取證。謂之非時。此大士之所不樂也。樂近同學。樂於非同樂中心。無罣礙。樂將護惡知識。樂親近善知識。樂心喜清淨。樂修無量道品之法。是名菩薩法樂。初標法樂。次問答釋之。今總結也。於是波旬告諸女言。我欲與汝俱還天宮。先聞空聲。畏而言與。非其真心。故欲俱還。恐其不去。復以天宮誘之。天魔是權。前欲令淨名化之。故將其來。今欲使其傳化。所以要其

①道十(之)②釋二尸③殺二教④教一⑤詔一諸⑥詔⑦生一主⑧常二帝⑨定二肉⑩佛二沙⑪(以)十加⑫(其施)一⑬(國)二因⑭(故)一⑮(道)一十⑯(薩法)一⑰(法)一⑱樂常二常樂⑲(親)一



去也。諸女言以我等與此居士有法樂我等甚樂不復樂於五欲樂也。已屬人矣。兼有法樂。何由而反。魔言居士可捨此女一切所有施於彼者是為菩薩摩訶薩言我已捨矣汝便將去令一切衆生得法願具足。魔知淨名心無染著本為化之。今化之既訖。故從索也。淨名所以施女者。前欲化之故取女。若是他人。化不從也。今欲令諸女於天宮傳化。故施女。又前示福田故取之。今為施主則捨。又前矣示威力。後以恩被。又前取女令修行。後施女而起願也。居士以女還魔。則魔願具足。故因發願。令衆生得法願具足。此是維摩願也。於是諸女問維摩詰我等云何止於魔宮。昔在魔宮。以五欲為樂。今在菩薩。以法樂為樂。復還魔宮。修何業耶。維摩詰言諸姊有法門名無盡燈汝等當學。將還流大法之明。以照魔宮寢冥之室。故說此門也。無盡燈者譬如一燈燃百千燈冥者皆明明終不盡如是諸姊夫一菩薩開道百千衆生令發阿耨多羅三藐三菩提心於其道意亦不減盡隨所說法而日增益一切善法是名無盡燈也汝等雖住魔宮以是無盡燈令無數天女發阿耨多羅三藐三菩提心者為報佛恩亦大饒益一切衆生爾時天女頭面禮維摩詰足隨魔還宮忽然不現。訖此文是能呵之旨也。世尊維摩詰有如是自在神力智慧辨才。此歎淨名也。故我不任詣彼問疾。此是三結也。佛告長者子善得汝行詣維摩詰問疾。此章亦二。一命。二辭不堪。此初文也。善得白佛言世尊我不堪任

詣彼問疾。此第二辭不堪。就文為三。謂釋結。此初標也。所以者何憶念我昔自於父舍設大施會供養一切沙門婆羅門及諸外道貧窮下賤孤獨乞人期滿七日。此第二釋不堪。就文為三。一被呵之由。二能呵之旨。三明得益。自於父舍者。從父得財。簡異非法得物也。又云。祖考承相。有此施法。善得。承其繼嗣。紹前業也。作此施法。三年聚財。七日大施。開四門。立高幢。苦天下。諸有所須。皆詣已舍。然後傾家而捨。此施法有二。一用婆羅門外道書作禮法。以求梵福。二直大布施而已。今用前法也。時維摩詰來入會中謂我言長者子夫大施會者不。當如汝所設當為法施之會何用是財施會為。此第二能呵之旨。淨名至七日滿。而來呵者。凡有三義。一者以其俗施既滿將進以法施。故先譏其所設。以明二施。有劣也。二者七日期滿。滿則成功。成必持著。故至七日。而來呵也。三者善得淨名。俱為益物。善得施財。淨名惠法。若不前誘之以財。則無亦導之以法。所以用法呵財者。財施養肉身。法施養法身。又財施但得欲界報。法施得三界及出三界報。又財施有前後。法施無前後。又財施有盡。法施無盡。又財施通愚智並施。法施以智人方解。故以法呵財。我言居士何謂法施之會法施會者無前無後一時供養一切衆生是名法施之會。財施。不能一時普用。法施有。一者為他說法。名為法施。此則一音所演。一時普至。二者菩薩起一行。皆為利一切衆生。故無前後也。又如

一起慈心。則十方同緣。一時等施。故無前後。何謂也。謂以菩提起於慈心。前明四等。有法施是慈心所設。故初明之。又四無量心。能一時普緣法界。故初明也。凡夫起慈。為生梵天。二乘則為求功德。菩薩則為求佛道。度脫衆生。今欲令其求佛道。以起慈心。故言以菩提相而起慈心。又慈欲與樂。此緣佛樂以與物也。又以菩提起慈。亦是真實慈。能實益物也。以救衆生起大悲心。悲心意在拔苦。若以實救為悲。悲之大矣。以持正法起於喜心。欲令彼我。俱持正法。喜以之生也。又喜本欣彼得離非法。是意存法也。若以持正法為喜。喜之實也。以攝智慧行於捨心。凡夫及小乘。為捨怨親。故行捨心。今欲令其為平等智慧一切捨離。以行捨心。又捨心中。唯見衆生。無分別想。同於無想。欲令其捨心中行智慧也。以攝慳貪起檀波羅蜜以化犯戒起尸羅波羅蜜以無我法起羼提波羅蜜以離身心相起毘梨耶波羅蜜以菩提相起禪波羅蜜以一切智起般若波羅蜜。前明四等為法施。今辨六度為法施。菩薩起行。一行皆有三意。一求佛道。二度衆生。三不違實相。故此文六度以三雙辨之。初二為物破慳起檀。攝犯起戒。次兩以二空。起二行。無我起忍。是人空。離身心相。起精進。謂法空。後二是二智菩提。謂一切種智故起禪。次一切智。起般若。般若實慧故。以薩婆般若心起波若。又菩提是佛福德莊嚴故起禪。一切智是佛智慧莊嚴故起般若。又菩提是佛心行故。前云寂滅是菩提。則智是止

●說二說● ●又前矣二矣有前● ●(多羅三)五字一● ●(多羅三)五字一● ●苦二苦● ●(作)十此● ●禮二祀一● ●有二● ●持二持● ●持● ●持● ●有二者● ●亦二必● ●平十(等)● ●想二明● ●般二波● ●心二止● ●二便●

行。以起禪則止也。一切智是佛觀行故。故起波若。波若是觀也。教化衆生而起於空。存衆生則。廢空義。存空義。則捨衆生。善達法相。空虛其懷者。終日化衆生。終日不乖空。不捨有爲法而起無相。隨化存有。名不捨有爲。知有常寂。名起無相。示現受生而起無作。隨有現形。名現受生。知生無生。故名無作。護持正法起方便力。夫欲建立正法。必須善巧方便。以度衆生起四攝法以敬事。一切起除慢法於身命財起三堅法於六念中起思念法。六念者。念佛法僧施戒天六念也。於六和敬起實直心。以慈心。起身口意業爲三也。四得重利養。與人共之。五持淨戒。六修漏盡慧。非直心。無以具六法。非六法。無以和群衆。群衆不和。非敬順之道也。身口意慈。是內心同也。同戒謂行同也。同見謂解同也。同利則財同。同行解謂法同。又同見謂心同。同戒謂身同。同利資身心外具同行。昔二衆乘靜故。佛說此六和敬。之。正行善法起於淨命。凡所行善。不以邪心。爲正命也。淨歡喜起近賢聖。不憎惡人起調伏心。近聖生淨喜。見惡無憎心。以出家法起於深心。出家則能深入佛法。具行淨戒。以如說行起於多聞。以無諍法起空閑處。忿競生乎衆衆。無諍出乎空閑。趣向佛慧起於冥坐。佛慧深遠。非定不趣。解衆生轉起修行地。己行不修。安能解彼。以具相好及淨佛土起福德業。知一切衆生心念如應說法起於智業。知一切法不取不捨入一相門起於慧業。大判六度爲二。前三爲福。後三爲慧。若具

福慧。如車之二輪鳥之雙翅。就福慧。各開爲二。福德門二者。一感內相好。二感外淨土。慧門開二者。照有名智。鑒空爲慧也。斷一切煩惱。一切障闕。一切不善法起一切善業。斷一切煩惱。謂除煩惱障。則智慧業也。一切障闕。謂報障也。一切不善法起一切善業。業障也。此二明福。慧業。以得一切智慧。一切善法起於一切助佛法。還總結福慧也。如是善男子是爲法施之會若菩薩住是法施會者爲大施主亦爲一切衆生福田。起行利物。名爲施主。堪受供養。故名福田。法施之人。具兼二德。行財施者。但是施主。非福田也。世尊維摩詰說是法時婆羅門衆中二百人皆發阿耨菩提心我時心得清淨嘆未曾有稽首禮維摩詰足即解環瑠價直百千以上之不肯取。此以下第三明得益文也。七日施。而此物在者。最所重也。以上維摩詰者。現崇法施情也。又淨名知其七日捨財。由自未盡故說法施。令捨其所珍也。淨名不肯受。本來爲說法呵財。又欲開後平等之施。兼使善得嚴重。故不受之。我言居士願必納受隨意所與維摩詰乃受瑠玞分作二分一分施此會中。最下乞人持一分奉彼難勝如來。上雖示以法施。未教善得財施。故施極上窮下。明施心平等。以成善得財施意也。上直明善得財施。淨名法施。未明運二施之心。故施窮上極下。名運施之心也。一切衆會皆見光明國土難勝如來。以彼佛威德殊勝。國土清淨。將欲發起衆會令生勝求。故先舉施然後使其見也。又見珠璣在彼佛上

變成四柱寶臺四面嚴飾不相障蔽。爲善得。現將來果報。如此之妙也。四柱寶臺者。佛果四無量心。高昇下覆也。無所障闕者。一德不闕一切德也。時維摩詰現神變已作是言若施主等心施一最下乞人猶如如來福田之相無所分別等子大悲不求果報是則名曰具足法施城中乞人見是神力聞其所說皆發阿耨菩提心。至此亦是得益文也。故我不任語彼問疾。此第三結不壞也。經明福田不同。有言。施凡報劣。施聖報勝。此據田之厚薄。故獲福少多。今言尊卑一相者。可具二義。一者佛爲敬田之勝。衆生是悲田極。故云等也。二者衆生與佛同是實相。故本無有二約正觀心施。所以平等。文稱等子大悲者。依肇公釋意。在齊尊卑一和報。以平等悲心而施。故言等子大悲也。又解。大悲者。所謂佛也。今施下乞人令等佛大悲之相。故言等子大悲也。此實是財施。而稱法施者。得平等觀。非財施之能。故云具足法施也。如是諸菩薩各各向佛說其本緣稱述維摩詰言皆。曰不任語彼問疾。此第二三萬二千菩薩。各辭不堪。但文不備載耳

文殊師利問疾品第五

此品來意。有八因緣。一者弟子品。是聲聞小道。菩薩品。爲因位人。故並不堪。聞疾。文殊師利。爲往古諸佛。故堪問疾也。二者至人變謀無方。隱顯殊迹。修短迭應。適物之情。以機悟囑在文殊。故往問疾。三者上命諸人。述其昔法。次命文殊。述其今法。四者上命不堪。因他顯淨名德。今因命堪。淨名自顯其德。五

者上命不堪。多明淨名智慧。今因命堪。具顯其通慧。六者上命不堪。破三種見。謂凡夫二乘及菩薩也。今因命堪。始得入菩薩法門。七者上因命不堪。明其人尊卑。今因堪問。顯其法妙。八者自上已來。辨其由序。此品已去。明其正說也。文殊師利。此云妙德。首楞嚴經明曾已成佛。號龍種尊。五十三佛中。文殊是歡喜藏摩尼寶積佛。現在。此方常喜世界。而示現為遊方菩薩。華嚴經云。從東方不動智佛金色世界來。又云文殊為無量諸佛母。法華經云。是釋迦九世祖師也。就此文。去。凡有六品。大開二章。初之一品。略明二智。次有五品。廣明二智。就此品內。復為二別。一明命問疾。二者受命。爾時佛告文殊師利。汝行詣維摩詰問疾。此初命也。文殊師利白佛言。世尊。彼上人者。難為酬對。此第二次明受命。就文為三。一問疾前事。二正明問疾。三問疾後事。初章為二。一辨受命而來。二明因來故至。各為四句。初章四者。一明欲受命而往。前嘆淨名之德。便往者起難遭之心。二正受命而往。三大眾隨從。四文殊與眾俱往。此初章也。深達實相。實相難測。二乘難達。未窮其源。猶如兔馬。大士妙盡邊底。譬彼馬王。善說法要。上歎內達實相。今美外巧說法。謂善以約言。而舉多義。美其善得說法之要趣也。辨才無滯。智慧無闕。辭辨圓應。而無滯。成上善說法要。智慧周通。而無闕。成上深達實相。一切菩薩法式。悉智諸佛祕藏。無不得入。近知菩薩之儀式。謂分內之解。遠悟諸佛之祕藏。謂分

外之解。身口意三種密。名為祕藏。降伏衆魔。謂摧邪。遊戲神通。即顯正。神通變化。是為遊戲。欲引物。於我非真。故名為戲也。又神通雖大。能者易之。於我無難。猶如戲也。又遊通化物。以之自娛。故名為戲。其慧方便。皆以得度。大士德不可盡。故末用二智結之。慧謂實慧也。方便謂方便慧也。窮實慧之原。盡方便之底。故稱為度。雖然。當承佛聖旨。詣彼問疾。此第二受命而往。其德若此。非所堪對。當承聖旨。然後行耳。於是眾中諸菩薩大弟子。釋梵四天王。咸作是念。今二大士。文殊師利維摩詰。共談妙法。即時八千菩薩五百聲聞。百千天人。皆欲隨從。此第三大眾隨從。既有勝聖。必說妙法。故率欲聞所未聞。弟子甚多。但云五百者。餘聲聞。專以離苦為心。不求勝法。故不同舉。五百弟子。智慧深入。樂聞勝法。所以共行。又此五百。以是內祕菩薩。外現聲聞。欲斥小揚大。故偏舉之。於是文殊師利與諸菩薩大弟子。眾及諸天人。恭敬圍繞。入毘耶離大城。此第四文殊正往。上順佛旨。下益機緣。故與眾俱往。爾時長者維摩詰。心念。今文殊師利與大眾俱來。即以神通力。空其室內。除去所有。及諸侍者。唯置一床。以疾而臥。此第二明不來而至。就文亦四。一空室待賓。二文殊默領。三居士慰問。四文殊酬答。所以空室待賓者。凡有六義。一以室類如來刹土。二欲總攝群生。以為侍者。三借座燈王。四答普現色身問。五請飯香土。六凡諸空論長悉由之。又亦得生後五品。空無床座。生不思議品。空無

侍者。生觀衆生品。天女現身。且是其事。空無眷屬。生佛道品。空理無二。生不二法門品。空無飲食。生香積品。問。何故唯置一床。以疾而臥。答。空室則明實慧。以疾而臥。辨方便慧。又空室為明波若。以疾以明大悲。又空室。具上六義。臥疾。欲顯菩薩大悲之病。及衆生癡愛之疾也。文殊師利既入其舍。見其室空。無諸所有。獨處一床。此第二文殊默領。言見之者。得其旨。上空室現疾。既表空悲二道。權實兩慧。今還領此意也。時維摩詰言。善來。文殊師利。不來相而來。不見相而見。此第三淨名慰問。言不來相而來者。有人言。法身無來。應身有來。故云不來相而來。有人言。真諦無來。世諦有來。故言不來相而來。有人言。實法無來。相續有來。有人言。法界體無來。法界用有來。有人言。中道無來。假名有來。今明此文。非但近是實主交言。以相慰問。遠貫一經。該通衆教。故前以此言。標其篇首。如大品無住住之言。涅槃不聞聞之旨。所以標此言者。為時衆謂文殊從菴園而來。及以淨名相見。故。今明文殊。來是不來而來。見是不見而見。異凡夫二乘人也。以能不來而來。不見而見。故。為善之極矣。文殊師利言。如是居士。若來已。更不來。若去已。更不去。所以者何。來者無所從來。去者無所至。所可見者。更不可見。此第四文殊師利酬答。成淨名之意也。若來已。更不來者。此明三時無來義也。來已則來。事已謝。故無來也。又言去已。更不去者。菴園望方丈。則見文殊有去。方丈望菴園。則見文殊有來。

①(卑) ②一 ③此二北 ④去二云 ⑤便二使 ⑥智二知 ⑦(不)十來

故明去來義也。來者無所從來者。此明菴園空也。去者無所至。此明方丈空也。來去既爾。見義亦然。且置是事。第二正明問疾。就文爲兩。一請停傍論。二正問疾。不來來。不見見。雖是一化。夫宗而言異於辨疾。聖旨未宜故。宜息傍論也。文殊師利言居士所疾寧可忍不。此下第二正明問疾。就文爲兩。初明居士疾。次辨衆生疾。此二亦是深行菩薩。及發心之人。二種疾也。初章有三。一論疾體。二論空室。三論疾相。初文。前問次答。間有二意。一奉述佛問。二自發問。初有三問。前問疾之輕重。可忍爲輕。不可忍爲重。故言寧可忍不。療治有損。此第二問對治之損也。不至增乎。此第三問不治之增也。世尊慇懃致問無量。此總騰聖意。結前生後也。居士是疾何所因起。此第二文殊自發問亦有三一。一問。初問病因。因何得病也。其生久如。此問得病來久近也。當云何滅。此問對治病。何時可滅也。維摩詰言從癡有愛則我病生。此第二答問也。上有六問。但答後三。兼前三也。如答病因。及久遠問。即兼答初病輕重。及後病增之問。若答病滅之問。即兼答第二病損問也。就答後三問。即爲三別。但次第不同。前答第二久遠問。次答第三病滅問。後答第一病因問。從癡有愛則我病生者。衆生以癡故起愛。愛故受身。身故有病。以惑彼病故。則有菩薩之病也。衆生之病。無始有之。菩薩悲衆生故起病。則病亦久矣。以一切衆生病是故我病。一切衆生病滅則我病滅。此答第三病滅問。有法贊合。菩薩

之病。爲物故生。彼病既滅。則吾病亦滅。所以者。何爲衆生故入生死有生死則有病若衆生得離病者則菩薩無復病。夫法身無生。況復有形。既無有形。病何由起。然爲彼受生。不得無形。既其有形。不得無病。若彼離病。菩薩無復病也。譬如長者唯有一子。其子得病。父母亦病。若子病愈。父母亦愈。菩薩如是於諸衆生愛之。若子衆生病則菩薩病。衆生病愈菩薩亦愈。此舉譬及合。答。釋上病滅之問也。又言是。病何所因起。此答第一問也。問本在前。今答居後。故稱又焉。不前答者。但說病生滅。久近既明。則大悲自顯。是以前答生滅。後答大悲也。菩薩病者以大悲起。菩薩前悲無窮。與癡愛。但生後悲無盡。共群生俱滅。但衆生病原。起乎癡愛。菩薩疾本。生於大悲。問。菩薩病。因衆生起。云何因於大悲。答。因衆生有大悲。因菩薩心悲。故有菩薩身病。文殊師利言居士此室何以空無侍者。此第二以論空室。淨名。前明空室。然後示病。此明由空故起。慈。即說實慧。生方便也。文殊。前問大悲之疾。復問空室者。示大悲即空。亦由方便故。明實慧也。初有二問。一問空室。夫人所住。應有資生之物。而今廓然都空。何故爾耶。又凡病者。理必須侍。何故無耶。所以并問二事者。以俱無二事故。合問之也。問空室。明無法。問無侍者。顯無人。維摩詰言諸佛國土亦復皆空。答二問。即爲二別。答初問凡有二番。平等之道。其理無二。十方國土。無不空者。易爲問一室空耶。而舉佛土者。惑者謂。衆生

虛妄。依果可空。佛土眞實。則不可空。又衆生無力持故可空。佛有力持。則應不空。故今明。佛得自在。尚不能使己國爲有。況衆生土耶。又問以何爲空。汝室以無物故空。十方佛土。宛然現由故有。何得空耶。答曰以空空。上空。是空慧空也。下空。是前境空也。要當以空慧觀之。然後一切空。非是無物然後空也。又問空何用空。法本自空。何用空慧空諸法耶。答曰以無分別空法故空。法雖自空。必須空慧。若無空慧。則於我爲有。用此無分別空慧。故得其空。得其空。即於我非有也。所以名無分別空慧者。無智之生面也。起於分別。而諸法無相故。智無分別。故以無分別智。觀諸法空也。攝大乘論。正以空智爲無分別智。又問空可分別耶。自上已來。明前境空。此下已去。欲辨智空。體空之慧。乃不分別。故知諸法空。即此能觀之慧。而體是有。可得分別耶。答曰分別亦空。此明空慧亦空也。若慧異於空。則是分別。以慧亦空。故無分別。所以云分別亦空。又問空當於何求。上因正觀以明空。惑者謂。空義在正。不在於邪。故問空義之所在。以明邪正不二也。答曰當於六十二見中求。六十二見。即畢竟空。故就諸見。以明空所在也。又問六十二見當於何求。上浪邪正。今齊縛解。故問諸見當於何求。答曰當於諸佛解脫中求。諸佛解脫。即畢竟空故。與諸見不二。所以求諸見於解脫。又問諸佛解脫當於何求。此欲明衆生與佛不二。故發斯問也。答曰當於一切衆生心行中求。惑者謂。諸佛解

①大二大 ②初問 ③何十(菩薩) ④答一贊 ⑤病一疾 ⑥與二共 ⑦與一 ⑧但一俱 ⑨慈二悲 ⑩悲 ⑪復二後 ⑫復 ⑬故 ⑭得其空 ⑮得其空 ⑯十即 ⑰也 ⑱

脫在乎正觀。衆生心行。居愛見煩惱。故明衆生與佛本無二相。愛見煩惱。即大涅槃。故就衆生心行中。求佛解脫。又仁所問何無侍者一切衆魔及諸外道皆侍也。此答第二問也。前明空室。以顯於空。今答無侍。以顯於有。所以然者。以空室故。則上攝佛土一切皆空。以無侍故。下攝群生。以爲侍者。又上明空室。則辨法空。今論無侍。明乎人有。法空。謂實慧也。人有。即方便慧也。故此經始末。皆有二慧。所以者何。衆魔者。樂生死苦。薩於生死而不捨。外道者。樂諸見苦。薩於諸見而不動。魔樂著五欲。不求出世。故云樂生死。外道雖求出世。而執著已法。故云樂諸見。大悲。觀生死同涅槃。故能不捨。觀諸見同正見。故能不動。不動不捨。故能得之爲侍。問。不動不捨。云何爲侍。答。不動不捨。是得正觀。得於正觀。則資養法身。爲其侍也。文殊師利言居士。所病爲何等相。此第三次論疾相。論疾相。應在問空室之前。但今欲空有互相成顯。前明疾有。次辨空室。今欲將空室類疾亦空。故問疾相在空室後也。即事而觀。似若無病。而云有病。未見其相。是故問之。又四百四病。各有其相。大悲之疾。以何爲相。是故問之。維摩詰言我病無形不可見。大悲無緣。無所不緣。以無所不緣故。應物有病。亦應物有相。以其無緣。則明我無病。無病故得有相耶。又解。應物有病。故託病方丈。而無有實。故稱無形。又問此病身合耶心合耶。惑者。聞病不可見。將謂心病無形。與心合故不可見。或謂身病微細。

●尙身合故不可見。故問身心合耶。答曰非身合身相離故亦非心合心如幻故。身相離者。明身空也。離是空之異名。心如幻者。明心空也。身是外形。所以云離心動無方。故言幻也。身心尙無。病與誰合。以其無合故。不可見。又問地大水大火大風大於此四大何大之病。身心本是四大之所合成。身心可無。而四大或有。四百四病。因四大起。今是何大之病。羅什云。外道但說三大病。不說地大。佛法具明四大起病。故一大不調。百一病。總。四大合論。則有四病。四病。答曰是病非地大亦不離地大水大火大風大亦復如是。若即四大有病者。四大各處。則應有病。而四大各處。則無有病。故知不即。若離四大有病者。四大合時。應無有病。而四大合。遂其有病。故知非離。非即非離。因緣假合。則知病空。而衆生病從四大起。以其有病是故我病。菩薩與衆生病俱非即離。但衆生病。從四大起。菩薩病。從衆生起。非實四大違反而生。爾時文殊師利問維摩詰言菩薩應云何慰喻有病菩薩。此第二明衆生病。即是始行菩薩也。就文爲二。一明慰喻。三辨調伏。慰喻。就前無病之人安慰。曉喻有疾之者。調伏。據抱病之人。自調伏其心。以始行之人。既受此身。復藥病苦。則懃生畏死。使增長生死。不得習於正觀。故曉喻安慰。令身處疾自行化他。又調伏。明抱病之人。有其心病故。須自調也。又慰喻。令其集善。調伏。令其離惡。又慰喻。令習有行。調伏。使悟空解。約位分者。慰喻。是外凡夫三十心前人。

調伏。就內凡夫三十心已上也。上辨淨名病。初地已上至佛也。故此品具明一切賢聖。初奉。前問次答。然慰喻有疾。應自文殊。而問淨名者。凡有三義。一。自時衆。注心有在。二者取證於病人。乃所心審慰喻之實。三者本是無病人。能慰喻耳。淨名雖復現疾。實自無疾。故能慰喻也。維摩詰言說身無常不說厭離於身。就答內爲三。初正答。次總結。正答爲二。前就行門明慰喻。耳。次就願門明慰喻。行門明慰喻。行。初就所離行。大明所得行。但慰喻多門。若爲貪生畏死具縛凡夫。則不能爲說無常。正可將護其意云。不久疾愈。若慰聲聞之人者。爲說無常。令疾斷煩惱。早入涅槃。今此文。慰喻菩薩。令捨遠凡聖。自行化他也。說身無常者。此破常倒。異凡夫也。凡夫之人。貪著此身。戀生畏死。不觀無常。故不爲說無常。今始行之人。知身必磨滅。豈可貪哉。不說厭離於身者。破無常倒。異二乘人也。二乘觀身無常。而便厭離。欲入涅槃。故聖今安身處疾。自行化人。不應求證二乘也。說身有苦不說樂於涅槃說身無我而說教導衆生說身空寂不說畢竟寂滅。或有雖聞無常。猶謂不苦。故爲說苦。或有雖聞於苦。猶謂苦樂有主。爲說空無我。譬如大樹。非一斧所傾。累根既深。非一法能滅。故具說四非常也。雖見身苦。不樂涅槃之樂。雖知無我。不以衆生空故廢於教導。雖解身空。而不取涅槃畢竟之空。故能安住生死。與群生同疾。故慰喻之者。令其識所應行及所不應行也。說悔無

●有二用(1) ●悲二七(1) ●其二真(1) ●空室二室空(1) ●尙二與(1) ●總二惱(1) ●病二百思(1) ●大十(不)(1) ●佛十(位)(1) ●本二章(1) ●白二同(1) ●者(1) ●注二注(1) ●注(1) ●[所]一(1) ●三二二(1) ●二(1) ●[耳]一(1) ●[行]一(1) ●[數]一(1) ●(則)一(1) ●十爲(1) ●(不)一(1) ●今二合(1) ●[譬如]一(1) ●無二先(1)

罪而不說人於過去。上爲利根人。說菩薩行。今爲鈍根未悟。更說法。又上破八倒。就離煩惱門以明覺喻。今就離業門以明覺喻。今日之病。必由前罪故。令其懺悔。故云說悔前罪。既言有前罪。則似業有性罪。從未來至現在。從現在入過去。是故今明不入過去。不入過去者。罪本性空故。無罪可謝入也。次已之疾。惑於彼疾。上就煩惱業門。以門覺喻。今就苦報門。明覺喻也。令其推己而悲物也。我今微病。苦痛尙爾。況惡趣群生受無量苦耶。又我有智慧。猶覺疾苦。況不達者乎。推己感彼。是大士兼濟之懷故。聞此法。則不戀生畏死。宜自行化他人。當識宿世無數劫苦當念。饒益一切衆生。無數劫來。受苦無量。今苦須臾。何足致憂。但當力疾救彼苦耳。憶所修福。外國法。從生至終。所作福業。一一書記。將終之時。令傍人爲說。令其特福。心不憂畏。念於淨命。自念從生至終。常行正命。必至善趣。何所憂耶。又勿爲救於身疾。作諸邪業。以救命也。勿生憂惱。疾者多憂。多憂故生惱。故。明從憂無益。橫致惱耳。常起精進。病好懈怠。故勸令精進。假使身逝命終。而意不捨也。當作醫王療治衆病。上就行門。明覺喻。今就願門。明覺喻。令其因疾。發弘誓願。當作醫王。療治一切身心疾也。菩薩應如是。總論有疾。菩薩令其歡喜。總結之也。文殊師利言居士有病。菩薩云何調伏其心。此第二明調伏。外有巧喻。內有善調。則能彌歷生死。與群生同疾。辛酸備經。而不以苦。此即淨名現疾之

意也。前問。次答。調伏者。心猶奔逸之馬。難可禁制。故以善巧方便。先調而後伏也。今將明調伏之法。故前問之。維摩詰言有疾。菩薩應作是念。今我此病。皆從前世妄想顛倒諸煩惱。生無有實法。誰受病者。此第二答。就文爲三。一明自行化他調伏。二明自行化他調伏有其得失。三明非調不調乃名調伏。初文又三。一自行調伏。即是實慧。二化他調伏。謂爲方便慧。三合明自行化他調伏。即合明二慧。初文有三。一衆生空。二諸法空。三空病亦空。用此三門。調心令伏也。初文四句。一將。來況本。今既有苦。即推苦。苦由於病。病由於身。身由妄想。妄想既不實。身亦不實。身既不實。苦豈實耶。所以者何。四大合故。假名爲身。四大無主。身亦無我。此第二句。以本況末。前就隔世。推無我。今就即世。推無我。又前就身因。今四大。是身緣故。並無我。唯見四大。不見一主。如其有主。則應有我。而實不爾。故知無主。四大是身本。本既無主。身爲其末。豈有我耶。又此病起。皆由著我。是故於我不應生著。此第三句。顯出其過。沉論病起有二。一由過去著我。備生結業。結業果報。則現受苦。二由現在著我。故心惱。心惱則病增也。既知病本。即除我。想及衆生想。第四句。結除我也。什公云。其病本者。所謂我也。僧肇公云。我本者。即上妄想也。因有妄想。故見我及衆生。若悟妄想是顛倒。則無我無衆生。當起法相。自上以來。重推無我。自此文去。假法破我。雖於空爲病。於我爲藥。故借法除我。應作是念。但

以衆法合成此身。起唯法起。滅唯法滅。釋法想也。五陰諸法。假會成身。起唯諸法共起。滅唯諸法共滅。無別有真宰主其起滅者。既除我想。唯見緣起諸法。故名法想。又此法者。各不相知。起時不言我起。滅時不言我滅。前句明唯法。此句辨非人起。以諸法緣合則有。緣散則離。聚散無先期。故法法不相知也。彼有疾。菩薩爲滅法想。當作是念。此法想者。亦是顛倒。顛倒者是則大患。我應離之。此下第二。次辨法空。前借法以除我。此法於我爲藥。於空爲病。所以除之。非實有法而除法也。顛倒故有法。所以須離。云何。高離離我。我所。我爲其內。自外諸法。皆是我之所有。所有。是對我的法。我既已無。所有豈獨有立耶。云何離我。我所謂離。二法謂不念內外諸法。行於平等。內者我也。外者一切法也。此即相對爲二。謂不念之。行於平等。故稱離也。云何平等。謂我等涅槃等。我者。窮下之人也。涅槃者。極上之法也。極上窮下。齊之一觀。故稱平等。所以者何。我及涅槃。此二皆空。以何爲空。但以名字故。空如此。二法無決定性。因背涅槃。故名吾我。以捨吾我。故名涅槃。二法相待。則有名生。既相待有名。則無決定。所以空也。得是平等。無有餘病。唯有空病。空病亦空。此第三。明空病亦空。自上以來。破有明空。有既不立。空亦無從。謂非空非有。始名正觀。是有疾菩薩。以無所受而受諸受。未具佛法。亦不滅。受而取證也。此下第二。大明化他調伏。就文亦三。初明爲物受生。二明爲物忍苦。三即除物病。

○似業有性罪○似罪業有性○門二明○聲二有○明二知○從二從○證二證○以十(爲)○來二末○以二大○報二熟○報一○想二相○我二病○高二高○我之十所○立二存○法十(云何離二法)○空二無○(病亦)一○

無所受者。即是空病亦空故。心不受著空有也。而受諸受者。心雖無所受。而為物受生及生中苦樂等。以為物受生。則具行衆行。名為佛法。若未具衆行。亦不滅三受。而取二乘涅槃也。設身有苦當念惡趣衆生起大悲心。我既調伏亦當調伏一切衆生。此第二。次明為物忍苦。我有功德智慧之身。既尚苦痛如是。況惡趣衆生受苦無量耶。故起於悲。我既因三空自調。亦當調伏一切也。但除其病而不除法。將欲尋物病原故。前釋斷義。菩薩自斷我及空等三病。今復須斷衆生三病。者實無三法可除。但除空謂病耳。如眼病故見空華。但除眼病。無空華法可除。故云不除法也。又一義。不除者。但破衆生執性有等病。不除因緣假名法也。故涅槃云。但斷取著。不斷我見。我見者。即佛性也。此二各有其義。非無兩釋也。為斷病。本而教導之。此第三。正明為物斷病。前標病本教導二章門。次釋二門。此初標也。何謂病本謂有攀緣從有攀緣則為病本何所攀緣謂之三界。此釋病本章門也。上說菩薩自尋病本。以理安心。故能處疾不憂。今明為斷衆生病故。推其病原。然後應其所宜也。標神微動。則心有所觸。心有所觸。名為攀緣。攀緣取相。是妄想之始。病之本也。妄想既緣。則美惡以分。美惡既分。則憎愛並熾。所以衆結煩於內。萬病生於外。其能緣之心。既是妄想。所緣之境。不離三界。所以然者。三界外。是無漏無為。而妄想之心。是有所得故。是有為有漏。故是三界也。云何斷攀緣

以無所得若無所得則無攀緣何謂無所得謂離二見何謂二見謂內見外見是無所得。此釋教導斷病本章門也。病本既是有所得。斷病則是無所得。無所得者。心不得一切法也。若心得一切法。則心有所生。心有所生。則心有所縛。不得離生老病死憂悲苦惱。若心無所得。則心無所縛。故得離生老病也。所言無所得者。即不得內外二見。名無所得。非別有無所得也。故云內見外見是無所得。內外者。內有妄想。外有諸法。名為內外也。文殊師利是為有疾菩薩調伏其心為斷老病死苦是菩薩菩提若不如是已所修治為無惠利。第三合明自行化他調伏。有法譬合。以能如上斷自他病本。即是調自他之心。病本既斷。則老病死除。以兼斷自他故。是菩薩菩提。異二乘也。所以。偏言菩提者。菩提以實益為道。若兼斷自他。則得於寂觀。故能有實益。若不爾者。則於己無利。於物無惠。譬如勝怨乃可為勇。此譬說也。老病死等。是菩薩怨。亦是衆生怨。又衆生怨。即是菩薩怨。以菩薩觀物如子。子怨即父怨也。若不除子怨。父怨亦不除也。如是兼除老病死者菩薩之謂也。此合譬也。二乘但除自怨。菩薩則有兼濟之道也。彼有疾菩薩作是念如我。所病非真。非有衆生病亦非真。非有此第二。明自行化他調伏。有其得失。就文亦有二。一明自行調伏得失。成上自行。二明化他調伏得失。成上化他。三合明自行化他調伏得失。成上合明自行化他也。所以須得失者。世人相與欲為菩薩自行

化他。鄙於二乘。欣乎大道。但學菩薩行。有巧不巧。故成得失。以須明之也。初文但辨其得。略不明失。如我此病非真非有者。叙菩薩自悟也。衆生病亦非真非有者。明衆生未達也。上論生老死是身病。計我及攀緣。是其心病。此之二病。非真亦非有也。有人言。非真即非真諦。非有即非俗諦。即中道正觀也。又言非真者。非是真實。即非性質也。非有者。亦非因緣假有。故雙非性假。悟病空也。所以了病空者。若病是實有者。則自他病不可除。以其非真有故。可得除之。以其可除故。悲心即生。弘誓便起。故有兼濟之道也。作是觀時於諸衆生若起愛見大悲即應捨離。此第二。明化他得失。若能如上。了自病及衆生病。非真非有。而起悲者。則唯得不失。但此觀未。能見衆生愛之而起悲者。名愛見大悲。見即見使。愛謂愛使。此雖悲心。難以愛見故。宜應捨之也。所以者何菩薩斷除客塵煩惱而起大悲。此釋上捨離愛見義也。心本清淨。無有塵垢。妄想因緣故。橫生愛見。故名之為客塵。除此客塵。而起悲也。愛見悲者則於生死有疲厭心若能離此無有疲厭在在所生不為愛見之所覆也。夫有所見。必有所滯。有所愛。必有所憎。此有極之道。安能致無極之用。若能離此。則法身化生。無在不和。生死無窮。不憂為遠。何有愛見之覆。疲厭之勞。所生無縛能為衆生說法解縛。愛見既除。法身既立。則所生無縛亦能解彼縛也。如佛所說若自有縛能解彼縛無有是處若自無縛能解彼縛斯有是處是故苦

悲十(心)一 但二俱 但一 本二法 處二緣 處一 愛二亂 標二機 病十(死)一 偏二偏 所二此 能二純 純一



薩不應起縛。此引佛誠言。證於大悲義。勸捨縛也。何謂縛何謂解。前引佛言。今解釋縛解。此標二意門也。貪著禪味是菩薩縛以方便生是菩薩解。此約定慧二門。釋縛解章門也。今前就定門。貪著禪味有二種過失。一彰自行。二彰化他。所以爲縛若爲物受生。則彼我蒙利。名巧方便。故稱爲解。又無方便慧縛有方便慧解。無慧方便縛有慧方便解。此就慧門。以釋縛義。前標二意。一明慧之縛解。二標方便縛解慧縛解者。無方便故慧縛也。若有方便。在慧便解也。方便亦然。無慧則方便爲縛。有慧則方便解也。何謂無方便慧縛謂菩薩以愛見心莊嚴佛土成就衆生於空無相無作法中。而自調伏是名無方便慧縛。此釋慧縛解章門。前釋於縛。次釋於解。所言慧方便者。此義不同。今依羅什意。觀空不證。涉有不著。此之二巧。名爲方便。六地已還。未能無礙當其觀空。則無所取著及其出觀。嚴土化人。則生愛見。故拙於涉動。妙於靜觀。然觀空不取相。雖是方便。而但慧受名。故此文。但取涉有不著。名爲方便。問。詳什公解意。直是釋慧與方便二義不同。未見慧方便縛解之所以。請爲通之。答。初門隨有起染。名無方便。入空自調。稱之爲慧。如此行者。不能以空慧導於涉有。今無所著。故此空慧稱之爲縛。又不能即三空。而修嚴土化人一行。故此空慧則稱爲縛。何謂有方便慧解。謂不以愛見心莊嚴佛土成就衆生於空無相無作法中。以自調伏而不疲厭。是名有方便慧解。此釋有方

便慧解章門也。什公云。七地已上。得於並觀。故能動靜不二。名有方便慧解。問。此云何名慧解耶。答。嚴土化人。隨有不著。名方便。入空自調。稱之爲慧。如此修者。能以空導有。不著故方便義成。而在慧方解。又能即三空而修二行。故名慧解。何謂無慧方便縛謂菩薩住貪欲瞋恚邪見等諸煩惱而植衆德本是名無慧方便縛。此釋方便縛解章門也。今前釋縛門。若是慧之縛解。就六地已還。七地已上。論其縛解。此對就初發心已上及聖位已還。論其縛解。又初對約二乘。以對菩薩。論其縛解。二乘爲縛。菩薩爲解。此對就凡夫。以對菩薩。論其縛解。凡夫爲縛。菩薩爲解。若然者則具攝衆義無不盡矣。今先明無慧方便縛者。不能觀空斷惑。故名無慧。以涉有行善。名有方便。如此修者。以無慧涉有。而爲諸使所染。故名方便縛矣。又不能即二行而遊三空。故名無慧方便縛也。何謂有慧方便解。謂離貪欲瞋恚邪見等諸煩惱而植衆德本迴向阿耨菩提是名有慧方便解。此釋有慧方便解章門也。此明觀空除惑。名爲有慧。涉有修善。名有方便。如此修者。以有慧故。導有行不著。故名爲解。文殊師利彼有疾菩薩應如是觀諸法。從上非真非有。訖至此文。勸菩薩依斯文以起觀行也。又復觀身無常苦空無我是名爲慧。明無我是名爲慧。雖身有疾常在生死饒益一切。而無厭倦是名方便。上來一周。約空有明權實二慧。亦是空慧二道。今就五門觀。以釋慧與方便。既約五門觀。以明

實慧。則實慧具照空有。如照無常苦。即有慧也。照空無我。謂空慧也。故知實慧具照空有。問。照無常苦。云何是實慧耶。答。此身實是無常。故名爲實。又觀無常。實能破常倒。故名爲實。又此文是大乘四非常故。名爲實也。二乘觀無常。而厭生。欲入涅槃。名無方便。天士觀無常。而能不厭。即善入涅槃。故名巧方便也。又復觀身不離病病不離身。是病是身。非新非故。是名爲慧。設身有疾而不永滅。是名方便。此偏就身病。以明權實二慧也。此是病。身身即爲病。既無別體。何得以身爲故。用病爲新。既悟無新故。則無病與身。便入實慧。故稱爲慧也。既有此慧。而能與物同病。不取涅槃。故名方便。問。何故就身病不相離。及無新故。明實慧耶。答。以始行之人。厭病著身故。今此身病。既不相離。何故厭病而保著身。邪。又今了悟身之與病。相假而有。無實故空。爲此因緣。故作是說。文殊師利有疾菩薩應如是調伏其心。第三明兩捨觀也。此文遠結調伏一章也。近結上二慧得失。能悟如斯得失者。爲調伏心矣。不住其中。亦復不住不調伏心。所以者何。若住不調伏心。是愚人法。若住調伏心。是聲聞法。是故菩薩不當住於調伏。心不調伏。心離此二法。是菩薩行。自上以來。明於調伏。今明非調不調者。惑者聞調伏之言。便捨不調住調。則心猶未調。若能調不調兩捨。心無所依。得正觀者。始是調心法也。在於生死不爲汚行住於涅槃不永滅度。是菩薩行。非凡夫行非賢聖行是菩薩行。非垢行非

①大悲一失 ②證二取 ③巧二門 ④植二染 ⑤(若是方便) ⑥十七 ⑦身身即二即身身 ⑧樂二發 ⑨指二耶 ⑩[心]一



淨行是菩薩行。雖過魔行而現降伏。衆魔是菩薩行。雖求一切智。無非時求是菩薩行。此文歷法。明於正觀。爲其調伏。或凡聖兩忘。或因果俱離。或偏泯而俱遊。或二捨而偏用。並易可明也。無非時求者。一切智未成。而中道。取二乘證。謂非時求也。雖觀諸法不生而不入正位是菩薩行。正位者。小乘取證之位也。三乘同觀無生。慧力弱者。不能自出。慧力弱者。超而不證。雖觀十二緣起而入諸邪見。是菩薩行。觀緣起是斷邪見之道。而能反同邪見者。非二乘之所能及也。雖攝一切衆生而不愛著是菩薩行。攝謂四攝法也。四攝是愛念衆生法。今明愛而不著也。雖樂遠離而不依身心盡是菩薩行。小離離憒鬧。大離離身心盡。菩薩雖樂大離。而不依恃也。雖行三界而不壞法性是菩薩行。三界卽法性故。現生三界。而不壞法性。雖行。於空而殖衆德本。是菩薩行。行空欲以除有。而方殖衆德本者。卽空爲有用也。雖行無相而度衆生是菩薩行。行無相欲除取衆生相。而方度衆生者。以無相無礙相也。雖行無作而現受身是菩薩行。行無作。欲不造生死。而方便。現受身者。無作不礙作也。雖行無起而起一切善行是菩薩行。無起者。於一切處。畢竟不起心也。而方起一切善行。以無起而無所不起也。雖行六波羅蜜而遍知衆生心心數法是菩薩行。六度並是無相法也。無相。應無所知。而方遍知衆生心行。以無知而無所不知也。雖行六通而不漏盡是菩薩行。六士。觀漏卽無漏。故能永

處生死。與物同漏。豈以漏盡。而異於不漏盡乎。雖行四無量心而不貪著生於梵世是菩薩行。四無量行。則應生四禪地。而偏言梵者。以衆生宗事梵天故。舉其宗也。又四禪地。通名梵也。雖行禪定解脫三昧而不隨禪生是菩薩行。禪謂四禪也。定謂四空也。解脫八解脫也。三昧空無相無作也。菩薩行其因。而不取其果。可謂自在行矣。雖行四念處而畢竟不永離身受心法是菩薩行。小乘。觀四法而取證。菩薩雖觀此四法。不永離而取證也。雖行四勤而不捨身心精進是菩薩行。小乘行四正勤。功用若究竟。捨入涅槃。菩薩雖同其行而不同其捨。雖行四如意足而得自在神通是菩薩行。雖同小乘。行如意足。而久得大乘自在神通。如意足。是神通之因也。雖行五根而分別衆生諸根利鈍是菩薩行。小乘。唯自修己根。不善知人根。菩薩雖同自修。而善知人根。雖行五力而樂求佛十力是菩薩行。雖行七覺分而分別佛之智慧是菩薩行。雖行八聖道而樂行無量佛道是菩薩行。此明現行淺法。而內已實。入深法也。雖行止觀助道之法而不畢竟墮於寂滅是菩薩行。止觀與定慧異者。定慧爲果。止觀爲因也。初繫心在緣。名爲止。深達分別。稱爲觀。此二是助涅槃之法。菩薩因之而行。而不須隨涅槃也。雖行諸法不生不滅而以相好莊嚴其身是菩薩行。雖現聲聞辟支佛威儀而不捨佛法是菩薩行。雖隨諸法究竟淨相而隨所應爲現其身是菩薩行。雖觀諸佛國土永寂如空而現種種清淨

佛土是菩薩行。雖得佛道轉于法輪入於涅槃而不捨於菩薩之道是菩薩行。雖得佛道空竟。而現行因。卽果不礙因也。說是法時。文殊師利所將大衆。其中八千天子。皆發阿耨多羅三藐三菩提心。此第三問病後事。經本不同。或言天衆。或云大衆。無所妨也。然應是大衆也。

#### 不思議品第六

大明化物。凡有二門。一者說法。二者現神通。問疾一品。明其說法。今此一品。次明神通。則形聲益物也。又上品。初明能化之疾。有空悲二道。亦是權實而慧。次明所化之疾。亦空悲二道。權實兩慧。說如此能化所化二慧者。並是爲教菩薩修行義也。今此品明修行得成。便有無方大用。故有不思議品。問以何爲不思議。答。通而爲論之。凡有三法。一。不思議境。二。不思議智。三。不思議教。據能化爲言。由境發智。因智說教。欲令所化之流。藉教悟理。因理發智。故此三門。義無不攝。言不思議境者。卽是真俗二諦。然二諦未曾境。教據表理而言。故二諦爲教。約發智之義。故二諦名境。通而言之。此真俗二境。皆是因緣假名。無所得義。非是凡夫二乘。有所得人。所能思議。故二境名不思議。據別爲論。真諦卽諸法實相。心行處滅。故。意不能思。言語亦斷。故。口不能議。謂真諦不思議也。俗諦亦言語道斷。心行處滅。如假有。不可定有。故定有心滅。假有不可定無。故定無心滅。不可定亦有亦無。非有非無。故有所得定四句心能滅。亦定性

①其二(真) ②偏二(雙) ③偏一 ④偏一(偏) ⑤弱二(強) ⑥著十(者) ⑦(於)一 ⑧(於)十(空) ⑨四十(正) ⑩須二(順) ⑪而二(兩) ⑫起二(兩) ⑬



遺。亦無由致之。諸菩薩大弟子釋梵四天王等昔所未見其室廣博皆悉容三萬二千師子座無所妨闕於毘耶離城及閻浮提四天下亦不迫。作悉見如故。第五時衆稱歎。問。以大入小。小不增。大不減。不可思議。今既稱其室廣博。則是增小。何名莫測。答。自內而觀其室廣博。自外而觀本相如故。則無所增也。問。自外而觀。本相如故。可不增外。自內而觀其室廣博。應增內耶。答。淨名。實能不增於內。但欲取二種不可思議。一者大坐入小室。而小室外相如故。是大小不思議。二者欲明其室內外不思議。唯方丈一室。自內而觀。則見其大。自外而觀。猶是方丈。大。故是內外不思議也。又解。於內不大。以人見其室容於座故。謂改小室。故次言本相如故。本相如故。竟外相不大。內亦不增也。爾時維摩詰語文殊師利就師子座與諸菩薩上人俱坐當自立身如彼坐像。第六明令菩薩就坐。其得神通菩薩即自變形爲四萬二千由旬坐師子座諸新發意菩薩及大弟子皆不能昇。第七受教而坐。爾時維摩詰語舍利弗就師子座。第八重教聲聞。舍利弗言居士此座高廣吾不能昇。第九聲聞不能就座。自有二義。一者維摩詰神力所制。欲令衆生知大小乘優劣。若此之懸也。二者諸佛功德之坐。非無德所坐。理自冥絕。非所制也。維摩詰言唯舍利弗爲須彌燈王如來作禮乃可得坐。第十勸禮燈王。既是燈王。業起禮之。則承佛神力。故得坐也。於是初發意菩薩及大弟子即爲須彌燈王如來

作禮便得坐師子座舍利弗言居士未曾有也如此小室乃容受此高廣之座於毘耶離城無所妨闕又於閻浮提聚落城邑及四天下諸天龍王鬼神宮殿亦不迫迫。此下第二廣釋不思議。就文爲五。一身子就坐稱歎。二淨名。淨釋。三迦葉抑揚。四時衆蒙益。第五淨名重歎不思議。維摩詰言唯舍利弗諸佛菩薩有解脫名。不思議。第二淨名解釋。解脫體者。謂權實智也。猶是一正觀。爲衆生故異稱說之。或作解脫之名。或爲涅槃之稱。或受般若之號。又立一乘之目。今言解脫。凡有二義。一者體則無礙。二者用則自在。自在者。夫欲爲而不能。則是縛也。應念即能。解脫。無不能故。名爲解脫。大士能然。凡夫二乘。下位菩薩。莫。知所知能然。故名不思議。此出解脫名也。若菩薩住是解脫者以須彌之高廣內芥子中無所增減須彌山王本相如故而四天王忉利諸天不覺不知己之所入唯應度者乃見須彌入芥子中是不思議解脫法門。自此以下。十三復次。釋解脫之用。即是以迹顯本。十三復次爲三。初十一事。就依果外法。明不思議。次一事。就內形。明不思議。第十三一事。就音聲。明不思議。初明大入小。而無增減者。有人言。大實不入小。但以神力。令物見入。有人言。大實容入小。故使物見。今謂。具有二義。一實不入。能令見入。二實能令入。適緣所宜。問。小大既不均減。云何容入。答。有人言。既稱不可思議。故高推聖境。無以釋之。有人言。大無大相。故大能入小。小無小相。故小能容大。今謂。二釋

並皆不然。若無大小相。何所容入。小大若定性。不容亦有定性。不容定不容。不可令其見容。故定性少大。亦無容入。今言容入者。以因緣假名容入故。大稱小大。大得入小。小是大小。故小能容大。問。小既不增。云何容大也。答。如一寸之鏡。懸在於壁。而照見天下。天下之物。究現鏡內。而物不減。鏡亦不增也。又以四大海水入毛孔。不燒魚鼈龜水性之屬而彼大海本相如故諸龍鬼神阿修羅等不覺不知己之所入於此衆生亦無所燒又舍利弗住不可思議解脫菩薩斷取三千大千世界如陶家輪著右掌中擲過恒河沙世界之外其中衆生不覺不知己之所往又復還置本處都不使人有往來想而此世界本相如故又舍利弗或有衆生樂久住世而可度者菩薩即演七日以爲一劫令彼衆生謂之二劫或有衆生不樂久住而可度者菩薩即促一劫以爲七日令彼衆生謂之七日。自上以來。就法體自在。明不思議。此之一事。約時延促。明不思議。問。前就法體。辨大小容入。既無增減。今明時之長短。云何有延促耶。答。不思議多門。非可一類。前是無增減。論不思議。今還增減。明不思議也。問。無增減可不思議。既其增減。何名不測。答。凡夫二乘。下位之人。不能促一劫爲七日。延七日爲一劫。大士能然。故是不思議也。又雖促一劫爲七日。而一劫宛然。雖延七日爲一劫。七日如故。所以謂不思議。問。云何得爾。答。如人一夕之夢。見百年受樂。而一夕不長。百。季不短。大士所爲如是也。又舍利弗

①作三注 ②不可二可不 ③大二丈 ④初二新 ⑤淨二解 ⑥無二於 ⑦知一 ⑧究二究 ⑨季二年

住不思議解脫菩薩以一切佛土嚴飾之事集在一國示於衆生又菩薩以一佛土衆生散之右掌飛到十方遍示一切而不動本處舍利弗十方衆生供養諸佛之具菩薩於一毛孔皆令得見又十方國土所有日月星宿於一毛孔普使見之又舍利弗十方世界所有大風菩薩悉能吸著口中而身無損外諸樹木亦不摧折又十方世界劫燒盡時以一切火內於腹中火事如故而不爲害又於下方過恒河沙等諸佛世界取一佛土舉著上方過恒河沙無數世界如持針鋒舉一粟葉而無所競又舍利弗住不可思議解脫菩薩能以神通現作佛身或現辟支佛身或現聲聞身或現帝釋身或現梵王身或現世主身或現轉輪王身又十方世界所有衆聲上中下音皆能變之令作佛聲演出無常苦空無我之音及十方諸佛所說種種之法皆於其中普令得聞舍利弗我今略說菩薩不可思議解脫之力若廣說者窮劫不盡。問。外道二乘。亦能於群像。變乎衆聲。與大士何異。答。凡夫小道。不能圓應群像。普變衆聲。故與菩薩異也。又大士。能令聲至有頂。無音可聞。形遍十方。無像可見。凡夫二乘。不能爾也。故言不思議。是時大迦葉聞說菩薩不可思議解脫法門。歎未曾有。謂舍利弗。譬如有人於盲者前現衆色像。非彼所見。一切聲聞。聞是不可思議。解脫法門。不能解了。爲若此也。智者聞。是其誰不發阿耨多羅三藐三菩提心。我等何爲永斷其根於此大乘。已如敗種。此第三迦葉稱歎。以助揚大道。貶斥小乘。令菩薩不退勝心。

聲聞深自鄙恥。又令未發大心者。因此發心。樂小乘者。藉斯改志也。問。前云大入於小。唯應度者。乃能見之。身子既如盲對像。何能見大座入於小室。答。大明衆生。凡有三種。一者不見大入小。亦不達其所由。此凡夫不得見聞之流也。二者雖見大入小。而不能解之。即二乘人也。三見大入小。復能悟之。此菩薩。上根人也。前云唯應度者。乃能見之。此取上根之人也。身子謂見而冥然不解。故譬之爲盲。一切聲聞聞是不思議解脫法門。皆應號泣。聲振三千大千世界。一切菩薩應大欣慶。頂受此法。所失處重故。假言應啼泣耳。二乘憂悲永除。尙無微泣。況震三千。迦葉將明大小之殊。抑揚時聽。故非分者。宜致施望之泣。已分者。宜應頂受之歎也。若有菩薩信解不思議解脫法門者。一切魔衆無如之何。但能信解。魔不能燒。何況行應者乎。大迦葉說是語時。三萬二天子皆發阿耨菩提心。第四時衆發心。迦葉既是聲聞。親自貶小爲劣。揚大爲勝。則理必然。故諸天聞之。而發求佛心也。爾時維摩詰語大迦葉。仁者十方無量阿僧祇世界中。作魔王者。多是住不可思議解脫菩薩。以方便力。教化衆生。現作魔王。此第五淨名重歎不可思議者。上十三義。但述不思議之順用。未明達用。則義猶有餘。故因迦葉所歎。復叙其達用也。又因迦葉云。信解不可思議者。魔不能燒。而十方亦有信解菩薩。爲魔所燒者。將明不可思議大上。所爲自在。欲。化始學故。現爲魔王。非魔力之所能及也。

此明不思議。成迦葉意。又迦葉十方無量菩薩有人從乞手足耳鼻頭目髓腦血肉皮骨髮落城邑妻子奴婢象馬車乘金銀琉璃車渠瑪瑙珊瑚琥珀真珠珂貝衣服飲食如此乞者多是住不思議解脫菩薩以方便力而往試之令其堅固。此略明大士達用。凡有二種。一示爲天魔。二現爲乞人。餘趣類可知矣。所以前爲乞人者。結業菩薩於施度未極。是以不思議菩薩強從求索。令其無惜心。盡具足堅固。亦令衆生知其堅固。亦使其自知堅固。問。不思議大士。懸鑒人根。何假逼試。答。今從乞求。同魔試迹。故以試爲言耳。亦從待試。而後進。所以者何。住不可思議解脫菩薩有威德力。故行逼迫。示諸衆生。如是難事。凡夫下劣無力。勢不能如是。逼迫菩薩譬如龍象蹴踏非驢所能。釋上菩薩逼試之能。截人手足。離人妻子。強索國財。生其憂悲。雖有目前小苦。而致永劫之大安。次舉驢象爲喻者。此譬能不能二義也。象中之美者。稱爲龍象。非二物也。是名住不思議解脫菩薩智慧方便之門也。不思議體。者境智及教。而正用二智爲體。故今總結之。智慧卽空智也。方便爲權智也。此二無諱。故稱爲門。又逼物悟入。復稱爲門。又正觀未曾權實。爲衆生故。強稱爲門。此能通不二。故稱門也。

維摩經義疏卷第四

維摩經義疏卷第五

胡吉藏撰

觀衆生品第七

大明經意。凡有二門。一者能化。二者所化。不思議品。辨能化教門。觀衆生品。次明所化。又不思議品。多明推慧。故有無方妙用。觀衆生品。多明實慧。謂衆生畢竟空。二智是經之大宗。故諸品盛談斯法。又上問疾品云。從癡有愛。則我病生。此明能化所化義之根本也。若不識衆生。則不識衆生病。若不識衆生病。亦未達菩薩病。是故須善識衆生。則具了二義。釋。曳前品意也。所言觀衆生者。觀是達生之名。五陰之法。名為衆也。會以成人。故云生也。又衆處受生。名為衆生。但釋衆生。有內外之異。外道謂實有衆生。凡有四說。僧伽云。衆生與陰一。衛世師言。衆生與陰異。勒沙婆言。衆生與陰。亦一亦異。若提子言。衆生與陰。非一非異。一佛法內學。凡有三師。賴子部言。實有衆生。薩婆多部明無衆生。詞梨所辨。世諦故有。真諦則無。而成實論師。用詞梨義。次有三說。如招提寺。談公等。明衆生有體有用有名。如開善智藏云。衆生無體。但有名用。光宅法雲師云。無體無用。唯有假名。今此品。觀衆生。並異此義。可同賴子實有。亦異薩婆多都無。具如文說。故以目品。品開二章。第一淨名與文殊論於衆生。第二天女與身子。次論衆生。初文有兩。第一明化他行。次

明自行。化他行內。前觀衆生。次明四等。初文。前問。次答。爾時文殊師利問維摩詰言。菩薩云何觀於衆生。文殊所以問者。上不思議無方妙用。蓋是化衆生之法。聽者。謂有衆生之可化。是故今明。若實有衆生。則不思議事不成。而衆生亦不可化。今欲成能化所化。故問觀衆生。維摩詰言。譬如幻師。見所幻人。菩薩觀衆生。爲若此。第二淨名答也。衆生有二種。若外道。橫計。則如十三入乃至無烟之火。畢竟無此衆生。二者因緣假名衆生。非真實有。雖有非有。非有而有。故舉幻師觀幻之譬。如幻有非有。非有而有。色。問。亦得觀假名衆生。如十三入畢竟空耶。答。假名雖有。而畢竟非有。非有義邊。亦得以此爲喻。然衆生。雖畢竟非有。宛然而有。十三入喻。則不得類然。故非全譬也。此品。觀衆生。既如幻。上不思議。乃至菩薩之疾。並皆如幻。如智者見水中月。如鏡中見其面像。如熱時炎。如呼聲。響。如空中雲。如水聚沫。如水上泡。如芭蕉。堅如電。久住如第五大。如第六陰。如第七情。如十三入。如十九界。菩薩觀衆生。爲若此。如鏡內像。不自不他。非無因有。若是自有。應不待鏡。若從他有。則不藉面生。如其無因。則不假鏡面。若謂都無。而宛然有像。衆生之相。類於此也。如無色界。如焦穀芽。如須陀洹身。見如阿那含入胎。如阿羅漢三毒。如得忍菩薩貪恚毀禁。如佛煩惱習。如盲者見色。如入滅定。出入息。如空中鳥跡。如石女兒。如化人煩惱。如夢所見。已寤如滅度者。受身如無烟之火。菩薩觀衆生。爲若

此。此等諸譬。皆是一類明空。但滯有者多。故備舉之耳。如無色界。色者。大乘。無色界。有色。而言無色者。借小乘義爲喻。又大乘。明上界。無有無色。借無龜爲喻。故言無色耳。依毘曇義。如那含入胎者。那含雖有暫退。必無經生。故無入欲界胎也。如得忍菩薩貪恚毀禁者。貪恚毀禁。益是龜重煩惱。智度論云。菩薩得無生忍。煩惱清淨。唯有餘習。令借無正。使爲喻也。如入滅定。出入息者。心馳動於內。息出入于外。心想既滅。故息無出入也。文殊師利言。若菩薩作是觀者。云何行慈。此第二大明四等。前觀衆生空。即是智慧。今明四等。所謂功德。又上是波若。今明大悲。即空悲二道。小品云。菩薩住二法。魔不能壞。一知諸法空。二不捨衆生也。就明四等。即爲四段。今前辨慈。初問。次答。問意云。慈本與衆生樂。若無衆生。慈心何所緣也。又既無衆生。亦無菩薩。若無菩薩。誰行大慈。維摩詰言。菩薩作是觀。已自念我當爲衆生說。如斯法是。即真實慈也。此第二答也。衆生雖無所有。而於衆生非有謂有。今欲爲非有。謂有衆生。說有無所有。故言我當爲衆生說。如斯法。以說有無所有。令衆生悟於實相。便得實樂。名真慈也。又無生實觀。名為實觀。從實觀而起慈。名真實慈。觀之與慈。更無二體。即照義爲觀。與樂爲慈。觀雖空而無照。慈與樂而無緣。又凡夫二乘。有所得慈。但是假想。不能實與物樂。非真實慈。大慈實能與衆生樂。名真實慈。行寂滅慈。無所生故。慈有三種。一衆生緣。二者法緣。三

○推二權 ○曳二成 ○生二照 ○[一]一 ○談二談 ○異二異 ○可二不 ○不 ○色二也 ○也 ○  
○二 ○滅十(盡) ○惠二悲 ○益二益 ○令二今

曰無緣。但此三緣經論多種。涅槃經云。緣於衆生。欲與其樂。爲衆生緣。緣於五欲樂具之法。欲與衆生。名爲法緣。緣於如來。稱爲無緣。問。前二可解。既緣如來。即是有緣。何名無緣。答。經自釋之。慈者多緣貧窮衆生。如來大師。永離貧窮。受第一樂。若緣衆生。則不緣佛。故名無緣。此簡異衆生緣也。經云。法亦如是。此簡異法緣。法緣者。欲與衆生樂。不欲與佛。是故不緣佛。亦名無緣。以緣佛無生法二緣。故名無緣。問。若爾何須緣佛。答。欲以佛樂與諸衆生。是故緣佛。問。上明法緣。已辨與樂。今何故復說。答。上與五欲世間樂耳。是故經文。緣於財物。今與佛出世樂也。問。既其緣佛。佛則是人。應屬衆生緣。答。爲欲簡異所化衆生緣。問。若爾既與佛樂。樂即是法。應名法緣。答。爲欲簡異世間法故。不名法緣。次智度論明三緣者。見有衆生起慈。名衆生緣。不見衆生。但有五陰法而起慈者。名爲法緣。不見衆生。亦不見法。而與慈者。名曰無緣。初是凡夫慈。次是二乘慈。後是菩薩。亦是下中上淺深三品。此之三品。亦得與三品樂。初與人法樂。次與無我樂。後與無量樂。今文云寂滅慈者。即無緣慈也。諸法寂滅。本自無生。因此起慈。名寂滅慈。雖復起慈。而實無所起。故云無所生也。行不熱慈無煩惱故。此章明慈攝一切德。故緣衆德以嘆於慈。慈體清涼。無煩惱熱。故名不熱慈。行等之慈等三世故。等教三世。名等之慈。實無三世可救。復是等三世也。行無諍慈無所起故。彼我皆空故。諍訟

不起。行不二慈內外不合故。內慈外緣。俱空無所合也。行不壞慈畢竟盡故。無緣真慈。即無生觀。故不可壞。生法二緣。畢竟永盡。無物能壞。行堅固慈心無毀故。上明外緣不能壞。此明內心不可毀。行清淨慈諸法性淨故。真慈無相。與法性同淨。行無邊慈如虛空故。無心於覆。而無所不覆。行阿羅漢慈破結賊故。阿羅漢。此言破結賊。慈能破結。慈名羅漢。行菩薩慈安衆生故。菩薩之稱。由安衆生。慈安衆生。可名菩薩。行如來慈得如相故。如來之稱。由得如相。慈順如相。可名如來。行佛之慈覺衆生故。自覺覺他。謂之佛也。慈既自悟。又能覺彼。可名爲佛。行自然慈無因得故。涅槃經云。因世諦慈。得第一義慈。無有因緣。此以下品慈爲世諦。上品慈爲第一義。因修下品慈。得上品慈。故有因也。得上品慈。覺不復假因。方成慈觀。而慈心自然。任運成就。名無因得也。有人言。生法二緣。皆是因緣。和合之法。緣此而生慈。名爲有因。第一義。有佛無佛。法相常住。無因緣。緣此而生慈。名爲無因。什公云。無因即自然。自然即無師義。真慈無師而得。名自然慈。行菩提慈等一味故。唯佛菩提。能解一切法平等一味。分無所得心生慈故。同於菩提也。行無等慈。斷諸愛故。凡夫有愛結生慈。則可與等。愛斷行慈者。無能等也。行大慈悲導以大乘故。濟彼苦難。導以大乘。大悲之能也。今慈欲與樂。亦導以大乘。故名大悲。行無厭慈觀空無我故。疲厭之情。生乎存我。以空無我心。而起慈者。則無疲厭。

行法施慈無吝惜故。此約六度。以嘆於慈。得真慈者。能施於法。故慈名法施。行持戒慈化毀禁故。得真慈者。必不起惡。兼化毀禁。故慈名持戒。行忍辱慈護彼我故。得真慈者。內不自累。外不傷物。故言護彼我。行精進慈荷負衆生故。行禪定慈不受味故。行智慧慈無不知時故。行未滿求果。名不知時。行方便慈一切示現故。行無隱慈直心清淨故。其心質直。有罪必悔。不隱其過。名無隱慈。行深心慈無難行故。慈心未深。猶有難行。行慈既深。無復難行。行無誑慈不虛假故。行安樂慈令得佛樂故。菩薩之慈爲若此也。自上已來。明真慈體。具一切德。故有諸名。今總結之。示大衆也。文殊師利又問何謂爲悲。此第二次釋悲義。前問後答。答曰菩薩所作功德皆與一切衆生共之。唯一正觀。說爲四等。但解慈悲不同。有文云。拔苦爲悲。與樂爲慈。涅槃經云。除無利益拔苦爲慈。與利益爲悲。此文明利他行體爲慈。利他用爲悲。所以然者。非善法無以濟物苦故。以菩薩功德。及功德果報。悉與苦惱衆生何謂爲喜。答曰有所饒益歡喜無悔。釋喜不同。餘經云。慶他得樂爲喜。智度論云。入於善觀。見一切皆喜。此文明慈悲既以益之。唯喜無悔。何謂爲捨。答曰所作福祐無所希望。經說捨義不同。智度論云。但起前三行。於物無益。故捨前三心。更起後苦與樂之行。故名爲捨。又云見衆生脫苦得樂。不復憂念放捨。故名爲捨。又云大悲苦行。愛以之生。慈喜樂行。喜以之生。愛喜既生。憎愛便

○有二見○ ○量一生○ ○衆二無○ 衆一○ ○慈二應○ ○慈十(果)○ ○覺二見○ ○因十(緣)○ ○分二令○ 今一○ ○濟二拔○ ○捨二遣○ ○故二也○ ○文二人○ ○善二喜○ ○後二拔○

起。是以行者捨於苦樂。行平等觀。無復愛憎。故名爲捨。此文所明。菩薩既具修三行。復恐持三行。欲求果報故。令明現世不求恩名。未來不求果報。捨此二事。故名爲捨。文殊師利又問生死有畏。菩薩當何所依。上辨化他。此第二章。明於自行。又上辨深行菩薩。今明淺行之人。就文爲二。初明漸捨行。次明兩捨行。問意云。菩薩既行實四等者。必入生死。生死諸。惠離。甚可怖畏。大士。未離結業之身。何所依憑。能久處生死。不以爲畏。維摩詰言。菩薩於生死畏中。當依如來功德之力。答意明。如來功德深妙。念斯功德。怖畏自除。又行四等者。必欲濟於生死。故入生死。若起斯行。則終成佛果。以利。重推。欲求大果。豈畏小苦。文殊師利又問菩薩欲依如來功德之力。當於何依住。雖知依佛功德。未達標心有在。故次問住。答曰。菩薩欲依如來功德力者。當住度脫一切衆生。入生死者。必住度脫衆生也。既建於大心。故無於小畏。前明上所遇。今明下所濟。又問欲度一切衆生。當何所除。既云度脫。必有所度。有所度。故問所除。若曰。欲度衆生。除其煩惱。雖有煩惱業苦。而煩惱爲本。故偏說除之。又問欲除煩惱。當何所行。衆生既有煩惱。當起何行。能得除之。答曰。當行正念。是除煩惱術。得此術故。能除自他煩惱。所以然者。衆惑由邪想而生。正念藉至理而發。是以正念能除煩惱。又問云。何行於正念。答曰。當行不生不滅。又問何法不生何法不滅。答曰。不善不生。善法不滅。不生不滅有三。

一就善論不生不滅。了達善根本無生滅。二者不善亦爾。三者互論。既行正念。則是諸理之初。故制惡而就善。所以不善法不生善法不滅。又問善不善孰爲本。此下第二。次明兩捨行。初問有意。既知善之可生。惡之可滅。將兩捨以求宗。故逆尋其本也。答曰。身爲本。由五陰身。起善不善。故爲善不善本。又問身孰爲本。答曰。欲貪爲本。由前世貪愛。是故受身。雖具藉衆結。問業潤生。愛爲其主。故偏說欲貪。又問欲貪孰爲本。答曰。虛妄分別爲本。法無定相。由虛妄分別。謂是善是惡。美惡既形。欲貪便生。又問虛妄分別孰爲本。答曰。顛倒想爲本。法本非有。倒想爲有。既以爲有。然後明其美惡。此則惑心內轉爲倒。然後妄分別外事也。又問顛倒想孰爲本。答曰。無住爲本。非有謂有。名爲顛倒。故非有。謂有本。非有即是無。往。又問無住孰爲本。答曰。無住則無本。非有謂有。非有爲有。而非有是無。所有。是故無本。問。有由於無。無爲有本。無由。能有。何故無本。答。有無相由。得之爲本。但今示有。有差別故。有本。無無異相。故無無有本。問。由非有非無。故有有無。此則無益有本。何無本。答。今文既稱無。往。則絕四句。妄百非。言斷虛窮。即是諸法實體。爲一切法本。而此實相。更無有本。問。既絕四句。何故稱無住耶。答。不知何以目之。強名無住。對有法有本。亦強名無本。以理言之。不可說無與不無。亦不可言其本與無本。文殊師利從無住本立一切法。由無住故想倒。想倒故分

別。分別故貪欲。貪欲故有身。既已有身。則善惡並陳。善惡既陳。則萬法斯起。若了達其本。則衆未可除。時維摩詰室有一天女。此第二章。天女與身子。次論衆生。此章來意有五。一者自上已來。正明衆行。今辨行成。故有無方妙用。即天女是也。二者成上觀衆生空故。爾天形談無男女法。三者從方便品。至於前章。唯顯淨名神通智慧之正。今次顯八未曾有室之依果也。四欲助淨名。讚揚大道。貶。柱聲聞。令時衆棄小崇大。故。色。五者。上來顯淨名自身。住不思議。今欲顯其眷屬住不思議。就文爲三。初現身散華。發起論端。二正與身子。交言端。三論義既竟。拂天女迹。什公云。天女是居士宅神。隨有宅必有神。宅有精龜神有優劣。今八未曾有室故。以法身菩薩爲神。而名爲天者。外國貴重神故。名爲天也。見諸大人聞所說法。便現其身。即以天華散諸菩薩大弟子。然至人。隱顯有由。上爲室空故。隱。今爲論道故。顯。行藏必利物也。散華二義。一爲重法敬人。敬申供養。二。惠發起論端。故散天華。淨名以空爲善巧。天女以有爲妙用。故一則虛空。一則散華。一則爲男。一則爲女。原夫。人天男女者。豈人天之所能哉。良以。非人非天。能人能人耳。空有亦然。華至諸菩薩。即皆墮落。至大弟子。便著不去。一切弟子。神力去華。不能令去。然由心有染無染。是故外華。有著與無著。聲聞既不能去於內染。何由能遣於外華。今欲表大小優降。故華現墮不墮。爾時天女問舍利弗。何故去

①令二今②惠離一息離③重推一星推④重推之⑤念十(正念)⑥問一⑦問二問⑧善二美⑨謂二爲⑩往二住⑪無十(無)⑫能二於⑬之二互⑭益二善⑮善⑯本⑰安二忘⑱忘⑲未二末⑳衆二修⑪附二示⑫宗二果⑬四十(者)⑭柱二性⑮端二論⑯行二顯⑰惠二童⑱爲一



華答曰：是華不如法，是以去之。此第二交言論議。前身業雨華，則以華爲問。神力遣之不墮，以意業爲通。卽是一番論議。前身及意之屈申也。今正口業交言，文爲七意。一寄華論如法不如法。二論經久近。三論證得。四論志求。五論男女。六論沒生。七論菩提。此初章也。華香著身，非沙門法。是以去之。又解。華法散身應墮，而今不墮，非華法也。天曰：勿謂此華爲不如法，所以者何？是華無所分別。仁者自生分別想耳。若於佛法出家，有所分別爲不如法者，無分別是則如法。觀諸菩薩華不著者，以斷一切分別想故。華本無心故，無所分別。既無所分別，則未曾是如法不如法。仁者有心故。自分別想耳。若思分別想者，則會法實相。名如法。譬如人畏時，非人得其便，如是弟子畏生死，故色聲香味觸得其便，已離畏者一切五欲無能爲也。畏時情弱，故非人得便。內心無惡，外邪不入。什公云：一羅刹變形爲馬，有一士夫乘之不疑。中道馬問士夫：「馬好不？」士夫投刀示之問言：「此刀好不？」馬知其心正無惡，遂不敢加害。若不如是，非人得其便也。結習未盡，華著身耳。結習盡者，華不著也。問：經云：「二乘菩薩俱無正使，同有於習。」何故聲聞著華，大士不著？答：羅什有二解。一云：菩薩器淨，習氣不起，故華不著。二乘器不淨，習氣則起，是故華著。二釋云：習有二種。一聞結習。二愛佛功德習。菩薩得無生忍時，結習都盡，而未斷佛法愛習，故有無名有義。依地持論，菩薩斷。感習都盡，而習習不

都盡也。舍利弗言：天止此室，其已久如。此第二次論無久近法。前章明大小二人，內心有。著聲聞有著，名有所得。菩薩無著，名無所得。故卽是解脫。故上云：諸佛菩薩有不思議解脫。二乘無也。初問意者：身子前有二失。一遺華不去，謂意業無通。次謂華不如法，謂發言墮負。故今問止淨名室，凡得幾時，而神力妙辨，遂能如此。又既以屈之，便嫌其止室爲。夫女而不欲相，指斥，故寄久近爲問。答曰：我止此室如著年解脫。六十日者，而指將欲明無久近義。故借身子解脫爲喻也。舍利弗言：止此久耶？身子云：無爲解脫，無始無終，不生不滅，本性常住，故名爲久。天止室若同解脫者，亦應久也。天曰：著年解脫亦何如久？天質云：汝所得無爲解脫，可得有久近耶？若有久近，便非無爲。舍利弗默然不答。若云解脫有久，順前言而違解脫。若云無久，乃順解脫。而違前言，進退無通，所以致默。又既借解脫無久近，卽便以無類無，亦無言說，是故默然。天曰：如何者？舊大智而默。上明不得言，今明不得默。故語默皆墮負。小乘之人，非聖默然，非聖說法也。答曰：解脫者，無所言說，故吾於是不知所云。解脫無言，吾順解脫，亦無言也。天曰：言說文字皆解脫相。故汝乃知解脫無言，而未悟言卽解脫。所以者何？解脫者，不內不外，不在兩間，文字亦不內不外，不在兩間，是故舍利弗無離文字說解脫也。所以者何？一切諸法是解脫相也。釋上言卽解脫也。文字之與解脫，俱不在三處，故文字解脫，無有二體，不應

離文字，而說解脫也。解脫不在三處者，生公云：夫解脫者，我解於縛也。不偏在我，故不在內。亦不偏在縛，故不在外。會成解脫，又不在于兩間。文字不在三處者，我爲內，所說爲外，合之爲兩間也。後句云：一切法皆是解脫。豈獨文字異解脫乎？舍利弗言：不復以離淫怒癡爲解脫乎？身子：別佛言證已義爲得。反難天女也。佛既云：離三毒爲解脫，亦應離文字爲解脫。若文字卽解脫者，三毒亦應卽是解脫。何故佛言離？天曰：佛爲增上慢人說離淫怒癡爲解脫耳。若無增上慢者，佛說淫怒癡性卽是解脫。上明小乘語默皆屈，此章顯聲聞不誠教意也。未得謂得名，增上慢。爲此人故，說斷三毒，名爲解脫也。又密化二乘，令歸大道。二乘未究竟，謂究竟卽是增上慢也。爲此人故，更說斷無明住地及以習氣，名爲解脫。若無此緣，佛說五住卽是解脫。問：前何故就文字卽解脫？今明三毒爲解脫耶？答：文字爲外，三毒爲內。菩薩體斯內外皆是解脫。故心無所染。華不著身。二乘謂文字之外，三毒之內，皆非解脫，則不識解脫。爲塵所染，華著於身，成前章也。舍利弗言：善哉善哉，汝何所得？以何爲證？辨乃如是。此第三次論得證。既善其所說，非已所及，故問得何道。證何果，辨乃如如是。有爲果稱得，無爲果稱證。又觀心納法爲得，與理相應爲證。又有行稱得，空行爲證。亦是得道而證滅也。天曰：我無得無證，故辨如是。無能得能證，身心不可得故。無所得，所得所證，滅道空故。若有得有證，則

經二住 ①以二已 ②自二有 ③馬十(爲) ④投二拔 ⑤忍二畏 ⑥一十(世) ⑦名二各 ⑧惑二惑 ⑨著十  
(無著) ⑩甲本冠註曰故卽下至二乘無也文恐是錯簡 ⑪夫二天 ⑫指二目 ⑬指一 ⑭將二便 ⑮惜二情 ⑯別二  
引 ⑰文二又 ⑱與二脫 ⑲爲 ⑳如一 ㉑寫二稱 ㉒爲 ㉓(無)一 ㉔(無)十 ㉕(所得)一



是有所封著。有所封著。則有所得。故無無  
\*得之辨。以內無得證故。心無所得。便有無  
\*得之辨。所以者何。若有得有證者。則於佛法  
為增上慢。言我能得能證。增上之法。以此自  
舉。故名為慢。所以然者。若有所得。則不得  
道。以不得為得。豈非增上慢耶。如此之人。無  
無得辨也。舍利弗問。天汝於三乘為何志求。  
此第四次論志求。上云無得。則不得三乘道。  
無證。則不證三乘果。今唯有三乘。應有得證。  
汝志求何乘。又三乘同以無得為懷。未知志  
求何乘。天曰。以聲聞法化衆生。故我為聲聞。  
以因緣法化衆生。故我為辟支佛。以大悲法化  
衆生。故我為大乘。答有二意。一隨緣示三。二  
明唯有於一。此初文也。以身子謂定有三乘  
故。今明隨緣。未三。我無定也。又即此無定。  
名為大乘。以大乘之法實無所乘。而無所不  
乘也。舍利弗如人入瞻蔔林。唯嗅瞻蔔不嗅  
餘香。如是若入此室。但聞佛功德之香。不樂聞  
聲聞辟支佛功德香也。此第二唯有大乘故。  
我志求大也。文有四章。一引譬明不樂小法。  
二舉。況唯欣大乘。三明天女不聞小法故不  
樂小。第四嘆室唯辨於大故大可欣。此初文  
釋淨名之室。唯說大乘。不說於小。止此室  
者。亦唯禁於大。不棄於小。以此推之。可知  
吾志。舍利弗其有釋梵四天王諸天龍鬼神  
等入此室者。聞斯上人講說正法。皆悉樂佛功  
德之香。發心而出也。此第二舉況。暫入此室。  
皆發大心。況我久處而禁小耶。舍利弗。吾止  
此室十有二年。初不聞說聲聞辟支佛法。但聞

菩薩大慈大悲。不可思議諸佛之法。此第三  
明此室唯說大法。故吾唯志求大。不樂小也。  
有人言。佛十二年。說小乘法。十二年已後。說  
大乘法。吾止此室十二年。常聞大乘。況十二  
年後耶。有人言。十二年。是圓數之名。故莊周  
云。十二年不見全牛。僧肇云。什公門下。十有  
二年。然羅什。弘始三年至七年亡。而云十二  
年者。舉其圓數也。有人言。地持論明。菩薩有  
十二住。故為十二年。有人言。實得十二年。是  
故說也。舍利弗。此室常現八未曾有難得之  
法。此第四嘆室。就文為三。一總標。二別數。三  
總結。是初章。既開說妙法。復見未曾有事。豈  
得不禁大乘。何等為八。此室常以金色光照  
晝夜無異。不以日月所照。為明。是為一。未。曹  
有難得之法。此室入者。不為諸垢之所惱。也是  
為二。未曾有難得之法。此室常有釋梵四天王  
及他方菩薩。來會不絕。是為三。未曾有難得之  
法。此室常說六波羅蜜不退之法。是為四。未曾  
有難得之法。此室常作天人第一之樂。絃出無  
量法化之聲。是為五。未曾有難得之法。此室有  
四大藏。聚寶積。滿周窮。濟乏求。得無盡。是為六。  
未曾有難得之法。此室釋迦牟尼佛。阿彌陀佛。  
阿閼佛。寶德寶炎寶月寶嚴難勝師子。嚮一切  
利成。如是等十方無量諸佛。是上人念時。即皆  
為來廣說諸佛祕要法藏。說已還去。是為七。未  
曾有難得之法。此室一切諸天。殿。飭宮殿諸  
佛淨土。皆於中現。是為八。未曾有難得之法。  
此第二別數於室。攝八為四。初內外一雙。外  
有金光照耀。內則罪垢消滅。第二緣教一雙。

緣則諸天菩薩。教則常聞大乘。第三法財一  
雙。法則常奏法樂。財則周給無窮。第四依  
正一雙。正則諸佛皆來。依則淨土並現。淨土  
並現者。什公云。如有方寸金剛。照數十里。內  
石壁之表。所有形色。於是悉現。此室明徹。其  
喻如斯。言舍利弗。此室常現八未曾有難得  
之法。誰有見斯不思議事。而復樂於聲聞法乎。  
此第三總結歎。舍利弗言。汝何以不轉女人  
身。第五次論轉不轉義。就文為三。一明本身  
論義。二轉身論義。三復身論義。初問意者。既  
見其無礙之辨。而受有礙之身。是故問云。既  
有無礙之辨。必不應受有礙之身。何不轉耶。  
天曰。我從十二年求女人相。了不可得。當何所  
轉。譬如幻師。化作幻女。若有人問。何以不轉  
女身。是人為正問。不舍利弗言。不也。幻無定相。  
當何所轉。天曰。一切諸法。亦復如是。無有定相。  
云何乃問不轉女身。依十二年者。若未入十二  
住位。則見男女。令菩薩從初住至十二  
住。不見有女。故無有轉。十二住者。地前有二  
住。謂種性住。即習種性。性種性也。二解行住。  
道種性也。次十地。即為十住。若止淨名室來。  
凡十二年者。十二年既常聞大乘。悟無男女。  
故無所轉也。即時天女。以神通力。變舍利弗。  
令如天女。天女自化。身如舍利弗。而問言。何以  
不轉女身。此第二轉身論義。上雖言如幻。今  
證成其事也。男女不如幻。則有定相。應不可  
轉。以可轉故。則無定相。故當知如幻。二者。  
上云天女有無礙之辨。云何受有礙之身。故  
今明。辨既無礙。身亦如是。身口無礙。由無礙

得=礙\* 未=示 〔又〕 一 說十(明) 釋二也 禁二樂 業二樂 實二實 動二動 漢二漢  
給二濟 言一 同二問 合二合

之心。是故菩薩三業無礙。聲聞反之故。三業並礙。舍利弗以天女像而答言。我今不知。所轉而變爲女身。竟自非女。不知何所轉。雖實非女。而女相宛然。故變爲女像也。不知何轉。明無女可轉。而變爲女。故非無有轉。又不知何轉。明非有。而變爲女。辨非無。肇公云。吾不知所以轉。而爲此身如之何。天曰。舍利弗若能轉此女身則一切女人亦當能轉。此述身子不知何轉之言也。不知何轉。明實非女義。身子非女故無所轉者。一切女人亦實非女。亦不能轉也。如舍利弗非女而現女身。一切女人亦復如是。雖現女身而非女也。是故佛說一切諸法非男非女。此述身子而變爲女像之言。雖復無女。而女像宛然。一切女亦然也。問。天女神力。轉非女爲女。一切女人。本皆是女。何名非女爲女。答。業煩惱幻力。轉變實相。故非女爲女。即時天女還攝神力。舍利弗身還復如故。天問舍利弗女身色相。今何所在。舍利弗言。女身色相無在。無在天。曰。一切諸法亦復如是。無在。無在。無在。無在。佛所說也。此第三復身論義。今不見女相故無在。問有女相故無不在。又。問有女相故無今之不在。今無女相故無向所在。卽幻化無定義也。諸法亦然者。以真諦故非在。世諦故無不在。無在故非有。無不在故非無。卽中道義。又前變爲女。令知非女則爲女。卽非有有義。今捨女身。令知女爲非女。謂非無無義。一切諸法。皆無。類如此也。又前變爲女。本來非女。名本來不有。今反爲非女故。本來

非無。本來非有故無在。本來非無故無不在。諸法亦爾。舍利弗問天女於此沒常生何處。此第六論沒生義問意云。見天女三業無礙。則是淨因。則必捨女質。但未知定生何處。是故問之。又既知現相之無在。又問當生之所在也。天曰。佛化所生。吾如彼生。此生身相。既如幻化。沒此生彼。豈當有實。故三世皆如化也。舍利弗曰。佛化所生。非沒生也。天曰。衆生猶然無沒生也。上明無生而生。生。因幻化。今明幻生無生故。非沒生也。又前明天女幻生。令類衆生亦爾。舍利弗問天女久如當得阿耨多羅三藐三菩提。此第七論得菩提久近。前云佛化所生。吾猶彼生。便謂天女不久得佛。又恒聞女成佛遲故。復疑久近。而接前文者。身相不實故。生可。知幻化。菩提眞道。必應有實。故問久如當成。天曰。如舍利弗還爲凡夫我。及當成阿耨多羅三藐三菩提。舍利弗言。我作凡夫。無有是處。天曰。我得阿耨多羅三藐三菩提。亦無是處。所以者何。菩提無住處。是故無有得者。菩提之道。言忘慮絕。自無住處。誰得之耶。舍利弗言。今諸佛得阿耨多羅三藐三菩提。已得當得。如恒河沙皆謂何。乎。天曰。皆以世俗文字。數故說有三世。非謂菩提有去來今。什公云。菩提性空故。超於三世。菩提既空。則無得佛。無得佛故。亦無菩提。今謂文云。菩提非三世。不言菩提空故。非三世。此文宜就眞應通之。法身菩提。則非三世。應迹成道。有去來今。卽明菩提常住。非無常教也。天曰。舍利弗汝得阿羅漢道耶。曰。無所得。

故而得。天曰。諸佛菩薩亦復如是。無所得。故而得。上論所得菩提。今次辨能得之義。然菩提絕四句超百非。不可論得與無得。以能如此悟。卽是得道故。是無得而得。問。大小乘同是無得而得。有何異耶。答。二乘取證。雖同無得而得。兩義爲異。一者小乘入觀。則是無得。出觀便見有得。大乘無出入之異。二者雖同無得而得。二乘照淺。菩薩悟深。故智度論云。小乘見空。如毛孔空。大士得空。如十方空。爾時維摩詰報舍利弗。是天女曾已供養九十二億佛。已能遊戲菩薩神通。所願具足。得無生忍。住不退轉。以本願故。隨意能現教化衆生。此第三論義。既周。拂天女迹。身子論義。言屈理窮。有愧。故聽。故居士拂迹。明受屈大人。不足爲恥也。又雖復論義及現神通。時衆未達位行深淺。故淨名顯迹。令物敬仰。便尊其人重其法也。經文前喚往因。遊戲神通下。美其現德。以任運成就。無功用心。名爲遊戲。卽神通智慧。嘆其本德。隨意能現。教化衆生。美其迹用。

佛道品第八

大士發心。凡有二種。一求佛道。二度衆生。度衆生。前品已明。求佛道。此章次說。故有今品也。佛有二義。一者自悟。二曰覺他。道亦兩種。一者虛通。謂自在無礙。二曰遮塞。而衆邪莫遊。佛爲能證之人。道是所得之法。在名雖二。而無別兩體。卽覺虛通爲道。卽虛通覺義名佛。用此題章。名佛道品。品開三別。一明佛道。二明佛種。三辨眷屬。初有二問答。爾時文殊

①所二何 ②不二又 ③在十(向) ④(問)一 ⑤問二向 ⑥皆二有 ⑦因二同 ⑧知一如 ⑨及二乃 ⑩提二獲 ⑪說二時 ⑫便二使



誠。五那含天。求於涅槃。亦滅於誠。以有凡聖二種滅誠故。誠不樂住。非想天有滅盡定。又彼心想微昧。念不分明。誠不安住。什公云。初禪中。除劫初梵王及劫初諸小梵。自此後。合爲一識住。劫初唯有梵王。未有後梵。梵王念欲有餘梵。爾時遇會來生。梵王因起邪見。謂是已造。餘梵亦自謂。從梵王生。唯有精施。其邪想不異。是名異身一想。第二識。經也。二禪形無優劣。而心有若干。除入解脫。種種異念。是名一形異想。是第三識住也。三禪形無精施。心無異想。所謂一形一想。是第四識住也。并無色前三地。是名七識住也。什公開初禪爲二。沒欲界之一。故古舊爲異。八邪法爲種九。惱爲種十。不善道爲種以要言之。六十二見及一切煩惱皆是佛種。第四重舉生死因。爲如來種。達八正爲八邪。九惱者。一愛我怨家。二憎我善友。三惱我自身。一世有三。三世合九。曰何謂也。第二重問。淨名爲時衆成問疑。故設斯問。此等皆彰佛道。爲生死因。何名佛種。佛爲至極之慧。而用衆愚爲種。未可了也。答曰。若見無爲入正位者。不能復發阿耨多羅三藐三菩提心。答文爲三。初明起愛衆生爲佛種。二乘斷愛故非種。二明起見衆生爲佛種。二乘斷見故非種。三總約衆惑。明種非種。證於滅諦。名見無爲。從苦法忍。至羅漢無生智。此是道諦聖解。道諦聖解。稱爲正位。此人見無爲境。又入聖位。不能發佛心也。譬如高原陸地不生蓮華。卑濕淤泥乃生此華。如是見無爲法入正位者。終不復

能生於佛法煩惱泥中。乃有衆生起佛法耳。心證無爲涅槃。喻之高原。蓮華譬菩提心。蓮華必生蓮實。菩提心必成佛道。淤泥喻凡夫起愛煩惱能發道心。故愛爲佛種。又如殖種於空終不得生。棄壞之地乃能滋茂。如是入無爲正位者。不生佛法起於我見。如須彌山猶能發乎阿耨多羅三藐三菩提心。生佛法矣。第二明起見衆生爲佛種。種謂菩提心。但見衆生。能發菩提心。故名佛種。而言殖者。世間種。藉人功故殖於種。由佛菩薩教化故。得發菩提心。前明二乘樂無爲涅槃。不能發菩提心。今取樂有爲空三昧。不能發心作佛。糞壤謂我見。我見能長養道心。如糞壤也。是故當知一切煩惱爲如來種。譬如不下巨海。終不能得無價寶珠。如是不入煩惱大海。則不能得一切智寶之心。第三總明一切煩惱爲種。結訓其問。問。二乘何故非種。凡夫爲種。答。二乘畏生死苦。樂涅槃樂。今既樂苦得樂。自保究竟。無所希求。故不能發心作佛。凡夫有苦無樂。兼我心自高。唯勝是慕。故能發心求佛。爾時大迦葉歎言。善哉善哉。文殊師利。快說此語。誠如所言。塵勞之儔。爲如來種。我等今者。不復堪任發阿耨多羅三藐三菩提心。此第二迦葉自嘆。文殊既是菩薩。雖毀二乘非種。歎凡夫爲種。未若聲聞親自說之。是以迦葉自歎也。文有三章。此初據煩惱明種非種也。乃至五無間罪。猶能發意生於佛法。而今我等永不能發。譬如根敗之士。其於五欲。不能復利。如是聲聞諸結斷者。於佛法中。無所復益。永不志

願。此第二就業門。明種非種。無間有四義。一前念捨此身。次念受地獄報。其間無身間念。故云無間。此趣報無間也。二身形無間。阿鼻地獄。關八萬由旬。一人入者。則身遍滿。多人亦然。以身遍滿。無有間處。故云無間。三壽命無間。餘獄數生數死。此處一劫壽命。無死生間。故爲無間。四受苦恒續。無樂間之。是故文殊師利。凡夫於佛法有反復而聲聞無也。所以者何。凡夫聞佛法。能起無上道心。不斷三寶正使聲聞終身聞佛法。力無畏等。永不能發無上道意。第三結成種非種義。凡夫聞法。發菩提心。能紹佛種。則爲報恩。有反復也。聲聞與此相違。名無反復。問。法華經。明二乘作佛。此教何故。辨聲聞永絕其根。答。彼經小志既移。大機已熟。故明作佛。此經明猶保小志。未有大機。故永絕其根。爾時會中有菩薩名普賢。色身問維摩詰。言居士。父母妻子親戚眷屬吏民知識。悉爲是誰。奴婢僮僕象馬車乘。皆何所在。此第三次明眷屬。前問。後答。問有三意。一遠從空室義生。淨名所以空室者。凡有二義。一欲以空且顯空。如云諸佛國土亦復皆空。二欲以空室明人有。如云衆魔外道。有吾侍者。文殊身子。以略問空室之意。未顯法身備有衆德。故今問之。二者近從通達佛道義生。菩薩所以能遍入一切邪道。而通達佛道者。良由內備衆德故也。三者淨名權道無方。形同世俗。淺識不達。謂其實然。今欲顯之。是故致問。於是維摩詰以偈答曰。此第二淨名答。上明長行。今說偈者。示內有無礙之智。外具無

①爲十(第) ②後二餘 ③唯二難 ④經二住 ⑤賢十(處) ⑥彰二障 ⑦種二種 ⑧聖二正 ⑨(如)十世  
⑩於種由二得起佛種 ⑪(之心) ⑫勉二見 ⑬室二空 ⑭人二入 ⑮有二皆

方之辨。又隨物所樂故。說法不同。偈文爲四。第一正訓其間。第二明功用無方。第三稱歎。四勸發心。智度菩薩母方便以爲父。一切衆導師無不由是生。實智內照爲母。而言度者。窮智之原也。方便外用爲父。方便有二。一解空而不取證。二實相理深莫能信受。要須方便誘引。令物得悟。前明順理之。乃此辨適機之妙。勝於實智。故稱爲父。又實意虛疑。與陰同靜。方便巧用。動與陽齊。教配父母也。佛與菩薩。並是導物之師。由此而生。法喜以爲妻。了悟深法。則生歡喜。故喻之以妻。慈悲心爲女。慈悲之心。虛而外適。又其性柔弱。隨物入於生死也。善心誠實男。誠實具三義。一質直無曲。異女人詭僞。二者有幹用。謂降制衆邪。三紹繼佛種。誠實雖是真。以男之性亦有爲惡而實故。標以善心。畢竟空寂舍此舉住處。以顯其德。前明智度謂空慧。今舉實相境。爲至人所栖。畢竟空有四義。一無患。不障。二悟空無德不備。三寂滅永安。四體性深博。喻之舍也。弟子衆塵勞隨意之所轉。塵勞衆生。隨善隨惡。轉惡以從善也。道品善知識由是成正覺。世之知識。勸善誡惡。三十七品。開淫繫門。塞生死路。義同三益。諸度法等侶。或有雖爲知識。不必爲剋終之伴。或雖爲伴。不必爲善知識。今明善始令終至道場者。六度爲眞伴也。四攝爲妓女。悅物來衆。莫過四攝。歌詠誦法言。以此爲音樂總持之園苑。普遮惡令不生。如菌之除穢。遍持善令不失。若苑之有衆物。無漏法林樹。無漏根深。不可傾

拔。文理高聳扶疎。蔭蔽煩惱樹之義也。無有有漏間錯其間。所以如林。此見諸道也。覺意淨妙華。華有三義。一感果。二清淨。三莊嚴。今具足也。淨即清淨。妙謂莊嚴。下明解脫智慧感果義也。所以用七覺爲華者。華之爲體。合則不妙。開過則毀。開合得中。乃盡其妙。調順覺意。其義亦爾。高則放散。下則沈沒。高下和適。其由淨華。解脫智慧果。七覺是思惟位。生無學智斷之果。解脫爲斷果。謂無爲法也。智慧即智果。謂有爲果也。八解之。俗池。八解即八背捨。謂背捨下地繫縛。名爲解脫。水之爲用。除垢去熱。解脫之性。除煩惱熱。離衆惑垢也。定水湛然滿。止則能定。定水義也。得八解脫。衆定圓具。故稱爲滿。布以七覺降華。上明定滿。今嘆鑒圓。一戒淨。二心淨。三見淨。四度疑淨。五道非道淨。六行知見淨。七斷知見淨。戒爲善本。前明持戒。因戒得定。次明見淨。此二是見道前也。次三正是見道。斷身見。故說見淨。斷疑說度疑淨。斷惑取說道非道淨。知八正爲道。惑取非道。故云道非道。問。見道具斷十使。何故偏說除三。答。見道。雖斷十使。斷五見及疑。此義則盡。故偏說斷。餘貪瞋慢無明。斷之未盡。故不說斷。問。既斷六使。何故偏說三耶。答。三是根本。三則隨之。身見爲本。邊見未隨。戒取爲本。見取未隨。疑爲本。邪見未隨。故偏說三也。在本既淨。即知三。未亦淨。無所隨故。前五淨。大小乘位略同。後二淨。大小乘異。小乘在修道位。說於行淨。以起修道無漏行故。在無學位。說行

斷淨。以得畢竟斷結行故。依大乘。後二皆是修道。七地已還。說行斷淨。以修斷結行故。八地已上。說修菩提淨也。而言布者。此七通三學。該凡聖。遍三道。故言布也。俗此無垢人。明定水及七淨華之功用。依前定水及七淨華。蕩滌心垢。故名爲浴。無垢而名。俗也。什公云。爲除熱口取適。大士無垢。而入八解者。外將爲衆生。內自娛心也。今謂因聖俗故得無垢。據終彰始。故言浴此無垢人。象馬五通馳大乘無有上。有本云。大調御以一心遊於八正路。調御以一心者。羅什云。道品有三。能。一動發。二攝心。三名捨。若發動過則心散。故則攝之。攝之若過。則沈沒。故精進令心發動。動靜得適。任之令進。容豫令宜。是名爲捨。捨即調御。譬如善御。遲則策之。疾則制之。遲疾得宜。放之令去也。相具以嚴容衆好飾。其姿慚愧之上服。衣服弊形者。恥露其醜也。慚愧不爲惡事。義同然。深心爲華鬘。慚愧明思惡。深心信樂。故能修善。居善之前。猶鬘之在首。富有七財寶。信戒聞捨慧慚愧爲七也。由信善故持戒。持戒則止惡。止惡已則應進行衆善。要由多聞。聞法故能捨五欲及煩惱也。捨惑必由於慧。故五事次第。五事爲正寶。慚愧爲守財人。於財主亦是財。世人以玉帛爲饒。菩薩以七財爲富。教授以滋息。如所說修行迴向爲大利。自行以七財爲本。教授衆生。則是財長。名爲滋息。又令此衆生。如所說修行。然後回此衆善。向於佛道。名爲大利。若向三有二乘。獲利則少。四禪爲床坐。四禪

○乃二巧 ○意二慧 ○教二故 ○者二力 ○不二可 ○不 ○拔十(無漏) ○文二之 ○又 ○下二華 ○俗二 ○諸二淨 ○定二心 ○未二來 ○未 ○來 ○漏二量 ○諸二結 ○上二上 ○也二者 ○口二以 ○攝二結 ○俗二浴 ○能二相 ○動發二發動 ○令宜二處中 ○善十(進行衆善) ○

定慧均平。三聖得道。入涅槃。現神力等。外並依之。故爲床坐。又床具三義。一離毒。二離塵垢。三離冷濕。四離亦爾。離諸毒。貪欲塵。睡眠冷。離此三患。則安隱快樂。從於淨命。生淨命。即是持戒。由持戒得禪。故曰生也。多聞增智慧。以爲自覺。向說床。則臥床安寢。安寢則覺之以法。故次說樂音。外國貴人。臥欲起時。作樂以覺之。菩薩安隱四定。則以多聞法。覺其禪寢。甘露法之食。諸天以種種藥著海內。以室山磨之。令成甘露。食之得仙。名不死藥。佛法以涅槃甘露。令生死永斷。是真不死藥也。亦云。劫初地味甘露。食則長生。佛法內則實相甘露。養其慧命。是真甘露食也。解脫味爲藥。味有四種。一離味。謂出家離五欲。二離味。離散亂煩惱。三智慧味。離妄想。四涅槃味。離生死。今解脫味。通此四也。又變爲縛本。以無厭爲懷。若渴之須水。則生大苦。康僧會云。愛之爲性。如餓夫夢飯。無有飽。斯。今若斷愛。則得解脫。故以解脫爲藥。止斯愛渴。淨心以澡浴戒品爲塗香。心淨爲澡浴之水。戒具爲塗身之香。摧滅煩惱賊。勇健無能。離降伏四種魔。勝幢建道場。自上明家事已圓。今明保護家業。使他不能毀。又上說資養四體。體既平健。備與事業。滅有二種。一伏滅。三斷滅。摧滅煩惱賊。謂伏滅。降伏四種魔。即斷滅也。外國破敵得勝。則豎勝幢。道場降魔。亦表其相。雖知無起滅。示彼故有生。悉現諸國土。如日無不見。此第二嘆菩薩無方善巧化物。大開爲二。第一款二。意

乃用。第二明神通益物。菩薩知無起滅。則得法身。無復生分。爲物受生。故無不現。謂方便慧。知無起滅。即是實慧。亦是本迹二身。供養於十方無量億如來諸佛。及己身無有分別想。此就供養佛明二慧。尊卑宛然。而師資不二也。雖知諸佛國及與衆生空。而常修淨土教化於衆生。前約上供養諸佛。此嘆下濟衆生。亦就空有。明於二慧。知依正並空。而嚴土化物也。諸有衆生。類形聲及威儀。無畏力菩薩。一時能盡現。覺知衆魔事。而示隨其行。以善方便。智隨意。皆能現。或示老病死。成就諸群生。了知如幻化。通達無有。此第二明神通化物。偏數方便用。凡有五番。初就衆生世間。明神通用。或現劫盡。燒天地皆洞然。衆人有常想。照令知無常。上就衆生世間。明神通。今就器世間。現神通。現劫火有二事。一實燒。以得益故。二以不實燒。或示一日。乃至現三四日出。衆生現燒相。即悟無常。還攝令不燒。無數億衆生。俱來請菩薩。一時到其舍。化令向佛道。經書禁咒術工巧諸藝。盡現行。此事饒益諸群生。世間衆道法。悉於中出家。因以解人惑。而不墮邪見。或作日月天梵王世界主。此重就衆生世間。現神通也。或時作地水或復作風火。此重就器世間。現神通也。遇海探人。則變身爲地。衆生渴乏。爲之示水。餘事皆遇物所須。劫中有疾疫。現作諸藥草。若有服之者。除病消衆。德。什公云。或令除病。成冷昇仙。因而化之。使人正道。外國有奇妙藥草。或似人形。或似象馬。有人乘之。凌虛而去。或

但見聞此藥。衆病即消也。劫中有飢饉。現身作飲食。先救彼飢渴。劫以法悟人。劫中有刀兵。爲之起慈悲。化彼諸衆生。令住無諍地。然劫有大小。大劫有三。火水風。所以名大者。時節長故。所壞處濶。從欲界至三禪故。人之與物。並皆無故。七過火起。燒欲界初禪。然後一水劫起。漂欲界乃至二禪。如是七火劫起。有七水劫起。七水劫起後。更七火劫起。然後有一風災。吹壞欲界乃至三禪也。故難心偈云。七火一水災。七火七水。復七火後風。小劫亦三。飢饉疾病刀病。所以名小者。謂時節促。又但欲界。唯閻浮提。但損於人。故名小也。經云。人壽十歲。飢饉劫起。經七年七月七日。五穀不熟。死亡者衆。唯一二人在。度是已後。人相慈愛。以慈悲力故。人壽漸長。乃至以八萬四千歲。亦隨憐逸。壽命退減。還至十歲。復飢饉劫起。凡經七反。過七反已。疫病劫起。七月七日。惡氣風行。值者皆死。度是已後。還復命長。復經七飢饉劫。還一疾病。如是經七飢饉劫。一七疾病劫。七疾病劫後。復經七飢饉劫。然後一刀兵起。人心毒盛。捉物皆成刀劍。共相殘害。七日都盡。希一二在者。刀兵起。人壽十歲。婆須蜜菩薩。從忉利天。下生王宮。作太子。化衆人言。我等祖父。壽命極長。以今瞋恚無慈。致此短壽。是故汝等當行慈心。衆人從命。惡心漸薄。次後生子。壽二十歲。如是轉四價至彌勒時。八萬四千歲也。大劫七七等有文。小劫相承。云出經。猶同大劫之數者。未得檢文。若有大戰陳立之以等

①者一音 ②室二寶 ③變二愛 ④懷二懷 ⑤斯二期 ⑥與二與 ⑦意二慧 ⑧乃二巧 ⑨現十(無不現) ⑩偏二偏  
⑪人二生 ⑫經二總 ⑬現二見 ⑭諸二諸 ⑮故二技 ⑯探二深 ⑰德二德 ⑱冷二令 ⑲劫二劫  
⑳病二兵 ㉑仕二在 ㉒薩二饒 ㉓風二流 ㉔價二價

○刀菩薩現威神降伏使和安一切國土中諸有地獄處輒往到于彼勉濟其苦惱一切國土中畜生相食噉皆現生於彼爲之作利益示受於五欲亦復現行禪令魔心憤亂不能得其便火中生蓮華是可謂希有在欲而行禪希有亦如是或現作婬女引諸好色者先目欲鉤牽後令入佛智或爲邑中經或作商人導國師及大臣以祐利衆生諸有貧窮者爲現無盡藏因以勸導之令發菩提心我心憐慢者爲現大力士消伏諸貢高令住無上道其有恐懼者居前而慰安先施以無畏後令發道心或現離經欲爲五通仙人開導諸群生令住戒思慈見須供事者現爲作僮僕既悅可其意乃發以道心隨彼之所須得入於佛道以善方便力皆能信足之下第五番重就衆生明神通用在欲行禪者欲言行禪後受五欲欲言受五欲復現行禪莫測其變所以憤亂自非靜亂齊旨孰能若斯如是道無量所行無有涯智慧無邊際度脫無數衆假令一切佛於無數億劫讚談其功德猶尙不能盡是此第三總結稱嘆其權道無方雖復衆聖殊辨由不能盡也誰聞如是法不發菩提心除彼不肖人癡冥無智者第四勸發心不肖人謂不似人也

入不二法門品第九

一道清淨故名不二真極可執稱之爲法至妙虛通謂之爲門了悟斯理曰爲入也蓋是總衆教之旨歸該群聖之淵符淨名現病之本意文殊問疾之所由所以然者由體不二之理故有不二之觀由不二之觀故能適

化無方適化無方令歸斯趣故法華云究竟涅槃常寂滅相終歸於空空即不二理也故六道之所憑栖衆聖於茲冥會問不二既爲理本何不命初說之答經初已來所說諸法爲令悟不二故是因教以通理復欲藉斯不二起於二用故有香積等品即因理以設教以在兩間說之其得攝用歸體從體起用故不得命初說也品開爲二初說入不二法門次明悟不二法門說不二法門爲三一淨名令衆人說二衆人請文殊說三文殊請淨名說三門明不二者玄義之內具以釋之初諸菩薩俱泯於二明乎不二未辨不二之理無言次文殊明不二之理無言而猶言於不二後淨名默顯不二之理無言而能無言於不二後淨名默顯不二之理無言而能無言於不二此示從淺至深三門階級而所論不二之理更無淺深也爾時維摩詰謂衆菩薩言諸仁者云何菩薩入不二法門各隨所樂說之所以淨名不自說而命衆人說者上賓主問答以顯二人德竟今復欲顯諸菩薩德故仍名令說也又學者開心有地受悟不同或觀生滅以入真或因有無而體寂其途雖殊其會不異故取衆人之所同以證此經之大旨也會中有菩薩名法自在說言諸仁者生滅爲二法本不生今則無滅得此無生法忍是爲入不二法門此第二受命而說不生不滅者可具三義一者無性實生滅故云不生不滅此世諦門無生滅也二因緣生滅即是不生不滅此真諦門無生滅也三以世諦有故

爲生真諦無故稱滅非真非俗即是理實名不生滅今詳經意明後門也此非真俗爲不二理因悟斯理得不二觀名無生忍稱之爲入德守菩薩曰我所爲二因有我故便有所若無有我則無我所是爲入不二法門我所亦二一計性實我所如外道等二因緣假名我所今無此二種我所稱爲不二門不問菩薩曰不問有三一如天跟天跟無胸涅槃經云乃至轉輪王眼猶有胸故與天帝爲別二愛敬佛身諸觀不胸三心無塵垢慧眼常開受不受爲二一約因說凡夫取著名受聖無取著名不受二約果有漏五陰名受無漏名不受三約九不受餘二如毘曇說今就初門也若法不受則不可得口不可得故無取無捨無作無行是爲入不二法門若法不受者謂心無所受著也本因受故有無受既無有受亦無無受故云亦不得也向不見無受可取今亦不見可捨故云無取無捨無取無捨故不作生死業故云無作無作故生死緣息生死緣息正觀亦忘故云無行至此語來有三轉意也德頂菩薩曰垢淨爲二見垢實性則無淨相順於滅相是爲入不二法門善宿菩薩曰是動是念爲二不動則無念無念則無分別通達此者是名爲入不二法門惑心微起名爲動取相深著名爲念始終爲異取耳今泯此二名爲不二善眼菩薩曰一相無相爲二若知一相即是無相亦不取無相入於平等是爲入不二法門一相爲有法也無相謂空法也如柱爲圓相無圓名無相又空

○刀二力 ○智二慧 ○經二主 ○爲現二現作 ○者二衆 ○思二忍 ○信二給 ○後二復 ○執二執 ○執二執 ○讚二嘆 ○日二日 ○符二府 ○悅二說 ○問二面 ○後淨…不二 ○十八字 ○名二各 ○口二以 ○向二街 ○眼二根 ○法二爲



爲一相。空法亦無。故云無相。今泯此二也。妙臂菩薩曰。菩薩心聲聞心爲二觀心相空如幻。化者無菩薩心無聲聞心是爲入不二法門。過去行施果報。手能出無盡寶物。如四流河。名曰妙臂。或者謂聲聞心獨善。菩薩心兼濟。故今泯之。心本性空。未嘗大小。弗沙菩薩曰。善不善爲二。若不起善不善入無相際而通達此者是爲入不二法門。二十八宿內。鬼星名弗沙。生時所值。因以爲名。十善爲善。十不善爲不善。若爾。凡夫起十善。至佛皆爲善。餘爲不善。此攝法盡也。又順出世道爲善。卽三乘聖人。違出世名不善。凡夫三性。皆爲不善。又求小乘爲不善。求大乘爲善。又求小大二亦爲不善。不二名善。今就初門說也。師子菩薩曰。罪福爲二。若達罪性則與福無異。以金剛慧決了此相無縛無解者是爲入不二法門。罪福與善不善異者。體一義殊。損益爲善惡。招報爲罪福。罪福多據果。行善得富饒之果名福。造惡感罪折之報名罪也。金剛慧者。世間金剛若置山頂及以平地。直過無礙。到金剛際。然後乃住。實相慧。置福山頂若罪平地。直過無礙。到於法性。非罪福同性乃住。師子意菩薩曰。有漏無漏爲二。若得諸法等則不起漏無漏想。不著於想亦不住無相是爲入不二法門。師子度水。要截流直度。曲則不度。此大士以實相智慧。深入諸法。直過彼岸。故借以爲名。或論。以失理取相心名有漏。得理忘相心名無漏。毘曇。總以一切煩惱名之爲漏。無則非漏。今了此二不二名入不二法門。

淨解菩薩曰。有爲無爲爲二。若離一切數則心如虛空。以清淨慧無所闡者是爲入不二法門。爲無爲者。爲之言作。法外別有四相。能作於法。故名之爲。以法有此爲。故言有爲。常法無爲故。名曰無爲。此有無相對也。次卽法四相者。卽卽法。起爲生。故名爲也。卽法有此爲。非法外有此爲也。如無法。卽法無此爲。非法見亦不二也。那羅延菩薩曰。世間出世間爲二。世間性空卽是出世間於其中不入不出不溢不散是爲入不二法門。見道前。名世間。見道已上。名出世間。又從凡聖。有取相心。爲世間。無取相心。名出世間。什公云。世間。三界也。出世間。一切無漏有爲之道品也。不入不出者。無入生死。故名無入。世間無出生死。無出世間。有入則有出。有出必有溢。有溢必有散。此俗內之常數也。善意菩薩曰。生死涅槃爲二。若見生死性則無生死無縛無解。不然不滅如是解者是爲入不二法門。上言爲無爲。以總涅槃。但涅槃是三無爲內之勝法。故別說之。又爲無爲。多是小乘涅槃。大乘涅槃。非爲無爲。是故別說。現見菩薩曰。盡不盡爲二。有人言。忘息爲盡。眞得常住名不盡。什公云。無常是空。空初門。破法不盡。名爲不盡。畢竟空。破法盡名爲盡。發公云。有爲虛僞法無常。故名盡。實相無爲道常住。故不盡。法若究竟盡若不盡。皆是無盡相無盡相卽是空空則無有盡不盡相如是入者是爲入不二法門。依前通者。究竟盡。塵上盡義。簡異

無常生滅之盡。故云究竟。若不盡者。塵前不盡。卽眞常也。皆無盡者。前二並空。空理常住。故云無盡。亦空理無法可除。亦名空盡。依肇公釋者。若以盡爲盡。以不盡爲不盡者。皆是二也。若能悟盡不盡。不盡相者。則入一空不二法門也。普守菩薩曰。我非我爲二。我尙不可得。非我何可得。見我實性者。不復起二。是爲入不二法門。萬善所持曰。普。衆聖所護名守也。電天菩薩曰。明無明爲二。無明實性卽是明明亦不可取。離一切數於其中平等無二者是爲入不二法門。十地師云。眞妄同體。會妄成眞。故云不二。如動水成波。波與水同體。還息波成水。名爲不二。今謂不然。文云。明亦不可取。則是兩捨。非會成。若了悟無明實性卽是捨明。故云不二。若見明無明。便是無明。故知明亦不可取也。喜見菩薩曰。色色空爲二。色卽是空非色滅空。色性自空如是受想行識識空爲二。識卽是空非識滅空。識性自空於其中而通達者是爲入不二法門。言空色不二者。不言非空非色名爲不二。但明空與色無二體故。云不二也。色卽是空者。標大乘空色不二也。非色滅空者。簡異凡夫所見。凡夫不達。謂色滅壞然後乃空。故今明非色滅然後空也。色性自空者。簡異小乘義也。如炎水自性空。不將四微分水而大然後方空。明相菩薩曰。四種異空種異爲二。四種性卽是虛空性。如前際後際空。故中際亦空。若能如是知諸種性者是爲入不二法門。四種卽是四大。空種謂空大也。此五各有大力。故名爲大。是成衆生之因。稱之爲

●罪一權●●或二成●●凡十(至)●●名出=出名●●死十(故名)●●(名)●●忘二妄●●空二之●●空二無●●不盡二無●●非二無●●性二相●●捨二爲●●無明二爲明●●而二無●●大二火●●火●●大●●



種。又即此五事。種別不同。名之爲種了。四種之有與空種不異。名入不二法門。故云無三際者。空種無三際。四種即空故。亦無三也。妙意菩薩曰。眼色爲二。若知眼性於色不貪不恚不癡。是名寂滅。如是耳。色鼻舌香味身觸意法爲二。若知意性於法不貪不恚不癡。是名寂滅。安住其中。是爲入不二法門。見眼色二故。起於三毒。如是好色起貪。惡色生恚。非好非惡。則起無明。若知根本空。不起三毒。如四大成眼。則無一眼體。一眼體無故。則云無四大。故知無眼。以何見色起三毒邪。亦非作此觀色。空無自性。則無色矣。無盡意菩薩曰。布施迴向一切智爲二。布施性即是迴向一切智性。如是持戒忍辱精進禪定智慧迴向一切智爲二。智慧性即是迴向一切智性。於其中入一相者是爲入不二法門。布施爲因。一切智爲果。謂因果二故。迴向因果。因果俱空。名爲不二。又轉因爲果。名爲不二。如在菩薩心名波若。在佛心反成薩婆若。故無別兩種。則知不二。深慧菩薩曰。是空是無相。是無作。爲二。空即無相。無相即無作。若空無相無作。則無心意識。於一解脫門。即是三解脫門。即是爲入不二法門。破小乘人。謂三空爲十六行。是異體。今約境智。三門俱是一體。約境論不二者。唯一實相。隨義分三。無別三種。故云不二。約觀者。唯一正觀。離三取著故。爲三實無三體。亦無心意識者。前盡緣。今息觀也。寂根菩薩曰。佛法衆爲二。佛即是法。法即是衆。是三寶皆無爲相。與虛空等。一切法亦爾。能隨此行者是

爲入不二法門。此明一體三寶義。故不二也。但一體三寶。三處辨之。如一佛果上具三。覺義爲佛。可軌名法。和義爲僧。此通大小數論。二者三寶通皆是空。亦通大小。但毘曇所無。三者一體三寶。唯大乘有。問。云何爲一。佛耶。答。涅槃經文不同。若依涅槃義。則三寶皆以涅槃爲體。是以經云。菩薩思惟云。何三事與我一體。佛自釋言。我說三事。即大涅槃。故名一體。若據佛性。論三寶。三寶同以佛性爲體。所以經云。如是三歸。即是我性。若就真諦明三寶。三寶同用真諦爲體。是以經云。若能觀三寶。常住同真諦。若就常義明三寶。同以常爲體。故經云。我亦不說佛法衆僧。無有差別。唯說常住差別耳。此並隨義說之。無相違背。今此文明三寶無異體者。正就同一無爲。故言不二。心無間菩薩曰。身身滅爲二。身即是身滅。所以者何。見身實相者。不起見身及見滅。身身與滅。身無二。無分別於其中。不驚不懼者。是爲入不二法門。破小乘。餘無餘涅槃二義。身謂五陰身。身滅即涅槃也。身本不生。今何所滅。不生不滅。故是不二。不驚不懼者。小乘初聞曰。驚。怪受斯理。爲懼。諸法生時空生滅時空滅。身存身亡。亦何以異。而懷驚懼於其間哉。上善菩薩曰。身口意善。爲二。是三業皆無作相。身無作相。即口無作相。口無作相。即意無作相。是三業無作相。即一切法無作相。能如是隨無作慧者。是爲入不二法門。或者謂。三業各有造作。故名爲異耳。三業本空。同無作相。名爲不二。福田菩薩曰。福行罪行不動

行爲二。三行實性。即是空。空則無福行。無罪行。無不動行。於此三行。而不起者。是爲入不二法門。大品經云。行十不善。得三塗報。爲罪行。行十善道。生欲界人天。稱爲福行。修四禪等。生色無色界。名不動行。成論文云。從欲界至三禪。名爲福行。四禪。竟無色。稱無動行。以第四禪已去。不爲三災四受所動。故名無動。不起三行。則入實相門。名爲不二。華嚴菩薩曰。從我起二。爲二見我實相者。不起二法。若不住二法。則無有識。無所識者。是爲入不二法門。因我故有彼。二名所以生。見我實相。則彼我已識。無由而起。德藏菩薩曰。有所得相。爲二。若無所得。則無取捨。無取捨者。是爲入不二法門。內得於我。外取於相。故名爲二耳。內外俱空。名爲不二也。月上菩薩曰。闇與明爲二。無闇無明。則無有二。所以者何。如入滅受想定。無闇無明。一切法相亦復如是。於其中平等入者。是爲入不二法門。二乘入滅盡定。視聽外忘。識和內滅。雖經晝夜。不覺晦明。以喻菩薩無心於明闇。問。入滅盡定。諸心並無。何故偏云滅受想定邪。答。受修諸禪。想生無色。入滅盡定。正滅上二界心。故偏言想受。又受多生愛。想多生見。既是過根本。故偏說之。寶印手菩薩曰。樂涅槃不樂世間。爲二。若不樂涅槃。不厭世間。則無有二。所以者何。若有縛則有解。若本無縛。其誰求解。無縛無解。則無樂厭。是爲入不二法門。華嚴經云。生死非難。亂。云何而厭。涅槃非寂靜。云何而樂。殊頂王菩薩曰。正道邪道。爲二。住正道者。則不分別是邪。是正

①了二耳 ②放一後後 ③後復 ④意二慧 ⑤意二慧 ⑥色二聲 ⑦空二色 ⑧種一體 ⑨佛一體 ⑩論十明 ⑪(有) ⑫十餘 ⑬怪二法 ⑭善二業 ⑮已二之 ⑯和二知 ⑰(蓋)一 ⑱邪二耶

離此二者是爲入不二法門。八邪爲邪道。八正爲正道。又小乘見爲邪道。大乘真觀爲正道。經正見者。不見邪。亦不見正。非邪非正。始名爲正。住。正道者。見邪外有正。正外有邪。若邪若正。悉名爲邪。樂實菩薩曰實不實爲二實。是者尙不見實。何況非實。所以者何。非肉眼所見。慧眼乃能見。而此慧眼無見。無不見。是爲入不二法門。實相爲實。虛妄爲不實。悟實相者。不見於實。何況非實。所見既非實。非不實。能見亦非見。非不見。非實非不實。寄言以爲實。非見非不見。亦強詔以爲見。斯則緣觀宛然。而境智俱寂也。如是諸菩薩各各說已。問文殊師利何等是菩薩入不二法門。文殊師利曰。如我意者。於一切法無言無說。無示無識。離諸問答。是爲入不二法門。此第二諸菩薩請文殊說不二。前請次說。經有三句。一者二諦俱說。二者二諦俱不說。三者世諦說。真諦不說。今就後二門也。上來三十一人。俱有六事。以口有音聲。爲言。以言顯不二法。爲說。顯不二法。曲受前人。爲示。令聽衆悟解。爲識。淨名命說。爲問。菩薩酬不二。爲答。是皆以言破法。未息破法之言。文殊欲息泯法之言。故辨無此六事也。於是文殊師利問維摩詰我等各自說已。仁者當說何等是菩薩入不二法門。時維摩詰默然無言。此第三文殊請淨名說不二。前請次請。三稱嘆。諸菩薩以言遣法。文殊借言遣於言。淨名默然。遣文殊之借言。不二之理乃同。而得有深淺之異。文殊師利嘆言善哉善哉。乃至無有文字語言。

是眞入不二法門。此第三文殊稱嘆。淨名既其默示。文殊亦應默頌。但爲時衆生悟故。就言嘆善。又顯無言不傷於言。故以言嘆於無言。說是入不二法門。時於此衆中五千菩薩。皆入不二法門。得無生忍。此第二五千菩薩。得入不二法門。

維摩經義疏第五

### 維摩經義疏卷第六

胡吉藏撰

#### 香積品第十

此品來意。有十種因緣。一者三時利益。從經初至不二法門。謂食前利益。此之一品。謂食時利益。菩薩行品。食後利益。二者至人住於三事。說十二部經。一知他心。二者說法。三現神通。上已明說法。今次現神通。知他心。總貫斯二。三者佛事有二。一以此土法門。二用他土法門。上明此土法門。今辨他土法門。四者室內說法。明二種因果。一法身因果。二淨土因果。上多明法身因果。今辨淨土因果。五者此經之宗。明於二慧。上明不二法門。即是實慧。今辨請飯香土。謂方便慧。六者從此經初。至入不二法門。謂因二入不二。即收用以歸體。此品已去。因不二有二。即從體以起用。七者此經始終。正明不思議解脫。不思議解脫。凡有二種。不二法門。不思議之本也。香積佛品。辨不思議之迹也。八者諸佛菩薩。說法有

二。一依世諦。二依第一義。不二法門。依第一義說。香積佛品。就世諦門說。九者利益衆生。善友無定。不二法門。明多人共說。香積佛品。一人獨說。十者徒衆有二。一者此土。二者他方。上多利此土之衆。今品通益彼此。問。請飯香土。既名香積佛品。借座燈王。何故不稱燈王佛品。答。上稱不思議。從通以立稱。今云香積。因別以受名。蓋欲立品相避。故通別互舉也。問。借座燈王。與請飯香土何異。答。上明以大入小。今辨以小包大。又上明默感。此則遣化。皆是互現。顯不思議也。品開爲二。初明淨土因果。二時衆得益。就初有兩。前明淨土果。次辨淨土因。淨土果內。前明彼土。淨土。次辨二國化意。初有三句。一身子念食。二淨名施飯。三大衆受食。於是舍利弗心念日時。欲至此諸菩薩當於何食。身子念食。有三因緣。一者身心俱累。凡夫也。二心雖無累。而形須資待。二乘也。三者俱無。法身菩薩也。身子既受結業之形。心雖無累。而形須資待。古佛道法。過齋不食。今時既至。故生念也。二者自經初已來。盛談菩薩之法。聲聞之人不生深樂。是故念食。三者居士空室。身子扣關。盡是互相影發。弘道利物故也。但云菩薩當於何食。不念聲聞者。以弟子自有乞食法故也。時維摩詰知其意。而語言佛說八解脫仁者受行豈欲食而問法乎。此第二淨名設食。就文爲兩。此呵身子所念。八解脫內。前二解脫。觀欲界不淨。汝既受行。云何念於欲界搗食。又佛說八解脫。乃是無欲之嘉饌。養法身之上

●經一住● ●正二邪● ●是二見● ●同二國● ●得二門● ●疏十(卷)● ●門十(明)● ●燈二王● ●淨二法● ●關二開● ●(難)● ●十欲●

膳。云何方念不淨之食。欲資養肉身。又夫論樂法情深。則不念軀命。況意存飲食。若欲食者。且待須臾。當令汝得未曾有食。此第二正明施食。就文爲四。一許食。二示食方處。三衆不能取。四遣化自請。且待須臾者。不失。食時也。當令汝得未曾有食者。常資資於肉身。今設養法身之食。名未曾有。不化作者。恐致不實心之嫌。又欲令此土衆生。見清淨國。又因香飯。得弘道意。及二國化流彼此交利。故不化也。時維摩詰卽入三昧。以神通力。此第二示食處也。入定現通。顯淨名神力。令衆人重法也。示諸大衆者。便大衆見淨土微妙。發心求生淨國也。上方界分過四十二恒河沙佛土有國名衆香者。此出里數。近遠國名字也。佛號香積。今現在。此示化主也。其國香氣比於十方諸佛世界。人天之香最爲第一。雖示香土。起敬未深。今欲第一。則發希有意也。彼土無有聲聞辟戶。佛名唯有清淨大菩薩衆。上明國土化主。此示徒衆。明唯有菩薩。使發大心。辨無聲聞。斥小乘爲鄙穢也。佛爲說法。其界一切皆以香作樓閣。經行香地。苑園皆香。其食香氣周流十方無量世界。爾時彼佛與諸菩薩方共坐食。既有國土徒衆。今次序教門。有諸天子皆號香嚴。悉發阿耨多羅三藐三菩提心。供養彼佛及諸菩薩。上明菩薩是登地已上。今序天子卽地前之人。此大衆莫不自見。上明所見。今以神力。令衆皆觀。合有十句經也。時維摩詰問衆菩薩言。諸仁者。誰能取彼佛飯。此第三明衆不能取。文有

四句。初淨名問。二大衆默。三居士譏。四文殊答。初所以問者。既現彼國。顯無力者不能致。推有力者令取飯也。以文殊師利威神力。故咸皆默然。文殊將顯淨名之德。故以神力。令衆默然。又利益應在居士。又請飯待賓。宜自往取。維摩詰言。仁此大衆無乃可恥。淨名所以譏者。屬於始行之人。又前明結座聲聞不能昇。今辨施食大衆不能取。皆是顯如來勝果。及示淨名道高。使物欣慕故也。文殊師利曰。如佛所言。勿輕未學。契於未成。令不自輕。進修行德也。故淨名之抑。文殊之引。其成熟之。於是維摩詰不起于座。居衆前化作菩薩。相好光明。威德殊勝。蔽於衆會。而告之曰。汝往上方界分度如四十二恒河沙佛土有國名衆香。佛號香積。與諸菩薩方共坐食。汝往到彼。如我辭曰。維摩詰稽首世尊。足下致敬無量。問訊起居。少病少惱。氣力安不。願得世尊所食之餘。當於娑婆世界。施作佛事。今此樂小法者。得弘大道。亦使如來名聲普聞。此第四遣化自請。就文有四。第一正明遣化。第二化人受命。第三彼佛施食。第四還歸本土。初所以遣化。遣化者。借坐燈王。謂默感不思議。今請飯香土。遣化奇特。又欲引上方菩薩。從彼而來。使此衆觀見。慕德進修。行道行。又欲以此法門。利益彼衆。以是等緣故。當遣化往。時化菩薩卽於會前。昇于上方。舉衆皆見。其去到衆香國。禮佛足。又聞其言。維摩詰稽首世尊。足下致敬無量。問訊起居。少病少惱。氣力安不。願得世尊所食之餘。當於娑婆世界。施作佛事。使此

樂小法者。得弘大道。亦使如來名聲普聞。此第二化人受命。往於上方也。問訊如來小病小惱者。淨穢離殊。示有身者。不得無患苦也。又衆生病。則善薩病。衆生未得免病。是以諸佛不得無病。問訊有二。一問所離。二問所得。少病問訊身也。少惱問訊心也。此二問訊所離。氣力問訊於身。安樂問訊於心。此二問所得也。願得世尊所食之餘者。彼國菩薩。善根深厚。正感香飯。此土衆生。志意下劣。但請食之餘。彼諸大士。見化菩薩。歎未曾有。今此上人。從何所來。娑婆世界。爲在何許。云何名爲樂小法者。卽以問佛。此第三彼佛施食。文有七句。一彼衆問。二佛答。三重問。四重答。五正施食。六彼衆欲來。七如來誠勸。初所以問者。欲顯此穢土鄙。今淨國之緣。深生厭心。進修道業。又彼土大士。雖得神通。不能常現在前。以其不知故問佛也。佛告之曰。下方度如四十二恒河沙佛土。有世界名娑婆。佛號釋迦牟尼。今現在於五濁世。爲樂小法衆生。敷演道教。彼有菩薩名維摩詰。住不可思議。解脫爲諸菩薩說法。故遣化來。稱揚我名。并讚此土。令彼菩薩增益功德。此第二佛答。要婆此云雜會。又名難惡。悲華經云。忍土衆生。忍受三毒。以土從人。故名爲忍。彼菩薩言。其人何如。乃作是化。德力無畏。神足若斯。第三重問。前總問此土。今別問淨名。又欲顯居士之德。發起衆來之情也。佛言。甚大一切十方。皆遣化往。施作佛事。饒益衆生。第四佛重答。於是香積如來。以衆香鉢盛滿香飯。與化菩薩。第五佛正施

○(食)一○(佛)○(之)二○(言)一○(佛)○(爾)二○(是)一○(佛)○(此)十○(諸)一○(佛)○(結)二○(給)一○(佛)○(者)二○(有)一○(佛)○(遣)化○(一)一○(佛)○(問)十○(訊)一○(佛)○(歡)今○(二)佛令  
○(食)○(惡)一十○(世)佛○(衆)來○(二)後○(衆)來○(此)一○(佛)

食。香積如來。已利上方。今次益下界。故施食也。時彼九百萬菩薩俱發聲言。我欲詣娑婆世界供養釋迦牟尼佛并欲見維摩詰等諸菩薩衆。第六彼衆欲來。問。上方土勝化淳。何故來此。答。菩薩德猶未滿。欲遍從諸佛諸受未聞。宿有因緣。是故來也。二彼土有諸淺行。於此有緣。但未能自往。須大菩薩引道令來。三此見彼來。有深利益。佛言。可往攝汝身香無令彼諸衆生起惑著心。第七如來誠勸。前誠其身。次誠其心。攝身香者。教門不同。此開生解。彼聞起著。故須攝之。同。若然者。云何不攝飯香。答。佛神力故。能杜其惑原。發其道意。故不攝也。又當捨汝本形勿使彼國求菩薩者而自鄙恥。此見欣求。彼見自恥。故令攝本形。又汝於彼莫懷輕。淺而作闊想。所以者何。十方國土皆如虛空。第二誠心。亦。者。兩句。初學法身土誠之。淨穢俱空。即是實相。平等之士。諸佛法身之所同栖。未嘗優劣。故不應起高下心。又諸佛爲欲化諸衆小法者。不盡現其清淨土耳。第二舉應述土誠之。諸佛適時而現淨穢。上方爲淨緣。而隱穢。下界爲穢緣。而隱淨耳。時化菩薩既受鉢飯與彼九百萬菩薩俱承佛威神及維摩詰力於彼世界忽然不現。須臾之間至維摩詰舍。第四化菩薩。還歸本土。就文又八。第一從彼還此。二淨名設座待賓。三菩薩就坐。四化人飯授居士。五時衆雲集。六淨名勸食。七聲聞疑念。八菩薩呵譏。時維摩詰卽化作九百萬師子之坐。嚴好如前。第二文也。上明借坐。今辨化成。互現奇特。諸

菩薩皆坐其上。第三就坐也。化菩薩以滿鉢香飯與維摩詰飯香普熏毘耶離城及三千大千世界。第四授食與淨名。天香逆風四十里。今是諸佛果報故。並熏三千也。時毘耶離婆羅門居士等聞是香飯氣身意快然歎未曾有。於是長者主月蓋從八萬四千人來入維摩詰舍見其室內菩薩甚多諸師子坐高廣嚴好皆大歡喜禮衆菩薩及大弟子却住一面。第五時衆雲集。前明顯衆。次辨幽衆。長者主月蓋者。彼國無王。唯五百長者。共治國政。月蓋衆所推重。故種爲主。諸地神虛空神及欲色界諸天聞此香氣亦皆來入維摩詰舍。此幽衆集。小乘云。色界無鼻識。何由聞香。又云。借識故得聞者。若前不聞。亦無因而借。又大乘明義無微不察。故得聞香而至。時維摩詰語舍利弗等諸大聲聞仁者可食如來甘露味飯。第六淨名勸食。前借。堅。通勸大小。請飯。獨命聲聞者。互現其意也。又聲聞局劣。謂飯少衆多。心不敢食。故偏命大聲聞。天食須純。稱爲甘露。淨土之飯。超勝人天。真甘露也。又涅槃名爲甘露。食此飯者。必當得之。故因內說果。大悲所熏無以限意食之使不消也。此飯是大悲之果。又從大悲起。及慈眼所視。名大悲所熏也。謂少不。包多。稱爲限意。由不稱施主。故云不消。此示其受食法也。有異聲聞念是飯少而是大衆人人當食。第七聲聞疑念。異聲聞者。異身子等大聲聞也。身子雖是小乘。智慧勝故。敢量菩薩神德故。不生此念。化菩薩曰勿以聲聞小德小智稱量

如來無量智慧。第八菩薩譏呵。小德者。福德莊嚴小也。小智者。智慧莊嚴小也。豈可以小限量於大。四海有竭此飯無盡使一切人食。揣若須彌乃至一劫猶不能盡所以者何無盡戒定智慧解脫。智見功德具足者所食之餘終不可盡。一切人食。時人多也。揣食若須彌所食大也。一劫明時久也。而猶不盡。況此會乎。次舉五身釋之。五身。五爲正果。香飯爲依報。以正果無盡故。依果無盡。又五身爲本。香飯爲迹。本既無盡故。應迹非窮。於是鉢飯悉飽衆會猶故不賜其諸菩薩聲聞天人食此飯者身安快樂譬如一切樂莊嚴國諸菩薩也。又諸毛孔皆出妙香亦如衆香國土諸樹之香。淨土果有三。一念食。二施食。三受食。二章竟前。此第三也。爾時維摩詰問衆香菩薩香積如來以何說法彼菩薩曰我土如來無文字說。譬位以衆香令諸天人得入律行菩薩各各坐香樹下聞斯妙香卽獲一切德藏三昧得是三昧者菩薩所有功德皆悉具足。自上已來。明香飯爲佛事。此下第二辨兩國化儀。初明淨土之教。次辨穢土法門。問。上云香積佛爲衆說法。何故今言無文字耶。答。彼土非都無言。正用香爲佛事。如此土雖用音聲。亦有藉神通等入道。皆是從多爲論耳。又云。說法亦不必有言。卽香能通達。亦名說法。彼諸菩薩問維摩詰今世尊釋迦牟尼以何說法。此第二明此土法門。爲四。一問。二答。三歎。四述。此初問也。維摩詰曰此土衆生剛強難化故佛爲說剛強之語以調伏之。此第二答。爲三。

①同二門②淺二淺③者二有④堅二坐⑤心二必⑥純二陀⑦包二充⑧由二因⑨脫十(解脫)⑩智二知⑪[五]一⑫[五]一⑬位二但

謂法譬合。法說又三。標釋結。此初標也。大明佛化。凡有三門。一軟語。二剛言。三難說。難說者。讚善毀惡也。言是地獄是畜生是餓鬼是諸難處。此第二釋調伏也。難處者。前明三塗爲三。今說五難。名爲難處也。是愚人生處。外道生處。謂愚人生處。如生無想天。定壽五百劫。謂是涅槃。後命盡時。起於邪見。撥無聖道。墮無間地獄。以聖人不生彼處故。名愚人生處也。是身邪行。是身邪行報。是口邪行。是口邪行報。是意邪行。是意邪行報。是殺生。是殺生報。是不與取。是不與取報。是邪淫。是邪淫報。是妄語。是妄語報。是兩舌。是兩舌報。是惡口。是惡口報。是無義語。是無義語報。是貪嫉。是貪嫉報。是瞋惱。是瞋惱報。是邪見。是邪見報。前明八難果。今具說十惡因果也。是慳慳是慳報。是毀戒。是毀戒報。是瞋恚。是瞋恚報。是懈怠。是懈怠報。是亂意。是亂意報。是愚癡。是愚癡報。此說六弊因果。十惡世間障。此出世間障也。是結戒是持戒是。化戒是應作是不應作。是障闕是不障闕。是得罪是離罪。是淨是垢。是有漏是無漏。是耶道是正道。是有爲是無爲。是世間是涅槃。前說八難。十惡。六弊。此之三科。但明所離。此文已去。變示取捨也。犯不犯。據止義也。應作不應作。約行義也。障闕者。犯於止戒。不作行善。障聖道也。是罪者。前二爲罪也。離罪者。持止作行也。以難化之人心如猿猴。故以若干種法制御其心。乃可調伏。譬如象馬。懶慢不調。如諸楚毒。乃至微骨。然後調伏。此第二譬說。什公云。馬有五種。第

一見鞭影。即得調伏。第二得鞭。乃伏。第三以利錐刺皮。乃伏。第四穿肉。乃伏。第五徹骨。乃伏。衆生利鈍。亦有五品。第一但見他無常。其心便悟。第二見知識無常。其心乃悟。第三見兄弟親戚無常。其心乃悟。第四見父母無常。其心乃悟。第五自身無常。極受苦惱。加以苦言。然後悟也。如是剛強難化衆生。故以一切苦切之言。乃可入律也。此第三合譬。非鈎捶無以調。象馬。非苦言無以伏難化。彼諸菩薩聞說是已。皆曰。未曾有也。如世尊釋迦牟尼佛。隱其無量自在之力。乃以貧所樂法。度脫衆生。斯諸菩薩。亦能勞謙。以無量大悲。生是佛土。此第三彼菩薩嘆。初嘆佛。次嘆菩薩。貧所樂法者。此土衆生。無大乘法財。爲貧。但有小機。稱樂。佛隱大德。用小法化人。如法華云。脫珍御服。著弊垢衣。以化窮子。敢同其貧。隨順其所樂。而濟度之。維摩詰言。此土菩薩。隨諸衆生。大悲堅固。誠如所言。然其一世饒益衆生。多於彼國百千劫行。所以者何。此娑婆世界。有十事善法。諸餘淨土之所無。有何等爲。十以布施攝貧窮。以淨戒攝毀禁。以忍辱攝瞋恚。以精進攝懈怠。以禪定攝亂意。以智慧攝愚癡。第四淨名述成。仍歎此土之教。問。淨土無貧。可不須施。若無癡者。何用化之。答。癡有二種。一者於一切法不了。故名爲癡。二者唯於諸佛甚深之法未悟。名之爲癡。穢土具二種癡。淨國有後一。今就前門也。說除難法。度八難者。以大乘法度樂小乘者。以諸善根濟無德者。常以四攝成就衆生。是爲十。說除難

法。謂以小乘法化衆生也。以大乘法度樂小乘者。謂以大乘法化小也。以諸善根濟無德者。謂以人天乘。用化於物。備五乘也。問。行此十事。云何勝彼土修行。答。此土有十惡法。故十德增長。彼土淳善。施德無地。如多病處。醫有遍救之土。無疾之所。醫無施用。故百千劫行。不如一世也。彼菩薩曰。菩薩成就幾法。於此世界行。無瘡疣生於淨土。自上已來。明淨土果。竟從此已後。辨淨土因。明淨土果。使其現益。辨淨土因。令來世往生。前問。次答。問意。從淨名嘆此土。菩薩一世修行。勝他方百千劫。若然者。深行之人。可有濟物之功。淺行之者。欲住穢土。化人。恐自不能救。亦不能益物。如小湯投水。反助成結。故問。以何法而能自無患累。復能益他。令自之與他。俱生淨土。維摩詰言。菩薩成就八法。於此世界行。無瘡疣生於淨土。此第二淨名答。爲三。標釋結。此初標也。何等爲八。饒益衆生。而不望報。代一切衆生受諸苦惱。所作功德。盡以施衆。此第二別釋八法。八法前四化他。後四自行。前四即慈悲喜捨。饒益衆生。而不望報。此慈心也。慈心與樂。故不望報。代衆生受苦者。此明悲心。問。衆生受苦。是前業果報。云何可代。答。教化令起善滅惡。便離苦。若得樂。故名爲代也。所作功德。盡以施之。明喜也。以喜除嫉。故能盡施。等心衆生。謙下無礙。此明捨心。捨治愛憎。故其心平等。既以等心。復能卑己尊人。謂謙下也。以等心謙下。於怨親之間。無復隔闕。於諸菩薩。現之如佛。所未聞。法

①(惡人生處)一\*②化二犯③耶二邪④變二變⑤是十(得)⑥數二微⑦得二時⑧後十(乃)⑨(象)一⑩敢二放⑪隨二隨⑫行二於⑬[行]一⑭上二工⑮十二千⑯之十(等心衆生謙下無闕)八字⑰若二苦⑱所作二作所⑲現二現⑳法二經

聞之不。癡。初句敬人。次不疑法。菩薩是四生之橋梁。三寶之繼嗣。視之如佛。則已功德。故須敬人。佛所說經。聞即信受。不以未聞而生疑惑。故須信法。不與聲聞而相違背。上尊人重法。是自學處。為第五句也。此於何學處。不起悲闍。為第六句也。三乘雖殊。歸宗不二。故無但違也。不嫉彼供不高己利而於其中調伏其心。此第七句。於受用事。不起煩惱。他種他獲。故不生嫉。已種已得。何為自高。於是二處。善自調伏。常省己過。不認彼短。恒以一心求諸功德。此第八句。於修行處。能離過集善。省己過則自過消。認彼短則短在己。此二離過也。衆惡易增。功德難具。非一心專求。無以剋成。此集善也。是為八。上標釋已竟。今總結也。維摩詰文殊師利於大衆中說是法時。百千人皆發阿耨多羅三藐三菩提心。十千菩薩得諸法忍。上說淨土因果。今第二時衆蒙益。

菩薩行品第十一

此第四會。重集菴園。序其來意。有五因緣。一者上所說法。須佛印定。方得成經。然後乃可遠流遐代。二者淨名所現不思議事。方丈之衆已見。菴園之緣未觀。為化未周。故須此集。三者衆香菩薩。來意有二。一欲見淨名。二禮觀於佛。今欲遂其本心。故須此會。四者上品但明香飯。以為佛事。今欲廣陳佛事。有無量法門。五者上借坐請飯。略現神通。今掌持會衆。手接大千。廣示難思之道。菩薩行品者。凡夫行於生死。二乘心遊涅槃。並隨二邊。非

履道行。今衆香大士。將還本土。請為說菩薩正行。故以目品。品開為二。第一緣起。第二正說。緣起十句。一將欲來前現瑞相。二問瑞所由。三答瑞意。四要文殊往。五文殊許來。六淨名掌擎大衆。七衆到已稽首。八如來慰問。九命令就坐。十受命而坐。是時佛說法於菴羅樹園。其地忽然廣博嚴事。一切衆會皆作金色。此初現瑞者。凡有三義。一為他方客來。故莊嚴處所。二發起菴園衆會敬仰之誠也。三表備開法門。他人悟道。阿難曰。佛言世尊。以何因緣有此瑞應。是處忽然廣博嚴事。一切衆會皆作金色。第二問瑞所由。大士所為。非小道能測。又今時衆。知淨名來。預生欣仰。有二因緣所以問。佛告阿難。是維摩詰文殊師利與諸大衆恭敬。園邊發意欲來故先。指此瑞應。第三答瑞所由也。於是維摩詰語文殊師利。可共見佛與諸菩薩禮事供養。第四要文殊師利來。凡有三義。一欲印定成經。二。今衆香菩薩。見佛開法。三欲明佛事。有無量門。非止香飯。文殊師利言。善哉行矣。今正是時。第五文殊嘆許。是時者。謂弘道益物之時。會上三義也。維摩詰即以神力持諸大衆并師子座。置其右掌。往詣佛所。到已著地。第六淨名現通。即是重明不思議事。掌不大而能持。衆不小而被蓮。又世之待賓。給以車馬。大士迎送。運以神通。稽首佛足。右邊七匝。一心合掌。在一面立。其諸菩薩即皆避坐。稽首佛足。亦邊七匝。於一面立。諸大弟子釋梵四天王等。亦皆避坐。稽首佛足。在一面立。第七到已修

敬。於是世尊如法慰問諸菩薩已。第八如來慰問。各令復坐。第九命令就坐。即皆受教。第十受命而坐。衆坐已定。佛語舍利弗。汝見菩薩大士自在神力之所為乎。此第二次明正說。就文為兩。第一印成。前說明佛事不同。二辨菩薩行。初又二。第一別明香飯之德。第二辨佛事不同。所以前問身。子。凡有二義。一欲印定成經。二以大機小。唯然已見於汝意。云何世尊。我觀其為不可思議。非意所圖。非度所測。不思議名。正顯於此。良以二乘不能測度。名不思議。爾時阿難白佛言。世尊。今所聞香。自昔未有。是為何香。問。上云。香氣普薰三千。方丈菴園。相去數里。云何不聞。答。以非分故。近而不聞。今將印定成經。及其明佛事。故得聞也。佛告阿難。是彼菩薩毛孔之香。獨言彼菩薩香者。示根本故也。又欲令身子自顯是食之香。於是舍利弗語阿難言。我等毛孔亦出是香。阿難言。此所從來。曰是長者。維摩詰從衆香國。取佛餘飯。於舍長者。一切毛孔皆香。若此阿難。問維摩詰。是香氣住。當久如維摩詰言。至此飯消。曰此飯久如當消。曰此飯勢力。至于七日。然後乃消。什公云。有人食香飯。飯不時消。心必厭捨。故不令久也。亦云應得道者。飯氣時熏。不過七日。必成聖道。如七步蛇。嚙。勢不過七日。事不須久。故不令過七日也。釋僧肇云。七日勢消。飯之常力也。若應因飯而階道者。要得其所應得。然後消也。吉藏謂。飯有三。凡夫感薄。但得七日。所謂下也。二乘小深。故得初果。正位羅漢心。然後乃消。

●疑二疑● ②則十(增)● ③諸二無生● ④隨二隨● ⑤他二多● ⑥圖二圖● ⑦指二為● ⑧今二今● ⑨蓮二蓮● ⑩成二定  
● ⑪子十(者)● ⑫機二機● ⑬機二機● ⑭隨二隨● ⑮隨二隨● ⑯今二今● ⑰長二食● ⑱其● ⑲後十(乃)●

所謂次也。大乘發心。乃至補處。然後乃消。所謂上也。以應三品衆生故。初云七日。又阿難若聲聞人未入正位。食此飯者。得入正位。然後乃消。已入正位。食此飯者。得心解脫。然後乃消。若未發大乘意。食此飯者。至發意乃消。已發意食此飯者。得無生忍。然後乃消。已得無生忍。食此飯者。至一生補處。然後乃消。此飯如是。滅除一切諸煩惱。然後乃消。有人言。飯是法門。非是飯食。故能令人得道。今諸佛即飯爲法門。現此一用。令人入道。如有經云。菩薩有照法性天冠。著此冠時。一切法性。悉來現心。問食香飯。云何令人得道。答。諸佛有善巧之言。亦有善巧之食。故聽言散味。皆得道也。又世治身病。既有藥。今治心病。亦應有藥。即香飯是矣。什公云。食此飯時。體安心靜。發未曾有意。飯尙如此。何況道耶。有此妙果。必有妙因。極大信樂。深遠因果。達因果即解緣起。解緣起則見實相。是故得道。阿難白佛言。未曾有也。世尊如是。香飯能作佛事。此下第二具明佛事不同。就文爲兩。第一正明佛事多門。二解悟入此門。有大利益。阿難嘆者。飯本益身。遂令得道。故稱未曾有也。佛事者。教化衆生。令得悟道。蓋是諸佛之事也。佛言如是如是。阿難或有佛土。以佛光明而作佛事。有以諸菩薩而作佛事。如華嚴經如來默然。菩薩說法。又即此經。釋迦無言。而淨名弘道。有以佛所化人而作佛事。如須臾多佛。真形滅度。留化佛。利益衆生。有以菩提樹而作佛事。佛在樹下得菩提。名菩提樹。此樹隨所見

聞。而出形聲。並得悟道。故以樹爲佛事。所以佛衣服臥具而作佛事。昔閻浮提王。得佛大衣。時世疾疫。王以衣著標上。以示衆人。衆人歸命。病皆得愈。信敬益深。因是解脫。有以飲食而作佛事。有以園林臺觀而作佛事。衆香國土。以香爲地苑園。令人悟道。即其事也。有以三十二相八十種好而作佛事。有以佛身而作佛事。或示異形相好而得道。又如淨沙王。以佛像與弗迦沙王。因是得悟也。佛身者。令現身也。有以虛空而作事。衆生應以此緣得入律行。衆生根性不同。好有者。存身以示有。樂空者。滅身以示無。如文殊師利。滅衆色像。現虛空相。以化阿闍世王。如密迹經說。有以夢幻影響。鏡中像水中月。熱時炎如是等喻。而作佛事。自有衆生。令其感夢。而得悟道。或有現幻炎不眞形色而得益者。或有以者聲語言文字而作佛事。或有清淨佛土寂寥無言。無說無示。無誠無作。無爲而作佛事。如是阿難諸佛威儀進止。諸所施爲。無非佛事。有眞佛土。皆法身菩薩。外無言說。內無識慮。而超悟於事表。正觀實相。而得道也。阿難有此四魔八萬四千諸煩惱門。而諸衆生爲之疲勞。諸佛即以此法而作佛事。什公云。佛事有三。一以善爲佛事。謂說法放光等。二以無記爲佛事。即虛空等。三以不善爲佛事。謂示諸煩惱。醫有三品。下品之流。藥成非藥。次品之者。能以藥爲藥。上品良醫。用非藥爲藥也。八萬四千者。三毒等分。此四足諸煩惱根。從一一根。出二萬一千。合八萬四千。從八萬

四千。出支流無量。故名爲八萬四千法門者。賢劫經。有菩薩思惟。行何三昧。疾得八萬四千諸度。因以問佛。佛答。有三昧名了法本。菩薩行之。疾得八萬四千諸度。諸度者。佛功德有三百五十種門。一一皆以六度爲因。便有二千一百諸度。用此對治四大六衰之患。四大成衆生身。修諸度得淨法身。故治四大也。六衰者。六塵惡賊。令人善法衰滅。修行諸度。起入佛境。不畏六塵。故治之也。四大爲內。六衰爲外。此之內外。由煩惱起。故治三毒等分。各有二萬一千。合八萬四千。是名入一切諸佛法門。菩薩入此門者。若見一切淨好佛土。不以爲喜。不貪不高。若見一切不淨佛土。不以爲憂。不礙不沒。但於諸佛土。生清淨心。歡喜恭敬。未曾有也。諸佛如來功德平等。爲教化衆生。故而現佛土不同。阿難汝見諸佛國土地有若干。而虛空無若干也。如是見諸佛色身有若干耳。其無閼慧無若干也。此第二明深入此門。使得利益。就文爲三。初明德同。次辨號等。三小乘不測。德同爲二。初明佛慧等。次辨餘功德等。佛慧等者。既入此門。則知佛土本是應物。而能應之慧。豈有異哉。故於淨穢不生憂喜。阿難諸佛色身威相。種種性戒。定智慧解脫。知見力無所畏。不共之法。大慈大悲威儀所行。及其壽命說法教化成就衆生。淨佛國土。具諸佛法。悉皆同等。上明慧等。今辨餘德悉同。問。諸佛化儀各異。云何同等。答。諸佛同具一切方便。是故等也。是故名爲三藐三佛陀。前明德同。此明號等。但號有多門。略說

①散二散②散③散二淨④遠二遠⑤菩十(提)⑥提⑦所二有⑧種二隨形⑨令現二現全⑩作十(佛)  
⑪者二音⑫漢二莫⑬佛二淨⑭爲十(門)⑮起二超⑯汝十(始)⑰(如)⑱使二便⑲(解脫)⑳十知



有三次則爲十。具陳無量。今略說也。此初。正遍知號。解無顛倒爲正。智無不周。稱爲遍決定法相。謂之知。名爲多。陀阿伽度。此云如來。亦名如去。體如而來。名爲如來。體如而去。名爲如去。又如諸佛來。故名如來。如諸佛同入涅槃去。名爲如去。名爲佛歟。此翻爲覺。覺有二種。一於煩惱障眠。而得覺悟。與二乘同。二於智障眠。而得覺悟。與二乘異。煩惱障。四住煩惱也。智障者。障如來一切智。卽無明住地惑。阿難若我廣說此三句義。汝以劫壽不能盡受。正使三千大千世界滿中衆生。皆如阿難多聞第一。得念總持。此諸人等。以劫之壽。亦不能受。如是阿難諸佛阿耨多羅三藐三菩提。無有限量。智慧辨才。不可思議。阿難白。佛言。我從今已。往不敢自謂。以爲多聞。佛告阿難。勿起退意。所以者何。我說汝於聲聞中。爲最多聞。非謂菩薩。且止阿難。其有智者。不應限度諸菩薩也。一切海淵。尚可測量。菩薩神足。智慧辨才。總持一切功德。不可量也。阿難汝等。捨置菩薩所行。是維摩詰一時所現神通之力。一切聲聞。辟支佛。於百千劫。盡力變化。所不能作。第三若德若名。非小乘能測。卽是總顯諸佛不可思議也。爾時衆香世界菩薩來者。合掌白佛。言世尊。我等初見此土。生下劣想。今自悔責。捨離是心。所以者何。諸佛方便。不可思議。爲度衆生。故隨其所應。現佛國異。此第二衆香菩薩。諸法還土。就文爲三。一請。二說。三領悟。初有二句。一自悔過。二請法。自悔過者。明發彼土。雖奉聖教。及見此土不淨。劣想自生。謂佛

菩薩。亦有優降。既聞此佛事。方自悔責。唯然世尊。願賜小法。還於彼土。當念如來。第二諸法。有五因緣。一者此雖文字。而須彼法。彼雖無言。亦須此法。二國化流。彼此交利。二者既爲菩薩。必須遍化十方。故請文字。誨誘餘土。三者衆香世界。復有不來之人。必問其正要。故須稟異說。有若傳燈。四者令彼菩薩。果知佛恩。既但食香飯。自然悟道。聞此苦行等。乃登聖。則知佛恩深。自勵修德。五者雖囑言在彼。而意實爲此。佛告諸菩薩。有盡。不盡。解脫法門。汝等當學。第二佛。若爲三。初標二門。以勸學。次釋二門。以釋勸。三結二門。以結勸。此初標也。何謂爲盡。謂有爲法。何謂無盡。謂無爲法。此釋二門。有爲虛妄。必歸殞滅。故稱有爲。無爲真實。不可磨滅。故名無爲。先此二句。標所學之法也。如菩薩者。不盡有爲。不住無爲。此下明能學二門。復有三句。前總標二行。次別釋二行。三合解二行。然不盡有爲。不住無爲。凡有二門。一者不盡有爲。入。無爲以化物也。不住無爲。是方便不證空也。此是捨無爲。入有爲。用斥聲聞。住無爲。捨有爲也。二者穢土有苦。故名有爲。淨國無苦。名曰無爲也。衆香菩薩。樂於淨土。棄於穢國。卽是捨有爲。而住無爲。今對呵之。故明不住無爲。不捨有爲。先斥聲聞。此呵菩薩也。然淨土之人。實無斯過。蓋是寄彼爲斥此也。何謂不盡有爲。謂不離大悲。不捨大悲。此別釋二門。卽爲二意。今先解不盡有爲。大士者。以濟物爲懷。今入有化物。是菩薩本懷。故前明不盡有

爲也。慈悲是入道之基。樹德之本。故發軔明之。聲聞無之。故住無盡。有爲深發一切智心。而不忽忘。前是度衆生心。今是求佛道心。亦大願心。又是菩提心。樹心深固。難可傾移。故歷劫逾明。而無廢妄。教化衆生。終不厭倦。於四攝法。常念順行。護持正法。不惜軀命。種種善根。無有疲厭。下濟衆生。上求佛道。此二爲衆德之根。然教化衆生。行四攝。此二句成前下濟。護正法。種善根。此二成前上求。以此衆德。茂其枝條。道樹日滋。不盡有爲。義也。下諸願行。枝葉之流。皆可滋茂。以成不盡之旨。志常安住。方便迴向。行善無定。隨意所成。若有善巧方便。及迴向道。則不隨三有二乘。速成正覺。故須心常安住。求法不懈。說法無吝。勤供養諸佛。故入生死。而無所畏。於諸榮辱。心無憂喜。不輕末學。敬學如佛。隨煩惱者。令發正念。於遠離樂。不以爲貴。不著己樂。慶於彼樂。凡夫見他樂。則生厭。見他苦。則心安。自樂則生著。自苦則心厭。菩薩見他樂。則歡喜。他苦則起悲。自樂則不著。自苦則心安。在諸禪定。如地獄想。禪有三種。一大乘。二小乘。三凡夫。凡夫福多。生我慢。二乘禪則獨善。善燒善根。壞於佛樹。故觀如地獄。於生死中。如園觀想。生死雖苦。大道所因。菩薩好遊。想如園觀。見來求者。如善師想。求者雖欲自益。而實益我。故想爲善師。捨諸所有。具一切智。想見毀戒。人起救護。想諸波羅蜜。爲父母想。初句明施。謂捨身命。必能具一切智。次句辨戒。戒爲人護。毀戒則無護。菩薩自己已有護故。是護無

①陀二他 ②神足二禪定 ③諸二請 ④不盡一無聞 ⑤無盡 ⑥若二說 ⑦答 ⑧(先) ⑨一 ⑩無二有 ⑪有 ⑫道 ⑬二有 ⑭有十(乃) ⑮向十(佛) ⑯(動) ⑰隨二隨 ⑱(見) ⑲喜十(見) ⑳(見) ㉑善二能 ㉒ ㉓ ㉔ ㉕ ㉖ ㉗ ㉘ ㉙ ㉚ ㉛ ㉜ ㉝ ㉞ ㉟ ㊱ ㊲ ㊳ ㊴ ㊵ ㊶ ㊷ ㊸ ㊹ ㊺ ㊻ ㊼ ㊽ ㊾ ㊿



護者。後句取四波羅蜜。爲行轉深。法身之所由生故。想爲父母。道品之法爲眷屬。想助益我者三十七品。如人有眷屬相助成也。發行善根無有齊限。以諸淨國嚴飾之事成已。佛土行不限。施具足相好除一切惡淨身口意。故或則少而心足。或財足而心少。今二事兼具。故能開門大施。此施是相好之因。行此施時。必須淨於三業。在因既淨。妙報必隨也。生死無數劫意而有勇。開佛無量德志而不倦。以智慧劍破煩惱賊。出陰界入荷負衆生。永使解脫。以大精進摧伏魔軍。常求無念實相智慧。不起有無四句邪念。是真智慧也。行少欲知足而不捨世法。不壞威儀而能隨俗。不壞道儀而能隨俗。俯仰天下。皆謂我同。我獨異人也。起神通慧引導衆生。得念總持所聞不忘。善別諸根。斷衆生疑。以樂說辯演法。無間淨十善道。受天人福。修四無量。開梵天道。勸諸說法。隨喜讚善。得佛音聲。身口意善。得佛威儀。深修善法。所行轉勝。以大乘教。故成菩薩。僧心無放逸。不失衆善。本行如此。法是名菩薩。不盡有爲。能如上行化他。則功德日增。不盡有爲也。何謂菩薩。不住無爲。謂修學空。不以空爲證。修學無相。無作。不以無相無作爲證。此釋不住無爲。以方便智。觀空不證。名不住無爲。問。大小二乘。俱辨三空。有何異耶。答。二乘空觀。唯空於我。大乘空觀。無法不空。既無法不空。即空法亦空。空法既亦空。故能不證空。小乘無相。唯有盡諦。大乘無一切相。小乘無作。不造生死。大乘無作。萬法不造。

修學無起。不以無起爲證。僧肇云。諸法緣會而有。緣散而無。何法先有。待緣而起乎。此空觀之別門也。有人言。諸法體空爲空。無空相可取爲無相。無果所造爲無作。無因可生爲無起。觀於無常而不厭善本。觀無常爲治常耳。豈使斷滅不行善本耶。觀世間苦而不惡生死。觀於無我而誨人不倦。觀於無我。謂人空也。雖空而有。故誨人不倦。觀於寂滅而不永寂滅。觀於遠離而身心修善。遠離有三。一離五欲。二離煩惱。三諸法性空。遠離。遠離是無爲之別名。雖見無爲。遠離之。安。而身心不離有爲善也。觀無所歸而歸趣善法。諸法始無所來。終無所歸。雖知無歸。而常歸善法。觀於無生而以生法荷負一切。觀於無漏而不斷諸漏。觀於無漏。異凡夫也。示現行漏。故言不斷。異二乘也。觀無所行而以行法教化衆生。觀於空無而不捨大悲觀正法位而不隨小乘。觀諸法虛妄。無半無人無。生無相本願未滿而不虛福德。禪定智慧。然雖知諸法無我無主。不以功德虛假而不修之。修如此法是名菩薩。不住無爲。總結不住無爲也。又具福德。故不住無爲。具智慧。故不盡有爲。下此第三合解二行。上雖明不盡不住。今則合釋之也。修福德。必涉於有。若住無爲。則福德不具也。具智慧。故知有爲如幻。不使染著。故不盡有爲。又智之爲性。必遍照諸法。若撥捨有爲。則智慧不具。大慈悲。故不住無爲。此下初福慧一對爲總。亦是自利。此下三對爲別。復利他。慈悲與本願。偏開福門。福門有願行。慈

悲爲德。下句爲願。修慈以反無入有。以願滿故。不住不盡。集法藥。故不住無爲。隨授藥。故不盡有爲。此下兩對開智慧門也。初對集藥。後對約知病。然集藥必是從師。故不住無爲。撥捨有爲。則令群生隔絕。何能授藥。故不盡有爲。知衆生病。故不住無爲。滅衆生病。故不盡有爲。知衆生病。必是照有。故不住無爲。滅衆生病。須入有。故不盡有爲。諸正士菩薩已修此法。不盡有爲。不住無爲。是名盡不盡。無闍法門。汝等當學。下此第三總結二門。以勸學盡不盡。結所學之法體。無闍法門。結能學之行。不盡有爲。無闍德之累。累。不住無爲。無獨善之闍。故云無礙。問。不盡有爲。復有盡義。以不住無爲。復有住義。以不答。菩薩捨二生死。則盡於有爲。證大涅槃。則是住於無爲。前云不盡者。令人入有化。物。不住者。不同二乘取證耳。爾時彼諸菩薩聞說是法。皆大歡喜。以衆妙華若干種。色若干衆香。散遍三千大千世界。供養於佛。及此經法。并諸菩薩。已稽首佛足。嘆未曾有。言釋迦牟尼佛。乃能於此善行方便。言已忽然不現。還到彼國。第三領解。歡喜稱嘆。還歸本土耳。

見阿闍佛品第十二

阿闍此云無動。亦名無怒。前以法立名。今從人受稱。又上是因名。今爲果。因。又前人法合舉。菩薩爲人。行即是法。今境智雙具。題。見謂能觀之智。阿闍爲所觀之境也。問。何故有此品耶。答。凡有四義。一者前爲彼土說此教。今爲此緣觀彼佛。良以受悟不同。化門不一。

●行不盡施=開門大施 ●[故]一 ●則一財 ●也二之 ●[故]一 ●[本]一 ●使二便 ●安二要 ●生二主 ●[此]一 ●偏一偏 ●有顯行二行有顯 ●德二行 ●果二礙 ●以十(不) ●則十(是) ●喜十(供養) ●四二目 ●

也。二上菩薩行品辨修行。今明行成故能見佛。問。二乘亦見於彼佛。應修佛行。答。乃見二乘佛耳。非真佛也。故五百聲聞。在華嚴坐。但見丈六。與二乘身同修別異善根。不親大乘真法身也。三者上說因門。合。今明果法。四者自經初已來。略辨不思議。此文已去。廣明本迹難測。觀身實相觀佛亦然。謂本不思議。次釋移妙喜來入此土。謂迹不思議。問。上已明不思議。與今何異。答。總判始終。凡有四句。一大入小不思議。如借座燈王。二小充大不思議。如請飯香土。三以大入大不思議。運彼妙喜。入斯忍界。二土共處。而無增減。謂不思議。但此事易明。不待說也。品開三。一明法身之本。二辨無動之迹。三歎法美人。初。父前問。次答。爾時世尊問維摩詰。汝欲見如來。為以何等觀如來乎。下佛問淨名。凡有三義。一者經初已來。佛身光耀。音時。時來但取人相。不見法身。故問淨名。令觀真佛。二者上淨名云。可見諸佛。時來謂佛。可見有人能見。若爾還是佛見。非見佛也。故今明法身息彼二觀。問。乘香菩薩。來見於佛。亦起惑著。何不破之。答。彼乃起劣想。豈生染耶。故待去乃說。三者將欲明無尊卑。無動佛來並釋迦。恐有尊卑二心。故預明法身一觀。所以問也。維摩詰言。如自觀身實相觀佛亦然。下答問。此經四會三處辨法身。有何異耶。答。方便品。對生死過患。歎法身功德。弟子品。開本迹不同。法身則無漏無為。應迹有生有滅。此品偏明法身體絕百非。形備萬德。問。何故辨此三

門。答。要備三門。佛身方顯。前須對生死過患。歎法身功德。令厭茲生死。欣求佛身。疑者今見佛身。猶是有為。未免諸漏。何足欣哉。故第二章開於本迹。有為有漏。此是應迹。無漏無為。方是法身。或者問法身累無不盡。德無不圓。便謂與衆生異。是故此章明觀身實相。觀佛亦然。衆生與佛無二也。具此三門。於義乃備。非止近通此部。遠貫衆經也。又初破凡夫。次斥二乘。後教菩薩。初對凡夫者。方便品。凡夫問疾故。為說生死過患法身功德。次弟子品。正呵聲聞。謂佛身與二乘同。故開本迹之異。菩薩便佛身謂常住。衆生自。在起滅。故今現身實相。觀佛亦然。混二見也。什公云。觀佛有三。一觀色。二觀法身。三觀性空。三種觀門。淨名用性空門答。故云觀身實相觀佛亦然。今謂。此章正明法身絕四句百非性空義也。問。實相云何。即是佛身。答。佛身絕四句。衆生實相亦絕四句。是以實相即是法身。故大品云。如無有來去。如即是佛。問。如及實相。蓋是真諦。觀境。云何是佛。答。設此問者。蓋是人師自心。非經論之語。華嚴云。心佛及衆生。是三無差別。正觀論云。亦名如法性涅槃。可言涅槃亦無知乎。故法身無知。無所不知。如義亦爾。問。觀身實相觀佛亦然。云何名見佛耶。答。謂佛與身異。則是二見。非見佛也。得無二觀。乃名見佛。我觀如來。前際不來後際不去。今則不住。下此具釋法身。體絕百非。形備萬德。此初句明非三世者。欲辨法身非有為也。凡夫有為。必墮三世。

既非三世。故非有為。不觀色不觀色如不觀色性。不觀受想行識。不觀識如不觀識色性。下五陰亦是有為。故。次就五陰。明非法身。於一一陰。具三種觀門。一不觀色。非有觀也。二不觀色如。非空觀也。三不觀色性。遣非有非無也。以法身超於四句。故。亦不觀非有非無。非四大起同於虛空。下五陰為果。四大為因。果既非佛。因亦然矣。非因非果。故同於虛空。六入無積。下法身既非因果。亦超內外。以非內外故。不可積聚。六入即成佛也。眼耳鼻舌身心已過下。前明非外入。此辨過內性。不在三界下。上六入過。容謂不在有六入處。或謂應在無六入處。故復云。不在三界。三垢已離下。上明無三界果。此辨無三界因。以無三垢故。不在三界。自上六門。明如來離諸惑相。順三脫門下。此明法身具於衆德。以順三脫門。故離三垢。三明無明等下。三明有二。天眼宿命漏盡三也。二依涅槃經。一菩薩明。謂般若也。二諸佛眼。即佛眼也。三無明明。謂畢竟空。畢竟空者。體非慧性。故非明。能生實慧。故云明也。如五塵生五欲。亦名為欲。以順三脫門故。能明無明等。又或者謂。三脫門是明。故次泯之。所以明之明無明等。不一相不異相下。僧肇公云。無象不象。故不可為一。象而不象。故不可為異。接上生者。明無明等。便謂為一。如其非一。便隨異相。是故今明不一不異。不自相不他相下。應身由物感。故不自法身體寂。故不他。僧肇云。不自而同自。故自而不自。不他而同他。故他而不他。無相之身。豈可

【合】一。【識】十。【四以小入小】五字。【四以小入小】五字。【(不思惟)】十但。【父】二文。【音時】二奇特。【音十】(聲殊)。  
【可】二何。【或】二勉。【或】二惑。【在】二有。【現】二觀。【形】二相。【觀】二頭。【夫】二足。【色】一。  
【即】二而。【眼】二明。【之】一。【之】二云。【隨】二隨。

以自他而觀其體耶非無相非取相下。隨他施爲。故非無相。而德體常寂。無有分別。故非取相。此就合二身釋。僧肇云。非無物之相。非可取之相。但就法身釋也。不此岸不彼岸不中流下。生死本無故非此岸。涅槃今不有故非彼岸。既無彼此。何有八正中流。又常在生死故不彼。不捨涅槃故不此。雙行二行。無所偏著。故不中流。而化衆生下。向云不三。則似息化故。今云雖復不三。而常教化。令悟不三。觀於寂滅亦不永滅下。既云化衆生。似見有衆生。則非寂滅。故今明雖化常寂。所以云觀於寂滅。雖復寂滅。而常教化。故非永滅不此不彼下。既化衆生。則在於彼此。法身無相。故不在彼此。又國土皆如。無此可在。名爲不此。無彼可在。故云不彼。不以此不彼下。不此而同此。故此而不此。不彼而同彼。故彼而不彼。豈復以此而同此。以彼而同彼乎。蓋明聖心。無有心以而同。心也。不可以智知。不可以識識下。聖人十智不知。凡夫六識不識。凡智識之生。生於相內。法身無相。故智識不及無晦無明下。法身無知故非明。無所不知故非晦無名無相下。不可以名。不可以相。故方圓不能寫。題目不能傳。無強無弱下。至柔無逆故。不剛。剛無不伏。故不弱。又運動天地而不剛。應盡無常而不弱。非淨非穢下。垢無不盡故非穢。果無不入故非淨。又相好嚴身。非其淨也。金鎧馬麥。亦非穢也不在方不離方下。妙非三界。故不在方。惑無不應。故不離方非有爲非無爲下。相不能遷。故非

有爲。妙用無窮。故非無爲無示無說下。六情可不及。豈可說以示人。將言對人爲示。以言。因法爲說。又應見者爲示。應聞者爲說。而佛不可見聞。故無說無示不施不慳不戒不犯不忍不恚不進不忘不定不亂不智不愚下。以六度爲體。故能如響之應耳。而言所應度者。則不度。色。無度無不度。然後度耳。不誠不欺下。誠實也。欺誑也。不可以善善。故不誠。不可以惡惡。故不欺。又虛。捐三。事故不誠。終今得一故不欺。不來不去不出不入下。乘如實道爲來。善逝入滅爲去。驚赴火宅爲入。在門外立爲出。而法身實無也。一切言語道斷。下總結上來諸句。辨不可言也。非福田非不福田。非應供養。非不應供養下。慢之得罪故。非福田。敬之得福故。非不福田。非不福田。即應供養。非福田。即不應供養。有人言。法身無所受故非福田。應物受供。故非不福田。又不同善人故非福田。不同罪人故非不福田。非取非捨。非福故非取。非不福田故非捨。非有相非無相下。寂漠無形故。非相。三十二相故非無相。同真際等法性下。法身無相。則是真際。或者謂佛爲異。故言同耳。不可稱不可量。過諸稱量下。體非輕重。故不可稱。邊表莫測。故不可量。非大非小下。大於天地。不可爲小。細入無間。不可爲大。能大小者。其無大小也。非見非聞非覺非知下。非色故非見。非聲故非聞。非香味觸故。非三情所覺。非法故非意所知。離衆結縛。既非見聞覺知。於何生結縛耶等諸智同衆生於諸法無分別下

智同群智之智。人同衆人之人。以如斯觀。故無分別。又同衆人之智。故云等諸智。亦無大聖之佛殊彼衆生。故云同衆生。人法齊觀。則息想念。故於諸法無分別也。一切無失無濁無惱下。三業離過故。一切無失。無失故無濁。無濁則無惱。無作無起無生無滅下。法身無爲。絕於施造。孰能作之令起。生之使滅乎。無畏無憂無喜無厭無著。若有生滅。是可畏法。便欣生而憂滅矣。欣憂既生。故可厭著也。而法身並無。無已有無當有。無今有不可以一切言說分別顯示世尊如來身爲若此作如是觀。以斯觀者名爲正觀。若他觀者名爲邪觀。總結佛身。勸觀察也。爾時舍利弗問維摩詰汝於何沒而來生此。下第二次明迹不思議。就文爲二。初辨淨名生無生義。次現無動佛土。身子致問。有三因緣。一者見其神德奇妙。來處必美。故問取從也。二者上云如自觀身實相。實相無生。而今現有生。將成自觀之義。故以沒生問也。三者上已顯法身。今次開迹用。是故問之。維摩詰言汝所得法有沒生乎。舍利弗言無沒生也。若諸法無沒生。相云何問言汝於何沒而來生此。於意云何。譬如幻師幻作男女。寧有沒生耶。舍利弗言無沒生也。汝豈不聞佛說諸法如幻。相乎。答曰如是。若一切法如幻。相者云何。問言汝於何沒而來生此。舍利弗沒者爲虛誑。法敗壞之相生者爲虛誑。法相續之相善薩雖沒不盡善本。雖生不長諸惡。下然善惡者。皆是虛誑相。續敗壞法耳。然凡夫。生則長惡。沒則盡善。善薩生則長善。沒則

就合二合就 心一 惑二惑 可二所 因二目 色二也 捐一指 事二事 顯十 顯十 非十 有 切十 無得 著 取二所 損十 之相

盡惡。雖有沒生同。長盡不一。然俱是虛誑敗壞之相。何異幻化耶。是時佛告舍利弗。有國名妙喜佛號無動。是維摩詰於彼國沒而來生此舍利弗言未曾有也。世尊是人乃能捨清淨土而來樂此多惡害處。維摩詰言舍利弗。於意云何。日光出時與冥合乎。答曰不也。日光出時則無衆冥。維摩詰言夫日何故行闇。淨提答曰欲以明照爲之除冥。維摩詰曰菩薩如是雖生不淨佛土。爲化衆生不與惡闇而共合也。但滅衆生煩惱闇耳。下前辨無生。此出生處。應物而唱。來始非益。無生即是法身。生謂應迹。又諸佛說法。常依二諦。無生就真。生則約俗。是時大衆渴仰欲見妙喜世界無動如來及其菩薩聲聞之衆。佛知一切衆會所念。皆維摩詰言善男子。爲此衆會現妙喜國無動如來及諸菩薩聲聞之衆。皆欲見。下此文第二。明現無動國所以。現有三因緣。一者欲令此會修淨土行。故得往生。二者欲顯淨名不思議德。三者將還妙喜身本生處。捨茲淨土。入斯穢國。明大士慈悲之緣也。文有四句。一大衆欲見。二淨名現土。三時衆得益。四還歸本處。此初文也。於是維摩詰心念吾當不起于座。接妙喜國土鐵圍山川溪谷江河大海泉源須彌諸山及日月星宿天龍鬼神梵天等宮殿并諸菩薩聲聞之衆。城邑聚落男女大小乃至無動如來及菩提樹諸妙蓮華能於十方作佛事者。三道寶階從閻浮提至忉利天。以此寶階諸天來下。悉爲禮敬無動如來。聽受經法。閻浮提人亦登其階上。昇忉利見彼諸天妙喜世界成

就如的是無量功德上至阿迦膩吒天下至水際以右手斷取如陶家輪。下第二明現土也。就文爲二。初念欲現土。次正示現土。羅什曰。胡本云如斷泥。今言如陶家輪。明就中央斷取。如陶家輪。下不著地。四邊相絕。入此世界猶持華鬘示一切衆。顯菩薩示之不難其行。此喻也。作此念已入於三昧現神通力。以其右掌斷取妙喜世界。下此第二正明現土。凡有四句。一正現土。二釋迦勸觀。三大衆觀見。四勸修淨土因。羅什曰。斷取明不盡來也。置於此土。彼得神通菩薩及聲聞衆并餘天人俱發聲言。唯然世尊。誰取我去。願見救護。無動佛言。非我所爲。是維摩詰神力所作。其餘未得神通者。不覺不知。已之所在。妙喜世界雖入此土。而不增減。於是世界亦不迫隘。如木無異。爾時釋迦牟尼佛告諸大衆。汝等且觀妙喜世界無動如來。其國嚴飾菩薩行淨弟子清白。此勸衆觀察也。皆曰唯然已見。此明大衆觀見也。佛言若菩薩欲得如是清淨佛土。當學無動如來所行之道。下。既現妙果。勸修淨因也。現此妙喜國時。娑婆世界十四那由他人發阿耨多羅三藐三菩提心。皆願生於妙喜佛土。釋迦牟尼佛即記之曰。當生彼國下。第三時衆得益。肇公云。千萬爲一那由他。時妙喜世界於此國土所應饒益其事。訖已還其本處。衆皆見下第四還歸本處。佛告舍利弗。汝見此妙喜世界及無動佛不下。此第三明歎人美法。以聖集難遇。經法難聞。故問汝見之不唯然已見。世尊願使一切衆生得清淨土。如無動佛獲神

通力如維摩詰世尊我等快得善利得見是人親近供養下。以身子因其所見。發願歎人也。其諸衆生若今現在若佛滅後。聞此經者亦得善利。況復聞已信解受持讀誦解說如法修行。若有。乎得是經典者。便爲已得法寶之藏。此歎法也。手得經卷。雖未誦。待。如人已得寶藏。但未用耳。若有讀誦解。釋其義如說修行。則爲諸佛之所護念。下。行應於內。護念於外。理。數冥感。自然之安也。其有供養如是人者。當知則爲供養於佛。其有書持此經卷者。當知是室則有如來。若聞是經。能隨喜者。斯人則爲取一切智。若能信解此經。乃至一四句偈。爲他人說者。當知是人即受阿耨多羅三藐三菩提記。下。此經正明菩薩之行。故聞經能隨義而喜。必得種智。信解此經一四句偈。爲他人說。則知菩薩道高。二乘鄙劣。故永不退大心。必當成佛。故爲佛可記。

法供養品第十三

經有三分。序正已。說。命次辨流通。流通有二。一者讚歎。二者付囑。即兩品文也。法供養品者。法謂大乘了義究竟之法也。如說而行自養法身。如行而說。養他法身。此二並以稱會佛心。即是供養於佛。名法供養。品開爲二。一天帝歎法美人。二如來印述。初有三句。一歎所聞法。二美能聞之人。三結誓弘護。爾時釋提桓因於大衆中白佛言。世尊我雖從佛及文殊師利聞百千經。未曾聞此不可思議自在神通決定實相經典。下。此初句歎法也。大品等廣故難尋。此簡其略故。歎未曾有也。智度

論云。說智慧多。對出家人。明福德多。對在家  
人。今既明功德。是以天主。稱歎勸修。如我  
解佛所說義趣。若有衆生。聞是經法。信解受  
行。讀誦之者。必得是法。不疑何況。如說修行  
斯人。則爲閉衆惡趣。開諸善門。常爲諸佛之所  
護念。降伏外學。摧滅魔怨。修治菩提。安處道場。  
履踐如來所行之跡。下此第二。次歎人也。世  
尊若有受持讀誦。如說修行者。我當與諸眷  
屬供養。恭給所在。聚落城邑。山林曠野。有是  
經處。我亦與諸眷屬。聽受法故。共到其所。其未  
信者。當令生信。其已信者。當爲作護。此第三  
結誓弘護。佛言善哉。善哉。天帝如汝所說。吾  
助汝喜。此經廣說過去未來現在諸佛。不可思  
議阿耨多羅三藐三菩提。故此第二。明佛述  
成。成上三章。卽爲三意。此初第一。述歎法也。  
天帝若善男子。善女人。受持讀誦供養是經  
者。則爲供養去來今佛下。此第二。述其歎人。  
初正述歎人須格量。此初文也。天帝正使三  
千大千世界。如來滿中。譬如甘蔗。竹葦。稻麻。叢  
林。若有善男子。善女人。或一劫。或減一劫。恭敬  
尊重。讚歎供養。奉諸所安。乃至諸佛滅後。以一  
全身舍利。起七寶塔。縱廣一四天下。高至梵  
天。表刹莊嚴。以一切華香。璣路幢幡。伎樂微妙  
第一。若一劫若減一劫。而供養之。於天帝意  
云何。其人殖福。寧爲多不釋提桓因言多矣。世  
尊彼之福德。若以百千億劫說。不盡。佛告天  
帝。當知是善男子。善女人。聞是不可思議。解脫  
經典。信解受持。讀誦修行。福多於彼。所以者何。  
諸佛菩提。皆從是生。善提之相。不可限量。以

是因緣。福不可量。此第二。須辨。相量。佛告天  
帝。過去無量阿僧祇劫。時世有佛。號藥王如來。  
應供。正遍知。明行足。善逝。世間解。無上士。調御  
丈夫。天人師。佛世尊。世界名曰大莊嚴。劫名莊  
嚴。佛壽二十小劫。其聲聞僧。六十六億。那由  
他。菩薩僧有十二億。天帝是時轉輪聖王。名曰  
寶蓋。七寶具足。主四天下。王有千子。端正勇健。  
能伏怨敵。爾時寶蓋與其眷屬。供養藥王如來。  
施諸所安。至滿五劫。過五劫已。告其千子。汝等  
亦當如我。皆以深心。供養於佛。於是千子受父  
王命。供養藥王如來。復滿五劫。一切施安。下此  
第三。引往古事。述成天帝結誓弘護。就文爲  
五。一。明法供緣起。二。正明法供。三。開法供得  
益。四。會古今。五。總結結也。此卽初文。其王一子  
名曰月蓋。獨坐思惟。寧有供養殊過此者。以佛  
神力。空中有天曰善男子。法之供養。勝供養  
卽問何謂法之供養。天曰汝可往問藥王如來。  
當廣爲汝說法。法之供養。卽時月蓋王子行詣藥  
王如來。稽首佛足。却住一面。白佛言。世尊。諸供  
養中。法供養勝。云何名爲法之供養。佛言。善男  
子。法供養者。諸佛所說深經下。此第二。正明  
法供養。深經者。謂方等了義。究竟之經也。一  
切世間難信難受微妙難見清淨無染。非但分  
別思惟之所能得下。非但分別者。謂非智慧  
分別之所能得也。思惟之所得者。要由禪定。  
方乃得也。又要由正觀。然後能得耳。非分別  
取相。思惟之所得也。菩薩法藏所攝。大明佛  
法。凡有二藏。爲小乘人說。名聲聞藏。爲大乘  
人說。名菩薩藏。陀羅尼印印之下。陀羅尼是

行。以念智爲體。記法不忘爲念也。知。生法  
不生是智也。一者聞持。持教不忘。二者思  
議。持義不失。持義不失故。不可改。所以爲  
印。又釋。持有多門。此是實相總持。以實相  
對印此經。名深經也。至不退轉。行深經。必  
得不退也。成就六度。善分別義。順菩提法。衆  
經之上。入大慈悲下。由慈悲故。能知深經。知  
深經。必入慈悲。以此經。教菩薩。化益衆生。  
故可入慈悲也。離衆魔事。及諸邪見。順因緣  
法下。深經所說因緣。非定有無。故順因緣也。  
無我無人。無衆生。無壽命。空無相。無作。無起。能  
令衆生坐於道場。先坐道場。正是入金剛三  
昧。若通論萬行。悉能起道。名爲道場。此深經。  
能令坐此二道場也。而轉法輪。諸天龍鬼神  
闍婆等。所共歎譽。能令衆生入佛法藏。攝諸賢  
聖。一切智慧。說衆菩薩所行之道。依於諸法。實  
相之義。明宜無常。苦空。無我。寂滅之法下。不  
依實相。而解無常者。則破常而著無常。若依  
實相。而說無常。則破常不著無常。謂明宜之  
義也。能救一切毀禁衆生下。四重五逆。小乘  
不能救之。大乘無所不濟也。諸魔外道。及貪  
著者。則能使怖畏下。外道爲見。貪著是愛。  
深經能轉其愛見。則於愛見生怖畏也。諸佛  
賢聖。所共歎譽。背生死。苦示涅槃。樂十方三  
世諸佛所說下。自上已來。正明法也。若聞如  
是等經。信解受持。讀誦。此明如法修行。稱會  
佛心。謂供養也。以方便力。爲諸衆生。分別解  
說。顯示分明。守護法故。是名爲供之供養  
下。此明如行而說。令諸人悟道法。是又便

①行二持 ②恭給二給事 ③〔故〕一 ④〔是故〕十 ⑤天帝 ⑥滅二滅 ⑦不十〔能〕 ⑧善二善 ⑨相二格 ⑩六三三 ⑪十〔諸〕 ⑫〔生〕一 ⑬議二義 ⑭對二封 ⑮封 ⑯封 ⑰〔則〕一 ⑱所二稱 ⑲明二別 ⑳供二法 ㉑信二信 ㉒便二彰 ㉓使 ㉔彰 ㉕

前人資養法身。並稱順佛心。名法供養。又於諸法如說修行隨順十二因緣離諸邪見得無生忍決定無我無衆生而於因緣果報無違無諍離諸我所下。此重明如說修行爲供養也。依於義不依語。語爲教。義爲理。本以教詮於理。如因指示月。故須依理。不得依教。依於智不依識。識以執著爲情。智以達理爲用。故依智不依識也。依了義經不依不了義經。智所知義。有了不了。故須依了義經。不依不了義。依於法不依人。法雖人弘。人不必盡能依法。法有定楷。人無常則。是故依法不依於人。法。又一種次第。初依法不依人。如向釋。二依了義經。不依不了義。向雖去人取法。但法有了不了。故次簡於不了。令取了也。三依義不依語。就了義經。有理有教。故須依理。不依於教。四依智不依識。識所知理。不足可依。智所知理。方乃可依。故須依智不依識也。隨順法。相無所入無所歸。無明畢竟滅。諸行亦畢竟滅。乃至生畢竟滅。故老死亦畢竟滅。作如是觀。十二因緣無有盡相。問。滅即是盡。今既云無盡。上何得云畢竟滅耶。答。前對虛妄謂有生。故畢竟滅耳。然十二因緣。本自不生。故今無滅。無滅故言無盡。亦上云畢竟滅。破凡夫有生。今稱無盡。斥二乘有滅。是以後句云不復起見。不復起見者。上離凡夫生見。今不起二乘滅見。不復起見是名最上法之供養。結法供養。爲最上也。簡法供養有二。若於法起見。非最上法供養。若不於法起見。名最上法供養也。佛告天帝王子。月蓋從藥王佛聞

如是法得柔。順忍第三闍法供養得利益也。心柔智順。堪受實相。未及無生。名柔順忍位。順忍有二。一在地前三十心位。二在六地已下也。無生亦兩。一在初地。二居七地即解寶衣嚴身之具。以供養佛。白佛言。世尊。如來滅後。我當行法供養。守護正法。願以威神。力哀建立。令我得降魔怨。修菩薩行。佛知其深心所念。而記之曰。汝於。未後守護法城。天帝王子。月蓋見法清淨。聞佛授記。以信出家。修集善法。精進不久。得五神通。具菩薩道。得陀羅尼。無斷辨才。於佛滅後。以其所得神通。總持辨才之力。滿十小劫。藥王如來所轉法輪。隨而分布。月蓋比丘。以護持法。勤行精進。即於此身。化百萬億人。於阿耨多羅三藐三菩提。立不退轉。十四那由他人。深發聲聞。辟支佛心。無量衆生。得生天上。上明得柔順忍。今云獲五神通。謂無生忍也。以具得二忍。即如說修行。名法供養。復能如行而說。令多人悟道。亦名法之供養也。天帝時王寶蓋。豈異人乎。今現得佛號寶炎。如來其王子。子即賢劫中千佛是也。從迦羅鳩孫。大爲始得佛最後如來號曰樓至。月蓋比丘。則我身是。第四會古今賢劫者。淨居天。見劫初來時。水內有千寶蓮華。即知有千佛出世。故名此劫。以爲善劫。賢即善也。樓至翻爲啼泣。事出他經。如是天帝當知。此要以法供養於諸供養。爲上爲最第一。無比是故天帝當以法之供養供養於佛下。第五總結法供爲勝也。

藥果品第十四

流通有二。讚歎竟前。今是第二次明囑。累謂付囑。累是憑累。付囑憑累。使法流末葉。群生信解。故云囑累。品開五段。一付囑彌勒。二諸菩薩發願弘宣。第三四王自誓擁護。四命持者受持。五大衆聞法歡喜。信受奉行。初文又三。一付囑彌勒。二彌勒受。三佛述歎。於是佛告彌勒。菩薩言。彌勒。我今以是無量億阿僧祇劫所集阿耨多羅三藐三菩提。提法付囑於汝下。不付阿難者。以其無有神力。不能弘宣故也。維摩非此土菩薩。故不付囑也。文殊遊無定方。故亦不付也。彌勒者。以於此成佛故。以神力宣通。欲成彌勒功業故也。問。智度論云。法華經。是初密法故。付囑菩薩。波若非祕密法故。付囑聲聞。此經未明聲聞受記成佛。則非祕密法。何付囑菩薩。答。波若有二種。一者與三乘共。二者獨爲菩薩說。尋大品既是三乘共波若。故付囑聲聞。此經雖非祕密。而獨明菩薩不思議法門。非下位所知。豈是二乘能測。故付囑菩薩。不憑累聲聞也。如是聲聞於佛滅後末世之中。汝等當以神力廣宣流布於閻浮提。無令斷絕。所以者何。未來世中當有善男子善女人及天龍鬼神乾闥婆羅刹等發阿耨多羅三藐三菩提心。樂于大法。若便不聞如是等經。則失善利。如此輩人聞是等經。必多信樂。發希有心。當以頂受。隨諸衆生所應得利。而爲廣說下。前句正付囑彌勒。此章謂勸彌勒宜也。彌勒當知。菩薩有二相。何謂爲二。一者好於難句文飾之事。二者不畏深義。如實能入若好難句文飾事者。當知是爲新學。

●[法]一●●相二●●(義)一●●順二●●●力二加●●米二末●●女二尸●●大二獸●●累十(囑)●●(囑)●●持二●●初二●●便二●●項二●●

菩薩若於如是無染無著甚深經典無有恐懼能入其中聞已心淨受持讀誦如說修行當知是爲久修道行下。前之二句。明付囑弘宣。今次。明通法儀軌。以爲誡勸。凡有三雙。初通明淺深二人。二須雙辨受法人兩過。三雙明說法者二失。初明淺深二人者。若樂難句。則應授之以文。若樂深法。則應教之以義。文者卽妙旨之筌蹄。而新學智淺。未能忘言取理。唯文飾是好。義者妙旨甚深。言忘慮絕。自非智勇。孰能受之。故緣文義。辨深淺二人。彌勒復有二法名新學者不能決定於甚深法何等爲二。一者所未聞深經聞之驚怖生疑不能隨順毀謗不信而作是言我初不聞從何所來二者若有護持解說如是深經者不肯親近供養恭敬或時於中。流其過惡有此二法當知是新學菩薩爲自毀傷不能於深法中調伏其心下。此第二雙明受法人兩過。初則毀法。次則謗人。故誡之也。始聞爲驚。尋之則疑。終復起謗。蓋是毀法過也。謗人者。不能諮近敬養。乃說其人過失也。彌勒復有二法菩薩雖信解深法猶自毀傷而不能得無生法忍何等爲二。一者輕慢新學菩薩而不教誨二者雖信解深法而取相分別是爲二法下。此第三雙。相說法人二失。一明外失。雖有深解。未爲心用。尊己慢人。不能誨導聽人。二明內失。雖得於深法。作有所得解。故取相分別。彌勒菩薩聞說是已。白佛言世尊未曾有也。如佛所說我當遠離如斯之惡奉持如來無數阿僧祇劫所集阿耨多羅三藐三菩提法若未來世善男子善

妙人求大乘者當令手得如是等經與其念力使受持讀誦爲他廣說世尊若後末世有能受持讀誦爲他說者當知是彌勒神力之所建立下。此第二彌勒受旨。與其念力者。令所聞不忘也。佛言善哉善哉彌勒如汝所說佛助汝喜下。第三如來述歎。於是一切菩薩合掌白佛言我等亦於如來滅後十方國土廣宣流布阿耨多羅三藐三菩提復當開導說法者令得是經下。此第二諸菩薩。自誓弘宣。彌勒於此土流布。諸菩薩於十方闡揚。爾時四天王白佛言世尊在處處城邑聚落山林曠野有是經典讀誦解說者我當率諸官屬爲聽法故往詣其所擁護其人而百由旬令無伺求得其便者下。第三四王發誓擁護。是時佛告阿難受持是經廣宣流布阿難言唯然我已受持要者世尊當何名斯經佛告阿難是經名維摩詰所說經亦名不思議解脫法門如是受持下。第四命侍者受持。前命。次頂受旨。三問名。四答題。佛說是經已長者維摩詰文殊師利舍利弗阿難等及諸天人阿修羅一切大眾聞佛所說皆大歡喜下。第五時衆歡喜。信受奉行

維摩經義疏卷第六





說無垢稱經疏卷第一 本

大慈恩寺沙門 基撰

詳夫。實際凝空。啓玄樞於不二。權方孕道。演妙寶於無三。或顯微鴻猷。高謝金輪之業。或密開冲最俯贊玉璞之緒。咸欲清炎。楚慧雨。蕩渠溺以慈津。指九有而會十空。徵八解而敷七覺。至哉赫矣。難得而名焉。今此經者。含衆旨之大蘆。結群。鑒之天沼。理窮真俗之府。述軌心言之外。杳神機而靡測。湛粹德而難思。變百億於足按。運三千於掌握。合蓋羅於萬像。彰塵岳之危浮。丈室。總八希。照真場而永淨。納妙高於毫芥。境均大小。灌巨海於歸海。纖齊寬狹。開玄門之秘鍵。移覺苑之道。獲。出朽宅之牛軒。渡。洋河之象駕。所以西靡玉。謀東耀金姿。就賞一真。已經六譯。既而華梵懸隔。音韻所乖。或勢踈於遵文。而糟粕於玄旨。大師皎中宗於行月。鏡圓。教於情臺。維絕紐而裕后昆。緝類綱以格前範。陶甄得失。商榷詞義。載譯此經。或遵真軌。說無垢稱經。序品第一者。振金聲於金口。揚玉字於玉塵。警濤群聰。宣暢云說。道融真宰。業檀靈機。縹紫。秋以潛儀。偶玄儒以耀彩。或權或實。示寢疾而演大方。乍隱乍顯。假對揚以光。體命。播英聲之十子。皆詞道屈。標龍頂之一人。承威纓暗。既清梵行。且肅神。標。雅譽遠彰。名無垢稱經者。實也攝也。貫二理而

不斷攝四生而莫墜。序者。由也始也。陳教起之。因由。作法興之漸始。品者。類也別也。區分玄旨。條貫幽筌。類別而彰。目之爲品。此經部成六卷。合有一十四品。今此建初。故名第一。

一 經如是我聞 贊曰。今解此經。合以六門分別。一經起所因。二經之宗緒。三明經體性。四叙經不同。五科品所從。六釋本文義。第一經起所因。略有五種。一爲令衆生起欣厭故。二爲令二乘有取捨故。三爲顯菩薩內外修故。四爲顯如來威德大德故。五時衆根熟所宜聞故。一爲令衆生起欣厭者。仰尋。佛現利生。莫過二種。一現身。二說法。且論諸佛之身。本來無二。故涅槃云。若能計三寶常住同真諦。此即是諸佛最勝之上願。隨衆所宜聞見。乃分三種。一法身。即離妄之真理。二報身。即會真之實智。三化身。即應物之權質。故佛地經云。自性法受用變化差別轉。昔由虛妄所覆。俗事翳而愚生。今假真法而修。正理明而報起。夫理爲覺道之本。顯位而號法身。報爲聖德之先。修圓而稱報體。妙理則中人未了。妙理者。佛性法身。中人者。十地菩薩。十地菩薩。猶未明了佛性法身。故菩薩地云。第十地菩薩。現緣境像。如明眼人。兩於。而觀。論亦云。諸佛法身。應如明眼人。乃能知之。中人既未了。下人故不知也。上智亦下愚不知。上智者。佛智報身。下愚者。二乘上智。故法華云。假使滿世間。皆如舍利弗。未能知佛之真共度。不能知佛智。下文云。中人亦未了。是以應物器而顯化形。凡夫。化身之妙用。逆生機而現證覺。現。化身。化十地菩薩。自如。微空壁彩。洞。咬無涯。注水。光。輝華有極。佛身權質。取譬可明。故下經云。衆會瞻仰大牟尼。靡不心

生清淨信。各見世尊在其前。斯則如來不共相。身既無異。隨宜說三。法亦無差。住機成四。如如意珠隨求雨寶。猶天帝鼓應念發聲。法有四種。一教。二理。三行。四果。法雖萬差。不過此四。意解能詮。名之爲教。教之所詮。稱之爲理。隨理所修。因之爲行。因修所證。號之爲果。然此四種。各自無二。任緣有異。並通三乘。故下經言。佛以一音演說法。衆生各隨所解。普得受用獲其利。斯即如來不共相。此乃教一。任緣通三。亦即法花一雨普潤。三乘三草。二聖二木。生長不同。此乃教同而機有異。成三乘法。此經。又云。佛以一音演說法。或有恐畏或歡喜。或生厭離或斷疑。斯則如來不共相。此亦理一。任緣通三。實性論之。河性無差。兔馬象三渡之有別。此乃理同而證有異。成三乘義。法花經中。衣機案。唯有一門。出處雖殊。離諸災難。及取牛車之因是等。勝鬘又言。正法住。正法滅。波羅提木叉。毘尼。出家。受具足。此六法爲大乘。故諸經論二藏。善蓋名住。除障名滅。戒中略本。名波羅提木叉。廣律本名毘尼。此乃所學三藏之法。能學之人名出家。受具足。二乘。人法合成六處。既言皆爲大乘故說。故知小學爲成大因。此乃行同而修有異。頓漸別故成三乘業。法花又云。中路。說化城息處。故說二。三車初誘。後等賜牛。此乃果同。而設有異。假實別故。成三乘果。故知所說法性無差。任彼外緣。分成種種。由此經起略有五因。寧知今衆生起於欣厭。欣厭有二。一內欣厭。二外欣厭。

① 雲天保七年寫大谷大學藏本。② 大日本續藏經。③ 經二種。④ 楚十(用)。⑤ 鑒二詮。⑥ 總十(於)。⑦ 機二莊。⑧ 機。⑨ 詳二詳。⑩ 道。⑪ 教二教。⑫ 秋二秋。⑬ 偶二偶。⑭ 體二休。⑮ 機二禁。⑯ 因二因。⑰ 甲本經文首之經字無以下準之同。⑱ (德)。⑲ 智二報。⑳ 智。㉑ 昔二昔。㉒ 現緣二說法。㉓ 像十(也諸)。㉔ (與)。㉕ (諸)。㉖ 文二二人。㉗ 大二人。㉘ (身)。㉙ 教二教。㉚ 說二說。㉛ 住二任。㉜ (故)。㉝ 亦二又。㉞ 又云二文之。㉟ 河二何。㊱ 諸二說。㊲ 說二說。

內欣厭者。厭謂厭生。死身欣謂欣當佛身。方便品云。時無垢稱以大方便。現身有疾。以其疾故。國王大臣長者居士。無數千人。皆往問疾。時無垢稱。廣為說法。言諸仁者。是四大種所合成身。無常無強。無堅無力。朽故速疾。不可保信。為苦所惱。眾病之器。多諸過患。變壞之法。諸仁者。如此之身。其聰慧者。所不為估。乃至廣說。諸仁者。於如此身。應生厭離。於如來身。應起欣樂。如來身者。無量善法共所集成。從修無量勝福慧生。從戒定慧解脫解脫智見所生。乃至廣說。諸仁者。如來之身。功德如是。汝等皆應發心求證。汝等欲得如是之身。息除一切有情病者。當發阿耨多羅三藐三菩提心。遣厭苦。心。斷除苦本。令欣佛體。修行佛因。故知。示疾現不思議。欲令眾生成起內欣厭。又對揚事畢。將赴菴園。佛邊大眾皆現金色。知欣厭者。後必果心。外欣厭者。厭謂。雜穢。王。欣謂欣清淨土。此經淨土有二。一此聖現。二他聖現。穢土亦二。一衆生現。一釋迦現。校勘上下說經始終。所依之土。兩穢二淨。初佛在廣嚴城菴羅園內。為諸四衆廣說妙法。寶性獻蓋。讚性佛。諸疑。佛現神通。合蓋酬問。未明異義。國土居常。田告寶性。若欲勤修嚴淨佛土。先應方便嚴淨自心。驚子承佛威神。忽作是念。若菩薩心淨。佛土嚴淨者。勿我世尊行菩薩時。心不嚴淨。而土難穢。佛難喻。驚子未知。持髻廣陳其方欲悟。世尊拂衆疑。或指按大千。云變妙寶莊嚴。驚子始證希見。寶性五百童子。既證無

生。八萬四千衆生。皆聞與覺慧。化緣既畢。時會所堪。佛攝神通。世界如故。後佛遣妙吉祥。問無垢稱疾對揚事訖。將赴菴園。菩薩行品中。表彼示現難思。菴園欽然廣博。迄至說於經。未更無變穢之文。彰厭穢而欣淨方。究竟必當嚴淨。初三現穢土。二四變淨利。初我世尊。自變淨土。後淨名妙德。重隔穢方。故言淨土此聖所變。佛淨名等。俱此聖故。他聖現者。他聖有二。一香臺品中。驚子念食時。無垢稱遂現神通。上方去此。過三十二號伽沙等諸佛世界。有佛世界。名曰妙香。其中佛號最上香臺。彼界一切。皆香所成。都無二乘。唯有清淨諸大菩薩。時此大衆。皆都觀彼佛國界等事。有千衆生。皆發菩提之意。十千菩薩。並證無生法忍。二觀如來品中。下人不知上位。驚子心忽疑生。此無垢稱。從何來此。佛言妙喜世界。有無動如來。彼為度此衆生而來至此。大衆心生渴仰。欲見妙喜功德莊嚴清淨佛土諸菩薩等。時無垢稱。斷取彼界。置右手掌。如陶家輪。猶花鬘寶。入此界中。示諸大衆。雖復彼此二界相離。各見所居。與本無異。佛告大衆。欲得如是莊嚴佛土。皆當隨學無動如來。本所修行。時此土有八十四那由多諸諸人天等。皆發無上正等覺心。願生彼界。世尊悉記一切當生。此二名為他聖所現。香臺無動。俱他聖故。令厭穢土不起惡因。遣欣淨方修持淨業。由斯變土現不思議。欲令衆生起外欣厭。凡夫衆生。聞法修學。必以欣厭而為根本。經中。此聖所變淨方有二。一釋

迦自變。二淨名妙德欲來預變。化所變淨土亦二。一遠觀妙香。二近瞻妙喜穢土亦二。一衆生變。二釋迦變。故序品言。告舍利子。我佛國土。常淨若此。為欲成熟下劣有情。是故示現無量過失難穢土耳。譬如三十三天。共寶器食。隨業所招。其食有異。如是舍利子。無量有情。生一佛土。隨心淨穢。所見有異。是故淨者本聖者土。神力令餘下劣有情。亦得變淨。由此穢者本是下劣有情之土。聖者隨之。果亦為穢。此諸身土。有漏無漏。或真或似。唯准。准凡准聖。自識異識。所變淨穢。如唯識論。並應分別。此聖變淨。略有二緣。一拂小疑。二警群意。他聖變淨。並為一切如來變穢。但為二乘及凡夫類。非為菩薩。問。何故驚子生疑。如來自變淨土。淨名將至。妙德預變寶方。答。拂疑破病。如來自變淨方。警動群情。妙德預變嚴利。問。妙香淨利。淨名何不持來。妙喜寶方。淨名攝持于掌。答。妙香須飯。食見而不持來。妙喜現通。令見亦持于掌。神通濟利。不一。權方。何必並遣持來。齊令俱見。問。佛本濟生。利成欣厭。何不亦令見淨。而唯暫隔穢方。答。機向熟。而緣須暫令見淨。緣不須而未熟。攝穢方。二為令二乘有取捨者。取捨有二。一內取捨。二外取捨。內取捨者。捨謂捨二乘心。取謂取大乘智。障有二種。一煩惱障。二所知障。初障涅槃。後障菩提。聲聞斷初。已超生死。得涅槃。訖。不能斷後。未證菩提。不達諸法。故分別心。二乘現有。由此劣法。彼亦成熟。無分別智。菩薩所成。由斯

①共二具②心二身③身④緣二離⑤王二土⑥上⑦一二二⑧校二後⑨校⑩諸二請⑪請⑫田二因⑬因⑭先二者⑮諸二諸⑯說二訖⑰三三四⑱有二百⑲有⑳化二他㉑他㉒本十(變)㉓圓二因㉔自二白⑵自⑶食二舍⑷齊二濟⑸寶⑹亦二入⑺攝二未隔⑻隔⑼訖二證⑽



德。皆是菩薩外所應修。如是。菩薩凡聖。通論趣與未趣。總相兼說。莫過七地。一種姓地。二勝解行地。三淨。勝意樂地。四行正行地。五決定地。六決定行地。七到究竟地。此七地中。初有種姓而未能修。次雖能修。而未能證。後之。之地。雖皆證得。後位勝前。又有十地。一住種姓。二已趣入。三未淨意樂。未入初地。四已淨意樂。已入初地。五未成就。未至究竟地。六已成就。已至究竟地。七未墮決定。未成熱中。七地已前。八已墮決定。住八九地。九一生所繫。到究竟位中。十最後有。即第十地。此等菩薩所修諸行。別雖無邊。總類而論。不過四種。一波羅密行。二菩薩分行。三諸神通行。四成熟有情行。惡文繁廣。不獲指陳。至下文。當別顯說隨應。是此內外應修。然諸菩薩。有五種生。一除災生。謂諸菩薩。大願自在。二種力故。於飢饉厄難時。為令眾生少用功力。而得存濟。於大魚等種類中生。身形廣大。以自身內。普給一切飢餓眾生。或持明呪。或為藥王。救諸疾疫。隣國戰諍。具勢息除。有情乖違。誠言和解。惡。主逼迫。生彼調順。諸有邪見。生彼天處。方便除斷。此等一切。名除災生。二隨類生。謂諸菩薩。以大願自在。隨於一切種類中生。而為上首。方便化導。彼所行惡。而自不行。彼不行善。而自行之。方便勸說。除彼過失。三大勢生。謂諸菩薩。稟性生時。壽量形色。族姓自在。及富貴等。諸異熟果。一切世間。最為殊勝。四增上生。謂諸菩薩。初地作轉輪王。王瞻部洲。二地作金輪王。

王四天下。三地作忉利天王。四地作夜摩天王。五地作。都史多天王。六地作樂變化天王。七地作他化自在天王。八地作初禪天王。九地作二禪王。第十地菩薩作大自在。過色究竟。第四禪王。一切生處。最為第一。避四天王。無定主故。避第三禪。世極樂故。五最勝生。謂諸菩薩。菩提資糧。已極圓滿。生波羅門家。大國師家。或生刹帝利大國王家。能現等覺。廣作佛事。如菩薩地四十八卷。當廣分別。准無垢稱。此五生中。資財無量。攝受貧乏。得名除災生。若在長者。長者中尊。為說法勝得名隨類生。已曾供養無量諸佛。深植德本。因既大故。果亦不小。得名大勢生。現身不受十王果。故非增上生。相非后身之菩薩。故非最後生。或復唯是隨類生。攝於一切類。皆為上首。化一切故。皆由菩薩內外修習自利利他故。能現此為諸菩薩。有如是類。有如是生。行利益故。此經下文。香臺品中。無垢稱語上方菩薩言。如是大士。釋迦如來。能為難事。隱覆無量尊貴功德。不憚功勞。方便調伏剛強眾生。諸菩薩眾。生此土者。亦能堪忍種種勞倦。成就堅牢大悲精進。助揚如來無上正法。利樂有情。堪忍世界。行菩薩行。饒益有情。住於一生。所得功德。多於一切妙香世界。百千大劫。行菩薩行。利樂功德。由此世界有十種修習善法故。謂以惠施攝諸貧窮。乃至以四攝攝眾生故。雖知一切菩薩。皆修內外二行。此經為顯此土菩薩。修不可思議殊勝之行。勝餘佛土故。四為顯如來威德大者。諸

佛聖德。雖復百千。以類而論。不過二種。一大威力。二大神德。威力有三。一聖威力。二法威力。三俱生威力。聖威力者。謂佛昔時修習定力。今者依定。得定自在。隨其所願。一切事成。以調柔故。善修心故。名聖威力。法威力者。謂諸菩薩修六度等諸殊勝法。有大勝利名法威力。俱生威力者。謂佛往昔先集廣大福德資糧。證得俱生甚希奇法。名俱生威力。初聖威力。即六神通。一神境智作證通。二隨念宿住智作證通。三天眼智作證通。四見死生智作證通。五知心差別智作證通。六漏盡智作證通。初神境智作證通。二能化。變謂先有而改易之。即十八變。一振動。二熾然。三流布。四示現。五轉變。六往來。七卷。八舒。九眾像入身。十同類往趣。十一顯。十二隱。十三所作自在。十四制他神通。十五能施辦才。十六能施憶念。十七能施安樂。十八放大光明。化謂先無而今有也。即三種化。化身。化境。及化語。如上所說。變化二種。能為二事。一引諸眾生入佛聖教。二惠施無量受苦眾生。聲聞神通。唯至二千。獨覺神通。能至三千。如來神通。於一念頃。能遍十方。菩薩初地。至百佛世界。乃至十地。隨其品類。多少之數。如十地經說其分限。乃至漏盡通。二乘但能斷漏種。現不斷龜重。自知漏盡。而不知他及漏盡方便。亦不知他於漏盡得有增上慢。如來具斷種現隨眠。而能了知自他漏盡及盡方便。亦能知他有增上慢。自無染污。亦善為他廣分別說諸增上慢。即此所說。六

①〔菩薩〕一。②菩薩二。③總二德。④勝二修。⑤之五。⑥密二。⑦內二內。⑧主二王。⑨都二。⑩無二天。⑪後二勝。⑫亦二又。⑬亦。⑭顯二欲。⑮六二三。

種神變。此經序品云。寶性五百獻蓋。佛合爲一。遍覆大千。此卽下八變中第五轉變。轉多爲一故。亦卽第八舒舒小爲大故。爾時世尊。知諸大衆心懷猶豫。以足指案此大地。卽時三千大千世界。無量有千妙寶莊嚴。亦卽第五轉變所攝。據實而論。菩薩所見本是淨土。二乘凡夫見是穢土。今爲二乘等。轉穢穢方變爲淨土故。是第五轉變所攝。還攝爲穢。亦復如是。由佛勝解。能轉變故。問疾品中。時無垢稱。以大神力。令其室空。除諸所有。唯置一床。現疾而臥。卽十八變中。第十二隱攝。隱沒所有。令不現故。不思議品中。鴛子希床。詞令爲法。後無垢稱。問妙吉祥。何等佛土有寶座。妙吉祥言。東方去此。廣三十六恒河沙佛國。有佛世界。名山幢。佛號山燈王。佛身長八十四億踰勝那量。其師子座。高六十八億踰勝那。菩薩身長四十二億踰勝那。座高三十四億踰勝那。最爲殊妙。時無垢稱。起大神通。山燈王佛。遣三十二億大師子座。來入其室。十八變中。第六住來。亦第十三所作自在。念來卽來。得自在故。無垢稱室。歎然廣博嚴淨。廣博者。第八變舒也。變小令大故。悉能容容三十二億師子之座。不相妨礙。廣嚴大城。乃至阿素洛等所住宮殿。亦不迫近。悉見如本。前後無異。第九衆像入身也。衆像不小。身亦不大。故此所攝。身爲主故。以此名身。大像入小。室此所攝。令諸菩薩各自變身。爲四十二億踰勝那量。昇師子座。此乃第八舒也。舒小爲大故。無垢稱語舍利。弗言。諸佛

如來住解脫。名不可思議。能以妙高山王。內於芥子。四大海水。內於毛孔。以大千界。置於掌中。此之三。種大小二事。皆無增減。亦卽是此衆像入身。或七日以爲一劫。第八舒也。短爲長故。或促一劫以爲七日。第七卷攝。促長爲短故。如是一切住解脫不可思議。佛之神力。廣說如下。皆是此中十八神變。三種化攝。觀有情品。天女散花。花是神境智通中化境也。化爲也。香等故。八希有中第一奇云。此室常有金色光明。卽第十八變放大光明。乃至第八。此室常現一切佛土功德莊嚴。諸天宮殿。衆妙綺飾。亦卽是此轉變所攝。或卽亦是衆像入身。香臺品中。化爲菩薩。上往妙香諸佛飯食。及九百萬菩薩。俱來至此。第六往來也。舉衆皆見菩薩往彼等事。卽是第四示現所攝。示現彼事。令衆見故。化九百萬座等。卽是化境。本無而有故。大衆食飯而乃有餘。此亦舒也。舒小令多故。如是廣說。不動佛事。皆是此攝。至下一一當應別配。此上所說。皆是聖者神通威力。次法威力。由昔菩薩修行六度之威。勇故。能爲四相。一斷障。二資糧成就。三饒益自他。四與當來果。由布施故。能斷慳吝。能作自己菩提資糧。亦能除他飢渴疾病。匱乏衆苦。當來當樂。得大祿位財寶。朋黨大容。屬故。乃至由般若故。能斷無明。爲己資糧。能以四攝。成熟有情。如境登了。引大淨喜。善爲有情稱理說法。令獲現後利益安樂。攝諸善根。能正所作。當來能證二障離繫。隨其次第。配其四相。世界。慳吝無明。一

切皆斷。乃至祿位財寶。朋黨眷屬。攝諸善根。二證離繫故。此顯善法威力。後俱生威力。謂性能憶本生諸事。任運爲善。情堪忍受。大苦。窮。都更天壽量方沒。壽量形色。名稱勝彼。下生入胎。放光遠照。入住出胎。三時正知。生行七步。不待扶持。威德天龍。散香供養。相好嚴身。摧滅魔橫。支節皆備。那羅延力。童稚自然。達解工巧。無師能證。無上菩提。大梵天王。自然勸請。雲雷驚怖。入定不動。蟬動歸向。附信菩薩。既成佛已。下至傍生。亦來供養。雲龍當候。洗便降雨。遊行不落。坐樹枝。條並皆華影。隨蔭其身。曾不虧捨。魔於六年求便不得。癩狗亂見。復其本心。逆胎得順。盲者得眼。聾者得聽。三毒得除。常右脇臥。處草蓆等。曾無動亂。雖現睡眠。而無轉側。風不動衣。行如師子。步若牛王。先舉右足。後方移左。地隨高下。無礙石等。門應大小。食並彈指。般涅槃時。大地振動。衆星晃曜。交流而須。如是等事。名俱生威力。非是神通威力所作。此經具陳。香臺燈王。無動藥王。釋迦五佛。神通威力。餘隨所應。有無淮說。不能一一預顯其事。至下文。當廣指示。大聖德者。謂顯如來十號圓滿。二斷二智。名大聖德。二斷者。謂煩惱障習斷。所知障習斷。卽二障盡。所顯真理。因斷障顯。是斷性故名之爲斷。二智者。斷煩惱障已。不隨轉智。卽生空智。斷所知障已。於一切境無障礙智。卽法空智。復可說三智。謂清淨智。一切智。無滯智。又佛百四十不共佛法。謂三十二相。八十隨

①下二②③有二百④廣二度⑤室二定⑥外二升⑦佛二子⑧手二子⑨舒十短⑩也二色⑪變一⑫見二見⑬刃二力⑭此十亦⑮者二有⑯二二⑰二二⑱二二⑲二二⑳二二㉑二二㉒二二㉓二二㉔二二㉕二二㉖二二㉗二二㉘二二㉙二二㉚二二㉛二二㉜二二㉝二二㉞二二㉟二二㊱二二㊲二二㊳二二㊴二二㊵二二㊶二二㊷二二㊸二二㊹二二㊺二二㊻二二㊼二二㊽二二㊾二二㊿

好。四一切種清淨。四無所畏。十力。三念住。三不護大悲。無妄失法。永害習氣。一切種妙智。及佛無淨願智。無礙解等。如是皆名大聖德。法。如瑜伽第四十八及四十九中。顯此功德。體義差別。今此經中。顯佛有七種最勝。名大聖德。一所依勝。顯佛身有諸相好故。二正行勝。由佛二利。利益安樂。哀愍世間。令諸天人獲得義利。三圓滿勝。謂佛戒見軌則淨命四種皆滿。四智慧勝。由佛四無礙解皆成就故。五威力勝。具六通故。六斷勝。二障習氣皆永斷故。七住勝。多住無上。上三住。謂聖天梵住。三解脫門。及滅盡定。名聖住。多住滅盡定。四靜慮名天住。多住無動第四靜慮。四無量名梵住。多住大悲。由此晝夜六時。以佛眼觀察世間。誰於善根有增有減。及得三乘。此經上下。顯此七勝。名大聖德。成力聖。威德。合名第四如來威德。五時衆根熟所宜聞者。佛以大悲智眼。晝夜六時。觀察一切世間。方便善利。無其四失。一無非處。二無非時。三無非法。四無非器。況此經云。諸佛如來威儀進止。凡所施爲。無非佛事。故說此經。時衆宜聞。非是虛施聽衆無益。此經總有十三位益。且初序品。因說佛土嚴淨之相。五百長者子。得無生忍。八萬四千人。皆發無上正等覺心。三萬二千人。知有爲法無常。遠離離垢。得法眼淨。八千比丘。漏盡意解。方便品中。淨名示疾。因問說法。無數千人。皆發無上正等覺心。聲聞菩薩二品中。先逢淨名。雖彼時聞各有悟道遣去。答佛不說得道。問疾品中。因共

談論。八千天子。皆發無上正等覺心。不思議品中。大迦葉引生旨。自喻不了解脫法門。三萬二千天子。皆發無上正等覺心。八千菩薩。得入菩薩方便善巧智。力所入不可思議解脫境界。觀有情品。菩提分品。不說得道。入不二法門品中。五千菩薩。皆入不二法門。香臺品中。說十種事勝餘佛土。成就八法。生于淨土。五千天子。皆發無上正等覺心。十千菩薩。得無生法忍。菩薩行品中。上方九百萬菩薩。聞有盡無盡法歡喜。以妙香花。散大千界。供養佛法及菩薩已。忽然不現。還到彼國。觀如來品中。因見妙喜世界不動如來。十加那由他人。皆發無上正等覺心。願生彼界。佛記當生。法供養品。囑累品。不說得道。二經之宗緒者。此方先德。依現所有經論義旨。總立四宗。一立性宗。成立三科法皆有體。薩婆多部是。迦延雜心婆沙之類。二破性宗。諸法有相。都無實性。破前立性。成實論是。三破相宗。非但性空。諸法相狀亦非實有。般若等經。中百等是。四顯實宗。明一切法真實道理。隨其所應。有容有有。涅槃花嚴楞伽等是。若其經論唯有爾許。可定四宗。只如舊阿含經云。舍利弗入涅槃時。無色界天淚下。如春細雨。大衆部經。何宗所攝。梵網六十二見經。并舍利弗阿毘曇。正量部教。三彌帝論。上座部論。如是等經論。並非四宗。何得唯言總有四宗。今依新翻經論。總依諸教。教類有三。以理標宗。宗乃有八。教類三者。解深密經第一。二卷中。世尊廣爲勝義生菩薩。依遍計所執體相無故。

說相無自性性。性依他起上無遍計所執自然生故。說生無自性性。依圓成實上無遍計所執故。說勝義無自性性。說三無性。皆依無於遍計所執。已勝義生。深生領解。廣說世間毘濕縛藥。雜彩。畫地。熟蘇虛空諸譬喻已。世尊讚歎善解所說。勝義生菩薩。復白佛言。世尊初於一時。在波羅維斯仙人墮處施鹿林中。唯爲發起聲聞乘者。以四諦相。轉正法輪。雖是甚奇。甚爲希有。一切世間諸天人等。先無有能如法轉者。而於彼時。所轉法輪。有上有容。是未了義。是諸諍論安足處所。世尊在昔第二時中。唯爲發起修大乘者。依一切法皆無自性無生無滅本來寂靜自性涅槃。以隱密相。轉正法輪。雖更希奇甚爲希有。而於彼時。所轉法輪。亦是有上。有所容受。猶未了義。亦諸諍論安足處所。世尊于今第三時中。普爲發起一切乘者。依一切法皆無自性無生無滅本來寂靜自性涅槃無自性性。以顯了相。轉正法輪。第一甚奇。最爲希有。于今世尊所轉法輪。無上無容。是眞了義。非諸諍論安足處所。即是金光明經中。說轉照持三種法輪。世尊初說三乘同行四諦有教。名轉法輪以十二行相。獨得轉名。第二時。說大乘獨行空理之教。照破有故。名照法輪。第三時。說遣所執空。存二性有三乘之人。皆可修持。名持法輪。亦即涅槃經中。如有醫師。初令服乳。而除於病。因服乳故。國人多死。別醫諫王。總教斷乳。國人並差。後王有疾。醫人更藥。令和乳服。王責問之。醫人具說。有病宜服

①上十(無)②成二威③威一④(天)十人⑤力二入⑥加二四⑦爾二等⑧二二一⑨二一⑩性二依⑪說二聖⑫壹二壹⑬波二榮⑭理二行⑮行⑯理⑰

乳有病不宜服。今病宜和乳。故無有失。亦即  
瑜伽三時教也。雖知一兩普潤。教實無差。隨  
對根機。遂成隱顯。教既隱顯。偏說空有。非正  
中道。中道之教。所說有空。無隱顯故。雖此  
引文。未別屬教。何等是此三時教也。一唯說  
法有宗。即阿含等初時之教。逗彼小機。破於  
我執。說無有情我。但有法因故。雖二十部種  
種異執。初逗小機。唯說法有。二唯說法空宗。  
即般若等第二時教。逗彼大機。破於法執。說  
一切法本空性故。三雙遮有空執。並說有空  
宗。即花嚴深密涅槃法花楞伽厚嚴勝鬘等  
是。昔執所執我法俱有。有為無為一切皆空。  
今說所執我法俱無。有為無為二種皆空。故  
有空雙遮。而空有並說。准理配經。二師別引。  
即第二第三時教也。中百等師。多引唯是說  
空之教。今解不然。正中道教。以理據宗。宗乃  
有八。一我法俱有宗。謂犢子部等。彼說我法  
二種俱有。立三聚法。一有為聚。二無為聚。三  
非二聚。前二聚法。第三聚我。又立五德藏。  
一過去。二未來。三現在。四無為。五不可說。  
此即是我不可說。是有為無為故。二有法無  
我宗。謂薩婆多等。彼說諸法二種所攝。二  
名。二色。或四所攝。謂去來今及無為法。或五  
所攝。一心。二心所。三色。四不相應。五無為。  
故一切法皆悉實有。三法無去來宗。謂大眾  
部等。說有現在及無為法。過去未來。體用無  
故。四現通假實宗。謂說假部等。彼說無去來  
世現在。世中諸法。在蘊可實。在界處假。隨  
應諸法。假實不定。成實論等。經部別師。亦即

此類。五俗妄真實宗。謂說出世部等。世俗皆  
假。以虛妄故。出世法實。非虛妄故。六諸法但  
名宗。謂一說部。一切我法。唯有假名。都無體  
故。七勝義皆空宗。謂清辨等。明說空經。以為  
了義。說一切法。世俗可有。勝義皆空。八應理  
圓實宗。謂護法等。弘暢花嚴深密等經。雖說  
二諦。隨其所應。具有空理。圓妙無關。實殊勝  
故。今此經非前六宗。後二唯是大乘所說。故  
知通是二宗所攝。若依初大乘清辨等義。此  
經雖明二諦之義。依勝義諦。以空為宗。所以  
十大弟子。皆以空理。而對詰之。彼謂皆屈。四  
大菩薩。亦以真如空理而徵。皆云不能對揚  
理辨。吉祥問疾。先空方丈。又言諸佛國土。一  
切皆空。空其分別。真空亦空。又觀衆生品中。  
譬如幻師。是所幻事。菩薩觀衆生為若此。乃  
至如無烟之火等。是故此經雖具談二諦。勝  
義深故。以為義主。故以空為宗。依後大乘護  
法等義。雖說二諦。世俗諦有四。通空及有勝  
義諦有四。唯有非空。空者無也。遍計所執唯  
妄執有。體實空無。故非勝義。二諦皆有四重  
不同。世俗諦四者。一世間所成。法體未必有。  
一切世間共所言說。執之有故。即實我法。瓶  
盆等是。二道理所成。世間有情。有尋思者。所  
說道理。體用俱有。即蘊處界有無為法。三證  
得所成。世間學者。方便修學。除惡務善。證聖  
果故。即四諦理等。四真義所成。世間學者。既  
修學已。以此殊妙。為所證得。即二空真如此  
四之中。初一體空。後三體有。勝義四者。一世  
間所成。諸有學者。世間言說。以此為有。即蘊

處界有。為無為法。二道理所成。即諸學者。  
共立道理。四諦理等。三證得所成。諸有學者。  
以此方便。能證聖果。謂二空如。四真義所成。  
諸有學者。既修學已。以此深妙。為所證得。廢  
。詮說旨。一真法界。論其二諦。並通人法。中  
智所知。名世俗諦。上智所知。名勝義諦。又下  
劣道理。名世俗諦。上勝道理。名勝義諦。是故  
二諦各有四重。依人依法。道理淺深。智境麁  
細。以分差別。而此經一部。多說初世俗諦。  
故序品云。無我造無受者。聲聞品云。法無衆  
生。離衆生垢故。菩薩品云。假名是菩提。名  
字空故。問疾品云。又此病起。皆由著我。是故  
於我不應生著。既知病本。即除我相及衆生  
想。當起法想。應作是念。但以衆法。合成此身。  
起唯法起。滅唯法滅。乃至廣說。為滅法想。當  
作是念。此法想者。亦是顛倒。顛倒者。即是大  
患。我應離之。云何離。我離我所。乃至諸品  
皆為說我法空。初離彼分別。後三世俗。即  
前三勝義。更不別明。明勝義諦中有四。一因  
緣法門。二唯識法門。三無相法門。四真如法  
門。因緣法門者。序品云。待因緣故諸法出之。  
善惡之業亦不亡。方便品云。是四大種所合  
成身。無常無強。如來法身。無量善法共所集  
成。乃至欲得如是身者。當發阿耨多羅三藐  
三菩提心。問疾品云。居士是疾何所因起。維  
摩詰言。從癡有愛。即我病生。又以一切衆生  
病故。是故我病。前答病者生死因緣。癡為本  
故。後答病者出世因緣。以大慈悲而為本故。  
又有疾菩薩。應作是念。今我以病。皆從前

○此二此證 ○德二法 ○二二一 ○(世)一 ○世二世 ○是二見 ○(爲)一 ○證二證 ○證一 ○(此)一 ○二  
百 ○何十(爲) ○(爲)一 ○初二動 ○之立 ○以二此



世妄想顛倒諸煩惱生。四大合故。假名為身。如是等文。並說因緣之法。唯識法門者。序品中云。直心是菩薩淨土。深心大乘心是菩薩淨土。乃至廣說。隨其心淨。即佛土淨。所以心垢故佛土垢。心淨故佛土淨。聲聞品中。如佛所說。心垢故眾生垢。心淨故眾生淨。此等諸文。並說唯識之法。無相法門者。聲聞品中云。法常寂然。滅諸相故。法離於相。無所緣故。諸佛毀於法。不入眾數。終不得滅度。汝若如是。乃可取食。乃至廣說。一切言說。不離於相。至於智者。不著文字。故無所懼。文字性離。無有文字。是則解脫。解脫相者。即諸法也。如是等文。並說無相之法。真如法門者。序品中云。能善分別諸法相。於第一義而不動。聲聞品中云。若能以食平等性。入一切法平等性。以一切法平等性。入食平等性。乃可取食。又無以生滅心行說實相法。諸法畢竟不生不滅。是無常義。菩薩品中。一切眾生皆如也。一切法亦如也。衆賢聖亦如也。至於彌勒亦如也。夫如者。不一不異。又觀衆生品云。又問顛倒想。孰為本。答曰。無住為本。又問無住孰為本。答曰。無住則無本。從無住本。立一切法。故知真如最為深極。文不二法門品中。三十三大士。顯不二法門。三十一菩薩說無差別之相。以為入不二法門。皆以無相破於相故。並是第三無相法門。義猶龜著。其妙吉祥。雖以無言無說無示。離諸問答。為入不二法門。亦以真如破無言說。以證顯之。猶非深極。依證顯故。亦即第三無相法門。第三勝

義證得所攝。唯有無垢稱。默然無言。正智正證。真如之妙。是為真如法門。深復深也。如此等文。並說真如法門。因緣事法。最為龜顯。唯識理觀。其次細微。說有內心之相狀故。無相通觀。無差別相。其次更細。仍有無相當心。未為正證。唯有真如法門。最為深妙。心境冥智。神會達正理。契真智滅障習。立一切法。故最第一。雖說四門。不相達返。一一法門。攝一切盡。且因緣中亦有唯識。唯識亦是因緣法故。亦有無相。所緣無相不離因緣。真如之體。亦是因緣。由因緣攝一切法故。乃至真如中。與一切法不一不異。隨應不違。前三門義。今隨事相。龜細不同。說此四種。非定各別。今此經中。顯中世俗諦。我法皆空。今不執著。說有因緣之法。斷染取淨。顯其唯識。明妄境非真。證唯心之理。彰無相之旨。斷分別差別之相。說真如之理。令起智證。寄證說四。事理可殊。廢旨談詮。一切無別。至下經中。當隨別配。此中兩宗俱釋經義。初之大乘。總說二諦。後之大乘。別陳二諦。前以三無性為真。三性為俗。後以三無性為俗。三性為真。宗說有空。理不問故。三明經體性者。經體有二。一能詮文。二所詮義。文是所依。義是能依。由能詮文。義得顯故。若依清辨。釋此二體。依世俗諦。所詮經體。以一切有為無為諸法。或空或有。諸法為體。通以一切為所詮故。此下經云。譬如幻人為幻人說法。其性非無。然假非實。能詮教中。可亦說有句言章論。聲為體性。梵云鉢陀。此翻為跡。當護法名。但顯法體。不顯義故。亦可

句有二種。一集法滿足句。如說不生亦不滅。不來亦不去。不一亦不異。不常亦不斷。此一句。義雖未圓。亦得名句。義圓滿故。最初音聲能集顯法。名之為跡。教為理之跡。如尋跡以得。衆故得教而觀義。不立字名。初立此跡。二顯義周圓句。如說諸行無常。有生滅法。生滅滅已。彼寂為樂。此一句。義皆足故。今取前解集法滿足之句。不取顯義周圓之句。梵云轉去迦。此云言也。顯義周圓。名之為言。即當護法所說之句。梵云鉢刺迦羅。此云章也。章是明義段義。一章一段。以明諸義。梵云奢薩咀羅。此翻為論。總周一部。立以論名。此四以聲而為體性。從狹至寬。詮法周備。初顯體。次顯義。次廣明。後周備。故立此四。不立字名。般若燈論。具詳之矣。此依世俗。若依勝義。能詮所詮。一切皆空。故下經言。法無名字。言語斷故。法無有說。離覺觀故。法無形相。如虛空故。乃至廣說。夫說法者。無說無示。共聽法者。無聞無得。法性體空。何教何理。依此世俗勝義二理。故下經云。說法非有亦非無。勝義體空。說法非有。世俗體有。言亦非無。又勝義體空。故言非有。亦復非無。法性既空。何得定說或空或有。是故雙非。由此世俗。可以教義而為經體。若依勝義。一切皆空。無體不體。若依護法等。菩薩勝義世俗。皆以能詮所詮二法。而為教體。且世俗諦所詮。通以有為無為。若空若有。諸法為體。即以三性為所詮體。法無有我。離我垢故。遍計所執。從癡有愛。即我病生。依他起性也。一切法皆如也。



圓成實性亦如也。如是等文。上下甚多。既詮但以聲名句文。以爲體性。十地論說。說者聽者俱以二事而得究竟。一者聲。二者字。又解深密經中。於第九地。說斷二愚。一於無量所說法。無量名句字。陀羅尼自在慧。成唯識論第九卷。釋言。無量名句字者。謂法無礙解。所說法者。義無礙解。名句字者。能詮之文。所說法者。所詮之義。對法第一說。成所引聲者。謂諸聖所說聲。成唯識論第二。復言。由此法詞二無礙解。境有差別。法緣名等詞緣於聲。故依世俗。聲等爲體。若依勝義。通論諸法體性有四。一攝相歸性體。二攝餘歸識體。三攝假隨實體。四假實別論體。攝相歸性體者。一切有爲無爲等法。體即真如。真如爲本。故大般若言。一切有情皆如來藏。勝鬘亦言。夫生死者是如來藏。若無如來藏者。不能厭苦樂求涅槃。是故如來藏。是依。是持。是建立。無垢稱言。一切有情皆如也。一切法亦如也。又言。從無住。本立一切法。如是等文。誠證非一。攝餘歸識體者。一切法體。皆不離識。花嚴第九說。心如工畫師。畫種種五陰。一切世間中。無法而不造。如心佛亦爾。如佛衆生。亦然。心佛及衆生。是三無差別。諸佛悉了知。一切從心。縛若能如是解。是人見真佛。身亦非是心。心亦非是身。作一切佛事。自在未曾有。若人欲求知三世一切佛。應當如是知。心造諸如來。無垢稱言。以心垢故。衆生亦垢。如是非一。攝假隨實體者。一切假法。都無別體。隨本所依。實法爲性。如忿恨等。即顯爲體。假名淨

土。四塵爲體。假名衆生。五蘊爲體。一切諸佛。五法爲體。假實別論體者。假實用殊。各各別說。如經下說。或有佛土。音聲名字而作佛事。其名句等。法處所攝。不相應法。所起之聲。聲處所攝。收。色聚所攝。如是非一。今說教體。若文若義。皆有此四。一者文義。攝相歸性。通以真如爲體。真如者。一切法之本性。如海水以鹹爲性。衆水至海。味變皆鹹。萬法歸真。並同一味。故般若云。若以色見我。以音聲尋我。彼生魔。邪路。不能當見我。天親論云。應化非真佛。亦非說法者。說法不二取。無說離言相。此經聲聞品云。無垢稱語善現言。文字性離。無有文字。是則解脫。解脫相者。即諸法也。又云。性非見聞覺知。若行見聞。覺知是則見聞覺知。非求法也。又不思議品云。法無戲論。若言知苦斷集證滅修道。是則戲論。非求法也。觀衆生品云。從無住立一切法。如是等文。誠證非一。二攝餘歸識。處處謂能詮。若取根本。以能說者識心爲體。若取於末。以能聞者心識爲體。故二十唯識云。展轉增上力。二識成決定。故序品云。隨其法教。即有妙福。隨其妙智。即有妙惠。隨其妙惠。即有妙智。隨其妙智。即有妙行。隨其妙行。即有清淨自心。隨其自心。即有清淨諸妙功德。解深密我說。諸識所緣。唯識所現。又阿毘達磨經云。成就簡擇者。有智得定者。思惟一切法。如義皆顯現。此證甚多。三攝假隨實。所詮有四。一者心。深心是菩薩淨土。二者心所。念慮正動神足根力覺支道支衆生。來生其國。三者

色。三十二相莊嚴衆生。來生其國。四者無爲。若無作相。即是無爲。無爲法中。云何有見。故知所詮。實唯說四。如是上下。文非一處。不能繁引。且指如斯。能詮有一。唯一音聲。以爲體性。此經香臺品。上方九百萬菩薩。問維摩詰。釋迦如來。以何說法。維摩詰言。此土衆生。剛強難化。故佛爲說剛強之語。語即音聲。以爲體故。法花亦言。我等今者。真是聲聞。以佛道聲。令一切聞。故教即聲。四相用別論。所詮有五。一心。二心所。三色。四不相應。五無爲。餘四如前。不相應者。無以生滅心行說實相法。又云。語言文字爲佛事故。此一唯假。餘四通實。能詮有四。一聲。二文。三名。四句。故此經菩薩行品云。或有佛土。以音聲語言文字。而作佛事。上來引證。略舉少分。以理准文。經體定爾。又有四種。一因緣。二唯識。三無相。四真如。准前宗中。皆應引說。不可以文說真如故。無餘三法。文說無相。無餘二法。文說唯心。無餘一法。諸有智者。如理應知。四叙經不同。不同有二。一教名不同。二品名不同。教名不同者。此經前後。雖復七翻。嚴佛調漢翻於白馬。支恭明吳譯於武康。法護林蘭蜜多三士。東西兩晉。各傳本教。羅什翻於秦朝。和上暢於唐。曰。除羅什外。或名維摩詰經。或云無垢稱經。或云說維摩詰經。或云說無垢稱經。或云毘摩羅詰經。唯羅什法師。獨云維摩詰。所說經。仍云一名不可思議解脫。准依梵本。初首題云。阿耨多羅三藐三菩提。阿之言。無摩羅。云垢。如云阿摩羅識。此云無垢識。今既加費

①〔本〕一② ③〔本〕一④ ⑤〔本〕一⑥ ⑦〔本〕一⑧ ⑨〔本〕一⑩ ⑪〔本〕一⑫ ⑬〔本〕一⑭ ⑮〔本〕一⑯ ⑰〔本〕一⑱ ⑲〔本〕一⑳ ㉑〔本〕一㉒ ㉓〔本〕一㉔ ㉕〔本〕一㉖ ㉗〔本〕一㉘ ㉙〔本〕一㉚ ㉛〔本〕一㉜ ㉝〔本〕一㉞ ㉟〔本〕一㊱ ㊲〔本〕一㊳ ㊴〔本〕一㊵ ㊶〔本〕一㊷ ㊸〔本〕一㊹ ㊺〔本〕一㊻ ㊼〔本〕一㊽ ㊾〔本〕一㊿ ①〔本〕一② ③〔本〕一④ ⑤〔本〕一⑥ ⑦〔本〕一⑧ ⑨〔本〕一⑩ ⑪〔本〕一⑫ ⑬〔本〕一⑭ ⑮〔本〕一⑯ ⑰〔本〕一⑱ ⑲〔本〕一⑳ ㉑〔本〕一㉒ ㉓〔本〕一㉔ ㉕〔本〕一㉖ ㉗〔本〕一㉘ ㉙〔本〕一㉚ ㉛〔本〕一㉜ ㉝〔本〕一㉞ ㉟〔本〕一㊱ ㊲〔本〕一㊳ ㊴〔本〕一㊵ ㊶〔本〕一㊷ ㊸〔本〕一㊹ ㊺〔本〕一㊻ ㊼〔本〕一㊽ ㊾〔本〕一㊿



屬輔翼之類。因者所由。寶性獻蓋問佛菩薩嚴淨佛土。佛說二利爲嚴淨因。發起正宗菩薩修治身土等行。故名說因。天人間法。獲果不同。明此差別。名利益滿。序圓滿中。文段有四。勝妙有二。文段四者。一總顯已聞。如是我聞也。二說法時節。一時。三教主。薄伽梵。四說經處。住廣嚴城菴羅衛林。勝妙二者。一廣嚴城。勝餘諸城故。二菴羅林。勝餘諸林故。其城寬大。已勝諸城。樓持莊飾。復妙餘處。菓園結實。已勝餘園。常自衛之。顯法可重。表法義弘博。萬德莊嚴。契道果園。深可尊重。故序品有二圓滿也。

說無垢稱經疏第一本

說無垢稱經疏第一本

經。言如是我聞者。如摩訶摩耶經說。佛教安置之所由也。佛地論說。如是之言。依四義轉。一依譬喻。如有說言。如是富貴如毘沙門。如是所傳所聞之法。如佛所說。定無有異。定爲利樂方便之因。或當所說如是文句。如我昔聞。二依教誨。如有說言。汝當如是讀誦經論。此中如是。遠則佛之教誨也。近則傳法者之教誨也。或告時衆。如是當聽我昔所聞。三依問答。謂有問言。汝當所說昔定聞耶。故此答言如是我聞。四依許可。如有說言。我當爲汝如是而思。如是而作。如是而說。謂結集時。諸菩薩衆。咸共請言。如汝所聞。當如是

說。傳法菩薩。便許可言。如是當說。如我所聞。或信可言。是事如是。謂如是法。我昔曾聞。此事如是。齊此當說。定無有異。由四義故。經初皆置。如是我聞。眞諦三藏云。微細律明。阿難昇座。集法藏時。身如諸佛。具諸相好。下座之時。還復本形。勸集藏傳。亦作是說。衆有三疑。一疑佛大悲從涅槃起更說妙法。二疑更有佛從他方來住此說法。三疑彼阿難轉身成佛爲衆說法。故經初言如是我聞。爲令生信。除此三疑。注法花云。如是者。感應之瑞。如以順機受名。是以無非立稱。衆生以無非爲感。如來以順機爲應。傳經者。以名教出於感應。故建立如是。注無量義經言。至人說法。但爲顯如。唯如爲是。故言如是。璠公云。以離五謗。名爲如是。第一句。如是此經離執有增益謗。第二句。如是此經離執無損減謗。第三句。如是此經離執亦有亦無相違謗。第四句。如是此經離執非有非無戲論謗。第五句。如是此經離執非有非無戲論謗。光宅云。如是。將傳所聞。前題舉一部也。如是一部經。我親從佛聞。卽爲我聞作證。叙耳。梁武帝云。如是。如斯之。從義。是佛所說。故言如是。長耳三藏云。如是有三。一就佛。三世諸佛共說不異名如。以同說故稱是。由斯可信。以同說故。二就法。諸法實相。古今不異。故名爲如。如如而說。故稱爲是。既稱理言。不增不減。決定可信。故稱如是。三就僧。以阿難聞。望佛本教。所傳不異。故名爲如。永離過非。故稱爲是。又如如是者。信順之辭。智度

論云。如是我聞。生信也。信受奉行。生智也。信爲能入。智爲能度。信爲入法之初基。智爲究竟之玄術。信則所言之理順。順則師資之道成。由信故。所說之法。皆可順從。由順故。說聽二徒。師資建立。於此信中。略爲十釋。一信者。依仁王等經。趣聖位之初因。證諦理之鴻漸。故四十心以信爲首。將入聖位。有信根力。有信根故。萬善因此而生。有信力故。四魔不能屈伏。由斯經首創令生信。二依毘婆沙論。信者。食法味之嘉手。學佛法者。如大龍象。以信爲手。以捨爲牙。以念爲頸。以慧爲頭。於其兩肩。擔集善法。象所食噉。以鼻爲手。故學法者。最初信生。三學者。大商主元規法寶。故初生信。獲彼聖財。顯揚論云。七聖財者。謂信戒聞捨慧慚愧。信卽一焉。四瑜伽論云。入一切法。欲爲根本。起希望故。作意所生。數警覺故。觸所集起。時和對故。受所引攝。領在心故。定爲增上。心微寂故。慧爲最勝。擇善惡故。解脫爲堅固。息纏縛故。出離爲後邊。覺道滿故。信既爲欲依。故最初令起。五成唯識云。信如水精珠。能清濁水。能治不信。自性渾濁。故宣尼云。兵食信三。信不可棄。春秋亦言。苟有明信。醴醴沼沚之毛。蘋蘩蕰藻之葉。可薦鬼神。可羞公主也。六俱舍云。拔衆生出生死泥。正法爲佛手。卽正宗也。信爲衆生手。卽序分也。兩手相接。出於淤泥。七諸論云。信者能越惡道。離貧賤因。故入聖已。有不壞信。故初令起。以下三解。准經爲釋。八汎大溟海。假手以行舟。渡生死河。須信以發慧。

①六釋本文義者經②十音③耶二明④耶一復⑤復一⑥有二生⑦詮叙二呼嚕⑧〔從〕一⑨四二三⑩根十(信)⑪牙二身⑫卽十(爲)⑬葉二葉⑭公主二公王⑮王公⑯

九見珍財。寶手以採拾。開法寶。藉信而方得。十遊曠野。而有手持中杖。以捍群賊。出生死源而有信。發慧解而斷煩惱。由斯經首如是我聞。為令眾生起正信故。以上合有二十六釋。言我聞者。傳法菩薩。自指己身言。如是法親從佛聞。故名我聞。我謂諸蘊。世俗假者。然我有三。一妄所執我。謂外道等所橫計我。二假施設我。謂大涅槃樂淨常我。除二乘倒。強施設故。三世流布我。謂世共傳天授等名。今傳法者。隨順世間。自指稱我。不同前二。即是無我之大我也。問諸佛說法。本除我執。何故不稱無我聞。乃言我聞。答以四義故。但稱我聞。一言說易故。若言無我。如此說誰。二順世間故。三除無我怖。言無我者。為誰修學。四者有自他染淨因果事業等故。所以稱我。問若爾何故不稱名字。但稱我耶。答有三義。一示不乖俗。宗雖顯真。言不乖俗。理雖顯妙。言不乖俗。欲顯真諦。不離俗故。二我者主宰自在之義。阿難多聞聞持。其聞積集。三慧齊備。文義兼持。於三藏教。總持自在。若稱名字。雖順正理。無於諸法得自在義。由斯稱我。不道阿難。三我者親義。世間共言我見聞此。將為親證。若言阿難聞。或非親聞。從他傳受。今顯親聞世尊所說。非是傳聞。破他疑網。故不稱字。但言我聞。聞謂耳。不發識聽受所說。今撥耳別。就我總稱。故名我聞。雖依大乘。根誠心所。境至和合。方名為聞。然根五義。勝於識等。故根名聞。若但聞聲。可唯在耳。既緣名義。便在意中。故喻伽言。聞謂比

量。耳名聞者。親聞於聲。與意為門。意方聞故。因聞所成。總名為聞。若緣名義。稱之為聞。既在於意。故合名聞。廢別耳意。總稱我聞。以耳為門。熏習在總。因聞所成。總名為聞。故名我聞。慶喜于時雖亦見覺知佛所說。欲證深理。要先聞故。此界以聲為佛事故。希證菩提。要聞聲故。由斯經首不說見覺知。唯說我聞。據實。于時亦見佛說諸餘佛土以光明等而為佛事。可言見等。龍軍等言。佛唯有三法。謂大定智慧。久離戲論。曾不說法。由佛慈悲本願緣力。眾生識上文義相生。此文義相。雖親依自善根力起。而就強緣。名為佛說。由耳根力及自意變。故名我聞。故無性云。聞者識上。直非直說。聚集顯現。以為體性。若爾。云何菩薩能說。彼增上生。故作是說。譬如天等增上力故。令於夢中得論呪等。故經亦言。始從成道。終至涅槃。於其中間。不說一字。汝亦不聞。親光等言。佛離分別。名無戲論。豈不說法名無戲論。謂宜聞者善根本願緣力。如來識上文義相生。此文義相。是佛利他善根所起。名為佛說。聞者識心雖不親得。然似彼相分明顯現。故名我聞。世親說言。謂餘相續識差別故。令餘相續差別識生。彼此互為增上緣故。由此經說。我所說法。如手中葉。未所說法。如林中葉。此中二解。隨彼兩文。綺互解釋。應知說此如是我聞。意避增減異分過失。謂如是法。我從佛聞。非他展轉顯示聞者。有所堪能。諸有所聞。皆離增減異分過失。非如愚夫無所堪能。諸有所聞。

或不能離增減異分。結集法時。傳佛教者。依如來教。初說此言。為令眾生恭敬信受。言如是法我從佛聞。文義決定。無所增減。是故聞者。應正聞已。如理思惟。當勤修學。經一時。贊曰。第二說教時分也。法王辟化。機器咸集。說聽事訖。總名一時。此就剎那相續無斷。說聽究竟。假名一時。論有二解。一者道理時。說聽二徒。離唯現在。五蘊諸行剎那生滅。即此現法。有酬於前。引後之義。即以所酬。假名過去。即以所引。假名未來。並於現在法上假立。即說聽者。五蘊諸法剎那生滅。前後相生。事緒究竟。假立三世。總名一時。非一生滅之一時也。二者唯識時。說聽二徒。識心之上。變作三時相狀而起。實是現在。隨心分限。變作短長。事緒終訖。總名一時。如夢所見。謂有多生。覺位唯心。都無實境。聽者心變。三世亦爾。唯意所緣。不相應行蘊法界法處所攝。此言一時。一則不定約剎那。二則不定約相續。三不定約四時六時八時十二時等。四不定約成道已後年數時節。名為一時。但是聽者根熟。感佛為說。說者慈悲。應機為談。說聽事訖。總名一時。不定約剎那者。聽法之徒。根器或鈍。說時雖短。聽解時長。或說者時長。聽者亦久。於一剎那。猶未能解。故非剎那。亦不定約相續者。由能說者。得陀羅尼。說一字義。一切皆了。或能聽者。得淨耳意。聞一字時。一切能了解。故非相續。由於一會聽者。根機有利有鈍。如來神力。或延短念為長。或促多劫為短念。亦不定故。總約說聽

究竟名。一時不可別說。亦不定約四時六時八時十二時者。一日一月。照四天下。長短。喧寒。近遠晝夜。諸方不定。恒二天下同起用故。又除人等。上諸天等。無此四時及八時等。經擬上地諸方流通。若說四時等。流行不遍故。所以不說四時八時等。亦不定約成道已後年數時節者。三乘凡聖所見。佛身報化。年歲短長。成道已來近遠。所說之法。淺深半滿。各不同故。經擬三乘凡聖同聞。故不別說成道已後若干年歲。然諸經中。有說四時者。涅槃經云。二月十五日。有說六時八時十二時等。名者涅槃經云。於其晨朝嚼楊枝時。金剛般若云。飯食訖。收衣鉢。洗足已。敷座而坐。日正午時說。上生經云。於初夜分。遺教經云。於其中夜。寂然無聲。有說成道已後年數時節者。十地經云。第二七日。於他化自在天王宮摩尼寶藏殿內說。法花經云。三七日中。思惟是已。趣波羅奈。轉四諦論。又無量義經言。我成道來。四十餘年等。雖有是說。隨一方城聞見結集。且作是說。仍非初題說法時也。是故但應總說一時。問。處中有淨穢。隨機定說處。時中凡聖殊。何容不別說。答。說處穢淨穢淨穢可定知。說時有短長。聖凡不可准。一會機宜。有利有鈍。長時短時。如何定准。故處可定說。而時但總言。

經。一時薄伽梵。贊曰。說教主也。佛有十號。此即第十名焉。薄伽者聲。梵謂具德。若有為此薄伽聲。自能破四魔。具六種德。名薄伽梵。且分段生死。四魔者。一煩惱魔。二蘊

魔。三死魔。四天魔。百二十八根本煩惱。及隨煩惱。名煩惱魔。有漏五蘊。名爲蘊魔。無常死滅。名爲死魔。他化天子。名爲天魔。此四能破壞善事。能令有情流轉生死。損害深重。偏稱爲魔。佛能破之。名薄伽梵。若據化相。菩提樹下。入金剛喻定。破煩惱魔。捨第五分壽。沙羅雙林。入無餘涅槃。破蘊魔。留死三月。爲破死魔。於死自在。故能留身。菩提樹下。得成道已。先入慈定。爲破天魔。據其實破。十住菩薩。八相成道。能伏天魔。雖此經下歎菩薩德中。八地已上菩薩。降伏魔怨。制諸外道。歎其能非今始破。又能破四。要是八地以上。故今讚之。非說天魔八地方破。蘊魔者。七地以前。有分段死。有漏蘊。或未能滅。或初地捨。八地以上。變易生定。捨蘊魔。若捨細者。要解脫道。得成佛已。四智都圓。有漏方捨。煩惱魔者。不共無明。伴類煩惱。十住第四生貴住中。制伏名捨。加行位中。能頓伏捨。分別煩惱種子。隨眠。初地斷捨。俱生煩惱。地前漸伏捨。初地以上。能頓伏捨。然有菩薩。七地已前。時時故起。八地以上。決定伏捨。金剛心起。種習俱盡。方永斷捨。其所知障分別者。如分別煩惱魔。俱生者。十地之中。地地能斷。六識中者。至金剛心。并第七識。一時俱捨。其死魔者。分段死魔。有入初地受變易身。即便永捨。有至八地方受變易。彼時方捨其變易死。決定成佛。解脫道中。方能永破。今顯世尊四皆破盡。名薄伽梵。故喻伽云。坦然安坐。妙菩提座。能破四魔。名薄伽梵。又具六德。

六德者。佛地論云。自在熾盛與端嚴。名稱吉祥及尊貴。具足如是六種義。應知總名爲薄伽。一自在義。永不繫屬諸煩惱故。二熾盛義。炎猛智火所燒練故。三端嚴義。具諸相好所莊飾故。四名稱義。一切殊勝功德圓滿。無不知故。五吉祥義。一切世間親近供養。咸稱讚故。六尊貴義。具一切德。常起方便。利益安樂。一切有情。無懈廢故。由是六德。名薄伽梵。唯此一名。總含衆德。世咸尊重。故諸外道。皆稱本師。名薄伽梵。由此世尊。令諸經首皆置此名。古諸譯經。皆欲省略。不論義之具闕。並安佛名。其十號中。佛爲第九。薄伽梵爲第十。第十一號總苞九德。故今初唱。而或者改之。安置佛稱。雖所詮不異。能詮名義稍殊。由此後魏菩提流支法師云。婆伽婆。語雖稍訛。意無別也。如佛地疏具詳之矣。問。此三身中。何身所攝。答。准處施化。即是化身。菩薩在中。持髻復言。我見土淨。故知通是他受用佛。應化非真。亦非說法者。推功歸本。即是法身。應物之身。不能獨起。必由化生。通自受用。但以由機不同。一處見異。不可定言化報之體。准處言之。定是化佛。故下經言。釋迦如來。隱覆無量尊貴功德。爲欲度斯下劣人故。是故現此雜穢土耳。故知是化。今顯主尊法必殊勝。故初經首。置薄伽梵。

經住廣嚴城菴羅衛林。贊曰。化處也。此是印度境。國名吠舍離。此云廣嚴。舊云毘耶離。毘舍離。維耶離。皆訛也。此國周五千餘里。國大都城。今雖頽毀。故基尚在。周六七十

①(一)一 ②(一)一 ③(一)一 ④(一)一 ⑤(一)一 ⑥(一)一 ⑦(一)一 ⑧(一)一 ⑨(一)一 ⑩(一)一 ⑪(一)一 ⑫(一)一 ⑬(一)一 ⑭(一)一 ⑮(一)一 ⑯(一)一 ⑰(一)一 ⑱(一)一 ⑲(一)一 ⑳(一)一 ㉑(一)一 ㉒(一)一 ㉓(一)一 ㉔(一)一 ㉕(一)一 ㉖(一)一 ㉗(一)一 ㉘(一)一 ㉙(一)一 ㉚(一)一 ㉛(一)一 ㉜(一)一 ㉝(一)一 ㉞(一)一 ㉟(一)一 ㊱(一)一 ㊲(一)一 ㊳(一)一 ㊴(一)一 ㊵(一)一 ㊶(一)一 ㊷(一)一 ㊸(一)一 ㊹(一)一 ㊺(一)一 ㊻(一)一 ㊼(一)一 ㊽(一)一 ㊾(一)一 ㊿(一)一

里王宮城基。周四五里。宮城西北五六里間。有一伽藍。習正量部。傍有窣都波。佛於此說。說無垢稱經。時長者子寶性獻蓋處。伽藍正北三四里。是耆羅女園。持以施佛。佛常於此坐。伽藍東北三四里。有無垢稱故宅。去此不遠。有一神舍。其狀壘博。傳云。積石是無垢稱現疾說法處。去此不遠。有窣都波。是寶性故宅。去此不遠。有耆羅女故宅。其大都城。更無別號。以國名名之。以都城名號。是故國名廣嚴。城亦名廣嚴。住者。遊化所居。目之爲住。廣嚴者。廣者寬大。勝餘國之都城。嚴者飾麗。越諸王之宮宇。一俗事豐雕。二真徒博飾。名爲廣嚴。表此經義苞羅一切名廣。萬德莊嚴。嚴名嚴。耆羅者。天竺有果。名耆羅羅。今語略故。除其沒字。其城有女。以果爲名。曰耆沒羅女。有勝園。林樹繁鬱。泉源澄鏡。花草綺靡。山石崔嵬。足以湛心靈。足以進尊聖。其女每修園樹。重而自守。名之爲衛。衛者唐晉論其自守其林。故名爲衛。女持施佛。佛恒遊息。故以爲名。菓有當果之徵。衛有寶重之意。顯聞妙法以修行當果決定可期。妙法不可輕。然每勤常令寶衛。所以此處說此深經。乍觀女園。與獻蓋處別。佛在園內。蓋在外。陳標迹南北不同。理亦不爲乖爽也。在園處寂。顯離憤。開自居。標城唱讀。表起慈悲以濟物。故城園雙舉。爲利道俗二徒。亦不相違也。舊有解云。女從耆羅樹生。猶如奈女。故以爲名。此解不爾。非所聞故。然法花靈山。般若舍衛。涅槃有金河。此經廣嚴城。各有由矣。

問。觀此化處。實乃穢方。梵王何以言我見此土由來淨也。答。令彰佛慈悲化穢穢處。理實菩薩所見。但住淨方。淨穢由于二心。根報化起於凡聖。變佛非定准。處亦可知。不可淨穢雙彰。但標一化之處。義准三土。亦不相違。以佛定土。理誠可悉。

經與大慈弼衆八千人俱。贊曰。自下第二。衆圓滿也。初總略以四門分別。一彰來意。二顯權實。三定多少。四衆次第。來意有五。一證經可信。拂彼三疑。一疑慶喜自談。二疑從他聞說。三疑非佛所演。今舉時衆。證法無疑。令生信故。智度論云。說時方人。令生信也。二顯德尊高。佛德尊高。大衆奔會。佛居于四衆。映蔽群生。若帝釋臨天。梵王處定。故經下云。譬如大寶妙高山王。處於大海。巍然迥出。佛踞師子勝藏之座。顯耀威光。蔽于大衆。亦復如是。三彰後發揚。爲子生疑。大千變淨。妙祥道備。佛遣對揚。二聖爲發起之先。八部爲隨信之後。四當機獲益。八部四衆有發無上之心。菩薩聲聞。咸剋菩提之意。隨緣語道。著在經文。如上已陳。故不繁引。五輔翼瞻仰。軌範引攝。佛地論云。菩薩聲聞。輔翼圓滿。八部四衆。眷屬圓滿。皆由慈悲廣起。安忍普賢。咸便便有靈。誰不奔趨。諸衆集爲。引餘生發心。經既具陳。復勸令時發意。夫來佛所。略有二緣。一爲瞻仰。二爲聞法。機熟者。會道於當時。未熟者。發心於卽日。顯權實者。准佛地經。淨土中說聲聞八部。並是諸佛菩薩化作。莊嚴道場。引攝衆生。令發妙意。無量壽經云。

其水鳥等。皆佛化作。准此經中。一切菩薩。生此土者。亦隱勝德。起堅固悲。隨類生攝。故知佛居穢土。聲聞爲實。菩薩爲權。佛居淨方。聲聞爲權。菩薩爲實。准處淨穢。其義可知。餘衆實權。理難准定。准有方丈天女。取食菩薩。經文稱化。餘類難知。定多少者。凡聖而論有二。菩薩聲聞爲聖。餘衆爲凡。或初後衆。本在耆園。爲初衆。無垢稱之所持來至園。爲後衆。部類而論有二。一大聖衆。二八部衆。三四部衆。前後一切菩薩聲聞。爲大聖衆。一切有威德。凡類爲八部衆。釋梵護世等。入八部中天。故不別說。若在人趣。入道居俗。有戒行之流。名四部衆。或爲四衆。第三此方諸天衆。餘三如前。前後合有九衆。初有七衆。一聲聞衆。二菩薩衆。三他方梵王衆。四他方帝釋衆。五威靈八部衆。六此方諸天衆。下經八部衆下。列釋梵護世等故。舊經無之。七戒行四部衆。後有二衆。一無垢稱衆。菩薩行品中。掌持至佛所。香臺品中。妙香國有九百萬菩薩。與飯俱來。入維摩詰舍。又爲長者主月蓋從八萬四千人。來入維摩詰舍。此皆後與無垢稱俱來。入無垢稱衆。二妙喜世界衆。卽阿閼佛國。無垢稱在佛所。以神通力。掌持至此。別而爲論。有十九。一聲聞。二菩薩。三他方梵王。四他方帝釋。五餘天。六龍。七藥叉。八健達縛。九阿素落。十揭露荼。十一緊捺落。十二莫呼落伽。十三此方梵釋衆。十四苾芻。十五苾芻尼。十六部波素迦。十七鄔波斯迦。十八無垢稱衆。十九不動佛衆。於中有四門衆異。一三界。

①〔說〕一②說二說③④即二場⑤⑥之十(國)⑦嚴二嚴飾⑧嚴一⑨進二近⑩持二轉⑪勸二勸⑫開十(而)⑬各二名⑭〔根〕一⑮〔根〕一⑯〔變〕一⑰生二坐⑱安二賢⑲便二使⑳使⑳二拖㉑〔此〕十諸㉒王二主㉓健二健㉔部二部

無無色。仁王具有此經無之。機宜未熟於法無緣故。二五趣。無地獄。陀羅尼經具有此經無之。修大乘心。必容豫之所。地獄無暇。故此不來。明呪威神。本為拔苦。故說陀羅尼。有地獄衆。三君臣。無二王。法花具有。此經無之。輪王。小王。二俱不列。四三乘。無獨覺。仁王具有。此經無之。獨覺多出無佛之世。時無機熟。所以不舉。衆次第者。佛地論有釋。今有四義。一形相不同。二坐有近遠。三戒行有異。隨類化生。四令諸菩薩於聲聞衆捨憍慢故。此乃聲聞菩薩次第。餘衆次第。隨應當知。初列衆中。有四圓滿。一行圓滿。二數圓滿。三功德圓滿。四威儀圓滿。行圓滿中有四。一聲聞。修小乘行。慈弼為名。二菩薩。修大乘行。以菩薩為目。三諸菩薩常隨類化。身相不定。故名菩薩。四聲聞形定。說為慈弼。數圓滿者。聲聞八千。菩薩三萬二千等。功德圓滿者。皆為一切衆聖所識等。攝別合有四十一句。是威儀圓滿者。爾時世尊。無量百千諸來大眾等。是此四圓滿。菩薩具足。聲聞有三。一行滿名慈弼。故。二數滿。八千人等。三威儀滿。同前菩薩。今顯菩薩具內外修。故偏顯德。聲聞不爾。略不歎德。不同餘經。他方梵王及天帝釋。其二圓滿。一數。二威儀。不以行為名。不歎其德。慈弼等四衆亦二。一行。二威儀。不歎其德。不標數故。餘八部衆。唯有其一。謂威儀滿。不以行為名。不歎其德。不列其數故。衆成就中。文復有二。初列大眾。後辨威儀。列衆有二。一聖。二凡。菩薩聲聞為聖。八部四衆為

凡。或為三。一大聖衆。二八部衆。三四部衆。或為六。如前說。聖衆為二。一聲聞。二菩薩。此初也。佛共兼會。名之為與。大有五義。一名稱大。大眾大人所知識故。二位次大。皆住聖果。非凡位故。三功德大。或諸漏盡。證智斷故。四修行大。求大菩提。修廣業故。五徒衆大。八千人故。梵云慈弼。此有五義。一怖魔。創心出家。四魔怖故。二乞士。以乞自活。濟自他故。三淨命。離五。邪命。明正三業故。四淨戒。住戒威德。曾不缺故。五破惡。修道獲果。斷煩惱故。偈伽名衆。證理法事。二俱和故。學無學數。合有八千。與佛同處。復名俱也。經菩薩摩訶薩三萬二千。贊曰。下明菩薩衆中有四。一標類舉數。二歎彰功德。三別列名。四牒總結。如是等上首菩薩下足。此初文也。菩薩摩訶薩。類也。三萬二千。數也。菩提薩埵。略言菩薩。合有四釋。一菩提覺義。智所求佛果。薩埵有情義。則所度衆生。攝論云。以菩提薩埵。為所緣境。故言菩薩。菩薩所修自他二利。二利即二行。故以為名。又菩提如前。薩埵有情義。謂諸菩薩。猶有異熟識。故得名有情。求大菩提之有情者。簡異所餘諸有情者。故名菩薩。又菩提如前。薩埵勇健義。不憚處時。不憚財命。求大菩提之勇健義者。簡餘生死之勇健者。故名菩薩。故攝論云。有志有能。故名菩薩。十一面經云。菩提即般若。薩埵謂方便。法花云。諸佛所證。甚深難解。有所言說。意趣難知。即有智慧。及有方便。有實智。權智。真智。修智。理智。事智。自利利他。故

名菩薩。摩訶薩。略言摩訶薩。摩訶大義。薩埵如前。為簡二乘地前凡類。乃簡七地已前菩薩。故立大名。是等皆是八地已上。非前位故。三萬二千。現。所機會。但標上位。下位准知。故不標別。經皆為一切衆。生所識。贊曰。自下第二。彰歎功德。於中總有四十一句。初四十句。別歎功德。後一句。總結德深廣。卒陳難盡。舊經但有三十八句。此中第十句。念定總持無不圓滿。第十一句。建立無影解脫智門。舊經合云。心常安住無礙解脫。此第三十一句。正直審諦柔和微密。舊經脫之。此第三十四句。獲無等等佛智灌頂。第三十五句。近力無畏不共佛法。舊經合云。近無等等佛自在慧十力無畏十八不共。所以但有三十八句。古人亦有十地別科。此中但讀八地以上。或第十地因位究竟。非讚前位。非七地前神通成辦。永離障纏。總持等滿故。其間文句疎謬。至文當釋。此中初有四十句。別歎德中。分為二十一種殊勝功德。初二句。他。悉外化德。次二句。他護自護德。次三句。利他護他德。利他中有二。說法善友為二句。故。次二句。降惡人法德。次三句。內德外辨德。內德有二。能發所發為二句。故。念定總持。為能發因。解脫智門。為所發果。智由念定總持起故。次二句。行成智滿德。六度行成。三無生忍智滿。次二句。說法達理德。次二句。知根能伏德。次三句。因嚴果遂德。果遂有二。獲妙體離惡嚴為二句。故。次二句。名高信重德。次二句。法勝音妙德。次一

無無色。仁王具有此經無之。機宜未熟於法無緣故。二五趣。無地獄。陀羅尼經具有此經無之。修大乘心。必容豫之所。地獄無暇。故此不來。明呪威神。本為拔苦。故說陀羅尼。有地獄衆。三君臣。無二王。法花具有。此經無之。輪王。小王。二俱不列。四三乘。無獨覺。仁王具有。此經無之。獨覺多出無佛之世。時無機熟。所以不舉。衆次第者。佛地論有釋。今有四義。一形相不同。二坐有近遠。三戒行有異。隨類化生。四令諸菩薩於聲聞衆捨憍慢故。此乃聲聞菩薩次第。餘衆次第。隨應當知。初列衆中。有四圓滿。一行圓滿。二數圓滿。三功德圓滿。四威儀圓滿。行圓滿中有四。一聲聞。修小乘行。慈弼為名。二菩薩。修大乘行。以菩薩為目。三諸菩薩常隨類化。身相不定。故名菩薩。四聲聞形定。說為慈弼。數圓滿者。聲聞八千。菩薩三萬二千等。功德圓滿者。皆為一切衆聖所識等。攝別合有四十一句。是威儀圓滿者。爾時世尊。無量百千諸來大眾等。是此四圓滿。菩薩具足。聲聞有三。一行滿名慈弼。故。二數滿。八千人等。三威儀滿。同前菩薩。今顯菩薩具內外修。故偏顯德。聲聞不爾。略不歎德。不同餘經。他方梵王及天帝釋。其二圓滿。一數。二威儀。不以行為名。不歎其德。慈弼等四衆亦二。一行。二威儀。不歎其德。不標數故。餘八部衆。唯有其一。謂威儀滿。不以行為名。不歎其德。不列其數故。衆成就中。文復有二。初列大眾。後辨威儀。列衆有二。一聖。二凡。菩薩聲聞為聖。八部四衆為

凡。或為三。一大聖衆。二八部衆。三四部衆。或為六。如前說。聖衆為二。一聲聞。二菩薩。此初也。佛共兼會。名之為與。大有五義。一名稱大。大眾大人所知識故。二位次大。皆住聖果。非凡位故。三功德大。或諸漏盡。證智斷故。四修行大。求大菩提。修廣業故。五徒衆大。八千人故。梵云慈弼。此有五義。一怖魔。創心出家。四魔怖故。二乞士。以乞自活。濟自他故。三淨命。離五。邪命。明正三業故。四淨戒。住戒威德。曾不缺故。五破惡。修道獲果。斷煩惱故。偈伽名衆。證理法事。二俱和故。學無學數。合有八千。與佛同處。復名俱也。經菩薩摩訶薩三萬二千。贊曰。下明菩薩衆中有四。一標類舉數。二歎彰功德。三別列名。四牒總結。如是等上首菩薩下足。此初文也。菩薩摩訶薩。類也。三萬二千。數也。菩提薩埵。略言菩薩。合有四釋。一菩提覺義。智所求佛果。薩埵有情義。則所度衆生。攝論云。以菩提薩埵。為所緣境。故言菩薩。菩薩所修自他二利。二利即二行。故以為名。又菩提如前。薩埵有情義。謂諸菩薩。猶有異熟識。故得名有情。求大菩提之有情者。簡異所餘諸有情者。故名菩薩。又菩提如前。薩埵勇健義。不憚處時。不憚財命。求大菩提之勇健義者。簡餘生死之勇健者。故名菩薩。故攝論云。有志有能。故名菩薩。十一面經云。菩提即般若。薩埵謂方便。法花云。諸佛所證。甚深難解。有所言說。意趣難知。即有智慧。及有方便。有實智。權智。真智。修智。理智。事智。自利利他。故

名菩薩。摩訶薩。略言摩訶薩。摩訶大義。薩埵如前。為簡二乘地前凡類。乃簡七地已前菩薩。故立大名。是等皆是八地已上。非前位故。三萬二千。現。所機會。但標上位。下位准知。故不標別。經皆為一切衆。生所識。贊曰。自下第二。彰歎功德。於中總有四十一句。初四十句。別歎功德。後一句。總結德深廣。卒陳難盡。舊經但有三十八句。此中第十句。念定總持無不圓滿。第十一句。建立無影解脫智門。舊經合云。心常安住無礙解脫。此第三十一句。正直審諦柔和微密。舊經脫之。此第三十四句。獲無等等佛智灌頂。第三十五句。近力無畏不共佛法。舊經合云。近無等等佛自在慧十力無畏十八不共。所以但有三十八句。古人亦有十地別科。此中但讀八地以上。或第十地因位究竟。非讚前位。非七地前神通成辦。永離障纏。總持等滿故。其間文句疎謬。至文當釋。此中初有四十句。別歎德中。分為二十一種殊勝功德。初二句。他。悉外化德。次二句。他護自護德。次三句。利他護他德。利他中有二。說法善友為二句。故。次二句。降惡人法德。次三句。內德外辨德。內德有二。能發所發為二句。故。念定總持。為能發因。解脫智門。為所發果。智由念定總持起故。次二句。行成智滿德。六度行成。三無生忍智滿。次二句。說法達理德。次二句。知根能伏德。次三句。因嚴果遂德。果遂有二。獲妙體離惡嚴為二句。故。次二句。名高信重德。次二句。法勝音妙德。次一

①小二少②小③攝二總④就二熟⑤就⑥邪二耶⑦住二性⑧我⑨所十被⑩生二眾⑪悉二委  
⑫\*四發二發⑬



句。離邊會中德。次二句。決定深大德。次一句。超出情計德。次二句。積善離惡德。次二句。達理證真德。次二句。紹位繼道德。次二句。不住二邊德。除惡趣。越深坑。棄緣起。分生死。為二類。並不住生死邊。示現趣生。不住涅槃邊。次一句。應病。說藥德。次一句。內外二嚴德。次一句。自他不虛德。准義依文。且為此制。諸有智者。如理應知。又四十一句。別歎德中。應一一為名。皆為一切衆望所識。此歎菩薩德。大位高。智者所識。殊勝功德。國王大臣長者居士。諸有德藝。所推望者。即是翹楚。鑒別人物。名為衆望。今諸菩薩。為此一切衆推望者之所識知。譬如垂耳長鳴。王良見識。此諸菩薩。位大德高。人物所識。亦復如是。非諸凡愚所能識。悉縱除識。悉未以為珍。如智度論云。天王人王大人所識。今此要在人物所識。又此菩薩。皆為一切大衆瞻望。大衆識。悉二義俱得。舊云衆所識知。乃。冗此義。

經大神通業修已成。得。贊曰。此歎利他妙用功德。能遍十方。起難思化。因已辦故。業者事業。作用之義。體即神通。菩薩事業。利他作用。即神通故。成唯識論第九卷中。解第十地二愚。一大神通。即所起事業故。舊經云。大智本行皆悉成就。文言雖總本行。亦即神通利物。經諸佛威德。至能攝正法。贊曰。上一句。修行廣大諸佛攝受功德。下二句。輕身重道。含持妙法功德。八地以上。於諸行中。能修諸行。

於無相海。任運進修。十方諸佛。舒手摩頂。以神通威用。福慧德。於一切時。增。如其力。任持不捨。故名修行廣大佛攝受德。舊云建立。便無足義。法城有二。一法即是城。此諸菩薩。如守城者。常外捍御。不令損壞。諸佛法教。而修行者。名城中人。城者。防護外御之義。防護城內諸修行者。外御四魔。不令侵。故法名城。或復正法。如城中人。菩薩如城。菩薩善為護法之城。此諸菩薩。捨身命財。護持正法。能攝正法。即勝鬘經。攝受正法。正法有四。教理行果。於此四中。並能攝受。領納屬己。或復攝持。曾不暫捨。隨其所應。於四法中。並能攝之。於法能學能說。於理能觀能達。於行能修能習。於果能知能證。或斷一切惡。修一切善。度一切生。名攝正法。凡所修善。皆攝正法。凡所棄惡。皆攝正法。凡所利生。皆攝正法。故勝鬘經云。攝受正法者。即是無量得一切佛法。攝八萬四千法門。捨身命財。攝正法故。此中善字。不但善護法城。通下。亦能善攝正法。或善別說。不須通下。以護法城。復能攝之故。是輕身重道。含持妙法功德。

經以大師子。周遍十方。贊曰。廣大法覺悟功德。下云。演法無畏。猶師子吼。乍觀與此中覺悟義同。下以說法決定無畏。如師子吼。今以覺悟衆生。令增道意。如師子吼。故不同也。師子吼時。能為十一事。涅槃經云。一為破諸實非。師子詐稱師子。二自試身力。三自淨住處。四令了知處。五令群衆無怖畏心。六

眠者得寤。七令諸禽獸不得放逸。八令諸獸咸來歸附。九為調伏大香象等。十為教諸子。十一莊嚴眷屬。此諸菩薩。為師子吼。亦復如是。一為摧魔軍。二為現衆力。三開佛行處。四為邪見作歸依處。五為安撫怖畏衆生。六覺悟無明睡眠衆生。七行惡法者。為作悔心。八開示。邪見。令諸衆生知六師等。非正師子。九為破諸富蘭那等。亦令二乘生發悔心。十教五住諸菩薩等。生大力心。十一為令正見之心。於邪見者。不生嗔心。由諸菩薩能摧伏故。以大師子吼聲。敷演。敷謂開發。警悟初機。演謂廣談。覺察根熟。既住十地。能遍十方。雲雨說法。其說法聲。遠播十方。美妙音聲。名為美音。退者遠也。振者揚也。世尊之聲。廣音具足。隨衆大小。無不等聞。此諸菩薩。隨衆十方。美音亦遍得廣音故。舊云名聞十方。與下名稱高遠。有何差別。可言名者。說法音聲。便無此失。

經為衆生。能使不絕。贊曰。上一句。三種慈悲。拔濟功德。下二句。統嗣法王。不斷功德。慈悲喜捨。各有三。一有情緣。作假有情想。二法緣。不見假有情。唯見蘊等法。三無緣。於彼法中。亦離分別。唯見其如。或法緣者。緣十二分教。無緣者。不見有情及法二種。而行慈悲喜捨。不見身外有定衆生。衆生即已。故行慈悲。為不請友。譬之父母。恰救於子。不待請故。已前諸位。或待他請。方救濟之。未能任運為不請友。此皆任運慈悲深故。長阿含說。有四惡友。一如親惡友。畏而伏之。實無親意。二

① 某二奇。② 寄。③ 說二教。④ 如。⑤ 元二無。⑥ 得二辦。⑦ 如二加。⑧ 某二城。⑨ 佛二依。佛。⑩ 攝二損。⑪ 其十。⑫ 亦二總。亦。⑬ 如。⑭ 淨二靜。淨。⑮ 七十。⑯ 悔二說。悔。⑰ 示二親。⑱ 心二衆。⑲ 修二術。⑳ 贊二驚。㉑ 為十。諸。



美言惡友。言順意違。三敬順惡友。心雖敬順。然於所作。善惡皆從。無相諫心。四者惡友。爲惡事件。或同飲酒。博。戲。淫逸。及歌舞等。此四。友中。各各有四。而應遠之。有四善友。一止非善友。惡事相止故。二慈愍善友。苦事相恰故。三利人善友。樂事相與故。四同事善友。善事相同故。一。一之中。各有四種。皆應親近。此諸菩薩。爲諸衆生。此四善友。此中三寶。略有二解。一同體三寶。種謂種子。卽如來藏。佛無漏因。此諸菩薩。修此種子。令不斷絕。常勤證會。二別體三寶。有爲無爲。自利利他。隨其所應。三佛。四法。十地僧等。此諸菩薩。修此三寶之種。及展轉教人。令不斷絕。如花嚴經明法品中。有三重釋。發菩提心。佛寶不斷。開說正法。法寶不斷。受持戒行。僧寶不斷。自他俱爾。

經降伏魔怨制諸外道 贊曰。此顯能摧怨敵功德。魔謂四魔。或。種八魔。涅槃經說。前四加。四倒懷四德故名魔。魔卽是怨。爲法怨故。降伏諸魔。如別章解。其四倒魔。是分別法執。初地永斷。地前漸伏。制者制御。如制牛馬。由具智辨。能伏外道。由近十力。能伏天魔。近四無畏。能摧外道。

經永離一切障及蓋纏 贊曰。此顯菩薩離染功德。障謂障礙。此有二種。一煩惱障。二所知障。煩惱障。以三界見修所斷。根本百二十八煩惱。及隨煩惱爲體。所知障。以三界見修所斷。一切能障於智。食癡慢等。爲其體性。頭數多少。如煩惱障漸頓伏斷。皆如論說。此諸

菩薩。八地之位。一切六識二障現行。皆已伏盡。或種已斷。故言求離。蓋謂蓋覆行者之心。令不清淨。此有五種。一貪欲蓋。二瞋恚蓋。三惛沈睡眠蓋。四掉舉惡作蓋。五疑蓋。此五爲三時障。貪欲五境。能障出家。既出家。以前犯邪行。有覺悟之。瞋恚爲障。不用覺悟。更生瞋恚。若不犯邪行。學定慧時。後三爲障。初學。止心。惛睡爲障。次學學心。悼悔爲障。若住捨位。疑能爲障。障此五。情。故立爲蓋。纏謂纏繞。數數現起。纏繞行者之心。故立爲纏。此有八種。謂無漸。無愧。惛沈。睡眠。掉舉。惡作。嫉。慳。初二障戒。次二障定。次二障慧。後之二障。障自他利。諸出家者。於自他利。恪妬門中。數現起故。二障已攝。一切染盡。於中據勝。偏舉蓋纏。三漏。四取。身繫結縛。皆准已離。舊云悉已清淨。文意難知。卽二障盡。

經念定總時至解脫智門 贊曰。上一句。能以少法廣含多義功德。下二句。顯無漏離縛殊勝功德。念謂明記諸所作事。如瑜伽五十七釋契經說。念等念隨念。別念不忘念。心明記無失。無忘無失法。此義如瑜伽攝異門說。定謂於境心不燒亂。五十七云。令心注。等住安住與近住。謂調寂靜寂止。一趣等持性。此如對法論第十說。總持者。陀羅尼也。念慧爲體。能以少功廣含多義。能總任持。名爲總持。此有四種。一法。二義。三能得菩薩忍。四者呪。由念明記。成無忘失。定無亂錯。常居一趣。總持苞含。易可受說。故以少法。能廣廣法。解脫智門者。謂無漏智。離有漏縛。故言解

脫。解脫卽無障。無障解脫。以智爲體。智卽是門。智門。能入三性境。故瑜伽論云。若以解脫門言之。出世正智所攝。顯揚論云。但言空無願無相。通有漏無漏。若定若散。聞思修慧。若言空無願無相三摩地。通有漏無漏。唯定非散。唯修慧非聞思。若言空無願無相解脫門。唯無漏非有漏。唯定非散。唯修慧非聞思。今言解脫。故唯無漏。空門。緣所執。彼無體故。無願門。緣依他。不於三界願求故。無相門。緣圓成。觀真如爲無相故。或三解脫門。皆能緣三性。或十六行。種種不同。如樞要及瑜伽第十二抄。古經。二句合云。心常安住無礙解脫。無礙卽無障。解脫卽智門。可謂建立無障解脫智門。其心常安住。乍觀。常安住彼無礙解脫。然卽是定。略無今念及總持二。合今二合。爲古一句。仍義不全。

經速得一切至陀羅尼辨 贊曰。此說成熱六辨功德。一無斷辨。連環不息故。二殊勝辨。不可屈伏故。三念辨。憶說法事故。四慧辨。分折諸法故。五等持辨。巧說諸定故。六總持辨。於一字等中。說諸義等故。既非四無礙解。亦非七辨。故別成六。下一辨字。貫通上四中。此第六辨。四無礙解中。法義所攝。前之五辨。並解第攝。此第一。七辨中。第四無斷盡攝。此第二。七中第七攝。一切世間最上妙故。此第四。彼第五。無疎謬故。念定皆通。隨其所應。後智爲體。舊經云。念定總持辨。第不斷。念定總持爲三。辨才不斷之言。應爲一辨。闕勝慧二。古翻意說上三種。辨才不斷。非不斷辨

●款二觀● ●友二之● ●種二復● ●(四)一● ●八地之位二位之八地● ●以二已● ●悟二言● ●悟一● ●止二上● ●正一● ●悟二言● ●悟一● ●注二住● ●(謂)一● ●門十(以)● ●(爲)十門● ●中二下● ●解第二辨才● ●第二才●

也

說無垢稱經疏卷第一末

天保六乙未中冬第八日寫之於愛智寮釋  
遊識

### 說無垢稱經 贊卷第一

大慈恩寺沙門基撰

經皆獲第一。波羅密多。贊曰。此顯能到  
彼岸功德。即是十種波羅密多。第一者。顯  
其十度皆能具修。純是無漏。然此十度。在地  
前位。於一行中。唯修一行。唯是有漏七地  
以前。於一行中。修一切行。通有無漏。八地  
以上。一切行中。修一切行。唯是無漏。勝前  
位故。皆名第一。十度者。一。布。大。二。淨戒。云  
調伏寂靜。尸羅者。即淨戒也。廣律毘奈耶名  
調伏。調和控御身語等業。制伏滅。陰諸煩惱  
故。寂靜者。寂身語意。靜六根中。諸惡戒放。  
尸羅者。清涼義。當得涅槃清涼。義故。或戒  
自體。能除煩惱惡業熱故。尸羅是體。調伏寂  
靜。是戒功能。三。安忍。四。正勤。正勤即精進。  
五。靜慮。禪定也。六。波若。七。方便善巧。八。妙  
願。九。力。十。智。波羅密多。古經闕顯。仍以第  
十第六合說。無不具足。意亦合故。應舉初  
一。具足。足例餘。若爾何勞更別列也。六度合  
以五門分別。一。釋名。二。出體。三。釋相。四。辨  
果。五。諸門通局。等。一。釋名者。梵云始迦波  
羅蜜多。始迦十也。波羅彼岸也。蜜多離也

到也。總云十離到彼岸。十者數也。彼岸有  
五。一。所知。二。都。三。理。四。行。五。果。由此十  
行能了。一切空有境盡。能解一切五明教盡。  
能達一切真俗理盡。能修一切福慧行盡。能  
證一切菩提果盡。名到彼岸。菩提菩提斷。俱  
名菩提。菩提涅槃。並名菩提。故於五境中。有  
少不盡。不名到彼岸。離者遠離。由此十行。能  
離生死五蘊等法。能到所知五種彼岸。名十  
波羅密多。大般若中。作如此解。帶數釋也。  
釋別名者。能裂慳吝。名為布施。乃至決斷諸  
法事理。名為智。布施即波羅蜜多。乃至智  
即波羅蜜多。皆持業釋也。二。出體性者。布施  
有三。謂財施。法施。無畏施。貪苦良田。惠  
奉珍物。處生死者。惠以正法。怖懼衆生。惠以  
無畏。俱以無貪及彼所起三業為性。此體有  
二。一。無貪。二。思。三。業。即思故。戒有三種。謂  
律儀戒。攝善法戒。饒益有情戒。別解脫戒。能  
離衆惡。名律儀戒。諸有自利所修諸善。名攝  
善戒。利樂衆生所有三業。名饒益有情戒。此  
三俱以受菩薩戒時三業為性。此體唯思。忍  
有三種。謂耐怨害忍。安受苦忍。諦察法忍。他  
為惱亂。能受不瞋。修行逼迫。能安不退。聞  
法諦理。能印不疑。初即無瞋。次忍即精進。  
後忍即智慧。三復總以三業為性。體即四法。  
一。無瞋。二。精進。三。慧。四。思。精進有三。謂被甲  
精進。攝善精進。利樂益精進。如契經說。任有  
勢有勤。有勇健堅猛。於諸善法中。常不捨善  
軀。輪作五名。謂被甲。加行。無下。無還。無  
足。如次配經五種精進。被甲精進。即初有勢。

餘四精進。皆是攝善。雖攝五盡。並為自利。濟  
益他時。不生懈倦。名利樂精進。此三以勤及  
彼所起三業為性。體唯二法。一。精進。二。思。靜  
慮有三。謂安住靜慮。引發靜慮。辦事靜慮。現  
法樂住定。名安住靜慮。引發靜慮。辦事靜慮。現  
靜慮。轉大地為金銀。反巨海為蘇酪。等施諸  
貧乏。名辦事靜慮。此三但以靜慮為性。體唯  
是定。般若有三。一。生空無分別慧。二。法空無  
分別慧。三。俱空無分別慧。方便善巧有二種。  
謂迴向方便善巧。拔濟方便善巧。願有二種。  
謂求菩提願。利樂他巧願。力有二種。謂思擇  
力。修習力。智有二種。謂受用法樂。成熟有情  
智。此五皆以慧為其性。或第八願。以欲勝解  
及信為性。并慧為性。如是十度。合以九法為  
性。一。無貪。二。思。三。無瞋。四。精進。五。慧。六。靜  
慮。七。欲。八。勝解。九。信。遍行一。思也。別境四。  
欲。勝解。定。慧。善有四。信。精進。無貪。無瞋。  
或身語色。即通無表。合十法為體。三。釋相者。  
要具七種最勝攝受。方成十種波羅蜜多相。  
一。安住最勝。謂安住菩薩種子姓。無種性修。  
非為度相。二。依止最勝。謂要依止大菩提心。  
若無道心。雖修非度。三。意樂最勝。謂要悲愍  
一切有情。不悲有情。雖修非度。四。事業最勝。  
謂要具行一切事業。且如施時。要信心至心。  
隨時自手如法行施。或具六義。一。無所依  
施。解脫捨故。回向涅槃。無所繫著故。二。廣大  
施。舒手施故。殷重廣施故。三。歡喜施。樂棄捨  
故。施前正施。施後意悅。無追悔故。四。數數  
施。祠說施故。一向如法。不以凶暴積集財

【天保六乙未中冬】十九字一。【贊二疏】。【密二蜜】。【以二已】。【大二施】。【餘二除】。【義二果】。【足二中】。【等】。【到二列】。【到二】。【都二教】。【謂財二財謂】。【貪二貪】。【成二志】。【印二即】。【印二】。【益二樂】。【道二退】。【姓二性】。【隨二隨】。【隨二】。【說二記】。

物。施時數周遍捨施物故。五。田器施。捨圓滿故。謂於福田而奉獻故。六。攝受眷屬施。於惠施中。樂分布故。謂於父母妻子等所。時時平等而分布故。非理求財不以施人。物不淨故。置羅網不以施人。損衆生故。刀杖毒藥不以施人。害衆生故。音樂女色不以施人。壞淨心故。以要言之。一切不如法物。皆不應施。如是等。名事業最勝。五巧便最勝。謂要無相智所攝受。如不見施者施物受者。三事體空。三輪淨故。即般若云。以不住相。相應行布施。故住相修。雖修非度。六同向最勝。謂要回向無上菩提。若不求此。雖修非度。七清淨最勝。要不爲二障間雜。三時無悔。方成度故。煩惱若間。雖修非度。四辨果者。有漏有四。一異熟果。二等流果。三士用果。四增上果。不證無爲。無離繫果。無漏有四。加離繫果。除異熟果。異熟果者。有漏善惡。能感得故。若十地等中。二互相資。通得五果。此五果相。至下當知五諸門分別者。於中復以五門分別。一次第二離障。三廢立。四修相。五純雜。如成唯識第九卷釋

三無生忍也。一本性無生忍。觀遍計所執。人法二相本無體故。二自然無生忍。觀依他起。唯假因緣。非自然生故。三惑苦無生忍。觀於真如惑者本。無生故。此三無生忍。地前學觀。入初地證。八地相續。今復任運自在成就。故與成名

常。二涅槃寂靜。三諸法無我。此通大小二乘法印。二無差別。無相理爲能印。所轉教法輪爲所印。咸者皆也。得者獲也。由諸菩薩任運得無相理妙印所印之教。所以能轉不退法輪。未任運得無相理妙印所印之教。畢竟不能轉不退法。此以下句。釋上二句。如是便無四十一句。若依第二解。便成四十一句。無相妙印。即無相教。教之所印。謂無相理。此諸菩薩。皆任運得無相教印所印之無相理。前修十力。雖分已得。尚未圓滿。此大菩薩。皆於十力。第四力中。圓滿得之。名爲善知有情根品。以舊經初云善解法相。由解法相能證無相法教。故能隨轉不退法輪。義諸菩薩。善解一切法之真體。謂任運得無相之理。相者體故。雖知二解。今符新教。義理疎脫。智者當知

經成無所得不起法忍。贊曰。此第十四相續無生法忍功德。清辨釋曰。世俗故有勝義空。空者無所得也。觀法本空。何有生等。觀此無生。而起觀智忍。名無所得不起法忍。護法等云。遍計所執。云人法有。名有所得。今觀彼空。名無所得。起者生也。忍者智也。於三性上。觀所執無。名無所得。體既無有。何有生等。觀此不生法。而起忍可之智。即

經已能隨轉不退法輪。贊曰。此顯能說上住功德。轉謂移轉。體即聖道。謂佛昔於他處受得。今爲他說。名之爲轉。菩薩隨佛。亦能移轉。故名爲隨。轉輪者摧壞義。破二障故。不定。義。而復往故。圓滿義。穀轉輻等皆圓滿故。八聖道具三義。故名爲輪。法輪有五。一法輪體。謂八聖道。二法輪因。謂此教及念住等。得聖道因。三法輪眷屬。謂萬行福慧。四法輪果。謂菩提涅槃。五法輪境。謂具俗諦理。轉者動顯運起之義。動宜玄教。顯揚妙理。運聖道於聲前。起圓智於言後。故四法寶皆名爲轉。不退有二。一已得不退。此初地得。於未得法。尙未能修。名之爲退。二未得不退。八地後。故能轉之。或四不退。一信不退。十信第六心。不退生邪見。二位不退。謂十住第七住。不退作二乘三證不退。謂初地上。已證得法。永不退故。四行不退。謂八地上。於一切行。不退修故。今隨其位。能轉具足此之四位。四不退轉法。要八地後故

經成得無相諸根勝劣。贊曰。上一句。顯得決定法功德。下二句。顯得根上下智力功德。妙印有二。一有差別。謂三法印。一諸行無常。二涅槃寂靜。三諸法無我。此通大小二乘法印。二無差別。無相理爲能印。所轉教法輪爲所印。咸者皆也。得者獲也。由諸菩薩任運得無相理妙印所印之教。所以能轉不退法輪。未任運得無相理妙印所印之教。畢竟不能轉不退法。此以下句。釋上二句。如是便無四十一句。若依第二解。便成四十一句。無相妙印。即無相教。教之所印。謂無相理。此諸菩薩。皆任運得無相教印所印之無相理。前修十力。雖分已得。尚未圓滿。此大菩薩。皆於十力。第四力中。圓滿得之。名爲善知有情根品。以舊經初云善解法相。由解法相能證無相法教。故能隨轉不退法輪。義諸菩薩。善解一切法之真體。謂任運得無相之理。相者體故。雖知二解。今符新教。義理疎脫。智者當知

經成無所得不起法忍。贊曰。此第十四相續無生法忍功德。清辨釋曰。世俗故有勝義空。空者無所得也。觀法本空。何有生等。觀此無生。而起觀智忍。名無所得不起法忍。護法等云。遍計所執。云人法有。名有所得。今觀彼空。名無所得。起者生也。忍者智也。於三性上。觀所執無。名無所得。體既無有。何有生等。觀此不生法。而起忍可之智。即

經已能隨轉不退法輪。贊曰。此顯能說上住功德。轉謂移轉。體即聖道。謂佛昔於他處受得。今爲他說。名之爲轉。菩薩隨佛。亦能移轉。故名爲隨。轉輪者摧壞義。破二障故。不定。義。而復往故。圓滿義。穀轉輻等皆圓滿故。八聖道具三義。故名爲輪。法輪有五。一法輪體。謂八聖道。二法輪因。謂此教及念住等。得聖道因。三法輪眷屬。謂萬行福慧。四法輪果。謂菩提涅槃。五法輪境。謂具俗諦理。轉者動顯運起之義。動宜玄教。顯揚妙理。運聖道於聲前。起圓智於言後。故四法寶皆名爲轉。不退有二。一已得不退。此初地得。於未得法。尙未能修。名之爲退。二未得不退。八地後。故能轉之。或四不退。一信不退。十信第六心。不退生邪見。二位不退。謂十住第七住。不退作二乘三證不退。謂初地上。已證得法。永不退故。四行不退。謂八地上。於一切行。不退修故。今隨其位。能轉具足此之四位。四不退轉法。要八地後故

經成得無相諸根勝劣。贊曰。上一句。顯得決定法功德。下二句。顯得根上下智力功德。妙印有二。一有差別。謂三法印。一諸行無常。二涅槃寂靜。三諸法無我。此通大小二乘法印。二無差別。無相理爲能印。所轉教法輪爲所印。咸者皆也。得者獲也。由諸菩薩任運得無相理妙印所印之教。所以能轉不退法輪。未任運得無相理妙印所印之教。畢竟不能轉不退法。此以下句。釋上二句。如是便無四十一句。若依第二解。便成四十一句。無相妙印。即無相教。教之所印。謂無相理。此諸菩薩。皆任運得無相教印所印之無相理。前修十力。雖分已得。尚未圓滿。此大菩薩。皆於十力。第四力中。圓滿得之。名爲善知有情根品。以舊經初云善解法相。由解法相能證無相法教。故能隨轉不退法輪。義諸菩薩。善解一切法之真體。謂任運得無相之理。相者體故。雖知二解。今符新教。義理疎脫。智者當知

田二由一 相二想 勝十(謂) 日二言 義十(故) 觀一 觀二觀一 云二執 者二苦 無二不 無一 復二獲 住二位 遂二還 轉一 義十(來) 輪二轉 宜二宜 轉法二法輪 法一 以一 以十 法相一 義二成 謂二謂 智二慧 位二任 圓一

經相好嚴身至所有飾好。贊曰。上二句。內體端嚴殊勝功德。下二句。棄世莊嚴。果好功德。諸相隨好。第八識變語異熟果。初地分得。第六意識。亦變無漏八地已上。相好圓明。有漏無漏。相續殊妙。故言相好色像第一。諸相隨好。以眼根舌根身根眼根四根依處。及舌根為體。故言色像得上味相。舌根為體。眼如青紺牛王睫等。眼根依處。舌覆面輪。舌根依處。身皮金色等。身根依處。勢峯藏密。男根依處。餘准可知。世間。業青。七寶什物之所莊嚴。既好雕飾。名為飾好。今大菩薩。觀之無益。返為損害。一切盡捨。以德內嚴。不修外飾。經名稱高遠。論於帝釋。贊曰。今舉遐振殊勝功德。而利天主釋迦提婆因達羅者。釋迦能姓提婆天也。因達羅帝也。天中帝主。姓釋迦。故號帝釋。名憍尸迦。如餘經中具明本緣。以崇佛法。他方菩薩。上界天等。名多。皆悉聞名。隨者越也。菩薩名聲。更越於彼。十方一切皆聞名故。但以翻譯之人。說帝釋居於須彌。執筆者遂即錄之。為此舊經乃云。隨於須彌。其須彌山。他。他之天。尚不知有。何況其餘。經意樂堅固。得不壞信。讚曰。任運決定得於事理不疑功德。三二句。舉喻。下一句。顯體。意樂者。以信勝解二為得體。設有惡魔及諸外道。種種但壞。決定堅固。難壞難。但。譬如金剛。極堅牢故。遂不墮破。故於佛法。得不壞信。佛法僧戒。此之四種。總名佛法。得不壞信。信四法故。即論所云四證淨也。或法真理。名為佛法同體三寶。今任運得此不壞

信。初地雖得。尚於華中而有猶豫。此猶豫者。異熟生攝。八地已上。一切決定。今舉勝法。稱不壞信。信於一切。但言四者。據勝境說。俱舍論云。信三寶者。離惡道因。信於戒者。離賤貧因。故此偏言。舊但有喻。義便不足。經流法寶光潤甘露雨。贊曰。說法破惡生善功德。流演法光。照破癡等暗。淡注教法。雨如甘露者。長諸眾生善根牙故。或教法為說為文光。顯理故。義如甘露。可味重故。此亦如雨潤萌芽故。

經於眾言音微妙第一。贊曰。既說法音聲勝妙功德。說法聲韻。如頻迦音。於一切眾生聲中第一。微者密也。善說深義。妙者好也。哀雅可愛。佛有五種美妙音聲。一甚深如雷。二清徹遠聞。聞者悅樂。三入心敬愛。四諦了而解。五聽者無厭。此具後四。故說言音微妙第一。即是三十二中。梵音聲相。功德最大。如經校量。

經於深法義至見習相續。讚曰。顯達中道功德。緣起者。待緣而起。亦名緣生。此有三種。一受非愛道緣起。即十二緣生。五蘊為性。善惡趣中。能顯現故。謂無明行識名色六處觸受受取有生老死。二受用緣起。即六識身為性。能受用境故。三自性緣起。即是本識為性。生死緣起之自性故。此三緣起。理妙難解。名深法義。法義弘博。名為廣大。昔凡夫位。由迷中道緣起法故。便起常斷二邊鄙見。執無因起。如涅槃常。名常見。執後世果空無所有。

名斷見。此之二見所熏習種。在於本識。相續不斷。今八地上。離分段生。達於中道三種緣起。二見現行種子習氣。相續便滅。法執二見斷煩惱見隨捨。此常斷見現種相續。是迷緣起邊鄙之法。故達中道緣起之時。彼皆永滅。舊云斷諸邪見。本無此文。古人謂二見體即邪見。理未必然。不正名邪。二見亦是非四見之邪。唯損滅見故。

經演法無畏至乃如雷震。贊曰。上二句。顯處眾說法無畏功德。下兩句。顯演法音聲深大功德。由諸煩惱不深。無明皆已不行。亦無分別我他勝於己。處眾說法。不覺有能過自身者。是故無畏如師子吼。講說談論。其聲若雷。隱振隱振。深而大故。前五音中。此第一也。

經不可稱量過稱量境。讚曰。此顯德大妙逾心議殊勝功德。稱謂言說。量謂心度。謂大菩薩。聖德廣大。微妙難知。言說不可稱量。不可量。非七地已前說思所及。故非稱量之境界也。此以下句。釋於上句。由過彼境故。言不可稱量。八地以上。剎那剎那。轉增進故。初一剎那過前二劫所修一倍。二念二倍。乃至上倍過前無數。故非七地以前稱量。舊經脫稱。義仍難解。

經集法寶慧至柔和微密。讚曰。上二句。歎獲聖寶功德。下二句。顯離惡法功德。教理行果。法可貴重。名之為寶。於法寶中。慧為上首。此能引導一切法故。八地以上。於一切法。能堪能思能持三慧久積。名之為集。慧既久

①果二集 ②業青二集 ③而二切 ④名一 ⑤皆一 ⑥他二化 ⑦三二上 ⑧得二自 ⑨但二里 ⑩隨二隨 ⑪經二事 ⑫故二說 ⑬為二寶 ⑭既一 ⑮愛二受 ⑯受二愛 ⑰理妙二妙理 ⑱深二染 ⑲是二見 ⑳蜜二密 \*

積。是故能爲大引導師。若無慧者。不能爲導  
師。或聖者財寶。卽七聖財。謂信戒聞捨慧慚  
愧。雖具此法寶。慧爲上首。久已積集。能爲導  
師。古經云。集衆法寶。文總無慧。難爲導師。不  
謂不。僞名正直。不僞不疎名審諦。不。謂不  
屍名柔和。達細知深名微密。此下二句。古經  
所無。

經妙達諸法。至甚深實義。贊曰。此數能了真  
理功德。諸法真理。名甚深義。難以世俗慧見。  
分別心知。推求慧見。世俗智知。凡夫心見。二  
乘心知。眼識所見。餘識所知。此等諸法。今諸  
菩薩。皆能妙達。後得智達俗。正體智達真。  
經隨入一切。至意樂所歸。贊曰。此數。乃達  
空有所歸。宗極功德。護法宗云。入者證解。有

者有爲無爲。無者我及我所。卽是三性。趣謂  
意況有趣無趣。意樂者。卽緣有無之心。所歸  
者。謂中道道理。名有無趣意樂所歸。謂無漏  
智是有無趣意樂。此無漏智所歸。卽真如境  
也。諸佛所說有無所趣意樂。究竟所歸。真如  
之境。菩薩皆能隨入證解。此顯能達三性理  
也。清辨解云。世俗諦有。勝義諦無。無者空  
也。此之二趣意樂。究竟所歸。卽真空理。此諸  
菩薩。能隨證入。舊云。善知衆生往來所趣及  
心所行。便非此理。或往來者。分別構畫。心所  
趣者。空有三性及心所行。歸真如三性。究竟  
心所行故。心卽意樂。雖有此解。理路猶疎。

經獲無等等。共佛法。贊曰。上二句。歎將  
紹佛位功德。下二句。顯已隨佛。德功德。大  
覺世尊。名無等等。無齊可齊故。第十地菩薩。

座大寶蓮花。十方諸佛。如王子受職法。以佛  
智水。灌灑心頂。令受佛。住。今獲此位。顯紹  
尊故。力者十。力。畏者四無所畏。不共佛法  
者。十八佛不共法。十力。略以五門分別。一  
。爾名。二出體。三行相。四次第。五諸門。辨名  
有二。一列。二釋。列名者。一處非處智力。二自  
業智力。三靜慮解脫等持等至智力。四根勝  
劣智力。五種種勝解智力。六種種界智力。七  
遍趣行智力。八宿住隨念智力。九死生智力。  
十漏盡智力。釋名者。初總。後別。總名力者。  
能摧怨敵。我。不可屈伏義。瑜伽菩薩地第四  
十九五十。及決擇第五十七。菩薩藏經第五  
顯揚第四。對法第十四。并大般若經。皆釋此  
相。與一切種利樂有情。功能相應。畢竟勝伏

一切魔怨。大威力故。說名爲力。故以能摧難  
屈名力。對法云。善降衆魔。善記問論。故十名  
力。十者是數。力用不同。有此十種。故名十  
力。依六釋中。帶數釋也。釋別名者。因果相  
當。名之爲處。若不相當。名爲非處。故瑜伽  
云。淨不淨果。非不平等。如轉變因。是名爲  
處。處者建立義。依義。起義。能建立果爲依  
能起於果法故。因立處名。不平。不因。與上  
相違。是名非處。於此二種。一切智。無滯智。  
清淨智。離增上慢。名之爲智。力義如前。各自  
所作三世三業。或順現受。或順生受。後受不  
定。名爲自業。於此正知。名自業智力。靜慮者  
四靜慮。解脫者八解脫。等持者一切有心定。  
等至者一切有心無心定。於此正知。名靜  
慮解脫等持。持至智力。根者。信等五根。此

衆中上。名爲勝劣。於此正知。名根勝劣智  
力。若從他信。以爲其。或觀諸法。以爲其  
先。成衆中上。愛樂勝解。名種種勝解。於此正  
知。名種種勝解智力。若廣建立種種勝解。或  
一乘。或三乘。或四乘。或五乘。或貪瞋癡等分  
行等。爲至有情八十千行。名種種界。界是  
性故。於此正知。名種種界智力。若卽如是諸  
趣門中。隨順正行。如覺行者修不淨觀等。名  
遍趣行。或趣一切五趣之行。或諸外道沙門  
婆羅門。各各異見品類諸行。或此世他世無  
罪趣行。名遍趣行。於此正知。名遍趣行智力。  
若於種種有情衆中。四方名字假設安立品  
類差別。隨先過去。所有自體。八言說句。謂如  
是名。一。生類。二。種性。三。飲食。四。受苦樂。五。  
長壽。六。久住。七。壽量邊際。八。於此八中。隨念  
六種略所行行。有無量種種宿住隨念。六略行  
者。一。呼召假名。二。剎帝利等色類差別。三。父  
母。四。飲食方軌。五。興衰。六。壽量。此等宿住。  
是過去境。宿住也。故。於此宿住。而隨起隨念。  
念俱行智。名宿住隨念智力。諸有情類。臨欲  
終沒。名爲死時。住中有等。名爲生時。於善惡  
趣。死時生時。能正了知。名死生智力。一切諸  
漏。所有隨眠。無餘永斷。名爲漏盡。於此正知。  
名漏盡智力。智者是體。力是作用。然力卽智。  
更無別性。此中宿住隨念相應智力。是隣近  
釋。自餘最初處非處。乃至漏盡。是所觀境。智  
力是能觀智。處非處乃至漏盡之智力。皆依  
主釋也。二出體者。決擇分五十七云。佛具知  
根。以慧根爲體。對法論云。若定若慧。及彼相

覺世尊。名無等等。無齊可齊故。第十地菩薩。

衆中上。名爲勝劣。於此正知。名根勝劣智  
力。若從他信。以爲其。或觀諸法。以爲其  
先。成衆中上。愛樂勝解。名種種勝解。於此正  
知。名種種勝解智力。若廣建立種種勝解。或  
一乘。或三乘。或四乘。或五乘。或貪瞋癡等分  
行等。爲至有情八十千行。名種種界。界是  
性故。於此正知。名種種界智力。若卽如是諸  
趣門中。隨順正行。如覺行者修不淨觀等。名  
遍趣行。或趣一切五趣之行。或諸外道沙門  
婆羅門。各各異見品類諸行。或此世他世無  
罪趣行。名遍趣行。於此正知。名遍趣行智力。  
若於種種有情衆中。四方名字假設安立品  
類差別。隨先過去。所有自體。八言說句。謂如  
是名。一。生類。二。種性。三。飲食。四。受苦樂。五。  
長壽。六。久住。七。壽量邊際。八。於此八中。隨念  
六種略所行行。有無量種種宿住隨念。六略行  
者。一。呼召假名。二。剎帝利等色類差別。三。父  
母。四。飲食方軌。五。興衰。六。壽量。此等宿住。  
是過去境。宿住也。故。於此宿住。而隨起隨念。  
念俱行智。名宿住隨念智力。諸有情類。臨欲  
終沒。名爲死時。住中有等。名爲生時。於善惡  
趣。死時生時。能正了知。名死生智力。一切諸  
漏。所有隨眠。無餘永斷。名爲漏盡。於此正知。  
名漏盡智力。智者是體。力是作用。然力卽智。  
更無別性。此中宿住隨念相應智力。是隣近  
釋。自餘最初處非處。乃至漏盡。是所觀境。智  
力是能觀智。處非處乃至漏盡之智力。皆依  
主釋也。二出體者。決擇分五十七云。佛具知  
根。以慧根爲體。對法論云。若定若慧。及彼相

衆中上。名爲勝劣。於此正知。名根勝劣智  
力。若從他信。以爲其。或觀諸法。以爲其  
先。成衆中上。愛樂勝解。名種種勝解。於此正  
知。名種種勝解智力。若廣建立種種勝解。或  
一乘。或三乘。或四乘。或五乘。或貪瞋癡等分  
行等。爲至有情八十千行。名種種界。界是  
性故。於此正知。名種種界智力。若卽如是諸  
趣門中。隨順正行。如覺行者修不淨觀等。名  
遍趣行。或趣一切五趣之行。或諸外道沙門  
婆羅門。各各異見品類諸行。或此世他世無  
罪趣行。名遍趣行。於此正知。名遍趣行智力。  
若於種種有情衆中。四方名字假設安立品  
類差別。隨先過去。所有自體。八言說句。謂如  
是名。一。生類。二。種性。三。飲食。四。受苦樂。五。  
長壽。六。久住。七。壽量邊際。八。於此八中。隨念  
六種略所行行。有無量種種宿住隨念。六略行  
者。一。呼召假名。二。剎帝利等色類差別。三。父  
母。四。飲食方軌。五。興衰。六。壽量。此等宿住。  
是過去境。宿住也。故。於此宿住。而隨起隨念。  
念俱行智。名宿住隨念智力。諸有情類。臨欲  
終沒。名爲死時。住中有等。名爲生時。於善惡  
趣。死時生時。能正了知。名死生智力。一切諸  
漏。所有隨眠。無餘永斷。名爲漏盡。於此正知。  
名漏盡智力。智者是體。力是作用。然力卽智。  
更無別性。此中宿住隨念相應智力。是隣近  
釋。自餘最初處非處。乃至漏盡。是所觀境。智  
力是能觀智。處非處乃至漏盡之智力。皆依  
主釋也。二出體者。決擇分五十七云。佛具知  
根。以慧根爲體。對法論云。若定若慧。及彼相

衆中上。名爲勝劣。於此正知。名根勝劣智  
力。若從他信。以爲其。或觀諸法。以爲其  
先。成衆中上。愛樂勝解。名種種勝解。於此正  
知。名種種勝解智力。若廣建立種種勝解。或  
一乘。或三乘。或四乘。或五乘。或貪瞋癡等分  
行等。爲至有情八十千行。名種種界。界是  
性故。於此正知。名種種界智力。若卽如是諸  
趣門中。隨順正行。如覺行者修不淨觀等。名  
遍趣行。或趣一切五趣之行。或諸外道沙門  
婆羅門。各各異見品類諸行。或此世他世無  
罪趣行。名遍趣行。於此正知。名遍趣行智力。  
若於種種有情衆中。四方名字假設安立品  
類差別。隨先過去。所有自體。八言說句。謂如  
是名。一。生類。二。種性。三。飲食。四。受苦樂。五。  
長壽。六。久住。七。壽量邊際。八。於此八中。隨念  
六種略所行行。有無量種種宿住隨念。六略行  
者。一。呼召假名。二。剎帝利等色類差別。三。父  
母。四。飲食方軌。五。興衰。六。壽量。此等宿住。  
是過去境。宿住也。故。於此宿住。而隨起隨念。  
念俱行智。名宿住隨念智力。諸有情類。臨欲  
終沒。名爲死時。住中有等。名爲生時。於善惡  
趣。死時生時。能正了知。名死生智力。一切諸  
漏。所有隨眠。無餘永斷。名爲漏盡。於此正知。  
名漏盡智力。智者是體。力是作用。然力卽智。  
更無別性。此中宿住隨念相應智力。是隣近  
釋。自餘最初處非處。乃至漏盡。是所觀境。智  
力是能觀智。處非處乃至漏盡之智力。皆依  
主釋也。二出體者。決擇分五十七云。佛具知  
根。以慧根爲體。對法論云。若定若慧。及彼相

衆中上。名爲勝劣。於此正知。名根勝劣智  
力。若從他信。以爲其。或觀諸法。以爲其  
先。成衆中上。愛樂勝解。名種種勝解。於此正  
知。名種種勝解智力。若廣建立種種勝解。或  
一乘。或三乘。或四乘。或五乘。或貪瞋癡等分  
行等。爲至有情八十千行。名種種界。界是  
性故。於此正知。名種種界智力。若卽如是諸  
趣門中。隨順正行。如覺行者修不淨觀等。名  
遍趣行。或趣一切五趣之行。或諸外道沙門  
婆羅門。各各異見品類諸行。或此世他世無  
罪趣行。名遍趣行。於此正知。名遍趣行智力。  
若於種種有情衆中。四方名字假設安立品  
類差別。隨先過去。所有自體。八言說句。謂如  
是名。一。生類。二。種性。三。飲食。四。受苦樂。五。  
長壽。六。久住。七。壽量邊際。八。於此八中。隨念  
六種略所行行。有無量種種宿住隨念。六略行  
者。一。呼召假名。二。剎帝利等色類差別。三。父  
母。四。飲食方軌。五。興衰。六。壽量。此等宿住。  
是過去境。宿住也。故。於此宿住。而隨起隨念。  
念俱行智。名宿住隨念智力。諸有情類。臨欲  
終沒。名爲死時。住中有等。名爲生時。於善惡  
趣。死時生時。能正了知。名死生智力。一切諸  
漏。所有隨眠。無餘永斷。名爲漏盡。於此正知。  
名漏盡智力。智者是體。力是作用。然力卽智。  
更無別性。此中宿住隨念相應智力。是隣近  
釋。自餘最初處非處。乃至漏盡。是所觀境。智  
力是能觀智。處非處乃至漏盡之智力。皆依  
主釋也。二出體者。決擇分五十七云。佛具知  
根。以慧根爲體。對法論云。若定若慧。及彼相

①謂一謂②僞一僞③謂一謂④乃二了⑤(不)十共⑥德二位⑦住二位⑧力十(無)⑨爾二辨⑩我二義  
⑪不二等⑫持二等⑬衆二更⑭無二先⑮爲二乃⑯實二食⑰(世)一⑱說二說⑲住宿出二宿住世  
⑳起二趣

應諸心。心所。菩薩地云。謂總五根爲其自性。雖復三文不同。然體有五。一最勝體。故決擇分。備具知根慧根爲性。二引出體。故對法云。若定若慧。三剋實體。菩薩地云。五根爲性。由慧勝故。且說十力慧爲自性。所以但言處非處等智力。不言信力精進等力。依此卽會決擇文。四相應體。對法又云。及彼相應諸心。心所。四蘊爲性。五眷屬體。五蘊爲性。定共道共。無漏色等。亦爲體故。此雖無文。理必應爾。遮犯戒垢。助摧怨故。三行相者。處非處力。於諸因中。如實知因。於諸果中。如實知果。及能降伏無因惡因諸諍論者。自業智力。於自作受用果業。如實了知。及能降伏施福移轉。不作而得。諸諍論者。靜慮解脫等持等至智力。能現三神變。教授有情。及能降伏安住相違。異品怨害。諸諍論者。并能悟入有情心行。根勝劣智力。於諸有情。中。止根。部分差別。如實了知。及能爲彼。如應如宜。爲說正法。種種勝解智力。於諸有情。中。止品。淨與不淨。勝解差別。如實了知。淨令增長。不淨令離。種種界力。於諸有情。中。妙界。部分差別。如實了知。能如其根意。樂隨眠。依於彼趣入門中。無倒教授。如應安立。故對法云。悟入一切。可破隨眠。遍趣行力。於一切苦能出離行。不出離行。如實了知。及令捨離。不出離行。能正授與能出離行。對法云。悟入一切。大小乘教所入境界。宿住隨念力。於其前際。本生。教教念已。爲令所。他心生厭離。心。王淨信。正爲宣說。及降常論諸

諍論者。對法云。悟入一切。前生所集聖道因緣。生死智力。於諸弟子。過往還謝。當所受生。能正記別。及降斷見諸諍論者。對法云。悟入一切。當來功能性。漏盡智力。於自解脫。無惑無疑。及降於阿羅漢起增上慢者。對法云。悟入一切。三界出離。此初二力。能說增上。聖道。餘八力。能說決定勝道。故具顯示諸佛所作。四次第者。如來初得無上菩提。卽便頓得。復次第起。初立一切。無倒因果。起處非。處力。次有希求欲界異熟。爲說遠離諸不善業。令行善業。起自業力。次有求離欲之道。教授令趣。起靜慮解脫等持等至力。次觀離欲者。根起根勝劣力。次觀彼根爲先所有意樂。起種種勝解力。次觀意樂爲先所有隨眠。起種種界力。次令於所緣。起入門。淨而得。起入。起遍趣行力。次由如應所緣趣入門。加行攝住心已。淨修行已。爲說中道。令其遠離薩迦耶見。以爲根本。常斷邊執。起宿住隨念力。及死生力。次令永斷一切煩惱。起漏盡智力。更有二解。次第如菩薩地。五諸門辨者。一分別門。二不共門。三平等門。四差別門。五引發門。分別門者。由三分別。一時分別。三世所知隨悟入故。二品分別。謂於一一自共相一切行相。隨悟入故。三身分別。十方有情。各各差別。一切相續。一切事業。隨悟入故。不共門者。唯有如來。有此十力。不共一切聲聞獨覺。菩薩分得。而未圓滿。故今名近。平等門者。一切如來。皆悉平等。具足此力。無有差別。若就如來多所安住。是卽諸佛展轉不同。有一如

來。多住此力。所餘如來。復住餘力。差別門者。如菩薩地。廣說其相。恐繁不述。引發門者。復有三種。一方便。二根本。三發起。方便者。謂於隨所建立教法。以衆多作意定心起數數思。恒行相。後便成滿。根本者。雖通靜慮皆悉有之。如來多住殊勝邊際第四靜慮。發起者有二種。一現前起用。以出世間後得世俗爲體。而起作業。二居現位本性。用出世間正智爲體。能發後得智。四無所畏。以五門分別。一。爾名。二。出體。三。行相。四。次第。五。諸門。亦如菩薩藏經第四。顯揚第四。瑜伽五十。對法十四。辨名有二。一。列。二。釋。列名者。一。正等覺無畏。二。漏盡無畏。三。障法無畏。四。出苦道無畏。釋名有二。一。總。二。別。總者。四。是數名。無所畏者。於此四處。能自了知。恒然無畏。心無怯劣。無所疑慮。都無驚懼。故名無畏。別名者。正覺諸法。等覺諸法。名正等覺。諸煩惱漏。種現俱斷。故名漏盡。說障礙法。染必爲障。故言障法。說出離道。諸聖修習。決定出苦。名出苦道。於此四中。得無所畏。皆依主釋。出體性者。五十七卷云。以信精進念定慧。及具知根爲性。對法云。若定若慧。及彼相應諸心。心所。又云。若起作用。後得智爲性。若住自性。正智爲體。此體有五。據勝。二智爲體。發起。定慧爲體。談實。五根爲體。相應。四蘊爲性。眷屬。五蘊爲體。行相者。如經云。世尊自稱我是正等覺者。復有沙門或非沙門。從他方來。佛慰勞言。安樂住不。乞食得不。遂於此中。有立難言。言正等覺無所未知。今問

①爲二名 ②止二上 ③樂二樂 ④教教二教教 ⑤他二化 ⑥王二生 ⑦聖二生 ⑧復二後 ⑨處十(非處) ⑩界二勇 ⑪起二起 ⑫淨二中 ⑬起二起 ⑭真二其 ⑮恒二能 ⑯位二住 ⑰(用)一 ⑱用二用 ⑲體有二有性

於他。一何相返。我於此難。正見無由。得安隱住。無怖無畏。自稱我處大仙尊位。所以者何。攝受來者。令發勝心。聞佛慰問。發道心故。欲令諸人審諦於事。佛和尚問。況餘不知。亦爲後人。作其軌範。見來發心。應爲引攝。非佛不知。仍言等覺。又如。經言我諸漏永盡。後時天授行惡。佛常罵之。執曰性調。用常受語。遂有難言。言諸漏盡。煩惱並亡。呵。叱天授。愛語執曰貪瞋未滅。漏盡盡耶。一何乖返。我於此難。正見無由。安隱無怖。處大。佛位。天授譬之惡馬。楚毒方調。若不叱呵。返言怖我。執曰喻之慧象。隨。遂人心。故以受言。即能調順。非有貪。瞋漏不盡耶。又如經言。我爲諸弟子。說障礙法。染必爲障。便不遮預流。一來有妻子等。遂有難言。染必爲障。聖仍畜妻。一何乖返。我於此難。正見無由。安隱無怖。處大仙位。耶行障諸聖道。畜妻障離欲道。初二果人。既未離欲。性或久成。故除耶。行不斷妻子。斯有何失。故諸染法。非不障也。又如經言。我爲弟子。說出離道。諸聖修習。決定出離。決定通達。後有無學迦留陀夷。埋之糞壤。驚掘摩羅。獄火。焚身。遂有難言。聖道久修。望離衆苦。無學既還受苦。何用修道之爲。一何乖返。我於此難。正見無由。安隱無怖。處大仙位。實得無學。苦果定亡。示現。惠因必有苦報。由此聖者。未相受苦。起後教故。或決定業道所不排。不定之業。無學可盡。或苦異熟。無學不受。惡業盡故。有必障果。不成無學。彼言無學。受彼苦者。現居有學。猶未離

欲。定成無學。故與爲名。縱得神通。非不還等。世五通故。次第者。此中次第。依對法論菩薩地中。出苦爲第三。障法爲第四。對法云。前二是自利。初智後斷。有差別故。後二是利他。遠離所治法。修能治道故。菩薩地云。初正等覺。不共聲聞。次諸漏盡。共二乘等。次出苦道。爲脫衆苦。求解脫者。後說障法。出道爲礙。故二聖教次第不同。諸門者有五。一所爲二分。三平等。四差別。五引發。所爲者。等覺無畏。爲趣大乘諸菩薩故。漏盡無畏。爲趣二乘諸有情故。後二無畏。俱爲求趣諸乘者故。如經言。謂我爲諸菩薩聲聞。說出離道。諸知集者。聲聞藏中。除菩薩言。菩薩藏中。唯誦菩薩之言。理實通也。所餘諸門。准前七力。怨繁應止。十八佛不共法。以五門分別。一名。二體。三行相。四差別。五諸門。辨名有二。一。二。釋。列名。一無誤失。二無卒暴音。三無忘失念。四無不定心。五無種種想。六無不擇捨。七志欲無退。八精進無退。九念無退。十定無退。十一慧無退。十二解脫無退。十三一切身業智爲前導隨智而轉。十四一切語業智爲前導隨智而轉。十五一切意業智爲前導隨智而轉。十六知過去世無著無礙。十七知未來世無著無礙。十八知現在世無著無礙。釋名者。十八者數。佛者能成熟。不共法者所成熟。唯佛獨成。餘所無有。名不共法。或復餘人雖似分得。而一切種皆不圓滿。如來於彼一切。一切悉皆證得。於一切種。無不圓滿。最極超過。殊妙第一。名不共法。獨佛有義。是

不共義。佛之不共法。名佛不共法。依主釋也。合言十八不共法。帶數釋也。體性者。初二以身語業思爲性。第三第九以念。第四第十以定。第五以想。第六第十一及後六以慧。第七以欲。第八以精進。第十二以勝解爲體。如是合以思想欲動念定勝解慧八法爲性。此中遍行二。謂思想。善一。謂動。別境五。謂欲念定勝解慧。所餘爲十八法體唯是三蘊。謂色想行。身語二業。色蘊攝故。歸本是思。若起作用。依後得智。若住自性。依正體智。若衆相應。四蘊爲性。若加眷屬。五蘊爲性。行相者。阿羅漢。雖漏也盡。爲乞食故。出遊城邑。或與惡馬及盜賊等共而遊止。或踐隔荆棘。高足越坑。入女人家。不依正理。而作語言。棄捨正路。而行邪徑。如是誤失。如來永無阿羅漢等。或迷道路。或入空宅。揚聲大叫。因不染習氣。聚落露辱齒。而現大咲。現卒暴音。如來永無阿羅漢等。猶有不染汚。久遠所作。久遠所說。忘失憶念。如來永無阿羅漢等。斂心方定。出則不定。如來永無阿羅漢等。於有餘生死。起達逆想。於無餘涅槃。起寂靜想。如來永無此種種想。住大捨故。阿羅漢等。不會以智慧簡擇。便棄利樂有情之事。如來永無阿羅漢等。於所知障清淨。有未得退。謂志欲退。精進退。念退。定退。慧退。解脫退。如來永無阿羅漢等。或於一時。善三業轉。或非善三業轉。如來三業。智爲前導。隨智而轉。故無無記。唯是善性。阿羅漢等。於三世境。不能起心即解。故智是有著。不能一切悉解。故智是有

●經二難● 種一 ●用二佛● ●此二旺● 叱● ●佛二仙● ●還二返● ●順二欲● ●贊身二楚有● ●惠二惡● ●(未)一  
●未二有● ●排二排● ●知二精● ●七二十● ●餘十(非)● ●漢十(等)● ●也二已● ●染二淨●







高幢。舊云法相光相。此語非也。但譯經人說如高幢。受者不知。謂指幢爲相。如標相相似。是故謬也。

經光嚴菩薩大嚴菩薩 贊曰。光中有衆彩。種種莊嚴。名光嚴。以種種寶行。莊嚴內身。名大莊嚴。

經寶峯至寶印手菩薩 贊曰。法寶高峻。名寶峯。言詞高峻。名寶峯。舊言寶積。寶積。寶積。義稍疎也。手出寶施。名寶手。手上有印。印諸衆生。令脫六趣。名寶印手。

經常舉手至無屈辨菩薩 贊曰。招諸衆生。勸之修善。名常舉手。授與善法。名常下手。引願望衆生。常希拔濟。名常延頸。舊云常懷。

悲慘拔濟。義菩薩無憂。故非慘也。六根暫觀一衆生時。一一根門。皆生歡喜。如父見子。名常喜根。若見衆生。含咲先云。常起大喜。如王自在。名喜王。言詞難伏。名無屈辨。舊云辨音。此義便爽。

經虛空藏至寶施菩薩 贊曰。虛空爲藏。持以施生。名虛空藏。心持慧寶。照群生之癡暗。名執寶炬。以法寶施生。作吉祥事。名寶吉祥。舊名寶勇。寶施生。片得其意。闕無吉祥。常以七寶施諸衆生。名爲寶施。舊名寶見。道理成難。

經帝網至慧華菩薩 贊曰。如天帝釋有自在術。於一事中。現一切事。網。或衆生。菩薩神通。以作幻術。網利衆生。故名帝網。放大大光明。猶如網珠。名爲光網。舊云明網。所放神光。不名明故。離諸定障。而入靜慮。得大自在。

名無障靜慮。舊云。無緣觀。觀無所緣。其義非也。或無者無障。緣觀者定。其義可知。智慧高峻。名爲慧峯。先云慧積。與義便乖。舊經次有寶勝菩薩。此本無之。

經天王菩薩至聖相相等嚴菩薩 贊曰。於法自在。猶如天王。名爲天王。又諸菩薩名清淨天。其中自在。如輪王故。漸得十力。能破四魔。名爲壞魔。流注法寶。光明如電。自在如天。故名電天。舊名電德。德功德也。能現神變。自在如王。名現神變王。舊云自在。生。即神變自在也。能以功德平等自嚴。如峯之相高峻。顯道名峯相等嚴。先云功德相嚴。相即峯也。義同名。沙。

經師子吼至山相擊王菩薩 贊曰。說法音聲。如師子吼。無所畏故。名師子吼。說法之響。如雲雷音。西方說雷是雲聲故。名雲雷音。先無雲字。漢雷非雲。舊經除之。說法音聲。如兩山相擊。轟轟可畏。名山相擊。自在如王。先云山相擊音。其義同也。

經香象至不捨善轡菩薩 贊曰。象中之勝。名爲香象。如勢。香象。故名香象。大香象者。更勝大故。先云白香象。白香象不如香象。故應名大香象。修行匪懈。名常精進。所修善法。猶如車轡。軌行者牛。向涅槃宮。不趣餘故。菩薩常住善中。名不捨善轡。先云不休息。但得總意。未善義也。

經妙慧至蓮花嚴菩薩 贊曰。其智殊勝。名爲妙慧。先所無也。證淨法界。如來家生。名爲妙生。內含法寶。名爲勝藏。如蓮花未開。故名。

蓮花勝藏。得殊勝定。自在如王。或復如王。殊勝之定。名三摩地王。三摩地者。此名等持。體即定也。此二菩薩。先本所無。以如蓮花一乘妙德。而自嚴飾。或以蓮花。恒自莊嚴。表。五淤泥故。開敷智覺。故名蓮花嚴。先云花嚴。亦同義也。

經觀自在至勝魔菩薩 贊曰。諸有殷淨三業。歸依。必應所祈。六通乘化。八難危怖。飛輪捷拔。作不請友。爲應病師。救攝難思。名觀自在。先云觀世音。不唯觀聲。而濟拔故。凡所遊適。利益生。有大威勢。名得大勢。梵網者。如大梵王。能於一事。現一切事。網。石諸梵。令其信伏。菩薩神通。網。惑利樂。亦復如是。故名梵網。手執寶杖。扣擊衆生。令發勝心。勤求菩提。故名寶杖。德高莫上。故名無勝。常摧魔侶。故名勝魔。此先無也。

經嚴上至珠鬘菩薩 贊曰。常修妙行。莊嚴佛土。名爲嚴土。觀無爲法。不離心首。如以金爲鬘。故名金鬘。常以智慧。嚴飾其心。如以珠爲鬘。故名珠鬘。或一乘者。佛髮明珠。菩薩常修。故名珠鬘。

經慈氏至珠蓋菩薩 贊曰。母性行慈。身亦慈愛。以慈爲氏。故名慈氏。釋此本緣。如彌勒疏。先云彌勒是也。文殊師利。云妙吉祥。恒勸衆生。作吉祥事。極殊勝故。云妙吉祥。起四無量。彌蓋衆生。如以珠寶而爲蓋故。名珠寶蓋。此先所無。

經如是上首三萬二千 贊曰。此即第四牒上總結。且舉德高。故言上首。餘之下位。略不

●類二領● ●云二言● ●(法)●十寶● ●或十(爲)● ●或二義● ●生二王● ●沙二少● ●香二如● ●五二出● ●石二感● ●  
●或● ● ●上二土● ●珠十(寶)● ●蓋二薩●

足陳。故不二品三十一人。非今所烈。

經復有萬梵王。東在會坐。贊曰。上明聖衆。下明凡衆。凡衆有三。一他方諸天衆。二威靈八部衆。此方諸天。又八部故。由此經文。合言會坐。三修行四部衆。或分爲四。釋梵護世。別爲一故。或分爲五。他方梵王爲一。他方帝釋爲一故。今此即初也。有萬梵者。此總舉也。論其梵王。數有萬故。持髻梵王爲上首者。此方初禪梵王故。法花云。尸棄大梵。光明大品等。舊經亦言尸棄等。頂持肉髻。似如來相。此是八地菩薩。增上生攝。爲彰下經文對揚。驚子我見佛土清淨若斯。故非凡也。舉此顯上諸梵皆來。從本無憂者。色界也。欲界有憂苦。有逼迫事故。上界無之。四大洲界者。初禪大小。如四大洲故。以上從下處。所爲來處。爲欲瞻仰禮拜供養聽法者。說由四緣。來在會坐。舊本無本界之名。亦無來瞻禮供養意。雖言來聽。不言會坐。下准此知。

經復有萬二千至來在會坐。贊曰。此即第二他方帝釋。帝釋。太住。在須彌頂。說從他方四洲來。亦是上方從下爲名。以四大洲人所居處。在鹹海中。非上處故。舉勝天帝釋攝餘他方六欲天衆。

經并餘大威力至悉來會坐。贊曰。此下第三威靈八部。於中有三。初明八部衆。次明釋梵等。後明會坐。此八部衆。具大神用。名大威力。八部者。一天。一切天趣。俱名爲天。二龍。本居大海。能興雲雨。三藥叉。此名暴惡。亦名勇健。飛空而行。攝地行類諸羅刹婆。羅刹婆

利者。此名可畏。並食生肉血。有尾有牙。頭狀火燃。手脚有爪。四健達縛。此云尋香行。西方呼散樂。名健達縛。不事生業。尋食香氣。作樂乞求。名尋香行。今此神鬼。常能作樂。食諸香氣。故名健達縛。智度論云。是天伎神。常隨諸天。其心柔軟。福少諸天。舉此上首。攝中有等。皆在其中。五阿素洛。此云非天。佛地論說。天趣所攝。行多詭譎。無天實行。名曰非天。如人惡行。名曰非人。實是天趣。薩婆多宗。說爲鬼趣。正法念經。說通鬼畜。羅睺阿修羅王。師子之兒。是畜生故。伽他經中。說天鬼畜三趣所攝。今依大乘。說唯天趣。本主所居。妙高山北大海之下。餘住不定。六揭路荼者。舊云金翅鳥。今云妙翅鳥。鳥翅種種寶色莊嚴。不唯金故。此有四生。化胎卵濕。隨力能食。四生諸龍。舉此攝餘一切諸鳥。七緊捺洛。此云歌神。能唱歌詠。與健達縛。同事諸天。天須之時。更互來去。八莫呼洛伽。此云大腹。大蟒田蛟之流。舉此攝餘腹行之類。上標八部。雖攝威靈。此方尊高。猶未別列。故次第二列釋梵等。釋謂帝釋。梵謂梵王。護世者能護世間四洲人故。即四天王。東方天王名持國。南方天王名增長。西方天王名醜目。北方天王名多聞。瑜伽說。住妙高山第四層級。俱舍說。住初金山頂。此乃兩部不相遠也。復云等者。等餘空居欲界四天色界天等。

名近事。復言索者。此是男聲。即近事男。以具戒業。堪能親近承事大慈獨衆故。言近事男。鄒波斯迦者。斯是女聲。餘義同前。即近事女。以具戒德。堪能親近承事諸慈獨尼故。名近事女。古云清信男女。非也。

經爾時世尊至而爲說法。贊曰。衆圓滿中有二。初列大衆。後辨威儀。此第二也。文復有三。一標威儀。二舉喻況。三顯尊勝。此初也。三業翹仰。恭也。一心崇重。敬也。周環而觀。圍也。遍而順化。繞也。四衆有此威儀。如來應機爲說。未演此經。前有說故。

經譬如大寶至。觀然迥出。贊曰。此舉喻況。須彌山者。此名妙高。水上高八萬踰繕那。四寶所成。名妙。妙是勝義。依今大乘。東面金。西面銀。南面瑠璃。北面水精。用此四珍之所集成。故名大寶。妙高山王處在大海。大海深量八萬踰繕那。廣量二十四萬踰繕那。除七金山。外半半下。海准亦然。獨妙高山。高大巍巍。然迥出於大海衆山之上。海喻生死一切衆生。山喻菩薩聲聞聖衆。妙高山王。喻於如來。巍巍迥出。巍巍然者。高大之貌。薩婆多宗。山踰金輪。大乘不然。故處大海。

經踰大師子至。蔽諸大衆。贊曰。此顯尊勝。踰者坐也。如來處於無畏之座。名師子座。座爲師子之形。顯居上者得無畏故。座以衆寶。帝青大青石藏杵藏末尼珠等之所嚴飾。名爲勝藏。內身金色。外放神光。顯此燒耀威德之光。映蔽一切諸來大衆。若秋間之明月光映衆星。譬春日之洪雷聲映群響。皆由內

烈二列 東二來 方二乃 品二梵 太二本 四十(大) 婆利二利婆 重二詐 數二故 持二治  
(山)十族 義二然 不二亦 映二數

德超絕。所以外形孤秀者也。

經時廣嚴城。至名曰寶性。贊曰。說法緣起分中。大文有四。此下第三說因圓滿。於中有三。一明修行。獻蓋讚揚。二明請益。發問佛答。三顯決疑。爲子疑生。聖者廣解。明修行中。大文復二。一明修身行。獻蓋等是也。二明修語行。說頌等是也。修身行中有三。一明寶性獻蓋。二明佛現神力。三明大眾觀。見之歡喜讚歎。初中有十。此文有四。一明住處。時廣嚴城。二明行位。有一菩薩。三舉族。姓離帖。昆種。此婆羅門十六姓中之一姓也。四舉名字。名曰寶性。與舊不同。其義可解。

經與離帖。昆奉。奉上世尊。贊曰。此文有六。五明德屬。五百童子並姓離帖。昆。六明蓋數。各持一蓋。七明雕飾。七寶莊嚴。八明來至。往菴羅林。九明進上。各奉世尊也。持一蓋者。顯各各起四無量心。覆衆生故。七寶嚴者。顯修七聖財助嚴無量故。七寶者。佛地論說。一金。二銀。三吠瑠璃。四牟婆洛揭婆。臘舊云瑠璃。五羯難阻諾迦。舊云車渠。六揭濕摩揭婆。舊云馬腦。七赤真珠。赤虫所出。或珠體赤。餘文雖說。隨方所重。種種不同。經言七寶。以此爲定。奉獻佛者。表近修妙行。遠報佛恩故。

經奉已頂禮。却住一面。贊曰。此文有一。第十見軌儀也。進奉雖善。情仍不足。所以鄭重說。虔儀。屈尊敬卑。故言頂禮世尊雙足。修神通因。右繞七匝。虔恭事訖。情有所待。隨類而立。故言却住一面。

經佛之威神。大千世界。贊曰。此下第二佛現神力。於中有三。一變多爲少。二變小爲大。三彰現其中。此有二文。一變多爲少。合成一蓋。表修四無量等種種妙因。同證一眞法界。故。二變小爲大。覆三千界故。顯眞如理。遍充法界。無不在故。亦顯無量覆一切故。又顯因小而果大故。千四天下。有一輪圍。名小千界。千小千界。有一輪圍。名中千界。千中千界。有一輪圍。故名三千大千世界。第三重千。故云大千。由此下言輪圍山大輪圍山。

經而此世界。悉於中現。贊曰。此下第三。影現蓋中。下文云。十方神變示世間。一切皆如光影等。欲現世間因緣不實。故如影也。下文有二。一現此方。二現他界。此方有二。一現分基。二現衆像。此初文也。顯彼眞如遍共相故。現世界量。表彼成佛得一切智故。

經又此三千。河陂泉池沼。贊曰。下現衆像有二。一明別現。二總結之。別現有八。此文有五。一現四大洲之都山。妙高也。二現一瞻部之別山。雪山以下七山也。三現四洲之總山。輪圍也。四現小千等之總山。大輪圍也。五現四洲之別水。大海等也。

經及百俱胝。此寶蓋中。贊曰。此文有三。六現百億四大洲。洲謂洲淺四大洲。各在水中。故名爲洲。東勝身。西牛貨。南瞻部。北俱盧。壽命增減。處所形量。成壞之相。皆如瑜伽第四卷說。此經欲解深妙正理。故諸事相略不釋之。七現諸宮。日月等也。日月高下分量名字。如瑜伽等說。八現王國。并諸國邑等。

也舊文無之。此影現者。表成佛時得一切種智。如是皆現此寶蓋中。總結之也。

經。文十方。所至無不見聞。贊曰。下現他方。十方如來。及與彼佛所說正法。皆現蓋中。蓋中有聲。猶如谷響。應本所說。而此可聞。本聲影故。佛影可見。故言蓋內無不見聞。此略不言諸衆眷屬。理准定有。非佛獨居。法空說故。現他方者。表彼成佛能現一切佛淨土故。

經時諸大衆。默然而住。贊曰。此即第三。大眾觀之。歡喜讚歎。心生歡喜。意怡樂故。身爲踴躍。跳弄舞故。言歎希有。說不盡故。以手合掌。以目瞻仰。渴德情深。曾不暫捨。希法靜聽。默然而住。

經爾時寶性。而讚佛曰。贊曰。明修行中。上修身行。下修語行。財供不足。以身頂禮。身供不足。故偈讚揚。表歸命之心深。顯虔恭之道備。此明讚揚義軌。自下正述歎詞。伽他梵音。此翻云頌。頌者美義。四句連屬。文義巧故。舊云偈者。語訛略也。

經。日淨修廣。到彼岸。贊曰。四句爲一頌。此有十九頌半。舊有十八頌。於中分三。初有十一頌半。牒前事以讚揚。舊有十頌半。次有四頌。陳衆益以稱歎。古今相似。後有四頌。叙述別德。一一歸誠。舊三頌半。初中有二。初十頌半。牒前事讚揚。舊有九頌。後有一頌。明現影意。初中復二。初三頌。牒現他方。舊有二頌。後七頌半。牒現此方。或總分二。初三頌。牒現他方以讚揚。後八頌半。牒現此方以讚揚。初中復二。初兩頌。讚佛六淨。後一頌。牒現十

●[見]一● ●經二姓● ●昆一此● ●[廣]一● ●[此]十度● ●方二力● ●[河]一● ●文二又● ●所二界● ●默二點●  
●揭讚二讚揚● ●日二日●

方讚六淨中。初一頌半。讚六德。後半頌。結申敬禮。此有四淨。一曰淨。二意樂淨。三定淨。四彼岸淨。舊經意樂名心淨。彼岸淨名已度。六根之首。目最爲先。導引其身。無目不可見事開理。目用居先。於身端嚴。目妙爲勝。故偏歎目。餘根准知。言目淨者。目有六勝。一淨勝。離障翳故。二修勝。修者長也。若雲間之半月。長入鬢故。三廣勝。廣。濶也。與長相稱。能濶大故。四妙端嚴勝。上下相稱。厚薄得所。極婉麗故。五皎勝。皎者明也。明朗可愛。能徹視故。六色勝。青紺色故。喻中有之。舊但有三。今者新譯。猶如青紺蓮花之葉。不同其蓮花落結實。臺露名蓮。故目似葉。不似。真蓮。諸蓮花中。青蓮花似目。形勢別故。不取餘色之花。花葉團故。青蓮花葉。極大皎潔。鮮淨喻目。修長復濶。婉麗可觀。含翠明皎。故以爲喻。紺通衆紺。今取青紺。三十二相中。佛眼大睛。青紺之色。仍有似環。周圍皎之。故以青紺蓮花爲喻。已證第一淨意樂。意樂者。廣大阿世耶信勝解爲體。佛意樂淨。無雜意樂。純利生故。勝過一切。故名第一。此乃所證菩提品類。故與證名。證第一淨言。勝奢摩他等。奢摩他者。此翻爲止。止住心故。即是定淨。到彼岸者。即是菩提涅槃。佛已圓淨。故名爲淨。不同二乘分得障在非第一淨故。經久積無邊至寂路者。贊曰。此初二句明二淨。初句明第五業淨。第二句明第六名稱淨。無漏之行。名清淨業。如海深廣。時長修之。故言久積無邊業耳。德既高勝。故獲大名。遍十

方利。十號滿故。名勝名聞。稽者至也。首者頭也。以首至地。故名稽首。此乃敬禮之異名。大沙門者。此云息惡。佛果尊極出過一切。故名爲大。希夷者。涅槃宮也。聽之不得。名曰希。搏之不得。名曰夷。希夷體寂。寂生死故。性本寂故。路者道也。向涅槃宮之路。即聖道也。如來能。名初學根未熟者。開此寂路。能爲根熟。導此寂路。名開導者。開者發義。導者引義。又寂路即希夷。裏如屍陀林。名爲寂路。故經說爲憺怕路也。又能開導希。表涅槃及寂路菩提之者。由佛。其上六種淨故。故我今時稽首沙門。此能開導涅槃菩提。舊經上來已說一頌。

經既見大聖至悉見聞。贊曰。上來讚佛六淨。此文展現十方。近現大千。猶稱奇事。後現此界。理絕心表。長行據近遠而陳。顯中據勝劣而彰。所以先牒他方。後牒此界。妙用難測。名神。轉換舊形名變。文意可知。故不別釋。經法王法力至此法王。贊曰。下七頌半。牒現此方以讚揚。於中復二。初六頌半。讚佛三德。後有一頌。牒現此方。初中有三。初一頌半。歎佛從真起化德。次有四頌。歎佛得果利生德。後有一頌。歎佛違順不動德。此初文也。佛於法自在。名法王。其法難屈伏。名法力。已過三界。名超群生。具此三德故。恒以法財。施於一切。或由法王以法力故。能超群生。後以法財。能施一切。一切聖者。法爲資財。益自他故。雖財無畏。亦以施生。塞生死源。唯施法故。所以偏說。佛後得智。能善分別法自共相。自相者。色受想等。共相者。苦無常等。以法施時。能善分別。雖外起此作用。而無分別智。常觀第一義。第一義者勝義。勝義體即眞如。摧怨敵者。內觀眞義。能破三魔。外起化用。能破天魔。名摧怨敵。摧者破壞義。四魔。千佛。爲怨爲敵。故名怨敵。非佛與之。舊經闕此。名而不動。不爲魔怨所動亂故。義亦少成。既起二智。證理事門。已於諸法得自在。自在有十。花嚴經中。亦說十種。名同義別。如聖花贊第十卷說。今依攝論。一壽自在。能延促命。二心自在。生死無染。三財自在。能隨樂現。由行施度。證此三果。四業自在。唯作善事。及勸他爲。五生自在。隨欲能往。此二由行戒度所得。六勝解自在。能隨欲變。此由忍得。七願自在。隨所樂成。此由勤得。八神力自在。起最勝通。此由定得。九智自在。隨言智慧。十法自在。於契經等。任運能說。二由慧得。今顯由佛內具二智。故於此中而得自在。任運能宣。歎德一周。故申稽首。

①於十(前) ②入二八 ③入 ④調一聞 ⑤潤 ⑥共 ⑦[蓮] ⑧勝二通 ⑨名二爲 ⑩裏二夷 ⑪表二夷 ⑫其二具 ⑬從二義 ⑭德二能 ⑮施法二法施 ⑯千二與 ⑰(法)十花

果。故世俗有勝義成空。以世俗諦。有我作受。勝義諦中。都無我等。故世俗諦。待勝義成。有其勝義諦。待世俗成空。我等既是昔凡妄執。故今聖者勝義成空。雖勝義空。不壞俗諦。故善惡業。依世俗諦。亦不說無。亡猶無也。或此總依勝義諦說。空性離言。何空何有。有空。法皆待因緣立故。勝義諦中本無我等。善惡之業。業性不亡。由凡執有。聖證成空。性本空故。非今始空。云亦不亡。不亡者不無也。色自性空。非色滅空。非今始空。故言不無。護法解云。依勝義諦。佛說諸法不有不無。不有空也。即遍計所執。不無有也。即依他圓成所立者何。一切皆待因緣立故。空有事理相待建立。所待稱因。能待稱果。佛說因果。以為宗故。不可唯空。亦不唯有。要相待故。舊云生者。其義非也。諸無有法。不待因緣而生。但待立故。無我等者。顯不有法。善惡之業。亦不亡者。顯不無法。生死業緣。此非無故。此顯所說契空有理果。

經始在佛樹。所不測。贊曰。此一頌。顯所證窮真果。佛樹者菩提樹。菩提樹下成佛。因以為名。在佛樹下。於其復夜。降伏天魔。以十力降。伏魔。名降魔。降魔之相。如諸教說。得甘露滅及勝菩提。滅謂涅槃。如甘露藥。服得不死故。勝菩提者。能證真智。過二乘故。名勝菩提。然此所說涅槃菩提。非是一切分別之心所受所行。亦非一切思量之意所受所行。餘心分別之所不及。餘意思量亦不及故。攝大乘云。非心而是心。是無分別智。非是思

量心。是無分別心。此甘露滅等。是無分別心所緣。非思量心之所取義。彼分別故。受者領納。行者緣慮。或非餘心所行。餘意所受。別配心意。或甘露滅。即勝菩提。菩提性故。清辨解云。以佛證得空。無所有甘露滅故。非心意所行。法體都空。何有心意而受行也。由此外道群。邪所不能測。彼能測有。能淺法故。不能測空。深妙法也。護法解云。所證涅槃菩提雖有性微妙故。是智所證。非心意境。故諸外道群邪不測。由此下云。菩提者不可以身得。不可以心得。唯智所證。或上二頌中。初半頌。總歎所說空有道理。次一頌。別顯空有之法。後半頌。歎深難測。一頌。顯空有法中無我。一句頌。所執無法不有也。次有一句頌。依他有後之半頌。顯圓成有。今此二性。法不無也。無漏諸法。皆是圓滿成。滅及菩提。俱圓成故。遣所執斷。依他證圓成。故此三別。此上明佛證三性理果。故餘不測。下之二頌。明利生也。於中有二。初一頌。明轉法輪三寶出世。後之一頌。群生資斯能度生死。

經三轉法輪。現世間。贊曰。此明轉法輪三寶出世也。法輪有三。謂聲聞獨覺菩薩法輪。隨機有異。法成此三。且准法花。於三七日中。思惟。此事已。方趣波羅捺。為五比丘眾。轉四諦法輪。此四諦輪。聲聞之人。於三生等。行修習已。依蘊處界。證四諦故。名聲聞法輪。獨覺之人。於四生等。行修習已。依十二緣。證四諦故。名獨覺法輪。菩薩之人。三大阿僧祇劫。修六波羅。密行十善巧。觀於三性。證四諦故。

名菩薩法輪。故大般若經云。世尊初轉法輪之時。無量衆生。發聲聞心。無量衆生。發獨覺心。無量衆生。發於無上正等覺心。證於初地。二地。三地。乃至一生當得無上正等菩提。此乃三乘通行法輪。若不爾者。第二七日。他化天宮。已說十地。何故不名轉法輪也。彼非三乘同所修故。由此經中不名法輪。三轉有二。一自轉。二為他。自三轉者。初轉在見道。名印相轉。次轉在修。名應作轉。後在無學。名已作轉。為他亦三。一示相轉。示其五人四諦相故。謂此是苦。此是集。此是滅。此是道。二勸修轉。勸其五人修四諦故。謂此是苦汝應知。此是集汝應斷。此是滅汝應證。此是道汝應修。三作證轉。恐即其不信。佛引自身而終作證明。此是苦我已知。此是集我已斷。此是滅我已證。此是道我已修。初一轉時。解憍陳那入見道。第二轉時。至修道。第三轉時。成無學道。於一一諦。各有十二行相。謂如苦諦生聖慧眼為總。別於過去苦諦生智。未來苦諦生明。現在苦諦生覺。乃至道諦亦爾。一總法眼。三世別行相。合成於四。三轉合有八十八行相。不過十二故。總名三轉十二行相法輪。如法花贊第四卷中法輪章說。於大千者。大千世界百億釋迦一時同轉。俱釋迦化。故言大千。其輪能寂本性寂。本性寂者。即是真如本體寂理法輪境性。可名法輪。昔未轉時。為種種煩惱。生於現行。羂縛所覆。今轉法輪。生聖道故。煩惱都盡。本性真寂。其理便顯。故言能寂。其本性寂。舊經云。其輪本來常清淨。即

○(法)一○ ○復二後○ ○(伏魔)一○ ○名十(力)○ ○邪二耶○ ○此二是一○ ○即二則○ ○(終)一○

法輪境性。名為法輪本來清淨。彼意由轉聖道輪故。法性之輪。本來清淨。昔煩惱覆。今便顯淨。文隱難知。言法智者。三乘所獲無漏正智。此時天人。方能證得舊經云。天人得道此為證。天人得道。此本淨。輪。便為所證。與本便乘。由此三寶便現世間。三寶具足故。佛初成道。商人獻鬘。佛與三歸。未來有僧。汝當歸依。三乘聖僧。時未有故。轉四諦已。三乘之僧。三寶方具。

經以斯妙法。至功德海。贊曰。此之一頌。群生贊斯。得度生死。以斯妙法。勝上法輪。得果圓滿。更無所畏。已超生死。更無所畏。故得涅槃。體常安寂。故說佛是能度生死之大醫王。我今稽首無邊德。舊云。一受不退常寂然。得本寂已。更不退轉。故常寂然。便闕無畏無怖義。

經八法不動。此能仁。贊曰。次第三段。一頌明佛達順不動德。八法者。一利。二衰。三毀。四譽。五稱。六譏。七苦。八樂。得財位名利。失財位名衰。背面說惡名毀。背面說好名譽。對面說好為稱。對面說惡云譏。遭逼迫名苦。得怡適名樂。由佛住三念住。八法不動。三念住者。一分隨順供養不喜。一分違背損害不瞋。一大眾中半順半違。亦不憂喜。如妙高山王踞金輪上。四方猛風。不能傾動。舊無八法。但有毀譽。譯家脫也。好樂生名善。惡樂生名不善。佛於此輩。都無偏黨。俱慈與樂。俱慈拔苦。惑者悲也。佛心行相。離所執著。如大虛空。平等而住。都無憎愛。孰者誰也。誰不宗

承敬仰此能仁也。梵云釋迦。此云能仁。且能且仁。佛本性釋此本緣。如瑜伽論。舊云人法。人中寶珍。闕無釋迦。

經以斯微蓋。至功德身。贊曰。上讀佛三德。此之一頌。微蓋現影。讀述一周。故申敬禮。智見智也。功德福也。佛以福智而為身故。

經十力神變。至大智見。贊曰。牒前事以讚揚中。為第二明於蓋內現影所由。顯示世間皆性非實。猶如光影。非有似有。誑惑愚夫。今知虛偽。勿生封著。舊經無此。眾既親已。莫不驚歎。此希奇事。故我今禮。

經眾會瞻仰。至不共相。贊曰。下第二大段有四頌。陳眾益以稱歎。有上。初一頌身益。後三頌語益。此初文也。梵云牟尼。翻云寂默。能寂生死。證寂滅法。故言寂也。諸有見佛能隨順者。莫不心生德清淨信。不隨順者。近信不生。久必還起。佛現神通。慈愍拔濟。唯向不背。於信者前。各各現身。為其說法。其信法者。亦各見佛。獨為現身。現前利樂。餘人所不能。故為不共相。

經佛以一音。至不共相。贊曰。下有三頌。明語益。大文分三。佛有四無礙解。不歎辨無礙。說三無滯。即辨才故。一法無礙解。說法無滯。智。二義無礙解。說理無滯。三詞無礙解。隨諸方言音無滯。四辨才無礙。巧說法義等。七辨無滯。此歎詞無礙解。為利益也。佛以一音者。謂一刹那聲。一方音聲。一本質聲。一法教聲。宣說法時。八部四眾。隨類各解。隨其方域。詞韻不同。佛皆能同。彼謂各同。故成不

共。九地雖能得詞無礙。尚未圓滿。今顯圓故。經佛以一音。至不共相。贊曰。此歎法無礙解。說法逗機。應根應勝。應界性不同。故言各隨其所解。聽者聞法。隨其根性。普得受行。隨獲彼果。故為不共。一雨普潤。眾不同故。經佛以一音。至不共相。贊曰。此歎義無礙解。佛說法義。先行惡者。聞法即怖。怖墮落故。先行善者。聞法歡喜。善路隨生。故既生死者。聞法厭離。欣涅槃故。心不定者。聞法斷疑。心正定故。三獸渡河。證淺深故。

經稽首十方。至於彼岸。贊曰。下有四頌。敘述別德。一一歸誠。有九稽首。舊三頌半。此中有六。一歎精勤。二歎離怖。三歎得定。四歎導首。五歎離漏。六歎得果。如文可知。諸者實也。行實精進。名諦勇猛。已除五怖。得四無畏。名得無怖。畏舊云得無所畏。而無怖言。佛已至定不共法。一切妙定。佛皆得故。舊經無此。結有九種。謂愛。恚。慢。無明。疑。見。結。取。結。嫉。憍。此九能結五趣四生。諸生自體亦如結。難可解故。縛有三種。謂貪。瞋。癡。此縛有情處生死故。

經稽首普濟。至心解脫。贊曰。此有二歸。一歎慈悲。二歎得果。不依生死。出世間故。得諸有情平等趣者。證涅槃故。涅槃是有情平等所趣故。舊云善知眾生來去相者。向涅槃來。出生死去。然義稍乖。心解脫者。已離煩惱。慧既解脫。相應之心。不復彼拘。名心解脫。佛於諸趣。已得此故。

經牟尼如是。至無所住。贊曰。此有一歸。歎

●輪二轉 ●長二怖 ●德十(海) ●怖十(之) ●大二太 ●情二有 ●情二 ●執二熟 ●性十(故) ●法二寶  
●(前)一 ●中十(此) ●共二共 ●上二二 ●喜十(生) ●(生)一 ●(長)一 ●愛二受

證真空清辨解云。善修空者。證真理故。如空無罣礙。如蓮不著水。諸相已遺。更無所遺。生死盡故。出世願滿。更無所願。故今稽首。如空無住。得真諦者。護法解云。善修空者。空有二種。一云舜若。此但名空。空者無也。即遍計所執。二云舜若多。此云空性。空之性故。體即真如。性是有也。善修所執空故。一切相遺。善修圓成空性故。一切願滿。由此歸佛。如空無住。舊經似有文中仍闕。

經爾時寶性至問我嚴淨佛土。贊曰。說因圓滿中。自下第二明其請益。於中有四。初明寶性請益。二明佛讚勸聽。三明寶性敬諾。四明如來廣說。此初文也。阿云無。稱多羅云上。三云正。貌云等。又三云正。菩提云覺。總云無上正等正覺。如常分別。不繁述之。發趣者。五百童子。發心求趣。彼減問我嚴淨佛土。此有二義。所嚴清淨土。即土相狀。能嚴修淨佛土。即土之因。故問有二。一問淨佛土狀相。二問修彼之因。舊經願聞淨土行。問唯問因。不問土相。

經作是語已。至分別解說。贊曰。此明佛讚勸聽。有二。初讚。後勸。

經於是寶性至皆希聽受。贊曰。此明寶性敬諾。善哉世尊。敬之詞也。先本無之。

經爾時世尊至嚴淨佛土。贊曰。下明如來廣說。大文有二。初答前問。後勸嚴心。答問有二。先答土相。復次已下。答問嚴因。答土相中有三。一總標。次別顯。後釋所由。此總標也。凡土有二。一有情世間。二器世間。聖土有二。

一菩薩二寶方。合此二種。假名為土。離有情等。無別土故。由有情。方有器界。有情成菩薩器界。及寶方。菩薩本欲化諸有情。令得出世。方便變機而為寶方。根本不為變器成淨土。器是未故。所以今標諸有情土。是為菩薩修行所嚴清淨佛土。故俗亦言人為那本。本固邦寧。即同於此。舊云衆生之類是菩薩佛土。文義不同。嚴淨當來成佛之土。名淨佛土。非菩薩時已名佛土。

說無垢稱經疏卷第二本  
○下第三之始

經所以者何。贊曰。自下別顯有二。初徵後顯。此徵詞也。有何所以諸有情土。是所嚴土。經諸善男子。至嚴淨佛土。贊曰。下有五重。舊有四重。闕此第二。亦可合新二。以為舊一。名隨化衆生而取佛土。理雖亦同。然義難知。五重分二。初二重。明隨衆生發心修行。即攝彼。生。以嚴佛土。後三重。明隨衆生應以如是嚴淨佛土而得成熟。即便攝受如是佛土。或初攝外凡生嚴變化土。後攝地前生嚴他報土。或初攝生。後攝行。二義雖殊。但以嚴衆生土為嚴佛土。初中有二。初重明生衆生。生善離惡。即攝嚴淨。後重明衆生發起福慧。即攝嚴淨。或初明衆生發心修行。即攝嚴淨。後明衆生起餘功德。即攝嚴淨。或初明衆生得樂離苦。即攝嚴淨。後明衆生增善滅惡。即攝

嚴淨。有三翻義。此初文也。以增長者。生起善故。或發心故。或得樂故。以饒益者。或離惡故。或修行故。或離苦故。舊云隨所化衆生而取佛土。合初二重。所資益有情名所化生。亦得經隨諸有情。嚴淨佛土。贊曰。此第二重。明隨衆生發起福慧。起餘功德。增善滅惡。即攝彼。生。以嚴佛土。一對前有三翻釋。經隨諸有情。至如是佛土。贊曰。下有二重。明隨衆生應以如是嚴淨佛土。而得成熟。即便攝受如是佛土。中有二。初一重。隨衆生應以如是嚴淨佛土。而得息惡。即攝是土。後二重。明隨衆生應以如是嚴淨佛土。而能獲善。即攝是土。此初文也。調伏者。調和控御身語等業。制伏滅除諸惡業故。應以如是嚴淨佛土者。修諸菩薩一切勝行。名嚴淨土。嚴淨土因故修因曰嚴。此中意說。隨諸衆生應以如是菩薩妙行而得息惡。即便攝此菩薩妙行。如自持。戒調伏他惡。嚴佛土者。本利生故。經隨諸有情。至如是佛土。贊曰。此之二重。明隨衆生而得獲善。即攝是土。有二。初明未得果者。隨得果善。後明未得因者。隨得因善。佛智者果善故。聖根行者因善故。得聖根者菩提心。得聖行者此後行。或聖根者信等五。其聖行者餘萬行。或聖者佛也。聖根即行。行為根本。而得聖故。或聖根者無漏慧。聖行者此餘因。

經所以者何。至清淨功德。贊曰。此第三釋所由也。文有二。初釋所由。後舉喻顯。此初文也。先問後答。此中問意。前言諸有情土。即是

菩薩嚴淨佛土。有何所以。而今乃言隨諸有情增上饒益。即攝彼生。以嚴彼土。佛言善男子。菩薩根本。攝受佛土。嚴淨佛土。所爲所作。皆爲有情增長饒益起淨功德。更不爲餘。故以有情增長饒益等。而爲佛土。若諸有情。不增長善法饒益與樂起淨功德。此非佛所化。不是菩薩嚴淨佛土故。舊文略。意亦微有異。

經諸善男子。至終不能成。贊曰。下以喻顯。初喻後合。此喻也。此喻有四。一。大。二。空地。三。宮室莊嚴。四。虛空。其莊嚴者。以諸珍寶而莊嚴之。人於空地。不安宮室。於空不成。

經菩薩如是。至如是佛土。贊曰。下合也。人如菩薩。虛空如所執人法體無。法爲本故。但言法空。其空地者。喻依他性。一切有情造。生宮室莊嚴等者。喻彼有情增長饒益生淨功德證圓成實。即便攝受如是佛土。

經攝受如是。至非於空也。贊曰。除菩薩外。一切有情。於其所執空無之法。攝受佛土。必不得成。返顯必於依他有情增長饒益生淨功德證圓成實。

經復次寶。性。至來生其國。贊曰。下第二答問嚴淨因。於中有二。初答嚴因。後諸善男子如是菩薩隨發菩提心下。顯土因所爲利益。今有十八嚴淨土行。舊有十七。無此第三。十八。番中。分之爲七。初四如文。以六度合。名止息諸障。四無量。四攝事。巧方便。菩提分。此之四法。名發起說。息無暇。自守戒行。十善業道。三名寂靜故。皆有二文。初皆出因行。後

皆顯得果。此初顯也。若諸菩薩發無上心土者。即是嚴待當淨土因。次前文說諸有情土。是爲菩薩嚴淨佛土。故言菩薩自發心土處。即是嚴因。內因既爾。外感發起大乘有情未生其國。舊經當第三大菩提心。五根爲體。大願爲緣。以不退屈。而爲策發。所有餘義。如幽贊說。問。佛地經說。淨土因圓滿者。勝出世間善根所起。何故此衆。說發心等。爲淨土因。答。彼據正因能反之因。能導行因。唯智爲性。此據要由萬行圓滿。方感淨土。故發心等爲淨土因。亦不相違。

經純意樂土。至來生其國。贊曰。此第二。番梵云何世耶。名爲意樂。不難惡名純淨意樂。意樂內純淨故。有不諂曲不虛誑。悟衆生來生其國。內純善直修故。舊云直心。直心之體。雖純意樂。無有癡直故。

經善加行土。至來其國。贊曰。此先所無。妙修福慧。如功而修。名善加行。故有發生善行有情。任持不捨善行有情來生。加行體慧。或通諸善。

經上意樂土。至來生其國。贊曰。上者增上。凡修善時。發起增上猛利威勢。名上意樂。故其善法有。情。來生。舊云深心增上猛利之意樂。亦是深心故。義得文疎。

經修布施土。至來生其國。贊曰。此中六度。合名止息。止息障故。其體如前。布施除慳。外感能捨。戒捨犯垢。此。即十善業道。故感十善有情來生。安忍除恚。故能感得三十二相。以自嚴身。三十二相。至下當知。由耐怨害。外

感堪能忍受諸苦。由安忍受。外感柔和。由諦察忍。外感寂靜有情來生。舊但云三十二相衆生來生。理與此乖。勤除懈怠。外感可知。定除散亂。故感念知定者來生。由正念故得定。由聞思以定生。聞思二慧體正知故。又由念故得定。由定故以慧生。慧即正知故。舊本無此正念正知。慧除愚癡故。感入聖有情來生。入正定者。得見道等。此聚有三。一。正定聚。入見道故。二。邪定聚。諸邪見者。三。不定聚。除二所餘故。入正定即諸聖者正定。亦通凡夫。信定亦名正定。於理未乖。

經四無量土。至來生其國。贊曰。下有四。番。令名名發起。既除障已。發起善故。此以五門分別。一。列名。二。釋名。三。辨行相。四。出體性。五。辨差別。列名者。慈悲喜捨。釋名者。瑜伽第十二云。緣無量境。普緣一切有情起此四故。起無量行。行解亦復極廣大故。感無量果。得大梵福。成如來故。名爲無量。四者是數。帶數釋也。辨行相者。法界有情。總爲三類。一無苦無樂者。無倒與樂名慈。無瞋爲體。二有苦者。拔苦名悲。不害爲體。三有樂者助喜。不嫉善根爲性。復於無苦樂者。起離癡想。於有苦者。起離瞋想。於有樂者。起離貪相。平等欲令離諸惡故名捨。令捨惡故。善捨爲體。出體性者。今爲三法爲體。謂無瞋不害及捨。辨差別者。此各有三。一。有情緣。作有情想。二者法緣。不見有情。唯作法想。後於諸法。離分別心。作真如想。名爲無緣。此三之中。初共外道。次

者共二乘。後唯菩薩。初三安樂。後一利益。

①上二長 ②[所] ③[異] ④大二人 ⑤生二立 ⑥性一獲 ⑦善二割 ⑧來十(生) ⑨情十(情) ⑩來二末 ⑪即二則 ⑫相二想 ⑬各二名 ⑭想十(三無緣) ⑮[者] ⑯



感果可知

經四攝事土至來生其國 贊曰：此以三門分別。一釋名。二辨相。三出體。釋名者：以此四攝。攝取衆生。令向菩提。令得勝果。故名攝事。辨相者：一者布施。與布施波羅密別者。彼與他財。此後攝受。故二差別。二愛語。常說悅意。諱實如法。引義之語。遠離囉囉。含咬先言。命進問安。隨宜慰喻。乃至廣說。依四淨語。起八聖語。三利行。由愛語故。先示正理。隨所學處。悲無染心。勸導調伏。安處建立。令獲財位。出家離欲。輕安解脫。乃至廣說。雖受大苦。倍生歡喜。雖處財位。而自卑屈。如奴如僕。如彌茶羅。如孝子等。四固事。以此義利。若勸他學。亦自修學。令他善根堅固不退。見已行故。彼倍增修。本攝衆生。令向菩提。故得果時。解脫有情來生其國。出體者。施以無貪三業爲性。愛語以語業爲體。利行同事三業爲體。合以二法爲性。謂無貪及思。經巧方便土至來生其國 贊曰：巧方便者。智慧之用。此有二種。一迴向。二拔濟。合有十二。至下當說。由此迴向拔濟二巧。故得果時。善觀諸法有情來生。智因巧故。舊經云：於一切法。方便無礙。亦善觀義。以後得智爲體。經修三十七至來生其國 贊曰：此三十七。略以五門分別。一釋總名。二明位數。三出體性。四明修位。五有漏無漏。釋總名者。菩提覺義。所求佛果。分是因義。此三十七。爲覺果因。名菩提分。二明位數。略爲七位。一念住。由念明記。慧於境住。隣近爲名。此有四種。身

受心法。觀此四慧。是念住體。二正斷。此有四種。一正斷。已生惡法。方便斷之。二斷斷。未正惡法。遮令不生。三防護斷。已生善法。護令增長。四修習斷。未生善法。修習令起。於此四中。精進起用。能正斷故。名爲正斷。於所能斷。令生不生。體皆精進。故言正斷。三神足。妙用無方。曰神。即變化心神之所依名足。體即是定。此別有四。謂欲勤心觀。爲此四種。而修定故。定名神足。四根。出生善法名根。五力。難可屈伏名力。二體各五。謂信精進念定慧。如名爲體。初修爲善本曰根。後修難可伏名力。六覺支。覺者慧也。支者分義。此有二種。一覺即支。擇法覺也。二覺之支。謂餘六慧支。分故。此有七種。謂擇法精進喜念定捨輕安。三爲別境。擇法念定。三爲善法。精進捨輕安。一爲遍行。喜。悅支也。七道支。道者聖道。無漏慧根。支者分義。一道即支。二道之支。謂除七法。如前可知。此總有八。謂正見。正思惟。正語。正業。正命。正念。正定。正精進。其正思惟。以慧爲性。在佛身中。無尋。伺故。無瞋癡。二所發身語。名正語正業。無貪一種所發身語。名正命。對五邪命。所以獨立。此三身語。俱以無表色思爲性。明體性者。三十七種。合體有九。一慧。二精進。三定。四位。五念。六喜。七捨。八輕安。九無表色。故瑜伽五十七言。信等五根。三十七品中不攝。何等謂有六法。喜安捨語業。命。業。命三即無表故。此中遍行一。謂喜。別境三。謂念定慧。善有四。信精進捨輕安。色法一。謂無表色。此說佛位。若

非佛位。十法爲體。成唯識說。正思惟說。是無漏。彼有二說。此義爲正。修位者。念住正斷神足。初修在解脫分善位。五根在燭頂位。五力在忍世第一法位。七覺在見。八道在修。有漏無漏者。唯位可知。見道前唯有漏。若見道後。可通無漏。乃至佛位。可唯無漏。廣說其相。如對法說。經修迴向土至來德莊嚴 贊曰：此第七段。凡所修善。迴向菩提。名爲迴向。不求生死。故得果時。其國具足衆德莊嚴。迴向即願。願向善提。具衆德故。願以信欲勝解爲體。經善說息除至趣無暇 贊曰：下有二翻。合名寂靜。寂靜二惡故。一寂八難。即寂惡果。二寂犯禁十惡業道。即寂惡因。此初文也。八無暇者。舊名八難。恒受衆苦。無暫閑暇可修善事求菩提故。八無暇者。三惡趣爲三。四生盲聾喑啞等諸根不具。五世智辨聰惡邪見者。六佛前佛後。七生北俱盧。八長壽天。謂生色界。非聖天中。依成實論。天人四輪。能摧八難。一住善處。生中國是。此除五難。謂三惡趣北洲長壽天。二依善人。謂值佛世。此除一難。謂除佛前後。三發正願。謂正見心。此除一難。世智辨聰。四植善根。此亦除一。盲聾啞等。又修五行。除此八難。一受持戒。治三惡趣。二樂行法施。除盲聾等。三正信解。除世智辨聰。四近善友。除生佛前後。五生中國。除生北洲及長壽天。菩薩常說初四種輪。或後五行。息除八無暇。故得果時。離三惡趣及八無暇。無暇總也。惡趣別也。

●密二蜜● ②彌茶二旃茶● ③因二同● ④同● ⑤是二此● ⑥說一覺● ⑦一二此● ⑧一● ⑨何二同● ⑩何● ⑪位二信● ⑫命十(語)● ⑬唯二准● ⑭獲二德● ⑮(惡)十趣● ⑯暗二暗● ⑰天二夫●

經自守戒行。禁之名。贊曰。寂靜之中。下止惡因。有二。一受善起惡。二性自爲惡。此初也。守戒不缺。自惡數悔。他惡不識。他善能識。故得果時。其國尚無犯禁之名。何況有見諸犯禁者。

經十善業道。至來生其國。贊曰。此止性自爲惡。十善業道。略以三門分別。一出體。二釋名。三辨果。出體者。不殺等。身初三。不妄語等。語次四。無貪等。意後三。俱以思爲體。三業之體。皆是思故。成唯識云。前七業道。亦思爲體。不但後三體是思故。身語表彰意之思故。假名表業。此思熏種。假名無表色業。體實非色。顯揚論云。身語二色。性非善惡。表善惡故。假名善惡。故體即思。思有三種。一審慮思。審慮所作故。二決定思。決定將作故。三動發思。正起動作故。取此第三。爲業道體。二釋名者。十者數也。善者順理益物義。業者造作義。道者所遊履義。能通生義。此思類別名十。能有順益名善。體能造作名業。成唯識云。此第三思。爲前二思所遊履故。通生當來異熟果等。亦名爲道。遊履者。緣慮引發義。與成業同然。瑜伽論第六十說。思是業。非業道。殺生乃至綺語。亦業亦業道。貪恚邪見。業道非業者。隨轉理門。隨薩婆多等說故。成唯識論真實理門。又彼亦是真實理門。彼論意說。若業道思。造作遊履。可名爲道。由第三思非業道思所遊履故。不與道名。成唯識中。但說第三思爲他所遊。通生當果。與業道名。不相違也。又身語表由思發故。假說名業。所作業故。思所

履故。假名業道。瑜伽依此復說。殺生乃至綺語亦業亦道。其實非業。可名爲道。非能作故。邪見等三。彼此無別。釋此別名。翻惡可知。如瑜伽論第八第九。三辨果者。有漏善業道得四非離繫。無漏善業道得四非異熟。若互和資。各得五果。一一翻十惡業道說。如理。應知。此中所言十善業道。極清淨者。無漏業道。名極清淨。非有漏故。明成佛時無異熟果。由行不殺得後果時。壽量決定。離不與取故大富。上二皆等流果。離欲邪行故梵行。離虛誑語故所言誠諦。離龜惡語故常以順語。上三皆增上果。離間語故眷屬不離。此等流果。離雜穢語故。善宜密意。此亦增上果。離貪恚邪見。得餘三種。此三皆等流果。此中合說離殺盜離間語貪恚邪見六業。得等流果。餘四得增上果。今互相准。如理可知。即厭繁文。故略不說。皆如瑜伽第八第九五十九六十對法第七。成業唯識等廣說。舊經云。善和諍訟。是不雜穢語果。善宜密意故。密意者。謂隱心理。若綺飾文辭。便驕理故。正直語者。便能宜義。言必饒益。是無貪果。若貪欲起。不饒益故。不嫉不悲。俱無瞋果。次嫉之體即是瞋故。若依新文。便無疑難。經諸善男子。則有寂靜。贊曰。自下第二顯嚴土因所爲利益。於中合有十七轉。分之爲二。初之八轉。牒上十八番行之次第展轉相。有後之九轉相。明嚴土因所生勝果。此初文也。舊有十三轉。初之七轉。牒上諸番。後之六轉。嚴土所生。此中第五轉止息者。合牒

前六度。止六蔽故。此第六轉發起者。合牒前四無量攝事巧便菩提分法。發起自他二勝益故。此第八番寂靜者合牒前二息八無暇自守戒行十善業道。寂業惡故。十八番中。第十六息無暇。第十七自守戒行。嚴此二因。人無惡器。嚴餘十六因。器無惡人。舊經。初直心。次發行。發行合是深心。深心應是大乘心。然文倒錯。發行爲第二。道理難知。調伏者。牒上六度。伏六蔽故。如說行者無量攝事巧便道品。此四種修行故。第七方便者。即說八難自守戒行十善業道。此之三種種勝方便。寂靜惡故。經隨其寂靜。嚴淨佛土。贊曰。下有九轉。顯嚴土因所生勝果。於中有二。初之兩轉。明嚴前因感淨土果。後之七轉。明淨土成更生勝果。此初文也。由嚴前因感勝衆生。故言由此有淨淨有情。離惡而修於善。此乃菩薩本所欣求。乃爲如來佛土清淨。諸有情土。是佛土故。內有情界土。既爲清淨。外器界土。自亦清淨。以心淨故。佛土清淨。經隨其嚴淨佛土。諸妙功德。贊曰。下有七轉。明淨土成更生勝果。於中有二。初一轉。能化利益果。後六轉。所化利益果。此有二義。一是轉法輪義。展轉相生。故有彼情土。既有嚴淨已。便能化他。故有法教。法教既施。化生妙福。生天人中。受勝福故。次有漏聞思修三妙慧生。妙慧生已。無漏智起。無漏智起已。生無漏行。無漏行生已。即八識心一切清淨。心既淨心已。得果圓滿。無量妙德。無不具足。如是

①(犯)十禁 ②有見二見有 ③應二五 ④離十(離) ⑤即二則 ⑥諍二淨 ⑦謂二深 ⑧二二三 ⑨[心]一 ⑩界二果 ⑪[心]一

復名嚴淨佛土。二是可施他義。彼有情土。既嚴淨已。便可以十地教而教化之。有情土淨。是十地故。法教既施。有無漏福。受十王果等種種福故。次後復有無分別慧生。無分別慧生已。復有後得智生。後得智生已。無漏行生。無漏行生已。八識心淨。八識心淨已。萬德具足。遂致作佛。此顯由嚴淨土因已。嚴淨土果生。感淨土果生已。生此勝果。舊經此中唯有四轉。顯無妙福妙行二種。合智與慧。而為一轉。

經諸善男子。至嚴淨自心。贊曰。如來廣說中。下文第二勸發嚴心。有二。初勸後釋。此初也。

經所以者何。至嚴淨佛土。贊曰。此釋所由。諸修行者。自心嚴淨。外感有情器土亦淨。自心不淨。何得淨地。所以。菩薩自心清淨。五蘊假者有情亦淨。內心既淨。外感有情及器亦淨。佛地經言。最極自在。淨識為相。故識淨時。佛土便淨。上來但說有情為土。本所化故。不說器界。有情土淨。器界自淨。不說自成。經爾時舍利子。至雜穢若此。贊曰。說因圓滿中有三。自下第三明決疑也。於中有四。一。鷺子疑生。二。聖者慰喻。三。佛現淨土。四。鷺子疑除。此初文也。乘前嚴心。遂此疑。生若心淨故。有情土淨。有情土淨。器與淨者。雖前文也。莫我釋迦因心不淨。佛土雜穢。勿者莫也。此言意顯。乃是我佛先心不淨。今成佛土。穢若斯耶。梵言舍利。唐曰春醫。以母辨才。指喻為號。顯彼所生故名。為子。少聞多解。解開上

首。故佛加持。令與疑念。經佛知其念。而旨不見。贊曰。下聖者。慰喻有二。初佛。喻有三。一。問。二。答。三。告。此初文也。

經對曰不也。至非日月谷。贊曰。鷺子答也。經佛言如是。至而汝不見。贊曰。世尊告也。初總告。為衆生罪故。不見我之佛土嚴淨。後別告之。我土嚴淨。而汝不見。法花經云。我常住於此。以諸神通力。令顛倒衆生。雖近而不見。衆生既信伏。質直意柔軟。一心欲見佛。不自惜身命。時我及衆僧。俱出靈鷲山。又云。我淨土不毀。而衆見燒盡。憂怖諸苦惱。如是悉充滿。是諸罪衆生。以惡業因緣。過阿僧祇劫。不聞三寶名。乃至廣說。即是此也。

經爾時持髻。至最極嚴淨。贊曰。下持髻喻。文有五重。一。持髻告。二。鷺子詰。三。持髻喻。四。鷺子指陳。五。正理慰喻。此初文也。勿作汝心謂土不淨。今此佛土最極清淨故。舊文有三。無第二詰。乃合第三喻答。為第一。最後文中。復少差別。經舍利子言。至嚴淨云何。贊曰。此鷺子詰佛淨土相。

經持髻梵言。至為不嚴淨。贊曰。下正理慰喻。有二。初顯彼心不淨。故見穢方。後顯菩薩心淨。便見淨土。此初文也。淨心高下。行不嚴淨。復謂佛智意亦有高下。而便見土恒不清淨。故諸異生及二乘位。皆見土穢。

經若諸菩薩。至最極嚴淨。贊曰。此顯菩薩心淨。便見淨土。內心平等。功德嚴淨。亦復謂佛意樂亦復淨。便見佛土最極清淨。故十地菩薩所見之土。常極清淨。舊文稍殊。不依佛慧者。乍似不修佛慧。應云不依佛之淨。不等慧。謂佛慧不平。故見土穢。義意大同。

經爾時世尊。至妙寶莊嚴。贊曰。自下第三。佛現淨土。佛土義。以八門分別。一。顯差別。二。出體性。三。顯因行。四。彰果相。五。釋分量。六。解處所。七。共。八。諸門辨。第一顯差別者。佛地論第七云。佛身有二。一生身。二法身。若自性身。若自受用。俱名法身。諸功德法所集成。故若變他身。若他受用。俱名生身。隨衆所宜。數現生故。一切佛土。必有身居。身既有二。故土亦然。生身土通淨穢。法身土唯清淨。或身有二。一。實。二。權。實。即法身。權。即生身。土隨亦二。淨穢如前。佛地經說。佛身有三。頌曰。自性法受用。變化差別轉。彼論云。自性法者。即是如來初自性身。體常不變。故名自性。力無畏等諸功德法所依止故。亦名法身。受用者。即受用身。能令自他受用種種大法樂。故變化者。即變化身。為欲利益安樂有情。示現種種變化事故。雖淨法界體性無差別。而有三身種種相異。轉變不同。故名差別。身

◎善薩二實法◎ ◎外感二感外◎ ◎生二起◎ ◎與二土◎ ◎乃二上◎ ◎慰二兼◎ ◎喻十(後持髻喻佛喻)◎ ◎一十(文)◎ ◎利十(子)◎ ◎淨二汝◎ ◎復一◎ ◎不二平◎ ◎顯二明◎ ◎不十(共)◎ ◎他二化◎ ◎日二云◎ ◎別一◎

既有三。土隨亦爾。一法性土。二受用土。此二唯淨。三變化土。通淨及穢。成唯識論第十卷說。佛身有四。佛土亦爾。一自性身。依法性土。稱讚大乘功德經言。是薄伽梵住法界藏。說彼經典。住法性土也。二自受用身。依自受用土。三他受用身。依他受用土。佛地經云。住最勝光耀十八圓滿也。四變化身。依變化土。此經所云住廣嚴城也。初三身土。唯淨非穢。後變化土。通淨及穢。為十地菩薩現身及土。非穢唯淨。為地前菩薩二乘眾現。通淨及穢。若為分別煩惱及所知障未盡。未證二空真如者。所現身土。或淨或穢。若為二分別障盡及已證二空者。所現身土。必是淨故。佛地論說。三身有四句。一受用非變化。謂自受用身。二變化非受用。謂變化身。三亦受用亦變化。謂他受用身。四非受用非變化。謂自性身。亦同唯識。大般若經第五百六十八勝天王會第三卷說。佛有十身。一平等身。二清淨身。三無盡身。四善修身。五法性身。六離尋伺身。第七不思議身。八寂靜身。九虛空身。十妙智身。天王白言。何位能得如來十身。佛言。初地得平等身。通達法性。離諸邪曲。見平等故。第二地中。得清淨身。離犯戒失。戒清淨故。第三地中。得無盡身。離欲貪瞋。得勝定故。第四地中。得善修身。常勤修習菩提分故。第五地中。得法性身。觀諸諦理。證法性故。第六地中。得離尋伺身。觀緣起理。離尋伺故。第七地中。得不思議身。方便善巧智行滿故。第八地中。得寂靜身。離諸煩惱戲論事故。第九地中。得

虛空身。身相無盡。遍一切故。第十地中。得妙智身。一切種智。修圓滿故。天王復言。佛菩薩身。寧無差別。佛言。天王。身無差別。功德有異。以一切法同一法性。故身無差別。諸如來身。具諸功德。菩薩不爾。故功德異。廣說無量譬喻顯之。故知十身皆唯法身。法依義。既有十名。是故真如隨勝德。亦成十土。一通行土。二最勝土。三勝流土。四無攝受土。五類無別土。六無染淨土。七法無別土。八不增減土。九智自在土。十業自在土。亦隨能證。別分十土。依義別故。佛地論云。又餘經說。有十種佛。即花嚴經。一現等覺佛。二弘誓願佛。三聚異熟佛。四住持佛。五變化佛。六法界佛。七心佛。八定佛。九本性佛。十隨樂佛。前五世俗後五勝義。隨其所應。三身所攝。且隨處相配三身者。初五化身。次二法身。後三受用。既即三身。土亦三土。更無別義。瑜伽第四云。復有超過淨居大自在住處。有十地菩薩。由極熏修第十地故。得生其中。即花嚴云。有妙淨土。出過三界。第十地菩薩。當生其中。亦即十地云。現報利益。受佛位故。後報利益。摩醯首羅智處生故。梵云摩醯首羅。即摩伽所云大自在。第十地菩薩也。第十地菩薩。將成佛時。往色究竟上。坐大寶蓮花。成正覺故。感得此土。既成佛已。土便無邊。更無別處。對法第六云。復有清淨世界。非苦諦攝。非業煩惱力所生故。非業煩惱增上所起故。然由大願清淨善根增上所引。此所生處。不可思議。唯佛所覺。尚非得靜慮。若境界況尋思者。此自受

用土。唯佛所知。尚非十地二乘境界。況非聖。住有尋思者之所能知。雖有諸教種種不同。及如上說。身土差別。不過三四。更不釋餘。如理應知。第二出體性者。自性身土。即真如理。雖身土體無差別。而屬佛法相性異故。以義相為身。以體性為土。以覺相為身。以法性為土。體具恒沙真理功德。此佛身土。俱非色攝。非心心所。但依一如差別義說。自受用身。還依自土。謂圓鏡智相應淨識。由昔所修自利無漏純淨佛土。因緣成熟。從初成佛。盡未來際。相續變為純淨佛土。唯以無漏色蘊。香味觸相續四塵間斷。亦聲五塵為性。體具事相色法功德。對法所言。唯佛所覺。尚非得靜慮者靜慮境界。況尋伺者。即是此土。他受用身。還依自土。謂平等智大慈悲力。由昔所修利他無漏純淨佛土。因緣成熟。隨第十地菩薩所宜。變為淨土。器亦以無漏色蘊四塵五塵而為體性。譬如世間人王國土。以有情界及器世界以為體性。離二無別王國土故。由此他受用身所有淨土。亦以成十地菩薩五蘊及金銀等所成四塵等器土。以為體性。此卷上說。諸有情土。是為菩薩嚴淨佛土。一切菩薩。隨諸有情增長饒益。即便攝受嚴淨佛土。乃至廣說。十善業道土是菩薩佛土。菩薩成佛時。大富梵行乃至正見有情。來生其國。故知有情及彼器界。俱稱佛土。持誓所言。我見釋迦佛土嚴淨。復有無量寶功德莊嚴。亦他受用土。持誓乃是第八地故。法花經言。衆生見劫盡。大火所燒時。我此土安穩。天人

①謂二然②[第]一③顯二顯④觀⑤[差]一⑥諸二謂⑦法十(身)⑧德二位⑨者十(靜慮)⑩比十(明)⑪住二位⑫知二思⑬(色)十香⑭第二於⑮

常充滿。梵網經云。我今廬舍那。方坐蓮花臺。一花百億國。一國一釋迦。卽他受用土。世親菩薩淨土論云。女人及根缺。二乘種不生。皆他受用土。此之佛土。佛所變化者。定唯無漏。菩薩變者。通有無漏。第八五識所變唯有漏。第六識或第七識及所變通無漏。共有情土。通以五蘊功德爲性。共此器土。具十八圓滿。佛變化身。還居自土。謂成事智大慈悲力。由昔所修利他無漏淨穢佛土因緣成熟。隨未登地有情所宜。化爲佛土。或淨或穢。如彌勒土淨釋迦土中。說無垢稱經。足未接前。現穢非淨。足接已後。暫令見淨。說法花時。十方佛。淨而非穢。未集已前。穢而非淨。淫擊亦云。爾時三千大千世界。以佛神力。地皆柔軟。無有坵墟土石沙礫。亦化土攝。隨所宜生。而現土故。此土亦以有情五蘊及器四塵等。以爲體性。佛變唯無漏。餘有情變。通有無漏。第六識及所變。通有無漏。餘識及所變唯有漏。雖有種種衆寶莊嚴。依法出體外土唯色。內土通五。所化有情五蘊成故。或似有功德。或似無功德。第三辨因行者。此上經言。發起無上菩提心。正。是爲菩薩嚴淨佛土。菩薩證得大菩提時。一切發起大乘有情。來生其國。純意樂。善加行。上意樂。六波羅蜜。四無量。四攝事。巧方便。三十七種菩提分法。修迴向。善說息除八種無暇。自守戒行不譏彼短。十善業道。合十八種淨修佛土。皆淨土因。經下文言。成就八法生于淨土。香臺品言。堪忍世界。辨諸菩薩衆。成熟八法。無毀無

爲除懈怠不修善者。令其念佛。說十念。力因生淨土故。又說阿彌陀佛身量如五須彌也。非他受用。何容乃爾。又觀音授記經言。阿彌陀佛滅度之後。觀音菩薩。次當補處。十地大形。說當補處。非他受用。是何佛耶。二云。西方通於報化二土。報土文證。如前所說。化土證者。鼓音王經云。阿彌陀佛。父名月上。母名殊勝妙顏。有子有魔。亦有調達。亦有王城。若非化身。寧有此事。故觀經說九品生中。有阿羅漢須陀洹等。故生彼者。通有三乘。其土通是報化二土。若依前解。此是他受用身示現。亦有父母王國。實即無之。實無女人惡道怖等。九品生中。阿羅漢等。借彼名說。實是菩薩。二釋任情。取捨隨意。第四果相者。佛地經言。最極自在淨識爲相。彼論釋言。佛無漏心。以爲體相。唯有識故。非離識外別有其土。謂法性土。即法性心。此不離於無分別智相應淨識。識實性故。自他受用及變化土。皆不離於佛後得智相應淨識。然識有異。自受用土。即第八識。他受用土。即第七識。其變化土。即前五識。隨應是彼後所得智相應識故。十地菩薩。見法性土及他受用土。地前三乘。見變化土。皆隨所應。不離見者。有漏無漏能觀淨穢。故此經言。若欲勤修嚴淨佛土。先應方便嚴淨自心。隨諸菩薩自心嚴淨。即得如是嚴淨佛土。天親菩薩般若論云。智習唯識通。如是取淨土。故修智因果。便識淨。內識既淨。外感衆生及器世間國土皆淨。廣如經說。亦隨見者所應之識。如前准知。第五

分量者。佛地唯識皆說。法性土雖非色攝。不可說其形量大小。然依事相其量無邊。譬如虛空遍一切處。自受用土。十地經說。第十地菩薩。得生大自在宮。有十果相現。有大寶蓮花座。周圍如十阿僧祇百千三千大千世界微塵數量出。第十地菩薩。座登正覺。既成佛竟。盡未來際。相續變爲純淨佛土。周圍無際。衆寶莊嚴。隨法性土量無邊故。他受用土。隨十地菩薩所宜而現。或大或小。或劣或勝。前後改轉。梵網經說。我今盧舍那。方坐蓮花座。一花百億國。一國一釋迦。攝論等云。初地菩薩。悟十百門。見百佛土。一佛國土。三千世界。三千世界有百億四天下。四天下各有一化佛。三千界中有百億化佛。初地菩薩見百箇百億化佛一受用身。受用身居一大寶花臺。花有百葉。葉即三千大千世界。一受用佛名盧舍那。百箇百億化佛名爲釋迦。不離一盧舍那身。有衆釋迦。二地菩薩見一受用佛坐千葉蓮花。乃至第十地見佛極大。花葉無邊。且二地中。見初地所見十受用身盧舍那。千箇百億化身釋迦。乃至十地。見九地所見無量受用身盧舍那。無量化身釋迦。大千世界。佛數雖多。不離釋迦之化。故名一佛所化。又小乘中。唯言一佛。無多化身。亦隨彼機說。一佛也。或資糧道。見一四天下有一主佛。加行道中。見三千界有一主佛。初地以上。漸漸增故。故他受用土。其量不定。變化土。或淨或穢。或小或大。前後改轉。亦無定限。隨生所宜。一時現故。無垢稱經。佛足指按。大千界淨。

無垢將至。預變毘耶一城爲淨。說法花經。初變大千。次變十方。各二百萬億佛國令淨。後更重變。故知大小隨時不定。璣珞經言。毘盧遮那佛是法身。盧舍那佛是受用身。釋迦牟尼佛是化身。故作是說。第六處所者。其法性土。即真如理。無別處所。自受用土。亦充法界。更無別處。他受用土。佛地經言。超過三界所行之處。彼論釋言。非三界愛所執受。故離相應所緣二縛。隨增言。超過三界故。是道諦善性所攝。彼有三釋。有義各別。有處說在淨居天上。有處說在西方等故。有義同處。淨土周圍。無有邊際。遍法界故。如實義者。自受用土。周遍法界。無處不有。不可說言離三界處。即三界處。若他受用土。或在色界淨居天上。或西方等處。所不定。法花亦言。衆生見劫盡大火所燒時。我此土安穩。天人常充滿。十地所見。乃是報土。地前所見。乃是化土。隨宜而現。何得定方別指一處。欲令衆生起勝信心。別指處所。隨心淨處。即淨土處。化土必隨三界處所。任物化生。即便現故。古人於此種種分別。三界之外。別有處所。以爲淨土。理必不爾。所化必有異熟識在。異熟識在。必是界攝。何得出界。由非界繫。言超三界。非處有別。隨所化故。第七共不共者。成唯識云。其法性土。一切如來同所證故。體無差別。自受用土。雖一切佛各變不同。而皆無邊。不相障礙。除二佛土。隨諸如來所化有情。有共不共。所化共者。同處同時。隨應諸佛。各變爲土。形狀相似。不相障礙。展轉相雜。爲增上緣。令所化

生自識變現。謂於一土。有一佛身。爲現神通。說法饒益。如是土衆生。宜聞釋迦彌勒彌陀。此等諸佛。卽共變之。於不共者。唯一佛變。諸有情類。無始時來。種性法爾。更相繫屬。或多屬一。或一屬多。如底沙佛。令釋迦菩薩超九劫等。故所化生。有共不共。不爾多佛久住世間。各事勸勞。實爲無益。一佛能益一切生故。由此變化他受用土。有共不共。第八諸門者。於中有十。一土主。二輔翼。三眷屬。四任持。五事業。六攝益。七無畏。八遊路。九所乘。十入門。第一主者。佛地經云。如來所都。謂諸佛土。諸佛爲主。以殊勝故。非餘所都。唯屬世尊。或唯世尊攝受。非餘。卽三佛身。各於自土。爲主非餘。謂法性土體性唯一。法身爲主。自受用土。雖遍法界。一一自變。名自爲主。不相障礙。他受用土。及變化土。雖諸佛變。然一合相。亦一相身。各各隨應攝受。爲主。不相障礙。二輔翼者。其法性土。及自受用。唯有佛居。而無輔翼者。十地菩薩。雖分能證。非是法身之能輔翼。法身無相。不說之故。他受用土。佛地經云。諸大菩薩衆所雲集。謂此淨土。常有無量火菩薩。常來輔翼。故無怨敵。能爲遠害。諸佛慈悲。於自識上。隨菩薩宜現微妙土。菩薩隨自善根願力。於自識上。似佛所生淨土相現。雖是自心各別變現。而同一處形相相似。謂爲一土共集其中。佛地論云。如是十地所變淨土。爲是有漏。爲是無漏。略有二義。有義無漏。自無漏種子願力。資故變生淨土。於中受用大乘法樂。能證

眞如。得眞無漏。常見諸佛。故道諦收。有義有漏。謂自心中加行有漏淨土。種子願力資故。變生淨土。於中受用大乘法樂。七地已前。煩惱現起。十地修道煩惱。及所知障種。在第八識體。能持彼故。現受重故。猶是有漏無記性攝。故非無漏。又非有情有二實身。身既有漏。所依淨土云何無漏。故唯有漏苦諦所攝。如實義者。十地菩薩。自心所變淨土有二。第八所變。唯是有漏。有漏第八相。故攝故。爲有漏身之所依故。雖無漏善力所資熏。其相淨妙。而是有漏隨加行等所現亦爾。若隨後得無漏心變淨土影像。是無漏識相分攝故。從無漏善種子生故。體是無漏道諦所攝。其變化土。三乘衆集。二乘聖人菩薩凡夫之所集故。佛所變者。唯是無漏。餘所變者。有義唯有漏。無漏後得不能變爲淨土相故。有義亦無漏。無漏後得隨佛所變增上緣力。亦變事相。理不乖違。故此釋善。第三眷屬者。佛地經云。無量天龍人非人等。常所翼從。其法性土。自受用土。二無輔翼。無相如前。他受用土。唯有天人。以爲眷屬。無有餘類。雖超三界。天等仍是三界攝故。淨識如是攝受變現。爲嚴淨土。故不相違。或爲成熟所化有情。示現如是變化種類。如爲調伏劫比拏王。現化無量轉輪王衆。眷屬圍遶。或佛自化。或諸菩薩化。作此類。住持淨土。莊嚴供養。引導他方。翼從如來。無量壽經亦言。壽命鳥等。皆是阿彌陀佛之化。化爲二乘莊嚴淨土。亦復如是。變化土中。亦以眞實八部輔翼。他受用土。菩薩爲

眞。二乘八部。皆爲權現。非是眞實得生。中變化土中。二乘八部。皆是眞實。十地菩薩。皆爲權現。十地不應生變化土。權示化形生於中故。第四任持者。法性土一依。不假任持。自受用土。自法樂持。他受用土。佛地經言。廣大法味喜樂所持。十地菩薩。大乘法味喜樂所持。食能令住。是任持義。已超三界。性は無漏。能斷有漏。不應名食。是任持因。故亦名食。如有漏法。雖障無漏。然持有漏。得名爲食。無漏亦爾。雖斷有漏。然持無漏。云何非食。諸佛菩薩後得妙智。能說能受大乘法味。生大喜樂。又正體智。受眞如味。生大喜樂。法味生大喜樂。能任持身。令不斷壞。長養善法。故名爲食。七地以前。猶分段生。非不資於段觸等四。八地以上。及一切佛。不資段食。可說資除。諸論說爲示現依止住食攝故。若變化土。資資四食。亦得資法味爲食。如開妙法花六十劫作故。然此經下菩提分品言。既食不死法。還飲解脫味。以涅槃不死而爲食者。所證妙境。生於喜樂。可名食故。能持無漏。亦與食名不相違也。然此食體。諸教不同。廣如別章及法花疏。第五事業者。其佛法身。或唯自利爲二身依。或通二利。自受用身。唯有自利。若他受用及變化身。唯屬利他。爲他現故。佛地經云。作諸衆生一切義利。佛雖寂定。由先所修。如行願力。任運能作一切有情一切義利。他受用土中。多說妙法。少作神通。作利十地菩薩義利。變化土中。多作神通。少說妙法。作利三乘一切義利。第六攝益者。自性身

①是此②略略略③略十(住)④略十(所能)⑤亦又⑥爲主主爲⑦故二故⑧故⑨(地)⑩地⑪故二分⑫天二無量天二天⑬中十(故)⑭二依二土佛⑮嘉二喜⑯以二已⑰非十(九)⑱



土及自受用。已斷圓滿。不說攝益。其他受用攝益義者。佛地經云。滅諸煩惱災橫纏垢。即諸煩惱名纏垢。如是即名諸災橫因。煩惱纏垢。此中無故。所作災橫此中亦無。或煩惱者。即十煩惱三界見修。合有一百二十八種。纏有八種。謂無慍愧。昏沈睡眠。掉舉惡作。嫉恨。垢有六種。謂害恨惱諂誑。災橫即是彼所發業。及所得果。所知障中。種名煩惱。現起名纏垢。離此二種。名為攝益。如世封主。雖不攝受。但不為災。對戶亦言主攝益我。此亦如是。又現證得解脫煩惱災橫纏垢殊勝福智。故名攝益。化身。一中。二乘聖者。唯此亦爾。凡夫菩薩。雖未永斷制伏現行。亦名攝益。地前名為損力益能轉道故。然此諸位。分別二障。此心中漸能制伏。於四善根加行道中。能頓伏盡。初地頓斷。名為攝益。俱生二障。加行道中能漸伏之。十地隨應能漸斷之。初地已上。能頓伏盡故名攝益。第七無畏者。內無損益。外無怖畏。法性身土。自他受用。及變化身。久已無畏。佛地經云。遠離眾魔。魔即四魔。是怖畏因。由此能生諸怖畏故。佛皆無畏。故無怖畏。他受用土。十地菩薩。離龜四魔。無五怖畏。煩惱盡死。漸斷位次。隨應說之。其義可解。變化土中。三乘聖者。亦分能離。十信菩薩。八相成道。能伏天魔。加行道中。亦能制伏分別煩惱。離煩惱魔。十住第四生貴住中。捨離生死。出三界故。分離死魔。入初地時。分離分段死。亦名分離五蘊之魔。是故無畏。第八遊路者。佛地經言。大念慧行。以為遊路。彼論

釋言。若諸如來大念。即是無分別智。由念安住。真如理故。無分別智。為法性土所遊之路。大慧即是後所得智。分別諸法真俗相故。為二受用。及變化路。此二皆有造作淨土增上業用。故俱名行。通生淨土。故俱名路。或大念行。是自利行。內攝。記故。是法性土。及自受用路。大慧行者。是利他行。外分別故。是他受用。及變化路。上說佛已。十地菩薩。大念者。聞慧。大慧者。思慧。大行者。修慧。以此三慧。隨其所應。親疎相資。為其有漏無漏土路。三慧皆通有無漏故。若變化土。地前三乘。亦以三慧。為其遊路。二乘修慧。亦通無漏。凡夫菩薩。唯是有漏。為其遊路。第九所乘者。御此所乘。行彼路故。佛地經言。大止妙觀。以為所乘。止謂三摩地。等持也。觀謂波羅若。慧也。止觀等運。故名所乘。路是總位。位中止觀。別名所乘。佛之三身。恒乘於此。入三佛土。十地菩薩。乘此入於他受用土。地前三乘。隨應前乘。此止觀品。入於淨土。若化機土。通散定慧。以為所乘。不爾無由生佛土故。第十入門者。從此入門。御彼入故。佛地經言。大空無相無願解脫。為所入門。解脫者。涅槃。緣之妙智。名為門。或無漏智。亦名解脫。離繫縛故。因此三門。入淨土故。且一義云。因無相門。入法性土。觀法無相。證真如故。因無願門。入自受用土。於三界中。無願求故。因空門。入他受用及變化土。達二無我。入二土故。或云三門皆入三種佛土。論說三門。或各別觀三種自性。或皆能觀三種性故。此說佛門。若諸菩薩。因此

三種無漏之門。入他受用土。若地前三乘。亦因三無漏。或復有漏。入於化土。凡夫菩薩。唯因此三有漏等持。入於他土。不名解脫門。非無漏攝故。理實他受用及變化土。皆有事乘遊路門等。為令有情欣樂實德。故就行說。其法性土。及自受用。皆量無邊。不說別有事門等相。他受用土。既有分限。皆依蓮花而方建立。佛地經云。大寶蓮花之所建立。觀經亦言。作懸鼓想。有蓮花座。化土不定。或有或無。唯此佛土。無蓮花故。佛現土中。文有其三。一明佛現。二舉喻彰。三顯眾觀。此初文也。菩薩之心。由來見淨。聲聞劣意。未親淨方。令變下情。令見淨利。故假指按大千方變。此化淨土。令凡見故。經譬如功德至寶莊嚴土。贊曰。此舉喻顯寶莊嚴佛。他受用身。寶莊嚴土。即無漏土。佛身不改。唯土變淨。舉他報土。以喻化土。或假喻顯佛舉寶身。其土亦爾。經一切大眾。至坐寶蓮花。贊曰。下明眾觀。暫變彼心。念為平等。故見坐花。見土亦淨。未久心淨。故令暫見。久者必由行成。近者佛令可得。經爾時世尊。佛土不。贊曰。下第四驚子疑除有三。初指土為問。次驚子喜答。三述理除疑。此初文也。經舍利子言。嚴淨悉現。贊曰。此驚子喜答。經告舍利子。至難穢土耳。贊曰。下述理除疑。此文有三。初總告。次喻示。後結成。此初文也。若者如義。我心久淨。土淨如此。為惑



劣生隨現劣。生土。土本非我所嚴故。三乘衆生所宜見故。

經舍利子至其食有異。贊曰。此喻示也。妙高山頂三十三天。四面各八。帝釋居中。而爲主故。舊言飯色。色見類義。

經如是舍利子至所見有異。贊曰。下結成也。此且總成。佛土雖同。唯釋迦土。有情心異。見淨穢殊。地前三乘。見土穢故。十地菩薩。恒見淨故。

經若人心淨。至妙寶莊嚴。贊曰。下別結淨。如有持誓心淨。便是淨故。

經當佛現此。至正等覺心。贊曰。下品第四段利益圓滿。有二。初大乘益。後小乘益。大乘益中。初明二益。後攝神足。此初也。初得無生在初地。任運無生在八地。既開嚴淨。明彼未知佛之淨土。今得無生。故入初地。或時無生。得入八地。發心有二。一創發。始入初劫。二無漏發。在初地前。未得初地。故知發心方入初劫。經時佛世尊。至還復如故。贊曰。無變淨方。令與大意。大果斯得。故攝神足。雖小果亦證。無不爲斯現淨土故。所以後說。

經求聲聞乘。至善解脫。贊曰。下明小益。知無常者。見土轉變。順無常理。達苦諦故。此文見道。遠塵者。無間道。斷障故。離垢者。解脫道。離垢證無爲故。得法智故。名法眼淨。永離諸漏。煩惱障盡。離所緣縛也。心善解脫。離相應縛也。此明證得阿羅漢果。舊云。不受諸法。不取我我所。不受生死果故。意解者。心解脫故。說無垢稱經。贊卷第二末。

天保六乙未中冬中七日。寫畢沙門遊識。

### 說無垢稱經。贊卷第三本

大慈恩寺沙門基撰

#### 顯不思議方便善巧品第二

於中路以四門分別。一科品次第。二諸方便攝。三釋品名。四出品體。科品次第者。顯身下有十一品。是第二正陳本宗分。一顯不思議方便善巧品。二聲聞品。三菩薩品。四問疾品。五不思議品。六觀有情品。七菩提分品。八不二法門品。九香臺品。十菩薩行品。十一觀如來品。菩薩地云。一切菩薩。當云何學。謂有三種。一所學處。二如是學。三能修學者。瑜伽十七地。攝論十殊勝。皆略爲三。一境。二行。三果。並同菩薩地。謂先要知所學之處。次應依彼如是而學。然後方能修學者。若不識知苦樂善惡。凡聖真妄。一切境界。不能發起厭苦欣樂。修善斷惡。捨凡就聖。證真離妄。種種勝行。行既不修。果何以獲。故先知境。次修妙行。後得果成。此經正宗。明大乘理。故從方便。終至香臺。此九品。是菩薩境。次菩薩行。一品。是菩薩行。後觀如來一品。是菩薩果。菩薩地中。所學處有五。一所化處。此觀有情品。是一切衆生爲所化故。二利行處。方便品。聲聞品。菩薩品。問疾品。是利他行故。三真實義處。菩提分品。不二法門品。是盡所有性。如所有情等道理故。四威力處。不思議品。是神

通威力等故。五菩提處。香臺品。是明佛所有殊勝德故。菩薩地云。最先應達所化機宜。方名發起利他勝行。次知實義。可斷可修。於威力門。修成自利。次於果位。無上菩提。愛樂希求。精勤修證。今此不然。九品境中。菩薩所修。他利爲首。故初五品明利他行。威力門中。通他利故。神通威力。唯他利故。恐言他利有實衆生。今破執異。顯皆非實。唯有有情。以爲所利。故次一品明所化處。他利既周。應修自利。故次二品明真實義處。此二門中。修自利。故從於果德。愛樂希求。故次一品明菩提處。他利五品中。初四品。明隱迹利他。後之一品。明顯迹利他。四品隱迹利他中。初一品。總叙權。後三品。別叙權。聲聞菩薩。別叙昔權。問疾一品。別叙今權。此方便品。總叙權也。又初九品。所學境中。分之爲二。初八品。別明二利。後香臺一品。總明二利行。別明二利中。初至觀有情六品。明利他行。後菩提分不二法門二品。明自利行。利他六品中。初五品。明能利。後觀有情一品。明所利。能利五品中。初四品。明密權能利。密爲權迹。行利他故。後不思議一品。明顯權能利。顯爲權迹。利行他故。密權四品中。初一品。總叙密權。後之三品。別叙密權。聲聞菩薩。叙昔密權。問疾一品。叙今密權。今此方便。總叙密權。故爲首唱。顯不思議方便善巧品。諸方便攝者。依菩薩地第三十五卷。菩薩方便善巧。有十二種。依內修證一切佛法。有其六種。依外成熟一切有情。亦有六種。依內修證有六種者。一於

○(生)一○ ○(劣)十上○ ○(是)一○ ○(是)二見○ ○(此)一○ 此二此○ ○無十(爲)力○ ○贊二疏○ ○(天保...議)十七字一○ ○贊二疏○ ○身二自○ 自○ ○十(合)○ ○情二性○ 性○ ○(應)十名○ 名二應○ ○請二觀○ 情一○ 情二假○ ○利十(行)○ ○利行二行利○ ○三二四○ 四○

有情悲心俱行。願戀不捨。二於諸行。如實。通  
知。三於無上菩提妙智。深心欣樂。四願。戀  
有情不捨生死。五知諸行故輪轉生死而心不  
染。六欣佛智故熾然精進。依外成熟有六種  
者。一能令有情以少善根感無量果。謂勸有  
情。捨微劣物。乃至最下。唯二。雙園。示。施鄙  
穢田。乃至蠢動傍生之類。迴求無上正等菩  
提。此施善根。物田雖下。由迴向力。感無量果  
二。令有情以少功力引大善根。若信耶。齋戒  
爲說八支聖齋戒法。乃至爲他宣示佛教。令  
生淨信。彼但由此一念善信。尙能攝。愛廣大  
善根。況其相續能以供具及勸。他以供具供  
養亦能。遍喜十方一切諸供養事。常修六念。  
① 音想歸禮十方一切佛法僧寶。願以自身。普  
代受苦。有所違犯。想對諸佛。發露悔。性。如  
是自作。亦觀他爲。又得菩薩勝神通者。化作  
種種諸變化事。往於十方佛僧所攝大福聚。  
常修無量。亦勸他爲。三於聖教。情。有。情。除  
其悲惱。四處中住者。令其趣入。五已趣入者。  
令其成熟。六已成。就者。令得解脫。爲欲成  
② 辨後四種故。復修六種方便善巧。一。隨順會  
通。二。共立要契。三。異分意樂。四。逼迫所生。五。  
施恩報恩。六。究竟清淨。隨順會通。爲通經義。  
共立要契。勤行善事。後以資什。方施彼等。彼  
若不能速疾修道。後時於彼皆不施與。唯爲  
利彼。非餘意樂。有不施等。若有家。立。應告  
家屬。有不知恩犯戒者等。當斷常賜衣服等  
物。或當。搖打。由是彼怖所爲治罰。便勤斷  
惡。勤修諸善。彼雖不樂。強逼令修。若於有情

隨力施恩。彼希報德。勸令修善。受報恩者。語  
言世事。非以相酬。要當知父母恩。乃至受持  
淨戒。乃名大報我之恩德。若住第一地。生觀  
史多天。令諸有情念其菩薩當得菩提。願在  
所生。常得值遇。令諸有情起此樂故。乃至廣  
說。是名六種方便善巧。今此即是後之六種。  
依外成熟一切有情方便善巧。上下文。隨  
義皆有。不能繁引。又方便有四。一。進趣。方  
便。如七方便。二。施爲方便。即方便善巧波羅  
③ 密多。三。集成方便。諸法同體巧相集成。如  
說眞如具恒沙德。智爲門等攝一切法。故十  
地云。總同成別異。壞等。四。種種巧方便。實無此  
事。應物施爲。謂三業化等。此中即是第二第  
四方便。又解有三。一。接下方便。唯爲下人。二。  
顯上方便。唯顯勝妙。三通彰方便。遍在上下。  
此乃接下方便也。現身疾等。因說法故。亦  
可顯上。叙其德故。讚歎如來功德勝故。亦通  
第三通彰方便。此意本是接下方便。爲大居  
士現身疾等。因緣妙法。令發心故。又有二  
種。一。迴向。二。拔濟。此拔濟也。釋品名者。利  
樂儀軌曰方。應時而濟曰便。順理益生爲善。  
智用殊妙爲巧。然有方便。下位可知。今顯非  
彼言境超下位之情。說名不思議。今明此事。  
故復名顯。其不思議方便。乃爲所顯。教爲能  
顯。舊經文闕。如初已陳。出品體者。用後得智  
爲體。諸教云。十度之中。後五皆以擇法爲  
④ 性。品下亦言。善於智度。通達方便。相以身  
語。而爲自體。爲大居士現身有疾是身方便。  
因說妙法。勸彼發心。是語方便。下文自顯。故

不引之。發身語。本。即是方便。意相難彰。故  
經不說  
經爾時至名無垢稱。贊曰。此一品中。大文  
有三。初標能爲善方便者。次已會供養下。談  
其實德。後爲欲成熟諸有情故。以善方便下。  
彰其權迹。此即初也。於中有四。一。住處。廣嚴  
城。二。行位。大菩薩。三種姓。離咄毘。四名字。  
無垢稱。舊經少者。對尋可知。非宗義處。恐  
厭繁文。更不對辨  
經已會供養。至深殖善根。贊曰。下談實德。  
有二十句。分之爲二。初十八句。談內實德。後  
之二句。諸佛咨嗟等談外實德。舊經雖復前  
後不同。句義同此。此中二德。一人值良緣德。  
供養諸佛。二。先修本行德。深殖善根。此二總  
攝四親近行  
經得妙辨才。至遊戲神通。贊曰。此有四德。  
一。獲七種辨才德。二。成三無生忍德。三。得四  
總持德。四。縱任六通德。如文次第。理義可知。  
七辨者。一。捷辨。二。退辨。三。應辨。四。疎謬  
辨。五。無斷盡辨。六。凡所演說。豐義味辨。七一  
切世間最上妙辨。三無生忍等。如前已說。若  
准仁王經。有五忍位。一。伏忍。在地前。二。信  
忍。初二三地。三。順忍。四五六地。四。無生忍。  
七八九地。五。寂滅忍。十地及佛地。彼約龜位。  
今約成滿。不相達也  
經護無所畏。至通達方便。贊曰。此有四德。  
一。能摧外道德。獲無畏故。二。近佛十力德。  
摧魔怨故。三。內融真境德。深入法故。四。巧濟  
群生德。善於智度達方便故。智度者。第十智

①通二通②(想)一③唯二二④示二等⑤齊二齊⑥愛二受⑦通二說⑧音二音⑨性二往⑩就二熟  
⑪辨二辨⑫立二主⑬條二條⑭[方]一⑮密二密⑯種二種⑰緣二說⑱性十(同)⑲本二  
等⑳是二意㉑舊二齊㉒舊一㉓實二實㉔退二退㉕四十(無)㉖護二護㉗摧二摧

波羅\*密多。成就有情智。所以通達利益方便。方便善巧波羅\*密也。

經大願成滿。至諸根勝劣。贊曰。此有三德。一欲解皆圓德。大願成滿故。菩薩地說。初發心時。唯發一願。願得菩提。利樂一切。勝鬘一願。攝受正法。唯識二願。求菩提願。利樂他願。勝鬘三願。彌勒上生四弘正願。初地十願。又復菩薩恒沙別願。有經說是金。栗如來故願皆滿。二善達機器德。善知意樂。意業也。及行者。身語也。知其心願及其所行。善還益故。三善還機宜德。知根勝劣。說五乘故。此第一德。舊名心趣。三業是所趣意。亦圓也。

經智度成辦。至決定修習。贊曰。此中二德。一。導利無帶德。由智。度說法。成就故。二所作無礙德。於一切大乘教理行果決定作故。然諸菩薩。有四種修作。一決定修作。二委悉修作。三恒常修作。四無罪修作。菩薩地中第四十九說。具四修作故。得三十二相。今舉一修。餘三影顯。亦皆具矣。舊經云。決定大乘。義意難解。

經於所作業。至入心慧海。贊曰。此有三德。一三乘智先德。三業所作。由智前導。首思量故。二果業圓滿德。住佛威儀故。若牛王行如象王。步等。三妙證深廣德。入心慧海故。心謂真理。勝鬘經說自性清淨心。慧者菩提智。此二深廣。猶如大海。善能證達。名之爲入。舊

經諸佛咨嗟。至常所禮敬。贊曰。上十八句。別歎內德。此之二句。別歎外德。外德有二。一

諸聖護讚德。諸佛咨嗟稱揚說故。欣其道遠。所以咨嗟。讚其利弘。由斯稱說。二衆凡歸仰德。釋梵護世常禮敬故。此中舉勝。且說佛歎。諸菩薩等。亦稱揚故。欲歎智者。衆聖識故。舉釋梵等。類餘可知。

經爲欲成熟。至居廣嚴城。贊曰。自下第三彰其權迹。於中有二。初顯權意。後顯權事。此初文也。成就者利樂義。故爲有情。以智善巧。居廣嚴城。機法相符。故發揚此。

經具無盡財。至暴嫉楚毒。贊曰。下顯權事。文復有二。初顯昔權。未疾前之權迹故。後其以方便現身有疾下。顯其今權。顯昔權中。初別顯昔權。後是無垢稱以如是等不思議下。總結昔權。別顯昔權中有三。初以有攝無權。次雖爲白衣下。同類益流權。後若在長者下。爲尊誘下權。初以自有六度妙行。攝他六障無妙行者。次爲同類益彼時流。後爲尊大廣誘卑下。此以三度攝無三者。一切無財名貧窮。無所歸趣名無依。無父母等之類是也。無勢可恃名無怙。受戒而破曰犯。不受爲惡名越。又破性戒名犯。破遮戒名越。暴者凶暴。急性之流。劇者嫉妬。楚謂苦楚。捶打之類。毒謂毒害。鳩毒之輩。如其次第。三度別攝。

經以大精進。至妄見惡慧。贊曰。懈怠者。心無所進。懶墮者。身語無進。初善不進。後惡唯增。靜慮者。色界四定。正念者。七種念等。如前已說。親能引定。故此合說。解脫。八解脫。以十門分別。一列名字。二顯行相。三出體。四釋名。五所緣境。六凡聖得。七離障別。

八依身起。九二得。十有無漏。今辨初四門。餘如章中說。列名者。依瑜伽第十二五七十三。攝事分第二。對法十三。顯揚第四第二及第二十。菩薩藏經第四等說。一有色觀諸色解脫。二內無色想觀外諸色解脫。三淨解脫身作證具足住。四空無邊處解脫。五識無邊處解脫。六無所有處解脫。七非想非非想處解脫。八想受滅解脫。身作證具足住。顯行相者。俱舍第二十九說。內有色想觀外色。名初解脫。內未伏除見者色想。觀外諸色。以爲不淨。名觀外色。今則不然。准對法文。初修業者。身在欲界。已離欲界欲。未依無色定。伏除見者色想。未離色界欲故。若久習業。已離色欲見者色想。安立現前。而觀欲界一切所有內外諸色。作光明想。由前三解脫。引發勝處遍處等故。即觀勝處所攝少多等色。作光明想。由除變化障故。作光明想。不除貪欲故。不作淨想。瑜伽唯云未得無色定。未離色界染。觀外諸色。是初解脫者。唯依初業說故。第三解脫。俱舍論說。內已伏除見者色想。唯觀外境。而爲不淨。名內無色想觀外諸色。大乘不然。准對法云。初習業者。已依無色定。伏除見者色想。久習業者。或見者無色想。安立現前。而觀外色。作少多等想。不同於初觀內外色皆作光明。未自在故。此唯觀彼已離欲色。作少多等。名觀外色。已離除故。立以外名。觀心漸勝。故稍略觀。故瑜伽云。又不思惟彼相。但於外色。而作勝解。即觀少多不作光明等。若於是處。已得離欲。悅彼爲外。故

果二果 三二二 一 度十(成) 成就二 步二口 步二行 日二云 期二 亦二又 前之二之前 前二 進十(成) 說十(者) (八解脫)十以 異二異 身作二身 身作 想一 三二二 二 除二染 依一說 說

唯觀彼已離染色。名之爲外。又由初解脫。觀色不言外。其內有色。不言內。其所觀色。亦不言外。通緣內外根塵等諸色。作光明想故。今此第二內有色。有根等色故。其觀外色。唯觀外塵。作少多等。不緣根等作少多等故。瑜伽又云。無色。界定不現在前者。此說觀外色。不依無色定。無色定不能緣外色故。上二解脫。初作光明想。後作少多等想。初後寬狹。兩觀有殊。顯揚二十說。此二解脫。除變化障。爲於變化得自在故。變化既通四靜慮。有故。初二解脫。通依四靜慮。但在根本。非近分地。彼欣趣修。都無通果。此容預修。有通果故。不同俱舍初二靜慮。能除欲界。初靜慮中。顯色貪故。作不淨觀。第三靜慮。俱舍論說。清淨相轉作淨光鮮行相轉故。唯第四靜慮離八災患。心證淨故。餘地雖有相似解脫。而不建立。非增上故。今者大乘。謂如有一已得捨念圓滿淨白。以此爲依。修淨請聖行圓滿。於內淨不淨諸色。已得展轉相待想。展轉相入想。展轉一味想。是第三解脫行相。謂待諸淨色。於餘色中。謂爲不淨。非不相待。若唯見一類淨與不淨。二覺無故。是名初想。又於淨中不淨性所隨入。於不淨中淨性所隨入。由於薄皮所覆共謂爲淨之中。現有三十六種不淨物故。是第二想。如是展轉總一切色。合爲一味清淨想解。是第三想。乃名成就。唯在第四靜慮地。有捨念淨故。論說超遇諸苦樂故。一切動亂已寂靜故。善磨瑩故。餘地不然。故唯第四。此亦內無色想。而觀外色。由前

已說。故略不論。而立異稱。次四無色解脫。俱舍論說。以四無色定。名爲性。非無記。染非解脫故。亦非散善。性微劣故。近分解脫道。亦得解脫名。無間不然。所緣下故。彼要背下地方名解脫故。多說根本者。近分非全故。今者大乘。皆已離自地欲。依自根本地。重觀自境。思惟勝解。令障更遠。引生勝德。謂如有一。於彼空處已得離欲。即於虛空。思惟勝解。是名空處解脫行相。於彼識處。已得離欲。即於是識。思惟勝解。是名識處解脫行相。於無所有處。已得離欲。於識無邊處。思惟勝解。是名無所有處解脫行相。空識二名自地所緣行相爲稱。無所有處。以識無有。爲自地名。故於識處。思惟勝解。於有頂地。已得離染。更不於餘而作勝解。乃至遍於想可生處。即於是處應作勝解。無所有處。名想生處。今緣此無所有心心所。名非想非非想。故遍於此思惟勝解。至下當知。上說離染。依無學說。故瑜伽言。前七解脫。於已解脫。而生勝解身證者得。若依唯識。有二師說。一云伏初定已上染得滅定。二云伏第四定已上染得滅定。無所有處已下染可有伏義。今障轉遠。引生勝德。有頂一地。定未能伏故。瑜伽第十。一。空識二解脫。有說離自地染。言上之二地。無說離自地染。字有學無學影略說故。雖在根本。亦非近分。滅盡解脫。大小乘俱說。即滅盡定。而無行相。棄想受故。然將入時。有二行相。謂依非想非非想處想及無想界想。初修久熟。二入別故出體性者。俱舍論說。前三無貪性。眷

屬五蘊性。次四無色定善爲性。第八滅定性。大乘之中。七十三卷。解五法中云。世間出世間正智爲體。有漏者。以分別中世間正智爲體。無漏者。即無分別智及後得智。唯慧爲性。緣色非色及真如境。離諸定障。引生勝德。非餘能故。若相應體。初七以四蘊爲性。眷屬五蘊性故。對法云。若定若慧。及彼相應諸心心所。無色界中。許有定道。無表色。第八解脫。以二十二法厭心種子爲體。即不相應行蘊所攝。釋名者。初釋總名。後釋別名。總名者。瑜伽云。前七解脫。於已解脫。而生勝解。七所觀法。多分要伏。要斷彼地煩惱障染。方始修作。名已解脫。既今觀已解脫境。爲除定障起神通功德。而生勝解。故名解脫。其身證者。於有頂染定未能離。但除彼地所有定障。起無諍等諸功德故。故成解脫。由此前言多分已離。不爾多言便爲無用。第八解脫。棄背想受。故名解脫。前無間道。雖滅想受障。至滅盡定位。方得解脫名。由入滅定時。暫棄背想受障。所求今滿足故。立解脫名。非時方始解脫定障。先已離故。亦解亦脫。八者。是數釋也。次釋別名。初有色觀諸色解脫者。瑜伽云。由二因緣。名爲有色。謂生欲界得色。界定故。又於有光明而生勝解故。此觀欲界於勝處所制。步多好惡劣勝等色。作光明想故。但名有色觀諸色。不言內有色觀外色。其有色非唯內故。諸所觀非唯外故。即外之色觀及有色之觀外色。皆依主釋也。內無色想觀外色者。由二因緣。名內無色想。一者謂已

①[觀色不言外其內]—②[界]—③[靜慮二解脫]—④[解脫]—⑤[說二澄]—⑥[淨清二清淨]—⑦[第]—⑧[酒]—⑨[名]—⑩[二]—⑪[二]—⑫[二]—⑬[二]—⑭[二]—⑮[二]—⑯[二]—⑰[二]—⑱[二]—⑲[二]—⑳[二]—㉑[二]—㉒[二]—㉓[二]—㉔[二]—㉕[二]—㉖[二]—㉗[二]—㉘[二]—㉙[二]—㉚[二]—㉛[二]—㉜[二]—㉝[二]—㉞[二]—㉟[二]—㊱[二]—㊲[二]—㊳[二]—㊴[二]—㊵[二]—㊶[二]—㊷[二]—㊸[二]—㊹[二]—㊺[二]—㊻[二]—㊼[二]—㊽[二]—㊾[二]—㊿[二]

證得無色等至。亦自了知得此定故。先依空處定。已離色界染故。顯揚云。內無色想者。依無色定。意解思惟故。二者不思惟內光明想故。名內無色。此言意顯已得空處內離色染。又自內心。不作光明相。名內無色。此已離染色。名之為外故。瑜伽云。若於是色。已得離色。欲說彼為外。出於染故。即觀此色。作少多等解。名觀外諸色故。瑜伽云。又不思惟彼想明相。但於外色而作勝解。此說不作光明色觀。但作少多好惡等解。初四勝處。有色無色。各別觀色。若少若多。此總觀外少多好惡等故。與勝處別。外諸色之觀及內無色之觀外色。亦皆依主。內無色時。必須得空處等定。正觀外色。作勝解時。唯依色定。不依無色。無色不能觀於諸色少多等故。故瑜伽云。無色界定不現在前。淨解脫身作證具足住者。瑜伽云。已得捨念圓滿清白。以此為依。修習清白聖行圓滿。名淨解脫。此說第四靜慮中。離尋伺喜樂三地障故。捨念圓滿。清白名淨故。瑜伽云。謂已超過諸苦樂故。一切亂動已寂靜故。善。摩瑩故。離淨不淨變化障故。名為解脫。此亦內無色而觀外色。作淨不淨相待相入一味淨想。由前已說內無色言。所以今略。既略於內。故亦略於觀外色等。但言淨解脫。顯揚論說。一向意解思惟淨妙者。隨轉理門。或依彼觀成滿之時。展轉一味。唯觀淨想。故作是說。身作證者。於此住中。一切賢聖。多所住故。身者意身。作證者由於智斷得作證故。諸根得境。唯身根親。今勝餘根故。獨得證名。故

此亦如是。前二解脫。意解思惟。尚疎遠故。與其觀名。今此解脫。除障最勝。聖意親取。名身作證。由此聖者多住於此。及第八解脫。此二勝故。於二界中。各在邊故。世尊經中說。身作證於色無色障斷無餘。證得轉依勝餘六故。具足住者。第四靜慮根本圓滿。第八亦爾。九次第定。得圓滿故。空無邊處解脫者。顯揚云。虛空者。謂色對治所緣境界。空其色。故無邊者。十方諸相不可分別。名空無邊。處者。謂彼地中定等諸所依法能依行者。所緣虛空所依之處。名為處也。欲色二界。相狀易知。彼界難了。獨與處名。空無邊是境。處是能緣。空無邊之處。依主釋也。下皆准知。識無邊處者。謂緣無邊虛空之識。今緣此識而為境界。十方諸想不可知故。名識無邊。處即能緣。義如前說。無所有處者。謂於識上境界。推求之時。無少所得。除無所有。無別境界。由唯見此境極寂靜故。無所有此細超前觀。以上境無少所有。少亦無故。餘義如前。非想非非想處者。非想者。謂超過無所有想。無所有處。猶有龜想故。非非想者。謂於無所有處上境界。推求之時。唯得緣無所有極細心心所。由唯見此極寂靜故。前無處有處。唯緣識處已上諸境少分亦無。此有頂地。唯緣無所有處能緣心心所。不同彼地有龜想故。名為非想。仍由有唯無此極寂靜心在故。名非非想。非者無也。非全無想故。餘義同前。想受滅解脫身作證具足住者。由想受二強勝於餘之心行故。厭患勞慮。暫求止息。止息此時。要斷障得名為

解脫。為滅想受之解脫。依主釋也。上七解脫。皆持業釋。謂有色觀諸色即解脫。解脫障故。乃至非想非非想即解脫。亦可以別簡通得依主釋。謂有色觀諸色之解脫。經等持者。九等持。平等持心至境名等持。即定也。此有九種。如前說。等至者。九等至。色四。無色四。及滅。蓋等至。由定前心折伏沈掉心不高下。名等。所以今至。途中安和之位。故名等至。或由定心折伏沈掉。至此平等安和之位。故名等至。此中等持等至二法。攝一切盡。更舉勝定。顯皆安住。故復說言靜慮念等。正決擇者無漏慧也。妄見者。一切不正見。惡慧者。一切邪推求。及不正知。如其次第。配後三度。唯識等說六唯自利。今利他者。多分自利。迴即利他。不相違也。

經雖為白衣。常樂遠離。贊曰。自下第二同類益流權。具有十八句。此中四句。一處俗持真。執。二居家不染塵。三妻孥無愛情。四威里除尋意。菩薩性戒。通俗通持。出家威儀。俗多缺犯。故今處俗真軌恒持。諸在家者。三界所縛。彼雖居家。離三界染。三界者。謂欲界。色界。無色界。欲所屬界。乃至無色所屬界。故以為名。如胡椒飲。如金剛環。界中有欲界。唯有色界中無色故。名為欲界等。妻子化現。梵行恒持。無愛染故。雖有眷屬。而無親里之尋。離諸尋故。

經雖服寶飾。為味至等。贊曰。此中二句。一二嚴恒自飾。二兩食常為味。同俗外嚴。同真內飾。所以雖資寶營。而以相好嚴身。濟

①色二處②摩二磨③[故]一④故二城⑤故十(處)⑥蓋二盡⑦盡⑧途二定⑨邪推二邪推⑩邪推⑪就二軌⑫成二威⑬為味至等⑭等至為味⑮濟二齊⑯

物受食。自利居福。二利。齊修。定散雙處。凡食有四。謂段觸思識。靜慮等法。破壞有故。實非食體。但取味證。故不名食。故佛地經云。廣大法味喜樂所持。與出世法為食。不與世間法為食。食者資長有漏識故。如別章說。

經雖同樂著。意樂不壞。贊曰。此有二句。一縱蕩利群生。二形。邪心重法。博者六博。樛蒲之流。奕者其奕。象戲之屬。而於彼類。不誑不欺。不誣不詐。方便調化。名熟有情。形雖同於外道。苦行稟彼軌儀。而亦修作內心。於佛法意樂不壞。得不壞信故。

經雖明一切。說法上首。贊曰。此有二句。一明外寶重內。二處會為說首。佛之正法名為內苑。而於此法樂。常寶。替既好。或真如理。名為內苑。初地以上。得法苑樂。故雖處鄉邑聚會之中。證達即深。說為上首。舊云一切見敬為供養中最者。由為說上首。所以一切見敬。皆供養之中為第一也。

經為隨世教。示有所習。贊曰。此有二句。一順世現禮儀。二隨俗求財利。世間尊卑禮儀。忠孝示無與乖。舊云。執持正法。攝諸長幼。正法者。世禮儀也。示習俗利。方便攝財。濟諸貧乏。舊曰。一切治生諸偶獲利之時。不生喜悅。大意同也。

經為益含識。誘開童蒙。贊曰。此有四句。一。演。靜能益。二。理。斷。功能平。三。法。延訓大乘。四。席問教初學。市演。靜。觸處濟生也。西方斷事。委在平直之人。故為群生理諸王家之務。恐有枉曲。以損生故。餘二可知。

經入諸姪舍。遊諸伎樂。贊曰。此有二句。一處欲勸超染。二遊。偶令念知。令彼正念正知。不因伎樂。業。妄。憶。邪。解。故。舊云。入諸酒肆。能立其志。酒肆多有絃歌。立志令正知念也。文雖有異。意會可知。

經若在長者。斷其貪著。贊曰。自下第三。為尊誘下。留權。室富。眾望權高。稱為長者。故說勝法。勸厭欲塵。齒下家貧。懷道自逸。名為居士。財食既多。不足故。能斷其貪著。經若在刹帝利。除其我慢。贊曰。此有二句。西域好種。總有四類。一婆羅門。此云淨行。少持戒行。以道自居。二刹帝利。此云官族。居位自怡。化洽人庶。三吠舍。此云坐收。居賤貨貴。以殉軀形。四戒達羅。此云耕。銀農治生。以供職貢。初二高勝。所以偏影。官族理務。人眾輕彼。多生瞋恚。故教忍辱。淨行持道。自尊卑人。故除其慢。

經若在大臣。示以忠孝。贊曰。此有二句。大臣曲濁。多枉無事。故教正法。王子嬌奢。鮮烈遊禮。故示忠孝。

經若在內官。殊勝意樂。贊曰。官女內嬪。意多姪逸。故能化正。內官者。掌內之官。西方立此。以治後宮。如長秋監官之類也。庶人修習三福業事。謂施戒修。名相似福。似出世福。名相似福。殊勝意樂者。及上勝信解也。或相似福之勝意樂。或福與意樂。二種各別。不能修勝出世之福。唯修勝意。舊本無此。殊勝意樂。

經若在梵天。至利益安樂。贊曰。此有三句。明在天尊。梵天居在初定。謂天下而獨尊。今示諸靜慮差別。令知非獨尊故。又在四禪。各能為主。未定差別。舊云。誨以勝慧。未諸定也。帝釋在天。多為常想。示諸自在一切無常。護世四王。各領方域。令護一切平等利樂。經是無垢稱。饒益有情。贊曰。此即第二總結昔權。此之善巧。皆方便慧。復名門者。此能出生諸福慧故。

經其以方便現身有疾。贊曰。此下第二。顯其今權於中復二。一現身權。身有疾故。二現語權。語說法故。此身權也。問。欲現身權。方便多種。何故今現其身疾也。答。現疾之意。略有十種。一來問疾者。因說化故。二希望世尊令問疾故。三顯無始來身皆疾故。四明慈悲心隨生疾故。五為識凡聖病之因故。六令有疾者調伏心故。七令餘下位知非類故。八妙詳高德方能對故。九因與對揚為大利故。十顯如來身威德大故。如下經文。不繁具顯。

經以其疾故。皆經因疾。贊曰。下顯語權。於中有二。初明所化。後正明權。此初文也。諸問疾者。皆所化故。

經時無垢稱。廣為說法。贊曰。下正明權。有二。初顯。後顯。此。顯也。

經言諸仁者。不可保信。贊曰。此顯語權。有三。初教厭離。次勸欣求。下諸仁者。於如來身應生厭離。於如來身應起欣樂等是。諸修行門。不過二故。後明利益。是無垢稱為諸集會來問疾者。如應說法下是。初文有五。教生五種厭壞觀故。一觀生滅無常義。二為苦

明在天尊。梵天居在初定。謂天下而獨尊。今示諸靜慮差別。令知非獨尊故。又在四禪。各能為主。未定差別。舊云。誨以勝慧。未諸定也。帝釋在天。多為常想。示諸自在一切無常。護世四王。各領方域。令護一切平等利樂。經是無垢稱。饒益有情。贊曰。此即第二總結昔權。此之善巧。皆方便慧。復名門者。此能出生諸福慧故。

○齊二清○齊一○邪二耶○贊二贊○贊○幼二幼○幼○乏二之○演二道○靜十威○功二巧○通二莊○四二帶○樂二樂○樂○偶二偶○樂二伎○樂一○妄二忘○意十意○權十有十一句初八人尊後三天尊此有三句年者○十八字○有十一句初八人尊後三天尊此有二句年者○十八字○懷二懷○多十無○一○一○成二成○耕十田○影二影○在二至○事二幸○事○珠十珠○未二示○說十法○經因二住問○要二要○來二來○觀二觀○

所惱下。觀逼迫。是苦義。三是身如聚沫。下。  
\*觀非實有。是空義。四是身無主下。歎不自在。是無我義。五是身不淨下。歎其可汚。是不淨義。夫入觀法。初觀無常。無常故苦。苦故空。空故無我。便入真諦。今加不淨。令深厭故。此歎生滅無常者。無彼常有。常無相故。總標無常。亦別顯生為無常之根本。故得無常名。真如常有。神我常無。此有為身。本無今有。有非常有。不同真如。本有還無。無非常無。不同神我。無二常相。故言無常。餘三別顯。無強者。老死相。壞命力故。此上總顯一期無常。朽故速疾。念念生滅。剎那百二十名。剎那利那。剎那六十名。臘縛。臘縛三十名。一牟呼。粟多牟呼。粟多十八名。一時。時十二名。一日。三十日為一月。十二月為一年。如是一生。乃為無量生滅。切割。或無常者是總句。此無常。無強盛之。滅堅牢之勢。剛健之力。衰朽。還故。念念迅速。誑惑人故。不可保任信之為常住也。又欲界身無強。色界身無堅。無色界身無力。皆是朽故迅速。不可保信之法。  
經為苦所惱。變壞之法。贊曰。下。觀逼迫。文中有一。初釋苦相。後勸自持。此初文也。苦乃八苦三苦之所惱故。八苦者。一生苦。此有二種。一衆苦所逼故。二餘苦所依故。於母胎中生熟藏間。具受種種極不淨物所逼迫故。正出胎時。後受支體逼切大苦。自後復有老病死等衆苦隨逐。二老苦。時分變壞苦故。三病苦。大種變易苦故。四死苦。壽命變壞

苦故。五怨憎會苦。合會生苦故。六愛別離苦。別離生苦故。七求不得苦。所希不果生苦故。如有願言。趣求諸欲人。常起於希望。諸欲若不隨。惱壞如箭中。八略攝一切五取蘊苦。龜重不安生苦故。為此八苦之所惱亂。與煩惱病為所依器。多諸過患。一百五苦所隨逐故。變壞之法。不久停故。無常故苦。生分無常為緣故苦。苦性可了知。滅分無常為緣故。壞苦性可了知。俱分無常為緣故。行苦性可了知。故以變壞。而釋苦義。  
經諸仁者。至所不為怙。贊曰。勸其不恃也。勿恃惡身而生惡業。諸有智人。名。聽慧者。所不恃故。俱恃皆是愚癡眾生。  
經是身如聚沫。法。徒顛倒起。贊曰。次下十句。觀非實有。所執實法。五蘊為性。非實故空。此中五句。身如聚沫。法者。瑜伽八十四云。速增滅故。水界生故。思飲食味水所生故。不可採接故。非如泥團。可令轉變。造作餘物故。此經言不可撮摩。撮摩者。採接義。又實非聚。似聚現故。乃能發起有情解故。如浮泡者。三和合生。不久堅住。相似法故。內迷真境。次有業緣。有煩惱潤所生起故。又速謝起不堅住故。言不久立。如陽炎者。隨動性故。無量種種變異生故。令於所緣顛倒轉故。故從煩惱。湯愛所生。如春陽炎。遙看似水。諸熱渴惱鹿。多奔趣之。非水水想。名渴愛生。諸有為身。從諸煩惱渴愛所生。亦復如是。如芭蕉者。中貞本不堅實故。枝葉廣大。速即壞故。如明眼人持利刀入於林。取端直芭蕉柱。斷其根枝葉。

都無所獲。何況有實。如幻事者。譬如幻士。住四衢道。幻作四種諸幻化事。都非實有。顛倒起故。  
經是身如夢。念念不住。贊曰。下別五喻。如夢。意說如夢所見。此境非真。虛妄見故。由業感身。業為本質。身如影故。谷靜響聲。都非實有。此聲屬本發處因緣。此身亦爾。屬本因緣。非今別有。如雲如電。如交可知。然攝大乘八喻依他。般若九喻。此中十喻。依他不實。所以成空。依義異故。各據一門。不可和會。  
經是身無主。至四大為家。贊曰。下第四。觀不自在。合有九句。初六句。正顯空故。無我。後三句。復顯無我故空。此初也。主者總名。次四是別名。後一句總顯無我。主謂主宰。我之總名。故。地無常定主故。以為喻。我是自在。緣三世故。有情者。在過去世。至于今故。命者。現壽可存活故。補特伽羅。此云數取趣。數數流轉取五趣故。從今現在取未來故。此凡夫外道計執三世總別之我。今舉四大虛空為喻。期體皆無。總身以四大為家。假合所成。由來不實。故無我也。我必常一。非假他故。蘊界處法。非常一故。舊經五句。無此數取趣。仍非次第。此四別我。與金剛般若若天親論同。  
經是身為空。至風力所轉。贊曰。下之三句。無我故空。二行隨一。得入真故。以離我及我所故空。無實知故。無我。無我故空。更無有因能作於身。但為風所動故。無我所。無我所故空。若是我所。必我作故。以彼空行空。我我所故。對法論言。蘊界處中。我我所非有。所以成空。

①法二法。沫。②老十(相續強盛故無堅者病相續堅狀故無力者)③十七字。④(相續。者)十七字。⑤粟二粟。⑥切剎剎剎。⑦減二成。⑧剛二剛。剛。⑨還二還。⑩自二勿。⑪後二復。⑫達二逐。逐。⑬苦二若。⑭(估者特)十也。⑮經二經。⑯法二法。⑰徒二徒。⑱湯二湯。⑲惱二惱。⑳名二名。㉑期二明。明。㉒(所)一。



經是身不淨。至必歸磨滅。贊曰。下觀可厭。污。合有七句。此中有二。不淨有五。一種子不淨。感業所招。父母精血所共成故。二住所不淨。於其母胎生熟藏間。所依位故。三自相不淨。三十六物所集成故。四共相不淨。九孔常流。清穢惡故。五畢竟不淨。身壞以後成糞成灰等故。故言不淨穢惡充滿。雖復種種塗香洗浴。終必歸於不淨臭穢。是身處。危誰非不淨。不淨之物。必是虛偽。歸磨滅故。

經是身多患。至之所逼迫。贊曰。此中二句。多過患者。多病患故。四百四病者。一大不調。一百一病生。四大不調。故有爾病。一大為本。所起為百。此據總數。上多至百。下至一故。或由十十惡業道因。感此四大所起果身。故各成百。十惡業道者。返其百福莊嚴身故。一自作十惡。二教他作。三讚。難作。四慶。懃作。五少分作。六多分作。七全分作。八少時作。九長時作。十盡形作十惡業道。故得果時。有此四大。及四大所生。各一百病。合名四百四病。如水。墜級者。西方水井。如此。古人旁穿其井。以為近道。近道名。墜。級謂階道。以木為。躋級。級。泥坑入出。亭中取水。年深日久。自致朽爛。身亦如是。或級謂級索。日久自朽。身亦如是。舊云。丘井。乃意難知。

經是身無定。至所共合成。贊曰。此有三句。不定常。主。彼要。常死。煩惱如怨賊。四大如毒蛇。遍體充滿。如麤草為積。名為空聚。蘊處界聚身空無有實。其義亦爾。舊亦少異。智者當知。

經諸仁者。至應起欣樂。贊曰。下。次勸求。於中有三。初總。要勸。所以者何。下。次示相勸。諸仁者如來之身功德如是。下。後結成勸。此初文也。結前生後。標勸相故。

經所以者何。贊曰。下。示相勸。初徵後顯。此徵詞也。有何所以。厭如是身。欣如來身。經如來身者。至其所集成。贊曰。下。顯示相有三。初示法身相。後示報化相。此初文也。諸佛法身。真如如。恒沙萬德。性共集成。現隱難知。但可總說。故言無量善法成也。

經從修無量。至智慧所生。贊曰。下。顯報化二身功德。金剛般若云。一切諸佛。從此經出。一切如來。從此經生。法身顯故。報身實德。化體化成。實假雖殊。因無別故。初總德因。後別德因。此總德因也。恒沙萬德。福智攝故。佛身功德。皆唯無漏。此下說因。亦皆無漏。

經修無量。至智見所生。贊曰。下。顯別德因。有十五句。此中一因。從五蘊生。一戒蘊。一切無漏戒為性。二定蘊。一切無漏定為性。三慧蘊。一切無漏慧有為慧為性。四解脫蘊。一切無漏勝解數為性。五解脫智見蘊。緣一切無為解脫無漏智為性。此五勝故。積聚多故。偏立為蘊。小乘舊名五分法身。

經從修慈悲。至願力智生。贊曰。此有二句。初四無量。佛為實觀。次十婆羅。密多。調伏寂靜。皆唯淨戒。靜慮解脫等持等至。皆唯是定。餘如自名。前已說故。經從修一切。至修正觀生。贊曰。此有五句。從修一切到彼岸生者。菩薩所修二利。方行。

皆令行者能到彼岸。皆名波羅。蜜多。十六勝故。偏得其名。今顯通義。故餘萬行。皆名到彼岸。舊云。方便。六通。方便六通之義。如威力中已略分別。三明者。一宿命明。二生死智明。三漏盡明。此即三通。除障障障。妙用難測。作用弘廣。立以通名。此除三際惑。照深遠故。復立為明。菩提分法。止觀定慧。並如前說。經從修十力。至善法生。贊曰。此有四句。十力無畏十八不共。並如前說。斷惡集善。聖道能故。

經從修諸實。至清淨業生。贊曰。此有三句。一諦實生。證實諦理。或行實行。或諦實語之所生故。不放逸生。防惡修善之所起故。清淨業生。廣運三樂所生起故。

經諸仁者。至發心求證。贊曰。下。結成勸有二。一勸證果。二勸修因。或初勸證佛身。後勸修報化因。此初文也。皆應發心求當果證。或理不可生。但求證會。舊文唯一。無此二殊。

經汝等欲得。至三菩提心。贊曰。此勸修因。因即菩提心。或勸修報化因。報化因者。菩提心是。欲得此身斷諸有情煩惱業病。乃斷四大違損病者。當發無上正等覺心。正等覺心。二利因故。得佛身者自利。斷他病者利他。經是無垢稱。至三菩提心。贊曰。此下第三明利益。

聲聞品。此下二品。別叙音權。權有二。一權化聲聞。二權化菩薩。權巧示疾。希問濟生。佛命聲聞。

①惑=惑 ②位=住 ③諸=諸 ④危=危 ⑤顯=顯 ⑥古=古 ⑦級=級 ⑧抱=抱 ⑨抱=抱 ⑩況=以 ⑪坑=坑 ⑫亭=亭 ⑬主=主 ⑭常=常 ⑮大=大 ⑯三=三 ⑰如=如 ⑱十=十 ⑲為=為 ⑳為=為 ㉑本=本 ㉒註=註 ㉓智=智 ㉔方=方 ㉕方=方 ㉖推=推 ㉗顯=顯 ㉘遠=遠 ㉙集=集 ㉚修=修 ㉛乃=乃 ㉜本=本 ㉝註=註 ㉞卷=卷 ㉟三=三 ㊱音=音 ㊲十=十



經憶念我<sub>田</sub>者至宴坐樹下贊曰下顯窮詞  
文皆有二初陳已事後顯他詞此初文也若  
作晏<sub>鳥間反</sub>默也今爲<sub>田</sub>晏<sub>鳥見反</sub>安也入滅盡定  
以有漏六識起必勞慮厭患彼故今令不行

故不多申。聲聞宴坐。不現顯三界之心。如來滅定。有漏之身亦滅。所以捨無常色。獲得常色。受想行識。亦復如是。其入寂定。名真宴坐。佛教初學。但滅其心。身相不亡。非真寂定。半許半非。故言不必。中百義旨。空理義云。二乘不得色心相空。故隱身於林。○滅定

空理義云：二乘之人，觀心性有內住六根。外攀六境，爲息此故，入於寂定。菩薩知心性而非有，因而達根境皆空。而名息分別之心，故不住內外。名眞冥坐，應理義云：二乘觀境，不過內外。內謂六根，外謂六境。此十二處，攝一切法。緣此之心，能爲厭患，至都盡位，名爲

一七八二 說無垢稱經疏卷第三本

入定。故諸教云。作非想相而入滅定。菩薩入寂。但觀無相真理而入。不緣內外。而成滅心。名真冥坐。故諸教云。依無相界相而入滅定。又云。住真冥。止息攀慮。不遊內外。離安立相。名真冥坐。

經住三十七。至是為冥坐。贊曰。第五非理。三十七菩提分法者。證覺正因。故言分法。空理義云。二乘不能即邪為正。故捨邪入正。名為冥坐。菩薩即邪為正。故住覺分。不離見趣。名真冥坐。應理義云。見趣者。薩迦耶見。邊執見。見取。戒取。邪見。此五見意況名見趣。或復五見所歸趣處。即外道等趣。二乘住覺分。不能化諸外道之惡見趣。故名為離。菩薩內住分法。外化群。邪。名為不離。名真冥坐。舊云。於諸見不動。而修行三十七品。此義便非。何名真滅。

經不捨生死。至是為冥坐。贊曰。第六非理。空理義云。二乘不能即縛為解。故斷縛已。而捨生死。證涅槃已。而有所住。應理解云。菩薩雖同凡夫。不捨生死。由大智故。而亦不同。故無煩惱。雖同二乘。證於涅槃。由大悲故。而亦不同。故無所住。二乘不爾。若捨生死。即斷煩惱。若證涅槃。而必住之。故說菩薩名真入寂。舊云。不斷煩惱而入涅槃。今言無煩惱。其理甚乖。亦可言留惑故不斷煩惱。證無住處。名入涅槃。

經若能如是。至佛所印可。贊曰。此結非也。能有前德而冥坐者。契順正理。佛所印可。具足行故。如無前事而入寂者。非佛印可。偏小

●行

經時我世尊。至詣彼問疾。贊曰。此中第三。結答詞由。卑躬請退。

經爾時世尊。至問安其疾。贊曰。下文有二。此初命也。梵云摩訶沒特伽羅。此云大探菽氏。者菽豆也。氏謂氏族。上古有仙。常食。緣豆。是彼苗裔。故名大探菽氏。此及舍利子摩訶迦葉等。所有因由。並如彌勒上生經疏上卷說。

經時大目連。至詣彼問疾。贊曰。下辭不堪。文中有三。初總陳道屈。次別顯理窮。後結答詞由。卑躬請退。此總陳道屈也。目連外彰詞理。不能內契亡言。雖說我空。不能說法非有。因斯被屈。故答不堪。

經所以者何。至演說法要。贊曰。下顯理窮。文中有一。初徵後顯。顯中復二。初陳已事。後顯他詞。此初文也。衢者道也。四方。道路。名四衢道。舊云里巷。

經時無垢稱。而作是言。贊曰。下顯他詞有二。初陳其執。後正陳詞。此初文也。

經唯大目連。至應如法說。贊曰。下正陳詞。此文有四。初總非。二却詰。三別非。四陳益。

八百居士發心等是。舊文唯三。無此却詰。不當應如尊所說者。意言如尊者說法道理不當。當契也。言不契理。名為不當。空理義云。法理本空。聲聞說有。故言不當。應理義云。法無二我。性離言故。彼說法有。仍非離言。故云不當。夫說法者。如法說故。

經時我問言。如法說耶。贊曰。此却詰也。

經彼即答言。至前後際斷故。贊曰。下別非也。於中有二。初顯二無我道理。後夫說法者

下。明說法道理。初中復二。初明無我。後結無我。法相如是。豈可說是。明無我中復二。初明衆生無我。後明法無我。此明衆生無我也。三世五蘊本無有我。無我計我。我增如垢。汚本性故。過去諸法。本無有情。執為有情。如塵塗染。現在諸法。本無命者。執為命者。增生死故。現壽存活。名為命者。執此實有。即是執有實生死故。或彼執現有生有死。故有命者。今離生死。故無命者。未來諸法。無數取趣。執有現在。前際命根斷已。生於後際六道之中。斷者空無之義。既都無前後實際。何得有實數取趣耶。此四無我。同般若論。亦與勝鬘如來藏章所說四同。空理義云。世俗諦有。可有四種。勝義諦空。何得有四。故說勝義。應說四空。應理義云。世俗諦中。四亦無實。依勝義諦。依他圓成。亦無實四。故依勝義。應說四空。聲聞說法。非陳四有。今況談諸法性離人離法。故說四空。古人倒錯。取新准知。

經法常寂然。至無所緣故。贊曰。下說法空有二十句。空理義云。依世俗諦。法性可有。依勝義諦。法性皆空。然以破諸差別執故。所以別顯。可以下句轉釋上句。俗有相故不寂。真無相故寂然。此境空也。俗有所緣故貪著。真無所緣故離貪。此能緣空也。應理義云。二十句中。分之爲二。初十句顯真如理離所執空。後十句顯依他性離所執空。或二十句皆說真如。真如寂然。滅十相故。真如離貪。無分別心

●云二心● ●邪二邪● ●(若薩陀為故置不捨生死而無煩惱墮入涅槃而無所住)二十二字十● ●行十(故)● ●者數二寂者● ●持二持● ●道二通● ●執二執● ●無此二此無● ●此無● ●(者)一● ●故二說● ●義十(不)● ●古人二舊文●

之所緣故。舊云法離於相者貪相。亦可無妨。初離所緣相。後離能緣相。貪著執著。能緣之心。以無境故。其心亦無。

經法無文字。至波浪思故。贊曰。空理義云。俗有言語。故有文字。真言語斷。故無文字。俗有思慮。如水波浪。汎濫而起。故有譬說。真離慮思。故無譬說。應理義云。真如言斷。故無文字。真如離俗波浪思故。無譬說也。舊曰。法無言說離覺觀故。波浪思等。即覺觀故。

經法遍一切。至行動事故。贊曰。空理義云。俗不如空。有性不遍。真理性空。故遍一切。俗有行動屈申等事。故有顯色。亦有表相。亦有形色。真無行動屈申等事。寧有顯相形色等耶。應理義云。真如如空。性無罣礙。故遍一切。亦無行動屈申等事。故無顯相形色等事。相者表色。古經二文皆少不同。初如虛空說無形相能遍一切。後畢竟空言無戲論。戲論即是顯相形色。畢竟空者。無行等故。

經法無我所。至離心識故。贊曰。空理義云。俗執有所。故法有所。真中無執所。故法無我所。俗有心識。法成所了。真無心識。法無所了。應理義云。真如非我。所以離我所。故諸論云。無攝受真如。非我執等所依取故。真如非所了。離心識境故。心識分別。故真非境。或無能了。離心識故。

經法無有比。至不在緣故。贊曰。空理義云。俗有待法有比。真無待故無比。俗中有緣故屬因。因所得故。真中無緣故不屬因。因緣生法。皆說空故。應理義云。真如妙無比。更無有

物可相待故。真如不屬因。非緣所得。非因生故。名不在緣。

經法同法界。至無所隨故。贊曰。空理義云。俗執法有。不同法界。真諦之中。一切等入真法界故。並同法界。一切皆空。俗有所隨。不隨於如。隨於有故。真諦無隨。不隨有故。並隨如空。應理義云。下之十句。明依他起無所執空。并以依他攝歸真如。依他起性。法同法界。攝相歸性。入法界故。不同所執分別妄有。古云。入諸法故。法界法也。示隨於如。無如所執而可隨故。

經法住實際。至不依六境故。贊曰。動者亂動。真實邊際。名為實際。無倒所緣義。空理義云。俗有所動。不住實際。真無所動。故住實際。俗依六境。故法動搖。真如不依六。故無動搖。動搖者可壞可毀可倒。應理義云。依他住真際。隨於實際。竟不動故。古云諸邊不動者。諸邊執見不能動故。依他亦無動搖。隨於真如。不依六境故。

經法無有法去來。至增減思故。贊曰。空理義云。俗有所住。有去有來。真中無住。何去何來。俗有增減之思。故不順空。執為有故。有損減思故。不隨無相。不應無願。發為無故。真中無增減故。順法空無損減故。隨無相。應無願。應理義云。依他隨真。亦無去來。無所住故。去者過去。來者未來。由無現住。便無去來。若有所住。去來便依他。不隨無相。應無願。以隨真如。無增減思。故能順空。隨無相。應無願。古云。法無增損。乍似別牒。准此新

文。乃釋上義。古法離好醜。新文所無。理外加之。不知何也。

經法無取捨。至身意道故。贊曰。空理義云。俗有生故可取。有滅故可捨。真無生滅。何取何捨。道者通生之義。根與境為道。俗有六根。為能執藏。故六境之法。成所執藏。真非六根之所藏。故法無所執藏。超六根道故。應理義云。依他隨真。無取無捨。離生滅故。亦無能執藏。超過六根。非愛境故。非非所執藏。古云。法無生滅。初句可成。法無所歸。之者所執藏義。然不釋所由。

經法無高下。至畢竟斷故。贊曰。空理義云。動轉者形待義。戲論有虛妄分別。俗非不動。法有高下。真無動轉。何高何下。俗中戲論不斷故。是分別心之所行。真中戲論畢竟皆斷。故離一切分別所行。應理義云。依他隨真。無高無下。住不動故。亦離一切分別所行。分別戲論畢竟斷故。古云法離一切觀行。此言分別所行。分別觀行也。應理義中。或二十句。皆說真如勝義諦法。不如分別心之所執。亦不如彼所言說性。皆說無。非真如體性亦成空。且前且隨殊勝義說。不達理也。此二十句。應為十對。一一權思。恐厭文繁。故略而止。

經唯大目連。豈可說乎。贊曰。此結無我。空理義云。勝諦中。法性空如。是豈可如言說之者乎。應理義云。法體雖有。不如分別及所言說之自性有。豈可說乎。

●(相)十相● ●若二者● ●者● ●汎一沈● ●日一云● ●古一舊● ●法一心● ●真一真● ●真一● ●所二故● ●股十(可龍)● ●(法)一● ●(不)一● ●便十(成有增損思故執所執有不順空有損減思故無)● ●二十字● ●(成有一無)二十字● ●非所執二非所● ●所執一● ●之二歸● ●有二者● ●離二離● ●性十(故)● ●前十(制)● ●勝十(義)● ●如二知● ●(去謂)一●

說法道理。於中復二。初汎說說聽道理。後尊者目連下。勸如法說。空理義云。真諦本空。說聽爲有。皆名增益。俗諦本有。若言無空。便成損減。或總不稱真法自性。名爲增損。應理義云。法外分別及起言說。名爲增益。如長法故。成唯識云。能證所證。俱非自相。但依增益。相似而轉。似謂增益。非實有相。諸法自相假智及證。俱非境故。言無法體。名爲損減。撥無體故。或增所執減無二性。舊云無說無示。無聞無得。俱不正成。無此文故。

經若於處是。諸了別。贊曰。此成正理。若證法智。證會法體。無增無減。即一切法。都不可說。古云無說無示。若聽者智。證會法體。無增無減。亦不可聞。何所了別。言我了耶。此中有疑若。法說者。及與聽者。皆有增損。佛如何說。諸大菩薩云。何聽耶。故釋顯之。經尊者目連。乃可說法。贊曰。下勸如法說。初釋疑示說相。後勸應修。譬如能幻化之士。夫爲幻化者。宣說諸法。假人假名。爲假聽者。假說諸法。都無少實。但爲機喻。故離增減。故佛說法。菩薩能聞。不知分別所說自性而起執故。

經應善。子知。大悲現前。贊曰。下勸應修。有八種事。此中有三。一。知生根。二。慧達諸法。無所罣礙。聖者障義。礙者拘義。三大悲現前。經說大。乘。至。應說法。贊曰。此有五句。四讚大。乘。五念報佛恩。六自意樂淨。深信勝解故。七法詞善巧。於法善巧。法無礙也。詞善巧者。詞無礙也。或法詞者。說法之詞。辨才

無滯。八爲三寶種能紹隆故。具此八種。乃應說法。聲聞無此八種事故。不應說法。一一翻之。義可知也。舊經有六。無意樂淨法詞善巧。經世尊。至。正等覺心。贊曰。第四陳露。當彼請時。徒衆獲益。

經時我世尊。至。詣彼問疾。贊曰。此即第三。結答詞由。卑躬請退。我時不報。故言默也。不能識解此所說。解名無辨也。經爾時世尊。至。問安其疾。贊曰。白下第三。命大迦葉。文亦有二。初命。後。辭。此初命也。摩訶迦葉波。此云大飲光。上古有仙。身皮金色。能飲日月之光。迦葉是彼之種。又大迦葉。身亦金。光。飲。譬。日月。故名飲光。說此因緣。如彌勒疏。說無垢稱經疏卷第三末

### 說無垢稱經疏卷第三末

經大迦葉波。至。詣彼問疾。贊曰。下。辭有三。此總陳道屈也。迦葉偏濟貧苦。不能等施。慈諸相猶存。不能事事無相。因斯被屈。故答不堪。

經所以者何。至。而循乞食。贊曰。下文第二。別顯理窮。初徵後顯。顯中復二。初陳已事。後顯他詞。此徵及陳已事也。遊貧陋巷而順乞者。貧苦不修。所以亦貧。恐當更貧。故勸之。富既不然。故不從乞。富多盈溢。乞乃順已而豐饒。貧事皆無。隨乞乖情而儉得。本以資身

利濟。不希益已。繁。故遊貧巷。蓋乃有由。次第行乞。故名修也。

經時無垢稱。而作是言。贊曰。下顯他詞有二。初陳至軌。後正陳詞。此初文也。

經唯大迦葉。至。從于貧乞。贊曰。初陳事非。次陳正理。後總結勸之。此初文也。從貧乞時。今當富樂。慈也。拔其貧苦。悲也。此唯濟貧。捨於豪貴富。故言不普。

經尊者迦葉。至。應次行乞。贊曰。下陳正理。文復有二。一。陳乞者。二。陳施者。陳乞者中。文復有三。初破六相。次防六根。後明證理修因。初破六相者。一。破偏行。二。陳食想。三。遺村坊相。四。壞城邑相。五。趣佛家相。六。破著相。此破偏行也。唯從貧乞。貧當可富。不從富乞。富當可貧。故住平等。應行乞食。舊經無六。唯四。闕入城邑及趣佛家。

經爲不食故。至。應行乞食。贊曰。下除食相。迦葉見有食相。唯以資身爲濟貧。故次行乞。今以三義而教行乞。非但爲資身等。一。爲至佛位。得菩提時。尚不須食故。而行乞食。資法身也。二。爲壞昔來生死食執。而應乞食。破生死也。故經說云。食段食時。如曠野子肉等。三。爲受他施。今他檀度得修滿故。而行乞食。此三因中。初自六度。因。次除生死縛。後他六度滿。爲此三義故行乞食。舊文第二爲壞和合相。除食執也。食是三慶和合相故。第三爲不受故應受彼食。今在空聚相文後。舊經與新次第不同。脫無此中第三句。經以空聚相。至。入諸城邑。贊曰。此中有二。

○說一演 ○如一加 ○加 ○相似二似相 ○俱不二俱下 ○但下 ○處是二處處 ○諸一無所 ○法一諸 ○諸 ○幻 ○以 ○幻 ○知二如 ○子二了 ○二讚 ○(乃)十應 ○乘二非小 ○解二義 ○光二色 ○聚二散 ○辭二詞 ○慈十(悲) ○爾二爾 ○提二攝 ○益二益 ○(總)一 ○家二家 ○陳二除 ○色二色 ○因二因 ○合二食 ○合 ○

一遣村坊相。二壞城邑相。入諸村坊聚落之所。想如空聚。勿見村坊。由他見我思念三寶。息惡務善。有十利益。故入城邑。利此衆生。非爲餘故。

經趣佛家想。應受彼食。贊曰。中有二。一佛家相。二破著相。佛家者。佛法界入施。主家。作入真理無相無爲之家想也。爲破執著故受彼食。爲不受者。爲不著也。又三輪淨。三事體空。名爲不受。能受所受。皆名受故。上破六相。下防六根。舊經錯此。於上已說。

經所見。至如智證。贊曰。下第二文。防塞六根。此防五根。見色如盲。不見好惡。寧生愛恚。聞聲如響。不是實聲。誰讚毀者。嗅香如風。無所臧否。誰可增惡。所食味不分別其苦酢甘辛。誰爲可斷。誰爲可棄。受諸觸境。如智證理。不可談說。分別其相。誰爲滑澁。故防五根。今過不起。

經知諸法如幻相。無有寂滅。贊曰。此防意根。識達緣起。由此便成苦樂一味。知諸有爲如幻之相。都不是真。假因緣起。無自作用。不從自。生故。無有自性。無他作用。不從他生。無有他性。不從共生。無自他性。雖無此三。作用因緣。而有功能。緣可得故。由此說無實熾然生死。亦無寂滅涅槃。二皆一味。故俱平等。何得意識種種分別。古經云。本自不然。元無生死。今即無滅。亦無涅槃。義意同也。

經尊者迦葉。然得可食。贊曰。自下第三。明證理修因。於中有二。初明平等。後結可食。此初文也。初中復二。初理均。二事均。八邪邪

者。外道凡夫所起。邪見。邪思。邪惟。邪語。邪業。邪命。邪念。邪定。邪精進。八解脫者。佛法聖人所起。一有色觀諸色。二內無色觀外色。三淨解脫身作證。四空處。五識處。六無所有處。七非想非非想處。八滅盡解脫。此八解脫。如前已說。不捨八邪者。隨順外道而亦起之。爲折伏故。入八解脫。正順真道。又邪正理均。以邪平等諸法。入正平等法性。平等法。性即真如也。此上並是應理之義。空理義云。境本空故。所見色與盲。緣起非有。故如幻相。諸法無二。生死涅槃。二俱平等。邪正不殊。故以邪平等。能入正平等。此皆真諦。一切無相。皆性空故。上明邪正理均。下明供養事均。以一博食。奉施十方佛及賢聖。以修心因平等行故。此行雖少。得果無邊。

經如是食者。爾乃可食。贊曰。此結可食。不住染淨。不住定散。不住昇沈。名不住道。有障名難染。無漏名離染。無漏已圓故。非有難染。現起有漏故。非離難染。舊云煩惱。非也。外行利他事。非入靜定。常心不亂。非出靜定。大智成滿。已得涅槃。非住生死。大悲已滿。常利樂故。非住涅槃。得此不住。爾乃可食。此應理義。空理義云。以真諦中無相可相。故非有難染。不棄世諦。利衆生事。非離難染。乃至生死涅槃。二俱不住。住此真諦。不捨俗諦。爾乃可食。

經諸有施於尊者。不趣聲聞。贊曰。上陳乞者。上陳施者。不著自體。不著果報。不著報恩。名爲施度。故無當來人。天二乘小果菩薩

如來大果。不起邪見。謗無因果。不信心施。名無損。滅不起虛妄執著我法。名無增益。趣佛趣者。涅槃真如。由三事空。而行施時。趣此佛趣。大般涅槃。真如佛性。不趣聲聞。

經尊者迦葉。他所施食。贊曰。此下第三結勸之也。依上所說。破六相。防六根。入平等因。嚴叙大故。爲不空食。可爲福田。自他咸利。若有六相。不防六根。不入平等。因行既周。乃爲空食。非真福田。自他俱損。經時我世尊。深起敬心。贊曰。此第三大。結答詞由。卑身請退。有五。一明聞勝法。乃得未曾。二顯於菩薩敬心深起。三歎其智辨。四顯已進益。五總結結答。此初二文。

經甚奇世尊。三善提心。贊曰。此歎智辨也。歎其居俗有家業之士。乃能至此。若出家人。不可驚歎。容豫進修。是已分故。誰有智者。聞斯妙法。不發大心。

經我從是來。詣彼問疾。贊曰。此顯已進益。及總結結答。經爾時世尊。問安其疾。贊曰。下第四段初命問也。梵云摩訶蘇補底。此云大善現。應之佛世。善能現生。或宿發大願。善能現前。了達空義。或舍衛城中。有大長者。名曰拘留。祈天而得。初生現時。其室空寂。相師占之。名爲善現。現者生也。生時室中一切空寂。表其長大善解空義。故名善現。

經時大善現。詣彼問疾。贊曰。此總陳道屈。善現雖事平等修。行乞食。未證空法。理猶未等。雖事無諍。入里乞食。證理無諍。尙猶

①他十(是) ②(此)十中 ③相二想 ④主二至 ⑤受二食 ⑥見十(色) ⑦[從]一 ⑧生二性 ⑨無十(實) ⑩古二二  
⑪得二後 ⑫邪二耶 ⑬百十(等) ⑭(等) ⑮滅二滅 ⑯成二滅 ⑰局二局 ⑱大二文  
⑲拘二物 ⑳拘二

未圓。所以被訶。故答不堪

經所以者何。至次入其舍。贊曰。下別顯理窮。初微後顯。顯中有二。初陳已事。後顯他詞。此微及顯已事也。

經時無垢稱。而謂我言。贊曰。下顯他詞有二。初明至。執後正陳詞。此初文也。

經尊者善現。乃可取食。贊曰。下正陳詞。於中有六。一陳等理。二顯自迷。三明他慰。四彰已答。五述他教。六成利益。初文復四。一顯法佛平等。二顯縛解平等。三顯邪正平等。四顯善惡平等。此初文也。食有四種。如前已說。空理義云。此平等性。即勝義空。以食是因緣之本故。寄食以爲言。以食空理。入一切法空。食爲別法。餘爲總法。二俱空故。以一切法空理。入佛空理。離此空外。無別佛空。達解此空。心無滯著。事平行等。及與無淨。乃可取食。善現未證此空。心有滯著。不等有淨。如何取食。應理義云。此平等性。即真如理。解食真如。即諸法真如。解一切法真如。即佛真如。從微至著。達解平等性。證理智生。心無執著。爲利益故。外行平等。及與無淨。乃可取食。不爾云何。虛食所食。舊經以食與法二平等性。展轉相等。而無佛平等性。闕理違文。

經尊者善現。入一趣道。贊曰。此下第二縛解平等。凡有九對。此中有二。一善不善相對。二我無我見對。空理義云。心有分別。縛解爲二。證真諦故。心言分別縛解無二。皆理空故。應理義云。不斷不善根。示現現行有大利故。如滿足王示現教等。實不令與俱。薩迦邪

見。此名僞身見。我見也。不壞我見者。示現起故。求大菩提。度有情類。皆爲我故。然入無我一趣之道。無我之理。名爲一趣。三乘行者。其所歸故。道者能緣。即無我見。不斷我見。證無我見。入者悟義。舊云。不壞於身者。身見也。隨一相者。無我見也。無我見中。更無二故。經不滅無明。至及以解脫。贊曰。此中一對。難染得淨。對無明發業因。有者三有。愛謂愛取。有愛。正爲潤生之緣。此爲生死縛根本故。順諸衆生。不捨生死。故云不滅。雖不滅無明。而起無漏智明。雖不滅有愛。而起解脫。解脫者。離潤生緣。證無爲理。勝解數也。所證真理。名解脫故。即是涅槃。

經能以無間。至平等法性。贊曰。此中一對。謂苦樂對。無間者。無間地獄。舉一極苦之處。解脫者。涅槃極樂之處。以極苦真如。入極樂真如。體一味故。舊云。以五逆相而得解脫。應言五逆果之相。入解脫之相。即真如故。經無脫無縛。至離異生法。贊曰。此有三對。一解脫縛對。無漏名脫。有漏名縛。證得涅槃名無縛。不捨生死。名無脫。二證不證對。實見諦名證。故言非不見。不見名不證。證理之時。無見相故。三果非果對。聖名得果。順住生死。不一向住果。故名非得果。非聖名異生。已證真道。非異生故。常教化此。樂起煩惱。故言非離異生法。得果異生。雖爲一對。顯大悲者。順生生死。死於異生中。重言不離。經非聖。乃可取食。贊曰。此中二對。一凡聖對。大悲順凡。名爲非聖。已證出世。名非不

聖。二證離對。證一切法故。名爲成就。斷彼法想。分別執故。名之爲離。上說因緣法。故爲此解。或此皆說遍計所執空無常等。或此但說圓成實性。真理平等。理亦無達。

經若尊者善現。乃可取食。贊曰。此下第三邪正平等。空理義云。世俗諦中。邪正有二。捨邪歸真。勝義諦中。邪正無二。何捨何歸。應理義言。般若經云。以色見我。以聲尋我。彼履耶斷。不見如來。同體三寶。不可見聞。不可供事。舊經無僧。六師外道。佛得菩提。勝方便緣。汝若同佛。以之爲師。彼由邪見。實墮惡趣。汝惑彼故。亦墮惡趣。而行救濟。同如來者。乃可取食。以大善現捨彼六師。不能隨學。不惑衆生。隨墮惡趣。見有三寶。不證同體。故今何之。六師者。一滿迦葉波。迦葉波是性。滿是名也。古云富蘭那迦葉。即斷見外道。亦云空見外道。二末薩羯離。瞿舍離子。末薩羯離是其自名。瞿舍離子。是其母名。末薩羯離是瞿舍離之子。以母別之。古云末伽梨。拘除梨子。即常見外道。三想吠多子。想是自名。吠多是母名。彼兒曰子。如舍利子。古云刪闍夜毘羅祇子。即苦行外道。彼說衆生所愛生死。皆因著樂。善修苦行。便得解脫。四無勝髮揭。無勝名也。垂髮被褐。故言髮揭。古云阿着多。超舍欽婆羅。即自然外道。說一切法皆自然生。五韋迦衍那迦衍那。是姓。韋者是形。頂上。有韋猶如牛頭。故以爲名。古傳云。迦羅鳩歇迦旃延。此是事大自在天之者。說大自在天能生諸法。大離繫親子。此尼乾子也。

聖。二證離對。證一切法故。名爲成就。斷彼法想。分別執故。名之爲離。上說因緣法。故爲此解。或此皆說遍計所執空無常等。或此但說圓成實性。真理平等。理亦無達。

●執二執 ●初二即 ●淨二淨 ●食二空 ●見二見 ●得二得 ●[無間者]一 ●[縛]一 ●名二苦 ●名一 ●生二住 ●[元]一 ●[他]十於 ●不二非 ●達二道 ●不十(能) ●何二何 ●亦二又 ●離二離 ●利二離 ●指二均 ●拘二拘 ●即二則 ●則二則 ●則二則 ●有氣一封

執其本師修苦行。名為離繫。是彼所生。故名親子。此是宿作因外道。說一切法皆是宿世已作其因。今不作因。便吐故業。即得解脫。古云尼捷陀若提子。此之六師。有說是佛捨國出家。詢所投趣。教化於佛。行苦行師。故偏說之。然辭頭藍子。教佛得悲想定。阿藍迦藍。教佛得無所有處定。此等教佛修樂行師。非此所說。不全邪故。

經若尊者。離於清淨。贊曰。此下第四善惡平等。今有十一句。此中有三。空理義云。心有拘滯。善惡有二。可有離惡務善差別。善惡不二。何離何務。總意如此。更重釋者。此十一句中。汝須善提。若善惡平等。悟解空者。既無分別諸見可斷。何不墮諸見趣。而不至中邊二道。而今有斷諸見至於中耶。若無惡道可厭。何不墮諸八難。而得無難。若無難染可斷。何不不同難染而離於淨。若無聖行可證。何不不同得無。譯非清淨田。若無善惡之因。何不施者墮諸惡道。若無邪正二師。何不共魔連手。若無煩惱惱亂。何不以此彼為伴。若無善惡法別。何不煩惱性即尊者性。若無慈悲道異。何不於有情起怨害想。若無三寶良田。何不謗佛毀法不預僧數。若無生死涅槃差別。何不畢竟無涅槃時。汝既不然。未證平等諸法體空。云何虛食。若能如是。乃可取食。應理義云諸見趣者五見。為化斯類。故常墮中。不同凡夫常斷邊執。不同二乘常。至道中。舊云。入諸邪見。不說見趣。不到彼岸。不說中邊中邊者。彼此岸義故。二入八無暇。處在八

難。教濟衆生。區區終日不得有暇。三順化生死。同諸難染。不住涅槃。同於清淨。

經若諸有情。清淨福田。贊曰。此中一句無淨有二。一理無淨。二事無淨。事無淨者。凡所舉意。皆類觀彼勿同見我煩惱暫生。須善提得最第一。恒令衆生不起煩惱。理無淨者。無想真如。由證理無淨。事方無淨。此二無淨。一切有情及與尊者。若時皆得。仍俱不名清淨田。不見實有福田性故。三輪淨故。菩薩能如是。聲聞所不為。

經諸有布施。作其伴侶。贊曰。此中三句。一施食者。後得聖道。能墮惡趣。化苦衆生。非田施故。而成大罪。墮惡道也。二其施食者。而以尊者共魔連手。朝夕不離。能降伏之。舊云。作諸勞侶。作諸生死劬勞伴侶。非出世友。三行住坐臥。恒斷煩惱。曾不捨離。故為伴侶。菩薩恒以分別而為煩惱。故當斷之。舊經無此。

經一切煩惱。起怨害想。贊曰。此中二句。一煩惱自性即是真如。同尊者性。二如無異。二於有情起怨害想者。怨者對也。自修妙行利生為對。害者斷也。殺也。斷諸衆生煩惱業果生死流轉。恒建是想。如攝大乘說十難行。謂諸菩薩。殺諸衆生生死流轉。衆生不與菩薩強攝。取名不與取等。此亦如是。舊經云。汝與衆魔及諸魔等。無有異者。法性無異。經諸子諸佛。乃可取食。贊曰。此中二句。一謗佛者。說色聲佛。非是真佛。說法身理。方是如來。二乘等說色聲形相以爲真佛。故今

謗之。名為謗佛。二毀諸法者。毀罵生死一切惡法。又說真如名為真法。四諦理法。名非真法。二乘說彼非真。說是究竟法故。名爲毀法。不預僧者。剃髮染衣乞食淨戒羯磨等。同名爲僧數。常處生死。隨類化生。不拘彼相。名不預數。二畢竟無有般涅槃時。菩薩發願度衆生盡。方入涅槃。以衆生界無盡期故。菩薩畢竟不入涅槃。二乘身盡即永無矣。或總爲十句。此中二句。合爲一故。若能具上諸所說義。是大菩薩。乃可取食。真福田故。不爾如何虛受人食。此說平等。皆是密語。如契經言。覺不堅爲堅。善住於顛倒等。願意無別。然上義門。依計所執。真如妙理。依他虛幻。唯識無想。真如法門。二俱平等。故作此說。前解且依因緣法門。故不違也。

經時我世尊欲出其舍。贊曰。自下第二顯其自迷。譬如有人。在路而行。爲極重暗之所拘礙。迷失諸方。我時無知。覆我心故。不識此。是何之言。不知何答。便捨自鉢。欲出其舍。經時無垢稱至取鉢勿懼。贊曰。下第三明他慰有二。初慰後問。此慰也。

經於意云何。寧有懼不。贊曰。此問彼也。若佛化作化人來問。寧恐懼不。我又法身如來所化。問斯何懼。

經我言不也。贊曰。四彰已答。化人有問。我曾不懼。

經無垢稱言。性相亦示。贊曰。五述他教。於中有二。初勸勿懼。後示正理。初中復二。初合前化相。後勸勿懼。此初文也。所詮諸法。皆

● 經一非 ● 耶二取 ● 耶二邪 ● 而二不 ● 離二隨 ● 類十此 ● 至二住 ● 區區二通 ● 皆二骨 ● 田二由 ● 田一 ● 隨二望 ● 二二一 ● 取一 ● 千二千 ● 來十名爲謗佛 ● 區區二謗佛二 ● 二乘一 ● 十名爲毀法二乘 ● 名爲毀法一 ● 二覺 ● 是十說 ● 示二 ●



如幻化。本非真故。能說衆生及證言說亦爾非真。

經諸有智者。亦無怖畏。贊曰。此勸勿懼文字如幻。智者不執以爲眞實。若聞文字。亦無怖畏。汝既智者。何所怖哉。

經所以者何。皆離相性。贊曰。下示正理有三。初言離相性。次文字亦離。後結成諸法。此初文也。徵何所以不懼文字。空理義云。勝義性相。皆體都空。言說妄起。故離空性。不稱理故。何所懼乎。應理義云。勝義性相。體有離言。假立名言。非稱法性。故諸言說。皆離性相。既是虛假。何所怖也。

經何以故。至是。別解脫。贊曰。文字亦離也。空理義云。不但所說法空無性。離文字。名字語言亦離。應理義云。不但所詮無有諸法相性。離言。言亦離。言。或此非唯言理離性。依之文字亦離性相。於一能詮音聲之上。極略相名字。中相名。廣相名句。皆假施設。體都非眞。法既非法非非。言亦非言非非。言既非言非非。言亦非言非不文。遮定文字。故唯言非。一切法中。離言之事。即依他起。離言之理。即是解脫涅槃眞如。空理義云。一切法及文字空。即是涅槃解脫體也。

經解脫相者。即一切法。贊曰。結成諸法也。空理義云。解脫涅槃。即一切法本空性故。應理義云。一切法中。離言之理。即是解脫。解脫即是諸法本體。故名爲即。舊經於此。唯有言說性離。不言法性於文字也。

經世尊。至得順法忍。贊曰。六成利益有二。

初得小果。二萬天子。遠塵離垢。得法眼淨。證預流果。如論具釋。後得大位。五百天子。得順法忍。有言初地。得順正教法之忍故。有言八地。舊經無之。法眼淨者。有言初地。此違論文。遠塵離垢。說小果故。今正義解。無生法忍。得在初地。今得順彼忍。正在地前。善根忍位。有漏位忍。順慧忍故。或五忍中第三順忍。四五六地。順爲出世道故。

經時我默然。詣彼問疾。贊曰。結答詞由卑躬請退。吾既神氣頓喪。今者何敢對揚。

經爾時世尊。問安其疾。贊曰。自下第五命滿慈子。初命。後詞。此初命也。滿者名也。慈是母姓。此滿尊者慈所生故。名之爲子。梵云梅呬利耶。此云慈。其母是婆羅門種。上古有仙。每習慈行。因承彼後。以慈爲姓。母之無子。所在求娠。後夢寶器盛滿珍玉。置其腹邊。欬然入腹。後向夫說。云必天與。爲大寶器。果而有娠。便生此子。後相師占。因名爲滿。長大能誦毘伽羅論。慈行亦圓滿具足之寶器故。後得出家。成阿羅漢。論議辨才最爲第一。故佛命之。

經時滿慈子。詣彼問疾。贊曰。下辭有三。此總陳道屈。滿慈說法。利諸新學。說小非大。不識心機。既被背訶。所以詞退。

經所以者何。至茲芻說法。贊曰。下顯理窮。初徵。後顯。顯中復二。初陳已事。後顯他詞。此徵及陳已事也。新學初機。由來智隔。故脫小法。令漸隨之。

經時無垢稱。而作是言。贊曰。下顯他詞有

二。初明至軌。後正陳詞。此初文也。經唯滿慈子。置於寶器。贊曰。下正陳詞有

二。初責彼不當。後令其進益。時無垢稱便以如是勝三摩地下。是初中復二。初責不識今。後責不識昔。尊者滿慈是諸苾芻。皆於往昔下。是初責不識今中。有三。初責不識心。次責不識意樂。後贊不識根。三輪化中。第二記心輪。已入法者。以他心智。先觀其心。後爲化說。觀心是總。十力智中。亦種種勝解智力。故

先責不識心。即爲說法。前目連中。已言應知根性差別。讚說大乘故。言滿慈先自入定。觀彼之心。彼心行大。猶如寶器。爲說小乘。如置穢食。

經應先了知。至賤水精。贊曰。此勸知意樂。意樂信解大乘法故。大乘意樂。如瑠璃寶。小乘意樂。如水精珠。今將大機。謂是小器。故以瑠璃同水精也。前以小法投大心故。如以穢食置於寶器。今以大心同於小心。故以瑠璃同水精。舊言心念。即意樂也。

經尊者滿慈。至根所受。贊曰。下責不識根有三。初責不識根。次顯責所以。後顯大小二乘由來懸別。此初文也。勿者莫也。莫不觀根而授小乘。小乘是彼少分根性所受之法。自利非他。小行非大故。舊文稍殊。義亦無別。

經彼自無瘡。至莫爾爾小徑。贊曰。此顯責所以。所以有二。一發小乘心。如瘡如疣。敗壞喪名不濟他難。他無此意。授小乘故。彼無瘡勿傷之也。二彼根利大。求行大乘之道。故莫示以小乘之經。令其錯學。一損他。二誤他。由此

以

●皆體二性皆力 ●子二款 ●別二則 ●名字語二亦空故 ●定二字 ●體二理 ●或一成 ●順二須 ●敢二敬 ●敢一 ●姓二性 ●姓 ●大二天 ●贊二寶 ●珠二珠 ●珠二珠 ●受二授法 ●爾二示 ●



二共責不知根

經無以日光至同野干鳴。贊曰：此顯大小由來懸別。此有四喻。古有二喻。大乘如日遍照群生。小乘如螢自照不足。大乘法如海深廣無邊。小根如牛跡如塘淺小。大乘如山王巍巍迤出。小根如芥子。偏促卑。物。大乘如師子吼決定無畏。小乘如野干鳴。爲人驚怪。一喻益大。二喻深廣。三喻高顯。四喻無畏。故爲四也。或初及第四。喻大勝小。有大機者。勿授小法。第二第三。喻大勝小。有小機者。勿授大法。應契其機而授法也。

經尊者滿慈。聲聞乘法。贊曰：下責不識昔有二。初明所不識。後明能不識。此初文也。新有求也。此新學者。往趣大乘心求大菩提。未至不退位。中忘是意。如何今者示以小乘。故上經言。勿以穢食置於寶器。

經我觀聲聞。過於生盲。贊曰：下明能不識。初明所有。後明所無。此明有也。聲聞智淺。過於生盲。問曰：勝鬘經曰：凡夫如生盲不見衆色。聲聞如七日嬰兒。不見日輪。如何今說聲聞過生盲也。若見諸理。凡夫不能。故彼經說猶如生盲。聲聞分得。故彼說如七日嬰兒不見日輪。今說聲聞不識根性。故過生盲聲聞於事不能了達。過生盲故非諸理也。經無有大乘根之利鈍。贊曰：下明所無。大乘之士。能有觀於根性妙智。故能分別前根利鈍。聲聞無此觀根妙智。故不知根利之與鈍。如舍利弗教二弟子。金師之子。教以白骨。澣衣之子。教以數息。亦如觀於最下乞兒。

八萬劫前所修善根都不識故。舊文但有。不識之言。無大乘智。

經時無垢稱。宿住。著別。贊曰：下令進益有三。初令憶往事。次教發大心。後令得勝位。初中復二。初總明憶。後別明憶。此初文也。三摩地者。此云等持。即禪定也。以禪定者。顯是神通。宿住智力。令諸慈獨隨憶。住劫。亦有解云。宿世之中。雖通成壞空住四劫。空劫無事。成壞乃是住之初後。唯有住劫。善惡事明。故偏舉之。但名宿住。以攝成壞。今實義者。住非住劫。住於往。有宿世之事。故名宿住。成壞住劫。皆在其中。不須釋妨。舊云。時維摩詰即入三昧。何嘗不入。今始入也。示相今入。三亦無妨難。

經會於過去。至正等覺心。贊曰：下別明憶有四。一值良緣。五百佛所。二發大因。種諸善根。三修大行。積習勝德。四希求大果。迴向菩提。舊文但三。合第二第三爲一故。經隨憶如是。至彼大士足。贊曰：此第二文。教發大心。說諸前事。今踵前心。故能發大。心初入佛法。不解軌儀。創聞妙理。迴惶失錯。故捨出家之正軌。而禮大士之卑足。經時無垢稱。至不復退轉。贊曰：自下第三。令得勝位。不退轉者。今至十住第七住中位不退也。永更不退作二乘故。五戒優婆塞戒經。舍利子。修大乘道。六十劫已。因施眼故。退作二乘。所以法華經名化退菩提心聲聞。令至不退。故知至於第七住也。非信不退。久已信故。亦非證行二種不退。名初學故。

經時我世尊。至爲他說法。贊曰：下顯詞由卑躬請退。於中有三。初彰智弱。次釋所由。後總結之。此初文也。一切聲聞。不識根性。若不自佛。不應說佛。錯逗根機。無利益故。

經所以者何。至如佛世尊。贊曰：此釋所由。諸聲聞人。非常在定。如佛世尊。故不能識諸根勝劣。顯佛恒在定。故能識根。識根要由他心智故。他心智起。必由定故。

經故我不任詣彼問疾。贊曰：此總結也。經爾時世尊。至問安其疾。贊曰：自下第六命大前剃男。初命後詞。此命也。摩訶大也。迦多衍者。此云剪剃。婆羅門法。諱爲剪剃。時爲不淨。以顯垢膩污淨行故。昔有多仙。久居山野。髮鬚繁長。無人爲剪。時有一仙。舊有二子。俱未親父。大者恥污。不肯爲剪。小者慈孝。爲父剪髮鬚。而乃爲法仙剃之。多仙因此還得剪剃。爲剪剃者。諸仙護念。初大富貴。後亦成仙。因以爲姓。今是彼種。故言剪剃。具足威神。簡餘小者。故立大名。那者男聲。其父及身。俱是彼種。以男聲證。簡別云也。西方亦有取母姓故。如滿慈子母婆羅門姓彌勒。故隨其父母好性便取。經迦多衍那。至詣彼問疾。贊曰：下詞有三。此總陳道屈。其隨佛後。說安立諦不契非安立諦。便彼被訶。智辨既卑。故詞道屈。經所以何。至便入靜住。贊曰：下顯理窮。初徵後顯。顯中復二。初陳已事。後顯他詞。陳已事中。初顯所隨。後顯他隨。此徵及顯所隨也。便入靜住者。凡住有三。一聖住。謂三解脱

●共二失● ②偏從二偏從一● ③物二幻● ④勿二自● ⑤有二者● ⑥日二云● ⑦乘十(至)● ⑧漸二流● ⑨者二差● ⑩住二姓● ⑪有二苦● ⑫(二)一● ⑬(值)一● ⑭(心)一● ⑮佛二法● ⑯時二將一● ⑰未親二來● ⑱乃爲法仙剃子● ⑲剃於髮● ⑳剪剃二剃剪● ㉑便十(初)● ㉒以十(者)● 有●

門及滅定。佛住空及滅定。二天住。謂四靜慮。佛多住第四靜慮。三梵住。謂慈悲喜捨。佛多住大悲。今言靜住。謂住空或滅定。依第四定而住。故言靜住。

經我即於後至寂滅義。贊曰。此顯能隨。能隨佛後說妙法故。今說安立諦理之中。初四苦諦理。後一滅諦理。欲令厭苦欣於滅故。決擇者。決了簡擇。解釋之義。五蘊生滅。名無常事。生滅之理。名無常義。義是義理。下皆准知。蘊性逼迫。名爲苦事。逼迫之理。名爲苦義。蘊非實有。名爲空事。非實有理。名爲空義。蘊中無我。名無我事。無我之理。名無我義。諸行寂無所顯之滅。名滅諦事。此寂滅理。名寂滅義。此等五相。皆隨於心之所變。作。名爲安立。勝鬘經說有作四諦也。

經時無垢稱而作是言。贊曰。下顯他詞有二。初明至軌。後正陳詞。此初文也。

經唯大尊者。說實相法。贊曰。下正陳詞有三。初總非。次別非。後明益。此初文也。空理義云。此五實義。本性皆無。性離言詮。非常非無常。非苦非不苦。非空非不空。非我非無我。非寂非不寂。爲遮執常等故。說無常等。非真勝。義中有實無常等。故聖教言。諸佛或說我。或時說無我。諸法實相中。無我無非我。今者定說有無常義。故今詞以。以生滅心行說實相法。應理義云。此五實義。性即真如。緣此之心。無分別智。緣不生不滅真如爲境。今以緣生滅有作諦理。分別心行。說於實相真如之法。甚不契當。故言無以。

經所以者何。至是無常義。贊曰。下別非之五非爲五此非無常。空理義云。俗諦有相。有過去故。有已生已滅。有現在故。有今生今滅。有未來。也故。有當生當滅。以解無常勝義無相。一切都空。三世本無。何有生等。達解此理。常見自。己。故是世俗無常勝義之真理也。應理義云。諸佛畢竟勝義道理。真如之中。本無三世。何處得有過去已生現在今生未來當生過去已滅現在今滅未來當滅。故無生等是真無常之勝義理。不同安立有生滅理以爲無常義。今以真如常理而爲能詮。證生滅無常之所詮義。故云不生不滅是無常義。真如體常。遮常執故。無常顯故。名無常家義。涅槃經云。有苦有諦有實。苦謂苦事。諦謂苦理。實謂真如。聲聞有苦諦。而無有實。不達真如非安立故。唯達安立事與理故。由此真如依詮所顯。爲無常義。

經洞達五蘊至是苦義。贊曰。空理義云。俗諦有苦。以有相故。勝義無相。本性非有。遮執樂故。說之爲苦。故能洞達五蘊理空本無從起是真苦義。應理義云。五蘊性空。即是真如遍計所執空之性故。性非空也。洞達此理。知此本真。無所由起。依詮顯實。名苦之義。苦之實故。

經諸法究竟至是空義。贊曰。空理義云。世俗諦有。勝義諦空。究竟道中。都無所有。此是空義。空者無故。應理義云。諸法之中。究竟真如。無如所執。諸法有故。因空所顯。說爲空義。

經知我無我至無我義。贊曰。空理義云。知勝義諦本相皆無。我無我體。由來不二。爲遮我倒。故說無我。是我無我義。應理義云。知於真如本。離言說分別之相。我與無我。由來不二。爲遮我故。因無我顯。名無我義。

經無有自性至是寂滅義。贊曰。空理義云。其一切法。勝義諦中。無自作用。故無自性。無他作用。故無他性。因緣生法。皆說空故。由此說無熾然生死。生死既無。亦無涅槃。今時無息滅。涅槃既無。故無寂靜之體。亦無煩惱。畢竟寂靜所顯之滅。既爾都無。究竟寂靜之事。故聖教云。設有一法過涅槃者。我亦說爲如幻如化故。此空理是寂滅義。無有實涅槃。而得。由此中百論有破涅槃品。應理義云。勝義諦中。有爲諸法。不自生故。無自實性。不從他生故。無他實性。不從其生故。無二實性。雖無於此作用之緣。唯有功能緣可得故。由此故無熾然生死。生死既無。亦無實滅。真理本滅。非今始滅。亦無有實寂靜自體。煩惱畢竟寂靜之位。能令行者究竟寂靜。此方名爲實滅義。名大涅槃。非如小乘假涅槃也。

經說是法時至心得解脫。贊曰。此明益也。得阿羅漢。義如前釋。

經時我世尊至詣彼問疾。贊曰。此顯結詞。由卑躬請退。

經爾時世尊至問安其疾。贊曰。自下第七。命大無滅。初命。後詞。此初命也。梵云阿泥律陀。此云無滅。相傳釋云。八萬劫前。曾爲供養。

一辟支佛。所得善根。于今不滅。故名無滅。又臂喻經云。毘婆尸佛入涅槃後。阿泥律陀。曾入佛堂。以爲劫賊。見燈將滅。遂抽一箭。挑燈便明。見佛威光。面色毛豎。急言他尙施物求福。我云何盜。遂捨而去。以此善根。九十一劫。常生善處。今得值我。得是天眼。所獲福果。曾無滅盡。故言無滅。是佛。當弟。又傳經云。世尊父叔。總有四人。一名淨飯王。有二子。大名薩縛曷刺他。志陀。此名一切義成。即是佛也。二者難陀。二名斛飯王。亦有二子。大名天授。即是提婆達多。小名阿難陀。三名白飯王。亦有一子。大名阿泥律陀。小名摩訶果。四名甘露飯王。亦有二子。大名拔提。小名提沙。此之八子。皆悉出家。彼阿泥律陀。仙處聽法。坐下睡眠。如來呵責。咄咄何爲睡眠。螺蚌之類。無滅慚愧。聞法悲淚。多日不睡。遂便喪眼。後問者婆。者婆問其初患因緣。彼便具報。者婆答言。眠是眼食。多時不睡。眼便餓死。求差甚難。遂修天眼。得見大千。人得天眼。應成二眼。人眼雖無。天眼見物。半見半無。因有說言半頭天眼。今命之也。

經時大無滅。至詣彼問疾。贊曰。下辭有三。此總陳道屈。其得天眼。有漏無記。有相非真。既被雙徵。便不能報。故初辭也。

經所以者何。至一處經行。贊曰。下顯理窮。初徵。後顯。顯中復二。初陳已事。後顯他詞。陳已事中有三。初明已經行。次梵天來問。後申其正答。此徵及明已經行也。西方地濕。所

食難消。壘博爲道。擬行消食。來而復往。如世經物。故言經行。因此亦得說法誦經。諸學禪者。亦修光明。及舉等相。

經時有梵王至能見幾何。贊曰。下梵天來問。天眼居禪。梵王皆得。見無滅之剋證。謂順已而來詢。然地有上下。修有出弱強。故得天眼能見幾何。舊文顛倒。

經時我答言至阿摩洛菓。贊曰。此申其正答。一佛所化三千大千。無滅聲聞。故唯見此。西方菓味。衆色不同。阿摩洛菓。人多愛重。故以爲喻。顯見分明。

經時無垢稱至而作是言。贊曰。下顯他詞有二。初明至軌。後正陳詞。此初文也。

經尊者無滅至爲無行相。贊曰。下正陳詞有五。初徵詰。二默然。三梵問。四彼答。五利益。初徵復三。初總徵。次別徵詰。後結難。此初文也。爲有行相者。空理義云。所得天眼。爲是體有差別行相。爲是體無差別行相。初問世諦後問眞諦。應理義云。爲有虛妄分別之行解相狀。爲無虛妄分別之行解相狀。此中論者。乍似出狂浪。無心緣境而無行相。若無行相。如何緣境。如唯識說。今問虛妄。故無有失。經若有行相至不應有見。贊曰。此別詰也。空理義云。若是體有之行相者。卽與外道五通無別。云何名內。等者相似無別之義。以執爲有世俗諦故。若體是無之行相者。卽是無爲。無爲眞諦。性皆空故。如何有見。應理義云。若有虛妄分別之行相者。卽與外道五通無別。彼從虛妄分別生故。三界心所。皆虛

妄分別故。若無虛妄分別之行相者。即是無爲真如之類。不應有見。真如雖有。無行相故。不能有見。觀其此問。且問聲聞佛之天眼亦應雙問。佛天眼通心心所故。非無行相。非是虛妄分別心故。非有行相。不同前問。故無有失。

經云何尊者。能有見耶。贊曰。此結難也。此理皆非。云何有見。

經時世尊默無能對。贊曰。二默然也。詞理無加。故默無對。

經然彼諸梵至真大根者。贊曰。三梵問也。要孰者誰也。梵聞希法。便得未曾。屈已尊人。便問世間誰得最勝真天眼者。

經無垢稱言至及種種相。贊曰。四彼答也。有佛釋迦。久修善本。得真天眼。空理義云。釋迦真智。內契真空。不捨寂定。不是有爲。外隨世俗。見諸佛國。不是無爲。名真天眼。不同外道見於二相及種種相。二相者。總有空相。種種相者。別有空相。應理義云。無滅天眼。用而不寂。先入本定。後起天眼。天眼散心有漏。無記。名非真眼。唯見大千。如來天眼。無分別智。正觀真如。不捨寂定。後得智中。起於無漏。善性天眼。見諸佛國。廣盡十方。能無二相及種種相。二者有行無行。總差別相相之類。種種相者。別差別相自相之類。此虛妄分別相也。

經時彼梵王至欲然不現。贊曰。五利益也。聞希妙法。便發勝心。聽問既周。欲然不現。經故我不任詣彼問疾。贊曰。結答詞由卑。

①便二使②當二爾③堂<sup>力</sup>④志二悉⑤一<sup>二</sup>二<sup>力</sup>⑥二⑦果二男⑧仙二佛⑨蚌二婦⑩勝二眠⑪眠二眠⑫眠<sup>力</sup>⑬且二有<sup>力</sup>⑭有⑮翻家二個弱⑯〔數〕一⑰猛二孟<sup>力</sup>⑱言二云⑲〔且時〕一⑳時十〔我〕㉑大根二天

躬請退

經爾時世尊問安其疾。贊曰。自下第八。命優婆塞。初命後辭。此命也。梵云優婆塞。此云近執。佛為太子。彼為近臣。執治故事。故云近執。即守庫藏之官僚也。諸釋出家。留所著衣寶冠及象。而皆與之。後便思念。釋子豪貴。尚捨出家。我何人也。而猶安住。以冠挂樹。象繫樹間。願言取者我當奉施。往釋子所。具述來情。釋子咸喜。便來白佛。請先度之。為我上座。自捨慢心。我當敬事。佛便許之。釋子致敬。禮拜波離。大地震動。空聲遙贊。是諸王子。我慢山崩。屈己先尊。今禮卑足。為持律之上首。故今命之。

經時優婆塞至詣彼問疾。贊曰。下辭有三。初總陳道屈也。我依律行。教彼息愆。彼說證真。罪種方滅。我謂由身語而得罪除。彼說會心源而方垢盡。理既墮矣。詞亦負焉。故總詞也。經所以者何。至不敢。諸佛。贊曰。下顯理窮有二。初陳已事。後顯他詞。已事有二。初陳二人來請出罪。後說已為如法息除。初陳二人來請出罪中。有三。初明至由。次明至軌。後請出罪。此初文也。佛為法主。威德特尊。小事輕塵。誠為不可。故。懷愧。恥不敢詣佛。

經來至我所。而謂我言。贊曰。此明至軌也。經唯優婆塞。至得免斯咎。贊曰。此請出罪。微小罪中。生大怖畏。既達律行。誠以為恥。願為解除。我心所愛。我心所悔。得免罪咎。既罪可出。明非初篇。經我即為其至得。請所。化。贊曰。下說已為

如法息除。言如法者。如其律法。世尊輕事或重制。重事或輕制。然出罪時。但是作法。道理應爾。非是依業道滅罪。彼之法。如其律法。解說道理。令除憂悔。得清肅其所犯之過。經示現勸導讚勵慶慰。贊曰。顯如法相。一示現。二勸導。三讚勵。四慶慰。餘經說亦加令離欲。瑜伽八十一云。令離欲者。訶責六種黑品諸行。示其過患。令離愛染。即是所說。令除憂悔。示現者。為令受學白品行故。示其四種真實道理。勸導者。謂已示現得信解者。安置學處。令正受行。由已於彼得自在故。彼便請言。我於今者。當何所作。唯願教。悔。因告之曰。汝等今者。於如是如是事。應作應學。讚勵者。謂彼若於所知所行所得之中。心生退屈。爾時稱讚策勵其心。令於彼事堪有勢力。慶慰者。謂若於法及隨法中。勇猛正行。即應如實讚說慶悅。令其歡喜。更有一釋。並如彼論。此中即是令離罪染。示其白品。勸其正行。讚令勿退。慶其所作。令生歡喜。名如法說。舊經闕此。

經時無垢稱至而作是言。贊曰。下顯他詞有二。初明至軌。後正陳詞。此初文也。經唯優婆塞。至勿擾其心。贊曰。陳詞有五。初除正理。二顯讚揚。三明已告。四彰罪滅。五述發願。陳理復三。初總非。次顯正。後結正。此初文也。空理義云。二人犯罪。由懷有相。今請悔除。還教起有。以有加有。故名增罪。當直除滅彼心憂悔。應說無相罪性本空。為彼除之。勿以有罪亂其心也。擾者亂也。應

理義云。二人犯罪。罪為業道。當須證理體達。虛幻。方拔罪根。但依作法。用事而滅。口是心非。滅而不滅。罪業更生。名為重增。當說真理。令彼證之。當說俗幻。令其了達。名直除滅。拔罪種子。勿以事相擾亂其心而現罪滅。經所以者何。至不在兩同。贊曰。下顯正中。有二。初明真理。令證罪根。後明俗事。令知罪偽。唯優婆塞。一切法性生滅不住下是。罪相無實。易可息除。罪根種子本真。證之罪滅。罪滅者。拔除煩惱惡業苦果諸種子也。斷種子故。一滅不生。名身語懺悔。但名制伏。益力損能。非真滅罪。後還生故。初中復三。初陳正理。次問令解。後明染淨之相。陳理有三。初明罪性。次明罪依。後明罪體。此初文也。空理義云。罪性者。真空理。罪性若有。可住內根。由外六境。成在兩間。罪性本空。都何所住。世俗諦中。罪住六根。六塵為緣而起罪故。亦名在外。內因外緣。可住兩間。六識等內。罪性既空。故都無住。證罪性空。當有何罪。應理義云。罪性者。真如理。此理不依內根外境及住兩間。由證此理。展轉罪生。證達此理。罪當永盡。

經如佛所說。至有情清淨。贊曰。此明罪依有二。初明假者依心而成。後明罪體依心方起。罪必依心方得。起。此初文也。罪謂所作惡身業。體即不善思之現種也。心為所依。思能依故。可毀可厭。故名為罪。故初明罪依。令其了達。後方明罪體。將明罪依。先引佛語。空理義云。此引俗諦教。心謂六識。不說有八。心若實有。有實罪者。即有情雜染。心性本空。罪者

故二政(政) 者二(者) 有(有) 實二(實) 贊二(贊) 諸二(諸) 為二(為) 及二(及) 未二(未) 懷二(懷) 懷二(懷) 請二(請) 清二(清) 化二(化) 犯二(犯) 彼二(彼) 根二(根) 道二(道) 等二(等) 如二(如) 十(十) 令二(令) 今二(今) 悔二(悔) 二(二) 如二(如) 十(十) 是二(是) 除二(除) 陳二(陳) 同二(同) 二(二) 名二(名) 若二(若) 道二(道) 迷二(迷) 起二(起) 十(十) 故二(故) 十(十) 故二(故) 十(十) 甲本冠註曰難疑或是不利字

非有。故有情淨。應理義云。成唯識說。心謂第八識。有情謂五蘊假者。此依彼心。而假建立。第八之心。若是有漏雜染所攝。能依假者。亦是雜染。所依。第八心若是無漏清淨所攝。能依假者。亦是清淨。今此通依八識。建立假者。有情心是本故。故罪及罪者。離心亦非有。經如是心者。至不在兩間。贊曰。下明罪體依心方起。空理義云。如是心者。勝義諦中。亦不住內外。不在兩間。性本空故。能起罪體。由此非真。應理義云。此八識心不同二乘所說六識。六識。實住在六根。亦不實在外及兩間。唯依真如淨法界住。由此罪垢亦無住處。經如其心然。至不出於如。贊曰。此明罪體。空理義云。如其所依心本空寂。都無所住。能依罪垢。勝義諦中。亦無自性。無所依止。罪垢既爾。諸法亦然。誰為罪緣。誰為出者。以心罪法三不出於如。如空無故。應理義云。如其本心。不住內外。唯依真如。能依罪垢。亦復依如。不依內外。如罪垢然。犯罪之緣。及出罪者。一切諸法。亦不出如。不依內外。都無實罪。一切皆是真如理故。由迷心故。諸過非起。可毀可責。名之為罪。由心悟故。罪滅善生。可讚可欣。名之為福。故說罪從心生還從心滅。經唯優婆塞。曾有染不。贊曰。下問令解有三。初問。次答。後顯令解。此問也。空理義云。汝心本淨。性本空故。無染故淨。汝得阿羅漢涅槃解脫時。此空性心。曾有染不。凡聖雖殊。心實無別。故以為問。應理義云。成唯識中。解心性淨。略有二義。一即真如法性之心。故勝

覺。經。自性清淨心。而有染污。難可了知。二因緣心。瑜伽五十四說。依他性心。性非煩惱。名本性淨。今。彼心非煩惱故。言本性淨。與染相應。名為染心。非心體染名為染心。此心非但未得解脫性本來淨。得解脫時。亦曾無染。今但問彼得解脫時本性淨心曾有染不。將。顯未解脫。比解脫心性本淨。經我言不也。贊曰。此答也。得解脫時。心曾不染。經無垢稱言。至亦復如是。贊曰。此顯令解。空理義云。得聖證真。知心本空。所以不染。故知有情心性本淨。曾無有染。亦復如是。心空同故。應理義云。以凡因緣心。例聖因緣心。本來不染。亦復如是。俱心性故。由此故知惡思是罪。如客暫有。染惱其心。證理智生。客罪便滅。故心斷惡已。名離相應縛。此不復緣境。名離所緣縛。由離二縛。名心解脫。證達理故。故達心理。名為罪滅。經唯優婆塞。即性清淨。贊曰。下明染淨之相。略有三翻。此初翻也。心有總分別。有別異分別。即有煩惱。煩惱起故。罪業遂生。便招生死。若無總分別及別異分別。即無煩惱。煩惱無故。不起罪業。遂即清淨。便得涅槃。分別者。總分別。異分別者。種種計執。汝由此二生煩惱故。應無分別便得清淨。經若有顛倒。至即性清淨。贊曰。此第二翻。顛倒者。執有真實常樂我淨。背真理故名。顛倒。或七顛倒。此四更加想心見三。於彼四中。起妄想分別。名想倒。於此四中。忍可欲

樂。建立執著。名見顛倒。心倒者。謂即於彼所執著中。貪等煩惱。此略有三。一愚癡為本。二薩迦耶見邊見一分見取戒禁取及貪為自性。三餘煩惱為等流。如瑜伽第八說。有此諸倒。即有煩惱。無此倒者。即成清淨。汝既煩惱。明有顛倒。經若有取我。至即性清淨。贊曰。此第三翻。取者執取。執我為本。雜染便生。若不取我。達解無我。即性清淨。汝既雜染。明有取我。顯彼二人有煩惱之所以也。上令知真罪垢自滅。下明知俗罪易息除。如知賊緣易可除破。經唯優婆塞。至如電如雲。贊曰。下明俗事。令知罪倒。略有四重。此第一重。說俗生滅。略有四喻。如幻化電雲。皆非實有。皆悉不住。性自虛偽。經一切法性。至亦不暫住。贊曰。此第二重。說俗迅速。無所顯待。不經念住。速即謝故。經一切法性。至如健達婆婆城。贊曰。此第三重。說俗體由虛妄所見。此有三喻。如夢所見。思想起故。如陽焰者。渴愛生故。執為實水。如健達婆城者。此云尋香城。西方散樂名曰尋香。不作生業。唯尋食香。而便作樂。伺彼乞求。此幻化城。樓閣可愛。名尋香城。海中有水。日光所照。遙見堆堞。亦似幻城。水激為聲。微同作樂。似彼尋香城。故亦名尋香城。誑惑起故。今以為喻。經一切法性。至如鏡中像。贊曰。此第四重。說俗心作。如水中月。水實無月。心妄謂有。不知以水為緣。還見本月。一切世俗。皆心所作。

【第】一【不】十【十】說【說】今十【說】說【說】彼二後【顯】一【此二此】知二如【總十【明】明】應十【取】倒二則【顯二顯】婆二縛【婆二微】重【重】一

不知自心。謂有外境。鏡中之像。亦無實像。以鏡爲緣。還見本面。心之所取。亦復如是。不知自心。謂離心有。鏡中之像。若實有者。見去何不去。觀來。所不來。彼鏡既不真。諸俗皆如是。

經如是知者。至名善調伏。贊曰。此結正也。律者儀。或證真。如俗。善可軌故。調伏者。調伏三業。息諸惡故。善知罪性。能依罪根。善識罪相。易可。願拔。名善調伏。

經時二苾芻。至而不能說。贊曰。二顯讚揚。初得未曾有。後正讚歎智慧辨才。是優婆離所不能及。

經我即告言。至起居士想。贊曰。三明已告。初總後別。此總告也。

經所以者何。至殊勝如是。贊曰。除佛無能制伏大士智慧辨才。其慧及辨才如是。

經時二苾芻。至正等覺心。贊曰。四彰罪滅。雖未證真。拔罪種子。初聞妙理。應悔息除。不但罪滅。無上覺心亦發。

經便爲作禮。至殊勝慧辨。贊曰。五述發願。新學苾芻。已曾犯罪。乍見慧辨。誰不虔恭。故爲作禮。

經時我默然。至詣彼問疾。贊曰。結答詞由卑躬請退。

說無垢稱經疏卷第三末

說無垢稱經贊卷第四本

大慈恩寺沙門基撰

經爾時世尊。至問安其疾。贊曰。自下第九命羅枯羅。初命。後辭。此初命也。羅枯羅。此云執日。本是執日阿脩羅名。法華經云。羅睺阿脩羅王。是也。此是非天前軍。非天將與帝釋鬪時。此爲前軍。見日月天子放光遠射。非天之眼。非天此乃以手執日。障蔽其光。今此佛子。取喻爲名。亦復如是。佛法如日。由有此子。障我佛法智日之光。如彼非天。故以爲名。古名宮生。耶輸被謗。設誓自明。實在宮生。非外他子。故名宮生。此子因緣。如經廣說。以昔爲王。沙門求見。六日不覩。或塞鼠穴。六日障他母子絕食。故處胎中。經六年住。後佛至迦維羅國。七日化千比丘形。似佛。使之還佛。果至佛所。以明佛子。遂令舍利日連度之。時年小矣。惡繁不述。

經時羅枯羅。至詣彼問疾。贊曰。下辭有三。此總陳道屈。昔讚出家。有爲有相。彼陳出家者。爲無爲。有相。以真詰俗。道屈辭窮。故不堪也。

經所以者何。至功德勝利。贊曰。下顯理窮。初徵後顯。顯中復有二。初陳已事。後顯他詞。已事有二。初顯他問。後顯已答。此徵及顯他問也。此諸童子。婆羅門種。姓羅。佛爲輪王。羅枯羅繼嗣。故今讚歎亦言輪王。輪王有四。鐵銅銀金。各能王彼一二三四天

下人庶。如常分別。既脫羅輪帝之寶。而爲出家。學出家功德有何利也。

經我即如法。至功德勝利。贊曰。此顯已答。出家寬曠。猶若虛空。在家迫進。譬諸牢獄。故經言孔雀雖有色嚴身。不如鴻鵠能遠飛。白衣雖有富貴力。不如出家功德勝。功德者善生。勝利者惡滅。功德者福。勝利名智。勝利者。能出世間。功德者。福惠二發。

經時無垢稱。至而作是言。贊曰。下顯他詞有二。初陳至軌。後正陳詞。此初文也。

經唯羅枯羅。至功德勝利。贊曰。下正陳詞有五。初正陳理詰。二勸彼出家。三童子請問。四無垢教示。五童子獲益。初中有三。初總非。次別詰。後結正。此初文也。

經所以者何。至是爲出家。贊曰。下別詰中有二。初顯後顯。此初顯也。空理義云。前讚出家世俗有相。今以勝義無相爲徵。故言無勝利無功德。應理義云。世俗事爲末。勝義理爲本。前讚出家。讚俗事末。今以理本爲正。故言無利德名真出家。

經唯羅枯羅。至功德勝利。贊曰。下顯有三。初明有爲有相出家。次明無爲無相出家。後明大乘出家德勝。此初文也。前爲他說有功德勝利體相者。有爲有相。非勝義諦也。

經夫出家者。至功德勝利。贊曰。此明無爲無相出家。空理義云。夫出家者。本欲滅除世俗有相。希趣勝義無爲性空。性空之中。何有德利。應理義云。一切聖人皆無爲而有差別。無爲即是涅槃解脫。真如理滅。涅槃解脫生死

●二二● 所二何 ●或二戒 ●如二知 ●如二 ●顯二預 ●〔誠〕一 ●〔上〕一 ● 不分卷 ●本題新加 ●甲  
本冠註曰已下舊本卷第四本 ●辭二詞 ●非天此二此非天 ●有二在 ●說二看 ●彼陳二陳後 ●〔有〕一 ●  
●貼二哈 ●進二迫 ●雀二鷓 ●粟二飯 ●〔勝〕一 ●涅槃二菩薩 ●

縛故。真如湛寂。離妄倒故。擇滅性離二勝障故。爲求此故。而作出家。諸德本故。不爲有爲。非德本故。故於無爲無德無利。無爲本中。無有差別。性相功德。亦無差別。作用勝利。非無疑然功德勝利。又出家者。離分別執。有德有利。是有分別。非真出家。故真出家。破分別執。無德無利。

經唯羅估羅。至無色非色。贊曰。下明大乘出家德利。有二十四句。舊有二十二句。全闕新中無色非色及無諸取。仍止觀雙修中。闕修觀。斷惡修善中無修善。此中三句。空理義云。勝義諦中。無他彼。無自此。亦無中間。遠諸見。亦無色。與無色別。應理義云。此三句中。一無彼此中間。出家之人。物我俱遣。身外無他彼。攝他同己。常行濟拔。他外無自此。他得樂時。如我得故。亦非物我外而有中間。二遠諸見。五見皆斷。舊云六十二見。唯是邊見邪見所攝。相極狹也。三無色非色。色謂修飾儀容。非色謂識達了解。都不持此。名之爲無。或外道妄見。執我爲色。執色蘊爲我故。執我爲非色。執四蘊命根爲實我故。如六十二見中。之我者色。死後有想。執我無色。死後有想等。此等皆爲無爲出家。故離諸非而順諸見。下皆准知。

經是涅槃路。至聖所攝受。贊曰。此有三句。空理義云。無此彼中間者。能到涅槃。故名爲路。達諸見故。智者稱讚。無色非色故。聖所攝受。應理義云。其爲無爲而出家者。一到涅槃故。二聖所稱讚。三聖行攝受。諸聖常時攝而

領之。以爲勝故。舊云。處於涅槃。由此爲路。能處涅槃。又云。聖所行處。即聖所稱讚。契聖心故。

經降伏衆魔。至離諸惡法。贊曰。此有七句。空理義云。分別執有。故是衆魔。便入五趣。不得五眼。無五根力。乃損衆生。自惡不息。若爲達空而出家者。衆魔自降。乃至廣說。自惡便息。應理義云。爲無爲法而出家者。一降四魔。二超五趣。三得五眼。四立五根。五獲五力。六不損惱彼一切衆生。七自諸惡一切能離。五眼者。一肉眼。非修定生。四大所造淨色爲性。二天眼。因修所生大造淨色。三法眼。緣教有慧。四慧眼。緣理空智。五佛眼。覺察自他之妙智也。所餘四魔五趣根力。皆如前說。

經摧衆外道。至離我所。贊曰。此有六句。空理義云。若爲有爲有相出家。不能摧外道超假名。乃至不能離我所。若爲無爲無相出家。便摧外道。離我所。應理義云。爲無爲法而出家者。一正見故摧外道。二法體亡言故超假名。三得大涅槃。出貪欲泥。四無耽著故無繫屬。五無物我故無所攝受。舊經倒此云。無所受故離我所。

我語取。取別實我。無我體。唯有名。名我語取。後三體慧如名。各以自見爲性。此無諸取是折伏道。斷諸取斷惑道。二無擾亂。擾亂者散義。亂謂謬義。即體散亂。心馳境中。騁擾不定。故名擾亂。或六散亂。一自性。二相。三能重。四內。五外。六作意。三調自心。護他心。自心煩惱善能調伏。將護他心。勿令生惱。而成就之。

經隨順寂止。至修一切善。贊曰。此有二句。一順定修慧。寂止者定。勝觀者慧。止觀二門。攝諸功德。二離惡修善。名真出家。空理義云。觀達性空。心常住此。故名止觀。知俗證真。故名斷修。

經若能如是名真出家。贊曰。此結正也。經時無垢稱。至宜共出家。贊曰。此下第二勸修出家。初總要勸。後顯勸由。此初文也。佛法契真。故名善說。毘奈耶者。此名調伏。即廣律本。出家乃是佛法調伏之所攝持。勸可依律而出家也。此乃大乘毘奈耶耳。

經所以者何。至第一最難。贊曰。此顯勸由。有四難故。一佛出世難。二離八無暇難。三得人身難。四具有暇難。今得有暇。可謂功德。汝可出家。舊無後三。

經諸童子言。至不得出家。贊曰。第三童子請問諸遮難中。父母不許。不得出家。非我本心不樂出家。

經無垢稱言。至成茲獨性。贊曰。第四無垢教示出家中。有二。一身出家。被服落鬚。二心出家。發心修行。發心修行。是真出家。得持禁

○本二法○ ○作二執○ 作一○ ○斷二觀○\* ○離十(與色)○ ○自此亦二身自○ ○無十(非)○ ○[與無色]一○ ○[之]一○ 之○ ○之○ ○者二有○ ○見二是○ ○趣二處○ ○法體二體法○ ○例二到○ ○滅二善○ 成○ ○[擾亂]一○ ○或十(無)○ ○內二肉○ ○緣二緣○\*

戒。成慈獨性。被服落絲。成慈獨相。今勸出家。依真出家。故

經時三十二至。習修正行。贊曰。第五童子獲益

經時我默然。詣彼問疾。贊曰。結答詞由卑躬請退

經爾時世尊至問安其疾。贊曰。自下第十命阿難陀。初命。後辭。此命也。阿難陀者。此云慶喜。釋迦成道。人天慶喜。當此夜生。因以為稱。後年二十。方始出家。佛法皆聞。為佛侍者親而且待。故今命之

經時阿難陀至詣彼問疾。贊曰。下辭有三。此總陳道屈謂佛實疾。我方乞乳。彼說化身。真佛無疾。道屈故辭

經所以者何。至當用牛乳。贊曰。下顯理窮。初微。後顯。顯中有二。初陳已事。後顯他詞。已事有二。初以疾須乳。後我方乞之。此微及佛疾當用乳也。現小疾者。佛患背痛。時亦有之。乳和畢鉢。可以為療

經我於晨朝。至從乞牛乳。贊曰。我方乞之。食不非時故。晨朝將入聚落故。整服如鳥翼故。持衣鉢乞。必有處依。城中規以供侍。從乞牛乳

經時無垢稱。而作是言。贊曰。下顯他辭。有二。初明至軌。後顯他詞。此初文也

經唯阿難陀至持鉢在此。贊曰。下顯他辭。有五。一彼問。二已答。三理詰。四生慚。五空告。此初也。方申理詰。初示不知。故為此問

經我言居士。至故來至此。贊曰。此已答

經時無垢稱。至誹謗如來。贊曰。下理詰有二。初責其謗佛有疾。後顯佛實無疾。或初顯報身無疾。後顯法身無疾。初中復二。初總責。後別責。此初文也。嫌言不當。是甚重言止止。誹毀者。謗顯之異名。佛實無疾。謂佛有疾。名虛謗也

經所以者何。至當有何惱。贊曰。下別責有四。一惡法久亡。二責為龜語。三善根已滿。四即受。限此。此為二對。惡法盡故。有疾言龜。善法圓故。有疾可恥。故分為四。此初文也。佛體無漏。金剛合成。生死因果。現種惡法。及微細習氣。皆已永斷。諸善皆圓。當有何疾。疾者由惡因生故。四大乖違名疾。由此疾故苦惱遂生。佛善皆圓。有何苦惱。善因不招苦惱果故

經唯阿難陀至得聞斯語。贊曰。二責為龜語。令禁聲歸寺。名默還所止。言佛有疾。謗切有餘。故名龜語。莫使異人聞龜語者。總也。已下別顯。何謂異人。大威天者。欲色二界有大神通道德天也。餘處菩薩。皆見報身。曾不聞疾。今聞佛疾。甚可驚疑。故名龜語

經唯阿難陀至無有是處。贊曰。三善根已滿。轉輪聖王。具少善根。修十善因之所感得。名成少善。尚得無病。況佛多劫無量善因。福智二嚴。而當有疾。必無是理

經唯阿難陀至受斯鄙恥。贊曰。四恐受。限羞。有三。初總責。次別責。後驅逐。此初也。可急驅歸。勿令我等受此鄙。愧可恥之語

經若諸外道。至諸有疾乎。贊曰。此別責也。

外道邪見。多生誹謗。若聞龜言。惡念必起。自疾不救。何以救人

經可密速去。勿使人聞。贊曰。此驅逐也。禁聲急急逐去。勿使外人聞

經又阿難陀至世法不染。贊曰。自下顯佛實無疾。亦顯法身無疾。略有十句五對。一是法身。非雜穢身。此是功德法所成身。名為法身。非真如身。此事身故。非是煩惱衆苦難身。二出世間身。非世間身。出世間者。不可毀壞。非道所治。非是世間可毀可壞道所治也。故諸世間疾病等事。所不能染

經是無漏身。至當有何疾。贊曰。三是無漏。非是相應所緣二縛之所隨。離諸漏故。四是無為。無為有二。一真如等。非因緣生。故名無為。二無漏蘊。非業煩惱之所為。故名無為。佛五蘊身。亦名無為。非業煩惱之所為。故五出衆數。不墮生數。數永寂故。但墮法數。衆生必是趣界生。獲體即第八異熟無記識。佛身唯無漏唯善故。非生數所攝。如是之身。當有何疾。阿難少見。謂佛化身即真佛身是難穢身。乃至廣說。墮在欲界人趣之身。謂實有疾。故今示正理。佛不實疾

經時我世尊。至而謬聽耶。贊曰。四生慚也。謬者錯也。無者非也。非是近佛我得錯聽也。又有解言。無近者遠也。我雖為侍。心智遠佛。不能知佛。得無近佛而錯聽耶

經即聞空中。至實無諸疾。贊曰。五空告有三。初說真佛無疾。次顯化佛有疾所由。後勸取乳。此初文也。真身者報身也。是實功德。從

①〔故〕一② ③待一侍④ ⑤之二又⑥ ⑦作是二謂我⑧ ⑨別一引⑩ ⑪是二之⑫ ⑬限此二懷產⑭\* ⑮限產⑯ ⑰者十(本)⑱ ⑲修二 ⑳切二為㉑ ㉒送二逐㉓ ㉔懷二限㉕ ㉖永二不㉗ ㉘排二攝㉙ ㉚示一㉛ ㉜示二無㉝



因修生。故名真身。或法報佛。皆名真身。非權迹故。舊經無此。如居士言。世尊真身。實無諸疾。

經但以如來示現斯事。贊曰。此顯化佛有疾所由。五濁世者。濁者滓穢。如食滓穢。名之為濁。一煩惱濁。煩惱重故。二見濁。五見競故。三命濁。壽極短故。四有情濁。惡業生故。五劫濁。飢饉疫癘刀兵。如其次第。三十二十歲時起。今時已有彼前相故。此如法華疏第三卷。釋迦慈悲。生此惡世。為欲教化導引。現受惡業貧窮苦惱衆生。行諸惡因。惡行有情。示同有疾。非佛實有。世尊隨類化衆生故。顯一切惡業必有惡果。世尊現受猶不免故。欲令後德有疾自裁。佛亦現有。我何人故。為衆生病佛亦病故。由斯現病。非佛實病問。何故無垢不自顯佛現病所由。令空。中告。答。欲顯一言契當。深故。幽冥自他儀皆同故。問。空聲是何答。或是無垢神力所為。或大菩薩冥現斯事。理皆不爽。

經行。矣阿難陀取乳勿慚。贊曰。此勸取乳。供佛。勿自增慚問。何故無垢訶令密去。空令取乳答。說佛實病須乳。此不當故令去。說佛化有疾故須乳。理可然故令取。訶法。先訶令去。示法。後示令取。亦不相違。經時我世尊至詣彼問疾。贊曰。結答詞由卑躬請退。我時不識彼之所云。故默無對。經如是世尊至問安其疾。贊曰。下品第三結類聲聞皆辭不。散有二。初類問。後類答。此類問也。

經是諸聲聞至詣彼問疾。贊曰。此類答也。

菩薩品第四

別叙昔權。昔權有二。一化聲聞。已如前辨。二化菩薩。次下當陳。佛知彼類不可對揚。顯彼高德共來影輔。今明令菩薩問疾事。故名菩薩品。此品有二。初明四德詞屈不往。後明餘類皆陳不堪。然四德中。分為二對。令希不退。自仰菩提。不覺魔怨。寧知世福。無垢隨宜對折。各便誠言。故四德雖殊。為二對以區別。一一之中。文皆有二。初命。後詞。

經爾時世尊至問安其疾。贊曰。此命也。梵云。梅咄利耶。翻為慈氏。古云。稱帝麗。或云。彌勒。皆訛。路也。說此本緣。如彌勒上生疏上卷。

經慈氏菩薩至詣彼問疾。贊曰。下辭亦三。此總陳道局。放鉢經云。彌勒語文殊師利言。如汝等輩。百千萬億。亦不能知我舉足下足之事。豈以小生所繫道屈濟流。良以進德先知。推名上士。故假之以前屈詞。今命以對揚。非是彌勒實為屈矣。昔說不退。令彼希求。彼說無相如門。今作因緣之。言。時道以屈。故詞不堪。

經所以者何。至所有法要。贊曰。下別顯理窮。初徵。後顯。顯中有二。初陳已事。後他詞。此徵及陳已事也。觀史名者。欲界六天中第四天也。此名知足。受諸欲樂。深知足故。由此根性。菩薩住中。以當生下。佛記彌勒。却後十二年。當於本處。結跏趺坐。如入滅定。入般涅槃。上生知足。紹隆補所。所以彼天多來瞻。

禮。慈氏已超退位。故隨所應。以四不退法輪之行。為彼天說。或唯為說八地以上第四不退法輪位法。

經時無垢稱至而作是言。贊曰。下顯他詞有二。初明至軌。後正陳詞。此初也。彌勒落髮緇衣。次當補處。無垢形隨俗。故致意宜。經尊者慈氏至正等菩提。贊曰。下正陳詞有二。初牒經申理。後明時衆獲益。初中復三。初總牒經文。二別申理詰。後結勸顯真。是故慈氏勿以此法誘諸天子下是。此文也。初授者與也。記者別也。識也。驗也。自領記別。名為受記。受者領故。佛與之記。故名授記。佛於諸律及上生經中。為授記別。言一生者。除今身後在天一生。故言一生。中有方便屬天攝故。不數人中。有說在天及當人中。共名一生。如說七生。說人天二生。去生故。佛言彌勒。當生知足。說彼一生。當得成佛。在知足天。亦名一生所繫菩薩。不說居人名為一生。此理為正。菩薩有三。一生所繫。及最後身。坐道場者。此問一生。不問餘二。

經為用何生至現在耶。贊曰。下別申理詰。大文有三。初依有為無為異為難。次依有為無為一為難。為依如生以下文是。後以菩提涅槃理均為難。若尊者慈氏當證菩提。一切有情亦應當證下是。初二難因。後一難果。初中復二。初難有為。後難無為。初中復二。初總後別。此總徵也。生是有為之生相。故依此為難。前說一生當得菩提。故初以生而為徵詰。顯有為法。念念不。住。無實生體。依何受。

●推二推● ●免二勉● ●中二聖● ●深十(理)● ●[免]一● ●乳十(取乳)● ●散二散一● ●敢● ●說無垢稱經卷第三不終● ●說無垢稱經卷第四本首● ●撰說同吳如首卷● ●便二便● ●解二解● ●路二略● ●今二今● ●今二今● ●後十(顯)● ●名二多● ●以二次● ●(信)一十俗● ●俗十(信)● ●處二處一● ●處一處● ●此十(初)● ●[初]一● ●也二者● ●[人天二生]一● ●去二大● ●大● ●住二注●

記

經若過去生 至 未來生未至 贊曰。下別徵也。大乘三世本無實體。依一有法。曾有名過去。當有名未來。現有名現在。三世俱是假。所施設現在法可實其世假立。過去未來法皆假。說也。依何實故。今難言過去已滅。未來未生。若依小乘。過去用已滅。未來用未生。非無生體。若不難用。便不成難。今依大乘。作斯難體。便無過失。

經若現在生現在生無住 贊曰。下難現在。初難。後證。此難也。現在法中。本無今有。有位名生。生位暫停。假名為住。住別前後。假立異名。此後無時。假名為滅。現在諸法無暫實住。亦無相續。經停久住。故言現在。而無有住。非無假住。若有實住可能為因。能得當來可依授記。現無實住可能為因。依何為記。

經如世尊說 至 即歿即生 贊曰。既難無住。恐義無由。故引經。時之極促。名為剎那。不但一剎那。念念皆如此。故經重言剎那剎那具生老。病死。者熟變。即異相也。唯說有三。不說有住。現法二時沒入過去。初後暫一生。生時亦老。更無別時。唯說生沒初後二時。即如經說有三有為之有為相。謂生異滅。不別說住。大乘解云。由一切行三世所顯。由未來世本無而生。彼既生已落謝過去。現在世法二相所顯。謂住及異。唯現在法。有住可得。前後變異。亦唯現在。總說住異。而為一相。住是有情所愛著處。為令生厭。又同一世。所以合說。今此經中。說無實住。亦無經停片時實住。

故唯說三。生老死相。或說現身念念皆有十二支中生老死支。故無住也。

經若以無生 至 所入正性 贊曰。下難無為。初牒出體。後正申難。此牒出體。空理義云。入者證也。正性者。法之真性。即勝空性也。應理義云。無生之體。即是所證真如正性。真如乃是法正真性。舊云正位。位者體位。即正性也。

經於此無生 至 得受記耶 贊曰。此正申難。空理義云。空勝義中。何記可授。何覺可證。有覺可證。有記可授。無覺可證。云何記也。應理義云。前難因緣法門。此難真如法門。真如門中。第無覺可證。何有記別而受記耶。金剛般若云。實無有法佛得阿耨多羅三藐三菩提。乃至然燈佛與我記等。

經為依如生 至 得授記耶 贊曰。下以有為無為一為難。前難二別。可有前過。今以有為無為是一。故有記別。便作是難。於中有三。初別難依如。次總顯依如。後結難依如。初中復三。初雙徵。次別難。後雙結。此初文也。空理義云。若世俗有與勝義空一。得授記者。為依空生為依空滅得授記耶。應理義云。若因緣法與真如一。得授記者。為依生為依滅得授記耶。

經若依如生 至 如無有滅 贊曰。此別難也。空理依空。無生無滅。應理依如。亦無生滅。如何授記。舊文難解。經無生無滅。至 無有授記 贊曰。此雙結也。記因得果。因滅果生。生滅既無。如何授記。

經一切有情 至 亦如也 贊曰。此總顯依如。況然總顯一切依如。欲明如中無授記故。一切有情。及一切法。此總依如。於中一切賢聖依如。於中彌勒別亦依如。欲顯凡聖人法總別皆依於如。空理義云。皆依如者。皆性空故。應理義云。用依性故。體依性故。

經若尊者 至 而得授記 贊曰。下結難依如有二。初總申難。後釋所由。此初文也。尊者依如。既得授記。有情依如。亦應受記。

經所以者何 至 異性所顯 贊曰。此釋難由。真理。成混名非二顯。依無二門而得顯故。亦非種種差別所顯。體成種種。或非二我之所顯示。亦非種種橫計差別之所顯故。何得有記。記者別也。驗因明果。有種種故。真無種種。故無授記不授記者。

經若尊者 至 當有所證 贊曰。自下第三以煩惱菩提。理均為難。有二。初難菩提。後難煩惱。菩提有二。初難。後釋。此難也。經所以者何 至 等所隨覺 贊曰。此釋難由。菩提覺義。一切有情。皆有佛性。若勤來者。平等皆能隨覺諸法。彌勒當隨覺。慈氏得授記。有情當隨覺。亦應得授記。舊云一切眾生即菩提相。以等隨覺。即有當來菩提相故。此乃事均俱當證故。

經若尊者 至 當有涅槃 贊曰。下難涅槃有二。初難。後釋。此難也。經所以者何 至 為般涅槃 贊曰。下釋難由。空理義云。非一切有情當有證空而不涅槃。空無苦果。即名涅槃。以佛觀見真如性空為

○所二取 ○說二設 ○(病)一 ○(老)十者 ○愛著二變者 ○想者 ○後十(生) ○成二或 ○自下二下自 ○(煩  
惱)一 ○(涅槃)十理 ○煩惱二涅槃 ○不二兩 ○當二當 ○當 ○有二三不 ○有

涅槃故。應理義云。般涅槃。此云圓寂。涅槃有四。一自性清淨涅槃。謂一切法相真如理。二有餘依涅槃。謂苦因盡所顯真理。三無餘依涅槃。謂苦果盡所顯真理。四無住處涅槃。謂所知障盡。大悲般若所轉真理。今以性淨。難餘三種。難意云。非一切有情不當般涅槃。佛說真如為性淨涅槃。性淨涅槃。既本具有。餘三義顯。何當不有。舊云。佛智衆生畢竟寂滅。現有性淨。即知當來有涅槃相。離此真如。不須更滅。今已滅故。

經以佛觀見。至為般涅槃。贊曰。重釋前相。空理義云。以佛觀見有情本性寂滅空理。為涅槃體。故說衆生當證此空真如。為般涅槃。故與尊者。二理皆均。應理義云。以佛觀見本性真如。為涅槃體。故說有情當證真如。得餘三種之圓寂故。尊者當得。有情亦當得。既難當得。故知以本性淨涅槃。難餘三種。

經是故慈氏。至諸天子。贊曰。第三大文結勸顯真。有二。初略勸顯真。後廣勸顯真。略中復二。初略勸。後略顯。此略勸也。空理義云。勿以分別有相招誘天子。論諸天子。今不證真。應理義云。彌勒前說因緣法門。無垢今以真如法門。以深難淺。故且不答。但修因緣淺教初學名誘。不能超進名。深。遲緩行故。應示真如及真智。教令根熟及速入也。

經夫菩提者。至亦無退轉。贊曰。次略顯真。空理義云。空為菩提。故無求退。應理義云。解深密經說。菩提菩提斷。俱名為菩提。智度論云。智及智處。皆名般若。菩提能觀智。菩提斷

即真如。二俱菩提。今說真如名無上菩提。故無趣求亦無退轉。

經尊者慈氏。至菩提之見。贊曰。下廣勸顯真有二。初廣前勸。後廣前顯。此初也。有趣有求。有退有轉。見有此者。名分別菩提之見。不契真宗。當令捨之。

經所以者何。至非心能證。贊曰。下廣顯真。初。要。次釋。後結。此標也。不可以五根身能證。不可以分別心能證。五識名身。依色根故。雖無分別智相應名心非心。而是心是無分別智。非分別心。是無分別心。今遮分別故。言非心能證。

經寂滅是菩提。至皆寂滅故。贊曰。下釋菩提非身心證。今有三十二句。舊有二十五句。新三十二句中分四。初十三句。別明斷及正智離計所執菩提之義。舊文十一句。次有五句。別明斷及正智體之與用菩提之義。次有九句。別明斷及正智離有漏依他菩提之義。舊有七句。後有五句。合明斷及正智深妙菩提之義。舊有二句。初中有二。初八句明斷是菩提。舊文六句。後五句。明智是菩提。空理義云。文段雖同。義意全別。菩提者真諦空性。理空為斷菩提。心空為智菩提。應理義云。真如為斷菩提。斷之性故。無分別慧為智菩提。有智用故。菩提覺義。覺性覺用。俱名覺故。引教如前。八句明斷菩提中。分三。初一句總談離相。次六句別談離相。後一句總成離相。此初也。有情相及法相。二皆寂滅故。寂滅是菩提。由此正智而可內冥。不可以身以心能證。此

下菩提。皆釋上文非身及心之所證義。然下菩提皆有二文。初。要。後釋。故者所以。釋標所由。

經不增是菩提。至皆不行故。贊曰。我法二種能緣緣時。皆是增益。真理不然。所緣不增。舊云。不觀離諸緣故。不可以遍計心之所觀故。我法二種。可為名言分別作爲之所緣行。真理不然。故是菩提。

經永斷是菩提。至皆捨離故。贊曰。我法二種。見趣所緣。為取所著。真理不然。永斷見趣。捨離見趣。

經離繫是菩提。至永寂靜故。贊曰。我法二種。動亂之法。乃為一切分別所緣。體不寂靜。真理不然。故離分別。動亂繫縛。一切分別。亦永寂靜。舊云。障是菩提。即此離繫。然意難得。舉其所治。顯離是菩提。然無寂靜。

經廣大是菩提。至不測量故。贊曰。此一句總成離相。弘者大也。一切分別。大不測。離分別心所行境故。舊經無此。

經不證是菩提。至皆遠離故。贊曰。下有五句。明智菩提。分三。初一句。體無所執能證作用。次有二句。以智依如。後有二句。顯智一味。此初文也。一切分別。靜論永息。故無所執能證之相。是智菩提。

經安住是菩提。至隨。如故。贊曰。此二句。以智依如。法者功德。界者性也。功德法性。故若法界。智住法界。隨其真如至窮極故。舊經云。順是菩提。順於如故。

經不二菩提。至實際所立故。贊曰。不但理

●案十(者)● ●轉二轉一● ●轉一● ●智一知● ●論一論● ●深一深● ●新一新● ●(順)一十● ●大十(順)● ●靜二淨● ●(俱)十如● ●若二名● ●云一加此● ●(順於如故)一●

無有二。智亦不二。離計所執差別法故。實際者眞理。智緣眞理生。故名建立。舊經無此建立之門。

經平等是菩提。畢竟離故。贊曰。下第二段有五句。別明斷及正智體之與用菩提之義。有二。初二句。明斷菩提體。後三句。明智菩提用。此初文也。初句明斷性平等。遍十二處。眼與色。耳與聲。乃至意與法。皆平等遍。如虛空故。後句明斷無爲。離四相故。

經遍知是菩提。至所不難故。贊曰。下三句。明智菩提用。遍知心行。能照之用。正智即是能了之門。除此更無能了用故。與內六處。體不相離。依六處起。能了諸法。即名爲門。更無門也。舊名不。文錯難知。果智能會。非因六處可能會故。

經無難是菩提。至永遠離故。贊曰。智體無漏。非煩惱難。煩惱現行相續。乃種習氣。永遠離故。

經無處是菩提。至不可見故。贊曰。自下第三有九句。別明斷及正智離有漏依他菩提之義。有二。初八句。明斷菩提離有漏相。後之一句。明智菩提離有漏相。此中初句。理無方所。此第二句。理無住處。依他有方。可有形段故。亦有住處爲可見故。舊經無住。

經唯名是菩提。提永遠離故。贊曰。有爲諸法名有作用。由名詮之。體用便增。可有名體。眞理不然。唯名所顯。聲無作用。不能令眞體用增長。唯有假名。無所詮相。舊云假名。意少別也。不同依他。可取可捨。猶如波浪。有爲有

動。眞理不可取捨。故名無浪。舊名如化。是菩提。文別意同。

經無亂是菩提。至本性淨故。贊曰。眞理常靜。故無動亂。本性清淨。故體善。故。

經明顯是菩提。至離攀緣故。贊曰。眞理無染。故體明顯。性離攀緣。故無取著。舊經無明顯。

經無異是菩提。至平等性故。贊曰。此之一句。明智菩提離有漏相。性智平等。能隨諸法。皆悉覺了。故名無異。一味了別。名無異故。舊云諸法等故。等了諸法也。

經無喻是菩提。至極難覺故。贊曰。下有五句。合明智斷二種菩提深妙之義。非喻所喻。絕比況故。體深微妙。自非正智。難可覺故。

經遍行是菩提。至不能染故。贊曰。此中三句。舊經並無。斷體用遍。眞理可知。智用亦周。故遍行也。行者在也。理遍在故。行者起也。智用遍起故。或智亦遍在。性無礙故。如來報身無不在故。頂者極也。理智最上。皆至極故。有爲無爲皆上首故。此二世法皆不染故。

經如是菩提。至非心能證。贊曰。此第三。結經世尊。至無生法忍。贊曰。下文第二時衆獲益。上知足天多大菩薩。說不退轉。令其獲證。明諸天子皆出。世間。令得無。生法忍。皆是無漏。相續無生。皆入八地。

經時我。默然。至詣彼問疾。贊曰。結答詞由卑躬請退。

經爾時世尊。至問安其疾。贊曰。下明光嚴。名如前釋。初命。後。辭。此命也。

經光嚴童子。至詣彼問疾。贊曰。下詞有三。此總陳道屈。彼迷因菩提。不識體用。由他具述。方始了知。不足對揚。故陳道屈。

經所以者何。至從何所來。贊曰。下顯理窮。初微。後顯。顯中有五。一明逢問。二明彼答。三明已詰。四明彼述。五結成益。此微及逢問也。已將出城。彼方欲入。相逢致禮。童子常儀。因問所從。使爲理對。彌勒出家之相。彼便稽首。光嚴在俗之貌。故禮於他。縹素雖復不同。道德俱大。菩薩連復命往。同品俱辭。列德標名。不相違也。

經彼答我言妙菩提來。贊曰。二明彼答。光嚴示因菩提。而未悟故。因問事舉。因菩提答。令其悟矣。菩提覺義。慧通因果。舊言道場意顯。因菩提。故以場爲因。前答慈氏。多說果位。眞如正智。以爲菩提。今說因位。能生果德。以爲菩提。萬行皆以慧爲導首。萬行俱是慧之眷屬。一切皆是慧之境故。皆名菩提。菩提有五。一菩提性。謂眞如。二菩提用。謂眞智。三菩提因。能得菩提。三慧輪等。四菩提伴。福智萬行。五菩提境。謂眞俗法。下隨所應。有此五種。

經我問居士。爲何所是。贊曰。三明已詰。直問菩提。謂有方域。故問菩提爲何所是。經即答我言。至不虛假故。贊曰。四明彼述。有二。初別顯三十二種菩提之體。後如是善男子。結成舉措。皆是菩提。三十二種。分之爲六。初四種名眞實發趣。趣向佛果眞實行故。次六種名波羅密多。能令行者到彼岸故。次

經我問居士。爲何所是。贊曰。三明已詰。直問菩提。謂有方域。故問菩提爲何所是。經即答我言。至不虛假故。贊曰。四明彼述。有二。初別顯三十二種菩提之體。後如是善男子。結成舉措。皆是菩提。三十二種。分之爲六。初四種名眞實發趣。趣向佛果眞實行故。次六種名波羅密多。能令行者到彼岸故。次

①如二知②提十(至)③聲二色④故二藏⑤世間一也前⑥令二今⑦生二上⑧默然二世尊⑨使二便  
⑩猶二自⑪身⑫諸二諸⑬城二城⑭或二

八種名成熟有情。以此八種。利來生故。次二種名。一切善根。修善除惡。善根滿故。次六種名攝。受正法。包含緣領佛法故。後六種名。供養如來。修法供養最第一故。至文各各隨應釋相。循此次第。解其所由。淳者貞厚。直者質實。易可共住。初所學故。

經發起加行。至能成辦故。贊曰。勵力修作。名為加行。故所施為。皆能成辦。

經增上意樂。殊勝法故。贊曰。勇猛修作。不憚劬勞。名為增上。故能究竟證會佛果。菩

提涅槃。舊云。深心增益功德者。當證佛果故。經大菩提心。至無忘失故。贊曰。廣覺諸法。

名大菩提心。恒照諸法故。能無忘失。舊云。無錯謬覺法真理故。意義大同。

經清淨布施。皆圓滿故。贊曰。上四名發趣。下六名到彼岸。佛者望也。無相無漏行布

施時。名清淨施。不希世間五蘊自體大財位等異熟果故。堅固守護所受淨戒。故所願求

皆能滿足。戒是功德寶之瓶故。經忍辱柔和。至無懈退故。贊曰。由忍不恚。

由。勸不惰。經寂止靜慮。至法性相故。贊曰。由入禪定。

寂靜其心。心除硬澁。便能調順。起神通業。有大堪能。由慧簡擇。故能現前證見理事諸法

體用。經慈是妙菩提。至能忍受故。贊曰。下第三段

有八。名成熟有情。初四無量。後四別行。慈能平等與他樂故。悲能拔苦。行拔濟。時。有劬

勞皆能忍故。

經喜是妙菩提。至愛。意等故。贊曰。由內證真。受法苑樂。故見他善。便助之喜。無嫉妬故。內常歡喜。由自永斷一切煩惱。故能令他

捨。受悲等。上四無量。下申別行。經神通是妙菩提。至離分別動故。贊曰。神通

是妙覺。由至果位。具六通故。解脫是菩提者。舊云。能背捨故。即八解脫。能背能捨貪欲等

故。今言離分別動者。其八解脫。離定障等分別動故。

經方便是妙菩提。至攝諸有情故。贊曰。方便善巧。多為拔濟。故成熟有情。四攝攝生。其利

大也。經多聞是妙菩提。至如理觀察故。贊曰。下第四段有二。名一切善根。多聞為因。眾善皆

滿。故經說言。多聞能引樂。多聞攝眾善。多聞捨無義。多聞得涅槃。攝論復言。多聞熏習是

出世間心之種子。故能發起真實妙行。調伏能滅三業眾惡。如理觀察。何惡之為。惡法既

亡。善法斯起。故名善根。此二菩提因故。名為菩提。

經三十七種。至不虛誑故。贊曰。下第五段。彼有六種。名攝受正法。由行覺分自證無為。

故能永捨有漏有為。三業諸實。故行利他。不為虛誑。前直心者。心不諂曲。不僞不偽。此

諸實者。身心不虛。言不為誑。故二別也。經十二緣起。至皆不盡故。贊曰。觀諸眾生十

二緣起。皆無有盡。以眾生界無盡期故。經息諸煩惱。至真法性故。贊曰。由證真如。

煩惱便息。息者滅也。舊云。諸煩惱是道場。知

如實故。釋同。票異。義少難知。不見息言。甚難解也。

經一切有情。至皆性空故。贊曰。眾生及法。皆以真如無我性空。為自體。皆是菩提。所執

二我無二。無我可有。故是菩提。取此真如。名妙菩提。斷菩提故。是智處故。如彌勒申已

引教說。此上皆境。名為菩提。能生覺故。經降伏魔怨。至發趣事故。贊曰。下第六段有

六種。名供養如來。法供養故。四魔不動。隨願化生。不離三界。遠離二乘。唯趣聖果。彼無利

樂群生事故。經大師子吼。至無訶厭故。贊曰。善說法要。

如師子吼。妙慧簡擇。無所畏故。所畏者。訶罵厭污也。力無畏等。一切皆由所。善於有情

無訶厭者。故成菩提。由此舊云。無諸過故。力等無過。故無厭者。

經三明鑒照。至無餘智故。贊曰。由三際慧。一切智斷。煩惱究竟。皆至滅位。方獲三明。三

明及是煩惱盡位。無餘之智。故是菩提。經一剎那心。至圓滿證故。贊曰。一念之心能

達真俗。理事諸法。窮盡無餘。由一切智及一切種智。圓滿證故。一切智者。無分別智。能達

真如。種智者。後得智。能了俗事。一念雙行。能了理事。非如二乘相續方知。二合為名。名

一切智智。此三十二。於中二十二種。明因菩提及佛侶菩提。次二是境菩提。次二是

性菩提。後之六種。明用菩提。因中分三。初十自利。次八利他。後四通二。隨修唯位亦可

知也。

受十(佛) 偏二編 此二比 由二滅 勸一勸 時十(所) 意二志 受二愛 甲本冠註曰 名下疑有說字 貨二空 申二中 說二訖 所畏者 所證二欣 佛二伴



樂名法苑樂。得出世樂。應拾生死五欲樂也。經諸天女言。至大法苑樂。贊曰。此天女問。經無垢稱言。至動敬事樂。贊曰。下廣答也。合有三十五句法樂。舊經三十一句。總脫三句。一於所緣無依住樂。二於般涅槃正樂緣樂。三於巧方便善攝受樂。自餘錯者。至文當叙。仍說欣樂之字。於句初安。不說戲樂之字也。三十五句。分之爲六。初三得遇良田樂。次二出苦園證樂。舊一句。次三體達虛幻樂。次十。次七利他自利樂。舊有六句。此之三。種得遇良田樂。勝進惡緣故。於佛三身。起於決定清淨信心。不可破壞。名不壞淨心樂。於法樂。樂攝持。於樂僧中。勤行敬事。如契經言。諸佛出現樂。演說正法樂。衆僧和合樂。同修勇進樂。今此於良田起修行樂。稍與彼殊。

經於其三界。無依住樂。贊曰。第二此二出苦園證樂。勝苦沈淪故。初是出苦。後是證寂。舊經云。樂離五欲。此爲極狹。今離三界故。咸寬故。於所緣境。無所依。住心。無所安住。心不繫著。即是正智。證達諸法。若心依住。便非正證。故般若云。應無所住而生其心。若心有住。卽爲非住。是故佛說菩薩心不應住色布施等。舊經。闕此。經於諸蘊中。至如空聚樂。贊曰。第三此三體達虛幻樂。非三惑亂故。觀蘊無常遍切故。苦猶如怨害。故說爲魔。觀十八界。繫諸有情。故如毒蛇。舊經見喻。便言觀四大。四大以是六界攝。故觀十二處。猶如空聚。都無所有。舊云。觀內入。文意狹也。蘊者。積集義。具十一種。積集義。故謂色受想行識。界者。因義。持自性義。名持自性故。謂眼界色界眼識界。乃至意界法界意識界。處者。出生義。六根六境。出生六識故。謂眼耳鼻舌身意。色聲香味觸法。經於菩提心。至動供侍樂。贊曰。第四有十發心修行樂。勝進壞生死故。初一發心。次八修行。後一顯果。修行有三。一濟衆生。二事師長。三修六度。此有三。初一發心能固守。二活生能饒益。三事師能動供。經於惠施中。至離惑明樂。贊曰。此修六度。知施離貪。堅持淨戒。不會慢緩。驅。驅。致常堅護。故。由忍調順。離龜礦故。善修精進。集諸善根。修定之時。知無亂心。修般若時。能離諸惑。性是明照。斯爲樂矣。經於菩提中。廣大妙樂。贊曰。此知菩提樂。知菩提中有廣大樂。而生欣樂。求趣速證。無惱害樂。略有四種。一出離樂。二遠離樂。三覺法樂。四寂靜樂。此菩提樂。卽攝後二。說佛果故。舊云。樂廣菩提心。知菩提樂。而心樂廣。亦無爽也。經於衆魔怨。至能遍知樂。贊曰。下第五有十離惡攝善樂。勝能習非迷是故。初二離惡。後八攝善。此離惡也。於魔能摧。不爲彼惱。知諸煩惱。皆能永拔。經於諸佛土。至正修習樂。贊曰。下八攝善有二。初三嚴因。後五嚴果。此初文也。一修佛二因。不生穢土。因體如前序品中說。二相

好圓滿。無醜陋故。三善修福慧。離生死故。舊經第三明修諸功德。而無樂字。乃屬相好。與新懸別。三十二相者。依大般若第三百八十一。佛言善現。云何如來應正等覺三十二大士相善現。世尊足中有平滿相。妙善安住。猶如畜底。地雖高下。隨足所踏。皆悉坦然。無不等觸。是爲第一。世尊足下千輻輪文。鞞。鞞。衆相。無不圓滿。是爲第二。世尊手足皆悉柔軟。如都羅綿。勝過一切。是爲第三。世尊手足一一指間。猶如雁王。或有執網。金色交絡。文同綺畫。是爲第四。世尊手足所有諸指。圓滿纖長。甚可愛樂。是爲第五。世尊足跟廣長圓滿。與趺相稱。勝餘有情。是爲第六。世尊足趺修高充滿。柔軟妙好。與跟相稱。是爲第七。世尊雙足。漸次圓圓。如堅泥。耶仙鹿王。是爲第八。世尊雙臂。修直圓圓。如象王鼻。是爲第九。世尊陰相。勢深藏密。其猶龍馬。亦如象王。是爲第十。世尊毛孔。各一毛生。柔潤紺青。右旋宛轉。是爲第十一。世尊髮毛端皆上靡。右旋宛轉。柔潤紺青。嚴金色身。甚可愛樂。是爲第十二。世尊身皮細薄潤滑。塵垢水等皆所不住。是爲第十三。世尊身皮皆真金色。光澤如光耀。如妙金臺。衆寶莊嚴。衆所樂見。是爲第十四。世尊兩足。二手掌中。頸及雙肩。七處充滿。是爲第十五。世尊肩項。圓滿殊妙。是爲第十六。世尊腭腋。悉皆充實。是爲第十七。世尊容儀。圓滿端直。是爲第十八。世尊身相。脩廣端嚴。是爲第十九。世尊體相。縱廣量等。周匝圓滿。如諸聖陀。是爲第二十。世尊頤臍。并身

支二發一 進十息 攝持一持攝 論二論 住一 關一關 達一 三初二初三 攻二攻 二二土 中二下 較二較 都二觀 瞋二瞋 潤二軟 光二見 圓二洪 諸二諸

上中。威容廣大。如師子王。是二十一。世尊常光面各一尋。是二十二。世尊齒相四十齊平。淨密根深。白逾珂雪。是二十三。世尊四牙鮮白鋒利。是二十四。世尊常得味中上味。喉脈直故。能引身中諸支節脈所有上味。風熱痰病。不能爲難。由彼不難。脈離沈淫延縮壞損。摧曲等過。能正吞咽。津液通流。故身心。適常得上味。是二十五。世尊舌相薄淨廣長。能覆面輪。至耳髮際。是二十六。世尊梵音詞韻和雅。隨衆多少無不等聞。其聲。供震。猶如天鼓。發言婉約。如頻迦音。是二十七。世尊眼睫。猶若牛王。紺青齊整。不相雜亂。是二十八。世尊眼睛紺青鮮白。紅環間飾。皎潔分明。是二十九。世尊面輪其猶滿月。眉相皎淨。如天帝弓。是第三十。世尊眉間有白毫相。右旋柔軟如。都羅綿。鮮白光淨。逾珂雪等。是三十一。世尊頂上烏瑟膩沙。高顯周圓。猶如大蓋。是三十二。善現。是名三十二大士相。善現。云何如來應正等覺八十隨好。善現。世尊指爪狹長薄潤。光潔鮮淨。如花赤銅。是爲第一。世尊手足指圓纖長。臍直柔軟。節骨不現。是爲第二。世尊手足各等無差。於諸指間悉皆充密。是爲第三。世尊手足圓滿如意。軟淨光澤。色如蓮花。是爲第四。世尊筋脈。盤結堅固。深隱不現。是爲第五。世尊兩踝俱隱不現。是爲第六。世尊行步直進。莊嚴。如龍象王。是爲第七。世尊行步威容。齊肅。如師子王。是爲第八。世尊行步安平。庠序。不過不減。猶如牛王。是爲第九。世尊行步進止。儀雅。猶如

鵝王。是爲第十。世尊迴顧必皆右旋。如龍象王。舉身隨轉。是爲第十一。世尊支節漸次。顯圓。妙善安布。是第十二。世尊骨節交結。無隙。猶若龍盤。是第十三。世尊膝輪妙善安布。堅固圓滿。是第十四。世尊隱處其文。妙好。威勢具足。圓滿清淨。是第十五。世尊身支潤滑柔軟。光悅鮮淨。塵垢不著。是第十六。世尊身容敦肅。無畏。常不怯弱。是第十七。世尊身支堅固稠密。善相屬著。是第十八。世尊身支安。定敦重。曾不掉動。圓滿無壞。是第十九。世尊身相猶如仙王。周匝端嚴。光淨離翳。是第二十。世尊身有周匝圓光。於行等時。恒自照曜。是第二十一。世尊腹形方正無欠。柔軟不現。衆相莊嚴。是第二十二。世尊深右旋圓妙。清淨光澤。是第二十三。世尊臍厚不窵。不凸。周匝妙好。是第二十四。世尊皮膚遠離疥癬。亦無。點。疣。贅。等過。是第二十五。世尊手足充滿柔軟。足下安平。是第二十六。世尊手交深長明直。潤澤不斷。是第二十七。世尊唇色光潤丹輝。如頻婆果。上下相稱。是第二十八。世尊面門不長不短。不大不小。如量端嚴。是第二十九。世尊舌相軟薄廣長。如赤銅色。是第三十。世尊發聲威震深遠。如象王吼。明明濟微。是第三十一。世尊音韻美妙具足。如深。各響。是第三十二。世尊鼻高脩而且直。其孔不現。是第三十三。世尊諸齒方整鮮白。是第三十四。世尊諸牙圓白光潔。澀次鋒利。是第三十五。世尊眼淨青白分明。是第三十六。世尊眼相脩廣。譬如青蓮花葉。甚可愛樂。是第三十七。世尊眼睫上

下齊整。稠密不白。是第三十八。世尊雙眉長而。不白。絳而細軟。是第三十九。世尊雙眉綺靡順。次。紺瑠璃色。是第四十。世尊雙眉高顯光潤。形如初月。是第四十一。世尊耳厚廣大脩長。輪。埤成就。是第四十二。世尊兩耳綺麗齊平。離衆。過失。是第四十三。世尊容儀。能令見者無損無。染皆生愛敬。是第四十四。世尊額廣圓滿平正。形相殊妙。是第四十五。世尊身分上。生圓滿。如師子王。威嚴無對。是第四十六。世尊首髮脩。長紺青。細密不白。是第四十七。世尊首髮香潔。細軟。潤澤旋轉。是第四十八。世尊首髮齊整無。亂。亦不交雜。是第四十九。世尊首髮堅固不斷。永無。落。是第五十。世尊首髮光滑殊好。塵。垢不著。是第五十一。世尊身分堅固充實。逾那。迦。是第五十二。世尊身體長大端直。是。五十三。世尊諸。衆清淨圓滿。是五十四。世。尊身支勢力殊勝。無與等者。是五十五。世。尊身相衆所樂觀。常無厭足。是五十六。世。尊面輪修廣得所。皎潔光淨。如秋滿月。光五。十七。世尊顏貌舒泰光顯。含咲先言。唯向不。背。是五十八。世尊面貌光澤熙怡。遠離。青赤等過。是五十九。世尊身。皮清淨無垢常。無。臭穢。是第六十。世尊諸有諸毛孔中。常出如意微妙之香。是第六十一。世尊面門常。出最上殊勝之香。是第六十二。世尊首相周圍。妙好。如。來。達。那。亦猶天蓋。是六十三。世。尊身毛紺青光淨。如孔雀項。紅暉綺飾。色類亦。銅。是六十四。世尊法音隨衆大小。不增不減。應理無差。是六十五。世尊頂相無能見者。是

①推二②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿  
(許)①②③④⑤⑥⑦⑧⑨⑩⑪⑫⑬⑭⑮⑯⑰⑱⑲⑳㉑㉒㉓㉔㉕㉖㉗㉘㉙㉚㉛㉜㉝㉞㉟㊱㊲㊳㊴㊵㊶㊷㊸㊹㊺㊻㊼㊽㊾㊿  
①(是)②一③來④一⑤一⑥一⑦一⑧一⑨一⑩一⑪一⑫一⑬一⑭一⑮一⑯一⑰一⑱一⑲一⑳一㉑一㉒一㉓一㉔一㉕一㉖一㉗一㉘一㉙一㉚一㉛一㉜一㉝一㉞一㉟一㊱一㊲一㊳一㊴一㊵一㊶一㊷一㊸一㊹一㊺一㊻一㊼一㊽一㊾一㊿



六十六。世尊手足指。網分明。莊嚴妙好。如赤銅色。是六十七。世尊行時其足去地如四指量。而現印文。是六十八。世尊自持不待他衛。身無傾動。亦不逡巡。是六十九。世尊威德遠震一切。惡心見喜。恐怖見安。是第七十。世尊音聲不高不下。隨衆生意。和悅與言。是七十一。世尊能隨諸有情類。言意樂。而爲說法。是七十二。世尊一音演說正法。隨有情類。各令得解。是七十三。世尊說法威依次第。必有因緣。言無不善。是七十四。世尊等觀諸有情類。讚善毀惡。而無愛憎。是七十五。世尊所爲先觀後作。軌範具足。令識善淨。是七十六。世尊相好一切有情無能觀盡。是七十七。世尊頂骨堅實圓滿。是七十八。世尊顏容常少不老。好巡舊處。是七十九。世尊手足及胸臆前。俱有吉祥喜旋德相。文同綺。盡色類朱丹。是第八十。善現。是名八十隨好。善現。如來應正等覺。成就如是諸相好故。身光任運能照三千大千世界。無不遍滿。若作意時。即能普照無量無邊無數世界。然爲憐愍諸有情故。攝光常照。面各一尋。若縱身光。即日月等所有光明。皆常不現。諸有情類。便不能知晝夜半月。日時歲數所作事業。有不得成。佛聲任運能遍三千大千世界。若作意時。即能遍滿無量無邊無數世界。然爲利樂諸有情故。聲隨衆量。不減不增。善現。如是功德勝利。我先善薩位。修行般若波羅密多時。已能成辦。故今相好圓滿莊嚴。一切有情見者歡喜。皆獲殊勝利益安樂。如是善現。菩薩

摩訶薩。行深般若波羅密多時。能以財法二種布施。攝諸有情。是。甚爲希有之法。故具相好。名爲安樂。諸。文等缺。不名爲樂。修此因行。如瑜伽說  
經於妙菩提。而觀察樂。贊曰。此五嚴果。一莊嚴善提擬登正覺。二深法無驚。能受能說。三正觀解脫門。能修能證。四於涅槃繫緣希入。舊經無此。五觀衆生。終不非時。時諸應機。勸而濟利。非時者不應根機。往施教利。故世尊說法無四失。一無非處。二無非時。三無非器。四無非法  
經於同類生。樂將護樂。贊曰。第六有七利他自利。樂。勝損他及自故。初四利他。後三自利。此利他也。同類生者。同彼出世梵行之類。見其功德。常樂親近。見異此類。亦無增惡。善友樂近。增長善故。惡友將護。不生過故。菩薩地說。戒無穿缺。多聞修證。哀愍無畏。堪忍無倦。言詞辨了。名善友相。求施利樂。於此正知。有力善權。饒益不捨。大悲無偏。名爲善友。所作不虛。威儀圓滿。言行敦肅。無矯無嫉。儉不大者也。善隨捨。謙卑令憶。教授教誡。能爲說法。是名善友。可爲依信。有病無病。愛敬供侍。翹問迎禮。修和敬業。四事什物。不闕隨時。詣敬業事。問聽無動。名爲親近。故於是處。樂親近樂  
經於巧方便。最上妙樂。贊曰。此三自利。一於十二種善巧方便。善攝在身。舊經無此。二於正法喜而且信。樂而求知。三不放逸。常自策勵。修善提分。此爲最上

經如是諸姊。勿樂欲樂。贊曰。說天女中。第三結說。此法苑樂。菩薩常住。常樂此樂。勿樂欲樂。以勸之也  
經時惡魔怨。俱還天宮。贊曰。自下第三明欲還宮。文段有八。一喚女還宮。二女辭不去。三魔却從乞。四無垢施之。五天女問道。六無垢爲說。七天女禮謝。八捨制放魔。此初文也。經諸女答言。與汝俱還。贊曰。二女辭不去有三。初總辭。次陳理。後顯樂。此初總辭。經所以者何。與汝等還。贊曰。此陳不去之理。我已屬他。不能背去  
經我等今者。汝可獨還。贊曰。顯樂法也。故不能還  
經時惡魔怨。摩訶薩也。贊曰。三魔却從乞。心不耽著。離慳貪者。大菩薩故。經無垢稱言。法願滿足。贊曰。四無垢施之。大菩薩者。願衆生願。今順故捨。捨既是行。故便發願。當令汝等及諸有情。善法願滿。生死有罪。願不滿足。無罪勝願。皆令滿故。經時諸天女。云何修行。贊曰。五天女問道。經無垢稱言。汝等當學。贊曰。六無垢爲說有三。初略說。次復徵。後爲釋。此初也。欲令傳法不斷絕故。說無盡燈。欲令懇重求聞法故。所以略說  
經天女復問。無盡燈耶。贊曰。二復徵也。經答言。諸姊。亦無退藏。贊曰。三爲釋也。有二。初釋。後勸。釋中有三。初喻。次心。後結。此喻也。冥者暗也。新明不盡。舊明不滅。經如是諸姊。轉更增益。贊曰。此明心也。

①網二約②言十(音)③盡二盡(音)④日二月⑤辨二辨⑥此爲二爲甚⑦文二支⑧勸二觀⑨樂十(他)⑩經二經⑪經二經⑫[不大者也]⑬一[不大者也]⑭還二去⑮復二後⑯藏二滅

俱抵百億。那度多千億。菩薩化此。是立菩提。菩薩道心。終無盡期。轉轉生故。亦無退減。實增益故。此勸發心。

經如是爲他。亦無退減。贊曰。此明法也。若。宜正教法。教法更增長。後終無盡。初亦無減。盡謂總無。減謂減少。此勸爲法。

經諸姊當知。汝等當學。勸。贊曰。下勸彼修。初結勸後顯德。此結勸也。

經雖住魔宮。至一切有情。贊曰。此顯修德。勸發心者。即是知佛多劫恩德。真能酬報。自利行滿。亦是利樂一切衆生。利他德也。

經是諸天女。至無垢稱。是。贊曰。七天女禮謝。聞道既深。故爲頂謝。

經時無垢稱。還於本宮。贊曰。八捨制魔還昔通力制。令彼不還。說利既周。故捨前制。

經世尊。詣彼問疾。贊曰。下結答詞。由卑躬請退。

說無垢稱經卷第四本

### 說無垢稱經卷第四本

經爾時世尊。問安其疾。贊曰。此第四命蘇達多。初命。後。辭。此初命也。蘇達多者。此云善施。善濟孤窮。心無所惜。故名善施。舊云善德。名義稍乖。

經時蘇達多。詣彼問疾。贊曰。下。辭有三。此總陳道屈。渠設財會。無規世。福。教法施因。令祈出世。道窮理屈。故。辭不堵。

經所以者何。遲期滿十日。贊曰。別顯理窮有二。初微。後顯。顯中有二。初陳已事。後顯他。辭。此微及陳已事也。祠者。會也。集。財食俱備。祈禱勝果。衆集一處。故名祠會。不簡細素。故有沙門婆羅門等。不擇正邪。故有外道。不簡貧賤。故有孤獨乞人。無父母曰孤。無子弟曰獨。心祈世福。故限七日。期者。退也。

經時無垢稱。至財施祠會。贊曰。下顯他詞有四。初總勸捨財命修法施。二別顯法施衆行之相。三二百梵志皆發大心。四善施歡喜璣珞等施。此初文也。祠會之法。汝今不當。應設法會。而捨財祠。

經我言居士。至法施祠會。贊曰。自下第二別顯法施祠會之相。於中有三。一問。二答。三結勝利。此爲問也。

經彼答我言。至法施祠會。贊曰。此答有三。初總答。次自微。後廣顯。此總答也。時無前後。顯心平等。行一因。招大利果。供養一切。顯因境遍。果亦大故。

經其事云何。贊曰。此自微。

經謂以無上。引發大捨。贊曰。下廣顯。有三十二句。分之爲五。初四無量行。次六到彼岸行。次三等持行。次九難修行。後十次第行。

此即初也。說菩提樂相與衆生名慈。由說智覺引大慈故。解脫苦相。引發大悲。拔衆生苦。令得解脫。由說涅槃引大悲故。舊云。以敬衆生。拔苦敬。仰令解脫故。欲令衆生善皆隨喜。引發大喜。舊云。以持正法起於喜心。應在捨中令離之爾。其正法者。教理行法。於此正

法。擬令攝受。又擬令於果法正智引發大捨。令捨貪瞋癡。而攝受正法故。舊經文別。義意微同。

經以善寂靜。至波羅蜜多。贊曰。次六到彼岸行。令諸衆生除慳貪等。善能寂靜調伏心行。引於布施。化犯戒者。引於淨戒。

經以一切法。至波羅蜜多。贊曰。若有我者。不能堪忍。見大苦故。故無我和。引發堪忍。執著身心。不能精進。生疲倦故。遠身心相。即能精進。不憚劬勞。

經以其最勝。至波羅蜜多。贊曰。無漏七覺。必依靜慮。故爲覺支。引發禪定。舊云。菩提。菩提分也。聞佛二智。擬當證故。引發般若。

經以他一切。至引發無願。贊曰。此三等持行。見有衆生。不能化度。度之不堅。觀我。如空。故能常化。故以化相。而引發空。有爲有相。亂擾心神。爲對治此。引修無相。舊云。不捨有爲。與此相返。菩薩恒於欲色二界。隨類化生。名故作意受生行相。引發無願。本不願求三界受生。名故作意。

經以善攝受。至引發無慢。贊曰。次九難修行。力有二種。一思擇。二修習。以將攝受正法行相。而引思擇修習二力。命根有二。一世命根。第八識種。二勝命根。謂慧種子。善修攝事。隨其所應差別行相。引此二命。舊文稍別。菩薩持戒。於諸有情。心不貢高。如奴如僕。如梅茶羅。如孝子等。故如僕隸。引發無慢。

經以不堅實。至引發正念。贊曰。生死有漏財。名不堅實。出世無漏財。名爲堅實。以此換

是二足 宜二宜 勸一 是二足 足 不分卷 甲本冠註曰已下舊本卷第四末 辭二詞 無規 二新現 福十 故 故 十二七 教二教 他二化 發二修 如二切



退

經如是世尊。問安其疾。贊曰。下品第二段。後命餘類。皆陳不堪。有二。初類命。後類詞。此類命也。經是諸菩薩。詣彼問疾。贊曰。此類辭也。

問疾品

方便品下。總有四品。隱迹利他中。初一品總叙權。後三品別叙權。上來聲聞菩薩別叙昔權。問疾一品。則叙今權。示疾閑齋。方希有問。因對揚而辨道。說。來慰以濟生。此品廣陳彼事。故名問疾品。

經爾時。佛告。至慰問其疾。贊曰。此品之中。大文有五。初佛勸吉祥。二吉祥承命。三天人隨從。四往彼對揚。五時來獲益。此初文也。歷試群賢。皆謂不敢。惟能在此。是故命之。梵云曼殊室利。此云妙吉祥。吉者善利。祥者吉慶。言情不測。立以妙名。又濟物之神功。名吉祥。生集善名。吉。利用超絕。復云妙矣。故言妙吉祥。舊云文殊師利。此云妙德。詞僞遠耳。慰者安撫之異名。問者詞徵之別稱。安撫詞徵。故言慰問。

經時妙吉祥。至難為酬對。贊曰。下吉祥承命。文意有三。初略談顯敵。次別顯德高。後結答難酬。承威當往。此初文也。士者士夫。假者之號。大者非小。道德尊稱。酬者答。對者敵。彼德尊高。難為答對。

經深入法門。至覺惡無礙。贊曰。下別顯德高。有十三句。舊有九句。無新經四。已到彼

岸。說法界門。知有情根。自在問答。餘文少異。義意多同。十三句中。合為六對。初二證真說真德。次二句說俗證俗德。次二句利他自利德。次三句破惡契善德。次二句知根善化德。後二句有智能論德。要先證真。方能達俗。既知此已。便能二利。利益之門。無過破惡而契於善。禍滅福臻。遂能知根善化。道圓智上。辨迅詞高。有智能論。誠深顯敵。此中四句。初二句證真說真。後二句說俗證俗。深入法門。能證真故。善能辨說。能說真故。住妙辨才。能說俗故。覺慧無礙。能證俗故。

經一切菩薩。至悉能隨入。贊曰。此二句。利他自利。菩薩事業。皆已成辦。能利他故。能入二聖祕密之處。能自利故。菩薩事業。本為利他。祕密真如。證成自利。

經善攝眾魔。至究竟彼岸。贊曰。下三句破惡契善。初一破惡。後二契善。能證能說。契真法界。故成兩句。此中二句。破惡證真。攝者攝持。攝御攝受。善攝四魔。故名巧便。魔不能魔。故名無礙。究竟彼岸。體即涅槃。解脫生死之此岸故。此真法界。聖者所行。無我法二。亦無種種雜異所執。極為最勝。彼皆已到彼岸。故智能證真。名已到也。

經能於一相。至莊嚴法門。贊曰。此能說真。言合理故。清淨法界。萬德莊嚴。無相為相。故言一相。諸經中說。一切諸法。皆同一相。所謂無相而為相故。能於法界一相法中。說無邊相莊嚴清淨法界法門。謂說佛性如來藏法

身真如涅槃解脫法界法性。等無量法門。說衆多德相莊嚴於一相。言雖多相。仍契一相。故名能說。

經了達一切。至最勝神通。贊曰。此二句。知根善化。德。謂根性。行謂意樂。或行謂行相。根之行相。無別體也。由知此根。六通善化。經到大智慧。至無畏自在。贊曰。此二句。有智能論德。方便者智妙。用。趣。況。及。所歸處。故能問答無畏自在。若摧他論。妙達自宗。論式論嚴。無不解故。

經非諸下劣。至所能抗對。贊曰。下結答難酬承威當往。有二。初結答難酬。後承威當往。此初也。鋒者利也。快也。由具前德。故非下劣。利言快詞。所能敵對。或此屬前能論句中。下方結文。將為穩便。

經雖然我當。至與其談論。贊曰。此承威當往。雖然之聲。義兼德失。吉祥謙讓。云彼高德。我非彼敵。此我失也。我德不當。承威當往。此佛德也。故言雖然。餘意可知。

經於是衆中。至威作是念。贊曰。自下第三天人隨往。有三。初明心念。次明請往。後正陳去。心念有二。初。要。後顯。此初也。

經今二菩薩。至隨從詣彼。贊曰。此顯念也。吉祥無垢。是二菩薩。言思不測。名曰甚深。情用周普。故言廣大。所知決定。言勝解也。道清智博。言談必深。我等為聞。相率應往。率者他領。勸他部領。隨從詣彼。

經是時衆中。至皆請隨往。贊曰。此明請往。佛默無答。明知許之。舊文無請。但云欲從。

●說無垢經疏卷第四本終● ●說無垢經疏卷第四末首● 甲本註曰經卷第三 ●三二二● 〇二託一〇 託一〇 (法) 〇十來● 〇佛告二世尊● 〇吉二喜● 〇祥二荷一〇 荷一〇 〇生十(之)一〇 (之)一〇 〇吉二祥一〇 〇惡二慧一〇 〇二十(句)一〇 (句) 〇 〇辨二辨一〇 〇到十(到)一〇 (到)一〇 〇到二到一〇 〇德十(根)一〇 〇用十(經謂)一〇 (經謂)一〇 〇況十(或趣是所趣已到智趣妙用趣況)一〇 十三字一〇 (或趣…況)十三字一〇 〇(所)一〇 〇所二所一〇 〇(能)一〇

經時妙吉祥至頂禮世尊。贊曰。下正陳去。有二。初稟命敬辭。後正明往。此初也。承威將往故威起。稟命不輕故頂禮。

經前後圍繞。將問其疾。贊曰。此正明往。吉祥道首。群從皆隨。既出菴羅。往問其疾。

經時無垢稱至現疾而臥。贊曰。自下第四往彼對揚。有二。初無垢逆想待賓。後吉祥順教問疾。初中有二。初逆想。後待賓。此逆想也。

合有六想。一以已力。二空室內。三除一切。四無侍者。五置一床。六現疾臥。顯自德高。彰下不思。議事故。想以已力。顯智證真。彰下問答此室何以空故。想空室。顯斷染惱。彰下普現一切色身及念食等故。想除一切。顯超三界。彰下問答何無侍者故。想無侍者。顯解脫無二。彰下念坐故。想置一床。顯念衆生。彰下四問故。想現疾而臥。四問者。一問疾源。二問疾相。三問慰喻。四問調伏。至下當知。雖有六想。總有三意。一即寂而用。二證三空。三得不住道。神力用也。空室寂也。無侍者等表衆生空。除一切者表諸法空。置一床者。由大智故不住生死。居解脫床。示疾臥者。由大悲故不住涅槃。隨順救苦。

經時無垢稱至現疾而臥。贊曰。此待賓。此中有五。除一切。無侍者。合爲一文。除諸所有。並在中故。

經時妙吉祥至獨寢一床。贊曰。下吉祥順教問疾。有二。初明其所見。後明兩共談論。此初文也。

經時無垢稱至不聞而聞。贊曰。下明兩共談

論。復二。初明見軌。後明談儀。見軌有二。主人先唱。示命進而納賓。上客後陳。現對揚而莫逆。此初文也。西方見客法示命進。菩薩修行命進問安。皆言善來。喜此來故。而又逆言從來不來。今者乃來。從來見聞。今時創見聞。如世說言。從來不來。今乃能來。極爲恩幸。謝此來故。樂莫樂乎新相知。歡莫歡乎此相遇。由此下文。吉祥答言。若已來者。不可復來。從來未來。如今。如來。創來名來。久來非來故。此依事釋。又理解云。恐言滯過。拂妄顯真。是故復言不來來等。空理義云。因緣世俗。可說有來。彼既非真。即不來來。彼來既不來。此亦不見見。身既不見見。言亦不聞聞。顯無妄來等。有真來等故。應理義云。如凡所執。無故不來。因緣事俗。假可有來。彼既因緣。假可有來。無計所執。真實之來。此亦無彼所執之見。而有因緣。假可稱見。身既不見之見。言亦不聞之聞。無妄所執。順俗來故。或真中無相。故言不來。俗裏有形。復言而來。彼既真不來。俗中有其來。此亦真不見。俗中假有見。身既真不見。假俗可稱見。言亦真不聞。俗中可有聞。體真達俗。故能來也。

經妙吉祥言至不可復去。贊曰。下上客後陳現對揚而莫逆。有二。初答來儀。後答見聞。初中復二。初稟答。後釋答。此稟答也。依事釋言。如是者。順成彼說。來者向方丈。去者背菴園。又因彼言來乘便談去。向此來者定背彼去故。若從來已來者。不可復來。但爲從來未來至此。所以今來。去亦如是。依理釋者。空

理義云。世俗諦有。若已來者。勝義諦空。不可復來。世俗諦有。若已去者。勝義諦空。不可復去。故知來去且隨世俗。依勝義諦。無去無來。成無垢稱不來而來也。應理義云。若計所執執已來者。此體空無。不可復來。若計所執執已去者。故知來去皆隨因緣假施設有。都無實相。又有解云。若隨世俗依他起。有已來者。勝義真如無差別相。不可復來。若隨世俗依他起性。有已去者。勝義真如無差別相。不可復去。故知來去皆是世俗依他假立。勝義都無。此舉已來。例彼正來。當來亦爾。故不重述。經所以者何。至可施設去。贊曰。下釋答。來。依事釋者。非已來者可施設來。要未來者。方可來故。非已去者可施設去。要未去者。方可云去。依理釋者。空理義云。非世俗有諸已來者。依勝義諦。可施設來。非世俗有諸已去者。依勝義諦。可施設去。勝義空故。應理義云。非計所執執已來者。可施設來。要依他中。諸未來者。可假設來。非計所執執已去者。可施設去。要依他中。諸未去者。可假設去。又有解云。非隨依他諸已來者。依真如理。可施設來。亦非隨依他諸已去者。依真如理。可施設去。此顯依他有來有去。真如理中。無來無去。舊云。來者無所從來。去者無所至。與新不同。但可理解。不得事釋。亦可言理中無來去。事有未來。今始來故。經其已見者。至不可復聞。贊曰。空理應理二義雖殊。並准去來。見聞亦爾。經且置是事。至不至增乎。贊曰。下明談儀有

經二轉。○勝莊曰。現本無將其二字。○議二議。議。○特二特。○其二至。其。○(來)十見。○文十(言)。○如二始。始。○身二真。身。○儀二義。○因二聞。○去十(者)體亦無故不可復去。九字。○(者)去。九字。○起十(性)。○(性)。○來十(去)。○(去)。○(未)十來。○(未)十來。○去十(也)。○(也)。

五。一總彰問疾別問疾源。二問空寂及無侍者。三問疾相。四問慰喻。五問病者調伏心儀。此中意彰菩薩之病與異生別。既斷事成人法二空。法人既空。應無病相。病既無相。云何來慰。相可知。病者如何自調心意。故是次第。合為五文。初中有二。初問。後答。問中有二。初總彰問疾。後別問疾源。總彰問疾有三。初為五問。二傳佛教。三為兩問顯慰了寧。此初文也。五問者。一問苦多少。二問命有無。三問界乖順。界即四大。四問疾輕重。五問病停加為停停修。舊為加增益。因

經世尊殷勤致問無量。贊曰。傳佛教也。所言雖少。問意無量。經居士此病至稍得安不。贊曰。此為兩問顯慰了寧。痊者愈差。安謂平和。病少差。不動心之與氣力。稍得平和。不經今此病源。當云何滅。贊曰。此別問病源。有三。一問病根源。二問病來久近。三問滅位。久者遠。如者喻。此問意云。病生久近。喻如何等。

經無垢稱言至生亦復爾。贊曰。下無垢。祥答。不答總徵。但報別問。有三。初別答久近。次合答久近及滅位。後答病源。此初文也。問依次第。答遂義由。故不同也。有情生死無明為因。能發諸行有愛為緣。潤諸業故。生老死起。無始流轉。衆生癡愛。生來既久。我今此病。亦無始生。

經遠從前際至我。即隨愈。贊曰。此合答久近及滅位。初標。後釋。此標也。我前久近云遠。

從生死無始前際。有情即病。我亦隨之。久近。如彼有情解脫生死。我病亦愈。有情生死。總無盡期。我病未差。病生無始。滅亦無終。以衆生界無盡期故。

經所以者何。至無復有病。贊曰。下釋近久滅位有三。初法說。次喻說。後合說。此法說也。菩薩生死為度有情。名依有情流轉生死。由依生死有情病故。菩薩亦病。若諸有情得離生死。菩薩乃差。

經譬如世間至父母亦愈。贊曰。此喻說也。長者喻佛。居士喻菩薩。一子喻衆生。憐愛喻大悲。歡喜喻慶悅。不捨喻攝受。故亦隨子。若病者愈。

經菩薩如是至菩薩亦愈。贊曰。此合說也。菩薩合居士。顯無垢稱居因位故不合長者。慈合恰愛。有情合一子。病愈合前若病者喻。不合歡喜無時暫捨。大意可知。經又。吉是疾。至從大悲起。贊曰。此答病因。大悲熏煮。故是病生。大悲為因。故菩薩病。與異生別。

經妙吉祥言至復無侍者。贊曰。下第二段問彼室空及無侍者。有二。初問。後答。此為雙問。一問室空。二問無侍。初問法空。後問生空。若諸菩薩。隨諸有情。病及愈者。寧成二空。經無垢稱言至亦復皆空。贊曰。下答有二。初答室空。後答無侍。初中有十三問答。此初答也。空理義云。一切佛土。皆本空寂。故今我室真性故空。應理義云。法身佛土。因空所顯。空理故空。報化佛土。空無所執。空事故。宜。

體皆非無。我今此室。表佛土空。是故空也。經問何以空。贊曰。二問也。為何所以佛土亦空。

經答以空。贊曰。三答也。空理義云。以勝義諦空無所有。佛土便空。故言以空空。應理義云。以空無彼遍計所執。方能顯於法報。佛土。法報。佛土由此稱空。名。空。非空無空。經又問此空為是誰空。贊曰。四問也。問此所空誰為能空。

經答曰此空無分別空。贊曰。五答也。心有分別。執有非空。由無分別。故一切空。空理義云。雖知諸法本性皆空。證無分別證空故。應理義云。心有分別。執所執有。由無分別。證所執空。

經又問空性可分別耶。贊曰。六問也。空理義云。真空之性可分別耶。無無分別而不證空。應理義云。所執空性可分別耶。有分別時而不證空。經答曰此能分別至分別為空。贊曰。七答也。初標答。所以者何。下釋。空理義云。能分別心。體性不空。可能分別真空之性。能分別心體性本空。何能分別真空之性。故釋之云。空性不可分別為空。能緣所緣俱性空故。前隨執有。且對名空。其實此空。非空不空。何可分別。應理義云。執能分別既是所執。亦復體空。不但所執境名之為空。執有能取心亦是空。故有此實能取所取空可分別。分別心亦空。空性誰分別。由此道理。故釋之云。空性不可分別為空。前隨依他真如道理。對彼執有。且

分別為空。前隨依他真如道理。對彼執有。且

●說二室● ●相二慧● 相一● ●因二因● ●心二止● 止● ●詳二解● 解● ●即二本● ●古二首● ●持二侍● ●宜二空●  
●二空● ●二化● ●者二云● ●取一● ●且二但●

說爲空。其此空非空不空。何可分別

經又問此空當於何求 贊曰。八問也。問空

所由。於何處求。知此空相

經答曰此空至二見中求 贊曰。九答。六十

二見有多文。或有我見我所見爲本。於一一

蘊。皆執爲我。皆有三。所謂是我璣瑤。是我

童僕。是我窟宅。由分別行緣蘊不分別所起

處。成此二十句。二十句中。五是我見。十五

句是我所見。三世五蘊。各執二十。成六十

種。并本二種。有六十二。又有經言。六十二

見。二見所攝。一邊見。二邪見。邊見攝四十

七。謂四邊常論。四一分常論。有相十六論。無

想有八。非有相非無相亦八。此四十見常見

攝。七斷滅論斷見攝。故成四十七。邊見所攝

邪見攝十五。謂四有邊論。四不死矯亂。二無

因論。五現法涅槃論。此等門義。皆如別章。恐

繁不述。由此妄見。執諸法有。執心既妄。故知

境空。雖知空遍由五見。其六十二。數多妄甚。

且偏說之。亦無過也

經又問六十二見當於何求 贊曰。十問也。

問此諸見虛妄所由。此見虛妄。求何得知

經答曰當於諸佛解脫中求 贊曰。十一答

也。諸佛於此而得菩提。故知見妄。又迷解

脫起此見故

經又問諸佛解脫當於何求 贊曰。十二問

也。問此解脫是誰能證。證此解脫。於何處求

經答曰當於至心行中求 贊曰。十三答也。

由諸有情心迷正理。諸妄見起。便不解脫。有

情心行。若悟真理。斷諸妄見。便證涅槃。是故

解脫有情心求。上六問答。皆應理義。空理義

云。妄境心無二空於諸見求。妄真無二故見

於解脫求。因果無二故解脫於心行求。勝義

諦中。皆無二故

經又仁所問至皆吾侍也 贊曰。下答第二

問何無侍者。初標。後釋。此標也

經所以者何 贊曰。下釋有二。初微。後釋。此

初微詞也。夫侍者者。衆事恭順。動止必俱。此

二不然。何故名侍

經一切魔怨至皆吾侍者 贊曰。摩訶生死

恐超三界。我爲衆生。不厭不棄而又制之。令

隨恭順常能爾故。以摩爲侍。外道欣求一切

惡見。亦復讚之。我求智見。見達諸法。不厭不

棄。又亦化彼令隨恭順。常能爾故。外道爲侍

舊云於諸見不動。雖起善見惡見不動。理亦

無乖此上意者。空理義云。雖證二空。真不壞

隨世俗故。亦有侍等。應理義云。雖知所執真

如性空。因緣事中。不無侍等。是故有病

經妙吉祥言爲何等相 贊曰。自下第三

問病之相。有三問答。此初問也

經答曰我病至亦不可見 贊曰。此答初也

相者狀也。我病不是諸色所攝。不同世病依

色變現。故無相狀。亦不可見。以是大悲精進

逼迫名爲病故。此病乃以利樂精進。大悲所

起。大悲非色

經又問此病至爲心相應 贊曰。第二問也

問病在身爲在心耶

經答曰我病至如幻化故 贊曰。此第二答妄

執有身相。此身相都無。名身相離。離者空也。

非此身相應。因緣假有如影像身。此身非無

病與身相應。以身語業濟衆生故。前答實事

病非色相。今答隨衆生故亦身相應。或五識

有名身相應。非色處色。亦不相違。妄執有心

相。此心相都無。名心相離。離者空也。非此心

相應。因緣假有如幻化心。此心非無。病與心

相應。常以意業利衆生故。舊身但有非相應

義無亦相應。心標非相應解有相應義。細勘

方知空理真諦非二相應。俗二相應。應理二

性非二相應。依他二相應

經又問地界至何界之病 贊曰。此第三問

其病體者。四大乖違。令衆苦過。於此四界。何

界病耶。界者性也因也類也。四大體類說爲

色。因故名爲界

經答曰至界性離故 贊曰。衆生病故。即我

病生。衆生四界爲病。因彼。亦是四界。界性

空離。亦非四界身心四界。皆言離者。空。離

義云。真性空故。應理義云。所執無故。意恒

有別。一初唯知。雖知二空。爲生亦病。故有

病相

經無垢稱言至令其歡喜 贊曰。自下第四問

慰喻。有二。初問。後答。此問也。賓主對揚。適

相發起。上來客問主託。故此主人問客。又主

人之事。客。人爲能問。客人之事。主人問之。

慰疾客人之事。故無垢爲問。慰者安。喻者曉。

云何安慰曉喻病者。舊經乃是文殊爲問。淨

名爲答。其義極乖。非文殊不解慰喻可以問

他

經妙吉祥言至樂於涅槃 贊曰。下答有二。

○(實)十其○,其十(實)○ ○想二相○ ○菩提二涅槃○ ○侍二侍○ ○自二身○ ○因二同○,因一○ ○離二理○ ○初二切○,切○ ○(人)一○ ○珠二珠○

初答後結。答中有十句。初五勸作而不作。後五勸所作而依。或初五令離惡。後五令修善。此中有二。二乘示無常。勸灰滅智。厭離於身。菩薩不然。示身無常。應生厭離。勸得常身金。剛不壞。二。衆示苦。勸樂涅槃。永入寂滅。菩薩示苦。令捨苦身。不勸入寂。教化衆生。經示身無我。畢竟寂滅。贊曰。示身無我。誰爲病者。不勸成熟有情。無實衆生可成熟。故。若假有情。亦勸成熟。故。舊經說教導衆生。二乘示空。永入寂滅。菩薩雖示一切空寂。除諸有惡。不勸衆生入畢竟寂。此二皆由大悲重故。

經示悔先罪。至令除彼疾。贊曰。空理義云。二乘執有三世。現作罪已。入過去世。名有移轉。過去有體。當來感果。大乘之罪。本性皆空。何有移轉。即教病者之懺悔義。應理義云。大乘之罪。熏種在身。未悔已前。念念現在。不入過去。名無移轉。未除不滅。當來感果。而雖教彼有疾。菩薩悔先作罪。罪恒現在。而不說罪移入過去。過去無故。由此舊云。而不說入於過去。又移轉者。滅無果義。示先作罪能有惡果。令其悔除。不說作罪移滅無果。以已疾苦。難可忍受。勸感有情。令除彼疾。

經勸念前。際至令修淨命。贊曰。勸念無。始所受衆苦。難可忍受。由此乃應饒益有情。勿爲煩惱若有。助命善法不生。勸修諸善。根本淨命。淨命乃是衆善本故。

經勸勿驚怖。至令永寂滅。贊曰。雖遇疾病。勸勿驚怖。此病衆苦。應加勵力。精勤勇猛。

冀超生死。勸爲醫王。療世自他世俗身病。及療勝義一切心病。令永寂滅。經菩薩至令其歡喜。贊曰。此結前也。道從歡喜生。況令得妙法。故慰疾者。令其歡喜。經妙吉祥言。至調伏其心。贊曰。自下第五問於病者。調心儀式。初問。後答。此問也。調和善生。制伏惡滅。名調伏心。

經無垢稱。欲至所起業生。贊曰。下答有三。初明調伏凡夫心法。次又妙吉祥有疾菩薩應自觀察。如我此病下。明調伏二乘心法。後又妙吉祥有疾菩薩應如是調伏其心。不應安住調伏不調伏心下。雙調二心。諸菩薩行能調。況無分別智。及與大悲。所謂謂二障及唯自利。凡夫有障。故能造業。受生死苦。今破二障。業盡苦滅。是以初明調凡心法。二乘雖能出生死苦。然有分別。唯求自利。捨利衆生。是以第二明調伏二乘心法。凡夫未調。二乘已調。皆唯偏住。非契中道。善薩雙離。以修中行。是故第三明雙調二心法。又諸疾起。皆由二執。一者執有。二者執無。爲調此二。故分成三。初明二空。以破有。次明大悲。以破無。後明不住。以雙破。依前所科。配此三段。初中有二。初正調伏凡夫心。明二空。以破有。後又妙吉祥下。結成勝覺。能斷衆苦。初中有二。初破自病。後破他病。若苦觸身。應除險趣。下是。初中復二。初破我執。斷煩惱障。後我此法想下。破法執。斷所知障。初中復二。初標。後釋。標中復二。初觀因緣法。後觀無實我。此初文也。三界心心所。名爲虛妄。不證實相。即此乖

真。名爲顛倒。虛異構獲。名爲分別。由此煩惱。而起於業。令生老死衆苦之病。從自因緣煩惱業生。知唯法已。經身中都無。至而受此病。贊曰。此觀無實我。因緣虛假。合以爲身。無一眞實。知無實我。而受此病。我既非實。病何得眞。經所以者何。至身亦無我。贊曰。自下釋中有二。初觀無我。後觀唯法。觀無我中。初觀。後結觀中有二。初觀無我。後觀因緣。次第釋標。故四大之法。假合名身。別大既無主。總身亦無我。別總推徵。我都非有。

經此病若起。至是病根本。贊曰。此觀因緣。病由業生。業由惑生。惑由執我爲本。故生。我既實無。妄執故起。妄心爲本。遂有病生。故知病者因緣不實。

經由此因緣。至安住法想。贊曰。上觀我無。此且由結。應除病因。執我之想。唯有因緣。住此法相。觀因緣法。以破我故。經應作是念。至滅唯法滅。贊曰。下觀唯法。初觀。後結。初總觀。後別觀。此總觀也。總觀此身。法合共成。念念生滅。生死流轉。三界五趣。四生時。唯有法生。死滅之時。亦唯法滅。衆生妄想。謂我生死。實唯法也。

經如是諸法。至不言我滅。贊曰。此別觀也。別觀此身。諸法相續。法無知故。互不相知。竟無思念。生既不言我生。滅亦不言我滅。故知無我。無實作用。唯有其法。經有疾菩薩。至如是法想。贊曰。此結觀法。知唯有法。當除我想。二十論云。說無有情我。

①依二作 ②勸十(身) ③剛二對 ④衆二乘 ⑤際二除 ⑥始十(來) ⑦煩二損 ⑧助二邪 ⑨勸二勸 ⑩式二出 ⑪欲二言 ⑫明一 ⑬況二謂 ⑭伏一 ⑮二一 ⑯由二曲



但有法因故

經我此法想至如是大患 贊曰。上破我執。斷煩惱障。下破法執。斷所知障。有二初略。後廣。此略也。昔執我想。猶是病根。今執法想。及極顛倒。我想既是生死之根。法想乃是我執之源。障菩提本。實為大患。我應除滅。亦為有情除滅此患。法執本滅。煩惱自亡。故破法想。言為有情。破我執中略不言也。勝鬘經言。無明住地。與一切煩惱。為依持建立。若無明住斷者。過恒沙煩惱皆悉隨斷。二乘所不能斷。唯佛菩提智之所能斷。故無明住地。為煩惱依。

經云何能除至我我所執 贊曰。下廣有二。初破有病。後破空病。此二既無復為空等是。初破中有五問答。展轉相生。舊經有四。此初問答。受生死苦。不得菩提。名大患體。此由煩惱。我我所執。當順除滅。

經云何能除至謂離二法 贊曰。第二問答。由離二法。二執須除。

經云何離二法至畢竟不行 贊曰。第三問答。內者自身。我執所依。外謂除身所餘諸法。我所執依。但此二不行。我我所執滅。

涅槃。二俱平等。妄心所執。性皆空故。非真涅槃。又體非有。與妄所執我相同無。涅槃非是妄所執故。若真涅槃亦妄所執。諸聖等趣。何所證也。又所執有。可異涅槃。而稱不等。所執既無。不異涅槃。是故平等。

經此二既無至假說為空 贊曰。破自患中。上破有病。下破空病。有三。初乘前破有。以顯空義。次顯執空亦成大患。後勸住真。離有空病。此初文也。恐執非有。別有實空。今顯破執有故假說為空。以假空名破執二實有。非空即實空。

經此二不實至唯有空病 贊曰。下顯執空亦成大患。有二。初顯執空為病。後顯除此空病。此初也。執二為有。既為大患。執空為空。亦足病矣。俱妄分別執所執故。

經應觀如是至畢竟空故 贊曰。此除空病。空理義云。不但執有病已成空。執空之病。其性亦空。勝義諦中。畢竟空故。由斯世俗妄病皆除。應理義云。上觀法境其性空無。知能執此亦性非實。既知空境妄執不真。能執空心亦定非實。遍計所執畢竟空故。

經有疾菩薩至而受諸受 贊曰。下。觀住真離有空病。此總離有空病。言能受者。心心所法。能緣能修。能證能領一切法也。言所受者。心心所法。所緣所修。所證所領一切法也。有所受者。即安所執。有能受者。即妄能執。有疾菩薩應無妄所受。而受諸所受。空理義云。無世俗二受。依勝義受空。應理義云。無所執二受。依非妄二受。應無所受。離有病。耶受諸受。

離空病

經若於佛法至所受諸法 贊曰。此別顯離有空病。空理義云。佛法未圓。不應唯依勝義滅受。專謂法空而有所證。應依俗諦離妄二受。而求圓證。滅除病惑。應理義云。佛法未圓。不應唯依滅所執受一。向學空而有所證。應離所執能受所受。而依他圓成二性而求圓證。除滅病因。

經若苦觸身至除彼眾苦 贊曰。下破他。疾有四。一。逢緣起想。二。恒作救心。三。知法性空。四。觀圓說法。此初文也。若增若觸。思有苦者。大悲為救。我之少苦。尚為難忍。思他救療。況他多苦。長夜難堪。而不加救。

經有疾菩薩至有情諸疾 贊曰。情作救心也。若非苦增有常疾者。恒作此念。即觀三界五趣起悲。

經如是除去至而可除者 贊曰。知法性空也。觀自他身。法皆無實。何有少法而可除者。故病皆除。不見疾故。舊云但除其病而不除法。空理義解。舊云有病妄可除。空法真不遣。真本來空。遣何所遣。應理義解。舊云妄所執病。觀空除之。有為無為。是法非病。何須除遣。經應正觀察至為正說法 贊曰。下觀因說法。初標。後釋。此標也。觀察自他病之因緣。速令除滅。既自滅已。後為他說。

①及二乃 ②故一 ③故二 ④顯二須 ⑤觀二勤 ⑥耶二而 ⑦向二而 ⑧依一 ⑨疾二病 ⑩逢二 ⑪圓二因 ⑫思二 ⑬救二拔 ⑭情二恒 ⑮性一

別心心所。由此因緣分別。便起分別。便起故無明俱。無明俱故法執生。法執生故我執生。我執生故諸煩惱。生煩惱生故業生。業生故苦。生。故有緣慮。有漏分別心心所法。為疾因緣。有緣慮者皆有疾故。疾體即苦行壞苦。苦皆皆是三界緣慮。皆名為疾。

經何所緣慮謂緣三界。贊曰。第二問答。三界之心。緣於三界。是名緣慮。若。知行智。不緣三界。破裂生死。便非苦因。一切無漏理非苦本。故說有漏緣三界苦名為緣慮。

經云何應知至則無緣慮。贊曰。第三問答。云何知此緣慮心等為衆苦因。謂得出世。正能了達能有緣慮虛妄起故。所執諸法都無所得。若起正智得無所得。則無三界虛妄緣慮。

經云何絕緣慮謂不緣二見。贊曰。第四問答。云何。得絕緣慮心。謂不緣二見。即無分別智。內證真如。是不緣二見。緣謂待藉舊云二見。二見是所無故。唯識云。若時於所緣智都無所得。爾時住唯識離二取相故。

經何等二見謂內見外見。贊曰。第五問答。內見謂我見。或能取。外見謂我所見。或所取。經若無二見。則無有疾。贊曰。下總結成斷除二疾。此無自疾也。若有二見。執有所得。若無二見。則無所得。證法真如。既證得真。三界有漏緣慮都絕。緣慮絕故。因既不起。因起不起故。苦果不生。則無諸疾。舊文無結。上義不明。

經。又自無疾。至有情之疾。贊曰。此斷他疾。

經云妙吉祥。至調伏其心。贊曰。自下第二結成勝覺能斷衆苦。有三。一結。二標。三釋。此結成上。亦是生下。

經唯菩薩菩提。至即為虛妄。贊曰。此標勝覺能斷衆苦。菩薩勝覺。能斷諸苦。非餘一切外道二乘。若非菩薩勝覺能斷。菩薩所修便為虛妄。空無果故。

經所以者何。至乃名菩薩。贊曰。下釋前標。初喻。後合。文意可知。

說無垢稱經贊卷第五本

大慈恩寺沙門基撰

經又妙吉祥。至非真非有。贊曰。自下第二段。調伏二乘心明大悲以破無。二乘唯自利法執繫縛。今說大悲妙慧方便解故。名調伏二乘心明大悲以破無。以著空者無大悲故。文段有三。初明大悲觀自他疾。次所以者何。下釋其所由。後菩薩如是下。結成離繫。初中文二。初觀疾相。後起大悲。此初也。自他疾。非真實。非定有。因緣假合。所共成故。

經如是觀時。至發起大悲。贊曰。此起大悲也。不應如凡夫有愛者以起悲。不如二乘起二見以起悲。或准下文。不應起愛味著諸定起見執愛無方便慧而起於悲。或不應見執彼實愛染名利等而起於悲。唯並為斷一切有情客塵煩惱。起大悲也。前所不應。後所

應也

經所以者何。至而有疲厭。贊曰。下釋所由。此釋所不應。若同凡夫二乘。起於愛見。執著味染。處在生死。即有疲厭。煩惱未亡。物我未遣。故有疲勞。而生厭倦。

經若為斷除。至無有疲厭。贊曰。此釋所應。煩惱若亡。物我復遣。攝他同己。故於生死而無疲厭。故般若云。如是滅度無量衆生。實無衆生得滅度者。此是常心攝他同己。無愛見纏心。故能常度而無倦也。

經菩薩如是。至纏繞其心。贊曰。自下第三結成離繫。有三。初結成離繫。次引教證成。後廣明縛解。初有四縛。初三自利。後一利他。此初縛也。乘前起下。故言如是。無疲厭故。便無愛見纏繞其心。此更互也。前言無愛見即無疲厭。此言無疲厭便無愛見。二互為因故。

經以無愛見。至即得解脫。贊曰。此有二縛。以愛見滅。不為繫縛。繫縛無故。即得涅槃大解脫也。

經以於生死。至證得解脫。贊曰。此縛利他。自既解脫。便有智力。為說妙法。令他離繫。又證解脫。

經世尊依此。至斯有是處。贊曰。此引教證成。初引。後結。若自有縛。不解他縛。凡夫二乘也。自能解故。能解他縛。如來等也。此說究竟利益一切故。

經是故菩薩。至離諸繫縛。贊曰。此結也。經又妙吉祥。至菩薩解脫。贊曰。下廣明縛解。有二。初問。後答。此雙問也。

●便起分別二分別便起● ●生十(苦生)● ●苦二(苦)● ●知二(知)● ●正十(智)● ●若二(若)● ●得二(得)● ●(因起不起故)一● ●又二● ●文二又● ●又● ●案二(案)● ●不分● ●甲本註曰已下舊本卷第五本 ●吉十(祥)●

經若諸菩薩至菩薩解脫 贊曰。下答有二對。初明著禪名縛。不著禪則解。後明無巧有智名縛。有巧有智名解。此初對也。著四靜慮八解脫八等持九等至名縛。味定不增。修餘慧品。攝有生故。若智善巧。不捨靜慮。諸等持等而隨所應攝益三有等生。而生三有。無所貪味。名為解脫。

經若無方便至是名解脫 贊曰。下明無巧有智名縛。有巧有智名解。有三。初標。次釋。後解妙慧善巧差別。此初標也。此意說言。無善巧方便。但善攝妙慧名縛。二乘等是無智用故。有善巧方便并善攝妙慧名解。有善方便。慧之用故。

經云何菩薩至名為繫縛 贊曰。下釋有二對。初對住二乘無學菩薩。後對住二乘有學菩薩。初皆明縛。後皆明解。一。初皆問。次能答。後皆結。此問縛也。舊文二對。名字不同。義亦全別。應細勘之。

經謂諸菩薩至成。熟有情 贊曰。答也。若諸菩薩。同二乘等。以三等持。而自調伏。有善妙慧也。由修空故。不以相好內飾其身。由修無相。不嚴佛土。由修無願。不利有情。名無方便。或隨所應。不要次配。舊云。以愛見心莊嚴佛土等。應云。無正慧心嚴。佛等。故名為縛。

經此諸菩薩至則為繫縛 贊曰。結也。經云何菩薩至名為解脫 贊曰。問解也。經謂諸菩薩至修習作證 贊曰。下釋有二。初釋有妙慧。後釋有方便。此釋有妙慧也。有相者。無願所觀依他起性。無相者。無相所觀。

圓成實性。空於此二。觀我我所。都不可得。斷染依他。修淨依他。名修習於圓成作證也。經復以相好至名為解脫 贊曰。此釋有方便并結也。舊文翻前無觀察義。准前應知。經云何菩薩至名為繫縛 贊曰。下第二對問縛也。

經謂諸菩薩至深生執著 贊曰。釋也。見謂五見煩惱。謂貪瞋癡八纏三縛等。並如前說。此上現行。隨眠謂種子。由安住此。修善本時。不迴向菩提。而生執著。有諸煩惱。無方便也。又有釋言。此謂雙無。慧及方便二俱無故。舊無迴向。前釋為正。

經此諸菩薩至名為繫縛 贊曰。結也。經云何菩薩至名為解脫 贊曰。此問解也。經謂諸菩薩至不生執著 贊曰。釋也。遠見故。修善迴向。不生執著。二種是。經此諸菩薩至名為解脫 贊曰。結也。經又妙吉祥至是名為慧 贊曰。下解妙慧善巧。善巧差別。總有。一。初皆解慧。後解方便。此解慧也。能觀諸法。身及疾二皆無等。是名慧。慧能觀故。

經雖身有疾至名方便 贊曰。此解方便。雖疾不厭。常耐化生。慧之用也。經又觀身心至是名為慧 贊曰。第二解惠。身心者。五蘊和合假生疾者。依此衆苦逼迫之用。此二無始展轉相依。後生前滅。曾無暫間。非會不生。今始新生。非舊不滅。今時始滅。又若言新有。即是舊來病。若言是舊疾。念念新所生。知身及疾念念有生滅。是故說。

言非新非故

經不求身心至是名方便 贊曰。此解方便。二乘知身及疾生滅。求畢竟滅。永入涅槃。名無方便。菩薩不然。不求永滅。故有方便。慧皆二乘有。異生所無。方便二乘無。皆唯菩薩有。經又妙吉祥至不調伏心 贊曰。自下第三。雙調二心。明菩薩行。彰不住道。以雙破也。大文有三。初總標。次略釋。後廣說。此標也。經所以者何至菩薩所行 贊曰。此略釋也。煩惱生死。名不調心。出世自利。名調伏心。經若於是處至菩薩所行 贊曰。下廣說有三十七句。菩薩所行。分之為二。初三十四句。不同凡夫二乘所行。名菩薩所行。後有三句。得勝不捨劣。名菩薩所行。初中分七。初一句總。次有四句。次第不同。凡夫二乘。次有四句。二不同二乘。凡夫。次有四句。次第不同。二乘。凡夫。次有七句。唯不同二乘。次有二句。唯不同凡夫。次有十二句。唯不同二乘。此總也。處謂處所。所修行處。或是道理處所。餘又可知。舊有三十一句。二十八句。不同凡夫二乘。後有三句。得勝不捨劣。初中有二。初十句。難不同凡夫二乘。後有十八句。唯不同二乘。初中分四。初有三句。難不同凡夫二乘。次二句。次第不同。凡夫二乘。次有三句。初二不同二乘。後一不同凡夫。後有二句。次第不同。二乘。凡夫。

經若處觀察至菩薩所行 贊曰。下四句。次第不同。凡夫二乘。此二句也。凡觀生死。為所行境。便起煩惱。菩薩觀生死。而無煩惱。二乘觀。

◎修十(諸)◎ ◎[諸]一◎ ◎[持等]一◎ ◎熟二就◎ ◎佛十(土)◎ ◎[謂]一◎ ◎癡十(慢疑)◎ ◎著十(能修善本有妙慧也不通)◎ ◎是二也◎ ◎[善巧]一◎ ◎二十(諸)◎ ◎無十(常)◎ ◎向菩提生執著)十六字◎ ◎這二邊(惑)◎ ◎是二也◎ ◎[善巧]一◎ ◎二十(諸)◎ ◎無十(常)◎ ◎是)十名◎ ◎問二問◎ ◎問◎ ◎若二苦◎

涅槃。便畢竟滅。菩薩觀涅槃。不畢竟滅。

經若處示現。至菩薩所行。贊曰。此中二句。凡現四魔。乃成魔事。菩薩現四魔。乃越魔事。二乘求果智。非時證聖智。菩薩求種智。而非時證聖智。菩薩證智。外應群機。而能濟拔。名不非時。二乘證智。外不利生。名曰非時。不應時故。非道理也。

經若求四諦。至菩薩所行。贊曰。下四句。二不同二乘凡夫。於中分二。初二句不同二乘。後二句不同凡夫。此初二句也。四諦者。前方便。觀內證者。正根本觀。非時證四諦。二乘所行。非時證四諦。菩薩所行。自利不利他。名非時。自利亦利他。名為時。若正內證。便捨生死。二乘所行。雖正。因證。攝受生死。名菩薩行。

經若行一切。至菩薩所行。贊曰。此後二句。不同凡夫。凡夫有緣起。便生見趣。菩薩現緣起。而遠見趣。現緣起者。現生死也。凡夫起有情及法相難。有煩惱隨眠。菩薩現二相難。而無煩惱隨眠。

經若正觀察。至菩薩所行。贊曰。下有四句。次第不同二乘凡夫。此初二句。二乘證無生故。隨聲聞正性。菩薩證無生。不隨聲聞正性。正性者。人無我理。證智證此人無我理。名墮正性。凡夫攝受有情行處。有惑隨眠。菩薩攝受有情行處。而無煩惱隨眠。

經若正欣樂。至菩薩所行。贊曰。後二句也。二乘樂遠離。求身心滅入於涅槃。菩薩樂遠離。不求身心盡入涅槃。凡夫觀三界而迷

亂真如。菩薩觀三界不迷亂真如。法界者。真如也。

經若樂觀察。至菩薩所行。贊曰。下有七句。唯不同二乘。於中分二。初三等持行。後四餘難行。此初也。二乘觀。豈性。更無依求。菩薩觀空性。仍求功德。二乘觀無相。不外化衆生。菩薩觀無相。能外化衆生。二乘觀無願。而滅有。菩薩觀無願。示現有趣。有謂三有。趣謂五趣。舊云。無作者。願也。

經若樂遊履。至菩薩所行。贊曰。下四難修。此初二也。無作者。無所起作。空性滅理。解觀我無。故成差別。替者。察也。二乘遊空。不起衆行。菩薩起空。起善根無礙。二乘遊六度。便欣涅槃。菩薩遊六度。不欣涅槃。任無住故。有情心行妙智之彼岸。是涅槃故。舊云。知心心數法。意顯彼所求彼岸。知而不求。

經若樂觀察。至菩薩所行。贊曰。二乘修無量。求生梵世。因有漏故。此果必生初禪中故。菩薩修無量。求大菩提。因無漏故。二乘遊六通。證漏盡之涅槃。菩薩遊六通。不證涅槃。住無住故。

經若樂建立。至菩薩所行。贊曰。此有二句。唯不同凡夫。凡夫建立諸法。繫緣邪道。邪解分別諸法也。菩薩建立諸法。不緣邪道。正理解了。釋諸法故。凡夫起六念。隨生諸漏。愛慢等生故。菩薩起六念。不生諸漏。滅諸漏故。

經若樂觀察。至菩薩所行。贊曰。下十二句。唯不同二乘。有三。初二句。不同離染受生。次七句。不同修菩提分法。後三句。不同證無爲。

有爲。此初二句。二乘觀無漏。希求離染。菩薩觀無漏。不希離染。留惑。至惑盡證佛。一切智故。二乘得有漏定。隨定力而受生。菩薩得有漏定。不隨定力而受生。

經若樂遊履。至菩薩所行。贊曰。下七句。不同修菩提分法。此初三句也。二乘修念住。求身受心法遠離。菩薩修念住。不求四遠離。遠離者。斷煩惱。二乘起正斷。勤斷二惡。勤修二善。故見善不善。菩薩無分別起四正斷。不見善不善。二乘起四神足。不能任運變現自在。菩薩起神足。能任運變現。加行大故。

經若樂遊履。至菩薩所行。贊曰。此中二句。二乘遊五根。自既得已。亦起分別有情諸根勝劣之妙智境。菩薩遊五根。無分別故。不起分別有情諸根之妙智境。雖有根上下力。而無分別故。由此舊云。而分別衆生諸根利鈍。二乘起五力。不求十力。菩薩起五力。而求十力。

經若樂安立。至菩薩所行。贊曰。此中二句。二乘七覺皆圓滿已。由有分別。後求佛法差別妙智妙用境界。菩薩七覺既圓滿已。由無分別。更不求佛差別妙智妙用所行。智果滿故。舊云。而分別佛之妙智文乃相乖。不同二乘理可成矣。二乘八道圓。厭背邪道。菩薩八道滿。不厭邪道。常教化故。舊云。而樂行無量佛道。求於果滿。二乘不求作佛。故不樂行。

經若求止觀。至菩薩所行。贊曰。下三句。不同證無爲有爲。初二不同無爲。後一不同有爲。二乘求止觀二因。隨畢竟滅。菩薩起止觀。

●按一故 ① ②因二內 ③豈二空 ④解二前 ⑤廣二疑 ⑥[起]一 ⑦立十(至)●

不墮畢竟滅。常化衆生故。資糧者因也。二乘觀無生滅理。不能相好。殷身成滿佛事。菩薩內觀無生滅理。仍相好。殷身成滿佛事。此二證無爲不同。下明有爲事業不同。二乘起威儀。棄捨一切佛法緣慮之心。起世事已。不能更觀出世理事。菩薩起二乘之威儀事。亦能內緣一切佛法理事等。加行大故。

經若隨諸法。至菩薩所行。贊曰。上三十四句。不同凡夫二乘所行。下之三句。得勝不捨劣。名菩薩所行。一入定現威儀。二證理現衆相。三得果現修因。此中二句。究竟清淨本性。常寂真如也。妙定者能觀定也。雖得真如。能緣勝定。隨定所行。不捨有情所樂威儀。或即不起滅定而現威儀。第一句也。一切佛土。其性空寂。無成無壞。如於空者法性土也。雖觀殊勝一切法性無相空土。非不種種莊嚴佛土。利樂有情。修劣報化土。第二句也。

經若樂示現。至菩薩所行。贊曰。此有一句。雖求殊勝八相現化。未爲佛事。不捨修劣諸菩薩行。此中且說在果二相後之三句。顯能爲勝不捨劣故。

經說是一切至發心趣向。贊曰。品第五段。結成利益。雖因次說菩薩所行天子發心。然是一品。終是利益。是以屬品爲第五段。不屬近文。

### ●●不思議品

方便品下。合有五品。明利他行。初之四品。隱迹利他。未現大神通。隨類濟物。故名隱迹利他。密權也。此之一品。現大神通。明顯迹利

他。顯權也。神通妙用上位能知。故非下心之所思慮。亦非下。言之所議度。今此廣明。名不思議品。此以無漏慧根爲性。不思議體。即神通故。其通之境妙用。亦難測。亦名不思議。經時舍利子。至當於何坐。贊曰。就此品中。大文有四。初驚子心念。二無垢詞說。三顯不思議。問妙吉祥十方坐是。四時衆獲益。八千菩薩得解脫。是此初文也。心念床座。希自坐之。舊文有三。無時衆益。

經時無垢稱。至求床坐耶。贊曰。下第二無垢詞說。於中有四。一問驚子。二驚子反答。三無垢廣說。四時衆獲益。此初問也。由昔心念。我等今者。爲聞法故。二應相率。隨從詣彼。既不求座。故作此徵。

經舍利子。至非求床坐。贊曰。二驚子反答。經無垢稱言。至何況床坐。贊曰。三無垢廣說。有三。初總明求法。次別明求法。後結成求法。是故舍利子。若欲求法下是。此初文也。夫求法者。於五明處。求佛正法。應住猛利愛重求聞。設爲聽聞一句善法。路由鐵地。尙歡喜入。何況欲聞多善言義。雖愛自身及諸資什。

比愛正法。非爲譬喻。無足無倦。深信柔和。心直見直。愛德愛法。往法師所。無詰難心。唯作慧眼妙寶。智明勝果。無罪悅意之想。深生敬重。無高慢心。不作壞戒。畢族醜陋拙文鄙句異意之想。唯爲求善。非顯己德。不爲名利而求正法。應時殷重恭敬聽聞。勿起損害。順求過心。唯爲求解。專情屬耳。掃滌攝持。如是名爲求於正法。所以雪山半偈捨命非難。香

城滿。教寶身爲易。皆以正法可重。不。領身命。何況床座。

經又舍利子。至無色界。贊曰。下別明求法。總有十段。所求謂作證法。所不求者。雖可求知。不求證獲。故名不求。此即第一不求虛幻法。蘊界處三。及三界法。皆虛幻故。

經又舍利子。至非謂求法。贊曰。此第二不求二乘法。二乘執有三寶及四諦故。此不求別相三寶執。非不求三寶。不求知苦斷集證滅修道差別分別戲論。非不求證。非安立諦之真理也。

經又舍利子。至非求遠離。贊曰。此第三不求有漏法。有二。此不求起遣諸有漏法。法名寂靜。真如也。及近寂靜。餘無漏法也。四名行有漏生滅。非謂求無漏法及求真如遠離法也。經諸求法者。至非謂求法。贊曰。不求有漏中。此不求煩惱隨增法。法無貪染。真如也。離諸貪染。餘無漏也。皆不可貪染故。

經又舍利子。至非謂求法。贊曰。此第四不求所知法。此有二釋。一不求妄心所取境界。因緣真如非妄境故。若心分別。計爲境界。非謂求法。數者計也。二不求有相差別境界。真如正法。無差別故。數者分別。

經又舍利子。至非謂求法。贊曰。此第五不求攝棄法。取謂攝取。捨謂棄捨。諸分別心謂法可取捨。因緣真如無取捨故。或法有生滅可有取捨。真無生滅。何有取捨。

經又舍利子。至非謂求法。贊曰。此第六不求愛著法。能攝藏則愛。所攝藏者。此愛所緣。既

●未二示●樂一● ●說無垢稱經疏卷第四末終● ●說無垢稱經疏第五本首●撰疏同異如首卷 ●亦二又● ●言一攝● ●或一戒●或一● ●舉二● ●故一數● ●領二顯一● ●名二若一●

不求貪愛。故法不可攝藏。非愛境故。

經又舍利子。至非謂求法。贊曰。此第七不求有相法。真如正智。皆是無相。若隨法相而證。遠者。是求法相。非求正法。

經又舍利子。至非謂求法。贊曰。此第八不求世俗法。諸求法者。不共一切世俗。住法。真如法中。無所住故。

經又舍利子。至非謂求法。贊曰。此第九不求四境法。對法論云。眼所受是見義。耳所受是聞義。自然思。構應。知如是如是。是覺義。自內所受是知義。雖大乘中。根識心所和合名見等。然根五義強。故得名。瑜伽論云。見知現量攝。聞謂。量言量。覺是比量。故知眼名見。

耳鼻舌身并同時意名知。意緣教名聞。獨意思構名覺。對法以耳為門。而意緣教。故耳所受是聞。其實聞者。意緣教也。此四皆依有漏差別心而建立之。故說真如非見聞等。

經又舍利子。至非謂求法。贊曰。此第十不求惡業煩惱所為。法諸無漏法。非是惡業煩惱所為。故名無為。本求此故。或唯真如。名為無為法根本故。

經是故舍利子。至應無所求。贊曰。此結成求法諸求法者。不求一切諸非法法。於非法法。應無所求。於是法中。無求而求。是為求法。

經說是法時。至得眼淨。贊曰。此第四段。時來獲益。得預流果。

經時無垢稱。至大師子座。贊曰。自下第三顯不思議。有二。初現不思議事。後說不思議事。有解脫名。不可思議下是。現不思議事中。

有四。初問座方。三吉祥示處。三正明設座。

四驚子之讚揚。文可知也。此問座方。問曰。何故初求法非座。後問座方。方將設置。答。理應求真非俗。所以初詞。禮訖順機。所以今設。

經妙吉祥言。至安隱住持。贊曰。吉祥示處有二。初示。後贊。示中有九。一示處所。東方。二示道遠。三十六。護伽沙佛國。三示佛國。山幢。四示佛。山燈王。五示安樂。現在住持。六示佛量。八十四億。七示座量。六十。八億。九示座量。三十四億。此文有五。別備配可知。

經其佛身長。至嚴勝那量。贊曰。此文有四。一經居士當知。至具諸功德。贊曰。此讚座勝示之令取此。或示化相。主。或示他寂土。所以身座量皆大矣。

經時無垢稱。至自在神通。贊曰。自下第三正明設座。大文有三。初明起通。次明座至。後勸就座。此初文也。八地以上。恒在定中。順俗起通。攝念入定。

經即時東方。至無垢稱室。贊曰。下明座至有三。初明座至。次明奇特。後明含容。此初文也。應時衆數。有三十二億。顯座非實。神力所致。乘空而來。

經此離菩薩。至既所未聞。贊曰。此時奇特。聞能聞遠。昔所未聞。見見近。昔所未見。能見近遠之間。俱未有也。故為奇特。

經其室。至欲然。至不相妨礙。贊曰。下明含容。

有二。初明室變容座。後明世界不定。此初文也。室廣為大。淨而非穢。諸獅子座。悉能含容。令小為大。十八變中舒也。或小能納大名。廣。非變為大也。

經廣嚴大城。至前後無異。頌曰。此明世界不莊。瞻部界小。座量極大。二共一處。不相妨礙。小界不為大座所臨。便為迫近。故悉如本。初後無二。十八變中。衆像入身之所攝也。問。何故方丈變之令廣。世界極小。不變令大。答。方丈別室。衆集變之。世界遍處。故不須變。計室論座。大於世界。神力任情。有變不變。

經時無垢稱。至就師子坐。贊曰。自下第三正勸就座。有二。初勸吉祥就座。後勸餘人就座。此初文也。吉祥神力。不待他令。禮賓之法。勸須就座。所以勸也。

經與諸菩薩。至稱師子座。贊曰。下勸餘人就座。有二。初勸後坐。此勸也。道力不高。勸現神力。恐不相稱。故令變身。

經其得神通。至端嚴而坐。贊曰。下明就座有二。初明菩薩就座。後明聲聞就座。初中復二。初明自能。後顯他力。此初文也。身座相稱。故名端嚴。

經其新學菩薩。至師子之座。贊曰。下顯他方有三。初不能。次說利。後方得。此不能也。住地前故。

經時無垢稱。至得五神通。贊曰。此說利故。得世五通。

經即以神力。至端嚴而坐。贊曰。此方得也。經其中復有。至師子之座。贊曰。下明聲聞就

①道二遊②道③道④住法二法住⑤端二稱⑥知一⑦量二聖⑧法諸二諸法⑨得十法⑩初十說⑪三二二⑫廣二寶⑬問二問⑭詞禮二何詞⑮道二近⑯道二致⑰善二緣⑱主二士⑲說二報⑳諸二諸㉑說二尤㉒時二明㉓未聞二能聞㉔能十見㉕能見一㉖欲二致㉗隨二障㉘通二通

座有五。初不能。二微詰。三答屈。四說利。五方得。此初不能。二乘神力。雖至大千。他力所持。而不能座。或不現神通。任身欲坐。坐既高廣。是以不能。

經時無垢稱。至不升此座。贊曰。此微詰也。聲聞極多。難以對悟。驚子上首。所以偏告。欲令彼知聲聞道故。

經舍利子言。五不能升。贊曰。三答屈也。座。越已分。故不能昇。

經無垢稱言。至方可得座。贊曰。四說利也。座。出燈王。故令禮敬。要加神力。方能昇故。顯歸敬者。願必滿故。顯佛加持。辦善事故。然前菩薩說令得通。方升寶座。機位堪故。今諸聲聞禮佛而坐。非得通者。根未堪故。

經時大聲聞。至端嚴而坐。贊曰。五方得也。身坐相稱。名端嚴坐。謝座歸還。顯非勝道。令發心故。成唯識云。若定等力所變。身器界地。自他則不決定。由此准知。座量及身他神力。引識隨大小。變之無爽。

經舍利子言。至不相妨礙。贊曰。現不思議事中。自下第四。驚子讚揚。有二。初讚室能含容。後讚世界如故。此初文也。問。前變廣博。室已非小。今言小室。何為相違。答。有二解。一室不變大。以小容大。名為廣博。室不大故。今名為小。二室變大。略有三解。神力變大。故前言廣。聲聞不測。猶見小室。又昔說今末。故云廣博。今言昔本。所以言小。又理實變大。前言廣博。觀相見小。今言小室。亦不相違。經廣嚴大城。前後無異。贊曰。此讚世界如

故。其所見故。依初解廣。界大室小。依後解廣。室大界小。故言不違。

經無垢稱言。至可思議。贊曰。自下第二。說不思議。因前讚揚。廣談希有。大文有三。初說不思議。次迦葉數眼。後重成解脫。初文有三。初總標。次廣說。唯舍利子。下結。此初文也。八地已上。名為不退。有神通名解脫。證真解脫方能起故。亦解脫定障。名故名解脫。神用難測。名不思議。

經若住如是。至形量不減。贊曰。下廣說中。合有六翻。一一翻中。初皆有標。後多有結。此中六者。一大小相容。二寬狹相納。三往來自在。四延促任情。五運轉隨心。六同類往趣。初五轉境。後一變身。初翻之中。文有其五。一標能變者。二正明神變。三無緣不知。四根熟能委。五結成深妙。此初有。二。標能變者。解脫菩薩。二正明神變。山芥相容。問。山大不減。芥子不增。大小既殊。如何相納。答。空理義云。世俗虛假。勝義本空。迷空。假以礙心。大小由隔。悟幻化而通意。何不相容。況乎大小懸差。由迷執有。達空勝義。何礙不通。應理義云。略有八釋。一執有所執。大小懸殊。知所執空。何小何大。二不達依他。謂真大小。體之虛偽。何理不通。三事成大小。或不能容。理並圓成。何不相納。四執法有用。大小乃乖。知法因緣同虛。豈隔。五迷心執境。實境難容。識境皆心。何礙不得。六法真有相。大小不容。容無相為真。何大何小。七未契真如。愚心香隔。知真達偽。智洞能通。八下位庸心。不能

通會。上人威力。何事不能。此乃不思議力。非餘之所測也。合前十釋。下皆准知。然則隨其所可。方可為之。不可以不思議。便乖正理。此言應允。智者當思。

經雖現如是。至何往何入。贊曰。三無緣不知。經唯令所餘。至入乎芥子。贊曰。四根熟能委。觀神通力調伏之者。應觀神通入道之類。根熟者也。

經如是安住。至獨覺所測。贊曰。結成深妙。入者證也。此乃菩薩巧智所證。故非二乘凡夫境界。舉勝二乘。明凡不測。

經又舍利子。至形量不減。贊曰。二寬狹相納。文有其五。此有。初二。標能變者。正明神變也。

經雖現如是。至憂怖惱害。贊曰。三無緣不知。有二。初明靈不測。何往何人。已前文也。後明情識無驚。亦不令彼已下文是也。

經唯令所餘。至獨覺所測。贊曰。此有後二。根熟能委。結成深妙。

經又舍利子。至無所增減。贊曰。第三往來自在。文亦有五。此有初二。標能變者。正明神變。陶家輪者。陶師之家。打凡輪也。置手掌中。而自旋轉。擲置還取。

經雖現如是。至亦無惱害。贊曰。三無緣不知。運動既大。仍不令其生往來想。及無惱害。經唯令所餘。至獨覺取測。贊曰。此有後二。根熟能委。結成深妙。

經又舍利子。至而令調伏。贊曰。第四延促任情。文亦有五。此第二正明神變中有二。初

一七八二 說無垢稱經卷第五本  
一七八二  
經二語 五言 越一超 出山 加一如 辨一辨 今二合 說二於 不十可 歡眼二歡 俱 十(成) 已二以 亦十(名解脫) 名一 二十(初) 子二小 容二客 香二香 位二性 則二即 初二二初 人二入 情二情 凡二瓦 瓦 取二所 近二近





經方便善巧至諸有情故 贊曰。此釋所由。以方便度。多作魔王。利衆生故。

經大迦葉波至解脫菩薩 贊曰。下明大乞者亦多解脫。有二。初顯後結。中有三。初明所作。次釋所由。後喻明顯。此初復二。初明所乞。後明乞者。所乞有二。一內財。二外財。外財有七。一親屬。二世土地。三貴位。四飲食。五嚴身。六四事。七資產。

經以巧方便至意樂堅固 贊曰。下釋所由。初標。後顯。此標也。欲令菩薩意樂堅固。故爲大乞。而試驗之。

經所以者何至爲此乞求 贊曰。此顯前義。其大乞者。是勇猛菩薩。爲利前衆生。行斯難事。非餘下劣能爲大乞。志下劣故。

經大迦葉。彼至爲此乞求 贊曰。下喻明顯。有二譬喻。初明力大能逼。後明力敵能逼。此初文也。諸七地前爲大乞者。猶如螢火。位居小故。不能逼迫大施菩薩。猶如日輪。威勢大故。八地以上。解脫菩薩。方能大乞而行。逼迫威力大故。亦方大施。非前位能。

經大迦葉波至共相逼迫 贊曰。此明力敵能逼。文意可知。

經是名安住至解脫境界 贊曰。第二結也。經說此法時。至解脫境界。贊曰。品第四段。結成利益。解脫境界謂八地以上。今此能入。並證不退。

### 觀有情品

方便。發聞。菩薩。問疾。不思議五品。明能利行。今此一品。明其所利。恐言所利有實衆生。

今破彼執。顯皆非實。唯有假情。以爲所利。故此一品。名所化處。觀謂觀察。有情卽是所化生境。智慧簡擇。所化衆生。雖有可化。仍非實有。名觀有情。此品廣明。名觀有情。雖此品中更明勝行。所化爲主。名觀有情。或由觀彼而起勝行。合名觀有情品。

經時妙吉祥至觀諸有情 贊曰。就此品中。大文有二。初吉祥問答。明菩薩行。後天女對揚。破聲聞執。吉祥問答。明菩薩行中。初觀所化。後明利行。初中復二。初問。後答。此問也。經無垢稱言。一切有情。贊曰。下答有二。空理義云。初觀俗諦。假有有情。猶如幻事。似而非真。後觀真諦。本空有情。此初文也。應理義云。初觀依他。假有有情。後觀所執。本空有情。此初文也。依他起性。猶如幻事。似非真故。

經。文妙吉祥至觀第六蘊 贊曰。空理義云。下觀真諦。本空有情。應理義云。下觀所執。本空有情。文分有二。初廣說喻。以顯非有。後結前義。釋空所由。初中。四十三句。舊有二十九句。此有初十。如有智人。通下諸句。喻諸菩薩下。遂難釋。餘易可知。觀水聚沫。所有前際。前際本無。先來空故。

經觀第七根至貪瞋癡毒 贊曰。此中有十。梵云薩埵。此云有情。卽六根是。舊文由此說如第七情。今言根也。無色界中。有定境界。無業果色。此中說無業果色也。薩埵耶見。通俱生分別。預流已上。無分別者。非無俱生。楞伽經云。佛告大慧。身見有二種。謂俱生。妄相。妄相者。卽分別薩埵耶見故。觀一來果第三

有者。一來果人。復有二生。往天未人。唯二生故。此依小生。非大生義。不還果者。不生欲界。故無胎藏。

經觀得忍菩薩至不生煩惱 贊曰。此有後十。八地已上。名爲得忍。忍相續故。故無慳等。七地猶起。爲利益故。或初地上。得性戒。或創得忍故。無慳慳等。四禪已上。無入出息。況滅定乎。半擇迦者。此云絕勢。卽黃門類。此有五種。生便。除去。嫉妬。半月。灌灑之類。八地已上。一切煩惱。種雖未斷。無漏相續。緣闕不生。名爲畢竟不生煩惱。

經觀夢寤至後有相續 贊曰。此餘三也。夢時所見。尙未知無。故舉悟時。觀彼夢境。無學分段後有。成無。非無變易。

經如是菩薩至無有情故 贊曰。結成前義。釋空所由。空理義云。勝義諦中。諸法本空。無有情故。應理義云。遍計所執。諸法本空。無有情故。

經妙吉祥言至修於大慈 贊曰。下明利行。有二。初明利他行。後明自利行。初中有四。明無量故。一一皆有初問後答。此初問也。經無垢稱言。究竟安樂。贊曰。答初有三。初總標。次廣說。後結成。此初文也。慈有三種。如前已說。爲有情者。緣有情起。名有情緣慈。說如斯法者。緣法起故。名法緣慈。與究竟樂者。緣如起故。名無緣慈。

經如是菩薩至離內外故 贊曰。下廣說慈。合有三十八句。分之爲二。初三十句。別修無緣法緣有情三慈。勝劣證得爲次第故。後有

①結十(顯) ②此初二初此 ③彼二波 ④薩十(大施菩薩) ⑤(以)一 ⑥文二又 ⑦四二三 ⑧邊二還 ⑨生十(及) ⑩往天未人二從天來人 ⑪或二成 ⑫況二說 ⑬已二以 ⑭第二悟 ⑮成二成 ⑯(者)一

八句。別修有情法緣無緣三慈。觀行初後之次第故。初中有三。初九句。修無緣慈。緣真如故。次有十一句。修法緣慈。緣法起故。後有十句。修有情緣慈。緣有情故。法緣慈有二。一緣有情都無實體。唯有五蘊法。而與之樂。名為法緣。二緣一切教理行果所有妙法。名為法緣。此但說後。不說前法。此中皆取增上所緣。如修正法以施衆生。先緣法故。名法緣慈。如緣有情而修正法。先緣有情故名有情緣慈。此二或俱名法有情緣。二皆有故。真俗雙觀。三慈並有。理亦何爽。舊有二十九句。初二十四句。別解無緣法緣有情緣三。後有五句。別解有情法緣無緣。初中有九句。明無緣。次有九句。明法緣。次有六句。明有情緣。此緣初五。無緣之慈。離能所取。故修寂滅。離煩惱燒。故修無。熱。三世理齊。故修如實。無等起。因故修不違。有因平等之所生起。並有爲故。有順有違。真如無因。無所違迷。故修不違。真無內外。故修無二。

經修無壞慈等虛空故。贊曰。此無緣慈後四句也。真畢竟住。故修無壞。無壞時故。舊云。畢竟盡故。畢竟盡諸煩惱。故體不壞。能緣意樂。猶如金剛。故所觀如堅固難破。所修之慈。名堅固慈。真性本淨。故修清淨。真等虛空。故修平等。

經修阿羅漢慈至無。休息故。贊曰。下十一句。修法緣慈有三。初三三乘。次二法。軌。後六果位。此三句三乘慈。阿羅漢慈者。略有三義。一害煩惱賊。二無分段生。三應受妙供養。

此取初義。獨證菩提。故不待師。亦不待資。不能利他資弟子也。菩薩二行利衆生故。緣二乘行。而起於慈。

經修如來慈至諸有情故。贊曰。此二法報二身慈也。真如乃爲法身如來理法故。報身名佛果位故。二別也。

經修自然慈至愛憎斷故。贊曰。下六果位慈。此初三句也。在果任運平等覺法。故修自然。正覺與真如平等一味。故修菩提。貪瞋永滅。故修無漏。

經修大悲慈至觀性空故。贊曰。此後三句。顯發大乘。故修大悲。利衆生故。觀都無我。故修無諍。若見有我。起惑。淨故。觀法性空。故修無厭。法性若有。便有厭故。

經修法施慈至令無損故。贊曰。下有十句。修有情緣。即十度也。此初三句。捲謂。捲。如人與物。初時開手。後時捲著。堅法亦然。初與後休。餘文可解。

經修精進慈至現知法故。贊曰。此有三句。不耽禪味。名無愛味。恒成種智。名現知法。皆爲有情故。名有情緣慈。

經修方便慈至法性相故。贊曰。下有四句。申善巧故。無有一事而不利樂。故名諸。問。普能示現。修方便慈。由十大願所引發故。修妙顯慈以濟衆生。並利樂事。故修大力。了知法性以悟衆生。故修智度。若那云。智。智波羅蜜也。

經修神通慈至諸有情故。贊曰。下有八句。別修有情法緣無緣三慈。初二有情。次五法緣。後一無緣。此有情緣也。不壞一切法性。真如法相因故。故修神通。雖現神通種種變現。不壞性相。

經修無著慈至離取礙故。贊曰。此五句法緣也。心無障礙。及無所染。故修無著。意樂淨故。名不矯詐。加行淨故。不爲諂曲。事事不虛。故修無誑。情無取礙。故修深心。取者玉病。雖外相善。內心有垢。名為取礙。

經修安樂慈至安樂事故。贊曰。此一無緣安。樂事本唯真如故。舊本後五句明有情法緣無緣中。一句有情。三句法緣。一句無緣。

經唯妙吉祥言至修於大悲。贊曰。結也。

經妙吉祥言至修於大慈。贊曰。此第二門。

經無垢稱言至修於大悲。贊曰。此第二答。施已無憾。能拔於彼現當衆苦。故名大悲。行弘廣故。不以外慳。名爲大悲。但與樂故。

經妙吉祥言至修於大善。贊曰。此第三問。

經曰。無垢稱言至修於大善。贊曰。此第三答。作利無悔。善生喜故。不唯助喜名之爲喜。

經妙吉祥言至修於大捨。贊曰。此第四問。

經無垢稱言至修於大捨。贊曰。此第四答。此中行捨亦兼平等。不希報故。不唯以勸捨惡爲捨。

經妙吉祥言至當何所依。贊曰。下明自利行。有十二問答。展轉相生。此初問也。地前菩薩。入於生死。教化衆生。若有怖畏。當何所依。地上不怖生死苦故。

經無垢稱言至諸佛大我。贊曰。此答也。諸

●熱二熱● ●休二體● ●軌二執● ●亦二又● ●淨二淨● ●捨二捨● ●堅二堅● ●申二由● ●問二門● ●並二辨●  
●加二如● ●故二故● ●慈二慈● ●若二若● ●善二善● ●日二日● ●修二修● ●助二助●

佛大我，大涅槃也。四德之我，名為大我，無住之住，名正依住。

經又問菩薩至解脫中住。贊曰：第二問答。即此真如。離煩惱時，假名解脫。解脫體即擇滅無為。

經又問欲令至除其煩惱。贊曰：第三問答。要除繫縛，身解脫故。

經又問欲除至觀察作意。贊曰：第四問答。理謂二諦真如道理。順此之作意，名如理作意。證即思慧。

經又問欲修至不生不滅。贊曰：第五問答。

經又問何法至善法不滅。贊曰：第六問答。惡斷善修，名不生滅。由思惟故，起此正修。

經又問善至以身為本。贊曰：第七問答。以有身故善不善生，此依起故，非因厥本。

經又問身至欲貪為本。贊曰：第八問答。此舉潤生近物之因，及欲界愛，故偏答欲貪。實由癡等。

經又問欲貪至分別為本。贊曰：第九問答。由能執心虛妄分別欲貪生故。

經又問虛妄至倒想為本。贊曰：第十問答。倒想者境。由有倒境妄心生故。由此論云：亂相及亂。證應許為色識及與非色識。若無餘亦無。舊云倒想，依取像倒，分別心生。

經又問倒想至無住為本。贊曰：第十一問答。無住即真如。由迷真如，倒境生故。

經妙吉祥言至一切諸法。贊曰：第十二問答。真如無本，非他生故。亦無取住，更無依故。由此本故立諸法。染性迷生，淨性悟起，故

唯識說為迷悟依，名立一切，非能生也。空理義云：無住即是真空性故。亦為迷悟二法根本。又因緣性空，從空性生一切諸法。故言無住立一切法。應理義云：若外道云能生一切，我之真如，非能生故。但為法依，故言無住立一切法。不言生也。經中所言心作一切，因緣之心，非法性心，故不相違。法性非能起，云何說能作。

經時無垢稱至大聲聞眾。贊曰：下品第二。天女對揚破聲聞執。初三，初天女散華。次，驚子問答。後無垢讚歎。初中有三。初歡喜散華。次著與不著。後問答破執。此初文也。本住者顯其非與吉祥俱來。天女者，位居八地。示為女身。故云品末云：已能遊戲神通智慧，得無生忍。於無上覺，永不退轉。乘本願力，隨欲成就一切有情。故知非是凡神鬼也。然以女多慈愛慈念心深，得利幽宮，權方濟益，況復欲化聲聞令離染著，示以散華之事，助揚無垢之能。故為女身，非為男相。既為化相，非定何天。據勝端嚴，多是化他。昔時淨名空室，所以潛形。今者利益便宜，其身乃現。渠散華者，華多香綺，愚俗染情，欲明聲聞有著，善離之，故散之也。又華掩臭惡，馨香達芳，現有敷榮之能，遠隔有結實之德。故唯散華，不散餘也。

文化丁卯五月十五宣此卷按合畢此卷尤寫誤多矣難校訂者或存本書又雖有改之者非自敢決定而就中三四之兩紙間能所釋錯難難離列齒來責不顧咿嚶而為補助

童蒙以私意經釋順次轉回之後哲勿必為軌範而已

隆恭不惑千九支

說無垢稱經本

說無垢稱經疏卷第五末

經時彼天女至便著不隨。贊曰：下明著與不著。有二，初明著不著。後明去不得。此初文也。

經時聲聞眾至皆不能去。贊曰：此明去不得。經爾時天女至何故云云。贊曰：下問答破執。有三。初天女問。次驚子答。後天女說。此天女問。

經舍利子言至我故去之。贊曰：此驚子答。經天女言止至為不如法。贊曰：下天女有二。初標。後顯。此初也。

經所以者何至自不如法。贊曰：下顯有二。初以人花相對。後以大小相對。初中有二。初顯。後釋。此顯也。

經所以者何至有異分別。贊曰：此釋人華二別所以。無分別者，無總執分別。無異分別者，無差別。又初無共相。後無別相。

經於善說法至是已如法。贊曰：下大小相對。有二。初明人有差別。後明花著有殊。此初文也。於佛戒律而出家者，有二分別。名不如法。乖理真故。無二分別。名如法者。順正理故。

經唯舍利子至及異分別。贊曰：下明花著有

①即二則②令二住③〔實〕一④倒二例⑤證二說⑥依二為⑦想二相⑧取二所⑨也十〔此上應理義〕⑩云二道⑪〔故〕一⑫宮二虎⑬其⑭有二符⑮不分卷⑯隨二隨⑰云二去⑱女十〔說〕⑲別十〔分〕⑳已二即㉑理真二真理

殊有二。一明分別有異有著不著。二明習斷有異有著不著。初中復二。初明分別有異有著不著。後明畏不著異有著不著。此初文也。菩薩無二分。故花不著。聲聞有二分別。故花著身。

經唯舍利子至不得其便。贊曰。下明畏不畏異有著不著。初喻後合。此喻也。非人者。鬼神等類。

經若畏生死至。不其便。贊曰。此合也。二乘畏於生死。諸境得便。亂惑其心。菩薩不畏生死。諸境不能亂惑其意。

經又舍利子至。花不著也。贊曰。此明習斷有異有著不著。習者習氣。龜重是也。離種子外。別有體性。如惡口習起。舞習等。

經舍利子言。經今幾何。贊曰。天女對揚破聲聞執中。自下第二驚子問答。大文有五。初問住室久近。二問發趣何乘。三問合轉女身。四問後生何處。五問證果時節。初中問答。合有十二。此初問也。

經天女答言。至所住解脫。贊曰。二答也。解脫者。擇滅無為。有餘涅槃本性住空。故如住解脫。

經舍利子言。如是久耶。贊曰。三問也。

經天女復言。至亦何如久。贊曰。四返問也。其汝解脫猶如何等之久近也。

經時舍利子默然不答。贊曰。五不答也。

經天曰。尊者默然不答。贊曰。六更問。慧辨第一。何不答也。

經舍利子言。竟知何說。贊曰。七答也。涅槃無名。性離言故。況本性有答住久近也。

經天曰。至皆解脫相。贊曰。八釋解脫。有三。一標。二釋。三結。此標也。

經所以者何。至中間可得。贊曰。下釋有二。一釋解脫相。二解文字相。此釋解脫相。以真如為體。

經文字亦爾。至中間可得。贊曰。此解文字相於音聲上。假名安立。無實文字。何有內外。經是故。至其性平等。贊曰。以一切法與真如性真解脫體都無差別。

經舍利子。都言。至為解脫耶。贊曰。九問也。驚子以離煩惱繫縛。所得擇滅而為解脫。故為此問。

經天曰。至解脫。贊曰。十釋也。二乘名為增上慢者。未得佛果。謂為第一。而更不求。小得謂多。名增上慢。皆無覆性。為此等故。說離煩惱所得擇滅。名為解脫。諸菩薩等名遠離者。為此等故。說諸煩惱本性真如。以為解脫。

經舍利子言。至慧辨若斯。贊曰。十一問也。汝何所得。汝何所證。慧辨如此。

經天曰。至為增上慢。贊曰。十二答。諸法本空。無得無證。言有得證。名增上慢。實有小得。非多得故。

經舍利子言。至為何發趣。贊曰。下第二問發趣何乘。有四。一問。二答。三難。四通。此初問也。

經天女答言。至並皆發起。贊曰。二答也。經舍利子言。至作如是說。贊曰。三難也。依根學法名之為乘。總趣三乘。言難解了。名為密意。

經天曰。我常至我為大乘。贊曰。四通有三。初自行彼行。次應彼陳法。後釋諸疑難。此初文也。舊經無之。聲聞有二。一法花第二說聞法信受。二信解品中以道令開。今依後義。故名聲聞。自然現覺真法性故。不待他教。樂獨善寂。故名獨覺。不說觀待緣而起悟覺。亦名緣覺。不離慈悲。故為大乘。

經又舍利子。至我為大乘。贊曰。此應彼陳法。應物宜揚。或現彼形。故號三乘。

經又舍利子。至草麻等香。贊曰。下釋疑難。謂有疑難云。天女現為三乘。此室何故不見二乘人。不聞二乘法。下有四段。釋此疑妨。我雖為三乘有三乘德。室唯大乘。故不見二乘人。不聞二乘法。下四段中。一唯大乘行。二唯大乘理。三唯大乘教。四唯大乘果。行如香薰增長善故。理如香體。能息惡故。餘二可知。初文有三。一喻說。二法說。三釋說。此喻也。瞻博迦者。舊云瞻蔔。此土所無。香最第一也。

經如是。至答有至功德香等。贊曰。此法說也。經由此室中。至常所熏故。贊曰。功德妙香。大乘行也。

經又舍利子。至妙香而出。贊曰。二唯大乘理也。那迦龍也。一切皆為瞻大乘人。聞所說理。解理即歸。持香而出。

經又舍利子。至相應言論。贊曰。三唯大乘教。十二年者。即是菩薩十二住也。謂種性勝解行極喜增上。戒增上。心三慧無相有功用。無相無功用。及與無礙解最上菩薩住。及與

密意。經天曰。我常至我為大乘。贊曰。四通有三。初自行彼行。次應彼陳法。後釋諸疑難。此初文也。舊經無之。聲聞有二。一法花第二說聞法信受。二信解品中以道令開。今依後義。故名聲聞。自然現覺真法性故。不待他教。樂獨善寂。故名獨覺。不說觀待緣而起悟覺。亦名緣覺。不離慈悲。故為大乘。

●不十(得)● ●起二起● ●合二合● ●(都)一● ●(本性)十解● ●一二二● ●起一越● ●待二得● ●亦二不● ●草二芽●  
●答二若● ●或二或●

如來住。前十二住。名為菩薩顯入菩薩位。不曾聞說二乘法教。教理相順。名曰相應。不曾聞說二乘道理相順之教。唯聞大乘相應法教。

經又舍利子。至殊勝之法。贊曰。四唯大乘。由修大乘。得此八種殊勝之果。有三。一標。二釋。三結。此標也。

經何等為八。贊曰。下釋有二。初問。後答也。此問也。

經謂舍利子。至殊勝之法。贊曰。即為八。初希也。事居空室。有此八希。表住真空。能生八事。隨應可悉。恐繁且止。內有智慧。外感光明。第一遍知金色普照相續圓滿晝夜為明。唯說大乘。不以二乘。日月為照。

經又舍利子。至殊勝之法。贊曰。二希也。開法為緣。煩惱不害。

經又舍利子。至殊勝之法。贊曰。三希也。親近善緣。故集不空。

經又舍利子。至殊勝之法。贊曰。四希也。法教深妙。宣說六度不退法輪。

經又舍利子。至殊勝之法。贊曰。五希也。供具殊妙。故有法樂。

經又舍利子。至殊勝之法。贊曰。六希也。四大藏者無量攝事。內行滿故。外感四藏。法慧滿足。故豐財施。財少曰貧。全無曰窮。無婦曰鰥。無夫曰寡。無父母曰孤。無兄弟曰獨。無親。旅者名曰無依。

經又舍利子。至殊勝之法。贊曰。七希也。內見法身。外觀報佛。況化身利物。何求不至。

故至心祈請。應念則來。咸切希法。聞已而去。總十一佛。

經又舍利子。至殊勝之法。贊曰。八希也。衆生劫盡。淨土常安。凡觀小室。聖知淨土。況能現化。不有天堂。但由內德周備外相莊嚴。小室尚八希。大國恒沙難有。濟八難。感八部。斷八識。去八邪。顯八正道。得八解脫。所以希。奇但現八種。

經唯舍利子。至獨覺法乎。贊曰。第三結也。故現無二乘聞唯大法。

經時舍利子。至轉此女身。贊曰。下第三問令轉女身。有三。一令女轉身。二轉舍利子。三還復本形。初中有五。一問。二答。三返問。四。劫答。五正釋。此問也。驚子下位不測上階。謂實女身。故問令轉。

經天女答言。至當何所轉。贊曰。答也。十二年者。或十二因緣。寄言十二年。自居生死。求實女身。都不得故。或言菩薩十二住中。寄言十二年。發心已來。求實女人。了不可得。或親侍淨名。入此室中。十二年矣。不須寄說。不但化為女相。求實女人。亦不可得。既無女人。當何所轉。問。前答居此如住解脫。都無年載。何故今言十二年乎。答。前依其理解脫而答。故答無時。今依修行及住生死之分限。故答十二年。不相達也。

經唯舍利子。至為正問不。贊曰。三返問也。顯已為女化而不具。

經舍利子言。至當何所轉。贊曰。四却答也。經天曰如是。至不轉女身。贊曰。五正釋也。

一切有為。猶如幻化。女既非真。何所可轉。而令轉耶。

經即時天女。至不轉女身。贊曰。二轉舍利子。有三。一轉問。二答迷。三正釋。此轉問也。彼此轉問復問。驚子。

經時舍利子。至轉生女身。贊曰。答迷也。不知男滅女轉所因。

經天女復言。至亦當能轉。贊曰。此正釋有三。一略例。二廣成。三引教。此初也。

經如舍利子。至而實非女。贊曰。此廣成也。舉他顯自。化女非實。

經世尊依此。至非男非女。贊曰。此引教也。相有男女。實無男女。事有男女。理實無故。言中一向。故名密意。

經爾時天女。至今何所在。贊曰。三還復本形。有三。一復形發問。二依理為酬。三讚揚引教。此初也。

經舍利子言。至無在無變。贊曰。依理為酬。女相已無。云不在。元非實女何所變。又法性空。何者在。何者變。舊云。無在無不在。無有實女昔在今不在。無實無實女。何在不在。

經天曰尊者。至是真佛。諸。贊曰。讚揚引教。法性本空。何在何變。又無如彼相。立一切法。悉皆無在。新新生故。無實自性。云何所變。舊云。一切法亦無在無不在。無實性故。

經時舍利子。至當生何所。贊曰。下第四問沒生何處。有四。一問。二答。三難。四通。此問也。不問所從。但問所往者。既言住此如住解脫。故不問從。唯問往也。

①即二則②食二貧③旅二族④親二親⑤不二亦⑥邪二耶⑦奇二靈⑧劫二却⑨亦二又⑩利十(子)⑪(所)⑫換二換⑬甲本冠註曰身經作像⑭能二可⑮元二無⑯(元)⑰無二元⑱無二在⑲諸二諸

經天女答言。至我當生彼。贊曰。二答也。佛之化人。當生之處。哉當生彼。

經舍利子言。至當所。至處。贊曰。三難也。化既非真。無沒無生。云何今言當有生處。

經天曰尊者。至當生何所。贊曰。空理義云。勝義諦中。諸法有情。既無體性。當何所生。應理義云。遍計所執法。及有情。都無實體。當何所往。況我化現而得有生。

經時舍利子。至正等菩提。贊曰。下第五問證果時節。有九。此初問也。汝於久近當得菩提。當如何等。

經天女答言。至久近亦爾。贊曰。亦答也。如汝還成異生假者。身中復起異生有漏。如此久近。當得菩提。

經舍利子言。至異生之法。贊曰。三返答也。無道理處。所時位還成異生。

經天曰尊者。至證菩提者。贊曰。四返成也。真如理為大菩提。故無住處。亦無時位可能證得及能證者。故般若云。實無少法名為菩提。

經舍利子言。至已證當證。贊曰。五引教難。現在現證。未來當證。過去已證。

經天曰尊者。至超過三世。贊曰。六以理通。經言三世當得菩提。依世文字語言說有。非依勝義真如菩提可有。三世而言證得。真如菩提過三世故。

經又舍利子。至阿羅漢耶。贊曰。七又返問。欲令義明。故為此問。

經舍利子言。至得無所得。贊曰。八答也。從

來不得今時證得解脫也。從來謂得今無所得。妄境也。證無學時。先不得者今得。先得者今不得。故名得無得。又言不得即有所得。若欲得者。即無所。無所得。

經天曰尊者。至證無所證。贊曰。九釋成也。菩提亦爾。從來不證今證真如也。無所證者。今無所證所執也。所證或妄境也。

經時無垢稱。至永不退轉。贊曰。此第三段無垢讚歎。初讚其德。後釋為女。所由此初也。有六德。一遇良緣。二得神通力。三得智慧。四願滿足。五得無生忍。六至不退地。

經乘本願力。至成熟有情。贊曰。此釋為女所由。乘因本願。隨欲受生。故居此室。任物情宜。故現為女。

●菩提分品

方方品等下之五品。利他勝行。次上一品。觀所化處。天下二品。真實義處。明自利行。初之一品。真實有為世俗事行。次後一品。真實無為出世理行。利他之後。必自利故。欲證其理。先修事故。菩提覺果。分者因義。得佛菩提之因位行。今此廣明。名菩提分。非唯三十七菩提分也。

經時妙吉祥。至到究竟趣。贊曰。品段有三。初吉祥發問。略明菩提之因。次無垢發問。便明如來之種。後善現發問。廣明菩提之業。能到佛趣。是菩提因。正修行故。能生因者。是如來種。談本性故。法父母等。是菩提業。果已滿故。無菩提因。佛果何以證。無如來種。覺分如何得生。無父母等。佛果何相圓滿。故為

三段。初為順因。次為建因。後明果德。未得菩提時。善不善法皆名佛性。故二皆因。善為報身因。不善為法身因。故勝鬘云。有二種如來藏。空智煩惱亦名如來藏也。初中有四。一問。二答。三徵。四釋。此問也。諸佛法者。謂通因果。究竟所趣。即佛果中菩提涅槃。云何能到得覺因也。非三十七菩提之分。彼共三乘。此不共故。

經無垢稱言。至到究竟趣。贊曰。二答也。凡夫所歸。名之為趣。聖人所歸。非凡所趣。遊此非趣。名行非趣。或趣有二。所趣名趣。謂佛果法。能趣非趣。菩提分是。今修覺分能趣。故言行於非趣。行此非趣。能到究竟趣。舊云行於非道。道者趣也。如五道等。

經妙吉祥言。至行於非趣。贊曰。三徵也。

經無垢稱言。至煩惱塵垢。贊曰。四釋有二。初釋。後結。釋中有三十三句。大文分二。初十九句。不同凡夫行。後有十四句。不同二乘行。然總分七。初六句依趣離惡行。次三句依根滅毒行。次十句依障修度行。次兩句依小修大行。次五句依惡修。吾行。次四句依劣修勝行。後三句中修不住行。舊有三十一句。初唯有五句。末後唯二句故。初六句依趣離惡行中。初二句地獄。一句傍生。一句阿素洛。一句餓鬼。一句天趣。略無人趣及色界天。舊經亦有色界天者。謂諸也。此舉最勝難修處。故無人及色界諸天。菩薩常依二處化故。易而不論。此初二句。依地獄也。五無間者。謂殺父害母等五重逆業。此通三乘。若唯大乘。破塔寺

●說一我●●至一生●●甲本冠註曰異生之法經作具異生法●未來當證過去已證過去已證未來當證●[無所]一●●無所  
二先時●●[所證]一●●[所由]一●●●卷第五本終●●●卷第五本終●●●善二菩提●●何以二以何●●道二通一●●善  
二善●●●第二篇●●

等。無間生彼。既生彼已。受苦無間。故名無間。生五無間。必是極惡。多起惡惱。忿恨毒心。菩薩生彼。利衆生故。無悲惱心。菩提分也。那洛迦者。此云惡者。慘落迦者。此云苦器。舊云地獄。生苦器者。名爲惡者。有情生彼。煩惱塵垢。必是極重。菩薩生彼。塵垢皆無。此。除最下。所餘地獄。以下諸句。言行彼者。皆是菩薩隨類化生。示行惡處。示起惡法。而能於彼無所作。事菩提分也。一切準知。更不重釋。

經雖復行於至傲慢。故逸。贊曰。旁生名黑闇。非天多自。特。傲慢。憍逸。菩薩皆離。

經雖復行於至不樂趣向。贊曰。焰魔者。此云靜息。舊云閻羅也。地下過五百由旬。有焰魔王國。其王或不退菩薩所作。或有情爲之。凡處焰魔者。多不嚴勝。因菩薩生彼。能集福慧。得無色定寂靜解脫。多樂趣向彼定彼生。菩薩行彼。不樂定生。

經雖復行於至而自調伏。贊曰。第二有三句。依根滅毒行。貪於所欲多生染著。瞋於有情非情境中多生患害。癡於一切黑暗無知不自調伏。菩薩雖行三不善根。而皆能滅此三毒。

經雖復示行至見大怖畏。贊曰。第三有十句。依障修度行。此初二句。雖復慳貪。布施財位。不願身命。雖示犯戒。而立清涼十二杜多。少欲不多求。知足更不求。八大人覺等及戒四支小罪大怖。杜多者。除棄義。棄諸惡故。如聲聞地及別經說。八大人覺。如涅槃道教。具戒四支。如決擇分。

經雖復示行至精進無。智。贊曰。雖示行瞋。安住慈悲。安忍無恚。雖行懈怠。修善無休。經雖復示行至波羅。密多。贊曰。雖示根亂。而常恬寂靜。默住定。雖示惡慧。常達一切信所信境。至慧到彼岸。

經雖復示行至濟度。橋梁。贊曰。諂曲詐僞。令他歡喜。障方便善巧。菩薩雖示諂曲詐僞。而能修習方便善巧。亦。今他喜。由憍慢故。多起密語。自恣陵他。起世耶願。障大妙願。菩薩示行憍慢耶願。而成濟度出世橋梁妙願。能爲濟拔。能爲橋梁。度有情故。如世願言無病長壽。菩薩亦隨而呪願之。意符出世。爲世橋梁。

經雖復示行至不隨他緣。贊曰。雖起煩惱。而成勝力。性淨無染。雖示衆魔。證佛覺慧。不隨魔縛。隨他緣者。隨他緣縛。上十九句。不同凡夫行後十四句。不同二乘行。二乘得有。貪。缺根等諸惡劣故。曲分爲七。其義分明。經雖復示行至成熟有情。贊曰。第四有兩句。依。小修大行。聲聞自利。不濟衆生。菩薩處之。爲他說法。獨覺亦爾。無大慈悲。菩薩有之。成熟有情。

經雖復現處至妙色嚴身。贊曰。第五有五句。依惡修善行。雖處貧窮。而得珍寶之手。出之無盡。雖示缺根。而具相好。相有其惡。心實得善故。經雖復現處至福慧資糧。贊曰。雖示現處卑賤家生。實生清淨法界佛家。種姓尊貴。修福慧因。

經雖復現處至超諸死畏。贊曰。雖現身處羸疲劣弱醜陋之形。衆所憎惡。而得勝妙那羅延天身。那羅延天身。最爲第一。衆所樂見。雖現老病。而能離此根本業惑。超生死中五種怖畏。經雖復現處至遠離之行。贊曰。第六有四句。依劣修勝行。預流一來。尙有五劣。菩薩不爾。所餘皆通。無學有之。現作賢易。而觀無常。不生貪著。息諸希求。雖處戲具。而出五欲淤泥之中。修遠離行。

經雖復現處至度諸世間。贊曰。口不道忠信之言。爲頑。心不測德義之理。曰瞞。雖現處此愚癡類中。而具才辨總持念慧。雖現耶道處外道等中。而以正道化度一切。經雖復現處至生死相續。贊曰。第七有三句。中修不住行。此二不住生死涅槃。舊有二句。處生死能永斷。處涅槃能不住故。經雖復現處至相續無斷。贊曰。此一不住因之與果。雖現得果。仍修因行。

經唯妙吉祥。至到究竟趣。贊曰。第二結也。經時無垢稱。至願爲略說。贊曰。自下第二無垢發問。便明如來之種。有四。一問。二答。三徵。四釋。此問也。種者因。性者類。佛因體類。名如來種。性。

經妙吉祥言。至是如來種性。贊曰。二答有二。初別說。後結略。別說有二。初別陳。後類說。此別陳有四也。佛性之義。乃有多端。且涅槃云。或有佛性。善根人有。闍提人無。或有佛性。闍提人有。善根人無。或有佛性。二人俱有。或有佛性。二人俱無。故涅槃云。不得阿

◎除二陳◎ ◎故二放◎ ◎持散二侍強◎ ◎如二知◎ ◎具二其◎ ◎智二辨◎ ◎術二蜜◎ ◎廣二清◎ ◎今二令◎ ◎證二證◎  
◎食二實◎ ◎第二缺◎ ◎小二少◎ ◎珍二彌◎ ◎質二質◎ ◎具二見◎ ◎性二性◎

稱多羅三藐三菩提時。一切善不善法。皆名佛性。此經亦言。應勞之輩。為如來種性。種性有二。一。無漏。二。有漏。無漏有二。一。無為性。勝鬘經云。在纏名如來藏。出纏。為法身。涅槃云。師子吼者。是決定說。一切眾生。悉有佛性。二。有因緣性。在纏名多聞熏習法爾種子。出纏。名報身。楞伽經云。阿梨耶識名空。如來藏。具足。無漏熏習法故。名不空。如來藏。勝鬘依無為義。煩惱為能覆藏。真理為所覆藏。楞伽依有為義。阿梨耶識為能攝藏。種子名所攝藏。二種能藏。二種所藏。皆名如來藏。有漏有二。皆增上緣。一。加行善者。隨順性。隨增長無漏種故。二。餘不善者。違背性。違背障礙無漏法故。因斷於此。而得菩提。由此煩惱能覆真理。由現起此增功德故。名如來藏。由具二義。故此不善名如來藏。是故教云。未得菩提。持菩提為煩惱。不覺故迷。後處苦故。既得菩提。已煩惱為菩提。不迷故覺。因斷彼緣得菩提故。偽身種性。即薩迦耶見所緣五蘊身也。有愛者。潤後有愛。由身見本。無明為因。有愛為因。三界生死。以為種性。三。毒四倒。後隨之起。亦皆如是。

樂想。故名想一。初靜慮中。由染污想。故言想一。第二靜慮。由二善想。故名想異。第三靜慮。由異熟想。故名想一。上四識住。已。其下三無色。名別自成。五蘊四蘊。如其所應。是名識住。餘處損識。不立識住。惡趣重苦。第四靜慮。無想定。非想地中。有滅盡定。能壞於識。令相續斷。故非識住。又有別解。如俱舍第八頌曰。身異及想異。身異同一想。翻此身想一。并無色下三。故識住有七。餘非有損壞。九惱事者。體皆即瞋。愛我怨家。憎我親友。及我已身。為三種。三世各三。此九能惱眾生之事。名九惱事。

經以要言之。至是如來種性。贊曰。此結略也。不能具說。是故要言。一切煩惱惡不善法。皆名佛種。此前所說。偽身識住。是有圓滿。不善業道。是有漏業。所餘一切。皆是煩惱。除善順因。略攝所餘生死法盡。

經無垢稱言。至作如是說。贊曰。第三微也。種者因義。能生了因。不善性乖。如何為種。故問此說何密意耶。言甚難了。

經妙吉祥言。至正等覺心。贊曰。第四釋中有二。初廣釋。後讚嘆。初中有二。初釋。後結。釋中有三。法。初喻高原花不生卑濕方能起。二喻空中不種植。有處方生長。三喻依海有勝寶非海即無珍。初中有三。一。法。二。喻。三。合。此法也。正性者。諦理也。入者。預也。生謂異生。離此異生。名為離生。位謂位大。預在諦理。離異生位。即預流等。非彼能發正等覺心。要住煩惱。方能發故。此文多說。未發心前二乘聖者。非諸二乘畢竟不發。又此多依猛利速疾超越發心。故說二乘不能發心。非二乘者不趣大也。法華三周授聲聞記。涅槃亦說須陀洹人八萬劫到。乃至辟支十千劫到。又云所言到者。到阿耨菩提心。又云我於一時。說一乘一道一行一緣。能為眾生。作大寂靜。永斷一切結縛。愁苦及苦因。令一切眾生到於一有。我諸弟子。不解我意。作如是言。如來說一切眾生皆得佛道。乃至廣說。說須陀洹乃至阿羅漢。皆不得佛道。皆不解我意。故知二乘亦有得者。如論廣說。故言不得一向為論。

經譬如高原。此四種花。贊曰。喻也。羅。青色也。鉢持摩黃色也。拘母陀赤色。奔茶利白色也。此乃四色蓮花。

經如是聲聞。諸佛法故。贊曰。合也。二乘如原。不能生故。煩惱如泥。能生花故。由惑覆理。理顯道生。道如花故。煩惱礙智。斷之智生。智如花故。由起煩惱。利樂眾生。增長智慧。慧如花故。

經又善男子。至乃得生長。贊曰。下第二喻。初喻。後法。此喻也。

經如是聲聞。諸佛法也。贊曰。此法也。二乘如空。不可種植。以無我故。身見如地。能生善故。二乘證空。不能進修。為我出世。不濟度眾。不生能進修故。

經又善男子。至無價珍寶。贊曰。下第三喻。初喻。後法。此喻也。

經不入生死。至一切智心。贊曰。此法也。要

【按】一。名。二。實。三。無漏。四。熏習。五。二。六。無漏。七。十。八。順。九。違背。一〇。持。一一。相。一二。想。一三。樂。一四。無。一五。言。一六。十。一七。有。一八。二。一九。今。二〇。二。二一。二。二二。二。二三。二。二四。二。二五。二。二六。二。二七。二。二八。二。二九。二。三〇。二。三一。二。三二。二。三三。二。三四。二。三五。二。三六。二。三七。二。三八。二。三九。二。四〇。二。四一。二。四二。二。四三。二。四四。二。四五。二。四六。二。四七。二。四八。二。四九。二。五〇。二。五一。二。五二。二。五三。二。五四。二。五五。二。五六。二。五七。二。五八。二。五九。二。六〇。二。六一。二。六二。二。六三。二。六四。二。六五。二。六六。二。六七。二。六八。二。六九。二。七〇。二。七一。二。七二。二。七三。二。七四。二。七五。二。七六。二。七七。二。七八。二。七九。二。八〇。二。八一。二。八二。二。八三。二。八四。二。八五。二。八六。二。八七。二。八八。二。八九。二。九〇。二。九一。二。九二。二。九三。二。九四。二。九五。二。九六。二。九七。二。九八。二。九九。二。一〇〇。二。



又說。多分不能。非全不能。經聲聞獨覺。至正等覺心。贊曰。此廣二乘不能。義如前說。

經爾時衆中。至皆何所在。贊曰。自下第三。善現爲問廣明菩提業。有二。初問。後答。此問也。

經時無垢稱。至思空勝義舍。贊曰。下答。有。四十二頌。分二。初四十頌正答前問。後二頌。

空理義云。世俗諦中諸有所思。勝義諦空。以爲其舍。一切菩薩之所歸故。應理義云。諸所  
思空。眞如勝義。以爲其舍。如來家中有。眞如  
理也。問。佛地經說。法樂爲食。何故此中說爲  
妻也。答。據義名別。彼據任持。故名爲食。此  
據能生。故名爲妻。亦不相違。法花經言。慈悲  
心爲室。諸法空爲坐。何故此中以空爲舍。二  
●各別故。有爲及無爲。勝劣舍別故。

結勸發心。<sup>⑤</sup>發答前問中。三十九頌別答。後二頌總答。三十九頌別答之中。分三。初十二頌以出世法隨配世法。以答前問。次有<sup>⑥</sup>上頌以出世行隨配<sup>⑦</sup>事世。以答前問。後有二十二頌。示隨世事。以答前問。雖事亦有親族之類。

經煩惱爲賤隸。四攝爲伎女。贊曰。此中有三。一僕使。二親友。三眷屬。伎女亦入眷屬所攝。煩惱爲賤隸。任意起滅故。覺分爲親友。能成菩提故。能成佛因。皆名覺分。非三十七菩提分也。六度爲眷屬。攝受萬行故。四攝爲

欲令有情欣德修行。故假德行。以配臣僚。或初明行。次明境。後明智。故下總答云。如是無邊行及無邊所行。無邊智圓滿。以度諸衆生。初段分二。初三願半。以出世法。隨配有情。後八願半。以出世法。隨配非情。有情有五。一父

伎女。龍生利樂故。  
經結集正法言至。說除諸垢穢。贊曰。下八  
頌半。以出世法。隨配非情。有十六。一。奇樂  
二園林。三花菓。四池蓮。五車馬。六馳路。七  
嚴具。八衣鬘。九珍財。十床褥。十一飲食。十

母。二。妻子。三。僕使。四。親友。五。眷屬。或分爲十。開父母妻子男女舍妓女別故。雖舍一種。亦是非情。理爲本依。故此先說。從宗爲論。總名有情。此初一頌有一。謂父母。第二頌有一。謂妻子。慧第六度無分別智。衆善根本。故名。

二沐浴。十三塗香。十四珍財。十五除然。十六建幢。此中有四。一法音爲樂。悅心靈故。二總持爲苑。攝持諸行故。大乘法爲林。萬德滋茂故。三三十七覺品爲花。當開菓實故。解脫涅槃菩提智慧爲果。因花有故。四八解脫

爲母。第七方便度爲父。後得智故。四世間菩薩諸佛導師生。皆由此二智生故。舊云智度爲母。卽第十度。非衆德本。如何爲母。故知智度無分別智。非第十也。法樂爲妻。聞法喜樂。生善行故。慈悲爲女。能柔順知故。誦法爲男。續果善故。由聞誦教。善法種生。紹三寶故。

爲浴池。除貪<sup>四</sup>垢故。定水湛然<sup>五</sup>漏者。八解脫池中。常有定水。不動搖故。池寬水狹。如理應思。七清淨花常彌布中。如蓮蘊池。浴池何爲除惑垢故。垢謂六垢。害恨惱誑誑憍。七清淨者。一戒淨。二心淨。三見淨。四度疑淨。五道非道智見淨。六行智見淨。七行斷智見淨。或

●後二復●●(發心)一●●損二頓●●頓●●善二普●●提十(之)●●(發)一●●上二五●●事世二世事●●臣二姻●  
●世間二世間●●軍閥●●知二和●●教二敢●●有二者●●(義)一●●室二衣●●各二利●●快二使●●說  
●洗●●在二音●●河二辱●●辱●●財二祿●●祿●●然二超●●苑二華●●十二等●●調二滋●●應二名●  
●戒二戒●



便。進謙勸修。愛樂正法。令於菩薩修行方便。皆能隨學。

經如是無邊行。至度脫無邊衆。贊曰。此一頌總答。一無邊行業。二無邊所行境。三無邊智。四以上三種度脫無邊衆。由以智證境。起無邊行。度脫衆生。

經假令一切佛。至都無有慧者。贊曰。此二頌結勸發心。初頌結勝。故讚不窮。後頌勸之發心修學。上來略解文之意況。諸有智者。思之可知。不可以已未悟之心。而反責於人也。新舊同異。一一應陳。恐厭繁文。故略而止。

### 不二法門品

善提分品及此一品。真實義處。明自利門。前品真實有爲世俗事行。此品真實無爲出世理行。利他之行。必自利故。欲證其理。先修事故。二者差別之義。二與非二。俱名爲二。一三四等。名非二。故。花嚴等。以一爲二。法自在等。以二爲二。甚深覺等。以三爲二。光幢等。以五爲二。喜見等。以六爲二。准執一等。故皆是二。此除分別及事差別。名不二故。借共二名。表二及非二。非由言二體唯證二故。初有十六。菩薩以二爲二。後有十五。以非二爲二。文殊師利以言心爲二。無垢稱以有說爲二。至下當知。空理義云。空性無差。俗妄有異。今說其同性不同俗妄異。故言不二法。此空即門。緣此能生真空智故。談其真性。非二。非不二。今遮妄二法。故言不二法。妄不生空智。真空方可生遮彼非門。故非門強說門。此品廣明。名不二法門品。應理義云。俗事及所執妄

謂皆有異。眞理非妄。成非妄異。今顯無相眞如理唯是一。恐聞一定一。不說於一但遮妄異。故言不二。不二之理。可執可摸。故名爲法。此能通生死無漏智解。立以門名。據實眞如非不二。非法非二。法。非門非不門。遮二故。強名不二。遮非法故名法。遮非門故名門。此品廣明。名不二法門品。

經時無垢稱。至各隨樂說。贊曰。品段有二。初明不二法門。後明利益。初中復二。初明說不二法門。後明入不二法門。無垢稱入不二法門。說中又二。初無垢稱問諸菩薩說不二法門。後諸菩薩問妙吉祥說不二法門。或三十一菩薩。以分別執爲二。無分別理名不二。智會此理。名入不二。文殊以言說爲二。離言法性名不二。智達此性。名入不二。無垢以假智言說俱名爲二。諸法眞如名爲不二。正智證眞。名入不二。故。故成。各別。初中。復二。初問後答。此問也。入者證也解也。證解眞理。名入不二。各隨辨才。隨情樂說。

經時衆會中。至次第而說。贊曰。下答有二。初略後廣。此略也。經時有菩薩。至不二法門。贊曰。下廣。合有三十一箇菩薩。別答前問。一一答中。文皆有四。一標菩薩名。二陳二法。三明不二。四總結之。然空理義。並以俗妄有二。眞空無二。應理義云。皆以所執依他有二。圓成眞如實無有二。此之二義。言勢遮執解文雖同。意況常別。恐厭文繁。更不別對。一一疏條。諸尋文者可具知也。生滅爲二理名不二。證此無生正智

名忍。初地已上。此忍證眞如入不二。空理義云。空無有二。應理義云。理無事二。以生滅二。不說分別故。

經復有菩薩。至不二法門。贊曰。我我所分別名二。無二理名不二。證此無二理名入不二。此下皆以理遮執二。故言不二。所以二中皆言分別。舊經都無分別之言。意存空理故。

經復有菩薩。至不二法門。贊曰。有取者有著也。無取者無著也。有著無著分別爲二。有著有所得。有所得故有增減。有增故有起作。有減故有息滅。若了證無著。即無所得。無所得故無增減。無增減。故無起作。無息滅。故於諸法中。無所執著。無執著心。達解此理。名入不二。

經復有菩薩。至不二法門。贊曰。寂滅跡者即眞理。理爲智跡。智喻足。能履故。理爲跡。所履故。

經復有菩薩。至不二法門。贊曰。散動者心馳外境。思惟者攝念內緣。初了二無。則無作意。後任二無。都無作意。

經復有菩薩。至不二法門。贊曰。一相者。空無我等共相之理。無相者。眞如了知諸法無有共相。亦無自相。自相即別異相也。知此共自二有爲相。一切都無。亦無眞無相之體。知此有爲及無爲理。二智平等。名入不二。共相自相俱是有爲。對彼無爲。故名爲二。

經復有菩薩。至不二法門。贊曰。聲聞菩薩二因緣心。性皆如幻。達二幻理。名入不二。經復有菩薩。至不二法門。贊曰。善及不善。無

●門二行● ●信二修● ●信一● ●此二以一● ●二法二非法● ●證二隔一● ●[故]一● ●各二名● ●復二有● ●說二離● ●(二)一● ●著二若● ●甲本冠註日滅下忘脫無起作無息滅六字 ●則二即● ●至十(不)●\*

所起作。此二有相及與無相。二俱平等。無善可取。無惡可捨。了知於此。名入不二。

經復有菩薩至不二法門。贊曰。有罪名縛。無罪名解。以金剛無漏之智。達無縛解。名入不二。

經復有菩薩<sup>至</sup>二法門。贊曰。有想者有漏想也。無想者無漏想也。或有漏<sup>①</sup>生名有想。無漏生名無想。或有心想名有想。滅<sup>②</sup>或無心想名無想。

經復有菩薩不二法門 贊曰。遠離一切有爲諸行。起於覺慧。卽觀無爲如空之智。極善清淨。或遠有爲行。卽無爲覺慧如空之智。極善清淨。既都無執。亦無所遣。名入不二

經復有菩薩至不二法門。贊曰。可毀可壞。故名世間。翻此名出世。了世間空。初既不入。後亦不出。以不入故。無隨生死流。舊云溢者。流溢之義。以不出故。亦無散滅。離於世間。境既如此。心亦不執。

經復有菩薩至不二法門 贊曰。知生死空。本無流轉。亦無涅槃。二境本空。分別便滅。

經復有菩薩則名無盡。贊曰：此兩翻釋。初了都無有盡無盡。要究竟盡。乃名爲盡。卽煩惱等。究竟盡。流。名爲有盡。既究竟盡。不復更得常有盡。則名無盡。有。有盡則無。

無盡無便無體。卽有<sup>\*</sup>有盡。有盡亦無體。故都無二。

經又有盡者<sup>至</sup>。不法門。贊曰。此第二翻釋。前約相續以解無二。此約剎那。或前約染法。此約淨法。一剎那法。暫<sup>①</sup>等滅無。定無有盡。

卽是無盡。一刹那中有盡無故。無盡亦無了。二本空。分別不起。名入不二。舊云。若究竟盡者。更不可盡。故有盡者卽是無盡。

經復有菩薩云不二法門。贊曰。我無我體。其性都無。不可論二。此二分別。名之爲二。了二境空。其分別斷。智達此理。名入不二。

經復有菩薩聖不法門。贊曰。了知無明本性空理。卽是於明。執二爲實。俱不可得。不可算計爲有。超算計之路。觀此無二。名入不二。

經復有菩薩至不二法門 贊曰。上十六菩薩以兩爲二。下十五菩薩以非二爲二。或可總說。以二爲二。五蘊爲一。空爲一故。下皆准知。空理義云。世俗取蘊性卽眞空。空與蘊體二。

種無別。取蘊現在卽有眞空。非蘊滅已方有空性。由此故言。卽是色空。非色滅空。○者此破二執。一執世俗色外別有眞空。爲破此故云卽是色空。色空無別。二執俗色滅方有眞空。爲破此故云非色滅空。蘊現有時。已有空故。應理義云。略有二解。一解。所執色卽是空。色空無別體。非所執色滅方始有空。現色相時。性已空故。色旣所執色。空亦卽空無。二解。所執及依他色。並卽眞如空。空與眞如。更無別體。亦非二色滅方有眞如空。二色現時。眞如有故。旣無二別。名入不二。

二。乃至意法分別爲二。根境對故。了知六二其性皆空。見眼空性。於色境上。便無三毒。乃至意法亦復如是。見已靜住。名入不二。

總復有菩薩不二法門。贊曰。布施爲一。迴向一切智性爲一。故名爲二。一切智性。卽眞如理。是智體故。知布施等卽眞如性。故名不二。

經復有菩薩至不二法門 贊曰。空觀我等爲無。無相無願。緣無爲有爲有。了知我空。都無有相。此無相中。亦無可願。此無願中。心意識三都不可起。所取無故。能取亦無。又不別

於無願以生心謂小。空卽無願故。楞伽經云。藏識說名心。思量性名意。能了諸境相。是說通達。名入不二。成唯識云。空無相願。於計所執依他圓成。或皆通緣。或次謂第別緣。此依通緣。故名不二。乃至於無願亦卽空無相。皆准此知。

經復有菩薩至不二法門 贊曰。佛爲先。法  
僧爲後。三寶別體。分別爲二。了佛尋法僧。  
三寶同體。皆無爲相。與虛空等。無不在故。諸  
法亦爾。皆異如性。名爲不二。同體三寶義如  
前說。

經復有菩薩至不二法門 贊曰。薩迦耶者。

①生=在②[戒]—③流=法,流④[有]—⑤無+(盡)⑥[無]—⑦體+(無盡)⑧不十(二)⑨等=兩  
⑩者=剩⑪火=大⑫小=等⑬[第]—⑭尋=即⑮後=復⑯蘇=醒

經後有菩薩至不二法門 贊曰。身語二色及意非色。分別爲二。空理義云。了本空皆無造作無造作之相相之故其相無二。身空即語空。語空即意空。意空即一切法空。若能隨入一切法空。無造作相。名入不二。應理義云。了三律儀本真如性皆無造作。身真如即語真如。語真如即意真如。意真如即一切法真如。能隨入此無作真如。名入不二。

經復有菩薩至不法門 贊曰。諸不善業。可毀可厭。名爲罪行。欲界善業。可愛可樂。名爲福行。色無色界諸善定心。住於一境。名不動行。散。定二地。分別爲二。無作相者。空理無作相即真空性。應理無作相性即真如。故此空中無三差別。

經復有菩薩至不二法門 贊曰。此等以一爲二。一切二法者。一切分別差別之法。皆從我起。知我真實之理。即不起二。不起二故。即無能了。無能了故。即無所了。名入不二。無彼本來差別二故。

經復有菩薩至不二法門 贊曰。二法者。謂一切分別差別。有所得者。謂本見有相。若了本有所得。若成。本來無所得。則無所起取捨本。末二。既無。取捨二。名入不二。

經復有菩薩至不二法門 贊曰。了本真理。則無明暗。明暗無二故。如滅定無心。無心漏明。無有漏暗。都無分別。故舉爲喻。

經復有菩薩至不二法門 贊曰。了知生死涅槃本真理性無二。則無欣厭。究竟之理。生死無縛。涅槃非解。何所欣厭。

經復有菩薩至不二法門 贊曰。善住正道。耶道便滅不行。若見有邪道。可見有正道。邪道既不見行。正道如何得有。二境相既無二。能覺非有。無二覺故名入不二。

經復有菩薩至不二法門 贊曰。虛謂有爲事。實謂無爲理。理諦可證。尙不見實。何況虛法。不可爲證而能見之。此真理性。非肉眼可見。唯慧眼能見。無分別智慧眼證時。於一切無分別故。無見無不見。名入不二。

經如是會中至不二法門 贊曰。下第二諸菩薩問妙吉祥說不二法門。初結前生後以爲問。後隨問以爲答。各別說已以上結前。同時發問已下生後以爲問。客來小位。解釋已周。故問上賓。談彰大義。

經時妙吉祥至猶名爲二 贊曰。此隨問以爲答。初非前。後正述。此非前也。汝等雖遮二之分別名爲不二。以有言說及帶分別。猶名爲二。我今除言及絕分別。名爲不二。故知二者分別差別。不是兩法。名爲不二也。

經若諸菩薩至不二法門 贊曰。此正述也。無言無說。無表彰。無指示。離言說之戲論。絕起心之分別。名爲不二。以不可言不可分別之理。遮於言說分別。故名不二。

經時妙吉祥至不二法門 贊曰。上來明說方便因位外化利物不二法門。下明證入根本果位內證自利不二法門。初問。次入。後讚。此問也。

經時無垢稱默然無說 贊曰。此入也。正理幽玄。言路不測。縱以不言之言遺言。終非會

於妙理。故默無說。以智冥真。名入不二。最爲深極。

經妙吉祥言至說分別 贊曰。此讚也。我說不二。以言遺言。汝入不二。以智冥真。會妙雖同。親疎相隔。說契異者。真由證故。說爲疎也。證契真者。離言說故。證爲親也。

經此諸菩薩至無生法忍 贊曰。下第二段明利益也。創入初地。名爲悟不二。不二之理。即真如法。證會無生。亦初得也。或任運入不八入八地也。相續無生。亦八地也。

說無垢稱經贊卷第六本

方便品下八品。明二利行。此之一品。明二利果。今於果德愛樂希求。故此一品。明菩提處。或上八品。別明二利。此之一品。總明二利。香臺佛號。一佛果德寄一佛標勝。令下位以希求。標佛號以爲品名。明二利以修習。佛身聖文顯。相類高臺。積香爲之。利濟群物。故名香臺。此品廣明彼事。名香臺品。

經時舍利子至當於何食 贊曰。品段有五。初驚子念食。二無垢訶止。三命使往求。四得食而返。五時衆獲益。此初文也。佛制以時。非時勿食。食時既生。所以思惟。摩訶大

①甲本冠註曰無造作等十字疑錯當作無造作之相無造作之相 ②造作一作造 ③定二是 ④來二末 ⑤〔若〕一 ⑥〔本來〕一  
⑦則二即 ⑧末二來 ⑨取二所 ⑩暗二明 ⑪邪二耶 ⑫〔言〕十說 ⑬惜二情 ⑭入二二 ⑮卷末題新加  
⑯贊二疏 ⑰甲本冠註曰經卷第五 ⑱支二光 ⑲〔法〕一 ⑳生二至

也薩埵有情也。簡前小位。言大有情。舊經唯云菩薩當於何食。今亦有聲聞。

經時無垢稱至而聞正法。贊曰。下第二明無垢訶止。此詞也。隨順小乘八解脫除貪欲。大

乘八解脫除定障故。又定障中貪為首故。八解脫觀。為除五境所有貪欲。仁今已住。貪欲

水亡。財食有穢。染習猶在。勿以汚心而聞正法。應除財食之欲。而生法食之願。又阿含

經說。食有九種。謂段觸思識禪願念解脫及喜。應當專念捨初四食。應勤修常業欣後五

種出世間食。故云解脫仁者已住。勿以財食染汚其心。財食即是段食攝故。

經若欲食者。未曾有食。贊曰。此止也。止今思。許當說。

經時無垢稱至殊勝神通。贊曰。下第三段命使往求。有四。初示有食之處。二選誰能往求。

三化令。傳此言。四使承威往請。初文有三。初總標起用。次別陳所示。後結成眾觀。此初

文也。雖恒在定。順俗今入。若不現通。他終不見故也。

經示諸菩薩至安穩住持。贊曰。下別陳所示。有十四。此文有六。一令見者。菩薩聲聞。

二處所。上方界。念三近遠。四十二號伽沙等。四界名。一切妙香。一切國土皆香作故。五

佛號。香臺。六起滅現在住持。經彼世界中至一切周滿。贊曰。此文有二。

一總陳香氣最勝。由修五蘊因最勝故。彼國眾生宜得聞香氣而入道故。諸佛利樂事非

一故。破世有情耽香味故。二顯樹出香周流。

普薰

經彼中無有至為其說法。贊曰。此文有二。一眾唯大乘。二佛應說法。

經彼世界中至無量佛土。贊曰。此文有二。一眾事香成。二食香第一。離香味觸。三為食

體香宜利益香氣最勝。經時彼如來至及諸菩薩。贊曰。此文亦二。

一佛等方食。食必依此。利益機會故。二香嚴供養。顯佛福田。眾生修行法供養故。舊云有

諸天子皆號香嚴。此唯一名。本有異故。經時此大眾至如是等事。贊曰。此結成眾觀。

經時無垢稱至取妙香食。贊曰。下第二選誰能往求。有四。一問眾。二默答。三重徵。四

返責。此初文也。推眾不能。方施自化。欲顯讓以為德。故禮推於眾也。

經以妙吉祥至咸。能默然。贊曰。此默答也。默意有四。一食以。待寶。實不可往。吉祥

怪其問客。咸使默然。二大士求法。不規財食。彼雖推問。此令默然。三顯諸菩薩於食無染。

故咸令默。彰此深裏。四彰無垢稱神通自在。示諸菩薩。令欣仰故。

經時無垢稱至令其乃爾。贊曰。此重徵也。菩薩利物。命進問安。談譚設座。座雖久設。談

譚。次施。故調吉祥何不感神加護諸德。令其穢默。乃爾無酬。

經妙吉祥言至勿輕。末學。贊曰。此反責也。令默所由。已如前辨。對眾徵持。想非所

宜。故今責之。勿輕。末學。未學尚不可輕。先德如何。輒鄙。事未可知。

經時無垢稱至蔽於眾會。贊曰。下第三。他令傳此言。有二。初明神化。後使傳言。此神化

也。問。何故請座。心念即來。今時請食。令神化使往。答。食有隨來之者。近客。故使化人。座

無隨座之賓請座。不須使往。又神通化用不一。權宜。何必濟命化人未必並須無信。

經而告之曰。至方共坐食。贊曰。下使傳言有二。初示處。後傳言。此示處也。

經汝往到彼至安樂住不。贊曰。下傳言有四。一教軌儀。至彼頂禮。二命敬慰。應作是言

等。三請食。四所由。此初二文也。舊經但有傳言頂禮。無教化者至彼稽首。

經遙心右繞至施作佛事。贊曰。正明請食。經今此下。劣至名稱普聞。贊曰。請食所由

有二。見食發心。名欣大慧。眾生利益。并揚佛德。名稱遠聞。由此二義。故令請食。

經時化菩薩至香臺佛足。贊曰。下第四使承威往請。有二。一曾見到彼國。二聞傳此言。此

初也。經又聞其言至安樂住不。贊曰。下聞傳此言。有三。初聞敬慰。二聞請食。三聞所由。此

初也。經遙心各繞至施作佛事。贊曰。請食也。經今此下。劣至名稱普聞。贊曰。聞所由也。

經時彼上方至下劣欲樂。贊曰。下第四大段得食而返。有六。一在彼未還。二得食而返。

三眾聞皆集。四勸眾食之。五此問彼佛。六彼問此法。初中有四。一菩薩歎問。二彼佛具陳。

三重請所由。四廣談勝德。讚歎可知。發問有

●亦二又● ●水二永● ●傳二得● ●念二分● ●能二皆● ●待二得● ●冠註曰講謂王云嚴也又調嚴也 ●次二恣● ●甲本冠註曰末經作未 ●非二慈● ●末二未● ●甲本冠註曰他上標列作化 ●化二他● ●近二近● ●到二對● ●步二當● ●見二具● ●樂二種● ●各二右● ●樂二等●

三。一問東方。二問界所。三問下劣意。樂。如文可知

經尋問最上至爲說斯事 贊曰。結成諸答

經佛便告曰。至宣揚正法 贊曰。下彼佛具

陳。有二。一陳釋迦。二陳無垢。此陳釋迦。出

五濁世。爲度下劣欲樂有情。宣揚正法。此答

二問。一答界所。下劣等也。二答下劣意樂。五

濁之世有情也。梵去索詞。此云堪忍。堪能忍

受諸苦事故。天授出血。善星掃跡。如是等也。

經彼有菩薩。開示妙法 贊曰。下陳無垢

有二。一陳己身。二陳遣信。此初也

經遣化菩薩。善根增進 贊曰。此陳遣信。

所以稱揚我及此土。令彼菩薩善根增故。即

前所說當欣大慧。此答前問從何處來

經彼菩薩。至無畏若斯 贊曰。重請所由

也。其無垢稱。道德何如。神通無畏。如此可愛。

若如也。斯此也

經彼佛告言。至無量有情 贊曰。此廣談德

也。初地菩薩。爲百億國。二地。千百億。乃

至十地。遍於十方。一切佛國。頓令化往。施作

佛事。利樂有情。彼無垢稱。位德既高。故能若

此

經於是。最上至化菩薩手 贊曰。下第二段得

食而返。有七。一香臺與食。二菩薩請來。三彼

佛許勸。四彼衆至此。五化座待之。六食香普

薰。七衆聞驚悅。此初也。有一香器。能生衆

香。盛滿香食。授化菩薩。佛力所加。盛食授

與。顯佛慈悲。欲爲利益。自盛付之。或顯由

佛力。未必自盛

經時彼佛土。至聽聞正法 贊曰。二菩薩請來。

請來至此。禮敬三寶。此請禮敬佛。及聞正

法。舊文無法

經并欲。瞻仰。禮敬。至加護聽許 贊曰。此敬

禮。僧陳請來意。願加聽許

經彼佛告曰。至今正是時 贊曰。三彼佛許

勸。有二。初許。後勸。此許也

經汝等皆應。至醉悶放逸 贊曰。下勸有三。

初勸。攝香。次勸。隱色。後勸。於世界勿生劣想。

或初爲人。後爲世界。故有勸之。初有二勸。此

初文也。堪忍惡界。氣惡無香。乍聞香極。惡生

醉悶。耽染愛著。既醉悶已。無所覺知。乃爲放

逸。不自策勵

經汝等皆應。至心生愧恥 贊曰。此勸隱色。

彼大菩薩。相好嚴身。色相第一。此小菩薩。隨

劣惡生。外非勝相。願已觀他。心生愧恥。故應

隱色。勿遣生慚

經汝等。於彼。至而作障礙 贊曰。下勸於界勿

生劣想。初標。後釋。此初也。妙香世界。珍寶

香成。此土穢處。實爲下劣。障礙有二。一於世

界生下劣想。心生卑賤。不敬彼佛。不度彼生。

自爲障礙。二於世界生下劣想。心生卑劣。不

爲化度。與此衆生而作障礙

經所以者何。至無有差別 贊曰。此釋勸意。

一切國土。無有實體。猶若虛空。或法性土。無

相如空。何善何惡。佛爲化生。隨樂示現。染淨

無定。然佛所感報土。清淨無別。故知釋迦土

穢。隨樂現之。本土清淨。與我無異。故於彼土

經時化菩薩。至歎然而現 贊曰。四彼衆至

此。彼佛許來。以赴淨名之意。無垢心念。以利

所宜之生。故雙承威神。歎然至此

經時無垢稱。至皆坐其上 贊曰。五化座待

之。命進設座。待賓。當機。故化爲之。以安上

客

經時化菩薩。至香氣芬馥 贊曰。六食香普

薰。有三。初以食器授。二普薰世界。三由薰氣

馥。如文可知

經廣嚴大城。至身心踴悅 贊曰。七衆聞驚悅

也

經時化城中。至無垢稱室 贊曰。下第三段衆

聞皆集。有二。初人王入室。後天神來儀。欲顯

可尊。幽顯咸萃。人王有三。一入。二歎。三禮。

此入也。人聞香氣。近衆皆來

經見此室中。歎未曾有 贊曰。二歎也。觀

衆甚多。見座高廣。故生歡喜。歎未曾有

經禮諸菩薩。至却住一面 贊曰。三禮也。菩

薩聲聞。變身稱座。彼來既觀。故爲敬禮

經時諸地神。至無垢稱室 贊曰。此天神來

儀。有靈聞香。理應尋至。況諸威德。聞已不來。

色界諸天。雖無鼻識。聖根互用。聞香。亦來。

應依定聞。故皆來至

經時無垢稱。至甘露味食 贊曰。下第四段勸

衆食之。有六。初勸皆食。二有念食少。三化者

結之。四食已有餘。五食已安樂。六身出諸

香。初文有二。初勸。後誠。此勸也。此食乃是

香臺如來所施甘露。能消一切煩惱毒害。上

妙味食

經如是食者至定不能消 贊曰。此誠也。佛行大悲。盡擊身心。變起此食。本欲利樂諸有情故。勿以生死自利少分下劣之心而食此食。無大。悲意。定不能消。誠生大意。經時聚會中至如是大眾 贊曰。二。者念食少也

經時化菩薩至無量福慧 贊曰。三化者諸之。有二。初略語。後廣顯。略語有二。初標。後釋。此標也。此食乃是如來所說。勿以小福輕量不足

經所以者何至終無有盡 贊曰。此釋也。海

水有窮。食終無盡。佛力能置。故。使然也

經假。使無量至猶不能盡 贊曰。下廣顯前義。有二。初標。後釋。此標也。設使大千一切有情。一一以手。握搏此食。量等妙高。經劫搏握。而欲食之。猶不能盡

經所以者何至終不能盡 贊曰。下釋所由。戒定等五。如前已釋。食從此等無邊因生。果亦無量。佛食之餘。故諸有情經百千劫。食終不盡

經於是大眾至而尚有餘 贊曰。食已有餘。乍觀食器。一力。所。聖德所加。衆食不盡

經時諸聲聞至之所住持 贊曰。五食已安樂。初法。後喻。妙食所持。聖威所引。本為濟物。故身安樂。舉喻成言。食者此食者。譬如一切十方報土。安樂莊嚴世界菩薩安定之身。胎悅無惱。與彼同故。不但西方極樂世界。十方一切安樂世界。皆以為喻

經身諸毛孔至種種妙香 贊曰。六身出諸

香。食此食者。亦如十方妙香世界。衆妙香樹。常出妙香。晝夜無盡。不但上方妙香世界。香樹為喻。十方一切妙香世界。皆所喻之。義無異故

經時無垢稱至云何說法 贊曰。下第五段此問彼佛。有二。初問。後答。此問也。即階小位。亦有不知。故試問言汝等知不

經彼諸菩薩至皆悉調伏 贊曰。下答有二。初答不同。後釋利相。此初文也。不同此土依音聲起文詞說法。但以妙香。令其息惡。故云調伏

經彼諸菩薩至菩薩功德 贊曰。此釋利相。菩薩座樹香氣皆流。彼聞妙香。即得勝定。定為根本。便能發慧。菩薩功德。因此而生。定能發生一切功德。故名一切德莊嚴定

經時彼上方至云何說法 贊曰。下第六段彼問此法。大有六。一問化宜。二答化法。三彼讚歎。四述成。五問生淨土之因。六答得淨土之業。此問化宜也

經無垢稱言至而調化之 贊曰。下答化法有三。初標答以言。次別顯言相。後釋言所由。此初也。夫行化者。皆為應宜。宜既難調。化須剛強。以言導利。初物可從。香味引之。彼使乖角。故以剛強之語。化彼難調之衆

經云何名為至剛強語言 贊曰。下別顯言相有三。初問。次答。後結顯成。此問也。經謂為宣說至是諸根缺 贊曰。下答有二。初四段。唯示惡因果令生厭斷。後有廿對。通示善惡令生欣厭。此初段有五句示惡果。無

示善惡令生欣厭。此初段有五句示惡果。無

暇生者。八無暇處生也。無暇之義。如前已說。三惡趣中。應說處所形量。若相命限。如餘處。辨惡繁不述

經此是身惡行至是意惡行果 贊曰。此第二段有三句。示三業中惡因果也。三業體性。有表無表。諸支多少。界地寬狹。皆如別章。然通加行根本後起三種。輕重之業。皆此所攝。故惡十業道外別明三業。業道唯重。唯根本故

經此是斷生命至是欲邪行果 贊曰。下第三段有十句。示十業道惡因果也。此身三惡。不與取者。舊云偷盜。不但白劫竊盜。方名此罪。今顯一切地物他心不與而強取之。皆此罪故。名不與取。欲邪行者。欲謂貪欲。顯究竟時皆貪欲故。要非自物。設是自物。非時非處。非量非度。亦成業道。異此自物。便非業道。故名邪行

經此是虛誑語至是難穢語果 贊曰。此語四惡。心境相乖名虛。以令他解名誑。若言妄語。生死實語。亦名妄語。體虛妄故。離間語者。舊名兩舌兩頭。道舌。可名兩舌。五頭。首舌。並名五舌。由此但應言離間語。出言離間他親好故。龜惡語者。舊云惡口。此非口惡。是語惡故。發世狠言。龜鄙可惡。名龜惡語。難穢語者。舊云綺語。難飾名綺。諸讚嘆詞。皆應綺語。今名難穢。文詞綺難。鄙狠名穢。諸讚歎詞。便無此過

經此是貪欲至是邪見果 贊曰。意三惡也。此惡業果名有四。一異熟果。為造下品十

經此是貪欲至是邪見果 贊曰。意三惡也。此惡業果名有四。一異熟果。為造下品十

●本一未● 為● ●悲二● ●者二有● ●量一重● ●使二便● ●使二合● ●所十(虛)● (是傾)● ●(食者)一● ●(者)一● ●胎二怡● ●所二取● ●即二便● ●使二便● ●四十(能)● ●若二苦● ●支二文● ●十(善)● ●內二道● ●(兩舌)一● ●道二首● ●首二道● ●諸二語● ●名二各●



惡業道生餓鬼。中品生畜生。上品生那落迦。人天之果。並善業招。設有別報不善業果。不名異熟。由此但說三惡趣。有二等流果。謂從惡趣沒後生人中。由殺生故。短壽多病。不與取故。乏少財物。欲邪行故。妻不貞良。虛誑語故。多被誹謗。離間語故。親友乖離。龜惡語故。恒聞不如意聲。雜穢語故。言不威肅。由貪欲故。貪轉猛。威。由瞋恚故。瞋轉猛。盛。由邪見故。癡轉猛。盛。諸邪見者。癡增上故。三增上果。由殺生故。一切外事乏少光澤。不與取故。多遭霜雹。欲邪行故。多諸塵空。虛誑語故。多諸臭穢。離間語故。高下險阻。龜惡語故。其地鹹鹵。確礪穢惡。雜穢語故。時候乖變。貪欲故。果實少。瞋恚故。果味辛苦。邪見故。果味辛苦。或全無果。四士用果者。令相應俱有二法增長。或更無別體。即此三果五蘊假者之所感得。無多別相。所以不說。此等一。皆如瑜伽第五十九六十。對法第七。及如經說

經此是慳吝。至是愚癡果。贊曰。下第四段有六句。示六蔽惡因果。亦有三果。准前應知。隨義別配

經此受所學。至此非應作。贊曰。下廿對。舊有九對。通諸善惡。令生欣厭。此有三對。受所學者。初所受戒。持別解脫者。受持戒。或初遮戒。後是性戒。或後是初時。初捨惡故。初是後時。領所受故。翻上二可知。此應作者。作持之戒。非應作者。止持之戒。或作犯之戒

經此是瑜伽。至此非障礙。贊曰。此有三對。瑜伽者。相應觀行義。永斷者。聖道棄之。障礙者。障聖道法

經此是犯罪。至此是邪道。贊曰。此有三對。出罪者。懺悔法。雜染者。染謂煩惱等。與染雜者。諸有漏也

經此是善。至此是過失。贊曰。此有六對。順理益物名善。可毀可壞名世間。可厭可怖名罪。漏者煩惱。猶如漏舍。甚可厭惡。有此煩惱。故名有漏。為之言作。有所為作名為有為。加功而得此德。名為功德。翻上可知

經此是有苦。至此是涅槃。贊曰。此有五對。逼迫名苦。適悅名樂。惡法可厭。劣法可捨。置繁名生死。翻上可知

經如是等法。有無量門。贊曰。此結類成。上來諸門。名無量義。恐繁不述。應如理思。餘土衆生。根利易化。見光明等。便能入道。此土不然。故須丁寧。一一教示

經此土有情。至令其調伏。贊曰。下釋語言。所以有三。一法。二喻。三合。此法說也

經譬。世如象馬。至然後調伏。贊曰。此喻說也。舊文兩喻。加楚毒者。苦鞭撻等

經如是此土。至趣入正法。贊曰。此合說也。誨者示也。喻者曉也。苦切曉示。令其調伏。趣入正位

經時彼上方。至得未曾有。贊曰。三彼讚歎有二。初得未曾有。後與讚歎。此初也

經皆作是言。至調伏攝益。贊曰。下。與讚歎。初歎如來。後歎菩薩。釋迦能也。是佛之姓。牟尼寂靜義。能寂歎於生死諸惡。故云能寂。釋

迦姓也。瞿曇望也。此云日矣。又名甘蔗。如人姓盧是鬼子盧。此盧可重。餘盧即非。若姓釋迦。是瞿曇釋迦。此釋迦可重。餘釋迦則非。說此本緣。如別章說。釋迦實德。嘆美不窮。現為劣生。故名隱覆。極惡衆生。故名下劣。無聖法財。故名貧賤。調伏斷惡。攝益與善

經是諸菩薩。至難化有情。贊曰。此歎菩薩。忍種種勞倦者。利衆生時。苦惱事也。勝希堅牢者。衆事惱亂不退敗也。過外道等名勝精進。世間難遇名希有。不可退屈名堅牢。不可思議策勵深也。大悲精進。為物起也。此精進言。通上諸義。一勝。二希。三堅牢。四不思議。五大悲精進

經無垢稱言。至難化有情。贊曰。四此述成有二。初述成。後嘆勝。此述成前讚嘆如來

經諸菩薩衆。至無量有情。贊曰。此述成前讚嘆菩薩

經大士當知。至所得功德。贊曰。下歎勝有三。一標勝。二顯勝。三結勝。此初也。此土修行諸菩薩行。忍苦精勤。攝益弘廣。所以一生修福。勝彼一切妙香世界百千大劫。彼界衆事。皆妙香成。故言一切

經所以者何。至之所無有。贊曰。下顯勝有二。初顯所由。後顯勝行。此初文也。由修十法。濟有苦。衆生。勝餘佛土。餘佛土中無苦有情及煩惱等。亦無二乘。故一生修。勝餘多劫

經何等爲十。贊曰。下顯勝行。有三。初徵。次顯。後結。此徵也

經一以惠施至攝諸愚癡 贊曰。此六到彼岸。除於六蔽。以拔苦生。除佛土中。純行勝行。無六蔽故。

經七以說除至樂小法者 贊曰。四輪。擢於八難。普攝有情。如前已說。餘土無八難故。以大乘法攝樂小者。餘土無小。故為殊勝。

經九以種種至一切有情 贊曰。餘土無有未種善根。一切皆是善根熟者。故此勝餘。餘土無有惡法有情。不須四攝。此行四攝。攝惡有情。故勝餘土。

經是為十種修集善法 贊曰。此結也。經此堪忍界至之所無有 贊曰。此結勝也。

經時彼佛土至生餘淨土 贊曰。五問淨土之因也。此土菩薩。行前十法。住在地前。成熟幾法。不毀此法。無傷善行。或不毀善。無傷起惡。得住十地。後生淨土。若已住十地。任運生淨土。不假此問也。

經無垢稱言至生餘淨土 贊曰。六答得淨土之業有三。一標。二顯。三結。此初也。

經何等為八 贊曰。下顯有二。初徵。後顯。此徵也。

經一者菩薩至希望善報 贊曰。下顯為八。見彼於已有恩。成已善提故。非已於彼有益。不見大利故。況說三事空。有希善根。

經二者菩薩至悉迴施與 贊曰。大悲廣運。代彼受苦。大悲廣運。迴施善根。

經三者菩薩至心無罣礙 贊曰。怨親不二。平等濟拔。不為愛憎。心無罣礙。是者障故。

經四者菩薩至敬愛如佛 贊曰。憍謂醉逸。

縱薄身心。慢謂踞傲。自尊卑物。憍有七種。謂無病憍。少年憍。長壽憍。族性憍。色力憍。富貴憍。多聞憍。慢亦有七。一慢。謂於劣計已勝。或於勝計已等。二過慢。謂於勝計已等。及於等計已勝。三慢過慢。謂於勝計已勝。四我慢。謂恃我高舉。五增上慢。少得多得。六卑慢。多分勝已。謂已少分劣。七邪慢。已全無德。謂已有德。昔由內憍。於外生慢。故沈生死。今應除之。敬他如佛。

經五者菩薩至無疑無謗 贊曰。昔不聞法。設聞疑謗。故沈生死。今得聽聞。應斷疑謗。

經六者菩薩至不生憍慢 贊曰。昔妬他榮。憍慢自利。故沈生死。今於他利。應無嫉妬。自利不慢。

經七者菩薩至不譏他犯 贊曰。調伏。自心。令離衆惡。以心如猿猴難可禁制。故應調伏。吾日三省。尚為世仁。況常思過。不毀他非。非菩薩也。

經八者菩薩至菩提分法 贊曰。於惡不放逸。於善法常求。修菩提分。曾無懈廢。

經堪忍世界至生餘淨土 贊曰。結也。

經其無垢稱至無生法忍 贊曰。品第五段。時來利益。未求趣者。皆同發心。已修行者。得無生忍。

菩薩行品

合十一品。正陳本宗分中有三。上來九品。明菩薩境。此之一品。明菩薩行。識境方起菩薩行故。菩薩之義。如上已釋。行者因業。菩薩所修成佛因業。此品廣明。名菩薩行品。

經佛時猶在至皆現金色 贊曰。品段有三。初未至菴園以現相。次至佛所以陳述。後菩薩讚請以歸還。初中復三。初未至現相。次阿難怪問。後世尊具告。此初也。其彼欲來。預現前相。一變廣博。增大行故。二變嚴淨。滅煩惱故。三變金色。顯成第一殊勝果故。

經時阿難陀至皆現金色 贊曰。阿難怪問。不識此相。問此由誰。

經佛告具壽至現此前相 贊曰。世尊具告。經時無垢稱至聽受妙法 贊曰。下第二段至佛所以陳述。大文有四。初平章欲至。二到已歸禮。三世尊指詰。四問奇怪問。初中復二。初無垢平論。後吉祥答可。此初也。佛遣來問理。合自辨。況加瞻仰而為聞法。應與大眾往佛所耶。

經妙吉祥曰至可同行矣 贊曰。此吉祥答可。衆生根。就。佛悲廣運。故云是時可同行矣。

經時無垢稱至往詣佛所 贊曰。第二到已歸禮。有三。初掌持往詣。次到已歸禮。後佛命就座。此初也。以神境通。令衆不起本座。并座置掌。持詣佛所。

經到已置地至儼然而立 贊曰。到已歸禮有三。初無垢歸禮。次菩薩歸。初禮。後大眾歸禮。此初也。以衆置地。自禮世尊。繞已却住。儼然而立。頂禮屈五輪以歸尊。右繞規六通而現化。七匝滅七隨眠。得七覺分。成七清淨。而佛得一切智地。得一無相。合掌表冥真境。儼然而立。蒙佛垂喻。

經諸大菩薩至儼然而立 贊曰：此菩薩歸禮經諸大聲聞至儼然而立 贊曰：此大衆歸禮。方中須敬。下座而歸。開法將行。故皆儼然而立。

經於是世尊至各復本座 贊曰：下佛命就座。初命後座。此命也。接來有禮。如法慰問。將悟聖道。令各復座。

經時諸大衆至恭敬而坐 贊曰：稟命不輕。各還本座。表將涅槃。所以先坐。坐必臥故。臥極涅槃。

經爾時世尊至之所爲乎 贊曰：第三世尊指詰爲四。一佛問。二彼答。三重徵。四彼述。此初文也。無垢大士。住解脫位。由此第一。名最勝智。任運能現。名爲自在。妙用無礙。名神力爲。

經舍利子言唯然已見 贊曰：二彼答也。經世尊復問汝起何想 贊曰：三重徵。汝於此中。起何相解。

經舍利子言起難思想 贊曰：四彼述有二。初標。後釋。此標也。

經我見大士至不能述歎 贊曰：下釋難思。有二。初說無垢難思。故云我見大士不可思議。後說神力難思。於其作用神力功德。不能以算而數。不能以思而思。惟亦思也。不能以言而稱。以心而量。皆是尋伺道故。由此四義。不能陳述而歎揚耳。舊云非意所圖。非度所測。人非意所圖。事非度所測。又度者根也。人度下不測上故。

經時阿難陀至爲是誰香 贊曰：第四問香怪。

問。有四。初阿難。驚疑難。二鶻子傍通。三問住久如。四歎陳佛事。初中有二。初阿難疑問。後世尊正答。此疑問也。

經佛告之言至毛孔所出 贊曰：此世尊答經時舍利子至。然出是香 贊曰：二鶻子傍通。有三。初鶻子答。二阿難問。三鶻子述。此初也。阿難白佛。佛答菩薩毛孔所出。鶻子不問說已亦有遂自陳誠。

經阿難陀曰至何緣而有 贊曰：二阿難問。菩薩所出。乍可修成。汝等何緣復能流出。經舍利子言至供諸大衆 贊曰：下鶻子述。初述食來所由。後述香馨所由。此初也。

經其聞取有至皆出是香 贊曰：此述香馨所由。經時阿難陀至當住久如 贊曰：三問住久如。有四。一問香久近。二答盡食消三問食消久近。四答食消時分。此初問也。香氣住身久近時。即猶如何等。

經無垢稱言至其香猶住 贊曰：二答盡食消也。香隨食質。食有香在。食起香氣。食消香滅。經阿難陀曰至當皆消滅 贊曰：三問食消久近。

經無垢稱言至而不爲患 贊曰：四答食消時分。有三。初總答。次別顯。後喻成。此初也。食之勢分。亦隨世食。七日七夜。住已方消。大悲神力。雖久未消。而不爲患。不同世食。雖經七日勢盡。消化而有爲患。此言七日。且隨世食。多分爲論。非要定爾。或增或減。有不定故。且如聲聞利根得果。有六十劫。菩薩發心證無

生等。必一大阿僧祇。若得已方消。豈只七日得聲聞果。唯經七日證無生等。三生得果。不經七日。由此故。且隨世食。多分爲論。經具壽當知至然後乃消 贊曰：二別顯有三。初顯得聲聞。後顯得菩薩。聲聞有三。此從凡得見諦。具壽者。舊云慧命。呼阿難陀爲具壽也。世間有情。多愛於命。聞言長壽。誰不喜。出家之人。多愛智慧。聞言智慧。誰不喜。亦如俗人之愛命也。由此舊經呼爲慧命。壽者命也。具足世命。及具出世之智慧命。不可偏彰故。命雙呼。通言具壽。已發聲聞之心。未入見諦。食已要入。然後乃消。極速三生。極遲六十劫。正性離生。義如前釋。

經未離欲者至然後乃消 贊曰：此第二從見諦得離欲。得離欲者。不還果也。

經未解脫者至然後乃消 贊曰：此第三從有學得無學。心解脫者。俱解脫阿羅漢果。得離諸欲定障。解脫涅槃八解脫故。

經諸有大乘至然後乃消 贊曰：下顯得菩薩。有四。此從凡夫具菩薩性。要發大心。然後消化。義顯無性不得此食。不發心故。雖具世間有漏五根。此利出世。故彼不得。義顯此食至得部行獨覺。然後乃消。類聲聞故。多不達佛。故不說之。類顯聲聞具種姓者。得食發心。然後乃消。此文中略。義類應有。

經已發無上至然後乃消 贊曰：二已發心。要得初地。無生初得。在初地故。三從初地要得八地。具足不退。在八地故。四從八地要至補處。補處乃在一生繫故。亦應一生繫得此

○(而)一○ ○將二證二○ ○思二證二○ ○也二地○ ○聲聞二聲聞○ ○然二亦○ ○孔二孔○ ○問二問○ ○聞二問○ ○取二所  
○即二節○ ○處二知○ ○三二二○ ○命十(今)○ ○(發)一○

食已。成佛乃消。然爲一生多居知足。此食不至一生之身。故略不說。或義應有。文略無之。經具壽當知。然後乃消。贊曰。三喻成也。初喻。後合。此喻也。

經食此食者。然後乃消。贊曰。此合也。食如藥王。惑同衆毒。准此法喻。唯喻得道斷惑根本。不喻種姓創發心等。未斷惑故。或復此喻。通喻一切伏斷正斷。皆名除故。

經阿難陀言。至作諸佛事。贊曰。下第四。以歎陳佛事。有一。初阿難讚歎。後佛陳佛事。此初也。佛以利樂有情之事。故名佛事。

經佛即告言。至作諸佛事。贊曰。下陳佛事。有三。初印談佛事。二例說所餘。三佛身同異。此初也。如是如是。印成前說。談其佛事。所致如此。

經爾時佛復。至作諸佛事。贊曰。下例說所餘。有三。初陳無垢佛事。次顯所餘佛土。後結成勝益。此初也。

經如是於餘。至而作佛事。贊曰。下顯所餘佛土。餘有十四。餘種分四。初之十種。別別悟入。次有二種。悟入三性。次有一種。因言悟道。後有一種。因寂證法。名爲佛事。此初五種。由觀光明。或光所觸。衆苦皆除。思得智慧滅癡闇故。見菩提樹。思覺樹生。起四無量。薩群生故。見諸菩薩。發心修行。希同類故。如念地藏。不念釋迦之類。見佛相好。發心欣樂。厭生死身。獲大果故。由見化人。根器方熟。知佛神用。起願樂故。

經或有佛土。至而作佛事。贊曰。此有五種。

由見衣服。起慚愧故。●出見臥具。欣修四禪。起淨命故。由見飲食。思求覺樂解脫之味。欣法食故。由見園林。修習總持無漏法故。由見臺觀。欣淨土等諸妙處故。

經或有佛土。至而得調伏。贊曰。下有二種。悟入三性。爲二。初別悟入二性。後一悟入依他。此入所執及知圓成。由觀虛空。都無性相。悟入所執生法。二我體無亦爾。由此有情調伏斷執。悟二性無。達二空理。

經或有佛土。至而作佛事。贊曰。此入依他。聞言宣說幻等十喻。非有似有。誑惑愚夫。因緣之事。便入依他。

經或有佛土。至而作佛事。贊曰。此之一種。因言悟道。聞語宣說諸法真性。便知圓成。聞說俗相。便知依他。既知二諦。悟所執無。唯有境相。便知所執。名入三性。證此三故。

經或有佛土。至而作佛事。贊曰。此後一種。因寂悟法。由見佛土寂然漠然。無言惡。無說善。無所訶責。亦無讚歎。無所思惟。無推求諸法。亦無分別戲論諸法。無表彰。無指示。悟法性相本性寂漠。體離言路。過尋思境。或前因言。悟世俗諦。今因寂冥。悟勝義諦。

經如是當知。至亦無數量。贊曰。下結成勝益。有四。初顯佛事衆多。二顯動止皆益。三明衆多所以。四勸示道理。此初也。以世界無量。佛土無邊。佛既無邊。利事無數。

經以要言之。至皆名佛事。贊曰。此顯動止皆益。行住坐臥名威儀。或去或住名進止。緣領諸境名受用。凡所起作名施爲。不獲廣說。且

要言者。如是等類。一切皆令所化調伏調生長善伏制斷惡。是故一切皆名佛事。如問阿難。當天雨不。知而問者。欲令餘人審諦事故。佛知。尚問。況於我等。故皆佛事。

經又諸世間。至而作佛事。贊曰。此明衆多所以。八萬四千法門者。實劫經云。時有菩薩。名曰喜王。宴坐思惟。過七日已。來。謂佛所。自言世尊。行何三昧。速證法門。佛告喜王。有三昧名了諸法本際。菩薩行已。速入八萬四千法門。如從最勝光曜。乃至最後分布佛體。有三百五十。於此一一。皆行六波羅蜜。成二千一百。如彼經中。一一別說彼六度相。此復一。

一。對治貪瞋癡疑各增及三等分。此之四種。有情心行。成八千四百。如是一一。復各對治四大種中。及六無義所生過失。如是合成八萬四千。六無義者。即六境也。不生義利。故名無利。由衆生機有八萬四千。所起之病亦八萬四千。所治之病既八萬四千。能對治行亦八萬四千。行既八萬四千。能證法門亦八萬四千。衆生既爲四魔所縛。八萬四千煩惱所縛。如來即以對治彼法。施作佛事。佛事者。本治惑病。應物機故。

經汝今當知。至一切佛法。贊曰。四勸示道理。有四。初陳示悟入。二勸除順遠。三令生信樂。四釋成前義。此初也。能知上法。名爲悟入一切佛法。悟知佛法。本利生故。能證所證。能治所治。能生所生。不過如前所說法故。

經若諸菩薩。至不生憂患。贊曰。二勸除順遠。見淨土之順已。勿生歡喜而起貪著。見穢

土之遠已。勿生憂惱而起煩惱。淨之與穢俱利樂故。

經於諸佛所。歡未曾有。贊曰。三令生信樂也。勿起下劣。當生上品信樂欲等。

經諸佛世尊。差別佛土。贊曰。釋成前義。十方諸佛。功德皆同。由得真如平等性故。又初地上得三平等。一佛。二菩薩。三一切有情。

佛身功德均。菩薩二行均。衆生大悲均。空無實我均故。又得十種平等性故。一證得諸法增上喜愛。二遠離異相非相。三領受一切緣起。四弘濟大慈。五無待大悲。六隨諸衆生所樂示現。七一切有情敬受所說。八世間寂靜。

皆同一味。九世間苦樂皆同一味。十修。殖無量功德究竟。由證真如及三平等。故佛功德一切平等。勿生憂喜貪瞋。但爲衆生現土淨穢。非法不淨土有好惡。本同未異故。

經汝今當知。至都無差別。贊曰。自下第三佛身同異。國土同異。便說身故。大文有二。初舉喻顯。同異所由。後廣法說平等之相。初中有二。初喻。後法。此喻也。雖所依地勝。劣不同。金銀淨穢。相有異故。而上虛空。都無差別。

經如是當知。至都無差別。贊曰。應物現身。種種不同。合前所依地有勝劣。無礙智慧。究竟無盡。圓滿無缺。都無差別。合上虛空無盡亦無缺。福慧似彼。故以爲喻。他受用身及變化身。爲物現故。有種種異。自受用身。一切平等。由證真如等法身故。

經汝今當知。至悉皆平等。贊曰。下廣法說平等之相。文有其四。初佛德平等。二名號平等。

三讚歎深達。四阿難謙退。初復有二。初標。後顯此標也。

經所謂最上。至不。其佛法。贊曰。下顯平等。最上者第一故。周圓者遍十方。無極者後無盡。此三句通下諸別句。一皆通下諸句故。

下別句中。初別明內德。次別明外德。後雙顯二德。此初有九。一形量色。二威光。三相好。四族性。五尊貴。六清淨五蘊。七諸力。八無畏。九不共佛法。此九皆最上周圓無極故。初五身等。後四德等。

經大慈大悲。至威儀所行。贊曰。此別明外德。有七。一大慈。二大悲。三大喜。四大捨。五利益。六安樂。七威儀所行。四無量者。凡聖三乘。通有漏無漏。通假實想。唯觀欲色。不通無色。此言大者。唯聖非凡。唯大非小。唯無漏非有漏。唯實相觀非假想。通緣三界。唯佛所起。

境大。行大。利樂大故。別標大名。利益攝善。安樂離惡。利益離苦。安樂與樂。如是等門。有十義別。如唯識疏。威儀者。行住坐臥利益方便。所行者。佛所行處。謂遊化境。

經正行壽量。至悉皆平等。贊曰。下雙顯二德。有六。一正。行三業也。二壽量。隨衆生。略無盡期故。三說法。四度脫。令離苦。五成。就令得離果。上明內身。六明淨土。如是一切悉皆平等。由謂往因。時分遇緣。精勤意樂。證真法性。三十平等。皆平等故。今得果時。內外二法。內身外土。一切無別。

經以諸如來。至名爲佛陀。贊曰。二名號平等也。以諸佛法最上。周圓究竟無盡。無盡即無極。三義等故。其名亦同。一同名。三藐三佛陀。謂正等覺。初三者正也。藐者等也。又三正也。佛陀覺者也。應云正覺者。等覺者正覺者。合名正等覺者。初正覺者。異凡夫。凡夫耶覺故。次等覺者。異二乘。二乘唯知生空無我。偏覺法故。後正覺者。簡異菩薩。菩薩雖正覺等覺。未正圓滿諸法故。兩正名同。合名正等覺。二同名達他揭多。此云如來。涅槃經云。如過去諸佛所行妙行三十七品十一空等。來至涅槃。故名如來。如他修行。如他證理。來證涅槃。故名如來。佛陀覺者。具一切智一切種智。能自開覺。亦能開覺一切有情。如睡夢覺。如蓮花開。自覺覺他覺行圓滿。故名佛陀。佛有十號。但舉三者。正等覺智德也。覺諸法故。如來斷德也。斷諸煩惱。顯真理斷。故名斷德。佛陀恩德也。覺悟他故。又三最勝。所以偏彰。

經汝今當知。至亦不能盡。贊曰。三讚歎深遠。有四。初略總顯說法難窮。次設指陳聽聞難盡。三顯諸佛。乃能了說。四總結成德辨難思。此初也。

經假使三千。至亦不能盡。贊曰。此設指陳聽聞難盡。念者明記。總持者聞文義持。多聞者廣聞三藏。久積聞故。

經此正等覺。至唯除諸佛。贊曰。此顯諸佛方能了說。除佛非餘所能究竟說了三義。宣揚者言說也。決擇者慧了也。

經如是當知。至不可思議。贊曰。此總結成德辨難思。功德既無量。妙辨亦難思。菩提無量。

無極。三義等故。其名亦同。一同名。三藐三佛陀。謂正等覺。初三者正也。藐者等也。又三正也。佛陀覺者也。應云正覺者。等覺者正覺者。合名正等覺者。初正覺者。異凡夫。凡夫耶覺故。次等覺者。異二乘。二乘唯知生空無我。偏覺法故。後正覺者。簡異菩薩。菩薩雖正覺等覺。未正圓滿諸法故。兩正名同。合名正等覺。二同名達他揭多。此云如來。涅槃經云。如過去諸佛所行妙行三十七品十一空等。來至涅槃。故名如來。如他修行。如他證理。來證涅槃。故名如來。佛陀覺者。具一切智一切種智。能自開覺。亦能開覺一切有情。如睡夢覺。如蓮花開。自覺覺他覺行圓滿。故名佛陀。佛有十號。但舉三者。正等覺智德也。覺諸法故。如來斷德也。斷諸煩惱。顯真理斷。故名斷德。佛陀恩德也。覺悟他故。又三最勝。所以偏彰。

經汝今當知。至亦不能盡。贊曰。三讚歎深遠。有四。初略總顯說法難窮。次設指陳聽聞難盡。三顯諸佛。乃能了說。四總結成德辨難思。此初也。

經假使三千。至亦不能盡。贊曰。此設指陳聽聞難盡。念者明記。總持者聞文義持。多聞者廣聞三藏。久積聞故。

經此正等覺。至唯除諸佛。贊曰。此顯諸佛方能了說。除佛非餘所能究竟說了三義。宣揚者言說也。決擇者慧了也。

經如是當知。至不可思議。贊曰。此總結成德辨難思。功德既無量。妙辨亦難思。菩提無量。

經如是當知。至不可思議。贊曰。此總結成德辨難思。功德既無量。妙辨亦難思。菩提無量。

經如是當知。至不可思議。贊曰。此總結成德辨難思。功德既無量。妙辨亦難思。菩提無量。

經如是當知。至不可思議。贊曰。此總結成德辨難思。功德既無量。妙辨亦難思。菩提無量。

經如是當知。至不可思議。贊曰。此總結成德辨難思。功德既無量。妙辨亦難思。菩提無量。

經如是當知。至不可思議。贊曰。此總結成德辨難思。功德既無量。妙辨亦難思。菩提無量。

經如是當知。至不可思議。贊曰。此總結成德辨難思。功德既無量。妙辨亦難思。菩提無量。

經如是當知。至不可思議。贊曰。此總結成德辨難思。功德既無量。妙辨亦難思。菩提無量。

經如是當知。至不可思議。贊曰。此總結成德辨難思。功德既無量。妙辨亦難思。菩提無量。

①施二種 ②國二因 ③因 ④同十(同) ⑤(同) ⑥劣二少 ⑦其二共 ⑧略二界 ⑨就二熟 ⑩今二合 ⑪三二二 ⑫(初)一 ⑬至十(此) ⑭萬二方



一常勤修善。二樂嚴佛土。三欣讚佛土。四速成佛土。舊經此三合而爲一。明佛土故。五爲滿相好。修無礙施。三十句也。

經爲身語心。至忿恨煩惱。贊曰。此有二句。一持戒嚴三業。二堪忍固身心。舊云意而有勇。

經爲令所修。至般若刀杖。贊曰。此有三句。一流轉滿所修。舊云生死無數劫。文少意異。將新解之。然此句居前。前句居後。二聽法堅自心。三修慧害煩惱。般若如刀杖。禦害煩惱諸怨賊故。上六六度。

經爲欲荷。至善巧化智。贊曰。此有三句。一遍知三科荷有情智慧故。能度有情。知唯有法可能化度。故名荷擔。二精進降魔。魔謂四魔。此四即軍。或軍有十。如龍樹說。欲爲汝初軍。憂愁爲第二。飢渴第三。渴愛爲第四。睡眠第五。怖畏爲第六。疑悔第七。嗔恚爲第八。利養虛稱九。自高蔑人十。如是等軍衆。厭沒出家人。我以禪智力。破汝等諸軍。得成於佛道。度脫一切人。三離慢求於巧化。道智爲護正法。不自貢高。善求利他之智。於佛正法。能爲護持。舊云常求無念實相智慧。無所思念。無漏正智。名爲無念。非無心念。

經爲諸世間。至一切世界。贊曰。此有二句。一常有小欲不多求。知足不更求。修行八大人覺等故。欲令世間愛重自身受我化故。若性多求。得已更求。世便不重。不受自化。二雖順世間。世法不染。四十句已。

經於諸威儀。至正念總持。贊曰。此有三句。

一示現殺等。一切所作而守威儀。二發通起慧。利樂有情。三持所聞法。爲起慧念。

經發生諸根。至常無。橫滯。贊曰。此有二句。一發生諸根。勝劣妙智。爲斷疑惑。應根說故。二證無礙辨。演法。無難。

經爲受人。至四無量智。贊曰。此有二句。一修十善。爲受喜樂。二修四無量。開梵天路。生梵天者。修四無量。無量乃是梵天因路。令修無量。名開彼路。不必生於梵天處故。

經爲得諸佛。至心無。深滯。贊曰。此有三句。一爲得佛聲。勸他說法。隨喜他善。讚言善哉。二爲得佛威儀。修靜三業。三爲所修勝。於法無染。五十句已。

經爲善調御。至勸衆生學。贊曰。此有一句。勸學大乘調御菩薩。

經爲不失壞。至種種大願。贊曰。此有二句。一恒不放逸。功德不失。二常修妙願。善根增進。願所策故。

經爲欲莊嚴。至善巧方便。贊曰。此有二句。一修善根莊嚴佛土。二修善巧所修無盡。迴向佛智。故善無窮。不爾所修受果盡故。此五句已。舊經中。前佛土。闕二。及。闕此後三。故唯五十句。

經諸善男子。至不盡有爲。贊曰。此第三結。經云何菩薩。不住無爲。贊曰。下第二解。不住無爲。有三。初問。次答。後結。此間也。

經謂諸菩薩。至不樂作證。贊曰。下答有二十一句。舊有十九句。亦通所修。不須別配凡聖位次。此有三句。行者緣覺證者冥會。雖流此

三。智不畢竟。專冥會三。不同二乘住彼三中。此中三境。皆取無爲。不是畢竟證於無爲。名爲不住。

經雖行無作。至故意受生。贊曰。此有三句。作謂造作。因緣和合之所作故。體即有爲。雖行無爲無作之法。不樂作證。雖觀有爲後終滅盡無常。眞如。於善不厭。雖觀苦理。故意受生。利樂一切。大乘無常苦空無我理。如前聲聞品中已說。

經雖樂觀察。至厭患身心。贊曰。此有四句。觀自身無我。不厭身故。不入涅槃。觀他無有情。化他無倦。雖觀涅槃。而不畢竟永入寂滅。化衆生故。雖觀眞如。遠離苦身。而得安樂。不厭身心。願安樂。不厭身心。願盡生死。度有情故。

經雖樂觀察。至利衆生事。贊曰。此有二句。阿賴耶那者。雖具三藏。今取能執藏。無阿賴耶。是無能執藏義。雖無能執藏體。亦有能藏之法。即謂請白法藏大乘教也。經十德中。第八清淨。第九鮮白。清淨者。自性解脫故。其所說法。一利那中亦無過失。離三毒根。離諸繫縛。故性解脫。非有三毒而起說故。鮮白者。相續解脫故。非唯一念無其過失。相續說之亦離諸過。又前清淨法體離過。此中鮮白能令學者身亦鮮白。雖觀生死永盡。無能執藏之體。不棄清白之教。以化衆生。雖觀無生之理。常行荷負利衆生事。

經雖觀無漏。至不捨大悲。贊曰。此有三句。雖觀無漏無爲。還順有漏流轉。行者運動起

也二已 具二具 沒二沒 這二這 權二權 無一 深二深 策一 關二關 眞如 耶那 請二請





權化隨事因鑒。法報二身。理幽顯曉。寄此發問。明觀如來。非唯觀釋迦之化身也。佛地論云。佛身有二。一法身。二生身。真如法身及自受用身。俱名法身。實功德法所集成故。他受用佛及化身佛。俱名生身。非實德故。由此科文。准彼爲二。初文有二。初問。後答。此初也。摩先來意。爲觀如來。汝於如來云何觀耶。爲觀權相。爲觀實身。

經無垢稱言。至如是而觀。贊曰。下答有三。初總標。次別釋。後結正。此初也。空理義云。釋迦之身。權形世俗。有相可見。眞佛之體。諸法性空。無形無相。都不可見。今觀眞佛。故言我觀都無見也。般若經云。若以色見我。以音聲尋我。彼生履耶路。不能當見我。故觀如來。都無所見。應理義云。法身眞理。無相無形。自受用身雖是五蘊。微細殊妙。十地菩薩。尚不能知。況餘下位。體无法界。亦不可以色心。形相而可取之。亦都無見。故此總答如是而觀。舊云。如自觀身實相。觀佛亦然。實相即眞如。與新稍別。唯得作法身一解。

經何以故。至現在不住。贊曰。下別釋也。空理義云。下觀眞身有二。初略釋。後廣釋。此略釋也。依俗化形。從於過去前際修來。往於未來後際化導。現在出世。住教衆生。可有所見。眞諦無形。性本空故。都無三世來往現住。如何可見。故觀如來。都無所見。般若又云。彼如來妙體。即導師法身。彼體不可見。彼識不能識。應理義云。下釋有二。初至漸然解脫。明觀法身。後證會已下。明觀自受用身。初中有二。

初略後廣。此略也。何故觀法身都無所見。非三世故。三世攝者可有見故。

經所以何者。至其性非識。贊曰。空理義云。下廣釋。觀眞身。永離一切世俗衆相。雖有種種文句不同。意論眞身離衆相也。難蘊性空。然非一向。故觀蘊外。眞性非識。應理義云。下廣法身。文合有六。一離五蘊相。二異三有身。三順出世道。四遣法非法。五同眞超俗。六離繫解脫。此初文也。五蘊眞如。是佛法身。故觀蘊如非即五蘊。故般若云。以色見我。音聲求我。是行邪道。不能見如來。如來妙體。即法身佛。體不可見。識不能知。然涅槃等云。捨無常色。獲得常色。受想行識。亦復如是。者是報身佛。故不相違。舊經云。不觀色。不觀色如。不觀色性者。依空理義云。聲謂有相。如謂空相。性謂因緣。色屬因緣。都無自性。依應理義云。聲謂依他。如謂圓成。性謂所執。此三依說。法身廣證。故皆不觀。雖作此解。違新翻文。義可同也。

經不住四界。至遠離三垢。贊曰。二異三有身。有六。一不住四界地水火風。非四成故。二同虛空界。無所罣礙。唯以虛空爲譬喻故。三非內六處。起性自常故。舊曰。六入無積。非積六塵爲自性故。四趣世六根路。正智所證故。五不難三界。純無漏故。六遠離三垢。遠貪瞋癡垢爲自體故。

經順三解脫。至無障礙障。贊曰。三順出世道。有三。一順三解脫。三解脫謂空無相無願。法身乃是妙智之境。順能緣之正智也。二

隨明者。宿命天眼漏盡三智。斷三際愚。照洞三世。故名三明。至者到也。到三明者。謂菩提智佛之法身。隨順能到之三明也。此眞如體。非是無漏慧明。而稱爲明。慧眞性故。釋明義。非能到而稱到。體是所到。能到性故。釋至義。三至一切法無障礙障。此眞如性。到一切法。或智障品。無障無礙。極邊際故。

經實際非際。至其性俱離。贊曰。四遣法非法。有四十七句。舊有二十九句。此有三句。此中諸句。一向遮執。但是言說。但是分別。一切皆非法身本性。言說分別不稱理故。今爲遮此。故言非也。且如初句。雖是實際。非是名言及分別際。二眞如亦爾。非定眞如。三故常無所住。亦非能緣智。故不相應。時等依等處等事等名相應故。亦俱離眞如境與智也。經非因所生。非異能初。贊曰。此有六句。一非因緣起。二非有無相。三非自他相。四非一異。五非所相。六非能相。因親唯因緣。緣疎餘三緣。所相者所表。能相者能表。此二皆有即離同異。一切皆非。舊云。不一相空。不異相有也。不自相自相。不他相共相。非無相遣相也。非取相取相也。

經非此岸。至無住無去。贊曰。此有九句。三去及來。合爲一故。此岸謂生死。彼岸謂涅槃。中流謂煩惱。非俱者。非亦內外。非不俱者。非非內非非外也。舊云。而化衆生觀於寂滅。而不永滅云。而非衆生觀應寂滅。非永滅也。非是法身而能化也。不此彼體也。不以此彼者。不以此彼而可顯示。不可世智知。不可以

①理義二義理②亦二又③心二相④形相⑤可⑥何者二何⑦論二證⑧維二離⑨下⑩能⑪能⑫離二離⑬離二離⑭離二離⑮離二離⑯離二離⑰離二離⑱離二離⑲離二離⑳離二離㉑離二離㉒離二離㉓離二離㉔離二離㉕離二離㉖離二離㉗離二離㉘離二離㉙離二離㉚離二離㉛離二離㉜離二離㉝離二離㉞離二離㉟離二離㊱離二離㊲離二離㊳離二離㊴離二離㊵離二離㊶離二離㊷離二離㊸離二離㊹離二離㊺離二離㊻離二離㊼離二離㊽離二離㊾離二離㊿離二離



經菩薩雖沒至惡法行相 贊曰。此正釋之。雖示有沒。不斷善行。無斷相也。雖示有生。不續惡行。無常相也。此沒生無斷常相。經爾時世尊至來生此界 贊曰。下自答以彰事。有三。初佛指告。次驚子讚揚。後無垢問答。此初也。東方世界名曰妙喜。種種莊嚴見生喜故。佛號阿閼。此云無動。八風不擾。四魔不侵。常安不變。故云無動。為度衆生。此從彼生。

經舍利子言至多難穢處 贊曰。此驚子讚揚。被他報土。故言清淨。此變化土。故言難穢。經無垢稱曰至樂相難住 贊曰。下無垢稱問答。有五。此無垢問。

經舍利子言至衆冥都息 贊曰。二驚子答。明生暗滅。故不樂雜。意顯菩薩實不樂與惡生同住。

經無垢稱言至行瞻部州 贊曰。三無垢問。為釋疑云。若不樂雜。何故菩薩來生此耶。故為此問。

經舍利子言至作照明故 贊曰。四驚子答。經無垢稱曰至煩惱暗耳 贊曰。五無垢稱釋。文顯義易。故不重解。

經爾時大衆至聲聞等衆 贊曰。下第三段欣見妙喜。有七。一衆咸希見。二佛命現之。三無垢思惟。四正起神力。五世尊問勸。六人天獲益。七事畢還處。此初有三。一希見土。二希見法主。三希見徒衆。如文可知。

經佛知衆會至令所願滿 贊曰。二佛命現。何故如來不現令見。命無垢現。欲顯居士助。

佛化者。尚示神通。況如來耶。又彼本土。令其自現。何假佛耶。又何簡自他。宜現便得。又欲顯菩薩皆生淨土。必有他受用身。知釋迦身為他權化。故令彼現。理亦無違。

經時無垢稱至男女大小 贊曰。三無垢思惟。有三。一思移世間器有情界。二思移出世佛事。三思移大千示諸大衆。此初文也。王都已前妙喜器界。菩薩聲聞男女大小彼有情界。

經乃至廣說至海會大衆 贊曰。二思移出世佛事。此初有三。一移如來。二移覺樹。三移海衆。衆會無邊。猶如海故。

經諸寶蓮華至作佛事者 贊曰。下思移佛事。有二。一移華。二移階。此移華也。十方佛國。欲作佛事。先以蓮華。或寄或散。如說般若。隨其近遠。十方世界。皆寄蓮華。與釋迦佛。而作佛事。法華化佛。寄華亦爾。彼淨土中。有此蓮華。故今移取。

經三道寶階至寶階而上 贊曰。二移階道。釋迦寶階。天帝使作。無動寶階。從地涌出。釋迦騰空。往於助利。三月坐夏。為報母恩。未憂將歸。天帝使大力鬼神。為佛而作寶階。中道黃金。左道馬惱。右道水精。故名三階。彼土寶階。為令人天往來有為。故從地湧。亦不相違。天下人間。為見佛聞法。入上天處。為觀天帝宮城園苑。故須寶階。十方佛事。各不同故。彼雖淨土。亦現有彼輪圍山等。如極樂佛。亦有王城父母妻子魔王調達種種等。

故。經如是清淨至示諸大衆 贊曰。三思移大千示諸大衆。下從水際。不取金風。留所依故。至色究竟。不取無色。無形器故。西方取華。以繩之。貫為髻嚴飾。持彼置手。相亦類之。經其無垢稱至入此界中 贊曰。四正起佛力。有四。初正起神通。二有緣驚問。三無緣不達。四彼此無違。此初也。

經彼土聲聞至救護我等 贊曰。二有緣驚問。有二。初問。後答。此問也。得天眼者。方觀界移。故言善逝救我護我。

經時無動佛至非我所能 贊曰。是波佛答。顯此菩薩有大威神。方便推言非我所能。豈佛不能起此神力。由此經言為化衆生方便告也。

經彼土初學至不知不見 贊曰。三無緣不達。有二。初明不知。後明驚問。此初也。報淨土內。理無人天二初等衆。今諸菩薩如來化作。故現不知。亦無過失。或淨土者。通有報化淨土。淨土中。有人天衆江海等器。何所相違。經聞是語已至當何所往 贊曰。此明驚問。聞諸有緣菩薩發問無動垂告。聞此語已。為方驚問。佛既先告。後皆審知。故此無答。

經妙喜國土至與本無異 贊曰。四彼此無達。彼淨土相。不隨此滅。亦不增長。此亦不由他威迫。二界相雜。見與本同。

經爾時世尊至聲聞等耶 贊曰。五世尊問勸。有四。一佛問。二衆答。三無垢施華。四如來重勸。此初也。

①斷常二常斷 ②言二言 ③疑一疑 ④(徒)一徒 ⑤徒二徒 ⑥徒三徒 ⑦命十(之) ⑧使二使 ⑨助二助 ⑩未夏二未夏 ⑪遠二遠 ⑫波二波 ⑬威二威

經一切咸言世尊已見 贊曰。二衆答也。

經時無垢稱至菩薩等 贊曰。三無垢施華。

神力化作種種華香。自作教他令衆供養。彼菩薩等。顯大慈悲勸衆行故。此明無垢勸修。下明如來勸修。

經於是世尊至諸菩薩行 贊曰。四如來重勸欲外成淨土。內身為菩薩。應學彼佛本菩薩行。即諸經言。度脫諸衆生。即生不動國等一切勝行。

經其無垢稱至所居佛土 贊曰。六人天獲益。初人天發願。後佛記當生。如文可解。經時無垢稱至兩衆皆相見 贊曰。七事畢還處。分離之時。彼此皆見。

經爾時世尊至菩薩等不 贊曰。下第四段慈子讚揚。有二。初佛問彼。後彼答讚。此初也。知其已見而更問者。欲發其詞。令聲聞等同願讚故。

經舍利子言至世尊已見 贊曰。答讚有四。一答。二願。三欣。四讚。此答也。

經願諸有情至如無垢稱 贊曰。二願有三。一願諸衆生皆居淨土。二願成福慧似無動佛。三願獲神通如無垢稱。如文可知。

經世尊我等至如是大士 贊曰。三欣也。欣慶自已得植良緣。學彼勤修菩薩行故。經其諸有情至精進修行 贊曰。四讚有十。

一三慧俱能益。但聞此教。猶名大益。尙能畢竟永拔生死。何況六德。一信解。二受持。三讀。四誦。五說。六修。中邊論云。謂書寫。供養。施他。聽。披讀。受持。正開演。誦誦。及思。修行。

十法行者。獲福聚無量勝故。無盡故。由攝他不思。此總標中信解。即是思惟所攝。下文有二。供養書寫并前爲九。下隨喜者。或是施他十行皆足。

經若諸有情至諸佛相續 贊曰。下有九句。別顯經德。舊有六句。此有二句。一。手得獲珍財。若手得。便獲法寶。能爲大利。可珍重故。修行所攝。二信解紹佛種。若信解。便繼佛身。相續身也。信解即是信。及聞思慧爲佛因。故名紹繼。

經若諸有情至無上。止法 贊曰。此有二句。一讀誦爲勝伴。若讀若誦。身為菩薩教爲法佛。讀誦不離。名二爲勝伴。二受持便攝正法。若有受持。便攝正法。攝者苞絡。受者領納。任持在心。恒無忘失。便爲攝受無上正法。無上正法。體即大乘教理行果。

經若有供養至一切智智 贊曰。此有二句。一供學室有佛。學此法者。當持佛身。身中已有報化身因。所學即是法身如來。故能供養。學此法者。當知其室即有如來。二書寫攝福慧。若書寫供養此法。便爲攝受福德智慧。此經能生福慧二故。

經若有隨喜至不退轉位 贊曰。此有二句。一隨喜設法施。有隨喜便爲法施。此法能爲衆生利益。故若隨喜。令得流行。不爲障礙。便他修學。其隨喜者。便成法施。二演說近不退。爲他說一四句頌。便近不退。一四句者。四句爲一頌。說此經理四句周圍之處。名一四句頌。不退有四。一信。二位。三證。四行。如

前已說隨其所應。近此不退。經者善男子。至已得授記 贊曰。此有一句。思惟得授記。於此法門。一信。二解。三忍可。四領納。五愛樂。六觀察。即於菩提。已得授記。有此佛因。當得大果。雖無佛言。與記無別。故名已得。

法供養品

此一部中。合十四品。初之一品。說詮緣起分。次十一品。正陳本宗分。上已解說。後之二品。讚授流通分中。分二。此之一品。讚歎流通。讚揚人法。令其修學。後屬累品。付授流通。付授彌勒。傳行末代。若不讚揚勝德。何以勸傳末世也。隨奉所須名供。育資身德曰養。此通財法。財爲資身之什。法爲長道之具。財爲近世之須。順當時而有益。法爲遠代之利。剋聖道而爲資。今題此勝因。勸有情以信學。捨乎劣業。助法體而持修。此品具陳。名法供養品。

經爾時天帝釋至解脫法門 贊曰。品段有三。初天帝讚揚。二世尊印述。後具陳往事。勸發勝修。初中復四。初我獲希聞。二他資勝益。三敬養學者。四隨處勸說。此初也。往逢二聖。常聞妙法。今取勝境。實未曾聞。舊云自在。神通事勝也。決定實相理勝也。利他自利二爲勝故。此爲所詮。經是能詮。經如我解佛至如理修習 贊曰。二他資勝益。有二。初設修劣業。已成法器。況修勝行。不成大益。後明修勝行之利益。劣行有六。一聽聞。二信解。思惟也。三受持。四讀。五誦。六爲

○(相)一○ ○問二問○ ○手二守一○ ○止二正○ ○(勝)一○, (勝)一○ ○便二使○ ○者二若○ ○詮二經○ ○當二帝一○

他說。尚爲法器。修法安法之器宇也。上說聞思。雖爲劣因。已爲法器。何況精勤如理修者。依教奉行第十法行。正成佛因。謂以修慧依教行故。

經如是有情善趣。戾塗。贊曰。下明修勝行之利益。如理修習者。總有七句。分爲三對。或通前劣業。皆有此能。一閉惡開善路。二遇善離惡緣。三得智觀妙境。此初也。三惡趣者。險惡徑道。善能開閉。人天趣者。夷平塗路。善能開闢。或惡趣是惡果。險徑是惡因。善趣是善果。夷塗是善因。於此二道。善道塞故。經常見一切惡。惡魔軍。贊曰。此三句。遇善離惡緣。初一句。遇善緣修妙行故。後二句。離惡緣當成七辨及十力故。

經淨菩提道至所行之路。贊曰。此二句。得智觀妙境。道者因也。由淨菩提之因。當安妙覺之智。因此履踐。觀佛所行境界妙路。經復言世尊至善女人等。贊曰。三敬養學者。經世尊若。有令無障礙。贊曰。四隨處勸說也。若有處所通此法門。我等爲聞。共往彼處。未信此者。勸令生信。已信學者。謹令無難。令其得證。或流通者。謂書寫等。

經爾時世尊至微妙法門。贊曰。自下第二世尊印述有二。初印可前說。後述經勝益。此初也。於善不背讚揚慶助。是名隨喜。舊云吾助汝喜。彼非隨喜。義勢相背。經天帝當知至略說開示。贊曰。下述經勝益。有二。初說勝故勝。後校量故勝。初中復二。初同宣勝法。後便成供養。此初也。菩提要

抄不可虛廣而陳故。皆於此法門。略說開示。經是故若有至現在諸佛。贊曰。便成供養也。宣三世佛無上菩提。無相真理。無上覺慧。今見隨順。則爲法供養三世如來。如來之德。不過理慧二門攝故。此中有八。一聽聞。二信解。三受持。四讀。五誦。六爲說。七書寫。八供養。其施他修習。准此。亦然。

經又天帝釋至奉施供養。贊曰。下校量故勝。有三。初校量爲問。次天帝爲答。後如來重成。校量有三。初現在校量。次。成後校量。後正以爲問。此初有三。初喻佛多少。次時節度。後四事供養。西方人庶。多時甘蔗及竹葦。麻稻。山林。有。其木勁直。堅可擔。山生多稠密。如深山中。自作木林。故以爲喻。如來滿果。稠滿。亦然。經劫或餘。一身行恭敬。二意行尊重。三語行讚歎。四三業行承事。無所虧違。供具有三。一飲食。二臥具。三湯藥。所居唯一。謂房舍。以此上妙四事供養。能生安樂具。故名安樂供具。取居。

經於諸如來至嚴飾第一。贊曰。次滅後校量。有二。初供舍利以起塔。後經時以供養。此初有三。初供舍利。次造塔量。後明莊飾。率塔波者。先云浮圖。音訛略也。此云高顯。量潤四洲。上至梵世。上安表柱輪盤。傍設香華幡蓋。間以衆寶。供以伎樂。最爲第一。經如是建立至讚歎供養。贊曰。此經時供養。有三。初明時節。次明外供。後明內業。外供有十二。一華鬘。二香。三塗香。四末香。五衣服。六幡。七蓋。八寶幢。九燈輪。十衆珍。十

一伎樂。十二種種。此各有三。一身供敬。二意尊重。三語讚歎。以此外十二事。經復時供養。燒香者。沈香之類。可燒之香。塗香者。摩栴檀香。以塗塔上。末香者。以香爲末。散塔上。故經於意云何至獲福多不。贊曰。三正以爲問。經天帝釋言至其福聚量。贊曰。二入帝爲答。

經佛告天帝至其多於彼。贊曰。三如來重成。初標。次釋。後結。此初也。經所以者何。至非以財物。贊曰。此釋所由。佛無上智。從此有故。法身因顯。報身因生。經唯言生。舉報佛菩提故。唯法供名供。此法利事大故。非以財物。財物供佛及率塔波。不顯法身。不生報佛。故學此經。獲福多彼。

經天帝當知至其福甚多。贊曰。此結也。果無上覺功德甚多。供此法因。其福不少。經爾時世尊至佛世尊。贊曰。下第三。段具陳往事勸發勝修。有三。初陳往事。次以古即今。後歎法先勸修勝益。初復有五。初佛在供養。二勸子令學。三月蓋思益。四藥王。海示。五月蓋傳通。初文有七。一明時節。二標佛名。三陳界名。四彰劫名。五明佛壽。六二部僧數。七輪王供養。此初二文。劫有衆多。此說大劫。佛十號中。如來應正等覺。如前已釋。喻伽八十。三云。明行圓滿。所謂三明。通。行。行。行。皆悉圓滿。又清淨三業。現行正命。及四增上心。現法樂住。皆悉圓滿。前是行行。後是住行。密護根門。是遮行圓滿。此二能顯三種不護無忘失法。由不造過。世間靜慮。造自苦行。善逝

①戾二夷②道二開③通④有十(至)⑤謂二諸⑥善二喜⑦說開二開說⑧抄二攝⑨妙⑩亦二又⑪成二減⑫有二者⑬柱二柱⑭桂⑮曉二曉⑯(香)一⑰入二天⑱海二海⑲行十(惡)⑳行十(善行)㉑

者謂於長夜具一切種二利德故。此中意言。如世見人富貴成立。便言此人已去竟也。今佛至果。已好去竟。故言善逝。世間解者。謂一切種有情世間及器世間。皆善通達故。由善悟入有情世間。依前後際。宿住生死。依一切時。八萬四千行差別故。於器世間。謂東方等十方世界。無邊成壞。善了知故。又於世間諸法。自性因緣愛味過患出離能趣行等。皆善知故。無上丈夫調御士者。智無等故。無過上故。於現法中。是大丈夫。多分調御。無量丈夫。最第一故。最尊勝故。天人師者。由彼天人解甚深義。勤修正行。有力能故。言佛陀者。謂畢竟斷一切煩惱。等諸習氣。現正等覺。阿耨多羅三藐三菩提故。薄伽梵者。坦然安坐。得妙菩提座。任運摧滅一切魔軍。大勢力故。此中如來。是初總序。應正等覺。謂永解脫一切煩惱障及所知障故。於其別中。略有二種。所謂共德。及不共德。於共德中。且說解脫諸煩惱障及所知障。自餘明行圓滿等句。是不共德。細尋文義。亦可知也。雖涅槃經大般若等亦解十號。今且隨論。任情取捨。經彼佛世界至十二俱胝。贊曰。此文有四。一陳界名。二彰劫名。三明佛壽。二十中劫。此以日月歲數為劫。故成二十。非增減等。違正理故。四顯僧數。三乘聖眾為弟子故。經時有輪王。至能伏他軍。贊曰。七輪王供養。有二。一明輪王。二明供養。此初也。七寶者。一象二馬。三主兵臣。四主藏臣。五玉女。六珠。七輪寶。金輪王。七寶方具。故王四洲。

此皆帝釋所有。輪王出世。從天來下。此七各有別勝用。如正法念經第二卷及彌勒成佛經疏廣說。經時王寶蓋。至奉施供養。贊曰。此明供養以財供也。經過五劫已。至奉施供養。贊曰。二勸子令學。有二。初勸。後從。此初勸也。經於是千子。至皆曰。善哉。贊曰。下從有二。一語從。二行從。此語從也。經一切協同。至奉施供養。贊曰。此行從也。父誠既重。語行皆從。協和也。無乖諍故。經時一王子。至過於此不。贊曰。三月蓋思益。有五。一思益。二空告。三尋問。四天答。五申請。此初也。我今殷重處世已無。更若有過當修。被法。經以佛神力。至最為殊勝。贊曰。二空告也。財供世事。未足可珍。法供出世。故為最勝。經即問云。何名法供養。贊曰。三尋問也。經天答月蓋。至廣說開示。贊曰。四天答也。經王子月蓋。至其相云何。贊曰。五申請中。却住已上。正申請儀。自言已下。後正請申。經藥王如來。至總持經王。贊曰。四藥王誨示。有二。初明依教。多分前行法供養。後明依行。多分十地行法供養。初中有三。初標。次顯。後結。顯中復二。初明所供養法。後於是經典樂聽聞。下。正法供養。所供養中有二。初明經體。後明經用。此經體也。有二種經。一真實甚深。二相似甚深。空理義云。初是勝義三無性空教。後是世俗三性有教。應理義云。初是

不空不有三性等教。後唯說空三無性教。此二種經。有十種義。一。世離信受。二。離可越度。修學究竟。三。離見。四。幽玄深遠。五。細密微妙。六。無雜染。七。了義大乘。八。非三七分別能知。九。菩薩藏攝。非二乘教。十。總持經王。苞含一切。若教若理皆悉周備。經之王故。舊文有七。經佛印所印。至所應攝受。贊曰。此明經用。有三十句。舊有二十五句。此中四句。一。佛印所印。無相真如。名為佛印。餘證真如。猶未圓故。獨名佛印。教為理所印。故言佛印所印。舊云陀羅尼印。總持性印所印。亦即真如無相理印。二。能分別能開示。四不退輪。三六到彼岸。由斯而起。四善攝所攝所應攝。受者謂教所證善妙道理。及教所益一切有情。舊云。善分別義。即此二種。經菩提分法。至甚深緣起。贊曰。此有六句。一。菩提分法。行所隨行。隨教行於菩提分故。二。七等覺支。親能導發。謂教是覺支親所導引。親所發起。若七覺支。是教親導。親所發起。與菩提分。正所隨行。便無差別。舊云。衆經之上。由覺支引。故為上也。三。能辨說能開示。大慈大悲。四。拔濟有情苦。引安樂與有情。或由說慈悲。故能拔苦。舊經無此。五。遠離五見。六十二見趣。及離四魔怨。六。分別闡揚十二緣起。經辨內無我。至無起相應。贊曰。此有二句。一。辨四處離我。內處。至我。外處無有情。中間無壽命及養育者。并都畢竟無數取趣。此

皆是我之別名也。二與性空無相無願無生起理相應。教順理故。

經能引妙覺至稱歎供養。贊曰。此有三句。一能引妙覺。妙覺佛也。二能轉法輪。由教能轉聖道輪故。三八部供養。

經引道衆生至大法祀祠。贊曰。此有二句。一引法供養一切勝田起十行故。二圓滿衆生一切祠祀。祠祀者法施會也。能滿法施之祠會故。舊經合此二爲一。云令入佛法藏。

經一切聖賢至之所歸依。贊曰。此有三句。一聖賢攝受。爲極教故。二開發妙行。因教知故。三法義歸依。真實法與義皆在此中。故名所歸。

經最勝無礙至法嗔陀南。贊曰。此有二句。一勝四無礙因斯而起。舊經無此。二辨法略集。梵云嗔陀南。此云略集。法嗔陀南教略集也。四法略集者。一諸行無常。二有漏皆苦。三諸法無我。四涅槃寂靜。此如菩薩地及大般若勝天王說。若云歸陀南。此云集施。即諸經中集義之偈。謂以偈頌集諸義理。施諸學者。名爲集施。今法略集。唯是長行。故不同也。或說四義略集生四略集之教。開之爲二。

經遣除一切至惡魔軍衆。贊曰。此有四句。一除棄六蔽。舊但云能救毀禁。唯是戒度所除之蔽。二驚怖外道惡見他倫執著。三開諸有情善法勢力。令生長故。四摧伏惡魔。舊經令此與外道同。

經諸佛聖賢至諸佛共說。贊曰。此有四句。一聖賢共歎。二除生死苦。顯涅槃樂。四諸

佛共說

經於是經典至名法供養。贊曰。上明所供養法。下明法供養。此有八行。一聽聞。二信解。三受持。四讀。五誦。此二並通利。六思惟。令理顯自心之中。施設安立。其義分別開示。此理明了現前。自作此已。七復爲他說。八方便善巧。攝護正法。如教修行。名法供養。法門有十。如前已說。其書寫及施他。二皆爲財供。故略不論。唯舉七行。信解即是思惟所攝。行此則是供養所收。此行雖八。體唯有七。舊經唯六。

經復次月蓋至如法修行。贊曰。下明依行多分十地行法供養。有三。一標。二顯。三結。顯中有十六句。舊有十三句。此有二句。一調伏三業離諸惡也。二如法修行修諸善也。舊經無此。合爲一文。義亦得二。

經隨順緣起至及無有情。贊曰。此有三句。一隨觀緣起染淨順逆。而不同獨覺作證。故言隨順。或心順境而觀緣起。故名隨順。由此能離發無因果之邪見也。二修無生忍。三悟入內身無我外無有情。

經於諸因緣至無所攝受。贊曰。此有二句。一於因緣義理既無違語。無諍故不起異論。二離我我所。無所攝受。攝受諸法。有所計著。由執二故。

經依趣於義至見有所得。贊曰。此說四依。有四句可知。如涅槃經廣配位次。亦如瑜伽第二。說義理可依。非文字故。智能決斷。非於識故。了義明顯。非密義故。法可軌模。但緣

於法。非依數取趣見之有所得。即使信也。

經如其性相至滅阿賴耶。贊曰。此有二句。一應理義云。如依他起相圓成實性。而悟解之。空理義云。隨諸世間。如其性相。解成無得。二悟入真如無所攝藏。滅阿賴耶。

經息除無明至捨諸見趣。贊曰。此有三句。一息十二緣起支。二息緣起果。除愁歎苦。愛煩惱此等皆從老死生故。是緣起果。三觀諸緣起相引無盡。離終盡故及常引發。曾不斷故。悲願有情。有此緣起。恒不捨離。而拔濟之。捨諸見趣。除於無因惡因等見。

經如是名爲上法供養。贊曰。結也。依此修行。或十地所修勝果前行名上供也。前未正行。此正行故。

經佛告天帝至得順法。贊曰。五月蓋傳通。有四。一清傳通。二爲授記。三出家獲果。四滅後行化。初中有三。一聞法獲益。二答施

衣嚴。三正陳。清。此初也。無生法忍。證在初地。順在地前決擇忍位。今聞法故獲得地前順法之忍。又依仁王經。五忍配位。一伏忍在地前。二信忍初二三地。三順忍四五六地。四無生忍七八九地。五寂滅忍十地佛地。今順忍創登四地。故舊經云得柔順忍。二解任取經即脫寶衣。至藥王如來。贊曰。二答施衣嚴經自言世尊至修菩薩行。贊曰。三正陳諸

我希滅後攝受正法。而行法供養。以護持正法。若不攝受法。便非法供養。亦非護持正法。故願佛垂哀施慈悲也。加威與力。濟神通也。一令無離。二令降魔。三令護法。四令修行。

經樂上如來至能護正法。贊曰。二爲授記。見其因修。復發願請。觀因見果。故爲之記。正法如城。行者如人居城中住。月蓋能護正法。言能護法城。

經時彼王子至修諸善法。贊曰。三出家獲果。有五句。此有二句。一歡喜出家。二精進修善。修涅槃遠離。名爲非家。

經勤修善故至無斷妙辨。贊曰。此有三句。一得五通。二得總持。三得七辨。或六辨中無斷盡辨。并。訖羅尼辨。舊文加一通菩薩道。

經藥王如來至所轉法輪。贊曰。四滅後行化。有二。初明行化時節。二明所化多少。此初也。十中劫者。亦是日月歲數之劫。非餘劫也。違正理故。

經月蓋慈獨至令生天上。贊曰。此明所化多少。有三。一令證大乘四不退位。二令於二乘心善調順。得阿羅漢果。佛地經初讚無學德。心調順故。三引無種姓令生天上。初二有姓隨得三乘。後一無姓故生天上。

經佛告天帝至寶焰如來。贊曰。下第二段。以古即今。有三。一即輪王。二即千子。三即月蓋。此初也。

經其王千子至餘在當來。贊曰。以下古即今。此即千子。此中千子。且說一緣。更有別緣。如千佛因緣經并藥王藥上經。乃彌勒上生疏解第一迦洛迦付陀佛。第二迦洛迦牟尼佛。第三迦葉波佛。第四釋迦牟尼佛。已出世訖。餘當來出世。劫數次第時位。一一皆如上生疏解。

經彼時護法至即我身是。贊曰。此即月蓋顯親受持護此法故。行法供養。今得菩提。勸諸有情。亦應如我護持受學行法供養。

經天帝當知至最爲無上。贊曰。下款法先勸修勝益。有二。初歎後勸。此歎也。最尊者。行高極故。最勝。行者。過越故。最上者。行第一故。最妙者。行微善故。無上者。更無先故。或隨次第。初四最勝。以飲食衣服臥具湯藥供養。無上一種。由前四勝。故體無上。又由法供養。能得無漏五蘊法身。謂戒定慧解脫解脫智。見五蘊。如次配之。或得清淨法界大圓鏡智。平等性智妙觀察智成所作智。如次配之。故說五最。

經是故天帝至無以財物。贊曰。此勸也。諸佛菩薩。本心所爲。欲令有情修習法行。當得出世故法供養。勝於財養。故大般若勝天王會言。二人遠離王賊等。所不能侵大寶藏。百千大劫法歡聞。得聞不持不施等。大菩提心護正法。如教修行修供養。自利利他平等心。是則名真供養佛。於諸供養中。法供養爲最。俗書尚云。雖。日殺三。性之養。達於父母。猶爲不孝。況出世乎。佛本不希財供養故。金剛經云。日捨三恒之身。劣受持於四句。故以法供勝財無量。財生長。如界爲塵。此能滅惡。如日破暗。故非喻也。

囑累品  
後之二品。讚授流通中。前法供養。讚歎流通。此之一品。付授流通。若不丁寧付授。或恐慢法不明。故鄭重付之。令生信學。以言付授名

屬。重疊告之稱累。此品廣明。名囑累品。經爾時佛告至付屬於汝。贊曰。品段有三。初付授丁寧。次問名持法。後時利既訖。勸喜流通。初復有二。初付菩薩。自所行故。後付聲聞。令取捨故。初復有三。初付授彌勒。二菩薩請持。三天王四權衛。初復有三。初如來付屬。次彌勒讚受。後世尊稱讚。初復有二。初以法付。後陳德失。初復有二。初付令行。後釋所以。初復有三。初總以法付。次明法勝妙。後令末代傳通。此初也。聖行海因所集之果。明體用大。以付於汝。

經如是經典至之所加護。贊曰。此明法勝妙。佛威所住。由此不滅。佛威加護。故無災橫。

經汝於如來至無便隱滅。贊曰。此令末代傳通。攝受者加護也。攝持領受。加護異名。經所以者何至無量勝利。贊曰。上付令行。下釋所以。有二。初明二人損益。後以人法付屬。初復有二。初明有損。後明有益。此初也。此有二人。一雖未發大心。已種勝善根。二若已發大心。勝解廣大。即地前位。十三住中。地前諸心。名勝解行。故勝解大。地前凡夫。若不聞經。未發心者。不能發心。已發心者。不能進益。名退勝利。

經若彼得聞至歡喜頂受。贊曰。此明聞法益也。舊云發菩提心爲一。樂大法第二故。信樂頂受。次第配之。然以應發應樂。解同新文。亦無過矣。

經我今以彼至廣宣流布。贊曰。此以人法

樂上二樂王 正一 誠二城 陀二陀 姓二性 行者二者行 見一 日二日 日二 性二性 感二意 此二法 此一 動二款 護二護 威二威 威二 便二使 樂十子



付屬。付人令謹念無障。雖。聽聞是經。付法  
令行廣宜流布

經慈氏當知至菩薩相印 贊曰。下陳德失。  
有三。初標次顯。後釋。此初也。印有二種。一  
無相印。如前已釋。二者有相印。此是也。相者  
狀貌。印者決定。相狀決定。名為相印。此二教  
名印。印。一菩薩故

經何等為二。至悟入相印 贊曰。此顯有二。  
初徵。後顯。此初也。一受綺詞理隨曲直。二於  
深法隨性相即所樂等。為相印體。入者證解。  
經若諸菩薩久學菩薩 贊曰。此釋有二。  
初文可知。受。文不受理。故。第二菩薩於無難  
染無執著等。即是深法。於此無畏。聞已信解。  
乃至修行。由此便得出世淨信。名久。字者。  
若不久學。畢竟不能信樂此故

經。慧氏當知至甚深法忍 贊曰。下陳失相。  
有二。次第明前二菩薩故。初又有三。初標。次  
顯。後結。此初也。法忍。初地於諸教法所得  
智忍。由四緣故。初學菩薩。不得初地  
經何等為四。至從何而至 贊曰。下顯有二。  
初徵。後顯。顯中分二。初二於法。後二於人。  
此初也。一於未聞能生二事。一驚怖疑。心不  
隨喜。故生違背。二設聞已。背處誹謗。對前輕  
毀。言非。我昔所聞。從何處來。從無來由。以  
生謗毀

經三者見有至誹謗 贊曰。此二於人。一見  
信此人。不樂親近。不樂恭敬。不樂禮拜。二於  
信此人。後時身輕慢。心增嫉。語對前毀辱。背  
處誹謗。舊經今四以為二門。法人同故

經由是四緣至甚深法忍 贊曰。此結也  
經慈氏當知至無生法忍 贊曰。下文亦三。  
此初標也。無生法忍相續得者。在於八地。前  
說新學不得初地。此說有學不得八地。或亦  
不得初地

經何等為四。至受教誠 贊曰。下顯有二。  
初徵。後顯。初二於人。後二於法。一輕新學。  
二於新學。不樂攝受以為子。又不樂告誨示  
其學處。不樂教授與其善法。不樂教誨勸勿  
造惡。由此二緣。令新學者無所進修。舊云而  
不教誨。即第二也

經三者甚深至清淨法施 贊曰。下二於法。  
廣大學處菩薩戒。甚深者。攝大乘說。菩薩行  
殺生等十業。而無有罪。生無量福。速證菩提  
等。廣大有四。一種種無量學處。二無量福  
德。大三利生意樂大。四建立菩提大。皆如彼  
說。或甚深者。難測量故。廣大者。體用弘博  
故。一於此法不深敬重。難敬而輕。二樂財施  
不樂法施。見現利樂。非後利故。舊經無後二。  
亦無結文

經由是四緣至無生法忍 贊曰。此結也  
經慈氏菩薩至甚為微妙 贊曰。自下第二彌  
勒讚受。有三。初讚。次受。後結。此讚也。希有  
者難聞。微妙者難入

經如佛所示至究竟遠離 贊曰。下受有二。  
初受德失相。後受前付屬。此初也。所說新文。  
菩薩過失。謙虛讓德。不敢自受。云是過失我  
當遠離。顯自居因。未至果位。至果可盡。故言  
當離

經如來所有至令不隱滅 贊曰。下受前付  
屬。有二。初受法。後受人。此初也。謹此大法。  
今不沒故。有人流通法。便行故

經若未來世至廣為他說 贊曰。此受付人。  
有求大乘真法器者。我令手得如是經典。及  
與念力。令於此經受持。乃至廣為他說。故  
今。乎得信解廣說。皆是彌勒與念力也  
經世尊後世至住持加護 贊曰。此結。成前  
受及與力

經世尊告曰至如是正法 贊曰。此文第三世  
宣稱讚。三業不背。名為隨喜。攝受領納。權  
護住持。極善妙也  
經爾時會中至廣宜流布 贊曰。第二大段菩  
薩請持。有二。初護法。後護人。此初也。佛在  
威神自能加護。故滅度後。我當護持。此方任  
運護持。他界亦來擁衛

經若善男子至令無障礙 贊曰。此護人也。  
一與念力。令記法不忘。二令無障礙廣流  
布  
經時此眾中至此法門者 贊曰。第三大段天  
王擁護。有二。初明擁護。後明近遠。此初也。  
一護法。二護人。法門者。法者假者故  
經於四方面至得其便者 贊曰。此明近遠  
瞻緒那者。舊云由旬。准俱舍論。五百弓為一  
俱盧舍。二里也。八俱盧舍一瞻緒那。十六里  
也。古有相傳。或以四百里。為一瞻緒那。此亦  
無失。百由旬內。令其安隱。天魔外道災障衰  
厄不能為障。亦無惡人伺得其便。除業決定  
經爾時世尊至令其流布 贊曰。上付囑苦

①經二維②慈氏當知③一三二④文二久⑤字二學⑥經二慈⑦[我]一⑧[所]一⑨受二授⑩又二支  
⑪說二戒⑫弘二加⑬[今]一⑭乎二手⑮權二兼

薩。兼法。界兼人。下付聲聞。非人。唯法。有二。一付。二受。此初也。

經阿難陀曰。至如是法門。贊曰。二受也。

經世尊如是。至我云何持。贊曰。下品第二段。

問名持法。有二。一問。二告。此問也。一問名。字。二問持法。

經世尊告曰。至應如是持。贊曰。此告也。總告一名而受。即是持法。不可思議者。超言情之量也。自在者。任運也。神變者。通果妙用。轉換無方。無而歛有也。解脫者。無漏定果。解脫定障。故名解脫。或復定果。名自在神變。真如離繫。名為解脫。法門者。能詮教也。教法能顯所詮義也。應如是持。勸其修學。令領受也。經時薄伽梵。至信受奉行。贊曰。品第三段。勝利既訖。歡喜流通。道從無悔。離憂苦起。所以歡喜。順而心淨。願而在情。依而傳習。故言信受奉行而行之。

說無垢經。贊卷第六

基以咸亨三年十二月二十七日。曾不披讀古德章疏。遂被并州大原縣平等寺。諸德迫講舊經。乃同講次。制作此文。以贊玄旨。夜制朝講。隨時。遂怠。曾未覆問。又以五年七月。遊至幽明。蘇地。更講舊經。方得重覽。文雖疎而義蜜。詞雖淺而理深。但以時序忽迫。不果周委。言。今經文不同之處。略并叙之。諸德幸留心而覽也。保安二年閏五月興福寺陽信披讀終。

了碩師遊京師得知足坊清慶本或全備或殘闕予所寫者是也更對校原本間以已見正其誤寫至疑者闕焉得善本者正之幸而已

享保辛亥年八月二十四日

緣山羽由翼 真徵

此書先年馳他筆雖已繕寫之而未會拜讀此歲三月以來積聚稍閒是以謹拜覽焉焉魯魚是圓展轉傳寫

茲時天保第七丙申四月朔日依自珍師之命書寫之畢

湖中沙門 覺城